


Thai Phum Holy Bible



The Holy Bible in the Thaiphum Chin language of Myanmar

Thai Phum Holy Bible

The Holy Bible in the Thaiphum Chin language of Myanmar

Copyright © 2020 Batupuei Christian Fellowship

Language: Thai Phum (Chin, Thaiphum)

Translation by: Batupuei Christian Fellowship

copyright only valid in Myanmar; Public Domain elsewhere

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners. Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2024-05-01

PDF generated using Haiola and XeLaTeX on 25 Aug 2024 from source files dated 8 May 2024
84c7fe95-3b68-5ab6-b17e-a642d33ac078

Contents

KAMTAWNGNAE	1
TACONAE	76
BAWKNAE	140
MILU PAREINAE	183
KALAWK BOUT POENAE	245
JOSHUA	298
LAWKCENKUNG	334
RUTH	370
1 SAMUEL	375
2 SAMUEL	422
1SIANGPAHRANG	461
2 SIANGPAHRANG	508
SETOUKNAE	552
2 SETOUKNAE	595
EZRA	645
NEHEMIAH	660
ESTA	681
JOB	692
SAM	742
CINGTHUILAWKNAW	876
PHUNGDEIKUNG	918
SOLOMON LA	931
ISAIAH	941
JEREMIAH	1021
KHUINAE	1105
EZEKIEL	1113
DANIEL	1188
HOSI	1210
JOEL	1222
AMOS	1227
OBADIAH	1236
JONAH	1238
MIKAH	1241
NAHUM	1248
HABAKKUK	1251
ZEPHANIAH	1255
HAGGAI	1259
ZEKHARIAH	1262
MALAKHI	1275
MATTHAI	1279
MARK	1336
Luk	1372
JAWHAN	1433

GUNCEI	1477
ROM	1533
1 KAWRIN	1557
2 KAWRIN	1580
GALATI	1596
EFISA	1605
FILIPPI	1613
KOLOSA	1619
1 THESALON	1625
2 THESALON	1631
1 TIMOTE	1634
2 TIMOTE	1641
TITU	1646
FILIMON	1649
HEBRU	1651
JEM	1669
1 PITER	1676
2 PITER	1683
1 JAWHAN	1687
2 JAWHAN	1694
3 JAWHAN	1695
JUDAH	1696
PAPHOLAWK	1698

KAMTAWNGNAE (Genesis)

Sak kamtawngnae

¹ Apuengcue vah, Cathut ni kalvan hoi talai a sak.

² Talai teh meilam tawn hoeh. Ahrawng lah doeh ao. Hmonae ni kadung poung e hmuen a ramuk. Cathut e Muitha teh tui van a kâroe.

Hnin taruk touh hoi saknae

³ Cathut ni angnae awm seh ati teh angnae teh ao.

⁴ Angnae teh Cathut ni a khet navah ahawi ati teh, Cathut ni angnae teh hmonae dawk hoi a kapek.

⁵ Cathut ni angnae hah khodai telah a phung, hmonae hah karum telah a phung. Hottelah, tangmin hoi amom teh apasuek hnin lah ao.

⁶ Hahoi Cathut ni, tui lungui lathueng awmseh, tui hoi tui kâkapek seh telah ati.

⁷ Hottelah Cathut ni lathueng a sak teh, lathueng lah kaawm e tui hoi lathueng rahim lah kaawm e tui hah a kapek teh hottelah ao awh.

⁸ Cathut ni lathueng teh kalvan telah a phung. Hottelah tangmin hoi amom teh apâhni hnin lah ao.

⁹ Hahoi Cathut ni kalvan rahim kaawm e tui hmuen buet touh koe awm seh. Kaphui e talai kamnuek seh ati e patetlah ao.

¹⁰ Cathut ni kaphui e talai hah talai telah ati teh, tuikamuemnae teh tuiptui telah a phung. Cathut ni a khet navah ahawi telah ati.

¹¹ Hahoi Cathut ni hettelah ati, talai ni pho, cati ka tâcawt sak e cakung, a paw ka paw e thingkung, amamouh a coung e patetlah atimu katâcawtkhai e naw hah paw naseh ati e patetlah ao awh.

¹² Talai ni pho, cati ka tâcawt sak e cakung, ati ka tawn ni teh a paw ka paw e thingkungnaw a pâw sak. Hotnaw hah Cathut ni a khet navah ahawi telah ati.

¹³ Hottelah tangmin hoi amom teh apâthum hnin lah ao.

¹⁴ Hahoi Cathut ni karum dawk hoi khodai kapek nahanelah, kalvan e lathueng dawk angnae awm seh, mitnoutnae tue, hnin hoi kumnaw awmseh.

¹⁵ Kalvan e lathueng dawk, talai angnae ka poe hanelah, angnae awmseh telah ati e patetlah ao.

¹⁶ Hahoi Cathut ni angnae kalen kahni touh a sak teh, khodai ka uk hanelah kalen e buet touh, karum ka uk hanelah kathoenge buet touh hoi âsinaw a sak.

¹⁷ Cathut ni talai dawk ang sak hanelah thoseh, khodai hoi karum ka uk hanelah thoseh, hmonae dawk hoi angnae kapek hanelah thoseh, kalvan e lathueng dawk a hruek.

¹⁸ Hote hah Cathut ni a khet navah, ahawi telah ati.

¹⁹ Hottelah tangmin hoi amom teh apali hnin lah ao.

²⁰ Hahoi, Cathut ni kahring ni teh kâroe e saring, tui ni pungdaw sak naseh. Tavanaw hai kalvan e lathueng dawk kamleng naseh telah ati.

²¹ Hahoi, Cathut ni tuiptui dawk e saring kalenpoungnaw, kahring ni teh kâroe e saringnaw tui ni amamouh coungnae patetlah lengkaleng a pungdaw sak teh, rathei ka tawn e tavanaw hai amamouh coungnae

patetlah lengkaleng a sak. Hote hah Cathut ni a khet navah ahawi telah ati.

²² Cathut ni hote saringnaw hah yawhawi a poe teh, moikapap pungdaw aw h nateh, tuipei tuinaw daw kawi sak aw h. Tavanaw hai talai daw k pungdaw aw h telah ati.

²³ Hottelah tangmin hoi amom teh apanga hnin lah ao.

²⁴ Hahoi Cathut ni saring hoi moithangnaw, vonpui hoi kâva e moithangnaw talí ni pungdaw sak seh telah ati e patetlah ao.

²⁵ Hottelah Cathut ni moithangnaw, saringnaw, vonpui hoi kâva e moithang pueng teh a sak. Hote hah Cathut ni a khet navah ahawi telah ati.

²⁶ Hahoi Cathut ni, mamae mei hoi kâvan lah, meikalat lah tami sak aw h sei. Ahni ni tuipei daw k e tanganaw, kalvan e tavanaw, talai daw k e saring pueng hoi, vonpui hoi kâva e saring pueng e lathueng kâ tawn seh telah ati.

²⁷ Hottelah Cathut ni amae mei hoi kâvan lah, amae meikalat lah tongpa hoi napui hah a sak.

²⁸ Hahoi ahnimouh roi hah Cathut ni yawhawinae a poe teh, Cathut ni ahnimouh roi koe, canaw moikapap khe nateh pungdaw aw h. Talai daw k kawi aw h nateh, tâ aw h loe. Tuipei daw k e tanganaw, kalvan e tavanaw, talai daw k vonpui hoi kâva e moithang pueng koe kâ tawn aw h telah ati.

²⁹ Hahoi Cathut ni khenhaw! talai daw k cati ka tâcawt sak e cakung aphunphun, a paw daw k a mu kaawm e thingkung pueng, na ca aw h hanelah kai ni na poe.

³⁰ Hahoi, talai e moithang, kalvan e tava, hoi kahring niteh, talai daw k vonpui hoi kâva e moithang pueng ni a ca hanelah, pho kahring aphunphun ka poe telah ati e patetlah ao.

³¹ Hahoi, Cathut ni a sak e pueng a khet navah, ahawipoung telah ati. Hottelah tangmin hoi amom teh ataruk hnin lah ao.

2

Asari hnin Cathut a kâhat

¹ Hottelah kalvan hoi talai, a thung kaawm e pueng teh koung a cum.

² Hahoi, a cum e thaw hah asari hnin daw k Cathut ni a pâpout. Hahoi, thaw pueng a cum daw kvah, asari hnin a kâhat.

Tongpa hoi Napui saknae

³ Hottelah, Cathut ni asari hnin hah yawhawi a poe teh a thounsak. Bangkongtetpawiteh, a sak e hnopueng koung a cum toung daw kvah, hote hnin daw k a kâhat.

⁴ Hetenaw teh kalvan hoi talai a saknae hnin navah,

⁵ talai daw k phokung pâw hoehnahlan, law daw k patue e hai a pâw hoehnahlan, BAWIPA Cathut ni talai van khorak sak hoeh rah. Talai daw k ka taw k hane tami hai aw m hoeh rah.

⁶ Hatei, talai daw k hoi tui kahú a tâco sak teh, talai pueng a duk sak.

⁷ Hahoi, BAWIPA Cathut ni talai daw k e vaiphu hoi tami a sak teh, hringnae kâha a hnawng daw k hoi a poe hnukkhu tami teh kahring e tami lah a kangcoung.

⁸ Hahoi BAWIPA Cathut ni kanîtholah, Eden hmuen daw kvah, takha buet touh a sak teh, a sak e tami hah hawvah a hruék.

⁹ Hote talai dawk a meikahawi niteh, cakawi thingkung aphunphun a pâw sak. Takha lungui vah, hringnae thingkung hoi thoe hoi hawi panuenaeh thingkung hai a pâw sak.

¹⁰ Takha kaduksak hanelah, Eden hoi tui buet touh a lawng teh, takha lawilah hoi pali touh lah a kampek teh tui sei pali touh lah a coung.

¹¹ Hapasueke tui min teh Pishon. Sui onae Havilah ram pueng, kâkalup lah a lawng.

¹² Hote ram dawk e sui teh, ahawi. Hote hmuen koe Dellium hoi Onyx talung aphu kaawm e hai ao.

¹³ Apâhni e tui min teh Gihon. Kush ram kâkalup lah a lawng.

¹⁴ Hahoi apâthum e tui min teh Khiddekel. Assiria ram kanîtholah a lawng teh, apali e tui min teh Euphrates.

¹⁵ BAWIPA Cathut ni tami a la teh, Eden takha dawk thaw tawk hane hoi khetyawt hanelah a hruek.

¹⁶ Hahoi, BAWIPA Cathut ni tami koe kâ a poe e teh, thoe hoi hawi panuenaeh thingkung hloilah, hote takha dawk kaawm e thingpaw pueng teh, na ca thai.

¹⁷ Hatei, thoe hoi hawi panuenaeh thingpaw teh na cat mahoe. Na cat pawiteh, na ca hnin na due roeroe han atipouh.

¹⁸ Hahoi, BAWIPA Cathut ni tongpa teh amadueng ao e hawihoe a titeh, kabawmkung kahawi ka sak pouh han ati.

¹⁹ BAWIPA Cathut ni talai a la teh, talai van e saring pueng hoi kalvan e tava pueng a sak hnukkhu, min phung hanelah, Adam koe a thokhai. Adam ni hai a thokhai e saring pueng min a phung e patetlah min lengkaleng a tawn awh.

²⁰ Hottelah, saringpueng, kalvan e tava pueng, moithang pueng Adam ni min a phung. Hatei, Adam kabawmkung kahawi awh hoe. Rah.

²¹ Hatdawkvah, BAWIPA Cathut ni Adam mat a i sak teh, a i lahun nah a nâhru buet touh a rayu pouh teh, a tak hoi bout a pâbing pouh.

²² Hahoi, BAWIPA Cathut ni tongpa dawkh hoi a rayu e a nâhru hoi napui a sak teh, tongpa koe a thokhai.

²³ Hahoi, Adam ni hethateh, ka hru thung e ka hru, ka tak thung e ka tak doeh. Tongpa thung e rayu e lah ao dawkvah, napui telah phung hanelah ao ati.

²⁴ Hatdawkvah, tongpa ni manu hoi na pa a ceitakhai han. Hathnukkhu, a yu hoi a kâpahlawm vaiteh, takthai buet touh lah a coung han.

²⁵ Tongpa hoi a yu teh, caici lah ao roi eiteh, kayanae tawn roi hoe.

3

Rawpnae

¹ BAWIPA ni a sak e moithang pueng hlak tahrin teh huenghai kaawm poung e lah ao dawkvah, napui koe nangmouh roi ni takha dawkh e thingpaw pueng cat hanh telah Cathut ni ati katang maw telah a pacei.

² Napui ni tahrin koe vah, takha dawkh kaawm e thingpaw nah teh na ca thai.

³ Hatei, takha lungui kaawm e thingpaw teh na cat mahoe. Tek hai na tek mahoe. Hoehpawiteh, na due han telah Cathut ni ati telah atipouh.

⁴ Tahrin ni napui koe, khoeroe na dout mahoe.

⁵ Bangkongtetpawiteh, a paw na ca hnin vah, na mit ang roi vaiteh, thoe hoi hawi na panue roi han. Cathut boiboe lah na o roi han tie ama Cathut ni a panue dawkh doeh telah atipouh.

⁶ Hote thingkung teh cakawi kahawi e lah, mitkhet kantang e lah, tami lungkaangsakkung a paw lah a hmu dawkvah, a la teh a ca. Hahoi ateng kaawm e a vâ hai a poe teh a ca.

⁷ Hathnukkuh, ahnimouh roi teh, a mit ang roi toung dawkvah, caici lah ao roi e hah a kâpanue roi. Hatdawkvah, thai hna a khui roi teh, a khohna roi.

⁸ Hot hnin tangmin lah, takha dawk BAWIPA Cathut a tho e pawlawk ahnimouh roi yuvâ ni a thai navah, BAWIPA Cathut e hmaitung hoi hlout nahanelah takha thung e thingkung rahak a kâhro roi.

⁹ Hatei, BAWIPA Cathut ni Adam a kaw teh, nâmwaw na o atipouh.

¹⁰ Tongpa ni, takha thung na lawk ka thai teh, caici lah ka o dawk ka taki teh ka kâhro telah atipouh.

¹¹ BAWIPA ni, apinimaw nang caici lah na o e hah a dei. Cat hanh ka tie thingpaw hah na ca toung maw telah a pacei.

¹² Tongpa ni nang ni na poe e napui ni thingpaw na poe teh ka ca atipouh.

¹³ BAWIPA Cathut ni, napui koevah, hete hno heh bangkong maw na sak telah a pacei navah, napui ni, tahrn ni na dum teh ka ca telah atipouh.

¹⁴ BAWIPA Cathut ni tahrn koevah, hete hno na sak dawkvah, saring hoi moithang pueng hlakvah, thoebo lah na o han. Na vonpui hoi na thawn vaiteh, na hring nathing vaipuh na ca han.

¹⁵ Nang hoi napui rahak, nang e catoun hoi napui e catoun rahak kai ni kâtarannae ka hruek han. Ahni ni na lû a phawm vaiteh, nang ni ahnie a khokpaimai na phawm pouh han telah atipouh.

¹⁶ Napui koevah, camo na vawn navah patawnae ka pung sak vaiteh, na khe nah patawnae na khang han. Na ngainae teh na vâ hanelah ao vaiteh, na vâ ni na uk han.

¹⁷ Adam koevah, na yu e lawk na tarawi teh, cat hanh telah kai ni kâ na poe e thingpaw na ca dawkvah, talai teh nang kecu dawk thoebo lah ao. Tha pataw laihoi na hringyung thung na tawk vaiteh, na ca han.

¹⁸ Pâkhingnaw hoi pâkhingkungnaw ka pâw sak vaiteh, law dawk hoi ka tâcawt e apawhik na ca han.

¹⁹ Na tâconae talai lah bout na ban hoehroukrak, na minhmai dawk hoi lahuntu tâco laihoi na ca han. Bangkongtetpawiteh, nang teh vaipuh e lah na o dawkvah, vaipuh lah bout na ban han telah atipouh.

²⁰ Hahoi, Adam ni amae yu hah Evi telah min a phung. Bangkongtetpawiteh, ahni teh kahring pueng e a manu lah ao dawk doeh.

²¹ BAWIPA Cathut ni Adam hoi a yu hanlah phauvuen angkidung a sak pouh teh, a khohna sak.

²² Hahoi, BAWIPA Cathut ni tami teh, maimouh thung dawk e buetbuet touh hoi a kâvan toung dawkvah, thoe hoi hawi a panue toe. Atuteh, yungyoe hringnae coe hanelah a kut a kâyap vaiteh hringnae thingpaw khi vaiteh, a cakawi nahoeh toe telah ati.

²³ Hatdawkvah, BAWIPA Cathut ni tami teh ama a tâconae talai dawk thaw tawk hanelah Eden takha thung hoi a pâlei.

²⁴ Hottelah, tami hah a pâlei hnukkuh, avoivang kamrit thai e tahloi hoi Cherubim hah, hringnae thingkung lamthung ka ring hanelah, Eden takha kanitholah a hruek.

¹ Adam ni a yu Evi a panue teh, camo a vawn. Capa a khe teh, BAWIPA ni na kabawp daw k ca tongpa ka khe ati teh, Kain telah min a phung.

² Hahoi, a nawnggha Abel bout a khe. Abel teh tu kakhoum kung lah ao teh, Kain teh law kasakkung lah ao.

³ Atueng akuiep torei teh, Kain ni amae law thung e a pawhiknaw hah BAWIPA koe a sin.

⁴ Abel ni hai tu pasuek ka khe e hoi, kathâwnaw a sin. Hatdawkvah, BAWIPA ni Abel hoi a sin e hno teh a dâw pouh.

⁵ Hatei Kain hoi a sin e hno teh dâw pouh hoeh. Hatdawkvah, Kain teh a lung puenghoi a khuek dawkvah minhmai a mathoe.

⁶ BAWIPA ni Kain koevah, Bangkongmaw na lungkhuek teh minhmai a mathoe.

⁷ Kahawicalah na sak pawiteh ka dâw mahoe h maw. Kahawicalah na sak hoehpawiteh yon thuengnae sathei teh longkha koe a tabo. Ahnie a ngainae teh nange doeh. Hatei nang ni ahni na uk telah atipouh.

⁸ Kain ni a nawnggha Abel koevah law lah cet sei atipouh. Law a pha roi torei teh Kain ni a nawnggha a taran teh a thei.

⁹ Hatdawkvah, BAWIPA ni Kain koe, na maw na nawnggha Abel te, telah a pacei navah, ahni ni ka panuek hoeh, ka nawnggha ka khoum e nahoe telah atipouh.

¹⁰ Hahoi, BAWIPA ni bangmaw na sak na nawnggha e thi ni talai daw k hoi kai koe a hram toe.

¹¹ Na kut hoi na palawng e na nawnggha thi, dâw hanelah apâhni ka ang e talai daw k hoi nang teh atu thoebo lah na o toe.

¹² Talai daw k thaw na taw k navah a thaonae nang koe tâcaw t mahoe h toe. Nang teh talai vah, ka yawng e tami hoi ka kâva a e tami lah na o han telah atipouh.

¹³ Kain ni BAWIPA koevah, reknae ka hmu e heh ka phu thai e h lak a lenhnawn.

¹⁴ Sahnin teh talai hoi na pâlei toe ti ka panue. Na hmaitung hoi hro lah ka o toe. Talai van vah ka yawng e hoi yuengyoe kâva e tami lah kaawm vaiteh, ka hmaw t e pueng ni na thei han doeh telah atipouh.

¹⁵ Hatei, BAWIPA ni Kain koe nang ka thet e pueng teh let sari touh hoi a moi ka pathung han atipouh. Hahoi, BAWIPA ni Kain ka hmaw t e tami, buet touh ni hai a thei hoeh nahanlah ahni daw k noutnae a ta pouh.

¹⁶ Hathnukkhu, Kain teh BAWIPA e hmaitung hoi a tâco teh, Eden kanîtholah, Nod ram daw k kho a sak.

¹⁷ Kain ni a yu a panue teh, camo a vawn teh Enok a khe. Kho a thawng teh a capa min lah Enok kho telah min a poe.

¹⁸ Hahoi Enok ni Irad a khe. Irad ni Mehujael a khe. Mehujael ni Methushael a khe. Methushael ni Lamek a khe.

¹⁹ Hathnukkhu, Lamek ni a yu kahni touh a la teh, apasueke min teh Adah, apâhni e min teh Zillah doeh.

²⁰ Adah ni Jabal a khe. Ahni teh rimnaw daw k kho ka sak e lah ao teh saringnaw kapacakung e na pa lah ao.

²¹ A nawnggha e min teh Jubal. Ahni teh ratoung hoi vovitnaw ka pâtu e na pa lah ao.

²² Zillah ni hai Tubal-kain a khe. Ahni teh rahum hoi sum ka dei pueng e na pa lah ao. Naamah teh Tubal-kain e tawncanu lah ao.

²³ Hahoi, Lamek ni a yu roi Adah hoi Zillah koevah, ka law k thai roi haw, patawnae na poe dawkvah tongpa buet touh ka thei. Na pacekpahlek dawkvah, thoundoun buet touh ka thei toe.

²⁴ Kain ni let sari touh e moipathungnae khang pawiteh, Lamek ni teh a let 70 touh hoi a khang han.

²⁵ Hahoi, Adam ni a yu bout a panue teh, ca tongpa a khe. Seth telah min a phung. Bangkongtetpawiteh, Kain ni Abel a thei dawkvah Cathut ni alouke cati bout na poe telah ati.

²⁶ Seth ni hai capa a khe teh Enosh telah min a phung. Hahoi tami ni Jehovah min kaw han a kamtawng awi.

5

Adam imthung

¹ Adam catounnaw cauk teh a rahim lae patetlah doeh. Cathut ni tami a sak navah amae meikalat lah a sak.

² Tongpa hoi napui a sak teh yawhawinae a poe. A sak hnin ahnimouh roi teh tami telah min a phung.

³ Adam teh kum 130 touh a pha navah, ama hoi kâlat e ama hoi mei kâvan e ca tongpa a khe teh Seth telah min a phung.

⁴ Seth a khe hnukkhu, Adam teh kum 800 touh a hring teh ca tongpanaw hoi napuinaw hai bout a khe.

⁵ Adam teh kum 930 touh akuap navah a due.

⁶ Seth teh kum 105 touh a pha navah Enosh a khe.

⁷ Enosh a khe hnukkhu Seth teh kum 807 touh a hring teh ca tongpanaw hoi napuinaw bout a khe.

⁸ Seth teh a kum 912 touh akuap navah a due.

⁹ Enosh teh kum 90 touh a pha navah Kenan a khe.

¹⁰ Kenan a khe hnukkhu, Enosh teh kum 815 touh a hring teh ca tongpanaw hoi napuinaw khe.

¹¹ Enosh teh kum 905 touh a hring teh a due.

¹² Kenan teh kum 70 touh a pha navah Mahalalel a khe.

¹³ Mahalalel a khe hnukkhu, Kenan teh kum 840 touh a hring teh ca tongpanaw hoi napuinaw bout a khe.

¹⁴ Kenan teh kum 910 touh a hring teh a due.

¹⁵ Mahalalel teh kum 65 touh a pha navah Jared a khe.

¹⁶ Jared a khe hnukkhu, Mahalalel teh kum 830 touh a hring teh ca tongpanaw hoi napuinaw bout a khe.

¹⁷ Mahalalel teh kum 895 touh a hring teh a due.

¹⁸ Jared teh kum 162 touh a pha navah Enok a khe.

¹⁹ Enok a khe hnukkhu Jared teh kum 800 touh a hring teh ca tongpanaw hoi napuinaw bout a khe.

²⁰ Jared teh kum 962 touh a hring teh a due.

²¹ Enok teh kum 65 touh a pha navah Methuselah a khe.

²² Methuselah a khe hnukkhu Enok teh kum 300 touh thung Cathut hoi rei a ceio teh, ca tongpanaw hoi napuinaw bout a khe.

²³ Enok teh kum 365 touh a hring.

²⁴ Enok teh Cathut hoi cungtalah a ceio teh bout awmhoeh toe. Bangkongtetpawiteh, Cathut ni a la toe.

²⁵ Methuselah teh kum 187 touh a pha nah Lamek a khe.

²⁶ Lamek a khe hnukkhu Methuselah teh kum 782 touh a hring teh ca tongpanaw hoi napuinaw bout a khe.

²⁷ Methuselah teh kum 969 touh a hring teh a due.

²⁸ Lamek teh kum 182 touh a pha navah ca tongpa a khe.

²⁹ BAWIPA ni thoebonae talai dawk kut hoi thaw tawk awh teh, patang khangnae dawk hoi lung na pahawi han ati teh, Noah telah min a phung.

³⁰ Noah a khe hnukkhu Lamek teh kum 595 touh a hring teh ca tongpanaw hoi napuinaw bout a khe.

³¹ Lamek teh kum 777 touh a hring teh a due.

³² Noah teh kum 500 touh a pha nah Shem, Ham hoi Japheth a khe.

6

Talai van rawknae a pung

¹ Talai vah tami pungdaw a kamtawng navah, canunaw a khe awh teh,

² Cathut e capanaw ni tami e canunaw a meihawi e a hmu navah a ngai e patetlah a rawi awh teh, a paluen awh.

³ Hat terei teh, BAWIPA ni ka muitha teh taminaw koe yungyoe kaawm sak mahoe hoi. Bangkongtetpawiteh, tami teh tak lah ao dawkvah, atu hoi teh tami e a hringnae teh kum 120 touh han toe telah ati.

⁴ Hatnae tueng dawk Nephilimnaw teh talai van ao awh. Hathnukkhu, Cathut e capanaw ni tami e canunaw a yonkhai awh teh, ahnimouh hanelah canaw a khe awh. Hote taminaw teh ayan e tueng dawk Athakasaipoung hoi min kamthang e naw lah ao awh.

⁵ BAWIPA ni talai van dawk tami e thoenae a len e hoi lungpouk pueng pou a payon toe tie a hmu.

⁶ Hahoi BAWIPA ni talai van tami a sak e hah a lungmathoe teh a lung caca a pataw.

⁷ Hatdawkvah, BAWIPA ni ka sak e tami teh talai dawk hoi ka takhoe han toe. Tami hai, saring hai, vonpui hoi kâvanaw hoi kalvannaw dawk e tavanaw hai, ahnimanaw ka sak e dawk ka lung caca a pataw telah ati.

⁸ Hatei Noah teh BAWIPA lungyouk e tami lah ao.

Noah ni Cathut a lunghawi sak

⁹ Hethateh, Noah e catounnaw doeh. Noah teh tamikalan, a mipun dawk toun han kaawm hoe hoi e tami lah ao. Cathut hoi cungalalah a ceio.

¹⁰ Noah ni Shem, Ham, hoi Japheth, ca tongpa kathum touh a khe.

¹¹ Hat navah, talai teh Cathut hmalah karawk e lah ao. Talai teh yonnae hoi akawi.

¹² Cathut ni talai a khet navah, karawk e lah ao e hah a hmu. Bangkongtetpawiteh, talai van e tami pueng e takthai lamthung teh koug a ro toe.

¹³ Hatdawkvah, Cathut ni Noah koevah takthai pueng e a poutnae teh ka hmaitung a kamnuetoe. Ahnimouh kecu dawk talai teh yonnae hoi akawi toe. Talai hoi cungalalah ahnimanaw teh ka raphoe katang han toe.

¹⁴ Gopher thing hoi nama hanelah, long sak leih. Athung haiyah rakhannaw sak nateh, athung, avan petkâkalup lah thingtapi hoi kanan sin haw.

¹⁵ Hote long teh asaw e dong 300, akaw e dong 50, a rasang dong 30 touh a pha han.

¹⁶ Long lempu na sak vaiteh, a lathueng lahoi dong touh kakaw lah hlangaw na sak vaiteh, tapang koe lah tho na sak han. Apasuekpoung, apâhni hoi apâthum telah coung thum touh lah na sak han.

¹⁷ Kahring e saring pueng, kalvan rahim hoi ka raphoe hanelah, talai van tuikamuem ka tho sak vaiteh, talai van kaawm pueng koug a due awh han.

¹⁸ Nang koe ka lawkkam ka caksak han. Nama hoi capanaw na yu hoi langanaw teh long thung na kâen aw h han.

¹⁹ Hahoi ka hring e saring pueng thung e anapui hoi anotongpa kahni touh hring sak hanelah, nang hoi cungtalah long thung na kâen sak han.

²⁰ Tava dawk hai amae aphun lah, saring dawk hai amae aphun lah, vonpui hoi kâva e dawk hai amae aphun lah, aphun tangkuem dawk e kahni touh hring sak hanelah nang koe a tho aw h han.

²¹ Hahoi nama ni na ca hane hoi saringnaw ni a ca hanelah, cakawi rawca aphunphun na la vaiteh, na pâkhueng han telah atipouh.

²² Cathut ni kâ a poe e patetlah Noah ni koug a sak.

7

Long thung a kâen aw h

¹ Hathnukkhu vah, BAWIPA ni Noah koe bout a dei pouh e teh, atu e taminaw thung dawk nang teh ka hmalah tamikalan lah na o e ka panue dawkvah, na imthungkhu abuemlahoi long thung kâen aw h.

² Kathounge saring dawk e anotongpa hoi anapui phun sari, kathounghoehe saring dawk e anotongpa hoi anapui phun hni touh,

³ kalvan e tava thung dawk e hai anotongpa hoi anapui phun sari touh telah lengkaleng talai van dawk hoi hlout sak hanelah, nama koe na thokhai han.

⁴ Bangkongtetpawiteh, atu hoi kamtawng vaiteh hnin sari touh akuep navah, hnin 40 touh hoi a rum 40 touh thung kho ka rak sak vaiteh, ka sak e kahring e pueng koug ka raphoe han.

⁵ BAWIPA ni kâ a poe e patetlah Noah ni a sak.

⁶ Talai van dawk tuikamuem a tho navah, Noah teh kum 600 touh a pha.

⁷ Tuikamuem kecu dawk, Noah hoi a capanaw, a yu hoi a langanaw teh a hlout nahanelah long thung a kâen aw h.

⁸ Cathut ni Noah koe kâ a poe e patetlah kathounge saringnaw hoi kathounghoehe saringnaw tavanaw hoi vonpui hoi kâva e saringnaw dawk e,

⁹ a napui hoi a na tongpanaw teh Noah hoi cungtalah long thung a kâen aw h.

¹⁰ Hnin sari touh akuep hnukkhu hoi tuikamuem teh talai van a tho.

¹¹ Noah a kum 600 nae kum, thapa ayung pahni, hnin 17 nah, kadung poung e tuikhu pueng a kamawng teh kalvannaw dawk e hlalangaw pueng hai a kamawng.

¹² Hathnukkhu, hnin 40 touh hoi rum 40 touh talai van vah kho a rak.

¹³ Hote hnin dawk Noah hoi a capanaw, Shem, Ham, hoi Japheth, Noah e a yu hoi a langanaw teh long thung a kâen aw h.

¹⁴ Ahnimouh hoi saring phun, sarang phun, talai dawk kâva e pueng dawk e phun, kamleng e tava phun, rathei ka tawn e pueng dawk e phun, a yuvâ lahoi long thung a kâen aw h.

¹⁵ Hringnae kâha ka tawn e pueng a yuvâ lahoi long thung Noah koe a kâen aw h.

¹⁶ Hottelah Cathut ni lawk a thui e patetlah saring thung dawk e anotongpa hoi anapui a kâen sak teh, BAWIPA ni Noah teh athung vah tho a khan sin.

¹⁷ Tuikamuem teh talai van hnin 40 touh thung a kamuem. Tui hoehoe a len teh talai dawk hoi long teh a kâtakhoe teh a tawm.

¹⁸ Talai van tui hoehoe a len teh, long teh tui van lah hoehoe a kâtawm.

¹⁹ Hahoi, tui teh talai van dawk a tha hoehoe ao teh, kalvan rahim kaawm e mon ka rasang pueng koug a muem.

²⁰ Tui ni a muem e monnaw e a lathueng tui teh dong 15 touh arasang.

²¹ Hatdawkvah, talai van ka kâroe e tava, sarang, saring, talai dawk ka kâva e saring pueng hoi tami pueng teh koug a due awh.

²² A oung lah kaawm e pueng hai koug a due.

²³ Hottelah talai van kaawm ni teh hringnae ka tawn e pueng, tami hoi saring, a von hoi ka kâvanaw hoi kalvan e tavanaw koug a thei. Noah hoi cungtalah long thung kaawmnaw dueng doeh kahlout.

²⁴ Hnin 150 touh thung tui teh talai van a kamuem.

8

Noah hloutnae

¹ Hateiteh, Cathut ni Noah hoi cungtalah long thung kaawm e kahring e pueng hoi saring pueng teh pahnim hoeh. Hahoi Cathut ni kahlí a tho sak teh tui a kum sak.

² Ka dungpoung koe e tui kâkhunaw hoi kalvan e hlangawnaw hai a khan teh khorak e a dep sak.

³ Talai van e tui hah, pout laipalah a kum sak teh, hnin 150 touh aloum hnukkhu tui teh a hak.

⁴ Hottelah long teh thapa yung sarinae hnin 17 nah Ararat mon dawk a kâhat.

⁵ Ahraanae thapa totouh tui teh pout laipalah, a kum cathuk. Thapa yung hra, apasuek hnin dawk monsonnaw teh a kamnue .

⁶ Hahoi, hnin 40 touh abaw hnukkhu, Noah ni long dawk e hlangaw a sak e a paawng.

⁷ Vonga buet touh a patoun teh, talai van tui a hak hoehroukrak a voivang lah yuengyoe a kamleng.

⁸ Hahoi talai van e tui a hak toung maw tie panue thai nahanlah âbakhu hah ama koehoi a patoun.

⁹ Hateiteh âbakhu ni a kâhat nahan a hmu hoeh dawkvah, long thung ama koe bout a ban. Bangkongtetpawiteh, tui teh talai van koug a kamuem rah. Noah ni a kut a dâw teh âbakhu a la hnukkhu, long thung ama koe bout a pakhum.

¹⁰ Hnin sari touh bout ao hnukkhu hote âbakhu hah long thung hoi bout a patoun.

¹¹ Tangmin lah âbakhu teh Noah koe bout a ban teh, a pahni hoi ka hringsuep e Olive hna a thokhai teh, Noah ni talai van tui a hak toe tie a panue .

¹² Hnin sari touh bout aloum hnukkhu hote âbakhu, bout a patoun teh ama koe bout ban hoeh toe.

¹³ Kum 601, apasueke thapa apasuek hnin navah, talai van e tui pueng teh koug a hak. Hatdawkvah, Noah ni long ramuknae a hawng teh a khet navah talai van remke e hah a hmu.

¹⁴ Apâhni e thapa, hnin 17 nah, talai teh remphuui toe.

BAWIPA e lawkkam

¹⁵ Hottelah Cathut ni Noah koevah,

¹⁶ Nama hoi na yu, na capanaw hoi na langanaw, long thung hoi tâcawt awh leih.

¹⁷ Nang koe kaawm e moithang, saring pueng, tava pueng, vonpui hoi kâva e pueng, talai van ca a khe vaiteh, pungdaw thai nahanelah, tâcawtkhai leih, telah atipouh.

¹⁸ Hatdawkvah, Noah teh ama koe kaawm e a capanaw hoi a yu, a capanaw hoi a yunaw hoi a tâco awh.

¹⁹ Moithang, saring pueng, a von hoi kâva e pueng, tava phunkuep hoi talai van kâroe e pueng long thung hoi a tâco awh.

²⁰ Hahoi, Noah ni BAWIPA hanelah khoungroe a sak teh, khoungroe dawk hmaisawi thuengnae a sak.

²¹ BAWIPA ni hai hmuittui hmui a thai teh, kai ni taminaw hanelah, talai teh thoe bout ka bo mahoe. Bangkongtetpawiteh, taminaw teh a nawca hoi lungthin pouknae a mathoe. Kai ni atu ka sak e patetlah kahring e pueng ka raphoe mahoe toe.

²² Talai tueng ao nathung, cati patuenae tueng hoi anae tueng, pâdingnae hoi abetnae, kompawi tue hoi kasik tue, khodai karum nâtuek hai ka pout sak mahoe telah ati.

9

Cathut ni Noah koe lawkkamnae a sak

¹ Hottelah Cathut ni Noah hoi a canaw yawhawinae a poe teh, ahnimouh koe, ca moi khe awh, pungdaw awh nateh, talai van kawi awh.

² Talai van moithang, saring phunkuep, kalvan e tava phunkuep, talai van a von hoi kâva e pueng, hoi tui thung e tanga pueng ni nangmouh na taki vaiteh a pâyaw awh han. Hote moithang pueng teh nangmae kut dawk na poe.

³ Kahring ni teh kâroe e pueng nangmouh han rawca lah ao han. Hnopai pueng, anhla kahring pueng totouh na poe awh han.

⁴ Hottelah a moi hah a hringnae a thi hoi hmai na cat awh mahoe.

⁵ Hahoi, nangmae hringnae thi phu teh ka hei han. Tami saring pueng koe ka hei han. Tami tangkuem e hmaunawngghanaw koe, tami e hringnae phu teh ka hei roeroe han.

⁶ Apipatethai tami e thi ka palawng e tami teh tami ni thi palawng lah ao van han. Bangkongtetpawiteh, tami teh Cathut ni amae meikalat lah a sak e doeh.

⁷ Hateiteh, nangmouh teh ca khe awh nateh pungdaw awh. Talai van vah canaw moi khe awh nateh pungdaw awh telah atipouh.

⁸ Cathut ni Noah hoi a capanaw koe bout a dei pouh e teh,

⁹ Nangmouh hoi thoseh, nangmae catoun hoi thoseh,

¹⁰ Nangmouh koe kaawm e kahring e moithang pueng, tava pueng, saring pueng, long thung hoi tâcokhai e saring pueng koe lawkkam ka caksak han.

¹¹ Nangmouh koe lawkkam ka caksak e teh, tuikamuem lahoi nâtuek hai moithang pueng ka raphoe mahoe toe. Talai teh tui hoi ka raphoe mahoe toe telah ati.

¹² Cathut ni kai hoi nang rahak, nang koe kaawm e kâroe ni teh kahring e pueng hoi na catounnaw rahak vah ka sak e lawkkam mitnoutnae doeh.

¹³ Kaie salumpa hah tâmai dawk ka hruek vaiteh, kai hoi talai rahak lawkkam mitnoutnae lah ao han.

¹⁴ Kai ni tâmai ka tabo sak navah, tâmai dawk salumpa a kamnue han.

¹⁵ Kai hoi nang rahak, kahring ni teh kâroe e pueng koe, ka lawkkam e pou ka pouk vaiteh, saring moithang pueng tuikamuem hoi ka raphoe mahoehe toe.

¹⁶ Tâmai dawk salumpa a paham e ka khet vaiteh, Cathut hoi talai van kaawm e kahring e saring moithang pueng rahak vah, yungyoe e lawkkam ka pouk han.

¹⁷ Hahoi Cathut ni Noah koe, hete teh kai hoi talai van kaawm e moithang saring pueng rahak vah, ka caksak e lawkkam mitnoutnae doeh telah atipouh.

Noah hoi a canaw

¹⁸ Long thung hoi a tâco navah Noah e a capanaw teh Shem, Ham, Japheth. Ham teh Kanaan e a na pa lah ao.

¹⁹ Ahnimanaw kathamouh teh Noah e a capanaw lah ao teh, ahnimanaw koehoi talai van taminaw a pungdaw.

²⁰ Noah ni law sak a kamtawng teh, misur takha a sak.

²¹ Misurtui hai a nei dawkvah a parui teh tawngtai lah ao.

²² Kanaan e na pa Ham ni a na pa caici lah ao e a hmu teh alawilah kaawm e a hmaunawngaha kahni touh koe a dei pouh.

²³ Hatei Shem hoi Japheth ni teh hni a la roi teh a loung dawk a thung roi teh, kâhnawn laihoi a na pa e caicinae teh a ramuk pouh roi. Ahnimouh roi teh alawilah a kangvawi roi dawkvah, a na pa caici lah ao e hah hmawt roi hoeh.

²⁴ Noah ni misur parui e a thanguem torei teh a capa cahnoung e ni a sak e a panue.

²⁵ Hatdawkvah, Kanaan teh thoebo lah awm seh. A hmau roi koe san thung dawk e san lah awm seh.

²⁶ Hahoi, Shem e BAWIPA Cathut teh yawhawinae awm seh. Kanaan teh ahni koe san lah awm seh.

²⁷ Cathut ni Japheth teh len nateh rounng seh. Shem e lukkareim dawk awm seh. Kanaan teh ahni koe san lah awm seh telah atipouh.

²⁸ Noah teh tuikamuem a tho hnukkhu kum 350 a hring.

²⁹ Noah e a hringnae teh kum 950 touh a pha teh a due.

10

Noah e catounnaw

¹ Tuikamuem a tho hnukkhu, Noah capa Shem, Ham hoi Japheth koehoi patuen a khe e casaknaw teh a rahim lae patetlah doeh.

² Japheth e capanaw teh Gomer, Magog, Madai, Javan, Tubal, Meshek hoi Tiras.

³ Gomer e capanaw teh, Ashkenaz, Riphath hoi Togarmah.

⁴ Javan e capanaw teh, Elishah, Tarshish, Kittim hoi Dodarim.

⁵ Ahnimanaw teh miphun tangkuem, ram louk hmuennaw hah amamae ram, amamae lawk, amamae imthung lahoi amamae ram dawk lengkaleng kâkapek awah.

⁶ Hahoi, Ham e capanaw teh Kush, Izip, Put hoi Kanaan,

⁷ Kush e capanaw teh Seba, Havilah, Sabtah, Raamah hoi hmaloe pasuek a thakasaipoung e lah ao.

⁸ Hahoi Kush ni Nimrod a khe teh, ahni teh talai van dawk hmaloe pasuek a thakasaipoung e lah ao.

⁹ Ahni teh BAWIPA hmalah thakasaipounge lah ao. Hatdawkvah, BAWIPA hmalah thaonae hoi moikathaipounge Nimrod patetlah ouk ati awh.

¹⁰ A uknaeram a kamtawngnae teh, Babilon, Erek, Akkad hoi Shinar ram e Kalneh.

¹¹ Hote ram koehoi Assiria ram lah a cei teh Nineveh, Rehobothir aka lahoi,

¹² Nineveh hoi Kalah rahak kaawm e Resen khopui kalenpounge kho hmuen hai a thawng.

¹³ Izip e capanaw teh Ludim, Anamim, Lehabim, Naphtuhim,

¹⁴ Pathrusim (philistin hoi Kapthorimnaw a tâconae) hoi Kapthorim,

¹⁵ Kanaan e a camin teh Sidon, hahoi Heth,

¹⁶ hahoi Jebusit tami Amor tami, Girgashite tami,

¹⁷ Hiv tami, Arkit tami, Sin tami,

¹⁸ Arvad tami, Zemarit tami hoi Hamath taminaw hah a khe. Hathnukkhu, Kanaan e ca catounnaw teh a kampek awh.

¹⁹ Kanaannaw e a ramri Sidon hoi Gerar koelae Gaza totouh. Hahoi Sodom, Gomorrah, Admah, hoi Zeboiim kho a tapoung teh Lasha kho totouh a pha.

²⁰ Hete miphunnaw teh Ham e ca catounnaw doeh. Ahnimanaw teh amamae imthung lahoi, lawk lahoi, kho hmuen lahoi, amamae ram thung kho lengkaleng a sak awh.

²¹ Japheth e nawngha, Hebru miphunnaw e a na pa Shem haiyah canaw a khe.

²² Shem e capanaw teh Elam, Assyria, Arphaxad, Lud hoi Aram.

²³ Aram e capanaw teh Uz, Hul, Gether hoi Mash.

²⁴ Arphaxad e capa teh Shelah, Shelah e capa teh Eber,

²⁵ Eber ni capa kahni touh a khe. Buet touh e min teh Peleg. Bangkongtetpawiteh, ahnie a se navah talai a kêrei awh. A nawngha e min teh Joktan.

²⁶ Joktan e a capanaw teh, Almodad, Sheleph, Hazarmaveth, Jerah,

²⁷ Hadoram, Uzal, Diklah,

²⁸ Obal, Abimael, Sheba,

²⁹ Ophir, Havilah, hoi Jobab,

³⁰ Kho a saknae hmuen teh Mesha kho koehoi kanitholah Sephar mon totouh a pha.

³¹ Hete taminaw teh Shem e capanaw lah ao teh, amamae imthung lahoi, lawk, kho ram tangkuem dawk kho a sak awh.

³² A lathueng lae khenae hoi miphunnaw teh, Noah e imthung hoi a capanaw ni patuen a khe e catounnaw e kong doeh. Ahnimanaw teh tuikamuem a tho hnukkhu kho ram aloukklah a kampek awh.

11

Babel imrasang

¹ Hatnavah lawk phun touh hoi lawk pan e buet touh dueng doeh kaawm

² Kanitholah hoi kahlawng a cei awh teh, Shinar ram dawk tanghling a hmu awh teh, haw vah kho hmuen a thawng awh.

³ Hat terei teh, buet touh hoi buet touh, tho awh amhru sak awh vaiteh kahawicalah pâeng awh sei telah a kâti awh. Hottelah talung e yueng lah amhru a hno awh teh pato nahanelah ailai a hno awh.

⁴ Hahoi, tho awh mamouh hanelah khopui thawng awh vaiteh kalvan kadeng lah imrasang sak awh sei. Mamouh hanelah min kamsawng sak awh sei, telah hoehpawiteh talai van tangkuem koe kâkahei payon han doeh telah ati awh.

⁵ Hatei taminaw e capanaw ni a thawng awh e khopui hoi imrasang khet hanlah BAWIPA teh a kum.

⁶ BAWIPA ni khenhaw! taminaw teh miphun buet touh lah ao awh teh lawk buet touh dueng a hno awh dawkvah, hete hno hmaloe pasuek a kamtawng awh. Sak han a ngai awh e kangangkung awm laipalah a sak awh han doeh.

⁷ Hatdawkvah, tho awh, kum awh sei. Ahnimanaw buet touh hoi buet touh lawk kâthai awh hoeh nahanelah, lawk alouklouk lah sak awh sei telah ati.

⁸ Hottelah BAWIPA ni ahnimanaw teh talai van a kampek sak awh teh khopui kangdout sak thai awh hoeh toe.

⁹ Hatdawkvah, Babel telah min a poe. Bangkongtetpawiteh, hote hmuen koehoi BAWIPA ni lawk alouklouk lah a pan sak teh talai van koug a kampek sak.

Shem koehoi Abraham totouh

¹⁰ Hetnaw teh Shem e ca catounnaw doeh. Shem teh kum 100 touh a pha nah, tuikamuem a tho hnukkhu kum 2 touh aloum nah capa Arphaxad a sak.

¹¹ Arphaxad a khe hnukkhu, Shem teh kum 500 touh a hring teh ca tongpanaw hoi napuinaw bout a sak.

¹² Arphaxad teh kum 35 touh a pha nah capa Shelah a khe.

¹³ Shelah a khe hnukkhu Arphaxad teh kum 403 touh a hring teh ca tongpanaw hoi napuinaw bout a sak.

¹⁴ Shelah teh kum 30 touh a pha nah Eber a khe.

¹⁵ Eber a khe hnukkhu Shelah teh kum 403 touh a hring teh ca tongpanaw hoi napuinaw bout a sak.

¹⁶ Eber teh kum 34 touh a pha nah capa Peleg a sak.

¹⁷ Peleg a khe hnukkhu Eber teh kum 430 touh a hring teh ca tongpanaw hoi napuinaw bout a sak.

¹⁸ Peleg teh kum 30 touh a pha navah Reu a sak.

¹⁹ Reu a khe hnukkhu Peleg teh kum 209 touh a hring teh ca tongpanaw hoi napuinaw bout a sak.

²⁰ Reu teh kum 32 touh a pha navah Serug a sak.

²¹ Serug a khe hnukkhu Reu teh kum 207 touh a hring teh ca tongpanaw hoi napuinaw bout a sak.

²² Serug teh kum 30 touh a pha nah Nahor a khe.

²³ Nahor a khe hnukkhu Serug teh kum 200 touh a hring teh ca tongpanaw hoi napuinaw bout a sak.

²⁴ Nahor teh kum 29 touh a pha navah Terah a sak.

²⁵ Terah a khe hnukkhu Nahor teh kum 119 touh a hring teh ca tongpanaw hoi napuinaw bout a sak.

²⁶ Terah teh kum 70 touh a pha nah Abram, Nahor, hoi Haran a sak.

Terah casaknaw

²⁷ Terah e casaknaw teh, Terah ni Abram, Nahor hoi Haran a sak. Haran ni Lot a sak.

²⁸ Haran teh a na pa Terah hmaitung, a khenae hmuen Khaldean taminaw a onae Ur kho dawka a due.

²⁹ Hahoi, Abram hoi Nahor ni a yu a la roi. Abram e a yu min teh Sarai, Nahor e a yu min teh Haran e a canu Mikah. Haran teh Milkah hoi Iskah e a na pa lah ao.

³⁰ Hatei Sarai teh carôe dawkvah ca tawn hoeh.

³¹ Terah ni a capa Abram hoi a capa Haran capa Lot, a langa lah kaawm a capa Abraham e yu Sarai, a kaw teh Kanaan ram lah cei hanelah Khaldean taminaw a onae Ur kho hoi a tâcokhai, Hatei Haran kho a pha awh navah haw vah kho a sak awh.

³² Terah teh kum 205 touh a pha navah, Terah teh Haran kho dawkw a due.

12

Abram koe lawkkamnae

¹ BAWIPA ni Abram koevah, Na ram, na imthung hoi na pa im cettakhai nateh kai ni na patue e ram koe lah cet leih.

² Kai ni miphun kalen lah na sak vaiteh, yawhawinae na poe han. Na min kamsawng sak vaiteh yawhawinae ka coe e tami lah na o han.

³ Nang yawhawinae ka poe e tami teh yawkahawi sak vaiteh, thoe na ka bo e tami teh thoe ka bo van han. Nang lahoi tami pueng ni yawhawinae a coe awh han telah atipouh.

⁴ BAWIPA ni a dei pouh e patetlah Abram ni a kamthaw teh, Lot hai a kâbang van. Haran kho hoi a tâco navah Abram teh kum 75 touh a pha.

⁵ Abraham ni a yu Sarai, a hmau e capa Lot hoi hnopai pueng thoseh, Haran kho dawkw a hmu e taminaw hai thoseh, a ceikhai teh Kanaan ram pha hanelah a tâco. Hottelah hoi Kanaan ram a pha.

⁶ Abram ni hote ram dawkw yuengyoe a kâhlai teh, Shekhem hmuen Moreh e kathen kung koe a pha. Han navah Kanaan taminaw hote ram dawkw yo la o awh toe.

⁷ BAWIPA teh Abram koe a kamnue teh hote ram teh na ca catounnaw na poe han atipouh. Hote ka kamnuek e BAWIPA hanelah khoungroe a sak pouh.

⁸ Hote hmuen koehoi Bethel kho Kanîtholae mon dawkw a kampuen teh kanîloumlah Bethel hoi kanîtholah Ai kho rahak rim a sak. Hote hmuen koe BAWIPA hanelah khoungroe a sak teh BAWIPA e min a kaw.

⁹ Hottelah Abram teh akalah kampuen hanlah a cei teh, Negev totouh a pha.

Izip ram lah a ceinae

¹⁰ Hathnukkhuh Kanaan ram takang a tho dawkvah, Abram teh Izip ram lah a cei. Bangkongtetpawiteh, ram thung puenghoi takang a tho dawkw doeh.

¹¹ Izip ram a pha tawmlei navah a yu Sarai koe nang teh meikahawi e napui lah na o tie ka panue .

¹² Hatdawkvah, Izip taminaw ni nang na hmu awh navah, hete napui teh a yu doeh tet awh vaiteh kai na thei awh han, hatei nang teh na hlout sak awh han.

¹³ Hatdawkvah, a tawncanu doeh na ti pouh han. Hottelah na dei pouh pawiteh nang dawkw hoi kai hawinae ka hmu vaiteh ka hringnae hai a hlout han telah atipouh.

¹⁴ Abram teh Izip ram a kâen navah Izip taminaw ni a yu a hmu navah a meihawi ati awh.

¹⁵ Faro e ukkungnaw ni a hmu navah, Faro hanelah a oup awh teh Faro im vah a ceikhai awh.

¹⁶ Faro siangpahrang ni napui kecu dawk Abram teh a khetyawt. Tu, Maito, La apui atan, sannu sanpa hoi kalauknaw a poe.

¹⁷ Hatei BAWIPA ni Abram e yu Sarai kecu dawk Faro hoi a imthungnaw pueng hoi runae a poe.

¹⁸ Faro ni Abram a kaw teh, kai dawk na sak e hno Bangtelamaw, bangkongmaw na yu nahlangva, na dei hoeh vaw.

¹⁹ Bangkongmaw ka tawncanu na ti teh yu lah na la sak. Hatdawkvah, na yu heh atu hrawi nateh cet leih telah atipouh.

²⁰ Hottelah Faro ni a taminaw kâ a poe teh a yu hoi a tawn e naw pueng hoi a cei sak.

13

Abram hoi Lot a kamphei roinae

¹ Hathnukkhu Izip ram hoi Abram a tâco teh akalae ram Negev lah vah a yu, a tawn e hnopai pueng hoi a kamthaw teh a hnuk vah Lot hai a kâbang.

² Abram teh saringnaw, suinaw, ngunnaw hoi lutlut a bawi.

³ Negev ram lahoi bout a kamthaw teh ahmaloe pasuek e rim ao na koe lah a cei. Hote im teh Bethel hoi Ai kho rahak vah ao.

⁴ Hmaloe pasuek e khongroe a saknae hmuen koe bout a pha navah, Abram ni BAWIPA min a kaw.

⁵ Abram koe kâbang e Lot hai tunaw, maitonaw hoi rimnaw a tawn van.

⁶ Ahnimouh roi teh cungtalah kho rei a sak roi hanelah, hote ram ni khout hoeh. Hnopai a tawn roi e ekvoi apap dawkvah cungtalah kho sak thai roi hoeh toe.

⁷ Hatdawkvah, Abram e saring kakhounnaw hoi Lot e saring kakhounnaw kâpohoehnae ao. Hat nae tueng dawk Kanaan tami hoi Periznaw hote ram dawk ao awh.

⁸ Hahoi, Abram ni Lot koevah, maimouh roi teh, hmaunawngaha roi doeh. Hatdawkvah, nang hoi kai rahak thoseh, nange saring kakhounnaw hoi kaie saring kakhounnaw rahak thoseh kâpohoehnae awm hanh naseh.

⁹ Na hmalah ram moi ao nahoehmaw. Kai koehoi cet leih. Nang avoilah na cet pawiteh kai aranglah ka cei han telah atipouh.

¹⁰ Lot ni a radoung navah, Jordan yawn pueng teh tui ka duk niteh, Jehovah e takha patetlah Sodom hoi Gomorrah kho BAWIPA ni a raphoe hoehnahan, Zoar lah ceinae Izip ram patetlah a hmu.

¹¹ Hottelah Lot ni Jordan yawn pueng a rawi. Hatdawkvah, Lot teh kanîtholah a cei teh buet touh hoi buet touh a kamphei roi.

¹² Abram teh Kanaan ram dawk kho a sak. Lot teh thingyei yawn dawk e khopuinaw koe kho a sak teh, Sodom kho teng rim a sak.

¹³ Hatei Sodom kho taminaw teh tamikathout lah ao awh teh, BAWIPA koevah tamikayon poung lah ao awh.

¹⁴ Lot hoi a kamphei hnukkhu BAWIPA ni Abram a kaw teh na onae hmuen koehoi atung, aka, kanîtho, kanîloumlah radoung haw.

¹⁵ Na hmu e ram pueng nama hoi na ca catounnaw na poe vaiteh a yungyoe e ram lah ao han.

¹⁶ Na ca catounnaw vaiphu patetlah ka pungdaw sak han. Tami ni vaiphu touk thai pawiteh na ca catounnaw hai a touk thai han.

¹⁷ Thaw nateh ayung lahoi thoseh, adangka lahoi thoseh cet haw, kai ni na poe han.

18 Hatdawkvah, Abram ni rim a puen teh Hebron kho Mamre kathenkungnaw koe kho a sak teh, BAWIPA hanelah khoungroe a sak pouh.

14

Abraham ni Lot rungngangnae

1 Hatnae tueng dawkw Shinar siangpahrang Amraphel, Ellasar siangpahrang Ariyawk, Elam siangpahrang Kedorlaomer hoi Goiim siangpahrang Tidal ti naw hoi,

2 Sodom siangpahrang Bera, Gomorrah siangpahrang Birsha, Admah siangpahrang Shinab, Zebiiim siangpahrang Shemeber, Zoar siangpahrang Bela tinaw taran a kâtuk aw. h.

3 Ahnimanaw pueng teh palawi tui tie Siddim yawn dawkw a kamkhueng aw. h.

4 Kum 12 touh thung Kedorlaomer koe san lah ao aw. h. teh, kum 13 nae dawkw teh a tuk aw. h.

5 Kum 14 nae dawkw teh Kedorlaomer ni ama koe lah kambawng e siangpahrangnaw hoi a tho aw. h. teh, Ashterothkarnaim kho dawkw Rephaim taminaw, Ham kho dawkw Zuzim taminaw, Kiriathaim koe Emim taminaw,

6 Seir mon dawkw Khorit taminaw hoi thingyei yawn teng kaawm e Elparan kho totouh a thei aw. h.

7 Hahoi bout a ban aw. h. teh Kadesh ram Enmishpat kho dawkw a pha aw. h. navah, Amalek ram dawkw kaawm e tami pueng, Hazezontamar kho dawkw kaawm e Amor taminaw hai koug a thei aw. h.

8 Hathnukkhu Sodom siangpahrang, Gomorrah siangpahrang, Admah siangpahrang, Zebiiim siangpahrang hoi Bela siangpahrang, tinaw a cei aw. h. teh, Siddim yawn dawkw a kâtuk aw. h. hanelah a kamkhueng aw. h.

9 Hottelah, Elam siangpahrang Kedorlaomer, Goiim siangpahrang Tidal, Shinar siangpahrang Amraphel, Ellasar siangpahrang Ariyawk, ahnimanaw pali touh ni siangpahrang panga touh a tuk aw. h.

10 Siddim yawn teh tuithaw dui ka cawt e tangkawmnaw ao dawkvah, Sodom hoi Gomorrah siangpahrang teh a yawng roi, a tangawn te tangkom dawkw a bo teh alouknaw teh mon lah a yawng.

11 Hatdawkvah, Sodom hoi Gomorrah kho dawkw kaawm e hnopai pueng, canei kawi kaawm pueng a la aw. h. teh a ban aw. h.

12 Sodom kho dawkw kaawm e Abram e a hmau e capa Lot hoi a hnopai pueng hai koug a la aw. h.

13 Hote runae dawkw hoi ka hlout e tami buet touh a tho teh, Hebru tami Abram koe a dei pouh. Ahni teh Amor tami Mamre e kathenkungnaw teng ao. Mamre teh Eskol hoi Aner e hmau doeh. Ahnimanaw teh Abram hoi cungtalah kambawng aw. h. e doeh.

14 Abram ni a hmau e capa hah san hanelah a man aw. h. toe tie a thai navah, ama im ka khe ni teh a cangkhai e tami 318 touh a hrawi teh, Dan kho totouh a pâlei.

15 Khohmo navah, a hrawi e taminaw a kapek teh a tuk sak Damaskas atunglah kaawm e Hobah kho totouh a pâlei.

16 A ceikhai e hnopai pueng, a hmau e capa Lot hoi a hnopai pueng napuinaw hoi a taminaw bout a bankhai.

17 Khedorlaomer hoi ama koe kaawm e siangpahrangnaw koug a thei hnukkhu a ban navah, Sodom siangpahrang teh Shaveh yawn dawkw Abram dawn hanelah a tho. (Shaveh yawn teh siangpahrang yawn doeh).

¹⁸ Salem siangpahrang Melkhizedek ni vaiyei hoi misurtui a sin. (Ahni teh ka rasang poung e Cathut e vaihma doeh).

¹⁹ Hahoi, Abram yawhawinae a poe teh, kalvan hoi talai katawnkung ka rasang poung e Abram Cathut teh yawhawinae awm seh.

²⁰ Na tarannaw na kut dawk na kapoekung ka rasang poung e Cathut teh yawhawinae awm seh telah ati. Abram ni hai hnopai a tawn e pueng dawk hoi pung hra pung touh a poe.

²¹ Sodom siangpahrang ni Abram koevah taminaw teh kai na poe, hatei hnopainaw teh lat yawkaw telah atipouh.

²² Hatei Abram ni Sodom siangpahrang koe ralui buet touh hoi khokkhawm rui buet touh boehai nang koe ka lat mahoe,

²³ telah kalvan hoi talai katawnkung Jehovah, ka rasang poung e Cathut koe ka kut ka dâw toe. Telah hoehpawiteh Abram teh kai ni ka bawi sak e doeh na tet payon vaih.

²⁴ Thoundounnaw ni a canei e hoi ka hrawi e ka taminaw ni a coe hane hloilah teh banghai ka lat mahoe. Aner, Eshkol hoi Mamre ni a coe aw h e teh ama ni lat aw h naseh, telah atipouh.

15

Abram koe Cathut e lawkkam

¹ Hathnukkhu, Abram koe BAWIPA e lawk vision lahoi ka tho e teh, Abram, taket hanh kai teh nange bahling lah ka o, na tawkphu hmu hane a len poung telah atipouh.

² Hatei Abram ni, Oe Bawipa Jehovah, ca tawn laipalah ka o e na hmu nahlangva, bangmaw na poe han. Im e râw kacoeung teh Damaskas tami Eliezer doeh telah atipouh.

³ Hahoi Abram ni khenhaw! kai ca na poe hoe. Ka im kaawm e ni doeh râw a coe toe telah bout atipouh.

⁴ BAWIPA e lawk Abram koe ka tho e teh, hete tami kaawm e ni nange râw coe mahoe telah atipouh.

⁵ Hahoi Abram hah alawilah a hrawi teh, kalvan lah khenhaw! âsi na touk thai pawiteh touk haw, hot patetlah na catoun ka pungdaw sak han.

⁶ Abram ni BAWIPA a yuem dawkvah, ahnie a yuemnae hah a lannae lah a khoe pouh.

⁷ Hahoi kai ni hete ram poe hane hoi coe sak hane ka ngai daw doeh Khaldean taminaw a onae Ur kho hoi nang kahrawikung kai teh BAWIPA doeh telah atipouh.

⁸ Hatei ahni ni Bawipa Jehovah, hete bangtelah hoi maw ka coe han tie ka panue han telah atipouh.

⁹ BAWIPA ni Abram koe a dei pouh e teh, kum thum touh e maito, kum thum touh e hmaela, kum thum touh e tutan buet touh âbakhuca hoi bakhuca buet touh thokhai loe atipouh.

¹⁰ Hote hnonaw pueng ahni koe a thokhai pouh teh a lungui hoi a sei teh avoivang lah a hruek. Hatei tava teh sei hoe.

¹¹ Hote moinaw koevah langtanaw a tho navah Abram ni a pâlei.

¹² Hatei kanî a khup toteh, Abram teh mat a i. Hahoi khenhaw! puenghoi hmonae ni a tho sin teh rounkalue.

¹³ Hathnukkhu BAWIPA ni Abram koe, na ca catounnaw ni ayânaw e ram daw imyin lah ao aw h vaiteh, kum 400 touh thung rektapnae hoi san lah ao aw h han tie kamcengalah panuek.

¹⁴ Hatei ahnimanaw san lah ka hno e taminaw kai ni lawk ka ceng han. Hathnukkhu hnopai moikapap hoi a tâco aw h han.

¹⁵ Nang teh mintoenaw koe karoumcalah na cei vaitech matawng lahoi na pakawp aw h han.

¹⁶ Hateiteh a se palinae daw k hete ram daw k bout a ban aw h han. Bangkongtetpawiteh Amornaw ni thoesaknae kuep sak lah aw m hoeh rah, telah atipouh.

¹⁷ Kanî a khup teh kho bout a hmo torei teh hmaikhu tâconae hlaam hoi hmai paangnae hmaiim teh moi tâtueng e rahak yuengyoe a kâhlai.

¹⁸ Hote hnin daw k BAWIPA ni Abram hoi lawkkamnae a sak teh Izip palang koehoi palang kalenpounge Euphrates totouh,

¹⁹ Ken tami, Kene tami, Kadmon tami,

²⁰ Hit tami, Periz tami, Rephaim tami,

²¹ Amor tami, Kanaan tami, Girgashite taminaw hoi Jebusit taminaw e ram, na ca catounnaw ka poe toe, telah atipouh.

16

Hagar hoi Ishmael

¹ Abram e yu Sarai ni ahni hanelah ca khe pouh hoeh. Hatei ahni ni vah a sannu Izip tami buet touh a tawn. A min teh Hagar.

² Hatdawkvah, Sarai ni Abram koevah kenhaw! BAWIPA ni ca khe hanelah kâ na poe hoeh. Ka sannu koe mah cet lei ahni koehoi ca khe thai yawkaw han doeh telah atipouh. Sarai e lawk Abram ni a tarawi pouh.

³ Hottelah Abram teh Kanaan ram kum 10 touh ao hnukkhu Abram e yu Sarai ni a sannu Izip tami Hagar hah a hrawi teh a vâ Abram koe a yu hanelah a poe.

⁴ Ahni ni Hagar a ikhai teh camo a vawn. Camo vawn tie a kâpanue torei teh a bawinu hah a hnephnap.

⁵ Hat torei teh Sarai ni Abram koevah, kai daw k thoena e sak e heh nang lathueng phat seh. Kai ni ka sannu na poe ei camo vawn tie a panue torei teh a mit hoi kai na hnephnap. BAWIPA ni nang hoi kai rahak lawkceng lawiseh telah atipouh.

⁶ Hatei Abram ni Sarai koevah, na sannu teh na kut daw k doeh ao. Sarai ni puenghoi a yue teh ahni koehoi oun a yawng.

⁷ BAWIPA e kalvantami ni Shur kho lah ceinae kahrawngum lam teng tuiphuek teng vah a hmu.

⁸ Sarai e sannu Hagar, nâ lahoi maw na tho teh nâ lah maw na cei han telah a pacei. Hat torei teh ahni ni ka bawinu Sarai koehoi ka yawng e doeh atipouh.

⁹ BAWIPA e kalvantaminaw, na bawinu koe bout ban nateh a kut rahim aw m pouh loe telah atipouh.

¹⁰ BAWIPA e kalvantami ni, na canaw moikapap ka pungdaw sak vaitech na touklek thai mahoeh telah atipouh.

¹¹ Hahoi, BAWIPA e kalvantami ni thaihaw, camo na vawn vaitech ca tongpa na khe han, Ishmael telah min na phung han. Bangkongtetpawiteh nange na reithainae BAWIPA ni a thai toe.

¹² Hatei na capa teh la ka matheng e lah ao han. Tami pueng a taran vaitech tami pueng ni hai a taran van han. A hmaunawng ha pueng hai a taran vaitech kho a sak han telah atipouh.

¹³ Hottelah ahni koe lawk ka dei e BAWIPA min a kaw teh, Nang teh kai kahmawtkung Cathut doeh. Bangtelamaw hivah kai kahmawtkung teh kai ni hai ka hmu toe telah ati.

¹⁴ Hatdawkvah, tuikhu teh Beerlahairoi telah a phung. Hote teh Kadesh hoi Bered kho rahak vah ao.

¹⁵ Hathnukkhu, Hagar ni Abram hane ca tongpa a khe pouh. Hagar ni a khe e a capa teh Abram ni Ishmael telah min a phung.

¹⁶ Hagar ni Abram hanelah Ishmael a khe pouh navah Abram teh kum 86 touh a pha.

17

Vuensomanae lawkkam

¹ Hathnukkhu, Abram teh kum 99 a pha navah, BAWIPA ni Abram koe a kannue teh, kai teh Athakasaipounge Cathut doeh ka hmalah toun hane kawi kaawm hoeh lah awm haw.

² Kaie lawkkamnae nang hoi ka sak vaiteh moikapap na pungdaw sak han telah atipouh.

³ Abram ni a tabo teh Cathut ni,

⁴ Thai haw kaie lawkkamnae teh nang koe ao. Nang teh miphun moikapap e a na pa lah na o han.

⁵ Nange na min hai Abram telah na kaw mahoe toe. Abraham telah na kaw han toe, bangkongtetpawiteh nang teh miphun moikapap e na pa lah na coung han.

⁶ Kai ni moikapap na pungdaw sak han. Nang lahoi miphunnaw ka pung sak vaiteh, nang daw k hoi siangpahrang a tâco han.

⁷ Ka lawkkamnae ka caksak vaiteh nang hoi kai rahak, na canaw hoi patuen e na catoun rahak vah a yungyoe e lawkkam lah ao han. Kai teh nang hoi na ca catounnaw e Cathut lah ka o han.

⁸ Atu imyin lah na onae ram, Kanaan ram pueng nang hoi na ca catounnaw koe a yungyoe e râw lah na poe han. Kai teh ahnimae Cathut lah ka o han.

⁹ Hathnukkhu, Cathut ni Abraham koevah nang hoi na ca catounnaw pueng ni ka lawkkam heh na tarawi aw h han.

¹⁰ Hete teh kai hoi nange na ca catounnaw ni a tarawi hane lawkkam doeh. Tongpa pueng vuensoma pouh han.

¹¹ Hatdawkvah, vuensom na a e tak teh kai hoi nang rahak mitnoutnae lawkkam lah ao han.

¹² Nangmouh dawkvah, na ca catounnaw totouh, ca tongpa pueng. Im daw k ka khe e thoseh, mae miphun nahoe e iteh, alouke miphunnaw koe tangka hoi ran e hai thoseh, hnin 8 nah vuensom na a pouh han.

¹³ Na im daw k ka khe e hoi tangka hoi ran e tami ni vuensoma roeroe vaiteh ka lawkkam teh tak daw k yungyoe ka cak e lawkkam lah ao han.

¹⁴ Hatei vuensom ka a hoeh e tongpa a tak daw k e vuengsom ka a hoeh e tami teh ka miphun daw k hoi takhoe lah ao han telah atipouh. Ahni teh kaie lawkkam a raphoe toe.

¹⁵ Cathut ni Abraham koevah Na yu Sarai hah, Sarai telah na kaw mahoe, Sarah telah na kaw han toe.

¹⁶ Ahni hah yawhawinae ka poe vaiteh ahni lahoi nang hai ca tongpa na poe han. Yawhawinae ka poe vaiteh miphun moikapap e manu lah ao han. Athung hoi miphunnaw hane siangpahrang a tâco han.

¹⁷ Hat torei teh, Abraham ni a minhmai hoi a tabo teh a panui. Kum 100 touh e ni ca khe han namaw. Kum 90 touh e Sarah ni ca a khe han rah maw telah ati.

¹⁸ Hatdawkvah, Abraham ni Cathut koe, na hmalah Ishmael mah hring yawkaw seh telah atipouh.

¹⁹ Hatei Cathut ni telah nahoe, na yu Sarah ni capa na khe pouh vaiteh, Isak telah a min na phung han. Ka lawkkam ka cak e lawkkam lah ao han.

²⁰ Ishmael e kong dawk teh kai ni ka thai toe. Ahni yawhawinae ka poe toe. A ca catoun ka pungdaw sak vaiteh moikapap sak han. Ahni teh khobawi 12 touh e a na pa lah ao han. Miphun kalen poung lah ka sak han.

²¹ Hateiteh palawng atu e tueng navah, Sarah ni na khe pouh hane Isak dawk ka lawkkam ka caksak han telah atipouh.

²² Hottelah Abraham hoi lawk a kâpato hnukkhu Cathut teh a luen.

²³ Hatdawkvah, Abraham ni a capa Ishmael hoi a im dawk ka khe e pueng, tangka hoi a ran e pueng Abraham imthung dawk e tongpa pueng a ceikhai teh Cathut ni ahni koe a dei pouh tangcoung e patetlah hnin touh dawkvah vuensom koung a a pouh.

²⁴ Amae vuensom a a nah Abraham teh kum 99 touh a pha toe.

²⁵ Capa Ishmael, vuensom a a nah kum 13 touh a pha.

²⁶ Hnin touh dawk, Abraham hoi a capa Ishmael teh vuensom rei rei a a roi.

²⁷ Amae im dawk kaawm e tongpa pueng a im dawk ka khe e, miphun alouke koe tangka hoi a ran e tongpa pueng teh, ama hoi cungtalah vuensom a a awh.

18

Capa lawkkamnae

¹ Abraham teh kanithun khumbei a thoe lahun nah, rim takhang koe a tahung navah BAWIPA teh Mamre kathenkungnaw koehoi ahni koe a kamnue .

² A khet teh a hmalah tami kathum touh a kangdue e a hmu navah, rim takhang koehoi ahnimanaw kâhmo hanelah a yawng teh talai dawk a tabo.

³ Hahoi, ka bawipa na hmalah minhmai kahawi ka hmawt pawiteh na san seh na cettakhai hanh.

⁴ Tui youn touh ka sin vaiteh na khok pâsu awh nateh, thingkung rahim kâhat awh ei.

⁵ Na tha tawn e roum nahanelah vaiyei youn touh ka sin hnukkhu, na cettakhai awh. Hottelah e coe hanelah na san onae koe na pha toe telah atipouh. Ahnimanaw ni hai na dei patetlah sak lawih atipouh.

⁶ Abraham teh rim thung kaawm e Sarah koe karanglah a yawng teh tavai sum thum thung hane coungkacoe lat nateh karanglah kanawk nateh thawng leih atipouh.

⁷ Hahoi Abraham ni maitohu koe a yawng teh, maitoca a tak kathâw e a la teh, a san thoundoun koe a poe teh karanglah a rakueng sak.

⁸ Hathnukkhu, sanutui hoi maitoca moi ahnimae hmalah a pâtoum pouh teh a ca awh. Ahnimanaw ni a ca awh lahun nah, ama teh thingkung rahim a kangdue.

⁹ Ahnimanaw ni na maw Sarah ao telah a pacei navah rim thung ao telah atipouh.

10 Hahoi ahnimanaw ni palawng het tuektue nah nang koe bout ka tho vaiteh na yu Sarah ni ca tongpa a khe han atipouh. Hatnavah Sarah teh ahnimae a hnukkhu lae rim takhang koe ao teh a thai.

11 Abraham hoi Sarah teh a matawng ni teh a kumcue roi poung toe. Sarah teh camo o thainae a pout toe.

12 Hatdawkvah, Sarah ni lunghawinae kai ni ka tawn han rah maw ati teh duem a panui. Ka bawipa hai a matawng poung toe telah ati.

13 BAWIPA ni Abraham koevah, bangkongmaw Sarah ni ka matawng toung dawkvah camo ka khe thai han rah maw ti teh a panui vaw.

14 BAWIPA hanelah hno ka ru ao maw. A tueng khoe e patetlah palawng vah Sarah camo a khe han telah atipouh.

15 Hatei Sarah ni ka panui hoeh titeh a kâpapha. Bangkongtetpawiteh, a lungpuen dawk doeh. Ahni ni nahoe na panui atipouh awh.

Abraham ni Sodom kho hanelah a kâhei

16 Hahoi, taminaw hote hmuen koehoi a thaw awh teh Sodom kho a radoung awh. Abraham hai ahnimanaw a thak hanelah a kâbang van.

17 Hatei BAWIPA ni ka sak hane hno Abraham koe ka pâpha pouh han maw.

18 Abraham teh tami kalen hoi Athakasaipoung mipun lah a coung han. Talaivan e tami pueng ni ahni lahoi yawhawi a coe awh han.

19 Bangkongtetpawiteh ahni ni hmalah ka tho hane a canaw hoi imthungnaw ni BAWIPA e lamthung a dawn awh vaiteh, lannae hoi hnokahawi sak hanelah, ka dei tangcoung e patetlah BAWIPA ni Abraham koe kakuep sak hanelah ahni teh ka panue e doeh telah ati.

20 Hahoi BAWIPA ni Sodom hoi Gomorrah kho daw koe e hramnae lawk hoi a yonnae teh puenghoi a len toung dawkvah,

21 Atu ka cei vaiteh kai koe ka phat e a hram awh patetlah ahnimanaw ni a sak katang maw. Sak katang hoeh maw tie atu ka khet han. Sak hoehpawiteh a sak hoeh e ka panue han telah ati.

22 Hote taminaw teh hote hmuen koehoi a kamlang awh teh Sodom kho lah a cei awh. Abraham ma teh BAWIPA hmalah paroup a kangdue.

23 Hahoi Abraham ni a hnai teh, tamikalannaw hai tamikathoutnaw hoi mek na raphoe han maw.

24 Hote kho daw tamikalan 50 touh awm pawiteh, a thung e tamikalan 50 touh ao kecu daw hote hmuen teh na raphoe han maw.

25 Tamikalannaw hah tamikathoutnaw patetlah khang sak hane teh nang hoi kâhlat naseh. Talaivan pueng lawkcengkuang ni kalan lah lawkceng mahoe maw.

26 Hottelah BAWIPA ni Sodom kho thung vah, tamikalan 50 touh ka hmawt pawiteh, ahnimouh kecu daw hote hmuen pueng teh ka pasai han telah atipouh.

27 Abraham ni kai teh vaiphu hoi hraba lah ka o ei, BAWIPA nang koe lawk na pacei hanelah tha bout ka kâla.

28 Tamikalan 50 touh daw panga touh kuep hoehpawiteh, hote panga touh akuep hoeh daw, hote khopui teh na raphoe han maw, telah a pacei. Ahni ni hawvah 45 touh ka hmu nakunghai ka raphoe mahoe atipouh.

29 Hahoi 40 touh ka hmu yawkaw han doeh bout atipouh navah, 40 touh hai ka raphoe mahoe atipouh.

30 Hahoi Oe BAWIPA na lungphuen hanh, bout na pacei ei nei, 30 touh ka hmu yawkaw han doeh bout atipouh navah, 30 touh hane daw hai ka raphoe mahoe atipouh.

³¹ Ahni ni thai haw, BAWIPA koe lawk bout ka pacei ei nei, hawvah 20 touh ka hmu yawkaw han doeh bout atipouh navah, 20 touh hane dawk hai ka raphoe mahoeah atipouh.

³² Hahoi, Oe BAWIPA na lungkhuek hanh yawkaw, vai touh bout na pacei einei, hawvah 10 touh ka hmawt pawiteh atipouh navah, 10 touh hane dawk hai ka raphoe mahoeah atipouh.

³³ BAWIPA teh Abraham hoi lawk koug a kâpato roi hnukkhu a ceitakhai. Abraham haiyah a ma onae koe a ban.

19

Sodom yonnae

¹ Kalvantami kahni touh tangmin lah Sodom kho a tho roi. Lot teh khopui thung kâennaeh longkha koe a tahung teh, Lot ni ahnimouh roi a hmu navah dawn hanelah a thaw teh, talai dawk a tabo.

² Ahni ni ka bawipa roi, pahren lahoi na sanpa im kâen roi nateh roe rawi ei. Na khok hai pâsu roi ei telah atipouh. Ahnimouh roi ni telah nahoeah, alawilah ka roe roi han doeh atipouh.

³ Hatei, puenghoi a pasawt dawkvah, ahni koe a cei roi teh, im thung a kâen roi. Hahoi, tonphuenhoehe vaiyei a poe teh a ca roi.

⁴ Ahnimanaw a i awh hoehnahlan vah, Sodom kho e tongpa camo matawng abuemlah a tho awh teh, im khik a kalup awh.

⁵ Lot a kaw awh teh, tapa tangmin lah na im ka tho e tami roi namaw ao. Hote tami roi ikhai hanelah ka ngai awh, alawilah tâcawt sak telah atipouh awh.

⁶ Lot teh takhang koehoi alawilah ahnimouh koe a tâco teh, tho a khan hnukkhu,

⁷ ka hmaunawngghanaw pahren lahoi thoenae sak awh hanh.

⁸ Khenhaw! tongpa ka panuek hoeh rae ka canu kahni touh ka tawn. Na ngai patetlah na ti thai awh. Hatdawkvah, pahren lahoi ahnimouh roi nangmouh koe ka tâco sak han. Imyin roi koe teh banghai sak awh hanh.

⁹ Ahnimanaw ni, kâhnawnh telah atipouh awh. Hahoi nang teh imyin lah na o eiteh, lawkcengkung lah o hanelah na kâcai. Hatdawkvah, ahnimanaw koe ka sak awh e hlak nang koe hoe kathout lah ka sak awh han telah atipouh awh. Hahoi Lot hah rek a savek awh teh, tho hai peng raphoe hanelah a tho awh.

¹⁰ Hatei, ahnimouh roi ni a kut hoi imthung lah Lot hah a sawn roi teh, tho khik a khan sin roi.

¹¹ Tho teng kaawm e tami kathoeng kalen abuemlahoi a mit a dawn sak teh, tho hmawt thai awh hoeh.

Sodom hoi Gomorrah raphoenae

¹² Ahnimouh roi ni Lot koevah, hivah nang hoi na kâkuen e tami ao rah maw. Na langa, capanaw, canunaw, hoehpawiteh, khothung kaawm e tâcawtkhai leih.

¹³ Bangkongtetpawiteh, BAWIPA hmalah a hramki awh teh, a tarannae a len poung toe. Hatdawkvah, hie hmuen raphoe hanelah BAWIPA ni na patouh roi e doeh telah atipouh.

¹⁴ Lot a tâco teh, a canu ka lat e a cavanaw koevah, thaw awh leih. Hete hmuen heh tâcawt takhai awh leih. Bangkongtetpawiteh, BAWIPA ni khopui a raphoe han toe atipouh. Hatei, a cavanaw ni panuilai lah a pouk awh.

15 Amom kho vumpava a dai navah, kalvantami roi ni, thaw leih, na yu hoi na canu roi tâcawtkhai leih, nahoe pawitech, hete kho reknae na khang payon vaih telah nganggang a cangawt.

16 Hatei, a hnanthoe dawkvah, kalvantami roi ni, ama hoi a yu, a canu roi hoi a kut daw hoi a sawn teh, khopui alawilah a tâcokhai. Bangkongtetpawitech, BAWIPA ni a pahren daw doeh.

17 Alawilah, a tâcokhai awh hnukkhu, na hringnae a hlout thai nahanlah yawng leih. Hnuklah kamlang laihoi khen hanh. Tanghling koe khoeroe awm hanh. Mon vah yawng leih. Nahoe pawitech na due han telah atipouh.

18 Lot ni ahnimouh roi koe, telah nahoe, ka bawipa roi.

19 Na sanpa ni na mithmu vah minhmai kahawi ka hmu toe. Ka hringnae na hlout sak teh, kai daw lungpatawnae kalen poung na kamnue sak toe. Hatei, mon lah teh ka yawng thai mahoe. Telah nahoe pawitech, runae ni na kei vaiteh, kadout han doeh.

20 Khenhaw! hote kho teh yawng nahane a hnaica. Kho kathingcalah hai ao. Hote kho kathingca koe na yawng sak haw. Ka hring han doeh telah atipouh.

21 Ahnimouh roi ni na kâhei e patetlah lung na kuep khai toe. Na dei e kho teh ka raphoe mahoe.

22 Karanglah haw vah yawng leih. Hote kho daw na pha hoe nahlan bang hno hai ka sak thai mahoe atipouh. Hatdawkvah, hote kho teh Zoar telah min a phung.

23 Zoar kho daw Lot a kâen navah talai van kanî teh a tâconae toe.

24 Hanoi BAWIPA ni BAWIPA ma koehoi e ganhmai Sodom hoi Gomorrah kho daw kho lah a rak sak.

25 Hote khopui roi hoi thingyei yawn pueng, khopui karingkungnaw abuemlah talai hoi ka paw e thingkung pueng koung a raphoe.

26 Hatei, a yu teh hnuklah a kangvawi dawkvah, palawi khom lah a kangcoung.

27 Abraham teh BAWIPA hmalah a kangduenae hmuen koe amom vah a cei.

28 Sodom hoi Gomorrah thingyei yawn pueng a khet navah, takhuen koe e hmaikhu patetlah ram pueng daw e hmaikhu kahlun lah a luen e hah a hmu.

29 Hottelah Cathut ni thingyei yawn daw e khopuinaw a raphoe lahunnah hoi Lot onae khopuinaw a raphoe nah Cathut ni Abraham a pahnim hoe dawkvah, Lot teh rawknae koehoi a hlout sak.

Lot canaw

30 Hottelah Lot teh, Zoar kho hoi a luen teh mon daw kho a sak. A canu kahni touh hai ama koe ao. Bangkongtetpawitech, Zoar kho daw o hane ngam hoe. Hanoi a canu kahni touh hoi lungngoum thung ao awh.

31 A canu kacue e ni a nawngka koe, apa a matawng toe, talai van e phung patetlah maimouh roi na ka ipkhai hane tongpa awm hoe.

32 Thohaw, apa misurtui pânei roi sei. Apa e miphun apout hoe nahanlah ipkhai roi sei, telah atipouh.

33 Hote tangmin vah, misurtui a na pa a pânei roi teh, a na pa ni a ikhai e hoi bout a thaw e hah panuek hoe.

34 Atangtho amom teh, kacue e ni paduem tangmin apa hoi kai ka i roi toe. Atu tangmin vah misurtui bout pânei sei. Apa e miphun a pout hoe nahanelah, nang louk ipkhai loe atipouh.

³⁵ Hote tangmin haiyah a na pa misurtui a pânei roi hnukkhu, kanaw e ni a na pa a ikhai teh, a i e hoi bout a thaw e a na pa ni panuek hoeh.

³⁶ Hottelah Lot e canu roi teh camo a vawn roi.

³⁷ Kacue e ni tongpa a khe teh, Moab telah a min a phung. Hote tami teh atu kaawm e Moab miphunnaw e a na pa lah ao.

³⁸ Kanaw e ni hai tongpa a khe teh, Benammi telah min a phung. Hote tami teh sahnin totouh kaawm e Ammon miphunnaw e a na pa doeh.

20

Abraham hoi Abimelek

¹ Abraham teh hote hmuen koehoi akalah a cei teh, Kadesh kho hoi Shur kho rahak vah kho a sak teh Gerar kho dawk a roe.

² Abraham ni a yu Sarah hanelah ka tawncanu atipouh. Hahoi Gerar Siangpahrang Abimelek ni tami a patoun teh Sarah a la sak.

³ Hatei, Cathut ni tangmin vah Abimelek koe a mang lahoi a tho teh, thai haw, na lae napui kecu dawk tami kadout patetlah doeh na o toe, bangkongtetpawiteh ahni teh ayâ yu doeh atipouh.

⁴ Hatei, Abimelek ni ipkhai hoeh rah. Hahoi ahni ni kalan e miphun hai na thei han maw

⁵ Ama ni roeroe kai koevah, ka tawncanu ati nahoehmaw. A yu ni hai ka thangroi doeh ati tayaw, lungthin thoung lahoi, ka kut kathoungcalah hoi hete hno ka sak e doeh telah atipouh.

⁶ Cathut ni a mang lah vah, ahman doeh, lungthin kathoungcalah hoi hete hno na sak e doeh tie ka panue. Hatdawkvah kai ni hai kai tak dawh hnokathout sak hane ka pasoung hoeh. Hat dawh doeh ahni na tek hanelah ka pasoung hoeh.

⁷ Hatdawkvah ayâ yu atu bout poe leih, bangkongtetpawiteh ahni teh profet doeh. Na ratoum pouh vaiteh na dam han. Hatei na poe hoehpawiteh, nang hoi na sannaw abuemlah, na due roeroe awh han atipouh.

⁸ Hahoi Abimelek teh amom, a thaw, a sannaw pueng a kaw teh a thai e hnonaw pueng a dei pouh teh puenghoi a taki awh.

⁹ Abimelek ni Abraham a kaw teh, kai dawh bang hno maw na sak, nang koe bangmaw ka payon teh, kai hoi kaie uknaeram koe kahawihoehe hno na pha sak. Sak hoeh hane kawi kai dawh na sak vaw atipouh.

¹⁰ Abimelek ni Abraham koevah, Bang hno maw na hmu teh kai dawh hete hno na sak telah bout atipouh.

¹¹ Abraham ni hie kho dawh e taminaw teh Cathut ka taket awmhoeh vaiteh, ka yu kecu dawh kai na thei awh han doeh telah ka pouk dawh doeh atipouh.

¹² Hothloilah ahni teh ka tawncanu katang doeh. Apa e canu doeh. Anu e canu nahoeh, hatei ka yu lahai ao.

¹³ Cathut ni apa im hoi na ceisak hane navah, na pha nah tangkuem koe ka thangroi doeh na ti pouh han telah ati dawh doeh atipouh.

¹⁴ Abimelek ni tu hoi maitotannaw, sanpa hoi sannu naw a ceikhai teh Abraham a poe teh, a yu Sarah hai bout a poe.

¹⁵ Abimelek ni, Khenhaw! ka ram teh na hmalah ao, na ngainae pueng koe awm loe atipouh.

¹⁶ Sarah koevah, na thangroi koe tangka 1,000 touh ka poe toe. Nang hoi na huikonaw pueng hanelah minhmai sak lah ka poe e doeh atipouh.

¹⁷ Hottelah Abraham ni Cathut koe a ratoum teh, Cathut ni Abimelek hoi a yu, a sannunaw a dam sak teh canaw hai bout a khe.

¹⁸ Abraham e a yu Sarah kecu dawk BAWIPA ni Abimelek imthung abuemlah carôe sak.

21

Isak a khe

¹ BAWIPA ni a dei tangcoung e patetlah Sarah koe a pai teh a lawkkam pouh e patetlah Sarah hanelah a sak pouh.

² Hahoi, ahni koe a dei pouh tangcoung e patetlah Cathut ni a khoe pouh e tueng navah Sarah ni camo a vawn teh, a matawng hnukkhu Abraham hanelah tongpa a khe pouh.

³ Abraham ni hai a tawn e capa, Sarah ni a khe pouh e hah Isak telah min a phung.

⁴ Hottelah, Cathut ni kâ a poe tangcoung e patetlah Abraham ni a capa Isak hah ataroe hnin navah vuensom a a pouh.

⁵ Abraham teh a capa Isak a khe navah kum 100 touh a pha toe.

⁶ Sarah ni hai kai ka panuithainae Cathut ni na poe toe. Hete kamthang ka thai e pueng ni hai kai hoi cungtalah a panui van aw h han doeh telah ati.

⁷ Sarah ni camo sanu a pânei han telah Abraham koe apinimaw ouk a dei pouh. A matawng toreï kai ni ca tongpa ka khe pouh toe telah ati.

Hagar hoi Ishmael a pâlei

⁸ Hottelah, camo a rounng takhang teh sanu a pâphei. Sanu a pâphei nah hnin dawk Abraham ni buven pawï kalenpounge a sak.

⁹ Izip tami Hagar capa, Abraham hanelah a khe pouh e ni a panuikhai e hah Sarah ni a hmu.

¹⁰ Hatdawkvah, Abraham koevah, Hete sannu hoi a capa pâlei leih, bangkongtetpawiteh sannu e capa ni ka capa e râw coe thai mahoe h telah atipouh.

¹¹ A capa lah ao kecu dawk Abraham hanelah hno ka ru poung lah ao.

¹² Hateï Cathut ni Abraham koe, camo hoi na sannu kong daw hno ka ru lah pouk hanh. Sarah ni a dei e pueng tarawi loe. Bangkongtetpawiteh Isak daw hoi na catoun telah kaw e lah ao han.

¹³ Na sannu e capa daw hoi miphun ka pungdaw sak han. Bangkongtetpawiteh ahni hai na ca doeh telah atipouh.

¹⁴ Hottelah amom vah Abraham a thaw teh vaiyei hoi tuium a la teh Hagar e aloung daw k a patue pouh hnukkhu, camo hoi a ceisak. A cei roi teh Beersheba kahrawngum vah yuengyoe a kâva roi.

¹⁵ Tuium daw k e tui a baw hnukkhu camo hah buruk rahim a hruek.

¹⁶ Pala vai touh ka sittouh bang hane a cei teh, hnuklah a kangvawi laihoi a tahung hnukkhu, camo due e na hmawt sak hanh loe telah ati. Hottelah hnuklah a kangvawi laihoi a tahung teh puenghoi kacaipounglah a ka.

¹⁷ Camo lawk Cathut ni a thai teh Cathut kalvantami ni kalvan lahoi Hagar a kaw teh, Hagar bangmaw runae na kâhmo. Taket hanh, camo e lawk Cathut ni a thai toe atipouh.

¹⁸ Thaw nateh camo hah na kut hoi pathaw leih, bangkongtetpawiteh miphun kalen poung lah kacoungsak han telah atipouh.

¹⁹ Cathut ni a mit ang sak teh tuikhu buet touh a hmu. A cei teh tuium daw k yikkawi a do hnukkhu camo a pânei.

²⁰ Cathut teh camo koe lah a o, ahni teh a roung takhang teh, kahrawngum vah kho a sak teh moikathaipounge lah ao.

²¹ Paran kahrawngum vah kho a sak teh a manu ni a yu lah Izip tami a la pouh.

Abimelek koe lawkkam

²² Hatnae tueng dawk Abimelek hoi ransahu kaukkung Phikhol ni Abraham koevah, na sak e hno pueng dawk Cathut ni na okhai.

²³ Hatdawkvah Cathut minhmai khet lahohi kai hoi ka capa catoun totouh dumyenna awm laipalah na pahren e patetlah kai hoi na onae ram heh a hawinae ka hmu nahanelah lawk na kam pouh leih telah atipouh.

²⁴ Abraham ni hai, lawkkam han atipouh.

²⁵ Abimelek e a sannaw ni tuikhu a lawp dawkvah Abraham ni Abimelek a yue.

²⁶ Abimelek ni, hot patet hno ka sak e teh apimaw. Ka panuek hoeh, nang ni hai na dei hoeh. Kai ni hai sahnin totouh ka panuek hoeh atipouh.

²⁷ Hottelah, Abraham ni tu hoi maitotan a hrawi teh Abimelek a poe, hahoi kahni touh hoi lawkkamnae a sak roi.

²⁸ Abraham ni tuhu dawk e tulaca sari touh alouklah a kapek.

²⁹ Abimelek ni Abraham koevah tulaca sari touh na ka pek e, bang hane maw atipouh.

³⁰ Ahni ni hete tuikhu ka tai e heh kapanuekkhaikung lah tulaca sari touh e ka kut dawk e na la roeroe han telah atipouh.

³¹ Hote hmuen koe kahni touh hoi lawkkamnae a sak roi dawkvah Beersheba telah min a phung.

³² Hottelah Beersheba vah lawkkamnae a sak roi hnukkhu Abimelek hoi ransabawi Phikhol tinaw a thaw awh teh Filistin ram lah a ban awh.

³³ Abraham ni Beersheba vah hmaicakung a ung teh haw vah BAWIPA yungyoe Cathut e min a kaw.

³⁴ Hahoi, Abimelek teh Filistin ram dawk hnin moi kasawlah a cam.

22

Abraham e a yuemnae a cak sak

¹ Hathnukkhu hoi Cathut ni Abraham a tanouk teh Abraham telah a kaw. Ahni ni hi ka o telah atipouh.

² Ahni ni, na capa, na capa tawn dueng, na lungpataw poung e, Isak roeroe hah cetkhai nateh, Moriah ram lah cet, kai ni na patue e mon dawkw tuengnae na sak han telah atipouh.

³ Abraham ni, amom a thaw teh, la dawkw hnopainaw apu sak hnukkhu a capa Isak hoi thoundoun kahni touh a kaw. Hmaisawi thueng nahane thing a racei hnukkhu, Cathut ni a dei e hmuen koe lah a cei.

⁴ Apâthum hnin nah a radoung teh ahlanae koehoi a hmu.

⁵ Abraham ni thoundoun roi koe, hivah la hoi la awm roi. Kai hoi camo teh hote hmuen koe ka cei roi vaiteh bawknae ka sak roi han. Ka cum roi hnukkhu nangmouh roi koe bout ka ban roi han telah atipouh.

⁶ Hahoi Abraham ni hmaisawi thueng nahane thing hah a capa Isak a hrawm sak teh, ama ni hmaibo hoi sarai hah a sin teh, cungalah a cei roi.

⁷ Hatei, Isak ni a na pa Abraham a pato teh, Apa atipouh navah, A na pa ni ka ca kai hi ka o atipouh. Ahni ni kenhaw! hmai hoi thing teh ao toe, hatei, hmaisawi thueng nahane tuca teh na maw telah atipouh.

⁸ Abraham ni, ka capa Cathut ni ama hanelah hmaisawi thueng nahane tuca teh a rakueng han doeh atipouh. Hathnukkhu ahnimouh roi teh cungtalah a cei roi.

⁹ Cathut ni a dei pouh e hmuen koe a pha roi. Abraham ni hote hmuen koe khoungroe a sak teh, thingnaw hah kahawicalah a hruek, a capa Isak hah a katek hnukkhu, khoungroe dawk e thing van a payan.

¹⁰ Hahoi, Abraham ni a capa thei hanelah a kut a pho teh sarai hah a la.

¹¹ Hatei BAWIPA kalvantami ni Abraham Abraham telah kalvan hoi a kaw. Ahni ni hai kai hi ka o atipouh.

¹² Ahni ni camo e tak dawk na kut tha hanh. Bangkongtetpawiteh, Cathut na taki e atu ka panue toe. Na capa, na tawn dueng e ka hei teh nang ni na kangek hoeh telah atipouh.

¹³ Hahoi Abraham ni a moung teh a khet navah, amae a hnuklah tutan buruk dawk a ki ka mang e hah a hmu. Abraham ni a cei teh hote tu hah a la hnukkhu, hmaisawi thuengnae a sak.

¹⁴ Hatdawkvah, Abraham ni hote hmuen teh, BAWIPA ni kho a khan han (Jehovah-Jireh) telah min a poe. BAWIPA e mon dawk BAWIPA ni na rakueng pouh telah atu totouh ati awh.

¹⁵ Hahoi, BAWIPA e kalvantami ni apâhni lah kalvan hoi Abraham bout a kaw teh,

¹⁶ hete hno na sak teh, na capa, na tawn dueng e na pasai hoeh dawkvah, yawhawi na poe roeroe han.

¹⁷ Kalvan e âsi hoi tui teng e sadi yit touh. Na catounnaw ka pungdaw sak roeroe han. Na catounnaw ni na tarannaw e longkha a coe awh han.

¹⁸ Hahoi, ka lawk na ngâi kecu dawk talai van e tami pueng ni nange catounnaw lahoi yawhawinae a coe awh han.

¹⁹ Hathnukkhu thoundoun roi aonae koe lah Abraham, bout a ban teh, ahnimanaw hoi cungtalah a kamthaw awh teh, Beersheba lah a cei awh. Abraham teh Beersheba vah kho tawngtang a sak.

²⁰ Hathnukkhu, Abraham ni a thai e teh, nange na nawngaha Nahor e a yu Milkah ni ca tongpanaw a khe toe.

²¹ A camin lah Uz, a nawngaha Buz hoi Aram na pa Kemuel,

²² Khesed, Hazo, Pildash, Jidlap hoi Bethuel.

²³ Bethuel ni Rebekah a khe. Hete taroe touh e naw teh Milkah ni Abraham e a nawngaha Nahor hanelah, a khe pouh e naw doeh.

²⁴ Hathnukkhu Nahor e ado Reumah ni hai Tebah, Gaham, Tahash hoi Maakah bout a khe pouh.

23

Sarah duenae hoi pakawpnae

¹ Sarah teh kum 127 touh a hring. Sarah e a hringnae kum teh ama het doeh toe.

² Sarah teh Kanaan ram Hebron tie Kiriatharba kho dawk a due. Abraham hai Sarah kecu dawk khuika hanelah a tho.

³ Hahoi Abraham teh a yu e ro hmalah a kangdue teh Hit taminaw koe,

⁴ Kai teh nangmouh koe imyin hoi kahlong tami lah doeh ka o. Ka yu e ro ka pakawp nahanelah nangmouh koe e talai lem na poe awh haw atipouh.

⁵ Hit taminaw ni Abraham koe a dei pouh e teh,

⁶ Ka bawipa kaimae lawk thai haw, nang teh kaimouh rahak vah Cathut e khobawi doeh. Hatdawkvah na ngai e hmuen rawi nateh pakawp

ngoun. Na tami ro pakawp nahanelah apinihai phuen hmuen pasoung hoeh laipalah awm mahoe, telah atipouh aw.

⁷ Hathnukku, Abraham teh a thaw teh, Hit taminaw hoi hote ram daw e taminaw hmalah a tabo.

⁸ Hahoi, ahnimouh koe, ka tami ro pakawp nahanelah, na lungkuep aw pawiteh ka lawk thai aw haw.

⁹ Nangmouh koe, phuen hmuen ka tawn thai nahanelah, Zohar capa Ephron ni, amae law apout koe lah kaawm e Makpelah talungku hah, aphu hoi kâki lah kai koe a yo thai nahane, ahni koe na het pouh haw loe, telah atipouh.

¹⁰ Hat terei teh Hit taminaw koe Ephron teh a tahung. Hit tami Ephron ni khopui longkha daw hoi ka kâen e Hit taminaw pueng ni a thainae koe,

¹¹ Telah nahoe, ka bawipa law na poe aw, law thung kaawm e talungku hai na poe aw. Ka miphunnaw hmaitung roeroe na poe aw, na tami ro teh pakawp leih telah Abraham koe atipouh.

¹² Abraham teh, hote ram daw e taminaw hmalah a tabo teh,

¹³ Ram daw e taminaw ni a thainae koe Ephron hanelah na lungkuep pawiteh thai haw, law hmuen phu teh na poe han. Aphu dâw leih, hote hmuen koe ka tami ro teh ka pakawp han atipouh.

¹⁴ Ephron ni Abraham koe,

¹⁵ Ka bawipa, ka lawk thai haw, ka law hmuen phu tangka (shekel) cumpali touh doeh. Nang hoi kai hanlah banghai bang nahoe. Na tami ro teh pakawp yaw kaw telah atipouh.

¹⁶ Abraham ni a lungkuepkhai teh, Hit taminaw ni a thainae koe tangka shekel cumpali touh hno kayawtnaw ni a khing e patetlah a khing teh a poe.

¹⁷ Hatdawkvah Mamre kho hoi kanitholah, Makpelah hmuen koe kaawm e Ephron e law, law thung kaawm e talungku hoi thingkungnaw, lawri koe kaawm e thingkung pueng,

¹⁸ Hit taminaw hoi khopui longkha koe ka tho e tami pueng e hmaitung vah Abraham ni coe hanelah a poe.

¹⁹ Hathnukku, Abraham ni Mamre kho, Hebron hoi kanitholah, Makpelah law daw e talungku daw a yu Sarah teh a pakawp.

²⁰ Hatdawkvah lawhmuen hoi talungku teh, Abraham ni phuen hmuen lah, a tawn hanelah, Hit taminaw ni a poe.

24

Isak hanlah yu paceinae

¹ Abraham teh a kumcue teh a matawng poung toe. BAWIPA ni Abraham teh hno pueng daw yawhaw a poe.

² Abraham ni a san, a imthungku thung daw kacue poung lah a tawn e naw pueng lathueng vah kâ ka tawn poung e koevah, pahren lahoi na kut hah ka phai rahak vah tat haw,

³ kai teh ahnimouh rahak kho ka sak ei, Kanaan tanglanaw heh ka capa hane a yu lah lat hanh.

⁴ Hateiteh, ka miphunnaw koe, ka hmaunawngghanaw e im daw cet nateh ka capa Isak hanelah a yu na paluen pouh han telah ati.

⁵ A san ni ahni koe, Napui ni hete ram daw tho ngai hoehpawiteh, na capa heh na thonae ram dawkvah ka ceikhai han na maw, telah ati.

6 Abraham ni ahni koe, ka capa heh haw ceikhai hoeh nahanlah kâhruetcuet.

7 Hete ram heh na ca catounnaw ka poe han telah kai koe lawk ka kam, kalvan e BAWIPA Cathut ni apa im hoi ka tâconae ram dawk hoi na kalatkung ni na hmalah kalvantami a patoun vaitech hote hmuen dawk e ka capa hanlah a yu na paluen pouh han.

8 Hote napui ni kâbang ngai hoehpawitech, kai koevah thoebonae dawk hoi nang teh na hlout han. Ka capa teh haw na cetkhai mahoech telah atipouh.

9 Hottelah a san ni a bawipa e a tangka vah a kut a ta teh, hote kong dawk thoe a kâbo.

10 A san ni a bawipa e kalauk thung dawk hoi hra touh a hrawi teh, a bawipa e hnokahawi phunkuep hah a sin teh a kamthaw. Hottelah a kamthaw teh Mesopotamia ram e Nahor kho lah a cei.

11 Tangmin lah napuinaw tui do hanlah thonae tueng dawkvah, longkha teng e tuikhu koe a kalauknaw a kamkawn sak.

12 Ahni ni, Oe BAWIPA Cathut, pahren lahoi sahnin vah, ka bawipa, Abraham koevah na lungmanae kamnuek sak nateh na kuep sak haw.

13 Khenhaw! tuikhu koevah ka kangdue. Khothung e a canunaw hai tui do hanlah a tho awh toe.

14 Hettelah awm naseh, tangla koe pahren lahoi tui ka nei hanlah tuium hah patue sak haw, ka ti navah, ahni ni net leih, na kalauknaw a nei hanlah ka poe han telah ka tet e teh na san Isak hanlah na hmoun pouh e lah awm naseh. Hottelaho ka bawipa koe lungmanae na kamnue sak tie hah ka panue thai han telah ati.

15 Hahoi, lawk koug a dei hoehnhlan vah, Abraham e a nawngha Nahor e a yu Milkah capa Bethuel canu Rebekah teh a loug dawk tuium thung hoi a tho.

16 Tangla teh a meihawipoung. Thoundoun ni a ikhai hoeh rae tanglakacuem lah ao. Tuikhu koe a cathuk teh tuium tui yikkawi a do hnukkhu, a takhang.

17 Sanpa ni ahni kâhmo hanlah a yawng teh, pahren lahoi na tuium dawk e tui youn touh na pânei haw telah atipouh.

18 Napui ni net leih ka bawipa telah atipouh. Karang poung lah a tuium teh a loug dawk hoi a patue teh tui a pânei.

19 Tui a pânei hnukkhu, na kalauknaw hanlah hai tui a boum awh hoehroukrak boutbout ka do han telah atipouh.

20 Karang poung lah tui teh dokko dawk a hlun teh tui bout do hanlah tuikhu koe lah a cathuk teh kalauknaw pueng hanelah tui a do pouh.

21 Tongpa ni lawkkamuem hoi a khet teh, BAWIPA ni kahlawng ka ceinae a lam a kâko sak vaitech akuiep sak hoi kakuep sak hoeh hane panue hane a ngai dawk lawkkamuem lah ao.

22 Kalauknaw ni tui koug a nei awh hnukkhu vah, hnongpacap hoi sui kuthrawt sekel hra touh ka ri e hah a poe.

23 Ahni koevah, nang apie canu maw. Pahren lahoi na dei pouh haw. na Pa im dawk ka roe nahanlah rakhan ao han na ou, telah ati.

24 Napui ni ahni koevah, Milkah ni Nahor hanlah a khe pouh e Bethuel canu dôeh telah atipouh.

25 Napui ni hothloillah, caphon hoi saring e rawca moi ka tawn awh. Roenae rakhan haiyah ka tawn awh telah ati.

26 Hat toteh, a san ni a lûsaling teh BAWIPA hah a bawk.

27 Ahni ni, ka bawipa lathueng vah a lungmanae hoi hawinae ka pout thai hoeh e, ka bawipa Abraham e BAWIPA Cathut teh pholen lah awm naseh. Kai patenghai BAWIPA ni ka bawipa e a hmaunawngghanaw e im dawk na ceikhai tangngak telah ati.

28 Tangla ni a yawng teh hno kaawmnaw hah a manu imthungkhu hah a dei pouh.

29 Rebekah ni a thangroi a tawn. Ahnie min teh Laban doeh. Laban a tâco teh tuikhu koelah hote tongpa koevah a yawng.

30 Hahoi, hnongpacap hoi a tawncanu e a kut dawk e a buet e a hmu nah, tongpa ni hottelah na dei pouh telah a tawncanu ni a dei e a thai toteh, tongpa koevah a cei. Ahni teh tuikhu koe e kalauknaw rahak vah kangdout e hah a hmu.

31 Laban ni, BAWIPA ni yawhawi a poe e tho nateh, kaie im dawk luenh. Bangkongmaw alawilah na kangdue Bangkoktetpawiteh, im hoi kalauknaw hanlah hmuen teh koung ka rakueng toe telah atipouh.

32 Tongpa ni imthung a kâen teh Laban ni kalauk van e hnonaw a patue pouh. Hahoi, kalauk hanlah caphon hoi rawca hah a poe teh, ama hoi a huinaw hanelah khok pâsu nahanlah tui a poe.

33 Ca hane rawca a hmalah a pâtoum pouh. Hateiteh, ahni ni, ka tho ngainae ka dei hoehroukrak ka cat mahoe telah atipouh. Ahnimouh ni dei yawkaw telah atipouh.

34 Ahni ni kai teh Abraham e a san doeh.

35 BAWIPA ni ka bawipa teh yawhawi a poe dawk moi a tawnta. BAWIPA ni ahni koevah tunaw, maitonaw, tangka hoi sui, san napui tongpa, kalauknaw, lanaw hah a poe.

36 Ka bawipa e a yu Sarah ni a matawng hnukkhu, capa buet touh a khe pouh teh a tawn e naw pueng teh ahni koevah a poe.

37 Hahoi, ka bawipa ni ka onae Kanaan tanglanaw hah ka capa hanelah a yu lah na paluen pouh mahoe.

38 Ka im vah, ka hmaunawngghanaw koe cet nateh ka capa hanelah a yu paluen pouh telah lawk na kam sak.

39 Ka bawipa koe napui ni kâbang ngai laipalah ao thai telah ka ti pouh.

40 Ahni ni kai koevah, a hmalah ouk ka onae BAWIPA ni a kalvantami nang koevah a patoun vaiteh, na ceinae koe a lamcawn sak han. Hottelah ka hmaunawngghanaw hoi apa imthungkhunaw koehoi ka capa hanlah a yu na paluen pouh.

41 Ka hmaunawngghanaw koe na pha nah napui na poe ngai hoeh boipawiteh, hete lawkkamnae dawk hoi na hlout han telah ati.

42 Sahnin vah tuikhu koe ka pha teh, Oe, ka bawipa Abraham e BAWIPA Cathut, ka ceinae koe a lam na cawn sak han pawiteh,

43 Tuikhu koevah ka kangdue teh tui do hanlah ka tho e tanglakacuem apipatet koe haiyah, pahren lahoi tuium dawk e tui youn touh na pânei haw telah ka ti navah,

44 Napui ni kai koevah, net haw. Na kalauknaw hanlah tui ka do han telah a ka tet e tami teh, ka bawipa e a capa hanlah BAWIPA ni a hmoun e lah awm naseh telah ka ti.

45 Khenhaw! hottelah, ka lungthin hoi koung ka dei hoehnahlan vah, Rebekah teh tuium hoi a tho. Tuikhu koe a cathuk teh tui a do. Hahoi, ahni koevah, pahren lahoi tui na net sak haw telah ka ti.

46 Ahni ni a loung dawk e tuium hah a patue teh tui net leih. Na kalauknaw hai tui pânei leih telah ati. Hatdawkvah, tui ka nei teh, kalauknaw tui a nei han haiyah a poe.

47 Kai ni nang apie canu maw telah ka pacei Ahni ni, Milkah ni a khe e Nahor e capa Bethuel e canu doeh telah ati. Hatdawkvah, a hnawng dawkhongpacap ka bang pouh teh a kut dawkhai laikaw ka buet sak.

48 Ka lûsaling laihoi BAWIPA hah ka bawk teh, ka bawipa Abraham e BAWIPA Cathut, ka bawipa e a nawngah e canu, a capa hane a yu paluen pouh hane lamkatang dawkhai kahrawikung hah ka pholen.

49 Atuvah ka bawipa lathueng vah lungmanah hoi lawkkatang na kamnue sak hanelah awm pawiteh, na dei pouh haw. Hottelah hoeh nakunghai, kai koe vah na dei pouh awh haw. Hat to doeh, avoilah hai, aranglah hai ka kamlang thai tih telah ati.

50 Laban hoi Bethuel ni a pathung teh hete hno heh BAWIPA koehoi ka tâcawt e doeh. Ahawi thoseh, a thoe thoseh ka dei thai a hoeh.

51 Khenhaw! Rebekah teh na hmaitung doeh ao. Hrawi nateh cetkhaih. BAWIPA ni a dei tangcoung e patetlah na bawipa e a capa e a yu lah awm naseh, telah atipouh.

52 Hahoi, Abraham e a sanpa ni ahnimah lawk a thai navah, talai a tabo teh BAWIPA hah a bawk.

53 Hatdawkvah, Abraham e a sanpa ni kamthoupnah suingun hoi hnicu a rasa teh Rebekah hah a poe. A thangroi hoi a manu hai apu kaawm e hno hah a poe.

54 Ahni hoi a huinaw teh a canei awh teh, hote tangmin teh a roe awh. Amom a thaw teh ka bawipa koe na cetsak awh, telah ati.

55 Hateiteh, a thangroi hoi a manu ni, napuica teh hnin dongdeng, hnin hra touh thung teh kaimouh koe awm sak ei, hahoi ka ceisak han telah atipouh awh.

56 Ahni ni ahnimouh koevah, na haw awh hanh leih. BAWIPA ni ka ceinae dawkhai lamcawn sak e patetlah ka bawipa koevah ka ban thai nahanlah na cetsak awh.

57 Ahnimouh ni, napuica kaw awh vaiteh, amah pahni ring awh ei sei telah ati awh.

58 Rebekah hah a kaw awh teh, hete tongpa koe na cei han maw telah a pacei awh. Napui ni ka cei han telah ati.

59 Hatdawkvah, a tawncanu Rebekah hoi kaawmkhai e, Abraham e a san hoi a hnukkâbang teh a ceisak awh.

60 Hahoi ahnimouh ni Rebekah, ka tawncanu, nang teh tami a thongsang e manu lah na awm naseh, Na ca catounnaw ni a tarannaw e longkhanaw hah uk awh naseh telah yawhawi a poe awh.

61 Rebekah ni a tho teh a sannunaw hoi kalauk van a kâcui teh tongpa hnuk a kâbang. Hahoi, Abraham e a san ni Rebekah hah a hrawi.

62 Isak teh Beerlahairoi koe lahoi a tho. Bangkongtetpawiteh, akalah kaawm e doeh.

63 Tangminlasa vah Isak teh khopouk hanlah law lah a cei teh radoung teh a khêt nah kalauk a tho e hah a hmu.

64 Rebekah ni a khet teh Isak a hmu toteh, kalauk van hoi a kum.

65 Bangkongtetpawiteh, a san koevah, law dawkvah maimouh dawn hanlah ka tho e tami teh apimaw, telah yo a pacei toe. A san ni ka bawipa doeh telah atipouh. Hatdawkvah, minhmai ramuknae hni a la teh a minhmai hah a ramuk.

66 A san ni a sak e naw pueng Isak koevah a dei pouh.

67 Isak ni Rebekah teh a manu Sarah e lukkareim dawkhai kâenkhai. A yu lah a coung teh a lungpataw. Hatdawkvah, a manu a due hnukkhu vah, Isak teh a lungmawng.

25

Abraham hoi Keturah

¹ Abraham ni Keturah a yu lah bout a la.

² Hote a yu ni Zimran, Jokshan, Medan, Midian, Ishbak hoi Shuah tinaw a khe.

³ Jokshan ni capa Sheba hoi Dedan a sak. Dedan capanaw teh Asshurim, Lethushim hoi Leummim tinaw doeh.

⁴ Midian capanaw teh Ephah, Epher, Hanok, Abida hoi Eldaah tinaw doeh. Hetnaw pueng teh Keturah ca catounnaw lah ao.

⁵ Abraham ni a tawn e pueng hah Isak a poe.

⁶ Hateiteh, Abraham ni a yu do hoi a sak e canaw teh poehno a poe. Ama a hring nah roeroe vah Isak koehoi kanitholae ram lah a cei sak.

Abraham duenae hoi Pakawpnae

⁷ Abraham e a hringyung teh a kum 175 touh a pha.

⁸ Abraham ni a hnukteng poung a kâha teh se kuep laihoi nget matong hoi kum rek kakueplah a due teh a hmaunawngghanaw koe vah a pakawp awh.

⁹ A capa Isak hoi Ishmael ni Hit tami Zoar capa Ephron law dawk Mamre teng Makpelah talung kâko dawk a pakawp roi.

¹⁰ Hote law teh Abraham ni Hetnaw koehoi a ran e doeh. Hote hmuen koe Abraham teh a yu Sarah koe a pakawp awh.

¹¹ Abraham a due hnukkhu vah, Cathut ni Isak hah yawhawi a poe. Isak teh Beerlahairoi dawk kho a sak.

Isak hoi Ishmael imthungkhu

¹² Het heh Abraham capa Ishmael, Sarah e a sannu, Izip tami Hagar ni Abraham hoi a khe roi e canaw doeh.

¹³ Hetnaw heh min parui lahoi a catoun lahoi Ishmael capanaw e min lah ao. Ishmael capa camin teh Nebaioth doeh. A nawngghanaw teh Kedar, Adbeel, Mibsam tinaw doeh.

¹⁴ Mishma, Dumah, Massa,

¹⁵ Hadad, Tema, Jetur, Naphish hoi Kedemah tinaw doeh.

¹⁶ Hotnaw teh Ishmael capanaw lah ao teh amamouh hoi kho hoi a roenae patetlah a min a thut awh. A miphun parui lah bawi hlaikahni touh ao.

¹⁷ Ishmael a dam nathung a kum teh 137 touh a pha. A hnuktengpoung e a kâha a phout teh a due. A hmaunawngghanaw koevah a pakawp awh.

¹⁸ Ahnimouh teh Havilah ram koehoi Assyria ram pâtam hoi Izip ram teng Shur totouh kho a sak awh. A hmaunawngghanaw e hmaitung vah a due.

¹⁹ Abraham e capa Isak e catounnaw teh hettelah ao. Abraham ni a capa Isak a khe teh,

²⁰ Isak ni Paddanaram ram e Syria tami Bethuel canu, Syria tami Laban e a tawncanu Rebekah a yu lah a la nah a kum 40 touh a pha.

²¹ A yu teh carôe dawk BAWIPA koevah pou a hei teh BAWIPA ni a heinae teh a thai pouh dawkvah Rebekah teh camo a vawn.

²² Camo a vawn e teh a thung vah pou a kâthe dawkvah, ahni ni hettelah awm rah pawiteh, bangkongmaw kahring rah telah ati. Hatdawkvah, BAWIPA koe pacei hanlah a cei.

²³ BAWIPA ni camo im dawk miphun kahni touh ao. Na von thung hoi miphun kahni touh kâkapek han. Miphun buet touh e teh buet touh e

hlak a thayoun han. Hahoi, a hmau ni a nawnggha e thaw a tawk pouh han telah ati.

²⁴ Hottelah camo khenae tueng a pha toteh, camo im dawk ca samphei e ao.

²⁵ Hmaloe e teh ka palingphung lahoi a tâco. Hni muen patetlah a muen puk a tho teh a min lah Esaw telah a phung.

²⁶ Hathnukkhu hoi, a nawnggha teh Esaw e khokpaimai kuet lahoi a tâco. Hatdawkvah, a min lah Jakop telah a phung. Rebekah ni ahni a khe nah Isak teh a kum 60 touh a pha.

²⁷ Camo roi a rounng teh, Esaw teh moi ka ka thai poung e samram pou ka cet tami lah ao. Hateiteh, Jakop teh kâkamuete lah ao dawk im vah ao.

²⁸ Isak teh Esaw ni a thokhai e moi ouk a ca dawkvah, Esaw hah a lungpataw. Hateiteh, Rebekah ni teh Jakop hah a lungpataw.

Esaw ni camin counghae a yo

²⁹ Jakop ni rawca a thawng teh, Esaw teh kahrawng hoi a tho nah a vonhlan ni a khaw teh ngawt a tawn dawkvah,

³⁰ Esaw ni Jakop koevah, pahren lahoi na thawng e rawca hah na cat sak haw. Bangkongtetpawiteh, ka vonhlan ni na khaw toe telah atipouh. Hat dawk nahohmaw min teh Edom telah ati.

³¹ Hateiteh, Jakop ni camin counghae hah hmaloe lah na ran sak telah atipouh.

³² Esaw ni kenhaw! kai teh meimei ka due toe, camin counghae teh kai hanlah bangmaw cungkei han telah ati.

³³ Jakop ni, kai koevah hmaloe thoekâbo ei, telah atipouh. Jakop koe thoe a kâbo teh a camin counghae hah a yo.

³⁴ Jakop ni Esaw teh vaiyei hoi rawca a thawng e hah a poe. Hottelah, a canei hnukkhu vah a tâco teh a cei. Hot patetlah Esaw ni camin counghae hah banglahai noutna hoeh.

26

Isak hoi Abimelek

¹ Abraham a hring nathung vah ahmaloe e takangnae hloilah, Isak tueng nahai hote ram dawk takangnae a tho. Hatdawkvah, Isak teh Gerar kho Filistin siangpahrang Abimelek koevah a cei.

² Ahni koevah, BAWIPA a kamnue teh Izip ram vah cet hanh. Kai ni na dei pouh hane ram dawk awmh.

³ Hete ram dawk awmh. Nang koe ka o vaiteh yawhawinae na poe han. Bangkongtetpawiteh, Hete ram pueng heh nang hoi na catounnaw koe poe hoi na pa Abraham koevah lawk ka kam e patetlah ka sak han.

⁴ Kalvan e âsi yit touh na ca catounnaw ka pung sak vaiteh hete ram pueng heh na ca catounnaw koevah ka poe han. Hahoi, na ca catounnaw lahoi talai miphunnaw pueng yawhawinae lah ao awh han.

⁵ Bangkongtetpawiteh, Abraham ni kaie lawk, kai ni dei e, kaie kâpoelawknaw, kaie phunglawknaw hoi kaie kâlawknaw hah a tarawi telah ati.

⁶ Hot patetlah Isak teh Gerar vah kho a sak.

⁷ Khocanaw ni a yu e kong a pacei teh ahni ni, ka tawncanu doeh telah atipouh. A meihawipoung dawkvah, ka yu doeh telah ka tetpawiteh hete khocanaw ni na thei han doeh telah ati dawk doeh.

⁸ Hahoi, hote kho dawк moikasaw ao hnukkhu, Filistin siangpahrang Abimelek ni hlalangaw koehoi kho hah a radoung nah Isak ni a yu Rebekah hoi a pai roi e hah a hmu.

⁹ Abimelek ni Isak hah a kaw teh na yu roeroe doeh. Bangkongmaw ka tawncanu telah na ti thai, telah atipouh. Isak ni ahni kecu dawк due hane ka taki dawк doeh telah atipouh.

¹⁰ Abimelek ni kaimae lathueng vah bang hno maw na sak. Taminaw ni na yu heh a ikhai thai nahoehmaw. Hottelah kaimouh lathueng vah hnokahawi hoeh na pha sak thai nahoehmaw telah atipouh.

¹¹ Abimelek ni apihai ama thoseh, a yu thoseh, ka tek e tami teh thei roeroe lah ao han telah a taminaw pueng koe kâ a poe.

¹² Isak ni hote ram dawк cang a patue teh BAWIPA ni hote kum dawк roeroe alet 100 touh yawhawinae a poe.

¹³ Ahni teh hoehoe a bawi teh, lutlut bawi totouh a tawn, hnopai hoehoe a pungdaw pouh.

¹⁴ Bangkongtetpawiteh, tuhunaw hoi maitonaw hoi a sannaw moi a tawn. Hatdawkvah, Filistinnaw ni a ut awh.

¹⁵ A na pa Abraham a hring nah a sannaw ni a tai e tuikhunaw pueng hah Filistinnaw ni hno han pasoung hoeh dawкvah, talai koung a paten sin awh.

¹⁶ Abimelek ni Isak koevah, kaimouh koehoi tâcawт leih. Bangkongtetpawiteh, nang teh kaimouh hlak vah hno na sak thai telah atipouh.

¹⁷ Isak ni hote hmuen koehoi a tâco teh Gerar yawн dawк rim a sak teh haw vah kho a sak.

¹⁸ A na pa Abraham ni a hring nah a tai e tuikhunaw hah Isak ni bout a tai. Bangkongtetpawiteh, Abraham a due hnukkhu vah Filistinnaw ni talai muen a paten awh. Hahoi, a na pa ni min a phung e patetlah min bout a phung.

¹⁹ Isak e sannaw ni hai hote yawн dawк tuikhu a tai awh teh hote hmuen koe tui a tâco e hah a hmu awh.

²⁰ Hateiteh, Gerar e saring kakhounnaw ni tui heh kaimae doeh telah Isak e saring kakhounnaw hoi a kâounkhai awh. Ahnimouh hoi a kâoun awh dawкvah, tuikhu e min teh Esek telah ati awh.

²¹ Tuikhu alouke bout a tai teh hote haiyah lawp hanlah a kâounkhai awh dawкvah a min Sitnah telah ati awh.

²² Hote hmuen koehoi a kampuen awh teh alouke tuikhu hah bout a tai awh. Hote teh lawp hanlah kâcai awh hoeh toe. Atu teh BAWIPA ni hmuen kakawpoung na sak pouh dawкvah hete ram dawк canaw moikapap ka khe awh han toe telah ati awh teh a min lah Rehoboth telah ati awh.

²³ Hote hmuen koehoi Beersheba lah a takhang awh.

²⁴ Hote tangmin dawкvah BAWIPA teh ahni koevah a kamnue teh kai teh na pa Abraham e Cathut doeh, taket hanh, bangkongtetpawiteh, nang koe ka o. Yawhawinae na poe vaiteh, ka san Abraham pawlawк hoi na ca catounnaw ka pungdaw sak han telah ati.

²⁵ Hote hmuen koe khoungroe hah a sak. BAWIPA min a kaw teh rim a sak. Hahoi, Isak e sannaw ni hote hmuen koe tuikhu hah a tai awh.

²⁶ Hatdawkvah, Gerar hoi Abimelek teh a hui Ahuzzath hoi a ransabawi Fikol hoi ahni koevah a tho awh.

²⁷ Isak ni na hmuhma awh teh namamouh koehoi na pâlei hnukkhu, bangkongmaw ka koevah bout na tho awh telah atipouh.

²⁸ Ahnimouh ni nang koevah BAWIPA ao tie kamcengcalah ka panue awh. Patawnae poe hanlah ka tho awh hoeh. Hawinae hoi roumnae

lahoi na ceisak e patetlah kaimouh pataw nahanlah banghai na sak hoeh nahanlah,

²⁹ kaimouh rahak vah, nangmouh hoi kaimouh rahak roeroe dawkvah lawkkamnae awm naseh. Nang teh BAWIPA ni yawhawi a poe e tami doeh telah atipouh aw.

³⁰ Isak ni ahnimouh hanlah buvennae a sak pouh teh a canei aw.

³¹ Amom lah palang a tho aw hoi buet touh hoi buet touh thoebo lawkkamnae a sak aw. Isak ni a ceisak teh ahni koehoi karoumcalah hoi a tâco aw.

³² Hote hnin dawkvah, Isak e sannaw hah a tho aw hoi tuikhu a tai aw e kongnaw a dei pouh teh, tui ka hmu aw hoi toe telah atipouh aw.

³³ Hote tuikhu teh Sheba telah ati aw. Hatdawkvah, hote kho teh sahnin totouh Beersheba telah ati aw.

³⁴ Esaw teh a kum 40 touh a pha nah Hit tami Beeri canu Judith hoi Hit tami Elon e canu Basemath hah a yu lah a paluen.

³⁵ Hotnaw teh Isak hoi Rebekah a lung ka pataw sakkungaw doeh.

27

Isak ni Jakop Yawhawi a poe

¹ Hahoi, hettelah ao. Isak teh matawng toung dawkvah mithmu thai hoeh totouh a mitmawm hnukkhu, a capa kacue e Esaw hah a kaw teh ahni koevah, ka capa telah atipouh. Ahni ni hi vah ka o telah atipouh.

² A na pa ni atu kai teh ka matawng toe. Na tueng maw ka due han ti hai ka panuek hoeh.

³ Hatdawkvah, pahren lahoi palabom hoi licung hah sin nateh kahrawng vah moi na ka pouh haw.

⁴ Ka due hoehnahlan yawhawi na poe thai nahanlah ka ngai e patetlah katuipoung lah na thawng pouh nateh ka ca hanlah kai koevah thokhai telah atipouh.

⁵ Isak ni a capa Esaw hoi lawk a kâpato roi e hah Rebekah ni a thai. Hatdawkvah, Esaw teh moi ka hanlah kahrawng vah a cei.

⁶ Rebekah ni a capa Jakop koevah, thai haw, na pa ni na hmau Esaw koevah,

⁷ moi ka nateh ka due hoehnahlan ka ca vaiteh BAWIPA hmalah yawhawinae na poe thai nahanlah rawca katuipoung lah na thawng pouh haw telah a dei pouh e ka thai.

⁸ Hatdawkvah, ka capa kai ni kâ na poe e patetlah na ngai han.

⁹ Atu saringnaw koe cet nateh haw e hmaeca kahawi e kahni touh kai koevah thokhai. Hottelah, na pa hanlah, ama ni a ngai e patetlah katuipoung lah na thawng pouh han.

¹⁰ A due hoehnahlan yawhawinae na poe thai nahanlah a ca hane na pa koevah na ceikhai han telah atipouh.

¹¹ Jakop ni a manu Rebekah koevah, Khenhaw! ka hmau Esaw teh muen puk a tho, hatei, kai teh muen ka tawn hoeh.

¹² Apa ni na payam pawiteh, ahni ka dum e lah kaawm vaiteh, yawhawinae laipalah thoebonae koe kâhmo payon han na vaimoe telah a manu koe atipouh.

¹³ Hatei, a manu ni ahni koevah, na thoebonae teh kai daw k phat na seh. Ka dei e hah tarawi nateh na lat pouh haw telah atipouh.

¹⁴ Ahni ni a cei teh a la. A manu koe a poe teh a manu ni na pa ni ngai e patetlah a thawng pouh.

15 Rebekah ni a capa kacue Esaw e khohna kahawipoung e, im ahni koe kaawm hah a la teh, a capa kanaw Jakop hah a khohna sak.

16 Hmae pho hah a kut hoi muen o hoeh nae lahuen dawk a bet pouh.

17 Hahoi, ka tuipoung lah thawng e hmae moi hoi vaiyei hah a capa Jakop koevah a poe.

18 Hatdawkvah, na pa koe vah a cei teh, apa telah ati teh, a na pa ni hi vah ka o, ka capa, api nang maw telah a pacei.

19 Jakop ni a na pa koevah, na capa kacue Esaw doeh, na patoun e patetlah koung ka sak toe, pahren lahoi thaw nateh yawhawinae na poe thai nahanlah rawca heh cat leih telah atipouh.

20 Hatei, Isak ni a capa koevah, ka capa bangtelamaw telah karanglah na hmu thai telah atipouh. Ahni ni na BAWIPA Cathut ni na poe dawk doeh telah atipouh.

21 Isak ni ka capa, na payam thai nahanlah pahren lahoi na hnai haw. Ka capa Esaw katang maw telah atipouh.

22 Jakop ni a na pa Isak teh a hnai. A na pa ni a payam teh na lawk teh Jakop e lawk doeh, a kut teh Esaw e a kut doeh telah ati.

23 A kut hah a hmau Esaw e kut patetlah muen a tho dawkvah, panuek thai laipalah yawhawinae a poe.

24 A na pa ni, ka capa Esaw nang ka tang maw telah atipouh. Ahni ni, Oe kai doeh telah atipouh.

25 Ahni ni, kai koe rek thokhai haw yawhawinae na poe thai nahanlah ka capa ni thokhai e moi teh ka ca hanlah telah ati. Hahoi, a hnai teh a ca. Misur hai a poe teh a nei.

26 A na pa Isak ni ahni koevah, ka capa na hnai nateh na paco haw telah atipouh.

27 Hatdawkvah, a hnai teh a paco Ahni ni khohna hmui hah a thai teh yawhawi a poe. Thaihaw! ka capa e hmui heh BAWIPA ni yawhawinae ram hmuitui patetlah ao roeroe.

28 Hatdawkvah, Cathut ni kalvan e tadamtui thoseh, talai hawinae thoseh, cakang moikapap hoi misur moikapap na poe naseh.

29 Miphunnaw ni na thaw tawk awh naseh, miphun hah na hmalah tabawk awh naseh. Na hmaunawngghanaw e bawi lah awm nateh, na manu e canaw na hmalah tabawk awh naseh. Thoe na ka bo naw pueng thoebo lah ao vaiteh yawhawinae na ka poe e pueng hah yawhawi awh naseh telah ati.

30 Hahoi, hettelah ao. Isak ni Jakop yawhawinae phouk a poe nah Jakop teh a na pa koehoi nueng a tâco tahma vah Esaw teh samram a ceinae koehoi a tho.

31 Ahni ni hai katuipoung lah a thawng van teh, a na pa koevah a thokhai. A na pa koevah, na hringnae ni yawhawi na poe nahanlah apa teh a thaw vaiteh, a capa ni thokhai e moi hah cat naseh telah ati.

32 A na pa Isak ni ahni koevah, nang apimaw telah a pacei. Ahni ni na capa, na ca kacue Esaw doeh telah atipouh.

33 Isak teh pueng hoi a pâyaw teh, moi ka hoi kai koe ka thokhai e teh apimaw. Nang na tho hoehnahlan ca vah koung ka ca teh yawhawi ka poe e hah teh api namaw. Ahni teh yawhawi lah ao roeroe han, telah ati.

34 Esaw ni a na pa e lawk dei e a thai navah, pueng hoi a ka teh a na pa koevah, Oe apa, kai hai, yawhawinae na poe telah atipouh.

35 Hateiteh, a na pa ni na nawngna ni na dum teh na yawhawinae na la pouh toe telah atipouh.

³⁶ Esaw ni a min lah Jakop tie heh ahman katang nahoehmaw. Kai heh vai hni touh na dum teh na tâ toe. Camin counгнаe na lah pouh. Atu ka yawhawinae bout na la pouh telah ati. Ahni roeroe ni yawhawinae na tat pouh hoeh maw, telah ati.

³⁷ Isak ni Esaw koe vah, kenhaw! ahni teh na bawi lah ka coung sak teh a hmaunawngghanaw pueng hai a san lah koung ka poe toe. Cakang hoi misur hoi ka kawk toe. Ka capa nang hanlah bangmaw na sak pouh han telah atipouh.

³⁸ Esaw ni a na pa koevah, apa yawhawinae buet touh dueng maw na tawn Oe apa kai hai yawhawi na poe lah telah ati. Hatdawkvah, Esaw teh ngawngngawng a ka.

³⁹ A na pa Isak ni Esaw koevah, thai haw, na o nahane teh talai kahawi hoi kahlun lahoi tadamtui hoi a kâhla han.

⁴⁰ Na tahloi hoi na kâkawк vaiteh na nawnggha e thaw na tawк pouh han. Hahoi, hettelah ao han, kâhat laipalah na kâroe hnukkhu, a kahnam rui hah na lahuen dawк hoi a ling han telah atipouh.

⁴¹ A na pa ni yawhawi a poe dawкvah Esaw ni Jakop hah a hmuhma teh a lung hoi apa ka khuinae hnin teh a hnai toe. Hat hnukkhu ka nawnggha Jakop teh ka thei han telah ati.

⁴² A capa kacue Esaw ni a dei e lawк hah Rebekah koe a dei pouh awh. Rebekah ni a capa kanaw Jakop a kaw teh, thai haw, na hmau Esaw teh nang na thei to doeh a lungroum ti.

⁴³ Hatdawkvah, atu ka dei e hah ngai. Thaw nateh Haran vah ka thangroi Laban koe vah yawng,

⁴⁴ Na hmau a lungkhueknae a roum hoehroukrak thung teh haw vah awm ei.

⁴⁵ Nange lathueng vah na hmau lungkhueknae a roum teh a lathueng vah na sak e heh a pahnim torei, tami ka patoun vaiteh na la sak han. Bangkongmaw hnin touh dawкvah nangmouh roi ka sung han telah ati.

⁴⁶ Rebekah ni Isak koevah, Heth canunaw kecu dawк kai hring hane ka ngai hoeh toe. Jakop ni hete ram dawк e canunaw patet e tami, a yu lah lat pawiteh, kai ka hringnae aphu bangmaw kaawm han tounge telah atipouh.

28

¹ Hatdawkvah, Isak ni Jakop hah a kaw teh yawhawinae a poe, tawngtang lawк a thui e teh, Kanaan canunaw thung e yu na lat mahoeh.

² Thaw nateh Paddanaram ram dawк na manu e a na pa Bethuel im vah cet. Haw e na manu e a thangroi Laban canunaw thung dawк hoi na yu hah lat.

³ Bangpueng ka sak thai e Cathut ni yawhawi na poe naseh, miphun moi kapap lah na pung thai nahanlah ca catoun moi na tawn sak teh na pungdaw sak naseh.

⁴ Imyin lah onae ram, Cathut ni Abraham koe a poe e heh na coe nahanlah Abraham yawhawinae teh na coe sak awh naseh, nang hoi na canaw hoi telah lawк a thui.

⁵ Hatdawkvah, Isak ni Jakop teh yout a ceisak teh, Paddanaram ram e Jakop hoi Esaw e manu Rebekah e a thangroi Syria tami Bethuel capa Laban koevah a cei.

Esaw ni Mahalath a paluen

⁶ Isak ni Jakop hah yawhawi a poe teh a yu la hanlah Paddanaram ram lah a patoun. Yawhawi a poe nah Kanaan ram e tanglanaw yu lah na lat mahoeh telah lawк a thui.

⁷ Jakop ni a manu hoi a na pa e lawk hah a ngai teh, Paddanaram ram dawk a cei.

⁸ Kanaan ram e tangla naw ni a na pa Isak lungyouk sak hoeh toe tie a hmu navah,

⁹ Esaw ni Ishmael koevah a cei teh a tawn tangcoung a yunaw hloilah, Abraham capa Ishmael e canu Mahalath Nebaiioth tawncanu hah a yu lah a la.

Bethel vah Jakop lawkkamnae

¹⁰ Jakop teh Beersheba hoi a kamthaw teh Haran lah a cei.

¹¹ Hmuen buet touh koe a pha teh kaniloum toung dawkvah a roe. Talung buet touh hah a la teh lahounng lah a lahounng teh i hanlah a yan.

¹² Hahoi, mang a mang teh talai van khalai a kado teh a donghmo ni kalvan a pha. Hote khalai dawk Cathut e kalvantaminaw a kumluen awh.

¹³ A lathueng vah, BAWIPA a kangdue teh, Kai teh BAWIPA, na min Abraham e Cathut hoi Isak e Cathut lah ka o, na inae ram hah nang hoi na ca catounnaw ka poe han;

¹⁴ Na ca catounnaw teh talai e vaiphu yit touh a pha awh han. Kanitho, kaniloum, atunglah, akalah na pungdaw awh han. Nang pawlawk dawk hoi miphunngaw pueng ni yawhawinae a hmu awh han.

¹⁵ Khenhaw! nang koevah ka o. Na ceinae pueng koe na kountouk vaiteh, hete ram dawk bout na bankhai awh han. Nang koe ka dei e ka sak hoehnahlan pueng teh na cettakhai mahoeh telah ati.

¹⁶ Jakop ni a kâhlaw teh, hete hmuen koe BAWIPA teh ao roeroe ka panuek laipalah ka o, telah ati.

¹⁷ Hatdawkvah, a taki teh, het hmuen heh takikatho e lah ao! hete heh hmuen alouke nahoe, Cathut e im, kalvan longkha lah ao, telah ati. Jakop ni amom a thaw teh a lahounng e talung hah a lah teh talung lah a ung teh a van vah satui hah a awi.

¹⁸ Jakop ni amom a thaw teh a lahounng e talung hah a lah teh lungkhounng a ung teh, avan vah satui hah a awi.

¹⁹ Hote hmuen hah Bethel telah a phung. Hote kho teh hmaloe vah Luz lah ao.

²⁰ Jakop ni, apa im dawk lungmawngcalah ka ban thai nahan, kai koe Cathut hah ao teh ka ceinae lam hah a ring teh,

²¹ ca han e vaiyei hoi kâkhu hane hni na poe boipawiteh, BAWIPA teh ka Cathut lah ao han.

²² Hete talung ka ung e haiyah Cathut e im lah ao han, hahoi na poe hane naw pueng thung dawk hoi hra touh dawk buet touh teh na poe roeroe han, telah lawkkamnae hah a sak.

29

Jakop ni Rachel a kâhmo

¹ Jakop ni pou a cei teh Kanitholae taminaw e ram dawk a pha.

² A khet navah tuikhu kaawm e lawpam vah tuhu katham touh a kamkawn e hah a hmu. Bangkongtetpawiteh, tuikhu thung e tui hah tunaw ouk a pânei awh. Tuikhu koe lungsong ao.

³ Hote hmuen koe tunaw pueng pâkhueng lah ao han. Tuikhu khannaeh lungsong hah takhoe vaiteh, tu tui pânei hoi talung teh ama onae hmuen dawk bout teng lah ao han.

⁴ Jakop ni ahnimouh koevah, ka hmaunawngghanaw api kho maw, telah a pacei. Ahnimouh ni, Haran taminaw doeh telah atipouh awh.

⁵ Ahni ni ahnimouh koevah, Nahor capa Laban na panue awh maw telah a pacei. Ahnimouh ni, Oe ka panue awh, telah atipouh awh.

⁶ Ahni ni ahnimouh koevah, a hring rah maw, telah a pacei. Ahnimouh ni, Oe a dam rah doeh, kenhaw! a canu Rachel hai tu hoi a tho lahun, telah atipouh awh.

⁷ Ahni ni, Kenhaw! Kanî asaw rah, saring pâkhueng hanelah khout hoeh rah. Tunaw hah tui pânei awh nateh bout tha awh ei, telah atipouh.

⁸ Hateiteh, ahnimouh ni, tuhunaw pueng pâkhueng teh tuikhu tengnae talung takhoe hoehnahlan pueng teh tui pânei thai lah awm awh hoeh. Takhoe hnukkhu to doeh tu heh tui ouk ka pânei awh, telah atipouh awh.

⁹ Hottelah, lawk a kâpan navah, Rachel teh a na pa e tunaw hoi a tho, bangkongtetpawiteh ahni teh tu ka khoum e napui lah ao.

¹⁰ Hahoi, hettelah ao. Jakop ni a manu e a thangroi Laban e canu Rachel hoi tunaw a hmu toteh, a cei sin teh tuikhu tengnae talung hah a takhoe pouh teh a manu e a thangroi e tu hah tui a pânei pouh.

¹¹ Hahoi, Jakop ni Rachel hah a paco teh ngawnggawng a ka.

¹² Jakop ni Rachel koe a na pa e a na minca lah a onae hoi Rebekah e capa lah a onae kong hah a dei pouh. Hatdawkvah, Rachel ni a na pa koe ayawng teh a dei pouh.

¹³ Hahoi, Laban ni a tawncanu e capa Jakop kong a thai tahma, ahni dawn hanelah ayawng. A tapam teh a paco hnukkhu, a im vah a hrawi. Jakop ni Laban koe hno kâhmo e akongnaw pueng a dei pouh.

¹⁴ Laban ni ahni koe, nang teh ka misa katang doeh, telah atipouh teh ahni koevah thapa yung touh ao.

Jakop ni Leah hoi Rachel a paluen

¹⁵ Laban ni Jakop koevah, Ka minca lah na o dawkvah, apu laipalah ka thaw na tawk han na maw. Bangmaw na poe han dei haw, telah atipouh.

¹⁶ Laban ni canu kahni touh a tawn teh a camin teh Leah a phung, a cahnung teh Rachel a phung.

¹⁷ Leah teh a mit roumkawt e lah ao. Hatei, Rachel teh a tungtang hoi a mei kahawi e tami lah ao.

¹⁸ Jakop ni Rachel a ngai dawkvah, na canu kanaw e Rachel hanlah kum sari touh na thaw ka tawk han, telah atipouh.

¹⁹ Laban ni, ayâ alouke ka poe hlak teh nang na poe e heh ahawihnawn han doeh, kai koe awmh, telah atipouh.

²⁰ Hatdawkvah, Jakop ni Rachel hanlah kum sari touh a thaw a tawk pouh, a lungpataw poung dawkvah hnin dawngdengca e patetlah a pouk.

²¹ Jakop ni Laban koe, ka ikhai thai nahanlah ka yu teh na poe leih, bangkongtetpawiteh, ahnintha teh akuap toe, telah atipouh.

²² Laban ni khoca pueng a pâkhueng teh bu canae paw i sak.

²³ Hahoi, kho a hmo nah a canu Leah a hrawi teh Jakop koevah a thak pouh teh a ikhai.

²⁴ Laban ni a sannu Zilpah hah a canu Leah koevah san hanlah a poe.

²⁵ Khodai toteh, kenhaw! Leah lah a o, Jakop ni Laban koevah, ka lathueng vah na sak e heh bangmaw. Rachel ka yu nahanlah na thaw ka tawk hoeh na maw. Bangkongmaw na dum, telah atipouh.

²⁶ Laban ni, Ka ram daw k a hmau hoehnahlan a nawnggha ceisak phung roeroe nahoeh.

²⁷ Hete napui hanlah hnin sari kuep sak ei, hahoi, kum sari touh ka thaw bout na tawk han e daw k alouknaw hai na poe han, telah atipouh e patetlah,

²⁸ Jakop ni hottelah a sak teh hnin sari touh a kuep sak teh Laban ni a canu Rachel haiyah a yu hanlah a poe.

²⁹ Hahoi, Laban ni a sannu Bilhah hah a canu Rachel koevah a san hanlah a poe.

³⁰ Rachel bout a ikhai. Leah hlakvah Rachel heh a lung hoe a pataw dawkvah, Laban e thaw kum sari touh bout a tawk pouh.

³¹ BAWIPA ni Leah teh lungpataw hoeh tie a panue dawkvah a thun a kamawng sak. Hatei, Rachel teh a carôe.

³² Leah teh camo a vawn teh ca tongpa a khe, a min lah Reuben a phung. Bangkongtetpawiteh, BAWIPA ni runae ka kâhmo e a panue. Hatdawkvah, atu teh ka vâ ni na lungpataw han toe, telah ati.

³³ Camo bout a vawn teh ca tongpa bout a khe. Kai na hnoun e BAWIPA ni a thai dawkvah, hete ca tongpa hai na poe telah ati teh Simeon telah min a phung.

³⁴ Camo bout a vawn teh ca tongpa bout a khe. Atu teh ca tongpa kathum touh ka khe pouh toe dawkvah, ka vâ ni na tha mahoe toe, telah ati. Hatdawkvah, a min lah Levih a sak.

³⁵ Hahoi, camo bout a vawn teh ca tongpa bout a khe. Atu teh, BAWIPA ka pholen han, telah ati. Hatdawkvah, a min Judah a phung. Hahoi teh, camo khe hoeh toe.

30

¹ Rachel ni Jakop hanlah camo a khe pouh hoeh e a hmu toteh, a hmau hah a ut teh Jakop koe, Camo na poe, nahoe pawiteh ka due han, telah atipouh.

² Jakop teh Rachel koe a lungkhuek teh, ca khe han ka pasoung hoeh e Cathut yueng lah maw ka o, telah ati.

³ Napui ni, kenhaw! ka sannu Bilhah heh ipkhai nateh kai ni hai ahni koehoi camo ka tawn thai nahanlah, ka phai dawk camo a khe han, telah ati.

⁴ Hatdawkvah, a sannu Bilhah teh a yu hanlah a poe teh Jakop ni a ikhai.

⁵ Bilhah ni camo a vawn teh Jakop hanlah ca tongpa a khe pouh.

⁶ Rachel ni, Cathut ni na pouk teh ka lawk hai a thai dawkvah, ca tongpa na poe, telah ati. Hatdawkvah, a min lah Dan a phung.

⁷ Rachel e a sannu teh camo bout a vawn teh Jakop hanlah ca tongpa apâhni bout a khe pouh.

⁸ Rachel ni, ka hmau hoi kâthe teh ka tâ toe telah ati. Hatdawkvah, a min lah Naptali a phung.

⁹ Leah ni camo ka khe thai hoeh toe tie a kâpanue dawkvah, a sannu Zilpah hah a ceikhai teh a yu hanlah Jakop hah a poe.

¹⁰ Hatdawkvah, Leah e a sannu, Zilpah ni camo tongpa Jakop hanlah a khe pouh.

¹¹ Leah ni, a yawhawi, telah ati teh, a min lah Gad a phung.

¹² Leah e a sannu Zilpah ni ca tongpa Jakop hanlah bout a khe pouh.

¹³ Leah ni, Ka yaw ahawi, napuinaw ni a yaw kahawi poung katang e na ti pouh han, telah ati teh a min lah Asher a phung.

¹⁴ Canga tue nah Reuben teh law vah a cei teh, hloisi hah a hmu teh a manu Leah koevah a thokhai. Hatdawkvah, Rachel ni Leah koevah, pahren lahoi na capa hloisi youn touh na poe haw, telah atipouh.

15 Ahni ni, ka vâ na lawp e heh hno tica e lah maw na pouk, ka capa hloisi totouh lawp han e na kâcai telah atipouh. Rachel ni, hat boi pawiteh, na capa e hloisi yueng lah atu tangmin na ikhai han, telah atipouh.

16 Tangmin lah Jakop teh law hoi a tho teh, Leah ni a dawn hanlah a thaw teh, Na ikhai roeroe han, bangkongtetpawiteh, ka capa koe e hloisi heh ka hlai toe, telah ati dawkvah, hote tangmin teh a ikhai.

17 Cathut ni Leah e ratoumnae hah a tarawi, camo a vawn teh Jakop hanlah ca tongpa panganae a khe pouh.

18 Leah ni, Ka sannu hah ka vâ koe ka poe dawkvah, Cathut ni ka tawknae aphu hah na poe van, telah a titeh a min lah Issakhar a phung.

19 Leah ni, Camo bout a vawn teh Jakop hanlah ca tongpa ataruknae bout a khe pouh.

20 Leah ni, Cathut ni kahawi poung e kamthoupnae hoi na pathoup, ka vâ hanelah ca tongpa taruk touh ka khe pouh toung dawkvah, kai koe ao han toe, telah a titeh a min lah Zebulun a phung.

21 Hathnukkhu, napuica bout a khe teh a min lah Dinah a phung.

22 Cathut ni Rachel hah pahnim hoeh. Hatdawkvah, Cathut ni a ratoumnae a tarawi pouh teh, camo im a kamawng sak.

23 Hahoi, camo a vawn teh ca tongpa a khe. Cathut ni ka min mathoenae na ramuk pouh, telah ati.

24 Hahoi, BAWIPA ni capa alouke bout na poe ei naseh, a titeh a min lah Joseph a phung.

Jakop ni Laban hnâbokhainae

25 Rachel ni Joseph a khe hnukkhu hettelah ao. Jakop ni Laban koevah, ka onae ram lah ka ban thai nahanlah na cetsak leih.

26 Na thaw na tawk pouh toe. Hatdawkvah, ka yunaw hoi ka canaw na poe nateh na cetsak leih, bangkongtetpawiteh na thaw ka tawk e naw hah na panue, telah atipouh.

27 Laban ni, Na pahren thai pawiteh, awm ei. Bangkongtetpawiteh, BAWIPA ni nang pawlawk dawk hoi yawhawinae na poe e hah ka mithmu vah ka panue, telah atipouh.

28 Ama roeroe ni na hmu hane to nateh na poe han, telah ati.

29 Jakop ni ahni koevah, bangtelamaw na thaw ka tawk tie hoi na saring hah bangtelamaw kai koe ao ti hah na panue.

30 Ka tho hoehnahlan teh yitca doeh na tawnh, atuteh moikapap a kampung. Pek ka tho hoi BAWIPA ni yawhawinae hah na poe. Nâtuék maw ka imthungkhu hanelah thaw ka tawk van han telah ati.

31 Hatdawkvah ahni koe, bangmaw na poe han telah atipouh. Jakop ni, banghai na poe hanh. Hetteh na sak pouh boipawiteh, na saringnaw teh bout na khoum pouh han.

32 Sahnin vah tuhu, hmaehu, thung ka cei teh, tarakcak e hmaenaw, humtamang e tunaw pueng hah koung a kapek toe. Hathnukkhu ka tarakcak e hmae, humtamang e tunaw teh kai ni ka coe hane aphu lah ao han.

33 Hatdawkvah, atotovah kaie tawkpheu ka hmu hane teh na hmalah a pha to vah, ka lanna ni na pathung han doeh. Hmae thung dawk tarakcak lah a em ka pangaw hoeh e, a em kasawlah ka pangaw hoeh e, tu thung dawk ka tamang hoeh e kai koe na hmawt pawiteh, ka paru e lah na pouk han, telah atipouh.

34 Laban ni, Oe, na dei e patetlah tho lawiseh, telah ati.

³⁵ Hot hnin totouh hoi, hmaetan taracak ni teh kasawlah a em kaawmnaw pueng hoi, Hmae manu taracak ni teh kasawlah a em kaawm e naw pueng, ka pangaw pueng hoi tu thung dawk ka tamangnaw pueng hah a kapek pouh teh a capanaw e a kut dawk a poe.

³⁶ Ahni hoi Jakop rahak vah hnin thum lamcei koe ao sak teh, Jakop ni Laban e saringnaw pueng hah bout a thak pouh.

³⁷ Jakop ni poplar hoi hazel hoi almond thing e akangnaw hah a la teh taracak lah a tarik.

³⁸ Saringnaw ni tui ouk a neinae dokko hoi palang dawkvah, saringnaw e hmalah sonron hah a ta. Bangkongtetpawiteh, tui nei hanlah ouk a tho awh nah saring hah âvâ ouk a cu awh.

³⁹ Hatdawkvah, saring hah sonron teng âvâ ouk a cu nah, a em taracak lah ouk a khe.

⁴⁰ Hahoi, Jakop ni tucanaw a kapek teh, Laban e saringhu thung dawk e a em kaawm hoi katamangnaw pueng koe lah a kangvawi sak. Amae saring hah a kapek teh Laban e saring hoi rei hrueng hoeh.

⁴¹ Atha bet kaawm hnawn e saring âvâcu toteh, sonron hmalah âvâcu thai nahanlah, Jakop ni tui a lawngnae koe saringnaw e a hmaitung vah, sonron hah ouk a ta pouh.

⁴² Hatei, saring hah kamsoe pawiteh tat pouh hoeh. Hottelah, ka kamsoe e a canaw teh Laban e lah ao teh, a tha bet kaawm e naw hah Jakop e lah ao.

⁴³ Hatdawkvah, Jakop koe moi kapap lah a kampung teh saringhu moi kapap, sannu hoi sanpa naw hoi, kalauknaw hoi lanaw hah a tawn.

31

Laban koehoi Jakop a yawng

¹ Laban e canaw ni, Jakop ni kaimae apa e hno pueng koung a la pouh dawkvah, hete tawnta e naw pueng heh a hmu e doeh, telah a dei awh e lawk hah Jakop ni a thai.

² Jakop ni, Laban e minhmai a khet nah a hmoun e patetlah minhmai kahawi ka hmawt hoeh toe tie hah a panue.

³ Hatdawkvah, BAWIPA ni Jakop koevah, na mintoenaw e ram hoi na imthungkhu lah ban nateh, nang koe vah ka o han, telah ati.

⁴ Jakop ni tami a patoun teh Rachel hoi Leah hah saring onae law vah tho hanelah a kaw sak.

⁵ Ahnimouh roi koe, na pa e minhmai ka hmu navah, ahmoun e patetlah minhmai kahawi ka hmawt hoeh toe tie hah ka panue, hateiteh Apa Cathut teh kai koe ao toe.

⁶ Ka thayung abuemlahoi na pa e thaw ka tawk e hah na panue awh.

⁷ Hot nahlangva na pa ni na dum teh, ka hmu hane apfu hah vai hra touh na dum toe. Hatei patawnae na poe hane teh Cathut ni na pasoung hoeh.

⁸ Taracak e pueng hah apfu lah ao han telah a dei teh saring pueng ni taracak lah koung a khe. Taracak hoi kâkalawt lah a khe e pueng apfu lah ao han ati ei nakunghai, saring pueng ni taracak lah koung a khe.

⁹ Hottelah, Cathut ni na pa e saringhu hah a la pouh teh kai na poe e doeh.

¹⁰ Hahoi hettelah ao. Saring âvâ yawng hane a kamtawng nah ka mang lah ka khet teh, khenhaw! âvâ ka cawt e a tan hah a em lah kaawm e hoi a em taracak e hoi, a em dakdak kaawm e naw hah ka hmu.

¹¹ Ka mang lah Cathut e kalvantami ni, Jakop ati teh kai ni, hi vah ka i doeh, ka ti pouh.

¹² Ahni ni, moung na teh, khenhaw! a tan ni âvâ a yawng e pueng hah a em kaawm hoi a em tarakcak e hoi a em dakdak kaawm naw seng doeh. Bangkongtetpawiteh, Laban ni nang dawk a sak e naw pueng hah be ka panue.

¹³ Kai teh talung na ungnae dawk satui na awinae, kai koe lawkkam na saknae Bethel, hote Bethel Cathut lah ka o. Atu thaw nateh hete ram heh tâcawt takhai, na khenae ram koe lah ban leih, telah ati.

¹⁴ Rachel hoi Leah ni a pathung roi teh, apa im e maimouh hanelah ham hane hoi râw ao rah maw.

¹⁵ Ahni ni imyin patetlah na pouk awh toung nahoehmaw. Bangkongtetpawiteh, na yo awh teh maimae tangka hai be a ca awh toe.

¹⁶ Bangkongtetpawiteh, Cathut ni maimae na pa koehoi a la e naw pueng teh, maimae canaw hane doeh. Hottelah Cathut ni nang koe a dei e pueng teh sak yawkaw, telah atipouh.

¹⁷ Jakop hah a thaw teh, a capanaw hoi a yu roi hah kalauk dawk a kâcui sak.

¹⁸ Kanaan ram a na pa Isak koe cei hanelah a saringnaw hoi hnopai a pâtung e a hmu e saringnaw pueng, Paddanaram ram e a tawn e naw pueng be a sin awh.

¹⁹ Laban teh amae tu muen ngaw hanelah a cei teh Rachel ni a cei teh a na pa e Terah meikaphawk hah yout a la pouh.

²⁰ Jakop teh Siria tami Laban panuek laipalah, arulahoï a cei. A cei hane hah dei pouh hoeh.

²¹ Hottelah a tawn e naw pueng hoi a yawng. A thaw teh palang a raka teh Gilead mon lah pâtam lahoï a cei.

Laban ni Jakop a pâlei

²² Jakop a yawng tie hah apâthum hnin vah Laban koe a dei pouh awh.

²³ A hmaunawngghanaw a hrawi teh, hnin sari touh thung a pâlei teh Gilead mon dawk rek a pha awh.

²⁴ Hateiteh, Siria tami Laban koe karum a mang lahoï Cathut a tho teh, Jakop koe a thoe hoi hawi banghai na dei hoeh nahanelah kâhruetcuet, telah atipouh.

²⁵ Hottelah Laban ni Jakop hah rek a pha. Jakop ni rim hah mon dawk a yap teh, Laban hoi a hmaunawngghanaw ni Gilead mon dawk ahnimae rim hah a yap awh van.

²⁶ Laban ni Jakop koe, na sak e hno heh bangmaw. Ka thai laipalah dung na cei awh teh, tarantuknae koe man e patetlah ka canunaw na yawngkhai.

²⁷ Bang kecu dawk maw, arulahoï tapueng hoi ratoung hoi na thak thai nahanlah dei laipalah na o.

²⁸ Ka capanaw hoi ka canunaw ka paco han na pasoung hoeh. Hottelae pathunae hno hah na sak.

²⁹ Kai ni koung na raphoe thai han ei teh, na pa Cathut ni karum ka mang lah, Jakop koe a thoe hoi hawi banghai na dei hoeh nahanelah kâhruetcuet, telah na dei pouh.

³⁰ Na pa im na rabui poung kecu dawkvah, na ka cet e katang lah na o. Hatei bang kecu dawk maw ka cathutnaw na paru pouh awh, telah ati.

³¹ Jakop ni a pathung teh Laban koe, na canunaw heh thama lah na lawm vaï tie hah ka puen dawk doeh.

³² Namae cathut ka lat e teh hring sak hanh. Ka hmaunawngghanaw mithmu vah na cathut kai koe kaawm e teh kahawicalah khen nateh, lat yawkaw, telah ati. Bangkongtetpawiteh, Rachel ni a paru e hah Jakop ni la panuek hoeh.

³³ Laban teh Jakop e rim hoi Leah e rim hoi a sannu kahni touh roi e rim koe a tawng teh, hmawt hoeh. Hahoi, Leah e rim hoi a tâco teh Rachel e rim dawk a kâen.

³⁴ Rachel ni meikaphawk hah a la teh kalauk ni phunae hno thung vah a hro. Laban ni rim thung naw pueng hah pheng a pâphue eiteh hmawt hoeh.

³⁵ Rachel ni a na pa koe, na hmalah ka thaw ngai tho hoeh. Ka bawipa, na lungkhuek sak hanh, ka kampheng lahun lah ao dawk doeh, telah ati. Pheng a pâphue eiteh meikaphawk hah hmawt thai awh hoeh.

³⁶ Jakop teh a lungkhuek teh, Laban hah a yue. Jakop ni Laban koe, bang e phung maw ka ek, bangmaw ka yonnae ao teh, na lungkhuek laihoi na pâlei.

³⁷ Ka hnopainaw pueng be na pâphue teh, namae hnopai bangmaw na hmu. Maimouh roi teh lawkkâceng thai nahan ka hmaunawngghanaw hoi nange hmaunawngghanaw e hmalah tat.

³⁸ Kum 20 totouh nang koe ka o teh, na tu hoi na hmaenaw ni ca khe laipalah awm boihoeh. Na tuhu thung e a tan hai ka cat boihoeh.

³⁹ Moimatheng ni a kei e hai nang koe ka phatkhai boihoeh. Kai ni paleipalang kahmat e yueng lah ouk ka rawng. Kanîthun lah a paru e naw karum lah a paru e naw hai na patho sak.

⁴⁰ Hettelah ouk ka o. Kanîthun khumbei um hai, karum a pâding nahai, rucut um hai, ka tawk. Ihmu boum lah ka ip boihoeh.

⁴¹ Hottelah kum 20 touh thung na im vah ka o teh, na canu roi ka hni touh kutphu e dawk kum 14, na thaw ka tawk. Na saring kutphu dawk kum 6 ka tawk teh, kutphu hah vai hra totouh bout na dum.

⁴² Apa Cathut, Abraham Cathut, Isak Cathut ni a taki e hah kai koe awm hoehpawiteh, atu patanghai tak caici lah ban sak han na noe. Cathut ni karucatnae hoi ka patangnae hah a panue, paduem vah na yue toe, telah ati.

⁴³ Laban ni a pathung teh, Jakop koe, napuinaw heh kaie canunaw doeh. Tongpanaw hai kaie capanaw doeh. Saringnaw hai kaie saringnaw doeh. Na tawn e naw pueng heh kaie seng doeh. Hateiteh, sahnin vah hete ka canunaw hoi a canaw e a lathueng vah bangmaw ka sak thai han.

⁴⁴ Hatdawkvah, nang hoi kai lawkkamnae sak roi sei. Hothateh, nang hoi kai rahak dawk kapanuekkhaikung lah awm seh, telah ati.

⁴⁵ Hottelah, Jakop ni talung a la teh talung hah a ung.

⁴⁶ Telah Jakop ni a hmaunawngghanaw koevah, talung pung awh haw, telah ati. Talung hah a la awh teh, a pung awh. Hot van vah bu a ca awh.

⁴⁷ Laban ni talung pung e hah Jegarsahdutha telah a phung. Hateiteh Jakop ni Galeed telah ati.

⁴⁸ Laban ni hete pung e talung heh sahnin vah, kai hoi nang rahak vah, lawk kapanuekkhaikung lah ao telah ati. Hatdawkvah a min lah Galeed telah ati e lah ao.

⁴⁹ Mizpah telah hai ati awh. Bangkongtetpawiteh, Laban ni kamphei awh hnukkhu hoi BAWIPA ni maimanaw na ring lawiseh.

⁵⁰ Ka canunaw heh roedeng na poe teh, yu alouke na tawn pawiteh, apihai maimouh koe awm hoeh eiteh, kenhaw! Cathut teh nang hoi kai rahak vah, kapanuekkhaikung lah ao, telah ati.

⁵¹ Laban ni Jakop koe hete talung ung e hoi hete talung pung e heh kai hoi nang rahak vah ka ta e lah ao.

⁵² Patawnae poe hanelah kai ni hete talung pung e hoi talung ung e hoi lohlah ka tho mahoe, tie hoi nang ni hai hete talung pung e hoi talung ung e hoi lohlah tapuet hoi na tho mahoe, telah hete talung pung e hah kapanuekkhaikung lah awm nateh, hete talung ung e hai kapanuekkhaikung lah awm naseh.

⁵³ Abraham Cathut, Nahor Cathut, a na pa Cathut ni maimae rahak lawceng naseh, telah ati. Hahoi Jakop ni a na pa Isak ni taki e noe lahoi thoe a bo.

⁵⁴ Jakop ni mon dawkvah, thuengnae a sak teh a hmaunawngghanaw hah vaiyei ca hanelah a kaw teh, vaiyei hah a ca aw. Mon dawkvah a roe aw.

⁵⁵ Laban teh amom vah a thaw teh, a capanaw hoi a canunaw hah a paco teh yawhawi a poe hnukkhu Laban teh a ma onae koe lah a ban.

32

Jakop pankângainae

¹ Jakop teh a cei teh, Cathut e kalvantaminaw ni a dawn.

² Jakop ni hmu toteh hete Cathut roenae hmuen doeh telah a titeh, hote hmuen teh Mahanaim telah min a phung.

³ Jakop ni Edom ram e Seir ram daw k a hmau Esaw koe vah a hmalah patounenaw a patoun.

⁴ Ahnimouh koe lawk a thui. Ka bawipa Esaw koe hettelah na dei aw han. Na san Jakop ni hettelah ati, Laban koe imyin lah ka o teh atu totouh ka o.

⁵ Maitotan hoi, la hoi tunaw hoi, hmaenaw hoi sanpa sannunaw hah ka tawn. Hatdawkvah, na minhmai kahawi ka hmu thai nahanlah ka bawipa koe dei pouh hanelah, taminaw ka patoun ati, telah atipouh.

⁶ Patounenaw hah Jakop koe a ban aw teh, na hmau Esaw koe ka pha aw. Tami 400 touh hoi nang na dawn hanelah ahni hai a kamthaw, telah a dei pouh aw.

⁷ Hatdawkvah, Jakop ni a takipoung teh kângairu hoi ao. Ama koe kaawm e taminaw hoi tuhu hoi maitohu hoi kalauknaw hah hu kahni touh lah koug a kapek.

⁸ Jakop ni Esaw a kâhmo toteh, ahu buet touh e thet pawiteh a hu alouknaw teh ka yawngkhai thai han doeh, telah ati.

⁹ Hottelah Jakop ni, oe apa Abraham Cathut, apa Isak Cathut, oe BAWIPA na ram hoi na imthungnaw koe ban nateh, kaimouh ka thet hane katetnaw,

¹⁰ na san e lathueng vah lungmanae hoi yuemkamcunae pueng na kamcu sak e thung daw k hoi, kathoengpounge patenghai hmu hanelah ka kamcu hoeh. Bangkongtetpawiteh, Jordan palang hah ka sonron hoi dueng ka raka teh atuteh a hu kahni touh ka pha toe.

¹¹ Pahren lahoi ka hmau Esaw e kut thung roeroe hoi na rungngang haw. Bangkongtetpawiteh, napui camonaw hoi kaimouh rekrek na saueng han doeh tie hah puenghoi ka tásue.

¹² Bangkongtetpawiteh, nama ni, na pungdaw sak vaiteh, na ca catounnaw hah touk thai hoeh e tali daw k e sadi yit touh na pap sak han na tie hah, telah ati.

¹³ Hate karum teh haw vah a roe aw. Hahoi a tawn e thung daw k hoi hmae manu 200, hmaetan 20,

¹⁴ Kalauk sanu kasu lahun e 30, a canaw khuehoi maito manu 40, maitotan 10,

¹⁵ La manu 20, la a kum kanaw e 10, hetnaw hah a hmau Esaw koe poehno lah poe hanelah a pasoum.

¹⁶ Hotnaw teh a huhu lahoi aloukcalah a sannaw kut dawk a poe. Hahoi, ahnimouh koe, ka hmalah cet aw h nateh, a louklouk lah rahak kaawm lahoi cet aw h, ati.

¹⁷ Hahoi lam kahrawikung koevah, ka hmau Esaw hoi na kâhmo toteh, apie taminaw maw, na maw na cei aw h han, nangmae na hmalah kaawmnaw hah apinaw maw, telah na pacei aw h pawiteh,

¹⁸ Na san Jakop e naw seng doeh. Ka bawipa poe hanelah poehno na patawn e naw doeh. Khenhaw! ama hai kaimae hnuklah ao, na ti pouh aw h han, telah lawk a thui.

¹⁹ Apâhni e hoi apâthum e hoi saring kakhounnaw pueng koe hai, Esaw na kâhmo torei teh, hot patetlah na dei aw h han.

²⁰ Hahoi khenhaw! na san Jakop teh kaimae hnukkhu lah ao na ti pouh aw h han, telah lawk a thui. Bangkongtetpawiteh, ka hmalah ka cet e poehno ni a lungthin ahawi sak han. Hathnukkhu hoi a mei ka hmu han, telah pawiteh, a lungroum yawkaw han telah ati.

²¹ Hatdawkvah, poehno hah a hmalah a ceisak. Hatei, ama teh hote karum teh tamihunaw koe a roe.

Cathut hoi a kâthe

²² Karum vah a thaw teh a yu roi hoi a canaw hlaibun touh hah a ceikhai teh Jabbok palang hah a raka aw h.

²³ Ahnimouh hah a ceikhai teh palang hah a raka aw h. A tawn e naw pueng hai a ceikhai.

²⁴ Jakop amadueng ao nah tami buet touh hoi khodai totouh a kâthe roi.

²⁵ Ahni ni ka tâ mahoe h tie a panue toteh, Jakop e a sumbung hru kâcunae koe a khoe pouh. Hatdawkvah Jakop teh a khokkhem.

²⁶ Ahni ni, na cetsak leih, bangkongtetpawiteh kho hai a dai toe telah ati. Hateiteh, ahni ni yawhaw i na poe hoehpawiteh, na cetsak mahoe h telah ati.

²⁷ Ahni ni na min a pimaw telah a pacei navah, Jakop telah atipouh.

²⁸ Ahni ni na min Jakop teh Jakop tet mahoe h toe, Isarel ati aw h han toe. Bangkongtetpawiteh Cathut hoi tami hai na the teh na tâ toe, telah ati.

²⁹ Jakop ni pahren lahoi na min apimaw telah a pacei. Ahni ni bang kecu daw k maw ka min na pacei telah ati. Hawvah yawhawinae a poe.

³⁰ Haw e hmuen teh Jakop ni Peniel, telah ati. Bangkongtetpawiteh, Cathut teh minhmai kâhmo lahoi ka hmu teh ka hringnae hah a pâhlung telah ati.

³¹ Hahoi Penuel hoi a tâco nah, kanî a tâco, Ahni teh a kamlang teh a phaihru kecu daw k a dongkhaw t.

³² Hatdawkvah, Jakop e phai hru kâcunae koe a khoe pouh daw kvah, sahnin totouh Isarel catounnaw ni phai hru kâcunae koe e tharui hah cat boi aw h hoe h.

33

Esaw hoi Jakop a kâhmo roi

¹ Hahoi Jakop ni a radoung teh, khenhaw! Esaw teh tami 400 touh hoi a tho. Hahoi a canaw hah Leah hoi a sannu koe vah a ta.

² Hahoi a sannu hoi a canaw hah hma ahman, hat hnukkhu vah Leah hoi a canaw, Rachel hoi Joseph teh a hnukteng poung lah a ta.

³ Ama teh hma ahman teh, a hmau teng a pha toteh talai vaisari touh a tabo.

⁴ Hatei ama kâhmo hanelah Esaw koe a yawng teh, a kâtapam roi teh, a kâpaco roi teh, a ka roi.

⁵ Êsaw ni a khet teh, napui hoi camonaw hah a hmu. Hahoi teh na thokhai e naw hah tami bangpatetnaw na maw, telah atipouh. Ahni ni Cathut ni na lungma teh na san a poe e camonaw nan ma aw atipouh.

⁶ A sannu hah a canaw hoi a tho teh a tabut.

⁷ Leah hai a canaw hoi a tho teh a tabut. Hahoi Rachel hoi Joseph hai a tho teh a tabut rawi.

⁸ Esaw ni saringhu a kâhmo e naw pueng hah bangtelane, telah ati. Ahnimouh ni ka bawipa na minhmai kahawi ka hmu thai nahanelah ka sak e doeh, telah ati.

⁹ Hatei Esaw ni ka nawngaha, moikapap ka tawn, na tawn e teh nama hane ma tat leih, atipouh.

¹⁰ Jakop ni nahoe h bo, na minhmai kahawi ka hmawt pawiteh, pahren lahoi na poe e poehno hah na dâw pouh loe. Cathut mei hmu lah na mei ka hmu teh, kai lathueng na lung bout ahawi.

¹¹ Cathut ni na pahren teh, moi ka tawn doeh. Pahren lahoi kai ni na poe e naw hah na dâw pouh yaw kaw, telah ati. Hottelah pou a pasawt teh a dâw pouh.

¹² Hahoi Esaw ni kamthaw awh sei. Cet awh sei, na hmalah ka cei han atipouh.

¹³ Hatei Jakop ni ahni koe na camonaw heh ek a naw rah. Tuhu hoi maitohu hoi kaimouh koe kaawm e naw teh ca ka cun e naw lah ao dawkvah, ka bawipa nang ni na panue doeh. Hnin touh mah karanglah ka hrui pawiteh be a due awh han doeh.

¹⁴ Ka bawipa, pahren lahoi na sannaw hmalah cet nateh, Seir mon daw k ka bawipa nang koe pha awh hoehroukrak, ka hmalah saring ka cet e naw, a cei thai awh e patetlah camonaw hai a cei thai awh e patetlah payai lahoi ka ceikhai han, telah ati.

¹⁵ Esaw ni kai koe kaawm e a tangawn kangna teh, tat awh lawisei, telah ati. Hatei, ahni ni bangmaw a panki. Ka bawipa minhmai kahawi na hmawt sak leih telah ati.

¹⁶ Hottelah, Esaw teh hat hnin vah Seir mon pâtam laihoi a ban.

¹⁷ Jakop teh Sukoth vah a cei teh, ama hanelah im a sak teh, a saringnaw hane haiyah impui a sak pouh.

¹⁸ Jakop teh lungmawngcalah paddanaram ram hoi Kanaan ram e kaawm sekem khopui koe a pha teh, khopui pui hmalah rim pui hah a sak.

¹⁹ Hote rim a saknae hmuen teh sekem na pa Hamor capanaw koe tangka 100 touh hoi a ran e doeh, .

²⁰ Hawvah, khoungroe a sak teh, El Elohim Isarel telah min a phung awh.

34

Dinah kâhmonae

¹ Leah canu Dinah Jakop e a yu ni a khe pouh e hah haw e ram daw k e tanglanaw hmu han a ngai dawkvah a pai.

² Hiv tami, haw e siangpahrang Hamor capa Shekhem ni a hmu, a man teh a ikhai teh a min a mathoe sak.

³ A hringnae teh Jakop canu Dinah koe dueng a lungthin ao, hote tangla teh a lungpatawpoung dawk lawk kahawi hoi dueng a pato.

⁴ Shekhem ni a na pa Hamor koe, hote tangla hah kai hane yu lah na paluen pouh, telah ati.

⁵ Jakop ni a canu Dinah hah Shekhem ni a khin sak tie hah a panue, a capanaw hah law vah saringhu hoi a i awh teh, a tho hoehroukrak teh Jakop duem ao.

⁶ Shekhem e a na pa Hamor teh Jakop pato hanelah a cei.

⁷ Jakop capanaw ni a thai awh tahma vah law hoi a ban awh. Jakop canu a ikhai e hoi, Isarelnaw thungvah kayayeirai sak hane hoi, sak hoeh hane kawi yonnae a sak dawkvah, a lungmathoe awh teh a lung pueng hoi a khuek awh.

⁸ Hateiteh, Hamor ni a pato teh ka capa Shekhem a hringnae teh na canu e lathueng dueng doeh ao, pahren lahoi a yu hanelah paluen sak leih.

⁹ Kâpaluen awh sei, na canunaw na paluen sak awh haw, kaimae canu hai paluen van awh.

¹⁰ Kaimouh koe na o awh vaiteh ram hai moi kalen lah ao doeh. Hivah awm awh nateh hno yawt awh nateh, moikapap tawnta awh telah ati.

¹¹ Shekhem ni tangla e na pa hoi a thangroinaw koevah na pahren awh loe. Kai koe na dei awh e pueng na poe awh han.

¹² Aphu hoi poehno teh na hei awh e yit touh na poe awh han. Bangtelah nakunghai tangla teh yu lah na paluen sak awh telah ati.

¹³ Hateiteh, Jakop capanaw ni a canu Dinah a khinsak awh dawkvah, Shekhem hoi a na pa Hamor teh dumnae lahoi bout a dei pouh awh.

¹⁴ Ahnimouh ni ahnimanaw koe vuensom ka a hoeh e naw koe ka canu na poe thai awh mahoe. Bangkongtetpawiteh, hot hateh kaimouh hanelah min mathoenae doeh.

¹⁵ Hateiteh, hettelah lawk na kâkam awh torei dueng doeh, nangmae lawk hah ka hnâbawt awh ti, nangmouh koe e tongpa pueng hah vuensoma awh nateh kaimanaw patetlah awm awh.

¹⁶ Hat toteh, kaimae canu na paluen sak vaiteh, kaimouh ni hai nangmae canunaw hai ka paluen van awh han. Hahoi nangmouh koe ka o awh vaiteh, miphun buet touh lah o awh han.

¹⁷ Hateiteh, kaimae lawk na ngai awh hoeh lah, vuensom na a awh hoehpawiteh, ka canu ka la vaiteh ka cei awh han toe telah ati.

¹⁸ Hahoi ahnimae lawk ni Hamor hoi Hamor capa Shekhem hah a lunghawi sak.

¹⁹ Hottelah thoundoun ni Jakop canu hah a ngai lawi vah, hothateh moikasaw e lah pouk laipalah tang a sak, ahni teh a na pa imthungnaw thung dawkvah bari poung e lah ao.

²⁰ Hamor hoi a capa Shekhem ni a kho kalupnae longkha koe a pha awh teh, kho thung e taminaw hoi a kâpato awh.

²¹ Hote taminaw hoi maimouh hoi karoumcalah hoi kho a sak awh. Hatdawkvah hete ram dawk kho a sak awh vaiteh, hivah hno yawt awh naseh. Bangkongtetpawiteh, ahnimouh han ram akawpoung doeh. A canunaw hah yu lah paluen awh vaiteh, maimae canunaw hai yu lah paluen van awh naseh.

²² Hateiteh, miphun buet touh lah o awh thai nahan, hettelah lawkkam awh torei dueng doeh ahnimouh ni hnâ na bo khai hanelah ao, vuensom

ka a aw h e patetlah mamouh thung e tongpa pueng hai vuensoma aw h sei.

²³ Ahnimae saringnaw, hnopainaw hoi a tawnta e naw pueng teh, maimae lah be kaawm han nahoe h maw. Ahnimae lawk teh hnâbawtkhai aw h sei. Hottelah hoi maimouh koe kho a sak aw h han telah ati aw h.

²⁴ Hamor hoi a capa Shekhem ni a dei e hah kalupnae rapan koe kâen ka tâcawt e pueng ni a hnâbokhai aw h teh, longkha koe kâen ka tâcawt e tongpa pueng teh vuensom koug a a sak aw h.

²⁵ Hahoi hettelah doeh. A apâthum hnin a pataw poungnae daw k Jakop capanaw thung hoi kahni touh e, Dinah e a thangroi Simeon hoi Levih ni amamouh roi e tahloi a sin roi teh arulahoi khopui a tuk roi teh tongpa pueng he a thei roi.

²⁶ Hamor hoi a capa Shekhem hai tahloi hoi a thei aw h. Shekhem im daw k e Dinah hah a tâcokhai aw h teh a cei aw h.

²⁷ Jakop capanaw ni a thei aw h e naw koe a pha aw h van teh, a tawncanu a kamhnawng sin daw kvah khopui teh a raphoe aw h.

²⁸ A tuhunaw, maitouhunaw, lahunaw hoi amamouh kho e kaawm e hnopainaw hah a la pouh aw h.

²⁹ A hnopainaw, a canaw hoi a yunaw imthungkhu kaawm e pueng hah he a lawp aw h teh be a raphoe aw h.

³⁰ Jakop ni Simeon hoi Levih koe vah nangmanaw ni hete ram daw k e taminaw hoi Kanaannaw hoi Periznaw kecu daw kvah, kai heh min mathoena e na phu sak teh, lung na mathoe sak. Kai ka younca navah kai taranlahoi kamkhueng aw h vaiteh, kai hoi ka imthungnaw hah na thet aw h vaiteh, he na pahma aw h han doeh telah ati.

³¹ Hateiteh, ahnimouh ni kaimae tawncanu heh, kâyawt e napui patetlah a sak han na maw telah ati aw h.

35

Jakop Bethel lah bout a ban

¹ Cathut ni Jakop koe vah, thaw nateh Bethel kho vah cet nateh haw vah aw m, na hmau Esaw koehoi na yawng nah nang koe ka kamnuek e Cathut hanelah thuengnae khougroe hah sak telah ati.

² Jakop ni a imthung hoi ama koe kaawm e tami pueng koe, nangmouh koe Jentelaw e cathut kaawm e hah tâkhawng aw h, kamthoung aw h, na khohna hah kâthung aw h.

³ Bethel vah luen aw h sei. Rucatnae kâhmo aw h lahun navah, na pathung teh ka cei nah tangkuem koe vah, na ka awmkhaikung Cathut hanelah khougroe ka sak han ati.

⁴ Hottelah hoi miphun alouke cathutnaw e a kut daw k e kaawm e pueng hoi a hnânaw daw k a pacap aw h e naw hah Jakop a poe aw h. Jakop ni Shekhem teng e kathen kung rahim vah a hro aw h.

⁵ A cei aw h teh, Cathut takinae hah a tengpam e khonaw pueng daw k ao teh Jakop capa hah pâlei aw h hoeh.

⁶ Jakop teh ama koe kaawm e naw pueng hoi Kanaan ram Luz vah a pha aw h (Luz teh Bethel doeh).

⁷ Haw vah khougroe a sak teh, haw e hmuen teh El Bethel telah ati. Bangkongtetpawiteh a hmau koehoi a yawng lahun navah haw vah ahni koe Cathut a kamnu.

⁸ Rebekah ka awmkhaikung Deborah hah a due teh, khougroe rahim e bengkengkung rahim vah a pakawp aw h. Hottelah hoi hote bengkeng e a min teh Allon Bakuth telah ati aw h.

⁹ Jakop teh Padam Aram ram lahoi a ban toteh, ahni koe Cathut bout a kamnue teh yawhawi a poe.

¹⁰ Cathut ni ahni koe na min teh Jakop eiteh, na min teh Jakop telah tet aw h mahoe h toe, na min teh Isarel ti han toe telah ati. Hottelah hoi a min hah Isarel telah ati.

¹¹ Hahoi Cathut ni ahni koevah, kai teh Athakasaipounge Cathut lah ka o. Canaw pungdaw nateh, nange miphun daw k hoi siangpahrangnaw a tâc han.

¹² Abraham hoi Isak koevah, ka poe e ram heh nang na poe, na catounnaw totouh ka poe telah ati.

¹³ Hattoteh Cathut ni ahni a patonae hmuen koehoi Jakop teh a luen takhai.

¹⁴ A patonae hmuen koe Jakop ni talung a ung. A ung e teh talung doeh. A lathueng vah nei thuengnae hah a awi teh, satui hai a van vah a awi.

¹⁵ Cathut ni a patonae hmuen hah Bethel telah min a phung.

Rachel duenae

¹⁶ Bethel hoi a cei aw h teh, Ephrath a pha aw h nahanelah ahlapoung. Rachel camo o hane a pataw teh pueng hoi patawnae a khang.

¹⁷ Hahoi, hettelah doeh. A patawnae a khang lahun nah camo kaawm sak e ni taket hanh ca tongpa alouke na khe han daw k doeh telah atipouh.

¹⁸ Hahoi, a muitha a tâc tawmlei vah, a min hah Benoni ati teh, a na pa ni Benjamin telah a phung.

¹⁹ Rachel a due teh Epharath ceinae lamthung daw k a pakawp aw h.

²⁰ A tangkom van vah Jakop ni talung a ung teh, hothateh nout nahanelah Rachel pakawpnae tangkom lah ao.

²¹ Isarel teh pou bout a cei teh, Mikdaleder imrasang hloilah rim a sak.

²² Hahoi, Isarel teh haw e ram daw k ao lahun navah, Reuben ni a na pa e ado Bilhah a ikhai e hah Isarel ni a thai.

Jakop catoun 12

²³ Jakop capanaw teh 12 touh a pha aw h. Leah capanaw thung daw k Reuben teh Jakop e camin la ao teh Simeon, Levih, Judah, Issakhar hoi Zebulun tinaw doeh.

²⁴ Rachel capanaw teh Joseph hoi Benjamin doeh.

²⁵ Rachel e a san Bilhah capanaw teh Dan hoi Naphtali doeh.

²⁶ Leah e sannu Zilpah canaw teh Gad hoi Asher doeh. Hetnaw teh Paddanaram Jakop ni khe e ca tongpanaw doeh.

Isak Duenae

²⁷ Jakop ni Mamre Kiriatharba (Hebron) e a na pa Isak hoi Abraham onae koe a pha.

²⁸ Isak a hringyung teh kum 180 touh a pha.

²⁹ Isak ni hnukteng a kâha a phout teh a hnin pakhit lahoi a due. A due toteh a huikonaw koe pakawp e lah ao van teh a capa Esaw hoi Jakop ni a pakawp roi.

36

Esaw imthungnaw

¹ Hetnaw heh Esaw (Edom doeh) e catounnaw doeh.

² Esaw ni Kanaan napui thung daw k e, Hit tami Elon canu Adah hoi Hit tami Zibeon e canu Anah canu Oholibamah hoi,

³ Ishmael canu Basemath, Nebaioth tawncanu hah a yu lah a la.

⁴ Adah ni Esaw teh, Eliphaz a khe pouh teh, Basemath ni Reuel hah a khe.

⁵ Oholibamah ni hai Jeush, Jalam, hoi Korah hah a khe. Hotnaw teh Esaw capanaw, Kanaan kho vah a khe e naw doeh.

⁶ Esaw ni a yu, a ca tongpanaw napuinaw, a im dawk kaawm e pueng, Kanaan kho vah a hmu e hnopai pueng hah a ceikhai teh, a nawnggha Jakop koehoi a tâco teh ram buet touh koe a cei.

⁷ Bangkongtetpawiteh, a tawn e hno moi apap dawkvah, cungtalah awm thai awh hoeh toe. A saringnaw kecu dawk imyin lah onae ni cawng awh hoeh toe.

⁸ Hottelah Esaw teh Seir mon dawk kho a sak. Esaw teh Edom doeh.

⁹ Hetnaw heh Seir mon e Edomnaw kakhekung Esaw catounnaw doeh.

¹⁰ Hetnaw heh Esaw catounnaw doeh, a yu Adah capa Eliphaz, a yu Basemath capa Reuel.

¹¹ Eliphaz capanaw teh Teman, Omar, Zepho, Gatam hoi Kenaz tinaw doeh.

¹² Timna teh Esaw capa Eliphaz e a yudo lah ao teh, Eliphaz hanlah Amalek a sak pouh. Hotnaw teh Esaw e yu Adah capanaw doeh.

¹³ Hahoi, Reuel capanaw teh Nahath, Zerah, Shammah, Mizzah lah ao awh teh, Esaw yu Basemath capanaw doeh.

¹⁴ Esaw yu, Zibeon canu Anah canu Oholibamah capanaw lah ao awh teh, Esaw hanelah Jeush, Jalam, Korah a sak pouh.

¹⁵ Esaw catounnaw thung dawk khobawinaw teh, Esaw e camin Eliphaz capa, khobawi Teman, khobawi Omar, khobawi Zepho, khobawi Kenaz,

¹⁶ khobawi Korah, khobawi Gatam, khobawi Amalek tinaw lah ao awh teh, ahnimanaw teh Edom kho e Eliphaz koehoi khe e khobawinaw doeh.

¹⁷ Hetnaw teh Esaw capa Reuel capanaw doeh. Khobawi Nahath, khobawi Zerah, khobawi Shammah, khobawi Mizzah tinaw lah ao awh teh, ahnimanaw teh Edom kho e Esaw yu Basemath capa Reuel e khobawinaw doeh.

¹⁸ Esaw yu Oholibamah e capanaw hai khobawi Jeush, khobawi Jalam, khobawi Korah tinaw ao awh teh, ahnimanaw teh Esaw yu, Anah canu, Oholibamah capanaw khobawinaw doeh.

¹⁹ Hetnaw heh Edom tie Esaw capa khobawinaw doeh

Seir capanaw

²⁰ Hetnaw teh Hor tami Seir capa, hote ram dawk kaawmnaw doeh. Lotan, Shobal, Zibeon, Anah,

²¹ Dishon, Ezer, Dishan tinaw teh Edom ram e Seir capa Hor koehoi ka khe e khobawinaw doeh.

²² Lotan capa teh Hor hoi Heman lah ao teh, Timna teh Lotan e a tawncanu doeh.

²³ Shobal capanaw teh Alvan, Manahath, Ebal, Shepho, Onam doeh.

²⁴ Zibeon capanaw teh Aiah hoi Anah doeh, Anah teh a na pa Zibeon e la a khoum navah kahrawng e tuikhu kahmawtkung doeh.

²⁵ Anah capanaw teh Dishon hoi Anah canu Oholibamah tinaw doeh.

²⁶ Hahoi Dishon capanaw teh Hemdan, Eshban, Ithran hoi Keran doeh.

²⁷ Ezer capanaw teh Bilhan, Zaavan hoi Akan doeh.

²⁸ Dishan capanaw teh Uz hoi Aran doeh.

²⁹ Khobawinaw lah khobawi Lotan, khobawi Shobal, khobawi Zibeon, khobawi Anah.

³⁰ khobawi Dishon, khobawi Ezer, khobawi Dishan lah ao awh teh, ahnimanaw teh Seir kho vah khobawi lah kaawm khobawinaw doeh.

Edom siangpahrangnaw

³¹ Hetnaw teh siangpahrang ni Isarel miphun a uk hoehnahlan e Edom siangpahrangnaw doeh.

³² Beor capa Bela ni Edom vah siangpahrang a tawk navah, khopui min teh Dinnabah doeh.

³³ Bela a due hnukkhu, Bozrah tami Zerah capa Jobab ni a yueng lah a uk.

³⁴ Jobab a due hnukkhu, Teman kho e Husham ni a uk.

³⁵ Husham a due hnukkhu, Bedad capa Hadad, Moab law vah Midian-naw kathetkung ni a yueng lah a uk, a khopui min te Avith doeh.

³⁶ Hadad a due hnukkhu, ahni yueng lah Masrekah tami Samlah ni a uk.

³⁷ Samlah a due hnukkhu, ahni yueng lah, tui teng Rehoboth tami Saul ni a uk.

³⁸ Saul a due hnukkhu, ahni yueng lah Akbor capa Baalhanan ni a yueng lah a uk.

³⁹ Akbor capa Baalhanan a due hnukkhu, ahni yueng lah Hadad ni a uk. Hatnavah khopui min teh Pau doeh. Hahoi, a yu min teh Mehetabel, Mezahab canu Matred canu doeh.

⁴⁰ Hahoi hetnaw heh a imthung hoi amamouh hoi, min paruinae patetlah Esaw capa khobawinaw e minnaw teh: khobawi Timna, khobawi Alvah, khobawi Jetheth,

⁴¹ khobawi Oholibamah, khobawi Elah, khobawi Pinon,

⁴² khobawi Kenaz, khobawi Teman, khobawi Mibzar,

⁴³ khobawi Magdiel, khobawi Iram doeh. Hetnaw teh a tawn awh e ram dawkvah, a khosaknae lahoi Edom catoun khobawinaw doeh. Esaw teh Edom miphun kakhekung doeh.

37*Joseph ni mang a sak*

¹ Jakop teh a na pa imyin lah a onae Kanaan ram dawk kho a sak.

² Hethateh Jakop catoun e lairui doeh. Joseph teh a kum 17 touh a pha nah a hmaunaw hoi saringnaw a khoum awh. Ahni teh a camo rah dawkvah, a na pa e yu Bilhah hoi Zilpah capanaw koevah ao, hahoi Joseph ni hnokahawi hoeh a sak awh e kamthang kathout hah a na pa koe ouk a dei pouh.

³ Isarel ni Joseph teh a matawng nah a khe e lah ao dawkvah, a canaw pueng hlak a lungpataw hnawn, angkidung a phun aloukcalah a khui pouh teh a poe.

⁴ A na pa ni a hmaunaw hlak a lungpataw hnawn tie hah a panue awh. Hottelah hoi ahni teh, hmawt ngai awh hoeh. Lawk kahawi hoi hai pato ngai awh hoeh.

⁵ Joseph ni mang a sak teh a hmaunaw koe a dei pouh dawkvah, hoe hmawt ngai awh hoeh.

⁶ Ahni ni ahnimanaw koe pahren lahoi mang ka sak e hah thai awh haw.

⁷ Law vah cabong hah a thaw awh teh kaie cabong hai a thaw teh a kangdue. Hahoi thai awh haw, nangmae cabongnaw ni a kalup awh teh, kaie cabong hah a bawk awh, telah ati.

⁸ A hmaunaw ni ahni koevah, nang ni kaimouh na uk katang han na maw. Nang heh kaimae lathueng vah ka na tawn han na maw, telah atipouh awh. Hottelah hoi a mang hoi a dei e lawk kecu dawkvah, hoe a hmuhma awh.

⁹ Hahoi mang alouke e bout a sak teh, a hmaunaw koevah bout a dei pouh. Thai aw haw, mang bout ka tawn. Kanî hoi thapa hoi âsinaw 12 touh ka hmalah be a tabut aw h telah ati.

¹⁰ A na pa hoi a hmaunaw koe a dei pouh navah, a na pa ni a yue teh, mang na sak e teh bangpatete mang han na maw. Kai hoi na manu hoi na hmaunaw ni na hmalah ka tabut han na maw telah ati.

¹¹ A hmaunaw ni ahni teh a ut aw h. Hateiteh, a na pa ni hno kaawm e hah a lung daw k a pâkuem.

A hmaunaw ni Joseph a yo aw h

¹² A hmaunaw teh Shekhem vah a na pa e saring khoum hanelah a cei aw h.

¹³ Isarel ni Joseph koevah na hmaunaw ni Shekhem doeh saring a khoum aw h khe, tho haw, ahnimouh koe na patoun han telah ati. Ahni ni na patoun yawkaw telah ati.

¹⁴ A na pa ni ahnimouh koe cet nateh na hmaunaw hah a dam aw h maw, saringnaw a dam maw, panue hanelah kamthaw haw, haw e kamthang kai koe bout na dei pouh han telah ati. Hottelah hoi Hebron tanghling koehoi a patoun teh Shekhem vah a pha.

¹⁵ Law daw k voutsout a kâhlai e hah tami buet touh ni a hmu teh ahni ni, bangmaw na tawng telah a pacei.

¹⁶ Ahni ni, ka hmaunaw doeh ka tawng pahren lahoi saringhu a khoumnae na dei pouh haw telah ati.

¹⁷ Ahni ni hote hmuen koehoi yo a cei aw h toe. Dothan vah cet sei ati aw h e hah ka thai, telah ati. Hottelah hoi Joseph ni a hmaunaw teh a pâlei teh Dothan vah a hmaunaw a hmu.

¹⁸ Ahnimouh ni ahlapoungnae koehoi a hmu aw h teh, ahni koe a pha hoehnahlan vah, ahni thei nahane lah a kâdei aw h toe.

¹⁹ Thai aw h haw, mang ka sak e tami a tho toe.

²⁰ Tho aw h thei aw h vaiteh, moimatheng ni a kei telah tet pouh aw h sei. Hahoi a mangnaw teh bangne tie hah panue aw h han telah buet touh hoi buet touh lengkaleng a kâti aw h.

²¹ Hateiteh, Reuben ni a thai teh ahnimae kut daw k hoi a rungngang teh, thet lah thet aw h hanh sei, telah ati.

²² Hateiteh, Reuben ni a kut thung hoi a rungngang teh a na pa koe a bankhai thai nahan, thet aw h hanh, kahrawng e tangkom thung pabawt aw h nateh na kut teh tha aw h hanh telah ati.

²³ Joseph ni a hmaunaw koe a pha toteh, angkidung em kaawm e hah a rading pouh aw h.

²⁴ A ceikhai aw h teh tangkom daw k a pabo aw h. Tangkom daw k tui aw m hoeh.

²⁵ Hottelah rawca ca hanelah, a tahung aw h. Hahoi a radoung aw h teh, Ishmael kahlawng ka cet e Gilead ram lahoi amamae kalauk hoi hmuitui hoi, thing tapi, murah phu e hoi Izip ram lah cei hanelah kamthawnaw hah a tho aw h.

²⁶ Judah ni a hmaunawnganaw koe maimae nawng ha thei aw h teh, a thipalawng e pap hat aw h pawiteh, bangmaw cungekineae kaawm han.

²⁷ Tho aw h, a lathueng kut tha laipalah Ishmaelnaw koe yawt aw h sei. Bangkongtetpawiteh, ahni teh nawng ha maimae misa hoi kâkuen e doeh, telah ati teh, a hmaunawnganaw ni a hnâ rip a bo khai aw h.

²⁸ Hottelah hoi Midian hno kayawtnaw teh a tho aw h teh, Joseph teh tangkom daw k hoi a rasa aw h teh, Ishmaelnaw koe tangka 20 touh lah a yo aw h. Hahoi Joseph teh Izip ram lah a ceikhai aw h.

²⁹ Hottelah hoi Reuben teh tangkom koe a tho teh, khenhaw! Joseph teh tangkom thung la awm hoeh toe, hat toteh a khohna hah a ravei.

³⁰ Hahoi a hmaunawngghanaw koe a cei teh, camo awm hoeh toe. Kai teh na lane ka cei han toung telah ati.

³¹ Joseph e angkidung hah a la awh teh hmaetan a thei awh teh a thi dawk a ranup awh.

³² Em la e angkidung hah a patawn awh teh, a na pa koe a poe awh. Hethateh ka hmu awh e doeh. Na capa e angkidung na ou, khenhaw! hottelah ati awh.

³³ A na pa ni a nout teh, ka capa e angkidung doeh. Moimatheng buetbuet touh ni a kei toung hah tayaw. Joseph hah vekrasen lah a hruek toe telah ati.

³⁴ Hottelah hoi Jakop teh a khohna a ravei teh, buri a kâkhu laihoi a hnin moikasaw lah a capa hah a khui.

³⁵ A capanaw pueng hoi a canunaw pueng hah ahni a lungpahawi hanelah a thaw awh, hateiteh, a na pa ni a lungpahawinae ngai pouh hoeh. Khui nalaihoi phuen koe ka capa koevah ka cei han toe telah ati. Hottelah hoi a na pa teh ahni a pouk lawi a khui a ka.

³⁶ Midiannaw ni Joseph teh Izip ram dawk a kâenkhai awh teh, Faro kut rahim e imkaringkung Potiphar koevah a yo awh.

38

Judah hoi Tamar

¹ Hatnae tueng dawkvah, Judah teh a hmaunawnggha koehoi a cei teh, Adullam tami Hirah koevah ao.

² Judah ni haw vah, Kanaan tami Shua canu hah a hmu. Ahni hah a paluen teh a ikhai.

³ Camo a wawn teh ca tongpa a khe. Judah ni a min lah Er a phung.

⁴ Camo bout a wawn teh ca tongpa bout a khe. A manu ni a min lah Onan telah a phung.

⁵ Ca tongpa alouke bout a khe teh, a min lah Shelah telah a phung. Hote ca tongpa a khe lahun navah, Judah teh Kezib vah ao.

⁶ Judah ni a camin Er hah a yu a paluen pouh teh, a min teh Tamar doeh.

⁷ Hateiteh, Judah e camin teh BAWIPA e mithmu vah tamikathout lah ao dawkvah, BAWIPA ni ahni teh a thei.

⁸ Judah ni Onan koevah, na hmau e yu hah ipkhai nateh, na hmau e cati hah pout hoeh nahanlah sak pouh, telah ati.

⁹ Onan ni a canaw hah mae ca lah awm mahoehtie a panue dawkvah, a hmau e a yu a ikhai navah, a ca khe hoeh nahanlah alawilah atui yout a tãco sak.

¹⁰ A sak e hno ni BAWIPA a lunghawi sak hoeh dawkvah, Onan hai a thei.

¹¹ Judah ni a langa Tamar koevah, ka capa Shelah heh a cue hoehroukrak na pa im dawk lahmai lah awm ei, telah hoehpawiteh, ahni hai a hmaunaw patetlah a due payon han doeh telah ati. Tamar ni a cei teh a na pa im vah ao.

¹² Atueng moi a ro hnukkhu, Judah e yu Shua canu teh a due. Judah teh a lungpahawi hnukkhu, Timnah kho dawk e tumuen kangawnaw koe vah, amae a hui Adullam tami Hirah hoi reirei a ceitakhang roi.

¹³ A langa Tarmar koevah, na pa teh tu muen ngaw hanelah Timnah vah cei hane a kãcai telah a dei pouh awh.

14 Ahni ni a lahmmainae hni hah a rading teh, a minhmai a ramuknae hoi a kâramuk, a tak a kâyo teh Timnah kho longkha koelah a tahung. Bangkongtetpawiteh, Shelah teh a cue eiteh, a na pa ni a yu lah paluen pouh ngai hoeh.

15 Judah ni a hmu toteh, a minhmai a kâramuk dawkvah, kâyawt e lah a pouk.

16 Hottelah hoi lam teng e napui a onae hah a pâtam teh, tho haw pahren lahoi rei ip roi sei telah ati. Bangkongtetpawiteh, a langa tie panuek hoeh. Napui ni na ipkhai pawiteh bangmaw na poe han telah ati.

17 Ahni ni saringhu thung e hmaeca na patawn han telah ati, Hottelah hoi napui ni hot hah na patawn hoehnahlan vah na pâhung hane kawi na poe han na ou, telah ati.

18 Ahni ni bangmaw ka hung han telah telah ati. Napui ni na min na thutnae, arui hoi na sin e na sonron telah ati. Hottelah hoi a poe teh a ikhai, ahni teh camo a vawn.

19 A thaw teh a minhmai ramuknae a hawng teh a lahmmainae khohna hah bout a kho.

20 Judah teh napui koe hung e hno hah a ratang hanelah a hui Adullam koe vah hmaeca hah a patawn. Hateiteh, ahni ni napui hah hmawt hoeh.

21 Hottelah hoi haw e hmuen koe kaawm e taminaw koe lam teng e Enaim tak ka kâyawt e napui hah nâmaw ao telah a pacei, ahnimouh ni hie hmuen koe tak ka kâyawt e awm hoeh telah ati awh.

22 Judah koe a ban teh, ahni teh ka hmawt thai hoeh. Haw e Taminaw ni hie hmuen daw k tak ka kâyawt e awm boihoeh telah ati awh, telah ati.

23 Judah ni lat aw h yawkaw naseh, hottelah hoehpawiteh, yeiraipo payon vaih, khenhaw! hmaeca heh na patawn ei, ama na hmawt ka lawn hoeh, telah ati.

24 Thapa yung pâthum hnukkhu vah ahnimouh ni Judah koe na langa Tamar teh kâyo hloilah cata a phu telah a dei pouh aw h. Judah ni alawilah tâcawtkhai aw h nateh hmaisawi e lah awm naseh telah ati.

25 A tâcokhai aw h lahun navah, Tamar ni hete hno katawnkung koe hoi nahoehmaw camo ka vawn telah a na pa koe Tami a patoun. Napui ni vah pahren lahoi hete min thutnae hoi arui hoi sonronnaw heh, apie ne, kahawicalah khenhaw! telah ati.

26 Judah ni vah, hnopainaw teh amae lah ao tie a panue teh, ahni teh kai hlak atanghnawn toe. Bangkongtetpawiteh ka capa Shelah hane a yu lah ka lat pouh kalawn hoeh toe telah ati. Hahoi Judah ni ahni teh bout ipkhai hoeh toe.

27 Hahoi a vawn a pataw lahun navah, camo im daw k camo samphei roi e ao.

28 Camo a khe navah, capa buet touh ni a kut a tâco sak. Camo ka khesakkung ni hethah a hmaloe ka khe e telah a kut daw k a kuet teh hlangpawi a yeng pouh aw h.

29 A kut hah bout a kâhno torei teh, pouk laipalah a nawngaha hah a khe. Camo ka khe sak e naw ni, bangkongmaw khe na hanelah namahoima na sak, telah ati aw h. Hatdawkvah, a min lah Perez telah a phung aw h.

30 Hathnukkhu a hmau e a kut daw k hlangpawi yeng e a khe teh a min lah Zerah telah a phung.

¹ Joseph teh Ishmael taminaw koe Izip ram a thokhai awñ teh, Izip siangpahrang Faro kut rahim imkaringkung lah kaawm e Potiphar ni a ran.

² BAWIPA teh Joseph koe ao teh, ahni teh a lam ka cawn e tami lah ao teh Izip tami a bawipa im vah ao.

³ A bawipa ni BAWIPA teh ahni koe a o, a hnosak tangkuem dawñ a lamcawn tie hah a panue.

⁴ Joseph teh a bawipa e a lungyouk lah thaw ouk a tawk. A bawipa ni a imkaringkung kacue lah a ta teh, a tawn e hnonaw pueng ahnie kâtawnnae rahim koung a ta pouh.

⁵ Hahoi, imkaringkung lah a ta hnukkhu, BAWIPA ni Joseph pawlawk hoi Izip imthungkhu hah yawhawi a poe.

⁶ A tawn e pueng hah Joseph kut dawñ be a ta pouh teh, a ca e vaiyei hloilah teh ahni koe kaawm e hnonaw pueng hah be a poe. Joseph teh a tungtang kahawi e lah ao teh a mei hai a hawi.

⁷ Hathnukkhu, a bawipa e yu ni Joseph hah a noe teh, na ipkhai leih ti hoi pou a pasawt.

⁸ Hatei ngai pouh hoeh. A bawipa e yu koevah, khenhaw! ka bawipa ni hete im dawkvah, bang hno maw kaawm tie panuek hoeh, a tawn e naw pueng ka kut dawñ koung a ta.

⁹ Hete im dawñ kai hlak ka len e apihai awñ hoeh. A yu na tho patetlah nang hloilah kai hane a pasoung hoeh e banghai awñ hoeh. Hatdawkvah, hethloilah kalen e thoenae hoi yonnae heh Cathut taranlahoi bangtelamaw khuet ka sak han vaw, telah ati.

¹⁰ Hahoi, hnin touh hnukkhu hnin touh, Joseph hah a pasawt nakunghai a ikhai hane teh ngai pouh hoeh.

¹¹ Hatei, a hnin hnin touh teh, Joseph imthungkhu thaw tawk hanelah a kâen teh, hatnae tueng dawñ imthungkhu tami buet touh hai la awñ hoeh.

¹² Hahoi teh, napui ni na ipkhai leih telah a angki dawñ a kuèt pouh teh, a kut dawñ angki pak rading teh alawilah a yawng takhai.

¹³ Hahoi teh, a angki a kut dawñ pak a rading teh a yawng takhai tie a panue toteh,

¹⁴ a im kaawmnaw hah a kaw teh, khenhaw! kai na kaya sak hanelah hete Hebru tami ni kai na yonkhai hanelah imthungkhu na kâen sin teh thayung hoi ka hram pouh.

¹⁵ Hahoi, ka lawk hoi thayung hoi ka hram toteh, kama koe a angki pak a rading teh a yawng takhai telah ati.

¹⁶ A bawipa a tho hoehroukrak a hnicu teh ama koevah pou a hruek.

¹⁷ Hahoi teh a vâ koe telah a dei pouh. Hete Hebru tami san kai koe na thokhai e heh, yeiraipo sak hanelah hoi kai koe na kâen sin.

¹⁸ Hahoi, lawk hoi tha hoi ka hram tahma vah, a khohna a yawng takhai telah ati.

¹⁹ Hahoi, a bawipa koe na san ni hettelah na sak tie a yu ni a dei e lawk hah a thai toteh a lungkhuek.

²⁰ Hottelah a bawipa ni Joseph a ceikhai teh thongim siangpahrang ni tami khik katek hoi ouk tanae thongim thung a paung awñ.

Joseph thongim a bo

²¹ Hateiteh, BAWIPA teh Joseph koe ao teh, a lathueng vah lungmanae a tawn teh thongim ka ring e hmalah minhmai kahawi a hmu sak.

²² Hahoi teh, thongim karingkung ni thongkabawtnaw pueng hah Joseph kut daw koug a ta teh, haw e sak e naw teh Joseph e taw k sak e lah koug a coung.

²³ BAWIPA teh ahni koe ao teh, a lamcawn sak dawkvah, thongim karingkung ni Joseph e kâtawnnae rahim kaawmnaw pueng hah banghai khen awh hoeh toe.

40

Joseph ni mang a deicai

¹ Hathnukkhu hoi teh, Izip siangpahrang misur kapoekung hoi vaiyei kasakkung roi teh Izip siangpahrang koe lungyouk hoeh e lah ao roi.

² Hatdawkvah, Faro teh a sannaw kahrawikung kacue kahni touh, misur kapoekung kacue hoi vaiyei kasakkung daw k kacuepoung koe a lungphuen.

³ Hottelah ama karingkung Joseph a bonae thongim koe a pabo awh.

⁴ Im karingkung kacue ni ahnimouh teh Joseph kut daw k hnin moikasaw lah a poe teh thaw a taw k roi.

⁵ Thongim thung katek laihoi kaawm roi e Izip siangpahrang misur kapoekung hoi vaiyei kasakkung roi teh tangmin buet touh daw k mang alouklouke reirei a sak roi.

⁶ A tangtho vah Joseph teh ahnimouh koe a kâen van teh, a kâhmo, hahoi a khet navah a minhmai a mathoe roi.

⁷ Hottelah Faro e im karingkung bawipa im e thongim ka baw t e tami koevah, bangkongmaw sahnin na minhmai a mathoe roi telah a paei.

⁸ Ahnimouh roi ni mang ka sak roi, ka deicaikung apihai awm hoeh telah ati roi. Joseph ni ahni koe mang dei thainae teh Cathut e nahoehmaw. Pahren lahoi na dei pouh haw atipouh.

⁹ Hottelah misur kapoenaw kahrawikung ni a mang teh Joseph koe a dei pouh. Ahni koe ka mang lavah khenhaw! ka hmalah misurkung a la o.

¹⁰ Misurkung daw kvah a cakang kathum touh ao. Ka dawn e patetlah ao teh, a peina w hah a pei. Hote a peina w ni ka hmin e misur paw a tâco sak.

¹¹ Hahoi Faro manang hah ka kut daw k ao teh, misur paw hah ka khi. Faro e manang daw k kasu teh manang hah Faro kut daw k ka poe telah ati.

¹² Joseph ni ahni koe hettelah han doeh. A cakang kathum touh e teh, hnin thum touh doeh.

¹³ Hnin thum touh thung Faro ni na tawm takhang vaiteh, na taw k e thaw hah bout na taw k sak han. Hottelah misur kapoekung lah na o navah, ouk na poe e patetlah Faro manang hah a kut daw k bout na poe han.

¹⁴ Hatei, onae hmuen kahawi daw k na pha navah, kai na pahnim hanh lah a. Pahren lahoi na pahrennae hah kai koehai kamnuek sak. Faro koe kaie konglam na dei pouh van lah a, hete im daw k hoi na tâcaw t sak van loe.

¹⁵ Bangtelah tetpawiteh, Hebru taminaw e ram thung hoi tami ni arulaho i na paru awh e doeh. Hete ram thung daw k hoi thongim thung a thung patuen lah bo nahan hai banghai ka sak hoeh ei nan heh ma telah ati.

¹⁶ Vaiyei ka sak e ni hete deicainae hah ahawi tie a panue toteh, Joseph koe vah, kai hai mang ka sak van. Khenhaw! ka lû daw k ka pangaw e takho yung thum touh ao.

¹⁷Avanlah kabang e takho dawk, Faro hanlah kahawi e vaiyei phunkuep ao. Hahoi ka lû dawk ka thueng e takho dawk e vaiyei hah tava ni a la ca telah ati.

¹⁸Joseph ni, takho yung thum touh teh hnin thum touh doeh,

¹⁹Hnin thum touh thung Faro ni na lû tâtueng vaiteh, thing dawk bang e lah na o han. Hahoi tavanaw ni na moi hah a ca han telah ati.

²⁰Hahoi, apâthum hnin Faro khenae hnin a pha toteh, ahni ni a sannaw pueng hanelah buvennae pawî a sak pouh. Hahoi misur kapoekung hoi vaiyei kasakkung naw e lû teh, a tawmrasang.

²¹Joseph ni ahni koe a deicai pouh e patetlah misur kapoekung teh amae tawk tangcoung e misur hah bout a poe teh, Faro kut dawk manang hai bout a poe.

²²Vaiyei kasakkung teh thing dawk a vo awh.

²³Hatei, misurtui kapoenaw kahrawikung ni Joseph hah panuek laipalah yout a pahnim.

41

Faro e mang

¹Kum hni touh a loum hnukkhu, Faro ni mang a sak teh, thaihaw, palang rai vah a kangdue.

²A meikahawi ni teh kathâw e maitomanu hah tui thung hoi a tâco teh pho um vah apa.

³Hahoi khenhaw! maitomanu sari touh, a meikahawi hoeh ni teh kamsoe e hah tui thung hoi a tâco van teh palang rai vah kangdout e maitomanu teng vah a kangdue.

⁴Maitomanunaw a meikahawihoe ni teh kamsoe e naw ni a meikahawi ni teh kathâw e naw hah koung a ca awh. Hahoi teh Faro teh vak a kâhlaw.

⁵Hahoi bout a i teh mang bout a sak. Khenhaw! cakung buet touh dawk kahawi ni teh kalen e cavui sari touh a tâco.

⁶Hahoi khenhaw! kathoengca ni teh Kanîtholae kahlî ni remke lah a hmang e cavui sari touh bout a tâco.

⁷Cavui kathoengcae sari touh ni, cavui kalen ni teh kahawi e sari touh hah koung a payawp awh. Faro vak a kâhlaw teh khenhaw! mang lah ao.

⁸A tangtho torei, a muitha a lungpuen teh tami a patoun. Izip ram e mitpaleikathoumnaw hoi tami lungang pueng a kaw teh Faro ni a mang hah a dei pouh. Hahoi Faro hanelah ka deicai thai e buet touh boehai awm hoeh.

⁹Hatnavah misurtui kapoenaw kaukkung ni Faro koevah, sahnin ka yonnae ka kâpanue.

¹⁰A sannaw koevah, Faro a lungkhuek teh karingkungnaw kaukkung im vah kai hoi vaiyei kasakkungnaw kaukkung thongim ka bo roi navah,

¹¹mang reirei ka sak roi. Kaimouh roi e mang hah deingainae kâvan hoeh e doeh.

¹²Hawvah kaimouh karingkung e san Hebru tami buet touh ao teh mang hah ka dei pouh roi. Ahni ni mang heh a deicai teh ka mang roi e patetlah a deicai van.

¹³A deicai e patetlah mang teh reirei a tâco van. Kai teh thaw bout tawk sak lah ka o teh, ahni teh kai thi sak e lah ao telah ati.

¹⁴Hat toteh, Faro ni Joseph hah tang a kaw sak. Ka rang poung lah thongim thung a thung patuen dawk e a rasa awh teh, a pâkhamuen a ngaw hnukkhu a khohna a kâthung teh Faro koe a kâen.

15 Faro ni Joseph koe mang ka sak teh ka deicaikung apihai awm hoeh. Hatei nang ni mang heh na thaipanuek teh, na deicai thai telah ayânaw ni dei e hah ka thai telah ati.

16 Joseph ni Faro koe hot teh kai koe awm hoeh. Cathut ni Faro koe roumnae lahoi a deicai han doeh telah ati.

17 Faro ni Joseph koe ka mang lavah khenhaw! palang rai ka kangdue.

18 Hahoi khenhaw! maitomanu a meikahawi ni teh kathâw e sari touh tuithung hoi a tâco teh pho um vah a pâ.

19 Hahoi alouke maitomanu a meikamathout niteh, ka kamsoe e hot patet e meimathout teh Izip ram pueng dawk patenghai ka hmu boihoeh e hah a tâco.

20 Hahoi a mei kathout ni teh ka kamsoe e maitomanunaw ni kathâw e maitomanunaw hah koug a ca awh.

21 Koug a ca awh hnukkhu patenghai yah apinihai a ca awh tie panuek kalawn hoeh. A ca awh hoehnahlan e patetlah a mei a mathoe awm mingming, hahoi vak ka kâhlaw.

22 Hahoi ka mang lavah khenhaw! Cakung buet touh dawkvah, cavui kahawipoung e sari touh a tâco.

23 Hahoi khenhaw! cavui sari touh kamyai ni teh kathoengcae, Kanitholae kahlî ni remke lah a hmang e a tâco e hah bout ka hmu.

24 Cavui kathoutnaw ni cavui kahawinaw sari touh hah koug a ca awh. Hote mang hah mitpaleikathounaw ka dei pouh ei, apinihai deicai thai awm hoeh, telah a dei.

25 Joseph ni Faro koe Faro nange mang heh buet touh doeh. Cathut ni a sak hane hah Faro koe na panue sak e doeh.

26 Meikahawi e maitomanu sari touh teh kum sari touh doeh. Kahawi e cavui sari touh hai kum sari touh doeh. Mang teh buet touh doeh.

27 Hahoi a hnukkhu vah ka tâcawt e a mei kathout ni teh ka kamsoe e maitomanu sari touh hai kum sari touh doeh. Cavui sari touh Kanitholae kahlî ni remke lah a hmang e hai kum sari touh doeh.

28 Hetheh, Faro koe ka dei e Cathut ni a sak hane Faro a panue sak e doeh.

29 Izip ram vah khobunae kum sari touh ao han.

30 Hatei, hat hnukkhu takangnae kum sari touh bout ao han. Hottelah takang ni ram teh vouthoup lah ao sak han dawkvah, khobunae kum pueng hah Izip ram teh pahnim e lah ao han.

31 Rek ka tho e takang teh puenghoi a pataw han dawkvah, khobunae kum hah pahnim lah ao han.

32 Hahoi mang vai hni totouh Faro a mangsaknae teh hete hno kecu dawkvah doeh. Sak hane teh Cathut ni a caksak teh Cathut roeroe ni karanglah a pha sak han.

33 Hatdawkvah, Faro ni tami buet touh a lungkaang e hoi kho ka pouk thai e tawng nateh Izip ram vah kahrawikung lah awm sak naseh.

34 Faro ni hotheh sak naseh, ram thung vah Izip ram cakang hah pung panga pung touh pâtung naseh.

35 Ahnimouh ni khobu kum cakang pung hah pâkhueng vaiteh Faro kâtawannae rahim vah o hanelah kho tangkuem hmalah ca hane pâtung naseh, khenyawm awm naseh.

36 Hottelah takang kecu dawkvah ram a rawk hoeh nahanlah, takangnae kum kum sari touh Izip ram ka phat hane dawkvah, kâhruetcuet lah ao han, telah ati.

Joseph kahrawikung lah a coung

³⁷ Hottelah pouknae a poe e hah, Faro hoi a sannaw pueng ni ahawi rip ati awh.

³⁸ Hottelah Faro ni a sannaw koe het patet e Cathut Muitha onae tami heh hmu thai awh han na ou telah ati.

³⁹ Faro ni Joseph koe Cathut ni hote hnonaw pueng hah na panue sak dawkvah, nang patetlae tami lungkaang hoi hno kaawm hane oang ka panuek e awm hoeh.

⁴⁰ Nang teh kaie imthung karingkung lah na o han, ka taminaw pueng hah nange kâ lahoi ao awh han, bawitungkhung dueng hah nang hlak kai bet ka lenhnawn han telah ati.

⁴¹ Faro ni Joseph koe kenhaw! Izip ram pueng dawc kahrawikung lah na ta toe telah ati.

⁴² Faro ni kutnoutthutnae kuthrawt hah a rading teh, Joseph kut dawc a buet pouh, hni loukloukkaang e hoi sak e hah a kâkhu sak teh a lahuen dawc sui dingyin hah a awi sak.

⁴³ A tawn e leng kahni touh dawc a kâcui sak teh, a hmalah tabut awh, telah a hram awh. Hottelah Izip ram thung kahrawikung lah a coung sak.

⁴⁴ Faro ni Joseph koevah, kai teh Faro doeh, nange kâpoe laipalah Izip ram thung pueng a kut hai thoseh, a khok hai thoseh, dâw thai mahoeh telah ati.

⁴⁵ Faro ni Joseph hah Zaphnath-Paaneah telah min a poe. On kho e vaihma Potiphar canu Asenath hah a yu lah a paluen pouh awh. Hahoi Joseph teh Izip ram kaukung lah ahni koehoi a cei.

⁴⁶ Joseph teh Izip siangpahrang Faro hmalah a kangdue navah, kum 30 touh doeh Joseph teh Faro koehoi a tâco teh Izip ram pueng dawc a cei.

⁴⁷ Khobu kum kum sari touh thung talai ni puenghoi a pawhik a tâco sak.

⁴⁸ Izip ram e khobu kum kum sari touh thung e cakang pueng hah a pâkhueng teh kho tangkuem tengpam e cakang hah a hmouk sak.

⁴⁹ Joseph ni cakang hah tali teng e sadi patetlah kapappoung lah a pâtung, touk patenghai touk ngai hoeh toe, bangkongtetpawiteh, touklek hoeh toe.

⁵⁰ Hahoi takang a tho hoehnahlan vah Joseph ni capa kahni toun a tawn. Hotnaw teh On kho vaihma Potiphar canu Asenath ni a khe pouh e naw doeh.

⁵¹ Joseph ni a camin hah Manasseh telah a phung. Bangkongtetpawiteh, Cathut ni ka tawntamnae hoi apa imthung pueng na pahnim sak telah ati.

⁵² Hahoi a capa apâhni e min teh Ephraim telah a phung. Bangkongtetpawiteh, Cathut ni kaie runae ram dawc ca catounnaw na tawn sak telah ati.

⁵³ Hottelah Izip ram ka phat e khobu kum teh a loun.

⁵⁴ Hahoi takang kum kum sari touh Joseph ni a dei tangcoung patetlah a kamtawng teh ram pueng dawc a pha. Hatei, Izip ram pueng dawc rawca ao.

⁵⁵ Hottelah Izip ram pueng teh takang ni koung a pha toteh, Faro koe rawca hei hoi a hram awh. Faro ni Izipnaw pueng koe Joseph koe cet awh nateh, a dei e pueng sak awh telah atipouh.

⁵⁶ Hahoi takang teh talai van pueng a pha teh, Joseph ni cakang pâtungnae tâsong pueng hah a paawng teh Izipnaw koevah a yo pouh. Izip ram vah takang teh puenghoi a pataw.

⁵⁷ Talai van pueng dawk takang teh a pataw poung dawkvah, kho tangkuem e tami pueng teh cakang ran hanelah Izip ram e Joseph koe a cei awh.

42

Joseph hmaunaw Izip vah a cei

¹ Jakop ni Izip ram vah cakang ao tie a panue teh, a capanaw koevah bangkongmaw sut na kâkhet awh.

² Izip ram vah cakang ao tie ka panue dout laipalah hring awh nahanlah hawvah cet awh nateh mamouh hanlah ran awh haw, telah ati.

³ Hottelah Joseph hmaunaw hra touh teh cakang ran hanlah Izip ram a cei awh.

⁴ Hatei, Joseph e a nawngna Benjamin teh a hmaunaw koe Jakop ni cetsak van hoeh. Bangkongtetpawiteh, runae kâhmo langvaih ati.

⁵ Isarel canaw teh cakang ran hanelah a cei awh. Bangkongtetpawiteh Kanaan ram hai takang teh a tho van.

⁶ Joseph teh ram thung bawi a tawk teh, hote ram pueng koe cakang kayawtkung lah ao. Hottelah Joseph e hmaunaw a tho awh teh, a hmalah talai khet laihoi a tabo awh.

⁷ Joseph ni a hmaunaw hah a hmu teh a panue. Hatei, ka panuek hoeh e patetlah a kâsak teh, ahnimouh koe lawkkahram lahoi nâhoi maw na tho awh atipouh. Ahnimouh ni cakang ran hanelah Kanaan ram hoi ka tho awh atipouh.

⁸ Joseph ni a hmaunaw hah a panue, hatei ahnimouh ni ahni teh panuek awh hoeh.

⁹ Joseph ni ahnimouh kong dawm mang a sak e hah a panue teh ahnimouh koe katuetsaw doeh, khoram caicinae khet hanelah kathonaw doeh atipouh.

¹⁰ Ahnimouh ni nahoe bo ka bawipa, na sannaw hah cakang ran hanelah ka tho awh e doeh, ati awh.

¹¹ Tami buet touh e capanaw doeh, tami kahawi doeh. Na sannaw heh katuetsaw nahoe, atipouh.

¹² Hatei ahni ni ahnimouh koe na yuem awh hoeh, khoram caicinae khet hanelah na kathonaw doeh atipouh.

¹³ Ahnimouh ni, na sannaw hah hmaunawngna hlaikahni touh ka pha awh. Kanaan ram kaawm tami buet touh e capanaw doeh. Kanawpoung e teh apa koe ao. Buet touh e teh awm hoeh toe, ati awh.

¹⁴ Hatei Joseph ni ahnimouh koe katuetsaw doeh ka tie hah a tang doeh.

¹⁵ Hottelah tanouk e lah na o awh han. Kanawpoung e hah hi tho hoehpawiteh Faro hringnae noe lahoi hete hmuen koehoi na tâcawt awh mahoe.

¹⁶ Nangmouh dawm lawkkatang ao maw awm hoeh maw, nangmae lawk tanouknae lah nangmouh thung dawm e buet touh patoun awh nateh, na nawngna teh thokhai naseh. Nangmouh teh thongim thung na o awh han rah, hoehpawiteh Faro hringnae noe lahoi katuetsaw katang doeh ka ti han, telah ati.

¹⁷ Hottelah hnin thum touh abuemlah thongim a paung.

¹⁸ Apâthum hnin vah Joseph ni ahnimouh koe hottelah sak awh na hring awh han. Bangkongtetpawiteh, Cathut hah ka taki,

¹⁹ tamikalan lah na awm awh pawiteh nangmouh thung dawm buet touh thongim bawt seh. Alouknaw teh ban awh nateh, takang ka tho e ni imthungnaw hanelah cakang hah phawt awh.

²⁰ Hahoi kanawpoung e hah kai koe thokhai awh. Hat pawiteh, na lawk kanceng vaiteh na dout awh mahoe, atipouh teh hottelah a sak awh.

²¹ Ahnimouh ni hmaunawngaha koe sak awh e hah payon poung awh toe, na pahren awh telah kâhei awh lahun nah a lungpuen e ka hmu awh eiteh, ka tarawi ngai awh hoe. Hatdawkvah hete temdengnae ni na thosin e doeh, telah buet touh hoi buet touh a kâdei awh.

²² Reuben ni ahnimouh koe camo taranlahoi yonnae sak hanh awh, telah nangmouh koe ka dei nahoehmaw. Na thai ngai awh yawmaw. Hatdawkvah kenhaw! a thipaling phu teh atu maimouh koe hei e lah ao toe, telah atipouh.

²³ Hatei Joseph ni lawk tâhlat hno lahoi lawk a dei dawkvah, kho a khan awh e hah Joseph ni a thai panuek doeh tie hah ahnimouh ni panuek awh hoe.

²⁴ Hahoi ahnimouh koehoi alouklah a cei teh a ka. Ahnimouh koe bout a tho teh bout a pato, ahnimouh koehoi Simeon hah a hmu awhnae koe a katek.

Kanaan lah a ban awh

²⁵ Joseph ni ahnimouh cawngko dawk cakang cui hane hoi ahnimae tangka hai cawngko dawk pâseng hanelah kâ a poe. Hateh hottelah a sak awh.

²⁶ Ahnimouh ni cakang la dawk apu sak awh teh a tâco awh.

²⁷ Ahnimouh thung dawk tami buet touh ni a roe awhnae koe lanaw rawca poe hanelah cawngko a paawng teh tangka hah a hmu, cawngko som dawkvah ao.

²⁸ Hottelah a hmaunawngahanaw koevah, kaie tangka bout a ta awh, kenhaw! hei, kaie cawngko dawk ao hei, telah ati. A lungpuen awh teh Cathut ni hettelah na sak aw hei. Bang ngainae han na vaimoe telah ati awh teh, pâyaw laihoi buet touh hoi buet touh a kâkhet awh.

²⁹ Kanaan ram a na pa Jakop koevah a pha awh, a kâhmo awh e pueng hah a dei pouh awh.

³⁰ Hot ram dawk e bawi lah kaawm e ni ka matheng poung lah na pato awh teh, ram katuetnaw lah na o awh.

³¹ Hatei, kaimouh ni ahni koe, tamikalannaw doeh. Katuetkung lah khoeroe kaawm awh hoe.

³² Hmaunawngaha hlaikahni touh ka o awh teh, apa e capa lah ka o awh. Buet touh teh awm hoe toe. Kanawpoung e teh atu Kanaan ram vah apa koevah ao, telah ka ti pouh awh.

³³ Hahoi hote ram dawk e bawi ni hettelahoï tamikalan lah na onae ka panue han. Na hmaunawngaha buet touh cettakhai awh nateh, na imthungnaw hanelah cakang hah phawt nateh cet awh.

³⁴ Kanawpoung e hateh, kai koe thokhai awh, hat pawiteh katuetkung lah awm laipalah tamikalan doeh tie ka panue han. Hate ram dawk hno na yo awh han na ti pou, telah ati awh.

³⁵ Hahoi, cawngkonaw hah a rabu awh lahun navah, pouk laipalah tangka tangoung hah cawngko dawk ao teh, ahnimouh hoi a na pa ni tangka tangoung hah a hmu awh toteh a lungpuen awh.

³⁶ A na pa Jakop ni nangmouh ni ka canaw koung na kahma sak awh toe. Joseph awm hoe toe, Simeon hai awm hoe toe. Benjamin totouh ceikhai han na kâcai awh. Hete hnonaw pueng ni na ratet toe, telah ati.

³⁷ Reuben ni a na pa koevah, nang koe ka thokhai hoehpawiteh, ka capa roi heh thet yawkaw. Ahni heh ka kut dawk na poe nateh, nang koe bout ka thokhai han, telah ati.

³⁸ Hatei ahni ni, ka capa heh nangmouh koe cet van mahoe, a hmau a due toe, ahni dueng doeh toe. Na ceinae lam dawk runae na kâhmo pawiteh, ka sampo heh lungmathoena phuen dawk na loun sak awh han toe, telah ati.

43

Benjamin hoi Joseph koe a ban awh

¹ Ram thung takang hoe a pataw poung.

² Izip hoi cakang a thokhai awh e a baw toteh, a na pa ni, bout cet awh nateh mamouh hanelah cakang youn touh bang bout ran awh telah ati.

³ Hatei, Judah ni ahni koe hote tami ni, na nawnggha, nangmouh koe tho van hoehpawiteh, kai minhmai na hmawt awh mahoe toe telah kamcengcalah kâhruetcuete na poe awh toe.

⁴ Nawngghaca hah kaimouh koe na cetsak pawiteh, cakang teh na ran pouh awh han.

⁵ Hatei na tha hoehpawiteh, ka cet awh mahoe. Bangkongtetpawiteh, ahni ni kaimouh koe nangmouh koe na nawngghaca tho van hoehpawiteh, ka minhmai na hmawt mahoe na ti pouh awh telah ati.

⁶ Isarel ni, bangkongmaw nawnggha alouk tawnae kong patetnaw hah kuekluek na dei awh teh, kai hanelah hnokahawi hoe poung na sak awh telah ati.

⁷ Hatei, ahni ni hote tami ni na pa a hring rah maw, hmaunawnggha alouke na tawn awh maw telah kaimea kong hoi imthungku kong na paei awh daw doeh. Hottelah lawk na paei e patetlah ka pathung awh e doeh. Na nawngghaca thokhai awh ati hane hah apinimaw sut a panue thai han vaw telah ati awh.

⁸ Judah ni a na pa Isarel koevah, kaimouh hoi nang, nawngghaca hoi dout laipalah hring thai awh nahanlah, nawngghaca teh kaimouh koe kâbang sak nateh, ka cei awh han toe.

⁹ Ahni kong daw koi ni kamngai vaiteh kai koe apu teh na la han, ahni hah nang koe thokhai laipalah na hmalah kangdout sak hoehpawiteh, yonpenae pou ka phu han toe.

¹⁰ Bangkongtetpawiteh, kânawngkâai awh hanh lei sei, apâhni e patenghai yo tho hane boum hei telah ati.

¹¹ A na pa Isarel ni ahni koe, hattelah pawiteh, hettelah sak awh. Hete ram daw e hnokahawinaw thingtapi, khoitui, hmuitui, murah, câbuk paw a rakaw katha e, hoi almond pawnaw youn touh phawt awh.

¹² Nangmae cawngko daw tangka a pâban e hah bout sin awh, a payon awh e paka han doeh.

¹³ Hahoi na nawngghaca hai hrawi awh nateh ahni koe thaw awh nateh bout cet awh leih.

¹⁴ Hote tami ni Benjamin na tha pouh nahanelah, Athakasaipoung Cathut ni na pahren awh naseh. Ka canaw teh ka sung pawiteh sung yawkaw toung vai khe, telah ati.

¹⁵ Hottelah ahnimouh ni poehno hoi Benjamin hah a ceikhai awh teh, tangka hai let hni hoi a kâken awh. Hahoi a thaw awh teh Izip ram lah a cei awh teh Joseph hmalah bout a kangdue awh.

¹⁶ Joseph ni ahnimouh koe kaawm e Benjamin a hmu tahma vah, imkar- ingkung hah a kaw teh ahnimanaw hah imthung kâenkhai nateh saring thet nateh coungkacoe rakueng haw. Bangkongtetpawiteh, ahnimouh teh kanîthun bu kai koe a ca awh han telah ati.

17 Joseph ni kâ a poe e patetlah ahnimouh ni a tawk aw h teh, ahni ni ahnimanaw hah imthung a kâenkhai aw h.

18 Joseph ni imthung kâenkhaie lah ao dawkvah, ahnimouh teh a lungpuen aw h teh, ahnimouh ni, ahmaloe e kaimae cawngko daw k tangka a pâban dawkvah na kâenkhai e han doeh, maimouh hoi lanaw hoi san lah na man thai nahanelah toe hanlah a kâcai e han doeh, ati aw h.

19 Joseph e imkaringkung koe vah a hnai aw h teh takhang koe a pato aw h.

20 Oe, Bawipa, ahmaloe ka tho aw h navah, cakang ran hanelah dueng doeh ka tho aw h.

21 Hahoi hettelah ao, roenae rim koe ka pha aw h navah, cawngko ka paawng aw h boteh kamamae tangka lengkaleng ka kuepcalah ao. Hatdawkvah bout ka thokhai aw h.

22 Cakang ran nahane tangka alouke hai ka sin aw h. Kaimae tangka heh apinimaw cawngko daw k a hruek tie ka panuek aw h hoe h, telah ati.

23 Hatei ahni ni nangmouh koe roumnae aw m seh, taket hanh aw h. Nangmae cawngko daw k nangmae Cathut hoi na pa e Cathut ni râw na poe aw h e doeh, nangmae tangka hah ka hmu doeh, telah ati. Hahoi Simeon hah ahnimouh koe a thokhai aw h.

24 Hottelah ahni ni ahnimouh hah Joseph imthung a kâenkhai teh tui a poe teh, a khok a kâpasu aw h teh, lanaw hah rawca a poe aw h.

25 Hahoi aphu aw h e poehno hah Joseph bu a ca hanelah a tho hoehnahlan coungkacoe ao aw h. Bangkongtetpawiteh, hawv ah, bu ca han tie hah a panue aw h.

26 Joseph takhang koe a pha toteh a kut daw k kaawm e poehnonaw hah ahni koe a kâenkhai aw h teh a hmalah talai khet laihoi a tabut aw h.

27 Ahni ni kamthang a pacei, na dei aw h e na pa matawng teh a hring rah maw. A tak a dam maw telah ati.

28 Ahnimouh ni apa na san teh a hring doeh rah, a tak hai a dam rah, atipouh aw h. Hahoi a mahmaw k a lû a saling aw h teh a tabut aw h.

29 Ahni ni a khet teh, a nawng ha Benjamin a manu e capa hah a hmu, ahni heh na nawng haca akong na dei aw h e hah maw, telah ati. Hahoi ahni ni ka capa, Cathut ni na pahren naseh, telah ati.

30 Joseph ni a nawng ha a hmu toteh, a lungmathoe teh karangpounglah ka nahane hmuen a tawng. Imrakhan thung a kâen teh hawv ah a ka.

31 A minhmai a pâhla teh bout a tâco teh puenghoi a kâsum. Rawca rakueng aw h telah ati.

32 Hottelah ahni hanlah aloukcalah, ahnimouh hanlah aloukcalah, a coun e Izipnaw hanlah aloukcalah, bangkongtetpawiteh, Izipnaw ni Hebrunaw hoi bu rei cat khai boihoe h, hothateh Izipnaw hanlah panuetho e lah ao.

33 Hottelah capa kacue teh camin lah ao e hoi kanaw teh cahnoung lah ao e patetlah Joseph hmalah a tahung aw h teh, kângai lah a ru aw h.

34 Joseph ni ahnimouh ham hah amamouh koe a poe sak teh, Benjamin e ham teh ahnimae ham hlak let panga touh hoi apap. Hottelah a nei aw h teh, ahni koe hroung a nawm aw h.

¹ Ahnimouh ni imkaringkung koevah, ahnimouh ni aphu thai yit touh, cawngko pakawi pouh nateh, amamae tangka rip hah amamae cawngko som koe lengkaleng tat pouh.

² Hahoi kaie manang, ngun manang hah a cahnung e cawngko som dawkvah cakang phu tangka hoi na ta pouh han, telah kâ a poe.

³ Khodai tahma vah ahnimouh teh amamae lanaw hoi a kamthaw awh.

⁴ Kho thung hoi a kamthaw awh teh ahlapoungnae koe a pha awh hoehnahlan, Joseph ni imkaringkung koe thaw nateh ahnimanaw hah pâlei haw. Hahoi na pha toteh ahnimouh koe, bangkongmaw hawinae hah hawihoehnae hoi na patho awh.

⁵ Hot hah, kaie bawipa e misur neinae hoi hma lae ka tho hane kong a panuenaeh naohemaw. Het patet lae na o awh e heh puenghoi na payon awh, na ti pouh han.

⁶ Hahoi, rek a pha toteh hottelah a dei pouh.

⁷ Ahnimouh ni ahni koe, bawipa, bangkongmaw het patet lae lawk na dei, na sannaw ni hot patet e hno ka sak awh hoeh.

⁸ Khenhaw! kaimae cawngko som dawk ka hmu awh e tangka hoi Kanaan kho hoi nang koe bout ka thokhai awh naohemaw. Bangtelamaw na bawipa im e tangka hoi sui teh ka paru thai awh han namaw.

⁹ Na sannaw thung dawk hote hno na hmunaeh pueng dout seh. Kaimouh hai bawipa e san lah ka o awh yawkaw han, ati awh.

¹⁰ Ahni ni bokheiyah, atu hai nangmae lawk patetlah lawiseh, hno ka hmunaeh tami hah ka san lah ao vaiteh, nangmouh teh toun kaawm hoeh lah na o awh han telah ati.

¹¹ Hat nah tahma vah amamae cawngko lengkaleng a patue awh teh lengkaleng a paawng awh.

¹² Ahni ni kacuepoung koehoi kanawpoung totouh a tawng pouh. Hattoteh Benjamin e cawngko dawk manang teh a hmu.

¹³ Hat nah tahma vah a khohna a phi awh, lanaw a phu sak awh teh kho dawk a ban awh.

¹⁴ Judah hoi a hmaunawngghanaw teh Joseph im a pha awh, ama teh haw vah a la o rah. Hahoi a hmalah a tabo awh.

¹⁵ Hahoi Joseph ni bangmaw na sak awh. Kai patetlah tami ni hmalah ka tho hane hno a panue han tie na panuek awh hoeh maw, telah ati.

¹⁶ Judah ni ka bawipa nang koe bangvai ka dei awh toung. Bangmaw ka pâpha thai awh han. Cathut ni na sannaw yonnae teh a hmu toe. Khenhaw! ka bawipa kaimouh hoi ahnie kut dawk manang a hmu e hoi na san lah doeh ka o awh toe telah ati.

¹⁷ Hatei ahni ni, hottelah khoeroe ka sak mahoe, a kut dawk manang a hmunaeh dueng doeh ka san lah ao vaiteh nangmouh teh na pa koe karoumcalah cet awh, telah ati.

Judah ni Benjamin hanelah a kâhei

¹⁸ Hat nah tahma vah, Judah ni Joseph hah a hnai teh, Oe ka bawipa, pahren lahoi na san heh, ka bawipa na san heh na hnâthainae koe lawk kam touh na dei sak haw. Na lungkhueknae hah na san koe kaman sak hanh. Bangtelah tetpawiteh, nang teh Faro patetlah doeh na o.

¹⁹ Ka bawipa nang ni, na pa nakunghai, hmaunawnggha nakunghai na tawn maw telah na sannaw hah na pacei.

²⁰ Kaimouh ni nang koe ka matawngpoung e na pa ka tawn awh. Matawng sawi a sak e camoca ka tawn awh teh buet touh teh a due toe, a manu ni a khe e dawk ahni dueng ao teh a na pa ni a pahren poung, ka ti awh.

²¹ Nang ni, ahni ka hmu thai nahanlah kai koe thokhai awh ati.

²² Ka bawipa kaimouh ni tongpaca ni a na pa cettakhai thai mahoe, bangkongtetpawiteh, a na pa cettakhai pawiteh a na pa a due han doeh ka ti awh.

²³ Hatei, nang ni na nawnggha cahnoung nangmouh koe tho van hoehpawiteh, ka mei na hmawt awh mahoe, toe, ati.

²⁴ Hahoi, na sannaw apa koe ka pha awh toteh, ka bawipa, bawipa nange lawk hah ka dei pouh awh.

²⁵ Apa ni bout cet awh nateh, mamouh hanelah cakang youn touh bout ran awh, ati.

²⁶ Hatei kaimouh ni ka cet thai awh mahoe, nawnggha cahnoung kaimouh koe tho van pawiteh dueng doeh ka cei awh han. Bangkongtetpawiteh, nawnggha cahnoung kaimouh koe tho van hoehpawiteh ahnie mei ka hmawt thai awh mahoe, toe, telah ka ti pouh awh.

²⁷ Na san kaimae na pa ni, ka yu ni capa kahni touh na khe pouh tie na panue awh.

²⁸ Buet touh teh kai koehoi a tâco teh koung paset e lah ao mue toe, hahoi teh ahni ka hmawt boihoeh toe.

²⁹ Hahoi hete camo heh kai koe hoi na ceikhai teh, runae kâhmo pawiteh, ka sampo hah lungmathoenaeh lahoi phuen dawc na loum sak awh toe, telah ati.

³⁰ Hatdawkvah, tongpaca heh kaimouh koe tho van laipalah na san apa koe ka tho pawiteh, a hringnae hoi tongpaca e hringnae mekkawme lah ao dawkvah,

³¹ Tongpaca tho van hoeh tie hah a panue tahma kadout han doeh. Hattoteh na sannaw ni na san apa e sampo hah lungmathoenaeh hoi phuen koe ka loum sak yawkaw han doeh.

³² Bangtelah tetpawiteh, na san ni nang koe ka thokhai hoehpawiteh, a yungyoe na hmalah yonpen e lah ka o han telah apa koe tongpaca kong dawc thoe yo ka bo toe.

³³ Pahren lahoi na san hah tongpaca yueng lah ka bawipa, na san lah na awm sak nateh, tongpaca heh a hmaunaw hoi ban sak leih.

³⁴ Bangkongtetpawiteh, kai koe tongpaca tho van hoehpawiteh bangtelamaw apa koe ka cei thai awh han vaw. Telah hoehpawiteh, apa koe ka phat hane thoenaeh teh ka hmu payon awh han doeh, telah ati.

45

Joseph ni a hmaunawngghanaw koe a kâpâpho

¹ Joseph teh a teng kaawm e pueng hmalah kâsum thai hoeh toung dawkvah, tami pueng kai koehoi koung tâcawt awh, telah a hram. Hottelah Joseph ni a hmaunawngghanaw koe a kâpanuesak nah yunglam apihai ahni teng kangdout awh hoeh.

² Kacaipounglah a ka teh, Izipnaw ni a thai awh, Faro imthungkhu ni hai a thai awh.

³ Joseph ni a hmaunawngghanaw koe kai teh Joseph doeh, apa atu sittouh a hring rah maw, telah ati. Hatei pato thai laipalah a hmaunaw roumkalue awh teh a hmalah sut a kangdue awh.

⁴ Joseph ni a hmaunawngghanaw koe, pahren lahoi na hnai awh haw, telah ati. Hateh a hnai awh. Ahni ni na hmaunawnggha Joseph, Izip ram vah na yo awh e hah ma.

⁵ Hatei, hivah cei hanelah na yo aw h dawkvah, na lungmathout hanh aw h, namamouh hoi namamouh hai kâhmuhma hanh aw h, bangkongtetpawiteh, hringnae rungngang hanelah Cathut ni nangmouh hmalah na patoun e doeh.

⁶ Bangkongtetpawiteh, kum hni touh thung hete ram daw k takang a tho. Kum panga touh a ngai rah. Hat nah thung pueng teh laikaw k kanaw k aw m mahoe h. Canga e hai aw m mahoe h.

⁷ Hottelah talai van catoun ka tawn hanelah karingkung hoi rungngangnae kalen hoi na hringsakthai aw h nahanlah, Cathut ni ahmaloe hoi nangmouh hmalah na patoun toe.

⁸ Hottelah hie hmuen koe na kacetsakkung hah nangmouh laipalah Cathut doeh. Ahni ni Faro hanelah na pa lah, imthungkhu kahrawikung, hoi Izip ram pueng kaukkung lah na coung sak.

⁹ Karanglah apa koe cet aw h nateh, ahni koe na capa Joseph ni hettelah a dei, Cathut ni Izip ram pueng daw k bawi lah na sak, kai koe tho aw h, uet aw h hanh leih.

¹⁰ Goshen ram vah na o han. Nang nama hoi, na capanaw hoi na mincanaw hoi, na tuhunaw, na maitohu hoi na tawn e puenghoi kai koe roeroe vah na o han.

¹¹ Hawvah kai ni na kaw k han. Bangkongtetpawiteh hawvah takang kum panga touh ao han rah. Hatdawkvah, na roedeng payon vaih nang hoi na imthung hoi na tawn e pueng hoi telah na ti pouh aw h han.

¹² Hahoi khenhaw! nangmae mit roeroe hoi ka nawng ha Benjamin e mit roeroe ni kaie ka pahni ni a dei lahun e hah na hmu aw h.

¹³ Izip ram e ka bawilenna e pueng hoi na hmu aw h e hno pueng hah apa koe na dei aw h vaiteh, apa teh karang poung lah na thokhai aw h han, telah ati.

¹⁴ Hahoi a lungtabue hoi Benjamin lungtabue rekkâbet lah a tapam teh a ka. Benjamin ni hai a tapam teh a ka.

¹⁵ A hmaunawng ha pueng a paco hnukkhu, a hmaunawng hanaw ni law k a dei aw h.

¹⁶ Joseph e hmaunawng hanaw a tho aw h tie kamthang teh Faro im vah a thai aw h teh, hote kamthang ni Faro hoi a sannaw a lung hawi sak.

¹⁷ Faro ni Joseph koe, na hmaunawng hanaw koe, hettelah dei pouh, na saringnaw teh cakang phu sak hoi tâcaw t aw h nateh, Kanaan ram vah cet aw h.

¹⁸ Hahoi na pa hoi a imthung hah kaimouh koe thokhai aw h. Izip ram e hnokahawi na poe aw h vaiteh, hete ram daw k kaaw m e hnokahawipoung hah na ca aw h han telah dei pouh aw h.

¹⁹ Kâ na poe, hettelah dei pouh. Na canaw hoi na canunaw hane hoi na yunaw hanelah Izip ram hoi lengnaw sin aw h nateh, na pa hah thokhai aw h.

²⁰ Na hnopai kong daw k lungpuen hanh aw h. Bangkongtetpawiteh, Izip ram e hnokahawi pueng teh nangmae doeh, telah ati.

²¹ Hahoi teh, Isarel canaw ni hottelah a sak aw h. Joseph ni Faro kâpoe e patetlah leng hah ahnimouh koe a poe. Lam vah a ca aw h hane hai a poe.

²² Ahnimouh abuemlah koe khohna kâthung hanelah a poe. Benjamin koe teh tangka cumthum touh hoi khohna kâthung hane panga touh a poe.

²³ Hahoi a na pa koe vah, la hra touh, Izip ram hnokahawi kapawtkung hoi lamanu hra touh, lam vah a na pa hane cakang hoi vaiyei hoi canei han kaphawtkung lah a patoun.

24 Hottelah a hmaunawngghanaw hah a patoun teh a ceisak. Ahni ni lam vah na kâyue aw hoh hahanlah kâhruetcueth aw hah telah ati.

25 Izip hoi a tâco aw hah teh a na pa Jakop koe a pha aw hah.

26 Hatei, Joseph a hring rah Izip ram pueng ukkung lah ao telah a dei pouh aw hah. Jakop a lungmit teh, ahnimouh ni dei e tang thai hoh.

27 Hatei, ahni koe Joseph ni lawk dei e pueng hah a dei pouh aw hah. Hahoi a kâcui hane leng Joseph ni a patawn e hah a hmu toteh, a na pa Jakop e lungthin bout a kâhlaw.

28 Isarel ni a khout toe, ka capa Joseph teh a hring doeh rah, ka cei vaiteh, ka due hohnahlan ka hmu han telah ati.

46

Izip vah Jakop a cei

1 Isarel teh a tawn e pueng hoi a tâco. Beersheba vah a pha teh a na pa Isak Cathut koe thuengnae a sak.

2 Cathut ni karum a mang lah Isarel koe lawk a dei teh, Jakop Jakop telah ati. Ahni ni, hivah ka o, telah ati.

3 Ahni ni, kai teh Cathut nange Cathut lah ka o. Izip ram lah na cei hane hah taket hanh. Bangkongtewpawiteh, mipun kalen lah na coung sak han.

4 Nang koe Izip lah ka cei van vaiteh, bout na hrawi han, hahoi Joseph ni na mit daw k na kut a hruek han telah ati.

5 Hottelah hoi Jakop teh, Beersheba hoi a tâco teh, Isarel e capanaw ni, a na pa Jakop hoi a canaw hoi a yunaw a kâcui nahanelah Faro ni na patawn e leng daw k na kâcui sak han.

6 Jakop hoi a catoun pueng Kanaan ram e a hmu aw hah e a saringnaw hoi a hnopainaw hoi a tâcokhai teh Izip vah a cei aw hah.

7 A capa hoi a pahringcanaw hoi a mipun a catoun pueng hah Izip vah a kâenkhah aw hah.

8 Hetnaw heh Isarel catoun Izip ram ka kâen e Jakop hoi a canaw e minnaw doeh. Jakop e camin Reuben,

9 Reuben capanaw teh Hanok, Pallu, Hezron hoi, Karmi.

10 Simeon capanaw teh Jemuel, Jamin, Ohad, Jakhin, Zohar hoi Kanaan napui koe hoi e a capa Saul,

11 Levih capanaw teh Gershon, Kohath hoi, Merari

12 Judah capanaw teh Er, Onan, Shelah, Perez hoi Zerah naw doeh. Hateiteh, Er hoi Onan teh Kanaan kho vah a due aw hah toe. Perez ca roi lah Hezron hoi Hamul ao.

13 Issakhar capanaw teh Tola, Puvah, Jashub hoi Shimron,

14 Zebulun capanaw teh Sered, Elon hoi Jaheel,

15 Hotnaw teh Leah capanaw a canu Dinah hoi Paddanaram vah Jakop hanlah a khe pouh e naw lah ao. A capanaw hoi a canunaw teh abuemlahoi 33 touh a pha aw hah.

16 Gad capanaw teh Ziphion, Haggi, Shuni, Ezbon, Eri, Arodi hoi Areli,

17 Asher capanaw teh Imnah, Ishua, Ishvi, Beriah hoi a tawncanu Serah hoi Beriah capa teh Heber hoi Malkhiel tinaw doeh.

18 Hotnaw teh Zilpah Laban ni a canu Leah koe vah a poe e capanaw doeh. Ahnimanaw teh tama 16 touh, Jakop ni a khe e naw doeh.

19 Jakop yu Rachel capa roi teh Joseph hoi Benjamin doeh.

20 Joseph ni Izip kho vah ao navah Manasseh hoi Ephraim a sak, hotnaw teh On kho e vaihma Potiphar canu Asenath ni a khe pouh e doeh.

²¹ Benjamin capanaw teh Bela, Bekher, Ashbel Gera, Naaman Ehi, Rosh, Muppin, Huppim hoi Ard tinaw doeh.

²² Hotnaw teh Rachel ni Jakop hanlah a khe pouh e capanaw doeh, 14 touh a pha awh.

²³ Dan capa teh Hushim doeh.

²⁴ Naphtali capanaw teh Jahzeel, Guni, Jezer hoi Shillem doeh.

²⁵ Hotnaw teh Laban ni a canu Rachel koe a poe e Bilhah ni Jakop hanlah a khe pouh e naw doeh, abuemlahoi 7 touh a pha awh.

²⁶ Jakop e a capanaw e yu hmai touksin laipalah Jakop koe Izip ram rei ka cet e tami abuemlah 66 touh a pha awh.

²⁷ Joseph ni Izip ram e a capa a khe e naw teh kahni touh a pha Jakop imthung Izip ram daw kâen e pueng teh 70 touh a pha awh.

Goshen vah Jakop a kamtue

²⁸ Jakop ni Goshen lam pätue hanelah Judah teh Joseph koe hmaloe a ceisak teh, hottelah hoi Goshen ram lah a pha awh.

²⁹ Joseph ni a leng hah coungkacoe a rakueng teh Goshen vah a na pa a dawn hanelah a cei. Ahni koe a kâpanuesak teh a lahuen daw k a tapam teh a tapam laihoi ngailawi a ka.

³⁰ Isarel ni Joseph koe vah, na hring rah dawkvah, na mei bout ka hmu toe, atuteh kadout lawi nakunghai yah, telah ati.

³¹ Joseph ni a hmaunawngaha a na pa imthung koe vah, ka cei vaiteh, Faro koe ka dei pouh vaiteh, ahni koe vah, ka hmaunawngaha hoi apa imthung Kanaan ram kaawm e hah kai koe a pha awh toe.

³² Ahnimanaw teh saring kapacanaw lah ao teh tukhoum kung lah ao awh. Tuhu hoi maitohu hoi a tawn awh e pueng a thokhai awh toe telah ka dei han.

³³ Faro ni na kaw awh teh, bang thaw maw ouk na tawk awh na tet pouh pawiteh,

³⁴ nangmouh ni na sannaw teh ka mintoenaw koehoi kamtawng teh camoca hoi atu totouh, saring ka paca awh e doeh, telah na ti awh han. Hottelah hoi Goshen ram daw k na o thai awh han, telah atipouh. Bangkongtetpawiteh, tu ka khoum e pueng teh Izip taminaw ni a panuet awh.

47

Faro ni Jakop a dawn

¹ Joseph ni Faro koe vah, apa hoi ka hmaunawngahanaw tuhu, maitohu a tawn awh e naw pueng hoi Kanaan ram hoi a tho awh, atu Goshen ram vah ao awh telah ati.

² A hmaunawngahanaw thung hoi tami panga touh a hrawi teh Faro koe a ceikhai.

³ Faro ni a hmaunawngahanaw koe vah, bang thaw maw ouk na tawk awh telah a pacei. Ahnimanaw ni Faro koe vah, na sannaw teh ka mintoenaw se nah hoi atu totouh tu doeh ka khoum awh, telah ati awh.

⁴ Ahnimouh ni Faro koe vah, hete ram daw k o hanelah ka tho awh. Bangkongtetpawiteh, takang Kanaan ram daw k a pataw teh saringnaw hanlah hram awm hoeh toe. Hatdawkvah pahren lahoi na sannaw heh Goshen ram daw k na awm sak awh loe, telah ati awh.

⁵ Faro ni Joseph a pato teh, na pa hoi na hmaunawngahanaw heh nang koe a tho awh toe.

⁶ Izip ram teh na hmalah doeh ao, na pa hoi na hmaunawngahanaw teh kahawi e ram daw k awm sak, Goshen ram daw k kho sak awh naseh.

Ahnmouh thung dawk hno ka sak thai e tami na panue e awm pawiteh ka saringnaw lathueng kahrawikung lah na ta han, telah ati.

⁷ Joseph ni a na pa Jakop hah a kâenkhai teh Faro hmalah a kangdue sak teh, Jakop ni Faro hah yawhawi a poe.

⁸ Faro ni Jakop koevah, kum nâyittouh maw na pha toung telah a pacei.

⁹ Jakop ni Faro koevah kahlawng ka ceinae hnin hoi ka kumnaw teh 130 touh a pha toe. Ka hringnae kumnaw a duem teh a ru, na kakhekungnaw kahlawng ceinae hoi kumnaw hai khout hoeh telah ati.

¹⁰ Jakop ni Faro yawhawi a poe teh Faro koehoi a tâco.

¹¹ Hottelah Joseph ni a na pa hoi a hmaunawngghanaw kho a sak sak. Faro ni kâpoe e patetlah Izip ram thung e kahawipoung e ram Raameses ram dawk e ram hah râw lah a poe.

¹² Hahoi Joseph ni a na pa hoi a hmaunawngghanaw hoi a na pa imthungnaw pueng, a imthungnaw lahoi canei hanlah a poe.

Takang kâhmonae

¹³ Hote ramnaw pueng dawc canei hane awm hoeh toe. Bangkongtetpawiteh, takang puenghoi a tho. Hote takang dawc Izip ram hoi Kanaan ram teh a patang poung awh.

¹⁴ Joseph ni cakang a ranae phu, Izip hoi Kanaan ramnaw pueng dawc hoi a hmu e tangkanaw hah Faro im lah a ceikhai.

¹⁵ Izip ram hoi Kanaan ram e tangkanaw abaw toteh, Izip taminaw pueng teh Joseph koe a tho awh teh, canei hanelah na poe awh haw, bangkongtetpawiteh, bangkongmaw na hmalah ka due awh han vaw, tangka awm hoeh toe, telah ati awh.

¹⁶ Joseph ni saringnaw hah na poe awh. Tangka awm hoeh toung pawiteh, na saringnaw e phu lah canei hanlah na poe awh han, telah atipouh.

¹⁷ Hat toteh, a saringnaw Joseph koe a ceikhai awh teh, Joseph ni marang, tu, hoi maito hoi lanaw e phu lah canei hanlah a poe. Hatnae kum dawc teh saringnaw e phu lah canei poe e lahoi a kawc.

¹⁸ Kum a baw teh, kum katha dawc ahni koe bout a tho awh teh, kaimouh e tangkanaw pueng abaw toe. Saringnaw a bawnae kong dawc banghai ka paphat awh hoeh. Bawipa na mithmu vah kaimouh mipun hoi lawhmuen laipalah banghai awm hoeh toe.

¹⁹ Bangkongmaw na hmalah ka due awh han, kamamouh hai, lawhmuen hai na ran awh ngala lawih, telah pawiteh doeh kamamouh hoi lawhmuennaw pueng Faro e san lah ka o awh han, dout laipalah ka hring awh nahan hoi lawhmuennaw kingdi hoeh nahan, cati na poe leih telah ati awh.

²⁰ Hat toteh, Joseph ni Izip ram naw pueng Faro hanlah a ran pouh. Takang puenghoi a tho dawkvah Izip taminaw pueng ni lawhmuennaw he a yo awh teh, lawhmuennaw teh Faro e lah he ao.

²¹ Taminaw teh Izip ramri avanglah hoi avanglah totouh kho tangkuem dawc a kampuen awh.

²² Vaihmanaw e ram teh ran pouh hoeh. Bangkongtetpawiteh vaihmanaw ni Faro koehoi ham hane ao teh Faro ni ham a poe e naw hah a canei awh dawkvah, lawhmuen hah yawt awh hoeh.

²³ Hat hnukkhu, Joseph ni taminaw pueng koe, khenhaw! sahnin dawc namamouh hoi na lawhmuennaw hah Faro hanlah ka ran toe. Khenhaw! haw vah cati ao. Talai dawc na tu awh han.

²⁴ Hahoi cakang na hmu awh toteh, hettelah Faro hanlah pung panga pung touh na poe awh vaiteh, pung pali touh e teh namamouh hanelah

ao han. Hottelah law dawk bout na tu hane hoi namamouh imthungnaw ca hane hoi na canaw ca hanelah na ta aw h han telah ati.

²⁵ Ahnimouh ni, nang ni kaimouh hringnae na hlout sak toe. Ka bawipa ni na pahren naseh, Faro e san lah ka o aw h han telah ati aw h.

²⁶ Hottelah Faro ni pung panga pung touh poe e hmuna e dawk vah, Izip ram dawk atu totouh Joseph ni phung a sak. Vaihmanaw e lawhmuen dueng teh Faro e lah aw m hoeh.

Jakop koe Joseph lawkkam

²⁷ Hahoi Isarel naw teh Izip ram e Goshen ram dawk kho a sak aw h teh, hnopainaw a hmu aw h teh ca catounnaw moikapap a pungdaw aw h.

²⁸ Jakop teh Izip ram vah kum 17 touh ao. Hottelah Jakop hringnae kum 147 touh a pha.

²⁹ Hattoteh Isarel due nahane a hnai toung dawkvah, a capa Joseph hah a kaw teh a im vah, na lung ka youk pawiteh, pahren lahoi na kut hah ka phai rahak vah tat haw, na pahren nateh kaie lathueng vah atangcalah na sak han, pahren lahoi Izip ram dawk na pakaw m hanh lah a.

³⁰ Mintoenaw koe ka kâhat toteh nang ni Izip ram thung hoi na hrawm na teh, ahnimouh pakawpnae koe na pakawp van loe, telah ati. Ahni ni na dei e patetlah ka sak han, telah ati.

³¹ Ahni ni kai koe thoe kâbo loe, telah atipouh teh, ahni koe thoe a kâbo. Hahoi Isarel teh amae ikhun dawk a tabo.

48

Jakop ni Joseph e canaw yawhawi a poenae

¹ Hathnukkhu, Joseph koe, Thai haw, na pa a pataw, telah atipouh aw h. A capa Manasseh hoi Ephraim hah a hrawi teh a ceikhai.

² Jakop koe vah, khenhaw! na capa Joseph nang koe a tho, telah atipouh aw h. Hatdawkvah, Jakop teh tha a kâsangue teh ikhun dawk a tahung.

³ Jakop ni Joseph koe vah, Cathut Athakasaipoung teh Kanaan ram, Luz kho dawk kai koe vah a kamnu e teh yawhawinae na poe.

⁴ Kai koe vah, ca catounnaw moikapap na poe han, na pungdaw sak han, tamihupui lah na sak han, hahoi hete ram heh ka tho hane na ca catounnaw koe râw lah na poe aw h han, telah na ti pouh.

⁵ Na ca roi Izip ram, nang koe ka tho hoe hnahan na khe e haiyah kaie doeh. Manasseh hoi Ephraim heh, Reuben hoi Simeon patetlah kaie lah ao han.

⁶ Atu hoi bout na khe e teh namae lah ao han. A coe aw h han e râw dawk a hmau roi e min hah a hmawng aw h han.

⁷ Hatei, kaie kong dawk, Paddanaram ram hoi ka tho navah, Rachel teh Kanaan ram e lampui dawk, Ephrath kho hoi lam bet ahlanae koe kai teng vah a due teh haw vah Ephrath lam dawk ka pakawp. (Hot teh Bethlehem doeh).

⁸ Hahoi, Isarel ni Joseph e capa roi a khet teh, hetnaw heh apinaw maw telah ati.

⁹ Joseph ni a na pa koe vah, ahnimouh roi teh ka capa roi doeh, Cathut ni hi vah na poe e roi doeh, telah atipouh. Ahni ni pahren lahoi kai koe thokhai haw, yawhawinae ka poe han, telah ati.

¹⁰ Isarel teh a matawng toung dawkvah a mit hah kacailah hmawt thai hoeh toe. Hahoi teh, hnai sak haw, ahni ni a tapam teh a paco.

¹¹ Isarel ni Joseph koe vah, Na mei hmu hane boehai ka ngai hawi hoeh ei, Cathut ni na ca catounnaw e mei totouh na hmu sak, telah ati.

¹² Joseph ni ahnimouh teh a na pa e phai rahak hoi a la teh a hmalah a tabo sak.

Ephraim ni yawhawi ka talue a pang

¹³ Hahoi, Joseph ni kahni touh hoi a ceikhai teh Ephraim aranglae kut hoi Isarel e avoilaie kut koe lah a ceikhai. Manasseh hah avoilaie kut hoi Isarel e aranglae kut koe lah a ceikhai.

¹⁴ Hahoi, Isarel ni a kut a khingkhai teh aranglae kut hah kanaw e Ephraim e a lû dawh a toung teh avoilaie kut hah Manasseh e lû van vah a toung. Bangkongtetpawiteh, ahni teh camin lah ao.

¹⁵ Hottelah yawhawinae a poe teh kakhekung Abraham hoi Isak hmalah ouk kaawm pouh e Cathut, sahnin totouh ka hringyung thung pueng na kakawkkung Cathut.

¹⁶ Hawihoehnae pueng thung hoi na karatangkung kalvantaminaw ni hete camo roi yawhawinae poe naseh, Abraham hoi Isak min teh ahnimouh roi ni sin naseh. Hahoi, talai lungui vah tami moikapap lah pungdaw awh naseh telah ati.

¹⁷ A na pa ni aranglae kut Ephraim e lû dawh a toung e Joseph ni a hmu navah, a lungkuep hoeh dawkvah a na pa e kut Ephraim lû dawh a toung e hah Manasseh e a lû dawh puen hanelah a tawm.

¹⁸ Joseph ni a na pa koevah, Apa hottelah mahoe. Bangkongtetpawiteh, het nahoehmaw a camin. Aranglae na kut a lû dawh na toung hane vaw, telah atipouh.

¹⁹ Hatei, a na pa ni a ngai hoeh dawh, ka panue ka ca, ka panue. Ahni haiyah mipun telah kaw han e kamcu lah ao vaiteh a lentoe van han. Hatei, a nawngaha heh ahni hlakvah hoe a lentoe vaiteh a ca catounnaw haiyah mipun moikapap lah ao awh han, telah ati.

²⁰ Hatdawkvah, hote hnin dawh yawhawinae a poe teh, nang pawlawk dawh Cathut ni Isarel teh yawhawinae poe naseh, nang teh Ephraim hoi Manasseh patetlah na tat naseh telah atipouh teh, Manasseh hmalah Ephraim ao sak.

²¹ Hottelah, Isarel ni Joseph koevah, khenhaw! meimei ka due toe, hat eiteh Cathut teh nang koevah ao vaiteh mintoenaw e ram dawh na hrawi awh han.

²² Hothloilah, na hmaunawnganaw hane thung hoi ham buet touh, tahloi hoi licung, Amor taminaw e kut dawh ka la e hah na thap pouh, telah ati.

49

A canaw koe Jakop e lawk

¹ Jakop ni a capanaw a kaw teh ahnimouh koevah, hmalah nangmouh koe ka tho hane hnouaw ka dei thai nahanlah kamkhueng awh haw.

² Nangmouh Jakop canaw kamkhueng awh nateh, na pa Isarel e lawk thai awh haw.

³ Reuben, nang teh ka ca camin, ka hnosakthainae, ka thaonae, aluepaw, karasangpoung hoi a tha kaawm poung e lah na o.

⁴ Hatei, tui patetlah kâhuen e lungthin na tawn. Taluenaie koe na phat mahoe. Bangkongtetpawiteh, nang ni kaie ikhun dawh na luen teh na kamhnawng sak. Ka ikhun hah na tapam.

⁵ Simeon hoi Levih teh hmaunawngaha roi doeh. Lungthin ponae senehmaica ao roinae hmuen koe ao roi.

6 Ka muitha ni ahnimouh roi ni hro e hno dawk kâen mahoe. Kaie bawilennae ni ahnimouh kamkhuengnae dawk bawk van mahoe. Ahnimouh ni a lungkhuek teh tami a thei awh, ma ngainae pâlei teh khonaw a raphoe awh toe.

7 Ahnimouh lungkhueknae hah thoebonae lah awm naseh. Bangkongtet-pawiteh, puenghoi a thasai. Ahnimouh lungkhueknae teh thoebo lah awm seh, bangkongtetpawiteh a kâoup awh. Jakop miphun Isarel catoun thung vah ahnimouh kâkayei sak han.

8 Oe Judah nang teh, hmaunawngghanaw ni pholen e lah na o han. Na kut teh na tarannaw e lahuen dawk na toung han. Na pa e capanaw ni na hmalah a tabut awh han.

9 Judah teh sendektanca doeh. Ka capa ni moi kei nah koehoi na luen takhai hnukkhu, sendek hoi sendekmanu patetlah ka kâva ni teh ka kamkawn e hah apinimaw a pâhlaw ngam han.

10 Siangpahrang sonron ni Judah tâcawt takhai mahoe. Kâlawk kapoekung hai a khok rahak hoi kahmat mahoe. Shiloh a tho hoehroukrak teh miphun pueng ni a lawk a ngai pouh han.

11 Ahnie lanaw hah misurkung dawk a pen teh, lacanaw hah misurkung kahawi e dawk a pen. A hni hah misurtui dawk a pâsu teh a khohna hah misur thi dawk a pâsu.

12 A mit teh misurtui hlak a paling teh, a hâ teh sanutui hlak a pangaw.

13 Zebulun teh long kâhatnae talî teng kho a sak han. Long kâhatnae hmuen lah ao han. A khori teh Zidon totouh han.

14 Issakhar teh mon rahak ka tabawk e a tha kaawm poung e doeh.

15 Kâhatnae hah ahawi telah a pouk teh, a ram hah a nawm telah a pouk. Hno phu hanlah a loung a rahnoum sak teh, sannaw lah a coung awh.

16 Dan ni a taminaw hah Isarel miphun rahak vah miphun buet touh patetlah lawkceng han.

17 Dan teh lam dawk kaawm e tahrûn doeh. Marang kâcui e tami hnuklah rawp sak hanlah lam rahak ao teh, marang khok ka khuek e hrunthoe doeh.

18 Oe BAWIPA, na rungngangnae teh ouk ka ngaihawi.

19 Gad teh tarannaw ni tuk vaiteh, ahni ni hai bout a tuk van han.

20 Asher teh canei koelah tawnta vaiteh, siangpahrang canei hanlah a tâco sak han.

21 Naphtali teh sayuk patetlah dawkcawk vaiteh, lawk kahawi a dei han.

22 Joseph teh a paw kara e a kang lah ao teh, a kangnaw teh rapan naw dawk a yam han.

23 Licung kathoumnaw ni puenghoi a lungmathoe sak awh han. A ka awh teh a maithoe awh han.

24 Hatei ahnie licung teh a thayoun hoe. Jakop Cathut e thaonae kut hoi thao sak e lah ao, Isarel ka khom lungsong pawlawk lahoi yah,

25 na Cathut teh nang kabawm hane hoi Athakasaipoung ni teh talai hoi kalvan yawhawi hoi sanu hoi camo im yawhawi, nang yawhawi poe hanelah tha ao sak e doeh.

26 Na pa e yawhawi na poe e ni mintoenaw e yawhawi poe e hlak a yungyoe mon pout totouh, hotnaw teh Joseph e lû dawk ao vaiteh, a hmaunawngghanaw thung hoi kapek e tami koe ao han.

27 Benjamin teh Asui patetlah doeh ao. Amom vah a kei e moi a ca vaiteh, tangmin vah lawphno hah a thokhai han, telah ati.

²⁸ Hetnaw teh Isarel miphun hlaikahni touh lah ao aw h teh, hethateh a na pa ni ahnimouh koe a dei pouh e lawknaw doeh. Yawhawi a poe teh yawhawi a poe e patetlah buet touh hnukkhu buet touh yawhawi a poe.

Jakop duenae hoi pakawpnae

²⁹ Hahoi kai teh, ka mintoenaw koe ceikhai e lah ka o han toe. Hit tami Ephron lawhmuen daw k e talungkhu, Kanaan ram e Mamre hma lae Makpelah law e talungkhu, Abraham pakawpnae phuen,

³⁰ Hit tami Ephron koevah lawhmuen khuehoi ran e daw k ka mintoenaw koe na pakawp aw h loe.

³¹ Hawvah Abraham hoi a yu Sarah a pakawp aw h teh, hawvah Isak hoi a yu Rebekah a pakawp aw h teh, hawvah Leah a pakawp aw h.

³² Lawhmuen hoi a thung e talungkhunaw teh Heth naw koehoi ran e doeh telah ati.

³³ Hottelah Jakop ni a canaw lawk he a thui hnukkhu, a khok hah ikhun daw k a taphawng teh a due teh, mintoenaw koe a pakawp aw h.

50

Jakop a kuem aw h

¹ Hat navah Joseph ni a na pa e mithmai a tabo sin teh ka laihoi a pahnuep.

² Joseph ni tāsibawinaw hah a na pa e ro pawk hoeh nahanlah tāsī hluk hane kâ a poe. Hatdawkvah, tāsibawinaw ni Isarel e ro teh a pawk hoeh nahanlah tāsī a hluk aw h.

³ A ro a rakuengnae daw k hnin 40 touh a ro. Bangkongtetpawiteh, ro a pawk thai hoeh nahanlah rakuengnae daw k hottelah ouk a ro. Hahoi, hnin 70 touh thung Izipnaw a khuika aw h.

⁴ Ahni khuinae hnin a baw totouh, Joseph ni Faro imthungkhu koe a dei pouh teh, na lung ka youk pawiteh, pahren lahoi Faro hnâthai vah,

⁵ Apa ni lawk na kam sak, kenhaw! ka due han toe, Kanaan ram phuen ka ran tangcoung e daw k, haw vah na pakawm loe, telah ati. Hatdawkvah, pahren lahoi apa heh na pakawm sak ei, bout ka ban han ati, telah na dei pouh aw h, telah atipouh.

⁶ Faro ni, thoe na bo sak e patetlah na pa teh pakawm, telah atipouh.

⁷ Hatdawkvah, Joseph teh a na pa pakawp hanelah a cei. Faro e a sannaw pueng, imthungkhu daw k e kacue naw hoi Izip ram e kacuenaw pueng,

⁸ Joseph imthungkhunaw pueng, a hmaunaw hoi a na pa imthungkhunaw pueng hai a cei aw h. A ca kanawnaw hoi tuhunaw hoi maitonaw teh Goshen ram daw k a ta aw h.

⁹ Ahnimouh koevah, rangleng hoi marangransanaw hai a cei aw h daw kvah, tamihupui lah ao.

¹⁰ Jordan namran e Atad cangkatinnae koevah a pha aw h. Hote hmuen koe hnin sari touh thung a ka khai aw h teh a tahungkhai aw h.

¹¹ Hote ram Kanaan taminaw ni Atad cangkatinnae koe vah a yu ro a tahungkhai aw h e a hmu aw h teh, hetheth Izipnaw e tami kadout tahungkhai e kalenpoung doeh, telah ati aw h. Hatdawkvah, hote hmuen teh 'Abel-mizraim' telah ati aw h. Hot teh, Jordan namran lah kaawm e doeh.

¹² A canaw ni kâ a poe e patetlah ahnimouh hanlah a sak aw h.

¹³ A canaw ni Kanaan ram a kâenkhai aw h teh Abraham ni kâpakawp nahane hmuen râw lah, Hit tami Ephron koehoi law a ran e Mamre kho hmalah kaawm e Makpelah law e lungngoum thung vah a pakawp aw h.

14 A na pa a pakawp awh hnukkhu, Joseph hoi a hmaunaw hoi a na pa pakawpnae koe kacefnaw pueng hoi cungtalah Izip ram lah a ban awh.

15 Joseph e hmaunaw ni a na pa a due e hah a hmu navah, Joseph ni na hmawt ngai awh hoeh vaiteh, ahni koe sak awh e hnokahawi hoeh e naw pueng hah moi kOUNg na pathung han vaimoe, telah a kâti awh.

16 Hatdawkvah, Joseph koe dei hanelah tami a patoun awh teh, na pa ni a due hoehnahlan vah, hettelah Joseph koe na dei pouh han.

17 Nang lathueng yonnae a sak awh eiteh, pahren lahoi na hmaunaw e kâtapoenae hoi a yonnae teh ngaithoum loe, telah kâ na poe. Hatdawkvah, na pa Cathut e sannaw e kâtapoenae hah ngaithoum pouh, telah ati. Ahni koe a dei pouh navah, Joseph teh a ka.

18 A hmaunaw ni hai a cei awh teh a hmalah tabo laihoi khenhaw! na sannaw lah ka o awh, telah atipouh awh.

19 Joseph ni ahnimouh koevah, taket awh hanh awh, Bangkongtetpawiteh, Cathut e yueng lah maw ka o.

20 Nangmouh ni ka lathueng vah, hawihoehnae hah sak han na kâcai awh, hateiteh, Cathut ni sahnin vah tami moikapap hringnae rungngang hanelah hawinae hah sak han noenae lah ao.

21 Hatdawkvah, taket awh hanh. Nangmouh hoi na canaw teh pou na kaw k awh han, telah atipouh. Hottelah lungmawng sak teh lawk kahawi hoi a pato.

Joseph a duenae

22 Joseph teh ama hoi a na pa imthungkhunaw hoi Izip ram vah kho a sak awh. Joseph teh kum 110 touh a hring.

23 Joseph ni Ephraim e a canaw, a na mincanaw hoi se thum totouh e a hmu. Manasseh capa, Makhir canaw hai Joseph e khokpakhu daw k a khe awh.

24 Joseph ni a hmaunawngnanaw koe, ka due han toe, hateiteh, Cathut ni na khet han. Hete ram daw k hoi na tâcokhai awh vaiteh, Abraham, Isak hoi Jakop koe thoebo hoi lawkkam e ram daw k na ceikhai awh han, telah atipouh.

25 Hatdawkvah, Joseph ni Isarel catounnaw hah lawkkamnae a sak teh, Cathut ni na khet awh roeroe han. Ka hru hah hete hmuen koehoi na ceikhai awh han, telah ati.

26 Hatdawkvah, Joseph teh kum 110 touh a pha nah a due. A ro teh kapaw k thai hoeh lah a sak awh teh Izip e thingkong buet touh thungvah a ta awh.

TÂCONAE (Exodus)

Izip vah Isarelnaw puenghoi a pung awh

¹ Izip ram vah Jakop hoi cungtalah, amamae imthungnaw ka phat awh e Isarelnaw teh;

² Reuben, Simeon, Levih hoi Judah,

³ Issakhar, Zebulun hoi Benjamin,

⁴ Dan, Naphtali, Gad hoi Asher,

⁵ Jakop canaw abuemlah tami 70 touh a pha awh. Joseph teh Izip ram vah yo la ao toe.

⁶ Joseph hoi a hmaunawngghanaw senae taminaw pueng teh koung a due awh toe.

⁷ Isarelnaw teh ca moi a pungdaw awh, a thao awh teh ram pueng dawkh kho a sak awh.

Faro ni Isarel a rektap

⁸ Hathnukkhu, Izip ram dawkh Joseph ka panuek hoeh e siangpahrang katha a tâco.

⁹ Hote siangpahrang ni hai Isarelnaw teh maimanaw hlak apap awh, a thasai awh.

¹⁰ Tho awh, lungangcalah hoi ahnimouh lathueng hno sak awh sei. Nahoe pawiteh, ahnimouh teh hoe pungdaw awh vaiteh, hmalah tarankâtuknae awm pawiteh, maimae tarannaw koe lah kambawng awh vaiteh, maimouh hah na tuk vaiteh ram dawkh hoi a yawng awh han doeh telah a taminaw koe a dei pouh.

¹¹ Hatdawkvah, Izip bawinaw ni puenghoi rektap hanelah kaukung a ta pouh. Isarel taminaw teh hno pâtung nahanlah Pithom khopui hoi Raameses khopui hah a sak awh.

¹² Hateiteh, rektapnae hoehoe a khang awh e patetlah hoehoe a pungdaw awh. Ahnimouh kecu dawkh Izipnaw teh a lungpuen awh.

¹³ Pueng hoi hoe a rektap awh.

¹⁴ Talung bonae hoi amhru saknae koe, law thawnaw pueng dawkh puenghoi a tawkh sak awh teh a tawkh e tangkuem dawkh nget ka tawn lah a tawkh sak awh.

¹⁵ Izip siangpahrang ni Hebru tami, camo ka khe sak roi e kahni touh, Siphrah hoi Puah koevah,

¹⁶ nangmouh roi ni Hebru napuinaw e camo khe sak roi nateh, a khenae hmuen koe na ring roi navah, ca tongpa khe pawiteh thet, napui khe pawiteh pâhlung roi haw telah atipouh.

¹⁷ Camo kakhesak roi e ni Cathut a taki dawkvah, Izip siangpahrang e kâpoe e patetlah sak laipalah ca tongpa hah a pâhlung roi.

¹⁸ Izip siangpahrang ni hai camo kakhesak e roi a kaw teh, nangmouh roi ni bangkongmaw camo tongpanaw na pâhlung roi telah a pacei navah,

¹⁹ Ahnimouh roi ni Hebru napuinaw teh Izip napuinaw patetlah awm awh hoeh. Ahnimouh teh cao a yawi dawkvah, camo kakhesak e a tho hoeh nah camo yo a la khe toe telah atipouh roi.

²⁰ Hatdawkvah, Cathut ni camo kakhesak roi e lathueng vah, hawinae a sak pouh. Hote miphun haiyah a pungdaw awh teh a thao awh.

²¹ Camo kakhesak e napui roi ni Cathut a taki roi dawkvah ahnimae imthungkhunaw hah a khetyawt roi.

²² Faro siangpahrang ni hai Isarelnaw dawk ca tongpa khe e pueng teh Nai palang dawk tâkhawng naseh, Napui pâhlung aw h naseh, telah a taminaw pueng koe lawk a thui.

2

Mosi khenae

¹ Hatnae tueng nah, Levih tami tongpa buet touh ni Levih tami napui a yu lah a la.

² Napui ni camo a vawn teh ca tongpa a khe. Hote ca tongpa teh meilam hawinae hah a manu ni a hmu dawkvah, thapa yung thum touh thung a hro.

³ Hateiteh, a hro thai hoeh torei teh, lungpumpung hoi sak e thingkong hah a la teh tuipan hoi thingtapi hoi a patô hnukkhu, hote thingkong dawk camo a ta teh, Nai palang rai lah lungpum um vah a ta.

⁴ A tawncanu ni bangtelah vaimoe ao han vaiyoe tie panue han a ngai dawkvah ahlahnawnae koehoi a tuet.

⁵ Hat toteh, Faro canu teh tui kamhluk hanlah a tho. A sannunaw hoi tuipui rai lah a kâhlai aw h navah, sumpanaw rahak vah thingkong a hmu teh la hanlah a sannu buet touh a patoun.

⁶ Thingkong e a khuem a paawng aw h navah, ka kap e camo hah a hmu. Pahrennae lungthin a tawn dawkvah hete camo teh Hebru camo doeh telah ati.

⁷ Camo e a tawncanu ni nang hanlah camo ka cun hane Hebru napui kai ni ka cei vaiteh, na kaw pouh han na ou telah Faro siangpahrang e canu koe a pacei navah,

⁸ Faro canu ni cet loe telah kâ a poe dawkvah, napuica ni a cei teh camo e a manu hah a kaw.

⁹ Hathnukkhu, Faro siangpahrang e canu ni hete camo heh lat nateh kai hanlah na kaw pouh la a, aphu na poe han telah atipouh e patetlah hote napui ni camo hah a la teh a kaw.

¹⁰ Camo a rounge torei teh, Faro siangpahrang e canu koe a thak pouh teh, siangpahrang e canu ni a ca lah a ta teh, Mosi telah min a phung. Bangkongtetpawiteh, tui dawk hoi kai ni ka rasa e telah ati.

Mosi Midian ram lah a yawng

¹¹ Mosi teh a kum hrueh a cue torei teh, amae a miphunnaw onae hmuen koe a cei teh, ahnimae thaw tawk e naw hah a khet. A miphun Hebru tami buet touh hah Izip tami ni a hem e a hmu navah,

¹² A tenggam a khet teh apihai awm hoeh tie a panue navah, Izip tami hah a thei teh sadi dawk a pakawp.

¹³ Atangtho bout a tâco navah, Hebru tami kahni touh a kâyue roi e a hmu teh, nang ni namamouh roi reira hah bangkongmaw na hem telah ka yue e tami hah a pacei.

¹⁴ Hote tami ni apinimaw nang teh kaimouh lathueng vah lawkcengkung lah na ta. Izip tami na thei e patetlah kai hah na thei han na ngai maw telah atipouh. Hatnavah, Mosi ni amae hno a sak e hah a kamphawng toe telah a panue dawkvah a taki.

¹⁵ Hote kamthang hah Faro siangpahrang ni a thai torei teh, Mosi thei hanlah a tawng. Mosi teh Faro siangpahrang koehoi a yawng teh, Midian ram vah kho a sak. Ahni teh, tuido teng a tahung navah,

¹⁶ Midian vaihma e canu sari touh teh a na pa e tu hoi hmaenaw tui pânei hanlah a tho aw h teh tui a do aw h hnukkhu, dokkonaw daw k tui a pakawi aw h.

¹⁷ Hatnavah, tukhounnaw a tho aw h teh, tu hoi hmaenaw hah a hrui aw h. Hatnavah, Mosi ni a thaw teh, hote napuinaw koe lah ao teh tu hoi hmaenaw hah tui a pânei pouh.

¹⁸ Hote napuinaw teh a na pa Reuel koe a pha aw h navah, bangkong sahnin teh palang na tho aw h bo telah atipouh.

¹⁹ Ahnimouh nihaiyah Izip tami buet touh ni tukhounnaw e kut daw k hoi na rungngang teh tui kâkhoutlah a do teh tu hoi hmaenaw hah tui a pânei atipouh aw h.

²⁰ A na pa ni hai hote tami teh na maw ao. Bangkongmaw yout na ban takhai aw h. Bu ca hanlah kaw aw h, telah atipouh.

²¹ Hottelah hoiyah Mosi teh ahnimouh hoi cungtalah o hanelah, a hnâbo hnukkhu Reuel ni a canu Zipporah hah Mosi hoi a kâpaluen sak.

²² Hote napui ni ca tongpa a khe toteh Mosi ni Gershom telah min a phung. Bangkongtetpawitew, kai teh ramlouk daw k imyin lah ka o toe telah ati.

²³ A kumtha asaw toteh, Izip siangpahrang hai yo a due toe. Hattoteh Isarelnaw teh san lah ao aw hnae koe a cingou khuika aw h. Hottelah san lah onae koehoi khuika hramki e lawk teh Cathut koe a pha.

²⁴ Cathut ni ahnimae cingou khuika lawk teh a thai pouh. Hatnavah, Cathut ni Abraham, Isak, Jakop tinaw hoi lawkkam a sak e hah a pouk.

²⁵ Hatdawkvah, Cathut ni Isarelnaw hah a hmu teh, a panue.

3

Cathut ni Mosi a kaw

¹ Mosi ni Midian vaihma, a masei Jethro e tu hoi hmaenaw a khoun navah, thingyeiyawn e kanîloumlah a ceikhai teh, Horeb tie Cathut e mon koe a pha.

² Hatnavah, BAWIPA e kalvantami teh buruk daw k hoi ka tâcawt e hmaito lahoi a kamnue. Mosi ni a khet navah, hmai a to ei, buruk teh a kak hoeh e hah a hmu navah,

³ Bangkongmaw buruk kang laipalah ao. Hete kângairu e hno heh ka cei vaiteh ka khet han telah ati.

⁴ Mosi ni a khet e BAWIPA ni a hmu navah, Mosi, Mosi telah buruk thung hoiyah a kaw. Mosi ni hai ka o telah atipouh.

⁵ Cathut ni hai hnai hanh. Na khokkhawm hah rading haw. Na kangduenae hmuen teh kathounge talai doeh.

⁶ Kai teh nange na pa e Cathut, Abraham e Cathut, Isak e Cathut, Jakop e Cathut, doeh telah atipouh. Mosi ni Cathut teh a khet ngam hoeh dawkvah a minhmai a ramuk.

⁷ BAWIPA ni hai Izip ram kaawm e ka taminaw e a khang e rektapnae hah kai ni khei ka hmu toe. Ahnimouh thaw ka tawksak e bawinaw kecu daw k ahnimae hramnae lawk ka thai teh, reithai khangnae hai ka panue.

⁸ Ahnimouh teh Izip ram, Izip taminaw e kut daw k hoi ratang vaiteh, Kanaannaw, Hitnaw, Amornaw, Periznaw, Hivnaw hoi Jebusitnaw onae ram, sanutui hoi khoitui a lawngnae ram daw k hrawi hanlah kai ka kum.

⁹ Atu haiyah, Isarelnaw khuika lawk kai koe a pha teh, Izipnaw ni ahnimouh rektapnae hai ka hmu toe.

¹⁰ Hatdawkvah, atu cet leih. Nang teh ka tami, Isarelnaw hah Izip ram hoi hrawi tâcokhai hanlah, nang teh Faro siangpahrang koe kai ni na patoun han telah atipouh.

¹¹ Mosi nihai, kai teh bang patet e tami lah maw ka o teh, Faro siangpahrang koe ka cei vaiteh, Isarelnaw hah Izip ram hoi hrawi tâcokhai han telah Cathut koe atipouh navah,

¹² Cathut ni atangcalah kai teh nang koe lah ka o han. Kai ni nang na patounnae mitnoutnae teh, nang ni hote taminaw hah Izip ram hoi hrawi tâcokhai hnukkhu, hete mon dawc Cathut na bawc han telah atipouh.

¹³ Mosi nihai, kai ni Isarelnaw onae hmuen koe ka pha teh, nangmae mintoenaw e Cathut ni kai teh nangmouh koe na patoun toe telah kai ni ka dei pawiteh, ahnimouh ni hote Cathut e min teh apimaw telah kai bout na pacei awh navah, bangtelamaw bout ka dei pouh han telah Cathut koe a pacei.

¹⁴ Cathut ni hai KAI teh KAI doeh. KAI ka tet e ni kai teh nangmouh na onae hmuen koe na patoun toe telah Isarelnaw koe bout dei pouh telah Mosi koe atipouh.

¹⁵ Cathut ni Mosi koe bout a dei pouh e teh, nangmae mintoenaw e Cathut, Abraham e Cathut, Isak e Cathut, Jakop e Cathut lah kaawm e BAWIPA ni kai teh nangmouh koe na patoun toe, telah Isarelnaw koe na dei pouh han. Hote min teh a yungyoe e ka min lah ao teh catounnaw ni pahnim hoeh nahanelah ao.

¹⁶ Cet nateh Isarel kacuenaw hah pâkhueng nateh, nangmae mintoenaw e Cathut, Abraham e Cathut, Isak e Cathut, Jakop e Cathut lah kaawm e BAWIPA ni kai koe a kamnuh teh, nangmouh na khet awh navah, Izip ram vah nangmouh lathueng bangmaw a sak awh tie kancengcalah ka hmu awh toe.

¹⁷ Izip ram vah na khang a e rucatnae dawc hoi nangmouh na ratang vaiteh, Kanaannaw, Hit naw, Amor naw, Periznaw, Hiv naw hoi Jebusitnaw ram, sanutui hoi khoitui a lawngnae ram dawc hrawi kâenkhai hanlah kai ni lawk ka kam telah ahnimouh koe dei pouh.

¹⁸ Ahnimouh ni nange lawk a ngâi awh vaiteh, nang ni Isarel kacuenaw hoi Izip siangpahrang koe na kâen vaiteh, Hebrunaw e BAWIPA Cathut teh kaimouh ni kâhmo awh toe. Ramke dawc hnin thum touh lam cei koe kamamae BAWIPA Cathut thuengnae sak thai hanelah, kâ na poe haw, telah na ti pouh han.

¹⁹ Izip siangpahrang ni a thaonae kut laipalah teh, cei nahane kâ na poe awh mahoe hoi ka panue.

²⁰ Kai ni hai kut ka daw vaiteh, Izip ram dawc ka sak hane kaie kângairunae hoi hote ram teh runae ka poe han. Hathnukkhu, Izip siangpahrang ni nangmouh teh na tâco sak awh han.

²¹ Hote mipun teh Izipnaw koe minhmai kahawi a hmu sak vaiteh, nangmouh ni na tâco awh navah, kuthrawng hoi na tâcawt awh mahoe hoi.

²² Bangkongtetpawiteh, napui pueng ni imri, amamae im dawc kaawm e koe sui ngun hoi khohnanaw a hei awh vaiteh, nangmae na canaw hah a pathoup awh vaiteh, Izipnaw e hnopai hah na lawp awh han telah Mosi koe a dei pouh.

1 Mosi ni, ahnimanaw ni kai na yuem awh mahoe, ka lawk hai ngâi awh mahoe, BAWIPA ni nang koe kamnuek mahoe telah a ti awh han doeh atipouh.

2 BAWIPA ni na kut dawk bang hno maw kaawm telah a pacei navah, sonron ao telah atipouh.

3 Talai dawk tâkhawng haw atipouh e patetlah a tâkhawng navah, sonron teh tahrûn lah a coung teh, Mosi ni a yawng takhai.

4 BAWIPA ni na kut hoi a mai dawk man hottelah atipouh e patetlah Mosi ni a kut hoi a man navah, a kut dawk sonron lah bout a coung pouh.

5 Hottelah, na sak pawiteh ahnimae mintoenaw e Cathut, Abraham e Cathut, Isak e Cathut, Jakop e Cathut lah kaawm e BAWIPA ni nang koe a kamnuenae hah hote taminaw ni a yuem awh han telah atipouh.

6 BAWIPA ni na kut na lungtabue thung tapu haw bout atipouh e patetlah a kut a lungtabue thung a tapu teh a rasa navah, a kut teh a hrikbei.

7 Na kut hah na lungtabue dawk bout tapu atipouh e patetlah a kut a lungtabue dawk bout a tapu teh a rasa navah, hmaloe e patetlah bout a coung.

8 Hote taminaw ni na yuem awh hoe, hmaloe e mitnoutnae hai ngai awh hoehpawiteh, apâhni e mitnoutnae teh a yuem awh han.

9 Hote mitnoutnae kahni touh e hah yuem awh hoe, na lawk hai ngâi awh hoehpawiteh, Nai tui youn touh lat nateh a oung lah rabaw, hottelah tuipui dawk e la e tui teh talai kaphui dawk thi lah ao han telah atipouh.

10 Hat navah Mosi ni BAWIPA koe Oe ka Bawipa, kai teh ha hoehnahan hai na san koe lawk na dei hnukkhu hai lawk ka dei thai e lah kaawm hoe. Lawkdei khokpakhak e lah ka o atipouh.

11 BAWIPA ni hai tami e pahni apinimaw a sak. Lawka, hnâpang, mitdawn, mitang hah apinimaw a sak. Kai, BAWIPA ni ka sak e nahoehmaw.

12 Hatdawkvah, atu cet leih. Na pahni dawk ka o vaiteh, nang ni bangtelamaw na dei han tie hah na cangkhai han telah atipouh.

13 Mosi ni Oe ka Bawipa, na ngai e tami e kut dawk mah poe lawih telah atipouh navah,

14 BAWIPA ni Mosi koe a lungkhuek teh Levih tami Aron teh na hmau nahoehmaw. Ahni teh lawk a dei thai tie ka panue. Ahni teh nang dawn hanelah a tho lahun. Na kâhmo torei a lunghawi han.

15 Nang ni ahni hoi kâpan nateh, ahni ni a dei hane lawk hah ka poe han. Nange pahni dawk thoseh, ahni pahni dawk thoseh, Kai ka o vaiteh nangmouh roi ni bangtelamaw na sak han tie na cangkhai han.

16 Ahni ni nange yueng lah a dei vaiteh, ahni teh nange pahni patetlah, nang hai ahnie Cathut patetlah na han.

17 Nang ni mitnoutnaw na sak thai hanelah hete sonron haiyah, na kut dawk pou na sin han telah atipouh.

Mosi Izip ram lah a ban

18 Mosi ni a masei Jethro koe a cei teh, Izip ram kaawm e ka mipunnaw ni paroup a hring rah maw telah khet hanelah, ahnimouh onae hmuen koe ka cei han telah a kâhei navah, Jethro ni lungmawngcalah hoi cet lawi bout atipouh.

19 Hat navah BAWIPA ni, Izip ram lah bout ban leih, nang na ka thet hane taminaw teh koug a due awh toe telah midian ram dawk Mosi koe atipouh.

²⁰ Hat navah, Mosi ni a yu hoi capa kahni touh la a kâcui sak teh, Cathut e sonron hah a kut dawk a sin teh, Izip ram lah a ban.

²¹ BAWIPA ni hai nang ni Izip ram lah na ban teh na pha torei teh, na kut dawk Kai ni na poe e kângairu hnonaw pueng hah Faro siangpahrang hmalah sak pouh. Hottelah, na sak nakunghai, Kai ni ahni teh a lung ka pata sak vaiteh, ahni ni Isarel taminaw hah cetsak mahoe.

²² Hattoteh nang ni Faro siangpahrang koe BAWIPA ni Isarel teh ka camin doeh.

²³ Ka ca ni Kai na bawk thai nahanlah cetsak loe, na cetsak hoehpawiteh, na camin hai Kai ni ka thei han telah na ti pouh han telah ati.

²⁴ Kahlawng a cei lahun nah, BAWIPA ni Mosi hah rim dawk a kâhmo teh thei hanlah a kâcai.

²⁵ Hat navah, Zipporah ni lungtaw a la teh a capa e vuensom a a pouh hnukkhu, a vâ e khok a nep pouh hnukkhu, atangcalah nang teh thipaling ka lawngsakkung vâ lah doeh na o telah atipouh.

²⁶ Hat navah, Mosi hah a ceisak. A yu ni vuensomanae yawhawinae kecu dawk nang teh kai koe thipaling na ka palawng e vâ lah na o telah atipouh nae doeh.

²⁷ BAWIPA ni hai Mosi dawn hanelah kahrawng lah cet loe telah Aron koe atipouh e patetlah Aron ni a cei teh, Cathut e mon dawk Mosi hah a kâhmo teh a paco.

²⁸ Mosi ni hai ama ka patoun e BAWIPA e lawknaw pueng thoseh, lawk a thui e mitnoutnaw thoseh, Aron koe a dei pouh.

²⁹ Hote hmaunawnggha kahni touh roi ni Isarel tami kacuenaw a pâkhueng roi hnukkhu,

³⁰ Aron ni Mosi koe BAWIPA e a lawknaw pueng bout a dei teh, taminaw e hmalah mitnoutnaw a kamnue sak.

³¹ Hote taminaw ni hai a yuem awh. BAWIPA ni Isarel mipahun hah a khetyawtnae thoseh, a khang awh e rektapnae thoseh, a hmu tie a thai awh toteh, a lûsaling awh teh a bawk awh.

5

Faro hoi Mosi kâhmo pasueknae

¹ Hathnukkhu, Mosi hoi Aron ni Faro siangpahrang koe a kâen teh Isarelnaw e BAWIPA Cathut ni ka taminaw teh kahrawng vah kai hane pawito hanlah patoun telah ati, atipouh.

² Faro siangpahrang ni hai BAWIPA lawk a ngâi teh Isarelnaw ka ceisak nahanlah hote Cathut teh apimaw. BAWIPA tie ka panuek hoeh. Isarelnaw ka cetsak mahoe telah ati.

³ Ahnimouh roi ni hai Hebrunaw e Cathut teh kaimouh hoi kâhmo awh toe. Thingyeiyawn hnin thum lamcei koe, kaimae BAWIPA Cathut bawk nahan kâ na poe haw. Nahoe pawiteh lacik, kâtheikârawngnae hoi maimouh na rek han telah atipouh.

⁴ Izip siangpahrang ni hai Mosi hoi Aron, nangmouh roi ni hete taminaw bangkongmaw thaw na pakak roi. Thaw koe cet nateh thaw tawk awh, atipouh.

⁵ Hahoi, ram dawk hote taminaw moiapap awh. Thaw tawk hoeh hanlah nangmouh ni kâ na poe bo aw telah Faro siangpahrang ni ati.

⁶ Hote hnin daw, Faro ni thaw kakuennaw hoi kauknaw a kaw teh,

⁷ Amhru sak nahane cakawng hmaloe e patetlah taminaw poe awh hanh. Ahnimouh ni cakawng hah amamouh hanlah tawng awh naseh.

⁸ Amhru teh hmaloe e yit touh na saksak han. Payoun sak hanh. Ahnimouh teh a pangak aw h dawkvah, cei aw h vaiteh maimae Cathut thuengnae ka sak aw h han telah ouk a hram aw h.

⁹ Hatdawkvah, thaw nget ka tawn lah a tawk sak aw h. Tami kahawihoehe lawk ngái a hanh telah atipouh.

¹⁰ Hahoi thaw kakuennaw ni a cei aw h teh Faro siangpahrang ni cakawng na poe hoeh.

¹¹ Cakawng hah hmu thainae hmu en koe tawng aw h. Hateiteh, na tawk hane thaw teh payoun mahoe h telah kâlawk ao telah taminaw a thaisak aw h.

¹² Hatdawkvah, taminaw ni cakawng hanlah songnawng tawng hanelah Izip ram pueng daw k a kâkapek aw h.

¹³ Kauknaw ni hai cakawng hmuthainae a tue nah hnintangkuem a tawk aw h e patetlah cum totouh tawk aw h telah ahnimouh a hroecoe aw h.

¹⁴ Faro siangpahrang e kaukkungnaw ni a rawi e Isarel kahrawikungnaw hah nangmouh ni hmaloe na tawk a e patetlah bangkongmaw paduem hoi sahnin amhru sak e na cum sak aw h hoeh telah atipouh teh a hemkhai aw h.

¹⁵ Hat navah, Isarel kahrawikungnaw ni Faro siangpahrang koe a cei aw h teh, bangkongmaw nang ni na sannaw hettelah na sak.

¹⁶ Na sannaw heh cakawng na poe hoeh. Kaukkungnaw ni hai amhru sak aw h, telah ati aw h teh kaimouh na hem aw h. Na taminaw koe yonnae ao telah a hram aw h.

¹⁷ Faro siangpahrang ni hai nangmouh teh na pangak aw h. Na pangak aw h. Hatdawkvah, kaimouh ka cei vaiteh BAWIPA thuengnae ka sak aw h han telah nangmouh ni na ti aw h.

¹⁸ Hatdawkvah, atu cet aw h nateh tawk aw h. Cakawng na poe aw h mahoe h. Hateiteh, amhru teh ama mingming lah pou na sak aw h han telah atipouh.

¹⁹ Hottelah, hnintangkuem a sak e amhru teh na payoun aw h mahoe h telah kâ ao dawkvah Isarel kahrawikungnaw ni runae kâhmo aw h toe tie a kâpanue aw h.

²⁰ Faro siangpahrang koehoi a cei aw h navah lam vah ahnimouh ka ring e Mosi hoi Aron a hmu aw h navah,

²¹ BAWIPA ni nangmouh roi na khet teh lawk na ceng naseh. Bangkongtetpawiteh, Faro siangpahrang hoi a thaw katawnaw ni kaimouh na panuet sak han hoi thei sak hanlah nangmouh roi ni na sak toe telah atipouh aw h.

Isarel rungngangnae

²² Mosi ni hai BAWIPA koe a cei teh, Oe Cathut, nang ni hete taminaw hah bangkongmaw na rektap. Bangkong kai hah na patoun.

²³ Kai ni nange kâ lahoi ka dei nahanlah Faro siangpahrang koe kâen hnin hoi kamtawng teh, ahni ni hete taminaw thoe a bo. Nang ni na taminaw khoeroe na rungngang hoeh telah atipouh.

6

¹ BAWIPA ni Mosi koe, Kai ni Faro siangpahrang koe bangtelamaw ka sak han tie atu na panue han. Ahni ni thaonae kut a hmu vaiteh, ka taminaw a tâco sak han. Thaonae kut hmawt vaiteh ahnimouh teh a ram daw k hoi a pâlei han telah atipouh.

² Cathut ni Mosi koe bout a dei pouh e teh, Kai teh Jehovah doeh.

³ Kai ni Abraham, Isak, Jakop tinaw koe, Athakasaipounge Cathut tie min lahoi ka kamnue pouh eiteh, ka min teh Jehovah lah ahnimouh ka panuek sak hoeh.

⁴ Ahnimouh ni a hmuen pueng koe a kâva aw hawh teh, imyin lah onae Kanaan ram ahnimouh poe han ka tie lawkkam ka caksak toe.

⁵ Izipnaw ni santoung sak e Isarelnaw e hramnae lawk ka thai toe. Ka lawkkam hah ka pahnim hoeh.

⁶ Hatdawkvah, Isarelnaw koe a dei pouh hane lawk teh; Kai teh BAWIPA doeh. Kai ni nangmouh, Izipnaw e kut daw hoi na tâco sak vaiteh, ahnimae rektapnae daw hoi na rasa han. Kutdawnae, ka patawpoung lah reknae lahoi nangmouh teh na ratang aw hawh han.

⁷ Ka tami hanlah na la han. Kai teh nangmae Cathut lah ka o han. Kai teh Izipnaw e kut daw hoi na ka tâcawt sak e BAWIPA Cathut lah ka o e na panue aw hawh han.

⁸ Kai ni Abraham, Isak, Jakop ti koe poe hanlah lawk ka kam e ram daw na hrawi aw hawh vaiteh, râw lah na pang sak aw hawh han. Kai teh BAWIPA doeh telah atipouh.

⁹ Hottelah, Mosi ni Isarelnaw koe patuen a dei pouh eiteh, ahnimouh teh a lungthin puenghoi a pata aw hawh teh, puenghoi rektapnae a khang aw hawh dawkvah Mosi e lawk ngâi laipalah ao aw hawh.

¹⁰ BAWIPA ni Izip siangpahrang Faro koe cet nateh,

¹¹ Ahni ni Isarelnaw hah a ram daw hoi tâco sak hanlah dei pouh telah Mosi koe atipouh.

¹² Mosi ni hai Isarelnaw ni patenghai ka lawk hah ngâi laipalah ao aw hawh teh, vuensoma hoeh naw e pahni daw hoi dei e kaie lawk hah Faro siangpahrang ni a ngai han namaw telah BAWIPA hmalah atipouh.

¹³ Hatdawkvah, BAWIPA ni Mosi hoi Aron teh Isarelnaw Izip ram hoi tâcokhai hanelah, a kaw teh Isarelnaw koe thoseh, Izip siangpahrang Faro koe thoseh a patoun.

¹⁴ Isarel kacuenaw e a minnaw teh; Isarel e camin Reuben e canaw teh Enok, Pallu, Hezron hoi Karmi. Het teh Reuben miphun lah ao.

¹⁵ Simeon e canaw teh Jemuel, Jamin, Ohad, Jakhin, Zohar hoi Kanaan napui e capa Saw, hetnaw teh Simeon miphun lah ao.

¹⁶ Levih e canaw teh Gershon, Kohath hoi Merari. Levih teh a kum 137 touh a hring.

¹⁷ Gershon e a ca roi teh Libni hoi Shimei lah ao.

¹⁸ Kohath e a canaw teh Amram, Izhar, Hebron hoi Uzziel lah ao. Kohath teh a kum 133 touh a hring.

¹⁹ Merari e a ca roi teh Mahli hoi Mushi lah ao. Hetnaw heh Levih miphunnaw lah ao.

²⁰ Amram ni a na pa e tawncanu Jokhebed a yu lah a la teh, Aron hoi Mosi a sak. Amram teh a kum 137 touh a hring.

²¹ Izhar e a canaw teh Korah, Nepheg hoi Zikhri lah ao.

²² Uzziel e a canaw teh Mishael, Elzaphan hoi Sithri lah ao.

²³ Aron ni Elisheba, Amminadab canu, Nahshon tawncanu, a yu lah a la teh, Nadab, Abihu, Eleazar, hoi Ithamar hah a sak.

²⁴ Korah e a canaw teh Assir, Elkanah hoi Abiasaph lah ao. Hetnaw heh Korah miphunnaw lah ao.

²⁵ Aron capa Eleazar ni Putiel canu a yu lah a la teh, hot hoi Phinehas a sak pouh. Hetnaw heh Levih miphun daw hoi e kacuenaw lah ao aw hawh.

²⁶ BAWIPA ni Isarelnaw Izip ram daw hoi tâcawtkhai leih telah atipouh.

²⁷ Isarel miphunnaw Izip ram hoi ka tâcotakhai hanelah, Faro siangpahrang koevah ka dei pouh hane tami teh Mosi hoi Aron doeh.

Aron teh Mosi hanelah lawk kadeikung doeh

²⁸ BAWIPA ni Izip ram vah Mosi koe a pâpho pouh e teh;

²⁹ Kai teh Jehovah doeh. Kai ni lawk na thui e pueng hah Izip siangpahrang Faro koe na dei pouh han telah Mosi koe atipouh.

³⁰ Mosi ni, kai teh vuensoma hoeh e pahni ka tawn dawkvah, Faro siangpahrang ni ka lawk hah bangtelamaw a ngâi thai han telah BAWIPA hmalah atipouh.

7

¹ BAWIPA ni Mosi koe, nang teh faro siangpahrang e cathut lah na o sak. Na hmau Aron teh na profet lah ao han.

² Kâ na poe e naw pueng hah nang ni bout na dei han. Faro siangpahrang ni Isarelnaw hah a ram daw k hoi a tâco sak nahanlah na hmau Aron ni ahni koe a dei pouh han.

³ Kai ni hai Faro e lung ka pata sak vaiteh, Izip ram daw k kaie kângairu mitnoutnaw hah ka pung sak han.

⁴ Hateiteh, Faro siangpahrang ni nangmae lawk hah ngâi laipalah ao han. Kai ni hai Izip ram lathueng ka kut ka dâw vaiteh, kalenpounge lacik hoi ka ransahu, ka tami Isarelnaw hah Izip ram hoi ka tâcokhai han.

⁵ Hottelah, Izip ram lathueng ka kut ka dâw vaiteh, Isarelnaw ahnimouh koehoi ka tâcokhai toteh, Kai teh BAWIPA doeh tie Izipnaw ni a panue aw h han telah Mosi koe atipouh.

⁶ Mosi hoi Aron ni BAWIPA e kâpoelaw k patetlah a sak roi.

⁷ Faro koe a dei pouh roi navah, Mosi teh a kum 80, Aron teh a kum 83 touh a pha roi.

Kângairu sonron

⁸ BAWIPA ni Mosi hoi Aron koe bout a dei pouh e teh,

⁹ Faro siangpahrang ni nangmouh koe kângairuhno na patue haw tetpawiteh, na sonron hah lat nateh a hmalah tâkhawng pouh telah Aron koe a dei pouh. Sonron haiyah tahrn lah a kangcoung han telah atipouh.

¹⁰ Mosi hoi Aron ni Faro siangpahrang koe a kâen roi teh BAWIPA ni a dei e patetlah a sak pouh roi. Aron ni Faro siangpahrang hoi a sannaw e hmalah sonron a tâkhawng teh tahrn lah a kangcoung.

¹¹ Hat navah, Faro siangpahrang ni lungkaangnaw camkathoumnaw hah a kaw teh Izip ram e mitpaleikathoumnaw nihai, hot patetlah a sak aw h.

¹² A sin aw h e sonronnaw hah a tâkhawng aw h teh tahrn lah a kangcoung aw h. Hateiteh, Aron e sonron ni ahnimae sonronnaw hah koug a payawp.

¹³ BAWIPA ni a dei e patetlah Faro siangpahrang teh a lungpata sak teh, ahnimae lawk hah ngâi laipalah ao.

Tui thi lah a coung

¹⁴ BAWIPA nihai, Faro siangpahrang e lung a pata sak teh Isarelnaw hah tâcawt sak hoeh.

¹⁵ Amom vah, Faro siangpahrang koe cet haw. Ahni ni tui namran lah a cei han. Ahni a pha hoehnahlan tuipei namran lah kangdout haw. Tahrn lah kangcoung e sonron hah na kut daw k sin haw.

¹⁶ Hebru miphunnaw e Cathut Jehovah ni kaie taminaw ni kahrawng vah Kai na bawk hanelah, ahnimouh hah tâcawt sak leih telah kai heh nang koe na patoun toe. Nang ni atu totouh ngâi laipalah na o aw h rah.

¹⁷ BAWIPA ni Kai teh BAWIPA doeh tie hah nang ni bangtelamaw na panue thai han tetpawiteh, ka sin e sonron hoi tuipui ka hem vaiteh hote tui teh thi lah a coung han.

¹⁸ Tuipui daw k kaawm e tanganaw a due aw h han. Tuipui hai a hmui a tho han. Izipnaw ni tuipui tui a panuet aw h han. Akong hah bout dei pouh telah Mosi koe atipouh.

¹⁹ BAWIPA ni Mosi koe bout a dei pouh e teh, Aron koe, na sonron sin nateh Izip ram kaawm e palang, tuipui, tuikamuem tui, tuido hoi tuiphueknaw pueng e lathueng vah kut dâw haw. Izip ram pueng daw k thing manang, talung hlaamnaw pueng daw k thi ao hane kong hah dei pouh telah atipouh.

²⁰ Mosi hoi Aron ni BAWIPA ni a dei e patetlah a sak roi teh, Aron ni Faro siangpahrang hoi a sannaw e hmalah sonron a pho teh tuipui a hem teh tui pueng teh thi lah a coung.

²¹ Tuipui daw k kaawm e tanganaw hai a due. Tuipui teh a hmui a tho dawkvah Izip taminaw ni tuipui hah net thai aw h hoe h. Izip ram pueng daw k thi hah koug ao.

²² Izip miphun camkathounnaw ni hai camthounnae lahoi hottelah a sak aw h. BAWIPA ni a dei tangcoung patetlah Faro siangpahrang teh a lungpata teh ahnimae lawk ngâi laipalah ao.

²³ Faro teh a im a ban teh hote hnonaw hah a lungthin daw k tat hoe h.

²⁴ Hat navah, Izipnaw ni tuipui tui hah a nei thai aw h hoe h daw kvah tui nei hane a hmu thai a nahanlah tuipui rai lah tui a tai aw h.

²⁵ BAWIPA ni tuipui a hem hnukkhu hnin sari touh aloum sak.

8

Ekka a tho sak

¹ BAWIPA ni Mosi koe, nang ni Faro siangpahrang koe cet nateh Ka taminaw ni Kai na bawk nahanelah tâcawt sak leih.

² Ka tâcawt sak mahoe h tetpawiteh na ram pueng ekka hoi bout ka rek han rah.

³ Tuipui ni ekka moi a tâco sak vaiteh na im daw k, inae rakhan daw k, ikhun van thoseh, na sannaw e im daw k thoseh, na taminaw e a lathueng thoseh, na takhuen daw k thoseh, tavai na kanaw knae kawlung daw k thoseh a luen han.

⁴ Nangmouh koehoi kamtawng vaiteh na taminaw, na sannaw pueng lathueng vah a luen aw h han telah BAWIPA ni a dei e hah thaisak loe telah Mosi koe atipouh.

⁵ BAWIPA ni Mosi koe bout a dei pouh e teh, Aron ni palang, tuipui tui, talinaw e lathueng vah sonron a sin teh kut a dâw navah, Izip ram daw k ekkanaw luen sak hanelah dei pouh telah atipouh.

⁶ Aron ni Izip ram daw k kaawm e tuinaw lathueng kut a dâw teh ekkanaw ni a tho teh Izip ram pueng koug a ramuk.

⁷ Camkathounnaw ni hai camthounnae lahoi hottelah a sak teh ekkanaw Izip ram daw k a thokhai aw h.

⁸ Hat navah, Faro siangpahrang ni Mosi hoi Aron a kaw teh, BAWIPA ni ekkanaw hah kai hoi ka taminaw koehoi takhoe hanelah dei pouh leih. Isarelnaw ni BAWIPA koe thuengnae kâ ka poe han toe telah atipouh.

⁹ Mosi ni hai nang hoi na innaw dawk hoi ekkanaw takhoe teh, tuipui dawk dueng o sak hanlah, nang hoi na sannaw, na taminaw hanlah, kai ni ngaithoumnae tueng na khoe atipouh eiteh,

¹⁰ tangtho ngaithoumnae het leih atipouh teh, Mosi ni kaimae Cathut Jehovah hoi kávan e cathut awm hoeh tie na panue nahanlah na dei e patetlah,

¹¹ Ekkanaw teh nang hoi na innaw, na sannaw, na taminaw koehoi a tâco teh tuipui dawk dueng ao han telah Mosi ni a dei pouh hnukkuh,

¹² Aron hoi cungtalah ahni koehoi a tâco roi teh, Faro siangpahrang e lathueng vah a pha sak e ekkanaw kecu dawk Mosi ni a ratoum.

¹³ Mosi ni a hei e patetlah BAWIPA Cathut ni a sak pouh teh, ekkanaw teh innaw, khonaw, ayawnnaw dawk a due awh.

¹⁴ A ronaw a pâkhueng awh dawkvah ram pueng dawk a hmui a tho.

¹⁵ Faro siangpahrang ni ahawi toe ti a panue navah, BAWIPA ni a dei e patetlah a lungpata teh ahnimae lawk hah ngâi laipalah bout ao.

Tangkarang a pung sak

¹⁶ BAWIPA ni Mosi koe bout a dei pouh e teh, Izip ram e vaiphunaw pueng heh tangkarang lah o sak hanelah Aron ni sonron a pho teh vaipuh hah hem hanelah dei pouh atipouh e patetlah,

¹⁷ Aron ni sonron a pho teh vaipuh hah a hem. Vaipuh teh tami dawk thoseh, saring koe thoseh, tangkarang lah ao. Izip ram pueng dawk kaawm e vaiphunaw pueng teh tangkarang lah a coung.

¹⁸ mitpaleikathoumnaw ni hai tangkarang lah coung sak hanelah a thoumnae lahoi hottelah a sak a eiteh sak thai aw hoh. Hatdawkvah, tami hoi saringnaw pueng dawk tangkarangnaw ao.

¹⁹ Hat navah, mitpaleikathoumnaw ni hote hno heh Cathut e kutdawn doeh telah Faro siangpahrang koe a dei pouh aw hoh. Hateiteh, BAWIPA ni a dei e patetlah Faro siangpahrang teh a lungpata teh ahnimae lawk hah ngâi laipalah bout ao.

Bitsei a thoe sak

²⁰ BAWIPA ni hai nang ni amom thaw haw. Tui namran lah ka cet e Faro siangpahrang hmalah kangdout nateh BAWIPA ni, ka taminaw ni Kai na bawk nahanelah cetsak leih.

²¹ Na cetsak hoehpawiteh, nang hoi na sannaw, taminaw, innaw dawkvah bitsei hah kai ni ka patoun vaiteh Izipnaw onae im, kangduenae talai teh bitsei hoi akawi han.

²² Kai teh talai van pueng dawk BAWIPA lah ka o e na panue thai nahanelah kaie taminaw onae Goshen ram dawk teh hote hnin nah kapek vaiteh, hote ram dawk bitsei awm mahoeh.

²³ Hottelah ka taminaw hoi na taminaw rahak vah kapeknae ka o sak han. Tangtho vah hete mitnoutnaw teh ao han tie heh dei pouh telah Mosi koe atipouh.

²⁴ Hottelah BAWIPA ni a sak dawkvah Faro im hoi a kamtawng teh a sannaw e im hoi Izip ram pueng dawk bitsei moikapap a tho teh, hote bitseinaw kecu dawk Izip ram a rawk.

²⁵ Hat navah, Faro siangpahrang ni Mosi hoi Aron a kaw teh, nangmouh ni hote ram dawk na Cathut koe thuengnae sak hanelah cet aw hoh telah ati eiteh,

²⁶ Mosi ni hettelah sak hane nahoeh. Ka sak aw hoh pawiteh, Izipnaw ni a panuet e hno hoi BAWIPA Cathut koe thuengnae ka sak aw hoh han nahoehmaw. Izipnaw e mithmu vah ahnimouh hanlah panuetho e hno

hoi thuengnae ka sak awh boipawiteh, talung hoi na dei awh mahoe h na maw.

²⁷ Hatdawkvah, kahrawng hnin thum lamcei koe, ka cei awh vaiteh kaimae BAWIPA Cathut ni a dei e patetlah thuengnae ka sak awh han telah a dei pouh.

²⁸ Faro siangpahrang ni hai nangmae BAWIPA Cathut hah kahrawng vah na thueng awh nahanelah na cei awh han. Hatei, kahlat lah na cet awh mahoe h. Kai hanlah na kâhet pouh ei telah ati.

²⁹ Mosi ni hai nang koehoi kai ni ka cei vaiteh bitseinaw ni Faro siangpahrang hoi a sannaw, taminaw koehoi tangtho a tâco hanelah BAWIPA koe ka kâhei han. Hateiteh, Isarelnaw ni BAWIPA koe thueng hane bout na pasoung laipalah na dum awh hanh telah a dei pouh hnukkhu,

³⁰ Mosi ni Faro koehoi a tâco teh, BAWIPA koe a kâhei pouh.

³¹ BAWIPA ni hai Mosi lawk a ngâi teh, Bitseinaw hah Faro siangpahrang hoi a sannaw, a taminaw koehoi buet touh boehai ao hoe h nahanlah a takhoe pouh.

³² Hatnae tueng daw k haiyah, Faro siangpahrang lung bout a pata sak teh, Isarelnaw hah tha ngâi laipalah bout ao.

9

Saringnaw a due

¹ BAWIPA ni Mosi koe, Faro siangpahrang koe cet nateh dei pouh, Hebrunaw e Cathut Jehovah ni, ka taminaw ni Kai koe thuengnae a sak awh hanelah tâcawt sak leih.

² Ka cetsak mahoe h telah na cakâ rah boi pawiteh,

³ BAWIPA e thaonae kut teh ayawn e kaawm saring, marang, la, kalauk, tu, hoi maitonaw lathueng ka patawpoung e lacik ka pha sak han.

⁴ BAWIPA ni Isarelnaw e saring hoi Izipnaw e saring rahak kapeknae a tawn vaiteh Isarelnaw e saring teh buet touh boehai dout mahoe h.

⁵ Bawipa ni tueng a khoe e patetlah tangtho vah BAWIPA ni hete ram daw k a sak han telah ati.

⁶ A tangtho vah hote hno a sak teh, Izipnaw e saringnaw pueng koung a due. Hatei, Isarelnaw e saringnaw teh buet touh boehai dout hoe h.

⁷ Faro siangpahrang ni tami a patoun teh, Isarelnaw e saring buet touh boehai dout hoe h tie a panue. hat ei, a lung bout a pata teh Isarelnaw tâcawt sak hoe h.

Yako a pataw sak

⁸ Bawipa ni takhuen daw k e hraba kut hoi pham nateh, Mosi ni Faro siangpahrang hmalah kahlun lah kahei naseh.

⁹ Hote hraba teh Izip ram pueng daw k vaipuh dikkaneng e lah ao vaiteh, ram pueng daw k e tami hoi moithangnaw koe parep hoi kakawi e patawnae kouthout lah ao han telah Mosi hoi Aron koe a dei pouh e patetlah,

¹⁰ ahnimouh roi ni takhuen daw k e hraba hah a pham teh Faro hmalah kangdue teh kahlun lah Mosi ni a kahei. Hote hraba teh tami hoi moithangnaw daw k parep hoi kakawi e yako patawnae lah ao.

¹¹ Mitpaleikathoumnaw ni yako kecu daw k Mosi hmalah kangdout ngam awh hoe h. Hote yako teh mitpaleikathoumnaw koe thoseh, Izip taminaw koe thoseh, koung a kâkai.

¹² BAWIPA ni Faro siangpahrang e lung a pata sak dawkvah, Mosi koe a dei pouh e patetlah ahnimae lawk hah ngâi laipalah ao.

Roun a bo sak

¹³ BAWIPA ni Mosi koe, amom thaw nateh Faro hmalah kangdout nateh Hebrunaw e Cathut Jehovah ni, ka taminaw ni Kai na bawk thai nahanelah tâcawt sak leih.

¹⁴ Na hoehpawiteh, atu e tueng dawk teh, nang hoi na sannaw koe thoseh, na taminaw koe thoseh, Kaie reknae ka pha sak han. Kai patetlah e talai van pueng dawk awm hoeh tie hah na panue han.

¹⁵ Ka kut ka dâw vaiteh nang hoi na taminaw hah lacik hoi ka rek han. Nang haiyah talai dawk hoi takhoe lah na o han.

¹⁶ Atangcalah, ka hnosakthainae hah nang patue hanelah, talai van pueng dawk ka min kamsawng nahanelah Kai ni nang teh na tawm toe.

¹⁷ Nang ni ka taminaw tâcawt sak laipalah na rektap rah maw.

¹⁸ Khenhaw! Izip ram kamtawngnae koehoi atu totouh kabawt boihoe e roun, tangtho atu e tueng dawk puenghoi ka rak sak han.

¹⁹ Hatdawkvah, kahrawng kaawm e saringnaw hoi kaawm e pueng pakhum sak leih. Im na pakhum hoehpawiteh ayawn dawk hmu e tami pueng hoi saringnaw pueng, roun ni bawt sin vaiteh, koug a due aw hane hah dei pouh telah Mosi koe atipouh.

²⁰ BAWIPA e lawk ka taket e Faro siangpahrang e a sannaw teh a san hoi a saringnaw im lah a yawng sak.

²¹ BAWIPA e lawk banglahai ka ngai hoeh e taminaw teh a sannaw hoi a saringnaw teh ayawn dawk a ta aw h.

²² BAWIPA ni Izip ram kho ka sak tami pueng lathueng thoseh, saringnaw pueng lâthueng thoseh, ayawn dawk e thingkung pueng lathueng thoseh, roun a bo nahanelah na kut kahlun lah dâw telah Mosi koe atipouh.

²³ Mosi ni a sonron kahlun lah a dâw navah, BAWIPA ni keitat hoi roun a patoun. Hmai hai talai dawk a bo. Hottelaw BAWIPA ni Izip ram daw, roun a bo sak dawkvah,

²⁴ Izip ram kamtawngnae koehoi vai touh hai ka bawt boihoe e hmai hoi kâkalawt e roun puenghoi a bo.

²⁵ Izip ram pueng, ayawn daw, kaawm e tami hoi saringnaw, phonaw, thingkungnaw pueng teh roun ni reprep a dei.

²⁶ Hateiteh, Isarelnaw khosaknae Goshen ram daw, dueng doeh roun bawt hoeh.

²⁷ Hat navah, Faro ni Mosi hoi Aron kaw hanlah tami a patoun. Hete hno daw kai ka yon toe. BAWIPA teh a lan. Kai hoi ka taminaw teh ka yon aw h.

²⁸ A khout toe. Athakaawme keitat hoi roun puenghoi ka bawt e dap sak hanlah BAWIPA koe kâhet leih. Kai ni nangmouh ngang laipalah karanglah na ceisak han telah atipouh.

²⁹ Mosi ni hai khopui thung ka cei nah BAWIPA hmalah ka kut ka dâw han. BAWIPA ni talai pui a uk tie nang panue sak hanelah kei hoi roun ka bawt e a roun sak han.

³⁰ Hateiteh, nang hoi na sannaw ni BAWIPA Cathut na taket aw h hoeh rah tie ka panue telah atipouh.

³¹ Pahla hoi catun hai roun ni a dei. Catun teh a paw hoi akawi. Pahla haiyah a paw a tang toe.

³² Catun hoi cang teh a pâw hoeh rah dawkvah roun ni dêi hoeh.

³³ Mosi ni Faro koe khopui alawilah a cei hnukkhu, BAWIPA hmalah kuttabei a na teh, keitat hoi roun teh a roun. Talai kho hai rak hoeh toe.

³⁴ Hottelah, kho a dep, keitat hoi roun ka bawt e hai a roum e Faro siangpahrang ni a hmu navah, bout a yon awh teh a sannaw hoi a lung bout a pata awh.

³⁵ Faro siangpahrang a lung bout a pata sak dawkvah, BAWIPA ni Mosi koe a dei pouh e patetlah Isarelnaw tâcawt sak laipalah bout ao.

10

Samtong a tho sak

¹ BAWIPA ni Mosi, Faro koe cet nateh Kai ni hete mitnoutnaw heh ahnie hmalah patue hane lah,

² Izip ram dawk ka sak e hnonaw hoi Izip taminaw koe ka sak e mitnoutnaw heh, na ca catounnaw koe na dei pouh teh, Kai teh Jehovah doeh tie nangmouh ni na panue awh nahanelah thoseh, ahni hoi a sannaw e lung teh Kai ni ka pata sak telah atipouh.

³ Mosi hoi Aron ni Faro siangpahrang koe a kâen roi teh Hebrunaw e Cathut Jehovah ni, nang ni ka hmalah na kârahnoum laipalah na sittouh maw na o han rah. Ka taminaw ni Kai na bawk na hanelah tâcawt sak leih.

⁴ Ka taminaw na tâcawt sak hoehpawiteh, kenhaw! na ram dawk tangtho samtongnaw ka patoun han.

⁵ Talai kamnuek laipalah ahnimouh ni talai muen a ramuk awh han. Roun ni be a dêi hoeh e kaawm rae naw pueng thoseh, nangmouh hanlah talai dawk kapâw e a lung pueng thoseh a ca awh han.

⁶ Na mintoenaw talai dawk khosak kamtawngnae koehoi atu totouh a hmu awh boihoeh e hah na imnaw, na sannaw e imnaw, Izipnaw e imnaw dawk akawi awh han telah a dei pouh roi hnukkhu Faro koehoi a kamlang roi teh a tâco roi.

⁷ Faro siangpahrang e a sannaw ni hai hete taminaw ni maimouh na totouh maw na tarawk awh han. Hote taminaw ni amamae Cathut Jehovah koe thueng hanelah tâcawt sak leih. Izip ram a rawk e heh na panuek hoeh rah maw telah a dei pouh navah,

⁸ Mosi hoi Aron hah Faro siangpahrang koe bout a kâen sak awh teh, nangmae Cathut Jehovah thueng hanelah tâcawt awh. Hateiteh, apipi maw na ka cet awh han telah a pacei navah,

⁹ Mosi ni, kaimouh teh camo, matawng, ka capanaw, ka canunaw, tu hoi maitonaw hoi ka cei awh han. Bangkongtetpawiteh, BAWIPA koe pawito han ao telah bout atipouh navah,

¹⁰ Faro siangpahrang ni nangmouh hoi na canaw teh kai ni na tâco sak e patetlah BAWIPA teh nangmouh koe awm naseh. Kâhruetcuet awh. Kahawi hoeh e pouknae na tawn awh boma.

¹¹ Hottelah mahoe. Hmaloe na hei e patetlah tongpa dueng cet awh nateh BAWIPA Cathut bawk awh, telah atipouh teh ahnimouh teh ama koehoi a pâlei.

¹² BAWIPA ni samtongnaw hah Izip ram dawk a patoun teh roun ni a dêi nawi e talai dawk kaawm rae akungnaw pueng ca sak hanelah, Izip ram lah na kut dâw telah Mosi koe atipouh e patetlah,

¹³ Mosi ni a sonron hah Izip ram lathueng vah a dâw teh, hote kanîruiri, karum tuettuet Kanîtholah hoi BAWIPA ni kahlî a tho sak teh, amom torei teh Kanîtholae kahlî ni samtongnaw hah a thokhai.

¹⁴ Hote samtong ni Izip ram pueng muen a ramuk teh ramrinaw pueng dawk a kâhat aw h teh moiapap aw h. Hote samtongnaw teh ayan hoi atu totouh aw m boihoeh. Ao hnukkhu hai bout aw m mahoe h.

¹⁵ Talai pueng muen ka tamang lah a ramuk teh ram pueng dawk e phovai kaawm pueng, roun ni a dêi nawi e a paw kaawm e naw pueng a ca dawkvah, Izip ram pueng dawk kaawm e thingkung phokungnaw dawk kahring e banghai aw m hoe h.

¹⁶ Hat toteh, Faro siangpahrang ni Mosi hoi Aron hah karanglah a kaw teh, nangmae Cathut Jehovah koe thoseh, nangmouh koe thoseh ka yon toe.

¹⁷ Hatdawkvah, atu vai touh ka yonnae ngaithoum ei. Nangmae BAWIPA Cathut ni het duenae lacik buet touh dueng kai koehoi takhoe hanelah na kâ pouh ei, atipouh e patetlah,

¹⁸ Mosi ni ahni koehoi a cei teh BAWIPA koe ngaithoumnae a hei.

¹⁹ BAWIPA ni a tha kaawm e kanîloumlae kahlî a patoun teh, hote kahlî ni samtongnaw hah a tawm teh thîpaling talî dawk a pabo. Izip ram dawk samtong buet touh boehai aw m hoe h.

²⁰ Hateiteh, BAWIPA ni Faro e a lung bout a pata sak dawkvah, Isarel canaw tâcawt sak laipalah bout ao.

Hmonae a pha sak

²¹ Hahoi, BAWIPA ni Izip ram dawk rumram e hmonae tho laipalah thupthup payam e hmonae o sak hanelah na kut kahlun lah dâw haw telah Mosi koe a dei pouh e patetlah,

²² Mosi ni a kut kahlun lah a dâw navah Izip ram pueng dawk kingkahnawt e hmonae hnin thum touh ao sak.

²³ Hat navah, buet touh hoi buet touh hai kahmawt aw h hoe h. Hnin thum touh thung apihaiyah a onae hmuen koehoi thaw aw h hoe h. Hatei, Isarelnaw teh a onae hmuen koe angnae a hmu aw h.

²⁴ Hat navah, Faro siangpahrang ni Mosi hoi Aron a kaw teh BAWIPA baw hanelah tâcawt aw h leih. Hatei, camonaw hrawi aw h nateh tu, maitonaw teh cettakhai aw h naseh, telah atipouh.

²⁵ Mosi ni hottelah boipawiteh, ka Cathut Jehovah ka thueng aw h nahanelah satheinaw, hmaisawi thueng han hnopainaw hah nang ni poe hanelah a ngai han.

²⁶ Kaimouh ni saringnaw hah ka hrawi aw h han. Buet touh boehai ka tat aw h mahoe h. Bangkoktetpawiteh, hotnaw thung dawk hoi kaimae Cathut Jehovah thueng nahanelah ka rawi aw h han. BAWIPA bangpatet e saring hoi maw ka bawk aw h han tie hote hmuen koe a pha aw h hoe hroukrak ka panuek aw h hoe h telah atipouh navah,

²⁷ BAWIPA ni Faro siangpahrang e a lung bout a pata sak dawkvah Isarelnaw tâcawt sak hoe h.

²⁸ Mosi hanlah kai koehoi tâcawt leih. Ka minhmai bout na hmu hoe h nahanlah kâhruetcu et. Ka minhmai na hmuna e hnin nah na due han atipouh.

²⁹ Mosi ni hai na dei e teh ahawi. Na minhmai bout kahmawt mahoe h atipouh.

¹ Hat navah, BAWIPA ni Faro siangpahrang hoi Izip ram dawk lacik ka tho sak han. Hathnukkhu, nangmouh na tâco sak awh han. Na tâco sak awh toteh nangmouh pâlei lah na pâlei awh han.

² Isarel tami tongpa ni imri tongpa koe thoseh, napui ni imri napui koe thoseh, sui, ngun hoi khohnanaw hei hanlah, taminaw koe dei pouh telah Mosi koe atipouh.

³ Ahnimouh ni a hei e patetlah Izip taminaw ni poe ngainae pahrennae lung hah BAWIPA ni a tawn sak. Mosi haiyah Izip ram dawk Faro siangpahrang e a sannaw hoi a taminaw hmalah bari kaawm e lah ao.

⁴ Hat navah, Mosi koe BAWIPA ni a dei e teh karumsaning vah Izip ram ka kâva han.

⁵ Bawitungkhung dawk ka tahung e Faro e capa camin koehoi cakang phawmnae koe kaawm e sannu e camin totouh, Izip ram kaawm e camin pueng hoi saringnaw e ca caminnaw pueng kOUNG a due awh han.

⁶ Izip ram pueng dawk ayan hoi kaawm boihoe e hoi hmalah hai bout kaawm hoeh hane kalenpoung khuikanae ao han.

⁷ Hateiteh, BAWIPA ni Izipnaw hoi Isarelnaw kapeknae a tawn ti na panue thai nahanelah, Isarel tami buet touh boehai ui ni rauk mahoehtelah atipouh.

⁸ Na sannaw pueng ni hai kai koe tho awh nateh tabut laihoi cet ati han. Nang hoi na hnukkâbangnaw kOUNG tâcawt telah a dei hnukkhu, kai ka cei han telah a dei pouh teh a lungkhuek teh Faro koehoi a tâco.

⁹ BAWIPA ni hai kângairu e hnonaw Izip ram dawk moiapap nahan, Faro siangpahrang ni nangmae lawkngai lâipalah ao han telah Mosi koe atipouh.

¹⁰ Mosi hoi Aron ni Faro hmalah hete kângairunae a sak roi eiteh, BAWIPA ni Faro siangpahrang e a lungpata sak dawkvah Isarel canaw a ram dawk hoi tâconae kâ poe hoeh.

12

Ceitakhai pawî

¹ BAWIPA ni Izip ram vah Mosi hoi Aron koe a dei pouh e teh;

² Hete thapa heh nangmouh hanelah a kum tangkuem dawk apasuekpoung e thapa lah ao han.

³ Nangmouh roi ni Isarel rangpuinaw koe lawk na thui roi hane teh; Hete thapa hnin hra touh hnin vah nangmanaw pueng ni mae imthungkhu tangkuem dawk im touh ni tuca buet touh rip na sin awh han.

⁴ Imthung kathoung teh tuca buet touh hoi kâki hoehpawiteh imri kahnai e koe a bawng vaiteh tami nâyittouh maw tie a parei hnukkhu, boung cakhuem hane tuca hah a sin han.

⁵ Tuca thoseh, hmaeca thoseh, nangmouh ni na sin e saring teh kacueme hoi âvâ ka cawt hoeh rae a tan han.

⁶ Hote tucanaw hah hote thapa hnin hra hlaipali totouh vaiteh, tangmin vah Isarel mipfun, kamkhuengnaw ni a thei awh han.

⁷ Tuca moi kacate im takhang tâphai hoi tangkhang dawk tu thi na hluk han.

⁸ A moi teh hmai pahai hnukkhu, hote tangmin dawk tonphuenhoehe, kakhat e anhna hoi na ca awh han.

⁹ Moi ka heng lah thoseh, thawng lahoi hai thoseh na cat awh mahoehtelah. A lû, a khok, a kosanaw hoi cungtalah hmai pahai hnukkhu na ca awh han.

10 Hote moi hah khodai totouh na tat mahoe. Youn touh hai na cawi sak pawiteh, hmai na sawi han.

11 Bangtelamaw na ca aw h han tetpawiteh, taisawm kâyeng hoi, khokkhawm hoi, sonron patuep lahoi karanglah na ca aw h han. Hetteh, BAWIPA e ceitakhai pawidoe.

12 Bangkongtetpawiteh, hote karum dawk Izip ram pueng dawk ka cei vaiteh Izipnaw e camin hoi saringnaw e ca caminnaw pueng ka thei han. Izipnaw e cathutnaw hah lawk ka ceng han. Kai teh BAWIPA doeh.

13 Tuca e a thi teh nangmouh na onae im dawk nangmae mitnoutnae lah ao han. Hote a thi ka hmu navah, Kai ni nangmouh teh na ceitakhai aw h han. Hottelah, Izip ram ka rek nah nangmouh karaphoekung lacik teh nangmouh koe phat mahoe.

14 Hete hnin teh nangmouh hanlah pahnim thai hoe e hnin lah ao vaiteh na ca catoun totouh, hete hnin dawk Cathut koe pawidoe a to aw h han. Kâlawk lah ao dawkvah hote pawiteh pou na to aw h han.

15 Hnin sari touh thung tonphuenhoehe na ca aw h han. Apasuek hnin nah ton hah innaw dawk hoi na takhoe aw h han. Apasuek hnin koehoi hnin sari totouh ton phuen e vaiyei ka cat e tami teh Isarel miphun dawk hoi takhoe lah ao han.

16 Apasuek hnin thoseh, asari hnin nah thoseh kathoung kamkhuengnae na sak aw h han. Hote hnin dawkvah, taminaw ni canei hoi kâkuen e thaw hloilah alouke thaw tawk aw h mahoe.

17 Hote tonphuenhoehe pawito ngainae teh, hote hnin dawk na taminaw Izip ram hoi ka tâco sak. Hatdawkvah, kâlawk ao e patetlah na ca catoun totouh hote hnin hah na ya aw h han.

18 Thapa yung pasuek, hnin hra hlaipali hnin tangmin hoi kamtawng teh hnin 20 tangmin totouh, nangmouh ni tonphuenhoehe na ca aw h han.

19 Hnin sari touh thung innaw dawk ton na tat aw h mahoe. Ton phuen e vaiyei kacate ramlouk tami thoseh, khoca thoseh Isarelnaw koehoi takhoe lah ao han.

20 Nangmouh na onae hmuen pueng koe ton phuen e vaiyei na cat aw h mahoe. Tonphuenhoehe vaiyei dueng na ca han atipouh.

21 Hot navah, Mosi ni Isarel tami kacuenaw hah a kaw teh, na imthung tangkuem ni tuca hah ceitakhai pawidoe hanlah thet aw h.

22 Dingsala dawn lat aw h nateh kawlung dawk ta e a thi dawk ranup nateh takhang dawk hluk aw h. Hathnukkuh hoi amom totouh apihai ma im takhang alawilah na tâcawt a mahoe.

23 Bangkongtetpawiteh, BAWIPA teh Izipnaw thei hanlah a kâh lai han. Im takhang dawk e thi a hmu toteh BAWIPA ni takhang a ceitakhai han. Karaphoekung teh nangmouh reknaw poe hanlah imthung kâen sak mahoe.

24 Nangmouh hoi na canaw koe lawkkamnae ao dawkvah hote hno heh pou na tarawi aw h han.

25 BAWIPA ni poe hanlah kam e ram dawk na pha aw h toteh, hete phunglam heh na sak aw h han.

26 Nangmae ca catounnaw ni hete phung heh bang ngainae maw na sak telah na pacei pawiteh,

27 BAWIPA ni Izipnaw a thei navah maimae imthungnaw a hlout sak. Izip ram kho ka sak e Isarelnaw e innaw a ceitakhai e, BAWIPA e ceitakhai pawidoe lah ao telah bout na dei pouh han telah Mosi ni a dei hnukkuh, ahnimouh ni a lûsaling aw h teh a bawk aw h.

²⁸ BAWIPA ni Mosi hoi Aron koe lawk a thui e patetlah Isarelnaw ni a sak aw h.

²⁹ Karumsaning vah, BAWIPA ni bawitungkhung daw k ka tahung e Faro e camin koehoi kamtawng teh thongkabawtnaw e camin totouh, Izipnaw e camin pueng thoseh, saringnaw e camin pueng thoseh koug a thei.

³⁰ Hote tangmin vah, Faro siangpahrang hoi a sannaw, Izipnaw ni a thaw aw h teh, im tangkuem tami a due dawkvah, Izip ram pueng daw k khuikanae puenghoi a pha.

Tâcohoutnae

³¹ Hote tangmin vah, Mosi hoi Aron a kaw teh, nangmouh roi hoi Isarelnaw thaw aw h nateh ka taminaw koehoi tâcawt aw h. Na hei e patetlah cet aw h nateh Jehovah hah baw k aw h leih.

³² Nangmouh ni na hei e patetlah tu, maitonaw hrawi aw h nateh cet aw h. Kai haiyah yawhawinae na poe aw h, telah atipouh.

³³ Izipnaw ni maimouh pueng hai tami kadout lah doeh koug o aw h toe telah ati aw h teh, Isarelnaw Izip ram daw k hoi karanglah tâco sak hanlah a dei pouh aw h.

³⁴ Hote taminaw ni ton phuen hoeh rae tavai a la aw h teh, tavai kanaw k nae kawlungnaw a lâ aw h teh, hni hoi a tangoung aw h teh a phu aw h.

³⁵ Mosi ni a dei e patetlah Isarelnaw ni Izipnaw koe suingun, khohnanaw hah a hei aw h.

³⁶ A hei aw h e patetlah poe ngainae lungthin BAWIPA ni Izipnaw a tawn sak teh, Izipnaw e hnopainaw a lawp aw h.

³⁷ Isarelnaw napui camo touk laipalah, tongpa ting taruk touh, Raameses khopui hoi a tâco aw h teh Sukkoth lah a cei aw h.

³⁸ Alouklouke taminaw haiyah a tawn e tu, maito hoi saringnaw pueng hoi a kâbang aw h.

³⁹ Izip ram hoi a phu e tonphuenhoehe tavai a la aw h teh, tonphuenhoehe a tau aw h. Bangkongtetpawiteh, Izip ram hoi tang a pâlei aw h dawkvah, canei kawi kârakueng mang aw h hoeh.

⁴⁰ Isarelnaw teh Izip ram vah kum 430 touh imyin lah ao aw h.

⁴¹ A kum 430 akuepnae hnin daw k BAWIPA e ransanaw teh Izip ram hoi a tâco aw h.

⁴² Izip ram hoi a tâcokhai dawkvah hote tangmin teh BAWIPA hanlah a ya aw h. Hatdawkvah, hote tangmin teh Isarelnaw ni pout laipalah pou a ya aw h e tangmin lah ao.

Ceitakhai paw i phunglam

⁴³ BAWIPA ni Mosi hoi Aron koe vah, ceitakhai paw i phunglam teh hettelah ao. Ceitakhai paw iteh alouke mipun ni cat mahoe h.

⁴⁴ Hateiteh, tangka hoi ran e san ni teh vuensoma hnukkhu a ca han.

⁴⁵ Mipun alouke hoi san lah hno e naw ni teh cat mahoe h.

⁴⁶ Im buet touh daw k na ca han. A moi im alawilah na sin mahoe h. A hru hai na khoe mahoe h.

⁴⁷ Isarelnaw pueng ni hote paw iteh na tarawi aw h han.

⁴⁸ Hahoi, nangmouh koe kârayen e Jentelnaw ni BAWIPA hanlah ceitakhai paw i sak han ngai aw h paw iteh, tongpanaw pueng vuensoma aw h naseh. Hathnukkhu hote tami teh khoca patetlah ao dawkvah paw i kâen naseh. Vuensom ka a hoeh e teh hote paw i cat thai hoeh.

⁴⁹ Khocanaw hoi nangmouh koe kârayennaw hanlah phunglam buet touh dueng doeh kaawm telah BAWIPA ni Mosi hoi Aron koe a dei pouh.

⁵⁰ Hottelah, BAWIPA ni Mosi hoi Aron koe a dei pouh e patetlah Isarelnaw ni a sak awl.

⁵¹ Hote hnin dawk BAWIPA ni Isarelnaw a ransanaw khue hoi Izip ram hoi a tâcokhai.

13

Camin poenae

¹ BAWIPA ni Mosi a kaw teh Isarelnaw thung dawk hmaloe khe e,

² tami thoseh, saring thoseh ca caminnaw pueng Kai hanlah thoung sak awl. Kaie hno lah ao telah atipouh.

Tonphuenhoehe vaiyei

³ Mosi ni hai nangmouh santoungnae Izip ram hoi tâconae hete hnin heh pahnim awl hanh. BAWIPA ni nangmouh teh a thaonae kut lahoi hote ram dawk hoi na hrawi awl toe. Ton phuen vaiyei cat awl hanh.

⁴ Abib thapa atu e hnin dawk nangmouh teh na tâco awl.

⁵ BAWIPA ni nangmouh poe hanlah mintoenaw koe lawk a kam e ram, Kanaannaw, Hitnaw, Amornaw, Hivnaw hoi Jebusitnaw e ram, sanutui hoi khoitui a lawngnae ram dawk na hrawi awl toteh, hete thapa dawk nangmouh ni hete hno heh na sak awl han.

⁶ Hnin sari touh thung tonphuenhoehe na ca awl waiteh, hnin sarinae dawk BAWIPA han pawl lah ao han.

⁷ Tonphuenhoehe vaiyei hnin sari touh thung na ca awl navah, nangmouh koe ton na tat awl mahoe. Na onae hmuen pueng koehai hmu lah awl hanh naseh.

⁸ Kaimouh ni BAWIPA lungmanae dawk Izip ram hoi ka tâconae tueng nah, hettelah ka sak awl, telah na ca catounnaw koe na dei pouh han.

⁹ BAWIPA e kâlawk teh na pahni dawk pou ao thai nahan, hote hno teh na kut dawk mitnout kapanuekkhaikung, na mit rahak vah pahnim hoe. Nahanlah ao han. BAWIPA ni nang teh athakaawme a kut hoi Izip ram dawk hoi na hrawi awl toe.

¹⁰ Hatdawkvah, hete phunglam heh a kum tangkuem ama tueng nah na ya awl han.

¹¹ Nangmouh hoi na mintoenaw koe thoseh lawk a kam e patetlah BAWIPA ni na hrawi awl teh, hote ram na poe awl torei teh,

¹² Nangmae ca caminnaw pueng hoi saringnaw e ca caminnaw pueng BAWIPA hanlah na hmoun awl han. A na tongpanaw pueng teh BAWIPA e lah ao han.

¹³ Hateiteh, La ni a khe e camin teh tuca hoi na ratang awl han. Ratang ngai hoehpawiteh, Laca e a lahuen na kapai pouh awl han. Taminaw dawk ca caminnaw na ratang awl han.

¹⁴ Na ca ni hmalah bangtelamaw telah na pacei pawiteh, BAWIPA ni santoungnae Izip ram hoi a kut tha kaawm hoi kaimouh na tâcokhai awl.

¹⁵ Faro siangpahrang ni kayawi lah na tâco sak awl hoe. Hote torei teh, Izip ram dawk tami thoseh, saring thoseh, ca tongpa caminnaw pueng BAWIPA ni koug a thei. Hatdawkvah, hmaloe ka khe e saring a na tongpanaw pueng heh BAWIPA koe na poe han. Ca tongpa thung dawk tongpa caminnaw pueng teh ratang hanlah na dei pouh han.

¹⁶ Hete hno haiyah nange mitnout kapanuekkhaikung, na mit rahak vah mitnout lah ao han. Bangkongtetpawiteh, BAWIPA ni athakaawme a kut

hoi kaimouh Izip ram dawk hoi na tâco sak aw h toe telah taminaw koe a dei aw h.

Kahrawng lamthung

¹⁷ Faro ni Isarelnaw a tâco sak hnukkhu, Filistin lah ceinae lam kahnaica ao eiteh, Cathut ni hote lam daw k hrawi hoeh. Bangkongtetpawiteh, ahnimouh ni tarantuknae a kâhmo aw h navah, a lungpout teh Izip ram lah a ban payon han doeh ti a panue.

¹⁸ Hatdawkvah, Cathut ni ahnimouh teh tuipuiपालing kahrawng lam lahoi a hrawi. Isarelnaw ni Izip ram hoi ahuhu lahoi a tâco aw h.

¹⁹ Joseph ni hmaloe vah, Cathut ni na khet aw h han. Ka hrunaw hete hmuen koe na sin aw h han telah Isarelnaw koe lawk a kam e patetlah Mosi ni ahnie a hrunaw ama koe a sin.

²⁰ Ahnimouh ni Sukkoth hoi bout a tâco aw h teh kahrawng teng, Etham khopui vah a roe aw h.

²¹ Ahnimouh ni karum khodai a cei thai aw h nahanelah, BAWIPA ni kanîthun lah lam ka patue hane tâmaikhom hoi thoseh, tangmin lah angnae ka poe hane hmaitokhom hoi thoseh, ahnimae hmalah a cei pouh.

²² Kanîthun lah tâmaikhom, tangmin lah hmaitokhom hah ahnimae hmalah hoi takhoe pouh hoeh.

14

¹ BAWIPA nihai,

² Isarelnaw ban teh Pihahiroth khopui teng, Migedan khopui hoi tuipui rahak, Baalazepion khopui hmalah rim tuk hanlah dei pouh.

³ Bangkongtetpawiteh, Faro siangpahrang ni Isarelnaw teh khikpacu aw h toe. Ramke um lam aw m hoeh toe telah ati han.

⁴ Kai ni hai Faro e lungthin ka pata sak vaiteh, ahni ni Isarelnaw a pâlei han. Kai teh BAWIPA doeh tie Izipnaw ni a panue nahanlah hote siangpahrang hoi a ransanaw lahoi ka bawilennae a kamnue han telah Mosi koe atipouh e patetlah ahnimanaw ni a sak aw h.

Tuipui paling rakanae

⁵ Hote taminaw a yawng e kong Izip siangpahrang koe a thai sak aw h navah, ahni koehoi a sannaw e lungthin bout a kamlang teh, maimouh ni hettelah sak aw h teh Isarelnaw hah maimae thawtawknae koehoi bangkongmaw a hlout aw h han telah ati aw h.

⁶ Hat navah, Siangpahrang ni rangleng councakoe a rakueng teh a taminaw hah akaw.

⁷ Rangleng kahawi e cum taruk touh hoi Izip marangransanaw pueng hoi cungtalah, bawinaw pueng haiyah a ceikhai.

⁸ BAWIPA ni Faro e lungthin bout a pata sak dawkvah, ahni ni Isarelnaw hah a pâlei aw h. Hat ei, Isarelnaw teh kut dâw laihoi a cei aw h.

⁹ Hottelah, Faro siangpahrang e marangransanaw, rangleng ransanaw hoi Izip taminaw ni a pâlei aw h teh, Pihahuroth khopui teng, Baalazepion khopui hmalah tuipui rai lah rim ka tuk e Isarelnaw hah a pha aw h.

¹⁰ Faro ni a hnai nah Isarelnaw ni a khet aw h teh Izipnaw ni pâlei e a hmu aw h navah, pueng hoi a taki aw h dawkvah BAWIPA koe a hramki aw h.

¹¹ Mosi koe hai, Izip ram daw k phuenmon ao hoeh dawkvah maw, hi ramke um due hanlah kaimouh na hrawi aw h. Kaimouh koe hettelah na sak teh, Izip ram hoi bangkong na hrawi aw h.

12 Kaimouh teh Izipnaw koe san lah kaawm awh yawkaw nei telah Izip ram vah ka dei awh navah, hete hno khet laihoi ka dei awh hoeh na maw. Kaimouh hete kahrawngum due hlak teh Izipnaw koe san lah o e heh ahawihnawn telah ati awh.

13 Mosi ni taket awh hanh. Lungmawngcalah awh awh. BAWIPA ni sahnin nangmouh hanlah runggangnae a sak hane hah kenhaw. Sahnin nangmouh ni na hmu e Izipnaw heh bout na hmawt awh mahoe toe.

14 BAWIPA ni taran na tuk pouh han. Nangmanaw teh lungmawngcalah na o awh han telah taminaw koe a dei pouh.

15 BAWIPA ni bangkongmaw KAI na kaw awh. Isarelnaw hmalah cei hanlah dei pouh.

16 Nang ni sonron na kut hoi tuipui van lah dâw nateh tuipui kâphi sak. Isarelnaw ni tui lungui, talai kaphui daw koe a cei awh han.

17 KAI ni Izipnaw e a lungthin ka pata sak vaiteh, ahnimouh ni na pâlei awh han. Faro siangpahrang hoi a bawinaw, marang, marangransanaw lahoi ka lentoenae a kamnue han.

18 Hottelah, Faro siangpahrang hoi a marang, marangransanaw lahoi ka lentoenae a kamnue toteh, kai teh BAWIPA doeh tie hah Izipnaw ni a panue awh han telah Mosi koe a dei pouh.

19 Hat navah, Isarelnaw e hmalah ka cet e Cathut e kalvantami ni a hnuk a pâlei teh, tâmai khom teh ahnimae hmalah hoi hnuklah a kampuen teh a kangdue.

20 Hottelah, Izip ransanaw hoi Isarel ransanaw rahak a pha nah, Izipnaw koe kahmawt sak e tâmai lah ao teh, Isarelnaw koe teh angnae ka poe dawkvah karum tuettuet buet touh hoi buet touh kâhnai thai awh hoeh.

21 Mosi ni tuipui lathueng a kut a dâw nah karum tuettuet BAWIPA ni Kanîtholae kahlî katang hoi tuipui hah hnuklah a pâban teh talai rem a phui sak.

22 Isarelnaw ni tuipui lungui talai daw koe a cei awh teh, tui teh ahnimae avoilah aranglah talung tapang patetlah ao.

23 Izipnaw, Faro siangpahrang ni a hrawi e marang, marangransanaw teh tuipui lungui a kâen awh.

24 Amom vah BAWIPA ni Izip ransanaw hah hmaikhom hoi tâmai daw koe hoi a khet teh a tarawk.

25 Ahnimae rangleng cei a ru nahanlah a khok a kâhlehlaw koe sak. Izipnaw ni hai Isarelnaw koehoi yawng awh leih sei, BAWIPA ni Isarelnaw koe lahoi Izip taminaw a tuk, telah ati awh.

26 BAWIPA nihai, tuipui ni Izip taminaw, ranglengnaw, marangransanaw e lathueng vah tip sin hanelah, tupui lathueng na kut dâw atipouh e patetlah,

27 Khodai toteh Mosi ni tuipui lathueng a kut a dâw teh, tuipui tui teh a thao teh bout a lawng. Izipnaw ni a yawng takhai ei, BAWIPA ni ahnimouh teh tuipui lungui vah a tâkhwng.

28 Hottelah, tuipui tui teh bout a lawng teh tuipui daw koe a bo toteh, Faro siangpahrang e rangleng, marangransanaw pueng teh muen a ramuk dawkvah buet touh hai hlout awh hoeh.

29 Isarelnaw teh tuipui lungui talai kaphui daw koe hoi a cei awh teh, tui teh ahnimae avoilah aranglah talung tapang patetlah ao.

30 Hottelah, BAWIPA ni Isarelnaw teh Izipnaw e kut daw koe hoi a runggang teh tuipui rai lah Izipnaw e ronaw teh a hmu awh.

³¹ Hottelah, BAWIPA ni Izipnaw koe hno ka len poung a sak e hah Isarelnaw ni a hmu awh navah, BAWIPA hah a taki awh. BAWIPA hoi a san Mosi hah a yuem awh.

15

Mosi la

- ¹ Hat navah, Mosi hoi Isarelnaw ni BAWIPA koe la a sak awh e teh, BAWIPA ni a lentoenae hoi a tâ dawkvah ama pholennae la sak awh sei. Marang hoi marangransanaw tuipei thung koug a tâkhawng toe.
- ² BAWIPA teh ka thaonae hoi ka la lah ao.
Ama teh na ka rungngangnae lah ao.
Hote Cathut teh kai ni ka bawk e Cathut lah ao dawkvah,
ka pholen han. Ka mintoenaw e Cathut lah ao dawkvah ka oup han.
- ³ BAWIPA teh ransa lah ao.
A min teh Jehovah doeh.
- ⁴ Faro siangpahrang e rangleng hoi a ransanaw teh
tuipei daw koug a tâkhawng.
A rawi e bawinaw hai tuipei paling daw koug a bo awh.
- ⁵ Kadung poung e hmuen daw muen a ramuk.
Talung patetlah thung a bo awh.
- ⁶ Oe BAWIPA, Aranglae na kut teh
hnosakthainae hoi a lentoe teh,
Oe BAWIPA, aranglae na kut ni tarannaw koug a raphoe.
- ⁷ Nang na ka tarannaw hah na lentoenae naw hoi
koug na tâkhawng. A lungkhueknae a patoun teh
songnawng patetlah ahnimouh teh a kak.
- ⁸ Na hnong daw e kâha lahoi tui teh na kâcu sak teh,
Kalawng e tui barukbaruk a phuen sak teh,
tuipei thung kadung poung e tui hah a kamkak.
- ⁹ Taran ni kai na pâlei han. ahnimouh ka pha han.
Lawp e hno hah ka kârei vaiteh ahnimouh koe ka ngainae akuep han.
Tahloi tabu daw e ka rasa vaiteh,
ka kut hoi ahnimouh teh koug ka thei han telah a dei.
- ¹⁰ BAWIPA ni kahli a hmu teh,
tuipei ni ahnimouh muen a ramuk teh
katha kaawm poung e tui daw talung patetlah a bo awh.
- ¹¹ Oe BAWIPA, cathutnaw thung daw
nang patetlae Cathut apine kaawm.
Thoungnae lahoi ka lentoe e, pholen nah,
taki kaawm e, kângairu hno ka sak e,
Nang hoi bang patet e cathut maw ka kâvan.
- ¹² Aranglae kut na dâw nah ahnimouh teh
talai ni koug a payawp.
- ¹³ Na taran e taminaw hah lungmanae lahoi na hrawi.
Kathoung na onae hmuen koe tha onae lahoi na hrawi.
- ¹⁴ Miphunnaw ni kamthang a thai awh vaiteh a taki awh han.
Filistin khocanaw teh a lungpuen awh han.
- ¹⁵ Edom kahrawikungnaw kângairunae,
Moab ram e ransanaw teh pâyawnae,
Kanaan khocanaw pueng teh
lungpoutnae koe a pha awh han.

- 16 Oe BAWIPA, na taminaw ni a tapoung toteh,
Na ran e taminaw ni a tapoung toteh,
Hote miphunnaw pueng ni takinae lungthin,
lungpuennae a tawn awh vaiteh,
Na kut hno sakthainae dawk ahnimouh teh
talung patetlah duem ao awh han.
- 17 Oe BAWIPA, rãw coe hane mon,
Na o nahanelah na sak e hmuen koe
na taminaw na kãenkhai han.
Oe BAWIPA, na kut hoi sak e kathoung e
hmuen koe hmuen na ta han.
- 18 BAWIPA ni a yungyoe uk na lawiseh telah la a sak awh.
- 19 Bangkongtetpawiteh, Faro siangpahrang e marangnaw, ranglengnaw,
marangransanaw teh tuipui dawk a kãen teh BAWIPA ni ahnimae lathueng
tuipui hoi muenli sak. Isarel miphunnaw teh tuipui lungui vah talai dawk
a cei awh.

Miriam la

20 Aron e a tawn canu, profet napui Miriam ni cecak a sin teh, napuinaw
pueng ni hai cecak khawng hoi a hnuuk a kãbang awh.

21 Miriam ni hai BAWIPA teh a lentoe teh tânae a hmu dawkvah,
Ama teh pholen awh sei.

Marang hoi marangransanaw hah tuipui thungvah
koung a pabo toe telah ahnimouh hoi cungtalah la a sak awh.

Tui kakhat e radipsaknae

22 Hahoi, Mosi ni Isarelkaw hah tuipui paling koe lahoi a hrawi teh,
ahnimouh teh Sur kahrawngum vah a pha awh. Hote kahrawng dawk
hnin thum touh kahlawng a cei awh teh tui hmawt awh hoeh.

23 Marah tie hmuen koe a pha awh navah, Marah tui teh akha dawkvah
net thai awh hoeh. Hatdawkvah, Hote hmuen hah Marah telah a kaw awh.

24 Taminaw ni Mosi yonpen awh teh bangtelamaw nei han ti hoi a
phuenang awh.

25 Mosi ni BAWIPA a kaw teh BAWIPA ni thingkung buet touh a patue.
Hote akung tui dawk a tâkhawng nah tui teh a radip. Hote hmuen koe
ahnimouh a tanouk teh phunglam a sak pouh e teh,

26 Nangmouh ni BAWIPA Cathut e lawk hah kahawicalah na ngai teh a
ngai e hno na sak teh a kãpoelawknaw hah na ngai teh aphunglawknaw
pueng na tarawi pawiteh, Izipnaw koe ka pha sak e Lacik hah nangmouh
koe ka phat sak mahoe. Bangkongtetpawiteh, nangmae patawnae
kadamsakkung, BAWIPA lah ka o telah ati.

27 Hat hnukkhu, tuido hlaikahni touh, samtue 70 touh a onae Elim kho a
pha awh teh, Hote hmuen dawk tui onae koe tengpam vah rim a tuk awh.

16

Kalvan hoi e vaiyei

1 Hahoi, Isarel rangpuinaw teh Elim hoi a tâco awh teh kahlawng bout a
cei awh. Izip ram hoi a tâco hnukkhu, thapa yung hni, Hnin hrahlaipanga
nah, Elim hoi Sinai mon rahak Sin kahrawng dawk a pha awh.

2 Hote kahrawng dawk Isarel rangpuinaw ni,

3 Kaimouh teh Izip ram moi thawngnae hlaam teng tahung teh, ka boum
lah ka ca awh navah, BAWIPA e kut hoi kadout awh pawiteh ahawihnawn.

Atu vah, ka kamkhueng e taminaw kamlum sak hanelah, Hete kahrawng dawk na hrawi awh vaw telah Mosi hoi Aron yonpen awh teh a phuenang awh.

⁴ Hat navah, BAWIPA ni kenhaw! Kai ni nangmouh hanelah kalvan hoi vaiyei ka rak sak han. Taminaw ni hnin touh rawca rawi hanelah hnintangkuem a tâco awh han. Ka kâlawk patetlah a sak hoi, a sak hoeh e hottelah lahoi ahnimouh ka tanouk han.

⁵ Hnin tangkuem rawi e hlak kapap lah, hnin taruk hnin teh let hni touh hoi rawi hanelah kârakueng awh, telah Mosi koe a dei pouh.

⁶ Mosi hoi Aron nihai, BAWIPA ni nangmouh teh Izip ram hoi na hrawi a e hah atu tangmin vah na panue awh han.

⁷ Amom lahai BAWIPA e bawilennae na hmu awh han. BAWIPA koe na phuenangnae lawk teh a thai toe. Kaimouh yon na pen awh teh na phuenang sin hanelah, Kaimouh teh bang patet e tami lah maw ka o awh, telah Isarelnaw koe atipouh roi.

⁸ Hahoi, Mosi ni, BAWIPA ni tangmin na ca awh han e moi thoseh, Amom kaboumlah na ca awh han e vaiyei thoseh, na poe awh toteh, hete lawk heh kakuep han. Nangmouh ni na phuenangnae lawk teh BAWIPA ni a thai toe. Kaimouh teh bang patet e tami maw. Nangmouh ni na phuenangnae e heh kaimouh roi koe na hoeh, BAWIPA koe doeh na phuenang awh, telah atipouh.

⁹ Hahoi, nangmae phuenangnae lawk hah BAWIPA ni a thai dawkvah, Ama koe hnai awh, telah Isarel tamimaya pueng koe patuen dei pouh hanelah Aron koe lawkthui e patetlah,

¹⁰ Aron ni Isarel tamimaya koe patuen bout a dei pouh navah, ahnimouh ni kahrawng lah a khet awh teh, tâmai dawk BAWIPA e bawilennae kamnuek e hah a hmu awh.

¹¹ BAWIPA ni hai Isarelnaw e phuenangnae lawk hah ka thai toe.

¹² Tangmin lah nangmouh ni moi na ca awh han. Amom lahai vaiyei kaboumlah na ca awh han. KAI teh nangmae BAWIPA Cathut doeh tie hah na panue han telah ahnimouh koe dei pouh telah Mosi koe atipouh.

¹³ Tangmin lah tamuennaw teh rim koe a tho awh. Amom lahai rim petkâtue lah tadamtui a bo.

¹⁴ Tadamtui a kâkayaw toteh, tadamtui kamkak e patetlah titica kamhluem e talai dawk ao.

¹⁵ Hote hno Isarelnaw ni a hmu awh toteh, bangmaw ti a panue awh hoeh dawkvah, buet touh hoi buet touh a kâpacei awh. Mosi ni hete naw teh nangmouh na ca hanelah BAWIPA ni na poe e vaiyei doeh.

¹⁶ Tami pueng ni amae rim dawk kaawm e tami yit touh ni cakhuem, tami buet touh hanlah Omer buet touh rip rawi hanlah BAWIPA ni a dei e patetlah patuen bout a dei pouh.

¹⁷ Isarelnaw ni hottelah a sak awh teh, tami kayoun kapap e patetlah a rawi awh.

¹⁸ Omer hoi a nue awh navah, kapap ka rawi e ni hoe tawn hoeh. Kayoun ka rawi e ni hai hoe vout hoeh. Abuemlah cakhuem koug a rawi awh.

¹⁹ Mosi ni api nang hai amom totouh na tat awh mahoeh atipouh eiteh,

²⁰ Tami tangawn ni Mosi e lawk ngai laipalah, amom totouh a ta awh dawkvah a pâri teh a hmui a tho dawk Mosi teh a lungkhuek.

²¹ Hote tami tangkuem ni amamouh cakhuem hnintangkuem a rawi awh. Khumbeithoe nah atui lah a tho.

²² A hnin taruk hnin navah, vaiyei let hni touh, tami buet touh hanelah Omer kahni touh rip a rawi awh. Hote akong hah tamimaya ka ukkungnaw ni Mosi koe a thai sak awh.

²³ Ahni ni hai tangtho teh BAWIPA hmalah kathounge Sabbath hnin, Kâhatnae hnin lah ao. Vaiyei thawng hanlah na ngai e patetlah thawng awh. Bue hanlah na ngai pawiteh bue awh. Kacawie teh tangtho amom hanelah na ta awh han telah BAWIPA ni a dei e hah bout a dei pouh.

²⁴ Mosi ni lawkthui a e patetlah atangtho amom hanelah hai a ta awh. Hotteh, a hmui tho hoeh. Pâri hai pâri hoeh.

²⁵ Mosi ni hai kacawie sahnin cat awh. Sabbath teh BAWIPA e hnin doeh. Hote hno kahrawngum sahnin vah na hmawt awh mahoe.

²⁶ Hnin taruk touh thung a rawi awh. Sabbath hnin lah kaawm e hnin sari hnin nah awm hoeh, na hmawt hai na hmawt awh mahoe telah ati.

²⁷ Hnin sari hnin nah, Tami tangawn ni rawi hanelah a tâco awh teh a tawng awh navah hmawt awh hoeh.

²⁸ BAWIPA ni hai nangmouh ni kaie kâpoelawknaw hoi kâlawnaw na totouh maw na pahnawt awh han rah.

²⁹ BAWIPA ni Sabbath hnin teh nangmouh na poe awh. Hatdawkvah, hnin taruk hnin nah, hnin hni touh hane vaiyei hah na poe awh. Taminaw pueng ama onae hmuen koe awm naseh. Hnin sari hnin nah, a onae hmuen koehoi nahai cetsak hanh telah Mosi koe atipouh.

³⁰ Taminaw ni hnin sari hnin nah a kâhat awh han.

³¹ Isarelnaw ni hote cakawi hah mana telah ati awh. Songsuenmu patetlah ao teh a pangaw. Khoitui hoi kalawt e vaiyei hoi a tuinae a kâvan.

³² Mosi ni nangmouh Izip ram hoi na hrawi awh navah, Kahrawng na paca e vaiyei hah na ca catounnaw pueng ni a hmu a nahan e lah, Omer buet touh tat telah BAWIPA ni a dei e hah bout a dei pouh.

³³ Mosi ni Aron koevah hlaam lat nateh, mana Omer buet touh athung vah tat. Na ca catoun totouh ta hanelah, BAWIPA hmalah na kuem han atipouh.

³⁴ BAWIPA ni Mosi koe lawkthui e patetlah hote mana hah Aron ni pou a kuem hanelah lawkpanuesaknae hmalah a hung.

³⁵ Isarelnaw ni khosaknae ram daw k a pha awh hoeh roukrak, a kum 40 touh thung mana a ca awh. Kanaan ramri koe a pha hoeh roukrak mana a ca awh.

³⁶ Omer buet touh e teh ephah pung hra pung touh e kuk lah ao. (Omer buet touh teh ephah pung hra pung touh hoi a kâvan teh, ephah buet touh teh 22 liters hoi a kâvan)

17

Lungsong koehoi e tui

¹ Isarel rangpuinaw ni BAWIPA e kâ patetlah Sin kahrawng daw k hoi a tâco awh teh kahlawng bout a cei awh nah Rephidim vah rim a tuk awh. Hote hmuen koe taminaw nei hanelah tui awm hoeh.

² Hatdawkvah, taminaw ni Mosi koe nei hane tui na poe telah a titeh Mosi a yue awh. Mosi ni bangkongmaw kai koe thoena e na tawng awh. BAWIPA hah bangkongmaw na tanouk awh vaw telah atipouh.

³ Taminaw tui a kahran dawkvah, Mosi yon a pen awh teh a phuenang awh. Kamamouh khue hoi ka canaw, saringnaw pueng tui kahran sak hanelah, Izip ram hoi bangkongmaw na hrawi telah atipouh awh.

⁴ Hat navah, Mosi ni BAWIPA hah a kaw teh, hete taminaw heh kai ni bangtelamaw ka ti han. Talung hoi kai dêi hanelah meimei counγκakoe ao aw h toe telah atipouh.

⁵ BAWIPA ni hai taminaw e hmalah cet nateh, Isarel tami kacuenaw hah kaw. Tuipui na hemnae sonron hah sin nateh Horeb mon lah cet.

⁶ Hote hmuen koe kaawm e lungsong van vah kai ka kangdue han. Nang ni hote lungsong hah na hem han. Taminaw ni a nei hane tui hote lungsong dawκ hoi a tâco han telah Mosi koe atipouh. Mosi ni Isarel kacuenaw e hmalah hottelah a sak.

⁷ Isarelnaw ni BAWIPA teh kaimouh koe ao hoi ao hoeh e a tanouκ aw h dawκvah, hote hmuen teh Massah hoi Meribah telah ati aw h.

Amaleknaw tânae

⁸ Hat navah, Amaleknaw ni a tho aw h teh Isarelnaw Refidim vah a tuk aw h.

⁹ Mosi ni taminaw hah a rawi teh Amaleknaw tuk hanelah cet aw h. Tangtho vah, Cathut e sonron ka sin vaiteh, mon vah ka kangdue han telah Joshua koe atipouh.

¹⁰ Mosi ni a dei pouh e patetlah Joshua ni a sak teh Amaleknaw hah a tuk. Mosi, Aron hoi Hur tinaw mon vah a luen aw h.

¹¹ Mosi ni a kut a dâw nah, Isarelnaw ni a tâ aw h. A kut a pabo nah, Amaleknaw ni a tâ aw h.

¹² Hatei, Mosi e kut tha a tawn dawκvah, ahnimouh ni talung a la aw h teh, Mosi talung van a tahung sak hnukkhu, Aron hoi Hur ni avoivang lahoi a kut a tawm pouh roi. Hatdawκvah, Kaniloum totouh a kut teh ama paroup lah ao.

¹³ Joshua ni hai Amalek bawinaw hoi a taminaw hah tahloi hoi a thei.

¹⁴ BAWIPA ni hai hete hno dawκ pahnim hoeh nahanlah ca thut nateh touκ telah Joshua koe atipouh. Bangkongtetpawiteh, kalvan rahim vah Amalek pahnimhoehnae hah kai ni ka takhoe han telah Mosi koe atipouh.

¹⁵ Mosi ni khoungroe a sak teh BAWIPA teh ka tânae (Jehovah-nissi) doeh telah ati.

¹⁶ Bangkongtetpawiteh, Amaleknaw e kut ni BAWIPA e khoungroe e taran lah ao dawκvah, BAWIPA ni Amaleknaw teh a yungyoe hoi taran lah a tuk han telah ati.

18

Jethro ni pouκnae a poe

¹ Cathut ni Mosi hoi a tami Isarelnaw hanelah a sak pouh e naw pueng thoseh, BAWIPA ni Isarelnaw Izip ram hoi a tâcokhainae thoseh, Midian Jethro, Mosi e a masei ni a thai nah,

² Mosi ni a patoun e a yu hoi,

³ A ca kahni touh a hrawi teh a cei. A capa buet touh e min teh Gershom ka phung. Bangkongtetpawiteh, ayâ ram vah imyin lah ka o atipouh.

⁴ Alouκ buet touh e min teh Eliezer ka phung. Bangkongtetpawiteh, Apa Cathut teh kai na kabawmκung lah ao. Faro e tahloi dawκ hoi na rungngang telah atipouh.

⁵ Mosi e a masei Jethro ni Mosi e capa roi hoi a yu a hrawi teh kahrawngum rim tuknae koe Cathut mon dawκ Mosi koe a tho aw h.

⁶ A masei Jethro hoi na yu, na capa roi teh nang koe a tho telah Mosi koe a dei pouh aw h navah,

7 Mosi ni a masei hah dawn hanelah a tâco teh a paco. Na dam maw telah buet touh hoi buet touh a kâpacei awh hnukkhu, rim thung vah a kâen awh.

8 BAWIPA ni Isarelnaw hanelah Faro siangpahrang hoi Izipnaw koe hno a sak e naw pueng thoseh, lam a kâhmo awh e rucatnae naw pueng thoseh, hote rucatnae dawh hoi BAWIPA ni a rungangang e thoseh, Mosi ni a masei koe a dei pouh.

9 BAWIPA ni Isarelnaw teh Izipnaw e kut dawh hoi a rasa teh a sak e lungmanae kecu dawh Jethro teh a lunghawi.

10 Izipnaw e kut dawh hoi thoseh, Faro siangpahrang e kut dawh hoi thoseh, nang hoi taminaw ka rungangang e BAWIPA teh yawhawinae awm naseh.

11 BAWIPA teh alouke cathutnaw pueng hlak, hoe a lentoe tie atu ka panue. Bangkongtetpawiteh, taminaw ni kâoupkâpawinaw thaw dawh BAWIPA ni a tâ telah ati hnukkhu,

12 Mosi e a masei Jethro ni hmaisawi hane sathei hoi Cathut hanlah satheinaw hah a sin teh, Aron hoi Isarel tami kacuenaw ni Mosi e a masei hoi cungalalah Cathut hmalah rawca ca hanlah a tho awh.

13 Atangtho vah, Mosi ni taminaw lawkceng hanlah a tahung. Amom hoi tangmin totouh, taminaw Mosi hmalah ao awh.

14 Mosi ni taminaw koe a sak e naw pueng hah a masei ni a hmu navah, hete taminaw koe bangtelamaw na sak Nang ni nama dueng na tahung teh taminaw pueng teh amom hoi tangmin lah totouh na hmalah bangkongmaw ao awh, telah atipouh.

15 Mosi ni hete taminaw teh Cathut e pouknae hei hanelah kai koe ka tho e doeh atipouh.

16 Hahoi, ahnimouh ni lawkpungnae tawn awh boipawiteh, kai koe a tho awh teh, ahnimae lawkpung hah kai ni lai ka dei pouh. Cathut e kâlawnaw hah kai ka cangkhai telah a masei koe atipouh navah,

17 A masei ni na sak e hno heh hawi hoeh.

18 Nang hoi nang koe kaawm e hete taminaw teh atangcalah a thayoun awh han. Hete thaw heh nang hanlah hnokari poung lah ao. Tami buet touh dueng ni sak thai kawi e nahoe.

19 Ka lawk hah thai haw. Kai ni pouknae na poe han. Cathut ni na okhai han doeh. Nang ni Cathut hoi kâkuen e hno dawh taminaw e hnonaw hah Cathut koe na kâen vaiteh, na thai sak han.

20 Ahnimouh hai kâlawnaw na cangkhai han. Ahnimouh ni a dawn hane lamthung, a sak awh han e kawinaw hai na patue han.

21 Hothloilah, Cathut ka taket e tami, kalan e tami, hounlounnae ka panuet e taminaw hah taminaw thung dawh hoi na rawi vaiteh, tami thongkhat kaukung, tami cum touh kaukung, tami 50 touh kaukung, tami hra touh ka uk hanelah thaw na poe han.

22 Hote taminaw ni nâtuék haiyah taminaw hah lawkceng awh naseh. Lawkpung kalen dawh teh nang koe pouknae lat awh naseh. Kathoenge lawkpungnae teh ama ni lawkceng awh naseh. Hottelah boipawiteh, ahnimouh ni cungalalah thaw rei tawh awh vaiteh nang na tha a dam han.

23 Hottelah, Cathut ni kâ na poe pawiteh, nang teh na cak han. Hete taminaw pueng teh amamae hmuen koe karoumcalah a cei awh han telah atipouh.

24 Mosi ni a masei e lawk hah a ngai teh a dei pouh e patetlah a sak.

²⁵ Mosi ni ka uk thai hane taminaw hah Isarelnaw thung dawk hoi a rawi teh tami thongkhat kaukkung, tami cum touh kaukkung, tami 50 touh kaukkung, tami hra touh kaukkung hanlah thaw a poe.

²⁶ Hote taminaw ni nâtuék haiyah taminaw hah lawk a ceng awh. Ka ru e lawkpung dawk teh Mosi e pouknae a la awh. Kayawi e lawkpung dawk teh amamouh lungpouk lawk a ceng awh.

²⁷ Hathnukkhu, Mosi ni a masei ban hanlah a pasoung toung dawkvah ahni teh amae ram lah a ban.

19

Sinai mon vah Isarelnaw

¹ Isarelnaw ni Izip ram hoi a tâco awh hnukkhu, thapa yung thum, apasuek hnin nah Sinai mon dawk a pha awh.

² Refidim hoi a tâco awh teh Sinai mon dawk a pha awh teh, hote kahrawng dawk mon hmalah rim a tuk awh.

³ Mosi ni Cathut koe a luen nah BAWIPA ni mon hoiyah a kaw, nang teh Jakop e phun, Isarelnaw koe bout a dei e lawk teh,

⁴ Kai ni Izipnaw koe ka sak e thoseh, nangmouh langta rathei hoi na phu teh kama hanlah na la e thoseh, nangmouh ni na panue awh toe.

⁵ Hatdawkvah, nangmouh ni atu ka lawk hah atanglah na ngai awh teh, ka lawkkam na tarawi pawiteh, alouke mipunnaw pueng hlak nangmouh teh ka tawn hane râw lah na o awh han. Talai pueng heh kaie doeh.

⁶ Nangmanaw haiyah vaihma uknaeram, kathoung mipun lah kama koe na o awh han telah Isarelnaw koe patuen dei pouh atipouh.

⁷ Mosi ni bout a tho teh taminaw thung dawk hoi kacuenaw hah a kaw hnukkhu, BAWIPA ni lawkthui e naw pueng hah bout a dei pouh.

⁸ Taminaw pueng ni hai BAWIPA ni a dei e pueng teh kaimouh ni ka sak awh han telah lungkânging lahoi bout ati awh. Mosi ni ahnimae lawk hah BAWIPA koe bout a thai sak.

⁹ BAWIPA ni khenhaw! Nang hoi Kai ni dei nah taminaw ni a thai awh teh, nang pou na yuem thai awh nahanlah, tâmai khom dawk hoi nang koe Kai ka tho han telah Mosi koe atipouh. Mosi ni hai BAWIPA e lawk hah taminaw koe bout a dei pouh.

¹⁰ BAWIPA ni hai taminaw aonae koe a cei teh, Sahnin hoi tangtho dawk ahnimouh thoung sak lah. Khohna hai pâsu sak awh teh,

¹¹ Apâthum hnin dawc coungkacoe lah awm sak awh. Bangkongtetpawiteh, apâthum hnin nah, BAWIPA ni a taminaw hmalah Sinai mon dawk a kum han.

¹² Taminaw ni a tapuet awh hoeh hane ngangnae hah mon petkâtué lah sak nateh, nangmouh ni mon dawc luen awh hanh. Mon khok hah na kâbet awh hoeh nahanlah, kâhruetcuet telah dei pouh. Mon kâbet e taminaw teh atanglah dout awh naseh.

¹³ Hote tami hah kut hoi tek awh hanh. Atangcalah talung hoi dêi han. Nahoe pawiteh, tahroe hoi thut han. Tami thoseh, saring thoseh, hring mahoe. Mongka ueng lawk kasawlah a cai toteh, taminaw ni mon dawc a tho han telah Mosi koe a dei pouh.

¹⁴ Mosi ni mon hoi taminaw onae koe a kum teh, ahnimouh hah a thoungsak. Ahnimouh ni a khohnanaw a pâsu awh.

¹⁵ Mosi ni hai apâthum hnin nah coungkacoe lah awm awh. Yu koe ip awh hanh telah taminaw koe atipouh.

16 Apâthum hnin amom vah, mon dawk keitat, sumpa palik hoi kho tâmai muen a tabo teh, hramki lawk hoi mongka lawk a cai teh rim dawk kaawm e taminaw pueng a pâyaw awh.

17 Mosi ni hai taminaw Cathut hoi kâhmo sak hanelah, rim dawk hoi a hrawi teh mon khok koe a kangdue awh.

18 BAWIPA teh hmai hoi kâkayo teh Sinai mon dawk a kum dawkvah, Sinai mon teh hmai a khu. Hmaikhu haiyah takhuen dawk e hmaikhu patetlah a luen teh mon pueng hai a kâhuet.

19 Mongka ueng e kasawlah hoe a cai toteh, Mosi ni a kaw teh Cathut ni lawk hoi a pato.

20 BAWIPA teh Sinai monsom dawk a kum. Mosi hah mon vah a kaw dawkvah, Mosi teh mon vah a luen.

21 BAWIPA ni hai taminaw ni khet hanelah, Kai koe tho payon awh vaiteh taminaw a due awh han e hah puennae a tawn dawkvah, kum nateh kâhruetcuetnae poe.

22 BAWIPA koe ka tho e vaihmanaw haiyah amahoima a kâthoung sak a han. Nahoe h pawiteh, BAWIPA ni a rek awh han telah Mosi koe atipouh.

23 Mosi nihai, taminaw ni Sinai mon dawk luen thai awh hoeh. Bangkongtetpawiteh, tapuet hoeh hane ngangnae naw hah mon petkalup lah ka sak teh, thongsak awh loe telah lawk yo ka thui toe telah BAWIPA koe bout a dei pouh.

24 BAWIPA ni hai kum leih. Nang hoi Aron dueng doeh ka luen han. Vaihmanaw hoi taminaw teh BAWIPA koe luen hanelah tho awh hanh naseh. Nahoe h pawiteh, ahnimouh ka rek han telah ati.

25 Mosi ni taminaw onae koe a kum teh a dei pouh.

20

Kâlawk hra touh

1 Hat navah, Cathut ni a dei e lawk teh,

2 Kai teh nangmouh santoungnae hmuen, Izip ram dawk hoi na ka tâcawtkhai e nangmae Cathut Jehovah doeh.

3 Kai hloilah alouke cathut na bawk awh mahoe h.

4 Lathueng kalvan thoseh, rahim talai dawk thoseh, talai rahim tui dawk thoseh, kaawm e hno hoi mei kâvan lah, meikaphawk bawk hanlah na sak mahoe h.

5 A hmalah tabo hoi na bawk mahoe h. Bangkongtetpawiteh, nange Cathut kai Jehovah teh nang dawk yon ao telah tang ka yuem e Cathut, kai na kahmuhmanaw e ca catoun se thum, se pali totouh a napanaw e yon hah a capanaw koe ka pathung e Cathut lah ka o.

6 Kai hah lungpataw ni teh ka kâpoelawknaw ka tarawi e a ca catoun, a se thongsang totouh lungmanae ka kannuek sak e Cathut lah ka o.

7 Nange Cathut Jehovah e min hah laithoe lah dei awh hanh. Bangkongtetpawiteh, A min laithoe lah ka dei e tami teh yon tawn hoe h telah BAWIPA ni pouk mahoe h.

8 Sabbath hnin thoung sak hanelah, hote hnin hah pahnim awh hanh.

9 Hnin taruk touh thung thaw panki hoi tawk awh.

10 Hnin sari hnin teh na BAWIPA Cathut e Sabbath hnin lah ao. Hote hnin dawk, nang hoi na canaw, na sannu sanpanaw, saring, nange longkha thung kaawm e imyinnaw hai thaw tawk awh mahoe h.

11 Bangkongtetpawiteh, BAWIPA ni kalvan, talai, hmuen pueng koe kaawmnaw pueng hah hnin taruk touh thung a sak teh, hnin sari hnin

nah, a kâhat. Hatdawkvah, BAWIPA ni hnin sari hnin hah yawhawi a poe teh a thounsak.

¹² Na Cathut Jehovah ni na poe e ram dawк na hringsaw nahanelah, na manu hoi na pa barih.

¹³ Tami thet hanh.

¹⁴ Uicuk hanh.

¹⁵ Ayâ e hno parawt hanh.

¹⁶ Na imri koe kalan hoeh e kapanuekkhaikung lah awm hanh.

¹⁷ Imri e im, a yu, a sannu sanpa, maito, marang hoi hnopai buet touh haiyah lungthin radueknae tawn hanh telah atipouh.

Tamimaya ni Cathut kamnuenae a taki awh

¹⁸ Taminaw ni keitat lawк, sumpapalik, mongka ueng lawк, mon hoi hmaikhu a tâco e naw hah a hmu awh toteh, a taki awh dawкvah, a kâhnawn awн teh ahlanae koe vah a kangdue awн.

¹⁹ Mosi koevah Nang ni lawк dei lah ka ngai awн han. Kaimouh koe Cathut lawк dei han naseh. Kaimouh ka due hane hah puen ao telah atipouh.

²⁰ Mosi ni hai na lungpuen awн hanh. Nangmouh tanouk hanelah thoseh, nangmouh teh sak payonnae dawк hoi hlout hanelah ama taki hanelah thoseh, Cathut a tho toe telah taminaw koe a dei pouh.

²¹ Taminaw ni ahlanae koe vah a kangdue awн. Mosi teh Cathut onae koe kinghmonae koe lah a hnai.

Thuengnae khoungroe kâlawk

²² BAWIPA ni Isarelnaw bout a dei pouh e teh, kai ni kalvan hoi nangmouh na pato e hah na panue awн toe.

²³ Kai bawкnae dawк namamouh hno hanlah ngun cathut thoseh, sui cathut thoseh na sak awн mahoeh.

²⁴ Kai hanelah talai khoungroe hah na sak awн han. Hote khoungroe dawк nange hmaisawi sathei, yonthanae sathei lah kaawm e nange tu, maitonaw hah na thueng awн han. Ka min na bawкnae hmuen pueng dawк nang koe ka tho vaiteh yawhawinae na poe han.

²⁵ Nang ni talung khoungroe hah kai hanlah na sak pawiteh, talung dei e hoi na sak mahoeh. Sum hoi thuk e talung hoi sak e khoungroe teh khinnae ao.

²⁶ Nang dawк kayanae ao hoeh nahanelah, khoungroe dawк khalai hoi na luen mahoeh telah ati.

21

San hoi kâkuen e kâlawk

¹ BAWIPA nihai, nang ni Isarelnaw koe lawк na ceng hane teh,

² Hebru tami san lah na ran pawiteh, kum taruk touh dueng san lah na ta han. Kum sari a pha toteh ratang laipalah na hlout sak han.

³ Santoung nah tami buet touh dueng santoung pawiteh, buet touh dueng a tâco han. A yuvâ kahni touh hoi santoung pawiteh, a yu hoi cungtalah na tâco sak han.

⁴ Nahoeh pawiteh, a bawipa ni a yu a la pouh e awн pawiteh, hote a yu hoi canaw khe pawiteh, a yu hoi a canaw teh a bawipa ni a coe han. San teh ama dueng a tâco han.

⁵ Nahoeh pawiteh, san ni ka bawipa hoi ka yu ka canaw ka lungpataw, tâco hane ka ngai hoeh telah tet pawiteh,

⁶ A bawipa ni Cathut hmalah thoseh, im takhang koe thoseh, a hnâ caphuem hoi a kavi pouh hnukkhu, hote san teh a yungyoe san lah ao han.

⁷ A na pa ni a canu san lah yawt pawiteh, hote napui teh san tongpa patetlah hlout mahoeh.

⁸ A bawipa ni hote napui a la teh ngai hoehpawiteh, bout a ratang sak han. Ahni hah a dum dawkvah alouke miphunnaw koe yawt thai hoeh.

⁹ A capa hanlah lat boipawiteh, a canu patetlah a khetyawt han.

¹⁰ Alouke napui bout lat pawiteh, hmaloe a la e napui e khohna hoi a yu lah onae hah raphoe pouh mahoeh.

¹¹ Hete hno katham touh sak pouh hoehpawiteh, apfu het laipalah a hlout sak han.

Kâyuekâounnae hoi kâkuen e kâlawk

¹² Tami hem boi lah dout pawiteh ama hai a due roeroe han.

¹³ Thei hanlah noenae awm laipalah Cathut ni a kut dawc hringnae poe boipawiteh, a yawng nahane hmuen hah na pouk pouh aw hah.

¹⁴ A imri thei hanlah noenae a tawn teh, ka tuk e tami teh ka khoungroe kângue nakunghai, sawn vaiteh thei roeroe han.

¹⁵ A manu hoi a na pa ka hem e tami a due roeroe han.

¹⁶ Ka parawt e tami ni a paru e hno a yo nakunghai thoseh, a kut dawc kaawm nakunghai thoseh, thei lah ao roeroe han.

¹⁷ A manu hoi a na pa thoe ka bo e tami teh thei lah ao han.

¹⁸ Tami hoi tami kâyue teh buet touh ni talung hoi a dêi nakunghai thoseh, a kut hoi a thâw nakunghai thoseh, hemnae ka khang e tami kadout hoeh nakunghai, ikhun dawc sut ka yan nakunghai thoseh,

¹⁹ bout a thaw teh sonron hoi ka cet nakunghai thoseh, ka hem e tami han a yonnae ngaithoum han. Hatei, ka pataw e tami thaw a kamkak dawkvah, a dam nahan kâsatnae apfu a poe han.

²⁰ A bawipa ni a sannu hoi a sanpa hah bongpai hoi a hem teh hote san dout pawiteh, a bawipa teh reknae ka patawpoung lah poe roeroe han.

²¹ Hatei, san teh hnin touh, hnin hni a pataw hoi dout hoehpawiteh, hote san teh a bawipa e lah ao dawkvah reknae dawc hoi a hlout han.

²² Tami hoi tami kâyue teh camo ka vawn e napui a takit dawc camo a kamko teh alouke patawnae bang awm hoehpawiteh, a vâ ni a dei e patetlah rek lah ao han. Bawi ni a dei e patetlah a rawng han.

²³ Alouke patawnae awm pawiteh, hringnae hanlah hringnae thoseh,

²⁴ Mit hanlah mit thoseh, hâ hanlah hâ thoseh, kut hanlah kut thoseh, khok hanlah khok thoseh,

²⁵ Hmai hanlah hmai thoseh, a hmâ hanlah a hmâ thoseh, hemnae hanlah hemnae thoseh a khang han.

²⁶ A bawipa ni a sannu a sanpa e a mit a rawk totouh hem pawiteh, a mit a rawk dawkvah a hlout sak han.

²⁷ Hot patetvanlah, a sannu a sanpa e a hâ ka lawt lah hem pawiteh, a hâ a lawt dawkvah a hlout sak han.

Saring hoi kâkuen e kâlawk

²⁸ Maito ni tami napui hoi tongpa a deng dawc dout pawiteh, hote maito hah atangcalah koung kadout lah dêi han. A moi hai cat mahoeh. Katawnkung teh ngaithoum lah ao han.

²⁹ Hot patetvanlah, tami ouk ka deng e maito, katawnkung ni tami ouk a deng e kong a thai nahlangva, pâkhit laipalah tat pawiteh, hote maito ni

tami napui tongpa koug kadout lah deng pawiteh, hote maito teh talung hoi koug kadout lah dêi han. Katawnkung hai thei lah ao han.

³⁰ Nahoeah pawiteh, tangka rawng naseh telah dei pawiteh, dei e patetlah amae hringnae kâratang nahanlah a rawng han.

³¹ Ayânaw e canaw deng pawiteh, a dei e patetlah a khang han.

³² A sannu sanpa deng boipawiteh, maito katawnkung ni san katawnkung tangka 30 touh a rawng pouh han. Maito hai talung hoi koug kadout lah dêi han.

³³ Tami ni tangkom khuem paawng teh a tanae dawk thoseh, tangkom a tai teh teng laipalah a ta e dawk thoseh, ayânaw e marang hoi maito bawt pawiteh,

³⁴ Tangkom ka tai e ni marang hoi maito phu hah a rawng vaiteh a ro a la han.

³⁵ Tami buet touh e maito ni ayâ louk e maito koug kadout lah deng pawiteh, maito ka tawn roi ni kahring e maito hah a yo roi vaiteh aphu a kârei roi han. Kadout e maito hai a kârei roi han.

³⁶ Hot patetvanlah, maito ni ouk a deng tie katawnkung ni a panue nahlangva, pâkhit laipalah paktha pawiteh, maito ro ama ni a la han. Hote maito buet touh e a yueng lah maito buet touh a rawng han.

22

Tamru hoi kâkuen e kâlawk

¹ Tami ni tu hoi maito hah a paru teh a thei nakunghai thoseh, a yo nakunghai thoseh, maito buet touh dawk maito panga touh, tu buet touh dawk tu pali touh hoi bout a patho han.

² Tamru ni imthung a kun nah ayâ ni a hmu teh ka thet nakunghai, due yueng lah dout mahoeah.

³ Hatei, kanî tâcawt pawiteh, duenae phu a due van han. Bangkongtet-pawiteh, bout a poe thai. Hno awm hoehpawiteh a paru e hno patho nahanlah amahoima a kâyo han.

⁴ Tamru e kut dawk tu maito hah a hring lah hmawt pawiteh, let hni hoi a patho han.

⁵ Ayâ e laikawk hoi misur takha a ca sak nakunghai thoseh, saring ayâ e laikawk dawk khoum nakunghai thoseh, mae laikawk hoi misur dawk e kahawi poung e rasa vaiteh bout a poe han.

⁶ Hmaisawi nah phovai a kak dawkvah cabong, cakung, laikawk dawk kaawm e hnonaw kang pawiteh, hmai kasawikung ni a rawng han.

⁷ Tami buet touh ni a imri buet touh koe suingun patet e hno buetbuet touh a hnawng teh, a hnawng e tami e im dawk hoi tamru ni parawt pawiteh tamru hah a hmu awh navah, tamru ni let hni hoi a rawng han.

⁸ Tamru pâphawng hoeah boipawiteh, katawnkung ni a imri hah hno a la hoi a la hoeh e Cathut hmalah a pacei han.

⁹ Ayâ e hno la payonnae dawk maito, la, tu, khohna patet e kahmat e hno buetbuet touh a hmu teh, hete hno heh kaie doeh telah tami buetbuet touh ni tetpawiteh, hote tami roi teh Cathut hmalah pacei vaiteh ka sung e ni let hni hoi a rawng han.

¹⁰ Tami ni a imri e laikawk dawk marang, maito, tu patet e saring buetbuet touh a hnawng teh hote saring dout nakunghai thoseh, a hmâtan a ca teh pataw nakunghai thoseh, kapanuekkhaikung awm laipalah ayâ ni oun ka hrawi nakunghai thoseh,

¹¹ A hnawng e tami ni ka imri e hno ka lat hoeh telah kahni touh hoi hnâ a bo roi teh BAWIPA hmalah thoe kâ bo roi pawiteh hno katawnkung ni a hnâbo khai vaiteh, a hnawng e tami ni hai rawng mahoe.

¹² Hat ei, ayâ ni oun parawt pawiteh, a hnawng e tami ni hno katawnkung bout a poe han.

¹³ Sarang ni kei pawiteh panuekhai nahanlah a ro patue naseh. A ro patue thai pawiteh rawng mahoe.

¹⁴ Tami ni a imri koe hno buetbuet touh a hlai teh katawnkung ao hoehnahlan, oun dout nakunghai thoseh, a hmâtan a ca teh pataw nakunghai thoseh, a rawng han.

¹⁵ Katawnkung awm pawiteh kahlaikung ni rawng mahoe. Aphu hoi hlai pawiteh, katawnkung ni a hlinae phu dueng a hei han.

¹⁶ Tongpa buet touh ni a yu hanlah ham hoeh e tangla pasawtpanep hoi ipkhai pawiteh, aphu a poe vaiteh a yu lah a la roeroe han.

¹⁷ A na pa ni vâ sak hanlah ngaikhai hoehpawiteh, a ikhinae phu teh a rawng roeroe han.

¹⁸ Hmaui napui na hring sak aw h mahoe.

¹⁹ Saring hoi ka ip e tami teh thei lah ao han.

²⁰ Jehovah hloilah, alouke cathut hmalah thuengnae ka sak e tami teh thei lah ao han.

²¹ Ram alouke imyin hah na pacekpahlek aw h mahoe. Nangmouh haiyah Izip ram daw k imyin lah ouk na o aw h toe.

²² Nara hoi lahmai hah pacekpahlek aw h han.

²³ Tami buetbuet touh na pacekpahlek aw h teh ahnimouh ni kai koe tica hai hram aw h boipawiteh, a hramnae lawk ka thai han.

²⁴ Nangmouh koe ka lung puenghoi a khuek vaiteh, tahloi hoi na thei aw h han. Na yunaw hai lahmai lah ao vaiteh, na canaw hai nara lah ao aw h han.

²⁵ Ka tami, ka roedeng e na imri koe tangka na cawi pawiteh, apung kacatnaw patetlah na cat mahoe. Apung hai na het mahoe.

²⁶ Na imri ni a hni nang koe pâhung pawiteh, kho a hmo hoehnahlan bout na poe han.

²⁷ Bangkongtetpawiteh, hni kâkhu hane alouke tawn hoeh. Ama a kâkhu hanelah a tho. Ahni teh bangtelamaw a i thai han. Kai na kaw pawiteh ka thai pouh han. Kai teh pahrennae ka tawn e lah ka o.

²⁸ Cathut hah kathout lah na dei mahoe. Na miphun ka uk e bawi hah thoe na bo mahoe.

²⁹ Aluepaw hmaloe kahmin e hoi kasu e ratui hah hrawk laipalah na poe han. Ca tongpa camin haiyah kai koe na poe aw h han.

³⁰ Hot patetvanlah, tu hoi maitonaw hai na sak aw h han. Hnin sari touh thung tu maitoca hah a manu hoi rei na ta aw h vaiteh, hnin taroe hnin han na poe han.

³¹ Nangmouh teh kai koe tami kathoung lah na o aw h han. Sarang ni kahrawngum a kei e moi na cat aw h mahoe. Uinaw hah na poe aw h han.

23

Hno pueng daw k lanna

¹ Nang ni laithoe e kamthang hah patuen na pathang mahoe, na dei mahoe. Tamikalanhoehnaw hoi lungkânging teh kapanuekkhaikung lah na awm mahoe.

² Tamikathoutnaw e hnukkâbang mahoe. Lawkceng navah tami kalen kambawng laihoi lamthung phensak hanlah na dei mahoe.

³ Mathoe koehai kapeknae na tawn mahoe.

⁴ Na taran e marang maito lam ka hmang e na hmawt pawiteh bout na thak pouh awh han.

⁵ Nang na ka hmawt ngai hoe e tami e la hah a hno ni a ratet e na hmawt pawiteh, na kabawp ngai hoe hai na kabawp han.

⁶ Mathoe ni nang na oun nah kahawi hoe lah ahni lawk na ceng mahoe.

⁷ Kahmanhoe e hno na roun han. Yon ka tawn hoe e tamikalan hah na thet mahoe. Bangkongtetpawiteh, tamikathout teh kai ni ka ngaithoum mahoe.

⁸ Nang ni tadawngnae na cat mahoe. Tadawngnae ni tami lungkaang-naw hah mit a dawn sak teh tami kalannaw lawk a phen sak.

⁹ Ram alouke imyin hah rektap awh hanh. Nangmouh teh Izip ram dawk imyin lah ouk na o awh toung dawkvah, imyin ni a tawn e lungthin hah na panue awh.

¹⁰ Kum taruk touh thung laikawk na tawk vaiteh cakang na pâtung awh han.

¹¹ A kum sari nah laikawk tawk laipalah na ta han. Hottelah, na sak pawiteh, mathoenaw ni a ca thai awh van han. Kacawie naw hai saringnaw ni a ca awh han. Hot patetvanlah, misur takha, olive takha hai na sak awh han.

¹² Hnin taruk touh thung thaw na tawk awh han. A hnin sari nah na kâhat awh han. Hottelah, na sak pawiteh, na maito hoi lanaw ni kâhatnae tueng a tawn awh han. Na canaw, imyinnaw hai tha a dam awh han.

¹³ Ka dei e lawknaw pueng hah pâkuem awh. Alouke cathut min hah dei awh hanh. Na pahni daw k hoi dei e lawk ayâ ni thai hanh naseh.

Kum tangkuem e pawî katham touh

¹⁴ Kum touh daw k vai thum touh kai hanlah pawî na sak awh han.

¹⁵ Tonphuenhoehe vaiyei pawî na sak awh han. Kâ na poe tang-coung e patetlah hnin sari touh thung tonphuenhoehe na ca awh han. Bangkongtetpawiteh, hote thapa daw k nangmouh teh Izip ram hoi na tâco awh. Hote pawî na sak awh navah apihai kai koe a kûthrawng hoi tho hanh naseh.

¹⁶ Laikawk tawk teh cang a han nah, cang takhaw knae thoseh, cakang koug kuem hoi kum abaw nah, cavanca pawî thoseh na sak awh han.

¹⁷ Nangmouh thung daw k tongpa pueng teh kum touh daw k vai thum touh Bawipa Jehovah e hmalah minhmai na patue awh han.

¹⁸ Kai e sathei e thi hah ton phuen e vaiyei kalawt laihoi na poe mahoe. Kai e sathei e athaw hai amom totouh na tat awh mahoe.

¹⁹ Na law daw k e a paw hik kahawi poung e aluepaw hah na BAWIPA Cathut e im daw k na thokhai awh han. Hmaeca hah a manu e sanutui hoi na thawng mahoe.

²⁰ Khenhaw! lam vah nang na ring vaiteh, ka rakueng e hmuen koe hrawi hanelah na hmalah kalvantami ka patoum han.

Kalvannaw hoi lawkkamnaw

²¹ Hote kalvantami hah barinae tawn. A lawk hah ngai pouh. A kâ ek hanh. Kâ na tapoenae hah ahni ni na ngaithoum awh mahoe. Kai e ka min teh ahni daw k ao.

²² Nang ni atangcalah a lawk na ngai teh, kaie kâlawk patetlah na sak pawiteh, nange tarannaw hah ka taran van han. Nang kangangnaw hah kai ni ka ngang van han.

²³ Kaie kalvantami ni na hmalah a cei vaiteh Amor tami, Hit tami, Periz tami, Kanaan tami, Hiv tami hoi Jubusitnaw onae hmuen koe na hrawi awh vaiteh, ahnimouh teh koug ka pâlei han.

²⁴ Ahnimae cathut hah na bawk awh mahoe. Ahnimae bawknae patet lahai na sak awh mahoe. Koug na raphoe awh vaiteh kutsak cathutnaw hai phetrasei lah na dei pouh han.

²⁵ Nangmae BAWIPA Cathut hah na bawk awh han. Na vaiyei thoseh, tui thoseh yawhawinae a poe han. Lacik hai nange nathung hoi a takhoe han.

²⁶ Na ram dawc camo ronae hoi carôenae awm mahoe. Na hringyung ka vang sak han.

²⁷ Kai na takinae lungthin hah na hmalah ka patoun vaiteh, na phanae hmuen pueng koe e mipunnaw pueng hah ka raphoe han. Na tarannaw pueng hah hnuklah ka ban sak han.

²⁸ Khoingannaw hah na hmalah ka patoun vaiteh, Hitnaw, Kanaannaw, Hivnaw hah na hmalah a pâlei han.

²⁹ Hote taminaw kum touh hoi na hmalah lahoi koug ka pâlei mahoe. Koug ka pâlei pawiteh, ram dawc tami kingdi vaiteh sarang teh nang hanlah kapap han.

³⁰ Nang ni na pungdaw teh ram dawc na kawi hoehnahlan pueng, ahnimouh teh payai lahoi ka pâlei han.

³¹ Na ramri teh tuipei paling tui koehoi Filistin tuipei totouh, thingyeiyawn hoi tuipei totouh kai ni ka khoe han. Hote khocanaw teh na kut dawc na poe vaiteh nang ni na pâlei han.

³² Ahnimouh hoi thoseh, ahnimae cathutnaw hoi thoseh, kâhuikonae na sak awh mahoe.

³³ Nang ni kai koe yonnae na sak hanelah, ahnimouh ni a sak han tie puennae ao dawkvah, ahnimouh teh na ram dawc awm awh mahoe. Nang ni ahnimae cathut hah na bawc pawiteh, kamthuinae katang lah ao han telah Mosi koe atipouh.

24

Isarel ni yuemkamcu sak

¹ Hahoi, BAWIPA ni Mosi koe, nang, Aron, Nadab, Abihu hoi Isarel kacue 70 touh hoi cungalalah, BAWIPA koe luen awh nateh ahnimouh teh ahlanae koehoi bawc awh naseh.

² Nang dueng ni BAWIPA hah na hnai han. Alouknaw ni na hnai han naseh. Taminaw teh nang hoi cungalalah rei na luen mahoe telah Mosi koe atipouh.

³ Mosi ni hai taminaw onae koe a tho teh, BAWIPA e lawknaw pueng thoseh, lawkcengnae naw pueng thoseh, a thai sak. Taminaw ni hai BAWIPA e lawc patetlah ka sak awh han telah rip bout ati awh.

⁴ Mosi ni BAWIPA e lawknaw pueng a thut hnukkhu, amom a thaw teh mon khok koevah khoungroe thoseh, Isarel mipun hlaikahni touh hanelah talung hlaikahni touh thoseh a ung awh.

⁵ Isarel thoundunnaw a patoun e patetlah ahnimouh ni maitonaw a thokhai awh teh BAWIPA hmalah hmaisawinae sathei, roumnae sathei hah a thueng awh.

6 Mosi ni a thi tangawn hah kawlung dawk a hlun hnukkhu, atangawn e hah khoungroe van vah a kathek.

7 Lawkkamnae ca hah a la teh tamimaya hmalah a touk hnukkhu, ahnimouh ni hai BAWIPA ni a dei e patetlah kaimouh ni ka sak aw h han, ka ngâi aw h han telah ati aw h.

Cathut hoi mon dawk

8 Mosi ni thi hah a la teh taminaw e lathueng vah a kâhei teh; hete thi teh hete hnonaw dawk BAWIPA ni nangmouh koe e lawkkamnae thi lah ao telah atipouh.

9 Hat navah, Mosi, Aron, Nadab, Abihu hoi Isarel kacue 70 touh a luen aw h teh,

10 Isarel miphunnaw e Cathut hah a hmu aw h. A khok rahim lah Sapphire talung rem e patetlah thoseh, thoungnae teh kalvan pinkâhin e patetlah thoseh a kamnue.

11 Isarel kahrawikungnaw koe a kut phat sak hoeh. Ahnimouh ni Cathut a hmu aw h eiteh, a canei aw h.

12 BAWIPA ni ka onae monsom vah luen nateh aw m haw. Taminaw cangkhai hanelah lungphen dawk thut e kâlawnaw heh nang koe na poe han telah Mosi koe atipouh.

13 Mosi ni kabawmkung Joshua hoi a thaw teh Cathut e mon dawk a luen roi.

14 Kacuenaw koe kaimouh roi ka tho hoeh roukrak hete hmuen koehoi na ring aw h. Aron hoi Hur teh nangmouh koe ao dawkvah rucât kâhmo e aw m pawiteh ahnimouh roi koe cêt naseh telah lawk a thui.

15 Mosi ni mon vah a luen teh tâmai ni mon teh muen a kayo.

16 BAWIPA e bawilennaeh teh Sinai mon vah a kâhat teh tâmai ni hnin taruk touh thung muen a kayo. Hnin sari nah, tâmai thung hoi Mosi a kaw.

17 BAWIPA e bawilennaeh teh monsom vah hmai ka kang e patetlah kamnuek e Isarelnaw ni a hmu aw h.

18 Mosi teh tâmai thung a kâen teh mon a pha. A hnin 40 touh thung mon vah ao.

25

Hmuen kathoung hanlah poenae

1 BAWIPA ni Mosi hah a pato teh,

2 kai koevah pasoumhno poe hanelah, Isarelnaw hah dei pouh. Lungthocalah hoi ka poe e pueng kaie pasoumhno lah na la han.

3 Hetnaw heh ahnimouh koehoi na la hane pasoumhno lah ao han. Sui, ngun, rahum

4 kamthim hni, âthi hni, hnipaling, loukloukkaang e lukkarei, hmae muen,

5 tu pho âthi bu e, a pho kahawi phu kaawm e hoi, anri thing,

6 paang hane satui, kâhluk e satui hoi hmuitui,

7 vaihma angki hoi lungtabue bet hanelah onyx talung phu kaawm,

8 hahoi ahnimouh koe ka o thai nahanlah hmuen kathoung na sak pouh aw h naseh.

9 Lukkareim e mei hoi a puengcangnaw e mei pueng kai ni na hmu sak e patetlah na sak han.

Thingkong

¹⁰ Hahoi anri thing e thingkong ayung dong hni tangawn, adangka dong touh hoi a tangawn, arasang dong touh hoi tangawn hoi na sak han.

¹¹ Athung avan suikathoung hoi na hluk vaiteh, sui hoi pangkhek na sak han.

¹² Laikaw pali touh sui hoi na sak vaiteh, a khok dawk na mahrawk han. Laikaw kahni touh hah avanglae a khok dawk, alouke kahni touh hah avanglae a khok dawk na mahrawk han.

¹³ Kâkayawtnae acung hah anri thing e na sak vaiteh, sui koung na hluk han.

¹⁴ Thingkong kâkayawt thai nahanelah, tapang dawk e laikaw dawk kâkayawtnae acung hah na hrawt han.

¹⁵ Thingkong e laikaw dawkvah kâkayawtnae acung teh pou na hrawt vaiteh, na rayu mahoe.

¹⁶ Thingkong thung vah lawkpanuesaknae kai ni na poe hane hah na ta han.

¹⁷ Lungmanae tungkhung hah ayung dong hni tangawn, adangka dong hni tangawn hoi na sak han.

¹⁸ Lungmanae tungkhung apoutnae reira dawk cherubim kahni touh dei lah dei e sui hoi na sak han.

¹⁹ Avang lae apoutnae dawk cherubim buet touh, avanglae apoutnae dawk hoi cherubim buet touh na sak han. Lungmanae tungkhung hoi kâkuen lah apoutnae roi koe cherubim kahni touh na sak han.

²⁰ Hottelah cherubim kahni touh minhmai kadangka lahoi lungmanae tungkhung hah a rathei kadai hoi a khu vaiteh, lungmanae tungkhung koe lah cherubim ni a khet han.

²¹ Hote thingkong van vah lungmanae tungkhung teh na ta awh vaiteh, na poe hane lawkpanuesaknae hah thingkong thung vah na ta han.

²² Hote hmuen dawk nang koe ka tho vaiteh, cherubim kahni touh rahak e lawkpanuesaknae thingkong van lungmanae tungkhung lahoi Isarel taminaw koevah kâ na poe hane pueng dawk lawk ka dei han.

Vaiyei caboi

²³ Hahoi anri thing hoi caboi ayung dong hni, adangka dong touh, a rasang dong touh hoi tangawn hoi na sak han.

²⁴ Kathoung sui hoi na hluk vaiteh, pangkhek hah sui hoi na pacawp sin han.

²⁵ A phen kuttabei tittouh e hoi petkâkalup lah a hna na bet vaiteh, sui hoi na pacawp sin han.

²⁶ Caboi hanlah sui laikaw pali touh na sak vaiteh, a khok pali touh onae takin pali touh dawk na ta han.

²⁷ Caboi hah kâkayawt thai nahan, acung hrawt thai nahanelah, laikaw hah a hna hoi kamtawm lah na mawp han.

²⁸ Caboi hah kâkayawt thai nahanlah anri thing e acung na sak vaiteh, sui tui hoi na hluk han.

²⁹ Hote hno hanlah, tongben, pacen, kawlung hoi awi nahane manang haiyah sui hoi na sak han.

³⁰ Caboi van vah vaiyei hah ka hmaitung vah pou na pâhung han.

Sui hmaiim tanae

³¹ Hahoi hmaiimkhok hah sui hoi na sak vaiteh dei lah dei e han. Hmaiikhom patet e kutnaw, manangnaw, a peimuemnaw, lili peinaw hah buet touh lah na dei han.

³² Hmaiimkhok avoivang lahoi kathum kathum touh a tâco vaiteh, a kut taruk touh ao han.

³³ Hmaiimkhok dawk hoi ka tâcawt e a kut kathum touh dawk, a kut buet buet touh dawk a peimuem, lili pei, almond paw hoi mei kâvan e manang katham touh ao han.

³⁴ Hmaiimkhok dawk hai a peimuemnaw, lili peinaw, almond paw, mei kalmund paw hoi mei kâvan evan e manang pali touh ao han.

³⁵ Hmaiimkhok dawk hoi ka tâcawt e a kut taruk touh ao e patetlah a kut kahni touh e rahim haiyah a peimuem buet touh rip ao han. Hmaikhom abuemlah suikathoung hoi na dei han.

³⁶ A peimuemnaw a kutnaw hah buet touh lah koung na kâkuetsak han. Abuemlah suikathoung hoi na dêi han.

³⁷ Hote hno hanlah hmaiim sari touh na sak vaiteh, a hmalah a ang thai nahanlah hmaiim hah na paang han.

³⁸ Paitei hoi padounnae haiyah suikathoung lah ao han.

³⁹ Hmaiim tanae hoi a hnopai pueng saknae dawk suikathoung pong 100 touh na hno han.

⁴⁰ Mon vah meilam na patue e patetlah bangpueng sak hanelah pahnim hanh.

26

Lukkareiim

¹ Hothloilah, lukkareiim hah âthi hni, hnipaling, loukloukkaang e hni yung hra touh hoi sak e, cherubim em kahawicalah na la vaiteh, mek na sak sin han.

² Yaphni e teh ayung dong 28 touh rip a kâvan han. Adangka dong 4 touh rip han. Abuemlahoi yaphni koung a kâvan han.

³ Yaphni e hah buet touh hoi buet touh koung kâbet han. Alouke panga touh hai buet touh hoi buet touh koung a kâbet han.

⁴ Patawp e yaphni hah apasuek e a tâphai a poutnae dawk laikaw dik kamthim e hoi na sak han. Hottelah patawp e yaphni e apâhni e avanglae apoutnae dawk hai na sak han.

⁵ Yaphni buet touh dawkvah, laikaw 50 touh na sak han. Hahoi patawpnae apasueke tâphai dawk hai laikaw 50 touh na sak vaiteh, phouk kadangka lah ao awh han.

⁶ Tarennae 50 touh sui hoi na sak han. Hote tarennae ni yaphni hah hmai na taren sin vaiteh, lukkareiim teh buet touh lah na o sak han.

⁷ Lukkareiim e a lemphu dawkvah, hmae muen hoi yaphni hah na sak han. Yaphni 11 touh hoi na sak han.

⁸ Yaphni teh ayung dong 30 touh rip a pha han. Adangka dong pali touh vaiteh, yaphni 11 touh e hah koung a kâvan han.

⁹ Yaphni panga touh e hah koung na patawp han. Hahoi yaphni taruk touh hah lukkareiim hmae lae yaphni taruk touh e hmalah koung na patawp han.

¹⁰ Patawp e yaphni pasuek e tâphai dawk laikaw 50 touh hoi na sak vaiteh, patawpnae apâhni e tâphai dawk laikaw 50 touh na sak han.

¹¹ Hetsinnae 50 touh e hah rahum hoi na sak han. Rakan buet touh lah ao thai nahanelah, hetsinnae hah tâphai lae laikaw dawk na bang han.

¹² Lukkareiim e yaphni kacawie tangawn hah, lukkareiim e a hnuklah na bang han.

13 Hahoi lukkareiim avanlah kacawie yaphni som dong touh reira e hateh avangvanglah lukkareiim ramuknae a kahup lah a kâbang han.

14 Lukkareiim lempu ramuk nahanelah tu pho paling bu e, hote tu pho van vah hmae pho hah na sak han.

15 Lukkareiim tungdum nahanelah thingpheknaw hah anri thing hoi na sak han.

16 Thingphek teh asaw e dong hra, akaw e dong touh hoi tangawn han.

17 Hote thingphek pueng dawk a khok kahni touh na sak han.

18 Lukkareiim akalah kalup nahanelah thingphek 20 touh na sak han.

19 Hote thingphek 20 touh dawk e buetbuet touh e rahim vah, a khok kahni touh mawp nahanelah ngun khokpacawp 40 touh na sak han. A tangkhang hanelah ngun khokpacawp kahni touh lengkaleng na sak han.

20 Hot patetvanlah, lukkareiim atunglah kalup nahanelah thingphek 20 touh ao han.

21 Ngun khokpacawp 40 touh e hah thingphek buet touh hanelah kahni touh lengkaleng na sak han.

22 Lukkareiim a hnuk lae kalup nahanelah thingphek 6 touh na sak han.

23 A takin avoivang lah kalup nahane kahni touh na sak han.

24 Takin kahni touh dawk, a rahim lahai a lathueng lahai laikaw hah na bang han.

25 Hahoi thingphek 8 touh hah na kangdue nahanelah ngun laikaw 16 touh ao han, thingphek buet touh hanelah tarik e kahni touh lengkaleng ao han.

26 Anri thing hoi tapang e pangkhek hah na sak han. Lukkareiim avangvanglah hane thingphek panga touh lukkareiim avanglah hane thingphek panga touh.

27 Lukkareiim hnuklah kalupnae thingphek hrawt nahanelah tarenae acung yung panga touh na sak han.

28 A lungui tapang tâphai hah a tangkhang thingphek lungui hoi avanglah apoutnae koehoi avanglah a poutnae totouh na pha sak han.

29 Thingphek hah sui tui hoi na hluk han. Hahoi tapang e tâphai hrawtnae laikaw hah sui hoi na sak han, tapang tâphai hai sui tui hoi na hluk han.

30 Hottelah mon dawkvah, kai ni na patue e patetlah lukkareiim teh na sak han.

31 Kamthim hni, âthi hni, hnipaling loukloukkaang e hoi carouk e na sak han. A meikahawicalah cherubim mei na sak han.

32 Hote sui tui hluk e anri thing khom pali touh dawkvah yaphni hah na bang han. Hote khom teh sui hoi sak e hetnae hoi ngun khokpacawp pali touh dawk ung e lah ao han.

33 Kacakcalah na het vaiteh, yaphni hah na yap vaiteh, yaphni thung lah lawkpanuesaknae thing kong hah na ta han. Yaphni na yap e hah namamouh hane hmuen kathoung hoi hmuen kathoungpounge kapeknae lah ao han.

34 Lungmanae tungkhung hah hmuen kathoungpounge lawkpanuesaknae thingkong van na ta han.

35 Yaphni alawilah caboi hah na ta vaiteh, lukkareiim akalae hmai-inkhok, atunglah caboi buet touh hoi buet touh kadangka lah na ta han.

36 Hahoi lukkareiim takhang koe yaphni loukloukkaang e, carouk e lukkarei kamthim hni, âthi hni, hnipalingnaw, hoi, emlakathoum koe em la sak hoi na sak han.

³⁷ Hahoi anri thing hoi yaphni yap nahane hah khom panga touh na sak vaiteh, sui tui kOUNg na hluk han. Bang nahanelah sui hoi na sak han. Hotnaw pâhung nahanelah, rahum khokpacawp panga touh na sak han.

27

Hmaisawi thuengnae khoungroe

¹ Anri thing hoi khoungroe ayung dong panga, adangka dong panga, arasang dong thum, a takin pali touh lah na sak han.

² Khoungroe hoi kâkuen lah a takin pali touh dawK a ki na sak vaiteh, rahum tui kOUNg na hluk han.

³ Hraba kawnae ampaikêi, tawKso, ailo, cingco, hoi tawngben naw hah rahum e na sak han.

⁴ Hote khoungroe teh, rahum cuekkarue na sak vaiteh, a takin pali touh dawK rahum laikaw pali touh na sak han.

⁵ Tamlawk ni khoungroe tangawn a pha thai nahanlah, a lungui totouh khoungroe hna a rahim lah na ta han.

⁶ Khoungroe kâkayawtnae acung anri thing hoi na sak vaiteh, rahum tui na hluk han.

⁷ Hote kâkayawtnae acung teh, laikaw dawK na hrawt vaiteh, kâkayawtnae acung hoi kâkayawt thai nahanelah, khoungroe teng vah, reirei ta han.

⁸ Hote khoungroe teh thingphek hoi athunglah vukkâko lah na sak han. Athung avan kâpicalah na sak han. Mon vah na patue e patetlah na sak han.

Lukkareim thongma

⁹ Lukkareim thongma hai na sak han. Akalah kalup nahanelah loukloukkaang e hni kawng e dong 100 touh kasaw na sak han.

¹⁰ Hote yaphni yap nahanelah khom 20, khokpacawp 20 touh hah rahum hoi na sak vaiteh, hetnae hoi pangkheknaW teh ngun hoi na sak han.

¹¹ Hot patetlah, atunglae kalup nahanelah, ayung dong 100 touh ka phat e yaphni hoi cUNgtalah, ngun hetnae, ngun pangkhek, rahum khom 20, rahum khokpacawp 20 touh ao han.

¹² Kalupnae a hnuklah kalup nahanelah ayung dong 50 touh e yaphni hoi khom hra touh, khokpacawp hra touh ao han.

¹³ Kalupnae a hma lae hai adangka dong 50 touh ao han.

¹⁴ Longkha avangvanglah yap hane ayung dong hlaipanga touh kasawe yaphni hoi, khom kathum touh,

¹⁵ khokpacawp kathum touh ao han.

¹⁶ Kalupnae longkha koe yap hane dong 20 touh kasawe yaphni teh kamthim hni, âthi hni, hnipaling, loukloukkaang e lukkarei carouk e hoi, khom pali touh, khokpacawp pali touh ao han.

¹⁷ Kalupnae petkâkalup lah kaawm e pueng teh, hetnae hah ngun, pangkhek hah ngun, khokpacawp hah rahum han.

¹⁸ Kalupnae teh ayung dong cum, adangka dong 50, arasang dong panga touh a pha vaiteh, loukloukkaang e lukkarei hoi rahum khokpacawp lah ao han.

¹⁹ Lukkareim dawK hnopai e naw pueng hoi lukkareim dawK hno e hetnae hoi, kalupnae dawK hno e hetnae pueng teh rahum hoi sak e lah ao han.

Hmaiim satui

²⁰ Hmaim pou paang thai nahanelah, Olive paw phawm laihoi raci e olive satui kathoung hah, Isarelnaw ni a thokhai aw h nahanlah kâ na poe han.

²¹ Lawkpanuesaknae yaphni yap e alawilah kamkhuengnae hmuen koe, Aron hoi a canaw ni tangmin hoi amom ditouh BAWIPA hmalah, hote thaw hah a tawk aw h han. Hetheh, Isarel catounnaw ni catounnaw totouh a tarawi aw h hane phunglam lah ao han.

28

Vaihma puengcang

¹ Aron hoi Aron capa Nadab, Abihu, Eleazar hoi Ithamar naw ni, kai koevah, vaihma thaw a tawk thai aw h nahanelah, na hmau Aron hoi a capanaw hah Isarel catounnaw thung hoi lat haw.

² Hahoi na hmau Aron hanelah, kathoung khohna ka bawilen sakkung meikahawisakkung lah na o sak han.

³ Kutsakkathoume, lungangnae muitha lahoi, kakawisaknaw pueng hah dei pouh. Aloukcalah kapek e koehoi Aron ni vaihma thaw kai hanelah a tawk thai nahan a khohna hah sak pouh naseh.

⁴ Hetheh khohna hanelah a khui aw h hanelah doeh. Saiphei, angki, angkidung, Ephod, lupawk hoi taisawm. Na hmau Aron hoi a capanaw ni kai han vaihma thaw a tawk thai aw h nahan, kathoung khohna na sak pouh han.

Taisawm

⁵ Sui, kamthim, paling, loukloukkaang e pahla hoi na sak pouh han.

⁶ Vaihma angki teh kutsakkathoumnaw ni a sak e patetlah Sui, kamthim, âthi, paling, loukloukkaang e pahla hoi carouk e lahoi a sak han.

⁷ Apoutnae koe vah a loung daw k pâbaw k e arui kahni touh ao vaiteh, hothateh pâbaw k e lah ao han.

⁸ Sui, kamthim, âthi, paling, opaou, hoi loukloukkaang e angki dawkvah, yeng hane taisawm kahawipoung lah kawng e angki hoi, aphu kaawmpoung e hno han.

⁹ Hahoi aphu kaawm e talung kahni touh na la vaiteh, avan vah Isarel catounnaw e min hah na thut han.

¹⁰ Talung aphu kaawm e buet touh dawkvah, minnaw taruk touh, alouke talung dawkvah taruk touh, a tâconae lahoi na thut pouh han.

¹¹ Min na thutnae talung thuk kathoumnaw ni a thuk aw h e patetlah Isarel catounnaw e min hah talung kahni touh daw k na thuk han. Suihlaam daw k na pâseng han.

¹² Isarel catounnaw pahnim hoeh nahanelah hote talung kahni touh hah angki rui daw k na bet han. Hottelah Aron ni ahnimae minnaw hah a loung roi daw k BAWIPA hmalah a bang han.

¹³ Suipahla vei e hai na sak vaiteh,

¹⁴ Suidingyin kahni touh, rui karawn e patetlah na vei vaiteh, na vei e dingyin teh karawn e hoi a kamtawp han.

Ephod

¹⁵ Lawkcengnae Ephod hah na sak han. Sui, kamthim pahla, dikpaling pahla, opaou pahla, loukloukkaang pahla hoi kahawicalah kawng e vaihma angki na sak e patetlah na sak han.

¹⁶ Takin pali touh a tawn vaiteh bawkhni touh lah ao han. Ayung khap touh adangka khap touh han.

¹⁷ Hahoi talung phu kaawm than pali touh na pâthit han. Apasueke than dawkvah, sardius, topaz, hoi carbuncle han.

¹⁸ Apâhni e than dawkvah, emerald, sapphire hoi diamon han.

¹⁹ Apâthum e than dawkvah, Jacinth, agate, hoi amethyst han.

²⁰ Apalinae than dawkvah, beril, onyx hoi jasper han. Hotnaw teh sui dawkwoung bet e lah ao han.

²¹ Aphu kaawm talungnaw ni, Isarel catounnaw e minparui e patetlah hlaikahni touh ni min rip a tawn awh han. Min thutnae dawkwuk e patetlah miphun pueng hah a minnaw patetlah miphun hlaikahni touh hane doeh.

²² Ephod a poutnae koevah, rui karawn e patetlah dingyin kathoung vei e hah sui hoi na sak han.

²³ Hahoi Ephod hanelah suilaikaw kahni touh na sak han. Laikaw kahni touh hah Ephod a poutnae koe na bet han.

²⁴ Suidingyin kahni touh vei e hah Ephod apoutnae koe e laikaw kahni touh dawkwuk na kan han.

²⁵ Vei e dingyin hmo a vang lae hah suipahla kahni touh vei e dawkvah na kan han.

²⁶ Hahoi suilaikaw kahni touh na sak han. Hot teh Ephod kahni touh a pawl koe vaihma angki e a thung lah na mawp han.

²⁷ Suilaikaw kahni touh alouklah na sak vaiteh, hot teh a hma lae vaihma angki kannae rahim lae kâpatawpnae koe kahawicalah kawng e, vaihma angki kannae van lah na mawp han.

²⁸ Hahoi vaihma angki laikaw dawkvah, Ephod dawkwuk e laikaw hah kamthim pahla hoi mekkhuisin han. Kahawicalah kawng e vaihma angki suinae teh avanlah ao thai nahane hoi Ephod hah vaihma angki hoi a kâphoi thai hoeh nahan,

²⁹ hottelah Aron teh, hmuen kathoung koe a cei toteh, BAWIPA hmalah pou a kannue nahanelah, a lungthin dawkwuk lawkcengnae ephod dawkvah, Isarel catounnaw e min lah ao han.

³⁰ Urim hoi thummim hah lawkcengnae Ephod dawkwuk na hruek vaiteh, BAWIPA hmalah a cei toteh, Aron e lungthin dawkwuk ao han. Hottelah Aron ni BAWIPA hmalah Isarel catounnaw lawkcengnae hah a lung dawkwuk pou ao han.

Angkidung

³¹ Hahoi vaihma angkidung hah kamthim pahla hoi dueng na kawng awh han.

³² A lungui vah lû mahrawk nahanelah na paaw pouh han. Ka aw e a vak hoeh nahanelah, angki lahuen patetlah arai na yep han.

³³ Kamthim, dikpaling, loukloukkaang e hoi sak e talepaw hai angki petkâkalup lah na sak han. Hote rahak dawkvah, suidinghling hoi petkâkalup lah na sak han.

³⁴ Hottelah angkidung dawkvah, suidinghling buet touh hoi talepaw, suidinghling hoi talepaw petkâkalup lah arai dawkwuk na sak han.

³⁵ Aron ni thaw a tawkwuk navah, hottelah a kamthoup han. Hottelah BAWIPA e hmalah hmuen kathoung dawkwuk kâen tâconae tueng nah a pawlawkwuk thai laipalah a due hoeh nahanelah na sak pouh han.

Lupawkwuk

³⁶ Hahoi suikathoung phen na sak vaiteh, avan vah kutnouthutnae ca tarik e patetlah BAWIPA KOE THOUNGNAE telah na thut han.

³⁷ Hot teh lupawk dawk ao nahanelah, lupawk e hmalah kamthim pahla rui hoi na bet han.

³⁸ Hot teh, Aron tampa dawk ao han. Isarel catounnaw ni kathoung e poehnonaw pueng a thounsaknae, payonpakainae kaawm e hah Aron ni koug a phu han. Hot teh BAWIPA hmalah dâw han kamcu e lah ao thai nahanelah, a tampa dawk pou a ta han.

Vaihma hnicu

³⁹ Angkidung teh loukloukkaang e hoi kahawicalah na carouk vaiteh na kawng han. Loukloukkaang e hni hoiyah vaihma lupawk hah na sak vaiteh, taisawm hai na sak pouh han.

⁴⁰ Aron capanaw hanlah, angkidung hah na sak pouh vaiteh, taisawm hai ahnimouh han na sak pouh han. A bawilen sak nahan hoi kahawisakkung lah a bawilakhung na sak pouh han.

⁴¹ Na hmau Aron hoi a capanaw hah na pathoup han, kai han vaihma thaw a tawk thai nahan satui na awi vaiteh, na hmoun vaiteh, na thoung sak han.

⁴² Hahoi caici lah a onae na ramuk nahanelah, loukloukkaang e hnadung na sak pouh vaiteh, a keng koehoi a phai totouh a pha han.

⁴³ Hot teh Aron hoi a capanaw kamkhuengnae lukkareiim koe kâennaeng tueng dawk thoseh, hmuen kathoung koe thaw tawk nahanlah bawknae khoungroe teng a cei nah thoseh a kamthoup aw hah. Nahoeh pawiteh, yonpen e lah awm vaiteh, dout aw hah langvaih. Hot teh amamouh hoi ka tho hane catounnaw totouh a yungyoe hanlah caksak e phunglam doeh toe.

29

Aron hoi a canaw hmounnae

¹ Kai hanlah vaihma thaw tawk thai nahan kamthoung sak hanelah, ahnimae lathueng na sak hane teh, hetheh doeh. Maitotan kanaw e buet touh, tutan kanaw e kahni touh toun han kaawm hoeh e,

² tonphuenhoehe hoi, tonphuenhoehe satui hoi sak e vaiyei phen, satui hoi sak e kanem e vaiyei tonphuenhoehe naw hah na la han, kanui e tavai hoi na sak han.

³ Hotehah tangthung dawk na ta vaiteh, maitotan hoi tutan kahni touh hoi tangthung hah na thokhai han.

⁴ Aron hoi a canaw hah kamkhuengnae lukkareiim takhang koevah na thokhai vaiteh, tui na pâsu han.

⁵ Khohnanaw na la vaiteh, angki, hni, ephod hah Aron na kho sak vaiteh, ka talue e angkidung hah taisawm hoi kâyeng sak han.

⁶ A lû dawk vaihmanaw e lupawk na kâ muk sak vaiteh, hote lupawk van vah kathoungnae lakhung na kâ muk sak han.

⁷ Hahoi awi hane satui na la vaiteh, a lû dawk na awi pouh vaiteh na hluk pouh han.

⁸ Hahoi, a capanaw na kaw vaiteh, na kho sak han.

⁹ Aron hoi a capanaw hah taisawm na kâyeng sak vaiteh, bawilakhung hai na kâ muk sak vaiteh, vaihma coungnae hah a yungyoe hanlah na caksak han. Hottelaho hoi Aron hoi capanaw teh na thoung sak han.

¹⁰ Hahoi, kamkhuengnae lukkareiim hmalah maitotan na thokhai vaiteh, Aron hoi a capanaw ni maito e lû dawk kut a toung aw hah.

¹¹ Hottelaha, kamkhuengnae lukkareiim tho teng vah, BAWIPA hmalah maitotan hah na thei han

12 Maitotan e thi hah na la vaiteh khoungroe ki dawk na kutdawn hoi na nep han. Hahoi kacawie thi hah khoungroe kung koe koung na rabawk han.

13 A thung e a kosanaw hoi a thin dawk kaawm e a hmue, a kuen kahni touh hoi athawnaw na la vaiteh, khoungroe dawk hmai na sawi han.

14 Maitotan e a tak, a pho, a khoknaw teh rapan alawilah hmai na sawi han. Hot hah teh yon thuengnae doeh.

15 Tutan buet touh na thokhai vaiteh, Aron hoi a capanaw ni a lû dawk kut a toung aw h han.

16 Tutan na thei vaiteh, a thi teh khougroe tengpam vah abuemlahoi na kathek han.

17 A moi hah na tâtueng vaiteh, a ruenthin hoi a khok hoi a lûnaw hah na hruek han.

18 Hahoi tutan e tak abuemlahoi khoungroe dawk hmai na sawi han. Hothateh, BAWIPA hanlah hmaisawi thuengnae, BAWIPA koe hmai hoi hmuitui hmaisawi thuengnae doeh.

19 Hahoi tutan buet touh bout na thokhai han. Aron hoi a capanaw ni tutan e lû dawk a kut a toung aw h han.

20 Tutan hah na thei vaiteh, a thi hah na la vaiteh, Aron e aranglae hnârakong koe, a capanaw e aranglae hnârakong koe, aranglae kutpui hoi a capanaw e aranglae khokpuihaw dawk na nep pouh vaiteh, khoungroe lathueng lah a thi hah na kathek han.

21 Hahoi khoungroe dawk e thi hoi hluk e satui hah na la vaiteh, Aron hoi a capanaw hoi, ahni koe kaawm e a capanaw e hninaw dawk na kathek han. Hahoi teh, a hni hoi ama hoi a capanaw hoi, ahnimouh koe kaawm e a capanaw e hninaw pueng teh, thoung sak lah ao han.

22 Hahoi tutan e thaw, mai, ruen ka kayo e thâw, thin dawk kaawm e hmue, kuen kahni touh e hoi, aranglae loung hah na la han. Bangkongtetpawiteh, hothateh, kapek e tuca doeh.

23 Hahoi, tangthung dawk ta e tonphuenhoehe hah BAWIPA hmalah hung e vaiyei tueng buet touh hoi satui hoi sak e vaiyei phen, vaiyei ka rapam e kahni touh na la vaiteh,

24 Aron e kut hoi a capanaw e kut dawk na ta pouh han. BAWIPA hmalah kahek thueng nahanelah a kahek aw h han.

25 Hote hah ahnimaie kut dawk hoi na la pouh vaiteh, BAWIPA hanlah hmuitui lah thuengnae hmaisawinae khoungroe dawk sawi han. Hothateh BAWIPA hanlah hmaisawi thuengnae doeh.

26 Hahoi, Aron e kapeknae lah tu takuep hah na la vaiteh, BAWIPA hmalah kahek thueng nahanlah na kahek han. Hot teh na ham lah ao han

27 Aron hoi a capanaw e ham lah kapek e tutan takuep hah kahek thuengnae hoi tawm thuengnae lah a phai kahek tangcoung e hoi tawm tangcoung e hah na thoung sak han.

28 Hothateh, Isarel catounnaw koe, Aron hoi a capanaw hanlah a yungyoe hoi kapek e lah ao han. Bangkongtetpawiteh, hothateh kahek thuengnae doeh. A loung kahek tangcoung e hoi tawm tangcoung e hah na thoung sak han.

29 Hote hnonaw hoi a kamthoup aw h teh, satui hluk teh kathoung lah ao thai aw h nahan, kathoung e Aron e khohna teh, a capanaw ni raw lah a coe aw h han.

³⁰ Hahoi, a capanaw yueng lah vaihma thaw ka tawk hane tami ni hmuen kathoung koe tawk aw hanelah, kamkhuengnae lukkareim dawk a kâen navah, hnin sari touh thung a khohna han.

³¹ Hahoi, kapeknae tutan hah la vaiteh, a moi hah hmuen kathoung dawk a thawng aw h han.

³² Hottelah, Aron hoi a capanaw ni tutan moi hoi tangthung dawk e vaiyei hah kamkhuengnae lukkareim takhang koe a ca aw h han.

³³ Yonthanae, ama kapeknae hoi thoungnae dawk poe e moi hah a ca aw h han. Kathoung lah ao dawkvah, alawilae taminaw ni cat thai mahoe h.

³⁴ Hote kapeknae moi hoi vaiyei hah a tangtho amom totouh cawi pawiteh, hmaisawi lah ao han. Hot teh kathoung lah ao dawkvah na cat mahoe h.

³⁵ Hahoi kâ na poe e naw pueng patetlah Aron hoi a capanaw lathueng vah ka sak han, hnin sari touh thung na kapek aw h han.

³⁶ Hnintangkuem yontha nahanlah maitotan buet touh pou na poe aw h han. Hahoi yon ngaithounnae na sak navah, khoungroe hah na thoungsak han. Thoungsak hanelah satu na awi han.

³⁷ Hnin sari touh thung khoungroe hanlah yonthanae na sak vaiteh, na thoung sak han. Hat toteh, khoungroe teh kathoung lah ao vaiteh, khoungroe ka tek e pueng teh, a thoung aw h han.

³⁸ Hethateh, khoungroe dawk na poe hane naw doeh. Kathoung tuca kum touh e kahni touh na la vaiteh,

³⁹ tuca buet touh e hah amom lah na poe vaiteh, alouke tuca buet touh e hah tangmin lah na poe han.

⁴⁰ Tuca buet touh na poe e dawk e tavai ephah pung hra pung touh, satuium hin pung pali pung touh hoi na kalawt han (hin teh galon buet touh doeh). Hahoi nei thueng hanelah misurtui hin pung pali pung touh na poe han.

⁴¹ Tuca buet touh e teh amom lah na poe vaiteh, hot teh amom vah ca hane poenae hoi nei hane poenae hmuitui, BAWIPA hanlah hmaisawi thuengnae lah na poe han.

⁴² Hot teh na ca catounnaw totouh kamkhuengnae lukkareim takhang koe vah, BAWIPA hmalah hmaisawi thuengnae pou poe hane doeh. Hote hmuen koe vah, nang koe lawk deinae lahoi na kâhmo han.

⁴³ Isarel catounnaw hoi hawvah kâpato vaiteh, kamkhuengnae lukkareim teh bawilenna hoi thoungsak lah ao han.

⁴⁴ Kamkhuengnae lukkareim hoi khoungroe kathoung sak han. Aron hoi a canaw hoi kai hanelah vaihma thaw tawk laihoi ka thaw a tawk thai aw h nahan ka thoung sak han.

⁴⁵ Hottelah Isarel catounnaw koe vah, kho ka sak vaiteh, a cathut lah ka o han.

⁴⁶ Izip ram hoi ka tâcawtkhaikung, kai teh ahnima e Cathut Jehovah lah ka o tié hah a panue aw h han. Ahnimouh rahak vah kai Jehovah doeh ahnima e Cathut ka aw m han.

30

Hmuitui sawinae khoungroe

¹ Hahoi, hmuitui sawinae khoungroe anri thing hoi na sak han.

² Ayung dong touh, adangka dong touh, a rasang dong touh hoi takin pali touh lah na sak vaiteh, a ki hateh khoungroe hoi a kâkuet han.

³ A lathueng lae hoi a tapang hoi a ki hah sui kathoung hoi na hluk awh vaiteh, petkâkalup lah sui hoi arai na pacawp han.

⁴ Arai pacawpnae rahim vah suilaikaw kahni touh na sak han. Avangvanglah na ta vaiteh, hothateh kâkayawtnae acung hrawt nahane doeh.

⁵ Acung teh anri thing hoi na sak vaiteh, sui tui hoi na bu sin han.

⁶ Hothateh kai ni na pato nahane hmuen lawkpanuesaknae tanae thingkong ngue nahanelah yaphni hmalah hote khoungroe hah na hruék han.

⁷ Hottelah Aron ni hawvah, hmaisawi hane hmuitui hah a sawi han. Amom karawitawi hmaiim a rakueng navah a sawi han.

⁸ Aron ni tangmin lah hmaiim paangnae tueng dawkvah, hmuitui hah hmai a sawi han. Hothateh, na ca catounnaw totouh BAWIPA hmalah hmuitui lah ao han.

⁹ Hawvah hmuitui alouke thoseh, hmaisawi thuengnae thoseh, rawca thuengnae thoseh na poe mahoe. Hawvah, nei hane na poe e hai na awi mahoe.

¹⁰ Aron ni kum touh dawk vai touh yonthanae sathei thi hah a la vaiteh, kinaw dawkvah yonthanae a sak han. Na ca catounnaw totouh kum touh dawk vai touh yonthanae a sak awh han, hot teh BAWIPA hanelah kathoungpoung doeh.

Ratangnae tangka

¹¹ BAWIPA ni Mosi koe,

¹² Isarel catoun milu na touk toteh, milu na touk e yit touh tami pueng ni hringlu ratang nahanelah BAWIPA a poe awh han. Na touk toteh ahnimouh na touk dawkvah, ahnimouh koe lacik a pha hoe nahanelah,

¹³ hetheh a poe awh hanelah ao. Touk tangcoung e naw pueng ni, hmuen kathoung koe hno khingnae a khing tangawn hah BAWIPA hanlah a poe awh han (Khing touh teh gerah 20 touh doeh).

¹⁴ Touk tangcoung e kum 20 lathueng pueng ni, BAWIPA hanelah a poe awh han.

¹⁵ Na hringlu ratang nahanelah, BAWIPA hanelah na poe awh pawiteh, khing tangawn hlak kapap lah tami ka tawnta ni poe mahoe. Hahoi ka mathoe ni hai hothlak kayoun lah poe mahoe.

¹⁶ Isarel catounnaw yontha nahane tangka teh na la vaiteh, kamkhuengnae lukkareim dawkwawtawknah lah na pouk han. Na hringlu yontha nahane BAWIPA hmalah Isarel catounnaw hanlah Pahnim hoe nahanelah ao nahan, telah a dei.

Rahum kawlung

¹⁷ BAWIPA ni Mosi koe,

¹⁸ kâpasu nahanlah rahum kawlung hoi pâhung nahanlah amkhoung na sak han. Lukkareim hoi khoungroe rahak na ta han.

¹⁹ Ahnimouh teh kamkhuengnae lukkareim thung a kâen awh nakung-hai thoseh,

²⁰ BAWIPA koe hmaisawi thuengnae thueng hanelah, khoungroe koe a hnai nah thoseh,

²¹ due hoe nahanelah, amamae kut khok hah a pâsu awh han. Hottelah ahnimouh hoi ahnimae ca catounnaw ni tarawi hane kâlawk lah ao telah ati.

Kathoung satui hluknae

²² Hothloilah BAWIPA ni Mosi koevah,

²³ hmuituinaw thung dawk a hmui katuipounge murah sekel 500 touh hoi nakzik hmuitui khing 250,

²⁴ nakzik phun louk khing 500, olive satui pong 12 touh (hin buet touh) na thokhai vaiteh,

²⁵ hmuitui kasakkung ni a sak e patetlah hluk e satui hah kathounge satui lah na sak han.

²⁶ Kamkhuengnae lukkareiim, lawkpanuesaknae thingkong,

²⁷ caboi hnopainaw, hmaiimkhok, hmuitui hmaisawinae khoungroe,

²⁸ hmaisawi thuengnae khoungroe hoi hnopainaw, kawlung hoi pâhungnae amkhong pueng hah hote hmuitui hoi koug na hluk han.

²⁹ Kathoug katang e lah ao aw h nahan, na thoug sak vaiteh, hote hno ka tek e pueng teh a thoug aw h han.

³⁰ Haw hanelah, vaihma thaw tawk laihoi, ka thaw a tawk thai aw h nahanelah, Aron hoi a capanaw hah satui na awi vaiteh, na thoug sak han.

³¹ Isarel catounnaw koe, hete satui heh na ca catounnaw koe totouh kaie hluk e satui kathoug lah ao han.

³² Tami tak dawk na awi mahoe h. Hete sak e hoi saknae kâvan e alouke hai na sak mahoe h. Hethateh a thoug teh, nangmouh hanlah kathounge lah ao han.

³³ Apipatethai het hoi kâvan lah a sak hai thoseh, ayâ alouk hanlah a hno hai thoseh, hote tami teh a miphun dawk hoi na takhoe han telah na dei han telah ati.

Hmuitui

³⁴ BAWIPA ni Mosi koe a hmui katuipounge hmuitui satacte hoi onycha hoi galbanum hah na la han. Hmuituipoug e ka pâcim e frankinsen hah suekâvan lah na khing vaiteh,

³⁵ hmuitui kasakkungnaw patetlah palawi na phuen vaiteh, ka pâcim lah kathoungcalah na sak han.

³⁶ A tangawn teh katipcalah phawm hane doeh. Kai ni na pato nahane lukkareiim thung e lawkpanuesaknae hmalah na ta han. Hothateh, nang hanelah kathounge lah ao han.

³⁷ Hote hmuitui na sak hane na pâtu e patetlah sak e teh, namamouh hanelah na sak mahoe h. BAWIPA hanelah kathounge lah na pouk aw h han.

³⁸ Tami bangpatet nihai, phunep rumram hanelah hot patet e sak pawiteh, hote tami teh a miphun thung hoi, takhoe lah ao han telah ati.

31

Kutsakthoumnaw hmounnae

¹ BAWIPA ni Mosi koevah,

² Kenhaw! Judah miphun thung dawk hoi Hur capa Uri, hote capa Bezalel hah ka kaw toe.

³ Ahni teh lungangnae, thoumthainae, panuena hoi bangueng dawk kutsakthoumnaw hoi,

⁴ sak hane Lungkaangcalah poukthainae hoi,

⁵ talung phu kaawm ka ta teh, bawng thainae, kâpicalah thing a thainae hoi bangueng dawk kutsakthoumnaw a tawn hanlah Cathut Muitha hoi kakawi sak toe.

⁶ Kenhaw! ahni koe thaw tawk hanlah, Ahisamak e capa Oholiab teh kai ni yo ka pouk toe. Tawk hanelah kâ ka poe e naw,

⁷ tamimaya kamkhuengnae lukkareiim, lawkpanuesaknae thingkong, avan vah lungmanae tungkhung hoi lukkareiim dawk e hnopainaw pueng,

⁸ caboi hoi hnopai, kathounge sui hoi sak e hmaiimkhok hoi a hnopainaw pueng, hmuitui sawinae khoungroe,

⁹ hmaisawi thuengnae khoungroe hoi a hnopainaw pueng, hlaam,

¹⁰ khohna kahawicalah pathoupnae hoi vaihma thaw a tawk nah a khohna hanelah, vaihma Aron hanlah kathounge khohna,

¹¹ Kâhluk e satui hoi hmuitui kathoung hanlah hmuitui sak thai nahanlah kutsakthoumnae, lungangnae pueng ka poe. Tawk hanlah kâ ka poe e naw pueng hah a sak aw h han telah a dei.

Sabbath hoi kâkuen e kâlawk

¹² Hahoi BAWIPA ni Mosi koevah,

¹³ Isarelnaw koevah hettelah dei pouh, kaie sabbath hah na ya aw h han, bangkongtetpawiteh na ca catounnaw totouh kai hoi nangmae rahak vah mitnoutnae lah ao. Kai teh nangmouh na kathoungsakkung Jehovah lah ka o tie hah na panuethai aw h nahane doeh.

¹⁴ Hatdawkvah, sabbath heh na ya aw h han. Bangkongtetpawiteh, hot teh nangmouh hanlah kathounge lah ao. Ka ek e pueng teh thei lah ao han. Hote hnin dawk Bangpatete thaw hai ka tawk e pueng teh a mipun koehoi takhoe lah ao han.

¹⁵ Hnin taruk touh thung thaw tawk aw h naseh. A sari hnin teh kâhatnae sabbath, BAWIPA hanlah hnin kathoung doeh. Apihai sabbath hnin vah thaw tawk pawiteh, thei lah ao roeroe han.

¹⁶ Hatdawkvah, Isarelnaw ni sabbath teh a ca catoun totouh a yungyoe lawkkam lah aw m seh.

¹⁷ Kai hoi Isarelnaw rahak vah, a yungyoe mitnoutnae doeh. Bangkongtetpawiteh, hnin taruk touh thung vah BAWIPA ni talai hoi kalvan a sak teh, asari hnin dawk a kâhat teh a thoung sak, na ti pouh han telah ati.

Lawkpanuesaknae lungphen kahni

¹⁸ Hottelah Sinai mon vah koug a kâpato hnukkhu, lawkpanuesaknae lungphen kahni touh, Cathut e kutdawn hoi thut e hah Mosi koe a poe.

32

Suimaitoca

¹ Mosi teh mon hoi kum laipalah ngailawi ao toe tie tamimaya ni a panue aw h toteh, tamimaya teh Aron koe a kamkhueng aw h teh ahni koe thaw haw, kai mouh han lah na kahrawikung cathut sak haw. Bangkongtetpawiteh, Izip ram hoi na katâcawtkhaikung Mosi e bang pawlawk hai thai hoeh toe, telah ati aw h.

² Aron ni, na yunaw hoi na capanaw hoi na canunaw a pacap aw h e sui hnapacap hah rading aw h nateh kai koe thokhai aw h atipouh.

³ Hottelah tami pueng ni sui hnapacap a pacap aw h lahun e hah a rading aw h teh Aron koe a thokhai aw h.

⁴ Aron ni ahnimouh koe e a la teh, hreca hoi a thuk teh, maitoca meikaphawk lah a hlun. Hahoi ahnimouh ni Oe Isarelnaw, hetteh Izip ram hoi na katâcawtkhaikung nangmae cathut doeh, telah ati aw h.

⁵ Aron ni a hmu toteh, a hmalah khoungroe hah a sak. Aron ni, tangtho vah BAWIPA hanlah paw i aw m naseh telah a oung sak.

⁶ Hottelah a tangtho vah, amom a thaw awh. Hmaisawi thuengnae a poe awh, roun thuengnae hah a poe awh teh, tamimaya teh canei hanelah a tahung awh teh lamtu hanlah a thaw awh,

⁷ BAWIPA ni Mosi a pato teh, kum leih. Bangkongtetpawiteh, na taminaw Izip ram hoi na tâcokhai e naw hah amamouh hoi amamouh koung a kâraphoe awh toe.

⁸ Kaie kâpoelawk hah tang a phen takhai awh toe. Maitoca meikaphawk a sak awh teh a bawk awh teh, hot koe thuengnae a sak awh teh, Oe Isarel hethoh Izip ram hoi na katâcawtkhaikung doeh ati awh telah ati.

⁹ BAWIPA ni Mosi koe hete taminaw hah ka khet toe, a lung ka patak poung e miphun doeh.

¹⁰ Hatdawkvah, ahnimouh hmai koung sawi hanelah, ahnimouh lathueng ka lungkhueknae heh kaman naseh, nang heh ka lentoe e miphun lah na sak han telah ati.

¹¹ Mosi ni, BAWIPA Cathut koe, BAWIPA bangkongmaw kalen e thaonae hoi thaonae kut hoi Izip ram hoi na tâcosak e na taminaw lathueng vah na lungkhueknae teh a kaman.

¹² Bangkongmaw Izipnaw ni monsom vah patawnae poe hane hoi, thei hanelah a tâcokhai awh, telah a dei awh han. Puenghoi na lungkhueknae hah roun sak nateh, na taminaw lathueng vah, hawihoehnae sak han na noe e heh kâhno lawih.

¹³ Na san Abraham hoi Isak hoi Isarel koevah kalvan e âsinaw yit touh na catounnaw ka pung sak vaiteh, ka dei tangcoung ram heh na catoun ka poe vaiteh, a yungyoe a coe awh han, telah amahoima noe lahoi lawk na kam tangcoung e hah pahnim hanh lah a telah a kâhei.

¹⁴ Hot patetlah BAWIPA teh, a taminaw lathueng vah thoene ka sak han ati nakoehoi a kâhno.

¹⁵ Mosi teh a kamlang teh monsom hoi a kum teh, a kut dawk lawkpanuesaknae lungphen kahni touh ao. Lungphen teh avoivang lah thut e doeh.

¹⁶ Lungphen teh Cathut ni sak e lah ao teh, thut e naw teh Cathut ma roeroe ni lungphen dawk thut e doeh.

¹⁷ Hahoi Joshua ni tamimaya pawlawk a thai toteh, Mosi koevah, roenae hmuen koe kâtuknae ao nahoehmaw telah ati.

¹⁸ Hatei, ahni ni tânae pawlawk nahoeh, tâ e naw e hramki lawk hai nahoeh. Hateiteh, ka thai e heh la sak pawlawk doeh ati.

¹⁹ Hahoi, roenae teng a pha tahma hoi maitoca meikaphawk hoi kalamtunaw hah a hmu. Hottelah Mosi lungkhueknae teh a kaman teh lungphen a sin e hah a tâkhawng teh mon khok koe a kâbawng.

²⁰ A sak awh e maitoca hah a la teh, hmai a phum teh vitkatip lah a phom. Tui dawk a phuen teh Isarelnaw hah a nei sak.

²¹ Mosi ni Aron koevah, hettelah totouh yonnae kalen hah ahnimouh lathueng pha sak hanelah, hetnaw ni nang lathueng bangmaw a sak awh, telah atipouh.

²² Aron ni ka bawipa lungkhueknae heh kaman payon hanh naseh. Hete tamimayanaw heh hawihoehnae koe lah pou kangvawinaw doeh tie teh na panue toe.

²³ Bangkongtetpawiteh, kai koevah, kaimouh na ka hrawi hanelah cathut hah na sak pouh. Bangkongtetpawiteh, Mosi Izip ram hoi na kahrawikung heh a kamthang banghai thai e lah awm hoeh toe telah ati awh.

²⁴ Kai ni ahnimouh koe, sui katawnnaw ni rading awh naseh, ka ti pouh teh na poe awh. Hmai dawk ka phum toteh hete maitoca meikaphawk heh a tâco telah ati.

²⁵ Hahoi tamipueng khenyawn laipalah a ngai patetlah kho a sak awh tie hah a hmu teh, bangkongtetpawiteh, a tarannaw hmuna koe Aron ni khenyawn awh hoeh.

²⁶ Mosi teh roenae rim longkha koe a kangdue teh, BAWIPA koelah kampang e pueng kai koe tho awh naseh, telah ati. Hattoteh Levih capanaw pueng teh ahni koe a cei awh.

²⁷ Ahnimouh koe, BAWIPA Cathut ni, tami pueng ni na tahloi lat awh nateh, roenae hmuen koe kâenna longkha koehoi tâconae longkha koe totouh, na hmaunawngaha thoseh, na huiko thoseh, na imri thoseh thet awh atipouh.

²⁸ Hatdawkvah, Levih capanaw ni Mosi ni dei e patetlah a sak awh teh, hot hnin vah tami 3, 000 tabang a due awh.

²⁹ Hattoteh Mosi ni, sahnin yawhawinae na poe awh nahanelah, na mahmawk BAWIPA hanelah kâhmoun awh. Bangkongtetpawiteh, tami pueng ni a capa hoi a hmaunawngaha hah a taran toe, telah ati.

³⁰ Hahoi, a tangtho vah Mosi ni tamimaya koevah, yonnae kalen na sak awh toe. Hatdawkvah, BAWIPA koe ka ceitakhang han. Na yonnae yontha thai han vaimoe, telah ati.

³¹ Hottelah Mosi teh BAWIPA koe a ban teh, Oe hetnaw ni yonnae kalen a sak awh teh, sui cathut hah a sak awh.

³² Hatei nakunghai, a yonnae hah ngaithoum pouh haw. Hatei, na ngaithoum hoehpawiteh na cauk dawk na thut e ka min hah raphoe hanelah ka kâhei atipouh.

³³ BAWIPA ni Mosi koevah, kai taranlahoi yonnae ka sak e pueng teh, ka cauk dawk hoi a min ka raphoe han.

³⁴ Hatdawkvah cet nateh, ka dei e hmuen koe tamimaya hah cetkhaih. Khenhaw! kaie kalvantaminaw na hmalah a cei han. Hatei, rek hanelah ka hloe awh nah hnin vah, a yonnae dawk roeroe ka rek awh han telah ati.

³⁵ Hottelah Aron ni a sak e patetlah maitoca meikaphawk a sak awh dawkvah, BAWIPA ni tamimaya teh a rek.

33

Sinai tâco takhai hanelah kâ a poe

¹ Hottelah BAWIPA ni Mosi hah a pato teh, hi hoi tâcawt awh nateh, Abraham, Isak hoi Jakop koevah, na catounnaw hanelah na poe han telah thoeb laihoi lawk ka kam e ram dawk, nang hoi Izip ram hoi na tâcokhai e naw hoi cet takhang awh.

² Nangmae hmalah kalvantami ka patoun vaiteh, Kanaan taminaw, Amor taminaw, Hit taminaw, Periznaw, Hivnaw hoi Jubusitnaw hah ka pâlei han.

³ Khoitui hoi maitosanutui a lawngnae ram dawk cet takhang awh. Bangkongtetpawiteh, kai teh nangmouh koe ka cet takhang van mahoe. A lung ka patak poung e lah na o awh dawkvah, lamlak vah koung na pathup payon han doeh telah ati.

⁴ Hottelah tamimaya ni hete kamthang kathout a thai awh toteh, a ka awh teh apihai kamthoung ngai awh hoeh.

⁵ Bangkongtetpawiteh, BAWIPA ni Mosi koe Isarel catounnaw koe vah, a lung ka patak poung e mipun lah na o awh, nangmouh koe dongdeng

ka o nakunghai, koung na pathup aw hah. Hatdawkvah nangmouh koe ka sak hane ka panue thai nahanelah, na kamthouppnae pueng hah koung rading aw hah telah a dei toe.

⁶ Hatdawkvah Isarelnaw ni a kamthouppnae hah Horeb mon vah a kâradang aw hah.

Mosi ni BAWIPA a hmu

⁷ Mosi ni Lukkareim hah a ceikhai teh, roenae lawilah betbet ahlanae koe ouk a yap. Hot hah kamkhuengnae lukkareim ati aw hah. Hahoi BAWIPA tawng ka ngai e pueng teh, roenae lawilah kamkhuengnae lukkareim dawkvah ouk a cei aw hah.

⁸ Hahoi, Mosi teh lukkareim pátam hoi a cei lahun nah, tamimaya a thaw aw hah teh amamae rim takhang koe a kangdue aw hah teh, Mosi lukkareim thung a kâen totouh a khet aw hah.

⁹ Hahoi Mosi teh lukkareim dawkwah a kâen tahma vah, tâmaikhom a kum teh lukkareim takhang koe a kangdue teh BAWIPA ni Mosi hah a pato.

¹⁰ Hahoi tamimaya ni lukkareim takhang koe tâmaikhom a kangdue e hah a hmu aw hah. Hat toteh, tamimaya teh a thaw aw hah teh, amamae rim takhang koehoi lengkaleng a bawkwah aw hah.

¹¹ Tami ni a hui a pato e patetlah, BAWIPA ni Mosi hah minhmai kâhmo laihoi a pato teh, roenae hmuen koe lah a ban. A san Nun capa thoundoun Joshua hateh lukkareim cettakhai boihoeh.

Cathut ni okhainae lawkkam

¹² Mosi ni BAWIPA koevah, khenhaw! nang ni kai koevah hetnaw heh luenkhai loe ati. Hatei apimaw kai koe na patoun han tie teh na panuek sak hoe hah rah. Hatei, nang ni na min lahoi na panue teh, ka mit dawkwah minhmai kahawi ka hmu, na ti pouh.

¹³ Hatdawkvah, na mit dawkwah minhmai kahawi ka hmawt pawiteh, ka panue nahann hoi na mithmu vah pahrennae ka hmu thai nahann lamthung na panuek sak haw, telah ka kâhei. Hete miphun heh na tamimaya doeh tie hah pouk, telah ati.

¹⁴ Ahni ni, nangmouh koe ka o vaiteh, kâhatnae na poe aw hah han atipouh.

¹⁵ Ahni ni, kai koevah na cet hoehpawiteh, hete hmuen koehoi na tâcawt sak hanh.

¹⁶ Bangkongtetpawiteh, kaimouh koe na cet laipalah kai hoi na taminaw teh na mithmu vah lungmanae ka hmu aw hah tie hah, bangtelamaw ka panue aw hah. Hottelah talai van kaawm e taminaw pueng koehoi kai hoi na taminaw teh ka pek e lah ka o aw hah han, atipouh.

¹⁷ BAWIPA ni Mosi koevah, hot hai na dei e patetlah ka sak han. Bangkongtetpawiteh, ka mit dawkwah na kuep teh na min lahoi na panue telah atipouh.

¹⁸ Ahni ni na bawilennaeh teh pahren lahoi na hmawt sak haw atipouh.

¹⁹ Ahni ni, ka hawinae pueng heh na hmalah ka kamnue sak vaiteh, Jehovah min hah na hmalah ka pâpho han. Pahren han ka ngai e hah ka pahren vaiteh, ka lungma han ka ngai e pueng hah ka lungma han, atipouh.

²⁰ Hatei ahni ni, ka minhmai teh na hmawt thai mahoe, bangkongtetpawiteh na ka hmawt e tami hring boihoeh, ati.

²¹ BAWIPA ni khenhaw! ka teng vah hmuen buet touh ao, lungsong van na kangdue han.

²² Hahoi, ka bawilennaeh ni na ceihlawi navah, kâbawng e lungsong thungvah na ta han, na ceitakhai hoehroukrak ka kut hoi na tabuem han.

²³ Hahoi ka kut hah bout ka la vaiteh ka hnukthun hah na hmu han, hatei, ka minhmai teh na hmawt mahoe, atipouh.

34

Mosi ni lungphen a katha a sak

¹ BAWIPA ni Mosi koevah, lungphen kahni touh a hmaloe e patetlah sak nateh hote lungphen dawkvah ahmaloe e patetlah bout ka thut han.

² Tangtho vah coungkacoe lah awmh, amom Sinai mon dawkw luen nateh, monsom ka hmalah kangdout.

³ Nang koe apihai tho awh hanh naseh. Mon vah apihai kamnuek awn nahanh seh. Tuhu hoi maitohu naw hai mon teng vah pâ awn nahanh seh ati.

⁴ Hottelah lungphen kahni touh hmaloe e patetlah a sak. Hahoi Mosi teh amom vah a thaw teh BAWIPA ni kâ a poe e patetlah lungphen kahni touh hah a sin teh, Sinai mon dawkw a luen.

⁵ BAWIPA teh tâmai hoi a kum teh, a teng vah a kangdue teh BAWIPA e min hah a pathang.

⁶ BAWIPA ni a ceihlawi teh Jehovah, Jehovah, lungmanae hoi kakawi e Cathut, pahrennae, lungsawnae lungmanae hoi lawkkatang hoi akawi.

⁷ Tami a thongsang koe pahrennae kamnueksakkung, payonnae hoi lawkeknae hoi, hawihoehnae kangaithoumking, yonpennae ka tâcawtkhai boihoe e, napanaw payonnae dawkw canaw catoun totouh, se thum se pali totouh karekkung doeh telah a pâpho.

⁸ Mosi ni karanglah talai dawkw a tabo teh a bawkw.

⁹ Ahni ni, Atuvah BAWIPA na mit dawkw minhmai kahawi ka hmawt pawiteh, kai koevah kaie BAWIPA heh cet van naseh telah ka kâhei. A lung ka patak e miphun lah ka o awn nakunghai ka payonnae hoi ka yonnae hah na ngaithoum nateh, na râw lah na tawn lawih telah ati.

Lawkkamnae bout a kathasak

¹⁰ Ahni ni, khenhaw! lawkkamnae ka sak. Talai pueng hoi mipun pueng dawkw sak boihoe e kângairu hno hah na taminaw pueng hmalah ka sak vaiteh, nangmouh kaawm e na taminaw pueng ni BAWIPA ni sak e hah a hmu awn han. Bangkongtetpawiteh, nangmouh koe ka sak hane heh takikathopoung lah ao han.

¹¹ Sahnin vah kâ na poe e naw heh pouk. Khenhaw! Amornaw, Kanaannaw, Hitnaw, Hivnaw, Periznaw hoi Jebusitnaw hah na hmalah hoi ka pâlei han.

¹² Kâhruetcuete, hoehpawiteh na cei nahane ram dawkw kaawmnaw hoi lawkkamnae na sak awn vaiteh, nangmouh hanlah karap lah awm payon vaih.

¹³ Hateiteh ahnimae khoungroe hah, koung na raphoe pouh han. Talung a ung awn e hai rekrek dei awn nateh, thing meikaphawkw hah koung tâtueng pouh awn.

¹⁴ A min patenghai dipma Jehovah lah ao, Cathut teh a dipma thai dawkvah Cathut alouke roeroe na bawkw awn mahoe.

¹⁵ Hoehpawiteh hote ram dawkw e taminaw hoi lawkw na kam awn vaiteh, ahnimae cathut koe kâyo laihoi ahnimae cathut koe thueng laihoi buetbuet thot coun vaiteh, thuengnae moi hah ca hoi,

¹⁶ Na capanaw hanelah ahnimae canunaw hah na paluen vaiteh, a canunaw ni a cathutnaw koe a kâyo awhnae koe, na capanaw hai kâyawt payon awn langvaih.

17 Thuk e meikaphawk cathut hah na sak awh mahoe.

18 Tonphuenhoehe vaiyei pawí na sak han. Kâ na poe awh e patetlah, hnin sarí touh thung tonphuenhoehe hah Abib thapa dawkwah hoe e tueng nah na ca han. Bangkongtetpawiteh, Abib thapa dawkwah Izip ram hoi na tâco awh.

19 Camoim ka paawng e pueng kaie doeh. Na saring pueng maito hoi tu camin teh kaie doeh.

20 Hatei la camin teh tuca hoi na ratang han. Na ratang ngaihoe pawiteh, a lahen na kapai pouh han. Na capa camin teh na ratang han. Ka hmaitung vah apihai kuthrawng hoi na tâcawt awh mahoe.

21 Hnin taruk touh thung thaw na tawkwah han. Asari hnin dawkwah na kâhat han. Laikawkwah na tawkwah tue nah hoi canga tue nahai na kâhat han.

22 Yat pawí, takhawkwah pawí, cavanca pawí na to han.

23 Tongpa pueng kum touh dawkwah vai thum touh Bawipa Jehovah Isarel Cathut hmalah a tâco awh han.

24 Bangkongtetpawiteh, na hmalah mipunnaw ka pâlei vaiteh na ramri hah ka kaw sak han, kum touh dawkwah vai thum touh BAWIPA na Cathut hmalah na tâco awh nahanlah na cei toteh apinihai na ram hah noe awh mahoe.

25 Kai hanelah thuengnae thipaling teh ton phuen e vaiyei hoi na poe mahoe. Ceitakhai pawí thuengnae haiyah atangtho totouh na awm sak mahoe.

26 Na law dawkwah e aluepaw teh BAWIPA im dawkwah na thokhai han. Hmaeca e moi hah a manu e sanutui hoi mek na thawng mahoe.

27 BAWIPA ni Mosi koe, hete lawknaw heh thun haw, bangkongtetpawiteh, hete lawknaw tarawi lahoi nang koehoi Isarel koewah lawkkamnae ka sak, telah ati.

28 Hawwah BAWIPA koe hnin 40 rum 40 touh ao teh, rawca cat laipalah ao teh, tui hai net hoe. Hahoi lungphen dawkwah lawkkam kâpoelawknaw hra touh a thut.

Mosi minhmai angnae

29 Hahoi, Mosi teh lawkpanuesaknae lungphen kahni touh hah a kut hoi a sin teh Sinai mon hoi a kum navah, Mosi ni hottelah a kâpato dawkwah, ka minhmai vuen a ang tie hah panuek hoe.

30 Aron hoi Isarelnaw pueng ni Mosi a hmu awh toteh, khenhaw! minhmai vuen a ang teh hnai ngam awh hoe.

31 Mosi ni ahnimouh teh a kaw teh, Aron hoi kamkhueng e lawk-cengkungnaw pueng hah ahni koe a ban awh teh Mosi ni ahnimouh teh a pato.

32 Isarelnaw pueng ni a hnai awh hnukkhu Sinai mon vah BAWIPA hoi lawk a kâpato roi e naw pueng patetlah ahnimanaw hah kâ a poe.

33 Mosi ni lawk be a dei toteh, a minhmai teh minhmai ramuknae hoi a ramuk.

34 Hatei ahni hoi lawk kâpato hanelah BAWIPA hmalah Mosi a luen nah tangkuem vah, bout a pato hoehroukrak a minhmai ramuknae hah ouk a hawng. Hahoi a pato teh kâ a poe e naw hah Isarelnaw koe ouk a dei pouh.

35 Isarelnaw ni Mosi minhmai a khet awh nah tangkuem vah, Mosi minhmai vuen teh a ang. Hahoi Mosi teh Cathut hoi kâpato hanelah a kâen hoehroukrak a minhmai ramuknae hoi a minhmai teh ouk a ramuk.

35

Sabbath phung

¹ Mosi ni Isarel naw koug na kamkhueng sak teh ahnimouh koe, BAWIPA ni tarawi hanelah kâlawk na poe e naw teh hetnaw hah doeh.

² Hnin taruk touh thung thaw na tawk awh toe. Asari hnin teh nangmouh hanelah hnin kathoung doeh. BAWIPA hanelah kâhatnae sabbath hnin doeh. Hot hnin vah thaw ka tawk e tami pueng teh na thei awh han.

³ Sabbath hnin vah kho na sak awhnae koe hmai na patawi awh mahoe.

Lukkareim khoungroe pasoumhno

⁴ Hahoi Mosi ni Isarel kamkhuengnaw pueng koevah, hetheh BAWIPA ni na poe e kâlawnaw doeh.

⁵ BAWIPA koe pasoumhno sin awh. A lungthung hoi poe han ka ngai e pueng ni BAWIPA hanelah thokhai seh. Sui, Ngun, Rahum,

⁶ kamthim hni, paling hni, âthi hni, loukloukkaang hni, hmaemuen,

⁷ paling bu e tu pho, saram pho, anri thing,

⁸ hmaim hane satui hoi awi hane satui hoi hmaisawi hane hmuitui hoi,

⁹ ephod hoi saiphei nahanelah onyx talung hoi talungnaw sin hanelah poe awh naseh.

Lukkareim hnopainaw

¹⁰ Nangmouh thung daw kutsak ka thoum e pueng tho awh naseh. BAWIPA ni sak hanelah kâ a poe e hah sak awh naseh.

¹¹ Lukkareim hoi lukkarei, lemphu, pangkhek, thingphek, tapang, khom hoi ung nahane pacawpnae naw hai thoseh,

¹² thingkong hoi kâkayawtnae acung, lungmanae tungkhung, hoi rakhan nahane yaphni hai thoseh,

¹³ caboi hoi kâkayawtnae acung hoi hnopainaw pueng hoi vaiyei tanae hai thoseh,

¹⁴ hmaiang hanlah hmaimkhok hoi hnopainaw hoi hmaim hoi paang hane satui hai thoseh,

¹⁵ hmuitui hmaisawinae khoungroe hoi kâkayawtnae acung hoi hluak e satui hoi hmaisawi hane hmuitui hoi lukkareim takhang koe e yap hane yaphninaw hai thoseh,

¹⁶ Hmaisawi thuengnae khoungroe rahum cuekkarue hoi kâkayawtnae acung hoi hnopainaw pueng, kawlung hoi pâhungnae hai thoseh,

¹⁷ Lukkareim thongma yaphni, khom hoi a tapang ungnae pacawpnae naw hoi kalupnae longkha yaphninaw hai thoseh,

¹⁸ Lukkarei hetnae hoi thongma hetnae hoi ruinaw hai thoseh,

¹⁹ hmuen kathoung thaw tawknae koe, a meikahawicalah kawng e hnicu hoi vaihma thaw a tawk toteh kâkhu hane vaihma Aron hnicu kathoung hoi a capanaw hnicu hai thoseh BAWIPA ni lawk na thui e patetlah na sak awh han telah patuen a dei.

Lukkareim pasoumhno a poe awh

²⁰ Hottelah Isarel catoun kamkhuengnaw pueng teh, Mosi koehoi a ban awh.

²¹ Lungthonae katawnnaw hoi muitha lahoi pasoungnae ka tawn e pueng a tho awh teh, kamkhuengnae lukkareim hanelah hno hane hoi thaw tawk nahanelah a panki e pueng, kathoung hnicu hanelah BAWIPA hanelah lengkaleng a poe awh.

²² Napui hoi tongpa hoi poe ngainae lung ka tawn e pueng a tho aw h teh, laikaw, hnâpacap, kuthrawt, hnawngpacap, sui hoi sak e hnopai pueng hah a sin aw h. Sui poe hane ka tawn e pueng ni BAWIPA hanelah a poe aw h.

²³ Tami pueng ni, kamthim hni, âthi hni, paling hni, loukloukkaang hni, hmaemuen hoi tutan pho paling bu e hoi saram pho ka tawn e pueng ni a thokhai aw h.

²⁴ Hahoi tangka hoi rahum ka thokhai e tami pueng ni, BAWIPA hanelah poe hane hah a thokhai aw h. Tami pueng ni anri thing, hnopai hanelah hno kamcu e hah a thokhai aw h.

²⁵ Kutsakkathoume napui pueng ni, pahla a san aw h teh, a pakhit aw h e pahla, kamthim, âthi hni, paling hni, Loukloukkaang e hah a thokhai aw h.

²⁶ Kutsakkathoume napui a lung a kathonaw ni hmaemuen hah a kawng aw h.

²⁷ Vaihma angki hoi angki akalae patawp hanelah ukkungnaw ni onyx talung hoi talung phu kaawmnaw hah a thokhai aw h.

²⁸ Hmuitui hoi satui hoi, paang hane hoi hluk hane satui hoi hmuitui hmaisawi hane thoseh,

²⁹ Isarel catounnaw ni BAWIPA hanelah ngainae hoi poe e hno hah a poe aw h teh, napui hoi tongpa lungthonae ka tawn e pueng ni sak hanelah BAWIPA ni Mosi koe kâ a poe e patetlah tawk nahanelah hnopainaw thoseh a poe aw h.

Cathut ni kaw e kutsakkathounnaw

³⁰ Mosi ni Isarel catounnaw koevah, Khenhaw! BAWIPA ni Judah miphun thung hoi Hur capa Uri, a capa Bezalel hah

³¹ lungangnae hoi thaipanueknae, panuena e hoi bangpueng koe kutsak thounnae tawn hanelah Cathut Muitha hoi akawi sak toe.

³² Sak hane lungangcalah poukthainae, sui, ngun, rahum dêi thainae,

³³ talung phu kaawm pâthit hanelah bawng thainae, meikahawicalah thing a thainae, bangpueng dawk kutsak thounnae tawn hanelah a kaw toe.

³⁴ Hahoi ama hoi Dan miphun thung e Ahisamak capa Oholiab hoi ayâ cangkhai thainae hah a lungthung vah a ta pouh toe.

³⁵ Ahni teh bangpueng dawk kutsak thounnae, ca thut thainae, mei thuk thainae, imthung pathoup thainae, kamthim, paling, âthi, Loukloukkaang-naw carouk thainae, hnikawngthainae, phunkuep tawk thainae, hoi tawk hane kahawicalah poukthainae tawn hanelah lungangnae hoi akawi sak toe.

36

¹ Bezalel hoi Oholiab tinaw ni kutsakkathounnaw pueng BAWIPA ni kâ a poe e patetlah, hmuen kathoung dawk thaw a tawk thai aw h nahanelah, thaw phunkuep a tawk thai aw h nahanelah lungangnae hoi thaipanueknae a poe e naw pueng ni lengkaleng tawk hane doeh, telah ati.

Tamimaya ni panki e hloilah a poe aw h

² Mosi ni Bezalel hoi Oholiab tinaw kutsakkathoume, BAWIPA ni ahnimae lungthin dawk lungangnae a poe teh a thaw tawk hanelah a lungthin dawk lungthonae a poe e naw pueng hah a kaw.

³ Isarel catounnaw ni hmuen kathoung thawtawknae koe a tâcokhai aw h e pueng hah Mosi koe hoi a coe aw h. Hahoi amom tangkuem ngainae lahoi poe e hah ahni koe pou a poe aw h.

⁴ Kutsakkathoumnaw pueng, hmuen kathoung thaw katawknaw pueng ni thaw a tawk awh lahun e hah lengkaleng a ceitakhai awh teh,

⁵ Mosi koevah, BAWIPA ni tawk han kê a poe e thaw tawk hanelah taminaw ni acawilah hno a sin awh, telah a pathang awh.

⁶ Mosi ni kê a poe teh, hmuen kathoung hanelah poehno hah napui hai tongpa hai apihai poe hanelah kêcai awh nahanh lawiseh, telah roenaehmuen koe a oung sak. Hottelah taminaw ni a poe awh e hah pasoung hoeh toe.

⁷ Bangkongtetpawiteh, a tawn awh tangcoung e hah panki e pueng sak nahanelah a khout toe. Atangcalah apap poung toe.

Lukkareim saknae

⁸ Ahnimouh thung daw k a lungkaangnaw pueng ni, lukkareim teh yaphni hra touh hoi a sak awh. Hote yaphni teh Loukloukkaang e hoi carouk e kamthim, paling, âthi naw hoi kathoumnaw ni cherubim mei a sak awh e hah kamnuek lah sak e lah ao.

⁹ Yaphni teh dong 28 touh lengkaleng a saw teh, akaw e teh dong pali touh rip a pha. Yaphni pueng ayung adangka koung a kâvan.

¹⁰ Yaphni panga touh a kêbet teh, alouke panga touh hai koung a kêbet.

¹¹ Patawp e yaphni rui a poutnae koe vah, laikaw kamthim lah sak e lah ao. Hot patetlah patawp e yaphni avanglae a poutnae koe haiyah sak e lah ao.

¹² Yaphni buet touh daw k laikaw 50 touh a sak teh alouke patawp e daw k haiyah, laikaw 50 touh a sak. Hote laikawnaw teh minhmai kâhmo lah ao awh.

¹³ Hahoi sui hetnae 50 touh a sak teh, hetnae naw ni yaphni hah a hetsin. Hottelah lukkareim teh rakhan buet touh lah a coung.

¹⁴ Hahoi lukkareim lempu ramuknae lah, Hmae muen yaphni hah hlaibun touh a sak.

¹⁵ Yaphni teh dong 30 touh saw sak lah ao teh, akaw e teh dong pali touh lengkaleng a pha. Yaphni hlaibun touh teh koung a kâvan.

¹⁶ Yaphni panga touh hah patawp e lah ao teh, yaphni taruk touh hai patawp e lah ao.

¹⁷ Patawp e yaphni buet touh a rai poutnae koe vah laikaw 50 touh a sak teh, yaphni patawp e avanglae arai daw k hai laikaw 50 touh a sak.

¹⁸ Lukkareim hah rakhan buet touh lah ao nahanelah, hetsin nahanelah hetsinnae 50 touh hah rahum hoi a sak.

¹⁹ Hahoi tutan pho paling bu e hoi lukkareim lempu ramuknae hoi hot van ramuk nahanelah saram pho hoi a sak.

²⁰ Lukkareim tapang thung hanelah anri thing hoi a sak.

²¹ Thingphek teh dong hra touh asaw teh, dong touh hoi tangawn akaw.

²² Thingphek tangkuem daw k a khok kahni touh hoi a kêkuetsak. Hottelah lukkareim tapang pueng teh a sak.

²³ Lukkareim hanelah tapang thingphek hah a sak teh, akalae tapang hanelah thingphek 20 touh a sak.

²⁴ Hote thingphek 20 touh a kangdue nahanelah ngun pacawp 40 touh a sak. Thingphek buet touh daw k a khok kahni touh pâhung nahanelah pacawp kahni touh rip a sak.

²⁵ Lukkareim atunglae hanlah thingphek 20 touh hoi

²⁶ ngun pacawp 40, thingphek buet touh hanelah pacawp kahni touh rip a sak.

²⁷ Lukkareim kanîloumlah hane thingphek 6 touh a sak.

²⁸ Lukkareim hnuk lae takin koe hanelah thingphek kahni touh hai a sak.

²⁹ A rahim hoi a lathueng lae laikaw totouh a kâkuetsak. A takin roi koe hot patetlah a sak.

³⁰ Thingphek taroe touh, pâhung nahane ngun pacawp 16 touh hoi ao. Thingphek buet touh pâhung nahanelah pacawp kahni touh rip ao.

³¹ Hahoi lukkareim tapang pangkhek hanelah anri thing panga touh,

³² lukkareim avanglah hane panga touh a sak.

³³ A lungui e tarenae hah avoivang lae takin koe rek a pâcuae sak.

³⁴ Thingpheknaw hah sui hoi a hluk. Tarenae hrawt nahanelah sui laikaw hai a sak teh, tarenae naw hah sui hoi a hluk.

³⁵ Yaphni hanelah kamthim, âthi, paling, loukloukkaang e hni hoi cherubim meikahawicalah a sak.

³⁶ Hot hanelah anri thing khom pali touh a sak teh sui tui hoi a hluk. Hahoi a bangnae naw teh sui hoi sak e doeh. Hotnaw pâhung nahanelah ngun pacawp pali touh a hlun.

³⁷ Hahoi lukkareim takhang koe yap hanelah, kamthim, âthi, paling, Loukloukkaang e hoi carouk e kathounnaw ni kahawicalah carouk e hoi a sak.

³⁸ Hotnaw yap nahanelah khom panga touh, bang nahane naw hoi a sak. Hote khom a som kacounnaw hoi yapnae khomnaw teh, sui tui hoi hluk e lah ao. Hotnaw pâhung nahanelah pacawp e panga touh hateh rahum hoi sak e doeh.

37

Lawkpanuesaknae thingkong saknae

¹ Bezalel ni anri thing e thingkong hah ayung dong hni tangawn, adangka dong touh hoi tangawn, arasang dong touh hoi tangawn hoi a sak.

² A thung hoi alawilah sui tui kathoung hoi hluk e lah ao teh, sui hoi a rai yep e lah ao.

³ A khok pali touh pâhung nahanelah, sui laikaw pali touh a hlun. Laikaw kahni touh e teh avanglah hane a tho teh, alouke kahni touh e teh avanglah hane a tho.

⁴ Hahoi anri thing hoi kâkayawtnae acung hah a sak teh, sui tui hoi a hluk.

⁵ Thingkong hah kâkayawt thai nahanelah a tapang dawk e laikaw dawk a hrawt.

⁶ Sui kathoung hoi lungmanae tungkhung hah a sak teh, ayung dong hni touh hoi tangawn, adangka dong touh hoi tangawn.

⁷ Hahoi cherubim kahni touh hah sui hoi a sak. Lungmanae tungkhung som dawk e roi teh dei lah a dei.

⁸ Avang lae apoutnae koe cherubim buet touh, avanglae apoutnae koe cherubim buet touh, lungmanae tungkhung hoi kâbet sak hanelah avoivang lah apoutnae koe vah cherubim hah a ta.

⁹ Cherubim hah minhmai kâhmo lah, lungmanae tungkhung hah a rathei a kadai teh a khu teh, lungmanae tungkhung koe lah a kangwawi.

Caboi

¹⁰ Hahoi anri thing hoi caboi hah a sak teh, ayung dong hni touh, adangka dong touh, arasang dong touh hoi tangawn.

¹¹ Hot teh suitui kathoung hoi hluk lah ao teh sui hoi a tâphai hah a pacawp.

¹² Kuttabei hlawk touh a tâphai a sak teh, sui hoi a pacawp.

¹³ Hot hanelah sui laikaw pali touh a hlun teh, hote laikaw pali touh hah caboi khok pali touh dawk a bet.

¹⁴ Caboi teh kâkayawt thai nahanelah laikaw teh a tâphai teng vah a bang.

¹⁵ Caboi teh kâkayawt thai nahanelah acung hah anri thing hoi a sak teh sui tui hoi a hluk.

¹⁶ Caboi van vah hno hane tongben, pacen, awi nahane manangkhom hah sui kathoung hoi a sak.

Hmaikhom

¹⁷ Hahoi hmaimkhok teh suikathoung hoi a sak. Hmaimkhok teh dêi lah a dêi. A kutnaw, manangnaw, a peinaw teh koung kâkuen lah a dêi.

¹⁸ Hmaimkhok avoivang lah a kang kathum touh reira a tâco teh, a kut taruk touh ao.

¹⁹ Hmaimkhok dawk hoi e a kang kathum touh dawk e a kang buet buet touh dawkvah, a peimuem, hoi almond paw hoi mei kâvan e manang kathum touh ao.

²⁰ Hmaimkhok dawkvah a peimuem hoi almond paw hoi mei kâvan e manang pali touh ao.

²¹ Hmaimkhok dawk a kut taruk touh ao e patetlah avoivang lae a kut kahni touh e rahim vah a peimuem buetbuet touh rip ao.

²² A peimuem hoi a kutnaw hah buet touh lah koung a kâkuetsak teh abuemlahoi suikathoung hoi dei e doeh.

²³ Hmaim sari touh hoi, paitei, paitei tanae naw pueng hai suikathoung hoi a sak.

²⁴ Hmaim hoi hmaim hnopai pueng hah suikathoung talen buet touh hoi a sak.

Hmuitui sawinae khoungroe

²⁵ Hahoi hmuitui sawi nahanelah anri thing hoi khoungroe hah a sak. Ayung dong touh, adangka dong touh. Takin pali touh ao. Arasang dong hni touh. A kinaw hoi koung a kâkuet.

²⁶ A lathueng lae a tapang hoi a kinaw teh, suikathoung tui hoi hluk lah ao teh suikathoung hoi a tâphai hah a pacawp.

²⁷ A tâphai a rahim lae a rai reira dawk sui laikaw kahni touh a sak teh, a hmo a voivang lah kahni reira koe sak lah ao. Hot hah teh kâkayawtnae acung hrawt nahane doeh.

²⁸ Hahoi anri thing hoi kâkayawtnae a sak teh suitui hoi hluk e lah ao.

Hluk e satui hoi hmuitui

²⁹ Hahoi kathoung satui hluk e, kathoung hmuitui sawi hanelah hmuitui ka sak thai e patetlah a sak.

38

Hmaisawi thuengnae khoungroe saknae

¹ Hahoi anri thing hoi hmaisawi thuengnae khoungroe hah a sak. Ayung dong panga touh, adangka dong panga touh, takin pali touh ao. Arasang dong thum touh.

² Takin pali touh som vah kinaw hah a sak. Hote kinaw teh khoungroe hoi koung a kâkuet teh, rahum tui hoi hluk e lah ao.

³ Khoungroe hanelah hno e hnopainaw pueng, hlaam, ampaikei, kawlung, cingco, hmaisaan lanae hah a sak. Hote hnonaw pueng teh rahum hoi sak e seng doeh.

⁴ Hahoi khoungroe hanelah rahum cuekkaarue hah a sak teh khoungroe keng koe rahim vah a ta.

⁵ Kâkayawtnae acung hrawtnae cuekkaarue takin pali touh koe bang hanelah rahum laikaw pali touh a hlun.

⁶ Kâkayawtnae acung hah anri thing hoi a sak teh, rahum tui hoi a hluk.

⁷ Kâkayawt nahane khoungroe rai e laikaw dawkvah, acung hah a hrawt. Khoungroe teh a lûlahei pou a aw thai nahanlah thingphek hoi a sak.

Rahum kawlung

⁸ Hahoi rahum kawlung hoi pâhungnae a khok hah kamkhuengnae lukkareim takhang koe thaw ka tawk awh e napuinaw e hlang hoi a sak.

Lukkareim kalupnae

⁹ Hahoi lukkareim thongma hah a sak teh, akalae yaphni teh louk-loukkaang e hoi dong 100 touh hoi a sak.

¹⁰ Hote yaphni hanelah khom 20 touh, rahum khomkhok pacawp 20 touh a sak teh, khom hetnae, pangkheknae teh ngun hoi a sak.

¹¹ Atunglae yaphni teh dong 100 touh a pha. Khom 20 touh, rahum khomkhok pacawp 20 touh a sak teh, khom hetnae, pangkheknae teh ngun hoi a sak.

¹² Kanîloumlae yaphni teh dong 50 touh a pha. Khom hra touh, pacawpnae hra touh. Khom hetnae, pangkheknae teh ngun hoi a sak.

¹³ Kanîtholae yaphni teh dong 50 touh.

¹⁴ Longkha avoivang lae yaphni teh dong hlaipanga touh a pha.

¹⁵ Khom kathum touh, pacawpnae kathum touh.

¹⁶ Kalupnae yaphni pueng teh loukloukkaang e hoi sak e seng doeh.

¹⁷ Hahoi khom pacawpnae, hetnae, pangkheknae teh rahum hoi sak e doeh.

¹⁸ Hahoi kalupnae longkha koe e yaphni teh, kamthim, âthi, paling, loukloukkaang e hoi carouk e ayung dong 20, rasang dong panga touh a pha. Kalupnae yaphni hoi rei a kâvan.

¹⁹ Kalupnae takhang khom teh pali touh, rahum khok pacawpnae pali touh, hetnae ngun, pangkhek ngun, ngun hoi sak e khom ramuknae naw ao.

²⁰ Hahoi Lukkareim petkâkalup lah hetnae pueng teh rahum hoi sak e lah ao.

Alouke hnopainaw

²¹ Hetheh lukkareim hnopai, lawkpanuesaknae lukkareim hanelah hno e, Mosi ni kâpoe e patetlah Aron capa Ithamar hoi Levih miphunnaw ni a touk awh e doeh.

²² Judah miphun thung e Hur capa Uri, ahnie capa Bezalel ni BAWIPA ni Mosi koevah sak hanelah kâ a poe e naw pueng teh, koug a sak.

²³ Ahni koe Dan miphun Ahisamak capa Oholiab ca thut kathoum, kutsak kathoum, kamthim, âthi, paling, loukloukkaang meikahawicalah ka carouk thai e ni hai a tawk.

²⁴ Hmuen kathoung a pankinae pueng koe hno hane suinaw pueng, a poe awh e teh hmuen kathoung thung khingnae patetlah pong 2, 195 touh a pha.

²⁵ Touk tangcoung e tamimaya koe kabawknaw ni a poe awh e ngun hmuen kathoung koe khingnae patetlah pong 7, 550 touh a pha.

²⁶ Kum 20 lathueng touk tangcoung e tamimaya koe kacetnaw teh 603, 550 touh a pha teh, hmuen kathoung koe khingnae patetlah a poe awh e teh khing tangawn lengkaleng a pha.

²⁷ Hahoi ngun thung hoi pong 7, 500 touh teh hmuen kathoung khomnaw pacawp hane hoi ung nahanelah a hno awh. Pacawpnae hah 100 touh a pha teh, pacawpnae buet touh ramuk nahanelah hno e teh pong 75 touh a pha.

²⁸ Ka cawi e ngun pong 50 touh hoi khom dawk bangnae hah a sak teh, khom ramuknae teh ngun tui hoi hluk e lah ao. Hahoi yapnae pangkhek hah a sak.

²⁹ A poe awh e rahum talen 70 touh hoi shekel 2,400 touh a pha.

³⁰ Hot teh kamkhuengnae takhang khom pâhungnae khom pacawp hoi rahum khoungroe hoi rahum cuekkaarue hoi,

³¹ lukkareiim kamkhuengnae thongma petkâkalup lah khom pâhungnae khom pacawp hoi lukkareiim hetnae pueng lah koung a hno awh.

39

Vaihma khohna

¹ Hahoi kamthim, âthi, paling naw hoi hmuen kathoung thaw tawk nahanelah a meikahawicalah khohna hah a sak teh, BAWIPA ni Mosi koe kâ a poe e patetlah Aron hanelah kathoung khohna hah a sak.

Angkidung

² Sui, kamthim, âthi, paling loukloukkaang e hoi carouk e vaihma angki hah a sak.

³ Sui hah ka rapamcalah a dêi teh ayung lahoi a bawng teh, kamthim, âthi, paling, loukloukkaang e kutsakkathoume ni a carouk teh a sak.

⁴ Kâyeng e 20 touh lah a sak teh, angki a lathueng lae a rai roi a kâkuet nahanelah rui hoi a sui sin.

⁵ Angki van kâyeng hane taisawm meikahawicalah kawng e hah angki hoi kâvan e lah ao teh, BAWIPA ni Mosi koe kâ a poe e patetlah sui hoi kamthim, âthi, paling, loukloukkaang e carouk e hoi kawng e doeh.

⁶ Karnelian talung kahni touh a kata awh teh, sui tabu thung a bet awh. Kuthrawt dawk min thuk e patetlah Isarel miphunnaw e minnaw hah a thut.

⁷ BAWIPA ni Mosi koe lawk a thui e patetlah Isarel miphunnaw pahnim hoeh nahanelah, hote talung kahni touh hah vaihma angki kâyengnae dawk a bet awh.

Lungtabue ramuk

⁸ Saiphei hah vaihma angki sak e patetlah sui, kamthim, âthi, paling, loukloukkaang e carouk e hoi a sak.

⁹ Bawkhni touh lah thep e lah ao teh, takin pali touh lah a o, ayung khap touh, adangka khap touh, takin pali touh hoi rei a kâvan.

¹⁰ Saiphei dawak talung 40 touh lah a pâthit. Apasueke rui dawak Sardius, topaz, emerald doeh.

¹¹ Apâhni e rui dawk emerald, sapphire hoi diamon doeh.

¹² Apâthum e rui dawk Jacinth, agate hoi amethyst doeh.

¹³ Apali e rui dawk beril, onyx, hoi jasper doeh. Hotnaw teh sui tabu dawk a pâthit awh.

¹⁴ Isarelnaw miphun hlaikahni touh e hah noutnae min thut e patetlah, hote talungnaw dawkvah, hote hlaikahni touh e minnaw hah a thut teh, talung buet touh dawk min buet buet touh rip ao.

¹⁵ Hahoi saiphei van vah, tangron patetlae dingyin sui kathoung hoi a sak.

¹⁶ Sui pahla vei e kahni touh hoi sui laikaw kahni touh a sak teh, saiphei dawk laikaw kahni touh hah a bang.

¹⁷ Hahoi suibawtarui vei e kahni touh hah saiphei a tâphai lae rui dawk e laikaw dawkvah a sui.

¹⁸ A meikahawicalah vei e dingyin kahni touh avanglae asomnaw teh, sui pahla vei e kahni touh dawkvah, a patawp awh teh, vaihma angki a hma lae kâyengnae dawk a sui.

¹⁹ Sui laikaw kahni touh a sak teh, ephod rahim lah kaawm e saiphei rahim lae taki kahni touh dawk a bang.

²⁰ Alouke sui laikaw kahni touh hai a sak teh, vaihma angki a hma lae rahimca hoi kâyengnae lathueng patawpnae koe angki hah avangvanglah a bet.

²¹ Saiphei sui laikaw kahni touh hah vaihma angki, sui laikaw kahni touh hoi mek sui teh, kamthim e pahlarui hoi a sak. Hottelah BAWIPA ni Mosi koe lawk a thui e patetlah saiphei teh kâyengnae dawkvah bang lah ao teh, vaihma angki hoi reirei pou ao.

Vaihma hnicu

²² Hahoi vaihma angkidung teh kamthim hoi dueng kawng e hoi a sak.

²³ Angkidung lungui vah angki kutkaduem patetlah a aw sak. Ka aw e teh a kâphi hoeh nahanelah, a rai hah pou a yep.

²⁴ Angkidung dawkvah, tale paw mei hah kamthim, âthi, paling, loukloukkaang e carouk e hoi a sak.

²⁵ Hahoi sui kathoung hoi dinghlingnaw hah a sak teh, angki paw dawk e talepaw rahak vah cakhout laihoi a bang.

²⁶ BAWIPA ni Mosi kâ a poe e patetlah dinghling buet touh hoi tale paw buet touh rip hah angki paw petkâkalup lah thaw tawk nahanelah kamthouppnae dawk a ta.

²⁷ Hahoi Aron hoi a capanaw hanelah loukloukkaang e hoi kawng e hah a sak.

²⁸ Loukloukkaang e hoi sak e vaihma lupawk hoi luhuem, loukloukkaang e hoi sak e hnadung hoi,

²⁹ loukloukkaang e carouk e hoi kamthim, âthi, paling hoi meikahawicalah em la e hoi kathoumnaw ni em la e taisawm hoi BAWIPA ni Mosi koe kâ a poe e patetlah a sak.

³⁰ Hahoi bawilakhung hanelah sui phen hah sui kathoung hoi a sak, BAWIPA KOE THOUNGNAE telah thut e hah a kamnue sak.

³¹ Hahoi BAWIPA ni Mosi koe kâ a poe e patetlah vaihma lupawk a patunglah bet hanelah kamthim e rui hoi a sui.

Thaw cum lah ao

³² Hottelah kamkhuengnae lukkareiim, thaw pueng teh cum lah ao. BAWIPA ni Mosi koe sak hanelah kâ a poe e naw patetlah Isarelnaw ni a tarawi awh.

³³ Hahoi lukkareiim teh Mosi koe a ceikhai aw. lukkareiim hoi hnopainaw pueng, hetsinnae, tapang thingphek, tapang nahane tâphai, khom hoi khom pâhungnae naw hoi,

³⁴ Tutan pho kapaling bu e khunae hoi saram pho hoi sak e a kânguenae a kâkapek nahane yaphninaw hai thohse,

³⁵ Lawkpanuesaknae thingkong hai kâkayawtnae acung, lungmanae tungkhung hai thohse,

³⁶ caboi hoi hnopainaw pueng hoi vaiyei tanae hai thohse,

³⁷ suikathoung hoi sak e hmaiimkhok hoi hmaiim hoi, hnopai pueng hoi paang nahane satui hoi thohse,

³⁸ Sui khoungroe, hluk e satui, sawi hane hmuituinaw hoi yaphni takhang koe yap hane yaphninaw hai thohse,

³⁹ Rahum khoungroe, rahum cuekkaarue, acung, hnopai pueng, kawlung hoi pâhungnae,

⁴⁰ Lukkareiim thongma e yaphni, khom, khom pâhungnae khompacawp, kalupnae longkha yaphni hoi a rui, hetsinnae, kâpatonae, lukkareiim thung e hnopai pueng thohse,

⁴¹ hmuen kathoung koe thaw tawk nahanelah hnicu meikahawicalah kawng e vaihma Aron hoi a capanaw ni vaihma thaw a tawk aw hoi terei teh a kâkhu aw hanelah kathoung hnicunaw hoi thohse,

⁴² BAWIPA ni Mosi koe tawk hanelah kâ a poe e pueng hah Isarelnaw ni a tawk aw.

⁴³ Hahoi Mosi ni a tawk e pueng a khet teh, khenhaw! koug a cum aw hoi toe. BAWIPA ni kâpoe e patetlah koug a cum aw hoi teh, Mosi ni yawhawi a poe.

40

Lukkareiim saknae hoi hnawngnae

¹ BAWIPA ni Mosi koe a dei pouh e teh,

² apasueke thapa, apasuek hnin vah kamkhuengnae lukkareiim hah na sak han.

³ A thung vah lawkpanuesaknae thingkong hah na hruék vaiteh, yaphni hoi na ngue sak han.

⁴ Caboi hah na kâenkhai vaiteh, avan kaawm e hnonaw hah na hruék han, hmaiimkhok hah na kâenkhai vaiteh, hmaiim hah na hruék han.

⁵ Hmuitui hmaisawinae sui khoungroe hah lawkpanuesaknae hmalah na hruék vaiteh, lukkareiim takhang yaphni hah na yap han.

⁶ Hmaisawi thuengnae khoungroe hah kamkhuengnae lukkareiim takhang hmalah na hruék han.

⁷ Kamkhuengnae lukkareiim hoi khoungroe rahak vah kawlung na hruék vaiteh, hawvah tui na hlun han.

⁸ Lukkareiim petkâkalup lah kalupnae thungup thongma na sak vaiteh, kalupnae longkha daw yaphni na yap han.

⁹ Hluk e satui hah la vaiteh, lukkareiim hoi a thung kaawmnaw pueng hah hluk vaiteh, na thoung sak han, hnopainaw pueng hai hottelâh a thoung aw hoi han.

¹⁰ Hmaisawi thuengnae khoungroe hoi hnopai pueng hah satui hluk vaiteh, khoungroe hah na thoung sak han. Hottelâh khoungroe teh kathoungpoung lah ao han.

¹¹ Kawlung hoi pâhungnae hah satui na hluk vaiteh na thoung sak han.

¹² Aron hoi a capanaw hah kamkhuengnae lukkareiim takhang koevah, thokhai vaiteh, tui hoi na pâsu han.

¹³ Aron hah kathounge khohna hah na kho sak vaiteh, vaihma thaw kai han a tawk thai nahanelah, satui na hluk vaiteh na thoung sak han.

¹⁴ A capanaw hai thokhai vaiteh, angki na kho sak han.

¹⁵ Hottelah vaihma thaw kai han a tawk thai awh nahanelah a na pa satui na hluk e patetlah satui na hluk han. Satui hluk lah ao awh e heh a ca catounnaw totouh a yungyoe vaihma lah ao awh nahanelah pouk pouh e lah pou ao han telah ahnimouh hanlah mitnoutnae lah ao telah a dei.

¹⁶ Hottelah, Mosi ni BAWIPA ni kâ a poe e patetlah koung a sak.

¹⁷ Hahoi, apâhni kum, apasuek thapa, apasuek hnin vah, lukkareiim hah a sak awh.

¹⁸ Mosi ni lukkareiim hah a sak teh, khompacawpnae naw hah a ung teh, thingpheknaw hah a kangdue sak teh, pangkhekknaw hah a hrawt teh, khomnaw hah a kangdue sak.

¹⁹ BAWIPA ni Mosi koe kâ a poe e patetlah lukkareiim van vah hni a padi teh, hote van vah patuen patuen a ramuk sin.

²⁰ Lawkpanuesaknae hah a la teh, thingkong thung vah a hruek. Thingkong dawc acung hah a hrawt teh, Thingkong van lungmanae tungkhung hah a hruek.

²¹ BAWIPA ni Mosi kâ a poe tangcoung e patetlah thingkong teh lukkareiim thung vah a hruek. Rakhanna yaphni hah a yap teh, lawkpanuesaknae thingkong teh raxhan thung vah ao.

²² Caboi teh kamkhuengnae lukkareiim thung, atunglah yaphni lawilah a hruek.

²³ BAWIPA ni Mosi kâ a poe tangcoung e patetlah BAWIPA hmalah caboi dawc vaiyei teh a pâhung.

²⁴ Hmaiimkhok hah kamkhuengnae lukkareiim thung akalah, caboi hoi kadangka lah a hruek.

²⁵ BAWIPA ni Mosi kâ a poe tangcoung patetlah hmaiim hah BAWIPA hmalah a hruek.

²⁶ BAWIPA ni Mosi kâ a poe tangcoung patetlah sui khoungroe teh kamkhuengnae lukkareiim thung yaphni hmalah a hruek teh,

²⁷ hot van hmuittui hmai a sawi.

²⁸ Hahoi lukkareiim takhang yaphni hah a yap.

²⁹ BAWIPA ni Mosi kâ a poe tangcoung patetlah kamkhuengnae lukkareiim takhang kung koevah, hmaisawi thuengnae khoungroe hah a hruek teh, hot van vah hmaisawi thuengnae hoi canei thuengnae hah a thueng.

³⁰ BAWIPA ni Mosi kâ a poe tangcoung patetlah kawlung hah kamkhuengnae lukkareiim hoi khoungroe rahak vah a hruek teh, kâpasu nahanlah tui a hlun.

³¹ Mosi, Aron hoi a capanaw ni haw vah a kutnaw hoi a khoknaw hah a pâsu awh.

³² Kamkhuengnae lukkareiim thung a kâen han nah hoi, khoungroe teng a cei awh han nah ouk a pâsu awh.

³³ Hahoi lukkareiim hoi khoungroe petkâkalup lah a kalup teh, thongma e longkha dawc yaphni hah a yap teh, hottelah Mosi ni thaw hateh a cum.

Tâmai hoi bawilenna

³⁴ Hottelah kamkhuengnae lukkareiim teh tâmai ni muen a kayo teh, lukkareiim teh BAWIPA bawilenna hoi a kaw.

³⁵ Hot patetlah tâmai a pâyam teh, BAWIPA bawilenna hoi lukkareim muen akawi dawkvah, Mosi teh kamkhuengnae lukkareim thung kâen thai hoeh.

³⁶ Tâmai ni lukkareim a kâawm takhai torei vah, Isarelnaw teh a cei awh nahane koe lah ouk a cei awh.

³⁷ Hatei, tâmai ni kâawm takhai hoehpawiteh, a kâawm hoehroukrak kampuen laipalah ao awh.

³⁸ Bangkongtetpawiteh, kahlawng a cei awh nah thung pueng, Isarelnaw pueng e mithmu vah, BAWIPA e tâmai teh kanîhun vah lukkareim lathueng a pâyam teh, karum vah ahnimouh lathueng ouk a ang pouh.

BAWKNAE (Leviticus)

Hmaisawi thuengnae

¹ BAWIPA ni Mosi a kaw teh kamkhuengnae lukkareim dawk hoi a pato.

² Nang ni Isarel miphunnaw koe na dei pouh hane lawk teh, nangmouh thung dawk tami buetbuet touh ni BAWIPA koe hno poe hanelah ngai pawiteh, saring, tu, hmae hoi maito a sin han.

³ Maito hah hmaisawi thuengnae lah a sak han ngai pawiteh, kacueme a na tongpa na thokhai vaiteh, Cathut lungyouk nahanlah kamkhuengnae lukkareim takhang koe na poe han.

⁴ Thueng e maito lû dawk amae kut a toung vaiteh, ahnie yontha nahanlah a dâw han.

⁵ BAWIPA hmalah hote maito a thei aw hnukkhu, Aron e capanaw ni a thi hah a sin aw h vaiteh, kamkhuengnae lukkareim takhang teng sathei thuengnae khongroe van petkâtue lah thi a kahei han.

⁶ Thuengnae ka sak e tami ni saring e pho a hlip vaiteh, thoukthouk a tâtueng han.

⁷ Aron e capa vaihmanaw ni sathei thuengnae khongroe van, thing a paruen hnukkhu hmai a patawi vaiteh,

⁸ Thing van vah a lû, athaw hoi a takpatinaw na ta han.

⁹ A khok hoi a ruenthinnaw hah tui hoi hmaloe na pâsu han. Vaihma ni hote sathei abuemlahoi khongroe van hmai hoi a sawi han. Hetteh, hmai hoi sathei thuengnae doeh. BAWIPA koe hmuitui hanlah hmai hoi thuengnae lah ao.

¹⁰ Tu, hmae hah hmaisawi thuengnae lah sak han na ngai pawiteh, kacueme a na tongpa na thokhai vaiteh,

¹¹ BAWIPA hmalah khongroe atunglah na thei hnukkhu, Aron e capa, vaihmanaw ni a thi hah khongroe petkâtue lah a kahei han.

¹² Thuengnae ka sak e tami ni thoukthouk a tâtueng han. A lû hoi a moi hah a pâkhueng vaiteh vaihma ni khongroe van e thing van a ta han.

¹³ A khok hoi a ruenthinnaw hah tui hoi hmaloe a pâsu han. Vaihma ni abuemlahoi a sin vaiteh khongroe van hmai a sawi han. Hetteh, BAWIPA koe hmaisawi hmuitui thuengnae lah ao.

¹⁴ BAWIPA koe tava hoi hmaisawi thuengnae sak hanlah na ngai pawiteh, bakhu thoseh, âbakhu thoseh, na thokhai vaiteh na poe han.

¹⁵ Vaihma ni khongroe koe a thokhai hnukkhu, a lahuen a kapen vaiteh khongroe van hmai a sawi han. A thi teh khongroe teng a pacâ han.

¹⁶ A yoncapo hoi a cuekaduen dawk e rawcanaw hah na la hnukkhu hraba tanae hmuen, khongroe hmalah a tâkhangng han.

¹⁷ A rathei khuehoi tava a sei vaiteh vaihma ni khongroe van e thing van hmai a sawi han. Hetteh, BAWIPA koe hmaisawi hmuitui thuengnae lah ao.

¹ BAWIPA koe tavai hoi thuengnae sak hanlah na ngai pawiteh, tavai kaneng e na sin han. Tavai e avan satui na awi vaiteh, frankinsen hai na thum han.

² Aron e capa, vaihma koe na sin vaiteh, vaihma ni tavai kut karum buet touh, satui youn touh, frankinsen kaawm e pueng a la vaiteh, khoungroe van hmaisawi awh han. Hetteh, BAWIPA koe hmaisawi hmuitui thuengnae doeh.

³ Kacawie tavainaw teh Aron hoi a capanaw hanelah ao han. BAWIPA koe hmai hoi thuengnae thung dawk kathoungpounge lah ao.

⁴ Hmai pâeng e vaiyei hoi thuengnae sak hanlah na ngai pawiteh, satui, tonphuenhoehe phen thoseh, satui hluok e vaiteh kamrâw tonphuenhoehe hai thoseh, thuengnae lah na sak awh han.

⁵ Ukkang dawk karê e vaiyei thuengnae lah sak han na ngai pawiteh, satui hoi kalawt teh tonphuenhoehe tavai hoi na sak han.

⁶ Hote vaiyei na raen vaiteh, satui na awi han. Tavai hoi thuengnae sak e doeh.

⁷ Ukkang dawk karê e vaiyei hoi thuengnae sak han na ngai pawiteh, satui hoi kalawt e tavai hoi na sak han.

⁸ Hote tavai hoi thuengnae sak e naw pueng, BAWIPA koe a thokhai vaiteh vaihma koe a poe hnukkhu ahni ni khoungroe koe a thokhai han.

⁹ Tavai hoi thuengnae dawk e a pham thai tawk a pham vaiteh khoungroe van hmai a sawi han. Hetteh, BAWIPA koe hmaisawi hmuitui thuengnae lah ao.

¹⁰ Kacawie tavai teh Aron hoi a capanaw hanelah ao han. BAWIPA koe thuengnae thung dawk kathoungpounge hno lah ao.

¹¹ BAWIPA koe poe e tavai hoi thuengnae dawk ton phuen mahoe. BAWIPA koe hmai hoi thuengnae na sak navah, ton hmai na sawi mahoe. Khoitui hai hmai na sawi mahoe.

¹² Aluepaw thuengnae dawk ton hoi khoitui hah BAWIPA koe poe thai ei nakunghai, hmuitui hanelah khoungroe dawk teh hmai na sawi mahoe.

¹³ Tavai hoi thuengnae pueng dawk palawi na phuen han. Na sak e thuengnae dawk, BAWIPA e lawkkam palawi na phuen roeroe han.

¹⁴ Cavui aluepaw, BAWIPA koe thuengnae sak hanlah na ngai pawiteh, cavui hah hmai na pahai lahoi na kamkim sak vaiteh na kanawi hnukkhu,

¹⁵ Satui na awi vaiteh, frankinsen hai na thum han. Hetteh, BAWIPA koe tavai hoi thuengnae lah ao.

¹⁶ Na kanawi tangcoung e cakang youn touh, satui youn touh, frankinsen kaawm e puenghoi vaihma ni hmaisawi han. Hetteh, BAWIPA koe hmaisawi thuengnae lah ao.

3

Roumnae thuengnae

¹ Maito hoi roum thuengnae sak hanlah na ngai pawiteh, kacueme atan nakunghai ala nakunghai buetbuet touh BAWIPA koe na sin han.

² Maito lû van amae kut a toung vaiteh, kamkhuengnae lukkareim takhang teng a thei hnukkhu, Aron e capa vaihmanaw ni khoungroe petkâtue lah a thi a kahei awh han.

³ A ruen ka ramuk e athaw, a ruen hoi kâkuen e athaw, patuen dawk kaawm e kuen kahni touh dawk e athaw,

⁴ kuen hoi cungtaloh thin van kaawm e maimaranaw hah, roum thuengnae sathei thung e la vaiteh, BAWIPA koe hmai hoi thueng hanelah poe hnukkhu,

⁵ Aron e a capanaw ni khongroe van ta e sathei hoi cungtalah hmai a sawi a han. Hetteh, BAWIPA koe hmuitui hmaisawi thuengnae lah ao.

⁶ BAWIPA koe tu hoi hmae hah roun thuengnae sak han na ngai pawiteh, toun kaawm hoeh e atan nakunghai ala nakunghai buetbuet touh na sin han.

⁷ Tuca thuengnae lah sak han na ngai pawiteh BAWIPA hmalah na poe hnukkhu,

⁸ Tu e a lû van amae kut a toung vaiteh kamkhuengnae lukkareiim hmalah a thei hnukkhu, Aron e capanaw ni thuengnae khongroe van a thi petkâtue lah a kahei han.

⁹ Atak dawk e athaw, a kenghru tâtueng e, a moi abuemlah, a ruen ka ramuk e athaw, a ruen dawk e athaw,

¹⁰ Patuen dawk kaawm e kuen kahni touh dawk e athaw, kuen hoi thin dawk e maimaranaw, rounnae sathei dawk e na la vaiteh BAWIPA koe thuengnae na sak hnukkhu,

¹¹ Vaihma ni khongroe van hmai a sawi han. BAWIPA koe hmaisawi thuengnae sak e rawca katuilah ao.

¹² Hmae hoi thuengnae sak han na ngai pawiteh BAWIPA hmalah a thokhai han.

¹³ Hmae lû dawk a kut toung vaiteh kamkhuengnae lukkareiim hmalah a thei hnukkhu, Aron e capanaw ni khongroe petkâtue lah a thi hah a kahei han.

¹⁴ A ruen ka ramuk e athaw, a ruen dawk e athaw,

¹⁵ Patuen dawk kaawm e kuen kahni touh hoi cungtalah athin dawk e maimaranaw, ama ni thuengnae dawk e a la vaiteh, BAWIPA koe hmaisawi thuengnae sak hanlah a poe hnukkhu,

¹⁶ Vaihma ni khongroe van hmai a sawi han. Hmuitui hanlah hmaisawi thuengnae lah ao. Athaw kaawm e pueng teh BAWIPA e lah doeh ao.

¹⁷ Na miphun catounnaw ni ao na tangkuem koe a thaw hoi a thi hah cat mahoehtelah yungyoe e kâpoe e lah ao telah atipouh.

4

Yon thuengnae

¹ BAWIPA ni Mosi koe, nang ni na miphunnaw koe patuen bout na dei pouh hane teh,

² Phunglawk panuek awh hoeh, kâlawk a tapoe teh a sak hoeh hane kawi sakpayon pawiteh,

³ Satui awi e vaihma ni yon sak hanlah taminaw a tacuek teh ama hai yon pawiteh, hote yontha nahanelah yon ka tawn hoeh e maitotanca hah

⁴ Rangpui kamkhuengnae lukkareiim takhang teng, BAWIPA hmalah a thokhai vaiteh BAWIPA koe a poe han. Hahoi, maito lû dawk a kut toung vaiteh BAWIPA hmalah maito a thei han.

⁵ Satui awi e vaihma ni maito thi a la vaiteh kamkhuengnae lukkareiim koe a sin hnukkhu,

⁶ Amae kutdawn hah thi dawk a ranup vaiteh, kathounge hmuen, lukkarei yap e hmalah, BAWIPA hmalah vai sari touh a kahei han.

⁷ Vaihma ni kamkhuengnae lukkareiim thung BAWIPA hmalah kaawm e hmuitui thuengnae khongroe naw dawk maito thi a hluk vaiteh, kacawie a thi hah kamkhuengnae lukkareiim takhang hmalah kaawm e hmaisawinae khongroe kung koe a rabawk han.

⁸ Roun thuengnae sathei dawk e maito thaw la e patetlah kâmai hawi nahanlah sak e maito ruen ka ramuk e athaw, a ruen dawk kaawm e athaw,

⁹ Patuen dawk kaawm e kuen kahni touh hoi thin dawk e maimara, athaw kaawm e pueng a la vaiteh,

¹⁰ Thuengnae khoungroe van hmai a sawi han.

¹¹ Maito e a lû, a khok, a ruen, a ruen kanem hoi a vuen, a moi kaawm e pueng,

¹² Maito buem hah lukkareiim alawilah hraba rabawknae hmuen kathoung koe a ceikhai vaiteh thing van hmai a sawi han. Hraba rabawknae hmuen koe hmai a sawi han.

¹³ Isarel miphun abuemlah ni, phunglawk panuek laipalah sak kawi hoeh e yon hoi kâlawk a tapoe teh yon sakpayon pawiteh,

¹⁴ Hottelah, a sak payonnae yon a kâpanue toreï teh, hote yon hanlah taminaya ni a kum kanaw e maitotan hah, kamkhuengnae lukkareiim hmalah a thokhai han.

¹⁵ Rangpui thung dawk a kum kacuenaw ni BAWIPA hmalah maito lû van kut toung vaiteh a thei han.

¹⁶ Satui awi e vaihma ni kamkhuengnae lukkareiim koe maito thi a sin hnukkhu,

¹⁷ A kutdawn hah thi dawk a ranup vaiteh BAWIPA koe lukkarei yap e hmalah vai sari touh a kahei han.

¹⁸ Vaihma ni kamkhuengnae lukkareiim thung, BAWIPA hmalah kaawm e thuengnae khoungroekinaw dawk thi a hlun vaiteh kacawie thi teh, kamkhuengnae lukkareiim takhang hmalah kaawm e hmaisawi thuengnae khoungroe kung koe a rabawk han.

¹⁹ Maito thaw pueng a la vaiteh khoungroe van hmai a sawi han.

²⁰ Yontha nahanlah maito hoi thuengnae sak e patetlah vaihma ni taminaw hanelah yonthanae sak pawiteh, ahnimae yontha lah ao han.

²¹ Hathnukkhu hoi maito hah rim alawilah a hrawi aw h vaiteh, apasueke maito hmaisawi e patetlah hmai a sawi aw h han. Hethateh, taminaw yontha nahanlah thuengnae sak e doeh.

²² Ukkung ni hai phunglawk panuek laipalah, BAWIPA e kâlawk a tapoe teh sak hoeh hane kawi yon, sakpayon pawiteh,

²³ Ama ni a sakpayon e yon a kâpanue toreï teh, kacueme hmaetanca thung nahanelah a thokhai han.

²⁴ Hmae lû van amae kut a toung vaiteh, BAWIPA hmalah, hmaisawinae, sathei theinae hmuen koe a thei han. Hethateh, yontha nahanlah sak e thuengnae doeh.

²⁵ Vaihma ni yonthanae sathei thi hah, kutdawn hoi a la vaiteh, hmaisawi thuengnae khoungroe kinaw dawk a hlun hnukkhu, kacawie thi hah, khoungroe kung koe na rabawk han.

²⁶ Roun thuengnae sathei thaw sak e patetlah athaw pueng, khoungroe van hmai a sawi han. Hot patetlah vaihma ni ukkung e yontha nahanlah sak pawiteh, yontha lah ao han.

²⁷ Mathoe buetbuet touh ni phunglawk panuek laipalah BAWIPA e kâlawk a tapoe teh sak kawi hoeh e yon sak pawiteh,

²⁸ Ama ni a sak e yon a kâpanue toreï teh, hote yon hanelah, kacueme hmaelaca a thokhai han.

²⁹ Kâmai hawinae sathei, Hmae lû van, amae kut a toung vaiteh, hmaisawinae sathei theinae hmuen koe hote hmae a thei han.

³⁰ Vaihma ni a kutdawn hoi a thi a sin vaiteh khoungroe kinaw dawk a hlun hnukkhu, kacawie hah, khoungroe kung koe a rabawk han.

³¹ Roun thuengnae sathei thaw la e patetlah athaw kaawm pueng a la vaiteh, BAWIPA koe hmuitui hanlah khoungroe van hmai a sawi han. Hottelah, vaihma ni hote tami hanlah yonthanae sak pouh pawiteh, a yontha lah ao han.

³² Tuca hoi yonthanae sak hanlah na ngai pawiteh kacueme napui na thokhai han.

³³ Kâmaiawinae sathei tu lû van amae kut a toung vaiteh, hmaisawinae sathei theinae hmuen koe a thei han.

³⁴ Vaihma ni hote sathei thi a kutdawn hoi a la vaiteh, hmaisawi thuengnae khoungroe kinaw dawk a hlun hnukkhu, a kahei vaiteh, kacawie thi hah khoungroe kung koe a rabawk han.

³⁵ Rounnae thuengnae tuca thaw sak e patetlah athaw kaawm pueng la vaiteh, BAWIPA koe hmaisawi thuengnae hoi cungtalah, khoungroe van hmai a sawi han. Hottelah, vaihma ni hote tami a sakpayon e yon hanlah yonthanae a sak pouh pawiteh a yontha lah ao han.

5

¹ Tami buetbuet touh ni a hmu e hoi a panue e hno dawk, kapanuekkhaikung lah ao teh, a pathang e thoebonae a thai nahlangva, dei laipalah awm pawiteh, yonpennaeh teh ama ni a khang han.

² Tami buetbuet touh ni kathounghoehe sarang, saring, vonpui hoi kâva e saring kathoung hoehe e kadout e ro tek pawiteh yonpen lah ao han.

³ Hot hnukkhu hoi, tami hanelah kathounghoehe, kakhin e lah kaawm e hno, a kâbet payon e hah bout a panue torei teh yon pen lah ao han.

⁴ Tami buetbuet touh ni kahawi hno thoseh, kathout hno thoseh, sut pouk laipalah lawkkamnae a sak teh, thoe a bo. Hote lawkkamnae bout a kâpanue torei teh, yon pen lah ao han.

⁵ Hetpatete yonpennaeh buet buet touh ao torei teh, Bangpatete nakung-hai ama ni yonpâpho naseh.

⁶ A sakpayon e yontha nahanlah tu thoseh, hmae thoseh, a napui ca buetbuet touh yon thueng nahanelah, Cathut koe a thokhai hnukkhu, vaihma ni hote tami hanelah yon thuengnae a sak pouh han.

⁷ Tuca tawn hoehpawiteh, a sak payonnae yontha nahanlah sathei buet touh hmai thueng nahanlah buet touh, bakhu kahni touh, hoeh pawiteh âbakhu kahni touh BAWIPA koe vaihma hmalah a thokhai han.

⁸ Vaihma ni yonthanae sathei hah hmaloe thuengnae a sak han. A lahuen a kapen vaiteh, a tâtueng han. A tak teh na sei mahoehe.

⁹ Hote yon thuengnae sathei thi hah, khoungroe tapang dawk a kahei vaiteh, kacawie a thi teh, khoungroe kung koe a paca han. Hethateh, yon thuengnae doeh.

¹⁰ Apâhni e tava teh a lamthung patetlah hmai thuengnae patetlah thuengnae a sak han. Hottelah, Vaihma ni ahnie a sakpayon e yon hanlah yonthanae a sak pouh pawiteh, ahnie yon teh tha lah ao han.

¹¹ Bakhu kahni touh thoseh, âbakhu kahni touh thoseh, buetbuet touh coung thai hoehpawiteh, yon ka sak e tami ni yon thuengnae sathei yueng lah tavai ephah pung hra pung touh a thokhai han. Yon thuengnae lah ao dawkvah satui hoi frankinsen na awi mahoehe.

¹² Vaihma koe na thokhai hnukkhu, vaihma ni tavai vai touh kasum a la vaiteh, BAWIPA koe hmai thuengnae hoi cungtalah khoungroe van hmai a sawi han. Hethateh, yon thuengnae lah ao.

¹³ Hettelah, vaihma ni hote tami ni a sakpayon e yon hanelah yon thuengnae sak pawiteh ahnie yontha lah ao han. Kacawie teh tavai thuengnae patetlah vaihma hanelah ao han telah Mosi koe atipouh.

Kâtapoe thuengnae

¹⁴ BAWIPA ni Mosi koe bout a dei pouh e teh,

¹⁵ Tami buetbuet touh ni phunglawk panuek laipalah BAWIPA hoi kâkuen e hno dawk payon pawiteh, hote payonnae hanlah yonthanae sathei tie tutan hmuen kathoung koe e patetlah ngun tangga a to vaiteh, BAWIPA koe a thokhai han.

¹⁶ Hottelah, BAWIPA hoi kâkuen e hno dawk, a sakpayon e hanlah, panga touh dawk buet touh a thapsin vaiteh, vaihma koe a poe han. Vaihma ni hai yonthanae sathei lah kaawm e tu hoi hote tami hanelah yonthanae sak pouh pawiteh, ahnie yon teh tha lah ao han.

¹⁷ Tami buetbuet touh ni BAWIPA ni kâ a poe e sakpayon pawiteh, a sak payonnae ama ni a panue hoeh nakunghai a sak hno teh ama ni a khang han.

¹⁸ Yonnae ngaithoum nahanelah, kacueme tutan, vaihma koe a thokhai han. Phunglawk panuek laipalah, a sakpayon nakunghai, amahoima yonnae kâpanuek hoeh e tami hanelah vaihma ni yonthanae sak pouh pawiteh, ahnie yon teh tha lah ao han.

¹⁹ Hettelah, BAWIPA ka taran niteh, kâ kaek katang e kâtapoe thuengnae doeh telah ati.

6

¹ BAWIPA ni Mosi koe bout a dei e teh,

² Tami buetbuet touh ni a imri ni hnopai a kuem sak e dawk laithoe dei nakunghai thoseh, ayâ e hnopai a lawp nakunghai thoseh, laithoe a dei teh a imri a dum nakunghai thoseh,

³ Kahmat e hno a hmu navah laithoe a dei teh thoe ka bo nakunghai thoseh, hot patet lae yonnae buetbuet touh a sak teh BAWIPA koe sakpayon pawiteh,

⁴ Hote tami teh a yon kecu dawkvah, a lawphno ayâ dum laihoi a hmu e hnopai, ayâ ni a kuem sak e hnopai, a pâphawng e hnopai,

⁵ Kahmanhoeh lahoi thoe a kâbo e hnopai phu, a hmu e a phu hoi cungtalah, yon thuengnae hnin dawkvah katawnkung koe panga touh dawk pung touh, bout a poe sin han.

⁶ Yonnae a sak e dawk thueng nahanelah, kacueme tutan hah BAWIPA koe, vaihma hmalah a thokhai han.

⁷ Vaihma ni hote tami hanelah, BAWIPA koe yonthanae sak pouh pawiteh, ahnie yonnae pueng teh ngaithoum lah ao han atipouh.

⁸ BAWIPA ni Mosi koe bout a dei e teh,

⁹ Nang ni Aron hoi a capanaw koe, na dei pouh hane teh, hmaisawi thuengnae teh, sathei hah khoungroe hmai van karum tuettuet khodai totouh na o sak vaiteh, thuengnae khoungroe hmai teh pou na kamtawi sak han.

¹⁰ Vaihma ni lukkarei khohna a khohna vaiteh, khoungroe van e hraba a kawn vaiteh, khoungroe teng a ta han.

¹¹ A khohna e bout a kâhlang vaiteh, hote hraba hah alawilah kathoung hmuen koe a sin han.

¹² Thuengnae khoungroe hmai teh dout laipalah pou a kamtawi han. Vaihma ni amom tangkuem hmai a racum vaiteh thing van sathei a hruek han. Hote khoungroe van roum thuengnae sathei hai hmai a sawi han.

¹³ Thuengnae khoungroe hmai teh roum sak laipalah pou kamtawi sak han.

¹⁴ Tavai thuengnae teh Aron e capanaw ni khoungroe hmalah BAWIPA koe a thokhai awh han.

¹⁵ Tavai vai touh kasum, satui youn touh, frankinsen abuemlah a la vaiteh, BAWIPA koe hmuitui hanlah khoungroe van hmai a sawi han.

¹⁶ Kacawie naw teh Aron hoi a capanaw ni kamkhuengnae lukkareiim thung hmuen kathoung koe tonphuenhoehe a ca awh han.

¹⁷ Hote tavai dawк ton phuen vaiteh, vaiyei lah na sak mahoe. Hmai hoi Kai koe thuengnae sak e thung dawк hote vaiyei hah ahnimouh hanlah kai ni ka poe toe. Yontha thuengnae, kâtapoe thuengnae patetlah kathoungpoung lah ao.

¹⁸ Aron hoi a capanaw pueng ni a ca awh han. Hmai hoi BAWIPA koe thuengnae ka tawк e pueng teh a kamthoung awh han, telah nangmae miphun catounnaw totouh a sak hane kâlawk doeh telah ati.

¹⁹ BAWIPA ni Mosi koe bout a dei pouh e teh,

²⁰ Aron hoi a capanaw ni satui a awinae hnin hoi, a yungyoe e thuengnae lah ao thai nahanlah, tavai ephah pung hra pung touh, amom lah tangawn tanguem lah tangawn BAWIPA koe thuengnae a sak awh han.

²¹ Hote tavai hah satui a awi vaiteh, ukkang dawк a karê vaiteh, vaiyei lah a sak hnukkhu, a thokhai awh vaiteh, a raen hnukkhu a kanuikapin naw hah BAWIPA koe hmuitui hanlah thuengnae a sak han.

²² Aron e hmuen dawк satui awi lah kaawm e a capa ni hai hote thuengnae a sak han. BAWIPA hanelah a yungyoe e kâlawk lah ao.

²³ Vaihma hanelah tavai thuengnae kaawm pueng hmai koung a sawi han. Khoeroe cat mahoe telah ati.

²⁴ BAWIPA ni Mosi koe bout a dei pouh e teh,

²⁵ Nang ni Aron hoi a capanaw koe na dei pouh hane teh, yon thuengnae teh hmaisawi thuengnae sathei theinae hmuen koe, yonthanae sathei thei han. Hot teh, kathoungpoung lah ao.

²⁶ yontha nahanlah thuengnae na ka sak pouh e vaihma ni kamkhuengnae lukkareiim thung hmuen kathoung koe a ca han.

²⁷ Hote moi kâbet e pueng teh a thoung. Thi ni a tâcawn sin e khohnanaw hmuen kathoung koe a pâsu han.

²⁸ Hote moi thawngnae talai hlaam rek hem han. Rahum hlaam pawiteh, hma vaiteh tui hoi pâsu han.

²⁹ Vaihma tongpa naw pueng ni a ca awh han.

³⁰ Kathoung poung e lah ao. Yonthanae sathei thi hah hmuen kathoung koe yontha nahanelah, kamkhuengnae lukkareiim thung a sin vaiteh, hote sathei moi hah cat mahoe. Hmai a sawi han.

7

¹ Kâtapoe thuengnae teh kathoungpoung lah ao.

² Hmai thuengnae sathei, theinae hmuen koe, kâtapoe thuengnae sathei hah thei vaiteh khoungroe van petkâtue lah a thi kahei han.

³ A mai hoi cungtalah a ruen ka ramuk e athaw,

⁴ Kuen kahni touh dawк e athaw, kuen hoi cungtalah athin van kaawm e maimara dawк e athaw pueng na poe han.

⁵ Vaihma ni khoungroe van hmai a sawi vaiteh, Cathut koe hmai hoi thuengnae a sak han. Kâtapoe thuengnae lah ao.

⁶ A moi hai vaihma thung e tongpa pueng ni hmuen kathoung koe a ca aw h han. Kathoung poung e lah ao.

⁷ Kâtapoe thuengnae teh yon thuengnae hoi a kâvan teh thuengnae ka sak pouh e vaihma ni a coe han.

⁸ Tami buetbuet touh ni a sak e hmaisawi thuengnae ka sak pouh e vaihma ni sathei e a vuen teh a la han.

⁹ A karênae daw k a karê e tavai thuengnae puenghoi uk kang daw k a karê e pueng teh vaihma ni a coe han.

¹⁰ Satui a awi nakunghai thoseh, a awi hoeh nakunghai thoseh, tavai thuengnae naw pueng Aron e a capanaw pueng ni suetalah a kârei aw h han.

¹¹ BAWIPA koe roun thuengnae tie teh,

¹² Lunghawilawkdeinae dâw hanlah, thuengnae na sak pawiteh, lung-hawilawkdeinae sathei hoi cungalalah satui kalawt e tonphuenhoehe phen, satui hoi sak e tonphuenhoehe kamrâw, satui kalawt e tavai hoi sak teh karê e vaiyeinaw hah na thueng han.

¹³ Hote vaiyei phen hloilah, roun thuengnae hoi kâseng e lunghawilawkdeinae dâwnae sathei hoi cungalalah tonphuenhoehe hai na thueng han.

¹⁴ Thuengnae pueng daw k e vaiyei buet touh BAWIPA koe thuengnae na sak vaiteh hote vaiyei hah roun thuengnae sathei thi kaheikung vaihma ni a coe han.

¹⁵ Lunghawilawkdeinae lah thueng e roun thuengnae sathei moi hah thueng hnin vah na ca han, amom hanelah bout pek mahoeh.

¹⁶ Hoehpawiteh, lawkkam laihoi thueng nakunghai thoseh, malungpouk thuengnae thoseh, thueng hnin vah sathei moi ca vaiteh kacawie moi hai atangtho bout ca han.

¹⁷ Kacawie a moi hah tawkkahnin hmaisawi han.

¹⁸ Roun thuengnae sathei moi, tawkkahnin vah yitca hai na cat payon pawiteh, a lungyouk hoeh e lah na o han. Thuengnae a sak e dâw pouh mahoeh. Panuetkatho e lah ao han. Ka cat e tami teh yon phu a hmu han.

¹⁹ Kathounghoehe hno hoi kâbet e sathei moi cat mahoeh. Hmaisawi han. Kathoung taminaw ni dueng hote sathei moi a ca aw h han.

²⁰ Apihai thoseh, kathounghoehe yon a tawn nahlangva, Cathut hoi kâseng e roun thuengnae sathei moi ka cat e tami teh, a miphun daw k hoi takhoe lah ao han.

²¹ Apihai thoseh, tami daw k thoung hoeh e hno, kathounghoehe moi, kathounghoehe pâri patet e hno buetbuet touh a kânep laihoi BAWIPA hoi kâkuen e roun thuengnae sathei moi cat pawiteh, hote tami teh a miphun daw k hoi takhoe lah ao han telah ati.

²² BAWIPA NI Mosi koe bout a dei pouh e teh,

²³ Maito thoseh, Tu thoseh, hmae thoseh, athaw na cat a mahoeh.

²⁴ Amahmaw k kadout e saring e athaw hoi sarang ni a kei e athawnaw teh alouke hnônaw daw k na hno thai, eiteh na cat mahoeh.

²⁵ Apihai thoseh, Cathut koe hmaisawi thuengnae sathei thaw ka cat e tami teh, a miphun daw k hoi takhoe lah ao han.

²⁶ Na onae hmuen tangkuem koe a thi thoseh, tava thi thoseh, thi tie pueng na cat mahoeh.

²⁷ Apihai thoseh thi kacate tami teh miphun daw k hoi takhoe lah ao han.

²⁸ Cathut ni Mosi koe, na miphunnaw koe bout na dei pouh hane teh,

²⁹ Cathut koe roun thuengnae sathei ka thueng e tami ni teh ama ni thueng hane sathei, BAWIPA koe poe hanelah a thokhai han.

³⁰ Cathut hmalah takuep a sei vaiteh, takuep hoi athaw hah hmai hoi Cathut koe thueng e hah na thokhai han.

³¹ Vaihma ni athaw hah khoungroe van hmai a sawi vaiteh, Aron hoi a capanaw ni takuep teh a la awh han.

³² Roun thuengnae sathei thung dawk e aranglae aphai thueng hanelah. vaihma koe a poe han.

³³ Aron e capanaw thung dawk roun thuengnae sathei a thi hoi athaw thuengnae ka sak e tami ni aphai a ham han.

³⁴ Isarel miphunnaw ni a sak e roun thuengnae satheinaw thung dawk e rek sei e takuep hoi aphai teh ka la vaiteh Isarel miphun Aron hoi a capanaw, yungyoe e aphung lah ka poe toe telah ati.

³⁵ Hottelah, Aron hoi a capanaw ni Cathut hmalah vaihma thaw tawk hanelah, ahnimanaw a rawinae hnin dawk BAWIPA koe, hmai hoi canei kawi naw thuengnae thung dawk e ahnimouh ni a ham awh hane doeh.

³⁶ Isarel miphunnaw dawk hoi e hot patet lae a coe a nahanelah, ahnimanaw teh satui awinae hnin dawkvah BAWIPA ni kâ a poe toe.

³⁷ Hete lawk teh Isarel miphunnaw ni Sinai kahrawng dawk Cathut koe thuengnae a sak hanelah,

³⁸ Kâtapoenae hnin nah, Sinai mon dawk Cathut ni Mosi koe a poe e hmaisawi thuengnae, tavai thuengnae, yon thuengnae, kâtapoe thuengnae, thaw poe thuengnae hoi roun thuengnae naw doeh atipouh.

8

Aron hoi a capanaw thoungnae

¹ Cathut ni Mosi koe bout a dei pouh e teh,

² Aron hoi a capanaw ni a khohna hane naw, kâhluk han satui, yon thueng nahan maitotan, tutan, kahni touh, tonphuenhoehe tangthung buet touh a tho khai vaiteh,

³ Rangpui kamkhuengnae lukkareiim takhang hmalah, tamimaya abuemlah kamkhueng sak awh, telah Mosi koe kâ a poe e patetlah,

⁴ Mosi ni a tawk teh, tamimaya teh lukkareiim takhang hmalah a kamkhueng awh.

⁵ Mosi ni hai tamimaya koe Cathut ni hettelah lawk na thui toe atipouh teh,

⁶ Cathut ni lawkthui e patetlah Aron hoi a capanaw a kaw teh tui a pâhluk hnukkhu,

⁷ Aron hai angki a kho sak teh, taisawm a kâyeng sak. Angkidung a kho sak teh, vaihma angki a kâkhu sak. Vaihma angkikep khan nahan e a meikahawicalah kawng e angki a kho sak teh a khan pouh.

⁸ A lungtabue a ramuk sak teh athung vah, Urim hoi Thummim hah a hruék.

⁹ A lû dawkvah lupawk a pawk teh, kathoung e sui phen lupawk hmalah a bet.

¹⁰ Cathut ni lawkthui e patetlah Mosi ni a hluk nahane satui a la teh, lukkareiim hoi athung e puengcangnaw pueng hah a hluk teh a thoungsak.

¹¹ Hote satui hah khoungroe puengcangnaw pueng thoseh, maroi hoi a khok hai thoseh, thoung sak hanelah a hluk.

¹² Hluk nahan e satui hah Aron e lû dawk a awi pouh teh, thoung sak hanelah a hluk.

¹³ Aron e a capanaw hai angki a kho sak. Taisawm hai a kâyeng sak teh, bawilakhung a huem sak.

14 BAWIPA ni a dei pouh e patetlah yon thueng nahanelah maitotan a hrawi teh, Aron hoi a capanaw ni a lû van a kut a toung pouh han.

15 Maito a thei vaiteh, Mosi ni khoungroe petkâtue lah kinaw dawk thi hah a kutdawn hoi a la teh, khoungroe hah a thoung sak hnukkhu, kacawie a thi hah khoungroe kung koe a rabawk vaiteh, hote khoungroe van yon thueng nahanlah a thoungsak han.

16 A ruen ka ramuk e ahrei, athin van e maimara, kuen kahni touh dawk e athaw na la vaiteh, khoungroe van hmai na sawi han.

17 A vuen, a moi, a ei hoi cungtalah maito buem hah alawilah hmaisawi han.

18 Cathut ni lawk na thui e patetlah hmaisawi thueng nahane hah a thokhai teh, Aron hoi a capanaw ni tu lû van kut a toung sin awh.

19 Tu a thei hnukkhu, Mosi ni khoungroe petkâtue lah a thi a kahei.

20 Tu hah koung a raban hnukkhu, a lû, a moinaw hoi athaw hah hmai a sawi.

21 A von thung e naw hoi a khoknaw tui a pâsu teh, tu buem hah, khoungroe van hmai a sawi. Hmuitui hanlah hmaisawi thuengnae lah ao.

22 Cathut ni lawkthui e patetlah alouke tu yueng lah, a rawi e tu a thokhai vaiteh, Aron hoi a capanaw ni tu lû van kut a toung pouh awh.

23 Tu a thei hnukkhu, Mosi ni thi a la teh, Aron e aranglae hnârakong dawk thoseh, aranglae kut pui hoi aranglae khokpui dawk thoseh, a hluk pouh.

24 Aron e a capanaw hai a kaw teh, ahnimouh e, aranglae hnârakong, aranglae kutpui hoi khokpui dawk hai thoseh a hluk pouh hnukkhu, khoungroe van petkâtue lah a kahei.

25 A thaw, a mai, a ruen ka ramuk e a hrei, a thin ka ramuk e maimara, a kuen kahni touh hoi akuen ka ramuk e athaw, aranglae aphaï,

26 Cathut hmalah tangthung dawk ta e tonphuenhoehe buet touh, satui hoi sak e vaiyei a phen buet touh, vaiyei karê e buet touh a la teh, satui hoi aranglae aphaï van a hruek hnukkhu,

27 Aron e a kut, a capanaw e a kut dawk, hote hnonaw hah a hruek teh, Cathut e hmalah a kahek teh, kahek thuengnae a sak.

28 Mosi ni ahnimae a kut dawk e a la teh, khoungroe van, hmaisawi thuengnae sathei hoi cungtalah hmai a sawi han. Hmuitui teh thaw poe thuengnae lah ao. BAWIPA koe hmai hoi thuengnae lah ao.

29 Hathnukkhu, Mosi ni takuep a la teh BAWIPA hmalah a kahek teh kahek thuengnae a sak. Tu takuep teh Mosi ham lah ao.

30 Mosi ni khoungroe van kaawm e a thi hoi kâhluk hane satui a la teh, Aron hoi a khohna e dawk thoseh, a capanaw hoi a khohna e naw dawk hai thoseh, a kahei teh, Aron hoi a capanaw, khohnanaw a thoungsak.

31 Mosi ni Aron hoi a capanaw koe, hote thi moi hah kamkhuengnae lukkareim takhang teng a thawng awh. BAWIPA ni Aron hoi a capanaw ni hote moi, a ca awh han, telah kai koe lawk na thui e patetlah hote moi thoseh, thawpoe thuengnae tangthung dawk kaawm e vaiyei thoseh, hote hmuen koe cat awh.

32 Kacawie moi hoi vaiyei teh hmai na sawi han.

33 Thawpoe thoungnae hnin sari akuep hoehnahlan kamkhuengnae lukkareim takhang thung hoi alawilah na tâcawt mahoe. Bangkoktet-pawiteh, hnin sari touh thung na kamthoung awh han.

34 Sahnin na sak a e patetlah nangmouh hane yon thuengnae na sak a hanelah Cathut ni lawk na thui awh toe.

³⁵ Hatdawkvah, nangmouh duenae dawk hoi na hlout a nahanelah, kamkhuengnae lukkareiim takhang teng vah, hnin sari touh thung karum khodai na o awh vaiteh, Cathut ni kâ na poe e na tarawi awh han. Hottelah Cathut ni lawk na thui toe tie patuen kâ dei e lah ao teh,

³⁶ BAWIPA ni Mosi koehoi lawk thui e naw pueng Aron hoi a capanaw ni a sak awh.

9

Aron ni thueng e BAWIPA ni a dâw

¹ A hnin taroe hnin dawk Mosi ni Aron hoi a capanaw, Isarel miphun, kacuenaw a kaw teh,

² Aron koe, nang ni yon thueng nahanelah, kacueme maito kum kanaw e buet touh, hmaisawi thueng nahanelah, kacueme tutan buet touh, na thokhai vaiteh, Cathut hmalah thuengnae sak loe.

³ Isarel miphunnaw koehai thoseh, nangmouh ni yon thueng nahanlah, hmae kum kanaw e buet touh, hmaisawi thueng nahanlah, âvâ ka cawt hoeh rae maitoca buet touh,

⁴ Tuca buet touh, BAWIPA koe roun thueng nahanlah, maitotan buet touh, tutan buet touh, satui hoi kalawt e vaiyei thuengnae hah thokhai loe. Sahnin nangmouh koe BAWIPA a kamnue han telah dei pouh loe atipouh.

⁵ Mosi ni kâ a poe e patetlah kamkhuengnae lukkareiim hmalah a thokhai hnukkhu, tamimaya naw ni a hnai teh, BAWIPA hmalah a kangdue awh.

⁶ Mosi ni hai nangmouh ni BAWIPA ni kâ na poe e patetlah hottelah na sak awh teh, BAWIPA e bawilennaeh teh nangmouh koe a kamnue han telah atipouh.

⁷ Mosi ni Aron koe, khoungroe koe, cet nateh, Cathut ni kâ na poe e patetlah nama e thuengnae, hmaisawi thuengnae sak nateh, nama hoi na taminaw hanelah, yonthanae sak awh. Taminaw ni a thokhai e sathei thuengnae a thueng teh taminaw hanlah yonthanae sak awh, telah atipouh.

⁸ Aron ni hai khoungroe koe a cei teh, ama hanlah yon thuengnae maitoca a thei.

⁹ A capanaw ni a thi a sin awh teh, Aron ni a kutdawn thi dawk a ranup teh, khoungroe kinaw dawk a hlun hnukkhu, kacawie a thi hah khoungroe kung koe a rabawk.

¹⁰ Yon thuengnae sathei thaw, akuen, athin van e maimara hah khoungroe van hmai a sawi. Hottelah, Cathut ni Mosi koe kâ a poe.

¹¹ A moi hoi a vuen teh alawilah hmai a sawi.

¹² Hmaisawi thuengnae sathei hai a thei teh a capanaw ni Aron koe thi a poe teh ahni ni khoungroe petkâtue lah a kahei.

¹³ Ahnimanaw ni hmaisawi thuengnae sathei moi, takpatinaw hoi a lû hah a poe teh Aron ni khoungroe van hmai a sawi.

¹⁴ A vonthung e naw hoi a khoknaw hah a pâsu teh, khoungroe van kaawm e sathei hoi cungtalah hmai sawi.

¹⁵ Taminaw ni thueng nahanelah a thokhai teh, taminaw e yon thuengnae lah kaawm e hmae a thei hnukkhu, ahmaloe e patetlah yon thuengnae a sak.

¹⁶ Hmaisawi thuengnae sathei hai a thokhai awh teh, hot patetlah a sak.

¹⁷ Tavai thuengnae hai a sin teh, vai touh kasum a la teh, khoungroe dawk amom lah hmaisawi thuengnae khoungroe dawk hmai a sawi.

¹⁸ Taminaw hanelah roun thuengnae maitotan, tutan hai a thei awh teh, a capanaw ni thi a sin hnukkhu, khoungroe van petkâtue lah thi a kahei awh.

¹⁹ A mai hoi a ruen ka ramuk e ahrei, a kuen, a thin van e a maimaranaw, tu hoi maito e athaw hah,

²⁰ A takuep van a toung vaiteh, khoungroe dawk hmai a sawi.

²¹ Takuep hoi aranglae aphaï hah BAWIPA hmalah a kahek teh kahek thuengnae a sak. Hottelah, sak hanelah Mosi ni kâ a poe.

²² Aron ni amae kut a dâw teh, ayânaw yawhawi a poe teh, yon thuengnae, hmaisawi thuengnae, roun thuengnae a sak hnukkhu, a kumcathuk.

²³ Mosi hoi Aron ni kamkhuengnae lukkareim thung bout a kâen teh a tâco hnukkhu, taminaw yawhawinae a poe teh, BAWIPA e bawilennaeh teh taminaw koe a kamnue.

²⁴ Cathut koehoi hmai a tâco teh, khoungroe van kaawm e hmaisawi thuengnae sathei hoi athaw, hmai a kak. Hote taminaw ni a hmu awh navah a hram awh teh a tabo awh.

10

Nadab hoi Abihu duenae

¹ Aron e a capa Nadab hoi Abihu ni hmai sinnae tawngben a la roi teh, hmai a hruek roi. Hmai dawk hmuitui a phuen hnukkhu, BAWIPA ni kâ a poe hoeh e ka talue e hmai hoi thuengnae a sak roi.

² Hatdawkvah, BAWIPA koehoi hmai a tâco teh, BAWIPA hmalah hmai a kak teh a due roi.

³ Mosi ni Aron a kaw teh BAWIPA ni KAI teh kathounge lah ka o dawkvah, KAI koe kâhnai han kangainaw ni a pâkuem hane teh tami pueng ni ka lentoenae a bari awh han telah ka dei navah, Hot patetlah e doeh ka dei ngai telah ati hnukkhu, Aron teh lawkkamuem lah ao.

⁴ Mosi ni Aron e a na pa kanaw, Uzziel e capa Mishael hoi Elzaphan a kaw teh, tho roi haw, na hmaunawnggha roi hah, hmuen kathoung koehoi alawilah kâkayawn roi ei telah atipouh e patetlah,

⁵ Ahnimouh roi ni a tho roi teh, angki khohna khue hoi rim alawilah a kâkayawt roi.

⁶ Mosi ni Aron hoi a capa roi, Eleazar hoi Ithamar a kaw teh, nangmouh hai na due awh han. Taminaw pueng koe lungkhueknae phat payon vaih ti a ngaihri teh, na bawilakhung rading awh hanh, khohna phi awh hanh. Hmaunawnggha Isarel miphun abuemlah Cathut ni hmai hoi a kak sak e duengma khuikapkhai awh.

⁷ Nangmouh na due awh hoeh nahanelah, tamimaya kamkhuengnae takhang alawilah, tâcawt awh hanh. BAWIPA e satui awinae nangmouh koe ao telah, Mosi ni a dei e patetlah a sak awh.

⁸ BAWIPA ni Aron koe bout a dei pouh e teh,

⁹ Nang hoi na capanaw ni due awh hoeh nahanlah thoseh, kathoung hoi kathounghoeh, kâkhin hoi

¹⁰ Kâkhin hoeh e hnonaw, na kapek thai nahanlah thoseh,

¹¹ BAWIPA ni Mosi koe a dei pouh e kâlawnaw hah, Isarel miphunnaw koe cangkhai thai nahanelah thoseh, kamkhuengnae lukkareim dawk na kâen awh navah, Misurtui hoi paruithai e naw net awh hanh. Na miphun, catounnaw totouh na tarawi awh han e phung lah ao telah atipouh.

¹² Mosi ni hai Aron hoi kahring rae capa Eleazar hoi Ithamar a kaw teh, BAWIPA koe hmaisawi thuengnae tavai kacawie lat nateh, tonphuenhoehe, khongroe teng cat aw. Kathoung poung e lah ao.

¹³ Cathut koe hmai hoi thuengnae teh nang hoi na capanaw ni coe hane kawi lah ao dawkvah, hmuen kathoung koe na ca aw han. Bangkoktetpawiteh, Hottelah kâpoe e lah ao dawk doeh.

¹⁴ Kahek e takuep hoi dâw e kahek e aphai teh, nama hoi cungtalah, na canaw hoi hmuen kathoung koe na ca aw han. Isarel miphunnaw ni roum thuengnae sathei thung daw. koe e nang hoi na capanaw ni ham hane kawi lah ao.

¹⁵ Hmaisawi thuengnae sathei thaw hoi cungtalah dâw e aphai, kahek e takuep, BAWIPA hmalah a kahek vaiteh, BAWIPA ni kâ a poe e patetlah nama hoi na capanaw ni yungyoe a ham han kawi phung lah ao han telah ati.

¹⁶ Mosi ni yon thuengnae hmae panki laihoi a tawng eiteh, pâphawng hoeh. Hmaisawi thuengnae lah oun a sak toe. Hatdawkvah, Aron e a capa Eleazar hoi Ithamar koe a lungkhuek teh,

¹⁷ Bangkokmaw, yon thuengnae sathei moi teh, a thoungpoung. Hatei, nangmouh ni rangpuinaw e yon na ham teh, BAWIPA hmalah ahnimouh hanelah yon thuengnae sak hanelah, hote sathei moi na poe a eiteh, bangkongmaw hmuen kathoung koe na ca aw han hoeh vaw.

¹⁸ Hote sathei thi haiyah, hmuen kathoung koe na thokhai aw han hoeh vaw. Kai ni lawk na thui e patetlah hmuen kathoung koe sathei moi ca han na tet aw han pawiteh,

¹⁹ Aron ni sahnin ahnimouh ni taminaw hanlah, yon thuengnae sathei, hmaisawi thuengnae sathei, yo a thueng aw han toe. Kai koe hot patetlah e hno a tho dawkvah, sahnin yon thuengnae sathei moi ka cat pawiteh, Cathut lungyok han na maw telah Mosi koe atipouh.

²⁰ Mosi ni hote lawk a thai navah a lungkuep.

11

Kathoung hoi kathounghoehe saring

¹ BAWIPA ni Mosi hoi Aron bout a kaw teh,

² Nangmouh roi ni Isarelnaw koe patuen bout na dei pouh hane teh, talai van kaawm e moithang pueng daw,

³ A khoksamen samka ni teh a thepkaai e moithangnaw teh ca thainae kâ ao.

⁴ Hatei, thepkaai ni teh khoksamen samka hoeh e moithang thung daw, ca hoeh hane moithangnaw teh Kalauk teh athepai hoeh eiteh khoksamen samka hoeh dawkvah nangmouh hanlah thoung hoeh.

⁵ Kovei teh thepkaai eiteh a khoksamen samka hoeh dawkvah nangmouh hanlah thoung hoeh.

⁶ Saveh teh thepkaai eiteh a khoksamen samka hoeh dawkvah nangmouh hanlah thoung hoeh.

⁷ Vok teh a khoksamen samka eiteh thepkaai hoeh dawkvah nangmouh hanlah thoung hoeh.

⁸ Hot patet e moithangnaw e a moi na cat aw han mahoe. Ro haiyah na tet aw han mahoe. Kathounghoehe lah na pouk aw han.

⁹ Tuipui hoi sawkca daw kaawm e moithangnaw thung daw a rathei hoi a lakep kaawm e teh na ca aw han.

¹⁰ A rathei hoi a lakep kaawm hoeh e tuipui hoi sawkca daw kaawm e moithang pueng teh nangmouh hanlah thoung hoeh.

¹¹ A rathei hoi a lakep kaawm hoeh e tui dawk e moithang na cat awm mahoeh.

¹² A ronaw hai panuetho e lah na pouk awm han.

¹³ Nangmouh ni panuetho e lah na pouk awm vaiteh na ca awm hoeh hane tavanaw teh: Mataw, Langta, Tawbu,

¹⁴ Mataw phun,

¹⁵ Vonga phun kuep,

¹⁶ Kalauk tava, bukbu phun kuep, batuiling phun kuep,

¹⁷ Kawhna hoi balengek,

¹⁸ Tuicawmpai,

¹⁹ Butakok phun kuep, Bongpi, Bongcakhat phun kuep,

²⁰ A rathei ka tawn ni teh a khok pali touh hoi kacetnaw pueng teh nangmouh hanlah kathounghoehe lah ao.

²¹ Hateiteh, a rathei a tawn teh a khok pali touh hoi ka cet e phun dawk dawkcawk nahanlah a khok kasaw poung naw teh:

²² Samtong, pâluen, tawktaboe, Tawngkaruethnaw teh na ca awm han.

²³ A rathei ka tawn ni teh a khok pali touh hoi ka cet e alouke moithang pueng teh nangmouh hanlah thoung hoeh.

²⁴ Hote moithang lahoi nangmae thoungae hah a khin thai. Hot patet e ro katek e tami teh tangmin totouh thoung hoeh.

²⁵ Hote kadout e ro ka sin e tami teh khohna a pâsu han, tangmin totouh thoung hoeh.

²⁶ A khoksamen samka hoeh e, a thepkaai hoeh e saring pueng teh nangmouh hanlah thoung hoeh.

²⁷ A khoksamen samka hoeh e saring pueng teh nangmouh hanlah thoung hoeh. Hote ro ka tek e tami teh tangmin totouh thoung hoeh.

²⁸ Hote ro ka phawt e tami pueng teh a khohna a pâsu han. Tangmin totouh thoung hoeh.

²⁹ Talai dawk a vonpui hoi kâva e saring thung dawk thangbui, moihnam, Insi phun,

³⁰ Tawkkei, Tawngkang, Cingkadawt, Dekko hoi Khaipadounnaw teh nangmouh hanlah thoung hoeh.

³¹ Hotnaw e ro katek e tami teh tangmin totouh thoung hoeh.

³² Hote kadout e a ro hah thingkawlung, khohna, a pho, cawngko patetlah e im dawk e hno e buet touh van bawt pawiteh thoung hoeh. Tui dawk ranup han. Tangmin totouh thoung hoeh. Hathnukkuh a thoung han.

³³ Talai hlaam buetbuet touh van ro hah bawt pawiteh, Hote talai hlaam teh a thounghoeh dawkvah rek hem han.

³⁴ Hote talai hlaam dawk e tui cakawi moi van vah, bawt pawiteh moi thoung hoeh. Hote talai hlaam dawk e nei hane tui hai thoung hoeh.

³⁵ Takhuen dawk thoseh, lunghmu dawk thoseh, hote hno buetbuet touh bawt pawiteh nangmouh hanelah a thounghoeh dawkvah, peng raphoe han.

³⁶ Hatei, sambuem, tai e tui im teh kathounghoehe lah awm hoeh. Ro ni a bosin e dueng doeh kathounghoehe lah ao.

³⁷ Cati dawk hote ro bawt pawiteh, Cati teh kathounghoehe lah awm mahoeh.

³⁸ Tui dawk padung tangcoung e cati dawk hote ro bawt pawiteh cati teh nangmouh hanlah thoung hoeh.

³⁹ Nangmouh ni na ca han kawi saring dout pawiteh, ro katek e tami teh tangmin totouh thoung hoeh.

⁴⁰ Hote ro ka cat e tami teh a khohna a pâsu han. Tangmin totouh thoung hoeh. Hote ro ka phawt e tami hai amae a khohna a pâsu han. Tangmin totouh thoung hoeh.

⁴¹ Talai dawk kâva e saringnaw pueng teh panuetho e lah ao dawkvah na cat aw h mahoe h.

⁴² A khok tawn hoeh, a von hoi ka cet e thoseh, khok pali touh hoi ka cet e thoseh, khok pali hlak kapap e khok hoi ka cet e thoseh, talai daw k kâva e saring buet touh boehai na cat aw h mahoe h. Panuetho e lah ao.

⁴³ Kâva e saring buetbuet touh kecu namahoima kâkhinsak aw h hanh. Hotnaw hoi nama kâkhinsak aw h hanh.

⁴⁴ Kai teh nangmae BAWIPA Cathut lah ka o. Kai teh kathoung dawkvah nangmouh haiyah namahoima kâthoung sak aw h nateh thoungnae tawn aw h. Talai daw k kâva e saring buet touh boe hoi hai kâkhinsak aw h hanh.

⁴⁵ Kai teh nangmae Cathut lah ka o nahanlah nangmouh teh Izip ram hoi na ka rasat e BAWIPA lah ka o. Kai teh kathoung dawkvah nangmouh hai thoungnae tawn aw h.

⁴⁶ Hetnaw teh, kathoung, kathoung hoeh, cakawi hoi cakawi hoeh e saringnaw kapek thai nahanelah,

⁴⁷ Moi, tava, tui daw k kaawm e moithang, talai daw k kâva e moithang- naw puenghoi ka kâkuen e phunglawk doeh ati.

12

Camo khe hnukkhu kamthoungnae

¹ Cathut ni Mosi koe bout a dei pouh e teh, nang ni Isarel miphunnaw koe patuen na dei pouh hane teh,

² Napui ni camo a vawn teh ca tongpa a khe hnukkhu, Kampheng nah hnin sari touh a thounghoeh e patetlah hnin sari totouh kathoung hoeh lah ao han.

³ Ataroe hnin nah vuensom a a pouh han.

⁴ Hat hnukkhu, thipaling kecu daw k a manu teh hnin sari touh a kâthoung sak lah ao han. A kâthoung saknae hnin aku ep hoehroukrak kathoung e hno tek mahoe h. Hmuen kathoung koehai cet mahoe h.

⁵ Hateiteh, napui khe pawiteh, kamphengnae patetlah yat hni touh thung kathounghoeh e lah ao han. Thipaling kecu daw k hnin 66 touh a kâthoung sak han.

⁶ Ca tongpa thoseh, napui thoseh, kâthoung saknae hnin aku ep torei teh, hmaisawi thueng nahanelah âvâ ka cawt hoeh rae tu ca buet touh, yonthueng nahanelah âbakhu buet touh, hoehpawiteh bakhu buet touh hah kamkhuengnae lukkareiim takhang hmalah, vaihma koe a thokhai han.

⁷ Vaihma ni BAWIPA hmalah thuengnae a sak vaiteh, hote napui hanlah yon thuengnae a sak pouh vaiteh, ahni teh thi kârabawknae yon daw k hoi a thoung han.

⁸ Tuca coung thai hoehpawiteh, bakhu kahni touh thoseh, âbakhu ca kahni touh thoseh, hmaisawi thueng nahanlah buet touh, yon thueng nahanlah buet touh a thokhai vaiteh, vaihma ni ahni hanlah thuengnae a sak pouh vaiteh ahni teh a thoung han. Hete phunglawk teh ca tongpa, ca napui ka khe e manu hoi kâkuen e phunglawk doeh telah atipouh.

13

Hrikbei phunglawk

¹ BAWIPA ni Mosi hoi Aron koe bout a dei e teh,

² Tami ni a vuen dawk hluetkaco e thoseh, takpatha nakunghai thoseh, bahlaw thoseh, hrikbei mitnoutnae kamnuek pawiteh, hote tami hah vaihma Aron koe thoseh, a capa vaihma buetbuet touh koe thoseh, a thokhai han.

³ Vaihma ni hote tami e a vuen dawk e patawnae a khet vaiteh, patawnae dawk e a muen pangaw pawiteh patawnae teh vuen thung tak dawk ka phat e patetlah awm pawiteh ka hrikbei e doeh. Vaihma ni hote tami a khet hnukkhu, thoung hoeh telah a pouk han.

⁴ Bahlaw teh pangaw pawiteh vuen thung ka phat e mahoe. Muen pangaw hoehpawiteh vaihma ni ka pataw e tami hah hnin sari touh a paung han.

⁵ Asari hnin vaihma ni a khet navah a vuen dawk e patawnae kampai hoehpawiteh hnin sari touh bout a paung han.

⁶ Asari hnin bout a khet navah ama paroup ni teh meimei tamang pawiteh hote tami teh a thoung telah vaihma ni a pathang han. Ka pathak rumram e lah doeh ao. Amae khohna a pâsu vaiteh kathounge lah ao.

⁷ Thoung sak hanelah vaihma ni a khet hnukkhu, ka pathak e hoehoe lui pawiteh,

⁸ Hote tami teh kathounghoehe lah a pathang vaiteh ka hrikbei e tami lah a khoe han.

⁹ Ka hrikbei e tami hah vaihma koe a ceikhai awl han.

¹⁰ Vaihma ni a khet navah, a vuen dawk ka pâphu ni teh a muen pangaw pawiteh, pâphu e dawcawcaw pawiteh,

¹¹ Hrikbei karuem e doeh. Kathounghoehe tami telah vaihma ni a pouk vaiteh a paung han.

¹² Ka hrikbei e tami teh atak buemlah a lû koehoi a khok koe totouh, vaihma ni a khet navah hrikbei kingkawi pawiteh,

¹³ Hot patet e atak dawcawcaw king kakawi e tami teh a thoung telah vaihma ni a pathang han. atak buemlah koug a pangaw dawcvah ahni teh a thoung.

¹⁴ Hateiteh, atak dawcawcaw pawiteh thoung hoeh.

¹⁵ Vaihma ni atak dawcawcaw e a khet navah, hote tami teh kathounghoehe lah a pathang han. Atak dawcawcaw ka yu e tami teh thoung hoeh, ka hrikbei katang e doeh.

¹⁶ Cawcaw ka yu e atak kâthung lah bout pangaw pawiteh vaihma koe bout a thokhai han.

¹⁷ Vaihma ni a khet navah patawnae bout pangaw e hah hmawt pawiteh vaihma ni a thoung telah a pathang vaiteh, ahni teh a thoung toe.

¹⁸ Vuen dawcawcaw ahlut ao teh a dam hnukkhu,

¹⁹ Ahlut a onae a hmâ pangaw dawcawcaw a phing nakunghai thoseh, pangawpanang e hrikbei patetlah kamnuek pawiteh, vaihma ni a khet vaiteh,

²⁰ Vuen thung lah a pha teh a muen pangaw pawiteh hote tami teh vaihma ni thoung hoeh telah a pathang han. Ahlut koehoi ka hrikbei e lah ao.

²¹ Vaihma ni a khet navah a muen ka pangaw e awm hoeh, vuen thung lah phat hoeh, meimei tamang pawiteh vaihma ni hote tami hah hnin sari touh a paung han.

22 Vuen dawk hmâ hoehoe len pawiteh hote tami teh vaihma ni thoung hoeh telah a pathang han. Hote tami teh ka hrikbei e doeh.

23 Hateiteh, kâlum e kampuen hoeh, kampai hoehpawiteh âhlut hmâ doeh. Hote tami teh a thoung telah a pathang han.

24 Tak dawk vuen hmai a kak teh hmaikakhma cawcaw ka yu e dawk ka paling pangaw lah awm pawiteh,

25 Vaihma ni a khet han. A hmâ dawk e muen a pangaw teh vuen thung ka phat e patetlah awm pawiteh hmai kak dawk hoi ka tho e hrikbei doeh. Hote tami teh thoung hoeh telah vaihma ni a pathang han. Hrikbei patawnae doeh.

26 Vaihma ni a khet navah a hmâ dawk a muen pangaw e awm hoeh, vuen thung phat hoeh, meimei tamang pawiteh vaihma ni hote tami teh hnin sari touh thung a paung han.

27 Apa sari hnin vaihma ni a khet navah, vuen dawk e hmâ hoe kampai pawiteh, hote tami teh thoung hoeh, hrikbei ka pataw e doeh telah vaihma ni a pathang han.

28 Hateiteh, vuen dawk kâlum e kampuen hoeh, kampai hoeh, meimei tamang pawiteh hmaikakhma karado e doeh. Hote tami teh vaihma ni a thoung telah a pathang han. Hmaikak hmâ rumram doeh.

29 Napui hoehpawiteh tongpa ni lû dawk thoseh, pâkha dawk thoseh, patawnae tawn pawiteh,

30 Vaihma ni a khet navah, vuen thung ka phat e lah ao teh a muen hai ka samenpanang lah awm pawiteh hote tami teh thoung hoeh telah vaihma ni a pathang han. Lû dawk e hai thoseh, pâkha dawk e hai thoseh raipha patawnae doeh.

31 Vaihma ni hote patawnae a khet navah, vuen thung lah ka phat e lah awm hoeh, a muen hai tamang hoehpawiteh, hote patawnae ka tawn e tami hah vaihma ni hnin sari touh a paung han.

32 A hnin sari hnin vaihma ni a khet navah, a hmâ kampai hoeh, a muen hai samen hoeh, vuen thung lah phat hoeh pawiteh,

33 Hote tami e muen a ngaw pouh han. Hma dawk e muen teh ngaw pouh mahoe. Hnin sari touh bout a paung han.

34 A hnin sari hnin vaihma ni a khet navah, vuen dawk e hmâ kampai hoeh, vuen thung lah hai phat hoehpawiteh vaihma ni a thoung telah a pathang han. Amae khohna hah a pâsu vaiteh ahni teh kathounge lah ao han.

35 a thoung toe telah a pathang hnukkhu, raipha patawnae bout kampai pawiteh,

36 Vaihma ni bout a khet vaiteh patawnae hoe kampai katang pawiteh vaihma ni a muen ka samen e tawng mahoe toe.

37 Hote tami teh thoung hoeh. Hatei, raipha hah ama paroup lah a hmu teh a muen ka tamang e tâcawt pawiteh raipha a kahma teh, hote tami teh kathounge lah ao toung dawkvah, vaihma ni hote tami hah a thoung toe telah a pathang han.

38 Napui hai thoseh, tongpa hai thoseh a vuen dawk bahlaw awm pawiteh,

39 Vaihma ni a khet navah phouhou e awm pawiteh a vuen dawk e bahlaw doeh. Hote tami teh a thoung.

40 Sam ka sarut e tami teh a lû luengpalueng nakunghai thoseh a thoung.

41 Tampa sam ka sarut e tami teh a tampanga nakunghai a thoung.

⁴² A lû luengpalueng e thoseh, tampa ka nga e thoseh, ka pangaw ka paling tâcawt pawiteh, hote bahlaw teh hrikbei doeh.

⁴³ Hat toteh, vaihma ni a khet vaiteh a vuen dawk hrikbei patetlah kamnuek pawiteh a nganae koe bahlaw pangaw paling lah tâcawt pawiteh,

⁴⁴ Hote tami teh thoung hoeh. Hrikbei patawnae ka tawn e doeh. Lû dawk patawnae a tâco dawk thoung hoeh telah a pathang han.

⁴⁵ Ka hrikbei e tami teh a kapawn e khohna hah a khohna han. Luhuem laipalah atunglae pahni a huem vaiteh kathoung hoeh, kathoung hoeh telah a hram han.

⁴⁶ Hote tami teh pou kathounghoehe, kakhin e tami lah ao. Kathounghoehe tami lah ao toung dawkvah rim hloilah ao han.

⁴⁷ Ka hrikbei ni khohna e lukkarei thoseh, tu muen e thoseh,

⁴⁸ Kawng e thoseh, phaivuen e thoseh, phaivuen hoi sak e khohna thoseh,

⁴⁹ khohna ka kâbet e hmâ kahring ut lah, dukpaling lah kamnuek pawiteh, hrikbei patawnae doeh. Vaihma koe a patue han.

⁵⁰ Vaihma ni khohna dawk ka kâbet e a khet vaiteh, hnin sari touh a paung han.

⁵¹ Asari hnin bout a khet vaiteh khohna dawk patawnae teh, kawng e khohna dawk thoseh, phaivuen dawk thoseh, phaivuen hoi sak e khohna dawk thoseh, thoung hoeh hoe kampai pawiteh a patawnae teh tangpha a payang toung dawkvah, thoung hoeh. Hrikbei patawnae doeh toe.

⁵² Hote khohna kawng e dawk thoseh, tu muen e thoseh, phaivuen e thoseh, phaivuen hoi sak e khohna thoseh, hmai a sawi han. Bangkongtet-pawiteh, a hrikbei toe.

⁵³ Hateiteh, vaihma ni a khet navah, kawng e khohna, phaivuen hoi sak e khohna dawk patawnae kampai hoeh pawiteh,

⁵⁴ Khohna a pâsu hanlah kâ a poe vaiteh hnin sari touh bout a paung han.

⁵⁵ A pâsu hnukkhu vaihma ni bout a khet navah, moihna hah kampai hoeh eiteh, patawnae amaparoup lah awm pawiteh thoung hoeh, hmai a sawi han.

⁵⁶ Athunglah thoseh, alawilah thoseh hmâ cawcawyu pawiteh, a pâsu hnukkhu vaihma ni a khet vaiteh patawnae teh ka tamangpanang lah awm pawiteh, kawng e khohna, phaivuen dawk kâbet e hma kâlum e vek a phi han.

⁵⁷ Kawng e khohna, khohna hanlah sak e phaivuen dawk thoseh, hmâ bout kamnuek pawiteh kampai thai e patawnae doeh.

⁵⁸ Hot patet e patawnae kâbet e hnopai hmai a sawi han. Kawng e khohna, phaivuen hoi sak e khohna pueng, a pâsu vaiteh patawnae dam pawiteh apâhni lah bout a pâsu vaiteh a thoung han.

⁵⁹ Hete phunglam teh thoung hoi thounghoehnae pathang nahanelah, hrikbei kaman e hni, tumuen e khohna, kawng e khohna, phaivuen hoi sak e khohna kawi hoi kâkuen e kâlawk doeh telah ati.

14

Hrikbei kamthoungnae

¹ Cathut ni Mosi koe,

² Ka hrikbei e ni kamthoungnae hnin dawk a tarawi hane kawi phunglawk teh,

³ Hote tami hah vaihma koe a kaw hnukkhu, vaihma ni rim alawilah a tâco vaiteh a khet navah, hrikbei kahmat katang pawiteh,

⁴ Hote kathounge tami hanelah, kahring ni teh kathounge tava kahni touh, sidar thing, ka paling e pahla rui, dingsala dawn naw hah thokhai hanlah kê a poe han.

⁵ Vaihma ni tava buet touh e hah tui tanae talai hlaam thung a thei sak hnukkhu,

⁶ Sidar thingphek, pahla rui paling, dingsala dawn hoi cungtalah kahring e tava a thokhai vaiteh, tava thi kalawt tangcoung e thi dawk a ranup hnukkhu,

⁷ Hrikbei kathoung hane tami dawk vai sari touh a kahei vaiteh, hote tami teh a thoung toe telah a pathang han. Hat hnukkhu kahring e tava hah kahrawngum anganae koe a tha han.

⁸ Thoung sak hane tami hah amae khohna a pâsu vaiteh, a sam koung a ngaw hnukkhu, thoung nahanelah tui a kamhluk han. Hathnukkhu, rim dawk a kêan vaiteh, amae rim lawilah hnin sahnin touh ao han.

⁹ Asari hnin vah amae sam, pahnimuen, mitmuen, tak dawk kaawm e muen pueng a ngaw vaiteh, amae khohna a pâsu hnukkhu, tui a kamhluk vaiteh, kathounge lah ao han.

¹⁰ Apa taroe hnin dawk hai thoseh, kacueme âvâ ka cawt hoeh rae, tutanca kahni touh, a napui buet touh thoseh, tavai thoung hanelah, satui kalawt e tavai ephah pung hra pung touh, hoi satuium buet touh a thokhai han.

¹¹ Kathoungsakkung vaihma ni thoungsak hane tami hah tamimaya kamkuengnae takhang teng BAWIPA hmalah a thokhai han.

¹² Vaihma ni tutanca buet touh a la vaiteh, kêatapoe thoung nahanelah a thoung vaiteh, BAWIPA hmalah kahek thoung nahanlah satuium buet touh hoi a kahek han.

¹³ Tuca hah yon thoungnae sathei, hmaisawi thoungnae sathei theinae hmuen kathoung koe a thei han. Bangkongtetpawiteh, yon thoungnae hai vaihma ni a ham e doeh. Kathoung poung e lah ao.

¹⁴ Vaihma ni kêatapoe thoungnae sathei thi a la vaiteh, thoung sak lah kaawm e tami e aranglae a hnârakong dawk thoseh, aranglae kutpui hoi aranglae khokpui dawk thoseh, a hluk han.

¹⁵ Satui hai youn touh a la vaiteh, amae kuttabei dawk a awi hnukkhu,

¹⁶ Hote satui hah, aranglae a kutdawn a ranup vaiteh, Cathut hmalah vai sari touh a kahek han.

¹⁷ A kut dawk e kacawie satui hah thoung sak lah kaawm e tami e a hnârakong dawk thoseh, aranglae kutpui hoi aranglae a khokpui dawk thoseh, kêatapoe thoungnae sathei thi a hluk han.

¹⁸ A kut dawk kacawi rae satui hah thoung sak lah kaawm e tami e a lû van a awi vaiteh, hote tami hanelah yonthanae BAWIPA hmalah a sak han.

¹⁹ Hothloilah, thoung sak lah kaawm e tami hanelah, yontha nahanlah yon thoungnae sathei a thoung vaiteh, hmaisawi thoungnae sathei hah bout a thei han.

²⁰ Hmaisawi thoungnae hoi tavai thoungnae hah khoungroe dawk a thoung vaiteh, hote tami hanelah yonthanae a sak pouh vaiteh, hote tami teh a thoung han.

²¹ Hote tami teh a mathoe dawk, hottelah totouh coung thai hoeh pawiteh, a kahek vaiteh, kêatapoe thoung nahanelah, yonthanae sathei,

tutanca buet touh thoseh, tavai thueng nahanelah, satui kalawt e tavai ephah pung hra pung touh, satuium buet touh hoi a thokhai han.

²² Hathnukkhu, a coung thai e patetlah bakhu kahni touh, hoehpawiteh, âbakhuca kahni touh hah, yon thueng nahanelah buet touh, hmaisawi thueng nahanelah buet touh, a thokhai han.

²³ Ama kâthoung nahanelah, BAWIPA hmalah kamkhuengnae lukkareiim takhang teng koe, vaihma koe ataroe hnin a thokhai hnukkhu,

²⁴ vaihma ni kâtapoenae sathei, tuca hoi satuium buet touh a la vaiteh, BAWIPA hmalah kahek thuengnae a kahek han.

²⁵ Hottelah, tuca a thei hnukkhu, thi a la vaiteh, thoungsak hane tami, aranglae hnârakong dawk thoseh, aranglae kutpui hoi aranglae khokpui dawk thoseh a hluk han.

²⁶ Vaihma ni satui hai youn touh avoilaie kuttabei dawk a awi han.

²⁷ Hote satui hah aranglae kutdawn hoi vai sari touh BAWIPA hmalah a kahei han.

²⁸ A kut dawk e kacawie satui hah thoungsak lah kaawm e tami e aranglae hnârakong dawk thoseh, aranglae kutpui hoi aranglae khokpui dawk thoseh a hluk hnukkhu, kaawm e satui hah kâtapoe thuengnae sathei thi dawk thoseh a hlun han.

²⁹ Ama koe kaawm rae satui hah, hote tami e a lû dawk a awi vaiteh, ahni hanlah yon thuengnae a sak pouh han.

³⁰ Hote tami ni bakhu thoseh, âbakhu thoseh,

³¹ Yon thueng nahanlah buet touh, tavai thuengnae hoi cungtalah, hmaisawi thueng nahanlah buet touh a thokhai vaiteh, Vaihma ni a thueng vaiteh, hote tami hanlah yonthanae BAWIPA hmalah a sak pouh awh han.

³² Hete phung teh ka hrikbei ni teh a thoung nahanlah ka tawn hoeh e mathoe hoi kâkuen e kâlawk lah ao telah atipouh.

³³ BAWIPA ni Mosi hoi Aron koe bout a dei pouh e teh,

³⁴ Kai ni na poe e Kanaan ram coe hanlah na kâen awh toreih teh, na coe e ram buet touh dawk im buetbuet touh dawk Kai ni ka hrikbei sak pawiteh,

³⁵ Imkung ni vaihma koe a cei vaiteh, Kaie im dawk ka hrikbei e ao patet telah tetpawiteh,

³⁶ Hote im dawk kaawm e pueng thounghoehnae koe phat payon vai ti ngaihri ao dawkvah, vaihma ni ka hrikbei e hah a khet hoehnahlan, kaawm e pueng takhoe sak hanelah, kâ a poe han. Hathnukkhu, vaihma ni a khet hanelah imthung a kâen han.

³⁷ Patawnae a khet nah tapang dawk kahring patet, ka paling patetlah ao teh tapang dawk a hmâ kâbet e patetlah awm pawiteh,

³⁸ Imthung hoi alawilah a tâco vaiteh, hote im hah hnin sari touh thung tho a khan han.

³⁹ Asari hnin vaihma ni bout a khet vaiteh, tapang dawk patawnae hoe kampai pawiteh,

⁴⁰ Hmâ kâbetnae talungnaw hah a la vaiteh, kho alawilah kakhin e hmuen koe tâkhawng hanelah kâ a poe han.

⁴¹ Hote imthung petkâtue lah a koe sak han. A koe e naw hah kho alawilah a khinnae hmuen koe a rabawk han.

⁴² Apasueke talung e hmuen koe alouke talung hah a la vaiteh, a ta hnukkhu, alouke lungphen hoi bout a pathoup han.

⁴³ Hottelah, talung a la vaiteh, im a koe e naw bout a pathoup hnukkhu, patawnae bout tawn rah pawiteh,

⁴⁴ Vaihma ni a khet hanelah bout a tho navah hote im dawk patawnae hoe kampai pawiteh, tak kacate hrikbei doeh. Hote im hah thoung hoeh e lah ao dawkvah,

⁴⁵ talung, thing, tangpung kaawm e pueng a raphoe vaiteh, kho alawilah kakhin e hmuen koe a hruiek han.

⁴⁶ Hothloilah, hote imrakhan dawk kâen e pueng teh tangmin totouh thoung hoeh.

⁴⁷ Hote im dawk ka ip e tami, ka catnet e tami teh, amae khohna a pâsu han.

⁴⁸ Im teh a pathoup hnukkhu, vaihma ni a khet navah, patawnae kampai hoehpawiteh, a dam toung dawkvah, hote im teh a thoung toe telah a pathang han.

⁴⁹ Hote im a thoung nahanelah tava kahni touh, sidarthing, pahla paling hoi dingsala a sin vaiteh,

⁵⁰ tui kalawng e tanae talai hlaam thung, tava buet touh e a thei han.

⁵¹ Sidarthing, dingsala, pahla paling hoi kahring e tava a la vaiteh, tava thi hoi kalawt e tui dawk a ranup hnukkhu, hote im dawk vai sari touh a kahei han.

⁵² Hottelah, tava thi, kalawng e tui, kahring e tava, pahla paling, dingsala hoi sidarthing hoi im thoung sak hnukkhu,

⁵³ Kahring e tava hah a ngainae koe kho alawilah a tha vaiteh, hote im hanelah yonthanae a sak vaiteh, a thoung han.

⁵⁴ Hete phung heh hrikbei patawnae phunkuep hoi raipha patawnae,

⁵⁵ Khohna dawk kâbet e hrikbei hoi im dawk kâbet e hrikbei.

⁵⁶ Tak dawk ka pâphu e, ka pathak e, kâlum e hrikbei, hot patet e kong daw,

⁵⁷ athoung hoi athounghoeh e kapek vaiteh, panue thai nahanelah, poe e kâlawk doeh telah atipouh.

15

Tak daw hoi ka tâcawt e hno kathounghoeh

¹ BAWIPA ni Mosi hoi Aron koe bout a dei pouh e teh,

² Nangmouh roi ni Isarel miphunnew koe na dei pouh hane teh, tongpa tie pueng atak daw lacip tâcawt pawiteh, hote lacip teh thoung hoeh.

³ Pou a tâco nakunghai thoseh, avavai a tâco nakunghai thoseh, hote tami teh thoung hoeh.

⁴ A inae, a tahungnae naw pueng hai thoung hoeh.

⁵ Ahnie ikhun kâbet e tami, a tahungnae daw ka tahung e tami teh,

⁶ Ahnie tak kâbet e tami hoi,

⁷ Tamtui kâbet e tami teh amae e khohna a pâsu vaiteh tui a kamhluk han.

⁸ Hote tami teh tangmin totouh thoung hoeh.

⁹ A kâcuinae rangdoun hai thoung hoeh.

¹⁰ Hote tami e rahim kaawm e hno kâbet e tami teh tangmin totouh thoung hoeh. Hote hno buetbuet touh ka sin e tami teh amae khohna a pâsu vaiteh tui a kamhluk han. Tangmin totouh thoung hoeh.

¹¹ Lacip ka tâcawt e tami ni a kut pâsu laipalah alouke tami a kut hoi tek pawiteh, hote tami teh a khohna a pâsu vaiteh tui a kamhluk han. Tangmin totouh thoung hoeh.

¹² Lacip ka tâcawt e tami ni a kâbet e talai hlaam rek hem han. Thingtongben teh tui hoi pâsu han.

¹³ Lacip ka tâcawt e tami a patawnae a dam torei teh, a damnae hnin hoi a kamtawng vaiteh, hnin sari touh aloum hnukkhu, amae khohna a pâsu vaiteh, tui kalawng a kamhluk vaiteh a kamthoung han.

¹⁴ Ataroe hnin vah, bakhu kahni touh thoseh, âbakhu kahni touh thoseh buetbuet touh Cathut hmalah kamkhuengnae lukkareiim takhang koe a thokhai vaiteh vaihma koe a poe han.

¹⁵ Vaihma ni yon thueng nahanelah buet touh, hmaisawi thueng nahanelah buet touh a thueng vaiteh lacip ka tâcawt e tami hanelah BAWIPA hmalah yonthanae a sak pouh han.

¹⁶ Tongpa ni a yangtui tâcawt pawiteh tui a kamhluk han. Tangmin totouh thoung hoeh.

¹⁷ A yangtui kâbet e pueng teh tui hoi pâsu han. Ama hai tangmin totouh thoung hoeh.

¹⁸ Tongpa ni napui hoi ip roi pawiteh tui a kamhluk roi han. Tangmin totouh thoung hoeh.

¹⁹ Napui ni kampheng pawiteh hnin sari touh thung thoung hoeh. Ahni kâbet e tami hai tangmin totouh thoung hoeh.

²⁰ A kampheng lahun nah a inae hoi a tahungnae naw pueng hai thoung hoeh.

²¹ Ahnie a inae hoi a tahungnae ka kâbet e tami teh amae khohna a pâsu vaiteh tui a kamhluk han.

²² Hote tami teh tangmin totouh kathounghoehe lah ao.

²³ A inae ikhun dawk thoseh, a tahungnae dawk thoseh, a pacâ e thi ka kâbet e tami teh tangmin totouh thoung hoeh.

²⁴ Ka kampheng e napui hoi ka ip e tami teh hnin sari touh thung thoung hoeh. A inae pueng haiyah thoung hoeh.

²⁵ A kamphengnae hnin akuiep hnukkhu, a thi khap hoeh rah pawiteh, a thikhap hoehroukrak, kamphengnae tueng patetlah thoung hoeh.

²⁶ A thikui e a dam hoehroukrak ahnie a inae hoi a tahungnae teh a kamphengnae patetlah thoung hoeh.

²⁷ Hote hnonaw ka kâbet e tami hai a thounghoeh dawkvah amae e khohna a pâsu vaiteh tui a kamhluk han. Tangmin totouh thoung hoeh.

²⁸ Hote napui teh thikui e a khap hnukkhu, hnin sari touh loum pawiteh a thoung han.

²⁹ Ataroe hnin vah, bakhu kahni touh thoseh, âbakhu kahni touh thoseh, buetbuet touh kamkhuengnae lukkareiim takhang koe, vaihma koevah a thokhai han.

³⁰ Vaihma ni yon thueng nahanelah buet touh, hmaisawi thueng nahanelah buet touh a thueng vaiteh, kampheng nah kathounghoehe napui hanelah BAWIPA hmalah yonthanae a sak pouh han.

³¹ Hottelah, Isarel mipunnaw ni ahnimouh koe kaawm e Kaie lukkareiim a khin sak awl teh, a thounghoehnae dawk a due awl hoeh nahanlah a kamthoung awl han.

³² Hete phung teh tak dawk hoi lacip ka tâcawt e, a yangtui ka tâcawt ni teh kakhin e tami, ka kampheng e napui,

³³ Napui tongpa o inae dawk tarawi hane kawi phung doeh atipouh.

16

Kâmaihawinae hnin

¹ Aron e capa roi ni BAWIPA hmalah thuengnae a sak teh a due roi hnukkhu, BAWIPA ni Mosi koe a dei pouh e teh,

² Na hmau Aron ni a due hoeh nahanelah, hmuen kathoung dawk thingkong van, lungmanae tungkhung hmalah nâtuék hai kâen sak hanh. Kai teh thingkong van, lungmanae tungkhung hmalah tâmai dawk hoi ka kamnué han.

³ Aron ni lukkarei hmuen kathoung thung bangtelah hoi maw a kâen han tetpawiteh, yon thueng nahanelah, a kum kanaw e maitotan buet touh, hmaisawi thueng nahanelah tutan buet touh a thokhai han.

⁴ Kathoung lukkarei angki hoi hna a khohna vaiteh lukkarei taisawm a kâyeng han. Lukkarei lupawk hai a pawk han. Hote khohnanaw teh a thoung dawkvah, tui a kamhluk hnukkhu a khohna han.

⁵ Isarel miphun tamimaya naw koe e, yon thueng nahanelah hmaeca kahni touh, hmaisawi thueng nahanelah tu buet touh a la han.

⁶ Aron ni amae yon thueng nahanelah maito a thueng vaiteh, ama hoi a imthungkhunaw hanelah yonthanae a sak han.

⁷ Hmae kahni touh hai a thokhai vaiteh, kamkhuengnae lukkareiim takhang koe, Cathut hmalah a poe han.

⁸ Aron ni hmae kahni touh hane kong dawc cungpam a rayu han. Buet touh e Cathut hanelah a rayu vaiteh, bout touh e teh kahrawngum tha hanelah a rayu han.

⁹ Cathut e cungpam lah a rayu e hmae teh Aron ni a la vaiteh yon thueng nahanelah a thueng han.

¹⁰ Tha hanelah cungpam a rayu e hmae teh a hring lahoi Cathut hmalah a poe vaiteh, a lathueng yonthanae a sak hnukkhu, kahrawngum a nganae koe a tha han.

¹¹ Aron ni amae yon thueng nahanelah maito a thokhai hnukkhu, ama hoi a imthungkhunaw hanelah yonthanae a sak vaiteh, amae yon thuengnae maito a thei han.

¹² Cathut hmalah khoungroe hmaisaaan hoi kakawi e tongben buet touh a la vaiteh, kanui lah phawm e hmuitui kutvang touh hoi, lukkarei yap e athunglah kâenkhai han.

¹³ Aron ni duenae dawc hoi a hlout nahanelah hmuitui e hmaikhu ni lawkpanuesaknae thingkong khuem hmuitui sak hanelah BAWIPA hmalah hmuitui van a phuen han.

¹⁴ Maito thi youn touh a la vaiteh, Kanîtholah thingkong khuem van a kutdawn hoi a kahei han. Thingkong khuem a hmalah hai vai sari touh a kutdawn hoi a kahei han.

¹⁵ Hathnukkhu, taminaw hanelah yon thuengnae hmae a thei vaiteh, a thi hah lukkarei yap e athunglah a kâenkhai hnukkhu, maito thi a kahei e patetlah thingkong khuem van thoseh, a hmalah hai thoseh, a kahei han.

¹⁶ Isarel miphunnaw e thounghoehnae yon dawc thoseh, kâtapoenae yon pueng dawc thoseh, hmuen kathoung hanelah yonthanae a sak han. Hottelah, Isarel miphunnaw thounghoehnaw yon thung kaawm e naw kamkhuengnae lukkareiim hanelah a sak han.

¹⁷ Hmuen kathoung koe yonthanae sak hanelah, a kâen nah, ama hanelah a imthunggnaw hanelah, Isarel miphun abuemlah hanelah, yonthanae a sak teh, a tâco hoehroukrak kamkhuengnae lukkareiim thung apihai awm mahoeh.

¹⁸ BAWIPA hmalah khoungroe koe bout a tâco vaiteh, yonthanae a sak hanelah, maito thi, hmae thi, a la vaiteh khoungroe kinaw dawc a hlun han.

¹⁹ Thuengnae khoungroe van hai hote thi hah a kutdawn hoi vai sari touh a kahei vaiteh, Isarel miphunnaw e thounghoehnae a thoung sak han.

²⁰ Hottelah, hmuen kathoung hanelah, kamkhuengnae lukkareiim hanelah, khoungroe hanelah, yonthanae a sak hnukkhu, hmae a hring lah a thokhai han.

²¹ Aron ni kahring e hmae lû van a kut kahni touh hoi a tOUNG vaiteh, Isarel miphunnaw e yonnae naw hoi a sakpayonnae pueng yonpâpho vaiteh, hmae lû van a tOUNG pouh hnukkhu, a rawi e tami buet touh ni kahrawngum a ceikhai han.

²² Ahnimaie yonnae pueng tami ohoehnae hmuen koe ka cetkhai e hote hmae hah kahrawngum a tha han.

²³ Aron ni kamkhuengnae lukkareiim thung bout a kâen vaiteh, hmuen kathoung koe apasuek a kâen navah, a kho e loukloukkaang e khohna a kho e hah a rading vaiteh, hmuen kathoung koe a ta han.

²⁴ Hmuen kathoung koe tui a kamhluk vaiteh amae khohna a khohna hnukkhu, bout a tâco vaiteh, Ama hoi taminaw hanelah hmaisawi thuengnae sathei hah a thueng vaiteh, Ama hoi ayânaw hanelah yonthanae a sak han.

²⁵ Yon thuengnae sathei thaw teh khoungroe van vah hmai a sawi han.

²⁶ Kahrawngum hmae ka tha e tami hai amae khohna a pâsu vaiteh tui a kamhluk hnukkhu, a onae rim dawk bout a kâen han.

²⁷ Yon thuengnae maito hoi yon thuengnae hmae thi yonthanae sak hanelah hmuen kathoung koe kâenkhai e hah rim alawilah a ceikhai han. A pho, a moi, hoi a ei hah hmaisawi han.

²⁸ Hmai ka sawi e tami hai amae khohna a pâsu vaiteh, tui a kamhluk han. Hathnukkhu, roenae rim koe a cei han.

²⁹ Nangmouh ni na tarawi awh hane phung teh Isarelnaw thoseh, nangmouh koe kaawm e imyinnaw thoseh, Asari e thapa, hnin hra hnin vah, thaw na tawk awh mahoe. Na kâhat awh han.

³⁰ Bangkongtewawiteh, BAWIPA hmalah nangmanaw yonnae pueng dawk hoi na thoung awh nahanelah, hote hnin dawk vaihma ni nangmouh na thoung a nahanelah yonthanae a sak han.

³¹ Hote hnin teh nangmouh na kâhat nahanelah sabbath hnin lah ao dawkvah duem na kâhat awh han.

³² A na pa e yueng lah vaihma thaw ka tawk hanelah, apasueke vaihma kut dawk hoi satui awi lah kaawm e tami ni yonthanae a sak han. Hote vaihma teh kathoung lukkarei khohna a khohna han.

³³ Hmuen kathoung hanelah, kamkhuengnae lukkareiim hanelah, khoungroe hanelah, vaihmanaw hanelah, tami pueng hanelah yonthanae a sak han.

³⁴ Hete phung teh Isarel miphunnaw ni a yonnae kaawm pueng dawk, kum touh dawk vai touh, yonthanae sak hanelah, nangmouh ni pou na tarawi a hanelah, kâpoe e lah ao telah Cathut ni Mosi koe lawkthui e patetlah Aron ni a sak.

17

Thuengnae hmuen

¹ BAWIPA ni Mosi koe,

² Nang ni Aron hoi a capa, Isarel miphunnaw koe bout na dei pouh han e teh,

³ Isarel miphun dawk e tami buetbuet touh ni tu, hmae maito hah rim thung a thei nakunghai thoseh, rim alawilah a thei nakunghai thoseh,

⁴ Cathut e lukkareiim hmalah, Cathut koe thuengnae sak hanelah, kamkhuengnae lukkareiim takhang koe thokhai hoehpawiteh, hote tami teh hringnae a thei dawk a yon telah pouk han. Thi ka palawng e hote tami teh a miphun dawk hoi takhoe lah ao han.

⁵ Isarel miphunnaw ni kahrawng um vah thueng e satheinaw hah kamkhuengnae lukkareiim takhang hmalah, Cathut koe vaihma hmalah a thokhai vaiteh, roun thuengnae a sak han.

⁶ Vaihma ni hote sathei thi hah tamimaya kamkhuengnae takhang teng e khoungroe van a kahei vaiteh, athaw hai Cathut koe hmuitui hanlah hmai a sawi han.

⁷ Ahnimouh ni apasueke a kâyo awh e patetlah hmalah kahraituilinaw koe thuengnae bout sak awh mahoe. Hete kâlawk teh ahnimaie miphun catounnaw ditouh a tarawi hane kâlawk lah ao.

⁸ Isarel miphun thoseh, nangmouh koe kho ka sak e alouke miphun thoseh, hmaisawi thuengnae hoehpawiteh, alouke sathei buetbuet touh, a thung navah,

⁹ BAWIPA koe thuengnae a sak han navah, kamkhuengnae lukkareiim takhang koe a thokhai hoehpawiteh, hote tami teh a miphun dawk hoi na takhoe awh han telah ahnimouh koe na dei pouh awh han.

Thi ca cakânae

¹⁰ Isarel miphunnaw na hoehpawiteh, nangmouh koe kho ka sak e alouke miphunnaw, buetbuet touh ni thi cat pawiteh, hote tami teh kai ni ka maithoe vaiteh a miphun dawk hoi ka takhoe han.

¹¹ Bangkongtetpawiteh, tak hringnae teh thi dawk doeh ao. Nangmae na sak e yontha nahanelah, hote thi hah nang koe thuengnae khoungroe van ka poe toe. Tami e yon katha thai e teh thi doeh.

¹² Hatdawkvah, nangmouh dawk apihai thi na cat awh mahoe. Nangmouh koe kho ka sak e alouke miphunnaw hai thi cat awh mahoe telah Isarel miphunnaw koe Kai ni kâ ka poe.

¹³ Isarel miphunnaw hoehpawiteh nangmouh koe kho ka sak e alouke miphunnaw buetbuet touh ni a hrampa teh ca hanelah moithang tava man pawiteh, thi a palawng vaiteh talai hoi a paten han.

¹⁴ Thi teh moithang pueng e hringnae lah ao. Hatdawkvah, nangmouh ni moithang buetbuet touh e thi na cat awh mahoe telah Isarel miphunnaw koe kâ ka poe. Moithangnaw pueng ni a hringnae teh thi dawk ao dawkvah, thi ka cat e tami teh takhoe roeroe lah ao han.

¹⁵ Amahmawk kadout e saring, sarang ni a kei e caha ka cat e, mae miphun, alouke miphun thoseh, amae khohna a pâsu vaiteh tui a kamhluk han. Tangmin totouh kathounghoehe lah ao.

¹⁶ Khohna pâsu hoe, tui hai kamhluk hoehpawiteh amae a yonnae ama ni a khang han telah BAWIPA ni ati.

18

Kamsoumhoehe napui tongpa yon cakânae

¹ BAWIPA ni Mosi koe,

² nang ni patuen na dei pouh hane teh, Kai teh nangmae BAWIPA Cathut lah ka o.

³ Nangmouh ni ouk na onae Izip ram e nuencang thoseh, nangmouh na kâen khai nahane ram Kanaan ram e a nuencang thoseh, nangmouh ni na tarawi awh mahoe. Ahnimae lamthung hai na dawn awh mahoe.

⁴ Kai ni kâ na poe e patetlah na tarawi awh vaiteh, Kaie ka phunglam dawh na hring awh han. Kai teh nangmae Cathut Jehovah lah ka o.

⁵ Hatdawkvah, Kaie ka phunglamnaw hah tarawi awh. Hote phung ka tarawi e tami teh hote phung lahoi a hring han. Kai teh BAWIPA doeh.

⁶ Nangmouh thung dawh apihai ama hoi kâhnai e tami yonkhai mahoe. Kai teh BAWIPA doeh.

⁷ Nange na pa hoi kâkuen e na manu na ipkhai mahoe. Na manu lah ao dawkvah na yonkhai mahoe.

⁸ Na pa e yu koe na hnai mahoe. Na pa hoi kâkuen e lah ao.

⁹ Im touh dawh rei khe e thoseh, alouke kho dawh khe e thoseh, na tawncanu na ipkhai mahoe.

¹⁰ Na minca na ipkhai mahoe.

¹¹ Manu Alouklouk ei teh, na pa buet touh e na tawncanu na ipkhai mahoe.

¹² Na mani thoseh,

¹³ na manta thoseh,

¹⁴ na pa e hmaunawngaha hoi kâkuen e a yuca hai thoseh,

¹⁵ na capa e a yu, na langa hai thoseh,

¹⁶ hmaunawngaha hoi dueng kâkuen e na hmaunawngaha e a yu hai thoseh, na ipkhai mahoe.

¹⁷ Na yu hoi kâhnai lah kaawm e na yu e canu, na yu e minca na ipkhai mahoe. Hot patet hateh, kahawihoehe hno doeh.

¹⁸ Na yu a hring navah, runae na poe hoeh nahanlah a nawngaha na lat mahoe.

¹⁹ Na yu a kampheng lahun nah na ipkhai mahoe.

²⁰ Ayâ yu na yonkhai mahoe. Ayâ yu yonkhainae teh mahoima kâkhinsaknae doeh.

²¹ Na canaw hah Molek koe thuengnae lah na sak mahoe. Na Cathut e min na pathoe mahoe. Kai teh BAWIPA doeh.

²² Napui hoi rei na i e patetlah tongpa hoi rei na ip mahoe.

²³ Panuethkatho e hno doeh. Ma kâkhinsaknae doeh. Saring na ka ipkhai mahoe. Napui hai thoseh, saring hoi na ip sak mahoe. Panuethkatho e lah ao.

²⁴ Hot patet e hno hoi namamouh hoi namamouh na kâkhinsak awh mahoe. Bangkongtetpawiteh, hete hno a sak awh kecu dawh, nangmae hmalah ka takhoe e miphunnaw ni hottelah a sak awh teh a khin awh toe.

²⁵ Ahnimae ram hai a khin. A khin kecu dawh Kai ni ka toun awh teh hote ram ni amae canaw a palo awh han.

²⁶ Nangmouh teh Kai ni ka dei e phunglamnaw hah na tarawi awh han.

²⁷ Hote ram ni hmaloe kaawm e miphunnaw a palo e patetlah bout na khin awh vaiteh, na palo awh hoeh nahanlah ram thung e tami thoseh, nangmouh koe kho ka sak e alouke miphunnaw thoseh, hot patet e panueththo e na sak awh mahoe.

²⁸ Hot patet e hno panueththo e saknae lahoi ahnimae ram teh a khin toe.

²⁹ Hot patet e hno panueththo e ka sak e tami teh a miphun dawh hoi takhoe lah ao han.

³⁰ Hatdawkvah, hmaloe a sak a e panueththo e singyoe, nangmouh ni dawn laihoi na kâkhinsak awh hoeh nahanlah, kâlawk tarawi awh. Kai teh nangmae BAWIPA Cathut doeh telah ati.

19

BAWIPA teh a thoung

¹ BAWIPA ni Mosi koe,

² Nang ni Isarel miphun, rangpuinaw koe bout na dei pouh hane teh, nangmae BAWIPA, Kai teh kathoung patetlah nangmouh hai thoung van awh.

³ Tami pueng ni na manu hoi na pa na bari awh han. Kaie sabbath hnin hai na ya awh han. Kai teh nangmae BAWIPA Cathut doeh.

⁴ Kutsak na bawk awh mahoe. Ma hanelah hlun e cathutnaw na sak awh mahoe. Kai teh nangmae BAWIPA Cathut doeh.

⁵ Roun thuengnae sathei BAWIPA koe thuengnae na sak pawiteh, BAWIPA lung ka youk lah na thueng awh han.

⁶ Thuengnae hnin hoi atangtho hnin dawk na ca awh han. Cawi pawiteh, a tawkkahnin teh hmai na sawi awh han.

⁷ Tawkkahnin dawk yitca nakunghai na cat awh pawiteh, panuettho e lah ao. Lungyouk lah awm mahoe.

⁸ Ka cat e tami teh BAWIPA thoungnae a khinsak dawkvah, a yonnae phu teh ama ni a khang han. Hote tami teh a miphun dawk hoi takhoe lah ao han.

Namahoima patetlah na imri lungpataw

⁹ Na law dawk e cang na a torei teh, lawrai lae koung na a awh mahoe. Cabong bout na hrawm a torei hai na pahnim a e bout na hrawm awh mahoe.

¹⁰ Misur paw hai koung na khi awh mahoe. Kacawie a paw bout na khi awh mahoe. Hote a paw teh, kamathoe e tami, hoi imyinnaw hanelah, na pek awh han. Kai teh nangmae BAWIPA Cathut doeh.

¹¹ Ayâ e hno na parawt awh mahoe. Ayâ na dum awh mahoe. Buethuet touh laithoe na kâdei awh mahoe.

¹² Kaie min lahoi kahmanhoe lah thoe na ka bo awh mahoe. Na Cathut e min mihout sak awh hanh. Kai teh BAWIPA doeh.

¹³ Na imri e hno kamsoum hoe lahohi lawm hanh. Thama lahoi lat pouh hanh. Counnae phu hah karum loum sak hanh.

¹⁴ Hnâpang thoe na bo mahoe. Mitdawn hmalah kamthui kawi hno na tat pouh mahoe. Na Cathut hah barih. Kai teh BAWIPA doeh.

¹⁵ Lawkcengnae koe kamsoum hoe lah lawk na ceng mahoe. Kamathoe e noutna laipalah awm hanh. Athakaawme tami minhmai khen hanh. Na imri hah kamsoum lah lawk na ceng han.

¹⁶ Ayânaw minhmai mathoenae kamthang hah dei hanelah na taminaw koe na kâhlai mahoe. Na imri runae kâhmo sak hanlah na kâcai mahoe. Kai teh BAWIPA doeh.

¹⁷ Na lung thung hoi na hmaunawnggha hmuhmanae na tawn mahoe. Na imri a payonnae hah pak khen laipalah na yue katang han.

¹⁸ Na taminaw ni nang koe payon awh pawiteh, bout pathung hanh. A yonnae hah pâkuem pouh hanh. Na imri hah nama patetlah lungpataw. Kai teh BAWIPA doeh.

Kaie cangkhaiae na tarawi han

¹⁹ Kaie phunglawk na tarawi awh han. Aphun alouklouk e saring a napui, a na tongpa âvâ na yawng sak mahoe. Cati alouklouk e mak kâkalawt lah law dawk na patue awh mahoe. Pahla hoi tumuen carouk teh kawng e khohna na khohnat awh mahoe.

²⁰ Paluen hanelah sut ham teh ratang hoeh rae a sannu ka ipkhai e tami teh hemnae a khang han. Hote napui teh amae san lah ao dawkvah thei lah awm mahoe.

²¹ Tongpa ni hai kâtapoe thueng nahanelah, tutan buet touh kamkhuengnae lukkareiim takhang koe BAWIPA koevah a thokhai han.

²² Hote tongpa ni a sakpayon e yontha nahanelah, kâtapoe thuengnae tutan hah, vaihma ni BAWIPA hmalah a thueng han. Hote tongpa teh yon ngaithoum lah ao han.

²³ Nangmouh koe Kai ni na poe e ram dawh na pha awh toteh, cakawi thingthai aphunphun na ung awh hnukkhu, kum thum touh thung kapaw e a pawnaw hah, vuensoma hoeh e a paw telah na pouk awh vaiteh, na cat awh mahoe.

²⁴ A kum palinae kapaw e a paw pueng teh a thoung dawkvah BAWIPA pholen nahanelah pasoum lah ao.

²⁵ A kum panganae a pawnaw hah na ca awh han. Hottelah na sak pawiteh thingthainaw hoe a paw han. Kai teh nangmae BAWIPA Cathut lah ka o.

²⁶ A thi hoi bangpatet e a moi hai mek na cat awh mahoe. Tami na ân mahoe. Kut na khet hoi khueyue lawk na dei mahoe.

²⁷ Na lû kâkalup lah na sam na ngaw mahoe. Pâkhamuen na ngaw mahoe.

²⁸ Kadout e tami hanelah na tak na a mahoe. Mangkâkhuinae na sak mahoe. Kai teh BAWIPA doeh.

²⁹ Na canu kâyawt sak hanh. Hoehpawiteh ram ni kâyawt e koe kâbang vaiteh, kahawihoehe hno hoi akawi han.

³⁰ Sabbath hnin hah na ya han. Kaie hnin kathoung hah na bari han. Kai teh BAWIPA doeh.

³¹ Nama hoi nama kâkhinsak hanelah kahrai khueyue koe, kamlang hanh. Hmaui hai tawng awh hanh. Kai teh nangmae BAWIPA Cathut doeh.

³² Sam ka po e hmalah kangdout nateh, matawng e minhmai na bari han. Na Cathut hah na taki han. Kai teh BAWIPA doeh.

³³ Nangmouh koe kârâyen e imyin hah na rektap mahoe.

³⁴ Nangmouh koe kârâyen e imyin hah na tami patetlah na pouk han. Nama patetlah na lungpataw han. Nangmouh teh Izip ram vah imyin lah ouk na o awh toe. Kai teh nangmae BAWIPA Cathut doeh.

³⁵ Bangnuenae, Khingnae, tonae dawkvah kamsoum hoeh lah na sak mahoe.

³⁶ Kahman e yawcu, khinglung, Kahman e ephah, kahman e hinnaw hah na hno han. Kai teh Izip ram hoi nangmouh ka tâcawtkhai e nangmae BAWIPA Cathut lah ka o.

³⁷ Kaie phunglamnaw puenghoi lawk tâtueng e naw pueng hah na tarawi awn han. Kai teh BAWIPA doeh telah ati.

20

Camo thueng reknæ

¹ BAWIPA ni Mosi koe, nang ni Isarel miphunnaw koe bout na dei pouh hane teh,

² Isarel taminaw thoseh, Isarelnaw koe kho ka sak e alouke miphunnaw thoseh, amae canaw Molek koe, ka poe e tami teh thei roeroe han. Khocanaw ni talung hoi a dei awn han.

³ Kaie hmuen kathoung kakhin sak niteh, Ka min kathoung kamathout sak niteh, amae canaw Molek koe ka poe e tami teh, Kai ni mithmaithung sin vaiteh, a miphun dawk hoi ka takhoe han.

⁴ Amae canaw Molek koe ka poe e tami hah, khocanaw ni nout laipalah thet aw hoh pawiteh,

⁵ Hottelah kaawm e tami hoi a imthungkhunaw hah, Kai ni mithmaithung sin vaiteh, ahni hai thoseh, ahni hoi cungtalah Molek koe, ka kâyawtnaw hai thoseh, ahnmae miphun dawk hoi ka takhoe han.

⁶ Lam ka phen ni teh kahrai khueyue koe kamlang e taminaw hoi camkathoumnaw koe kâyawt e naw hah, mithmaithung sin vaiteh, a miphun dawk hoi ka takhoe han.

⁷ Nangmae BAWIPA KAI Cathut teh kathoung dawkvah nangmouh hai kâthoung sak aw hoh nateh, kathoung lah awm aw hoh.

⁸ Kaie ka phunglamnaw hah na tarawi aw hoh han. Kai teh BAWIPA, nangmouh na kathoung sak e BAWIPA doeh.

⁹ Apipatethai a manu, hoi a na pa thoe ka bo e tami pueng teh, thei roeroe lah ao han. A manu hoi a na pa thoe a bo dawkvah, a thi phu teh amae lû dawk a bo han.

Kamsoumhoeh e napui tongpa yon reknæ

¹⁰ Ayâ yu yonkhai pawiteh, ka uicuk e napui hoi tongpa hah mek thei lah ao han.

¹¹ Apihai a na pa e yu yonkhai pawiteh, a na pa kaya sak e lah ao dawkvah, hote napui hoi tongpa mek thei lah ao han. Ahnmae thi phu teh amae lû dawk a bo han.

¹² Apihai amae langa ipkhai pawiteh, ahnimouh roi panuetho e hno hah a sak dawkvah, mek thei lah ao han.

¹³ Apihai napui ikhai e patetlah tongpa reira ipkhai pawiteh, ahnimouh roi teh panuetho e hno a sak roi dawkvah, mek thei lah ao han. Ahnimouh roi e thi phu teh amamouh roi dawk a bo han.

¹⁴ Apihai a manu hoi canu a yu lah mek lat pawiteh, Hot teh, kahawihoehe hno doeh. Nangmouh koevah kahawihoehe hno ao hoeh nahanelah, ahnimanaw teh hmai na sawi aw hoh han.

¹⁵ Apihai saring ipkhai pawiteh, ahni teh thei lah ao han. Hote saring hai thei lah ao han.

¹⁶ Napui ni saring koe kâ ipkhai sak pawiteh, hote napui hoi saring teh mek thei lah ao han. Ahnie thi phu teh amae lû dawk a bo han.

¹⁷ Tongpa ni a tawncanu, a na pa e canu, na hoehpawiteh, a manu e canu a yu lah a paluen teh ipkhai pawiteh, hot hateh, kamsoumhoeh hno doeh. Ahnimouh roi teh a taminaw e hmaitung hoi takhoe lah ao han. Hote tongpa teh amae tawncanu a okhai dawkvah a yonnae phu ama ni a khang han.

¹⁸ Tongpa ni kampheng lahun e napui ipkhai pawiteh, thi palawng hanlah a lungkuep roi dawkvah, ahnimouh roi teh a miphun dawk hoi takhoe lah ao han.

¹⁹ Na mani hoi na manta na ipkhai mahoe hoh. Hottelah, kâhnei e imthung hoi ka ipawm e tami teh amamae yonnae a khang han.

²⁰ Tongpa ni a na pa e hmaunawnggha yu ipkhai pawiteh, a na pa e hmaunawnggha hoi dueng kâkuen e a ikhai dawkvah, ahnimouh teh amae yon phu teh amae lû dawk a bo han. Carôe laihoi a due han.

²¹ Tami ni a hmaunawnggha e yu ipkhai pawiteh, kakhin e hno lah ao. A hmaunawnggha hoi dueng kâkuen e a ikhai dawkvah, ahnimouh teh carôe lahoi a due han.

²² Kai ni nangmouh na hrawi aw hah teh, kho na sak hane ram ni na palo aw hah hoe hanelah, Kaie phunglawknaw pueng na tarawi aw hah.

²³ Nangmae hmalah ka takhoe e miphunnaw e singyoe hah na tarawi aw hah mahoe. Ahnimanaw ni hot patet e hno a sak aw hah dawkvah ka panuet.

²⁴ Ahnimae ram lah kaawm e sanutui hoi khoitui a lawngnae ram hah, nangmouh ni râw lah na coe aw hanelah, Kai ni khoeroe na poe aw hah han telah Kai ni kâ na poe aw hah toe. Kai teh alouke miphunnaw hoi nangmouh na kapek e nangmae BAWIPA Cathut lah ka o.

²⁵ Hatdawkvah, kathounge moi, kathounghoehe moi, kathounge tava, kathounghoehe tavanaw hah na kapek han. Kai ni kapek e patetlah Kathounghoehe moi, tava, talai dawk a von hoi kâva e saring buetbuet touh lahoi namahoima kâkhinsak aw hah.

²⁶ Kai Cathut, kathoung dawkvah nangmouh na panki teh Jentelnaw hoi na kapek dawkvah, Kai hanelah na kâthoung aw hah.

²⁷ Tongpa thoseh, napui thoseh, kahrai khueyue, camkathoum lah kaawm e tami teh thei roeroe lah ao han. Hot patet e tami teh, talung hoi dei lah ao han. Amae thi phu amae lû dawk a bo han.

21

Thoungnae hoi Vaihmanaw

¹ Cathut ni Mosi koe, nang ni Aron capa, vaihmanaw koe bout na dei pouh hane teh, na miphunnaw duena dawk apihai na kâkhinsak aw hah mahoe.

² Hateiteh, kahnai poung e manu napa, canaw, hmaunawnggha,

³ Vâ ka tawn hoe hah rae na tawncanu hanelah, khin thainae kâ a tawn.

⁴ Na tami khobawinaw hanelah kâkhinsak hanelah aw hah hoe.

⁵ Vaihma teh lû hoi pâkhamuen ngaw mahoe. Atak hai kâbouk mahoe.

⁶ Ahni teh amamae Cathut hanelah a thoung han. Na Cathut e min mathout sak aw hah. Cathut e canei a thueng aw hah dawkvah, a thoung han.

⁷ Ahni teh kâyawt e napui, a nuencang kahawihoehe napui, vâ hoi kamphei e napui hoi na kâyuva mahoe. Bangkongtetpawiteh, vaihma teh Cathut hanelah kâthoung e lah ao.

⁸ Vaihma teh na Cathut e vaiyei ka poe e lah ao dawkvah, amahoima kâthoung naseh. Nangmouh na kathoung sak e Kai BAWIPA teh kathoung dawkvah, ahni hai nangmouh hanlah kâthoung naseh.

⁹ Vaihma e canu ni amae tak a kâyo teh amahoima min mathoenae sak pawiteh, a na pa min kamathout sak e lah ao. Ahni teh hmai hoi sawi lah ao han.

¹⁰ Hmaunawnggha thung dawk vaihma kacue lah rawi teh, a lû dawk satu awi lah kaawm e teh, a khohna ravek han naseh. A lû dawk e lupaw rading han naseh.

¹¹ Ro koe cet han naseh. A manu hoi a na pa hanelah kathounghoehe lah aw hah naseh.

¹² Hmuen kathoung koehoi tâcawt mahoe. Amae Cathut e hmuen kathoung khin sak mahoe. Bangkongtetpawiteh, amae Cathut ni rawinae satui ahni dawk ao toe. Kai teh BAWIPA doeh.

¹³ Tanglakacuem duengdoeh a yu lah a la han.

¹⁴ Lahmai thoseh, Ma e napui thoseh, Min mathoe ka phawt e napui thoseh, kâyawt e napui thoseh, yu lah lat mahoe. A miphun dawk e tanglakacuem dueng hah a la han.

¹⁵ Amae capa hah a taminaw koe min mathout sak mahoe. Kai Cathut teh ahnimanaw kathoung sak e doeh telah ati.

¹⁶ BAWIPA ni Mosi koe, nang ni Aron koe bout na dei pouh hane teh,

¹⁷ Na miphunnaw, catounnaw dawk yon ka tawn e tami teh vaiyei thung hanelah tho hanh naseh.

¹⁸ Mitdawn, khokkhem, a hnawng ka uek e, a kutkhok hloi kasaw e taminaw,

¹⁹ kut ka lawt e, a khok ka lawt e,

²⁰ Hnamkhun, rahnoum, mitmawm, raipha, ngavangrawca, yangmukhe e taminaw teh bawk mahoe.

²¹ Vaihma Aron phun dawk e ka kuepcing hoeh e tami buet touh ni boehai hmaisawi thuengnae hah hnai mahoe. Tak ka kuepcing hoeh e lah ao dawkvah, vaiyei poe hanelah hnai mahoe.

²² Kathoung vaiyei thoseh, kathoungpoung vaiyei thoseh, amae Cathut e vaiyei teh a ca han.

²³ Tak ka kuepcing hoeh dawkvah, hni yap e thung thoseh, thuengnae khoungroe thoseh, cet awh mahoe. Telah hoehpawiteh, Kaie hmuen kathoung khin payon vaih. Kai BAWIPA ni hote hmuennaw teh kathoung sak toe ati.

²⁴ Hottelah, Mosi ni Aron hoi capanaw, Isarel miphunnaw pueng koe patuen a dei pouh.

22

¹ BAWIPA ni Mosi koe bout a dei pouh e teh,

² Aron hoi capanaw ni kai hanelah thoung sak laihoi ka min mathoe hoeh hanelah, Isarel miphunnaw e kathoung hnonaw hoi amamouh hoi kâhla sak hanlah dei pouh. Kai teh BAWIPA doeh.

³ BAWIPA hanelah Isarel miphunnaw thoung sak nateh, kathoung hnonaw hah, thoung laipalah ka hnai e vaihmanaw teh, Kai koehoi takhoe lah ao han. Kai teh BAWIPA doeh.

⁴ Ka hrikbei e hoi lacip patawnae ka tawn e Aron e capanaw teh, a thoung awh hoehrourak kathoung hno cat awh mahoe. Ro hoi kâkuen lah kathounghoehe hno ka tek e tami, a yangtui ka tâcawt e tami,

⁵ Ama kakhin sak thai e, a von hoi ka kâva e saring ka tek e tami, khinnae buetbuet touh hoi kâkhinsak e tami, hot patet e tami kâbet e taminaw teh,

⁶ Tangmin totouh kathounghoehe lah ao awh han. Tui kamhluk hoehpawiteh kathoung cat mahoe.

⁷ Kaní a khup hoi teh kathoung lah ao toung dawkvah, Kathoung hno teh ahnima rawca lah ao dawkvah bout a ca han.

⁸ Ama pouk kadout e saring, sarang ni a kei e caha cat mahoe. Kai teh BAWIPA doeh.

⁹ Vaihmanaw ni ka phunglam a raphoe awh teh, a yonnae kecu dawk a due awh hoeh nahanelah, Kaie phunglam a tarawi awh han. Kai teh nangmouh kathoung sak e BAWIPA doeh.

¹⁰ Alawilae tami ni kathounge hno poe e hah, cat mahoe. Vaihma im ka luen e imyin ni cat mahoe. Thaw taw hanlah hlai e tami ni hai cat mahoe.

¹¹ Vaihma ni phoisa hoi a ran e tami, a kaw k e taminaw ni hote rawca teh a ca han.

¹² Vaihma canu teh alawilae tami ni a yu lah lat pawiteh, kathounge hno poe e hah cat mahoe.

¹³ Hateiteh, a vâ a due nakunghai thoseh, a vâ hoi kamphei nakunghai thoseh, ca khe laipalah a na pa im bout a ban teh a nawnae patetlah bout awm pawiteh, a na pa ni a ca e bout a ca han. Alawilae tami ni cat mahoe.

¹⁴ Tami ni kathounge hno panuek laipalah cat payon pawiteh, ca payonnae hno phu hoi pung panga touh daw k pung touh vaihma koe bout a sin han.

¹⁵ Isarel miphunnaw ni BAWIPA koe poe e kathounge hnonaw hah, khin sak mahoe.

¹⁶ Hote hnonaw ka cat payon ni teh sak payonnae yon teh amamouh ni a khang han. Bangkongtetpawiteh, Kai teh nangmouh kathoung sak e BAWIPA doeh.

Dâw kawi e thuengnae

¹⁷ BAWIPA ni Mosi koe, nang ni Aron hoi a canaw, Isarelnaw pueng koe patuen na dei pouh han e teh,

¹⁸ Isarel miphun thoseh, Isarelnaw koe kho ka sak e Jentelnaw thoseh, lawkkam e lahoi poe e hno, lungtho lahoi poe e hno lah kaawm e hmaisawi thuengnae Cathut koe thueng han na ngai pawiteh,

¹⁹ Cathut lungyouk nahanelah kacueme tu, hmae, hoi maitotannaw hah na poe awh han.

²⁰ Toun kaawm e saring na poe awh mahoe. Poe pawiteh Cathut ni a lungyouk mahoe.

²¹ Lawkkam e lahoi poe e, lungtho e lahoi poe e tu, hmae, hoi maitonaw hah BAWIPA koe roum thuengnae lah poe han na ngai pawiteh, a lungyouk thai nahanlah, akuepcing han. Toun han buet touh boehai awm han naseh.

²² A mit ka dawn e, A hru ka lawt e, a tak ka kuep hoe e, a hmâ ka cat e, ka pâphu e, ka raipha e, hot patet e patawnae buet touh awm pawiteh, Cathut koe poe mahoe.

²³ Ma lungtho hoi poenae daw k teh, maito thoseh, tu thoseh, a takthai ka vout e lahoi poenae daw k teh hot patet e hah a lungyouk mahoe.

²⁴ A yangtuen buet touh ka khe e, hoehpawiteh, ka tangpaw k e, hoehpawiteh phengcatai e teh Cathut koe poe mahoe. Nangmae ram thung hot patet e thuengnae na sak awh mahoe.

²⁵ Hot patet e saring hah Jentelnaw ni ka poe nakunghai toun ao dawkvah na Cathut e paw i hanlah poe hanh naseh. Poe pawiteh a lungyouk mahoe telah ati.

²⁶ BAWIPA ni Mosi koe bout a dei pouh e teh,

²⁷ Tu, hmae hoi maito naw a khe navah, hnin sari touh thung a ca hoi a manu na papek awh mahoe. A hnin taroe hnin hoi doeh, BAWIPA koe hmai thuengnae hanlah a khout.

²⁸ Maito thoseh, tu hoi hmae thoseh, a manu hoi a ca hnin touh daw k mek na thet mahoe.

²⁹ Hahoi, BAWIPA koe lunghawilaw k deinae thuengnae poe hanlah na ngai pawiteh a lungyouk lah poe haw.

³⁰ Hnin touh hoi be na ca han. Atangtho ditouh na pek mahoe. Kai teh BAWIPA doeh.

³¹ Nangmouh ni kaie kâpoelawknaw na tarawi awh han. Kai teh BAWIPA doeh.

³² Ka min kathing heh na khin sak awh mahoe. Isarelnaw ni BAWIPA a thong telah a panue awh han.

³³ Kai teh nangmae Cathut lah ka o nahanlah, Izip ram hoi na ka tâcawt sakkung hoi na kathing sakkung lah ka o. Kai teh BAWIPA doeh telah ati.

23

BAWIPA e Pawinaw

¹ BAWIPA ni Mosi koe, nang ni Isarelnaw koe bout na dei pouh hane teh,

² Nangmouh ni na sak e kathing kamkhuengnae, Kai BAWIPA e pawinaw teh; Hnin taruk touh thung thaw na tawk awh han. Hnin sari hnin teh kâhatnae sabbath hnin, kathing kamkhuengnae lah ao.

Sabbath

³ Hnin taruk touh thung thaw na tawk awh han. Hateiteh, hnin sari hnin teh kâhatnae, kamkhuengnae hnin kathing lah ao dawkvah bang thaw haiyah na tawk awh mahoe, na onae pueng koevah BAWIPA hanlah sabbath hnin lah ao.

Ceitakhai

⁴ Ama tueng nah nangmouh ni na pathang awh hane kathing kamkhuengnae lah kaawm e Cathut pawinaw teh;

⁵ Apasueke thapa, hnin hlaipali, tangmin nateh BAWIPA e ceitakhai paw doeh.

⁶ Hote thapa, hnin hlaipanga hnin teh BAWIPA hanlah tonphuenhoehe paw lah ao. Hnin sari touh thung tonphuenhoehe na ca awh han.

⁷ Apasuek hnin vah kathing kamkhuengnae na sak awh han. Bang thaw hai na tawk awh mahoe.

⁸ Hateiteh, hnin sari touh thung BAWIPA koe rawca thuengnae na sak awh han. Asari hnin nah kathing kamkhuengnae na sak han. Hat hnin nah, bang thaw hai na tawk mahoe telah a ti.

Aluepaw

⁹ Cathut ni Mosi koe bout a dei pouh e teh, nang ni Isarel miphunnaw koe patuen na dei pouh hane teh;

¹⁰ Kai ni na poe e ram daw na pha awh toteh, cang na a awh toteh, apasuek na a e cabong buet touh vaihma koe na thokhai awh han.

¹¹ Nangmouh ni a lungyouk awh nahanlah vaihma ni sabbath hnin atangtho vah hote cabong hah Cathut hmalah a kahek han.

¹² Cabong a kaheknae hnin dawkvah âvâ ka cawt hoe hane tutanca hah BAWIPA hanlah hmaisawi thuengnae a sak han.

¹³ Hote thuengnae hoi ka kâkuen e tavai thuengnae teh Cathut koe hmuitui hanlah hmaisawi thuengnae lah kaawm e satui hoi kalawt e tavai ephah pung hra pung touh kalawt e lah ao han. Awi thuengnae teh misurtui buet touh han.

¹⁴ Na Cathut koe thuengnae hnin a pha hoehnahlan vah, vaiyei, vaicakuem karê e, anhla kahring a pawhik na cat awh mahoe. Hetteh, na onae hmuen pueng koe na catoun ditouh na tarawi hane phunglam lah ao.

15 Kahek thuengnae cabong na thokhainae hnin, sabbath hnin atangtho hoi sabbath avai sari totouh na touk aw h han.

16 Sabbath avai sarinae atangtho amom hoiyah hnin 50 touh na touk hnukkhu, Cathut koe tavai thuengnae a tha lah bout na sak han.

17 BAWIPA hanlah aluepaw, ton ni a po sak e tavai ephah pung hra pung hni hoi sak e kahek hane vaiyei kahni touh na im hoi na sin aw h han.

18 Hote vaiyei hoi âvâ ka cawt hoeh rae tuca sari touh, maitotanca buet touh, hmae kahni touh, tavai thuengnae, awi thuengnae hoi cungtalah BAWIPA koe hmuitui nahanlah hmai hoi sawi e thuengnae lah kaawm e hmaisawi thuengnae sathei hah na thueng aw h han.

19 Yon thuengnae lah hmaeca buet touh thoseh, roum thuengnae hanlah âvâ ka cawt hoeh rae tuca kahni touh thoseh, na thueng han.

20 Vaihma ni aluepaw, vaiyei hoi cungtalah a kahek vaiteh, tuca kahni touh a sin vaiteh BAWIPA hmalah kahek thuengnae a sak han. Hote hnonaw haiyah vaihma hanlah BAWIPA hmalah kathounge hno lah ao.

21 Hote hnin daw k kathoung kamkhuengnae hah na sak aw h han. Thaw banghai na taw k aw h mahoe h. Na onae hmuen pueng koe na ca catoun ditouh na tarawi aw h hane phunglawk lah ao.

22 Na law daw k cang na a aw h navah, lawri totouh koung na a aw h mahoe h. Cabong na pâhma e hah bout na racawng mahoe h. Hotnaw teh karoe dengnaw hoi imyinnaw hanlah na pek pouh han. Kai teh nangmae BAWIPA Cathut doeh telah a ti.

Mongka

23 BAWIPA ni Mosi koe, nang ni Isarel miphunnaw koe patuen bout na dei pouh hane teh,

24 Nangmouh ni tha sari, apasuek hnin nah mongka ueng paw i kathoung kamkhuengnae sabbath hnin hah na ya aw h han.

25 Thaw na taw k aw h mahoe h. BAWIPA hanlah hmaisawi thuengnae na sak han telah a ti.

Rounnae hnin

26 Cathut ni Mosi koe bout a dei e teh,

27 Tha sari, hnin hra navah, yonthanae hnin, kathoung kamkhuengnae saknae hnin lah ao. Khang laihoi BAWIPA hanlah hmaisawi thuengnae na sak aw h han.

28 Hote hnin daw k bang thaw hai na taw k mahoe h. Na BAWIPA Cathut hmalah yonthanae hnin lah ao.

29 Hote hnin nah, ka ya hoeh e taminaw teh amae miphun daw k hoi takhoe lah ao han.

30 Hote hnin daw k thaw buetbuet ka taw k e tami teh a miphun daw k hoi a takhoe vaiteh ka raphoe han.

31 Bang thaw hai na taw k aw h mahoe h. Na onae hmuen pueng koe na ca catoun ditouh na tarawi aw h hane phunglawk lah ao.

32 Hote hnin teh yanae hnin lah ao. Atako hnin tangmin lahoi atangtho tangmin ditouh na ya aw h han.

33 Cathut ni Mosi koe, nang ni Isarel miphunnaw koe patuen bout na dei pouh hane teh,

34 Nangmouh ni tha sari, hnin hrahlai panga hnin hoi hnin sari touh thung Cathut hanelah lukkarei paw i na sak aw h han.

35 Apasuek hnin daw k kathoung kamkhuengnae na sak aw h han. Thaw na taw k aw h mahoe h.

³⁶ Hnin sari touh thung BAWIPA koe hmaisawi thuengnae na sak aw h han. A hnin taroe hnin haiyah, kathoung kamkhuengnae hoi BAWIPA koe hmaisawi thuengnae hah na sak aw h han. Ka talue e kamkhuengnae lah ao dawkvah thaw na tawk aw h mahoe h.

³⁷ Hotnaw teh, BAWIPA e sabbath hnin, BAWIPA koe pasoumhno,

³⁸ Lawkkamnae lahoi thuengnae, lungtho lahoi thuengnae hloilah hnin touh hoi hnin touh BAWIPA koe hmaisawi thuengnae, tavai thuengnae, sathei thuengnae hoi awi thuengnae naw sak e lah kathoung kamkhuengnae, BAWIPA e pawinaw lah ao.

³⁹ Hotnaw hloilah, law daw k e caticamu pâkhueng hnukkhu, tha sari, hnin hrahlaipanga hnin hoi hnin sari touh thung BAWIPA koe paw i na to aw h han. Apasuek hnin hoi a taroe hnin vah sabbath na ya aw h han.

⁴⁰ Apasuek hnin daw k a paw kahawihloe e, samtue kang hoi a hna karung e thingkangnaw hah a sin aw h teh, Nangmae BAWIPA Cathut hmalah hnin sari touh thung na lung hawi sak aw h.

⁴¹ Hote paw i hah kum kum touh daw k hnin sari touh thung Cathut hanlah na sak aw h han. Na miphun na catoun ditouh tarawi hane kawi phunglawk lah ao.

⁴² Hote pawiteh thapa ayung sari nah na sak aw h han.

⁴³ Isarel miphunnaw Izip ram hoi tâcokhai navah, thingkang rim daw k o saknae hah na miphun, na catounnaw ni a panue thai nahanelah, Isarelnaw teh thingkang rim daw k hnin sari touh ao han. Kai teh nangmae BAWIPA Cathut doeh a ti.

⁴⁴ Mosi ni hai BAWIPA e pawinaw hah Isarel miphunnaw koe na pathang pouh.

24

Hmaii mnaw

¹ BAWIPA ni Mosi koe bout a dei e teh,

² Rangpui kamkhuengnae lukkareiim daw k lawkpanuesaknae lukkarei yap e alawilah, hmaikhom daw k hmai pou a ang nahanlah, Olive paw na phawm vai teh, na lae olive satui hah Isarel miphunnaw ni nang koe thokhai hanelah patuen dei pouh.

³ Aron ni hai tangmin hoi amom totouh Cathut hmalah hote thaw a tawk han. Na miphun na catounnaw ditouh tarawi hane kâ poe e lah ao.

⁴ Kathoung hmaii mkhok daw k hmaii mnaw hah Cathut hmalah Aron ni pou a rakueng han.

Lukkareiim hanelah vaiyei

⁵ Nang ni tavai na la vai teh, ephah pung hra pung hni touh e hah vaiyei buet touh lah, vaiyei hrahlaikahni touh na sak hnukkhu,

⁶ BAWIPA hmalah kathoung caboi van vah, vaiyei taruk taruk touh hoi pung hni telah na pacoung han.

⁷ BAWIPA koe hmaisawi thuengnae lah kaawm e pahnim hoeh nahanelah, hote vaiyei pung hni touh e van vah, kathoung frankinsen na ta han.

⁸ Cathut e lawkkam patetlah Isarelnaw e kut daw k hoi dâw e vaiyei hah, Aron ni Cathut hmalah sabbath hnintangkuem pou a rakueng han.

⁹ Hote vaiyei teh Aron hoi a canaw e lah ao dawkvah hmuen kathoung daw k a ca aw h han. BAWIPA koe hmaisawi thuengnae thung daw k hote vaiyei teh a yungyoe phunglam patetlah Aron hanlah kathoungpoung lah ao telah a ti.

Pathoena

¹⁰ Hahoi Isarel napui e capa, a na pa teh Izip tami, Isarelnaw onae koe a cei teh, Isarel napui e capa hoi Isarel tami e capa teh roena rim thung a kâyue roi.

¹¹ Cathut e min a pakekpahlek teh thoe a bo. Ahnie a manu teh Dan miphun, dibri e canu Shelomith lah ao.

¹² Ka payon e tami hah Mosi koe a thokhai aw h teh, BAWIPA e ngainae a panue hoehroukrak a paung aw h.

¹³ BAWIPA ni Mosi koe,

¹⁴ Thoe ka bo e tami hah rim alawilah a hrawi aw h teh, ahnie lawk ka thai naw pueng ni a lû van kut a toung pouh hnukkhu, rangpuinaw ni talung hoi dei aw h naseh.

¹⁵ Nang ni Isarel miphunnaw koe patuen na dei hane teh, Cathut thoe ka bo e tami teh ama ni a khang han.

¹⁶ Cathut e min ka pakekpahlek e tami teh thei roeroe lah ao han. Rangpuinaw ni hote tami hah talung hoi a dei katang aw h han. A miphun thoseh, alouke miphun thoseh, a min pakekpahlek pawiteh thei lah ao han.

Mit hanelah mit

¹⁷ Tami ka thet e tami hai thei roeroe lah ao han.

¹⁸ Saring ka thet e tami hai katawnkung koe buet touh thet pawiteh buet touh apu a rawng pouh aw h han.

¹⁹ Tami ni a imri lungpataw sak pawiteh, ahni koe a sak e patetlah ama ni a khang han.

²⁰ A hru hanlah a hru, mit hanlah mit, hâ hanlah hâ, ahni koe patawnae na sak e patetlah nama hai patawnae na khang han.

²¹ Saring ka thet e tami teh buet touh hanelah buet touh bout a poe han. Tami ka thet e tami teh thei lah ao han.

²² A miphun thoseh, alouke miphun thoseh, ama dueng lahoi lawkceng-nae teh a khang han. Kai teh nangmae BAWIPA Cathut doeh telah Mosi koe atipouh.

²³ Thoe ka bo e tami teh rim alawilah a hrawi aw h vaiteh talung hoi dei hanelah Mosi koe patuen a dei pouh teh, Cathut ni Mosi koe lawkthui e patetlah Isarel miphunnaw ni a sak aw h.

25*Sabbath kum*

¹ Sinai mon daw k, BAWIPA ni Mosi koe, nang ni Isarel miphunnaw koe patuen bout na dei pouh hane teh,

² Kai ni na poe e ram daw k na pha aw h toteh, Hote ram ni BAWIPA hanlah sabbath ayâ han.

³ Kum taruk touh thung law hoi misur takha na sak aw h vaiteh, apawhik na pâkhueng aw h han.

⁴ Kum sarinae kum teh BAWIPA hanlah sabbath kum, ram thung kaawm e pueng kâhat vaiteh, sabbath yanae kum lah ao. Law na sak mahoe h. Misur takha hai na rasoun mahoe h.

⁵ Law daw k ama pouk kapâw e apawhik hai na khi mahoe h. Na rasoun hoe h e misur hai na khi mahoe h. Ram pueng kâhatnae kum lah ao.

⁶ Ram thung sabbath kum nah ka tâcaw t e apawhik pueng teh namamouh, napui hoi tongpa, na thaw ka taw k e hoi, nang koe kaawm e imyinnaw hoi,

⁷ ram thung kaawm e saring pueng ni ca hane kaw i lah ao han.

Jubili kum

⁸ Sabbath kum, kum sari touh na parei vaiteh, kum sari vai sari touh tie kum 49 akuiep hnukkhu,

⁹ Tha sari, hnin 10, yonthanae hnin dawk mongka hah ram pueng dawk ueng sak han.

¹⁰ Aruipanganae kum hah thoung sak vaiteh, ram pueng dawk khoca pueng koe hloutnae pathang han. Jubili kum lah ao dawkvah tami pueng amae talai, amae phun koe a ban han.

¹¹ Hote aruipanganae kum teh Jubili kum lah ao dawkvah law na sak mahoe. ama pouk kapaw e hai na a mahoe. Rasoun hoe e misur takha daw e a paw hai na khi awh mahoe.

¹² Jubili kum teh kathoung kum lah ao dawkvah law daw e apawhik dueng ca han.

¹³ Jubili kum nateh tami pueng ni amae khoram lah a ban awh han.

¹⁴ Nangmouh ni buet touh hoi buet touh yoranna na sak pawiteh buet touh hoi buet touh kâyue awh hanh.

¹⁵ Jubili kum aloum teh a ngai rae kumnaw apawhik a paw nahan a kum parei vaiteh yoranna na sak han.

¹⁶ Hottelah, a paw paw na kum parei hoi yo e lah ao dawkvah, kum ayoun apap e patetlah apu payoun, paluen lahoi yoran han.

¹⁷ Nangmouh teh buet touh hoi buet touh kâyue awh hanh. Na Cathut taket awh. Kai teh nangmae BAWIPA Cathut lah ka o.

¹⁸ Nangmouh ni ka phunglam hah na tarawi pawiteh hote ram daw lungmawng lahoi kho na sak awh han.

¹⁹ Talai ni hai apawhik a tâco sak vaiteh, kaboumlah na ca awh vaiteh, lungmawng lah kho na sak awh han.

²⁰ Nangmouh ni hai asari kum nah, kaimouh ni bangtelamaw ka ca awh han. Law ka sak awh hoe. Apawhik hai ka pâkhueng awh hoe na tet awh pawiteh,

²¹ A kum taruk nah, nangmouh yawhawinae na poe vaiteh, hote kum daw kum thum touh hane apawhik ka tâco sak han.

²² nangmouh ni a kum taroe nah law na sak teh a kum tako nah apawhik pâkhuengnae totouh a karuem e apawhik na ca awh han.

Hnopai rungngangnae

²³ Talai hah ayâ pou tawn sak hanelah, yawt hanh. Talai teh Kaie doeh. Nangmouh teh Kai koe kârayen e imyin lah na o awh.

²⁴ Nangmouh ni talai na tawn a e hmuen pueng bout ratangnae kâ na poe awh han.

²⁵ Na hmaunawngghanaw ni roedeng boilah a tawn e talai yawt pawiteh, kahnai e hmaunawnggha ni a yo e talai hah bout ratangnae kâ ao han.

²⁶ Hote talai hah ka ratang hane buet touh hai awm hoehpawiteh, ka tawn karuem ni ama ni bout ratang thai pawiteh,

²⁷ A yonae kum hah a touk vaiteh, apu yit touh bout poe naseh. Hote talai teh bout a coe han.

²⁸ Bout poe thai hoehpawiteh, a yo e hno hah Jubili kum totouh ka ran e kut daw ao sak han. Jubili kum nah tha pawiteh, hmaloe e katawnkung e kut daw bout a pha han.

²⁹ Khopui daw e im hah imkung ni yawt pawiteh, kum touh thung ratang thainae kâ ao sak han.

³⁰ Kum touh thung ratang thai hoehpawiteh, hote im ka ran e catounnaw ni pou a tawn han. Jubili kum ka phat nakunghai tha pouh mahoehtoe.

³¹ Rapan ka tawn hoeht e kho dawkkawm e im hah law patetlah a pouk vaiteh, ratang thainae kâ ao. Jubili kum pha toteh a tha pouh han.

³² Hat navah, Levihnaw ni a tawn e khopui hoi khopui dawkk e imnaw teh nâtueth hai thoseh, ratang thainae kâ ao.

³³ Levih ni a tawn e im hoi kho thoseh, ayâ ni ran pawiteh, Jubili kum a pha toteh a tha han. Bangkongtetpawiteh, Isarel miphun dawkk Levihnaw teh ama onae kho hoi im hloilah alouke hno tawn hoeht.

³⁴ Hateiteh, Levih kho dawkkawm e imlawnaw yawt mahoeht. Pou a tawn awh han.

³⁵ Nange na hmaunawngaha ni a roedeng lawi, imyin patetlah tho pawiteh, nang koe o sak hanlah na kabawp han.

³⁶ Ahni koe apung na cat mahoeht. Na hmaunawngaha hah, nang koe o sak hanelah, na Cathut taket loe.

³⁷ Apung ngaihawi lahoi ahni koe tangka thoseh, canei thoseh na cawi mahoeht.

³⁸ Kai ni Kanaan ram na poe awh teh, nangmae Cathut lah ka o nahanlah nangmouh Izip ram hoi na ka tâcawtkhai e nangmae BAWIPA Cathut doeh.

³⁹ Na hmaunawngaha ni a roedeng dawkvah nang koe kâyawt pawiteh, san patetlah na hno mahoeht.

⁴⁰ Ahni teh hlai e patetlah thoseh, imyin patetlah thoseh, nang koe ao vaiteh, Jubili kum totouh na thaw a tawkk han.

⁴¹ Hat navah, ahni teh a canaw hoi a tâco vaiteh amae a hmaunawngaha, a mintoenaw e talai koe lah bout a ban han.

⁴² Bangkongtetpawiteh, ahnimouh teh Izip ram hoi ka tâcokkhai e ka thaw ka tawkk e lah ao dawkvah san lah o hanelah na yawt mahoeht.

⁴³ Ahni teh puenghoi na rektap mahoeht. Na Cathut hah taket.

⁴⁴ Nang ni na tawn hane sannu sanpa teh na tengpam kawm e Jentelnav koe na ran han.

⁴⁵ Hothloilah, nangmouh koe kho ka sak e alouk ram e taminaw thoseh, na ram dawkk a khe e a canaw thoseh, na ran vaiteh na tawn han.

⁴⁶ Ahnimanaw teh san dawkk hoi ka khe e lah ao teh, nang hoi na canaw ni râw lah na tawn han. Na hmaunawngaha, Isarel miphun dawkk e tho pawiteh, buet touh hoi buet touh puenghoi na rektap mahoeht.

Mathoe ratangnae

⁴⁷ Nangmouh koe kho ka sak e alouke tami ni a tawnta ei teh, ahnie teng kho ka sak e na hmaunawngaha a roedeng teh, nang koe kho ka sak e alouke ram e taminaw koe thoseh, a ca catounnaw koehai thoseh, kâyawt awh pawiteh,

⁴⁸ Yo hnukkhu, bout ratang thainae kâ ao han. A hmaunawngaha lah kawm e buetbuet touh ni a ratang han.

⁴⁹ A na hma, a panga, a hmaunawngaha koehoi rei ka tâcawt e imthung buetbuet touh ni a ratang han. Ama ni ratang thai pawiteh a ratang han.

⁵⁰ Bawi hoi sannaw teh yorannaekum dawkk hoi kamtawng vaiteh, Jubili kum totouh kum a parei hnukkhu, a kum ayoun apap e patetlah thoseh, a hlainae tueng khet lahoi thoseh, apu teh to han.

⁵¹ Jubili kum a pha hoehnahlan a thawtawkknae kum ayoun apap e parei vaiteh,

⁵² A ngai rae a kumtha ayoun apap e patetlah ratang nahane apu hah rannaephudawkk hoi rayu vaiteh bout a pâban han.

⁵³ Ahni teh kum touh hnukkhu, kum touh hlai e patetlah ao han. Na hmaitung vah rektap lah awm hanh naseh.

⁵⁴ Hottelah hoi ratang thai hoehpawiteh, Jubili kum a pha toteh, ahni teh a canaw hoi bawi e kut dawh hoi a hlout han.

⁵⁵ Bangkongtetpawiteh, Isarelnaw teh ka thaw ka tawh e lah ao awh. Izip ram hoi ka tâcokhai e ka thaw ka tawh e lah ao awh. Kai teh nangmae BAWIPA Cathut doeh.

26

Lawkngainae dawh yawhawinae

¹ BAWIPA ni bawh hanlah kutsak thoseh, talung ung e thoseh, meilam thuk e talung thoseh, na sak awh mahoe. Kai teh nangmae BAWIPA Cathut doeh.

² Kaie Sabbath hah na ya awh vaiteh ka hmuen kathoung na bari awh han. Kai teh BAWIPA doeh.

³ Kaie phunglawknaw hoi kâpoelawknaw hah na tarawi pawiteh,

⁴ Ama tue nah kho ka rak sak han, talai ni apawhik a tâco sak vaiteh takha thung e thingthainaw ni a paw awh han.

⁵ Canganae teh misur paw khinae tueng totouh thoseh, misur paw khinae teh law tunae tueng totouh thoseh, a pha vaiteh, nangmouh ni kaboumlah na ca awh vaiteh, na ram dawh lungmawngcalah kho na sak awh han.

⁶ Na ram dawh taran karoum sak vaiteh, katarengkung awm laipalah ihmutui lah na i awh han. Sarangnaw hah na ram dawh hoi ka pâlei vaiteh na ram pueng ni tahloi duenae dawh hoi a hlout awh han.

⁷ Nangmouh ni na tarannaw na pâlei awh vaiteh, tahloi hoi na thei awh han.

⁸ Nangmouh thung dawh tami panga touh ni taran 100 touh na pâlei awh han. Tami 100 touh ni taran thong hra, touh na pâlei awh vaiteh, tahloi hoi na tâ awh han.

⁹ Yawhawinae na poe awh vaiteh na pungdaw awh han. Nangmouh hoi lawkkam ka sak e pou ka caksak han.

¹⁰ Na pâtung e caruem abaw hoehnahlan, catha bout ao toung dawkvah caruem teh na pahoung awh han.

¹¹ Kai ni panuet laipalah nangmouh koe lukkareim ka o sak han.

¹² Nangmouh koe ka o vaiteh nangmae Cathut lah ka o han. Nangmouh hai ka tami lah na o awh han.

¹³ Izip ram dawh san na tang awh hoeh nahanelah, Kai na BAWIPA Cathut ni na tâcokhai awh toe. Na kahnamrui ka a teh, kalan lah na ceisak toe.

Lawkngaihoeh dawh reknae

¹⁴ Hateiteh, nangmouh ni ka lawk na ngai awh hoeh, kâpoelawh abuemlah na tarawi awh hoeh,

¹⁵ Ka phunglawknaw na panuet awh teh, banglahai noutna laipalah kâpoelawh na tarawi awh hoeh, lawkkam na raphoe awh pawiteh,

¹⁶ Nangmouh koe ka sak hane hnonaw teh, mit ronae, lungpuenna, kaluekalapnae, kahawi thai hoeh e patawnae hoi patawnae aphunphun ka pha sak han. Cati na kahei eiteh, aphu awm hoeh. Tarannaw ni a ca awh han.

17 Nangmouh na pahnawt awh vaiteh taran hmalah na sung sak awh han. Nangmanaw teh tarannaw ni na uk awh vaiteh apini na ka pâlei hoeh nakunghai na yawng awh han.

18 Hottelah na khang a eiteh, ka lawk bout na ngai awh hoehpawiteh, namae yon dawk let sari totouh na rek awh han rah.

19 Nangmae kâouгнаe hah ka khoe han, kalvan hah sum patetlah thoseh, talai hah rahum patetlah thoseh, ka sak vaiteh,

20 Nangmanaw teh ayawmyin lah tha na patho awh han. Na talai ni rawca tâcawt sak mahoe. Takha dawк e thingthainaw ni paw mahoe.

21 Nangmouh ni ka lawk na ngai awh hoeh, Kai na taran awh pawiteh, na yonnae patetlah let sari touh e runae ka pha sak han.

22 Nangmouh koe sarang katha vaiteh, na canaw a rakoung awh han, na saringnaw kei awh vaiteh, tami hoe na youn awh han, na lamthung hai kingdi han.

23 Hottelah, na khang a nakunghai, na ka panuek awh hoeh lah, Kai bout na taran awh pawiteh,

24 Kai ni hai na taran awh vaiteh na yonnae kecu dawк let sari touh e runae hoi na rektap awh han.

25 Ka lawkkam na tapoe dawкvah lawkcengnae talai nangmouh lathueng ka pha sak han. Nangmouh ni kho dawк na kamkhueng awh navah, lacik ka pha sak vaiteh, taran kut dawк na poe awh han.

26 Nangmae rawca hah ka takhoe toteh, napui hra touh ni nangmae vaiyei hah takhuen buet touh dawк a pâeng hnukkhu, hote vaiyei hah a khing pouh teh nangmouh ni na boum awh mahoe.

27 Hathnukkhu haiyah, ka lawк na ngai awh hoeh lah, Kai paroup na taran awh pawiteh,

28 Kai hai ka lungkhuek vaiteh, na taran awh han. Na yon kecu dawк alet sari touh na rek awh han.

29 Nangmouh ni na canaw e a moi na ca awh han.

30 Na hmuen karasangnaw hah ka raphoe vaiteh, kutsak cathutnaw hah koung ka rawp sak han. Na ronaw hah hringnae ka tawn hoeh e kutsak cathut van vah, ka tâkhawng vaiteh na panuet awh han.

31 Nangmae khopuinaw ka raphoe hoi hmuen kathoung ka raphoe vaiteh nangmae hmuituinaw ka pahnuem mahoe.

32 Na ram pueng Kai ni ka raphoe e hah hote ram dawк kaawm e na tarannaw ni a hmu navah, kângairu awh han.

33 Alouke miphunnaw koe na kampek sak awh vaiteh, tahloi hoi na pâlei awh han. Na khopui a rawк vaiteh na ram a kingdi han.

34 Hottelah, nangmanaw teh na tarannaw e ram dawк na o awh vaiteh, na ram teh tami kingdi lah onae tueng pueng dawк, na ram kingdi vaiteh, Sabbath hninnaw dawк na nawm awh han.

35 Nangmouh na o nateh, Sabbath hninnaw dawкvah na ram teh kâhat mahoe. Tami kingdi lah onae tueng dawк na ram teh kâhat lah ao han.

36 Taran ram dawк kaawm rae nangmae lungthin thung kaluenaе ka pakhum vaiteh, thinghna kâhuet pawlawк dawк na taki vaiteh, taran kut dawк hoi na yawng e patetlah na yawng awh han. Apinihai pâlei hoeh nakunghai a rawp han.

37 Apinihai pâlei hoeh eiteh taran kut dawк hoi ka yawng e patetlah buet touh van buet touh a rawp awh han. Taran hmalah kangdue thainae tawn mahoe.

³⁸ Na tarannaw e ram ni na payawp awh vaiteh Jentelnaw koe na sung awh han.

³⁹ Kacawirae nangmouh ni taran ram dawk nangmae yon hoi mintoenaw e yon hah na khang awh vaiteh, mintoenaw hoi cungtalah na kahma awh han.

⁴⁰ Hateiteh, ahnimouh ni kai koe a yon awh teh, Kai na taran awh dawkvah,

⁴¹ Kai ni ahnimanaw ka taran vaiteh, a tarannaw e ram dawk ka thak han. Ma e yon, mintoenaw e yon hah pâpho laihoi kâhet awh pawiteh, vuensom ka a hoeh e amamae lungthin hah kârahnoum awh teh, amamae yon dawk reknae khang awh pawiteh,

⁴² Kai ni Jakop, Isak, Abraham tinaw hoi ka sak e lawkkam thoseh, hote ram thoseh pahnim mahoe.

⁴³ Hote ram teh ahnimae kut dawk hoi a hlout vaiteh, ahnimouh awm laipalah kingdi lah ao navah, amae Sabbath hninnaw dawk a nawm awh han. Ahnimouh ni ka phunglam a panuet awh teh, banglahai noutna hoeh lah a sak e yon kecu dawk reknae a khang awh han.

⁴⁴ Hottelah tarannaw dawk ao awh navah, ahnimanaw ka raphoe vaiteh, ahnimouh hoi lawkkam e raphoe totouh, ahnimanaw Kai ni ka maithoe mahoe. Ka pahnawt mahoe. Kai teh ahnimae BAWIPA Cathut doeh.

⁴⁵ Kai teh ahnimae Cathut lah ka o nahanelah Jentelnaw hmalah Izip ram hoi ka tâcokhai e ahnimae mintoenaw hoi ka sak e lawkkam hah, ahnimouh hanlah ka pahnim mahoe. Kai teh BAWIPA doeh telah a ti.

⁴⁶ Hote phunglawk hoi kâlawnaw hah Sinai mon dawk BAWIPA ni Isarelnaw hanlah Mosi koe a poe e doeh.

27

Lawkkam e phung

¹ Cathut ni Mosi koe, nang ni Isarelnaw koe patuen na dei pouh hane teh,

² Tami ni lawkkam e patetlah BAWIPA koe poe pawiteh, ka poe hane kawinaw, nang ni apuh tâtueng tangcoung e patetlah Cathut e hno lah ao han.

³ Nang ni bangtelamaw apuh na tâtueng han tetpawiteh, tongpa a kum 20 hoi 60 totouh e teh ngun tangka 50 touh lah apuh na tâtueng han.

⁴ Napui teh ngun tangka 30 touh lah apuh na tâtueng han.

⁵ Kum panga koehoi kum 20 totouh e tongpa teh ngun tangka 20, napui teh ngun tangka pheh hra touh lah apuh na tâtueng han.

⁶ Kum panga a rahim e tongpa teh ngun tangka pheh panga, napui teh pheh thum touh lah apuh na tâtueng han.

⁷ Kumrui taruk lathueng e tongpa teh ngun tangka hlaipanga, napui teh pheh hra touh lah apuh na tâtueng han.

⁸ Nang ni apuh na tâtueng e patetlah poe thai hoehpawiteh, vaihma koe a cei vaiteh, vaihma ni lawkkam ka sak e tami ni a poe thai e patetlah apuh na tâtueng pouh awh han.

⁹ Tami ni Cathut koe saring poe pawiteh, a poe e pueng teh a thoung han.

¹⁰ Kahawi thoseh, kahawihoehe thoseh, buet touh hoi buet touh na thung awh mahoe. Thung han na ngai awh pawiteh, kahni touh hoi roi a thoung han.

11 Cathut koe poe kawi hoeh e kathounghoehe saring lah awm pawiteh vaihma koe patue vaiteh,

12 Ahawi hoi hawihoeh e patetlah vaihma ni apfu a tâtueng han. Vaihma ni a tâtueng e patetlah apfu teh ao han.

13 Kapoekung ni ratang hanelah ngai pawiteh, saring phu hoi pung panga touh dawk pung touh bout a poe sin han.

14 Tami ni BAWIPA hanlah a im poe pawiteh, im ahawi hoi hawihoeh e vaihma ni a khet vaiteh apfu a tâtueng han. Vaihma ni apfu a tâtueng e patetlah apfu teh ao han.

15 Im kapoekung ni bout ratang hanlah ngai pawiteh, im phu hoi pung panga touh dawk pung touh bout a poe sin han.

16 Tami ni a lawhmuen hah BAWIPA hanlah poe pawiteh, Cati patue e patetlah apfu teh a tâtueng han. Cati hmuen touh patue e law hah ngun tangka 50 touh lah apfu tâtueng han.

17 Jubili kum kamtawng nah a law hah poe pawiteh apfu teh a tâtueng yit touh a poe han.

18 Jubili kum abaw hnukkhu law hah poe pawiteh, hmalae Jubili kum totouh e a ngai rae kumnaw hah vaihma ni a parei vaiteh, a tâtueng e law phu teh a payoun pouh han.

19 Law kapoekung ni bout ratang hanlah ngai pawiteh, a law phu hoi pung panga pung touh bout a poe sin han.

20 Ratang thai hoeh lah alouke tami koe yawt pawiteh, bout ratang han lawi naseh.

21 Jubili kum akuiep toteh, hote law teh BAWIPA e lah ao vaiteh vaihmanaw ni a pang han.

22 Tami ni a ran e law hah BAWIPA hanlah poe pawiteh,

23 Jubili kum totouh hane apfu tâtueng e hah vaihma ni a kum a parei vaiteh, apfu a tâtueng e patetlah hote tami ni hote hnin dawk a poe han. Hote teh BAWIPA e doeh.

24 Jubili kum a pha toteh, hote law hah ahmaloe ka tawn ni teh kayawtkung koe bout a poe han.

25 Apfu tâtueng e pueng dawk ngun tangka lahoi na tâtueng han. Ngun tangka phek touh e teh gerah 20 touh hoi a kâvan.

26 BAWIPA e lah kaawm e saring camin pueng teh, apinihai ama hanlah lat mahoeh. Bangkongtetpawiteh, camin teh BAWIPA e doeh. Maito, tu hoi hmaecanaw teh BAWIPA e lah doeh ao.

27 Kathounghoehe saring lah awm pawiteh, apfu tâtueng e patetlah a ratang vaiteh pung panga touh dawk pung touh bout a poe sin han. Ratang ngai hoehpawiteh, apfu tâtueng e patetlah a yo han.

28 Hateiteh, tami thoseh, saring thoseh, mae law thoseh, Cathut koe thoebolaihoi poe e pueng teh, apinihai bout ratang bout yawt nahanh lawi naseh. Thoebolaihoi poe e pueng teh Cathut hanlah kathoungpoung lah ao.

29 Tami patenghai thoebolaihoi na poe pawiteh, bout na ratang mahoeh, na thei han.

30 Cakang thoseh, apawhik thoseh, talai dawk hoi ka tâcawt e apawhik pueng hra touh dawk buet touh e teh BAWIPA e hno doeh. BAWIPA hanelah kathoung lah ao.

31 Hra touh dawk buet touh e hah ratang hanelah na ngai pawiteh, Apfu hoi pung panga touh dawk pung touh bout na poe sin han.

³² Maito thoseh, tu hoi hmae thoseh, sonron rahim vah kâen e ahranae pueng teh BAWIPA hanelah kathounge lah ao han.

³³ Ahawi hoi hawihoe e na khen awh mahoe. Buet touh hoi buet touh na thung awh mahoe. Thung han na ngai awh pawiteh, kahni touh hoi rei a thoung han. Bout na ratang mahoe telah na dei pouh han.

³⁴ Hete kâpoelawknaw teh Cathut ni Sinai mon dawk Isarelnaw hanlah Mosi koe kâ a poe e naw doeh.

MILU PAREINAE (Numbers)

Isarel milu touk pasueknae

¹ Izip hoi a tâco awh hnukkhu, kum hni nah kum, thapa yung pahni, apasuek hnin vah Sinai kahrawngum kamkhuengnae lukkareiim dawk BAWIPA ni Mosi hah a pato teh,

² Isarel tamihu pueng hah a miphun lahoi, a imthung lahoi, a min kâtarui lahoi tongpa pueng koug touk haw,

³ kum 20 lathueng Isarelnaw thung dawk hoi taran ka tuk thai e naw pueng nang nama hoi Aron ni ahuhu lahoi koug na touk awh han.

⁴ Nang koe e miphunnaw pueng thung dawk hoi imthung kahrawikung buet touh koug ao awh han.

⁵ Hetnaw heh nang koe kaawm hane tami minnaw doeh.

Reuben dawk hoi Shedeur capa Elizur,

⁶ Simeon dawk hoi Zurishaddai capa Shelumiel,

⁷ Judah dawk hoi Amminadab capa Nahshon,

⁸ Issakhar dawk hoi Zuar capa Nethanel,

⁹ Zebulun dawk hoi Helon capa Eliab,

¹⁰ Joseph casak Ephraim dawk hoi Ammihud capa Elishama hoi, Manasseh dawk hoi Pedahzur capa Gamaliel,

¹¹ Benjamin dawk hoi Gideoni capa Abidan,

¹² Dan dawk hoi Ammishaddai capa Ahiezer,

¹³ Asher dawk hoi Okran capa Pagiel,

¹⁴ Gad dawk hoi Deuel capa Eliasaph,

¹⁵ Naphtali dawk hoi Enan capa Ahira Enan seh, atipouh.

¹⁶ Hetnaw heh tamimaya thung dawk hoi rawi e a na mintoenaw miphun dawk hoi kahrawikung Isarel imthung kahrawikungnaw doeh.

¹⁷ Hot patetlah Mosi hoi Aron ni min a kaw e hetnaw heh a ceikhai awh.

¹⁸ Tamimaya hah thapa yung pahni, apasuek hnin vah koug a kamkhueng awh teh, a na pa hoi, imthungnaw hoi kakhekungnaw, khetsin lahoi yah, kum 20 lathueng pueng teh kakhekungnaw hah ama buet touh min lahoi a kaw awh.

¹⁹ BAWIPA ni Mosi koe kâ a poe e patetlah Sinai kahrawngum vah a touk awh.

²⁰ Isarel capa, a camin Reuben casak thung hoi a min kâtarui lah tongpa pueng kum 20 lathueng tarantuknae koe ka cet thai e,

²¹ Reuben miphun a touk awh e teh 46, 500 touh a pha awh.

²² Simeon casak dawk hoi a miphun lahoi imthungkhu lahoi a min kâtarui e patetlah tongpa pueng kum 20 lathueng tarantuknae koe ka cet thai naw,

²³ Simeon casak a touk awh e naw teh 59, 300 touh a pha.

²⁴ Gad catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng tarantuknae koe ka cet thai naw,

²⁵ Gad miphun dawk a touk awh e teh 45, 650 touh a pha.

²⁶ Judah catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

²⁷ Judah miphun dawk a touk awh e teh 74, 600 touh a pha.

²⁸ Issakhar catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

²⁹ Issakhar miphun dawk a touk awh e teh 54, 400 touh a pha.

³⁰ Zebulun catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

³¹ Zebulun miphun dawk a touk awh e teh 57, 400 touh a pha.

³² Joseph catounnaw dawk hoi Ephraim catoun hai imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

³³ Ephraim miphun dawk a touk awh e teh 40, 500 touh a pha.

³⁴ Manasseh catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

³⁵ Manasseh miphun dawk a touk awh e teh 32, 200 touh a pha.

³⁶ Benjamin catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

³⁷ Benjamin miphun dawk a touk awh e teh 35, 400 touh a pha.

³⁸ Dan catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

³⁹ Dan miphun dawk a touk awh e teh 62, 800 touh a pha.

⁴⁰ Asher catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

⁴¹ Asher miphun dawk a touk awh e teh 41500 touh a pha.

⁴² Naphtali catounnaw dawk hoi a miphun lahoi a imthungkhu lahoi, a min kâtarui e patetlah tongpa pueng kum 20 lathueng tarantuknae koe ka cet thai naw,

⁴³ Naphtali miphun dawk a touk awh e teh 53, 400 touh a pha.

⁴⁴ Hotnaw teh Mosi hoi Aron ni Isarel kahrawikung hlaikahni imthung kahrawikungnaw hai a touk awh e doeh.

⁴⁵ Hot patetlah Isarel imthung abuemlahoi kum 20 lathueng taranruknae koe ka cet thai e naw pung Isarel lah koug a touk awh teh,

⁴⁶ a touk awh e naw pueng teh 603550 touh a pha.

⁴⁷ Hatei, ahnimouh thung dawk hoi Levihnaw kakhekung lah touk awh hoeh.

⁴⁸ BAWIPA ni Mosi koevah,

⁴⁹ Levih miphun teh na touk mahoeh. Isarel taminaw lahai na touksin mahoeh.

⁵⁰ Bangkongtetpawiteh, Levihnaw teh lawkpanuesaknae lukkareiim hoi, hnopai khenyawnkung, haw e kaawm e naw pueng ka khenyawnkung lah na pouk awh han. Lukkareiim hoi a hnonaw pueng ka kâkayawt awh teh, ka khetyawt awh han. Bawknae rim a tengpam moi ao sin awh han.

⁵¹ Hote bawknae rim teh a tâcokhai hanlah ao toteh, Levihnaw ni a raphoe vaiteh, hote rim bout a thung awh han. Tami alouke miphun bawk pawiteh thei lah ao han.

⁵² Isarelnaw ni amamouh o nah tangkuem koe ahuhu lahoi apap e lahoi lukkareiim teh a sak awh han.

⁵³ Levihnaw a pâlei teh, kamkhueng e Isarelnaw lathueng vah a lungkhueknae ao hoeh nahan, Cathut onae im a tengpam vah a roe awh vaiteh, Levihnaw ni lawkpanuesaknae bawknae im teh, a khetyawt awh han.

⁵⁴ Hot patetlah Isarelnaw ni BAWIPA ni Mosi koe kâ a poe e patetlah a sak awh.

2

Miphun lahoi rawinae

¹ BAWIPA ni Mosi hoi Aron a pato teh,

² Isarelnaw ni a imthung mitnoutnae koung a vo awh vaiteh, amamae hu lahoi lukkarei rim hah a yap awh han. Kamkhuengnae lukkareiim hmalah koung a kâhmo awh nahanelah, petkâkalup lah a yap awh han.

³ Kanitholah hoi kanîloumlah kangvawi sak hoi a imthung mitnout hah a vo awh vaiteh, lukkareiim ka yap kung teh Judah ransahu han doeh. Judah catoun kahrawikungaw teh Amminadab capa Nahshon han.

⁴ A ransahu teh 74, 600 touh a pha.

⁵ A hnukthawi lukkareiim kayapkung teh Issakharnaw han. Issakhar catoun kahrawikung teh Zuar capa Nethanel han.

⁶ A ransahu teh 54, 400 touh a pha.

⁷ A hnukthawi teh Zebulun doeh. Zebulun catoun kahrawikung teh Helon capa Eliab han.

⁸ A ransahu teh 51, 400 touh a pha.

⁹ A ransahu a pap e lahoi Judahnaw a touk e lahoi 186, 400 touh a pha awh teh, hetnaw heh roenae koehoi ahmaloe a tâco awh han.

¹⁰ Reuben miphunnaw teh akalah ao awh han, a imthung mitnoutnae a vo awh han. Reuben catoun kahrawikung teh Shedeur capa Elizur han.

¹¹ A ransahu teh 46, 500 a pha.

¹² Hahoi mitnout ka yap hane teh Simeon miphun han. Simeon catoun kahrawikung teh Zurishaddai capa Shelumiel han.

¹³ A ransahu teh 59, 300 touh a pha.

¹⁴ Gad miphun doeh. Gad catoun kahrawikung teh Reuel capa Eliasaph han.

¹⁵ A ransahu teh 45, 650 a pha.

¹⁶ Reuben miphun teh a ransahu apap e lahoi, 151, 450 a pha awh. Hetnaw heh a hnuk rekkâbang hane tami lah ao awh.

¹⁷ Hot patetlah kamkhuengnae lukkareiim khue hoi a cei awh han. Levihnaw hah a lungui vah ao awh vaiteh, a onae koehoi kamcunae hmuen koehai a huhu lahoi a cei awh han.

¹⁸ A imthungkhu mitnoutnae a vonae koehoi kanîloumlah, Ephraim miphunnaw ao awh han. Ephraim catoun kahrawikung teh Ammihud capa Elishama han.

¹⁹ A ransahu teh 40, 500 a pha.

²⁰ Hahoi Manasseh miphun han. Manasseh catoun kahrawikung teh Pedahzur capa Gamaliel han.

²¹ A ransahu teh 32, 200 a pha.

²² Hahoi Benjamin miphunnaw han. Benjamin catounnaw kahrawikung teh Gideoni capa Abidan han.

²³ A ransahu teh 35, 400 a pha awh.

²⁴ Ephraim catoun a ransahu a pap e lahoi touk e pueng teh, 108, 100 a pha. Hahoi rekkâbang hanelah a tâco awh han.

²⁵ A imthungkhu mitnoutnae a vonae koehoi Dannaw teh atunglah ao awh han. Dan catoun kahrawikung teh Ammishaddai capa Ahiezer han.

²⁶ A ransaw teh 62, 700 a pha.

²⁷ Hahoi mitnout ka yap hane teh, Asher miphun han. Asher catoun kahrawikungnah teh Okran capa Pagiell han.

²⁸ A ransahu teh 41, 500 a pha awh.

²⁹ Hahoi Naphtali catounnaw han. Naphtali catounnaw kahrawikung teh Enan capa Ahira han.

³⁰ A ransahu teh 53, 400 a pha awh.

³¹ Dan miphun ransahu touk e pueng teh 157, 600 a pha awh. Hahoi ahnimouh teh, a huhu lahoi ka tâcawt e a hnukteng poung lah ao awh han.

³² Hetnaw heh Isarel catoun a na pa e imthungkhu lahoi a touk awh e naw doeh. A ransahu teh a sumkum lah 603, 550 touh a pha.

³³ Hatei BAWIPA ni, Mosi koe kâ a poe e patetlah Levihnaw teh Isarelnaw koe touksin e lah awm hoeh.

³⁴ BAWIPA ni Mosi koe kâlawk a poe e patetlah Isarelnaw ni a sak awh. Amamae ahu kâbang lahoi a roe awh. Hot patetlah a miphun lahoi imthung ao awh e patetlah a tâco awh.

3

Aron catounnaw hoi Levih

¹ Hetnaw heh, Sinai mon koehoi BAWIPA ni Mosi a pato navah, Aron hoi Mosi se nah a thut e doeh.

² Aron capanaw e a min teh, camin lah Nadab. Hahoi Abihu Eleazar hoi Ithamar doeh.

³ Hetnaw heh vaihma hanlah satui awi e, vaihma thaw tawk hanlah hmoun e, Aron e capanaw e min doeh.

⁴ Nadap hoi Abihu teh Sinai kahrawngum vah kathounghoehe hmai, BAWIPA hmalah thuengnae a sak roi navah, BAWIPA hmalah a due roi, ahnimouh roi teh capa tawn roi hoeh. Eleazar hoi Ithamar teh a na pa a hring navah vaihma thaw a tawk roi.

⁵ BAWIPA ni Mosi a pato teh,

⁶ Levih miphun teh vaihma Aron koe cetkhai nateh, a thaw a tawk thai nahan, ahni koe awm naseh.

⁷ Ahnimouh ni lukkareiim dawkw thaw a tawk awh vaiteh, kamkhuengnae lukkareiim hmalah ama hoi kamkhuengnaw ni panki e patetlah thaw a tawk awh han.

⁸ Hnopai pueng a khetyawt awh vaiteh, Isarel catounnaw ni a ham kawi e lah lukkareiim dawkw thaw a tawk awh han.

⁹ Levihnaw teh Aron hoi a capanaw koevah, na poe awh vaiteh, Isarel catounnaw thung hoi ahnimouh hah na rawi awh vaiteh, kai koe ahnimouh na poe awh han.

¹⁰ Aron hoi a capanaw hah na pouk vaiteh, vaihma counngnae hah pou a pang awh han. Ahnimouh koe miphun louk bawkw pawiteh, thei lah ao han, telah a ti.

Levihnaw milu touk hanelah kâ a poe

¹¹ BAWIPA ni Mosi a pato teh,

¹² khenhaw! Levihnaw heh Isarel catounnaw thung hoi camin camoim hmaloe ka paawng hanelah kai kama roeroe ni Isarel catounnaw thung hoi ka lae lah ao teh, Levihnaw teh kaie lah ao awh han.

13 Bangkongtetpawiteh, caminnaw pueng teh kaie lah ao han. Izip ram vah caminnaw pueng ka thei navah, Isarelnaw pueng teh camin hoi tami hoi moithang hoi kai kama hanelah ka thoung sak e lah ao. Kai teh Jehovah doeh telah atipouh.

14 BAWIPA ni Sinai kahrawngum vah, Mosi hah a pato teh,

15 Levih catounnaw hah a na pa imthung lahoi tongpa pueng thapa yung touh lathueng pueng teh koung na touk han atipouh.

16 Hot patetlah Mosi koe kâ a poe e BAWIPA lawk patetlah koung a touk pouh.

17 Levih catounnaw e min teh Gershon, Kohath, hoi Merari naw doeh.

18 Gershon catoun imthungnaw e teh, Libni hoi Shimei doeh.

19 Kohath catoun imthungnaw e teh Amram, Izhar, Hebron hoi Uziel doeh.

20 Merari catoun imthungnaw teh, Mahli hoi Mushi doeh. Hetnaw heh a na pa imthung lahoi Levih catounnaw doeh.

21 Gershon teh Libni imthung hoi Shimei imthung kakhekung doeh. Hetnaw heh Gershon catounnaw doeh.

22 Thapa yung touh hoi lathueng tongpa pueng a touk awh e teh 7500 touh a pha.

23 Gershon catoun imthungnaw teh lukkareiim a hnuklah kanîloumlah a roe awh han.

24 Gershonnaw e imthung kahrawikung teh Lael capa Eliasaph han.

25 Gershon catounnaw thaw teh, lukkareiim lemphu ramuk nahane hoi kamkhuengnae takhang daw k hane yaphni hoi,

26 thongma takhang daw k hane yaphni hoi khoungroe petkâkalup e hnonaw hoi, hawvah hnonaw pueng a taw k awh hanelah ao han.

27 Kohath teh Amram imthung, Izhar imthung, Hebron imthung hoi Uziel imthungnaw kakhekung doeh. Hetnaw heh Kohath catounnaw doeh.

28 Tongpa pueng thapa yung touh hoi lathueng hmuen kathoung ringnae koe taw k hanelah a poe e naw a touk awh navah 8600 a pha.

29 Kohath catoun imthungnaw teh lukkareiim akalah a roe awh han.

30 Kohath catoun imthung kahrawikung teh Uziel capa Elizaphan han.

31 Ahnimae thaw teh, thingkong hoi caboi hoi satui hmaiimkhok hoi, thuengnae hoi, hmuen kathoung koe thaw taw k nahane, hlaamnaw, lukkarei yap e hoi haw e thaw taw k nae koe e hnopainaw pueng lah ao han.

32 Hahoi vaihma Aron capa Eleazar teh Levihnaw kahrawikung a lû lah ao han. Hmuen kathoung karingkungnaw hah a hrawi han.

33 Merari teh Mahlinaw thung hoi Mushinaw imthung kakhekung lah ao. Hetnaw teh Merari imthungnaw doeh.

34 Tongpanaw pueng thapa yung touh lathueng a touk awh navah 6200 a pha.

35 Merari catounnaw e imthung kahrawikung teh Abihail capa Zuriel doeh. Hetnaw teh lukkareiim atunglah a roe awh han.

36 Merari capa hoi a taw k han kawi lah pouk e teh lukkareiim tapang, pangkhek, khom, a tâphai kepnae, a hnopainaw hoi a thaw taw k nae hnopai lah ao awh.

37 Thongma petkâkalup lah khonaw teh, a kangdue nahane cemnaw pueng hoi a hetsinnae ruinaw hai a sak han.

38 Hothloilah lukkareiim kanîtholah kamkhuengnae lukkareiim hmalah ka roe e naw teh Mosi, Aron hoi a canaw han. Hmuen kathoung ringnae

koe teh Isarel catounnaw a pankinae pueng koe a tawk aw hah. Hatei alouke tami rek kahnai e awm pawiteh, thei lah ao han.

³⁹ BAWIPA kâpoe e lahoi Levihnaw e a catoun tongpanaw thapa yung touh lathueng hoi Aron ni touk e naw teh 22, 000a pha aw hah.

Levihnaw camin ratangnae

⁴⁰ BAWIPA ni Mosi koevah, Isarel catounnaw thung daw k camin tongpa thapa yung touh lathueng pueng nâyittouh maw ka phat tie a min lahoi koug touk loe.

⁴¹ Hahoi Levihnaw hah Isarel catoun thung daw k hoi caminnaw yueng lah kai hanelah na la vaiteh, Levihnaw e saring hai, Isarel catounnaw e saring camin pueng e yueng lah kai hanlah na la han. Kai teh Jehovah doeh atipouh.

⁴² Mosi teh BAWIPA ni kâ a poe e patetlah Isarel catoun thung daw k caminnaw pueng hah a touk aw hah

⁴³ A min phung e lahoi thapa yung touh lathueng tongpa camin pueng a touk aw hah e teh 22, 273 a pha.

⁴⁴ BAWIPA ni Mosi a pato teh,

⁴⁵ Isarel catoun camin yueng lah Levihnaw hah lat nateh, a saring yueng lah, Levihnaw e saring lat pouh. Levihnaw teh kaie lah ao aw hah. Kai teh Jehovah doeh.

⁴⁶ Levihnaw hlak vah, bet kapap e Isarel catoun camin 273 ratang nahanelah,

⁴⁷ tami buet touh hane hmuen kathoung khingnae tangka patetlah shekel panga touh rip na la aw hah. Hmuen kathoung khingnae shekel teh gerah 20 touh a pha.

⁴⁸ Ka cawi e ratang nahan hnopai teh Aron hoi a capanaw na poe han telah a ti.

⁴⁹ Hahoi Mosi ni Levihnaw ni a ratang aw hah hoe e ratangnae hnopai hah a la.

⁵⁰ Isarel catoun caminnaw koehoi hnopainaw a la teh hmuen kathoung shekel 1365 a la pouh.

⁵¹ BAWIPA ni Mosi kâ a poe e BAWIPA lawk patetlah Mosi ni a ratangnae hnopai teh Aron hoi a capanaw a poe aw hah.

4

Kohath capanaw e thaw

¹ BAWIPA ni Mosi hoi Aron a pato teh,

² Levihnaw thung daw k Kohath capanaw a catoun lahoi a imthung lahoi, ³ kum 30 lathueng kum 50 totouh kamkhuengnae lukkareiim daw k thaw ka taw k hane naw teh koug a touk aw hah.

⁴ Hete kamkhuengnae lukkareiim daw k kathoungpouge hno hoi kâkuen lah Kohath casaknaw e thaw lah ao.

⁵ Roenae koehoi a kampuen aw hah tangkuem vah, Aron hoi a capa a tho vaiteh, hmuen kathoung lukkareiim yap e hah a la vaiteh lawkpanuesaknae thingkong hah a ramuk han.

⁶ Hahoi phaivuen hoi a ramuk vaiteh, kamthim hni hoi bout a ramuk han. Hahoi a tâphai hah a hrawt han.

⁷ Caboi daw k kamthim hni a phaï vaiteh, tongben, pacen, awi nahane kawlungnaw hoi, vaiyei hruék vaiteh.

⁸ Hot teh hni paling a ramuk aw hah vaiteh, saram pho hoi a ramuk vaiteh, a tâphai a hrawt aw hah.

⁹ Hmaiimkhok hoi hawvah hno hane hmaiim, paitei hoi paitei tanae manang, satuiumnaw hah kamthim hni hoi a ramuk han.

¹⁰ Hote hno hoi a puengcangnaw teh saram pho hoi ramuk vaiteh kâkayawtnae dawk a tâ han.

¹¹ Sui khoungroe hah kamthim hni hoi ramuk vaiteh, saram pho hoi a ramuk han. Hahoi a tâphai na hrawt han.

¹² Hmuen kathoung koe thaw tawknae hnonaw pueng hah, koung a la vaiteh, kamthim hni hoi a taoung aw h han. Saram pho hoi a ramuk aw h han, kâkayawtnae a hrawt aw h han.

¹³ Khoungroe daw k e hraba hah kathoungcalah kaw n vaiteh, avan vah hni paling a phai aw h han.

¹⁴ Avan vah thaw a tawknae hlaamnaw pueng, hmaisawinae, cingco, tawksa ka kaw e, maroi, hoi thuengnae khoungroe daw k a ta aw h han. Saram pho hoi a ramuk aw h vaiteh, a tâphai kâkayawtnae a hrawt aw h han.

¹⁵ Hahoi Aron hoi a capanaw ni, a hmuen kathoung poung hoi hmuen kathoung hnopainaw koung a ramuk aw h vaiteh, a onae hmuen a kampuen aw h nah karawitawi Kohath capa ni kâkayawt hanelah a tho aw h han. Hatei kathoung hno hah tek aw h mahoe h. Tek aw h boipawiteh, a due aw h han. Hetnaw heh kamkhuengnae lukkareiim hno, Kohath capanaw ni a taw k aw h hane doeh.

¹⁶ Hahoi vaihma Aron capa Eleazar capa a taw k hane kaw i teh, paang hane satui hoi hmu itui pout laipalah, tavai poenae, aw i e satui hoi lukkareiim thung kaaw m e hnonaw pueng, hmuen kathoung hoi hnopainaw ring hanelah ao telah a ti.

¹⁷ BAWIPA ni Mosi hoi Aron a pato teh,

¹⁸ Kohath catoun imthungnaw hah Levihnaw thung daw k hoi kahmat sak hanh.

¹⁹ Hatei kathoungpoung e hno hah ouk a hnai toteh, dout laipalah a hring aw h nahan, hot hoi kâkuen lah het heh sak loe. Aron hoi a capa hah a kâen vaiteh, a taw k aw h hane thaw hah amamouh lengkaleng pouk pouh naseh.

²⁰ Hatei, kathoungpoung e hno khet hanlah dongdeng hai kâen hanh aw h. Hoehpawiteh a due aw h han telah atipouh.

Gershon capanaw e thaw

²¹ BAWIPA ni Mosi a pato teh,

²² Gershon capanaw hoi a imthungkhu a catounnaw abuemlah koung a touk aw h.

²³ kum 30 hoi a lathueng a lathueng kum 50 totouh, kamkhuengnae lukkareiim koe thaw ka taw k hane naw hah koung a touk aw h.

²⁴ Gershon catounnaw a taw k aw h hanelah a kamngai aw h e teh,

²⁵ Lukkareiim daw k lukkarei yap e, kamkhuengnae lukkareiim takhang koe hni yap e hah,

²⁶ Kalupnae hni yap e, kalupnae longkha koe yap e, baw knae rim thuengnae khoungroe teng kaaw m e, arui hoi a hnopainaw pueng a phu aw h vaiteh, tawksa a ngai e pueng a taw k aw h han.

²⁷ Gershon capanaw a taw k aw h nah tangkuem koe Aron hoi a capanaw ni thaw a poe aw h e patetlah a taw k aw h han.

²⁸ Hetheh, kamkhuengnae lukkareiim Gershon capa imthungnaw e thaw a tho. Ahnimae thaw hah, vaihma Aron capa Ithamar kâtawnae rahim ao aw h han.

²⁹ Merari capanaw kong dawk a catounnaw abuemlahoi imthungkhu lahoi koung na touk a han.

³⁰ Kum 30 hoi a lathueng lah kum 50 totouh kamkhuengnae lukkareiim dawk thaw a tawk awh hanelah ka kâen hane pueng na touk awh han.

³¹ Kamkhuengnae lukkareiim dawk, ka ceitakhai han naw e thaw teh, hethah doeh. Bawknae im tapang, thing a tâphai hai, a khom, a kanâ,

³² thongma tumdumnae khom, a kanâ, cem, hoi ruinaw, hote hnopainaw pueng hoi alouke hnonaw kâkayawt hanelah, a min lahoi amamae ham na pouk pouh han.

³³ Hethah vaihma Aron capa Ithamar kâtaunnaw rahim vah, kamkhuengnae lukkareiim hanelah Merari capa imthungnaw niyah a sak awh hane thaw la doeh ao telah atipouh.

Levihnow touknae

³⁴ Hahoi Mosi hoi Aron hoi tamimaya kahrawikungnaw ni Kohath capa a catoun abuemlahoi imthung abuemlahoi,

³⁵ kamkhuengnae lukkareiim dawk a tawk awh hane hah kum 30 touh hoi a lathueng lah kum 50 totouh a touk awh.

³⁶ A catoun abuemlahoi a touk awh e teh, 2, 750 a pha.

³⁷ Hotnaw teh kamkhuengnae lukkareiim dawk thaw ka tawk thai e Kohath casaknaw a touk awh e Mosi hno lahoi BAWIPA kâpoe e patetlah Mosi hoi Aron ni a touk roi e doeh.

³⁸ Gershon capanaw kamkhuengnae lukkareiim tawk ka tawk hane teh, a na pa im hoi imthung abuemlahoi doeh.

³⁹ Kum 30 touh hoi a lathueng kum 50 totouh touk e lah ao.

⁴⁰ A imthung abuemlahoi a napanaw imthung abuemlah a touk awh e teh 2, 630 touh a pha.

⁴¹ Hetnaw teh Gershon capanaw e casaknaw kamkhuengnae lukkareiim thaw katawknaw lah BAWIPA kâpoe e patetlah Mosi hoi Aron ni a touk e naw doeh.

⁴² Hahoi Merari capa ni kamkhuengnae lukkareiim dawk thaw ka tawk hane teh a napanaw imthung hoi amamouh imthungnaw seng doeh.

⁴³ Kum 30 hoi a lathueng kum 50 totouh touk e lah ao.

⁴⁴ A na pa hoi imthung abuemlah a touk awh e teh, 3, 200 touh a pha.

⁴⁵ Hetnaw heh Merari capanaw a touk awh e teh Mosi hno lahoi BAWIPA kâpoe e patetlah Mosi hoi Aron ni a touk roi e doeh.

⁴⁶ Levihnow thaw tawk hanelah kamkhuengnae lukkareiim phu hanelah, hoi ouk ka phawt e a napanaw imthung lahoi a imthungkhu abuemlahoi

⁴⁷ kum 30 lathueng kum 50 totouh Mosi hoi Aron Isarel kahrawikungnaw ni a touk awh.

⁴⁸ A touk awh e naw teh, 8, 580 touh a pha

⁴⁹ Mosi hno lahoi BAWIPA kâpoe e patetlah tami pueng ni a tawk awh hane teh, a ham awh e hoi ka kâvan lah a touksin awh. BAWIPA ni Mosi kâ a poe e patetlah a touk awh.

5

Ka khin e naw alawilah takhoenae

¹ BAWIPA ni Mosi a pato teh,

² Isarel catounnaw ka hrikbeinaw hoi moi hnakathout hoi tami ro kâbet e hoi kakhin e napui tongpa naw hah roenae rim hloilah tâco sak hanelah kâ a poe.

³ A lungui vah, ka onae roenae hmuen hah a khin sak awh hoeh nahanelah, napui tongpa roenae hmuen lawilalah na tâco sak han.

⁴ Isarel catounnaw ni hot patetlah a sak awh teh, roenae hmuen alawilalah ouk a tâco sak awh. BAWIPA ni Mosi koe a dei e patetlah Isarel catounnaw ni a sak awh.

Payon laisaknae

⁵ BAWIPA ni Mosi hah a pato teh,

⁶ Isarel catounnaw koe dei pouh loe. Tongpa thoseh, napui thoseh, BAWIPA taranlahoi yon bang patet e a sak awh teh yon pen e lah ao toteh,

⁷ a sak awh e yonnae hah pankângai hoi a kâhei awh han. Hahoi a sakpayon e yonnae phu teh ka kuepcalah a patho han. Hahoi a tak daw hawihoe hnae a sak e hah pung panga touh daw pueng touh a thap han.

⁸ Hatei, yon phu kacoekung ni a hmaunawng haw tawn hoeh pawiteh, BAWIPA koe thueng e yon phu teh vaihma koe a poe han. Yontha nahanlah tutan a thueng e touksin laipalah yonthaneae alouke a sak han.

⁹ Hahoi Isarel catounnaw ni a poe awh e pueng Isarelnaw hno kathoung pueng vaihma koe a thokhai e pueng teh amae lah ao han.

¹⁰ Tami tangkuem ni a poe awh e hno kathoung poung hah a ahnimae lah ao han. Tami pueng ni vaihma koe a poe awh e teh ahnimae lah ao han, telah a ti.

Yuemkamcu hoeh e yu

¹¹ BAWIPA ni Mosi hah a pato teh,

¹² Isarel catounnaw koe dei pouh loe. Ahnimouh koe, apipatet e a yu nakunghai, a vâ koe yuemkamcu lah awm laipalah alouke a ngai e awm pawiteh,

¹³ a payon lahun nah ayâ ni hmawt hoeh, kapanuekkhaikung awm hoeh eiteh, hote hah a pâpha teh, a vâ ni panue hoeh nakunghai thoseh,

¹⁴ ahni lathueng dipmanae muitha a pha hai thoseh, a yu a dipma nakunghai thoseh, hahoi napui a kamhnawng teh dipmanae muitha tongpa koe a tho hai thoseh, a yu hah a dipma ei, a yu kamhnawng hoeh pawiteh,

¹⁵ tongpa ni a yu hah vaihma koe a thokhai han, napui hanlah a panki e poehnô catun ephah pung hra pung touh daw buet touh, satui awi mahoe h, hmuitui hai kalawt mahoe h. Bangkongtetpawiteh, hethateh dipmanae canei thuengnae, pahnim hoeh nahan canei thuengnae, payonnae panue nahanelah pahnim hoeh nahane doeh.

¹⁶ Vaihma ni napui hah a thokhai vaiteh, BAWIPA hmalah a kangdue sak han.

¹⁷ Vaihma ni talai hlaam daw hoi tui kathoung a la vaiteh, lukkareim khom koe e vaipuh a la vaiteh tui daw a phuen han.

¹⁸ Vaihma ni napui hah BAWIPA hmalah a kangdue sak vaiteh, a sam a rathap sak han. Yu dipmanae tavai thuengnae kâhruetcuete poe nahanelah thuengnae hah a kut daw a sin sak han. Hahoi vaihma ni thoebonae tui kakhat e hah a sin han.

¹⁹ Vaihma ni napui hah lawk a kam sak vaiteh, napui koe na vâ e kâtawnnae daw na 0 navah, ayâ ni na ipkhai hoeh pawiteh, na kamhnawngnae lam daw na dawn hoeh boum teh heté thoebonae kaphawtkung kakhat e tui daw hoi na hlout han.

²⁰ Hatei, na vâ e kâtawnnae dawk na o navah, nama na kamhnawng teh ayâ ni na ipkhai boipawiteh telah na ti vaiteh,

²¹ vaihma ni napui hah thoebonae lawkkam rahim vah ao sak vaiteh, napui koe BAWIPA ni na phai a kamsoe sak teh na von a phing sak toteh, BAWIPA ni na miphunnaw thung dawk thoebonae kaphawtkung lah na awm naseh.

²² Hahoi, thoebonae kaphawtkung hete tui ni na ruen dawk a kâen vaiteh, na von a phing sak vaiteh, na phai a kamsoe sak han, telah ati han. Hahoi napui ni teh, Amen, hot patetlah thoseh ati han.

²³ Vaihma ni thoebonae lawk hah cauk dawk a thut vaiteh, kakhat e tui dawk a phum han.

²⁴ Hahoi thoebonae kaphawtkung kakhat e tui hah, napui hah a pânei han. Hot patetlah thoebonae kaphawtkung a von thung a kâen vaiteh a kha han.

²⁵ Hot patetlah vaihma ni dipmanae canei thuengnae a kahek vaiteh, a poe e napui e kut dawk hoi a la vaiteh, BAWIPA hmalah tavai thuengnae a sin pouh vaiteh, thuengnae khoungroe koe a ceikhai han.

²⁶ Vaihma ni panuenae tavai thuengnae hah kutvang touh a la vaiteh, khoungroe dawk a sawi han. Hathnukkuh, kakhat e tui hah napui a pânei han.

²⁷ Tui a nei sak toteh, hettelah han doeh. A la kamhnawng teh a vâ koe yonnae sak boipawiteh, thoebonae kaphawtkung lah ao dawk kakhat e tui teh a von thung a kâen vaiteh a kha han. A von a phing vaiteh, a phai hah a kamsoe han. Hahoi teh, hote napui teh a miphunnaw thung dawkvah, thoebo e lah ao han.

²⁸ Hatei, napui teh kamhnawng hoeh lah thoung boipawiteh, a hlout vaiteh, camo ka vawn thai e lah ao han.

²⁹ Hete napui ni a vâ e kâtawnnae rahim ao navah, kho louk lah radoung hoi a vâ hoeh e tami alouke hoi koe ka kamhnawng e thoseh,

³⁰ tongpa ni dipmanae lungthin ueue tawn pawiteh, a yu a dipma dawkvah, dipmanae kâlawk lah ao han. Hahoi teh napui hah BAWIPA hmalah a ceikhai vaiteh, vaihma ni hete kâlawknaw pueng a tak dawk a sak pouh han.

³¹ Hottelah, tongpa teh payonpakainae koehoi a hlout han. Hatei, hete napui ni yonpennae naw heh a khang han, atipouh.

6

Nazirite kâlawk

¹ BAWIPA ni Mosi hah a pato teh,

² Isarel catounnaw koe dei pouh. Ahnimouh koe tongpa thoseh, napui thoseh BAWIPA koe ama Nazirite lawkkamnae la hanlah, a kâkapek teh a kâhmoun toteh,

³ misur hoi yamu tek mahoe. Misurtui hoi yamucang hai net mahoe. Misurtui nei e hoi misurpaw katha e khumbei dawk vaw teh kamyai e hai cat mahoe.

⁴ A kâkapek nah yunglam pueng teh misurkung dawk hoi a mu thoseh, atui thoseh cat awh mahoe.

⁵ A kâkapeknae lawk a kam nah thung pueng teh, a lû ngaw mahoe. BAWIPA hmalah a kâpeknae hnin a pha hoehroukrak teh kathoung lah ao han. Hottelah a sam a hlung vaiteh, a sai sak han.

⁶ BAWIPA hanlah a kâkapeknae thung pueng teh, tami ro koe hnai mahoe.

⁷ A na pa thoseh, a manu thoseh, a hmaunawnggha thoseh, a tawncanu thoseh, a duenae kong dawkhai kâkhinsak hanh naseh. Bangkongtetpawiteh, Cathut hanlah a kâkapeknae a lû dawkhai ao.

⁸ A kâkapek yunglam teh BAWIPA hanlah kathounge lah ao han.

⁹ Ateng vah, pouk laipalah tami koe dout pawiteh, a kâkapeknae a lû dawkhai sak pawiteh, a kamthoung nah hnin vah, a lû a ngaw vaiteh, a hnin sari hnin vah a pâkhamuen a ngaw han.

¹⁰ A hnin taroe hnin vah, kamkhuengnae lukkareiim takhang koe e vaihma koe bakhu kahni touh thoseh, Âbakhu kahni touh thoseh a sin awh han.

¹¹ Vaihma ni buet touh teh yon thueng nahanlah a poe vaiteh, alouke buet touh teh hmaisawi thueng nahan, tami kadout kecu dawkhai a sakpayon e dawkhai a yontha nahanlah a sak pouh han. Hot hnin vah a lû hah a thoung sak han.

¹² Hahoi kâtapoe thuengnae dawkvah kum touh ka pha e tuca a tan a thokhai vaiteh, kâkapeknae hnin teh BAWIPA koe vah a katha lah a tâcokhai han. Bangkongtetpawiteh, kâkapeknae hah a khin sak toung dawkvah, ahmaloe e teh banglah tho mahoe toe.

¹³ Hahoi Nazirite a kâkapeknae hnin a kuep toteh, a sak awh hane kâlawk doeh. Kamkhuengnae lukkareiim takhang koe na ceikhai awh han.

¹⁴ Hahoi BAWIPA koe thuengnae hah a poe han. Tutan kacueme hmaisawi thuengnae koe buet touh, yon thueng nahanelah tulaca kacueme buet touh, roum thueng nahanelah, kacueme tutanca buet touh,

¹⁵ tonphuenhoehe tavai hah a kanui e tavai satui hoi kanawk e tavai tueng buet touh satui hluk e tavai ka rapamca e a tabu buet touh, tavai thuengnae hoi lannae thueng hoi na poe awh han.

¹⁶ Hahoi vaihma ni tavai hah BAWIPA hmalah a thokhai vaiteh, yon thuengnae hoi hmaisawi thuengnae hah a poe han.

¹⁷ Hahoi tutan hah tonphuenhoehe tavai tabu dawkhai hoi roum thuengnae hah Bawipa koe a poe han. Vaihma ni tavai thuengnae, nei thuengnae hoi a poe sin han.

¹⁸ Nazirite tami ni, kamkhuengnae lukkareiim takhang koe a sam hah a ngaw vaiteh, roum thuengnae a saknae koe hmai hoi a sawi han.

¹⁹ Hahoi vaihma ni tutan e a lounge a thawng e hoi tonphuenhoehe a tabu dawkhai a ta e vaiyei buet touh, tonphuenhoehe vaiyei ka rapam e phen buet touh, a la vaiteh, Nazirite niyah a kâhmounnae a sam kounge a ngaw hnukkhu hoi a kut dawkhai a ta han.

²⁰ Hahoi vaihma ni kahek thuengnae dawkvah, BAWIPA hmalah a kahek han. Hetheh vaihma hmang lah kaawm han. Hetheh vaihma e ham lah kaawm han. Kahek e a takuep hoi a kahek e a phai teh a thoung han, hahoi teh Nazirite tami ni misur a nei thai han toe, telah a ti.

²¹ Hetheh Nazirite lawkkam a kâhmounnae hoi poehno e BAWIPA koe lawkkamnae kasakkung e kâlawk lah ao. Hothloilah a ma kut hoi ka dam sak e pueng hah lawkkamnae a sak e patetlah a kâhmounnae kâlawk patetlah a sak roeroe han. ;

Vaihma yawhawinae

²² BAWIPA ni Mosi hah a pato teh,

²³ Aron hoi a capanaw koevah, het patetlah Isarel catounnaw yawhawinae na poe han, ahnimouh koe,

²⁴ BAWIPA ni yawhawinae na poe awh teh, na khenyawn awh naseh.

²⁵ BAWIPA ni a minhmai nangmouh koe kho lah a sei vaiteh, na pahren awh naseh.

²⁶ BAWIPA teh nangmouh koelah kangvawi seh, roumnae na poe awh han, telah dei pouh awh telah a dei.

²⁷ Hot patetlah sak e ni Isarel catounnaw koe ka min a kamnue sak awh han. Kai ni ahnimouh teh yawhawi ka poe han, telah a ti.

7

Kahrawikungnaw e poehno

¹ Hahoi teh, hettelah doeh. Mosi ni lukkareiim a sak teh, a cum toteh, a hnopainaw hoi a khoungroe hoi hlaam naw pueng hah satu a hluk teh a thoung sak.

² Hahoi Isarel kahrawikung, a imthung kahrawikung, a miphun kahrawikungnaw a touk awh e ni poehno hane hah a poe awh.

³ A poe awh e naw hah BAWIPA hmalah a thokhai awh vaiteh, a lemphu kaawm e leng taruk touh, maitotan hlaikahni touh, kahrawikung kahni touh ni leng buet touh lengkaleng, buet touh ni maitotan buet touh lengkaleng lukkareiim hmalah a thokhai awh.

⁴ BAWIPA ni Mosi a pato teh,

⁵ kamkhuengnae lukkareiim dawk thaw tawk navah a cungkei han dawkvah, ahnimouh koehoi daw pouh. Levihnaw koe a thaw tawknae hoi kâkuen lah na poe han, telah atipouh.

⁶ Hahoi Mosi ni leng hoi maitotan a la teh, Levihnaw hah a poe.

⁷ Leng kahni touh hoi maitotan pali touh hah Gershon capa hah a thaw hoi kamcu lah a poe awh.

⁸ Leng pali touh hoi maitotan taroe touh hah vaihma Aron capa Ithamar, Merari capa hah a thaw hoi kamcu lah a poe awh.

⁹ Hatei, Kohath capa teh poe awh hoeh. Bangkongtetpawiteh, hmuen kathoung koe e thaw a ham e lah ao teh, aloung hoi kâkayawnkung lah ao.

¹⁰ Thuengnae khoungroe hah satu awi hanlah ao toteh, kahrawikungnaw ni lungtho lahoi a poe awh e heh khoungroe dawk a ta awh. Hot patetlah pasoumhno a poe han telah ati.

¹¹ Bangkongtetpawiteh, BAWIPA ni Mosi koevah thuengnae khoungroe dawk poe hanelah, hnin touh dawk kahrawikung buet touh ni pasoumhno hah a poe han telah ati.

¹² Apasuek hnin vah, pasoumhno ka poe e teh, Judah miphun dawk hoi Amminadab capa Nahshon ni a poe.

¹³ A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satu hoi kanawk tangcoung e hote roi dawk ka kawi lah,

¹⁴ shekel hra touh ka ri e hmuitui hoi ka kawi e suipacen buet touh,

¹⁵ hmaisawi thueng nahane maitotanca buet touh, tu buet touh, tutanca kum touh e buet touh,

¹⁶ yon thueng nahane maitotan kahni touh,

¹⁷ roum thueng nahanelah maitotan kahni, tu panga, hmaetan panga, tutanca kum touh e panga touh. Hetnaw heh Amminadab capa Nahshon ni a pasoung e naw doeh.

¹⁸ Apâhni hnin vah, pasoumhno ka poe e teh, Issakhar kahrawikung Zuar capa Nethanel ni pasoumhno a poe.

19 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawkw tangcoung e hote roi dawkw ka kawilah,

20 shekel hra touh ka ri e hmuitui hoi ka kawilah e suipacen buet touh,

21 hmaisawi thueng nahane maitotanca buet touh, tu buet touh, tutanca kum touh ka phat e buet touh,

22 yon thueng nahane hmaetan buet touh,

23 roum thueng nahanelah maitotan kahni, tutan panga, hmaetan panga, tutanca kum touh ka phat e panga touh. Hetnaw heh Zuar capa Nethanel ni a pasoung e naw doeh.

24 Apâthum hnin vah, pasoumhno ka poe e teh, Zebulun catounnaw kahrawikung Helon capa Eliab ni pasoumhno a poe.

25 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawkw tangcoung e hote roi dawkw ka kawilah,

26 shekel hra touh ka ri e hmuitui hoi ka kawilah e suipacen buet touh,

27 hmaisawi thueng nahane maitotanca buet touh, tutan buet touh, tutanca kum touh e buet touh,

28 yon thueng nahane hmaetan buet touh,

29 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Helon capa Eliab ni a pasoung e naw doeh.

30 Apali hnin vah, pasoumhno ka poe e teh, Reuben catounnaw kahrawikung Shedeur capa Elizur ni pasoumhno a poe.

31 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawkw tangcoung e hote roi dawkw ka kawilah,

32 shekel hra touh ka ri e hmuitui hoi ka kawilah e suipacen buet touh,

33 hmaisawi thueng nahane maitotanca buet touh, tutan buet touh, tutanca kum touh e buet touh,

34 yon thueng nahane hmaetan buet touh,

35 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Shedeur capa Elizur ni a pasoung e naw doeh.

36 Apanga hnin vah, pasoumhno ka poe e teh, Simeon catounnaw kahrawikung Zurishaddai capa Shelumiel ni pasoumhno a poe.

37 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawkw tangcoung e hote roi dawkw ka kawilah,

38 shekel hra touh ka ri e hmuitui hoi ka kawilah e suipacen buet touh,

39 hmaisawi thueng nahane maitotanca buet touh, tutan buet touh, tutanca kum touh e buet touh,

40 yon thueng nahane hmaetan buet touh,

41 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Zurishaddai capa Shelumiel ni a pasoung e naw doeh.

42 Ataruk hnin vah, pasoumhno ka poe e teh, Gad catounnaw kahrawikung Deuel capa Eliasaph ni pasoumhno a poe.

43 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawkw tangcoung e hote roi dawkw ka kawilah,

44 shekel hra touh ka ri e hmuitui hoi ka kawilah e suipacen buet touh,

45 hmaisawi thueng nahane maitotanca buet touh, tutan buet touh, tutanca kum touh e buet touh,

46 yon thueng nahane hmaetan buet touh,

47 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Deuel capa Eliasaph ni a pasoung e naw doeh.

48 Asari hnin vah, pasoumhno ka poe e teh, Ephraim catounnaw kahrawikung Ammihud capa Elishama ni pasoumhno a poe.

49 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawk tangcoung e hote roi dawk ka kawi lah,

50 shekel hra touh ka ri e hmuittui hoi ka kawi e suipacen buet touh,

51 hmaisawi thueng nahane maitotanca buet touh, tutan buet touh, tutanca kum touh e buet touh,

52 yon thueng nahane hmaetan buet touh,

53 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Ammihud capa Elishama ni a pasoung e naw doeh.

54 Ataroe hnin vah, pasoumhno ka poe e teh, Manasseh catounnaw kahrawikung Pedahzur capa Gamaliel ni pasoumhno a poe.

55 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawk tangcoung e hote roi dawk ka kawi lah,

56 shekel hra touh ka ri e hmuittui hoi ka kawi e suipacen buet touh,

57 hmaisawi thueng nahane maitotanca buet touh, tutan buet touh, tutanca kum touh e buet touh,

58 yon thueng nahane hmaetan buet touh,

59 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Pedahzur capa Gamaliel ni a pasoung e naw doeh.

60 Atako hnin vah, pasoumhno ka poe e teh, Benjamin catounnaw kahrawikung Gideon capa Abidan ni pasoumhno a poe.

61 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawk tangcoung e hote roi dawk ka kawi lah,

62 shekel hra touh ka ri e hmuittui hoi ka kawi e suipacen buet touh,

63 hmaisawi thueng nahane maitotanca buet touh, tutan buet touh, tutanca kum touh e buet touh,

64 yon thueng nahane hmaetan buet touh,

65 roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Gideon capa Abidan ni a pasoung e naw doeh.

66 A hnin hra navah, pasoumhno ka poe e teh, Dan catounnaw kahrawikung Ammishaddai capa Ahiezer ni pasoumhno a poe.

67 A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawk tangcoung e hote roi dawk ka kawi lah,

68 shekel hra touh ka ri e hmuittui hoi ka kawi e suipacen buet touh,

69 hmaisawi thueng nahane maitotanca buet touh, tutan buet touh, tutanca kum touh e buet touh,

70 yon thueng nahane hmaetan buet touh,

⁷¹ roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Ammishaddai capa Ahiezer ni a pasoung e naw doeh.

⁷² A hlaibun hnin vah, pasoumhno ka poe e teh, Asher catounnaw kahrawikung Okran capa Pagiel ni pasoumhno a poe.

⁷³ A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawk tangcoung e hote roi dawk ka kawi lah,

⁷⁴ shekel hra touh ka ri e hmuitui hoi ka kawi e suipacen buet touh,

⁷⁵ hmaisawi thueng nahane maitotanca buet touh, tutan buet touh, tutanca kum touh e buet touh,

⁷⁶ yon thueng nahane hmaetan buet touh,

⁷⁷ roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Okran capa Pagiel ni a pasoung e naw doeh.

⁷⁸ A hlaikahni hnin vah, pasoumhno ka poe e teh, Naphtali catounnaw kahrawikung Enan capa Ahira ni pasoumhno a poe.

⁷⁹ A poe e teh shekel 130 ka ri e ngun hlaam buet touh, hmuen kathoung shekel 70 touh ka ri e ngun kawlung buet touh, tavai thuengnae hanlah vaiui satui hoi kanawk tangcoung e hote roi dawk ka kawi lah,

⁸⁰ shekel hra touh ka ri e hmuitui hoi ka kawi e suipacen buet touh,

⁸¹ hmaisawi thueng nahane maitotanca buet touh, tutan buet touh, tutanca kum touh e buet touh,

⁸² yon thueng nahane hmaetan buet touh,

⁸³ roum thueng nahanelah maitotan kahni, tutan panga, hmaetan panga, tutanca kum touh e panga touh. Hetnaw heh Gideon capa Abidan ni a pasoung e naw doeh.

⁸⁴ Hot patetlah thuengnae khoungroe satui awi nah hnin vah, Isarel kahrawikungnaw ni a pasoung aw e ngun hlaam hlaikahni touh, ngun kawlung hlaikahni touh, suipacen hlaikahni touh a pha.

⁸⁵ Ngun hlaam teh shekel 130 touh a ri teh, ngun kawlung teh shekel 70 touh a ri. Ngun hlaamnaw pueng teh hmuen kathoung khingnae shekel 20,400 touh a ri.

⁸⁶ Hmuitui suipacen 12 touh dawk ka kawi e teh, hmuen kathoung shekel 10 tabang hane a ri. Suipacen pueng teh shekel 120 touh a ri.

⁸⁷ Hmaisawi thueng nahan maitotanca abuemlah 12, tutan 12, tutanca kum touh e 12, tavai thueng nahanlah a pasoung aw e pueng hoi yon thueng nahanelah hmaetan 12,

⁸⁸ tutan 60, hmaetan 60, tutanca kum touh e 60 touh a pha. Hetnaw heh satui awi hnukkhu thuengnae khoungroe dawk thueng nahanlah a poe aw e doeh.

⁸⁹ Hot patetlah, kamkhuengnae lukkareiim dawk baw hanelah, Mosi a kâen navah, lawkpanuesaknae thingkong dawk lungmanae tungkhung a lathueng lavah, cherubim kahni touh e rahak hoiyah, ama hoi lawk kâthai lah a kâpato roi.

8

Hmaiim tanae nuencang

¹ BAWIPA ni Mosi hah a pato teh,

² Aron hah pato nateh ahni koe, hmaiim hah na paang toteh, hmaiim sari touh ni hmaiimkhok hmalah a ang aw han, telah atipouh.

³ A dei e patetlah Aron ni a sak. BAWIPA ni Mosi kâ a poe e patetlah hmaimkhok a hmalah a ang hanlah hmaim teh a paang.

⁴ Hete hmaimkhok teh sui hoi mek dêi sin e doeh. BAWIPA ni Mosi koe a meilam a kamnue sak e patetlah a sak pouh.

Levihnow kamthoungnae

⁵ BAWIPA ni Mosi hah a pato teh,

⁶ Levihnow hah Isarelnaw thung dawk hoi aloukcalah hmoun nateh, kamthoung sak.

⁷ Ahnimouh a kamthoung nahanelah, hettelah na sak han. Ahnimouh tak dawk thoungnae tui hah kaheisin nateh, a takbuem muen koug ngaw naseh, a khohna pâsu awh vaiteh, kamthoung naseh.

⁸ Maitotanca buet touh hoi, tavai thuengnae a kanui e satui hoi kalawt e lat sak loe. Yon thuengnae maitotanca buet touh na ceikhai han.

⁹ Levihnow hah kamkhuengnae lukkareim koe a ceikhai vaiteh, Isarel catoun tamimaya teh cungalalah pâkhueng.

¹⁰ Hahoi teh, Levihnow hah BAWIPA hmalah na thokhai awh han. Isarel catounnaw ni Levihnow lathueng a kut a toung pouh vaiteh,

¹¹ Aron ni Levihnow hah BAWIPA thaw a tawk awh thai nahan, Isarel catounnaw koe kahek thuengnae BAWIPA hmalah a poe awh han.

¹² Levihnow ni maitotanca e a lû dawk a kut a toung awh vaiteh, Levihnow han yontha nahanlah BAWIPA Cathut hmalah maito buet touh, hmaisawi thueng nahanlah buet touh na sak han.

¹³ Levihnow hah Aron hoi a canaw hmalah a kangdue vaiteh, BAWIPA koe kahek thuengnae patetlah na sak han.

¹⁴ Hot patetlah, Isarel catoun thung hoi Levihnow hah na hmoun vaiteh, Levihnow teh kai ka ham lah ao han.

¹⁵ Hathnukkhu hoi teh, Levihnow ni kamkhuengnae lukkareim koe a kâen awh han. Nang ni ahnimanaw thung sak hanlah, kahek thuengnae patetlah na sak pouh han.

¹⁶ Bangkoktetpawiteh, Isarel miphun thung dawk hoi ahnimanaw hah na rawi vaiteh, kai koe koug na poe han. Isarel miphunnaw ni hmaloe a khe awh e camin yueng lah ka la toe.

¹⁷ Izipnaw e caminnaw kai ni ka thei navah, Isarel miphun dawk teh tami thoseh, saring thoseh, caminnaw pueng hah kai kama hanlah ka thung sak dawkvah, caminnaw pueng teh kai ka ham doeh.

¹⁸ Hahoi Isarel catounnaw dawk camin hanlah Levihnow teh kai ni ka la toe.

¹⁹ Ahnimanaw ni kamkhuengnae lukkareim koevah, Isarelnaw ni a tawk awh hane thaw a tawk awh thai nahan thoseh, Isarel miphunnaw ni kathoungpoung hmuem koe a cei awh toteh, Lacik dawk hoi a hlout awh thai nahan, yontha sak nahan hai thoseh, Isarel miphun thung hoi Levihnow teh Aron hoi a canaw hah ka poe telah a ti.

²⁰ Levihnow hanlah BAWIPA Cathut ni Mosi koe a dei e patetlah Mosi hoi Aron koehoi Isarel miphunnaw abuemlah hanelah Levihnow ni a sak awh han.

²¹ Ahnimanaw ni thoungnae a hmu awh teh, amamae khohna a pâsu awh. Aron ni hai BAWIPA hmalah kahek thuengnae BAWIPA koe yonthanae ahnimouh han a sak teh a thoug awh.

²² Hahoi teh, Levihnow hmalah Aron hoi a canaw hmalah a thaw tawk hanlah kamkhuengnae lukkareim thung a kâen. Levihnow kong dawk BAWIPA ni Mosi kâ a poe e patetlah ahnimouh koe a sak pouh.

²³ BAWIPA ni Mosi hah a pato teh,

²⁴ Hetheh Levihnaw a counгнаe doeh. Kum 25 touh lathueng ni kamkhuengnae lukkareiim dawк thaw a tawк awн han.

²⁵ Kum 50 ka phat e ni thaw a kâhat han, tawк awн mahoeн toe.

²⁶ Hatei, kamkhuengnae lukkareiim khetyawtnae dawкvah, a hmaunawngnanaw a kabawp han. Thaw teh tawк mahoeн. Het patetlah Levihnaw a thaw kong dawк, laideitâtueng pouh loe telah atipouh.

9

Apâhni e ceitakhai pawi

¹ Izip ram hoi a tâco hoi a kum pahni, thapa yung pasueк navah, BAWIPA ni Sinai ram kahrawngum vah, Mosi hah a pato teh,

² Isarel catounnaw ni ceitakhai pawi hah ama tueng dawк a sak awн naseh.

³ Atupa teh atu e thapa hnin hrahlaipali tangmin lah na sak awн han. Ama e phunglam patetlah na hno awн han telah atipouh.

⁴ Hahoi teh, Mosi ni Isarelnaw hah ceitakhai pawi hno hanlah a dei pouh.

⁵ Sinai kahrawngum vah thapa ayung pasueк hnin hrahlaipali tangmin lah ceitakhai pawi a sak awн. BAWIPA ni Mosi koe kâlawk a poe e patetlah Isarelnaw ni a sak awн.

⁶ Hahoi tami bangpatet ni tami ro kecu dawк kathoung hoeн lah awн pawiteh, hot hnin vah ceitakhai pawi dawк bawк thai hoeн. Hot hnin vah Mosi hoi Aron hmalah a cei teh,

⁷ ahnimouh ni ama koe tami ro kecu dawк kathoung hoeн toe. Bangkongmaw Isarelnaw koevah, ama tue vah, BAWIPA koe thuengnae dawк na bawк sak hoeн telah ati awн.

⁸ Mosi ni duem awн awн ei, nangmouh kong dawк BAWIPA ni bangtelamaw kê na poe tie hah ka ring ei vai telah atipouh.

⁹ BAWIPA ni Mosi hah a pato teh,

¹⁰ Isarel catounnaw koehoi nangmouh thung hoi thoseh, na catounnaw thung hoi thoseh, tami ro kecu dawк kathounghoehnaw thoseh, lamhla vah kahlawng kacetnaw thoseh, na awн payon pawiteh, BAWIPA hanlah ceitakhai pawi hah a hno thai awн.

¹¹ Thapa yung pahni hnin hrahlaipali hnin tangmin lah a hno thai awн han. Tonphuenhoehe vaiyei hah kakhat e a hna hoi a ca awн han.

¹² Tangtho hanlah bangcahai na tat awн mahoeн. A hru na khoe mahoeн. Ceitakhai pawi saknae lah a pouк e naw pueng a sak awн han.

¹³ Hahoi, a thoung ngoun ei, kahlawng hai cet hoeн ei, ceitakhai pawi dawк bawк hoehpawiteh, a mipun koehoi takhoe e lah ao han. Bangkongtetpawiteh, ama tueng dawкvah, BAWIPA koe thuengnae a sak hoeн dawкvah, ama koe yon a kamtue han.

¹⁴ Hahoi, nangmouh koe kaawм e imyin ni BAWIPA hane ceitakhai pawi dawк bawк han ngai pawiteh, ceitakhai pawi dawк pouк e hoi kâlawk patetlah a sak van han. Ram thung e tami hoi imyin naw hanelah kâvancalah phunglam na tawн awн han, telah dei pouh atipouh.

Tâmai hoi hmai

¹⁵ Hot patetlah lukkareiim kangdue sak navah, lukkareiim, lawkpanue-saknae rim hah tâmai, hmai patetlah ka kamnueк e hah lukkareiim lathueng tangmin lahoi amom totouh ao.

¹⁶ Hot patetlah tâmai ni pou a ramuk teh tangmin teh hmai patetlah pou a kamnue.

¹⁷ Lukkareim dawk e tâmai a kampuen toteh, Isarel catounnaw a cei awh han. Hahoi tâmai a kangdue tangkuem vah, Isarel catounnaw ni rim a sak awh han.

¹⁸ BAWIPA kâpoe e patetlah Isarelnaw hah a cei awh vaiteh, BAWIPA kâpoe e lahoi a roe awh han. Lukkareim dawk tâmai a kangdue yunglam teh, rim thung vah pou ao awh.

¹⁹ Lukkareim dawk tâmai kasawlah kaawm nakunghai, Isarelnaw ni BAWIPA e kê a ngai awh dawkvah, cet laipalah ao awh.

²⁰ Hahoi teh hettelah doeh. Tâmai teh lukkareim dawkvah, dongdeng ao navah, BAWIPA kâpoe e patetlah roenae rim dawk pou ao awh han. Hahoi BAWIPA kâpoe e patetlah a cei awh han.

²¹ Hahoi teh hettelah doeh. Tâmai teh tangmin lahoi amom totouh dueng doeh ao teh, amom lah tâmai a kampuen toteh, a cei awh han. Kanîthun hai thoseh, amom hai thoseh, tâmai a kampuen boum teh a cei awh han.

²² Lukkareim dawk tâmai ni hnin hni touh thoseh, thapa yung touh thoseh, kum touh thoseh koe awm pawiteh, Isarelnaw ni hote hmuen cettakhai laipalah, rim thung roup ao awh. Hatei, a lathueng lah a kâtawm toteh a cei awh.

²³ BAWIPA kâpoelawk patetlah a roe awh teh, BAWIPA kâpoelawk patetlah a cei awh. Mosi hno lahoi BAWIPA kâpoe patetlah ao awh.

10

Ngun Mongka kahni touh

¹ BAWIPA ni Mosi hah a pato teh,

² ngun mongka kahni touh, dêi lah dêi nateh sak loe. Tamimaya kawnae hoi tâcosak nahanlah na hno han.

³ Kahni touh hoi na ueng navah, taminaw teh kamkhuengnae lukkareim takhang koe a kamkhueng awh han.

⁴ Hatei, buet touh dueng na ueng pawiteh, Isarel catoun kahrawikung a hu buet touh dawk kacuenaw hah nang koe a kamkhueng awh han.

⁵ Kâhruetcuetnae na ueng pawiteh, Kanîtholae naw ni a kamthaw awh han.

⁶ Hahoi kâhruetcuetnae apâhni na ueng toteh, akalae naw ni a roenae koehoi a kamthaw awh han. A kamthaw awh nahanelah, kâhruetcuetnae pou na ueng pouh han.

⁷ Maya a kamkhueng nahanelah, hmaloe na ueng awh han. Hatei kâhruetcuetnae teh na ueng mahoe.

⁸ Aron e canaw, vaihmanaw ni mongka teh a ueng awh han. Hete hno heh nangmae se yunglam, yungyoe hanelah phunglam lah ao han.

⁹ Na ram dawk namamouh rep kacuengroekung, na taran tuk hanlah na cei navah, kâhruetcuetnae ueng lah na ueng awh han. Hottelah BAWIPA Cathut hmalah, pou na panue e lah pou awm vaiteh, na tarannaw thung hoi rungngang e lah ao han.

¹⁰ Na lunghawinae hnin thoseh, pawî e tueng dawk thoseh, thapareinae dawk thoseh, hmaisawi thuengnae hoi roum thuengnae thoseh, mongka na ueng awh han. Hot patetlah na Cathut hmalah nangmouh han pahnimhoehnae lah ao han. Kai teh Jehovah na Cathut lah ka o telah atapouh.

Sinai tâcotakhainae

¹¹ Hahoi a kum hni, thapa yung pahni, hote thapa 20 hnin teh, lawkpanuesaknae lukkareiim koehoi tâmai hah kahlun lah a kâtawm.

¹² Hahoi hmalah pâmam hoi Sinai kahrawng koehoi Isarelnaw teh a kamthaw. Hahoi Paran ram kahrawng dawk tâmai teh a kangdue.

¹³ Mosi hno lahoi BAWIPA kâpoe e patetlah avai pasuek a kamthaw aw. h.

¹⁴ Ahmaloe poung lah Judah ransanaw hah a imthungkhu mitnoutnae sin hoi a tâco aw. h. A ransabawi teh, Amminadab capa Nahshon doeh.

¹⁵ Issakhar miphun catounnaw ransabawi teh Zuar capa Nethanel doeh.

¹⁶ Zebulun miphun catounnaw ransabawi teh Helon capa Eliab doeh.

¹⁷ Hahoi lukkareiim hah a raphoe aw. h. teh, Gershon catounnaw hoi Merari catounnaw ni lukkareiim kâkayawt hanlah a tâco aw. h.

¹⁸ Hahoi Reuben ransanaw teh amamae mitnout sin laihoi a tâco aw. h. A ransabawi teh Shedeur capa Elizur doeh.

¹⁹ Simeon miphun catounnaw ransabawi teh Zurishaddai capa Shelu-miel doeh.

²⁰ Gad miphun catounnaw ransabawi teh Deuel capa Eliasaph doeh.

²¹ Hahoi, Kohathnaw ni kathounge hno a kâkayawt aw. h. teh a tâco aw. h. Alouke a tho hoehnahlan vah lukkarei hah a rakueng aw. h.

²² Hahoi Ephraim ransanaw teh, mitnout a sin aw. h. teh, a tâco aw. h. A ransabawi teh Ammihud capa Elishama doeh.

²³ Manasseh miphun catounnaw ransabawi teh Pedahzur capa Gamaliel doeh.

²⁴ Benjamin miphun catounnaw ransabawi teh Gideon capa Abidan doeh.

²⁵ Hahoi, a hnuktengpoung lah Dan catoun ransanaw hah amamae mitnout a sin aw. h. teh, a tâco aw. h. A ransabawi teh Ammishaddai capa Ahiezer doeh.

²⁶ Asher miphun catounnaw ransabawi teh Okran capa Pagiel doeh.

²⁷ Naphtali miphun catounnaw ransabawi teh Enan capa Ahira doeh.

²⁸ Isarel catounnaw a kamthaw aw. h. toteh, a ransanaw patuen patuen lahoi a ceinae nuencang la a tho.

²⁹ Mosi e a napu Midian tami Reuel capa Hobab koevah, Mosi ni nang koe na poe han telah BAWIPA ni ati e hmuen koevah, cei han a kâcai aw. h. teh, kaimouh koe tho van leih, kahawicalah na tak daw. k sak han, bangdaw. k tetpawiteh, Isarel koevah, BAWIPA ni hnokahawi a kam toe atipouh.

³⁰ Ahnimouh ni nangmouh koe ka cet mahoe. h. Kamamouh e ram hmaunawng. h. koe doeh ka cei aw. h. han atipouh aw. h.

³¹ Hahoi teh Mosi ni hrumhram na cettakhai aw. h. han. h. Bangkongtet-pawiteh, kahrawngum roe nahan hmuen sak hane koe vah, na panue e patetlah hoi, na panue e yit touh kaimouh hanlah, mit lah doeh na aw. m aw. h. ti.

³² Kaimouh koe na cet aw. h. pawiteh BAWIPA ni hnokahawi na sak pouh e patetlah na sak pouh van han atipouh.

³³ Hahoi teh, BAWIPA e mon koehoi hnin thum lamcei daw. k a cei aw. h. Ahnimouh han kâhatnae hmuen tawng hanlah BAWIPA lawkkam thingkong hah hnin thum touh thung a hmalah a cei pouh.

³⁴ Rim koehoi a kamthaw aw. h. toteh, kanîthun BAWIPA e tâmai ahnimouh lathueng vah ao.

³⁵ Hahoi thingkong a tâco nah tangkuem vah, Mosi ni oe, BAWIPA kang dout haw. Na taran hah kâkahei awh naseh. Na kahmuhmanaw hah na hmalah yawng awh naseh, telah ouk ati.

³⁶ Hahoi, thingkong a kâhat nah tangkuem vah, Oe BAWIPA, Isarelnaw a thongsang koe, kamlang haw telah ouk atipouh.

11

Runae dawk phuenangnae

¹ Tamimaya a phuenang awh toteh, BAWIPA lunghawinae awmhoeh. Bangkongtetpawiteh, hote hah BAWIPA ni a thai toteh, a lungkhuek teh a lungkâan. Hat toreï teh BAWIPA e hmai hah ahnimouh rahak vah paluk a to pouh teh, roena e hmuen alawilah, a tangawn koug a kak pouh.

² Hahoi teh, tamimaya ni Mosi koe a hram awh teh, Mosi ni BAWIPA koe a ratoum teh, hmai teh bout a roun.

³ BAWIPA e hmai hah ahnimouh rahak vah paluk a to pouh dawkvah, hote hmuen teh Taberah ati awh.

Rawca dawk phuenangnae

⁴ Hahoi ahnimouh rahak vah, mak kâkalawt e maya koehoi, takthai ngai awh e hah a tâco. Isarel canaw hai bout a khuika awh teh, apinimaw ca hane moi na poe awh han.

⁵ Aphu laipalah hoi Izip ram vah tanga moi canae hah ka pahnim thai awh hoeh. Payin paw hoi angkem paw, rasonpaling, rasonpangaw, ankahringnaw hah ka rabuipoug awh toe.

⁶ Atuteh ka rakhing koug a ke awh toe, Manna laipalah hoi banghai ka mit ni hmawt awh hoeh toe telah ati awh.

⁷ Manna teh songsuen mu patetlah a o, arong teh badellium patetlah ao.

⁸ Taminaw ni a racawng awh teh, a roe awhnae koe a phawm awh teh, hlaam dawk a thawng awh, vaiyei lah a sak awh, a ca awh toteh satui hoi karê e patetlah ao.

⁹ Tangminlah a roena e rim koe tadamtui a bo toteh manna hai ouk a bo van.

¹⁰ Taminaw pueng teh imthung lahoi roena e rim takhang koe a ka awh tie Mosi ni a thai. Hahoi BAWIPA lungphuenna e teh puenghoi a kâan teh, Mosi hai a lunghawi hoeh.

¹¹ Hot patetlah Mosi ni BAWIPA koe bangkongmaw na san heh runae na poe, bangkongmaw, na mitkhetcawp hoeh e maw, hete maya hnokarinaw heh kai ka van na patue.

¹² Hete taminaw kai ni ka vawn e namaw. A na mintoenaw koe thoebonae ram koe ceikhai hanlah, camo kakhenaw ni sanu ka net lahun a tawm e patetlah na lungtabue dawk tawm awh na ti hanelah ka khe e na ma.

¹³ Hete taminaw na poe hane moi teh nâhoi maw ka la han. Bangkongtetpawiteh, ka ca hane moi hah na poe telah khuika laihoi na cusin awh toe.

¹⁴ Hete taminaw pueng hah, kai kamadueng teh ka phawt thai hoeh toe. Kai hanlah a ri poung

¹⁵ Het patet e na sak hane pawiteh, na pahren nateh na thei leih, ka rei na thaisak hanh leih telah a ti.

Kacuenaw 70

¹⁶ BAWIPA ni Mosi koevah, Isarel kacuenaw, maya thung dawk kacuenaw hoi bet a lungkaha lah na panue e naw tami 70 touh pâkhueng nateh,

kai koe kamkhuengnae koe lukkareiim dawk nang koe a ka due thai nahan thokhai loe.

¹⁷ Hattorei haw vah tho vaiteh na pato han. Na tak dawk kaawm e muitha hah ka la vaiteh ahnimouh lathueng ka hruek han. Nang dueng ni phawt laipalah, maya e hmuenri hah ahnimouh ni na phu khai han.

¹⁸ Nang ni tamimaya koe tangtho hanelah kamthoung aw h nateh, moi teh na ca aw h han. Moi na ca aw h hane apinimaw na poe aw h han, bangtelamaw Izip ram vah phu ka nep lah ka o teh telah BAWIPA hnâthainae koe na ka aw h vaw. Hatdawkvah, BAWIPA ni moi na poe aw h vaiteh na ca aw h han.

¹⁹ Hnin touh hnin hni touh laipalah, apanga hnin hra touh laipalah, hnin 20 touh laipalah,

²⁰ thapa yung touh thung hmawtcei hoi palopalai nunnun a tho toteh, na ca aw h han. Bangkongtetpawiteh, nama koe kaawmnaw ni BAWIPA na dudam aw h, Bangkongmaw Izip ram hoi kaimanaw na tâcokhai telah a hmalah, na ka aw h telah tet pouh ati telah a ati.

²¹ Mosi ni kai koe kaawm e khok hoi kacetnaw ting taruk touh a pha teh, thapa yung touh ca hane moi ka poe han telah na ti.

²² Tu hu hoi maitohu naw hai thet pouh haw a boum aw h han vaimoe. Tali dawk e tanganaw pueng man pouh nakunghai a boum aw h han vaimoe telah a ti.

²³ BAWIPA ni Mosi koe vah, BAWIPA e kut teh a duem maw. Ka dei e hah nang koe a kuep hoi kuep hoeh e na panue han doeh telah a ti.

²⁴ Hahoi Mosi a tâco teh, BAWIPA lawk hah taminaw pueng koe a dei pouh. Tamihu kacuenaw 70 touh hah a kaw teh, lukkareiim petkâkalup lah a kangdue sak

²⁵ Hahoi BAWIPA teh tâmai dawk a kum teh a pato. Ahni koe kaawm e muitha hah kacuenaw 70 touh lathueng vah a ta. Ahnimouh tak dawk muitha a pha teh, Lawk a pâpho aw h. Hot patetlah ouk sak aw h boihoeh ei nan toung mah.

²⁶ Hatei, roenae hmuen koe tami kahni touh pou ao. Buet touh e a min teh Eldad doeh. Alouk buet touh e min teh Medad doeh, Muitha hah ahnimouh koe ao. Touk e naw dawk ka bawk aw h e eiteh, kamkhuengnae lukkareiim koe cet vah hoeh. Roenae hmuen koe lawk hah a pâpho roi.

²⁷ Hahoi thoundoun buet touh a yawng teh Mosi koe a dei pouh teh, Eldad hoi Medad ni lawk teh pâpho lahun telah atipouh.

²⁸ Nun capa Joshua a nawsai lahoi yah. Mosi thaw ka tawk pouh e ni a pathung teh, ka bawipa Mosi ahnimouh hah ngang haw ati pouh.

²⁹ Mosi ni ahni koe, kai na dipma e na ou. BAWIPA ni taminaw pueng heh profet lah koug aw m naseh, BAWIPA ni ahnimouh lathueng muitha hah ahnimouh van tat pouh naseh ka tie nahoehmaw.

³⁰ Hahoi Mosi teh ama hoi Isarel a lungkahanaw hoi roenae hmuen koe a ban aw h.

BAWIPA ni tamuem a tha pouh

³¹ Hahoi BAWIPA koehoi kahli a tho teh, tali koe lahoi tamuem hrut a palek pouh teh roenae rim avangvanglah hoi hnin touh lamcei reira dawk dong hni touh ka rasang lahoi a pabo pouh.

³² Hot patetlah tamimaya ni karum tuettuet kanîrui rui a tangtho kanîrui rui tamuem teh a racawng aw h. Kayounpoung ka racawng e ni hai Homer 10 touh a racawng aw h (homer teh ephah hra touh, 220 liters a cawng). Rim pueng koe amamouh hane lengkaleng a vaw aw h.

³³ Hatei moi teh a la aw h lahun nah, be a ca aw h hoehnahlan tamimaya lathueng BAWIPA e lungkhueknae a kâan teh, tamimaya koe takikatho poung e lacik hoi BAWIPA ni a rek aw h.

³⁴ Hote hmuen teh a min Kiborthhattaavah telah ati. Bangkongtetpaw-teh, haw vah, takthaingainae katawunnaw hah a pakawp aw h.

³⁵ Kiborthhattaavah koehoi tamihupui teh Hazeroth lah a pôtam aw h teh Hazeroth a roe aw h.

12

Miriam hoi Aron lairoenae

¹ Mosi ni Ethiopia tami a yu lah a la kecu dawkvah, Miriam hoi Aron ni Bangdawkmaw Êthiopia tami hah a yu lah a la titeh lairoekhai roi.

² Ahnimouh roi ni Mosi koe dueng maw, BAWIPA ni lawk a dei. Kaimouh koehai dei van hoeh na maw, telah atipouh roi e hah BAWIPA ni a thai.

³ Mosi teh talai van pueng e taminaw hlak kârahnoumpoung e lah ao.

⁴ Hahoi, Mosi, Aron hoi Miriam koevah BAWIPA ni katham touh hoi tâcawt aw h. Kamkhuengnae lukkareiim koe tho aw h, telah atipouh. Hot patetlah katham touh hoi a tâco aw h.

⁵ BAWIPA ni tâmai khom lahoi a kum teh, kamkhuengnae bawkim takhang koe a kangdue pouh. Aron hoi Miriam a kaw teh, kahni touh hoi hmalah a tâco roi.

⁶ Ahni ni ka lawk hah thai roi haw, nangmouh rahak profet awm pawiteh, ahni teh kai BAWIPA ni vision ka panuesak han, a mang lahoi ka pato han.

⁷ Ka san Mosi teh hot patetlah awm hoeh. Ka imthungnaw pueng kong dawkvah yuemkamcu.

⁸ Arulahoi laipalah, minhmai pheh kadangka hoi kacaipinlah lawk ka dei pouh. BAWIPA meilam hai a hmu. Hot patetlah bangkongmaw ka san Mosi heh phuenang sin hanlah louk na ngai roi vaw, telah atipouh.

⁹ Hot patetlah BAWIPA ni ahnimouh roi koe a lungkhuek teh a ceitakhai.

¹⁰ Hahoi lukkareiim koehoi tâmai a kâtawm teh, kenhaw, Miriam teh tadamtui patetlah a pangaw teh hrikbei lah a coung. Aron ni Miriam hah a khet teh, kenhaw a hrikbei toe hei ati.

¹¹ Hahoi Aron ni Mosi koevah, Oe ka bawipa, kai koe hete yon heh kamtue sak hanh. Pathu lahoi ka sak teh ka payon toe.

¹² Tami a manu von kâko hoi a tâco teh, kadout tangcoung e patetlah hete napui hah awm sak hanh telah ati.

¹³ Mosi teh BAWIPA koevah a hram teh, Oe Cathut pahren lahoi hawi sak haw telah a ratoum.

¹⁴ BAWIPA ni Mosi koevah, na pa ni a minhmai daw k a tamthawi e patenghai hnin sari touh teh kayak mahoe h maw. Roenae alawilah hnin sari touh kâhrawk naseh, hahoi bout kâenkhai aw h naseh telah atipouh.

¹⁵ Hot patetlah, Miriam teh roenae alawilah hnin sari touh a kâhro. Miriam a kâenkhai aw h hoehroukrak, tamimaya teh cet aw h hoeh

¹⁶ Hahoi, taminaw teh Hazeroth hoi a kamthaw aw h teh, Paran kahrawngum vah a roe aw h.

13

Kanaan a tuet aw h

¹ BAWIPA ni Mosi hah a pato teh,

² Isarelnaw koe ka poe e Kanaan ram tuet sak hanlah, tami patoun leih. Miphun tangkuem kahrawikungnaw thung hoi tami buet touh rip na tha han atipouh.

³ Hatdawkvah, Mosi ni Paran kahrawngum hoi BAWIPA kâpoe e patetlah a patoun. Abuemlahoi Isarel catoun kahrawikungnaw doeh.

⁴ Hotnaw e minnaw teh,
Reuben miphun dawk hoi Zakkur capa Shammua,

⁵ Simeon miphun dawk hoi Khori capa Shaphat,

⁶ Judah miphun dawk hoi Jephunneh capa Kaleb,

⁷ Issakhar miphun dawk hoi Joseph capa Igal,

⁸ Ephraim miphun dawk hoi Nun capa Hosi,

⁹ Benjamin miphun dawk hoi Raphu capa Palti,

¹⁰ Zebulun miphun dawk hoi Sodi capa Gaddiel,

¹¹ Joseph miphun dawk hoi (hot teh Manasseh miphun doeh) Susi capa Gaddiel,

¹² Dan miphun dawk hoi Gemalli capa Ammiel,

¹³ Asher miphun dawk hoi Michael capa Sethur,

¹⁴ Naphtali miphun dawk hoi Vophsi capa Nahbi,

¹⁵ Gad miphun dawk hoi Makhi capa Geuel,

¹⁶ Hetnaw heh ram tuet sak hanelah Mosi ni a patoun e naw doeh. Nun capa Hosi teh Mosi ni Joshua telah a kaw.

¹⁷ Hot patetlah Mosi ni Kanaan ram tuet hanelah ahnimouh teh a patoun. Ahnimouh koe akalae lam dawk hoi hmaloe cet aw h nateh, mon dawk luen aw h.

¹⁸ Ram teh bangtelah vaimoe. Haw e kho ka sak e taminaw hah a thasai aw h maw, a thayoun aw h maw, tami a pap maw ayoun maw tie hoi,

¹⁹ a onae ram teh kahawi na ou, a onae kho teh bangpatet lae na vaimoe. Rim na ou, rapanim kaawm na ou.

²⁰ Ram teh ka tawnta na ou, ka takang aw h na ou, ratu na ou. Tarankahawilah aw m aw h nateh, ram dawk e a paw phawt aw h telah atipouh. Hote tueng teh misur paw a hminnae tueng hoi a kâvoe.

²¹ Hottelah a kamthaw aw h teh, a takhang aw h. Ram teh Zin kahrawngum hoi Hamath kâennaehob totouh, Kanaan ram kouna a tuet aw h.

²² Akalah hoi hmaloe a takhang aw h teh Hebron vah a pha aw h. Haw vah Anakim catounnaw, Ahiman Sheshai hoi Talmai taminaw ao aw h. (Hebron teh Izip ram hoi Zoan kho thawng hoehnahlan kum sari nah thawng e kho lah a o).

²³ Hahoi Eshkol tanghling dawk a pha aw h. Haw e misur paw hah abawm khuehoi a bouk aw h teh, tami kahni touh ni a kâkayawt aw h. Tale paw hoi thaibunglung paw hai a thokhai aw h.

²⁴ Haw e misur bawm Isarelnaw ni a bouk pouh dawkvah, hote hmuen teh Eshkol tanghling ati aw h.

²⁵ Hnin 40 hnukkhu, Kanaan ram tuetnae koehoi a ban aw h.

Kanaan e kamthang

²⁶ Hot patetlah Paran kahrawng dawk Kadesh vah Mosi hoi Aron hoi a taminaw pueng koe bout a pha aw h. Ahnimouh ni tamimaya koe lawk a thokhai aw h. Hot ram hoi e a pawnaaw hah a patue aw h.

²⁷ Hahoi ahnimouh ni ahnimouh koe, na patounnae ram dawkvah ka cei aw h teh, sanutui hoi khoitui a lawngnae tangngak doeh, hethew haw e ram dawk e a pawnaaw doeh.

²⁸ Hatei, hote ram dawk khokasaknaw teh tami a thasai seng doeh. Khonaw hai rapan ka tawn e khopui seng doeh. Hothloilah Anakim catounnaw ka hmu awh.

²⁹ Amaleknaw akalah ao awh teh, Hitnaw hoi Jebusitnaw, Amornaw monrui dawk ao awh. Hahoi Kanaannaw teh tali tengpam, Jordan palang rayawk lah ao awh telah a dei pouh awh.

³⁰ Hottelah, Kalep ni Mosi hmalah taminaw pueng sairasuep lah ao sak teh, pátam vaiteh lat awh sei. Bangkongtetpawiteh, tâ awh roeroe han telah a ti.

³¹ Hatei, ahni hoi rei kacetnaw ni, hotnaw tuk hanlah ka cet thai awh mahoe. Bangkongtetpawiteh, maimouh hlak a thasai awh telah ati awh.

³² Hottelah a tuet awh e ram kong teh Isarel catounnaw koe kamthang mathout lah a pathang awh, ramnaw pueng tuet hanelah ka cei awh navah, amamae a canaw patenghai a thei awh, ka hmu awh e naw teh a rasangpoung awh, a thasai seng doeh.

³³ Hahoi hete hmuen koevah Anakim catoun kalenpoungnaw ka hmu awh. Kaimanaw teh samtong patetlah doeh ka o awh ati awh.

14

Kanaan kâen hane Isarel ni ngai hoeh

¹ Hahoi teh, kamkhuengnaw pueng ni hote tangmin puenghoi a khuika awh.

² Isarel catounnaw pueng Mosi hoi Aron koe a phuenang awh. Kamkhueng e tamimaya koevah, Izip ram vah dout awh ngala pawiteh, hoehpawiteh hete kahrawngum dout ngala pawiteh,

³ bangkongmaw, tahloi hoi thei vaiteh, yuca pueng taran kut dawk pha sak hanelah maw BAWIPA ni hete ram dawk na ceikhai. Izip ram bout ban pawiteh, maimouh han bet a hawihnawn nahoehmaw telah ati awh.

⁴ Hahoi a kamkhueng awh teh kahrawikung rawi vaiteh, Izip ram vah ban awh sei telah ati awh.

⁵ Mosi hoi Aron teh kamkhueng e Isarelnaw pueng e hmalah a tabo roi.

⁶ Hateiteh, Nun capa Joshua hoi Jephunneh capa Kalep, ram katuetsnaw thung dawk ka bawk roi van e ni a hni a phi roi teh,

⁷ kamkhueng e Isarelnaw pueng koe tuet hanelah ka cei sin awh e ram teh, kahawi poung tanggak e doeh.

⁸ Maimouh koe BAWIPA a lunghawi pawiteh, ama ni na cetkhai awh vaiteh, khoitui hoi sanutui a lawngnae ram teh na poe han doeh.

⁹ BAWIPA taranlahoi taranthaw laipalah, hote ram dawk e tami taket laipalah, awm awh sei. Bangkongtetpawiteh, ahnimouh teh maimae rawca lah doeh awm awh ti, ahnimanaw teh a kângue awh e awm hoeh. BAWIPA teh maimouh koe ao. Ahnimouh teh taket awh hanh sei telah ati roi.

¹⁰ Hahoi ka kamkhueng e pueng ni talung hoi dêi han a noe awh. Hahoi BAWIPA bawilennaeh teh kamkhuengnae lukkareim dawk hoi Isarelnaw pueng e hmalah a kamnue pouh.

Ka phuenang e Isarel tounnae

¹¹ BAWIPA ni Mosi koevah hete taminaw pueng nâtotouh maw na pahnawt awh han. Ahnimouh koe mitnoutnae ka sak pouh ei teh, nâtotouh maw yuem laipalah ao awh han.

¹² Lacik hoi ka yue vaiteh, be ka pahma ngala han. Nang dawkvah, ahnimouh hlak ka sungren e hoi hno ka tet thai e mipun ka kangdue sak han telah a ti.

13 Mosi ni BAWIPA koevah hot teh Izipnaw ni thai langvaih. Bangkongtetpawiteh, hete tamihupui heh na thao e lahoi na tâcokhai e naw doeh.

14 Hot teh hete ram taminaw koe a dei pou han. BAWIPA nang teh hete taminaw koevah na o teh, BAWIPA nang nama teh minhmai phek kadangka lah na hmu aw h kanîthun tâmaikhom hoi karum lah hmaikhom hoi a hmalah na cei pouh tie a panue aw h toe.

15 Hot patetlah hete tamimaya heh tami buet touh e patetlah na thei pawiteh, na min kamthang ka panuek e miphunnaw ni,

16 BAWIPA ni hete tamimayanaw heh thoebo hoi a kam e ram daw k a hrawi thai hoeh dawkvah, kahrawngum koug a thei telah a dei aw h han.

17 BAWIPA ni a lungsaw teh lungmanae hoi ka kawi e, payonnae hoi kâtapoenae ka ngaithoumkung yonpen e naw kayawicalah hloutsak laipalah,

18 napanaw yonnae kecu daw k canaw, catounnaw se thum se pali totouh, ouk karekkung doeh na a telah na dei tangcoung e patetlah BAWIPA na hnosakthainae teh, hoe lentoe lawiseh.

19 Na lungmanae a pap e patetlah hoi Izip ram hoi atu totouh na ngaithoum e patetlah na tamimaya e payonnae naw hah ngaithoum pouh haw telah ka ratoum.

20 Hat toteh, BAWIPA ni na lawk patetlah ka ngaithoum toe.

21 Hatei, ka hring e patetlah BAWIPA bawilennae hoi talai heh muen a kawi han.

22 Izip ram hoi kahrawngum ka sak e naw bawilennae hoi kângairunae a hmuen teh, vai hra totouh na tanouk teh, ka lawk ka ngaihoeh e naw pueng ni,

23 kakhekungnaw koe thoebo nalaihoi ka kam pouh e ram teh, hmawt aw h roeroe mahoe h. Ahnimouh rahak ka lawk banglahai ka ngaihoeh naw ni hmawt mahoe h.

24 Hatei, ka san Kalep, aloukcalah kaawm e muitha hah tawn teh, atangcalah ka hnuk a kâbang daw k, ahni teh a pâmam e ram koe ka hrawi vaiteh, a catounnaw ni a coe aw h han.

25 Atuvah, Amaleknaw hoi Kanaan taminaw hah ayawn daw k ao aw h. Tangtho vah ban aw h nateh tuipui paling lam koelah hoi kahrawng daw k kâen aw h telah a ti.

26 BAWIPA ni, Mosi hoi Aron a pato teh,

27 hete kamkhueng e tamikathoutnaw e phuenangnae heh, nâtotouh maw ka ring han. Kai taranlahoi Isarel catounnaw lai a roe aw h e ka thai.

28 Ahnimouh koe ka hring e patetlah ka hnâthainae koe na dei aw h e patetlah nangmouh lathueng ka sak han, telah BAWIPA ni a dei.

29 Nangmouh ni milu na parei aw h teh na touk aw h tangcoung e patetlah, kum 20 lathueng kai koe laikaroenaw pueng teh, hete kahrawngum vah ro lah a o aw h han.

30 Kai ni hete ram daw k na o sak aw h aw h han ka ti e ram daw kvah, Jephunneh capa Kalep hoi Nun capa Joshua laipateh api hai phat aw h mahoe h.

31 Hatei, thei hanelah doeh ao aw h, na tie na canaw hah ka kâen sak vaiteh, na ngai aw h hoeh ram daw k kho a sak aw h han.

32 Hatei, nangmanaw teh na ronaw ramke daw k koug a kamlei han.

33 Na capanaw hah kahrawngum vah kum 40 touh a kâva aw h vaiteh, ramke daw k a ro hah a paw k aw h hoehroukrak, namamouh na kâyo phu na phu aw h han.

³⁴ Ram na tuetnae hnin 40 touh hah, hnin touh yueng lah kum touh telah to lahoi kum 40 touh thung kâtapoe phu na khang aw hah. Ka noenae yo a kâthung toe tie na panue aw hah.

³⁵ Kai BAWIPA ni hete tamikathoutnaw kai taranlahoi kamkhueng e maya pueng koevah, hethah ka sak roeroe han ka ti toe. Hete kahrawngum vah kahmakata vaiteh, hawvah a due aw hah ati telah a dei tet pouh loe.

³⁶ Hottelah ram tuet hanlah Mosi ni a patoun teh ka ban aw hah e ram kong kamthang kathout lah ka pathang e naw, ama taranlahoi tamimaya lai ka roe sak e hoi,

³⁷ ram kong daw k kamthangmathout kaphawtnaw roeroe hah BAWIPA hmalah lacik hoi a due aw hah.

³⁸ Hatei, ram tuet han kacetnaw thung daw k Nun capa Joshua hoi Jephunneh capa Kalep teh a hring roi rah.

Cungkeihoehe kâcainae

³⁹ Hat toteh, Mosi ni hote lawk teh Isarelnaw pueng koevah a dei pouh teh, taminaw pueng ni a thai aw hah teh a lung koug a mathoe aw hah.

⁴⁰ Hottelah amom vah a thaw teh, monsom vah a luen. Khenhaw, ka tho toe. BAWIPA ni na kam pouh e koelah ka cei han. Bangkok, ka payon toe telah a ti.

⁴¹ Mosi ni, bangkongmaw BAWIPA kâpoelaw k na ek aw hah, Bangkoktet-pawiteh, hete ni kuepcing sak thai mahoe hah toe.

⁴² Takhang aw hah, telah hoehpawiteh, na tarannaw ni na tâ aw hah, bangdaw k nangmouh koe BAWIPA aw m hoh.

⁴³ Nangmouh hmalah Ameleknaw hoi Kanaannaw a o, tahloi hoi be na thet aw hah langvaih. BAWIPA teh na kamlang takhai dawkvah nangmouh koe BAWIPA aw m hoh telah a ti.

⁴⁴ Hatei, monsom cei han pou a kâcai aw hah. Hatei BAWIPA lawkkam thingkong hoi Mosi hai rim daw k hoi tâcaw t hoh.

⁴⁵ Hottelah hot mon daw k kaawm naw Ameleknaw hoi Kanaannaw hah a cathuk aw hah, a tuk aw hah. Hormah totouh a pâlei aw hah.

15

Thuengnae kâlawk

¹ BAWIPA ni Mosi hah a pato teh,

² Isarelnaw hah pato nateh ahnimouh koe Na o nahane ram kai ni na poe e ram koe na pha aw hah toteh,

³ BAWIPA koe hmai hoi thuengnae, hmaisawi thuengnae thoseh, lawkkam kuep sak nahanelah, ma lungtho lahoi pawito nah na poe aw hah e thuengnae thoseh, saringhu daw k hoi tuhunaw thung daw k hoi thoseh, BAWIPA hanlah hmuitui hanelah na poe aw hah toteh,

⁴ BAWIPA koe thuengnae ka poe e pueng ni, tavai thuengnae, tavaikanui ephah pung hra pung touh, satui pung pali pung touh kanaw k e hoi,

⁵ nei hane thuengnae koevah, misurtui hnin pung pali pung touh, hmaisawi thuengnae koevah thoseh, poenae koevah tuca tangkuem hanelah na rakueng aw hah.

⁶ Telah hoehpawiteh, tutan buet touh dawkvah, tavai thuengnae a kanui e tavai ephah pung hra pung hni, satui pung thum pung touh hoi kanaw k e,

⁷ BAWIPA hanlah nei thuengnae hmuitui daw k misurtui hin pung thum pung touh na poe aw hah.

⁸ Hmaisawi thuengnae thoseh, lawkkam kuepsaknae thuengnae thoseh, BAWIPA koe roum thuengnae dawk maitotan na rakueng aw h toteh,

⁹ maitotan poenae hoi tavai thuengnae, tavaikanui ephah pung hra pung thum, satui hin tangawn hoi kanaw e,

¹⁰ nei thueng nahanelah misurtui hin tangawn, BAWIPA hanlah hmuitui hoi thuengnae na sak aw h han.

¹¹ Hot patetlah maitotan hanlah thoseh, tutan hanlah thoseh, tuca hoiyah hmaeca hanlah na sak aw h han.

¹² Ayoun apap e lahoi na rakueng aw h vaiteh, ayoun apap e lahoi na sak aw h han.

¹³ Hote ram daw k hoi ka tâcaw t e pueng ni, het patetlah BAWIPA hanlah hmuitui hmaisawi thuengnae a poe aw h navah, a sak aw h han.

¹⁴ Nangmouh koe kho ka sak e imyin thoseh, nangmouh se nah nangmouh koe kho ka sak e naw pueng ni, BAWIPA hanlah hmai hoi hmuitui thuengnae hah nama ni na sak e patetlah a sak aw h van han.

¹⁵ Na se yunglam pueng daw kvah, kamkhueng e maya hoi nangmouh koe kaawm e imyin han haiyah, phung buet touh dueng doeh kaawm han. BAWIPA hmalah imyin teh namamouh patetlah ao han.

¹⁶ Namamouh han hoi nangmouh koe imyin kaawm e hanlah kâlawk buet touh hoi sak kawi buet touh dueng doeh kaawm han, tet pout telah ati.

¹⁷ BAWIPA ni Mosi hah a pato teh,

¹⁸ Isarelnaw pato nateh, ahnimouh koe ceikhai hanelah ka noe e ram daw k na pha aw h toteh,

¹⁹ hote ram daw k vaiyei na ca aw h toteh, BAWIPA koe kahek thuengnae na sak aw h han.

²⁰ Nangmouh koe hmaloe kanaw e, vaiyei heh kahek thuengnae koe na poe aw h han. Kahek thuengnae na sak aw h e patetlah na kahek aw h han.

²¹ Na catounnaw totouh tavai hmaloe kanaw e hah BAWIPA koe kahek thuengnae na poe aw h han.

Ceknoe laipalah sakpayon e kâlawk

²² Hete kâpoe BAWIPA ni Mosi koevah, a dei e pueng BAWIPA ni kâpoelawknaw a kamtawngnae koehoi na catounnaw hanelah,

²³ Mosi hno lahoi kâpoelaw k a poe e naw pueng hah dâw laipalah, ceknoe e awm laipalah hoi yonnae na sak aw h pawiteh,

²⁴ hot teh tamimaya panuek laipalah ceknoe hoeh hoi yonnae na sak aw h pawiteh, tamimaya ni hmaisawi thuengnae, BAWIPA koevah hmuitui hanlah, maitotan kanaw e buet touh a poe vaiteh, tamimaya ni hmaisawi thuengnae, BAWIPA koevah hmuitui hanlah maitotan kanaw e buet touh a poe vaiteh, aphung patetlah tavai thuengnae hoi roum thuengnae hoi yon thueng nahanelah hmaetan buet touh na poe aw h han.

²⁵ Hottelah, vaihma ni, Isarel catoun tamimaya hanlah, yontha nahanlah a sak vaiteh, ngaithoum e lah ao han. Bangkongtetpawiteh, hot teh ceknoe laipalah sakpayon e doeh. BAWIPA koe thuengnae, hmai hoi sak e thuengnae, BAWIPA hmalah yon thuengnae, ceknoe e awm laipalah sakpayonnae hanlah a thokhai aw h han.

²⁶ Isarel catoun tamimaya teh, ahnimouh koe kho ka sak e, imyinnaw pueng hai ngaithoum e lah ao han. Bangkongtetpawiteh, taminaw pueng ni ceknoenae awm laipalah a sak aw h e doeh.

²⁷ Hahoi tami buet touh ni ceknoe laipalah yonnae sak pawiteh, yontha thueng nahanlah hmaela âvâ ka caw t hoeh rae kum touh ka phat e a poe han.

²⁸ Hahoi, ama hanlah yon thuengnae sak hanlah BAWIPA hmalah, ceknoe e awm laipalah payonnae koe a sak toteh, vaihma ni ceknoe e awm laipalah payonnae ka sak e tami hanlah yontha nahan a sak vaiteh, yontha lah ao han.

²⁹ Ceknoe e awm laipalah ka payonkung hanelah Isarel catounnaw thung dawk, amamanaw hoi ahnimouh koe kaawm imyin hanlah hai reikâvan lah kâlawk a tawn awh han.

Ceknoe hoi sakpayon kâlawk

³⁰ Hatei ceknoe hoi yonnae ka sak e teh, ram thung tami thoseh, imyin thoseh, BAWIPA min mathoe sak e lah ao dawkvah, a miphun dawk hoi takhoe lah ao han.

³¹ Bangkongtetpawiteh, BAWIPA e lawk a dudam teh kâpoelawk a ek dawkvah, hote tami teh pahnawt roeroe lah ao han. Yonpennae lah a onae phu hah a phu han, tet pouh telah ati.

Sabbath kaekkung

³² Hottelah Isarel catounnaw kahrawngum ao awh navah, sabbath hnin thing a ei e hmawt pawiteh,

³³ thing a ei e kahmawtkung ni Mosi hoi Aron tamimaya koe a ceikhai han.

³⁴ Ahni hah bangtelamaw ti han tie deipan hoeh rah dawkvah thongim a pabo awh.

³⁵ BAWIPA ni Mosi koe hote tami teh thei han roeroe lah ao, rapan alawilah taminaw pueng ni talung hoi dêi roeroe hanlah ao telah atipouh.

³⁶ BAWIPA ni Mosi koevah, kâ a poe e patetlah taminaw pueng ni rapan hloilah a ceikhai awh teh, talung hoi koug kadout lah a dei awh.

Akana

³⁷ BAWIPA ni Mosi hah a pato teh,

³⁸ Isarel catounnaw pato nateh, na catounnaw totouh, khohna paw koe akana na sak awh vaiteh, kamthim e ralui hoi na na yep awh han.

³⁹ Hote akananaw hah na hmu awh toteh, BAWIPA e kâpoelawknaw pou na panue awh teh na tarawi awh nahan hoi, ahmaloe vah ma ngainae pâlei awh teh, ma lungpouknae lahoi payon awh e patetlah payon laipalah,

⁴⁰ kaie kâpoelawknaw pueng na panue awh teh na tarawi awh teh na Cathut hanelah na thoung awh nahan hottelah na sak awh han.

⁴¹ Kai teh nangmae Cathut lah ka o nahan, nangmouh hah Izip ram hoi ka tâcawtkhai e nangmae Cathut Jehovah doeh. Kai teh nangmae Cathut Jehovah doeh atipouh.

16

Korah phuenangnae

¹ Levih miphun Kohath capa Izhar, ahnie capa Karah teh, Reuben miphun Eliab capa Dathan hoi Abiram, hoi Peleth capa On tinaw hah a ceikhai teh,

² Isarel catoun thung hoi a min bet kamsawngnaw dawk hoi a lungkahanaw hoi lawkcengkung lah rawi e naw thung dawk hoi tami 250 touh Mosi hmalah a kangdue awh.

³ Mosi hoi Aron taranlahoi ahnimouh koe, hloi na lui awh toe. Bangdawk tetpawiteh a tamimaya koug a thoung awh teh, taminaw pueng koe BAWIPA ao doeh. Bangkongmaw BAWIPA e tamimaya van vah ka taluepoung lah na kâpouk roi telah atipouh.

⁴ Hot hah Mosi ni a thai toteh a tabo teh,

⁵ Korah hoi a huinaw pueng koe, tangtho vah BAWIPA ni apimaw amae lah kaawm niteh, apimaw kathoung tie a kamnue sak vaiteh, ama rek hnai hanelah ati han doeh.

⁶ Hetheh sak awh, Korah hoi na huinaw pueng ni hmai lanae tongben lat awh nateh,

⁷ tangtho vah, athung vah hmai hah tat nateh hmuitui hah BAWIPA hmalah phum awh. Hahoi BAWIPA ni a rawi e pueng teh kathoung lah ao han. Nangmouh Levih capanaw ekvoi na lui awh toe telah a ti.

⁸ Mosi ni Korah koevah, nangmouh Levih capanaw thaihaw,

⁹ BAWIPA bawknae rim dawkvah thaw a tawk teh tamimaya hmalah thaw tawk hanlah kangdout e Isarelnaw, Cathut ni ama hnai hanelah Isarel taminaw pueng koehoi a kapek e,

¹⁰ Levih capa na hmaunawngghanaw hoi ama hnai sak hanlah a ta e naw heh, hno kathoungcalah na pouk awh dawk maw vaihma lah onae na tawng awh rah.

¹¹ Hatdawkvah, nang nama hoi na hu pueng teh BAWIPA taranlahoi na kamkhueng awh vaw. Aron heh bangpatet lae tami lah maw ao teh, ahni koevah na phuenang awh vaw telah a ti.

¹² Mosi ni Eliab capa Dathan hoi Abiram a kaw sak, hatei ahnimouh ni ka takhang awh mahoe.

¹³ Kahrawngum vah thei rumram hanelah sanutui hoi khoitui a lawngnae ram koehoi na tâcokhai e hah hno kathoungcae na maw, kaimouh lathueng vah bawi lah o han thouk na ngai bo aw.

¹⁴ Sanutui hoi khoitui a lawngnae ram dawk na ceikhai laipalah law hoi misur takha hai râw hanlah na poe kalawn hoeh. Hetnaw e mit heh ton na phuen pouh han na maw. Ka takhang awh roeroe mahoe telah a ti.

¹⁵ Mosi teh a lungphuen poung teh, BAWIPA koe vah a poe awh e teh dâw pouh hanh. Ahnimae la buet touh boehai ka lat pouh hoeh. Apihai patawnae ka poe hoeh a ti.

¹⁶ Mosi ni Korah koevah tangtho vah nang nama hoi na huinaw pueng Aron hoi BAWIPA hmalah la awm awh.

¹⁷ Hahoi hmai lanae tongben rip sin awh naseh. Hmuitui koung phuen awh naseh. BAWIPA hmalah hmai lanae 250 touh hah sin awh naseh. Nang nama hoi Aron ni hai hmai na lanae tongben reirei sin roih telah atipouh.

¹⁸ Hahoi teh tami pueng ni hmai lanae rip a sin awh teh, hmai a ta awh teh hmuitui a phuen awh. Mosi hoi Aron teh kamkhuengnae lukkareim takhang koe a kangdue roi.

¹⁹ Hahoi Korah ni tamimayanaw pueng hah ama taran lahoi kamkhuengnae lukkareim takhang koe a pâkhueng awh. Hahoi hote tamimaya lathueng BAWIPA bawilenna e kamnue.

²⁰ Hahoi BAWIPA ni Mosi hoi Aron a pato teh,

²¹ hete tamihu heh tawkkadeka dawk be a kahma thai nahanlah ahnimouh koehoi alouklah awm awh telah a ti.

²² Hottelah ahnimouh a tabo awh teh, Oe! Cathut takthainaw pueng e muitha Cathut, buet touh yon kecu dawk taminaw pueng koe na lungkhueng han maw telah a ti.

²³ BAWIPA ni Mosi a pato teh,

²⁴ taminaw pueng koe dei pouh. Korah hoi Dathan hoi Abiram tinaw e roena e rim dawk hoi yawng awh telah tet pouh.

25 Mosi a thaw teh Dathan hoi Abiram koe a cei teh, Isarel kacuenaw a kambawng awh.

26 Hahoi taminaw pueng koe a dei teh, hete tamikayonnaw e rim koehoi a tâco awh. Banghai tek pouh hanh awh. Hoehpawiteh a yonae pueng dawkw nangmouh hai na bawkw awh langvaih telah tet pouh.

27 Hahoi Korah hoi Dathan hoi Abiram tinaw katham touh teh, koug a tâcawttakhai awh. Dathan hoi Abiram teh amamae rim dawkw hoi a tâco roi teh, amamae rim takhang koe a yucanaw hoi a kangdue awh.

28 Mosi ni kai kama ngainae lahoi ka sak e nahoe. BAWIPA ni sak hanelah na patoun e doeh tie hah hete hnonaw dawkw hoi na panue awh han.

29 Hete taminaw niyah ayânaw due e patetlah dout boilah, taminaw pueng rek e patetlah rek pawiteh Cathut ni na patoun hoeh e han doeh.

30 Hatei, BAWIPA ni a katha lah hno a sak teh, talai ni a kâko ang pawiteh, amamouh hoi kâkuen e pueng koug a padoun hoiyah tangkom dawkw a hringo kâen awh pawiteh, BAWIPA ni hete taminaw heh a pahnavt toe tie na panue awh han telah a ti.

31 Hahoi, hete lawknaw koug a dei hnukkhu hoi ahnimouh onae koe talai rak a kâbawng.

32 Hahoi teh talai ni a kâko a ang teh, imthung buemlahoi, Korah e taminaw pueng hoi hnopainaw pueng hoi he a payawp.

33 Hahoi amamouh hoi a tawn awh e naw pueng hah tangkom dawkw a hringo koug a bo awh. Talai ni a kâko a cakuep teh, ka kamkhueng e naw koehoi he a kahma awh.

34 Hahoi a tengpam e Isarelnaw pueng teh, hotnaw e hramki lawkw dawkw hoi a yawng awh teh, talai ni na payawm awh langvaih telah ati awh.

35 Hahoi BAWIPA koehoi hmai a tâco teh hmuitui ka thueng e tami 250 touh he a kak awh.

36 BAWIPA ni Mosi a pato teh,

37 nang ni hmai hah tâkxawng nateh, vaihma Aron capa Elizur ni hmai thung e hmailanae tongben la hanelah dei pouh. Bangkongtetpawiteh, kathoung hno lah ao.

38 Amamouh hringnae dawkw kapayonnaw e hmailanae tongbennaw hai lat nateh, khoungroe ramuk nahanelah dêi lah awm naseh. Bangkongtetpawiteh BAWIPA hmalah poe e a tho dawkvah, kathoung lah ao teh, Isarel catounnaw hanelah mitnout lah ao han telah a ti.

39 Hahoi Isarel catounnaw hanelah pahnim hoeh nahanelah Aron hoeh laipateh Jentelnaw BAWIPA hanlah hmuitui hmaisawi thueng hanelah a cei awh hoeh nahan,

40 Karah hoi a huinaw patetlah ao awh hoeh nahan, Mosi hno lahoi BAWIPA ni ahnimouh koe a dei pouh e patetlah bawknae khoungroe ramuk nahan a dêi awh.

Tamimaya phuenangnae

41 A tangtho vah, Isarel catoun tamihu teh Mosi hoi Aron taranlahoi a phuenang awh. BAWIPA e tamihunaw na thei awh atipouh awh.

42 Mosi hoi Aron hah taminaw pueng ni a kamkhueng sin navah kamkhuengnae lukkareiim koelah a kangvawi awh teh, kenhaw! tâmai ni king a kayo awh teh, BAWIPA bawilenna e kamnu.

43 Mosi hoi Aron teh kamkhuengnae lukkareiim hmalah a tho roi.

44 BAWIPA ni Mosi a pato teh,

⁴⁵ hete taminaw thung hoi aloukcalah awm awh. Tawkkadekca kahma sak nahanelah, telah atipouh. Hahoi ahnimouh teh a tabo awh.

⁴⁶ Mosi ni Aron koevah, hmai lanae tongben sin loe, khoungroe dawh hmai hah tat, hmuitui hah phuen nateh, taminaw pueng koe karanglah cetkhaih. Ahnimouh hanlah yontha nahan sak pouh. BAWIPA koe hoi lungkhueknae a tâco toe. Patawnae lacik a kamtawng toe telah atipouh.

⁴⁷ Aron ni Mosi ni dei e patetlah a sin teh, ka kamkhueng e naw koe lah a yawng. Hahoi teh khenhaw! Lacik teh taminaw pueng koe pataw a kamtawng toe. Hmuitui a phuen teh taminaw yontha sak nahanlah a sak.

⁴⁸ Tami kadout hoi kahring rahak a kangdue teh lacik teh a thoung.

⁴⁹ Hottelah Korah kong dawh hoi kadoutnaw touksin laipalah, lacik lahoi kadoutnaw teh 14700.

⁵⁰ Aron teh kamkhuengnae lukkareiim takhang koe Mosi koe a ban teh laciknaw pueng teh a thoung.

17

Aron e sonron a kahlawng

¹ BAWIPA ni Mosi hah a pato teh,

² Isarel catounnaw pato nateh a miphun lahoi a napanaw imthung, Isarelnaw hlaikahni touh koe kahrawikungnaw lengkaleng poe hanelah sonron hlaikahni touh na la vaiteh, amamae min hah sonron dawh lengkaleng thut pouh.

³ Hahoi Levih sonron dawh, Aron min na thut han. Bangkongtetpawiteh, a na pa imthung kahrawikung hanelah sonron buet touh lah rip ao han.

⁴ Kamkhuengnae lukkareiim, lawkpanuesaknae hmalah na ta han.

⁵ Kai ni ka rawi e sonron teh a dawn a pei han. Hattoteh, nangmouh roi yon ka pen e Isarelnaw e phuenangnae teh ka takhoe pouh han, telah a ti.

⁶ Hottelah Mosi ni Isarel catounnaw hah a pato teh, kahrawikungnaw ni a imthungkhu yueng lah kahrawikung buet touh ni sonron buet touh rip a sin teh, sonron hlaikahni touh hah a poe teh, Aron e sonron hai hotnaw rahak vah a bawh van.

⁷ Mosi ni kapanuekkhaikung lukkareiim dawh BAWIPA hmalah sonron hah a ta.

⁸ A tangtho vah Mosi teh kapanuekkhaikung lukkareiim dawkvah, a cei teh, Levih imthung e yueng lah Aron e sonron hah a dawn teh, a pei a muem, a pei a pei teh almond paw a paw.

⁹ Mosi ni BAWIPA hmalae sonronnaw pueng hah Isarel catounnaw pueng koe a ceikhai. A khet aw hah teh amamae sonron hah lengkaleng a la aw hah.

¹⁰ Oe BAWIPA ni, laikaroenaw koe lah mitnout lah ao nahanelah, Aron e sonron hah lawkpanuesaknae kung koe tat leih. Hat pawiteh doeh ahnimae phuenangnae hah ka mithmu hoi kâhat vaiteh dout aw hah mahoe hah, telah atipouh.

¹¹ BAWIPA ni Mosi lawk a thui e patetlah ahni ni a tarawi teh a sak.

¹² Isarel catounnaw ni Mosi koevah, koug kahma aw hah teh, koug ka due aw hah toe, koug rawk aw hah katang toe.

¹³ BAWIPA lukkareiim kâhnai pueng ni a due aw hah. Koug kahmat lah due aw hah han namaw telah ati aw hah.

18

Vaihma hoi Levihnaw e thaw

¹ BAWIPA ni Aron koevah, nangmouh hoi na capanaw hoi nang koe kaawm e na pa imthungnaw ni, hmuen kathoung hoi kâkuen e payonpakainae yon teh na phu awh han. Hahoi nama hoi nang koe kaawm e na capanaw hoi vaihma lah na onae hoi kâkuen e payonpakainae yo hah na phu awh han.

² Na pa miphun, Levih miphun na hmaunawngghanaw ni kapanuekkhaikung lukkareiim hmalah na capanaw koe ao navah, nang hoi thaw cungtalah rei a tawk thai nahan, nang koe na thokhai han.

³ Na panki e thaw hoi lukkareiim thaw a panki e naw na kabawp han. Hatei, hmuen kathoung hlaamnaw hoi bawknae khoungroe hah hnâi awh hanh naseh, telah nahoeh pawiteh, ahnimouh hai nangmouh hai na due awh han.

⁴ Ahnimouh ni na kabawp awh vaiteh, kamkhuengnae lukkareiim thaw pueng hah a panki e patetlah lukkareiim thaw a tawk awh han. Hatei alawilae tami ni na hnai awh mahoe.

⁵ Isarel catounnaw lathueng vah lungkhueknae ao hoe h nahanlah, nang nama ni hmuen kathoung thaw hoi khoungroe thaw hah na ham lah na la han.

⁶ Khenhaw! kai ni na hmaunawnggha Levih taminaw hah Isarel catounnaw thung hoi ka la teh, kamkhuengnae lukkareiim koe thaw tawk hanlah, nangmouh hanlah BAWIPA koehoi poe e nangmouh koe poe e doeh.

⁷ Hatdawkvah, nang nama hoi na capanaw ni khoungroe hoi yaphni athung lae hnonaw pueng daw koi vaihma na counngnae thaw heh poehno patetlah nang koe poe lah ao. Hatei, alawilae tami baw koi pawiteh thei lah ao han.

Vaihma hoi Levih kabawpnae

⁸ BAWIPA ni Aron a pato teh, khenhaw! kai kama roeroe ni kahek thuengnae koe Isarel catounnaw poehno kathoungnaw pueng hah, nang nama hoi na capanaw e ham lah a yungyoe hane phung lah na poe.

⁹ Hmai sawi hoe hoi e pueng nang han hno kathoung poung lah ao han. A pasoung awh e pueng, tavai thuengnae, yon thuengnae, hoi kâtapoe thuengnae, kai koe na poe awh e hah, nang hoi na capanaw hanlah ka thoung poung lah ao han.

¹⁰ Tongpa pueng ni hmuen kathoung poung koe na ca awh vaiteh, nangmouh hanlah ka thoung e lah ao han.

¹¹ Het hai na ham lah ao han, tavai thuengnae koe a poe awh e hno, Isarel catounnaw kahek thuengnae hnopoe pueng hah nang nama hoi na capa na canu naw hoi a yungyoe na ham lah na poe. Na im daw koi tamikathoung kaawm e pueng ni a ca thai awh han.

¹² Kahawipoung e satui hoi misur kahawipoung e hoi aluepaw BAWIPA hanlah a poe awh e hah na poe.

¹³ Ahnimae law daw koi e aluepaw hmaloe ka hmin e BAWIPA hanlah a poe awh e hah nange lah ao han. Na im daw koi tamikathoung kaawm e pueng ni a ca thai awh han.

¹⁴ Isarelnaw ni poehno e pueng teh nange lah ao han.

¹⁵ BAWIPA hanlah a poe awh e camoim ka paawng pasuek e pueng teh tami thoseh, saring thoseh nange lah ao han. Hatei camin teh na ratang roeroe han. Kathounghoehe saring camin hai na ratang han.

¹⁶ Thapa yung touh e ratang hanlah kaawm e hah ratangnae phu na to vaiteh, hmuen kathoung koe hno e sekel panga touh hoi na ratang han (sekel teh gerah 20 touh doeh).

17 Hatei maitotan camin hoi tu camin hoi hmae camin teh na ratang awh mahoe. Hotnaw teh a thoung awh. A thipaling teh khoungroe daw k na kathek vaiteh, BAWIPA han hmuitui lah athaw hah hmai hoi hmaisawi thuengnae koe na sawi awh han.

18 Kahek thuengnae koe a takuep hoi aloung teh nange lah ao e patetlah a moi hah nange lah ao han.

19 Kathoung hno hoi kahek thuengnae koe Isarelnaw ni BAWIPA hanlah a poe awh e hah, a yungyoe na ham lah na poe. BAWIPA hmalah nang nama hoi na capanaw hoi na canu naw hoi yungyoe lawkkam lah ao han telah ati.

20 BAWIPA ni Aron koevah, a ram daw k na ham kawi banghai aw m mahoe, a thungup hai na ham kawi banghai aw m mahoe. Kai doeh Isarel catoun thung daw k na ham hoi na coe e râw lah ka o.

Pung hra pung touh

21 Hahoi Levih catounnaw teh, khenhaw! thawtaw knae koe a thaw taw k awh e lukkareiim koe thaw taw k phu lah Isarel ram e pung hra pung touh pueng teh na poe awh.

22 Atu totouh hoi teh Isarel catounnaw ni, kamkhuengnae lukkareiim teh hnai awh roeroe hanh naseh. Telah hoehpawiteh, yonpen nae phu hoi a due payon awh han doeh.

23 Hatei, Levihnaw ni kamkhuengnae lukkareiim koe thaw a taw k awh vaiteh, thaw abuemlahoi a la awh han. Hetnaw heh catounnaw ditouh phunglam lah ao han. Isarel catoun thung vah a ham kawi banghai aw m mahoe.

24 Isarel catounnaw ni pung hra pung touh BAWIPA hanlah kahek thuengnae a poe awh e hah Levihnaw hanlah râw lah ka poe toe. Hatdawkvah, ahnimouh koe Isarel catounnaw thung daw k râw a coe kawi banghai aw m mahoe telah yo ka ti pouh toung tayaw telah ati.

Levihnaw e pung hra pung touh

25 BAWIPA ni Mosi hah a pato teh,

26 hothloilah Levihnaw hah pato nateh, ahnimouh koe na râw hanlah Isarel catounnaw pung hra touh daw k pung touh na poe e hah ahnimouh koehoi na hmu awh toteh, hote pung hra pung touh e thung hoi pung hra pung touh hah BAWIPA koe kahek thuengnae na poe awh han.

27 Hottelah nangmae kahek thuengnae teh cangkatinnae koe cakang aluepaw hoi misurtui ahruem patetlah pouk e lah ao han.

28 Hottelah Isarel catounnaw koehoi pung hra pung touh na hmu awh e pueng BAWIPA hanelah kahek thuengnae koe pou na poe awh han. Hahoi BAWIPA hanelah kahek thuengnae hah Aron na poe awh han.

29 Na hmu awh e pueng thung hoi, kahawipoung, kathoungpoung hah BAWIPA koe kahek thuengnae na poe awh han.

30 Hatdawkvah ahnimouh koe, hotnaw thung daw k hoi kahawi poung e na kahek awh toteh, Levihnaw a cangkatin e daw k hoi ka tâcaw t e hoi misurtui ka lawng e patetlah pouk lah ao han.

31 Nâ e hmuen pueng koehai koung na ca thai awh han. Nangmouh hoi na imthung ni hai, bangkongtetpawiteh, kamkhuengnae lukkareiim koe e thaw taw k phu doeh

32 Kahawipoung e na kahek awh toteh, yonae yon phu lah aw m mahoe. Hatei, Isarel catounnaw poehno kathoung hah na kamhnawng aw m mahoe, telah hoehpawiteh, na due awh han tet pouh telah atipouh.

19

Thoungsaknae kâlawk

¹ BAWIPA ni Mosi hoi Aron hah a pato teh,

² hethateh, BAWIPA kâlawk poe e phunglam kâlawk doeh. Isarel catounnaw hah maitola ka paling e kacuem e a laphu thueng pouh hoeh e, thokhai hanlah dei pouh.

³ Rapan hloilah ceikhai vaiteh, a hmalah thei thai nahanlah vaihma Eleazar koevah na poe han.

⁴ Vaihma Eleazar ni a kutcarei hoi thipaling youn touh a la vaiteh, kamkhuengnae lukkareim hmalah, vai sari touh paloupalou a kathek han.

⁵ Hottelah maitola teh a pho, a moi, a thi hoi a ei hai a mithmu vah hmaisawi han.

⁶ Vaihma ni sidar thing hoi dingsala hoi langsan a la vaiteh, maitola hmaisawinae koe a tâkhawng han.

⁷ Vaihma ni a khohna a pâsu vaiteh, tui a kamhluk han. Hahoi roenae hmuen koe a cei han, tangmin totouh vaihma teh a khin han.

⁸ Hmai kasawikung ni hai amae khohna a pâsu vaiteh tui a kamhluk han, tangmin totouh a khin han.

⁹ Kathoung ni maitola hraba hah a kawm vai teh, rapan hloilah thoungnae hmuen koe a ta vaiteh, Isarel catounnaw, tamimaya hanlah kamthoungnae tui daw k a hno han, hethateh yon thung hoi thoungnae doeh.

¹⁰ Hahoi maitola hraba kakawnkung teh, a khohna a pâsu vaiteh, tangmin totouh a khin han. Hethateh Isarel catounnaw hoi ahnimouh koe kaawm e imyinnaw hanlah a yungyoe phunglam lah ao han.

¹¹ Bangpatetlae tami ro nakunghai katekkung teh hnin sari touh thung a khin han rah.

¹² Hahoi tami teh hnin thum hnin vah hraba hoi a kamthoung vaiteh, hnin sari hnin vah a thoung han. Apâthum hnin kamthoung hoehpawiteh, asari hnin totouh a khin han.

¹³ Tami bangpatet ni hai Bangpatete tami ro hai a tek aw h teh kamthoung aw h hoehpawiteh, BAWIPA lukkareim kakhinsakkung lah ao teh, hote tami teh Isarel taminaw thung daw k hoi hnoun e lah ao han. Kamthoungnae tui ahnimouh koe kathek sin lah ao hoeh dawkvah, a khin han. A khinnae hah ahnimouh koe ao rah.

¹⁴ Tami buet touh lukkareim daw k dout pawiteh, hethah kâlawk lah ao han. Lukkareim daw k kâen e pueng teh lukkareim daw k kaawm e pueng hnin sari touh thung a khin han.

¹⁵ Hahoi hlaam a khuem kâkhuem hoeh e puenghai a khin han.

¹⁶ Hahoi tami bangpatet ni law vah, tahloi hoi a thei aw h e thoseh, ao navah kadout e ro thoseh, tami kadout e hru thoseh, tangkom daw k thoseh, tek pawiteh hnin sari touh a khin han.

¹⁷ Hahoi kathoung hoeh naw hanlah, yon thoung nahanlah hmaisawi e, maitola hraba teh a la vaiteh, amamae tongben daw k, ka lawng e tui a ta aw h han.

¹⁸ Hahoi kathoung ni dingsala a la vaiteh, tui daw k a padung han. Hahoi lukkareim hlaamnaw pueng hai haw e kaawmnaw pueng hraba thoseh, ka tek e pueng teh be a kahei sin han.

¹⁹ Hahoi kathoung naw ni apâthum hnin hoi asari hnin vah kathoung hoeh pueng a kahei sin han, a khohna a pâsu hoi tui a kamhluk vaiteh tangmin lah teh a thoung han.

²⁰ Hatei kakhin e ka kamthoung hoeh e niteh, BAWIPA e hmuen kathoung a khin sak dawkvah, hote tami teh kamkhueng e tamihu thung hoi takhoe e lah ao han. Kamthoungnae tui hah ahni koe kahei sin lah ao hoeh dawkvah, kakhin e lah ao.

²¹ Hetheh ahnimouh han a yungyoe phunglam lah ao han. Kamthoungnae tui kahei sin e pueng ni a khohna a pâsu han, hahoi a kamthoungnae tui kateknaw pueng teh tangmin totouh a khin han.

²² Kathounghoehe naw ni a tek e pueng teh kakhin e lah awm toung vaiteh, hot hno kateknaw pueng teh, tangmin totouh a khin han, telah a ti.

20

Lungsong tui

¹ Hahoi Isarel catounnaw pueng teh, thapa yung pasuek dawkvah, Zin kahrawngum dawkvah a kâen aw. Taminaw pueng teh, Kadesh vah a hnin ao aw. Hawvah, Miriam a due teh hawvah a pakawp aw.

² Hahoi taminaw pueng hanlah tui nei han awm hoeh toe. Hat toteh, haw vah Mosi hoi Aron taran lahoi a kamkhuengsin aw.

³ Taminaw pueng ni BAWIPA hmalah hmaunawngghanaw a due nah dout ngala boipawiteh,

⁴ bangkongmaw BAWIPA e taminaw hete kahrawngum vah kamamanaw hoi saringnaw abuemlah due hanlah na ceikhai.

⁵ Bangkongmaw het patet kahawihoehe ram dawkvah kâenkhai hanlah Izip ram hoi na tâcokhai. Tâsong, thaibunglung kung, misurkung, tale paw hai o hoeh nah koe, tui boehai nei hane ao hoeh nah koe, telah ati aw.

⁶ Mosi hoi Aron teh tamimaya koehoi kamkhuengnae lukkareim takhang koe a cei roi teh, a tabo roi. Hahoi ahnimouh roi koe BAWIPA bawilenna e kamnu.

⁷ BAWIPA ni Mosi a pato teh,

⁸ sonron lat nateh, nang hoi na hmau Aron ni taminaw pâkhueng aw. Ahnimae mithmu vah lungsongpui koe lawk dei pouh. Tui a tâcosak han. Hot patetlah hoiyah, lungsongpui daw k hoi tui na tâcosak vaiteh, taminaw pueng hoi saringnaw hah na nei sak han telah ati.

⁹ Hot patetlah Mosi ni BAWIPA hmalah sonron hah kâ a poe e patetlah a la.

¹⁰ Mosi hoi Aron ni taminaw pueng hah lungsongpui teng a pâkhueng teh, ahnimouh koe, taran ouk ka thaw e taminaw, atu thai aw haw! hete lungsong daw k hoi nangmouh han tui ka tâcosak roeroe han maw telah atipouh.

¹¹ Hahoi teh Mosi ni a kut a dâw teh, a sonron hoi lungsongpui hah vai hni touh a hem, hat toteh, tui kapap poung lah a tâco. Taminaw pueng hoi saringnaw ni a nei aw.

¹² BAWIPA ni Mosi hoi Aron koe kai na yuem hoeh teh, Isarel catounnaw mithmu vah, kai na barilawa hoeh dawkvah, hete taminaw pueng teh kai ni na poe aw e ram daw k na kâenkhai mahoe, telah atipouh.

¹³ Isarel catounnaw ni BAWIPA rek a cusin aw teh ahnimouh thung vah ama barilawa hanlah ao daw k hote tui teh Meribah ati aw.

¹⁴ Hahoi Mosi ni Kadesh hoi Edom siangpahrang koevah, patounenaw a patoun. Na hmaunawngaha Isarel ni hettelah a dei. Maimouh koe ka phat e runae kathonaw pueng,

¹⁵ mintoenaw Izip ram a cei awh teh, moikasaw lah Izip ram vah ka o awh teh, Izipnaw ni kai koe hoi mintoenaw totouh rucatnae na poe e hah na panue.

¹⁶ BAWIPA koe ka hram awh e lawk hah a thai teh, kalvantaminaw a patoun teh, Izip ram hoi na tâco sak. Khenhaw, na ram hoi ka hnai poung lah, Kadesh khopui dawkvah ka o awh.

¹⁷ Pahren lahoi na ram thung pou na rakan sak haw. Law thoseh, misur takha thoseh, ka coungroe awh mahoe. tuikhu daw k e tui hai ka net mahoe. Siangpahrang lamthungpui daw k doeh ka cei awh han, na ram ka tapoung hoe h roukrak avoilah aranglah hai kampuen awh mahoe, telah ati.

¹⁸ Edom ni kai ka ram daw k na cet awh mahoe, telah hoehpawiteh, nangmouh tuk hanelah tahloi hoi kamthaw awh han, telah ati.

¹⁹ Isarel catounnaw ni lamthungpui daw k hoi ka cei awh vaiteh kamamouh hoi ka saringnaw ni na tui ka net awh pawiteh, aphu na poe awh han, hno alouke banghai sak laipalah, raka lah doeh pou ka raka awh ti telah atipouh awh.

²⁰ Ahni ni na raka awh mahoe atipouh. Hahoi teh, Edom teh tami moikapap hoi tami athakaawme taminaw hoi ahnimouh tuk hanlah a kamthaw awh.

²¹ Hot patetlah Isarel catounnaw teh Edom ni a ram daw k dei hanlah pasoung awh hoe. Hahoi Isarel teh ahnimouh koehoi a kamlang takhai awh.

Aron duenae

²² Hothloilah Isarelnaw pueng teh Kadesh hoi a kamthaw awh teh, Hor mon koe a pha awh.

²³ BAWIPA ni Mosi hoi Aron teh Edom khori koe Hor mon hoi a pato teh,

²⁴ Aron teh a taminaw koe ceikhai han toe. Bangtelah tetpawiteh, Isarel catounnaw koe ka poe e ram daw k kâen mahoe. Bangkongtetpawiteh, Meribah tui koe ka lawk taran lahoi taran a thaw awh.

²⁵ Aron hoi a capa Eleazar hah Hor mon koe a luenkhai awh.

²⁶ Aron e khohna rading awh nateh, a capa Eleazar kâkhu sak awh. Bangkongtetpawiteh, Aron teh a taminaw koe ceikhai vaiteh, haw vah a due han telah ati.

²⁷ Mosi ni BAWIPA kâ poe e patetlah a sak teh, taminaw pueng e mithmu vah Hor mon vah a luen awh.

²⁸ Mosi ni Aron e khohna a rading pouh teh, Eleazar a kho sak teh, Aron teh monsom vah a due. Hottelah Mosi hoi Eleazar teh monsom hoi a kum roi.

²⁹ Taminaw pueng ni Aron a due tie a thai awh toteh, Isarelnaw pueng ni Aron teh hnin 30 touh a khui awh.

21

Hormah vah Kanaannaw tânae

¹ Kanaannaw Arad siangpahrang akalae kaawm e niyah, Isarelnaw, Atharim lam koe lah a tho awh ti a thai awh toteh, Isarelnaw hah a tuk awh teh, a tangawn san lah a man awh.

² Hottelah Isarelnaw ni BAWIPA koevah lawk a kam aw h teh, hetnaw heh kaimouh kut daw k na poe pawiteh, a khopui hah peng ka raphoe thai han telah ati aw h.

³ BAWIPA ni Isarelnaw e lawk a tarawi pouh teh, Kanaannaw teh a kut daw k poe lah ao. Amamouh hoi a khopuinaw hah he a raphoe teh, hote hmuen teh Hormah telah ati aw h.

Rahum tahr un

⁴ Hor mon koehoi tuipei paling koelah Edom ram lawngven lahoi a cei aw h. Lam ekvoi a kâhei aw h daw kvah, taminaw pueng teh a lungkuep laipalah,

⁵ Cathut hoi Mosi taranlahoi kahrawngum vah due hanelah bangkong-maw Izip ram hoi na tâcokhai. Vaiyei hai aw m hoe h, tui hai aw m hoe h, hete vaiyei karawcap e hai ka hringnae ni a panuet toe, telah ati aw h.

⁶ Hatdaw kvah, BAWIPA ni hmai tahr un a thasin teh, taminaw a khue daw kvah moikapap a due aw h.

⁷ Hatnavah taminaw ni Mosi koe a tho aw h teh, BAWIPA hoi nang koe taranlahoi lawk ka dei e hah ka yon aw h toe. Tahr un naw hah kaimouh koehoi takhoe hanlah BAWIPA koe na kâhet pouh leih, telah atipouh.

⁸ BAWIPA ni Mosi koe hmai tahr un hah sak nah teh khom daw k hoi pathout pouh. Tahr un ni a khue e pueng ni hote hah a khet vaiteh a hring aw h han telah atipouh.

⁹ Hahoi Mosi ni rahum tahr un hah a sak teh, khom daw k a vo. Hahoi teh tahr un ni a khue e pueng rahum tahr un hah a khet aw h teh a dam aw h.

Hormon koehoi Moab vah

¹⁰ Isarel catounnaw teh, pou a kâtahr uet aw h teh, Oboth vah a roe aw h.

¹¹ Oboth hoi bout a cei aw h teh, Kanîtholah Moab kahrawng teng Iyeabarim vah a roe aw h.

¹² Haw hoi a cei aw h teh Zered tanghling daw k a roe aw h.

¹³ Haw hoi bout a cei aw h teh, Amornaw e ramri hoi pou kâkuen e Arnon namran lah a roe aw h. Arnon teh Moab ramri, Moab hoi Amornaw rahak vah kaawm e doeh.

¹⁴ Hatdaw kvah, BAWIPA tarantuknae cauk daw k, Suphat hoi Vaheb Arnon, Arnon sawkcanaw hoi.

¹⁵ Ar kho lahoi ka lawng e sawkcanaw hai, Moab ramri lahoi a teng poe ka lawng e telah a dei aw h.

¹⁶ Hahoi, Beer lah a cei aw h. Haw teh BAWIPA ni Mosi koevah, taminaw pueng hah kaw nateh, tui ka poe han ati nae tuikhu koe doeh.

¹⁷ Hahoi hete la heh Isarelnaw ni a sak aw h. Oe tuiphuек tâcaw t haw telah la heh a phueng aw h

¹⁸ Kahrawikungnaw a bonae tuikhu hah kâlawk kapoekung sonron hoi tai e, miphun naw kahrawikung ni a tai e, ti hoiyah, hote kahrawng koehoi Mattanah lah a cei aw h.

¹⁹ Mattanah hoi Nahaliel, Nahaliel hoi Bamoth,

²⁰ Bamoth hoi Moab ram kaawm e tanghling, Pisgah som kho ouk khetnae hmuen, hmu thainae koe a kâtahr uet aw h.

Siangpahrang Sihon tânae

²¹ Isarelnaw ni Amornaw e siangpahrang Sihon koevah, na ram daw k hoi kaimouh na rakan sak haw. Na law daw k thoseh, misur takha daw k thoseh, ka cet aw h mahoe h. Na tuikhu daw k e tui hai ka net aw h mahoe h.

²² Na ram ka tapoung hoeh roukrak, siangpahrang lamthungpui dawk doeh ka cet aw h ti telah patounenaw a patoun.

²³ Hatei, Sihon ni a ram daw k rakan sak hane pasoung hoeh. Hottelah Sihon ni a taminaw pueng a pâkhueng teh, Isarelnaw tuk hanlah kahrawngum a kamthaw aw h. Jahaz vah a pha aw h teh Isarelnaw hah a tuk aw h.

²⁴ Isarelnaw ni, kahran e tahloi hoi a tuk aw h van teh a ram teh Arnon hoi Jabbok totouh, Ammon catounnaw ram totouh a la pouh aw h. Bangkongtetpawiteh, Ammonnaw e ramri teh pou a patoup aw h e doeh.

²⁵ Isarelnaw ni khonaw pueng koung a la aw h. Hottelah Isarelnaw teh, Ammonnaw e khonaw pueng daw k Heshbon hoi khotenaw pueng daw k ho a sak aw h.

²⁶ Heshbon kho teh Ammornaw e siangpahrang Sihon onae kho doeh. Ahni teh Moab siangpahrang hoi taran a kâtuk teh a kut daw k e a ram naw pueng Arnon palang kalatkung doeh.

²⁷ Hatdawkvah, la ka phuengkung ni, Heshbon vah tho loe, Sihon khopui teh bout thawng aw h sei, bout pathoup aw h sei.

²⁸ Bangkongtetpawiteh, Heshbon hoi hmai a tâco teh, Sihon khopui hoi hmai a to. Moab khopui Ar kho koung a kak. Arnon hmuenrasang bawinaw hoi,

²⁹ Oe Moab na yawthoe, nang teh na kahma toe. Khemosh taminaw, Amornaw e siangpahrang koevah, a capanaw yawngkhai hane hoi, a canunaw a san lah a poe aw h.

³⁰ Hatei, kai ni na tâ aw h toe. Heshbon teh Dibon totouh a kahma. Hottelah Nophah kho totouh a raphoe teh, hot ni teh Medeba totouh a pha.

³¹ Hot patetlah Amornaw e ram koe Isarelnaw teh kho a sak aw h.

³² Hahoi Mosi ni Jazer tuet hanlah tami a patoun. Hote kho a la teh, haw vah kaawm e Amor taminaw a pâlei aw h.

³³ A ban aw h teh, Bashan lam koe lah a takhang aw h. Bashan siangpahrang Og teh ahnimouh tuk hanelah ama hoi a taminaw pueng hoi Edrei hoi tuk hanelah a kamthaw aw h.

³⁴ BAWIPA ni Mosi koevah ahni teh taket hanh loe. Ama hoi a taminaw khuehoi a ram totouh na kut daw k na poe toe. Heshbon e kaawm e Amornaw e siangpahrang Sihon koevah na sak e patetlah na sak han telah atipouh.

³⁵ Hahoi teh ama thoseh, a capanaw thoseh, buet touh boehai pâhlung laipalah a taminaw pueng hoi a thei aw h teh a ram teh hmaw i a tawn pouh aw h.

22

Balak ni Balaam a coun

¹ Isarel catounnaw teh pou a cei aw h teh, Jeriko kho namran lah Jordan palang na ran Moab tanghling daw k a roe aw h.

² Zippor capa Balak ni Isarelnaw ni Amornaw lathueng a sak e naw pueng a thai.

³ Tamimaya hah apap poung daw kvah, Moab ni taki lah a taki katang. Isarelnaw kecu daw k Moab teh kângairu lah ao.

⁴ Hottelah Moab ni Midian a lungkahanaw koe Maito ni hram koung a ai e patetlah hete taminaw ni kaimae tengpam e taminaw pueng koung a i han doeh telah ati. Hote tueng navah Zippor capa Balak teh Moab siangpahrang lah ao.

⁵ Ahni ni kenhaw! miphun buet touh Izip ram hoi ka tâcawt e ao teh, talai dawk muen a kawi awh. Kaimouh rahak vah sut ao awh. Pahren lahoi tho nateh hetnaw heh thoebo haw. Bangkongtetpawiteh kai hane teh a thasaipoung awh.

⁶ Ahnimanaw tâ vaiteh ram dawk hoi ka pâlei thai yawkaw han kai ma. Bangkongtetpawiteh, yawhawi na poe e teh yawhawi e lah ao, thoe na bo e pueng teh thoebo lah ao tie ka panue, telah kaw hanelah na catounnaw a onae ram, palang teng vah, Pethor e Beor capa Balaam koevah patounenaw a patoun.

⁷ Hatdawkvah, Moab a lungkahanaw hoi Midian a lungkahanaw teh thoebo sak phu poe hanelah tadawngghno sin hoi a cei awh teh, Balaam koe a pha awh. Balak ni lawkthui e hah a dei pouh awh.

⁸ Ahni ni, atu tangmin lah teh awi hi vah roe awh. BAWIPA ni na dei pouh e patetlah nangmouh koe lawk na thui awh han telah atipouh. Hottelah, Moab tami kalennaw teh Balaam koe a roe awh.

⁹ Balaam koe Cathut a tho teh nang koe kaawm e taminaw heh bangpatetnaw maw, telah atipouh.

¹⁰ Balaam ni Cathut koevah, Zippor capa Moab siangpahrang Balak ni kai koevah,

¹¹ kenhaw! Izip ram hoi ka tho e miphun ni talai dawk muen a kawi awh. Ahnimouh ka tâ vaiteh, ka pâlei thai nahanelah thoe na bo pouh haw, a titeh, taminaw a patoun e doeh telah atipouh.

¹² Cathut ni Balaam koevah, ahnimouh koe cet hanh, hotnaw teh thoe hai bo hanh. Bangkongtetpawiteh, ahnimouh teh yawkahawi e tami doeh, telah atipouh.

¹³ Balaam teh amom a thaw teh Balak e tamikalennaw koe, na ram lah ban awh leih, bangkongtetpawiteh, BAWIPA ni nangmouh koe cei hanlah na pasoung hoeh telah ati.

¹⁴ Moab tamikalennaw teh, a thaw awh teh Balak koevah a cei awh. Ahni koe Balaam ni maimouh koe kâbang ngai hoeh atipouh.

¹⁵ Balak ni ahnimouh hlak kapap, ahnimouh hlak minhmai khet kaawm, tamikalennaw hah bout a patoun.

¹⁶ Balaam koevah, a pha awh teh, Zippor capa Balak ni telah ati, kai koe na kâbang hane bang ni hai na ngang hanh naseh.

¹⁷ Bangkongtetpawiteh, barilawa kaawm lah na tawm katang han, kai koe na dei e pueng ka sak han, hatdawkvah, tho nateh hetnaw heh thoe na bo pouh haw ati telah ati.

¹⁸ Balaam ni Balak e sannaw hah a pathung teh ahnimouh koe Balak ni a im hoi athung vah sui ngun khakkawi lah na poe han nakunghai, BAWIPA ka Cathut lawk hoiolah banghai ka sak thai hoeh.

¹⁹ Hatdawkvah, BAWIPA ni kai koe bangmaw bout a dei han, atu tangmin teh hi roe awh ei telah atipouh.

²⁰ Hat hnin tangmin vah Balaam koe Cathut a tho teh, ahnimouh koe, hetnaw heh nang na kaw hanlah tho pawiteh, thaw nateh ahnimouh koe kâbang. Hatei nang koe ka dei e dueng na sak han, telah atipouh.

²¹ Balaam teh amom vah a thaw teh, la hah a rakueng, Moab tamikalennaw koevah a kâbang.

Balaam e la hoi kalvan tami

²² Hottelah, a cei kecu dawkvah, Cathut lungkhueknae a kaman teh, BAWIPA kalvantami teh ama ngang hanelah lam dawk sut a kangdue. Ama teh la dawk kâcui niteh, a san kahni touh hoi haw vah ao.

²³ La ni BAWIPA kalvantami ni tahloi patuep hoi lam dawk a kangdue e hah a hmu teh, lam a phen teh kahrawng lahoi a cei. Hottelah Balaam ni la teh lam dawk ban hanelah a hem.

²⁴ BAWIPA kalvantami teh misur takha hoi takha rahak e lam koe bout a kangdue.

²⁵ La ni BAWIPA kalvantami hah bout a hmu toteh, misur takha rai lah a kâhnawn dawkvah, Balaam khok pak a kuen. Balaam ni bout a hemkhai.

²⁶ BAWIPA kalvantami ni teh, a hmalah rek bout a cusin teh avoilah, aranglah kamheithaihoehnae lamceknae koe a kangdue pouh.

²⁷ La ni, BAWIPA kalvantami hah a hmu teh Balaam teh rawk a tabo khai. Hahoi, Balaam a lungkhuek teh, a sonron hoi la teh a hem.

²⁸ BAWIPA ni la hah a lawk a thosak. Balaam koevah nang na tak dawk bangmaw ka sak, vai thum touh totouh kai na hemkhai telah atipouh.

²⁹ Balaam ni la koevah, nang ni kai na noutna hoeh teyaw, tahloi ka sin nah pawiteh, na thei han ei nan maw atipouh.

³⁰ La ni Balaam koevah, sahnin totouh na kâcui e la nahoehmaw. Hettelah nang koe ouk ka sak boimaw, telah ati. Ahni ni na sak boihoeh bokheiyah telah atipouh.

³¹ BAWIPA ni Balaam mit hah a ang sak teh, BAWIPA kalvantami tahloi hoi lam dawk sut a kangdue e hah a hmu. A saling teh talai dawk minhmai rek kâbet lah a tabo.

³² BAWIPA kalvantami ni ahni koe, bangkongmaw, vai thum totouh la na hem. Khenhaw! na cei hoeh nahan koelah na cei kecu dawkvah, nang ngang hanlah ka tâco.

³³ La ni na hmu teh ka hmalah vai thum touh na roun. Na roun hoehpawiteh, la teh thet hoeh vaiteh, nang nama nouh thei lah na awm ei ti heh ma, telah atipouh.

³⁴ Balaam ni BAWIPA kalvantami koevah, ka yon toe, bangkongtetpawiteh, kai taranlahoi lam na kangdue tie ka panuek hoeh, hafdawkvah na lunghawihoe pawiteh ka ban han telah atipouh.

³⁵ BAWIPA e kalvantami ni Balaam koevah, hetnaw koe vah cet, hateiteh, nang koe ka dei e dueng ahnimouh koe na dei pouh han telah atipouh. Hahoi teh, Balaam teh Balak e tami kalennaw koe a cei.

³⁶ Balak ni Balaam a tho tie hah a panue toteh, Arnon koelae ramri Moab khopui totouh a dawn awh.

³⁷ Balak ni Balaam koevah, atangcalah nang la hanlah tami ka patoun nahoehmaw. Bangkongmaw kai koe na tho ngai hoeh. Tamikalen poung lah na coung sak thai mahoe h maw, telah atipouh.

³⁸ Balaam ni Balak koevah, khenhaw! nang koe vah ka tho toe. Bang hno pueng deithainae kâ ka tawn na maw. Cathut ni ka pahni dawk a ta e dueng doeh ka dei tih, telah ati.

³⁹ Hottelah Balaam teh Balak koe a cei teh, Kiriath-huzoth vah a pha awh.

⁴⁰ Balak ni maito hoi tu hoi thuengnae a sak. Balaam hoi ama koe kaawm e tamikalennaw koe youn touh a poe.

⁴¹ Hahoi a tangtho vah, Balak ni Balaam a hrawi teh, tamimaya hah pâtué hanelah, Baal hmuenrasang koe a luenkhai.

¹ Hahoi, Balaam ni Balak koevah, hivah thuengnae khongroe sari touh na sak pouh loe. Maitotan sari touh, tutan sari touh kai hanlah na rakueng pouh loe telah a ti.

² Balak ni Balaam dei e patetlah a sak. Balak hoi Balaam ni bawknae khongroe tangkuem vah, maitotan buet touh hoi tutan buet touh a poe awh.

³ Balaam ni Balak koevah, nang ni hmaisawi thuengnae teng vah, pou kangdout lah a, kai teh alouk lah yo ka cet eivai, BAWIPA ni kai pato hanlah a tho thai, hahoi na dei pouh e pueng kai ni nang koe na dei pouh han telah atipouh. Hahoi kacailum e hmuenrasang koe a cei.

⁴ Cathut ni Balaam a kâhmo teh ahnimouh ni ama koe bawknae khongroe sari touh ka sak toe. Bawknae khongroe buet touh daw maitotan buet touh, tutan buet touh rip ka poe toe telah a ti.

⁵ Hottelah BAWIPA ni Balaam koe pahni daw lawk hah a ta pouh teh, ahni koe Balak koe ban nateh, hettelah patuen dei pouh telah a ti.

⁶ Hahoi ahnimouh a ban teh, khenhaw, hmaisawinae a kung koe ama hoi Moab tami kalennaw teh pou a kangdue teh,

⁷ ahni ni lawk hah a pâpho pouh teh, a ram lahoi Balak ni a ceikhai teh, Kanitholae mon Moab siangpahrang ni tho haw, Jakop hah thoebo haw, tho haw, Isarel hah na pathoe pouh haw telah a ti.

⁸ Bangtelamaw, Cathut ni thoebo hoeh e thoe louk ka bo han, bangtelamaw, Cathut ni pathoe hoeh e louk ka pathoe han.

⁹ Bangkongtetpawiteh, lungsongpui daw ahnimouh teh ka hmu teh, monopui daw hoi ahnimouh teh ka khet. Khenhaw! mipun louk lah doeh ao awh. Jentelaw koe pareisin hanlah awm hoeh.

¹⁰ Jakop vaiphu teh apinimaw a touk thai han. Isarel pung pali pung touh teh apinimaw a touk thai han. Tamikalan due e patetlah dout van boipawiteh, ka poutnae teh a poutnae lah thoseh, telah a ti.

¹¹ Balak ni Balaam koevah, na sak e teh bangtelae na maw. Ka tarannaw thoebo hanlah na hrawi teh, yawhawi dai na poe atipouh.

¹² Ahni ni BAWIPA ni ka pahni daw a ta e lawk ka dei mahoe na maw telah atipouh.

Apâhni lawk bout deinae

¹³ Balak ni alouklah cet ei, haw hoi teh na hmu thai nahanlah a onae hmuen ram pueng be na hmu han, abuemlahoi teh be na hmawt mahoe hoi, hot hmuen koehoi ahnimouh teh thoe na bo pouh han telah a ti.

¹⁴ Hottelah, Zophimnaw onae Pisgah monsom daw a luenkhai. Thuengnae khongroe sari touh a sak teh, hote thuengnae khongroe tangkuem daw maitotan buet touh hoi tutan buet touh rip a poe.

¹⁵ Balak koevah, hawvah, BAWIPA ka kâhmo navah, hmaisawi thuengnae a kung koe pou ka kangdout loe telah atipouh.

¹⁶ BAWIPA ni Balaam a kâhmo teh a pahni daw lawk a ta pouh. Balak koe ban nateh hettelah patuen dei pouh telah a ti.

¹⁷ Ahni koe a cei sin teh, khenhaw! hmaisawi thuengnae akung koevah, a kangdue teh, Moab tami kalennaw hai ahni koe ao. Balak ni BAWIPA ni bangtelamaw a dei telah a ti.

¹⁸ Hahoi teh ahni ni lawk hah a pâpho teh, thaw haw, Balak ka lawk thai haw, Zippor capa ka lawk hah thai haw.

¹⁹ Cathut teh laithoe ka dei e tami nahoe. Pankângai e tami capa lahai tho hoeh. A dei e teh sak mahoe na maw. A dei tangcoung e hah kuep sak mahoe na maw.

²⁰ Khenhaw! yawhawi poe hanelah kâlawk ka hmu teh, a yaw ahawi sak toung dawkvah, kâthung thai mahoeuh toe.

²¹ Jakop koe payonpakainae hmawt hoeh niteh, Isarel hawihoehnae hmawt hoeh. Jehovah a Cathut ni a okhai teh, siangpahrang hramnae lawk ahnimouh koe ao.

²² Izip ram hoi a tâcokhai teh, sakraktan patetlah a thaonae a tawn.

²³ Bangkongtetpawiteh, taân ni Jakop teh tâ thai hoeh, hmaui ni Isarel teh tâ thai hoeh. Jakop hoi Isarel koevah, Cathut hno sak e hah dei lah kaawm roeroe han.

²⁴ Khenhaw! taminaw teh sendekmanu patetlah a thaw teh, sendek patetlah a dawkcawk teh, a kei awh e moi a ca hoehroukrak teh, a kei awh e moi thi a nei hoehroukrak teh duem awm awh mahoeuh, telah a ti.

²⁵ Balak ni Balaam koevah thoebo hanh leih. Yawhawi hai poe hanh leih, telah a ti.

²⁶ Hatei Balaam ni a pathung, BAWIPA ni a dei e naw pueng teh ka sak roeroe hane doeh, telah ka dei nahoehmaw telah a ti.

Apâthum lawk bout deinae

²⁷ Hahoi Balak ni Balaam koevah, tho haw, alouklah na ceikhai han, awi haw kangna teh Cathut ni thoe na bo sak hanelah ahawi ati ta panue maw, telah a ti.

²⁸ Hottelah Balak ni Balaam teh kahrawng khetnae Peor mon som a luenkhai.

²⁹ Balaam ni Balak koevah, hivah thuengnae khoungroe sari touh na rakueng pouh loe, telah atipouh.

³⁰ Balak ni Balaam dei e patetlah a sak pouh teh thuengnae khoungroe tangkuem maitotan buet touh hoi tutan buet touh rip a poe.

24

¹ Hot patetlah Isarel yawhawi poe e hah BAWIPA a ngainae lah doeh ao tie hah Balaam ni a panue toteh, ahmoun ouk a sak e patetlah taânnae hno hanlah cet laipalah kahrawngum lah letlang a pâmam.

² Balaam ni a khet teh Isarelnaw hah ama miphun aloukcalah ao e hah a hmu. Cathut e Muitha hah ahnimouh koe a pha.

³ Hahoi lawk hah a pâpho teh, Beor capa Balaam mit a ang sak,

⁴ Cathut lawk hah thai hoi, Athakasaipoung kamnuenae hah a hmu hoi, ka tabawk ni teh a mit ka padai e ni,

⁵ Oe Jakop na rim teh ahawi. Oe Isarel na khosaknae teh ahawi doeh.

⁶ Tanghling patetlah a kâphai. Palang teng e takha patetlah BAWIPA ni a ung e sumpakung hoi, palang teng e Sidar thing patetlah doeh ao.

⁷ Khotui moikapap a coe vaiteh, tui apapnae koe cati a patue awh han. Agag hlak vah a siangpahrang a rasang vaiteh, a uknaeram teh tawmtakhang han.

⁸ Izip hoi Cathut ni a tâcokhai teh, sakraktan patetlah a thao awh. A taran Jentelnaw hah cat awh vaiteh, a hru hah vitapatit lah a dêi awh han. A samtang hoi pawkkayawng lah a ka awh han.

⁹ A tabut awh teh, sendekmanu patetlah a tabo teh apinimaw a pathaw ngam han. Yawhawi na kapoekung hah yawhawi poe nateh, thoe na ka bo naw hah thoebo awh telah a ti.

¹⁰ Hat toteh, Balaam tak daw Balaam a lung a kâan teh, Balak ni Balaam koevah, ka taran thoebo hanlah na kaw. Hatei, khenhaw! vai thum totouh yawhawi na poe.

¹¹ Hatdawkvah, na onae koe kahmakata han lah cet. Ka taluepoung e lah tawmrasang hanlah ka kâcai e doeh. Khenhaw! hatei, BAWIPA ni tawmtakhang hanlah na pasoung hoeh toe telah a ti.

¹² Balaam teh Balak ni sui ngun yikkawi lah na ka poe nakunghai,

¹³ ahawinae koe lah thoseh, thoena koelah thoseh, kai kama lung lahoi teh, BAWIPA lawk hloilah sak thai e banghai ka tawn hoeh. BAWIPA ni a dei e pueng ka dei han telah na patoun e patounenaw pueng koehai ka dei nahoehmaw.

¹⁴ Khenhaw! ka taminaw koe ka cei han toe. Tho haw hete taminaw ni, hma lae tueng dawk na taminaw koe a sak hane kong dawk pouknae na poe han telah a ti.

Ahnoungpoung lawk deinae

¹⁵ Ahni ni lawk hah a pâpho teh, Beor capa Balaam mit a ang sak teh,

¹⁶ Cathut lawk hah thai hoi, Lathueng Poung e panuenae tha panue hoi, Athakasaipoung vision a hmu teh, a tabo hoi a mit ka ang e ni

¹⁷ ama teh ka hmu, hatei atu nahoe. Ama teh ka khet, hatei kahnaicalah nahoe. Jakop koehoi Âsi a tâco han. Isarel koehoi siangpahrang sonron a tâco han. Moab ram pawkkayawng lah a cuek vaiteh, Sethnaw hai be a raphoe awh han.

¹⁸ A taran lah ouk kaawm e Edom hoi Seir hai a coe han. Isarel kangduena ahawi nah thung pueng teh, kaukkung buet touh a tawn awh han.

¹⁹ Jakop koehoi kaukkung buet touh a tawn vaiteh, kacawirae khonaw hah a raphoe awh han.

²⁰ Amalek lah kangvawi hoi lawk hah a pâpho. Amalek teh miphun kung pui lah ao eiteh, hatei hnukteng teh rawkphainae lah ao.

²¹ Kennaw lah kangvawi laihoi lawk a pâpho. Na onae hmuen teh a cak. Na tabu teh lungsong dawk na tuk.

²² Hatei, Ken teh, hmaisawi lah ao vaiteh, Asshur ni san lah na hrawi totouh telah a ti.

²³ Lawk hah bout a pâpho teh, Aiyoe, Cathut ni hetheh a sak toteh apimaw ka hring thai han.

²⁴ Hatei, Cyprus tuilum koehoi long phat vaiteh, Asshur hoi Eber hah runae a poe han. Amalek a kahma totouh telah a ti.

²⁵ Hahoi teh Balaam a thaw teh a onae hmuen koe a ban teh, Balak hai a ban van.

25

Isarel ni Baal a baw

¹ Isarel teh shittim kho a sak navah, taminaw pueng teh Moab napui koe kâyo hanlah a kamtawng awh.

² A cathut koe thuengnae a sak navah, ouk a coun awh. Taminaw pueng ni a canei awh teh, a cathut koe ouk a tabo awh.

³ Isarel teh, Peor e hmuen koe Baal hoi a kâkuet awh teh, Isarel koe BAWIPA lungkhueknae teh a kâan.

⁴ BAWIPA ni Mosi koevah takikatho poung e BAWIPA lungkhueknae teh, Isarel koe lahoi a roum thai nahanlah tamimaya kahrawinaw pueng hah a ceikhai awh teh, kanithun vah, kâtapoenaw pueng hah BAWIPA hmalah kancengcalah kaithi sak haw telah a ti.

⁵ Hatdawkvah, Mosi ni Isarel lawkcengkungnaw koevah, Peor hmuen koe Baal kabawknaw pueng koung thet awh telah a ti.

⁶ Khenhaw! Isarel catounnaw thung dawk tami buet touh ni kamkhuengnae lukkareim takhang koe a khuika navah, Mosi mithmu hoi Isarel catoun tamimaya mithmu vah, Midian napui buet touh a hmaunawngghanaw koe a thokhai.

⁷ Vaihma Aron e capa Eleazar capa Phinahas ni a hmu toteh, tamimaya koehoi a thaw teh tahroe hah a la.

⁸ Isarelnaw teh lukkareim thung vah a pâlei teh kahni touh roi hoi pawkkayawng lah a thut. Isarel tami hoi napui teh a wawn dawk a thut teh, Isarel catounnaw koe lacik hah a roum.

⁹ Hote lacik hoi kadoutnaw teh 24000 touh a pha.

¹⁰ BAWIPA ni Mosi hah a pato teh,

¹¹ vaihma Aron capa Eleazar capa Phinehas ni Isarel catounnaw koe ka lungkhueknae ka roum sak toe. Bangkongtetpawiteh, ka lungkhueknae ni Isarel catounnaw a raphoe hoeh nahanelah, ahnimouh rahak ka dipmanae patetlah a kâdipma awh van han.

¹² Hatdawkvah, khenhaw! roumnae ka lawkkam teh, ama koevah ka poe.

¹³ Ama hoi a catounnaw hanlah, a yungyoe vaihma lah a onae lawkkam lah ao han. Bangkongtetpawiteh, dipma Cathut teh, Isarel catounnaw hanlah yonthanae a sak tet awh telah a ti.

¹⁴ Isarelnaw Midian napui hoi a thei awh e min teh Simeonnaw thung dawk imthungkhu kahrawikung Salu capa Zimri doeh.

¹⁵ Midian napui a thei awh e min teh Midian imthungkhu kahrawikung Zur canu Kozbi doeh.

¹⁶ BAWIPA ni Mosi a pato teh,

¹⁷ Midiannaw teh reksaueng nateh tuk awh.

¹⁸ Bangkongtetpawiteh, Peor kecu dawk lacik a tho navah, a tawncanu, Midiannaw kahrawikung canu Kozbi a thei awh e kong dawkvah, nangmouh lathueng kalanhoehe hno sak hoi na tarawk awh toe telah ati.

26

Apâhni lah milu touknae

¹ Lacik pawng a kâkayaw hoi BAWIPA ni Mosi hoi vaihma Aron capa Eleazar hah a pato teh,

² Isarel catounnaw pueng hah kum 20 lathueng amamae miphun lahoi Isarel ram dawk e tarantuknae koe kacethainaw pueng hah be touk loe atipouh.

³ Mosi hoi vaihma Eleazar ni Jeriko avanglah Jordan palang teng Moab tanghling dawk ahnimouh teh a pato teh,

⁴ BAWIPA ni Mosi hoi Izip ram hoi katâcawtnaw Isarel catounnaw koevah, kâ a poe e patetlah taminaw hah kum 20 hoi a lathueng e pueng touk loe atipouh.

⁵ Isarel e camin teh Reuben doeh. Reuben capanaw teh, Hanok hoi Hanok imthungkhu, Pallu hoi Pallu imthungkhu.

⁶ Hezron hoi Hezron imthungkhu, Karmi hoi Karmi imthungkhu,

⁷ Reuben imthungkhunaw a touk awh teh 43,730 touh a pha.

⁸ Pallu catoun hoi Eliab,

⁹ Eliab capanaw teh, Nemuel, Dathan hoi Abiram doeh. Dathan hoi Abiram teh Mosi hoi Aron ka cusin e tamimaya yueng lah doeh ao awh. BAWIPA a taran awh navah Korah hoi kambawng e lahai ao roi.

10 Hotnaw a due navah, talai ni rak a ang teh Korah hah koung a payawp teh, hmai ni tami 250 koung a kak navah, bangnuenae lah a coung aw h.

11 Hatei, Korah catounnaw dout aw h hoe h.

12 A imthungku lahoi Simeon capanaw teh; Nemuel hoi Nemuel imthungku, Jamin hoi Jamin imthungku, Jakhin hoi Jakhin imthungku,

13 Zerah hoi Zarah imthungku, Saul hoi Saul imthungku,

14 Simeon imthungnaw heh 22,200 touh a pha.

15 Gad capanaw hai ama imthungku lahoi, Zephon hoi Zephon imthungku, Haggi hoi Haggi imthungku, Shuni hoi Shuni imthungku,

16 Ozni hoi Ozni imthungku, Eri hoi Eri imthungku,

17 Arod hoi Arodi imthungku, Areli hoi Areli imthungku,

18 Hetnaw heh Gad imthungkhunaw 40,500 touh a pha.

19 Judah capa roi heh Er hoi Onan ei, Er hoi Onan teh Kanaan kho vah a due.

20 Judah capanaw ama imthungku lahoi, Shelah hoi Shelah imthungku, Perez hoi Perez imthungku, Zerah hoi Zarah imthungku,

21 Perez capanaw teh, Hezron hoi Hezron imthungku, Hamul hoi Hamul imthungku la ao aw h.

22 Hetnaw heh Judah imthungkhunaw a touk aw h e 76,500 touh a pha.

23 Issakhar capanaw a imthungku lahoi, Tola hoi Tola imthungku, Puvah hoi Puvah imthungku,

24 Jashub hoi Jashub imthungku, Shimron hoi Shimron imthungku,

25 Hetnaw heh Issakhar imthungku a touk aw h e 64,300 touh a pha.

26 Zebulun capanaw a imthungku lahoi, Sered hoi Sered imthungku, Elon hoi Elon imthungku, Jahleel hoi Jahleel doeh.

27 Hetnaw heh Zebulun imthungku a touk aw h e 60,500 touh a pha.

28 Joseph capanaw a imthungku lahoi, Manasseh hoi Ephraim.

29 Manasseh capa imthungkhunaw teh, Makhir hoi Makhir imthungku. Makhir ni Gilead a sak teh Gilead hoi Gilead imthungku lah ao.

30 Gilead capanaw teh, Iezer hoi Iezer imthungku, Helek hoi Helek imthungku,

31 Asriel hoi Asriel imthungku, Shekhem e Shekhem imthungku,

32 Shemida e Shemida imthungku, Hephher e Hephher imthungku,

33 Hephher capa Zelophehad heh a ca tongpa aw h hoe h, napuinaw dueng doeh kaawm. Zelophehad canunaw e minnaw teh, Mahlah, Noah, Hoglah, Milkah hoi Tirzah.

34 Hetnaw teh Manasseh imthungku a touk aw h e 52,700 touh a pha.

35 Ephraim capanaw a imthungku lahoi, Shuthela hoi Shuthela imthungku, Bekher hoi Bekher imthungku, Tahan hoi Tahan imthungku lah ao.

36 Shuthela capanaw teh, Eran hoi Eran imthungku lah ao.

37 Hetnaw teh Ephraim imthungku a touk aw h e 32,500 touh a pha aw h. Hetnaw heh Joseph capa imthungkhunaw doeh.

38 Benjamin capanaw a imthungku lahoi, Bela hoi Bela imthungku, Ashbel hoi Ashbel imthungku, Ahiram hoi Ahiram imthungku,

39 Shupham hoi Shupham imthungku, Hupham hoi Humpham imthungku lah ao.

40 Bela capa roi teh Ard hoi Naaman doeh. Ard imthungku hoi Naaman hoi Naaman imthungkhunaw doeh.

41 hetnaw heh Benjamin imthungkhunaw a touk aw h e 45,600 touh a pha.

⁴² Dan capanaw a imthungkhu lahoi, Shuham hoi Shuham imthung lah ao. Hetnaw heh doeh ahnimae imthungkhu dawk hoi Dan imthungkhu lah kaawm.

⁴³ Hetnaw heh Shuham imthungkhunaw a touk aw h e 64,400 touh a pha.

⁴⁴ Asher capanaw a imthungkhu lahoi, Imnah hoi Imnah imthungkhu, Ishvi hoi Ishvi imthungkhu, Beriah hoi Beriah imthungkhu,

⁴⁵ Beriah ca roi, Heber hoi Heber imthungkhu, Malkhiel hoi Makhieel imthung lah ao.

⁴⁶ Asher e canu min teh Serah doeh.

⁴⁷ Hetnaw teh Asher capanaw imthungkhu lahoi a touk aw h e 53,400 touh a pha.

⁴⁸ Naphtali capanaw a imthung lahohi, Jahzeel hoi Jahzeel imthung, Guni hoi Guni imthungkhu,

⁴⁹ Jezer hoi Jezer imthungkhu, Shillem hoi Shillem imthungkhu lah ao.

⁵⁰ Hetnaw heh Naphtali imthungkhu a touk aw h e 45,400 touh a pha.

⁵¹ Hetnaw heh Isarel catounnaw a touk aw h e 601,730 touh a pha.

⁵² BAWIPA ni Mosi a pato teh,

⁵³ Hete ramnaw heh apap e lahoi a kârei aw h han e naw doeh.

⁵⁴ Bet kapap e teh ram bet kapap lah na poe aw h vaiteh, kayoun e teh ram bet kayoun lah na poe aw h han. Miphun lahoi râw teh a coe aw h han.

⁵⁵ Hatei cungpam rayu e lahoi ram teh rei lah ao han, a na mintoenaw hoi miphun min kâbang lahoi rem teh a coe aw h han.

⁵⁶ Cungpam rayu e lahoi apap hai ayoun hai a rei aw h han.

⁵⁷ Hetnaw heh Levihnaw e imthungkhu touk e lah ao. Gershon hoi Gershon imthungkhu, Kohath hoi Kohath imthungkhu, Merari hoi Merari imthungkhunaw doeh.

⁵⁸ Hetnaw heh Levih imthungkhunaw doeh. Libni imthungkhu, Hebron imthungkhu, Mahli imthungkhu, Mushi imthungkhu, Korah imthungkhu lah ao. Kohath ni Amram a khe.

⁵⁹ Amram e a yu min teh Jokhebed Levih canu, Izip ram hoi Levih koehoi ka tâcawt e doeh. Ahni ni Amram koehoi Aron hoi Mosi, hoi a tawncanu Miriam a khe.

⁶⁰ Aron ni Nadab hoi Abihu, Eleazar hoi Ithamar a sak.

⁶¹ Hatei Nadab hoi Abihu teh BAWIPA hmalah hno hoe h kawi e hmai a hni daw k a due roi.

⁶² Ahnimae tami tongpa thapa yung touh lathueng touk e pueng teh, 23,000 touh a pha. Isarelnaw thung daw k kârei e ram ka coe hoe h hanlah ao dawkvah, Isarelnaw koe mektouksin e lah aw m hoe h.

⁶³ Hetnaw heh Jeriko namran, Jordan palang teng Moab tanghling daw k Isarel catounnaw touk nah Mosi hoi vaihma Eleazar ni touk e doeh.

⁶⁴ Hatei, Sinai kahrawng e Isarelnaw Mosi hoi vaihma Aron ni a touk e naw hah tami buet touh hai aw m hoe h toe.

⁶⁵ Bangkongtetpawiteh, BAWIPA ni kahrawngum vah a due aw h roeroe han ati toe. Jephunneh capa Kalep hoi Nun capa Joshua laipalah teh apihai kahring e aw m hoe h toe.

27

Canunaw râw pangnae kâlawk

¹ Joseph capa Manasseh imthung, Makhir, ahnie capa Gilead, ahnie capa Hopher, ahnie capa Zelophehad e canu naw doeh. A canunaw e minnaw teh, Mahlah, Noah, Hoglah, Milkah hoi Tirzah tinaw doeh.

² Kamkhuengnae lukkareiim takhang koe Mosi hoi vaihma Eleazar hoi tamikalennaw kamkhuengnaw e hmalah a kangdue aw hah teh,

³ Kahrawngum vah maimae na pa a due teh, BAWIPA taranlahoi cusin hane tamihu, Korah tamihu koe baw van hoeh. Hatei, ama yon e lahoi a due teh a capa hai tawn hoeh

⁴ Capa a tawn hoeh kecu dawkvah, bangkongmaw apa min teh miphun thung hoi a kahma han, mintoenaw thung dawkvah, ka ham kawi na poe van leih ati aw hah.

⁵ Hot patetlah Mosi ni hote lawk teh BAWIPA koe a pha sak.

⁶ BAWIPA ni Mosi hah a pato teh,

⁷ Zelophehad canunaw ni kathuem e a sak aw hah. A na pa hmaunawng-hanaw rahak vah, a ham kawi na poe aw hah roeroe vaiteh, a na pa ham hah na poe aw hah.

⁸ Isarel catounnaw koe vah, tami buet touh ca tongpa tawn laipalah dout pawiteh, a raw teh a canunaw na poe han.

⁹ Hahoi a canu tawn hoehpawiteh, a raw teh a hmaunawng hah na poe han.

¹⁰ Hmaunawng hah tawn hoehpawiteh, a na pa e hmaunawng hah na poe pouh han.

¹¹ A na pa ni hmaunawng hah tawn hoehpawiteh, a raw teh a huikonaw na poe vaiteh, ahnimouh ni a ham aw hah. BAWIPA ni Mosi ka a poe e patetlah Isarel canaw hanlah lawkcengnae phunglam lah ao han, telah dei pouh telah ati.

Mosi yueng Joshua

¹² BAWIPA ni Mosi koe vah, Abarim mon dawkvah luen nateh, Isarel catounnaw ka poe hane ram hah radoung haw.

¹³ Hahoi na hmu toteh, na hmaunawng hah Aron e a miphunaw koe vah, a ceikhai aw hah e patetlah nang hai na ceikhai aw hah.

¹⁴ Bangkongtetpawiteh, Zin thingyei daw kaminaw pueng ni a phue-nang aw navah, a mithmu vah tui daw koi barilawa na poe nahanelah, kai ni ka na poe e taranlahoi taran a thaw aw hah telah ati (hot teh Zin thingyei daw koi Kadesh hoi Meribah tie lah a o).

¹⁵ Hahoi Mosi ni BAWIPA a pato teh,

¹⁶ moithangnaw pueng e hringnae kaukkung Cathut BAWIPA e taminaw hah kakhoumking tawn laipalah tu patetlah ao hoeh nahanlah tamihu,

¹⁷ hmalah cei hoi ahnimouh tacokhai hane hoi kaenkhah hane kahrawikung hah rawi seh, telah ati.

¹⁸ BAWIPA ni Mosi koe vah, Nun capa hnotithainae ka tawn e Joshua hrawi nateh, ahni van na kut toung pouh.

¹⁹ Vaihma Eleazar hoi ka kamkhuengnaw hmalah kangdout sak nateh, ahnimae mithmu vah caksak.

²⁰ Isarel catounnaw pueng ni a lawk a ngai pouh thai nahan, na katawnnae a tangawn hah na poe han.

²¹ Ahni teh vaihma Eleazar hmalah a kangdue vaiteh, ama ni BAWIPA hmalah, Urim hno lahoi lawkkamnae a la vaiteh, ama ka lahoi Isarel catounnaw pueng teh a tãco a kaen aw hah, telah ati.

²² Mosi ni BAWIPA kapoe e patetlah a sak, Joshua hah a hrawi teh, Eleazar hoi kamkhuengnaw hmalah a kangdue sak.

²³ A lathueng vah kut a toung pouh teh, Mosi hno lahoi BAWIPA ni ka a poe e patetlah katawnnae hah a poe.

28

Poenae kong

¹ BAWIPA ni Mosi a pato teh,

² Isarel canaw hah kâ poe nateh, ahnimouh koe kai hanelah poe han e hmaisawi thuengnae hmuitui, kaie rawca lah kaawm e kâhruetcuetchalah hoi atueng kahmancalah na poe aw h han ati tet pouh.

Hnin tangkuem thuengnae

³ Ahnimouh koevah, hetheh hmaisawi thuengnae BAWIPA koe na poe hane doeh. Tutanca kum touh e, kacueme hniintangkuem kahni touh hmaisawi thuengnae pou a poe aw h han.

⁴ Tuca buet touh teh amom lah na poe aw h han. Alouke buet touh teh tangmin lah na poe aw h han.

⁵ Tavai thueng nahane daw k a kanui e tavai, ephah pung hra pung touh, satui hin pung pali pung touh hoi kanaw k e,

⁶ BAWIPA hanlah hmaisawi thuengnae hmuitui thuengnae hanlah, Sinai mon hoi pouk e hmaisawi thuengnae hah pou na poe aw h han.

⁷ Tuca buet touh poenae, nei thuengnae teh pung pali pung touh han. BAWIPA hanlah misur nei thuengnae hah, hmuen kathoung koe na rabaw k aw h han.

⁸ Tuca kanaw buet touh teh, tangmin lah na poe aw h han. Amom lah tavai thuengnae hoi hawvah, nei thuengnae patetlah BAWIPA koevah hmuitui hmaisawi thuengnae hah na poe aw h han.

Sabbath hno poenae

⁹ Hahoi sabbath hnin vah, tucatan kum touh e kacueme kahni touh hoi tavai thueng nahanelah tavaikanui ephah pung hra pung hni, satui hoi kanaw k e, hawvah nei thuengnae hai na poe sin han.

¹⁰ Hetheh sabbath hni tangkuem vah, hmaisawi thuengnae pou na poe e, nei thuengnae touksin laipalah poe hanelah poe hane doeh.

Thapa tangkuem poenae

¹¹ Hahoi thapa katha tangkuem vah BAWIPA hanlah hmaisawi thuengnae na poe aw h han. Maitotan kahni touh hoi tutan kum touh e, kacueme sari touh.

¹² Maitotan tangkuem daw k tavai thueng nahanelah, tavaikanui satui hoi kanaw k e ephah pung hra pung thum touh, hahoi tu buet touh daw k tavai thueng nahanelah tavaikanui satui hoi kanaw k e ephah pung hra pung hni,

¹³ tuca kanaw e tangkuem tavai thueng nahanelah, tavaikanui satui hoi kanaw k e, ephah pung hra pung touh, hetheh hmuitui thuengnae BAWIPA hanlah hmaisawi thuengnae doeh.

¹⁴ Hahoi nei thuengnae a poe aw h e teh, maitotan buet touh daw k misur hin tangawn han. Tutan buet touh daw k teh, hin pung thum touh daw k pung touh. Hahoi tucanaw daw k teh, hin pung pali pung touh. Hetheh kum touh thung thapa tangkuem hmaisawi thuengnae lah ao.

¹⁵ BAWIPA koevah, yon thuengnae hmaetan buet touh hoi pou na poe aw h e, hmaisawi thuengnae hoi nei thuengnae touksin laipalah na poe aw h han.

Ceitakhai paw i

¹⁶ Thapa yung pasauk, hlaipali hnin teh BAWIPA e ceitakhai paw i doeh.

¹⁷ Hote thapa hlaipanga hnin teh paw i hnin doeh. Hnin sari touh thung teh, tonphuenhoehe tavai hah na ca aw h han.

¹⁸ Apasuek hnin vah, kathounge kamkhuengnae pawī na to aw h han. Bang thaw hai na taw k aw h mahoe h.

¹⁹ Hmaisawi thuengnae palei teh, BAWIPA koe na poe aw h han. Maitotan kanaw e kahni touh hoi, tutan kanaw e kum touh e sari touh, kacueme han.

²⁰ Tavaikanui satui hoi kanaw k e tavai thuengnae hoi, maitotan buet touh daw k ephah pung hra pung thum, tutan buet touh daw k ephah pung hra pung hni touh.

²¹ Tuca kanaw e sari touh teh, tuca kanaw e buet touh daw k ephah pung hra pung touh han doeh.

²² Hahoi yontha nahanlah yon thuengnae hmaetan buet touh.

²³ Hetnaw heh amom e poehno hmaisawi thuengnae pou poe e touk laipalah, na poe aw h han.

²⁴ Het patetlah BAWIPA han hmuitui hmaisawi poenae, ca hanlah hningtangkuem hnin sari touh thung na poe aw h han. Hetheh pou poe e hmaisawi thuengnae hoi nei thuengnae touksin laipalah na poe aw h han.

²⁵ Asari hnin vah, kathounge kamkhuengnae na tawn vaiteh, bang thaw hai na taw k aw h mahoe h.

Yat pawī daw k hnopoe

²⁶ Hahoi yat touh daw k e pawī, canga pasuek e pawī, BAWIPA hanlah hno katha tavai thuengnae hno poe hnin daw k hai, kathounge kamkhueng pawī na tawn aw h han, bang thaw hai na taw k aw h mahoe h.

²⁷ BAWIPA hanlah hmuitui thuengnae na poe aw h han. Maitotan kahni, tutan buet touh, tuca kanaw e a tan kum touh e sari touh.

²⁸ Tavai thuengnae tavaikanui satui hoi kanaw k e maitotan kanaw e buet touh, ephah pung hra touh daw k pung thum, tutan buet touh daw kvah, ephah pung hra pung hni.

²⁹ Tuca kanaw e sari touh, tuca kanaw e buet touh tangkuem daw k, ephah pung hra pung touh .

³⁰ Nangmouh yontha aw h nahanlah hmaetan buet touh hah,

³¹ toun khoeroe kaawm hoe h e han. Pou poe e hmaisawi thuengnae hoi tavai thuengnae touksin laipalah, hotnaw teh nei thuengnae hoi na poe aw h han.

29

Kum katha pawī

¹ Thapa yung sari, a hnin apasuek hnin vah, kathounge na kamkhueng aw h vaiteh, thaw bang hai na taw k aw h mahoe h. Nangmouh hanlah mongka uengnae hnin lah ao han.

² BAWIPA hmalah hmuitui thuengnae hah na poe aw h han. Maitotan buet touh, tu buet touh, tuca buet touh, kum touh ka phat e kacueme sari touh.

³ Tavai thuengnae daw k tavaikanui satui hoi kanaw k e maitotan buet touh daw kvah, ephah pung hra pung thum.

⁴ Tutan buet touh ephah pung hra pung hni, tuca kanaw e sari touh, buet touh daw k buet touh daw k lengkaleng ephah pung hra pung touh.

⁵ Yontha nahanelah hmaetan buet touh hoi,

⁶ thaparei hnin hmaisawi thuengnae hoi hot hoi tavai thuengnae ouk a sak aw h e, BAWIPA hanlah hmuitui hmaisawi thuengnae taw k sin laipalah na poe aw h han.

yon thuengnae

⁷ Hahoi thapa yung sari, ahra hnin vah, kathounge kamkhueng pawī na tawn awh han. Rawca na hai vaiteh, bang thaw hai na tawk awh mahoe.

⁸ BAWIPA koevah, hmuitui thuengnae hah na poe awh han. Maitotan kanaw e buet touh, tutan buet touh, tutan kanaw e a tan kum touh ka phat e sari touh, kacueme roeroe han.

⁹ Tavaithuengnae teh tavaikanui satui hoi kanaw e maitotan buet touh dawkvah, ephah pung hra pung thum touh, tu buet touh dawkvah pung hra pung hni touh hoi,

¹⁰ tu ca kanaw e sari touh thung vah, buet touh dawkvah teh ephah pung hra pung touh rip han.

¹¹ Yon thuengnae hanlah hmaetan buet touh hoi yontha nahanelah yon thuengnae hoi hmaisawi thuengnae pou na poe awh e hah tavai thuengnae hoi nei thuengnae touksin laipalah, pou na poe awh han.

Lukkareim pawī poehno

¹² Thapa asari, hnin hlaipanga hnin vah kathounge kamkhuengnae na tawn awh han. Bang thaw hai na tawk awh mahoe.

¹³ BAWIPA han hmuitui hmaisawi thuengnae na poe awh han. Maitotan kanaw e hlaikathum, tutan kahni, tuca kum touh e hlaipali, kacueme seng han.

¹⁴ Tavai thuengnae dawkvah maitotan hlaikathum, maitotan buet touh dawkvah tavaikanui e satui hoi kanaw e ephah pung hra pung thum, tutan kahni touh, tutan buet touh dawkvah ephah pung hra pung hni touh han.

¹⁵ tuca kanaw e hlaipali, tuca kanaw e buet touh dawkvah ephah pung hra pung touh han.

¹⁶ Yon thuengnae dawkvah, hmaetan buet touh hoi hmaisawi thuengnae pou na poe awh e, hote tavai thuengnae hoi nei thuengnae touksin laipalah, na poe awh han.

¹⁷ Hahoi apâhni hnin vah maitotan hlaikahni, tutan kahni, tuca kanaw e a tan kum touh ka phat e kacueme hlaipali touh na poe awh han.

¹⁸ Tavaithuengnae hoi nei thuengnae phung patetlah a youn pap e patetlah maitotan thoseh, tutan thoseh, tuca thoseh,

¹⁹ yontha thuengnae hmaetan buet touh hoi hmaisawi thuengnae pou na poe awh e hah, tavaithuengnae hoi nei thuengnae touksin laipalah na poe awh han.

²⁰ Hahoi apâthum hnin vah, maitotan hlaibun, tutan kahni, tutan kum touh e kacueme hlaipali,

²¹ tavai thuengnae hoi nei thuengnae hah aphung patetlah a youn pap e lahoi maitotan han e thoseh, tutan hane thoseh, tuca kanaw hane thoseh,

²² yontha thueng nahanelah hmaetan buet touh hoi hmaisawi thuengnae dawkvah pou na poe awh e tavai thuengnae hoi nei thuengnae touksin laipalah na poe awh han.

²³ Hahoi, apali hnin vah, maitotan kanaw e hra, tutan kahni, tuca kum touh ka phat e kacueme hlaipali,

²⁴ tavai thuengnae hoi nei thuengnae phung patetlah a youn pap e lahoi maitotan thoseh, tutan, tuca kanaw e thoseh,

²⁵ yontha thueng nahanelah hmaetan buet touh hmaisawi thuengnae dawkvah pou na poe lah kaawm e tavaithuengnae hoi nei thuengnae touksin laipalah na poe awh han.

²⁶ Hahoi, apanga hnin maitotan kanaw e tako, tutan kahni, tutanca kanaw e kum touh ka phat e kacueme hlaipali,

²⁷ tavaithuengnae hoi nei thuengnae phueng patetlah a younpap e lahoi maitotan thoseh, tutan, tuca kanaw e thoseh,

²⁸ yontha thueng nahanelah hmaetan buet touh hmaisawi thuengnae dawk pou poe lah kaawm e tavaithuengnae hoi nei thuengnae touksin laipalah na poe awh han.

²⁹ Hahoi a taruk hnin vah maitotan taroe, tutan kahni, tutanca kanaw e kum touh ka phat e kacueme hlaipali,

³⁰ tavai thuengnae hoi nei thuengnae phueng patetlah a younpap e lahoi maitotan thoseh, tutan, tuca kanaw e thoseh,

³¹ yontha thueng nahanelah hmaetan buet touh hmaisawi thuengnae dawk pou poe lah kaawm e tavaithuengnae hoi nei thuengnae touksin laipalah na poe awh han.

³² Hahoi asari hnin vah maitotan kanaw e sari, tutan kahni, tutanca kanaw e kum touh ka phat e kacueme hlaipali,

³³ tavai thuengnae hoi nei thuengnae phueng patetlah a younpap e lahoi maitotan thoseh, tutan, tuca kanaw e thoseh,

³⁴ yontha thueng nahanelah hmaetan buet touh hmaisawi thuengnae dawk pou poe lah kaawm e tavaithuengnae hoi nei thuengnae touksin laipalah na poe awh han.

³⁵ Hahoi ataroe hnin vah ka sungrenpoung lah kamkhuengnae pawu na tawn awh han. Bang thaw hai na tawk awh mahoe.

³⁶ BAWIPA hanlah hmaisawi thuengnae na pou awh han. Maitotan kanaw e buet touh, tutan buet touh, tuca kanaw e kum touh ka pha e kacueme sari touh,

³⁷ tavai thuengnae hoi nei thuengnae phueng patetlah a younpap e lahoi maitotan thoseh, tutan, tuca kanaw e thoseh, aphung patetlah a younpap lahoi,

³⁸ yontha thueng nahanelah hmaetan buet touh, hmaisawi thuengnae dawk pou na poe awh e tavaithuengnae hoi nei thuengnae touksin laipalah,

³⁹ lawk na kam awh e thoseh, nama ngai lahoi na poe awh e thoseh, tavaithuengnae hai thoseh, hmaisawi thuengnae thoseh, roum thuengnae thoseh, touksin laipalah, hetnaw heh atueng ka tawn e, pawu patetlah hoiyah BAWIPA koe na poe awh han tet pouh telah a ti.

⁴⁰ BAWIPA ni Mosi koe kâ a poe e naw pueng heh Mosi ni Isarel catounnaw koe a dei pouh.

30

Lawkkamnae kâlâw

¹ Mosi ni Isarel catounnaw hanlah, a miphun kahrawikungnaw a pato teh, BAWIPA ni lawk a thui e patetlah a dei pouh.

² Tongpa buet touh ni BAWIPA koe lawk kam pawiteh, thoebonae hoi mahoima thoekâbo nakunghai, akuep sak roeroe han, a lawk dei patetlah koug a sak roeroe han.

³ Napui teh a na pa im a naw lahun nah BAWIPA koe lawk a kam hai thoseh, thoe a kâbo laihoi a mahoima a kâkin hai thoseh,

⁴ a na pa ni a lawkkam thoseh, a lawkkin e thoseh, a panue hoi duem awm takhai pawiteh, a lawkkam thoseh, a lawkkin e thoseh a sak roeroe han.

⁵ Hatei, a na pa ni a panue nah hnin vah, pasoung hoehpawiteh, a lawkkam thoseh, a lawkkin e thoseh, a hlout thai han. A na pa ni koug a uk e a tho dawkvah, BAWIPA ni ahni teh a ngaihoum han.

⁶ Napui teh a vâ ao hai lawk kam pawiteh, amae lungthin dawk lawkkin hanelah a dei navah,

⁷ a vâ ni a panue hnin hoi roup awm takhai pawiteh, a lawkkam thoseh, a lawkkin e thoseh, a kuepsak roeroe han.

⁸ Hatei, a vâ ni a panue hnin vah pasoung hoehpawiteh, pouk laipalah lawk a kam e dawk hoi ahni teh a hlout vaiteh, BAWIPA ni a ngaithoum han.

⁹ Lahmai hoi ayâ ni amae naw teh a lawkkam thoseh, a lawkkin e thoseh, a kuepsak roeroe han.

¹⁰ A vâ im vah ao lahunnae lawkkam hoi lawkkin e teh,

¹¹ a vâ ni a panue nakunghai roup awm takhai lah oun hoeh toung pawiteh, a lawkkin e teh a kuepsak roeroe han.

¹² Hatei, a vâ ni a panue hnin vah, raphoe pouh lah, haw pouh pawiteh, a lawkkam hoi a lawkkin e teh bout a kâhno han.

¹³ Lawkkam hoi lawkkin e pueng teh a vâ ni hnâbo lahoi a raphoe thai.

¹⁴ Hatei, a vâ ni a thai teh roup awm takhai pawiteh, a lawkkam hoi a lawkkin e patetlah a kuepsak roeroe han. Bangkongtetpawiteh, a panue nah hnin hoi roup ao takhai dawkvah, a caksak toe tie lah ao han.

¹⁵ A thai tahma hoi raphoe hoi haw pawiteh, napui e thoesaknae teh ama ni a phu han.

¹⁶ Hetnaw heh tongpa hoi a yu rahak hane, na pa hoi a canu rahak, a naw nah a na pa im ao nah hane BAWIPA ni Mosi koe kâ a poe e lah ao.

31

Midiannaw koe moipathungnae

¹ BAWIPA ni Mosi a pato teh,

² Isarel catounnaw hanlah Midian taminaw koevah, moipathung nateh, hahoi teh na miphunnaw koevah na ceikhai han telah a ti.

³ Hottelah Mosi ni taminaw pueng hah a dei pouh teh, Midian taminaw koevah, BAWIPA ni a moipathung hanelah puengcang kâmahrawk awh nateh, midiannaw tuk hanelah kamthaw naseh.

⁴ Isarel miphunnaw pueng thung dawk hoi miphun buet touh dawk hoi tarantuk hanlah tami 1,000 rip na patoun han telah a ti.

⁵ Hottelah Isarelnaw moikapap thung dawk hoi tarantuknae koe cei hanelah, miphun buet touh thung dawk hoi tami tong touh rip a tâ awh teh asumkum tami 12,000 touh a tâco sak awh.

⁶ Hottelah Mosi ni a miphun tangkuem hoiyah, 1,000 rip hoi vaihma Eleazar capa Phinehas ka thoung e hlaamnaw hoi kâhruetcuetae mongka hah a sin awh teh, tarantuknae koe a ceisak awh.

⁷ BAWIPA ni Mosi kâ a poe e patetlah Midiannaw hah a tuk awh teh tongpa pueng a thei awh.

⁸ A thei awh e naw thung dawk Midiannaw e siangpahrang hai a bawk van. Midian siangpahrang panga, Evi, Rekem, Zur, Hur hoi Reba tinaw doeh. Beor capa Balaam hai tahloi hoi a thei awh.

⁹ Hahoi Isarel catounnaw ni Midian napuinaw hah san lah koug a hrawi awh. A saringhunaw pueng, a tuhunaw pueng, a hnopainaw pueng, hah lawphno lah koug a la pouh awh.

¹⁰ A onae khonaw pueng hoi a roenae naw pueng hmai koug a sawi pouh awh teh,

¹¹ tami hoi saring, san hoi lawphnonaw pueng teh koug a ceikhai awh.

Tarantuknae koehoi a ban awh

¹² Hahoi san hoi man e naw pueng hoi lawphnonaw teh Mosi hoi vaihma Eleazar hoi Isarel catounnaw koevah, Jeriko namran Jordan palang teng Moab tanghling a roe awгнаe koe a phakhai awн.

¹³ Hottelah, Mosi hoi vaihma Eleazar hoi taminaw pueng ni longkha koehoi a dawn awн.

¹⁴ Hatei, Mosi teh ransabawi 1,000 touh kahrawikung, 100 touh kahrawikung kacuenaw hoi tarantuknae koehoi kabannaw lathueng vah a lungkhuek.

¹⁵ Hottelah Mosi ni ahnimouh koe, napuinaw teh a hring lah na hlung awн na maw.

¹⁶ Khenhaw, Balaam khokhangnae kecu dawк Peor kong dawкvah, Isarel catounnaw ni BAWIPA taranlahoi kâtapoenae katâcawtsakkungnaw teh hete napuinaw doeh. BAWIPA e taminaw koe lacik a pha sak awн toe.

¹⁷ Hatdawкvah, camonaw thung dawк tongpanaw hah koug thet awн nateh, tongpanaw ni yo a ikhai e napuinaw hai thet awн.

¹⁸ Hatei, camohnawn e napuinaw tami ni a ikhai hoeh raenaw pueng teh, namamouh hanlah pâhlung awн.

¹⁹ Hahoi longkha koe hnin sari touh roe awн. Bang patetlae tami nakunghai tami ka thet e hoi tami ro kateknaw pueng teh, apâthum hnin hoi asari hnin teh namamouh hoi na sannaw hoi kamthoung awн.

²⁰ Kamthoupnaw pueng hoi, phaivuen hoi sak e hnonaw pueng kong dawк be na kamthoung awн han telah atipouh.

²¹ Hahoi, vaihma Eleazar ni hai tarantuknae koe ka cet e ransanaw hah a kaw teh, hethateh BAWIPA ni Mosi koevah kâ a poe e kâlawk doeh.

²² Sui, ngun, hoi rahum, hoi sum, samphei, hoi konlawк,

²³ bangpatete hnonaw pueng haiyah, hmai ni a kak thai hoeh e pueng, hmai dawк pou ceisak vaiteh a thoung han. Bangpatet nakunghai yah pâsu hoi thounghainae tui hoi pâsu vaiteh thoungsak hanlah ao. Hahoi hmai dawк phum han kahawihoehnaw pueng teh, khohna hoi tui dawк pekpâsu hanelah ao.

²⁴ Hahoi asari hnin vah na hni na pâsu awн vaiteh, hahoi doeh roenae hmuen koe na kâen awн han.

Lawphno kêreinae

²⁵ BAWIPA ni Mosi a pato teh,

²⁶ nang nama hoi vaihma Eleazar hoi tamihu kaukkung kahrawikungnaw hoi hnopai na lawp awн e tami hoi saring hah be touk awн.

²⁷ Lawphno kahni touh lah kapek awн. Tarantuknae koe ka cet ni teh tarankatuknaw hane hoi tamimaya hanlah,

²⁸ hahoi tarantuknae koe kacetnaw e a hma thung dawк hoi tami hoi, maito, hoi la, hoi tu, hoi kahring e pueng dawк hoi 500 touh dawк buet touh BAWIPA han a ham lah ta hanlah na kapek han.

²⁹ Hotnaw teh lat awн nateh, BAWIPA hanlah kahek thuengnae vaihma Eleazar hah na poe awн han.

³⁰ Isarelnaw ni a ham awн e a tangawn thung dawк hoi tami, maito, la, tu totouh moithang phun 50 touh dawк buet touh, na la vaiteh, BAWIPA e lukkareiim ka ring e Levihnaw hah na poe awн han, telah a ti.

³¹ Hottelah BAWIPA ni Mosi kâ a poe e patetlah Mosi hoi vaihma Eleazar ni a sak roi.

³² Ransanaw ni a man awн e lawphno touksin laipalah a la awн e teh, tu 675,000,

³³ maito 72,000,

- ³⁴ la 61,000,
³⁵ napui tongpa ni a ikhai hoeh rae 32,000,
³⁶ tarantuknae koe kacetnaw tangawn ni a ham awh e tu 337,500,
³⁷ BAWIPA ham tu 675,
³⁸ maito 36,000 touh a pha teh BAWIPA ham teh 72 touh.
³⁹ La 30,500 touh a pha teh BAWIPA ham teh 61 touh.
⁴⁰ Tami teh 16,000 touh a pha teh BAWIPA ham teh 32 touh a pha.
⁴¹ BAWIPA ni Mosi kâ a poe e patetlah ham, BAWIPA koe kahek
 thuengnae Mosi ni vaihma Eleazar a poe.
⁴² Mosi ni tarankatuknaw e a ham koug a poe. Isarelnaw e a ham teh,
⁴³ tu 337,500,
⁴⁴ maito 36,000,
⁴⁵ la 30,500,
⁴⁶ tami 16,000 a pha.
⁴⁷ Isarelnaw ni a ham thung daw k hoi Mosi ni tami hoi saring 50 touh
 thung daw hoi buetbuet touh pou a la teh, BAWIPA kâpoelaw k patetlah
 BAWIPA lukkareiim kakhenyawnkung Levihnaw hah a poe awh.
⁴⁸ Hahoi ransanaw thung daw k tami 100 kaukkungnaw, 1,000 kaukkung-
 naw ni Mosi koe a hnai awh teh,
⁴⁹ Mosi koevah na sannaw niyah kaimae kut daw k kaawm tarankatuk-
 naw hah ka touk awh teh kakuep hoeh e apihai kaawm awh hoeh.
⁵⁰ Hatdawkvah, ka hring awh nahanlah BAWIPA hmalah yontha sak
 hanelah tamipuong ni lengkaleng a coe awh e sui hoi sak e, dingyin,
 laikaw, kuthrawt, hnongpacap, hnâpacap naw hah BAWIPA koe thueng
 hanelah ka thokhai awh toe telah atipouh.
⁵¹ Mosi hoi vaihma Eleazar ni, sui hoi sak e puengcangnaw hah a la
 pouh.
⁵² 1,000 touh kahrawikung, 100 touh kahrawikungnaw ni BAWIPA
 hanelah kahek thuengnae lah a poe awh e suinaw pueng teh sekel 16,750
 touh a pha.
⁵³ Ransanaw ni a la awh e lawphnonaw teh amamouh hanlah lengkaleng
 a la awh.
⁵⁴ Hahoi Mosi hoi vaihma Eleazar ni 1,000 kahrawikung, 100
 kahrawikungnaw e sui teh a la pouh teh, Isarel catounnaw pahnim hoeh
 nahanlah kamkhuengnae lukkareiim daw k BAWIPA hmalah a tâcokhai
 awh.

32

Jordan kanîtho namran lae miphunnaw

- ¹ Reuben hoi Gad miphunnaw ni saring moi a tawn awh teh, Jazer ram
 hoi Gilead ram a hmu awh toteh, a hmuen teh saring o nahan ahawipoung
 ati awh.
² Hothateh, Gad, hoi Reuben catounnaw ni Mosi hoi Eleazar maya
 kahrawikungnaw hah a pato awh teh,
³ Isarelnaw hmalah, BAWIPA ni a ta e ram Ataroth, Dibon, Jazer, Nimrah,
 Heshbon, Elealeh, Sebam, Nebo hoi Beon teh,
⁴ saring pâ nahanlah kahawipoung e ram lah ao teh, na sannaw hai
 saring ka tawn awh.
⁵ Hatdawkvah na hnâ bawt pawiteh, hete ram heh coe hanlah na poe
 awh loe. Jordan namran hrumhram na takhangkhai awh hanh telah ati
 awh.

⁶ Mosi ni Gad hoi Reuben catounnaw koevah, na hmaunawngghanaw tarantuknae koe a cei vaiteh, nangmanaw teh hi vah sut na o awh han na maw.

⁷ Bangkongmaw, BAWIPA ni na poe awh e ram dawk kâen hanlah Isarel catounnaw ni na lungthin thung na kâhnawn awh.

⁸ Kadeshbarnea hoi ram tuet hanlah na patoun awh navah, hettelah na mintoenaw ni ati awh toe.

⁹ Eshkol ravo koe a pha awh navah, ram teh a hmu awh. BAWIPA ni na poe e ram kâen hoeh hanlah Isarelnaw a lungthin a kamlang sak awh.

¹⁰ Hote hno niyah, BAWIPA lung a kâan sak teh,

¹¹ Izip ram hoi ka tâcawt e kum 20 lathueng pueng ni Abraham hoi Isak hoi Jakop tinaw koe thoekâbo hoi ka poe e ram teh, apinihai hmawt mahoe. Bangkongtetpawiteh, kai hnukkâbang katang awh hoeh telah thoe a kâbo awh.

¹² Keniz tami Jephunneh capa Kaleb hoi Nun capa Joshua teh BAWIPA hnuk a kâbang roi.

¹³ Isarelnaw koe BAWIPA a lung a kâan teh BAWIPA mithmu vah hno kahawihoehe kasaknaw e se pueng a kahma awh hoehroukrak kahrawngum vah kum 40 touh a kâva sak.

¹⁴ Khenhaw! Isarelnaw koe BAWIPA lungkhueknae takikathopoung e hah bout thapsin hanlah nangmouh sekatha tamikayonnaw ni mintoenaw yueng lah na kâsak awh.

¹⁵ Bangtelamaw ahni hnukkâbang laipalah na awm pawiteh hete kahrawngum vah bout na o sak awh vaiteh, hete tamimaya heh kahmasak han telah atipouh.

¹⁶ Hahoi rek a hnai awh teh, ahni koe awi hivah saringnaw hoi tuhunaw hanlah a im sak pouh vaiteh, canaw hanlah kthothawng awh han,

¹⁷ hatei, kaimanaw teh, o awh nahane hmuen koe pha hoehroukrak, Isarel catounnaw hmalah cei hanelah puengcang coungkacoe kâmahrawk awh han, hete ram taminaw kecu dawk, canaw heh rapan ka tawn e kho dawk o sak awh han.

¹⁸ Isarel catounnaw ni a coe awh hane kawi hmuen be a coe hoehroukrak, ma im lah na ban awh mahoe.

¹⁹ Bangtelamaw tetpawiteh, coe hane kawi teh, hi namran lah Jordan kanîtholah a tho dawkvah, Jordan namran hoi ahlawilae teh coekhai awh han telah ati.

²⁰ Mosi ni hot patetlah na sak awh teh, tarantuk nah koevah, BAWIPA hmalah cei hanlah na kamthoup awh teh,

²¹ a hmalah a tarannaw a pâlei teh, BAWIPA hmalah ram na tâ awh hoehroukrak, nangmouh rahak puengcang kâmahrawk e naw pueng ni, BAWIPA hmalah Jordan be na raka awh pawiteh, a hnuk bout na kâbang awh vaiteh,

²² BAWIPA lathueng hoi Isarelnaw lathueng vah, yonpen lah na awm awh mahoe. Hottelah ram te BAWIPA hmalah na coe awh han.

²³ Hatei hottelah na sak awh hoehpawiteh, khenhaw!, BAWIPA koevah na yon e lah awm vaiteh, na yonnae na hmu awh roeroe han tie hah panuek awh.

²⁴ Na camonaw hanlah kthothawng awh nateh, na tunaw hanlah im sak pouh awh telah ati.

²⁵ Hottelah Gad hoi Reuben catounnaw ni Mosi koevah, na sannaw ni mintoenaw e kâpoelawk patetlah ka sak han.

²⁶ Ka yunaw hoi camonaw hoi tuhunaw hoi saringhunaw pueng teh, Gileadnaw e khoram dawk ao han.

²⁷ Hatei, na sannaw tarantuk hanlah, puengcang hoi kâmahrawknaw pueng ni bawipa ni a dei pouh telah BAWIPA hmalah ka luen van aw h han telah ati aw h.

²⁸ Mosi ni ahnimouh kong kecu daw k vaihma Eleazar hoi Nun capa Joshua hoi Isarel miphun imthung kahrawikungnaw hah kâ a poe.

²⁹ Mosi ni ahnimouh koe Gad canaw hoi Reuben canaw tarantuknae puengcang kâmahrawk e pueng ni, BAWIPA hmalah Jordan tui a rakakhai han. Ram teh na la hnukkhu, Gilead ram teh a coe aw h hanlah na poe aw h han.

³⁰ Hatei puengcang kâmahrawk hoi na cetkhai aw h hoehpawiteh, Kanaan ram vah nangmouh koe a baw k van han telah ati.

³¹ Hahoi Gad canaw hoi Reuben canaw ni na sannaw koevah, BAWIPA ni a dei e patetlah ka sak han.

³² Puengcang kâmahrawk hoi BAWIPA hmalah, Kanaan ram takhang vaiteh kâen aw h han. Hatei, coe aw h hane ram teh, Jordan namran lah doeh pou coe aw h ti telah a pathung aw h.

³³ Mosi ni Gad catounnaw hoi Reuben catounnaw hah Joseph capa Manasseh miphun tangawn teh, Amor siangpahrang Sihon uknaeram hoi Bashan siangpahrang, Og uknaeram kaawm e khonaw pueng hoi, a tengpam khotenaw pueng hoi koug a poe aw h.

³⁴ Gad catounnaw ni Dibon, Ataroth hoi Aroer,

³⁵ Aroth-shonphan, Jazer hoi Jobeah,

³⁶ Bethnimrah hoi Bethharan kho a thawng aw h teh, rapan ka tawn e khopui hoi tu innaw a sak aw h.

³⁷ Reuben catounnaw ni Heshbon, Elealeh hoi Kiriathaim,

³⁸ Nebo, Baalmeon, Sibmah hah a thawng aw h. Hote kho a thawng aw h e hah min louk lah a phung aw h

³⁹ Manasseh capa Makhir catounnaw teh Gilead ram a cei aw h teh a la aw h. Amornaw haw kaawm pueng teh be a lawp aw h.

⁴⁰ Hatdawkvah, Mosi ni Gilead ram teh Manasseh capa Makhir koe a poe teh haw vah khosak aw h.

⁴¹ Manasseh capa Jair ni a cei teh khotenaw hah a la dawkvah, hotnaw hah Jair telah a phung aw h.

⁴² Nobah hai a cei teh, Kenath khotenaw a la teh, a min lah Nabah telah a phung aw h.

33

Izip ram hoi Isarelnaw kahlawng ceinae

¹ Hetnaw heh Mosi hoi Aron ni hrawi e lahoi IZIP ram hoi ahuhu lahoi a tâco aw h teh, a ceinae doeh.

² BAWIPA ni kâ poe e patetlah a tâco pasuek hoiyah, a ceinae naw hah Mosi ni koug a thut. Hétheh kahlawng cei a kamtawngnae koehoi pou a deinae doeh.

³ Thapa ayung pasuek, hnin hlaipanga hin vah Raameses hoi a tâco aw h teh ceitakhai paw i hnin a tangtho amom vah Izipnaw e mithmu vah,

⁴ a caminnaw pueng BAWIPA ni a thei pouh e naw a pakawp aw h lahun nah, Isarel catounnaw pueng lungtang lahoi a tâco aw h. Bangkongtetpawiteh, BAWIPA ni ahnimae cathut koehai lawk a ceng teh a rek pouh.

⁵ Hahoi teh Isarel catounnaw teh Raameses hoi a tâco awh teh, Sukkoth vah a roe awh.

⁶ Sukkoth hoi a tâco awh teh kahrawngum Etham vah a roe awh.

⁷ Etham hoi a tâco awh teh Baalzephon teng Pihahiroth lah a ban awh teh Migdol vah a roe awh.

⁸ Pihahiroth hoi a tâco awh teh tali tapoung hoi kahrawngum vah a kâen awh. Hahoi Etham kahrawng dawc hnin thum touh a cei awh teh, Marah vah a roe awh.

⁹ Marah hoi a cei awh teh, Elim lah a pha awh. Haw vah tuiphuek hlaikahni touh hoi unkung 70 touh ao teh haw vah a roe awh.

¹⁰ Elim hoi a cei awh teh tuipui paling teng vah a roe awh.

¹¹ Tuipui paling koehoi a cei awh teh Sin kahrawngum vah a roe awh.

¹² Sin kahrawngum koehoi a cei awh teh, Dophkah vah a roe awh.

¹³ Dophkah koehoi a cei awh teh Alush vah a roe awh.

¹⁴ Alush koehoi a cei awh teh, Rephidim vah a roe awh. Hatei, hawvah tui nei hane awm hoeh.

¹⁵ Rephidim koehoi a cei awh teh, Sinai kahrawngum vah a roe awh.

¹⁶ Sinai kahrawngum koehoi a cei awh teh, Kiborthhattaavah vah a roe awh.

¹⁷ Kiborthhattaavah koehoi a cei awh teh, Hazeroth vah a roe awh.

¹⁸ Hazeroth koehoi a cei awh teh, Rithmah vah a roe awh.

¹⁹ Rithmah koehoi a cei awh teh Rimmonperez a roe awh.

²⁰ Rimmonperez koehoi a cei awh teh Libnah vah a roe awh.

²¹ Libnah koehoi a cei awh teh Rissah vah a roe awh.

²² Rissah koehoi a cei awh teh Kehelathah vah a roe awh.

²³ Kehelathah koehoi a cei awh teh Shepher mon vah a roe awh.

²⁴ Shepher mon koehoi a cei awh teh Haradah vah a roe awh.

²⁵ Haradah koehoi a cei awh teh Makheloth vah a roe awh.

²⁶ Makheloth koehoi a kampuen awh teh Tahath vah a roe awh.

²⁷ Tahath koehoi a cei awh teh Terah vah a roe awh.

²⁸ Terah koehoi a cei awh teh Mithkah vah a roe awh.

²⁹ Mithkah koehoi a cei awh teh Hashmonah vah a roe awh.

³⁰ Hashmonah koehoi a cei awh teh Moserah vah a roe awh.

³¹ Moserah koehoi a cei awh teh Benejaakan vah a roe awh.

³² Benejaakan koehoi a cei awh teh Horhagidgad vah a roe awh.

³³ Horhagidgad koehoi a cei awh teh Jobathah vah a roe awh.

³⁴ Jobathah koehoi a kampuen awh teh Abronah vah a roe awh.

³⁵ Abronah koehoi a kampuen awh teh Eziongeber vah a roe awh.

³⁶ Eziongeber koehoi a cei awh teh Kadesh e Zin kahrawng vah a roe awh.

³⁷ Kadesh koehoi a cei awh teh Edom ram poutnae Hor mon vah a roe awh.

³⁸ Hor mon vah vaihma Aron hai BAWIPA e lawk patetlah a luen teh, Izip hoi Isarelnaw a tâco awh hoi kum 40, thapa yung panga apasuek hnin, hawvah a due.

³⁹ Aron teh Hor mon dawc a due nah kum 120 touh a pha.

⁴⁰ Hahoi Kanaannaw, Kanaan ram akalah kaawm e Arad siangpahrang ni Isarelnaw a tho awh e hah a thai.

⁴¹ Hor mon koehoi a kampuen awh teh Zalmonah vah a roe awh.

⁴² Zalmonah koehoi a kampuen awh teh Punon vah a roe awh.

⁴³ Punon koehoi a kampuen awh teh Oboth vah a roe awh.

⁴⁴ Oboth koehoi a kampuen awh teh Moab ramri Ijeabarim vah a roe awh.

⁴⁵ Iyim koehoi a kampuen awh teh Gad Dibon vah a roe awh.

⁴⁶ Gad Dibon koehoi a kampuen awh teh Almondiblathaim vah a roe awh.

⁴⁷ Almondiblathaim koehoi a kampuen awh teh Nebo hma lae Abarim mon vah a roe awh.

⁴⁸ Abarim mon koehoi a kampuen awh teh Jeriko tengpam Jordan palang teng Moab tanghling dawk a roe awh.

⁴⁹ Jordan palang teng Bethjeshimoth koehoi Abelshittim totouh Moab tanghling dawk a roe awh.

Kanaan tâ nahanelah hmusaknae

⁵⁰ Hahoi Jeriko tengpam Jordan palang teng Moab tanghling dawk BAWIPA ni Mosi hah a pato teh,

⁵¹ Isarel catounnaw hah pato nateh, ahnimouh koe Jordan tui na raka awh teh, Kanaan ram na kâen awh toteh,

⁵² hote ram dawk kaawmnaw pueng be na pâlei awh han. Ahnimae talung meikaphawknaw pueng be na raphoe pouh han, hmuenrasang hai be na raphoe pouh han.

⁵³ Hahoi ram teh na coe awh vaiteh, hawvah kho na sak awh han, bangkongtetpawiteh, na coe hane ram teh na poe toe.

⁵⁴ Hahoi a ma miphun lahoi cungpam na rayu awh vaiteh, ram teh na coe awh vaiteh, na kârei awh han, bet kapap e hah ram kakawhnawn na poe awh han. Kayoun e hah kabuenghnawn lah na poe awh han. Cungpam na rayu awh e patetlah kâvan lah na ham awh han. Na mintoenaw e phung patetlah na coe awh han.

⁵⁵ Hatei, hote ram dawk kaawmnaw hah na pâlei awh hoeh e naw teh, na mit dawk mittanuen hoi na tak dawk pâkhing kaawm vaiteh, na onae ram dawk runae na poe awh han.

⁵⁶ Hothloilah, ahnimouh koe sak han ka noe e hah namamouh koe letlang ka sak han tet pouh telah a ti.

34

Kanaan ramri khuennae

¹ BAWIPA ni Mosi hah a pato teh,

² Isarelnaw hah lawkthui nateh, hethéh Kanaan ram na pha awh toteh nangmouh ni na pang awh hane Kanaan ramri doeh atipouh.

³ Akalah nangmae khori teh, Zin kahrawngum hoi Edom ram yunglam han, akalae khori teh palawi talí apoutnae koehoi Kanítholae han.

⁴ Hahoi nangmae ramri teh, Akrabim takhangnae a rahim hoi a lawngven vaiteh, Zin pou a rakan vaiteh, Kadeshbarnea a rahim totouh han, hahoi Hazaraddar lah cet vaiteh, Azmon vah pou a cei tâphai han.

⁵ Hote ramri teh Azmon Izip palang totouh lawngven vaiteh, tuipuiपालing koe a pout han.

⁶ Kaníloumlah, tuipui hah khori lah na coe awh han, hethéh kaníloumlae na ramri lah ao han.

⁷ Hahoi hethéh atunglae na khori lah ao han, tuipui koehoi Hor mon pâum lahoi na sak han.

⁸ Hor mon koehoi Hamath kâennae koe totouh na sak awh han, haw hoi khori a tâconae teh Zedad koe han.

⁹ Khori teh, Ziphron pou tapoung vaiteh, Hazarenan vah a pout han, hethéh atunglae na ramri lah ao han.

¹⁰ Hahoi Kanitholae na khori teh, Hazarenan hoi Shepham totouh na sak aw hane.

¹¹ Na khori teh Shepham hoi Riblah hoi Ain kanitholah pou a cathuk vaiteh, haw hoi palouपालou cathuk vaiteh, Khinnereth kanitho talipui rai koelah a pha han.

¹² Khori teh Jordan lah cathuk vaiteh, palawi tali koe apout han, hethéh na khori lah ao tet pouh telah a ti.

¹³ Hahoi teh, Mosi ni Isarelnaw hah kâ a poe teh, hethéh BAWIPA ni miphun tako touh hoi a tangawn poe hanelah, cungpam rayu hoi na coe aw hane ram doeh.

¹⁴ Bangkongtetpawiteh, Reuben miphun catounnaw ni a imthung lahoi, Gad miphun catounnaw ni a imthung lahoi, Manasseh miphun tangawn ni a imthung lahoi a coe aw hane teh be a coe aw toe.

¹⁵ Hete miphun kahni touh hoi tangawn ni a coe aw hane teh, kanitholah Jeriko tengpam, Jordan palang kanitholah a coe aw toe telah a ti.

Khori ka rei e khobawinaw

¹⁶ BAWIPA ni Mosi a pato teh,

¹⁷ hetnaw heh na coe aw hane ram nangmouh rahak vah kareikung min teh vaihma Eleazar hoi Nun capa Joshua doeh.

¹⁸ Hahoi na coe aw hane ram kareikung lah miphun tangkuem daw k hoi khobawi buet touh rip na rawi aw hane ati pouh.

¹⁹ A minnaw teh hetnaw hah doeh.

Judah catoun daw k hoi Jephunneh capa Kaleb,

²⁰ Simeoncanaw daw k hoi Ammihud capa Samuel,

²¹ Benjaminnaw daw k hoi Khislon capa Elidad,

²² Dan canaw daw k hoi khobawi Jogli capa Bukki,

²³ Joseph capa Manasseh canaw daw k hoi Ephod capa khobawi Hanniel,

²⁴ Ephraimcanaw e catoun daw k hoi Shiptan capa khobawi Kemuel,

²⁵ Zebuluncanaw daw k hoi Parnach capa khobawi Elizaphan,

²⁶ Issakharnaw daw k hoi Azzan capa khobawi Azzan,

²⁷ Asher canaw daw k hoi Shelomi capa khobawi Ahihud,

²⁸ Naphtalinaw daw k hoi Ammihud capa khobawi Pedahel, han atipouh.

²⁹ Hetnaw heh Kanaan ram e Isarel catounnaw ram coe hane kareikung lah BAWIPA ni a poe e naw doeh.

35

Levihnaw hane khopui

¹ Hahoi Jeriko teng Jordan palang teng vah Moab tanghling daw k BAWIPA ni Mosi hah a pato.

² Isarel canaw hah kâpoe leih. A ram thung daw k Levihnaw o nahanlah kho poe aw hane naseh. Saring a pâ nahanlah kho tengpam hah Levihnaw na poe aw hane.

³ Kho a saknae kho tawn aw hane vaiteh, a tengpam pueng teh a maito hoi saringnaw a paca aw hane e a pâ nahanlah aw m naseh.

⁴ Kho tengpam Levihnaw na poe aw hane teh, kho rapan petkâkalup lah dong 1000 touh akaw han.

⁵ Hahoi tumdumnae alawilah hoi na bangnue awh vaiteh, kanîtholah dong 2000, akalah dong 2000, kanîloumlah dong 2000, atunglah dong 2000, alungui kho ao han. Hetnaw heh a ham awh e khopuinaw rapan alawilah han.

⁶ Levihnew na poe awh hane khonaw thung dawkvah, tamikathetnew a yawng nahane taruk touh na rawi awh han. Hothloilah kho 42 touh na thapsin han.

⁷ Levihnew na poe hane khonaw pueng teh, a ram hoi kho 48 touh a pha han.

⁸ Isarelnaw khosak nahan na poe e teh, kapap hah kapap na poe vaiteh, kayoun hah kayoun na poe han. Tami pueng ni a coe awh e ram apap e patetlah Levihnew kho na poe awh han.

Kânguenae khonaw

⁹ BAWIPA ni Mosi hah a pato teh,

¹⁰ Isarel canaw hah pato nateh, ahnimouh koe Jordan na raka awh teh, Kanaan ram na kâen toteh,

¹¹ pouk laipalah tamikathet payon e teh a yawng vaiteh a kângue nahane kho na pouk pouh han.

¹² Tamimaya hmalah lawkceng hanlah a kangdue hoehnahlan, tamikathet payon e teh, ama a due hoeh nahanelah, hote khonaw teh moipathungkung ni a tawng navah a kângue awh nahanelah ao han.

¹³ Hottelah, nangmouh hanlah kângue nahane kho na pouk awh hane teh kho 6 touh a pha han.

¹⁴ Jordan namran lah kho kathum touh na pouk awh vaiteh, Kanaan ram lah kho kathum touh na pouk awh han. Kânguenae kho lah ao han.

¹⁵ Isarel catounnaw hoi ahnimouh koe kaawm e imyinnaw hanlah kho 6 touh hah kânguenae kho lah ao han. Awi hawvah, tamikathet payonnaw ni a yawng awh han.

¹⁶ Hatei, sum hoi tami hem boilah dout pawiteh, tamikathet e lah ao dawkvah, tamikathet e teh ama hai roup thei roeroe han.

¹⁷ Hahoi talung hoi tami kadout lah dei pawiteh, ayâ ka thet e lah ao dawkvah, ayâ ka thet e teh ama hai thei roeroe han.

¹⁸ Hahoi tami ni thing hoi tami kadout lah hem pawiteh, ayâ ka thet e lah ao dawkvah, ayâ ka thet e teh ama hai thei roeroe han.

¹⁹ Thiphu moipathungkung ni tami ka thet e teh tang a thei thai han. A hmu boum teh a thei han.

²⁰ Hahoi tami a hmuhma kecu dawkw puenghoi dei tanawt nakunghai thoseh, sut pawp laihoi kadout lah a dêi nakunghai thoseh,

²¹ kâoun hoi kut hoi thaw lah koe dout pawiteh, kathetkung hah thei van hane roeroe lah ao. Bangkongtetpawiteh, tamikathetkung doeh. Thipaling moipathungkung ni a hmu nah tangkuem koe a thei han.

²² Hatei, kâoun kâtai dawkw laipalah, a tanawt payon dawkw nakunghai thoseh, lam hoi a pawp dawkw tho laipalah, tami awm hoeh ti hoi a panue hoehnahlan vah, taran lah hai kaawm hoeh e,

²³ pataw nahan poe hanlah hai kâcai hoeh eiteh, talung hoi koe dêi lah dout payon pawiteh,

²⁴ tamimaya ni hete lawkcengnae kâlawk patetlah kathetkung hoi thipaling moipathungkung hanlah lawk a ceng awh han.

²⁵ Hahoi tamimaya ni tamikathetkung hah thipaling moipathungkung koehoi a la ring awh vaiteh, tamimaya ni a yawng nahane kânguenae

kho dawk ao sak aw hah. Satui kathoung hoi awi e vaihma kacue ka tawk lahun e a due hoehroukrak haw vah ao han.

²⁶ Hatei, bangpatet e tueng pueng dawk hai tami ka thet e teh, a yawngnae kânguenae kho, khori hloilah cet pawiteh,

²⁷ thipaling moipathungkung ni kânguenae kho hloilah hmawt boilah thet pawiteh, thipaling dawk yonpennaew awm mahoe.

²⁸ Bangkongtetpawiteh, vaihma kacue a due hoehroukrak, kânguenae kho dawk pou o hanlah ao. Vaihma a due hnukkhu, hote tami ka thet e teh ama onae kho dawk a ban han.

²⁹ Hatei, hnonaw pueng hah na catounnaw totouh na o aw hah nah tangkuem koe lawkceng e lah ao han.

³⁰ Tami bangpatet ni nakunghai tami thet pawiteh, tamikathetkung teh kapanuekkhaikung e pahni dawk lawk a tâco sak e lawk lahoi thei lah ao han. Hatei, kapanuekkhaikung buet touh dueng e a pahni dawk e lawk pawiteh, thei khai nahanelah khout hoe.

³¹ Tami kathetkung teh na ratang aw hah mahoe. Bangkongtetpawiteh, due han kamcu totouh yonpen e lah ao toung dawkvah, na thei aw hah roeroe han.

³² Kânguenae kho dawk ka yawng e tami teh, hatnae tueng dawk vaihma kacue ka tawk e a due hoehroukrak a onae khoruem dawk bout ban thai nahan, ratang thai mahoe.

³³ Hatdawkvah, na onae ram na khin sak mahoe. Bangkongtetpawiteh, thipaling ni ram hah a khin sak teh, ram a dam nahanlah, thipalawngkung e thipaling hoi dueng doeh yontha thai lah ao.

³⁴ Hatdawkvah, a lungui e khosaknae na coe aw hah e ram teh, na khinsak aw hah mahoe. Bangkongtetpawiteh, kai Jehovah teh Isarel catounnaw koe ka o tet pouh telah ati.

36

Zelophehad canunaw e rãw

¹ Joseph imthung daw hoi Manasseh capa Makhir capa Gilead catoun imthung kahrawikungnaw hmalah lawk a dei aw hah.

² Ahnimouh ni, BAWIPA ni Isarel catounnaw hah cungpam rayu hoi a coe aw hah hane ram poe hanlah, ka bawipa Mosi hah kê a poe teh, hmaunawngaha Zelophehad canunaw a coe hane rãw hah BAWIPA ni ka bawipa koe kê a poe toe.

³ Hatei, ahnimouh ni Isarel catoun thung daw hoi miphun alouke capa koe vã sak pawiteh, na mintoenaw e ram a coe aw hah e hah la pouh vaiteh, a vã koelae ram miphun koe lah a kãthap han. Hottelah coe tangcoung e ram daw hoi tâcokhai han.

⁴ Hahoi Isarel catounnaw e Jubili a pha toteh, a ram hah a vanaw e miphunnaw ni coe e ram lah thapsin lah ao han. Hottelah mintoenaw e miphun ram thung daw hoi let na lawp pouh aw hah telah ati.

⁵ Hatdawkvah, Mosi ni BAWIPA lawk patetlah Isarel catounnaw hah kê a poe teh, Joseph capa hoi miphunnaw ni a dei e a thuem.

⁶ Zelophehad canunaw kong dawkvah BAWIPA ni kê a poe e teh hettelah doeh. Ahawi ati e pueng vã naseh, hatei a napanaw e miphun hah vã aw hah naseh telah ati.

⁷ Hatdawkvah, Isarel catounnaw e ram teh, miphun alouklouk koe voutsout puen laipalah, Isarel catounnaw ni a na mintoenaw e ram teh pou a ham aw hah.

⁸ Isarel catounnaw thung dawk râw ka pang hane canunaw pueng teh, Isarel catounnaw ni a na mintoenaw e ram lah kaawm e pou a ham thai nahan, a na pa miphun thung e a yu a la hanlah ao.

⁹ Ram teh miphun alouklouk koe puen thai mahoe. Bangkongtetpaw-iteh, Isarel catounnaw ni amamae ram hah pou a pang aw h e lah kaawm han telah a dei.

¹⁰ Hottelah, BAWIPA ni Mosi kâ a poe e patetlah Zelophehad canunaw ni a sak aw h van.

¹¹ Zelophehad canunaw Mahlah, Tirzah hoi Hoglah, Milkah hoi Noah tinaw ni a na pa e hmaunawngghanaw e capanaw hah a vâ aw h.

¹² Joseph capa Manasseh e capa hah a vâ aw h teh, a ram teh a na pa miphunnaw ni a coe e râw lah pou a kangning.

¹³ Hetnaw heh Jeriko tengpam Jordan namran Moab tanghling dawkvah, BAWIPA ni Mosi hno lahoi Isarelnaw koevah, kâ a poe e kâpoelawknaw hoi lawkcengnaenaw doeh.

KĀLAWK BOUT POENAE (Deuteronomy)

Horeb ceitakhai hanelah kâ poenae

¹ Kahrawngum, Jordan palang teng, Shuph khopui, Paran khopui, Tophel khopui, Hazeroth, Dizahab khopuinaw koevah, Mosi ni Isarelnaw koe bout a dei e lawk teh:

² Kadeshbarnea hateh, Seir mon lam lahoi Horeb e a onae hoi hnin 11 lamcei ahla.

³ Mosi ni Heshbon khopui kaawm e, Amor Siangpahrang Sihon thoseh, Edrei ram, Ashtaroth khopui kaawm e Bashan siangpahrang Og thoseh, a thei hnukkhu

⁴ Kum 40 thapa yung 11 apasuek hnin dawk Moab ram

⁵ Jordan palang teng vah, Cathut ni lawk a poe tangcoung e patetlah Isarelnaw koe bout a dei e kâlawk hateh,

⁶ Maimae BAWIPA Cathut ni, Horeb hmuen dawk, na dei pouh e teh, nangmouh ni atueng a kuep ditouh hete mon dawk na o awh toe.

⁷ Kamlang awh nateh bout kamthaw awh haw. Amor mon totouh thoseh, hote mon hoi kahnai e hmuen tanghling, akalah, tuipui teng, Kanaan ram, Lebanon mon, Euphrates tuipui totouh cet awh haw.

⁸ Hote ram teh nangmouh hmalah ka hruek toe. Cathut ni, nangmae na pa Abraham, Isak, Jakop koehoi kamtawng teh a catounnaw ka poe han telah lawk a kam e ram hah kâen nateh coe awh, telah atipouh.

Kacuenaw thaw poenae

⁹ Hatnavah, Kai ni nangmouh koe ka dei e thaw heh ka madueng ka phawt thai mahoe.

¹⁰ Nangmae BAWIPA Cathut ni nangmouh na pung sak awh vaiteh, nangmouh teh kalvan âsi patetlah sahnin na o awh.

¹¹ Nangmae na pa BAWIPA Cathut ni nangmouh teh alet 1000 lahoi na pung sak naseh. Lawk a kam e patetlah yawhawi na poe a seh.

¹² Na tawntamnae, thawtawknae, kâyuekâounnae hnokari kai ka madueng ni bangtelamaw ka phu thai han.

¹³ A lungkaangnaw, ka thaipanueknaw, hoi ka thounthainaw hah na miphun thung hoi rawi awh. Ahnimanaw hah ka hrawikung lah ka hruek han telah dei awh pawteh,

¹⁴ nangmouh ni, na dei e patetlah ahawi telah bout a dei awh.

¹⁵ Hatdawkvah na mipunnaw dawk mitkhet kamcu e kacuenaw panuena ka tawn naw ka rawi hnukkhu nangmouh koe kacue thaw ka fawk hanelah 1,000 ka uk hane, 100 ka uk hane, 50 ka uk hane, 10 ka uk hane ukkungnaw hah ka rawi.

¹⁶ Lawkcengkungnaw hai, na hmaunawngnaw e kamcan hah a thai awh vaiteh, hmaunawngna reira e kamcan thoseh, Jentelnaw hoi e kamcan thoseh kalanalah lawkceng awh.

¹⁷ Lawkcengnae dawkvah, apie minhmai hai khen hanh. Camo e lawk hah kacue e lawk patetlah pouk. Apihai taket hanh. Bangkongtetpawiteh, lawkcengnae teh Cathut e doeh. Na dei thai hoe e kamcan hah kai koe thokhai awh. Kai ni hai ka thai han telah lawk a thui.

¹⁸ Nangmouh ni na sak awh hane naw hai hatnavah kâ na poe toe.

Kardeshbanea hoi tami patounnae

¹⁹ Kaimouh ni Horeb hmuen koehoi ka tâco aw h teh, Amor mon totouh ceinae lam teng vah, takikathopounge kahrawngum ka cei aw h teh Kadeshbarnea hmuen koe ka pha aw h.

²⁰ BAWIPA ni kâ na poe e patetlah hatnavah kai nihai, maimae BAWIPA Cathut ni na poe aw h e Amor mon vah nangmouh ni na pha aw h toe.

²¹ Nangmae BAWIPA Cathut ni ram kahawi teh nangmouh hmalah ka hruek toe. Nangmae napanaw e BAWIPA ni a dei e patetlah cet aw h nateh lawm aw h, taket aw h hanh, na lung hai pout aw h hanh telah a dei.

²² Hatnavah nangmanaw pueng ni kai koe na tho aw h teh, kaimae hmalah taminaw ka patoun han. Ahnimouh ni hote ram hah a rip aw h hnukkhu, kaimouh teh nâ lam cet pawiteh, bang khopui daw k pha aw h han doeh telah a dei aw h han telah a dei aw h e heh,

²³ kai ni ka ngai dawkvah miphun buet touh daw k tami buet touh, asumkum 12 touh hah na rawi aw h.

²⁴ Ahnimouh ni mon koe lah a kamlang aw h teh Eshkol tanghling koe a pha aw h teh a tuet aw h.

²⁵ Hote ram daw k e a paw a hrawm aw h teh a thokhai navah, maimae Cathut ni na poe e ram teh kahawi e ram doeh telah a dei aw h eiteh,

²⁶ Nangmouh ni na cet aw h laipalah, namamae BAWIPA Cathut e kâ na ek aw h.

²⁷ Cathut ni maimouh na hmuhma teh raphoe sak han na ngai aw h dawkvah, Amornaw e kut daw k na poe hanlah, Izip ram hoi na tâcokhai aw h khe.

²⁸ Maimouh ni bangtelamaw cei aw h han toung, hmaunawnganaw ni hote kho daw k e taminaw teh maimouh hlak a len aw h. A rasang poung aw h. Kalvan ka deng e khopui, rapan hai ao. Hote kho daw k Anakim miphunnaw ka hmu aw h telah maimae lungthin a raphoe toe telah nangmouh ni rimnaw daw k na taran aw h toe.

²⁹ Hatnavah kai ni, puen hanh aw h, ahnimouh taket a hanh aw h.

³⁰ Nangmae hmalah ka cet e nangmae Cathut ni na hmalae Izip ram hai thoseh,

³¹ nangmouh ni na dawn e lam, hete hmuen totouh a na pa ni a ca a tapam e patetlah nangmae Cathut ni nangmouh na tapam teh, lungmanae na coenae kahrawng hai thoseh, nangmouh han a sak e patetlah nangmouh koe lah taran na kabawp aw h han telah a dei nakunghai,

³² nangmouh ni rim tumpup nahan hmuen tawng aw h nateh na cei aw h nahan lam na patue hanelah karum vah hmai daw k thoseh, khodai lah tâmai daw k thoseh,

³³ nangmae hmalah ka cet e Cathut e lawk hah hote kong daw k nangmouh ni na yuem aw m hoeh toe.

Isarel naw reknæ

³⁴ Nangmae lawk Cathut ni a thai nah a lungkhuek teh,

³⁵ ahninae mintoenaw ka poe han ka tie ka lawkkam ram kahawi hah Jephunneh capa Kalep loilah hete kathoute Miphunnaw buet touh ni boehai kâen aw h mahoe.

³⁶ Ahni teh Cathut e hnuk roup a kâbang daw k a kâen. A coungroe e ram hah ahni koehoi kamtawng teh ahnie catounnaw ka poe han telah lawk ka kam .

³⁷ Ahnimouh han Cathut ni, kai koehai a lungkhuek, nang teh hote ram na coe mahoe.

³⁸ Na kut rahim e Nun capa Joshua ni a coe han. Ahni teh Isarelnaw râw ka coe sak hanelah ao dawkw. Ahni hah thapoe haw.

³⁹ Taran ni a lawp e lah ao han na ti awh e camonaw, hatnavah thoe hoi hawi kapek thai hoeh rae canu capanaw ni, hote ram a coe awh vaiteh, kai ni ka poe a patetlah a lawp awh han.

⁴⁰ Nangmouh teh na kamlang awh vaiteh tuipupaling lam lahoi kahrawng lah bout cet awh ei telah a ti.

⁴¹ Nangmouh ni hai, kaimouh ni Cathut hah koe ka payon awh toe. Maimae Cathut ni lawk na thui awh e patetlah atu cei awh vaiteh taran tuk han telah na dei pouh teh, tami pueng puengcang rip a patuep awh teh, mon lah takhang hanelah coungkacoe ao awh.

⁴² Cathut ni hai tuk awh hanh, nangmouh koe lah kai kaawm hoeh, na tuk awh pawiteh taran hmalah na sung awh han telah kai ni ka dei e patetlah,

⁴³ kai ni ka dei nakunghai nangmouh ni na tarawi awh hoeh. Cathut e kê eknae hoi mon lah na luen awh.

⁴⁴ Hatnavah mon dawkvah la kaawm e Amor miphunnaw ni nangmouh koe lah a tâco teh, khi ni a rongyawn e patetlah nangmouh na kayo awh teh Seir hoi Hormah khopui totouh na thei awh.

⁴⁵ Nangmouh hai bout na tho awh teh, Cathut hmalah na khui na ka awh. Hatei nangmae na lawk hah Cathut ni thai hoeh.

⁴⁶ Hatdawkvah Kadesh hmuen dawkw yampa na o awh e patetlah moi ka saw lah na o awh.

2

Kahrawngum vah kum 40 touh

¹ Cathut ni kai koe bout a dei e patetlah kaimouh ni kamlang awh vaiteh, Tuipui paling kahrawng lahoi ka cei teh Seir mon hah moi ka saw lah ka lawngven awh.

² Cathut nihai, nangmouh ni atueng akuiep nahan hete mon hah na lawngven awh toe.

³ Atunglah bout cet awh ei.

⁴ Nang ni tami pueng koe na dei pouh hane teh, na hmau Esaw miphunnaw a onae Seir ram teng vah, nangmouh na cei awh toteh ahnimouh ni a taki awh han. Hatdawkvah kâhruetcuat awh.

⁵ Rek saueng hanh awh. Ahnimae ram hah, kai ni nangmouh na poe hoeh. Na coungroenae khok hmuen tittouh hai na poe hoeh. Seir mon hateh Esaw yo ka poe toe.

⁶ Nangmouh ni na canei nahane bu hoi tui hai thoseh, ahnimouh koe tangka hoi na ran awh han.

⁷ Nangmouh ni na tawksaknae pueng dawkw, nangmae Cathut ni yawhawinae a poe toe. Hete kahrawngpui dawkw nangmouh na lawngven awh e a kongnaw a panue. A kum 40 touh thung nangmae BAWIPA Cathut ni nangmouh hoi cungtalah ao nah, banghai nangmouh dawkw panki hoeh telah ati.

⁸ Seir ram kaawm e maimae hmau Esaw miphun koe cei awh teh, Elath khopui Eziongeber khopui hoi ka cet e lam tâphai koe ka dawn awh teh, haw hoi bout kamlang awh teh Moab kahrawng lam lahoi ka cei awh.

⁹ BAWIPA Cathut nihai, Moab khocanaw rucut poe awh hanh, tuk awh hanh, ahnimae ram kai ni na poe awh hoeh. Arab ram teh Lot miphunnaw kai ni yo ka poe toe telah ti pouh.

¹⁰ Ayan vah Anakim miphun patetlah ka rasang kalen e Em miphunnaw teh hote ram dawk ao awh.

¹¹ Ahnimouh teh, Anakim miphunnaw patetlah ao e lah a pouk awh. Hatnavah Moab ram khocanaw ni ahnimanaw teh EM telah a kaw awh.

¹² Ayan vah Hor taminaw teh Seir ram vah ao awh. Ahnimouh hah Esaw miphunnaw ni a thei awh teh, ahnimouh onae hmuen dawk ao awh. Hot patetlah Cathut ni a poe e ram hah Isarel miphunnaw ni ati awh.

¹³ Atu cet awh nateh Zered tui rakat awh haw telah a dei e patetlah Ahnimouh ni Zered tui a raka awh.

¹⁴ Kadeshbarnea hmuen koe ahmaloe phanae tueng koehoi ka tâco awh teh Zered tui rakanae tueng totouh kum 38 touh a ro. Cathut ni lawk a kam e patetlah ahmaloe e taran ka tuk thai e ransanaw pueng teh taminaw thungup hoi a due awh.

¹⁵ Ahnimouh raphoe hoeh roukrak, Cathut ni ahnimouh koehoi pâmit hanelah a kut a dâw.

¹⁶ Taran ka tuk thai e pueng tamihu thung e koug a pâmit sak hnukkhu,

¹⁷ Cathut ni nang teh Moab ram,

¹⁸ Ar ram a lungui vah sahnin na cei han.

¹⁹ Ammon miphunnaw teng na pha torei teh ahnimouh rucatnae poe awh hanh, reksaueng awh hanh. Ammon miphunnaw a onae ram hah kai ni nangmouh koe na poe hoeh. Hote ram teh Lot miphunnaw kai ni ka poe toe telah kai koe a dei.

²⁰ Hote ram hai kalenpoung taminaw e hmuen doeh telah taminaw ni a pouk awh. Ayan e tueng dawk, hot patetlah taminaw ni ao awh. Ahnimouh hah Ammon ram khocanaw ni Zamzummim telah a kaw awh.

²¹ Hote miphun teh Anakim miphunnaw patetlah kalenpoung kapap poung e taminaw doeh.

²² Hatei Seir ram dawk kaawm e Esaw miphun e hmalah Hor taminaw hah Cathut ni a raphoe dawkvah, ahnimae hmuen dawk Esaw miphunnaw ni sahnin totouh ao e patetlah koug a pâmit teh ahnimae hmuen dawk Arnonnaw ni ao awh.

²³ Hot patetlah Hazrim khopui koehoi Gaza khopui totouh ouk kaawm e naw Avvimnaw hai Kaptor khopui ka tâcawt e Kaptor taminaw ni a raphoe awh teh, ahnimanaw a onae hmuen dawk ao awh.

²⁴ Nangmouh na thaw awh vaiteh cet awh haw, Arnon tuipui raka awh haw. Amor miphun, Heshbon siangpahrang Sihon hoi a talai hah nangmae kut dawk ka poe toung dawkvah, khosak awh nateh hote bawi hah tuk awh.

²⁵ Tâmai rahim kaawm e pueng, miphunnaw ni sahnin nangmouh tâsue taki laihoi ao nahan ka sak han. Nangmae kamthang a thai awh vaiteh, puenna, pâyawnae, runae puenghoi a kâhmo awh han telah ati.

Sihon siangpahrang a tâ awh

²⁶ Kai hai Kedemoth kahrawng hoi Heshbon siangpahrang Sihon koevah patounenaw ka patoun vaiteh,

²⁷ Aram lungui vah na cetsak haw, na lam dawk dueng ka dawn han. Avoilah aranglah ka phen mahoeh.

²⁸ Seir ram kaawm e Esaw miphun, Ar ram dawk kaawm e Moab miphunnaw ni kai dawk a sak awh e patetlah ka ca hane rawca thoseh, nei hane tui hai thoseh, tangka hoi yawt lawih.

²⁹ Kai teh Cathut ni na poe e ram lah Jordan palang ka raka vaiteh ka pha hoehroukrak Seir ram lungui dawk khok hoi ka cet haw nei telah kâhuikonae lawk hoi ka dei nakunghai,

³⁰ Kaimouh ka cei nahane Heshbon siangpahrang Sihon ni kê na poe hoeh. Bangkongtetpawiteh, sahnin kamnuè e patetlah nangmae Cathut ni hote siangpahrang nangmae kut dawc na poe hanelah, lung a tha o sak, lungpatanae lungthin a poe.

³¹ Cathut ni hai Sihon siangpahrang hoi a talai hah na poe han. Hote talai hah râw lah na pang hanelah lat lawih telah a dei.

³² Hatnavah, Sihon siangpahrang teh amae tami puenghoi Jahaz vah maimanaw na tuk hanelah a tâco.

³³ Maimae Cathut ni hote siangpahrang hah maimouh koe na poe teh, ama hoi a canaw hoi tami pueng ka thei awc.

³⁴ Hatnavah ahnie khopui pueng ka tuk awc teh, napui tongpa, camonaw buet touh hai hlung laipalah koug ka pâmit awc.

³⁵ Saringnaw, khopui dawc e hnopainaw dueng kamamouh hanlah ka la pouh awc.

³⁶ Arnon tuipui teng kaawm e Aroer khopui hoi Gilead khopui totouh, tuipui teng kaawm e pueng khopuinaw thung, ka tâ thai hoeh e buet touh hai khopui awm hoeh. Maimae Cathut ni a cawngca pueng maimouh dawc na poe.

³⁷ Hatnavah Ammon miphunnaw a onae talai, Jabbok tuipui hoi talai, mon dawc e khopui hoi maimae Cathut ni na cakâ pouh e bang buet touh hai ka hnai awc hoeh.

3

Isarelnaw ni Bashan siangpahrang tânae

¹ Hatnavah kaimouh kamlang awc teh Bashan lam lah ka cei awc. Bashan siangpahrang Og hai a taminaw hoi Edrei vah kaimouh na tuk hanlah a tho awc.

² BAWIPA Cathut ni ahni hah taket awc hanh. Ama hoi a taminaw hai thoseh, a talai hai thoseh, nangmae kut dawc na poe awc han. Heshbon khopui dawc kaawm e Amor siangpahrang Sihon koe na sak e patetlah hete Siangpahrang koehai na sak han telah kai koe a dei.

³ Hottelah maimae BAWIPA Cathut ni Bashan Siangpahrang Og hoi a taminaw pueng hah maimae kut dawc na poe vaiteh, buet touh hai hlout laipalah, ka thei awc.

⁴ Hatnavah kaimouh ni khopui 60, Argob ram, Bashan ram, Og siangpahrang e uknaeram, khopui buet touh boehai hlung laipalah ka tuk awc.

⁵ Hote khopuinaw teh, ka rasang poung e rapan, longkhanaw hoi kacakpoung khopui lah ao. Alouk lae kho moikapap hai ka la awc, ka tuk awc teh koug ka raphoe awc.

⁶ Heshbon siangpahrang Sihon koe ka sak awc e patetlah napui camo pueng koug ka thei awc.

⁷ Saringnaw hoi kho thung e hnopainaw teh kamamouh hanlah ka la awc.

⁸ Hatnavah Arnon palangpui hoi kamtawng teh, Hermon mon totouh, Jordan palang namran lah kaawm e Amor siangpahrang roi e kut dawc e Arnon yawn koehoi Hermon mon totouh e ram hah kaimouh ni ka la pouh awc.

⁹ Hermon mon hah Sidonnaw ni Sirion telah thoseh, Amornaw ni Senir telah thoseh a kaw awc.

¹⁰ Tanghling dawk e khopuinaw puenghoi Gilead uknaeram pueng Og siangpahrang Og khopui, Edrei khopui totouh, Bashan ram puengpa ka la pouh aw h.

¹¹ Kalenpounge miphun koehoi ka tho e Bashan siangpahrang Og ama duengdoeh ka hlout. Ayung dong 9, adangka dong 4 touh e sumikhun teh, Ammon ram Rabbah khopui vah ao nahoehmaw.

¹² Hatnavah kaimouh ni la pouh e talai hah Arnon palang teng kaawm e Aroer khopui hoi kamtawng teh, Gilead mon a tangawn totouh khopuinaw hoi Reuben miphun hoi Gad miphunnaw ka poe toe.

¹³ Gilead mon a tangawn hoi Og siangpahrang ni a uknaeram kalenpounge hmuen telah kaw e Argob ram, Bashan ram pueng teh Manasseh miphunnaw atangawn ka poe toe.

¹⁴ Manasseh miphun Jair ni Argob ram pueng Geshur kho Maakath kho totouh a la pouh hnukkhu, Sahnin totouh amamae a min a ceisak e lahoi Havvoth- Jair ram telah a kaw aw h.

¹⁵ Gilead khopui teh Makhir miphunnaw ka poe toe.

¹⁶ Reuben miphun, Gad miphunnaw teh, Gilead khopui hoi Arnon palangpui, alungui totouh Arnon ram khori Arabah palang pui totouh hai thoseh.

¹⁷ Jordan palang teng Kinnereth hoi Sodom tali e kanitholah kaawm e Arabah Pisgah khopui totouh e hai thoseh ka poe toe.

¹⁸ Hatnavah, kai ni, nangmae BAWIPA Cathut ni hete ram heh namamouh han roupan poe toe.

¹⁹ Hatnavah tarankahawi e pueng ni puengcang a kâmahrawk aw h teh, na hmaunawnggha Isarel miphunnaw e a hmalah a cei aw h han.

²⁰ Cathut ni nangmouh karoumcalah na o sak aw h van e patetlah hmaunawngghanaw ka poe hoeh roukrak thoseh, Jordan palang namran e nangmae BAWIPA Cathut ni na poe e talai ahnimouh ni a la hoehnahlan totouh thoseh. Na yu na canaw, saringnaw ni hai kai ni na poe e khopuinaw daw k ao aw h han. Nama koe saring moi ao e kai ni ka panue. Thaw ka cum torei kai ni na la poe e patetlah nangmouh pueng teh lengkaleng na coe han kamcu e talai koe lah bout na ban aw h han telah nangmouh kai ni lawk na thui aw h.

²¹ Hatnavah Joshua hai, na BAWIPA ni hete siangpahrang kahni touh daw k a sak e hno pueng hah nang ni kheh na hmu toe. Hot patetlah BAWIPA ni na phanae kho ramnaw daw k a sak han.

²² Nangmae Cathut ni nanfmouh koe lah kampangkhai dawkvah, ahnimanaw hah taket aw h hanh.

Mosi teh Kanaan ram kâen hane pasoung hoeh

²³ Hatnavah Cathut koe ka kâhei e teh,

²⁴ Oe Bawipa Jehovah, na san kai koe lentoe e hai thoseh, thaonae kut hai thoseh, sak na kamtawng toe. Nang e thaonae na kamnue sak e patetlah kalvan hoi talai daw k bang patet e cathut ni maw a sak thai han.

²⁵ Kai teh Jordan palang namran lah ka raka teh, kahawipoung e ram hoi Lebanon mon koehoi kamtawng teh kahawi e monnaw na hmawt sak haw telah ka kâhei nakunghai,

²⁶ Cathut ni nangmouh kecu daw k kai koe a lungkhuek dawkvah, ka lawk hah na thai pouh hoeh. Cathut ni hai a khout toe. Hete hno hoi kâseng e lawk hah bout na dei pouh hanh lawih.

²⁷ Pisgah mon som dawkvah luen nateh, kanitho, kaniloum, atung, aka lah kangwawi nateh ram hah kenhaw! Jordan tui rakat hanh.

²⁸ Joshua hah lawk thui nateh, thapoe nateh ka bawm haw. Ahni ni hete miphun hmalah a cei vaiteh, na hmu e ram hah râw lah na pang sak han telah a ti.

²⁹ Hottelah kaimouh teh Bethpeor namran lah kaawm e tanghling dawk ka o awh.

4

Mosi ni Isarelnaw lawkngai hanelah a hroecoe

¹ Oe Isarelnaw nangmouh ni na hring awh teh, mintoenaw ni a bawk e BAWIPA Cathut ni na poe e ram na coe thai awh nahan, na sak awh hane kai ni na cangkhai e phunglawknaw hoi lawkcengnaenaw thai awh haw.

² Kai ni kê na poe e lawknaw dawk, bout na thap awh mahoe. Na rayu awh mahoe, nangmae BAWIPA Cathut e kâpoelawknaw hah na tarawi awh han.

³ Cathut ni Baalpeor kecu a sak e hah nangmouh ni na mit hoi na hmu awh toe. Baalpeor kângue pueng nangmae BAWIPA Cathut ni nangmouh thung hoi be a raphoe toe.

⁴ Nangmae BAWIPA Cathut dawk kângue e pueng teh, sahnin ditouh na hring awh.

⁵ Nangmouh ni na cei awh vaiteh na coe hane ram dawk na sak awh hane kaie BAWIPA Cathut ni kê na poe e patetlah, kai ni phunglawknaw hoi lawkcengnaenaw na cangkhai awh toe.

⁶ Hatdawkvah, hotnaw hah tarawi awh. Hottelah na sak pawiteh, phunglawk ka thai e tami pueng e hmalah nangmae lungangnae hoi panuena e a kamnu e han. Ahnimouh ni hete miphunpui teh, lungangnae hoi panuena e hoi ka kawi e miphun katang doe telah ati awh han.

⁷ Maimouh ni ratoum na pueng koe maimae BAWIPA Cathut ni na khet na yawt teh, na pahrennae coe e patetlah alouke cathut ni pahren e miphun apimouh kaawm boi.

⁸ Kai ni sahnin nangmouh koe ka ta e kâlawk patetlah, phunglawk hoi kalan lah lawkcengnae ka tawn e miphun kalen, apimouh kaawm.

⁹ Nangmouh ni Horeb mon van na Cathut hmalah, na kangdue awh navah na mit hoi na hmu awh e naw hah pahnim payon avai. Na hringyung thung na pâkuem thai awh nahan, namamouh kâhruetcu e awh. Kâyawm lahoi tarawi awh. Hotnaw hah na catounnaw hai cangkhai awh.

¹⁰ Hatnavah BAWIPA ni, taminaw kai koe kamkhueng sak haw. Ahnimouh ni talai van a hring na thung kai na taki thai awh nahan a catounnaw a cangkhai sak nahanelah ka lawk hah na thaisak han telah kai koe a dei e patetlah,

¹¹ Nangmouh ni rek na tho awh teh mon khok koe na kamkhueng awh. Hatnavah, monsom hmai a kak teh kalvan lungui teh duktamang, tâmai hoi akawi teh duk a kamthim.

¹² BAWIPA Cathut ni hmai thung hoi na pato, nangmouh ni a mei na hmawt laipalah lawk duengdoeh na thai awh.

¹³ Nangmouh ni na tarawi awh hane kâpoelawk 10 touh hah a dei teh, lungphen 2 touh dawka a thut.

¹⁴ Nangmouh ni na cei awh teh na coe awh hane ram dawk na sak awh hane nangmouh koe na cangkhai e phunglawknaw hoi lawkcengnaenaw hai Cathut ni kai koe kê na poe.

Kutsak na bawk mahoe

15 Horeb vah Cathut ni, hmai thung hoi nangmouh koe lawk a dei navah bang e meilam hai na hmu awh hoeh dawkvah,

16 Nangmouh ni tami napui tongpa mei

17 Talai van kaawm e saring mei, kalvan kamleng e tava mei,

18 Talai dawk vonpui hoi kâva e saring mei, talai thung tui dawk e tanga mei, hoi kâvan e kutsak hah, nangmouh ni bout na kamlang sin awh teh, namamouh han na sak hoeh nahanelah,

19 Kalvan lah na khet teh, Kanî, Thapa, Âsinaw tie kalvan e hno pueng na hmu navah, nangmae BAWIPA Cathut ni, kalvan rahim kaawm e tami pueng koe a poe e hote hnonaw hah, na bawk awh nahane alouke taminaw ni na pasawt thai awh hoeh nahanelah, namahoima kâhruetcueth awh.

20 Nangmouh teh sahnin e patetlah BAWIPA Cathut e râw ka coe e miphun lah na o sak nahan, nangmouh teh Izip ram sum thawngnae takhuen koehoi na tâcokhai awh toe.

21 Hot dueng laipalah, nangmouh kecu dawk, kai koe Cathut a lungkhuek, Jordan tui namran lah rakat laipalah, na coe awh hane Cathut ni na poe e ram thung vah kâen hoeh nahanelah lawk a kam toe.

22 Hatdawkvah, hete ram dawk ka due han toe. Jordan tui ka rakat mahoe hoi nangmouh ni na raka awh vaiteh hote kahawipoung e ram na coe awh han.

23 Nangmae BAWIPA Cathut ni nangmouh koe na ta pouh e lawkkam na pahnim awh teh, nangmae BAWIPA Cathut ni a cakâ e kutsak na sak awh hoeh nahan, namahoima kâhruetcueth awh.

24 Bangkongtetpawiteh, nangmae BAWIPA Cathut teh ka kang e hmai, dipma Cathut doeh.

25 Nangmouh ni na mincanaw na sak awh teh, hote ram dawk moikasawlah na o awh hnukkhu, koung na rawk awh teh buetbuet touh e mei hoi kâlat lah kutsak na sak awh teh, nangmae BAWIPA Cathut a lung hoe na khuek sak awh pawiteh,

26 Jordan tui na raka awh teh na coe awh hane ram thung vah, a ro hoehnahlan na kahma awh han. Moikasawlah kho na sak awh laipalah, khoeroe na kahmakata awh han telah nangmae kong dawk na ka panuek khai e lah sahnin kalvan hoi talai ka palaw.

27 Cathut ni hai nangmouh teh Jentelnaw koe alouklouk lah na kâkapek sak vaiteh, hrek lah kaawm e Jentelnaw koe youn touh na cawi awh han.

28 Hote hmuen dawk, tami kut hoi sak e, hmawt thai hoeh, thai thai hoeh, cat thai hoeh, a hmui ka thai thai hoeh e thing cathut, talung cathutnaw hah nangmouh ni na bawk awh han.

29 Hateiteh, hote hmuen dawk nangmae BAWIPA Cathut hah bout tawng han na ngai awh toteh, lungthin abuemlahoi na tawng awh pawiteh na hmu awh han.

30 Nangmouh ni hmalae tueng dawk, rucatnae na khang awh toteh, hete hnonaw puenghoi na kâhmo awh navah, nangmae BAWIPA Cathut koe lah bout na ban awh teh, lawk na tarawi awh pawiteh,

31 nangmae Cathut teh pahrennae ka tawn e lah ao dawkvah, nangmanaw na pahnawt awh mahoe hoi, na raphoe awh mahoe hoi, lawk a kam e pahnim mahoe hoi.

BAWIPA dueng doeh Cathut

32 Cathut ni talai dawk tami sak kamtawng hoi nangmouh na o hoehnahlan kaloum tangcoung e atueng dawk e hnonaw pueng hah, kalvan apoutnae koehoi avanglah apoutnae koe totouh pacei awh.

Hettelah e kalenpounge hno kaawm boi na ou. Het patetlah e hno kamthang thai boi awh na ou.

³³ Cathut ni hmai thung hoi a dei e lawk nangmouh ni na thai awh e patetlah alouke miphun ni a thai teh hloutnae a coe awh boi na ou.

³⁴ Nangmae BAWIPA Cathut ni, Izip ram nangmae hmalah a sak e patetlah mitnout panuena hoi, kângairu hnonaw a saknae, kâtuknae a phasaknae, thaonae kut dâwnae, taki ka tho e vision a sak e lahoi, alouke cathut ni a cei teh, miphun buet touh koehoi buet touh ama hanelah ouk a la boi ou.

³⁵ BAWIPA Cathut lah a onae hai thoseh, BAWIPA hoeh laipalah teh alouke cathut a ohoehnae hai thoseh, nangmouh na panue sak hanelah, hotnaw hah nangmouh koe a kamnué sak.

³⁶ Nangmouh na cangkhai awh teh, kalvan hoi lawk na thaisak toe. Talai van vah kalenpounge hmai hai na hmu sak teh, hmai thung hoi lawk hah na thai awh toe.

³⁷ Nangmae mintoenaw ka pahren dawkvah, a catoun hah ka rawi toe.

³⁸ Nangmouh hlak a tha a sai awh vaiteh, kapap poung e miphunaw nangmae hmalah hoi ka pâlei teh, sahnin e boiboe lah, a ram dawk a phakhai vaiteh, râw coe sak hanelah, hnotithainae lahoi, Izip ram lahoi na hmalah a hrawi toe.

³⁹ Hatdawkvah, BAWIPA Cathut teh lathueng lae kalvan hoi rahim lae talai van hai thoseh, Cathut lah ao teh, alouke cathut awm hoeh tie hah, sahnin panuek awh, na lung thung pâkuem awh.

⁴⁰ Nangmouh hoi na catounnaw ni khosak ahawi nahan, nangmae BAWIPA Cathut ni na poe e ram dawk, hringsaw nahan thoseh, sahnin kai ni lawk na thui awh e kâpoelawknaw hah, na tarawi awh han telah Mosi ni a dei.

Kânguenaé khonaw

⁴¹ Hatnavah, imri hah taran laipalah, ka thet payon e tami teh,

⁴² a yawng vaiteh, a hring hlout nahanelah Jordan palang kanîtholah khopui 3 touh Mosi ni a ta pouh.

⁴³ Hete khopuinaw e min teh, Reuben miphun onae kahrawng, Bezer khopui, Gad miphun onae, Gilead ram dawk Ramoth khopui, Manasseh miphun onae Bashan ram Golan khopuinaw doeh.

Kâlawk bout a dei pouh

⁴⁴ Hete kâlawk teh Mosi ni Isarelnaw koe a poe e lah ao.

⁴⁵ Ahnimouh ni Izip ram hoi a tâco awh hnukkhu, Heshbon khopui kaawm e, Amor siangpahrang Sihon e ram thung, Jordan tui kanîtholah, Bethpeor khopui dawk kaawm e tanghling dawk Mosi ni a dei e phunglawknaw hoi lawkcengnaenaw doeh.

⁴⁶ Hete hoi Isarelnaw teh Izip ram hoi a tâco awh hnukkhu hote siangpahrang hoi,

⁴⁷ Bashan siangpahrang Og tie Jordan tui namran lah kanîtholah, kaawm e Amon siangpahrang 2 touh a thei teh,

⁴⁸ Ahnimae ram hah Arnon tui teng kaawm e Aroer khopui, Hermon mon tie Zion mon totouh thoseh,

⁴⁹ Jordan tui kanîtho hoi, kâkuen e talîpui teng, Arabah Pisgah totouh a lawp awh.

5

Kâlawk Hra touh

¹ Mosi ni Isarelnaw a pâkhueng teh, Isarelnaw thai aw haw, na kamtu aw h e kâhruetcueth lahoi na hringkhai thai aw h nahan, sahnin ka dei e phunglawk hah kahawicalah thai aw h haw.

² Maimae BAWIPA Cathut ni Horeb mon daw k maimouh hoi, lawk a kam aw h toe.

³ Hote lawkkam hah Cathut ni maimae mintoenaw hoi dueng a sak e tho hoeh, sahnin kahring rah niteh, hi kaawm e maimouh puenghoi hai sak e lah ao.

⁴ BAWIPA ni mon dawkvah hmai thung hoi, minhmai kadangka lah a dei toe.

⁵ Hatnavah nangmouh ni hmai na taki aw h teh, mon daw k na luen ngam aw h hoeh dawkvah, kai teh BAWIPA Cathut e lawk na poe e hah dei hanelah BAWIPA hoi nangmae rahak ka kangdue.

⁶ A dei e lawk hateh, nangmouh san lah na onae Izip ram hoi na ka tâcawtkhai e nangmae BAWIPA Cathut doeh.

⁷ Kai hloilah Cathut alouke na baw k mahoeh.

⁸ Kalvan hai thoseh, talai daw k hai thoseh, talai thung tui thung hai thoseh, kaawm e hoi kâvan e meikaphaw k banghai namamouh han lah na sak aw h mahoeh.

⁹ A hmalah tabo laihoi baw k hanh. Bangkongtetpawiteh, nangmae Cathut, Kai teh dipmasin Cathut, kai na kamaihoenaw e catoun, se thum se pali totouh a napanaw e yon hah a canaw daw k ka pathung e Cathut,

¹⁰ Kai hah lungpataw niteh, kaie kâpoelaw k ka tarawi e a catounnaw koe a thongsang totouh pahrennae kamnuek sak e Cathut lah ka o.

¹¹ Na BAWIPA Cathut e min hah laithoe koe lah na deirumram mahoeh. Bangkongtetpawiteh, a min laithoe lah dei e yon a tawn telah BAWIPA ni a panue.

¹² Na BAWIPA Cathut ni lawk na thui e patetlah Sabbath hnin thounsak hanelah ya aw h.

¹³ Hnin taruk touh thung thaw na taw k han.

¹⁴ A hnin sari hnin teh BAWIPA Cathut e Sabbath hnin doeh, hote hnin daw k nama hoi na canaw, san napui, san tongpa, maito, la, na saring pueng, na imyin hai thaw taw k mahoeh. Longkha thung duem na o e patetlah san napui san tongpanaw ni duem ao aw h han.

¹⁵ Nang teh Izip ram san lah na onae thoseh, na BAWIPA Cathut ni a thaonae kut a dâw teh, hote ram hoi nang na tâcokhai e pouk haw. Hote a kong daw k nang ni Sabbath hnin na ya han telah BAWIPA Cathut ni a dei.

¹⁶ BAWIPA Cathut ni na poe e ram dawkvah, na hring a saw teh na yawhawi nahanelah, BAWIPA Cathut ni lawk na thui e patetlah na manu hoi na pa barilawa.

¹⁷ Tami thet hanh.

¹⁸ Uicuk hanh.

¹⁹ Ayâ e hno paraw t hanh.

²⁰ Na Imri koe, kahmanhoeh e kapanuekkhaikung lah aw m hanh.

²¹ Na imri e a yu lungraduek hanh. Na imri e im, law, a san napui, a san tongpa, la, maito, hoi hnopai pueng buet touh boehai noenae lungthin tawn hanh telah a ti.

²² Hete lawknaw heh mon daw k hoi, hmai tâmai duk kamthim e kahmot e a thung hoi BAWIPA ni puenghoi kacaipounge lawk hoi nangmouh

kamkhueng e rangpuinaw koe a dei. Rek bout dei hoeh toe. Hote lawknaw haiyah lungphen kahni touh dawk a thut teh kai koe na poe.

²³ Nangmouh ni hmo na thung e lawk na thai aw h teh, Monsom hmai a kak lahun nah, nangmae catounnaw dawk e khobawinaw hoi kacuenaw kai koe a tho aw h teh,

²⁴ maimae BAWIPA Cathut ni a bawilenna hoi a lentoenae maimouh koe a kannue sak toe. Hmai thung hoi lawk hah maimouh ni thai aw h toe. Cathut teh tami hoi a kâhmo teh a kâpato eiteh, tami teh a hring rah tie panue aw h toe.

²⁵ Maimouh teh bangkongmaw atu due aw h han vaw. Hete taki ka tho poung hmai ni maimouh teh na kak aw h han toe. Maimae BAWIPA Cathut e lawk dei e hah bout thai aw h pawiteh, due aw h han doeh toe.

²⁶ Ka hring Cathut ni hmai thung hoi a dei e lawk hah, maimouh ni thai aw h e patetlah, apipatet e tami ni maw ka thai ni teh ka hring vaw.

²⁷ Nang ni a tengpam cet nateh maimae BAWIPA Cathut ni a dei e pueng thai aw h haw. Maimae BAWIPA Cathut ni kai koe na dei pouh e pueng patuen dei pouh haw. Kaimouh ni ka thai aw h vaiteh ka tarawi aw h han.

²⁸ Hottelah nangmouh ni kai koe na dei aw h e lawk BAWIPA ni a thai. BAWIPA Cathut nihai, hete miphun ni nang koe a dei e lawk ka thai, a dei e lawk pueng teh ahawi.

²⁹ Ahnimouh hoi a catounnaw ni ahawinae a hmu nahanelah, kai na taki aw h teh kâpoelawknaw pueng hah pou a tarawi ngainae lungthin hoi kawi aw h naseh.

³⁰ Rimnaw koe lah bout ban a leih telah dei pouh.

³¹ Nang teh hete hmuen daw k ka teng kangdout. Ahnimouh kai ni ka coe sak e ram daw k a sak aw h hane ahnimouh cangkhai hane kâpoelaw k, phunglaw k hoi lawkcengnae pueng ka dei han telah a ti.

³² Hatdawkvah maimae BAWIPA Cathut ni kâ na poe e patetlah nangmouh ni na sak aw h nahan, na kâhruetcu et aw h han. Avoilah nakunghai, aranglah nakunghai na phen takhai aw h mahoeh.

³³ Nangmouh na coe aw h hane ram daw k, nangmouh ni duethinae daw k hoi na hlout aw h vaiteh, hringyung saw nahanelah, nangmae BAWIPA Cathut ni a dei e lamthungnaw pueng daw k na dawn aw h han.

6

Kalenpoung e Kâlawk

¹ Nangmouh hoi na mincanaw ni namamae BAWIPA Cathut hah na taki aw h vaiteh,

² Kai ni na poe e naw, pueng hah hringyung thung na tarawi thai e hoi, na hringyung a vang sak thai nahan na cei aw h vaiteh, na coe hane ram daw k, na sak aw h hane kai ni na cangkhai hanlah, nangmae Cathut ni law k na poe e kâpoelawknaw, phunglawknaw hoi lawkcengnaenaw hateh,

³ Oe Isarel miphun, mintoenaw e Cathut e lawkkam patetlah nang ni sanu tui, khoitui a lawngnae ram daw k na yawhaw i aw h teh, na pungdaw aw h nahan thai aw h, kâhruetcu et lahoi tarawi aw h.

⁴ Oe Isarel miphun thai aw h haw, maimae BAWIPA Cathut teh buet touh dueng e BAWIPA la doeh ao.

⁵ Nange BAWIPA Cathut hah, na lungthin abuemlah, na hringnae abuemlah hoi thaonae abuemlahoi lungpataw haw.

⁶ Sahnin kai ni na poe e lawk hah na lung daw k na pâkuem han.

⁷ Hote lawk hah panki lahoi na canaw na cangkhai han. Im dawk tahung nahai thoseh, cei nahai thoseh, i nahai thoseh, thaw nahai thoseh, hote lawk hah na dei pouh aw hah.

⁸ Hote lawk hai na kut dawk mitnout nahanelah thoseh, na mit rahak hai thoseh na bet han.

⁹ Im takhang, khopui longkha dawk hai na thut han.

¹⁰ Na kangdue sak hoe h e khopuinaw hai thoseh, hnokahawi hoi kakawi e innaw hai thoseh,

¹¹ tuikhu na tai hoe h e hai thoseh, na patue hoe h e misur takha hoi olivekungnaw hai thoseh, nang na poe hanelah na pa Abraham, Isak, Jakop, koe lawkkam e ram koe nangmae BAWIPA Cathut ni na hrawi aw hah vaiteh kaboumcalah na ca aw hah.

¹² San lah na onae Izip ram lahoi nangmouh na ka tâcawtkhai e BAWIPA Cathut na pahnim aw hah hane nahan, namamouh kâhruetcuete aw hah.

¹³ Na BAWIPA Cathut hah na taki aw hah han. Hote Cathut dueng na bawk aw hah han. A min lahoi thoe hai na kâbo aw hah han.

¹⁴ Alouke Cathut, na tengpam e mipunnaw e cathut hnuk na kâbang aw hah mahoe h.

¹⁵ Nangmae Cathut teh nangmouh daw k dipma Cathut doeh. Nangmae BAWIPA Cathut teh nangmouh koe a lungkhuek vaiteh, talai van hoi na raphoe han tie taki hane ao.

¹⁶ Nangmouh ni Massah hmuen daw k na tanouk e patetlah na BAWIPA Cathut hah tanouk aw hah han.

¹⁷ BAWIPA Cathut ni na hruek pouh aw h e kapanuekkhaikung, lawkkam, kâpoelawknaw hah panki lahoi na tarawi aw hah han.

¹⁸ Nang na hlout nahanelah,

¹⁹ BAWIPA Cathut e a lawkkam patetlah tarannaw pueng, nangmae hmalah hoi ka pâlei vaiteh, nangmae na mintoenaw koe ka kam e ram hah na coe aw hah vaiteh, na o sak nahan, BAWIPA Cathut hmalah kalan e hno sak aw hah.

²⁰ Hmalae tueng daw k na canaw ni, kaimae Cathut ni na poe e lawkpanuesaknae, phunglawknaw hoi lawkcengnaenaw hah bangmaw a deingai telah na pacei aw hah pawiteh,

²¹ Nang ni kaimanaw Izip ram daw k Faro siangpahrang e san lah ka o aw hah nah BAWIPA e a thaonae kut hoi kaimanaw hah Izip ram hoi na tâcokhai aw hah.

²² BAWIPA nihai, lentoe kângairunae hah Izip ram hoi Faro imthungkhu lathueng hai thoseh, maimae hmaitung a sak hnukkhu,

²³ Mintoenaw koe a kam e ram daw k na kâenkhai teh hmuen na poe hanelah hote ram daw k hoi na tâcokhai aw hah.

²⁴ BAWIPA ni sahnin totouh na lungma e patetlah hringnae na hlung pouh nahanelah, maimouh hawi nahanlah hete phunglawknaw pueng tarawi han. BAWIPA Cathut taki hanelah lawk na thui aw hah.

²⁵ Hatdawkvah, maimae BAWIPA ni kâ na poe e patetlah, hete kâpoelawknaw pueng a hmalah tarawi nahanelah, na kâhruetcuete pawiteh, lanna e koe na pha aw hah han telah, bout na dei aw hah han.

7

Kanaannaw e kutsak na baw k mahoe h

¹ Nange BAWIPA Cathut ni na coe aw hah hane ram daw k na kâenkhai aw hah vaiteh, Hit, Girgashite tami, Amor tami, Kanaan tami, Parizzite tami, Hiv

tami, Jubusitnaw nangmouh hlak kalen ka rasang e miphun 7 touh hah a pâlei teh,

² nangmae kut dawk bout na poe aw h navah, na thei aw h vaiteh capingkacailah na raphoe aw h han, ahnimouh hoi lawkkamnae na sak aw h mahoe h, na lungma aw h mahoe h.

³ Ahnimouh hoi yuvâ lah na aw m aw h mahoe h, na canu hoi na capa, a capa hoi na canu na kâyuva sak mahoe h.

⁴ Bangkongtetpawiteh, ahnimouh ni na ca hah kai koe thokhai laipalah, alouke cathut baw k hanelah a pasaw t aw h han. Hatnavah BAWIPA lungkhueknae hoi nangmouh tang na raphoe avai.

⁵ Hatdawkvah, ahnimouh daw k bangtelamaw ka sak han, ahnimae thuengnae pueng ka raphoe han, kutsak pueng ka raphoe han. Asher-ahkungnaw ka tâtueng han. Thuk e meeikaphaw k pueng hmai ka pau pouh han.

BAWIPA hanelah kathounge miphun

⁶ Bangkongtetpawiteh, nang teh BAWIPA Cathut hanelah kathounge miphun doeh. Talai van kaaw m e miphun hlak nange BAWIPA Cathut ni coe kamcu e miphun lah o sak nahan nang teh na rawi toe.

⁷ Nang teh alouke miphun hlak hoe na pap daw kvah, BAWIPA Cathut ni na lungpatawnae daw k na rawi e tho hoeh, nang teh jentelnaw hlak hoe na youn.

⁸ BAWIPA Cathut ni nang na lungma daw k thoseh, na mintoenaw koe lawkkam ka raphoe han ka ngai hoeh daw k thoseh, san lah na onae Izip ram ka uk e Faro siangpahrang kut daw k hoi thaonae kut hoi nangmouh na tâcokhai aw h toe.

⁹ Hatdawkvah, nangmae BAWIPA Cathut teh Cathut katang, yuemkamcu e Cathut, Bawipa ka lungpataw ni teh phunglaw k katarawinaw e se a thongsang totouh lawkkam acak teh pahrennae kamnuek e Cathut,

¹⁰ BAWIPA kamaithoenaw raphoe hanelah, amamouh hmalah yon pathung e Cathut tie hah panuek aw h. BAWIPA kamaithoenaw minhmai khen laipalah, amamae hmaitung yon moi a pathung han.

¹¹ Hatdawkvah, sahnin na poe e phunglawknaw hoi kâpoelawknaw hoi lawkcengnaenaw hah na tarawi aw h han.

Lawkngai yawhawinae

¹² Hote lawkcengnaenaw nang ni na tarawi hanelah, lawk na ngâi pawiteh, na BAWIPA Cathut ni na mintoenaw hanlah lawk a kam e lawkkam hoi lungmanae hah nangmae lathueng a kangning sak han.

¹³ Ahni ni nang hah na lungpataw vaiteh, yawhawinae na poe han, na pungdaw sak han. Na poe hane na mintoenaw koe lawkkam e ram daw k, na khe e na canaw hai thoseh, nange talai, a pawhik, cang, misurtui, satui, maito a pungdaw, tuhunaw hai thoseh yawhawi ka poe han.

¹⁴ Nang teh miphun pueng hlak yawhawinae hoe ka coe e lah na o vaiteh, nang daw k ka ting e tongpa napui buet touh hai aw m mahoe h. Saringnaw daw k ka ting e tongpa napui buet touh hai aw m mahoe h.

¹⁵ Cathut nihai, patawpanat pueng nang koehoi ka takhoe vaiteh, na panuek e Izip ram e pataw kathoutnaw nang daw k ka phat sak mahoe h. Nang ka maithoe e naw koe ka pha sak han.

¹⁶ Nange BAWIPA Cathut ni nang daw k na poe e miphun pueng a raphoe han. Na mit ni ahnimanaw na pahren mahoe h. Ahnimae cathut na baw k mahoe h. Na baw k pawiteh, na kamthui na rawp nahanelah ao han.

¹⁷ Na lung thung hoi hete miphunnaw heh maimouh hlak hoe apaph-nawn, bangtelamaw pâlei thai aw h han na tet aw h pawiteh,

¹⁸ ahnimouh taket hanh, BAWIPA Cathut ni Faro hoi Izip tami pueng koe a sak e hah pahnim hanh aw h,

¹⁹ Tanouknae kalenpoung na mit hoi na hmu e naw hai thoseh, na BAWIPA Cathut ni na tâcokhai navah na patue e mitnoutnaw hai thoseh, thaonae kut a dâw e hai thoseh, kheikhei na pouk aw h han. Hot patetvanlah, nang ni na taki e miphunnaw koe nange BAWIPA Cathut ni a sak han.

²⁰ Hothloilah, ka cawi rah niteh, kâhrawknaw a due hoehroukrak nangmae BAWIPA Cathut ni, khoingannaw ahnimouh koe a patoun han.

²¹ Ahnimouh kecu daw k na lungpuen aw h hanh. Bangkongtetpawiteh, takikathopoung nangmae BAWIPA Cathut teh nangmouh koe ao.

²² Nangmae BAWIPA Cathut ni hote miphunnaw teh paiyai lahoi nangmouh koehoi na pâlei pouh han. Kahrawng e sarangnaw nangmouh koe lah pung langvaih tie puen han ao teh, ahnimouh tang pâlei kawi nahoe h.

²³ Hatnavah Cathut ni ahnimouh nangmouh koe na poe vaiteh, koug a rawk totouh kalenpoung rawknae ka pha sak han.

²⁴ Ahnimae Siangpahrangnaw hai nangmae kut daw k na poe vaiteh, ahnimae min taluena e kalvan rahim vah raphoe han. Ahnimouh ka raphoe hoehroukrak nangmae hmalah apihai kang dout thai e aw m mahoe h.

²⁵ A sak e meikaphawknaw pueng hmai pau pouh han. Kutsak daw k kaaw m e sui ngun na noe mahoe h, na lat mahoe h, na lat pawiteh yon lah ao hane ngai hri kawi ao. Nangmae BAWIPA Cathut ni a panuet.

²⁶ Panuet kawi na im daw k thokhai hanh, na thokhai pawiteh, nang teh hot patetlah thoebo han kawi lah doeh na o tie taki ao. Hot patet e hno hah nang ni khoeroe na panuet han, thoebo kawi e hno doeh.

8

Na Cathut hah pahnim hanh

¹ Nang teh na hring vaiteh na pungdaw nahan BAWIPA Cathut ni na mintoenaw koe kam pouh e ram daw k na cei vaiteh, na coe nahanelah, sahnin kai ni lawk na poe e kâpoelaw k pueng na tarawi nahanlah na kâhruetcu et han.

² Nange BAWIPA Cathut ni kâpoelaw k tarawi ngainae lung na tawn hoi tawn hoe h e na tanouk aw h teh, ka loun tangcoung kum 40 touh thung kahrawngum vah na hrawinae naw hah na pahnim aw h mahoe h.

³ Hottelah na lungthin rahnoum aw h teh, kahaikahlam lah na o sak navah, na panue e nahoe h, na mintoenaw ni panue boihoe h e manna hoi na kaw k aw h teh, tami teh vaiyei hoi dueng hring hoe h, BAWIPA e law k lahoi doeh hring tie a panue sak.

⁴ Kum 40 touh thung hnicu hai pawn hoe h na khok hai phing hoe h.

⁵ A na pa ni a ca a toun e patetlah na BAWIPA Cathut ni na toun tie na lung hoi na pouk han.

⁶ Hatdawkvah, a lamthung na dawn teh BAWIPA taki lahoi kâpoelawknaw na tarawi han.

⁷ Bangkongtetpawiteh, na BAWIPA Cathut ni kahawi e ram, tanghling, mon daw k hoi ka phuek e tui pui, sokca, tuihnu, tuiim hoi ka kawi e ram,

⁸ catun, barli, misurkung, thaibunglungkungnaw, talekung, hoi ka kawi e ram, olive satui, khoitui hoi ka kawi e ram,

⁹ voutnae awm laipalah, ka boum lah canae ram, sumtalung hoi a kawi teh, mon dawh hoi rahum tainae ram koe nangmouh hah na hrawi awh.

¹⁰ Kahawi poung e ram na poe awh dawkvah, kaboumcalah na ca awh toteh, na BAWIPA Cathut e a lungmanae na pholen awh han.

¹¹ Sahnin kai ni na poe e kâpoelawknaw, phunglawknaw, hoi lawk-cengnaenaw tarawihoeahnae lahoi Cathut na pahnim awh hoeh nahanlah sahnin kai ni kâ na poe awh.

¹² Ka boum lah na ca teh im kahawi dawh na o navah,

¹³ nangmae tu, maito, sui, ngun hoi hnopai naw apung toteh,

¹⁴ na kâoup teh, yampa vah santoungnae Izip ram hoi na ka tâcawtkhai e,

¹⁵ hmai tahrn, aikamnaw apap teh, tui kahran ti ohoehnae hmuen, takikathopoung kahrangum dawh na ka hrawi niteh, hmai talung thung hoi tui ka tâcawt sak e,

¹⁶ nang hah na tanouk teh, a hnukteng na pahren nahanelah, na mintoenaw ni panue boihoe e mana hoi kahrangum na kakawkkung nange BAWIPA Cathut hah na pahnim awh teh,

¹⁷ Ka Bahu, ka thaonae kut hoi hete hno kai ni ka tawn toe telah na lungthung hoi na pouk hoeh nahan kâhruetcueth awh.

¹⁸ Na BAWIPA Cathut duengdoeh na pouk han, Bangkongtetpawiteh, na mintoenaw kam pouh e lawkkam hah, sahnin e patetlah caksak nahanelah, hnopai hmuthainae na kapoekung teh Cathut doeh.

¹⁹ Na BAWIPA Cathut na pahnim awh teh, alouke cathutnaw na hnai awh teh na bawh awh pawiteh, rawknae dawh na pha katang awh han. Sahnin kai teh nangmouh koe kapanuekkhaikung lah ka o.

²⁰ Na BAWIPA Cathut e lawk hah na ngâi awh hoeh dawkvah Jentelnaw nangmae na hmalah ka raphoe e patetlah nangmouh hai na raphoe awh han.

9

Kanaan ram e miphunnaw BAWIPA ni a raphoe

¹ Oe Isarelnaw thai awh haw. Nangmouh hlak a thakasai e miphun hai thoseh, kalvan kadeng e rapan hoi ka kawi e khopuinaw hai thoseh,

² Anakim miphun hmalah bangtelah vai kangdue thai tie lawk na thai teh, na panue e Anakim miphun tie kalenpoung miphun hai thoseh, tuk nateh lawp hanelah atu Jordan tui raka tawmlei toe.

³ Hatdawkvah, na BAWIPA Cathut ni na hmalah a cei teh, ka kang e hmai patetlah ao teh, ahnimouh a raphoe vaiteh, na hmaitung vah, a tabo han tie hah na lungkuep awh. Cathut ni a dei e patetlah nang ni ahnimouh na pâlei awh vaiteh karang poung lah na raphoe awh han.

⁴ BAWIPA na Cathut ni ahnimouh nang koehoi a pâlei hnukkhu, nang ni kaie lannae dawh doeh BAWIPA ni hete ram ka kut dawh na poe telah na pouk payon vaih. Hote miphunnaw hawihoe e dawh BAWIPA ni ka hmaitung hoi a pâlei telah pouk awh.

⁵ Na sak awh e hnokahawi dawh hai thoseh, lannae dawh hoi hai thoseh, hote ram a coe awh hane nahoe. Hete miphunnaw hawihoe dawh hoi thoseh, BAWIPA ni na pa Abraham, Isak, Jakop koe lawkkam e lawk hah, a caksak nahan na Cathut ni ahnimouh na hmalah hoi a pâlei e doeh.

⁶ Hatdawkvah, na BAWIPA ni nama e na hawinae dawh hoi, kahawipoung e ram na poe e nahoe, nang teh na lahuen ka cak e miphun doeh.

⁷ Nang ni kahrawngum vah BAWIPA lung na khuek sak e hah, pahnim hanh. Izip ram hoi na tâco pasuek nah, hete hmuen koe na pha a totouh, BAWIPA koe taran lah na thaw awh.

⁸ Horeb vah BAWIPA a lung na khuek sak awh teh, nangmouh raphoe hane totouh, BAWIPA hah a lungkhuek.

⁹ BAWIPA hoi lawkkamnae thutnae talung, lungphen la hanelah, mon lah ka luen navah, hnin 40 touh thung vaiyei hoi tui ka catnet laipalah, mon vah ka o.

¹⁰ BAWIPA Cathut ni lungphen kahni touh Cathut e kut hoi thut e na poe. Na kamkhueng hnin vah, mon som hmai dawk hoi a dei e lawknaw ao.

¹¹ Ahnin 40 arum 40 akuiep navah hote lawkkam lungphen kahni touh e teh, BAWIPA Cathut ni kai koe na poe.

¹² Hahoi BAWIPA ni Thaw nateh karang cathuk leih. Izip ram hoi na tâcokhai e taminaw a rawk awh toe, tarawi hane ka poe e lamthung a phen awh toe. Kutsak meikapawk doeh a bawk awh toe.

Suimaitoca

¹³ BAWIPA ni, hete miphunnaw ka khet nah, a lahuen mangkhak e miphunnaw doeh.

¹⁴ Ka madueng na awm sak awh. Ahnimouh kai ni ka raphoe han. A min hai kalvan rahim vah ka raphoe han. Nang teh ahnimouh hlak tha na sai sak vaiteh, miphun ka pungdaw sak han telah a ti.

¹⁵ Hatnavah lawkkam talung kahni touh ka sin teh, ka kamlang teh hmai ka kang e mon dawk hoi ka kum.

¹⁶ Nangmouh ni, BAWIPA Cathut koe na yon awh teh, maito meikaphawk hlun awh teh, Cathut ni lawk na poe e lamthung karang poung lah, na phen awh toe tie ka hmu navah,

¹⁷ Kut roi hoi ka patuep e lungphen, kahni touh e hah nangmae hmaitung vah ka raphei.

¹⁸ Nangmouh ni, BAWIPA lung na khuek sak nahanelah, a hmalah yonnae na sak awh e yon pueng dawkvah, yampa e patetlah BAWIPA hmalah ka tabo teh, hnin 40 rum 40 touh vaiyei hoi tui catnet laipalah ka o.

¹⁹ Bangkongtetpawiteh, BAWIPA ni nangmouh na raphoe hanlah, puenghoi lungkhueknae a tâco sak e kai ni ka taki. Hatnavah BAWIPA ni kaie ka lawk bout na thai pouh.

²⁰ BAWIPA ni Aron raphoe hanelah a lung puenghoi a khuek dawkvah, Aron hane lahai ka ratoum.

²¹ Yonnae tie na sak awh e maitoca hah ka la teh, a tui lah kalawng sak. A kanuikapin lah rekrek ka kanawi teh, mon dawk hoi ka lawng e palang dawk ka tâkhawng.

²² Taberah, Messah hmuen, Kiborthhattaavah hmuen koe hai, nangmouh ni BAWIPA hah a lungkhuek nahanlah na sak awh.

²³ Kadeshbarnea hoi BAWIPA ni cet awh nateh, kai ni na poe e ram hah lat awh. Nangmouh na patoun awh navah, nangmouh ni nangmae BAWIPA e kâ poe e na kangek awh. BAWIPA na yuem awh hoeh, lawk hai ngâi laipalah na o awh.

²⁴ Ka panue hnin hoi nangmouh teh BAWIPA hah na taran awh toe.

²⁵ BAWIPA ni nangmouh na raphoe han telah a dei dawkvah, kai teh yampa e patetlah hnin 40 rum 40 touh ka tabo.

²⁶ BAWIPA koe, Oe Bawipa Jehovah, lentoenae hoi na ratang teh, thaonae kut hoi Izip hoi na tâcokhai e, nange râw lah kaawm e hete taminaw hah raphoe hanh loe.

²⁷ Nange san Abraham, Isak, Jakop hah pahnim hanh. Hete miphunnaw teh a lungpatanae, a yonnae hoi a hawihoehnae pâkuem pouh hanh.

²⁸ Hottelah hoeh pawiteh, tâconae ram dawk e taminaw ni, Cathut ni a kam pouh e ram dawk, a thokhai thai hoeh dawkvah, a hmu ngaihoeh dawk na ou, kahrawngum thei hanelah a ngai dawk na ou ati han nahoehmaw.

²⁹ Hetnaw teh lentoenae hoi, na kut na dâw teh, na tâcokhai e nange râwnaw doeh telah kai ni ka ratoum.

10

Kâlawk talung apâhni e

¹ Hat navah, Cathut ni ahmaloe e talung kahni touh e patetlah talung kahni touh bout bo e, kai ka onae koe takhang loe, thingkong hai sak loe.

² Na raphei e hmaloe e talung dawk thut e lawk patetlah apâhni e talung dawk bout ka thut han rak, hote talung teh thingkong thung na hruek han ati.

³ Kai ni Anri thing e thingkong ka sak teh ahmaloe e talung patetlah talung kahni touh ka bo teh, hote talung ka sin teh mon lah ka luen.

⁴ Na kamkhueng awh hnin vah, BAWIPA ni mon vah hmai thung hoi a dei e kâpoelawk 10 touh hah, ahmaloe e ca thut e patetlah BAWIPA ni a thut teh kai hah na poe.

⁵ Ka kamlang teh mon hoi ka kum. Ka sak tangcoung e thingkong thung hote lungphen ka hruek teh, BAWIPA ni dei e patetlah hote thingkong thung vah atu ao.

⁶ Mon dawkvah yampa ka onae tueng patetlah hnin 40 rum 40 touh bout ka o teh, hat nahai BAWIPA ni nangmouh raphoe hoeh nahan kaie ka lawk hah a thai.

⁷ BAWIPA ni, thaw haw, hete miphunnaw koe poe hanelah, na mintoenaw koe lawkkamnae ram koe lah a cei awh vaiteh, a lawp awh nahan ahnimae hmalah cet telah ati.

⁸ Isarelhaw teh Moserah hmuen koehoi a cei awh teh, Bennejaakan hmuen dawk a roe awh.

⁹ Hote hmuen koehoi a kamthaw awh teh, Horakeikat hmuen koe a roe awh. Hote hmuen koehoi bout a kamthaw awh teh, sawkca tui apapnae koe Jobbathah hmuen koe a roe awh. Haw hoi bout a cei awh teh, Eziongeber hmuen koe a roe awh. Hote hmuen koehoi a cei awh teh, Zinahtokadesh hmuen koe a roe awh. Hote hmuen koehoi bout a cei awh teh, Moserah mon dawk a roe awh. Hote hmuen koe Aron a due teh a pakawp awh. A capa Eleazar ni a na pa yueng lah a tawk.

¹⁰ Levih miphunnaw teh Cathut lawkkam thingkong a hrawm sak hanelah thoseh, a hmalah kangdue vaiteh a thaw tawk sak hanelah thoseh, a kâtawwnae hoi yawhawinae poe sak hanlah thoseh, sahnin totouh ahnimae lah ao.

¹¹ Hatdawkvah, Levih miphunnaw teh a hmaunawngnanaw hoi ham reirei coe awh mahoe. Râw hah coe awh mahoe. Na BAWIPA Cathut ni lawk na kam pouh e patetlah BAWIPA teh a coe awh hane râw la doeh ao.

¹² Oe Isarel, BAWIPA na Cathut taket haw, a lamthung dawwnae, na BAWIPA Cathut hah na lungthin abuemlahoi, na hringnae abuem lahoi lungpataw nateh a thaw tawknae,

¹³ na hawi nahanlah sahnin ka dei e BAWIPA e phunglawk tarawinae hoeh laipalah teh na BAWIPA ni bang thaw mouh a hei va.

¹⁴ Kalvan hoi kalvannaw hai thoseh, talai hoi talai hno pueng hai thoseh, na BAWIPA ni a tawn e doeh.

¹⁵ Hatnavah, na BAWIPA ni na mintoenaw hah a lungpataw teh, sahnin e patetlah ahnimouh miphun lah kaawm e nang hah alouke miphunnaw hlak na rawi e lah ao.

¹⁶ Hatdawkvah, na lungthin vuensoma haw. Na lung bout patak sak hanh.

¹⁷ Bangkongtetpawiteh, na Cathut teh cathutnaw e Cathut, bawipanaw e BAWIPA, kalenpounge Cathut, a thakaawmpounge, taki ka tho e, tami minhmai khen hoeh, tadawngghno hai cat hoeh.

¹⁸ Lahmainu hoi naranaw lawk a ceng teh, imyin a lungpataw teh ca hane hoi khohna hane ka poe e BAWIPA doeh.

¹⁹ Hatdawkvah, imyinnaw hah lungpataw aw. Bangkongtetpawiteh, nangmouh Izip ram lah Imyin lah ouk na o boi aw. toe.

²⁰ Nangmae BAWIPA hah na taki aw. vaiteh, a thaw na taw. k aw. han. BAWIPA koe na kâh. nai aw. h. han, a min lahoi lawkkamnae sak aw. h. hanh.

²¹ BAWIPA teh na lentoenae na Cathut doeh. Nang ni na mit hoi na hmu e patetlah takikathopounge naw hah ka sak e lah ao. toe.

²² Na mintoenaw teh, Izip ram lah a ceicathuk aw. navah, tami 70 duengdoeh ka phat, atuteh kalvan Âsi patetlah Cathut ni apap sak. toe.

11

BAWIPA lungpataw nateh a thaw taw. k

¹ Hatdawkvah, nang teh na BAWIPA na Cathut lungpataw han, kâ na poe e phunglawk, lawkcengnae hoi kâpoelawknaw hah pou na tarawi han.

² Nange BAWIPA ni na toun aw. h. e hai thoseh, a lentoenae thoseh, a thaonae kut a dâw e thoseh,

³ mitnoutnae thoseh, Izip ram daw. k, Izip siangpahrang, Faro siangpahrang hoi khocanaw koe a sak e hno hai thoseh,

⁴ Izip ransanaw lah kaawm e a marang, rangleng lathueng hno a sak e thoseh, nangmouh na ka pâlei e naw hah tuipui paling a ramuk sak teh, sahnin totouh a thei e hai thoseh,

⁵ Hete a hmu. en koe na pha totouh, kahrawng vah na kâhei aw. h. navah nangmouh han a sak e hno hai thoseh,

⁶ Reuben miphun Eliab capa Dathan hoi Abiram ti koe ka sak e hno hai thoseh, talai ni a ang teh a imthungkhu abuemlah, a rimnaw, a tawnta e hnopainaw hoi Isarelnaw e rahak vah, a payon e thoseh, kahmawt aw. h. hoeh e na canaw koe kai ni ka dei hoeh, hotteh namamouh ni panuek aw. h.

⁷ BAWIPA ni a sak e hno kalenpoungnaw pueng hah namamouh roeroe ni na hmu aw. h. toe.

⁸ Hatdawkvah nangmouh ni na cei aw. h. vaiteh, na coe a hane ram sanutui hoi khoitui a lawngnae ram.

⁹ Na mintoe hoi catounnaw koe poe hane BAWIPA ni lawk a kam e ramnaw daw. k, moikasawlah kho na sak a thai nahan, a tu kâ na poe e kâ lawknaw pueng na tarawi a han.

¹⁰ Nangmouh ni na cei awh teh na coe a hane ram laikawk patetlah cati ka hei teh khok hoi tui awi e ram nangmouh na tâconae Izip ram hoi kâ van hoeh.

¹¹ Nangmouh ni na cei awh teh na coe awh hane ram teh monnaw, tanghlingnaw hoi a kawî vaiteh, kho ratui hah ka net e ram.

¹² BAWIPA cathut ni a khetyawt e kum touh thung a khetyawt e ram doeh.

¹³ Nangmae BAWIPA Cathut hah na lungthin abuemlahoi, na hringnae abuem lahoi lungpataw awh. A thaw na tawk awh nahanelah, sahnin kai ni kâ na poe e naw kâpoelawknaw hah na tarawi awh pawiteh,

¹⁴ nangmouh teh cakang, misurtui, satuinaw hah na pâkhueng sak nahanelah, ratui kho, a hnukteng e kho hah nangmae ram ka rak sak han.

¹⁵ Kaboumcalah na ca nahan, na saringnaw han remke dawk hram kanaw e ka sai sak han.

¹⁶ Nangmouh teh kahawihoehe koe lah na lungthin na kamlang awh vaiteh, Cathut alouknaw na bawk awh hoeh nahan namamouh kâhruetcuat awh.

¹⁷ Hoehpawiteh BAWIPA a lungkhuek vaiteh, khorak laipalah talai dawk a pawhik tâcawt laipalah, kalvan hah a khan han. BAWIPA ni na poe e kahawipoung e ram dawk karangpoung lah na kahmakata awh han.

¹⁸ Hatdawkvah, kai ni ka dei e lawk hah na lung dawk pâkuem nateh, nout nahan na kut dawk nout hanelah na kawm awh vaiteh, na mit rahak e rui patetlah na kawm awh han.

¹⁹ Hote lawk hah nangmouh ni im dawk na tahung nah thoseh, lam na cei nahai thoseh, na i na thaw nahai thoseh na dei awh vaiteh, na canaw hai na cangkhai awh han.

²⁰ Im takhang dawk hai thoseh, longkha dawk hai thoseh na thut awh han.

²¹ Hottelah na sak awh pawiteh, na mintoenaw ka poe hanelah lawk ka kam e ram dawk nangmae hringnae, na canaw hringnae, kalvan hring sawnae patetlah talai van a hring a saw awh han.

²² Nangmouh teh namamae BAWIPA Cathut hah lungpatawnae hoi a lamthung dawk na dawn awh vaiteh, BAWIPA dawk na kâhnai thai nahan kai ni lawk na poe e hete kâpoelawk pueng hah tawksak hanlah kâhruetcuat lahoi na tarawi awh pawiteh,

²³ BAWIPA ni miphunnaw pueng hah nangmae hmalah hoi be pâlei vaiteh, nangmouh hlak athakaawme kapappoung e miphunnaw hah na uk awh han.

²⁴ Nangmouh ni na khok hoi na coungroe e pueng namamouh hanlah na la awh vaiteh, kahrawng hoi kamtawng vaiteh, Lebanon mon totouh Euphrates tuipei hoi kamtawng teh, talîpei totouh thoseh, pou kâbet e talai hah nangmae ram lah ao han.

²⁵ Nangmae hmalah apihai kangdout thai mahoehe. Nangmouh ni na coungroe e hmuen dawk kaawm e naw teh, nangmanaw hah na taki awh vaiteh, nangmae BAWIPA Cathut ni, lawk a kam e patetlah a sak han.

²⁶ Khenhaw! Sahnin vah nangmae hmalah yawhawinae hoi thoebonae ka hruek.

²⁷ Sahnin ka dei e nangmae BAWIPA Cathut e kâpoelawknaw hah na tarawi awh pawiteh, Yawhawi poenae,

²⁸ nangmae BAWIPA Cathut e kâpoelawknaw na tarawi laipalah, sahnin lawk na thui e lamthung dawk hoi na phen aw hah teh, na panue boihoe e alouke cathut hah na bawk aw hah pawiteh, thoebo lah na o aw hah han.

²⁹ Nangmouh ni na cei aw hah teh, na coe aw hah hane ram BAWIPA Cathut ni na kâenkhai aw hah toteh, yawhawinae teh Gerizim mon dawk na hruék aw hah vaiteh, thoebonae teh Ébal vah na hruék aw hah han.

³⁰ Hote monnaw teh, Jordan tuipei kanîloumlah, Kanaannaw a onae Moreh kathenkungnaw, Gilgal khopui, hoi kâkuen e na ram dawk ao aw hah nahohmaw.

³¹ Nangmae BAWIPA Cathut ni na poe aw hah e ram hah na coe aw hah hanlah, Jordan tuipei namran lah na raka aw hah vaiteh, hote ram hah na coe aw hah vaiteh, na o aw hah han.

³² Sahnin nangmae hmalah ka hruék e phunglawk hoi lawkcengnae pueng na hringkhai aw hah han.

12

Cathut ni a rawi e bawknae hmuen

¹ Nangmouh ni talai dawk na hring nathung na coe aw hah nahanelah, na mintoenaw ni a bawk aw hah e BAWIPA Cathut ni na poe e ram dawk na tarawi aw hah hane phunglawknaw hoi lawkcengnae hateh,

² nangmouh ni na uk aw hah e miphunnaw ni, bawknae monnaw, monruinaw dawk e thingkungnaw rahim kaawm e cathutnaw hai thoseh, bawknae hmuen puenghai thoseh koug na raphoe pouh aw hah han.

³ Ahnimae thuengnae khoungroenaw hai na raphoe pouh han. Meikaphawknaw hai na raphoe pouh han. Asherimnaw hai hmai hoi na sawi pouh han. Ahnimae cathut kutsaknaw hah na tâtueng aw hah han. Hote hmuen daw hote cathut min na raphoe aw hah han.

⁴ Hot patet lae hnouaw hno lahoi BAWIPA Cathut na bawk aw hah mahoe.

⁵ Hateiteh, BAWIPA Cathut ni na miphun thung hoi a min ao nahanelah, a rawi e hmuen hah na tawng aw hah vaiteh hote hmuen koe na cei aw hah han.

⁶ Hote hmuen koe nangmouh ni hmaisawi thuengnae naw hoi pung hra pung touh tueng e hno, kahek e hno lawkkamnae hoi kâkuen e thueng e hno, mahmaw sak e thueng e hno hoi maito, hmaloe ka khe e tunaw hah na thokhai aw hah han.

⁷ Hote hmuen koe nangmae BAWIPA Cathut hmalah na ca aw hah han. Na sak nah tangkuem daw nangmae BAWIPA Cathut ni yawhawi na poe dawkvah, nangmouh teh, nama hoi na imthungnaw, na kut hoi na taw e naw pueng dawkvah na lunghawi han.

⁸ Atu e tueng, hete hmuen koe na sak e patetlah hote hmuen koe tami pueng ma pouknae rumram hoi na sak aw hah mahoe.

⁹ Bangkongtetpawiteh, nangmouh teh, kâhatnae ram daw hah thoseh, nangmae BAWIPA Cathut ni râw lah na poe e ram daw hah thoseh, na kâen aw hah hoe rah.

¹⁰ Nangmouh teh Jordan palang na raka aw hah toteh, na coe aw hah hane nangmae BAWIPA Cathut ni râw lah na poe e ram daw hah na o aw hah vaiteh, tarannaw e kut daw hoi nangmouh na rungngang teh karoumcalah na o aw hah han.

¹¹ A min ao nahanelah, nangmae BAWIPA Cathut ni a rawi e hmuen haw vah ao han. Hote hmuen koe kai ni lawk na thui e patetlah nangmae hmaisawi thuengnae, satheinaw, pung hra pung touh, na kut hoi na sak e hnouaw, BAWIPA koe lawk na kam e patetlah lawkkam e naw pueng hah na thokhai aw hah han.

¹² Namamouh hoi nangmae capanaw, canunaw, sanpanaw, sannunaw, rāw pang hane ao hoeh dawkvah, nangmae longkha thung kaawm e Levihñaw hoi cungtalah nangmae BAWIPA Cathut hmalah na lungñaw awh han.

¹³ Nangmouh teh, na hmu awh e hmuen pueng dawkw hmaisawi thuengnae na sak awh hoeh nahanelah, na kâhruetcuwet awh han.

¹⁴ Hatei, nange mipñun thung dawkw hoi phun touh koe kaawm e BAWIPA ni a rawi e hmuen dawkvah hmaisawi thuengnae hah na sak han. Hote hmuen koevah, kai ni lawk na thui e naw pueng hah na sak awh han.

¹⁵ Hatnavah, BAWIPA Cathut ni yawñaw na poe e patetlah na onae kho tangkuem kaawm e na ca ngai e pueng na thei vaiteh longkha ca thainae kâ na tawn awh. Kathoung hoi kathoungñhoehe ni hai sayuk sakñi patetlah hote moi hah a ca thai.

¹⁶ Hatnavah, a thi na cat awh mahoe. Tui rabawkw e patetlah talai dawkw na rabawkw awh han.

¹⁷ Na kho thung kaawm e nange cakang, nange misurtui, nange satui, nange maito, nange tu camin, lawkw na kam e nange lawkkam abueñlah, na mahmawkw na poe hno, na kut hoi na sak e hno pung hra pung touh hah na cat mahoe.

¹⁸ Hatei, nama hoi cungtalah, nange capa, nange canu, nange sanpa, nange sannu, nange longkha thung kaawm e Levihñaw ni nangmae BAWIPA Cathut ma ni a rawi e hmuen koe nangmae BAWIPA Cathut e hmalah na ca awh han.

¹⁹ Na ram thung na o awh roukrak, Levih mipñunñaw na pahñim awh hoeh nahanelah kâhruetcuwet awh.

²⁰ Nange BAWIPA Cathut ni nang hanelah lawkkam e patetlah na ram ramri a kaw sak toteh, nang ni moi ka cat haw nei telah na ti vaiteh, na lungñin ni moi ca hane a ngai dawkvah, nang ni na lungñgai e patetlah moi na ca han.

²¹ Nangmae BAWIPA Cathut ni a min ao nahanelah na rawi pouh e hmuen teh, nang hoi hlatpoung pawiteh, nang koe ka dei e patetlah BAWIPA ni na poe e maito hoi tu hah na thei vaiteh, na longkha thungvah na lungñgai patetlah na ca thai.

²² Sayuk sakñi moi na ca e patetlah hote moi hah na ca thai. Kathoung hoi kathoungñhoehe ni hai hote moi hah reirei a ca thai.

²³ A thi na ca awh hoeh nahanelah kâhruetcuwet sak awh. Bangkongtet-pawiteh, thi teh hringñae doeh. Hringñae hoi a moi reirei na cat mahoe.

²⁴ Na cat awh roeroe mahoe. Tui rabawkw e patetlah talai dawkw na rabawkw han.

²⁵ Nang teh BAWIPA e hmalah kalan e hno hah na sak dawkvah, nang hoi cungtalah, na catounñaw hawinae na coe awh nahan, a thi hah na cat awh mahoe.

²⁶ Nang dawkw kaawm e kathoung hnonaw hoi nange lawkkamñaw dueng hah na sin vaiteh, BAWIPA ni a rawi e hmuen koe na cet awh.

²⁷ A moi hoi a thi na kalawt vaiteh, nange BAWIPA Cathut e hmaisawi thuengñae khoungroe van na thueng han. Sathei e a thi hah nange BAWIPA Cathut e thuengñae khoungroe van na awi vaiteh, a moi hah na ca han.

²⁸ Nange BAWIPA Cathut hmalah kahawñi ni teh kalan e hno na sak dawkvah, nang hoi na catounñaw hoi cungtalah, hawinae pou na coe awh nahan, nang koe kâ na poe e hete lawkñaw hah na tarawñ nahanelah kâhruetcuwet loe.

²⁹ Na cei vaiteh na coe hane ram dawk kaawm e miphunnaw hah, nange BAWIPA Cathut ni na hmalah a raphoe toteh, nang ni ahnimanaw hah na pâlei vaiteh, ahnimaie ram dawk kho na sak han.

³⁰ Na hmalah ahnimouh a rawk aw h nuukkhu, ahnimouh ni a sak aw h e patetlah na sak aw h teh na yon aw h hoeh nahanelah, hete miphunnaw ni amamae cathut hah bangtelamaw a baw k aw h, kai hai hottelâh ka baw k van han telah dei teh, ahnimaie cathut kong pacei hoeh nahanelah mahoima kâhruetcuete loe.

³¹ Ahnimouh ni a sak aw h e patetlah na BAWIPA Cathut koe na sak aw h mahoe h. Bangkongtetpawiteh, BAWIPA Cathut ni a ngaihoeh e panuetho e hno hah amamae cathut koe a sak aw h teh, amamae capanaw hoi canunaw patenghai amamae cathut hanelah hmai a sawi aw h.

³² Nang teh kai ni kâ na poe e pueng hah na sak nahanelah na kâhruetcuete han. Nang ni bout thapsin hanh, bout rayu hanh.

13

¹ Nangmouh koe profet hoehpawiteh, mang ka mang thai e buetbuet touh tâcawt boilah, mitnoutnae hoehpawiteh, kângairunae na poe aw h teh,

² hote mitnoutnae hoehpawiteh kângairunae hah akuiep nakunghai, nang ni na panue hoeh e alouke cathut koe cet aw h sei, baw k aw h sei telah ahni ni dei pawiteh,

³ hote e profet hoehpawiteh, mang ka mang e lawk hah na tarawi mahoe h. Bangkongtetpawiteh, nangmouh teh nangmae BAWIPA Cathut hah na lungthin buemlahoi thoseh, na hringnae buemlahoi thoseh lung na pataw ou, pataw hoeh ou tie hah panue nahanelah nangmae BAWIPA Cathut ni nangmouh na tanouknae doeh.

⁴ Nangmae BAWIPA Cathut hnuk na kâbang aw h han. Takinae lung hoi kâpoelawknaw hah na tarawi aw h han. A lawk ngâi laihoi na baw k aw h vaiteh, BAWIPA daw k rek na kâhnai aw h han.

⁵ San lah na onae hmuen Izip ram hoi nangmouh na katâcawtkhai e nangmae BAWIPA Cathut koehoi phen sak hanelah thoseh, nangmae BAWIPA Cathut ni lawk na thui e lam daw k hoi phen sak hanelah a dei aw h dawkvah, hote profet hai thoseh, mang ka mang thai e hai thoseh, a due nahanelah na thei aw h han. Hottelâh nangmouh koehoi yonnae hah na takhoe aw h han.

⁶ Nang ni na panue hoeh e, na mintoenaw ni hai a panue hoeh e alouke cathutnaw koe, cet aw h sei, baw k aw h sei, telah a dei teh, na hmaunawngaha, na capanaw, na canunaw

⁷ Talai apoutnae koehoi avanglah apoutnae koe totouh, na tengpam vah, a hnaï ahlanâe koe kaawm e tamînaw e cathutnaw ni na ka tacuek nakunghai thoseh,

⁸ nang ni na tarawi mahoe h. A lawk na ngâi pouh mahoe h. Na mit ni pahren mahoe h. Ahni hah na pasai mahoe h. Na hrawk mahoe h.

⁹ Na thei roeroe han. Na thei nahanelah na kut hmaloe na pho vaiteh, hathnuukkhu tami pueng ni kut a pho aw h van han.

¹⁰ Santoungnae koe Izip ram hoi nangmouh na katâcawtkhai e na BAWIPA Cathut koehoi pâlei hanelah a kâcai dawkvah, ahni hah talung hoi na dei vaiteh na thei han.

¹¹ Hote kamthang hah Isarelnaw pueng ni a thai aw h vaiteh, hot patetlah e hno hah nangmouh thung daw k bout sak laipalah ao aw h nahane doeh.

¹² Tami kahawi hoeh naw teh nangmouh thung hoi a tâco aw h teh, nangmouh ni na panue aw h hoeh e alouke cathut koe cei aw h vaiteh baw k aw h sei telah a dei aw h teh,

¹³ ahnimouh ni khocanaw a dum aw h e hah, nange BAWIPA Cathut ni na o nahanelah na poe e kho buetbuet touh daw k kamthang na thai pawiteh, hote kong hah kancengcalah na pacei han.

¹⁴ Kamthang na thai e patetlah kanceng boilah, hot patet e panuetho e hno sak katang pawiteh,

¹⁵ hote khocanaw hah tahloi hoi na thei han. Khopui hoi khopui daw k kaawm e tami hoi saringnaw pueng koung na raphoe han.

¹⁶ Na lawp aw h e hnopainaw pueng kho lungui lam daw k na hmouk aw h vaiteh, hoté khopui daw k hoi na lawp aw h e pueng, nangmae BAWIPA Cathut hanelah hmai na sawi aw h han. Hote khopui teh songnawng lah pou ao han. A hnukkhu bout kangdout mahoe h toe.

¹⁷ BAWIPA ni a lungkhueknae hue a roum sak teh, na mintoenaw koe lawkkam e patetlah na rungngang vaiteh na pungdaw sak nahanelah, thoebo e hno buet touh boehai lat laipalah, abuemlahoi na tâkhawng han.

¹⁸ Sahnin kai ni lawk na thui e patetlah BAWIPA Cathut e lawk hah ngâi aw h nateh, kâpoelaw k pueng hah na tarawi vaiteh, BAWIPA Cathut e hmalah, kalan e hno hah sak aw h nateh, BAWIPA Cathut e lawk hah tarawi aw h.

14

Kathounge rawca hoi kathounghoehe rawca

¹ Nangmouh teh, BAWIPA Cathut e ca lah na o aw h. Kadoutnaw hanelah na tak na kâbouk mahoe h. Na mitmuen hai na ngaw mahoe h.

² Nangmouh teh BAWIPA Cathut hanelah kathounge miphun lah na o aw h. BAWIPA ni talai van daw k kaawm e miphun pueng hlakvah, ama ni tawn e miphun lah na o aw h nahanelah nangmouh na rawi aw h toe.

Kathoung hoi kathounghoehe rawca

³ Panuetkatho e na cat mahoe h.

⁴ Na ca hane saringnaw teh, maito, tu, hmae,

⁵ sakhi, sazuk, saya, atha, savi, kahrawngmaito, mon daw k e tu ti e

⁶ khoksamen samka ni teh a thepkaai e pueng teh na ca thai aw h.

⁷ Hatei, a thepkaai niteh, a khoksamen ka samka e naw thung daw k na ca hoeh hane naw teh, kalauk, saveh, cahi, naw heh athepai eiteh, a khoksamen a samka hoeh daw kvah kakhin e lah ao.

⁸ Vok teh a khoksamen a samka eiteh, athepai hoeh daw kvah, nangmouh hanelah a khin. a moi na cat aw h mahoe h. A ro hai na tek aw h mahoe h.

⁹ Tui daw k kaawm e naw thung daw k hetnaw heh na ca aw h han. A pathuet hoi a lakep kaawm pueng na ca thai aw h.

¹⁰ A pathuet hoi a lakep kaawm hoeh e pueng na cat aw h mahoe h, nangmouh hanelah a khin.

¹¹ Kathounge tava aphunphun na ca thai aw h.

¹² Na ca hoeh hane tavanaw teh, langta, tuilangta, mataw,

¹³ masi, ungang,

¹⁴ vonga,

¹⁵ kalaukva, basairek, batuiling, pingpit,

¹⁶ bukbu, kawhna, balengek,

¹⁷ tuicawmpai,

¹⁸ kahrawngcawmpai, bongpi,

¹⁹ a rathei a tawn ei, kâva e saring pueng teh nangmouh hanelah a thoung hoeh dawkvah, na cat aw h mahoe h.

²⁰ Kathoung e tava pueng na ca thai aw h.

²¹ A mahmaw k adout e moi na cat mahoe h. Na tengonaw ni a ca hanelah na poe han. Hoehpawite h, ramlouk e tami longkha thung kaawmnaw koe na yo han. Nangmouh teh nangmae BAWIPA Cathut hanelah kathoung e miphun lah na o aw h. Hmaeca hah a manu e sanutui hoi mek na thawng mahoe h.

Hra touh daw k buet touh poenae

²² Kum tangkuem na law daw k hoi ka tâcaw t e pueng pung hra pung touh na kapek aw h han.

²³ Nangmae BAWIPA Cathut ni a min ao nahanelah a rawi e hmuen koe cakang, misurtui, satui hoi tuhu, maitohu naw daw k e camin pung hra pung touh hah a hmalah na ca aw h han.

²⁴ Nangmae BAWIPA Cathut ni yawhawi na poe aw h torei teh, a min ao nahanelah a rawi e hmuen teh, ekvoi ahla dawkvah, pung hra pung touh na phaw t thai aw h hoeh pawite h,

²⁵ hote hno hah na yo vaite h, tangka na sin vaite h, na BAWIPA Cathut ni a rawi e hmuen koe na cei vaite h,

²⁶ ca han na ngai e patetlah maito, tu, misurtui, yamu tie ca han na ngai e pueng hah na ran vaite h, BAWIPA Cathut e hmalah, na imthung abuemlahoi na ca aw h vaite h, kanawm lah na o aw h han.

²⁷ Hatei, nangmae longkha thung kaawm e Levih miphunnaw teh, a ham aw m hoeh, râw hai ao hoeh dawkvah, na hnoun aw h mahoe h.

²⁸ A kum thum daw k na hmu aw h e pueng hah pung hra pung touh na tâcokhai aw h vaite h, khou thung longkha vah na pâkueng aw h han.

²⁹ Nangmouh koe kaawm e ham kaawm hoeh e, râw kaawm hoeh e Levihnaw koe kaawm van e Jentelnaw, naranaw, na longkha thung kaawm e lahmaw na a tho aw h vaite h, a ca aw h han. Hottel ah na sak pawite h, nangmae BAWIPA Cathut ni na sak e pueng daw k yawhawi na poe aw h han.

15

Sabbath kum laiba hloutnae

¹ Kum sari touh daw k vai touh laiba hloutnae na sak aw h han.

² Laiba hloutnae phung hate h, imri hah hno kacawi sak e ni, hote laiba hah a hlout sak han. BAWIPA e hloutnae tueng lah ao dawkvah, hote laiba hah na imri koe, na hmaunawng ha koe na het mahoe h.

³ Ramlouk koe teh heinae kâ ao. Na hmaunawng ha koe teh het laipalah na hlout sak han.

⁴ Nang daw k mathoe ao hoeh nahanelah hottel ah na sak han. BAWIPA Cathut ni nama han râw lah na poe e ram daw k nang hah yawhawi moikapap na poe han.

⁵ Sahnin kai ni kâ na poe e hete kâpoelaw k hah na tarawi nahanelah, nangmae BAWIPA Cathut e law k hah takuetluet thai haw.

⁶ Na BAWIPA Cathut ni law k a kam e patetlah yawhawi na poe vaite h, nang ni ayânaw hah na cawi sak han. Ahnimouh ni teh nang na cawi sak mahoe h. Nang ni miphunnaw hah na uk han. Ahnimouh ni nang na uk aw h mahoe h.

Mathoenaw câwisak e hno

7 Na BAWIPA Cathut ni na poe ram dawkvah, na longkha thung ka roedeng e na hmaunawngnga reira awm pawiteh, hote ka roedeng e na hmaunawngnga koe na lungmouk hanh. Nā kut hai kasum hanh.

8 Na kut hah kakaw lah na kadai vaiteh, a roedengnae a kahma totouh na cawi sak han.

9 A kum sarinae hloutnae kum a pha han a hnai toe. Ka roedeng e hmaunawngnga hah utsin laihoi banghai poe hane ngai laipalah, na lungthin dawк kahawi hoeh khopouknae ao hoeh nahanelah kâhruetcueth awi. Hottelah nahoe pawiteh, ahni ni BAWIPA koe hram vaiteh, nang dawк yon a pha hoeh nahanelah kâhruetcueth.

10 Bangkongtetpawiteh, nang na onae koe ka roedeng pout mahoe.

11 Hatdawkvah, na onae ram dawк, ka roedeng e hmaunawngghanaw hanelah na kut ka kaw lah na kadai nahanelah lawk na thui.

Sannaw hloutsaknae

12 Na hmaunawngnga reira, Hebru tami napui tongpa teh, nang koe san lah ao teh, kum taruk touh ao hnukkhu, a kum sarinae dawк teh na hlout sak han.

13 Na hlout sak toteh kuthrawng na hlout sak mahoe.

14 Na BAWIPA Cathut ni yawhawi na poe e patetlah na tuhu thung e thoseh, cang katinnae thung e thoseh, misur na katinnae thung e thoseh moikapap na poe han.

15 Nang teh, Izip ram vah, san lah ouk na o boi e hai thoseh, na BAWIPA Cathut ni nang hah na hlout sak e hai thoseh na pouk han. Hatdawkvah, hete kâpoelawк hah sahnin kai ni na poe.

16 Hatei, san niyah, tâco hane ka ngai hoeh. Nang hoi na imthungkhunaw hoi o e a nawm doeh tetpawiteh,

17 nang ni phuengvang na la vaiteh, takhang koe a hnâ na kavi pouh vaiteh, ahni teh san lah pou ao han. Hot patetvanlah sannu koehai na sak awi han.

18 Na san na tha navah, arupoung telah pouk hanh. Bangkongtetpawiteh, kum taruk touh thung san thaw a tawк teh, aphu hoi hlai e hlak let hni touh hoi thaw a tawк toe. Na BAWIPA Cathut ni hai na tawksak e tangkuem dawк yawhawi na poe han.

Camin thuengnae

19 Na maitohu hoi tuhu naw thung dawк, camin atan kaawm e pueng teh, na BAWIPA Cathut hanelah a thoung han. Maito camin, tu camin hah na hno mahoe.

20 BAWIPA Cathut ni a rawi e hmuen koe, na BAWIPA Cathut e hmalah, a kum tangkuem pout laipalah, na imthungnaw hoi rei na ca awi han.

21 Hote maito tu naw dawkvah, khokkhem, mit ka dawn, a tak dawк yonnae, alouke toun han kawi lah kaawm e buetbuet touh awm pawiteh, na BAWIPA Cathut koe thuengnae na sak mahoe.

22 Na longkha thung na ca han. Sayuk sakhi moi na ca e patetlah kathoung tami, kathounghoehe taminaw ni hai reirei a ca awi han.

23 Hatei, a thi teh na cat awi mahoe. Tui rabawк e patetlah talai dawк na rabawк awi han.

¹ Abib thapa hah ya e thapa lah pâkuem aw h nateh, ceitakhai paw i lah hno aw h. Bangkongtetpawiteh, Abib thapa dawkvah, BAWIPA ni Izip ram hoi karum vah nangmouh na tâcokhai aw h.

² BAWIPA Cathut ni a min o nahanelah a rawi e hmuen koe maito hoi tu naw nah na thueng vaiteh, na BAWIPA Cathut hanelah ceitakhai paw i na to han.

³ Nang ni Izip ram hoi na tâconae hnin hah na hringyung thung pahnim hoeh nahanelah ceitakhai paw i na to navah, tonphuene vaiyei hah na cat mahoeh. Tonphuenehoeh tie runae vaiyei hah hnin sari touh thung na ca aw h han. Bangkongtetpawiteh, Izip ram hoi karangpoung lah na tâco aw h toe.

⁴ Hnin sari touh thung, na onae ram daw k tonphuene vaiyei aw m sak hanh. Apasuek hnin tangmin vah, na thueng e sathei moi hah karuem tuettuet amom totouh na cawi sak mahoeh.

⁵ Na BAWIPA Cathut ni na poe e kho longkha koe vah, ceitakhai paw i sak thainae kâ kaawm e nahoe h.

⁶ Na BAWIPA Cathut ni a min ao nahanelah a rawi e hmuen koe vah, nang teh Izip ram hoi na tâconae tueng, kaní a khup nah tangmin vah, ceitakhai paw i thuengnae hah na sak aw h han.

⁷ Na BAWIPA Cathut ni a rawi e hmuen koe hmai na pahai aw h vaiteh, na ca aw h hnukkhu, amom vah im bout na ban aw h han.

⁸ Hnin taruk touh thung tonphuenehoeh hah na ca aw h han. A hnin sari hnin teh na BAWIPA Cathut hanelah kathoung e kamkhuengnae hah na sak han. Hote hnin daw k thaw na taw k aw h mahoe h.

Yat paw i

⁹ Canga kamtawngnae koehoi na touk vaiteh, yat sari touh aloum hnukkhu,

¹⁰ na BAWIPA Cathut e hmalah na BAWIPA Cathut ni yawhawi na poe e patetlah lungthocalah hoi thueng hane hno hah na sin han.

¹¹ Na BAWIPA Cathut ni a min ao nahanelah a rawi e hmuen daw k, na BAWIPA Cathut hanelah yat sari paw i hah na to vaiteh, na capa, na canunaw, na sanpa sannu naw, nang koe kaawm e Levihnaw, imyinnaw, lahmai naranaw pueng ni a lunghawi aw h han.

¹² Nang teh Izip vah san lah ouk na o e hah na pouk vaiteh, phunglawknaw hah na tarawi han.

Lukkarei im paw i

¹³ Cakang hoi misurtui hah na pâkhueng vaiteh, hnin sari touh thung lukkareiim paw i na to han.

¹⁴ Hote paw i na to navah, nama hoi na capa, na canunaw, na sanpa sannu naw, nang koe kaawm e Levihnaw, imyinnaw, lahmai naranaw na longkha thung kaawmnaw pueng ni a lunghawi aw h han.

¹⁵ BAWIPA Cathut ni a rawi e hmuen koe hnin sari touh thung na BAWIPA Cathut hanelah kathoung e paw i na to han. Na BAWIPA Cathut ni na kampungnae pueng koe, thaw na taw knae pueng koe, yawhawi na poe dawkvah, lunghawinae na sak han.

¹⁶ Ton phuen hoeh pawitona e tueng, yat sari pawitona e tueng, lukkareiim pawitona e tueng tie naw hah, kum touh daw k vai thum touh, nangmouh tongpanaw pueng teh, na BAWIPA Cathut ni a rawi e hmuen koe a hmalah na tâco aw h han. Hatnavah, Cathut hmalah apihai kuthrawng hoi na tâcaw t mahoe h.

¹⁷ Na BAWIPA Cathut ni yawhawi na poe e patetlah tami pueng ni amamouh a coung thai e patetlah lengkaleng a sin aw h han.

¹⁸ Na BAWIPA Cathut ni yawhawi na poe e longkha kaawm e pueng dawkw, lawkcengkung, bawinaw hah na onae kho tangkuem dawkw na hruek aw hah. Ahnimouh ni lawkceng kawinaw hah kalan lah lawk a ceng aw hah.

¹⁹ Nang teh phunglawk dawkw hoi na phen mahoe. Tami minhmai khet na tawn mahoe. Tadawngnae na dâw mahoe. Tadawngnae ni tami a lungkaang mit a dawn sak. Tami kalannaw e lawk hah a longkawi sak.

²⁰ Na BAWIPA Cathut ni na poe e ram hah nang ni na hring teh na coe nahanelah, kalan e phunglawk dawkw dueng na dawn han.

Bawknae koe sak hoeh hane hno

²¹ Na BAWIPA Cathut hanelah na sak e thuengnae khoungroe teng vah, bangpatet e Asherah thing hai na ung mahoe.

²² Na BAWIPA Cathut ni a hmuhma e talung nama hanelah na ung mahoe.

17

¹ Maito thoseh, tu thoseh, toun kaawm e, kakupe hoeh e hoi na BAWIPA Cathut koe thuengnae na sak mahoe. Hot patetlah e thuengnae BAWIPA Cathut ni a panuet e lah ao.

² Na BAWIPA Cathut ni na poe e khonaw dawkvah,

³ kanî, thapa, kalvan hno tie patetnaw, kai ni ka pasoung hoeh e alouke cathutnaw koe na cei aw hah teh, na bawkw aw hah teh, na BAWIPA Cathut e lawkkam na tapuet aw hah teh, a hmalah yonnae ka sakpayon e napui tongpa ao telah,

⁴ nang ni kamthang na thai teh akung na khei navah, Isarel mipun dawkw hot patetlah e panuettho e hah sakpayon katang pawiteh,

⁵ hote yonnae ka sak e napui tongpa hah kho longkha koe na ceikhai aw hah vaiteh, talung hoi na dei aw hah vaiteh na thei aw hah.

⁶ Lawkpanuesaknae kapanuekkhaikung kahni touh kathum touh awm pawiteh, due kamcu e tami teh na thei aw hah katang han. Lawkpanuesaknae kapanuekkhaikung buet touh dueng awm pawiteh, thet mahoe.

⁷ Hote tami hah thei hanelah kapanuekkhaikungnaw ni hmaloe a kut a pho aw hah hnukkhu, tami pueng ni kut a pho aw hah. Hottelah na sak aw hah pawiteh, nangmouh koehoi yonnae teh takhoe lah ao han.

Vaihmanaw hoi lawkcengkungnaw ni lawk tâtueng e

⁸ Na khothung vah tami kâtheinae, kâyuenae, kâhemnae naw hah nang hanlah lawkcengnae ru poung pawiteh, na BAWIPA Cathut ni a rawi e hmuen koe na cei aw hah vaiteh,

⁹ hatnae tueng dawkvah, lawkcengkung thaw ka tawkw e, vaihma, Levihnaw e hmalah lawkceng lah ao aw hah. Ahnimouh ni hai lawkcengnae hah a pathang aw hah.

¹⁰ BAWIPA Cathut ni a rawi e hmuen koe kaawm e naw ni a dei e patetlah nang ni na sak han. Ahnimouh ni na cangkhai e patetlah na sak nahanelah na kâhruetcuet han.

¹¹ Ahnimouh ni na cangkhai e lawkcengnae hoi a dei aw hah e lawk tâtueng e patetlah na sak han. Ahnimouh ni na patue e cangkhae dawkw hoi avoilah aranglah na phen mahoe.

¹² BAWIPA Cathut hmalah thaw ka tawkw e vaihmabawi, lawkcengkungnaw e lawkw ngâi laipalah, tarankahawi lah ka sak e teh thei hanlah ao. Hottelah hoi, Isarel naw thung hoi hot patet e yonnae hah na takhoe aw hah.

¹³ Hote kamthang hah tami pueng ni a thai aw hawh toteh, a taki aw hawh vaiteh, hottelah taranhawi laihoi bout sak aw hawh mahoe h toe.

Isarel siangpahrangnaw hoi kâkuen e kâlawk

¹⁴ Na BAWIPA Cathut ni na poe e ram daw k na pha teh, hawv ah kho na sak toteh, ka tengpam vah kaawm e Jentelnaw patetlah siangpahrang buetbuet touh tawn aw hawh sei na tetpawiteh,

¹⁵ Na BAWIPA Cathut ni a rawi e na hmaunawng ha reirei duengdoeh siangpahrang lah na tawm a han. Na hmaunawng ha lah kaawm hoe h e Jentelnaw hah siangpahrang lah na tawm aw hawh mahoe h.

¹⁶ Hote siangpahrang teh ama hanelah marang moikapap paca mahoe h. Marang moikapap a tawn nahanelah Izip ram tami ban sak mahoe h. Bangkongtetpawiteh, hote lamthung koe bout na ban mahoe h telah BAWIPA ni ati.

¹⁷ Ahnie a lungthin a rawp hoe h nahanelah, yu moikapap lat mahoe h. Suingun hai moikapap pâkhueng mahoe h.

¹⁸ Hettelah ao han. A uknaeram bawitungkhung daw k a tahung toteh, Levih tami, vaihma bawinaw ni a tarawi aw h e kâlawk hah cauk lah ama hanelah a thut han.

¹⁹ Hote cauk teh ama koe ao vaiteh, hnintangkuem a touk han. Hottelah tetpawiteh, BAWIPA Cathut hah a taki nahanelah thoseh, hete kâlawnaw pueng a kuem nahanelah thoseh, a tarawi nahanelah thoseh, a kamtu thai han.

²⁰ Ama e a lungthin hah a hmaunawng hanaw lathueng kâtawm thai hoe h. Kâlawk daw k hoi avoilah aranglah kamlang thai hoe h. Hottelah tetpawiteh, a ram thung Isarelnaw rahak vah, ama hoi a canaw teh a hring a saw aw h han.

18

Vaihmanaw hoi Levihnaw e Ham

¹ Vaihmanaw, Levih miphunnaw pueng Isarelnaw hoi cungtalah râw tawn aw h mahoe h. Ahnimouh teh BAWIPA koe hmai hoi thuengnae a hamnaw hah a ca aw h han.

² Ahnimouh teh a hmaunawng hanaw hoi râw rei coe aw h mahoe h. BAWIPA ni kâ a poe e patetlah ahnima e râw teh ao.

³ Taminaw ni thuengnae a sak aw h toteh, maito hai thoseh, tu hai thoseh, vaihmanaw e ham aloung vang, a tangboung roi, a ruennaw hai thoseh,

⁴ ahmaloe na a e cang, misur, satui hoi tumuen na ngaw e naw hah na poe han.

⁵ Bangkongtetpawiteh, ahni koehoi a ca catounnaw teh BAWIPA min lahoi a thaw pou taw k nahanelah, na BAWIPA Cathut ni na miphunnaw thung dawkvah ahni hah a rawi toe.

⁶ Isarel kho daw k kaawm e Levih tami buetbuet touh ni BAWIPA Cathut ni a rawi e hmuen koe bari laihoi tho pawiteh,

⁷ BAWIPA hmalah hmuen ka tawn tangcoung e Levihnaw patetvanlah, BAWIPA Cathut min lahoi athaw hah a taw k han.

⁸ Ama e râw a yo teh a hmu e hno touk laipalah, Levihnaw hoi reikâvan lah a coe van han.

Thoebo kaw i kâroenae

⁹ Na BAWIPA Cathut ni na poe e ram na pha aw h toteh, hote ram daw k kaawm e taminaw ni a sak aw h e panuetho e hno hah na sak aw h mahoe h.

¹⁰ Nangmouh thung dawk a canaw hah hmai hoi ka thueng e, ka tho hane naw hah ama pouk lahoi ka dei e, kutkhetkathoum e, kahawihoehe thoumthainae ka sak e,

¹¹ ân ka thoum e, kahrai kamyawng e, hmaui lah kaawm e, tami kadout ka pacei e tami buet touh boehai awm mahoe.

¹² Hottelah ka sak e pueng teh BAWIPA Cathut ni a panuet. Hote panuetho e hnonaw kecu dawkvah, BAWIPA Cathut ni hote miphunnaw teh nang na hmalah hoi a pâlei toe.

¹³ Nang teh, BAWIPA Cathut hmalah toun kaawm hoeh lah na o aw han.

¹⁴ Na uk e taminaw teh kutkhetkathoum e, ka tho hane naw hah ama pouk lahoi kadeinaw e lawk hah ouk a ngâi aw. Nang teh hottelah na sak nahanelah na BAWIPA Cathut ni kâ na poe hoeh.

Mosi patetlah e profet katha

¹⁵ Na BAWIPA Cathut ni, nange na hmaunawngghanaw thung dawk hoi, kai patetlah e profet buet touh nangmouh hanelah a tâco sak han. Hote profet lawk hah na ngâi aw han.

¹⁶ Horeb vah na kamkhuengnae hnin navah nang ni, BAWIPA Cathut e a lawk hah bout ka thai aw hanh lawiseh. Hote kalenpoung hmai hah kahmawt aw hanh lawiseh. Ka due han doeh toe telah BAWIPA Cathut hmalah na kâhei e patetlah,

¹⁷ BAWIPA ni, ahnimae lawk teh ahawi doeh.

¹⁸ Amamae hmaunawnggha thung dawkvah, ahnimouh hanelah profet buet touh ka tâco sak vaiteh, ahnie pahni daw, ka lawknaw hah ka hruek pouh vaiteh, ahni ni patuen a dei pouh han.

¹⁹ Hote profet ni ka min lahoi a dei e lawk hah tarawi laipalah kaawm e teh, kai ni ka yue han.

²⁰ Kai ni lawk ka poe laipalah, ka min lahoi ka dei e profet hoehpawiteh, alouke cathut min lahoi ka dei e profet teh kadout lah thei han telah kai ni kâ na poe.

²¹ Nang ni, BAWIPA Cathut ni a dei e hah bangtelah hoi maw ka panue han telah na pouk pawiteh,

²² profet ni BAWIPA min lahoi a dei e patetlah phat hoeh, a dei lawk kuep hoehpawiteh, hote lawk teh BAWIPA ni a dei e nahoe. A taranhawi lahoi a dei e doeh. Ahni hah na taket mahoe.

19

Kânguenae kho hoi kâkuen e kâlawk

¹ Na BAWIPA Cathut ni na poe e ram daw kaawm e miphunnaw hah, na BAWIPA Cathut ni a pahma teh, ahnimae kho, ahnimae im daw na o toteh,

² BAWIPA Cathut ni na poe e hote ram thung kaawm e khopui kathum touh na hmoun han.

³ Tami ka thet payon e pueng hote khopui daw a yawng thai aw nahan, na BAWIPA Cathut ni nama hanlah na poe e ram hah, kathum touh lah na kapek vaiteh, lamthung hai koung na rasoun han.

⁴ Tami ka thet payon e ni a hring hlout nahanelah, hote kho daw a yawng nahane hateh hettelah doeh.

⁵ Thing tâtueng hanelah a hui hoi kahrawng reirei a cei roi teh thing a tâtueng roi navah, cakâ pawk a kârakhing teh a hui a cusin teh a due dawkvah, tami ka thet hoî a kâvan. Hatei, hmuhmanae awm laipalah,

a hui hah pouk laipalah a thei payon dawkvah, hote kho buetbuet touh dawk a yawng vaiteh, a hringnae a hlout han.

⁶ Hottelah hoehpawiteh, moipathung han ka ngai e ni hote tami hah pâlei vaiteh, lamhla dawkvah rekpatawt vaiteh a thei payon han doeh. Hottelah thei kawi nahoeh. Bangkongtetpawiteh, ahni ni a hui hah hmuhmanae a tawn hoeh dawkvah, thei hane kawi lah kamcu mahoe.

⁷ Hatdawkvah, kho kathum touh na hmoun han telah kê a poe.

⁸ Sahnin kai ni lawk na thui awh e hete kêpoelawknaw hah na tarawi awh teh, BAWIPA Cathut lungpatawnae lahoi a lamthung dawk pou na dawn awh pawiteh,

⁹ na BAWIPA Cathut ni na mintoenaw koe poe hanelah lawk a kam e ram kaawm e pueng hah na poe vaiteh, na mintoenaw koe lawk a kam e patetlah na ram hah kaw sak pawiteh,

¹⁰ na BAWIPA Cathut ni nama hanlah na poe e ram dawkvah, kadout kawi hoeh e ni a due teh, tami thei yonnae na kut dawk a pha hoeh nahanelah, ka dei tangcoung e khopui kathum touh hloilah, alouke khopui kathum touh bout na hmoun han.

¹¹ Hatei, a hui hah a hmuhma teh, thei hanelah a pahluem teh a thei dawkvah, hote khopui dawk ka yawng ni teh hawvah ka phat nakunghai,

¹² kacuenaw ni tami a patoun awh vaiteh, hote tami hah bout a hrawi awh vaiteh, moi ka pathung hane kut dawk a poe awh han.

¹³ Ahnimouh na lungma mahoe. Na hlout nahanelah, tami thei yonnae hah Isarelnaw koehoi na takhoe han.

Khori tahruet hanh

¹⁴ Na BAWIPA Cathut ni nama hanlah na poe e ram dawk, râw lah na coe e talai dawkvah, ayan mintoenaw ni a ung tangcoung e na imri e lawrilung hah tahruet hanh.

Kapanuekkhaikung hoi kêkuen e kêlawk

¹⁵ Tami ni a sakpayon e yon hah lawkceng toreih teh, kapanuekkhaikung buet touh dueng pawiteh hote lawk teh cak mahoe. Kapanuekkhaikung kahni kathum touh awm pawiteh, hote e lawk pueng teh a cak han.

¹⁶ Kahmanhoeh e kapanuekkhaikung buet touh ni, ayânaw koelah kahmanhoeh e kapanuekkhaikung lah kangdout pawiteh,

¹⁷ ka kêtoe roi e roi teh BAWIPA hmalah thoseh, hatnae tueng dawk vaihma, lawkcengkungnaw hmalah thoseh a tho awh teh,

¹⁸ lawkcengkungnaw ni kancengcalah a pacei navah, hote kapanuekkhaikung ni a hui koe lahoi, kahmanhoeh lah kampangkhai pawiteh,

¹⁹ a hui koe ka sak han telah a pouk e patetlah ahni dawk na sak han. Nangmouh koehoi yonnae hah hottelahoii na takhoe awh han.

²⁰ Alouknaw ni hai hote kamthang hah thai awh vaiteh, hot patet e yon hah bout sak laipalah ao awh han.

²¹ Na lungma mahoe. Hringnae hanelah hringnae, mit hanelah mit, hâ hanelah hâ, kut hanelah kut, khok hanelah khok na pathung awh han.

20

Tarantuknae hoi kêkuen e kêlawk

¹ Taran tuk hanelah na kamthaw navah, namamouh hlak kapap e marang thoseh, rangleng thoseh, taminaw thoseh, na hmawt pawiteh taket hanh. Bangkongtetpawiteh, Izip ram hoi nangmanaw katâcawtkhai e BAWIPA Cathut teh nangmouh koe ao.

² Taran tuk nahane tueng a hnai toteh, vaihmanaw ni a hnai aw h vaiteh,

³ Oe Isarelnaw, sahnin taran tuk hanelah taran koe na hnai aw h toe. Ahnimouh kecu daw k na lungpout aw h hanh, taket aw h hanh, pâyaw aw h hanh, kalue aw h hanh.

⁴ Bangkongtetpawiteh, nangmouh na ka rungngang hanelah, BAWIPA Cathut teh nangmouh hoi rei a kamthaw teh, na tarannaw hah na tuk pouh telah taminaw koe dei aw h naseh.

⁵ Ransa kacuenaw nihai, im katha ka sak niteh, Cathut koe kâhnawng hoeh rae aw m pawiteh, ama im ban yawkaw seh, a im hah hnawng naseh. Hoehpawiteh, taran tuknae koe dout pawiteh, alouke ni im hah a hnawng han doeh tie ngaihri han ao.

⁶ Misur takha ka sak niteh, a paw ka cat hoeh rae aw m pawiteh, a im ban yawkaw seh. Hoehpawiteh, taran tuknae koe dout pawiteh, alouke ni hote misur paw a ca han doeh tie ngaihrinae ao.

⁷ A yu sut ka pacei niteh, ka paluen hoeh rae aw m pawiteh, a im ban yawkaw seh. Hoehpawiteh, taran tuknae koe dout pawiteh, alouke ni a paluen han doeh tie ngaihrinae ao.

⁸ Hahoi, ransa kacuenaw teh, ka taket ni teh a lung ka pout e aw m pawiteh, a im ban yawkaw seh. Hoehpawiteh, ahni a lungpout e patetlah a huinaw hai a lungpout han doeh tie ngaihrinae ao telah taminaw koe a dei aw h han.

⁹ Ransa kacuenaw ni hottelah a dei aw h hnukkhu, kâ kapoekungnaw ni taminaw hah taran tuk hanlah a kamthaw sak han.

¹⁰ Kho buetbuet touh tuk hanelah na ceisin navah, roun nahanelah hmaloe na dei pouh han.

¹¹ Hote kho teh, roun nahane lawk a dei teh kho longkha sut paawng pawiteh, hote kho daw k kaawm e pueng ni aphawng na poe aw h vaiteh, na thaw a taw k aw h han.

¹² Roun nahane lawk hah ngâi aw h hoeh lah, nangmouh na tuk aw h pawiteh, hote kho hah na kalup aw h vaiteh,

¹³ na BAWIPA Cathut ni nangmae kut daw k hote kho hah na poe torei, tongpa pueng hah tahloi hoi na thei han.

¹⁴ Napui camo saring kothung na hmu e pueng teh, nama hanelah na la vaiteh, na BAWIPA Cathut ni taran kut daw k hoi na poe e hno hah na ca han.

¹⁵ Hete miphun onae kho hloilah, ahlanae koe e kho kaawm e pueng koe hottelah na sak han.

¹⁶ Na BAWIPA Cathut ni râw lah na coe hane kawi daw k hete miphunnaw e kho dawkvah, ka kâha e tami buet touh boehai na hring sak mahoeh.

¹⁷ Hitnaw, Amornaw, Kanaannaw, Periznaw, Hivnaw, Jebusitnaw ni amamae cathutnaw koe a sak aw h e panuettho e hno hah nangmouh na cangkhai aw h teh,

¹⁸ na BAWIPA Cathut koe na yon hoeh nahanelah, na BAWIPA Cathut ni na cangkhai e patetlah hote tami pueng hah peng na raphoe han.

¹⁹ Kho buetbuet touh tuk hanelah, kasawlah na kalup pawiteh, thingkungnaw hah na tâtueng mahoeh. Talai daw k kapâw e thingkungnaw teh, tami kâkaw k nahanelah ao dawkvah, a paw dueng na ca han. Kho na kalup navah akung na tâtueng mahoeh.

²⁰ Hatei, cakawi hoeh e thingkungnaw teh na tâtueng vaiteh, na tuk e kho na tâ hoehroukrak, taran tuk nahanelah hnopai na sak na thai.

21

Tami kathetkung panue pha hoeh hanelah yontha thuengnae

¹ Na BAWIPA Cathut ni coe hanelah na poe e ram dawc kahrawng vah, tami ni a thei e ro na hmu teh kathetkung na panuek hoehpawiteh,

² kacuenaw hoi lawkcengkungnaw a tho aw h vaiteh, ro hoi a tengpam e khonaw hah a hnai ahla e a bangnue aw h han.

³ Ro hoi kahnai poung e kho dawc e kacuenaw ni hno boihoe h rae maitola a hrawi aw h han.

⁴ Hote kacuenaw ni, hote maitola hah, thawn hoeh rae, cati kahei hoeh rae, pou kalawng e palang koe a hrawi aw h vaiteh, hote hmuen koe palang vah maitola e lahuen a tâtueng pouh aw h han.

⁵ Levih miphun vaihmanaw ni a thosin aw h han. Bangkongtetpawiteh, a thaw tawc hane hoi BAWIPA e min yawhawi poe sak hanelah, ahnimanaw hah BAWIPA ni a rawi toe. Ahnima e pahni dawc hoi, kâyuenae pueng hoi kutkhok payonnae pueng teh pâbaw e lah ao han.

⁶ Ro hoi kahnai poung e kho dawc e kacuenaw pueng ni, palang vah a lahuen tâtueng pouh tangcoung e maito van a kut a pâsu aw h han.

⁷ Hathnukkhu ahnimouh ni a dei aw h hane teh, kaimae kut ni hete a thi palawng hoeh, kaimouh ni kahmawt aw h hoeh. Oe BAWIPA, na rawi teh na rungngang e na tami Isarelnaw yontha pouh haw. A yonnae kaawm hoeh e tami e a thi palawngnae yon hah na tami Isarelnaw koe bawt sak hanh loe. Thi palawngnae yon teh tha pouh loe, telah a dei aw h han.

⁸ Oe! BAWIPA na ratang e na tami Isarelnaw hah pahren haw. Due kamcu hoeh e tami theinae yon teh na tami Isarelnaw koe phat sak hanh loe telah na dei han. Hottelah na tet pawiteh, tami theinae yontha lah ao han.

⁹ Hottelah nang ni BAWIPA hma lah hawinae na sak navah, due kamcu hoeh e thi teh a takhoe han.

¹⁰ Nang ni taran na tuk teh, na BAWIPA Cathut ni na kut dawc na poe teh na man torei teh,

¹¹ na man e taminaw hah a meikahawi e napui hah na hmu teh yu lah la hane na ngai pawiteh,

¹² nama im na kaw vaiteh, ahni ni a lû a ngaw vaiteh, a kutpatin a raimen vaiteh,

¹³ na mannae khohna a rading vaiteh, thapa yung touh thung a manu na pa rabui laihoi na im vah ao hnukkhu, na yu lah na la vaiteh, ahni teh nange yu lah ao han.

¹⁴ Hathnukkhu ahni hah na ngai hoeh toung pawiteh, ama ngai nah koe na cei sak han. Ahni hah na kaya sak dawkvah, tangka lah na yawt mahoe h. San lah na tat mahoe h.

¹⁵ Vâ ka pahren e hoi vâ ka hmuhma e yu roi ni a ca a khe roi teh, camin hah vâ ka hmuhma e capa lah awm pawiteh,

¹⁶ ahni ni a râw hah a rei toteh, hmuhma e capa hah pabo vaiteh, a pahren e capa hah na tawmtakhang mahoe h.

¹⁷ Hmuhma e capa teh camin doeh telah na pâpho vaiteh, let hni touh e râw hah na poe han. Bangkongtetpawiteh, hote capa teh na pa e tha kamtawngnae doeh. Caminnae hmuen hoi a kamcu doeh.

¹⁸ Na pa koe capa kathout, a lungpata ni teh manu na pa e lawk ka ngai hoeh e, manu na pa ni a yue ei, banglah ka noutna hoeh e awm pawiteh,

¹⁹ manu na pa ni hote capa hah a sawn vaiteh, kho thung kacuenaw onae koe kho longkha koe a ceikhai vaiteh,

²⁰ kaimae capa teh ka mathout e lah doeh a o. Ka carawng ni teh yamuhri lah kaawm e doeh telah kho thung kacuenaw koe a dei pou han.

²¹ Khoca tongpa pueng ni, hote capa hah talung hoi a dei aw h vaiteh, a thei aw h han. Hottelah nangmouh thung hoi payonnae hah na takhoe aw h vaiteh, Isarelnaw pueng ni hote kamthang hah a thai aw h vaiteh a taki aw h han.

²² Due kamcu e yon ka tawn e tami hah thing daw k na kaithi sak pawiteh,

²³ hote ro hah thing daw k karum tuettuet na tat mahoe h. Ama hot hnin roeroe vah talai daw k na pakawp roeroe han. Thing daw k kaithi sak e tami teh thoebo lah kaawm e tami doeh. Na BAWIPA Cathut ni na pang hanelah na poe e rāw hah na khin sak aw h hoe h nahanlah hottelah na sak aw h han.

22

Kālawk aphunphun

¹ Na hmaunawng ha e maito hoe hpawiteh tu kahmat e hah na hmu nahlangva laplap khen hanh.

² Na hmaunawng ha ahlanae koe ao e hah na panue hoe h nakunghai na im vah na hrawi pouh han. Na hmaunawng ha ni a tawng hoe h roukrak na im vah na hruek pouh han. Hathnukkhu, na hmaunawng ha koe bout na poe han.

³ La hai thoseh, hnicu hai thoseh, buetbuet touh a kahma e hah na hmawt pawiteh, laplap khen laipalah, hottelah na sak han.

⁴ Na hmaunawng ha e maitotan nakunghai, la nakunghai lam daw k sut kamlet e na hmawt pawiteh, na kāhrawk takhai mahoe h. Na pathaw roeroe han.

⁵ Napui ni tongpa e khohna hah khohnat mahoe h. Hottelah ka khohnat e teh nangmae BAWIPA Cathut ni a panuet.

⁶ Lamthung teng thingkung daw k na ou, talai daw k na ou, tavačanaw hoi hoe hpawiteh, a taduinaw khuehoi tavatabu na hmu teh, a manu ma ni awt boipawiteh, a canaw khuehoi a manu mek na lat mahoe h.

⁷ Nang ni hnokahawi na coe teh na hringyung vang nahanelah, a canaw na la nakunghai, a manu ma teh na tha han.

⁸ Im katha na sak navah, lempu hah na tumdum han. Hottelah na sak pawiteh, tami buetbuet touh bawt payon pawiteh, nange im teh thipalawngnae im lah awm mahoe h.

⁹ Misur daw k kāvan hoe h e atimu na kahei mahoe h. Hottelah na kahei pawiteh, misur paw hoi atimu paw mek a rawk han.

¹⁰ Maito hoi la cungtalah laikaw k na thawn sak mahoe h.

¹¹ Pahla hoi tumuen kacokalei e khohna na khohnat mahoe h.

¹² Na kākayo e hni hah, arai pali touh daw k na yep han.

Kathoung e yuvā

¹³ Tami buet touh ni a yu a Paluen teh a ikhai hnukkhu a ma teh,

¹⁴ kai ni hete napui teh ka yu lah ka la toe. Ka ikhai hnukkhu, ahni teh, kacuem e nahoe h tie ka panue telah ati teh, dudamnae lahoi a min mathout sak pawiteh,

¹⁵ hote napui e a manu hoi na pa ni, tanglakacuem lah a onae hah, kacuenaw koe kho longkha koe a thokhai aw h han.

¹⁶ Hote napui e a na pa ni kacuenaw koe a dei hane teh, kai ni ka canu teh, hete tongpa koe a yu lah ka poe toe. Hatei, ahni ni a pahnawt.

¹⁷ Khen haw, nange canu teh kacuem e nahoech ati teh, dudamnae lahoi a min a mathoe sak. Hatei, hetnaw teh ka canu tanglakacuem lah a onae doeh, telah a dei han. Ahnimouh ni kacuenaw e hmalah hni hah a kadai awh han.

¹⁸ Hathnukkhu, kacuenaw ni hote tongpa hah a hem awh vaitech a yue awh han.

¹⁹ Ahnimouh ni ahni hah shekel 100 touh a rawng sak awh vaitech, napui e a na pa hah a poe awh han. Bangkongtetpawiteh, Isarelnaw e tanglakacuem koe min mathoenae hah a sak dawc doeh. Hote napui teh ahnie a yu lah ao han. A due hoeh roukrak hote napui hoi kampek mahoech.

²⁰ Hatei, tongpa ni a dei patetlah, awm boi, napui e tanglakacuem lah a onae patue thai hoeh pawiteh,

²¹ khothung e tongpanaw ni hote napui hah a na pa im takhang koe a tâco khai awh vaitech, talung hoi ka dout lah a dei awh han. Bangkongtetpawiteh, a na pa im vah tak a kâyo e lahoi Isarelnaw koe min mathoenae a kamnue sak foe. Hatdawkvah, nangmouh thung hoi yonnae hah na takhoe awh han.

²² Tongpa buet touh teh, a vâ ka tawn e napui buet touh hoi a i roi e hah hmawt pawiteh, napui koe ka ip e tongpa hoi hote napui mek thei han. Hottelah Isarelnaw thung hoi yonnae hah na takhoe awh han.

²³ Tanglakacuem hah tongpa ni a hâ hnukkhu, alouke tongpa ni a kho thung vah a hmu teh, ipkhai pawiteh,

²⁴ hote napui ni kho thungvah a hram hoeh dawc thoseh, tongpa hai a imri e a yu thama lahoi a ikhai dawc thoseh, nangmouh ni ahni maroi hah kho longkha koe na ceikhai awh vaitech, talung hoi kadout lah na dei awh han. Hottelah hoi nangmouh thung hoi yonnae hah na takhoe awh han.

²⁵ Tongpa buet touh ni tongpa buet touh hoi sut kâhâ tangcoung e napui hah a hmu teh, a man teh hote napui hah ipkhai pawiteh, hote napui ka ipkhai e tongpa dueng hah na thei han.

²⁶ Hatei, hote napui hah bangtelah hai na tet mahoech.

²⁷ Bangkongtetpawiteh, tongpa ni hote napui hah kahrawngum a hmu teh, a hâ tangcoung e napui ni a hram eiteh, ahni kabawm hanelah apihai ao hoeh dawkvah, hote lai teh tami reira kâthei e hoi a kâvan.

²⁸ Tongpa buet touh ni hâ hoeh rah e tanglakacuem hah a hmu teh a man teh, ipkhai pawiteh,

²⁹ ahni ka ipkhai e tongpa teh shekel 50 touh napui e a na pa koe a poe vaitech, hote napui teh, hote tongpa e yu lah ao han. Ahni ni hote napui hah thama lahoi a ikhai dawc doeh. Ahni ni hote napui hah a hringyung thung kapek mahoech.

³⁰ Apinihai na pa e yu hah lat pouh mahoech. A na pa e hni hawng pouh mahoech.

23

Rangpui thung hoi takhoenae

¹ Tuenla hoehpawiteh, tongpa e puengcang tâtueng lah kaawm e teh BAWIPA e tamiyu dawc kâen mahoech.

² Cataca teh, BAWIPA e tamiyu dawc kâen mahoech. Se hra totouh kâen mahoech.

³ Amon miphun hoi Moab miphun hai BAWIPA e tamiyu dawc kâen mahoech. Se hra totouh kâen mahoech.

⁴ Bangkongtetpawiteh, nangmouh ni Izip ram hoi na tâco aw h navah, ahnimouh ni vaiyei hoi tui a sin aw h teh na dawn aw h hoe h. Nangmouh thoebo sak hanelah, Mesopotamia ram, Pethor kho e Beor capa Balaam hah a hlai aw h.

⁵ Hatei, nange BAWIPA Cathut ni Balaam e lawk tarawi pouh hoe h. Nang na pahren dawkvah, thoebonae hah yawhawinae lah a kâthungsak.

⁶ Nang teh ahnimae bawirengnae hoi a hnopai na hringyung thung na khien mahoe h.

⁷ Edom mipunnaw hah, na pahnawt aw h mahoe h. Ahni teh nange hmaunawng ha lah ao. Izipnaw hai na pahnawt mahoe h. Ahnimae ram daw k san lah ouk na o boi toe.

⁸ Ahnimae catoun teh se thum touh hnukkhu BAWIPA e tamihu daw k a kâen thainae kâ ao.

Thoungnae phunglawk

⁹ Taran tuknae koe na kamthaw nah, kamsoumhoehe hno pueng rounh.

¹⁰ Nangmouh thung daw k tami bangpatet hai amae a tâco daw k thounghoe hnae aw m pawiteh, roenae alawilah a tâco han. Roenae thung kâen mahoe h.

¹¹ Tangminlasa a pha toteh tui hoi a pâsu han. Kani a khup torei roenae thung bout a kâen han.

¹² Vaipuen ceinae teh roenae alawilah na ta aw h han. Hote hmuen koe alawilah na cei aw h han.

¹³ Na hnopainaw daw k sumtaboung na tawn han. Nang ni a alawilah na tahung toteh, hot hoi tangkawm na tai vaiteh, na kamlang sin vaiteh, na vaipuen hah na pakawp han.

¹⁴ Bangkongtetpawiteh, nange BAWIPA Cathut ni nang hah na runngang vaiteh, na tarannaw hah nang koe na poe nahanelah, roenae thung a kâhlai toe. Hatdawkvah, BAWIPA teh nang koe a tho navah, nangmouh koe kathounghoe h hah hmawt vaiteh, nangmouh koehoi a kamlang hoe h nahanelah, roenae teh a thoung han.

Khosak nahane phunglawknaw

¹⁵ A bawipa koehoi ka yawng niteh, nang koe ka tho e san teh a bawipa koe na ban sak mahoe h.

¹⁶ Nangmouh koe kho a sak thai nahan a ngai poung e hmuen a rawi vaiteh, ao van han. Na pacekpahlek mahoe h.

¹⁷ Isarel napuinaw thung takkâyawt e aw m hanh naseh. Napuitongpanaw aw m hanh naseh.

¹⁸ Takkâyona e phu hoi ui phu hah na BAWIPA Cathut e im daw k poe hanelah na sin mahoe h. Hot patetlah e hno teh, na BAWIPA Cathut hanelah panuettho e lah ao.

¹⁹ Na hmaunawng ha koe apung la hanelah, tangka, rawca, apung la thai e hnopai pueng na cawi mahoe h.

²⁰ Jentelnaw koe apung la hanelah na cawi sak aw h han. Na cei aw h teh na coe aw h han ram, na BAWIPA Cathut ni yawhawi na poe aw h nahanelah, na hmaunawng ha koe apung la hanelah na cawi sak aw h mahoe h.

²¹ Nange BAWIPA Cathut koe lawk na kam pawiteh, na kam e patetlah sak laipalah aw m hanh. Nange BAWIPA Cathut ni atangcalah, a hei han. Na sak laipalah na aw m pawiteh, nang koe a yonae a pha han.

²² Hatei, lawk na kam hoe hpawiteh, yon mahoe h.

²³ Na pahni dawk hoi ka tâcawt e lawk hah na kâhruetcuet han. Na BAWIPA Cathut koe nama lungtho lahoi na kam e patetlah na sak han.

²⁴ Nang teh, na imri e misur takha koe na kâen navah, misur paw na ngai totouh na ca han, hatei, na yawngya dawk hoi na phawt pouh mahoe.

²⁵ Na imri e laikawk na cei navah, na kut hoi cavui hah na pahroe thai. Hatei, na imri e cavui hah tangkoun hoi na ca mahoe.

24

Yuvâ kampheinae

¹ Tongpa buet touh ni yu a la teh, a paluen hnukkhu, yon pen hanelah ao dawkvah, a lungkuep hoehpawiteh, manae ca a thut vaiteh, a poe hnukkhu a cei sak han.

² Hote napui teh a vâ im hoi a cei hnukkhu alouke tongpa e yu lah o thainae kâ ao.

³ Bout a vâ e ni hai hmawt ngai hoehpawiteh, manae ca a thut teh a kut dawk a poe teh, a im dawk hoi a ceisak nakunghai thoseh, a vâ kadout nakunghai thoseh,

⁴ ahmaloe e tongpa ni hote kamhnawng e napui hah a yu lah bout lat mahoe. BAWIPA hmalah panuetho e lah ao. Na Cathut BAWIPA ni râw lah na poe ram dawk yon na thokhai mahoe.

⁵ Yu nuengnueng ka paluen e teh taran tuknae koe cet mahoe. Rangpui thaw hai pätoun mahoe. Kum touh thung im ao vaiteh, a yu hah a khetyawt han.

⁶ Talung sum avan lae hai thoseh, athung lae hai thoseh, apini hai laiba dawk na lat pouh mahoe. Hottelah na lat pawiteh, a hringnae na la pouh e hoi a kâvan.

⁷ Tami ni amae hmaunawng ha hai thoseh, Isarelnaw hah a paru teh san lah a ta hai thoseh, a yo hai thoseh, hote tamru hah na hmawt pawiteh, na thei aw hah. Nang koehoi yonnae hah hottelah na takhoe aw hah.

⁸ Hrikbei patawnae dawkvah, Levih ca vaihmanaw ni na pâtu e patetlah na sak aw hah.

⁹ Nangmouh teh, Izip ram hoi na tâco aw hah teh, kahlawng na cei aw hah lahun nah, nangmae BAWIPA Cathut ni Miriam koe a sak e hno hah pouk aw hah.

¹⁰ Nang ni nama e pacanaw koe hno na cawi sak pawiteh, pâhung e hno la hanelah ahnie im thung na kâen mahoe.

¹¹ Nang teh alawilah na kangdue vaiteh, a pâhung e hno hah nang na onae koe alawilah a sin han.

¹² Ahni teh roedeng pawiteh, a pâhung e hno poe hanelah kanî na loun sak mahoe.

¹³ Ahni ni amae hni a kâkhu laihoi a i vaiteh, nang yawhawi na poe nahanelah, a pâhung e hno hah kanî khum pawiteh, na poe mingming han. Hottelah sak e teh, na BAWIPA Cathut hmalah kalan e hno doeh.

¹⁴ Paca reira thoseh, na kho dawk kaawm e Jentelnav hai thoseh, ka roedeng e hah na rektap mahoe.

¹⁵ A hnintangkuem amae thaw tawk phu hah na poe han. Poe laipalah kanî loun sak hanh. Ahni teh a mathoe dawkvah, a hmu hane apu dawk a lungpen han. Poe laipalah na awm pawiteh, ahni ni BAWIPA koe hram vaiteh, nang koe yonpenae phat langvaih tie ngaihrinae ao.

¹⁶ Na pa teh capa e yon kecu dawk thoseh, capa teh na pa e yon kecu dawk thoseh, thet mahoe. Tami pueng amae yon kecu dawk duenae a khang aw hah.

¹⁷ Kalan lah lawkcengnae koe, Jentelnaw hoi naranaw hah na phen mahoe.

¹⁸ Nang teh Izip ram vah san lah ouk na o e hai thoseh, na BAWIPA Cathut ni hote ram thung hoi na ratang e hai thoseh, na pouk han. Hatdawkvah, hete phunglawk hah na hruek pouh awh.

¹⁹ Nang ni na laikawk dawk cang na a toteh, na pahnim e cabong hah bout na lat mahoe. Na tawksak e pueng dawk na BAWIPA Cathut ni yawhawi na poe nahanelah, hote cabong hah, Jentelnaw hane, naranaw hane, lahmaw hanelah na hruek han.

²⁰ Nange olive paw na karuek toteh, kacawie naw hah bout na karuek mahoe. Jentelnaw, naranaw, lahmaw hanelah na hruek pouh awh han.

²¹ Na misur takha dawk, misur paw na khi toteh, kacawiraenaw hah bout na khi mahoe. Jentelnaw, naranaw, lahmaw hanelah na hruek pouh awh han.

²² Nangmouh teh Izip ram vah san lah ouk na o awh e hah na pouk awh han. Hatdawkvah, hete phung lawk hah na hruek pouh awh.

25

¹ Tami reira kâyue pawiteh, lawkcengim vah a cei awh vaiteh, lawkcengkung ni ahnimanaw hah lawk a ceng han. Kalan e tami hah yon hloutsak nahanelah thoseh, ka yon e teh sungsak nahanelah thoseh lawk na ceng han.

² Ka yon e hah hem kamcu pawiteh, lawkcengkung ni a hmalah ao sak vaiteh, a yon hoi kamcu lah nâyittouh tie hoi a hem han.

³ Hatei, avai 40 hlak kapap lah na hem mahoe. Hot hlak kapap lah na hem pawiteh, na hmaunawngaha teh na hmalah yeirai a phu han doeh.

⁴ Cangkatin lahun e maito hah a pahni moum pouh hanh.

Levihnav e kâpaluennae

⁵ Reirei kaawm e hmaunawngahanaw thung dawkvah, buetbuet touh ni ca sak laipalah dout pawiteh, hote napui teh alouke tamikathan hoi kâyuva mahoe. A vâ e nawngaha ni a paluen vaiteh, a yu lah awm khai naseh.

⁶ Isarel miphun dawk hmau min a kahma hoeh nahanelah, camin teh, kadout e na pa kacue e min a phu han.

⁷ A nawngaha ni a hmau e yu hah la hane ngai hoehpawiteh, napui ni kacuenaw onae koe, kho longkha koe a cei vaiteh, ka vâ e nawngaha ni, a hmau e min hah Isarel miphun thung caksak hanelah ngai hoeh. A sak hane kawu hai sak hane ngai hoeh telah dei pawiteh,

⁸ khothung vah kacuenaw ni ahni hah a kaw awh vaiteh, a pacei awh han. Ahni ni hai hote napui hah ka lat ngai hoeh telah muentakuen lah awm pawiteh,

⁹ a hmau e yu ni kacuenaw e hmalah, ahni koe rek a cei vaiteh, ahnie khokkhawm hah a rading pouh vaiteh, a minhmai dawk a tamthawi pouh vaiteh, hmau e im kangdue sak hanlah ka ngai e tami koe hettelah ti hanelah ao telah a dei pouh awh han.

¹⁰ A hnukkhu vah, ahni hah khokkhawm rading e miphun telah kaw lah ao han.

¹¹ Tami reira a kâyue awh navah, buet touh e a yu ni amae vâ kabawp han a ngai dawkvah, alouke tongpa e minro hah sawn pouh boipawiteh,

¹² hote napui e kut hah tâtueng pouh han. Na pahren mahoe.

¹³ Na yawngya dawk kalen e khinglung, kathounge khinglung tie kâvan hoeh e khinglung na awm sak mahoe.

¹⁴ Nama im vah khingnae kalen kathoung na awm sak mahoe.

¹⁵ Na BAWIPA Cathut ni na poe e ram dawk na hringyung a vang nahanelah, kahman e khinglung, kahman e yawcu dueng hah na hno han.

¹⁶ Dei tangcoung e hno ka sak e tami pueng hoi kamsoum hoe hah lah ka sak tami pueng teh, nange BAWIPA Cathut ni a panuet.

¹⁷ Nang teh Izip ram hoi na tâco teh kahlawng na cei toteh,

¹⁸ na tha a baw teh na tawn lahun nah, na hnukkâbangnaw, a thakayounnaw hah Amaleknaw ni lamthung dawkvah a thei aw h e hai thoseh, Cathut hah a taki aw h hoe h e hai thoseh, pouk la a.

¹⁹ Hatdawkvah, BAWIPA Cathut ni râw lah na poe e ram dawk, na tengpam kaawm e taran pueng e kut daw hoi na hlout sak teh yawhawi na poe toteh, Amaleknaw heh pouknae ao hoe h nahanelah, kalvan rahim vah na raphoe aw h han. Hot hah na pahnim mahoe.

26

Aluepaw hoi Hra touh daw buet touh thuengnae

¹ Nange BAWIPA Cathut ni râw lah na poe e ram dawk, na kâen teh, na coe hnukkhu hawvah kho na sak aw h toteh,

² nange na BAWIPA Cathut ni na poe e na ram dawk e na khi e talai a pawhik a phunphun daw e aluepaw na la vaiteh, tangthung daw na raseng vaiteh, na BAWIPA Cathut e min ao nahanelah rawi e hmuen koe na ceikhai han.

³ Hatnae tueng dawkvah, vaihmanaw koe na cei vaiteh, ahnimouh koe na dei pouh han e teh, maimouh na poe hanelah mintoenaw koe Cathut ni a kam e ram dawk pha aw h toe, telah nange BAWIPA Cathut koe sahnin ka pathang telah na dei aw h han.

⁴ Vaihma ni tangthung a la vaiteh, BAWIPA e hmalah a pâhung han.

⁵ Nang ni na BAWIPA e hmalah na dei hane teh, ka kâva e Aram mip hun teh kaie na pa doeh. Ahni teh Izip ram lah a ceicathuk teh, tami youn touh hoi imyin patetlah ao. Hatei, hote hmuen koe vah, puenghoi a kampung aw h teh, a thao aw h.

⁶ Izipnaw ni kaimanaw hah na rektap aw h teh, kaimouh van vah, thaw karunaw hah a toung aw h.

⁷ Hat toteh, kaimouh ni BAWIPA koe ka hram aw h teh, BAWIPA ni kaimae lawk hah a thai teh, kaimae runae, thatawnae, hoi rektapnae hah na hmu pouh.

⁸ Hatdawkvah, BAWIPA ni a dâw e thaonae kut hoi, takikatho poung e hoi, mitnout hoi, kângairu hnonaw hoi kaimanaw hah Izip ram thung hoi na tâcokhai aw h.

⁹ Hete khoitui hoi maito sanutui a lawngnae hmuen hah kaimouh na poe aw h.

¹⁰ Atu khenhaw! Oe BAWIPA, nang ni na poe e ram thung e aluepaw hah na thokhai toe telah na dei aw h han. Hathnukkhu, nang ni hote aluepaw hah na BAWIPA Cathut e hmalah na pâhung vaiteh, na BAWIPA Cathut e hmalah na baw h han.

¹¹ Na BAWIPA Cathut ni na poe e kahawi e hno pueng dawkvah, nama hoi na imthungkhu hoi, Levihnaw hoi, nangmouh koe kaawm e imyinnaw hoi cungtalah na lunghawikhai aw h han.

¹² Nang ni, na hmu e thung daw k, hra touh daw buet touh poenae kum a kum thum kum dawkvah, pung hra pung touh na hruek toteh, Levihnaw, imyinnaw, naranaw, hoi lahmmainunaw hah na poe han. Hottelah na sak pawiteh, ahnimouh hai a von a paha van han.

¹³ Hathnukkhu, nang ni na BAWIPA Cathut e hmalah na dei hane teh, kai ni ka talue sak e poe hane hno im hoi ka takhoe teh, nang ni na dei kâpoelawknaw patetlah imyinnaw, Levih naranaw, hoi lahmmainunaw hah ka poe toe. Kai teh nange kâpoelawknaw ka tapoe hoeh. Ka pahnim hoeh.

¹⁴ Kai teh kadoutnaw hanelah ka lungmathoe toteh, hote hnonaw hah ka cat hoeh. Ka khin nah hote hno hah kai ni ka takhoe hoeh. Kadoutnaw hanelah hote hno hah ka poe hoeh. Ka BAWIPA Cathut e lawk hah ka tarawi toe. Kai hanelah na dei pouh e patetlah ka tawksak toe.

¹⁵ Kathoung e na onae hmuen kalvan hoi na khet navah, na tami Isarel naw hoi kaimae mintoenaw koe lawk na kam e ram, khoitui hoi maitosanutui a lawngnae ram yawhawi poe haw telah na dei han.

¹⁶ Sahnin hete phunglawknaw hoi lawkcengnaenaw hah na tarawi nahanelah na BAWIPA Cathut ni na poe toe.

¹⁷ Sahnin vah a lamthung dawn laihoi phunglawk, kâpoelawk, lawkcengnae hoi a lawk ngâi hanelah BAWIPA teh na Cathut lah ao nahan na pathang toe.

¹⁸ BAWIPA ni nang teh amae miphun lah na o titeh a pathang toe. Hatdawkvah, nang ni amae kâpoelawk pueng hah na tarawi hanelah ao toe.

¹⁹ Hathloilah, a sak e miphun pueng e lathueng vah oupnae, kamthangnae, barinae lah na o sak han. Ama ni lawk a kam tangcoung e patetlah nang teh BAWIPA Cathut hanelah kathoung e miphun lah na o han.

27

Lungphen dawk thut e kâlawk

¹ Hathnukkhu, Mosi hoi Isarel kacuenaw ni taminaw koe a dei aw h e teh, sahnin kai ni ka hruek e kâpoelawk pueng hah tarawi aw h.

² Nang ni Jordan palang na raka teh, BAWIPA Cathut ni na poe e ram dawk na pha toteh, kalen e talungnaw hah ung nateh, thungpangaw hoi na hluk han.

³ Mintoenaw ni a bawk aw h e Cathut BAWIPA ni a lawkkam ao e patetlah nang na poe e ram, khoitui hoi maitosanutui a lawngnae ram kâen hanelah na raka hnukkhu, hete kâlawk dawk e lawklung pueng hah hotnaw dawk na thut han.

⁴ Jordan palang raka hnukkhu, sahnin kai ni lawk na thui e talungnaw hah, Ebal mon dawk na ung vaiteh, mirangtalai hoi na kanan han.

⁵ Hote hmuen koehai na BAWIPA Cathut hanelah,

⁶ thuengnae khoungroe hah talung hoi na sak aw h han. Sum hno laipalah, pathei hoehe talung hoi na sak han. Nang BAWIPA Cathut hah hote khoungroe dawk hmaisawi thuengnae na thueng han.

⁷ Roun thuengnae hai na thueng vaiteh, hote hmuen koe na canei aw h vaiteh, a hmalah nawmnae na sak aw h han.

⁸ Hote talung dawkvah, hete lawknaw hah kamcengcalah na thut han.

⁹ Hathnukkhu, Mosi hoi vaihmanaw, Levihnaw niyah, Oe Isarel miphun, kâhruetcuet laihoi thai haw. Sahnin nang teh, BAWIPA Cathut e miphun lah na o toe.

¹⁰ Hatdawkvah, na BAWIPA Cathut e lawknaw hah na tarawi han. Sahnin kaimouh ni patuen ka dei aw h e kâpoelawknaw hoi phunglawknaw hah tarawi telah Isarel naw pueng hah a dei pouh aw h.

Ebal mon hoi thoebonae

¹¹ Mosi ni hot hnin vah, taminaw koe kâ a poe e teh,

¹² nangmouh ni Jordan palang na raka aw h nuukkhu, taminaw yawhawi poe hanelah Gerizim mon daw k ka kangdout hane naw teh: Simeon, Levih, Judah, Issakhar, Joseph, hoi Benjamin tinaw doeh.

¹³ Thoebo hanelah Ebal mon daw k ka kangdout hane naw teh: Gad, Reubeb, Asher, Zebulun, Dan, hoi Napthali tinaw doeh.

¹⁴ Hatnavah, Levihnaw ni Isarelnaw koe puenghoi a hramkhai hane lawk teh,

¹⁵ BAWIPA ni a panuet e hno, kutsak hlun e meikaphawk ka sak niteh, a kamnuhoehnae koe ka tat e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

¹⁶ Manu hoeh pawiteh na pa ka dudam e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

¹⁷ Imri e lawrilung ka puen e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

¹⁸ Mitdawn lam ka phen sak e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

¹⁹ Kalan lah lawkceng navah, miphun alouknaw, naranaw, lahmain-unaw hah kamsoum hoeh lah ka sung sak e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²⁰ Na pa hoi dueng kâkuen e na pa e a yu hah ka ipkhai e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²¹ Saringnaw buetbuet touh ka ipkhai e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²² Na pa e canu, manu e canu, mae tawncanu ka ipkhai e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²³ Yu e manu ka ipkhai e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²⁴ Imri hah arulaho i ka thet e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²⁵ Yon ka tawn hoehe tami thei hanelah aphu ka lat e tami teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

²⁶ Hete kâlawk daw k e lawklungnaw ka cak sak hoehe teh yawthoenae awm lawiseh telah thoe a bo aw h vaiteh, tami pueng ni Amen ati aw h han.

28

Lawkngainae daw k yawhawinae

¹ Sahnin kâ na poe e kâpoelawknaw na tarawi nahanelah, na BAWIPA Cathut e lawk hah na ngai pawiteh, BAWIPA Cathut ni nang teh miphunnaw lathueng na tawm han.

² Na BAWIPA Cathut e lawk hah na tarawi pawiteh, nang koe ka tho hane yawhawinaw hateh:

³ Nang teh khothung vah yawhawi, kahrawngum hai yawhawi lah na o han.

⁴ Canaw lahoi thoseh, talai a pawhik lahoi thoseh, saring ni a khe e a canaw lahoi thoseh, tu hoi maitonaw lahoi thoseh, yawhawi lah na o han.

⁵ Tangthung daw k thoseh, tavai kanawknae kawlung daw k thoseh, yawhawi ao han.

⁶ Na im thung na kâen nah yawhawi ao han. Alawilah na tâco nah yawhawi ao han.

⁷ Nang na ka tuk hane tarannaw hah na hmalah BAWIPA ni a sung sak han. Ahnimouh teh lamthung buet touh hoi nang koe a tho aw h eiteh, lamthung sari touh hoi a yawng aw h han.

⁸ Nange hnoim daw k thoseh, na tawksaknae tangkuem daw k thoseh, BAWIPA nang koe yawhawi pha sak hanelah a dei pouh aw h han. BAWIPA Cathut ni na poe e ram daw k nang yawhawinae na poe han.

⁹ Nang teh na BAWIPA Cathut e kâpoelaw k na tarawi teh, a lamthung daw k na dawn pawiteh, BAWIPA ni thoebo e patetlah nang hah BAWIPA hanlah, kathounge miphun lah pou na o sak han.

¹⁰ Nang teh, BAWIPA e min lahoi kaw lah na o tie miphun pueng ni a panue teh, na taki aw h han.

¹¹ BAWIPA ni nang koe na poe hanelah, mintoenaw koe thoebo e ram daw k hnopai, na canaw, saring pungdawnae hoi talai daw k a pawhik a pung sak han.

¹² BAWIPA ni atueng a pha torei teh, nange ram daw k kho a rak sak hane thoseh, na sak nah tangkuem daw k yawhawi poe hane thoseh, kalvan hnoim a paawng han. Nang ni miphunnaw hah câwisaknae kâ ao han. Ahnimouh ni nang na cawi sak mahoe h.

¹³ BAWIPA ni nang teh a mai lah na aw m sak laipalah, a lû lah na o sak daw kvah, nang teh rahim lah na aw m laipalah, lathueng lah onae kâ na tawn han.

¹⁴ Sahnin kai ni kâ na poe e lawknaw thung hoi avoillah, aranglah phen laipalah, alouknaw e cathut baw k laipalah na aw m aw h pawiteh, hottelah e hawinae hah na coe aw h han.

BAWIPA law k kangaihoehnaw thoebo yawthoenae

¹⁵ Sahnin ka dei e BAWIPA Cathut ni law k na poe e pueng na tarawi hanelah, law k na ngâi hoehpawiteh, na lathueng ka phat hane thoebonae hateh:

¹⁶ Nang teh khothung hai thoseh, kahrawngum hai thoseh yawthoe lah na o aw h han.

¹⁷ Tangthung daw k thoseh, tavai kanaw knae kawlung daw k thoseh, thoebo lah ao han.

¹⁸ Canaw lahoi thoseh, talai a pawhik lahoi thoseh, saring ni a khe e a canaw lahoi thoseh, tu hoi maitonaw lahoi thoseh, thoebo lah na o han.

¹⁹ Na im thung na kâen nah thoebo lah na o han. Alawilah na tâco nah thoebo lah ao han.

²⁰ BAWIPA na pahnawt teh na sakpayon e yon kecu daw k, karang poung lah raw knae koe na pha hoehroukrak, na tawksak e pueng daw k rektapnae, taraw knae, pathoenae naw teh na lathueng vah a pha sak han.

²¹ Na cei teh na coe hane ram daw k hoi be na raphoe hoehroukrak, lacik ka pha sak han.

²² BAWIPA ni laheipatawnae, vairoe, ekkhu, vuenpatawnae, tahloi hoi theinae, kahli hoi thingthairompo due saknae, ahri ni ca e lahoi thingthairompo due saknae, khokangnae naw hoi na raw k totouh, hote laciknaw ni na pâlei han.

²³ Na lathueng e kalvan teh na lû daw k rahim patetlah thoseh, na rahim e talai hai sum patetlah ao han.

²⁴ BAWIPA ni na ram daw k ka rak e kho hah lailo hoi vaipuh lah ao sak daw kvah, na raw k hoehroukrak kalvan lahoi na van a bo sak han.

²⁵ Na tarannaw hmalah BAWIPA ni lacik na poe han. Lamthung buet touh dueng daw k hoi na cei sin ei, lamthung sari touh daw k hoi na yawng aw h vaiteh, talai van kaawm e khoram tangkuem na kampuen aw h han.

26 Na ro teh tavanaw, kahrawng e moithangnaw ni ca hanelah ao han. Hote moithangnaw hah apinihai pâlei mahoe.

27 BAWIPA ni nang hah Izip ram e âhlut, baksa, takpatha e lahoi lacik na poe han.

28 Pathunae, mitdawnnae, lungpuenna lacik a pha sak vaiteh,

29 mitdawn ni hmonae koe a payam e patetlah nang teh kanîthun vah thupthup na payam han. Na sak e hno dawk na cum laipalah, rektapnae, lawpnae na khang vaiteh, apinihai na rungngang mahoe.

30 Yu na paluen eiteh, ayânaw ni a ikhai han. Im na sak eiteh, na awm nah mahoe. Misur na ung eiteh, a paw na khi mahoe.

31 Na maito hah na hmalah a thei aw h eiteh, nama ni na cat mahoe. Nange la hah na hmalah thama lahoi a ceikhai aw h eiteh, bout na poe aw h mahoe toe. Nange tunaw hah taran kut dawk poe toteh, ka rungngang hane awm mahoe.

32 Na canaw teh ayâ kut dawk a pha teh, na mit ni kanîruirui a khet vaiteh, a tha a baw han. Na kut hai a tha awm mahoe.

33 Na panuepaca hoe e miphun ni na ram dawk e a pawhik hai thoseh, na tawk teh na hmu e hnonaw hai thoseh a ca aw h han. Nang teh rektapnae dueng doeh pout laipalah na khang ti.

34 Hottelah, ma ni khei kâhmo e dawkvah, nang teh na pathu han.

35 BAWIPA ni na khokpakhu hoi na khok hloilah, na khoktabei koehoi kamtangw teh, na laduem koe totouh, kahmat thai hoe e lacik a pha sak han.

36 BAWIPA ni nang ni na tawm e siangpahrang hah, nang hoi na mintoenaw ni a panue boihoe e miphun koe, na thak vaiteh, nang teh alouke cathut, thing cathut, talung cathutnaw hah na baw han.

37 BAWIPA ni nang na thaknae ram tangkuem dawkvah, nang teh, kângairunae, bangnuebangta nahane, pathoe hanelah na o han.

38 Nang ni cati moikapap laikaw koe na sin eiteh, awsinaw ni a ca dawkvah, cakang youn touh ca doeh na a ti.

39 Misur takha na sak teh, misur ka ung nakunghai, ahri ni a ca dawkvah, nama ni misur paw na khi mahoe. Misur tui hai na net mahoe.

40 Na onae koe olivekung ao eiteh, a paw hmin hoehnahan a sarut dawkvah, nang teh olive satui na kâhluk mahoe.

41 Canu capa na khe eiteh, ahnimouh hoi na nawm mahoe. Taran ni san lah a man han.

42 Na onae ram dawkvah, thing kaawm e pueng, talai a pawhik kaawm e pueng, awsi ni a ca han.

43 Nang hoi rei kaawm e imyinnaw teh, rasang vaiteh, nang van a luen aw h han. Nang law teh rahim lah na kum han.

44 Ahni ni nang na cawi sak vaiteh, nang ni ahni na cawi sak mahoe. Ahni ni a lû lah awm vaiteh nang law teh a mai lah na o han.

45 Bawi ni na poe e kâpoelawknaw hoi BAWIPA e phunglawknaw hah tarawi nahanelah na BAWIPA Cathut e lawk na ngâi hoe dawkvah, nang teh, na rawk totouh hete thoebonae teh nang lathueng phat vaiteh, na pâlei vaiteh rek na pataw han.

46 Nang lathueng thoseh, na catounnaw lathueng thoseh, pout laipalah mitnoutnae kângairu hno lah ao han.

47 Hnopai na tawn toteh, lunghawinae hoi BAWIPA Cathut e a thaw hah na tawk aw h hoe dawkvah,

⁴⁸ BAWIPA ni a patoun e tarannaw e thaw hah vonhlan hoi, tui kahran hoi, caici lah onae hoi bangpueng dawk roedeng laihoi na tawk aw h han. Na rawk aw h hoehroukrak na lahuen dawk sumkahnam a bang aw h han.

⁴⁹ Ahla poungnae koe e miphunnaw hah nangmouh tuk sak hanelah, BAWIPA ni patoun vaiteh, mataw kamleng e patetlah a tho aw h han.

⁵⁰ A lawk na thai aw h hoeh e miphun, kacuenaw hai ka bari hoeh e miphun, kanawnaw hai ka pahren hoeh e miphun, ka matheng e miphun lah ao aw h han.

⁵¹ Na rawk aw h hoehroukrak, taran ni na tuca, maitoca, talai a pawhik ca hane, cakang, misurtui, satui pueng nang hanelah pek mahoe h.

⁵² Na ram daw k e na kâuep e khopui rapannaw pueng a tip aw h hoehroukrak, na khoram kaawm e pueng a kalup aw h han. Na BAWIPA Cathut ni na poe e na ram kaawm e pueng, na khoram kaawm e pueng daw k hai thoseh a kalup aw h han.

⁵³ Na taran ni khik na kalup dawkvah, na BAWIPA Cathut ni na poe e canu capa camosennaw e moinaw hah na ca aw h han.

⁵⁴ Na onae kho hah taran ni khik a kalup toteh,

⁵⁵ a nuen kahawi e tongpa ni a takang lawi vah, amae hmau, a pahren e a yu, hoi a pek e a canu capanaw patenghai yah, rei van laipalah a ca han.

⁵⁶ Na onae kho hah taran ni khik a kalup teh runae na kâhmo toteh, a takthai a naw lawi vah, talai patenghai ka coungroe boihoeh e napui ni hai, a pahren e a vâ, a canu hoi a capa patenghai hmawt ngai mahoe h.

⁵⁷ A khe e camonaw hoi a thunnaw patenghai arulaho i a ca aw h han.

⁵⁸ Na BAWIPA Cathut, ka lentoe ni teh takikatho poung e min hah taki hanelah thoseh, hete kâlawk daw k thut lah kaawm e hete lawklungnaw pueng hah kâhruetcu et lahoi na tarawi hoeh pawiteh,

⁵⁹ nange lacik hoi na ca catounnaw koe ka phat hane lacik hah atueng ka saw sak vaiteh, dam thai hoeh e kângairu han kawi hah BAWIPA Cathut ni a tho sak han.

⁶⁰ Hotnaw e hmalah, nang ni na taki e Izip ram e patawnae pueng hai BAWIPA ni nang daw k a pha sak han. Hotnaw teh nang daw k a kâbet aw h han.

⁶¹ Hothloilah, hete kâlawk cauk daw k thut lah kaawm hoeh e pataw-patatnae lacik kaawm naw pueng hai, na rawk hoehroukrak BAWIPA ni nang daw k a pha sak han.

⁶² Kalvan e âsi yit touh na kapap aw h nakunghai, BAWIPA Cathut e lawk na ngâi aw h hoeh dawkvah, kayounca lah na o aw h han.

⁶³ BAWIPA ni nangmouh hanlah hawinae sak e hoi pungdaw sak hanelah a ngai e patetlah nangmouh lathueng rawknae pha sak hane hoi nangmouh raphoe e daw k a lunghawi teh, coe hanelah na kâen sin aw h e ram thung hoi phawk lah na o aw h han.

⁶⁴ BAWIPA Cathut ni talai poutnae koehoi avanglah apoutnae koe totouh, miphun pueng koe na kâkahei sak han. Hawvah, na mintoenaw ni a panue aw h hoeh e thing cathut, talung cathutnaw hah na baw k aw h han.

⁶⁵ Hote miphunnaw rahak vah, nang teh roumnae awm mahoe h. Na khok kâhatnae awm mahoe h. Lungtâsuenae, mit thayounnae, hoi lungthoengnae hah BAWIPA ni na poe han.

⁶⁶ Nang teh karum khodai pout laipalah, lungpuenna e hoi, kadout han na ou, ka hlout han na ou tie panuek laipalah na o han.

⁶⁷ Na lungthung vah takinae, na mit hoi na hmu e hno dawkvah, nang ni amom vah tangmin a pha lei saw na ti vaiteh, tangmin vah, amom a pha lei saw na ti han.

⁶⁸ Hote lam hah bout na hmawt awh mahoeoh toe ka tie lam dawkhoi BAWIPA ni nang hah Izip ram lah lawng hoi bout na thak dawkvah, hote ram dawkhoi sanpa sannu lah o hanelah, tarannaw koe na yo awh han. Hateiteh, apinihai nang hah na ran ngaihoeoh telah Isarelnaw koe a dei awh han.

29

Moab ram vah BAWIPA hoi Isarelnaw lawkkamnae

¹ Hethateh, Horeb hmuen koe Isarelnaw hoi BAWIPA ni lawkkam e hloilah, Moab ram dawkhoi Isarelnaw hoi lawkkam hanelah, Mosi koe a dei pouh e lawkkam lawk doeh.

² Mosi ni Isarelnaw pueng ama koe a kaw teh, nangmouh ni patuen bout na dei awh hane teh, Izip ram Faro siangpahrang hoi a taminaw hoi a ram pueng e lathueng na mithmu roeroe vah, BAWIPA ni a sak e pueng teh be na hmu awh toe.

³ Tanouknae, mitnoutnaw, hoi kângairu hnonaw hah na mit hoi roeroe na hmu awh.

⁴ Hatei, thaipanueknae lung, hmuthainae mit, thaithainae hnânaw hah sahnin ditouh na poe awh hoeh rah.

⁵ A kum 40 touh thung kahrawngum vah nangmouh na hrawi awh toe. Nangmae khohna pawn hoeh. na khokkhawm hai pawn hoeh.

⁶ BAWIPA teh nangmae BAWIPA Cathut lah ao tie na panue awh nahanelah, nangmouh ni vaiyei na cat awh hoeh, misur hoi yamu hai na net awh hoeh.

⁷ Hete hmuen koe na pha awh navah, Heshbon siangpahrang Sihon hoi Bashan siangpahrang Og tinaw teh, kaimouh na tuk hanelah a tho awh teh, kaimouh ni ka tâ awh.

⁸ Aram ka la awh hnukkhu Reuben, Gad, Manasseh miphun tangawnaw hah râw lah ka poe awh.

⁹ Na tawksak awh e hno pueng dawkvah, hawinae na coe awh nahanelah, hete lawkkam heh kuen awh nateh hringkhai awh.

¹⁰ Atuvah miphun kahrawikung abuemlahoi,

¹¹ kacuenaw hoi kahrawikungnaw, Isarelnaw pueng, camosennaw, na yunaw, na imluennaw, na thing katâtuengnaw, na tui kadonaw totouh,

¹² sahnin BAWIPA ni nangmouh koevah, thoebo lah kaawm e lawkkam thungvah na kâen awh thai nahane hoi,

¹³ na pa Abraham, Isak, hoi Jakop hoi nangmouh koe lawk a kam teh a dei tangcoung patetlah nangmae Cathut lah ao thai nahane hoi a tami lah na o thai nahanelah caksak lah na o awh nahan,

¹⁴ thoebonae hoi lawkkamnae hah nangmouh koe dueng ka sak e tho hoeh.

¹⁵ Sahnin BAWIPA Cathut hmalah kangdout e hoi atu hi kaawm hoeh e naw koehai a sak e doeh.

¹⁶ (Bangkongtetpawiteh, Izip ram vah bangtelamaw khosak awh tie hoi nangmouh ni na ceinae miphunnaw e rahak vah bangtelamaw na cei awh tie hai na panue awh.)

¹⁷ Ahnimae panuetho e hnopainaw hoi, ahnimouh koe kaawm e thing, talung, sui, ngun naw hoi sak e ahnimae meikaphawknaw hah nangmouh ni na hmu awh toe.)

¹⁸ BAWIPA Cathut koehoi phen hane ngainae lungpouk na tawn aw hah teh, hote miphunnaw e cathutnaw koe na cei aw hah teh, tongpa, napui, imthung thoseh, miphunnaw hoi ka cet e, kakhat e a paw lungkhueknae a paw, a khongyang teh nangmouh daw k a paw han tie thoseh,

¹⁹ hot patetlae tami teh, thoebonae lawk a thai navah, a lungpata e patetlah ka sak vaiteh, tui kahrannae daw k paruinae mek bawksak nakunghai, lungmawng lah ka o han ka tet e awm langvaih tie ngaihrinae ao.

²⁰ Ahni teh BAWIPA ni pasai hoeh, dipmanae, lungkhueknae hmaikhu a tâco teh, Cakathoung daw k thut e thoebonae naw ahnimae lathueng ao han. BAWIPA ni ahnie min teh, kalvan rahim a raphoe han.

²¹ Hete kâlawk cauk daw k thut e thoebonae lawkkam e patetlah Isarel miphun pueng thung hoi BAWIPA ni a kapek han.

²² Ram thungvah BAWIPA ni a poe hane lacik hoi patawnae hah na hnuklah ka tho hane sekatha na catounnaw hoi ahlanae koehoi ka tho hane ramlouk e taminaw ni a hmu aw hah toteh,

²³ Ram thungvah gan, palawi, hoi hmaisaaan, cati patue thahoehnae, apawhik a tâchoehnae, a lungphuennaehoi a lungkhueknae hoi BAWIPA ni a tâkhawng e Sodom hoi Gomorra hoi Admah hoi Zeboim patetlah a tâkhawng e a hmu aw hah toteh,

²⁴ miphun pueng ni, bangkongmaw BAWIPA ni hete ram heh hettelah a sak. Hete kalenpoung lungkhueknae heh bang nama aw ati aw hah han.

²⁵ Hattoteh taminaw ni, Izip ram hoi a tâcokhai navah, ahnimouh hoi lawk a kam e ahnimae mintoenaw e BAWIPA Cathut e lawkkam hah a ceitakhai aw hah teh,

²⁶ ahnimouh hanelah banghai ka pouk thai hoeh e cathut alouke, a panue aw hah boihoeh e cathut thaw a taw k aw hah daw k doeh ati aw hah han.

²⁷ Hete cakathoung daw k thut lah kaawm e thoebonae pueng, hete ram daw k phasak hanelah, BAWIPA a lungkhuek.

²⁸ BAWIPA ni lungphuennaehoi, puenghoi lungkhueknae, Lungphuennaehoi ahnimae ram daw k hoi ahnimouh hah a rasa teh, sahnin e patetlah alouke ram daw k a pâlei toe tie hah doeh.

²⁹ Kamnuek hoeh rae naw teh BAWIPA Cathut mae doeh. Hatei, pâpho e naw teh maimouh hoi maimae canaw hanelah pout laipalah ao teh, hete kâlawnaw pueng teh tarawi nahanelah doeh.

30

BAWIPA koe bout bannae

¹ BAWIPA Cathut ni na hreknæ miphunnaw pueng koe kaawm e na hmalah ka hruek e yawhawinae hoi thoebonae hah na panue aw hah teh,

² BAWIPA koe bout na ban aw hah teh, atu kâ na poe e patetlah nama hoi na canaw hoi na lungthin, hringnae abuemplahoi a lawk na tarawi aw hah pawiteh,

³ BAWIPA Cathut ni san counngnae koehoi na ban sak aw hah vaiteh, na pahren aw hah han. Hahoi BAWIPA ni miphun pueng koe kâkayeinae koehoi bout na pâkhueng aw hah han.

⁴ Nangmouh thung daw k talai pout totouh pâlei e awm pawiteh, BAWIPA na Cathut ni hote hmuen koehoi bout na pâkhueng aw hah vaiteh, hote hmuen koehoi bout na tâcokhai aw hah han.

⁵ Mintoenaw ni a pang e ram koelah, bout na hrawi aw h vaiteh, na pang a han. Hatnavah bout na pahren aw h vaiteh mintoenaw h lak hoe na pung sak han.

⁶ Na hring thai nahan, BAWIPA na Cathut hah lungthin, hringnae abuemlahoi lungpataw sak hanlah, BAWIPA na Cathut ni na lungthin hoi na catounnaw e lungthin vuensom a a pouh han.

⁷ Nang na ka taran ni teh na kapacekpahleknaw, lathueng hai thoseh, ka dei tangcoung patetlah thoebonae pueng ka pha sak han.

⁸ Bout na ban vaiteh, BAWIPA e a lawk dei e na tarawi vaiteh, sahnin na poe e kâpoelawknaw pueng na tarawi aw h han.

⁹ Nang ni na BAWIPA Cathut e lawk hah na tarawi teh,

¹⁰ kâlawk cauk daw k thut e lah kaawm e phunglawk pueng na tarawi pawiteh, na BAWIPA Cathut koe na lungthin abuemlahoi bout na ban pawiteh, na taw k e pueng daw k tânae na hmu aw h nahan hoi na canaw, saringnaw, apawhiknaw pung sak vaiteh, nang han hawinae na sak pouh han. BAWIPA teh na mintoenaw koe a lunghawi e patetlah nang daw k a lunghawi vaiteh, nang hanelah ahawinae lah a sak han.

Hringnae hoi duenae

¹¹ Sahnin na poe e lawk teh na thaipanuek hoe h e lawk nahoe h.

¹² Nang hoi kâhlat hoe h. A lawk ngâi aw h teh tarawi nahanelah, kalvan vah apimouh ka luen vaiteh, maimouh koe ka thokhai tie hah pacei sak hanelah kalvan vah kaawm e nahoe h.

¹³ A lawk teh maimouh ni ngâi aw h teh, tarawi aw h nahan, tali apimaw ka rakat ni teh maimouh koe ka thokhai han telah ka pacei hanelah tali namran lah kaawm e nahoe h.

¹⁴ A lawk teh na tarawi nahanelah nang hoi a hnai poung. Na pahni daw k thoseh, na lung daw k thoseh ao.

¹⁵ Khenhaw! hringnae hoi hawinae, duenae hoi thoena e heh sahnin na hmalah ka hruek

¹⁶ Na hring teh na pungdaw nahan hoi na pang hane ram daw k na BAWIPA Cathut ni yawhawi na poe nahan na Cathut hah na lungpataw han, a hnuk na kâbang vaiteh, kâpoelawknaw, phunglawknaw, hoi lawkcengnaenaw hah tarawi loe telah lawk na thui.

¹⁷ Hatei, na lungthin hah alouklah a kamlang teh, lawkngai laipalah tami dumnae koelah na kamlang teh alouke cathut na baw k pawiteh,

¹⁸ Jordan tui na raka teh na pang hane ram daw k na hring saw mahoe h. Atangcalah rawknae koe na pha han telah sahnin kâhruetcuetnae na poe.

¹⁹ Hringnae hoi duenae, yawhawi poenae hoi thoebonae naw na hmalah ka hruek. Nama hoi na canaw ni hring nahanlah rawi lawih. Kapanuekkung kalvan hoi talai ka kaw.

²⁰ Hatdawkvah, nang hoi na catounnaw ni na hring nahan hoi nange BAWIPA Cathut na lungpataw teh a lawk na tarawi daw kvah, hringsawnae na kapoekung BAWIPA hah na kâhnai nahan thoseh, BAWIPA ni na mintoe Abraham, Isak, Jakop koe thoebo e ram daw k o hane hoi kâvan e hringnae rawi loe telah thoseh Isarel miphun koe a dei pouh.

31

Isarel kahrawikung katha Joshua

¹ Mosi ni a cei teh Isarel miphun pueng koe bout a dei pouh e lawk teh,

² kai kum 120 a kuep toe. Nangmouh koe ka kâhlai thai hoe h toe, BAWIPA ni hai Jordan palang na rakat mahoe h ati toe.

³ Nangmae BAWIPA Cathut ni na hmalah a raka teh hote khocanaw a raphoe vaiteh, ahnimae hmuen nangmouh ni na pang aw h han. BAWIPA ni a dei e patetlah Joshua ni nangmae hmalah a raka han.

⁴ BAWIPA ni hai Amor siangpahrang Sihon hoi Og daw k thoseh, a raphoe e ahnimae ram daw k thoseh, a sak e patetlah hote khocanaw daw k a sak han.

⁵ BAWIPA ni ahnimouh nangmouh koe na poe vaiteh, lawk na poe e patetlah ahnimouh daw k a sak han.

⁶ Tha kâlat aw h nateh, na taranhawi aw h. Na lungtâsue aw h hanh. Ahnimouh taket aw h hanh. BAWIPA teh nangmae Cathut lah ao. Nangmouh hoi rei ka cet e teh BAWIPA doeh. Na hnoun mahoe h, na cettakhai mahoe h telah ati.

⁷ Joshua bout a kaw teh, tha kâlat nateh na taranhawi haw. Bangkongtet-pawiteh, BAWIPA ni hete tami koe poe hanlah, mintoenaw koe thoebo e ram koelah ahnimouh hoi rei na cei vaiteh, râw na pang aw h han.

⁸ Na hmalah BAWIPA a cei han, nang hoi rei ao han, hnuklah na kamlang takhai mahoe h, tâsue hanh, na lungpout hanh, telah Isarel miphunnaw hmalah a dei.

Kum sari nah tangkuem kâlawk touk han

⁹ Mosi ni hete kâlawk a thut teh, BAWIPA e lawkkam thingkong kâkayawn e Levih miphun vaihmanaw, Isarel miphun kacuenaw koe a poe teh,

¹⁰ Lawk a thui e teh, kum sari akuep nah sannaw hlout nahan sut oup e lukkareiim paw i tueng a pha navah,

¹¹ Nangmae BAWIPA Cathut ni raw i e hmuen koe Isarel miphun pueng teh, a ham lah kâpâtue hanelah a tho aw h toteh, hete kâlawk hah tamimaya hmalah na touk pouh han.

¹² Tongpa, napui, camonaw nangmouh koe kaawm e imyinnaw ni a thai aw h teh a kamtu aw h teh BAWIPA na Cathut hah a taki aw h teh hete kâlawk pueng hah kâhruetcu et laihoi a hringkhai aw h nahanlah,

¹³ ka thai hoeh rae a canaw ni hai a thai aw h nahanlah Jordan palang namran lah cei vaiteh na pang aw h hane ram daw k na o aw h nathing BAWIPA na Cathut takinae a kamtu thai aw h nahanlah pâkhueng loe telah kâ a poe.

Isarelnaw taranthaw nahane sut a dei

¹⁴ BAWIPA ni Mosi koe, na due nahane tueng a hnai toe, Joshua kaw nateh kamkhuengnae lukkareiim koe hnai aw h. Ahni lawk ka thui han telah atipouh. Hateh Mosi hoi Joshua teh kamnu hanelah kamkhuengnae lukkareiim koe a cei roi.

¹⁵ BAWIPA ni lukkareiim daw k tâmaikhom hoi a kamnu e pouh teh, tâmaikhom ni lukkareiim takhang koe a kangdue.

¹⁶ BAWIPA ni Mosi koe, na mintoenaw hoi na i han toe. Hete miphunnaw ni atu a pâmaw aw h e ram daw k kaawm e Jentelaw ni a baw k e cathutnaw hoi a yon aw h teh kai na pahnaw t aw h vaiteh lawkkam a raphoe aw h han.

¹⁷ Hat toteh, kai ka lungkhuek vaiteh, ahnimouh ka kamlang takhai han. A raw k aw h vaiteh lungpoutnae hoi rucatnae puenghoi a kâhmo aw h han, hatnavah ahnimouh ni Cathut ni maimouh koe ao hoeh daw k hete rucatnae maimouh lathueng a pha nahoe hmanw telah a dei aw h han.

¹⁸ Ahnimouh ni alouke cathut koe a kamlang aw h e yonae daw k, kai ni minhmai ka hro han.

¹⁹ Hatdawkvah, hete la heh ahnimouh han thun pouh. Isarelnaw cangkhaih, Isarelnaw e kong dawk kapanuekkhaikung lah ao nahan a pahni dawk hrueng pouh.

²⁰ Bangkongtetpawiteh, a na mintoenaw koe thoe ka bo e sanutui hoi khoitui a lawngnae ram koe ka hrawi awh vaiteh, ka boum lah a ca awh hnukkhu a thaw awh vaiteh cathut alouke koelah a kamlang awh han. A thaw tawk awh vaiteh kai na taran awh han, ka lawkkam a raphoe awh han.

²¹ Rucatnae hoi yawthoenae pueng a kâhmo awh navah, hete la heh amamouh kapanuekkhaikung lah ao nahan a catounnaw e pahni dawk hai pahnim awh mahoe. Kai ni thoeboe e ram dawk ka ceikhai hoehnahlan atu patenghai a pouknae ka panue toe telah ati.

²² Mosi ni hai hote hnin navah la a thut teh Isarelnaw a cangkhai.

²³ Nun capa Joshua koe, tha kâlat nateh na taranhawi sak. Kai ni thoe ka bo e ram dawk Isarelnaw na kâenkhai han. Kai ni na okhai han, atipouh.

Mosi ni maya lawk a thui

²⁴ Mosi ni hete kâlawnaw cauk dawk be a pakhum hnukkhu,

²⁵ Lawkkam thingkong ka hrawm e Levihnaw a kaw teh,

²⁶ Hete kâlawnaw cauk lat awh nateh, namamouh na kapanuekkhaikung lah BAWIPA e lawkkam thingkong hmalah hrueng awh.

²⁷ Nangmae miphun teh taranthawnae, lungpatanae na tawn awh tie ka panue. Khenhaw! sahnin na hringkhai nah patenghai BAWIPA na taran awh nahoehmaw. Ka due hnukkhu nah tawng teh hothlak na sak awh han rah.

²⁸ Nangmae miphun daw k kacuenaw, kaukungnaw abuemlah kai koe kamkueng awh naseh. Hete lawknaw hah ahnimouh koe ka dei pouh vaiteh, kalvan hoi talai ka kaw han.

²⁹ Bangkongtetpawiteh, kai ka due hnukkhu teh, khoeroe na rawk awh vaiteh, kai ni lawk na thui e lamthung daw hoi na phen awh han tie hah ka panue. Hmalah toteh BAWIPA hmalah yonnae na sak awh vaiteh, na kut hoi na sak awh e lahoi a lungkhueknae na hroecoe awh dawkvah, nangmouh teh runae hoi na kâhmo awh han telah kâhruetcuetae na poe.

Mosi e la

³⁰ Hottelah Mosi ni Isarel maya thainae koe hettelah lawknaw heh apout totouh koug a dei pouh.

32

¹ Oe kalvannaw thai awh haw, lawk ka dei han. Oe talai ka dei e lawk thai haw.

² Kaie phunglawk teh kho patetlah masimmasim a rak han. Ka lawk teh tadamtui patetlah a bo han. Patue e naw dawk ka rak e kho patetlah thoseh, phonaw dawk moikapap e kho patetlah thoseh ao han.

³ BAWIPA e min teh ka pâpho, maimae Cathut lentoenae teh pâpho awh.

⁴ Ama teh lungsongpui doeh, a tawksak e akuiep. Bangkongtetpawiteh, a lamthung teh a lan, yuemkamcu e Cathut, yon tawn hoe, katang e hoi kalan e BAWIPA lah ao.

⁵ Ahnimouh a rawk awh toe. Cathut e ca lah awm awh hoe, toun hoe kawi lah awm awh hoe. A lungthin a longkawi teh ka payon e miphun lah ao awh.

⁶ Oe lungangnae ka tawn hoe e kapathunaw, BAWIPA e pahrennae hettelamaw na pathung awh han. Ka kawkhikkung na pa nahoehmaw, na sak awh teh na caksak awh hoe maw.

⁷ Ayan e taminaw pahnim hanh aw h, Se moi kaloum tangcoung e pouk aw h, na pa pacei nateh na dei pouh han, kacuenaw pacei nateh ahnimouh ni a dei aw h han.

⁸ Lathueng Poug ni Adam catoun lah kaawm e naw hah a kapek teh, râw a rei navah, Isarelnaw a youn a pap e hah a khet teh miphun onae hmuen a khuen pouh.

⁹ BAWIPA e ham teh a taminaw doeh. Jakop teh a coe e râw doeh.

¹⁰ Tami kingdinae koe sarang a hram, thingyeiyawn koe Jakop a hmu toteh, khik a vuiluk teh mitmu patetlah a ring.

¹¹ Mataw ni a tabu a raphoe teh, a canaw lathueng a rathei a kadai teh, a canaw a rathei hoi a tawm e patetlah,

¹² BAWIPA dueng ni doeh Jakop a hrawi, alouke cathut ahni koe awm hoeh.

¹³ Talai rasangnae koe hmuen a poe teh, talai a pawhik hah a ca teh, lungha daw k e khoitui hai thoseh, lungtaw daw k e satui hai thoseh,

¹⁴ Tuca thaw, Bashannaw e tutan, maitotan, hmae thaw, satun, kuen daw k e ahrei, maito sanutui, tu sanutui nei hane hoi misur tui thîpaling na nei.

¹⁵ Hatei, Jeshurun teh a thâw daw k khok hoi a pâthui. Na thâw, na len, ahrei hoi na kawi daw kvah, na kasakkung Cathut na pahnavt teh rungngangnae lungsong banglahai na noutna hoeh.

¹⁶ Ahnimouh teh alouke cathut lahoi utsin sak aw h. Panuet ka tho e hno lahoi a lungkhuek sak aw h.

¹⁷ Cathut hoeh e kahrai, panue boihoeh e cathut, mintoenaw ni a taki aw h hoeh e cathut koe thuengnae a sak aw h.

¹⁸ Na kasakkung lungsong banglahai na ngâi aw h hoeh. Na pa lah kaawm e Cathut hah na pahnim toe.

¹⁹ BAWIPA ni hot hah a hmu nah, a lungkhuek, a canu capanaw ni a pahnavt daw kvah.

²⁰ Kai ni ka minhmai ka hro han, bangtelamaw apoutnae ao han tie ka khet han, lungkapatak e miphun, yuemkamcu hoeh e canaw lah ao aw h.

²¹ Cathut lah kaawm hoeh e hno lahoi utsinnae tawn sak hanelah a sak aw h toe. Ayawmyin e hnopai lahoi lung na khuek sak aw h toe. Hatdaw kvah, miphun lah kaawm hoeh e lahoi ahnimouh utsin sak hanelah lungkaang hoeh e miphun lahoi lungkhueksak hanelah ka sak han.

²² Ka lungkhuek teh hmai ka sawi. Kadung poung e sheol totouh a kak han. Talai daw k e a pawhik kamtawisak vaiteh mon kamhungnae totouh a kak han.

²³ Ahnimouh lathueng runae ka thueng pouh han, kaie palanaw hah koug ka ka han.

²⁴ Vonhlamrinci a khang aw h han. Kâanna, puenghoi rawknae lahoi a rawk aw h han. Sarangnaw e hâ thoseh, talai daw k kaawm e tahrungsue thoseh, ahnimouh koe ka patoun han.

²⁵ Alawilah tahloi hoi duenae, imthung taki ka tho e runae ni thoundoun tangla thoseh, sanu ka net lahun e camo hoi a sam ka po tangcoung e matawng thoseh a raphoe han.

²⁶ Taran kâoupnae ka taket hoeh nakunghai thoseh,

²⁷ Tarannaw a kâoup aw h teh, hete hnopueng BAWIPA ni sak hoeh, ka lentoe e maimae kut ni doeh a sak ati han. Kai lungpuen han ka tawn hoeh nakunghai ahnimouh hah talai pout totouh kampek sak vaiteh, apinihai a pouk hoeh nahanlah ka raphoe han telah pouknae ka tawn.

28 Bangkongtetpawiteh, lungangnae tawn awh hoeh, poukthainae hai tawn awh hoeh.

29 Lungangnae tawn awh pawiteh, hete hno heh a thaipanuek awh han ei, hmalae kong hah a pouk awh han ei telah a ti.

30 A kângue awh e lungsong ni ahnimouh yawt awh hoeh, BAWIPA ni ahnimouh poe hoehpawiteh, tami buet touh ni tami 1,000 touh bangtelamaw a pâlei thai han. Tami kahni touh ni tami thong hni touh bangtelamaw yawngsak thai han.

31 Maimae tarannaw ni a hmunaee dawk teh ahnimae lungsong hoi maimae lungsong kâvan hoeh.

32 Ahnimae misurkung teh Sodom ram e doeh. Gomorrah talai dawk ka pâw e a kung doeh. Ahnimae misurpaw teh kakhat e a kung dawk e a paw lah ao teh, misurbomnaw teh kakhat e hoi doeh a kawi.

33 Ahnimae misurtui teh khorui sue, ka patawpoung e hrunthoe sue lah doeh ao.

34 Hothateh kai koe a pâtung toe. Hnoim dawk hruek lah awm hoehnamaw.

35 Moipathungnae teh kai ni ka sak hane doeh. Atueng akuep toteh ahnimae khok a tâlaw han. Ahnimouh koe runae pha nahane tueng a hnai toe. A kâhmo awh hane runae karangpounglah a tho han toe.

36 BAWIPA ni a taminaw hanelah lawk a ceng han. A taminaw teh bahu a baw toe, a paung e ka hlout e buet touh boehai ao hoeh e hah a hmu navah, ahnimouh pahren vaiteh,

37 Ahnimae cathut, ahnimouh ni a kângue awh e talung nâne ao.

38 Ahnimouh ni a thuengnae a thâw hah a ca awh teh, nei thuengnae misur kanetnaw teh namaw ao. Thaw awh naseh, nangmouh na kabawm awh naseh.

39 Kai, kama roeroe Cathut tie thoseh, kai hloilah alouke cathut awmhoeh tie thoseh, khenhaw! ka thei thai, ka hringsakthai, moihna ka thosak thai, ka damsak thai, ka kut dawk hoi apini na lawm thai mahoe.

40 A yungyoe kahring e doeh telah kalvan lah ka kut ka dâw teh thoe ka kâbo.

41 Loukloukkaang e tahloi ka kata teh, lawkcengnae ka patuep teh, ka tarannaw koe moi ka pathung han. Kai na kahmuhanaw koe kamculah ka pathung han.

42 Ka palanaw hah thipaling hoi ka paruisak vaiteh, ka tahloi ni a moi a ca han. Thei lah kaawm e sannaw e thipaling hoi taranbawinaw e a lû a ca pouh han.

43 Jentel miphunnaw nangmouh ni Cathut e a taminaw hoi lung rei hawi awh haw. Bangkongtetpawiteh, kaie sannaw theinae yon hoi kâki lah runae ka rek teh, a tarannaw koe yon moipathung han toe. A ram hoi a taminaw yontha pouh han.

44 Mosi hoi Nun capa Joshua a tho roi teh hete la lawknaw pueng hah tami pueng koe a dei pouh roi.

45 Hottelah hete lawknaw Mosi ni Isarelnaw koe he a dei hnukkhu,

46 Nangmouh koe sahnin ka pâpho e lawknaw pueng heh na lungthung pâkuem awh. Na canaw ni hete kâlawk pueng hah a tarawi awh nahanelah, ahnimouh koe bout dei pouh awh.

47 Hete hno heh rumram e nahoe, nangmouh na hringnae hoi kâkuen e doeh. Jordan palang na raka awh teh na pang awh hane ram dawk hete hno na tarawi pawiteh, na hring a saw awh han telah a dei.

Mosi duenae

⁴⁸ Hot hnin vah BAWIPA ni Jeriko namran Moab ram Abiram monrui Nebo monsom a luen teh,

⁴⁹ Isarelnaw hah kai ni ka poe e ram hah khenhaw.

⁵⁰ Na hmau Aron teh Hor mon vah a due teh a taminaw a kamkhuengnae koe a pha e patetlah nang hai na luennae hete mon dawk dout nateh na taminaw kamkhuengnae koe phat lawih.

⁵¹ Bangkongtetpawiteh, nangmouh ni Zin thingyeiyawn, Kadesh kho Meribah tui teng vah, Isarelnaw hmalah kai barinae tawn laipalah na yon aw h toe.

⁵² Hatdawkvah, Isarelnaw koe ka poe e ram hah nang ni na mit hoi na hmu nakunghai, hote ram dawk na kâen mahoe h telah Mosi koe a dei pouh.

33*Mosi ni Yawhawi poenae*

¹ BAWIPA e tami Mosi ni a due hoehnahlan Isarelnaw yawhawi a poenae lawk hateh,

² BAWIPA teh Sinai mon hoi a tho. Seir mon koehoi Isarelnaw koe kanî patetlah a tâco teh, Paran mon koehoi raeng ni pheng a tue. Tami kathoung moikapap hoi rei a tho aw h. Isarelnaw hanelah aranglae kut daw k hoi kâlawk hmai a tâco.

³ Atangcalah BAWIPA ni a taminaw hah a lungpataw. A tami kathoungnaw pueng teh na kut daw k doeh ao aw h. Ahnimouh ni na khok koe a tabo aw h teh, na lawk hah a dâw aw h.

⁴ Mosi ni kaimouh hanelah kâlawk na poe aw h. Jakop miphunnaw e râw lah ao.

⁵ Taminaw kahrawikungnaw teh Isarelnaw hoi rei a kamkhueng aw h toteh, Jeshurun khovah nang teh siangpahrang lah na o.

⁶ Reuben teh dout laipalah hring naseh. A taminaw pung naseh.

⁷ Judah miphun hanelah a dei e teh, Oe BAWIPA Judah e a lawk na thai teh a hmaunawng ha aona e koe thokhai haw, a kutnaw hah thapoe haw. Tarannaw kut daw k hoi rungngang haw.

⁸ Levih miphun hanelah a dei e teh, nange Thummim hoi nange Urim teh Massah vah na tanouk teh, Meribah tui teng vah na taran e na tami kathoungnaw koe poe haw.

⁹ A manu hoi a na pa koevah ka hmawt boihoe h ka tet e ni, a hmaunawng ha hah nout hoe h. A canaw hai panuek hoe h. Bangkongtetpawiteh, na lawk a ngâi aw h teh na lawkkam hah a tarawi aw h.

¹⁰ Ahnimouh ni nange lawkcengnaenaw hah Jakop miphun koe thoseh, na kâlawk hah Isarelnaw koe thoseh a cangkhai aw h han. Ahnimouh ni hmuitui hah na hmalah thoseh, abuemlah hmaisawi thuengnae hah thuengnae khoungroe daw k thoseh a ta aw h han.

¹¹ Oe BAWIPA, ahnie hnopai hah yawhawi na poe teh a kut hoi a sak e hah dâw pouh haw. Ahnimouh kahmawt ngaihoe h naw a kâroe thai hoe h nahanlah ahnimae a keng hah khoe pouh haw.

¹² Benjamin miphun hanelah a dei e teh, BAWIPA ka pahren e teh, BAWIPA koe karoumcalah ao han. Pou ramuk vaiteh, a loung rahak vah a ta han.

¹³ Joseph miphun hanelah a dei e teh, ahnie a ram teh apu kaawm e kalvan e hno, tadamtui hoi rahimlah kaawm e adungnae koe e tui hoi cungtalah yawhawinae poe naseh.

¹⁴ Kanî koehoi e aphu kaawm hnonaw hoi thoseh, thapa koehoi e aphu kaawm hnonaw hoi thoseh,

¹⁵ ayan e monnaw dawk e kahawipoung e hnonaw hoi thoseh, pou kangning e monruinaw e aphu kaawm hnonaw hoi thoseh,

¹⁶ talai dawk e aphu kaawm e hno, hote kuepnae hoi hmai ka kang e buruk dawk kaawm e pahrennae hoi thoseh, yawhawinae na poe seh. Yawhawinae teh Joseph e lû van thoseh, a hmaunawngghanaw dawk kacuenaw e lû van bawilakhung dawk thoseh, phat lawiseh.

¹⁷ A raimonae teh maito camin a lentoenae patetlah, a kinaw teh Savitannaw e kinaw patetlah awm lawiseh. Hot ni vah miphun pueng hah talai pout totouh a deng han. Ahnimouh teh Ephraim 10,000, Manasseh 1,000 touh lah ao a ti.

¹⁸ Zebulun miphun hanelah a dei e teh, Zebulun, na tâconae dawk hai thoseh, Issakhar, na rim dawk hai thoseh, lunghawi haw.

¹⁹ Ahnimouh ni miphunnaw hah mon koe kaw awh vaiteh, hote hmuen koe nei thuengnae hah a thueng awh han. Bangkongtetpawiteh, tuipui bawirengnae hoi sadi thung kâhrawk e hnonaw hah a rasa awh han.

²⁰ Gad miphun hanelah a dei e teh, Gadnaw ka pakaw e teh a yawkahawi e lah awm naseh. Hote miphun teh sendek manu patetlah ao vaiteh, kutbuembue hoi lû vuen hah a hlip han.

²¹ Ahni teh ama hanelah kahawipoung e a kârawi toe. Atangcalah kâlawkkapoekung e ham hah hote hmuen koe aloukcalah a ta pouh toe. BAWIPA e lannae hoi lawkcengnae hah Isarel miphun hoi cungtalah a tawk telah a ti.

²² Dan miphun hanelah a dei e teh, Dan teh sendekca lah ao teh Bashan kho hoi a dawkcaw han telah a ti.

²³ Naphtali miphun hanelah a dei e teh, Oe Naphtali, pahren e lah na o teh, BAWIPA e yawhawinae hoi kaw sak lah na o teh, kanîloumlae hoi akalae hah coe loe.

²⁴ Asher miphun hanelah a dei e teh, Asher teh canaw e lathueng vah yawhawinae hoe a coe. Ahni teh a hmaunawngghanaw lahoi yawhawi poe e lah ao teh, a khok hah satui dawk ranup naseh.

²⁵ Nange longkha tarennae teh sum hoi rahum lah ao vaiteh, na hringyung thung na thayung lah ao han.

²⁶ Nang kabawp hanelah kalvannaw ka kâcui niteh, lentoenae hoi tâmainaw dawk ka kâcui Jeshurun Cathut patetlah apihai awm hoeh.

²⁷ A yungyoe Cathut teh na kângue e lah ao teh, a thaonae kut hoi nang teh na down. Ahni ni, na tarannaw hah na hmalah hoi na pâlei pouh teh, raphoenae kâ hah na poe.

²⁸ Isarel miphun teh a hlout vaiteh, amamouh dueng ao awh han. Jakop catoun teh cakang, misurtui hoi kakawi e ram dawk hmuen a tawn awh vaiteh, kalvan hoi tadamtui hai a bo han.

²⁹ Oe Isarel miphun na yawhawi. BAWIPA ni a rungngang e miphun, nang teh api hoi maw na kâvan. Hote BAWIPA teh nang na ka ngue e bahling, na taluenae tahloi lah ao. Na tarannaw teh, na hmalah a sung awh vaiteh, nang ni ahnimae hmuen rasangnae koe na coukdouk awh han.

¹ Hathnukkhu Mosi ni Moab tanghling koehoi a cei teh, Jeriko khopui namranlah Nebo mon Pisgah monsom vah a luen. BAWIPA ni ram pueng hah a pátue. Gilead ram Dan kho totouh,

² Naphtali ram buemlah, Ephraim ram hoi Manasseh ram buemlah, Judah ram pueng tuipui kanîloumlah totouh,

³ akalae ram hoi unkgung kho tie Jeriko khopui yawn Zoar kho totouh.

⁴ BAWIPA ni hete ram teh Abraham, Isak, Jakop tinaw koevah na catounnaw ka poe han telah thoebo laihoi lawk ka kam e ram doeh. Na mit hoi hmunaê kê teh na poe, hatei, nang teh hote ram koe na cet mahoe atipouh.

⁵ Hatdawkvah, BAWIPA ni a dei e patetlah Mosi teh Moab ram dawkvah a due.

⁶ Bethpeor namran lah Moab tanghling dawk ahni teh a pakawp. Hatei, sahnin ditouh ahni pakawpnae hmuen hah apinihai panuek hoeh.

⁷ Mosi a due navah a kum 120 touh a pha. A mit hai mom hoeh, a tha hai youn hoeh rah.

⁸ Isarelnaw ni Mosi teh Moab tanghling dawk hnin 30 touh a khuikakhai aw. Hottelah hoi Mosi khuikakhainae hnin teh a pout.

⁹ Hahoi Nun capa Joshua teh lungangnae muitha hoi a kawi. Bangkongtetpawiteh, Mosi ni ahnie van vah a kut a toung pouh. BAWIPA ni Mosi koe lawk a poe e patetlah a sak teh, Isarelnaw ni ahnie lawk a ngâi aw.

¹⁰ BAWIPA ni minhmai rek kâhmo laihoi a panue e Mosi patetlah Isarel miphun daw bangpatet e profet hai bout tâcawt hoeh toe.

¹¹ Faro e hmaitung hoi a sannaw pueng e hmaitung hoi a ram thung pueng hanelah, Izip ram daw sak hanelah BAWIPA ni a patoun e mitnoutnae hoi kângairu hnonaw hah ahni ni a sak.

¹² Thaonae bahu pueng hoi Mosi ni a sak e takikatho e kângairu hno pueng hah Isarelnaw hmaitung vah Mosi ni a sak.

JOSHUA (Joshua)

Cathut ni Joshua a patoun

¹ BAWIPA Cathut e san Mosi a due hnukkhu Mosi e yueng lah thaw ka tawk han e, Nun capa Joshua teh, BAWIPA Cathut ni,

² Kaie ka san Mosi te a due toe. Hatdawkvah nama hoi na taminaw pueng atu thaw aw h nateh Jordan palang namran lah rakat aw h leih. Isarel miphunnaw kai ni na poe e ram daw k kâen sak leih.

³ Mosi koe lawk ka kam e patetlah nang ni na coungroe e talai pueng teh nangmouh na poe han.

⁴ Kahrawng pueng hoi Lebanon mon koehoi, Euphrates palangpui koehoi Hitnaw e ram abuemlah hoi, kaniloumlah tuipui totouh nangmae ram lah ao han.

⁵ Na hringyung thung pueng nange na hmalah apihai kangdout thai mahoe h. Mosi koe kai ka o e patetlah nang koehai kai ka o han. Kai ni na pahnavt mahoe h, na cetkhai mahoe h.

⁶ Tha kâlat nateh, taranhawi haw. Mintoenaw koe na poe han ka tie kai ni lawk ka kam e ramnaw hah râw lah a coe aw h nahanlah na rei han.

⁷ Hatdawkvah kaie ka san Mosi koe ka poe e kâlawk pueng tarawi nahanelah, tha kâlat nateh, taranhawinae tawn haw. Na ceinae tangukem koe tânae na hmu thai nahan, avoilah aranglah phen hanh.

⁸ Hote kâlawk cauk daw k thut e pueng heh na tarawi thai na hanelah, Cakathoung hah touk laipalah aw m hanh. Karum khodai pout laipalah luepluep na pouk han. Hottelah na sak pawiteh, nang ni kho na khang e daw k tânae na hmu han.

⁹ Nang teh kai ni lawk na thui nahoe hmaw. Tha kâlat nateh taranhawinae tawn haw, taket hanh, na lungpout hanh. Na cei nah tangukem koe nang hoi rei ka o atipouh.

Jordan raka hanelah kâ a poe.

¹⁰ Hahoi Joshua ni kahrawikungnaw hah a kaw teh,

¹¹ Ransanaw a onae tangukem koe cet aw h. Nangmae BAWIPA Cathut ni na poe aw h e ram thung kâen aw h nahanelah, hnin thum touh thung hete Jordan palang namran lah raka hanelah ao daw kvah, lamvon sin hanelah taminaw hah patuen dei pouh leih telah lawk a thui.

¹² Hahoi Joshua ni Reuben miphun, Gad miphun, Manasseh miphun, tangawn hah a kaw teh,

¹³ BAWIPA Cathut e san Mosi ni nangmanaw lawk na thui e heh pahnim aw h hanh. Nangmae BAWIPA Cathut ni nangmouh hanelah hete ram thung hmuen na ta pouh aw h toe.

¹⁴ Na yunaw na canaw, hoi saringnaw hah Jordan palang kanitholah Mosi ni na poe e ram thung ao aw h han. Hateiteh, senehmaica ka patuem e a thakaawme na hmaunawng hah ransanaw pueng e hmalah na raka vaiteh, ahnimanaw hah na kabawp han.

¹⁵ Cathut ni nangmanaw hmuen na ta pouh e patetlah hmaunawng-hanaw hah hmuen na poe aw h hoehnahlan nangmae BAWIPA Cathut ni na poe aw h e ram heh, ahnimanaw ni ram be a la hoehroukrak, a tha kaawm e, taran ka tuk e abuemlah ni senehmaica patuep nalaihoi

hmaunawngghanaw e hmalah a raka aw h vaiteh, na tawmdawm han tie lawk hah pouk aw h. Cathut e san Mosi ni Jordan palang Kanitholae ram koe lah bout na ban han atipouh.

¹⁶ Hottelah, ahnimouh nihai, nang ni na dei e pueng teh, kaimouh ni ka sak aw h han na patoun e pueng koe ka sak aw h han.

¹⁷ Bang pueng daw k hai Mosi e lawk ka ngai aw h e patetlah nange lawk ka ngai aw h han. Hatdawkvah nange BAWIPA Cathut ni Mosi koe a okhai e patetlah nang koe haiyah aw m van lawwih.

¹⁸ Nange ka ka ek e tami pueng hoi nange lawk ka ngaihoeh e tami pueng, nange kalaw k ka tapoe e tami pueng teh thei lah ao han. Hatdawkvah, tha kalat nateh na taranhawi hottelah Joshua koe bout atipouh aw h.

2

Rahab ni katuetnaw hronae

¹ Nun e capa Joshua ni Shittim khopui koehoi tuet hanelah arulah hoi tami kahni touh a patoun. Kanaan ram Jeriko khopui lah cet aw h nateh, khenhaw atipouh e patetlah ahnimouh roi ni a cei roi teh, ka kayaw t e Rahab im a kaen roi teh, hawv ah ao roi.

² Kho thung e tami tangawn ni hai hote ram heh tanouk hanelah Isarel miphun tangawn ni paduem tangmin lah khopui thung kaen aw h toe ati aw h teh, Jeriko siangpahrangnaw a thaisak toung daw kvah,

³ Jeriko siangpahrang ni Rahab koe na im ka tho ni teh kaluennaw hah tacaw t sak. Ahnimanaw teh khopui thung tanouk hanelah a tho aw h toe telah ka a poe aw h.

⁴ Rahab ni hote tami roi hah a kahro sak teh, kai koe tami a tho bokheiyah. Hatei nahoi maw a tho tie teh ka panuek hoeh.

⁵ Kho hmo longkha khan tawmlei nah ahnimouh roi teh a tãco roi toe. Na lah maw a cei roi tie ka panuek hoeh toe. Karang lah palei aw h. Na pha aw h han doeh atipouh.

⁶ Telah a dei eiteh hotnaw hah im van a luen sak teh lemphu vah a hro toe.

⁷ Thoundounnaw ni Jordan palang rakanae lam koe lah a palei aw h. Khopui alawilah a pha hoiyah khopui longkhanaw pueng koug a khan aw h.

⁸ A hro e naw a i hoehnahlan, napui teh ahnimanaw a onae lemphu vah a luen teh,

⁹ BAWIPA Cathut ni nangmanaw hete ram na poe toe tie hah nangmouh koe kaimouh ni pueng hoi ka tãsue aw h teh, nangmouh kecu daw k ram thung e tami pueng a lungro aw h toe tie kai ni ka panue.

¹⁰ Nangmouh teh Izip ram hoi na tãco aw h navah, Edom tuiptui BAWIPA Cathut ni a hak sak tie hai thoseh, Jordan palang namran kaaw m e pueng na raphoe aw h teh, Amor siangpahrang, Sihon hoi Og daw kvah nangmouh ni hno na sak e pueng hai thoseh kaimouh ni ka thai aw h toe.

¹¹ Hote kamthang ka thai aw h navah, kaimouh teh, nangmouh kecu daw k tami buet touh daw k hai taranhawinae aw m hoeh toe. Bangkongtet-pawiteh, nangmae BAWIPA Cathut teh, a Lathueng Poug e BAWIPA Cathut lah ao.

¹² Hatdawkvah, nangmouh daw k sannu ni hawinae ka sak e daw kvah, nangmouh ni hai rei ka tacaw t e kaimouh daw k hai hawinae sak aw h nateh,

¹³ kaie anu apa, hmaunawngaha, ka thangroinaw koe, ahnimouh hoi kâkuen e pueng hai thet laipalah a hringnae hlout sak hanelah Cathut koe lawkkamnae sak awh nateh, thoekâbo awh. Mitnoutnae hno hai na poe haw atipouh.

¹⁴ Ahnimanaw ni hai nang ni kaimouh hoi sak hane na kamnuek sak hoehpawiteh, nang na hring na hanelah kaimae hringnae teh, laicei lah awm naseh. Hete ram het BAWIPA Cathut ni na poe torei teh, nang dawk yuemkamcu lah ka o vaiteh, hawinae ka sak han telah ati awh.

¹⁵ Hote napui a onae im teh, khopui tungdumnae ateng lah ao dawkvah, ahnimanaw hah hlalangaw daw k rui hoi a pabo teh

¹⁶ nangmanaw na pâlei e taminaw koehoi na hlout thai awh nahan mon lah yawng awh nateh, hnin thum touh kâhrawk awh. Nangmouh katawngnaw a ban hnukkhu hoi cet awh atipouh.

¹⁷ Ahnimanaw ni nang ni thoekâbo sak e daw k kaimouh koe yon phat sak hanh.

¹⁸ Hete ram daw k kaimouh ka pha toteh, atu kaimouh na pabonae hlalangaw daw k hete langsanrui hah pen nateh, manu napa, na thangroinaw hoi na imthungkhunaw abuemlah na im daw k koung na pâkhueng han.

¹⁹ Na im daw k hoi alawilah ka tâcawt e tami teh dout pawiteh, a ma dawkvah khang naseh. Kaimouh teh yon daw k hoi ka hlout awh han. Na imthungkhunaw ka thet payon awh pawiteh kaimouh ni ka khang awh han.

²⁰ Kaimae thaw hai na dei pouh boipawiteh, atu thoe na kâbo sak e daw k hoi kaimouh hai ka hlout awh han.

²¹ Napui ni hai lawk na dei awh e patetlah awm lawiseh ati teh a ceisak. Napui ni hai rui paling e hah hlalangaw daw k a pakhi.

²² Ahnimanaw teh mon daw k a pha hoehroukrak a cei awh teh, kapâleinaw a ban hoehroukrak hnin thum touh ao awh. Kapâleinaw ni a tawng awh eiteh hmawt awh hoeh.

²³ Ahnimouh roi teh mon hoi a kum teh tui a raka roi. Nun e capa Joshua koe a pha teh, a kâhmo e hnonaw pueng hah a dei pouh.

²⁴ BAWIPA Cathut ni hote ram abuemlah maimae kut daw k na poe toe. Maimouh kecu daw k ram thung kaawm e tami pueng a lungpuen awh telah Joshua koe a dei pouh awh.

3

Isarelhaw ni Jordan a raka awh.

¹ Joshua teh amom a thaw teh Isarel miphun abuemlah hoiyah Shittim khopui hoi a kampuen awh teh, Jordan tui a raka awh hoehnahlan palang teng rim a sak awh.

² Hnin thum touh a pha toteh, ransabawinaw ni ransahu onae tangkuem koe a cei awh.

³ Nangmae BAWIPA Cathut e lawkkam thingkong ka hrawm e vaihma bawi Levih mipunnaw ni a kâkayawt lahun e na hmu torei teh, nangmanaw ni hai hmuen na kampuen awh vaiteh, na kâbang awh han.

⁴ Thingkong hoi nangmae a rahak vah, dong thong hni touh na kâhla awh han. Na kâbang hane lamthung na panue thai awh nahane thingkong rek na hnai awh mahoe. Hete lam teh nangmouh ni vai touh hai na cet awh hoeh rah telah tami pueng hah lawk a thui.

⁵ Joshua ni nangmanaw pueng namahoima kâthoung sak aw. Bangkongtetpawiteh, tangtho e hnin teh, BAWIPA Cathut ni kângairu e hnonaw nangmouh koe a sak han toe telah taminaw lawk a thui.

⁶ Hahoi vaihmanaw kaw nateh, nangmanaw ni lawkkam thingkong hrawm na laihoi taminaw e hmalah rakat aw. Joshua ni a dei e patetlah ahnimanaw teh lawkkam thingkong a kâkayawt aw. taminaw hmalah a cei aw.

⁷ BAWIPA Cathut ni Joshua a kaw teh, kai ni Mosi ka okhai e patetlah nang koe ka o e hah Isarelkaw abuemlah ni a panue aw nahanelah, ahnima hmaitung vah sahnin kai ni na kamsawng sak han.

⁸ Lawkkam thingkong ka hrawm e vaihma bawinaw Jordan palang teng a pha aw. terei teh, Jordan tui daw. kangdue aw. han telah patuen na dei pouh aw. han atipouh.

⁹ Joshua ni tho aw. leih, nangmae BAWIPA Cathut e lawk teh ngâ aw. hottelah Isarel miphunnaw abuemlah a kaw aw.

¹⁰ BAWIPA Cathut teh nangmouh koe ao, nangmae hmalah, Kanaannaw, Perizkaw, Amornaw, Jebusitkaw, Hitkaw, Girgashitenaw hah a pâlei han tie hah panuek aw.

¹¹ Talaivan abuemlah ka uk e BAWIPA Cathut e lawkkam thingkong teh nangmae hmalah Jordan tuipui daw. a rakakai aw. toe.

¹² Hatdawkwah Isarel miphunnaw thung hoi miphun tangkuem e tami buetbuet touh abuemlah tami hlaikahni touh rawi aw.

¹³ Talai van abuemlah ka uk e Bawipa Jehovah e thingkong hah ka hrawm e vaihma bawinaw ni khoksampha hoi Jordan tuipui a coungroe tahma vah atunglae tui a kâhat vaiteh, a kamuem han.

¹⁴ Taminaw teh Jordan tuipui raka aw. hanelah rimnaw daw. hoi a kampuen vaiteh, lawkkam thingkong ka hrawm e vaihma bawinaw ni taminaw e hmalah a cei aw. han.

¹⁵ Jordan tuipui koe a pha aw. hoi ka poum e tui hah khoksampha hoi a coungroe aw. toteh, canganae a tue navah hote tuipui teh, palang rai daw. ouk a poum eiteh,

¹⁶ atunglah hoi ka lawng e tui a kâhat teh ahlanaw koe e Zarethan khopui teng kaawm e Adam khopui totouh a kamuem. Arabah tuipui palang koe ka lawng e tui hai a kâhat teh, taminaw pueng ni Jeriko khopui koelah a raka aw.

¹⁷ Tami moikapap teh Jordan namran a pha hoe. roukrak BAWIPA Cathut e lawkkam thingkong ka hrawm e vaihma bawinaw ni tuipui lungui talai daw. kacaklah a kangdue aw. teh, Isarel miphunnaw abuemlah ni talai daw. a cei aw.

4

Pahnimhoehnae talung

¹ Taminaw abuemlah ni Jordan tuipui a raka aw. hnukkhu hoi BAWIPA ni,

² miphun buet touh daw. tami buet touh, tami hrahlaikahni touh rawi aw.

³ Ahnimanaw ni, tuipui lungui vaihmanaw ni kacaklah a kangduenaw hmuem koe e talung hrahlaikahni touh a la aw. vaiteh, hatnae tangmin a roe aw. nahane rim koe na hruek aw. han telah Joshua koe atipouh.

⁴ Joshua ni miphun buet touh daw. tami buet touh a rawi e hrahlaikahni touh hah a kaw. teh,

⁵ Nangmae BAWIPA Cathut e thingkong hmalah Jordan tuipei lungui rakat awh nateh, Isarel miphun milu pha e yit touh tami buet touh ni talung buet touh lat awh nateh, hrawm awh.

⁶ Telah na sak pawiteh ka panuek khai e ao han toe. Hmalae atueng nah nangmae na canaw ni vah, hete talungnaw hah bangtelae maw tet awh boipawiteh,

⁷ nangmouh ni, BAWIPA e thingkong ni Jordan tui a raka navah, thingkong e hmalah Jordan tui thouk a pet telah na dei pouh awh han. Hote talungnaw teh pout laipalah, Isarel miphunnaw ni pahnim thai hoeh nahanelah Joshua koe lawk a thui.

⁸ BAWIPA Cathut ni Joshua koe a dei pouh e patetlah Isarel miphun milu a pha e yit touh Jordan tui dawk e talung hrahlaikahni touh a la awh teh, roenaeh hmuen koe a ta awh.

⁹ Lawkkam thingkong ka hrawm e vaihmanaw ni a coungroe e hmuen Jordan tui lungui e talung hrahlaikahni touh e hah Joshua ni a ung teh sahnin totouh ao.

¹⁰ Joshua koe Mosi ni lawk a thui e patetlah a taminaw hah BAWIPA Cathut ni ka a poe e pueng koung a sak totouh thingkong ka hrawm e vaihmanaw teh, Jordan tui lungui a kangdue awh. Taminaw hai kayawm laihoi a raka awh.

¹¹ Taminaw abuemlah ni koung a raka hnukku hoi BAWIPA e thingkong hoi vaihmanaw teh, taminaw e hmaitung vah a raka awh.

¹² Reuben miphun, Gad miphun, Manasseh miphun tangawn teh Mosi ni a dei pouh e patetlah senehmaica hoi Isarelnaw e hmalah a raka awh.

¹³ Hote miphunnaw teh milu abuemlah 40000 touh a pha awh. Taran tuk hanelah a karakueng awh laihoi BAWIPA e hmalah Jeriko tanghling koe a cei awh.

¹⁴ Hote hnin nah BAWIPA ni Isarel miphun abuemlah hmalah Joshua hah a kamsawng sak teh Mosi a taki awh e patetlah Joshua hai a hringyung thung pueng a taki awh.

¹⁵ Hahoi BAWIPA ni Joshua koe a dei pouh e teh,

¹⁶ lawkpanuesaknae thingkong ka hrawm e vaihmanaw ni Jordan tui dawk hoi a tãco awh han telah ka a poe e patetlah,

¹⁷ Jordan tui dawk hoi tãcawt awh leih telah vaihmanaw hah Joshua ni ka a poe.

¹⁸ BAWIPA e lawkkam thingkong ka hrawm e vaihmanaw teh Jordan tui lungui hoi a tãco awh teh, khoksampha ni a oung lah a coungroe navah Jordan tui teh ama lawngnae hmuen dawk bout a lawng.

¹⁹ Apasueke thapa hnin hra hnin vah, taminaw teh Jordan tui dawk hoi a tãco awh teh, Jeriko kanitholah Gilgal e hmuen koe rim a sak awh.

²⁰ Jordan tui dawk e a la awh e talung hrahlaikahni touh e hah Joshua ni Gilgal e hmuen koe a ung.

²¹ Isarel miphunnaw ni hmalae atueng nah a napanaw koe a canaw ni hete talungnaw hah bangtelae maw telah pacei awh boipawiteh,

²² Nangmouh ni Isarel miphunnaw ni talai dawk cei e patetlah Jordan tui a raka awh telah na canaw koevah na dei pouh awh han.

²³ BAWIPA Cathut ni tuipei paling be a raka awh hoehroukrak, nangmouh hmalah a hak sak e patetlah BAWIPA Cathut ni Jordan palang be na raka awh hoehroukrak a hak sak van.

²⁴ Hatdawkvah, miphun pueng ni BAWIPA thaonae kut a panue awh vaiteh, nangmouh ni hai BAWIPA Cathut pou na taki thai awh nahanelah doeh atipouh.

5

Se apâhni vuensomanae

¹ BAWIPA ni Isarel miphunnaw raka sak hanelah, Jordan palang a hak sak tie hah, Jordan palang kanîloumlah kaawm e Amor siangpahrang abuemlah, tuipui teng kaawm e Kanaan siangpahrang abuemlah ni a thai awh toreî teh, a taranhawinae awm awh hoeh. Isarel miphunnaw kecu dawk a lung koug apout awh.

² Hahoi Cathut ni Joshua a kaw teh, lungtaw ramanaw sak nateh, Isarel miphunnaw vuensom bout na a pouk han atipouh.

³ Hatdawkvah, Joshua ni lungtaw ramanaw a sak teh, Gilgal e hmuen koe Isarel miphunnaw e vuensom a a pouh.

⁴ Hottelah vuensom a a pouh ngainae teh Izip ram hoi ka tâcawt e ransa tongpa pueng kahrawngum koug a due awh dawk doeh.

⁵ Hote ram dawk hoi ka tâcawt e pueng teh vuensoma e lah ao awh toe. Kahrawngum a cei awh nah ka khe e pueng teh vuensoma e lah awm hoeh rah.

⁶ Izip ram hoi ka tâcawt e taran ka tuk thai e pueng teh Cathut e lawk a ngâi hoeh dawkvah be a due totouh Isarel miphunnaw kum 40 touh thung kahrawngum a kâhei awh. Cathut ni, na poe han ti teh na mintoenaw koe ka kam pouh e ram, sanutui hoi khoitui ka lawng e ram hah, hotnaw ni hmawt awh mahoeht ti teh thoe a bo.

⁷ Ahnimaie yueng lah a canaw ni lam vah, vuensom a a awh e a hmu hoeh rah dawkvah, Joshua ni vuensom bout a a pouh.

⁸ Taminaw pueng vuensom a a hnukkhu hoi, a hmâ hawihoeht roukrak rim dawk ao awh.

⁹ Cathut ni Izip ram e dudamnae nangmouh koehoi sahnin kai ni koug ka takhoe toe, telah Joshua koe atipouh. Hatdawkvah, hote hmuen teh sahnin totouh Gilgal telah ati awh.

¹⁰ Isarel miphunnaw teh Gilgal hmuen koevah rim a sak awh teh, hote thapa hnin hrahlaipali hnin tangmin Jeriko tanghling dawkvah ceitakhai pawî a sak awh.

¹¹ Ceitakhai pawî a sak awh hnukkhu, a tangtho hnin vah Kanaan kho e cakang hoi a sak awh e tawn thum hoeh e vaiyeinaw hoi capanaw hnin touh thung a ca awh.

¹² Kanaan kho hoi ka tâcawt e a ca awh teh, a tangtho hoi teh mana teh apout toe. Hatnae kum dawk hoi Kanaan ram hoi ka tâcawt e a paw hah a ca awh.

BAWIPA e ransabawî

¹³ Joshua ni Jeriko kho teng aonae koehoi a khet nah tami buet touh ni tahlôî a tabu dawk hoi a rasa teh, ka kangdout e a hmu navah, ahni koe lah a cei teh, nang hah kaimouh koe lah kampang e maw, kaimae taran lah kaawm e maw telah a pacei.

¹⁴ Hatnavah, ahni ni telah nahoeh, BAWIPA Cathut e ransahu ka hrawi e lah kai teh atu nang koe ka tho e doeh atipouh. Joshua ni talai dawk a tabo teh, a bawk. BAWIPA, na san koe bangmaw na dei han telah a pacei.

¹⁵ BAWIPA e ransabawî ni na khokkhawm hah rading, nang ni na counge e hmuen teh kathounge doeh atipouh e patetlah Joshua ni a sak.

6

Jeriko kho a rawknae

1 Isarel miphunnaw kecu dawk Jeriko khopui teh khik a kâkhan aw hah, ka tâcawt e, ka kâen e, buet touh hai aw m hoeh.

2 Hat toteh, BAWIPA Cathut ni kenhaw! Jeriko khopui, Jeriko siangpahrang hoi athakaawme ransa pueng teh nange kut daw k na poe toe.

3 Hatdawkvah khopui teh, na lawngven aw hah han Isarel ransanaw abuemlah ni hnin taruk touh thung na lawngven aw hah han.

4 Vaihma sari touh ni thingkong hmalah Jubili mongka sari touh a sin aw hah han. Hnin sari hnin nah vai sari touh khopui lawngven vaiteh, vaihmanaw ni mongka teh a ueng aw hah han.

5 Jubili mongka a rui kasawlah a ueng aw hah vaiteh, mongka lawk na thai aw hah tore i tami pueng ni kacaipounglah a hram aw hah han. Khopui e rapan teh abuemlah koug a tip han. Hahoi taminaw ni kalancalah na kamyun aw hah han telah Joshua koe atipouh.

6 Nun e capa Joshua ni vaihmanaw a kaw teh, nangmouh ni lawkkam thingkong hah na kâkayawt aw hah vaiteh, BAWIPA e thingkong hmalah vaihma sari touh ni Jubili mongka sari touh e hah na sin aw hah han.

7 Taminaw koehoi, nangmouh ni na cei aw hah vaiteh, khopui hah lawngven aw hah. Senehmaica kapatuemnaw ni BAWIPA e thingkong hmalah cet aw hah telah atipouh.

8 Joshua ni taminaw koe lawk a thui hnukkhu, Jubili mongka sari touh ka sin e vaihma sari touh ni BAWIPA e hmalah mongka ueng na laihoi a cei aw hah. BAWIPA e lawkkam thingkong teh, ahnimae hnukkhu lah a kâbang aw hah.

9 Mongka ka ueng e vaihmanaw hmalah, Senehmaica kapatuemnaw ni a cei aw hah teh, vaihmanaw ni mongka ueng na laihoi a cei aw hah navah, hnuk lae ransanaw ni thingkong hnuklah a kâbang aw hah.

10 Joshua ni nangmouh teh, kai ni hram hanelah lawk na thui e hnin a pha hoehnahlan, na hram aw hah mahoe h. A pawlawk buet touh hai na tho sak aw hah mahoe h. Lawkkam touh hai na tho aw hah mahoe h. Hote a hnin a pha tore i na hram aw hah han telah lawk na thui aw hah toe.

11 Hottelah BAWIPA Cathut e thingkong teh khopui vai touh a lawngven aw hah hnukkhu hoi rim thung bout a ban aw hah teh, rum touh a loum sak aw hah.

12 Amom Joshua ni a thaw teh, vaihmanaw ni BAWIPA e thingkong hah a hrawm sak.

13 BAWIPA e thingkong hmalah Jubili mongka sari touh ka sin e vaihmanaw sari touh ni pou a cei aw hah na laihoi mongka a ueng aw hah. Senehmaica kapatuemnaw ni ahnimae hmalah a cei aw hah teh, vaihmanaw ni mongka ueng na laihoi a cei aw hah nah vah, hnuk lae ransanaw teh, BAWIPA e thingkong hnukkhu lah a kâbang aw hah.

14 A pahni hnin khopui vai touh a lawngven aw hah hoi rim koe lah bout a ban aw hah. Hottelah hnin taruk thung a sak aw hah.

15 Asari hnin amom khodai tahma vah, a thaw aw hah teh, ahmoun e patetlah vai sari totouh khopui hah a lawngven aw hah. Hot hnin teh vai sari touh khopui a lawngven aw hah.

16 Apa sari hnin teh, vaihmanaw ni mongka a ueng tore i teh, Joshua ni hram aw hah leih, BAWIPA ni khopui nangmouh koe na poe aw hah han toe.

17 Khopui hoi khopui thung kaawm e pueng abuemlah thoebo vaiteh BAWIPA koe poe han toe. Hateiteh tak kâyawt e Rahab teh maimouh ni patoun aw hah e patounenaw hah a hro dawkvah, ahni hoi a inthungkhu abuemlah a hringnae na hlout sak aw hah han.

¹⁸ Nangmouh ni thoebo e hnonaw hah kâhruetcueth laihoi roun aw. Hote hnonaw hah na lat aw h pawiteh, nangmouh daw k hai, Isarel ransa daw k hai, thoebo e lah aw m vaiteh a rucathnae na poe vaih tie lakueng hanelah ao.

¹⁹ Sui, Ngun, hoi rahum, sumpai abuemlah BAWIPA hanelah thoung sak aw h nateh, BAWIPA e hno pai thung vah na hruek aw h han telah a taminaw koe Joshua ni atipouh.

²⁰ Hot patetvanlah mongka a ueng aw h teh, taminaw ni a hram aw h. Mongka lawk a thai aw h nah kacaipounglah a hram aw h torei teh, khopui kalupnae rapan teh, koung a tip, khopui thung a kâen sin aw h teh, khopui teh a la aw h.

²¹ Khopui thung kaawm e tongpa, napui, kacue, kanaw, Tu, Maito, La kaawm e pueng tahloi hoi koung a tâtueng aw h.

²² Hote ram ka tuet e tami roi koe, Joshua ni nangmouh roi ni thoe na bo e patetlah kâyawt e napui im daw k cet nateh, ahni khuehoi ahni koe kaawm e abuemlah tâcawtkhai aw h, atipouh.

²³ Hatdawkvah, ka tuet roi e ni a kâen roi teh, Rahab hoi a manu, a napa, a thangroi naw, ahni koe kaawm e abuemlah hoi amae a hmaunawngah pueng hai a tâco sak teh, Isarelnaw e rim alawilah ao sak.

²⁴ Khopui khuehoi khopui thung kaawm e abuemlah hmai a sawi aw h. Hateiteh, Sui, Ngun, hoi rahum e hno, sumpainaw hai, BAWIPA e hno kuemnae daw k a hruek aw h.

²⁵ Joshua ni tak kâyawt e Rahab hoi amae phun, Ama koe kaawm e abuemlah hring hloutnae a poe teh, ahni teh Isarel miphun daw kvah sahnin totouh ao. Bangkongtêpawiteh, Jeriko khopui ka tuet hane Joshua e patounenaw hah a hro daw k doeh.

²⁶ Hahoi Joshua ni apihai yah Jeriko khopui bout kangdout sak e teh, BAWIPA hmalah, thoebo e tami lah aw m seh. Camin se nah adu a ung vaih, cahnung se nah kho longkhanaw hah sak naseh, telah thoe a bo.

²⁷ Hottelah BAWIPA ni Joshua hoi rei ao teh, ahnie min teh ram pueng daw k a kamthang.

7

Akhan yonnae

¹ Hateiteh, Judah miphun, Jerah, Zabdi, Karmi e capa Akhan ni thoebo e hno hah a la teh, hote hno daw k hoi Isarel miphunnaw ni payonnae yon lah ao daw kvah, BAWIPA teh, ahnimouh koe a lungkhuek.

² Joshua ni Jeriko khopui hoi taminaw hah a patoun teh, nangmouh ni Bethel kho kanîtholah Bethaven kho teng kaawm e Ai kho cet aw h nateh, hote ram hah tuet aw h atipouh e patetlah ahnimouh ni a cei aw h teh, Ai kho a tuet aw h.

³ Joshua koe bout a ban aw h teh, hete taminaw abuemlah cetsak hanh tami 2000 hoehpawiteh 3000 tabang cei vaiteh, Ai kho tuk aw h naseh. Hote kho daw k cei hane hah, hate tami pueng patang sak hanh. Kho thung e tami pap aw h hoeh atipouh.

⁴ Hatdawkvah, tami 3,000 tabang a cei aw h, hatei Ai kho e taminaw hmalah a yawng aw h.

⁵ Ai kho e taminaw ni tami 36 touh a thei aw h. Kho longkha koehoi Sebarim hmuen totouh a pâlei aw h. Hote hmuen koe a kum aw h navah a thei aw h daw kvah, tami pueng e lungthin teh, tui lah a kamyawt teh, tui patetlah ao.

6 Joshua ni amae khohna a phi teh, Isarel miphunnaw, kacue kanaw abuemlah a lû dawk vaiphu a kâphuen awh teh, BAWIPA e thingkong e hmalah karumsaning totouh a tabo awh.

7 Joshua ni, oe BAWIPA nang ni hete tami pueng heh, Amor miphunnaw e kut dawkvah na poe vaiteh, raphoe sak hanelah Jordan palang namran lah bangkongmaw na hrawi awh. Kaimanaw ni lungkuepnae lungthin ka tawn awh dawkvah, Jordan palang kanitholah na awm sak haw.

8 Oe BAWIPA, Isarel miphunnaw ni tarannaw hmalah hnuklah kamlang takhai toung dawkvah, kai ni bangtelamaw ka dei han toung.

9 Kanaan taminaw a onae ram thung taminaw ni, hote kamthang a thai awh navah, kaimanaw na ven awh vaiteh, kaimae ka min teh, talai dawkh oi na takhoe awh han toe. Nange na min lentoe nahanelah bangtelamaw na ti han toung telah atipouh awh.

10 BAWIPA ni thaw haw, bangkong sut na tahung,

11 Isarel miphunnaw na yon awh toe. Kai ni lawk na thui awh e lawkkam hah na raphoe awh toe. Thoe ka bo e hno na paru awh teh, dумыenne na sak awh teh, namamae hno thung na hrucek awh toe.

12 Hottelah Isarel miphunnaw ni thoebo e tami lah na o dawkvah, na tarannaw e hmalah na kangdout thai awh hoeh. Hnuklah na kamlang takhai awh. Thoebo kawî lah kaawm hane tami hah nangmouh thung dawkh oi na takhoe hoehpawiteh kai teh nangmouh hoi rei kaawm mahoe.

13 Thaw nateh, na taminaw hah thoung sak haw. Tangtho e hnin hanlah namahoima thoung sak haw atipouh. Isarel miphunnaw e BAWIPA ni kâ na poe e teh, oe Isarel miphunnaw, thoebo e hno teh, nangmae thung vah ao. Hote hno hah nangmouh koehoi na takhoe awh hoehroukrak na tarannaw hmalah na kangdout thai awh mahoe.

14 Tangtho amom miphun miphun lahoi kai koe ka hnai lah na tho awh han. BAWIPA ni a la e miphun teh, a miphun lahoi na hnai awh han. BAWIPA ni a la e imthungkhu kueb lahoi na hnai awh han. BAWIPA ni a la e imthungkhu teh, tami buetbuet touh hoi na hnai awh han.

15 Thoebo e hno ka sin e teh, a la e tami hoi a tawn e hno pueng hoi hmaisawi han. Bangkongtetpawiteh, ahni ni BAWIPA e lawkkam hah a raphoe teh, Isarel miphun thung dawkh kaya ka tho e hno a sak toe telah Joshua koe atipouh.

16 Amom lah Joshua a thaw teh, Isarel miphunnaw a miphun lahoi a thokhai teh, Judah miphunnaw hah a la.

17 Judah miphunnaw a thokhai teh, Zerahnaw hah a la. Zerah imthungkhu pueng hah a thokhai teh, Zebdi imthungnaw hah a la.

18 Hote imthung dawkh hoi tami buet touh hoi a thokhai teh, Judah miphun Zerah, Zabdi, Karminaw dawkh hoi ka tho e Akhan hah a la.

19 Joshua ni ka ca Isarel miphunnaw e BAWIPA pholen nateh, a hmalah na yonnae pâpho haw. Nang ni na sakpayon e hno hah, kai koe na dei pouh haw, hrawk hanh telah Akhan hah atipouh.

20 Akhan ni ka payon toe. Isarel miphunnaw e BAWIPA koe ka yon toe.

21 Kai ni ka yon e hno teh, Lawp awh e hno thung dawkh a phu kaawm poung e Babilon hnicu, ngun shekel cum hni, Sui shekel 50, kai ni ka noe teh, ka kuem toe. Kama e rim thung talai dawkh ka pakawp teh, ngun teh, athungpoung lah ao telah Joshua koe a dei poeh.

22 Hahoi Joshua e patounenaw ni rim koe lah a yawng awh teh, hote hnonaw rim thung talai dawkh a pakawp e ngun hah a hmu awh toteh,

²³ rim thung e a la aw h teh, Joshua koe, Isarel miphunnaw hmalah a sin aw h teh, BAWIPA e hmalah a ta aw h.

²⁴ Joshua hoi Isarel miphunnaw abuemlah ni Zerah e capa Akhan koehoi, ngun, hnicu, suitueng, a canaw, tu, maito, la, rim khuehoi a ma koe kaawm e pueng, Akhor tanghling daw k a ceikhai aw h teh,

²⁵ Joshua ni kaimanaw han bangkongmaw runae na poe, sahnin BAWIPA ni nang teh runae na poe van han atipouh teh, Isarel miphunnaw abuemlah ni talung hoi a dei aw h. A dei aw h hnukkhu hmai a sawi aw h.

²⁶ Ahni e a van vah talung a pum aw h teh, sahnin totouh ao. BAWIPA e a lungkhueknae a roum. Hote hmuen teh sahnin totouh Akhor tanghling telah a phung aw h.

8

¹ Hahoi BAWIPA ni nang ni taket hanh. Na lungpout hanh, nang koe kaawm e ransanaw abuemlah kaw nateh, thaw nateh Ai kho lah cet haw. Ai siangpahrang hoi ahnie taminaw ahnie khopui, ahnie talai, nange na kut daw k na poe han.

² Jeriko khopui hoi siangpahrangnaw e lathueng na sak aw h e patetlah Ai kho hoi siangpahrangnaw e lathueng hai na sak aw h han. Hatei teh na lawp aw h e hno, saringnaw hah namamouh hanelah na la aw h han. Khopui e hnukkhu lah ramveng hah na ta aw h han telah Joshua koe a dei pouh.

³ Joshua hoi ransanaw abuemlah ni Ai kho tuk hanelah a kamthaw aw h. Joshua ni athakaawme ransanaw 30,000 touh a rawi teh, karumsaning vah a patoun.

⁴ Nangmouh ni hote kho tuk hanelah abuemlahoi coungkacoe aw m aw h. Khopui hoi kahlatlah cet aw h hanh. Lungkânging lahoi kâhruetcuetalah aw m aw h.

⁵ Kai hoi rei kaawm e abuemlah ni khopui rek ka hnai aw h han. Taminaw ni ahmoun e patetlah na tuk aw h hanelah a tâco aw h toteh, maimouh ni ahnimae hmalah yawng aw h.

⁶ Ahnimouh ni hai na pâlei aw h nahanelah khopui thung hoi tâcaw t aw h vaiteh, khopui hoi a kâhla aw h e hah panuek aw h hoeh vaiteh, na pâlei aw h han. Bangkongtetpawiteh, ahmoun e patetlah maimae hmalah a yawng aw h toe ati aw h han.

⁷ Hahoi nangmouh ni taran ring na laihoi hmuen alouklouk hoi na thaw aw h vaiteh, khopui na tuk aw h pawiteh, nangmae BAWIPA ni nangmae kut daw k na poe aw h han.

⁸ Na tuk teh, na tâ aw h torei hmai na sawi aw h han. BAWIPA ni kâ na poe e patetlah na sak aw h han telah kai ni bout ka dei telah ahnimanaw koe lawk na thui.

⁹ Joshua ni a patoun e patetlah ahnimouh ni taran a ring aw h teh, Bethel kho hoi Ai kho a rahak daw k Ai khopui hnukkhu lah ao aw h. Joshua teh hote karum vah ahnimouh koe ao.

¹⁰ Amon vah a thaw teh, taminaw hah a parei hnukkhu, Isarel mipun kacuenaw hoi cungtalah Ai kho hmaloe a cei sin aw h.

¹¹ Joshua e ransanaw abuemlah ni a pâlei aw h teh, khopui teng a pha aw h torei teh, kho e atunglah rim a sak aw h. Ahnimouh hoi khopui a rahak ravo buet touh ao.

¹² Hahoi Ai kho a hnukkhu, Bethel khopui a rahak daw k taran ring sak hanelah, tami 24,000 touh hane a ta.

¹³ Hottelah khopui koe lahoi Ransanaw a pawp sak teh, hnukkhu lahoi hai taran koug a ring sak teh, Joshua ni hote karum vah, ravo lungui ao.

14 Hote hnonaw hah Ai siangpahrang ni a hmu navah kho thung tongpanaw pueng teh, karanglah kâra kueng awh leih, Siangpahrang teh, tami abuemlah hoi Isarel miphunnaw tuk hanelah, kâdaw k e atueng daw k, hmuen tanghling koe a cei awh. Kho e hnukkhu lah ramveng ao tie hah panuek awh hoeh.

15 Joshua hoi Isarel miphunnaw abuemlah ni ka sung e patetlah kâsak awh teh, kahrawng lah a yawng awh.

16 Ahnimanaw pâlei hanelah, Ai siangpahrang ni kho thung kaawm e tongpanaw pueng hah a kaw teh, Joshua a pâlei awh. Kho hoi a kâhla toe tie panuek laipalah hoehoe a pâlei awh.

17 Isarel miphunnaw ka pâlei hoeh e Ai hoi Bethel kho thung vah, tongpa buet touh hai awm hoeh. Kho teh a aw lah a ceitakhai teh, Isarel miphunnaw hah a pâlei awh.

18 BAWIPA ni nang ni na patuep e tahroe hah Ai kho koe lah nue haw, hote kho teh nange kut daw k na poe han atipouh e patetlah, Joshua ni a patuep e tahroe teh hote kho koe lah a nue.

19 A nue navah ramvengnaw ni tang a thaw awh teh, karanglah a yawng awh, kothung a kâen awh teh hmai a sawi awh.

20 Ai khonaw ni hnuklah a khet navah kho thung ka kang e hmaikhu teh, kalvan lah a luen e a hmu awh navah, na lahai yawng hane awm hoeh toe. Kahrawng lah ka yawng e taminaw hai ka pâlei e naw ni bout a tuk awh.

21 Ramvengnaw ni kho thung e hmaikhu ka luen e hah Joshua hoi Isarel miphunnaw abuemlah ni a hmu navah, bout a ban awh teh, Ai khonaw a thei awh.

22 Alouke taminaw ni kho thung hoi a tâco awh teh, khikpacu laihoi a tuk awh dawkvah, Ai kho e taminaw hah buet touh hai pâhma laipalah a thei awh.

23 Ai siangpahrang hah a hring lah a man awh teh, Joshua koe a hrawi awh.

24 Isarel miphunnaw ni tanghling daw k kaawm e naw, kahrawngum kaawm e naw, Ai miphunnaw abuemlah tahloi hoi koug a tâtueng awh hnukkhu, kho thung bout a kâen awh teh, tahloi hoi a thei awh.

25 Hot hnin vah, Ai kho e tami tongpa napui 12,000 touh hane a due awh.

26 Ai kho thung e tami pueng abuemlah be a raphoe awh hoehroukrak Joshua ni tahroe a nue e kut teh hno hoeh.

27 Hateiteh, BAWIPA Cathut ni Joshua koe lawk a thui e patetlah saringnaw hoi, kut hoi a hmu awh e hnonaw hah Isarel miphunnaw ni amamouh hane a kuem awh.

28 Joshua ni Ai kho hmai a sawi teh, sahnin totouh, raphoe e songnawng lah ao awh.

29 Ai siangpahrang teh, tangduem totouh, thing daw k a bang awh teh, khohmo torei Joshua ni lawk a ceng e patetlah, a ro teh thing daw k e a la awh teh, kho longkha koe a tâkhawng awh. A ro e van vah talungnaw a racawt sin awh. Hote talung a racawt awh e teh, sahnin totouh ao.

Joshua ni lawkkam katha a sak

30 Hahoi Joshua ni Ebal mon daw k Isarel miphunnaw e BAWIPA Cathut hanelah thuengnae khoungroe a sak awh.

31 BAWIPA e san Mosi ni Isarel miphunnaw hah lawk a thui e teh, Mosi e kâlawk cauk daw k thut e patetlah sum hoi sak e hnopai hno mahoe. A hoeh rae talungnaw hoi thuengnae khoungroe na sak vaiteh, BAWIPA

hanelah, hmaisawi thuengnae sathei, room thuengnae satheinaw hoi a bawk awh.

³² Joshua ni hote talung dawkvah Mosi e kâlawk phung hah Isarelnaw e a hmalah bout a thut.

³³ Isarel miphunnaw yawhawi poe han a ngai dawkvah BAWIPA e san Mosi ni lawk a thui e patetlah Isarel miphunnaw, kacuenaw, ukkungnaw, lawkcengkungnaw, vaihmanaw, Levihnaw ni a hrawm awh e BAWIPA lawkkam thingkong, avoivang lah a kangdue awh teh, miphun katang hoi, ramlouk e taminaw khuehoi, Gerizim mon dawk tami tangawn, Ebal mon dawk tangawn ao awh.

³⁴ Kâlawk cauk dawk thut e patetlah yawhawinae lawk hoi, thoebonae lawknaw pueng hah a touk pouh.

³⁵ Joshua ni Mosi e lawk thui e pueng lawklung buet touh hai pâhma hoeh. Napui camo ramlouk e khuehoi, Isarel miphunnaw rangpuinaw hmalah koung a touk pouh.

9

Gibeonnaw ni Joshua dumnae

¹ Jordan tui kanîloumlah mon dawkvah, tanghling Lebanon mon namran tuiyip tengpam pueng kaawm e, Hitnaw, Amornaw, Kanaannaw, Periznaw, Hiivnaw, hoi Jebusitnaw e siangpahrang pueng ni kamthang a thai toteh,

² Joshua hoi Isarelnaw tuk hanelah lung kângingcalah a kamkhueng sak awh.

³ Hahoi Gibeon kaawm e taminaw ni Jeriko kho, Ai kho dawkvah Joshua ni a sak e hno a thai awh torei teh,

⁴ huenghai hoi laicei patetlah a kâsak teh, la dawkvah ka pon e yawngyanaw a phu sak awh, ka pon ni teh a bo awh e misurumnaw a sin awh.

⁵ Karuem e a bo awh e khokkhawmnaw a khawm awh teh, karuem e khohnanaw a khohna awh. Amo ka cawt e naw hah lamvon lah a sin awh.

⁶ Joshua onae Gilgal rim koe a pha toteh, kaimanaw teh, kâhuiko hanelah, kahlatpoung e ram koehoi ka tho awh telah Joshua hoi Isarelnaw koe ati awh.

⁷ Isarel miphunnaw ni nangmanaw teh kaimae teng na o hoi na o hoeh hane hai ka panuek thai awh hoeh. Bangtelah hoi maw lawkkamnae na sak thai telah atipouk navah,

⁸ ahnimouh ni kaimanaw teh, nangmae san doeh telah Joshua koe atipouh awh. Joshua ni nangmanaw teh bangtelae tami maw, na lahoi maw na tho awh telah a paei.

⁹ Ahnimouh ni nange BAWIPA Cathut min kecu dawk nange na sannaw ni ka hlatpoung e ram koehoi ka tho awh toe. BAWIPA Cathut e kamthang hah Izip ram hoi a sak e hnonaw hoi,

¹⁰ Jordan palang kanîtholah kaawm e Amor siangpahrang Heshbon, Sihon, Ashtaroth kaawm e Bashan Siangpahrang Og dawkvah a sak e pueng hah a thai awh toe.

¹¹ Hatdawkvah kaimouh koevah kacuenaw hoi kho ka sak e abuemlah ni lamvon sin awh vaiteh, ahnimouh dawn hanelah cet awh. Maimanaw teh, ahnimae san lah o hane hoi kâhuiko hanelah kâhei awh han telah lawk na thui toe.

¹² Nang koe tho hanelah kamthaw hnin vah lamvon hanelah kamamouh im hoi na sin awh e vaiyai teh, ka bethuepcalah, ao rah. Atu kenhaw! ka ke ni teh a mocu toe.

¹³ Misur ka kawi e misurumnaw hai a katha e ei, khenhaw! a kâbawng toe. Khohna e, khokkhawmnaw hai ka hlatpoung e lah ao dawkvah a ruem toe ati aw h.

¹⁴ Isarelnaw ni BAWIPA koe pacei laipalah ahnimae lamvon teh a ca aw h.

¹⁵ Joshua ni hai ahnimouh teh, kâtuknae daw k hoi hlout sak teh, hlout aw h nahanelah kâhuikokhai aw h. Rangpui kahrawinaw hai thoekâbonae sak.

¹⁶ Kâhuikonae a sak aw h hnukkhu, hnin thum touh a loun toteh, ahnimanaw teh, kho thung kaawm e telah Isarel miphunnaw a panue aw h.

¹⁷ Hat toteh, apâthum hnin vah, ahnimae khonaw daw k a pha aw h. Ahnimouh khonaw teh, Gibeon, Kephirah, Beeroth, Kiriath-Jearim doeh.

¹⁸ Rangpui kahrawinaw ni Isarel miphunnaw e BAWIPA Cathut koe thoekâbonae lawkkam a sak aw h toung dawkvah Isarel miphunnaw ni ahnimanaw teh thet aw h hoeh. Rangpuinaw ni kahrawikungnaw yon a pen aw h.

¹⁹ Kahrawikungnaw ni maimanaw teh Isarel miphunnaw e BAWIPA Cathut koe thoebonae lawkkam toung dawkvah, ahnimanaw hah tek thai aw h mahoe h toe.

²⁰ Ahnimouh koe thoebonae sak aw h toung dawkvah, a lungkhueknae phat langvaih tie a taki aw h. A hringnae hlout sak dawkvah bangtelamaw ti han tie teh,

²¹ Kahrawikungnaw ni lawk a kam e patetlah a hringnae hlout sak vaiteh, rangpuinaw hanelah thing ka bouk hane, tui ka do hanelah o sak han telah rangpuinaw koe atipouh.

²² Joshua ni ahnimanaw a kaw teh, nangmanaw teh kaimae teng na o aw h nahlangva, ka hlatpoung koehoi ka tho e na kâti aw h teh, bangkongmaw kaimouh na dum aw h.

²³ Atuteh nangmanaw ni thoe na kâbo aw h toung dawkvah, san lah na o aw h vaiteh, kaie Cathut e im hanelah, thing bouk, tuido, e thaw buet touh hai na hlout aw h mahoe h, atipouh.

²⁴ Ahnimouh ni hai hete ram pueng hah nangmanaw na poe teh, khocaramca pueng teh, nangmae hmalah be thei hanelah, nange BAWIPA Cathut ni amae san Mosi koe lawk a thui tie hah, kaimouh ni khe i ka thai aw h teh ka panue aw h dawkvah, nangmae kut daw k due hanelah ka takipoung dawkvah, hete hno hah ka sak aw h toe.

²⁵ Atu kaimouh teh nange kut daw k ka o aw h. Kaimouh daw k na sak hanelah a kamcu tie na pouk e patetlah sak yawkaw telah Joshua koe atipouh aw h.

²⁶ Hottelah Joshua ni a sak teh, ahnimae a hring hlout nahanelah, Isarelnaw e kut daw k hoi a rungngang.

²⁷ BAWIPA ni a rawi e hmuen koe thuengnae khoungroe hane hoi rangpuinaw hanelah ahnimanaw ni atu totouh thing a bouk aw h teh, tui do nahanelah, hatnae tueng dawkvah lawk a tâtueng aw h.

10

Kanî a kangdue

¹ Joshua ni Jeriko kho hoi siangpahrang koe a sak e patetlah Ai kho Siangpahrang a tuk teh a raphoe e, Gibeon taminaw hoi Isarel miphunnaw kâhuikonae a sak aw h teh, cungtalah rei ao aw h e Jerusalem Siangpahrang Adonizedek ni a thai torei teh,

² Gibeon kho teh kalenpounge khopui, Ai kho hlak a len teh, kho thung tongpanaw pueng a thakaawmpounge lah ao dawkvah a takipoung awh.

³ Hatdawkvah Jerusalem Siangpahrang Adonizedek ni Hebron Siangpahrang Hoham, Jarmuth siangpahrang Piram, Lakhish siangpahrang Japhia hoi Eglon Siangpahrang Debir tinaw koe a patoun teh,

⁴ Gibeon kho teh Joshua koehoi Isarel miphunnaw hoi kâhuikonae a sak dawkvah, hote kho hah tuk hanelah, kai koe a tho awh teh, kai hoi rei kâkabawm sei ati awh e patetlah,

⁵ Jerusalem Siangpahrang, Hebron siangpahrang Amor Siangpahrang, Lakhish siangpahrang Eglon siangpahrang tie siangpahrang panga touh a kamkhueng awh teh, amamae ransanaw puenghoi a kamthaw awh teh, Gibeon kho hah a tuk awh.

⁶ Gibeonnaw teh, Joshua aonae koe Gilgal kho lah a patoun awh teh, nange na sannaw hah banglahai ngai hoeh e lah awm hanh. Karang lah na rungngang haw, mon dawkw kaawm e Amor siangpahrangnaw abuemlah, kaimouh tuk hanelah a kamkhueng awh toe ati awh.

⁷ Joshua ni Tarantuk kathoumnaw a thakasainaw, tarankahawinaw, abuemlah Gilgal hoi a cei sin awh.

⁸ BAWIPA Cathut ni ahnimanaw hah taket awh hanh. Nangmae kut dawkw kai ni na poe toe. Nangmae hmalah tami buet touh hai kangdout thai mahoeh telah Joshua koe atipouh.

⁹ Joshua ni Gilgal hoi karum khodai a cei awh teh, tarannaw kâpanuek sak laipalah a tuk awh.

¹⁰ BAWIPA Cathut ni ahnimanaw teh, Isarelnaw e hmalah a sung sak teh, Gibeon kho teng hoi a thei awh teh, Bethhoron kho ceinae lam koe lah a pâlei awh teh, Azekah, hoi Makedah totouh a thei awh.

¹¹ Ahnimanaw teh, Isarelnaw e hmalah a yawng awh teh, Bethhoron kho lah a cathuk navah, BAWIPA ni kalvan lahoi kalenpounge talungnaw hah Azekah totouh ahnimouh koe a bo sak. Ahnimanaw teh, Isarelnaw e tahloi dawkw hoi a due awh e hlak roun dawkw hoi kapap lah a due awh.

¹² Hottelah Amornaw teh, Isarelnaw e kut dawkw a poe hnin hoi Joshua ni Cathut koe a ratoum teh, kanî nang teh, Gibeon kho dawkvah, oe thapa nang teh, Aijalon tanghling dawkvah kâhat haw telah, Isarelnaw e hmalah atipouh e patetlah,

¹³ Isarelnaw teh a tarannaw hah a tâ awh hoehroukrak kanî hai a kâhat teh, thapa hai a kangdue. Jashar e ca dawkw kaawm e teh kalvan lungui tueng vah kanî teh a kangdue, khum laipalah hnin touh thung ao.

¹⁴ BAWIPA ni tami e lawk hai a ngâi pouh teh, hot patet e hnin, hnin touh hai awm boihoeh. Atuhoi hai bout awm mahoeh. Bangkongtetpawiteh, BAWIPA Cathut ni Isarelnaw koelah a kampangkhai teh, taran a tuk.

¹⁵ Hahoi Joshua teh, Isarelnaw abuemlah hoi Gilgal rim koe lah a ban awh.

Amor siangpahrangnaw theinae

¹⁶ Siangpahrang panga touh teh a yawng awh teh, Makedah lungngoum thung a kâhro awh.

¹⁷ Makedah lungngoum thung kâhrawk e siangpahrang panga touh teh, ka hmu awh toe telah Joshua koe a thai sak awh.

¹⁸ Joshua ni lungngoum kâko koe talung kalenpounge naw racawt awh nateh, ka ring e taminaw hai tat awh.

19 Nangmanaw teh, tarannaw hah pâlei awh nateh, na pha awh e tami pueng hah, thet awh. Kho thung kâen sak hanh awh. Nangmae BAWIPA Cathut ni ahnimouh teh, nangmae kut daw k na poe toe atipouh.

20 Joshua hoi Isarelnaw ni a tarannaw koung a thei awh teh, kaawm rae taminaw teh kakapoung khopui thung a kâen awh teh, ao awh.

21 taminaw abuemlah ni Joshua a onae Makkedah rim koe duem a ban awh. Isarelnaw buet touh boehai apinihai yon pen awh hoeh.

22 Joshua ni lungngoum a paawng teh, hote siangpahrang panga touh hah lungngoum thung hoi tâcawt sak awh nateh, kai koe thokhai awh atipouh e patetlah,

23 Ahnimouh ni a sak awh teh, Jerusalem siangpahrang, Hebron siangpahrang, Jarmuth siangpahrang, Lakhish siangpahrang, hoi Eglon siangpahrang, panga touh hah lungngoum thung hoi a hrawi awh.

24 Joshua koe a thokhai hnukkhu Joshua ni ama hoi cungtalah taran ka tuk e, ransabawinaw hoi Isarelnaw abuemlah a kaw teh, tho awh, hete siangpahrang e lahuen daw k khok toung awh hottelah ransabawinaw koe a dei e patetlah, ahnimouh ni a tho awh teh, siangpahrang e a lahuen daw k a coungre pouh awh.

25 Joshua ni nangmouh ni na tuk awh e na tarannaw abuemlah, BAWIPA Cathut ni hettelah a sak han dawkvah taket awh hanh. Lungpout sak hanh, tha kâlat awh nateh, taranhawinae tawn awh atipouh teh,

26 Hote siangpahrang hah tahloi hoi a thei awh teh, thingkung panga touh daw k a bang awh. Tangmin lah totouh thingkung daw k a kâbang.

27 Kanî a khup toreî teh, Joshua ni dei e patetlah thingkung daw k e a la awh teh amamanaw a kâhronae lungngoum koe a tâkhawng awh teh lungngoum kâkhu koe talung kalen poung naw a racawt sin awh. Hote talung a racawt awh e teh, sahnin totouh ao.

Amor ram tânae

28 Hot hnin nah Joshua ni Makkedah kho a tuk teh, kho hoi siangpahrang tahloi hoi a thei hnukkhu siangpahrang hoi kho thung e abuemlah buet touh hai pahlout laipalah be a raphoe. Jeriko siangpahrang koe a sak e patetlah Makkedah siangpahrang koehai a sak awh.

29 Hathnukkhu Joshua ni Isarelnaw abuemlah hoi Makkedah kho hoi Libnah kho a tuk awh.

30 BAWIPA ni kho hoi siangpahrang teh Isarelnaw e kut daw k a poe. Kho hoi kho thung e taminaw abuemlah buet touh hai pâhlung laipalah, tahloi hoi a thei awh teh, Jeriko siangpahrang koe a sak e patetlah hote siangpahrang koehai a sak awh.

31 Joshua ni Isarelnaw abuemlah hoi Libnah kho hoi Lakhish kho lah a cei awh teh a tuk awh.

32 BAWIPA Cathut ni hote kho teh Isarelnaw e kut daw k a poe teh hnin pahni hnin a la pouh awh. Libnah kho a sak e patetlah kho hoi khocanaw abuemlah tahloi hoi a thei awh.

33 Hahoi Gezer siangpahrang Horam ni Lakhish kho kabawp hanelah a tho dawkvah Joshua ni hote siangpahrang hoi taminaw abuemlah buet touh hai pâhlung laipalah koung a thei awh.

34 Hahoi Joshua ni Isarelnaw abuemlah hoiyah Lakhish kho hoi Eglon kho lah a cei awh teh a tuk awh.

35 Hot hnin vah a la awh teh Lakhish kho daw k a sak awh e patetlah kho hoi khocanaw abuemlah tahloi hoi a thei awh teh, hnin touh hoi koung a raphoe awh.

³⁶ Hahoi Joshua ni Isarelnaw abuemlah hoi Eglon kho hoi Hebron kho lah a cei awh teh a tuk awh.

³⁷ A la awh torei teh Eglon kho dawk a sak e patetlah kho hoi siangpahrang naw, hote kho hoi kâkuen e pueng, kho kaawm e pueng, kho thung e taminaw pueng, buet touh hai pâhlung laipalah tahloi hoi a thei awh teh, kho hoi taminaw abuemlah koug a raphoe awh.

³⁸ Hahoi Joshua ni Isarelnaw abuemlah hoi Debir kho lah a ban awh teh a tuk awh.

³⁹ Kho hoi siangpahrang naw, kho dawk kaawm e abuemlah a la awh teh, tahloi hoi a thei teh, kho thung taminaw abuemlah buet touh hai pâhlung laipalah, koug a raphoe awh. Hebron kho, Libnah kho e siangpahrangnaw koe a sak awh e patetlah Debir kho hoi siangpahrangnaw koehai a sak awh.

⁴⁰ Hottelah Isarelnaw e BAWIPA Cathut ni kâ a poe awh e patetlah Joshua ni Mon dawk e, akalah tanghling dawk e, palang dawk kaawm e pueng hah, siangpahrangnaw abuemlah a thei teh, kahring e buet touh hai pâhlung laipalah koug a raphoe.

⁴¹ Kadeshbarnea kho koehoi kamtawng teh, Gaza kho totouh, Goshen ram abuemlah hoi, Gibeon kho totouh, a thei awh.

⁴² Isarelnaw e BAWIPA Cathut ni Isarelnaw koe lahoi taran a tuk dawkvah, hote ramnaw hoi siangpahrangnaw abuemlah vaitalahoi a tâ awh.

⁴³ Hathnukkhu Joshua teh Isarelnaw abuemlah hoi Gilgal rim koe lah a ban awh.

11

Jabin tânae

¹ Hote kamthang teh Hazar siangpahrang Jabin ni a thai torei teh, Madon siangpahrang Jobab, Shimron siangpahrang Akshaph siangpahrangnaw koehai thoseh,

² Mon dawk atunglah Khinneroth kho koe lah, tanghling dawk kaawm e, kanîloumlah kaawm e Dor ram dawk kaawm e, siangpahrangnaw koehai thoseh,

³ Kanîtho, kanîloumlah kaawm e Kanaannaw, mon dawk kaawm e Amornaw, Hitnaw, Periznaw, Jebusitnaw, Mizpah ram, hermon mon rahim kaawm e Hivnaw, aonae koe lah, a patoun teh,

⁴ Hote siangpahrangnaw teh, palang e sadi touk thai hoeh e yit touh, marangnaw, ranglengnaw, ransanaw, hoi a tâco awh.

⁵ Hote siangpahrang abuemlah ni a kamkhueng awh teh, Isarelnaw tuk hanelah, a tho awh teh, Merom tui e teng vah cungtalah a roe awh.

⁶ BAWIPA ni ahnimanaw taket hanh awh. Kai ni tangtho e hnin dawk Isarelnaw hmalah ahnimouh abuemlah kadout tangcoung e lah na poe awh han. Marang e khok tharuinaw na bouk awh han. Rangelngnaw hah hmai na sawi awh han telah Joshua koe kâ a poe.

⁷ Joshua ni amae ransanaw abuemlah hoi Merom tie hmuen koe pouk laipalah a cei teh a tuk awh.

⁸ BAWIPA ni ahnimouh teh, Isarelnaw e a kut dawk a poe teh a thei awh. Sidon kho, Misrephothmaim kho, kanîtholah Mizpah tanghling totouh, a pâlei awh teh, buet touh hai pâhlung laipalah a thei awh.

⁹ BAWIPA ni kâ poe e patetlah Joshua ni marang e khok tharuinaw a bouk pouh teh ranglengnaw hmai a sawi pouh awh.

¹⁰ Hahoi Joshua ni Hazar kho bout a tuk teh, siangpahrang hah tahloi hoi a thei. Hatnae tueng dawkvah, Hazor kho ni hote ramnaw hah a uk.

¹¹ Kho thung e tami pueng hah tahloi hoi a thei aw hah teh, buet touh hai hring sak aw hah hoeh. Koug a raphoe aw hah teh, kho hai hmai a sawi aw hah.

¹² BAWIPA Cathut e san Mosi koe kâ a poe e patetlah hote siangpahrangnaw ni a uk e khonaw pueng hoi siangpahrangnaw abuemlah, Joshua ni a tuk teh, tahloi hoi koug a thei.

¹³ Hatei, Hazor kho dei laipalah, alouklah mon daw kkaawm e kho pueng teh, Isarelnaw ni hmaisawi aw hah hoeh. Hazor kho buet touh dueng hah Joshua ni hmai a sawi.

¹⁴ Hote khonaw daw k e hnopainaw hoi saring kkaawm e pueng Isarelnaw ni amamouh hane a la aw hah. Taminaw koug a thei hoehroukrak tahloi hoi a thei aw hah. Buet touh hai kahring e aw m sak aw hah hoeh.

¹⁵ BAWIPA Cathut ni amae san Mosi koe kâ a poe e patetlah Mosi ni Joshua koe patuen a dei pouh. Joshua ni hai telah a sak. BAWIPA ni Mosi koe kâ a poe e pueng a sak hoeh e buet touh hai aw m hoeh.

Joshua ni ram a tâ

¹⁶ Hote Seir lam daw k kkaawm e Halak mon koehoi Harmon mon a rahim,

¹⁷ Lebanon tanghling daw k kkaawm e Baalgad kho totouh, mon daw k e, mon hoi akalae hmuen Goshen ram tanghlingnaw, Isarel mon, Isarel tanghling hoi hote ram abuemlah Joshua ni a la teh, siangpahrangnaw abuemlah a tâ teh, koug a thei.

¹⁸ Hote siangpahrangnaw pueng hah atueng moikasawlah a tuk.

¹⁹ Hivnaw, Gibeon khonaw dei laipalah Isarelnaw hoi huikonae ka tawn e kho buet touh hai aw m hoeh. Alouke khonaw pueng a tuk aw hah teh, a tâ e pueng a la aw hah.

²⁰ Bangkongtetpawiteh, BAWIPA Cathut ni Mosi koe kâ a poe e patetlah hote taminaw koe pahrennae aw m laipalah, abuemlah koug pâmit sak hanelah a ngam totouh a lungthin ka patak sak e lah, BAWIPA Cathut a ma ngainae doeh.

²¹ Hatnae tueng nah, Joshua ni a cei teh, Anakim taminaw mon daw k kkaawm e Hebron kho, Debir kho, Anab kho, Judah mon, Isarel mon kkaawm e pueng, khonaw koug a raphoe teh, hote khonaw khuehoi koug a raphoe.

²² Gaza kho, Gath kho, Asdod kho, hoeh laipalah, Isarel ram thung daw k kkaawm e Anakim taminaw buet touh hai aw m hoeh.

²³ BAWIPA ni Mosi koe kâ a poe e patetlah Joshua ni hote ram pueng a la teh, Isarelnaw râw lah lengkaleng a poe teh, ram pueng daw k taran teh a roum.

12

Mosi ni a tâ e siangpahrangnaw

¹ Jordan palang kanîtholah Arnon palang hoi kamtawng teh, Hermon mon totouh, Kanîtholae tanghling pueng, Isarelnaw ni a thei teh, ram a la aw hah e kaukkung siangpahrangnaw teh,

² Arnon kho teng e, Armor kho, palang tangawn, Gilead ram tangawn, Ammon ram tangawn, Jakop palang totouh,

³ Kanîtholah tanghling koehoi kamtawng teh, Khinneroth tuipei totouh, Sodom kanîtholah, Bethjeshimoth kho lah ceinae lam, Pisgah kho, teng akalah hoi thonae lam totouh ka uk niteh, Heshbon kho kkaawmnaw Armor siangpahrang Sihon,

⁴ Hermon mon hoi Salkah ram, Geshurnaw, Maakathnaw, a onae ram totouh,

⁵ Bashan ram pueng, Heshbon siangpahrang, Sihon ni a uknaeram totouh, Gilead ram tangawn, a uk e a ram totouh, Edrei kho kaawm e miphun kalenpounge thung dawk hoi kaawm e Bashan siangpahrang Og,

⁶ Hote siangpahrang kahni touh roi hah Cathut e san Mosi hoi Isarelkaw ni a thei teh, BAWIPA e san Mosi ni ahnimae ram teh, Reubennaw, Gadnaw, Manasseh tangawn hah a poe.

⁷ Jordan palang kaniloum koe Lebanon tanghling koe kaawm e Baalgad kho hoi kamtawng teh,

⁸ Seir lam koe lah kaawm e Halak mon totouh, mon dawk, tanghling dawk, palang dawk, kahrawng dawk, akalae, Hitnaw, Amornaw, Kanaannaw, Periznaw, Joshua hoi Isarelkaw ni a thei teh, Joshua ni Isarel miphunnaw koug a poe e ram hah, ka uk e siangpahrangnaw teh,

⁹ Jeriko siangpahrang buet touh, Bethel kho teng e Ai siangpahrang buet touh,

¹⁰ Jerusalem siangpahrang buet touh, Hebron siangpahrang buet touh,

¹¹ Jarmuth siangpahrang buet touh, Lakhish siangpahrang buet touh,

¹² Eglon siangpahrang buet touh, Gezer siangpahrang buet touh,

¹³ Debir siangpahrang buet touh, Geder siangpahrang buet touh,

¹⁴ Hormah siangpahrang buet touh, Arad siangpahrang buet touh,

¹⁵ Libnah siangpahrang buet touh, Adullam siangpahrang buet touh,

¹⁶ Makkedah siangpahrang buet touh, Hopher siangpahrang buet touh,

¹⁷ Tappuah siangpahrang buet touh, Hopher siangpahrang buet touh,

¹⁸ Aphek siangpahrang buet touh, Lasharon siangpahrang buet touh,

¹⁹ Madon siangpahrang buet touh, Hazor siangpahrang buet touh,

²⁰ Shimron buet touh, Merom siangpahrang buet touh, Akshaph siangpahrang buet touh,

²¹ Taanakh siangpahrang buet touh, Megiddo siangpahrang buet touh,

²² Kedesh siangpahrang buet touh, Karner mon e Jokneam siangpahrang buet touh,

²³ Dor ram e Dor siangpahrang buet touh, Gilgal ram e Goiim siangpahrang buet touh,

²⁴ Tirezah siangpahrang buet touh, siangpahrang abuemlah 31 touh a pha.

13

Tâ han rae ramnaw

¹ Joshua teh a matawng a kumcue toung dawkvah, BAWIPA Cathut ni, nang teh na matawng toe. Na la hane talai hai moi ao rah.

² Kaawm rae talainaw teh, Filistin ram hoi kamtawng teh, Geshurit ram pueng,

³ Izip ram kanitholah Shihor palang hoi kamtawng teh, atunglah Ekron khori totouh, Kanaannaw a onae ram, Filistin siangpahrang panga touh, Gazanaw Asdodnaw, Askelonnaw, Gitnaw, Ekronnaw, Avvimnaw onae ram,

⁴ aka lahoi kamtawng teh, Amor ram, Aphek kho totouh, Kanaan ram pueng hoi Sidon ram a tengpam kaawm e Mearah ram,

⁵ Kanitholah Hermon mon rahim kaawm e Baalgad kho hoi kamtawng teh, Hamath kho kâennae totouh, Gebal ram, Lebanon ram totouh ao rah.

⁶ Lebanon mon hoi kamtawng teh, Misrephothmaim kho totouh, mon daw kkaawm e naw hoi Sidonnaw abuemlah, Isarelnaw e a hmalah kai ni ka pâlei han. Hatdawkvah, kai ni kê na poe e patetlah cungpam khoe sak nateh, hote talai hah Isarelnaw ram lah kêrei sak.

Judah Kanitholae ram kêreinae

⁷ Atuteh hete ram hah Isarel miphun tako touh hoi Manasseh miphun tangawn hah râw lah kêrei sak.

⁸ Reuben miphun, Gad miphun, Manasseh miphun tangawn hah, Jordan palang kanitholah Mosi ni raphoe awh e patetlah, namamae râw talai hah na dâw awh toe atipouh.

⁹ BAWIPA Cathut e san Mosi a poe e talai teh, Arnon palang teng kaawm e Aroer kho palang teng kaawm e abuemlah, khonaw hoi Dibon kho totouh, Medeba tanghling daw kkaawm e pueng,

¹⁰ Amor ram a pout totouh, Heshbon kho siangpahrang ka taw k e Ammon siangpahrang, Sihon ni a uk e khonaw pueng,

¹¹ Gilead ram Geshurnaw, Maakathnaw onae ram, Hermon mon kaawm e pueng, Salkah ram totouh, Bashan ram pueng,

¹² kalenpoung miphunnaw thung hoi kaawm rae naw, Ashtaroth kho, Edrei kho, siangpahrang ka taw k e Bashan siangpahrang, Og e uknaeram abuemlah ao awh. Hote siangpahrangnaw hah Mosi ni koung a thei teh koung a raphoe.

¹³ Hatei Isarelnaw ni Geshurnaw, Maakathnaw hah, pâlei awh hoeh. Hote miphunnaw teh, sahnin totouh Isarelnaw hoi rei ao awh.

¹⁴ Levih miphunnaw teh, râw poe awh hoeh.. Isarelnaw e BAWIPA Cathut ni hmai hoi thuengnae naw hah, a dei pouh e patetlah ahnimae râw lah ao.

¹⁵ Mosi ni Reuben miphun râw a poe e ramnaw teh,

¹⁶ Arnon palang teng kaawm e, Aroer kho palang teng kaawm e khonaw hoi Medaba tanghling pueng

¹⁷ Heshbon kho hoi tanghling daw kkaawm e kho pueng, Dibon kho, Barmoth kho, Bethbaal kho,

¹⁸ Jahaz kho, Kedemoth kho, Mephaath kho,

¹⁹ Kiriathiam kho, Sibmah kho, tanghling mon daw kkaawm e Zerethsahar kho,

²⁰ Bethpeor kho, Pisgah kho, Bethjeshimoth kho,

²¹ tanghling daw kkaawmnaw pueng, Heshbon kho siangpahrang katawknaw, Amor siangpahrang katawknaw, Amor siangpahrang Sihon ni uknaeram abuemlah, hote siangpahrang teh a oup awh. Ahnie ram daw kkaawm e, Midian siangpahrang panga touh, Evi, Rekem, Zur, Hur, Reba hah Mosi ni a thei.

²² Profet ka taw k e Beor e capa Balaam hai a thei awh e naw hoi rei ao dawkvah, Isarelnaw ni tahloi hoi a thei awh.

²³ Reuben miphun a onae hmuen a kapek awh teh, Jordan palang hoi a tengpam e pueng, Hetnaw hah Reubennaw ni a pang e khoramnaw lah ao.

²⁴ Mosi ni Gad miphunnaw ama lengkaleng, râw lah a poe e ramnaw teh,

²⁵ Jazer kho hoi kamtawng teh, Gilead kho kaawm e pueng hoi Rabbah kho e a hmalah kaawm e Roer kho totouh Ammon ram tangawn,

²⁶ Heshbon kho hoi kamtawng teh, Ramoth Mizpeh kho, Betonim kho totouh, Mahanaim kho hoi kamtawng teh, Debir kho totouh kaawm e ram,

²⁷ Tanghling dawkvah, Bethharam kho, Bethnimrah kho, Sukkoth kho, Zaphon kho a kamtawng koehoi Jordan palang kanîtholah, Jordan palang kâkapeknae, Khinneroth, tuipei totouh, Heshbon siangpahrang, Sihon ni a uknaeram kaawm e hah pueng a poe.

²⁸ Hetnaw heh Gad miphun lahoi râw lah a coe e khonaw lah ao.

Manasseh miphun tangawn ni coe e ramnaw

²⁹ Mosi ni Manasseh miphun tangawn râw a poe teh, Manasseh miphun tangawn ni a miphun lahoi râw lah a hmu e ramnaw teh,

³⁰ Mahanaim kho hoi kamtawng teh, Bashan ram pueng, Bashan siangpahrang Og ni a uknaeram pueng, Bashan ram dawkaawmnaw, Jair kho, 60 touh hah râw lah a hmu aw.

³¹ Gilead ram tangawn, Bashan uknaeram Og ni a uk e kho hoi, Ashtaroth kho hoi Edrei khonaw hah Manasseh e capa Makhir e catounnaw tangawn ni a miphun lahoi a tawn aw.

³² Hetnaw hah Mosi ni Jordan palang kanîtholah Jeriko kho Moab tanghling dawka râw lah a rei e ramnaw lah ao.

³³ Levih miphunnaw teh, râw poe hoe. Bangkongtetpawiteh, BAWIPA Cathut ni kâ a poe e patetlah Isarel miphunnaw e BAWIPA Cathut teh, ahnimae râw lah ao.

14

Kanîloumlae ram kêreinae

¹ Kanaan ram dawkvah, vaihma Eleazar, Nun e capa Joshua hoi Isarelnaw miphun dawka e khobawinaw ni râw a rei aw teh, Isarelnaw ni râw teh a coe aw.

² BAWIPA Cathut Mosi koe lawk a thui e patetlah Isarel miphunnaw phun tako touh hoi tangawn ni cungpam a khoe aw teh râw a coe aw.

³ Mosi ni Isarel miphun hlaikahni touh hoi tangawn hah Jordan palang kanîtholah râw lah a poe toe. Levihnaw teh a louk e miphunnaw hoi kâkalawt lah râw poe aw hoe.

⁴ Joseph miphun, Manasseh miphun, Ephraim miphun, miphun kahni touh lah ao teh, Levihnaw ni a onae kho, Ahnimae saring hoi hnopainaw hah, a ta nahane kho hloilah alouke talai poe aw hoe .

⁵ Mosi koe BAWIPA ni lawk a thui e patetlah Isarel miphunnaw ni talai teh a kêrei aw.

⁶ Hahoi Judah miphunnaw teh Gilgal kho hoi Joshua koe a tho aw teh, Keniz miphun Jephunneh e capa Kaleb ni BAWIPA Cathut teh, Kadeshbarnea e hmuen koe nang hoi kai panue saknae lah Cathut e tami Mosi koe kâ a poe e lawk teh, nang ni na panue.

⁷ Hete ram tuet hanelah BAWIPA e san Mosi ni kai heh Kadeshbernea vah na patoun nah, kai teh kum 40 ka pha toe. Kai teh kama e lung thung kaawm e patetlah bout ka dei pouh.

⁸ Kai hoi rei ka cet e hmaunawngghanaw ni taminaw lung a pout sak aw eiteh, BAWIPA Cathut hnuk doeh khoeroe ka kâbang.

⁹ Hat hnin vah Mosi ni, nang teh kaie BAWIPA Cathut e hnuk dueng na kâbang dawkvah, nang ni na counroe e talai pueng teh, a yungyoe nange râw, nange catounnaw e râw lah ao han telah thoe a bo.

¹⁰ Isarelnaw ni kahrawngum kêhei aw navah, Cathut ni hottelah, Mosi koe kâ a poe nah hnin hoi atu totouh, kum 45 touh thung kai heh na hring sak teh, atuteh kum 85 touh ka pha toe.

¹¹ Hateiteh, Mosi ni na patoun na hnin e ka thao e patetlah, atu hai ao rah. Hat navah tâco kêennae, taran tuknae koe kêroe thai e patetlah, atu hai kêroe thai rah.

¹² Hatdawkvah hat hnin BAWIPA ni kê poe e, hete mon hah kai na poe haw. Hete mon dawkvah Anakim taminaw a onae, kalenpounge ka cak pounge e khopuinaw a kawi hah, hat hnin vah nang ni na thai toe. Hatei Cathut teh, kai hoi rei awm pawiteh, kê na poe e patetlah hotnaw hah pâlei hanelah, kai ni ka ti thai atipouh.

¹³ Hat terei teh, Joshua ni yawhawi a poe. Hebron ram hai Jephunneh e capa Kaleb ni râw coe hanelah a poe.

¹⁴ Hatdawkvah, Keniz miphun Jephunneh e a capa Kaleb ni Isarelhaw e BAWIPA Cathut e hnuz a kâbang dawkvah, Hebron ram teh sahnin totouh Kaleb e râw lah ao.

¹⁵ Hebron kho teh, yampa vah, Kiriath-Arba lah ao. Arba teh, Anakim miphunnaw dawk kacue lah ao. Hat navah, ram thung tarantuknae a roum.

15

Judah ni a coe e ram

¹ Judahnaw ni cungpam a khoe awh teh, a miphun lahoi râw a coe e talai teh, Mon dawkvah Edom khori totouh, Teman ram a pout na koehoi, Zin kahrawng totouh a pha.

² Akalae khori teh, Sodom tuipui daw koe hoi akalah hoi a tâco teh,

³ akalah kamlang e a teng, Akrabbim monrui lah a cei teh, Zin kho totouh a pha. Hahoi akalah kamlang e a teng Kadeshbernea, Hezron, Addar, Karh,

⁴ Azmon kho koehoi Izip palang koe tuipui daw koe a kâcu.

⁵ Kanîtholah Sodom tuipui teh Jordan palang cum totouh kanîtholah kâkapek e lah ao. Atunglah khori teh, Jordan tui daw koe a bo teh Sodom tuipui hoi a tâco teh,

⁶ Bethhoglah kho koe lahoi Bethrabah kho atunglah a cei teh, Reuben e ca Bohan e talung koe lah a pha.

⁷ Akhor tanghling atunglah hoi tâco teh, Debir kho koe lah palang e akalah Adummin monrui daw koe kaawm e Gilgal kho daw koe a pha hoi Enshemesh tuipui Enrogel kho e lam koe lah,

⁸ Hinnom capa e tanghling teng Jerusalem khopui lah ao teh, Jebusit e hmuen mon e teng vah a cei teh, Hinnom tanghling kanîloumlah, Raphaim tanghling atunglah kaawm e mon koe lah a luen.

⁹ Hote monsom hoi bout a kum teh Nephtoah tuiphuek koe a cei teh, Ephron mon kâkuen e khonaw koe lah, Kiriath Jearim, Baalah kho koe lah,

¹⁰ Baalah kho kanîloumlah a cei teh, Seir mon koe lah, Cheasalon mon tie Jearim mon, atunglah ka cet niteh, Bethshemesh, Timnah kho koe lah.

¹¹ Ekron kho tung lahoi ka cet niteh, Shikkeron kho koe lah, Baalah mon koe lah, Jabneel kho koe a pha teh, tuipui daw koe a pout.

¹² Kanîloumlah tuipui kalen hoi tuipui tengpam teh, kanîloumlae khori lah ao. Hetnaw teh, Judah miphunnaw a miphun lahoi e ramri lah ao.

Kaleb ni Hebron Debir la

¹³ BAWIPA Cathut ni lawk a thui e patetlah, Joshua ni Judah miphun dawkvah, Jephunneh e capa Kaleb hanelah, Hebron kho tie hah Anakim na e kho hah a hruek pouh.

¹⁴ Hote kho dawk hoi Kaleb ni, Anakim e capa kathum touh, Sheshai, Ahiman, Talmai naw hah a pâlei hnukkhu,

¹⁵ Kiriath-sepher a min karuem lah Debir kho taminaw aonae koe bout a cei teh,

¹⁶ Kiriath-sepher kho hah ka tuk e tami teh, kai ni ka canu Aksah ka poe han ati teh,

¹⁷ Kaleb e nawngna Kanaz e capa Othniel ni hote kho hah a tuk, Kaleb ni a canu Aksah hah ahni hane yu lah a poe.

¹⁸ Hote napui ni kahlawng a cei nah law buet touh a na pa koe hei hanelah a vâ hoi a kâpan hnukkhu la dawk hoi a kum. A na pa Kaleb ni bangmaw na panki e kaawm telah a paei.

¹⁹ A canu ni yawhawi poe sak han ka ngai. Nang ni akalah kaawm e hmuen pueng na poe toe. Tuiphuek kaawm e naw hai na poe ei titeh a hei e patetlah, a na pa ni atunglah kaawm e tuiphuek, akalah kaawm e tuiphueknaw hai a poe sin.

Judah khopuinaw

²⁰ Hetnaw teh, Judah miphun, miphun lahoi a coe awh e râw talai lah o.

²¹ Judah miphun ni a tawn e khonaw teh, Edom ram hoi kâhnai e Kaleb, Eder, Jagur,

²² Kinah, Dimonah, Adadah,

²³ Kedesh, Hazor, Ithnan,

²⁴ Ziph, Telem, Bealoth,

²⁵ Hazar kho katha, Hadatah khoruem tie Kerioth Hezron,

²⁶ Amam, Shema, Moladah,

²⁷ Hazargaddah, Heshmon, Bethpelet,

²⁸ Hazarshual, Beersheba, Biziothiah,

²⁹ Baalah, Iim, Ezem,

³⁰ Eltolad, Chesil, Hormah,

³¹ Ziklag, Madmannah, Sansannah,

³² Lebaoth, Shilhim, Ain, Rimmon, hoi khopui abuemlah 29 touh a pha teh khotenaw hai a poe sin.

³³ Tanghling dawkvah Eshtaol, Zorah, Ashnah,

³⁴ Zanoah, Engannim, Tappuah, Enam,

³⁵ Jarmuth, Adullam, Sokoh, Azekah,

³⁶ Shaaraim, Adithaim, Gederah, Gederothaim, hoi abuemlah kho 14 a pha touh a pha teh khotenaw pueng hai a poe sin.

³⁷ Zenan, Hadashah, Migdalgal,

³⁸ Deleam, Mizpeh, Joktheel,

³⁹ Lakhish, Bozkath, Eglon,

⁴⁰ Kabbon, Lahmam, Kitlish,

⁴¹ Gederoth, Bethdagon, Naamah, Makkedah, hoi 16 touh.

⁴² Libnah, Ether, Ashan,

⁴³ Jephthah, Ashnah, Nezib,

⁴⁴ Keilah, Akhzib, Mareshah kho hoi 9 touh.

⁴⁵ Ekron kho hoi kâkuen e khonaw pueng,

⁴⁶ Ekron kho hoi kamtawng teh tuipui totouh, Ashdod kho hoi ka hnai e khonaw pueng,

⁴⁷ Ashdod kho hoi kâkuen e khonaw pueng, Izip palang, tuipui kalen, tuipui a tengpam totouh, Gaza kho hoi kâkuen e khonaw pueng.

⁴⁸ Mon dawk hai, Shamir, Jattir, Sokoh,

- ⁴⁹ Dannah, Debir kho tie Kiriathsannah,
⁵⁰ Arab, Eshtemoa, Anim,
⁵¹ Goshen, Holon, Giloh, hoi 11 touh,
⁵² Arab, Dumah, Eshan,
⁵³ Janim, Bethtappauah, Aphekah,
⁵⁴ Humtah, Hebron kho tie Kiriatharba, Zior, hoi 9 touh,
⁵⁵ Maon, Karmel, Ziph, Juttah,
⁵⁶ Jezreel, Jokdeam hoi, Zanoah,
⁵⁷ Kain, Gibeah, Timnah, khopui hoi khote asumkum kho 10 touh.
⁵⁸ Halhul, Bethzur, Gedor,
⁵⁹ Maarath, Bethanath, Eltekon, khopui hoi khote asumkum kho 9 touh,
⁶⁰ Kiriath Jearim ti e, Kiriathbaal, Rabbah, khopui hoi khote asumkum
 kho 2 touh,
⁶¹ Kahrawng vah Betharabah, Middin, Sekakah,
⁶² Nibshan, Palawi, Engedi, kho 6 touh,
⁶³ Hateiteh Jerusalem kho kaawm e Jubusitnaw teh Judahnaw ni pâlei
 laipalah ahnimouh teh sahnin totouh Judahnaw hoi Jerusalem kho ao awh.

16

Ephraim ni coe e naw

- ¹ Joseph catounnaw ni cungpam a khoe awh teh a pang awh e râw talai
 ramri teh, Jordan palang teng, Jeriko kho kanîtholah Jeriko kho tui koehoi
 kahrawng lam lahoi Bethel mon pueng dawkvah a cei.
² Bethel hoi Luz kho lah, Ataroth e Ark taminaw e khori totouh,
³ kanîloumlah, Japhlet kho lah, Bethhoron kho lah, Gezer kho lah a pha
 teh tuipui daw k a pout.
⁴ Hottelah Joseph e ca Manasseh hoi Ephraim naw ni râw teh a coe awh.
⁵ Ephraim ni imthung lahoi kaawm e talai ramri teh kanîtholah,
 Atarothaddar kho hoi Bethhoron koe lah,
⁶ atunglah tuipui teng, Mikmethath kho koe a tâco. Hahoi kanîtholah
 Taanathshiloh kho, kanîtholah a cei teh,
⁷ Janoah kho koe lah, Ataroth, Naarah, Jeriko lah a pha teh, Jordan
 palang daw k a pout.
⁸ Tappuah kho hoi kanîloumlah a cei teh Kanah palang koe lah a cei teh,
 tuipui daw k a pout.
⁹ Hetheteh Manasseh miphunnaw râw a coe awh e talai daw k Ephraim
 miphunnaw hanelah a khuen pouh e khonaw hoi Ephraim miphun
 imthung lahoi râw a coe awh e khonaw lah ao.
¹⁰ Gezer kho daw k kaawm e kanaan naw hah pâlei laipalah ahnimouh
 teh sahnin totouh Ephraim miphunnaw hoi rei ao awh teh aphawng a
 cawng awh.

17

Manasseh miphun tangawn ni coe e

- ¹ Joseph e a camin Manasseh ni cungpam a rayu awh teh, râw lah a coe
 awh e talai hateh, Manasseh e ca, Gilead e a na pa Makhir teh ransa lah
 ao daw k Gilead ram hoi Bashan ram a poe.
² Joseph e ca lah kaawm Manasseh capanaw teh Abiezer capa, Halek
 capa, Asriel capa, Shekhem capa, Hephher capa, Shemida capa, naw ni
 imthung lahoi cungpam bout a rayu awh.

³ Hateiteh, Manasseh, Makhir, Gilead, Hephher naw dawk hoi ka tho e Zelophehad teh ca tongpa awm hoeh. Canu dueng doeh kaawm. Ahnie canunaw teh Mahlah, Noah, Hogleh, Milkah, Tirzah doeh.

⁴ Hote napuinaw teh, vaihma bawi Eleazar, Nun e capa Joshua, kahrawinaw e hmalah a tho teh, kaimouh hoi rei tâcawt e hoi cungtalah râw coe hane kê hah kaimouh hoi na poe van hanelah, BAWIPA ni Mosi koe a dei pouh toe atipouh teh, BAWIPA ni a dei pouh e patetlah a na pa e hmaunawngnanaw hoi râw rei a coe aw hane kê a poe.

⁵ Telah Manasseh e canunaw teh a capanaw hoi râw rei a coe aw hane teh,

⁶ Manasseh e capa tangawn ni Gilead ram hah a coe dawkvah, Jordan palang kanîtholah, Gilead ram hoi Bashan ram hoi a louk Manasseh catounnaw ni 10 touh a coe aw hane rah.

⁷ Manasseh ram khori teh, Asher ram hoi Shekhem kho kanîtholah kaawm e Mikhmethat kho lah ka cet e aranglah, Entappuah kho lah a cei.

⁸ Tappuah khori teh Manasseh a tawn e lah ao ei, Manasseh e khori teng kaawm e Tappuah kho teh Ephraim ni tawn e lah ao.

⁹ Hahoi khori teh, Kanah palang akalah a cei teh Manasseh kho dawkvah Ephraim kho tangawn ao eiteh, palang hoi atunglae talai teh Manasseh e talai lah ao teh, tuipui dawk a pout.

¹⁰ Akalah Ephraim e talai, atunglah Manasseh e talai lah ao. Tuipui dawk a kêri teh, atunglah Asher ram, kanîtholah Issakhar ram ao.

¹¹ Hote ram dawkvah Manassehnaw ni a coe e ram kathum touh e teh, Bethshem kho hoi khotenaw, Ibleam kho hoi khotenaw, Dor kho hoi khotenaw dor kho hoi khotenaw, Endor kho hoi khotenaw, Taanakh kho hoi khotenaw, Megiddo kho hoi khotenaw, hah a coe sin aw hane rah.

¹² Hateiteh, Manasseh miphunnaw ni hote khonaw hah a pâlei thai hoeh dawkvah, Kanaannaw teh a tâ totouh hote hmuen koe ao aw hane.

¹³ Isarelnaw teh a tha hoe a sai aw hane terei teh, Kanaannaw hah koug pâlei laipalah aphawng a rawng sak aw hane.

Manasseh ni Ephraim hanlah ram bout a hei

¹⁴ Joseph miphunnaw ni hai kaimanaw teh, BAWIPA Cathut ni na poe aw hane yawhawi ka hmu teh miphun kalen poung lah ka o teh, nang ni ram buet touh dueng hah na poe telah Joshua hah pacei.

¹⁵ Joshua ni nangmanaw teh, miphun kalenpoung lah na o teh, Ephraim mon e ram bueng pawiteh ratu koe cet nateh, Periz ram, Refadimnaw e ram dawkvah o nahane lah sak aw hane atipouh.

¹⁶ Joseph miphunnaw ni hai Ephraim mon teh kaimouh hanelah khout mahoeh. Tanghling e hmuen Bethshean khonaw dawk, Jezreel tanghling dawk, kaawm e Kanaan taminaw abuemlah, ni sumrangleng koug a tawn aw hane toe telah bout atipouh aw hane.

¹⁷ Joshua ni nangmanaw teh, miphun kalenpoung thakaawmpoung lah na o dawkvah, buet touh dueng hah na lat aw hane mahoeh.

¹⁸ Mon hai nangmouh hanelah ao han. Ratu lah awm pawiteh na tâtoug han. Tâco nahan lamnaw hai nangmouh hanelah ao han. Kanaan taminaw teh a tha o aw hane sumrangleng ka tawn aw hane ni tha kaawm aw hane nakunghai, ahnimanaw teh, na pâlei mingming han telah, Ephraim miphun, Manasseh miphun lah kaawm e Joseph phunnaw koe a dei pouh.

18

Kacawie ram kêreinae

¹ Isarel miphun tamimaya abuemlah ni Shiloh kho dawk a kamkhueng awh teh, tamimaya kamkhueng nahane lukkareim hah a sak awh. Ahnimae hmalah ram pueng teh a kârahnoum awh.

² Hahoi torei Isarel miphunnaw Sari touh ni râw talai teh a hmu hoeh rah dawkvah,

³ Joshua ni nangmae mintoenaw e BAWIPA Cathut ni na poe awh e talai teh, nangmouh ni lat laipalah nâ sittouh maw na o awh han rah.

⁴ Nangmouh thung dawk miphun buet touh dawk tami kathum touh rawi nateh, kai ni ka tha han. Ahnimouh ni ram tangkuem dawk a cei vaiteh, râw coe han kamcu e patetlah, a thut awh hnukkhu, kai koe bout a tho han.

⁵ Ahnimouh ni ram teh Sari touh lah a khuen awh han. Judah miphunnaw ni akalah amamae hmuen koe ao han. Joseph miphunnaw ni atunglah amamae hmuen koe ao han.

⁶ Ram teh sari touh lah a khuen awh hnukkhu, ram kong na thut e hah kai koe na sin vaiteh maimae BAWIPA Cathut e hmalah nangmouh hane cungpam rayu han.

⁷ Levihnew teh nangmouh hoi kâkalawt e buet touh hai lat mahoe. BAWIPA Cathut e vaihma thaw teh ahnimae râw lah ao. Gadmi phun, Reuben miphun, Manasseh miphun tangawn ni Jordan palang kanîtholah Cathut e san Mosi ni a poe e patetlah râw talai teh a coe toe telah Isarelnaw koe a dei pouh.

⁸ Hote taminaw ni a cei teh, Joshua ni hai ram thung pueng dawk cet awh nateh, be na tuet hoi kai koe bout tho awh. Shiloh kho vah BAWIPA Cathut e hmalah nangmouh hanelah, cungpam khoe han telah ram kong thut hanelah, ka cet e taminaw hah lawk a thui e patetlah,

⁹ ahnimouh teh, ram thung pueng dawk a cei awh teh khopuinaw kaawm e patetlah, hmuen sari touh lah a khuen awh hnukkhu cauk dawk a thut awh teh, Joshua onae koe Shiloh bout a tho awh.

¹⁰ Joshua ni Shiloh kho dawk BAWIPA Cathut hmalah cungpam a khoe teh, Isarel miphunnaw lengkaleng talai a khuen pouh.

Benjamin miphun ni coe e ram

¹¹ Benjamin miphunnaw ni cungpam a rayu awh teh, imthung lahoi a coe awh e talai teh Judah miphunnaw hoi Joseph miphunnaw a rahak dawk a bo awh.

¹² Talai kâkhuennae teh, atunglah Jordan palang hoi kamtawng teh, Jeriko kho atunglah kanîloumlah mon dawk, a cei teh, Bethaven ramke totouh a pha.

¹³ Hahoi akalah a cei teh, Bethel kho teng dawk a cei teh, Bethhoron kho, akalah kaawm e mon rahim Atarathaddar kho dawk a pha hoi teh,

¹⁴ Hote mon dawk hoi a tâco teh, tuipui akalah Judah miphun a onae Kiriath Jearim kho tie Kiriathbaal, kho dawk a tâco. Hetheteh, kanîloumlae ramri lah ao.

¹⁵ Akalah ramri teh, Kiriath Jearim kho poutnae koehoi kanîloum koe atunglah, Nephtoah tuiphuek koe a pha.

¹⁶ Hinnom e capa e tanghling e hmalah, Rephaim tanghling atunglah kaawm e mon rahim lah a tho teh, Jebusit kho akalah Hinnom tanghling koe lah, Enroegel kho koe lah,

17 atunglah atengvah, Enshemesh kho koe lah, Adummin monrui namran Geliloth kho koe lah, Reuben e capa Bohan e talung koe lahoi a cathuk teh,

18 Arabah kho atunglah, kamlang a cei teh, Arabah kho lah a pha.

19 Bethhoglah kho atunglah a cei teh, Palawi tuiptui atunglah Jordan tui dawk a pout. Hetheteh akalae ramri lah ao.

20 Jordan tui teh kanitholae ramri lah ao. Hetheteh, Benjaminaw ni imthung lahoi raw lah a coe awh e ram doeh.

21 Benjamin miphunnaw ni imthung lahoi a tawn e khonaw teh: Jeriko, Bethhoglah, Emekkeziz,

22 Betharabah, Zemaraim, Bethel,

23 Avvim, Parah, Ophrah,

24 Kepharammoni, Ophni, Geba, hoi kho 12 touh a pha.

25 Gibeon, Ramah, Beeroth,

26 Mizpeh, Khephirah, Mozah,

27 Rekem, Irpeel, Taralah,

28 Zelah, Eleph, Jerusalem tie Jebusit, Gibeah, hoi Kiriath, kho hoi khotenaw hoi 14 touh a pha. Hetheteh, Benjamin miphunnaw ni imthung lahoi a tawn e raw lah ao.

19

Simeon ni coe e ram

1 Apâhni e cungpam a rayu teh, Simeon miphunnaw ni imthung lahoi Judah e raw talai dawk raw a coe awh.

2 Ahnimae raw talai dawk kaawm e khonaw teh, Beersheba, Moladah,

3 Hazzarshual, Balah, Ezem,

4 Eltolad, Bethul, Hormah,

5 Ziklag, Bethmarkhaboth, Hazarsusah,

6 Bethlebaoth, Sharuhem, hoi kho 13 touh hoi khotenaw.

7 Ai, Rimmon, Ether, Ashan, kho 4 touh.

8 Hothloilah akalah kamlang e, Ballathbeer totouh, a lathueng dei tangcoung e kho tengpam e pueng. Hetnaw teh Simeon miphunnaw ni imthung lahoi a coe awh e raw lah ao.

9 Simeonnaw ni coe e raw talai teh Judahnaw ni coe e thung thum pou lah ao. Judahnaw e teh a len poung dawk ahnimae raw thung dawk e Simeonnaw ni raw a coe van awh.

Zebulun miphun ni coe e ram

10 Apâthum e cungpam a rayu bo teh, Zebulunaw ni imthung lahoi raw a coe awh. Ahnimae raw talai kâkhuennae teh, Sarid kho hoi a tâco teh,

11 Kaniloumlah a cei teh, Maralah kho, Dabbesheth kho lah, Jokneam kho e hmalah kaawm e palang koe a pha.

12 Hahoi Sarid kho kanitholah kamlang teh Khislothtabor kho, Daberath kho totouh a pha teh Japhia kho totouh a luen.

13 Hote kho hoi kamtawng teh, kanitholah a cei. Gath Hephher kho, Ethkazin kho, Neah khori Rimmon kho totouh a pha.

14 Atunglah khori teh Hannathon kho dawk a pha teh, Iphtahel tanghling dawk a pout.

15 Hahoi Kattath kho, Nahalal kho, Shimron kho, Idalah kho, Bethlehem, kho tie kho hoi 12 touh a pha.

¹⁶ Hetheteh, khopui, khote khuehoi Zebulun miphunnaw ni imthung lahoi a coe awh e rāw lah ao.

Issakhar miphun ni coe e ram

¹⁷ Apalinae cungpam a rayu bo teh Issakharnaw ni imthung lahoi rāw lah a coe awh.

¹⁸ Ahnimae khori teh, Jezreel kho, Khesulloth kho, Shunem kho,

¹⁹ Hapharaim kho, Shion kho, Anaharath kho,

²⁰ Rabbith kho, Kishion kho, Ebez kho,

²¹ Remeth kho, Engannim kho, Enhadah kho, Bethpazzez kho,

²² Tabor kho, Shahazumah kho, Bethshemesh kho, dawk a pha teh, hote khori teh Jordan palang dawk a pout. Khopui khote 16 touh a pha.

²³ Hetheteh, khopui khote khuehoi Issakharnaw ni imthung lahoi a coe awh e rāw lah ao.

Asher miphun ni coe e ram

²⁴ Apanga e cungpam a rayu bo teh, Ashernaw ni imthung lahoi rāw lah a coe awh.

²⁵ Ahnimae khori teh, Helkath kho, Hali kho, Beten kho, Akshaph kho,

²⁶ Allammelek kho, Amad kho, Mishal kho, Kaniloumlah Karmel kho, Shihorlibnath kho dawk a pha.

²⁷ Hahoi kanitholah, kamlang teh, Bethdagon kho, Zebulun ram Jephthah El tanghling dawk a cei teh, atunglah Bethemek kho, Neiel kho, Kabul kho,

²⁸ Ebron kho, Rehob kho, Hammon kho, Kanah kho, Sidon kho, tui totouh a pha teh,

²⁹ Ramah kho, kacakpounge Taire kho, Hosah kho, koe lah kamlang teh, tuipei dawk hoi kamtawng teh, Akhzib kho totouh tuipei dawk a pout.

³⁰ Ummah kho, Aphek kho, Rehob kho, hoi 22 touh a pha.

³¹ Hetheteh, Ashernaw ni imthung lahoi a coe awh e rāw lah ao.

Naphtali miphun ni coe e ram

³² Ataruk e cungpam a rayu bo teh Naphtalinaw ni imthung lahoi rāw lah a coe awh.

³³ Ahnimae khori teh, Heleph kho, Zaanannim kho kathen kung, Adaminekeb kho, Jabneel kho, Lakkum kho khuehoi Jordan tui dawk a pout.

³⁴ Hahoi kaniloumlah kamlang teh, Aznohtabor kho, Hukkuk kho dawk a pha teh, akalah Zebulun ram, kaniloumlah Asher ram, Kanitholae Jordan tui dawk ramri lah ao.

³⁵ Kacakpounge khopuinaw teh, Ziddim, Zer, Hammath, Rakkath, Khinnereth,

³⁶ Adamah, Ramah, Hazor,

³⁷ Kadesh, Enhazor, Edrei,

³⁸ Iron, Migdalel, Horem, Bethanath, Bethshemesh hoi 19 touh hoi khotenaw.

³⁹ Hetheteh khopui, khote khuehoi Naphtalinaw ni imthung lahoi a coe awh e rāw lah ao.

Dan miphun ni coe e ram

⁴⁰ Asari e cungpam a rayu bo teh, Dannaw ni imthung lahoi rāw lah a coe awh.

⁴¹ Ahnimouh ni rāw lah a coe awh e khonaw teh: Zorah, Eshtaol, Irshemesh,

42 Shaalabin, Aijalon, Ithlah,

43 Elon, Timnah, Ekron,

44 Eltekeh, Gibbethon, Baalath,

45 Jehud, Beneberak, Gathrimmon,

46 Mejarkon, Rakkon, Joppa, hmalah kaawm e talai khuehoi.

47 Dannaw ni a coe aw h e talai teh, abueng dawkvah Leshem kho a tuk aw h teh, hmuen a la aw h. Leshem kho teh miphun e a na pa Dan min ka sin lah, Leshem hah Dan kho telah min a phung aw h.

48 Hetheteh khopui, khote khuehoi Dannaw ni imthung lahoi a coe aw h e raw lah ao.

49 Hottelah Isarel miphunnaw ni talai teh a kâkhuen aw h, a kârei aw h teh, raw be a coe aw h hoi, Nun e capa Joshua hah raw talai a poe aw h.

50 Ahni ni a hei e kho, Ephraim mon dawkvah, Timmathserah kho hah Cathut ni kâ a poe e patetlah a poe aw h teh, ahni ni kho a thawng teh kho a sak.

51 Hetheteh, vaihma bawi Eleazar, Nun e capa Joshua Isarel miphun thung dawkvah, imthung lae kacuenaw ni Shiloh kho vah, Cathut hmalah kamkhuengnae lukkareiim takhang teng vah, lengkaleng a kârei aw h e rawnaw lah ao. Hahoi teh, ram kâreinae thaw a cum aw h toe.

20

Kânguenae khonaw

1 Hahoi BAWIPA Cathut ni Joshua hah a kaw teh,

2 nang ni Isarel miphunnaw,

3 tami thei hanelah pouknae aw m laipalah, ka tet payon e tami ni, a yawng nahane khonaw hah kârawi aw h. Kut pathungnae koehoi hlout nahane kho lah ao han.

4 Hote kho buetbuet touh daw k a yawng e tami teh, kho e longkha koe kangdue vaiteh, hote kho daw k kacuenaw koe amae kong hah a thaisak vaiteh, ahnimouh ni kho thung a kaw vaiteh, amamouh koe hmuen a poe han.

5 Kut ka pathung hane tami ni pâlei pawiteh, ahnie kut daw k poe mahoe. Bangkongtetpawiteh, ahni ni amae a hui hah kâtarannae aw m laipalah a thei payon toe.

6 Ahni teh tamimaya hmalah a kangdue teh, lawkcengnae a khang hoehnahlan, hatnae tueng nah vaihma kacue a due hoehnahlan, hote kho daw k ao han. Hathnukkuh hoi a yawng takhai e kho, ama a onae im koe bout ban vaiteh o thainae kâ ao han.

7 Ahnimouh ni Galilee ram, Naphtali mon daw k Kedesh vah, Ephraim mon daw k Shekhem kho, Judah mon daw k Hebron kho tie Kiriath-Arba khonaw hai thoseh,

8 Jordan palang namran, Jeriko kho, Kanîtholah Reuben ram, Kahrawngum daw k e Bezer kho, Gad ram, Gilead ram daw k Ramoth kho, Manasseh ram, Bashan ram daw k Golan khonaw hah a rawi aw h.

9 Hete khonaw teh, Isarel miphun daw k hai thoseh, ahnimouh koe kaawm e Jentelnaw hai thoseh, pouk laipalah tami thet payon pawiteh, ka thet e tami ni kut pathungnae daw k hoi a hlout vaiteh, tamimaya hmalah a pha hoehnahlan a yawng vaiteh, ao thai nahanelah rawi e khonaw lah ao.

21

Levih khopuinaw

¹ Levih imthung kacuenaw teh, vaihma bawi Eleazar, Nun e capa Joshua, Isarel miphun thung dawk e imthung kacuenaw koe a tho awh teh,

² Kaimouh ka o nahane khonaw, saringnaw a pâ nahanelah, Cathut ni Mosi koe a poe toe telah Kanaan ram Shiloh kho vah atipouh awh teh,

³ Isarel miphunnaw ni BAWIPA ni a dei pouh e patetlah amamouh ni râw a coe awh e talai dawk e kho hoi a ramnaw a poe awh.

⁴ Cungpam rayu teh Kohath imthungnaw ni râw a coe torei teh, Levih vaihma bawi Aron e ca catounnaw ni cungpam rayu e dawk hoi Judah ram, Simeon ram Benjamin ram thung dawk e kho 13 touh a hmu awh.

⁵ Kaawm rae Kohathnaw ni Ephraim ram, Dan ram Manasseh ram tangawn thung dawk e kho 10 touh a coe awh.

⁶ Gershonnaw ni cungpam rayu e dawk hoi Issakhar ram, Asher ram, Naphtali ram, Bashan ram, dawk e Manasseh ram tangawn dawk e kho 13 touh a coe awh.

⁷ Merarinaw ni imthung lahoi Reuben ram, Gad ram, Zebulun ram, dawk e kho 12 touh a coe awh.

⁸ BAWIPA ni Mosi koe a dei pouh e patetlah Isarel miphunnaw ni cungpam rayu teh, hote khonaw hah khori khuehoi Levihnaw hah a poe awh.

⁹ Judah ram, Simeon ram thung dawk e a poe teh,

¹⁰ Levihnaw lah kaawm Kohath imthung, Aron catounnaw ni apasueke cungpam rayu e dawk hoi a coe e khonaw teh,

¹¹ Judah ram mon rahak dawk Kiriath Arba petkâkalup lae ramnaw khuehoi a poe awh. Arba teh Anakim e a na pa doeh. Ahni teh Hebron doeh.

¹² Hateiteh, kho hoi a tengpam lawnaw, khotenaw teh, Jephunneh e capa Kaleb hah a poe awh.

¹³ Tami ka thet payon e tami ni a kânguenae kho lah ao nahanelah, Hebron kho lah khori khuehoi vaihma bawi Aron e catounnaw a poe awh.

¹⁴ Libnah kho hoi khori, Jattir kho hoi khori, Eshtemoa kho hoi khori,

¹⁵ Holon kho hoi khori, Debir kho hoi khori,

¹⁶ Ain kho hoi khori, Juttah kho hoi khori, Bethshemesh kho hoi khori, Hote ram kahni touh thung dawk e kho 9 touh e naw,

¹⁷ Benjamin ram thung dawk e Gibeon kho hoi khori, Geba kho hoi khori,

¹⁸ Anathoth kho hoi khori, Almon kho hoi khori, abuemlah kho 14 touh a poe.

¹⁹ Aron e catoun vaihma bawinaw ni a coe e kho abuemlah kho 13 touh a pha.

²⁰ Kaawm e Kohathnaw imthung lah kaawm e Levihnaw ni cungpam rayu teh, Ephraim ram thung e a coe awh e patetlah,

²¹ tami ka thet payon e tami ni a kânguenae kho lah ao thai nahanelah, Ephraim mon dawk Shekhem kho hoi khori a poe awh.

²² Gezer kho hoi khori, Kibzaim kho hoi khori, Bethhoron kho hoi khori, abuemlah kho 4 touh,

²³ Dan ram thung dawk e, Eltekeh kho hoi khori, Gibbethon kho hoi khori,

²⁴ Aijalon kho hoi khori, Gathrimmon kho hoi khori, abuemlah kho 4 touh,

²⁵ Manasseh ram tangawn dawk e, Taanakh kho hoi khori, Gathrimmon kho hoi khori kho 2 touh a poe.

²⁶ Kaawm e Kohath imthungnaw ni a coe e kho abuemlah kho 10 touh a pha.

²⁷ Levih imthungnaw, Gershonnaw hai Manasseh ram tangawn dawk e tami ka thet payon e tami ni a kângue nahane kho lah, Bashan ram dawk Golan kho hoi khori, Beeshterah kho hoi khori, abuemlah kho 2 touh.

²⁸ Issakhar ram dawk e Kishion kho hoi khori, Daberath kho hoi khori,

²⁹ Jarmuth kho hoi khori, Engannim kho hoi khori, abuemlah kho 4 touh.

³⁰ Asher ram thung dawk e, Mishal kho hoi khori, Abdon kho hoi khori,

³¹ Helkath kho hoi khori, Rehob kho hoi khori, abuemlah kho 4 touh.

³² Naphtali ram dawk e tami ka thet payon e ni a kângue nahane kho lah, Galilee ram dawk, Kedesh kho hoi khori, Hommothdor kho hoi khori, Kartan kho hoi khori, abuemlah kho 3 touh a poe awh.

³³ Gershonnaw ni imthung lahoi a coe e khori hoi kho abuemlah, 13 touh.

³⁴ Kaawm rae Levihnaw, Merari imthungnaw teh, Zebulun ram dawk e, Jokneam kho hoi khori, Kartah kho hoi khori,

³⁵ Dimnah kho hoi khori, Nahalal kho hoi khori abuemlah kho 4 touh.

³⁶ Reuben ram dawk e tami ka thet payon e ni a kângue nahane kho lah, Bezer hoi khori, Jahaz hoi khori,

³⁷ Kedemoth hoi khori, Mephaath hoi khori, abuemlah kho 4 touh.

³⁸ Gad miphun thung e tami ka thet payon e ni a kângue nahane kho lah, Gilead ram Ramoth hoi khori, Mahanaim hoi khori,

³⁹ Heshbon hoi khori, Jazer hoi khori, abuemlah kho 4 touh.

⁴⁰ A imthungkhu lahoi Levih imthung, Merari catounnaw hanelah khopuinaw teh amamae ham dawk hoi kho 12 touh.

⁴¹ Isarel catounnaw e ham dawk hoi Levihnaw e khopuinaw teh khopui 48 touh hoi khornaw hah hah doeh.

⁴² Khopui pueng ni khori kalupnae koug a tawn awh teh, hote khopui pueng teh hot patetlah ao awh.

Lawkkam a kuep

⁴³ Hottelah mintoenaw koe na poe han telah lawk a kam pouh e pueng teh BAWIPA ni Isarel koe a poe teh, amamae ham hah a coe awh teh a thung vah kho a sak awh.

⁴⁴ BAWIPA ni mintoenaw koe thoebo laihoi lawk a kam tangcoung patetlah a tengpam pueng roumnae a poe. BAWIPA ni a tarannaw pueng hah a kut dawk a poe teh, a tarannaw thung dawk hoi tami buet touh boehai ahnimouh taranlahoi a lungkuep e awmhoeh.

⁴⁵ Isarel imthung koe BAWIPA ni a dei e hawinae pueng hah, lawklung buet touh hai a pakuep hoeh e awm hoeh. Abuemlah hoi koug a kuep.

22

Kanitholae miphunnaw a ram dawk a ban awh

¹ Hahoi Joshua ni Reuben catoun, Gad catoun, Manasseh catoun tangawn hah bout a kaw teh,

² Cathut e san Mosi a dei pouh e pueng, nangmouh ni na sak teh, kai ni ka dei e pueng lawk hai na ngai awh toe.

³ Sahnin totouh atueng moikasaw na thung nangmouh ni hmaunawng-hanaw na pahnawt laipalah, nangmae BAWIPA Cathut ni lawk na thui e naw pueng hah na tarawi awh toe.

⁴ Atuteh nangmae BAWIPA Cathut ni a lawkkam e patetlah hmaunawng-hanaw hah karoumcalah o thainae ka na poe dawkvah, nangmanaw ban

nateh, nama na onae im dawk, Jordan namran vah BAWIPA e san Mosi a poe e patetlah namamae talai dawk cet awh.

⁵ Hateiteh, na hringnae buemlahoi, na lungthin buemlahoi, amae thaw tawk hane hoi, kacaklah ama kuet hane hoi kâpoelawk hringkhai hane hoi a lamthung pueng tarawi hane hoi BAWIPA Cathut lungpataw hane hoi kâpoelawk hoi kâlawk, BAWIPA e san Mosi ni kâ na poe e naw hah, sak hanelah kâhruetcuwet awh telah a ti.

⁶ Hottelah Joshua ni yawhawi a poe teh a ceisak teh, amamae rim dawk a cei awh.

⁷ Manasseh miphun tangawn hah Mosi ni Bashan ram dawk talai teh a poe toe. Hatei, miphun tangawn hah Joshua ni Jordan palang kaniloumlah, a hmaunawngghanaw hoi cungtalah talai teh a poe.

⁸ Joshua ni nangmanaw teh hnopai moikapap na coe awh dawkvah, saringnaw, Sui, Ngun, Rahum, Sum, Hnicu naw sin awh nateh, namamouh onae im lah ban awh leih, tarannaw koe e na lawp awh teh, na hmu e hnopainaw hah na hmaunawngghanaw hoi kârei awh telah lawk a thui. Yawhawi a poe teh, amamouh onae im lah a cei sak.

⁹ BAWIPA ni Mosi koehoi kâ a poe e patetlah Reuben catoun, Gad catoun, Manasseh catoun tangawn ni tawn han kamcu e talai, Gilead ram dawk cei hanelah, Isarel miphun aonae koe Kanaan ram, Shiloh kho hoi a tâco awh.

Jordan palang teng thuengnae khoungroe

¹⁰ Kanaan ram Jordan palang teng a pha torei, Reuben catoun, Gad catoun, Manasseh catoun tangawn ni, Jordan palang teng thuengnae khoungroe kalen poung a sak awh.

¹¹ Hottelah Reuben miphun, Gad miphun, Manasseh miphun tangawn ni Kanaan ram namran Jordan palang teng Isarel miphunnaw a rakanae hmuen koe thuengnae khoungroe a sak toe tie Isarelnaw ni kamthang a thai awh.

¹² Hote kamthang a thai awh navah, Isarel miphun tamimaya abuemlah ni tuk hanelah, Shiloh kho dawk a kamkhueng awh.

¹³ Isarel miphunnaw ni Gilead ram Reuben catounnaw hoi Gad catounnaw hoi Manasseh catounnaw tangawn koevah, vaihma Eleazar e capa Phinehas a patoun awh.

¹⁴ Ahni koe khobawi hra touh, Isarel miphunnaw thung dawk hoi imthung kahrawikung buetbuet touh, hotnaw teh Isarel miphunnaw thung dawk hoi imthung kaukungnaw doeh.

¹⁵ Hote kahrawikungnaw teh, Reuben catoun, Gad catoun, Manasseh catoun, tangawn ao teh Gilead ram totouh a pha awh.

¹⁶ BAWIPA e tamimaya abuemlah koe lawk a thui e teh, nangmouh ni Cathut hah, na taran awh teh, thuengnae khoungroe na sak awh dawkvah, BAWIPA e hnuk na kâbang awh hoeh. Sahnin lam phen hanelah Isarelnaw e Cathut koe na yon teh bangtelae maw

¹⁷ Nangmouh ni Cathut e hnuk na kâbang awh hoeh, na phen awh han toe ti e, Peor e yon teh maimouh hanelah khout hoeh rah maw BAWIPA e tamimaya koe runae kalen a pha eiteh, sahnin totouh hote yon hah na panuek thai awh hoeh rah.

¹⁸ Nangmouh ni BAWIPA hah sahnin na taran teh, tangtho e hnin Isarel miphun tamimaya abuemlah koe a lungkhuek han toe.

¹⁹ Hatei nangmouh ni na tawn awh e talai hah thong hoehpawiteh, BAWIPA ni a ma hanelah a la teh, lukkareim onae talai koe lah rakat nateh kaimouh hoi cungtalah tawn e lah lat awh. Maimae BAWIPA Cathut e

sathai thuengnae khoungroe laipalah, alouke sathai thuengnae khoungroe ma hanelah, sak e lahoi BAWIPA taran hanh awh. Kaimouh hai na taran hanh awh.

²⁰ Zerah e capa Akhan ni thoebo e hno dawk a payon teh a lungkhueknae hah Isarel mipfun, rangpuinaw e a lathueng vah a pha nahoehmaw Ahni ni a payon e yon dawk, ama buet touh dueng nahoeh telah ati awh.

²¹ Hahoi teh, Reuben catoun, Gad catoun, Manasseh catoun tangawn ni Isarel mipfun dawk tami thawng touh ka uk e kacuenaw koevah bout a dei pouh e teh,

²² Cathutnaw e Cathut, cathutnaw e BAWIPA Cathut, Jehovah ni a panue, Isarel ni hai panuek naseh. BAWIPA koe taranthaw hanelah a kâcai awh teh, a hnukkâbang laipalah phen hanelah kaimanaw ni khoungroe ka sak awh katang pawiteh, sahnin pâhlung awh hanh lawih.

²³ Hote thuengnae khoungroe van hmaisawi thuengnae sathai, tavai thuengnae, roum thuengnae, thueng hanelah kâcainae kaawm nakunghai BAWIPA ma roeroe ni pâphue lawiseh.

²⁴ Hmalae tueng dawk nangmae catounnaw ni, Oe Reuben catounnaw, Gad catounnaw nangmouh teh, Isarel mipfunnaw e Cathut hoi bangtelamaw na kâkuet awh.

²⁵ BAWIPA ni kaimouh hoi nangmae rahak dawk kâkapeknae Jordan palang teh a ta toe. Nangmouh ni BAWIPA hoi khoeroe na kâkuen hoeh telah kaimae ca catounnaw koe na dei awh dawkvah, kaimae ca catounnaw ni BAWIPA taket laipalah khosak hanelah nangmae ca catounnaw ni sak awh langvaih tie hah puen hanelah ao dawkvah, hete hno teh ka sak awh toe nahoehmaw.

²⁶ Hatdawkvah maimouh ni sathai thuengnae khoungroe hah sak hanelah pathoup leih sei ati awh navah, hmaisawi thuengnae sathai hoi thueng hane na kâcai awh hoeh.

²⁷ Maimouh ni hmaisawi thuengnae sathai pueng hoi sathai e phung, roum thuengnae sathai aphunphun sak awh teh, BAWIPA e thaw hah a hmalah tawk hanelah, hmalae tueng dawk nangmae catounnaw ni nangmouh teh BAWIPA hoi khoeroe na kâkuen awh hoeh, telah maimae catounnaw koe a dei awh hoeh nahanelah, hete thuengnae khoungroe teh, kaimouh hoi nangmae rahak, kaimae ca catounnaw hoi nangmae ca catounnaw rahak kapanuekkhaikung lah ao nahanelah sak awh toe.

²⁸ Hmalae tueng dawk ahnimouh ni maimouh hoi maimae ca catounnaw koe hottelah dei pawiteh, maimouh ni maimae napanaw ni, hmaisawi thuengnae sathai thueng hanelah nahoeh. Maimouh hoi nangmae rahak daw kapanuekkhaikung lah ao nahane, sak e BAWIPA e khoungroe hah kenhaw! telah bout dei thai nahanlah ka kâpan awh toe.

²⁹ Lukkarei im hmalah kaawm e maimae Cathut e sathai thuengnae khoungroe laipalah, alouke sathai thuengnae khoungroe sak pawiteh, hmaisawi thuengnae sathai pueng hoi, sathai phun, tavai thuengnae thueng awh teh, hnukkâbang laipalah taranna e yon teh kaimouh hoi kâhlat lawiseh telah bout a dei awh.

³⁰ Vaihma Phinehas hoi tamimaya kahrawikungnaw, Isarel mipfun daw koi tami 1,000 touh ka uk e kacuenaw ni, Reuben catoun, Gad catoun, Manasseh catounnaw ni a dei awh e lawk hah a thai awh torei teh a lung a kuep awh.

³¹ Vaihma Eleazar e capa Phinehas ni hai nangmouh teh, BAWIPA koe na yon awh hoeh dawkvah, Bawipa ni kaimouh koe na okhainae hah sahnin maimouh ni panue awh toe. Nangmouh ni Isarel mipfunnaw hah, Cathut

e kut dawk hoi atuvah na hlout sak awh toe telah, Reuben catoun, Gad catoun, Manasseh catounnaw koe a dei pouh awh.

³² Hahoi vaihma Eleazar e capa Phinehas hoi kahrawikungnaw ni Reuben catoun, Gad catounnaw a onae, Gilead ram hoi Isarelkaw a onae Kanaan ram lah bout a tho teh kamthang a thaisak awh.

³³ Isarel miphunnaw ni lunghawinae a tawn teh Cathut e pahrennae hah a pholen awh. Hathnukku hoi Reuben catoun, Gad catounnaw a onae ram hah thei hane, tuk hanelah noenae awm hoeh toe.

³⁴ Reuben catoun, Gad catounnaw ni hai BAWIPA teh Cathut la ao tie hah, hete sathei thuengnae khoungroe teh, kaimae rahak dawkvah kapanuekkhaikung lah awm seh telah a titeh, hote khoungroe teh, Ed telah a min a phung awh.

23

Joshua ni lawkthuinae

¹ BAWIPA ni a tengpam kaawm e tarannaw abuemlae kut dawk hoi Isarel miphunnaw a hlout sak teh, rounnae hah atueng moikasawlah a poe hnukku, Joshua teh a kumcue teh a matawng toung dawkvah,

² Isarel miphun a kum kacuenaw, bawinaw, lawkcengkungnaw hah a kaw teh, kai teh ka kumcue toung dawkvah, ka matawng toe.

³ Nangmae Cathut teh nangmouh hanelah, hete miphun abuemlah dawkvah, a sak e pueng hah nangmouh ni na panue awh toe. Nangmae BAWIPA ni nangmouh koe lah, taran a tuk toe.

⁴ Jordan palang hoi kamtawng teh, kaniloum tuipui totouh, kai ni ka tâ e miphunnaw hoi kaawm rae hete miphun a onae ram hah, nangmae miphunnaw ni râw coe hanelah, cungpam ka rayu awh teh, kai ni na rei awh toe.

⁵ Nangmae BAWIPA ni lawkkam e patetlah hete miphunnaw hah, pâlei awh nateh, nangmouh ni na hmu hoeh nahanlah, a pâlei vaiteh, ahnimae talai hah, nangmouh ni abuemlah na coe awh han.

⁶ Hatdawkvah, nangmouh ni Mosi e phunglawk cauk dawk e lamthung hoi aranglah, avoilah phen laipalah, kaawm e patetlah na tarawi hanelah thoseh,

⁷ nangmouh koe kaawm rae, hete miphunnaw hoi kâkalawt awh hanh. Ahnimae cathut min lahoi thoeho awh han, a hmalah khokcuengkhuem awh hanh, na lûsaling sin awh han.

⁸ Sahnin totouh na tarawi e patetlah, nangmae BAWIPA Cathut dawk kâhnai awh nahanelah taranhawinae lungthin tawn awh.

⁹ Bangkongtetpawiteh, kalen ni teh a thakaawmpounge miphunnaw hah, BAWIPA ni nangmae hmalah a pâlei teh sahnin totouh nangmae hmalah, pihai kangdout thai hoeh.

¹⁰ Nangmouh buet touh ei nakunghai alouke tami 1,000 touh na yawng sak awh han. Bangkongtetpawiteh, nangmae BAWIPA ni lawkkam e patetlah nangmouh koe lah taran a tuk.

¹¹ Hatdawkvah nangmae BAWIPA teh, na lungpataw thai nahan, takthai lungthin kâruetcuat awh.

¹² Nahoe pawiteh, nangmouh ni na kamlang teh nangmouh koe kaawm rae naw hah, hete miphunnaw na kângue awh teh, na kâpaluen awh pawiteh,

¹³ Nangmae BAWIPA ni hete miphunnaw hah nangmae hmalah hoi bout pâlei mahoe toe. Nangmae BAWIPA ni na poe e kahawipoung e ram

dawk nangmouh teh kahmakata hoehroukrak, ahnimouh teh nangmouh hanelah karap, tangkhek, na nâ dawk hemnae rui, na mit dawk pâkhing lah ao han telah kancengcalah panuek awh.

¹⁴ Kai teh talai tami pueng ceinae lam dawk sahnin ka cei han toe. Nangmae BAWIPA ni nangmouh hanelah, na poe e hawinae buet touh hai payoun hoeh. Abuemlah a kuep sak tie hah, nangmouh ni na lungthin thung vah na panue awh.

¹⁵ Nangmae BAWIPA ni lawk a kam e patetlah hawinae pueng teh, nangmae lathueng vah a pha patetlah nangmae BAWIPA ni na poe e, hete ram kahawi e dawk hoi nangmanaw hah kounng na raphoe hoehroukrak, BAWIPA ni nangmae lathueng vah rucatnae naw hah a pha sak han.

¹⁶ Nangmanaw teh, nangmae BAWIPA ni na ta pouh e lawkkam hah na payon awh teh, alouke cathut koe na cei teh, lû na saling pawiteh, BAWIPA a lungkhuek vaiteh, na poe tangcoung e ram kahawi dawk hoi nangmanaw teh karanglah na thup awh han telah a pathang pouh.

24

Shekhem vah lawkthuinae

¹ Hahoi Joshua ni Isarel miphunnaw abuemlah Shekhem kho dawk a kamkhueg sak teh, Isarel mipun dawk e kacuenaw, kaukkungnaw, lawkcengkungnaw bawinaw hah a kaw teh, ahnimouh ni Cathut e hmalah a hnai awh.

² Hahoi Joshua ni taminaw abuemlah koe a pathang e teh, Isarelnaw e BAWIPA ni kâ a poe e teh, Abraham hoi Nahor e a na pa Terah koehoi kamtawng teh, nangmae mintoenaw ni, a yan e tueng dawk tuipui namran lah ao awh teh, alouke cathutnaw hah a bawk awh.

³ Nangmae na pa Abraham teh tuipui namran lah, ka kaw teh, Kanaan ram e hmuen koë ka hrawi teh, ahnie miphunnaw ka pung sak teh Isak hah ka poe.

⁴ Isak koehoi Jakop hoi Esaw hah kai ni ka poe teh, Esaw hai Seir mon hah ka poe. Jakop hoi ahnie canaw ni Izip ram lah a cei awh.

⁵ Mosi hoi Aron teh kai ni ka patoun teh, Izip taminaw koe a sak e patetlah Izip ram hah ka toun hnukkhu nangmanaw hah na tâco sak.

⁶ Telah nangmae mintoenaw hah Izip ram hoi kai ni ka tâco sak teh, ahnimouh ni Edom tuipui koe a pha awh. Izip taminaw ni rangleng hoi marangransanaw hoi tuipui totouh a pâlei awh.

⁷ BAWIPA koe a hram awh torei teh, nangmouh hoi Izip taminaw a rahak hmonae hah kai ni ka ta teh, ahnimanaw hah, tuipui hoi muen ka ramuk sak. Izip ram dawk kai ni ka sak e hno hah, namamouh roeroe ni na hmu awh. Kahrawng dawk hai atueng moikasawlah na o awh.

⁸ Hathnukkhu, Jordan palang kanitholah kaawm e Amornaw e ram dawk nangmanaw hah kai ni na hrawi teh, ahnimouh ni na tuk awh navah ahnimouh teh nangmae kut dawk kai ni na poe teh, ahnimae talai hah, nangmouh ni na la pouh awh. Ahnimouh teh nangmae hmalah, kai ni kounng ka raphoe.

⁹ Moab siangpahrang Zippor e capa Balak ni a thaw teh, Isarelnaw hah a tuk teh nangmanaw hah, thoebo sak hanelah, Beor e capa BaLaam hah a kaw torei teh,

¹⁰ BaLaam e lawk kai ni ka ngâi pouh hoeh dawkvah, yawhawinae hah letlang a poe teh, ahnie kut dawk hoi nangmanaw hah kai ni na hlout sak awh.

11 Hahoi nangmanaw ni Jordan palang na raka teh, Jeriko kho dawk na pha toteh, Jeriko tami, Amor tami, Periz tami, Kanaan tami, Hit tami, Gigashite tami, Hiv tami, Jubusitnaw hah na tuk awt teh, ahnimanaw hah nangmae kut dawk kai ni na poe.

12 Nangmouh dawk tahloi hoi licung awm laipalah, nangmae hmalah khoingan hah ka tha teh, Amor siangpahrang kahni touh nangmae hmalah kai ni ka pâlei.

13 Nangmouh ni kho na thawng awt hoe e khonaw hah kai ni na poe awt teh, nangmouh ni na o nah awt. Namamouh ni na ung hoe e misur takha, olive takha naw hah, na ca awt telah, BAWIPA ni atipouh.

14 Atuteh, Cathut hah, taket nateh, lungthin kathoung hoi, yuemkamcu-nae hoi bawt awt. Tuipui namran dawk, Izip ram dawk, mintoenaw ni a bawt e cathutnaw hah pahnawt nateh, BAWIPA duengma bawt awt.

15 Nahoe pawiteh, BAWIPA hah bawt hanelah awmhoeh telah na pouk pawiteh, tuipui namran lae, mintoenaw ni a bawt e cathut, nangmouh na onae Amor ram dawk e cathutnaw thung dawk bangpatet e cathutnaw maw na bawt awt han tie hah sahnin kârawi awt leih. Kai hoi ka imthung niteh, Jehovah duengdoeh ka bawt awt han ati navah,

16 Taminaw ni alouke cathutnaw hah bawt hanelah Cathut hah pahnawt nae teh kaimouh hoi kâhlat naseh.

17 Kaimae BAWIPA ni san lah onae Izip ram hoi mintoenaw hoi kaimanaw hah na tâco sak teh, kalenpoung mitnoutnaw hah kaimae mithmu vah a kamnu sak. Kaimouh ka ceinae hmuen pueng koe, ka cei sin e miphunnaw koe na okhai.

18 BAWIPA ni hai hete ram dawk kaawm e Amornaw abuemlah kaimae hmalah hoi a pâlei toe. BAWIPA hah ka bawt han. Hote BAWIPA teh kaimae Cathut doeh telah bout ati awt.

19 Joshua ni vah nangmouh ni BAWIPA hah na bawt thai mahoe. Hote BAWIPA teh, kathoung Cathut, dipma ka sin e BAWIPA lah ao. Nangmouh ni na payon e yonnaw hah, na ngaithoum thai mahoe.

20 Nangmouh ni BAWIPA hah na pahnawt teh, ram alouke cathutnaw hah, na bawt pawiteh, nangmouh dawk hawinae ka sak hnukkhu bout ka kamlang vaiteh, na rektap awt vaiteh na raphoe awt han telah atipouh navah,

21 Taminaw ni, telah nahoe, BAWIPA duengdoeh ka bawt han bout ati awt.

22 Joshua ni hai nangmouh ni Cathut hah bawt hanelah, na kârawi awt toe telah, namamouh hoi namamouh doeh kapanuekkhaikung lah na kaawm awt telah atipouh navah, ahnimouh ni kapanuekkhaikung lah ka o awt ati awt teh,

23 Joshua ni telah pawiteh, nangmouh koe kaawm e ram alouke cathutnaw hah pahnawt awt nateh Isarelnaw e BAWIPA Cathut koelah na lungthin kamlang awt ati pou.

24 Taminaw ni kaimae BAWIPA hah ka bawt han. A lawk ka ngâi pouh han telah ati awt.

25 Joshua ni hat hnin vah taminaw hoi lawkkam a sak teh, Shekhem kho vah, kâlawk, phunglamnaw a hruek pouh.

26 Hote lawknaw hah BAWIPA e kâlawk cauk dawk a thut teh, BAWIPA e kathoungpoung hmuen teng kaawm e kathen kung rahim vah talung kalen poung a ung teh,

27 hete talung teh maimanaw kapanuekkhaikung lah ao han. Cathut ni kâ na poe e lawk ka kuepcalah thai awt toe. Hatdawkvah nangmouh ni Cathut hah, na pahnawt nae hoi na hlout thai nahanelah, nangmanaw

hah, kapanuekkhaikung lah na o han telah tami abuemlah koe a dei pouh hnukkhu,

²⁸ amamouh lengkaleng râw a coe aw h e hmuen koe bout a ban sak.

Joshua hoi Eleazar duenae

²⁹ Hathnukkhu BAWIPA e san, Nun capa Joshua teh kum 110 touh a pha teh a due.

³⁰ Ephraim mon daw k Gaash monrui atunglah kaawm e ahnie râw a coe e, Timnath-serah kho e talai daw k a pakawp aw h.

³¹ Joshua e kut daw k ao nathung pueng Isarelnaw ni BAWIPA teh a baw k aw h. BAWIPA ni Isarel miphunnaw hanelah a sak e naw pueng hah a panue aw h teh, Joshua a due hnukkhu kahring rae kacuenaw e kut rahim hai BAWIPA hah a baw k aw h.

³² Isarel miphunnaw ni Izip ram hoi a sin e Joseph e hrunaw hah, Shekhem a napa, Hamor e canaw koe ngun tangka cum touh hoi Jakop ni a ran e Shekhem kho e talai daw k a pakawp aw h. Hote talai teh, Joseph capanaw e râw talai lah ao.

³³ Aron e ca vaihma bawi Eleazar hai a due. Ahnie capa Phinehas hai a yunaw ni a poe e Ephraim mon, Phinehas monrui daw k a pakawp aw h.

LAWKCENGGUNG (Judges)

Kanaannaw e tânae

¹ Joshua a due hnukkhu, Isarelnaw ni Kanaannaw tuk hanelah, apimaw maimouh hanlah hma ka hman han telah BAWIPA hah a pacei awñ.

² BAWIPA ni, Judah a cei han. A kut dawc ram teh ka poe toe, telah a ti.

³ Judah ni a hmau Simeon koevah, Kanaannaw tuk thai nahanelah, ka ham e ram koe kai na pue haw, kai ni hai nang ni na ham e ram koe na pue van han, atipouh. Hahoi teh, Simeon ni ahni koe a kâbang pouh.

⁴ Judah ni a kamthaw teh Kanaannaw hoi Periznaw hah BAWIPA ni a kut dawc a poe teh, Bezec vah tami 10, 000 touh a thei awñ.

⁵ Bezec kho vah Adonibezek siangpahrang a hmu awñ teh, Kanaannaw hoi Periznaw a thei awñ toteh,

⁶ siangpahrang teh a yawng eiteh, Judahnaw ni a pâlei awñ teh, bout a man awñ. A kutpui, a khokpui sounsoum a tâtueng pouh awñ.

⁷ Adonibezek ni kutpui hoi khokpui a tâtueng pouh e siangpahrang 70 touh ni, kaie caboi rahim buramei a luep awñ. Kai ni ouk ka sak e patetlah, BAWIPA ni kai dawc moi na pathung toe ati. Hote siangpahrangnaw teh, Jerusalem a ceikhai awñ teh, hawvah a due.

⁸ Hahoi Judahnaw ni Jerusalem teh tahloi hoi kouna a thei awñ hnukkhu, hmai a sawi awñ.

⁹ Hathnukkhu hoi teh, mon dawc kaawmnaw hai thoseh, akalae kaawmnaw hai thoseh, ayawn dawc kaawmnaw hai thoseh, Kanaannaw hai thoseh, a tuk awñ.

¹⁰ Hahoi minruem Kiriath-Arba a phung awñ e Hebron kho kaawm e Kanaannaw aonae koe a cei awñ teh, Sheshai Ahiman, Talmainaw a thei awñ.

¹¹ Haw hoi teh, Debir kaawm e naw hah a cei sin awñ. Debir teh ayan e min lahoi teh Kiriath-sepher doeh.

¹² Hahoi Kalep ni, Kiriath-sepher khopui ka tâ thai e tami teh kai ni ka canu Akasah a yu lah ka poe han telah a ti.

¹³ Kalep e a nawngah Kenaz e capa Othniel ni a tâ teh a canu Akasah teh a yu lah a poe.

¹⁴ Hote napui kahlawng a cei navah, A na pa koe lawhmuennaw hei hanlah a kâpan roi hnukkhu, marang dawc hoi a kum. A na pa ni bangmaw na ngai e kaawm telah a pacei navah,

¹⁵ a canu ni yawhawi na poe hanelah ka ngai. Akalae ram na poe boum teh, tuidonaw hai hmawi na poe sin loe atipouh. A na pa ni atunglae tuido hoi akalae tuido puenghai a poe.

¹⁶ Mosi masei e a na minca lah kaawm e Ken miphunnaw hateh, Judahnaw hoi unkkung kho thung kaawm e, Arad ram teng kaawm e, Judah ram dawc a kâbang van teh, kho cungtalah a sak awñ.

¹⁷ Hahoi teh, Judah ni a hmau Simeon hoi a cei roi teh, Zephath kho kaawm e Kanaannaw a thei roi teh, khopui hai he a raphoe roi. Hatdawkvah, Hormah telah a phung awñ.

¹⁸ Hahoi Judah ni Gaza hoi ateng e khonaw, Askelon hoi ateng e khonaw, Ekron hoi ateng e khonaw hai kouna a la pouh.

¹⁹ BAWIPA teh Judah hoi cungtalah ao dawkvah, ahni ni mon daw k e naw pueng he a pâlei. Hateiteh, ayawn daw k kho ka sak e naw teh, sumrangleng a tawn awh dawkvah, pâlei thai awh hoeh.

²⁰ Hahoi Mosi ni a dei e patetlah Hebron teh Kalep a poe awh. Anakim e capa katham touh teh, hote kho hoi a pâlei awh.

²¹ Hatei Benjamin miphunnaw niteh, Jerusalem kaawm e Jebusitnaw hah pâlei awh hoeh dawkvah, atu totouh, Jebusitnaw hah Benjaminaw hoi Jerusalem vah reirei ao awh.

²² Joseph miphunnaw nihai, Bethel a tuk awh navah, BAWIPA teh ahnimouh koe ao.

²³ Joseph miphun niteh, Bethel tuet hanlah, a patoun awh. Hote kho min teh ayan teh Luz tie doeh.

²⁴ Katuetah ni kho thung hoi ka tâcawt e tami buet touh a hmu awh teh, kho thung kêennae lam na patue haw. Hat pawiteh, na hlout han atipouh.

²⁵ Hote tami ni kho thung kêennae lam a patue teh, ahnimouh ni khocanaw hah tahloi hoi he a tâtueng awh. Hatei, hote tami hoi imthungkhunaw teh a hlout sak awh.

²⁶ Hote a hlout sak awh e imthung teh, Hit ram lah a cei awh teh hawvah kho a sak awh. Ahnimaeh kho min teh Luz telah a phung awh. Sahnin totouh a min lah pou ao.

sungnae

²⁷ Manasseh miphun niteh, Bethshean khonaw, Tanak khonaw, Dor khonaw, Ibleam khonaw, Megiddo khonaw hah pâlei laipalah, Kanaanaw hoi Hote ram daw k cungtalah rei pou ao awh.

²⁸ Isarelnaw a tha ao toteh, Kanaannaw teh pâlei hoeh eiteh, a kut rahim thaw a taw k sak awh.

²⁹ Ephraim niteh, Gezer kaawm e Kanaannaw pâlei awh hoeh. Hatei, Kanaannaw hoi mak kâkalawt lah kho a sak awh.

³⁰ Zebulun ni Kitron kaawm naw thoseh, Nahalal kaawmnaw thoseh, pâlei awh hoeh. Hatei, Kanaannaw hoi cungtalah kho a sak awh teh, a kut rahim thaw a taw k sak awh.

³¹ Hot patetvanlah, Asher miphun ni hai Akko kho kaawmnaw, Sidon kho kaawmnaw, Ahlab kho kaawmnaw, Akhizib kho kaawmnaw, Helbah kho kaawmnaw, Aphik kho kaawmnaw, Rehob kho kaawmnaw a pâlei awh hoeh dawkvah,

³² Asher miphunnaw teh, Kanaannaw koe kho a sak awh.

³³ Naphtali miphun ni Bethshemesh kho kaawmnaw, Bethanath kaawmnaw pâlei awh hoeh. Kanaannaw hoi mak kâkalawt lah kho a sak awh. Bethshemesh hoi Bethanathnaw teh, a kut rahim thaw a taw k sak awh.

³⁴ Amornaw nihai, Dannaw teh mon lah a pâlei awh teh, ayawn daw k teh awm sak awh hoeh.

³⁵ Amornaw teh, Heres, Aijalon hoi Shaalbim vah pou ao awh. Hahoi teh, Joseph miphunnaw a tha ao awh teh, Amornaw a kut rahim thaw a taw k sak awh.

³⁶ Amornaw e khori teh, Akrabbim lah ka takhang niteh, Sela e a lathueng lah pou a cei.

1 BAWIPA e kalvantami teh Gilgal kho hoi Bokhim kho a tho teh, na mintoenaw koe kai ni lawk ka kam e ram dawk Izip ram hoi kai ni na hrawi aw. Nangmouh hoi kai ni lawkkam ka sak e teh, ka raphoe boi mahoe.

2 Nangmanaw teh hote ram dawk kaawm naw hoi huikonae na sak aw. Ahnimae thuengnae khoungroenaw raphoe pouh aw ka ti ei, nangmouh ni ka lawk na ngâi aw hoe. Bangkongmaw telah na sak aw.

3 Hahoi bout a dei pouh e teh, ahnimanaw teh nangmouh hmalah ka pâlei mahoe. Hatei, nangmouh na ka tuk e lah ao aw han. Ahnimae cathut teh nangmouh hanelah karap lah ao han atipouh.

4 BAWIPA e kalvantami niyah, Isarelnaw koe telah a dei pouh toteh, taminaw pueng ni hramki laihoi a ka aw.

5 Hete hmuen teh, Bokhim a phung aw teh, BAWIPA koe thuengnae a sak aw.

Joshua duenae

6 Joshua ni taminaw a patoun toteh, Isarelnaw ni amamouh ni a ham aw hane ram koelah lengkaleng a cei aw.

7 Hote taminaw niteh, Joshua a hring nathung hoi, Joshua hnukkhu ka hring e a lungkahanaw, Isarelnaw hanlah BAWIPA ni a patoun teh, ka taw e kahmawtnaw pueng ni teh, BAWIPA e thaw a taw aw.

8 Nun e capa Joshua, Bawipa e san teh, a kum 110 nah a due.

9 Ephraim mon, Gaash mon patung lah Timnath-heres thung amae râw a coe nahane hmuen koe a pakawp aw.

10 Hatnae se daw koe teh, tamipuong teh a na mintoenaw koe a pâkhueng aw. Hahoi, ahnimouh hnukkhu e ca catounnaw niteh, BAWIPA hai thoseh, Isarelnaw hanelah thaw a taw pouh e naw hai thoseh panuek aw hoe toe.

Isarel yuemkamcuhoehnae

11 Hahoi teh, Isarelnaw ni BAWIPA mithmu vah hno kahawihoehe yonnae hah a sak aw teh, Baal a baw aw toe.

12 Izip ram hoi ka tâcawtkhai e a na mintoenaw e BAWIPA Cathut hah a pahnawt aw. Atenggam kaawm e cathutnaw hnuk vah a kâbang aw teh, a hmalah a tabo pouh aw. BAWIPA teh a lung hoe a khuek sak aw.

13 BAWIPA a pahnawt aw teh, Baal hoi Ashtaroth hah a baw aw.

14 Hatdawkvah, BAWIPA lungkhueknae teh Isarelnaw koe a kâan teh, kahuencawnnaw kut daw a poe teh, a tenggam e tarannaw kut daw a yo teh, tarannaw hmalah bout kangdout thai aw hoe.

15 Ahnimouh teh a ceio aw nah tangkuem koe BAWIPA ni thoe a bo e patetlah a kut a nâ sin teh, hoe roedengnae hah a kâhmo sak.

BAWIPA ni lawkcengkungnaw a tâco sak

16 Hahoi teh, BAWIPA ni kahuencawnnaw e kut daw hoi hlout sak hanelah, lawkcengkungnaw a tâco sak.

17 Hateiteh, ahnimouh ni lawkcengkungnaw e lawk hah ngâi kalawn aw hoe. Alouke cathutnaw hoi a kâyo aw teh, a baw aw.

18 A na mintoenaw ni kahring Cathut e kâpoelawknaw a tarawi aw e lamthung daw hoi karanglah a phen aw. BAWIPA ni lawkcengkungnaw a tâco sak torei teh, ahnimouh hoi rei a okhai teh, a kut daw ao yunglam, taran e kut daw hoi Isarelnaw a hlout sak aw. Bangkongtetpawiteh, ahnimanaw rektap hoi kâhram lawk BAWIPA ni a thai pouh toteh, bout a pahren.

¹⁹ Lawkcengkung ni a due takhai toteh, a na mintoenaw hlak hoe a mathoe awh teh, alouke cathut hnuk a kâbang awh teh a bawk awh. Amamae lunglenpansa lah onae lamthung ceitakhai han ngai awh hoeh.

²⁰ BAWIPA Cathut teh Isarelnaw koe puenghoi a lungkhuek teh, Hete taminaw ni ka lawk ngâi awh hoeh, a na mintoenaw koe lawk ka kam pouh e a raphoe awh toung dawkvah,

²¹ Joshua a due hnukkhu, a miphunnaw e hmalah hoi Kai ni ka pâlei pouh mahoe toe.

²² A na mintoenaw patetlah BAWIPA e lamthung hah a tarawi ou, tarawi hoeh ou tie panue nahan, Isarelnaw ma tanouk nahanelah, ahnimouh teh ka hno han telah a ti.

²³ Hatdawkvah, BAWIPA ni hete miphunnaw vai touh haiyah, he pâlei laipalah, a tara teh, Joshua kut dawk hai poe hoeh.

3

¹ Hete miphunnaw teh BAWIPA ni tuk boihoeh rae Isarelnaw tanouk nahanelah a pâhlung pouh e naw doeh.

² Taran tuknae ka thoum hoeh rae naw taran tuk a thoum nahanelah, BAWIPA ni a hruék pouh e miphunnaw teh,

³ Filistinnaw bawi panga touh hoi, Kanaannaw, Sidonnaw, Lebanon mon dawk kaawm e Hivnaw, Baalhermon mon koehoi Lebohamath lam totouh.

⁴ BAWIPA ni a na min Mosi hno lahoi a na mintoenaw koe lawk a thui e kâpoelawknaw patetlah a tarawi maw tarawi hoeh maw tie kamnue sak nahanelah, Isarel miphunnaw tanouk nahanelah doeh.

⁵ Hottelah, Isarelnaw teh Kanaannaw, Hitnaw, Amonnaw, Perizinaw, Hivnaw, Jebusitnaw rahak vah ao awh teh,

⁶ a canunaw hoi a kâpaluen a kâha awh, a cathutnaw hah a bawk pouh awh.

Othniel

⁷ Isarelnaw ni BAWIPA mithmu hno kahawihoe a sak awh. BAWIPA a pahnawt awh teh, Baal, Asherah hah a bawk awh.

⁸ Hatdawkvah, BAWIPA teh Isarelnaw koe puenghoi a lungkhuek teh, Mesopotamia siangpahrang Kushan-rishathaim kut dawk a yo, Isarelnaw teh Kushan-rishathaim e san lah kum taroe touh ao awh.

⁹ Hatei, Isarelnaw BAWIPA bout a kaw awh toteh, BAWIPA ni rungn-gangkung buet touh a tâco sak. Ahni teh, Kalep nawnggha Kenaz capa Othniel doeh.

¹⁰ BAWIPA e Muitha teh a tak dawk a pha, Isarelnaw a uk teh taran a thaw khai. Mesopotamia siangpahrang Kushan-rishathaim hah BAWIPA ni a kut dawk a poe teh, a tâ.

¹¹ Hatdawkvah, ram teh kum 40 thung a roum. Hahoi teh, Kenaz capa Othniel teh a due.

Ehud

¹² Hahoi Isarelnaw ni BAWIPA mithmu vah hno kahawihoe hoi bout a sak awh. BAWIPA ni Moab siangpahrang Eglon teh Isarelnaw tuk hanlah a kamthaw sak. Bangkongtetpawiteh, BAWIPA mithmu vah hno kahawihoe hoi a sak awh.

¹³ Amonnaw hoi Amaleknaw hah a pâkhueng teh Isarelnaw a tuk sak. Ahnimouh ni a tâ awh teh, unkgung kho hah a la pouh awh.

¹⁴ Isarelnaw teh Moab siangpahrang Eglon san lah kum 18 touh ao awh.

¹⁵ Hatei, Isarelnaw ni BAWIPA bout a kaw aw h teh, BAWIPA ni ahnimouh hanlah rungngangkung bout a poe. Benjamin mip hun Gera capa, avoila e kut ka hno e Ehud doeh. Isarelnaw ni Ehud koehoi Moab siangpahrang Eglon hanelah hno a patawn aw h.

¹⁶ Hahoi Ehud ni ayung dong touh ka saw ni teh avoivang kahran e tahloi hah a sin teh, aranglae khok daw k a hna thung a kaw m.

¹⁷ Hahoi Moab siangpahrang Eglon koe hno teh a poe. Eglon teh ka thaw poung e lah ao.

¹⁸ Ehud ni hno a poe hnukkhu, hno apu sak e naw a cei sak.

¹⁹ Hatei, ama teh, Gilgal kho koe e lungdon koehoi let a ban teh, Oe siangpahrang, nang hanlah arulahoi laidei hane buet touh ka sin atipouh. Hahoi taica atipouh teh, a sannaw teh ama koehoi koug a tâco aw h.

²⁰ Imthungkhu a tungkhung daw k a tahung navah, Ehud ni a tho sin teh, nang hanelah Cathut koehoi law k buet touh ka sin ati pouh teh, ahni teh tungkhung daw k hoi hlout a thaw navah,

²¹ Ehud ni avoila e kut hoi aranglae a phai hna thung e tahloi a rayu teh, a von daw k a thut pouh.

²² A hlong hroung ka muem lah a thaw ni tahloi hah muen a kayo teh aw h ei a tâco.

²³ Hahoi Ehud alawilah a tâco teh, a onae rakhannaw pueng he a khan teh a taren pouh.

²⁴ A ceitakhai hnukkhu a sannaw a tho teh, a onae rakhannaw he a kâtaren e a hmu aw h torei teh, alouke imthungkhu daw k vai ao vah telah a pouk aw h.

²⁵ Ngailawi a ring aw h eiteh, a bawipa ni tho a paawng hoeh toung daw kvah, ahnimouh ni cabi a la aw h teh, tho a paawng aw h toteh, amamae bawi teh carawng daw k due laihoi kamlet e hah a hmu aw h.

²⁶ Hottelah a ring aw h lahunnah, Ehud teh a la yawng toe. Lungdonnaw a tapoung teh, Seirah kho vah pou a pha.

²⁷ Ephraim mon daw kvah mongka a ueng teh, Isarelnaw ni a hnuk a kâbang aw h teh, mon hoi a kum aw h.

²⁸ Hahoi ahni ni, ka hnukkâbang aw h. Bangkongtetpawiteh, na taran Moabnaw teh BAWIPA ni ka kut daw k na poe toe atipouh. Hahoi a kâbang sin aw h teh, Moab ram lah ceinae lam Jordan palang rakanae lam hah a nang aw h teh, api buet touh hai cet thai aw h hoeh.

²⁹ Hote tueng daw k Moabnaw 10, 000 touh a thei aw h. Athakaawme taminaw seng doeh, buet touh hai hlout aw h hoeh.

³⁰ Hatdaw kvah, hote hnin daw k teh Moabnaw teh Isarelnaw kut daw k a sung aw h. Hote ram teh kum 80 touh a roum.

Shamgar

³¹ Ahni hnukkhu teh, Anath capa Shamgar a tâco teh, Filistinnaw 600 touh bongpai pasum hoi a thei aw h teh, Isarel mip hunnaw a hlout sak.

4

Deborah hoi Barak

¹ Ehud a due hnukkhu hoi Isarelnaw ni Cathut hmalah hno kahawihoe h bout a sak aw h.

² BAWIPA ni Kanaan ram Hazor kho daw k siangpahrang lah kaawm e Jabin koe a yo aw h. A ransabawi teh Harosheth-hagoyim kaawm e Sisera doeh.

³ Hahoi teh, Isarelnaw ni Bawipa koe kabawpnae a hei awh teh a kaw awh. Bangkongtetpawiteh, Jabin ni sumrangleng 900 touh a tawn. Isarelnaw teh kum 20 touh thung puenghoi a rektap awh.

⁴ Hatnae tueng dawkvah Lappidoth tami profet napui Deborah teh, Isarelnaw hah a uk.

⁵ Ephraim mon daw koe hmueng, Ramah hoi Bethel rahak kaawm koe Deborah teh samtue rahim vah a tahung teh, haw hoiyah Isarelnaw lawk ouk a ceng.

⁶ Tami a patoun teh, Abinoam capa Barak hah Naphtali ram Kedesh kho hoi a kaw teh, nang ni, Naphtali miphun, Zebulun miphun daw koe tami 10, 000 touh Tabor mon koe pâkhueng awh.

⁷ Jabin ransabawi kalenpoung Sisera teh a marangnaw, a kaw e naw khuehoi nang na dawn hanelah, Kishion tui teng vah ka hrawi vaiteh, ahni teh na kut daw koe na poe han telah, Isarelnaw e BAWIPA Cathut ni lawk na thui atipouh.

⁸ Hahoi Barak ni ahnimouh koe, na cetkhai pawiteh ka cei van han, na cet hoehpawiteh ka cet van mahoe atipouh.

⁹ Hahoi ahnimouh ni, na ceikhai roeroe han. Hatei na ceinae lamthung ni nama teh minhmai kahawi na hmawt mahoe. Bangkongtetpawiteh, BAWIPA ni Sisera teh napui buet touh e kut daw koe yo han telah ati. Hathnukku, a thaw teh, Barak hoi Kedesh kholah a cei.

¹⁰ Barak ni Zebulun hoi Naphtali hah Kedesh vah a kaw teh, tami 10, 000 touh a cei teh Deborah hai a kâbang van.

¹¹ Ken miphun Heber teh, Mosi e a masei napui Hobab e catoun, Ken miphunnaw hoi a kampek awh teh Kedesh teng, Zaanannim kaawm e kathen kung koe, rim a sak teh ao awh.

¹² Abinoam capa Barak teh, Tabor mon daw koe a luen tie Sisera koe a dei pouh toteh,

¹³ Sisera ni marang a tawn e naw hoi, a tawn e sumrangleng 900 touh hoi Harosheth-hagoyim hoi Kishion palang totouh a taminaw a pâkhueng.

¹⁴ Deborah ni Barak teh, thaw haw, Sisera teh BAWIPA ni na kut daw koe poenae hnin a pha toe. BAWIPA teh na hmalah yo a cei toe vaiyaw telah atipouh. Barak ni Tabor mon daw koe hoi a hnukkâbang tami 10, 000 touh hoi a cathuk sin.

¹⁵ Hahoi, BAWIPA ni Sisera hoi a marangnaw hoi a ransanaw pueng teh, Barak hmalah koug a thei pouh. Sisera ma teh, amae rangleng daw koe hoi a kum teh, a khok hoi a yawng.

¹⁶ Hahoi Barak ni rangleng hoi ransanaw hoi Harosheth-hagoyim kho totouh a pâlei teh, Sisera ransanaw pueng teh tahloi hoi he a thei awh. Buet touh boehai hlout a hoe.

¹⁷ Hateiteh, Sisera teh a khok hoi Ken tami Hiber e yu Jael e rim daw koe a yawng. Bangkongtetpawiteh, Hazor siangepahrang Jabin hoi Ken tami Haber rim imthungkhunaw hoi a kâhuiko awh.

¹⁸ Jael ni Sisera kâhmo hanlah a tâco teh, bawipa kâen leih, kai koe kâenh, taket hanh atipouh. A rim thung a kâen sak teh, hni hai a khu.

¹⁹ Hahoi ahni ni, pahren lahoi tui nei hane na poe haw, tui kahran poung atipouh. Hateh, napui ni, maito sanu bom a paawng teh a nei sak hnukkhu hni bout a khu.

²⁰ Hahoi ahni ni, tho koe kangdout nateh tami buetbuet touh ni tongpa hah ao maw telah na pacei pawiteh, awm hoe telah tet pouh lah a, atipouh.

²¹ Hatei, Haber e a yu Jael ni rim a hetnae cawt hoi cakkim a la teh, ngawt a tawn dawk a i lahun nah, arulahoi duem a cei sin teh, a hnâlakheng dawk pawk a het pouh teh, talai dawk moncawm a um, hateh a due.

²² Khenhaw! Barak ni Sisera a pâlei navah, Jael ni kâhmo hanlah a tâco sin teh, tho leih, na tawng e tami teh na patue han atipouh teh, Barak rim thung a kâen navah, Sisera teh a hnâlakheng dawk cawt hoi pawk kâpâcûe lah ao e hah a hmu.

²³ Hat hnin vah, BAWIPA ni Kanaan siangpahrang Jabin teh, Isarelnaw hmalah a sung sak.

²⁴ Isarelnaw teh a tha hoehoe ao awh teh, a hnukteng vah Kanaan siangpahrang Jabin hah a raphoe awh.

5

Deborah hoi Barak thasainae

¹ Hat nah hnin vah, Deborah hoi Abinoam capa Barak ni la a sak roi.

² Kahrawikung bawinaw ni Isarelnaw a hrawi teh, taminaw ni amamouh lungthocalah hoi a kâhmoun awh teh, BAWIPA teh a pholen awh.

³ Oe siangpahrangnaw thai awh haw, Oe bawinaw thai awh haw, BAWIPA koe la ka sak vai, Isarelnaw e BAWIPA Cathut koe la hoi ka pholen vai.

⁴ BAWIPA nang ni Sisera mon lahoi na tho teh, Edom kahrawng hoi taran na tuk navah, talai a kâhuet teh, tâmai dawk hoi kho thouk na rak sak.

⁵ BAWIPA hmalah monnaw teh a kâhuet. Isarelnaw e BAWIPA Cathut hmalah vah, Sinai mon a kâhuet.

⁶ Anath capa Shamgar se nah, Jael se nahaiyah lamthungnaw teh kingdi dawkvah, kâhlawng kacetnaw ni lamtalawi dawk hoi a cei awh.

⁷ Isarel miphunnaw koe bawi kâkuen laipalah ao. Kai Deborah ka tâco hoehnahan, Isarel miphun dawk a manu a tâco hoeh nah totouh, bawi kâkuen laipalah ao.

⁸ Isarelnaw ni cathut kathanaw hah a kârawi awh. Hat toteh, ahnimae khopuinaw hah tarannaw ni a tuk pouh awh.

⁹ Isarel miphun 40, 000 touh teh, bahling, tahroe buet touh hai tawn awh hoeh.

¹⁰ Nangmouh marang pangaw dawk kâcuinaw, kalan lah lawkcengkungnaw, lam dawk na ka cet e naw,

¹¹ a coe awh e hnopainaw hah, tuido teng a kârei awh e lawk na thai awh navah, la sak awh. BAWIPA e lannae, Isarel khocanaw koe lannae lahoi thaw tawknae naw hah hote hmuen koe a pholen awh han. Hahoi teh, amamouh onae kho koelah, BAWIPA e taminaw teh bout a ban awh toe.

¹² Kâhlaw leih, kâhlaw leih, Deborah kâhlaw leih. Kâhlaw leih, la sak leih. Tho haw Barak, na man e taminaw hah thokhai haw, Oe Abinoam capa.

¹³ Na man awh e taminaw thokhai haw. Kacawie naw teh ransanaw koe a ban awh. BAWIPA e taminaw ni a tha kaawm, athakaawme taminaw tuk hanlah kai hanlah a cei awh.

¹⁴ Amalek tengpam kaawm e naw niyah, Ephraim hoi a kamthaw awh. Ahnimae hnuklah, na ransabawinaw thung dawk e Benjaminnaw teh a kâbang awh. Makhir bawinaw, Zebulun kâ kapoekungnaw teh a kamthaw awh.

¹⁵ Issakhar bawi hai Deborah hoi a tho teh, Issakhar teh Barak ni a kâuep e lah ao awh. Barak hnuk vah ayawn dawk a pâlei awh. Reuben miphunnaw teh lungthin kâounnae a tawn awh.

¹⁶ Nang ni tu hram lawk thai hanelah, bangkongmaw mon rahak vah sut na tahung. Reuben miphunnaw teh lung koug a samphei awh.

¹⁷ Gilead teh Jordan namran lah ao. Dannaw teh long kâhatnae koe bangkongmaw sut ao awh vaw. Ashernaw teh long kâhatnae koe a kongteng vah, kâroe laipalah bangkongmaw sut ao rumram awh vaw.

¹⁸ Zebulunaw teh hring poe ditouh a lungsa awh. Naphtalinaw hai ka rasang e kahrawngnaw dawk a lungsa awh.

¹⁹ Siangpahrangnaw ni a tho awh teh, a tuk awh. Kanaan siangpahrangnaw ni Megiddo tui Taanakh kho teng a tuk awh ei, sui ngun hnopai lawm thai awh hoeh.

²⁰ Kalvan lahoi taran tuk a kabawp awh teh, Âsinaw a kâhei awh navah, Sisera teh a tuk awh.

²¹ Ahnimanaw teh kalawng e Kishion tui ni he a pâyo awh. Oe ka muitha nang ni athakasaipoung e na tâ toe.

²² Hat toteh, marangransanaw ni marangnaw a yawng sak awh teh, marangnaw ni talai hah khoktabei hoi a takhawi laihoi a yawng awh.

²³ Meroz teh thoebo hottelah BAWIPA e kalvantami ni ati. Athung e kaawm e puenghai thoebo haw. Bangkongtetpawiteh, BAWIPA a kabawp hoeh dawk doeh. Athakaawme tuk han BAWIPA kabawp hoeh dawkvah.

²⁴ Ken tami, Heber e a yu Jael teh, napui thung dawk a yawkahawipoung e lah awmseh. Rim thung kaawm e napui thung dawk, a yawkahawipoung e lah awmseh.

²⁵ Tui a hei nah, Jael ni maito sanutui a pânei. Bawi manang dawk hoi maito sanutui a poe.

²⁶ Rim hetnae cawt a la teh, aranglae kut hoi thaw tawknae cakkin hoi Sisera teh a hem teh, a hnâlahheng dawk pawkkayawng lah a hem.

²⁷ A khok koe a rawp teh a rawpnae hmuen koe a due.

²⁸ Hlalangaw dawk hoi a khet teh Sisera manu ni a khui. Bangkongmaw ahnie sumranglengnaw teh, bangkongmaw a tho hnai hoeh. Rangleng khoknaw teh bangkongmaw a hnawng telah a khui.

²⁹ A lungkaang e napuinaw ni a dei pouh e hloilah, amahoima ni a kâpathung e teh,

³⁰ amamouh ni a hmu awh e hnonaw a kârei awh mue toe. Ransanaw koe tanglakacuem buet touh hoehpawiteh kahni touh, Sisera hanlah, asî bu e khohna, a em kaawm lah asî bu e khohna, a lahuen dawk awi hane, ka talue e khohna hah a lawp awh teh, a kârei awh mue toe telah ouk a khui.

³¹ Hot patetlah a tarannaw pueng teh, be rawk naseh. Hateiteh, BAWIPA ka lungpataw naw teh kanî a tâco e patetlah, a tho onae hah kho lah yansei seh, telah la a sak awh.

Hahoi hote ram teh kum 40 touh a roum.

6

Midian ni Isarel rektapnae

¹ Isarelnaw ni BAWIPA mithmu vah hno kahawihoehe a sak awh, hatdawkvah, BAWIPA ni Midian kut dawk kum 7 touh san a toung sak.

² Midiannaw ni Isarelnaw teh a rektap dawkvah, Isarelnaw ni kâhro nahanlah mon dawk talai kâkhu ka cak poung lah a tai awh.

³ Bangkongtetpawiteh, Isarelnaw ni law a sak aw h nah tangkuem koe Midiannaw, Amaleknaw, hoi Kanitholae taminaw ni pou a tho sin aw h teh, pou a tuk aw h.

⁴ Isarel ram thungvah tungpup rim a sak aw h teh, talai daw k e ka paw e caticamu pueng Gaza totouh a raphoe pou h aw h. Isarelnaw ni kâkaw knae banghai tat pout laipalah, tu, maito, la totouh pek pou h aw h hoeh.

⁵ Bangkongtetpawiteh, ahnimou h ni saring hoi rim khuehoi sam tong yit tou h ka phat lah a tho aw h. Amamou h hoi kalauknaw teh tou k thai lah aw m hoeh. Isarel ram raphoe hanelah a tho aw h.

⁶ Midian kecu daw k Isarel teh puenghoi roedeng a khang aw h daw kvah, BAWIPA a kaw aw h.

⁷ Midiannaw kecu daw k Isarel ni BAWIPA a kaw toteh,

⁸ Isarelnaw koe BAWIPA ni profet buet tou h a tha pou h.

⁹ Na ka rektap e Izip kut daw k hoi thoseh, na ka pacekpahleknaw kut daw k hoi thoseh, nangmanaw na taran ahawi aw h teh, ahnimanaw hah nangmou h hmalah ka pâlei vaiteh, a ram roup na poe aw h han.

¹⁰ Kai teh nangmae BAWIPA Cathut doeh. Nangmou h na onae daw k kaaw m e Amonnaw e cathutnaw hah taket aw h hanh, ka ti eiteh, ka law k hah na ngai aw h hoeh atipou h.

Gideon kawnae

¹¹ Hahoi BAWIPA e kalvantami a tho pou h teh, Ophrah kho, Abiezrit capa Joash e kathen kung rahim vah a tahung. Joash e capa Gideon teh amae cang hah Midiannaw ni a pâphawng hoeh nahanelah, misur katinnae teng vah a katin pou h.

¹² BAWIPA e kalvantami ni ahni koe a kamphawng pou h teh, athakaawme ransa, BAWIPA teh nang koe ao atipou h navah,

¹³ Oe BAWIPA Cathut teh maimou h koe aw m pawiteh, bangkongmaw hete hnonaw teh maimou h koe a pha sak vaw. Mintoenaw teh BAWIPA ni Izip ram hoi a tâco sak aw h nahoehmaw, kai koe ouk a dei aw h e kângairuhnonaw te nâne. Hatei, atuteh BAWIPA ni na pahnawt teh, Midian kut daw k na poe toe khe telah a ti.

¹⁴ Hahoi Bawipa ni a kamlang sin teh, atu na tawn e thaonae kâuep hoi cet haw, Midian kut daw k hoi Isarel teh rasat haw, Kai ni na patoun e nahoehmaw atipou h.

¹⁵ Hahoi teh Gideon ni, BAWIPA kaimou h ni Isarelnaw bangtelah hoi maw ka rasa thai aw h han vaw. Ka mipun teh Manasseh thung daw k hoe ka mathoe e, kama hai thoseh ka hmaunawng ha thung daw k kathoungpounge lah ka o.

¹⁶ Hahoi BAWIPA ni a pato teh, hatei nang koe ka o han, Midiannaw teh tami buet tou h na thei e patetlah na thei han doeh atipou h.

¹⁷ Gideon ni nang koehoi minhmai kahawi ka hmawt pawiteh, nang hoi atu kâpatonae panue nahanelah, kamnuenae hno buet tou h na hmawt sak haw.

¹⁸ Hno buetbuet tou h ka sin vaiteh, na hmalah ka thokhai hoehroukrak hete hmuen koehoi na kampuen pou h hanh ei a telah ka kâhei navah ahni ni, na ban hoehroukrak ka o han a ti.

¹⁹ Gideon ni a cei teh, hmaeca buet tou h, tavai ephah buet tou h, tonphuenhoehe vaiyeinaw hah a sin teh, hmae moi hah tangthung daw k a pâseng teh, hmae moi hang teh hlaam daw k a ta teh, kalvantami aonae koe bengkengkung rahim a sin teh a poe.

²⁰ Hahoi Cathut e kalvantami ni ahni koe, moi hoi tonphuenhoehe hah lat loe, hete talung van hrueng loe, a hang hoi awi loe atipouh. Hottelah a sak pouh.

²¹ Hahoi teh, BAWIPA e kalvantami ni a kut dawk a sin e sonron a dâw teh, moi hoi tonphuenhoehe vaiyei hah a nep. Hahoi talung thung hoi a tâco teh, moi hoi tonphuenhoehe vaiyei hmai he a kak pouh. BAWIPA e kalvantami teh yout a kahma pouh.

²² Hat torei teh, Gideon ni BAWIPA e kalvantami tie a panue. Hahoi teh, Oe Bawipa Jehovah, atuteh BAWIPA e kalvantami minhmai rek ka hmu toe a ti.

²³ BAWIPA ni na lungpuen hanh. Yawhawinae awmseh. Nang teh na dout mahoe.

²⁴ Hote hmuen koe Gideon ni Bawipa hanlah thuengnae a sak teh, BAWIPA teh roumnae (Jehovah-shaloam) telah a phung. Abiezrit capa e hmuen koe Ophrah kho dawk sahnin ditouh ao.

²⁵ Hote hnin tangmin vah BAWIPA ni na poe e maito matawng hoi apâhni e kum sari touh e maitotan hah sin nateh, na pa ni a sak e Baal cathut thuengnae khoungroe hah raphoe nateh, khoungroe teng kaawm e Asherah thing hah tâtueng loe.

²⁶ Kai ni ka dei e patetlah hete talung van vah, BAWIPA hanlah thuengnae khoungroe na sak hnukkhu, na tâtueng e thing hoi apâhni e maito hah hmaisawi thuengnae lah sak loe atipouh.

²⁷ Gideon ni amae sannaw 10 touh a kaw teh, BAWIPA ni a dei e patetlah a sak, a na pa e imthungkhunaw thoseh, khocanaw thoseh a taki teh, kanîthun vah a sak ngam hoeh dawkvah tangmin vah a sak.

Gideon ni Baal thuengnae khoungroe a raphoe

²⁸ Amom khocanaw a thaw awh navah, Baal cathut e khoungroe peng a kâraphoe teh, ateng kaawm e Asherah thing hai a rawp teh, a hnukkhu sak e thuengnae khoungroe van vah, apâhni e maitotan thueng e hah a hmu awh.

²⁹ Hat toteh, hete hno heh apimouh ka sak telah buet touh hoi buet touh akung a kâkhei awh navah, hete hno teh Joash capa Gideon ni a sak telah tami tangawn ni ati awh.

³⁰ Hattoteh khocanaw ni Joash koe, nange capa ni Baal cathutnaw e khoungroe peng a raphoe teh, ateng kaawm e Asherahkung hah a tâtueng dawkvah, ahni teh thei hanelah tâcawt sak hottelah atipouh awh.

³¹ Hateiteh, Joash ni ahnimouh koe nangmouh teh Baal cathut koelah maw na kampang awh han, hotnaw na rungngang awh han, ahni koelah kampang e tami teh, khodai hoehnahan dout lawiseh. Baal teh cathut katang pawiteh, ahnie thuengnae khoungroe a raphoe kecu dawk, ama ni a sak e teh amamouh ni khang na lawiseh, telah bout atipouh.

³² Hottelah Baal cathut e khoungroe ka raphoe e tami teh, amamouh ni a sak e patetlah ahni ni khang sak lawiseh, ati teh, amae capa hah hat hnin vah, Jerubbaal telah a min a phung.

³³ Hattoteh Midian tami, Amalek tami, Kanîtholae tami pueng a kamkueng awh teh, Jezreel yawn tanghling dawk a roe awh.

³⁴ BAWIPA e Muiha teh Gideon koe a pha. Gideon ni mongka a ueng teh, Abiezer capanaw ni a hnuk a kâbang awh.

³⁵ A patounenaw hah Manasseh ram pueng dawk a patoun teh, Manasseh miphun pueng ni a kâbang awh. Asher ram, Zebulun ram,

Naphtali ram koe lahai a patounenaw bout a patoun teh, ahnimanaw hai kamkhuengnae koe a tho aw h.

Tumuen mitnout

³⁶ Gideon ni Cathut koe nang ni na dei e patetlah Isarel miphunnaw hah kaie kut daw k hoi na hlout sak katang han na pawiteh,

³⁷ kai ni tu buet touh e muen hah thongma daw k ka ta han. Hote tumuen teh tadamtui cukruk bawm boilah, talai remphui pawiteh, na dei e patetlah Isarel miphunnaw kaie kut daw k hoi na rungngang han tie hah ka panue han.

³⁸ Hatteh ka hei e patetlah ao. Amom a thaw teh, tumuen a kasu boteh tadamtui kawlung buet touh yikkawi.

³⁹ Gideon ni na lung khuek sak hanh ei, vai touh bout ka dei einei. Tu buet touh e muen hoi atu vai touh dueng na tanouk sak ei. Talai pueng tadamtui a duk vaiteh, tumuen remphui naseh, telah Cathut koe a hei e patetlah,

⁴⁰ hote karum hai Cathut ni a sak pouh teh, talai pueng a duk teh tumuen remphui lah ao.

7

Gideon e tami 300 touh

¹ Hottelah Jerubbaal (ahni teh Gideon doeh) hoi ahni koe kaawm e tamihu pueng hah amom vah a thaw aw h teh, Harod tuikhu teng vah a roe aw h. Hottelah Midiannaw roenae teh a onae atunglah Moreh mon teng, tanghling daw k doeh.

² BAWIPA ni Gideon koe ahnimae kut daw k Midiannaw pek nahanelah nang koe kaawm e naw teh kai hanelah ekvoi apap aw h. Hoehpawiteh, Isarel ni kamamae kut roeroe ni ka rungngang aw h e doeh ti hoi, kai na taran aw h vaiteh, a kâoup payon aw h han doeh.

³ Hatdawkvah, atu tamimaya thai nah koe, ka taket ni teh ka pâyaw e pueng Gilead mon koehoi tang ban aw h naseh telah na dei pouh han telah ati. Hottelah tamimaya thung hoi tami 22, 000 touh a ban aw h teh, 10,000 touh a cawi aw h.

⁴ Hatei, BAWIPA ni Gideon koe vah, tami apap poung rah. Tui koe cetkhai nateh haw vah ka tanouk han. Hat toteh, hete tami heh nang koe cet naseh ka tie teh, nang koe cet naseh, hahoi hete tami teh nang koe cet han naseh ka tie teh cet han naseh.

⁵ Hottelah tamimaya teh tui koe a ceicathuk khai. Hat toteh, BAWIPA ni Gideon koe, ui patetlah a lai hoi tui ka palem e pueng hah na kapek han, hot patetvanlah tabut laihoi tui ka sarawp e pueng hai na kapek han, telah atipouh.

⁶ A kuttabei hoi tui ka duek ni teh ka palem tami 300 touh a pha. Hatei, tami alouk pueng teh khokpakhu cuengkhuem laihoi tui ka sarawp e seng doeh.

⁷ BAWIPA ni Gideon koe vah, palem lah ka palem e tami 300 touh hno lahoi na rungngang aw h vaiteh, Midiannaw hah nangmae kut daw k na poe aw h han. Tami alouk pueng teh amamae onae koe koug ban aw h naseh, telah atipouh.

⁸ Hottelah, tami pueng ni a ca aw h hane hoi mongka hah a la aw h teh, kacawi e Isarelnaw pueng teh amamae rim koe a ban sak aw h teh, tami 300 touh a kamcin sak aw h. Midiannaw roenae teh akalah doeh.

⁹ Hatnae tangmin vah, BAWIPA ni ahni koe, thaw nateh ahnimouh roenae koe cathuk sin haw, na kut daw k na poe toe.

10 Hatei, cathuk sin hane na taket pawiteh, na san Purah hoi rim koe cathuk roi haw.

11 A dei aw h e na thai vaiteh, hat hnukkhu ahnimae roenae taran lahoi cei hanelah na kut hah thaosak lah ao han, telah ati. Hattoteh a san Purah hoi roenae hmuen karingkungnaw onae koe a takhang roi.

12 Hahoi Midiannaw hoi Amaleknaw hoi Kanîtholae taminaw pueng teh tanghling daw k samtongnaw patetlah numnum a kâlî aw h. Ahnie kalauknaw teh boeba touk thai hoeh, tuipui teng e sadi patetlah doeh a o.

13 Hatteh, Gideon a tho toteh tami buet touh ni a hui koe a mang hah a rui pouh, thaihaw! mang ka tawn. barli vaiyei phen heh Midiannaw tungpupnae koe a kamlei teh, tungpupnae rimnaw bungling lah a rawp nahane lah reprep a ten pouh, telah a ti.

14 A hui ni, hothateh Isarel tami Joash capa e tahloi laipalah alouk mahoeh. Cathut ni Midiannaw hoi a rimnaw pueng teh a kut daw k a poe toe tinae doeh, telah a ti.

15 Hahoi, Gideon ni mang hoi a deicainae a thai toteh, Cathut hah a baw k. Isarel roenae hmuen koe a ban teh, thaw aw h haw, bangkongtetpawiteh, BAWIPA ni Midiannaw roenae hmuen teh nangmae kut daw k a poe toe, telah a ti.

16 Hote tami 300 touh e hah hu thum touh lah a kapek teh, ahnimae kut daw k mongka hoi hlaam hrawng hoi a thung vah hmaito khue hoi rip a poe.

17 Ahnimouh ni ahni koe, na khen aw h nateh ka sak e patetlah na sak aw h van han. Hahoi kenhaw! roenae hmuen koe ka pha toteh, ka sak e patetlah ruengrueng na sak aw h han.

18 Kai hoi kai koe kaawm e pueng ni mongka ka ueng aw h toteh roenae rim petkâkalup lah kaawm e pueng ni lengkaleng na ueng van aw h vaiteh, BAWIPA hoi Gideon e tahloi, na ti aw h han.

Gideon ni Midiannaw a tâ

19 Hottelah Gideon hoi ama koe kaawm e tami 100 touh teh karum ramvengnaw nuengnueng a kâhleng aw h nah kalekkalak vah, roenae rim koe a pha aw h. Hahoi mongka a ueng aw h teh a kut daw k e hlaam hah lengkaleng rek a hem aw h.

20 Avoi lahoi hmaito a sin aw h teh arang lahoi ueng hane mongka a sin aw h teh, BAWIPA hoi Gideon e tahloi, telah a târue aw h.

21 Roenae rim petkâkalup lah kaawm aw h e tami pueng ni amamouh onae lengkaleng koe a kangdue aw h teh ransanaw pueng teh a yawng laihoi a kangheng aw h.

22 Hahoi 300 touh ni mongka a ueng aw h torei teh, BAWIPA ni a roenae hmuen koe amamouh hoi amamouh tahloi hoi a kâbouk sak teh, ransanaw hah Zererah koelae Beth-shittah, Tabbath teng e Abel-meholah ramri totouh a kangheng aw h.

23 Isarelnaw teh hmuen touh koe Naphtali, Asher, hoi Manasseh pueng ni a kamkhueng aw h teh Midiannaw hah a pâlei aw h.

24 Hottelah Gideon ni Ephraim mon pueng koe patouenaw a patoun teh, Midiannaw tuk hanelah cathuk aw h nateh, Beth-barah hoi Jordan totouh tui a onae hah sut pawm aw h, telah ati. Hottelah Ephraimnaw pueng teh a kamkhueng aw h teh Beth-barah hoi Jordan totouh koun a la aw h.

25 Hahoi Midian ransabawi kahni touh Oreb hoi Zeeb hah a man aw h. Oreb teh Oreb lungsong koe a thei aw h teh, Zeeb teh Zeeb misur katinnae tangkom daw k a thei aw h. Midiannaw hah a pâlei aw h teh, Oreb hoi Zeeb e lû teh Jordan palang namran lah Gideon koe a poe aw h.

8

Gideon ni Midian a ta

¹ Ephraim ni nang ni Midiannaw na tuk navah, Bangkongmaw kaimanaw hai na kaw aw hohew vaw. Kaimouh bangmaw ka sak telah thok a kâoun aw h.

² Gideon ni nangmouh ni na sak e patetlah kai ni bangmaw ka sak. Abiezer misur khi e hlakvah Ephraim misur pâkhueng e ahawihnawn.

³ Cathut ni Midiannaw e ransabawi Oreb hoi Zeeb teh nangmae kut daw k na poe toung nahoehmaw. Nangmouh ni na sak aw h e patetlah kai ni bangmaw ka sak tie lawk bout a dei pouh e lawk ahnimouh ni a thai torei teh a lungupti aw h.

⁴ Gideon ni Jordan tui koe a pha aw h torei teh, ama koe kaawm e tami 300 touh ni pueng hoi tawn nalaihoi a pâlei teh Jordan a raka aw h.

⁵ Sukkoth khonaw hanelah kai ka hnukkâbangnaw hah vaiyei poe haw. Ahnimouh teh nget a tawn aw h toe, Midian siangpahrang Zebah hoi Zalmunna hah atu ka pâlei aw h atipouh.

⁶ Sukkoth bawinaw ni Zebah hoi Zalmunna hah na kut daw k kaawm tangcoung e patetlah maw ransanaw hah vaiyei ka poe han vaw telah ati aw h.

⁷ Gideon ni hete hno kecu daw k BAWIPA ni Zebah hoi Zalmunna ka kut daw k na poe toteh kahrawng kawthaknaw hoi na tak daw k kâpaw nrayak lah na hem han telah atipouh.

⁸ Hahoi Penuel kho lah a cei teh, hot patetvanlah, ahnimouh koe a dei pouh eiteh, Penuelnaw ni hai Sukkoth khonaw ni a dei e patetlah a dei pouh aw h.

⁹ Gideon ni kai karoum lahoi bout ka tho toteh, hete imrasang heh he ka raphoe han atipouh.

¹⁰ Hahoi tahloi ka patuem e tami 120000 a due aw h toe. Kanîtholae ransanaw thung daw k e ka cawi rae 15000 tabang a hrawi teh Zebah hoi Zalmunna teh Kakor kho ao aw h.

¹¹ Gideon ni Nobah kho hoi Jobehah kanîtholah im daw k kho ka sak e naw a cei teh a roenae rim hah ring laipalah onae tueng daw k ransanaw hah a tuk aw h.

¹² Zebah hoi Zalmunna a yawng roi toteh Gideon ni a pâlei teh rim a raphoe pouh. Midian siangpahrang kahni touh Zebah hoi Zalmunna a man aw h teh, ransanaw pueng teh koug a kayei aw h.

¹³ Hahoi, Joash capa Gideon teh kanîtho hoehnahlan tarantuknae koehoi bout a ban teh,

¹⁴ Sukkoth kho e thoundoun buet touh a man aw h teh lawk a pacei. Ahni niyah Sukkoth kho e kaawm bawinaw a lungkahanaw e tami min 77 touh a dei pouh.

¹⁵ Gideon ni Sukkoth khonaw koe a cei teh, Zebah hoi Zalmunna teh kenhaw! hete taminaw ni maw Zebah Zalmunna teh na kut daw k kaawm e patetlah a tha a tawn nah vaiyei na poe han maw na ka tet ni teh, na ka pacekpahlek e khe atipouh.

¹⁶ Hahoi kho daw k e a lungkahanaw a kaw teh, kahrawngum e kawthak hoi Sukkoth kho e taminaw hah a hem.

¹⁷ Penuel kho imrasang hai a raphoe pouh aw h teh, khocanaw hai be a thei aw h.

¹⁸ Zebah hoi Zalmunna koevah Tabor kho daw k e na thei e naw tami nâyittouh maw ka phat telah ati. Ahnimouh ni nang nama patet doeh. Siangpahrang capa hoi koug a kâvan aw h atipouh.

¹⁹ Ahnimouh ni ka hmaunawnggha anu e capa doeh, BAWIPA a hring e patetlah ahnimouh teh pâhlung aw h pawiteh kai ni na thet aw h mahoe h ei atipouh.

²⁰ Hahoi a camin Jether koe vah, thaw nateh thet haw atipouh. Hatei ahni ni a tahloi rayu hoeh. Bangkongtetpawiteh, a naw rah ni teh a taki.

²¹ Hathnukkhu hoi Zebah hoi Zalmunna ni nang nama thaw nateh na thet leih. Bangkongtetpawiteh tongpa na tho e patetlah na thayung hai te lah doeh ao rah atipouh. Hahoi Gideon ni a thaw teh, Zebah hoi Zalmunna teh a thei teh, ahnimae kalauk lahuen daw k awi sak e dingyin hah a rading pouh.

Gideon Ephod

²² Hot patetlah Isarel naw niyah Gideon koe nang nama ni na uk aw h leih, na capa hoi na ca catoun ditouh. Bangkongtetpawiteh, Midiannaw e kut daw k hoi na rungngang toe atipouh aw h.

²³ Hateiteh, Gideon ni kai ni na uk aw h mahoe h. Ka capa ni hai na uk aw h mahoe h. BAWIPA ni na uk aw h han atipouh.

²⁴ Gideon ni nangmouh koe hno buet touh hei han ka ngai. Tami pueng ni na tarannaw kut daw k e na lae hnâpacapnaw hah be na poe haw atipouh. Bangkongtetpawiteh, tarannaw teh Ishmael miphun lah ao aw h dawkvah sui hnâpacap koug a tawn aw h.

²⁵ Ahnimouh ni lungthocalah hoi na poe han atipouh aw h. Hahoi hni a phai pouh aw h teh taminaw pueng ni amamouh ni a la aw h e hnâpacapnaw hah a poe aw h.

²⁶ Sui hnâpacap a hei e naw teh Shekel 17000 touh a pha. Dingyin hoi laikaw, Midian siangpahrangnaw ni a kâkhu aw h e hni paling hoi kalauk ni a lahuen daw k awi e naw hai bout a hmu sin.

²⁷ Gideon ni a poe aw h e sui hoi Ephod a sak teh a onae Ophrah kho vah a ta. Hote hmuen koe Isarel naw pueng ni a yon aw h. Gideon hoi imthungkhunaw hanelah hai karap lah ao.

²⁸ Hot patetlah Midiannaw teh Isarel catounnaw koe a sung aw h teh kâroe thai aw h hoeh toe. Hahoi Gideon a hring na thung hote ram teh kum 40 touh thung karoumcalah ao.

Gideon duenae

²⁹ Joash capa Jerubbaal teh a cei teh ama im vah ao.

³⁰ Gideon ni a ma thung hoi ka tâcawt e capa 70 touh a tawn. Bangkongtetpawiteh, a yu moi a pap dawkvah.

³¹ Shekhem kho kaawm e ado ni hai capa a khe teh a min lah Abimelek a phung.

³² Joash capa Gideon a matawng toteh a due teh, Abiezrit tami Ophrah kho e Joash tangkom daw k a pakawp aw h.

³³ Joash capa Gideon a due tahma hoi Isarel catounnaw Baal cathut koe a kâyo aw h dawkvah, Baalberith hah a cathut lah a ta aw h.

³⁴ A tenggam e tarannaw kut daw k hoi ka rasat e amamae BAWIPA Cathut hah a pahnim aw h.

³⁵ Isarel naw lathueng vah hawinae ka sak e Jerubbaal (Gideon) imthungkhu koe boehai pahrennae kamnuek sak ngai aw h hoeh.

¹ Jerubbaal capa Abimelek teh Shekhem kho vah a manu e a thangroi koe a cei teh, a manu a na pa imthungkhunaw hah a kâhmo teh,

² Shekhem kho e taminaw pueng be ka thai lah a dei e lawk teh, Jerubbaal capa abuemlah 70 touh ni na uk awh e maw ka hawihnawn han, tami buet touh ni na uk e maw kahawi han, dei haw kai hai nangmae thitak hoi kâkuen e doeh tie hah pahnim aw hah.

³ A manu e thangroinaw ni Shekhem kho e taminaw pueng be ka thai lah a dei pouh. Hahoi teh Abimelek hnukkâbang hane a lung koug a tho aw h, bangkongtetpawiteh, ama teh maimae hmaunawng hah doeh ati aw h.

⁴ Hahoi Baalberith bawkim hoi tangka 70 touh a poe. Hote tangka hoi Abimelek ni lunglenpansa lah kaawmnaw a coun teh, ahnimouh ni ama hnuk a kâbang aw h.

⁵ Ophrah kho a na pa im vah a cei teh, Jerubbaal capa a hmaunawng-hanaw 70 touh talung buet touh van koug a thei. Hateiteh, Jerubbaal capa a cahnoun Jotham teh a kâhro teh a hring.

⁶ Hahoi Shekhemnaw pueng hoiyah, Bethmillo taminaw pueng a kamkhueng aw h teh, Abimelek teh Shekhem kho talung a ungnae kung koe kathen kung koevah siangpahrang lah a sak aw h.

⁷ Hote kong Jotham ni a thai torei teh, Gerizim mon a cei teh, monsom a kangdue teh a lawk hoi tha hoi a hramkhai e teh, Oe Shekhemnaw voi Cathut ni nangmae lawk a tarawi thai nahan kaie ka lawk hah thai aw h haw.

⁸ Thingkungnaw ni siangpahrang lah satui awi hanelah a cei aw h teh olive thing hanelah, nang ni kaimouh na uk loe atipouh aw h.

⁹ Hatei, olive thing ni ahnimouh koe, Cathut hoi tami barinae ka satui heh poutsak vaiteh, thingkung nangmouh koe maw kai ka kap han toung telah atipouh.

¹⁰ Hahoi thingkungnaw ni thaibunglung koevah, nang ni kaimouh na uk leih, atipouh.

¹¹ Hatei, thaibunglung ni ahnimouh koevah, ka radipnae hoi a pâw ka thawnae poutsak vaiteh, thingkungnaw koe maw ka kap han toung, telah atipouh

¹² Hahoi thingkungnaw ni Misurkung koevah, nang ni na uk aw h hottelah atipouh.

¹³ Misurkung ni ahnimouh koe Cathut hoi tami a lungkahawi sak e ka tui ka hang heh poutsak vaiteh, thingkungnaw koe maw ka kap han toung telah atipouh.

¹⁴ Hahoi thingnaw pueng ni pâkhing nang kaimouh na uk leih atipouh.

¹⁵ Pâkhing ni thing koevah, na siangpahrang hanlah satui na awi katang pawiteh, tho aw haw ka tâhlip dawkvah kângue aw h. Hatei, satui koe na awi aw h hoehpawiteh pâkhing daw k hoi hmai tâcawt vaiteh, Lebanon mon daw k kaawm e Sidar thing koug kang naseh atipouh.

¹⁶ Atuteh nangmouh ni Abimelek teh siangpahrang lah na sak aw h dawkvah, a lawkkamnae kalancalah a caksak teh Jerubbaal hoi ahnie miphunnaw hah kahawicalah a khet teh, coe hane kamcu e ahni daw k na sak aw h toung maw. Lungma hane kâkilah na sak pouh boum teh,

¹⁷ kaie apa ni ahnimouh hanlah ransa a thaw teh a hringnae a kâhmoun khai hoi nangmanaw teh Midiannaw e kut daw k hoi na rungngang aw h.

¹⁸ Nangmanaw ni apa imthungkhu daw k ransa na thaw aw h teh, a capa 70 touh talung buet touh van koug na thei aw h teh, na hmaunawng hah lah kaawm e a sannu capa Abimelek hah Shekhemnaw hane siangpahrang lah na sak aw h.

19 Atuteh nangmanaw ni Jerubbaal hoi a miphunnaw koe Atangcalah lawk na kam aw h boum teh Abimelek koevah na lung hawi aw h. Ama hai nangmouh koevah a lung hawi naseh.

20 Telah hoehpawiteh, Abimelek koehoi hmaisaan tâcawt naseh. Shekhemnaw hoi Bethmillo taminaw hah koug kang naseh. Hahoi Shekhem hoi Bethmillo koehoi hmai tâcawt naseh, Abimelek hah kang naseh telah a ti.

21 Jotham teh karanglah a yawng, a hmau Abimelek a taki kecu dawkvah, Beer kho a cei teh hawv ah ao.

Abimelek bonae

22 Abimelek ni Isarel naw kum thum touh a uk hnukkhu hoi,

23 Cathut ni Abimelek hoi Shekhemnaw e rahak vah ka mathout e mui tha hah a tha pouh teh, Shekhem kho e taminaw ni Abimelek e lawkkam e a raphoe aw h.

24 Hot teh Jerubbaal capa 70 touh tak daw k kahawihoe h lahoi a sak kecu dawkvah, amamae tak daw k moipathung hane a pha thai nahan hoi, kathetkung Abimelek tak daw k hai a hmaunawng hane thei sak hanlah kampakhaie Shekhem a lungkahanaw koevah a thi phu a um nahanelah doeh.

25 Shekhemnaw niyah Abimelek teh lawp han a ngai aw h dawkvah, taminaw monsom a pawp sak aw h. Ahnimanaw ni kahlawng ka cet e nau pueng hnopainaw a lawp aw h teh a la pouh aw h. Hote kamthang hah Abimelek ni a thai.

26 Ebed capa Gaal ni amae hmaunaw hoi cingtalah Shekhem kho a kâen aw h teh, Shekhemnaw ni a kângue aw h.

27 Takha daw k e misurpaw naw a khi aw h teh a phunep sak aw h. Hahoi amamae cathut im daw k a cei aw h teh, Abimelek teh thoe a bo aw h.

28 Hahoi Ebed e capa Gaal ni Abimelek teh apimaw, Shekhem teh apimaw, a thaw khuet taw k pouh han vaw. Jerubbaal capa nahoe hmaw. Zebul heh a bawi nahoe hmaw. Shekhem na pa Hamornaw e thaw hah taw k pouh naseh. Bangkongmaw ahnima e thaw khuet taw k pouh han vaw.

29 Kâtawnae rahim vah hete taminaw ni ao to duengvah, Abimelek teh ka takhoe han telah ati. Hahoi Abimelek koevah na ransanaw kârakueng nateh kamthaw aw h atipouh.

30 Ebed e capa Gaal ni a dei e lawk khobawi Zebul ni a thai toteh, a lung thouk a khuek.

31 Hat terei teh, arulahoi Abimelek koevah patounenaw a patoun aw h teh khenhaw! Ebed capa Gaal hoi a hmaunaw Shekhem vah a tho aw h teh, khenhaw! nang nama na taran hanelah hoiyah khocanaw a tacuek aw h.

32 Hatdawkvah, atu na taminaw hoi karum lah kamthaw nateh, law hoi nangmouh ni pawm aw h lawih.

33 Hahoi teh hettelah han. Amom kanitho tahma kho hah tuk aw h lawih. Khenhaw! ama hoi a taminaw ni na tuk aw h terei teh, nangmouh ni atueng kahawi na hmu aw h e lahoi yah tuk aw h lawih atipouh.

34 Hot patetlah, Abimelek hoi a taminaw teh, karum vah a thaw aw h teh, phu pali touh lah a kâkapek aw h teh, Shekhem kho king a kalup aw h.

35 Ebed e capa Gaal teh a tâco teh, kho thung kâenna e longkha koe a kangdue. Hahoi Abimelek ni a taminaw hoi pawpnae hmuen koehoi a tâco aw h

³⁶ Gaal ni taminaw a hmu toteh, Zebul koevah khenhaw! mon daw k hoiyah taminaw a tho awh telah atipouh. Zebul ni teh mon a tâhlip vaiyaw tamihu patetlah na hmu payon awh atipouh.

³⁷ Gaal ni khenhaw, mon lahoi a kumcathuk e tami tangawn teh Meonenim kathen kung koe lahoi ka tho e naw doeh telah bout atipouh.

³⁸ Zebul ni ahni koevah, Abimelek teh apimaw, a thaw khuet taw k pouh han vaw telah ati e na lawk hah nâmay yo na thak. Hetnaw heh hroung na hnephnap e naw nahoehmaw. Tâcawt sin nateh tuk kanouk khe atipouh.

³⁹ Hahoi teh Gaal ni Shekhemnaw hah a hrawi teh, Abimelek hah a tuk awh.

⁴⁰ Abimelek ni a pâlei awh teh Gaal teh a yawng. Kho thung kêennae longkha koe totouh tami moikapap hmâtan hoi a kamlei awh teh a due awh.

⁴¹ Hathnukkhu hoi Abimelek teh Arumah khopui daw k ao teh, Zebul ni Gaal hoi a hmaunawngnanaw hah Shekhem kho o thai hoeh nahanlah hoi a pâlei awh.

⁴² Atangtho e hnin dawkvah, taminaw pueng teh kho alawilah a tâco han tie hah, Abimelek ni a thai toteh,

⁴³ a taminaw phu thum touh lah a kapek teh, kahrawng lahoi a pawp sak awh. Hahoi bout a khet torei teh, taminaw pueng kho thung hoi a tâco awh teh, ahnimanaw hah a tuk awh.

⁴⁴ Abimelek ni amae a tami phu touh hoi kho longkha koe a yawng sin teh, rek a ngang awh. Alouke phu hni touh ni teh kahrawng lae kaawmnaw hah a yawng sin teh a thei awh.

⁴⁵ Abimelek ni hote hnin daw k teh, hote khopui hah kanîruirui a tuk. Khopui hah a lawp awh teh, khocanaw teh he a thei awh. Khopui hai he a raphoe awh hnukkhu palawi mak a phuen awh.

⁴⁶ Shekhem imrasang daw k kaawmnaw ni hote kamthang a thai awh toteh, Elberith im doeh ka cak ati awh teh, haw e rapanim thung a yawng awh.

⁴⁷ Hahoi Shekhem e imrasang thung kaawm e naw pueng teh king a kamkhueng awh toe tie Abimelek ni a thai navah,

⁴⁸ Abimelek hai ama koe kaawm e naw pueng hoi Zalmon mon daw k a luen awh teh Abimelek ni cakâ a sin. Thingkang a bouk teh a sin teh a taminaw koevah, ka sak e hah na hmu awh e patetlah nangmouh ni hai karanglah sak awh, atipouh.

⁴⁹ Hahoi teh, taminaw pueng ni thingkang bouk e a sin awh teh Abimelek hnuk a kâbang awh. Shekhem kalupnae rapanim hmai tuet a sawi pouh awh. Hottelah, Shekhem imrasang thung kaawm e napui tongpa 1,000 touh hmeng a due awh.

⁵⁰ Hahoi Abimelek teh Thebez vah a cei. Thebez a tuk teh a tâ.

⁵¹ Hahoi teh khopui daw k kacakpoung e imrasang buet touh ao. Kho thung e napui tongpa pueng hote râpan thung koug a yawng awh. Tho king a taren awh teh, hote imrasang van a luen awh.

⁵² Abimelek ni imrasang tuk hanelah rek a hnai teh, takhang koe rek a hnai teh hmai ka sawi han toe ati navah,

⁵³ Napui buet touh ni cakang phawmnae sum avan e talung hoi Abimelek e lû daw k a dei pouh teh a lû rak a kâbawng.

⁵⁴ Ama e senehmaica ka sin e tami hah karanglah a kaw teh, napui ni Abimelek a thei tie lah ao hoeh nahan, nama e tahloi lat nateh kai hah na thun leih atipouh. A san ni a thut teh a due.

⁵⁵ Abimelek a due toe tie Isarelnaw ni a thai aw h toteh, taminaw pueng amamouh onae hmuen koe lengkaleng a ban aw h.

⁵⁶ Hot patetlah Abimelek ni hmaunawng h a 70 touh a thei e hoi a na pa koe a sak e kathoute hah Cathut ni ama koe moi a pathung.

⁵⁷ Shekhem khonaw ni a sak e kathout hno pueng teh Cathut ni amamae lû daw k koug a pha sak. Jerubbaal capa Jotham ni thoebonae hai amamouh koe a pha.

10

Tola

¹ Abimelek hnukkhu Isarelnaw ka rungngang hanlah Issakhar miphun thung e Dodo capa, Puah capa Tola a tâco teh Ephraim mon Shamir vah ao.

² Kum 23 touh thung Isarelnaw a uk teh, hat hnukkhu hoi a due. Shamir vah a pakawp aw h.

Jair

³ Ahni hnukkhu Gilead tami lawkcengkung Jair a tâco. Kum 22 touh thung Isarel hah a uk.

⁴ A capa 30 touh lacanaw daw k ouk kâcui e a tawn. Gilead ram daw k kaawm e kho 30 touh hai a tawn. Hahoi atu totouh Havath Jair telah ati aw h.

⁵ Hahoi Jair teh a due toe. Kamon vah a pakawp aw h.

Jephthah

⁶ Isarelnaw ni BAWIPA mithmu vah yonnae bout a sak aw h. Baal hoi Ashtaroth, Siria cathut hoi Sidon cathut, Moab cathut, Ammon cathutnaw e a thaw hoayah Filistinnaw e cathut thaw hah a taw k aw h. Jehovah a pahnaw t aw h teh, a thaw taw k aw h hoeh toe.

⁷ Hahoi BAWIPA ni Isarelnaw taranlahoi a lungkhuek teh Filistin hoi Ammonnaw e kut daw k koug a yo.

⁸ Jordan palang namran Amor catounnaw e ram Gilead ram kaawm e Isarel catoun kaawm e pueng hah hatnae kum hoi kamtawng teh kum 18 touh thung a rektap aw h.

⁹ Ammon miphunnaw ni hai Jordan palang a raka aw h teh, Judah miphun, Benjamin miphun, Ephraim miphunnaw a tuk aw h teh, Isarelnaw teh puenghoi a reithai aw h.

¹⁰ Hahoi Isarelnaw ni, mamae BAWIPA pahnaw t aw h teh BAWIPA koe yon aw h toe. Baal cathut e thaw ka taw k aw h toe telah BAWIPA koe a hram aw h.

¹¹ BAWIPA ni Isarelnaw koe Izipnaw hoi Amornaw, Ammonnaw hoi Filistinnaw thung hoi kai ni na rungngang aw h nahoehmaw.

¹² Sidonnaw, Ameleknaw, Moannaw ni hai na rektap aw h navah, kai na kaw aw h teh, a kut daw k hoi na rungngang aw h.

¹³ Hatei, nangmouh ni kai na pahnaw t aw h teh, alouke cathutnaw e thaw na taw k takhai daw kvah, kai ni bout na rungngang aw h mahoe h toe.

¹⁴ Na kârawi aw h e cathut koe hram aw h lawih khe. Ama ni na reithainae tueng daw k na rungngang naseh, telah atipouh.

¹⁵ Isarelnaw niyah, BAWIPA koe ka payonae aw h toe. Nang nama ni ahawi na tie lahoi kaimouh ka tak daw k sak nateh, atu vai touh dueng mah kaimouh na rungngang ei hottelah atipouh.

¹⁶ Hottelah alouke cathutnaw a pahnaw t aw h teh, BAWIPA e thaw a taw k aw h. Hahoi teh, Isarelnaw ni rucatnae kecu daw k a lungpataw aw h.

¹⁷ Hahoi Ammonnaw ni cungtalah a kamkhueng aw hah teh, Gilead vah a roe aw hah. Hahoi Isarelnaw ni king a kamkhueng aw hah teh, Mizpah vah a roe aw hah.

¹⁸ Gilead kahrawikungnaw tami buet touh hoi buet touh a kadei aw hah teh, apinimaw Ammonnaw hmaloe a tuk han, hote tami teh Gilead kho lathueng vah kahrawikung lah aw hah seh atipouh.

11

Jephthah

¹ Gilead tami Jephthah teh a thakaawmpoung ni teh tarankahawi poung e a tho, Gilead ni Jephthah a khe. A manu teh kayawt e doeh.

² Gilead yu ni a khe pouh e a capanaw a lung ha toteh, Jephthah teh a hrek aw hah. Kaimouh koe aw hah hanh lawih, apa e raw cungtalah na pang pawm mahoe hah.

³ Jephthah teh a hmaunaw koehoi a yawng teh, Tob ram daw k kho a sak. Jephthah koe ka cungkeihoe hah naw a kamkhueng aw hah teh a kabang aw hah.

⁴ Ammonnaw ni Isarelnaw a tuk hnukkhu hoi atueng sitca daw k hettelah ao.

⁵ Ammonnaw ni Isarel a tuk aw hah toteh, Gilead e a lungkahanaw ni Tob ram hoi Jephthah la hanlah a cei aw hah.

⁶ Hottelah Jephthah koehah, Ammonnaw tuk thai nahanlah tho leih, ransabawi lah na aw hah pou leih atipouh aw hah.

⁷ Jephthah ni Gilead e kacuenaw koe na hmuhma aw hah teh, apa im hoi na palei aw hah nahoe hmaw. Bangkongmaw atu na ngaihawk torei teh kai koe bout na tho aw hah telah atipouh.

⁸ Gilead e kacuenaw ni Jephthah koehah, hete kecu daw k nahoe hmaw Ammonnaw tuk hanelah nang koelah bout ka kamlang aw hah vah. Hahoi Gilead kaawm naw pueng lathueng vah a lu lah aw hah loe atipouh aw hah.

⁹ Jephthah ni Gilead e kacuenaw koe, Ammonnaw tuk hanelah im bout na bankhai aw hah teh, BAWIPA ni ahnimanaw koe, koe na poe pawiteh kahrawikung lah kaawm katang han vaimoe telah atipouh.

¹⁰ Gilead e kacuenaw ni, na lawk patetlah lah ka sak aw hah hoe hpawiteh, BAWIPA ni mamouh rahak vah kapanuekkhaikung lah aw hah seh atipouh aw hah.

¹¹ Hahoi, Jephthah ni Gilead e kacuenaw koe a cei teh, lu hoi ransabawi lah a coung. Mizpah kho vah, Jephthah ni BAWIPA hmalah hote lawknaw pueng hah a dei.

¹² Jephthah ni Ammonnaw e siangpahrang koehah, kai na tarankhai hanelah bangmaw kaawm. Kai tuk hanelah ka ram daw k na tho aw hah, telah patounenaw a patoun.

¹³ Ammonnaw e siangpahrang ni, Isarelnaw Izip ram hoi a tãco navah, ka ram hah Arnon hoi Jabbok hoi Jordan totouh na la aw hah kecu daw kvah, hote ramnaw hah pãdingsuelah duem na poe leih, telah Jephthah e patounenaw koe a dei pouh aw hah.

¹⁴ Jephthah ni Ammonnaw e siangpahrang koe patounenaw bout a patoun.

¹⁵ Ahni koe Jephthah ni hettelah a dei pouh. Isarelnaw ni Moab ram na lat pouh hoe hah. Ammonnaw e ram hai bout lat hoe hah.

¹⁶ Bangkongtetpawiteh, Izip ram hoi a tâco navah, kahrawngkadi pueng dawkvah, tuipei paling totouh paloupalou a cei awh teh Kadesh a pha awh.

¹⁷ Hahoi teh Isarel ni Edom siangpahrang koevah, pahren lahoi na ram daw kâ pou na cetsak lah titeh patounenaw a patoun. Hatei, Edom siangpahrang ni a hnâ bawt pouh hoeh. Moab siangpahrang koe laicei bout a patoun haiyah, ceinae kâ poe hoeh. Hahoi Isarelnaw teh Kadesh vah sut ao awh.

¹⁸ Ramke koelah pou a cei awh teh, Edom hoi Moab hah a roun awh. Moab ram kanîtho lahoi a cei awh teh, Arnon namran lah a roe awh. Moab ram thung daw k roeroe kâen awh hoeh. Bangkongtetpawiteh, Arnon palang teh Moab ramri doeh.

¹⁹ Hahoi Isarelnaw ni Amor siangpahrang Sihon, Heshbon siangpahrang koe patounenaw a patoun. Isarelnaw ni ahnimouh koe kamamae hmuen koe ka pâmam navah pahren lahoi na ram daw k pou ka cei awh han atipouh.

²⁰ Hatei, Sihon ni Isarelnaw ni a ram daw k a raka hane a yuem hoeh dawkvah, a taminaw pueng a pâkhueng teh Jahaz kho king a kalup awh teh, Isarelnaw hah a tuk awh.

²¹ BAWIPA Isarel Cathut ni Sihon siangpahrang hoi a taminaw pueng hah Isarel kut daw k a poe teh, he a thei awh. Hahoi Isarelnaw ni hote Amornaw onae ram teh koung a pang awh.

²² Hahoi Amornaw e khori thung daw k Amor palang koehoi Jabbok palang totouh, ramke hoi Jordan palang totouh a pang awh.

²³ Hottelah Isarel BAWIPA Cathut ni, a tami Isarelnaw hmalah Amornaw ram hah a lawp pouh. Telah pawiteh, nang ni a ram na lawp han toung.

²⁴ Na cathut Kemosh ni na ham lah na poe e pueng teh na pang hane nahoehmaw. Hottelah, BAWIPA Cathut ni, kaimouh ka hmalae a lawp e pueng teh ka pang han bokhei.

²⁵ Moab siangpahrang Zippor capa Balak hlak na hawi maw. Ahni ni Isarel a taran teh, runae a poe boimaw. Ahni ni Isarel a tuk boimaw.

²⁶ Isarel hah Heshbon hoi a khonaw, Aroer hoi a khonaw, Ammon khori khopuinaw pueng koe kum 300 totouh kho a sak awh navah, bangkongmaw tuk laipalah na o awh vaw.

²⁷ Hatdawkvah, nangmouh koe bang yonnae ca boehai ka sak awh hoeh. Nangmouh ni tuk han na ngai dawkvah, kaimouh tak daw k yonnae na sak awh. BAWIPA lawkengkung ni atuvah, Isarelnaw hoi Ammonnaw rahak vah, lawkceng na lawiseh, atipouh.

²⁸ Hatei, Jephthah ni lawk a thui e hah Ammon siangpahrang ni ngai pouh hoeh.

Jephthah lawkkam hoi tânae

²⁹ Hahoi teh, BAWIPA e Muitha Jephthah tak daw k a pha teh Gilead hoi Manasseh ram hah a rakan teh, Gilead ram Mizpah vah pou a cei awh. Hahoi Gilead hoi Mizpah hoi Ammonnaw koe pou a cei awh.

³⁰ Jephthah ni BAWIPA koe lawk a kam teh, Ammonnaw heh ka kut daw k na poe katang pawiteh,

³¹ hettelah ao han. Ammonnaw koehoi hnâroumcalah ka ban pawiteh, ka im takhang koehoi hmaloe na ka dawn e pueng teh, BAWIPA nange lah ao han. Hmaisawi thuengnae koe ka hno han telah a ti.

³² Hahoi teh, Jephthah teh Ammonnaw tuk hanlah a kamthaw teh, BAWIPA ni ahnimouh teh a kut daw k a poe.

³³ Aroer hoi Minnith totouh khopui 20 touh a tâ. Abelkeramim vah kâtheikârawngnae kalenpoung ao. Hot patetlah, Ammonnaw teh Isarel naw hmalah a sung awh.

Jepthah canu

³⁴ Jepthah teh a onae im Mizpah a pha toteh, hawvah a canu ni cecak khawng hoi lam laihoi a dawn hanelah a tho. A canu a tawn e dueng doeh, alouke pihai awm hoeh.

³⁵ Oe hahoi teh hettelah doeh. A canu lawn a hmu toteh, ahni a ravei teh, Oe ka canu rahim doeh na pabo toe, nang teh kai runae na kapoekung lah na o toe. Bangkongtetpawiteh, BAWIPA koe ka pahni yo ka ang toe. Hote hah bout ka hno thai mahoeh toe, telah a ti.

³⁶ Napui ni a na pa koe, apa BAWIPA koe na pahni yo na ang boum teh na kâko hoi ka tâcawt e na lawk patetlah kai ka tak daw k sak yawkaw. Bangkongtetpawiteh, BAWIPA ni na taran Ammonnaw hah na lungkuiep nahan na tâ sak toe.

³⁷ Hahoi teh a na pa koe vah telah ka sak vai, thapa yung hni touh thung, kamadueng vaiteh, mon dawkvah, tanglakacuem lah ka onae, ka huinaw hoi ka khuikapkhai eivai, atipouh.

³⁸ Ahni ni cet awh yawkaw atipouh. Hateh thapa yung hni touh o hanelah a kamthaw. A cei awh teh, ama hoi a huinaw hoi mon daw k tanglakacuem lah onae a khui awh.

³⁹ Hahoi thapa yung hni touh ao hnukkhu, a na pa koe bout a tho teh, ahni ni lawk a kam e patetlah a tak daw k a sak teh, tongpa panuek hoeh toe.

⁴⁰ Hahoi Isarel naw thung dawkvah, Isarel canunaw ni Gilead tami Jepthah canu teh kumtanguem hnin pali touh thung lungmathoe khuikanae lah pou a hno pouh awh. Hothateh, Isarel naw e phung doeh.

12

Jepthah hoi Ephraim rahak kâpohoe hnae

¹ Ephraim teh cungtalah king a kamkhueng awh. Zaphon pâtam hoi a cei awh teh, Jepthah koe vah, bangkongmaw Ammonnaw tuk hanelah na kamthaw navah, kai hai na coun van hoe vaw. Na imnaw hmai ngeng na sawi pouh han atipouh.

² Jepthah ni ahnimouh koe Ammonnaw heh ka taminaw hoi atangcalah ka tuk awh. Na kaw awh navah, na kut daw k hoi na rungngang kalawn hoeh.

³ Hottelah nangmouh ni na rungngang hoeh toe tie ka panue toteh, due han hai pouk laipalah, Ammonnaw tuk hanlah ka cei awh. Hahoi BAWIPA ni ahnimanaw teh ka kut daw k na poe. Bangkongmaw kaimouh tuk hanelah sahnin vah na kamthaw awh vaw atipouh.

⁴ Hahoi Jepthah ni Gilead naw pueng a pâkhueng teh, Ephraim hah a tuk awh. Ephraim ni nangmouh teh Ephraim miphun, Manasseh miphunnaw daw k hoi na yawng awh teh, kathounghoehe miphun doeh telah Gilead miphunnaw hanlah ouk na pathoe awh dawkvah, Ephraim miphunnaw hah ka tuk awh.

⁵ Hahoi, Gilead naw ni Jordan namran lah a pha hoehnahlan, Ephraim hah a man awh. Hahoi teh hettelah. Ephraim kayawngnaw ni na luen sak haw ati navah, Gilead naw ni ahnimouh koe, Ephraim na ou, atipouh. Ahnimouh ni Ephraim nahoe hti awh torei vah,

⁶ ahnimouh koe Shibboleth telah dei haw atipouh awh navah, ahni-manaw ni Sibboleth ati awh toteh, kacaicalah dei panuek awh hoeh. Telah

hoiyah a man aw h teh, Jordan tui rakanae koe a thei aw h. Hot patetlah tui a rakanae koe Ephraim hah 42000 touh a thei aw h.

⁷ Hahoi Jephthah ni Isarel hah kum 6 touh a uk. Hahoi Gilead tami Jephthah teh a due. Ama kho Gilead kho vah a pakawp aw h.

Ibzan, Elon, Abdon

⁸ Ahni hnukkhu hoi Bethlehem tami Ibzan ni Isarel hah a uk.

⁹ Ahni ni capa 30 touh a tawn teh a canu 30 touh ram alouklah a ceisak aw h. Hahoi a capanaw hanlah ramlouk e canu 30 touh a la pouh. Isarel hah kum 7 touh a uk.

¹⁰ Ibzan a due torei teh, Bethlehem vah a pakawp aw h.

¹¹ Ahni hnukkhu hoi Zebulun tami Elon ni Isarel hah kum 10 touh thung a uk.

¹² Zebulun tami Elon teh a due. Zebulun ram Aijalon vah a pakawp aw h.

¹³ Ahni hnukkhu Pirathon tami Hillel capa Abdon ni Isarel hah a uk.

¹⁴ Ahni ni capa 40 touh hoi minca 30 touh ao teh mincanaw teh la 70 touh daw k a kâcui aw h. Ahni ni Isarel kum 8 touh thung a uk.

¹⁵ Hahoi Pirathon tami Hillel capa Abdon teh a due. Ephraim ram, Ameleknaw e monsom Pirathon vah a pakawp aw h.

13

Samson khenae

¹ Isarelnaw ni BAWIPA hmalah yonnae bout a sak aw h. BAWIPA ni kum 40 touh thung Filistinnaw e kut daw k ao sak.

² Hatnavah, Dan miphun, Zorah tami buet touh ao, a min teh Manoah doeh. Ahni teh a carôe, ca tawn roi hoeh.

³ BAWIPA ni kalvantami hah napui koe a kamphawng sak teh, ahni koe kenhaw! ca na roe teh, camo na vawn boihoeh. Hatei, camo na vawn vaiteh, capa na khe han atipouh.

⁴ Hatdawkvah, misurtui hoi yamu net laipalah, kâhruetcuet, kathounghoehe banghai cat hanh.

⁵ Bangkongtetpawiteh, kenhaw! camo na vawn vaiteh, capa na khe han. A lû daw k lûngawnae na hno mahoe h. Bangkongtetpawiteh, camo teh manu von thung hoi Cathut hanelah, Nazirite tami lah ao han. Ahni ni Isarelnaw hah Filistin kut daw k hoi a rungngang han telah atipouh.

⁶ Napui ni a vâ koe vah, Cathut e tami buet touh kai koe a tho teh, a mei teh kalvantami patetlah doeh ao. Bari kaawm poung e lah ao. Hatei, nâ lae tami maw tie ka pacei hoeh. A min hai dei hoeh.

⁷ Kai koe kenhaw! camo na vawn vaiteh, capa na khe han. Misur hoi yamu roeroe net hanh. Ka thoung hoeh e hai net hanh. Camo teh manu von thung aonae koehoi a due totouh, Cathut hanlah Nazirite tami lah ao han telah ati.

⁸ Manoah ni, BAWIPA koevah a ratoum teh, Oe BAWIPA, Cathut e tami na tha e hah kai koe bout tho sak nateh, ka tâcawt hane camo tak daw k bangmaw ka sak han, na patue naseh atipouh.

⁹ Cathut ni Manoah lawk a thai pouh teh, napui law a tahungnae koe kalvantami teh bout a tho pouh. A vâ Manoah teh haw la awm hoeh.

¹⁰ Hote napui teh, karanglah a yawng teh, a vâ koe a dei pouh. A vâ koe, kenhaw! yampouh ka dei e hah kai koe bout a kamphawng atipouh.

¹¹ Manoah teh a thaw teh, a yu hnuk a kâbang. Hote tami koe a pha teh, Nang na maw, napui koe lawk na ka dei e vaw atipouh. Ahni ni hai, oe atipouh.

¹² Manoah ni na lawk patetlah kuep lawwih. Camo teh bangtelamaw aohan. Bangmaw a tawk han telah a pacei.

¹³ BAWIPA kalvantami ni, napui koe ka dei e naw pueng hah kahawicalah pouk.

¹⁴ Misurkung dawk hoi ka tâcawt e pueng cat mahoe. Misurtui hoi Yamu net mahoe. Kathoung hoe e naw pueng hai banghai cat mahoe. Kai ni kâ na poe e naw pueng kahawicalah na pâkuem han atipouh.

¹⁵ Manoah ni BAWIPA e kalvantami koevah, pahren lahoi na haw einei, nang hanelah hmaeca ka thet einei telah atipouh.

¹⁶ BAWIPA kalvantami ni, na ka haw nakunghai, nange rawca teh ka cat mahoe. Hahoi, hmaisawi thuengnae na sak boipawiteh, BAWIPA koe poe loe atipouh. Bangkongtetpawiteh, Manoah ni BAWIPA kalvantami doeh tie panuek hoe.

¹⁷ Manoah ni, BAWIPA e kalvantami koevah, na dei e patetlah akuep torei teh, kai ni na pholen thai nahanelah, na min apimaw telah a pacei.

¹⁸ BAWIPA e kalvantami ni, bangkongmaw ka min na pacei. Kângairu e doeh atipouh.

¹⁹ Hottelah, Manoah ni ca hanelah hmaeca thuengnae dawk hoi a la teh, lungsong van BAWIPA koe a poe. Manoah hoi a yu ni a khet lahun nah, ahni ni kângairu hno a sak pouh.

²⁰ Hatnavah, thuengnae khoungroe dawk hoi hmaito kalvan lah a luen navah, BAWIPA kalvantami teh, hote hmai dawk hoi a luen. Manoah hoi a yu ni hote a hmu roi navah, talai dawk a tabo roi.

²¹ Hahoi teh, BAWIPA kalvantami teh, Manoah hoi a yu koe bout kamphawng pouh hoe toe. Hahoi teh, Manoah ni BAWIPA kalvantami tie hah a panue.

²² Manoah ni, a yu koevah, Cathut hmu aw h dawkvah, due mingming han doeh toe atipouh.

²³ Hatei, a yu ni, BAWIPA ni thei han na nout pawiteh, hmaisawi thuengnae hoi rawca thuengnae hah maimae kut dawk hoi a dâw han yaw maw, hetnaw hai atuvah na dei pouh mahoe telah atipouh.

²⁴ Hahoi teh, napui ni ca tongpa a khe. A min Samson telah a phung. Hote camo a rounge teh, BAWIPA ni yawhawi a poe.

²⁵ Zorah hoi Eshtaol rahak e Mahaneh, Dan vah BAWIPA e Muitha hah a tak dawk kâroe hanlah a kamtawng.

14

Samson yupaluennae

¹ Samson teh Timnah kho vah a cei teh, Filistinnaw e a canu napui buet touh a hmu.

² A manu hoi na pa koe a dei pouh. Timnah vah, Filistin tami napui buet touh ka hmu. Hatdawkvah, ka yu lah na lat pouh loe telah atipouh.

³ A manu hoi na pa niyah, na hmaunawngnanaw ni canu a tawn hoe dawk maw, vuensom ka a hoe e Filistin tami thung dawk e hah na yu lah khuet na tawng, telah atipouh. Samson ni, na lat pouh aw h. Bangkongtetpawiteh, ahni teh ka ngai poung telah atipouh.

⁴ Hatei, a manu hoi na pa ni hot teh, BAWIPA koe hoi e doeh tie hah panuek roi hoe. Bangkongtetpawiteh, Filistinnaw hanelah atueng a kâremnae a tawngnae doeh. Bangkongtetpawiteh, hatnae tueng nah Filistinnaw ni Isarelhaw hah a uk.

⁵ Hottelah, Samson teh a manu hoi na pa hoi Timnah vah a cei awh. Timnah misur hmuen koe a pha awh navah, sendektan ni hramki laihoi a cusin awh.

⁶ BAWIPA Muitha ni a tha kaawm poun lahoi a tak dawk a pha. A kut dawk banghai sin hoeh ei, hmaeca raphei e patetlah a raphei teh a thei. Hatei, a sak e hah a manu hoi na pa koe banghai dei pouh hoeh.

⁷ A cei teh hote tangla hoi a kâpan roi teh Samson mit dawk hote napui teh atueng.

⁸ Hathnukkhu hoi la hanelah a cei navah, Sendek e ro teh khet hanelah a phen teh, khenhaw! Sendek e a ro dawkvah khoi ao, a ratui hai ao.

⁹ Hot teh, a la teh, a cei laihoi a ca. A manu hoi na pa hai a poe. Hatei, khoitui teh Sendek dawk e a la e tie hah dei pouh hoeh.

¹⁰ Hahoi, a na pa teh hote napui koe a cei teh, thoundounnaw ni ouk a sak awh e patetlah, Samson ni pawu bu a paca awh.

¹¹ Hahoi teh, hettelah doeh. Haw e taminaw ni Samson a hmu torei teh, a huinaw 30 touh ni a kâbang sin awh.

¹² Samson ni kai ni pâveinae lawk buet touh na pacei awh han. Pawu sak hnin hnin sari hnin na dei thai awh pawiteh, kai ni hni yung 30, angki yung 30 na poe awh han.

¹³ Hatei, na dei thai awh hoehpawiteh, hnin yung 30, angki yung 30 nangmouh ni kai na poe awh han atipouh. Ahnimouh ni hote ka panuek thai nahanelah, pâveinae lawk hah na dei pouh haw atipouh awh.

¹⁴ Hat toteh, ahni ni a dei pouh,

kacatkung thung hoi cakawi a tâco teh,
athakaawme dawk hoi ka radip e a tâco.

Hote pâveinae hah hnin thum touh thung dei thai awh hoeh.

¹⁵ Hatei, hnin sari hnin Samson e yu koevah, pâveinae hah ka panuek thai awh nahan, na vâ hah pasawt haw. Telah hoehpawiteh, nang nama hoi na pa imthungkhu abuemlah hmai ngeng na sawi awh han. Ka tawn awh e hnonaw hah lawp hanelah na coun e namaw telah Samson e yu koe atipouh awh.

¹⁶ Hottelah, Samson e a yu teh, a hmalah thouk a ka teh, kai lung na pataw hoeh teh, na hmawt ngai hoeh toe khe, ka taminaw na pâvei teh, kai koehai na dei kalawn hoeh atipouh. Samson ni anu hoi apa patenghai ka dei pouh hoeh, nang koe khuet ka dei han yaw maw atipouh.

¹⁷ Hahoi, pawu ao hoehnahlan, hnin sari touh thung a yu ni a khuika sin. Napui ni kâhat laipalah pou a pacei toteh, napui koe a dei pouh toe. Hahoi teh, napui ni hote pâveinae lawk hah amamouh kho e a taminaw koe a dei pouh toe.

¹⁸ A khocanaw teh asari hnin kanî a loum hoehnahlan a tho awh teh, khoitui hlak bangmaw ka radip,

Sendek hlak athakaawme bangmaw kaawm

telah a dei pouh awh. Samson ni, nangmouh ni kaie maitola hoi na thawn awh hoeh pawiteh, kaie pâveinae teh na dei thai awh mahoeh, atipouh.

¹⁹ Hahoi teh, BAWIPA Muitha heh a tha kaawm poun lah Samson koe a pha teh, Askelon vah a cei teh, tami 30 touh a thei. Angki hoi hninaw a lawp teh, pâveinae lawk ka dei thai naw koe a poe. Hahoi a lung puenghoi a phuen teh, a na pa im lah a ban.

²⁰ Hahoi Samson e a yu teh, a hui hah oun a poe pouh awh.

15

Samson ni Filistinnaw a tâ

¹ Hathnukkhu hoi canga lahun navah, Samson ni hmaeca a sin teh, a yu a pâtam. Ahni ni, ka yu koe roe hanelah rakhan thung na kâen sak haw atipouh. Hatei, a na pa ni kâen han pasoung pouh hoeh.

² A na pa ni, ka canu hah na pahnawt toe telah ka pouk dawkvah, na hui koe yo ka poe toe. A nawngha teh ahni hlak a mei ahawi nahoehmaw. A hmau e yueng lah a nawngha ma lat lawih atipouh.

³ Samson ni ahnimouh koe, atuteh, Filistinnaw heh patawnae puenghoi ka poe nakunghai, kai teh pathoe han awm hoeh toe telah atipouh.

⁴ Hahoi teh, Samson a cei teh, Asuihu 300 touh a man teh, a mai dawkhmaito koung a kawm pouh.

⁵ Hmaitonaw hah hmai a toteh, Filistinnaw e law um a yawng sak teh, cang hai thoseh, cabongnaw hai thoseh, misur takha, olive takhanaw hai thoseh koung a kak pouh.

⁶ Filistinnaw ni, het heh apimaw ka sak ati awh. Ahnimouh ni Timnah e cava Samson ni doeh ati awh. A yu a lawp awh teh, a hui a poe pouh awh dawkvah ati awh. Hahoi teh, Filistinnaw ni hote napui hoi a na pa im hmai ngeng a sawi pouh awh.

⁷ Samson ni hettelah na sak awh dawkvah, nangmouh koe let na pathung awh roeroe han. Hathnukkhu doeh duem kaawm ti atipouh.

⁸ A cusin awh teh, buet touh hai hlout laipalah he a thei. Hahoi ka yawng ni teh Etam lungha kâko dawkh a kâhro awh.

⁹ Hahoi Filistinnaw teh a takhang awh teh, Judah kho vah a roe awh. Lehi vah tueng a kâyat awh.

¹⁰ Hahoi Judahnaw ni bangkongmaw kaimouh tuk hanlah na tho awh atipouh awh. Ahnimouh ni, Samson man hane hoi, kaimouh ka tak dawkh a sak e patetlah a tak dawkh sak hanelah ka tho awh atipouh.

¹¹ Hottelah, Judahnaw 3,000 touh Etam lungha kâko dawkh a yawng awh teh, Samson koevah, Filistinnaw ni na uk awh e heh na panuek awh hoeh maw telah ati. Ahni ni, ahnimouh koe kai ka tak dawkh a sak e patetlah ka sak pouh e doeh telah ati.

¹² Hatei, ahnimouh ni, ama koe Filistinnaw kut dawkh na poe nahanelah, nang man hanelah, ka tho atipouh awh. Na thet mahoehtie lawkhâkam ei telah atipouh awh.

¹³ Ahnimouh ni na thet awh mahoehtie. Hatei, kacaklah na katek awh vaiteh, a kut dawkh na poe awh han telah atipouh awh. Hahoi tangron katha yung hni touh hoi a katek awh teh, lungsong koe hoi a takhangkhai awh.

¹⁴ Lehi a pha awh toteh, Filistinnaw a tho awh teh, a hramki sin awh. BAWIPA e Muitha a thakaawmpoung hah a tak dawkh a pha teh, a kut dawkh kateknae ruinaw pueng teh hmai hoi thoukhouk ka kang e patetlah a kut dawkh hoi pak a cã pouh.

¹⁵ La e a kamhru katha a pâphawng teh, hot hoi Filistinnaw 1,000 touh a thei.

¹⁶ Samson ni telah ati.
La e kamhru hoi thouk ka mawkh teh,
La kamhru hoi tami 1,000 touh ka thei toe.

¹⁷ Hottelah lawkh a dei hnukkhu, la e kamhru a sin e hah a tâkhawng teh, hote hmuen teh Ramathlehi telah ati awh.

¹⁸ Hahoi, tui hroung a kahran teh, BAWIPA hah a kaw. Nang ni na san e kut heh hno lahoi lentoe e lahoi na rungangang. Atu tui kahran lawi meimei

ka due toe. Vuensom ka a hoeh naw e kut dawk maw kai ka kâpoe han tounge.

¹⁹ Cathut ni Lehi hmuen koe a kavi pouh teh, tui a tâco. Hote a nei toteh, a kâha teh a tha bout akawi .

²⁰ Hottelah, Filistinnaw senah, Isarelnaw hah kum 20 touh a uk.

16

Samson hoi Delilah

¹ Samson teh Gaza vah a cei. Hawvah kâyawt e napui a hmu teh a ikhai.

² Hahoi, Samson hi a tho tie hah Gazanaw koe a dei pouh awh. Hatteh king a kalup awh. Khopui kâennaeh longkha totouh a kâyat awh teh, karum tuettueth khodai totouh a pawp awh. Khodai toteh, thei han telah ati awh.

³ Samson teh karumsaning totouh a i teh, hahoi karumsaning a thaw teh, khopui kalupnaeh longkha hoi a khom kahni touh a kuet teh, tarennah khuehoi a phawk teh, a loung hoi a hrawm teh, Hebron mon dawk a tâkhawng.

⁴ Hahoi, Sorek yawm e napui buet touh hah a ngai. A min teh Delilah doeh.

⁵ Filistin bawinaw hah ahni koe a tho awh teh, ahni hah king katek vaiteh rektap thai nahan, a thaonah kungpui panue thai nahanlah pasawt haw, telah na panuek pawiteh, kaimouh ni tangka 1,100 touh rip na poe awh han atipouh awh.

⁶ Hahoi teh, Delilah ni Samson koevah, hettelah e na thaonah hah na dei pouh haw. Bangkongtetpawiteh, katek vaiteh rektap thai nahanelah atipouh.

⁷ Samson ni, napui koevah, rui kahring ni teh ka ke hoeh rae yung sari touh hoi king na katek awh pawiteh, ka tha awm hoeh vaiteh, ayânaw patetlah doeh kaawm titoe atipouh.

⁸ Hahoi, Filistin bawinaw ni rui kahring e sari touh a sin awh teh, a katek awh.

⁹ Im e khan dawk arulahoï kapawmnaw a tâco awh teh, Samson koevah, Samson Filistinnaw ni na cusin toe atipouh. Ahni ni hote ruinaw hah hmai hoi sawi teh doukkâlat e rui patetlah ruinaw hah a tapo. Hatei, ahnie thaonah hah panuek awh hoeh.

¹⁰ Delilah ni, Samson koevah, khenhaw! na dumyen teh, laithoe na dei. Bangtelah hoi maw na katek thai han dei leih atipouh.

¹¹ Ahni ni, napui koevah, hno boihoe hah rae tangron katha hoiyah, king na katek pawiteh, ka tha awm hoeh vaiteh, ayânaw patetlah doeh kaawm titoe atipouh.

¹² Hahoi Delilah ni tangron katha e a la teh, a katek hnukkhu, Samson Filistinnaw ni na cusin toe atipouh. Imrakhan koehoi arulahoï kapawmnaw ao. Hahoi a kut kateknaeh hah pahlarui tapo e patetlah soun a tapo.

¹³ Delilah ni Samson koevah, laithoe doeh na dei rah. Bang patetlah hoi maw na katek han tie hah na dei pouh haw atipouh. Hat toteh, Samson ni ka sam sari touh kapek nateh, hni hoi mak na kawng sin vaiteh, tapang dawk khak hetsin pawiteh, ka thayoun vaiteh, ayânaw patetlah doeh kaawm titoe atipouh.

¹⁴ Delilah ni a sam sari touh lah a kapek pouh teh, hni dawk mak a kawngsin teh, tapang dawk khak hetsin. Samson Filistinnaw nang ka tuk hane a tho awh toe atipouh. A hnikawng e naw khuehoi a thaw teh a cei.

¹⁵ Delilah ni nang ni kai lungpataw katang laipalah, bangtelamaw khuet na dei han vaw. Khenhaw! vai thum touh na dum toe. Na thaonae teh na dei hoeh rah.

¹⁶ Hot patetlah Delilah ni hnintangkuem a lung ka rek lah a dei pouh. Due han totouh a lung a ro sak.

¹⁷ Hahoi teh, Samson ni a lungthin abuemlah hoi he a dei pouh. Kaie ka sam teh ka ngaw boihoeh. Anu e von thung ka o nah hoi, Cathut e Nazirite tami lah ka o. Atuvah ka lû ka ngaw pawiteh, ka thaonae buemlah he a kahma han. Ka tha awm mahoehtoe. Ayânaw patetlah doeh kaawm titoe telah atipouh.

¹⁸ A lungthin thung e abuemlahoi a dei toe tie hah Delilah ni a panue. Filistin bawinaw teh bout tho aw h leih, a lungthin abuemlahoi a dei toe telah lawk a thui khai. Hahoi Filistin a lungkahanaw teh a tho aw h teh, tangka a sin aw h.

¹⁹ Delilah ni, Samson teh a phai daw k a i sak. Tami buet touh a kaw teh, a sam he a ngaw sak. Rektap hanlah a noe aw h toe. A thaonae hai a kahma pouh toe.

²⁰ Samson Filistinnaw ni na cusin toe atipouh. Hahoi a inae koehoi a thaw teh, ahmoun e patetlah ka tâco han bout ka hlout han doeh ati. Hatei, BAWIPA ni na ceitakhai toe tie panuek hoeh.

²¹ Filistinnaw ni a man teh, a mitmu a cawngkhawi pouh aw h. Gaza kho a ceikhai aw h teh, Rahum bawtarui hoi khakpâkhi aw h. Thongim thung vah cakang a phawm sak aw h.

²² Samson a lûngaw hnukkhu hoi a sam bout a sai.

Samson duenae

²³ Filistinnaw ni amamae cathut dagon koevah, kalen e thuengnae sak hane hoi nawmnae sak hanelah a kamkhuengkhai aw h. Mamae cathut ni taran Samson teh maimae kut daw k na poe aw h toe telah ati aw h.

²⁴ Tami moikapap ni a hmu navah, cathut a pholen aw h. Maimae cathut ni taran teh kut daw k na poe aw h toe. Ram karaphoekung, tami moi kathetkung teh maimae kut daw k na poe toe ati aw h.

²⁵ A lunghawikhai aw h lahun nah, Samson hah paitun nahanelah, kaw aw h ati aw h. Hahoi Samson teh thongim thung hoi a tâcokhai aw h teh, hmalah panuikhai hanlah, a ta aw h. Khom hoi khom rahak a kangduesak aw h.

²⁶ Hahoi, Samson ni, kut daw k hoi ka hrawi e camo koe, hete im a kangduenae khom na tek sak haw, ka kamngawi haw nei atipouh.

²⁷ Hote im daw k napui tongpa yikkawi aw h. Filistin bawinaw pueng hai hawvah king a kawi aw h. Samson panuikhai hanlah, kakhennaw napui tongpa hoi 3, 000 tabang a pha aw h.

²⁸ Samson ni BAWIPA hah a kaw teh, Oe Bawipa Jehovah pahren lahoi na pahnim hanh lah a. Pahren lahoi atu vai touh dueng ma thaonae bout na poe haw. Oe Cathut, ka mit kahni touh e phu lah Filistinnaw koe na patho sak haw atipouh.

²⁹ Hahoi, Samson ni bawkim lungui vah a dounnae khompui kahni touh hah, aranglae kut hoi buet touh, avoilah e kut hoi buet touh, ama cawt kamngawi laihoi a kuet.

³⁰ Samson ni Filistinnaw hoi mek na dout sak lawih atipouh. Hahoi, a tha a kâla teh, bawinaw hoi a thung e kaawm taminaw pueng bawkim pui ni koug a ten aw h. A hring nah a thei e hlak a duekhai e hah a papnawn.

³¹ Hahoi teh, a hmaunawngghanaw hoi a imthungkhu abuemlah a tho aw h teh, a takhangkhai aw h. Zorah hoi Eshtaol rahak a na pa Manoah

pakawpnae hmuen koe a pakawp awh. Hottelah kum 20 touh thung Isarelnaw hah a uk.

17

Mikah hoi Levih tami

¹ Ephraim mon dawk tami buet touh ao. A min teh Mikah doeh.

² Ahni ni a manu koevah, tangka 1, 100 touh na la pouh e hah nang ni kama ka thainae koe roeroe vah thoe na bo haw. Khenhaw! hote tangka teh kai koe ao. Kai ni ka la payon toe ati. A manu ni, ka capa BAWIPA ni yawhawi poe naseh atipouh.

³ Hahoi tangka 1, 100 touh a manu bout a poe toteh, a manu ni, hete tangka heh, kai kama e kut dawk roeroe hoi ka capa hanlah, meikaphawk sak nahan hoi meikaphawk dêi nahanelah, BAWIPA koe, atuvah bout na poe han atipouh.

⁴ Hot patetlah tangka hah a manu koe a pâban. Hahoi, a manu ni tangka cumhni touh a la teh, nguntui ka hlun koe a poe. Ahnimouh ni meikaphawk a sak teh, a hlun pouh awh. Hot teh Mikah im vah ao.

⁵ Mikah ni bawkim a tawn. Ephod hoi Terah cathut a sak teh, a capa buet touh hah vaihma thaw a tawk sak.

⁶ Hote tueng nah, Isarel ram siangpahrang awm hoeh. Taminaw pueng ni ama ni ahawi ati e patetlah kho a sak awh.

⁷ Hahoi, Judah ram Bethlehem kho e Levih miphun thoundoun buet touh ao teh, Bethlehem khovah a roe teh,

⁸ haw hoi, bout a cei teh, a roe nahane hmuen a tawng teh, Ephraim mon dawk Mikah im vah a pha.

⁹ Mikah ni, nâ lahoi maw na tho atipouh. Ahni ni, Judah ram Bethlehem e Levih tami doeh. O nahan hmuen tawng hoi ka kâva atipouh.

¹⁰ Mikah ni, kai koe ma awm lawih. Kai koe na pa lah, vaihma lah awm nateh, kum touh dawk ngun phen hra touh na poe han. Khohna yung touh hoi na cakawi hai na poe han atipouh. Hahoi, Levih tami teh a kâen toe.

¹¹ Hahoi Levih tami ni hote tami koe o hanelah a hnâbo teh, hote thoundoun teh a capa buet touh patetlah ao.

¹² Mikah ni Levih tami thoundoun teh, vaihma lah a coung sak teh, Mikah im vah ao.

¹³ Hahoi teh, Mikah ni, atuteh Levih tami teh kaie vaihma lah ka tawn toe. BAWIPA ni kai koe hawinae a sak han tie ka panue telah ati.

18

Dannaw ni Levihnaw hoi meikaphawk a sawn awh

¹ Hatnae tueng nah Isarel teh siangpahrang tawn awh hoeh. Hatnae tueng nah Dan miphunnaw ni kho a sak nahan ram a tawng awh. Bangkongtetpawiteh, hatnae tueng totouh Isarelnaw ni râw coe hane totouh râw coe awh hoeh rah.

² Hot patetlah Dannaw ni a miphun abuemlae thung dawk, tongpatang panga touh ram tuet han hoi panue hanelah Zorah hoi Eshtaol hoi a tho awh. Ahnimouh koe, cet awh nateh, ram hah tuet awh atipouh. Hahoi teh, Ephraim mon dawk Mikah im a pha teh hawvah a roe awh.

³ Mikah im ao awh navah, Levihnaw e thoundoun lawk a thai awh. Ahnimouh koe lah hrueh a hnai teh, apinimaw hivah na hrawi awh. Hete hmuen koe bangmaw na sak awh. Bang telah hoi maw hi kho na sak awh atipouh awh.

⁴ Ahnimouh ni, ahnimouh koe Mikah ni hettelah na sak aw h. Na hlai aw h teh, vaihma lah ka o ati pouh.

⁵ Ahnimouh ni ahnimouh koe ka ceinae a lam ka cawn han na ou, cawn mahoeu ou ti panue thai nahan, Cathut koe na het pouh haw atipouh aw h.

⁶ Vaihma ni ahnimouh koe vah, lungmawngcalah cet aw h, na ceinae lam dawkvah, BAWIPA ni na okhai aw h telah atipouh.

⁷ Hahoi tami panga touh a tâco aw h teh, Laish vah a cei aw h. Hote taminaw teh Sidonnaw patetlah lungmawngcalah ao aw h e hah a hmu aw h. Hote ram daw k teh kaukung hai aw m hoe h. Sidonnaw hoi hai hroung a kâhla aw h. Api hoi hai kâkuetkâmainae tawn aw h hoe h.

⁸ Hote katuetnaw teh Zorah hoi Eshtaol a hmaunawngghanaw koe a luen aw h. A hmaunawngghanaw ni, bang kamthang maw na phu aw h atipouh aw h.

⁹ Ahnimouh ni, thaw aw h leih, tuk aw h leih sei. Bangkongtetpawiteh, ram teh ka hmu aw h. Ahawi hai ahawipoung. Kâroe laipalah maw na o aw h rah. Hote ram teh lawp hanelah cuhrucuhru tet aw h hanh leih.

¹⁰ Na cei navah, lungmawngcalah kaawmaw koe na pha aw h han. A ram hai hroung akaw na a. Bangkongtetpawiteh, Cathut ni na kut daw k na poe toe. Talai van e kaawm e hno thung daw k teh, a voutnae banghai kaawm hoe h e hmuen doeh na a.

¹¹ Hahoi, Zorah hoi Eshtaol kaawm e Dan miphunnaw teh, tarantuknae kamthoup e tami 600 touh a tâco aw h.

¹² A takhang aw h teh, Judah ram KiriathJearim vah a roe aw h. Hatdawkvah, hote hmuen teh atu totouh, Mahaneh-dan telah a phung aw h. Hottelah Kiriathjearim kanîloumlah kaawm e naw doeh.

¹³ Haw hoi pou a tapoung aw h teh, Ephraim mon koe Mikah im a pha aw h.

¹⁴ Hottelah, Laish ram katuetnaw tami panga touh ni a tho sin teh, a hmaunawngghanaw koe vah, hlun e meikaphawk, dêi e meikaphawk ao tie na panue maw. Hatdawkvah, bangtelamaw na ti aw h han, pouk aw h leih atipouh aw h.

¹⁵ Hot hmuen koehoi a ban aw h teh, Levih miphun thoundoun onae hmuen Mikah im a pha teh, a kut a man aw h.

¹⁶ Dan miphunnaw thung daw k hoi tami 600 touh tarantuknae puengcang kâmahrawk e naw hah longkha koe a kangdue aw h.

¹⁷ Tami panga touh ram katuetnaw a luen aw h teh, Mikah im a kâen aw h. A hlun aw h e meikaphawk, Ephod Terah cathut, dêi e meikaphawk hah a la pouh aw h. Hahoi vaihma teh tami 600 touh tarantuknae puengcang kâmahrawknaw koe a tumdumnae longkha koe a kangdue van.

¹⁸ Hote taminaw ni, Mikah im a kâen teh, hlun e meikaphawk, Ephod Terah cathut, dêi e meikaphawk, hah a la aw h toteh, vaihma ni bangmaw na sak aw h telah atipouh.

¹⁹ Ahnimouh ni lungmawngcalah aw m, na kut hoi na pahni tabuem nateh, kaimouh koe kâbang, na pa lah, vaihma lah, kaimouh koe aw m khe. Nang hanelah imthungkhu buet touh koe vaihma lah o e maw kahawi, Isarelnaw rahak miphun buet touh koe vaihma lah o e maw kahawi telah atipouh.

²⁰ Hahoi, vaihma teh a lung ahawi. Ephod hoi Terah cathut hoi hlun e meikaphawk hah a la teh, ahnimouh koe a kâen toe.

²¹ Hottelah, a tâcokhai teh, a camonaw hoi a saringnaw hnopai hmalah a ta teh a ceikhai.

²² Mikah im hoi kahlathnawn lah a cei hnukkhu hoi, Mikah e a sannaw a kamkhueng aw hoh teh, Dan miphunnaw hah a pâlei aw hoh teh, rek a pha aw hoh.

²³ Dan e a catounnaw a kaw aw hoh teh, hahoi a hnuk lahoi a khet aw hoh teh, Mikah koevah, bangkongmaw het yit touh taminaw na thokhai ati aw hoh.

²⁴ Mikah ni, ka sak e cathutnaw hoi vaihma hah oun na ceikhai aw hoh teh, bang vai kai ka tawn toung. Paleipalang bangmaw na sak koe na ti aw hoh vaw atipouh.

²⁵ Dannaw ni ahnimouh koevah, kaimouh rahak vah, lawk hrumhram dei hanh. Hoehpawiteh, kut na noun payon vaih atipouh aw hoh.

²⁶ Hahoi, Dannaw teh a cei aw hoh. Mikah ni tuk han a taki teh, im a ban takhai aw hoh.

²⁷ Hahoi Mikah ni a sak e hnonaw hoi a vaihma hah a ceikhai aw hoh teh, lungmawngcalah kaawm e Laish vah a pha aw hoh. Tahloi hoi a thei aw hoh teh, a kho hai hmai a sawi pouh aw hoh.

²⁸ Sidon hoi hroung ahla dawkvah, ka ratang e api awm hoeh. Api hoi hai kâkuetnae tawn aw hoh hoeh. Bethrehob tengpam tanghling daw kkaawm e naw doeh. Hahoi hote kho bout a kangdue sak aw hoh teh, hawvah kho a sak aw hoh.

²⁹ Hahoi a kho min lavah, Isarel ca kakhekung Dan patetlah ao daw kkaawm e tawn aw hoh. Hote kho min karuem teh Laish doeh.

³⁰ Hahoi Dan miphun ni, Mikah ni hlun e meikaphawk teh, amamouh hanlah a hung aw hoh. Gershom capa Jonathan, Mosi capa, hoi a capanaw teh hote ram a la aw hoh hoehroukrak, Dan miphunnaw e vaihma lah ao aw hoh.

³¹ Hot patetlah Shiloh e cathut im vah, ao na yunglam, Mikah ni a hlun e meikaphawk a sak aw hoh e teh, amamouh hanlah a pâhung aw hoh.

19

Levii tami e a yudo

¹ Hatnae tueng daw kkaawm, Isarel siangpahrang awm hoeh. Levii miphun buet touh teh, Ephraim mon poutnae koe kahlawng a cei. Judah ram, Bethlehem kho e napui a yudo lah a tawn.

² Hatei hote a yudo teh a kâyo dawkvah, a vâ koehoi a na pa im Judah kho vah oun a cei teh hawvah thapa yung pali touh ao.

³ A vâ ni a san kahni touh hoi la kahni touh a hravi teh, a lungpahawai vaiheth bout bankhai hanlah a pâlei aw hoh. A pha aw hoh toteh napui ni a na pa im a kâenkhai. A masei ni a cava a hmu toteh, a lunghawikhai van.

⁴ Hahoi a masei tongpa ni ama koe o hanelah a haw teh, ahni koe hnin thum touh ao pouh. Hawvah a tahung taben aw hoh teh, a ca a nei aw hoh.

⁵ Hahoi teh, apali hnin teh amom tâco hanlah a thaw teh, tangla e a na pa ni a cava hanlah, vaiyei youn touh vondang lah cat nateh, hahoi na cei han atipouh.

⁶ Hahoi teh, a tahung roi teh, rei a ca roi. Hahoi, napui e a na pa ni lunghawicalah roe roi lawih. Na lungthin nep roi nah nei atipouh.

⁷ Hote tami teh cei hanelah a thaw navah, a masei ni tha hoi a haw dawkvah, bout a roe.

⁸ Hahoi a hnin panga hnin amom teh, a tâco hanlah a kâcai teh a thaw. Napui e na pa ni na lungthin bout kâpahawi ei haw. Tangminlasa totouh teh awm ei haw atipouh. Hahoi kahni touh hoi be rei bout a ca roi.

⁹ Hote tami teh, a yudo hai a san hai tâco hanlah a kamthaw toteh, a masei niyah, khenhaw! kanî aloum toe. Atu tangmin teh roe awh lawih. Khenhaw! kho hai meimeî bout a hmo toe. Na lungthin bet ahawi nahan hivah roe awh nateh, tangtho amom teh na thaw awh vaiteh, na ban awh han toe telah atipouh.

¹⁰ Hatei, a cava ni roe hane a ngai hoeh toung dawkvah, a thaw teh a kamthaw teh Jebusit namran lah Jerusalem koe a pha. La kahni touh a ceikhai teh a yudo hai a cei van.

¹¹ Jebusit imteng a pha toteh, karumpui a tho toung dawkvah, a san ni tho haw, hete Jebusit khopui dawkvah, kâen vaiteh, roe awh lawih sei atipouh.

¹² A bawipa ni, Isarelnaw e kho hoeh laipalah teh, kâen vaiteh roe mahoe. Gibeah lah ma pâmam sei atipouh.

¹³ Hahoi a san koevah, Thohaw, hete hmuen buet touh koe pâmam sei. Gibeah hoehpawiteh, Ramah vah roe sei atipouh.

¹⁴ Hottelah hoi paloupalou a cei awh teh, Benjaminnaw e kho Gibeah teng vah a pha awh teh, kanî a khup toe.

¹⁵ Hottelah Gibeah roe hanelah a kâen awh teh, kho lungui sut a tahung awh. Apinihai a im luen sak hanelah ngai awh hoeh.

¹⁶ Khenhaw! matawng buet touh teh law lahoi thaw koehoi a ban. Hote tami teh Ephraim mon e tami doeh. Gibeah vah la ka kâhat e doeh. Hote hmuen koe kaawm e naw teh, Benjamin miphunnaw doeh.

¹⁷ Hahoi kho a radoung navah, khothung e imyin hah a hmu. Ahni ni namaw na cei han, nâ lahoi maw na tho atipouh.

¹⁸ Ahni niyah, Judah ram Bethlehem kho hoiyah Ephraim mon apoutnae koe totouh cei han ka ti teh ka kâcai e doeh. Hawvah kaawm e doeh. Judah ram Bethlehem vah ka cei teh, atu BAWIPA e im vah cei han ka kâcai. Hatei, apinihai a im luen sak hane na kaw ngai awh hoeh.

¹⁹ Kaie la hanelah cakong rawca ka tawn. Hahoi kai kama hoi na sannu hoi na tengo koe kaawm e, thoundoun han haiyah, vaiyei hoi misurtui hai ao. Banghai a voutnae awm hoeh atipouh.

²⁰ Matawng ni, nang koe roumnae awm seh. Na panki e naw pueng teh kai ni koung na khang pouh han. Kho lungui teh hrumhram roe hanh leih atipouh.

²¹ Hahoi a im a ceikhai teh, la hah rawca a paca awh. A khoknaw a pâsu awh teh, cungtalah a canei awh.

Gibeahnaw e thoena

²² Hot patetlah a phu a nep awh lahun nah, khothung e tami kaponaw ni king a kalup awh teh, tho hah thouk a takhawng pouh awh. Im katawnkung matawng koevah, nang im e ka luen e tami hah tâcawt sak, ka ikhai awh han ati awh.

²³ Im katawnkung teh, ahnimouh koe a tâco teh, telah nahoe. Hmaunawngghanaw koe hot patetlah totouh tailai teh yonnae sak awh hanh. Hete tami heh ka imyin doeh. Het patetlah e yonnae kalen teh, sak awh hanh.

²⁴ Khenhaw! awi hivah, ka canu tanglakacuem ao. Ahnie a yunaw hai ao. Ka tâco sak han. Ahnimouh heh ipkhai awh nateh, ahawi na ti awh e patetlah ahnimouh tak daw sak awh. Hateiteh, tami tongpa daw sak teh hot patetlah e yonnae kalen teh sak awh hanh atipouh.

²⁵ Hatei, ahnimanaw ni a dei e patetlah ngai awh hoeh. Hahoi Levih tami ni a yudo hah alawilah a tâcokhai teh, ahnimouh koe a poe. Ahnimouh ni

thouk a ikhai awh teh, khodai hoehroukrak a pacekpahlek awh. Khodai toteh a ceisak awh.

²⁶ Hahoi hote napui teh, khodai hoi a cei teh, a bawipa a luennae takhang koe vung a rawp teh, khodai totouh hawvah ao.

²⁷ Hahoi a bawipa teh amom vah a thaw teh, tho a paawng. Cei han kâcai hoi a tâco navah, a yudo teh takhang koe takhang kuet laihoi sut a kamlei e hah a hmu.

²⁸ Ahni ni napui koe thaw leih, cet leih sei atipouh. Hatei, napui ni pathung hoeh tõe. Hahoi, a la dawk a thueng teh a onae koelah a cei.

²⁹ Im a pha toteh, sarai a la teh, a yudo hah a kut a khok khuehoi pung hra hlaikahni touh lah a raban teh Isarel ram pueng koe koung a patawn.

³⁰ Hahoi teh, hote kahmawtnaw pueng ni, Isarelnaw Izip ram hoi pek tâconae koehoi het patetlah e hno sak e awm boihoeh. Hmawt hai hmawt boihoeh. Kho kahawicalah pouk awh haw sei. Be kâdei awh haw a kâti awh.

20

Isarel ni Benjamin a tuk

¹ Hahoi Isarelnaw teh pouknae buet touh lah a kamhluem awh teh, Dan hoi Beersheba totouh Gilead ram e naw hoi Mizpah vah BAWIPA koe a kamkhueng awh.

² Hahoi taminaw kahrawikungnaw hoi, Isarelnaw abuemlah Cathut taminaw a kamkhuengnae hmuen koe, koung a bawk awh. Tahloi ka patuem e ransaNew 400000 touh a pha.

³ Benjaminaw ni, Isarelnaw hah, Mizpah vah a takhang awh tie a panue awh. Hahoi Isarelnaw ni bangkongmaw hettelah tailai thoenae hah khuet na sak awh vaw. Na dei pouh awh loe atipouh awh.

⁴ Levih miphun, a yu a thei pouh e a vâ ni, Benjamin miphun onae Gibeah kho roe hanelah noe laihoi a kâen.

⁵ Hahoi Gibeahnaw ni na cusin awh teh, karum vah kai kecu dawk im teh a ven awh. Thei han na noe awh ei, kai na thei yueng lah, ka yu ado a pacekpahlek awh teh, a due sak awh.

⁶ Hottelah ka yu ado ro hah ka la teh, koung ka raban. Isarelnaw ao awh nah tangkuem koe koung ka patawn. Bangkongtetaawiteh, Isarel ram vah panuettho e hno hoi pathunae hno hah a sak awh.

⁷ Nangmouh Isarelnaw abuemlahoi na pouknae hah ahawi na ti awh e patetlah dei awh haw telah ati.

⁸ Hahoi teh, tamimaya teh lungkânging lah a tahung awh teh, apihai mae im dawk kâen awh hanh. Apihai mae rim thung kâen awh hanh.

⁹ Hatei, Gibeahnaw tak dawk sak hane kong dawk teh cungpam rayu hoi tuk awh sei.

¹⁰ Isarelnaw tak dawk kamhnawngnae hno a sak awh dawkvah, Gibeahnaw tuk navah, taminaw hane rawca ka thak hanlah, Isarel miphunnaw thung dawk 100 touh dawk 10 touh, 1000 touh dawk 100 touh, 10,000 touh dawk 1,000 touh rawi awh sei telah ati awh.

¹¹ Hottelah hoi Isarelnaw pueng teh khopui tuk hanelah, lungthin buet touh lah a kamhluem awh.

¹² Hahoi, Isarel miphunnaw ni Benjamin miphunnaw pueng koe, nangmouh koe het patetlah e hno kaawm e heh, bang dawk na maw.

¹³ Gibeah e tami kaponaw thokhai awh. Hot patetlah Isarel ram e yon pâmen nahanelah, ka thei awh han titeh, tami a patoun awh. Hatei,

Benjamin miphunnaw ni a hmaunawnggha Isarelnaw ni a dei e hah ngai aw h hoeh.

¹⁴ Benjamin miphunnaw teh, Isarelnaw tuk hanlah khopui thung hoi a tâco aw h teh, Gibeah vah a kâen aw h.

¹⁵ Hot hnin vah, Benjaminaw tahloi ka patuem hoi, katâcawtnaw teh, Gibeah vah a rawi aw h e tami 700 touh touksin laipalah, 26,000 touh a pha aw h.

¹⁶ Hotnaw hloilah, avoilah ka hno thai e tami 700 touh ao. Abuemlahoi pahlarui payang e thaw laipalah, talungdêikathoum e seng doeh.

¹⁷ Isarelnaw teh Benjaminaw touksin laipalah, tahloi ka patuem thai e 400000 touh a pha aw h. Hotnaw pueng teh taran ka tuk thai e seng doeh.

¹⁸ Isarelnaw ni a thaw aw h teh, Bethel lah a takhang aw h. Benjaminaw hah apinimaw hmaloe a tuk han telah Cathut koe pouknae a pacei aw h. BAWIPA ni Judahnaw hmahman naseh atipouh.

¹⁹ Hottelah Isarelnaw teh amom vah a thaw aw h teh, Gibeah tuk hanlah a roe aw h.

²⁰ Isarelnaw teh Benjamin tuk hanlah a kamthaw aw h teh Gibeah vah, a tuk aw h.

²¹ Hahoi Benjaminaw teh Gibeah hoi a tâco aw h teh, hot hnin vah Isarelnaw 22,000 touh a thei aw h.

²² Isarelnaw pueng ni tha a kâla aw h teh, apasuek hnin kâtuknae hmuen koe, bout a kâtuk aw h.

²³ (Hahoi Isarelnaw teh a takhang aw h teh, Cathut hmalah tangmin totouh a khuika aw h. Ka nawnggha Benjaminaw tuk hanlah bout kathâw aw h han maw telah BAWIPA koe a pacei aw h. BAWIPA ni bout tuk aw h ati pouh).

²⁴ Apâhni hnin Isarelnaw ni Benjaminaw hah a hnaisin aw h.

²⁵ Benjaminaw hai apâhni hnin bout kâtuk hanlah Gibeah hoi a tâco aw h. Isarelnaw hah 18,000 bout a thei aw h. Hetnaw teh tahloi ka patuem seng doeh.

²⁶ Hottelah Isarelnaw teh a takhang aw h teh, Bethel vah a cei aw h teh, a khuika aw h. BAWIPA hmalah a tahung aw h teh, hat hnin teh, tangmin totouh rawca a hai aw h. Hahoi BAWIPA koe hmaisawi thuengnae hoi roum thuengnae hah a poe aw h.

²⁷ Isarelnaw ni BAWIPA koe pouknae a hei aw h. (Hatnae tueng daw k Cathut lawkkam thingkong teh haw vah a o).

²⁸ Hatnae tueng nah Aron Capa Eleazar e capa Phinehas ni thaw ouk a taw k). Hmaunawnggha Benjamin teh ka tuk aw h han rah maw, ka o takhai aw h han tounge ou telah ati aw h. BAWIPA ni takhang sin aw h. Bangkoktetpawiteh, tangtho teh na kut daw k na poe aw h han toe telah atipouh.

²⁹ Isarelnaw ni Gibeah teng vah arulaho lampaw p a ta aw h.

³⁰ Hahoi Isarelnaw teh Benjamin tuk hanlah apâthum a kamthaw aw h teh, a hmoun e patetlah Gibeah kho tuk hanlah bout a kâcai aw h.

³¹ Hahoi Benjaminaw teh, tuk hanlah kho daw k hoi a tâco aw h. Ahmoun e patetlah tuk vaiteh, thei han a kamtawng aw h. Law hoi Bethel lah takhangnae koe Gibeah lam koe vah, Isarelnaw 30 touh a thei aw h.

³² Benjaminaw ni yampa e patetlah a sung aw h toe ati aw h. Isarelnaw ni yawng aw h vaiteh, ahnimanaw hah khopui lamthung koe tâcaw t sak sei telah ati aw h.

³³ Hottelah Isarelnaw ni amamae hmuen hah a ceitakhai teh, Baaltamar hmuen koe a kamtue awh. Hahoi arulahoï ka pawm e Isarelnaw hah a pawpnae Geba hmuen koe a tâco awh.

³⁴ Isarelnaw thung dawk hoi rawi e 10000 touh hah Geba kho lahoï a tho teh, puenghoï a kâtuk awh. Hatei, Benjaminaw ni a tak dawk rawknae a pha hane panuek awh hoeh.

³⁵ BAWIPA ni, Benjaminaw teh Isarelnaw hmalah, a tâ pouh. Hahoi Isarelnaw ni hot hnin dawk 25100 touh a thei awh. Hotnaw teh tahloï ka patuem seng doeh.

³⁶ Hot patetlah Benjaminaw ni a sung awh e hah a hmu awh. Isarelnaw ni Gibeah tuk hanlah arulahoï lampawp a ta awh e hah, a kâuep awh dawkvah, Benjaminaw hah hnuklah a kâhnawn takhai awh e doeh.

³⁷ Arulahoï kapawmnaw ni Gibeah kho dawk a saueng awh teh, a khoça pueng hah tahloï hoi koug thei awh.

³⁸ Isarelnaw hoi lampawp katahungnaw lawk a kâkam awh e teh, a khopui hmai lah muengkhu sak hane doeh.

³⁹ Hahoi Isarelnaw teh hnuklah bout a kâhnawn awh teh, Benjaminaw ni a saung awh. Isarelnaw 30 tabang a thei awh. Kâtuk pasueknae patetlah maimae hmalah a sung awh toe ati awh.

⁴⁰ Hatei, khopui dawk hmaikhu a kangdue navah, Benjaminaw teh a kamlang awh teh, khenhaw! khopui e hmaikhu teh kalvan lah a luen parai toe.

⁴¹ Hahoi Isarelnaw teh hnuklah a kamlang awh teh, Benjaminaw ni runae a kâhmo awh toe tie a panue awh navah,

⁴² Isarelnaw hmalah, kahrawng lah a yawng awh. Hatei, pou a pâlei awh. Hahoi, khopui thung hoi ka tâcawt e naw hah hawvah a thei awh.

⁴³ Benjaminaw teh he a kalup awh. A pâlei awh teh, kanîtholah Gibeah kho teng kâhatnae koe a pha awh teh, a katin awh.

⁴⁴ Benjaminaw teh tami 18000 touh a due awh. Abuemlahoi athakaawme taminaw hoi a tarankahawinaw seng doeh.

⁴⁵ Hahoi kaawm e naw ni, a ban awh teh, ramke lae Rimmon lungsong koe lah a yawng awh. Tami 5,000 touh teh lam vah hmawi a man awh. Gidom totouh pou a pâlei awh teh, tami 2,000 touh a thei awh.

⁴⁶ Hottelah, hat hnin Benjaminaw kadoutnaw pueng hah, tahloï ka patuem e 25,000 touh a pha. Abuemlah hoi athakaawme taminaw hoi a tarankahawinaw seng doeh.

⁴⁷ Hatei, tami 600 touh teh, ram ka ke koelah, Rimmon lungsong koe a yawng awh teh, hawvah, thapa yung pali touh ao awh.

⁴⁸ Hahoi Isarelnaw niteh, Benjaminaw koe bout a kamthaw awh teh, a khopui thung taminaw pueng hoi saring thoseh, a hmu awh e naw pueng hah tahloï hoi a thei awh. Hothloilah, kho a hmu awh e naw pueng hai hmai a sawi pouh awh.

21

Benjamin miphunnaw hanelah yu a poe awh

¹ Isarelnaw ni Mizpah vah, maimouh thung dawk hoi apihai Benjaminaw ni a yu lah lat hanh seh telah lawkkamnae a sak awh.

² Tamimaya teh, Bethel vah a cei awh teh, Cathut hmalah tangmin totouh a tahung awh. Puenghoï a hram awh teh a ka awh.

³ Ahnimouh ni Oe BAWIPA, Isarelnaw e Cathut, bang dawk maw Isarelnaw rahak vah het patet e hno heh ao. Sahnin vah, Isarelnaw dawkvah, miphun buet touh a vout. Bang kecu dawk vaimoe telah ati awh.

⁴ Hahoi teh, hettelah doeh. Atangtho teh tamimaya ni amom a tho awh teh, hawvah, bawknae khoungroe a sak awh. Hmaisawi thuengnae hoi lungmawng thuengnae a poe awh.

⁵ Isarelnaw ni, Isarel miphunnaw pueng lung dawk, BAWIPA koe ka kamkhueng hoeh e apimaw kaawm telah atipouh. Bangkongtetpawiteh, Mizpah vah BAWIPA koe ka cet hoeh e naw pueng teh, thei han telah lawkkamnae kalenpoung a sak awh toe.

⁶ Hahoi Isarelnaw pueng ni, a hmaunawnggha Benjaminaw koe pankângai awh leih. Sahnin Isarelnaw thung dawk hoi miphun buet touh pahma awh toe.

⁷ Kaawm rae thung dawk hoi a yu nahanelah bangtelamaw ti awh han. Maimae canunaw heh a yu lah la sak hoeh hanelah BAWIPA koe thoebo hoi lawk yo bout kam awh toe telah ati awh.

⁸ Ahnimouh ni Isarel miphun thung hoi bang miphun maw Mizpah BAWIPA koe ka tho hoeh vah telah ati. Hahoi khenhaw! ka kamkhuengnaw onae hmuen koe Jabesgileadnaw hah buet touh hai awm hoeh bo.

⁹ Taminaw hah a parei awh navah, Jabesgilead ram kaawm e buet touh hai awm hoeh.

¹⁰ Hahoi kamkhuengnaw ni a tarankahawi e tami 12000 touh a patoun awh. Cet nateh, Jabeshgilead ram dawk e kaawmnaw hah napui camo hai abuemlah tahloi hoi thet awh.

¹¹ Na sak awh hane dawkvah, hettelah han. Tongpanaw hoi napuinaw ni a ikhai tangcoung e naw pueng hah na thei awh han telah kâ a poe awh.

¹² Hahoi Jabeshgilead ram e kaawmnaw thung dawk, tangla 400 touh, tongpa ni a ikhai hoeh rae a pâphawng awh. Hat toreih teh, a onae Shiloh be a thokhai awh. Hot teh Kanaan ram doeh.

¹³ Hahoi kamkhuengnaw pueng ni tami a tha awh teh, Rimmon talung koe kaawm e Benjaminaw hah a patopahlai awh teh, ahnimouh koe roumnae lawk a dei pouh awh.

¹⁴ Telah ati awh tahma vah, Benjaminaw tang a ban awh teh, Jabesgilead napui a hlung awh e naw hah a poe awh. Hatei napuinaw khout hoeh rah.

¹⁵ Hahoi tamimaya teh, Benjamin kecu dawk pankângai awh. Bangkongtetpawiteh, BAWIPA ni Isarel miphun thung ruengruengtinae a pha sak dawkvah.

¹⁶ Hottelah kamkhueng e maya a lungkahanaw ni ka hring e naw a yu hane teh, bangtelamaw ti han. Bangkongtetpawiteh, Benjaminaw thung dawk napuinaw heh koung bout thei pouh awh toe telah ati awh.

¹⁷ Ahnimouh ni Isarel dawk hoi miphun a kahma hoeh nahanelah, Benjaminaw la kaawmnaw heh, bangtelamaw râw tawn sak thai han.

¹⁸ Maimae canunaw hai a yu lah lat thai awh hoeh ati awh. Bangkongtetpawiteh, Isarelnaw ni tami bangpatet hai, Benjaminaw a yu lah ka lat e teh, thoebonae awm seh telah lawk bout kâkam toe.

¹⁹ Ahnimouh ni khenhaw. Bethel ceinae lam, kanîtholah, Lebanon monsom kaawm e Shiloh vah, kum tangkuem BAWIPA hanlah pawih ouk ao telah ati awh.

²⁰ Hatdawkvah, ahnimouh ni, Benjaminaw koevah, cet awh nateh, misur takha koe arulahoipawm awh.

²¹ Khenhaw! Shiloh vah tanglanaw ni lamnae hmuen koe, a tâco toteh, misur takha koehoi tâcawt awh nateh, tami pueng ni Shiloh tangla hah yu lah man awh. Hahoi torei, Benjamin ram vah cet awh.

²² Hahoi, a na pa thoseh, a thangroi thoseh, lairoe hanlah tho pawiteh, ahnimouh koevâh; Kaimouh kecu dawk ahnimouh hah pahren awh. Bangkongtetpawiteh, taran tuknae koe ka yu hanelah, na man pouh mahoehtoe. Bangkongtetpawiteh, ahnimouh ni hai atu totouh napui na poe kalawn awh hoeh. Namamouh e lawkkam dawk yon na kâhnei awh telah tet pouh awh.

²³ Benjaminnaw teh, hot patetlah a sak awh. Ka lamnaw hah amamae yu hanelah lengkaleng a man awh teh, yout a ceikhai awh. A ram dawk a phakhai awh teh, khopui hah bout a pathoup awh, hawvah kho a sak awh.

²⁴ Hottelah, Isarelnaw teh, amamae mipahun rip hoi amamae imthungkhu rip hai, hote hmuen koehoi a tâco awh teh, amamae kho tangkuem vah a ban awh.

²⁵ Hote tueng nah, Isarel vah siangpahrang awm hoeh. Tami pueng ni a mahoima hmunaeh dawk ahawi tie patetlah kho a sak awh.

RUTH (Ruth)

Elimelek imthung Moab lah a cei

¹ Lawkcengkung ni a uknae tueng nah Isarel ram takang a tho teh, Judah ram Bethlehem tami buet touh teh a yucanaw hoi Moab kho kampuen hanlah a cei awh.

² Ahnie min teh Elimelek. A yu min teh Naomi, a ca roi e a min teh Mahlon hoi Khilion. Ahnimouh teh Judah ram, Bethlehem kho, Ephraim tami lah ao. Moab ram lah a cei teh hawvvaoh ao awh.

³ Naomi teh a vâ, Elimelek a due hnukkhu a capa roi hoi cungtalah kho a sak awh.

⁴ A ca roi ni Moab napui, Orpah hoi Ruth hah a yu lah a la roi.

⁵ Hote ram daw kum hra touh hane ao awh hnukkhu, hote a capa roi Mahlon hoi Khilion hai a due roi dawkvah Naomi teh a vâ hoi a ca laipalah ao.

⁶ Cathut ni a taminaw a khet teh khobu a tho sak tie Moab ram hoi a thai navah, Moab ram hoi ban hanlah a langa roi hoi a kamthaw awh teh,

⁷ Judah ram lah a cei awh.

⁸ Hatei, Naomi ni a langa roi hanlah na manu im lah ban roi leih, kadout tangcung naw hoi kai koe na saknae phu teh Cathut ni yawhawi na poe roi lawiseh.

⁹ Nangmouh roi ni na vâ alouke na sak roi hnukkhu kanawmcalah na o roi nahan yawhawinae na poe lawiseh ati teh, a kut a man roi. Ahnimouh roi hai a khuika roi.

¹⁰ Bangtelah hai thoseh nama hoi cungtalah, na miphunnaw koe kâbang han atipouh roi.

¹¹ Naomi nihai, ka canu roi, ban roi leih. Bangkongmaw kai koe na kâbang roi han. kai teh nangmouh roi hanlah ka vonthung ca tongpa ka tawn rah maw.

¹² Ka canu roi, ban roi leih. kai teh nangmouh roi na ngaihawi nahanelah ka kumcue toung dawkvah vâ hai ka tawn thai mahoeoh toe. Hatei, vâ ka tawn nakunghai thoseh, sahnin tangmin vah ca tongpanaw ka khe ei nakunghai thoseh,

¹³ Ahnimouh a nawsai ditouh na ring thai han na maw. Vâ laipalah ahnimanaw ngaihawi rah vaw, ka canu roi hottelah nahoeoh. Cathut e kut teh kai koe ao hoeoh toung dawkvah nangmouh roi hanlah lungpatawnae ka tawn atipouh navah

¹⁴ Ahnimanaw teh puenghoi bout a ka awh. Hahoi, Orpah ni a mani hah a pacu teh a imthungnaw koe a ban takhai. Hatei, Ruth teh a mani hoi cungtalah o hane a kârawi.

¹⁵ Naomi ni na hmau teh na miphun cathut koe a ban toe. Na hmau e hnuk vah kâbang van leih atipouh navah,

¹⁶ Ruth ni nang hoi na kampek sak hanh. Nang koe ka cei hoeoh nahanlah sak hanh. Na ceinae pueng koe ka cei han. Na inae koe ka i han. Na miphun teh ka miphun lah ao han. Na Cathut teh ka Cathut lah ao han.

¹⁷ Na duenae koe ka due vaiteh kâpakawp han. Duenae laipalah bang ni hai kapek pawiteh Cathut ni kai koe het hlak hai hno sak naseh, telah atipouh.

¹⁸ Ruth ni lungtang lahoi a hnukkâbang han ati e Naomi ni a hmu navah lawkkamuem lah a o

¹⁹ Ahnimouh roi teh a kamthaw roi teh Bethlehem a pha roi navah, taminaw ni ruengrueng ati awh teh, hetheh, Naomi namaw telah a paei awh.

²⁰ Naomi ni kai heh Naomi telah na kaw awh hanh lawih. Marah telah na kaw awh lawih. Bangkongtetpawiteh, a Thakasaipoung ni kakhat e hno na poe.

²¹ Kai teh bawirengnae hoi ka tâco. Hatei, roedeng teh takcaici hoi Cathut ni bout na bankhai. A Thakasaipoung ni kai na pabo teh na roedeng sak dawkvah bangkongmaw Naomi telah na kaw awh, atipouh.

²² Hottelah, Moab kho hoi ka kâbang e Moab napui, a langa hoi Bethlehem kho vah canga tue nah a pha roi.

2

Ruth teh Boaz hoi a kâhmo

¹ Naomi e a vâ Elimelek e a miphun dawkvah a tha kaawm ni teh ka tawnta poung e a pawiya buet touh ao. Ahnie min teh Boaz doeh.

² Moab ton, Ruth niyah kai teh laikaw koe ka cei vaiteh ka lung ni a youk e hnukkâbang vaiteh cavui a pâhma awh e ka rakhun han telah Naomi koe a kâhei. Naomi ni ka canu cet khe atipouh.

³ Ruth ni cang ka a naw e a hnukkhu a cei teh cavui a pâhma awh e a rakhun navah, Elimelek e a miphun Boaz e laikaw daw pouk laipalah a pha.

⁴ Hatnavah, Boaz ni Bethlehem kho lahoi ka tho e nangmouh koe Cathut teh cungalaw awm naseh telah cang ka a naw hanelah atipouh navah, ahnimouh ni nama haiyah Yungyoe Cathut ni yawhawinae na poe naseh ati a pouh awh.

⁵ Boaz ni hai hote napuica teh api hoi maw a kâkuet telah laikaw daw kâ katawnkung koe a paei navah,

⁶ Laikaw daw kâ katawnkung ni Moab kho lahoi Naomi hoi rei ka tho e Moab ton doeh atipouh awh.

⁷ Ahni ni hai kai teh cang ka a naw ni a pâhma e cavui, law um e ka rakhun han, telah a kâhei teh amom hoi atu hi lawbu a kâhat ditouh a taw toe atipouh navah,

⁸ Boaz ni Ruth hah a kaw teh thai haw ka canu alouke laikaw daw cet hanh, a pâhma e cavui rakhun hanh, lat hanh. Hi hoi cet laipalah ka sannunaw koe mah awm lawih.

⁹ Law hma vah cang ka a naw hah khen nateh ahnimae hnukkâbang lawih. Thoundounaw ni taraw koe na hanlah ka dei pouh toe. Tui na kahran navah hlaam hrueknae koe cet nateh thoundoun ni a do e tui net leih atipouh navah,

¹⁰ Ruth ni talai daw k a tabo teh kai teh Jentel tami ka tho dawkvah ka bawipa nange na lung a kuep nahane bangtelamaw ka ti han ti teh a paei.

¹¹ Boaz ni hai na vâ a due hnukkhu, na mani na khetyawt e thoseh, na khoram hoi na manu na pa na ceitakhai teh na panue hoeh e khoram daw na pha tie thoseh, kai koe kamcengcalah a dei awh toe.

¹² Na tawksak pueng daw Cathut ni na patho lawiseh. Nang ni a rathei rahim o hanlah na hnaisin e Isarel Cathut ni tawkpou na poe lawiseh atipouh

¹³ Ruth nihaiyah, bawipa kai haiyah na hmalah minhmai kahawi kahmawt naseh. Kai teh nange na sannunaw hoi ka kâvan hoeh eiteh,

nama ni lawkkamuem lahoi na dei pouh teh lung yo na pahawi toe telah atipouh.

¹⁴ Boaz nihai, canei nahane atueng kuep toe. Tho nateh, vaiyei cat haw. Misurtui dawк ranup hottelah atipouh e patetlah, Ruth teh cang ka a naw hoi cungtalah a tahung navah, Boaz ni vaiyei a poe teh, kaboumcalah a ca hnukkhu, bout a pek.

¹⁵ Cavui pâhma e racawng hanlah a thaw teh a cei navah, Boaz ni avaicaw koe, hote napui teh pâhma e cabong racawng naseh. Yeirai poe aw h hanh.

¹⁶ A tangcoung e cabong hai lem pek pouh aw h, hrawm van naseh. Toun aw h hanh, telah lawk a thui.

¹⁷ Ruth ni hote laikawк dawк tangmin totouh cavui pâhma e a racawng teh a katin hnukkhu catun ephah, buet tabang a pha.

¹⁸ Hote cakang aphu teh, khotung a kâenkhai. A hmu e cakang hai a mani a patue. Kaboumlah a ca hnukkhu a pek e vaiyei hai a rasa teh bout a poe.

¹⁹ A mani ni hai sahnin nâmwaw cavui na racawng. Nâmwaw thaw na tawк. Nang na ka panuek e tami teh a yawhawî seh telah atipouh hnukkhu, Ruth ni sahnin ka tawкnae tami e min teh Boaz doeh telah atipouh.

²⁰ A mani ni kahring e tami, kadout e taminaw koe lungmanae pout laipalah ka sak pouh rae Cathut ni yawhawinae na poe lawwîseh. Hote tami teh maimouh hoi kambawng e tami, kâhnai e miphun lah ao toe telah a langa koe atipouh

²¹ Hote tami ni cang ka a e ka cum hoe roukrak ka taminaw koe awm ei telah Moab napui Ruth koe a dei pouh navah,

²² Naomi ni, ka canu nang teh ahnie a sannunaw hoi cungtalah na awm pawiteh ahawi. Alouke laikawк dawк ahnimouh ni na hmawt payon vaih, telah Ruth koe a dei pouh.

²³ Ahni teh barli, canga e abaw totouh Boaz e a sannunaw koe ao teh, cavui pâhma e rakhun hanelah a cei teh a mani koe ao.

3

Ruth ni Boaz a nem

¹ Hahoi, a mani Naomi ni ka canu, nang na hlout thai nahanlah kai ni roumnae hmuen nang hanelah ka tawng mahoe h namaw.

² Na huiko lah kaawm e maimae bawipa Boaz teh maimae huiko nahoe h maw. Sahnin, tangmin laikawк dawк barli cakang a karue.

³ Nang teh tui kamhluknae, satui kâhluknae, kamthou pnae khohnat nateh laikawк koe cet leih, ahni ni rawca be a ca hoe h nahlan teh kâpâ tue hanh.

⁴ Ahni a inae patoup nateh a i navah kâen, a khok a khu e hni hawng pouh nateh ip la a. Nang ni na sak hane kawî hah a dei han atipouh.

⁵ Ahni ni a mani koe, na dei e pueng ka sak han atipouh.

⁶ Laikawк koe a cei teh a mani ni lawkthui e patetlah a sak.

⁷ Boaz teh canei teh lunghawi laihoi laikawк koe a cei teh a i navah, Ruth ni duem a hnai teh a khok dawк a khu e hni hah a hawng teh a i.

⁸ Karumsaning vah tongpa teh loumkalue, a kamlang navah, napui a khok koe ao e hah a hmu.

⁹ Api nang maw telah a pacei navah, kai teh bawipa nange na san Ruth doeh, bawipa nang teh ratang thai e miphun lah na o dawк, bawipa na sannu hnipo i hoi na khu leih atipouh navah,

¹⁰ Ahni ni ka canu kahring Cathut ni yawhawinae na poe seh. Nang teh ka tawnta e tongpa, ka roedeng e tongpa buetbuet touh na kângue hoeh. Hmaloe na sak e pahrennae hlak a hnukkhu na sak e pahrennae hoe a len.

¹¹ Ka canu na lungpuen hanh. Na hei e pueng teh ka sak han. Nang teh a nuen kahawi e napui lah na o e ka miphun onae kho pueng ni a panue.

¹² Kai teh ratang thainae ka tawn e miphun katang lah ka o. Hateiteh, kai hlak vah ratang thainae ka tawn e miphun buet touh ao rah.

¹³ Sahnin tangmin teh awm ei, ahni ni ratang thainae paca lah sak ngai pawiteh sak naseh, sak ngai hoehpawiteh Cathut a hring e patetlah kai ni ka sak han, amom totouh ip ei atipouh.

¹⁴ Ruth ni amom totouh a khok koevah a i teh buet touh hoi buet touh panuena atueng a pha hoehnahlan vah a thaw. Tongpa ni hai napui koe hete laikawk koe na tho e apihai panuek sak hanh telah atipouh.

¹⁵ Hathnukkhu, nang ni na sin e cauithun hah patueng atipouh e patetlah a patueng. Barli cakang omer taruk touh a nue pouh. A lû dawka a thueng teh im a ban.

¹⁶ A mani koe a pha toteh bangtelamaw telah a paei. Nang dawkvah ahni ni a sak e thoseh,

¹⁷ ahni ni nang teh na mani koe kuthrawng hoi cet hanh telah barli cakang taruk touh a poe e hai thoseh a dei pouh.

¹⁸ A mani ni hai ka canu hete hno bangtelah hoi maw abaw han tie na panue hoeh totouh tahung ei. Tongpa ni sahnin hete hno abaw hoehnahlan muengmueng awm hoeh telah a dei pouh.

4

Boaz ni Ruth a paluen

¹ Hatnavah, Boaz teh khopui longkha koe a cei teh a tahung. Paduem a dei e pacanaw ni a cei e a hmu navah, a kamlang teh, api nang maw, tahung leih atipouh e patetlah a kamlang teh a tahung.

² Hahoi, khopui thung e kacuenaw tami hra touh a kaw teh, hi tahung atipouh e patetlah a tahung.

³ A pacanaw ni hai Moab kho hoi ka tho e Naomi ni maimae hmau, Elimelek e talai a yo han dawkvah,

⁴ nang na thai sak. Khocanaw, kaimae pacanaw dawka hoi kacuenaw e hmalah ran leih telah dei hanlah pouknae ka tawn. Nang ni ratang na ngai pawiteh ratang leih. Na ratang ngai hoehpawiteh kai koe bout dei lawih. Kai laipalah alouke ka ratang thai e awm hoeh. Nange na hnukkhu lah kai ka o atipouh navah paca ni kai ni ka ratang han telah ati.

⁵ Boaz ni hai hote laikawk hah Naomi koe ranna e hnin navah kadout e râw lahoi a minhmai khet hanelah a yu Moab napui Ruth hah a ran sin telah ati navah,

⁶ A paca ni kai ni kama hanlah ka ratang thai mahoe. Ka ratang pawiteh ka râw raphoe e lah ao han ti a lakueng. Kai ni ka ratang hoeh toung dawkvah kaie ratangthainae hah, nama hanlah ratang lawih telah atipouh.

⁷ Isarelnaw e singyoe patetlah ratangnae, hno kâthung e a kangning thai nahanlah buet touh ni amae khokkhawm a rading vaiteh buet touh koe ouk a hnawng. Hottelah, sak e lahoi, Isarel miphunnaw koe panuekhainae teh acak.

⁸ Hatdawkvah, a paca ni, ma hanelah ran leih telah Boaz koe a dei pouh e patetlah Boaz ni amae khokkhawm teh a rading.

⁹ Boaz ni hai Elimelek e hno, Khilion e hno hoi Mahlon e hnonaw pueng Naomi kut dawk e ka ran teh,

¹⁰ Kadout e min hah ahnie hmaunawnggha thung hoi thoseh, a onae khopui longkha koehoi thoseh ahnie râw lahoi a min pâpout hoeh nahanelah, Mahlon e a yu Moab napui Ruth heh ka yu lah ao thai nahan, ka ran tie hah nangmanaw teh sahnin kapanuekkhaikung lah na o awh.

¹¹ Longkha koe kaawm e kacuenaw, taminaw pueng ni kapanuekkhaikung lah ao awh. Na im ka tho e napui ni Isarel miphun kangdout sak e napui kahni touh teh kaimouh koe, Rachel hoi Leah patetlah ao nahan, BAWIPA ni sak lawiseh. Nang hai Epharath kho dawk thao thasainae hoi na kawi vaiteh, Bethlehem khopui dawk min kamthang lawiseh,

¹² Karoung takhang e hete napui koe, Cathut ni a poe hane cati lahoi, nange catounnaw teh, Judah e a yu Tamar ni a khe e Parez catoun patetlah awm naseh telah a deî awh.

¹³ Boaz ni Ruth a paluen teh, a okhai navah Cathut lungmanae lahoi ca a von teh ca tongpa a khe.

¹⁴ Napuinaw ni hai Naomi koevah nang na khenyawn hanelah na miphun ka cettakhai hoeh e Cathut yawhawinae awmseh. Atu na khe e na miphun heh Isarel miphun dawk kamthangnae awm lawiseh,

¹⁵ Ahni teh na hringnae ka khenyawn e tami, na matawng navah na ka kaw k e tami lah awmseh. Nang lung na ka pataw e tawngpa sari touh hlak hai hoe kahawi e na langa ni ca tongpa a khe toe atipouh awh.

¹⁶ Naomi ni camo hah a la teh, a tawm teh a okhai

¹⁷ Imri e napuinaw ni hai Naomi ni a ca tongpa a khe ati awh teh, hote camo teh Obed telah min a phung awh. Obed capa Jesi, Jesi capa Devit.

¹⁸ Perez e catounnaw teh: Perez capa Hezron,

¹⁹ Hezron capa Ram, Ram capa Amminadab,

²⁰ Amminadab capa Nahshon, Nahshon capa Salmon,

²¹ Salmon capa Boaz, Boaz capa Obed,

²² Obed capa Jesi, Jesi capa Devit lah ao.

1 SAMUEL (The First Book of Samuel)

Elkanah imthung

¹ Ephraim mon, Ramathaim kho dawk tami buet touh ao. A min teh Elkanah, Ephraim kho e Zuph capa, Tohu capa, Elihu capa, Jeroham capa doeh.

² Ahni teh a yu kahni touh a tawn, buet touh e min teh Hannah, buet touh e teh Peninnah, Peninnah teh a ca a tawn, Hannah teh ca tawn hoeh.

³ Elkanah teh ransahu BAWIPA bawk hane hoi thueng hanelah amae kho hoi Shiloh kho kumtanguem ouk a cei. Hote kho dawk Eli e capa roi Hophni hoi Phinehas teh Bawipa e vaihma lah ao roi.

⁴ Thuengnae tueng a pha navah Elkanah ni a yu Peninnah hoi a canaw e ham a rei.

⁵ Hatei Hannah teh coe hane let hni touh a poe. Bawipa ni Hannah ca khe hane kâ poe hoeh ei Hannah a pahren dawk a poe.

⁶ Bawipa ni Hannah hah ca khenae a poe hoeh dawkvah, Hannah hoi kâpo hoeh e napui ni, Hannah a lungmathoe nahanelah voutsout a sak.

⁷ Hottelah kumtanguem, Bawipa im a cei navah, lungmathoenae a poe, a khuika teh bu hai cat laipalah Hannah teh ao.

⁸ A vâ Elkanah ni Hannah bangkongmaw bu na ca hoeh. Bangkongmaw na lung a mathoe. Capa hra touh hlak nang hanelah kahawi nahoehmaw telah atipouh.

Hannah lawkkam

⁹ Shiloh kho vah a canei awh hnukkhu vaihma teh BAWIPA e bawkim longkha koe a tahung navah,

¹⁰ Hannah a thaw teh, lungthin ka rek lah khuika laihoi BAWIPA koe a ratoum.

¹¹ Hannah ni ransahu BAWIPA, nange sannu e rucatnae na hmu teh kai na pahnim hanh. Na sannu pou na pouk lah, capa na poe pawiteh hote capa teh a hring nathung BAWIPA koe ka poe han. A sam hai ka ngaw pouh mahoe telah lawkkamnae a sak.

¹² Hannah teh, BAWIPA hmalah pou a ratoum nah Eli ni apâhni a khet pouh.

¹³ Hannah ni a lungthung hoi a ratoum. A pahni dueng a kâroe teh a lawk a thai hoeh dawkvah, yamu a parui telah Eli ni a pouk.

¹⁴ Nâsittouh maw na parui lahoi na o han. Misurtui hah takhoe leih telah atipouh.

¹⁵ Hannah ni nahoeh bawipa, lungmathoenae hoi kaawm e doeh. Misur thoseh, yamu thoseh ka net hoeh. BAWIPA hmalah kahringnae ka rabawk e doeh.

¹⁶ Na sannu tami kahawihoehe lah pouk hanh. Ka phuenang laihoi atu sittouh ka hei telah bout a dei navah,

¹⁷ Eli ni karoumcalah cet haw, BAWIPA koe na hei e teh, Isarel miphun e Cathut ni na poe lawiseh telah atipouh.

¹⁸ Hannah ni hai na sannu kai teh, na minhmai kahawi kahmawt naseh telah a dei hnukkhu, a minhmai kapan lahoi a cei teh bu a ca toe.

Samuel hnawngnae

¹⁹ Ahnimouh teh amom a thaw awh teh, BAWIPA a bawk awh teh Ramah kho amamouh im vah a pha awh. ELkanah teh a yu Hannah hoi a kâpanue roi teh BAWIPA ni Hannah teh pahnim hoeh.

²⁰ Hannah ni camo a von teh atueng akuep navah ca tongpa a khe. Hete ca teh BAWIPA koe ratoum lahoi hmu e lah ao dawkvah, Samuel telah a min a phung.

²¹ Elkanah hoi a imthungnaw teh BAWIPA koe kumtangkuem ouk a sak awh e thueng hanelah lawk a kam e kuep sak hanelah a cei.

²² Hannah ni a vâ koe, camo sanu a kamphei torei doeh BAWIPA hmalah, ka ceikhai vaiteh BAWIPA koe pou ao han toe telah atipouh.

²³ A vâ Elkanah ni ahawi na tie patetlah sak lawih. Camo sanu na pâphei totouh awm lawih. BAWIPA e lawkkam mah kuep sak telah atipouh. Hatdawkvah Hannah ni a ca sanu a pânei teh sanu pâphei totouh a im vah ao.

²⁴ A ca sanu a pâphei hnukkhu kum thum touh e maitotan buet touh, tavai kawlung buet touh, misurtui um touh hoi a ca hah a ceikhai, camo a nawca rah eiteh, Shiloh e BAWIPA e im dawk a ceikhai.

²⁵ Maito a thei hnukkhu camo hah Eli koe a thokhai.

²⁶ Hannah ni oe ka bawipa nang na hring e patetlah kai teh yampa vah hete hmuen koe nang koevah, ka kangdue lahoi BAWIPA koe ouk ka ratoum e napui kai hah doeh.

²⁷ Hete camo ka hmu thai nahan ka ratoum teh ka hei e patetlah Bawipa ni na poe toe.

²⁸ Hatdawkvah, kai ni BAWIPA koe ka hnawng toe a hring nathung BAWIPA koe hnawng e lah ao toe, a titeh hote hmuen koe BAWIPA hah a bawk.

2

Hannah ratoumnae

¹ Hannah ni a ratoum e teh,
BAWIPA dawk ka lunghawi poung.

Ka ki hah BAWIPA ni a tawm toe.

Nange Rungngangnae dawk ka lung ahawi teh
ka tarannaw hmalah ka minhmai a pan.

² BAWIPA a thoung e patetlah apihai thoung hoeh.
Nang patetlah e awm hoeh.

Kaimae Cathut patetlah kângue hane talung awm hoeh.

³ Hot patetlah e kâouppnae lawk dei hanh leih.
Na pahni dawk hoi lunglennae lawk tâcawt hanh naseh.
Bangkongtetpawiteh, BAWIPA teh
bangpueng ka panuek e Cathut lah ao teh,
sak awh e pueng hah a khing.

⁴ Athakaawme taminaw e licung a kâkhoe teh
a thakayounnaw thaonae a poe.

⁵ A von kapahanaw ca hane kawi a hmu nahan a tawng awh teh,
a von kahlamnaw vonhlam awh hoeh toe.
Napui cakaroe e ni vai sari touh ca a khe toe.
A ca moikapap ka khe e napui a tha a tâwn toe.

⁶ BAWIPA teh duesakthainae,
hringsakthainae,
phuén totouh duesaknae hoi thawsaknae kâ a tawn.

⁷ BAWIPA ni roedengsaknae, tawntasaknae,

a pabo teh tawmthainae kâ a tawn.

- 8 A ma ni pabo e vaiphu dawk hoi a tawm teh,
a tha kayoun e hraba dawk hoi a tawm teh,
tami katawntanaw hoi
rei tahungthainae bawilennae bawitungkhung a poe.
Bangkongtetpawiteh, talai dupuinaw teh BAWIPA e lah ao.
Hote adu pui dawk BAWIPA ni talaivan a kamtue sak.
- 9 Ama ni a tami kathoungnaw e a khok a khetyawt han.
Tamikathoutnaw teh a hmo thung dueng ao aw h han.
Ma e thasainae hoi apihai tâ mahoe h.
- 10 BAWIPA ka taran e pueng reppasei lah a ta han.
Kalvan hoi khoparit lawk hoi a tuk han.
BAWIPA ni talai apout totouh lawk a ceng han.
Ama e siangpahrang hah thasainae a poe han.
Satu a awi e hah tawmdawm han telah a ti.
- 11 Hathnukkhu hoi Elkanah teh Ramah kho e a im vah a pha. Hatei camo
teh vaihma Eli koe BAWIPA e thaw a tawk.

Eli capanaw cungkeihoehnae

- 12 Eli capanaw teh a rawk teh BAWIPA panuek a hoe h.
- 13 Tamimaya koe vaihmanaw oangnae teh, thuengnae moi a thawng
lahunnah, vaihma e a san buet touh hoi moi sonae sum kathum samphei
e a sin teh a tho.
- 14 Ukkang thung thoseh, hlaam dawk thoseh, thawngnae hlaam dawk
thoseh a cuek aw h teh moi sonae sum kathum samphei hoi a rasa e
moinaw hah vaihma ni ouk a la, hot patetlah hawvah ka tho e Isarel tami
pueng koe Shiloh vah a sak aw h.
- 15 Hatnavah, a thâw a karê hoe hnahlan, vaihma san a tho teh
thuengnae ka sak e koe vah vaihma hanelah pahai e moi na poe haw.
Bangkongtetpawiteh, nang koe e thawng e moi lat mahoe h. Thawng hoe h
e doeh a ngai telah a dei.
- 16 Ahni koe vah ahrei hah hmaloe karê seh, hat hnukkhu vah na ngai yit
touh na la han atipouh navah, ahni ni na hoe h bo atu roeroe na poe. Na
poe hoe hpawiteh, beng na lawp han ouk atipouh.
- 17 Hatdawkvah, vaihma thoundounnaw teh a yonnae BAWIPA mithmu
vah a lenpoung. Bangkongtetpawiteh, BAWIPA e thuengnae noutna hoe h
e lah a hno aw h toe.
- 18 Camo Samuel teh vaihma e angkidung a khohna teh BAWIPA hmalah
thaw a tawk.
- 19 Hothloilah, angkidung a manu ni a khui pouh teh, kumtanguem
thuengnae poe hanelah a vâ hoi a tho navah ouk a sin pouh.
- 20 Eli ni Elkanah hoi a yu teh yawhawi a poe teh, BAWIPA hanelah hno na
poe e heh hete napui hno lahoi BAWIPA ni na patho naseh telah atipouh.
Hottelah hoiyah im lah a ban aw h.
- 21 BAWIPA ni Hannah teh a khetyawt teh camo a vawn teh ca tongpa
kathum napui kahni touh a khe. Camo Samuel hai BAWIPA hmalah a
roung.

Eli ni a capanaw a yue

- 22 Eli teh a matawng poung toe. Isarel pueng koe a canaw ni a
sakyoe e pueng hoi kamkhuengnae lukkareiim takhang koe kamkhueng
e napuinaw a ikhainae kong a thai a teh,

²³ Ahnimouh koe bang kecu dawk maw het patetlah e hno hah na sak. Bangkongtetpawiteh, hetnaw koehoi e na sak awh e hnokahawi hoeh e kong hah ka thai.

²⁴ Hawi hoeh ka canaw, BAWIPA e taminaw ni a dei awh e kamthang teh kamthang kahawi nahoeh. BAWIPA e taminaw lawk na ek sak.

²⁵ Tami reira hah Tami buet touh ni yonnae sak pawiteh, ahni teh, lawkcengkung ni lawk a ceng han. Tami buet touh ni BAWIPA dawk yon pawiteh, apinimaw a kâhei pouh han telah ati. Hatei a na pa e lawk ngai laipalah a onae teh BAWIPA ni thei han a ngai dawk doeh.

²⁶ Camo Samuel teh a rounng takhang teh Cathut hoi tami e lungngai lah ao.

BAWIPA ni Eli imthung a pahnawt

²⁷ BAWIPA e tami buet touh Eli koe a tho teh, BAWIPA ni hettelah a dei. Izip ram Faro im ao awh navah na pa e na catoun koe kamcengcalah ka kamnuh nahoehmaw.

²⁸ Ka thuengnae khongroe koe cei hane hmuitui sawi hane, ka hmalah vaihma angki kho hane, Isarel miphun dawk hoi ahni teh ka rawi e lah awm hoeh namaw Isarel miphunnaw e hmaisawi thuengnae hai na pa e miphun koe kai ni ka poe.

²⁹ Ka im dawk, kâ na poe e thuengnae hnonaw bangkong na khok hoi na coungroe awh. Kai hlak vah na capanaw na barihawn, nama na kâthaw saknae dawk ka tami Isarelnaw ni thuengnae kahawi kahawi e na hno, telah a ti.

³⁰ Hatdawkvah, BAWIPA Isarelnaw e Cathut ni kai ni na imthung hoi na pa imthung hah, a yungyoe ka hmalah ka thaw na tawk awh han telah kai ni na dei pouh ei, sahnin BAWIPA ni a dei e teh ka lawkkam teh kai hoi hlat naseh. Kai ka tawm e naw teh, kai ni ka tawm van han, kai bang lah ka noutna hoeh e naw teh bang lah ka noutna van mahoe.

³¹ Na imthung dawk matawng ka phat hoeh lah na kut hoi na miphun e a kut hah a tâtuengnae tueng a pha han.

³² Ka im dawk e a rucatnae nang ni na hmu han. Isarel miphun lathueng kahawi hno ka sak e pueng kai ni ka poe nakunghai nange miphun dawk nâtuek hai a kum kacue matawng ka phat sak mahoe.

³³ Kaie thuengnae khongroe dawk hoi ka raphoe hoeh e nange miphun teh na mit a ro vaiteh, lungthin kamathoesakkung lah ka o sak han. Na catounnaw ni a thoundoun lahun nah a due han.

³⁴ Na ca roi hnin touh dawk rei a due roi han. Hethateh na ca Hophni hoi Phinehas dawk ka phat hane hno doeh.

³⁵ Yuemkamcu vaihma ka lungthin hoi ka pouknae dawk kaawm e ka sak e tami hah ka kangdue sak han. Kacakpoung imthung lah ka kangdue sak vaiteh a yungyoe hoi satui ka awi e hmalah ao han.

³⁶ Na im vah ka cawi rae pueng tangka hoi vaiyei a hei lahoi a cei awh han. A hmalah tabut awh vaiteh, vaiyei youn touh ka ca hanelah ka hmu thai nahan, pahren lahoi vaihma thaw na tawk sak yawkaw ati awh han telah a ti.

3

BAWIPA ni Samuel a kaw

¹ Camo Samuel teh Eli hmalah BAWIPA e thaw a tawk. Hat na tueng dawk BAWIPA e lawk ayounca dawkvah, vision awm hoeh.

² Hatnae hnin dawk Eli teh a mit amom teh amae ikhun dawk a i lahun nah,

³ Cathut thingkong a onae BAWIPA Cathut e hmaiim hmai due hoehnahlan, BAWIPA e Bawkim dawk Samuel a yan navah,

⁴ BAWIPA ni Samuel a kaw teh, ahni ni hivah ka o atipouh.

⁵ Eli koe a yawng teh nang ni na kaw dawk kai ka tho telah atipouh. Eli ni ka ca kai ni na kaw hoeh, bout ip leih atipouh. Samuel teh a cei teh bout a i.

⁶ BAWIPA ni Samuel bout a kaw, Samuel a thaw teh Eli koe bout a cei teh, hivah ka o bangkong kai na kaw telah atipouh. Ahni ni ka ca na kaw hoeh bo bout ip leih telah atipouh.

⁷ Hatnae tueng dawk Samuel ni BAWIPA panuek hoeh rah. BAWIPA e lawk hai ahni koe pâpho hoeh rah.

⁸ BAWIPA ni Samuel hah apâthum lah bout a kaw, hatnavah a thaw teh, Eli koe a cei teh, bangkong kai na kaw hivah ka o atipouh. Hattoteh Eli ni camo heh BAWIPA ni a kaw tie a panue.

⁹ Samuel koe cet nateh bout ip, bout na kaw pawiteh, BAWIPA lawk dei, na san kai ni ka thai na ti pouh han. Hottelah Samuel teh ama hmuen koe bout a i.

¹⁰ BAWIPA teh ahmaloe e patetlah a tho teh kangdue laihoi Samuel Samuel telah a kaw. Samuel ni Oe BAWIPA dei haw, na san ni ka thai telah atipouh.

¹¹ BAWIPA ni Samuel koevah thai haw, Isarel dawkvah kathainaw e hnâ kahni touh hoi kha sak hanelah, Isarel miphun dawk hno buetbuet touh ka sak han.

¹² Hot hnin vah a imthung kong ka dei e pueng a kamtawngnae koehoi apout totouh Eli koe lah ka sak han.

¹³ A imthungnaw kai ni pout laipalah lawk ka ceng han telah ahni koe ka dei pouh toe. Bangkongtetpawiteh, ahnie a canaw teh, kahawi hoeh hno a sak aw h nahlangva a canaw yue laipalah a onae yon dawk doeh.

¹⁴ Hatdawkvah Eli imthungnaw e yon teh thuengnae hoi thuengnae hno ni tha thai hoeh, pou a cak han telah Eli imthung koe thoe ka bo toe.

¹⁵ Samuel te amom totouh a i hnukkhu BAWIPA im takhang a paawng. Samuel ni vision hah Eli koe dei hane a taki.

¹⁶ Eli ni Samuel a kaw teh, ka capa Samuel atipouh. Ahni ni kai hivah ka o telah atipouh.

¹⁷ Eli ni nang koe BAWIPA ni a dei e hah bangmaw Kai koe bangchahai hrawk hanh. Nang koe a dei e naw pueng hah ka hmalah na hrawk pawiteh, nang koe Cathut ni sak naseh. Hothlak hoe kapaplah sak naseh telah atipouh.

¹⁸ Samuel ni hno pueng koug a dei teh a hro e bang boehai tawn hoeh. Eli ni hai ahawi na tie patetlah BAWIPA ni sak na lawiseh telah a dei.

¹⁹ Samuel a roug teh BAWIPA ni ahni koe a okhai teh, a lawkkam touh boehai talai dawk bawt sak mahoe.

²⁰ Samuel teh BAWIPA e a lawk ka tarawi e profet lah ao tie Dan kho hoi kamtawng teh, Beersheba kho apout totouh Isarel miphun pueng ni a panue aw h.

²¹ BAWIPA ni Shiloh vah bout a kamnue pouh. BAWIPA e a lawk laihoi Samuel hah lawk a poe.

¹ Isarel miphun pueng koevah Samuel ni a dei e lawk a kamthang. Isarelnaw ni Filistinnaw tuk hanelah a cei awh teh, Ebenezer kho teng a roe awh teh, Filistinnaw Aphek kho vah a tungpup awh.

² Filistin taminaw teh Isarel miphunnaw kâtuknae a pataw poung dawk Isarelnaw a sung awh teh ransa 4,000 tabang hane a due.

³ Ransanaw teh pupim koe a pha awh toteh Isarel kacuenaw ni, bangkongmaw sahnin vah Filistin hmalah BAWIPA ni na sung sak awh vaw. Shiloh kho hoyah BAWIPA e lawkkam thingkong hah kai koe thokhai awh. Hattorei doeh tarannaw e kut dawk hoi kai ni na runngang awh han.

⁴ Shiloh khovah tami a patoun awh teh Cherubim van ka tahung e ransahu BAWIPA e lawkkam thingkong a thokhai awh. Eli capa kahni touh: Hophni hoi Phinehas hoi Cathut lawkkam thingkong koe aõ roi van.

⁵ BAWIPA e lawkkam thingkong teh pupim hmuen koe a pha toteh, Isarel tami pueng teh puenghoi talai ka tuen lah a hram awh.

⁶ Filistin miphunnaw ni a hram e lawk a thai awh navah Hebrunaw e roenae pupim koe hramnae pawlawk bangtelane telah a pacei awh. BAWIPA e thingkong pupim koe a tho tie a panue awh navah,

⁷ Cathut teh pupim rim koe pha toe telah a dei awh teh, Filistin miphunnaw ni a taki awh. Maimouh yawthoe awh toe, het patetlah vai touh hai awm boihoeh.

⁸ Maimouh yawthoe awh toe. Apinimaw maimouh teh thakaawme cathutnaw kut dawk hoi na runngang han vai. Izip miphunnaw kahrawng vah runae aphunphun hoi ka thet e teh hete cathutnaw doeh ati awh.

⁹ Filistinnaw na tha kâlat awh, tongpa katang lah awm awh. Hottelah nahoeh pawiteh nangmouh dawk Hebrunaw san lah ao e patetlah nangmouh hai ahnimouh koe san lah na o awh han. Hatdawkvah ,tongpatang lah awm awh nateh tuk awh.

¹⁰ Filistinnaw ni a tuk awh navah Isarel miphunnaw a sung awh teh amamae rim dawk lengkaleng a yawng awh. Kâtheikârawngnae a pataw poung dawk Isarel ransa 30000 touh a due.

¹¹ BAWIPA e thingkong a lawp awh teh Eli capa Hophni hoi Phinehas hai a thei awh.

Eli duenae

¹² Hat hnin navah Benjamin phun buet touh taran hmuen koehoi a yawng teh Shiloh kho a pha. Ahni a ravei teh a lû dawk vaiphu a kâphuen teh,

¹³ a pha navah Eli ni BAWIPA e thingkong hanelah a lungtâsue teh, lam teng tungkhung dawk hoi a khet. Ahni ni khopui a pha teh akongnaw a dei navah kho abuemlahoi a khuika awh.

¹⁴ Eli ni a khuikanae a thai toteh, hramkinae pawlawk bang nama telah a pacei navah, hote tami teh karang poung lah a cei teh Eli koe a dei.

¹⁵ Eli teh kum 98 a pha toung dawkvah a mit hmawt thai hoeh toe.

¹⁶ Hote tami ni Eli koe kâtuknae koehoi ka tho e doeh. Sahnin taranum hoi ka yawng e doeh telah ati navah, Eli ni ka ca, bangtelane telah a pacei.

¹⁷ Kamthang ka thokhai e ni Isarelnaw teh Filistin hmalah hoi a yawng awh teh taran tuknae koe kadout e hai moi apap. Nange na ca roi Hophni hoi Phinehas hai a due toe. BAWIPA e thingkong hai na lawp awh toe telah a dei.

¹⁸ BAWIPA e thingkong e akong a dei tahma Eli teh longkha teng tungkhung van hoi pathan lah a rawp teh a lahuen a kâkhoe dawkvah a due. Ahni ni Isarel miphun kum 40 touh a uk.

¹⁹ A langa Phinehas e a yu teh camo a vawn e khe tawmlei toe. BAWIPA e thingkong na lawp awh toe tie a marang hoi a vâ a due tie a thai toteh a tabut teh a ca a khe.

²⁰ A due tawmlei nah ateng kaawm e napuinaw ni na lungpuen hanh. Ca tongpa na khe toe telah a dei pouh awh nakunghai, banghai dei hoeh. Banglahai noutna hoeh.

²¹ Isarel miphun a bawilennae a kahma toe ati teh a ca hah Ikhobod telah a min a phung. Cathut e thingkong oun a la awh toe, a marang hoi a vâ hai a due toe atinae lah a min a phung.

²² Hathnukkhu hoi BAWIPA e thingkong a la awh tounge dawkvah, Isarel miphun a bawilennae a kahma toe telah a dei.

5

Filistinnaw hoi lawkkam thingkong

¹ Filistinnaw ni BAWIPA e thingkong hah a la awh hnukkhu, Ebenezer kho hoi Asdod kho vah a ceikhai awh.

² BAWIPA e thingkong hah Dagon Bawkim thung a kâenkhai awh teh, Dagon meikaphawk teng a hruék awh.

³ Asdod taminaw amom vah a thaw awh toteh, kenhaw! BAWIPA thingkong hmalah Dagon pakhup lah talai dawk a rawp e a hmu awh teh, Dagon teh amae hmuen koe bout a hruék awh.

⁴ Atangtho amom a thaw awh toteh, Dagon pakhup lah talai dawk a rawp e a hmu awh teh, Dagon teh amae hmuen koe bout a hruék awh.

⁵ Hatdawkvah, Asdod kho dawk sahnin totouh Dagon e vaihmanaw, Dagon imthung kâen buet touh ni hai Dagon im e longkha teh atu totouh coungroe ngam awh hoeh toe.

⁶ BAWIPA ni Asdod khocanaw lathueng a kut ka ri e a tounge. Asdod kho hoi hote kho teng kaawm e taminaw hah tak pâphu patawnae lahoi runae a poe teh moi a pathung.

⁷ Asdodnaw ni hot patetlah e hno kaawm e hah a hmu awh navah Isarelkaw e Cathut thingkong kaimouh koe pou awh hanh naseh. Bangkongtetpawiteh, kaimouh hoi Cathut Dagon lathueng kut a tounge e a patawpoung telah ati awh.

⁸ Taminaw a patoun awh teh, Filistin siangpahrangnaw a kamkhueng sak awh teh, Isarelkaw e Cathut e thingkong hah bangtelamaw ti han telah a paei awh navah, siangpahrangnaw ni Isarelkaw e Cathut thingkong hah Gath kho lah cetkhai awh naseh ati awh teh thingkong hah a ceikhai awh.

⁹ A ceikhai awh hnukkhu hote khopui dawk BAWIPA ni kut a tounge teh tami pueng lungthin a tâlueng sak. Khoca kathoung kalennaw koe totouh pâphu patawnae teh a pha sak.

¹⁰ Hatdawkvah, Cathut e thingkong hah Ekron kho lah a patoun awh. BAWIPA e thingkong teh Ekron kho a pha toteh a khocanaw ni Isarelkaw e Cathut e thingkong hah maimouh hoi taminaw due sak hanelah a pha sak awh toe telah a hram awh.

¹¹ Tami a patoun awh teh, Filistin siangpahrangnaw a kamkhueng sak awh teh, ahnimouh ni maimouh hoi taminaw a due sak hoeh nahan Isarelkaw e Cathut e thingkong hah patoun awh lawih. Ama a onae hmuen koe bout tat awh lawih telah a dei pouh awh. Bangkongtetpawiteh, Cathut

e a kut karipoung e maimouh koe phat vaiteh, khopui thungvah due kawi patawnae a pha han.

¹² Ka dout hoeh rae naw teh tak pâphunae ni a tho sin teh khopui hram lawk kalvan totouh a pha.

6

Isarelnaw koe lawkkam thingkong bout a ban

¹ BAWIPA e thingkong teh Filistin ram dawk thapa yung sari touh ao hnukkhu,

² Filistinaw ni vaihmanaw, profetnaw a kaw awh teh, BAWIPA e thingkong bangtelamaw ti han toung. Ama e hmuen koe bangtelamaw bout patoun han dei awh haw telah atipouh navah,

³ Ahnimouh ni Isarelnaw e Cathut thingkong hah bout na patawn awh pawiteh thingkong a madueng lahoi bout patawn awh hanh. Yon thuengnae hno hoi na patawn awh han. Hottelah pawiteh patawnae dam sak lah o han. Bangkong a kut na tahrueh pouh hoeh tie na panue awh han atipouh.

⁴ Bang patet e kâtapoe thuengnae hno poe hane teh bangmaw. Ahnimouh ni Filistin bawi touk e yit touh, suimarang 5, suimoihnam 5, na patawn awh han. Nangmouh hoi nangmae siangpahrangnaw teh patawnae phun touh dueng lah ao dawkvah.

⁵ Marang mei kaphawk, nangmae ram ka raphoe moihnam meikaphawk na sak awh teh Isarelnaw e Cathut bawilennaeh hah na poe awh han. A kut teh nangmae ram hoi nangmae Cathut naw lathueng thoseh, nangmouh lathueng thoseh nangmae talai thoe seh, a pâhaw sak han.

⁶ Faro Siangpahrang hoi Izip miphunnaw lungpatanae e patetlah nangmae lungthin na pata sak a van. Ahnimae lathueng ka pataw poung lah lawk a ceng navah. Isarel miphunnaw ahnimouh ni a hlout sak awh teh, Isarel miphunnaw a tâco awh nahoehmaw.

⁷ Atuvah leng katha e buet touh sak awh nateh, leng lahuen dawk bang hoeh rae a ca ka cun e maito a manu kahni ta hah leng dawk kawm awh nateh takha thung pen awh.

⁸ BAWIPA e thingkong hah lat awh nateh, leng dawkvah toung awh. Kâtapoe thuengnae hno hanelah na patawn e sui hnopainaw hah alouke thingkong thung e ateng vah hrueng awh nateh, tha awh nateh cet awh naseh.

⁹ Thingkong teh amamae ram lah a ceinae lam Bethshemesh kho totouh, kâbang pawiteh hote Cathut ni hete runae kalenpoung hah maimouh dawk a pha sak toe. Hatei cet hoehpawiteh maimouh lathueng ka phat e kahawihoehe hno hah a ma ni a sak e nahoeh. Ama ngai pou ka phat e han doeh telah a ti.

¹⁰ Hottelah, taminaw ni a sak awh. Sanu ka pânet lahun e maito manu roi a ceikhai awh teh, leng dawk a kawm awh. A ca roi teh takha thung a pen pouh awh.

¹¹ BAWIPA thingkong hah leng van vah a thueng awh. Moihnam meikaphawk kaawm e thingkongnaw hai a thueng awh.

¹² Maito roi teh Bethshemesh lam lah tuetue a cei teh, avoillah aranglah hai phen laipalah, lamthung pui dawk tuetue a parawng teh a cei. Filistin bawinaw ni Bethshemesh khori totouh a kâbang sin awh.

¹³ Bethshemesh khocanaw teh a yon dawk catunnaw a a awh teh, a khet awh navah, thingkong hah a hmu awh navah a lunghawi awh.

¹⁴ Leng teh Bethshemesh tami Joshua e law vah a kâen teh, kalenpounge lungsong aonae koe a kangdue. Hote leng thing hah a raboung aw hah teh maito manu roi hah BAWIPA koe vah hmaisawi thuengnae lah a sak.

¹⁵ Levihnaw ni Bawipa thingkong teh apu kaawm poung e sui onae thingkong hoi a la aw hah teh, lungsong van vah a hruék aw hah. Bethchemesh ni hote hnin dawkvah hmaisawi thuengnae hoi thuengnae hah BAWIPA koe vah a poe aw hah.

¹⁶ Filistin bawi panga touh ni a khet aw hah hnukkhu hot hnin navah EKron kho lah a cei aw hah.

¹⁷ BAWIPA koe yonthueng nahanelah Filistinnaw ni a patawn e (Tumor meikaphawk, moihnam meikaphawk) naw hah Asdod kho han buet touh, Gaza kho hanelah buet touh, Askelon hanelah buet touh. Gaza kho hanelah buet touh Ekron kho hanelah buet touh.

¹⁸ Suimoihnaw meikaphawkaw teh, Filistin bawi panga touh ni a tawn e khote totouh, khopui khote abuemlah hoi e doeh. BAWIPA e thingkong a hruéknae lungsong teh, Bethshemesh kho e Joshua e laikawk daw sahinn ditouh ao rah.

¹⁹ Bethshemesh khocanaw teh, BAWIPA e thingkong thung a khet aw hah dawkvah BAWIPA ni a rek teh tami 50000 touh hoi tami 70 touh a thei. BAWIPA ni taminaw moikapap a duesaknae hoi a reknae dawkvah ahnimouh a khuika aw hah.

²⁰ Bethshemesh khocanaw ni kathoungpounge BAWIPA Cathut e hmalah apimaw ka kangdout thai han va. Maimouh koehoi api koe maw a cei han telah a ti.

²¹ Ahnimouh ni Kiriath Jearim khocanaw koe vah patounenaw a patoung aw hah teh, Filistin taminaw ni BAWIPA e thingkong hah bout a patawn aw hah toe. Cet aw hah nateh namamouh koe cetkhai aw hah lawih telah atipouh.

7

¹ Kiriath Jearim khocanaw a tho aw hah teh, BAWIPA e thingkong hah a ceikhai aw hah. Mon e Abinadab im a kâenkhai aw hah teh, thingkong ka khenyawn hanelah a capa Eleazar hah a kamthoung sak aw hah.

Samuel ni Isarelnaw a uk

² Kiriath Jearim kho daw koe thingkong ao nathung kum 20 touh a ro toe. Isarel phunnaw teh BAWIPA daw koe pouk dounnae a tawn aw hah.

³ Samuel ni Isarel miphun pueng koe BAWIPA koe lah lungthin abuemlah bout na ban aw hah pawiteh, nangmouh rahak ram alouke cathutnaw hoi Ashtaroth cathut hah takhawng aw hah nateh BAWIPA daw koe na lungthin pen aw hah. BAWIPA e thaw ma taw koe aw hah. Hottelah na sak aw hah pawiteh Filistinnaw e kut daw koe hoi nangmouh na rungngang han telah a ti.

⁴ Hatdawkvah, Isarel miphunnaw ni Baal cathut Ashtaroth hah a pahnawt aw hah teh, BAWIPA e thaw hah a taw koe aw hah.

⁵ Samuel ni Mizpah kho daw koe Isarel miphun pueng hah kamkhueng sak nateh nangmouh hanelah BAWIPA koe ka ratoum han telah a ti.

⁶ Ahnimouh teh Mizpah kho a kamkhueng aw hah teh tui a do aw hah teh, BAWIPA e hmalah a rabaw koe aw hah. Hote hnin nah rawka a hai aw hah teh, maimouh ni BAWIPA koe yonnae sak aw hah toe telah ati aw hah. Samuel ni Mizpah khovah Isarelnaw hah lawk a ceng.

⁷ Isarelnaw hah Mizpah kho daw koe kamkhueng aw hah e Filistinnaw ni a thai aw hah toteh, Filistin siangpahrangnaw teh Isarelnaw tuk hanelah a cei aw hah. Hote a kong hah Isarelnaw ni a thai aw hah toteh Filistinnaw a taki aw hah.

⁸ Isarelnaw ni Samuel koe kaimanaw hah Filistinnaw e kut dawkhoy na rungnang thait nahan kaimae BAWIPA Cathut koe kâhat laipalah ratoum loe atipouh awh.

⁹ Samuel ni sanu ka net lahun e tuca buet touh a la teh, BAWIPA koe abuemlahoi hmaisawi thuengnae a poe teh, Isarelnaw hanelah BAWIPA koe ratoum pouh teh, BAWIPA ni a thait pouh.

¹⁰ Samuel ni hmaisawi thuengnae a sak lahun nah Filistinnaw ni Isarelnaw tuk hanelah rek a hnaï awh. Hatei BAWIPA ni Filistinnaw koe kho puenghoi a parit sak teh Isarelnaw e hmaitung taran a sung awh.

¹¹ Isarelnaw hah Mizpah kho hoi a tâco awh teh Bethkhar kho rahim totouh a pâlei awh teh Filistinnaw a thei awh.

¹² Samuel ni talung buet touh a la teh, Mizpah kho hoi Shem kho rahak dawkhoy ungn hnukkhu, BAWIPA ni maimouh sahnin totouh na kabawp awh toe telah a dei teh, hote talung teh Ebenezer telah min a poe.

¹³ Filistinnaw teh a sung awh. Isarelnaw e ram dawkhoy thoy awh hoeh toe. Samuel a hring na thung pueng Filistinnaw e lathueng BAWIPA e a kut a pha sak.

¹⁴ Filistinnaw ni Isarelnaw e kho a la e Ekron kho hoi kamtawng teh Gath kho totouh Isarelnaw thoy a poe awh teh a ram hah Isarelnaw ni Filistinnaw e kut dawkhoy thoy a lawp awh teh, Isarelnaw hoi Amornaw hanelah roumnae a sak awh.

¹⁵ Samuel ni a hring nathung pueng Isarel a uk.

¹⁶ Kumtanguem ahni ni Bethel hoi Gilgal kho Mizpah khonaw a rip hnukkhu hote khopuinaw thung Isarelnaw hah a uk.

¹⁷ Hathnukku hoi a onae im kaawm e kho Ramah vah a ban. Hote khothung vah Isarelnaw lawk a ceng teh BAWIPA hanelah hote hmuen koe thuengnae khoungröe a sak.

8

Isarelnaw ni siangpahrang heinae

¹ Samuel a matawng toung dawkhoy a capanaw hah Isarelnaw lawkcengkung lah ao sak.

² A capa camin e min teh Joel doeh. Apa hni e a capa teh Abijah Beersheba kho dawkhoy lawkceng bawï lah ao.

³ Hateiteh a capanaw ni a lamthung patetlah dawn awh hoeh. Ahnimouh teh tangka e hnuak a kâbang awh teh lam a phen awh. Tadawngghno a ca awh teh lawkngai awh hoeh.

⁴ Hatdawkhoy, Isarel kacuenaw a kamkhueng awh teh Ramah kho vah kaawm e Samuel koe a cei awh.

⁵ Ahni koe na matawng poung toe. Na capanaw ni hai na lamthung dawn awh hoeh toe. Jentelnaw patetlah kaimae lathueng siangpahrang na poe leih telah a dei awh.

⁶ Kaimanaw lawkkaceng hane siangpahrang na poe leih atipouh e ni Samuel a lunghawï sak hoeh. Hatdawkhoy, BAWIPA koe a ratoum.

⁷ Hattoteh BAWIPA ni Samuel koe taminaw ni nang koe a dei e lawk thait pouh. Bangkongtetpawiteh, nang hah na pahnawt awh hoeh. Kai hai ahnimanaw ukkung lah o hoeh nahan kai doeh na pahnawt awh toe.

⁸ Izïp ram hoi ka tâcokhai hnin hoi sahnin totouh, kai na pahnawt awh teh alouke cathutnaw hah a bawkhoy awh toe. Kaie lathueng a tawksak awh e patetlah nange lathueng hai a sak awh toe.

⁹ Hatdawkvah, ahnimaе lawkngai pouh haw. Hatei kâhruetcuetnae poe nateh ahnimanaw ka uk e siangpahrang e nuancang hah hmawt sak loe telah atipouh.

Samuel ni kâhruetcuetnae a poe

¹⁰ Samuel ni BAWIPA e a lawknaw hah, siangpahrang kahetnaw koe bout a dei pouh.

¹¹ Nangmae lathueng kaukkung hane siangpahrang o ang teh, het hah doeh. Na capanaw a la vaiteh, amae leng, ranglengnaw, marangransanaw thaw na poe vaiteh, a tangawn hai ahnie rangleng hmalah a yawng awh han.

¹² Ransa 1,000 touh kaukkung 50 touh kaukkung, ransabawi thaw a poe. Laikawk ka thawn hane hoi cang ka a hane hoi tarantuknae puengcang kasakkung hoi rangleng puengcang kasakkung lah lengkaleng thaw a poe awh han.

¹³ Nangmae na canunaw hai a la vaiteh, hmuitui katawkkung, rawca ka khenyawnkung lah thoseh, vaiyei kathakkung lah thoseh, thaw a poe awh han.

¹⁴ Nangmae lawnaw, misur takhanaw, Olive takhanaw hai a la vaiteh, a sannaw koe a poe awh han.

¹⁵ Nangmae caticamu, a pawhik pung hra pung touh na la pouh vaiteh thaw katawknaw hoi kacuenaw koe a poe awh han.

¹⁶ Nangmae na sannu sanpanaw, na thoundoun kahawi kahawinaw hoi lanaw a la vaiteh a thaw tawk awh nahanelah a hno awh han.

¹⁷ Nangmae Tu pung hra pung touh a la vaiteh nangmouh teh ahnimaе san lah na o awh han.

¹⁸ Na rawi awh e siangpahrang kecu dawк na khui na ka awh han. Hote hnin dawк na hram na ki awh eiteh, BAWIPA ni na thai pouh mahoeht telah kâhruetcuetnae a poe.

Isarel ni hei e BAWIPA ni a poe

¹⁹ Hatei taminaw ni Samuel e lawk a ek awh teh, ahnimouh ni telah nahoeht. Kaimouh ka uk hane siangpahrang doeh ka ngai.

²⁰ Hattorei doeh kaimouh hai alouke ramnaw hoi kâvan awh han. Kamamouh e siangpahrang ni lawk na ceng pouh han. Ka miphun heh a hrwi vaiteh taran na tuk pouh han. Telah bout a dei awh.

²¹ Samuel ni tamipueng e lawk a ngâi teh BAWIPA koe bout a dei pouh.

²² BAWIPA ni Samuel koe ahnimaе lawk tarawi haw, ahnimouh han siangpahrang rawi pouh haw telah ati. Samuel ni Isarelnaw koevah namamouh kho lengkaleng ban awh telah atipouh.

9

Sawl Siangpahrang lah a rawi awh.

¹ Benjamin miphun, Aphiah capa, Bekorath capa, Zeror capa, Abiel capa, Kish kâphung e Benjamin miphun buet touh ao. Ahni teh athakaawme lah ao.

² Ahni ni capa a tawn teh, a min Sawl a phung a meilam hroung ahawi. Isarelnaw thung dawkvah ahni hlak a mei kahawi e awm hoeht. A rasang e hai alouknaw ni aloung koe hmouk a vout pouh.

³ Sawl e a na pa Kish e a lanaw teh a kahma. Kish ni a capa Sawl koevah thaw nateh san thoundoun buet touh cetkhai nateh, la hah tawng awh haw atipouh.

4 Ahnimouh ni Ephraim mon Shalisha ram pheng a katin aw h teh a tawng aw h ei, pâphawng aw h hoeh. Shaalim ram daw k a tawng aw h eiteh, hmaw t aw h hoeh. Hatdawkvah, Benjaminaw e ram daw k bout a tawng aw h, hatei hmaw t aw h hoeh.

5 Zuph ram lah a pha aw h toteh Saw l ni ama koe kaaw m e a san koevah, tho aw h ban aw h lei sei, telah hoehpaw iteh, apa ni la hah pouk toung laipalah, maimouh doeh na lungpuenkhai ti toe telah ati.

6 A san ni vah, hete kho daw k Cathut e tami bari kaaw m e ao. Ahni ni a dei e pueng a kuep katang. Ahni koe cet aw h sei. Maimouh cei nahane lam hai na dei pouh thai han doeh telah atipouh.

7 Saw l ni a san koevah, maimouh cei aw h vaiteh ahni bangmaw poe aw h han. Vaiyei hai abaw toe. Cathut e tami koe sin hane banghai aw m hoeh toe. Bangmaw taw n aw h rah telah a pacei.

8 A san ni Saw l koe shekel pung pali pung touh daw k pung touh kut daw k ao rah. Cathut e tami koe poe han. Ahni ni maimouh cei nahan lamthung na dei pouh han doeh telah bout a dei.

9 Ayan e tueng daw k Isarelnaw ni Cathut pacei hane cet aw h sei ati aw h navah, kahmawtkung koe cet aw h sei ouk ati aw h. Profet telah kaw e hah ayan e tueng daw k kahmawtkung telah a kaw aw h daw k doeh.

10 Saw l ni hai a san koe ahawi. Cet aw h sei atipouh teh, Cathut e tami a onae kho koe lah a cei aw h.

11 Khopui a onae mon lah a luen aw h navah tui ka do hane napui ka tho e a hmu aw h teh, hivah kahmawtkung tami ao nama telah a pacei.

12 Ahnimouh ni ao, nangmae na hmalah a la pha toe karanglah cet aw h. Sahnin taminaw ni hmuen karasang koe thuengnae sak hanelah ao daw kvah, sahnin kho daw k a tho aw h toe.

13 Kho thung a kâen tahma, hmuen karasang koe bu a ca hoehnahlan vah, tang na hmu aw h han doeh. Thuengnae yaw hawi kapoekung lah ao daw kvah, a pha hoehroukrak rangpuinaw ni bu cat aw h ma hoeh. Hathnukkhu coun e naw ni ouk a ca aw h. Hatdawkvah, atu karanglah cet aw h leih, tang na hmu aw h han doeh telah a dei pouh.

14 Ahnimouh teh khopui vah a cei aw h teh, a kâen aw h navah, Samuel hmuen karasang koe luen hanelah a kaw nah ahnimouh ni a kâhmo.

15 Saw l a tho hoehnahlan BAWIPA ni Samuel koe sut a dei pouh teh,

16 tangtho, atu e tueng navah Benjamin ram hoi tami buet touh nang koe ka patoun han. Filistinnaw e kut daw k hoi ka taminaw rungngang hanlah, ka tami Isarelnaw e lathueng vah kâ kapoekung lah satui na aw i han. Bangkongtetpaw iteh a hramnae kai koe a pha daw kvah, kai ni ka taminaw han kho ka pouk pouh toe telah ati.

17 Samuel ni Saw l a hmu toteh, BAWIPA ni ahni koevah, khenhaw! nang koe ka dei e teh ahni doeh. Ahni ni ka taminaw a uk han telah ati.

18 Khopui takhang daw k Saw l ni Samuel koe rek a hnai teh, kahmawtkung e im teh nâ maw ao na dei pouh haw atipouh.

19 Samuel ni Saw l koe kai doeh kahmawtkung toe atipouh. Kahma lahoi hmuen karasang koelah cet nateh, sahnin vah kai koe bu na ca vaiteh, tangtho torei na ceisak han. Na lungthung kaaw m e puenghai kai ni ka dei han.

20 Hnin thum touh kaloum tangcoung e nange na kong hah teh mueng pouk hanh. Bangkongtetpaw iteh, a hmu aw h toe. Isarelnaw han lentoenae teh api hane nama. Na pa hoi na pa im kaaw m e pueng hane nahoehmaw telah atipouh.

²¹ Sawl ni Isarel miphun thung dawk kathoengcae Benjamin miphun nahoehmaw Bangdawk hah namaw hettelah kai koe lawk na dei thai telah bout atipouh.

²² Samuel ni Sawl hoi a sannaw hah imyin onae a khan dawk a ceikhai awh teh, a coun awh e tami 30 touh thung hlak vah barinae hmuen koe a tahung sak.

²³ Samuel ni bu kathawngkung koe nang koe aloukcalah hmoun e na poe e hno hah lat hottelah ati.

²⁴ Bu ka thawng e ni a loung dawk hoi a hrawm teh Sawl e hmalah a hruék. Samuel ni hai, pek e lah kaawm e hah lat nateh cat haw, coun e naw koe yo ka dei pouh e patetlah nang hanelah atu totouh ka hruék e doeh ati teh hat hnin vah Sawl teh Samuel hoi rawca rei a ca roi.

²⁵ Hmuenrasang koehoi a kum awh teh khopui thung a kâen awh toteh, Samuel hoi Sawl teh lempu van vah lawk a kâpan roi.

²⁶ Amom a thaw teh, kho a sei navah, Samuel ni thaw haw kai ni nang na ceisak han toe telah Sawl hah lempu hoi a kaw. Sawl a thaw teh ahnimouh roi teh alawilaha a tâco roi.

²⁷ Kho a poutnae koe lah a pha toteh, Samuel ni Sawl koe na sannaw hah maimae hmalah cetsak atipouh. Sannaw teh a cei awh. Hatei Cathut lawk nang koe ka dei thai nahan nang teh kang dout ei telah atipouh.

10

Sawl satui awinae

¹ Samuel ni satuium a la teh Sawl e a lû dawk a awi hnukkhu, a paco teh, BAWIPA ni nang koe amae raw miphun lathueng siangpahrang hanelah satui na awi toe nahoehmaw.

² Sahnin kai koehoi na cei toteh, Benjamin ram khori Zelzah kho Rachel tangkom koevah tami kahni touh na hmu han. Ahnimouh roi ni na tawng awh e la a hmu awh toe. Na pa ni la kong hah pouk mahoeh toe. Ka capa hanelah bangmaw ka sak han vai ati telah nang koe na dei pouh awh han.

³ Hote hmuen koehoi pou na cei vaiteh Tabor hmuen koe kaawm e kathen kung koe na pha han. Hmae kathum touh ka sin e tami buet touh, alouke tami ni vaiyei kathum touh a sin vaiteh, tami buet touh ni misur um a sin han.

⁴ Ahnimouh ni nangmouh koe ka dam lah ati awh vaiteh kut na man awh han. Vaiyei kahni touh na poe awh han. Nangmouh ni ahnimouh koe e vaiyei na dâw awh han.

⁵ Hathnukkhu hoi, Filistinnaw onae koe Cathut mon dawk na pha awh han. Kho koe na pha awh navah, hmuen rasang koehoi ka kum e profetnaw na hmu awh han. Ahnimae a hmalah ratoung, tapueng, vovit, tâbaw khawng awh vaiteh profet lawk a dei awh han.

⁶ BAWIPA e Muitha ni na lathueng a pha vaiteh ahnimouh koe profet lawk na dei vaiteh tami aloukcalah na o han.

⁷ Nang dawk mitnoutnaw ao toteh kamcu lah sak loe. Bangkongtetpawiteh, Cathut nang koe ao.

⁸ Gilgal vah ka hmalah la cet leih. Kai hai hmaisawi thuengnae hoi roum thuengnae sak hanelah nang koe ka tho han. Nang koe ka tho hoehroukrak hnin 7 touh na ring han. Na sak hane kawi na dei pouh awh han.

⁹ Sawl teh Samuel koehoi a kamlang teh a cei han ati navah, Cathut ni alouke lungthin a poe teh, hote mitnoutnae pueng teh hote hnin dawk be a kuep.

¹⁰ Mon koe a pha toteh, profetnaw ni a kâhmo navah BAWIPA e Muitha ni Sawl e lathueng a pha teh ahnimouh koe profet lawk a pâpho van.

¹¹ Sawl teh profetnaw hoi cungtalah profet lawk a pâpho e hah hoehnahlan, ahni la kapanueknaw ni a hmu aw h navah, Kish capa daw k hno kaawm e bangtelane. Sawl hai profetnaw koe ka baw k van e na ou telah a kâ pacei aw h.

¹² Hawwng kaawm e tami buet touh ni, ahnimae a na pa hah apimaw telah a pacei nah, Sawl hai profet lah ao na maw tie lawk teh panuilai lah a hno aw h.

¹³ Sawl teh profet lawk a pâpho hnukkhu hmuen karasang koe a cei.

¹⁴ Sawl e panga ni nâ lah maw na cei aw h telah ama hoi a sannaw a pacei navah, la naw ka tawng aw h ka hmu aw h hoeh daw k Samuel koe ka cei aw h telah atipouh aw h.

¹⁵ Sawl e panga ni, Samuel ni nang koe bangmaw a dei, na dei pouh haw telah a pacei.

¹⁶ Sawl ni lanaw ka hmu aw h toe tie na dei pouh telah a panga koe bout a dei pouh. Hatei uknae kong Samuel ni a dei e hah dei hoeh.

Sawl siangpahrang lah pathangnae

¹⁷ Samuel ni Mizpah kho daw k taminaw BAWIPA koe a kamkhueng sak.

¹⁸ Isarelnaw koe Isarel BAWIPA Cathut ni hettelah a dei. Izip taminaw e kut thung hoi a khok hoi a coungroe e ram pueng daw k hoi ka rungngang.

¹⁹ Hatei sahnin vah na reithainae, rucatnae pueng thung hoi nangmouh ka rungngang e Cathut roeroe hah na ngai aw h hoeh. Ahni koe siangpahrang mah kaimouh han na rawi pouh aw h telah na dei aw h. Hatdawkvah, na miphun, na imthungkhu lahoi BAWIPA hmalah hnai aw h atipouh.

²⁰ Samuel ni Isarel miphunnaw hah ama koe a tho sak teh Benjamin miphun hah a rawi.

²¹ Benjamin miphunnaw a imthung lahoi a tho sak teh Matri imthung-naw a rawi. Kish capa Sawl hah a rawi. Ahnimouh ni a tawng aw h eiteh hmaw t aw h hoeh.

²² Ahnimouh ni BAWIPA hah bout a pacei aw h teh, ka tho hane tami ao rah maw, telah ati. BAWIPA ni kenhaw! hnonaw a rahak a kâhro telah atipouh.

²³ Ayawng sin aw h teh a thokhai aw h. Tamimaya koe a kangdue nah ahnimanaw hlak a rasang poung apinihai aloung tapuet pouh hoeh.

²⁴ Samuel ni taminaw koe, BAWIPA ni a rawi e na hmu aw h maw. Taminaw thung daw k ahni patet e buet touh hai aw mhoeh telah ati teh tamimaya ni a hram aw h teh siangpahrang hring saw naseh ati aw h.

²⁵ Samuel ni taminaw koe a sakyoe e a dei pouh. Cauk daw k a thut pouh teh, BAWIPA e hmalah a hruek aw h. Hahoi Samuel ni taminaw ama im lah be a cei sak.

²⁶ Sawl hai Gibeah kho ama im vah a ban van. Cathut ni a lung ka youk e taran kahawinaw ahni hoi rei a cei aw h.

²⁷ Hatei taran ka thaw e tami tangawn ni hete tami ni maimanaw bangtelamaw na rungngang thai han telah ati aw h teh, a dudam aw h teh, poehno hai poe aw h hoeh. Hatei Sawl ni duem ao.

¹ Ammon tami Nahash a luen teh, Gilead ram, Jabesh kho teng a tungpup aw. Jabesh khocanaw ni Nahash koe kaimouh koe lawkkam nateh, nange na thaw ka tawk han telah a dei aw.

² Ammon phun Nahash ni nangmouh pueng e aranglae mit hah cawngkhawi vaiteh, Isarelnaw pueng hane min mathoena e hoi kaya sak torei doeh ahnimouh hoi lawkkam han telah bout atipouh.

³ Jabesh kho e kacuenaw ni ahni koe Isarel ram pueng daw k patounenaw patoun thai nahan, hnin 7 touh atueng na poe ei. Kaimouh ka rungngang hane buet touh boehai awm hoehpawiteh, hattorei doeh nang koe vah ka tâco aw han telah atipouh aw.

⁴ Patounenaw teh Sawl a onae Gibeah kho a pha aw han teh, taminaw a thai nahan hote akong a dei aw han teh, taminaw teh a khuika aw.

⁵ Hatnae tueng nah Sawl teh maito a khoumnae koehoi a tho. Taminaw a khuika aw e bangkongmaw telah a pacei navah, ahnimouh ni Jabeshnaw ni a dei e lawk hah a dei pouh aw.

⁶ Hote lawk Sawl ni a thai toteh Sawl e lathueng Cathut e Muitha a pha teh a lung puenghoi a khuik.

⁷ Hahoi maito kahni touh a thei teh a moi koug a raban teh Isarel ram pueng daw k patounenaw a rei sak teh, taran tuknae koe Sawl hoi Samuel hnukkâbang hoeh e tami pueng e maito hah, hettelah sak han telah pathang pouh. BAWIPA takinae taminaw koe a pha teh cungtalah koug a tâco aw.

⁸ Bezek kho daw k tami a pâkhueng teh, Isarelnaw 30000, Judahnaw 30000 touh a pha.

⁹ Hahoi ka tho aw e patounenaw koe, Jebesh Gilead taminaw koe, hettelah na dei pouh han. Tangtho khumbei a thoe lahun nah kabawpnae na hmu aw han, na ti pouh han atipouh. Patounenaw ni a cei aw han teh, Jebesh khocanaw hah a dei pouh navah, a lung ahawipoung aw.

¹⁰ Hatdawkvah, Jebesh taminaw ni, tangtho nangmouh koe ka tâco aw vaiteh, nangmouh ni ahawi na tie patetlah kaimae lathueng sak lawih telah atipouh aw.

¹¹ Atangtho vah Sawl ni taminaw hah ahu kathum touh lah a kapek. Tarannaw tumpupnae koe amom vah a pha aw han teh, Ammonnaw teh kanithun khumbethoe lahun totouh a thei aw. Kahlout e tami buet touh hoi buet touh boehai cungtalah o thai hoeh totouh a kâkayei aw.

¹² Hatnavah taminaw ni Samuel koe, Sawl ni na uk aw han namaw, ka tet e api nama. Thei thai nahan hi thokhai aw haw telah atipouh.

¹³ Hatei Sawl ni sahnin daw k teh tami buet touh hai thet hanh sei. Bangkongtetpawiteh, sahnin BAWIPA ni Isarel taminaw koe rungngangnae akuepsak telah a ti.

¹⁴ Hathnukkhu Samuel ni taminaw koe tho aw. Gilgal kho lah cet aw sei. Hote hmuen koe uknaeram hah bout kangdout sak aw sei telah atipouh.

¹⁵ Taminaw pueng teh Gilgal kho lah a cei aw han teh, haw vah BAWIPA e hmalah Sawl hah siangpahrang lah a tawm aw. Hote hmuen koe roum thuengnae BAWIPA koe a sak aw. Sawl hoi Isarelnaw teh puenghoi a lunghawi aw.

12

Sawl Siangpahrang bawilakhung kâ muknae

¹ Samuel ni Isarelnaw pueng koe, khenhaw! kai koe na dei aw e pueng hah ka tarawi teh nangmouh siangpahrang na poe aw.

² Atu khenhaw! siangpahrang ni na hrawi aw h toe. Kai hateh kamatong toe. Ka sam hai a po toe. Khenhaw! ka capanaw teh nangmouh koe ao aw h teh, a nawca hoi sahnin totouh na hrawi aw h toe.

³ Hivah ka o, BAWIPA hmalah hoi satui a aw i e hmalah ka o. Dei aw h haw. Apie maito maw ouk ka lawp. Apie la maw ouk ka lawp. Apimaw ouk ka hmuhma. Apimaw ouk ka pacekpahlek. Ka mit dawn sak hanlah api kut daw k e tadawngnae maw ouk ka ca. Koung na patho aw h han telah atipouh.

⁴ Ahnimouh ni na dum boi aw h hoeh. Na pacekpahlek boi aw h hoeh. Apie kut daw k e hno hai na lat boihoeh atipouh aw h.

⁵ Samuel ni hai kaie kut daw k buetbuet touh hai nangmouh ni na hmu aw h hoeh e hah BAWIPA teh nangmouh koe lah kapanuekkhaikung lah ao. Satui aw i lah kaawm e hai kapanuekkhaikung lah ao telah ati. Ahnimouh ni hai ahni teh kapanuekkhaikung lah ao telah ati aw h.

⁶ Samuel ni taminaw koe, Mosi hoi Aron thaw ka poe niteh, Izip ram hoi na mintoenaw ka tâcawtkhai e hai BAWIPA doeh.

⁷ Hatdawkvah, na mintoenaw koe hno kalan a saknae hah BAWIPA e hmalah pouk pouh thai nahanlah, atu sairasuepcalah kangdout aw h.

⁸ Jakop ni Izip ram a pha hnukkhu nangmae mintoenaw ni BAWIPA koe a hram aw h navah, Mosi hoi Aron hah Cathut ni a patoun teh, ahnimouh ni nangmae mintoenaw hah Izip ram hoi a tâcokhai hnukkhu, ahnimanaw teh hete ram daw k ao sak aw h.

⁹ BAWIPA Cathut hah a pahnim aw h navah Hazar ransabawi Sisera kut daw k thoseh, Filistinnaw e kut daw k thoseh, Moab siangpahrang kut daw k thoseh, a yo teh ahnimanaw ni, ahnimanaw ni ahnimouh a tuk aw h.

¹⁰ BAWIPA koevah a hram aw h teh, BAWIPA a pahnawt aw h. Baal hoi Ashtaroth e thaw taw k aw h kecu daw kvah, yon aw h toe. Hatei sahnin tarannaw e kut daw k hoi na rungngang nateh na thaw ka taw k aw h han telah a ti.

¹¹ BAWIPA ni Jerubbaal, Bendan, Jephthah, hoi Samuel tinaw a patoun teh, nangmanaw na tengpam e taran kut daw k hoi na rungngang aw h teh, nangmanaw runae aw m laipalah lungmawng lah na o aw h.

¹² Ammon miphunnaw e siangpahrang Nahash ni nangmouh na tuk aw h hane hah, nangmouh ni na hmu aw h navah nangmae Cathut teh nangmae siangpahrang nahlangva, telah nahoe h. Siangpahrang ni ma kaimouh na uk seh telah na ti aw h.

¹³ Atu na hei e nangmouh ni na raw i e siangpahrang khenhaw! khenhaw! BAWIPA ni nangmae lathueng siangpahrang a raw i toe.

¹⁴ Nangmouh ni BAWIPA na taki aw h teh, BAWIPA e thaw na taw k aw h pawiteh, BAWIPA e law k na taraw i na ngâi aw h pawiteh, nangmouh hoi nangmouh koe lawkcengkung siangpahrang hoi BAWIPA Cathut e hnuk na dawn aw h pawiteh ahawi.

¹⁵ Hatei Cathut e law k na taraw i aw h hoeh lah kâlawk na tapoe aw h pawiteh, BAWIPA e a kut teh na mintoenaw e lathueng, runae a pha sak e patetlah nangmouh koehai a pha han.

¹⁶ BAWIPA ni nangmae na mithmu hno ka lentoe poung a sak hane hah, duem aw m aw h nateh khenhaw.

¹⁷ Sahnin catun anae tueng nahoe hmaw. Kho rak sak hane hoi khoparit sak hanelah, kai ni Cathut ka kaw han. Hatnavah, siangpahrang na heinae kong daw k, BAWIPA mithmu vah yonnae kalenpoung na sak aw h e na kâpanue aw h vaiteh na hmu aw h han telah a ti.

¹⁸ Samuel ni BAWIPA a kaw teh, BAWIPA ni hote hnin dawk, kho a parit sak teh, kho a rak sak. Hat torei teh taminaw ni BAWIPA hoi Samuel hah a taki poung awh.

¹⁹ Tamihunaw ni Samuel koevah, due awh hoeh nahan, BAWIPA na Cathut koe sannaw hanelah na ratoum pouh haw. Hettelah e Siangpahrang ka hei awh e heh, ka payonae kâthap sin e lah ao telah ati awh.

²⁰ Samuel ni taminaw koevah, taket awh hanh. Kahawi hoeh e heh na sak awh katang doeh. Hatei BAWIPA e hnuk na kabang awh e phen laipalah, BAWIPA e thaw na lungthin katang hoi tawk awh.

²¹ Banglahai ka cungkeihoehe hnukkâbang e lahoi phen awh hanh. Hawinae na poe mahoehe na rungngang thai mahoehe. Hotnaw teh a yawmyin doeh.

²² Bangkongtetpawiteh, ka lentoe e min kecu dawk BAWIPA ni a taminaw cettakhai mahoehe. Bangkongtetpawiteh, a tami lah coung sak e hah BAWIPA a lunghawinae doeh.

²³ Kai hateh, nangmouh han ratounnae kâhatnae lahoi BAWIPA koe ka yonnae hoi kâhlat naseh. Kai ni nangmouh hah kahawi ni teh ka lamkahawi hoi lamkatang na pâtué awh han.

²⁴ Nangmouh ni BAWIPA dueng mah taket awh haw, lungthin abuem-lahoi yuemkamcu lah amae thaw tawk awh haw. Bangkongtetpawiteh, nangmouh hanelah, a sak e hno kalenpoung hah pouk awh haw.

²⁵ Nangmouh ni thoenae na sak awh rah pawiteh, nangmouh hoi nangmae siangpahrang khuehoi koung pâmit lah na o awh han telah atipouh.

13

Sawl ni Filistinnaw a tuk

¹ Sawl ni kum touh a uk teh Isarelnaw apâhni kum a uknae kum dawk,

² Sawl ni Isarelnaw tami 3,000 touh a rawi. Tami 2000 touh teh Miknash hoi Bethel mon dawk Sawl koe ao awh teh, 1,000 touh teh Benjamin ram Gilead vah Jonathan koe ao awh. Alouknaw pueng teh amamouh onae koe rim dawk lengkaleng a ban sak.

³ Jonathan ni Geba vah Filistin kho ramveng a thei e hah Filistinnaw ni a thai awh. Sawl ni Hebrunaw ni hai thai naseh a titeh, ram pueng dawk mongka a ueng sak.

⁴ Isarel miphunnaw ni Filistin kho ramveng Sawl ni a thei e hah, Filistinnaw han Isarelnaw teh panuethopoung lah ao e a thai awh navah, Gilgal kho kaawm e Sawl koe cei hanelah tamimaya teh a kaw awh.

⁵ Filistinnaw teh Isarelnaw tuk hanelah, a kamkhueng awh. Rangleng 30,000, marangransanaw 6,000 hoi tuiptui rai e sadi patetlah kapap e ransanaw ao awh teh Bethaven kho Kanitholae Miknash kho dawk a roe awh.

⁶ Isarelnaw ni takikatho poung e thung ka o tie a panue awh navah, atangawn talung kâko, buruk thung, atangawn talungnaw e rahak vah, tumdum e thung, talai kâko dawk a kâhro awh.

⁷ Hebru miphunnaw tangawn Jordan tui namran Gad hoi Gilead ram dawk a kâran awh. Sawl teh Gilgal vah ao. Tamihu ni taki pâyaw laihoi a hnuk a kâbang awh.

Sawl ni sak hoeh hane thuengnae a sak

⁸ Samuel ni hnin a khoe e patetlah hnin 7 touh a ring. Hatei Samuel teh Gilgal vah tho hoeh, a hnukkâbang e naw ni ahni teh a kâran takhai awh.

⁹ Sawl ni hmaisawi thuengnae hoi roum thuengnae kai koe thokhai awh atipouh. Hottelah hmaisawi thuengnae a sak.

¹⁰ Hmaisawi thuengnae a sak hnukkhu, Samuel a tho teh Sawl ni ahni kâhmo hanelah a dawn.

¹¹ Samuel ni bangnaw na sak atipouh. Sawl ni taminaw ni be na kâran takhai teh, atueng khoe e hnin dawk na tho hoeh. Filistinnaw Mikmash vah be a kamkhueng awh toe tie ka thai.

¹² Hatdawkvah, Filistinnaw ni Gilgal vah na la tuk awh toe. BAWIPA koe pahrennae hei hane hai ka sak hoeh rah. Hatdawkvah, hmaisawi thuengnae teh sak hoeh laipalah coung hoeh toe telah ati.

¹³ Samuel ni Sawl koe pathu poung lahoi na sak toe. BAWIPA Cathut e kâpoelawk na tarawi hoeh toe. Na tarawi pawiteh BAWIPA ni Isarelnaw lathueng uknaeram kâ pou a caksak han.

¹⁴ Atuteh nange uknaeram cak mahoeh toe. BAWIPA ni ama lungkayouk e a tawng teh, a tami lathueng vah kahrawikung lah o hane BAWIPA ni kâ a poe toe. Bangkongtetpawiteh, BAWIPA e kâpoelawk na tarawi hoeh toe.

¹⁵ Samuel a thaw teh Gilgal kho hoi Benjamin ram Gibeah vah a takhang. Sawl ni ama koe kaawm e a touk teh 600 tabang a pha.

¹⁶ Sawl hoi a capa Jonathan hoi ahnimouh koe rei kaawm e Benjamin ram Geba vah ao awh rah. Hatei, Filistinnaw teh Mikmash vah a tungpup awh.

¹⁷ Filistinnaw e roenae hmuen koehoi taran ahu kathum touh ni a cei awh teh, Shual ram, Ophrah lah a cei awh.

¹⁸ Ahu buet touh ni, Bethhoron koelae lam, ahu buet touh ni Zeboiim yon kahrawngum khori koelae lam a dawn awh.

¹⁹ Isarel abuemlah dawk sumkadênaw buet touh boehai hmu hane awm hoeh. Bangkongtetpawiteh, Filistinnaw ni Hebrunaw teh tahroe hoi tahloi sakpayon vaih telah ati awh dawk doeh.

²⁰ Hottelah, Isarel taminaw teh tawkso thoseh, thunha thoseh, cakâ, tangkounnaw kata hanelah Filistinnaw koe ouk a ceikhai awh.

²¹ Tawkso, thunha, a hâ kathum touh samphei e tawkso, cakâ hoi sâw apu teh Shekel phek touh doeh.

²² Hatdawkvah, taran tuknae hnin dawk Sawl hoi Jonathan tinaw hoi rei kaawm e ransanaw e kut dawk, tahloi tahroe awm hoeh. Sawl hoi Jonathan koe dueng doeh ao.

²³ Hat hoi Filistin ramvengnaw teh Mikmash rakan hanelah hoi a cei awh.

14

Jonathan ni Filistinnaw a tâ

¹ Hnin touh hnin vah, Sawl e capa Jonathan ni sene ka sin e thoundoun buet touh koevah tho, namran lah kaawm e Filistinnaw e taran ka ring e ransanaw aonae koe cet atipouh. A na pa koe dei pouh hoeh.

² Sawl teh Gibeah ram apoutnae koelae Migron ram e talekung a rahim vah ao teh, ahni koe tami 600 tabang ao.

³ Shiloh kho e BAWIPA e vaihma bawi Eli capa Phinehas capa Ikhobod e a hmau Ahitub capa Ahijah ni vaihma angki a kho. Hatei Jonathan a cei tie taminaw ni panuek hoeh.

4 Filistinnaw e roenae hmuen koe Jonathan ni rakan han noenae mon lam vah, avoivang lah lungngoum ao teh buet touh e min teh Bozez, alouke buet touh e min Seneh doeh.

5 Lungngoum buet touh teh atunglah Mikmath kho koe lah thoseh, alouke buet touh e teh akalah Geba kho lah thoseh a kangvawi.

6 Jonathan ni sene ka sin pouh e thoundoun koe tho, vuensom ka a hoeh e roenae hmuen koe cet awh sei. Ayoun nakunghai, apap nakunghai nang ni hai BAWIPA rungngang hoeh nahan a cakâ thai hoeh han dawkw, BAWIPA ni maimouh han na sak pouh tâ panue telah a dei.

7 Sene ka sin e ni ahni koe na lung dawkw kaawm e pueng sak. Na pouknae patetlah cet, nang koe ka o doeh telah atipouh.

8 Jonathan ni ahawi ahnimouh koe cei awh vaiteh kâpâtue awh sei.

9 Ahnimouh ni awm awh, kaimouh ka tho awh han tetpawiteh, ahnimouh koe cet laipalah o awh han.

10 Hatei ahnimouh ni, kaimouh koe takhang awh, telah dei awh pawiteh, takhang awh han. Bangkongtetpawiteh, BAWIPA ni kut dawkw na poe awh toe. Maimouh hanelah noutnae lah ao han telah ati.

11 Hottelah, kahni touh hoi Filistin ramveng ransa aonae koe vah, a kamnue roi. Filistinnaw ni, kenhaw! Hebrunaw a kâhronae khu dawkw hoi a tâco telah ati awh.

12 Ramveng ransa onae koe kaawm e naw ni Jonathan hoi sene ka sin e koevah, kaimouh koe takhang awh haw, hno buet touh na hmu sak awh han telah a kaw awh. Jonathan ni sene ka sin e koevah, kâbang haw. Bangkongtetpawiteh, BAWIPA ni ahnimouh teh Isarel kut dawkw na poe toe telah ati.

13 Jonathan teh kâ laihoi a cei. Sene ka sin pouh e ni a kâbang sin. Ahnimouh teh Jonathan e hmalah a rawp awh teh sene ka sin e ni a thei awh.

14 Jonathan hoi sene ka sin e ni law ekah tangawn hmuen ka len e thungup tami 20 tabang a thei awh. Het heh apasuek kâtuknae doeh.

15 Tungpupnae hmuen, law, hoi tami pueng koe pâyawnae teh a pha. Ramveng ransa hoi tarankatuknaw hai a pâyaw awh. Tâli puenghoi a no dawkvah puenghoi a pâyaw awh.

16 Benjamin ram Gibeah e Sawl taran karingkungnaw ni a radoung awh teh, kenhaw! tamihupui teh avoivang lah koung a yawng awh toe, tie a hmu awh.

17 Hatnavah Sawl ni ama koe kaawm e tamihu koevah, kâparei awh haw. Apimaw kaawm hoeh, khen awh telah ati. A kâparei awh navah pouk laipalah Jonathan hoi sene ka sin e hah awm hoeh.

18 Sawl ni Ahijah koevah, Cathut e thingkong hah hi thokhai awh telah ati. Bangkongtetpawiteh hatnae tueng dawkw Cathut e thingkong teh Isarelnaw koe ao.

19 Sawl ni vaihma bawi a pato lahun nah Filistinnaw roenae hmuen koe e rucatnae hoe apap. Hahoi Sawl ni vaihma bawi koevah na kut hno leih telah atipouh.

20 Sawl hoi ama koe kaawm e pueng teh a kamkhueng awh teh tarantuknae koe a cei awh. Kenhaw! amamouh hoi amamanaw tahloi a kâbouk awh teh runae kalen poung ao.

21 Hothloilah haw tapat e raw dawkw ka cet e, hat hoehnahlan Filistin koe lah kaawm e Hebrû taminaw hai Sawl hoi Jonathan koevah kaawm e Isarelnaw koe lah a kamlang awh.

22 Hot patetvanlah, Ephraim mon dawkvah kâhrawk e Isarel naw ni Filistinnaw a yawng aw h tie a thai aw h toteh tarantuknae koe a baw k aw h teh pou a pâlei aw h.

23 Hote hnin navah BAWIPA ni hottelah Isarel naw hah a rungngang teh Bethaven kho totouh a tuk aw h.

24 Hote Sawl ni thoebonae e hnin daw k Isarel naw teh a kângairu aw h. Bangkongtetpawiteh, Sawl ni ka tarannaw lathueng moi ka pathung hoe roukrak, tangmin a pha hoehroukrak bu ka cat e tami teh thoebo lah aw m seh telah taminaw koe lawkkamnae a ta pouh, apinihai rawca cat a hoe h.

25 Tami pueng teh ratu daw k a pha aw h teh, khoitui onae koe ao aw h.

26 Kahrawng a kâen aw h nah khoitui dekdek a ca e a hmu aw h. Thoe a bo e a taki aw h daw kvah, apihai a kutdawn hoi hai palem aw h hoe h.

27 Jonathan teh a na pa ni tami thoebo lahoi law k a kam sak e panuek hoe h. A sin e sonron hmo hoi khoipha a cuek teh a palem. Hatnavah a mit vuk a ang.

28 Ransa buet touh ni a dei pouh, na pa ni sahnin daw k rawca ka cat e pueng teh thoebo lah aw m seh telah tami pueng lawkkam a poe.

29 Jonathan ni apa ni ram runae a poe. Hete khoitui yitca ka patek e lahoi ka mit banghloimaw a ang sak, khenhaw.

30 Taminaw ni a taran kut daw k e a la e rawca a ngai patetlah catnet aw h haw pawiteh aw, banghloimaw a phu ao han. Atu Filistin taminaw thei hane yit touh thet thai hoe h toe hei.

31 Hate hnin navah Mikmash hoi Aijalon totouh Filistinnaw hah a pâlei aw h. Tami pueng a tawntam poung aw h.

32 Taminaw ni hnopai hah a cusin aw h teh tu maitotan hoi a ca hah a man aw h teh talai daw k a thei aw h teh, taminaw ni a thi hoi hmai a ca aw h.

33 Khenhaw! thi hoi hmai a ca aw h daw k taminaw ni BAWIPA daw k a yon aw h toe telah Sawl koe a dei pouh aw h teh, ahni ni nangmouh teh yuem na kamcu hoe h toe. Sahnin vah talung kalenpoung kai koe palet aw h telah atipouh.

34 Sawl ni taminaw koe cet aw h nateh ahnimouh koe lengkaleng namamae tu, maitonaw hah kai koe thokhai aw h nateh, hie hmuen koe thet nateh cat aw h haw. Thi hoi hmai ca e lahoi BAWIPA koe yonnae sak aw h hanh atipouh e patetlah hat nae tangmin vah taminaw ni lengkaleng amamae maitonaw hah a thokhai aw h teh hote hmuen koe a thei aw h.

35 Sawl ni BAWIPA hanelah thuengnae khoungroe a sak, hote thuengnae khoungroe teh apasuekpoung BAWIPA hanelah sak e lah ao.

36 Sawl ni Filistinnaw koe karum vah Filistinnaw pâlei aw h nateh khodai totouh buet touh hai hlout hoe h nahan thet aw h telah a dei pouh. Ahnimouh ni hai ahawi na tie patetlah sak, telah bout a dei aw h. Hatei vaihma bawi ni hete hmuen koe Cathut koe hnai aw h ei atipouh.

37 Sawl ni Filistinnaw ka tuk han rah maw ahnimanaw Isarel naw kut daw k na poe han maw, Cathut koe a pacei eiteh, hote hnin daw k law k dei pouh hoe h.

38 Sawl ni nangmouh tamihu ka uk e pueng tho aw h, sahnin vah hete yonnae bangnaw maw tie panue hoi hmu hane kâyawm aw h haw.

39 Isarel naw e BAWIPA a hring e patetlah ka capa Jonathan nakunghai a due roeroe han telah ati. Hatei taminaw thueng daw k law k ka pathung e buet touh hai aw m hoe h.

⁴⁰ Sawl ni Isarelnaw koe nangmouh hmuen buet touh koe lah awm awh. Kai hoi ka capa Jonathan teh hmuen buet touh koe ka o han ati teh, ahawi na tie patetlah sak yawkaw taminaw ni telah Sawl koe atipouh awh.

⁴¹ Sawl ni BAWIPA Isarelnaw e Cathut koe a tang e hah kamnuek sak awh atipouh navah Sawl hoi Jonathan dawk cungpam a pabo teh taminaw pueng a hlout awh.

⁴² Sawl ni kai hoi ka capa Jonathan hah cungpam rayu awh haw atipouh teh Jonathan e van a bo.

⁴³ Sawl ni Jonathan koevah nang ni bang hno maw na sak dei haw atipouh. Jonathan ni ka kut dawk e sonron hoi khoitui ka tek katang toe. Khenhaw! kai ka due han toe telah Sawl koe bout a dei pouh.

⁴⁴ Sawl ni na due katang han. Na dout hoehpawiteh Cathut ni hot hlak hoe sak naseh.

⁴⁵ Taminaw ni Isarelnaw dawk kalen poung rungngangnae ka sak e Jonathan a due han namaw, khuet dout ti. BAWIPA a hring e patetlah a lû dawk e sam buet touh boehai talai dawk bawt mahoe. Sahnin vah Cathut hoi rei a tawk ati awh. Hottelah taminaw ni Jonathan a rungngang awh teh dout hoeh.

⁴⁶ Hathnukkhu Sawl ni Filistinnaw pâlei e hah a ban takhai awh teh a onae hmuen koe koug a ban awh.

Sawl tarantuknae kâhat hoeh

⁴⁷ Sawl ni Isarelnaw lathueng a uknaeram a caksak teh avangvang lae Zobah siangpahrangnav hoi Filistinnaw a tuk awh. A tuk awh nah tangkuem a tâ awh.

⁴⁸ Ransanaw a pâkhueng teh, Amalek taminaw a tuk awh. Isarelnaw hah ahnimae kut dawk hoi a rungngang awh.

⁴⁹ Sawl e capanaw teh Jonathan, Ishvi hoi Malkhishua doeh. A canu roi e min teh, kacue e Merab, kanaw e teh Mikhal doeh.

⁵⁰ Sawl e a yu teh Ahinoam Ahimaaz canu doeh. Ransabawi e min teh Abner. Sawl e a na pa kanaw teh Ner capa doeh.

⁵¹ Kish teh Sawl e a na pa doeh. Abner e na pa Ner teh Abiel capa doeh.

⁵² Sawl a hringyung thung Filistinnaw hoi puenghoi a kâtuk awh, athakaawme taminaw thoseh a tarankahawinaw thoseh a hmu e pueng hah ama hanelah a pâkhueng.

15

¹ Samuel ni Sawl koe BAWIPA ni nang teh na taminaw lathueng Isarelnaw lathueng siangpahrang hanelah satui awi hane na patoun, hatdawkvah atu BAWIPA e lawk ngâi haw.

² Kalvan ransabawi ni hettelah a dei. Izip ram hoi na tâco awh navah lamlak vah Amaleknaw ni Isarelnaw a ngang awh dawkvah, kai ni ahnimanaw hai ka pathung han.

³ Atuvah cet nateh Amaleknaw hah tuk haw. Ahnimouh ni a tawn awh e pueng he raphoe. Buet touh hai hlung hanh. Napui, tongpa, camo, sanu ka net lahun e, maito, tu, kalauk hoi la pueng koug na thei han atipouh.

⁴ Sawl ni taminaw a pâkhueng teh, Telaim vah a touk. Ransanaw 200, 000 touh hoi Judah tamî 10, 000 touh a pha.

⁵ Sawl teh Amalek khopui vah a pha teh, tanghling dawk hoi a pawp.

⁶ Sawl ni Ken taminaw koe, tâcawt awh haw. Amalek taminaw koehoi aloukcalah awm awh. Hottelah hoehpawiteh hmai na thet awh payon

vaih. Bangkongtetpawiteh, Isarelnaw Izip ram hoi ka tâcawt e pueng na pahren awh, telah ati. Ken taminaw teh Amaleknaw koehoi a tâco awh.

⁷ Sawl ni Amaleknaw teh Havilah hoi Izip kanîtholah kaawm e Shur kho totouh a thei awh.

⁸ Amalek siangpahrang Agag hai a hring lah a hlung awh teh, a man e pueng tahloi hoi be a thei.

⁹ Hatei Sawl hoi taminaw ni Agag teh a hlung awh teh, tu kahawi e maito kahawi e kathâw e tuca kathâwnaw hoi kahawi e pueng thei han ngai awh hoeh. Ka cungkeihoeh e, hnephnap e naw teh he a thei awh.

¹⁰ BAWIPA e lawk Samuel koe a pha teh,

¹¹ Sawl siangpahrang lah ka tawn e pan ka kângai. Ahni teh kaie ka hnuk a kâbangnae koehoi bout a kamlang toe. Kaie kâpoelawknaw hah tawk hoeh toe telah ati teh Samuel ni a lungkhuek teh BAWIPA koe a lungmathoe laihoi karum khodai a hram.

¹² Samuel ni Sawl kâhmo hanelah amom a thaw navah, Sawl teh Karmel kho lah a cei, haw vah pahnim hoeh nahan talung a ung hnukkuh bout a ban. Pou a cei teh Gilgal kho lah pou a ceicathuk telah Samuel koe a dei pouh awh.

¹³ Samuel Sawl koe a cei teh Sawl ni BAWIPA ni yawhawi na poe e lah na o. BAWIPA e kâpoelawk pueng be ka tarawi telah a ti.

¹⁴ Samuel ni hah pawiteh kaie ka hnâ dawh hram pawlawk ka thai e maito parawng lawk hah teh bangtelah atipouh.

¹⁵ Sawl ni Amaleknaw koe e hetnaw ka la toe. Bangkongtetpawiteh BAWIPA na Cathut koehoi thuengnae sak nahanelah taminaw ni tu kahawi maito kahawi kahawi a pâhlung awh e doeh, alouknaw teh koung ka thei awh telah a ti.

¹⁶ Samuel ni Sawl koevah awm ei, paduem tangmin BAWIPA ni kai koe a dei e na dei pouh han atipouh, Sawl ni dei haw atipouh.

¹⁷ Samuel ni nange na hmunaeh lah tami ka thoungca nakunghai, Isarel miphunnaw e lû lah na awm hoeh namaw. Isarel siangpahrang lah BAWIPA ni satu na awi e nahoehmaw.

¹⁸ BAWIPA ni na patoun teh, cet nateh tamikayon Amaleknaw hah be thet lawih, he kahma hoehroukrak thet lawih telah ati nahoehmaw.

¹⁹ Bangkongmaw BAWIPA e lawk na ngâi laipalah hnopai na lawp teh BAWIPA mithmu hno kahawihoe h na sak telah atipouh.

²⁰ Sawl ni Samuel koevah BAWIPA e lawk atangcalah ka tarawi toe. BAWIPA ni na patoun e thaw ka tawk teh Amalek siangpahrang Agag ka thokhai teh, Amalek taminaw he ka pâmit.

²¹ Taminaw ni BAWIPA na Cathut Koe gilgal kho dawh thueng nahane lawp e hno thung dawh hoi maito, tunaw kahawipoung e ka la toe telah a dei.

²² Samuel ni BAWIPA lawkngainae dawh a lunghawi e patetlah hmaisawi thuengnae dawh a lunghawi han na ou, thai haw lawkngainae teh thuengnae hlak ahawihnawn. Tarawinae teh tu kathâw hlak hoe ahawihnawn.

²³ Lawkeknaw teh taân sin e patetlah thoseh, lungpatanae teh meikaphawk bawknaw patetlah thoseh yonnae kalenpoung doeh. BAWIPA e lawk na pahnawt dawkvah, BAWIPA ni hai siangpahrang lah na onae koehoi na pahnawt toe telah atipouh.

²⁴ Sawl ni Samuel koevah yonnae ka sak katang toe. Bangkongtetpawiteh, BAWIPA kâpoelawk hai ka ek toe. Bangkongtetpawiteh, tamimaya ka taki dawkvah a lawk ka ngâi pouh toe.

²⁵ Hatdawkvah na pahren nateh ka yonnae ngaithoum haw, BAWIPA ka bawk thai nahanlah bout na bankhai loe atipouh.

²⁶ Hatei Samuel ni Sawl koevah, na bankhai mahoe. Bangkoktetpawiteh, BAWIPA e lawk na pahnawt toe. BAWIPA ni hai Isarel siangpahrang daw k hoi na pahnawt toe atipouh.

²⁷ Samuel a cei hane a kamlang navah, Sawl ni a hni a kuet pouh teh a paw i a kâphi.

²⁸ Samuel ni sahnin vah nang koehoi BAWIPA ni Isarel uknaeram a ravei toe. Nang hlak kahawi e na imri hah a poe toe.

²⁹ Isarel miphun e pou kacakpounge BAWIPA teh a laithout hoe. A lung hai kâthung hoe a lungkâthung e tami patet nahoe telah a ti.

³⁰ Sawl ni ka yon toe. Hateiteh pahren lahoi ka tami kacuenaw e hmalah hoi Isarel hmalah atu barinae na poe haw, BAWIPA na Cathut ka bawk thai nahan na bankhai haw, hottelah a kâhei.

³¹ Samuel ni Sawl a bankhai teh Sawl ni BAWIPA a bawk.

³² Samuel ni Amalek siangpahrang Agag teh kai koe thokhai awh haw telah ati. Hatnavah Agag teh kâhruetuet lahoi a cei. Agag ni duenae kakhat e teh ka tapoung toe a ti.

³³ Hatei Samuel ni na tahloi ni napuinaw ca sak apout sak e patetlah na manu hai napui thung daw k ca ka tawn hoe e lah ao van han telah ati. Samuel ni Agag hah Gilgal vah BAWIPA hmalah tawntarawn lah a tâtueng.

³⁴ Samuel teh Ramah kho vah a cei teh Sawl teh, Gibeah kho ama im vah a cei takhang.

³⁵ Sawl a due totouh Samuel ni bout hloe hoe toe. Hatei Samuel ni Sawl kong daw k a lungmathoe. BAWIPA teh Isarel siangpahrang lah Sawl a rawi e pan a kângai.

16

Devit siangpahrang lah satui awinae

¹ BAWIPA ni Samuel koe Isarel lathueng hoi ukkung lah onae daw k hoi ka pahnawt e na hmu eiteh Sawl kecu daw k bangkong na lung a mathoe han. Na ki daw k satui hlun nateh cet haw. Bethlehem kho e Jesi koe na patoun han. Bangkoktetpawiteh, a capanaw thung daw k siangpahrang lah tami buet touh ka pouk tangcoung e ao telah atipouh.

² Samuel ni bangtelamaw khuet ka cei thai han. Sawl ni thai pawiteh na thei han doeh telah ati. BAWIPA ni maitolaca lat nateh BAWIPA koe thueng hanelah ka tho han ti pouh han.

³ Jesi haiyah thuengnae koe coun nateh, na sak hane na patue vaiteh, nang koe ka dei e hah kai hane satui na awi han telah atipouh.

⁴ Samuel ni, BAWIPA e kâ poe e patetlah a sak teh Bethlehem vah a cei, a thonae ni kho thung e kacuenaw a tâlueng sak. Rounnae hoi na tho maw telah atipouh awh.

⁵ Samuel ni rounnae hoi doeh. BAWIPA koe thuengnae ka sak hanelah ka tho. Kamthoung awh nateh thuengnae koe tho van awh atipouh. Jeese hoi a capanaw a kamthoung sak awh hnukkhu ahnimanaw hah thuengnae koe a coun.

⁶ Ahnimouh a tho awh toteh Samuel ni Eliab hah a hmu toteh BAWIPA ni satui a awi e tami teh het han doeh telah ati navah,

⁷ BAWIPA ni a meilam a tungtang khen hanh, Kai ni ahni teh ka pahnawt toe. Kai teh tami ni a khet e patetlah ka khen hoe. Tami ni teh avanlah doeh a khet. BAWIPA teh a lungthin ka khen e doeh telah ati.

⁸ Jesi ni Abinadab a kaw teh Samuel hmalah a ceisak. Ahni ni het hai BAWIPA ni a rawi e nahoech telah ati.

⁹ Jesi ni Samah bout a ceisak ahni hai BAWIPA ni a rawi e nahoech telah ati.

¹⁰ Jesi ni a capa 7 touh Samuel hmalah a ceisak. Samuel ni Jesi koevah BAWIPA ni hetnaw rawi hoech telah ati.

¹¹ Samuel ni Jesi koe hi vah na canaw kounng a kuep maw, atipouh. Ahni na cahnung ao rah, hatei tu a khoum telah bout a dei pouh navah, tami patoun nateh kaw sak haw, hi a tho hoehroukrak tahung awh mahoech telah Samuel ni atipouh.

¹² Hatdawkvah tami a patoun teh a kaw teh a kâenkhai, ahni teh a sam palingvuek, a mit padai e hai a kamcu teh a mei hai ahawi. BAWIPA ni het nan mah thaw nateh ahni hah satui awi haw atipouh.

¹³ Hottelahoï Samuel ni ki dawkh hoi satui a la teh a hmaunaw rahak ahni teh satui a awi. Hat na hnin totouh hoi teh BAWIPA e Muitha teh Devit van a pha. Samuel a thaw teh Ramah kho lah a cei.

¹⁴ BAWIPA e Muitha teh Sawl dawkh hoi a kampuen teh BAWIPA koehoi e muitha kathout ni a lungpuen sak.

¹⁵ Sawl e a sannaw ni ahni koevah, kenhaw! BAWIPA koehoi e muitha kathout ni runae a poe e doeh.

¹⁶ Nang koe kaawm awh e na sannaw hah ratoung ka kueng thai e tawng hanelah atu kâ na poe awh haw. Cathut koe e Muitha mathout a tho toteh, ahni ni a kut hoi ratoung a kueng vaiteh na hawi han doeh telah atipouh awh.

¹⁷ Sawl ni a sannaw koe ka kueng thai e na tawng pouh nateh kai koe thokhai awh telah ati.

¹⁸ A sannaw thung dawkh e buet touh ni kenhaw! Bethlehem kho e Jesi capa ratoung kueng kathoum poung e a thakaawme, taran ka tuk thai e, lawkdei kathoum e, a mei ka hawi poung e, ka hmu toe. Ahni koe BAWIPA ao atipouh.

¹⁹ Sawl ni Jesi koe patounenaw a patoun teh tu ka khoum e capa hah kai koe patoun haw telah atipouh.

²⁰ Jesi ni la buet touh a la teh ca hane naw, vaiyei hoi misurtui um touh hoi hmaeca hoi a capa Devit hah Sawl koe a patoun.

²¹ Devit ni Sawl koe a pha toteh a hmalah a kangdue, ahni ni a lung hroung a pataw teh senehmaica kasinkung lah a hruek.

²² Sawl ni Jesi koevah, pahren lahoi Devit heh kai koe awm na nei. Bangkongtetpawiteh, ka lungyouk telah dei pouh hane tami a patoun.

²³ Cathut koehoi muitha mathout teh Sawl koe a phanae tueng dawkh Devit ni ratoung a la teh a kueng. Sawl teh bout a thanguem teh, bout a dam. Muitha mathout ni hai a kangheng takhai.

17

Devit hoi Goliath

¹ Filistinnaw ni taran tuk hane ransanaw a pâkhueng teh Judah ram Sokoh kho dawkh a kamkhueng awh teh Sokoh hoi Azekah a rahak Ephesdammin hmuen koe a tungpup awh.

² Sawl hoi Isarelkaw hmuen buet touh koe a kamkhueng awh teh Elah yawn dawkh a tungpup awh teh, Filistinnaw tuk hanelah a kâcai awh.

³ Filistinnaw teh avanglae mon dawkh a kangdue awh teh, Isarelkaw teh avanglae mon dawkh a kangdue awh, rahak dawkvah a yawn pui ao.

⁴ Filistin ransa thung dawk hoi, Gath kho e Goliath a min kâpfung e a tâco, a rasang e dong taruk touh hoi khap touh a pha.

⁵ Rahumluhuem a kâ muk teh Bahling angki a kho, hote angki teh rahum shekel 5000 tabang a ri.

⁶ A khokrangan dawk rahum a pada teh a loung hoi a loung rahak rahum tahroe a ka va.

⁷ A tahroecung teh hni kawng kalawng e patetlah. Tahroe hmo teh shekel 600 tabang a ri teh, bahling ka sin e hah a hmalah a cei.

⁸ A kangdue teh Isarelnaw a hram sin. Bangdawkmaw taran hanelah, na tâco awh. Kai teh Filistin tami buet touh lah ka o. Nangmanaw teh Sawl e a san nahoehmaw, tami buet touh roi awh nateh kai koe tho sak awh.

⁹ Ahni ni kai na tâ pawiteh nangmouh koe san lah ka o awh han. Ahni hah kai ni ka tâ lah ka thet pawiteh, ka san lah na o awh vaiteh kaimae thaw na tawk awh han telah atipouh.

¹⁰ Filistin tami kai ni sahnin Isarel ransanaw na savek awh. Kai koe tami buet touh patoun awh. Kai hoi kâhmo roi han telah a ti.

¹¹ Sawl hoi Isarelnaw ni hote lawk a thai awh navah, pueng hoi a taki teh a pâyaw awh.

¹² Devit teh Judah ram, Bethlehem kho Jesi e capa doeh. Jesi ni capa a tawn e ataroe e doeh. Ahni teh a matawng poung toe.

¹³ Jesi e a ca kacuenaw katham touh teh Sawl e hnuk a kâbang awh. A capa katham touh taran tuknae koe ka cet e a minnaw teh, kacuepoung e Eliab, apâhni e Abinadab, hoi apâthum e Shammah tinaw doeh.

¹⁴ Devit teh cahnoung poung e capa doeh. A capa kacue e katham touh ni Sawl koe a kâbang awh ei.

¹⁵ Devit hateh Sawl koehoi Bethlehem kho koe lah a na pa e tu khounnae koe atu hoi tu a cei.

¹⁶ Filistin tami ni amom tangmin ahnimouh koe a hnai pouh teh hnin 40 touh a kamnue pouh.

¹⁷ Jesi ni a capa Devit koevah atu na hmaunaw hanlah cai ephah buet touh, hete vaiyei 10 touh lat nateh na hmaunaw aonae koe lah karanglah cet haw.

¹⁸ Maito sanu kamkak e tueng 10 touh hai ransa 1, 000 kaukkung hanlah sin pouh. Na hmaunaw a dam hoi dam hoe e na khet hnukkhu, ahnimouh koehoi hno buet buet touh sin la atipouh.

¹⁹ Sawl hoi Isarelnaw teh Elah yawn vah ao awh telah a ti.

²⁰ Devit amom a thaw teh, tunaw ka khoun hane tami buet touh koe a ceitakhai teh, Jesi ni kâ a poe e patetlah rawca a sin teh a cei. Isarel ransanaw taran tuk han a hramki awh lahun nah tungpup im koe a pha.

²¹ Isarel ransanaw hoi Filistin ransanaw teh a kâtuk awh hanelah rek a kâhnai awh.

²² Devit ni hno ka khen hane koe a kut dawka poe teh ransa aonae koe lah a yawng teh, a hmaunaw hah kut a man.

²³ Ahnimouh hoi lawk a kâdei lahun nah Gath kho e Filistin tami Goliath teh Filistin ransanaw e hmalah hoi a tâco teh ouk a dei e patetlah lawk bout a dei e Devit ni a thai.

²⁴ Isarel ransanaw ni a hmu awh navah, a takipoung awh. Ahnie a hmalah hoi a yawng awh.

²⁵ Isarelnaw ni ka tâcawt e tami na hmu awh ou, Isarelnaw a savek hanelah a tho toe. Ahni ka thet e teh, siangpahrang ni moikapap e poehno

hoi a bawi sak han. Hothloilah, a canu hai a poe han. Ahnie imthungnaw hai a ngai patetlah ao sak han.

²⁶ Devit ni ateng kangdoutnaw koe, hete Filistin tami ka thet niteh, Isarelkaw min mathoenae kahawi sak e tami teh bangtelamaw sak hanelah ao han. Vuensom ka a hoeh e Filistin tami heh bangpatet e tami na maw, ka hring Cathut e ransa ka savek e tami nahoehmaw atipouh.

²⁷ Tami pueng ni, hete tami ka thet e teh ka dei aw h e patetlah sak pouh han telah atipouh aw h.

²⁸ Ahnimouh hoi Devit lawk a kâdei e hah kacuepoung e Eliab ni a thai nah, Devit koe a lung hmatara a khuek. Kahrawng e tu hah apimaw na khoum sak. Na kâoupnae na lung poanna e na lungthin ka panue. Kâtuknae khet hane doeh na tho tie ka panue telah a ti.

²⁹ Devit ni atu bangmaw ka sak, a lamthung kaawm nahoehmaw telah a ti.

³⁰ Ahni koehoi alouklah a kangvawi takhai teh, ouk a dei patetlah bout a dei pouh.

³¹ Devit ni a dei e lawk a thai aw h teh, Sawl e hmalah a dei pouh aw h nah, Devit hah a kaw.

³² Devit ni Sawl koe ahni kecu daw k buet touh hai na lungpout sak hanh aw h. Na san kai ni ka cei vaiteh hote Filistin tami ka tuk han telah a dei pouh.

³³ Sawl ni hote Filistin tami na tuk thai hane kaw i lah aw m hoeh. Nang teh na naw rah, ahni teh a nawca hoi tarantuk ka thoum e doeh telah Devit koe a dei pouh navah,

³⁴ Devit ni Sawl koe tunaw na san kai ni ka khoum nah, sendek thoseh, tavom thoseh, a tho navah, tuhu daw k e tu a la navah,

³⁵ Ka pâlei teh a pahni daw k e ka lawp, hahoi na cusin navah, a pâkhamuen daw k ka man pouh teh ka thei.

³⁶ Sendek hoi Tavom na san kai ni ka thei na maw, Cathut e ransanaw ka savek vuensom ka a hoeh e Filistin tami hai hote buet buet touh e patetlah han doeh atipouh.

³⁷ Sendek kut hoi tavom kut daw k hoi thoseh, kai na ka rungngang e BAWIPA ni hote Filistin kut daw k hoi hai na rungngang han doeh telah Devit ni bout a dei navah cet leih, Cathut teh nang hoi rei aw m naseh telah Devit koe atipouh.

³⁸ Sawl ni amae a puengcang a kho sak teh, a lû daw k rahumluhem a kâ muk hnukkhu saiphei a kho sak.

³⁹ Devit ni a angki van Sawl e tahloi a kava teh a cei bo teh, ouk a khohna boihoe h dawkvah, Sawl koe Devit ni ka cet thai mahoe h telah atipouh. Devit ni hot naw be a rading pouh.

⁴⁰ Amae sonron hah a kut hoi a sin teh palang daw k e talung kâpica e 5 touh a rawi. Tu khoumnae koe a sin e yawngya daw k a pâseng. A kut daw k tâyai hoi Filistin tami teh a pâmam.

⁴¹ Filistin tami ni a tho teh Devit koe lah rek a hnai. Ahnie hmalah bahling ka sin e hai ao.

⁴² Filistin tami ni a khet navah, Devit a hmu teh sam palingvuek, a mei a hawi teh khet ahawi, camo lah ao daw k banglahai noutna hoeh.

⁴³ Hote Filistin tami ni, Devit koe kai ui lah maw ka tho teh, bongpai hoi khuet na tho sin vaw atipouh teh, Filistin tami ni a cathut noe lahoi Devit thoe a bo.

⁴⁴ Devit koe vah kai koe tho haw, na moi hah kalvan e tava hoi kahrawng sarangnaw koe ka poe han telah bout a ti.

⁴⁵ Devit ni Filistin tami hanelah, kai koevah tahloi, tahroeca, tahroepui, hoi na tho, kai teh nang ni na savek e Isarel ransabawi Cathut, ransabawi Jehovah min hoi doeh nang koe ka tho.

⁴⁶ Cathut ni sahnin nang hah teh kaie kut dawk na poe e lah ao vaiteh, nang hah kai ni na thei hnukkhu na lû tâtueng han. Hahoi Filistin ransanaw e ro hah kalvan e tava hoi talai dawk e moithangnaw ka poe han. Isarelnaw koe Cathut ao tie talai van pueng ka panue sak han.

⁴⁷ Hete tamihunaw ni hai BAWIPA ni tahloi hoi tahroe hoi na rungngang hoeh tie a panue awh han. Bangkongtetpawiteh, tarantuknae teh BAWIPA e doeh. Ama ni nangmanaw teh kaimae kut dawk na poe han telah a ti.

⁴⁸ Filistin tami teh a tho teh, Devit kâhmo hane rek a hnai nah, Devit ni Filistin tami kâhmo hane karanglah a yawng.

⁴⁹ Devit ni a yawngya thung a tapu teh, athung e talung buet touh a rasa hnukkhu tâyai hoi a yai teh, Filistin tami e tampa dawk a yai pouh. A tampa hlut ati teh talai dawk pakhup lah rawk a tabo.

⁵⁰ Hottelah, Devit ni tâyai hoi talung buet touh hoi hote Filistin tami a tâ teh a thei, a kut dawk tahloi sin hoeh.

⁵¹ Devit ni a yawng sin teh, Filistin tami van a kangdue teh, ahnie tahloi tabu dawk e tahloi a rayu teh, a lahuen mon a tâtueng pouh. Filistinnaw ni a thakaawmpoung a due e a hmu awh torei teh, koung a yawng awh.

⁵² Isarel hoi Judah ransanaw a thaw awh teh, hram laihoi ayawn apout ditouh thoseh, Ekron longkha totouh thoseh, a pâlei awh. Hahoi Filistin tami thung dawk e a hmâ kacatnaw teh Shaaraim lam koehoi Gath hoi Ekron totouh a kamlei awh.

⁵³ Isarelnaw teh Filistinnaw pâleinae koehoi bout a ban awh teh, ahnima pupimnaw be a raphoe pouh awh.

⁵⁴ Devit ni Filistin tami e a lû hah a la teh, Jerusalem kho totouh a sin. A puengcangnaw teh a rim dawk a hruek pouh.

⁵⁵ Sawl ni Filistin tami tuk hanelah Devit a cei e a hmu navah, ransanaw kaukung Abner koe, Abner hete nawsai heh apie capa maw telah a pacei. Abner ni oe siangpahrang na hring e patetlah kai ni ka panuek hoeh telah a ti.

⁵⁶ Hottelah Siangpahrang ni hete camo heh api capa maw pacei haw, telah atipouh.

⁵⁷ Hote Filistin tami a theinae koehoi Devit a tho nah Abner ni ahni hah a kaw teh, Sawl koe a ceikhai. Filistin tami e a lû a kut dawk a sin.

⁵⁸ Sawl ni ahni koe thoudoun nang apie capa maw telah a pacei. Devit ni Bethlehem kho e na san Jesi capa telah a ti.

18

Sawl ni Devit a ut

¹ Devit ni Sawl koe lawk be a dei hnukkhu, Jonathan hringnae teh Devit hringnae hoi mekkâkuet. Hottelah Jonathan ni a hringnae a lungpataw e patetlah Devit hah a lung a pataw.

² Hot hnin hoi teh Sawl ni Devit a kaw teh a na pa im bout ban sak hoeh toe.

³ Jonathan ni Devit hah amae hringnae a lungpataw e patetlah a lungpataw dawkvah, ahni hoi lawkkamnae a sak roi.

⁴ Jonathan ni a kâkhu e a hni a rading teh Devit hah a poe. Tarantuknae puengcang, angki, tahloi, licung, taisawm pateng haiyah a poe.

⁵ Sawl ni a patoun e pueng koe Devit ni a cei teh, kahawicalah a tawk teh tânae a hmu. Hatdawkvah, ransanaw kaukung lah ao sak teh, ransanaw mithmu hoi Sawl e a sannaw mithmu vah ngai ka tho e lah ao.

⁶ Devit ni Filistin tami a theinae koehoi a tho nah, Isarel napuinaw ni Sawl siangpahrang a dawn aw hlanlah la a sak aw h teh, lamtu lahoi ka cairing e ratoung, cekak tumkhawng aw h teh, Isarel kho koehoi a tho aw h.

⁷ Napuinaw ni Sawl thong touh, thong touh. Devit thong hra, thong hra a thei toe telah la a sak aw h.

⁸ Hote lawk ni Sawl a lungkhuek sak teh, a lunghawihoe. Ahnimouh ni Devit 10,000, kai teh 1,000 touh dueng na poe aw h. Uknae hloilah a tawn e bangmouh a poe thai ati teh, hote lawk daw k puenghoi a lungkhuek.

⁹ Hot hnin hoi Sawl ni Devit teh pou a patoup.

¹⁰ Atangtho vah Cathut koehoi e muitha kathout ni Sawl e lathueng a pha teh, impui daw k lawk a dei. Devit ni ouk a kueng boi e patetlah ratoung a kueng. Sawl teh a kut daw k tahroe a sin.

¹¹ Devit hah tapang daw k khik kâbet lah ka tâkho han ati teh, Devit a tâkho eiteh ahnie hmalah hoi vai hni touh a roun thai.

¹² Hottelah BAWIPA ni Sawl koehoi a tâco teh Devit hoi rei ao daw kvah, Sawl ni Devit teh a taki.

¹³ Sawl ni a hmaitung hoi Devit a kampuen sak teh 1,000 touh kaukung lah a hruek. Devit ni taminaw hmalah a tâco a kâen.

¹⁴ BAWIPA teh Devit hoi rei ao daw k a cei na tangkuem koe tânae a hmu.

¹⁵ Sawl ni Devit ni tânae kalenpoung a hmu navah hoe a taki.

¹⁶ Isarel hoi Judah miphunnaw ni kahawicalah a hrawi daw kvah, Devit a lungpataw aw h.

¹⁷ Sawl ni Devit koe khenhaw! ka canu kacue e Merab hah na yu lah na poe han, tarankahawilah aw m. BAWIPA e taran maha tuk lah a atipouh. Kaie ka kut hah ahnie lathueng phat sak laipalah, Filistinnaw e kut maha ahni lathueng phat seh telah Sawl ni a pouk.

¹⁸ Devit ni kai teh Siangpahrang e cava lah ka o nahan bang patet e tami lah maw khuet ka o vaw. Ka hringnae hoi ka imthung hai Isarel daw k bangtelamaw a talue telah Sawl koe atipouh.

¹⁹ Sawl canu Merab hah Devit koe poe hane tueng akuep nah Meholath tami Adriel koevah a yu lah yo la a poe toe.

²⁰ Sawl canu Mikhal ni Devit a lungpataw. Sawl koe a dei pouh aw h teh, hote ni a lunghawi sak.

²¹ Sawl ni ka canu na poe han. Filistinnaw e a kut ahnie lathueng pha sak hanlah kâmanae tangkam lah ka o sak aw h han. Sawl ni Devit koe nang teh ka cava lah na o toe telah apâhni lah bout a dei.

²² Sawl ni a sannaw koe kâ a poe teh, Devit hoi lawk duem a kâdei aw h. Siangpahrang teh nang koe a lung ahawi. A sannaw ni hai na lungpataw. Hatdawkvah, siangpahrang e cava lah aw m lawih na ti aw h han telah atipouh.

²³ Sawl e sannaw ni hote lawk Devit ni ka thai lah a dei aw h. Tami ka roedeng ni, banglahai noutna hoe e hah namaw, siangpahrang e cava lah khuek o rumram hanelah maw na pouk aw h vaw telah ati.

²⁴ Sawl e a sannaw ni, Devit ni he telah a dei telah Sawl koe a dei pouh aw h nah,

²⁵ Sawl ni, Devit koe hettelah na dei pouh aw h han, Siangpahrang ni a tarannaw a pathung navah Filistinnaw vuensom 100 touh hoe e laipalah apu alouke banghai ngai hoe, ati telah dei pouh aw h atipouh. Hatei Sawl ni Devit hah Filistinnaw e kut daw k due sak hanelah a pouk e doeh.

²⁶ Hahoi, a sannaw ni hote lawk hah Devit koe a dei pouh awh toteh, Devit teh siangpahrang cava lah ao hane hah a lung ahawipoung. Hahoi atueng khoe e hnin teh loum hoeh rah.

²⁷ Devit hoi a taminaw a thaw awh teh, Filistinnaw 200 touh a thei awh. Devit ni ahnimaе vuensomnaw a sin teh, siangpahrang e cava lah ao nahanelah, ka kuepcalah siangpahrang koe a poe. Sawl ni hai a canu Mikhal hah a yu lah a poe.

²⁸ Devit koe Cathut ao tie kacaicalah Sawl ni a panue. Sawl e canu ni ahni teh a lungpataw.

²⁹ Sawl ni Devit hoe a taki teh, Sawl teh Devit e taran lah pou ao.

³⁰ Filistin bawinaw teh a kamthaw awh. A kamthaw awh hnukkhu Devit teh Sawl e a sannaw hlak a kâhruetcuеt dawkvah a min hoe a kamthang.

19

¹ Devit thei hanelah, Sawl ni a capa Jonathan hoi a sannaw koe a dei pouh. Hatei Sawl capa Jonathan ni Devit lung a patawpoung.

² Jonathan ni Devit koe, Apa Sawl ni na thei hane a kâcai. Hatdawkvah amom totouh kâhruetcuеt, soumtinae koe kâhrawk.

³ Ka cei vaiteh na onae law vah apa e ateng ka kangdue han. Nange kong apa hoi kâpan roi han. Ka thai e lawk nang koe ka dei han telah kâhruetcuеt nae a poe.

⁴ Jonathan ni a na pa Sawl koe Devit hah a oup teh, ahni koe siangpahrang ni a san Devit koelah yonnae rumram lah sak hanh naseh. Ahni ni nang koe yonnae sak hoeh. Bangkongtetpawiteh, a sak e hnonaw nang hane aphu hroung ao.

⁵ Amae hringnae pasai laipalah, Filistin tami hah a thei. BAWIPA ni kalenpoungе tânae Isarelnew koe a pha sak e na hmu teh na lung ahawi. Hatdawkvah, kayonhoehe a thipaling yon kaawm hoeh e Devit khuеt na thei han vaw telah Sawl koe atipouh.

⁶ Sawl ni Jonathan dei e lawk hah a ngai. Sawl ni BAWIPA min dawк thoe a kâbo teh ahni teh thet mahoeh telah a ti.

⁷ Jonathan ni Devit a kaw teh, hote lawknaw a dei pouh hnukkhu, Devit teh Sawl koe a hrawi teh, ahmoun e patetlah ahni koe bout ao.

⁸ Tarankâtuknae bout ao teh, Devit ni Filistinnaw hoi kâtuk hanelah a cei teh tami moikapap a thei.

⁹ Sawl ni a im dawк tahroe hoi a tahung nah BAWIPA koehoi e muitha kauthout ni a tho sin. Devit ni ratoung a kueng pouh.

¹⁰ Sawl ni tapang dawк khik kâbet lah a thut hanelah a noe. Hatei Sawl e hmalah hoi a roun thai teh, tahroe tapang dawк moncawm a um. Hottelah Devit a yawng teh hote karum dawк a hlout.

¹¹ Sawl ni Devit hah im vah pawp vaiteh, thei hanelah amom vah patounenaw a patoun, Devit e a yu Mikhal ni, atu tangmin na hringnae na khenyawн hoehpawiteh, tangtho vah na thei awh han telah atipouh.

¹² Mikhal ni Devit hah hlalangaw dawк hoi a kumsak teh Devit a kâran teh a hlout.

¹³ Mikhal ni meikaphawk hah a la teh, ikhun dawк a i sak a lû koe lah hmae muen e bawilakhung a hrueк teh hni a khu.

¹⁴ Devit man hanelah Sawl ni patounenaw a patoun nah Mikhal ni a tak a pataw atipouh.

¹⁵ Sawl ni Devit khet hanelah patounenaw a patoun teh ka thei thai nahan a ikhun hoi kâ ka yawн awh atipouh.

¹⁶ Patounenaw a kâen awh navah a ikhun dawk meikaphawk a lû koelah hmae muen ka lahough e a hmu awh.

¹⁷ Sawl ni Mikhal koevah kai hah bangkongmaw hete lah na dum, a hlout nahanelah ka taran na tâco sak atipouh. Mikhal ni ahni ni kai hanelah kai na cetsak haw, nahoe h pawiteh na thei han telah ati telah Sawl koe a dei pouh.

¹⁸ Devit teh yout a yawng teh a hlout. Ramah kho Samuel koe a pha. Ahni koe Sawl ni a sak e pueng a dei pouh. Samuel hoi a cei roi teh Naiioth vah ao.

¹⁹ Sawl koe Devit teh Ramah kho hoi Naiioth hmuen koe ao telah a dei pouh.

²⁰ Devit man hanelah Sawl ni a patounenaw bout a patoun, lawk ka dei e profet hu touh dueng hah a hmu awh. Samuel a kangdue teh, profetnaw a hrawi nah Cathut e Muitha ni Sawl e patounenaw lathueng a pha pouh teh, ahnimouh hai profet lawk a dei awh.

²¹ Ahnimouh ni hote a kong hah Sawl koe a dei pouh awh navah, Sawl ni alouke a patounenaw bout a patoun. Ahnimouh hai profet lawk a dei awh. Sawl ni apâthum lah patounenaw bout a patoun nah, ahnimouh hai profet lawk a dei awh.

²² Sawl ama hai Ramah kho a cei teh, Seku e tuiim kalen poung koe a pha nah, Samuel hoi Devit na maw ao telah a paecei nah Ramah kho Naiioth hmuen koe ao telah tami buet touh ni a dei pouh.

²³ Sawl teh Ramah kho Naiioth hmuen koe lah a cei. Cathut e Muitha ahnie lathueng vah a pha van, a cei laihoi profet lawk Ramah kho hoi Naiioth hmuen koe a pha totouh a dei.

²⁴ A khohna e rading teh, Samuel e a hmalah profet lawk a dei. Karum khodai hote hnin dawk caici lah a i. Hatdawkvah, ahnimouh ni Sawl hai profetnaw koe ka bawk e namaw telah ati awh.

20

Jonathan ni Devit a kampangkhai

¹ Devit teh Ramah kho Naiioth hmuen koehoi a yawng teh Jonathan koe a pha. Bangmaw ka sak, ka yonnae bang hah namaw, na pa koe bang yonnae maw ka sak teh thei hane na noe telah a dei.

² Jonathan ni ahni koevah, na dout mahoe h. Apa ni kai panuek laipalah, kathoeng kalen hai sak mahoe h. Bangkong hah na maw hete lawk heh kai koe a hro han, het heh a laithoe vai aw, bout atipouh.

³ Devit ni kai heh nang ni lung na pataw e hah na pa ni atangcalah a panue. Jonathan ni hethateh panuek hanh naseh, a lung mathout vaih ati daw hane doeh atipouh. BAWIPA a hring e hoi nang na hring e patetlah atangcalah ka dei, duenae hoi maimouh roi rahak khoktakan vai touh doeh kaawm atipouh.

⁴ Jonathan ni Devit koevah na ngai e pueng na sak pouh han telah a ti.

⁵ Devit ni kenhaw! tangtho teh thapa rei hnin doeh. Siangpahrang koe buven roeroe hane doeh. Hatei kai na cetsak lawih. Apâthum hnin tangmin totouh law lah kâhro hanelah na cet sak.

⁶ Na pa ni ka o hoe h e hah panuek pawiteh, Devit ni a onae Bethlehem vah cei hanelah atangcalah na dei pouh. Bangkongtetpawiteh, a imthungkhu hane kum tangkuem thuengnae tueng lah ao telah a dei pouh.

⁷ Ahawi tetpawiteh, a san hah a rungngang han. A lungkhuek pawiteh hnokehawi hoeh e sak han a kâcai tie panuek lawih.

⁸ Na san e lathueng lungmanae tawn. Bangkongtetpawiteh, na san heh BAWIPA lawkkamnae thung na kâkuekhai toe. Hatei kai dawak ka payonnae na poe koe kuekluek na ceikhai han telah a ti.

⁹ Jonathan ni khuet na dout ti, bangkongtetpawiteh apa ni na lathueng hno kahawihoe a sak e ka panuek pawiteh dei laipalah ka o han na maw telah a ti.

¹⁰ Devit ni Jonathan koe na pa ni lawk kahram lahoi na pato teh apinimaw na dei pouh han telah a ti.

¹¹ Jonathan ni Devit koe law cet roi sei telah ati. Hottelah kahni touh hoi law a cei roi.

¹² Jonathan ni Devit koe Isarel BAWIPA Cathut teh kapanuekkhaikung lah awm naseh, tangtho atu e tueng dawak thoseh, apâthum thoseh apa ka tanouk han. Devit kong dawak a hawinae koelah pawiteh nang koe tami ka patoun laipalah, dei laipalah ka o han nama.

¹³ Hatei apa ni na lathueng hno kahawihoe a sak hanelah kâcai pawiteh, na thaisak han. Kahawicalah na cei thai nahan na tha han, telah ka sak hoehpawiteh BAWIPA ni Jonathan dawak hot hlak hoe sak naseh. Apa koe BAWIPA ouk ao e patetlah nang koehai awm seh.

¹⁴ Ka hring nathung dawak dueng laipalah, ka hringnae abaw nah hai BAWIPA pahrennae kai dawak sak hoeh laipalah awm hanh.

¹⁵ Nange pahren lungmanae hai kaie imthung koehoi nâtuék hai pâpout hanh. BAWIPA ni Devit e taran talai dawak hoi he a pahma totouh pâpout hanh telah a ti.

¹⁶ Jonathan ni Devit e imthungnaw hoi lawkkamnae a sak. Hot hah na raphoe pawiteh, Devit e taran kut dawak hoi BAWIPA ni pathung naseh.

¹⁷ Jonathan ni amahoima lungpataw e patetlah Devit koe lawk bout a kam.

¹⁸ Jonathan ni Devit koe tangtho thaparei hnin na tahungnae a houg han dawkvah, na awm hoeh tie a kamnue han.

¹⁹ Apâthum hnin hnukkhu, karanglah cathuk nateh hete hno ao hnin hoi na kâhronae hmuen koe cet nateh, Ezel talung koe na o han.

²⁰ Nue e hmuen dawak ka e patetlah, pala katham touh talung teng vah ka ka han.

²¹ Khenhaw! cet nateh, pala hah tawng telah camo ka patoun han. Camo koevah khenhaw! pala teh na hnukkhu lah ao. Lat nateh hi tho, ka tetpawiteh BAWIPA a hring e patetlah nang hane damnae, roumnae lah ao han. Taki hane awm mahoe.

²² Hatei camo koevah khenhaw! pala hah ahla na koe ao ka tetpawiteh, na cei han. Bangkongtetpawiteh, BAWIPA ni na ceisak e han doeh.

²³ Nang hoi kai ni dei roi e hno kong dawkvah khenhaw! nang hoi kaie rahak vah BAWIPA teh pou ao doeh telah a ti.

²⁴ Devit teh law vah a kâhmo, thaparei nah siangpahrang teh bu ven hanelah a tahung.

²⁵ Siangpahrang teh ouk a tahungnae hmuen tapang koe a tahung. Jonathan a kangdue teh Abner teh Sawl e a teng a tahung. Hatei Devit e hmuen teh a houg.

²⁶ Hatei hote hnin nah Sawl ni banghai dei hoeh, hno buet buet touh mue toe. A thonghoeh dawak mue, thonghoeh katang mue telah a pouk.

²⁷ Thaparei hnin tangtho vah Devit e bawitungkhung teh paroup a houngrah. Sawl ni a capa Jonathan koevah bangkongmaw Jesi capa heh paduem hoi sahnin hai buvennae koe a tho hoeh telah a pacei.

²⁸ Jonathan ni Sawl koe, Devit ni Bethlehem cei hanelah pou a kâhei.

²⁹ Na cetsak yawkaw bangkongtetpawiteh, ka imthungnaw ni thuengnae a sak awh teh ka hmaunawngghanaw ni awm van loe telah lawk a thui. Na pahren pawiteh na cetsak loe. Ka hmaunawngghanaw na hmawt sak telah ati. Hatdawkvah siangpahrang caboi koe a thohoehnae doeh telah a ti.

³⁰ Jonathan koe Sawl ni a lung hmatara a khuek teh, napui ka mathout e a ca, Jesi capa teh yeirai na po nahane hoi na manu caici lah onae yeiraipo hanelah na rawi tie ka panuek hoeh maw.

³¹ Jesi capa heh talai dawk a hring nah yunglam nang hoi na ram kangning mahoeh. Atu karanglah kaw sak nateh, kai koe thokhai a due roeroe han telah Jonathan koe a dei pouh.

³² Jonathan ni Devit bang dawm maw a due han bang hno maw a sak telah a na pa Sawl hah a pacei.

³³ Sawl ni tahroe hoi thei hanlah a noungr. Hote hno dawm Jonathan ni apa ni Devit a thei hanelah a noungr roeroe tie a panue.

³⁴ Lungkhuek lahoi Jonathan teh caboi koehoi a thaw teh apâhni hnin thapareinae dawm, bu ven van hoeh. Bangkongtetpawiteh, a na pa ni Devit hah yeiraipo sak dawkvah a lungmathoe.

³⁵ Amom vah Jonathan teh Devit hoi lawk a kâta roinae koe camo hoi law lah a cei roi.

³⁶ Camo koe ahni ni licung pali touh, hoi palanaw hah tawng telah atipouh. Camo a yawng lahun nah a hmalah palacung buet touh a pathui pouh.

³⁷ Jonathan ni kâ e pala a bonae koe a pha nah na hnukkhu lah doeh atipouh.

³⁸ Jonathan ni camo a hnuk lahoi a tanawt teh karangbat lah yawng atipouh. Camo ni Jonathan ni a kâ e pala hah a racawng teh a bawipa koe lah a ban.

³⁹ Camo ni banghai panuek hoeh. Jonathan hoi Devit ni dueng hote kaawm hno hah a panue roi.

⁴⁰ Jonathan ni amae senehmaica naw hah camo koe a poe teh cet lawih, khopui dawm cetkhai atipouh.

⁴¹ Camo a cei hnukkhu Devit teh akalah a onae hmuen koehoi a thaw teh, talai dawm a hmaibei hoi vai thum touh a tabo. A kâpaco roi teh kahni touh hoi rei a ka roi. Devit teh hoe kacailah a ka.

⁴² BAWIPA ni nang hoi kaie a rahak thoseh, na miphun hoi ka miphun rahak thoseh, pout laipalah awm seh telah a dei teh, maimouh roi BAWIPA min lahoi lawkkam roi toung dawkvah, Devit koe karoumcalah cet lawi atipouh.

21

Devit hoi ka thoung e vaiyei

¹ Devit teh Nob kho e vaihma Ahimelek koevah a pha. Ahimelek ni Devit a hmu navah a kalue teh ahni koe nama dueng maw na hui buet touh hai na tawn hoeh namaw telah atipouh.

² Devit ni vaihma Ahimelek koe, siangpahrang ni kai koe thaw buet touh na poe. Tawm hane hoi kâ na poe e apinihai panuek sak hanh telah a dei. Hatdawkvah sannaw hie hmuen koe haw e hmuen koe na hruek pouh.

³ Atuvah na kut dawkw bangmaw kaawm. Vaiyei panga touh hoehpawiteh na tawn e pueng na poe telah atipouh.

⁴ Vaihma ni Devit koe tami pueng ni ca thai e vaiyei ka kut dawkw awm hoeh eiteh, sannaw ni napui koe ma na thoung awh pawiteh, kathoung vaiyei teh ao, atipouh.

⁵ Devit ni vaihma koe atu hnin thum touh thung teh, napui koehoi kathoung awh katang doeh. Ka tâco awh han nahai na sannaw e hnopai hai a thoung.

⁶ Vaihma ni hmaitung e vaiyei hloilah alouke vaiyei ao hoeh dawkvah, kathoung vaiyei hah a poe. Hote hmaitung e vaiyei yueng lah vaiyei katha hruek hanelah BAWIPA hmaitung hoi yo la takhoe toe.

⁷ Hot hnin dawkw Sawl e a sannaw thung e tami buet touh BAWIPA hmalah ka tek e ao. A min teh Doeg doeh. Ahni teh Edom tami, Sawl e saring kakhoungkung thung dawkw e kacue poung e lah o.

⁸ Devit ni Ahimelek koevah, tahroe thoseh tahloi thoseh, na tat hoeh na maw. Siangpahrang teh huerang a panki dawkvah, tahloi thoseh ka puengcang buet buet touh ka kut dawkw ka sin mang hoeh telah atipouh.

⁹ Vaihma ni Filistin tami Goliath, Elah tanghling dawkw na theinae tahloi hah, khenhaw! Ephod hnuklah hni hoi tangoung e sut ao. Na ngai pawiteh hot hah lat, hoté hloilah alouke awm hoeh toe telah ati. Devit ni het patetlae tahloi phun awm hoeh, kai na poe telah atipouh.

Devit teh Gath lah yawng

¹⁰ Devit ni a thaw teh Sawl hmalah hoi a yawng teh, Gath siangpahrang Akhish koe a cei.

¹¹ Akhish e a sannaw ni ahni koevah, hete tami heh a ram dawkw e siangpahrang Devit nahoehmaw, Sawl ni thong touh thong touh a thei teh, Devit ni thong hra, thong hra a thei telah lamtu lahoi a kong hah la lahoi a sak awh e nahoehmaw ati awh.

¹² Devit ni hote lawk a lung thung a hruek teh, Gath siangpahrang Akhish teh a taki poung.

¹³ Hatdawkvah ahnimae hmalah a sakyoe e naw a kâthung teh hmaitung vah ka pathu patetlah a kâsak. Thonaw hah a takhawi teh a pâkhamuennaw dawkw tamtui do do a lawi sak.

¹⁴ Akhish ni a sannaw koe, khenhaw! tamipathu tie na panue awh nahlangva, bangkong kai koe na thokhai awh.

¹⁵ Kai dawkw ka pathu e panki teh ka hmalah ka pathu e a kamnue nahane lah maw nangmouh ni ka imthung na kâen sak awh han maw telah a sannaw koe atipouh.

22

Devit e tami 400

¹ Devit ni hote hmuen koehoi tâco takhai teh Adullam talung koevah a yawng. A hmaunawngaha hoi a na pa imthungnaw ni a thai awh nah ahni koe a cei awh.

² Ka rucat e tami, lai ka tawn e, lungthin reithai poung hoi kakhangnaw ahni koe a kamkhueng awh teh, Devit teh ahnimouh kahrawikung lah ao. Tami 400 tabang hoi rei ao awh.

³ Devit teh hote hmuen koehoi, Moab ram Mizpeh kho lah a cei teh, Moab siangpahrang koe Cathut ni kaimouh hanlah bangmaw a sak han tie kai ni ka panue nahan atueng totouh, ka manu ka napanaw nang koevah o nahan kâ na poe lah atipouh.

⁴ Ahnimouh ni Moab e hmalah vah a thokhai aw h, Devit rapanim thung ao nathung ahni koe ao van.

⁵ Profet Gad ni Devit koe rapainim thung aw m hanh. Tâcawt nateh Judah ram lah cet atipouh. Hottelah, Devit ni a thaw teh, Hereth ratu thung a kâen.

⁶ Sawl ni Devit hoi a sannaw hah a hmu aw h tie a thai. Sawl teh Gibeah e ram vah kho vah bengkeng thing rahim a tahroe hoi a tahung teh, a tengpam vah a sannaw a kangdue sak.

⁷ Sawl ni a tengpam e a sannaw koevah nangmanaw Benjamin taminaw thai aw h haw. Jesi capa ni law hoi misur takhanaw na poe han namaw, nangmouh pueng ransa 1,000 touh ukkung hoi 100 touh ukkung lah na ta aw h han namaw.

⁸ Nangmouh abuemlahoi kai koe lah taran na thaw aw h maw. Ka capa teh Jesi e capa hoi lawk a kam roi nah, kai koe buet touh ni hai na dei pouh hoeh. Sahnin e patetlah ka thaw katawknaw ni na pawp hanlah ka capa ni kai na taran e kai koe api buet touh ni hai na dei aw h hoeh. Kai hanelah api buet touh hai na lungmathout aw h hoeh atipouh.

⁹ Sawl e a thaw katawknaw hoi rei ka kang dout e Edom miphun dueng ni a dei e teh, Jesi capa teh Nob kho Ahitub e capa vaihma Ahimelek koe a tho e kai ni ka hmu.

¹⁰ Ahni ni BAWIPA koe pouknae a hei pouh, ca hanelah a poe teh Filistin tami Goliath e tahloi hai a poe telah ati.

Vaihma a thei

¹¹ Siangpahrang ni Ahitub capa vaihma Ahimelek hoi a na pa im thung Nob kho e vaihma pueng a kaw sak teh, siangpahrang koe koung a tho aw h.

¹² Sawl ni, nang Ahitub capa thai haw telah ati, ahni ni apa hivah ka o atipouh.

¹³ Sawl ni ahni koe sahnin vah ahmoun e boiboe lah kai na taran teh, na ka pawm hanelah vaiyei hoi tahloi hah na poe teh, BAWIPA koe pouknae hei pouh hane bang daw k hah namaw nang hoi Jesi capa ni na taran roi vaw telah ati.

¹⁴ Ahimelek ni siangpahrang lawk a pathung teh, siangpahrang cava, pouknae na hei ka tang e, na imthung daw k bari han kamcu Devit patetlah yuemkamcu e na sannaw daw k apimaw kaawm .

¹⁵ Sahnin Cathut ka bawknae kamtawngnae maw, nahoe h. Siangpahrang ni teh a san thoseh apa imthungnaw thoseh, na pakung rumram hanh naseh, bangkongtetpawiteh, na sannaw ni hete kong heh banghai ka panuek hoeh telah ati.

¹⁶ Siangpahrang ni Ahimelek nama hoi na pa imthungnaw hoi na due aw h roeroe han telah atipouh.

¹⁷ Siangpahrang ni a teng kangdout e a ransa koevah, kamlang sin aw h nateh, BAWIPA e vaihma hah thet aw h, bangkongtetpawiteh, Devit koe lah kampang teh a kâran tie a panue aw h ei kai koe dei aw h hoeh telah ati, hatei a sannaw ni BAWIPA e vaihma hem hanelah a kut pho ngai hoeh.

¹⁸ Siangpahrang ni Doeg koevah, nangmouh ni kamlang sin nateh, vaihma hah thet telah ati. Edom teh Doeg ni a kamlang sin teh a hem. Hot hnin navah vaihma ankidung ka kho e tami 85 a thei aw h.

¹⁹ Nob vaihma kho teh tahloi hoi a tuk aw h teh napui tongpa camo sanu ka net lahun totouh maito thoseh, la thoseh, tu thoseh tahloi hoi be a thei.

²⁰ Ahitub capa Ahimelek capanaw thung e tami buet touh a min Abiathar teh a hlout. Devit koevah a yawng.

²¹ Abiathar ni Sawl ni BAWIPA vaihmanaw a thei e konglam Devit koe a dei pouh.

²² Devit ni Abiathar koevah Edom tami Doeg haw vah kaawm e roeroe ni Sawl koe a dei pouh han tie ka panue tangcoung e doeh toe. Na pa imthungnaw teh kai kecu dawk kadout a e doeh.

²³ Kai koe awm nateh, taket hanh, bangkongtetpawitech kai thei han ka kâcai e ni nang hai thei han a kâcai van han. Hatei kai koe na lungmawng han telah ati.

23

¹ Ahnimouh ni kenhaw! Filistinnaw ni Keilah khopui a tuk awh teh, cangkatinnae a la awh e hah, Devit ni a thai toteh,

² Kai ni hote Filistinnaw hah ka cei vaitech ka tuk han namaw telah BAWIPA koe a pacei. BAWIPA ni, cet haw. Filistinnaw hah tuk nateh, Keilah khopui hah rungngang haw telah Devit koe a dei pouh.

³ Devit e taminaw nihai, maimouh ni Judah ram dawc patenghai taki awh toe. Keilah khopui cei awh vaitech, Filistin tuk hane teh taki ka tho poung na bo aw telah a dei awh.

⁴ Devit ni BAWIPA koe bout a pacei teh, BAWIPA ni, cet awh nateh, Filistinnaw teh nange kut dawc na poe han telah atipouh.

⁵ Devit hoi a taminaw teh, Keilah khopui koelah a cei awh teh, Filistinnaw hoi a kâtuk awh. Saringnaw a la pouh awh, ahnimanaw moikapap a thei awh. Hottelah Devit ni Keilah khopui hah a rungngang.

⁶ Ahimelek capa Abiathar teh, Devit aonae koe Keilah khopui koelah a yawng navah, Ephod a sin laihoi a tho.

⁷ Devit teh Keilah khopui a cei tie Sawl ni a thai toteh, Cathut ni ka kut dawc na poe toung nahoehmaw. Kho longkha hoi tarenae kaawm e khopui thung a kâen teh paung awh toe telah ati.

⁸ Keilah khopui tuk hanelah Devit hoi a taminaw kalup hanelah, amae taminaw pueng a kamkhueng sak.

⁹ Devit ni ka lathueng vah, Sawl ni hnokathout a sak tie hah a panue teh, vaihma Abiathar koevah Ephod hah hi thokhai haw atipouh.

¹⁰ Devit ni Oe Isarel BAWIPA Cathut, Sawl ni kai kecu dawkvah, Keilah khopui raphoe hanelah a kâcai awh tie ka thai.

¹¹ Keilah khocanaw ni kai hah a kut dawc na poe han na maw. Na san ni ka thai e patetlah Sawl teh a tho han namaw. Isarel miphun e BAWIPA Cathut, na san koe uren dei haw telah ka pacei navah, BAWIPA ni, a tho han doeh, telah ati pou.

¹² Devit ni Keilah taminaw hoi ka taminaw teh Sawl kut dawc na poe han na maw telah a pacei. BAWIPA ni na poe awh han telah ati.

¹³ Hottelah hoi Devit hoi a taminaw 600 tabang a thaw awh teh, Keilah khopui hoi a tâco awh teh, a coung thai e patetlah a cei awh. Devit teh Keilah khopui hoi a yawng e hah Sawl ni a thai dawkvah, cet hoeh toe.

Devit kahrawngum taranum onae

¹⁴ Devit teh, Zeph monrui kahrawngum rapanimnaw dawkvah ao. Sawl ni hnintangkuem a tawng eiteh, Cathut ni a kut dawc Devit hah poe hoeh.

¹⁵ Devit ni, Sawl ni na thei han tie a panue dawkvah, ahni teh Ziph ramke ratu thung vah ao.

¹⁶ Sawl capa Jonathan a tho teh, Devit aonae koe Horesh lah a cei teh, Cathut dawc tha a kâla nahanelah a kabawp.

¹⁷ Na lungpuen hanh. Isarelnaw e siangpahrang lah na o vaiteh, kai teh nang kabawmkung lah ka o han tie hah Sawl ni a panue.

¹⁸ BAWIPA e hmalah lawk rei a kam roi. Devit teh kahrawng vah pou ao teh, Jonathan teh a ma im lah a ban.

¹⁹ Ziphnaw teh Sawl onae koe Gibeah kho lah a cei awh teh, Devit teh maimouh onae koe Jeshimon khopui akalah, Hakhilah monrui Horesh rapanim vah a kâhro.

²⁰ Oe Siangpahrang na cei han na ngainae patetlah cet leih. Ahni hah nange kut dawк poe hane thaw teh kaimae thaw lah awm lawi seh atipouh.

²¹ Sawl, BAWIPA ni yawhawi na poe seh. Bangkongtetpawiteh, nangmanaw ni kai hah na pahren awh toe.

²² Atu cet awh nateh, kârakueng awh. Ahni a kâhronae hmuen hah thoseh, la a hmu awh e hai thoseh ripdawng awh. Ahni teh a lung hroung a ang tie ka thai.

²³ Hatdawkvah, ahni a kâhronae a hmuennaw hah kamcengcalah na radoung awh hnukkhu, kai koe bout na tho awh pawiteh, nangmouh hoi rei ka cei han. Ahni teh hote ram dawк awm pawiteh, Judahnaw a thong moikapap dawк ka hmu roeroe han telah ati.

²⁴ Hahoi a thaw awh teh Sawl a cei hoehnahlan Ziph lah a cei awh. Hatei Devit hoi a taminaw teh, Jeshimon akalae tanghling dawк Moan kahrawng vah ao awh.

²⁵ Sawl teh a taminaw hoi rei a kamthaw awh teh, a tawng awh e hah Devit ni bout a thai toteh, talung rahak hoi a yawng teh, mon kahrawngum vah ao. Sawl ni bout a thai toteh, mon vah Devit bout a tawng.

²⁶ Sawl teh avanglae mon dawк thoseh, Devit hoi a taminaw teh avanglae mon dawк thoseh, a cei awh teh hlout hane a kâyawm awh navah, Sawl hoi a taminaw ni Devit hoi a taminaw man hanelah a kalup awh.

²⁷ Hatnavah patoune a tho teh, Sawl koe karanglah tho leih, Filistinnaw ni ram hah a tuk awh toe telah a dei awh dawkvah,

²⁸ Devit pâleinae koehoi a ban teh, Filistin taminaw tuk hanelah a cei. Hatdawkvah, hote hmuen hah Selahhahmahlekoth, kânguenae lungsong ati awh.

²⁹ Devit teh hote hmuen koehoi a cei teh, Engedi ram rapanim vah ao.

24

Devit ni Sawl a pasai

¹ Filistinnaw pâleinae koehoi ka ban e ni Sawl koe Devit teh Engedi kahrawngum vah ao telah a dei pouh.

² Hateh, Sawl ni Isarelnaw thung dawк hoi tami 3000 touh a kaw teh, a thaonae lungsong tie ram dawк Devit hoi a taminaw tawng hanelah a cei awh.

³ Lam teng vah tutakha onae lungngoum koe a pha awh. Sawl teh vaipuen cei hanelah lungngoum thung a kâen. Devit hoi a taminaw teh hote lungngoum thung vah ao awh.

⁴ Devit e taminaw ni, BAWIPA ni na taran hah na kut dawк na poe han. Ahni dawк na sak ngai e patetlah saknae kâ ao han ati e teh, sahnin doeh toe atipouh awh. Hâteh Devit ni a thaw teh, Sawl e angki pawî hah arulahoî duem a a pouh.

⁵ Hottelah Devit ni Sawl e angki pawî a a e dawк a lungrei a thai sak.

6 Hahoi a taminaw koevah BAWIPA ni satui awi e doeh tie panue nahlangva hoi runae poe hanelah ka kut ka dâw teh BAWIPA ni satui awi e ka bawipa lathueng hete hno ka sak e coung thai hoeh telah ati.

7 Hottelah hoi Devit ni a taminaw hah hote lawk lahoi a haw thai teh, Sawl thei hanelah ka cet hane nang hah pasoung hoeh. Hahoi teh Sawl haiyah lungngoum thung hoi a tâco teh a cei.

8 Hathnukkhu Devit a thaw teh, lungngoum thung hoi a tâco teh Sawl e hnuk lahoi, ka bawipa siangpahrang, telah a hram. Hahoi Sawl ni hnuk lah a kamlang teh a khet navah, Devit ni a tabut teh a minhmai talai rekkâbet lah a tabo.

9 Devit ni nang runae poe hanlah a kâcai telah taminaw ni a dei e hah bangkongmaw khuet na tang vaw.

10 Sahnin BAWIPA ni nang hah ka kut dawc na poe e hah kenhaw! Nang thei hanelah ayânaw ni na hroecoe eiteh, kai ni na pasai teh ka bawipa teh BAWIPA ni satui awi e lah na o dawkvah, runae poe hanelah ka kut ka dâw mahoe telah ka pouk.

11 Hothloilah apa kenhaw! na hni pawihai ka kut dawc ao hei. Na hni pawihai ka thai e hoi na thei hoeh e ni, ka kut dawc hawihoe hae hoi tarantuknae awm hoeh tie hoi ka hringnae thei hanelah pou na tawng ei nakunghai, nang taranlahoi yonnae ka sak hoeh tie hah khoeroe pahnim hanh.

12 BAWIPA ni kai hoi nang rahak lawkceng na seh. Hatei kai ni teh nang dawc ka kut ka tha mahoe. Nang koe ka yonnae hah BAWIPA ni na pathung na seh.

13 Ayan cingthuinae dawkvah, tamikathout koehoi thoena e tâco. Hatei, ka kut teh nang dawc phat hanh naseh.

14 Isarel siangpahrang teh api tawng hanelah maw a tho. Ui ro maw a tawng, uihli maw a tawng.

15 Hatdawkvah, BAWIPA teh lawkcengkung lah awm lawiseh. Kai hoi nang rahak vah lawkceng lawiseh. Na pouk pouh vaiteh, na dei pouh lawiseh. Na kut dawc hoi a ma ni na rasat lawiseh telah Sawl koe a dei pouh.

16 Hottelah Devit ni Sawl koe be a dei hnukkhu, Sawl ni ka capa Devit, ka thai e lawk hah nange lawk namaw ati teh a khuika.

17 Kai hlak nang te hoe na lan doeh. Bangkongtetpawiteh, nang ni teh hawinae hoi na pathung teh, kai ni teh hawihoe hae hoi na pathung.

18 Kai koe hawinae bangtelamaw na sak tie sahnin na kamnue sak toe. Bangkongtetpawiteh, BAWIPA ni kai hah na kut dawc na poe ei, nang ni na thet laipalah na o toe.

19 Tami ni a taran hah hmawt pawiteh, duem a hlout sak han namaw. Hatei, nang ni sahnin kai koe na sak e hawinae hah BAWIPA ni na patho lawiseh.

20 Atuvah, nang teh atangcalah siangpahrang lah na o han. Isarel uknaeram hai na kut dawc a kangning han tie hah kacailah ka panue awk katang toe.

21 Hatdawkvah, ka catounnaw hah na raphoe hoeh nahane hoi, ka imthungnaw thung hoi ka min na kahma sak hoeh nahanelah, BAWIPA min lahoi kai koe lawk kam haw atipouh.

22 Hottelah Devit ni Sawl koe lawk a kam teh, Devit hoi a taminaw teh rapanim koe a cei awk.

25

Samuel duenae

¹ Hathnukkuh, Samuel a due navah, Isarelnaw pueng teh a khuika awah. Ahni teh Ramah kho a onae im koe a pakawp awah. Devit teh Paran kahrawngum lah a cei.

Devit hoi Nabal e a yu

² Maon vah tami buet touh ao. Hote tami teh, Karmel kho dawk ka tawnta poung e lah ao teh tu 3000 touh hoi hmae 1000 touh a tawn. Karmel vah tumuen ouk a ngaw.

³ Hote tami min teh Nabal doeh. A yu e min teh Abigail. Hote e napui teh, a lungkaang e hoi a meikahawi e lah ao. Hatei a vâ teh, a lung ka patak e hoi a nuen kamathout e lah ao. Ahni teh Kaleb catounnaw doeh.

⁴ Devit ni kahrawngum hoi Nabal ni tumuen a ngaw e hah a panue.

⁵ Hatdawkvah, Devit ni thoundounnaw 10 touh a patoun teh, hatnavah thoundounaw hah Devit ni Karmel lah takhang awah nateh, Nabal koe na cei awah vaiteh, ka min lahoi kut man awah.

⁶ Hahoi, ka tawnta poung e tami koe hettelah na dei pouh han, nang dawk thoseh, na imthung dawk thoseh, na tawnta e pueng lathueng thoseh rounnae awm seh.

⁷ Na tumuen ka ngaw e tami ao tie ka thai, na tu kakhounnaw kai koe ouk ao awah teh, runae banghai na poe awah hoeh. Karmel mon dawk ao nathing vah, bang buet touh hai kahmat boihoeh.

⁸ Na thoundounnaw pacei haw, a dei awah han doeh. Ka thoundounnaw ni nang koe minhmai kahawi hmawt awah naseh. Kaimanaw teh pawihnin dawka ka pha awah. Pahren lahoi nang koe kaawm e pueng hah na sannaw hoi na capa Devit poe loe telah tet pouh awah titeh lawk a thui.

⁹ Devit e thoundounnaw a pha toteh, Devit ni lawk a thui e patetlah Nabal koe a dei pouh awah teh, duem ao awah.

¹⁰ Hatei, Nabal ni Devit e a sannaw koe, Devit teh apimaw. Jesi capa teh apimaw. Atuvah a bawipa ka taran e sannaw nahoehmaw.

¹¹ Ka vaiyei, ka tui, hoi ka tumuen kangawnaw hanelah ka thei pouh e heh nâ lahoi maw a tho awah tie ka panue hoeh e taminaw hah ka poe han namaw.

¹² Hatdawkvah, Devit e thoundounnaw karanglah a ban awah teh, Devit koe Nabal ni a dei e naw hah a dei pouh awah.

¹³ Devit ni a taminaw koevah, na tahloi koug kava awah telah atipouh teh, tahloi koug a kava awah. Devit ma hai tahloi a kava van. Tami 400 touh ni Devit hnuk a kâbang awah. Tami 200 touh ni hnopainaw a la ring awah.

¹⁴ Hahoi, thoundoun buet touh ni Nabal e a yu Abigail koevah, khenhaw! Devit ni kahrawngum hoi maimae bawipa kut man hanelah a patounenaw a patoun teh, ahni ni a yue.

¹⁵ Hatei, ahnimanaw teh maimouh koe hroung ahawi awah. Runae banghai na poe boi awah hoeh. Law dawka ao awah nathing bang hno hai pasai awah hoeh.

¹⁶ Tu ka khoun awah navah, ahnimouh koe ka o awah nathing tahroe hoi taran na ring pouh awah.

¹⁷ Hatdawkvah, bangmaw na sak han. Kahawicalah pouk haw. Bangkongtetpawiteh, maimae bawipa hoi imthungnaw koe thoenae a sak han toe. Ahni teh tamikahawi hoeh e lah ao dawkvah, apinihai dei thai hoeh telah atipouh.

18 Abigail ni karanglah vaiyei phen 200 touh, misurum kahni touh hoi thawng tangcoun e tu buem panga touh, tavai phen sum panga touh, misurpaw phen 100 touh, thaibunglung ka radip e 200 touh a sin teh, la a phu sak.

19 Hahoi ama koe kaawm e thoundounnaw koevah, ka hmalah pou cet aw. Nangmae hnuklah ka tho han atipouh. Hatei, a vâ Nabal koe dei pouh hoeh.

20 La daw koe a kâcui teh mon rahim a pha navah, Devit hoi a taminaw ahni koe a cathuk e hah a hmu teh, a kâhmo.

21 Devit ni ahnie hno buet touh boehai a kahma hoeh nahanelah kahrawngum vah, a tawn e pueng kai ni ayawmyin lah ka ring pouh. Ka hawinae heh thoenae hoi na pathung.

22 Tangtho amom khodai totouh a tawn e pueng thung daw koe hoi tongpa camo buet touh kangna ka hlung pawiteh Cathut ni Devit heh taran kut daw a ngai patetlah na tet lawiseh. Hothlak hai hoe na tet yawkaw seh telah lawk yo a kam toe.

23 Abigail ni Devit a hmu navah, la van hoi karanglah a kum teh, Devit hmalah a minhmai talai rekkâbet lah a tabo.

24 A khok koe a tabo teh, kai daw roeroe vah thoe saknae bawt seh. Na sannu ni na hnâthainae koe, lawk ka dei vaiteh, na sannu ni lawk ka dei e hah na thai pouh haw.

25 Ka bawipa tamikayon Nabal hah banglahai noutna hanh. A min phung e patetlah doeh ao. Nabal tie patetlah ka pathu e doeh. Kai na sannu ni bawipa nang ni na patoun e thoundounnaw ka hmu hoeh daw doeh atipouh.

26 Hatdawkvah, ka bawipa atuteh, BAWIPA a hring e hoi nang na hring e patetlah khoeroe ka hmawt hoeh. BAWIPA ni thi palawng hoeh hane hoi na kut hoi a moi na pathung hoeh hanelah, na tarannaw hoi bawipa nang daw a thoenae katawngnaw teh, Nabal patetlah tho aw lawiseh.

27 Hahoi ka bawipa nang hanelah na sannu ni poehno ka sin e heh, ka bawipa nang koe ka kâbang e thoundounnaw poe lah aw lawiseh.

28 Na sannu ni ka payon e naw hah pankângai ei. Ka bawipa nang teh BAWIPA koe lah taran na tuk daw thoseh, na hring nathung nang daw yonpen hane ao hoeh daw thoseh, BAWIPA ni nang hanelah kacakpoung imthung a kangdue sak han doeh telah atipouh.

29 Nang ka pâlei hane hoi nang ka thet hanelah taminaw ni na ka tawng nakunghai nange BAWIPA Cathut ni ka bawipa e hringnae teh, kahringnaw rahak vah mek a tangoung sin han doeh. Nang e tarannaw e hringnae teh, tâyai hoi pathui e patetlah a thui vaiteh a kahma aw han.

30 BAWIPA ni nang daw hnokahawi na kam pouh e pueng ka bawipa nang daw a kuep sak teh, Isarel siangpahrang lah na rawi torei teh,

31 A khuekhaw awm laipalah, tami na thet hoeh. Ka bawipa ni moi na pathung hoeh e hah nang hanlah lungmathoenae lah aw roeroe mahoeh. Ka bawipa hanlah lungkuep hoeh nahanlah awm roeroe mahoeh. BAWIPA ni ka bawipa tak daw hnokahawi a sak toteh, na sannu heh pahnim hanh atipouh.

32 Devit ni hai, sahnin nang hoi kâhmo sak hanelah, nang na ka patoun e Isarelnaw e BAWIPA Cathut teh, yawhawi lah aw lawiseh.

33 Na khopouk thinae teh yawhawinae lah ao vaiteh, sahnin kai teh tami hringnae thei hanelah ka kâcai hoeh nahan, ka kut hoi moipathung laipalah, na kangangkung hai yawhawinae awm lawiseh.

³⁴ Bangkongtetpawiteh, nang hah runae na poe hoeh nahanlah hoi, ka ngang e Isarel BAWIPA Cathut teh a hring e patetlah kai hoi kâhmo hanelah karanglah na tho hoehpawiteh, tangtho amom vah Nabal hanelah tongpa buet touh boehai ka pâhlung mahoehtelah Abigail koe a dei pouh.

³⁵ Ahni ni a sin e poehno a kut dawk e Devit ni a la pouh teh, na onae im koe lah karoumcalah cet haw, nange na lawk ka ngai toe, na minhmai hai ka khet han telah atipouh.

³⁶ Abigail ni hai Nabal koe bout a cei teh, ahni teh siangpahrang e pawibu patetlah bu a ca, puenghoi a parui dawkvah, a tangtho khodai hoehnahlan totouh banghai dei pouh hoeh.

³⁷ Amom lah Nabal teh misur parui e a thanguem toteh hote hnonaw hah a yu ni a dei pouh. Ama teh a lung a due pouh teh, talung patetlah ao.

³⁸ Hnin 10 touh hnukkhu BAWIPA ni a hem teh a due.

³⁹ Nabal a due e hah Devit ni a thai toteh, Nabal ni na pakekpahleknae koehoi na rasa teh, na san kai heh thoenae hno dawk hoi na ka hlout sak e BAWIPA teh a min pholenna awm lawiseh. BAWIPA Cathut ni Nabal hawihoehnae hah amae lathueng bout a pha sak toe telah a dei. Devit ni Abigail teh a yu hanelah tami a patoun.

⁴⁰ Devit e a sannaw teh Abigail onae Karmel mon koe a pha awh toteh, Devit ni a yu hanelah a san kaimouh na patoun awh toe telah atipouh.

⁴¹ Abigail a thaw teh a hmalah talai dawk a tabo teh, na kenhaw! na sannu he ka bawipa e sannaw e khok pâsu hanelah doeh ka o atipouh.

⁴² Hathnukkhu Abigail a thaw teh, la dawk a kâcui. A hnukkâbang e a sannu 5 touh hoi Devit ni patounenaw koe a kâbang teh Devit e yu lah ao.

⁴³ Hatnavah, Devit ni Jezreel tami Ahinoam hah a yu lah la a tawn toe. Hattoteh kahni touh hoi yu lah reirei a la.

⁴⁴ Hatnavah, Sawl ni a canu Mikhal Devit e a yu teh Gallim tami Laish capa Palti koe yo la a kâhâ toe.

26

Devit ni Sawl hringnae bout a pâhlung

¹ Ziph tami ni Gibeah kho a tho teh, Sawl koevah Devit teh Hakhilah mon Hakhilah kho dawk a kâhro nahoehmaw, atipouh.

² Hahoi, Sawl a thaw teh, a rawi e Isarelhaw tami 300 touh a hrawi teh, Ziph ram koelah Devit tawng hane a cei awh.

³ Sawl teh Jeshimon ram Hakhilah mon dawk a roe. Hatei, Devit teh kahrawngum vah ao teh, Sawl ni na tawng hanelah kahrawng vah a tho tie hah a panue.

⁴ Hatdawkvah, Devit ni katuetkungnaw a patoun teh Sawl a tho katang tie hah a panue.

⁵ Devit ni a thaw teh, Sawl tungpupnae koevah a cei. Devit ni Sawl hoi ransanaw kaukung Ner capa Abner a inae hah a hmu. Sawl teh pupim lungui vah a i teh rangleng ransanaw ni a kalup.

⁶ Devit ni Hit tami Ahimelek hoi Joab e nawngaha Zeruah capa Abisai koevah, Sawl roenae koe apimaw kai koe ka kâbang han telah a pacei navah, Abisai ni nang koe kai ka kâbang han atipouh.

⁷ Devit hoi Abisai teh Sawl tinaw onae koe tangmin vah a cei roi, kenhaw! Sawl te pupim lungui vah a i, a lû koevah tahroe hah talai dawk a thoe sak teh, Abner hoi ransanaw teh a tengpam vah a i awh.

⁸ Abisai ni Devit koevah, sahnin vah Cathut ni na tarannaw teh na kut dawk na poe toe. Hatdawkvah, na san ni tahroe hah talai dawk vaitahoi na takho sak haw, vai hni touh ka takho mahoeah atipouh.

⁹ Hateiteh, Devit ni Abisai koe hawi hoeh, bangkongtetpawiteh, BAWIPA Cathut ni satui awi e tami lathueng vah kut a tha teh, ngaithoum e tami apimaw kaawm boi telah atipouh.

¹⁰ Hothloilah, Devit ni BAWIPA a hring e patetlah BAWIPA a ma ni a hem han doeh. Hoehpawiteh, a duenae hnin a pha han doeh. Hoehpawiteh taran tuknae koe cet vaiteh a due han doeh.

¹¹ BAWIPA ni satui awi e tami lathueng vah ka kut ka pho hane teh, BAWIPA ni na pasoung hoeh. Hatei, a lû koe e tahroe hoi tuium teh la vaiteh cet leih sei atipouh.

¹² Hahoi teh, Devit ni Sawl e lû koe kaawm e tahroe hoi tuium hah a la teh a cei. Apinihai hmaawt hoeh, ahnimanaw pueng teh mat a i awd dawkvah, api buet touh hai a kâhlaw hoeh dawkvah, .

¹³ Devit teh kakaw e a yawn namran lah a cei teh, kahlat e monruisom vah a kangdue.

¹⁴ Devit ni tamihupui hoi Ner capa Abner hah a oung teh, Abner na pato mahoeah maw atipouh. Hahoi Abner ni siangpahrang ka oung ngam e tami api nang maw atipouh.

¹⁵ Devit ni Abner hanelah na tongpa hoeh maw. Isarelnaw e rahak vah nang patetlah e apimaw kaawm. Bangkongmaw siangpahrang na bawipa hah na ring thai hoeh maw. Tangmin vah tami buet touh ni siangpahrang na bawipa thei hanelah a tho toe.

¹⁶ Na sak e hno hawihoeah. Bawipa a hring e patetlah Bawipa ni satui awi e na bawipa hah kahawicalah na ring hoeh dawkvah, due hanelah na kamcu. Siangpahrang lû koe e tahroe hoi tuium hah nâmwaw ao khenhaw! atipouh.

¹⁷ Sawl ni Devit e lawk a thai navah, ka thai e lawk he ka capa Devit nange lawk maw atipouh navah, Devit ni oe kaie lawk doeh ka bawipa atipouh.

¹⁸ Bangkongmaw ka bawipa ni a san hah a pâlei. Bangmaw ka sak. Bangmaw ka kut dawk yonnae kaawm.

¹⁹ Hatdawkvah siangpahrang ka bawipa na sanpa e lawk he thai haw. Kai na taran hanelah na lung tha kaawmsakkung hah Bawipa lah awm pawiteh, thuengnae heh coe naseh. Hateiteh, tami lah awm pawiteh, Bawipa hmalah thoebo naseh. Bangkongtetpawiteh, ahnimouh ni cet lawih, alouke cathutnaw e thaw hah tawk lawih telah ati awd teh, Bawipa e râw talai dawk o hoeh nahanelah sahnin na pâlei awd toe hei.

²⁰ Hatdawkvah, ka thipaling teh Bawipa ni hmu hoeh e talai dawk lawng naseh. Bangkongtetpawiteh, tamuem tawng hanelah mon dawk kâva e patetlah Isarel siangpahrang teh uihli tawng hanelah a kâva atipouh.

²¹ Sawl ni ka payon toe ka capa Devit bout ban leih. Bangkongtetpawiteh, na mithmu vah ka hringnae he apu o poung dawkvah thoe bout na bo mahoeah toe. Khenhaw! pathunae hno ka sak teh ka payon toe ati.

²² Devit ni oe ka bawipa na tahroe khenhaw! na thoundoun buet touh koe bout lat sak atipouh.

²³ BAWIPA ni tami pueng amamae tahroe hoi yuemkamcunae dawk apu poe naseh. Sahnin vah Bawipa ni nang hah ka kut dawk na poe, hateiteh Bawipa ni satui awi e tami lathueng vah kut ka tha mahoeah atipouh.

²⁴ Khenhaw! sahnin vah na hringnae teh ka mithmu vah apfu o e patetlah Bawipa ni ka hringnae hah apfu awm sak naseh. Runae pueng thung hoi na rungngang naseh atipouh.

²⁵ Sawl ni Devit koevah, ka capa Devit, hawinae awm seh. Na sak e hno puengpa dawk tânae na hmawt naseh, telah a dei pouh hnukkhu, Devit teh a ban, Sawl hai a ma onae koe a ban van.

27

Devit hoi Filistinnaw a kambawng awh

¹ Devit ni a lungthung hoi, hnin hnin touh teh Sawl kut hoi kadout han doeh, Filistinnaw koe ka yawng hoehpawiteh kai hanelah ahawinae awm mahoe. Sawl ni Isarel ram thung pueng na tawng e heh a lungpout vaiteh, a kut dawh hoi ka hlout han telah ati.

² Hahoi Devit teh a thaw teh, ama hoi ateng kaawm e a tami 600 touh hoi Maok capa Gath siangpahrang Akhish koevah a cei.

³ Devit teh ama hoi a yu roi Jezreel tami Ahinoam hoi Nabal yu Karmel tami Abigail hoi Gath kho Akhish koe a cei awh.

⁴ Gath vah Devit a yawng toe tie Sawl koe a dei pouh awh toteh, bout tawng hoeh toe.

⁵ Devit ni Akhish koevah na minhmai kahawi ka hmawt pawiteh, na ram thung kho buet touh dawh kho ka sak thai nahanelah, o nahane na poe haw. Bangkongmaw na san ni siangpahrang khopui dawh nang koe kho khuet ka sak thai han vaw telah atipouh.

⁶ Hat toteh, hat hnin râw vah Akhish ni, Ziklag kho a poe. Hatdawkvah Ziklag teh atu totouh Judah ram siangpahrangaw e lah ao.

⁷ Filistin ram thung Devit teh kum touh hoi thapa yung pali touh ao.

⁸ Devit hoi a taminaw ni a takhang awh teh, Geshur taminaw hoi Girzi taminaw hoi Amaleknaw hah a tuk awh. Hote miphunnaw teh Shur hoi Zur ram koe lah Izip ram totouh pou kâkuen e doeh.

⁹ Devit ni taran a tuk tangkuem napui tongpa a hlung e awm boihoeh. Tu, La, Maito, Kalauk, hoi khohnanaw a la pouh teh a bankhai, hahoi Akhish koe a cei awh.

¹⁰ Akhish ni, sahnin nâlaenaw maw na tuk awh telah atipouh. Devit ni, Judah akalah, Jerahmeel taminaw, akalae ram hoi Kennaw akalae ramnaw doeh atipouh.

¹¹ Filistin ram ao nah yunglam, Devit ni hettelah pou a sak tet langvaih a titeh, Devit ni napui tongpa Gath kho ceikhai hanelah hlung boihoeh.

¹² Akhish ni, Devit ni dei e hah a yuem teh, a tami Isarelnaw abuemlah hoi ama kapanuekkung lah a coung sak. Hatdawkvah, kai koe ka san lah pou na o han atipouh.

28

¹ Hate tueng dawh Filistinnaw ni a ransanaw hah Isarelnaw tuk hanelah a pâkhueng. Akhish ni Devit koevah nama hoi na taminaw hah ransanaw koe cei van han tie hah kancengcalah panuek atipouh.

² Devit ni Akhish koevah a san ni bangmaw a sak thai tie hah panuek atipouh. Akhish ni Devit koevah, hatdawkvah ka tengo lah na ta han atipouh.

Sawl ni khueyue hoi a kamyawng

³ Samuel teh a due tounge dawkvah, Isarel naw pueng ni a khuika awh teh, amae kho Ramah vah a pakawp awh toe. Sawl ni khueyue hoi tonghmanaw pueng hai a ram thung hoi kounge a pâlei toe.

⁴ Filistinnaw teh a kamkhueng awh teh Shunem kho vah a tungpup awh. Sawl ni Isarel naw a pâkhueng teh Gilboa khovah a tungpup awh.

⁵ Sawl ni Filistin ransanaw a hmu toteh a taki dawkvah, puenghoi a lung thung a pâyaw.

⁶ Sawl ni BAWIPA a paecei navah, BAWIPA ni a mang hoi hai, Urim hoi hai, profet hoi hai pato hoeh toe.

⁷ Sawl ni a sannaw koe khueyue koe pouknae kahei thai nahanlah na tawng pouh awh atipouh. A sannaw ni khenhaw! Endor kho vah khueyue napui buet touh ao kaima atipouh awh.

⁸ Sawl teh a mei loukcalah a kamthoup teh, khohna alouke a kho teh alouke tami kahni touh hoi tangminlah hote napui koe a cei teh, na kamyawngkhai e kahrai kângue lahoi kai ni ka dei hane tami hah na kaw pouh haw atipouh.

⁹ Napui ni khenhaw. Sawl ni a sak e na panue. A ram thung e khueyue hoi tonghma pueng hah kounge a raphoe toe. Bangkongmaw ka due nahanelah kahringnae karap na patung atipouh.

¹⁰ Sawl ni BAWIPA min thoebo laihoi, BAWIPA a hring e patetlah hete hno kecu dawkw maw nang dawkw reknae phat mahoehtelah ahni koe lawk a kam.

¹¹ Napui ni apimaw na kaw pouh han telah a paecei. Ahni ni Samuel na kaw pouh haw atipouh.

¹² Napui ni Samuel a hmu navah kacaipounglah a hram. Napui ni Sawl koe bangkongmaw na dum. Nang teh Sawl nahoehmaw atipouh.

¹³ Siangpahrang ni napui koevah, taket hanh, bangmaw na hmu atipouh. Napui ni talai thung hoi muitha buet touh a tâco e ka hmu atipouh.

¹⁴ Ahni ni napui koevah Bangpatete a meilam lah maw ao atipouh. Napui ni tongpa matawng poung e a tâco teh angkidung a kho atipouh. Sawl ni Samuel doeh tie a panue teh talai dawkw a tabo.

¹⁵ Hahoi Samuel ni Sawl koevah, bang kecu dawkw maw kai hah runae na poe atipouh. Sawl ni ka kângai hroung a ru dawkw doeh. Bangkongtêtpawiteh, Filistinnaw ni na tuk teh Cathut ni na ceitakhai toe. Profet lahoi hai mang lahoi hai na pato hoeh toe. Hatdawkvah, ka tawkw hane na ka dei pouh hanelah, na kaw e doeh atipouh.

¹⁶ Samuel ni BAWIPA ni hnamthun takhai teh na taran lah a coung toe tie hah na panue nalaihoi bangkongmaw lawk na paecei.

¹⁷ Kai hno lahoi lawkw ouk a dei e patetlah BAWIPA ni nang dawkvah a sak toe. Ukaeram teh BAWIPA ni na kut dawkw e na lawp teh na imri Devit koe roeroe a poe toe.

¹⁸ BAWIPA e lawkw na ngâi hoeh dawkvah, Amaleknaw dawkw puenghoi a lungkhuek e patetlah na sak hoeh kecu dawkw atu nang dawkw hete hno heh a pha toe.

¹⁹ Hathloilah, BAWIPA ni nang hoi Isarel naw hai Filistinnaw e kut dawkw na poe awh han. Hahoi tangtho vah nama hoi na capa teh kai koe na o roi han. BAWIPA ni Isarel ransanaw hai Filistinnaw e kut dawkw a poe awh han atipouh.

²⁰ Hottelah Samuel ni a dei e lawkw hah Sawl ni a takipoung teh, talai dawkw a rawp, a thayung khoeroe awm hoeh, karum khodai banghai catnet hoeh.

²¹ Napui teh Sawl koe a cei teh, kângai hroung ka ru poung lah ao e hah a panue dawkvah, khenhaw! na san ni na dei e hah ka yuem teh due hai due tihoi kai koe na dei e hah ka tarawi toe.

²² Hatdawkvah, nang ni hai na sannu ni a dei e hah tarawi van haw, bu youn touh na poe han, na ban navah na thayung bet ao nahanelah na ca han atipouh.

²³ Hateiteh, ka cat mahoeati. A sannaw ni napui hoi ngangngang a pasawt aw hah teh ahnima lawk hah a tarawi pouh dawkvah a thaw teh ikhun daw k a tahung.

²⁴ Hahoi napui ni maitotan ka thaw poung e a tawn e hah karanglah a thei pouh teh, tavai hoi kanaw k e tawn phuen hoe h e vaiyei a sak.

²⁵ Hottelah Sawl hoi a sannaw e a hmalah a pátoum pouh teh a ca aw h. Hahoi a thaw aw h teh tangminlah a cei aw h.

29

Filistinnaw ni Devit ngai aw h hoe h

¹ Hot patetlah Filistinnaw ni a ransanaw hah Aphek kho a pâkhueng. Hahoi Isarelnaw Jezreel vah kaawm e tuikhu koe a tungpup aw h.

² Filistin bawinaw teh, a cum lahoi a thong lahoi a cei parai teh, Devit hoi a taminaw teh Akhish hoi a hnuklah a tho aw h.

³ Hot patetlah Filistin bawinaw ni hete Hebru taminaw ni bangmaw a sak aw h telah ati. Akhish ni Filistin bawinaw koe vah, hete Devit Isarel siangpahrang Sawl e a san, kasawlah kai koe ao toe, kai koe a poung hnin hoi sahnin totouh a yonnae ka hmawt hoe h telah atipouh.

⁴ Hatei Filistin bawinaw ni ahni daw k a lungphuen aw h teh, hote tami teh hmuen na poe e koe kounng ban sak. Taran tuk nah maimouh koe tho nahanh seh, telah hoehpawiteh, taran tuknae koe tarannaw koelah kambawng vaiteh, maimae taminaw lûkalatkung lah aw m payon vaih, a bawipa hoi bout kâpo roi vaih.

⁵ Hete Devit nahoehmaw, lam laihoi, Sawl thong touh thong touh, Devit thong hra, thong hra titeh ahni hah la lah a sak aw h e hah ati aw h.

⁶ Hat terei teh, Akhish ni Devit teh ama koe a kaw teh, BAWIPA a hring e patetlah tamikalan lah na o tanggak, ransa thung hoi kai koe na tho na cei e ka hmu navah ahawi toungloung. Kai koe na tho hoi sahnin totouh nang koe hawihoehnae bangcahai ka hmawt hoe h. Hatei, bawinaw ni na kângue aw h hoe h.

⁷ Hatdawkvah, bawinaw ni a lungkuep nahanlah ban nateh lungkuep-calah ban lawih atipouh.

⁸ Devit ni, Akhish koe vah, telah pawiteh bang hno maw ouk ka sak. Nang koe ka o yunglam sahnin totouh ka bawipa ka bawi poung taran hah tuk laipalah ka ban nahane hah na sannaw koe bangmaw a panue aw h e kaawm telah atipouh.

⁹ Akhish ni Devit ma koe, ka mithmu teh Cathut kalvantami patetlah na hawi. Hatei, Filistin bawinaw ni taran tuknae koe kaimouh koe cet hanh naseh ati aw h daw k doeh.

¹⁰ Hatdawkvah, nang koe ka cet e na bawipa sannaw hoiyah amom vah thaw aw h. Amom vah na thaw aw h teh, khodai tahma vah na cettakhai aw h lawih telah atipouh.

¹¹ Hahoi teh Devit hoi a taminaw hah Filistin ram vah amom ban hanelah palang a thaw aw h teh, Filistinnaw teh Jezreel lah a takhang aw h.

30

Devit hoi Amaleknaw rahak runae

¹ Hnin thum touh a loum hnukkhu, Devit hoi a taminaw teh Ziklag kho a pha awh navah, Amaleknaw ni akalae ram hoi Ziklag kho hah a tuk awh. Ziklag kho a thei awh teh, hmai yo la a sawi awh toe.

² Kho thung kaawm e napui camo matawng buet touh hai thet laipalah san lah koug a hrawi awh toe.

³ Devit hoi a taminaw teh hote kho dawk a pha awh navah, khenhaw! kho hmai a sawi awh teh, a yunaw, a canu capanaw hai san lah koug a ceikhai awh toe ti e a hmu navah,

⁴ thouk a ka awh teh tha baw ditouh thouk a ka awh.

⁵ Devit e yu roi, Jezreel tami Ahinoam hoi Karmel tami Nabal yu Abigail hai a ceikhai awh toe.

⁶ Devit teh puenghoi a lungrei a thai. Taminaw hai a lungrei a thai awh teh, Devit haf talung hoi dei hanelah a dei awh. Hatei, Devit teh BAWIPA doeh a kâuep.

⁷ Devit ni Ahimelek capa vaihma Abiathar koe Ephod hah pahren lahoi na lat pouh haw atipouh. Abiathar ni Ephod hah Devit koe a thokhai.

⁸ Devit ni ahnimanaw hah ka pâlei awh pawiteh, ka pha awh han vaimoe telah BAWIPA koe a pacei. Ahni ni pâlei loe na pha mingming han, abuemlahoi koug na rungngang han doeh atipouh.

⁹ Hatdawkvah, Devit hoi a taminaw 600 touh ni a cei awh teh, Besor palang a pha awh navah, a tangawn teh hawvah a la o awh.

¹⁰ Devit hoi tami 400 touh ni a pâlei awh.

¹¹ Hahoi a yon dawk Izip tami buet touh a hmu awh teh, Devit koe a thokhai awh. Vaiyei a poe awh teh a ca, tui hai a nei sak awh.

¹² Hahoi thaibunglung paw phen buet touh, misurpaw phen kahni touh a poe awh. Ahni ni a ca teh a tha bout ao. Hnin thum touh thung catnet laipalah kahai lah ao toe.

¹³ Devit ni ahni koe nang teh api hoi maw na kâkuet, nâhoi maw na tho telah a pacei. Ahni ni kai teh, Amaleknaw koe san lah kaawm e Izip tami doeh, hnin thum touh hoehnahlan ka pataw dawkvah, ka bawipa ni na cei takhai.

¹⁴ Khereth ram akalah Judah ram akalah, Kalep ram akalah ka tuk awh teh, Ziklag kho hah hmai ka sawi awh toe.

¹⁵ Devit ni ahnimanaw onae koe lam na patue thai han maw atipouh navah, ahni ni kai hah na thei hoeh nahan ka bawipa koe na poe hoe nahan, Cathut koe lawkkam hoi thoekâbo ei, hat pawiteh doeh ahnimouh onae koe lam na patue han ati e patetlah Devit ni thoe a kâbo.

¹⁶ Hote camo ni lamthung a patue teh hawvah Devit a pha navah, ahnimanaw teh Filistin ram hoi Judah ram e hnopainaw dawkvah a canei awh teh a lamtu awh teh, talai dawk a kâyat awh.

¹⁷ Devit ni tangmin hoi a tangtho tangmin totouh a thei teh, kalauk hoi ka yawng e thoundoun 400 touh hloilah tami buet touh hai hlout hoeh.

¹⁸ Ameleknaw ni a lawp e pueng Devit ni bout a la teh, a yu roi hoi bout a hloutkhai.

¹⁹ Tami kacue kanaw canu capa hnopai lawp lah kaawm e pueng buet touh boehai pek laipalah, Devit ni koug bout a la.

²⁰ Hahoi Devit ni tuhu hoi maitohu naw hah a la teh, saring alouknaw hmalah a khoum teh, hetnaw teh Devit doeh ati awh.

²¹ Hahoi tami 200 touh a tâwn awh teh, Devit hnuk a kâbang thai awh hoeh dawkvah, Besor palang vah ao saknae koe Devit teh bout a pha.

Ahnmouh teh Devit hoi a thokhainenaw dawn hanelah a tâco aw h. Devit ahnmouh koe a pha toteh kut a man aw h.

²² Hatnavah, Devit hoi rei ka cet e taminaw thung daw k e tamikathout-naw ni, ahnmouh teh maimouh hoi rei a cei aw h van hoeh daw kvah, maimouh ni pang aw h e hnopai thung daw k, amamae yuca hloilah bang hno hai poe mahoeh. Amamae yucanaw hah lat aw h nateh, cet aw h naseh atipouh aw h.

²³ Devit ni hmaunawngghanaw, maimouh ni tuk aw h e naw hah maimae kut daw k na ka poe e BAWIPA ni na poe e hnopainaw hah hottelah tet aw h hanh.

²⁴ Hete hno daw k nangmae law k hah apinimaw a tarawi han. Taran tuknae koe ka cet e ni a pang e patetlah hnopai karingkungnaw ni hai pang vah naseh. Suekâvan lah reirei pang van naseh telah a ti.

²⁵ Hat hnin hoiyah Isarel miphunnaw hanelah, hottelah e phunglam hoi kâlawk teh a sak aw h.

²⁶ Devit ni Ziklag kho bout a pha toteh, hetheh BAWIPA e taran kut daw k hoi e hnonaw doeh. Poehno lah na patawn aw h telah law k a thui teh,

²⁷ Bethel kaawmnaw, Ramoth akalah kaawmnaw, Jattir kaawmnaw,

²⁸ Aroer kaawmnaw, Siphmoth kaawmnaw, Eshtemoa kaawmnaw,

²⁹ Rekal kaawmnaw, Jerahmeel kaawmnaw, Ken kaawmnaw,

³⁰ Hormah kaawmnaw, Khorshan kaawmnaw, Atha kaawmnaw,

³¹ Hebron kaawmnaw, Devit hoi a taminaw khosaknae koe kaawmnaw abuemlah Judah a hui kacuenaw koe a patawn.

31

¹ Hot patetlah Filistinnaw ni Isarelnaw hah a tuk aw h teh, Isarelnaw teh Filistinnaw hmalah a yawng aw h teh, Gilboa mon vah a thei aw h.

² Filistin taminaw ni Sawl hoi a capa hah poe a pâlei aw h teh, Sawl capa Jonathan hoi Abinadab hoi Malkhishua hah a thei aw h.

³ Sawl hah pueng hoi rek a saueng aw h teh, pala kapatuemmnaw ni a ma hah rek a pha aw h teh, hmâ puenghoi a ca sak aw h.

⁴ Hot patetlah Sawl ni amae senehmaica ka sin koe, na tahloi hah rayu nateh, poukkayawng lah na thun leih. Hottelah na tet hoehpawiteh, vuensom ka a hoehnav ni na pacekpahlek aw h langvaih atipouh. Hatei, senehmaica ka sin e ni, thun ngai hoeh. Bangkongtetpawiteh, a taki poung. Hat toreï teh, Sawl ni a tahloi hah a la teh a tabo sin.

⁵ Hahoi senehmaica ka sin e tami ni Sawl a due e hah a hmu toteh, ahni ni hai a tahloi a tabo sin van teh, cungalalah a due roi.

⁶ Hot patetlah Sawl hoi a capa katham touh hoi senehmaica ka sin e hoi a taminaw pueng hoi hot hnin roeroe vah a due aw h.

⁷ Ravo namran lah kaawm e Isarelnaw hoi Jordan namran lah kaawmnaw ni Isarelnaw a sung aw h toe tie hoi Sawl hoi a capanaw a due aw h toe tie a thai aw h toteh, kho a tâco takhai aw h teh a yawng aw h. Hahoi Filistinnaw ni rek ao sin aw h.

⁸ Hahoi teh, Filistinnaw ni a thei aw h nae tangtho vah, senehmaica ka sin e a cei sin aw h navah, Sawl hoi a capa katham touh Gilboa mon koe a due aw h e hah a hmu aw h.

⁹ A lû a tâtueng pouh teh senehmaica a rading pouh aw h. A kamthaw nah meikaphawk baw knae bawkim tangkuem hoi taminaw pueng koe pathang hanelah Filistin ram pueng daw k a pathang aw h.

¹⁰ Hote senehmaica teh, Ashtaroth im vah a ta aw h. A ro teh Bethshan kalupnae tapang daw k a vo aw h.

¹¹ Jabesh Gilead vah kaawmnaw ni Filistinnaw ni Sawl ro dawk a sak aw h e a hmu aw h toteh,

¹² Tami tarankahawi poung ni a thaw teh, karum khodai a cei aw h teh, Bethshan kalupnae tapang daw k e Sawl hoi a capanaw ro hah a la aw h. Jabesh a pha aw h toteh, hawv ah a p aeng aw h.

¹³ A hru hah a la aw h teh, Jabesh e bengkeng thing rahim vah a pakawp aw h teh hnin sari touh rawca a hai aw h.

2 SAMUEL (The Second Book of Samuel)

Sawl duenae

¹ Sawl a due hnukkhu, Devit teh Amaleknaw a theinae koehoi a ban teh, Ziklag kho hnin hni touh ao.

² A hnin thum hnin vah tami buet touh amae hni a ravei teh a lû dawk vaiphu a kâphuen nalaihoi a tho. Devit koe a pha navah talai dawk a tabo.

³ Devit ni vah nâ lahoi maw na tho telah a pacei. Ahni ni Isarelnaw e tumpupnae koehoi ka yawng telah ati.

⁴ Devit ni hetheh bang e hno nama, dei haw atipouh. Ahni ni Isarelnaw teh, tarantuknae hmuen koehoi taminaw a yawng awh teh, tami moikapap a due. Sawl hoi a capa Jonathan hai a due toe telah bout a dei pouh.

⁵ Devit ni kadeikung thoundoun koe, bangtelah hoi maw Sawl hoi a capa Jonathan a due tie na panue telah atipouh.

⁶ Hote thoundoun ni, kai teh Gilead mon dawk ka pha navah, Sawl ni a tahroe a vaiteh leng hoi marangransanaw ni rek a pâlei awh.

⁷ Sawl ni hnukkhu lah a khet navah kai hah na hmu teh na kaw.

⁸ Kai ni vah, ka o ka ti pouh. Nang hah apimaw telah na pacei. Kai teh, Amalek tami doeh telah bout ka ti pouh.

⁹ Sawl ni kai koe tho nateh, kai na thet leih, kai ka due thai hoeh dawkvah, puenghoi patawnae ka khang telah ati e patetlah.

¹⁰ Ahni koe ka kangdue teh ka thei. Bangkongtetpawiteh, hottelah a rawp toung dawkvah hring mahoeoh toe tie ka panue. A lû dawk kâmuk e bawilakhung hoi a kut dawk a buet e cawce hah ka rading pouh teh, ka bawipa koevah ka sin telah a dei.

¹¹ Devit ni ahni hah a ravei, hot patetlah a taminaw ni lengkaleng a sak van awh.

¹² Sawl hoi a capa Jonathan Bawipa e taminaw hoi Isarel imthungnaw ni, tahloi hoi a due dawkvah ahni hanlah tangmin totouh a khuika awh teh rawca a hai awh.

¹³ Hote kamthang ka dei e thoundoun koe Devit ni, nang teh nâ lahoi maw na tho telah a pacei. Kai teh Jentel miphun Amelek tami doeh telah a dei.

¹⁴ Devit ni ahni koe, BAWIPA ni satui awi e thei hanelah bangkong maw na kut na pho.

¹⁵ Hahoi, Devit ni thoundoun buet touh a kaw teh, ahni hah thet lawih atipouh e patetlah thoundoun teh a thei.

¹⁶ Devit ni na thipaling teh nama e na lû van bawt naseh. Bangkongtetpawiteh, nama e na pahni roeroe hoi BAWIPA satui awi lah kaawm e ka thei na ti telah atipouh.

¹⁷ Devit ni Sawl hoi Jonathan hah a khui.

¹⁸ Judahnaw koe a cangkhai hane lilava la tie hateh, Jashar e cauk dawk thut e la hah doeh.

¹⁹ Isarel na bawilenna, na hmuen rasang dawk, duenae na khang toe. Tami athakaawme taminaw hai a due awh toe.

²⁰ Gath vah pathang awh hanh. Askelon khopui e lam dawk thaisak awh hanh. Filistin canunaw a lunghawi awh langvaih. Vuensom ka a hoeh e napuinaw ni a lunghawi awh langvaih tie ngaihri han ao.

²¹ Oe Gilboa monnaw, nangmae lathueng tadamtui hoi khotui bawt hanh naseh. Law ni thueng kaw i e a pawhik tâcawt sak hanh naseh. Bangkongtetpawiteh, hote hmuen koe athakaawme ni a sin e saiphei, Sawl ni a sin e bahling, satui hoi hluk hoe e saiphei patetlah tâkhawng awh.

²² Thei e naw e thi koehoi, thaonae athâw koehoi, Jonathan e pala teh hnuklah bout ban hoeh. Sawl e tahloi hai ayawm lah ban hoeh.

²³ Sawl hoi Jonathan teh a hringnae ngai a tho, a due roi nahai kâkapek roi hoeh. Mataw hlak a hue a rang teh sendek hlak a tha ao roi.

²⁴ Oe Isarel canunaw Sawl hah khui awh haw. Ngai kaawm e hni paling ka khohnat sak e, sui hoi talung apfu kaawm e hoi na ka pathoupkung doeh.

²⁵ Taran kâtuknae koe athakaawme taminaw a due awh toe. Oe Jonathan nange karasangpoung e a hmuennaw daw k nang teh na due toe khe.

²⁶ Ka nawngha Jonathan nang daw k ka kângairu. Nang teh ka hui kahawipoung lah na o teh, kai na lungpatawnae teh kângairu, napuinaw lungpataw e a cei takhai.

²⁷ Thakaawmnaw hai a due awh toe. Tarantuknae senehmaicanaw hoi koun g a kahma toe.

2

Devit satui awinae

¹ Hotnaw hnukkhu hoi Devit ni BAWIPA hah a pacei. Judah ram kho buetbuet touh daw k ka cei han maw telah ati. BAWIPA ni cet loe atipouh. Devit ni nâ lah maw ka cei han atipouh. Hebron kho lah atipouh.

² Devit e a yu roi Jezreel kho e Ahinoam hoi Karmel tami Nabal e a yu Abigail hoi a cei awh.

³ Ama koe kaawm e taminaw, imthungnaw hai Devit ni a kaw teh ahnimanaw teh, Hebron khonaw daw k kho a sak awh.

⁴ Judah taminaw a tho awh teh, Devit hah siangpahrang hanelah satui a awi awh. Ahnimouh ni Devit koe, Sawl ka pakawm naw hah Jabesh Gilead taminaw doeh telah a dei pouh awh.

⁵ Hatdawkvah Jabesh Gilead taminaw koe Devit ni patounenaw a patoun teh, ahnimouh koevah nangmae bawipa Sawl daw k na lungmanae kamnue sak awh teh, na pakawp awh dawkvah BAWIPA ni yawhawinae na poe awh naseh.

⁶ BAWIPA ni a lungmanae hoi a hawinae nangmouh daw k kamnuek sak naseh. Hete hno na sak awh dawkvah na lungmanae kai ni na patho awh han.

⁷ Atuvah, tha kâlat awh nateh, taranhawi awh, nangmae bawi Sawl teh a due toe. Judah imthungnaw ni a siangpahrang lah ka o hanelah satui na awi awh toe telah a ti.

Ishbosheth Isarel Siangpahrang lah o

⁸ Sawl e ransabawi Ner capa Abner ni Sawl e capa Ishbosheth hah Mahanaim kho lah a ceikhai.

⁹ Gilead ram Ashurnaw Jezreel khocanaw Ephraim ram, Benjamin hoi Isarel naw pueng e lathueng vah siangpahrang hmuen koe a hruék awh.

¹⁰ Sawl capa Ishbosheth teh Isarel naw uknae a kamtawng navah, kum 40 touh a pha. Kum hni touh a uk. Judahnaw ni dueng Devit e hnuk a kâbang awh.

¹¹ Hebron vah Devit ao teh Judah phun a uknae kum teh kum 7 touh hoi thapa yung 6 touh doeh.

Isarel hoi Judah a kâtuk

¹² Ner capa Abner hoi Sawl capa Ishbosheth e a san hah Mahanaim hoi Gibeon kho koe lah a cei.

¹³ Zeruah capa Joab hoi Devit e sannaw a tâco awh teh, Gibeon tuikamuem koevah, a kâhmo awh, rek kadangka lah a tahung awh.

¹⁴ Abner ni Joab koevah thoundounnaw hah ka hmalah tâcawt awh naseh, ka hmalah kâhmo awh naseh. Joab ni tâcawt awh naseh telah a ti.

¹⁵ Sawl e capa Ishbosheth e tami Benjamin phun 12 touh hoi Devit e san 12 touh teh a thaw awh teh a cei awh.

¹⁶ A tarannaw e lû dawk lengkaleng a kâkuet awh teh a na dawk tahloi hoi a kâthut awh teh koug a rawp awh. Hatdawkvah Gibeon vah kaawm e naw ni haw e hmuen teh Helkathhazzurim (tahloi hruepatue hmuen) telah ati awh.

¹⁷ Hote hnin dawk kâtheinae a patawpoung. Abner hoi Isarelnaw Devit e a sannaw hmalah a sung awh.

¹⁸ Hawvah Zeruah capa Joab hoi Abisai hoi Asahel hai ao. Asahel teh sayuk patetlah a hue a rang.

¹⁹ Asahel ni Abner hah avoilah aranglah phen laipalah a pâlei.

²⁰ Abner ni a kamlang sin teh, nang hah namaw Asahel telah ati. Ahni ni oe kai doeh telah atipouh.

²¹ Abner ni ahni koevah, avoilah aranglah phen haw, thoundoun buetbuet touh e puengcang hah lat pouh telah ati. Hatei Asahel ni ama a pâlei e hah phen takhai han ngai hoeh.

²² Abner ni Asahel koevah na phen takhai lei bang kecu dawm maw talai dawm rep ka tabawm lah na thut han. Na hmaunawngaha Joab mei ka hmu ngam han namaw telah bout atipouh.

²³ Hatei Asahel ni lawk ngai pouh hoeh dawkvah, Abner ni tahroe hoi a von koehoi a thut teh a hnukthun lah tahroehmo pawk a yawng teh, hote hmuen koe a rawp teh a due. Asahel a rawp teh a duenae hmuen koe ka tho pueng ni ouk a kangdue awh.

²⁴ Joab hoi Abisai ni Abner hah pou a pâlei roi, Gibeon ram thung e lam teng Giah teng e Ammah mon koe a pha nah kanî a khup .

²⁵ Benjaminsaw teh, Abner koe a kamkueng awh teh, ahu buet touh lah ao awh teh mon dawm a kangdue awh.

²⁶ Abner ni, Joab a hram sin teh, tahloi ni pou na bouk han namaw apoutnae dawm kâhat han tie na panuek hoeh maw. Bangkongmaw taminaw hah a hmaunawngaha ni a pâleinae koehoi, ban hanelah dei pouh laipalah na o han atipouh.

²⁷ Joab ni Cathut a hring e patetlah dei laipalah awm haw, atangtho ditouh ka taminaw ni na pâlei awh han rah atipouh.

²⁸ Joab ni mongka a ueng teh, taminaw a kangdue awh. Isarelnaw pâlei awh hoeh. Tuk awh hoeh toe.

²⁹ Abner hoi a taminaw teh karum tuettuet ayawn dawm a cei awh teh, Jordan tui a raka awh hnukkhu Bithron ram a tapuet awh teh Mahanaim a pha awh.

³⁰ Joab teh Abner a pâleinae koehoi a ban teh, taminaw a pâkhueng navah, Devit hoi Asahel e taminaw 19 touh awm hoeh, a due awh toe.

³¹ Hatei teh Devit e taminaw ni Benjaminaw hoi Abner taminaw 360 touh a thei awh.

³² Asahel e a ro a la awh teh Bethlehem e a na pa e tangkom daw k a pakawp awh. Joab hoi a taminaw karum tuettuet a cei awh teh khodai nah Hebron vah a pha awh.

3

Devit e capanaw

¹ Sawl imthung hoi Devit imthung hah atueng moi kasawlah a kâtuk awh. Devit imthung hoehoe a thao awh. Sawl imthung teh hoehoe a tha ayoun awh.

² Devit ni Hebron kho vah capa a tawn. Camin Amnon, Jezreel tami Ahinoam koehoi e doeh.

³ Apâhni e teh, Khileab, Karmel tami Nabal e yu Abigail koehoi e doeh. Apâthum e teh Absalom, Geshur siangpahrang Talmi canu Maakah capa doeh.

⁴ Apali e teh, Adonijah Haggith capa doeh. Apanga e teh, Shephatiah, Abital capa doeh.

⁵ Ataruk e teh, Ithream Devit e yu Eglah koehoi e doeh. Hetnaw teh Devit capanaw Hebron kho daw k a khe e naw doeh.

Abner Devit koe lah a kampung

⁶ Sawl imthung hoi Devit imthung a kâtuk awh navah, Abner teh Sawl imthung koe lah a tha pou a sai.

⁷ Sawl ni ado a tawn, A min teh Rizpah, Aiah canu doeh. Ishbosheth ni Abner koe vah bangkong apa e ado koe na kâen telah atipouh.

⁸ Ishbosheth lawk a dei e ni Abner hah a lung puenghoi a khuek sak. Judah taminaw e ui e lû namaw, sahnin ditouh na pa Sawl imthungnaw hoi a hmaunawngaha hoi a huikonaw koe lungmanae kammue sak e lahoi Devit e kut daw k a poe awh hoeh. Nang ni hete napui kong daw k yonnae ka sak e patetlah na pouk.

⁹ Sawl imthung daw k hoi uknae la pouh han Isarel hoi Judah lathueng vah Dan hoi Beersheba to touh.

¹⁰ Devit e bawitungkhung kangdue sak hanelah BAWIPA ni Devit koe lawk a kam e patetlah ka sak hoehpawiteh, Cathut ni Abner heh a ngainae patetlah sak naseh, hothlak kapap lahai sak naseh.

¹¹ Abner hah a taki toung daw kvah Ishbosheth lawkkam touh boehai pathung hoeh.

¹² Abner ni amae yueng lah Devit koe patounenaw a patoun teh hete ram heh apie maw kai koe lawkkamnae sak haw. Isarelnaw nang koe lah kampung hanelah, ka kut heh nang koe lah a kampung han telah a ti.

¹³ Devit ni ahawi nang koe lawkkamnae ka sak han. Hateiteh hno buet touh ka hei han. Kai na kâhmo hanelah na tho navah, Sawl canu Mikhal na thokhai hoehpawiteh, ka mei na hmawt mahoe telah a ti.

¹⁴ Devit ni Sawl e capa Ishbosheth koe vah Filistin tami vuensom 100 touh hoi ka ran e ka yu Mikhal hah na poe telah patounenaw a patoun.

¹⁵ Ishbosheth ni tami a patoun teh, a vâ Laish capa Paltiel kut daw k e a thokhai.

¹⁶ A vâ teh a kâ laihoi a cei teh, Bahurim kho totouh a kâbang. Abner ni ahni koe cet nateh ban lawih telah atipouh teh a ban.

¹⁷ Abner ni Isarel kacuenaw a pâkhueng teh, ahnimouh koe, hah hoehnahlan teh Devit heh siangpahrang lah na ngai awh e doeh.

¹⁸ Atuvah tawmrasang awh leih. Bangkongtetpawiteh, BAWIPA ni Devit kong dawk ka san Devit kut dawk hoi ka tami Isarel hah Filistinnaw kut dawk hoi na rungngang han telah a dei atipouh.

¹⁹ Abner ni Benjamin taminaw a thainae koehai a dei. Hottelah Abner ni Isarel taminaw hoi Benjamin imthungnaw ni ahawi ati awh e pueng Hebron vah Devit koe dei pouh hanelah a cei awh.

²⁰ Abner ni tami 20 touh hoi Devit aonae koe Hebron kho lah a cei teh, Devit ni roipu a sak teh, Abner hoi a taminaw a ca sak.

²¹ Abner ni Devit koevah, kathâw vaiteh, nang koe lawkkamnae a sak thai awh nahane hoi na pouknae patetlah lawk ka ceng thai nahan, Isarelnaw pueng ka bawipa koe pâkhueng hanelah, ka cei han telah ati. Devit ni Abner a patoun teh duem a cei.

Joab ni Abner a thei

²² Hatnavah, Joab hoi Devit e a sannaw teh taran a pâleinae koehoi a ban awh teh, hnopai moi a sin awh. Abner teh Devit hoi Hebron kho dawk rei awm roi hoeh. Devit ni a patoun toung dawkvah karoumcalah a cei.

²³ Joab hoi ama koe kaawm e taminaw pha awh navah, Ner capa Abner hah, siangpahrang koe a tho teh, ahni ni a ban sak toung dawkvah karoumcalah a cei telah Joab koe a dei pouh han.

²⁴ Joab teh Siangpahrang koe a kâen teh, bawipa, bangtelamaw na sak e hah kenhaw! Abner teh nang koe tho teh, bangkongmaw yout na cei sak.

²⁵ Ner capa Abner teh na panue, nang dum hanelah, na tâco na kâen, na sak e pueng panue han a ngai dawk ka tho e doeh telah a ti.

²⁶ Devit koehoi Joab a tâco navah, Abner hah pâlei hanelah patounenaw a patoun. Sirah tuikhu koehoi bout a bankhai. Hatei teh Devit panuek hoeh.

²⁷ Abner ni Hebron kho a pha navah, Joab ni rapan longkha koe arulahoï lawk kâpan hanelah a ceikhai teh a hmaunawnggha Asahel thi a palawngnae koe a von dawk a thut teh a due.

²⁸ Hathnukku, Devit ni a thai navah, Ner capa Abner thi palawngnae kong dawk kai hoi ka uknaeram teh, BAWIPA hmalah pou ka kamthoung han.

²⁹ Joab hoi a na pa imthungnaw e lû dawk bawt na seh, Joab imthung dawk thihnaipatawnae, hrikbei, hnamkhun, tahloi hoi duenae, takangnae pout hanh naseh, telah a ti.

³⁰ Hottelah, Joab hoi a nawnggha Abisai ni Abner hah a thei van, bangkongtetpawiteh, Asahel hah Gibeon kâtuknae koe a thei dawk vah.

Abner dawk Devit a kângai kâthungnae

³¹ Devit ni hai Joab hoi ama koe kaawmnaw koe na hni hah ravek awh nateh Buri kâkhu awh. Abner hanelah khuikanae sak awh atipouh teh, Devit ni ro hah a kâbang sin.

³² Abner teh Hebron vah a pakawp awh teh, siangpahrang hoi taminaw teh Abner phuen koe a ka awh.

³³ Siangpahrang Abner a ka khai awh teh, Abner teh tamipathu due la maw a due han.

³⁴ Na kut hai katek hoeh, na khok hai hlong buet hoeh. Tamikapo kut dawk hoi kadout e patetlah duenae na tawng toe telah ati. Taminaw hai bout a kâ awh.

³⁵ Khohmo hoehnahlan Devit teh rawca ca sak hanelah taminaw a tho awh. Hatei Devit ni kaní a khup hoehnahlan rawca thoseh, alouknaw hai

thoseh ka cat pawiteh, Cathut ni a ngai e patetlah na tet naseh, hothlak kapap lahai na sak naseh telah thoe a kâbo.

³⁶ Hote hah taminaw ni a thai toteh, a lunghawi aw. Siangpahrang ni a sak e pueng taminaw ni a ngai aw. Siangpahrang ni a sak e pueng taminaw ni a ngai aw. Siangpahrang ni a sak e pueng taminaw ni a ngai aw.

³⁷ Bangkongtetpawiteh, tamiu hoi Isarelhaw pueng ni hat hnin vah Ner capa Abner thei e hah siangpahrang khokhangnae nahoe hie a panue aw.

³⁸ Siangpahrang ni a taminaw koe sahnin vah Isarelhaw daw k bawi hoi tami kalen a due tie na panuek aw. Siangpahrang ni a taminaw koe sahnin vah Isarelhaw daw k bawi hoi tami kalen a due tie na panuek aw.

³⁹ Kai teh satui awi e lah ka o eiteh, sahnin ka tha ayoun. Zeruah capa lah kaawm e hetnaw teh kai hlak a thao aw. Kai teh satui awi e lah ka o eiteh, sahnin ka tha ayoun. Zeruah capa lah kaawm e hetnaw teh kai hlak a thao aw. Kai teh satui awi e lah ka o eiteh, sahnin ka tha ayoun. Zeruah capa lah kaawm e hetnaw teh kai hlak a thao aw.

4

Ishbosheth theinae

¹ Sawl e capa Ishbosheth ni Hebron vah Abner a due tie a thai navah, a tha a youn. Isarelhaw pueng a puen aw. Sawl e capa Ishbosheth ni Hebron vah Abner a due tie a thai navah, a tha a youn. Isarelhaw pueng a puen aw.

² Sawl capa Ishbosheth ni ransanaw kaukung kahni touh a tawn teh, buet touh e min teh Baanah, alouke buet touh e min teh Rekhah doeh. Benjamin capa Beeroth tami Rimmon capa doeh. Bangkongtetpawiteh, Beeroth teh Benjamin ram e lah a pouk aw.

³ Beerothnaw teh Gittaim vah a yawng aw. Beerothnaw teh Gittaim vah a yawng aw. Beerothnaw teh Gittaim vah a yawng aw.

⁴ Sawl capa Jonathan ni capa khokkhem a tawn teh, kum 5 a pha navah Jezreel kho lahoi Sawl hoi Jonathan e kamthang a thai navah, ka kheyawn e ni a tawn teh a yawngkhai navah, karanglah a yawng dawkvah, camo hah a bo teh a khokkhem. Hote camo min teh Mephibosheth doeh.

⁵ Beeroth phun Rimmon capa Rekhah hoi Baanah hah a cei roi teh, Ishbosheth im vah kanithun vah a pha. Hatnae tueng daw k Ishbosheth teh ouk a i.

⁶ Haw e hmaunawngaha Rekhah hoi Baanah teh, cakang ka lat hane patetlah a kâsak roi teh im lungui a kâen roi.

⁷ A inae khan daw k inae koe Ishbosheth e von daw k a thut, a lû a tâtueng roi teh, ayawn lam lahoi karum tuettuet a yawng roi teh a hlout roi.

⁸ Ishbosheth e a lû Hebron kho Devit koe a thokhai teh, siangpahrang koe vah khenhaw! hi vah nang thei han ka kâcai e na taran Sawl capa Ishbosheth lû hei, Bawipa ni ka bawipa e moi, sahnin vah Sawl hoi a catoun koe vah a pathung toe.

⁹ Hatei, Devit ni Beeroth tami Rimmon capa Rekhah hoi a hmaunawngaha Baanah koe kho pouk runae thung hoi na ka ratang e BAWIPA a hring e patetlah,

¹⁰ Kamthang kahawi ka phawt e lah pouk vaiteh, khenhaw! Sawl teh koe a due toe telah tami buet touh ni a dei. Ahni ka man teh Ziklag vah ka thei. Hothateh kamthang kahawi ka phawt e a tawkpouh lah ka poe e doeh.

¹¹ Hot dueng nahoe hah, tamikaponaw ni tamikalan hah a imthung e a inae koe thet pawiteh, hoe sak hane kaw i nahoe haw. Hot dueng nahoe hah, tamikaponaw ni tamikalan hah a imthung e a inae koe thet pawiteh, hoe sak hane kaw i nahoe haw.

¹² Devit ni a thoundoun hah kê a poe teh, a thei hnukkhu a kut a khok a tâtueng pouh. Hebron tui kamuem koe a bang aw. Ishbosheth e lû teh a la pouh teh, Hebron e Abner e tangkom koe a pakawp aw.

5

Devit ni Isarelnaw a uk

¹ Isarel miphunnaw Hebron kho Devit aonae koe a tho aw. Kaimanaw hah na hru hoi na thitak katang doeh.

² Ayan vah kaimae lathueng Sawl siangpahrang lah ao navah, Isarelnaw katâcawtkhaikung hoi kêenkhaikung lah ao. BAWIPA ni ka tami Isarelnaw na paca han, na uk han telah nang koe ati telah a ti.

³ Hatdawkvah, Isarel kacuenaw Hebron kho siangpahrang koevah a tho aw. Devit siangpahrang ni Hebron vah BAWIPA e hmalah ahnimouh hoi lawkkamnae ka sak. Devit teh Isarelnaw e siangpahrang lah satui a awi aw.

⁴ Devit ni uknae a kamtawng navah kum 30 a pha teh kum 40 touh a uk.

⁵ Hebron kho daw kum 7 thapa 6 touh a uk. Jerusalem vah Isarel hoi Judahnaw kum 33 a uk.

Jerusalem tânae

⁶ Siangpahrang ni a taminaw a kaw teh, hote ram daw kum ka sak e Jebusit tami onae koe Jerusalem kho lah a cei aw. Ahnimanaw ni hete kho daw na kêen aw mahoe. Mitdawn hoi khokkhemnaw ni hai Devit teh hete kho thung kêen mahoe, ahnimouh ni na ngang aw han telah ati aw.

⁷ Hateiteh, Devit ni Devit khopui tie Zion rapanim a tuk teh a tâ.

⁸ Hote hnin daw Devit ni, Devit hringnae ni a hmuhma e Jebusit tami mitdawn hoi khokkhem thei hanelah tui pat ka raka e ransa pueng teh ransabawinaw e lû lah ka o sak han, hatdawkvah mitdawn hoi khokkhemnaw teh im thung kêen mahoe telah a ti.

⁹ Devit teh rapanim daw kum ao teh, Devit khopui telah min a phung. Millo hmuen a tengpam thoseh, a thung lahai thoseh a sak.

¹⁰ Hottelah hoi Devit teh hoe a rounng teh ransahu BAWIPA Cathut hoi rei ao.

¹¹ Taire siangpahrang Hiram ni Devit koe patounenaw a patoun teh, Sidar thing, insakkathoum, talungdêikathoum a patoun aw teh, Devit hane im a sak pouh aw.

¹² BAWIPA ni Isarelnaw koe siangpahrang lah ahni teh a caksak e hoi, a tami Isarelnaw hanelah uknaeram a tawmrasang tie Devit ni a panue.

¹³ Devit ni Hebron kho hoi a kampuen hnukkhu, Jerusalem kothung e yu a puidonaw bout a la teh, a ca moikapap bout a tawn.

¹⁴ Jerusalem kho sak Devit ni a khe e a canaw e min teh: Shammua, Shobab, Nathan, Solomon,

¹⁵ Ibhah, Elishua, Nepheg, Japhia,

¹⁶ Elishama, Eliada hoi Eliphelet naw hah doeh.

Filistin tânae

¹⁷ Filistinnaw ni Devit hah Isarelnaw koe siangpahrang lah ao nahan satui a awi tie a panue aw navah, Filistinnaw pueng ni Devit tawng hanelah a cei aw. Devit ni hote hah a thai toteh rapanim daw kum hoi a kum.

¹⁸ Filistinnaw hai a cei aw teh, Rephaim yawn daw phang a kâkayei aw.

19 Devit ni Filistinnaw tuk hanelah ka cei han maw, ka kut dawk na poe han maw telah BAWIPA a pacei. BAWIPA ni Devit koe, cet loe. Kai ni Filistinnaw na kut dawk na poe han telah atipouh.

20 Devit teh Baalperazim lah a cei teh, hawvah Devit ni ahnimouh a thei. BAWIPA ni, tui ni a raphoe e patetlah katarannaw hah ka hmaitung vah koug na raphoe pouh telah ati. Hatdawkvah, hote hmuen hah Baalperazim telah min a phung.

21 Hote hmuen koe Filistinnaw ni a ceitakhai e meikaphawknaw hah Devit hoi a taminaw ni koug a raphoe pouh.

22 Filistinnaw bout a tho aw hawh teh, Rephaim yaw n dawk phang a kâkayei aw h.

23 Devit ni BAWIPA koe a pacei navah, ahni ni takhang aw h hanh, a hnuk lahoi kalup aw h nateh batue kahrawng koehoi rongyawn aw h.

24 Batuekung koe a pawlawk na thai toteh tuk aw h loe, bangkongtetpaw-iteh, Filistinnaw tuk hanelah na hmalah BAWIPA a la cei toe tinae doeh.

25 BAWIPA ni kâlawk a poe e patetlah Devit ni a sak. Filistinnaw hah Geba hoi Gezer totouh a thei.

6

Jerusalem lah lawkkam thingkong a ceikhainae

1 Devit ni Isarelnaw thung dawk hoi a rawi e 3,000 touh hah a pâkhueng.

2 Devit ni a thaw teh, Judah ram e Baalejudah hoi Cherubim rahak kaawm e ransahu BAWIPA min lahoi kaw e Cathut e thingkong hah thokhai hanelah ama koe kaawmnaw hoi a cei aw h.

3 Cathut e thingkong teh leng katha dawk a hruek aw h teh, mon e Abinadab im thung e a rasa aw h. Abinadab capa Uzzah hoi Ahio ni leng katha a tanawt roi.

4 Uzzah teh Cathut e thingkong e ateng thoseh, Ahio teh thingkong hmalah thoseh a cei.

5 Devit hoi Isarelnaw teh ratoung, tamawi, tâbaw, vovit, cecak naw a sin aw h teh, BAWIPA e hmalah thaothue hoi a tumkhawng aw h.

6 Nakhon hmuen a pha aw h toteh, maito roi ni Cathut e thingkong a kâhuet sak dawkvah, Uzzah ni a kut hoi thingkong hah a kuet.

7 BAWIPA ni Uzzah koe a lungkhuek teh a payonnae kecu dawk Cathut ni haw e hmuen koe a thei teh, Cathut e thingkong koevah a due.

8 Uzzah hah BAWIPA ni a thei dawkvah, Devit a lungkhuek teh hote hmuen teh Perez Uzzah telah ati, sahnin totouh a dei aw h.

9 Hot hnin dawkvah, Devit ni BAWIPA a taki teh, bangtelamaw BAWIPA thingkong hah kai koe a pha thai han telah ati.

10 Devit ni BAWIPA thingkong teh, Devit kho dawk hrueng laipalah Git tami Obed-Edom im vah a hruek.

11 BAWIPA thingkong teh Git tami Obed-Edom im vah thapa yung thum touh ao. Obed-Edom hoi a imthung pueng BAWIPA ni yawhawi a poe.

12 Siangpahrang Devit koevah, Cathut thingkong lahoi Obededom imthung hoi a im hoi law naw pueng BAWIPA ni yawhawi a poe tie a dei pouh aw h. Bout a cei teh Devit ni Cathut e thingkong hah Obededom im dawk hoi Devit kho lah lunghawicalah hoi a sin.

13 BAWIPA e thingkong kahrawmnaw teh vai taruk touh a takan hnukkhu hoi, maitotan hoi kathâw e tu hoi thuengnae a sak aw h.

14 Devit ni Ephod hah a kho teh thaonae abuemlahoi BAWIPA hmalah a lam.

¹⁵ Hottelah Devit hoi Isarelnaw ni a hrawm aw. Mongka ueng laihoi, BAWIPA e thingkong hah a ceikhai aw.

¹⁶ BAWIPA e thingkong teh Devit kho a kâen navah, Sawl e canu Mikhal ni hlalangaw daw hoi a khet teh Devit siangpahrang BAWIPA hmalah a lam teh a dawkcawk laihoi a tho e hah a hmu navah, a lungthung hoi banglahai noutna hoeh e lah a pouk.

¹⁷ BAWIPA e thingkong a kâenkhai aw teh a hruek aw nahan Devit ni a yap e hni thung amae hmuen daw a hruek aw teh, Devit ni hmaisawi thuengnae hoi roum thuengnae a sak.

¹⁸ Devit ni hmaisawi thuengnae hoi roum thuengnae a sak hnukkhu, ransahu BAWIPA min lahoi taminaw pueng yawhawinae a poe.

¹⁹ Isarelnaw tongpa napui pueng koe vaiyei phen buet touh, moi ham buet touh, misur phen buet touh a rei hnukkhu, tami pueng amamanaw onae koe koug a cei aw.

²⁰ Devit teh a imthungnav yawhawi poe hanelah a cei teh a pha navah, Sawl e canu Mikhal ni a dawn. Sahnin e Isarel siangpahrang teh a sungrenpoug. Kayayeirai ka panuek hoeh e patetlah a sannu a sanpanaw e hmaitung vah caici lah doeh ao telah ati.

²¹ Devit ni a na pa hoi na imthung pueng e a yueng lah na rawi e lah ka o teh, BAWIPA e tami Isarelnaw lathueng siangpahrang lah na karawikung BAWIPA e hmalah ka sak mahoe na maw. BAWIPA hmalah tumkhawng roeroe hanelah ao, telah atipouh.

²² Hethlak hai kayakhai hane kawilah ka o han, kama hoi kama totouh hai kâkayakhai han. Na dei e sannunaw ni teh kai hah na oup aw han telah Mikhal hah bout a dei pouh.

²³ Hatdawkvah, Sawl canu Mikhal teh a due totouh ca sak hoeh toe.

7

Devit koe Cathut lawk a kam

¹ A hmuen pueng koe kaawm e a tarannaw e kut daw hoi BAWIPA ni a hloutsaknae hah, siangpahrang ni a coe teh a im daw karoumcalah ao navah,

² Siangpahrang ni profet Nathan hah kaw teh, khenhaw! kai teh Sidar thing im daw ka o. Cathut e thingkong teh lukkarei yap e thung sut ao.

³ Nathan ni cet nateh na lung daw kaawm e patetlah sak. Bangkongtet-pawiteh, nang koe BAWIPA ao telah atipouh.

⁴ Hote tangmin vah BAWIPA e lawk hah Nathan koe a pha.

⁵ Ka san Devit koe cet nateh dei pouh, BAWIPA ni hettelah a dei, ka o nahane im nang ni na sak pouh han na maw.

⁶ Isarelnaw hah Izip ram hoi ka tâcokhainae koehoi im daw kaawm hoeh, lukkareiim daw doeh ka o.

⁷ Isarelnaw koe ka cei nah tangkuem daw hoi ka tami Isarelnaw kawkhik sak hanelah kai ni ka patoun e lawkcengkungnav koe nang teh kai hanelah Sidar thing hoi im hah, bangkongmaw na sak hoeh ka ti boimaw.

⁸ Hatdawkvah, ka san Devit koevah, ransahu BAWIPA ni a dei e teh, tu a pânae hmuen koe tu na khoun navah, ka tami Isarelnaw uk hanelah na rawi toe.

⁹ Na cei nah tangkuem koe kai ka o vaiteh tarannaw pueng na hmaitung ka thei vaiteh talai daw a min ka lentoe e a min patetlah ka lentoe poung e min hah na poe toe.

¹⁰ Ka tami Isarelnaw a onae hmuen hah ka rakueng pouh toe. Ahnimanaw bout a kampuen awh hoeh nahan, amamae hmuen koe o sak hanelah, ka caksak han. Tami kathoutnaw teh ayan e tueng dawk hoi thoseh,

¹¹ Ka tami Isarelnaw thung e lawkcengkungnaw hah ka rawinae tueng dawk thoseh, dudam e patetlah bout dudam awh mahoeh toe. Nang hai tarannaw e kut dawk hoi na kâhat sak teh, na imthung hah a kangdue sak han telah BAWIPA ni a dei toe.

¹² Na hnin akuiep teh, mintoenaw hoi na kâhat torei teh, na thitak dawk hoi ka tâcawt e na capa hah ka tawmrasang vaiteh, a ram ka kangdue sak han.

¹³ Ahni ni ka min o nahane im a sak han. A uknaeram bawitungkhung a yungyoe ka caksak han.

¹⁴ A na pa lah ka o vaiteh, ahni teh ka capa lah ao han. Payonpakainae sak pawiteh tami ni a hno e bongpai hoi ka yue han. Tami ni a hem e patetlah ka hem han.

¹⁵ Hatei na hmalah ka takhoe e Sawl dawk hoi kai ni na pahrennae ka lae patetlah nange na ca dawk hoi ka lat mahoeh.

¹⁶ Na imthung hoi na uknaeram teh yungyoe caksak e lah ao vaiteh, na bawitungkhung hah yungyoe caksak e lah ao han. Ka san Devit koe dei pouh, telah ati.

¹⁷ Hete lawknaw pueng hoi kamnuenae dawk kamnuek e naw patetlah Nathan ni Devit koe a dei pouh.

Cathut koe Devit a lunghawinae

¹⁸ Hatnavah siangpahrang Devit ni a kâen teh, BAWIPA e hmalah a tathung. Oe Bawipa Jehovah, bang patetlae tami lah maw ka o teh ka imthung hai bang patetlae na maw. Hettelah na hrawi.

¹⁹ Oe Bawipa Jehovah, het hai na mithmu vah hno titca rah doeh. Hateiteh, na san imthung kong heh kum moikapap hanelah yo na la dei toe. Oe Bawipa Jehovah, hete hnonaw hai taminaw ni hottelah a sak awh e doeh.

²⁰ Devit ni nang nama koe bangmaw a hloilah a dei han. Bangkongtetpawiteh, na san heh Oe Bawipa Jehovah nang ni koung na panue.

²¹ Na lawk kecu hoi na lungpouk e boiboe lah na sak e hno ka lentoe e hah na san koe na panue sak.

²² Hatdawkvah, Oe Bawipa Jehovah, nang teh na lentoe poung. Bangkongtetpawiteh, ka hnâ hoi ka thainae lah nang patet e awm hoeh. Nang nama hoeh laipalah Cathut alouke khoeroe awm hoeh.

²³ Izip ram miphun kuep hoi a cathutnaw thung hoi nama hanlah na ratang e, na taminaw hmalah ka lentoe e hno hoi na uk nahane dawk takikatho poung e hno ka sak hane hoi, a ma hanelah a rawi e, na tami Isarelnaw patetlah e, talai dawk miphun alouke apimaw kaawm.

²⁴ Bangkongtetpawiteh, na tami Isarelnaw hah a yungyoe na tami lah o nahane na coung sak teh BAWIPA nang nama teh a Cathut lah na o.

²⁵ Oe BAWIPA Cathut, na san dawk thoseh, ka imthung dawk thoseh, na dei e lawk hah a yungyoe caksak haw. Na dei tangcoung e patetlah sak lawih.

²⁶ Ransahu BAWIPA teh Isarelnaw ka uk e Cathut doeh telah na min hah yungyoe rasang lawi naseh. Nange na san Devit e imthung, na hmaitung caksak e lah ao han.

²⁷ Bangkongtetpawiteh, oe ransahu BAWIPA Isarel Cathut, na san koevah na imthung kangdue sak han telah lawk na dei toe. Hatdawkvah, na san

ni a lungthin hoi hete ratoum ngainae na hmaitung sak hanelah a hmu toe.

²⁸ Oe Bawipa Jehovah nang teh Cathut lah na o. Na lawk teh atangcalah ao. Na hawinae na san dawk lawk na kam toe.

²⁹ Hatdawkvah, na san imthung heh, na hmalah yungyoe pou ao thai nahanelah yawhawinae poe haw. Bangkongtetpawiteh, Oe Bawipa Jehovah, nama ni yo na dei toe. Na yawhawinae hoi na san imthungnaw teh yungyoe hoi yawhawinae awm seh telah ati.

8

Devit ni pou tânae

¹ Hathnukkhu hoi Devit ni Filistinnaw hah a tuk teh a tâ. Hahoi Devit ni Metheg Ammah kho hah Filistinnaw e kut dawk hoi a la.

² Moabnaw a tuk aw haw teh, talai daw k a yan sak. Rui hoi a bangnue teh ahu kathum touh daw k hu hni touh a thei aw h. Hottelah Moabnaw teh Devit ni imhu cawngnae kho lah a coung teh imhu ouk a poe aw h.

³ Zobah siangpahrang Rehob e capa Hadadezer ni Euphrates tui teng e talai ram la hane a cei navah, Devit ni a thei teh,

⁴ marangransa 1,700, ransa 20,000, a man teh leng 100 touh ama han a hruek hnukkhu alouke lengnaw pueng koug a tâtueng.

⁵ Damaskas kho e Siria tami Zobah siangpahrang Hadadezer kabawp hanelah ka cet e hah Devit ni Sirianaw thung daw k e tami 22000 touh a thei.

⁶ Hahoi Devit ni Siria ram Damaskas kho daw k ransa a sak, Sirianaw teh Devit koe san a toung aw h teh, imhu a cawng aw h. Devit a cei nah tangkuem BAWIPA ni tânae a poe.

⁷ Devit ni Hadadezer taminaw koehoi e suisaipheinaw a lawp aw h teh, Jerusalem kho vah a thokhai.

⁸ Devit ni Hadadezer kho Betah hoi Berothai hoi rahum moikapap a la.

⁹ Hamath siangpahrang Toi ni Hadadezer ransa pueng Devit ni koug a tâtueng tie a thai.

¹⁰ Hadadezer a tuk teh a tâ dawkvah, kâhuiko hane hoi yawhawi poe hanelah Toi capa Joram hah Devit koe a patoun. Bangkongtetpawiteh, Adadezer ni Toi hah ouk a tuk boi toe. Joram ni suimanang, ngunmanang, rahummanang hah a sin pouh.

¹¹ Hote manangnaw hah Devit siangpahrang ni BAWIPA koe thuengnae a sak.

¹² Siria, Moab, Ammon taminaw hoi Filistinnaw, Amaleknaw hoi Zobah siangpahrang Rehob capa Hadadezer koehoi e hnopai a la e naw doeh.

¹³ Devit ni palawi yawn daw k hoi a ban lampa Sirianaw 18000 a thei dawkvah a min a kamsawng.

¹⁴ Edom ram tangkuem koe ransa a hruek. Edom khocanaw teh Devit koe san a toung aw h. Devit ni a ceinae tangkuem daw k BAWIPA ni tânae a poe.

¹⁵ Hottelah Devit ni Isarelnaw a uk. A taminaw pueng lanna hoi a uk.

¹⁶ Zeruah capa Joab teh ransanaw kaukung kacuepoung lah ao. Ahilud capa Jehoshaphat teh kamthang kathutkung lah ao.

¹⁷ Ahitub capa Zadok hoi Abiathar capa Ahimelek hah vaihma lah ao roi.

¹⁸ Jehoiada capa Benaiah teh, Kereth tami hoi Peleth taminaw e kacue lah ao. Devit capanaw teh ram kaukung bawi lah ao aw h.

9

Devit ni Mephibosheth lung a pataw

¹ Jonathan koe pahrennae ka kamnué sak nahanelah, Sawl imthungnaw daw k hoi kaawm rae ao maw telah Devit ni ati.

² Sawl e sannaw thung e tami buet touh, a min Ziba ao teh Devit koe cei hanelah a kaw awh. Siangpahrang ni nang teh Ziba maw telah atipouh botéh, ahni ni, bokheiyah, na san kai doeh telah atipouh.

³ Siangpahrang ni Cathut lungpatawnae ka kamnué sak nahan Sawl imthungnaw thung daw k e kaawm rae awm hoeh na maw telah atipouh. Ziba ni, Jonathan ni capa buet touh a tawn teh a khokkhem telah atipouh.

⁴ Siangpahrang ni nâ maw ao telah a pacei. Ziba ni khenhaw! Lodebar kho e Ammiel capa Makhir im vah ao telah atipouh.

⁵ Hattoteh siangpahrang Devit ni tami a patoun teh, Lodebar kho e Ammiel capa Makhir im hoi ahni teh a thokhai awh.

⁶ Sawl capa Jonathan e capa Mephibosheth teh Devit koe a tho teh, a min hmai talai daw k tabei laihoi a tabut. Devit ni Mephibosheth telah a kaw, na san kai teh hivah ka o telah atipouh.

⁷ Devit ni na lungpuen hanh, na pa Jonathan kecu daw k na pahren hanelah, Sawl ni a tawn e pueng kai ni bout na poe han. Kaie caboi daw k bu pou na ven han toe telah atipouh.

⁸ A lûsaling teh kai ui ro patet e na san kai heh banglamaw khuek na pouk telah ati.

⁹ Siangpahrang ni Sawl e a san Ziba hah ama koe a kaw teh, Sawl hoi a imthung e hnopai pueng hah na bawipa e capa he ka poe toe.

¹⁰ Nama hoi na capa, na sannaw hoi lai na thawn pouh vaiteh, na bawi capa ni a ca hane kawi ao thai nahan, na tawk e a pawhik hah na tho khai han. Hateiteh, na bawipa e capa Mephibosheth ni ka caboi daw k bu pou a ven han telah atipouh. Ziba ni a ca 15 touh hoi a san 20 touh a tawn.

¹¹ Ziba ni siangpahrang koe vah, siangpahrang ka bawipa ni na san koe kâ na poe e patetlah na san ni ka sak han telah ati. Siangpahrang ni Mephibosheth teh ka caboi daw k siangpahrang capa buet touh patetlah bu pou a ca han toe telah ati.

¹² Mephibosheth ni capa cahnoung Mika a min phung e buet touh a tawn. Ziba im daw k kaawm e pueng teh Mephibosheth e san lah ao awh.

¹³ Mephibosheth teh, Jerusalem kho daw k ao teh, hnintangkuem siangpahrang e caboi daw k bu a ven, a khok kahni touh hoi a khem.

10

Ammonnaw hoi Sirianaw tânae

¹ Hathnukkhu, Ammon siangpahrang teh a due. A capa Hanun ni a na pa e yueng lah siangpahrang a tawk.

² Devit ni Hanun e a na pa Nahash teh kai koe ahawinae a sak dawkvah, pahrennae ka kamnué sak van han telah ati. A na pa a due nah lungpahawi hanelah a sannaw a patoun teh, Devit e sannaw teh Ammonnaw e ram koe a pha awh.

³ Ammon miphun kacuenaw ni amamae a bawipa Hanun koe vah, Devit ni na barilawa dawkvah, nang koe lungmawng nahanelah, tami a patoun e na yuem maw. Devit ni hete khopui a raphoe thai nahan ka tuet hanelah nang koe a patoun awh nahoehmaw telah atipouh awh.

⁴ Hanun ni Devit e a sannaw a man teh, a pâkhamuen tangawn a ngaw pouh. A khohna hai a laheibaw totouh a a pouh hnukkhu a cei sak.

⁵ Hote kamthang hah Devit ni a thai toteh, ahnimanaw teh a kaya poung dawkvah, ahnimanaw dawn sak hanelah a patoun teh, nangmouh teh pâkhamuen a saw hoehroukrak Jeriko kho dawkvah awm awh. Hahoi terei bout tho awh telah atipouh.

⁶ Ammonnaw ni vah, maimouh teh Devit e hmaitung panuettho e lah o awh han tie a panue awh teh, taminaw a patoun awh teh, Bethrekhob kho hoi Aramzobah kho e Siria ransa 20,000, hoi siangpahrang Maakah e tami 1,000, hoi Tob ram e tami 12,000 touh hah a hlai awh.

⁷ Devit ni hote kamthang a thai toteh, Joab hoi athakaawme ransanaw hah a patoun.

⁸ Ammonnaw hah a tâco awh teh, kho longkha koe a tungpup awh. Aramzobah kho, Rehob, Tob kho hoi ka tho e Siria tami hoi Maakah siangpahrang e taminaw teh aloukcalah law vah ao awh.

⁹ A hnukhma lahoi tuk hane na kâcai awh tie Joab ni a thai navah, Isarelnaw thung dawkh hoi kahawi kahawi e a rawi teh, Sirianaw tuk hanelah namranlah a tumpup awh.

¹⁰ Aloukenaw pueng hah a hmaunawngaha Abisai kut dawkh koug a hruek teh, Ammon tami tuk hanelah a tumpup sak awh.

¹¹ Siria taminaw ni kai na tâ pawiteh, nangmouh ni na kabawp han. Ammonnaw ni nangmanaw na tâ pawiteh, kaimouh ni na kabawp han.

¹² Tarankahawi lah awm awh. Ka taminaw hoi mamae Cathut khonaw hanelah thapatung awh nateh, tuk awh. BAWIPA ni a ngainae patetlah a sak han doeh atipouh.

¹³ Ama koe kaawm e taminaw hoi Siria taminaw tuk hanelah a pâmam awh teh, Sirianaw a yawng awh.

¹⁴ Sirianaw a yawng awh e Ammonnaw ni a hmu awh navah, ahnimouh hai Abisai hmalah a yawng awh teh, kho thung vah a kâen awh. Joab hai Ammon ram hoi a tâco teh Jerusalem kho lah a cei.

¹⁵ Sirianaw ni Isarelnaw e a hmalah amamanaw a sung e a kâpanue awh navah bout a kamkhueng awh.

¹⁶ Hadadezer ni tami a patoun teh, tui namran lah kaawm e Sirianaw a thokhai teh, Hadadezer ransa kacue e Shobak ni a hrawi awh teh, Helam kho lah a cei awh.

¹⁷ Hote kong Devit koe a dei pouh. Isarelnaw pueng koug a pâkhueng teh, Jordan tui a raka awh teh, Helam kho a pha awh. Sirianaw ni Devit tuk hanelah a kampawp awh teh a tuk awh.

¹⁸ Sirianaw teh Isarelnaw e hmalah hoi a yawng awh. Devit ni Siria tami leng dawkh kâcuinaw 700 hoi marangransanaw 40,000 touh a thei. Ransabawi Shobak hai a thei awh teh hawwah a due.

¹⁹ Hadadezer koe san ka toung e siangpahrangnaw pueng teh, Isarelnaw e hmaitung vah amamanaw a sung e a kâpanue awh navah, Isarelnaw hoi roumnae a sak awh teh, a thaw a tawkh pouh awh. Hottelah Sirianaw ni Ammonnaw hah bout kabawm ngai awh hoeh toe.

11

Devit hoi Bathsheba

¹ Kum a kamtawng teh siangpahrangnaw ni tarantuk hanelah a kamthawnae tueng navah Devit ni Joab hah a taminaw hoi Isarelnaw pueng hah a patoun. Ammonnaw a thei awh teh Rabbah kho hai a kalup awh. Hatei, Devit teh Jerusalem kho vah ao.

² Tangminlasa Devit teh a ikhun dawk hoi a thaw teh, imvan lempu a kâhlai navah, a meikahawi poung e napui tui kamhluk e hah a hmu.

³ Devit ni tami a patoun teh a pacei navah, Eliam canu Hit tami Uriah e a yu Bathsheba doeh atipouh.

⁴ Patounenaw bout a patoun navah, haw e napui hah ahni koe a thokhai awt teh a ikhai. Napui ni a kamthoung hnuukkhu a ma im lah a cei.

⁵ Hottelah napui hah camo a vawn. Camo ka vawn telah Devit koe a thai sak.

⁶ Devit ni Joab koevah, Hit tami Uriah hah kai koe tho sak telah lawk a thui teh, Joab ni Uriah teh Devit koe a cei sak.

⁷ Uriah a pha toteh, Joab hoi a taminaw bangtelah a dam awt maw. Tarantuknae koe ahawi ngoun maw telah a pacei.

⁸ Devit ni Uriah koevah, na im lah cet nateh na khok pâsu telah atipouh. Uriah teh siangpahrang im dawk hoi a tâco teh siangpahrang e canei kawi ni tang a pâlei.

⁹ Hatei, Uriah teh ama im lah cet hoeh, a bawipa e sannaw koe im takhang koevah a i.

¹⁰ Devit koevah, Uriah ama im lah cet hoeh telah a dei pouh awt. Devit ni Uriah koevah kahlawng ceinae koehoi na tho nahoehmaw, bangkongmaw nama im vah na cei hoeh telah atipouh.

¹¹ Uriah ni Devit koevah, thingkong, Isarel hoi Judah taminaw rim dawkvah ao awt teh, ka bawipa Joab hoi a sannaw kahrawngum a roe awt navah, kai teh kama im ka cei vaiteh ka canei vaiteh, ka yu koe ka i han na maw. Nang na hring e patetlah na san kai ni khoeroe ka sak mahoeh telah ati.

¹² Devit ni Uriah koevah, Sahnin hai hivah awm nateh tangtho torei na ceisak han telah atipouh. Uriah ni hot hnin a tangtho hnin totouh Jerusalem kho vah ao.

¹³ Devit ni a kaw teh a hmalah a canei teh a parui sak. Tangmin a ma im cet laipalah a sannaw hoi i hanelah a cei.

Uriah a due

¹⁴ Amom vah Devit ni ca a thut teh Joab a patawn, Uriah koe a phu sak.

¹⁵ Ca a patawn e dawkvah, Uriah teh taran apapnae koe hmalah cetsak nateh a thei awt vaiteh a due nahan yawng takhai awt telah ca dawkvah ao.

¹⁶ A dei e patetlah Joab ni kho hah a khet teh a tha ka sai e taran aonae koe Uriah ao sak.

¹⁷ Khocanaw teh a tâco awt teh Joab hah a tuk awt. Devit e sannaw tangawn a due teh Hit tami Uriah hai a due van.

¹⁸ Joab ni hote kamthangnaw hah Devit koe thaisak hanelah tami a kaw teh,

¹⁹ a patoun e koevah, siangpahrang koe tarankâtuknae naw na dei pouh toteh,

²⁰ siangpahrang teh a lungkhuek, tarantuk hanelah kho hah rek na hnai awt, rapan van hoi na tuk awt han doeh tie na panuek awt hoeh maw.

²¹ Jerubbesheth capa Abimelek hah apinimaw a thei hah. Thebez khovah napui buet touh ni cakang phawmnae a lû lae talung hoi rapan dawk hoi a pabo sin teh a thei. Bangkongmaw tungdumnae totouh na cei awt tepawiteh, na san Hit tami Uriah hai a due telah na dei han telah lawk a thui.

²² Joab ni lawk a thui e patetlah patoune ni Devit koe a dei pouh.

²³ Tarannaw ni kaimanaw atangcalah na tâ awh. Kahrawngum totouh na pâlei awh, na tuk awh. Kaimanaw ni hai kho longkha totouh ka tuk awh.

²⁴ Tarannaw ni rapan dawk hoi na sannaw na tuk awh teh, na san a tangawn a due awh. Na san Hit tami Uriah hai a due telah atipouh.

²⁵ Devit ni hete hno kaawm e dawk na lungpout sak hanh awh. Kâtuknae koe ouk due phung doeh, thakâlat awh nateh, puenghoi khopuinaw raphoe awh telah Joab koe tami a patoun teh lawk a thui.

²⁶ Uriah a due e a yu ni a thai toteh, a vâ hah a khui.

²⁷ A khuinae tuenga a pâpout toteh, Devit ni tami a patoun teh hote napui hah a im dawk a kaw teh a yu lah a la. Hote napui ni ca tongpa a khe pouh. Hateiteh, Devit ni a sak e hno ni BAWIPA lunghawi sak hoeh.

12

Devit yon pâphonae

¹ BAWIPA ni Devit koe Nathan hah a patoun. Nathan ni a kâen teh Oe siangpahrang, kho buet touh dawk tami kahni touh ao, buet touh teh ka tawnta e tami, buet touh teh ka roedeng e tami.

² Ka tawnta e ni teh maito hoi tu moikapap a tawn.

³ Ka roedeng e tami teh tulaca buet touh a ran teh a paca e hloilah alouke hno banghai tawn hoeh. Hote tulaca teh ama hoi a canaw hoi rei ao awh teh a rounng awh. Rawca hai rei a hmawng awh. Tui hai rei a nei awh. A bawipa e a lungtabue dawk kaawm e a canu patetlah doeh ao.

⁴ Ka tawnta e im dawk imyin buet touh a tho teh imyin paca hanelah amae tu hoi maitonaw thei hane a pasai teh ka roedeng e tulaca hah a la teh imyin hanelah a thawng pouh, telah atipouh.

⁵ Devit teh hote tami lathueng puenghoi a lungkhuek teh, Nathan koevah BAWIPA a hring e patetlah hot patetlae hno ka sak e teh a due hane roe doeh.

⁶ Pahrennae tawn laipalah, hot patetlae hno a sak dawkvah, tulaca yueng lah let pali touh hoi patho naseh telah ati.

⁷ Nathan ni Devit koe ahni teh alouke tami nahoe. Nang hah doeh. Isarel BAWIPA Cathut ni a dei e teh, Isarel siangpahrang lah satui na awi teh Sawl e kut daw hoi na hlout sak.

⁸ Na bawipa im dawk e râwnaw na coe sak, na bawipa e yunaw hai na lungtabue dawk ka hruek, Isarel imthung hoi Judah imthung hai na poe. Hotnaw hah youn rah pawiteh alouke hno hai na poe sin han rah.

⁹ Nang teh BAWIPA e kâlawk poe e na noutna hoeh. Bangkongmaw ka hmaitung vah kahawihoehe hno na sak. Hit tami Uriah hringnae tahloi hoi na thei teh, a yu hah na lawp. Ammonnaw hoi ahni teh tahloi hoi na thei.

¹⁰ Nang ni kai banglahai na noutna hoeh teh Hit tami Uriah e yu na la dawkvah, na imthungnaw teh tahloi hoi pou a kâhmo awh han toe.

¹¹ BAWIPA ni a dei e teh, na imthung daw hoi hno kahawihoehe ka tho sak han. Na hmaitung vah na yunaw ka la vaiteh, na imri hah ka poe vaiteh, kanithun vah a ikhai awh han.

¹² Bangkongtetpawiteh, nang ni arulaho ni sak, hatei kai ni Isarelnaw hmaitung kanî hmalah kamnue sak han telah ati.

¹³ Devit ni Nathan koevah, kai ni BAWIPA koe ka payon toe telah ati. Nathan ni Devit koevah, BAWIPA ni hai na yonnae na la pouh toe. Na dout mahoe.

14 Hateiteh, nang ni hottelah na payonnae lahoi BAWIPA e tarannaw koe dudam nahanelah na poe dawkvah, atu na hmu e na ca hah a due roeroe han telah atipouh. Hahoi Nathan ni a im lah a ban takhai.

Devit capa a due

15 Uriah e yu ni Devit hanelah a khe pouh e capa hah BAWIPA ni a hem teh ka nut lah a pataw.

16 Hatdawkvah, Devit ni camo hanelah Cathut koe a kâhei. Rawcahai laihoi karum tuettuet talai dawka yan.

17 A imthungnaw dawka e kacuenaw a thaw awh teh a pathaw awh hanelah a teng vah a kangdue awh. Hatei thaw ngai hoeh, ahnimouh koe rawcahai cat hoeh.

18 Asari hnin vah camo teh a due. Camo a due tie a sannaw ni Devit koe dei ngam awh hoeh. Bangkongtetpawiteh ahnimouh ni camo a hring nah maimouh ni dei e lawk hah thai han ngai hoeh, camo a due toe telah bangtelamaw maimouh ni dei ngam awh han. Amahoima runae kâpoe payon vaih telah ati awh.

19 Devit ni hottelah a sannaw ni arulawka duem a dei e a thai navah, camo a due tie Devit ni a panue. Hatdawkvah, Devit ni a sannaw koevah, camo a due toung maw telah ati. Ahnimouh ni oe a due toe telah atipouh awh.

20 Devit teh talai dawka hoi a thaw teh hak a kâpasu teh satui a kâhluk, a khohna a kâpahoung teh BAWIPA e im lah a cei teh a bawka. A im lah bout a ban teh bu ca hane a hei navah, a sannaw ni a rakueng pouh awh teh a ca.

21 A sannaw ni na hno na sak e hah bangmaw, camo a hring navah rawca nahai teh na khuika, hatei camo a due toteh na thaw teh rawca na ca telah atipouh awh.

22 Devit ni Oe, camo a hring navah rawca kahai teh ka ka, camo heh a hring thai nahan BAWIPA ni a pahren talang teh tie apinimaw a dei thai han ka ti dawka doeh.

23 Atuteh camo a due toe, bangkongmaw rawca kahai han vaw, bout ka hring sak thai han na maw. Ahni koe kai ka cei han, ahni teh kai koe bout ban mahoeh toe telah ati.

Solomon a khe

24 Devit ni a yu Bathsheba hah a lung a pahawi. Ahni koe a kâen teh a ikhai. Ahni ni ca tongpa buet touh a khe teh Solomon telah min a phung. Ahni teh BAWIPA ni a lung a pataw.

25 Profet Nathan hah a patoun teh camo e min teh BAWIPA e Jedidiah telah min a phung.

Rabbah kho a la

26 Joab ni Ammon ram Rabbah kho hah a tuk teh khopui hah a la.

27 Joab ni Devit koe patounenaw a patoun teh kai ni Rabbah kho ka tuk, tuti kapoekung khopui hah ka la.

28 Atuvah, ka cawi rae taminaw pâkhueng awh, khopui teng tumpup awh nateh tuk awh nateh lat awh. Khopui ka la vai teh kama e ka min lahoi ka kaw han telah ati.

29 Devit ni tami pueng a pâkhueng teh Rabbah vah a cei awh, a tuk awh teh a la awh.

30 Hahoi ahnimae siangpahrangnaw e bawilakhung a kâmuk e a la pouh awh. Sui talen buet touh a ri, aphukaawm e talung hai ao. Devit a kâmuk sak awh. Kho thung e hno moi a lawp awh.

³¹ Kho thung e khocanaw a tâco sak awh teh, hlaw hoi sumtaboung hoi cakâ hoi thaw a tawk sak awh teh, amhru hai a sak sak awh. Ammonnaw e khopuinaw hah hottelaha a sak awh. Devit hoi a taminaw pueng Jerusalem kho lah a ban awh.

13

Amnon hoi Tamar

¹ Devit e capa Absalom ni a tawncanu a meikahawi poung e buet touh a tawn. A min teh Tamar doeh. Devit e a capa Amnon ni ahni hah a ngai.

² Amnon teh Tamar a ngai lawi a takpatawkhai. Ahni teh tanglakacuem doeh. Ahni koevah bangpatet e hno a sak e hai Amnon hanelah coung thai hoeh.

³ Hatei, Amnon ni hui a tawn, a min teh Jonadab doeh. Ahni teh Devit e hmau Shimeah capa doeh. Jonadab teh huenghai kaawm e lah ao.

⁴ Nang teh siangpahrang e capa lah na o eiteh, hnin touh hnukkhu hnin touh bangkongmaw na kamsoe. Kai koe na dei ngai han na ou telah atipouh. Amnon ni ka nawngaha Absalom e a tawncanu Tamar ka lungpataw lawi doeh telah atipouh.

⁵ Jonadab ni vah, na ikhun dawk ka pataw lah kâsak loe. Na pa ni na khet navah, ka tawncanu kai koe tho naseh. Vaiyei ka ca hane na poe naseh. Ahni ni a thawng e cakawi kai ni ka hmu vaiteh, a kut dawk e ka ca hanelah ka hmalah thawng naseh na ti pouh han telah pouknae a poe.

⁶ Amnon teh pataw lah a kâsak teh a yan. Siangpahrang ni a khet navah Amnon ni siangpahrang koevah, pahren lahoi ka tawncanu hi tho sak nateh ka hmaitung vah vaiyei a phen kahni tabang na sak pouh seh, a kut dawk e ka ca han telah atipouh.

⁷ Devit ni Tamar koevah, na thangroi Amnon im vah cet nateh, ca hane kawi thawng pouh telah tami a patoun.

⁸ Tamar teh Amnon im a cei. Ahni teh ikhun dawk a yan. A kanawk e vaiyei hah a hmaitung vah a karê.

⁹ Ailo dawk hoi a sin teh a hmalah a pâtoum pouh. Hatei cat pouh ngai hoeh. Amnon ni taminaw be tâcawt sak ei telah ati dawkvah taminaw teh a tâco awh.

¹⁰ Amnon ni Tamar koevah, na kut dawk e ka ca hanelah ikhun koe thokhai telah atipouh. Tamar ni vaiyei phen a sin teh a thangroi Amnon e irakhan thung a ceikhai.

¹¹ Amnon ca hanelah a sin pouh navah a kut a kuet pouh teh ka tawncanu kai hoi ip roi sei atipouh.

¹² Tamar ni telah nahoeh ka thangroi, kai hah na pacekpahlek hanh. Isarel miphun dawk het patet e hno sak kawi nahoeh. Kahawihoeh e hno sak hanh.

¹³ Na sak pawiteh kayanae koehoi bangtelamaw hlout thai han vaw. Nang hai Isarel miphunnaw dawk tamipathu lah doeh na awm ti. Hatdawkvah, siangpahrang koe dei pouh. Kangek mahoe hie telah atipouh.

¹⁴ Hatei, ahni ni a lawk ngai pouh hoeh, a tawncanu hlak a tha ao dawkvah a tapam teh a ikhai.

¹⁵ Hahoi, Amnon ni a tawncanu hah bout a hmuhma, ahmaloe a lungpatawnae hlak a hmuhmanae hoe a len. Amnon ni thaw nateh cet leih atipouh.

16 A tawncanu ni vah telah nahoe. Het patetlah hrumhram na hrek e kai na yonkhai e hlak atu na hrek e doeh yonnae hoe kalen telah ati. Amnon ni noutna pouh hoe.

17 A san buet touh a kaw teh, hete napui heh pâlei leih. Tho taren sin haw atipouh.

18 Tanglakacuem siangpahrang canu ni ouk a khohna e patetlah a em kaawm e angkidung a kho. A san ni a hrek teh tho king a taren sin.

19 Tamar ni hraba a kâphuen teh a hni ka dung a em kaawm e koug a phi. A lû daw k a kut a toung teh a cei laihoi pueng hoi a khuika.

20 A thangroi Absalom ni, na hmau Amnon ni na pacekpahlek na maw. Lawkkamuem lah awmh. Ahni teh na thangroi doeh. Hete hni heh na lungthung vah thouk pouk hanh, telah atipouh. Hottelah Tamar teh a thangroi Absalom im vah, oru laihoi ao.

Absalom ni Amnon a thei

21 Hateiteh, siangpahrang Devit niteh, hote hno a thai navah, a lung puenghoi a khuek.

22 Absalom ni a hmaunawnggha Amnon koe banghai dei hane ngai hoe. A tawncanu a pacekpahlek dawkvah, Absalom ni Amnon a maithoe.

23 Kum hni touh a kuep hnukkhu Absalom teh Ephraim kho teng Baalhazor kho hoi, tu muen ngaw saknae paw i koe siangpahrang e canaw pueng a coun.

24 Absalom teh siangpahrang koe a cei teh, na san ni tu muen a ngaw pouh. Na sannaw kaw nateh, ka sannaw koe nama hoi rei cet awh telah atipouh.

25 Siangpahrang ni Absalom koe vah, telah nahoe, ka capa abuemlahoi he ka cet awh mahoe. Bangkongtetpawiteh, hmuenri phu lah awm payon vaih telah ati. Absalom ni a coun eiteh, cet ngai hoe. Yawhawinae hah a poe.

26 Absalom ni hottelah pawiteh, ka nawnggha Amnon hateh kaimouh koe tho van seh telah atipouh navah, siangpahrang ni bangkongmaw khuet a cei han telah atipouh.

27 Hateiteh, Absalom ni Amnon hoi siangpahrang e a canaw hah cei hanelah bout a coun.

28 Absalom ni a sannaw hah kenhaw! Amnon teh misurtui nei hoi a nawm lahun navah, Amnon hah thet awh ka ti navah na thei awh han. Taket awh hanh. Kâ na poe awh toe nahoehmaw. Tarankahawilah awm awh telah lawk a thui.

29 Hottelah Absalom e a sannaw ni Amnon daw k Absalom ni kâ a poe e patetlah a sak awh. Siangpahrang e a canaw a thaw awh teh amamae la daw k lengkaleng a kâcui awh teh a yawng awh.

30 Ahnimanaw a pha hoehnahlan, aloukenaw a tho awh teh, Absalom ni, siangpahrang e a canaw he a thei toe, buet touh hai hlung hoe telah Devit koe a thaisak awh.

31 Siangpahrang ni a thaw teh, a hni hah a ravei teh talai daw k a kamlei. A sannaw ni hai a hni a ravei awh teh a teng vah a kangdue awh.

32 Devit e a hmau Shimeah capa Jonadab ni, ka bawipa ni siangpahrang e a canaw heh a thei tie yuem hanh naseh. Bangkongtetpawiteh, kadout e teh Amnon dueng doeh. A tawncanu Tamar pacekpahleknae koehoi hete hno heh Absalom ni kâ a poe e patetlah sut pouk e lah ao toe.

33 Hatdawkvah, ka bawipa siangpahrang e a canaw heh a due telah pouk hanh naseh. Bangkongtetpawiteh, kadout e teh Amnon dueng doeh telah a ti.

³⁴ Absalom teh a yawng. Ramveng ni a radoung teh a khet nah, ahnie a hnuklah monhleplee lae lam dawka cet e tami moikapap a hmu.

³⁵ Jonadab ni siangpahrang capanaw a tho toe, na san ni a dei e patetlah doeh ao telah atipouh.

³⁶ Siangpahrang e a canaw teh a tho aw h teh kacaipounglah a ka aw h. Siangpahrang hai a sannaw hoi kacaipoung a khuika aw h.

³⁷ Hatei Absalom a yawng teh Geshur siangpahrang Ammihud capa Talmi koelah a cei. Devit ni hnintangkuem a capa hah a khui.

³⁸ Absalom teh Geshur koelah a yawng teh kum thum touh hawwah ao.

³⁹ Hahoi siangpahrang Devit ni Absalom koe cei hanelah dikdik a doun. Amnon due e dawka te, a lung yo a kâpahawi toe.

14

Jerusalem lah Absalom teh a ban

¹ Zeruah capa Joab ni siangpahrang e lungthin teh Absalom koe ao tie a panue.

² Joab ni Tekoa kho dawka tami a patoun. Haw e napui a lungkaang poung e hah a ma koe a kaw teh, lungkamathout e patetlah na o pouh han. Ro hni hah kâkhu nateh, satui hai kâhluk hanh. Ro koe atueng moikasawlah ka kap e napui patetlah na o pouh han.

³ Siangpahrang koe na cei vaiteh ahni koe hettelah na dei pouh han telah ati. Hottelah Joab ni a cangkhai teh a pâtu.

⁴ Tekoa kho e napui ni siangpahrang koe lawka a dei nah talai dawka minhmai kâbet lah a tabo. Oe siangpahrang na kabawm loe telah a ti.

⁵ Siangpahrang ni napui koevah, bangpatet lae runae maw na tawn telah ati. Napui ni ka vâ a due toe.

⁶ Na sannu koe capa kahni touh ao. Hote capa roi teh law vah a kâhmak roi teh katarakung ao hoeh dawkvah, buet fouh e ni buet touh e hah a thei.

⁷ A imthungnaw ni na sannu hah a tuk aw h. Ka hmaunawng hah kathetkung ka thei thai nahan na poe aw h haw. Râw kapangkung hai ka thei aw h han telah ati. Hottelah tet aw h pawiteh, kai dawka cawi rae hmaisaa ahnimouh ni a padue aw h han doeh. Ka vâ e min thoseh, ca catoun aw m laipalah talai dawka hoi koug a thei aw h han doeh telah atipouh.

⁸ Siangpahrang ni napui koevah, nama im lah cet lawih. Nange kong dawka kai ni ka dei han telah a ti.

⁹ Tekoa kho e napui ni siangpahrang koevah, oe siangpahrang ka bawipa, hete yonnae phu teh, kai hoi apa imthung koe bawt naseh. Siangpahrang hoi a bawitungkhung ni yon phawt hanh naseh telah a ti.

¹⁰ Siangpahrang ni nange kong dawka yon na ka pen e pueng hi tho sak, a rucatnae bout na poe aw h mahoe toe telah atipouh.

¹¹ Napui ni thi ka palawng naw koe kaie ka canaw a thei aw h hane ka ngaihri dawkvah, ahnimouh ni a thei hoeh nahan, siangpahrang na BAWIPA Cathut teh, pahnim roeroe hanh naseh. Nahoe pawiteh, ka capa a thei payon aw h han telah ati. Ahni ni BAWIPA a hring e patetlah na capa e samru buet touh boehai talai dawka bawt mahoe telah atipouh.

¹² Hatdawkvah napui ni, na sannu ni ka bawipa siangpahrang koe lawka kam touh bout dei naseh telah ati. Ahni ni dei loe atipouh.

13 Napui ni hai telah pawiteh, bangkongmaw Cathut e taminaw koe tarannae lahoi hettelah sak hane na kâcai. Siangpahrang ni a hrek e tami bout a kaw hoeh dawkvah, siangpahrang ni yon a pen tinae doeh.

14 Bangkongtetpawiteh, abuemlahoi he due aw hân. Talai daw k tui rabaw k e bout duek thai hoeh e patetlah doeh o aw h. Cathut teh tami minhmai a khet ei nakunghai, pâlei lah kaawm e tami teh, ama koehoi pou pâlei e lah kaawm e nahoe h.

15 Hatdawkvah siangpahrang ka bawipa koe vah, hete lawk dei hane ka thonae hai tami ka taki daw k doeh. Na sannu ni siangpahrang koe vah dei haw khe, ka kâhei e patetlah siangpahrang ni a kuep sak han doeh.

16 Siangpahrang ni kai hoi ka capa heh Cathut e râw coe hoeh nahanlah thei hanelah kakâcainaw thung hoi na sannu heh na rungngang hanelah na thai pouh han doeh telah ka ti.

17 Na sannu ni siangpahrang ka bawipa e lawk teh, hnâroumnae lah awm seh. A thoe hoi hawi kapek nahanelah siangpahrang ka bawipa teh, Cathut e kalvantami patetlah doeh ao. BAWIPA Cathut teh nang koe awm naseh ka ti, telah a ti.

18 Siangpahrang ni napui koe vah, kai ni na pacei e pueng banghai hrawk hanh telah ati. Napui ni siangpahrang ka bawipa dei yawkaw telah atipouh.

19 Hot patetlah siangpahrang ni hete kong daw kvah, Joab hai a baw k maw telah ati. Napui ni siangpahrang ka bawipa na hring e patetlah siangpahrang ka bawipa ni a dei tangcoung e teh aranglah thoseh, avoilah thoseh apinihai roun thai mahoe h. Bangkongtetpawiteh, na san Joab ni na patoun teh hete lawk pueng na sannu na cangkhai e doeh.

20 Na dum vaiteh, hettelah kâsak hanelah na san Joab ni a sak e doeh. Ka bawipa teh talai daw k hno kaawm e pueng panuethainae Cathut kalvantami patetlah a lungkaang e doeh telah atipouh.

21 Siangpahrang ni Joab koe vah, bokheiyah hete lawk kai ni ka dei han. Cet nateh thoundoun Absalom hah thokhai haw telah atipouh.

22 Joab teh talai daw k minhmai kâbet lahoi a tabo hnukkhu, siangpahrang koe lunghawi lawk a dei. Joab ni Oe siangpahrang ka bawipa ni, na san ni ka kâhei e patetlah minhmai kahawi na hmaitung vah ka hmu e ka lung a kuep e ka panue telah atipouh.

23 Joab teh a thaw teh Geshur kho lah a cei teh, Absalom hah Jerusalem kho lah a thokhai.

24 Siangpahrang ni a ma im cet naseh, ka mei hmawt hanh naseh telah ati. A dei e patetlah Absalom ni a im lah a cei teh siangpahrang e minhmai hmawt hoeh.

Devit ni Absalom a ngaithoum

25 Isarelnaw thung daw k Absalom patetlae a meikahawi, oup e lah kaawm e apihai awm hoeh. Khoktabei koehoi a lû totouh toun kaw i buet touh hai awm hoeh.

26 A sam a ngaw navah, siangpahrang e yawcu daw k a khing navah kum touh daw k shekel 200 touh a pha.

27 Absalom ni ca tongpa 3 touh hoi, a canu Tamar a min phung e a tawn. A canu teh a meilam hroung ahawi.

28 Absalom ni siangpahrang e a minhmai hmawt laipalah kum 2 touh thung Jerusalem kho vah ao hnukkhu,

29 Joab hah siangpahrang koe a patoun hanelah lawk a thui. Hateiteh, thao han ngai hoeh. Apâhni lawk bout a thui, tho han bout ngai hoeh.

³⁰ A sannaw koevah, kenhaw! Joab e law teh kaie law e a teng ca doeh ao. Catun hah cet aw h nateh, hmaisawi pouh aw h telah atipouh. Hottelahoi Absalom e a sannaw ni law teh hmai a sawi pouh aw h.

³¹ Joab ni Absalom koe a cei teh na sannaw ni kaie law bangkongmaw hmai a sawi aw h telah a pacei.

³² Absalom ni Joab koevah, bangkongmaw Geshur hoi ka tho. Haw e kho daw k pou kaawm pawiteh kai hane kahawi hane eiteh telah siangpahrang koe na patoun hanelah lawk na thui. Hatdawkvah, atuvah siangpahrang e mei na hmawt sak haw. Kai daw k yonnae aw m pawiteh, ahni ni na thet yawkaw naseh, telah a dei pouh.

³³ Joab ni siangpahrang koe a cei teh a dei pouh. Absalom hah a kaw teh siangpahrang koe a cei teh siangpahrang hmalah talai daw k rekkâbet lahoi a lûsaling teh a tabo. Siangpahrang ni Absalom teh a tapam teh a paco

15

Absalom taranthawnae

¹ Hathnukkhu hoi Absalom ni lengnaw hoi marangnaw hoi amae hmalah ka cet hane tami 50 touh a rakueng.

² Absalom teh amom a thaw teh, longkha koe ouk a kangdue. Siangpahrang koe rucat kâhmo e dei han ka tawn e pueng hah, Absalom ni a kaw teh api kho maw ouk atipouh. Ahnimanaw ni Isarel miphun thung e doeh ouk atipouh aw h.

³ Absalom ni ahni koevah na lawk dei e naw teh atang doeh. Hatei, nange kong ka dei hane siangpahrang hoi apinihai thai mahoe h telah ouk atipouh.

⁴ Kai teh hete ram daw k lawkcengkung siangpahrang lah na sak aw h haw pawiteh, lawk dei hane ka tawn e pueng kai koe a tho aw h vaiteh, kalancalah kai ni lawk ka ceng pouh han telah ouk atipouh.

⁵ Tami buetbuet touh barilawa lahoi a tho nah, Absalom ni a kut a dâw laihoi a ku et teh ouk a paco

⁶ Isarel siangpahrang koevah lawk dei hane ka tho pueng koe, Absalom ni hottelah ouk a sak. Hottelah Absalom ni Isarelnaw e a lungthin a paru pouh.

⁷ Kum pali touh aloum hnukkhu, Absalom ni siangpahrang koevah, Hebron kho vah BAWIPA koe e ka lawkkam a kuep nahan ka cei sak.

⁸ Bangkongtetpawiteh, na san ni Siria ram Geshur kho ka o navah, BAWIPA ni Jerusalem kho bout na cetsak pawiteh, BAWIPA e thaw ka taw k han telah lawk ka kam toe telah a ti.

⁹ Siangpahrang ni karoumcalah cet atipouh. Hat navah, Absalom ni a thaw teh, Hebron lah a cei.

¹⁰ Absalom ni mongka lawk na thai aw h tahma, Absalom teh Hebron kho daw k siangpahrang doeh telah na hram aw h han telah Isarel miphun pueng koe arulaho i katuetnaw a patoun.

¹¹ Absalom ni a kaw e tami 200 touh e Jerusalem kho thung hoi a cei van aw h. A lung kathoungpinalah banghai panuenae aw m laipalah a cei aw h.

¹² Devit e lawkcengkung Giloh koe e Ahithophel teh ama onae Giloh kho daw k, thuengnae a sak navah Absalom a kaw. Absalom hnukkâbangnaw teh tami moi a pap teh kâtaranna e hoe a len.

¹³ Patoune buet touh Devit koe a tho teh, Isarelnaw e lungthin teh, Absalom koelah koug a kamlang toe telah atipouh.

14 Devit ni maimanaw thaw awh vaiteh, yawng awh leih sei. Yawng hoehpawiteh Absalom kut daw k hoi hlout awh mahoe h toe. Karanglah cet awh sei. Hottelah nahoe h pawiteh, ahni ni tang na tuk awh vaiteh, maimae lathueng runae phatsak awh vaiteh, khopui hah tahloi hoi a tuk awh han doeh telah Jerusalem kho ama koe kaawm e sannaw koe a dei pouh.

15 Siangpahrang e sannaw ni, siangpahrang nang ni na dei e pueng ka sannaw ni sak hanelah coungkacoe ka o awh han telah ati awh.

16 Hahoi siangpahrang teh a imthungnaw hoi a cei awh. a im a ring sak hanelah a yudonaw 10 touh a hruok.

17 Siangpahrang a tâco teh taminaw ni a hnukkâbang awh teh, im a poutnae koe a kâhat awh.

18 A taminaw ni a yawngtahrei awh. Kerethnaw, Pelethnaw, Gitnaw, Gath kho e hoi a hnukkâbangnaw 600 touh teh, siangpahrang e hmalah a cei awh.

19 Siangpahrang ni Git tami Itai koe vah bangkongmaw kaimouh koe na kâbang. Ban nateh siangpahrang koe awmh. Nang teh miphun louk doeh. Hatdawkvah na onae koe lah ban lawih.

20 Paduem tangmin doeh nueng na tho. Kaimouh koe avoivang lah na cei han namaw. Nâ lah maw ka cei han tie ka panuek hoeh. Ban lawih, na hmaunawngghanaw kaw nateh ban leih. Pahrennae hoi yuemkamcunae teh nang koe vah awm seh telah atipouh.

21 Itai ni siangpahrang koe, BAWIPA hoi siangpahrang a hring e patetlah siangpahrang ka bawipa na onae pueng koe na san heh, due hai due, hring hai hring pou ao han doeh telah atipouh.

22 Devit ni Itai koe, cet awh nateh pou cet awh, telah ati. Hottelah Git tami Itai teh a taminaw hoi a canaw hoi pou a cei awh.

23 Khocanaw teh pueng hoi a khuika awh. A hnukkâbangnaw ni a cei awh teh, siangpahrang ama roeroe ni Kidron palang a raka teh taminaw pueng ni hai a raka awh teh, kahrawng lam koelah hoi a cei awh.

24 Zadok hoi Levihnaw pueng Cathut e thingkong a kâyawt lai hoi thingkong a patue awh. Taminaw ni kho a tâco takhai hoehroukrak Abiathar teh thuengnae a sak.

25 Siangpahrang ni Zadok koe vah, Cathut e thingkong teh khopui thung bout bankhai awh. BAWIPA hmalah minhmai kahawi ka hmawt pawiteh, na bankhai awh vaiteh, Cathut e thingkong hoi a onae bout ka hmu han.

26 Hateiteh, nang dawkvah lunghawinae khoeroe ka tawn hoeh tetpawiteh, kai hi ka o, ahawi ati e patetlah kai daw k sak naseh telah a ti.

27 Siangpahrang ni vaihma Zadok koe hai, nang teh kahmawtkung nahoehmaw, na capa Ahimaaz hoi Abiathar e capa Jonathan hai kaw nateh khopui thung ban awh.

28 Nangmanaw ni na thaisak hoehroukrak, kai ni kahrawngum e ayawn koe na ring awh han telah a ti.

29 Zadok hoi Abiathar ni Cathut e thingkong hah Jerusalem kho a ceikhai awh teh hawvah ao awh.

30 Devit teh a khuika lai hoi a lû a ramuk teh, a khokkhawm a rading teh khok caici lai hoi Olive Mon daw a takhang. A hnukkâbang e pueng ni a lû a ramuk awh teh, khuika lai hoi a takhang awh.

31 Absalom koelah kambawngnaw thung daw k, Ahithophel hai a baw van telah Devit koe a dei pouh awh. Devit ni Oe BAWIPA, Ahithophel ni pouknae a poe e hah pathunae lah coung sak haw telah a kâhei.

³² Mon koe a pha toteh Devit ni Cathut a bawk. Arki tami Hushai ni hai angki a ravei teh a lû dawk vaiphu a kâphuen laihoi ama kâhmo hanelah a tho.

³³ Devit ni kai koe na cet van pawiteh, kai na tarawk han doeh.

³⁴ Khopui koelah na ban vaiteh, Absalom koevah Oe bawipa kai teh nang koe san lah ka o han. Na pa koe san lah ouk ka o e patetlah atu na san lah ka o han na tetpawiteh, Ahithophel khopouknae ka ngang pouh kung lah doeh let na awm tih.

³⁵ Haw vah vaihma Zadok hoi Abiathar hai ao nahoehmaw. Hatdawkvah siangpahrang im e lawk na thai e pueng hah vaihmanaw koe bout na dei han.

³⁶ Zadok capa Ahimaaz hoi Abiathar capa Jonathan capa kahni touh ao. Na thai e pueng bout na thaisak nahanelah, ahnimanaw kai koe pou na patoun han telah atipouh.

³⁷ Devit e a hui Hushai teh kho thung vah a cei. Absalom hai Jerusalem kho koelah a pha.

16

Ziba ni Devit a kabawp

¹ Devit ni monsom kuet a tapoung navah, Mephiboseth e a san Ziba ni a dawm nahan la kahni touh a rakueng. Vaiyei tueng 200, misur bom ka ke e 100, thaibunglung paw 100, touh hoi misur um buet touh la dawk a phu sak.

² Siangpahrang ni Ziba koevah, bangtelah na sak hane maw hete hno heh na sin atipouh. Ziba ni la heh siangpahrang imthung a kâcui nahane, vaiyei hoi a pawnaw teh thoundounnaw ni a ca hane, misurtui hai kahrawngum a tha katawnnaw ni a nei hane doeh telah atipouh.

³ Siangpahrang ni na bawipa e capa hah namaw ao telah a pacei. Ziba ni Jerusalem kho dawk ao. Sahnin vah Isarel naw ni apa e uknae hah na poe han telah ati doeh na a telah atipouh.

⁴ Siangpahrang ni Ziba koe vah Mephiboseth ni a tawn e hno pueng nange lah ao toe telah atipouh. Ziba ni na hmalah kârahnoum laihoi ka tho. Oe siangpahrang ka bawipa, na minhmai kahawi ka hmu thai nahan pou kâyawm han telah atipouh.

Shimei ni Devit thoe a bo

⁵ Devit siangpahrang teh Bahurim kho a pha toteh, Sawl imthung Gera capa a min Shimei teh thoebo laihoi a tho.

⁶ Devit hoi siangpahrang e a sannaw hah talung hoi a dêi awh. Taminaw hoi athakaawme taminaw teh avoilah aranglah ao awh.

⁷ Shimei ni thoebo nalaihoi cet leih khe, cet leih khe, nange thi ka palawng e hoi tamikayon,

⁸ Sawl e a uknae a la teh, Sawl imthung e a thi paling nange na lû dawk BAWIPA ni a pha sak teh, a uknaeram teh na capa Absalom a poe toe. Thi ka palawng e lah na o dawkvah, namahoima runae na kâpoe e doeh telah atipouh.

⁹ Zeruiah capa Abishai ni siangpahrang koevah, bangkongmaw ui ro ni ka bawipa thoe a bo. A lû ka tâtueng pouh han telah atipouh.

¹⁰ Siangpahrang ni nangmouh Zeruiah capanaw, nangmanaw hoi kai teh bangpuibangga nahoeh. BAWIPA ni Devit hah thoebo lah awmseh, telah ahni koe lawk thui pawiteh thoebo yawkaw naseh. Hatdawkvah, bangkongmaw hettelah na sak telah apinihai tet pouh mahoeh toe.

¹¹ Devit ni Abishai hoi a sannaw koe, ka thung hoi ka tâcawt e ka capa ni, thei hanelah na noung pawiteh, Benjamin miphunnaw ni hothlak thei han na noung han doeh. Bangtelah hai tet awh hanh. Thoe na bo yawkaw naseh. BAWIPA ni a sak sak e doeh.

¹² BAWIPA ni ka rucatnae a hmu vaiteh, ahni ni thoe na bo e heh ahawinae koe lahoi BAWIPA ni na pathung e lahai ao han telah Abishai hoi a sannaw koe a dei pouh.

¹³ Devit hoi a taminaw teh lam daw koe a cei awh lahun navah, Shimei teh Devit hoi phekkadangka lah mon langboun g a cei teh, thoebo nalaihoi talung hoi a dei teh, vaiphu a kahei sin.

¹⁴ Siangpahrang hoi a hnukkâbangnaw teh a tawn poung awh. Jordan tui koe a pha awh teh a kâhat awh.

Ahithophel ni pouknae a poe

¹⁵ Absalom hoi a taminaw pueng Jerusalem kho a pha awh teh, ahni koe Ahithophel hah ao.

¹⁶ Devit e a hui Arki tami Hushai teh Absalom koe a pha toteh, Hushai ni Absalom koe vah, siangpahrang na hring saw naseh, siangpahrang na hring saw naseh telah yawhawinae a poe.

¹⁷ Absalom ni Hushai koe vah, hettelamaw na hui na lungpataw, bangkongmaw na hui koe na cei hoeh telah ati.

¹⁸ Hushai ni Absalom koe vah, ka cet mahoe h, Cathut ama hoi ahnimouh Isarelnaw ni a rawi awh e koe a san lah ka o han, ahni koe ka o han atipouh.

¹⁹ Apie thaw maw ka taw k han. A capa koe thaw ka taw k han nahoe hmaw. Na pa e hmalah thaw ka taw k e patetlah nange hmalah ka taw k han telah atipouh.

²⁰ Absalom ni Ahithophel koe bangtelamaw ka sak han, pouknae na poe haw telah atipouh.

²¹ Ahithophel ni na pa e a yudo im karingkungnaw a ta e naw koe kâen sin. Isarelnaw ni na pa ni na maithoe tie panuek awh vaiteh, nang koe kaawm e naw e kut teh a tha a sai awh han atipouh.

²² Hottelah imvan vah Absalom hanelah rim a sak pouh awh. Hottelah Isarelnaw e a hmaitung vah, a na pa e yudonaw koe a kâen.

²³ Hatnae tueng nah Ahithophel ni pouknae a poe e teh, Cathut lawk patetlah ouk pouk pouh e lah ao. Hot patetlah Ahithophel ni Devit hoi Absalom pouknae a poe e pueng teh, pouk pouh e lah ao.

17

Hushai ni Devit a pahnawt

¹ Ahithophel ni Absalom koe vah, tami 12, 000 rawi naseh. Sahnin tangmin ka thaw vaiteh Devit ka pâlei han.

² A tha a tawn teh a kut tha a youn navah, ka tuk vaiteh, a lung ka puen sak han. Ahni koe kaawm e pueng hah a yawng awh vaiteh, siangpahrang dueng hah ka thei han.

³ Taminaw pueng nang koe ka thokhai han na tawng e teh tami pueng hoi a kâvan han. Tami pueng bout a ban awh vaiteh, karoum cacah ao awh han telah ati.

⁴ Hote lawk hah Absalom hoi Isarelnaw miphun kacuenaw ni a ngai awh.

⁵ Absalom ni Arki tami Hushai hai kaw haw, a dei e hah maimouh ni thai pouh haw sei telah ati.

⁶ Hushai ni Absalom koe a pha toteh, Absalom ni Ahithophel ni hettelah a dei. A dei e patetlah sak han na maw, sak aw h mahoe h maw. Nahoe h pawiteh, nang hai dei van haw telah atipouh.

⁷ Hushai ni Absalom koe a pha toteh, Absalom ni Ahithophel ni pouknae a thokhai e heh hawi hoeh.

⁸ Hushai ni, na pa hoi a taminaw teh na panue toe. Athakaawme tami, ka matheng katang e tavom manu a ca la pouh e patetlah, doeh ao aw h. Hahoi, na pa teh taran ka tuk e lah ao teh, taminaw koe roe mahoe h.

⁹ Khenhaw! atuvah, lungngoum buetbuet touh koe a kâhro han doeh. Nahoe h pawiteh, alouke hmu en koe a kâhro han doeh. Tami tangawn ahmaloe la rawm lah dout aw h pawiteh, hote kamthang ka thai e ni Absalom hnukkâbangnaw teh, a due aw h toe telah a dei aw h han.

¹⁰ Tarankahawi e tami, sendek e lungthin ka tawn e patenghai a lung a pout han. Bangkongtetpawiteh, Isarelnaw pueng ni na pa teh athakaawme hoi ama koe kaawm e naw teh tami a thakasai e seng doeh tie hah a panue aw h.

¹¹ Hatdawkvah pouknae na poe han ka ngai e teh, Dan kho hoi Beersheba kho totouh, Isarelnaw teh tuipui teng e sadi yit touh nang koe a kamkhueng aw h teh, nangmanaw hai tarantuknae koe cet van aw h nateh,

¹² hottelah kâhmo thainae a hmu en pueng koe, talai daw k tadamtui ka baw t e patetlah muen na ramuk aw h vaiteh, ama hoi ahni koe kaawm pueng buet touh hai pâhlung aw h mahoe h.

¹³ Hothloilah, khopui buet touh koe kâen pawiteh, Isarelnaw pueng ni tangron sin vaiteh hote kho daw k cei aw h vaiteh, talungcanaw buet touh boehai ao hoeh totouh, palang vah koung sawn aw h han telah ati.

¹⁴ Absalom hoi Isarelnaw ni Arki tami Hushai ni pouknae a poe e teh Ahithophel ni pouknae a poe e hlak ahawi telah ati aw h. Bangkongtetpawiteh, BAWIPA ni Absalom e lathueng runae a pha sak thai nahan BAWIPA ni kahawipoung e Ahithophel pouknae a poe e a tapuet sak han a ngai daw k doeh.

Hushai ni Devit yawng hanelah kâhruetcuetnae a poe

¹⁵ Hushai ni vaihma Zadok hoi Abiathar koe vah, hottelah Ahithophel ni Absalom hoi Isarelnaw hah pouknae a poe, hahoi kai ni hai pouknae hot patetlah ka poe toe telah ati.

¹⁶ Hatdawkvah, atu tangmin vah, kahrawngum ayawn daw k roe laipalah, pou cet aw h. Nahoe h pawiteh, siangpahrang hoi a taminaw pueng teh koung a thei payon aw h han doeh telah Devit koe karanglah dei pouh aw h telah ati.

¹⁷ Jonathan hoi Ahimaaz teh Enrogel vah ao aw h teh, sannu buet touh ni ahnimouh koe ouk a dei pouh teh, ahnimouh ni Devit koe patuen ouk a dei pouh aw h. Bangkongtetpawiteh, khopui thung kâen e hah apinihai hmu hanelah aw m hoeh.

¹⁸ Hatei, camo ni a hmu aw h teh, Absalom koe a dei pouh. Hottelah kahni touh hoi vai touh lahoi a yawng roi. Bahurim tami buet touh thongma daw k tuikhu ka tawn e im daw k kâen roi teh tuikhu daw k a kâhro roi.

¹⁹ Hahoi, a yu ni tuikhu teh a khuem hoi a khuem teh cakang muen a vaw sin daw kvah apinihai panue k hoeh.

²⁰ Absalom e a sannaw hote im koe a pha aw h navah, Ahimaaz hoi Jonathan hah namaw ao roi telah napui koe a pacei aw h. Napui ni, palang namran lah yo a pha han doeh toe telah atipouh. Ahnimouh ni a tawng aw h teh hmaw t aw h hoeh toe. Hateh Jerusalem lah a ban aw h.

²¹ Hahoi, a ban aw hnuukhu, Ahimaaz hoi Jonathan teh tuikhu daw hoi a tâco roi teh, Devit siangpahrang koe a dei pouh roi. Devit koe vah thaw aw h nateh karanglah cet aw h leih. Bangkongtetpawiteh, hettelah Ahithophel ni nang na taranlahoi pouknae a poe telah atipouh.

²² Devit hoi ama koe kaawm e pueng a thaw aw h teh, Jordan tui a raka aw h. Khodai nah be a raka aw h toe. Ka rakat hoeh e tami buet touh hai aw m hoeh.

²³ Ahithophel ni pouknae a poe e hah tarawi aw h hoeh tie a thai aw h toteh, la a rakueng aw h teh ama kho lah a cei aw h. A imthungnaw kho a saknae kong kahawicalah cing a thui hnuukhu a kaithi. A mintoenaw e phuen koe a pakawp aw h.

²⁴ Devit ni Mahanaim kho koe a pha navah, Absalom teh Isarelnaw hoi Jordan tui a raka aw h.

²⁵ Absalom ni Joab e a manu Zerui ah e a nawng ha Nahash canu Abigail ka ipkhai e Ishmael miphun Ithra capa doeh.

²⁶ Isarel miphunnaw hoi Absalom teh Gilead ram daw k a tungpup aw h.

²⁷ Devit teh Mahanaim kho a pha toteh, Ammon ram Rabbah tami Nahash capa Shobi hoi Lodebar, Amiel capa Makhir hoi Rogelim hoi Gilead tami Barzillai tinaw ni,

²⁸ Hote taminaw teh kahrawngum vah a vonh lam aw h, a tawntam aw h, tui a kahran aw h telah ati aw h dawkvah, Devit hoi a taminaw ni canei hanelah catun, barli, pe a phunphun,

²⁹ khoitui, sanutuikamkak, tu, iphah, ailo, kawlung naw hah a sin pouh aw h.

18

Absalom duenae

¹ Devit ni ama koe kaawm e naw a touk teh 1000 kaukkung, 100 touh kaukkung kahrawikungnaw a rawi pouh.

² Devit ni tami a patoun teh hu thum touh daw k hu touh Joab ni a uk. Hahoi alouke hu thum touh daw k hu touh hah Joab e nawng ha Zerui ah capa Abisai ni a uk. Kaawm rae hu touh hah Git tami Ittai ni a uk. Siangpahrang ni taminaw koe kai kama roeroe hai nangmouh koe ka cei van han telah ati.

³ Taminaw ni cet hanh. Bangkongtetpawiteh, kaimanaw ka yawng aw h nakunghai banglah pouk mahoeh. Kaimanaw tangawn kadout aw h nakunghai banglah pouk mahoeh. Nang nama teh kaimanaw 10, 000 touh hlak apu na o hnawn. Hatdawkvah, kaimanaw hah khopui thung hoi na kabawm pawiteh hoe kahawi han telah atipouh.

⁴ Siangpahrang ni ahawi na ti aw h e patetlah ka sak van han, telah ati. Siangpahrang teh rapan longkha koe a kangdue. Taminaw 100 touh, 1000 touh e ransanaw lahoi a cei aw h.

⁵ Siangpahrang ni kaie minhmai na khet aw h vaiteh, ka capa Absalom heh paiyai lah tet aw h telah Joab, Abisai, Ittai tinaw koe lawk a thui. Hottelah siangpahrang ni Absalom hane lawk a thui navah, ransa kacuenaw ni lawk a thui e hah a thai aw h.

⁶ Taminaw teh Isarelnaw tuk hanelah tarantuknae hmuen a pâmam aw h. A kâtuknae a hmuen teh Ephraim ratu daw k doeh.

⁷ Isarelnaw teh Devit e a sannaw e hmaitung vah a sung aw h teh, haw e hnin daw k puenghoi kâtheinae lahoi tami 20, 000 touh a due aw h.

⁸ A hmuen tangkuem a kâtuk aw h teh hat hnin daw k tami ni thei e hlak ratu daw k kadout e hoe a pap aw h.

⁹ Devit e a sannaw ni Absalom hah a kâhmo aw h. Ahni teh la a daw k tahung lahoi a bu ka rung poung e thingkung rahim a kâen teh a lû teh hote thingkung daw k a mang pouh. Kahlun langboun g a kâbang teh la a madueng a yawng.

¹⁰ Kahmaw t e tami buet touh ni Joab koevah, kathen daw k Absalom a kâbang e ka hmu telah atipouh.

¹¹ Joab ni na hmu katang e pawiteh bangkongmaw na thei hoeh. Talai vah na bo sak hoeh. Hottelah na sak pawiteh, tangka shekel 10 touh hoi taisawm na poe hane nahoe h maw telah atipouh.

¹² Ahni ni Joab koevah, tangka 1,000 touh ka hmu hane nakunghai siangpahrang e capa daw k ka kut ka pho mahoe h. Bangkongtetpawiteh, ka hnâthai roeroe vah siangpahrang ni nang hoi Abisai, Ittai koe thoundoun Absalom teh api nang ni hai tek hanh aw h telah lawk na thui toe.

¹³ Kai ni ka thet pawiteh, kama ka kâdum e lah ka o teh, ka hringnae a loun hanelah ka o. Siangpahrang ni a panue hoeh e banghai aw m hoeh. Nang hai a hmalah na kangdue van han telah ati.

¹⁴ Joab ni hettelah pawiteh, nang koe kasawlah kaawm thai mahoe h, telah ati. Tahroe kathum touh ka sin ni teh kathen kung daw k a hring lah ka kâbang e Absalom e a lung daw k pouk a thut pouh.

¹⁵ Joab e senehmaica ka sin e thoundoun 10 touh ni a kalup aw h teh, Absalom teh kadout lah a thei aw h.

¹⁶ Joab ni mongka a ueng teh, Isarelnaw ka pâlei e hah koun g a ban aw h. Joab ni abuemlahoi a ngang aw h.

¹⁷ Absalom e ro a la teh, kahrawng e tangkom kadung poung e thung vah, a tâkhawng aw h teh avan vah, talung a pung sin aw h. Isarelnaw teh amamanaw aona e koe lengkaleng a ban aw h.

¹⁸ Absalom ni a hring nah siangpahrang yaw n daw kvah lungdon sut la a sak toe. Bangkongtetpawiteh, ka min a kahma hoeh nahanelah, ka capa hai ka tawn hoeh, telah ati. Hote lungdon hah a min a phu sak aw h teh, atu totouh Absalom pahnim hoeh nahanelah ati aw h.

Absalom a due e Devit ni a panue

¹⁹ Zadok capa Ahimaaz ni BAWIPA ni a taran moi a pathungnae kamthang hah siangpahrang koe ka dei han telah ati.

²⁰ Joab ni sahnin teh kamthang hah dei h hanh ei, alouke hnin daw k na dei vai nei. Siangpahrang e capa a due daw kvah, sahnin teh bang e kamthang hai dei hanh ei, telah atipouh.

²¹ Joab ni Kushi tami koe, cet nateh na hmu e hah dei loe telah atipouh. Kushi tami ni Joab koe a lûsaling teh kut a man teh a yawng.

²² Zadok capa Ahimaaz ni Joab koevah, bangtelah nakunghai Kushi tami ka pâlei han telah ati. Joab ni ka capa kamthang kahawicalah kaawm hoeh e hah bangkongmaw yawngkhai han khuet na ngai telah atipouh.

²³ Bangtelah hai ka yawng han telah ati daw kvah, yawng loe atipouh. Hatnavah, Ahimaaz teh kahrawng lam lahoi a yawng teh Kushi tami a yawngtahrei.

²⁴ Devit teh rapan longkha a rahak vah a tahung. Ramveng teh longkha van lah a luen teh a khet navah a madueng ka yawng e tami a hmu.

²⁵ Ramveng ni a hram teh siangpahrang koevah a dei. Siangpahrang ni tami buet touh dueng pawiteh, kamthang dei hane a phu han doeh telah ati. A yawng teh rek a hnai toteh,

²⁶ ramveng ni alouke tami ka yawng e bout a hmu. Ramveng ni tami buet touh a madueng ka yawng e ka hmu telah takhang ka ring e a kaw teh, siangpahrang ni ahni ni hai kamthang a phu dawk doeh atipouh.

²⁷ Ramveng ni ahmaloe e ka yawng e teh Zadok capa Ahimaaz e a yawng e doeh telah ka panue telah ati. Siangpahrang ni ahni teh tamikahawi doeh. Kamthang kahawi a phu dawk han doeh telah ati.

²⁸ Ahimaaz ni a hram teh, siangpahrang koe ahawi doeh, telah ati. Siangpahrang hmalah a minhmai talai dawk rekkâbet lah a tabut teh, bawipa, ka bawipa, siangpahrang nang koe kut pho hanelah kakâcainaw hah kangangkung BAWIPA Cathut min pholennae awm seh, telah ati.

²⁹ Siangpahrang ni Absalom a hlout maw telah a pacei. Ahimaaz ni siangpahrang e na san Joab ni kaie ka san hah a patoun navah, ruengruengti aw h e ka hmu. Hateiteh, kanceng lah ka panuek hoeh telah ati.

³⁰ Siangpahrang ni kaie ka teng kangdout haw atipouh teh, ahni teh a teng vah a kangdue.

³¹ Kushi tami a tho teh, siangpahrang, kamthang ka thokhai, nang na ka taran e naw hah BAWIPA ni ahnimanaw a yonnae patetlah a pathung toe telah atipouh.

³² Siangpahrang ni ka capa Absalom a hlout maw telah a pacei, Kushi tami ni siangpahrang e na tarannaw, nang ka dudam e naw pueng teh hote thoundoun patetlah koug awm naseh telah ati.

Devit ni Absalom a khui

³³ Siangpahrang teh a lung rei a thai. kho longkha e a lathueng lah a cei teh, a cei laihoi, Oe ka capa Absalom, ka capa, ka capa Absalom nange a yueng lah kai ka due hoeh aw. Oe Absalom, ka capa ka capa telah a khuika.

19

Devit ni Absalom a khui

¹ Siangpahrang teh Absalom hanelah a khui a ka tie Joab koe a dei pouh aw h.

² Hot hnin e tânae teh tami pueng hanelah lungmathoe nahanelah doeh ao. Siangpahrang ni a capa pou a khuikakhai tie hah a thai aw h.

³ Tarantuknae koehoi ka yawng e naw ni kayanae lahoi khotung duem a kâen aw h e patetlah hot hnin navah arulaho khotung duem a kâen aw h.

⁴ Siangpahrang ni a minhmai a ramuk teh, Oe ka capa Absalom, Oe Absalom, ka capa, ka capa telah kacaipounglah a khuika.

⁵ Joab ni siangpahrang koe a cei teh, imthungkhu a kâen, na hringnae na canu na capa a hringnae hoi na yu hoi na yudonaw a hringnae karungngangnaw hah sahnin vah na kaya sak aw h toe.

⁶ Nang na kamaithoenaw lung na pataw teh, nang lungpataw naw law teh na maithoe toe. Bangkongtetpawiteh, kacuenaw hoi ransanaw teh nama hanelah bang hoeh lah sahnin na kamnue sak. Absalom hring pawiteh, kaimanaw hah sahnin be kadout aw h pawiteh, na lung a hawi han doeh telah sahnin ka hmunae lah ao atipouh.

⁷ Thaw nateh alawilaw tâcawt nateh, na sannaw hnâroumnae lawk dei pouh leih. Na tâcawt hoehpawiteh, tami buet touh hai atu tangmin nang koe kaawm aw h mahoe h toe. Hote hno teh na nawca hoi sahnin totouh nang daw k kaawm e hlak hoe kathout han, telah BAWIPA thoebo laihoi ka dei telah atipouh.

⁸ Siangpahrang teh a thaw teh, rapan longkha koe a tahung. Siangpahrang rapan longkha koe a tahung e taminaw ni a thai awh toteh, ahni koe a cei awh. Isarelnaw teh amamae rim koelah be a kâran awh.

Jerusalem kho lah Devit a ban

⁹ Isarel miphunnaw dawk buet touh hoi buet touh kâounnae ao. Siangpahrang ni taran kut dawk hoi na runngang. Filistinnaw e kut dawk thung hoi na runngang. Atuvah Absalom kecu dawk ram thung hoi a yawng.

¹⁰ Maimouh ni satui awi awh e Absalom teh tarantuknae koe a due toe. Bangkongmaw siangpahrang bout bankhai awh hane na dei awh hoeh. Bangkong lawkkamuem lah na o awh telah a kâpakung awh.

¹¹ Siangpahrang Devit ni vaihma Zadok hoi Abiathar koe, Judah kacuenaw koe bangkongmaw siangpahrang hah a im lah ceisak hane, bangkong hnuk na teng awh. Isarelnaw ni a dei awh e lawk patenghai siangpahrang koe a pha teh a thai toe.

¹² Nangmanaw teh ka hmaunawngaha ka hru, ka tak doeh. Siangpahrang koe bout thaisak hane hah bangkong hnuk na teng awh.

¹³ Amasa koevah, nang hah kaie ka hru, ka tak lah na awm hoeh maw. Joab yueng lah ka hmaitung ransabawi lah na awm sak hoehpawiteh, Cathut ni ahawi ati e patetlah kai dawk sak naseh, telah dei pouh awh, telah tami a patoun.

¹⁴ Hottelah Judah miphunnaw hah lungthin buet touh e patetlah ao sak. Siangpahrang koevah, a taminaw hoi ban awh telah dei pouh hanelah taminaw hah a patoun.

¹⁵ Siangpahrang teh a ban teh, Jordan tui koe a pha. Judahnaw ni siangpahrang a dawn awh teh, Jordan tui namran lah thak hanelah Gilgal kho koelah a cei awh.

¹⁶ Benjamin miphun Bahurim kho e tami Gera capa Shimei teh karanglah siangpahrang dawn hanelah Judahnaw koe a cei van.

¹⁷ Benjamin miphun 1, 000, Sawl imthung e a san Ziba hoi a capa 15 touh hoi a san 20 touh a tho awh teh, siangpahrang e a hmaitung vah Jordan tui a raka awh.

¹⁸ Siangpahrang imthungnaw a thak sak nahanelah, a panki e sak nahanelah, a ceikhai awh. Jordan tui a raka awh navah, Gera capa Shimei teh siangpahrang hmalah a tabo.

¹⁹ Ka bawipa ni payonnae ka tawn e lah na pouk hanh naseh. Siangpahrang ka bawipa ni Jerusalem a tâcotakhai hnin vah, na san ni kalan hoeh e lah sak e hah, na pâkuem pouh hanh. Siangpahrang ni a lung dawk pâkuem hanh naseh.

²⁰ Na san ni yonnae ka sak e hah na san kai ni ka panue. Hateiteh, Joseph imthungnaw dawk, ka bawipa dawn hanelah ahmaloe ka tho e doeh telah ati.

²¹ Zeruiah capa Abisai ni BAWIPA ni satui a awi e thoe a bo dawkvah, Shimei hah dei hane nahoehmaw telah ati.

²² Devit ni nangmanaw Zeruiah capanaw sahnin kai na taran hane, kai hoi bangmaw na kâseng awh. Sahnin Isarel ka kâtet pueng thei hanelah maw kai teh sahnin Isarel siangpahrang lah ka o tie ka panuek hoeh na maw telah ati.

²³ Siangpahrang ni Shimei koevah, na dout mahoe telah lawk a kam.

Devit hoi Mephibosheth kâhmonae

²⁴ Sawl capa Mephibosheth teh siangpahrang dawn hanelah a tho. Siangpahrang a cei hnin hoiyah karoumcalah bout a tho hoehnahlan totouh, a khok pâsu hoeh, a pâkhamuen ngaw hoeh, a hni hai pâsu hoeh.

²⁵ Siangpahrang dawn hanelah Jerusalem kho koe a pha navah, siangpahrang ni Mephibosheth, bangkong kai koe na cei van hoeh telah ati.

²⁶ Oe siangpahrang ka bawipa, ka san ni na dum. Bangkongtetpawiteh, na san ni siangpahrang koe cei hanelah la kâcui thai nahanlah kârasoup han ka ti ei, na san teh ka khokkhem.

²⁷ Siangpahrang ka bawipa nang koevah, na san heh na pathoe. Hateiteh, siangpahrang ka bawipa teh, Cathut kalvantami patetlah ao. Ahawi na tie patetlah sak lawih.

²⁸ Bangkongtetpawiteh, imthungnaw heh siangpahrang hmaitung be thei hanelah a kamcu. Hatei, na san teh caboi dawc rawca ka ven e lah na o sak. Hatdawkvah, siangpahrang koevah kai ni hno alouke ka hei ngam hane bangmaw kaawm telah atipouh.

²⁹ Siangpahrang ni nange kong bangmaw dei hanelah kaawm. Nang hoi Ziba ni lawhmuen na kârei roi han telah kai ni ka dei toe tayaw telah ati.

³⁰ Mephibosheth ni siangpahrang koevah, siangpahrang teh ama im vah karoumcalah a pha dawkvah, ama ni abuemlahoi lat lawi naseh telah atipouh.

Devit ni Barzillai a pahren

³¹ Gilead tami Barzillai hah Rogelim kho lahoi a tho teh, siangpahrang teh Jordan tui rakakhai hanelah ahni koe a cei van.

³² Barzillai teh a kum 80 touh a pha toe. A matawng toe. Mahanaim vah siangpahrang ao nah thung teh canei hane kawi ouk a poe. Bangkongtetpawiteh, ahni teh ka tawnta poung e lah ao.

³³ Siangpahrang ni Barzillai koevah, kai koe tho van nateh, Jerusalem kho kai koe awm nateh, na kawc han telah atipouh.

³⁴ Barzillai ni siangpahrang koevah, nâsittouh maw ka hring rah vaiteh, Jerusalem siangpahrang koe ka cei van han vaiyoe.

³⁵ Sahnin kai teh kum 80 touh ka pha toe. A thoe hoi hawi kapek thai hoeh toe. Kai ni ka canei e a tui hoi tui hoeh e hai ka panue yaw toun; Tongpa napui naw e la sak pawlawk hai ka thai hoeh toe. Na san kai ni siangpahrang ka bawipa hanelah, hmuenri lah khuet ka o han vaw.

³⁶ Na san ni siangpahrang koe, Jordan tui na raka totouh dueng doeh ka tho thai ti. Bangkong nama siangpahrang ni het patetlae tawkpheu khuet na poe han vaw.

³⁷ Na san kai teh ka onae kho dawc, apa e tangkom koe ka due hanelah na ban sak leih. Na san Khimham ao doeh. Siangpahrang hoi rei cet sak. Ahawi na tie patetlah na sak han telah atipouh.

³⁸ Siangpahrang ni Khimham teh kai hoi rei ka cei roi han. Ahawi na tie patetlah ahni dawc ka sak han. Na hei e pueng hai na sak pouh han telah atipouh.

³⁹ Tami pueng hai Jordan tui namran lah a raka awh. Siangpahrang ama dueng a raka hnukkhu, Barzillai hah a tapam a paco teh yawhawi a poe teh aonae koe lah a ban.

Siangpahrang kong dawc kâounnae

⁴⁰ Siangpahrang teh Gilgal kho a cei. Khimham hai ahni koe a cei van. Judahnaw ni siangpahrang teh a thak awh. Isarel taminaw ni hai a thak awh van.

⁴¹ Isarelnaw pueng siangpahrang koe a tho aw hah teh, bangkongmaw hmaunawng hah Judahnaw ni hoe a hnai aw hah teh, siangpahrang hoi a imthungnaw hoi Jordan tui namran lah koug a ceikhai aw hah telah ati aw hah.

⁴² Judahnaw ni siangpahrang teh kaimou hoi kâhnai e lah ao dawkvah, bangkongmaw hete kong daw k na lungkhuek. Siangpahrang e rawcanaw kaimou ni ka ca ka nei aw hah maw. Kaimou koe na poe aw hah e hno ao maw telah Isarelnaw hanelah atipou hah.

⁴³ Isarelnaw ni Judahnaw koe kaimou ni siangpahrang daw k hah tou hah coe hane ka tawn aw hah. Devit dawkvah nangmanaw hlak pang hane hoe ka tawn aw hah. Siangpahrang ban sak hane kong daw k kaimou hoi apuengcue kâpannae aw m laipalah, bangkong kaimanaw na dudam aw hah telah Judahnaw koe bout a dei pou hah aw hah. Judahnaw e lawk hah Isarelnaw e lawk hlak hoe a hram.

20

Sheba taranthawnae

¹ Benjamin miphun Bikhri capa a min teh Sheba tie taran ka thaw e buet tou hah ao. Ahni ni mongka a ueng teh Oe Isarel miphun maimou hah teh Devit koe vah, buet tou hah hai coe hane tawn aw hah hoeh. Jesi capa koe vah raw coe hane kamcu aw hah hoeh. Isarelnaw namamae rim koe lengkaleng cet aw hah telah atipou hah.

² Isarelnaw ni Devit hnukkâbang aw hah hoeh toe. Bikhri capa Sheba hnuk a kâbang aw hah. Judahnaw ni Jordan hoi Jerusalem kho totou hah siangpahrang koe a kâhnai aw hah.

³ Devit ni Jerusalem ama im a pha toteh, siangpahrang ni a yudo 10 tou hah im ka ring hanelah a hruek e hah a ceikhai teh, a paung. A canei kapoenaw ni canei kawi a poe aw hah ei teh, amamou hah koe kâen aw hah hoeh. A due hnin totou hah a paung aw hah teh lahmianaw patetlah ao aw hah.

⁴ Siangpahrang ni Amasa koe vah, hnin thum tou hah thung Judahnaw hah kamkhueng sak nateh, ahnimou hoi rei na tho han telah atipou hah.

⁵ Judahnaw kamkhueng sak hanelah Amasa teh a cei. Hatei, Devit teh a hnin a khoe e hlak hnuk a teng.

⁶ Devit ni Abishai koe vah Bikhri capa Sheba ni Absalom hlak hai runae na poe han, na bawipa e sannaw kaw nateh ahnimanaw pâlei aw hah telah hoehpawiteh, ahni teh kacakpoung kho buetbuet tou hah kâen vaiteh, maimae kut daw k hoi a hlout han doeh telah Abishai koe a dei pou hah.

⁷ Joab e taminaw Kereth tami, Phelet taminaw hoi tami a thakasianaw ni a hnukkâbang aw hah. Jerusalem hoi Bikhri capa Sheba pâlei hanelah a kamthaw aw hah.

⁸ Gideon kho daw k e lungsong onae koe a pha aw hah toteh, Amasa ni ahnimanaw a dawn. Joab ni puengcang a kâmahrawk teh a keng daw k taisawm hoi tahloi a neng. A cei nalaihoi tahloi a yut teh a bo.

⁹ Joab ni Amasa koe vah, ka nawng hah na dam ou telah ati. Joab ni a kâsak teh a paco han a dei teh a pâkhamuen a rang lae kut hoi a kuet.

¹⁰ Joab ni avoila e kut daw k sarai a sin e hah Amasa ni a pouk hoeh dawkvah, a von daw k a thut pou hah teh a ruen hah talai daw k a bo. Bout thun hoeh toe. Amasa teh a due. Joab hoi a nawng hah Abishai ni Bikhri capa Sheba hah a pâlei roi.

¹¹ Ahni e a teng Joab e tami buet tou hah a kangdue teh, Joab hoi Devit koelah ka kampang e pueng ni Joab heh pou ring naseh telah a ti.

¹² Amasa teh lam dawkvah a thi hoi pukkâkaawk. Ka tho pueng ni a hmu aw hawh teh a kangdue aw hawh. Joab e tami ni taminaw a kangdue e a hmu aw hawh toteh, Amasa e a ro hah lam dawkvah hoi a la aw hawh teh, kahrawng vah a puen aw hawh teh hni hoi a ramuk aw hawh.

¹³ Haw e lam dawkvah hoi a puen aw hawh hnukkhu, Bikhri capa Sheba pâlei hanelah taminaw ni, Joab e hnuk a kâbang aw hawh.

¹⁴ Joab ni Bethmaakha ram Abel kho totouh Isarel ram pueng koe a cei. Bere taminaw koehai a cei teh taminaw a pâkhueng teh, Sheba hnuk a kâbang aw hawh.

¹⁵ Sheba a luennae Bethmaakha ram Abel kho hah a kalup aw hawh. A kho teng vah talai avoivang lah a paten aw hawh. Rapan raphoe hanelah thouk a phom aw hawh.

¹⁶ Hatnavah, a lungkaang e napui buet touh ni kothung hoi a hram teh a dei e teh, thai aw hawh, thai aw hawh. Kai ni Joab hoi lawk ka dei thai nahanelah tho loe telah Joab koe dei pouh aw hawh telah a ti.

¹⁷ Joab rek a hnai teh napui ni nang hah Joab vai khe, telah a pacei. Oe kai doeh atipouh. Napui ni kaie lawk thai haw atipouh navah, Joab ni ka thai doeh telah atipouh.

¹⁸ Ayan teh Abel kho vah kho a khang aw hawh han rah, ouk ati aw hawh. Hottelah laidei pou a tâtueng aw hawh.

¹⁹ Kai teh Isarelnaw dawkvah roumnae ka ngai e hoi yuemkamcu e lah ka o. Nang teh Isarel kho koug raphoe hanelah na kâcai. Bangkongmaw BAWIPA e râw hah he pahma hanelah na kâcai telah a dei.

²⁰ Joab ni he pâhma hane, raphoe hane kâcainae aw m hoeh bo.

²¹ Hottelah nahoe bo, Ephraim mon dawkvah e Bikhri capa a min teh Sheba ni amae siangpahrang hah a taran toe. Ahni hah na poe aw hawh. Na poe aw hawh pawiteh kho dawkvah hoi ka tâco han telah ati. Napui ni Joab koevah, khenhaw! a lû teh rapan hloilah ka tâkhawng han telah a ti.

²² Hote napui teh a lungang e patetlah taminaw koe a cei hnukkhu, Bikhri capa Sheba lû a tâtueng aw hawh teh Joab koelah alawilah a tâkhawng pouh aw hawh. Joab ni mongka a ueng teh taminaw teh hote kho dawkvah hoi amamouh onae koe bout a ban aw hawh. Hahoi, Joab teh Jerusalem siangpahrang koe a ban.

Devit kut rahim e kacuenaw

²³ Joab teh Isarel ransanaw e ransabawi lah ao. Jehoiada capa Benaiah teh Kereth tami hoi Pelet taminaw kaukung lah ao.

²⁴ Adoram teh tamuk thaw ka kuen e lah ao. Ahilud capa Jehoshaphat teh kamthang kathukung lah ao.

²⁵ Sheva teh ca kathukung lah ao. Zadok hoi Abiathar teh vaihma lah ao.

²⁶ Jair tami teh Devit e ram kaukung bawi lah ao.

21

¹ Devit e tueng dawkvah kum thum touh rawca takang a tho teh, Devit ni BAWIPA koe lawk a pacei, BAWIPA ni Sawl hoi a imthung, thipalawngnae kecu dawkvah doeh, Gibeon taminaw a thei aw hawh telah ati.

² Siangpahrang ni Gibeon taminaw a kaw. Gibeon taminaw heh Isarel mipahun e a canaw nahoe. Amor tami dawkvah e ka cawi e doeh. Isarelnaw ni ahnimouh koe lawk a kam aw hawh toe. Sawl ni Isarel mipunnaw hoi Judahnaw hanelah a panki pouh e kecu dawkvah thei hane ouk a kâcai aw hawh.

³ Devit ni Gibeonnaw koe bangmaw na sak pouh awh han. BAWIPA e râw hah yawhawi na poe awh thai nahan, bangpatet lae yonthanae maw ka sak han telah atipouh.

⁴ Gibeonnaw ni ahnimanaw koe, Sawl hoi a imthungnaw dawk tangka hoi sui ka het awh hoeh. Isarelnaw buet touh hai thei thainae ka tawn awh hoeh telah ati. Ahni ni na dei e pueng kai ni na sak pouh han telah atipouh.

⁵ Ahnimouh ni siangpahrang thei hane ka kâcai e hoi Isarel ram roeroe dawk ao hoeh nahanelah, na kayouknaw,

⁶ a capa sari touh na poe awh haw. BAWIPA ni a rawi e Sawl onae Gibeah vah BAWIPA hmaitung kâbang awh han telah ati. Siangpahrang ni na poe awh han telah atipouh.

⁷ Hateiteh, siangpahrang ni BAWIPA koevah, Devit hoi Sawl e capa Jonathan rahak, ahnimouh roi a rahak e lawk a kam e kecu dawk Sawl e capa Jonathan e capa Mephibosheth hah a hlout sak.

⁸ Siangpahrang ni Aiah canu Rizpah ni Sawl hanelah ca tongpa kahni touh, Armoni hoi Mephibosheth, Sawl canu Mikhal ni Meholath tami Barzillai capa Adriel hanlah a sak pouh e ca tongpa panga touh a la teh,

⁹ Gibeonnaw e kut dawk a poe. Ahnimanaw ni BAWIPA hmalah mon dawkvah a bang awh. Hottelaho sari touh e naw teh a due awh. Canga tue nah hnin touh dawk a thei awh teh, a due awh.

¹⁰ Aiah canu Rizpah ni burihni a la teh, canga a kamtawng koehoi kho a rak hoehnahlan totouh, napon hah a la teh, talung van dawk a i nahan a phai. Kanîthun vah ro e a van vah tava a cu hane hoi tangmin vah sarang ni ca hane a pasoung hoeh teh a ring.

¹¹ Aiah canu Sawl e a yudo Rizpah hno a sak e Devit koe a dei pouh awh.

¹² Filistinnaw ni Gilboa mon dawk Sawl a thei awh teh, a ro hah a bangnae, Bethshan lam hoi kaparawtnaw Jabesh hoi Gilead ram e khocanaw aonae koe siangpahrang ni a cei teh, Sawl e a hru hoi a capa Jonathan e a hru hah a la awh.

¹³ Hote hmuen koehoi Sawl hoi Jonathan e a hru a ceikhai awh teh, a bang awh e hru hai a la awh.

¹⁴ Sawl hoi a capa Jonathan e a hru hah Benjamin ram e Zelah kho e a na pa Kish e tangkom dawk a pakawp awh teh, siangpahrang ni kâ a poe e patetlah a sak. Hathnukkuh a ram hane ratoumnae lawk hah Cathut ni a thai.

Filistin tami kalen theinae

¹⁵ Filistinnaw ni Isarel hah bout a tuk awh. Devit teh a taminaw hoi a cathuk awh teh, Filistinnaw hah a tuk awh nah, Devit teh hroung a tawn.

¹⁶ Ephraim miphun Ishbibenob tami Rapha catoun Ishbibenob, a tahroe a ri e rahum shekel 300, tahloi a katha e hoi Devit thei hanelah a kâcai.

¹⁷ Zeruah capa Abishai ni a kabawp teh, Filistin tami hai a thei. Hatnavah, Devit e a taminaw ni. Isarel angnae roum langvaih tie hah a ngaihri awh dawkvah, nang teh kaimanaw hoi na cet mahoeh telah lawk a kam awh.

¹⁸ Goba kho vah, Filistinnaw a tuk awh navah, Hushath tami Sibbekhai ni Ephraim miphun Saph hah a thei.

¹⁹ Filistinnaw hoi Goba khovah, bout a kâtuk awh. Bethlehem kho e Joareoregim capa Elhanan ni Git tami Goliath hah a thei. A tahroecung teh hni kawng kalawng e patetlah ao.

²⁰ Gath khovah kâtuknae bout ao teh, hawvah, ka rasang poung e aranglae kut roi dawk kutcarei taruk touh, avanglae a khok roi dawk

a khokcarei taruk, asumkum 24 touh ka tawn e ao. Filistin miphun tamikalennaw doeh.

²¹ Isarelnew a tuk navah, Devit e a hmau Shimei capa Jonathan ni ahni hah a thei.

²² Ahnimanaw pali touh e naw teh, Gath kho dawk kaawm e Rapha tami kalenpounge capa lah ao teh, Devit hoi a sannaw e kut dawk hoi a due awh.

22

Devit e lunghawi la

¹ Devit ni, Sawl hoi a taran pueng e kut thung hoi BAWIPA ni a rungngang nah hnin vah, BAWIPA e hmaitung a sak e lanaw teh:

² BAWIPA teh kaie lungsong, kaie rapan, kai na kahloutsakkung bawi.

³ Ka thaonae kaie Cathut, kai ni ka kâuep e, ka bahling hoi kai rungngangnae ki, ka rapanim kânguenae lah ao. Kaie rapan lah na o. Rektapnae thung hoi na rungngang haw.

⁴ Pholen han kamcu e BAWIPA teh ka kaw vaiteh, taran kut dawk hoi na rungngang han.

⁵ Duenae tuicapa ni na kalup teh Cathut banglah noutnaehoenae tuicapa ni na taki sak.

⁶ Sheol lungmathoenae ni na kalup aw haw teh, duenae karapnaw ni sut na pawp.

⁷ Ka lungreithai navah, BAWIPA ka kaw teh, ka Cathut koevah ka hram. Bawkim dawk hoi ka lawk a thai teh, ka hramnae lawk hah a hnâ thung a kâen.

⁸ Hatnavah, a lungkhueknae lahoi talai a kâhuetsak, kalvan du ditouh lengleng a kâhuet.

⁹ A hnawng dawk hoi hmaikhu a tâco teh, a pahni dawk hoi hmaikaknae lahoi, hmaisaaan kaman sak.

¹⁰ Ama ni kalvan hai a pakui teh, a khoktabei rahim kho lah a hmo.

¹¹ Cherubim a kâcui teh a kamleng. Bokheiyah, kahlînaw e rathei van a hmu aw haw.

¹² A hmonae hah ama kalupkung lah a sak teh, tui hoi katha poung e tâmainaw a pâkhueng teh,

¹³ a hma lae angnae lahoi hmaisaaan a kaman sak.

¹⁴ BAWIPA teh kalvan vah a cairing teh, ka lentoe poung e Cathut ni lawk a dei.

¹⁵ Licung samtang a pathui teh, ahnimanaw a kâkayei sak. Sumpapalik sak teh ahnimanaw hah a rawk sak.

¹⁶ BAWIPA ni yuenae hoi a hnawng dawk hoi kahlî a tâco sak e lahoi, tuiptui a dengnae koehoi talaivan adu ungnae hah koung a kamnue sak.

¹⁷ A rasangnae hmuen koehoi a kut a kâyap teh, tui moikapap thung hoi na rasa.

¹⁸ A thakasaipoung e taran kut thung hoi na rungngang. Ahnimouh ni kai na hmuhma aw haw teh, kai hlak a thasai aw haw.

¹⁹ A rucatnae koe ka phanae tueng dawk, na ngang aw haw nakunghai, BAWIPA teh kaie kânguenae lah ao.

²⁰ Kai hah kalenpounge hmuen koe na ceikhai aw haw teh, kai dawk a lunghawi dawkvah, na hlout sak.

²¹ BAWIPA ni ka lanna patetlah na tawkphu na poe teh, ka kut a thoung e patetlah na patho.

²² Bangkongtetpawiteh, BAWIPA e a lamthung hah pou ka dawn teh, kaie Cathut koehoi yon hoi kahmat boihoeh.

²³ A lawkcengnae pueng hah ka hmaitung vah ao. A phunglam ka cettakhai boihoeh.

²⁴ A hmaitung hai toun hane kawi lah kaawm hoeh. Ka payonpakainae dawk hoi na hlout sak.

²⁵ Hatdawkvah, ka lannae patetlah na pathung. A mithmu vah kathounge patetlah na patho.

²⁶ Pahrennae ka tawn e koe pahrennae ka tawn e patetlah na kamnue teh, tamikalan koe tamikalan lah na kamnue van han.

²⁷ Tamikathoung koe, kathounge lah na kamnue vaiteh, tami lungkap-ataknae koe a lungpatanae lahoi na kamnue van han.

²⁸ Kârahnoum e tami hah na rungngang teh, kâoupnaw na pabo hanelah pou na khet.

²⁹ Oe BAWIPA, nang teh kaie hmaiim lah na o. BAWIPA ni kaie hmonae a ang sak han.

³⁰ Kai ni nang na kângue e lahoi ransahu ka tâ teh, rapan hai ka yawngtapue thai.

³¹ Cathut e a lamthung teh a kuep. Yuemkamcu lawk teh tanouk lah ao. Kâuepnaw pueng hanelah bahling lah ao.

³² BAWIPA hoeh e laipalah Cathut alouke ao maw. Cathut laipalah, lungsong alouke ao maw.

³³ Cathut teh ka thaonae hoi ka kângue e lah ao, ka lamthung a hmacawn sak.

³⁴ Ka khok heh sayuk e a khok patetlah a hue a rang sak teh, a hmuen karasang e koe na o sak.

³⁵ Ka kut teh tarantuk nahan a cangkhai. Hottelah rahum licung hai ka sawn thai.

³⁶ Nama ni rungngangnae saiphei hah na poe teh, a lungsawnae lahoi kai teh na tawm rasang e lah ka o.

³⁷ Kai ni ka cei nahane lamthung na pacei teh, ka khoknaw hai thawn hoeh.

³⁸ Ka tarannaw ka pha teh ka thei, koung ka thei hoehroukrak kai ni ka ban hoeh.

³⁹ Kaie ka khok rahim a rawp awh teh, a thaw thai awh hoeh nahanelah, katinkaawi teh ka thei.

⁴⁰ Bangkongtetpawiteh, tarantuk sak hanelah, nang ni thaonae hoi na pathoup teh, kai na katuknaw hah kaie rahim na sung sak.

⁴¹ Kai na ka hmuhma e a lahuennaw hah kai koe na poe teh, nama ni kai na katuknaw hah hnuklah na kamlang sak.

⁴² A hram awh ei, ka rungngang hane tami awmhoeh. BAWIPA teh a khet awh ei, pato awh hoeh.

⁴³ Hatnavah, kai ni ahnimanaw hah vaiphu patetlah reppasei lah ka phawm teh, lam dawk songnawng patetlah ka coungroe awh teh, kaheikalai awh.

⁴⁴ Nang ni ka taminaw hoi hawihoehnae dawk hoi na rungngang teh, Jentelnaw e kaukkung lah na o sak nahanelah, na ring e ka panuek boihoeh e naw ni, kaimae thaw a tawk awh han.

⁴⁵ Jentelnaw hah kai koe a kâpoe awh vaiteh, a thai awh tahma ka lawk a ngai awh han.

⁴⁶ Jentelnaw a tâco awh han.

⁴⁷ BAWIPA teh yungyoe a hring. Kaie lungsong, pholennae lah awm seh. Kaie rungngangnae lungsong Cathut teh, tawmrasang e lah awm naseh.

⁴⁸ Kai koe lah moi ka pathung pouh e hoi miphun pueng kaie rahim ka pabawt e teh katâkung Cathut doeh.

⁴⁹ Tarannaw e kut dawkhoy, na hlout sak. Kai na ka taran naw e a lathueng vah, na tawm teh, ka mathoutmakainaw e kut dawkhoy na hlout sak.

⁵⁰ Hatdawkvah, Oe BAWIPA, kai teh Jentelnaw koevah, lunghawinae lawk ka dei vaiteh, na min pholennae la ka sak han.

⁵¹ Cathut teh a siangpahrang hanelah, rungngangnae imrasang lah ao teh, satui a awi e Devit hoi a canaw koe lathueng vah yungyoe hoi yungyoe totouh, pahren lungmanae a kamnue sak.

23

A hnukteng Devit e lawk

¹ Hetnaw teh a hnukteng Devit ni lawk a dei e naw doeh. Jesi capa Devit a rasangnae koe tawmrasang e lah ao teh, Jakop Cathut ni satui a awi e, Isarel hanelah la kahawi ka phuengkung ni hettelah a dei.

² BAWIPA e Muitha ni kai hno lahoi a dei. A lawk teh ka lai dawkhoy.

³ Isarel Cathut Isarel lungsong ni, kai koevah a dei. Taminaw kaukung teh, a lan roeroe vaiteh, Cathut taki nalaihoi a uk han.

⁴ Khopâui hoeh, kanî ka tâcawt e amom e angnae patetlah thoseh, khorak hnukkhu, kanî a tâco teh talai dawkhoy hoi phokahring ka cawn e patetlah thoseh ao han.

⁵ Ka imthung teh Cathut hoeh laipalah nakunghai, a yungyoe lawkkamnae kai hoi ka sak roi toe. Hote lawkkam teh tangka kuep hoeh nakunghai, kai rungngangnae hoi kai ni ka ngainae lah ao.

⁶ Kai cungkeihoeh taminaw teh, tâkhawng e pâkhih patetlah ao. Bangkongtetpawiteh kut hoi la thai lah awm hoeh.

⁷ Ka tek e tami ni sum hoi tahroe hah hno han a ngai. Hahoi teh, amamae hmuen dawkhoy hoi koug sawi lah ao han telah na pato a ti.

Devit e tami a thakasainaw

⁸ Hetnaw heh Devit e athakaawme taminaw doeh. Takhemon tami Joshebbashebeth teh ransa kacuenaw thung dawkhoy kacuepoung e lah ao. Ahni teh tahroe hah a sin teh, tami 800 touh vaitalahoi a thei.

⁹ Ahni hnuk vah, Aho capa Dodo, Dodo capa Eleazar doeh. Ahni teh taran ka tuk hanelah kamkhueng e Filistinnaw hoi a kâtâ awh lahun hah, Isarelnaw koug a yawng navah, Devit koe e athakaawme taminaw katham touh thung dawkhoy e buet touh lah ao.

¹⁰ Ahni teh a thaw teh, Filistinnaw koe a kut a pho teh a kut nget a tawn totouh Filistinnaw hah a bouk. Hot hnin vah BAWIPA ni lentoenae lahoi a tâ pouh. Ahnimanaw teh tarannaw e hnopai hah a la hanelah doeh a ban awh toe.

¹¹ Ahni hnuk vah, Hararite tami Agee capa Shammah doeh. Baphoungkung a thanae hmuen koe Filistinnaw a kamkhueng awh teh, taminaw ni Filistinnaw a yawng takhai awh.

¹² Ahni teh hote hmuen koe a kangdue teh a ring. Filistin tami hah a thei teh, BAWIPA ni kalenpoung tanae a poe.

¹³ Ransa tarankahawi e thung dawkhoy 30 touh a cathuk awh teh, canganaw tueng dawkhoy, Devit aona koe Adullam talungkhu dawkhoy a cei awh teh, Filistin ransanaw teh Rephaim yawng dawkhoy a tungpup awh.

14 Hatnae tueng navah, Devit teh rapan dawak ao teh, Filistinnaw teh Bethlehem kho vah ao awah.

15 Devit ni dik a doun nalaihoi Bethlehem e tuikhu tui rapan teng e hah nei hane na kapoekung awm haw pawiteh aw telah a ti.

16 Athakaawme taminaw katham touh ni Filistin ransahu pat a raka teh rapan teng e Bethlehem kho e tuikhu tui hah a do awah. Devit koe a ceikhai awah teh, ahni ni net ngai hoeh. BAWIPA e hmaitung vah a rabawak.

17 Oe BAWIPA hete tui heh kai ni ka net mahoe. Due hane hai taket laipalah kacetnaw e thi phu hah ka nei han namaw, telah ati. Net laipalah ao. Athakaawme taminaw katham touh e ni a sak awah e doeh.

18 Zeruih capa Joab e a hmaunawngah Abshai teh katham touh thung dawak kacuepoung lah ao. A tahroe hoi tami 300 touh a thei dawkvah, katham touh thung dawak minhawinae a hmu.

19 Katham touh thung dawkvah, oup hane nahoehmaw. Hatdawkvah, kacue e lah ao. Hateiteh, a hmaloe e tarankahawi e ransanaw phat hoeh.

20 Kebzeel tami tarankahawi capa Jehoiada capa Binaiah ni thaonae hno moikapap a sak. Moab tami a min kamthang sendek patet e tami kahni touh a thei. Kasik thapa dawak hai alouk lae lungngoum thung kaawm e sendek hah a thei.

21 Tami kalenpoung Izip tami hah a thei. Izip tami ni tahroe a sin eiteh, Benaiah ni sonron dueng hah a sin teh, a cei. Izip tami e a kut dawak e tahroe a lawp teh hot e tahroe hoi ama hah a thei.

22 Jehoiada capa Benaiah niteh, hot patet lae hno hah a sak dawkvah, athakaawme taminaw katham touh thung dawak minhawinae a hmu.

23 Tami 30 touh hlak bari hane kawi lah ao. Hateiteh, ahmaloe e katham touh phat hoeh. Devit ni ama karingkungnaw e kacue lah a hruek.

24 Joab e nawngah Ashahel teh, tami 30 touh thung dawak buet touh lah ao. Bethlehem kho e Dodo capa Elhanan,

25 Harod tami Shammah, Harod tami Elik,

26 Palti tami Helez hoi Tekoa tami Ikkesh capa Ira,

27 Anathoth tami Abiezer hoi Khushathi tami Mebunnai,

28 Aho tami Zalmon hoi Netophah tami Maharai,

29 Netophah tami Baanah capa Heleb, Benjamin casaknaw Gibeah tami Ribai capa Ittai,

30 Pirathon capa Benaiah, Gaash yawn dawak e Hiddai,

31 Arbath tami Abialbon hoi Barhum tami Azmaveth,

32 Shaalbon tami Eliahba hoi Jashen casaknaw thung dawak e Jonathan,

33 Hararite tami Shammah, Hararite tami Sharar capa Ahiam,

34 Maakath casak Ahasbai capa Eliphelet, Giloh tami Ahithophel capa Eliam,

35 Karmel tami Hezro hoi Arab tami Paarai,

36 Zobah tami Nathan capa Igal, Gad tami Bani,

37 Ammon tami Zelek, Zeruih capa Joab e senehmaica kaphawtkung Beeroth tami Naharai,

38 Ithrite tami Ira hoi Ithrite tami Gareb,

39 Hit tami Uriah, abuemlahoi 37 touh a pha awah.

24

Devit ni Judah hoi Isarelnaw a touk

1 BAWIPA teh Isarelnaw koe a lungkhuek teh, Isarelnaw hoi Judahnaw hah touk haw, telah Devit hroecoe sak hanelah a lungthin a tacuek.

² Siangpahrang ni ama koe kaawm e ransabawi Joab koe Isarel miphun pueng Dan kho hoi Beersheba kho totouh cet awh nateh, tami nâyittouh maw tie ka panue thai nahan touk awh haw atipouh.

³ Joab ni siangpahrang koevah, BAWIPA na Cathut ni taminaw moikapap lah bout a pung sak teh, a let 100 touh haiyah na hmu hanelah siangpahrang ka bawipa ni, bangkongmaw hot hah panue han na ngai telah atipouh.

⁴ Hateiteh siangpahrang e lawk ni Joab hoi a ransanaw hah a tâ dawkvah, Joab hoi ransa kacuenaw ni taminaw touk hanelah ahni koehoi a tâco awh.

⁵ Jordan tui a raka awh teh, Gad yawm lungui kaawm e Jazer koelae Aroer kho a roe awh.

⁶ Gilead ram hoi Tahtimhodshi ram vah a pha awh. Danjaan ram hoi Sidon tengpam ram totouh a kalup awh.

⁷ Taire rapanim koe a pha awh teh, Hiv khonaw, Kanaan taminaw e khopuinaw koe a pha awh. Judah ram akalah thoseh, Beersheba totouh thoseh thouk a cei awh.

⁸ Ram tangkuem be a katin awh teh, thapa yung tako touh hoi a hnin 20 touh a kuep hnukkhu, Jerusalem kho dawk a pha awh.

⁹ Joab ni milu cayin hah siangpahrang koe a poe. Isarel dawk tahloi ka sin ni teh tarankahawi e tami 800, 000 Judahnaw dawk 500, 000 touh a pha awh.

¹⁰ Tami be a touk hnukkhu, Devit ni amahoima yon a kâpen. Devit ni BAWIPA koevah, ka sak e hno dawk puenghoi ka payon toe. Oe BAWIPA na san kaie yon na takhoe pouh haw. Pathu laihoi doeh hno ka sak toe telah a ti.

Devit tounnae

¹¹ Devit teh amom a thaw navah, BAWIPA e lawk hah Devit e profet Gad koe a pha.

¹² Cet nateh, Devit koe hettelah dei pouh. Hno kathum touh nang koe na patue. Nang dawk kai ni ka sak hane buetbuet touh na rawi han, telah a dei e lawk hah patuen dei pouh haw telah atipouh.

¹³ Gad teh Devit koe a cei teh, Na ram dawk kum thum touh thung takang ka tho sak maw na ngai, Nahoe pawiteh, thapa yung thum touh tarannaw ni na pâlei maw na ngai, Nahoe pawiteh, hnin thum touh thung Lacik ka phasak maw na ngai. Na kapatoukung koe bangtelamaw ka dei pouh han, kâpouk nateh, dei haw telah atipouh.

¹⁴ Devit ni Gad koevah, kângailah a ru toe. BAWIPA e kut dawb bawt naseh. Bangkongtetpawiteh, a lungmanae teh a len. Tami e a kut dawb teh na phat sak hanh telah Gad koe a dei pouh.

¹⁵ BAWIPA ni Isarelnaw koe amom hoi atueng a khoe e totouh, patawnae a pha sak. Dan kho hoi Beersheba kho totouh tami 70, 000 touh a due awh.

¹⁶ Kalvan tami ni Jerusalem kho hah ka raphoe han telah, a kut a dâw navah, BAWIPA ni haw e runae dawb hoi a kamlang teh, tami ka raphoe e kalvantami koevah, a khout toe na kut dâw hanh lawi telah atipouh. Hatnavah BAWIPA e kalvantami teh, Jebusit tami Araunah e cangkatinnae teng vah ao.

¹⁷ Taminaw kathetkung kalvan tami hah Devit ni a hmu navah, kai ka payon toe, hnokahawi hoeh e ka sak toe. Hatei teh hete tunaw ni bangmaw a sak awh, na kut teh kai hoi apa imthung dawb phat naseh telah BAWIPA koe a ti.

¹⁸ Hote hnin dawk Gad ni Devit koe a tho teh, cet haw. Jebusit tami Araunah e cangkatinnae teng vah BAWIPA hanelah thuengnae khoungroe na sak han telah atipouh.

¹⁹ BAWIPA ni a dei e patetlah Devit ni a cei.

²⁰ Hottelah siangpahrang teh a taminaw hoi a tho e hah Araunah ni a khet teh a hmu navah, alawilah a tâco teh, siangpahrang e a hmalah a tabo.

²¹ Kaie bawipa siangpahrang teh a san koe bangkongmaw a tho telah atipouh. Devit ni taminaw koe Lacik a kangkhong thai nahan BAWIPA hanelah thuengnae sak hanelah ka ngai teh nange laikawk ka ran hanelah ka tho telah atipouh.

²² Araunah ni Devit koevah, siangpahrang ka bawipa, ahawi na tie patetlah thueng yawkaw naseh. Hmaisawi thueng nahanelah maitotannaw ao. Thing hanelah laikawk puengcang, maitonaw e puengcangnaw hai ao telah atipouh.

²³ Oe siangpahrang, hetnaw pueng Araunah ni siangpahrang koevah a poe telah ati. Araunah ni siangpahrang koevah, BAWIPA na Cathut ni na coe lawi naseh telah atipouh.

²⁴ Siangpahrang ni Araunah koevah telah nahoeh, aphu hoi na ran pouh han. Banghai pâbaw laipalah BAWIPA ka Cathut koe hmaisawi thuengnae ka poe mahoe telah ati. Devit ni tangka shekel 50 touh hoi cangkatinnae hmuen hoi maitonaw hah a ran.

²⁵ Devit ni haw e a hmuen koe BAWIPA hanelah thuengnae a sak teh, hmaisawi thuengnae hoi roum thuengnae a poe. BAWIPA ni Isarel ram hanelah ratoumnae lawk hah a thai teh Lacik teh a kangkhong toe.

1 SIANGPAHRANG (The First Book of the Kings)

Adonijah ni siangpahrang hanelah a kâpouk

¹ Siangpahrang Devit teh a matawng poung toe, hni a kâkhu hai a phubet hoeh toe.

² Hatdawkvah, a sannunaw ni ahni koevah, siangpahrang bawipa nang hanelah tanglakacuem buet touh ka tawng awh vai. Siangpahrang e a teng ao vaiteh, khenyawn naseh. Siangpahrang bawipa a phubet thai nahanelah a lungtabue dawk i sak han telah ati awh.

³ Hahoi, Isarel ram pueng dawk tangla a meikahawi a tawng awh teh, Shunam tami Abishag a hmu awh teh, siangpahrang koevah a thokhai awh.

⁴ Hote tangla teh a meihawipoung teh siangpahrang hah kahawicalah a khetyawt teh, a thaw naw a tawk pouh. Hatei, siangpahrang ni ipkhai hoeh.

⁵ Hatnavah, Haggith capa Adonijah ni a mahoima a kârasang teh siangpahrang ka tawk han telah rangleng hoi marangransanaw hoi tami 50 touh a hmalah yawng sak hanelah a kâcai.

⁶ A na pa ni nâtuk hai bangkongmaw het patet lae hno na sak telah yue boihoeh. Ahni teh a meikahawi poung e tami lah ao teh, a manu ni Absalom hnukkhu, a khe e doeh.

⁷ Zeruiah capa Joab hoi vaihma Abiathar hah lawk a kâpankhai teh, ahnimouh roi hai Adonijah koelah a kambawng roi.

⁸ Hatei, vaihma Zadok hoi Jehoiada capa Benaiah hoi, profet Nathan, Shimei, Rei hoi Devit koe e athakaawme taminaw teh, Adonijah koelah kambawng awh van hoeh.

⁹ Hahoi Adonijah ni tu hoi maitotan kathâw poung e hah Zohelath lungsong koevah a thei. Hothateh, Enrogel teng vah kaawm e doeh. Siangpahrang capa, hmanawngghanaw abuemlahoi Judah ram e siangpahrang e sannaw abuemlah a kaw.

¹⁰ Hatei, profet Nathan hoi athakaawme taminaw hoi a nawnggha Solomon teh coun van hoeh.

Nathan hoi Bathsheba ni heinae

¹¹ Hatnavah, Nathan ni Solomon e manu Bathsheba koevah, siangpahrang capa Adonijah hah maimae bawipa Devit ni panuek laipalah siangpahrang lah a kârasang toe tie hah na panuek hoeh maw.

¹² Tho nateh, na hringnae hoi na capa Solomon e hringnae rungngang thai nahanelah, ratoumnae lahoi pouknae na poe vai.

¹³ Siangpahrang Devit koevah karanglah kâen nateh, ahni koevah oe siangpahrang ka bawipa, na sannu koevah na capa Solomon heh kai hnuk vah siangpahrang lah ao roeroe han, ahni teh kaie bawitungkhung dawk a tahung han telah lawk na kam toe nahoehmaw. Bangkongmaw Adonijah ni siangpahrang khuet a tawk han vaw telah dei pouh.

¹⁴ Kenhaw! siangpahrang hoi na kâpatawn roi lahun nah kai hai ka tho van vaiteh, na dei e dawk na kabawp van han telah atipouh.

¹⁵ Hahoi teh, Bathsheba teh siangpahrang e imthung a kâen. Siangpahrang teh a matawng poung toung dawkvah, Shunam tami Abishag ni thaw a tawk pouh.

16 Bathsheba ni siangpahrang koe tabo laihoi kut a man teh, siangpahrang ni bangmaw na panki telah atipouh.

17 Hahoi ahni ni ka bawipa, na BAWIPA Cathut min lahoi na sannu koe, na capa Solomon heh kai hnuk vah siangpahrang lah ao mingming vaiteh, ahni ni ka bawitungkhung dawk a tahung han telah lawk na kam.

18 Khenhaw! atuvah, Adonijah teh, siangpahrang lah ao toe. Siangpahrang ka bawipa nang ni hote kongnaw hah na panuek hoeh.

19 Kathâw e maitotan, saringnaw hoi tunaw a thei awh teh, siangpahrang capanaw abuemlah, vaihma Abiathar hoi ransanaw kaukkung Joab hah a coun awh. Hatei, na san Solomon teh coun awh hoeh.

20 Oe siangpahrang ka bawipa atuvah, Isarelkaw ni siangpahrang ka bawipa e bawitungkhung dawk, ahni hnukkhu apimaw ka tahung han tie na dei hane ring laihoi sut a pawp awh.

21 Nahoe pawiteh, hettelah han doeh. Siangpahrang ka bawipa heh mintoenaw koe a kâhat van toteh, kai hoi ka capa Solomon teh hnoun e lah doeh kaawm roi titoe telah atipouh.

22 Khenhaw! hottelah siangpahrang koe a dei pouh lahun nah, profet Nathan hai a kâen van

23 Khenhaw! profet Nathan a tho telah siangpahrang koe a dei pouh awh. Siangpahrang koe a pha toteh, siangpahrang e hmalah a minhmai talai dawkkâbet lahoi a tabo.

24 Hahoi Nathan ni Oe siangpahrang ka bawipa, kai hnuk vah Adonijah heh siangpahrang lah ao vaiteh, kaie bawitungkhung dawk a tahung han telah na dei boimaw.

25 Sahnin vah a ceicathuk teh, kathâw e saring, maitotan hoi, tu naw hah a thei awh teh, siangpahrang capanaw hoi ransa kaukkungnaw hoi vaihma Abiathar tinaw hah a coun, reirei a canei awh teh, siangpahrang Adonijah na hring saw naseh telah atipouh awh.

26 Hateiteh, na san kai hoi vaihma Zadok hoi Jehoiada capa Benaiah hoi na san Solomon kaimanaw teh na coun van awh hoeh.

27 Hote hnounaw heh siangpahrang ka bawipa ni kâ na poe dawkk, sak e na pawiteh, siangpahrang ka bawipa ni a hnuk vah bawitungkhung dawkk ka tahung hane hah apimaw tie na sannaw koe na la dei hoeh e han namaw, telah atipouh.

Solomon siangpahrang lah pathangnae

28 Hahoi siangpahrang Devit ni a pathang e teh, Bathsheba hah na kaw pouh haw atipouh e patetlah siangpahrang teng vah a tho teh a hmalah a kangdue.

29 Siangpahrang ni lawk a kam teh rucatnae pueng thung dawkk hoi ka hringnae ka ratang e Bawipa Cathut a hring e patetlah,

30 nang koevah Isarel BAWIPA Cathut min lahoi na capa Solomon heh kai hnuk vah siangpahrang lah ao roeroe han. Kaie yueng lah ka bawitungkhung dawkk a tahung han telah lawk a kam tangcoung e patetlah sahnin ka sak roeroe han telah a ti.

31 Bathsheba ni minhmai talai rekkâbet lah a tabo laihoi siangpahrang e a kut a kuet teh, ka bawipa siangpahrang Devit teh a yungyoe pou hring lawiseh, telah a ti.

32 Siangpahrang Devit ni vaihma Zadok hoi profet Nathan, Jehoiada capa Benaiah tinaw hah na kaw pouh awh haw ati teh, ahnimouh ni a hmalah a kâen awh.

³³ Siangpahrang ni ahnimouh koe vah, na bawipa e sannaw hrawi awh nateh, ka capa Solomon hah kaie la dawk kâcui sak nateh, Gihon lah cektхай awh.

³⁴ Vaihma Zadok hoi profet Nathan ni hote hmuen koe Isarel siangpahrang lah satui awi naseh. Mongka ueng awh nateh, siangpahrang Solomon hring saw na seh telah a hram awh han.

³⁵ Ahnie hnuk na kâbang awh vaiteh, ka bawitungkhung dawk na tahung vaiteh, kaie yueng lah siangpahrang lah ao han. Bangkongtetpawiteh, Isarel hoi Judah kaukkung lah ka hruek toe telah a ti.

³⁶ Jehoiada capa Benaiah ni siangpahrang koevah, Amen siangpahrang ka bawipa, Bawipa Jehovah ni, hnâbawtkhai naseh.

³⁷ Siangpahrang ka bawipa koevah Jehovah ao van e patetlah, Solomon koehai awmkhai naseh. Ka bawipa siangpahrang Devit e bawitungkhung hlak hai ka bawipa e bawitungkhung teh hoe len naseh telah a ti.

³⁸ Hahoi teh, vaihma Zadok hoi profet Nathah hoi Jehoiada capa Benaiah capa, Kereth taminaw hoi Peleth taminaw a cei awh teh, Solomon teh Devit e la a kâcui sak awh teh, Gihon lah a ceikhai awh.

³⁹ Hahoi vaihma Zadok ni, lukkareim thung hoi satui tanae ki hah a la teh, Solomon hah a awi. Hahoi mongka a ueng awh teh, taminaw pueng ni siangpahrang Solomon teh hring saw naseh telah a hram awh.

⁴⁰ Taminaw ni a hnukkâbang awh. Vovit a ueng awh teh talai meimei kâbawng lah lunghawi poug laihoi a hramki awh.

⁴¹ Hahoi teh, Adonijah hoi a sannaw ahni koe kaawm e taminaw pueng ni, rawca he a ca awh hnukkhu, hote pawlawknaw a thai awh. Joab ni mongka lawk a thai toteh, kho thung kamthang e pawlawknaw teh bang namaw telah a ti.

⁴² Hottelah a dei lahun nah, vaihma Abiathar capa Jonathan a tho teh, Adonijah ni tho haw, nang teh tamikahawi lah na o e patetlah kamthang kahawi e na thokhai han doeh telah atipouh.

⁴³ Jonathan ni Adonijah koevah, ka thokhai hoeh bawipa, siangpahrang Devit ni Solomon teh siangpahrang lah a ta toe.

⁴⁴ Ahni koe vah vaihma Zadok, profet Nathan, Jehoiada capa Benaiah, Kereth taminaw hoi Peleth taminaw hah siangpahrang ni a patoun.

⁴⁵ Vaihma Zadok hoi profet Nathan ni, Gihon vah siangpahrang hanlah satui a awi roi, hatei, hmuen koehoi lunghawi laihoi a takhang awh teh, hote kamthang dawk khopui thung ruengruengti awh. Hothateh, na thai awh e kamthang doeh.

⁴⁶ Solomon teh bawitungkhung dawk a tahung.

⁴⁷ Siangpahrang e a sannaw ni na Cathut ni nange min hlak Solomon e min teh, tawmrasang naseh. Na bawitungkhung hlak a bawitungkhung teh len sak na seh telah ka bawipa Devit hah lunghawikhai hanlah a tho awh. Hahoi siangpahrang teh ikhun dawk a tabo.

⁴⁸ Siangpahrang ni hai hettelah a dei. Bawipa Isarelhaw e Cathut, sahnin ka bawitungkhung dawk ka tahung hane na kapoekung teh pholen e lah awm naseh. Ka mit roeroe ni a hmu telah a ti.

⁴⁹ Hahoi teh Adonijah ni a hrawi e pueng ni, a taki awh, a thaw awh teh amamae lam daw lengkaleng a cei awh.

⁵⁰ Adonijah ni Solomon hah a taki. A thaw teh a cei teh thuengnae khoungroe ki hah a kuet.

⁵¹ Hahoi kenhaw! Adonijah ni siangpahrang Solomon a taki teh, siangpahrang Solomon ni a san heh a thei hoeh hanelah kai koe lawk

kam naseh telah thuengnae khoungroe ki a kuet telah Solomon koe a dei pouh awh.

⁵² Yuemkamcu lah onae kannuek pawiteh, a sam buet touh boehai talai dawk bawt mahoe. Hatei, yonnae a tawn tie ka thai pawiteh a due han telah a ti.

⁵³ Hahoi siangpahrang Solomon ni tami a patoun teh thuengnae khoungroe koehoi a hrawi. Hahoi a cei teh, siangpahrang Solomon hah kut a man. Solomon ni ahni koevah, nama im ban leih atipouh.

2

Devit ni Solomon a cangkhai

¹ Devit a due han a hnai toung dawkvah, a capa Solomon hah kâ a poe.

² Talai phung patetlah ka cei han toe. Hatdawkvah, thakâlat nateh tongpatang lah awm loe.

³ Na sak e hno pueng hoi na ceinae naw pueng koe a lamcawn nahanlah Mosi e kâlawk dawk thut e patetlah BAWIPA na Cathut ni a lamthung dawn hane hoi a phunglam, kâpoelawk, lawkcengnae hoi na panuesaknae naw tarawi hanelah lawk na poe e naw hah tarawi haw.

⁴ BAWIPA ni kaie kong dawk hoi na capanaw ni lungthin buemlahoi a hringnae buemlahoi a ceinae koe kâhruetcueth lahoi ka hmalah yuemkamcu lah awm pawiteh, Isarelnaw e bawitungkhung dawk ka tahung hane na vout awh mahoe, telah a dei e hah a caksak han.

⁵ Hathloilah, Zeruiah capa Joab ni kai dawk a sak e naw hah na panue. Isarel ransanaw kaukung kahni touh, Ner capa Abner hoi Jether capa Amosa a theinae dawk a sak e naw hah, roumnae tueng nah tarantuknae thipaling a lawng sak teh a keng dawk a kâyeng e taisawm dawk hai thohseh, a khokkhawm dawk hai thohseh, tarantuknae koe kânep e naw hah pahnim hanh.

⁶ Hatdawkvah, na lungang e patetlah tawk haw, a sam kaponaw phuen vah karoumcalah loun sak hanh.

⁷ Gilead tami Barzillai tinaw koe teh lungmanae kannuek sak. Na caboi dawk rawca kavenkung lah sak. Bangkongtetpawiteh, na hmau Absalom koehoi ka yawng nah kai koe a tho awh.

⁸ Hahoi, kenhaw! Bahurim kho e tami Benjamin catoun Gera capa Shimei heh nang koe ao. Ahni ni, Mahanaim hmuen koe ka cei navah, Atangcalah thoe na bo. Hatei, Jordan vah kai na dawn hanelah a tho teh, hote hmuen koe tahloi hoi thei hoeh hanelah Cathut min hno lahoi lawk yo ka kam toe.

⁹ Hatdawkvah, yonnae ka tawn hoeh e patetlah pouk hanh. Bangkongtetpawiteh, nang teh tami lungkaang lah na o. A lathueng vah bangtelamaw ka sak han tie hah na panue han doeh. Phuen dawk a sam kaponaw teh thipaling hoi na ceisak han telah atipouh.

Devit duenae

¹⁰ Hahoi Devit teh a na mintoenaw koe a i teh, Devit khopui dawk a pakawp awh.

¹¹ Devit ni Isarel a uknae tueng kum 40 touh a pha. Hebron vah kum 7 touh a uk teh, Jerusalem vah kum 33 touh a uk.

¹² Hahoi, Solomon teh a na pa e bawitungkhung dawk a tahung teh a uknaeram teh hoe a caksak.

Solomon ni Adonijah a thei

13 Haggith capa Adonijah teh Solomon e manu Bathsheba koe a tho. Manu ni roumnae hoi maw na tho telah a pacei. Roumnae hoi ka tho doeh telah atipouh.

14 Hahoi, ahni ni nang koe lawk dei hane ka tawn atipouh. Manu ni dei haw atipouh.

15 Ahni ni ram hateh kaie lah ao tie hoi Isarelnaw pueng ni hai kai ni uknaeram hanlah a pouknae naw kai dawk a bo tie hai na panue. Hatei, ram hateh, ka nawnga koe a pha toe. Bangkongtetpawiteh, BAWIPA khokhangnae teh ahni hanelah doeh ao.

16 Atuvah, hno buet touh hei hane ka tawn, na ek pouh hanh leih atipouh. Manu ni dei leih bout atipouh.

17 Pahren lahoi siangpahrang Solomon na pato pouh. Bangkongtetpawiteh, na lawk teh ek mahoe. Shunam tami Abishag hah yu lah na paluen sak haw naseh atipouh.

18 Bathsheba ni, oe siangpahrang koe ka dei pouh han atipouh.

19 Hahoi, Bathsheba teh Adonijah e lawk dei pouh hanelah, siangpahrang Solomon koe a cei. Siangpahrang teh a manu a dawn hanelah a thaw teh, a hmalah a tabo teh a bawitungkhung dawk bout a tahung. Siangpahrang e manu hanelah bawitungkhung hah a hruek pou teh, aranglah a tahung pouh.

20 Hahoi, hno buet touh ka hei hane ao. Na lungkuepkhai loe atipouh. Siangpahrang ni het loe anu, ka ek mahoe atipouh.

21 Ahni ni, Shunam tami Abishag he na hmau Adonijah e yu lah paluen sak loe atipouh.

22 Siangpahrang Solomon ni, bangkongmaw Shunam napui Abishag hah Adonijah hanelah na hei. Uknaeram hai het pouh bokhe. Bangkongtetpawiteh, ahni teh ka hmau nahoehmaw. Ahni hane hoi vaihma Abiathar hoi Zeruah capa Joab hane hai het pouh bokhe atipouh.

23 Siangpahrang Solomon ni BAWIPA e min lahoi Adonijah ni a hei e heh ama due nahane nahoe pawiteh, Cathut ni a ngai e patetlah kai dawk sak lawseh, hothlak ka pataw lahai yah ati.

24 BAWIPA e lawkkam patetlah na caksak teh apa Devit e bawitungkhung dawk na tahung sak teh ka imthung kangdout sak e hringnae lahoi ka dei. Adonijah het sahnin roeroe thei e lah awm seh telah lawk a kam.

25 Hahoi teh, siangpahrang Solomon ni Jehoiada capa Benaiah a patoun teh ahni ni a hem teh a due.

Abiathar takhoenae

26 Hahoi, vaihma Abiathar koevah, siangpahrang ni, Anathoth kho e nang nama im ban leih. Due hanlah na kamcu, hatei apa Devit hmalah Bawipa Jehovah e thingkong na hrawm teh apa ni a khang e runae naw hai na khangkhai van dawkvah, atu teh na thet mahoe rah atipouh.

27 Hahoi teh, Cathut ni Shiloh kho vah Eli imthungnaw hno lahoi a dei e a kuep nahanelah, Solomon ni Abiathar teh BAWIPA e vaihma thaw dawk hoi a takhoe.

Joab a thei

28 Hote lawk hah Joab ni a thai. Bangkongtetpawiteh, Joab teh Absalom koelah baw hoeh eiteh, Adonijah koelah ka baw e tami lah ao. Hahoi Joab teh BAWIPA e lukkareiim dawk a yawng teh thuengnae khoungroe ki hah a kuet.

29 Hahoi, BAWIPA e lukkareiim dawk Joab a yawng, thuengnae khoungroe koe ao telah Solomon koe a dei pouh aw. Hahoi siangpahrang Solomon ni Jehoiada capa Benaiah koe cet nateh, thet atipouh.

³⁰ Benaiah teh BAWIPA lukkareim koe lah a ceitakhang teh ahni koevah siangpahrang ni tâcawt loe ati atipouh. Ahni ni nahoe hete hmuen koe doeh ka due han atipouh. Benaiah ni Joab ni hettelah a dei, hettelah na pato telah siangpahrang koe a thai sak.

³¹ Siangpahrang ni hai yon ka tawn hoe h e tami Joab ni a thei e yonnae teh kai hoi apa imthungnaw kâbet hoe hanelah a dei e patetlah thet nateh pakawm awh atipouh.

³² Hat toteh, ama hlak kalan e kahawi e tami kahni touh Ner capa Abner Isarel ransanaw kaukkung hoi Jether capa Amsa Judah ransanaw kaukkung hah apa Devit ni panuek laipalah a tuk teh, tahloi hoi a thei dawkvah, BAWIPA ni a thipaling teh amae a lû daw k a pha sak han.

³³ Hottelah, thipaling teh Joab e lû daw k hoi a catounnaw e lû daw k yuengyoe ban vaiteh, Devit e lathueng thoseh, a ca catounnaw e lathueng thoseh, a imthungnaw e lathueng thoseh, a bawitungkhung daw k BAWIPA koehoi rounnae yungyoe ao han atipouh.

³⁴ Jehoiada capa Benaiah ni a cei teh a thei. Hahoi kahrawngum amae im daw k a pakawp.

³⁵ Hahoi siangpahrang ni Jehoiada capa Benaiah teh, ransabawi lah a hruek teh, vaihma Zadok hah siangpahrang ni Abiathar e a yueng lah a hruek.

Shimei thei lah a o

³⁶ Hahoi siangpahrang ni Shimei a kaw sak teh, ahni koevah Jerusalem vah im sak nateh, hawv ah awmh. Hote hmuen koehoi nahai tâcawt hanh.

³⁷ Bangkongtetpawiteh, na tâco hnin, Kidron palang na raka hnin roeroe vah na due han tie hah panuek. Na thipaling teh nama e na lû daw k ao han atipouh.

³⁸ Shimei ni siangpahrang koevah, bokheiyah, siangpahrang ka bawipa ni na dei e patetlah na san ni ka sak han atipouh.

³⁹ Shimei teh Jerusalem vah ka saw hnawn lah ao. Kum thum touh a ro toteh, Shimei koe kaawm e sannaw thung hoi tami kahni touh teh, Gath siangpahrang Maakah capa Akhish koe a yawng. Thaihaw, na san teh Gath vah ao telah Shimei koe a dei pouh awh.

⁴⁰ Shimei a thaw teh, la a rakueng teh a san tawng hanelah Gath vah Akhish koe a cei. Hahoi Shimei ni Gath kho e a san hah a thokhai.

⁴¹ Shimei teh Jerusalem kho daw k hoi a tâco teh Gath kho lah a cei teh, bout a ban telah Solomon koe a dei pouh awh.

⁴² Siangpahrang ni Shimei a kaw sak teh, ahni koevah na tâco hnin, ram louk lah na cei hnin vah na due roeroe han telah BAWIPA e min noe lahoi lawk kâkam teh na thaisak nahoehmaw. Hahoi nang ni hai na dei e ka thai e heh ahawi na ti.

⁴³ Bangkongmaw BAWIPA e lawkkam hoi kâlawnaw na tarawi hoe h atipouh.

⁴⁴ Siangpahrang ni Shimei koe, na hawihoehnae apa Devit koe na sak e hah na lungthin ni na panue. Hatdawkvah, BAWIPA ni na hawihoehnae patetlah nange lathueng vah a ban sak han.

⁴⁵ Hatei, siangpahrang Solomon teh yawhawi e lah ao vaiteh, Devit bawitungkhung teh BAWIPA hmalah yungyoe caksak lah ao han telah atipouh.

⁴⁶ Hat toteh, siangpahrang ni Jehoiada capa Benaiah koe kâ a poe teh a thei. Hat toteh, uknaeram teh Solomon kut daw k a caksak.

3

Solomon ni lungangnae a hei

¹ Solomon ni Izip siangpahrang Faro hoi huikonae a sak. Faro canu yu lah a paluen teh, amae im, BAWIPA e im hoi Jerusalem rapan a cum hoehroukrak teh Devit khopui vah ao sak.

² Hatnae tueng dawk taminaw pueng ni hmuen rasang koe thuengnae ouk a sak awh. Bangkongtetpawiteh, hatnae tueng dawk BAWIPA hane im sak hoeh rah.

³ Rasangnae hmuen koe thuengnae hoi hmutui hmaisawinae ouk a sak. Solomon ni BAWIPA hah a lungpataw teh, na pa Devit e phunglamnaw hai a tarawi.

⁴ Siangpahrang teh Gibeon lah thuengnae sak hanelah a cei. Bangkongtetpawiteh, hothateh, alawkpui poung e hmuen lah a o. Solomon ni khounge dawkvah, hmaisawi thuengnae 1000 touh a poe.

⁵ Hahoi Gibeon vah BAWIPA teh Solomon koevah, tangmin a mang lah a kamnu pouh. Cathut ni bangmaw na poe han het loe atipouh.

⁶ Solomon ni na sanpa apa Devit ni na mithmu vah lawkkatang hoi lanna hoi kathounge lungthin a tawn e patetlah nang ni ahni koevah, pahrennae kalen poung hah na kamnu sak, nang ni hete pahrennae kalenpoung dawk nang ni a bawitungkhung dawk ka tahung e a capa hah na poe toe.

⁷ Oe, BAWIPA ka Cathut, nama ni na sanpa heh apa Devit e a yueng lah siangpahrang lah na o sak toe. Hatei, camo lah doeh ka o rah. Bangtelamaw ka kâen vaiteh, bangtelamaw ka tâco han tie boehai ka panuek hoeh.

⁸ Na sanpa heh na tami hoi na rawi e taminaw apap awh teh, apap awh lawi touklek hoeh e hoi nâyittouh maw tie panue thai hoeh e rahak vah ka o.

⁹ Hatdawkvah, na taminaw hane lawkceng pouh hanelah na sanpa heh a thoe hoi hawi kapek thai nahanelah lungangnae lungthin na poe haw. Bangkongtetpawiteh, hettelah kapap e na taminaw heh, apinimaw lawk a ceng han vaw atipouh.

¹⁰ Solomon ni a hei e hoi a dei e lawk ni BAWIPA lungyouk sak.

¹¹ Cathut ni ahni koevah, hring saw hane na het laipalah, hete hno na hei e heh, tawnta hane hoi na tarannaw due hane hai na het laipalah, lawkceng thoumnae na hei dawkvah,

¹² Khenhaw! na lawk patetlah ka sak toe. Khenhaw! lungangnae hoi panuethainae lungthin na poe han. Nang hoehnahlan nang patet e tami ao boihoeh rae patetlah atu hoi hai nang patetlae tami bout awm mahoe hoi toe.

¹³ Na hei hoeh e tawntanae hoi barinae hai na poe han. Na hringyung thung siangpahrangnaw thung dawk, nang hoi kâvan e awm mahoe hoi.

¹⁴ Na pa Devit ni a tarawi e patetlah ka phunglam hoi ka kâpoelawknaw na tarawi pawiteh, na hringnae hai a saw han.

¹⁵ Solomon a kâhlah teh mang lah ao. Jerusalem lah a cei teh, BAWIPA e lawkkamnae thingkong hmalah a kangdue. Hmaisawi thuengnae hoi roum thuengnae a sak teh a sannaw pueng hanelah rawca venna a sak pouh.

Solomon lungangnae

¹⁶ Hatnavah, ka kâyawt e napui kahni touh, siangpahrang koevah a cei roi teh, a hmalah a kangdue roi.

¹⁷ Buet touh e napui ni, oe ka bawipa hete napui hoi im buet touh dawk reirei ka o roi. Hote im dawk ka o navah, ca ka khe.

¹⁸ Hahoi, ca ka khenae hnin thum touh hnukkhu, hete napui hai ca a khe van. Cungtalah reirei kaawm roi e lah ao teh, kaimouh laipalah alouke imyin hai awmhoeh.

¹⁹ Hahoi, hete napui ni karum vah a ca heh rep a yan sin teh a ca teh a due.

²⁰ Hahoi teh, bawipa, karumsaning vah a thaw teh, na sannu muet a i nah ka capa ka teng e hah a la teh, oun a tapam. Kadout e a capa hah kai na tapam sak.

²¹ Amom vah ka ca ka sanu ka pânei han ka ti torei teh, khenhaw! oun a la due toe. Hatei, kahawicalah khe ka khet torei teh, ka khe e ka capa nahoe, atipouh.

²² Hahoi buet touh e napui nihai, kahring e heh kaie capa, kadout e doeh nange na capa telah atipouh van. Buet touh ni hai nahoe, kadout e heh nange capa, kahring e heh kaie ka capa telah atipouh van. Hottelah siangpahrang e hmalah a dei roi.

²³ Siangpahrang ni het ni kahring e heh kaie capa, kadout e heh nange capa ati. Hot ni kahring e heh kaie capa, kadout e heh nange capa bout ati.

²⁴ Hahoi, siangpahrang ni tahloi na poe awh, telah ati. Hat toteh, siangpahrang koe tahloi a thokhai awh.

²⁵ Siangpahrang ni, kahring e camo hah kahni touh lah sei awh nateh, avanglae hah hete napui poe awh nateh, avanglae hah hote napui poe awh, atipouh.

²⁶ Hat toteh, camo kahring e a manu ni siangpahrang koevah, aw, ka bawipa kahring e camo heh ahni ma poe yawkw lawih, thet nateh thet hanh atipouh. Bangkongtetpawiteh, a capa lathueng pahrennae a tawn. Hatei, buet touh e napui niteh, kaie lahai awm hoeh, ahnie lahai awm hoeh, thet awh telah ati.

²⁷ Hahoi, siangpahrang ni hmaloe e napui koe kahring e camo hah poe awh. Thet awh roeroe hanh. Ahni e capa doeh telah atipouh.

²⁸ Isarel taminaw pueng ni hote kong dawk siangpahrang ni lawkceng e a thai awh navah, siangpahrang hah a taki awh. Bangkongtetpawiteh, kângingcalah lawkceng thainae Cathut lungangnae teh ahni koe ao tie a panue awh.

4

Solomon uknae

¹ Hahoi, Siangpahrang Solomon teh Isarel taminaw pueng e lathueng vah siangpahrang lah ao.

² Hetnaw teh a kut rahim e bawinaw doeh. Zadok capa Azariah teh vaihma lah ao.

³ Shisha capa Elihoreph hoi Ahijah teh cakathutkungnaw lah ao roi teh, Ahilud capa Jehoshaphat teh cayin ka kuenkung lah ao.

⁴ Jehoiada capa Benaiah teh ransanaw kahrawikung lah ao. Zadok hoi Abiathar teh vaihma lah ao roi.

⁵ Nathan capa Azariah teh ram kaukkung bawinaw e lathueng vah bawi lah ao. Nathan capa Zabud teh vaihmanaw hoi siangpahrangnaw e huiko lah ao.

⁶ Ahishar teh imthungkhu kaukkung lah ao. Abda capa Adoniram teh thaw katawknaw kahrawikung lah ao.

⁷ Solomon ni Isarel taminaw lathueng kahrawikung 12 touh a tawn. Ahnimanaw ni siangpahrang hoi a imthungnaw canei hanelah kho ouk a khan pouh awh. Tami buet touh ni kum touh dawk thapa yung touh thung canei hanelah kho ouk a khan pouh awh.

⁸ Ahnima'e minnaw teh Ephraim mon dawkvah Benhur,

⁹ Bendeker, Makaz, Shaalbim, Bethshemesh hoi Elonbeth.

¹⁰ Arubboth vah Benhesed, ahni ni Sokoh hoi Hephher ramnaw pueng hai a pang sin.

¹¹ Dor kho ram dawk e monnaw pueng dawk Abinadab capa, ahni ni Solomon canu Taphath hah a yu lah a la.

¹² Taanakh vah Ahilud capa Baana, Megiddo hoi Jezreel kho totouh, Zarethan kho teng kaawm e Bethshan ramnaw pueng hoi Bethshean hoi Abelmeholahnaw hoi Jokneam ramri totouh,

¹³ Ramothgilead vah Bengeber, ahni ni Manasseh capa Jair kho, Gilead ram e kaawm e naw hai a pang sin. Bashan ram e Argob ram kalenpoung kho 60, rapan hoi tarenae rahumnaw pueng hai a pang sin.

¹⁴ Mahanaim vah Iddo capa Ahinadab,

¹⁵ Naphtali vah Ahimaaz, ahni ni Solomon canu Basemath hah yu lah a la.

¹⁶ Asher hoi Bealoth vah Hushai capa Baana,

¹⁷ Issakhar vah Paruah capa Jehoshaphat,

¹⁸ Benjamin vah Ela capa Shimei,

¹⁹ Gilead ram vah Uri capa Geber, Amor siangpahrang Sihon hoi Bashan siangpahrang Og ram, hote ram dawk ahni dueng doeh ukkung lah kaawm.

Solomon e rawca

²⁰ Judah taminaw hoi Isarel taminaw teh tali teng e sadi patetlah apap awh teh, kanawm poung lah a canei awh.

²¹ Hahoi, Solomon ni palang hoi Filistinaw ram hoi Izip ramri totouh, e ramnaw pueng dawk lawk a ceng. Tamuknaw a thokhai awh teh, a hring nathung Solomon e thaw a tawk awh.

²² Solomon ni hnin touh dawk rawca a pabaw e teh tavai nuenae 30 touh hoi cakang nuenae 60 touh (nuenae buet touh teh galon 58 touh).

²³ Kathaw e maitotan 10 touh, kahrawng e maito 20 touh hoi tu 100 touh a pha. Hahoi sakhi, sayuk, hoi sayukhrenaw hoi tavanaw hai a thei.

²⁴ Bangkongtetpawiteh, tui namran e ramnaw pueng Tiphseh hoi Gaza totouh, tui namran hoi siangpahrang pueng a uk. A ramnaw pueng dawc roumnae hoi kho a sak awh.

²⁵ Hahoi, Solomon ni hring nathung Judah tami hoi Isarel taminaw teh, Dan hoi Beersheba totouh taminaw pueng ni mae misur, mae thaibunglung kung, rahim vah lungmawngcalah kho a sak awh.

²⁶ Hahoi Solomon ni rangleng ka sawn e marang 4,000 touh hoi marang kakuikathoum e tami 12,000 touh a tawn.

²⁷ Kahrawikungnaw ni ma ni katarui e thapa dawc Solomon siangpahrang caboi kavennaw hane pueng canei a pouk pouh awh teh, vouthouppnae awm boihoeh.

²⁸ Taminaw pueng ni tawk hanelah ao e patetlah a onae hmuen dawc marang hoi la thakasapoung saringnaw hanelah cakong hoi cakang ouk a ta pouh awh.

²⁹ Hottelah Cathut ni Solomon teh lungangnae hoi panuethainae kalenpoung hoi lungsawnae hai a poe.

³⁰ Bangkongtetpawiteh, Solomon e lungangnae ni Kanitholae canaw lungangnae naw hoi Izipnaw e lungangnae naw pueng hah koung a tapuet.

³¹ Bangkongtetpawiteh, taminaw pueng hlak a lungang. Mahol capanaw, Ezra tami Ethan, Heman, Khalkol hoi Dardanaw hlak hai a lungang. Hat toteh, a tengpam e mipunnaw koe a min teh a kamthang.

³² Cingthuilawk 3000 touh a pha teh, la 1005 touh a pha.

³³ Thing kong dawk hai thoseh, Lebanon mon e Sidar thing hoi rapan teng ka pâw e dingsala totouh a dei. Saring kong hoi sarang kong, tava kong hoi vonpui hoi kâvanaw kong, tanga kong totouh a dei.

³⁴ Solomon lungangnae ka panuek e taminaw pueng ni talai siang-pahrangnaw hoi mipun thung dawk hoi a lungangnae lawk thai hanelah ouk a tho awh.

5

Solomon ni Bawkim sak a kâcai

¹ Taire siangpahrang Hiram ni Solomon koe a tami a patoun. Bangkongtetpawiteh, a na pa yueng lah siangpahrang hanelah satui awi tie hah a panue. Bangkongtetpawiteh, Hiram teh Devit a kâuep yungyoe.

² Solomon ni Hiram koevah,

³ apa Devit ni, a hmuennaw pueng koe tarantuknae dawk BAWIPA ni tarannaw a khok rahim a ta hoeh rah dawkvah, BAWIPA Cathut e min hanelah im sak thai hoeh tie hah na panue.

⁴ Hatei, atuteh BAWIPA ka Cathut ni hmuen pueng dawk roumnae na poe toe, taran hai ao hoeh e toung dawkvah, yawthoenae hai awm mahoehtoe.

⁵ Khenhaw! BAWIPA ni apa Devit koevah, na capa teh nange yueng lah na bawitungkhung dawk ka tahung sak hane ni ka min ao nahane im a sak han telah a dei tangcoung e patetlah BAWIPA ka Cathut e min hanlah im sak hanelah ka kâcai.

⁶ Hatdawkvah, Lebanon mon e Sidar thing tâtueng hanelah kâ na poe pouh loe. Ka sannaw hai na sannaw hoi cungtalah rei a tawk awh han. Nang ni na dei e patetlah na sannaw e kutphu teh ka poe han. Sidonnaw patetlah thing ka tâtueng thai e kai koe apihai awm hoeh tie na panue telah lawk a thui.

⁷ Hahoi, hettelah ao, Hiram ni Solomon e lawk a thai navah, puenghoi a lung ahawi. Hettelah tami kapap e lathueng vah, lawkceng kathoum niteh, lungangnae capa Devit kapoekung BAWIPA teh sahnin vah pholen lah awm seh, telah ati.

⁸ Hiram ni Solomon koevah, lawk na thui e ka thai. Sidar thing hoi hmaica thing hah na panki e pueng na sak pouh han.

⁹ Ka sannaw ni Lebanon mon koe hoi tali totouh a thokhai aw hah. Hote hmuen koe ramri sak vaiteh, na dei e patetlah tali lam hoi thokhai vaiteh, hote hmuen koe na dâw han. Hahoi nang ni hai ka imthungnaw canei hane hoi panki e naw pueng na pouk pouh van han telah tami a patoun.

¹⁰ Hat toteh, Hiram ni Sidar thing hoi hmaica thing hah Solomon ni a panki e patetlah a poe.

¹¹ Solomon ni Hiram imthungnaw a canei hanelah kum touh dawk cakang nuena 20,000 touh hoi satuium nuena 20 touh a poe.

¹² BAWIPA ni lawkkam e patetlah Solomon teh lungangnae a poe. Hiram hoi Solomon e rahak vah roumnae ao teh lawkkamnae a sak roi.

Solomon e thaw

¹³ Solomon ni Isarelnaw pueng dawk tami 30,000 touh thaw a poe.

¹⁴ Lebanon mon dawk thapa yung touh dawk pou kâthung hanelah tami 10,000 touh a patoun. Thapa yung touh Lebanon vah ao aw hah teh, thapa yung hni touh ama im vah ao aw hah. Adoniram teh ahnimouh kaukung lah ao.

¹⁵ Solomon ni hno ka phawt e tami 70,000 touh hoi talungdêikathoum e 80,000 touh a tawn.

¹⁶ Hotnaw dei laipalah Solomon ni thaw ka tawk e kahrawikungnaw khetyawt hanelah tami 3,300 touh a tawn.

¹⁷ Hahoi siangpahrang ni kâ a poe e patetlah im du ung hanelah dei tangcoung e talung kalenpounge aphu kaawm poung e a la aw hah.

¹⁸ Hahoi, im kasaknaw Solomon e taminaw hoi Hiram e taminaw hoi Gebal taminaw ni talung a dei aw hah teh, im sak hane thing hoi talungnaw a rakueng aw hah.

6

Solomon ni Bawkim a sak

¹ Hahoi hettelah ao. Isarel catounnaw Izip ram dawk hoi a tâco nahoi kum 480, Isarelnaw Solomon ni a uknae kum 4 nah, Ziv thapa, ayung hni nah BAWIPA e im sak hane a kamtawng aw hah.

² Solomon ni BAWIPA e im a sak e teh ayung dong 60, adangka dong 20, arasang dong 30 touh a pha.

³ Hahoi im hmuen kathoung imhma lae alawilah teh, adangka hoi kâvan lah dong 20 touh a saw teh, a hma lae adangka teh dong 10 touh a pha.

⁴ Im daw k ang sak nahanelah kathoung hlahangawnaw hai a sak.

⁵ Bawkim tapang hoi kâkuen lah imrakhan buet touh a sak teh, hot ni yah bawkim tapang koug a kalup. Thoungnae hoi athungpoung lae hmuen kathoung hai mek a kalup sin teh, petkâkalup lah rakhancanaw hah a sak.

⁶ A rahim lae rakhan teh dong 5, alungui e rakhan teh dong 6, a lathueng e rakhan teh dong 7 touh a pha. Bangkongtetpawiteh, rakhannaw teh im e tapang daw k kâen hoeh.

⁷ Hahoi, Bawkim a sak aw hah nah, hote hmuen koe sin hoehnahlan dêi tangcoung e talungnaw hoi sak e lah ao dawkvah, cakkin, cakâ, sum pawlawk bawkim thung thai e lah awm hoeh.

⁸ A rahim e rakhan daw k kâennaeh tho teh, bawkim e arasang lah a o, alungui e rakhan daw k teh khalai hoi luen lah ao teh, alungui e rakhan daw k hoi a lathueng e khan daw k luen lah ao.

⁹ Hottelah bawkim teh a cum aw hah. Bawkim e parei thingtunaw hah Sidar thing e pangkhek hoi thingphek hoi a ramuk aw hah.

¹⁰ Bawkim petkâkalup lah sak e a dotnaw teh, a rasang dong 5, imhmawt teh bawkim daw k a kâkuetsak.

¹¹ BAWIPA e lawk Solomon koe a pha teh,

¹² Na sak lahun e bawkim kong daw k, ka phunglam, lawkcengnae hoi kâpoelawknaw pueng na tarawi pawiteh, na pa Dêit koe ka dei tangcoung e kâlawk hah na lathueng vah ka cak sak han.

¹³ Isarel catounnaw koe kho ka sak vaiteh, ka tami Isarelnaw heh ka cettakhai mahoe hah telah a ti.

¹⁴ Hottelah, Solomon ni bawkim a sak teh a cum.

¹⁵ Bawkim a thung lae tapang teh Sidar thing hoi a sak. Carawng hoi lemphu, tapang totouh a thung e rakhan totouh, koug a bet, carawng teh hmaica thing hoi a sak.

¹⁶ Hmuen kathoung hoi kathoungpounge hmuen hanlah ayung, adangka dong 20 touh ka kaw e im hah rakhan teh carawng teh Sidar thing hoi a sak.

¹⁷ Hote rakhan hmalah sak e bawkim teh, ayung dong 40 touh a pha.

¹⁸ Bawkim thungvah, Sidar thingpheknaw dawk tuimpaw, a peinaw hoi akawi, talung kamnue hoeh nahanelah Sidar thing hoi a ramuk.

¹⁹ Hottelah, BAWIPA e lawkkam thingkong hruek nahanelah, bawkim thungvah hmuen kathoung a rakueng awh.

²⁰ Hote hmuen kathoung teh ayung dong 20, adangka dong 20, arasang dong 20 touh a pha. Hot teh, kathoung suitei hoi a hluk teh, Sidar khoungroe hai a hluk.

²¹ Hottelah, Solomon ni bawkim thung teh kathoung suitei hoi koung a hluk.

²² Bawkim teh abuemlahoi suitei hoi a hluk teh hmuen kathoung teng e khoungroe hai satu hoi a hluk.

²³ Hmuen kathoung koevah dong 10 reira ka rasang e Cherubim kahni touh olive thing hoi a sak.

²⁴ Cherubim rathei avanglae dong 5 touh a pha teh, avanglae hai dong 5 touh a pha. A rathei hmo buet touh hoi buet touh rahak vah dong 10 touh a pha.

²⁵ Cherubim buet touh dawk dong 10 touh a rasang. Cherubim buet touh e hai hottelah doeh.

²⁶ Hote cherubim teh im e athunglah a hruek awh teh, a ratheinaw teh a kadai.

²⁷ Buet touh e rathei ni tapang a kâbet teh cherubim buet touh e rathei ni hai avanglae tapang hah a kâbet. Hahoi alungui vah cherubim rathei kahni touh e hah a kâhmo roi.

²⁸ Cherubim teh satu hoi a hluk.

²⁹ Bawkim a thung lae tapang hoi alawilae tapang dawk thuk e cherubim mei hoi a pei ka pei e samtuekung mei naw hai ao.

³⁰ Hahoi, bawkim thung e carawng hoi alawilae carawng naw teh suitei hoi a hluk.

³¹ Athung lae hmuen kathoung kâennaeh takhang teh, olive thing hoi a sak. Tho tâphai hoi tho tangkhang teh tapang pung panga touh dawk pung touh hoi a kâvan.

³² Hottelah olive thing hoi tho kahni touh a sak teh, hawvah cherubim hoi apei ka pei e samtuekungnaw dawk hai suitei a hluk.

³³ Hot patetlah, hmuen kathoung thung kâennaeh tho takhangnaw hai olive thing hoi a tâphai, a tangkhang naw sak lah ao.

³⁴ Tho buet touh dawk tâbaw kahni touh hoi, kâheihai e hmaicathing hoi tho kahni touh hai a sak.

³⁵ Tho koevah, cherubim hoi a pei ka pei e samtuekung e mei naw a sak teh, a em suitei hoi kahawicalah a hluk.

³⁶ Athung lae thongma hai bo e talung than thum touh hoi, Sidar thingphek dot touh hoi patuen patuen a sak sin.

³⁷ A kum 4, Ziv thapa nah BAWIPA e im teh adu a ung awh.

³⁸ Hahoi, kum 12, Bul thapa, thapa yung taroe nah im teh a kâcai awh e patetlah hnonaw pueng he a cum awh teh, kum 7 touh a ro awh.

7

Solomon ni a sak e alouklouke imnaw

¹ Solomon ni kum 13 touh thung amae im hah a sak teh, a cum.

² Hote im hah Lebanon ratu thung e thing hoi a sak, ayung dong 100, adangka dong 50, rasang dong 30 touh a pha. Sidar khom 30 touh dawk toung e sidar thing kalannaw dawk sak e doeh.

³ Than touh dawkvah hlaipanga touh a pha teh khom 45 touh a pha, avan vah sidar thing koug a phai teh thingphek hoi a kup sin.

⁴ A ang nahanelah hlangaw 30 touh kadangka lah avoivang lah ao.

⁵ Thonaw pueng hoi thokhomnaw pueng teh ayung adangka koug a kâvan.

⁶ Khomnaw, pangkheknaw hoi sak e vaikhap hai ao teh, ayung dong 50, adangka dong 30 touh a pha.

⁷ Lawkcengnae vaikhap tie lawkcengnae bawitungkhung hungnae vaikhap hai a sak, carawng teh avoivang lah totouh sidar thingphek koug a phai.

⁸ Ama a onae im hai a hnukkhu a sak e lawkcengnae vaikhap boiboe lah a sak. Solomon ni a yu lah a la e Faro canu hanelah hai im buet touh a sak pouh.

⁹ Hotnaw pueng teh aphu kaawm poung e talung, boung kâcatcalah dêi e, hlaw hoi a e hoi sak e lah ao. Athunglah hai, alawilah hai, akung koehoi a som totouh kâennaeh imka ka kaw pui lah sak e lah ao.

¹⁰ Adu hateh talung kalenpoung dong hra touh hoi dong taroe touh e hoi pacoung e lah ao.

¹¹ A lathueng lae teh boung kâcatcalah dêi e talung hoi sidar thing hoi sak e doeh.

¹² Petkâkalup lah kalupnae thung imka teh dêi tangcoung e talung than thum touh hoi sidar thing than touh hoi sak e doeh. BAWIPA im kalupnae a thung lae imka hoi vaikhap patetlah sak e doeh.

Kutsak ka thoum e Hiram

¹³ Solomon ni tami a patoun teh Taire tami Hiram hah a kaw.

¹⁴ Hote tami teh Naphtali miphun lahmmainu e capa doeh. A na pa teh Taire tami rahum dei ka thoum e doeh. Ahni teh rahum koe lah kutsak ka thoum poung lah ao. Siangpahrang Solomon koe a tho teh thawnaw pueng hah a tawk pouh.

Bawkim hanelah rahum khomnaw

¹⁵ Hahoi rahum khom kahni touh a hlun teh, khom kalen e buet touh teh a rasang e dong 18 touh a pha. A len e teh, petkâkalup lah dong hlaikahni touh a pha.

¹⁶ Khom som dawk bungling hanelah rahumluluem kahni touh a sak teh, bawilakhung buet touh a rasang dong 5 touh, alouke buet touh e hai a rasang e dong 5 touh a pha.

¹⁷ Tamlawk patetlah tarikcik lah tarik e hoi sumbawtarui patetlah a meikahawicalah tarik e kahni touh khompui a som dawk bungling hanelah a sak. Luhuem buet touh hanelah tamlawk buet touh, alouke bawilakhung buet touh hanelah tamlawk buet touh a sak.

¹⁸ Hot patetvanlah, khompui som dawk e bawilakhung ramuknae tamlawk buet touh dawkvah, petkâkalup lah talepaw 20 touh lah a sak. Alouke bawilakhung hanelah hai hot patetvanlah a sak.

¹⁹ Vaikhap dawng e khomsomnaw teh lili pei patetlah ao teh dong pali touh a pha.

²⁰ Luhuem teh khompui kahni touh e som dawk tamlawk patetlah sak e teng e tâbumlum e lungui ao teh, tale paw cumhni touh hah than hni

touh lahoi petkâkalup lah pâthit e lah ao. Hahoi alouke khompui dawk hoi hot patetvanlah ao.

²¹ Bawkim alawilah khompui teh a ung aw. Aranglae khompui teh a kangdue sak aw. Teh a min lah Jakhin ati. Avoilae khompui teh a kangdue sak teh a min lah Boaz a ti.

²² Khompui som dawk lili pei mei kamnue sak e thaw teh a cum aw.

Rahum tuim hoi maitotan

²³ Rahum tuim avanglae a rai koe hoi avanglae a rai koe totouh dong hra touh a pha. Arasang e teh dong panga touh. Petkâkalup lah bangnue toteh dong 30 touh a pha.

²⁴ Arai rahim dong 30 touh dawk tuiumkung mei ao teh, tuim hah a longlei. Hahoi tuiumkung mei teh 20 touh lah ao teh, a hlun aw navah mek hlun sin e doeh.

²⁵ Hothateh maitotan hlaikahni touh dawk toung e doeh. Kathum touh kaniloumlah a kangvawi aw, katham touh kanitholah a kangvawi, katham touh atunglah a kangvawi, katham touh akalah a kangvawi. Hahoi tuim teh hotnaw e van ta e lah ao. A mainaw teh a thung lah koug a kangvawi.

²⁶ Rahum teh sum touh a tha teh, arai teh lili pei patetlah manang rai patetlah ao teh bath 2000 touh a cawng (bath buet touh teh galon 6 touh bang e doeh).

Puen thai e kawlung

²⁷ Hahoi pâhungnae hra touh rahum hoi a sak. Pâhungnae buet touh teh dong pali touh a saw. Adangka hai dong pali touh a saw teh arasang e teh dong thum touh a pha.

²⁸ Pâhungnae saknae teh hettelah doeh. Hote pâhungnae dawk petkâkalup lah a rai ao teh, hote rai dawkvah,

²⁹ sendek, maitotan, cherubim mei a kamnue. Hahoi a khom daw hai sendek hoi maitotan mei a patung a paka lah meikahawicalah pathoup e ao.

³⁰ Hahoi pâhungnae dawkvah rahum lengkhok pali touh, rahumcung hoi rip ao. A takin pali touh daw dounnae koug ao. Rahum rahim dounnae tapang dawkvah, a meikahawicalah pathoup e laikawcanaw hah mek a hlun sin aw.

³¹ Kawlung arai teh a thung hoi a rai totouh dong touh a pha. A rai teh a tâbuengluengkueng teh a kaw e dong touh hoi tangawn a pha. Arainaw teh ayung adangka suetalah ao teh a em hoi king a kaw.

³² Lengkhok pali touh e teh, pâhungnae rahim ao aw teh, acungnaw teh pâhungnae hoi a kâkuet, lengkhok teh dong touh hoi tangawn a rasang.

³³ Lengkhok teh rangleng khok hoi a kâvan. Acung, acung tabu, a mangnaw hai a hlun sin.

³⁴ Pâhungnae takin pali touh koe pou kâkuen lah hlun e dounnae pali touh ao dawkvah,

³⁵ hote dounnae dawkvah, petkâkalup lah khap touh ka phat e laikaw hah a mawp teh, pâhungnae dawkvah arainaw hoi kuet nahanelah, pâhungnae hoi mek hlun sin e lah ao.

³⁶ Kuet nahane hoi pâhungnae dawkvah, cherubim, sendek, olivekung emnaw hah lengkaleng a kamnue.

³⁷ Hottelah abuemlahoi reikâvan lah kawlung hungnae hra touh a hlun teh a cum.

³⁸ A rai dong pali touh ka kaw niteh, tui bath 40 touh ka cawng e rahum kawlung hra touh hai a sak teh, pâhungnae buet touh dawk kawlung buet touh rip pâhung lah ao.

³⁹ Im aranglah panga touh, avoillah 5 touh, a ta teh, tuiim hateh, im aranglah kanitho akalah ao.

⁴⁰ Hiram ni hlaamnaw, hrabakawnae, kawlungcanaw, hah a sak teh, Solomon siangpahrang hanelah BAWIPA e im dawk a cum e naw teh:

⁴¹ khom kahni touh, khomsom lukhung ka hni touh,

⁴² khomsom lukhung ramuknae tamlawk kahni touh, ramuk nahane tamlawk buet touh dawk tale paw arui kahni touh, abuemlah 400 touh,

⁴³ pâhungnae hra touh, pâhungnae van hung e rahum kawlung hra touh, tuiim buet touh,

⁴⁴ tuiim ka doun e maito hrahlaikahni touh, hlaamnaw, hrabakawnae naw, hoi kawlungcanaw hah doeh.

⁴⁵ Solomon siangpahrang hanelah AHIRAM ni a sak e BAWIPA e im puengcangnaw pueng teh, loukloukkaang e rahum hoi cum lah ao.

⁴⁶ Jordan tanghling Sukkoth hoi Zerethan rahak vah, amhru sak hane kahawi e talai dawk siangpahrang ni a hlun.

⁴⁷ Hote hnopainaw apappoung dawkvah, Solomon ni khing laipalah a ta. Rahum e a khing teh apinihai panuek hoeh.

⁴⁸ Hahoi Solomon ni BAWIPA e imthung kaawm e hnopainaw pueng a touk teh, sui khoungroe, vaiyei pâhung nahane caboi,

⁴⁹ Suikathoung hoi sak e hmaiimkhok, hmuen kathoung hmalah aranglah, 5, avoillah 5 touh kaawm e a pei, hmaiim, paitei sui hoi sak naw doeh.

⁵⁰ Manang, paitei, tongben, pacen, hraba kawnae hlaamnaw hmuen kathoung a thung tho hoi bawkim alawilah e tho dawk bang e suitâbaw hai a sak.

⁵¹ Hottelah, Solomon siangpahrang ni BAWIPA e im hanlah a sak e naw pueng teh a cum. Hahoi, a na pa Devit ni a poe e hno, ngun, sui, hoi hnopai naw a kâenkhai teh BAWIPA e im râw kuemnae thingkong thung a ta.

8

Bawkim thung lawkkam thingkong

¹ Solomon ni Isarel kacuenaw hoi miphun a lû lah la kaawmnaw hai Isarel catoun imthungkhu tongpanaw hah Devit khopui Zion hoi Bawipa thingkong kâkayawt hanelah Jerusalem e siangpahrang Solomon koevah ceikhai hanelah a pâkhueng aw.

² Hatdawkvah, Isarelnaw pueng teh, Ethanîm thapa yung sari nah, pawî dawk siangpahrang Solomon koevah a kamkhueng aw.

³ Isarel kacuenaw pueng ni a tho aw teh, vaihmanaw ni BAWIPA thingkong hah a la aw.

⁴ BAWIPA e thingkong teh, kamkhuengnae hoi bawknae rim dawk e kathoung hlaamnaw pueng hah a la aw teh, vaihma hoi Levihnaw ni a ceikhai aw.

⁵ Siangpahrang Solomon hoi ahni koe kamkhuengnaw Isarel maya pueng hah thingkong hmalah ao aw teh, tu hoi maitotan apap lawi touklek thai hoeh e hoi panue thai hoeh totouh thuongnae hah a sak aw.

⁶ Hahoi vaihmanaw ni, Bawipa lawkkam thingkong a onae hmuen bawkim thung athung patuen hmuen kathoung thung vah, cherubim a

rathei kadai e rahim vah hmuen kathoungpounge hmuen koe a kâenkhai awh.

⁷ Cherubim ni a rathei kahni touh hah thingkong onae lathueng a kadai teh, cherubim ni thingkong hoi kâkayawt nae acung hah a ramuk.

⁸ Kâkayawt nae acung a saw poung dawkvah, athung patuen hmuen kathoung koehoi a kâhmu thai han eiteh, alawilah hoi kâhmawt thai hoeh. Sahnin totouh hawvah ao.

⁹ Izip ram hoi a tâco awh teh, BAWIPA ni Isarel catounnaw koe lawkkamnae a sak navah, Mosi ni Horeb mon dawk e lungphen kahni touh a la e hlollah thingkong thung banghai awm hoeh.

¹⁰ Hahoi vaihmanaw hmuen kathoung koehoi a tâco awh toteh, BAWIPA im teh tâmai muen a kawi.

¹¹ Tâmai kecu dawk vaihma ni thaw kahawicalah tawk thai hoeh. Bangkongtetpawiteh, BAWIPA bawilenna hoi BAWIPA im muen akawi.

¹² Solomon ni lawk a dei e teh, kathapoung e tâmai dawk ka o han telah BAWIPA ni a ti.

¹³ A yungyoe na onae hmuen tawmrasang e im teh, ka sak pouh katang toe telah a ti.

¹⁴ Kamkhueng e Isarelnaw pueng ni a kangdue awh teh, siangpahrang ni a hnuklah a kamlang teh. ka kamkhueng e Isarelnaw pueng hah yawhawi a poe.

¹⁵ Ahni ni Isarel BAWIPA Cathut, apa Devit koevah, amae pahni dawk hoi roeroe vah, Izip ram hoi ka tami Isarel ka tâcokhai nah hnin hoi Isarel miphunnaw thung dawk nâ lahai ka min ao nahane im sak hanlah rawi boihoeh.

¹⁶ Hatei ka tami Isarel kaukkung hanlah, Devit heh ka rawi e doeh telah kadeikung ama kut dawk hoi roeroe ka kuepsakkung teh pholen lah awm seh.

¹⁷ Apa Devit nyah Isarel BAWIPA min lahoi im sak hanlah a lungthung hoi pou a noe.

¹⁸ Hatei BAWIPA ni apa Devit koevah, na lungthin hoi ka min hanlah im sak hane ouk na noe e lungthin na tawn e hah ahawi.

¹⁹ Hatei, nang ni teh im na sak mahoeh. Hatei, na capa nange cati dawk hoi ka tâcawt e ni ka min hanlah im teh a sak han telah ati toe.

²⁰ BAWIPA ni a kam tangcoung e hah a caksak teh, BAWIPA e a kam e patetlah apa Devit e hmuen teh ka coe teh, Isarel bawitungkhung dawk ka tahung teh, Isarel BAWIPA Cathut min hanlah, im teh ka sak toe.

²¹ Hawvah, thingkong o nahane hmuen lah ka pouk teh, hawvah, Izip ram hoi a tâcokhai navah, mintoenaw koe a kam e BAWIPA lawkkam ao telah a ti.

Poe hanelah Solomon ratoumnae

²² Solomon teh BAWIPA koe thuengnae khoungroe hmalah vah, kamkhueng e Isarelnaw pueng ni a hmuna koe a kangdue teh, kalvan lah a kut hah a dâw teh,

²³ Isarel BAWIPA Cathut kalvan hai thoseh, talai thung hai thoseh, a lungthin abuemlah na hmalah kahawicalah kaawm e naw koevah, lawkkam hoi pahrennae kakuepsakkung nang patet lae Cathut awm hoeh.

²⁴ Na san apa Devit koevah, lawk na kam e hah na pahnim hoeh teh, na pahni hoi na dei e hah na kut hoi na kuepsak. Sahnin totouh nama paroup lah na o.

²⁵ Hatdawkvah, Isarel BAWIPA Cathut, na san apa Devit koevah, na capanaw ni a hringnae nuencang kâhruetcueth, ka mithmu vah, hring

awh pawiteh, ka hmaitung vah Isarel bawitungkhung dawk ka tahung hane vout mahoe na ti telah na kam e hah kuep sak haw.

²⁶ Oe Isarel Cathut, na san Devit koevah na dei e kuep sak haw telah ka ratoum.

²⁷ Hatei Cathut nang teh, talai van kho na ka sak han tanggak na maw. Khenhaw, kalvan hoi kalvannaw dawk patenghai na ka cawng hoeh e, hete ka sak e im dawkvah, banghloimaw cawng laipalah hoe ao han vai.

²⁸ Hatei Oe BAWIPA Cathut, sahnin vah na san ni na kaw e hoi ka ratoumnae hoi ka dei e na thai pouh haw. Na san ni ratoumnae hoi ka heinae hah na thai pouh haw.

²⁹ Hete hmuen koe ka min a kamtue han na tie patetlah, hete hmuen hoi hete impui hah karum khodai pou khen nateh, na san ni hete hmuen koe ka ratoum e lawk hah na thai pouh haw.

³⁰ Na san hoi na tami Isarelnaw ni hete hmuen koelah kangvawi haw. A ratoum awh toteh a hei awh e hah thai pouh haw.

³¹ Tami bang patet ni hai a imrinaw koe yon a sak awh toteh, thama lahoi lawk hah kam sak pawiteh, hete na bawkim khoungroe hmalah a tho hoi lawk a kam toteh,

³² Kalvan lahoi na thai pouh nateh, tami kathoungnaw e tawksaknae teh amamae lû dawk letlang phat sak haw. Tami kalan teh, a lanna patetlah yopen laipalah na san heh lawkceng pouh.

³³ Na tami Isarelnaw ni nang taranlahoi yonnae a sak awh kecu, a tarannaw ni tâ awh pawiteh, nang koe a kamlang awh teh, na min hah a pâpho awh teh, hete bawkim dawk ratoum awh pawiteh, hno a hei awh navah,

³⁴ Kalvan hoi thai pouh nateh, na tami Isarelnaw e yonnae hah ngaithoum haw. A na mintoenaw koe na poe e ram lah bout bankhai haw.

³⁵ Nang taranlahoi yonnae sak kecu dawk kalvan hah a pâbing, kho a rak hoeh toteh, het hmuen koe kangvawi a ratoum teh, na min a pâpho teh, a pataw nahan na poe e thung hoi a yonnae kamlang takhai pawiteh,

³⁶ Kalvan hoi thai pouh nateh, a cei nahane lam kalan pâtu nateh, râw lah na poe e ram dawk kho a rak thai nahanlah na san Isarelnaw e yonnae ngaithoum pouh haw.

³⁷ Ram dawk takang a tho teh, lacik thoseh, kehramnae thoseh, pawknae thoseh, samtong thoseh, ahriai thoseh awm boilah, a taran ni a khopui longkha koehoi koe kalup awh pawiteh, patawnae lacik aphunphun a pha toteh,

³⁸ Tami bangpatet ni hai ratoum hoi kâheinae a sak nakunghai, na tami Isarelnaw pueng ni, amae a lungthin hoi lacik ao e hah a panue awh teh, hete bawkim koe kangvawi hoi a kut a dâw awh toteh,

³⁹ Na onae hmuen kalvan hoi thai pouh haw. Ngaithoum haw. Kâroe haw. Lungthin na kapanuekkung nang ni a hringnae hoi kamcu e hah, poe haw. Bangkongtetpawiteh, nang dueng doeh tami lungthin na kapanuekkung lah na o.

⁴⁰ A mintoenaw na poe e ram dawk hoi nang na taki nahanlah,

⁴¹ Hothloillah, na tami Isarel lah kaawm hoeh e miphun alouke na min kecu ram ahlanae koehoi kathonaw kong dawk,

⁴² Na lentoenae na min hoi thaona kut hoi na kut na dâwnae kong hah a panue awh han doeh. Hotnaw ni hai hete bawkim dawk a ratoum awh toteh,

⁴³ Na onae hmuen kalvan hoi thai pouh haw. Na tami Isarelnaw patetlah talai miphun tangkuem ni na min a panue hoi nang barilawa na ta awh teh, hete ka sak e bawkim heh na min lahoi kaw e doeh ti a panue thai awh nahan, nang koe ka kâhet e miphun ni a hei awh e naw pueng hah sak pouh haw.

⁴⁴ Na taminaw ni a tarantuk han na tha awhnae koe a cei awh toteh na rawi e khopui koe kangvawi hoi na min hanlah sak e bawkim koe kangvawi hoi BAWIPA koe a ratoum awh toteh,

⁴⁵ A ratoumnae hoi a kâheinae hah kalvan hoi na thai pouh haw. A lawknaw hah pouk pouh haw.

⁴⁶ Na tak dawk yonnae a sak awh teh, bangtelamaw yonnae ka sak hoehe e apihai awm hoehe bo. Ahnimouh koe na lungkhuek teh, a taran kut dawk na poe teh ahlanae koe thoseh, a hnainae koe thoseh, a tarannaw ni san lah man pawiteh,

⁴⁷ San lah a ceikhainae ram dawk a lung a ang awh teh, pan a kângai awh teh, yonnae koe ka sak awh toe, kalan hoehe e hno hoi, puenghoi yonnae ka sak awh toe titeh, san lah a hrawinae hmuen koehoi kâhet awh pawiteh,

⁴⁸ A taran lah kahrawikungnaw e ram hoi a lungthin katang hoi a hringnae katang hoi nang koelah kangvawi hoi a na mintoenaw koevah, na poe e hoi na rawi e khopui hoi nang han ka sak e bawkim koe lah kangvawi laihoi nang koe a ratoum awh toteh,

⁴⁹ A ratoumnae hoi a kâheinae hah kalvan na onae koehoi thai pouh nateh a lawknaw hah pouk pouh haw.

⁵⁰ San lah kamankungnaw ni a pahren awh thai nahan, na hmalah pahren sak awh haw. Nang koe yonnae kasaknaw hoi na hmalah, kâtapoenae kong dawk na taminaw e kâtapoenae naw pueng hah ngaihoum haw.

⁵¹ Bangkongtetpawiteh, ahnimouh teh, na taminaw teh Izip ram hoi sumthawngnae tahmanghmai thung hoi na tâco sak e naw doeh.

⁵² Na kaw awh toteh, na thai pouh nahanelah, na san ni a kâheinae hai na tami Isarel ni a kâheinae koe lah, na mit na ta thai nahan,

⁵³ Bangtelane Oe Bawipa Jehovah, ka na mintoenaw Izip ram hoi na tâcokhai navah, na san Mosi hno lahoi na dei tangcoung e patetlah miphunnaw pueng thung hoi na râw lah na kapek telah a ti.

Solomon ni tamimaya yawhawi a poe

⁵⁴ Solomon ni BAWIPA koevah ratoumnae hoi a kâheinae naw pueng koug a dei hnukkhu, BAWIPA e thuengnae khoungroe koelah a khok-pakhu a cuengkuem teh, kalvan lah kut a dâwnae koehoi a thaw.

⁵⁵ A kangdue teh lawk kacaipoung lahoi,

⁵⁶ a lawkkam patetlah a tami Isarelnaw hanlah, kâhatnae kapoekung BAWIPA teh pholen lah awm naseh. A san Mosi hno lahoi kahawi e lawkkamnaw pueng hah, lawklung buet touh hai phen hoehe.

⁵⁷ Maimae BAWIPA ka Cathut teh, mintoenaw koevah ao e patetlah maimouh koehai awm naseh. Maimanaw hah khoeroe na pahnawt hanh naseh.

⁵⁸ A lamnaw pueng tarawi hane hoi mintoenaw koe kâ a poe tangcoung e patetlah kâpoelawknaw, phunglamnaw hoi, lawkcengnaenaw dâw pouh hanlah, maimae lungthin ama koe lah a kangvawi thai nahan,

⁵⁹ Cathut Jehovah lah a onae, alouke awm hoehe tie miphun pueng ni a panue thai awh nahan, a san kong dawk thoseh,

⁶⁰ A tami Isarelnaw kong dawk thoseh, a panki e patetlah hnin touh hoi hnin touh a kâroe thai nahan, hete ka dei e naw pueng hah, BAWIPA hmalah ka kâhei e pueng hah karum khodai pouk laipalah, BAWIPA Cathut hmalah pou kangning lawiseh.

⁶¹ Hatdawkvah, sahnin e na o e boiboelah, a phunglawknaw dawk na hring awh teh, kâpoelawknaw tarawi hane hoi, maimae BAWIPA Cathut koe na lungthin hah yuemkamcu lah awm seh telah Isarelnaw pueng hah yawhawinae a poe.

⁶² Siangpahrang hoi Isarelnaw pueng ni BAWIPA e hmalah sathei thuengnae hah a poe awh.

⁶³ Solomon ni BAWIPA hanelah a poe e roum thuengnae maitotan 22, 000 hoi, tu 120, 000 touh a poe awh. Hottelah siangpahrang hoi Isarelnaw pueng ni BAWIPA e im dawk a poe awh.

⁶⁴ Hat hnin vah, siangpahrang ni BAWIPA im e a thongma hah a thoung sak. Hawvah, hmaisawi thuengnae hoi tavai thuengnae e hoi, roum thuengnae satui hah a poe awh. Bangkongtewawiteh, BAWIPA e hmalah rahum khoungroe hah kapoenaw hanelah a thoungca.

⁶⁵ Hatnavah, Solomon hoi Isarelnaw pueng kamkhueng e ni Hamath kho kâennaeh koehoi, Izip ram palang totouh, kaawm e naw hah, maimae BAWIPA hmalah hnin 7 touh hoi hnin 7 kâhlat lah hnin 14 touh thung paw i sak awh.

⁶⁶ Hnin 8 hnin vah tamimaya teh a ban sak awh. Siangpahrang teh ahnimouh ni yawhawi a poe awh teh, BAWIPA ni a san Devit hoi a tami Isarelnaw hanelah, a sak e ahawinae naw kecu dawc lungthin nawmnae hoi, lunghawinae hoi, amamae rim dawc a cei awh.

9

Solomon koe Cathut apâhni a kamnuenae

¹ Solomon ni BAWIPA im hoi siangpahrang im hah a sak teh, a tawc hane a noe e pueng a cum torei teh,

² Gibeon vah a kamnue pouh e patetlah Solomon koe BAWIPA teh apâhni lah bout a kamnue pouh.

³ BAWIPA ni ahni koe ka hmalah ratoumnae hoi kâheinae na sak e hah, ka thai toe. Hete im sak e heh, yungyoe ka min o nahanelah kathoung sak toe. Ka mit hoi ka lungthin teh hawvah poe ao han toe.

⁴ Kalan e hoi yuemkamcu e lungthin hoi sak hanelah, kâ na poe e pueng hah na sak teh, na pa Devit patetlah ka hmalah na hring teh, ka phunglam hoi kâ na poe e hah na tarawi pawiteh,

⁵ Isarel bawitungkhung dawc e, ka tahung hane tami na vout mahoe, telah na pa Devit koe lawk ka kam tangcoung e patetlah Isarelnaw e lathueng vah, na uknaeram na bawitungkhung teh, yungyoe hanelah ka caksak han.

⁶ Hateiteh, nang nama thoseh, na capa hai thoseh, ka hnuk na kâbang hoeh lah lamthung na phen awh teh, kaie kâpoelawknaw hoi kaie phunglawknaw na panuesak e hah na tawm hoeh lah cathut alouke hah na bawc awh pawiteh,

⁷ Kai ni na poe e ramnaw thung hoi Isarel hah ka raphoe vaiteh, hete im ka min hanlah, kathoung sak tangcoung e hah ka hmaitung hoi ka takhoe han. Isarel teh miphun pueng ni lairui hoi panuilai lah a coung han.

⁸ Hahoi, tawmrasang lah kaawm e hete im heh ka tapuet e pueng ni kângairunae hoi lungroumsinnae, a hnong tangkhuek sin vaiteh, bang

kecu daw k maw BAWIPA ni hete ram hoi im heh hettelah a sak vai, telah ati awh han.

⁹ Hahoi tami ni, Izip ram hoi a na mintoenaw ka tâcawtkhai e amamae BAWIPA Cathut a ceitakhai teh, cathut alouknaw hah a baw k awh teh, a thaw a taw k pouh dawkvah, BAWIPA ni het patet e rawknae pueng teh a pha sak e doeh telah, bout a dei awh han telah a ti.

Solomon hoi Hiram hno poe kâthungnae

¹⁰ Solomon ni im kahni touh, BAWIPA im hoi siangpahrang im a sak nathung kum 20 touh aloum hnukkhu,

¹¹ Taire siangpahrang Hiram ni Solomon hah Sidar thing hoi hmaica thing hoi, sui hah panki e yit touh a poe teh, siangpahrang Solomon ni, Hiram teh Galilee ram e kho 20 touh a poe awh.

¹² Hiram Taire kho hoi Solomon ni a poe e khonaw khet hanelah a cei teh, a ngai e phun lah awm hoeh.

¹³ Ahnimouh ni hmaunawngaha na poe e khonaw heh, bangpatet e khonaw maw telah ati. Hatdawkvah, atu totouh, Kabul ram telah a ti.

¹⁴ Hottelah Hiram ni siangpahrang sui talen 120 a patawn.

Solomon ni a sak e alouklouk e naw

¹⁵ Solomon siangpahrang ni, thaw ka taw k hane a ta ngainae teh, BAWIPA im hoi amae im ka sak hanelah, Millo kho hoi Jerusalem rapan hoi Hazor kho hoi, Maggido kho, Gezer khonaw ka sak nahane doeh.

¹⁶ Izip siangpahrang Faro hah a tuk teh, Gezer a la teh hmai a sawi. Hote kho ka sak e Kanaan taminaw, koug a thei teh, amae canu, Solomon e a yu e phu lah a poe toe.

¹⁷ Hahoi Solomon ni Gezer kho hoi Bethhoron akalah kaawm e

¹⁸ Baalath kho hoi Judah ram tung kahrawng e Tamar kho,

¹⁹ Solomon ni hnopai kuemnae khonaw pueng, leng a kuemnae khonaw hoi, marang kâcuinaw onae khonaw hoi, Jerusalem tengpam thoseh, Lebanon mon daw k thoseh, a uknaeram tung pueng e Solomon ni sak han a noe e pueng hah koug a sak.

²⁰ Isarel catoun laipalah, kaawm rae Amornaw, Hit taminaw, Periznaw, Hivnaw hoi, Jubusitnaw pueng,

²¹ Ahnimae a hnukkhu hoi a catounnaw hote ram daw k ka'awm rae Isarelnaw ni be a thei hoeh e hah, Solomon thaw ka taw k hanelah atu totouh san lah ao sak.

²² Hateiteh, Isarel catounnaw teh Solomon ni thaw taw k sak awh hoeh. Taran ka tuk hane hoi kahrawikung kacuenaw, a ransa kahawi e leng kaukung, marang kâcui e naw kahrawikung lah a ta.

²³ Aloukenaw teh Solomon ni taw k e thaw dawkvah, kahrawikung thaw katawknaw ka ring hanelah, 550 touh ao awh.

²⁴ Hateiteh, Faro e canu teh, Devit khopui hoi amae im Solomon ma ni a sak pouh e daw k, a kampuen teh, Millo kho hah a sak.

²⁵ Solomon ni BAWIPA hanelah khoungroe a saknae dawkvah, kum tangkuem kum touh daw k vai thum hmaisawi thuengnae hoi roum thuengnae hah ouk a poe. BAWIPA hma lae khoungroe daw k hmutui hai ouk a sawi. Hottelah bawkim teh a cum.

²⁶ Siangpahrang Solomon ni Edom ram e tuipui paling a tengpam vah, Eloth kho teng kaawm e Eziongeber khovah, longnaw kâhat nahane hai a sak.

²⁷ Hiram ni long hoi tuipui daw k ouk ka cet e a sannaw hoi Solomon e a sannaw hoi cunghalah reirei taw k hanelah a patoun awh.

²⁸ Ophir kho dawk a cei aw h teh, hote sui talen 420 aphu aw h teh, Siangpahrang Solomon koe a thokhai aw h.

10

Sheba siangpahrangnu

¹ BAWIPA e min dawk Solomon e kamthang hah Sheba ram e siangpahrangnu ni a thai toteh, lawk karunaw pacei hane hoi tanouk hanelah a tho.

² Hmuitui a phunkuep hoi sui moikapap, talung phu kaawmnaw ka phawt e kalauknaw hoi a tho. Jerusalem kho dawk Solomon siangpahrang koe a pha toteh, a lung dawk kaawm e hah koug a pâpho.

³ Lawk a pacei e pueng Solomon ni a dei thai hoeh e, a phi thai hoeh e, a thai panuek hoeh e buet touh hai awm hoeh.

⁴ Sheba siagpahrangnu ni Solomon siangpahrang e lungangnae pueng thoseh, im a sak e thoseh,

⁵ a caboi dawk ca hane rawcanaw, thaw katawknaw e oang thoseh, a kamthoup aw h e thoseh, manang kapoenaw hoi BAWIPA im dawk a poe e hmaisawi thuengnae naw thoseh a hmu toteh, kângairu lahoi sut ao.

⁶ Napui ni siangpahrang koevah, na lungangnae kamthang ka ram koehoi ka thai e heh atang bokheiyah.

⁷ Hateiteh, kama ka tho toteh, ka mit ni a hmue hoehnahlan teh hote lawk hah ka yuem hoeh. Atuteh, ka thai tangcung e a tangawn boehai na dei pouh hoeh. Nange lungangnae hoi na hnopai teh ka thai e hlak puk a tapuet.

⁸ Na hmalah pou kaawm aw h niteh, lungangnae ka thai e na taminaw hoi na sannaw teh a yawhawi aw h.

⁹ Nange lathueng a lunghawi aw h teh, BAWIPA Cathut, Isarel bawitungkhung daw k katahungsakkung teh pholennae lah awm seh. Bangkoktetpawiteh, BAWIPA ni Isarel a lungpataw yungyoe. Hatdawkvah, yuemkamcu hoi kalan lah lawkceng hanelah siangpahrang lah na rawi aw h e doeh telah atipouh.

¹⁰ Siangpahrang koe sui talen 120 hoi hmuitui moikapap hoi talung phu kaawmnaw hah a poe. Sheba siangpahrangnu ni siangpahrang Solomon a poe e patet e hmuitui bout tâcawt hoeh toe.

¹¹ Khiram long hoi Ophir kho lahoi sui ka phawt e ni hai Ophir kho hoi Almuk thing moikapap hoi talung aphu kaawm hah a phu aw h.

¹² Siangpahrang ni Almuk thing hah BAWIPA e im hoi siangpahrang im tungdum nahane hoi la kasaknaw hane ratoung, vovit sak nahane totouh a hno. Hot patetlae Almuk thing teh bout thokhai aw h hoeh toe. Sahnin totouh kamphawng hoeh.

¹³ Siangpahrang Solomon ni lungthonae lahoi a poe e hloilah Solomon ni Sheba siangpahrangnu teh a ngai e hoi a hei e pueng a poe. Hottelah hoi ama hoi a sannaw hoi amae ram koelah a ban.

Solomon e tawntanae

¹⁴ Solomon koe kum touh daw k e sui ka kâen e a khing talen 666 touh a pha.

¹⁵ Hetheh hno kayawtnaw, leng kamawngnaw, Arabia siangpahrangnaw ukkung bawinaw koehoi e a poe e hai ao rah.

¹⁶ Solomon ni kalen e saiphei 200 touh dei e sui hoi a sak nah, buet touh hanelah sui shekel 600 touh a hno.

¹⁷ Dei e sui saiphei 300 touh hai a sak. Saiphei buet touh dawk sui mina kathum touh, hotnaw hah siangpahrang ni Lebanon ratu thung e thing hoi a sak e im dawk a hruek.

¹⁸ Siangpahrang ni kasaino hoi bawitungkhung kalenpounge a sak teh, suitui hoi a pathoup.

¹⁹ Bawitungkhung dawk luennae lakhout 6 touh ao teh, a hnuklah a kâkalup. Bawitungkhung avangvanglah kut tOUNGNAE ao teh, kut tOUNGNAE teng vah sendek kahni touh a kangdue.

²⁰ Lakhout coung taruk touh e a van vah, avangvanglah sendek 12 touh a kangdue. Hot patetlae tungkhung teh apie ram dawk hai awm hoeh.

²¹ Solomon ni a neinae manang pueng hoi Lebanon ratu thung e thing hoi sak e im dawk a hno e manang pueng teh, ngun manang nahoe, suimanang seng doeh. Solomon se nah ngun hah banglahai noutna aw hoh.

²² Siangpahrang ni tui dawk hno a yonae long hoi Khiram siangpahrang e long hoi reirei a patoun. Kum thum touh dawk vai touh Tarshish e long teh bout a ban. Sui, ngun, kasaino, kalainaw, awtawnaw a phu aw hoh.

²³ Siangpahrang Solomon ni talai van e siangpahrang pueng hah bawinae koe lahoi lungangnae koe lah kOUNG a tapuet.

²⁴ Solomon e a lungthin dawk Cathut ni a hruek pouh e lungangnae hah Talai tami pueng ni a thai aw hanelah Solomon koe ouk a tho aw hoh.

²⁵ Lengkaleng ka tho e naw ni suimanang, ngunmanang, khohna, tarantuknae puengcang, hmuitui phunkuep, marang, la naw hah kum tangkuem a poe aw hoh.

²⁶ Solomon ni rangleng hoi marang kâcuinaw a pâkhueng teh, rangleng 1,400 touh hoi marangransanaw 12,000 touh a tawn. Hotnaw teh, rangleng a hrueknae khonaw hoi Jerusalem siangpahrang a onae koe ao sak aw hoh.

²⁷ Siangpahrang ni Jerusalem kho dawk ngun hah talung patetlah thoseh, Sidar thingnaw hah a yawn dawk e thailahei kungnaw patetlah thoseh apap sak.

²⁸ Solomon ni a tawn e marangnaw teh, Izip ram, Keveh kho lahoi a thokhai e naw doeh. Siangpahrang e hno kayawtnaw ni Keveh kho lahoi a thokhai aw hoh teh tangka hoi a ran aw hoh e doeh.

²⁹ Izip ram lahoi leng buet touh hah ngun shekel 600 hoi thoseh, marang buet touh hah ngun shekel 150 hoi thoseh pou a yo aw hoh. Hot patetlah Hit siangpahrang hoi Siria siangpahrangnaw koe Izip marang hoi lengnaw ouk a kâthungkhai.

11

Solomon ni BAWIPA a kamlang takhai

¹ Solomon siangpahrang ni Faro canu dueng laipalah Isarel miphun hoeh e Moab, Amon, Edom, Sidon hoi Hit miphun napuinaw hai a ngai.

² BAWIPA ni nangmanaw Jentel miphun hoi kâpaluennae na sak mahoe. Atangcalah ahnimouh teh, amamae cathutnaw e hnuk vah na lungthin a kamlang sak hane telah Isarelnaw koe a dei pouh nakunghai, Solomon ni Jentel miphun napuinaw radueknae lung a tawn.

³ A yu 700 hoi ado 300 touh a tawn teh, a yunaw ni a lungthin a kamlang sak.

⁴ Solomon teh a kumcue navah, a yunaw ni a lungthin hah cathut louk koe a kamlang sak. Hottelah a na pa Devit patetlah Cathut Jehovah koelah yuemkamcu hoeh toe.

⁵ Sidon cathut Ashtoreth hoi panuetho e Ammonnaw e cathut milkom e hnuk a kâbang.

⁶ Solomon ni BAWIPA e hmaitung vah yonnae hah a sak teh, a na pa Devit patetlah BAWIPA hah khoeroe tarawi hoeh.

⁷ Solomon ni Jerusalem Kanîtholae mon dawk panuethopounge Moabnaw e cathut Khemosh hoi panuethopounge Ammonnaw e cathut Molek hanelah hmuen rasang a kangdue sak.

⁸ Jentel napuinaw ni a cathut koe thuengnae hmuítui hmaisawi patetlah ahni ni a sak van.

⁹ Alouke cathut koe a cei hoeh nahanelah, Isarel Cathut Jehovah ni vai hni totouh a kamnue pouh.

¹⁰ Kâ kapoekung hah a lungthin hoi a kamlang takhai dawkvah, Solomon e lathueng BAWIPA a lungkhuek. Bangkongtetpawiteh, BAWIPA ni lawk a poe e tarawi hoeh.

¹¹ Hatdawkvah, BAWIPA ni Solomon koe hettelah na sak teh, ka lawkkam hoi phunglawk na tarawi hoeh dawkvah, na uknaeram heh nang koehoi ka la vaiteh, na san koevah ka poe han.

¹² Hateiteh, na pa Devit kecu dawk na hring nathung teh hote hah ka sak mahoeh. Na capa kut dawk ram kâbawng sak han.

¹³ Hatei, ram abuemlah hoi ka lat mahoeh. Ka san Devit hoi ka rawi e Jerusalem kecu dawk miphun buet touh teh na capa koe a ka poe han telah ati.

Solomon e tarannaw

¹⁴ BAWIPA ni Edom tami hah Hadad hah Solomon e taran lah a kangdue sak, ahni teh Edom ram e siangpahrang catoun lah ao.

¹⁵ Edom ram dawk Devit a la o teh, a thei e naw pakawp hanelah ransabawi Joab a cei teh, Edom miphun tongpa pueng a thei hnukkhu,

¹⁶ Joab hoi Isarel pueng teh, thapa yung taruk touh thung Edom ram e tongpa pueng he a thei hoehroukrak ao awh.

¹⁷ Hadad teh a na pa e san Edom miphun a tangawn naw hoi Izip ram koe pha hanelah a yawng awh. Hadad teh camo ca rah.

¹⁸ Midian ram hoi a tâco awh teh Paran ram koe a pha awh. Paran e tami tangawn a kaw awh teh, Izip ram, Izip ram siangpahrang koe a pha awh toteh, siangpahrang ni im hoi talai hmuen a poe teh a kawk.

¹⁹ Hadad teh Faro e mit khet a kantik. A yu e nawnggha, siangpahrang Tahpenes e nawnggha hah a yu hanelah a poe.

²⁰ Tahpenes e a nawnggha ni, a capa Genubath a khe pouh. Ahni teh Faro im vah Tahpenes ni sanu a pâphei, Genubath teh Faro im vah Faro e a canaw koe kho a sak.

²¹ Devit teh a na mintoenaw koe a i tie hoi Joab hai a due toe tie Hadad ni Izip ram hoi a thai toteh, kai hai kamae ram koelah cei hanelah kâ na poe leih telah, Faro siangpahrang koe a kâhei.

²² Faro siangpahrang ni, nang teh nama e ram koe lah ban na ngainae na tawn hanelah kai koe bangmaw na ngai rah. Banghai ka ngai hoe. Hatei, cei hane kâ na poe telah bout atipouh.

²³ Cathut ni Solomon e taran hanelah Eliada capa Rezon khobawi Hadadezer, Zobah siangpahrang koehoi ka yawng e hah bout a kangdue sak.

²⁴ Devit ni Zobahnaw a thei navah, ama ni taminaw a pâkhueng teh, ransanaw kaukkung lah yo ao toe. Damaskas kho koe lah a cei teh, kho hah a uk.

²⁵ Hadad ni runae a poe e bout a thap sin lahoi Solomon a hringyung thung Isarel naw e taran lah ao. Siria ram hah a uk teh, Isarel naw hah puenghoi a hmuhma.

Jeroboam taranthawnae

²⁶ Nebat capa Jeroboam Zeradah kho e Ephraim tami Solomon e a san ni hai Solomon teh a taran, a manu e min teh Zeruah, lahmai lah a o

²⁷ Siangpahrang a tarannae a kong lam teh hettelah doeh. Solomon ni Millo kho hah a kangdue sak, a na pa Devit e kho rapan ka rawk e a pathoup.

²⁸ Jeroboam teh athakaawme tami lah ao. Solomon ni hote thoundoun teh tami a thakaawm tie hah a panue dawkvah, Joseph imthung thaw ka tawk e lathueng vah kacue e lah a hruek.

²⁹ Hatnae tueng daw hettelah doeh. Jeroboam hah Jerusalem a tâco navah, Shiloh tami profet Ahijah ni lam vah a kâhmo. Ahijah teh hni katha a kâkhu, amamouh roi dueng law vah ao roi.

³⁰ Ahijah ni a kâkhu e hni katha hah a la teh, hlaikahni touh lah a ravei.

³¹ Jeroboam koevah hete hra touh hah lat nateh, BAWIPA Isarel Cathut ni hettelah a dei. Uknaeram heh kut daw hoi ka la vaiteh, miphun 10 touh e hah nang koe na poe han.

³² Ka san Devit hanelah Isarel ram thung daw kai ni ka rawi e Jerusalem kho kecu daw Solomon ni ram buet touh a la han.

³³ Ram hra touh la pouh ngainae teh, Sidonnaw e cathut napui Ashtoreth hoi Moabnaw e cathut Mikonnaw hah a bawk aw h. A na pa Devit patetlah ka hmaitung kalan e sak hanelah kaie lamthung dawn hoeh.

³⁴ Hatei, a uknaeram abuemlahoi koug ka lawm mahoe h. Bangkongtet-pawiteh, kaie kâpoelawknaw hoi phunglawknaw ka poe e a tarawi dawkvah, ka rawi e ka san Devit kecu daw a hringyung ukkung lah ka o sak han.

³⁵ Solomon e capa kut daw hoi a uknaeram ka la pouh vaiteh, ram hra touh e nang koe na poe han.

³⁶ Ka min ao nahane ka rawi e Jerusalem kho daw k, ka hmalah ka san Devit e hmaim teh pou ka ang e lah ao nahan Solomon capa koe ram buet touh kai ni ka poe han.

³⁷ Nang hah kai ni na la vaiteh, na lungngaie patetlah na uk teh Isarel naw e lathueng siangpahrang lah na o aw h han.

³⁸ Nang teh, kai ni kâ na poe e naw na tarawi teh, ka san Devit ni a dawn e patetlah kaie phunglawknaw hoi kâpoelawknaw hah na dawn teh, ka hmaitung kalan e na sak pawiteh, nang hoi rei ka o vaiteh, Devit hanelah ka cak poung e im sak e patetlah nang hanelah ka sak vaiteh, Isarel hah nang koe na poe han.

³⁹ Hete a kong daw Devit catoun a runae ka poe han. Hatei a yungyoe runae ka poe mahoe h telah ati.

⁴⁰ Solomon ni Jeroboam hah thei hanelah a kâcai. Hatei, Jeroboam a thaw teh, Izip ram, Izip siangpahrang Shishak koe a yawng. Solomon a due totouh Izip ram vah ao.

Solomon duenae

⁴¹ Solomon ni a sak e hno kaawm rae naw hoi ahnie lungangnae naw teh, Solomon ni a thutnae cauk daw thut e lah ao nahoe h maw.

⁴² Solomon ni Jerusalem kho daw ao teh, Isarel ram pueng kum 40 touh thung a uk.

⁴³ A na mintoenaw hoi reirei a i awh, a na pa Devit kho dawk a pakawp awh. A capa Rehoboam ni a na pa e yueng lah a uk.

12

Rehoboam taranlahoi taranthawnae

¹ Isarel miphun pueng ni Rehoboam hah siangpahrang lah tawm hanelah Shekhem kho koelah a cei awh teh, ahni hai a cei van.

² Solomon siangpahrang koehoi Izip koelah ka yawng e Nebat capa Jeroboam ni hote kamthang hah a thai teh, Izip ram lahoi bout a ban.

³ Isarelnaw ni ahni koe tami a patoun awh teh, a kaw sak. Kamkhueng e tamihunaw teh ahni hoi Jeroboam koe rei a cei awh.

⁴ Na pa ni kaimouh dawk karipoung e na phu sak awh toe. Hatdawkvah, na pa ni nget ka tawn lah thaw na tawk sak e hoi ka ri poung e kahnam hah bet pâhaw sak haw. Hottelah pawiteh, na thaw ka tawk awh han telah ati awh.

⁵ Ahni ni, nangmanaw cet awh ei, hnin thum touh a loun hnukkhu bout tho awh atipouh. Taminaw hai a cei awh.

⁶ Siangpahrang Rehoboam ni a na pa Solomon a hring nah ahni koe ouk kaawm e kacuenaw hah taminaw koe bout dei pouh hane bangtelamaw pouknae na poe han telah a paei.

⁷ Ahni ni sahnin hetnaw e a san lah na o teh, a thaw na tawk lah lawk kahawi hoi bout na dei pawiteh, na san lah pou ao awh han telah a dei pouh awh.

⁸ Kacuenaw ni pouknae a poe e hah, Rehoboam ni tarawi hoeh. Rei kaawm awh e thoundounnaw koe pouknae a hei teh,

⁹ ahnimouh ni, na pa ni kaimouh koe na phu sak e kahnam hah pâhaw sak haw telah ati awh dawkvah, bangtelamaw ka dei pouh han, pouknae na poe awh haw telah ati.

¹⁰ A hui thoundounnaw ni ahni koevah, na pa ni kaimouh e kahnam a ri sak toe, bet pâhaw sak haw, telah nang koe ka tet e naw koe hettelah na dei han. Ka kutcarei heh apa e a keng hlak hoe a tha han.

¹¹ Apa ni ka ri poung e kahnam hah nangmanaw na phu sak awh toe. Kai ni hai bout ka thap sin han rah. Apa ni ruitaboung hoi na hem awh. Kai ni teh aikam hoi na hem awh han rah telah bout dei pouh telah ati awh.

¹² Siangpahrang ni apâthum hnin vah bout tho awh telah ahnimouh a dei pouh e patetlah, apâthum hnin dawk Jeroboam hoi taminaw teh Rehoboam koe a tho awh.

¹³ Siangpahrang teh kacuenaw ni pouknae a poe awh e hah ngai hoeh. Taminaw hah lawk kahram hoi a pato.

¹⁴ Thoundounnaw ni pouknae a poe e patetlah apa ni kahnam a ri sak e hah kai ni hoe ka thap sin han, apa ni ruitaboung hoi na hem awh ei, kai ni teh aikam hoi na hem awh han rah telah lawk kahram lahoi bout a dei pouh.

¹⁵ Siangpahrang ni taminaw ni a dei e hah tarawi hane ngai hoeh. Bangkongtetpawiteh, BAWIPA ni Shiloh tami Ahijah hno lahoi Nebat capa Jeroboam koe yo a dei pouh e lawk hah a kuep sak nahanelah doeh.

¹⁶ Isarelnaw ni a dei e hah siangpahrang ni tarawi ngaihoeh tie a thai awh navah, maimanaw Devit hoi bangmaw kâkuetnae kaawm. Jesi capa hoi bangtelamaw raw coe awh han. Oe Isarelnaw namamouh onae rim koe cet awh. Oe Devit namae na imthung kong hah pouk telah bout a dei awh teh, Isarelnaw teh amamouh onae koe bout a ban awh.

¹⁷ Hateiteh, Judah khopui thung kaawm e Isarelnaw teh Rehoboam ni a uk aw h.

¹⁸ Siangpahrang Rehoboam ni tamuk ka cawng e Adoniram a patoun teh, Isarelnaw pueng ni talung hoi a dei aw h teh a due. Hatdawkvah, siangpahrang Rehoboam teh, rangleng dawk a kâcui teh Jerusalem kho lah a yawng.

¹⁹ Hottelah Isarelnaw ni sahnin totouh Devit imthung hah a taran aw h.

Rehoboam teh Jerusalem vah

²⁰ Isarelnaw ni Jeroboam bout a ban tie hah a thai aw h toteh, kamkhuengnae hmuen koe tho hanelah a kaw aw h teh, Isarelnaw ka uk e siangpahrang lah a tawm aw h. Judah miphun hoe h e laipalah teh, Devit imthung koe ka bawk e aw m hoe h.

²¹ Rehoboam teh Jerusalem kho koe a pha toteh, Solomon capa Rehoboam koe uknaeram bout pha sak nahanelah Isarelnaw tuk hanelah, Judahnaw pueng hoi Benjamin miphun tarankahawi rawi e 180,000 totouh a kamkhueng sak.

²² Hateiteh, Cathut e lawk teh Cathut e tami Shimaiah koe a pha.

²³ Judah ram siangpahrang Solomon capa Rehoboam koehoi Judah hoi Benjamin imthung pueng koehoi tami pueng koe hai,

²⁴ BAWIPA ni hettelah a dei. Na hmaunawng hah Isarelnaw tuk hanelah, cet hanh aw h. Tami pueng amamouh im bout ban aw h naseh. Hethateh kai ni ka sak e doeh. telah dei pouh aw h telah ati. Hottelah BAWIPA e lawk a tarawi aw h teh, BAWIPA e lawk patetlah a ban aw h.

Jeroboam e suimaitoca

²⁵ Jeroboam ni Ephraim mon dawkvah Shekhem kho a kangdue sak teh haw vah kho a sak. Haw e kho koehoi a cei teh, Penuel kho hai a kangdue sak.

²⁶ Jeroboam ni a lungthung hoi hete uknaeram heh Devit siangpahrang imthung koe bankhai e lah ao thai.

²⁷ Khocanaw ni BAWIPA e bawkim dawkvah, thuengnae poe hanelah Jerusalem kho koelah cet pawiteh, ahnima e lungthin teh amamae bawi Judah siangpahrang Rehoboam koelah bout a ban aw h vaiteh, kai hah na taket aw h vaiteh, Judah siangpahrang Rehoboam koe vah bout a ban aw h han telah ati.

²⁸ Siangpahrang ni pouknae a hei teh, suimaitoca meikaphawk kahni touh a sak teh, taminaw koe nangmouh hanelah, Jerusalem kho yo cei hanelah a ru poung. Oe Isarelnaw khenhaw. Izip ran hoi na katâcawtkhaikung na cathutnaw hei telah ati.

²⁹ Bethel kho vah buet touh, Dan kho vah buet touh a hruek.

³⁰ A payon nahanelah a sak. Taminaw ni maitoca hah a bawk aw h hanelah Dan kho totouh a cei aw h.

³¹ Jeroboam ni karasangpoung e hmuen dawk im a sak teh, Levih hoe h e tami rumramnaw dawk hoi vaihma lah a hruek.

³² Jeroboam ni Judah ram e paw i a tawn aw h e patetlah thapa yung taroe, hnin hlaipanga hnin hah paw i hnin lah a khoe. Khoungroe koe a cei teh, Bethel kho vah maitoca a sak e naw koe thuengnae a sak. Karasang e hmuen koe a hruek e vaihmanaw hah Bethel kho vah a hruek.

³³ Ama ni a ngainae tueng a khoe e thapa yung taroe hnin hlaipanga hnin vah, Bethel kho a sak e khoungroe dawk thuengnae a sak. Isarelnaw hanelah paw i a sak pouh teh khoungroe dawk thuengnae a sak teh hmutui hah hmai a sawi.

13

Cathut tami lawkthuinae

¹ Jeroboam teh hmuitui hmaisawi hanelah khoungroe teng a kangdue navah, Cathut e tami buet touh teh Bawipa e lawk patetlah Judah ram lahoi Bethel kho vah a tho.

² BAWIPA e lawk patetlah khoungroe koe hram laihoi, Oe khoungroe, khoungroe, BAWIPA ni hettelah a dei. Devit imthung dawk e Josiah a min kâphung e a khe han. Nange lathueng hmuitui hmaisawi vaiteh, hmuen rasang koe vaihma thaw katawknaw hah ahni ni na lathueng thuengnae a thueng vaiteh, tami kadout e hrunaw hah hmai a sawi han ati telah ati.

³ Hote hnin dawkvah, mitnoutnae a poe teh, BAWIPA ni a dei e mitnoutnae hateh, khoungroe a tip roeroe han. Khoungroe e van kaawm e hraba hah koug a yut han telah ati.

⁴ Hottelah Cathut e tami ni, Bethel kho e khoungroe dawk a hram e hah Jeroboam siangpahrang ni a thai toteh, khoungroe dawk hoi a kut a kâyap teh man awt telah ati. A man nahanlah a kâyap e kut hah a kamkhuen teh a kut bout lat thai hoeh toe.

⁵ Cathut e tami ni BAWIPA e a lawk a poe e patetlah mitnoutnae hoi kâvan lah khoungroe a tip teh, hraba hai khoungroe dawk hoi he a yut.

⁶ Siangpahrang ni ka kut bout a dam thai nahanelah kai hane ratoum nateh, na BAWIPA Cathut e hmalah, pahrennae het haw atipouh. Cathut e tami ni BAWIPA koe a hei pouh navah, siangpahrang e kut teh bout a dam. Ahmaloe e boiboe lah bout ao.

⁷ Siangpahrang ni Cathut e tami koe, kai koe tho nateh na thapatho, tawkpou na poe han telah atipouh.

⁸ Cathut e tami ni siangpahrang koevah, na im tangawn na ka poe nakunghai nang koe ka tho mahoe. Hete hmuen dawk vaiyei hoi tui hai ka net mahoe.

⁹ BAWIPA e lawk ni vaiyei cat hanh, tui hai net hanh. Na thonae lam daw koe hoi ban han telah kai koe lawk na poe toe telah siangpahrang koe a dei pouh.

¹⁰ Bethel lam lahoi a thonae lam hah a roun teh, alouke lae lam lahoi a ban.

Cathut tami duenae

¹¹ Hatnae tueng dawkvah, Bethel kho vah, profet matawng buet touh ao. A capanaw a tho awt teh, hot hnin vah Cathut tami ni Bethel kho a sak e pueng hah a dei pouh. Siangpahrang koe a dei pouh e hai a na pa koe a dei pouh.

¹² Judah ram lahoi ka tho e Cathut e tami teh, na lae lam daw koe hoi maw a cei tie a panue awt dawkvah, a na pa ni ahni na lae lam daw koe hoi maw a cei tie a pacei.

¹³ A capanaw koe vah la hah, hni padoun haw ati e patetlah a canaw ni hni a padoun pouh teh a kâcui.

¹⁴ Cathut e tami hah a pâlei. Kathen e rahim a tahung e a hmu nah nang teh Judah ram lahoi na ka tho e Cathut e tami maw telah a pacei. Oe kai doeh atipouh.

¹⁵ Profet ni kai hoi rei cei roi han, ka im totouh kâbang nateh, vaiyei hai cat loe telah a coun.

¹⁶ Kai teh nang hoi rei ka cet mahoe. Na im daw koe ka kâen mahoe. Hie hmuen daw koe vaiyei ka cat mahoe, tui hai ka net mahoe.

¹⁷ BAWIPA ni hote a hmuen koe, vaiyei cat hanh, tui net hanh, na thonae lam daw koe hoi ban hanh loe kai koe na dei pouh telah ati.

¹⁸ Profet ni kai hai nang patetlah profet lah ka o. Nang teh vaiyei na ca vaiteh, tui na nei sak nahanelah nang ka im dawk na coun nahanelah, kalvantami ni BAWIPA e a lawk lahoi na dei pouh toe telah laithoe sin teh a dei pouh.

¹⁹ Cathut e tami teh, profet hoi a ban roi teh, a im dawk vaiyei a ca teh tui hai a nei.

²⁰ Caboi dawk rei a tahung roi nah, ka ban khai e profet koevah, BAWIPA e lawk a pha.

²¹ Judah ram lahoi ka tho e Cathut e tami koe BAWIPA ni hettelah a dei. BAWIPA e lawk dei e na tarawi hoeh. BAWIPA Cathut e kâpoe e na ngai hoeh.

²² Hie hmuen koe vaiyei cat hanh, tui net hanh telah lawk na poe e hmuen koe vaiyei na ca teh, tui na nei dawkvah, na ro heh na mintoenaw e tangkom koe phat mahoe telah a pâpho.

²³ Vaiyei hoi tui a canei hnukkhu, hote profet ni ka ban e profet hanelah amae la hah hni a padoun pouh teh a cei sak.

²⁴ Lam vah Sendek a kâhmo teh, a kei. A ro teh lam dawk a yan. Sendek hoi la teh a teng vah a kangdue.

²⁵ A ro teh lam dawk a yan teh Sendek hoi la teh a teng vah a kangdue pouh e kahlawng ka cet e ni a hmu nah, ka matawng e profet koe a cei teh a dei pouh.

²⁶ La hoi ka bankhai e profet ni hote lawk a thai toteh, Cathut e tami BAWIPA e lawk ka ngai hoeh e han doeh. Hatdawkvah, BAWIPA ni ahni koe a dei pouh e a lawk patetlah BAWIPA ni Sendek koe a poe teh, vekrasen lah a hruék, a thei tayaw telah ati.

²⁷ A capanaw koe la hni na padoun pouh awh atipouh e patetlah a padoun pouh awh.

²⁸ A cei teh lam dawk ka yan e a ro hoi a teng kangdout e sendek hah a hmu. Sendek ni a ro la cat hoeh rah. La hai runae poe hoeh rah.

²⁹ Profet ni Cathut e tami e a ro hah a kayo teh la van a phu teh a bankhai. Profet matawng a onae kho dawk khuikakhai teh, pakawp hanelah a ma kho lah a ceikhai.

³⁰ A ro teh amae tangkom dawk a pakawp teh, Oe ka nawngah telah a khuikakhai awh.

³¹ A pakawp hnukkhu a canaw koevah, ka due toteh Cathut e tami pakawpnae tangkom dawk na pakawp awh. A hru teng vah kaie hru hai tat awh.

³² Bethel kho khoungroe hoi Samaria kho ram dawk e hmuenrasang koe sak e innaw a vang lah Cathut e a lawk patetlah ka hram e lawk teh a kuep katang han telah ati.

³³ Hathnukkhu Jeroboam ni amae lamthung kahawihoehe roun hoeh. Hmuenrasang koe tami runramnaw vaihmanaw lah bout a hruék. Vaihma tawk hane ka ngai e pueng a tawmrasang teh, ahnimouh teh hmuenrasang koe vaihma lah ao awh.

³⁴ Hottelah a sak dawkvah, Jeroboam catoun hah talai dawk hoi koung ka mit sak hane hoi kong ka raphoenae yon teh a pha.

14

Jeroboam imthung koe lawkcengnae

¹ Hatnae tueng nah Jeroboam e a capa Abijah teh a tak a pataw.

² Jeroboam ni a yu koevah, thaw haw, Jeroboam e a yu tie a panue aw haw hoeh nahan, na kâsak vaiteh, Shiloh kho cet. Hawvah profet Ahijah, hetnaw e lathueng siangpahrang lah ka o nahan kadeikung ao.

³ Vaiyei 10 touh, vaiyei phen youn touh, khoitui um buet touh na sin vaiteh, profet koe cet haw. Camo daw k bangtelah ao han tie ahni ni a dei han telah a ti.

⁴ Jeroboam e a yu teh, a thaw teh, Shiloh kho daw k Ahijah im koe lah a cei. Hatnavah, Ahijah teh a matawng toun dawkvah, a mit amom toe.

⁵ BAWIPA ni Ahijah koevah, khenhaw! Jeroboam e a yu teh a capa e kong daw k pouknae hei hanelah nang koevah a tho. Bangkongtetpawiteh, ahni teh a pataw. Ahni koe hettelah na dei pouh han. Ahni a tho toteh, napui alouke patetlah a kâsak han telah Ahijah koe atipouh.

⁶ Ahijah ni hottelah takhang daw k a kâen navah, a lamcei lawk a thai teh, Kâen haw, Jeroboam e yu, Bangkong alouke tami patetlah na kâsak. Lungmathoenae kamthang dei sak hanelah nang koe vah kai hah na patoun.

⁷ Cet nateh, Jeroboam koe, Isarel BAWIPA Cathut ni hettelah a dei. Taminaw thung hoi na rawi teh ka tami Isarelnaw kaukung lah na hruek.

⁸ Devit imthung hah uknaeram ka lawp teh nang koe na poe. Hatei, nang teh ka san Devit patetlah na awm hoeh. Ahni teh kaie kâpoelawknaw a tarawi. Ka hmaitung vah kahawi e hno dueng hah a sak telah a lungthin abuemlah kai koe a kâhnawng.

⁹ Hatei, yampa e naw hlak vah, yonnae moi na sak. Bangkongtetpawiteh, ka lungkhuek nahanelah cathut alouke koe na kangheng teh, meikaphawk na sak teh, kai hah hnam na thun takhai.

¹⁰ Hatdawkvah, Jeroboam imthung daw k, rucatnae ka pha sak han. Isarel ram khonaw daw k, san thoseh, kahlout thoseh, Jeroboam catoun tongpa pueng ka thei han. Tami ni songnawng he a tâkxawng e patetlah kacawirae Jeroboam catoun hah ka tâkxawng han.

¹¹ Jeroboam catoun teh khopui thung dout pawiteh, a ro uinaw ni a ca han. Kho lawilah dout pawiteh, kalvan e tavanaw ni a ca aw haw han telah BAWIPA ni a dei toe.

¹² Thaw nateh na im cet lawih. Na khok ni khopui a kâen navah, camo teh a due han.

¹³ Isarelnaw ni a khui aw haw vaiteh, a pakawp aw haw han. Jeroboam imthungnaw daw k hote camo dueng doeh tangkom daw k pakawp e lah ao aw haw han. Bangkongtetpawiteh Jeroboam catoun daw k, haw e camo buet touh ni Isarel catoun e BAWIPA Cathut daw k lungthin ahawinae hmu e lah ao.

¹⁴ BAWIPA ni ama hanelah, sahnin roeroe daw k Jeroboam imthung karaphoekung Isarel daw kvah siangpahrang ka tâco sak han. Nâtuék han namâ atipouh navah, atu raw doeh toe a ti.

¹⁵ Tui van lungpunkung kâhuen e patetlah BAWIPA ni Isarel a kahuet han. BAWIPA lungkhueknae thing meikaphawk a sak aw haw daw kvah, a mintoenaw koe a pha tangcoung e hah, kahawi e ram thung hoi Isarelnaw phawk vaiteh, tui namran lah be a kâkaye i aw haw han.

¹⁶ Ama hai ka payon niteh, Isarel miphunnaw hai ka payon sak e, Jeroboam e yonnae kecu daw k Isarel miphunnaw ka pahnawt han telah a ti.

¹⁷ Jeroboam e a yu a cei teh, Tirzah takhang koe a pha nah a ca teh a due.

¹⁸ BAWIPA ni a san profet Ahijah lahoi a dei e patetlah camo hah a pakawp aw hah teh, Isarelnaw teh a khuika aw hah.

Jeroboam duenae

¹⁹ Jeroboam ni a sak e kaawm rae naw, tarantuknae, a uknae naw tie a kongo hah Isarel siangpahrangnaw setouknae cauk daw k thut lah ao nahoe h maw.

²⁰ Jeroboam ni kum 22 touh a uk hnukkhu, mintoenaw hoi rei a i aw h. A capa Nadab ni ahni yueng lah a uk.

Rehoboam ni Judah a uk

²¹ Solomon e capa Rehoboam ni Judah ram hah a uk. Uk a kamtawng nah a kum 41 touh a pha. BAWIPA ni a min ao nahanelah, Isarel kho ram thung hoi e Jerusalem kho daw k kum 17 touh a uk. A manu e min teh Naamah, Ammon tami doeh.

²² Judahnaw ni BAWIPA e hmaitung vah yonnae a sak aw h teh, mintoenaw a payon aw h e hlak payonnae yon lahoi lungkhueknae a kampai sak aw h.

²³ Karasangpoung e mon naw thoseh, kahring e thingkungnaw rahim thoseh, monruinaw, meikaphawknaw, Asherahkungnaw thoseh a sak aw h.

²⁴ Judah ram daw k napuitongpa moikapap lah ao teh, Isarelnaw e hmaitung BAWIPA ni a hruek aw h e miphunnaw ni, a sak aw h e hno panuettho e naw a sak aw h.

²⁵ Siangpahrang Rehoboam a uknae kum 15 nae daw k vah, Izip siangpahrang Shishak hah Jerusalem kho tuk hanlah a tho.

²⁶ Bawkim daw k e hnonaw hoi siangpahrang im e hnonaw a la aw h. Solomon ni a sak e sui saiphei pueng a la pouh.

²⁷ Siangpahrang Rehoboam ni suisaiphei yueng lah rahum saiphei naw a sak teh, siangpahrang im takhang ka ring e koe a kuem sak.

²⁸ Siangpahrang ni BAWIPA e im daw k a cei na tangkuem karingkungnaw ni saiphei a sin aw h teh, karingkungnaw a onae koe bout a hruek aw h han.

²⁹ Rehoboam ni a sak e thung daw k hoi kaawm rae naw hoi a sak e pueng siangpahrangnaw setouknae cauk daw k a thut aw h nahoe h maw.

³⁰ Rehoboam hoi Jeroboam a hringyung thung a rahak vah kâtuknae ao.

³¹ Rehoboam hai a mintoenaw koe a i teh, Devit kho daw k ahnimouh hoi rei pakawp e lah ao. A manu min teh Ammon Naamah doeh. A capa Abijam ni a na pa yueng lah a uk.

15

Judah siangpahrang Abijam

¹ Nebat capa siangpahrang Jeroboam ni kum 18 a uknae kum daw k Abijam teh Judahnaw e siangpahrang lah ao.

² Jerusalem kho kum 3 touh a uk. A manu e min teh Abishalom canu Maakah doeh.

³ A na pa ni yonnae a sak e pueng a sak van teh, a na min Devit lungthin patetlah BAWIPA e hmaitung yuemkamcu lah aw m hoeh.

⁴ Hateiteh, Devit e minhmai khet lahoi BAWIPA Cathut ni a capa hah a tawmrasang teh, Jerusalem kho a caksak teh, haw e kho daw k Devit e hmaim hah a ang sak.

⁵ Bangkongtetpawiteh, Devit ni Hit miphun Uriah kong hoeh laipateh, a hringyung thung BAWIPA ni kâ a poe e phen boihoeh. Kalane hno a sak nahane daw k doeh.

⁶ A hringyung thung Rehoboam hoi Jeroboam e rahak vah kâtuknae ao.

⁷ Abijam ni a sak e naw pueng teh Judah siangpahrang setouknae cauk dawk thut lah ao nahoehmaw. Abijam hoi Jeroboam rahak vah kâtuknae ouk ao.

⁸ Abijam teh a na mintoenaw hoi rei a i teh Devit khopui dawk a pakawp aw. A capa Asa ni a na pa yueng lah a bawi.

Judah siangpahrang Asa

⁹ Jeroboam ni Isarel siangpahrang lah a bawinaw kum 20 nah Asa teh Judah siangpahrang lah ao.

¹⁰ Jerusalem kho dawk kum 41 touh a bawi. A manu min teh Abishalom canu Maakah doeh.

¹¹ Asa teh a na min Devit patetlah BAWIPA e hmaitung vah hawinae a sak.

¹² Napuitongpa thoseh, a mintoenaw ni a sak aw. e meikaphawknaew pueng thoseh, ram thung hoi koug a raphoe pouh.

¹³ A manu Maakah ni hai panuetho e Asherah a sak dawkvah, siangpahrangnu dawk hoi a kâtakhoe. Asa ni napui panuetho e meikaphawk hah a raphoe teh, Kidron palang teng hmai hoi a sawi.

¹⁴ Hateiteh, hmuenrasangaw teh, takhoe hoe. A hringyung thung Asa e lungthin BAWIPA hmaitung yuemkamcu lah ao.

¹⁵ A na pa ni a pasoumhno, ama ni a pasoumhno, sui, ngun naw pueng bawkim dawk koug a ceikhai.

¹⁶ A hringyung thung Asa hoi Isarel siangpahrang Baasha e rahak vah tarankâtuknae ao.

¹⁷ Isarel siangpahrang Baasha ni Judahnaw hah a tuk. Judah siangpahrang Asa koevah apihai a kâen a tâco sak hoe. hahan Ramah kho hah a thawng.

¹⁸ Hat navah, Asa ni BAWIPA e bawkim hoi siangpahrang im vah kaawm e râw sui hoi gunnaw a la teh, a sannaw e kut dawk a poe. Siangpahrang Asa ni Damaskas vah kaawm e Siria siangpahrang Hezion capa Tabrimmon capa Benhadad koevah a poe.

¹⁹ Nang hoi kai thoseh, na pa hoi apa rahak thoseh, kâhuikonae ao dawkvah, sui hoi ngun poehno lah na poe. Isarel siangpahrang Baasha ni kai koehoi ceisak hanelah, ahni hoi kâhuikonae hah raphoe nateh, tho loe telah lawk a thui.

²⁰ Siangpahrang Benhadad ni siangpahrang Asa e lawk hah a ngai pouh teh, Isarel kho tuk hanelah a ransanaw kaukung hah a patoun. Ijon, Dan, Abelbethmaakah hoi Kinneroth ram pueng hoi Naphtali ram pueng a tuk aw.

²¹ Haw e kamthang BAASha ni a thai toteh, Ramah kho hah pacum laipalah Tirzah kho dawkvah ao.

²² Siangpahrang Asa ni Judah ram pueng dawk kamthang a pathang teh, apihai awm rumram laipalah, Baasha ni Ramah kho dawk a hno e hnopainaw a hno e lahoi siangpahrang Asa ni Mizpah kho hoi Benjamin ram e Geba kho hah a thawng.

²³ Asa ni a sak e thung dawk hoi kaawm rae pueng hoi a thaonae pueng, a sak e pueng, kho a kangdue sak e pueng hah Judah siangpahrang setouknae cauk dawk thut lah ao nahoehmaw. Hateiteh a matawng toteh, a khok dawk patawnae ao.

²⁴ Asa teh a mintoenaw koe a i teh a na min Devit kho dawk a pakawp aw. A capa Jehoshaphat ni a yueng lah a bawi.

Isarel siangpahrang Nadab

²⁵ Jeroboam capa Nadab teh, Judah siangpahrang a bawinae a kum 2 nah Isarelnaw hah kum 2 touh a uk.

²⁶ BAWIPA e hmaitung vah kathout hno a sak teh, Isarelnaw yonnae ka saksakkung a na pa e lamthung hah a dawn.

²⁷ Nadab hoi Isarelnaw ni Gibbethon kho a kalup aw h nah, Issakhar imthung Ahijah capa Baasha ni a coun teh, Filistin ram e taminaw ni, a coe e Gibbethon kho vah Baasha ni a thei.

²⁸ Judah siangpahrang a bawinae kum 3 nah Baasha ni Nadab siangpahrang a thei teh a yueng lah a uk.

²⁹ Siangpahrang lah ao toteh, Jeroboam imthungnaw pueng koug a thei. BAWIPA ni amae san Shiloh kho e tami Ahijah hno lahoi a dei tangcoung e patetlah ka hring e pueng teh, Jeroboam hanelah a hlung e buet touh hai awm hoeh.

³⁰ Isarel BAWIPA Cathut lungkhueknae teh, Jeroboam ni a sak e yonnae hoi Isarelnaw ka payon sak e yonnae kecu daw k doeh.

³¹ Nadab siangpahrang a kâroenae thung hoi kaawm rae hoi a sak e pueng hah Isarel siangpahrangnaw setouknae cauk daw k thut e lah ao nahoehmaw.

³² A hringyung thung vah Asa hoi Isarel siangpahrang Baasha e rahak taran kâtuknae ao.

Isarel siangpahrang Baasha

³³ Judah siangpahrang a bawinae kum 3 nah, Ahijah capa Baasha teh, Tirzah kho vah Isarelnaw uknae a kamtawng teh kum 24 touh a uk.

³⁴ BAWIPA e hmaitung vah yonnae a sak teh, Isarelnaw ka payonsakkung Jeroboam yonnae lamthung hah a dawn aw h.

16

¹ Bawipa e lawk Baasha ka taran e Hanani capa Jehu koe ka phat e teh,

² nang teh vaiphu daw k hoi na tawm teh, ka tami Isarel miphun na uk sak hanelah, na tawmrasang eiteh, nang ni Jeroboam e lamthung na dawn. Isarelnaw na payon sak teh, kai lungkhuek hanelah na sak dawkvah,

³ nange miphun ca catounnaw koug ka raphoe vaiteh, nange imthung Nebat capa Jeroboam e a imthung patetlah kai ni ka o sak han.

⁴ Baasha imthung teh khopui thung dout pawiteh, a ro hah uinaw ni a ca han. Khopui lawilah dout pawiteh, kalvan e tavanaw ni a ca han telah ati.

⁵ Baasha ni a tawksak e pueng teh Isarel siangpahrangnaw e setouknae cauk daw k thut e lah ao nahoehmaw.

⁶ Baasha teh a na mintoenaw koe a i teh, Tirzah kho a pakawp aw h. Hanoi a capa Elah ni a yueng lah a uk.

⁷ Baasha teh Jeroboam imthung hoi a kâvan teh, BAWIPA hmaitung a sakpayon e naw hoi a lungkhuek sak hanelah kut hoi a sak e hoi ahnimouh a theinae lahoi Baasha hoi a imthung kong daw k BAWIPA e lawk hai Hanani capa profet Jehu hno lahoi a pha.

Isarel siangpahrang Elah

⁸ Judah siangpahrang Asa a bawinae kum 26 nae daw k, Baasha capa Elah ni Tirzah kho hoi Isarel ram kum 2 touh a uk.

⁹ A san Zimri, rangleng tangawn kahrawikung ni, Tirzah e imthungkhu kahrawikung Arza im vah, yamu a nei teh, a parui lahun nah, ahni taranlahoi a thei.

10 Judah siangpahrang a bawinaw kum 27 nae dawk Zimri ni a kâen teh a hem teh a thei, ahnie yueng lah let a bawi.

11 Uk a kamtawng teh, a bawitungkhung dawk a tahung tahma, Baasha imthung pueng koung a thei. A hmaunawngaha hoi a huikonaw thung dawk hoi a na pa capa buet touh hai pâhlung hoeh.

12 Hottelah BAWIPA ni profet Jehu hno lahoi Baasha koelah lawk a dei e patetlah Zimri ni Baasha imthungnaw be a thei.

13 Bangkongtetpawiteh, hottelah Baasha a yonae pueng hoi a capa Elah e yonnae pueng amamouh ni a sak e hoi Isarelnew a payon sak e hoi, Isarel BAWIPA a lungkhuek sak dawk doeh.

14 Elah a tawksaknae dawk hoi ka cawi rae hoi a sak e pueng Isarel siangpahrangnaw setouknae cauk dawk thut lah ao nahoehmaw.

Isarel siangpahrang Zimri

15 Judah siangpahrang Asa a bawinae kum 27 nae dawk Zimri teh Tirzah kho dawk hnin 7 touh a bawi.

16 Zimri ni a kâcoun awh teh, siangpahrang ka thei telah Filistin ram Gibbethon kho e a hmalah katungpupnaw ni a thai nah, hote hnin dawkvah kacue e Omri hah Isarel siangpahrang lah a tungpupnae hmuen koe a tawmrasang awh.

17 Omri teh Isarelnew hoi Gibbethon kho hoi a tâco awh teh, Tirzah kho hah a kalup awh.

18 Zimri ni kho a la toe tie a panue tahma vah, siangpahrang im a kâen teh, siangpahrang im vah hmai hoi a kâsawi teh a due.

19 Bangkongtetpawiteh, BAWIPA e hmaitung vah kahawi hoeh e sak payonnae hoi Isarel yonnae a sak hanelah ka sak e Jeroboam ni a dawn e lamthung a dawn awh.

20 Zimri a tawksaknae dawk hoi ka cawi rae naw hoi youknae taran hai Isarel siangpahrangnaw setouknae cauk dawk thut lah ao nahoehmaw.

Isarel siangpahrang Omri

21 Hatnae tueng dawk Isarelnew phu hni touh lah a kâkapek awh. A tangawn ni Ginath capa Tibni hah siangpahrang lah o sak hane a ngai awh teh a hnuk a kâbang awh. A tangawn ni Omri hnuk a kâbang awh.

22 Hatei, Omri e hnuk ka kâbangnaw ni Ginath capa Tibni hnuk ka kâbangnaw a tâ awh. Tibni a due teh Omri ni a uk.

23 Judah siangpahrang Asa a bawinae kum 31 nah Omri ni Isarel hah uknae a kamtawng teh, kum 12 touh a uk. Tirzah kho dawk kum 6 touh a uk.

24 Samaria mon buet touh hah Shemer koe tangka 20 touh hoi a ran. Hottelah hoi mon dawkvah, kho a kangdue sak. A kangdue sak e khopui teh mon katawnkung Shemer min lahoi Samaria teh a phung.

25 Omri ni BAWIPA e hmaitung vah kahawihoehe ouk a sak. Ha hoehnahlan e taminaw hlak kahawihoeh hno a sak e a paphnawn.

26 Nebat capa Jeroboam e lamthungnaw a dawn awh teh, meikaphawk ni Isarel BAWIPA a lungkhuek sak hanelah Isarel ka payonsakkung yonnae hah a sak.

27 Omri ni a tawksak e dawk hoi kacawirae hoi a thasainae a kamnue sak e naw hah Isarel siangpahrangnaw setouknae cauk dawk thut e lah ao nahoehmaw.

28 Omri teh a na mintoenaw koe a i teh, a capa Ahab ni a yueng lah a bawi.

Isarel siangpahrang Ahab

²⁹ Judah siangpahrang Asa, a bawinae kum 38 nah Omri capa Ahab ni Isarelnaw hah uknae a kamtawng. Omri capa Ahab ni Isarelnaw hah Samaria kho dawh hoi kum 22 touh a uk.

³⁰ Omri capa Ahab ni ama hoehnahlan tami pueng hlak BAWIPA e hmaitung kahawihoehe hno a sak.

³¹ Nebat capa Jeroboam yonnae lamthung dawn e hah ahni hanelah yonnae ka phouhoucalah a pouk teh, Sidon siangpahrang Ethbaal canu Jezebel hah a yu lah a paluen teh Baal cathut hah a bawh.

³² Samaria kho dawh Baal cathut e bawkim dawh Baal cathut hanelah khoungroe a sak.

³³ Ahab ni thing meikaphawh hah a sak teh, ahni hoehnahlan e Isarelnaw hlak Ahab ni BAWIPA Isarelnaw e Cathut lungkhuek saknae hno lah hoe kapap lah a sak.

³⁴ Ahab se nah Bethel kho e tami Hiel ni Jeriko kho a thawng. BAWIPA ni Nun capa Joshua hno lahoi a dei tangcoung e patetlah a camin Abiram se nah kho rapan adu a ung teh, a ca cahnung Segub se nah kho longkhanaw hah a kangdue sak.

17

Elijah ni khokang nahan a dei

¹ Gilead ram Tishbit tami Elijah ni Ahab koevah, kai ni ka bawh e Isarel BAWIPA Cathut teh a hring e patetlah hete kum dawh tadamtui bawh mahoev kho hai rak mahoev telah atipouh.

² BAWIPA e lawk teh ahni koe a pha.

³ Kanitholae Jordan teng kaawm e Kherith sawkca dawh kahrawk.

⁴ Hahoi hote sawkca tui hah na nei vaiteh, na ka kawh hanelah vonga ka yo ka poe toe telah atipouh.

⁵ Hatdawkvah, BAWIPA e lawk patetlah a cei teh a sak. Jordan teng kaawm e Kherith sawkca dawh ao.

⁶ Vonga ni amom lah vaiyei hoi moi a poe. Tangmin lahoi vaiyei hoi moi hah a poe teh sawkca tui hah a nei.

⁷ Hathnukku hoi hote ram dawh kho a rak hoeh dawkvah, sawkca teh a hak.

Elijah hoi lahmai ni

⁸ Hahoi BAWIPA e lawk hah ahni koe a pha teh,

⁹ thaw nateh, Sidon ram Zarephath lah cet nateh, hote hmuen koevah awmh. Khenhaw! na ka kawh hanelah lahmainu buet touh ka yo ka poe toe telah atipouh.

¹⁰ Hatdawkvah a thaw teh, Zarephath lah a cei. Hote kho longkha koe a pha nah lahmainu buet touh teh thing a ei. Elijah ni a kaw teh, ka nei hane tui manang dawh hoi sin haw atipouh.

¹¹ Lahmainu ni tui la hane a cei nah, bout a kaw teh vaiyei youn touh na kut dawh hoi sin la a telah atipouh.

¹² Lahmainu ni BAWIPA na Cathut a hring e patetlah vaiyei teh ka tawn hoeh. Hlaam dawh vaiyei kanui e kutvang touh hoi satuium dawh satu yitca dueng doeh kaawm. Kama hoi ka capa hanlah karê vaiteh, ca hnukku ka due roi han toe ti hoi atu thingtaboung kahni touh atu ka ei hei telah atipouh.

¹³ Elijah ni, lahmainu koevah, taket hanh. Na dei e patetlah sak. Hateiteh kai hanlah buet touh hmaloe sak nateh thokhai haw. Hathnukkhu, nama hoi na capa hanelah sak.

¹⁴ Bangkongtetpawiteh, Isarel BAWIPA Cathut ni hettelah a dei. BAWIPA ni talai van kho a kang sak nathung, tavai hlaam a hrawng lah awm mahoe. Satuium hai hak mahoe atî telah a dei pouh.

¹⁵ Elijah ni a dei e patetlah a sak teh, ama hoi a imthung hoi Elijah hoi hnin moikasawlah a ca aw. h.

¹⁶ Elijah ni BAWIPA e lawk a dei e patetlah tavai hlaam ahrawng lah awm hoe, satuium hai hak hoe.

Elijah ni lahmainu e capa a hring sak

¹⁷ Hote hnonaw ao hnukkhu, im katawnkung lahmainu e capa teh a pataw. A pataw nae teh a nung poung dawkvah a due.

¹⁸ Lahmainu ni Elijah koevah, oe Cathut e tami nang koe bang hno maw ka sak. Ka yonnae kapanueksakkung hoi ka capa thei hanelah maw na tho telah atipouh.

¹⁹ Ahni ni ahni koe na capa teh na poe haw atipouh. Hottelah sut a tapam e a capa hah, a la pouh teh a onae rakhan daw. k a luenkhai teh a ikhun daw. k a payan.

²⁰ Oe BAWIPA ka Cathut, ka luenna hete lahmainu koe runae na sak teh a capa hah na due sak han namaw telah BAWIPA hah a kaw.

²¹ Hote camo van vah vai thum touh a tabo teh, oe BAWIPA ka Cathut, hete camo e hringnae ama koe bout ban sak hanlah ka hei telah BAWIPA hah a kaw.

²² BAWIPA ni Elijah e lawk hah a thai pouh teh camo e a hringnae teh ama koe bout a ban teh, camo teh a kâhlaw.

²³ Elijah ni camo hah a lathueng e rakhan daw. k hoi a rahim lah a thokhai teh, khenhaw! na capa teh bout a hring telah atipouh teh a manu koe a poe.

²⁴ Ahni ni Elijah koevah nang teh Cathut e tami doeh. Na pahni daw. k e BAWIPA e lawk teh, lawk katang doeh tie atu ka panue toe telah atipouh.

18

Elijah ni Ahab lawk a thui

¹ Ahninta moi a loum hnukkhu, hettelah ao. A kum thum daw. k Elijah koevah, BAWIPA e lawk teh a pha. Cet nateh Ahab koe kâpâtue. Hahoi talai van kho a rak sak han telah a ti.

² Elijah ni Ahab koevah kâpâtue hanlah a cei. Hatnavah Samaria ram daw. k puenghoi takang a tho.

³ Ahab ni a imthungkhu kaukkung Obadiah hah a kaw teh (Obadiah teh BAWIPA ka taket poung e lah a o),

⁴ bangkongtetpawiteh, Jezebel ni BAWIPA e profet a thei lahun na, lungngoum thungvah 50, 50 touh hoi a hro teh, vaiyei, tui hoi a kaw. k.

⁵ Ahab ni Obadiah koevah, ram pueng daw. k tuiphueknaw, palangnaw yuengyoe tawng hanelah cet. Saringnaw pueng ni a due hoe. h nahan marang hoi lanaw ni hring hlout nahanelah, hram kanawnaw na hmu yawkaw han doeh telah atipouh.

⁶ Hottelah ram katin hanlah a kârei aw. h teh, Ahab teh amadueng lam alouke daw. k a cei teh, Obadiah hai a madueng lam alouke daw. k a cei.

⁷ Hottelah Obadiah ni a cei lahun nah, Elijah hah tang a kâhmo. Ahni ni a panue teh a tabo. Nang namaw ka bawipa, Elijah telah atipouh.

⁸ Elijah ni Obadiah koevah, Oe kai doeh, cet nateh haw vah Elijah ao telah na bawipa koe dei pouh telah atipouh.

⁹ Ahni ni bang yonnae maw ka sak teh na san heh thei hanelah Ahab e kut dawk poe hanelah na ngai.

¹⁰ BAWIPA na Cathut a hring e patetlah ka bawipa ni nang na tawnghoehnae miphun hoi uknaeram awm hoeh toe. Hivah awm hoeh telah ati aw h navah, nang na hmuhoehnae kong daw k miphun hoi ram hah lawk a kam sak.

¹¹ Atuvah nang ni cet nateh, Elijah hawvah ao telah na bawipa koe dei pouh telah na ti.

¹² Hottelah ao han. Na ceitakhai toteh, BAWIPA e Muitha ni ka panue hoeh e hmuen koe na cet khai vaiteh, Ahab ka dei pouh vaiteh, na hmawt thai aw h hoehpawiteh, kai heh na thei aw h han. Hatei, na san ni ka nawca hoi BAWIPA teh ka taki.

¹³ Jezebel ni BAWIPA e profetnaw a thei lahun nah, BAWIPA e profetnaw tami 100 touh lungngoum thung ruipanga ruipanga touh hoi ka hro teh, vaiyei hoi tui hoi ka kawknae kong hah dei aw h hoehnamaw.

¹⁴ Atuvah nang ni cet nateh, Elijah haw ao telah deih, telah na ti. Kai heh na thei roeroe han doeh telah atipouh.

¹⁵ Elijah ni ka baw k e ransahu BAWIPA teh a hring e patetlah kai ni sahnin Ahab koe ka kâpâtue roeroe han telah atipouh.

¹⁶ Hatdawkvah, Obadiah teh Ahab kâhmo han la a cei teh a dei pouh. Hahoi Ahab ni Elijah kâhmo hanlah a cei.

¹⁷ Ahab ni Elijah a hmu toteh, nang maw Isarelnaw runae na ka poe e tongpa telah atipouh.

¹⁸ Ahni ni Isarelnaw runae ka poe hoeh. Nang hoi na pa imthungkhunaw ni BAWIPA e kâpoelawknaw hah na kamlang takhai aw h teh, Baal na baw k dawkvah, Isarelnaw runae na poe.

¹⁹ Atuvah Isarelnaw pueng Baal profet 450 touh hoi Jezebel e caboi daw k bu ouk ka ven aw h e Asherah profet 400 touh hah kai koe vah Karmel mon daw k kamkhueng hanlah kaw sak telah atipouh.

Karmel mon daw k Elijah ni tânae

²⁰ Hottelah Ahab ni Isarelnaw pueng koe, tami a patoun teh profetnaw Karmel mon daw k a pâkhueng.

²¹ Elijah ni tamihu pui hah a hnai teh, nangmouh ni, baw knae kahni touh rahak vah nâsittouh maw yuem payonnae lungthin hoi kho na sak aw h rah. Jehovah teh Cathut katang lah aw m pawiteh, ama hah baw k aw h. Baal hah cathut katang lah aw m pawiteh ama hah baw k aw h. Hatei tami pueng ni lawk kam touh hai a pathung aw h hoeh.

²² Elijah ni BAWIPA e profet kaawm dueng e teh kai dueng doeh toe. Hatei Baal profet teh 450 touh a pha.

²³ Hatdawkvah, maitotan kahni touh na poe aw h haw. Ahnimouh ni buet touh a rawi aw h vaiteh koug a tâtueng hnukkhu, thing van vah thueng aw h naseh. Hmaisawi sak aw h hanh. Hahoi kai ni maitotan buet touh ka rawi van vaiteh, thing van vah ka ta han. Hmai ka sawi van mahoeh,

²⁴ Nangmouh ni na cathutnaw e min hah kaw aw h nateh, kai ni hai Jehovah e min hah ka kaw van han. Hmai hoi ka kang sak e Cathut teh Cathut katang lah aw m naseh telah taminaw koe a dei pouh. Taminaw ni hai, Elijah e lawk teh a hawi telah ati aw h.

25 Elijah ni Baal profetnaw koe vah nangmouh teh tami na pap awh dawkvah, maito buet touh hmaloe kârawi awh nateh, sak awh, hmaisawi laipalah na cathutnaw min hah kaw awh telah atipouh e patetlah,

26 Taminaw ni a poe e maito hah a la teh, thing van a ta hnukkhu, Oe Baal cathut, kaimow na pato awh haw telah amom hoi kanîthun totouh Baal e min a kaw awh. Hateiteh kamthang thoseh, kapathangkung thoseh, alawkpui lah kapoukkung thoseh, awm roeroe hoeh. A sak awh e thuengnae khoungroe hanlah a lamtu awh.

27 Kanî tuengtalueng a thun nah Elijah ni, kacaipounglah kaw awh ei. Na cathut teh a phuenang boma, ahni teh houng hoeh rah boma, ahni teh kahlawng lah boma a cei va, ahni teh muet ka ip boma, pâhlaw awh ei, telah a panuikhai teh a dei pouh.

28 Kacaipoung lahoi a kaw awh teh, ouk a sak awh e patetlah sarai hoi tahroe hoi thi pukkâkaawk lah a kâbouk awh.

29 Kanî a loun teh tangmin lae thuengnae tueng totouh pou a dei awh rah. Hateiteh, kamthang thoseh, kapathangkung thoseh, alawkpui lah kapoukkung thoseh, awm roeroe hoeh.

30 Hatdawkvah, Elijah ni tamihunaw pueng koevah, kai na hnai awh haw telah atipouh teh, tamihupui ni ama teh a hnai awh. Hahoi katim e BAWIPA e khoungroe hah a pathoup awh.

31 Na min teh Isarel ti han telah BAWIPA lawk ka dâw e Jakop casaknaw mipun yit touh, Elijah ni talung hlaikahni touh a la.

32 Hote talung hoi BAWIPA hanelah khoungroe hah a sak. Hote khoungroe petkâkalup lah cati pung hni tabang ka cawng lah tuilam a tai.

33 Thing hah a mawk teh maitomoi a tâtueng e hah thinghong van a ta. Hahoi hlaam pali touh dawk tui pakawi awh nateh, thueng hane hoi thing hah tui hoi awi awh telah atipouh.

34 Bout awi awh telah atipouh e patetlah bout a awi awh. Bout awi awh ei telah atipouh teh bout a awi awh rah.

35 Tui teh khoungroe petkâkalup lah a lawng teh tai e a tuilam dawk yikkawi sak.

36 Tangmin lah thuengnae atueng a pha toteh, hettelah ao. Elijah ni a hnai teh, Oe, Jehovah, Abraham Isak hoi Isarel Cathut, nang teh Isarel ram dawc Cathut lah na o. Kai teh na san lah ka o. Hete hnonaw pueng heh nange kâ lahoi ka sak tie heh sahnin panuek awh naseh.

37 Ka lawk na thai pouh haw. Hete taminaw niyah nang teh Jehovah Cathut doeh tie thoseh, hete taminaw e lungthin hah a kamlang sak tie thoseh, ahnimouh ni a panue thai awh nahanelah, kaie lawk hah na thai pouh haw, Oe BAWIPA na thai pouh haw telah a ratoum.

38 Hottelah BAWIPA e hmai a bo teh hmaisawi thuengnae thing hoi talung hoi vaipuh hah a kak teh tai e tuilam dawc e tui koung a hak sak.

39 Taminaw pueng ni hote a hmu awh toteh, a tabo awh teh, Jehovah teh Cathut doeh, Jehovah teh Cathut doeh telah ati awh.

40 Elijah ni ahnimouh koe vah, Baal profetnaw hah man awh nateh, buet touh boehai hlout sak awh hanh atipouh. A man awh teh, Elijah ni Kishion palang koe a ceikhai awh teh, hawvah koung a thei.

41 Elijah ni Ahab koevah, canei hanelah luen leih, bangkongtetpawiteh, kho a kâcaw toe telah atipouh.

42 Ahab teh canei hanelah a luen. Elijah teh Karmel mon dawc a luen. Talai dawc a tabo teh a khokpakhu rahak vah a minhmai a hro.

⁴³ Hahoi a san koevah luen nateh, tuipui hah khenhaw! telah atipouh. A luen teh a khet, banghai awm hoeh telah atipouh. Ahni ni vai sari totouh cet telah atipouh.

⁴⁴ Avai sarinae dawk hettelah ao. Khenhaw! tuipui dawk hoi kutkasum tit touh tâmai hah a luen telah atipouh. Ahni ni bout cet haw, Ahab koevah, leng rakueng nateh cet leih, bangkongtetpawiteh, kho ni na ngang payon vaih telah tet pouh telah a ti.

⁴⁵ A ro hoehnahlan vah hottelah ao. Kalvan teh kahlî hoi tâmai muen a tamang teh kho teh puenghoi a rak. Ahab teh leng van a kâcui teh Jezreel lah a cei.

⁴⁶ BAWIPA e kut teh Elijah koe a pha teh ahni teh taisawm hah a kâyeng teh Ahab hmalah Jezreel kâenna longkha totouh a yawng.

19

Jezebel kut dawk hoi Elijah a hlout

¹ Elijah ni tahloi hoi profetnaw pueng koug a theinae kong dawkvah, Ahab ni Jezebel koe a dei pouh.

² Jezebel ni, hotnaw thung dawk e tami buet touh e hringnae patetlah tangtho tuektue vah na hringnae ka sak hoehnahlan teh, cathutnaw ni a ngai aw h e patetlah na sak aw h naseh, hot hlak ka pataw lahai yah, telah Elijah koe patoune a patoun.

³ Hote hah a thai toteh, a thaw teh a yawng. Judah ram Beersheba vah a pha teh hawvah, a san heh a hruok.

⁴ Ama teh kahrawngum hnin touh lamcei koe a cei teh, samphokung rahim a tahung teh, a due nahanelah a ratoum. A khout toe, Oe BAWIPA atuvah, ka hringnae hah lat yawkaw lawih. Bangkongtetpawiteh, mintoenaw hlak haiyah, kahawihnawn kalawn hoeh, telah a ti.

⁵ Hottelah samphokung rahim a yan teh a i. Hahoi khenhaw! kalvantaminaw ni a tek aw h teh, ahni koe, thaw nateh cat haw, telah a ti.

⁶ A kamlang teh khenhaw! vaiyei hmai pahai e phen touh hoi tuium a lû koe ao e hah a hmu teh, a ca teh bout a i.

⁷ BAWIPA e kalvantami buet touh a tho teh bout a tek, thaw nateh cat. Bangkongtetpawiteh, kahlawng na cei nahane ahlapoung dawkvah, na khang thai hoeh langvaih atipouh.

⁸ A thaw teh a ca teh a nei, hottelah rawca a ca e lahoi Cathut e mon Horeb totouh hnin 40 rum 40 touh a cei.

⁹ Lungngoum buet touh a hmu teh hawvah ao. Hahoi khenhaw! BAWIPA e lawk ahni koe a pha teh, Elijah, hivah bangmaw na sak, telah a paei.

¹⁰ Ahni ni BAWIPA ransabawi Cathut hanelah thouk ka kâyawm teh, bangkongtetpawiteh, Isarel catounnaw ni, na lawkkam hah hnamthun takhai aw h teh, na khoungroe hah a raphoe aw h teh, na profet hah tahloi hoi a thei aw h, kaawm e teh kai dueng doeh toe, ka hringnae hai thei hanlah a kâcai aw h, telah a ti.

Elijah koe Cathut a kamnue

¹¹ Ahni ni tâcawt nateh, BAWIPA hmalah mon vah kangdout haw, telah ati. Hahoi khenhaw! BAWIPA a tho. Katangpounge kahlî ni BAWIPA hmalah mon hah a hmanng teh, lungsongnaw koug a kâbawng. Hatei, BAWIPA teh kahlî daw k awm hoeh. Kahlî be a roum hoi Tâlî a no. Hatei, Tâlî daw k BAWIPA teh awm hoeh.

¹² Tâli be a no hnukkhu hmai a tâco. Hatei, hmai dawk BAWIPA teh awm hoeh. Hmai a roum toteh, lawkkanem pâdingsue lah a tho.

¹³ Elijah ni hot hah a thai toteh, a tâco teh lungngoum rai koe a kangdue. Hahoi thaihaw lawk ni, Elijah hivah bangmaw na sak, atipouh.

¹⁴ Ahni ni, BAWIPA ransabawi Cathut hanelah thouk ka kâyawm. Bangkongtetpawiteh, Isarel catounnaw ni na lawkkam hah a hnamthun aw hah, na khoungroe hah a raphoe aw hah, na profetnaw hah tahloi hoi a thei aw hah. Kai dueng doeh kaawm toe. Kai hah na thei hanlah a kâcai aw hah, telah a ti.

¹⁵ BAWIPA ni ahni koe, ban nateh, kahrawngum hoi Damaskas lah cet, na tho torei Siria siangpahrang hanelah Hazael hah satui na awi han.

¹⁶ Isarel siangpahrang hanelah Nimshi capa Jehu hah satui na awi han. Hahoi nang yueng lah profet ka tawk hane Abelmelholath tami Saphat capa Elisha hah satui bout na awi han.

¹⁷ Hazael tahloi hoi kahlout e pueng teh, Jehu ni a thei han, Jehu tahloi hoi kahlout e pueng teh Elisha ni a thei han.

¹⁸ Hatei, Isarel ram vah, Baal hmalah a khokpakhu ka cuengkhuem boihoeh ni teh ka pahnuem boihoeh e tami 7000 touh kama hanelah ka ta toe, telah a ti.

Elisha ni Elijah a kâbang

¹⁹ Haw hoi a tâco teh, Saphat capa Elisha hah a hmu. A hmalah maitotan bo hlaikahni touh ni talai a thawn teh, a hlaikahni e dawkvah ama teh ao. Elijah ni a ceihlawi navah, a hni hoi ahni teh a dêi.

²⁰ A maitotan a ceitakhai teh, Elijah a hnuk lahoi a pâlei teh apa hoi anu ka paco han rah, hahoi ka kâbang han telah atipouh. Ahni ni, bout ban, bangkongtetpawiteh, nang hanlah bangmaw ka sak, telah a ti.

²¹ Haw hoi a ban teh, maitotan bo touh hah a thei teh, talai thawnae thing hoi a thawng teh, khocanaw a poe teh a ca aw hah. Hahoi a thaw teh Elijah hnuk a kâbang teh, a san lah a coung.

20

Ahab ni Sirianaw a tâ

¹ Siria siangpahrang Benhadad ni, a ransanaw pueng a pâkhueng teh, siangpahrang 32 touh ahni koe ao. Marang hoi leng hoi a takhang aw hah, Samaria kho hah a kalup aw hah a tuk aw hah.

² Isarel siangpahrang koe khopui thung patounenaw a patoun teh ahni koe Benhadad ni hettelah ati.

³ Na tangka hoi sui hateh kaie doeh. Na yuca hoi hnokahawi pueng kaie doeh telah ati.

⁴ Isarel siangpahrang ni, oe siangpahrang ka bawipa na dei e patetlah doeh. Kai hoi ka tawn e pueng teh nange doeh telah ati.

⁵ A patounenaw ni bout a cei aw hah, Benhadad ni hettelah ati, na tangka hoi sui hoi na yu hoi na canaw hah na poe han telah taminaw bout a patoun.

⁶ Hatei, tangtho tuektue nah ka taminaw nang koe ka patoun han, na im hoi na tami hoi, nim hah a tawng aw hah. Na mit ni a noe e pueng hah a la aw hah vaiteh, koug a thokhai aw hah telah ati.

⁷ Isarel siangpahrang ni a ram daw koe e kacuenaw pueng koug a kaw teh, pahren lahoi pâkuem aw hah. Bangkongtetpawiteh, hete tami ni runae tâcosak hanlah a kâcai. Bangkongtetpawiteh, kai koe tami a patoun teh,

ka yu hoi ka ca hoi, ka tangka hoi ka suinaw hah a hei, kangek e hai nahoe hoi telah ati.

⁸ Kacuenaw hoi tamimaya ni ahni koe ahnimaie lawk hai banglahai noutna hanh, na lung hai kuepkhai hanh telah atipouh awh.

⁹ Hottelah Benhadad ni patounenaw koe siangpahrang ka bawipa koevah, na san koe patounenaw na patoun teh, ahmaloe na hei e pueng heh ka tarawi yawkaw han, hatei hete teh ka tarawi thai mahoe hoi ati, telah na dei pouh awh han telah ati. Patoun e naw teh a cei awh teh hote lawk hah a dei pouh awh.

¹⁰ Benhadad ni ahni koe tami bout a patoun teh, ka hnukkâbangnaw pueng ni, Samaria khovah, vaiphu kutvang touh rip hmawt thai awh pawiteh, cathutnaw ni a ngai e patetlah na sak na lawiseh, hothlak ka pawatah hoi na sak naseh telah ati.

¹¹ Isarel siangpahrang ni, ayâ ni ransa puengcang a kâmahrawk navah, a ransa puengcang ka rading e patetlah kâoup boihoeh telah dei pouh awh telah ati.

¹² Hahoi, ama hoi siangpahrangnaw ni, kâhatnae rim dawk yamu a nei awh lahunnah, hote lawk hah Benhadad ni a thai teh, a taminaw koe kârankueng awh haw, atipouh. Hottelahoi, kho tuk hanelah a kâcai awh.

¹³ Hahoi khenhaw! profet buet touh ni Isarel siangpahrang Ahab koe a cei sin teh, BAWIPA ni hettelah a dei. Hete kapap poung e tamihu hah na hmu maw. Khenhaw! sahnin na kut dawc na poe han, hahoi kai teh BAWIPA doeh tie na panue han telah ati.

¹⁴ Ahab ni api hno lahoi maw telah ati, ahni ni BAWIPA ni telah a dei, khobawi a sannaw hah ka hno han telah ati. Ahni ni apinimaw tarantuknae kho a khang han telah ati. Ahni ni nang ni atipouh.

¹⁵ Hottelah ahni ni ram ukkungnaw hoi a sannaw a pâkhueng teh 232 touh a pha.

¹⁶ Kanî tuengtalueng a thun nah a tâco awh teh, hatnavah, Benhadad hoi siangpahrang a ma kabawm hane siangpahrang 32 touh teh, kâhatnae rim dawc yamu a la parui awh.

¹⁷ Hateh, ram ukkung bawi thoundoun hmaloe a tâco. Benhadad ni kâhmo hane a patoun teh, ahni koe Samaria kho hoi tami ka tâcawt e ao telah a dei pouh.

¹⁸ Ahni ni roum nahanelah ka tâco e lah awh pawiteh, a hring lahoi man awh. Tarantuk hanelah hoi ka tâcawt hanelah ao haiyah a hring lahoi man awh, telah ati.

¹⁹ Hottelah ram ukkung thoundoun hah a hnukkâbang e ransa hoi khopui thung hoi a tâco awh.

²⁰ Hahoi tami pueng ni amae tami lengkaleng a thei awh. Hottelah Sirianaw a yawng awh teh, Isarelnaw ni a pâlei awh. Siria siangpahrang Benhadad teh, marang a kâcui teh marang kâcuinaw hoi a hlout awh.

²¹ Isarel siangpahrang a tâco teh, marang hoi leng hoi a tuk awh teh, Sirianaw moi a thei awh.

Sirianaw bout a tâ awh

²² Hahoi, profet ni Isarel siangpahrang koe a hrawi teh, ahni koe tha kâlat nateh, na sak hane kahawicalah pouk. Bangkongtetpawiteh, kompawi toteh Siria siangpahrang ni bout na tuk awh han, telah atipouh.

²³ Siria siangpahrang e sannaw ni ahni koe, ahnimaie cathutnaw teh mon cathutnaw lah ao. Hatdawkvah maimouh hlak a tha ao hnawn awh telah ati awh.

24 Hahoi, hettelah na ti han, siangpahrangnaw hah koug tha nateh, amamae hmuen koe ram ukkung lah hrueng.

25 Hahoi ransa hoi leng na raphoe e yit touh ransa bout sak. Hottelah tangling dawk na tuk awh vaiteh, ahnimouh hlak thao awh mingming han doeh telah ati awh. A lawk hah a caksak awh teh, hottelah a sak awh.

26 Hahoi, kompawi toteh, hettelah ao. Benhadad ni Sirianaw hah a pâkhueng teh. Isarel tuk hanelah Aphek vah a takhang awh.

27 Isarel catounnaw teh a kamkhueng awh teh, rawca a rakueng pouh awh teh, tarantuk hanelah a tâco awh. Isarelnaw hmaehu yitca e hu hni touh e patetlah a kangdue sin awh. Sirianaw teh a ram dawking a kawi awh.

28 Hahoi Cathut e tami ni Isarel siangpahrang koe a hnai teh, ahni koe, BAWIPA ni hettelah a dei, Sirianaw ni Jehovah teh mon cathut lah ao teh, tangling cathut lah awm hoeh ati awh. Hatdawkvah, hete tami moikapap e naw heh na kut dawking na poe han, hottelah hoi kai heh BAWIPA lah ka o tie hah na panue awh han telah ati.

29 Hnin sari touh thung avoivang lah a tungpup awh. Ahni sari hnin vah a kâtuk awh. Isarelnaw ni Sirianaw hah hnin touh dawking ransa 100, 000 a thei awh.

30 Alouknaw teh Aphek kho thung vah a yawng awh. Kacawie tami 27, 000 touh teh rapan katim e ni koug a ten. Benhadad teh a yawng teh, khopui dawking imrakhan thung a kâen.

31 A taminaw ni ahni koe khenhaw! Isarelnaw e imthungnaw thung dawking, Siangpahrang heh pahrennae ka tawn e siangpahrangnaw doeh telah ka panue awh. Burihni kâkhu hoi kaimae lû dawking rui hoi pâkhit nateh, Isarel siangpahrang koe na cetkhai yawkaw. Ama ni na pâhlung yawkaw han doeh telah ati awh.

32 Hottelah buri hni a kâkhu awh teh, a lû dawking rui hoi a pâkhi awh teh, Isarel siangpahrang koe a cei awh. Na san Benhadad ni pahren lahoi na pâhlung na seh ati telah ati awh. Ahni ni a hring rah maw, ahni teh ka hmaunawngaha nahoehmaw, telah ati.

33 Hotnaw ni pouknae kahawi hoi a lungthung hoi a dei katang e han doeh ati awh teh, na hmaunawngaha Benhadad doeh atipouh awh. Ahni ni cet awh nateh, ahni hah thokhai awh atipouh. Hottelah Benhadad teh a tâco teh, ahni koe a cei teh ahni ni leng dawking a kâcui sak.

34 Benhadad ni ahni koe, apa ni na pa koe kho a la e hah bout na poe han. Hahoi, apa ni Samaria kho hno yonae hmuen a sak e patetlah Damaskas kho vah hno yonae hmuen na sak van han telah ati. Hottelah ahni koe lawkkamnae a sak sak teh a cei sak.

Ahab khangnae

35 Hahoi Profet capanaw thung hoi tami buet touh ni, BAWIPA e lawk patetlah a hui koe vah, kai na hem haw telah atipouh. Hote tami ni na hem ngai hoeh atipouh.

36 Hat toteh, ahni koevah, BAWIPA e lawk na tarawi ngaihoeh dawkvah, khenhaw! nang ni na ceitakhai tahma vah, Sendek ni na kei han atipouh e patetlah a cei teh Sendek ni a hmue teh a kei.

37 Hahoi alouke tami bout a hmu teh, kai na hem haw atipouh teh ahni ni a hem.

38 Hahoi profet teh a cei teh, lam vah siangpahrang a pawp, a tampa dawking a yeng e hoi mit a huem teh, a phunloukcalah a kâsak.

39 Siangpahrang a tho toteh siangpahrang a kaw teh, na sanpa heh tarankâtuknae hmuen lungui vah ka cei teh, kenhaw! tami buet touh ni kai koe tami buet touh a thokhai. Hete tami heh kahawicalah ring, yawng payon pawiteh, a hringnae yueng lah na hringnae ka hma han, hoehpawiteh, tangka talen buet touh na poe han telah ati.

40 Na sanpa heh puenghoi ka rucacat dawkvah, ka yawng takhai telah ati. Isarel siangpahrang ni nang nama ni lawk na tâtueng e patetlah na lathueng vah lawkcengnae ka phat e doeh telah atipouh.

41 Ahni ni minhmai huemnae hah a rading teh, Isarel siangpahrang ni profet buet touh doeh tie hah a panue.

42 Profet ni ahni koevah, BAWIPA ni hettelah a dei, thoe ka bo e tami na hlout sak dawkvah, ahnie hringnae yueng lah nange hringnae, ahnie taminaw yueng lah nange taminaw na sung sak han telah ati.

43 Hahoi Isarel siangpahrang teh minhmai mathoe lungmathoe laihoi a ban teh Samaria kho a pha.

21

Naboth duenae

1 Hathnukkuh vah, hettelah ao. Jezreel tami Naboth ni misur takha a tawn. Hot teh, Jezreel e Samaria siangpahrang Ahab e im teng vah ao.

2 Ahab ni Naboth koe na misur takha heh ka im teng ao dawkvah, saring khom nahanlah na poe lawih. A yueng lah takha ka hawihnawn e na poe han. Nahoe pawiteh, tangka lah na ngai pawiteh tangka lah na poe han telah atipouh.

3 Hateiteh, Naboth ni Ahab koevah, ka mintoenaw e râw nang poe hane teh BAWIPA ni na ngang naseh telah ati.

4 Jezreel tami Naboth ni ka mintoenaw e râw teh nang koe na poe mahoe telah a dei dawkvah, Ahab teh minhmai mathoe hoi lungphuen laihoi a im dawc a kâen. A ikhun dawc a yan teh avangvanglah a kamlang teh rawca cat ngai hoeh.

5 Hateiteh, a yu Jezebel ni ahni koe a cei teh, bangkongmaw na muitha lungmathoe laihoi ao teh, rawca ca hanelah na ngai hoeh telah atipouh.

6 Ahni ni Jezebel koevah, Jezreel tami Naboth koevah, na misur takha hah na ran sak, nahoe pawiteh, na ngaihnawn e awm pawiteh misur takha alouke na poe han telah ka ti pouh. Ahni ni, ka misur takha na poe mahoe telah na pathung dawkvah, telah atipouh.

7 A yu Jezebel ni ahni koevah, nang ni Isarel uknaeram hah kâtawnnae na tawn hoeh na maw. Thaw nateh lunghawicalah rawca cat leih. Jezreel tami Naboth e misur teh kai ni na poe han telah ati.

8 Hatdawkvah, Ahab e min lahoi ca a thut teh, kuthrawt hoi a dei teh, ca hah Naboth a onae kho dawc ahni hoi rei kaawm e kacuenaw hoi bawinaw koe a patawn.

9 Rawcainae kong oung nateh, Naboth hah tami pueng e hmalah barinae hmuen koe tahung naseh.

10 Tamikayon kahni touh ahmalah tahung sak vaiteh, Cathut hoi siangpahrang na pahnawt telah yon kapenkung lah sak awh, telah atipouh.

11 A onae khocanaw, a onae kho dawc e kaawm e kacuenaw hoi bawinaw ni Jezebel ni a thut e ca patetlah a sak awh.

12 Rawcainae kong hah a pathang awh teh, tamipuong thung dawc hoi Naboth teh hmalah a tahung sak awh.

¹³ Tamikayon kahni touh a hmalah a tahung teh, tamikayon roi ni tami pueng e hmalah, Naboth ni Cathut hoi siangpahrang a pahnawt telah Naboth hah yon a pen roi. Hottelah, kho thung hoi a sin aw h e talung hoi kadout lah a dêi aw h.

¹⁴ Hatdawkvah, Naboth teh talung hoi kadout lah a dêi aw h teh a due toe telah Jezebel koe kamthang a thaisak aw h.

¹⁵ Jezebel ni Naboth teh talung hoi kadout lah a dêi aw h toe tie a panue toteh, Ahab koevah, hettelah atipouh. Thaw nateh, Jezreel tami Naboth e misur takha, tangka lah yo hane a pasoung hoeh e hah lat leih. Bangkongtetpawiteh, Naboth teh hring hoeh toe, a due toe telah atipouh.

¹⁶ Ahab ni Naboth a due toe tie a thai navah, Jezreel tami Naboth e misur takha daw k ce i vaiteh, la hanelah Ahab teh a kamthaw.

BAWIPA ni Ahab yon a pen

¹⁷ Hahoi, BAWIPA e lawk hah Tishbit tami Elijah koevah a pha.

¹⁸ Thaw nateh, Samaria kho kaawm e Isarel siangpahrang Ahab kâhmo hanelah cet. Ahni teh Naboth e misur takha la hanelah a cei teh haw vah ao.

¹⁹ Ahni koevah, BAWIPA ni hettelah a dei. Uinaw ni Naboth e thi a palemnae hmuen daw k nange thi hai uinaw ni a palem van han telah na ti pouh han telah ati.

²⁰ Ahab ni Elijah koevah, kâhmo roi toe khe, ka taran telah atipouh. Ahni ni Oe kâhmo roi toe. Bangkongtetpawiteh, BAWIPA e hmaitung vah hawihoe hnae sak hanlah namahoima na kâyo hah te telah atipouh.

²¹ Khenhaw! nange lathueng vah, rawknae ka pha sak han. Koung na raphoe aw h han. Ahab totouh hoi na ca catounnaw pueng, Isarel ram daw k tami ka hlout thoseh, ka hlout hoeh thoseh, koung ka pâmit han.

²² Nang ni ka lungkhueknae na pahrue teh, Isarelnaw yonnae na sak sak daw kvah, Nebat capa Jeroboam imthungkhu hoi Ahijah capa Baasha imthungkhu patetlah na imthungkhunaw hai ka o sak han telah ati.

²³ BAWIPA ni Jezebel e kong hai a dei toe. Jezreel kalupnae koe uinaw ni Jezebel heh a ca han.

²⁴ Ahab imthungkhu daw k hoi khopui daw k kadout e hah uinaw ni a ca vaiteh, kahrawng kadout e pueng teh kalvan e tava ni a ca han telah ati.

²⁵ A yu Jezebel ni a tacuek teh BAWIPA e mithmu vah, hawihoe hnae sak hanlah, ka kâyawt e Ahab patet e tami apihai aw m hoeh.

²⁶ BAWIPA ni Isarelnaw koehoi a pâlei e Amor taminaw e sak e patetlah. meikaphawk hah baw k hoi panuetho e hnonaw hah ouk a sak aw h.

²⁷ Ahab ni hote lawk a thai toteh, a hni a phi teh, burihni hah a kâkhu, rawca a hai teh rawca burihni kâkhu hoi a i teh payaica hoi a kâroe.

²⁸ Hahoi, BAWIPA e lawk teh Tishbit tami Elijah koevah a pha.

²⁹ Ka hmalah Ahab a kârahnoumnae hah na hmu maw. Ka hmalah a kârahnoum daw kvah, ahnie se nateh hawihoe hnae ka phat sak mahoe h. A capa se nah a imthungkhu daw k hawihoe hnae ka pha sak han telah ati.

22

Mikaiah ni Ahab kâhruetcuetnae a poe

¹ Kum thung touh thung Siria hoi Isarel rahak vah tarankâtuknae aw m hoeh.

² A kum pâthumnae daw k Judah siangpahrang Jehoshaphat teh Isarel siangpahrang koevah a cei.

³ Isarel siangpahrang ni a sannaw koevah, Gilead ram e Ramoth teh kaie ti a panue nahlangva, bangkongmaw Siria siangpahrang lawm laipalah o awh han, telah ati.

⁴ Hatdawkvah, ahni ni Jehoshaphat koevah, Ramothgilead teh na tuk khai ngai han na ou, telah atipouh. Jehoshaphat ni Isarel siangpahrang koevah, kai hoi nang, ka taminaw hoi na taminaw teh buet touh lah o awh teh, kaie marang hoi nange marangnaw hai buet touh doeh telah atipouh.

⁵ Jehoshaphat ni Isarel siangpahrang koevah, BAWIPA e lawk hah ring ei telah atipouh.

⁶ Hatdawkvah, Isarel siangpahrang ni profet cumpali tabang a kaw teh, ahnimouh koevah, Ramothgilead tuk hanelah ka cei han maw, ka cet ma-hoeh maw telah a paei. Ahnimouh ni cet yawkaw, bangkongtetpawiteh, BAWIPA ni siangpahrang kut dawk na poe han telah ati awh.

⁷ Jehoshaphat ni hivah BAWIPA Cathut e profet buetbuet touh pouknae hei hanelah awm hoeh toung maw, telah ati.

⁸ Isarel siangpahrang ni Jehoshaphat koevah, BAWIPA koe na kâhet pout hane tami buet touh Imlah capa Mikaiah tie ao. Hateiteh, ahni teh ka hmuhma e lah ao. Bangkongtetpawiteh, kaie kong dawk a thoena hloilah hawinae koelah banghai dei hoeh telah atipouh.

⁹ Hatdawkvah, Isarel siangpahrang ni bawi buet touh a kaw teh, Imlah capa Mikaiah hah karanglah thokhai haw telah atipouh.

¹⁰ Isarel siangpahrang hoi Judah siangpahrang Jehoshaphat teh Samaria kalupnae longkha kâenna teng e cangkatinnae yawn dawk, siangpahrang khohna hoi a kamthoup roi teh, a bawitungkhung lengkaleng dawk a tahung roi. Hahoi, profetnaw ni ahnimouh roi e hmalah lawk hah a pâpho awh.

¹¹ Khenanah e capa Zedekiah ni sumki hah a sak pouh teh, BAWIPA ni hettelah a dei, hete kinaw hoiyah Siria taminaw hah kounng kadout lah na deng awh han telah atipouh.

¹² Hot patetvanlah, profetnaw pueng nihai, Ramothgilead vah luen awh nateh, tâ awh. Bangkongtetpawiteh, BAWIPA ni siangpahrang kut dawk na poe awh han telah a dei pouh awh.

Mikaiah lawk

¹³ Mikaih kaw hanlah patoune ni, khenhaw! profetnaw ni kâvan e lawk buet touh hah a kuet awh teh, kahawi e lah dueng siangpahrang koevah, lawk rip a dei awh toe. Ahnimouh ni a dei awh e patetvanlah, nang ni hai dei van leih, kahawi e lah dei van haw telah atipouh.

¹⁴ Mikaiah ni BAWIPA a hring e patetlah BAWIPA ni kai koe a dei e doeh kai ni teh ka dei tih telah atipouh.

¹⁵ Siangpahrang koe a pha toteh, siangpahrang ni Ramothgilead tuk hanlah ka cei han maw, ka cet mahoeh maw telah a paei. Ahni ni siangpahrang koevah, cet nateh tâ, bangkongtetpawiteh, BAWIPA ni siangpahrang kut dawk na poe han telah atipouh.

¹⁶ Siangpahrang ni lawkkatang laipalah kai oe BAWIPA min lahoi dei hoeh hanlah avai nâyittouh maw lawk na kam sak han, telah ati.

¹⁷ Ahni ni, Isarelnaw pueng teh khoumking ka tawn hoeh e tu patetlah mon dawk kounng a kâkahei awh e hah ka hmu. BAWIPA ni hete taminaw ni kahrawiking tawn awh hoeh toe. Amae im dawk lengkaleng lungmawngcalah ban awh naseh, telah ati atipouh.

18 Isarel siangpahrang ni Jehoshaphat koevah, kaie kong dawk thoena e hloilah kahawi e koelah banghai dei mahoe telah yo ka dei toe telah atipouh.

19 Hatdawkvah, Mikaiiah ni, BAWIPA e lawk heh thai haw. BAWIPA teh a bawitngkhung dawkalvan vah a tahung teh kalvantaminaw pueng avoilah aranglah a kangdue e ka hmu.

20 Hahoi, BAWIPA ni Ahab heh Ramothgilead vah a luen vaiteh taran kut dawkdue hanlah apinimaw a tacuek telah atipouh. Buet touh ni hettelah a dei teh, alouke ni hottelah ati.

21 Hatdawkvah, muitha buet touh a tâco teh, BAWIPA hmalah a kangdue. Kai ni ka tacuek han telah atipouh.

22 BAWIPA ni ahni koevah, bangtelamaw telah atipouh. Ahni ni ka cei vaiteh a profetnaw pueng e pahni dawklaithe muitha lah ka o han telah atipouh. Hahoi, BAWIPA ni, na tacuek pawiteh na tacuek thai han doeh. Cef nateh hottelah sak telah atipouh.

23 Hatdawkvah, kenhaw! BAWIPA ni hete na profetnaw pueng e a pahni dawklaithe muitha hah a ta teh, BAWIPA ni nangmouh rawk nahane kong hah a dei toe telah atipouh.

24 Hottelah Kenaanah e capa Zedekiah ni rek a hnai teh, Mikaiiah e tamboung dawka tambai. Nang koe lawk dei hanelah BAWIPA ni a patoun e muitha ni na lae lam dawkhoi maw kai koe hoi a cei telah atipouh.

25 Mikaiiah ni, kenhaw! kâhro hanlah imrakhan thung hoi na kâen hnin vah na panue han telah atipouh.

26 Hat toteh, Isarel siangpahrang ni, Mikaiiah heh khopui kaukung Ammon e capa Joash koevah cetkhai awh leih.

27 Hahoi, hete tami heh thongim pabawt awh nateh, rounnae hoi ka ban hoehroukrak, rawca hoi tui yitca dueng poe awh tet pouh atipouh.

28 Hateiteh, Mikhaiiah ni, karoumcalah na ban awh pawiteh, BAWIPA ni kai hno lahoi lawk dei hoeh tinae lah ao han telah atipouh. Ama ni, nangmanaw pueng ni kahawicalah pâkuem awh telah letlang ati.

Ahab duenae

29 Hottelah Isarel siangpahrang hoi Judah siangpahrang Jehoshaphat teh Ramothgilead vah a takhang roi.

30 Isarel siangpahrang ni Jehoshaphat koevah, ka mei kâthung vaiteh, tarantuknae koe ka cei van han. Nang teh siangpahrang khohna hah kho telah atipouh. Hatdawkvah, Isarel siangpahrang teh a mei a kâthung teh tarantuknae koe a cei.

31 Siria siangpahrang ni leng kâcuinaw 32 touh koevah, Isarel siangpahrang laipalah, tami kathoeng kalen apihai tuk awh hanh telah kâ a poe.

32 Leng kaukungnaw ni Jehoshaphat a hmu awh toteh, hetteh Isarel siangpahrang roeroe doeh, telah ati awh. Hatdawkvah, ahni tuk hanelah a kamlang awh dawkvah, Jehoshaphat teh a hram.

33 Hateiteh, leng kâcuinaw ni Isarel siangpahrang nahoe tie a panue awh toteh, ahni pâleinae koehoi a ban takhai awh.

34 Tami buet touh ni noe laipalah, samtang a pathui boteh, Isarel siangpahrang e saiphei rahak vah pala teh a kâen dawkvah, ahni ni leng ka mawng koevah, kamlang nateh, tarankâtuknae hmuen koehoi na tâcawtkhai leih. Bangkongtetpawiteh, a hmâ ka ca toe telah atipouh.

³⁵ Hote hnin dawk tarantuknae teh a patawpoung teh siangpahrang teh a leng van vah Sirianaw e hmuen dawk a kangdue sak awh teh, tangmin lah a due. A hmâ dawk hoi leng van vah a thi teh a kui.

³⁶ Kanî aloum tawmlei nah ransanaw thung dawk hoi tami pueng amae kho tangkuem dawk, tami pueng mae ram lah koung ban awh naseh telah thouk a oung awh.

³⁷ Siangpahrang teh hottelah a due. Samaria vah a kâenkhai awh teh, hawvah siangpahrang teh a pakawp awh.

³⁸ Samaria tuikamuem rai lah leng hah a pâsu awh teh, BAWIPA ni a dei e lawk patetlah kâyawtnaw tui kamhluknae koe uinaw ni a thi hah a palem.

³⁹ Hottelah Ahab kâroenae thung dawk hoi kacawiraenaw hoi a sak e naw pueng hoi kasaino hoi a sak e im hoi a sak e khonaw pueng hah Isarel siangpahrangnaw setouknae cauk dawk thut lah awm hoehnamaw.

⁴⁰ Hottelah, Ahab teh a na mintoenaw koevah, a i teh a capa Ahaziah ni a yueng lah a bawi

Judah siangpahrang Jehoshaphat

⁴¹ Hahoi Isarel siangpahrang Ahab a bawinae a kum pali nah Asa capa Jehoshaphat teh Judah taminaw lathueng vah siangpahrang lah ao.

⁴² Jehoshaphat teh siangpahrang lah a tawk nah a kum 35 touh a pha. Jerusalem kho vah, a kum 25 touh a uk. A manu min teh Azubah, ahni teh Shilhi canu doeh.

⁴³ A na pa Asa ni a dawn e lamthung pueng hah a dawn van teh, phen laipalah, BAWIPA e mithmu vah hnokahawi a sak. Hateiteh, hmuenrasang teh puen awh hoeh. Bangkongtetpawiteh, hmuenrasang dawk taminaw ni a thueng awh teh, hmuitui hah hmai a sawi awh rah.

⁴⁴ Hahoi Jehoshaphat ni Isarel siangpahrang hoi roumnae a sak.

⁴⁵ Hottelah, Jehoshaphat kâroenae thung dawk hoi kacawirae hnonaw hoi a hno sakhainae a kamnu saknae hoi taran a tuknae kongnaw hah Judah siangpahrangnaw setouknae cauk dawk thut lah awm hoehnamaw.

⁴⁶ Hahoi, a na pa Asa a hring nah napuitongpanaw hah a ram dawk hoi koung a pâlei.

⁴⁷ Edom ram dawk siangpahrang ao hoeh dawkvah, siangpahrang a yueng lah kaawm e ni a uk awh.

⁴⁸ Jehoshaphat ni Ophir ram dawk a patoun teh, sui phu hanelah Tarshish long hah a sak. Hateiteh, cet awh hoeh. Bangkongtetpawiteh, Eziongeber vah long hah a rawk.

⁴⁹ Ahab capa Ahaziah ni Jehoshaphat koevah, ka taminaw heh na taminaw hoi long dawk hoi rei cet awh naseh telah ati. Hatei Jehoshaphat ni ngai hoeh.

⁵⁰ Jehoshaphat teh a na mintoenaw koe a i teh a na mintoenaw koe, a na min Devit e khopui dawk a pakawp awh. Hahoi a capa Jehoram ni a yueng lah a uk.

Isarel siangpahrang Ahaziah

⁵¹ Judah siangpahrang Jehoshaphat siangpahrang a tawknae kum 17 navah, Ahab capa Ahaziah teh Samaria khovah, Isarelnaw e siangpahrang lah ao. Isarel hah kum 2 touh a uk.

⁵² BAWIPA hmaitung vah thoenae a sak teh, a manu hoi a na pa ni dawn e lamthung hoi Nebat capa Jeroboam, Isarelnaw ka yonsakkung ni dawn e lamthung hai a dawn.

⁵³ Bangkongtetpawiteh, a na pa ni a sak e pueng a sak teh, Baal e thaw hah a tawk teh, a bawk dawkvah, Isarel BAWIPA Cathut a lungkhuek sak.

2 SIANGPAHRANG (The Second Book of the Kings)

Cathut ni Ahaziah lawk a ceng

¹ Ahab a due hnukkhu, Moab ram teh Isarel siangpahrang ni a tuk.

² Ahaziah siangpahrang teh, Samaria kho amae imvan hoi a bo teh, a hmâ a ca. Patounenaw a patoun teh, ahni koevah cet awh haw. Ekron cathut Baalzebub koe hete hmâ ka ca e dawk hoi kahawi thai nahanelah pacei awh haw telah atipouh.

³ Hateiteh BAWIPA kalvantami niyah, Tishbit tami Elijah koevah, thaw nateh Samaria kho e siangpahrang ni a patounenaw kâhmo hanelah cet haw, ahnimouh koevah, Isarel ram Cathut ao hoeh dawk maw, Ekron cathut Baalzebub koevah, pouknae pacei hanelah na cei awh vaw.

⁴ BAWIPA ni hettelah a dei pouh. Ikhun dawk na luen hoi na kum mahoehtoe. Na due roeroe han telah a dei, telah atipouh teh, Elijah teh a cei.

⁵ A patounenaw bout a ban awh teh, bangkongmaw na ban telah atipouh.

⁶ Ahnimouh ni ahni koevah tami buet touh kaimouh kâhmo hanlah a tho teh, kaimouh koehoi cet leih, na kapatounkung siangpahrang koevah ban leih, ahni koe BAWIPA ni hettelah a dei. Isarel ram vah Cathut ao hoeh dawk maw, Ekron cathut Baalzebub pacei hanlah na patoun. Ikhun dawk na luen teh na kum mahoehtoe na due roeroe han.

⁷ Hettelah dei pouh awh telah na ti pouh han, ati. Siangpahrang ni nangmanaw dawn hanlah ka tho e het patetlah ka dei e hah apimaw, atipouh.

⁸ Ahnimouh ni phaivuen kâkhu ni teh a keng dawk phaivuen taisawm kâyeng e doeh atipouh. Ahni teh Tishbit tami Elijah doeh atipouh.

⁹ Hahoi teh Siangpahrang ni ransa 50 touh kaukkung hoi a uk e taminaw a patoun teh, ahnimouh koe a takhang. Khenhaw! ama teh mon vah a tahung. Ahnimanaw ni nang Cathut e tami siangpahrang ni nang ca thuk loe ati atipouh awh.

¹⁰ Elijah ni a pato e teh, ransa 50 touh ka uk e koevah, Cathut e tami ka tho katang boipawiteh, kalvan hoi hmai bawt naseh, nang hoi na uk e tami 50 touh hah be kang naseh atipouh. Hahoi kalvan hoi hmai a bo teh ama hoi a tami 50 touh hmai koug a kak awh.

¹¹ Hahoi ahni koe alouke ransa 50 touh kaukkung hoi a uk e naw bout a patoun. Nang Cathut e tami siangpahrang ni karanglah ca thuk naseh ati telah atipouh awh.

¹² Elijah ni ahnimouh koe, Cathut e tami lah kaawm katang pawiteh, kalvan hoi hmai bawt naseh, nang hoi na taminaw 50 touh hah be kang naseh atipouh. Hahoi kalvan hoi hmai bout a bo teh ama hoi a taminaw 50 touh hmai koug a kak awh.

¹³ Hahoi alouke ransa 50 touh kaukkung hoi a uk e naw bout a patoun, ransa 50 touh kaukkung teh ahni koe a ceitakhang teh, Elijah hmalah khokpakhu a cuengkhuem teh, a hmalah oe Cathut e tami ka hringnae hoi na sannaw tami 50 touh e hringnae heh, na mithmu vah sungren naseh.

¹⁴ Khenhaw! kalvan hoi hmai a bo teh, ransa 50 touh kaukkung kahni touh hoi a uk e 100 touh hoi koug a kak nakunghai kai ka hringnae teh na mithmu vah na hlung pouh loe telah a kâhei.

¹⁵ Hahoi BAWIPA kalvantami ni Elijah koevah cet nateh taket hanh, atipouh. Hahoi a thaw teh siangpahrang koevah a cei.

¹⁶ BAWIPA Cathut ni a dei e teh Ekron cathut Baalzebub koe pouknae na hei hane patounenaw na patoun e hah Isarel ram pouknae hei hanelah Cathut ao hoeh daw k maw. Hatdawkvah ikhun daw k na luenna koe hoi na kum mahoe h toe na due roeroe han atipouh.

¹⁷ Elijah ni patuen a dei e BAWIPA e lawk patetlah ahni teh a due. Ca tongpa a tawn hoe h dawkvah, Judah siangpahrang Jehoshaphat capa Jehoram a bawinae kum navah, Joram teh a yueng lah siangpahrang a taw k.

¹⁸ Ahaziah ni a tawksaknae thung dawkvah ka cawi rae hoi a sak tangcoung e naw teh Isarel siangpahrangnaw setouknae cauk dawkvah thut lah ao nahoe hmaw.

2

Elijah kalvan a luen

¹ BAWIPA ni Elijah he h bongparui hoi kalvan lah tawm hanlah ao toung dawkvah, Elijah teh Elisha hoi Gilgal hoi a cei roi.

² Elijah ni, Elisha koevah pahren lahoi hi la awm loe. Bangdaw k tet pawiteh, BAWIPA ni Bethel vah pou cei hanelah na patoun atipouh. Hatei Elisha ni BAWIPA hoi na hringnae a hring e patetlah kaawm mahoe h ati teh Bethel lah a ceicathuk roi.

³ Bethel kaawm e profet capanaw Elisha koe a tho aw h teh, sahnin vah BAWIPA ni na bawipa hah na la pou h han tie na panue maw telah a pacei aw h. Oe ka panue doeh, duem awm aw h atipouh.

⁴ Elijah ni, Elisha koe pahren lahoi hi la awmh. BAWIPA ni Jeriko kho pou ceitakhai hanelah na patoun atipouh. Hatei BAWIPA a hring e hoi nang na hring e patetlah kaawm mahoe h ati teh Jeriko vah pou a cei roi.

⁵ Jeriko kaawm e profet capanaw teh Elisha koe a cei teh, sahnin vah BAWIPA ni na bawipa he na la pou h han toe tie na panue maw atipouh aw h. Oe ka panue bokheiyah duem awm aw h telah a pathung.

⁶ Elijah ni pahren lahoi hi ma la awm lawih. BAWIPA ni Jordan pou cei hanelah, na patoun telah atipouh. BAWIPA hoi nang na hring e patetlah kaawm mahoe h atipouh teh kahni touh hoi rei a cei roi.

⁷ Hahoi profet capanaw thung daw k hoi tami 50 touh a cei teh kahni touh hoi Jordan palang a kangdue navah, ahnimouh koe lahoi kahlathnawn a kamlang roi teh kahlathnawn lah a kangdue roi.

⁸ Elijah ni a hni hah a la teh, a taoung hnukkhu, tui hah a hem teh a vangvang lah a kâkapek. Hahoi ahnimouh roi teh talai kaphui daw k a cei roi.

⁹ Palang namran lah a pha roi torei teh, Elijah ni Elisha koe kai hoi kamphei hoe hnahlan vah, bangmaw na sak pou h han, het leih atipouh. Elisha ni nang ni na coe e muitha let hni touh na poe loe atipouh.

¹⁰ Ahni ni ka ru poung e doeh na hei, ka ru nakunghai thoseh, nang koehai kai yout la e lah ka o navah na hmaw t pawiteh, na coe han. Na hmaw t hoe hpawiteh, na coe mahoe h atipouh.

¹¹ Hahoi teh cungtalah reirei pou a cei roi teh, khenhaw! hmaileng hoi hmaimarang a kamnue teh a rahak roi daw k a bo teh, a kâkapek roi. Elijah teh bongparui daw k hoi, kalvan a luen.

¹² Hahoi Elisha ni a hmu teh, Apa, Apa Isarelnaw e leng hoi marangransanaw hoi kâvan e, telah a hram teh, ama teh hmawt hoeh toe. A hni hah a kuet teh kahni touh lah a phi.

¹³ Elijah koehoi e ka bawt e hni hah a la, hahoi a ban teh Jordan palang teng a kangdue.

¹⁴ Ka bawt e Elijah e hni hah a la teh, tui a hem nah, BAWIPA, Elijah Cathut teh nâmaw ao telah ati. Hahoi tui bout a hem torei teh avangvanglah a kâkapek teh Elisha teh namran lah a takhang.

¹⁵ Jeriko kho e profet capanaw ni Elisha a hmu awt toteh, Elijah e muitha Elisha koe ao toe telah ati awt. Ahni kâhmo hanlah a cei awt teh talai dawkvah a tabo awt.

¹⁶ Ahnimouh ni ama koe khenhaw! na sannaw ni, athakaawme tami 50 touh ni na okhai han, pahren lahoi na bawipa tawng sak hanlah kamthaw sak. BAWIPA e a Muitha ni a luenkhai e patetlah mon dawk na ou, hoeh pawiteh tanghling dawk na ou bout a pabo yawkaw han doeh ati awt. Elisha ni apihai patoun hanh leih atipouh.

¹⁷ Hatei, ahnimouh ni kayatho totouh a kâhei awt toteh, ti boum teh patoun lawih atipouh. Hat torei teh tami 50 touh a patoun awt. Hnin thum touh thung a tawng awt hat ei hmawt awt hoeh toe.

¹⁸ Jeriko kho ao navah, ahnimouh bout a tho torei teh ahnimouh koevah, cet hanh awt ka ti nahoehmaw atipouh.

Elisha ni kângairunae a sak

¹⁹ Hote khonaw ni, Elisha koevah khenhaw! hete kho heh bawipa ni na hmu e patetlah phuneppoung e doeh. Hateiteh tui hawihoech dawkvah camo koug a ro atipouh awt.

²⁰ Ahni ni tuum katha e na poe awt palawi theng awt ati pouh teh, a poe awt.

²¹ Tuiphuek koe a cei teh, hote hah a thung vah a phuen pouh teh BAWIPA ni hettelah a dei. Hete tui teh ka thoung sak toe. Atu hoi teh duenae hoi camo rawknae awm hoeh toe.

²² Elisha ni a dei e patetlah atu totouh tui teh a thoung.

²³ Hahoi teh Bethel lah a takhang. Hote lam a cei awt navah, nawsainaw a tho awt. Koe a panuikhai awt teh, lû luengpalueng e cet takhang haw. Lû luengpalueng e cet takhang haw atipouh awt.

²⁴ A kamlang sin teh, ahnimanaw a hmu toteh BAWIPA min lahoi thoe a bo. Kahrawngum hoi tavom manu ka hni touh a tâco teh, ahnimouh koe e camo 42 touh a kei pouh.

²⁵ Hahoi teh Karmel mon lah a cei awt teh Samaria kho vah a ban awt.

3

Moab ni Isarel a tuk

¹ Judah siangpahrang Jehoshaphat a bawi kum 18 nah, Ahab capa Jehoram teh Isarelnaw lathueng Samaria vah siangpahrang lah ao teh kum 12 touh a uk.

² BAWIPA mithmu vah thoena e sak. Hatei a manu hoi a na pa patetlah na hoeh. Bangkongtetpawiteh, a na pa ni Baal talung a ung e hah a tâkhawng.

³ Hateiteh, Isarelnaw e yonnae ka saksakung Nebat capa Jeroboam, yonnae koe a bawk van teh, cettakhai hoeh.

⁴ Moab siangpahrang Mesha teh tu ka khoum e doeh. Isarel siangpahrang koevah, tuca ting touh e muen hoi, tutan ting touh e muen hoi, kum tangkuem tamuk hah ouk a poe.

⁵ Hatei Ahab a due hnukkhu teh, Moab siangpahrang teh Isarel siangpahrang koe taran lah a thaw.

⁶ Hote atueng nah, siangpahrang Jehoram teh Samaria kho hoi a tâco teh Isarel taminaw pueng hah a pâkhueng.

⁷ A tâco teh, Judah siangpahrang Jehoshaphat koevah, Moab siangpahrang ni na tuk teh, Moabnaw heh na tuk khai ngai han na ou telah tami a patoun. Ahnimouh ni oe na tuk khai han bo khei, kai hoi nang, ka tami hoi na tami, teh buet touh lah o teh, ka marang hoi na marang buet touh lah doeh ao atipouh.

⁸ Pawiteh, nâ lam hoi maw takhang han vaw telah ati. Edom kahrawng lam koehoi cei han atipouh.

⁹ Hot patetlah, Isarel siangpahrang teh, Judah siangpahrang hoi Edom siangpahrangnaw hoi a cei awh. Hnin sari touh thung lawngven laihoi a cei awh teh, ransanaw hoi saringnaw nei hane tui awm hoeh.

¹⁰ Isarel siangpahrang ni Aiyoe! BAWIPA ni siangpahrang kathum touh heh, hete Moabnaw koe poe hanelah na ceikhai awh e han doeh toe telah ati.

¹¹ Hateiteh, Jehoshaphat ni, awi hi vah, BAWIPA koe na ka het pouh kung BAWIPA e profet apihai awm hoeh namaw telah ati. Isarel siangpahrang a san buet touh ni Elijah kut daw k tui ouk ka awi e Shaphat capa Elisha hah atu hi ao atipouh.

¹² Jehoshaphat ni ahni koe BAWIPA e lawk ao telah ati. Hahoi teh Isarel siangpahrang hoi Jehoshaphat hoi Edom siangpahrang teh ahni koevah a cei awh.

¹³ Elisha ni Isarel siangpahrang koe nang hoi kai kâkuetnae bangmaw kaawm. Na pa profetnaw hoi na manu profetnaw koe cet awh khe atipouh. Hatei, Isarel siangpahrang ni ahni koe ka cet mahoe. Bangkongtetpawiteh, siangpahrang kathum touh heh, Moabnaw kut daw poe hane BAWIPA ni na kaw awh teh na pâkhueng awh e doeh telah ati.

¹⁴ Elisha ni, a hmalah ouk ka kangduenae ransahu BAWIPA a hring e patetlah Judah siangpahrang Jehoshaphat heh barilawa ka tawn hoehpawiteh nang koelah kamlang hoiyah hmu patenghai na hmawt ngai mahoe ei.

¹⁵ Bangtelah nakunghai, ratoung ka kueng panuek e na kaw pouh awh telah ati. Hahoi ratoung ka kueng panuek e ni a kueng pouh toreih teh, BAWIPA e kut teh a tak daw a pha.

¹⁶ BAWIPA Cathut ni telah a dei. Hete a yawn heh tuikhu hoi kawi sak awh.

¹⁷ Bangkongtetpawiteh, BAWIPA ni telah a dei. Kahlî thoseh, kho ka rak e thoseh na hmawt awh mahoe toe, hatei hete tangkom heh tui hoi koug akawi han. Hahoi teh, namamouh hoi na saringnaw, moithangnaw ni a nei thai awh han telah ati.

¹⁸ Hetheh BAWIPA han teh hno titca e doeh. Moabnaw hai na kut daw na poe awh han.

¹⁹ Kacakpoung khonaw pueng hoi khopui kahawinaw pueng haiyah, na raphoe vaiteh, thing kahawi naw pueng hai na tâtueng awh han. Tuikhunaw pueng koug na paten awh vaiteh, hmuen kahawi naw pueng hah talung koug na paten awh han atipouh.

²⁰ Hahoi a tangtho amom tavai thuengnae tueng navah, pouk laipalah Edom ram lahoi tui a lawng teh a ram teh tui yikkawi.

²¹ Moabnaw pueng ni ama tuk hanelah siangpahrang a kamthaw ti a panue navah, taran katukthai pueng a pâkhueng teh khori koevah sut a pawp awh.

²² Hahoi teh, amom vah a thaw awh teh, kho a sei nah tui dawk khumbei a bet e hah, namran lahohi teh tui hah thi patetlah Moabnaw ni a hmu awh.

²³ Ahnimanaw ni thi tanggak doeh toe. Siangpahrangnaw hah amamouh hoi amamouh a kâtuk awh teh, a kâthei awh mue toe, Moabnaw tho awh leih. A hnopainaw lawm awh lei sei a kâti awh.

²⁴ Isarelnaw e roenae hmuen koe a pha toteh, Isarelnaw a thaw awh teh, Moabnaw hah a tuk awh teh, koung a yawng awh. Moabnaw hah noenoe a thei awh teh, a ram toutouh a pâlei awh.

²⁵ Khonaw a raphoe pouh awh teh hmuen kahawinaw pueng hai talung hoi a dei pouh awh teh talung muen akawi. Tuikhunaw pueng muen a paten pouh awh teh, thing kahawinaw pueng hai koung a tâtueng awh. Hatei, Kirhareth, rapan tumdum e teh tek awh hoeh. Hatei, tâyai kathoumnaw ni, a kalup awh teh a tâ awh.

²⁶ Moab siangpahrang ni na tuknae heh ka khang thai mahoeheh tie a panue toteh, Edom siangpahrang koe pou yawng takhai hanlah a kâcai teh, tahloi ka patuem e cum sari touh a ceikhai. Hatei tapoung thai awh hoeh.

²⁷ Hahoi teh a camin ama yueng lah ka bawi hane hah rapan van vah, hmaisawi thuengnae lah a hno teh, Isarel taranlahoi lungkuephoeheh haw vah ao. Hottelah a ban takhai awh teh, amamae ram dawk a ban awh.

4

Elisha hoi lahmmainu e satu

¹ Profet capa a yunaw thung dawk hoi napui buet touh ni, Elisha koe na san e a vâ teh a due toe. Na san ni teh, BAWIPA a taki tie hai na panue. Laiba ka ba pouh e tami nyah, ka ca roi heh san lah hrawi hane a tho toe telah runae kong hah a dei pouh.

² Elisha ni napui koevah, bangmaw na sak pouh han. Im vah bangmaw na tawn, na dei pouh haw, telah atipouh. Napui ni, satuim buet touh hloilah teh banghai im dawk ka tawn e awm hoeh atipouh.

³ Ahni ni cet nateh na imrinaw e hlaam a tawn e hlai loe atipouh.

⁴ Hahoi kâen awh nateh, nang nama hoi na capanaw hoi imthung vah tho kâkhan awh nateh, hlaamnaw pueng dawk satui hah hlun awh nateh kakawi e naw pueng teh alouklah tat awh atipouh.

⁵ Ahni koehoi a cei teh, ama hoi a capanaw hoi im tho a kâkhan awh teh, hlaam a dâw pouh teh, ahnimouh ni a hlun awh.

⁶ Hlaam akawi hoi a capa koe, Hlaam na poe ei atipouh. Ahni ni hlaam awm hoeh toe ati hoi teh satui roup a hak.

⁷ Hahoi teh Cathut tami ni cet awh lawih, satui hah yawt awh nateh na laiba teh patho lawih. Ka cawi e teh na canaw hoi na khosak na koe hno awh lawih telah atipouh.

Elisha ni Shunam napui e capa a thaw sak

⁸ Hnin touh teh, Elisha hah Shunem kho a cei. Hawvah ka tawnta e napui ao teh, hote napui ni bu a kaw khai. Hottelah a cei nah tangkuem haw vah bu ca hanlah ouk a luen pouh.

⁹ Napui ni a vâ koevah khenhaw! maimouh roi pou na ka pâmam e heh Cathut e tami kathoung doeh tie ka panue.

10 Tho haw, im van kathoungcalah, sak pouh haw sei, ikhun caboi, tungkhung hoi hmaiimkhok hrueng pouh haw sei, hahoi teh maimouh koe a tho karoitawi a kâen, a luen nahanlah atipouh.

11 Hnin touh hnin teh bout a cei teh, im a sak pouh e dawkvah a roe.

12 Hahoi a san Gehazi koe hete Shunam napui heh kaw haw atipouh. A kaw teh a hmalah a kangdue sak.

13 Elisha ni nang ni na khetyawt, nang hanlah bangmaw na sak pouh han, siangpahrang thoseh, ransabawi thoseh, na pato pouh hanelah na ngai maw telah napui koe a dei pouh. Napui ni ka hmaunawngaha hoi miphunnaw koe doeh kho ka sak atipouh.

14 Elisha ni, bangmaw kai ni na sak pouh han vai atipouh. Gehazi ni, atangcalah tetpawiteh, a capa tawn roi hoeh ni teh a vâ haiyah a matawng toe atipouh.

15 Ahni ni napui kaw haw, atipouh, a kaw teh napui teh takhang koe a kangdue.

16 Elisha ni atu e tuektue a pha toteh ca tongpa na tawm han atipouh. Napui ni telah nahoeh ka bawipa, nang Cathut e tami na sannu koe laithoe dei hanh atipouh.

17 Hahoi napui teh camo a vawn. Elisha ni ahni koe a dei e patetlah hote tue nah camo a khe.

18 Camo teh a rounng teh hnin touh teh a na pa canganae koe a cei van.

19 Hahoi teh a na pa koe ka lû a pataw, ka lû a pataw, telah a dei pouh. A sanpa koevah a manu koe cetkhai haw atipouh.

20 A ceikhai teh a manu koe a phakhai toteh a phai daw kkanithun totouh a tahung teh oun a due.

21 Napui ni im van a luenkhai teh Cathut tami e ikhun daw k a payan. Tho khik a khan teh a tâco takhai.

22 A vâ hah a kaw teh, pahren lahoi na san hoi la buet touh na rakueng pouh haw, Cathut e tami koe ka yawng vaiteh, bout ka ban han atipouh.

23 A vâ ni, bangkongmaw sahnin kuekluek ahni koe cei han na kâcai. Thapa hai rei hoeh rah, sabbath hnin lah hai tho hoeh atipouh toteh, napui ni telah ma, ahawi doeh atipouh.

24 La e a hnuokthun a padoun pouh teh, a sanpa koe yawng sak haw, pou cetsak lawih. Kâ na poe hoehroukrak hnawng sak hanh loe atipouh.

25 A cei teh, Cathut e tami koe Karmel mon vah a cei. Cathut e tami ni ahla poungnae koehoi a hmu nah, a sanpa Gehazi koevah, khenhaw! hot teh Shunam napui doeh khe.

26 Ahni dawn hanelah, yawng nateh ahni koevah na dam maw, na vâ a dam maw, camo hah a dam maw telah tet pouh. Napui ni ka dam doeh atipouh.

27 Hahoi mon vah Cathut e tami koe a pha toteh, a khok a tapam pouh teh, ahni ngang hanelah, Gehazi teh a tho. Hatei Cathut tami ni ngang hanh. Bangkongtetpawiteh, a lungreithai daw k doeh atipouh. BAWIPA ni kai koe a hro rah na dei pouh hoeh rae doeh telah atipouh.

28 Napui ni, ka bawipa, capa hah kai ni kahei maw Na dum han loe ka ti nahoehmaw telah atipouh.

29 Ahni ni, Gehazi koevah, na hni na keng daw k yeng leih. Na sonron heh sin nateh cet, na kâhmo e naw pueng a kut man hanh. Ayâ ni na kut ka man nakunghai man hanh. Kaie ka sonron heh camo e minhmai van toung pouh loe atipouh.

³⁰ Camo manu ni, BAWIPA hoi nang na hring e patetlah kai ni na tha roeroe mahoe. Hahoi a thaw teh a kâbang.

³¹ Gehazi ni, hmalah pou a yawngtahrei teh, sonron teh camo e minhmai dawk a toung pouh. Hatei camo teh kâroe hoeh a lawk tho hoeh. Hahoi teh ama kâhmo hanlah bout a ban teh. Ama koe camo teh kâhlaw hoeh atipouh.

³² Elisha teh im a kâen navah, khenhaw! camo teh yo a due dawkvah, ikhun dawkvah a payan roi.

³³ Hatdawkvah a kâen teh tho rouk a khan. BAWIPA koevah a ratoum.

³⁴ Im van a luen teh camo e van vah a tabo. Apâhni hoi a pahni a mit hoi mit, a kut hoi kut a ta sin teh, a tabo sin. Hottelah hoi camo e tak teh phubet hruethruet ao.

³⁵ A kum teh imvan vah a kâhlai, bout a luen teh, a van rek a tabo sin, hahoi camo teh vai sari touh a ekthi teh a mit a padai.

³⁶ Gehazi a kaw teh, Shunam napui kaw haw atipouh. A kaw teh ahni koe a pha awh toteh, na capa tawm haw atipouh.

³⁷ Hahoi imthong a kâen teh a khok koe a tabo pouh. A capa teh a tawm teh a tâcokhai.

Elisha ni hlaam dawk thawng e a thoung sak

³⁸ Elisha teh Gilgal vah a ban teh, a ram dawk takang a tho. Hahoi profet capanaw a hmalah a tahung teh, a sanpa koevah hlaam kalen pui dawkvah, profet capanaw hane anhang dam pouh loe atipouh.

³⁹ Hahoi tami buet touh kahrawng lah a thawng teh kahrawng tangdun hah a hmu teh, kahrawng tuium pawnaw hah a khi teh be a bawng hnukkhu, a thawng e dawk a thum. Bangnama aw ti teh panuek hoeh.

⁴⁰ Hahoi a ca hanlah a so teh, hote anhang a pahra navah Aiyoe! oe Cathut tami hlaam dawk duenae ao atipouh teh, cat thai awh hoeh.

⁴¹ Ahni ni, vaiyei na poe awh haw atipouh. Hlaam dawk a thum pouh teh hetnaw heh ca hanelah so haw, atipouh. Hahoi teh hlaam dawk banghai takinae awm hoeh toe.

Elisha ni tami 100 touh bu a paca

⁴² Baalshalisha koe lahoi tami buet touh a tho teh, Cathut e tami hanlah cang aluepaw hoi yei e vaiyei, 20 touh hoi apawhiknaw hai cawngko dawk hoi a sin pouh. Elisha ni hete taminaw paca loe atipouh.

⁴³ Hatei a sannaw ni, bangtelane, hete tami 100 touh hmalah ka tâcokhai han na maw atipouh. Oe hetnaw a ca hanelah poe loe. Bangkongtetpawiteh, BAWIPA ni telah a dei. Cat awh vaiteh puk a cawi han atipouh.

⁴⁴ Hahoi teh a paawng awh teh a ca awh. BAWIPA ni a dei e patetlah pukcawi pouh.

5

Naaman Hrikbei

¹ Siria siangpahrang ransabawi Naaman teh BAWIPA ni Sirianaw e bawi lah ouk a hno dawkvah, a bawipa hanlah, tami kalen hoi barilawa kaawm lah ao. Ahni teh athakaawme tami hoi minkamthang e buet touh a tho. Hatei ama teh ka hrikbei e lah ao.

² Sirianaw taran a thaw awh teh, Isarel ram hoi camo napui ca buet touh san lah a hrawi awh. Ahni ni Naaman yu e thaw hah a tawk pouh.

³ Napui ca niyah, ka bawipa heh, Samaria kho e profet koevah cet haw pawiteh tie ka ngaikhai. Bangkongtetpawiteh, a hrikbei hah a dam sak han doeh atipouh.

⁴ Naaman teh a bawipa koe a kâen teh, Isarel ram e, napui ca ni a dei e patetlah a dei pouh.

⁵ Siria siangpahrang ni cet leih, Isarel siangpahrang koe ca ka patawn han atipouh. Hahoi teh a kamthaw, ngun talen hra, sui shekel 6, 000 hoi hnicu yung hra touh a sin.

⁶ Hete ca, na hmu toteh, ka san Naaman e hrikbei na dam sak nahanelah, nang koe ka patoun e doeh tie ca hah Isarel siangpahrang koe a poe.

⁷ Isarel siangpahrang ni hote ca, a touk navah, a angki a phi teh tami ka thet ni teh kahring sak thai e Cathut lah maw ka tho, hete tami ni hrikbei dam sak hanelah kai koe khuet a patoun. Hatdawkvah pouk awh haw. Kai ka tak dawk thoe ka tawng e doeh tie hah panuek awh.

⁸ Hahoi Cathut e tami Elisha ni Isarel siangpahrang ni, amae angkinaw a phi tie a thai toteh, bangkong na angki hah na phi, pahren lahoi hote tami hah kai koe tho sak telah siangpahrang koe tami a patoun.

⁹ Naaman teh a rangleng hoi a cei teh, Elisha e takhang koe a kangdue.

¹⁰ Elisha ni, Jordan palang vah, cet nateh vai sari touh kâ pâsu, na tak teh yampa e patetlah ao han na thoung han telah patoune a patoun.

¹¹ Naaman teh a lungphuen laihoi a cei. Khenhaw! ama hah kai koe tho vaiteh ka kangdout han. BAWIPA Cathut min hah kaw vaiteh, ka hrikbeinae koe a kut tounge vaiteh a tek han a dam sak han doeh telah ka pouk.

¹² Damaskas kho e palang Abanah hoi Phapar tui naw teh Isarel ram palangnaw thung dawc kahawipoung e nahoehmaw. Awi haw ma kâpasu vaiteh ka thoung han nahoehmaw telah ati. Hahoi teh a kamlang teh lungphuen laihoi a cei.

¹³ A sannaw ni rek a hnai teh ama koevah, ka ru e hno sak hanlah na patoun pawiteh na sak han na vai yaw. Kâpasu na thoung han tie hateh hoe sak hane nahoehmaw telah atipouh.

¹⁴ Hahoi teh, Cathut tami ni a dei e patetlah a cei ca thuk teh Jordan tui dawc vai sari touh a kâranup. A takthai teh camosenca e tak patetlah a thoung.

¹⁵ Ama hoi a sannaw pueng hai Cathut e tami onae koe lah be a ban awh teh, a hmalah vah a kangdue pouh awh. Khenhaw! Isarel ram laipalah hoi talai van pueng dawkvah, Cathut awm hoeh tie ka panue toe. Hahoi na san koe e poehno na dâw pouh loe atipouh.

¹⁶ Hatei ahni ni a hmalah ouk ka kangdue pouh e BAWIPA a hring e patetlah bangcahai ka lat mahoe atipouh. A dâw hanlah voutsout a poe ei teh lat pouh ngai hoeh.

¹⁷ Naaman ni teh lat hoehpawiteh, na san kai heh la kahni touh phu hane talai na lat sak loe. Bangkongtetpawiteh, atu hoi teh na san kai ni Jehovah koe laipalah hoi teh hmaisawi thuengnae hoi thuengnae naw heh alouke cathut koe ka poe mahoe toe.

¹⁸ Hete hnonaw hoi BAWIPA ni a san kai heh na ngaithoum naseh, ka bawipa, hete Rimmon cathut bawc hanelah, ka tabut teh Rimmon bawkim dawc ka kâen. Rimmon bawkim dawc ka tabonae dawc, BAWIPA ni a san heh na ngaithoum naseh telah a ti.

¹⁹ Elisha ni lungmawngcalah cet leih atipouh. Ahni koehoi a tâco teh kahlat lah a cei toe.

Gehazi hounlounnae

²⁰ Cathut tami e san, Gehazi ni yah, khenhaw! ka bawipa ni Siria tami Naaman ni a sin e poehno buet touh boehai lat laipalah a ceisak. Hatei BAWIPA a hring e patetlah ka pâlei vaiteh buet buet touh ngoun teh ka la pouh han telah a pouk.

²¹ Gehazi ni Naaman teh a pâlei teh a pha toteh a kâhmo hanelah leng dawk hoi a kum.

²² Ahni ni awiya ahawinae lah doeh ao. Ka bawipa ni Ephraim mon dawk profet capanaw dawk hoi thoundoun kahni touh kai koe pouk laipalah, a tho. Ahni teh ngun talen buet touh hoi hna yung hni touh poe la ati teh kai heh na patoun atipouh.

²³ Naaman ni talen kahni touh hah lat atipouh. Talen kahni touh la hanelah a poe. Hna yung hni touh hoi cawngko kahni touh dawk a thun pouh teh, a san kahni touh ni a phu roi teh hmalah a ceikhai.

²⁴ Mon dawk a pha toteh a la teh imthungkhu lah a ta, ka phawt e tami hah a cei sak.

²⁵ Ama teh a kâen teh a bawipa hmalah a kangdue teh Elisha ni, na lahoi maw na tho Gehazi telah a pacei. Ahni ni na san heh nahai ka cet hoeh bo atipouh.

²⁶ Elisha ni, ahni koe nang ka hmo hanelah rangleng dawk hoi a kum navah, ka lungthin heh nang koe cet van hoeh namaw, tangka, khohna, olive takha, hoi misur takha, tu, maitotan hoi sannu, sanpanaw hah la hane atueng na maw.

²⁷ Hatdawkvah Naaman e hrikbei teh nang koehoi na catounnaw koe a yungyoe phat naseh, atipouh e patetlah Gehazi teh a hrikbei teh tadamtui patetlah a pangaw teh, a bawipa teh a tâco takhai toe.

6*Cakâ a kâlaw*

¹ Profet capanaw ni Elisha koevah, khenhaw! nang koe khosaknae hmuen heh, maimouh hanelah a thoungca toe.

² Pahren lahoi Jordan palang na cetsak aw h nateh, Hawvah thing tâtueng aw h han, mamouh khosak nahanelah sak aw h han telah atipouh. Elisha ni oe cet aw h leih telah kâ a poe.

³ Tami buet touh ni, na sannaw koe ka cei han telah ati. Oe cet van lawih atipouh.

⁴ Hahoi teh ahnimouh koe a cei van. Jordan palang a pha toteh, thing a tâtueng aw h.

⁵ Tami buet touh ni, thing a tâtueng lahun nah, cakâ hah tui thung a bo teh ahni ni Aiyoe! ka bawipa, ka hlai e doeh, telah a hram.

⁶ Cathut e tami ni, nâtueng tapat maw a bo telah atipouh. Ahni ni a bonae tueng hah a patue. Hahoi thing buet touh a tâtueng hote hmuen koe a tâkhawng teh cakâ teh avanlah a kâlaw.

⁷ Hatdawkvah ahni ni, racawng leih, atipouh hahoi a kâ yap teh a racawng.

Siria mitdawnnaw

⁸ Siria siangpahrang ni Isarel hah a tuk teh awi haw vah, awi hi vah pawm aw h sei telah a sannaw hah a dei pouh.

⁹ Cathut e tami ni, Isarel siangpahrang koe vah, hote hmuen koe cei hoeh hanlah kâhruetcuets. Bangkongtetpawiteh hote hmuen koehoi Sirianaw ni na tâco sin awh han telah tami a patoun.

¹⁰ Isarel siangpahrang ni, Cathut tami ni a dei e hmuen, panue thai nahanlah tami a patoun. Awi haw hoi teh vai touh vai hni touh nahoe. Voutsout a kârungngang awh toe.

¹¹ Hatdawkvah, hote kecu dawk Siria siangpahrang teh a lungreithai poung. A sannaw hah a kaw awh teh, ahnimouh koe vah, maimouh thung dawk hoi, apimaw Isarel Siangpahrang koe lah kampang e kaawm awh vai tie hah kai na panuek sak awh mahoe maw atipouh.

¹² A sannaw thung dawk hoi tami buet touh ni, apihai panuesaknae awh hoeh. Siangpahrang ka bawipa, hatei Isarel ram e kaawm profet Elisha ni na i khan koe na dei e lawk patenghai yah Isarel siangpahrang koe ouk a dei pouh dawk doeh atipouh.

¹³ Siangpahrang ni tami hah a patoun teh, man thai nahanelah na maw ao, tawng awh leih atipouh. Khenhaw! Dothan kho ao atipouh awh.

¹⁴ Marang hoi leng hoi, ransa moikapap lah a patoun. Karum vah a cei awh teh, kho hah a kalup awh.

¹⁵ Cathut tami e a san teh amom vah a thaw teh, a tâco toteh khenhaw! ransanaw ni marang hoi leng hoi kho hah king a kalup awh. A sanpa ni a bawipa koe ayâ ka bawipa bangtelamaw ti han toung atipouh.

¹⁶ Ahni ni, taket hanh, ahnimouh koelae hlak vah, maimouh koelae a paphnawn atipouh.

¹⁷ Elisha ni a ratoum teh BAWIPA a hmu thai nahan a mit ang sak haw atipouh. Hahoi BAWIPA ni hote thoundoun e mit a ang sak teh a hmu thai van. Elisha tengpam e mon dawkvah, hmaimarang hoi rangleng hoi akawi.

¹⁸ Siria taminaw ni ateng a pha awh toteh, Elisha ni BAWIPA koe vah a ratoum. Hetnaw heh a mitdawn sak haw atipouh. Elisha e lawk patetlah a mit a dawn sak.

¹⁹ Elisha ni ahnimouh koe, het heh lam nahoe. Kho hai kho nahoe. Ka hnukkâbang awh, na tawng e tami koe na ceikhai awh han telah atipouh. Hottelah hoi Samaria vah a ceikhai awh.

²⁰ Samaria a pha toteh, Elisha ni BAWIPA koe vah a ratoum hetnaw heh a mit a hmu thai nahan a mit padai sak haw atipouh. Hahoi BAWIPA ni a mit a padai sak awh teh, koug a ang pouh. Khenhaw! Samaria doeh ao awh.

²¹ Isarel siangpahrang ni a hmu awh toteh Elisha koe vah apa ka thei awh han maw, thet laipalah maw ka ta han telah atipouh.

²² Hatei ahni ni thet hanh. Na tahloi hoi na lilava hoi na man e san hah, na thei han na maw, vaiyei hoi tui hah poe awh na teh cat net awh naseh, a bawipa koe bout phat awh naseh.

²³ Hahoi teh canei kawi moi a poe awh teh be a canei awh hoi teh, a ban sak awh. A bawipa koe koug a pha awh, hahoi teh Sirianaw ni Isarel ram taran bout thaw awh hoeh toe.

Takang navah Siria ni Samaria a kalup

²⁴ Hahoi teh hettelah doeh. Siria siangpahrang Benhadad ni ransanaw a pâkhueng teh Samaria king a kalup awh.

²⁵ Samaria teh takangnae a patawpoung. Khenhaw! king a kalup awh teh, la e a lû hah tangka 80 touh lah a yo awh. Bakhu ei, pung pali touh dawk pung touh tangka shekel panga touh lah a pâphu awh.

²⁶ Isarel siangpahrang teh, rapan koe a cei navah, napui buet touh ni, oe siangpahrang ka bawipa na kabawm ei atipouh.

²⁷ Siangpahrang ni BAWIPA laipalah hoi kai ni bangtelah hoi maw na kabawp thai han aw, cangkatin nah koe, misur katinnae koe lahoi atipouh.

²⁸ Siangpahrang ni napui koevah, Bangpatete runae maw bout atipouh. Napui ni, hete napui kai koe sahnin vah na capa heh ca hanelah thei roi han. Tangtho vah kaie capa hah ca roi han atipouh.

²⁹ Hatdawkvah, ka capa hah ka thawng teh ka ca roi toe. Atangtho teh kai ni hai na capa ca hanelah thet van leih ka ti pouh toteh, a capa te oun a hro telah atipouh.

³⁰ Siangpahrang ni hote napui ni a dei e a thai toteh, amae angki a phi teh, rapan van a kâhlai lahun nah, tami moikapap ni a khet toteh, burihni hah un a kâkhu.

³¹ Siangpahrang ni Shaphat capa Elisha e a lû teh sahnin a tak hoi kâkapek laipalah awm rah pawiteh, Cathut ni a ngai e patetlah na sak naseh, hot hlak ka pataw lahai yah a ti.

³² Hatei Elisha ni a im van a tahung teh a lungkahanaw hai a tahung aw haw. Siangpahrang ni ahni koe patoune a patoun. Hatei hote a patoune a tho hoehnahlan vah, Elisha ni tami ka thet e a ca teh kaie lahuen tâtueng hanlah, a patoun e na panuek aw hoh maw. Hote a patoun e a tho toteh tho na khan aw haw teh, takhang teng vah ahni hah ngang aw haw. Ahnie a hnuklah a bawipa e lamcei pawlawk tho hoeh maw a ti.

³³ Hot patetlah ahnimouh a pato lahun nah, patoune teh ahnimouh koe a pha, hahoi a patoun e naw ni kenhaw! rawkphainae heh BAWIPA ni a patoun e doeh. BAWIPA teh bangkong bout ka ring han vaw telah a ti.

7

¹ Elisha ni, BAWIPA lawk thai aw haw. BAWIPA ni telah a dei. Tangtho atu e tuektue vah, rapan longkha teng vah, tavai sum touh hah, sekel buet touh lah yo han, catun sum hni touh hah sekel buet lah yo aw haw ati.

² Siangpahrang kut ka kângue e ransabawi ni Cathut e tami hah a pathung. Kenhaw! BAWIPA ni kalvan vah hlalangawnaw paawng pawiteh hottelah a coung thai yawkaw han doeh atipouh. Elisha ni oe hatei, na mit ni a hmu vaiteh na cat mahoe telah atipouh.

Sirianaw a yawng aw h

³ Hahoi kâenna longkha koe, hrikbeinaw pali touh ao aw h. Bangkong-maw maimouh ni due han totouh awi hivah khuet tahung aw haw han vaw.

⁴ Kho thung kâen nakunghai takang kecu daw k due aw h han. Awi hi pou ka tahung aw h nakunghai due mingming aw h han. Hatdawkvah Siria ransanaw koe kâhmoun ngala aw h sei. Na hlung aw h pawiteh hring aw h han, na thet aw h pawiteh due aw h han, telah buet touh hoi buet touh a kâdei aw h.

⁵ Hahoi teh Sirianaw roenae hmuen koe cei hanlah, khodai hoehnahlan a kamthaw aw h. Sirianaw roenae koe a pha toteh, kenhaw! apihai aw m hoeh.

⁶ Bangkongtetpawiteh, BAWIPA ni Siria ransanaw e rangleng lawk hoi marang yawng pawlawk, ransa moikapap e pawlawk lah a thai sak. Kenhaw! Isarel siangpahrang ni Hitnaw e siangpahrang hoi Izip siangpahrang hah maimouh tuk hanelah a kawi mue toe ati aw h.

⁷ Hatdawkvah, kho vumpava a dai navah koug a yawng aw h. Ahnimae rimnaw hoi rangleng hoi lanaw hoi roenae rimnaw pueng teh ama hottelah koug a yawng takhai aw h.

⁸ Hahoi hrikbeinaw ni, a roenae rim koe a pha toteh buet touh e rim dawk a kâen awh. Haw e kaawmnaw hai a la awh teh bout a hro awh.

⁹ Hathnukkhu hoi maimouh teh, hnokahawi sak awh hoeh toe. Sahnin teh kamthang a phanae hnin toe, hatdawkvah maimouh ni lungmawng lah awm hanh, khodai e ring awh pawiteh, reknae buet buet touh kâhmo awh mingming han doeh. Hatdawkvah tho awh leih. Siangpahrang imthungkhu koe dei awh leih sei ti teh buet touh hoi buet touh a kâdei awh.

¹⁰ Hahoi, a cei awh teh, kho longkha ka ring e hah a kaw awh teh, ahni koe Sirianaw a roenae koe ka cei awh teh, khenhaw! apihai la awm hoeh. Tami pawrin lawk hai banghai tho hoeh. Marang hoi lengnaw teh koug a kâpen, rimnaw hai ama telah roup a ta awh telah a dei pouh awh.

¹¹ Hat torei teh, longkha karingkung ni siangpahrang imthungkhu koe patuen a dei pouh.

¹² Siangpahrang teh karum vah a thaw teh a sannaw koevah Sirianaw ni na sak awh e heh na dei pouh vai, maimouh vonhlam e hah a panue awh teh, khopui thung hoi a tâco toteh, a hring lahoi man kong ati awh teh, hahoi khothung kâen sin sei ati awh e muema toe. Kahrawng a kâhro awh e han doeh, hatdawkvah roenae rim a ceitakhai e han doeh telah ati.

¹³ A san bout touh niyah, a pathung teh, pahren lahoi yah khopui dawk kacawirae marang panga touh hoi tami nâyittouh ni ne cetkhai naseh. Khenhaw! Isarelnaw ka la awm e naw patetlah doeh ao awh. Atangcalah dei pawiteh ka rawk tangcounnaw thung dawk hoi Isarel e a hu lah pouk e lah ao thai nahanlah tha awh sei atipouh.

¹⁴ Hahoi leng ka sawn e marang kahni touh a ceikhai awh teh siangpahrang ni, khenhaw! telah, Siria ransanaw pâlei hanelah a patoun toe.

¹⁵ Jordan palang totouh, a pâlei awh teh, khenhaw! Sirianaw karang poung lah a yawng awh dawkvah, a tâkhawng awh e angki, hna, hnopai naw lam vah nawinawi a kâkayei telah patounenaw ni a ban awh teh siangpahrang koe a dei awh.

¹⁶ Hahoi teh taminaw ni, a tâco awh teh Sirianaw e rimnaw a lawp awh. Hahoi teh, BAWIPA lawk patetlah tavai sum touh dawk sekel buet touh lah, catun sum hni touh dawk sekel buet touh lah a yo awh.

¹⁷ Hahoi siangpahrang ni, amae kut ka kângue e ransabawi hah kalupnae longkha karingkung lah a sak. Hahoi tami tangkuem ni kalupnae longkha koe ahni hah kawt a katin awh teh, Cathut tami ni siangpahrang koe a tho nah a dei e patetlah a due.

¹⁸ Hahoi teh, Cathut e tami ni siangpahrang koevah, tangtho het tuetue nah, Samaria kalupnae longkha koevah, tavai sum touh dawk sekel buet lah a yo awh vaiteh catun sum hni touh dawk sekel buet lah a yo awh han ati teh,

¹⁹ ransabawi ni Cathut tami hah a pathung teh, BAWIPA ni kalvan longkha paawng pawiteh hottelah a coung yawkaw han doeh ati navah, ahni ni na mit hoi na hmu han, hatei na cat mahoeh telah a dei pouh e hah, a tak dawk a pha pouh.

²⁰ Bangkongtetpawiteh, khopui longkha koe tamimaya ni longkha koe a katinkaawi awh teh kawt a due.

¹ Elisha ni a capa a hring sak e napui koevah, thaw haw, nang nama hoi na imthungkhunaw na o thainae hmuen koe lah awm aw. Bangkoktetpawiteh BAWIPA ni takang tho sak vaiteh, hete ram daw kum 7 touh tung takang a tho han telah a ti.

² Napui ni a thaw teh Cathut tami e lawk patetlah a sak teh, Filistinnaw e ram daw kum 7 touh ao.

³ A kum 7 kuep toteh hote napui teh Filistin ram hoi a ban. Hahoi a im hoi a law hmuen naw siangpahrang koe hei hanlah a cei.

⁴ Siangpahrang ni Cathut tami e a san, Gehazi koe Elisha ni hno kângairu a sak e hah na dei pouh haw tie a hei lahunnae tueng doeh.

⁵ Hahoi tami buet touh kadout tangcoung e a hringsaknae kong a dei navah, hettelah doeh. Khenhaw! a capa a hring sak e napui ni, a im hoi a lawhmuen hah, siangpahrang koe a hei van. Gehazi ni oe siangpahrang ka bawipa hete napui nan mah, Elisha ni a capa a hring sak e heh ma atipouh.

⁶ Siangpahrang ni napui a pacei toteh, a dei pouh. Hot patetlah siangpahrang ni a lungkaha buet touh a pouk pouh. Hete ram a tâcotakhai hnin hoi atu totouh a tawk e pueng totouh bê poe aw. Hete loe atipouh.

Elisha hoi Siria siangpahrang Benhadad

⁷ Elisha teh, Damaskas kho vah a cei, hahoi Siria siangpahrang Benhadad a pataw, hat toreî teh Cathut e tami, hi tho haw telah a dei pouh aw.

⁸ Siangpahrang ni, Hazael koevah poehno sin nateh Cathut e tami kâhmo hanlah cet, ka patawnae bout ahawi thai han vaimoe. BAWIPA koe na het pouh haw pawiteh atipouh.

⁹ Hezael teh, ahni kâhmo hanlah a cei, poehno poe hanlah, Damaskas kho e hnokahawi phunkuep kalauk 40 touh a phu sak teh, a hmalah a kangdue. Na capa Siria siangpahrang Benhadad ni, ka patawnae he bout kahawi thai han vaimoe tie dei hanlah kai na patoun atipouh.

¹⁰ Elisha ni, ahni koe cet leih, ahni koe na hawi mingming han doeh ati telah dei pouh. Hatei a due roeroe hanelah BAWIPA ni na hmu sak telah atipouh.

¹¹ Hahoi mit pakhap laipalah a kaya han totouh takuetluet a khet teh, Cathut e tami a ka.

¹² Hezael ni bangkongmaw ka bawipa teh a ka ati. Ahni ni, Isarel catounnaw koe na sak hane hawihoeahnae ka panue daw koe doeh. A rapanim teh hmai hoi sawi aw. Vaiteh, a thoundounnaw hah tahloi hoi a thei aw han. A canaw hah talai daw koe rekrek a suk aw han. Camo ka vawn e naw hah, a paset aw han, telah atipouh.

¹³ Hezael ni, kai na san ui patetlah kaawm e ni, hot patet e hno ka lentoe e ka sak thai han namaw atipouh. Elisha ni, Sirianaw e siangpahrang lah na kaawm han doeh tie hah, BAWIPA ni na panue sak telah atipouh.

¹⁴ Hahoi teh Elisha koehoi a tâco teh, a bawipa koevah a cei. Ahni ni Elisha ni bangmaw a dei atipouh. Ahni ni bouf na hawi han doeh na ti pouh telah atipouh.

¹⁵ Hatei a tangtho vah telah ao han, ka tha poung e khohna hah a la teh tui daw koe a phum, a minhmai muen a kayo pouh teh a due. Hahoi Hazael teh ahnie yueng lah a bawi.

Jehoram ni Judah a uk

¹⁶ Isarel siangpahrang Ahab capa Joram a bawinae kum panga nah, Jehoshaphat capa Jehoram teh, Judah siangpahrang thaw tawk nueng a kamtawng.

¹⁷ Siangpahrang lah ao navah, kum 32 touh a pha, Jerusalem vah kum 8 touh a uk.

¹⁸ Ahab imthungkhunaw patetlah Isarel siangpahrangnaw ni a dawn aw h e lamthung a dawn van teh, Ahab canu hah yu lah a la. Hottelah hoi BAWIPA mithmu vah, hawihoehnae a sak.

¹⁹ Hatei, BAWIPA ni, a san Devit kecu daw k Judah ram hah raphoe han ngai hoe h. Bangkongtetpawiteh a catounnaw totouh han hmaiim lah ang hanelah lawk a kam toe.

²⁰ Amamouh se nah, Edomnaw teh Judahnaw e kâtawnnae hah a taran aw h, amamouh lathueng siangpahrang hanelah amamouh hoi amamouh a kârawi aw h.

²¹ Hahoi teh, Joram ni a ranglengnaw pueng hoi Zair vah a cei, karum vah a kamthaw teh, ama ka kalupnaw Edom taminaw e rangleng daw k e a lungkahanaw hah a tuk pouh aw h teh, rim dawkvah koug a yawng aw h.

²² Hot patetlah Edomnaw hah atu totouh, Judahnaw e kâtawnnae hah a taran aw h. Hote tueng daw k Libnah hai taran a thaw van.

²³ Joram thawtaw knae thung daw k hoi kaawm rae naw hoi a tawksak e naw pueng teh Judah siangpahrangnaw setouknae cauk daw k koug thut lah ao nahoehmaw.

²⁴ Joram teh a na mintoenaw koe ka ip ni teh a napanaw koe Devit, khopui daw k a pakawp aw h. Hahoi a capa Ahiziah ni a yueng lah a uk.

Ahiziah ni Judah a uk

²⁵ Isarel siangpahrang Ahab capa Joram heh siangpahrang a taw knae kum 12 nah Judah siangpahrang Jehoram capa Ahaziah teh siangpahrang lah ao.

²⁶ Ahaziah ni a uk han a kamtawng na a kum 22 touh a pha teh, Jerusalem vah kum touh a uk. A manu min teh Athaliah, Isarel siangpahrang Omri canu doeh.

²⁷ Ahab imthungnaw ni a dawn e lamthung a dawn van aw h. Ahab imthungkhunaw patetlah BAWIPA mithmu vah, hawihoehnae hah a sak. Bangkongtetpawiteh, Ahab imthungnaw e a cava lah ao.

²⁸ Ahni teh Ahab capa Joram ni Ramothgilead hoi Siria siangpahrang Hazael a tuknae koe ka baw k van e Sirianaw ni, Joram hah a hmâ a paca aw h.

²⁹ Siangpahrang Joram teh, Siria siangpahrang Hazael a tuk navah Sirianaw ni Ramah vah hmâ a ca sak aw h e hah, ahawi nahanlah Jezreel vah a ban aw h. Judah siangpahrang Jehoram capa Ahaziah teh Ahab capa Joram a pataw daw kvah hloe hanelah Jezreel kho lah a cei.

9

Isarel siangpahrang lah Jehu satui a awi aw h

¹ Profet Elisha ni Profet capa thung daw k e buet touh hah a kaw teh, ahni koe, councakoe aw m la a, hete satuium heh sin nateh Ramothgilead vah cet loe.

² Na pha toteh, Nimshi ca Jehoshaphat capa, Jehu hah tawng loe, kâen sin nateh a hmaunawngnanaw koehoi tâcawt nateh imrakhan buet touh daw k kâenkhai.

³ Hahoi satuium hah lat nateh, a lû daw k awi pouh. BAWIPA ni hettelah a dei. Isarel naw koe siangpahrang lah o hanelah nang teh satui na awi. Telah na ti pouh han. Hahoi tho paawng nateh pou yawng takhai, kânawngkâai hanh atipouh.

4 Hot patetlah, Profet e san thoundoun teh Ramothgilead vah a cei.

5 A pha toteh, khenhaw! ransabawi hah a tahung, ahni ni yah ransabawi, nang koevah lawk dei han ka tawn atipouh. Jehu ni api koe vaimoe atipouh. Ahni ni ransabawi nang nama koe doeh atipouh.

6 A thaw teh imthungkhu vah a kâenkhai teh, a lû dawk satui hah a awi pouh teh Isarel siangpahrang BAWIPA Cathut ni hettelah a dei, BAWIPA e tamihu Isarel lathueng vah, siangpahrang hanelah satui na awi.

7 Ka san profetnaw e thi phu hoi BAWIPA e a sannaw e thi phu Jezebel koehoi ka pathung thai nahan lah.

8 Bangtelane tetpawiteh, Ahab imthungkhunaw teh be kahmakata awh vaiteh, Ahab koehoi kamtawng teh a ca tongpa pueng teh, Isarel ram thung hoi kahlout e thoseh, kahlout hoeh e thoseh, be ka pahma han.

9 Ahab imthungkhu teh, Nebat capa Jeroboam imthungkhu hoi Ahijah capa Baasha imthungkhu patetlah ka tho sak han.

10 Uinaw ni Jezebel teh, Jezreel kho kalupnae rapan kung koe a ai vaiteh, kapakawpkung awm mahoeah ati telah atipouh. Hahoi tho a paawng teh a yawng.

11 Hot patetlah Jehu teh BAWIPA e a sannaw koe a cei teh tami buet touh ni ahni koe koug ahawi maw, hote tami ka pathu hah, bangkongmaw nang koe a cei atipouh. Ahnimouh ni ama ni a phuenang e teh be na thai awh tounge tayaw atipouh.

12 Ahnimouh ni ka thai awh hoeh bo, na dei pouh haw khe, atipouh awh. Hettelah nahoehmaw ka ti pouh awh. BAWIPA ni hettelah a dei Isarelnaw han siangpahrang lah na o nahanelah, satui na awi toe telah a dei e hah patuen dei pouh telah a ti.

13 Hahoi tami pueng ni, a hni hah lengkaleng a la awh teh khalai dawka phai awh. Mongka a ueng awh teh, Jehu teh siangpahrang doeh telah a pathang awh.

Isarel tami Joram thei e lah a o

14 Hahoi Nimshi capa Jehoshaphat capa Jehu ni Joram teh a youk. Siria siangpahrang ni Hazael a taran dawkvah Joram hoi Isarelnaw pueng ni, Ramothgilead kho hah a ring awh.

15 Siangpahrang Joram teh, Siria siangpahrang Hezeal hoi a kâtuknae dawka Sirianaw ni hmâ a ca sak awh e naw hah, ahawi nahanlah Jezreel kho vah a ban awh toe. Jehu ni kai koe lah na kampang e lah na awm pawiteh, apihai yah Jezreel kho vah hete lawk dei hanlah kho thung hoi tâcawt awh hanh loe atipouh.

16 Hahoi Jehu teh, rangleng dawka kâcui teh, Jezreel kho vah a cei. Bangkongtetpawiteh, Joram teh haw vah a yan. Hahoi Judah siangpahrang Ahaziah hai Joram khet hanlah a cei.

17 Jezreel e imrasang van ramveng ni a kangdue teh, ahni ni Jehu hoi a taminaw a tho e hah a hmu. Tami moikapap ka hmu atipouh. Joram ni marang dawka kâcui naw dawn hanelah patoun haw, roumnae koe la vaimoe, tet pouh haw seh telah atipouh.

18 Hahoi tami buet touh marang kâcui e ni dawn hanlah a cei. Siangpahrang ni, hettelah a dei, roumnae koe lah vaimoe telah ati. Jehu ni, roumnae lawk hah nang ni na thai hanelah bangmaw kaawm ka hnuklah cet loe atipouh. Hahoi ramveng ni, patoune nang koe a tho vaiyaw, hatei bout ban hoeh toe atipouh.

19 Hahoi tami buet touh marang kâcui e bout a patoun. Hot haiyah ahnimouh koe a pha teh, siangpahrang ni telah a dei pouh. Roumnae

koelae vaimoe, ati telah ati. Jehu ni, roumnae koe lah teh nang ni na thai han bangmaw kaawm. Ka hnuklah cet ngoun atipouh.

²⁰ Ramveng ni, ahni haiyah ama koe ka phat ei nan ma, bout ban hoeh toe. Hahoi a yawng sak e hai, Nimshi capa Jehu ni a yawng sak e patet doeh. Bangkongtetpawiteh, kahlí patetlah doeh thouk a kamleng telah atipouh.

²¹ Joram ni, coungkacoe lah awm awh telah ati. Leng hah sut a rakueng pouh awh teh, Isarel siangpahrang Joram hoi Judah siangpahrang Ahaziah teh amamouh roi e rangleng reira hoi a tâco roi teh Jehu dawn hanlah a cei roi. Jezreel tami Naboth e takha dawk a kâhro awh.

²² Hahoi Joram ni, Jehu a kâhmo toteh hettelah doeh, roumnae koelae vaimoe. Jehu atipouh. Ahni ni na manu Jezebel ni hettelah kapap lah a tak a kâyo teh taân a sin e hah maw, bangtelah hoi maw roumnae lah ao thai han vaw atipouh.

²³ Joram teh a kamlang hoi a yawng. Ahaziah koevah na dum awh e doeh Ahaziah atipouh.

²⁴ Jehu ni licung hah a thaothue hoi a sawn teh, Joram teh aloung hoi aloung rahak vah roum a ka pouh teh, pala ni hai a lung pawk a kâ pouh teh, a leng van a kamlei teh a due.

²⁵ Jehu ni, a ransabawi Bidkar koevah dawk tawm nateh Jezreel tami Naboth takha thung tâkhawng. Bangkongtetpawiteh, Ayan vah nang nama hoi na pa Ahab hnuk vah marang kâcui hoi pâlei navah, BAWIPA ni hete hmuenri heh na tak dawk a patue e pahnim hanh.

²⁶ BAWIPA ni paduem vah Naboth thi hoi a canaw e thi hah ka hmu toe telah a dei. BAWIPA ni hete hmuen koe roeroe vah lû ka la han telah bout ati. Hot patetlah BAWIPA ni a dei e patetlah hete ro hah tawm nateh hete hmuen koe roeroe tâkhawng telah atipouh.

Judah tami Ahaziah a thei awh

²⁷ Hatei, Judah siangpahrang Ahaziah ni hote hmu toteh, Bethhaggan lah a yawng. Jehu ni a pâlei teh ama haiyah a leng dawk ka ngala awh atipouh. Hahoi Ibleam teng Gur lah takhangnae koe, amae rangleng van vah a ka awh. Megiddo lah a yawng teh haw vah a due.

²⁸ A taminaw ni leng hai Jerusalem lah a ceikhai awh teh a na minnaw koe, Devit khopui vah a pakawp awh.

²⁹ Ahab capa Joram kum hlaibun touh a bawinae kum vah, Ahaziah teh Judahnaw e siangpahrang lah ao.

Jezebel utsinnae

³⁰ Jehu teh Jezreel kho a kâen navah, Jezebel ni a thai, hahoi teh a mit hah pathoup teh a sam hai a pathoup teh, hlalangaw dawk hoi a radoung.

³¹ Kalupnae longkha koe Jehu a kâen navah roumnae koe lah vaimoe na bawipa na ka thet e Zimri telah atipouh.

³² Ahni ni hlalangaw lah khet hoi kalvan lah radoung hoi, apimaw kai koe lah kambawng telah ati. Tuenla e tami kahni kathum touh ni ahni koe lah a khet awh.

³³ Jehu ni napui hah tâkhawng awh telah ati. Hahoi a tâkhawng awh teh siangpahrang im tapang dawk thoseh, marang van hai thoseh a thi naw koung a tâcawn sin, Jehu ni a khok hoi a coungroe.

³⁴ A kâen teh a canei thoebonae kahmawt e napui ka hawi lah kuemyawt awh teh pakawp awh. Bangdawak ahni teh siangpahrang canu doeh a ti.

³⁵ Pakawp hanlah a cei navah, lû hru hoi a khokcareinaw hoi a kutcareinaw laipalah teh pâphawng hoeh toe.

³⁶ A tho teh a dei pouh aw hoi ahni ni het heh BAWIPA ni a san Tishbit tami Elijah hno lahai Jezreel kalupnae kung koe uinaw ni Jezebel teh a ai han.

³⁷ Jezebel ro teh Jezreel longkha kung koe eitaboung patetlah kaawm han, hethateh Jezebel nan ma aw, ati aw hoi hoeh nahanelah telah dei e lawk doeh telah ati aw hoi.

10

Ahab canaw 70 touh a thei aw hoi

¹ Ahab ni, Samaria vah, capa 70 touh a tawn. Jehu ni Samaria vah, Jezreel ka uk e kacuenaw hoi Ahab capanaw kakawkkungnaw koe vah,

² Hete ca heh nangmouh koe a pha tahma vah na bawipa e capa nangmouh koe kaawm e patetlah rangleng hoi, marang kalup e kho senehmaica hai na tawn aw hoi.

³ Na bawipa e a capanaw thung daw k kahawi poung e kakuep poung e hah rawi aw hoi nateh, a na pa e bawitungkhung daw k tahung sak aw hoi. Na bawipa imthungkhu, ka tuk e taran hah tuk khai aw hoi telah ca a patawn.

⁴ Ahnimouh ni a takipoung teh, khenhaw! siangpahrang kahni touh ni hai a khang thai aw hoi hoeh e doeh, maimouh ni bangtelavai khang thai aw hoi vaw telah ati aw hoi.

⁵ Siangpahrang imthungkhu daw k e kahrawikung hoi, khopui kaukkung hoi camonaw kakhenkungnaw ni, Jehu koe vah na san ka tho aw hoi, sak hane kaawm e naw pueng teh, ka sak aw hoi han. Apihai siangpahrang lah ka rawi mahoe hoi. Nang ni ahawi na tie patetlah hoi sak lawih telah tami a patoun.

⁶ Ahnimouh koe, kai koe lah na kambawng aw hoi boilah, kaie kâ na ngai aw hoi hane pawiteh, na bawipa hoi a lû hah tangtho het tuektue a pha hoehnahan, Jezreel kho kai koe vah thokhai aw hoi telah ca bout a patawn. Siangpahrang capanaw teh 70 touh a pha aw hoi. Kho thung e kalentoenaw ahnimouh koe ao aw hoi.

⁷ Ca patawn e a hmu aw hoi teh, telah doeh. Siangpahrang e a capanaw hah a man aw hoi teh 70 touh, abuemlah hoi a thei aw hoi, a lûnaw hah tangthung daw k a rasoup aw hoi teh, Jezreel kho vah ahnimouh koe a patawn aw hoi.

⁸ Hahoi laicei a tho teh, siangpahrang capanaw e lû hah a la aw hoi telah a dei. Ahnimouh ni kalupnae longkha kâen nah koe vah, hmuen kahni touh lah a pung aw hoi tangtho totouh aw m seh atipouh.

⁹ Atangtho hettelah doeh toe. A tâco teh taminaw pueng koe tamikalan doeh khenhaw! ka bawipa teh ka youk teh ka thei ka tang toe. Telah pawiteh, hetnaw pueng he apinimaw a thei vaw.

¹⁰ BAWIPA ni Ahab imthungkhu kong a dei e, BAWIPA lawk nâ tuek hai ayawmlah bawt boi mahoe hoi tie hah panuek aw hoi.

¹¹ Hot patetlah Jehu ni Jezreel kho vah, Ahab imthungkhu kaawm e naw hoi a tami kalentoenaw hoi a vaihmanaw pueng hoi buet touh hai hlung laipalah koung a thei aw hoi.

¹² Hahoi a thaw teh, a tâcotakhai aw hoi teh, Samaria lah a cei aw hoi.

Ahaziah hmaunawnggha 42 touh thei lah a o

Lam vah tukhoumnaw e hmuen Bethoked a pha aw hoi toteh,

¹³ Jehu ni, Judah siangpahrang Ahaziah hmaunawngghanaw a hmu. Api nang maw telah a pacei. Ahnimouh ni Ahaziah e hmaunawngghanaw doeh

atipouh awh. Siangpahrang e capanaw hoi siangpahrang canunaw e kut ka man awh han telah a pathung awh.

¹⁴ Jehu ni a hring o lah man awh telah ati. Hahoi a hring lah a man awh teh Betheked tangkom teng vah a thei awh, abuemlah 42 touh a pha teh buet touh hai hlung awh hoeh.

Kacawirae Ahab imthungkhunaw pueng a thei awh

¹⁵ Haw hoi a tâco hnukkhu, ama dawn hanlah ka tho e, Rekhah capa Jehonadab hah a hmu awh, a kut a man pouh teh ahni koe nang na tak daw kалан e lungpouk ka tawn e patetlah na lung pouk alan vaimoe telah atipouh. Jehonadab ni ka lungpouk a lan doeh atipouh. Telah pawiteh na kut sin haw atipouh teh, a kut teh a dâw pouh. Ahnie leng dawkvah pou a kâenkhai.

¹⁶ Ahnimouh ni, kai koe tho leih. BAWIPA hanlah kâyawm e hah panuek van telah atipouh. Hahoi amae leng van a kâcui sak.

¹⁷ Samaria a pha awh toteh, Elijah koevah dei e BAWIPA e a lawk patetlah Samaria kaawm Ahab imthungkhunaw be a thei awh hoeh roukrak teh paloupalou a thei awh.

Baal kabawknaw a thei awh

¹⁸ Jehu ni taminaw pueng a kaw teh ahnimouh koe Ahab ni Baal e thaw hah a taw k rawkrak e doeh. Jehu ni pawiteh a taw katang han doeh.

¹⁹ Hatdawkvah, Baal koevah, thuengnae kalen poung poe hanelah ka tawn. Pâhma e naw pueng teh apihai hring awh mahoe telah ati. Hatei Jehu ni Baal kabawknaw pueng hah thei hanlah, huenghai hoi a youk e doeh.

²⁰ Jehu ni, Baal hanelah ka lentoe e, kamkhuengnae pathang awh atipouh teh hot teh a pathung awh.

²¹ Jehu ni, Isarel ram pueng daw k a patawn teh, Baal kabawknaw pueng teh a tho awh. A pâhma e roeroe awm hoeh, Baal bawkim daw k a kâen awh teh, Baal bawkimpui teh imhmalah takhang koehai imhlel lah totouh yikkawi awh.

²² Kamthoupnae hnica ka khenyawmnaw koevah Baal kabawknaw pueng hah, kamthoupnae hni kâkhu sak awh ati. Hottelah kamthoupnae hninaw hah a poe awh.

²³ Jehu teh, Rekhah capa Jehonadab hoi Baal bawkim vah a kâen. Baal kabawknaw pueng koe awi hi vah Baal ka baw k hoeh e Jehovah e tami kaawm payon vaimoe, tawng ei haw kahawicalah khei awh atipouh.

²⁴ Hahoi thuengnae sak hane hoi hmaisawi thuengnae poe hanelah, a kâen awh. Jehu ni alawilah tami 80 touh a kangdue sak teh hete na kut daw k na poe awh e naw heh buet touh haiyah na hlout sak awh pawiteh a hringnae yueng lah na hringnae na sung awh han telah atipouh.

²⁵ Hmaisawi thuengnae be a poe tahma vah hettelah doeh ao. Jehu ni ransabawi hoi a ransanaw koevah, kâen sin nateh, thet awh lawih. Buet touh boehai hlung han awh atipouh. Tahloi hai koung a tâtueng awh teh ransabawi hoi ransanaw ni he pâmit awh. Hahoi Baal bawkim a onae kho vah a cei awh.

²⁶ Baal bawkim daw k kaawm e meikaphawk a la awh teh hmai a sawi awh.

²⁷ Baal talung ung e hah, he a kayei pouh awh. Baal bawkim hah a raphoe awh teh, eim lah atu totouh a hno awh.

²⁸ Hot patetlah, Jehu ni, Isarel ram hoi Baal teh he a kayei pouh.

²⁹ Hatei Isarelnaw hah, ka payon sak e Nabat capa Jeroboam e a payonnae Bethel kho hoi Dan kho kaawm e sui maitocanaw hah pahnawt aw hoh.

³⁰ BAWIPA ni, Jehu koevah ka mit daw kakupecalah na sak teh ka lung hoi ka pouk e patetlah Ahab imthungkhu daw k na sak dawkvah, na capanaw hah se pali totouh Isarelnaw e bawitungkhung daw k a tukung han atipouh.

³¹ Hatei, Jehu ni, Isarel BAWIPA Cathut, kâlawk teh na lungthin abuemlah, na tawm hoh dawkvah, Jeroboam ni Isarel yonnae a sak sak e yon hah kâhat aw hoh.

Jehu duenae

³² Hatnavah BAWIPA ni Isarel hnamthun takhai han a kamtawng toe. Hahoi teh, Hazael ni, Isarelnaw pueng teh pou a tâ toe.

³³ Jordan hoi Kanîtholae ram Gilead ramnaw pueng, Gad, Reuben, Manasseh, hoi Arnon yawn hoi Aroer hoi Gilead hoi Bashan ram totouh a tâ.

³⁴ Jehu tawksaknae, thung daw k hoi kaawm rae naw pueng teh Isarel siangpahrangnaw e setouknae cauk daw k a thut aw hoh na hoehmaw.

³⁵ Hahoi Jehu teh a na mintoenaw koe a kâhat. Samaria vah a pakawp aw h. A capa Zehoahaz ni a yueng lah a uk.

³⁶ Hatnavah, Samaria vah Jehu ni Isarel kum 28 touh thung a uk.

11

Athaliah ni Judah a uk

¹ Ahaziah manu, Athaliah ni a capa a due tie a thai toteh, a thaw teh siangpahrang imthungkhu râw kacoekungnaw hah be a thei.

² Hatei Ahaziah capa Joash teh, Jehosheba ni siangpahrang capa a thei aw h e thung daw k hoi a yawngkhai teh, ka khenyawnkung hoi inae imthungkhu vah, Athaliah ni a hmuhoehnae koe a hro pouh dawkvah, thet thai hoh.

³ Kum taruk touh thung Athaliah ni ram a uk yung lam, ahni hoi napui teh Bawipa e im vah a kâhro roi.

Judah siangpahrang lah Joash bawilukhung a kâ muk sak aw h

⁴ Kum 7 navah, Jehoiada ni Kereth taminaw hoi ka khenyawn e ransahu thung hoi ransabawi a kaw sak aw h. BAWIPA im vah a kâenkhai aw h teh, ahni koe lawkkamnae a sak aw h. Bawipa im vah, thoebonae lawkkam hah a sak sak teh siangpahrang capa a khet sak aw h.

⁵ Jehoiada ni, na sak aw h hane teh hettelah doeh. Nangmouh koe Sabbath hnin ka tho e naw teh, pung thum pung touh ni siangpahrang im takhang na ring aw h han.

⁶ Pung touh ni Sur takhang koe na o aw h vaiteh, pung touh ni kataroukung e hnuklah kalupnae longkha koe kangangkung lah na o aw h han.

⁷ Nangmouh thung daw k phun hni touh sabbath hnin thaw ka tawk hoh e ni siangpahrang teng vah BAWIPA e im a ring aw h han.

⁸ Taminaw pueng ni, senehmaica koug patuep hoi siangpahrang petkâkalup lah na kalup aw h vaiteh, tamî bangpatet haiyah kalupnae thung vah kâen e teh na thei aw h han. Hahoi siangpahrang ma teh, a tâco nah na kâbang sin aw h han telah kâ a poe aw h.

⁹ Ransabawi ni, vaihma Jehoiada koe kâpoelawk a poe e patetlah a sak. Hahoi a uk aw h e thung daw k hai sabbath hnin vah ka tho hane naw hoi ka ban hane naw hah a ceikhai teh vaihma Jehoiada koe a cei aw h.

¹⁰ Vaihma ni ransanaw hah BAWIPA im kaawm e Devit e tahroe hoi bahling hah a poe aw h.

¹¹ Ramveng ransanaw ni senehmaica sin hoiyah im aranglah hoi avoilah totouh thueng e khoungroe hoi im rahak vah siangpahrang a kangdue teh a kalup aw h.

¹² Hahoi siangpahrang capa teh a tâcokhai aw h teh, bawilukhung kâmuk sak aw h teh, lawkpanuesaknae hah a poe aw h. Siangpahrang lah a sak aw h teh satu i a aw i aw h. Hahoi a kuttawng aw h teh, siangpahrang a hring saw seh ati aw h.

Athaliah duenae

¹³ Hahoi ramveng ransanaw e a kamthang hoi taminaw pueng e a kamthang hah, Athaliah ni a thai to teh, BAWIPA im e tami moikapap koevah a cei.

¹⁴ Napui ni a khet teh, khenhaw! siangpahrang ni Judahnaw e phung lah khômkung koe a kangdue. Ransabawinaw hoi, mongka kauengnaw hah siangpahrang teng a kangdue aw h. Hote ram daw k e taminaw pueng teh a lung hroung ahawi aw h. Mongka hai a ueng aw h. Hahoi Athaliah ni a khohna a ravei teh youknae taran doeh, youknae taran doeh telah a oung

¹⁵ Vaihma Jehoiada ni, ransanaw thung daw k kacue lah a pouk aw h e ransabawi hah kâlawk a poe teh ahni koe kountouknae thungup a rahim lah, alawilah tâcawtkhai aw h. Ahni hnukkâbang pueng teh tahloi hoi thei lah ao han telah ati. Bangkongtetpawiteh, vaihma ni, BAWIPA im vah napui hah thet hanh aw h telah a dei toe.

¹⁶ Hahoi napui hah a man aw h teh marang kâenna lam koe siangpahrang im vah ceinae koe haw vah a thei aw h.

¹⁷ Jehoiada ni BAWIPA hai siangpahrang hoi tami moikapap e rahak vah, BAWIPA e tami lah ao thai nahan lawkkamnae a sak. Siangpahrang hoi tamimaya hmalah hai lawkkamnae a sak.

¹⁸ Hot ram daw k e tami naw pueng teh Baal bawkim a cei aw h teh a raphoe aw h. Thuengnae khoungroe hoi meikaphawknaw pueng te rekrek a hem aw h. Baal e vaihma bawi Mattan hai thuengnae khoungroe koe a thei aw h. Hahoi vaihma ni BAWIPA im ka ring hanelah thaw a poe.

¹⁹ Ransanaw hoi Kereth tami ka ring e ransanaw pueng hoi taminaw pueng e cei aw h teh, BAWIPA im hoi siangpahrang im lah a ceikhai aw h. Karingnaw e takhang koe lahoi a kâen aw h teh siangpahrang im a ceikhai aw h. Hahoi teh siangpahrang bawitungkhung daw k a tnhung.

²⁰ Hahoi teh hote ram daw k e tami pueng a lunghawi aw h. Khopui teh runae hmawt laipalah ao. Athaliah teh siangpahrang im vah tahloi hoi a thei aw h.

²¹ Jehoash teh siangpahrang lah ao nah kum 7 touh doeh ka phat rah.

12

¹ Jehu a bawinae kum 7 navah, Jehoash teh siangpahrang lah ao. Jerusalem vah kum 40 touh a uk, a manu min teh Zibiah Beersheba kho e tami doeh.

² Vaihma, Jehoiada ni Jehoash a pâtu nathung pueng teh BAWIPA mithmu vah, hawinae hah ouk a sak.

³ Hatei hmuenrasang lah puen kalawn hoeh. Hmuenrasang dawk tami moikapap ni Cathut thuengnae hmuitui a sawi awh.

Johoash ni bawkim a pathoup

⁴ Jehoash ni vaihmanaw koe BAWIPA im vah kâenkhai e hno kathoung ratangnae, hnopainaw pueng, milu touk tangcoungnaw koe kacetnaw pueng hanelah, khoe lah kaawm e kâratangnae hnonaw hoi bangpatet e tami ni BAWIPA im vah a ceikhai teh a pasoung awh e naw hah,

⁵ vaihmanaw ni, amamae a uk awh e thungup lat van naseh. Bawkim a rawknae hmuen tanguem koe rem awh naseh atipouh.

⁶ Hatei siangpahrang Jehoash teh kum 23 touh a bawi nakunghai vaihmanaw ni bawkim ka rawk e naw heh pathoup kalawn awh hoeh.

⁷ Hottelah siangpahrang Jehoash ni vaihma Jehoiada hoi vaihma alouknaw hah a kaw teh, ahnimouh koe, bangkongmaw bawkim ka rawk e hmuennaw hah na pathoup awh hoeh. Atu hoi teh, na uknae thung e tami koe e tangka lat awh hanh lawih. Bawkim ka rawk e pathoup nahanlah poe awh lawih telah a ti.

⁸ Vaihmanaw ni hai ayânaw koe tangka toung laipalah, bawkim ka rawk e hai pathoup hoeh hanelah a hnâbo awh.

⁹ Hot patetlah, vaihma Jehoiada ni thingkongca a la teh, a khuem hah a paawng. BAWIPA im kâennaw aranglah thuengnae khoungroe teng vah a tâ teh a sin awh e tangkanaw pueng hah, takhang ka ring e vaihma ni paloupalou a ta pouh.

¹⁰ Hahoi teh hettelah doeh. Thingkong dawk tangka apap toe tie a panue awh toteh, siangpahrang e cakathutkung hoi vaihma kacue ni, a ceikhai teh BAWIPA im vah tangka kaawm e pueng a touk awh.

¹¹ A touk awh e tangka teh thaw katawknaw, BAWIPA im kasakkung-naw, imsakkathoumnaw e kut phu, talung kadeinaw hoiyah talung katâcawtsaknaw e kut phu hoi,

¹² Bawipa e Bawkim ka rawk e naw pathoup nahanlah thing hoi talung kuenna e hoi im a rawknae koe, a pankinae hmuen pueng koe a hno awh.

¹³ Hatei BAWIPA imthungkhu tangka a sin awh hoi BAWIPA im hanlah, ngun, rahum, hoi hmai paduena e hoi Ailo ka dung hoi mongka hoi suihlaamnaw, ngunhlaamnaw hah hote tangka hoi sak hoeh.

¹⁴ Hatei, thaw katawkkungnaw ouk a poe awh teh BAWIPA e im pathoup nahanlah a hno awh.

¹⁵ Thaw katawkkungnaw, poe hanlah tangka a kuem sak awh e naw hoi kuekluek parei pouh hoeh toe. Bangkongtetpawiteh, yuemkamculah a tawk awh.

¹⁶ Kâtapoe thuengnae tangka hoi yon thuengnae tangka teh BAWIPA im daw kâen sak a hoeh. Hot teh vaihmanaw e ham doeh.

Hazael ni Jerusalem he a kâkawn

¹⁷ Siria siangpahrang Hazael ni, Gath a tuk. Be a la hnukkhu Hazael teh Jerusalem ban hanlah a noe.

¹⁸ Judah siangpahrang Jehoash ni a na pa hoi Jehoshaphat hoi Jehoram hoi Ahaziah tinaw ni ouk a poe awh e kathoung hnonaw pueng, amamouh ni thoung sak awh e hnonaw hoi BAWIPA im kaawmnaw pueng hoi siangpahrang im vah kaawm, suinaw pueng a la awh teh, Siria siangpahrang Hazael a patawn awh. Hahoi teh Jerusalem a kamlang takhai awh.

¹⁹ Hot patetlah, Joash a tawksaknae naw thung dawk e kaawm rae naw, a sakyoe e naw pueng teh Judah siangpahrang setouknae cauk dawkvah koug thut lah ao nahoehmaw.

²⁰ Hahoi a taminaw a thaw awh teh a kâcoun awh. Joash teh Silla lah ceinae lam, Millo im vah, a hem awh teh a thei awh.

²¹ A san Shimeath capa Jozakhar koevah, Devit khopui dawk a pakawp awh teh a capa Amaziah teh a yueng lah a bawi.

13

Isarel siangpahrang Jehohaz

¹ Judah siangpahrang Ahaziah capa Joash a bawinae kum 23 navah, Jehu capa Jehohaz teh Isarelnaw koe vah Samaria siangpahrang tawk a kamtawng hoi kum 17 touh a uk.

² BAWIPA mithmu vah kahawihoehe hno ouk a sak. Isarel ka payonsakkung Nebat capa Jeroboam yonnae hah ouk a sak teh cettakhai hoeh.

³ BAWIPA lungphuenna Isarel koe a kâan teh, Siria siangpahrang Hazael kut hoi Hazael capa Benhadad kut dawk pou a poe.

⁴ Jehohaz ni BAWIPA koe pou a kâhei teh, BAWIPA ni a lawk hah a ngai pouh. Bangkongtewawiteh, Isarelnaw repcongroe dawkvah Siria siangpahrang ni repcongroe e naw hah pou a hmu.

⁵ Hahoi teh, BAWIPA ni Isarelnaw hah ka rungngangkung a poe awh. Hahoi Siria kut dawk hoi a tâco awh. Yampa e patetlah Isarelnaw teh, amamouh im vah lungmawngcalah ao awh.

⁶ Hatei Isarel kapayonsakkung Jeroboam imthungkhunaw yonnae hah ceitakhai laipalah, pou a sak dawkvah, Samaria kho vah thingmeikaphawk hah pou ao rah.

⁷ Bangkongtewawiteh, Jehohaz ni a taminaw thung dawkvah marangransanaw 50 touh hoi leng 10 touh, ransa 10, 000 touh dueng doeh a tawn. Bangkongtewawiteh, Siria siangpahrang ni, be a raphoe pouh teh, cangkatinnae vaiphu mungpoung e patetlah doeh a kayei awh.

⁸ Jehohaz tawksaknae hoi hnosakthainae naw teh Isarel siangpahrang-naw, setouknae cauk dawkvah be thut lah ao nahoehmaw.

⁹ Jehohaz teh a na mintoenaw koe a kâhat teh, Samaria vah a pakawp awh. A capa Johash ni a yueng lah a uk.

Jehoash ni Isarel a uk

¹⁰ Judah siangpahrang Joash a bawi kum 37 navah Jehohaz capa Jehoash teh Samaria vah, Isarel siangpahrang lah bawi a kamtawng teh, kum 16 touh a uk awh.

¹¹ BAWIPA mithmu vah hawihoehnae a sak. Isarel kapayonsakkung Nebat capa Jeroboam yonnae naw cettakhai laipalah pou a sak awh rah.

¹² Joash tawksaknae thung dawk hoi kaawm rae pueng hoi a sak e naw pueng teh Judah siangpahrang Amaziah a tuk nah e hnosakthainae naw pueng teh, Isarel siangpahrang-naw setouknae cauk dawkvah thut lah ao nahoehmaw.

¹³ Joash teh a na mintoenaw koe a kâhat teh, Jeroboam teh a bawitungkhung dawk a tahung. Joash teh Samaria kho Isarel siangpahrang-naw koe a pakawp awh.

Elisha a duena

¹⁴ Elisha teh a duekhai hane patawnae hoi a pataw toe. Hahoi Isarel siangpahrang Joash teh ahni koe a cei teh a ka khai Apa Apa Isarel rangleng hoi marangransanaw lah na o atipouh.

¹⁵ Elisha ni na lilava lat haw atipouh. A lilava hah a la.

¹⁶ Isarel siangpahrang koe na licung hah kuen haw atipouh teh a licung hah a kuet. Elisha ni siangpahrang kut dawkvah a kut hah a toung.

¹⁷ Kanitholae hlangaw paawng haw atipouh teh a paawng pouh. Elisha ni, ka haw, atipouh teh a ka. Ahni ni BAWIPA tânae senehmaica, sirianaw tânae senehmaica doeh ka tho. Bangkongtetpawiteh, Aphek kho vah Sirianaw, be a rawk hoehroukrak na tâ han atipouh.

¹⁸ Hahoi teh, na samtang hah lat haw bout atipouh teh a la. Isarel siangpahrang koevah talai hem haw atipouh navah, vai thum touh a hem.

¹⁹ Cathut e tami teh ahni koe a lungphuen. Vai panga vai taruk tabang na hem vai lah, Sirianaw teh be a mit totouh na tâ aw hah ei. Hatei Sirianaw hah vai thum touh dueng doeh na tâ aw hah han tinae doeh toe atipouh.

²⁰ Elisha teh a due hoi a pakawp aw h. Kawmpoi tue a pha toteh Moabnaw ni Isarelnaw teh a tuk aw h.

²¹ Tami buet touh pakawp han ati aw h navah, Khenhaw! ransahu lawt a hmu aw h. Hatdawkvah, hote ro hah Elisha e tangkom daw k pum a pabo aw h. Hote ro ni Elisha hru a kâbet tahma a hring teh amae khok daw k a kangdue.

Isarel ni, Siria koe khopui hah bout a la

²² Siria siangpahrang Hazael ni, Jehoahaz se navah Isarel hah, pou a hnep aw h.

²³ Hatei, BAWIPA ni, Abraham hoi Isak, Jakop koe lawk a kam dawkvah ahnimouh teh, a pahren, a lungma aw h teh a ngaikhai aw h. Ahnimouh teh raphoe ngai hoeh ni teh ama koehoi tâkhawng ngai hoeh.

²⁴ Siria siangpahrang Hazael teh a due toe. A capa Benhadad ni a yueng lah a uk.

²⁵ Jehoahaz capa Jehoash ni, Hazael capa Benhadad ni, a na pa Jehoahaz hah a tâ teh kho a la pouh e naw hah Joash ni vai thum touh a tâ teh Isarel khopui hah bout a la.

14

Amaziah ni Judah a uk

¹ Isarel siangpahrang Jehoahaz capa Joash a bawinae kum hni navah, Judah siangpahrang Joash capa Amaziah teh siangpahrang nueng kamtawng.

² A kum 25 nah uk han nueng a kamtawng teh, Jerusalem vah kum 29 touh a uk. A manu min teh Jehoaddin, Jerusalem tami doeh.

³ BAWIPA mithmu vah kalan e hno hah ouk a sak. Hatei Devit hoi teh kâvan hoeh. A na pa Joash ni a sak e hah ouk a sak.

⁴ Hatei hmuen ka rasang lah phat thai hoeh. A hmuenrasang koevah taminaw pueng ni, thuengnae sak aw h teh, hmu itui hoi hmaisawinae a sak aw h.

⁵ A uknaeram a caksak tahma vah, a tami hoi a na pa siangpahrang kathetnaw hah toungloung a thei.

⁶ Hatei Mosi cauk dawkvah, canaw kecu daw k na pa naw na thet ama hoeh. Napanaw kecu daw k canaw thet mahoe h. Tami pueng ma yon kecu

dawk due han telah BAWIPA ni kâ a poe e patetlah ayâ ka thet e canaw teh thet hoeh.

⁷ Edomnaw teh palawi yon dawk 10, 000 touh a thei awh. Sela naw a tuk awh teh a la awh. A min lavah Joktheel telah ati awh teh, atu totouh pou atipouh awh.

⁸ Amaziah ni, Isarel siangpahrang Jehu capa Jehoahaz ca, Jehoash koevah, tho haw, minhmai rek kâhmo lah, kâkhen sei telah patounenaw a patoun.

⁹ Isarel siangpahrang Jehoash ni Judah siangpahrang Amaziah koevah, Lebanon mon e pâkhing ni, Lebanon mon e sumpa thing koevah, na canu hah ka capa e yu lah lat sak haw telah lawk a thui. Hahoi Lebanon mon e saringnaw a tho teh, pâkhing teh koung a katin awh.

¹⁰ Edomnaw hah na tâ teh, na lung na kârasang sak awh. Bawilennae na hmu e teh nama im awm khaih. Bangkongtetpawiteh, nang nama hai na teng kaawm Judahnaw hanelah tâlaw sak vaiteh rucatnae, kâhmo sak hanlah nang ni na nout vaw atipouh.

¹¹ Hatei, Amaziah ni hote teh ngai pouh hoeh. Hahoi Isarel siangpahrang Jehoash teh a takhang, Judah siangpahrang Amaziah hoi Judah ram, Bethshemesh vah, minhmai rek kâhmo lah a kâkhet awh katang.

¹² Judah teh Isarelnaw ni a tâ teh, tami pueng amamouh im vah lengkaleng a yawng awh.

¹³ Isarel siangpahrang Jehoash ni Judah siangpahrang Amaziah capa Jehoash capa, Amaziah ni Bethshemesh a thei. Jerusalem vah a cei teh Jerusalem kalupnae rapan teh, Ephraim kalupnae longkha koehoi rapan kalupnae takin longkha koe totouh a dong cumpali touh a raphoe pouh.

¹⁴ BAWIPA im hoi siangpahrang im vah a ta awh e, râw sui hoi ngun, hlaam, kaawm e naw pueng hoi cawngket e naw pueng he a la pouh teh Samaria kho a ban.

Jehoash duenae

¹⁵ Jehoash tawksaknae kaawm rae pueng hoi a hno sakthainae hoi Judah siangpahrang Amaziah, a tuknae kongnaw teh, Isarel siangpahrangnaw setouknae cauk dawkvah be thut toung nahoehmaw.

¹⁶ Jehoash teh amae mintoenaw koe a kâhat teh Samaria kho Isarel siangpahrangnaw koe a pakawp awh. Hahoi a capa Jeroboam ni a yueng lah a uk.

¹⁷ Judah siangpahrang Joash e capa Amaziah teh Isarel siangpahrang Jehoahaz capa Jehoash a due hnukkhu kum 15 touh a hring.

¹⁸ Hahoi Amaziah tawksaknae thung dawk hoi kaawm rae naw teh, Judah siangpahrangnaw setouknae cauk dawk thut lah ao nahoehmaw.

¹⁹ Jerusalem kho vah, Amaziah thei hanlah a dum awh dawkvah Amaziah teh Lakhish vah a yawng, hatei Lakhish vah tami a pâlei sak teh haw vah a thei awh.

²⁰ A ro teh marang dawk hoi a ceikhai awh teh, a na mintoenaw koe Devit khopui Jerusalem vah a pakawp awh.

²¹ Hahoi Judahnaw pueng ni, kum 16 touh ka phat e Azariah hah a ceikhai awh teh, a na pa Amaziah yueng lah, siangpahrang lah a sak awh.

²² Ahni ni Elath kho hah a pathoup teh Judah ram dawk a kâen sak. Hahoi siangpahrang teh a na mintoenaw koe a kâhat.

Jeroboam ni Isarel a uk

²³ Judah siangpahrang Joash capa Amaziah siangpahrang lah a onae kum 15 nae dawkvah, Isarel siangpahrang Joash capa, Jeroboam teh Samaria vah siangpahrang lah ao teh, kum 41 touh a uk.

²⁴ BAWIPA mithmu vah hawihoehnae ouk a sak. Isarel ka payon sakkung, Nebat capa Jeroboam yonnae naw, cettakhai thai awh hoeh.

²⁵ Isarel BAWIPA Cathut ni a san Gathhepher tami Amittai capa profet Jonah hno lahoi lawk a dei e patetlah Hamath kâennaeh koehoi, Arabah talí totouh Isarel ram lah bout a pakhum awh.

²⁶ Bangkongtetpawiteh, BAWIPA ni Isarel a khang awh e naw hah ka pataw poung lah a panue pouh. San thoseh, kahlout e thoseh, Isarelnaw kabawmkung pihai awm hoeh.

²⁷ BAWIPA ni, Isarel min heh, kalvan rahim vah be a pahma han tie teh dei hoeh. Hatei Joash capa Jeroboam hno lahoi letlang a rungngang.

²⁸ Hot patetlah, Jeroboam e kâroekâkhawinae thung daw k hoi kaawm rae naw teh, a hnosakthainae naw hoi, tarantuknae kong hoi, ha hoehnahlan, Judah ram kapangnaw lah mek touksin e naw, Damaskas hoi Hamath, Isarelnaw han a lanae kongnaw teh, Isarel siangpahrangnaw setouknae cauk daw k pakhum lah ao nahoehmaw.

²⁹ Jeroboam teh a na mintoenaw, Isarel siangpahrangnaw koevah, a kâhat teh, a capa Zekhariah ni ahnie yueng lah a uk.

15

Azariah ni Judah a uk

¹ Isarel siangpahrang Jeroboam kum 27 a bawi kum vah, Judah siangpahrang Amaziah capa Azariah teh siangpahrang lah ao.

² Siangpahrang lah ao nah kum 16 touh boung a pha. Jerusalem vah kum 52 touh a uk. A manu min teh Jekoliah, Jerusalem tami doeh.

³ A na pa Amaziah ni a sak e pueng a sak van teh, BAWIPA mithmu vah hawinae ouk a sak.

⁴ Hatei hmuenrasang koe lah teh kampuen thai hoeh. Hmuenrasang koe teh tami ni thuengnae a sak awh teh, hmuitui ouk a thueng awh rah.

⁵ BAWIPA ni siangpahrang a hem teh, a due hnin totouh hrikbei a tawn sak teh, im louk lah ao. Hahoi siangpahrang capa Jotham teh, a ram daw k e taminaw e lawk a ceng pouh teh, imthungkhu daw k kahrawikung lah ao.

⁶ Azariah, tawksaknae thung daw k hoi kaawm rae hoi a sakyoe e pueng teh, Judah siangpahrang, setouknae cauk dawkvah thut lah ao nahoehmaw.

⁷ Azariah teh, a na mintoenaw koe a kâhat teh a na mintoenaw koe, Devit khopui daw k a pakawp awh. Hahoi a capa Jotham ni a yueng lah a uk.

Zekhariah ni Isarel a uk

⁸ Judah siangpahrang Azariah kum 38 a bawi kum navah, Jeroboam capa Zekhariah teh, Samaria vah thapa yung taruk touh a bawi.

⁹ A na minnaw ni a sak awh e hno kahawihoehe hah BAWIPA mithmu vah a sak. Isarel kapayonsakkung Nebat capa Jeroboam yonnae hah cettakhai awh hoeh.

¹⁰ Jebesh capa Shallum ni, ahni hah a dum, maya hmalah a thei teh a yueng lah ama ni a uk.

¹¹ Zekhariah tawksaknae daw k hoi kaawm rae teh, khenhaw! Isarel siangpahrangnaw setouknae cauk dawkvah a thut awh nahoehmaw.

¹² Hot teh BAWIPA ni Jehu koevah na capanaw teh a se, se pali touh bawitungkhung dawk a fahung han, telah a dei e patetlah khoup akuep tanggak.

Shallum ni Isarel a uk

¹³ Judah siangpahrang Uziah a bawi kum 39 navah, Jebesh capa Shallum teh siangpahrang lah ao. Samaria vah thapa yung touh a uk.

¹⁴ Gadi capa Menahem teh Tirzah hoi a takhang teh, Samaria vah a cei. Jebesh capa Shallum teh Samaria vah a thei awh teh, a yueng lah ama ni a uk.

¹⁵ Hot patetlah Shallum tawksaknae thung hoi kaawm rae teh kâyawmnae naw pueng teh Isarel siangpahrang setouknae cauk dawk thut lah ao toe.

¹⁶ Hot patetlah, Menahem ni, Tirzah hoi Tiphah totouh hoi a thung kaawmnaw pueng hoi a ramnaw hah a tuk pouh. Bangkongtetpawiteh amamouh kâhmoun ngai awh hoeh. Athung vah camo kavawmnaw hai a paset pouh awh.

Menahem ni Isarel a uk

¹⁷ Judah siangpahrang Azariah a bawi kum 39 navah, Gadi capa Menahem teh Isarelnaw koe siangpahrang lah ao. Samaria vah kum 10 touh a uk awh.

¹⁸ BAWIPA mithmu vah hawihoehnae hah ouk a sak. Isarel kapayonsakkung Nebat capa Jeroboam e yonnae naw a hringyunglam ceitakhai awh hoeh.

¹⁹ Assiria siangpahrang Pul ni a ram a tuk teh a uknaeram teh kacakcalah a tawn awh thai nahan Menahem ni Pul teh tangka talen 1000 a poe.

²⁰ Menahem ni Assiria siangpahrang poe hanelah, Isarel tami athakaawme ni teh katawntanaw pueng koe tangka shekel 50 touh a cawng teh, hahoi Assiria siangpahrang awm laipalah let a ban.

²¹ Hahoi Menahem tawksaknae dawk hoi kaawm rae teh, a sakyoe e naw pueng teh, Isarel siangpahrang setouknae cauk dawk be thut lah ao nahoehmaw.

²² Menahem teh a na mintoenaw koevah a kâhat teh, a capa Pekahiah ni a yueng lah a uk.

Pekahiah ni Isarel a uk

²³ Judah siangpahrang Azariah a bawi kum 50 navah, Menahem capa Pekahiah teh, Samaria vah Isarel siangpahrang lah ao teh kum hni touh a uk.

²⁴ BAWIPA mithmu vah thoena e sak. Isarel kapayonsakkung Nebat capa Jeroboam yonnae hah ceitakhai hoeh.

²⁵ Ransabawi, Remaliah capa Pekah ni ahni teh pouk a youk teh Samaria e siangpahrang im rapan thung vah Argob hoi Arie h mek a thei. Hatei, Gileadnaw 50 touh a baw awh. Hahoi Pekah teh a thei awh teh, a yueng lah ama ni roup a uk

²⁶ Hahoi Pekah e tawksaknae dawk hoi kaawm rae teh, a sakyoe e naw pueng teh khenhaw! Isarel siangpahrang setouknae cauk dawk be thut lah ao nahoehmaw.

Pekah ni Isarel a uk

²⁷ Judah siangpahrang Azariah a bawi kum 52 navah Remaliah capa Pekah teh Samaria vah Isarel siangpahrang lah ao teh kum 20 touh a uk.

²⁸ BAWIPA mithmu vah thoena e sak. Isarel kapayonsakkung Nebat capa Jeroboam yonnae cettakhai awh hoeh.

²⁹ Isarel siangpahrang Pekah ni a uk navah Siria siangpahrang Tiglath-pileser ni Ijon, Abelbethmaakah, Janoah, Kadesh, Hazar, Gilead, Galilee ramnaw hoi Naphtali ramnaw pueng a la teh Assiria ram san lah a hrawi awh.

³⁰ Elah capa Hosi ni, Remaliah capa Pekah teh pouk a youk teh a thei. Uzziah capa Jotham a bawi kum 20 touh navah a yueng lah a uk.

³¹ Pekah tawksaknae dawk hoi kaawm rae, a sakyoe e naw pueng teh kenhaw! siangpahrangnaw setouknae cauk dawk a pakhum awh nahoehmaw.

Jotham ni Judah a uk

³² Isarel siangpahrang Remaliah capa Pekah a bawi kum 2 navah, Judah siangpahrang Uzziah capa Jotham teh siangpahrang lah ao.

³³ Siangpahrang lah ao nah kum 25 touh nueng a pha. Jerusalem vah kum 16 touh a bawi. A manu min teh Jerusha, Zodak canu doeh.

³⁴ A na pa Uzziah ni a sak e tangkuem a sak dawkvah, BAWIPA mithmu vah hawinae ouk a sak.

³⁵ Hatei hmuenrasang teh takhoe hoeh. Hmuenrasang koe teh tami ni thuengnae a sak awh teh hmuitui hah hmai a sawi awh. BAWIPA im a Lathueng Pong takhang a sak awh.

³⁶ Hot patetlah, Jotham tawksaknae dawk kaawm rae teh, Judah siangpahrangnaw setouknae cauk dawk pakhum e lah ao nahoehmaw.

³⁷ Hote tueng dawk Siria siangpahrang Rezin hoi Remaliah capa Pekah teh Judahnaw tuk hanlah BAWIPA ni patoun hanlah a kamtawng.

³⁸ Jotham teh mintoenaw koe a kâhat. A na mintoenaw koe a na min Devit kho vah a pakawp awh. Hahoi a capa Ahaz ni a yueng lah a uk.

16

Ahaz ni Judah a uk

¹ Remaliah capa Pekah, a bawi nah kum 17 navah, Judah siangpahrang Jotham capa Ahaz teh siangpahrang lah ao.

² Ahaz teh siangpahrang a tawk nah kum 20 touh a pha. Jerusalem kum 16 touh a uk. A na pa Devit patetlah BAWIPA Cathut mithmu vah hawinae sak laipalah, Isarelnaw ni a dawn awh e lam hah a dawn.

³ BAWIPA ni Isarelnaw hmalah a pâlei e miphunnaw ni panueththopoung e hno ouk a sak e patetlah a capanaw hah hmai hoi thuengnae a sak awh.

⁴ Hmuenrasang hoi mon tangkuem hoi thingkung rahim tangkuem vah, thuengnae a sak awh teh, hmuitui hmai a sawi awh.

⁵ Hot patetlah, Siria siangpahrang Rezin hoi Isarel siangpahrang Remaliah capa Pekah teh, Jerusalem tuk hanlah a kamthaw teh, Ahaz hah king a kalup awh eiteh, tâ awh hoeh.

⁶ Hote tueng navah, siangpahrang Rezin ni Elath teh Siria ram hanlah, bout a la. Judahnaw Elath hoi a pâlei awh teh, Sirianaw hah Elath vah a cei awh teh, atu totouh haw vah kho a sak awh.

⁷ Ahaz ni Siria siangpahrang Tiglath Pileser koevah na san hoi na capa lah nahoehmaw ka o, kai tuk hanlah ka tho e Siria siangpahrang hoi Isarel siangpahrangnaw e kut dawk hoi na rungngang haw, ti teh patounenaw a patoun.

⁸ Ahaz ni BAWIPA im e suingun kaawmnaw pueng siangpahrang im vah pâtung e râwnaw hai a la teh, Siria siangpahrang koevah ayawmlah a patawn.

⁹ Assiria siangpahrang ni a dei e hah a tang teh, Damaskas kho a tuk teh a la. A taminaw hah Kir ram vah san lah a hrawi awh teh Rezin hah a thei awh.

¹⁰ Siangpahrang Ahaz teh, Siria siangpahrang Tiglath Pileser kâhmo hanlah, Damaskas kho vah a cei teh, Damaskas kho e thuengnae khoungroe hah a hmu. Hot patetlah siangpahrang Ahaz ni, hote khoungroe e a meilam teh a sak e boiboe lah a khetkhai vaiteh, sak van hanlah, vaihma Urijah koevah a mei hah a patawn.

¹¹ Vaihma Urijah, ni thuengnae khoungroe teh a sak hoi siangpahrang Ahaz ni, Damaskas kho hai a patawn awh e boiboe lah, vaihma Urijah ni Damaskas kho hai Ahaz siangpahrang a pha hoehnahlan a la cum toe.

¹² Damaskas kho hoi siangpahrang a pha toteh, siangpahrang ni thuengnae khoungroe teh a hmu. Siangpahrang ni thuengnae khoungroe a pâtam teh a van vah a luen.

¹³ Thuengnae dawkvah, hmaisawi thuengnae hai a poe. Tavai thuengnae hai a poe. Nei thuengnae hah a awi teh, roum thuengnae thi hah a awi sin.

¹⁴ Hahoi BAWIPA hmalah, rahum khoungroe, khoungroe hoi BAWIPA im rahak kaawm e, im hmalah kaawm e hah a puen awh teh, khoungroe e atung lah a ta.

¹⁵ Siangpahrang Ahaz ni ka len e khoungroe katha thuengnae dawkvah, amom lah, hmaisawi thuengnae, tangmin lah tavai thuengnae siangpahrang hmaisawi thuengnae, tavai thuengnae, nei thuengnae pueng hai hmaisawi nateh poe lawih. Hahoi a van vah, hmaisawi thuengnae pueng hoi thuengnae thinaw pueng haiyah, na kahei sin han. Rahum khoungroe teh ka bawk nahanelah ao han, vaihma Urijah hah kâ a poe.

¹⁶ Hot patetlah, vaihma Urijah ni, siangpahrang kâ poe patetlah a sak.

¹⁷ Hahoi siangpahrang Ahaz ni rahum khoungroe ca hah a takhoe teh maroi hai a tahrueh. Rahum tuiim hai rahum maïto van hai a la teh talung van a pâhung.

¹⁸ Assiria siangpahrang kecu dawkvah, sabbath hnin hanlah, lempu padi e lam siangpahrang imthungkhu vah sak e hoi, siangpahrang hanlah a lawilah hoi kâenna BAWIPA im koehoi a puen awh.

Ahaz duenae

¹⁹ Ahaz tawksakna kaawm rae teh, Judah siangpahrangnaw e setouknae cauk dawk koug thut lah ao nahoehmaw.

²⁰ Ahaz teh a na mintoenaw koe a kâhat. Devit kho thung, a na mintoenaw koe a pakawp awh, hahoi a capa Hezekiah ni a yueng lah a uk.

17

Hosi ni Isarel a uk

¹ Judah siangpahrang Ahaz, a bawinae kum 12 navah, Elah capa, Hosi teh Isarelnaw koe Samaria vah siangpahrang lah ao teh kum 9 touh a uk.

² BAWIPA mithmu vah thoena e sak. Hatei a yon e Isarel siangpahrangnaw ma patetlah teh sak hoeh.

³ Assiria siangpahrang Shalmaneser ni a tuk teh, Hosi teh Salmaneser e san lah ao teh kum tangkuem tamuk a poe.

⁴ Hathnukku hoi kum tangkuem a poe e tamuk hah poe hoeh. Izip siangpahrang So koevah patounenaw a patoun teh, ahnimouh youk hanelah pouknae hah, Assiria siangpahrang ni a panue dawkvah, Hosi teh a man awh teh thawng pabo awh.

Assiria vah Isarel san lah a hrawi awh

⁵ Assiria siangpahrang Shalmaneser ni, Isarel ram a tuk teh Samaria khopui kum thum touh thung kounge a kalup.

⁶ Hosi a bawinae kum 9 navah, Assiria siangpahrang ni Samaria hah a la. Isarel naw teh Assiria vah a ceikhai awh teh Halah ram hoi Gozan ram, Harbor palang teng Midiannaw e kho daw k ao sak aw h.

⁷ Hot patetlah a onae teh, Isarel naw ni Izip siangpahrang Faro kut daw k hoi Izip ram hoi katâcawtkhaikung Jehovah Cathut koe vah yonnae a sak aw h teh alouke cathut hah alawkpui lah a pouk aw h daw k doeh.

⁸ BAWIPA ni, Isarel naw hmalah a pâlei pouh e miphunnaw e phunglawk hah, Isarel siangpahrang ni a taraw i dawkvah hote phunglam patetlah kho a sak aw h daw k doeh.

⁹ Isarel naw ni BAWIPA Cathut koe thoena e hah, arulaho i meng a sak aw h dawkvah a khonaw pueng daw k ramveng imrasang koehoi kamtawng teh rapan ka tawn e kho totouh hmuennrasang a sak aw h.

¹⁰ Mon karasang pueng hoi thingkung tâhlip vah talung a ung aw h teh thing daw k meikaphaw k hah a sak aw h.

¹¹ Hahoi hmuennrasang pueng koe, BAWIPA ni a hmalah a pâlei e miphunnaw ni a sak aw h e patetlah hmuitui hah hmai hoi a sawi aw h teh, BAWIPA lungphuen sak hanelah thoena e sak aw h.

¹² Bangkongtetpawiteh, BAWIPA ni ahnimouh koe hete hno heh na sak aw h mahoe h ati e meikaphaw k thaw na taw k aw h.

¹³ Hot um hoi hai BAWIPA ni na yonnae kamlang takhai aw h. Na mintoenaw ka poe e kâpoelawknaw hoi phunglawknaw pueng ka san profet ka patoun e naw ni a dei aw h patetlah a profetnaw hoi kahmawtkungnaw hno lahoi a panue sak aw h.

¹⁴ Hatei, ngai pouh hoe h teh, a na mintoenaw ni, BAWIPA Cathut yuem ngai laipalah, a lunglen aw h e patetlah a lungpata sak aw h.

¹⁵ A phunglam hoi a na mintoenaw koe a lawkkam ahnimouh koe a panue sak e law k hah, banglahai noutna aw h hoe h teh cungkeihoehnaw a panki aw h teh, banglahai yah tho kalawn hoe h. Ahnimouh kong daw k BAWIPA ni hot patetlah sak van aw h hanh telah a dei tangcoung e hah, a teng kaawm e miphunnaw ni a sak aw h e patetlah a kamtu aw h.

¹⁶ BAWIPA Cathut e kâpoelawknaw pueng hah, a hnamthun takhai aw h teh, maitoca meikaphaw k kahni touh a sak aw h. Kalvan e kaawmnaw pueng hah a baw k aw h. Baal thaw a taw k aw h.

¹⁷ A lungphuenna e kâan sak nahanelah, a canu a capanaw hah, hmai hoi thuengnae a sak aw h. Camthounnae hoi taân a sin aw h teh, BAWIPA mithmu thoena e sak hanelah ka yo aw h.

¹⁸ Hatdawkvah, BAWIPA teh Isarel naw koe a lungphuen poung teh a hmaitung hoi a takhoe aw h. Bangkongtetpawiteh, Judah mipun hloilah kacawie aw m hoe h toe.

¹⁹ Judahnaw ni hai BAWIPA Cathut e kâpoelawknaw a taraw i aw h hoe h teh Isarel phunglam hah a dawn aw h.

²⁰ BAWIPA ni Isarel catounnaw hah a pahnaw t teh a mithmu vah he kahmat lah a puen hoe hroukrak a rek teh ahni katuknaw kut daw k a poe.

²¹ Isarel teh Devit imthung daw k hoi a phen teh hahoi Nebat capa Jeroboam hah siangpahrang lah a la aw h. Jeroboam ni Isarel naw e BAWIPA lam a dawn e hah lam a phen sak teh kalenpoung yonnae hah a sak sak aw h.

²² Isarel catounnaw ni Jeroboam ni a sak e yonnae hah a sak aw h. Hote hnonaw pueng teh, BAWIPA ni a profetnaw hno lahoi a dei pouh

tangcoung patetlah a hmuhoehnae hmuen koe he a takhoe hoehroukrak cettakhai hoeh toe.

²³ Hahoi Isarelnaw teh, amamouh ram koehoi Assiria ram vah a hrawi teh atu totouh ao awh.

Assirianaw, Samaria vah ao awh

²⁴ Assiria siangpahrang ni, Babilon Kuthah, Ivvah, Hamath, Sepharvaim, hoiyah khocanaw a thokhai teh, Samaria khopui dawkvah, Isarel catoun yueng lah a lawp sak. Hottelah hoi Samaria vah kho a sak awh, a khopui a lawp awh.

²⁵ Hote kho daw koe pasuek nah, BAWIPA barilawa tawn awh hoeh. BAWIPA ni ahnimouh koe sendek a tha pouh teh tami tangawn koug a kei.

²⁶ Hahoi Assiria siangpahrang koevah na takhoe awh e miphun Samaria khopui na khawng sak e naw ni hete ram daw koe cathut bawknae nuencang panuek awh hoeh. Hatdawkvah, ahnimouh koe sendek a tha sin teh kenhaw! het ram cathut bawknae nuencang a panue awh hoeh kecu daw koug a kei telah a dei awh.

²⁷ Assiria siangpahrang ni, haw e san lah a la e naw koehoi vaihma buet touh ban sak nateh Cathut bawknae nuencang pâtu naseh telah kâ a poe.

²⁸ Hahoi Samaria ram hoi a ceikhai e naw thung daw koe vaihma buet touh hah, Bethel kho vah ao teh BAWIPA barilawa awh thai nahan a pâtu awh.

²⁹ Hatei miphun tangkuem ni, amamae cathut lengkaleng a sak awh, Samarianaw ni hmuenrasang a sak awh e hah, miphun tangkuem ni amamouh onae kho tangkuem vah a ta awh.

³⁰ Babilonnaw ni Sukkothenoth a sak awh teh Kuthahnaw ni, Nergal a sak awh. Hamathnaw ni Ashima a sak awh teh,

³¹ Avvitnaw ni Nibbaz hoi Tartak a sak awh. Hahoi Sepharvaim ni Sepharvaim e cathut Adrammelek hoi Anamalek vah a canaw hah hmai a sawi awh.

³² BAWIPA teh barilawa a tâ awh teh, amamouh thung daw koe hoi hmuenrasang vaihma hah a sak awh teh ayânaw hanlah, thuengnae a sak pouh awh.

³³ BAWIPA teh a taki awh ngoun eiteh, a tâcotakhai awh e, amamae ram e phunglam, a cathut thaw hah ouk a tawk awh.

³⁴ Ha hoehnahlan e ouk a sak awh, e patetlah atu totouh a sak awh rah. BAWIPA teh taket awh hoeh. BAWIPA ni, Jakop catounnaw, Isarel telah a phung e naw koe,

³⁵ Cathut alouke taket hanh awh. Ahnimouh teh baw koe hanh awh, a thaw hai tawk pouh hanh awh. Ahnimouh koe thuengnae sak hanh awh.

³⁶ BAWIPA ni a lentoenae hnosakthainae hoi a dâw e kut hoi Izip ram hoi na ka hrawi e BAWIPA hah taket awh nateh baw koe awh thuengnae poe awh.

³⁷ Phunglawk, kâlawk, kâpoelawk yungyoe na hringkhai awh hanelah, ama ni na thut pouh e doeh. Alouke cathutnaw hah taket han awh.

³⁸ Nangmouh koe ka kam e lawkkam hah na pahnim awh mahoe. Cathut alouke hah na taket awh mahoe.

³⁹ BAWIPA Cathut na taki awh han, hahoi na tarannaw e kut daw koe hoi na rungngang han telah a ti.

⁴⁰ Hatei ahnimouh ni tarawi han ngai awh hoeh, yampa e a sak e patetlah pou a sak awh.

⁴¹ Hot patetlah, hete miphunnaw ni BAWIPA teh a taki awh. Hatei a sak awh e meikaphawk thaw hai a tawk awh. A catounnaw totouh, a na mintoenaw ni a sak awh e patetlah sahnin totouh pou a sak awh rah.

18

Hezekiah ni Judah a uk

¹ Isarel siangpahrang Elah capa Hosi a bawinae kum pâthum navah, Judah siangpahrang Ahaz capa Hezekiah teh siangpahrang lah ao.

² Bawi a kamtawng navah, ahni teh kum 25 touh a pha. Jerusalem vah 29 a bawi teh a manu min teh Abi, Zekhariah canu doeh.

³ A na min Devit ni a sak e pueng a sak teh BAWIPA mithmu vah kalan e hah ouk a sak.

⁴ Hmuenrasang hah a pahnawt teh meikaphawknaw a raphoe awh. Mosi ni a sak e rahum tahrin hah rep a dei awh. Hote atueng totouh Isarelnaw ni ahni koe hmuitui a thueng awh teh, hot teh Nehushta atipouh awh.

⁵ Ahni teh Isarel BAWIPA Cathut a kângue. Hahoi ahni hnukkhu hoi Judah siangpahrangnaw thung dawkw ahni patetlah apihai awm hoeh, a hnukkhu hai awm hoeh.

⁶ Bangkongtetpawiteh, BAWIPA hah kacaklah a kuet. A hnuk pou a kâbang. BAWIPA ni Mosi koe a kâpoelawknaw a poe e hah a tarawi.

⁷ BAWIPA ni ahni koe ao pouh, a tâco a ceio nah pueng koe a lamcawn pouh. Assiria siangpahrang hah a tuk teh a san lah awm pouh hoeh.

⁸ Filistinnaw hoiyah, Gaza totouh kacakpounge khopuinaw hoi ramvengimnaw hah koug a tâ awh.

⁹ Hezekiah siangpahrang a bawinae kum 4 navah Isarel siangpahrang Elah capa Hosi a bawinae kum 7 nah hettelah doeh ao. Assiria siangpahrang Shalmaneser ni Samaria a tuk teh king a kalup.

¹⁰ A kum pâthum abaw tawmlei nah a la. Hezekiah a bawi kum 6 navah Isarel siangpahrang Hosi a bawi kum 9 nah Samaria koug a la.

¹¹ Isarelnaw ni BAWIPA e kâpoelawk a ngâi awh hoeh, kecu dawkw Samaria teh Assiria ni a la awh. BAWIPA e san Mosi koehoi Isarelnaw hai BAWIPA e lawkkam a sak awh e teh a ek awh teh, tarawi ngâi awh hoeh. Lawk ngâi awh hoeh teh a lawkkam hai tarawi awh hoeh.

¹² Assiria siangpahrang ni Isarelnaw hah, Assiria ram koug a hrawi teh, Gozan palang teng, Medes khopui Halah, Habor naw dawkvah a ta.

¹³ Siangpahrang Hezekiah ni Judah ram a uknae kum 14 nah, Assiria siangpahrang Sennacherib ni Judah ram thung rapan hoi king kalup e khopuinaw a tuk teh koug a tâ.

¹⁴ Lakhish ni Assiria siangpahrang koevah, Judah siangpahrang Hezekiah ni ka payon toe. Na ban takhai teh, kai van na toung e pueng teh ka tawk han telah lawk a thui. Assiria siangpahrang ni Judah siangpahrang Hezekiah koe tangka talen 300 touh hoi sui talen 30 touh a hei.

¹⁵ Hahoi teh, Hezekiah ni, BAWIPA im hoi siangpahrang im a ta awh e tangka hoi suinaw pueng a poe.

¹⁶ Hezekiah ni, BAWIPA bawkim takhang a hlun awh e Judah siangpahrang Hezekiah ni khom sui e a hlun e hah abuemlah he a la teh Assiria siangpahrang a poe.

Senakherib BAWIPA taranlahoi a kâoup

¹⁷ Hahoi Assiria siangpahrang ni ransabawi Rabsaris, Rabshakeh, hoi ransa moikapap hoi Lakhish hoi Jerusalem Judah siangpahrang Hezekiah

koe vah, a patoun teh, Jerusalem a pha awh. A pha toteh hnicu kapasunaw law lam tuikamuemnae kanîtholah, kaawm e tui lanae a teng vah a kangdue awh.

¹⁸ Siangpahrang hah a kaw a toteh, imthung kahrawikung, Hilkiyah capa Eliakim hoi cakathutkung Shebna, hoi lairui kathutkung Asaph capa Joab hah ahnimouh koe a tâco.

¹⁹ Rabshakeh ni, Hezekiah koevah dei pouh awh, siangpahrang ka lentoe Assiria siangpahrang ni, telah a dei, apimaw na kângue teh na lungmawngkhai vaw.

²⁰ Ransa thaw nahane teh, thaonae hoi khokhangthoumnae ka tawn na ti nahoehmaw. Hatei, hot teh lawk rumram na dei e doeh. Kai tuk hanelah, apimaw na kângue.

²¹ Khenhaw! kâkhoe e lungpum sonron Izip na kângue teh hot patetlah tami ngaihaw pawiteh, a kut a ruk pouh han, Izip siangpahrang Faro ka kângue e pueng teh, hot patetlah doeh ouk ao awh.

²² Nahoe pawiteh, kai koevah BAWIPA Cathut hah ka kângue na teh awh pawiteh, ahni teh Hezekiah ni, Judahnaw hoi Jerusalem hanlah, Jerusalem e thuengnae khoungroe hmalah, hmuenasang koe na bawk awh han na ka tet ni teh hote khoungroe ka raphoe e hah ahni nahoehmaw telah a ti.

²³ Hot patetlah, ka bawipa Assiria siangpahrang hoi lawkkamnae sak awh. Avan kâcui hane na hmawt thai pawiteh, marang 2,000 touh na poe han.

²⁴ Bangtelamaw marang hoi marangransanaw kecu dawk Izipnaw koe na yuemnae na patue pawiteh, bawipa e sannaw thung dawk ka thungca e kahrawikung buet touh heh na rungngang thai han vaw.

²⁵ BAWIPA laipalah hoi maw na ram heh ka tuk teh ka raphoe awh vaw. BAWIPA ni kai koevah, hete ram tuk hanlah cet haw, be raphoe haw na ti pouh dawk doeh.

²⁶ Hilkiyah capa Eliakim hoi Shebna hoi Joab ni Rabshakeh koevah pahren lahoi na sannaw hah, Aramaih lawk hoi ka pato awh toe. Bangkongtetpawiteh, hot teh ka thai awh ngoun. khopui kalupnae thung kaawmnaw a thai nahanlah Hebru lawk hoi na pato hanh lawih telah ati awh.

²⁷ Hatei, Rabshakeh ni a hni koe, ka bawipa ni na bawipa koe nangmouh koe dueng maw, hete lawk dei hanelah, na patoun vaw. Rapan van ka tahung e amae payungpaei ka cat ka net naw koe maw na patoun vaw telah a ti.

²⁸ Rabshakeh teh a kangdue teh, Hebru lawk hoi kacaipounglah a hram teh, ka lentoe Assiria siangpahrang lawk hah ngai awh haw.

²⁹ Siangpahrang ni telah a dei. Hezekiah ka dum e lah awm hanh awh. Bangkongtetpawiteh ama ni, a kut dawk hoi na rungngang thai mahoe.

³⁰ Hezekiah ni, BAWIPA ni na rungngang roeroe vaiteh hete khopui heh Assiria siangpahrang kut dawk poe lah awm mahoe telah BAWIPA hah kângue awh hanh naseh.

³¹ Hezekiah lawk hah yuem hanh awh. Assiria siangpahrang ni hettelah a dei. Kai koe roumnae sak awh nateh hi tho awh. Na ram patetlah cakang hoi misur e ram, vaiyei hoi misur takha,

³² Olive hoi khoitui ram, dout laipalah hringnae ram, koe na ceikhai hoehroukrak teh tami pueng ni mae misurkung dawh hoi a paw cat awh nateh tami pueng ni, mae thaibunglung dawh e a paw rip ca vaiteh tami pueng ni mae tuikhu tui rip net awh. Hezekiah ni BAWIPA ni na rungngang awh han doeh telah na ka pasawt nakunghai tang awh hanh loe.

³³ Miphun tangkuem e cathutnaw ni, a ram teh Assiria siangpahrang koehoi ouk na rungngang awh boimaw.

³⁴ Hamath hoi Arpad cathutnaw hah namaw kOUNG ao awh vaw. Sepharvaim hoi Hena hoi Ivvah naw e cathutnaw hai namaw kOUNG ao awh. Samaria hah kai koehoi na rungngang thai awh maw.

³⁵ Ram tangkuem cathutnaw pueng thung dawK hoi apimaw kai koehoi ka rungngang thai. BAWIPA ni Jerusalem kho heh kai koehoi a rungngang han taya telah a ti.

³⁶ Ahnimanaw teh duem ao awh teh kam touh boehai pathung awh hoeh. Bangkongtetpawiteh, siangpahrang ni kâlawk poe e patetlah ahnimanaw teh pathung awh hanh loe atipouh.

³⁷ Hahoi teh, siangpahrang imthung kahrawikung Hilkiyah capa Eliakim hoi cakathutkung Shebna hoi lairui kathutkung Asaph capa Joab hah a phi awh e khohna a kâmahrawksak teh, Hezekiah koevah a cei awh teh, Rabshakeh ni a dei e lawk hah a dei pouh awh.

19

Isaiah ni rungngangnae a cai sak

¹ Siangpahrang Hezekiah ni hote hah a thai toteh, a khohna hah a phi teh, burihni a kâkhu teh BAWIPA im vah a kâen.

² Imthung kahrawikung Eliakim hoi cakathutkung Shebna hoi vaihma kacuenaw ni burihni a kâkhu awh teh Amos capa profet Isaiah koevah a patoun awh.

³ Siangpahrang ni Isaiah koevah, sahnin teh rucatnae hoi yuena hoi pacekpahlekae hnin doeh. Bangkongtetpawiteh, camo a khenae tue yo a pha ei teh khe nahane a tha awm hoeh.

⁴ A bawipa Assiria siangpahrang ni, kahring Cathut pacekpahlek hanlah, a patoun e Rebshakeh ni a dei e lawknaw pueng hah BAWIPA Cathut ni thai vaiteh BAWIPA Cathut ni a thai e lawk dawK hoi a yue thai. Hote kecu dawK kaawmnaw hanlah ratoum pouh naseh.

⁵ Hahoi teh, Siangpahrang Hezekiah e taminaw teh Isaiah koevah a cei awh.

⁶ Isaiah ni, ahnimouh koe na bawipa koe hettelah na dei awh han, BAWIPA ni hettelah a dei, na thai awh e lawk Assiria siangpahrang e taminaw ni na pacekpahlek awh e hah taket hanh awh.

⁷ Khenhaw! ahnimouh koe muitha buet touh ka patoun han. Kamthang a thai vaiteh, ama ram lah a ban han. Hahoi teh amae ram dawK roeroe vah, tahloi hoi ka kamlei sak han telah atipouh.

Senakherib ni hnepnae hoi Hezekiah ratoumnae

⁸ Hahoi Rebshakeh teh, a ban teh Assiria siangpahrang ni, Libnah a tuk nah a hmu, bangdawK Lakhish hai yo a tâco toe tie hah a thai.

⁹ Hahoi khenhaw! nang hoi kâtuk hanelah, a kamthaw toe telah, Tirhakah, Ethiopia siangpahrang kong ayâ ni a dei e hah a thai. Hahoi Hezekiah koe patounenaw bout a patoun.

¹⁰ Hettelah Judah siangpahrang Hezekiah koe na dei pouh han, na kângue awh e na Cathut ni, Jerusalem heh Assiria siangpahrang kut dawK poe mahoeh na ti awh e hah, telah na dum hanh naseh.

¹¹ Khenhaw! Assiria siangpahrangna ni, ramnaw pueng kOUNG a raphoe teh, ahnimouh lathueng a sak e naw na thai toe. Nang hah na rungngang han tangngak ma aw

¹² Kaie mintoenaw ni a raphoe e Gozan, Haran, Rezeph, Eden tami Telassar ahnimae cathutnaw ni a rungnang awh nama aw.

¹³ Hamath siangpahrang, Arpad siangpahrang, Sepharvaim khopui siangpahrang, Hamath siangpahrang hoi Ivvah siangpahrangnaw hateh, namaw koug ao awh vaw telah atipouh.

¹⁴ Hezekiah ni, a patounenaw kut dawk e ca hah a hmu teh a touk pouh. Hahoi teh Hezekiah teh BAWIPA im a kâen teh BAWIPA hmalah ca teh a kadai.

¹⁵ Hezekiah ni BAWIPA hmalah a ratoum teh Oe Bawipa, Cherubim rahak vah kho ka sak e Isarel Cathut, nang nama dueng doeh talai van pueng uknaeram thung Cathut lah na kaawm, talai hoi kalvan hai nang ni na sak e doeh.

¹⁶ Oe BAWIPA, na hnâpakeng haw nateh, na thai pouh haw. Oe BAWIPA na mit padai nateh kenhaw! kahring Cathut pakepahlek e Sennacherib ni lawk a dei e hah thai haw.

¹⁷ BAWIPA, Assiria siangpahrangnaw ni, miphunnaw hoi a ramnaw teh a raphoe ei.

¹⁸ A cathutnaw hai hmai dawk koug a phum pouh ei. Bangkongtetpawiteh, hotnaw teh cathutnaw ka tang na hoeh. Tami kut hoi sak e, thing hoi talung doeh, hatdawkvah a raphoe awh.

¹⁹ Hatdawkvah oe BAWIPA, kaimae Cathut nang nama dueng doeh, BAWIPA Cathut lah na kaawm tie talai uknaeramnaw pueng ni, nang na panue thai nahan, na kut hoi na rungnang lah, telah atipouh.

Sennacherib kong dawk BAWIPA lawk

²⁰ Hote tueng dawk Amos capa Isaiiah ni, Hezekiah koevah Isarel BAWIPA Cathut ni telah a dei. Assiria siangpahrang Sennacherib taran lahoi yah, kai koe a ratoum e teh ka thai toe.

²¹ Hetheh, hot kong dawk hoi BAWIPA ni a dei e doeh. Zion canu tanglakacuem ni, pakepahlek hoi na panuikhai e hah, Jerusalem canu ni a lû a kahek.

²² Apimaw a min na mathoe sak teh, na pakepahlek. Apimaw lawk hoi na hram sin, na mit na ueng sin, Isarel tami kathoung koe kai ma.

²³ Na patounenaw hno lahoi BAWIPA teh na pakepahlek. Kaie rangleng moikapap hoi Lebanon ram kadung poung hoi monnaw koe ka pha teh, haw e sidar thing kahawinaw hoi hmaica thingnaw ka tâtueng vaiteh, talai ahawinae ratu, kho a rasang na koe hoe a dung nah koevah, ka kâen han.

²⁴ Ram alouknaw e tui hah ka tai teh, ka tâco sak teh ouk ka nei, ka khoktabei ni Izip ramnaw pueng koug ka hak sak han telah ati.

²⁵ Kai ni ayan hai ka sak e nahoehmaw, Atu teh kai ni ka sak e ti teh na panuek hoeh maw. Vaipuen lah a coung nahan raphoe e khopui rapan lah na o nahanelah, hottelah atu koug kahma sak toe.

²⁶ Hatdawkvah a thung a kaawm e taminaw teh, tha a youn awh dawkvah, a yawng awh teh yeirai a phu awh.

²⁷ Hatei na onae hmuen na kâen, na tâco, kai taranlahoi na lungphuen tie ka panue.

²⁸ Bangkongtetpawiteh, kai taranlahoi na lungphuen pawiteh, kai koe ut na sin e teh ka hnâ koe koug a pha toe. Hatdawkvah na hnawng dawk hradang ka ta vaiteh, na pahni hah khakkhui vaiteh, hahoi na thonae koe lam hoi bout na ban sak han.

²⁹ Hetheh, nang hanlah kamnuenae lah ao han. Takum teh amahmaw ka paw e hah, na khan awh vaiteh, palawng haiyah, amahmaw ka paw

e na khan aw hah han. A kum pâthum teh, cang tu aw hah nateh, misur takha hah sak aw hah nateh a paw hah cat aw hah.

³⁰ Judah imthungkhunaw thung daw k ka hlout ni teh kacawiraenaw ni, rahim lah khongyang a pabo vaiteh lathueng lah a paw a paw aw hah han.

³¹ Bangtelah tetpawiteh, kaawm e naw hah Jerusalem lahoi a ban aw hah han. Zion mon daw k kacawiraenaw hah a cei aw hah han. Ransahu BAWIPA ngaikhainae lahoi hothateh, a sak han.

³² Hatdawkvah BAWIPA ni Assiria siangpahrang kong teh, telah doeh a dei. Ahni teh hete khopui kâen mahoe h. Khokhu daw k pala pathui mahoe h. Khopui hmalah bahling hah patue mahoe h, kho lawi vah talai na paten mahoe h.

³³ A thonae lam koe lahoi a ban vaiteh, khopui thung kâen mahoe h.

³⁴ Kai kecu daw k hoi thoseh, ka san Devit kecu daw k hoi thoseh, hete khopui teh ka rungngang hanelah ka ring han, BAWIPA ni ati, telah tami a patoun.

Sennacherib duenae

³⁵ Hahoi teh hote tangmin vah, BAWIPA kalvantami hah a cei teh, Assirianaw ni a roenae hmuen daw k 185,000 a thei aw hah. Amom maya a thaw toteh khenhaw! ro doeh patkâhai toe.

³⁶ Hahoi Assiria siangpahrang Sennacherib teh, a tâco, im vah a ban teh Nineveh kho vah pouh ao.

³⁷ Hahoi, a cathut Nisroch im vah a baw k lahun nah a capa Adrammelek hoi Sharezer ni, tahloi hoi a thei roi teh, Ararat ram vah a yawng roi. Hahoi a capa Esarhaddon ni a yueng lah a uk.

20

Hezekiah hringnae a thapsin

¹ Hote tueng nah, Hezekiah teh a pataw teh meimei a due. Hahoi Amos capa profet Isaiah a tho teh ahni koe BAWIPA ni telah a dei. Na imthungkhu hah, cingthui leih. Bangkongtetpawiteh, na due han, na hring mahoe h toe telah atipouh.

² Hahoi tapang koe lah a kamlang teh BAWIPA koe vah,

³ Oe BAWIPA na hmalah yuemkamcu e lungthin hoi ka o e hoi na mithmu vah hawinae ka sak e hah na pahnim pouh hanh, telah Hezekiah teh a khuika laihoi a ratoun.

⁴ Isaiah teh khopui lungui a pha hoe h nahlan, BAWIPA e lawk hah ahni koe a pha pouh.

⁵ Ban nateh ka taminaw kahrawikung Hezekiah koe vah dei pouh. BAWIPA Devit e BAWIPA Cathut ni hettelah a dei. Ratounnae ka thai teh na mitphi ka hmu toe. Na dam sak mingming han. Apâthum hnin vah BAWIPA im vah bout na cei han.

⁶ Hahoi na hringnae hah kum hlaipanga touh ka thap sin han. Assiria siangpahrang kut daw k hoi nang nama hoi na khopui hah, ka rungngang vaiteh, kai hoi ka san Devit kecu daw k hete khopui heh ka ring han telah a ti.

⁷ Hahoi Isaiah ni, thaibunglung paw buem buet touh thokhai aw hah haw atipouh e patetlah, a thokhai teh, a hmâ daw k a bet teh pin ahawi.

⁸ Hezekiah ni Isaiah koe vah BAWIPA ni na dam sak han, apâthum hnin vah, BAWIPA im vah bout na cei han tie mitnout teh bang han na maw telah a pacei.

⁹ Isaiaah ni, BAWIPA ni a dei e hah a sak roeroe han tie nang hanlah BAWIPA koehai mitnout lah kaawm han. Tâhlip hah, lakhout hra touh luen sak maw na ngai, hoehpawiteh hra touh kum sak maw na ngai atipouh.

¹⁰ Hezekiah ni a pathung teh tâhlip lakhout hra touh a luen hane teh ayawica dawkvah telah teh tho na hanh seh. Tâhlip hah lakhout hra touh kum naseh telah atipouh.

¹¹ Hottelah profet Isaiaah ni BAWIPA hah a kaw toteh, Ahaz e kanîsuimilam dawk e a tâhlip lakhout hra touh ka cet tangcoung e hah lakhout hra touh a ban sak.

Babilon hoi e laiceinaw

¹² Hote tueng nah, Babilon siangpahrang Baladan capa Berodakbaladan ni ca hoi poehno hoi Hezekiah teh a patawn. Bangkongtetpawiteh, Hezekiah teh a pataw tie a panue.

¹³ Hottelah Hezekiah ni, ahnimanaw teh im a luen sak aw. Hno Aphu kaawmnaw tanae pueng hoi sui hoi ngun, hmutui hoi, aphu kaawm poung e satui hoi tarantuknae puengcangnaw tanae imthung hoi râw onae naw pueng hai a khet sak. A im thoseh, a ram thung kaawm e thoseh, Hezekiah ni a khet sak hoeh e banghai awm hoeh.

¹⁴ Hote tueng nah, profet Isaiaah ni, siangpahrang Hezekiah koe a cei teh, ahni koe vah, hote taminaw ni bangmaw a dei aw. Na lahoi maw a tho aw telah atipouh. Hezekiah ni kahlatpoung e ram Babilon hoi kathonaw doeh atipouh.

¹⁵ Ahnimouh ni, na imthungkhu bangmaw a hmu aw atipouh. Hezekiah ni ka imthungkhu kaawmnaw teh be ka patue teh, hnoim thung e ka pätue hoeh e banghai awm hoeh atipouh.

¹⁶ Isaiaah ni, Hezekiah koevah, BAWIPA e lawk heh thai haw.

¹⁷ Khenhaw! na imthungkhu kaawmnaw puenghoi sahnin totouh na mintoenaw ni a pätung e naw heh Babilon kho vah a ceikhainae tueng ka phat han, banghai a ceitakhai e awm mahoe telah BAWIPA ni a ti.

¹⁸ Hahoi na imthungkhu daw. Na khe aw han rae na canaw hah a ceikhai aw vaiteh, Babilon siangpahrang im vah tuenlanaw lah a coung sak han telah atipouh.

¹⁹ Hezekiah ni Isaiaah koevah na dei e BAWIPA lawk hah ahawi. Bangkongtetpawiteh, kaie ka se dawkvah roumnae hoi lawkkatang hah awm mahoe toung maw atipouh.

Hezekiah duenae

²⁰ Hot patetlah Hezekiah tawksaknae thung daw hoi kaawm rae naw, a sakyoenae pueng tuiim hoi tui lanae a sak teh khopui thung daw tui lanae kong teh, Judah siangpahrang setouknae cauk daw thut lah ao nahoehmaw.

²¹ Hezekiah teh a na mintoenaw koe vah a kâhat teh a capa Manasseh ni a yueng lah a uk.

21

Manasseh ni Judah a uk

¹ Manasseh teh siangpahrang lah ao nah, kum 12 touh a pha. Jerusalem vah kum 55 siangpahrang lah ao. A manu min teh Hephzibah doeh.

² Isarel catounnaw hmalah BAWIPA ni a pâlei e miphunnaw ni panuettho e hnokahawi hoeh e ouk a sak aw e naw hah BAWIPA mithmu vah ouk a sak aw.

³ Bangtelane tetpawiteh, A na pa Hezekiah ni a raphoe e hmuenrasang hah bout a sak dawkvah, Isarel siangpahrang Ahab ni ouk a sak e Baal bawknae khoungroe lah bout kangdue teh thingmeikaphawk a sak awah, kalvan kaawmnaw pueng hah a bawk awah teh a thaw hah a tawk pouh awah.

⁴ BAWIPA ni Jerusalem vah ka min ka o sak han ati e patetlah BAWIPA im vah thuengnae khoungroe a sak awah.

⁵ BAWIPA bawknae im thongma kahni touh dawkvah, kalvan âsinaw bawk nahanelah thuengnae khoungroe a sak awah.

⁶ Amae a ca hah, hmaisawi thuengnae lah a sak teh kutkhetkathounnaw a khet sak teh, sueânnah hah a hno awah. Hmaui hoi kahrainaw hah a kambawngkhai awah. Cathut e lungkhueknae hoe a kâan sak awah teh, BAWIPA hmalah yonnae kalen a sak awah.

⁷ BAWIPA ni, Devit hoi a capa Solomon koevah hete im hoi Jerusalem, Isarel miphunnaw pueng thung hoi ka rawi e dawkvah, ka min teh yungyoe ka o sak vaiteh,

⁸ Kâ na poe e pueng hoi ka san Mosi koe kâ ka poe e naw pueng patetlah na tarawi awah pawiteh, na mintoenaw koe ka poe tangcoung e, ram thungup hai Isarel naw teh nâtuék hai a khok paheng sak mahoeah atipouh e imthung vah, thingmeikaphawk a sak awah e hah a ta awah.

⁹ Hatei banglahai noutna awah hoeh teh, BAWIPA ni Isarel catounnaw hmalah a pâlei awah e miphunnaw ni a sak awah e hlak hai ka mathout lah sak hanlah, Manasseh ni ayânaw a pasawt.

¹⁰ Hatdawkvah, BAWIPA ni a san profet hno lahoi a dei e teh,

¹¹ Judah siangpahrang Manasseh ni, het hloi e panuetho e hno hah ayan vah Amornaw hlak hai hoe ka nut lah a sak awah teh Judahnaw hah meikaphawk hno lahoi yonnae a saksak.

¹² Hatdawkvah Isarel BAWIPA Cathut ni, hettelah a dei, kenhaw! Jerusalem hoi Judahnaw koe kamthang ka thai tangkuem koe a hnâ kahni touh hoi hoe ka tâdeng sak han.

¹³ Jerusalem khopui koe Samaria bangnuenae rui hoi Ahab imthungnaw ka bangnue e patetlah, Jerusalem ka bangnue han. Ailo pâle hnukkhu det pakhup e patetlah ka ta han.

¹⁴ Kacawie hnonaw teh ka tâkhawng vaiteh a taran kut dawka poe pouh han. Hottelah, a na mintoenaw Izip ram hoi a tâco hnin hoi sahnin totouh ka mithmu vah, hnokathout a sak awah teh ka lungkhueknae na pahrué awah toe telah ati.

¹⁵ Hatdawkvah, mintoenaw ni, Izip ram hoi na tâconae hnin hoi sahnin totouh nangmae catounnaw ni kai ka hmalah, yonnae doeh pou na sak awah.

¹⁶ Hothloilah BAWIPA mithmu vah, hawihoeah hah a sak awah teh Judahnaw pueng yonnae a saksak hloilah, Jerusalem avangvanglah totouh, Manasseh ni yon ka tawn hoeh naw e thi moi a palawng.

Manasseh duenae

¹⁷ Hahoi Manasseh tawksaknae hoi kaawm rae, yon a sak e naw teh Judah siangpahrangnaw setouknae cauk dawka thut e lah ao nahoehmaw.

¹⁸ Manasseh teh a na mintoenaw koe a kâhat teh, Uziah takha amae imteng vah a pakawp awah. Hahoi a capa Amon ni a yueng lah a uk.

Judah siangpahrang Amon

¹⁹ Amon teh siangpahrang lah ao nah kum 22 touh a pha. Jerusalem vah kum 2 touh a bawi, a manu min teh Meshullemeth, Jotbah kho e Haruz canu doeh.

²⁰ A na pa Manasseh ni, ouk a sak e patetlah BAWIPA mithmu vah thoena e sak.

²¹ A na pa ni a dawn e lamnaw hah a dawn van teh, a na pa ni meikaphawk thaw a tawk e hah a tawk teh a bawk.

²² A na mintoenaw e BAWIPA Cathut a ceitakhai teh BAWIPA lamthung dawn hoeh.

²³ Amon e a taminaw ni pouk a youk awh teh, siangpahrang teh ama im vah a thei awh.

²⁴ Hatei hote ram e taminaw ni pouk ka youk e Amon e taminaw pueng hah be a thei awh. Hahoi teh hote ram e taminaw ni a capa Josiah teh a yueng lah siangpahrang a tawk sak awh.

²⁵ Amon tawksaknae dawk hoi kaawm rae teh, Judah siangpahrangnaw setouknae cauk dawk be thut lah ao toung nahoehmaw.

²⁶ Hahoi Uzzah e takha thung, amae tangkom dawkvah a pakawp awh teh a capa Josiah ni a yueng lah a uk.

22

Josiah ni Judah a uk

¹ Josiah teh siangpahrang a tawk nah kum 8 touh boung a pha. Jerusalem vah kum 31 touh siangpahrang a tawk. A manu min teh Jedidah, Bozkath kho e Adaiah e canu doeh.

² BAWIPA mithmu vah hnokahawi pou a sak. A na pa Devit ni a dawn e lamnaw pueng a dawn teh avoilah aranglah phen hoeh.

Hilkiah ni kâlawk cauk a hmu

³ Siangpahrang Josiah a bawi kum 18 nah hettelah ao. Meshullam capa, Azaliah capa cakathutkung Shaphan hah a patoun teh,

⁴ vaihma kacue Hilkiah koevah cet nateh, longkha karingkungnaw ni taminaw koe a la awh teh BAWIPA e im dawk a thokhai e tangkanaw hah touk naseh.

⁵ Hahoi, BAWIPA im dawk thaw katawknaw khenyawnkung koe poe nateh ahni ni a rawknae koe e pathoup nahanelah, BAWIPA im vah thaw katawknaw hoi,

⁶ thingkong kasakung, im kasakung hoi im rawknae kapathoupkung naw ni, a rawknae pathoup nahane dawk thing hoi talung naw ran nahanelah poe naseh, telah BAWIPA im lah a patoun.

⁷ Hateiteh tangka ka sin sak e naw ni touk hai touk awh hoeh. Bangkongtetpawiteh, yuemkamculah a hno awh.

⁸ Vaihma kacue Hilkiah ni cakathutkung Shaphan koevah, BAWIPA im dawk kâlawk cauk hah ka hmu telah atipouh. Hilkiah ni cauk teh Shaphan koe a poe teh ahni ni a touk.

⁹ Hahoi, cakathutkung Shaphan ni siangpahrang koe a cei teh, siangpahrang koevah kamthang ka thokhai. Na faminaw ni im dawk e tangka a hmu e naw hah BAWIPA e im dawk thaw katawknaw a poe toe telah atipouh.

¹⁰ Cakathutkung Shaphan ni, vaihma Hilkiah ni cauk na poe na a telah siangpahrang koe a dei pouh teh, Shaphan ni siangpahrang e hmalah a touk.

¹¹ Hahoi, siangpahrang ni kâlawk cauk dawk e lawk a thai toteh angki hah a phi.

¹² Siangpahrang ni, vaihma Hilkiyah, Shaphan capa Ahikam, Mikaiah capa Akbor, cakathukung Shaphan hoi siangpahrang e a san Asaiah koevah,

¹³ kai hoi maya hoi Judahnaw pueng hanelah, hete cauk dawk hmu e lah ao patetlah BAWIPA koe na het pouh awh. Bangkongtetpawiteh, sak awh hane hete mintoenaw ni a sak hoeh kecu dawk maimouh tak daw BAWIPA lungkhueknae teh hoe a len telah a ti.

¹⁴ Hahoi vaihma Hilkiyah, Ahikam, Akabor, Shaphan hoi Asaiah a hnicu khenyawnkung Harhas capa Tikvah capa, Shallum napui profet Huldah koevah a cei awh teh a kâhno awh. (Ahni teh Jerusalem kho hnuklah ao)

¹⁵ Napui ni ahnimouh koe Isarel BAWIPA Cathut ni hettelah a dei, kai koe kapatoungkung koe,

¹⁶ khenhaw! hete hmuen koevai thoseh, athung e kho kasaknaw koevai thoseh, Judah siangpahrang ni cauk dawk a touk e rawkphainae patetlah rawkphainae hah a pha sak han.

¹⁷ Bangkongtetpawiteh, na ceitakhai awh teh cathut alouke koe hmuitui a thueng awh teh, a kut hoi a sak awh e ni ka lung na khuek sak awh dawkvah, hete hmuen koevah ka lungkhueknae hmai hoe ka pataw lah ka kaman sak vaiteh roum mahoe toe.

¹⁸ Hatei kai koe hei hane a patoun e naw Judah siangpahrang koevah BAWIPA Cathut ni hettelah a dei. Na thai e lawk kong daw,

¹⁹ hete hmuen hoi athung kaawm e taminaw heh ka rawk e hoi thoeb e lah ao awh han telah ka dei e hah na thai toe. Na lung a nem teh BAWIPA hmalah kârahoum laihoi na angki na phi teh ka hmalah na ka dawkvah, kai ni hai na lawk ka thai telah, BAWIPA ni a ti.

²⁰ Hottelah, khenhaw! na mintoenaw koe na cei vaiteh na tangkom daw karoumcalah na cei han. Hete hmuen koe rawknae kâhmo hane naw teh na mit ni koung hmawt mahoe ati telah na dei pouh awh han telah atipouh. Hottelah kamthang teh siangpahrang koevah a dei pouh awh.

23

Josiah ni lawkkatang daw tha a patho

¹ Siangpahrang ni tami a patoun teh, Judah hoi Jerusalem kacuenaw ka kamkhueng awh.

² Siangpahrang teh Judah ram e tami pueng hoi Jerusalem kaawm e pueng hoi, vaihma hoi profetnaw hoi tami kathoung kalen pueng hoi BAWIPA e im lah a cei awh teh, BAWIPA im daw a hmu awh e a lawkkamnae cauk daw kaawm e pueng ahnimae hmalah koug ka thai lah a touk pouh.

³ Siangpahrang ni khomkung koe a kangdue teh cauk daw kaawm e lawkkamnae lawk hah, caksak hane hoi lungthin abuemlahoi muitha abuemlahoi BAWIPA tarawi hane kâpoelawk poe e hoi, a panuesaknaw, hoi phunglawknaw tarawi hanelah BAWIPA hmalah a lawk a kam. Tami pueng ni lawkkamnae a caksak awh.

⁴ Vaihma kacue Hilkiyah hoi kadoungkung vaihmanaw hoi takhang karingkungnaw hah BAWIPA im thung e Baal hoi Asherah hoi kalvan kaawm e hnonaw hanelah a sak e hnopai pueng a tâcokhai hanelah kâ a poe. Jerusalem alawilah Kidron kahrawngum vah hmai a sawi teh hraba hah Bethel lah a ceikhai.

⁵ Meikaphawk ka baw e vaihma, Judah siangpahrangnaw ni Judah ram khonaw hmuenrasangnaw hoi Jerusalem tengpam e hmuitui kasawinaw

hah a pahnawt awh teh, Baal, kanî, thapa, âsi hane hoi kalvan kaawm e pueng hane hmuitui hmai ouk kasawinaw hah a pahnawt awh.

⁶ BAWIPA im dawk thing hoi meikaphawk hah Jerusalem kho lawilah Kirdron palang vah a ceikhai awh teh, Kirdron palang dawk hmai a sawi awh. Kanuikapin lah a hruek awh teh kanuikapinnaw hah mathoenaw e tangkom dawk a pasa awh.

⁷ Hahoi thing meikaphawk, hni kakawngkung napuinaw a onae hoi BAWIPA im napuitongpanaw onae innaw a raphoe awh.

⁸ Vaihma pueng Judah khonaw koehoi a kaw sak awh teh, ahnimouh ni hmuitui hmaisawinae hmuenrasangnaw hah Geba hoi Beersheba totouh a khin sak awh teh, Jerusalem e khobawi Joshua e longkha avoilaie kâennaie longkha pueng be a raphoe awh.

⁹ Hmuenrasang koe e vaihmanaw hah Jerusalem BAWIPA thuengnae khoungroe koe cet awh hoeh ei teh, a hmaunawngnanaw koe tonphuenhoehoe ouk a ca awh.

¹⁰ Apinihai amamae a canaw hah Molek cathut koe hmai hoi a thueng awh hoeh nahan, Hinnom e a ca tanghling dawk kaawm e Topheth hai a khin sak awh.

¹¹ BAWIPA im alawilae siangpahrang karingkung Nathan Molek im teng e Judah siangpahrangnaw ni kanî koe a poe awh e marangnaw hah he a takhoe pouh teh, kanî ranglung hah hmai koug a sawi awh.

¹² Ahaz im a tungtengtoe e dawk a hruek e khoungroenaw hoi Manasseh ni BAWIPA im thongma kahni touh koe a sak e khoungroenaw hah siangpahrang ni he a raphoe teh Kidron palang dawkvah a tâkhawng.

¹³ Isarel siangpahrang Solomon ni, Jerusalem kanîtholah a raphoe e aranglae mon dawk panuetho e Sidon cathut Ashstoreth, panuetho e Moab cathut, Kemosh thoeseth panuetho e Ammon cathut Milkom hanelah a hmuenrasangnaw hah siangpahrang ni a khin sak.

¹⁴ Meikaphawknaw hah rekrek a hem teh, thing meikaphawknaw be a tâtueng hnukkhu, hote hmuen koe tami hrunaw hoi akawi sak.

¹⁵ Hothloilah Isarel ka payon sakkung Nebat capa Jeroboam ni Bethel vah khoungroe hoi a hmuenrasangnaw hoi khoungroe hai a raphoe pouh. Hmuenrasang hmai a sawi teh kanuikapin lah koug a hruek teh thingmeikaphawk hai hmai a sawi.

¹⁶ Josiah teh a kamlang teh mon dawk e phuen hah a hmu, hottelah phuen e tami hrunaw hah a la sak teh, Cathut e tami ni a pâpho e BAWIPA e lawk patetlah khoungroe dawk hmai a sawi teh, a khin sak.

¹⁷ Josiah ni hai kai ni ka hmu e noutnae talung teh, apie phuen namaw telah ati. Cathut e tami Judah ram lahoi ka tho e Bethel vah khoungroe dawk na sak e hno ka pâpho e phuen doeh telah a dei awh.

¹⁸ Siangpahrang ni apinihai a hru hah puen hanh naseh, ahnie a hrunaw hah Samaria lahoi ka tho e profetnaw e a hrunaw hoi kâbet hoeh.

¹⁹ Isarelnaw ni BAWIPA lungkhuek sak awh teh, a sak awh e Samaria ram dawk e hmuenrasangnaw pueng Josiah ni koug a takhoe teh, Bethel vah a sak e patetlah a sak pouh.

²⁰ Hottelah haw e hmuenrasang e vaihmanaw pueng hah khoungroe van a thei teh, haw vah tami hru a pâeng teh Jerusalem lah bout a ban.

²¹ Hahoi siangpahrang ni tami pueng koe, hete lawkkamnae cauk dawk kaawm e patetlah BAWIPA, nangmae Cathut hanlah ceitakhai pawito awh telah kâ a poe.

²² Isarel lawkcengkungnaw ni lawk a ceng totouh hoi, Isarel siangpahrangnaw ni a uknae thung pueng hoi, Judah siangpahrang ni a uknae thung pueng haiyah ceitakhai pawito aw hoi boihoeh.

²³ Josiah siangpahrang a bawinae kum 18 navah, hote ceitakhai pawiteh Jerusalem vah BAWIPA hanelah a tawn aw hoi lah ao.

²⁴ BAWIPA im daw k e vaihma Hilikia ni, a hmu e cauk dawkvah kâlawk hah caksak nahanelah, kahraithawtawknah hoi taânsinnah hoi, meikaphawk hoi, cathut meikaphawknaw, Judah ram hoi Isarel kho e hno panuetho a hmu aw hoi e pueng hah Josiah ni koun g a raphoe.

²⁵ Mosi e kâlawk pueng patetlah lungthin abuemlah, muitha hoi thaonah abuemlahoi BAWIPA koe lah a kamlang teh, ahni patetlah ahni hoehnahan siangpahrang apihai aw m hoeh. Ahni hnukkhu hai ahni patetlah apihai aw m mahoe hoi toe.

Judah lathueng lawkcengnah

²⁶ Hatei, BAWIPA ni pueng hoi a lungkhueknah Manasseh ni a lungkhueksaknah naw pueng kecu dawkvah, Judahnaw taranlahoi kâan e a lungkhueknah hmai teh, roum thai kalawn hoeh.

²⁷ BAWIPA ni Isarel ka puen e patetlah Judah hai ka hmuhoehnah koe ka puen van han. Hete ka rawi e Jerusalem roeroe haiyah, haw vah ka min ao han ka tie im hah ka puen han, telah a ti.

Josiah tarantuknah koe a due

²⁸ Hottelah Josiah tawksaknah thung daw k kaawm rae naw hoi, a taw k pueng teh Judah siangpahrangnaw setouknah cauk daw k a kâ thut mahoe hoi maw.

²⁹ Siangpahrang lah ao navah, Izip siangpahrang Faro Neko teh, Assiria siangpahrang tuk hanelah, Euphrates palang vah a ceitakhang. Siangpahrang Josiah ni ahni a tuk teh ahnimouh ni ahni teh a hmu aw hoi tahma vah, Megiddo vah a thei aw hoi.

³⁰ A taminaw ni Megiddo hoi a ro hah rangleng hoi a ceikhai aw hoi teh, Jerusalem vah a kâenkhai aw hoi teh amae tangkom daw k a pakawp aw hoi. Hottelah hote khonaw ni Josiah capa Jehoahaz teh a ceikhai aw hoi teh, satui a awi aw hoi teh, a na pa yueng lah a bawi sak aw hoi.

Jehoahaz uknae hoi mannah

³¹ Jehoahaz teh siangpahrang a taw k navah, kum 23 touh a pha. Jerusalem vah thapa yung thum touh a bawi. A manu min teh Hamutal, Libnah kho e Jeremia hoi canu doeh.

³² A na mintoenaw ni ouk a sak aw hoi e patetlah BAWIPA mithmu vah thoehnah hoi ouk a sak.

³³ Faro Neko ni hote siangpahrang Jerusalem kho a uk thai hoeh nahanelah, Hamath ram e Riblah kho vah thongim a pabo. Hahoi Judah ram vah a pabo. Hahoi Judah ram vah ngun talen 100 touh hoi sui talen buet touh imhu a cawng sak.

³⁴ Hahoi Faro Neko ni Josiah capa ELiakim hah a na pa Josiah yueng lah a bawi sak. A min hah Jehoiakim telah a thung pouh. Jehoiahaz teh Izip vah a ceikhai aw hoi teh haw vah a due.

Jehoiakim ni Judah a uk

³⁵ Jehoiakim ni Faro hah ngun tangka hoi sui a poe teh, ahnimah ram teh Faro ni kâ a poe e patetlah tangka lah poe hane tamuk a cawng van. Faro Neko koe poe hanlah, tami pueng rawng hanelah a khoe pouh e patetlah hote ram thung e khocanaw hah sui hoi tangka a rawng sak aw hoi.

³⁶ Jehoiakim teh siangpahrang a tawk navah, kum 25 touh a pha. Jerusalem vah kum 11 touh a bawi. A manu min teh Zebudah Ramah kho e Pedaiah canu doeh.

³⁷ Hahoi a na mintoenaw ni a sak awh e patetlah BAWIPA mithmu vah thoenaeh hah a sak.

24

Taran ni Judahnaw a pakhuppathan

¹ Ahnie se navah Babilon siangpahrang Nebukhadnezar ni a muk. Hatdawkvah Jehoiakim teh san lah kum thum touh a toungh. Hathnukku, bout a kamlang teh Nebukhadnezar a tuk.

² BAWIPA ni a san profetnaw hno lahoi a dei tangcoung e patetlah BAWIPA ni Khaldean tamihu, Siria tamihu, Moab tamihu hoi Ammon tamihu naw hah Judahnaw tuk hane hoi raphoe hanelah a patoun.

³ Manasseh ni a sak e pueng, tamikayon hoeh e naw a thi palawng e hoi, kayonhoehnav e thi paling hoi Jerusalem akawi sak dawkvah, BAWIPA ni ngaithoum hane ngai hoeh.

⁴ Judahnaw a hmaitung hoi takhoe hanelah BAWIPA e kâpoelawk teh a pha katang.

⁵ Hottelah Jehoiakim tawksaknae thung hoi kacawiraenaw hoi a kâroenaeh naw pueng teh Judah siangpahrangnav e setouknae cauk dawkt thut lah ao nahoehmaw.

⁶ Jehoiakim teh mintoenaw koe a kâhat teh a capa Jehoiakhin ni a yueng lah a uk.

⁷ Izip siangpahrang teh a ram thung hoi tho hoeh toe. Bangkongtet-pawiteh, Babilon siangpahrang ni Izip palangnav koehoi a kamtawng teh Euphrates palang totouh Izip siangpahrang uknae pueng hah koung a la toe.

Jehoiakhin uknae hoi santoungnae

⁸ Jehoiakhin siangpahrang thaw tawk a kamtawng nah a kum 18 touh a pha. Jerusalem vah thapa yung thum touh a bawi. A manu e min teh Nehushta, Jerusalem kho e Elnathan canu doeh.

⁹ A na pa ni a sak e patetlah BAWIPA mithmu vah thoenaeh a sak.

¹⁰ Hatdawkvah Babilon siangpahrang Nebukhadnezar e taminaw Jerusalem lah a ceitakhang awh teh, kho king a kalup awh.

¹¹ Hahoi Babilon siangpahrang Nebukhadnezar khopui dawkt a tho navah a sannaw ni khopui teh koung la a kalup awh toe.

¹² Judah siangpahrang Jehoiakhin ni a manu, a sannaw, ukkungnav hoi a sannaw hoi Babilon siangpahrang koe a tâco awh. Hatdawkvah a bawinaeh kum 8 nah Babilon siangpahrang ni a man.

¹³ BAWIPA ni a dei tangcoung e patetlah BAWIPA e im dawkt e hno hoi siangpahrang im dawkt e hnonaw pueng koung a la teh, BAWIPA e bawkim dawkt hanelah Isarel siangpahrang Solomon ni a sak e sui hnopai pueng reprep koung a dei pouh.

¹⁴ Jerusalem e tami pueng ka lentoe e taminaw hoi a thakaawme taminaw 10, 000 touh, hnikawng kathoumnaw hoi sumdêikathoumnaw pueng koung a hrawi. Hahoi ram thung e ka roedeng e tami hoi cungeihoeh e tami laipateh pihai cettakhai awh hoeh.

¹⁵ Jehoiakhin e a sannaw hoi hote ram dawkt e tami thakaawme taminaw Jerusalem hoi Babilon lah santoung hanlah a ceikhai awh.

¹⁶ Babilon siangpahrang ni thakasai e tami 7, 000 hni kawng kathoum e hoi sumdêikathoum e tami 1, 000 touh hoi tarantuk kathoumnaw Babilon lah koug a ceikhai.

Zedekiah ni Judah a uk

¹⁷ Babilon siangpahrang ni Jehoiakhin yueng lah, a panga Mattaniah hah siangpahrang thaw a tawk sak aw hoh teh Zedekiah telah a min a palang pouh aw hoh.

¹⁸ Zedekiah siangpahrang a tawk navah kum 21 touh a pha. Jerusalem vah kum 11 touh a bawi. A manu e min teh Hamutal, Libnah kho e Jeremiah canu doeh.

¹⁹ Jehoiakhin ni a sak e hno pueng a sak teh BAWIPA mithmu vah thoena e sak.

²⁰ Judahnaw hoi Jerusalem e taminaw e hmaitung hoi a takhoe hoehroukrak BAWIPA teh a lungkhuek. Hahoi Zedekiah ni Babilon siangpahrang a tuk.

25

Judah rawpnae hoi santoungnae

¹ Hahoi a bawinae kum 6 nae thapa yung 10, hnin 10 hnin vah hettelah ao. Babilon siangpahrang Nebukhadnezar hoi a ransanaw pueng hoi Jerusalem taranlahoi a tho aw hoh teh a roe sin aw hoh. A tengpam abuemlah tarantuknae tangkom koug a tai aw hoh.

² Hottelah siangpahrang Zedekiah a bawinae kum 11 totouh kho teh a kalup aw hoh.

³ Thapa yung 4 nah hnin 9 hnin vah ram thung e taminaw hanelah rawca laipalah ka patawpoung e takang a tho.

⁴ Hahoi khopui kalupnae tapang hah vak a muk aw hoh teh, karum lah tarankatuknaw teh siangpahrang takha teng e kalupnae tapang kahni touh e rahak kalupnae longkha koe lah a yawng aw hoh. Khaldean taminaw ni kho hah king a ring aw hoh teh siangpahrang teh tanghling lam koe lah a cei.

⁵ Hatei teh, Khaldean ransanaw ni siangpahrang hah pâlei aw hoh teh, Jeriko tanghling dawk a pha aw hoh, a ransanaw pueng ni dung a yawng takhai aw hoh.

⁶ Siangpahrang hah a man aw hoh teh Riblah vah Babilon siangpahrang koe a hrawi aw hoh teh lawk a ceng aw hoh.

⁷ Zedekiah e capa hah a mithmu vah a thei aw hoh. Zedekiah e a mitmu hah a cawngkhawi aw hoh teh, king a katek nalaihoi Babilon vah a hrawi aw hoh.

⁸ Hottelah Babilon siangpahrang Nebukhadnezar a bawinae kum 9, thapa yung 5, hnin 7 hnin vah Babilon siangpahrang karingkungnaw kahrawikung, Nebuzaradan teh Jerusalem vah a kâen.

⁹ BAWIPA im hoi siangpahrang im hah hmai a sawi aw hoh teh Jerusalem imnaw pueng im kalennaw pueng hah hmai koug a sawi aw hoh.

¹⁰ Karingnaw kahrawikungnaw koe kaawm e Khaldean ransanaw pueng ni Jerusalem rapannaw pueng hah a raphoe aw hoh.

¹¹ Khopui thung kaawm rae naw pueng hoi, Babilon siangpahrang koe lah kaawm e taminaw pueng hoi, karingkungnaw kahrawikung Nebuzaradan ni san lah a hrawi aw hoh.

¹² Hote ram dawk e karoedengnaw, banghai cungkeihoehe naw karingkungnaw kahrawikung ni takhakatawkkungnaw hoi law kaphawnaw lah a ta aw hoh.

13 Bawipa im dawk e rahum khompui hoi, rahum e tui im, tui kamhluknae naw hah Khaldean taminaw ni rakrak a hem aw hah teh rahum naw hah Babilon vah a sin aw h.

14 Hlaam hoi hraba kawnae, hmaim, paitei, pacen hoi, rahum ailo, tongben pueng, thawngnae hnopai pueng koung a la aw h.

15 Tongben hoi, hlaam, sui hoi ngun hoi sak e hnopainaw pueng karingkungnaw kahrawikung ni koung a la pouh.

16 Solomon ni BAWIPA im hanelah a sak e khom kahni touh hoi rahum tuiim hoi rahum pâhungnae amkhong, rahum a ri e teh panue thai hanelah aw m hoeh.

17 Khom ka rasang poung e teh dong 18 touh a pha teh, a som vah rahum khom pasum e ao. Hate rahum khom pasum e teh dong 3 touh a rasang, rahum khom pasum e dawk rahum em hoi, rahumnaw hoi akawi. Alouke khomnaw hai hottelah ao teh, rahum emnaw hoi akawi.

18 Karingkungnaw kahrawikung ni vaihma bawi Seraiah hoi vaihma Zephaniah hoi tho ka ring e kathum touh a man.

19 Taran ka tuk e ransabawi buet touh hoi siangpahrang ouk a kâhmonae khopui dawk hmu e 5 touh hoi cakathutkung hoi khopui thung hmu e naw hah ram thung e 60 touh hoi khopui thung hoi a man aw h.

20 Karingkungnaw kahrawikung Nebuzaradan ni Riblah hoi Babilon siangpahrang koevah a ceikhai.

21 Babilon siangpahrang ni Hamath ram e Riblah vah a thei aw h. Hahoi teh, Judahnaw teh a ram dawk hoi san lah a hrawi aw h.

Judah bawi Gedaliah

22 Hahoi Babilon siangpahrang Nebukhadnezar ni, Judah ram a ta e tami thung dawk Shaphan capa, Ahikam capa Gadaliah hah bawi lah a ta aw h.

23 Hahoi teh, ransa kahrawikungnaw pueng hoi a kut rahim e naw ni Babilon siangpahrang ni, Gadaliah teh bawi lah a sak toe tie a panue aw h toteh, Mizpah vah Gadaliah koevah a cei aw h. Hotnaw teh, Nathaniah capa Ishmael, Kareah capa Johanan, Netophah tami Tanhummeth capa Seraiah, Maakath capa Jaazaniah hoi a kut rahim e naw doeh.

24 Gedaliah ni hote taminaw hoi a taminaw koevah, lawkkamnae a sak teh ahnimouh koe Khaldeannaw e san lah o hanelah taket hanh aw h. Het ram dawk ma pou aw m aw h. Babilon siangpahrang kâ ngainae rahim vah aw m aw h nateh, namamouh hane kahawi han atipouh.

25 Hatei thapa yung 7 nah, siangpahrang catoun Elishama capa Nathaniah capa Ishmael ni tami 10 touh a ceikhai teh, Gedaliah teh Mizpah e Judahnaw koe kaawm e Khaldean taminaw hoi a tuk aw h teh be a thei aw h.

26 Hottelah taminaw pueng kalen, kathoung ransabawinaw hoi a tâco teh, Izip ram vah a cei aw h. Bangkongtetpawiteh, Khaldean taminaw, a taki aw h dawk doeh.

Jehoiakhin thongim hoi a hlout

27 Hahoi Jehoiakhin san lah a onae kum 37, thapa 12, hnin 27 nah Babilon siangpahrang, Evilmerodak ni a bawinae kum nah Judah siangpahrang Jehoiakhin teh, thongim thung hoi a hlout sak.

28 Kahawicalah kho a pouk teh Babilon vah ahni koe kaawm e siangpahrangnaw hlak ka rasang poung e tungkhung a poe.

29 Jehoiakhin teh, thongim a bonae khohna a kâhung teh a hringyung thung pueng siangpahrang hmalah a ca a nei.

30 A hringyung thung hnintangkuem a ca hanelah siangpahrang ni a poe teh a coe sak.

1 SETOUKNAE

(The First Book of the Chronicles)

Adam koehoi Abraham totouh

- ¹ Adam, Seth, Enosh,
- ² Kenan, Mahalalel, Jared,
- ³ Enok, Methuselah, Lamek,
- ⁴ Noah, Shem, Ham, hoi Japheth.
- ⁵ Japheth capanaw teh: Gomer, Magog, Madai, Javan, Tubal, Meshek hoi Tiras.
- ⁶ Gomer capanaw teh: Ashkenaz, Riphath hoi Togarmah.
- ⁷ Javan capanaw teh: Elishah, Tarshish, Kittim hoi Rodanim.
- ⁸ Ham capanaw teh: Kush, Mizraim, Put hoi Kanaan.
- ⁹ Kush capanaw teh: Seba, Havilah, Sabtah, Raamah hoi Sabteka. Raamah capanaw teh: Sheba hoi Dedan.
- ¹⁰ Kush ni Nimrod a sak teh ahni teh talai van dawk athakaawme kantawng pasuek e lah ao.
- ¹¹ Mizraim ni Ludim, Anamim, Lehabim, Naptuhim a sak.
- ¹² Pathrusim, Kasluhim teh Philistin hoi Kaphthorim tâconae lah ao.
- ¹³ Kanaan ni a camin Sidon hoi Kheth,
- ¹⁴ Jebusit, Amor, Girgashite,
- ¹⁵ Khivee, Arkit hoi Sinit,
- ¹⁶ Arvad, Zemarit hoi Hamathite naw hah a khe.
- ¹⁷ Shem capanaw teh: Elam hoi Assyria, Arphaxad hoi Lud, Aram hoi Uz, Hul, Gether hoi Meshek.
- ¹⁸ Arphaxad ni Shelah hah a khe teh Shelah ni Eber a khe.
- ¹⁹ Eber ni capa kahni touh a khe, buet touh e min teh Peleg doeh. Bangkongtetpawitoh, hatnae se nah talai a kârei aw h e lah ao. A nawnggha e min teh Joktan doeh.
- ²⁰ Joktan ni Almodad hoi Sheleph, Hazarmaveth hoi Jerah,
- ²¹ Hadoram, Uzal, Diklah,
- ²² Ebal, Abimael, Sheba,
- ²³ Ophir, Havilah hoi Jobab. Hetnaw pueng teh Joktan e capanaw doeh.
- ²⁴ Shem, Arphaxad, Shelah,
- ²⁵ Eber, Peleg, Reu,
- ²⁶ Serug, Nahor, Terah,
- ²⁷ Abram heh Abraham doeh.

Abraham Catounnaw

- ²⁸ Abraham capanaw teh Isak hoi Ishmael doeh.
- ²⁹ Hetnaw teh Ishmael casaknaw doeh. Ishmael e camin teh Nebaioth doeh. Hahoi, Kedar, Adbeel hoi Mibsam,
- ³⁰ Mishma, Dumah, Massa, Hadad, Tema,
- ³¹ Jetur, Naphish hoi Kedemah. Ahnimanaw teh Ishmael casaknaw doeh.
- ³² Abraham e ado Keturah ca sak naw teh Zimran hoi Jokshan, Medan hoi Midian, Ishbak hoi Shuah, Jokshan casak teh Sheba hoi Dedan.
- ³³ Midian casak teh Ephah, Epher, Enok, Abida hoi Eldaah. Hetnaw teh Keturah casaknaw doeh.
- ³⁴ Abraham ni Isak a sak. Isak casaknaw teh, Esaw hoi Isarel.

³⁵ Esaw casaknaw teh Eliphaz, Reuel, Jeush, Jalam hoi Korah.

³⁶ Eliphaz casaknaw teh, Teman, Omar, Zepho, Gatam, Kenaz, Timna hoi Amalek.

³⁷ Reuel casaknaw teh, Nahath, Zerah, Shammah hoi Mizzah.

Seir imthung

³⁸ Seir casaknaw teh: Lotan, Shobal, Zibeon, Anah, Dishon, Ezer hoi Dishan.

³⁹ Lotan casaknaw teh: Khori, Homam hoi Lotan tawncanu Timna.

⁴⁰ Shobal casaknaw teh: Alvan, Manahath, Ebal, Shepho hoi Onam. Zibeon casaknaw teh: Aiah hoi Anah.

⁴¹ Anah casaknaw teh: Dishon. Dishon casaknaw teh: Hamran, Eshban, Ithran hoi Keran.

⁴² Ezer casaknaw teh: Bilhan, Zaavan, Jaakan. Dishon casaknaw teh: Uz hoi Aran.

Edom siangpahrangnaw

⁴³ Isarel catounnaw dawc siangpahrang ao hoehnahlan vah, Edom ram e siangpahrangnaw teh, Beor capa Bela ao teh a khopui min teh Dinnabah doeh.

⁴⁴ Bela a due hnukkhu teh Bozrah koehoi Zerah capa Jobab teh ahni yueng lah a uk.

⁴⁵ Jobab a due hnukkhu ahni yueng lah Temani ram dawc hoi Husham ni a uk.

⁴⁶ Husham a due hnukkhu ahni yueng lah Moab ram vah Midian ka thet e Bedad capa Hadad ni a uk. A khopui min teh Avith doeh.

⁴⁷ Hadad a due hnukkhu ahni yueng lah Masrekah hoi Samlah ni a uk.

⁴⁸ Samlah a due hnukkhu teh ahni yueng lah Rehoboth palang hoi Sawl ni a uk

⁴⁹ Sawl a due hnukkhu teh ahni yueng lah Akbor capa Baalhanan ni a uk.

⁵⁰ Baalhanan a due hnukkhu ahni yueng lah Hadad a bawi. A khopui min teh Pau doeh, a yu min teh Mezahab napui Matred canu Mehetabel doeh.

⁵¹ Hadad a due hnukkhu Edom khobawi lah kaawmnaw teh, khobawi Timna, khobawi Alvah, khobawi Jetheth,

⁵² khobawi Oholibamah, khobawi Elah, khobawi Pinon,

⁵³ khobawi Kenaz, khobawi Teman, khobawi Mibzar,

⁵⁴ khobawi Magdiel, khobawi Iram hetnaw teh Edom khobawi lah ao.

2

Isarel imthung

¹ Isarel imthung hateh Reuben, Simeon, Levih, Judah, Issakhar hoi Zebulun,

² Dan, Joseph, Benjamin, Naphtali, Gad hoi Asher.

Judah catoun

³ Judah casaknaw teh: Er, Onan hoi Shelah. Hate kathum touh teh Kanaan napui Bathshua hoi a sak e naw doeh. Er teh Judah e camin lah ao ei, BAWIPA mithmu vah tamikathout lah ao dawkvah a due sak.

⁴ A langa Tamar ni hai ahni hanlah Perez hoi Zerah a khe pouh dawkvah, Judah casaknaw teh heh abuemlah panga touh a pha awh.

⁵ Perez casaknaw teh: Khetsron hoi Hamul.

6 Zerah casaknaw teh: Zimri, Ethan, Heman, Khalkol hoi Dara hoi abuemlah panga touh a pha awh.

7 Karmi casak teh Akhar doeh. Isarelnaw runae ka poe e, thoebo e ka parawt e Akhan doeh.

8 Ethan casak Azariah.

9 Khetsron casak Jerahmeel ni ahni hanlah Ram hoi Khelubai a sak pouh.

10 Ram ni Amminadab a sak. Amminadab ni Judah casak khobawi Nahshon a sak.

11 Nahshon ni Salma hah a sak teh Salma ni Boaz hah a sak.

12 Boaz ni Obed a sak teh Obed ni Jesi a sak.

13 Jesi ni a camin Eliab a sak. Apâhni lah Abinadab, apâthum lah Shimea,

14 apali nah Nethanel, apanga nah Raddai,

15 ataruk nah Ozem, asari nah Devit a sak.

16 A tawncanu hai ao teh Zeruiah hoi Abigail heh a tawncanu doeh. Zeruiah casak Abishai, Joab, Asahel hoi kathamouh a pha awh.

17 Abigail ni Amasa a sak. Amasa na pa teh Ishmael Jether doeh.

18 Khetsron capa Kaleb ni a yu Azubah hoi Jerioth koehoi ca a sak. Ahnie canaw teh: Jeshur, Shobab hoi Ardon.

19 Azubah a due hoi Kaleb ni Epharath hah ama koe a la teh ahni hanlah Hur a sak pouh.

20 Hur ni Uri hah a sak teh Uri ni Bezalel a sak.

21 Hahoi Khetsron ni Gilead tami Makhir canu a ikhai teh, Khetsron hah a la teh kum 60 a pha toteh, Khetsron hanlah Segub a sak pouh.

22 Segub ni Jair a sak teh Gilead ram e khopui 23 touh hah ahnie lah ao.

23 Hatei, Geshur, Aram khocanaw hoi Jair, hotnaw thung hoi Kenath hoi a khotenaw, khopui 60 touh a la sin. Hotnaw pueng teh Gilead na pa Makhir casaknaw e doeh.

24 Hahoi Khetsron teh Kalebephratha kho dawk a due. Khetsron yu Abijah ni ahni hanlah Tekoa na pa Ashhur a sak pouh.

25 Khetsron e camin Jerahmeel casaknaw a camin Ram hoi Bunah, Oren hoi Ozem hoi Ahijah naw doeh.

26 Jerahmeel teh a yu bout a la teh, a min teh Onam manu Atarah doeh.

27 Jerahmeel camin Ram casaknaw teh Maaz, Jamin hoi Eker naw doeh.

28 Onam casak teh Shammai hoi Jada lah ao teh Shammai casak teh Nadab hoi Abishur lah ao.

29 Abishur e yu min teh Abihail doeh, ahni ni Ahban hoi Molid a sak pouh.

30 Nadab casak teh Seled hoi Appaimnaw doeh, Seled teh ca sak laipalah a due.

31 Appaim casak teh Ishi, Ishi casak teh Sheshan, Sheshan casak teh Ahlai.

32 Shammai e nawnggha Jada casak teh Jether hoi Jonathan lah a o, Jether teh ca sak laipalah a due.

33 Jonathan casak teh Peleth, Zaza. Hetnaw teh, Jerahmeel casak lah ao awh.

34 Sheshan teh ca tongpa awm hoeh, napuinaw dueng doeh kaawm. Sheshan koevah, Izip san, a min lah Jarha ao.

35 Sheshan ni a canu teh a san Jarha koevah a yu lah a poe dawkvah ahni hanlah Attai a sak pouh.

36 Attai ni Nathan a sak teh Nathan ni Zabad a sak.

37 Zabad ni Ephlal a sak teh Ephlal ni Obed a sak.

- 38 Obed ni Jehu a sak teh Jehu ni Azariah a sak.
 39 Azariah ni Helez a sak teh Helez ni Eleasah a sak.
 40 Eleasah ni Sismai a sak teh Sismai ni Shallum a sak.
 41 Shallum ni Jekamiah a sak teh Jekamiah ni Elishama a sak.
 42 Jerahmeel nawngaha Kaleb casak Ziph na pa Mesha hah a camin teh
 Mareshah casak Hebron na pa lah ao.
 43 Hebron casak teh Korah, Tappuah, Rekem hoi Shema doeh.
 44 Shema ni Jorkeam na pa Raham a sak teh Rekem ni Shammai a sak.
 45 Shammai casak Moan doeh, Maon teh Bethzur na pa doeh.
 46 Kaleb e ado Ephah ni Haran, Moza hoi Gazez a sak. Haran ni Gazez a
 sak.
 47 Jahdai casak teh Regem, Jotham, Geshan, Pelet, Ephah hoi Shaaph
 doeh.
 48 Kaleb e ado Maakah ni Sheber hoi Tirhannah a sak.
 49 Madmannah na pa Shaaph, Makhbena na pa Sheva hoi Gibe a na pa
 hai a sak. Aksah heh Kaleb canu doeh.
 50 Hetnaw heh Kaleb casak lah ao awh. Hur casak a camin lah Epharath
 lah ao teh, Kiriathjearim na pa Shobal.
 51 Bethlehem na pa Salma, Bethgader na pa Hareph hai ao.
 52 Kiriathjearim na pa Shobal casak thung hoi Manahati tangawn,
 Haroehnow hai ao rah.
 53 Kiriathjearim casak dawkvah Ithrite hoi Puthit, Shumati, Mishraitinaw
 ao awh teh, hetnaw koehoi Zorath hoi Eshtaol lah a tâco.
 54 Salma casak Bethlehem, Netophah, Atrothbethjoab hoi Manahati
 tangawn Zorithnaw hah doeh.
 55 Cakathukungnaw casak lah kaawm e teh Jabez, Tirathites, Shimeathi
 hoi Shukathi doeh. Hetnaw heh Rekhav imthung e a na pa Khammath
 koehoi ka tâcawt e Keninaw doeh.

3

Devit imthung

- 1 Hetnaw heh Devit casaknaw lah ao awh. Ahni hanlah Hebron vah
 Jezreel Ahinoam ni a camin Amnon a sak pouh. Apâhni lah Karmel Abigail
 ni Daniel a sak pouh.
 2 Apâthum nah siangpahrang Geshur Talmai canu Maakah capa Absa-
 lom, apali nah Haggith capa Adonijah.
 3 Apanga nah Abital capa Shephatiah, ataruk nah a yu Eglah capa
 Ithream,
 4 Hebron vah hete capa taruk touh heh a sak toe. Hawvah, kum sari
 touh hoi thapa yung taruk touh a uk teh, Jerusalem vah kum 33 touh a uk.
 5 Jerusalem vah a sak e naw teh: Shimea, Shobab, Nathan, Solomon naw
 doeh. Ammiel canu Bathshua hoi pali touh a sak.
 6 Hathnukkhu, Ibar, Elishama hoi Eliphelet,
 7 Nogah, Nepheg hoi Japhia.
 8 Elishama, Eliada hoi Eliphelet, tako touh a pha awh.
 9 Hetnaw pueng teh Devit casaknaw doeh, adonaw e casaknaw hai ao
 rah. Hahoi Tamar teh ahnimae tawncanu doeh.

Judah siangpahrangnaw

- 10 Solomon casaknaw teh: Rehoboam, Rehoboam capa Abijah, Abijah
 capa Asa, Asa capa Jehoshaphat.
 11 Jehoshaphat capa Joram, Joram capa Ahaziah, Ahaziah capa Joash,

- 12 Ahaziah capa Amaziah, Amaziah capa Azariah, Azariah capa Jotham.
 13 Jotham capa Ahaz, Ahaz capa Hezekiah, Hezekiah capa Manasseh.
 14 Manasseh capa Amon, Amon capa Josiah.
 15 Josiah casak teh a camin he Johanan, apâhni lah Jehoiakim, apâthum lah Zedekiah, apali lah Shallum.
 16 Jehoiakim casaknaw dawk, Jehoiakim capa Jekoniah, Jekoniah capa Zedekiah.

Devit catounnaw

- 17 San lah kaawm e Jekoniah casak dawk, Jekoniah capa Shealtiel.
 18 Malkiram, Pedaiah, Shenazzar, Jekamiah, Hoshama hoi Nedabiah.
 19 Pedaiah casak teh Zerubbabel hoi Shimei, Zerubbabel casak teh Meshullam hoi Hananiah hoi a tawncanu Shelomith.
 20 Hashubah hoi Ohel, Berekhiah hoi Hasadiah, Jushabhesed hoi panga touh a pha awh.
 21 Hananiah casak teh Pelatiah hoi Isaiah, Rephaiah casak, Arnon casak, Obadiah casak, Shekaniah casak.
 22 Shekaniah casak teh Shemaiah, Shemaiah casak teh Hattush, Igal, Bariah, Neariah, Shaphat hoi taruk touh a pha awh.
 23 Neariah casak teh Elioenai, Hezekiah, Azrikam hoi kathum touh a pha awh.
 24 Apâthum e Elioenai casak koehoi Hodaviah, Eliashib, Pelaiah, Akkub, Johanan, Delaiah, Anani hoi sari touh a pha awh.

4

Judah casak

- 1 Judah casak teh Perez, Khetsron, Karmi, Hur, Shobal.
 2 Shobal capa Reaiah ni Jahath a sak. Jahath ni Ahumai hoi Lahad a sak. Hetnaw teh Zorath e casaknaw doeh
 3 Etam na pa e canaw teh Jezreel, Ishma hoi Idbash doeh, a tawncanu min teh Hazzeleponi doeh.
 4 Gedor na pa Penuel hoi Hushah na pa Ezer. Hetteh Bethlehem na pa Epharath e camin Hur casak doeh.
 5 Tekoa na pa Ashhur heh a yu kahni touh, Helah hoi Naarah a tawn.
 6 Ahni hanlah Naarah ni Ahuzzam, Hephher, Temeni, Haahashtari a sak pouh. Hetnaw heh Naarah casak lah ao.
 7 Helah casaknaw teh: Zereth, Zohar hoi Ethan.
 8 Koz ni Anub hoi Zobebah a sak teh Harum capa Aharhel casak lah ao.
 9 Telah ao navah, Jabez teh a hmaunawngghanaw thung dawk minhmai khet e tami lah ao. A manu ni reithai nalaihoi ka khe e doeh ati teh, a min teh Jabez a phung.
 10 Jabez teh Isarel Cathut koevah, Yawhawi na poe roeroe haw, ka ram teh kaw sak haw, na kut hoi na awmkhai nateh, lungmathoenae kai koe a pha hoeh nahanelah, yonnae thung hoi na hlout sak haw, telah a hram teh, ahni ni a hei e hah a poe.
 11 Shuhah e a nawngaha Kelub ni Eshton na pa Mehira a sak.
 12 Eshton ni Bethrapha, Paseah, Nahash khopui na pa Tehinah a sak. Hetnaw heh Rekah taminaw doeh.
 13 Kenaz casaknaw teh: Othniel, Seraiah. Othniel casak teh Hathath.
 14 Meonothai ni Ophrah a sak teh Seraiah ni Gekharashim na pa Joab a sak.

¹⁵ Jephunneh capa Kaleb casak teh Iru, Elah hoi Naam, Elah e capa teh Kenaz doeh.

¹⁶ Jehallelel casak teh Ziph, Ziphah, Tiria hoi Asarel.

¹⁷ Ezrah casak teh Jether, Mered, Epher, Jalon doeh. Miriam ni Shammai hoi Eshtemoa na pa Ishbah a khe pouh.

¹⁸ Ahnie yu Jehudijah ni Gedor na pa Jered, Sokoh na pa Heber, Zanoah na pa Jekuthiel a sak. Hetnaw teh Mered ni a la e Faro canu Bithiah canaw doeh.

¹⁹ Hodiah yu casak teh Karmi Keilah na pa Naham tawncanu hoi Maakath Eshtemoa doeh.

²⁰ Shimon casak teh Amnon, Rinnah, Benhanan, Tilon. Ishi casak teh Zoheth hoi Benzoheth.

²¹ Judah capa Shelah casak teh Lekah na pa Er, Mareshah na pa Laadah doeh. Ashbe imthung dawk teh loukloukkaang e lukkarei ka sak thai e hai ao.

²² Jokim hoi Kozeba tami hoi Joash, Moab vah yu ka lat e Seraph hoi Jashubilehem. Palang thut e naw doeh.

²³ Hetnaw teh Netaim hoi Gederah vah kho ka sak e hlaam ka bo e naw doeh, siangpahrang koe tawngtang kho a sak awh.

Simeon caksak

²⁴ Simeon casak teh Nemuel, Jamin, Jarib, Zerah, Sawl.

²⁵ Sawl capa Shallum, Shallum capa Mibsam, Mibsam capa Mishma.

²⁶ Mishma casak lah, Mishma capa Hammuel, Hammuel capa Zakkur, Zakkur capa Shimei.

²⁷ Shimei te capa hlaitaruk touh hoi canu taruk touh ao awh ei, a hmaunawngghanaw teh ca moi tawn awh hoeh. Hatdawkvah, ahnimae canaw pueng teh Judah casak patetlah la pung awh hoeh.

²⁸ Beersheba, Moladah, Hazarshual,

²⁹ Bilhah, Ezem, Tolad,

³⁰ Bethuel, Hormah, Ziklag,

³¹ Bethmarkaboth, Hazarsusim, Bethbiri, Shaaraim vah kho a sak awh. Hetnaw heh Devit a bawi nah totouh ahnimae khopui lah ao.

³² Ahnimae khotenaw teh Etam, Ayin, Rimmon, Tokhen, Ashan hoi kho panga touh.

³³ Ahnimae khote pueng teh khopui tengpam vah Baal totouh ao awh. Hetnaw teh khosaknae lah ao awh teh, a napanaw e konglam thut e hai a tawn awh.

³⁴ Meshobab, Jamlekh hoi Amaziah capa Joshah.

³⁵ Joel hoi Asiel casak Seraiah, Joshibiah capa Jehu.

³⁶ Elieonai, Jaakobah, Jeshohaiyah, Asaiah, Adiel, Jesimiel hoi Benaiah.

³⁷ Shiphi capa Ziza, Allon capa Shiphi, Jedaiah capa Allon, Shimri capa Jedaiah, Shemaiah capa Shimri.

³⁸ Hete a min kaawm e naw teh casaknaw ka hrawi e lah ao teh, imthung teh moikapap a kamphung awh.

³⁹ Ahnimanaw teh Gedor kâennaeh tanghling kanitholah totouh saringnaw pâ nahane tawng hanelah a cei awh.

⁴⁰ Saringnaw pâ nahane, hram ca hane kahawipoung e ram lah a hmu awh. A ram a kaw teh karoumcalah onae hmuen lah ao. Hmaloe la kaawm e teh Ham catounnaw doeh.

⁴¹ Hetteh Judah siangpahrang Hezekiah tue navah a min hoi a thut e naw doeh kamnuek. Hatnavah, ahnimae rimnaw hoi Mehunimnaw teh

a thei awh teh atu totouh hote hmuen koe ao awh. Bangkongtetpawiteh, saringnaw a pâ nahanlah ao dawkvah.

⁴² Simeon casak tami 500 touh hane Seir mon dawk a luen awh. Hatnavah Ishi canaw Pelatiah, Neariah, Rephaiah hoi Uzziel tinaw teh a lû lah ao awh.

⁴³ Amalek miphun, ka yawng e naw dawk hoi kaawm e naw hah a tâ awh teh, atu totouh kho a sak sin awh.

5

Reuben casak

¹ Isarel e camin teh Reuben e capanaw katang doeh. Hateiteh, a na pa e ikhun a khin sak dawkvah, camin lah a onae hah Isarel e capa Joseph e capanaw koe poe e lah ao. Hatdawkvah, setouknae dawc camin lah a onae hah pakhum e lah awm hoeh.

² Judah teh a hmaunawngghanaw hlak a tha a sai teh, ahni dawc hoi kaukung a tâco. Camin lah a onae teh Joseph ni a coe.

³ Isarel camin Reuben e casaknaw teh Hanok, Pallu, Hezron hoi Karmi.

⁴ Joel casak teh, a capa Shemaiah, Shemaiah capa Gog, Gog capa Shimei.

⁵ Shimei capa Maikah, Mikah capa Reaiah, Reaiah capa Baal.

⁶ Baal capa Beerah. Ahni teh Reuben e khobawi lah ao eiteh, Assyria siangpahrang Tiglathpileser ni san lah a hrawi.

⁷ Amae a nawngaha Jeiel hoi Zekhariah, ahnimouh roi teh ca catoun separuinae pakhumnae dawkvah, imthungnaw kahrawikung lah ao.

⁸ Azaz capa Bela, Shema capa Azaz, Joel capa Shema ni Aroer hoi Nebo Baalmeon fotouh kho a sak.

⁹ Kanitholah Euphrates palang hoi kahrawng thung kâennaeh totouh, a coe awh. Bangkongtetpawiteh, Gilead ram dawc saringnaw hah a pungdaw toe.

¹⁰ Sawl se navah Hagri miphunnaw hoi a kâtuk awh teh, Gilead kanitholah totouh, rimnaw dawc kho a sak awh.

Gad casak

¹¹ Gad e casaknaw teh avangvanglah Bashan ram dawc Salkah totouh ao awh.

¹² Bashan vah a lû lah Joel, apâhni lah Shapham, Janai hoi Shaphat tinaw doeh.

¹³ A na pa imthung hoi a hmaunawngghanaw Michael, Meshullam, Sheba, Jorai, Jakhana, Zia, Eber hoi sari touh a pha awh.

¹⁴ Hetnaw teh Huri capa Abihail e capanaw doeh. Ahni teh Jaorah capa doeh. Gilead capa, Michael capa, Jeshishai capa, Jahdo capa, Buz capa lah ao.

¹⁵ Guni capa, Abdiel capa, Ahni teh imthung kahrawikung lah ao.

¹⁶ Hatdawkvah, Gilead hoi Bashan khotenaw tenggam e ram pueng khori totouh kho a sak awh.

¹⁷ Hote hnonaw pueng teh, Judah siangpahrang Jotham e se hoi Isarel siangpahrang Jeroboam e se teh setouknae dawc thut lah ao toe.

¹⁸ Reuben casak, Gad casak, hoi Manasseh miphun tangawn dawc hoi tarankahawinaw, bahling, tahloi ka patuem thai e naw, likathoumnaw, taran ka tuk thai e naw 44, 760 touh a pha awh.

¹⁹ Hatnavah, Hagri, Jetur, Naphish hoi Nodabnaw hoi a kâtuk awh.

²⁰ Kâtuk nahaiyah Cathut koe a hram aw h teh, ama a kâuep aw h dawkwah, ahnimouh teh a kabawp aw h. Hatdawkwah, Hagrinar hoi ahnimouh koe kaawm e abuemlah a kut daw hoi a rungngang aw h.

²¹ Saringnaw a man pouh aw h teh, kalauk 50000, tu 250000, hoi la 2000 hoi tami 100000 a la aw h.

²² Tarantuknae teh Cathut e lah ao dawkwah, tami moikapap a due aw h. San toung totouh a onae hmuen koe ao aw h.

Manasseh miphun tangawn

²³ Manasseh miphun tangawn teh, haw e ram daw k kho a sak aw h. Bashan hoi Baalhermon hoi Senir hoi Hermon mon totouh tami teh a pungdaw aw h.

²⁴ Hetnaw heh a imthungnaw kahrawikung lah a o: Epher, Ishi, Eliel, Azriel, Jeremia, Hodaviah, Jahdiel. Ahnimanaw teh tami a thakaawme, min kamthang e, imthung kahrawikung lah ao aw h.

²⁵ Mintoenaw e Cathut koe yuemkamcu aw h hoeh dawkwah, ahnimae hmaitung Cathut ni a raphoe teh, hote ram daw k e cathutnaw koe a kâyo aw h.

²⁶ Hottelah Isarel Cathut ni Assiria siangpahrang Pul, Assiria siangpahrang Tiglathpileser e lungthin a tho sak teh, Reuben hoi Gad, Manasseh miphun tangawn hah san lah a man aw h teh, Halah, Habor, Hara tinaw hah Gozan palang a ceikhai aw h teh atu totouh ao aw h.

6

Levih casak

¹ Levih casaknaw teh: Gershon, Kohath hoi Merari.

² Kohath casaknaw teh: Amram, Izhar, Hebron hoi Uzziel.

³ Amram casaknaw teh: Aron, Mosi hoi Miriam. Aron casaknaw teh: Nadab, Abihu, Eleazar hoi Ithamar.

⁴ Eleazar ni Phinehas a sak teh Phinehas ni Abishua a sak.

⁵ Abishua ni Bukki a sak teh Bukki ni Uzzi a sak.

⁶ Uzzi ni Zerayah a sak, Zerayah ni Meraioth a sak.

⁷ Meraioth ni Amariah a sak, Amariah ni Ahitub a sak.

⁸ Ahitub ni Zadok a sak, Zadok ni Ahimaaz a sak.

⁹ Ahimaaz ni Azariah a sak, Azariah ni Johanan a sak.

¹⁰ Johanan ni Azariah a sak. Ahni teh Solomon ni Jerusalem vah a sak e im daw k vaihma thaw a taw k.

¹¹ Azariah ni Amariah a sak teh Amariah ni Ahitub a sak.

¹² Ahitub ni Zadok a sak teh Zadok ni Shallum a sak.

¹³ Shallum ni Hilkiyah a sak teh Hilkiyah ni Azariah a sak.

¹⁴ Azariah ni Seraiah a sak teh Seraiah ni Jehozadak a sak.

¹⁵ BAWIPA ni Judah hoi Jerusalem teh, Nebukhadnezar kut daw k a poe navah, Jehozadak hai a cei.

¹⁶ Levih casaknaw teh: Gershom, Kohath hoi Merari.

¹⁷ Gershom casaknaw e min teh, Libni hoi Shimei.

¹⁸ Kohath casaknaw teh: Amram, Izhar, Hebron hoi Uzziel.

¹⁹ Merari casaknaw teh: Mahli, Mushi naw doeh. Hetnaw teh Levih casaknaw e napanaw doeh.

²⁰ Gershom casaknaw teh: Gershom capa Libni, Libni capa Jahath, Jahath capa Zimmah.

²¹ Zimmah capa Joah, Joab capa Iddo, Iddo capa Zerah, Zerah capa Jeatherai.

²² Kohath casaknaw teh: Kohath capa Amminadab, Amminadab capa Korah, Korah capa Assir.

²³ Assir capa Elkanah, Elkanah capa Ebiasaph, Ebiasaph capa Assir.

²⁴ Assir capa Tahath, Tahath capa Uriel, Uriel capa Uzziah, Uzziah capa Sawl.

²⁵ Elkanah casaknaw teh: Amasai hoi Ahimoth.

²⁶ Ahimoth capa Elkanah, Elkanah casaknaw teh: Elkanah capa Zuph, Zuph capa Nahath.

²⁷ Nahath capa Eliab, Eliab capa Jeroham, Jeroham capa Elkanah.

²⁸ Samuel casaknaw teh: a camin Joel, apâhni e teh Abijah doeh.

²⁹ Merari casaknaw teh: Mahli capa Libni, Libni capa Shimei, Shimei capa Uzzah.

³⁰ Uzzah capa Shimea, Shimea capa Haggiah, Haggiah capa Asaiah.

La kahrawikungnaw

³¹ Hetnaw teh lawkkam thingkong a ta hnukku, BAWIPA e im dawkkahrawikung hanelah Devit ni a ta e naw lah ao.

³² Solomon ni Jerusalem BAWIPA im a sak hoehroukrak, kamkhuengnae lukkareim dawkkah hoi thaw a tawkkah awh. A huhu lahoi thaw tawkkah a kâhlai awh.

³³ Hotnaw teh thaw katawknaw lah ao awh. A canaw hoi Kohath catounnaw teh la ka sak e Heman doeh.

³⁴ Elkanah capa Samuel, Jeroham capa Elkanah, Eliel capa Jeroham, Toah capa Eliel.

³⁵ Zuph capa Toa, Elkanah capa Zuph, Mahath capa Elkanah, Amasai capa Mahath.

³⁶ Elkanah capa Amasai, Joel capa Elkanah, Azariah capa Joel, Zephaniah capa Azariah.

³⁷ Tahath capa Zephaniah, Assir capa Tahath, Ebiasaph capa Assir, Korah capa Ebiasaph.

³⁸ Izhar capa Korah, Kohath capa Izhar, Levih capa Kohath, Isarel capa Levih.

³⁹ A hmaunawnggha e aranglah ka tahung e Asaph, Berekhiah capa Asaph, Shimea capa Berekhiah.

⁴⁰ Michael capa Shimea, Baaseiah capa Michael, Malkhijah capa Baaseiah.

⁴¹ Ethni capa Malkhijah, Zerah capa Ethni, Adaiah capa Zerah.

⁴² Ethan capa Adaiah, Zimmah capa Ethan, Shimei capa Zimmah.

⁴³ Jahath capa Shimei, Gershom capa Jahath, Levih capa Gershom.

⁴⁴ Hahoi avoilah kaawm e hmaunawnggha Merari casak teh: Kishi capa Ethan, Abdi capa Kishi, Malluck capa Abdi.

⁴⁵ Hashabiah capa Malluck, Amaziah capa Hashabiah, Hilkiyah capa Amaziah.

⁴⁶ Amzi capa Hilkiyah, Bani capa Amzi, Shemer capa Amzi.

⁴⁷ Mahli capa Shemer, Mushi capa Mahli, Merari capa Mushi, Levih capa Merari.

Aron casak

⁴⁸ A hmaunawngghanaw thung dawkkah e Levih imthungnaw teh, Cathut onae lukkareim dawkkah thaw ka tawkkah hanelah poe e lah ao awh.

⁴⁹ Aron e casaknaw ni Cathut e san Mosi ni kâ a poe e naw pueng teh, hmuen kathoungpoung koe thaw tawkkah hane a coe awh. Isarelnaw yontha

hanelah sathei hoi hmuitui hah hmaisawi thuengnae khoungroe dawk ouk a poe awh.

⁵⁰ Aron casaknaw teh: Aron capa Eleazar, Eleazar capa Phinehas, Phinehas capa Abishua.

⁵¹ Abishua capa Bukki, Bukki capa Uzzi, Uzzi capa Zerariah.

⁵² Zerariah capa Meraioth, Meraioth capa Amariah, Amariah capa Ahitub.

⁵³ Ahitub capa Zadok, Zadok capa Ahimaaz.

Levii Khohmuen

⁵⁴ Hetnaw teh amamae ram thung a onae hmuen a nepnae koe lengkaleng kho a sak awh. Aron e capa Kohath miphunnaw teh, cungpam a khoe awh e patetlah,

⁵⁵ Judah ram hoi Hebron hoi a tengpam e pueng hah poe e lah ao awh.

⁵⁶ Hateiteh, khopui hoi a tengpam e ramnaw hoi khotenaw teh Jephunneh e capa Kaleb hah a poe awh.

⁵⁷ Aron capanaw teh, kângue e khopui, Hebron, Libnah hoi a tengpam hai, Jattir hoi Eshtemoa tengpam e khonaw hai.

⁵⁸ Hilan tengpam e khonaw hai, Debir tengpam e khonaw hai.

⁵⁹ Ashan tengpam e khonaw, Bethshemesh tengpam e khonaw hai.

⁶⁰ Benjamin miphunnaw thung dawk hoi Geba hoi tengpam e khonaw, Alemeth tengpam hoi khonaw hai. Anathoth tengpam e khonaw hai a poe awh. A miphunnaw koe a poe awh e khonaw teh, kho 13 touh a pha.

⁶¹ Kohath miphun imthungnaw hanelah Manasseh miphun tangawn naw ni a coe awh e dawk hoi khopui 10 touh cungpam a khoe awh teh a poe awh.

⁶² Gershom casaknaw teh, a miphun lahoi Issakhar miphun ni a coe e dawk hoi, Asher miphun a coe e dawk hoi, Naphtali miphun coe e dawk hoi, Manasseh miphun coe e dawk hoi, Bashan ram Manasseh coe e naw dawk hoi khopui 13 touh a poe awh.

⁶³ Merari casaknaw teh: amamae imthung lahoi Reuben coe e dawk hoi, Gad coe e dawk hoi, Zebulun coe e dawk hoi, cungpam khoe e lah kho 12 touh a poe awh.

⁶⁴ Isarel naw ni Levii miphunnaw teh khopui hoi a tengpam e naw hah a poe awh.

⁶⁵ Judah miphun coe e thung dawk hoi, Simeon miphun coe e thung dawk hoi, Benjamin miphun coe e thung dawk hoi, cungpam khoe e lahoi a poe awh.

⁶⁶ Kohath miphun coe e hoi Ephraim miphun coe e khopui hai a coe awh.

⁶⁷ Ephraim mon dawkvah, kângue e khopui Shekhem e tengpamnaw hai a poe awh. Gezer hoi a tengpamnaw hai a poe awh.

⁶⁸ Jokmeam hoi a tengpamnaw hai, Bethhoron hoi a tengpamnaw hai,

⁶⁹ Aijalon hoi a tengpamnaw hai, Gathrimmon hoi a tengpamnaw hai,

⁷⁰ Manasseh miphun tangawn ni coe e thung dawk e Kohath catounnaw hanelah, Aner hoi a tengpamnaw hai, Balaam hoi a tengpamnaw hai, Kohath capa imthung abuemlah hanelah a poe awh.

⁷¹ Manasseh miphun tangawn ni coe e thung dawk hoi Gershom capanaw a poe awh e teh, Ashtaroth hoi a tengpamnaw hai,

⁷² Issakhar miphun coe e Kedesh hoi a tengpamnaw hai, Daberath hoi a tengpamnaw hai,

⁷³ Ramoth hoi a tengpamnaw hai, Anem hoi a tengpamnaw hai

⁷⁴ Asher miphun ni a coe e thung dawk hoi Mashal hoi a tengpamnaw hai, Abdon hoi a tengpamnaw hai,

⁷⁵ Hukkuk hoi a tengpamnaw hai, Rehob hoi a tengpamnaw hai,

⁷⁶ Naphtali miphun ni coe e thung dawk hoi Galilee ram e Kedesh hoi a tengpamnaw hai, Hammon hoi a tengpamnaw hai, Kiriathaim hoi a tengpamnaw hai,

⁷⁷ Zebulun miphun coe e thung hoi Merari e catounnaw abuemlah hanelah Rimmon hoi a tengpamnaw hai, Tabor hoi a tengpamnaw hai,

⁷⁸ Jeriko kho e Jordan tui namran kanitholah Reuben miphun coe e thung dawk hoi Bezer hoi a tengpamnaw hai, Jahzah hoi a tengpamnaw hai,

⁷⁹ Kedemoth hoi a tengpamnaw hai, Mephaath hoi a tengpamnaw hai,

⁸⁰ Gad miphun coe e thung dawk hoi Gilead e Ramoth hoi a tengpamnaw hai, Mahanaim hoi a tengpamnaw hai,

⁸¹ Heshbon hoi a tengpamnaw hai, Jazer hoi a tengpamnaw hai a poe awh.

7

Issakhar casak

¹ Issakhar casaknaw teh: Tola, Puvah, Jashub, Shimron hoi pali touh a pha awh.

² Tola casaknaw teh: Uzzi, Rephaiah, Jeriel, Jahmai, Ibsam hoi Samuel heh a na pa imthung dawk a lû lah ao awh. Tola teh catoun imthung dawk athakaawme lah ao. Devit a hring nah tami 22, 600 touh a pha awh.

³ Uzzi casaknaw teh: Izrahiah, Izrahiah casaknaw teh: Michael, Obadiah, Joel, Isshiah hoi panga touh a pha awh, abuemlahoi a lû lah kung ao awh.

⁴ A imthung milu separeinae lahoi 36, 000 a pha awh. A yucanaw moikapap a tawn awh.

⁵ Issakhar imthungnaw separuinae dawk parei sin e hmaunawngghanaw teh thakaawme tami 87, 000 a pha awh.

Benjamin casak

⁶ Benjamin casaknaw teh: Bela, Bekher, Jediael hoi kathum touh a pha awh.

⁷ Bela casaknaw teh: Ezbon, Uzzi, Uzziel, Jerimoth, Iri hoi panga touh a pha awh. A napanaw imthung dawk a lû lah kaawm e hoi athakaawme tami lah ao awh. Imthung separuinae dawk parei sin e hmaunawngghanaw teh 22, 034 touh a pha awh.

⁸ Bekher casaknaw teh: Zemirah, Joash, Eliezer, Elioenai, Omri, Jerimoth, Abijah, Anathoth hoi Alemeth. Hetnaw teh abuemlahoi Bekher casaknaw doeh.

⁹ Ahnimouh teh imthung separuinae dawk parei sin e patetlah imthung dawk a lû lah kaawm e hoi athakaawme taminaw lah ao awh teh, 20, 200 touh a pha awh.

¹⁰ Jediael casaknaw teh: Bilhan, Bilhan casaknaw teh: Jeush, Benjamin, Ehud, Kenaanah, Zethan, Tarshish hoi Ahishahar.

¹¹ Hetnaw pueng heh a na pa imthung dawkvah, lû lah kaawm e naw hoi a thakaawme taminaw lah ao awh teh 17, 200 touh a pha awh.

¹² Ir casaknaw teh: Shupim hoi Hupim, Aher casak teh Hushim.

Naphtali casak

¹³ Naphtali casaknaw teh: Jahziel, Guni, Jezer, Bilhah casak teh Shallum.

Manasseh casak

¹⁴ Manasseh e ado Aramaih tami ni Asriel hah a sak pouh teh Gilead na pa Makhir hai a sak pouh.

¹⁵ Makhir ni a yu hah Huppim hoi Shuppim tami a yu lah a la. A tawncanu min teh Maakah doeh. Apâhni e min teh Zelophehad. Hatei Zelophehad koehoi ca napuinaw doeh kaawm.

¹⁶ Makhir yu Maakah ni capa a khe teh a min lah Peresh a phung. A nawnggha min teh Sheresh doeh, ahnie ca roi teh Ulam hoi Rekem.

¹⁷ Ulam casak teh Bedan. Hetnaw heh Manasseh capa Makhir e a ca Gilead casaknaw doeh.

¹⁸ A tawncanu Hammoleketh ni Ishhod, Abiezer hoi Mahlah a sak.

¹⁹ Shemida casaknaw teh: Ahian, Shekhem, Likhi hoi Aniam doeh.

Ephraim casak

²⁰ Ephraim casak teh Shuthela doeh. Shuthela capa Bered, Bered capa Tahath, Tahath capa Eleadah, Eleadah capa Tahath.

²¹ Tahath capa Zabad, Zabad casaknaw teh: Shuthela, Ezer hoi Elead. Hote ram daw k ka tâcawt e Gad taminaw ni saringnaw lawp hane a ngai awh dawkvah, a thei awh.

²² A na pa Ephraim ni ahnin moikasawlah a khui. A hmaunawngghanaw ni lungpahawi hanelah a tho sin awh.

²³ Hahoi a yu koe a i teh, a yu te camo a vawn. Capa a khe pouh toteh a imthung daw k yawthoe a kâhmo dawkvah a min teh Beriah a phung.

²⁴ Ahnie canu teh Sheerah doeh, atunglah kaawm e Bethhoron kho hoi akalaha kaawm e Uzzen Sherah kho ka thawng e doeh.

²⁵ Ahnie casaknaw teh: Rephah hoi Resheph doeh. Resheph capa teh, Telah. Telah capa teh Tahan.

²⁶ Tahan capa Ladan, Ladan capa Ammihud, Ammihud capa Elishama.

²⁷ Elishama capa Nun, Nun capa Joshua.

²⁸ A coe awh e hoi a khosaknae teh, Bethel hoi khotenaw hoi kanîtholae Naaran, kanîloumlae Gezer hoi khotenaw, Shekhem hoi khotenaw, Ai hoi khotenaw koe totouh.

²⁹ Manasseh casaknaw khori lungui vah, Bethshean hoi khotenaw, Taanakh hoi khotenaw, Megiddo hoi khotenaw, Dor hoi khotenaw heh Isarel capa Joseph casaknaw ni hawvah kho a sak awh.

Asher casaknaw

³⁰ Asher casaknaw teh: Imnah, Ishua, Ishvi, Beriah hoi a tawncanu Serah.

³¹ Beriah casaknaw teh: Heber, Birzaith na pa Malkhiel hoi Birzaith.

³² Heber ni Japhlet, Shomer, Hotham hoi a tawncanu Shua a sak.

³³ Japhlet casak Pasakh, Bimhal, Ashvath doeh, hetnaw heh Japhlet casaknaw doeh.

³⁴ Shemer casak Ahi, Rohgah hoi Hubbah Rohgah, Hubbah hoi Aram.

³⁵ A hmaunawnggha Helem casaknaw teh: Zophah, Imna, Shelesh hoi Amal.

³⁶ Zophah casak Suah, Harnepher, Shual, Beri hoi Imrah.

³⁷ Bezer, Hod, Shammah, Shilshah, Ithran hoi Beera.

³⁸ Jether casaknaw teh: Jephunneh, Pispah, Ara.

³⁹ Ulla casaknaw teh: Arah, Hanniel hoi Rizia.

⁴⁰ Hetnaw pueng teh Asher dawk hoi imthung dawk lû lah kaawmnaw, thakaawme taminaw doeh. Hottelah imthung separuinae hoi taran ka tuk thai naw parei navah tami 26, 000 touh a pha awh.

8

Benjamin casak

¹ Benjamin ni a camin lah Bela, apâhni lah Ashbel, apâthum lah Aharah a sak.

² Apali lah Nohah, apanga lah Rapha.

³ Bela casak teh: Addar, Gera, Abihud.

⁴ Abishua, Naaman, Ahoah.

⁵ Gera, Shephuphan, Huram doeh.

⁶ Hetnaw teh Ehud capanaw doeh. Geba kho ka sak e imthungnaw kahrawikung lah Manahath kho dawk ngangngang ceisak e naw doeh.

⁷ Naaman, Ahijah, Gera tinaw heh ngangngang ceisak e naw doeh. Ahni ni Uzzah hoi Ahihud hah a sak.

⁸ Shaharaim ni ahnimouh a bansak hnukkhu hoi a yu Hushim hoi Baara ni Moab ram dawk ca catounnaw moi a sak.

⁹ A yu Hodesh koehoi Jobab, Zibia, Mesha, Milkom,

¹⁰ Jeuz, Sakia, Mirmah a sak. Ahnie casaknaw teh napanaw e lû lah ao awh.

¹¹ Hushim koehoi Abitub hoi Elpaal a sak.

¹² Elpaal casak teh: Eber, Misham, Shemmed. Ahni teh Ono, Lod hoi khotenaw kathawngkung lah ao .

¹³ Beriah hoi Shema teh Aijalon vah kho ka sak e napanaw e lû lah ao awh. Ahnimouh roi doeh Gath vah kho ka sak naw hai ka yawng sak.

¹⁴ Hathnukkhu, Ahio, Shashak hoi Jerimoth.

¹⁵ Zebadiah, Arad hoi Eder.

¹⁶ Michael, Ishaph, Beriah casak Joha.

¹⁷ Zebadiah, Meshullam, Hizki hoi Heber.

¹⁸ Ishmerai, Izliah hoi Elpaal casak Jobab tinaw doeh.

¹⁹ Jakim, Zikhri hoi Zabdi.

²⁰ Elienai, Zillethai hoi Eliel.

²¹ Adaiiah, Beriah hoi Shimei casak Shimrath.

²² Ishpan, Eber hoi Eliel.

²³ Abdon, Zikhri hoi Hanan.

²⁴ Hananiah, Elam hoi Anthothijah.

²⁵ Iphdeiah hoi Shashak casak Penuel.

²⁶ Shamsherai, Shehariah hoi Athaliah.

²⁷ Jareshiah, Elijah hoi Jeroham casak Zikhri.

²⁸ Amamae separuinae dawkvah imthung kahrawinaw lah ao awh teh, Jerusalem vah kho a sak awh.

²⁹ Gibeon vah Gibeon na pa ni kho a sak teh a yu min teh Maakah doeh.

³⁰ Ahnie casak teh: a camin teh Abdon doeh, Zur, Kish, Baal hoi Nadab.

³¹ Gedor, Ahio, Zeker.

³² Mikloth ni Shimeah hah a sak. Ahnimouh hai Jerusalem vah a hmaunawngnanaw e teng vah kho a sak awh.

³³ Ner ni Kish a sak, Kish ni Sawl a sak, Sawl ni Jonathan, Malkhishua, Abinadab, Eshbaal a sak.

³⁴ Jonathan casak teh: Meribbaal doeh, Meribbaal ni Maikah a sak.

³⁵ Maikah casak teh: Pithon, Melek, Tarea hoi Ahaz.

³⁶ Ahaz ni Jehoaddah a sak, Jehoaddah ni Alemeth, Azmaveth hoi Zimri a sak. Zimri ni Moza a sak.

³⁷ Moza ni Binea a sak. Binea capa Rapha, Rapha capa Eleasah, Eleasah capa Azel.

³⁸ Azel teh capa taruk touh ao teh, hotnaw e min teh Azrikam, Bokeru, Ishmael, Sheariah, Obadiah, Hanan. Ahnimanaw teh Azel casak seng doeh.

³⁹ A hmaunawngaha Eshek casak lah a camin te Ulam doeh, apâhni e teh Jeush, apâthum e teh Eliphelet.

⁴⁰ Ulam casaknaw teh a thakasai e, tarankahawi e, licung ka patuem thai e naw doeh. A canaw a pungdaw awh teh, a ca catounnaw abuemlah 150 touh a pha awh. Hetnaw pueng teh Benjamin casak seng doeh.

9

Santoungnae

¹ Hahoi teh, Isarelnaw pueng imthung lahoi separuinae teh, Isarel siangpahrangnaw cauk dawkvah a thut awh. Hateiteh, Judah teh yuemkamcu lah ao hoeh dawkvah, Babilon vah san lah a hrawi awh.

² A coe awh e khonaw dawk hmaloe kaawm e naw teh Isarelnaw, vaihmanaw, Levihnaw, Nethinimnaw doeh.

Jerusalem kho kasaknaw

³ Jerusalem vah Judah casak, Benjamin casak, Ephraim hoi Manasseh casak naw hai kho a sak awh.

⁴ Judah capa Perez casak Bani, Benjamin capa Imri, Imri capa Omri, Omri capa Ammihud, Ammihud capa Uthai.

⁵ Shiloh e a camin Asaiah hoi ahnie casaknaw,

⁶ Zerah casak Jeuel hoi a hmaunawngaha 690 touh a pha awh.

⁷ Benjamin casak Hassenuah capa Hodaviah, Hodaviah capa Meshullam, Meshullam capa Salu.

⁸ Jeroham capa Ibneiah, Uzzi capa Elah, Mikhri capa Uzzi, Shephatiah capa Meshullam, Reuel capa Sephatiah, Ibnijah capa Reuel.

⁹ Ahnimanaw teh a hmaunawngahanaw 956 a pha awh. Hetnaw pueng teh, miphun dawkvah imthung kahrawikungnaw doeh.

Jerusalem e vaihmanaw

¹⁰ Vaihmanaw teh Jedaiah, Jehoiarib hoi Jakhin.

¹¹ Cathut im dawk kahrawikung lah kaawm awh e Ahitub capa Meraioth, Meraioth capa Zadok, Zadok capa Meshullam, Meshullam capa Hilkiyah, Hilkiyah capa Azariah.

¹² Jeroham capa Aadaiah, Pashhur capa Jeroham, Malkhijah capa Pashhur, Adiel capa Maasai, Jahzerah capa Adiel, Meshullam capa Jahzerah, Meshillemith capa Meshullam, Immer capa Meshillemith.

¹³ Ahnimouh a hmaunawngahanaw hai a napanaw e imthung dawk a lû lah kaawmnaw doeh. Hotnaw teh Cathut im dawk thaw ka tawk thai awh e lah ao awh teh, tami 1760 touh a pha awh.

Jerusalem e Levihnaw

¹⁴ Levih, Merari casaknaw teh Hasshub capa Shemaiah, Azrikam capa Hasshub, Hashabiah capa Azrikam.

¹⁵ Bakbakkar Heresh hoi Galal, Mikha capa Mattaniah, Zikhri capa Mikha, Asaph capa Zikhri.

16 Shemaiah capa Obadiah, Galal capa Shemaiah, Jeduthun capa Galal, Asa capa Berekhiah, Elkanah capa Asa teh Netophah kho dawk kho a sak awh.

longkha ka ring e Levihnaw

17 Longkha karingkungnaw teh Shallum, Akkub, Talmon hoi Ahiman. Shallum teh lû lah ao.

18 Ahni teh ha hoehnahlan vah, atunglah kaawm e lah ao. Ahnimouh teh Levih e catounnaw roenae hmuen longkha karingkungnaw lah ao awh.

19 Kore capa Shallum, Ebiasaph capa Kore, Korah capa Ebiasaph hoi a hmaunawngnaw. Mintoenaw e BAWIPA im dawk thaw katawknaw, kâennae longkha karingkungnaw lah ao awh.

20 Eleazar capa Phinehas teh BAWIPA ni a okhai teh kahrawikung lah ao.

21 Meshelemiah capa Zekhariah teh kamkhuengnae lukkareiim takhang ka ring e lah ao.

22 Longkha ka ring hanelah a rawi e naw teh, 212 touh a pha awh. Devit hoi Samuel ni a tawk awh hane a pouk e naw teh, mae kho lengkaleng a tâconae patetlah separuinae dawk thut e lah ao.

23 Hettelah amamouh hoi a catounnaw haiyah BAWIPA e lukkareiim longkha ka ring hanelah ao awh.

24 Kanîtho, kanîloum, atunglah, akalah, petkâtue lah longkha karingkungnaw thaw poe lah ao.

25 Khote lae a hmaunawngnaw teh hnin sari touh thung hanelah hnin touh hoi hnin touh, a kâhlai aw h vaiteh, meng a tho aw hane doeh.

26 Bangkongtetpawiteh, longkha karingkungnaw pali touh teh Levihnaw doeh. Cathut e im dawk a hruek aw h e hnopai karingkung lah ao awh.

27 Hottelah amom tangkuem longkha paawng e hah thaw poe e lah ao dawkvah, Cathut e im petkâkalup lah a roe aw h.

Levih tangawn thaw poe e

28 Tangawn ni thaw tawknae puengcangnaw a ring aw h, a kuem aw h, a la aw h, ouk a touk aw h.

29 Tangawn teh hnopai hmuen kathoung daw k e puengcangnaw hah, tavai, misur, satui, hmuitui a kuemyawt aw h teh a ring aw h.

30 Vaihma capa tangawn ni hmuitui hah ouk a sak aw h.

31 Korah tami Shallum e capa kacuepoung e Levih tami Mattithiah teh vaiyei karê thaw a taw k.

32 Kohath capanaw thung daw k hoi a hmaunawngna tangawn teh Sabbath hningtangkuem hanelah, vaiyei ka rakueng e lah ao.

33 Hetnaw heh la ka sak e Levihnaw a na pa imthung kahrawikung, bawkim rakan karingnaw, lah ao aw h teh, alouke thaw kâbet aw h hoeh. Bangkongtetpawiteh, karum khodai thaw katawknaw lah ao aw h.

34 Levih imthung kacuenaw teh, amamae se daw k kacue e lah Jerusalem vah pou ao aw h.

Sawl Imthung

35 Gibeon na pa Jeiel, Jeiel teh Gibeon vah kho a sak teh, a yu min teh Maakah doeh.

36 A camin teh Abdon doeh. Hahoi Zur, Kish, Baal, Ner hoi Nadab.

37 Gedor, Ahio, Zekhariah hoi Mikloth naw a sak.

38 Mikloth ni Shimeah a sak. Ahni hai Jerusalem vah a hmaunawngnaw koe ao.

³⁹ Ner ni Kish a sak, Kish ni Sawl a sak, Sawl ni Jonathan, Malkhishua, Abinadab hoi Eshbaal a sak.

⁴⁰ Jonathan casak Meribbaal doeh, Meribbaal ni Maikah a sak.

⁴¹ Maikah casak teh Pithon, Melek hoi Tahrea.

⁴² Ahaz ni Jarah a sak, Jarah ni Alemeth, Azmaveth hoi Zimri a sak. Zimri ni Moza a sak.

⁴³ Moza ni Binea a sak teh Binea capa Rephaiah, Rephaiah capa Eleasah, Eleasah capa Azel.

⁴⁴ Azel teh capa taruk touh a tawn. A minnaw teh: Azrikam, Bokeru, Ishmael, Sheariah, Obadiah hoi Hanan doeh. Hetnaw teh Azel capanaw doeh.

10

Sawl imthung duenae

¹ Filistinnaw ni Isarelnaw a tuk aw hoh teh, Isarelnaw teh tarannaw hmalah a yawng aw hoh teh, Gilboa mon daw k thengpatheng lah a kamlei aw hoh teh a due aw hoh.

² Filistinnaw ni Sawl hoi a capa hah, phat a pâlei aw hoh teh, Sawl capa Jonathan, Abinadab, Malkhishua hah a thei aw hoh.

³ Sawl teh a tarannaw ni rek a pâlei aw hoh teh, licung ka kathoum e ni pala hoi a ka aw hoh teh hmâ a ca sak aw hoh.

⁴ Sawl ni amae senehmaica ka patuem e koevah, na tahloi hah rayu nateh, pawkkayawng lah na thun. nahoe h pawwiteh, vuensom ka a hoehnaw ni lung na paroum nah aw langvaih atipouh. Hateiteh, amae senehmaica ka patuem e ni thun ngai hoe h. Bangkongtetpawwiteh, a taki. Hatdawkvah, Sawl ni amahoima tahloi a vai teh a tabosin.

⁵ Senehmaica ka patuem e ni Sawl a due toe tie hah, a hmu torei teh, ahni hai amahoima tahloi hoi a kâthei van.

⁶ Sawl hoi a capanaw katham touh a due aw hoh.

⁷ Tanghling daw k kaawm e Isarelnaw pueng teh, a yawng aw hoh. Sawl hoi a capanaw a due toe tie a thai aw hoh torei teh, kho a tâco takhai aw hoh teh, a yawng aw hoh. Hot daw kvah Filistinnaw ni ao na aw hoh.

⁸ A tangtho vah Filistinnaw ni a thei aw hoh e naw daw k, senehmaica hah la hanelah a cei aw hoh navah, Gilboa mon daw k Sawl hoi a capanaw kadout e hah a hmu aw hoh.

⁹ Senehmaica hah a rading aw hoh teh, a lû hoi senehmaicanaw hah meikaphaw k innaw hoi a taminaw e meikaphawknaw koe pathang hanelah kamthang a pathang aw hoh.

¹⁰ A senehmaica teh amamae cathut im daw k a hruék aw hoh teh, a lû teh dagon im daw k a vo aw hoh.

¹¹ Sawl daw k Filistinnaw ni a sak e naw hah Jabesh Gilead kaawmnaw pueng ni a thai aw hoh torei teh,

¹² tami tarankahawinaw ni a kamthaw sin aw hoh teh, Sawl hoi a capa e ro hah a la aw hoh teh, Jabesh kho lah a ceikhai aw hoh teh, a hruhrawngnaw hah kathen kung rahim vah a pakawp aw hoh. Hnin 7 touh thung rawcahai laihoi ao aw hoh.

¹³ BAWIPA taranlahoi a sak e, yuemkamcu lah ao hoe h kecu daw k Sawl teh a due. Bangkongtetpawwiteh, BAWIPA e law k hah tarawi laipalah, khueyuenu koe pouknae a hei.

¹⁴ Hateiteh, BAWIPA koe teh pouknae a hei hoe h daw kvah, ahni hah a due sak teh, a uknaeram hah Jesi capa Devit koe a poe pouh.

11

Devit siangpahrang lah a sak

¹ Isarelnaw pueng teh Hebron kho koe a tho awh. Kenhaw! kaimanaw teh na hru hoi na tak lah ka o awh.

² Hnuk lae atueng dawk Sawl a bawi nah haiyah, Isarelnaw ka tâcawtkhai e hoi kâenkhai e lah na o. BAWIPA Cathut ni nang koevah, ka tami Isarel tukhoumukung lah na o vaiteh, kahrawikung lah na o han ati telah atipouh awh.

³ Hatdawkvah, Isarel kacuenaw pueng teh Hebron kho siangpahrang koe a tho awh teh, Devit ni Hebron kho BAWIPA e hmalah, ahnimouh hoi lawkkamnae a sak. Samuel hno lahoi BAWIPA e lawk patetlah Isarel siangpahrang hanelah Devit teh satu a awi awh.

Devit e khopui

⁴ Devit hoi Isarelnaw pueng teh Jubusitnaw khosaknae Jerusalem lah a cei awh. Jerusalem teh Jebusitnaw khosaknae doeh.

⁵ Jebusit kho kaawmnaw ni Devit hi vah khoeroe kâen hanh, telah atipouh awh. Hateiteh, Devit ni Zion rapanim a lawp pouh teh Devit khopui tie lah ao.

⁶ Devit ni Jubusitnaw hmaloe ka tuk e teh, ransabawi hoi kahrawikung lah ao han telah ati. Hatdawkvah, Zeruiah capa Joab teh hmaloe poung lah a cei teh kahrawikung kacue lah a sak.

⁷ Devit teh rapanim thung lah kho a sak dawkvah, Devit khopui ati awh.

⁸ Millo e hmuen koehoi khopui petkâkalup lah rapan teh a kangdue. Joab ni khopui pueng hah a pathoup.

⁹ Hatdawkvah, Devit teh hoehoe a len teh, ransahu BAWIPA ahni koevah ao.

Devit e tami a thakasainaw

¹⁰ Hetnaw teh Devit ni a tawn e thakaawme taminaw doeh. Isarelnaw pueng hoi ama hoi a uknaeram hanlah amamouh hoi amamouh tha a kâpoe awh teh, Isarel kong dawk BAWIPA e lawk patetlah siangpahrang o thai nahanelah kangdoutkhainaw doeh.

¹¹ Hetheh Devit ni a tawn e tami athakaawme taminaw doeh. Hakmonite tami e capa Jashobeam, tami 30 touh e hu kahrawikung, tahroe a patuep teh vai touh hoi tami 3,00 ka thet e doeh.

¹² Ahni hnukkhu hoi Aho tami Dodo e capa Eleazar tami athakaawme taminaw 3 touh dawkvah, buet touh lah ao.

¹³ Ahni teh Pasdammim e hmuen Devit koevah ao. Hawvah Filistinnaw teh, tarantuk hanelah a kamkhueng awh teh, hawvah catun hoi kakawi e tanghling ao. Taminaw pueng teh Filistinnaw e hmalah a yawng awh.

¹⁴ Hatei, ahnimouh teh, law lungui hmuen a la teh Filistinnaw a thei awh. Hottelah BAWIPA ni kalentoenaw, tânae a kamnue sak.

¹⁵ Ransa 30 touh thung dawk e tami a thakasai e tami 3 touh teh Adullam lungngoum, Devit onae lungsong koe a cathuk awh.

¹⁶ Hatdawkvah, Devit teh rapanim thungup ao. Filistin ransanaw teh Bethlehem vah ao awh.

¹⁷ Devit ni a rabuipoung teh, Bethlehem tuikhu dawk e tui, rapan longkha teng e hah ka nei hanelah na ka poe thai e awm pawiteh, ka ngaipoung eite telah a ti.

¹⁸ Ransa kathum touh ni Filistin ransanaw a roenae hah pat a rakan awh teh, rapan longkha teng e Bethlehem tuikhu dawk e tui hah a do awh teh,

Devit koevah a thokhai awh. Hateiteh, Devit ni net ngai hoeh. BAWIPA hanelah a rabawk.

¹⁹ Ahni ni, Oe BAWIPA hethateh khoeroe ka net mahoe. Athakaawme taminaw katham touh ni a sak e hno doeh.

²⁰ Joab e a nawngha Abishai teh, katham touh thung daw k e kacue lah ao. Tami 300 touh hah tahroe hoi a thei dawkvah, tami katham touh thung daw k e a min kamthang e lah ao.

²¹ Tami katham touh thung daw k ahni teh kahni touh hlak oup hanelah ao. Hatdawkvah kacuepoung lah ao. Hateiteh, hmaloe e katham touh dawkvah baw k hoeh.

²² Jehoiada e capa Benaiah teh, Kabzeel kho e tami thakaawme capa hno moikapap ka sak e lah ao. Ahni ni sendek patetlah athakaawme Moab tami tarankahawi e kahni touh a thei. Hahoi bout a cei teh, tadamtui a bo nah a khu daw k kaawm e sendek buet touh bout a thei.

²³ Ka rasang katang e Izip tami dong 5 touh e hah a thei. Izip tami e kut daw k hni kawng kalawng tittouh e tahroe hah a patuep. Benaiah sonron hoi a yawng sin teh, Izip tami e kut daw k e tahroe hah a lawp teh hote tahroe hoi letlang a thei.

²⁴ Hete hnonaw hah Jehoiada e capa Benaiah ni a sak e, tami a thakasai katham touh dawkvah barinae a poe awh.

²⁵ Tami 30 touh hlawkvah bari kamcu lah ao katang. Hateiteh, hmaloe katham touh koe baw k thai hoeh. Hahoi Devit ni ama karingkungnaw thung daw k kacuelah a ta.

²⁶ Athakaawme ransanaw teh: Joab e hmaunawngha Asahel, Bethlehem kho e tami Dodo e capa Elhanan tinaw doeh.

²⁷ Harorite tami Shammoth, Pelonit tami Helez.

²⁸ Tekoa tami Ikkesh capa Ira, Anathoth tami Abiezer.

²⁹ Hushath tami Sibbekhai hoi Ahoh tami Iai.

³⁰ Netophah tami Maharai hoi Netophah tami Baanah capa Heled.

³¹ Benjamin casak Gibeah tami Ribai capa Ittai. Pirathon tami Benaiah.

³² Gaash yawn e Hurai hoi Arbat tami Abiel.

³³ Baharum tami Azmaveth hoi Shaalbim tami Eliahba.

³⁴ Gizon tami Hashem casaknaw dawkvah Hararite tami Shagee capa Jonathan.

³⁵ Hararite tami Sakar capa Ahiam, Ur capa Eliphal.

³⁶ Mekerath tami Hopher hoi Pelonit tami Ahijah.

³⁷ Karmel tami Hezro hoi Ezbai capa Naari.

³⁸ Nathan e hmaunawngha Joel hoi Hagri capa Mibhar.

³⁹ Ammon tami Zelek hoi Zeruiah capa Joab senehmaica ka sin pouh e Beeroth tami Naharai.

⁴⁰ Ithrite tami Ira hoi Ithrite tami Gareb.

⁴¹ Hit tami Uriah hoi Ahlai capa Zabad.

⁴² Reuben tami Shiza capa Adina hoi ama koe kaawm e tami 30 touh kahrawikung lah ao.

⁴³ Maakah capa Hanan hoi Mithini tami Joshaphat.

⁴⁴ Ashtrarity tami Uzzia, Shamma, Jeuel hoi Jeiel. Aroerite tami Hotham casaknaw.

⁴⁵ Shimri capa Jedial hoi a nawngha Tizit tami Joha.

⁴⁶ Mahavit tami Eliel, Jeribai, Elnam casak Joshavi, Moab tami Ithmah.

⁴⁷ Eliel, Obed hoi Mezobah tami Jaasiel.

12

Devit kabawm e ransanaw

¹ Kish capa Sawl koehoi Devit a yawng teh Ziklag kho ao nah, ahni koe ka tho e naw teh, hetnaw hah doeh. Ahnimouh teh tarantuknae koe lah ama kabawm e tami athakaawme taminaw doeh.

² Likathounnaw lah ao awh teh, samtang ka pathui thai e, tãyai ka dei thai e, avoillah aranglah hoi ka thoum e naw lah ao awh. Ahnimanaw teh Benjamin taminaw, Sawl e a imthungnaw lah ao awh.

³ Ahnimouh kahrawikung lah Ahiezer doeh. Ahni hnuk Gibeah tami Shemaah casak Joash, Jeziel, Azmaveth casak Pelet, Berakah, Anathoth tami Jehu.

⁴ Tami 30 lathueng hoi 30 rahak dawk e athakaawme Gibeon tami Ishmaiah, Jeremiah hoi Jahaziel, Johanan hoi Gederath tami Jozabad.

⁵ Eluzai, Jerimoth, Bealiah, Shemariah, Haruph tami Shephathiah.

⁶ Elkanah, Isshiah, Azarel, Joezer hoi Korah tami Jashobeam.

⁷ Joelah hoi Gedor tami Jeroham capa Zebadiah.

⁸ Gad taminaw dawk hoi athakaawme taminaw, taran ka tuk thai, saiphei hoi tahroe ka hno thai tangawn hah kahrawngum e rapanim dawk kaawm e Devit koe a kãhmoun awh.

⁹ Apasueke teh Ezer, apãhni e teh Obadiah, apãthum e teh Eliab.

¹⁰ Apali e teh Mishmannah, apanga e teh Jeremiah.

¹¹ Ataruk e teh Attai, asari e teh Eliel.

¹² Ataroe e teh Johanan, atako e teh Elzabad.

¹³ A hra e teh Jeremiah, a hlaibun e teh Makhbannai.

¹⁴ Hetnaw teh Gad casaknaw thung hoi e doeh. Ahnimouh thung dawk hoi a thakayoun e tami 100 tabang ao. A thakaawme 1000 tabang ao.

¹⁵ Hotnaw teh thapa yung pasueknae dawk Jordan palang tuiko muenkawi nah ka rakat thai e naw, hahoi tanghling dawk kaawm e pueng kanitholah hoi kaniloumlah ka yawng sak e naw doeh.

¹⁶ Benjamin hoi Judah casaknaw thung hoi rapanim koe Devit teng a tho awh.

¹⁷ Devit ni ahnimouh dawn hanelah a cei teh, roumnae hane dawkvah, kabawp hanelah na tho awh pawiteh, ka lungthin na poe awh han. Hateiteh, ka kut ni runae banghai sak hoech tie na panue nalaihoi, kai pahnawt hanelah na tho awh pawiteh, mintoenaw e Cathut ni na khet vaiteh lawk na ceng awh naseh, telah atipouh.

¹⁸ Hottelah tami 30 touh thung dawk e kahrawikung Amasai tak dawk muitha a tho teh, Devit na tami lah ka o awh. Jesi capa nang koe lah kampang e naw doeh. Nang dawk roumnae awm naseh. Bangkongtetpawiteh, na Cathut ni na kabawp tet loe atipouh. Hatdawkvah, Devit ni ahnimouh a la teh ransahu ka hrawi e lah ao sak.

¹⁹ Filistinnaw hai Sawl tuk hanelah a cei awh navah, Manasseh e tami tangawn hai Devit koelah a cei awh. Ama hoi a taminaw ni Filistinnaw koelah kabawm awh hoech. Amamae bawi Sawl koelah kamlang awh vaiteh, maimae lû tãkhawng payon langvaih telah a kãpan awh teh a ban sak awh.

²⁰ Ziklag a cei awh navah, Manassehnaw thung hoi ransa 1000 ka hrawi e Adnah hoi Jozabad, Jediael hoi Michael, Jozabad, Elihu hoi Zillethai naw teh ahni koe ao awh.

²¹ Hetnaw teh Devit taran tuk navah, kabawm e naw lah ao awh. Bangkongtetpawiteh, abuemlah hoi athakaawme taminaw teh, kahrawikungnaw lah ao awh.

²² Hatnae tueng dawк hoi Devit kabawm hane hnin touh hoi hnin touh meng a tho awh teh, Cathut e ransahu patetlah kalenpounge ransahu lah a coung.

Hebron e Devit e ransanaw.

²³ BAWIPA e lawк patetlah Sawl uknaeram hah Devit koe lah a kamlang teh, Hebron vah Devit koe e tarantuknae puengcang kâmahrawк hanelah kacetnaw teh, hettelah ao.

²⁴ Judah capanaw puengcang kâmahrawкnaw, saiphei hoi tahroe ka patuem e tami 6, 800 touh a pha awh.

²⁵ Simeon e capanaw tarantuknae koe athakaawme taminaw teh 7, 100 a pha awh.

²⁶ Levih e casaknaw 4, 600.

²⁷ Jehoiada teh Aron imthung kahrawikung lah ao teh, ahni koe tami 3700 touh ao awh.

²⁸ Thoundoun Zadok teh tami athakaawme, a imthung dawк ransanaw kahrawikung 22 touh ao.

²⁹ Benjamin e capanaw Sawl imthung lah kaawm e 3000 touh a pha. Ha hoehnahlan vah kâ paphnawn teh Sawl koelah a kampang awh.

³⁰ Ephraim capanaw tami athakaawme hoi tarankahawi imthung dawк hoi 20, 800 touh a pha awh.

³¹ Manasseh casak tangawn dawк hoi Devit siangpahrang lah ao thai nahane ka tho e naw teh 18, 000 touh a pha.

³² Issakhar capa tueng navah, ka panueк thai e hoi, Isarel ni bangmaw a sak hane telah ka panueк thai e, kahrawikung 200 touh a pha. A hmaunawngaha abuemlah amae uknae rahim vah ao awh.

³³ Zebulun imthungnaw dawк hoi taran ka tuk thai e, senehmaica ka patuem ni teh ka bouк thai e 50, 000 a pha awh teh lungthin kacue e lah ao awh.

³⁴ Naphtalinaw imthung hoi ransa ka hrawi e 1, 000 touh, saiphei, tahroe ka patuem e 37, 000 touh a pha.

³⁵ Dan imthung dawк hoi senehmaica ka patuem e 28, 600 touh a pha.

³⁶ Asher imthung dawк hoi taran ka tuk thai e, bouк ka thoum e 40, 000 touh a pha.

³⁷ Jordan namran e Reuben taminaw, Gad taminaw hoi Manasseh casak tangawn koehoi hai puengcang phunkuep hoi kamthoup e tami 120, 000 touh a pha.

³⁸ Hotnaw pueng teh taran ka tuk e, bouк ka thoum e naw lah ao awh. Devit teh Isarelnaw pueng dawкvah, siangpahrang lah ao hane lungthin buet touh lah a tawn teh, Hebron lah a cei awh. Isarel alouknaw pueng nihai, Devit teh siangpahrang lah o sak hanelah lungthin buet touh lah ao awh.

³⁹ Devit koevah, hnin thum touh thung a canei awh. Bangkongtetpaw-iteh, a hmaunawngahanaw ni a rakueng pouh e doeh.

⁴⁰ Hothloilah, imthung hmaunawngahanaw, Issakhar, Zebulun hoi Naph-tali la hoi kalauк hoi marang, maitotan naw, ca hane vaiyei, hoi thai pawnaw, misurtui hoi satuinaw, a phu awh teh, maitotan hoi tu, moikapap a thokhai awh. teh Isarel ram dawк lunghawinae a kawi.

¹ Devit ni kahrawikungnaw pueng koe, 1, 000 kaukungnaw hoi, 100 touh kaukungnaw koe pouknae a hei.

² Devit ni kamkhueng e Isarelnaw koe, ahawi na tet awh boilah, BAWIPA Cathut a ngainae awm pawiteh, Isarel ram thung e hmaunawngaha kaawm e naw pueng, tengpam e kho kaawm e pueng, vaihmanaw hoi Levih taminaw hai maimouh koe cungtalah kamkhueng hanelah, coun awh sei atipouh.

³ Cathut e thingkong hah maimouh koe bankhai awh sei. Bangkongtet-pawiteh, Sawl a bawi hoi teh, a lawkpui lah pouk awh hoeh toe telah ati.

⁴ Kamkhueng e pueng ni hottelah sak e hah hnâ rip a bo khai. Bangkongtetpawiteh, hot teh tami pueng pouknae dawk ka kalan e doeh.

⁵ Hatdawkvah, Devit ni Izip palang Shihor, hoi Hamath kâennae totouh Isarelnaw hah Kiriathjeaream e Cathut e thingkong hah bankhai hanelah a kamkhueng sak awh.

⁶ Hatdawkvah, Devit hoi tami pueng teh, Judah ram e Baalah Kiriathjeaream ati awh e koevah, cherubim dawkvah, ka tahung e BAWIPA min a onae lawkkam thing kong la hanelah a cei awh.

⁷ Cathut e thingkong teh, Abinadab im e hah leng ka tha hoi a ceikhai awh. Uzzah hoi a hui ni leng teh a mawng.

⁸ Devit hoi Isarelnaw pueng ni la sak na laihoi ratoung hoi tamawi hoi mawngleng hoi cecak hoi mongka hoi Cathut hmalah a thaonae puenghoi a tumkhang awh.

⁹ Kidron cangkatinnae koe a pha awh navah, maitonaw ni thingkong a kâhuet sak dawkvah, Uzzah ni thingkong hah kuet hanelah a kut a kâyap.

¹⁰ BAWIPA e lungkhueknae teh Uzzah tak dawk vai touh hoi a pha teh, thingkong a kuet kecu dawkvah a thei teh, Cathut hanlah a due.

¹¹ Uzzah tak dawk BAWIPA e lungkhueknae a pha dawkvah, Devit teh a lungkhuek. Hote hmuen teh sahnin totouh Perezuzzah telah a phung awh.

¹² Hat na hnin hoi Devit ni Cathut teh a taki. Bangtelah hoi maw Cathut e thingkong teh ka bankhai thai han telah ati.

¹³ Devit ni thingkong teh Devit khopui a ma koe hrueng laipalah Git tami Obededom im vah a hruek.

¹⁴ Cathut e thingkong teh Git tami Obededom imthung vah thapa yung thapa yung thum touh ao. Obededom e a tawn e naw pueng teh BAWIPA ni yawhawinae a poe.

14

Jerusalem vah Devit a o

¹ Taire siangpahrang Hiram ni, Devit koevah patounenaw a patoun. Ahni hane im sak pouh hanelah, Sidar thing hoi talungdêikathoum e, hoi im sak ka thoum e naw hah a patoun.

² Isarelnaw dawk siangpahrang lah BAWIPA ni a caksak tie hah Devit ni a kâpanue. Bangkongtetpawiteh, Isarelnaw kecu dawkvah, a uknaeram hah ka rasang poung lah tawmrasang e lah ao.

³ Devit ni Jerusalem vah a yu alouknaw hai a la teh, ca napui tongpa moi a sak.

⁴ Jerusalem vah a sak e a canaw teh Shammua, Shobab, Nathan hoi Solomon.

⁵ Ibhar, Elishua hoi Eliphelet.

⁶ Nogah, Nepheg hoi Japhia.

⁷ Elishama, Beeliada hoi Eliphelet.

Filistinnaw tânae

⁸ Filistinnaw ni Devit teh Isarelnaw e siangpahrang lah satu awi lah ao toe tie a thai aw horei teh, Filistinnaw pueng ni Devit tawng hanelah a cei aw h. Devit ni a thai toteh, ahnimouh tuk hanelah a kamthaw.

⁹ Filistinnaw hah Rephaim tanghling daw k a yawng aw h.

¹⁰ Devit ni Filistinnaw tuk hanelah ka cei han maw, ka kut daw k na poe han maw, telah BAWIPA a pacei. BAWIPA ni cet leih, ahnimouh teh na kut daw k na poe han telah atipouh.

¹¹ Hatdawkvah, Baalperazim vah a cei aw h teh, Devit ni ahnimouh teh a tuk teh a tâ aw h. BAWIPA ni ka tarannaw teh tuicapa ka thaw e a roum sak e patetlah be a raphoe telah ati. Hatdawkvah, hote hmuen teh Baalperazim telah min a phung.

¹² Hete hmuen koe meikaphawknaw hah a cettakhai aw h. Devit ni kê a poe teh, hmai koung koung a sawi pouh aw h.

¹³ Filistinnaw teh tanghling daw k bout a yawng aw h.

¹⁴ Hahoi Devit ni Cathut koe bout a pacei teh, ahnimanaw pâlei hanelah cet hanh. Kingkalup aw h nateh, batuekung koe pawm aw h.

¹⁵ Hahoi hettelah ao han. Batuekung e a van a cei aw h e a pâlawk na thai aw h toteh, tuk hanelah na tâco aw h han. Bangkongtetpawiteh, Filistinnaw roenae tuk hane na hmalah Cathut a tho tie hah na panue han atipouh.

¹⁶ Cathut ni kê a poe e patetlah Devit ni a sak teh, Filistin e ransanaw hah, Gibeon hoi Gezer totouh a pâlei aw h.

¹⁷ Hottelah ram pueng daw k Devit e min a kamthang teh, BAWIPA ni ama takinae hah miphun tanguem koe a kamthang sak

15

Jerusalem vah thingkong a cekhai

¹ Devit ni Devit khopui vah ama hane im a sak teh Cathut e thingkong ao nahane hmuen hah a rakueng pouh teh lukkareim a yap pouh.

² Devit ni Cathut e thingkong heh Levihnew hoeh laipalah teh, apinihai kâkayawn thai mahoeh. Bangkongtetpawiteh, Cathut e thingkong teh meng kâkayawt hane hoi a thaw ka taw k hanelah BAWIPA ni a rawi e naw doeh telah a ti.

³ Devit ni BAWIPA e thing kong ta nahane a rakueng pouh e hmuen koevah, ceikhai hanelah Jerusalem vah Isarelnaw pueng a pâkhueng.

⁴ Hatdawkvah, Devit ni Aron e casaknaw hoi Levih casaknaw hah a pâkhueng. aw h.

⁵ Kohath e casaknaw thung kacuepoung e Uriel hoi a hmaunawnggha 120 touh a pha

⁶ Merari casaknaw thung kacuepoung e Asaiah hoi a hmaunawngghanaw 220 touh a pha aw h.

⁷ Gershom e casaknaw thung daw k kacuepoung e Joel hoi a hmaunawngghanaw 130 touh a pha aw h.

⁸ Elizaphan casaknaw thung daw k kacuepoung e Shemaiah hoi a hmaunawngghanaw 200 touh a pha aw h.

⁹ Hebron casaknaw thung daw k kacuepoung e Eliel hoi a hmaunawngghanaw 80 touh a pha aw h.

¹⁰ Uziel casaknaw thung daw k kacuepoung e Aminadab hoi a hmaunawngghanaw 112 touh a pha aw h.

¹¹ Devit ni vaihma Zadok, Abiathar, Levih, Uriel, Asaiah, Joel, Shemaiah, Eliel, hoi Aminadab tinaw hai a kaw.

¹² Nangmanaw teh Levihnaw thung daww kacuepoung lah na o awh. Isarel BAWIPA Cathut e thingkong hah ka rakueng e hmuen koevah, thokhai hanelah nama hoi na hmaunawngnanaw kamthoung awh.

¹³ Ahmaloe e daww hai nangmouh ni na kâkayawt awh hoeh dawwvah BAWIPA Cathut ni mamouh daww a lungkhueknae a pha sak. Bangkongtet-pawiteh, amae lamthung patetlah sak hane hah ama koe pacei awh hoeh telah a ti.

¹⁴ Hatdawwvah, Isarel BAWIPA Cathut e thingkong hah kâkayawt hanelah vaihmanaw hoi Levihnaw hah a kamthoung awh.

¹⁵ BAWIPA kâpoe e Mosi ni a dei e patetlah Levihnaw ni a loung daww hoi thingkong teh a kâkayawt awh.

¹⁶ Devit ni Levih kacuenaw hah a hmaunawngna thung daww hoi la ka sak hane, ratoung ka tum hane, tamawi, cecak, hoi kacaipounglah tumkhawng vaiteh, lunghawi nalaihoi la sak hanelah a dei pouh.

¹⁷ Hatdawwvah, Levihnaw ni Joel capa Heman hoi a hmaunawngna thung hoi Berekhiah e capa Asaph, a hmaunawngna Merari e capanaw thung hoi Kusharih capa Êtham hah a rawi awh.

¹⁸ Hmaunawngnanaw thung hoi Zekhariah casak Jaaziel, Shemiramoth, Jehiel, Unni, Eliab, Benaiah, Maaseiah, Mattithiah, Eliphelehu, Mikneiah, Obededom hoi tho ka ring e Jeiel tinaw a rawi awh.

¹⁹ Hatdawwvah, la ka sak hane Heman, Asaph, Ethan, hah cecak kacaipounglah tumkhawng hanelah a rawi awh.

²⁰ Zekhariah, Aziel, Shemiramoth, Jehiel, Unni, Eliab, Maaseiah, Benaiah teh Alamothe lawk hoi ratoung tum hanelah a rawi awh.

²¹ Mattithiah, Eliphelehu, Mikneiah, Obededom, Jeiel, Azariah teh Sheminithe lawk lahoi tamawi hoi hrawi hanelah a rawi awh.

²² Levihnaw kacue e Kenaniah, teh la sak a thoum la kahrawikung lah ao.

²³ Berekhiah hoi Elkanah teh thingkong tho karingkung lah ao roi.

²⁴ Vaihmanaw Shebaniah, Joshaphat, Nethanel, Amasai, Zekhariah, Benaiah hoi Eliezer naw ni Cathut e thingkong hmalah mongka a ueng awh. Hahoi, Obededom hoi Jehiah teh thingkong e longkha karingkung lah ao awh.

²⁵ Hahoi Devit hoi Isarel kacuenaw ransa 1000 kauknaw teh Obededom im e BAWIPA thingkong la hanelah, lunghawi nalaihoi a cei awh.

²⁶ Hatdawwvah, BAWIPA thingkong kâkayawn e Levihnaw hah, Cathut ni a kabawp teh maitotan sari touh hoi, tutan sari touh hoi thuengnae a sak awh.

²⁷ Devit hoi thingkong kâkayawn e Levihnaw pueng, la kasaknaw, la ka hrawi e Kenaniah naw teh, lukkarei loukloukkaang e hoi a kamthoung awh. Devit hai lukkarei loukloukkaang e vaihma angki hah a kho.

²⁸ Hottelah mongka hoi tu ki hoi, cecak lawk hoi a parawi awh teh, Isarel naw pueng ni, hramki nalaihoi, BAWIPA lawkkam thingkong a ceikhai awh teh, la puenghoi a sak awh teh, ratoung tamawi kacaipounglah a tumkhawng awh.

²⁹ Hahoi BAWIPA lawkkam thingkong Devit kho daww a kâenkhai awh navah, Sawl e canu Mikhal ni hlangaw koehoi a khet navah, siangpahrang Devit a lamtu laihoi a cawkdaww e hah a hmu teh, a lungthung hoi a panuikhai.

16

Lukkareim dawk thingkong a hruек awh.

¹ Hottelah Cathut e thingkong teh a thokhai awh teh, hruек nahanelah Devit ni rim a yap pouh e dawkvah a hruек awh. Hmaisawi thuengnae, roum thuengnae naw hah Cathut koe e poe awh.

² Devit ni hmaisawi thuengnae, roum thuengnae naw hah a poe hoiyah BAWIPA e min lahoi taminaw hah yawhawinae a poe.

³ Isarelnaw pueng teh, napui tongpa abuemlah vaiyei atueng buet touh hoi moituen buet touh, misurphen buet touh rip a poe.

⁴ Isarel BAWIPA Cathut pahnim hoeh nahan, lunghawilawk dei e, hoi pholen nahanelah, BAWIPA e thingkong hmalah, thaw ka tawk lah Levihaw tangawn hah a rawi awh.

⁵ Kahrawikung lah Asaph, apâhni lah ratoung ka kueng e Zekhariah, Jeiel, Shemiramoth, Jehiel, Mattithiah, Eliab, Benaiah, Obededom, Jeiel ni ratoung hoi tamawi a tum, Asaph cecak a khawng.

⁶ Vaihma Benaiah hoi Jahaziel ni Cathut e lawkkam thingkong e hmalah mongka kamrawicalah a ueng roi.

Devit e lunghawi la

⁷ Hot nah hnin hoi BAWIPA koe lunghawilawk dei hane Devit ni hete la heh Asaph hoi a hmaunawngaha koe hmaloe poung lah a poe.

⁸ Oe BAWIPA koevah lunghawilawk dei awh nateh, a min lahoi hram awh. Miphunnaw pueng koe a sak e hno hah panuek sak awh.

⁹ Ama koe la sak awh haw, oupnae hoi ama teh pholen awh. A sak e hno kângairunae pueng hah dei awh.

¹⁰ A min kathoung hah oup awh. BAWIPA ka tawng e naw a lungthinnaw teh hawi awh naseh.

¹¹ BAWIPA e thasainae tawng awh haw, A minhmai hah hoe tawng awh.

¹² A sak e kâgairu hnonaw hah pahnim awh hanh. A sak e kângairunae hoi a pahni dawk hoi lawkcengnae hai.

¹³ Oe a san Isarel catounnaw, a rawi e tami Jakop catounnaw,

¹⁴ Ama teh BAWIPA Cathut lah ao. A lawkcengnae teh talai van abuemlah dawk kâ a tawn.

¹⁵ A lawk kam hah a yungyoe pâkuem awh haw, se 1000 totouh lawk a kam e naw hah.

¹⁶ Abraham koe lawk a kam e naw hah, Isak koe lawk a kam e naw hah,

¹⁷ Hot patetlah Jakop koe kâlawnaw a cak sak, Isarelnaw koe yungyoe e lawkkam pouh e hah a cak sak.

¹⁸ Kanaan ram teh na coe e râw lah na poe awh han telah a ti.

¹⁹ Tami kayounca lah na o awh, Oe tami younca, imyin patetlah ka o awh navah,

²⁰ miphun tangkuem koe hmanghmang kâva e lah, uknaeram tangkuem hoi miphun tangkuem koe,

²¹ Apinihai ka pacekpahlek hanlah pasoung hoeh. Ahnimouh kecu dawk siangpahrangnaw hai a yue awh.

²² Satui ka awi e hah tek awh hanh awh, kaie profetnaw hah patawnae poe awh hanh haw telah a ti.

²³ Talai taminaw pueng ni BAWIPA pholennae la sak awh nateh, hnintangkuem vah rungngangnae lawk hah pathang awh haw.

²⁴ Miphun tangkuem koe a bawilennae hah dei awh nateh, tami tangkuem koe a sak e kângairunae pathang awh.

²⁵ BAWIPA teh a bawilen poung dawkvah, pholen hanelah ao. Ama teh Cathut pueng hlak vah taki hanelah ao.

²⁶ Bangkongtetpawiteh, miphun alouke cathutnaw teh, meikaphawknaw doeh. Hateiteh, BAWIPA ni kalvan teh a sak.

²⁷ Barinae hoi taluenaeh teh a hmalah ao. A thaonae hoi lunghawinae ama koe ao.

²⁸ Oe miphunnaw hoi imthungnaw pueng BAWIPA koe poe awh, BAWIPA koe bawilennaeh hoi a thasainae hah poe awh.

²⁹ BAWIPA teh a min hoi kamcu e bawilennaeh poe awh. Poe hanlah kaawm e pueng sin awh nateh, a hmalah tâcawtkhai awh. A meihawinaeh thOUNGNAE hoi BAWIPA teh bawk awh.

³⁰ Talai taminaw pueng amae hmalah pâyaw awh. Kâhuet thai hoeh nahanlah talaivan teh a cak sak.

³¹ Kalvannaw hai lunghawi naseh, talai hai lunghawi naseh, BAWIPA ni a uk telah miphun tangkuem koe pathang awh.

³² Tuipui hoi a thung kaawm e pueng ni hram awh naseh, law hoi a thung kaawm e pueng ni lunghawi awh naseh.

³³ Kahrawng e thing kaawm e pueng ni BAWIPA e hmalah lunghawi nalaihoi la a sak awh han. Bangkongtetpawiteh, talai dawkw lawkceng hanelah a tho han.

³⁴ Oe BAWIPA koevah, lunghawinaeh lawk dei awh. Bangkongtetpawiteh, ama teh ahawi. A lungmanae teh a yungyoe a kangning.

³⁵ Oe kaimae Rungngangnaeh Cathut na rungngang haw, ka thOUNG e na min pholen hane hoi, na pholennaeh hoi tâ hanelah, Jentelnaw thung hoi na rungngang haw. Cungtalah na pâkhueng haw tet awh naseh.

³⁶ Yungyoe hoi yungyoe totouh Isarel BAWIPA Cathut teh, pholennaeh awm lawiseh, tami pueng ni Amen ati awh teh, BAWIPA teh a pholen awh.

Lawkkam thingkong ka ring e Levihnaw

³⁷ Hatdawkvah, BAWIPA lawkkam thingkong hma lae hnintangkuem a panki e patetlah thaw ka taww hane Asaph hoi a hmaunawngnanaw a ta.

³⁸ Obededom hoi a hmaunawngnaeh 68 touh ni a kabawp awh vaiteh, Jeduthun capa Obededom hoi Hosah teh longkha ka ring hanelah ao han.

³⁹ BAWIPA ni Isarel naw kâ a poe BAWIPA e kâlawk dawkw thut e patetlah hmaisawi thuengnaeh khOUNGROE dawkvah, amom tangmin Gibeon hmuernasang dawkw,

⁴⁰ BAWIPA e lukkareiim hmalah, sathei thuengnaeh meng ka poe hanelah, vaihma Zadok hoi a hmaunawngnaeh vaihma lah a rawi awh.

⁴¹ Amae pahrennaeh teh, a yungyoe a kangning dawkvah, BAWIPA koe lunghawi lawk dei hanelah, Heman hoi Jeduthun, hoi alouke taminaw hoi rawi e lah ao awh.

⁴² Heman hoi Jeduthun teh mongka cecak, kacai e phunkuepnaw hoi cungtalah tumkhawng hane ka khenyawn hanelah ao awh.

⁴³ Hahoi tami pueng teh ama im lengkaleng a ban awh teh, Devit hai a imthungkhunaw yawhawi poe hanelah a ban van.

17

Devit koe Cathut lawkkamnaeh

¹ Hahoi Devit teh im ao nah profet Nathan koe Devit ni kenhaw! kai teh sidar thing im dawkw ka o. Hateiteh BAWIPA lawkkam thingkong teh lukkarei rim dawkw ao telah atipouh.

² Nathan ni Devit koe, na lungthin dawk kaawm e patetlah sak yawkaw, bangkongtetpawiteh, nang koe Cathut ao telah atipouh.

³ Hateiteh, hatnae karum dawkvah, Nathan koe Cathut e lawk teh a tho.

⁴ Ka san Devit hah dei pouh. BAWIPA ni hettelah ati. Ka o nahanelah nang ni im na sak pouh mahoeh.

⁵ Bangkongtetpawiteh, Isarelnaw Izip ram hoi ka tâcokhai hnin hoi atu totouh im dawk awm laipalah lukkarei rim hoi buet touh hoi buet touh ka kampuen teh ouk ka o.

⁶ Isarelnaw hoi ka ceinae tangkuem dawk hai ka taminaw khoum hanelah kâ na poe e Isarelnaw lawkcengkungnaw koevah, bang dawk maw sidar thing im sak pouh hoeh telah ka ti boihoeh vaw.

⁷ Hatdawkvah, ka san Devit koe hettelah na dei pouh han. ransahu BAWIPA ni hettelah a dei. Tu pânae hmuen tu na khoumnae koehoi ka tami Isarelnaw dawk siangpahrang lah o hane na la teh,

⁸ Na cei nah tangkuem dawk nang koe ka o. Na tarannaw hai na tâ pouh, talai dawk ka lentoe poung e na min ka lentoe sak han.

⁹ Hothloilah, ka tami Isarelnaw hane hmuen ka rawi vaiteh, yuengyoe kampuen toung laipalah, amamae hmuen koe kho a sak thai nahanelah, ahnimouh teh ka ung han.

¹⁰ Yampa hai ka tami Isarelnaw dawk lawkcengkung ka ta pouh nah hai, kahawihoehe canaw ni rep a coungroe aw h e patetlah runae poe aw h laipalah, na tarannaw pueng hai koung ka sung sak han. Hothloilah, BAWIPA ni na imthungnaw a kangdue sak han telah na dei pouh aw h.

¹¹ Hahoi na hnin a pout torei na mintoenaw koe na cei navah, hettelah ao han. Nama dawk hoi ka tâcawt e na capa buet touh ni a kangdue vaiteh, a uknaeram ka caksak han.

¹² Ahni ni im na sak pouh vaiteh, a bawitungkhung hai a yungyoe ka caksak han.

¹³ Hattorei a na pa lah ka o vaiteh, ahni hai ka capa lah ao han. Nang koe ka lungma e kâ lae patetlah ahni koe e bout ka lât mahoeh toe.

¹⁴ Ka im hoi ka uknaeram teh ahni koe yungyoe ka caksak han. A bawitungkhung hai a yungyoe ka caksak han telah ati.

¹⁵ Hete lawknaw pueng hoi vision pueng teh, Nathan ni Devit koe a dei pouh.

¹⁶ Hatdawkvah, siangpahrang Devit ni a kâen teh, BAWIPA e hmalah a tahung nah laihoi, Oe BAWIPA Cathut, bangpatet lae tami lah maw ka o teh, ka imthung hai bangpatet lae tami lah maw ao aw h teh, hettelah totouh na tawm teh na hrawi.

¹⁷ Oe Cathut hete hno heh na mit dawk hno kathoengcae doeh. Hahoi Oe BAWIPA Cathut, na san imthung hma lae kong hah kum moikasaw hane na dei toung dawkvah, kangduenae hmuen ka rasang e tami buet touh lah na pouk.

¹⁸ Na san bari lah onae kong dawkvah, Devit ni nang koe bangmaw ka dei han rah, bangkongtetpawiteh, na san hah na panue.

¹⁹ Oe BAWIPA, na san kecu dawk na lungthin dawk kaawm e patetlah ka lentoe e hno na sak teh, tami pueng na panue sak.

²⁰ Oe BAWIPA, hnâ hoi ka thainae dawkvah, nama patetlae khoeroe awm hoeh. Nama laipalah Cathut alouke khoeroe awm hoeh.

²¹ Izip ram hoi na ratang e taminaw e hmalah, Jentelnaw na pâlei e hnin ka lentoe e hah, kângairunae na sak e dawk hoi, namae min lentoenae kamnue sak hanelah, Cathut ni amae tami lah o thai nahanelah ratang han a ngai e Isarelnaw patet e talai van mipun alouke ao boimaw.

²² Bangkongtetpawiteh, na tami Isarelnaw teh yungyoe na tami lah o hane na sak e doeh. Hatdawkvah, nama teh ahnimae BAWIPA Cathut lah na o.

²³ Oe BAWIPA, na san kong hoi na imthung kong dawkvah, na dei e teh, yungyoe hanelah caksak nateh, na dei e patetlah caksak yawkaw.

²⁴ Hahoi, ransabawi Cathut, Isarel Cathut teh Isarel Cathut doeh telah na min teh, a yungyoe caksak nateh, pholennae awm seh. Na san Devit imthungnaw teh, na hmalah cak naseh.

²⁵ Bangkongtetpawiteh, Oe ka Cathut, na san koevah na imthung ka kangdue sak han telah na kamnue sak toe. Hatdawkvah, na san ni nama koe ka ratoum ngamnae doeh.

²⁶ Oe BAWIPA nama teh Cathut lah na o dawh na hawinae teh, na san koe lawk yo na kam toe.

²⁷ Na san imthungnaw heh na hmalah a yungyoe ao thai aw hanelah, yawhawinae na poe toe. Bangdawk tetpawiteh, Oe BAWIPA nama ni yaw na hawi sak e teh, yungyoe yawhawinae doeh telah ati.

18

Devit taran hoe a tânae

¹ Hathnukkhu hoi hettelah ao. Devit ni Filistinnaw a tuk teh a tâ. Gath hoi khotenaw hah Filistinnaw e kut dawh hoi a lawp.

² Moabnaw bout a tuk teh, Moabnaw teh Devit e san lah ao aw h teh, tamuk ouk a poe aw h.

³ Euphrates palang teng e a uknae caksak hanelah, a cei nah Devit ni Zobah siangpahrang Hadadezer hai Hamath totouh a tâ.

⁴ Devit ni rangleng 1, 000 hoi marangransanaw 7, 000, hoi ransa 20, 000 hah ahni koe e la a poe. Devit ni leng la sawn e marangnaw pueng hah be a raphoe pouh teh leng ka sawn e 100 touh dueng a pâhlung pouh.

⁵ Damaskas, Assirianaw hah Zobah siangpahrang Hadadezer ka bawm hanelah, a tha aw h navah, Devit ni Sirianaw 22, 000 a thei.

⁶ Hatdawkvah, Devit ni Siria ram Damaskas khovah, ransanaw a ta. Sirianaw ni hai Devit tamuk ka poe e lah ao aw h. BAWIPA ni Devit teh a cei na tangkuem koe tânae a poe.

⁷ Devit ni Hadadezernaw e sui saipheinaw a la pouh teh, Jerusalem vah a ceikhai.

⁸ Hadadezer khopui dawh e Tibhath kho hoi Kun kho dawh hoi, rahum moikapap a thokhai. Hote rahum hoi Solomon ni rahum tuiim, rahum khom, rahum puengcang aphunphun lah a sak.

⁹ Hamath siangpahrang Toi ni Zobah siangpahrang, Hadadezer, ransanaw pueng Devit ni a tâ tie hah a thai aw h toreih teh,

¹⁰ Hadadezer hah a tuk teh a tâ dawkvah, kut man hanelah lunghawikhai hanelah, a capa Hadoram teh Devit koe a patoun. Bangkongtetpawiteh, Hadadezer ni Toi hah a tuk. Hahoi suingun rahum, hlaamnaw phunkuep hah a hni koe a patawn.

¹¹ Hote hnonaw hoi miphunnaw pueng Edom, moab, Ammon, Filistin hoi Amaleknaw koe e sui ngun a la e naw hoi Devit ni BAWIPA koe a pathung.

¹² Hothloilah, Zeruiah capa Abishai ni Edomnaw 18, 000 touh hah palawi tanghling dawh a thei aw h.

¹³ Edom hai ransa a ta teh, Edomnaw pueng teh Devit ni tamuk a cawngnae kho lah ao awh. BAWIPA ni Devit teh a ceinae tangkuem koe tânae a poe.

Devit uknae

¹⁴ Hottelah Devit ni Isarelnaw a uk teh, a taminaw dawkvah, kalanalah lawk a ceng.

¹⁵ Zeruijah capa Joab teh ransahu ka hrawi e bawi lah ao. Ahilud e capa Jehoshaphat teh kamthang kathutkung lah ao.

¹⁶ Ahilud capa Zadok hoi Abiathar capa Abimelek teh vaihma lah ao awh teh, Shavsha teh cakathutkung lah ao.

¹⁷ Jehoiada capa Benaiah teh Kerethnaw hoi Pheletnaw kahrawikung lah ao teh, Devit capanaw teh, siangpahrang thaw dawk kho kakhangkungnaw lah ao awh.

19

Ammonnaw hoi Sirianaw tânae

¹ Hathnukkhu, hettelah ao. Ammonnaw e siangpahrang Nahash a due hoi a capa ni a yueng lah a bawi.

² Devit ni Nahash e capa Hanun koevah, pahrennae kamnue sak han. Bangkongtetpawiteh, a na pa ni kai koe pahrennae a kamnue sak toe telah ati. Hatdawkvah, Devit ni a na pa e kong dawk lungpahawi hanelah, patounenaw a patoun teh. Ahni lungpahawi hanelah, Devit e a sannaw teh Ammon catounnaw e ram Hanun koe a pha awh.

³ Hateiteh, Ammonnaw kahrawikung Hanun koevah, Devit ni nang lungpahawi hanelah a patoun e taminaw heh na pa barinae a poe katang dawk doeh, telah na pouk maw. A sannaw teh ram tuet hane hoi raphoe hane ngai dawk doeh a tho awh e nahoehmaw, telah ati awh.

⁴ Hatdawkvah, Hanun ni Devit e sannaw hah a man teh, a pâkhamuen koug a ngaw pouh teh a khohna hah a laheibaw koe totouh a a pouh teh a ban sak.

⁵ A patoun e a sannaw kong hah Devit koe tami buet touh ni a dei pouh teh, hotnaw hah puenghoi yeirai a po sak dawkvah, ahnimanaw kâhmo hanelah laiceinaw a patoun. Siangpahrang ni, na pâkhamuen a sai hoehroukrak Jeriko kho dawk awm awh ei, pâkhamuen a sai torei ban awh telah atipouh.

⁶ Ammonnaw ni, Devit ni a hmuhma e sak awh toe tie a panue awh toteh, Hanun hoi Ammonnaw ni Mesoptamianaw hoi Sirianaw Maakah hoi Zobahnaw koe leng hoi marangransanaw hlai nahanlah ngun tangka talen 1, 000 a patawn awh.

⁷ Hottelah leng 32, 000 Maakah siangpahrang hoi a taminaw hoi a hlai awh teh, Madeba kho e a hmalah a tungpup awh. Ammonnaw teh a kho tangkuem hoi a tâco awh teh, tuk hanelah a cei awh.

⁸ Devit ni hote kamthang a thai torei teh, Joab hoi athakaawme ransahu pueng hah a patoun.

⁹ Ammonnaw a tâco awh teh, khopui longkha teng vah, tuk hanlah a kamkhueng awh. Kabawm hane siangpahrangnaw teh kahrawng dawk alouklouk lah ao awh.

¹⁰ Hottelah hmalah hoi hnuk lahoi, tuk hanelah kaawm e hah Joab ni a panue torei teh, Isarelnaw thung dawk kahawipoung e a rawi teh, Sirianaw tuk hanlah a cei awh.

¹¹ Alouke taminaw pueng teh a hmaunawngaha Abishai kut dawk a poe teh Ammonnaw tuk hanelah a cei van awh.

¹² Joab ni, Sirianaw hah ka tâ thai mahoeah na tetpawiteh, na kabawp aw hah. Hahoi Ammonnaw hah na tâ thai mahoeah pawiteh, na kabawp aw hah.

¹³ Tarankahawi lah awm aw hah nateh, maimae taminaw hoi mamae Cathut, khopuinaw hanelah tongpatang lah awm aw hah sei. BAWIPA ni ahawi tie patetlah sak yawkaw seh ati aw hah.

¹⁴ Hottelah Joab hoi ama koe kaawm e naw ni, tarantuk hane Sirianaw koe rek a hnaï aw hah teh, a hmaitung koug a yawng aw hah.

¹⁵ Ammonnaw ni Sirianaw koug a yawng aw hah tie hah a panue torei teh, ahnimouh hai a hmaunawngah Abishai e hmalah a yawng aw hah teh, kho thung a kâen aw hah. Hatdawkvah, Joab teh Jerusalem vah a ban.

¹⁶ Sirianaw ni Isarelnaw e a hmalah kangdue e hmuen hawihoeah tie a panue torei teh, patounenaw a patoun aw hah teh, palang namran kaawm e Sirianaw hah a kaw aw hah. Hadadezer ransabawi Shophate ni hai ahnimouh a uk.

¹⁷ Hote kong teh Devit koe a dei pouh aw hah. Ahni ni Isarelnaw pueng a kaw teh, Jordan namran vah a cei aw hah teh, Sirianaw hah a tuk aw hah.

¹⁸ Sirianaw teh, Isarelnaw e a hmalah, a yawng aw hah teh, Devit ni Sirianaw e leng 7, 000 touh daw kâcui e naw hoi ransa 40, 000 touh a thei teh ransabawi Shophate hai a thei.

¹⁹ Hatdawkvah, Hadadezernaw ni Isarelnaw e a hmalah kangdout thai hoeah toe tie a panue torei teh, Devit koevah rounnae a sak aw hah teh, tamuk ka cawng e kho lah ao aw hah. Hatdawkvah, Sirianaw ni Ammonnaw teh kabawp han ngai aw hah hoeah toe.

20

Rabbah kho a lanæ

¹ Kawmpoi e tueng a pha nah, siangpahrangnaw ni tarantuk hane ouk a tâco aw hah. Joab ni ransahu a ceikhai teh Ammonnaw e ram hah a tuk teh Rabbah kho a kalup aw hah. Devit teh Jerusalem vah ao Joab ni Rabbah kho a tâ teh a la.

² Devit ni hote siangpahrang e bawilakhung hah a la pouh. Ai e teh sui talen buet touh a ri. talung phu kaawmnaw hai ao. Devit hah a kâmuk sak aw hah teh, khopui thung e hno moikapap a lawp aw hah.

³ Hote hmuen koehoi taminaw hah a ceikhai teh, thing a e kawi, laikawk kanawknae hnopainaw, cakânaw, hno nahanelah thaw a tawk sak aw hah. Hot patetlah Ammonnaw e khopui abuemlah Devit ni a sak hnukkhu, Devit hoi a taminaw pueng teh Jerusalem vah a ban aw hah.

Izip tami kalen a theinae

⁴ Hathnukkhu, Filistinnaw hoi Gezer vah tarankâtuknae bout ao. Hushath Sibbekhai ni Rapha catoun thung daw k e Sippai hah a thei aw hah teh a sung sak aw hah.

⁵ Filistinnaw hoi bout kâtuk aw hah teh, Jair kho e Jair capa Elhanan ni Git tami Goliath e nawngah Lahmi hah a thei. A tahroecung teh hni kawng kalawng e patetlah ao.

⁶ Gath khovah kâtuknae bout ao teh, hawvah, ka rasang poung e aranglae kut roi daw kucareï taruk touh, avanglae a khok roi daw k a khokcareï taruk, asumkung 24 touh ka tawn e ao. Filistin mipun tamikalen poung e mipunnaw e casak doeh.

⁷ Ahni ni Isarelnaw a ka pacekpahlek dawkvah, Devit e a nawngah Shimei capa Jonathan ni ahni hah a thei.

⁸ Hotnaw teh Gath kho dawk kaawm e Rapha tami kalenpounge casak lah ao teh, Devit hoi a sannaw e kut dawk hoi a due awh.

21

Isarel hoi Judah milu touknae

¹ Hahoi Setan ni Isarelnaw taran lahoi a thaw teh, Isarelnaw milu touk sak hanelah Devit hah a tacuek.

² Hatdawkvah, Devit ni Joab hoi a taminaw kahrawikung koe, Isarel miphun pueng Dan kho hoi Beersheba kho totouh cet awh nateh, tami nâyittouh maw tie ka panue thai nahan touk awh nateh kai koe bout na dei awh han telah atipouh.

³ Hatei, Joab ni siangpahrang koevah, BAWIPA ni taminaw teh a let 100 touh haiyah pungdaw sak naseh, siangpahrang ka bawipa e misa lah koug kaawm nahoehmaw, ka bawipa ni bangkongmaw hot hah panue han na ngai, bangdawkmaw Isarelnaw kâtapoe sak hanelah na sak vaw atipouh.

⁴ Hateiteh siangpahrang e lawk teh Joab ni ek thai hoeh. Hatdawkvah, Joab ni Isarel ram pueng dawk a cei teh, Jerusalem vah bout a ban.

⁵ Joab ni tami kaawm e yit touh Devit koe bout a dei pouh. Isarel ram dawk tahloi ka patuem e 1, 100, 000 touh a pha awh.

⁶ Hateiteh, Levihnew hoi Benjaminsaw teh touk awh hoeh. Bangkongtetpawiteh, siangpahrang e lawk teh Joab hanelah panuet a tho.

⁷ Hote kong teh Cathut ni a ngai hoeh dawkvah, Isarelnaw hah a thei.

⁸ Devit ni Cathut koe hete ka sak e dawkvah puenghoi ka payon toe. Hatei nakunghai na sanpa kai ni ka payon, kai heh na pahren nateh, na ngaithoum yawkaw ei. Bangkongtetpawiteh, pathunae hno ka sak toe telah ati.

Devit tounnae

⁹ BAWIPA ni Devit e profet Gad koe vah,

¹⁰ Cet nateh, Devit koe hettelah dei pouh. Hno kathum touh nang koe na patue. Nang dawk kai ni ka sak hane buetbuet touh kârawi leih telah dei pouh telah atipouh.

¹¹ Gad teh Devit koe a cei teh, BAWIPA ni hettelah a dei, na ngai e kârawi leih.

¹² BAWIPA ni a dei e teh, kum thum touh thung takang ka tho sak maw na ngai, Nahoe pawiteh, thapa yung thum touh tarannaw ni na pâlei maw na ngai, Nahoe pawiteh, hnin thum touh thung Lacik ka phasak maw na ngai. Na kapatoukung koe bangtelamaw ka dei pouh han, atu kâpouk nateh, dei haw telah atipouh.

¹³ Devit ni Gad koevah, ka lung rei a thai, kho lah king a bing. BAWIPA e kut dawk ka bawt yawkaw naseh. Bangkongtetpawiteh, a lungmanae teh a len. Tami e a kut dawk teh na phat sak hanh telah atipouh.

¹⁴ Hatdawkvah, BAWIPA ni Isarelnaw thung lacik a pha sak teh, Isarelnaw tami 70, 000 touh a due awh.

¹⁵ Hahoi Jerusalem raphoe hanelah, Cathut ni kalvantami a patoun teh, raphoe hane a câcai navah, BAWIPA ni a khet teh, hawihoeahnae sak han a noe e hah bout a kâhno. Ka raphoe e kalvantami koevah, a khout toe na kut dâw hanh lawi telah atipouh teh, BAWIPA e kalvantami teh Jebusit tami Ornan e cangkatinnae teng vah a kangdue.

¹⁶ Devit ni kho a radoung teh, BAWIPA kalvantami tahloi a rayu nalaihoi Jerusalem koelah a nue teh, talai hoi kalvan a rahak dawk a kangdue e hah a hmu. Hatdawkvah, Devit hoi kacuenaw ni buri a kâramuk awh teh, talai dawk a tabo awh.

¹⁷ Devit ni Cathut koe taminaw touk hane kâ kapoekung teh kai nahoehmaw. Kai heh yonnae ka sak e, kahawihoehe poung lah hno ka sak e teh kai doeh. Hetnaw ni bangmaw a sak awh. Oe BAWIPA ka Cathut, kai hoi ka imthungnaw dawk na kut pho nateh, na taminaw ni lacik hah khang awh hanh naseh, telah ati.

¹⁸ Hatdawkvah, BAWIPA kalvantami ni Jebusit tami Ornan e cangkatinnae koevah Devit a cei vaiteh, BAWIPA hanelah thuengnae khoungroe kangdue sak hanelah, Devit koe dei pouh hanelah Gad koe kâ a poe.

¹⁹ A dei e patetlah Gad ni BAWIPA min lahoi a dei pouh e patetlah Devit teh a cei.

²⁰ Ornan ni a kamlang teh kalvantami hah a hmu. Ahni koe kaawm e a capa 4 touh a kâhro. Ornan ma teh cang a katin.

²¹ Hottelah Devit ni Ornan koe a pha teh, Ornan ni a khet navah, Devit hah a hmu. Cang a katin e pak a tha teh, Devit e hmalah talai dawk a tabo.

²² Devit ni BAWIPA hanelah thuengnae khoungroe ka sak thai nahanelah cangkatinnae hmuen hah na poe haw. Taminaw koehoi lacik a kâkayaw thai nahanelah, ka kuepcalah a phu na poe han telah atipouh.

²³ Ornan ni Devit koe lat yawkaw, siangpahrang ka bawipa ni ahawi na tie patetlah sak yawkaw, kenhaw! hmaisawi thuengnae sak nahanelah maitotan hoi thueng hanelah cakong, tavai hoi thueng nahanelah cakang hai na poe han. Abuemlahoi koung na poe telah atipouh.

²⁴ Siangpahrang Devit ni Ornan koevah, telah nahoeh. Aphu hoi kâran han. Bangkongtetpawiteh, BAWIPA hanlah nange ka lat mahoeh. Banghai baw laipalah thuengnae sathei hah ka poe mahoeh atipouh.

²⁵ Hatdawkvah, Devit ni hote hmuen teh Ornan koe sui shekel 600 touh hoi a ran.

²⁶ Devit ni hote hmuen koe BAWIPA hanlah khoungroe a sak teh, sathei thuengnae hoi roum thuengnae sathei poenae a sak. BAWIPA a kaw teh khoungroe dawkvah kalvan lahoi hmai hoi a pato.

²⁷ BAWIPA ni kalvantaminaw hah kâ a poe teh, tahloi teh a tabu dawk bout a pâseng.

²⁸ Devit ni Jebusit tami Ornan e cangkatinnae koehoi BAWIPA ni na pato tie hah a panue torei teh, hawvah thueng a sak.

²⁹ Hatnae tueng dawkvah, Mosi ni kahrawngum BAWIPA e lukkareim hoi hmaisawinae khoungroe a sak e hah, Gibeon kho e hmuenrasang doeh ao rah.

³⁰ Hateiteh, Cathut koe pouknae hei hanelah Devit ni a hmalah cet thai hoeh. Bangkongtetpawiteh, BAWIPA e kalvantami e tahloi hah a taki.

22

Devit ni bawkim sak sak hanelah a kâcai

¹ Devit ni hetteh BAWIPA Cathut e im lah ao teh, hethateh Isarelnaw hanelah hmaisawi thuengnae khoungroe doeh telah ati.

² Hatdawkvah, Devit ni Isarel ram e miphun alouke kaawm e naw hah, cungtalah pâkhueng teh, Cathut e im sak hanelah, talungdêikathoumnaw hah thaw a poe.

³ Devit ni longkha, tho sak nahanelah sum moikapap hoi rahum moikapap a ta pouh.

⁴ Sidar thing hai moikapap a ta pouh. Sidonnaw hoi Tairenaw ni Devit koevah, Sidar thing moikapap a sin pouh awh.

⁵ Devit ni ka capa Solomon teh a camo rah dawkvah, banghai panuek hoeh rah. A sak hane BAWIPA im teh a raim kaawm poung e, a min kamthang poung e, hoi ka lentoe e, ram pueng dawk pathang hanelah ao han. Hatdawkvah, sut ka rakueng pouh han telah ati. Devit ni a due hoehnahlan vah sut a rakueng pouh.

⁶ A capa Solomon a kaw teh, BAWIPA Isarel Cathut e im sak hanelah kâ a poe.

⁷ Devit ni a capa Solomon koevah, ka capa BAWIPA ka Cathut im hanelah im ka sak pouh hanelah ka kâcainae ao.

⁸ Hatei, nang teh thi moikapap na lawng sak. Taran kalenpoungnaw hai na tuk. Kaie mithmu vah talai van thi moikapap na lawng sak. Ka min hane im na sak mahoe.

⁹ Khenhaw! capa na tawn vaiteh, ahni teh roumnae tami lah ao han. A tengpam e tarannaw e thung hoi roumnae ka poe han. A min teh Solomon na ti han. Ahnie se dawk Isarelnaw teh lungmawngnae hoi roumnae hoi ao han.

¹⁰ Ahni ni kaie min o nahane im a sak han. Ahni teh ka capa lah ao vaiteh, kai teh a na pa lah ka o han. Isarelnaw dawk uknaeram a bawitungkhung a yungyoe ka caksak han, telah BAWIPA e lawk teh kai koe a tho.

¹¹ Hatdawkvah, ka capa, BAWIPA teh nang koe ao teh, na lam a cawn sak vaiteh, na dei tangcoung e patetlah nang ni nange BAWIPA Cathut e im hah na sak han.

¹² BAWIPA ni lungangnae hoi thouthainae na poe seh. Isarelnaw dawc uknae na poe seh. BAWIPA na Cathut e phunglawk teh na tarawi thai han.

¹³ Hottelah Isarel kong dawc phung hoi lawkcengnae BAWIPA ni Mosi koe a poe e naw hah na tarawi pawiteh, na lam a cawn han doeh. Na tha awm sak, na taranhawi sak, taket hanh, na lungpout sak hanh.

¹⁴ Khenhaw! sut ka rakueng tangcoung e BAWIPA e im hanelah sui talen 1, 000 hoi ngun talen 1, 000, 000 touh a ta pouh. Rahum hoi sumnaw hai moikapap lah ao toe. Thing hoi talungnaw hai ka rakueng toe. Youn na sak thai han toe.

¹⁵ Hahoi thaw ka tawk hane, thing ka a hane, talung ka dêi hane, imsakthoumnaw koug ao toe.

¹⁶ Moikapap lah suinaw hoi ngunnaw, rahumnaw, sumnaw hai ao. Thaw nateh tawk hane youn kamtawng leih, BAWIPA teh nang koe ao atipouh.

¹⁷ Devit ni Isarel kahrawikungnaw pueng teh a capa Solomon kabawp awh hanelah kâ a poe.

¹⁸ BAWIPA nangmae Cathut teh nangmouh koe ao nahoehmaw. Hmuen tangkuem vah roumnae na poe nahoehmaw. Hete ram dawc e taminaw teh ka kut dawc na poe teh a ram hai BAWIPA hoi a taminaw hmalah tâ lah ao toe.

¹⁹ BAWIPA na Cathut hah tawng hanelah, na hringnae hoi na lungthin dawc tat awh. Hatdawkvah, BAWIPA lawkkam thingkong hoi Cathut e hnopai kathoung naw hah BAWIPA min lahoi sak hane im dawkvah, kâenkhai hanelah, BAWIPA Cathut e hmuen kathoung teh thaw nateh sak awh telah ati.

¹ Devit teh a matawng toung dawkvah, a capa Solomon teh Isarel siangpahrang lah a sak awh.

² Isarel kahrawikungnaw pueng hoi vaihmanaw, Levihnaw hah koug a kamkhueng sak.

³ Levihnaw teh kum 30 touh hoi lathueng e naw hah touk e lah ao teh, tongpa 38, 000 a pha.

⁴ Hotnaw thung dawk hoi 24, 000 teh BAWIPA e im ka sak hane naw hoi ka ring hane naw lah ao awh teh, 6000 teh kahrawikungnaw hoi lawcengkungnaw lah ao awh.

⁵ Hahoi 4000 teh, longkha karingkungnaw lah ao awh. Alouke 4000 teh pholennae koe tumkhawng hanelah ka sak e naw, Devit ni a sak e hah a hno awh teh, BAWIPA kapholennaw lah ao awh.

⁶ Levih e capanaw thung dawk hoi a hu louklouk lah a kâkapek awh. Gershon casaknaw Kohath hoi Merari.

⁷ Gershonnaw teh Ladan hoi Shimei.

⁸ Ladan casaknaw teh Jehiel, Zetham hoi Joel, abuemlah kathum touh a pha awh.

⁹ Shimei casaknaw teh Shelomith hoi Haziel, Haran hoi abuemlah kathum touh a pha awh. Hetnaw teh Ladan catoun imthung kahrawikung lah ao awh.

¹⁰ Shimei casaknaw teh Jahath, Zina, Jeush hoi Beriah. Hetnaw pali touh teh Shimei casaknaw doeh.

¹¹ Jahath teh kacuepoung lah ao. Zizah teh apâhni e lah ao. Jeush hoi Beriah teh ca pung awh hoeh. Hatdawkvah, imthung buet touh e patetlah a pouk awh.

¹² Kohath casaknaw teh Amram, Izhar, Hebron, Uzziel hoi pali touh a pha awh.

¹³ Amram casaknaw teh Aron hoi Mosi doeh. Aron hoi a catounnaw teh, yungyoe hanelah kathoung hnonaw hah thoug sak hane, BAWIPA hmalah hmuitui sawi e thaw hah tawk vaiteh, amae min lah hoi yawhawi ka poe hanelah aloukcalah kapek e lah ao.

¹⁴ Cathut e tami Mosi e capanaw teh Levih miphun dawk hmai touksin e lah ao.

¹⁵ Mosi casak teh Gershom hoi Eliezer.

¹⁶ Gershom casak thung dawk hoi kacuepoung e teh Shubael doeh.

¹⁷ Eliezer casak lah kaawm e thung hoi kacuepoung e Rehabiah doeh. Eliezer ni ca tongpa alouke tawn hoeh. Hateiteh, Rehabiah casak teh moi a pung awh.

¹⁸ Izhar casak thung dawk hoi kacuepoung e teh Shelomith doeh.

¹⁹ Hebron casaknaw thung dawk hoi kacuepoung e teh Jeriah doeh. Apâhni e teh Amariah doeh. Apâthum e teh Jahaziel doeh. Apali e teh Jekameam doeh.

²⁰ Uzziel casak dawk hoi kacuepoung e teh Mikah, apâhni e teh Isshiah doeh.

²¹ Merari casak teh Mahli hoi Mushi, Mahli casak teh Eleazar hoi Kish.

²² Eleazar teh ca tongpa tawn hoeh. Napui dueng doeh a tawn. Kish e capanaw ni ahnimouh teh yu lah a la awh.

²³ Mushi casaknaw teh Mahli, Eder, Jerimoth hoi kathum touh a pha awh.

²⁴ Hetnaw teh Levih capanaw dawk a imthung lah hoi touk awh e daw, imthungnaw kahrawikung BAWIPA im sak hanelah kum 20 lathueng e thaw katawkaw lah ao awh.

²⁵ Bangkongtetpawiteh, Devit ni Jerusalem vah yungyoe kho a sak thai nahane Isarel BAWIPA Cathut ni a taminaw hah karoumcalah o thai nahan a poe e doeh.

²⁶ Levihnew ni hai lukkareiim hoi a thaw tawk nahanelah puengcangnaw kâkayawt hanelah ngai mahoehe toe, telah a ti.

²⁷ Bangkongtetpawiteh, Devit ni kâpoe e ao dawkvah, Levihnew kum 20 lathueng hah touk e lah ao awh.

²⁸ Hatdawkvah, Levihnew teh Cathut e im dawk thaw ka tawk e Aron e capanaw thaw kabawp hane, longkha thung e, im khan thung e, kathoung hno pueng thoung sak hane, BAWIPA e im dawk thaw ka tawk e lah ao awh.

²⁹ Pâtoum hane vaiyei hoi tavai, thueng nahane tavai kanui e, tonphuenhoehe ka rapamca e, hmai pahai e thoseh, karê e thoseh, kathoung kalen pueng hai ao.

³⁰ Amom tangminlah hnintangkuem BAWIPA koe lunghawi lawk dei hanelah ao awh.

³¹ Sabbath hnin thoseh, thaparei hnin thoseh, pawî hnin thoseh, sak hane patetlah BAWIPA koe thuengnae pueng poe hanelah thaw katawknaw lah ao awh.

³² Hahoi, kamkhuengnae lukkareiim ka ring hane hoi, hmuen kathoung ka ring hane hoi, BAWIPA im dawk thaw ka tawk hane hmaunawngaha Aron e capanaw ni sak hane pueng teh ahnimae thaw lah ao.

24

Vaihmanaw thaw reinae

¹ Aron capanaw thaw reinae teh hettelah ao. Aron casaknew teh Nadab, Abihu, Eleazar hoi Ithamar tinaw hah doeh.

² Nadab hoi Abihu teh a na pa a due hoehnahlan a due roi teh, capa tawn roi hoeh. Hatdawkvah, Eleazar hoi Ithamar ni vaihma thaw teh a tawk roi.

³ Devit ni Eleazar casak Zadok hoi Ithamar casak Ahimelek tinaw hoi rei ka tawk hane thaw a kapek pouh.

⁴ Ithamar casaknew hlak vah, Eleazar casaknew ni kahrawikung kapap lah ao awh. Eleazar casak dawk hoi imthung kahrawikungnew 16 touh a pha awh. Ithamar casak dawk hoi imthung kahrawikungnew 8 touh a pha awh.

⁵ Hottelah cungpam a khoe awh teh, suetalah a kârei awh. Bangkongtetpawiteh, Eleazar casaknew hoi Ithamar casaknew dawk hmuen kathoung dawk e kahrawikung hoi Cathut e im hanelah kahrawikung lah ao awh.

⁶ Levih tami cakathukung Nethanel capa Shemaiah ni siangpahrang hoi kahrawikungnew hah vaihma Zadok hoi Abiathar capa Ahimelek, hoi vaihmanaw hah Levih imthung kahrawikungnew e mithmu vah a thut. Imthung kahrawikung buet touh ni a coe e teh, Eleazar imthung dawk a bo. Buet touh e teh Ithamar imthung dawk a bo.

⁷ Hottelah cungpam apasuek e teh Jehoiarib dawk a bo. Apâhni e teh Jedaiah dawk a bo.

⁸ Apâthum teh Harim dawk a bo. Apali e teh Seorim dawk a bo.

⁹ Apanga e teh Malkhijah dawk a bo. Tangla, ataruk e teh Mijamin dawk a bo.

¹⁰ Asari e teh Hakkoz dawk a bo. ataroe e teh Abijah dawk a bo.

¹¹ Atako e teh Jeshua dawk a bo, ahra e teh Shekariah dawk a bo.

¹² ahlaibun e teh Eliashib dawk a bo, ahlaikahni e teh Jakim dawk a bo.

¹³ Ahlaikathum e teh Huppah dawk a bo, ahlaipali e teh Jeshebeab dawk a bo.

¹⁴ ahlaipanga e teh Bilgah dawk a bo, ahlaitaruk e teh Immer dawk a bo.

¹⁵ ahlaisari e teh Hezir dawk a bo, ahlaitaroe e teh Hapozzez dawk a bo.

¹⁶ ahlaitako e teh Pethahiah dawk a bo, aruihni e teh Ezekiel dawk a bo.

¹⁷ aruihni buet e teh Jakhin dawk a bo, aruihnikahni e teh Gamul dawk a bo.

¹⁸ aruihnikathum e te Delaiah dawk a bo, aruihnipali e teh Maaziah dawk a bo.

¹⁹ Hetteh BAWIPA Isarel Cathut ni na pa Aron koe a poe e BAWIPA e im dawk thaw a tawk awh hanelah a kâparei awh e lah a ao.

Alouke Levih

²⁰ Levih casaknaw kaawm rae teh Amram casaknaw thung dawk hoi Shubael, Shubael casak thung dawk hoi Jedeiah.

²¹ Rehabiah casaknaw thung hoi Isshiah teh a camin lah ao.

²² Izharaw thung hoi Shelomoth, Shelomoth casak thung hoi Jahath.

²³ Hebron casaknaw teh a camin Jeriah, apâhni e teh Amariah, apâthum e teh Jahaziel, apali e teh Jekameam.

²⁴ Uzziel casak thung hoi Maikah, Maikah casak thung hoi Shamir.

²⁵ Maikah nawngha Isshiah, Isshiah casak thung hoi Zekhariah.

²⁶ Merari casaknaw teh Mahli hoi Mushi doeh. Jaaziah casak thung hoi Beno,

²⁷ Merari casaknaw teh Jaaziah thung hoi Shoham, Zakkur hoi Ibrî.

²⁸ Mahli koehoi capa ka tawn hoeh e Eleazar doeh.

²⁹ Kish koehoi capa Jerahmeel.

³⁰ Mushi casak teh Mahli, Eder, Jerimoth doeh. Hetnaw teh Levih casaknaw dawk hoi imthung kahrawikungnaw doeh.

³¹ Ahnimouh ni hai Aron casaknaw teh a hmaunawngha patetlah siangpahrang Devit hoi Zadok hoi Ahimelek hoi vaihmanaw hoi, Levihnaw imthung kahrawikungnaw mithmu vah, cungpam a rayu van awh. Imthung kahrawikung kacuepoung ni a nawngha cahnoung ni a sak e patetlah a sak awh.

25

La kahrawikungnaw

¹ Hahoi teh, Asaph, Heman, Jeduthun casak tangawn ni ratoung hoi tamawi, cecaknaw hoi tumkxawng hanelah Devit hoi ransabawinaw ni lengkaleng thaw a poe awh.

² Thaw ka tawk hane naw teh, Asaph casak dawk hoi Zakkur, Joseph, Nethaniah hoi Asarelah. Ahnimouh teh Asaph casaknaw siangpahrang ni kâpoe e patetlah lawk kadeikung Asaph e kâ rahim vah kaawm e naw doeh.

³ Jeduthun dawk hoi Jeduthun casaknaw teh Gedaliah, Zeri, Isaiah, Hashabiah, Mattithiah hoi taruk touh a pha awh. Ratoung hoi BAWIPA koe lughawinae lawk kadeikung a na pa e kâ rahim kaawm e naw doeh.

⁴ Heman dawk hoi Heman casaknaw teh Bukkiah, Mattaniah, Uzziel, Shubael, Jerimoth, Hananiah, Hanani, Eliathah, Giddalti, Romantiezzer, Joshbekashah, Mallothi, Hothir, Mahazioth.

⁵ Hotnaw pueng teh siangpahrang hanelah kahmawtkung Heman casak a ki ka tawmrasang e lah ao awh. Cathut ni Heman teh ca tongpa 14 touh hoi canu 3 touh a poe.

⁶ Hotnaw pueng teh, BAWIPA im dawk cecak, tamawi, ratoung hoi Cathut e im dawk thaw ka tawk nahanelah, la ka sak naw a na pa e kâ rahim kaawm e naw doeh. Asaph, Jeduthun hoi Heman naw teh, siangpahrang kâtawnnae rahim kaawm e naw doeh.

⁷ Ahnimouh teh a hmaunawngghanaw hoi BAWIPA hanelah la ka cang naw, ka thoum tangcoung naw abuemlah 288 touh a pha awh.

⁸ Kathoung kalen, kacangkhainaw hoi, kacangnaw, a coe awh hane suetalah cungpam a khoe pouh.

⁹ Hottelah cungpam a khoe e apasueke teh Asaph e capa Joseph tak dawk a bo. Apâhni e teh Gedaliah hoi a hmaunawngghanaw capa 12 dawk a bo.

¹⁰ Apâthum e teh Zakkur, a capanaw hoi a hmaunawngghanaw 12 touh dawk a bo.

¹¹ Apali e teh Izri hoi a capa hoi a hmaunawngghanaw 12 touh dawk a bo.

¹² Apanga e teh Nethaniah hoi a capa hoi a hmaunawngghanaw 12 touh dawk a bo.

¹³ Ataruk e teh Bukkiah hoi a capa hoi a hmaunawngghanaw 12 touh dawk a bo.

¹⁴ Asari e teh Jesharelah hoi a capa hoi a hmaunawngghanaw 12 touh dawk a bo.

¹⁵ Ataroe e teh Isaiah hoi a capa hoi a hmaunawngghanaw 12 touh dawk a bo.

¹⁶ Atako e teh Mattaniah hoi a capa hoi a hmaunawngghanaw 12 touh dawk a bo.

¹⁷ Ahra e teh Shimei hoi a capa hoi a hmaunawngghanaw 12 touh dawk a bo.

¹⁸ Ahlaibun e teh Azarel hoi a capa hoi a hmaunawngghanaw 12 touh dawk a bo.

¹⁹ Ahlaikahni e teh Hashabiah hoi a capa hoi a hmaunawngghanaw 12 touh dawk a bo.

²⁰ Ahlaikathum e teh Shubael hoi a capa hoi a hmaunawngghanaw 12 touh dawk a bo.

²¹ Ahlaipali e teh Mattithiah hoi a capa hoi a hmaunawngghanaw 12 touh dawk a bo.

²² Ahlaipanga e teh Jerimoth hoi a capa hoi a hmaunawngghanaw 12 touh dawk a bo.

²³ Ahlaitaruk e teh Hananiah hoi a capa hoi a hmaunawngghanaw 12 touh dawk a bo.

²⁴ Ahlaisari e teh Joshbekashah hoi a capa hoi a hmaunawngghanaw 12 touh dawk a bo.

²⁵ Ahlaitaroe e teh Hanani hoi a capa hoi a hmaunawngghanaw 12 touh dawk a bo.

²⁶ Ahlaitako e teh Mallothi hoi a capa hoi a hmaunawngghanaw 12 touh dawk a bo.

²⁷ Aruihni e teh Eliathah hoi a capa hoi a hmaunawngghanaw 12 touh dawk a bo.

²⁸ Aruihnibuet e teh Hothir hoi a capa hoi a hmaunawngghanaw 12 touh dawk a bo.

²⁹ Aruihnikahni e teh Giddalti hoi a capa hoi a hmaunawngghanaw 12 touh dawk a bo.

³⁰ Aruihnikathum e teh Mahazioth hoi a capa hoi a hmaunawngghanaw
12 touh dawk a bo.

³¹ Aruihnipali e teh Romantiezzer hoi a capa hoi a hmaunawngghanaw
12 touh dawk a bo.

26

Longkha karingnaw

¹ Longkha karingkungnaw thaw kâreinae teh, Korah koehoi Asaph
casaknaw Kore capa Meshelemiah.

² Meshelemiah casak koehoi Zekhariah teh a ca camin, apâhni e teh
Jediael, apâthum e teh Zebadiah, apali e teh Jathniel,

³ apanga e teh Elam, ataruk e teh Jehohanan, asari e teh Elioenai,

⁴ Obededom casaknaw teh a camin Shemaiah, apâhni e teh Jehozabad,
apâthum e teh Joah, apali e teh Sakar, apanga e teh Nethanel,

⁵ ataruk e teh Ammiel, asari e teh Issakhar, ataroe e teh Peulthai, ahni
teh Cathut ni yawhawi a poe.

⁶ Shemaiah casaknaw thung hoi hai imthung kahrawinaw ao van.
Bangkongtetpawiteh, tarankahawi ni teh athakaawme taminaw lah ao
awh.

⁷ Shemaiah capanaw teh Othni, Rephael, Obed, a hmaunawnggha
Elzabad, hno katetthai capa Elihu hoi Semakiah.

⁸ Hetnaw teh Obededom casaknaw doeh. A capanaw hoi a hmaunawng-
ghanaw teh thaw ka tawk thai poung e lah ao. Obed-edomnaw teh 62 touh
a pha awh.

⁹ Meshelemiah casaknaw hoi a hmaunawnggha a thakaawm capa 18 touh
ao awh.

¹⁰ Merari casak koehoi Hosah ni hai capanaw a tawn. Shimri te camin
la ao hoeh nakunghai a na pa ni kacuepoung lah a ta.

¹¹ Apâhni e teh Hilkiah, apâthum e teh Tabaliah, apali e teh Zekhariah.
Hosah casak hoi a hmaunawngghanaw abuemlah 13 touh a pha.

¹² Hetnaw teh a hmaunawngghanaw patetlah BAWIPA e im dawk thaw
ka tawk e longkha ka ring hanelah ao awh.

¹³ Kacue kanaw a imthungnaw lahoi longkha tangkuem ring hanelah
cungpam a rayu awh.

¹⁴ Kanîtholae cungpam teh Shelemiah a bo. A lungkaang poung e
lawkcengkung capa Zekhariah hanelah cungpam a rayu awh teh tung lae
hah a coe.

¹⁵ Akalae Obededom a coe dawk hnopai tanae im teh a capanaw ni coe
e lah ao.

¹⁶ Shupim hoi Hosah ni coe e teh kanîloumlae takhangnae Shalleketh
longkha hoi thongim a voivang lae hah doeh.

¹⁷ Kanîtholae Levihnaw 6 touh ao awh teh, hnin touh dawk atunglah 4,
akalah 4, hahoi hnoim dawk 2, reirei ao.

¹⁸ Kanîloumlae hoi rapan thung kâen nahanelah 4 touh, kalupnae thung
2 touh.

¹⁹ Hetnaw teh Korah e capanaw hoi Merari e capanaw, longkha ka ring
hanelah a kapek e naw doeh.

Hnopai thaw kakuennaw

²⁰ Levihnaw thung hoi Ahijah teh Cathut im dawk hnopai poe e
karingkung lah ao.

²¹ Ladan e catounnaw teh Ladan koehoi Gershonnaw lah kaawm e lah ao. Gershonnaw ni Ladan imthung dawk kahrawikung lah ao awh. Hotnaw teh

²² Jehieli casak koehoi Zetham hoi a nawngha Joel teh BAWIPA im daw e hnopai karingkung lah ao.

²³ Amram koehoi hai, Izhar koehoi hai, Hebron koehoi hai, Uzziel koehoi hai ao awh.

²⁴ Mosi capa Gershom casak Shubael hai hnopai karingkungnaw daw kacue lah ao.

²⁵ Eliezer daw hoi a hmaunawngghanaw teh Eliezer capa Rehabiah, a capa Isaiiah, a capa Joram, a capa Zikhri, a capa Shelmoth.

²⁶ Shelomoth hoi a hmaunawngghanaw hai siangpahrang Devit hoi a imthung kahrawikung ransa 1000 kaukkung bawi, 100 touh kaukkung bawi lah ao awh. Ransabawinaw ni a poe e hnopai karingkung lah ao awh.

²⁷ Taran a tuknae koe e lawphno a sin awh e teh, BAWIPA e im pathoup nahanelah a poe awh.

²⁸ Kahmawtkung Samuel hoi Kish capa Sawl, Ner capa Abner, Zeruiiah capa Joab tinaw ni a poe tangcoung e naw hoi poe hanelah kaawm e hnonaw teh Shelomoth hoi a hmaunawngghanaw e kut daw k a kuem awh.

²⁹ Izharnaw daw hoi Kenaniah hoi a capanaw teh Jerusalem rapan alawilae Isarelnaw daw kahrawikungnaw hoi lawkcengkungnaw lah ao awh.

³⁰ Hebronnaw daw hoi Hashabiah hoi a hmaunawngghanaw teh hno katetthai e tami 17000 touh teh Jordan namran kaniloumlah BAWIPA e thawnaw hoi siangpahrang e thawnaw daw Isarel ram karingkungnaw lah ao awh.

³¹ Hebronnaw koehoi Jerijah teh Hebronnaw e a na pa a tâconae patetlah kahrawikung lah ao. Devit a bawinae kum 40 touh a pha navah, Gilead ram e Jazer vah ahnimouh thung daw e athakaawme hoi tarankahawi e moikapap a hmu awh.

³² Cathut hane hoi siangpahrang e thaw dawkvah, Reuben, Gad, Manasseh casaknaw tangawn lathueng kahrawikungnaw hah Devit ni a ta. Imthungnaw ka hrawi hane daw hoi hno katetthai e a hmaunawngghanaw teh 2, 700 touh a pha. awh.

27

Devit e ransabawinaw

¹ Isarel catounnaw ayoun a pap e daw hoi a imthung kahrawikung hane ransa 1, 000 kaukkung, 100 kaukkung ransabawinaw, siangpahrang thaw katawknaw pueng kum touh thung hane thapa yung touh hoi yung touh a kâh lai awh teh, thaw a taw awh. Ahu thung tami 24, 000 ao awh.

² Apasueke thapa daw ahu buet touh kahrawikung teh Zabdiel capa Jashobeam ni a hrawi teh ahu thung tami 24, 000 ao.

³ Ahni teh Perez casak lah ao teh hmaloe pasuek e thapa daw e ransahu kahrawikungnaw hlak ransabawi kacue lah ao.

⁴ Apâhni e thapa daw ahu kahrawikung teh Aho tami Donai doeh. Ahu daw Mikloth hai kahrawikung lah ao. Ahu thung tami 24, 000 touh ao awh.

⁵ Apâthum e thapa daw ahu kahrawikung teh vaihma Jehoiada capa Jehoiada capa Benaiah doeh. Ahu thung tami 24, 000 touh ao awh.

⁶ Benaiah teh tami 30 lathueng hoi 30 rahak dawk e tami athakaawme lah ao. A capa Ammizabad hai ahu thung a bawk van.

⁷ Apalinae thapa dawk ahu kahrawikung teh Joab e nawngaha Asahel doeh. Ahnie a capa Zebadiah doeh. Ahu thung tami 24, 000 touh ao awh.

⁸ Apanga e thapa dawk ahu kahrawikung teh Izrah tami Shalhuth doeh. Ahu thung tami 24, 000 touh ao awh.

⁹ Ataruk e thapa dawk ahu kahrawikung teh Tekoa tami Ikkesh capa Ira doeh. Ahu thung tami 24, 000 touh ao awh.

¹⁰ Asari e thapa dawk ahu kahrawikung teh Ephraim casak Pelonit tami Helez doeh. Ahu thung tami 24, 000 touh ao awh.

¹¹ Ataroe e thapa dawk ahu kahrawikung teh Zerahit catoun Hushath tami Sibbekhai doeh. Ahu thung tami 24, 000 touh ao awh.

¹² Atako e thapa dawk ahu kahrawikung teh Benjamin casak Anathoth kho e Abiezer doeh. Ahu thung tami 24, 000 touh ao awh.

¹³ A hra e thapa dawk ahu kahrawikung teh Zerahit catoun Netophah tami Maharai doeh. Ahu thung tami 24, 000 touh ao awh.

¹⁴ A hlaibun e thapa dawk ahu kahrawikung teh Ephraim casak Pirathon tami Benaiah doeh. Ahu thung tami 24, 000 touh ao awh.

¹⁵ A hlaikahni e thapa dawk ahu kahrawikung teh Othniel koehoi Netophah tami Heldai doeh. Ahu thung tami 24, 000 touh ao awh.

Miphun kahrawikungnaw

¹⁶ Isarel miphunnaw dawkvah, Reuben miphun dawk hoi Zikhri capa Eliezer teh bawi kalen lah ao. Simeon miphunnaw hanelah Maakah capa Shephathiah,

¹⁷ Levih miphunnaw hanelah Kemuel capa Hashabiah, Aron miphunnaw hanelah Zadok,

¹⁸ Judah miphunnaw hanelah Devit e hmaunawngnanaw thung dawk hoi Elihu, Issakhar miphunnaw hanelah Michael capa Omri,

¹⁹ Zebulun miphunnaw hanelah Obadiah capa Ishmaiah, Naphtali miphunnaw hanelah Azriel capa Jerimoth,

²⁰ Ephraim casak miphunnaw hanelah Azaziah capa Hosi, Manasseh casak tangawn naw hanelah Pedaiah capa Joel,

²¹ Gilead ram e Manasseh miphun tangawn hanelah Zekhariah capa Iddo, Benjamin miphunnaw hanelah Abner capa Jaasiel,

²² Dan miphunnaw hanelah Jeroham capa Azarel. Hotnaw teh Isarel miphun kahrawikungnaw lah ao awh.

²³ Hateiteh, Devit ni kum 20 rahim naw hah touk hoeh. Bangkongtetpawiteh, Isarel teh kalvan e âsi yit touh ka pung sak han telah BAWIPA ni yo a la dei toe.

²⁴ Zeruah capa Joab ni touk hanelah ati eiteh, boeba touk thai hoeh. Bangkongtetpawiteh, milu touk kecu dawkvah, Isarelnaw dawk a lungkhueknae a pha. A touk awh e yit touh siangpahrang Devit ni setouknae dawk thut e lah awm hoeh.

Ram kahrawikung alouknaw

²⁵ Siangpahrang e hnopai ka ring e teh, Adiel capa Azmaveth doeh. Law dawk hai, khopui dawk hai, khote dawk hai, hnoim dawk hai, hnopainaw kakhenyawnkung teh Uziah capa Jonathan doeh.

²⁶ Laikawk kanawknaw ka khenyawnkung lah Kelub capa Ezri doeh.

²⁷ Misur takha kakhenyawnkung lah Ramathit tami Shimei doeh. Misur takha thung e misurkatin e kakhenyawnkung teh Shipmit tami Zabdi doeh.

²⁸ Tanghling dawk kaawm e olive thing hoi thailahei kungnaw kakhenyawnkung lah Gaderi tami Baalhanan doeh. Satuinau tanae kakhenyawnkung lah Joash doeh.

²⁹ Sharon dawk ka pâ e saringnaw kakhenyawnkung lah Sharon tami Shitrai doeh. Tanghling dawk e saringnaw kakhenyawnkung lah Adlai capa Shaphat doeh.

³⁰ Kalauknaw kakhenyawnkung lah Ishmael tami Obil doeh. Lanaw kakhenyawnkung lah Meronoth tami Jedeiah doeh.

³¹ Tuhunaw ka khenyawnkung lah Hagri tami Jaziz doeh. Hotnaw pueng teh Deuit e hnopai khenyawnkung lah ao aw.

³² Deuit e a napu Jonathan teh a lungkaang poung e hoi, cakathoum e, kho ka pouk thai e tami lah ao. Hakmonite capa Jehiel teh siangpahrang e capanaw kacangkhaikung lah ao.

³³ Ahithophel teh siangpahrang khokhankhaikung lah ao. Arki tami Hushai teh siangpahrang e huiko lah ao.

³⁴ Ahithophel hnukkhu teh Benaiah capa Jehoiada hoi Abiathar doeh. Joab te siangpahrang e ransanaw ka hravi e doeh.

28

Im sak hanelah Solomon a patoun

¹ Deuit ni Isarel kahrawikungnaw pueng, mipun tangkuem dawk e kahrawikungnaw hoi siangpahrang thaw tawknaw daw hoi ouk kâhlai e kahrawikungnaw ransa 1, 000 kauknaw, 100 kauknaw, siangpahrang hoi a canaw ni a tawn e hnopainaw pueng ka khenyawnnaw thakaawme taminaw hoi tami athakaawme taminaw pueng hah Jerusalem vah a kaw aw.

² Siangpahrang Deuit ni a kangdue teh, ka hmaunawngaha hoi ka taminaw ka lawk thai aw haw. BAWIPA lawkkam thingkong tanae hoi maimae Cathut khok tanae im ka sak han telah ka pouk e hah hote sak nahane hai moikapap ka tawn toe.

³ Hateiteh, Cathut ni nang teh taran ka tuk e hoi thi ka lawng sak e lah na o dawkvah, kaie ka min onae im na sak mahoe telah ati.

⁴ Hat nakunghai Isarel BAWIPA Cathut ni apa imthungnaw daw hoi Isarel siangpahrang lah o hane na rawi. Bangkongtetpawiteh, Judah teh kaukkung lah a rawi teh, Judah mipun thung daw hoi, apa imthung e capanaw daw hoi, Isarelnaw dawkvah siangpahrang lah o hane teh a ngainae doeh.

⁵ Hatdawkvah, ka capanaw thung daw hoi BAWIPA ni ca tongpa moikapap na poe. Isarelnaw daw BAWIPA e uknaeram bawitungkhung daw tahung hanelah ka capa Solomon teh a rawi toe.

⁶ Hatdawkvah, kai koe ka imthung hoi ka thongma ka kangdout sak hane teh, na capa Solomon doeh. Ahni teh ka capa lah ao hane ka rawi toung dawkvah, a na pa lah ka o han.

⁷ Hothloilah kâpoelawknaw hoi, ka lawkcengnae yuemkamcu lah awm pawiteh, a uknaeram hah a yungyoe ka caksak han. Sahnin e patetlah pou tarawi pawiteh telah ati.

⁸ Hatdawkvah, hete kahawi e ram hah na coe han. Ca catounnaw hanelah yungyoe e râw lah na coe thai nahane BAWIPA e tamihu Isarelnaw pueng e mithmu hoi Cathut e hnâthainae daw, BAWIPA na Cathut ni kâpoelawknaw hah tang nateh, pâkuem aw.

⁹ Hahoi ka capa Solomon, na pa Cathut hah panuek nateh yuemkamcu e lungthin hoi lungthocalah hoi a thaw tawk pouh. Bangkongtetpawiteh,

BAWIPA ni lungthin dawk pouknae naw pueng, noe e naw pueng hah be a panue thai. Ama hah na tawng pawiteh na hmu han. Hateiteh, na kamlang takhai pawiteh, yungyoe na pahnawt han.

¹⁰ Atu pouk haw, bangkongtetpawiteh, hmuen kathoung hane im sak hanlah BAWIPA ni na rawi e lah na o. Tha kâlat nateh, hot teh sak telah atipouh.

¹¹ Hatdawkvah, Devit ni a capa Solomon teh Bawkim hoi alawilae im hoi hnoimnaw hoi, a thung e khan hoi lungmanae tungkhung meilamnaw hah a poe.

¹² Muitha ni a tawn sak e lungngailawk a pâpho sak e naw pueng, BAWIPA e im kalup thung e thongma meilamnaw hoi tengpam rakkhan kaawm e naw pueng e meilam hoi Cathut im e hnopai cawng nahane im meilamnaw hoi, ya e hnouaw ta nahane im meilam hah a poe.

¹³ Vaihmanaw hoi Levihnaw teh, amamae ahu thung lengkaleng ao awh nahanelah, im e meilam hoi BAWIPA e im dawk thaw tawk nahane pueng, puengcangnaw pueng meilam totouh.

¹⁴ Thaw tawk nahanelah hlaam phunkuep, sui hlaam hanelah hno hane sui hoi thaw tawk nahanelah ngun hlaam hanelah a panki e yit touh ngun hoi.

¹⁵ Sui hmaiimkhoknaw hoi sui hmaiimnaw a panki e yit touh sui hno hane hoi, hmaiimkhok hoi hmaiim hanelah a panki e yit touh hno hane hoi, hmaiimkhok nahanelah hno a panki e yit touh hno hane ngun hmaiimkhok a panki e yit touh hno hane yit touh hoi.

¹⁶ Vaiyei hung nahane caboi, buet touh rip hanelah sui a panki e yit touh hoi, ngun caboi hanelah a panki e yit touh.

¹⁷ Kathoung sui moi sonae sum kut hoi, rahum, manang, suimanang khom hoi manang khom buet touh rip dawk a panki e yit touh hoi,

¹⁸ kathoung sui hoi sak e hmuitui hmaisawinae khoungroe hane hoi cherubim ni a rathei kadai teh, BAWIPA lawkkam thingkong kayo e kamnueae meilam patetlah sak hane a panki e yit touh suinaw hoi.

¹⁹ Devit ni, a sakyoenaw hoi a pouk tangcoung e kamceng sak hanelah, BAWIPA ni amamae kut roeroe hoi a thut e roup lah ao telah atipouh.

²⁰ Devit ni a capa Solomon koevah, tha kâlat nateh taran kahawicalah awm haw. Hot teh sak, taket hanh. na lungpout hanh. Bangkongtetpawiteh, Jehovah Cathut ka Cathut teh nang koe ao. BAWIPA im dawk e thaw hah a cum hoehroukrak teh, nang na cettakhai mahoe hoi atipouh.

²¹ Hahoi, khenhaw! Cathut e im dawk thaw phunkuep ka tawk e vaihmanaw hoi Levihnaw ao awh teh, thaw tawknae kathoumnaw, lungthocalah hoi kabawmnaw hah nang koe pou ao han. Kahrhawikungnaw hoi tami pueng ni kâ na poe e pueng a tarawi awh han telah atipouh.

29

Bawkim sak nahane poehno

¹ Hahoi siangpahrang Devit ni taminaw koevah, Cathut ni a rawi e ka capa Solomon hah, a camo rah, a hmu thai e awm hoe hoi. A tawk hane teh a len poung. Bangkongtetpawiteh, bawkim teh tami hane tho hoe hoi niteh, BAWIPA Cathut hane doeh.

² Hatdawkvah, ka Cathut im hane sui hnouae dawk sui, ngun hnouae dawk ngun, rahum hnouae dawk rahum, sum hnouae dawk sum, thing hnouae dawk thingnaw hah be ka rakueng toe. A mei pathoup nahanelah, onyx talung pangaw hoi a meikahawi e talungpangawnaw hoi, pathoup

nahane talung a phukaawm e a phunphun hoi talungpangawnaw hai moikapap a ta toe

³ Hothloilah ka Cathut e im teh sak ngainae kalen poung lah ao dawkvah, kamae hnopai sui hoi ngunnaw hai im kathoung hanelah be ka rakueng e naw hloilah, ka Cathut im hanelah ka poe toe.

⁴ Hahoi tapang sak nahane ophir sui talen 3,000 hoi kathoung ngun talen 7,000.

⁵ Hnonae a phunphun dawk, kathoumnaw ni a hno hane, sui hno hane dawk sui, ngun hno nahane dawk ngun. Sahnin BAWIPA hanelah lunghawicalah poe pasoung e na yit touh maw ao telah a ti.

⁶ Hottelah imthungku kahrawikung Isarel miphun ka hrawi naw hoi, 1,000 kauknaw hoi, 100 touh kauknaw, siangpahrang thaw ka tawk e kahrawikungnaw hoi lunghawicalah hoi a poe awh.

⁷ Cathut e im saknae dawkvah sui talen 5,000 hoi Darik 10, 000 hoi rahum talen 18, 000, sum talen 100, 000 a poe awh.

⁸ Talung phu kaawmnaw ni Gershon tami Jehiel ni a khetyawt e BAWIPA e hno dawk a ta awh.

⁹ Hatdawkvah, taminaw teh a lung hroung a hawi poung awh. Pouknae buet touh dawk lunghawinae, BAWIPA hno a poe awh dawkvah, Siangpahrang Devit hai a lung hroung ahawi.

Devit ni Cathut a pholen

¹⁰ Hatdawkvah, Devit ni tami pueng e hmalah BAWIPA a pholen. Kaimae BAWIPA Cathut, nang teh yungyoe hoi yungyoe totouh pholennae awm seh.

¹¹ Oe BAWIPA na lennae, na bahu, na bawilennae, na tânae, hoi na taluenaeh teh namae doeh. Bangkongtetpawiteh, kalvan hoi talai dawk kaawmnaw pueng, namae doeh. Oe BAWIPA uknaeram teh nama e doeh. Nang teh bangpuengpa dawk a Lathueng Poung lah na o.

¹² Tawntanae hoi barinae teh nama koehoi ka tho e naw doeh. Bangpuengpa na uk teh, na thaonae hoi hnotithainae naw hah na kut dawk ao. Na kut dawk tami pueng lentoe saknae hoi thasainae hah ao.

¹³ Hatdawkvah, kaimae Cathut, nama koe lunghawinae lawk ka dei. Ka lentoe e na min teh ka pholen awh.

¹⁴ Hatei, tami bangpatet e lah maw ka o teh, ka taminaw hai bang lah maw ao awh teh, hete hnonaw heh lunghawicalah hoi a poe thai awh. Bangkongtetpawiteh, hnonaw pueng heh nama koehoi ka tâcawt e naw lah ao teh, nama koe e doeh kaimouh ni letlang na poe awh.

¹⁵ Kaimae mintoenaw patetlah kaimouh teh na hmalah imyin, tami koe kho ka sak e patetlah doeh ka o awh. Het talai van ka hring nathung e a hninnaw teh tâhlip thung e patetlah doeh ao. Ngaihawinae banghai awm hoeh.

¹⁶ Oe Jehovah, kaimouh e Cathut na tamikathoungnaw hanlah im ka sak nahanelah, hete hno sut ka rakueng e hnonaw heh na kut dawk hoi ka tâcawt e lah ao teh namae lah koung ao.

¹⁷ Ka Cathut, nama ni lungthin ouk na tanouk teh lannae teh na lunghawinae lah ao tie hah ka panue. Kai ni hete hnonaw pueng heh lungthin katang hoi lunghawicalah hoi na poe. Atu hivah na taminaw ni lunghawicalah hoi a poe e naw hai ka hmu navah, ka lunghawi awh tanggak.

¹⁸ Oe BAWIPA, kaimae na pa Abraham, Isak, Isarel Cathut, na taminaw ni het patet e lungthin pou a tawn thai nahanelah, a lungthin hah nama hanelah caksak haw.

¹⁹ Hahoi ka capa Solomon heh kâpoelawknaw, na panuesaknaenaw, hoi na phunglawknaw tarawi hane, hotnaw pueng teh sak hane hoi, ka rakung tangcoung e im hah sak hane, yuemkamcu e lungthin poe ei telah Devit ni atipouh.

²⁰ Hahoi Devit ni kamkhueng e taminaw pueng koe atuvah, BAWIPA na Cathut teh pholen awh telah ati. Hottelah tamihupui ni a mintoenaw e BAWIPA Cathut teh a pholen awh teh BAWIPA hoi siangpahrang e hmalah a lûsaling awh teh a tabut awh.

²¹ Hahoi a tangtho vah BAWIPA koe hmaisawi thuengnae sak hanelah maitotan 1000, hoi tutan 1000, tuca 1000, hoi sathei poenae hoi Isarelnaw pueng hane sathei poenae moikapap lah a poe awh.

Solomon a bawinae

²² Hatnah hnin vah lunghawinae kalen poung hoi BAWIPA e hmalah a canei awh. Apâhni e dawk Devit capa Solomon teh siangpahrang lah ao sak awh teh, kahrawikung lah ao nahanelah BAWIPA e hmalah satui a awi awh. Hahoi vaihma lah kaawm hane Zadok hah satui a awi awh.

²³ Hottelah Solomon teh BAWIPA e bawitungkhung dawk a na pa Devit e a yueng siangpahrang lah a tahung. A lamcawn teh, Isarelnaw pueng ni a lawk teh a ngâi pouh awh.

²⁴ Kahrawikungnaw pueng hoi athakaawme taminaw pueng hoi, siangpahrang Devit e capa alouknaw pueng hah siangpahrang Solomon koe a kâpoe awh.

²⁵ Hottelah BAWIPA ni Solomon teh Isarelnaw pueng e mithmu dawk a kamsawng sak. Isarel ram dawk ahni hoehnahlan siangpahrangnaw thung dawk apinihai a coe boihoeh e taluenae hah a coe sak.

Devit e a lairui

²⁶ Jesi capa Devit ni Isarelnaw pueng a uk.

²⁷ Isarelnaw a uk nathung teh kum 40 touh a pha. Hebron vah kum 7 a uk teh Jerusalem vah kum 33 touh a uk.

²⁸ A kum kacuepoung lah matawng totouh a hring teh a hring nathung a tawnta e hoi pholennae, oupnae hoi a due. A capa Solomon ni amae yueng lah a uk.

²⁹ Khenhaw! siangpahrang Devit kong teh, kamtawngnae koehoi a pout totouh kahmawtkung Samuel cauk dawk profet Nathan e cauk dawk, kahmawtkung Gad e cauk naw dawk hai a thut awh na a.

³⁰ A uknaeram pueng hoi, a bawilennae naw pueng hoi, ama hai Isarelnaw, ramnaw pueng a uknae dawkvah, ka tho e hno pueng teh ka kuepcalah thut e lah ao.

2 SETOUKNAE (The Second Book of the Chronicles)

Solomon ni lungangnae a hei

¹ BAWIPA Cathut ni Devit capa Solomon a okhai dawkvah, ahnie a uknaeram teh hoehoe a cak teh, puenghoi a tawmtakhang.

² Solomon ni Isarelnaw abuemlah ransa 1000 touh kaukkungnaw, 100 touh kaukkungnaw, lawkcengkungnaw, Isarel ram kahrawikungnaw hoi imthung kahrawikungnaw abuemlah koe lawk a dei pouh.

³ Hahoi, BAWIPA e san Mosi ni a sak e rangpuinaw kamkhuengnae, Cathut e lukkareiim teh, Gibeon kho hmuen rasang koe ao dawkvah rangpuinaw abuemlah hoi Solomon hoi cungtalah a cei awh.

⁴ Cathut e lawkkam thingkong teh Devit ni a rakueng tangcoung e hmuen, Jerusalem kho, a sak tangcoung e lukkareiim daw, Kiriath-Jearim kho hoi a thokhai awh.

⁵ Hatei, Hur capa lah kaawm e Uri capa Bezalel ni a sak e rahum, thuengnae khoungroe hah BAWIPA e lukkareiim hmalah a hruek awh dawkvah, Solomon hoi taminaw teh hote thuengnae khoungroe koe a cei awh.

⁶ Hottelah kamkhuengnae lukkareiim hmalah, BAWIPA hmalah kaawm e rahum thuengnae khoungroe koe Solomon a cei teh, hmaisawi thuengnae sathei 1000 touh hoi thuengnae a sak.

⁷ Hote karum vah, Solomon koe Cathut a kamnue teh, Bangmaw na poe han het haw, atipouh.

⁸ Solomon ni Cathut koevah, apa Devit koe pahrennae moikapap na sak teh a yueng lah siangpahrang e hmuen koe na hruek toe.

⁹ Hatdawkvah, oe BAWIPA Cathut, vaiphu patetlah e taminaw e siangpahrang hmuen koe na hruek toung dawkvah, apa Devit koe lawk na kam e kuep sak loe.

¹⁰ Hete taminaw hmalah ka tâco kâen thai nahanelah, lungangnae hoi panuethainae na poe haw. Hettelah kapap e taminaw hah apinimaw a uk thai han, telah atipouh.

¹¹ Cathut ni Solomon koevah, hottelah pouknae na tawn teh, hnopai tawntanae, barinae hoi tarannaw e hringnae, na het laipalah nang koe siangpahrang na coungsaknae daw k a taminaw na uk thai nahanelah lungangnae hoi panuethainae na hei dawkvah,

¹² Lungangnae hoi panuethainae teh na poe toe. Hothloilah, hma lae kaawm e siangpahrangnaw hoi hmalah bout kaawm hane siangpahrangnaw ni, a tawn boihoe e hnopai tawntanae hoi barinae na poe sin han telah atipouh.

¹³ Hatdawkvah, Solomon teh hmuen karasang koe e lukkareiim a onae Gibeon kho hoi Jerusalem lah a ban teh Isarelnaw a uk.

Solomon e rangleng hoi marang

¹⁴ Solomon ni rangleng hoi marangransanaw a pâkhueng parai teh, rangleng 400 hoi marang kâcuie tami 12,000 touh a tawn. Hotnaw teh rangleng tanae kho daw k thoseh, Jerusalem siangpahrang onae koe thoseh, hawvah a ta awh.

¹⁵ Siangpahrang teh Jerusalem kho vah, sui, ngun hah talung patetlah sidar thingnaw hah ayawn dawk kapâw e thailahei kungnaw patetlah toshè apapsak.

¹⁶ Solomon ni a tawn e marangnaw teh, Izip ram lahoi a thokhainenaw doeh. Siangpahrang e hno kayawtnaw ni apfu kâki lah Kue kho e ouk a ran aw. h.

¹⁷ Izip ram rangleng buet touh ngun shekel 600, marang buet touh ngun shekel 150 touh hoi ouk a yo aw. h. Hit siangpahrang hoi Siria siangpahrangnaw pueng koehai ouk a yo pouh aw. h.

2

Solomon Bawkim sak han a kâcai

¹ Hahoi Solomon ni BAWIPA min hanelah Bawkim buet touh hoi ama siangpahrang hanelah buet touh sak hanelah a kâcai.

² Solomon ni hno ka phawt hane tami 70, 000 touh, thing ka bouk hane 80, 000 touh hoi ka taroun hanelah tami 3, 600 touh a rawi.

³ Solomon ni Taire siangpahrang Huram koevah, apa Devit hanelah hno na sak pouh teh, ao nahane im sak pouh hanelah sidar thing na poe e patetlah na poe van haw.

⁴ Khenhaw! BAWIPA Cathut hanelah Bawkim buet touh sak hane ka kâcai. Hmuitui sawi vaiteh BAWIPA bawk nahane hmuen, Isarelnaw ni pou sak hane kâpoelawk, vaiyei ta nahane thuengnae, sabbath hoi, thapa rei nah hnin, BAWIPA Cathut min lahoi pawî hnin amom tangmin hmawî thuengnae pou sak hane, naw doeh. Hathateh Isarelnaw hanelah yungyoe e phunglam doeh.

⁵ Ka sak hane Bawkim teh kalenpoung lah ao han. Bangkongtetpawiteh, Cathut teh cathutnaw pueng hlak a lenpoung daw. k.

⁶ Kakaw poung kalvan patenghai khout hoeh e Cathut teh apinimaw Bawkim a sak pouh thai han. Kai patetnaw ni hmuitui sawi nahane im hoeh laipateh, bangtelamaw im ka sak pouh thai han waw.

⁷ Hatdawkvah, apa Devit ni a hmoun tangcoung e, Judah ram thung e hoi Jerusalem kho daw. k e sui, ngun, rahum, sum, hahoi opaou, âthi, kamthim hni, hete hnonaw daw. k thouthainae hoi, kakuep e tami buet touh kai koe kaawm e hoi kâ kabawm hanelah patoun haw loe.

⁸ Lebanon e sidar thing hmaica thing hoi Algum thingnaw na patawn haw. Bangkongtetpawiteh, na taminaw teh lebanon thing tâtueng a thoun poung tie ka panue.

⁹ Thing moikapap rakueng hanelah ka sannaw teh nange na sannaw koe kambaw. k van naseh. Bangkongtetpawiteh, sak han ka noe e Bawkim teh kalen poung hoi kângairu hane kawilah ao.

¹⁰ Thing ka bouk e na sannaw hanelah, satun kor 20, 000, misur bath 20, 000 hoi satui bath 20, 00 ka poe a han telah law. k na thui.

¹¹ Taire siangpahrang Huram ni, BAWIPA ni a taminaw lungpataw daw. kvah ahnimae siangpahrang lah na coung sak e doeh telah Solomon koe ka lahoi bout a patawn.

¹² Huram ni, Isarelnaw e BAWIPA Cathut, talai hoi kalvan kasakkung BAWIPA hanelah Bawkim hoi siangpahrang im sak hanelah lungangnae hoi panuethainae a capa siangpahrang Devit koe kapoekung teh yawhaw. nae awmseh.

¹³ Hatdawkvah thouthainae hoi ka kuep e Huram heh ka patoun.

¹⁴ A manu teh dan miphun, A na pa teh Taire miphun lah ao. Huram teh sui, ngun, rahum, sum, talung hoi thing hetnaw hoi aphunphun ka sak

thai e tami lah ao. Âthi hni, opaou hni kamthim hni hoi lukkarei naw hai koung a kawng thai, Hatdawkvah BAWIPA na pa Devit e thaw katawknaw hoi cungtalah rei tawk naseh.

¹⁵ Ka BAWIPA ni a dei tangcoung e patetlah satun, barli, satui hoi misur naw hah ka sannaw koe patawn awl lawih.

¹⁶ Hottelah, kaimouh ni Lebanon mon dawk e thingnaw, na ngai yit touh ka tâtueng vaiteh tui dawk hoi Joppa totouh na phu han telah atipouh.

¹⁷ Solomon ni Isarel ram dawk e a na pa Devit ni a touk tangcoung e miphun alouke tami bout a touk navah 153, 600 touh a pha.

¹⁸ Hahoi hno ka phawt hanelah tami 70, 000 hoi, mon dawk e thing ka tâtueng hane 80, 000, hoi thaw katawknaw khenyawnkung lah, 3,600 touh, touh lah a hmoun.

3

Solomon ni lungangnae a hei

¹ Solomon ni BAWIPA e im teh Jerusalem kho a na pa Devit koe BAWIPA ni a kamnuenae, Moriah mon dawk sak a kamtawng. Hote hmuen teh Jebusit tami Ornan e cangkatinnae hmuen, Devit ni sut a rakueng pouh e hmuen dawk a sak.

² A bawinae kum 4, thapa ayung pahni, apâhni hnin vah sak a kamtawng.

³ Hahoi Solomon ni Cathut im sak a kamtawngnae teh, asaw dong 60, akaw dong 20 touh a pha.

⁴ Hmuen Kathoung a hmalah, im alawilae khom hoi akaw a kâvan teh asaw dong 20, a rasang dong 120 touh a pha. Athung lae teh kathoung e suituici hoi a hluk.

⁵ Kalenhnawn lae imrakhan teh hmaica hoi a tapang teh suikathoung hoi a hluk hnukkhu, samtuenaw, sumbawtaruinaw hoi a sak.

⁶ Im a meihawi nahanelah, talung aphu kaawm poung e a bet teh sui hai Parvaim ram e sui hoi a hluk.

⁷ Im dawk e pangkheknaw khom, tapang, takhangnaw teh sui hoi a hluk. Tapang dawk cherubim mei a thuk.

⁸ Hahoi, hmuen kathoung poung a sak teh, im ayung hoi adangka reikâvan lah asaw dong 20, akaw dong 20 touh hoi a sak teh suituici talen 600 touh hoi a hluk.

⁹ A hetnae sum teh sui shekel 50 touh a pha. Imvan e naw hai sui hoi a hluk.

¹⁰ Hmuen kathoung poung dawk cherubim mei kahni touh a thuk teh sui hoi a hluk.

¹¹ Cherubim e a ratheinaw teh dong 20 touh asaw. Cherubim e avanglae rathei dong 5 touh a pha teh cherubim kahni touh hoi a rathei hmo rekkâbet roi teh rathei avangvenglae ni tapang rek a kâbet.

¹² Cherubim buet touh e a rathei teh dong 5 touh a pha teh, tapang dawk rek a kâpha, a rathei avanglae buet touh hai dong 5 touh a pha teh, cherubim buet touh e rathei rek a kâbet.

¹³ Cherubim roi teh imthungkhu lah a kangvawi laihoi a kangdue. A rathei a kadai e dong 20 touh akaw.

¹⁴ Hni opaou, âthi hni, kamthim hni loukloukkaang hoi a kawng tangcoung e cherubim mei hoi sak e lukkarei pangaw e hai a sak.

¹⁵ Khom dong 35 touh kasawe kahni touh imhmalah a ung teh, khom dawngmo dawk luhuem, dong 5 touh kasawe a kâmuk sak.

¹⁶ Lahuen dawk awi e patetlah sumbawtaruinaw a sak teh, khom dawngghmo dawk a hruek. Talepaw 100 touh a sak teh hote sumbawtarui dawk a pâthit.

¹⁷ Bawkim e hmalah khom, aranglah buet touh, avoilah buet touh a ung teh, aranglae teh Jakhin telah min a phung teh, avoilaie teh Boaz telah min a phung.

4

Bawkim pahlawngnae

¹ Hahoi, rahum khoungroe, ayung dong 20, adangka dong 20, arasang dong 10 touh a sak.

² Hahoi rahum tuiim hah, a tâphai hoi a tâphai rahak dong 10, arasang dong 5 touh e hah a sak. A tâphai petkâkalup lah dong 30 touh a pha.

³ A tâphai rahim lah tuiim ka yam e mei ni koung a ramuk teh dong touh dawk hrahra touh rahum tuiim petkâkalup lah ao. Tuiumkung mei teh 20 touh lah ao teh, rahum tuiim dawk mek hlunsin lah ao .

⁴ Hahoi, maitotan 12 touh dawk patue e lah ao. Kathum touh atunglah a kangvawi teh, kathum touh kanîloumlah a kangvawi, kathum touh akalah a kangvawi teh, kathum touh kanîtholah a kangvawi. A hnuklah laheibaw koung a kâhmo sak.

⁵ Tuiim teh kut sum touh hane a tha, a tâphai teh manang tâphai patetlah ao teh, lili pei hoi pahlawng e lah ao teh, bath tuiim 3,000 touh a cawng.

⁶ Pâsu nahanelah kawlung 10 touh a sak teh, avoilah panga touh, aranglah panga touh a ta. Hotnaw teh hmaisawi thuengnae poe hane pâsu nahanelah ao teh, rahum tuiim teh vaihmanaw kamhluk nahanelah doeh.

⁷ Sui hmaikhoknaw hra touh hai ahmaloe e patetlah a sak teh, Bawkim thung avoilah panga touh, aranglah panga touh a hruek.

⁸ Caboi hra touh a sak teh, Bawkim thung avoilah panga touh, aranglah panga touh a hruek. Hahoi suikawlung 100 touh hai a sak.

⁹ Hothloilah, vaihmanaw hanelah thongma hoi, alawilah thongma kakawpoung hah a sak teh, thopui hai a sak teh, tho teh rahum hoi a betsin.

¹⁰ Tuiim teh im e aranglah, kanîtholah, akalah kangvawi lah a hruek.

¹¹ Huram ni hlaam hoi hraba kawnae hoi kawlung hah a sak. Hottelah Cathut im hanelah siangpahrang Solomon ni a sak pouh e thaw teh, Huram ni a cum pouh.

¹² Hlaam patetlah ka co e khom kahni touh e a som vah, ailo patetlah ka co e kahni touh hoi khom e som dawk e ailo patetlah ka co ni teh ka kâkayo e dawk tarikcik e kahni touh hoi,

¹³ Hote kâkayonaie tarikcik kahni touh hanelah talepaw cumpali touh hoi, khom kahni touh e som dawk ailo patetlah ka co e kayo nahane tarikcik reira lah talepaw a rui kahni touh reira hoi a sak.

¹⁴ Khoungroe hoi khoungroe dawk pâhung e kawlung hai a sak.

¹⁵ Tuiim buet touh hoi a rahim vah maitotan 12 touh hoi hlaamnaw, hrabanaw kawnae hoi, cingconaw, hoi hlaumhlaamnaw pueng hai a sak.

¹⁶ Solomon siangpahrang hanelah Huram ni a sak e BAWIPA e im dawk e puengcangnaw pueng teh loukloukkaang e rahum hoi koung sak e lah ao.

¹⁷ Hotnaw teh, Jordan tanghling Sukkoth kho hoi Zeredah kho rahak tangpung talai hmuen koe siangpahrang ni a sak.

¹⁸ Hot patetlah, Solomon ni hnopai moikapap a sak teh, rahum teh boeba khing thai lah awm hoeh.

¹⁹ Solomon ni Cathut im vah hnopai kaawm e pueng a sak. suikhoun-groe, vaiyei tanae caboi,

²⁰ A hmuen kathounge koe paang hane hmaiimkhoknaw, hote hmaiim teh suituici hoi doeh a sak.

²¹ A pei hoi hmaiimnaw, paiteinaw hai suituici hoi a sak.

²² Paitei, tongben, pacen, hraba hlaamnaw pueng suituici hoi doeh sak e lah ao. Imthung kathoungpounge hmuen athung lae tho hoi Bawkim alawilah e thonaw hai sui hoi doeh a sak.

5

¹ Hottelah Solomon ni BAWIPA e im a sak e teh koung a cum, Solomon koe a na pa Devit ni a poe e sui, ngun hoi hnopai pueng teh Cathut e hnoim dawk a thokhai teh a hruek.

Bawkim thung lawkkam thingkong a kâenkhai

² Hahoi, Solomon ni Isarel kacuenaw, miphun kahrawikungnaw, Isarel imthung kahrawikungnaw abuemlah, Devit khopui Zion hoi BAWIPA e lawkkam thingkong hah kâkayawt hanelah, Jerusalem khovah a kamkhueng aw.

³ Isarelnaw abuemlah thapa ayung sarinae paw i daw k siangpahrang koevah a tho aw.

⁴ Isarel kacuenaw abuemlah hoi a tho aw teh Levihnaw ni lawkkam thingkong a kâkayawt aw.

⁵ BAWIPA e thingkong, tamimaya kamkhuengnae lukkareiim, lukkareiim thung e kathounge hnopai pueng teh vaihma Levihnaw ni a kâkayawt aw.

⁶ Siangpahrang Solomon hoi kamkhueng e Isarelnaw abuemlah, ahnimouh koe kamkhuengnaw hoi thingkong hmalah kaawmnaw ni tu hoi maitotan touklek thai hoeh e hoi thuengnae a sak aw.

⁷ Vaihmanaw ni BAWIPA e lawkkam thingkong hah imthung bawknae hmuen, Hmuen Kathoung poung koe, cherubim rathei roi e rahim amae hmuen koe a ta aw.

⁸ Cherubim roi e ratheinaw teh thingkong e lathueng lah a kadai teh thingkong hoi hrawmnae acung koung a ramuk.

⁹ Hrawmnae acung teh a saw poung dawkvah, bawknae hmuen, Hmuen Kathoung poung koehoi hmu thai lah ao. Hatei alawilah hoi kâhmawt hoeh. Atu totouh hote hmuen koe ao rah.

¹⁰ Izip ram hoi a tâco aw navah BAWIPA ni Isarel taminaw koe lawkkamnae a sak navah Mosi ni Horeb mon daw k e lungphen kahni touh a hruek e hloilah hote thingkong daw k alouke hno awm hoeh.

¹¹ Hmuen Kathoung koehoi vaihma a tâco navah vaihmanaw pueng abuemlah hoi koung a kâthoung aw.

¹² La ka sak e Levih miphun abuemlah hoi, Asaph, Heman hoi Jeduthun e capanaw, a hmaunawngnaw hoi lukkarei pangawpekyeke kamthoupnaw, cecak, vovit hoi ratoung khuehoi kanitholah thuengnae khoungroe koe a kangdue aw teh, ahnimouh koe vaihma mongka ka oung e 120 touh ao.

¹³ Mongka kauengnaw hoi la kasakkungnaw ni BAWIPA pholenna hoi lunghawilaw k deinae lahoi a kueng aw navah, lawk buet touh lah a tâco thai nahanlah mongka cecak hoi tumkhawng e lawk alouklouk lah a tâco

teh, BAWIPA teh ahawi a lungpatawnae teh yungyoe akangning, telah a pholen awh navah, BAWIPA im dawk tami king akawi.

¹⁴ Hottelah tâmai kecu dawkvah vaihmanaw teh amamae thaw pateng-hai tawk thai awh hoeh. Bangkongtetpawiteh, BAWIPA e bawilennae ni im dawk akawi.

6

¹ Hottelah Solomon ni, BAWIPA ni, puenghoi kingkahmawt e hmonae dawk ka o han telah BAWIPA ni ati.

² Hatei, kai ni ama o nahane im hoi ayungyoe na o nahane hmuen teh ka sak toe atipouh.

Thaw cumnae dawk Solomon lawk deinae

³ Hahoi Isarelnaw abuemlah a kangdue lahun nah, siangpahrang teh hnukhma lah a kangvawi teh, kangdout e Isarelnaw yawhawinae a poe.

⁴ Hahoi, Isarel BAWIPA Cathut teh yawhawinae awmseh, A pahni hoi apa Devit koe a dei e lawkkam teh, a kut hoi a kuep sak.

⁵ Izip ram hoi ka tami Isarelnaw ka tâcokhai hnin hoi, Isarel mipunnaw thung dawk e kho dawk hoiyah, ka min o nahane im sak hanelah, ka rawi boihoe, ka tami Isarelnaw ka uk hane hai ka rawi boihoe.

⁶ Hatei, ka min o nahanelah, Jerusalem kho ka rawi teh, ka tami Isarelnaw uk hanelah Devit ka rawi e doeh telah ati.

⁷ Apa Devit e lungthung Isarel BAWIPA Cathut min hanelah im sak hane yo a pouk toe.

⁸ Hatei, ka min o nahanelah apa Devit koe, ka min hanelah im sak hane na lungthung na pouk. Hettelah na pouk e ahawi poung.

⁹ Hatei, im teh nang ni na sak mahoe, na capa na thung hoi ka tâcawt hane ni ka min hanelah im teh a sak han telah yo a dei pouh toe.

¹⁰ BAWIPA ni a dei e lawk teh, a kuep sak toung dawkvah, apa Devit e yueng lah ka kangdue. Hahoi BAWIPA ni lawk a kam tangcoung e patetlah Isarel bawitungkhung dawk ka tahung teh Isarel BAWIPA Cathut min hanelah Bawkim ka sak awh.

¹¹ Hote hmuen koe Isarelnaw hoi sak e BAWIPA lawkkam thingkong teh ka hruk toe telah ati.

Solomon ratoumnae

¹² Hahoi, BAWIPA e thuengnae khoungroe kung koe kamkhueng e Isarelnaw abuemlae hmaitung vah a kangdue teh kut a dâw.

¹³ Solomon ni rahum e tungkhung buet touh asaw dong panga, akaw dong panga, arasang dong thum touh e a sak teh, hote van a kangdue teh, kamkhueng e Isarelnaw abuemlae hmaitung vah khokpakhu cuengkhuem laihoi a tabo teh, kalvan lah kut a dâw.

¹⁴ Oe BAWIPA, Isarel Cathut, kalvan hoi talai rahak nang patet e Cathut alouke awm hoeh. A lungthin abuemlahoi na lamthung ka dawn awh e na sannaw lathueng vah lawkkamnaw na caksak teh ouk na lungma.

¹⁵ Na san apa Devit koe na lawkkam na kuep sak teh, atu na pahni hoi na dei tangcoung e, na kut hoi na kuep sak toe.

¹⁶ Hatdawkvah, Isarelnaw e BAWIPA Cathut, na san apa Devit koe na catounnaw nama patetlah a hringnae dawk a kâhruetcuethai nahan, kaie kâlawk tarawi awh pawiteh, ka hmalah Isarel bawitungkhung dawk ka tahung hane tami pout mahoe telah lawk na kam e hah kuep sak haw.

¹⁷ Oe Isarelnaw e BAWIPA Cathut na san Devit koe na dei e lawk kuep sak haw.

18 Hatei, Cathut lah kaawm e nang ni tami koe na o katang han maw. Khenhaw! hettelah kakaw e kalvan patenghai, na khout hoeh, hete ka sak e Bawkim dawk na khout han na maw.

19 Hatei, Oe BAWIPA Cathut na san ni na kawnae hoi a ratoumnae thai pouh nateh, na san ni ratoumnae hoi kâheinae a lawkpui lah, na pouk pouh haw.

20 Hete hmuen koe ka min a kangning han na tie patetlah hete hmuen hoi Bawkim hah karum khodai pout laipalah khenyawn nateh, na san ni hete hmuen koehoi,

21 Na san hoi na tami Isarelnaw ni, hete hmuen koehoi a ratoum awh navah, a hei awh e thai pouh haw, na onae hmuen kalvan hoi hnâpakeng pouh haw, na thai torei teh ngaithoum haw.

22 Tami buet touh ni a imri koe yonnae a sak telah yon a pen teh, a yonhoehnae thoe a bo teh, lawkkamnae sak hanelah, Bawkim thuengnae khoungroe hmalah a thokhai navah,

23 kalvan hoi hnâpakeng nateh, tamikayon teh amae yonnae patetlah sung sak hane hoi, tamikalan teh amae lanna e patetlah apfu hmu sak hanelah na sannaw koe lawk na ceng pouh haw.

24 Na tami Isarelnaw ni nang na taranna e yon kecu dawk tarannaw hmalah a sung awh navah, nang koe lah bout kamlang awh teh, na min kampangkhai awh teh, hete Bawkim dawk ratoum awh pawiteh,

25 kalvan hoi thai pouh nateh, na tami Isarelnaw e a yonnae ngaithoum pouh haw. Ahnimouh hoi mintoenaw koe na poe e ram dawk, bout cetkhai haw.

26 Nang na taran awh teh, yonnae a sak awh kecu dawk kalvan na khan pouh teh khorak laipalah na rek kecu dawkvah, amamae yonnae a ceitakhai awh teh, hete hmuen koehoi a ratoum awh teh na min kampangkhai awh pawiteh,

27 kalvan hoi thai pouh haw. A cei awh nahane lamthung hmawt sak nateh, na san hoi na tami Isarelnaw e yonnae ngaithoum pouh haw, na taminaw râw lah na poe e ram dawk khorak sak haw.

28 Ram dawk takang a tho teh, Lacik thoseh, ramkenae thoseh, rawkphainae thoseh, samtong thoseh, ahriainaw thoseh, ao teh, tarannaw ni kho a tuk awh teh, pali patawnae hoehpawiteh, patawnae aphunphun a tho navah,

29 patawnae hoi lungreithainae ka panuek e taminaw ni hete Bawkim dawk a kut a dâw awh teh, amadueng thoseh, tamimaya thoseh a ratoum awh navah,

30 Na onae kalvan hoi thai pouh nateh ngaithoum haw. Taminaw e lungthin hoi pouknae pueng teh, nang ni koug na panue. Amamae tawksaknae patetlah lawkceng nateh,

31 mintoenaw koe na poe e ram dawk hringyung thung na lamthung a dawn awh vaiteh nang na taki nahane doeh.

32 Hahoi alouke mipunnaw ni, ka lentoe poung e na min hoi thaonae kut na dâw kecu dawk ram hlanae koehoi a tho teh, hete Bawkim dawk hoi a ratoum awh navah,

33 Na onae kalvan hoi thai pouh haw. Jentelnaw ni na kaw e patetlah ahnimouh koe sak pouh haw. Hottelah na tami Isarelnaw patetlah talai van e mipun pueng ni na min a panue awh vaiteh, na taki awh han. Hete Bawkim kasaknaw ni na min a panue awh han.

34 Na taminaw tarantuk hanelah kâ na poe teh, a cei awh navah, hete na rawi e khopui, nang hanelah ka sak e Bawkim koe lah, kangvawi laihoi ratoum awh pawiteh,

³⁵ ahnimae ratoumnae hoi a heinae teh, nang ni kalvan hoi thai pouh nateh, sak pouh haw.

³⁶ Ka yon hoeh e tami buet touh hai ao hoeh e patetlah nang koe yonnae a sak aw haw teh ahnimouh koe na lungkhuek teh, tarannaw kut daw k na poe teh, ram ahlnae koe thoseh, a hnainae koe thoseh san lah a hrwi aw haw navah,

³⁷ hote ram daw k thongim a bo aw haw teh, ahnimanaw ni bout a kâhlaw aw haw teh, kaimanaw ka yon aw haw toe. Kahawi hoeh e hno, kakhin e hno ka sakpawon aw haw toe telah lungthin kâhung laihoi a kâhei aw haw teh,

³⁸ A hrwinae tarannaw e ram daw k ao navah, lungthin abuemlahoi nang koe bout kamlang aw haw teh, mintoenaw na poe e ram hoi na rawi e khopui, na min hanelah ka sak e Bawkim koelah kangvawi laihoi ratoum aw haw pawiteh,

³⁹ ahnimae ratoumnae lawk na onae kalvan hoi thai pouh nateh, pouk pouh haw. Nang koe yonnae ka sak e na taminaw e yon hah ngaithoum haw.

⁴⁰ Oe Cathut na mit padai nateh, na khenhaw. Hete hmuen koehoi ratoumnae lawk na thai pouh haw.

⁴¹ Hatdawkvah, Oe BAWIPA Cathut, atu thaw nateh, na thaonae lawkkam thingkong hoi na onae hmuen koe cet leih. Oe BAWIPA Cathut na vaihmanaw rungngangnae puengcang hoi pathoup nateh, na tamikathoungnaw na hawinae daw k konawm sak haw.

⁴² Oe BAWIPA Cathut, satui na awi e tami hnamthun takhai hanh. Na san Devit ni coe e pahrenlungmanae hah pahnim hanh, telah a ratoum.

7

Solomon ni Bawkim a hnawng

¹ Hottelah Solomon ni ratoumnae a pâpout hnukkhu, kalvan hoi hmai a bo teh, hmaisawi thuengnae hoi satheinaw hmai koung a kak teh, BAWIPA e bawilennaeh teh bawkim daw k akawi.

² BAWIPA e bawilennaeh hoi BAWIPA e im teh akawi daw kvah, BAWIPA e im daw k vaihmanaw kâen thai hoeh.

³ Isarelnaw ni kalvan hoi hmai a bo e hoi BAWIPA e bawilennaeh hah a hmu aw haw navah, lungphenphai e daw k minhmai kâbet lah a tabo aw haw teh, ahni teh ahawi, a pahrennaeh teh yungyoe a kangning telah a baw k aw haw teh, lunghawilaw k a dei aw haw.

⁴ Hottelah Solomon siangpahrang hoi taminaw pueng ni, BAWIPA hmalah thuengnae a sak aw haw.

⁵ Solomon siangpahrang ni maitotan 22000, tu 120000 hoi thuengnae a sak. Hottelah siangpahrang hoi taminaw pueng ni thuengnae a sak aw haw.

⁶ Vaihmanaw ni amamae hmuen koe a kangdue aw haw teh, Levihnaw teh, BAWIPA e pahrennaeh a yungyoe a kangning daw kvah BAWIPA pholen nahanelah Devit ni ouk a hno e tumkhawngnaw a khawng aw haw teh, Devit e sam la a sak aw haw. Vaihmanaw ni mongka a ueng aw haw teh, Isarelnaw abuemlah a kangdue aw haw.

⁷ Solomon ni BAWIPA e imhmalah e rapan thungup e hmuen a thoung sak, bangkongtetpawiteh rahum thuengnae khoungroe a thoung sak teh hmaisawi thuengnae, tavai thuengnae, athawnaw thueng nahanelah ek a thoungca daw kvah, hmaisawi thuengnae hoi roum thuengnae satheinaw hah hote hmuen koehoi thuengnae a sak.

⁸ Hatnavah Solomon ni ama koe kaawm e Isarelnaw pueng hoi, Hamath kho kâennae koehoi Izip ram palang totouh, avoivang lahoi ka tho e taminaw abuemlah hoi hnin sari touh pawî a sak awh.

⁹ Ataroo hni dawk kalen poung kamkhuengnae a tawn awh. Hnin sari touh thung thuengnae khoungroe hnawngnae lah a hno awh teh, hahoi hnin sari touh pawî bout a sak awh.

¹⁰ Thapa ayung sarinae hnin 23 navah taminaw pueng a ban sak. BAWIPA ni Devit Solomon hoi a tami Isarelnaw lathueng vah hawinae a kamnue sak dawkvah, lunghawicalah hoi taminaw pueng im lah a ban awh.

Solomon koe Cathut apâhni a kamnue

¹¹ Hottelah Solomon ni BAWIPA e im hoi siangpahrang im teh koug a cum. Solomon ni a lungthung hoi a noe e patetlah BAWIPA im hoi a ma im ka kuepcalah koug a cum.

¹² Hahoi karum vah Solomon koe BAWIPA a kamnue teh, na ratoum e naw ka thai toe. Hete hmuen teh thuengnae khoungroe hmuen lah kama hanelah ka rawi toe.

¹³ Kho rak laipalah kai ni takang ka tho sak nakunghai, samtongnaw ni law dawk e a pawnaw ca hanelah kâ ka poe nakunghai, ka taminaw koe lacik ka tho nakunghai,

¹⁴ ka min lahoi ka kaw e taminaw ni, a kâ rahnoum awh teh, ka minhmai tawng laihoi a ratoum awh teh, thoena lamthung roun awh pawiteh, kai ni kalvan hoi ka thai pouh vaiteh, ahnmae yonnae ka ngaithoum vaiteh, a ram ka dam sak han.

¹⁵ Hete hmuen koehoi a ratoum awh navah, ka mit ka padai vaiteh, ka hnâ ka pakeng han.

¹⁶ Bangkongtetpawiteh, hote hmuen koe ka min a yungyoe o thai nahanelah, hete im ka rawi teh ka thoung sak toe. Hote hmuen koe ka mit hoi ka lungthin teh pou ao han.

¹⁷ Hahoi na pa Devit koe kâ ka poe e patetlah nang hai kâ na poe e hah na tarawi teh, ka phunglam hoi ka lawkcengnae na hringkhai pawiteh,

¹⁸ Na uknaeram dawkkung pout mahoe telah na pa Devit koe lawk ka kam tangcoung e patetlah na bawinae bawitungkhung pou ka caksak han.

¹⁹ Hatei na hmalah ka hruek e kâpoelawknaw hoi phunglawknaw hah na pahnawt awh teh, alouke cathut thaw hah na tawk awh boilah na bawk awh pawiteh,

²⁰ na poe e ram thung hoi na takhoe awh vaiteh, ka min hanelah ka thoungsak tangcoung e hete im hai ka hmaitung hoi ka takhoe han. Miphun tangkuem koe thoebonae hoi pacekpahleknâ lah na o sak awh han.

²¹ Hete ka rasang e im heh, atempam ka cet e taminaw pueng ni kângai a ru awh vaiteh, bangkongmaw hete ram hoi im heh BAWIPA ni hettelâ a sak vaw telah ati awh navah,

²² BAWIPA, a na mintoenaw e Cathut, Izip ram hoi ka tâcawtkhai e, hnamthun takhai awh teh, cathut alouke thaw a tawk awh teh, a bawk awh dawkvah hettelâ e rawkphainae pueng heh ahnmae lathueng a pha sak e doeh telah ati awh han telah a ti.

¹ Solomon ni BAWIPA im hoi amae im a sak teh, kum 20 touh akuep navah,

² Huram ni Solomon a poe e ramnaw hah Solomon ni bout a pathoup teh Isarelkaw ao sak.

³ Hahoi Solomon ni Hamathzobah lah a cei teh hote kho hai a la.

⁴ Kahrawngum vah Tadmor kho hoi Hamath kho e hno pátungnae kho a thawng awh.

⁵ Bethoron atunglah kaawm e hoi akalah kaawm e hai kalupnae rapannaw, longkhanaw hoi tarenae hai a sak awh.

⁶ Baalath kho hnopai pátungnae kho abuemlahoi rangleng tanae kho, marang kâcuinaw a onae kho, Jerusalem kho, Lebanon kho, hoi a uknaeram thung daw k a ngai e patetlah kho a thawng.

⁷ Isarel taminaw lah kaawm hoeh e Hit taminaw, Amor taminaw, Periznaw, Hiv taminaw, Jebusit taminaw,

⁸ Isarelkaw ni a raphoe hoeh e hote ram daw k kaawmnaw hah Solomon ni thaw ka taw k hane sannaw hoi hnepnap e taminaw lah atu totouh ao sak.

⁹ Isarelkaw teh Solomon ni san patetlah thaw taw k sak e buet touh hai awm hoeh. Ahnimanaw teh, tarankatuknaw lah, ransa kaukkungnaw lah, kahrawikungnaw lah, rangleng hoi marang kâcuie kaukkungnaw lah ao sak.

¹⁰ Hote taminaw teh taminaw kahrawikung hoi Solomon kabawmkung lah ao awh teh, tami 250 touh a pha.

¹¹ Solomon ni Faro canu hah Devit khopui hoi a kaw teh, ama hane im a sak pouh e daw k a hrawi. Bangkongtetpawiteh, BAWIPA lawkkam thingkong a phanae hmuen teh a thoung dawkvah, ka yu teh Isarel siangpahrang Devit e im daw k ao kawi nahoeh telah ati.

¹² Solomon ni imhmalah a sak e BAWIPA e thuengnae khoungroe daw k Mosi e kâpoelaw k patetlah hnintangkuem hmaisawi thuengnae BAWIPA koe a sak.

¹³ Hothloillah sabbath hnin hoi thapa rei hnin hoi kum touh daw k vai thum touh tonphuenhoehe vaiyei paw i hoi yat tangkuem sak e paw i, kum katha paw i hninnaw daw k thuengnae ouk a sak.

¹⁴ A na pa Devit ni a uknae patetlah vaihmanaw ni atueng khoe e patetlah vaihma thaw thoseh, Levihnaw ni hnintangkuem baw k a ngai e patetlah vaihmanaw hoi cungalalah pholenna e la a sak awh teh amamae thaw daw k thoseh, longkha karingkungnaw ni atueng khoe e daw k thoseh, amamae thaw lengkaleng taw k hanelah a hmoun awh. Hottelah Cathut e tami Devit ni law k a thui.

¹⁵ Siangpahrang ni vaihmanaw hoi Levihnaw kâ a poe e patetlah bang patet e hno daw k thoseh, hnopai koe lahoi thoseh, oupvout e awm hoeh.

¹⁶ BAWIPA e im sak a kamtawngnae koehoi a cum totouh Solomon ni a noe e patetlah BAWIPA e im teh a cum.

¹⁷ Solomon teh Edom ram tuipui teng kaawm e Eziongeber hoi Eloth kho lah a cei.

¹⁸ Huram ni tuipui e a konglam ka panuek e amae sannaw hoi Solomon e a sannaw teh lawng kathoen gae hoi Ophir ram lah a cei teh, hote hmuen koe e sui talen 450 touh a phu awh teh, Solomon siangpahrang koe a thokhai awh.

¹ Sheba ram ka uk e siangpahrangnu ni Solomon e kamthang a thai navah, lawk paceinae ka ru poung e naw hoi tanouk hanelah Solomon koe Jerusalem vah a tho. Tami moikapap a kâbang aw hawh teh, hmuituinaw, talung apu kaawmpoungnaw hoi sui moikapap ka phawt e kalauknaw hoi a tho. Solomon koe a pha aw hawh navah, a lungthung ka'awm e pueng koug a rasa teh, lawk a pâcei.

² Lawk a pacei e naw pueng Solomon ni koug a dei pouh. Solomon ni siangpahrangnu koe a dei pouh thai hoeh e banghai awm hoeh.

³ Sheba siangpahrangnu ni Solomon e lungangnae, im a sak e,

⁴ caboi daw k e rawca, a kut rahim e bawinaw ni tahungnae, ka tho ka cet e sannaw hoi a khohnanaw, manang kapatuemnaw hoi a khohnanaw, BAWIPA e im daw k hmaisawi thuengnae hoi a thuengnae a hmu navah, kângai a ru teh kâha yo a phout.

⁵ Siangpahrang koevah, na lungangnae hoi na tawksak e kama ram hoi kamthang ka thai e heh a tang katang doeh.

⁶ Hatei, ka mit hoi khei ka hmu hoehnahlan teh, ka yuem hoeh. Khenhaw! na lungangnae teh ka thai e apasuek ka thai e ni tangawn boehai phat hoeh. Ka thainae kamthang hlak hoe a bawilen.

⁷ Na taminaw a yawhawi poung aw hawh. Na sannaw hai nang koe pou kaawm niteh, nange lungangnae lawk ka thai e naw teh, a yawhawi poung aw hawh.

⁸ Nang daw k a lung kahawi e BAWIPA na Cathut, bawitungkhung daw k na ka tahung sak e BAWIPA na Cathut teh bawilennae awm seh. Bangkongtetpawiteh, na Cathut ni Isarelnaw teh yungyoe a caksak hanelah a pahren. Hatdawkvah, kalan lah lawkceng hanelah ahnimae siangpahrang hanelah na sak aw hawh e doeh, telah ati.

⁹ Hottelah sui talen 120, hmuitui moikapap hoi, apu kaawm e naw hah siangpahrang a poe. Sheba siangpahrangnu ni Solomon a poe hmuitui pateflah e alouklah khoeroe awm hoeh.

¹⁰ Hahoi Solomon e a sannaw hoi Hiram e a sannaw, Ophir kho hoi sui kaphawtnaw ni hai Algum thing hoi talung apu kaawm e a phu aw hawh.

¹¹ Siangpahrang ni Algum thing hah BAWIPA im, siangpahrang im kalupnae hoi la kasaknaw hanelah ratoug hoi tamawi lah a sak. Hot patef lae thing teh Judah ram daw k ayan hoi hmawt boihoeh.

¹² Solomon siangpahrang Sheba siangpahrangnu ni a poe e hno touk laipalah, a lungkuap nahanelah a hei e puenghai koug a poe. Hath-nukkuh, a sannaw hoi ama ram lah a ban aw hawh.

Solomon tawntanae

¹³ Solomon koe kum touh daw k sui kâen e talen 666 touh a pha.

¹⁴ Hetnaw teh hno kayawtnaw hoi kasaknaw ni a thokhai e touk laipalah, kâen e doeh. Arabia siangpahrangnaw pueng hoi ram kaukkungnaw ni Solomon koe sui hoi ngun ouk a thokhai aw hawh.

¹⁵ Solomon ni suibahling kalen e 200 touh a sak. Bahling kalen e buet touh daw k sui talen 600 touh abaw.

¹⁶ Hlun e suibahling kathounge 600 touh a sak. Bahling kathounge buet touh daw k sui shekel 300 touh abaw. Hotnaw teh Lebanon ratu thung e thing hoi sak e im daw k a hruék.

¹⁷ Hahoi siangpahrang ni kasaino bawitungkhung kalenpoung e sak teh, suikathoug hoi a hluk.

¹⁸ Bawitungkhung daw k luennae lakhout taruk touh hoi sui hoi sak e khokpadoun hai a tawn teh, tungkhung hoi pou a kamtawp. Tungkhung

avoivang lah, kut toungnae atengvah, sendek meikaphawk kahni touh a kangdue sak.

¹⁹ Luennae dawk avoivang lah sendek 12 touh a kangdue. Hot patetlah, nâ e uknaeram dawk hai awm boihoeh.

²⁰ Siangpahrang Solomon e manangnaw pueng teh, suituici seng doeh. Lebanon kahrawngum e thing hoi sak e im dawk e hnopai pueng hai suituici seng doeh. Solomon e se nah ngun teh banglahai noutna hoeh.

²¹ Siangpahrang e lawng teh Huram e a sannaw hoi Tarshish kho lah ouk a cei, kum thum touh dawk vai touh a tho teh, sui, ngun, kasaino, kalainaw hoi awtawnaw ouk a thokhai aw.

²² Hottelah Solomon siangpahrang ni talai van e siangpahrang pueng, tawntanae hoi lungangnae koelah koug a tapuet.

²³ Cathut ni a lungthin thung a hruek pouh e lungangnae lawk thai hanelah talai van e siangpahrang pueng ni Solomon a pâm aw.

²⁴ Ka tho e tami pueng ni suimanang, ngunmanang, khohna, tarantuknae senehmaica, hmutuinaw, marangnaw hoi lanaw kum tangkuem ouk a poe aw.

²⁵ Solomon ni rangleng hoi marangnaw tanae hmuen 4,000 touh a tawn. Marangransaw 12000 touh a tawn teh, ahnimanaw teh marang hrueknae hmuen hoi Jerusalem siangpahrang koevah ao sak.

²⁶ Euphrates tuipei koehoi, Filistin ram hoi, Izip ram totouh siangpahrangnaw koug a uk.

²⁷ Siangpahrang ni Jerusalem kho dawk ngunnaw hah talung patetlah Sidar thing hah ayawn dawk e thailahei kungnaw patetlah a pap sak.

²⁸ Izip ram hoi alouke ramnaw koehoi Solomon hanelah marangnaw hah ouk a thokhai aw.

²⁹ Solomon e konglam kaawm rae naw, kamtawng hoi apout totouh e pueng teh, profet Nathan ni a thut e cauk, Shiloh tami Ahijah e sutdeilaw dawk hoi Nebat capa Jeroboam e kong dawk profet Iddo kamnuenae cauknaw dawk thut lah ao nahoehmaw.

³⁰ Solomon ni Jerusalem kho dawk Isarelnaw abuemlah kum 40 touh a uk.

³¹ Solomon teh mintoenaw koe a kâhat teh, a na pa Devit khopui dawk a pakawp aw. Hahoi a yueng lah a capa Rehoboam ni siangpahrang a tawk.

10

Rehoboam taranlahoi taranthawnae

¹ Isarelnaw abuemlah Shekhem kholah siangpahrang rawi hanelah a cei aw. Rehoboam hai a cei vah.

² Solomon siangpahrang koehoi Izip ram lah ka yawng e Nebat capa Jeroboam teh hote kamthang a thai navah Izip ram hoi bout a tho.

³ Tami a patoun teh ahni hah a kaw aw. Jeroboam hoi Isarelnaw abuemlah a tho aw teh, Rehoboam koevah,

⁴ Na pa ni hmuen ka ri pueng hai na phu sak aw. Hatdawkvah, na pa ni nget ka tawn lah na tawk sak e hoi hnokari na phu sak e heh bet pâhaw sak haw, telah pawiteh na thaw ka tawk aw han telah atipouh aw.

⁵ Ahni ni hnin thum touh alum alum hnukkhu bout tho aw atipouh navah, taminaw ni koug a taki aw.

⁶ Siangpahrang Rehoboam ni hete tami lawk bout a pathung hanelah bangtelamaw pouknae na poe aw han telah a na pa a hring nah ateng ouk kaawm e kacuenaw koe pouknae a hei.

⁷ Ahnimanaw ni hete taminaw heh na pahren pawiteh lung na hawi sak pawiteh, lawkkanemcalah na dei pawiteh, na tami lah pou ka o awh han telah atipouh.

⁸ Hatei, kacuenaw ni pouknae a poe e hah dâw laipalah ateng kaawm e a hui thoundounnaw koe pouknae a hei.

⁹ Rangpuinaw ni na pa ni hnokari a patue e pâhaw sak leih ati awh dawkvah, ahnimanaw koe bout ka dei pouh hanelah, bangtelamaw pouknae na poe awh han telah a pacei navah,

¹⁰ a hui thoundounnaw ni na pa ni hnokari na phu sak katetnaw koe hettelah dei pouh, kaie kutcarei teh, apa e keng hlak a tha han.

¹¹ Apa ni hnokari na phu sak awh toe. Kai ni het hlak hoe ka ri e na phu sak awh han rah. Apa ni nangmanaw ruitaboung hoi na hem awh. Kai niteh, aikam hoi na hem awh han telah tet pouh loe, atipouh awh.

¹² Siangpahrang ni apâthum hnin bout tho awh atipouh e patetlah apâthum hnin dawk Jeroboam hoi taminaw pueng teh Rehoboam koe a tho awh.

¹³ Hatnavah Rehoboam siangpahrang ni kacuenaw ni a poe e pouknae a hnoun teh, a hui thoundounnaw ni a poe e pouknae patetlah,

¹⁴ Apa ni nangmanaw hnokari poung e na phu sak awh toe. Kai ni het hlak hoe na phu sak awh han rah. Apa ni nangmanaw ruitaboung hoi na hem awh. Kai niteh, aikam hoi na hem awh han rah telah puenghoi bout a dei pouh.

¹⁵ Siangpahrang ni khocanaw ni a dei e lawk a tarawi ngaihoehnae teh, BAWIPA ni Shiloh tami Ahijah hno lahoi Nebat capa Jeroboam koe a dei pouh e lawk a kuep sak hane a ngai dawk doeh.

¹⁶ Isarelnaw abuemlah ni, siangpahrang ni lawk a ngâi hoeh e a hmu awh navah, bangmaw Devit koe coe hane ka tawn awh, Jesi capa koe coe hane râw ka tawn awh hoeh. Oe Isarelnaw, namamae rim koe lah ban awh leih. Oe Devit namae imthung khenhaw! telah atipouh awh. Hottelah Isarelnaw teh amamae rim koe lah lengkaleng a ban awh.

¹⁷ Hatei, Judah ram lah kaawm e Isarelnaw teh Rehoboam ni a uk awh.

¹⁸ Hahoi, siangpahrang Rehoboam ni thaw katawknaw ka uk e Adoniram teh Isarelnaw koe a patoun. Hatei ahnimanaw ni talung hoi mat a dei awh. Hatdawkvah, siangpahrang Rehoboam teh rangleng dawk karanglah a kâcui teh, Jerusalem lah a yawng.

¹⁹ Hottelah Isarelnaw ni, atu totouh Devit catounnaw a taran awh.

11

¹ Rehoboam Jerusalem a pha navah Isarelnaw a tuk teh, a uknaeram hah Rehoboam e a kut dawk bout pha sak hanelah, Judah hoi Benjamin imthung dawk e ransa 180,000 touh a pâkhueng.

² Hatei Cathut e tami Shimei koevah BAWIPA e lawk ka tho e teh,

³ Judah ram hoi Benjamin ram dawk e Isarelnaw pueng koe,

⁴ BAWIPA ni hettelah a dei, na hmaunawngghanaw tuk hanelah cet hanh awh. Abuemlah nama im lah koung ban awh leih. Bangkongtetpawiteh, hete hno teh kai ni ka tâcosak e doeh, telah dei pouh atipouh. Hottelah BAWIPA ni a dei e a tarawi awh teh, Jeroboam tuk laipalah bout a ban awh.

Rehoboam ni kho a kalup

⁵ Rehoboam teh Jerusalem vah ao teh, Judah ram ring nahanelah, khopuinaw a thawng.

- 6 Bethlehem, Etam, Tekoa,
 7 Bethzur, Sokoh, Adullam,
 8 Gath, Mareshah, Ziph,
 9 Adoraim, Lakhish, Azekah,

10 Zorah, Aijalon hoi Hebron khonaw a kangdue sak. Hote khonaw teh Judah ram hoi Benjamin ram dawk rapan ka tawn e khonaw doeh.

11 Hete khonaw teh, kacakpounglah a tungdum awh teh, rapanim dawk ransabawinaw satui, misurtui hoi, lamvonnaw hawvah a hruék awh.

12 Kho tangkuem bahling hoi tahroenaw a hruék awh teh kacakpounglah kho lah a sak. Judah ram hoi Benjamin ram teh ama koe lah a kumpang sak.

Vaihmanaw hoi Levihnaw Judah ram lah a kampuen

13 Isarel ram dawk kaawm e vaihmanaw hoi Levihnaw teh amamouh aonae koe hoi ahni koe a pátam awh.

14 Bangkongtetpawiteh, Levihnaw ni a ram hoi a onae a tâcotakhai awh teh, Judah ram Jerusalem kho lah a cei awh. Jeroboam hoi a capanaw ni BAWIPA e vaihma thaw daw k hoi a kâhat sak awh.

15 Hahoi, kahrai hoi sakcawp e maitotan meikaphawknaw hanelah hmuénrasang daw k vaihma thaw a taw k sak awh.

16 Isarel BAWIPA Cathut tawng hanelah a lungthin kapoenaw ni Isarel miphun kacetkhaie Levih miphunnaw e hnuk a kâbang awh teh, mintoenaw e BAWIPA Cathut koe thuengnae sak hanelah Jerusalem kho daw k a tho awh.

17 Ahnimanaw ni Judah uknaeram a tho sak awh teh, Solomon capa Rehoboam hah kum thum touh thung a caksak awh. Kum thum touh thung Devit e lamthung hoi Solomon e lamthung a dawn awh.

Rehoboam imthung

18 Rehoboam ni Devit capa Jerimoth e canu Mahalath hoi Jesi capa Eliab e canu Abihail hah a yu lah a la.

19 Capa kathum touh a khe teh, Jeush, Shemariah hoi Zaham telah min a phung.

20 Hathnukkhuh Absalom e canu Maakah bout a la teh, Abijah, Attai hoi Ziza a khe.

21 Rehoboam ni a yu 18 touh, ado 60 touh a la teh, ca tongpa 28 touh, napui 60 touh a khe. Absalom e canu Maakah teh alouke a yunaw hoi adonaw hlak hoe a lungpataw.

22 Rehoboam ni Maakah capa Abijah teh a hmaunawngghanaw hlakvah hoe ka talue lah a hruék. Bangkongtetpawiteh, siangpahrang lah rawi hane a ngai daw k doeh.

23 Lungangcalah hoi kho a pouk teh, capanaw pueng hah Judah ram hoi Benjamin ram pueng daw k e rapan kaawm e khonaw daw k ao sak teh a kapek. Canei hane moikapap a hruék pouh teh, yu moikapap a tawng pouh.

12

Izip ni Judah a tuk

1 Rehoboam uknaeram a cak teh ama roeroe a tha a sai torei teh, ahni koe kambawang e Isarelnaw abuemlahoi BAWIPA e kâlawk a pahnawt awh.

2 Rehoboam siangpahrang a taw k nae kum 5 navah, Izip siangpahrang Shishak ni Jerusalem tuk hanelah a luen takhang. Bangkongtetpawiteh, BAWIPA a taran awh teh, kâ a tapoe awh.

³ Izip lahoi kathonaw teh, rangleng 12,000, marangransanaw 6,000, hahoi touklek thai hoeh e taminaw, Lubimnaw, Sukkiimnaw hoi Ethiopia taminaw doeh.

⁴ Judah ram daw k e rapan ka tawn e khonaw a la aw h teh, Jerusalem kho daw k a pha aw h.

⁵ Rehoboam hoi Judah kahrawikungnaw, Shishak taki kecu daw k Jerusalem kamkhuengnaw koe profet Shemaiah a tho teh, ahnimouh koevah, BAWIPA ni telah a dei, kai na pahnaw t aw h daw kvah kai ni Shishak kut daw k na hnawng van aw h, telah atipouh.

⁶ Hat torei teh, Isarel kahrawikungnaw hoi siangpahrang rahim lah a kârahnoum aw h teh, BAWIPA teh a lan, telah ati aw h.

⁷ BAWIPA ni a kârahnoum aw h e a hmu torei teh, BAWIPA e law k Shemaiah koe bout ka tho e teh, a kârahnoum aw h daw kvah, ka raphoe mahoeh. Hatei, a tangawn teh ka rungngang vaiteh, Shishak kut daw k e ka lungkhueknae teh Jerusalem lathueng ka rabaw k mahoeh.

⁸ Hatei, ka thaw taw knae hoi miphun alouke uknaeram koe thaw taw knae a panue vaiteh, kapek thai nahanelah ahnimouh koe san a toung aw h han.

⁹ Izip siangpahrang Shishak ni Jerusalem tuk hanelah a takhang teh, BAWIPA e im daw k e hnopai, siangpahrang e im daw k e hnopai hoi alouke hnopainaw pueng hai koug a la. Solomon ni a sak e suibahlingnaw hai koug a la.

¹⁰ Siangpahrang Rehoboam ni a yueng lah rahum bahling lah a sak teh siangpahrang im takhang karingkungnaw hoi ransanaw koe a ring sak aw h.

¹¹ Siangpahrang teh BAWIPA e im daw k a kâen tangkuem karingkungnaw ni a sin aw h teh, hathnukkhu ama onae koe bout a hruek aw h.

¹² Hottelah a kârahnoum torei teh, koug raphoe hoeh hanelah BAWIPA ni a lungkhueknae bout a roum sak teh, Judah ram teh kanawmcalah kho bout a sak aw h.

Rehoboam uknae apout

¹³ Hahoi siangpahrang Rehoboam teh Jerusalem lah a cei teh bout a uk. Rehoboam siangpahrang a taw knae teh kum 41 touh a pha teh, BAWIPA ni a min o thai nahanelah Isarel ram thung daw k a raw i e Jerusalem kho daw k kum 17 touh a uk. A manu e min teh Ammon tami Naamah doeh.

¹⁴ BAWIPA tawngngainae lungthin a tawn hoeh daw kvah, kathout hno a sak.

¹⁵ Rehoboam thaw taw knae a kam tawng hoi apout totouh e teh profet Shemaiah e cauk hoi profet Iddo ni thut e setouknae cauk daw k thut lah aw m hoeh na maw. Rehoboam hoi Jeroboam teh a hring nathing pou a kâtuk roi.

¹⁶ Hahoi, Rehoboam teh mintoenaw koe a i teh Devit khopui daw k a pakaw p aw h. Ahnie yueng lah a capa Abijah ni siangpahrang let a taw k.

13

Abijah ni Judah uknae

¹ Siangpahrang Jeroboam a bawinae kum 18 navah, Abijah teh Judah ram daw k siangpahrang thaw a kam tawng.

² Jerusalem kho daw k kum thum touh a bawi. A manu e min teh Mikhaiah, Gebeah tami Uriel e canu doeh. Hatnavah Abijah hoi Rehoboam teh a kâtuk roi.

³ Abijah ni tarankahawi ni teh tarantuk kathoum e 400,000 touh a rawi teh a tuk. Jeroboam ni hai tarankahawi ni teh taran katukthai tami 800,000 touh a rawi teh a tuk van.

⁴ Abijah teh Ephraim ram dawk e mon Zemaraim mon dawk a kangdue teh, Oe Jeroboam Isarelnaw abuemlahoi thai aw haw.

⁵ Isarel BAWIPA Cathut ni palawi hoi lawkkamnae, Isarel uknaeram teh Devit hoi a ca catounnaw koe yungyoe hanelah a poe toe tie hah na panuek aw hoh maw.

⁶ Hateiteh, Devit capa Solomon e san Nebat capa Jeroboam ni a bawipa a taran toe.

⁷ Solomon e capa Rehoboam teh a camo dawkvah pouklaknae hai a tawn hoh rah dawkvah, a ngang thai hoh toreih teh, cungkeihoehe taminaw hoi tamikthoutnaw teh Rehoboam koe lah a kamkhueng aw h.

⁸ Atu hai nangmouh ni Devit ca catounnaw kut dawkkawm e BAWIPA e uknaeram tuk thai hanelah na pouk aw h. Nangmanaw teh na pap poung aw h. Jeroboam ni cathut lah na sak pouh e suimaitotanca hai nangmouh koe ao.

⁹ BAWIPA e vaihmanaw, Aron e capanaw hoi Levihnaw na takhoe teh, alouke mipunnaw ni a sak e patetlah vaihmanaw na hruek aw h. Maitotanca hoi tu sari touh hoi kamthoung e tami pueng teh, na cathutnaw e vaihma lah na coung sak aw h nahohmaw.

¹⁰ Hatei, kaimanaw teh Cathut ka pahnawt aw h hoh. Hote Cathut teh kaimae BAWIPA doeh. BAWIPA e thaw ka tawk e vaihmanaw teh Aron mipunnaw doeh. Levihnaw hai amamae thaw lengkaleng a tawk aw h.

¹¹ Amom hoi tangminlah tangkuem BAWIPA hanelah hmiasawi thuengnae hoi hmuitui ouk a thueng aw h. Paawng e vaiyei hai kathoung caboi daw k a hruek aw h. Tangminlah tangkuem hmiasawi hanelah sui hmiamkhok daw k hmiam paang teh, kaimouh ni teh BAWIPA Cathut e kâpoelawknaw ka tarawi aw h. Hatei, nangmouh ni teh ahni hah na pahnawt aw h.

¹² Khenhaw! Cathut teh kaimouh koe ao teh, kaimae lû lahai ao. Vaihmanaw hai nangmanaw na tuk navah amamae kâhruetcuetnae mongka hah kâhruetcuet nahanlah ueng han lah ao aw h. Oe Isarelnaw mintoenaw e BAWIPA Cathut tuk hanelah kâcai hanh aw h. Na tuk aw h pawiteh, na sung aw h han telah atipouh.

¹³ Hatei, Jeroboam ni a ransa tangawn hah Judah ransanaw a hnuklah arulah hoi pawp hanelah a patoun. Hahoi a tangawn teh hmalah hoi kalup vaiteh tuk hanelah a noe.

¹⁴ Judahnaw ni hnukhma lahoi a pawp aw h e a panue toteh BAWIPA a kaw aw h. Vaihmanaw ni hai mongka a ueng aw h.

¹⁵ Hahoi Judahnaw a thaw aw h teh puenghoi a hramki aw h. Hottelah Judahnaw a hramki toreih teh, Abijah hoi Judahnaw hmalah Jeroboam hoi Isarelnaw pueng Cathut ni taran a sung sak.

¹⁶ Isarelnaw teh Judahnaw e hmalah a yawng aw h teh, Cathut ni ahnimae kut daw k a poe.

¹⁷ Abijah hoi a taminaw ni tami moikapap a thei aw h teh, a rawi e tami 500000 touh a thei aw h.

¹⁸ Judahnaw ni mintoenaw e BAWIPA Cathut kâuep aw h dawkvah, Isarelnaw teh hatnavah taran a sung aw h.

¹⁹ Hahoi Abijah ni Jeroboam a pâlei teh, Bethel khopui hoi khotenaw, Jeshanah khopui hoi khotenaw, Ephraim khopui hoi khotenaw, ahnie kut daw k hoi a lawp.

²⁰ Abijah a hring nathing Jeroboam teh a tha bout sai thai hoeh. BAWIPA ni a hem teh a due.

²¹ Hatei, Abijah teh athakaawme lah ao teh a yu 14 touh a la, ca tongpa 22 touh hoi napui 16 touh a tawn.

²² Abijah ni a tawksak e kaawm rae hoi a nuencang a deipan e lawklungnaw teh profet Iddo e lairui cauk dawk thut lah ao.

14

¹ Abijah teh mintoenaw koe a i teh Devit khopui dawk a pakawp awh. Hahoi a yueng lah a capa Asa ni a uk. Ahnie tueng navah kum 10 touh roumnae ao.

Asa ni Judah a uk

² Asa ni BAWIPA Cathut hmalah hawinae hoi lanna e hno a sak.

³ Jentelnaw e thuengnae khoungroenaw hoi hmuenrasangnaw koug a takhoe. Talung ungenaw hai koug a raphei teh meikaphawk thingnaw hai koug a tâtueng.

⁴ Judahnaw ni mintoenaw e BAWIPA Cathut tawng vaiteh, kâlawnaw tarawi hanelah kâ a poe.

⁵ Judah kho tangkuem dawk e hmuenrasangnaw hoi meikaphawk a takhoe awh teh, a uknaeram teh karoumcalah ao.

⁶ Judah ram dawk e khopuinaw rapan hoi koug a kalup teh BAWIPA ni roumnae a poe dawkvah, kum moikasawlah kâtuknae awm hoeh.

⁷ Hahoi Judahnaw koevah, hete khopuinaw sak awh vaiteh, rapan hoi koug kalup awh sei. Radoung nahane imrasang hoi longkha taren nahane hai sak awh seh. BAWIPA Cathut e a ngainae tawng dawkvah, maimae ram teh kahawicalah uk thai awh. Hatdawkvah ahni ni kho tangkuem roumnae na poe awh telah atipouh. Hahoi a dei e patetlah a sak teh hoehoe a roun awh.

⁸ Asa ni Judahnaw bahlingnaw hoi tahroenaw ka patuem e tami 300,000 touh a tawn. Benjamin miphun dawk bahlingnaw hoi lilava ka patuem e tami 280,000 touh a tawn teh, hete taminaw pueng teh thakasaipoung e naw hoi tarankahawi poung e naw doeh.

⁹ Ethiopia tami Zerah teh ransa 1,000,000, rangleng 300 touh hoi ahnimanaw tuk hanelah Mareshah kho dawk a pha.

¹⁰ Asa ni ahnimanaw tuk hanelah a tâco teh, Mareshah kho teng e Zephathah yawn dawk taran a kâtuk awh.

¹¹ Asa ni BAWIPA Cathut a kaw teh Oe BAWIPA nang teh athakaawme hoi athakayounnaw rungngang hanelah na coung thai dawkvah, Oe BAWIPA Cathut na rungngang awh haw. Kaimanaw ni nang na kâuep awh teh, na min lahoi hete tamihupui tuk hanelah ka cei awh. Oe BAWIPA nang teh kaimae Cathut lah na o teh taminaw ni na ta hanh seh telah a ratoum.

¹² Hottelah BAWIPA ni Asa hoi Judahnaw hmalah, Ethiopia taminaw a tuk teh koug a yawng awh.

¹³ Asa hoi a taminaw ni Gerar kho totouh a pâlei awh. Ethiopianaw ni bout a tuk thai hoeh dawkvah, a kâhno awh toe. Bangkongtetpawiteh, BAWIPA hoi a ransanaw hmalah sung sak lah ao teh, hnopai moikapap a la pouh awh.

¹⁴ Gera kho teng e naw pueng koug a tâ awh. Bangkongtetpawiteh, BAWIPA takinae ahnimae thung a pha teh, khopuinaw hai koug a raphoe awh. Hnopai moikapap a la awh.

15 Saring hrueknae innaw hai koug a raphoe aw h teh, tu hoi kalauknaw moikapap a lawp aw h teh Jerusalem lah a ban aw h.

15

Asa a tha bout kâlanae

1 Cathut e Muitha teh Oded capa Azariah koe a pha teh,

2 Asa dawn hanelah a cei teh, ahni koevah, Asa Judahnaw abuemlah hoi Benjammaw ka lawk thai aw h haw. BAWIPA na kampangkhai aw h pawiteh, ahni ni na kampangkhai van han. Ahni na tawng aw h pawiteh na hmu aw h han. Ahni na pahnavt aw h pawiteh, na pahnavt aw h van han.

3 Tueng moikasawlah Cathut katang tawn aw h hoeh. Vaihmanaw cangkhae hoi kâlawk tawn laipalah ao aw h.

4 Rucatnae a kâhmo aw h toteh, BAWIPA Isarel Cathut koelah bout a ban aw h. A tawng aw h teh bout a hmu aw h.

5 Hatnae tueng daw k kâennaeh hoi tâconae daw k roumnae aw m hoeh. Ram thung kho ka sak e pueng koe lungpuen tâsuenae hoi doeh a kaw i.

6 Ram buet touh hoi buet touh kho buet touh hoi buet touh a kâ raphoe aw h. Bangkongtetpawiteh, Cathut ni runae phunkuep hoi tarannaw kut daw k a kâhmo sak.

7 Hatei, nangmouh teh tha kâlât aw h nateh na kut hno aw h hanh. Na sak aw h e patetlah taw kphu na hmu aw h han telah atipouh.

8 Asa ni hote lawk hoi profet Oded e sutdeilaw k a thai navah, taran bout ahawi teh, Judah ram hoi Benjamin ram pueng Ephraim mon daw k e a la e khonaw e panuethopoung naw pueng koug a tâkhawng teh, BAWIPA e im hmalah kaawm e BAWIPA thuengnae khoungroe bout a pathoup.

9 Hahoi Judah ram hoi Benjamin ram thung e tami pueng ahni koe kho ka sak e Ephraim, Manasseh hoi Simeon ram thung e tami pueng koug a kaw. Bangkongtetpawiteh, BAWIPA Cathut ahni koelah ao e a hmu navah Isarel ram thung e tami moikapap ahni koe a tho aw h.

10 Hottelah Asa ni a uknae kum 15, thapa yung pâthum navah Jerusalem kho daw k a kamkhueng aw h.

11 Hatnae hnin daw k a lawp e maitotan 700, tu 7000 touh hoi BAWIPA koe thuengnae a sak aw h.

12 A lungthin hoi a hringnae abuemlah mintoenaw e BAWIPA Cathut tawng hane hoi,

13 Isarelnaw e BAWIPA Cathut ka tawng ngaihoeh e tami bangpatethai thoseh, tami kathoung kalen, napui tongpa abuemlah koug thei hanelah lawkkamnae a sak aw h.

14 BAWIPA min lahoi hote lawkkamnae tarawi hanelah mongka hoi tuki kacaipounglah a ueng aw h teh, thoebonae lahoi a hramki aw h.

15 Judahnaw abuemlah hoi hote lawkkamnae daw k a lunghawi aw h teh, lungthin abuemlah hoi lawkkamnae a sak aw h teh a hringnae abuemlah hoi ama a tawng aw h. Hahoi ama a hmu aw h teh, BAWIPA ni hmuen tangkuem koe roumnae a poe.

16 Siangpahrang Asa e manu Maakah hai panuetho e meikaphawk Asherah a sak kecu daw kvah, siangpahrangnu daw k hoi a kâhat sak. Meikaphawk teh Asa ni koug ka rawm lah a hem teh, a raphoe hnukkhu, Kidron palang teng vah hmai a sawi.

17 Hatei, Isarel ram daw k e hmuenrasangnaw teh takhoe lah aw m hoeh rah. Asa e lungthin teh a bawi nathing yuemkamcu e lah ao.

¹⁸ A na pa ni a poe e hnopainaw, ama ni a poe e hnopainaw sui hoi ngunnaw teh Cathut e im dawk a hruek.

¹⁹ Asa siangpahrang kum 35 touh a tawk. A tawk nathing tarankâtuknae banghai awm hoeh.

16

Asa hoi Sirianaw lawkcengnae

¹ Asa siangpahrang a bawinae kum 36 navah, Isarel siangpahrang Baasha ni Judahnaw a tuk teh, siangpahrang Asa koe apihai a kâen a tâco thai hoeh nahanlah Ramah kho a kangdue sak.

² Hatnavah, Asa ni BAWIPA e im hoi siangpahrang im dawk e sui, ngun, kaawm e pueng a la teh, Damaskas kho kaawm e Siria siangpahrang a patawn teh ahni koevah,

³ lawkkamnae kai hoi nang rahak, apa hoi na pa rahak ao. Kenhaw! kai ni nang koe sui hoi ngun na patawn. Hatdawkvah, Isarel siangpahrang Baasha koe cet nateh, lawkkamnae raphoe nateh kai koe tho haw, " telah lawk a thui.

⁴ Siangpahrang Benhadad ni siangpahrang Asa e lawk a tang teh, Isarel ram dawk e khopuinaw tuk hanelah ransabawinaw a patoun. Ijon, Dan, Abelman hoi Naphtali ram dawk e hnopai hrueknae khonaw pueng a tuk.

⁵ Baasha ni hote kamthang a thai toteh, Ramah kho a thawng lahun e a kâhat.

⁶ Hottelah siangpahrang Asa ni Judahnaw abuemlahoi a ceikhai teh, Baasha ni Ramah kho a thawng nahanelah talungnaw hoi thingnaw a rakueng e koug a la teh, Geba hoi Mizpah kho thawngnae koe a hno.

Asa koe Hanani ni lawkthuinae

⁷ Hatnavah profet Hanani teh Judah siangpahrang Asa koe a tho teh, ahni koevah, BAWIPA na Cathut na kângue laipalah, Siria siangpahrang na kângue. Hatdawkvah, Siria siangpahrang e ransanaw teh na kut dawk hoi koug a hlout toe.

⁸ Ethiopia taminaw hoi Lubim taminaw teh ransanaw, ranglengnaw hoi marangransanaw nahoehmaw. Hatei, BAWIPA na kâuep dawkvah, ahni ni na kut dawk a hnawng

⁹ Ama koe yuemkamcu e lungthin ka tawn e tami koevah, athakaawme taminaw a kamnue sak hanelah, talai van pueng dawk BAWIPA ni a mit hoi pou a radoung. Hete hno dawk pathu lahoi thaw na tawk dawkvah, atu hoi teh taran na tawn han toe telah atipouh.

¹⁰ Hahoi Asa teh profet koe a lungkhuek dawkvah, thongim a pabo. Bangkongtetpawiteh, a dei pouh e lawk kecu dawk a lung thouk a khuek. Hahoi Asa ni tami tangawn hai a rek.

Asa patawnae hoi a duenae

¹¹ Asa thaw tawknae a kamtawng hoi a pout totouh e Judah hoi Isarel siangpahrangnaw e cauk dawk thut lah ao.

¹² Asa a bawinae kum 39 navah, a khok dawk patawnae a tawn teh, patawnae teh puenghoi a nut. Hatei patawnae dawk BAWIPA tawng laipalah tâsibawinaw dai a tawng.

¹³ A uknae kum 41 touh navah, Asa teh mintoenaw koe a kâhat.

¹⁴ Devit khopui dawk ama hanelah a ran e phuen dawk a pakawp aw. Hmuitui kasaknaw ni aphunphun dawk a sak aw h e ikhun dawk a yan sak. Barinae lah hmaikonpui a patawi sak aw h.

17

Jehoshaphat ni Judah a uk

¹ Asa capa Jehoshaphat ni a na pa yueng siangpahrang a tawk teh, Isarel tuk hanelah tha a sai sak.

² Judah ram dawk rapan ka tawn e kho pueng koe ransanaw a hruek. Judah ram hoi a na pa Asa ni a la e Ephraim ram dawk e khonaw dawк ramvengnaw a hruek.

³ Jehoshaphat koe BAWIPA ao, bangkongtetpawiteh, a na pa Devit ni a dawn e lamthung a dawn teh Baal cathut tawng hoeh.

⁴ A na pa e Cathut dueng a tawng teh, Isarel lamthung a roun teh kâpoelawк a tarawi.

⁵ Hatdawкvah, BAWIPA ni ahnie kut dawк uknaeram a caksak teh, Judah ram e tami pueng ni, Jehoshaphat koe tamuk a poe, dawкvah, a tangreng teh a bawilen poung.

⁶ BAWIPA e lamthung dawк a lunghawi teh, Judah ram dawк e karasang e hmuennaw hoi meikaphawк thingnaw pueng koung a raphoe.

⁷ A bawinae kum thum navah, kahrawikung Benhail, Obadiah, Zekhariah, Nethanel hoi Mikhaiah tinaw hah taminaw cangkhai hanelah Judah ram khopuinaw koe a patoun.

⁸ Levih tami Shemaiah, Nethaniah, Zebadiah, Asahel, Shemiramoth, Adonijah, Tobiah hoi Tobadinjah taminaw hai a bawк van. Hahoi vaihma Elishama hoi Jehoram hai a bawк roi van.

⁹ BAWIPA e kâlawк cauk a sin awh teh, Judah ram dawк a cangkhai awh.

¹⁰ Judah tenggam e uknaeram pueng ni hai BAWIPA a taki awh teh, apinihai Jehoshaphat tuk ngam hoeh.

¹¹ Filistin e tami tangawn ni hai Jehoshaphat poehno a poe awh. Tamuk hanelah ngun tangka a poe awh. Arabianaw ni hai tu 7700, hmae 7700 touh a poe awh.

¹² Jehoshaphat teh a tha hoehoe a sai teh Judah ram dawк ramveng im hoi hnopai hruek nahane a sak.

¹³ Judah khopuinaw dawк thaw moi a tawn teh, Jerusalem vah tarankahawi ni teh athakaawme taminaw moikapap a tawn.

¹⁴ Hetnaw teh a napanaw imthung lahoi touк e doeh. Judah thung hoi ransabawi 1,000 touh, Adnah hoi a kut rahim kaawm e tarankahawi ni teh athakaawme tami 300,000,

¹⁵ Apâhni lah Jehoshaphat ni 280,000 a uk.

¹⁶ A pâthum lah Zekhariah capa Amasiah teh a ma lungtho lahoi BAWIPA koe a kâpasoung teh, tarankahawi ni teh athakaawme 200,000 touh a uk.

¹⁷ Benjamin imthung dawк e a thakasai, tarankahawi e, sene hoi bahling ka patuem e tami 200000 touh Eliada ni a uk.

¹⁸ A hnukkhu Jehozabad ni tarankahawi ni teh athakaawme 180000 touh a uk.

¹⁹ Hetnaw pueng teh siangpahrang e thaw katawkkungnaw doeh. Hetnaw hloilah Judah ram rapan ka tawn e kho tangkuem koe siangpahrang ni a hruek e ao rah.

18

Mikah ni Ahab kâhruetcuetnae a poe

¹ Jehoshaphat teh ka tangreng poung e lah ao teh, barinae a tawn. Ahab hoi a kâkuet roi.

² Kum moikasaw aloum hnukkhu Samaria e Ahab koe a cei. Ahab ni Jehoshaphat hoi a taminaw hanlah maitotan hoi tunaw moikapap a thei pouh. Hahoi Gilead ram Ramoth kho tuk hanelah a coun.

³ Isarel siangpahrang Ahab ni Judah siangpahrang Jehoshaphat koe, kai koe Gilead ram Ramoth kho na tho han maw, telah a pacei. Ahni ni, kai hoi nang, ka taminaw hoi na taminaw teh cungalalah doeh. Hatdawkvah taran rei tuk awh sei atipouh.

⁴ Jehoshaphat ni Isarel siangpahrang koevah, BAWIPA e lawk na ring mahoe h maw, telah a pacei.

⁵ Hatnavah Isarel siangpahrang ni, profet 400 touh a kaw teh, ahnimouh koevah, Gilead ram Ramoth kho tuk hanelah ka cei han maw, ka cet mahoe h maw, telah atipouh. Ahnimouh ni cet yawkaw Cathut ni siangpahrang kut dawk na poe han, telah atipouh awh.

⁶ Hatei, Jehoshaphat ni BAWIPA e profet buet touh boehai awm hoeh maw atipouh.

⁷ Isarel siangpahrang ni Jehoshaphat koe, BAWIPA koe ka pacei pouh hane buet touh ngoun teh ao. Hatei, ahni teh ka hmuhma e doeh. Bangkongtetpawiteh, ahawinae dei boihoeh. Ahni teh Imlah capa Mikah doeh atipouh. Jehoshaphat ni, siangpahrang ni hottelah dei hanh naseh atipouh.

⁸ Hat terei teh, Isarel siangpahrang ni kahrawikung buet touh a kaw teh, karanglah Imlah capa Mikah hrawi haw, atipouh.

⁹ Isarel siangpahrang hoi Judah siangpahrang teh Samaria longkha hmalah, siangpahrang e khohna a khohna roi teh, bawitungkhung dawk rei a tahung roi. Hahoi profetnaw pueng ni profet lawk a dei pouh awh.

¹⁰ Kenan capa Zedekiah ni sumki a sak teh, BAWIPA ni hettelah a dei, hete kinaw ni Sirianaw koug raphoe ditouh na deng han, telah atipouh.

¹¹ Hottelah profet alouknaw nihai, Gilead ram Ramoth kho dawk takhang nateh tuk leih, BAWIPA ni siangpahrang kut dawk a hnawng han doeh, telah ati awh.

¹² Mikah kaw hanelah patoune ni, kenhaw! profetnaw ni lawk rip känging lah siangpahrang koe lawk kahawi a dei awh. Hatdawkvah nang ni hai lawk kahawi dei pouh, telah atipouh.

¹³ Mikah ni, BAWIPA a hring e patetlah ka Cathut ni a dei e patetlah ka dei han atipouh.

¹⁴ Siangpahrang koe a pha toteh, siangpahrang ni ahni koe, Mikah Gilead ram Ramoth kho tuk hanelah ka cei han maw, ka cet mahoe h maw, telah a pacei. Ahni ni tuk awh na ta awh yawkaw han doeh, na kut dawk a hnawng han doeh, telah atipouh.

¹⁵ Siangpahrang ni ahni koe, lawkkatang hoeh laipalah teh kai koe BAWIPA min lahoi dei hoeh hanelah vai nâyittouh maw lawk na kam sak han, telah atipouh.

¹⁶ Ahni ni, khoumkung ka tawn hoeh e tu patetlah Isarelnaw pueng teh mon dawk pareng kâkapek e ka hmu. Hahoi BAWIPA ni hetnaw teh kahrawikung tawn awh hoeh dawkvah, ma im lengkaleng ban awh lawiseh, ati telah atipouh.

¹⁷ Isarel siangpahrang ni Jehoshaphat koevah, kaie kong a thoena e hoeh laipalah teh ahawinae dei boi mahoe h telah ka ti toung nahoehmaw, telah atipouh.

¹⁸ Mikah ni, hatdawkvah BAWIPA e lawk thai awh haw, Bawipa teh a bawitungkhung dawk a tahung teh, kalvantaminaw pueng avoilah aranglah a tahung e ka hmu.

¹⁹ BAWIPA ni Isarel siangpahrang Ahab teh Gilead ram Ramoth khovah a cei vaiteh, due hanelah apinimaw a tacuek han telah ati. Hahoi buet touh ni hettelah doeh, alouke ni hottelah doeh atipouh.

²⁰ Hahoi muitha buet touh a tho teh, BAWIPA hmalah a kangdue teh, kai ni ka dum han telah ati navah, BAWIPA ni ahni koevah, nâ lah maw atipouh.

²¹ Ahni ni ka cei vaiteh a profetnaw pueng e pahni dawk laithoe ka dei e muitha lah ka coung han, atipouh. Ahni ni dum haw, na dum thai han doeh. Hatdawkvah, cet nateh hottelah sak loe atipouh.

²² Hatdawkvah, kenhaw! BAWIPA ni hete profetnaw e a pahni dawkvah laithoe muitha a hruek toe. Hahoi BAWIPA ni nang na rawk nahane yo a dei toe telah atipouh.

²³ Kenan capa Zedekiah ni rek a hnai teh Mikah e hmaibei dawk a tambei teh, nang koe lawk dei hanelah BAWIPA e Muitha teh nâ lahoi maw kai koehoi a tâco, telah atipouh.

²⁴ Mikah ni, kenhaw! kâhro hanelah imthungkhu na kâen hnin vah na panue han atipouh.

²⁵ Isarel siangpahrang ni, Mikah heh khobawi Ammon hoi siangpahrang capa Joash koevah cetkhai awh.

²⁶ Hahoi siangpahrang ni hettelah a dei, hete tami heh thongim pabawt awh. Roumnae hoi ka ban hoehroukrak reknae bu hoi tui poe awh, telah atipouh.

²⁷ Mikah ni roumnae hoi bout na ban pawiteh, BAWIPA ni kai dawk hoi lawk a dei hoeh e han doeh, atipouh. Hahoi ahni ni nangmouh pueng ni hai thai awh, atipouh.

Tarantuknae koe Ahab a due

²⁸ Hatdawkvah, Isarel siangpahrang hoi Judah siangpahrang Jehoshaphat teh Gilead ram. Ramoth khovah a takhang roi.

²⁹ Isarel siangpahrang ni Jehoshaphat koevah, nang teh tarankâtuknae koe vah, siangpahrang puengcang kâmahrawk loe, kai tet tami rumram e patetlah ka khohna han atipouh. Hottelah Isarel siangpahrang teh tami rumram patetlah hoi tarankâtuknae koe a cei.

³⁰ Siria siangpahrang ni rangleng kauknaw koe, Isarel siangpahrang hoeh laipalah teh, tamikathoung kalen apihai tuk awh hanh telah kâ a poe.

³¹ Hahoi rangleng kaukungnaw ni Jehoshaphat a hmu navah, Isarel siangpahrang nahoehmaw ati awh. Ahni tuk hanelah a kalup awh navah Jehoshaphat teh thouk a hram. BAWIPA ni a kabawp teh Cathut ni koung a ban sak.

³² Rangeleng kaukungnaw ni Isarel siangpahrang nahoeh tie a panue toteh, pâlei laipalah a ban takhai awh.

³³ Hahoi, tami buet touh ni noe laipalah pala hoi a ka teh, Isarel siangpahrang e saiphei rahak a ka dawkvah, rangleng ka mawng koevah, kai na tâcawtkhai leih, hmâ ka ca e a patawpoung telah ati.

³⁴ Hat hnin vah, puenghoi a kâtuk awh. Hahoi Isarel siangpahrang teh tangmin lah totouh rangleng dawk a tahung laihoi, Sirianaw koelah kangwawi lahoi tami dawk a kamngawi teh kanî khup tawmlei vah a due.

19

¹ Judah siangpahrang Jehoshaphat teh, karoumcalah Jerusalem a im vah a ban.

² Hatei Hanani capa Jehu ni a dawn teh, siangpahrang koevah, Tamikathoutnaw na kabawp teh, BAWIPA kamaithoenaw na pahren han na maw. Hatdawkvah, BAWIPA lungkhueknae teh nang dawk ao.

³ Hatei, ram thung e thingmeikaphawknae na raphoe teh, BAWIPA na tawng dawkvah, hawinae lamthung teh na tawn rah, telah atipouh.

⁴ Jehoshaphat teh Jerusalem vah ao. Hahoi Beersheba teh Ephraim mon totouh a taminaw koe a cei teh, mintoenaw e BAWIPA Cathut koe a bankhai.

⁵ Judah ram thung rapan ka tawn e kho tangkuem dawk, lawkcengkungnaw a hruék.

⁶ Lawkcengkungnaw koe, na sak e hno kahawicalah pouk laihoi sak awh. Bangkongtetpawiteh, taminaw koe lawk na ceng e nahoe. BAWIPA hane doeh, lawk na ceng awh navah nangmouh koe ao van.

⁷ Hatdawkvah, BAWIPA takinae lungthin tawn awh nateh, kâhruetcuét laihoi sak awh. Bangkongtetpawiteh, maimae BAWIPA Cathut teh, payonpakaina, tami kapeknae hoi tadawng hno awm hoe, atipouh.

⁸ Hothloilah Jerusalem vah, BAWIPA e lawkcengnae hoi kâtoe nah lawkceng hanelah, Jehoshaphat ni Levihnaw, vaihmanaw hoi Isarel kahrawikungnaw a hruék.

⁹ Hahoi nangmouh ni lungthin katang hoi BAWIPA na taki awh teh, yuemkamcu laihoi lawkceng awh.

¹⁰ Kho tangkuem koe kaawm e hmaunawng hana w koe tami theinae, kâlawk hoi kâpoelawk daw k toseh, phunglawk hoi lawkcengnae daw k toseh, nangmouh koe a pha torei teh, kâhruetcuetnae na poe awh han. Hottelah nahoe pawiteh, BAWIPA taran vai teh, kâ a tapoe awh han. Nangmouh hoi hmaunawng hana lathueng vah, lungkhueknae a pha payon han. Hottelah na sak awh pawiteh, yon penna e daw k hoi na hlout awh han.

¹¹ BAWIPA e hnocawngca pueng daw k, vaihma bawi Amariah hoi Isarel capa Zebadiah, Judah imthung kaukkung nangmouh koe ao. Hahoi siangpahrang hno pueng daw k Levihnaw hah nangmouh koe kahrawikung lah ao han. Taranhawi laihoi sak awh. BAWIPA teh hnokahawi kasaknaw koelah a kampang telah lawk a thui.

20

Ammon, Moab hoi Seir mon tânae

¹ Hathnukku, Moabnaw hoi Ammonnaw, hothloilah tami alouknaw hoi Jehoshaphat tuk hanelah a tho awh.

² Taminaw a tho teh Jehoshaphat koe vah, nang tuk hanelah tamihupui tuipui namran Siria laihoi a tho. Khenhaw! Hazezontamar vah ao awh, (hot teh Engedi doeh) telah atipouh awh.

³ Jehoshaphat ni a taki teh BAWIPA tawng hanelah a kâpoe. Judah ram pueng daw k rawcahai hanelah a pathang.

⁴ Hottelah Judahnaw ni BAWIPA kabawpnae tawng hanelah a kamkhueng awh teh, Judah kho tangkuem laihoi BAWIPA tawng hanelah a tho awh.

⁵ Jehoshaphat teh BAWIPA e im thongma katha hmalah, Judahnaw hoi Jerusalem kamkhuengnaw e hmalah a kangdue teh,

⁶ Oe mintoenaw e Cathut Jehovah, nang teh kalvan kaawm e Cathut nahoe hma w, miphun tangkuem e uknaeram pueng ka uk e nahoe hma w. Na kut daw k hnotithaina e hoi bahu ao teh, apinihai khang thai hoe.

7 Nang teh kaimae Cathut lah na o. Na tami Isarelnaw hete ram dawk a tho navah, hete ram dawk kaawm e alouke miphunnaw na takhoe teh, na hui Abraham e catounnaw koe hete ram teh, yungyoe e ram lah o hanelah na poe nahoehmaw.

8 Athung vah kho a sak awh teh, athung vah nang hane hoi na min hanelah hmuen kathoung a sak awh.

9 Kaimouh koevah hawihoehnae, tahloi, lawkcengnae, lacik hoi takang a tho navah, hete im hoi na hmalah ka kangdue awh han. Bangkongtetpawiteh, nange na min teh hete im dawk ao. Ka temdeng navah nang koe ka hram awh vaiteh, nang ni na thai pouh vaiteh na rungngang han.

10 Khenhaw! Ammon, Moab hoi Seir mon dawk e taminaw, Izip ram dawk hoi a tâco awh navah, Isarelnaw ni tuk hanelah na pasoung hoeh niteh, a ban takhai e taminaw ni,

11 coe hanelah na poe e ram thung hoi pâlei teh moipathung hanelah a noe awh e na thai pouh haw.

12 Oe kaimae Cathut, ahnimouh koe lawk na ceng mahoe haw. Kaimouh tuk hanelah ka tho e hete taminaw heh ka ngang thai awh mahoe haw. Bangtelamaw ti han ka panuek awh hoe haw. Nang dueng doeh na khet awh telah a ratoum.

13 Judahnaw abuemlah camo, yu, canaw hoi BAWIPA hmalah a kangdue awh.

14 Hat toreih teh, tamimaya rahak kaawm e Jahziel koevah, BAWIPA e Muitha teh a tho. Ahni teh Zekhariah e capa doeh. Zekhariah teh Benaiah e capa doeh. Benaiah teh Jeiel e capa doeh. Jeiel teh Mattaniah e capa doeh. Mattaniah teh Levih miphun Asaph e catoun doeh.

15 Ahni ni Judahnaw abuemlah, Jerusalem kaawm e abuemlah hoi siangpahrang Jehoshaphat nangmanaw ni thai awh haw, BAWIPA ni nangmouh koe telah lawk a dei, taket hanh awh. Na lungpout hanh awh. Bangkongtetpawiteh, tarantuknae teh nangmae nahoe haw, BAWIPA e doeh.

16 Tangtho vah tuk awh. Khenhaw! Ziz kho dawk luenna lam dawk hoi a tho awh navah, Jeruel kahrawng teng, thingyei apoutnae koe na kâhmo awh han.

17 Hete taran teh nangmouh ni na tuk ngai mahoe haw. Kacaklah kangdout awh. Nangmouh koe kaawm e BAWIPA e rungngangnae ma hah khen awh. Oe Judahnaw hoi Jerusalem e taminaw, taket hanh awh, na lungpout hanh awh. Tangtho vah tuk hanelah tho awh. Bangkongtetpawiteh, BAWIPA teh nangmouh koe ao telah atipouh.

18 Hottelah Jehoshaphat teh minhmai talai dawk kâbet lah a tabo teh, Judahnaw abuemlah hoi Jerusalem e taminaw abuemlah BAWIPA e hmalah a tabo awh teh, BAWIPA a bawk awh.

19 Levih miphun Kohath catounnaw hoi Korah catounnaw teh kacai-pounglah BAWIPA Cathut pholen hanelah a kangdue awh.

20 Tangtho amom vah a thaw awh. Tekoa kahrawngum vah a cei awh. A cei laihoi Jehoshaphat a kangdue teh, Oe Judahnaw hoi Jerusalem e taminaw, ka lawk thai awh haw. Nangmae BAWIPA Cathut hah yuem awh haw, caksak lah na o awh han. Profetnaw yuem awh haw tânae na hmu awh han, telah atipouh.

21 Taminaw pueng lawk a thui hnukkhu, ransanaw hmalah a cei laihoi BAWIPA pholenna la hoi thoungnae la ka sak hanelah a pouk awh. BAWIPA pholen awh, bangkongtetpawiteh a lungmanae teh a yungyoe a kangning, telah sak awh atipouh.

22 La saknae hoi pholenna e kamtawng navah, Judah taranlahoi ka tho e Ammon, Moab hoi Seir mon e taminaw BAWIPA ni a sung sak.

²³ Ammonnaw hoi Moabnaw ni Seir mon dawk kaawm e taminaw thei hane hoi raphoe hanelah a taran awh. Seir mon dawk e taminaw koug a raphoe hnukkhu, amamouh hoi amamanaw kâtuk hanelah bout a kamtawng awh.

²⁴ Judahnaw kahrawngum ramvengim a pha awh navah, taminaw koelah a kangvavi awh teh, kenhaw! tamiro teh talai dawk petkâkahai, ka yawng e buet touh boehai awh hoeh.

²⁵ Hottelah Jehoshaphat hoi a taminaw ni hnopai a ceitakhai awh e la hanelah a cei awh. Ahnimouh koe e hnopai, khohna hoi talung apfu kaawm e moi a hmu awh. Phu thai hoeh totouh a la awh. Apap lawi a la awhnae koe hnin thum touh a ro awh.

²⁶ A hnin pali navah Berakah yawng dawk a kamkhueng awh. Hote hmuen koe BAWIPA a pholen awh. Hatdawkvah, atu totouh hote hmuen teh Berakah yawng telah ati awh.

²⁷ Hottelah tarannaw kong dawk BAWIPA ni lunghawinae a poe dawkvah, Jehoshaphat ni hma ahman teh, Jerusalem e taminaw hoi Judahnaw teh lunghawi laihoi Jerusalem khopui lah a ban awh.

²⁸ Hahoi tamawi, ratoung hoi mongka tumkhueng laihoi Jerusalem BAWIPA im dawk a pha awh.

²⁹ BAWIPA ni Isarel ka taran e naw a tuk tie a thai awh navah, uknaeram tangkuem kaawm e taminaw ni Cathut a taki awh.

³⁰ Hottelah Jehoshaphat uknae teh karoumcalah ao. Bangkongtetpaw-iteh, atengpam e taminaw koehoi BAWIPA ni roumnae a poe.

Jehoshaphat uknae apout

³¹ Hottelah kum 35 navah, Jehoshaphat teh Judahnaw koe siangpahrang thaw tawknae a kamtawng teh Jerusalem vah kum 25 touh a bawi. A manu e min teh Silhi canu Azubah doeh.

³² BAWIPA e hmaitung vah, hnokahawi a sak teh, a na pa Asa e lamthung phen laipalah a dawn.

³³ Hatei hmuenrasangnaw a takhoe hoeh dawkvah, taminaw pueng ni mintoenaw e Cathut koe pouknae hrueng awh hoeh.

³⁴ Kenhaw! Jehoshaphat e a tawksaknae pueng teh, kamtawngnae koehoi apout totouh, Hanani capa Jehu kong thutnae dawk thut lah ao. Hottelah Isarel siangpahrangnaw e cauk dawk pakhum lah ao.

³⁵ Hathnukkhu Judah siangpahrang Jehoshaphat teh, Isarel siangpahrang Ahaziah hoi a kambawng roi, ahni ni hawihoeahnae ouk a sak.

³⁶ Eziongeber vah Tarsis lah cei nahane lawng cungtalah rei a sak roi.

³⁷ Hatei, Moreshah tami Dodavah capa Eliezer ni Jehoshaphat koevah, Ahaziah hoi na kambawng roi dawkvah, BAWIPA ni sak han na noe e na raphoe pouh e doeh, telah atipouh. Hottelah lawng koug a raphoe pouh teh Tarsis lah cet thai hoe toe.

21

Jehoram ni Judah a uk

¹ Jehoshaphat teh mintoenaw koe a kâhat teh, Mintoenaw koe Devit khopui vah a pakawp awh. Hahoi a capa Jehoram ni a yueng lah siangpahrang a tawk.

² Jehoshaphat e capa Jehoram ni hmaunawnggha taruk touh a tawn. Azariah, Jehiel, Zekhariah, Azariah, Mikhael hoi Shefatiah tinaw doeh. Hetnaw pueng heh Judah siangpahrang Jehoshaphat e capanaw doeh.

³ A na pa ni sui, ngun hoi apfu kaawm poug e hnopai moikapap hoi Judah kho kalupnae rapan ka tawn e pueng hah a poe. Hatei, uknaeram teh Jehoram koe a poe. Bangkongtetpawiteh, camin lah ao dawk doeh.

⁴ Jehoram ni a na pa e uknaeram a coe navah, amahoima tha ao sak teh, a hmaunawngnaw pueng teh Isarel kahrawikungnaw hoi tahloi hoi a thei awh.

⁵ Jehoram kum 32 touh a pha navah, siangpahrang thaw a tawk. Jerusalem vah kum 8 touh a bawi.

⁶ Ahab imthung ni a tawk e patetlah Isarel siangpahrangnaw e lamthung a dawn. Ahab canu a yu lah a la teh, BAWIPA mifhmu vah thoena e sak.

⁷ Hatei, Devit koe lawk a kam e hoi ama hoi a ca catoun totouh hmaiim pou tawn hanelah, lawk yo a kam toun dawkvah, BAWIPA ni Devit imthung raphoe hanelah ngai hoeh.

⁸ Ahnie se navah Edomnaw ni Judah kâawnae a taran awh teh, taran a thaw awh. Hahoi siangpahrang hah a mahmawk a kârawi awh.

⁹ Jehoram teh a ransabawinaw hoi lengnaw a buemlah hoi a tho. Karum vah a thaw teh, ama kalup e hoi leng kaukkung Edomnaw hah a tuk awh.

¹⁰ Hottelah Edomnaw teh atu totouh Judahnaw e kâawnae a taran awh teh taran a thaw awh. Hahoi mintoenaw e BAWIPA Cathut a ceitakhai awh dawkvah, hatnae tueng dawk Libnahnaw hai ahnimanaw a taran awh teh taran a thaw van awh.

¹¹ Judah ram mon dawkvah hmuenrasang a sak awh teh, Jerusalem e taminaw tak a kâyo sak teh Judahnaw a kahmakhai.

¹² Profet Elijah koehoi ahni koe ca patawn e a pha teh, na pa Devit e BAWIPA Cathut ni hettelah a dei, na pa Jehoshaphat e lamthung na dawn hoeh, Judah siangpahrang Asa e lamthung hai na dawn hoeh.

¹³ Isarel siangpahrangnaw e lamthung na dawn kecu dawkwah thoseh, Judahnaw hoi Jerusalem kaawm e taminaw, Ahab imthung patetlah tak na kâyo sak teh, na hmaunawngnaw imthung dawkwah e nangmouh hlak bet kataluenaw na thei kecu dawkwah thoseh,

¹⁴ Khenhaw! BAWIPA ni na taminaw, na canaw, na yunaw hoi na saringnaw lacik hoi a hem han.

¹⁵ Nang e na ruen teh hnin touh hoi hnin touh a tâco vaiteh na von thung puenghoi patawnae na tawn han telah ca dawkwah thut lah ao.

¹⁶ Hottelah Ethiopia taminaw e tengpam kaawm e, Filistinaw hoi Arab taminaw e lungthin hah Jehoram tuk hanelah BAWIPA ni a tahrue.

¹⁷ Hahoi Judahnaw a tuk awh teh, siangpahrang im e hno abuemlah, a capanaw hoi a yunaw koun a la awh. Ahni hanlah buet touh boehai cettakhai hoeh. Cahnoungca e Jehoahaz duengdoeh a ceitakhai awh.

¹⁸ Hathnukkuh, BAWIPA ni dam thai hoeh totouh ruen patawnae hoi a pataw sak.

¹⁹ Hahoi, hettelah doeh. kum hni touh a ro hnukkuh, patawnae kecu dawkwah a ruen a bo teh, takikatho poug e patawnae hoi a due. A taminaw ni mintoenaw koe tahmanghmai a hawng pouh e patetlah a hawng pouh awh.

²⁰ A kum 32 navah a bawi teh Jerusalem vah kum 8 touh a bawi. Apinihai pasai laipalah a due teh Devit khopui dawkwah a pakawp awh ei, siangpahrangnaw e phuen koe nahoeh.

¹ Jerusalem kho ka sak e taminaw ni, Jehoram capa cahnoun e Ahaziah teh, a na pa e yueng lah siangpahrang a tawk sak aw. Bangkongtetpawiteh, a hmaunaw pueng teh Arabianaw hoi ka tho e ransanaw teh, rim thung a kâen aw. Teh, a capa kacuenaw koug a thei aw daw doeh.

² Ahaziah teh kum 42 touh a pha navah, bawi thaw a kamtawng teh Jerusalem vah kum touh a bawi. A manu e min teh Athaliah, Omri e canu doeh.

³ A manu ni thoenae sak hanelah pouknae a poe dawkvah, ahni hai Ahab imthung ni a dawn e lamthung daw a dawn vah.

⁴ Ahab imthung patetlah BAWIPA mithmu vah thoenae a sak. A na pa a due hnukkhu, ahnimanaw teh thoenae sak hanelah pouknae kapoekung lah ao aw.

⁵ Ahnimouh ni pouknae a poe e a tarawi dawkvah, Gilead ram Ramoth khovah, Siria siangpahrang Hazael tuk hanelah Isarel siangpahrang Ahab capa Jehoram koe a cei aw. Teh, Sirianaw ni Joram teh a hmâ a paca aw.

⁶ Siria siangpahrang a tuknae koe Ramah kho a hmâ a ca e dam sak hanelah, Jezreel kho lah a cei. Hottelah Judah siangpahrang Jehoram capa Azariah teh Ahab capa Jehoram a patoun dawkvah, hloe hanelah Jezreel kholah a cei.

⁷ Jehoram koe vah, Ahaziah a cei teh, a duenae teh Cathut ni a pouk tangcong e doeh. Bangkongtetpawiteh, a pha navah Ahab imthung koug pâmit hanelah Cathut ni satu a awi e Nimshi capa Jehu tuk hanelah Jehoram koe a cei.

⁸ Hahoi hettelah doeh. Ahab imthung raphoe hanelah, a tuk lahun nah, Judah kahrawikungnaw hoi Ahaziah e a hmau e capanaw ni Ahaziah thaw a tawk lahun nah a hmu teh a thei aw.

⁹ Samaria vah ka kâhrawk e Ahaziah a tawng aw. Teh, a man aw torej Jehu koe a thokhai hnukkhu a thei aw. Teh a pakawp aw. Hahoi ahni teh lungthin abuemlah hoi BAWIPA ouk ka tawng e Jehoshaphat e capa doeh ati aw. Hat toteh, Ahaziah imthung ni a uknaeram daw kâ tawn thai hoeh toe.

Athaliah ni Judah a uk

¹⁰ Ahaziah manu Athaliah ni a capa a due e a thai torej teh, a thaw teh Judah siangpahrang imthungnaw pueng koug a thei.

¹¹ Hatei, Ahaziah capa Joash teh siangpahrang canu Jehoshabeath ni siangpahrang e a canaw a thei e thung hoi a yawngkhai teh, kakhoumkung napui hoi irakkan thung a hro. Siangpahrang Jehoram e canu Jehoshabeath ni a hro dawkvah, Athaliah ni thet thai hoeh.

¹² Athaliah ni ram a uk navah kum 6 touh thung Cathut e im daw ama koe hro lah ao.

23

Judah siangpahrang Joash bawilakhung kâ muknae

¹ A kum sarinae daw Jehoiada teh, amahoima a thakâla teh, ransa 100 touh kahrawikungnaw Jehoram capa Azariah, Jehohanan capa Ishmael Obed capa Azariah, Adai capa Maaseiah,

² hahoi, Judah ram a lawngven aw. Teh, Judah ram kho tangkuem e Levihnaw hoi Isarel imthung kahrawikungnaw a pâkhueng aw. Teh, Jerusalem lah bout a tho aw.

³ Kamkhuengnaw pueng ni Cathut im daw siangpahrang hoi lawkkamnae a sak aw. Hahoi Jehoiada ni ahnimouh koe vah, khenhaw! BAWIPA

ni Devit capanaw e kong dawk a dei tangcoung e patetlah, a uknaeram bawitungkhung dawk siangpahrang lah ao hanelah ao.

⁴ Nangmouh ni na sak aw hane teh, sabbath hnin vah ka tho e vaihmanaw hoi Levihnaw thung dawk hu thum touh dawk hu touh ni longkha a ring aw hane.

⁵ Hu touh teh siangpahrang im dawk ao aw hane vaiteh, hu touh teh longkha koe, alouknaw pueng teh BAWIPA im thongma dawk na o aw hane.

⁶ Hatei, vaihmanaw hoi Levihnaw hoeh laipateh, apihai BAWIPA im dawk kâen mahoe. Ahnimouh teh a kâen thai aw hane. Bangkongtetpawiteh, ahnimouh teh a thoung aw hane. Taminaw pueng teh BAWIPA hah ring aw hane naseh.

⁷ Levihnaw ni senehmaica patuiep laihoi siangpahrang kalup aw hane naseh. Hahoi imthung kâennaw pueng teh thei lah ao hane. Siangpahrang a tâco, a kâen nah pou awm sin aw hane telah lawk a thui.

⁸ Hottelah Judahnaw hoi Levihnaw pueng ni vaihma Jehoiada e kâpoelawk patetlah a sak aw hane. Lengkaleng a uk aw hane e patetlah sabbath hnin vah ka tho hane hoi sabbath hnin vah ka ban hane naw hah a ceikhai aw hane. Bangkongtetpawiteh, vaihma Jehoiada ni ka ban hane naw ban sak hoeh rah.

⁹ Vaihma Jehoiada ni Cathut im dawk e Devit e tahroenaw, bahling kathoungnaw hoi kalennaw a la teh ransa 100 touh kauknaw koe a poe.

¹⁰ Senehmaica ka patuem e tami pueng teh, siangpahrang petkâkalup lah avoilaie im takin koehoi aranglae im takin totouh thuengnae khoungroe hoi im takin totouh a hruék aw hane.

¹¹ Hottelah siangpahrang capa a tâcokhai aw hane teh, bawilukhung a kâ muk sak hnukkhu, lawkpanuesaknae a poe aw hane teh, siangpahrang a tawk sak aw hane. Jehoiada hoi a capanaw ni satui a awi aw hane teh, siangpahrang hringsaw seh, telah ati aw hane.

Athaliah duenae

¹² Taminaw a yawng aw hane e pawlawk hoi siangpahrang a pholen aw hane e Athaliah ni a thai toteh, BAWIPA im dawk e taminaw koe a cei.

¹³ A khet navah, im takhang koe e khomkung koe siangpahrang a kangdue teh, ateng e ransabawinaw hoi mongka kauengkungnaw, hote ram dawk e taminaw pueng teh, a lung thouk ahawi aw hane. Mongka thouk a ueng aw hane teh, la kasaknaw ni tumkhangng khawng laihoi pholen la a sak aw hane. Hahoi Athaliah ni a khohna a phi teh, youknae taran doeh, youknae taran doeh, telah a hram.

¹⁴ Vaihma Jehoiada ni BAWIPA e im thung thet aw hane hanh. Alawilah hrawi aw hane. Ahni koelah kampang e tami teh tahloi hoi thet aw hane telah ransa 100 touh ka uk e ransabawi koe lawk a thui tangcoung e patetlah.

¹⁵ Athaliah a man aw hane teh, siangpahrang im ceinae marang kâennae lamthung koe a pha aw hane navah a thei aw hane.

Jehoiada ni pathoupnae

¹⁶ Hahoi Jehoiada ni ama hoi a taminaw pueng hoi siangpahrang rahak vah BAWIPA e tami lah ao thai nahanelah lawkkamnae a sak.

¹⁷ Taminaw pueng teh Baal im vah a cei aw hane teh a raphoe aw hane. Thuengnae khoungroenaw hoi meikaphawknaw reprep a dei aw hane teh, Baal vaihma Mattan hah thuengnae khoungroenaw e hmalah a thei aw hane.

¹⁸ Jehoiada ni Mosi e kâlawk cauk dawk a thut e patetlah lunghawinae la sak laihoi Devit ni, BAWIPA im dawk BAWIPA koe hmaisawi thuengnae thueng sak hanelah, a pouk tangcoung e vaihma, Levihnaw e kut rahim

thaw tawk hanelah Devit ni kâ a poe e patetlah BAWIPA im ka khenyawn hanelah a hmoun.

¹⁹ Kathounghoehe tami kâen thai hoeh nahanelah, BAWIPA im longkha ka ring hanelah a rawi.

²⁰ Tami 100 touh kahrawikung hoi tamimaya kahrawikung hanelah, ram thung e taminaw a la teh, ahnimanaw ni BAWIPA im dawh hoi siangpahrang a thokhai aw hoi teh, lathueng lae longkha koe lahohi siangpahrang im dawh a thokhai aw hoi. Hahoi siangpahrang teh bawitungkhung dawh a tahung sak aw hoi.

²¹ Hatdawkvah, ram thung e tami pueng teh a lunghawi aw hoi. Tahlohohi Athaliah a thei aw hoi hnukkhu khopui teh a roum.

24

Judah siangpahrang Joash

¹ Joash teh kum sari touh a pha navah, siangpahrang a tawk. Jerusalem vah kum 40 touh a bawi. A manu e min teh Beersheba tami Zibiah doeh.

² Vaihma Jehoiada a hring nah thung, Joash teh BAWIPA mithmu hnokahawi a sak.

³ Jehoiada ni a yu kahni touh a la pouh teh, ca tongpanaw hoi napuinaw a sak.

Im pathoupnae

⁴ Hathnukkhu BAWIPA im pathoup hanelah, Joash ni a kâcai.

⁵ Vaihmanaw hoi Levihnew a kaw teh, Judah ram e khonaw koe cet aw hoi nateh, kum tangkuem Cathut im pathoup nahanelah, Isarelnaw koe tangka cawng aw hoi. Karanglah tang kâroe aw hoi, telah atipouh. Hatei, Levihnew ni karanglah kâroe pouh hoeh.

⁶ Hatdawkvah, siangpahrang ni vaihma bawi e Jehoiada a kaw teh ahni koe, bangkongmaw Levihnew hah BAWIPA e san Mosi hoi Isarel rangpuinaw lawkpanuesaknae lukkareiim hanelah cawng e tamuk hah Judahnaw hoi Jerusalem e taminaw koe na dei pouh hoeh vaw.

⁷ Napui kathout Athaliah e capanaw ni, Cathut im koug a raphoe aw hoi toe. Hahoi BAWIPA im dawh e hnopai pueng hai Baal koevah a poe aw hoi toe, telah atipouh.

⁸ Hatdawkvah, siangpahrang kâpoelawh patetlah thingkong buet touh a sak aw hoi teh, BAWIPA im alawilah longkha teng a hruek aw hoi.

⁹ Hahoi kahrawngum vah Cathut e san Mosi ni, Isarelnaw tamuk cawng hanelah a dei e hah, BAWIPA hanelah koug a thokhai nahan, Judah ram pueng hoi Jerusalem vah a pathang aw hoi.

¹⁰ Hat navah, ukkungnew hoi taminaw pueng teh a lunghawi aw hoi teh, tangka teh a thokhai aw hoi. Koug a cawng aw hoi hoehnahlan vah, thingkong dawh ka paphnawn lah a pâseng aw hoi toe.

¹¹ Levihnew ni siangpahrang kabawmkungnew koe thingkong a thokhai aw hoi teh, tangka moikapap ao tie a panue aw hoi torei teh, siangpahrang e ca kathutkungnew hoi vaihma bawi kabawmkungnew ni, thingkong dawh e tangka a la aw hoi hnukkhu, thingkong teh amae hmuen koe bout a hruek aw hoi. Hottelah hnintangkuem a sak aw hoi teh, tangka moikapap a pátung aw hoi.

¹² Hahoi siangpahrang Jehoiada ni BAWIPA e im dawh thaw katawkkungnew kut dawh a poe aw hoi. BAWIPA e im pathoup nahanelah, talung kadeinaw hoi kutsakkathoumnaw a hlai aw hoi teh, BAWIPA e im pathoup nahanelah, sum hoi rahum kahlunthainaw hai a hlai aw hoi.

13 Hottelah thaw katawkkungnaw ni thapatho lahoi na tawk aw h dawkvah, Cathut im teh apasueke boiboe lah a pathoup aw h teh a caksak aw h.

Joash lamthung kahmanae

14 A cum aw h torei teh kacawie tangkanaw pueng teh, siangpahrang hoi Jehoiada koe a thokhai aw h. Hote tangka hoi BAWIPA e im daw k thaw taw k nahanelah, hnopai, thueng nahanelah hnopai hoi pacen, sui hoi ngun manang naw lah a sak aw h. Hottelah Jehoiada a hringyung thung teh BAWIPA im daw k hmaisawi thuengnae pout laipalah pou a sak aw h.

15 Hatei Jehoiada teh a matawng poung toun g dawkvah a due. A due navah a kum 130 touh a pha.

16 Isarelnaw thung daw k Cathut hoi a im daw k hawinae a sak kecu daw k Devit khopui daw k siangpahrangnaw koe a pakawp aw h.

17 Jehoiada a due hnukkhu, Judah kahrawikungnaw a tho aw h teh, siangpahrang koe a tabo aw h. Hahoi siangpahrang ni ahnimae lawk a tarawi pouh.

18 Hottelah mintoenaw e Cathut im a hnamthun takhai aw h teh, thingmeikaphaw k hoi meikaphaw k a baw k aw h. Hahoi a yon aw h daw kvah, Judahnaw hoi Jerusalem lathueng lungkhueknae a pha.

19 Hatei, BAWIPA koe bout bankhai hanelah, profetnaw a patoun teh a yonae a panue sak ei, ngai aw h hoeh.

20 Hahoi vaihma Jehoiada e capa Zekhariah koe Cathut e Muitha teh a pha. Ahni ni rangpuinaw koe a kangdue teh ahnimouh koe, Cathut ni hettelah a dei, bangkongmaw hawinae na hmu aw h hoeh hanelah BAWIPA e kâpoelawknaw na tapoe aw h. BAWIPA na pahnaw t aw h daw kvah, ahni ni hai nangmouh na pahnaw t aw h telah atipouh.

21 Hatdaw kvah, ahni a taran aw h teh, siangpahrang ni kâpoe e patetlah BAWIPA im kalupnae thung talung hoi koun g kadout lah a dei aw h.

22 Hottelah, siangpahrang Joash ni a na pa Jehoiada e lungpatawnae pouk laipalah, a capa a thei pouh. A due han toteh, BAWIPA ni a pouk vaiteh moi a pathung han doeh telah a ti.

Joash duenae

23 Hote kum abaw navah, Siria ransanaw ni a tuk aw h. Judah ram hoi Jerusalem a kâen aw h teh, kahrawikungnaw pueng koun g a thei aw h teh, Damaskas siangpahrang koevah, lawphno pueng koun g a patawn aw h.

24 Judahnaw ni mintoenaw e BAWIPA Cathut a pahnaw t kecu daw k tami moiapap eiteh, kayounca e Siria ransanaw e kut daw k BAWIPA ni a poe teh, Sirianaw ni Joash koe runae a pha sak .

25 Hahoi puenghoi a pataw lahunnah a ban takhai hnukkhu, amamouh letlang ni vaihma Jehoiada e thipaling kecu daw k a sannaw ni a kâcoun aw h teh, ikhun daw k a i lahun nah a thei aw h. Hatdaw kvah, ahni teh a due. Devit khopui daw k a pakawp aw h. Hatei, siangpahrangnaw e phuen koe pakawm aw h hoeh.

26 Ahni ka thet e tami teh Ammon napui Shimeath capa Zabad hoi Moab napui Shimrith capa Jehozabad doeh.

27 Hottelah a capanaw e kong hoi amae kong dei e naw hoi Cathut im kahawicalah bout pathoupnae kong naw teh, kenhaw! siangpahrangnaw e kong caisaknae cauk daw k thut lah ao nahoehmaw. Hahoi, a yueng lah a capa Amaziah ni a bawi.

25

Judah siangpahrang Amaziah

¹ Amaziah teh siangpahrang a tawk navah, kum 25 touh a pha. Jerusalem vah kum 29¹ touh a bawi teh, a manu teh Jerusalem tami Jehoaddin doeh.

² BAWIPA e mithmu vah, hawinae a sak, hatei yuemkamcunae lungthin hoi nahoe.

³ Hahoi a uknaeram a cak torei teh, a na pa ka thet e sannaw hah a thei.

⁴ Hatei, a canaw teh thet hoe. Mosi e cauk daw k thut e, canaw kecu daw k napanaw due hanelah awm hoe hoi niteh, a napanaw kecu daw k canaw hai due hanelah awm hoe. Tami pueng mae yon kecu daw k due hanelah a o, telah BAWIPA ni kâ a poe e patetlah a sak.

Edom hoi kâtuknae

⁵ Amaziah ni Judahnaw a pâkhueng teh Judah hoi Benjaminaw pueng a imthung lahoi 1000 ka uk e rahim thoseh, 100 touh hoi lathueng ka uk e rahim thoseh koug ao sak. Kum 20 touh hoi lathueng lae a touk teh, tahroe hoi saiphei ka hno thai ni teh taran ka tuk thai e 300, 000 touh a pha.

⁶ Isarel ram e tarankahawi ni teh athakaawme 100, 000 touh ngun tangka talen 100 touh hoi a hlai.

⁷ Hatei ahni koe Cathut e tami buet touh a tho teh, Oe siangpahrang, Isarel ransanaw nang koe baw k hanh naseh, bangkongtetpawiteh, BAWIPA teh Isarelnaw (Ephraim catounnaw mek touksin hoe) koelah awm hoe.

⁸ Hatei na cet pawiteh taranhawi laihoi tarantuknae hmuen koe kâroe telah nahoe pawiteh Cathut ni tarannaw hmalah na sung sakpayon vai. Bangkongtetpawiteh, Cathut teh kabawphtainae hoi pahnavtthainae thaonae a tawn telah atipouh .

⁹ Amaziah ni Cathut e tami koevah, telah pawiteh, Isarel ransanaw koe talen 100 touh rip ka poe e hah bangtelamaw ka ti han telah atipouh. Cathut e tami ni, BAWIPA ni hethlak kapap bout na poe thai, telah atipouh.

¹⁰ Hottelah, Amaziah ni Ephraim ram e ransanaw bout ban hanelah a kapek. Hatdawkvah, Judahnaw koe a lung pueng hoi a phuen teh, lungphuen laihoi a ban aw.

¹¹ Amaziah ni tha a kâla teh, a taminaw a hrawi teh, palawi yawn daw k a cei aw teh, Seir catounnaw 10, 000 touh a thei aw.

¹² Alouke 10, 000 touh teh, Judahnaw ni a hring lahoi a man aw teh lungsong koe a ceikhai aw teh, lungsong van hoi a tanawt aw teh, reppasei lah a bo aw.

¹³ Hatei, Amaziah ni tarantuknae hmuen koe cei hoe hanelah a ban sak e ransanaw ni Samaria kho koehoi Bethhoron totouh Judah khonaw a tuk aw teh, tami 3, 000 touh a thei aw teh, lawphno moikapap a la aw.

¹⁴ Hahoi Amaziah teh Edomnaw theinae koehoi a ban navah, Seir catounnaw e cathut a bankhai teh, a cathut hanelah a kangdue sak teh, a baw k teh hmuitui thuengnae a sak.

¹⁵ Hatdawkvah, Amaziah koe BAWIPA a lungkhuek teh, ahni koe profet a patoun teh, ahni koe vah, na kut daw k hoi a taminaw ka rungngang thai hoe e cathut bangkongmaw na tawng, telah atipouh.

¹⁶ Hahoi ahni koe lawk a dei lahun nah, siangpahrang ni siangpahrang lawkcengkung lah na sak maw, duem awm telah atipouh. Bangkongmaw na hringnae due sak hanelah na ngai. Hottelah, profet ni, Cathut ni hettelah na sak teh, ka pouknae banglahai na noutna hoe dawkvah, raphoe hanelah na noenae ka panue telah ati teh, duem ao.

Isarel ni Judah a tâ

¹⁷ Judah siangpahrang Amaziah ni pouknae a hei teh, Isarel siangpahrang Jehu capa lah kaawm e Jehoahaz capa Joash koe vah, tho haw minhmai kâhmo vaiteh, kâkhen roi haw sei telah tami a patoun.

¹⁸ Isarel siangpahrang ni Judah siangpahrang Amaziah koe vah, Lebanon mon pâkhing ni Lebanon mon e Sidar thingkung koevah, na canu hah ka capa e yu hanlah na poe telah lawk a thui. Hahoi Lebanon mon e sarang a tho teh, pâkhingnaw koug ka rawm lah a katin.

¹⁹ Nang ni khenhaw! Edom teh ka tâ telah na kâoup. Nama im duem awmh. Nama hoi Judah ram rawkphainae hah bangkongmaw na tâco sak han telah tami a patoun.

²⁰ Hatei, Amaziah ni banglahai noutna hoeh. Bangkongtetpawiteh, Edomnaw e cathut a tawng kecu dawkw, Judah ram teh a taran kut dawkw poe thai nahanelah Cathut ni a noe e doeh.

²¹ Hottelah Isarel siangpahrang Joash teh, a takhang teh, Judah siangpahrang Amaziah hoi Judah ram Bethshemesh vah minhmai kâhmo hoi kheh a kâkhet roi.

²² Hahoi Judah teh Isarel hmalah a sung teh tamipueng a ma im lah koug a yawng awh.

²³ Isarel siangpahrang ni Judah siangpahrang Ahaziah e capa lah kaawm e Jehoahaz capa Amaziah teh Bethshemesh vah a man awh. Jerusalem lah a ceikhai teh, Jerusalem rapan teh, Ephraim rapan longkha koehoi, rapan takin longkha totouh dong 400 touh koug a raphoe pouh.

²⁴ Hatnavah, sui, ngun hoi hnopai pueng Obededom hoi Cathut im dawkw e a hmu e hnopai pueng siangpahrang im dawkw a pâkhueng e hnopai naw hoi san lah man e hai, Samaria lah a bankhai.

Amaziah duenae

²⁵ Judah siangpahrang Joash capa Amaziah teh, Isarel siangpahrang Jehoahaz capa Joash a due hnukkhu kum 15 touh a hring rah.

²⁶ Amaziah thaw tawknae dawkw hoi kaawm rae naw teh a kamtawng hoi a pout totouh, Judah hoi Isarel siangpahrangnaw e cauk dawkw thut lah awm hoeh namaw.

²⁷ Hottelah Amaziah ni BAWIPA hnukkâbangnae koehoi a kâhat tahma Jerusalem vah arulahoi a kamkhueng awh teh, Lakhish kho lah a yawng. Hateh, Lakhish kho lah tami a pâlei sak teh haw vah a thei awh,

²⁸ A ro teh marang hoi a phu teh mintoenaw koe Judah khopui dawkw a pakawp awh.

26

Judah siangpahrang Uzziah

¹ Hahoi Judahnaw abuemlah ni kum 16 touh ka phat e Uzziah hah a ceikhai awh teh a na pa Amaziah e yueng lah siangpahrang a tawkw sak awh.

² Hote siangpahrang teh a na pa a due hnukkhu, Eloth kho a thawng teh, Judah ram thung bout kâen sak.

³ Uzziah siangpahrang a tawkw navah, kum 16 touh nueng a pha teh, Jerusalem vah kum 52 touh a bawi. A manu e min teh Jekoliah, Jerusalem tami doeh.

⁴ A na pa Amaziah ni a sak e pueng a sak van teh, BAWIPA mithmu vah hawinae a sak.

⁵ Ahni teh Cathut e kamnuenae kapanuekkung Zekhariah tueng navah, Cathut ka taket e lah ao. Hatdawkvah, BAWIPA a tawngnae tueng pueng nateh, Cathut ni yawhawi a poe.

⁶ Hahoi a kamthaw teh Filistinnaw a tuk. Gath rapan, Jabneh rapan hoi Asdod rapannaw a raphoe pouh. Asdod ram thung hoi Filistin ram thung khonaw a thawng.

⁷ Cathut ni Filistinnaw Gurbaal kaawm e Arabianaw hoi Meunimnaw tuk hanelah ouk a kabawp.

⁸ Ammonnaw ni Uziah koevah tamuk ouk a poe awh. Hottelah a thao poung dawkvah, Izip ram totouh a kamthang.

⁹ Uziah ni Jerusalem vah takin longkha hoi ayawn longkha hoi rapan longkawi nah koevah, imrasang a sak teh a kalup.

¹⁰ Thingyeiyawn hai imrasang a sak teh, tuikhu moikapap a tai. Bangkongtetpawiteh, saring moikapap a tawn. Ravo hoi tanghling dawklaw katawnnaw hoi takhakatawkkungnaw hah monruinaw hoi talai kahawi koe a hruek. Bangkongtetpawiteh, lawsak ka panki e lah a o

¹¹ Uziah ni ransa taran ka tuk thai e, siangpahrang e ransanaw kahrawikung Hananiah e kut rahim, cakathutkung Jeil hoi kahrawikung Mosi tinaw ni a pouk e patetlah ahuhu lah tarankatuknaw a tawn.

¹² A tarankahawi ni teh athakaawme, imthung kahrawikung abuemlah 2,600 touh a pha.

¹³ Kâtawwnae rahim vah, ransa 307, 500 taranum siangpahrang kabawmukung tarantuk thaonae bahu hai ao.

¹⁴ Uziah ni ransanaw abuemlah hanelah saiphei, tahroe, sumlukhung, sumangki, palacung, tâyai hoi talungnaw hai a rakueng pouh.

¹⁵ Jerusalem vah imrasang hoi rapan takin tangkuem koe hruek e pala hoi talung kalenpounge pathui nahane, kutsakkathoumnaw ni a sak e seh hai a sak. Hatdawkvah, a min teh kho tangkuem a kamthang. Tami a thakasai poung totouh, kângairu lahoi kabawp e lah ao.

Uzziah kâouptae hoi rektae

¹⁶ Hatei a tha o hnukkhu ama rawk nahan totouh a pouknae a kârasang. BAWIPA e Bawkim thung, thuengnae khoungroe koe hmuitui thueng hanelah a kâen teh BAWIPA Cathut a taran teh kâ a poe.

¹⁷ Ahnie hnuk vaihma Azariah hoi tarankahawi poung e BAWIPA e vaihma 80 touh a kâbang.

¹⁸ Siangpahrang Uziah teh a puen teh, ahni koe, Uziah BAWIPA hanelah hmuitui thuengnae heh na thaw nahoeh. Hmuitui thuengnae teh vaihma Aron capanaw e thaw doeh. Hmuen kathoung koehoi tâcawt, na payon toe. BAWIPA Cathut koehoi barinae na coenae hai nahoeh, telah atipouh awh.

¹⁹ Hatdawkvah, Uziah teh a lungkhuek. Hahoi hmuitui thueng nahanelah tongben a sin. Hottelah vaihmanaw koe a lungkhuek lahun nah BAWIPA im dawklaw hmuitui thuengnae a kung koe vaihmanaw hmalah a tampa dawklaw hrikbei a kamnuen.

²⁰ Vaihma bawi Azariah hoi vaihma alouke pueng ni a khet awh teh, khenhaw! a tampa dawklaw hrikbei ao e hah a hmu awh dawkvah, hote hmuen koehoi alawilah a pâlei awh. Ama hai karanglah a tâco, bangkongtetpawiteh, BAWIPA ni a hem.

²¹ Hahoi siangpahrang Uziah teh a due totouh ka hrikbei e tami lah ao dawkvah, im aloukalah ao. Hahoi BAWIPA im dawklaw kâen nahanelah kâpoe awh hoeh toe.

²² Uzziah tawksaknae dawk hoi kaawm rae naw kamtawng hoi apout totouh Amoz capa profet Isaiiah ni a thut.

²³ Hottelah Uzziah teh mintoenaw koe a kâhat teh siangpahrangnaw pakawpnae koe a na mintoenaw koe a pakawp awh. Ahni teh ka hrikbei e tami doeh, telah ati awh. Hahoi a capa Jotham teh ahnie yueng lah a bawi.

27

Judah siangpahrang Jotham

¹ Jotham teh siangpahrang a tawk navah, kum 25 touh a pha. Jerusalem vah kum 16 touh a bawi. A manu min teh Jerusha, Zadok e canu doeh.

² A na pa Uzziah ni a sak e hno a sak van teh, BAWIPA e mithmu vah hawinae ouk a sak. BAWIPA e im dawk teh kâen hoeh. Hatei khocanaw ni teh thoena e sak pouh awh rah.

³ BAWIPA im dawk lathueng lae longkha a sak. Hahoi Ophel rapan thung vah im moikapap a sak.

⁴ Judah ram monrui dawk khopui moikapap hoi ratu dawk im kalennaw hoi imrasangnaw a sak.

⁵ Ammonnaw e siangpahrang a tuk teh a tâ. Hahoi Ammonnaw ni hote kum dawk ngun tangka talen 100 touh hoi cakang tangthung 10, 000 touh hoi, catun tangthung 10, 000 touh a poe awh. Hottelah Ammonnaw ni kum pahni hoi kum pâthum nah hai a poe awh.

⁶ Jotham ni BAWIPA Cathut hmalah, lamthung kahawicalah a pouk dawkvah a thao.

⁷ Hottelah Jotham tawksaknae dawk e kaawm rae pueng hoi taran a tuknae naw pueng hoi khosaknae naw pueng teh, khenhaw! Isarel hoi Judah siangpahrangnaw e kong thutnae dawkvah thut lah ao.

⁸ Siangpahrang a tawk navah, kum 25 touh a pha teh, Jerusalem vah kum 16 touh a bawi.

⁹ Jotham teh mintoenaw koe a i teh Devit khopui dawk a pakawp awh. Hahoi a capa Ahaz ni a yueng lah a bawi.

28

¹ Ahaz teh siangpahrang a bawi na kum 20 touh boung a pha, Jerusalem kum 16 touh a uk. A na pa Devit patetlah BAWIPA mithmu vah hawinae sak hoeh.

² Isarel siangpahrang naw e lamthung a dawn teh Baal hanelah meikaphawknaw a sak.

³ Hinnom capa e thingyei yawn dawk hmuitui hmai a sawi. BAWIPA ni Isarel naw hmalah a pâlei e miphunnaw ni, panueththopounge hno ouk a sak awh e patetlah a canaw hmai hoi thuengnae a sak.

⁴ Hmuenrasang hoi monsomnaw hoi thingkung rahim tangkuem vah, thuengnae a sak teh hmuitui hmai a sawi.

Siria hoi Judah ni Isarel a tâ

⁵ Hatdawkvah, Cathut ni Siria siangpahrang kut dawk a poe. A tuk awh teh a taminaw moikapap san lah a man awh teh, Damaskas lah a ceikhai awh. Isarel siangpahrang kut dawk hai a poe teh ahni ni moikapap a thei.

⁶ Hahoi Remaliah capa Pekah ni Judah ram dawk hnin touh dawk 120, 000 a thei, abuemlah hoi tami tarankahawinaw seng doeh. Bangkongtet-pawiteh, mintoenaw e BAWIPA Cathut a hnoun awh dawk doeh.

⁷ Hahoi Ephraim tami athakaawme Zikhri ni siangpahrang capa Maa-seiah hoi imthung kahrawikung Azrikam hoi Elkanah, siangpahrang kabawmkungnaw a thei awh.

⁸ Isarelkaw ni a hmaunawngaha 200, 000 touh a manu, a capanaw hoi a canunaw san lah a hrawi awh. Hno moikapap a lawp awh teh Samaria lah a ceikhai awh.

Isarel ni san lah a man e naw bout a bankhai

⁹ Hatei, hote hmuen koe BAWIPA e profet ao teh, a min teh Oded doeh. Samaria lahoi ka tho e ransanaw hmalah a cei teh, ahnimouh koe, khenhaw! na mintoenaw e BAWIPA Cathut teh Judahnaw koe a lungkhuek dawkvah, nangmae kut dawkw na poe awh.

¹⁰ Hahoi Judah hoi Jerusalem e taminaw sannu sanpa lah coung sak hanelah na noe awh. Hatei, namamouh hai BAWIPA Cathut hmalah yonpen lah letlang na o awh van nahoehmaw.

¹¹ Hatdawkvah, ka lawk tarawi awh nateh, na hmaunawngaha san lah na man e naw hah ban sak awh leih. Bangkongtetpawiteh, BAWIPA e lungkhuek kamannae teh nangmae lathueng vah ao telah atipouh.

¹² Hahoi, Ephraim kahrawikung, Johanan capa Azriah, Meshillemoth capa Berekhiah, Shallum capa Hezekiah, Hadlai capa Amasa, naw ni tarantuknae koehoi kathonaw hah kangdue laihoi a ngang awh.

¹³ Ahnimouh koe sannaw na kâen thai awh mahoe. Bangkongtetpawiteh, BAWIPA lungkhuek sak awh toe. Mamae yonnae hoi yonpennae hah thapsin hanlah bout na noe awh. Yonpennae a len poung toe, Isarelkaw koe lungkhuek kamannae ao telah atipouh awh.

¹⁴ Hottelah ransanaw ni kahrawikungnaw hoi tamimayanaw e hmalah san hoi lawphnonaw hah a cei takhai awh.

¹⁵ Hahoi min a kaw e naw pueng a thaw awh teh, sannaw hah a ceikhai awh teh, lawphno a la awh e hnicunaw hah, tawngtai lah kaawm e naw hah a khohna sak awh. Khokkhawm a khawm sak awh teh, canei a poe awh teh satui a hluk awh. Tami thakayounnaw hah la dawkw a kâcui sak awh teh, a hmaunawngahanaw onae koe Jeriko kho tie samtue khopui dawkw a thak awh teh, ahnimouh teh Samaria kho lah a ban awh.

Siria ni Judah kabawm ngai hoe

¹⁶ Hatnae tueng dawkw siangpahrang Ahaz ni Siria siangpahrang koevah, ama kabawp hanelah tami a patoun.

¹⁷ Edomkaw ni Judahnaw a tuk awh teh, san lah bout a man awh.

¹⁸ Filistinaw ni hai a rahim lae ram hoi akalae Judah ram, Bethshemesh, Aijalon, Gederoth, Sokoh, hoi khotenaw; Timnah hoi khotenaw; Gimzo hoi khotenaw a la awh teh, hote hmuen dawkw ao sin awh.

¹⁹ Isarel siangpahrang Ahaz kecu dawkw BAWIPA ni Judah hah rahim lah a pabo. Bangkongtetpawiteh, ahni ni Judahnaw e pouknae a raphoe pouh teh, BAWIPA hanelah yuemkamcu hoe lah ao sak.

²⁰ Siria siangpahrang Tiglathpileser hai ahni koe a tho teh kabawm laipalah lungrei hoe a thai sak.

²¹ Ahaz ni BAWIPA im, siangpahrang im hoi kahrawikungnaw kho hoi hnopai a la teh, Siria siangpahrang a poe, Hatei kabawm ngai kalawn hoe.

Ahaz lamphennae hoi duenae

²² Khopouk a deng nahaiyah siangpahrang Ahaz teh, BAWIPA koe yuemkamcu hoe lah hoehoe ao. Hethateh, Ahaz siangpahrang e a coungnae doeh.

²³ Ama ka tâ e Damaskas e cathut koe thuengnae a sak teh, Siria siangpahrang cathutnaw ni a kabawp awh dawkvah, na kabawp van hanelah ahnimouh koe thuengnae sak hanelah ao telah a ti.

²⁴ Ahaz ni Cathut im dawk hnopai pueng a pâkhueng teh, reprep koung a dei. BAWIPA im thonaw koung a taren teh, Jerusalem takin pueng koe thuengnae khoungroe a sak.

²⁵ Judah ram kho moikapap koe cathut alouknaw hanlah hmuitui sawi nahane hmuenrasang a sak teh, a na mintoenaw e Cathut hah a lungkhuek sak.

²⁶ A tawksaknae thung dawk kaawm rae pueng hoi a khosaknae pueng kamtawng hoi apout totouh, khenhaw! Judah hoi Isarel siangpahrangnaw e lairui thutnae dawk thut lah ao.

²⁷ Ahaz teh a na mintoenaw koe a i teh, Jerusalem khopui dawk a pakawp awh. Hatei, Isarel siangpahrangnaw e phuen dawk nahoe. Hahoi a capa Hezekiah ni a yueng lah a bawi.

29

Judah siangpahrang Hezekiah

¹ Hezekiah teh siangpahrang a tawk navah kum 25 touh a pha teh Jerusalem kum 29 touh a uk.

² A na pa Devit e a sak e pueng a sak teh, BAWIPA e mithmu vah hawinae a sak.

³ Siangpahrang a tawknae kum thapa yung pasueknae dawkvah, BAWIPA im takhangnaw a paawng teh a pathoup.

⁴ Vaihmanaw hoi Levihnaw a hrawi teh, kanitholah hmuen akawnae koe a pâkhueng teh,

⁵ ahnimouh koevah, nangmouh Levihnaw ka lawk thai awh haw. Na mamanaw hmaloe kamthoung awh haw. Na mintoenaw e BAWIPA Cathut im thoung sak awh nateh, hmuen kathoung dawk e kakhinnaw hah tâkhawng awh.

⁶ Mamae mintoenaw ni kê a tapoe awh teh, BAWIPA Cathut hmalah hawihoehnae a sak awh teh, a pahnawt awh. BAWIPA onae hmuen hah a hnamthun takhai awh.

⁷ Longkha takhang a khan awh. Hmaim a padue awh teh, Isarel Cathut hmuen kathoung dawk hmuitui hai sawi awh hoeh. Hmaisawi thuengnae hai sak awh hoeh.

⁸ Hatdawkvah, BAWIPA lungkhueknae teh Judahnaw hoi Jerusalem taminaw e lathueng a pha. Na mit hoi na hmu awh e patetlah ram tangkuem hoi hmuen tangkuem vah, rucatnae, lungpuenna, hoi pathoena lah na coung awh han.

⁹ Kenhaw! maimae mintoenaw teh, tahloi hoi a due awh teh, maimae capanaw hoi canunaw hoi yunaw teh san a toung awh.

¹⁰ Hatdawkvah, puenghoi a lungkhueknae a roum thai nahanelah, BAWIPA Isarel Cathut koe lawkkamnae sak hanelah ka noe e doeh.

¹¹ Ka canaw, rap awm awh hanh leih. Bangkoktetpawiteh, nangmouh teh BAWIPA ni, a hmalah na kangdue awh vaiteh, thaw tawk hane hoi ama koevah hmuitui sawi hanelah na rawi awh e doeh, telah atipouh.

¹² Hat toreih teh, Levih tami Amasa capa Mahath, Kohath tami Azariah capa Joel, Merari capanaw dawk e Addi capa Kish, Jehallelel capa Azariah, Gershon tami Zimmah capa Joah, Joab capa Eden.

¹³ Elizaphan capanaw thung dawk e Shimri hoi Jeuel, Asaph capa thung dawk e Zekhariah hoi Mattaniah.

14 Heman capa thung dawk e Jehiel hoi Shimei, Jeduthun capa thung dawk e Shemaiah hoi Uzziel, ahnimanaw a kangdue aw h.

15 A hmaunawng ha a pâkhueng aw h teh, a kamthoung aw h. BAWIPA e lawk hoi kâvan lah siangpahrang ni kâ a poe e patetlah BAWIPA imthung thoung sak hanelah a kâen aw h.

16 Hottelah vaihmanaw teh thoung sak hanelah BAWIPA im a thung lae rakan daw k a kâen aw h. BAWIPA im daw k kakhin e a hmuennaw pueng hah BAWIPA im hmalah a tâcokhai aw h teh, Levihnaw ni a la aw h teh Kidron palang lah a ceikhai aw h.

17 Thapa yung pasuek, apasuek hnin a kamtawng aw h teh, hote thapa hnin taroe hnin vah, BAWIPA im alawilah totouh, a thoung sak aw h. Hathnukku, BAWIPA im hnin taroe touh thung a thoung sak aw h teh, thapa yung pasuek e hnin hlaitaruk hnin a cum aw h.

18 Hottelah siangpahrang Hezekiah koe, siangpahrang im a kâen aw h teh, BAWIPA im e hmaisawi thuengnae khoungroe hoi hawvah, hno e hnopai pueng vaiyei pâhungnae caboi hoi hnopai pueng koug ka thoung sak aw h toe.

19 Hahoi siangpahrang Ahaz a bawi navah, yonnae a sak teh, a hnoun e hnopai pueng hai koug ka thoung sak aw h. Khenhaw! BAWIPA e thuengnae khoungroe hmalah ao aw h, telah atipouh aw h.

Hezekiah ni bawkim bout a pathoup

20 Hatnavah, siangpahrang Hezekiah teh amom a thaw teh, khothung e kahrawikungnaw a kaw teh, BAWIPA im daw k a cei.

21 Uknaeram hoi hmuen kathoung Judah hanelah yon thueng nahane maitotan sari, tutan sari, tuca sari touh hoi hmaetan sari touh a ceikhai. Aron capa vaihmanaw hah BAWIPA e thuengnae khoungroe koe thuengnae sak hanelah kâ a poe.

22 Maitotannaw a thei aw h teh, vaihma ni a thipaling a la teh, thuengnae khoungroe daw k a kathek. Hahoi tutannaw hai a thei aw h teh, a thipaling hah thuengnae khoungroe daw k a kathek aw h. Hahoi tucanaw hai a thei aw h teh, a thipaling hah thuengnae khoungroe daw k a kathek aw h.

23 Hmaetannaw teh yon thueng nahanlah siangpahrang hoi rangpuinaw e hmalah a thokhai aw h teh, a lathueng vah a kut a toung sin aw h.

24 Vaihmanaw ni a thei aw h teh, thipaling hoi Isarelnaw pueng e yontha nahanelah thuengnae khoungroe daw k yon thuengnae a sak. Isarelnaw abuamleh hanelah hmaisawi thuengnae hoi yon thueng nahanelah siangpahrang ni kâ a poe.

25 Devit siangpahrang hoi ahnimae profet hah profet Nathan e kâpoelaw k patetlah BAWIPA im daw k Levihnaw teh cecak, tamawi hoi ratoung, tumkhangng hanelah a hruek. Bangkongtetpawiteh, kâpoelaw k teh BAWIPA ni profetnaw hno lahoi a poe e doeh.

26 Levihnaw teh Devit ni sak e tumkhangngaw hoi vaihmanaw teh mongkanaw patuep hoi a kangdue aw h.

27 Hezekiah ni thuengnae khoungroe daw k hmaisawi thuengnae thueng hanelah, kâ a poe. Hahoi hmaisawi thuengnae a kamtawng aw h navah, mongka hoi Devit ni a sak e tumkhangng khawng laihoi, BAWIPA a pholen aw h.

28 Rangpuinaw ni Cathut a baw k aw h teh, la kasaknaw ni la a sak aw h. Mongka kauengnaw ni mongka a ueng aw h. Hmaisawi thuengnae abaw hoehroukrak hottelah kâhat laipalah a sak aw h.

²⁹ Hahoi, thuengnae abaw toteh, siangpahrang hoi ahni koe kaawm e pueng ni tabo laihoi Cathut a bawk aw h.

³⁰ Siangpahrang Hezekiah hoi kahrawikungnaw Levihnaw hah Devit hoi profet Asaph ni a phueng e pholen la sak hanlah kâ a poe. Hahoi lunghawinae hoi pholenna la sak laihoi a tabo aw h teh Cathut a bawk aw h.

³¹ Hottelah, Hezekiah ni, BAWIPA hanelah na thoung aw h toe, tho aw h haw, BAWIPA im daw k thueng hane hoi lunghawi lawk dei thueng nahanelah poe aw h haw, telah atipouh.

³² Hahoi rangpuinaw ni sathei thueng hane hoi lunghawi lawk dei thueng hane a poe aw h. Poe han a lung ka tho pueng ni a poe e naw pueng teh, maitotan 70, tutan 100 touh hoi tuca 200 touh a pha.

³³ Hno poe e abuemlah maitotan 600, tutan 3000 touh a pha.

³⁴ Hatei, vaihmanaw ayounca dawkvah, hmaisawi thuengnae sathei be thet thai aw h hoeh. Hatdawkvah, a hmaunawng ha Levihnaw ni pâbaw hoehroukrak, vaihmanaw kamthoung totouh a kabawp aw h. Levihnaw teh vaihmanaw hlak kamthoung hane lunghin a lan aw h.

³⁵ Hmaisawi thuengnae apap poung dawkvah, hmaisawi thuengnae pueng koe, roum thuengnae sathei thaw hoi nei thueng nahane hai apap poung. Hottelah BAWIPA im daw k thaw taw k nae hah a khuekhawcalah a taw k aw h.

³⁶ Rangpuinaw hanelah Cathut ni a rakueng pouh e hno kecu daw k Hezekiah hoi taminaw pueng teh puenghoi a lunghawi aw h. Bangkongtetpawiteh, pouk laipalah ka tho e hno doeh.

30

Hezekiah ni ceitakhai paw i a sak

¹ Hahoi Hezekiah ni Isarel ram hoi Judah ramnaw daw k a tami a patoun teh, Ephraim hoi Manasseh ram daw k hoi Isarel BAWIPA Cathut hanlah ceitakhai paw i sak hanelah Jerusalem khovah BAWIPA im daw k tho hanlah ca a patawn.

² Bangkongtetpawiteh, siangpahrang hoi kabawmkungnaw hoi taminaw pueng ni thapa yung pahni daw k ceitakhai paw i sak hanlah a rawi aw h.

³ Hatnae tueng nah vaihma kamthoungnaw pap hoeh rah. Jerusalem vah tami pueng a kamkhueng thai aw h hoeh rah dawkvah, paw i hah sak thai aw h hoeh.

⁴ A pouk aw h e hno hah siangpahrang hoi tami pueng pouknae daw k ngai e lah ao.

⁵ Hatnavah, Isarel ram pueng, Beersheba hoi Dan totouh Jerusalem vah tho vaiteh, Isarel BAWIPA Cathut hanlah ceitakhai paw i sak hanelah kamthang pathang hanlah a sak sak aw h. Bangkongtetpawiteh, hottelah sakhoehnae a saw toe.

⁶ Hottelah, ca kaphawtnaw ni siangpahrang hoi kabawmkungnaw e ca hah a sin teh Isarel hoi Judah ram a deng totouh rei hanlah siangpahrang kâpoe e patetlah a tâco aw h. Isarel naw teh Abraham, Isak hoi Isarel BAWIPA Cathut koe ban aw h. Hat pawiteh, Siria siangpahrang kut daw k hoi ka hlout ni teh kaawm rae naw koe a ban aw h han.

⁷ Nangmouh teh na mintoenaw hoi na hmaunawng ha, a na mintoenaw e BAWIPA Cathut koe yonnae a sak aw h teh, a hnam ka thun takhai e taminaw na hmu aw h e patetlah aw m aw h hanh.

⁸ Na mintoenaw patetlah lungpata hoi aw m aw h hanh. Hatei, BAWIPA koe kâhnawng aw h nateh, yungyoe hanlah kathoung e hmuen kathoung

dawk kâen hoi BAWIPA na Cathut thaw hah tawk awh. Hat boipawiteh, puenghoi a lungkhueknae teh nangmouh koe a roum han.

⁹ BAWIPA koe lah na kamlang awh pawiteh, na hmaunawngghanaw hoi na canaw hah san lah kamannaw ni pahren awh vaiteh, hete ram dawk bout a tho awh han. Bangkongtetpawiteh, BAWIPA na Cathut teh pahren lungmanae lahoi kakawi e lah ao. Ama koelah na kamlang awh pawiteh, na cettakhai roeroe mahoeh telah ati awh.

¹⁰ Hottelah ca kathaknaw teh, Ephraim ram, Manasseh ram, hoi Zebulun ram totouh, kho touh hnukkhu kho touh a cei awh. Hateiteh, ahnimouh ni a panuikhai awh teh, a ka pacekpahlek awh.

¹¹ Hateiteh, Asher taminaw, Manasseh taminaw hoi Zebulun tami tangawn ni lawkpui poung lah a pouk awh teh, Jerusalem lah a tho awh.

¹² BAWIPA lawk dawk siangpahrang hoi kahrawikungnaw e kâpoe tarawi hoi lungthin suetalah a tawn awh nahan, Cathut kut teh Judah lathueng vah ao.

¹³ Hottelah thapa yung pahni navah, tonphuenhoehe pawisak hanelah Jerusalem vah tami moikapap a kamkhueg awh.

¹⁴ Ahnimouh ni a thaw awh teh, Jerusalem kaawm e thuengnae khoungroenaw thosoh, hmuitui sawinae khoungroe dawk kaawm e naw pueng thosoh, a la awh teh Kidron tui dawk a tâkhawng awh.

¹⁵ Hottelah thapa yung pahni, hnin hlaipali nah ceitakhai pawisak hanelah a thei awh. Vaihmanaw hoi Levihnaw a kaya awh dawkvah, a kâthoung sak awh teh, hote thuengnae hah BAWIPA im dawk a kâenkhai awh.

¹⁶ Cathut e tami Mosi e kâlawk patetlah amamae hmuen dawk lengkaleng a kangdue awh. Hote vaihmanaw ni, Levihnaw koehoi e thi hah a kathek awh.

¹⁷ Bangkongtetpawiteh, taminaw thung kamthoung hoeh rae moi ao. Hatdawkvah, BAWIPA hanelah kamthoung hanelah, kathounghoehnaw e thaw dawk Levih miphunnaw ni ceitakhai pawisak han lah a thei.

¹⁸ Bangkongtetpawiteh, Ephraim tami, Manasseh tami, Issakhar tami, hoi Zebulun tami moikapapnaw hah thoung awh hoeh. Hateiteh, phung laipalah ceitakhai pawisak rawca teh a ca awh.

¹⁹ Hatei, Hezekiah ni, tami pueng a lungthin hoi Cathut, a na mintoenaw e Jehovah Cathut tawng hanelah kâraekungnaw pueng hmuen kathoung phung patetlah kamthoung aw hoh nakunghai, kahawi e BAWIPA ni yontha awh naseh, telah ahnimouh hanelah a ratoum pouh.

²⁰ BAWIPA ni Hezekiah e ratoumnae hah a thai pouh teh taminaw pueng hah a dam sak.

²¹ Jerusalem kaawm e Isarelhaw ni, tonphuenhoehe pawiteh hnin sari touh thung lunghawicalah a hno awh. Hahoi Levihnaw hoi vaihmanaw ni ratoum hoi BAWIPA a pholen awh. Hottelah BAWIPA hah la hoi hnin touh hnukkhu hnin touh a pholen awh.

²² Hezekiah ni BAWIPA kahawicalah ka panuek e kacangkaikung Levihnaw pueng hah tha a poe. Hottelah, a na mintoenaw e BAWIPA Cathut koe yon ngaitoumnae hei hoi roum thuengnae pueng hoi hnin sari touh thung rawca a ca awh.

²³ Tami pueng ni hnin sari touh pawisak bout to hanelah a kâraekung aw hoh dawkvah, lunghaw hoi hnin sari touh pawisak bout a to awh.

²⁴ Bangkongtetpawiteh, Judah siangpahrang Hezekiah ni taminaw hah maitotan 1, 000, tu 7, 000 touh thei hanelah a poe. Kahrawikungnaw nihai, tami pueng hah maitotan 1, 000 hoi tu 10, 000 a poe awh teh, vaihma moikapap ni a kâthoung sak awh.

²⁵ Hottelah, Judahnaw pueng ni vaihmanaw hoi Levihnaw hoi Isarel ram kathonaw pueng hoi, miphun alouke e Isarel ram hoi kathonaw hoi, Judah ram kaawmnaw hoi a lunghawi aw h.

²⁶ Hottelah lunghawinae kalen poung Jerusalem vah ao. Bangkongtet-pawiteh, Isarel siangpahrang Devit capa Solomon koehoi hot patet e Jerusalem vah awm boihoeh.

²⁷ Hottelah vaihma hoi Levihnaw ni a thaw aw h teh, taminaw pueng yawhawinae a poe aw h. A lawk a ngai pouh teh, a ratoum aw h e teh kathounge kalvan vah a pha.

31

Hezekiah thakâlanae

¹ Hote hnonaw pueng koug a sak hoiyah, hawvah kaawm e Isarelnaw pueng ni, Judah ram pueng hoi, Benjamin ram hoi, Ephraim ram hoi, Manasseh ram kaawm e talung ung e hah reprep koug a hem aw h. Thing meikaphawk hah a tâtueng aw h teh, hmuenrasang hoi thuengnae hah koug a raphoe hoehroukrak, Judah ram kho tangkuem daw k a cei aw h. Hahoi Isarel catounnaw hah amamae ram hoi kho daw k lengkaleng a ban aw h.

² Hezekiah ni vaihmanaw hoi Levihnaw hah amamae ahuhu lahoi tami pueng e vaihma hoi Levihnaw ni amamae thaw lengkaleng daw k hmaisawi thuengnae hoi roum thuengnae sathei thuengnae ka poe hane hoi thaw katawknaw hoi lunghawilaw k ka dei hane hoi, BAWIPA onae longkha ka ring hane hu hah a sak pouh.

³ BAWIPA e kâlawk daw k kaawm e patetlah amom lae hoi tangmin lae, hmaisawi thuengnae hoi sabbath hoi thapareinae hoi paw i hnin hanelah, siangpahrang ni a tawn e daw k hoi a poe pouh aw h.

⁴ Hothloilah, Jerusalem e tami hah BAWIPA e kâlawk daw kvah tha kâla thai nahanelah, vaihmanaw hoi Levihnaw hah a ham poe aw h van nahanlah kâ a poe.

⁵ Kâ poe e hah koug a pathang aw h tahma hoi, Isarel catounnaw ni cakang aluepaw, hoi misur hoi satui, khoitui hoi law daw k e pung hra pung touh hah a poe aw h.

⁶ Isarel hoi Judah catoun, Judah ram khote lah kaawmnaw pueng ni, maito hoi tu hra touh daw k buet touh BAWIPA Cathut ni coe hanelah, a poe aw h teh, moikapap a pâkhueng aw h.

⁷ Thapa yung pâthumnae daw k pâkhueng hane a kamtawng aw h teh, thapa yung sarinae daw k pâkhueng e thaw a cum aw h.

⁸ Hezekiah hoi kahrawikungnaw ni a hmu aw h tore i teh, BAWIPA hoi a tami Isarelnaw hah a oup aw h.

⁹ Hottelah Hezekiah ni hno a pâkhueng e kong daw kvah vaihma hoi Levihnaw la a pacei.

¹⁰ Zadok tami, vaihma bawi Azariah ni a pathung teh, tami ni BAWIPA im daw k hno poe e kamtawng totouh hoi kakhoutlah meng a ca aw h teh, moikapap a cawi rah. BAWIPA ni a taminaw yawhaw i pou na poe teh, hete kacawie naw hah ca aw h e daw k hoi kacawie naw doeh telah ati.

¹¹ Hahoi Hezekiah ni BAWIPA im daw k hnoim sak hanelah kâ a poe teh a sak aw h.

¹² Hahoi hno poe e hoi hra touh daw k buet touh poe e hoi Cathut ni coe e naw hah yuemkamculah a kâenkhai aw h. Kahrawikungnaw teh, Levih tami Konaniah doeh. A hmaunawnggha Shimei teh kabawm e lah ao.

¹³ Konaniah hoi a hmaunawnggha Shimei kut rahim vah, siangpahrang Hezekiah hoi Cathut im dawk e kahrawikung Azariah e kâ poe e lahoi ka khenyawnkung lah Jehiel, Azariah, Nahath, Asahel, Jerimoth, Jozabad, Eliel, Ismakhiah, Mahath, hoi Benaiah tinaw hah ao awh.

¹⁴ Lahoi Levih tami Imnah capa Kore, Kanitholae, longkha ka ring e teh, Cathut koevah ama lungthocalah hoi hno poe e kakhenyawnkung hoi Cathut hanelah hno poe e hoi hno kathoung kareikung lah ao.

¹⁵ Amae a rahim vah, vaihma a onae khonaw dawk, Eden, Meniamin, Jeshua, Shemaiah, Amariah, Shekariah tinaw hah ao awh. Hotnaw ni a hmaunawngghanaw ahuhu lahoi kathoung kalennaw koevah a coe awh e hah a rei awh.

¹⁶ A tâconae dawkvah thut e tongpa kum thum hoi a lathueng lae, hnintangkuem BAWIPA im dawk thaw tawk hane a tawn e, amamae ahu e phung patetlah ouk a ceinae naw touksin laipalah,

¹⁷ a napanaw e imthung patetlah a tâconae lahoi thut e vaihma koevah, kâkapeknae hoi a thaw tawk e lengkaleng dawk hoi Levih tami kum 30 totouh hoi a lathueng lae naw pueng koehoi,

¹⁸ a tâconae dawk hoi thut e naw pueng koe, a camonaw hoi, a yunaw hoi a canu capanaw, ahu abuemlahoi a rei awh. Bangkongtetpawiteh, yuemkamcunae hoi thoungnae dawkvah a kamthoung awh.

¹⁹ Vaihma Aron capanaw e khopui tenggam khonaw koe kaawm e khopui tangkuem vah, vaihmanaw thung hoi tongpa pueng a ham rei hanelah a min lahoi pakhum e naw hoi Levihnaw a tâconae cayin dawka bawk e pueng a ham rei hanelah, acawilah pouk pouh e lah ao.

²⁰ Hot patetlah Judah ram pueng dawka Hezekiah ni a sak BAWIPA Cathut e hmaitung vah kahawi e hoi kalan e hoi yuemkamcu e hno hah ouk a sak

²¹ Cathut im e thaw tawknae kong dawka thoseh, kâlawk dawka thoseh, kâpoelawknaw dawka thoseh, Cathut a tawngnae dawka thoseh, a sak e pueng dawka lungthin abuemlahoi a sak dawkvah, a lamcawn pouh.

32

Sennacherib ni Judah a muk

¹ Yuemkamcu lah hno a sak awa hnukkhu, Assiria siangpahrang Sennacherib hah a tho teh, Judah ram lah a kâen. Kalup e khopui la hanelah noe lahoi a kalup awa.

² Sennacherib hah a tho teh, Jerusalem tuk han a noe e hah Hezekiah ni a thai toteh,

³ kho alawilah kaawm e tuinaw tapuet hanelah, kahrawikungnaw hoi athakaawme taminaw koe pouknae a hei teh ahni hah a kabawp awa.

⁴ Hot patetlah tami moikapap a kamkhueng awa teh, tuinaw pueng hoi kho dawka ka lawng e naw hah a paka awa. Bangkongmaw, Assiria siangpahrang a kâen vaiteh, tui moikapap a tawn han, telah a ti.

⁵ Hottelah hoi kalupnae katimnaw pueng tha a patho awa teh a sak awa. Imrasang hah alawilah kalupnae hoi a sak. Devit kho e Millo rapan a caksak awa teh, senehmaica hoi bahling moikapap lah a sak.

⁶ Tarantuknae koe kahrawikung kacuenaw a rawi awa. Khopui longkha koe a kamkhueng sak awa.

⁷ Thasai lahoi tarankahawilah awa awa haw. Assiria siangpahrang hoi ahni koe kaawmnaw takhek awa hanh. Na lungpout awa hanh. Bangkongtetpawiteh, maimouh koelah kampang e teh, ahnimouh koelah kampang e hlah a thasainhawn.

⁸ Ahnimouh koe kampang e teh takthai ransa lah ao. Na kabawm hane hoi na ka tuk khai hane maimouh koe lah ka kampang e teh Cathut doeh telah thapoenae lawk a dei. Taminaw ni Judah siangpahrang Hezekiah ni a dei e dawk a kâuep awh.

⁹ Hathnukkhu Assiria siangpahrang Sennacherib ni ama hoi a ransanaw teh, Lakhish vah ao awh. Judah siangpahrang Hezekiah hoi Jerusalem e Judah taminaw pueng koevah,

¹⁰ Assiria siangpahrang Sennacherib hettelah a dei, Jerusalem la hanelah bangkongmaw na yuem awh hoeh.

¹¹ Hezekiah ni, BAWIPA Cathut ni Assiria siangpahrang kut dawk hoi na rungngang han telah vonhlan tui kahran laihoi na due awh nahane dawk na pasawt awh nahohmaw.

¹² Hezekiah ni doeh Cathut e hmuenrasang hoi khoungroenaw a pahnawt teh, khoungroe buet touh e hmalah nangmouh ni na bawk awh han. Hote khoungroe van vah, hmuittui hah hmai na sawi awh han telah Judah khoca, Jerusalem khocanaw hah kâ poe hoeh namaw.

¹³ Kai hoi mintoenaw ni ram tangkuem ka sak awh e na panuek awh hoeh maw. Bangpatetlae miphun Cathut ni nakunghai, ka kut thung hoi a ram hah a rungngang thai yaw maw.

¹⁴ Bangpatete miphun cathut maw, ka mintoenaw ni a raphoe awh hoeh e, ka kut thung hoi ka hlout e hoi a rungngang thai e ouk kaawm. Na Cathut ni hai ka kut thung hoi na rungngang thai han namaw.

¹⁵ Hatdawkvah, Hezekiah ni na dum awh nahanh seh. Hot patetlah na tacuek awh nahanh seh. Ahni teh yuem awh hanh. Bangkongtetpawiteh, bangpatet lae miphun cathut hoi, bangpatet e uknaeram cathut nihai, ka kut thung hoi ka mintoenaw e kut thung hoi na ka rungngang thai hane awm boihoe. Bangtelamaw, nangmae cathut ni bout na rungngang thai awh han rah, telah Jerusalem vah tami a patoun.

¹⁶ A taminaw ni hoethlak hoe kacaihnawn lah BAWIPA Cathut hoi a san Hezekiah kong dawk kathout lahoi lawk a dei awh.

¹⁷ Isarel BAWIPA Cathut a lungkhuek sak hane hoi dudam lahoi ca a thut. Ram pueng miphun pueng cathutnaw ni ka kut thung hoi a taminaw a rungngang thai hoeh e patetlah Hezekiah Cathut nihai, ka kut dawk hoi a taminaw rungngang thai mahoe telah a ti.

¹⁸ Khopui a la thai awh nahan, a pakhi awh teh a lungpuen sak awh nahan Jerusalem kalupnae koe kaawmnaw hah Hebru lawk lahoi kacaipounglah pou a hram sin awh.

¹⁹ Jerusalem Cathut teh, tami kut hoi sak e talai cathut patetlah a dudam awh.

Sennacherib tânae hoi duenae

²⁰ Siangpahrang Hezekiah hoi Amoz capa profet Isaiah niteh, haw e hno dawk a ratoum teh kalvan kaawm e hah a kaw.

²¹ BAWIPA ni kalvantami a patoun teh, ama ni Assiria siangpahrang a roenae koe e tarankahawi ni teh athakaawme taminaw hoi kahrawikung kacuenaw hah a thei awh. Hottelahei minhmai ka mathout lahoi a ram roeroe a ban. A cathut im vah a cei lahun nah, a thung hoi e a canaw roeroe ni tahloi hoi a thei awh.

²² Hot patetlah BAWIPA ni Hezekiah hoi Jerusalem taminaw teh Assiria siangpahrang Sennacherib kut dawk hoi alouke tami kut dawk hoi a rungngang teh a tenggam e naw thung hoi a ring awh.

Hezekiah kârahnoumnae

²³ Tami moikapap ni Jerusalem vah BAWIPA hanlah hno a sin awh. Aphu kaawm poung e hnonaw hah Judah siangpahrang Hezekiah koevah a poe awh. Hatnae tueng hoi teh, miphun pueng e mithmu vah oup e lah ao.

²⁴ Hatnae tueng dawk Hezekiah teh meimei kadout lah a pataw. BAWIPA koevah a ratoum, lawk a dei pouh teh mitnoutnae a poe.

²⁵ Hatei teh Hezekiah ni ahni hanelah hawinae sak ngai hoeh. Bangkongtetpawiteh, a kâoup. Hatdawkvah, ama hoi Judah tami hoi Jerusalem lathueng lungkhueknae a pha.

²⁶ Hezekiah ni a lungthin a kâoupnae hah pankângai lahoi amahoima Jerusalem taminaw hoi a kârahnoum awh. Hottelah Hezekiah a hring nathing vah, BAWIPA lungkhueknae hah a lathueng phat pouh boihoeh toe.

Hezekiah a bawinae hoi barinae

²⁷ Hezekiah teh hnopai moikapap a tawn dawkvah a bari awh. Ngun, sui, talung aphu kaawm, hmuitui, bahling, kahawi e hnopai hrueknae im hai a sak.

²⁸ Capainaw, misurtui, satui, pâtungnae im hai a sak. Hahoi saring phunkuep hoi tu hrueknae imnaw hah a sak.

²⁹ Khoha a thawng teh, tuhu hoi maitohu moikapap a tawn. Bangkongtetpawiteh, Cathut ni a tawnta sak.

³⁰ Hezekiah ni Gihon palang hah a pauem teh, Devit khopui kanîloumlah a lawng sak. Hottelah Hezekiah teh a sak nah tangkuem a lamcawn.

³¹ Babilon bawinaw ni laicei a patoun teh a ram e kângairu hno a sak e a paceinae dawkvah, a lungthin dawk kaawm e pueng a panue thai awn nahan Cathut ni a tanouk teh, hnamthun takhai.

Hezekiah duenae

³² Hezekiah tawksaknae pueng dawk hoi kaawm rae hawinae a sak e naw teh, kenhaw! Amoz capa profet Isaih kamnuenae cauk, Judah Isarel siangpahrangnaw setouknae dawk a thut awn nahoehmaw.

³³ Hezekiah teh, a na mintoenaw koe a i teh, Devit capanaw e phuen dawk, kahawipoung e tangkom koe a pakawp awh. Judahnaw hoi Jerusalem taminaw ni Hezekiah a due toteh a sungren sak awh. A capa Manasseh ni a yueng lah a uk.

33

Judah siangpahrang Manasseh

¹ Manasseh teh siangpahrang a tawk nah kum 12 touh a pha teh, Jerusalem vah kum 35 touh a bawi.

² Hahoi, BAWIPA mithmu vah hawihoehnae, Isarelnaw e hmalah BAWIPA ni a pâlei e naw ni a sak e panuetho e hno hah a sak .

³ Bangkongtetpawiteh, a na pa Hezekiah ni raphoe e hmuenrasang hah bout a pathoup, Baal hanelah thuengnae a sak. Thingmeikaphawknaw kalvan kaawm e naw hai a bawk awh teh thaw a tawk pouh awh.

⁴ Jerusalem vah ka min yungyoe ao han, BAWIPA ni a dei e hmuen BAWIPA im dawk khoungroe hah a sak.

⁵ BAWIPA e im thongma kahni touh dawk kalvan kaawm e naw pueng hanelah thuengnae a sak.

⁶ Amae capa hah Hinnom yawn dawk hmaisawi thuengnae lah a sak. Kahraikawnae hoi ânnae hah a hno teh, khueyuenaw, hmauinaw haiyah kê a poe. BAWIPA lungkhuek sak nahanlah a hmaitung vah yonnae a sak.

⁷ Cathut ni Devit hoi a capa Solomon koe, hete im Jerusalem kho Isarel miphunnaw thung hoi ka rawi e naw koe ka min teh yungyoe hoi ka o sak han.

⁸ Kaie kâlawnaw hoi kâpoelawnaw pueng, phunglamnaw hoi tarawi hane naw, Mosi hno lahoi kâpoe e naw hah na tarawi pawiteh, mintoenaw koe ka poe tangcung e ram thung hoi Isarelnaw e khok teh ka cetsak mahoe, telah a dei e, Cathut e im dawkvah ama ni sak e meikaphawk hah a ta.

⁹ Manasseh ni Judah taminaw hoi Jerusalem e taminaw hah yonnae a sak sak. Hat toteh, BAWIPA ni Isarelnaw e hmalah a raphoe e miphunnaw hlak yonnae hoe kapap lah a sak aw. h.

Manasseh pankângainae

¹⁰ BAWIPA ni Manasseh hoi a taminaw koevah, Lawk ouk a dei ei, banglahai ngai aw. h.

¹¹ Hatdawkvah, BAWIPA ni Assiria ransa kahrawikungnaw a patoun teh, Manasseh hah pâkhing um a man aw. h. teh, sumbawtarui hoi a pâkhi aw. h. teh, Babilon lah a hrawi aw. h.

¹² Puenghoi kângairu lah ao toteh, BAWIPA hah a tawng teh, mintoenaw e Cathut hmalah puenghoi a kârahnoum.

¹³ A ratounnae teh, BAWIPA ni a thai pouh teh, Jerusalem kho amae uknaeram lah bout a hrawi. Hahoi Manasseh ni Jehovah teh Cathut doeh tie hah a panue.

¹⁴ Hahoi teh Devit khopui alawilae Gihon kanîloumlae ayawn koe tanga longkha kâennae totouh rapan a sak. Ophel rapan teh rasang poung lah a sak. Judah kho rapan katawnnaw koe tarankâhawi e kahrawikungnaw a hruek.

¹⁵ Hahoi BAWIPA im daw. k. kaawm e ramlouk e cathutnaw hoi meikaphawnaw pueng hah a takhoe. BAWIPA e im rahim hoi Jerusalem e thuengnae a sak e naw pueng hah kho alawilah he a tâkhang.

¹⁶ Hahoi BAWIPA hanlah thuengnae khoungroe a sak teh, roun thuengnae hoi lunghawilaw. k. deinae a sak teh, Judahnaw hah Isarelnaw e BAWIPA Cathut e thaw taw. k. hanelah kâ a poe.

¹⁷ Taminaw teh hmuen rasang poung koe thuengnae a sak aw. h. eiteh, amamae BAWIPA Cathut koe doeh a sak aw. h.

Manasseh duenae

¹⁸ Manasseh tawksaknae thung daw. k. hoi kaawm rae naw, Cathut koevah a ratounnae hoi Isarel BAWIPA Cathut min lahoi profet ni ahni koevah law. k. a dei e dawkvah, khenhaw. Isarel siangpahrangnaw e lairui cauk daw. k. thut lah ao nahoehmaw.

¹⁹ A ratounnae hoi Cathut ni a lungmanae kong hoi a kârahnoum hoehnahan yonnae pueng hoi hmuenrasang a sak teh, thingmeikaphawk a sak e naw pueng, khenhaw! Hozai cauk daw. k. thut lah ao.

²⁰ Hahoi Manasseh teh a mintoenaw koe a i teh, ama im vah a pakawp. Hahoi a capa Ammon ni a yueng lah a uk.

Judah siangpahrang Ammon

²¹ Ammon siangpahrang a taw. k. nah 22 touh a pha teh, Jerusalem vah kum 2 touh a bawi.

²² A na pa Manasseh ni a sak e patetlah BAWIPA e hmaitung hawi-hoehnae a sak. A na pa Manasseh ni a sak e meikaphawnaw koevah, Ammon ni thuengnae a sak teh, thaw a taw. k. pouh.

²³ A na pa Manasseh ni a kârahnoum e patetlah BAWIPA hmaitung kârahnoum ngai hoeh. Ammon teh hoehoe a payon.

²⁴ A sannaw ni a youk awh teh, ama im vah a thei awh.

²⁵ Hatei Ammon ka youk e taminaw teh khocanaw ni he a thei awh. Hahoi khocanaw ni a capa Josiah teh a yueng lah siangpahrang a tawk sak awh.

34

Judah siangpahrang Josiah

¹ Josiah teh siangpahrang a tawk navah, kum 8 touh a pha teh, Jerusalem vah kum 31 touh a bawi.

² Hote siangpahrang teh BAWIPA hmaitung hawinae hah a sak teh, avoilah aranglah phen laipalah a na min Devit e lamthung a dawn.

³ Bangkongtetpawiteh, a bawi nah kum 8 touh a pha teh, camo lah ao raei, a na min Devit e Cathut hah tawngnae a kamtawng. Hahoi, a bawinae kum 12 touh a pha navah, Judah ram hoi Jerusalem e hmuenrasangnaw hoi thingmeikaphawk hoi sakhlawm e meikaphawknaw hoi thukhlawn e meikaphawknaw hah koung a takhoe.

⁴ Baal thuengnae khoungroenaw hah a mithmu vah a raphoe teh, khoungroe van pâhung e meikaphawknaw hah a tâtueng teh, thingmeikaphawknaw hah vitkatip lah a phawm teh, hot koe thuengnae ouk kasaknaw e phuen dawk a rabawk.

⁵ Vaihmahu hru hah ahnimaie thuengnae khoungroe van hmai a sawi teh, Judah ram hoi Jerusalem hah a thoung sak.

⁶ Hot patetvanlah, Manasseh, Ephraim, Simeon, Naphtali kho totouh a sak.

⁷ Thuengnae khoungroenaw hah a raphoe teh, thingmeikaphawknaw hoi sakhlawm e meikaphawknaw hah koung a phawm. Isarel ram e meikaphawk pueng koung a tâtueng teh Jerusalem lah a ban.

Hilkiah ni kâlawk cauk a hmu

⁸ Hahoi a bawinae kum 18 navah, a ram hoi bawkim a thoung sak nah kum vah, Azaliah capa Shaphan, kho ukkung Maaseiah, Jehoahaz capa ca kathutkung Joab hah BAWIPA Cathut im pathoup hanelah a patoun awh.

⁹ Vaihma kacue Hilkiah koe a pha awh toteh, longkha karingkung Levih taminaw ni, Manasseh, Ephraim kaawm rae Isarelnaw pueng, Judah, Benjaminaw pueng hoi, Jerusalem vah a bankhai awh e tangka a pâtung awh e heh Cathut im vah a thokhai awh teh, ahnimouh koe a poe awh.

¹⁰ Hottelah BAWIPA im dawk thaw katawkkungnaw kut dawk palang a poe awh teh, BAWIPA im dawk thawtawkkungnaw hoi im kaphathoupkung, hoi im kasakkungnaw hah a poe awh.

¹¹ Judah siangpahrangnaw ni a raphoe awh e im pathoup nahanelah, talung dêi e hoi pangkhekna, patung, paloung, thing ran nahane hoi, kutsakkathoumnaw hoi im kasakkungnaw hah a poe awh.

¹² Taminaw ni thaw hah yuemkamcu lah a tawk awh. Khenyawnkungnaw teh Merari capanaw thung dawk e Levih tami Jahath hoi Obadiah hoi, Kohath capanaw thung dawk e Zekhariah hoi Meshullam hoi, Levih tami aloke tumkhawng katumthainaw hah doeh.

¹³ Hnokari kaphawtnaw khenyawnkung lah ai ao teh, thaw katawkkungnaw ni tawk hane thaw kareikung lah ai ao awh. Levihnaw tangawn teh cakathutkungnaw hoi longkha karingkung lah ao awh.

14 BAWIPA im dawk a thokhai aw h e tangka hah a rabawk aw h toteh, vaihma Hilkiyah ni Mosi hno lahoi poe e BAWIPA kâlawk cauk hah a hmu.

15 Hilkiyah ni cakathutkung Shaphan koevah, BAWIPA im dawk kâlawk cauk ka hmu aw h telah ati. Hahoi, Hilkiyah ni cauk hah Shaphan a poe.

16 Shaphan ni cauk hah siangpahrang koe a ceikhai teh, na sannaw ni sak hanelah pouk e pueng hah a sak aw h.

17 BAWIPA im dawk kaawm e tangka a rabawk aw h toteh, kahrawikung hoi khenyawnkungnaw hah a poe aw h telah lawk a thai sak.

18 Hahoi cakathutkung Shaphan ni, vaihma Hilkiyah ni cauk na poe telah siangpahrang koe a dei pou teh, Shaphan ni siangpahrang hmalah a touk.

19 Hahoi hettelah doeh. Siangpahrang ni kâlawk daw k e lawk a thai toteh, a hni hah a ravei.

20 Siangpahrang ni Hilkiyah, Shaphan capa Ahikam, Mikah capa Abdon, ca kathutkung Shaphan hoi siangpahrang e san Asaiah tinaw hah kâ a poe teh,

21 cet aw h nateh cauk na hmuna e kong daw k kai hoi Isarel hoi Judah vah kaawm rae baw hanelah BAWIPA koe kâhet aw h haw. Bangkongtet-pawiteh, BAWIPA puenghoi lungkhueknae teh maimouh lathueng aw i lah ao toe. Bangkongtetpawiteh, hete cauk daw k, tarawi hanelah thut e pueng heh mintoenaw ni BAWIPA e lawk tarawi aw h hoeh toe telah ati.

Huldah e lawk pâpho

22 Hottelah siangpahrang ni kâ a poe e naw hoi Hilkiyah teh hnicu hrueknae khenyawnkung Hasrah capa Tokhath capa Shallum e yu profet napui Huldah koe a cei aw h (Ahni teh Jerusalem kho vah a o). Hateh hote kong hah a dei pouh aw h.

23 Ahnimouh ni Isarel BAWIPA Cathut ni hettelah a dei. Kai koe na ka patoun e koe dei pouh aw h nateh,

24 BAWIPA ni hettelah a dei, kenhaw! hete hmuen hoi a thung kaawmnaw koe thoena e ka tho sak han. Judah siangpahrang hmalah a touk aw h e cauk thung vah kaawm e thoebonae pueng hoi,

25 amamae kut daw k hoi letlang ka lungkhuek sak nahanelah, hnam na thun takhai aw h teh, alouke cathutnaw hanelah hmuitui a sawi aw h kecu dawkvah, hete hmuen koe ka lungkhueknae hah aw i lah ao vaiteh, roum sak lah aw m mahoe h telah ati.

26 Hateiteh, BAWIPA koe kâhei hanelah nangmouh na kapatoung Judah siangpahrang koevah hettelah dei pouh aw h. Isarel BAWIPA Cathut ni hottelah a dei, hote na thai tangcoung e lawk daw k,

27 hete hmuen hoi a thung kaawmnaw taranna e lawk hah na thai toteh, na lungthin a nem teh, Cathut hmalah na kârahnoum teh, ka hmalah na kârahnoumsak teh, na khohna hah na ravei teh, ka hmalah na ka dawkvah, kai ni hai na lawk hah ka thai toe telah BAWIPA ni ati.

28 Kenhaw! na mintoenaw koe na ceisak vaiteh, ahnimouh koe karoumcalah na cei vaiteh, het hmuen hoi a thung kaawmnaw koe ka tho sak hane thona e pueng hah teh, na mit ni hmawt mahoe h telah dei pouh aw h, telah a dei pouh. Hahoi siangpahrang koe hote lawk teh ka thokhai aw h.

Lawkkam a ca sak

29 Hottelah siangpahrang ni tami a patoun teh Judah ram hoi Jerusalem e kacuenaw pueng hah a pâkhueng.

30 Hahoi siangpahrang hoi Judahnaw pueng, Jerusalem taminaw pueng, vaihmanaw hoi, Levihnaw hoi, taminaw pueng, kathoung kalen pueng,

BAWIPA im vah a cei awh. BAWIPA dawk a hmu awh e lawkkamnae lawk dawk e lawknaw pueng hah, a hnâthainae koe a touk awh.

³¹ Hahoi siangpahrang teh amae hmuen koe a kangdue teh, cauk dawk thut e lawkkamnaw hah a caksak teh a lungthin buemlah, muitha buemlah hoi BAWIPA tarawi hane hoi kâpoelawknaw hoi lawkpanuesaknae hoi a phunglawknaw tarawi hanelah BAWIPA koe lawkkamnae a sak.

³² Jerusalem hoi Benjaminsaw pueng teh hot patetlah o hanelah lawk a kam awh. Hahoi, Jerusalem khocanaw ni Cathut, a na mintoenaw e Cathut lawkkam boiboe lah a sak awh.

³³ Josiah ni Isarel ram dawk a kâen sak e thung dawk panuettho e hno pueng teh, koung a tâkhawng awh. Isarel ram dawk kaawm e pueng hah Cathut thaw a tawk sak. Hahoi a na mintoenaw e BAWIPA Cathut hanlah a hring nah thung phen takhai awh hoeh toe.

35

Josiah ni ceitakhai paw i a sak

¹ Josiah ni Jerusalem vah BAWIPA hanlah ceitakhai paw i a sak. Thapa yung pasuek, hnin hlaipali hnin vah, ceitakhai paw i hanlah a thei.

² Vaihma hah thaw a poe teh, BAWIPA im dawk thaw tawk hanlah tha a poe.

³ Isarelnaw kacangkhaukung lah Cathut hanlah hmoun e Levihnaw koe, Isarel siangpahrang Devit capa Solomon ni im a sak e dawk kathoung thingkong hah hrueng awh leih. Na loung hoi hrawm hanlah ngai mahoeh toe. BAWIPA na Cathut hoi a tami Isarelnaw thaw hah tawk awh leih.

⁴ Isarel siangpahrang Devit hoi a capa ni thut e patetlah imthungkhu kahrawikungaw hoi kamcu lah ahuhu lahoi o hanlah kârakueng awh.

⁵ Na hmaunawnganaw imthungkhu kahrawikung hoi ka kamcu lah Levih taminaw hanlah hmuen ao e patetlah kathoung hmuen koe awm awh.

⁶ Ceitakhai paw i thuengnae hah thet awh nateh, kâthoung sak awh. Mosi hno laihoi BAWIPA ni a dei e patetlah sak thai awh nahan na hmaunawnganaw hanlah kârakueng awh.

⁷ Josiah ni hote hmuen koe kaawm e taminaw han hoi ceitakhai paw i koe kaawm e tami pueng hanelah, saring dawk tu hoi hmaeca 30, 000 touh hoi maitotan 3, 000 touh a poe awh. Hotnaw teh siangpahrang hnopai dawk hoi e doeh.

⁸ Hahoi, kahrawikungaw ni ma lungtho lahoi tamipueng hane, vaihma hane, hoi Levihnaw hanelah a poe awh. Cathut im kaukkung Hilkiiah Zekhariah, Jehiel tinaw ni ceitakhai paw i hanelah tu hoi hmaeca 2,600 touh hoi maitotan 300 touh vaihma koe a poe awh .

⁹ Konaniah hoi a nawngah Shemaiah, Nathanel hoi Levihnaw kaukkungaw e kaukkung Hashabiah, Jeiel, Jozabad tinaw nihai, ceitakhai paw i hanlah Levihnaw hah tu hoi hmaeca 5, 000 touh hoi maitotan 500 touh a poe awh.

¹⁰ Hottelah thaw tawknae teh a kârakueng awh teh, siangpahrang ni kâpoe e patetlah vaihmanaw teh amae hmuen koevah, a kangdue awh teh, Levihnaw haiyah ahuhu lahoi a kangdue awh.

¹¹ Hote ceitakhai paw i hanlah a thei awh teh, vaihmanaw ni a thi hah a kathek awh. Levihnaw ni a pho hah a ho awh.

¹² Mosi cauk dawk kaawm e patetlah a imthungkhu lahoi lengkaleng thaw a rei e patetlah BAWIPA koe poe hanelah hmaisawi han satheinaw hoi maitonaw hah a kârei awh.

¹³ Hote ceitakhai pawī ca hanelah, aphung patetlah kahmin lah a pāeng aw̄h. Hateiteh, poe e moi kathounge hah hlaam, arai kaawm hoeh e hlaam hoi sum hlaam daw̄k a thawng aw̄h teh, taminaw koe a ceikhai aw̄h.

¹⁴ Hathnukkhu, amamouh hoi vaihmanaw hanlah bout a kārakueng aw̄h. Bangkongtetpawiteh, Aron e capa vaihmanaw teh hmaisawi thuengnae khoungroe daw̄k moi thaw hah poe hoi tangmin totouh a taw̄k aw̄h. Hatdaw̄kvah, Levihnaw ni amamouh hoi Aron e capa vaihmanaw hanlah bout rakung hanlah a ngainae doeh.

¹⁵ Hahoi, Devit, Asaph, Heman hoi siangpahrang profet Jeduthun naw ni kâ poe e patetlah la ka sak e Asaph capanaw teh amamae hmuen daw̄k a kangdue aw̄h. Hote longkha karingkungnaw teh, longkha tangkuem koevah, ao aw̄h. Bangkongtetpawiteh, a hmaunawnḡha Levihnaw ni a rakueng pouh daw̄kvah, a thaw hah ceitakhai aw̄h han ngai hoeh.

¹⁶ Hottelah, siangpahrang Josiah ni kâ poe e patetlah ceitakhai pawī sak han hoi, BAWIPA e khoungroe daw̄k hmaisawi thuengnae poe hanelah hote hnin daw̄k BAWIPA thaw taw̄knae hnonaw pueng hah a rakueng aw̄h.

¹⁷ Hote hmuen koe kaawm e Isarelnaw ni hote hnin daw̄k ceitakhai pawī hah a sak aw̄h. Tonphuenhoehe vaiyei pawī haiyah hnin sari touh thung a hno aw̄h.

¹⁸ Profet Samuel se nahoi Isarel ram vah hot patetlah ceitakhai pawī sak aw̄h boihoeh. Isarel siangpahrang apinihai Josiah, vaihmanaw, Levihnaw hoi Judah tami pueng hoi Isarelnaw ni a sak e patetlah sak aw̄h boihoeh.

¹⁹ Josiah a bawinae kum 18 nah ceitakhai pawiteh a sak aw̄h.

Josiah tarantuknae koe a due

²⁰ Hathnukkhu hoi Josiah ni bawkim be a pathoup hnukkhu, Izip siangpahrang Neko teh, Kakhemish tuk hanelah Euphrates palang a cei teh Josiah ni a tuk.

²¹ Hatei, ahni ni nang Judah siangpahrang kai hoi nang bangmaw kâtuk hanelah kaawm. Sahnin vah nang na tuk hanelah, ka tho hoeh bo. Ka tuk lahun e tuk hanelah doeh ka tho. Cathut ni na huerang hanelah kâ na poe. Kai koe lah kampang e Cathut hah taran hanh. Na raphoe payon vaih telah laicei a patoun.

²² Hatei, Josiah ni ban takhai hane ngai hoeh. A tuk thai nahan a meilam a kâthung teh, Cathut e a pahni daw̄k hoi ka tâcawt e Neko ni dei e hah tarawi ngai pouh hoeh. Megiddo tanghling vah, ahnimouh tuk hanelah a cei.

²³ Licung kapatuem̄naw ni Josiah hah a kâ aw̄h teh siangpahrang ni a sannaw koevah, kai hah na cetkhai aw̄h leih. Bangkongtetpawiteh, hmâ puenghoi ka ca toe telah a ti.

²⁴ A sannaw ni leng daw̄k hoi a la aw̄h teh, alouke leng daw̄k a hruek aw̄h. Jerusalem a ceikhai aw̄h teh, a due hnukkhu a na mintoenaw e phuen daw̄k a pakawp aw̄h. Judahnaw hoi Jerusalem kaawm e naw ni Josiah a khui aw̄h.

²⁵ Jeremiah ni Josiah hah a khui. La ka sak e napui tongpa naw ni a na minca totouh Josiah khuinae a dei aw̄h rah. Isarel ram daw̄k phung a tawn aw̄h teh, khenhaw! khuinae la daw̄kvah a thut aw̄h.

²⁶ Josiah a kâroenae daw̄k hoi kaawm rae pueng BAWIPA e kâlawk daw̄k ao e patetlah hnokahawi ka sak e,

²⁷ ahmaloe hoi a hnukteng e hai khenhaw! Isarel siangpahrang hoi Judah siangpahrang lairui thutnae cauk daw̄k thut e lah ao.

36

Judah siangpahrang Jehohaz

¹ Hahoi, khocanaw ni Josiah capa Jehohaz hah a ceikhai aw hah teh, Jerusalem vah a na pa yueng lah siangpahrang a taw k sak aw hah.

² Jehohaz teh siangpahrang a taw k nah kum 23 touh a pha teh, Jerusalem vah thapa yung thum touh a bawi.

³ Izip siangpahrang ni Jerusalem siangpahrang lah onae a kâhat sak. A ram heh ngun tangka talen 100 touh hoi sui talen 4 touh a rawng sak.

Judah siangpahrang Jehoiakim

⁴ Izip siangpahrang ni a nawng ha Eliakim teh Judah hoi Jerusalem siangpahrang lah a taw k sak. A min teh Jehoiakim telah a thung pouh teh, Neko ni a nawng ha Jehohaz teh Izip ram a ceikhai.

⁵ Jehoiakim teh siangpahrang a taw k nah, kum 25 touh a pha teh, Jerusalem vah kum 11 touh a bawi. BAWIPA Cathut e hmaitung hawihoe hnae ouk a sak.

⁶ Babilon siangpahrang Nebukhadnezar ni ahni tuk hanelah a tho teh, Babilon lah ceikhai hanelah, sum bawtarui hoi a ka tek.

⁷ Nebukhadnezar ni BAWIPA e im daw k e hnopainaw hah Babilon lah a ceikhai aw hah teh, Babilon e a Cathut e im daw k a ta.

⁸ Jehoiakim kâroena e kaawm rae naw pueng hoi, panuetkatho e hno a sak e naw hoi, a khosaknae naw teh khenhaw! Isarel hoi Judah siangpahrangnaw e lairui cauk daw k thut lah ao. Hahoi a capa Jehoiakim ni a yueng lah let a bawi.

Jehoiakim

⁹ Jehoiakim teh siangpahrang a taw k nah kum 18 touh a pha. Jerusalem vah thapa yung thum touh hoi hnin hra touh a bawi. BAWIPA e hmaitung hawihoe hnae ouk a sak.

¹⁰ Hote kum abaw toteh, siangpahrang Nebukhadnezar ni a tami a poun teh ahni teh, BAWIPA im daw k e hnopai kahawi poung e hoi Babilon lah a hrawi aw hah. A nawng ha Zedekiah hah Judah ram hoi Jerusalem vah, siangpahrang a taw k sak aw hah.

Judah siangpahrang Zedekiah

¹¹ Zedekiah teh siangpahrang a taw k nah, kum 21 touh a pha. Jerusalem vah kum 11 touh a uk.

¹² BAWIPA Cathut hmaitung kahawihoe hno a sak teh, BAWIPA law k ka dei e profet Jeremiah e hmalah kârah noum ngai hoeh.

Jerusalem rawknae

¹³ Cathut min lahoi law k ka kam kung siangpahrang Nebukhadnezar taranlahoi taran a thaw. A lung a pata sak teh, Isarel BAWIPA Cathut koe lah, kamlang hoeh nahanlah a lungtang sak.

¹⁴ Vaihmanaw pueng hoi, tamimayanaw pueng nihai, Cathut ka panuek hoeh naw ni a sak aw hah e patet e panuetkatho poung e hno hah a sak aw hah. Jerusalem kathoung sak e BAWIPA im hai a khin sak aw hah.

¹⁵ A na mintoenaw e BAWIPA Cathut ni kâhruetcuetnae poe hanelah amom a thaw teh, patounenaw hah ahnimouh koe a patoun. Bangkongtet-pawiteh, tamimaya hoi a onae hmuen hai a pouk.

¹⁶ Hateiteh, ahnimouh taranlahoi BAWIPA lungkhuek sak teh, a roum hoeh totouh Cathut e patounenaw hah a panuikhai aw hah teh, a law k hah a dudam aw hah teh, a profet hah a dudam aw hah.

¹⁷ Hatdawkvah, Khaldean siangepahrang hah ahnimouh koe a matheng sak teh, ahni ni thoundounnaw hah hmuen kathoung koe a thei. Thoundoun tangla hoi hnamthun e matawng totouh pahrennae tawn laipalah ahnimaie kut daw koug a poe.

¹⁸ Cathut im daw koug kaawm e hlaamnaw pueng kathoung kalen hoi BAWIPA im daw ta e hnopai pueng, siangepahrang hno pátung e hoi kahrawikungnaw e hno pátung e totouh, Babilon vah a ceikhai.

¹⁹ Cathut e im hai hmai a sawi awh teh, Jerusalem kalupnae hai koug a raphoe awh. Haw e im kalenpui hah hmai a sawi awh teh, haw e hlaam kahawihnawn kaawm e pueng hai, koug a raphoe awh.

²⁰ Persia uknaeram ni a uk hoehnahlan totouh, ama hoi a capa san lah a coung roinae hmuen koe, tahloi daw koug hoi ka hlout e hah Babilon lah a ceikhai awh teh,

²¹ Isarel ram ni sabbath hnin a lunghawi hoehroukrak, Jeremiah pahni hno lahoi, BAWIPA e lawk akuiep nahanelah doeh. Kum 70 kuepsaknae hnin dawkvah, tami kingdi lah onae tueng pueng daw koug ram ni sabbath hah a ya han.

Sairus lawk pâphonae

²² Hat toteh, siangepahrang Sairus a bawi hoi Jeremiah e pahni hno lahoi BAWIPA lawk a kuep thai nahanelah, uknaeram pueng daw koug pathang hane hoi thut hane hai BAWIPA ni Persia siangepahrang Sairus lungthin hah a tho sak.

²³ Persia siangepahrang Sairus ni hettelah a dei. Talai siangepahrang uknaeramnaw pueng teh, kalvan e BAWIPA Cathut ni na poe toe. Hahoi Judah ram daw koug kaawm e Jerusalem vah im sak pouh hanelah kâ na poe. Amae taminaw pueng koe apimaw kaawm. BAWIPA Cathut hah ahni koe awm naseh, luen sak awh.

EZRA (Ezra)

Babilon santoung a poutnae

¹ Persia Siangpahrang Sairus a bawi kum pasuek nah, profet Jeremiah e pahni hno lahoi BAWIPA e lawk akuap nahanelah, a uknaeramnaw pueng dawк pathang hanelah, BAWIPA ni Sairus e lungthung a tahrue pouh.

² Persia siangpahrang Sairas ni a dei e teh, talai uknaeramnaw pueng teh, kalvan kaawm e BAWIPA Cathut ni kai koe na poe toe. Hatdawкvah, Judah ram Jerusalem vah im sak pouh hanelah kâ na poe.

³ Nangmouh thung dawк apimaw amae tami lah na kaawm awh. Ahni koe Cathut ni rei awm khai naseh. Judah ram Jerusalem vah cei vaiteh, Isarelhaw e BAWIPA Cathut e im hah sak naseh. Jerusalem vah kaawm e teh BAWIPA doeh.

⁴ Hmuen alouklouk lah kho kasaknaw ni, amamouh aonae koehoi Jerusalem e Cathut im hanelah a lungtho laihoi poe awh e hloilah ngun, tangka hoi sui, hnopai hoi saringnaw hoi kabawm awh naseh atipouh.

⁵ Hahoi teh, Judah hoi Benjamin miphun imthung kahrawikungnaw hoi vaihmanaw, Levihnaw ni Jerusalem e BAWIPA im sak hanelah Cathut ni lungthin dawк thaw tawк pouh e taminaw pueng hoi a kamthaw awh.

⁶ Amamouh lungtho lahoi poe e dei laipalah, atengpam kaawmnaw ni hai ngun hnopai, sui, saringnaw hoi aphu kaawm poung e hnonaw hoi kabawp awh.

⁷ Siangpahrang Sairus hoi Nebukhadnezar ni BAWIPA e im dawк e hnopai Jerusalem hoi a sin teh, Cathut e im dawк a ta e naw, hah he a la pouh.

⁸ Hote hnopainaw teh, Persia siangpahrang Sairus ni hno karingkung Mithredath kut dawк hoi a la sak teh Judah kahrawikung Sheshbazzar koevah be a parei hnukkuh vah a poe.

⁹ Hote hno kaawmnaw teh, sui 30, ngun 1,000, sarai 29.

¹⁰ Suimanang 30, a phunlouk e ngun 410, alouke hno 1000 touh hoi.

¹¹ Sui hoi ngun hnopai abuemlah 5400 touh a pha. Sannaw teh Babilon hoi Jerusalem lah a cei kh ai navah Sheshbazzar ni hete hnonaw a sin awh.

2

Santoungnae koehoi Jerusalem lah bout ka ban e naw

¹ Babilon siangpahrang Nebukhadnezar ni san lah Babilon vah a hrawi teh amamouh onae khonaw dawк, Judah hoi Jerusalem lah san thung hoi a ram thung lah bout kabannaw doeh.

² Zerubbabel koe kabannaw teh, Jeshua, Nehemiah, Seriah, Reelaiah, Mordekai Bilshan, Mispar, Bigvai, Rehum hoi Baanah tinaw doeh. Isarel tongpa touk e naw teh,

³ Paroshnaw 2, 172.

⁴ Shephathiahnaw 372.

⁵ Arahnaw 775.

⁶ Pahathmoabnaw, Jeshua hoi Joab totouh 2812.

⁷ Elamnaw 1, 254.

⁸ Zattunaw 945.

- 9 Zakkainaw 760.
 10 Baninaw 642.
 11 Bebainaw 623.
 12 Azgadnaw 1, 222.
 13 Adonikamnaw 666.
 14 Bigvainaw 2, 056.
 15 Adinnaw 454.
 16 Hezekiah hoi Aternaw 98.
 17 Bezainaw 323.
 18 Jorahnaw 112.
 19 Hashumnaw 223.
 20 Gibbarnaw 95.
 21 Bethlehemnaw 123.
 22 Netophahnaw 56.
 23 Anathothnaw 128.
 24 Azmavethnaw 42.
 25 Kiriathjearim, Kephirah hoi Beerothnaw 743.
 26 Ramah hoi Gebanaw 621.
 27 Mikmashnaw 122.
 28 Bethel hoi Ainaw 223.
 29 Nebo canaw 52.
 30 Magbishnaw 156.
 31 Alouke Elamnaw 1254.
 32 Harimnaw 320.
 33 Lod, Hadid hoi Ononaw 725.
 34 Jerikonaw 345.
 35 Senahnaw 3, 6300.
 36 Vaihmanaw, Jeshua imthung dawak hoi Jedaiahnaw 973.
 37 Immernaw 1, 052.
 38 Pashhurnaw 1, 247.
 39 Harimnaw 1, 017.
 40 Levih miphun. Hodaiah capa, Jeshua hoi Kadrielnaw 74.
 41 La kasaknaw, Asaph capanaw 128.
 42 Longkha karingnaw, Shallum capanaw, Ater capanaw, Talmon capanaw, Akkub capanaw, Hatita capanaw, Shobai capanaw abuemlah
 139 touh a pha awh.
 43 Nethinimnaw: Ziha capanaw, Husupha capanaw, Tabbaoth capanaw,
 44 Keros capanaw, Siaha capanaw, Padon capanaw.
 45 Lebana capanaw, Shalmal capanaw, Hanan capanaw.
 46 Hagab capanaw, Shalmal capanaw, Hanan capanaw.
 47 Giddel capanaw, Gahar capanaw. Reaiahnaw:
 48 Rezin capanaw, Nekoda capanaw, Gazzam capanaw.
 49 Uzzah capanaw, Paseah capanaw, Besai capanaw.
 50 Asnah capanaw, Mehunim capanaw, Nephusim capanaw.
 51 Bakbuk capanaw, Hakupha capanaw, Harhur capanaw.
 52 Bazluth capanaw, Mehida capanaw, Harsha capanaw.
 53 Barkos capanaw, Sisera capanaw, Temah capanaw.
 54 Neziah capanaw, Hatipha capanaw.
 55 Solomon koe kaawmnaw, Sotai capanaw, Sophereth capanaw, Peruda capanaw.
 56 Jaala capa naw, Darken capanaw, Giddel capanaw.

⁵⁷ Shephathiah capanaw, Hattil capanaw, Hazzebaim hoi Pokhereth capanaw, Ami capanaw.

⁵⁸ Nethinim tami abuemlah Solomon koe kaawm e 392 touh a pha.

⁵⁹ Hahoi, Telmelah, Telharsha, Kherub, Addon hoi Immer, koehoi katacawtnaw doeh, Hatei Isarel miphun hoi catoun hoeh e hah a na mintoenaw hoi a imthungkhunaw, kacaicalah kamnuek sak thai awh hoeh.

⁶⁰ Delaiah capanaw, Tobiah capanaw hoi Nekoda capanaw 652 touh a pha awh.

⁶¹ Hahoi, Vaihma miphun thung hoi e, Habaiah capanaw, Hakkoz capanaw, Koz capanaw, Gilead tami Barzillai canu thung e yu lah a la teh a minkhang min ka kâphung e Barzillai capanaw.

⁶² Mintoenaw e min thutnae dawk amamae min a hmu awh hoeh dawkvah vaihma lah touksin lah awm hoeh toe.

⁶³ Ram kaukkung ni Urim hoi thummim koe e vaihma a tho hoehnahlan teh rawca kathounge cat thai mahoeah atipouh.

⁶⁴ Tamihupui abuemlah 42, 360 touh a pha awh.

⁶⁵ Hahoi san napui tongpa 7, 337 touh hoi la kasakkung napui tongpa 200 touh a tawn.

⁶⁶ Marang 736 touh hoi la 245 touh a pha.

⁶⁷ Kalauk 435 touh hoi la canaw 6, 720 touh a pha.

⁶⁸ Jerusalem BAWIPA e im dawk a pha awh toteh, imthung kahrawikung tangawn ni Cathut e im teh amae hmuen koe, bout sak hanelah hno a poe awh.

⁶⁹ A poe thai totouh pasoumhno hoi im sak nahanelah sui darik 61, 000, tangka 5, 000 touh hoi vaihma e khona 100 touh a poe awh.

⁷⁰ Hahoi vaihma, Levih miphun, alouke tami tangawn, la kasaknaw, longkha karingkungnaw hoi Nethinimnaw teh amamae khonaw dawk ao awh teh, Isarelnaw pueng hai amamae khonaw dawk lengkaleng ao awh.

3

Jerusalem vah Cathut bawk a kamtawng awh

¹ Thapa yung sari touh akuiep toteh, Isarelnaw teh khopui vah ao awh teh, tamihupui teh, tami buet touh e patetlah Jerusalem vah a kamkhueng awh.

² Hahoi, Zadok capa Jeshua hoi a hmaunawngaha vaihmanaw hoi Shealtiel capa Zerubbabel hoi a hmaunawngahanaw a thaw awh teh, Cathut e tami Mosi e kâlawk dawk thut e patetlah hmaisawi thuengnae hah Isarelnaw e Cathut thuengnae khoungroe hah a sak awh.

³ A tengpam kaawm e taminaw ni a taki awh nakunghai, khoungroe teh amae hmuen koe a ta teh, amom tangmin hmaisawi thuengnae hah, ahnimouh roi ni BAWIPA koevah hmaisawi thuengnae a sak roi.

⁴ Lukkarei pawii hai a sak awh, thut tangcung e patetlah hnintangkuem sak hanelah, a pouk awh e hoi a langri a sak awh e patetlah hmaisawi thuengnae hah a thueng awh.

⁵ Hathnukkhu hnintangkuem poe a sak a e hmaisawi thuengnae hoi thaparei katha hanelah a poenae hoi, BAWIPA hanelah a pouk e pawinaw pueng hoi ama lungthocalah lahoi, BAWIPA koe ouk thueng e hah a thueng awh.

⁶ BAWIPA e bawkim adu ung hoeh rah eiteh, thapa yung sari apasuek hnin hoi kamtawng teh, hmaisawi thuengnae hah, BAWIPA koe thuengnae a kamtawng awh.

Bawkim bout sak hanelah a kamtawng awh

⁷ Talungdêikathoumnaw hoi imsakkathoumnaw hai tangka a poe awh teh, Persia siangpahrang Sairus ni a hnâbo e patetlah sidar thing teh Lebanon tali koehoi, Joppa totouh thokhai hanelah Sidonnaw hoi Tairenaw hah ca hane rawcarawnei ca hane hoi satuinaw a poe awh.

⁸ Jerusalem Cathut e im a pha awn nae, kum 2, thapa yung 2 nah Shealtiel capa Zerubbabel hoi Jozadak capa Jeshua hoi a hmaunawngnga vaihmanaw, Levih miphunnaw hoi san dawk hoi thaw tawk hanelah a kamtawng awh teh, Levih miphun kum 20 touh a lathueng lae naw teh, BAWIPA im saknae koe kahrawikung lah a pouk awh.

⁹ Hahoi, Jeshua hoi a capa, a hmaunawngghanaw, Kadmiel hoi a capanaw hoi, Judah capanaw, a thaw awn teh Cathut e im kasaknaw hah hmuen touh koe a khetyawt awn. Henadad capanaw a capanaw hoi a hmaunawngnga Levihnaw hoi.

¹⁰ BAWIPA e bawkim kasaknaw ni adu a ung awn toteh, vaihmanaw ni khohnanaw a kho awn teh, mongka patuep laihoi Levih tami Asaph capanaw hah Isarel siangpahrang Devit ni a dei e patetlah, BAWIPA pholen hanelah a kangdue awn.

¹¹ Ama teh ahawi, Bangkongtetpawiteh, a lungmanae teh Isarelnaw e lathueng a yungyoe a cak, telah BAWIPA pholen awn teh lunghawi lawk dei laihoi la a sak awn. Hottelah BAWIPA pholen a toteh tamihupui abuemlah ni pueng hoi a hram awn. Bangkongtetpawiteh, BAWIPA e im adu ung awn dawk doeh.

¹² Hateiteh, vaihma, Levihnaw hoi imthung kahrawikung tangawn, ahmaloe e im kahmawt e matawngnaw ni teh a hnukkhu e im adu ung e a hmu navah pueng hoi a khuika awn. Hatei tami tangawn teh a lunghawi dawk hoi a hram awn.

¹³ Hat toteh, taminaw ni lunghawi hramnae lawk hoi khuika hramnae lawknaw hah kapek thai awn hoeh. Bangkongtetpawiteh, tamihupui teh poung hoi a hram awn dawkvah, kahlatpoung koehoi a ka thai.

4

Bawkim bout sak nah ka tarannaw

¹ Hat toteh, Isarel BAWIPA Cathut e bawkim hah san lah kaawmnaw ni a sak awn tie hah Judah hoi Benjamin katarankungnaw ni a thai awn toteh,

² Zerubbabel hoi imthung kahrawikungnaw koe a tho awn teh, im na sak khai awn van han, Bangkongtetpawiteh, nangmouh ni na tawng awn e Cathut doeh ka tawng van awn. Hi na ka hrawi e Assiria siangpahrang Esarhaddon a bawi tahma vah thuengnae ouk ka sak awn telah ati awn.

³ Hatei Zerubbabel, Jeshua hoi Isarel imthung kahrawikungnaw ni ahnimouh koevah, kaimae Cathut im saknae dawk nangmouh na bawk hane lamthung awm hoeh, Persia siangpahrang Sairus hanelah ka sak awn han, telah atipouh awn.

⁴ Hatnavah, khocanaw ni Judahnaw hah a lungkhuek sak awn teh im sak hane dawk runae a poe awn.

⁵ Persia siangpahrang Sairus a bawinae kum hoi Persia siangpahrang Darius a bawi kum toteh sak hanelah, kâcai awn e naw hah a coung thai hoeh nahanelah lawk laicei a ta awn.

⁶ Hat toteh, Ahasuerus ni a uk pasuek nah Judah ram hoi Jerusalem kaawmnaw kâtarannaec ca a thut pouh.

⁷ Artaxerxes e tueng nahai Bishlam, Mithredath, Tabeel, hoi alouke a huinaw hoi Persia siangpahrang Artaxerxes koe ca a patawn awh, hote ca teh Aramaih lawk, Aramaih ca lahoi a thut awh.

⁸ Kaukkung Rehum hoi cakathutkung Shimshai ni Jerusalem e taminaw tarannae lah Persia siangpahrang Artaxerxes teh hettelah ca a patawn.

⁹ Ca kapatawnkungnaw teh, kaukkung Rehum hoi cakathutkung Shimshai hoi alouke a huinaw Dinai tami, Afasatkhi tami, Tarpelit tami, Persia tami, Erek, Babilon hoi Shushan tami, Dehaites tami hoi Elam tami.

¹⁰ Kaawm rae miphun thung e kacuenaw hoi ka talue e Osnapper ni san lah a hrawi teh Samaria kho dawk kaawmnaw hoi tui namran lah kaawmnaw ni,

¹¹ Siangpahrang Artaxerxes koe ca a patawn awh e teh, ka bawi poung e Artaxerxes, tui namran lah kaawm e na sannaw ni kut na man awh.

¹² Nang koehoi ka tho e Judahnaw ni kaimouh koe Jerusalem vah a pha awh teh, ka rawk e hoi tarankathaw e khopui hah bout a pathoup awh teh rapannaw hai a cum awh teh, a dunaw a sak awh lahun tie hah siangpahrang ni panuek na seh.

¹³ Hete khopui a pathoup awh teh rapan he a cum awh toteh, tamuknaw hoi hnopai phu naw, laikaww phu naw poe han na ngai awh hoeh vaiteh, a hnukkhu toteh siangpahrang hanelah rawknae koe a pha han tie hah siangpahrang ni panuek naseh.

¹⁴ Siangpahrang im e palawi ka palem e lah o awh dawkvah, siangpahrang ni banghai ngai hoeh e kâhmo han ka ngai awh hoeh.

¹⁵ Hatdawkvah, mintoenaw ni hno pâkhuengnae noutnae cauk dawk a tawng awh nakungnai, hote cauk dawk a hmu toteh, hete kho heh tarankathaw kho doeh tie hai, siangpahrang ni a uk nahanelah a thakasai e doeh tie hoi, taran poe a thaw awh kecu dawkvah, ka rawk e doeh tie panue thai nahanelah, hete ca na patawn awh teh, siangpahrang na na thaisak awh e doeh.

¹⁶ Hete kho pathoup awh teh na cum awh pawiteh, tui namran lah uk thainae kâ na tawn thai mahoeh toe tie siangpahrang nang koe na thaisak awh, telah atipouh awh.

¹⁷ Hattoteh siangpahrang ni ca let a patawn, kaukkung Rehum, cakathutkung Shimshai hoi alouke a huinaw hoi Samaria ram hoi tui namran lah kaawm e nangmouh koe roumnae awm naseh.

¹⁸ Kaimouh ca na patawn e teh ka hmalah kahawicalah a touk awh.

¹⁹ Hahoi kâ ka poe e patetlah a tawng awh. Hete kho heh yampa vah siangpahrang koe taran a thaw awh teh hatnae tueng dawk taranthawnae hoi runae ouk ao bawi tie hah ka panue.

²⁰ Jerusalem vah, athakaawme siangpahrang, tui namran totouh ka uk thai e siangpahrang hai la ao bawi toe, tamuk hoi hnopai phu hoi laikaww phunaw hai a canei awh.

²¹ Ahnimanaw hah kâhat sak awh, kâ ka poe hoe roukrak teh kho hah pathoup awh na hanh naseh.

²² Bangkongmaw siangpahrang hanelah rawknae koe ka phat sak hane hno hah a sak awh han vaw, telah a ti.

²³ Hattoteh siangpahrang Artaxerxes e ca hah Rehum hoi cakathutkung Shimshai hoi a huinaw ni a touk awh hnukkhu, karang poung lah Jerusalem Judahnaw onae koe a cei awh teh a thawnaw hah thama lahoi a ngang pouh awh.

²⁴ Hat toteh, Jerusalem e BAWIPA im saknae a kâhat awh. Persia siangpahrang Darius a bawinae kum hni totouh sak thai awh hoeh.

5

Bawkim sak bout a kamtawng awh

¹ Hatnavah, profet Haggai hoi Iddo capa Zekhariah e taminaw ni Judah ram hoi Jerusalem kaawm e Judah taminaw koe Isarel Cathut min lahoi lawk a dei awh.

² Hat toteh, Shealtiel capa Zerubbabel hoi Jozadak capa Jeshua ni Jerusalem kaawm e Cathut e im sak hanelah bout a kamtawng awh. Ahnimouh kabawm hanelah Cathut e profet teh ahnimouh koevah ao.

³ Hatnavah, tui namran ka uk e Tattenai hoi Shetharbozenai hoi a huinaw a cei awh teh, hettelah ahnimouh koe a dei pouh awh. Hete im sak hane hoi rapan cum hanelah apini maw kâ na poe, telah atipouh.

⁴ Hete ka sak e tami e min hah apimaw telah a pacei awh ei,

⁵ Darius siangpahrang koe e ca a tho hoehroukrak thaw kâhat hoeh nahanelah, Cathut ni Judah tami kacuenaw hah a mit hoi a khet. Hatdawkvah, kaukkungnaw ni thaw ngang thai pouh hoeh.

⁶ Hethateh, Tattenai taminaw ca a patawn awh e doeh. Tui namran kaukkung hoi Setharbozenai hoi a hui tui namran kaawm e Afasat tinaw ni Darius koe ca a patawn awh.

⁷ Hettelah a thut awh teh a patawn awh. Siangpahrang Darius koevah roumnae awm lawiseh.

⁸ Hete hno heh siangpahrang ni panuek naseh, Judah ram vah Cathut e bawkim talung kalenpounge naw hoi lungphen e avan vah thingnaw a ta awh teh karanglah a sak awh e naw koe ka cei awh.

⁹ Hahoi, hete im sak hane hoi rapan cum hanelah apinimaw kâ na poe telah kacuenaw ka pacei awh.

¹⁰ Kahrawikungnaw e min ka thut awh teh kamcengcalah ka panue awh nahanelah ka pacei awh.

¹¹ Ahnimouh ni hettelah a dei awh, Talai hoi kalvan Cathut e san lah doeh ka o awh. Kaloum tangcoung e kumnaw daw k sak tangcoung e, Isarel siangpahrang kalenpounge tami buet touh ni sak tangcoung e hah kaimouh ni ka pathoup awh e doeh.

¹² Mintoenaw ni kalvan e Cathut a lungkhuek totouh ao awh dawkvah, Khaldean tami Babilon siangpahrang Nebukhadnezar e kut daw k poe awh. Ahni ni hete im a raphoe teh taminaw hah Babilon lah a hrawi.

¹³ Hatei, Babilon siangpahrang Sairus, a bawinae apasuek kum vah, siangpahrang Sairus ni Cathut im bout sak hanelah kâ a poe.

¹⁴ Hahoi Cathut e im daw k e sui ngun hoi sak e hnopai Jerusalem Cathut bawkim thung hoi Nebukhadnezar ni a la teh Babilon e bawkim thung vah a kâenkhai e hah siangpahrang Sairus ni bawkim thung hoi bout a tâcokhai teh tami buet touh Sheshbazzar ram kaukkung hanelah a poe.

¹⁵ Hahoi ahni koevah, hete hnopai lat nateh cet lawih, Jerusalem e bawkim daw k hrueng hanh. Hote bawkim teh amae hmuen koe sak naseh telah ati.

¹⁶ Hahoi teh, Sheshbazzar hai a cei van, Jerusalem bawkim adu ung teh hahoi atu totouh sak e doeh.

¹⁷ Hatdawkvah, siangpahrang ni ahawi tetpawiteh, hotnaw teh atangkatang maw, Babilon siangpahrang hnopai im daw k tawng naseh. Hahoi, siangpahrang ni hete kong daw k ngai e patetlah dei naseh, telah ati awh.

6

Darius kâpoe e

¹ Hahoi siangpahrang Darius ni kâ a poe teh Babilon râw kuemnae koe, cauk tânae dawk a tawng aw h.

² Hat toteh, Medes ram Akhametha kho e siangpahrang im vah cakalawng e a hmu aw h. Hawvah kahawicalah tâ hanelah hettelah thut lah ao.

³ Jerusalem e Cathut e im teh siangpahrang Sairus ni a bawinae kum nah hettelah kâ a poe, thuengnae khoungroe im teh bout sak e lah awm seh, adu hai kacaklah ung naseh.

⁴ A rasang e dong 60, akaw e dong 60, talung kalenpounge coung thum touh lah pacoung hnukkhu, a katha e thing hoi boutbout pacoung sin naseh. Aphunaw hateh siangpahrang e hnopai hoi poe lah ao han.

⁵ Hahoi Cathut e im daw k e sui, ngun hoi hnopai Nebukhadnezar ni Jerusalem lah a ceikhai teh Babilon vah a kâenkhai e naw hah bout poe naseh, Jerusalem e bawkim amae hmuen koevah ceikhai vaiteh Cathut e im daw k bout hrueng naseh.

⁶ Hatdawkvah, tui namran kaukkung Tattenai hoi Setharbozenai hoi tui namran lah kaawm e a hui Afasat taminaw hah hnai aw h hanh.

⁷ Hete BAWIPA e bawkim sak e daw k runae poe aw h hanh. Judah kahrawikungnaw hoi Judah kacuenaw ni Cathut e im teh amae hmuen koe bout sak naseh.

⁸ Hahoi sak e kabawp hanelah kâ na poe aw h, thaw a hmacawn nahanelah, tui namran kaniloumlae tamuk teh, siangpahrang e hnopai thung hoi poe lah ao han.

⁹ Panki e patetlah kalvan Cathut koe hmaisawi thueng nahanelah maitoca thoseh, tutan thoseh, tuca thoseh, cakang, misur, satui hai thoseh, Jerusalem kaawm e vaihmanaw ni a dei e patetlah hnintangkuem hnan laipalah, poe aw h naseh.

¹⁰ Hat toteh, kalvan Cathut koe hmu itui thuengnae pout laipalah siangpahrang hoi a ca hringsaw thai nahanlah a ratoum thai aw h han.

¹¹ Hete lawk ka ek e tami teh, a im khom phawk pouh vaiteh bout ung e daw k ama hai bang vaiteh, a im teh vaipuen lah tho sak han telah, kâ ka poe.

¹² Hahoi, hawvah a min kaawm sak e BAWIPA ni Jerusalem e Cathut im raphoe hanelah a kâcai. teh, kut ka dâw e siangpahrang hoi a ram pueng teh raphoe pouh e lah awm naseh telah, kai Darius ni kâ poe e patetlah roup tarawi naseh.

Bawkim cumnae hoi hnawngnae

¹³ Hahoi teh, tui namran lah kaukkung Tattenai hoi Setharbozenai hoi a huinaw ni Darius e ca a hmu aw h e patetlah a sak aw h,

¹⁴ Hahoi profet Haggai hoi Iddo capa Zekhariah ni a dei roi e lawk kecu daw k Judah kahrawikungnaw ni kahawicalah a sak aw h. Isarel Cathut e kâpoelaw k patetlah Persia siangpahrang Sairus hoi Darius hoi Artaxerxes tinaw ni kâ poe e patetlah a sak aw h teh a cum aw h.

¹⁵ Hote im teh siangpahrang Darius a bawi kum 6nae, Adar thapa hni 3 nah a cum aw h.

¹⁶ Isarel catoun, vaihmanaw hoi Levih miphun, san daw k hoi ka tâcaw t e ni Cathut e im teh pout laipalah lunghawicalah a sak aw h.

¹⁷ Hete im saknae dawkvah maitotan 200, tuca 400 touh a poe awh. Hahoi Isarelnaw hanelah yon thuengnae dawk Isarel miphun yit touh hoiyah hmae 12 touh.

¹⁸ Mosi e cauk dawk thut e patetlah Jerusalem e Cathut im thaw tawk hanelah vaihmanaw hoi Levihnaw hah ahuhu lahoi ao sak awh.

Ceitakhai pawī hnonae

¹⁹ Hahoi, san dawk hoi kahloutnaw ni thapa pasuek, hnin 14 nah ceitakhai pawī a sak awh.

²⁰ Vaihmanaw hoi Levih miphunnaw amamouh kâthoung sak teh abuemlahoi a thoung awh. Hahoi ceitakhai pawī nah san dawk hoi kahloutnaw hoi a hmaunawngaha vaihmanaw hanelah tu a thei awh.

²¹ Hahoi Isarel catoun san dawk hoi kahlout ni teh Isarel BAWIPA Cathut ka tawng ni teh alouke ramnaw e lawk ngai laipalah, a yonnae naw thoung sak e pueng hoi a canei awh.

²² Lung kanawmcalah tawn phuen hoeh e pawī hah hnin sari touh thung a sak awh. Bangkongtetpawiteh, BAWIPA ni ahnimanaw teh a lunghawi sak. Isarel Cathut e im saknae dawk a kut tha ao sak nahanelah Assiria siangpahrang e lungthin hah ahnimouh koe lah a kamlang sak.

7

Ezra a thonae

¹ Hathnukkhu, Persia siangpahrang Artaxerxes a bawi lahun nah Ezra teh Babilon hoi a tho. Seraiah teh Azariah capa doeh, Azariah teh Hilkiyah capa doeh.

² Hilkiyah teh Shallum capa doeh, Shallum teh Zadok capa doeh, Zadok teh Ahitub capa doeh.

³ Ahitub teh Amariah capa doeh, Amariah teh Azariah capa doeh.. Azariah teh Meraioth capa doeh.

⁴ Meraioth teh Zerariah capa doeh, Zerariah teh Uzzi capa doeh, Bukki teh Abishua capa doeh, Abishua teh Phinehas capa doeh.

⁵ Phinehas teh Eleazar capa doeh, Eleazar teh vaihma bawi Aron capa doeh.

⁶ Babilon hoi ka tho e cakathutkung Ezra teh Isarel BAWIPA Cathut ni Mosi koe poe e kâlawnaw kathoum poung e lah ao. Ahnie lathueng vah BAWIPA Cathut ni a kut hoi a okhai e patetlah siangpahrang ni a hei e naw pueng hah a poe.

⁷ Hahoi, siangpahrang Artaxerxes a bawinae kum 7 nah, Isarel catoun tangawn, vaihma tangawn, Levih catoun tangawn, la kasaknaw tangawn, longkha karingkungnaw tangawn, Nethinim taminaw tangawn teh Jerusalem lah a ceitakhang awh.

⁸ Hahoi siangpahrang a bawinae kum 7 thapa yung 5 nah, Ezrah teh Jerusalem vah a pha.

⁹ Thapa yung apasuek apasuek hnin vah Babilon hoi a tâco teh Cathut ni ahni koe a okhai teh, thapa ayung panga, apasuek hni vah Jerusalem vah a pha.

¹⁰ Bangkongtetpawiteh, Ezra ni Cathut e lawk a tawng teh tarawi hane hoi Isarelnaw phunglam hoi hringnuen cangkhai hanelah a lungthin hoi a kâcai.

¹¹ Hethateh, siangpahrang Artaxerxes ni vaihma Ezra, ca kathutkung, BAWIPA e kâpoelawnaw hoi Isarelnaw hanelah, phunglawknaw kathoum e tamī koe a patawn e ca doeh.

¹² Siangpahrangnaw e siangpahrang Artaxerxes ni vaihma Ezra, kalvan e Cathut e kâlawk ka thut e koe kakuep e roumnae awm lawiseh.

¹³ Ka ram thung kaawm e Isarelnaw, vaihmanaw hoi Levihnaw hah Jerusalem lah cei hane ka ngai e tami pueng nang koe cei hanelah kâ ka poe.

¹⁴ Na sin e Cathut e kâlawk patetlah Judah ram hoi Jerusalem e kong teh rip hane lah,

¹⁵ Jerusalem kaawm e Isarel Cathut dawc lungthoungnae lahoi siangpahrang hoi lawkcengkungnaw ni poe e tangka hoi suinaw ceikhai hanelah siangpahrang hoi lawkcengkung 7 touh a patoun e doeh.

¹⁶ Babilon ramnaw dawc na hmu e naw pueng sui ngun ma lungthonae lahoi taminaw hoi vaihmanaw ni a poe e Jerusalem e Cathut im hanelah lunghawicalah poe e naw doeh.

¹⁷ Hahoi hote sui ngun hoi maitotan thoseh, tutan thoseh, tuca thoseh ca hane hoi nei kawi thueng nahanelah, tawngtang na ran aw h han. Telah pawiteh Jerusalem vah kaawm e nangmae Cathut im dawc e khoungroe dawc na thueng aw h han.

¹⁸ Sui ngun hai kacawie naw pueng teh na Cathut a hnâbo e patetlah nang hoi na hmaunawngnanaw hoi ahawi na ti aw h e patetlah na kâdei aw h han.

¹⁹ Na Cathut im thawtawknae dawc hnopai poe e naw pueng teh Jerusalem e Cathut im dawc na tâ aw h han.

²⁰ Na Cathut e im saknae dawc panki e alouke awm pawiteh siangpahrang e hnopai na hno aw h han.

²¹ Kai siangpahrang Artaxerxes ni tui namran lae hnopai kakhoumkungnaw teh, vaihma Ezra, kalvan Cathut e kâlawk kathutkung ni a hei e naw pueng hah,

²² ngun talen 100, cakang hmuen 100, misurtui um 100, satuium 100, palawi naw poe aw h loe telah kâ ka poe.

²³ Kalvan Cathut ni kâ poe naw pueng, hot patetlah kalvan Cathut e im hanelah sak naseh, lungkhueknae teh siangpahrang hoi a canaw e lathueng bangkongmaw khuet ao han vaw.

²⁴ Vaihmanaw hoi Levih miphunnaw, la kasaknaw hoi longkha karingkungnaw hoi Nethinimnaw, hete Cathut e im dawc thaw katawknae heh tamuk thoseh, hnopai phu thoseh, laikawc phu thoseh na cawi sak aw h mahoe telah na thaisak aw h.

²⁵ Nang Ezra, na tawn e Cathut ni lungangnae na poe e patetlah tui namran lah kaawmnaw lawkceng pouh hane kahrawikungnaw hoi lawkcengkungnaw hoi Cathut e kâlawk kapanueknaw hah thaw poe aw h, ka panuec hoeh e naw hah pâtu aw h.

²⁶ Na Cathut e kâlawk hoi siangpahrang e kâlawk ka ngai hoeh e tami teh a due totouh thoseh, ram thung hoi pâlei totouh thoseh, hnopai la pouh e totouh thoseh, thongim paung e totouh thoseh, lawkcengnae ao han, telah a ti.

²⁷ Jerusalem e BAWIPA im ahawi nahanelah siangpahrang heh, het-telah e lungthin ka tawn sakkung hoi, lawkcengkungnaw hmalah hoi siangpahrang kalen min kamthang katang naw e hmalah kai lathueng lungmanae kamnueksakkung mintoenaw e Jehovah Cathut teh, pholen lah awmseh.

²⁸ Hottelah kaie Cathut BAWIPA bawilennaec kecu dawc, kai teh ka thao teh, kai hoi cungtalah kâbang hane Isarel kacuenaw hah ka kamkhuengsak.

8

Imthung kahrawikung koe kabawinaw

¹ Hetnaw teh siangpahrang Artaxerxes a bawi lahun nah Babilon hoi kai koe ka tho e imthung kahrawinaw ca catounnaw doeh.

² Phinehas capanaw thung hoi Gershom, Ithamar capanaw thung hoi Daniel, Devit capanaw thung hoi Hattush.

³ Shekaniah capanaw, Parosh capanaw, Zekhariah koe touk lah kaawm e tongpa 150.

⁴ Pahathmoab capa thung hoi Zeremiah capa Eliehoenai koe kaawm e tongpa 200.

⁵ Shekaniah capanaw thung hoi Benjahaziel koe kaawm e tongpa 300.

⁶ Adin capanaw, Jonathan capa, Ebed koe kaawm e tongpa 50.

⁷ Elam capanaw thung hoi Athaliah capa Jeshaiah koe kaawm e tongpa 70.

⁸ Shephatiah, capanaw thung hoi Maikel capa Zebadiah koe kaawm e tongpa 80.

⁹ Joab capanaw thung hoi Jehiel capa Obadiah koe kaawm e tongpa 218.

¹⁰ Shelomith capanaw thung hoi Benjosiphiah koe kaawm e tongpa 160.

¹¹ Bebai capanaw thung hoi Bebai capa Zekhariah koe kaawm e tongpa 28.

¹² Azgad capanaw thung hoi Hakkatan capa Johanan koe kaawm e tongpa 110.

¹³ Adomikam capanaw thung hoi hnukteng e taminaw teh Eliphelet, Jeuel, Shemaiah hoi tongpa 60.

¹⁴ Bigvai capanaw thung hoi Uthai hoi Zabud, koe kaawm e tongpa 70 touh hoi.

¹⁵ Ahava palang vah ka kamkhueng awh teh hawvah hnin 3 touh ka o awh. Hahoi, tamihupui hoi vaihmanaw ka khet navah Levih catounnaw ka hmawt hoeh.

Bawkim thaw katawknaw

¹⁶ Hahoi teh, kahrawikungnaw, Eliezer, Ariel, shemaiah, Elnathan, Jarib, Elnathan, Nathan, Zekhariah hoi Meshullam kahrawikungnaw lawk ka thaipanuek e Joiarib hoi Elnathan tinaw hai.

¹⁷ Kasiphia hmuen ka uk e Iddo koevah tami ka patoun teh Cathut e im dawk thaw katawknaw thokhai hanelah Kasiphia hmuen e Iddo hoi a hmaunawngnga Nethinim taminaw koevah bangtelamaw dei han tie lawk ka thui.

¹⁸ Cathut ni na pahrennae dawkvah hnâ kathaipanueknaw, Mahli capa thung hoi Levih capanaw, Isarel thung hoi Sherebiah capanaw a hmaunawngghanaw 18 touh hoi.

¹⁹ Hashabiah, Merari capanaw thung hoi Jeshaiah, a hmaunawngghanaw hoi a capanaw 20 touh.

²⁰ Nethinim taminaw, Devit hoi kahrawikungnaw ni Levih taminaw thaw tawk hanelah poe e naw thung dawk hoi Nethinim tami 220 touh hoi kai koe a thokhai teh abuemlah a min thut pouh e lah ao.

Roum nahanelah rawcahai ratoumnae

²¹ Hahoi, kamamouh, camonaw hoi hnopainaw abuemlahoi ama koe lamkalan ka hmu thai awh nahan hoi kamamouh Cathut hmalah kârahnoum thai awh nahan, Ahava palang teng vah rawcahai hane ka dei pouh.

²² Bangkongtetpawiteh, Cathut minhmai kahawi ka tawng e taminaw koe a lungmanae teh a o, a bahu hoi a lungkhueknae teh ama ka cettakhai e taminaw lathueng vah a o, telah siangpahrang koe ka dei pouh toung dawkvah, lam tarannaw e kut dawkh hoi na kabawm hanelah ransa hoi marangransanaw siangpahrang koe ka dei pouh hane hah kaya tho e lah ka pouk.

²³ Hahoi, rawca ka hai aw hah teh, Cathut koe Atangcalah ka hei aw hah teh, ka hei aw hah e patetlah na thai pouh.

Bawkim hanlah hno poe e

²⁴ Hahoi teh, vaihma kahrawikungnaw thung dawkh hoi 12 touh, Sherebiah hoi Hasabiah a hmaunawngnaw thung hoi 10 touh hah ka hmoun.

²⁵ Hahoi, siangpahrang lawkcengkungnaw hoi kahrawikungnaw hoi hawvah kaawm e Isarel taminaw abuemlah ni Cathut e im hanelah e hno, ngun, sui hoi hnopainaw teh yawcu dawkh ka khing teh ahnimae kut dawkh ka poe.

²⁶ Yawcu dawkh khing hnukkhu ahnimae kut dawkh ka poe e teh ngun talen 650, ngun hlaam talen 100, sui talen 100 touh.

²⁷ Ka phu e suimanang 20 touh, rahum loukloukkaang ni teh sui patetlah aphu kaawm e manang kahni touh hai ka poe.

²⁸ Hahoi, ahnimouh koevah Cathut hanelah thoung sak e lah na o aw hah teh hnopainaw hai kathoung lah ao. Ngun hoi suinaw teh mintoenaw e BAWIPA Cathut hanelah lungthocalah hoi poe e naw doeh.

²⁹ Vaihma kacuenaw, Levihnaw hoi Isarel kahrawikung hmalah Jerusalem kaawm e BAWIPA imrakhan dawkh na ta aw hah hoehroukrak teh kahawicalah khenyawn aw hah telah, ka dei pouh.

³⁰ Hahoi vaihmanaw Levihnaw ni Jerusalem kaawm e BAWIPA im dawkh ceikhai hanelah ngun, suinaw hoi hnopainaw hah a daw aw hah.

Jerusalem bannae

³¹ Hahoi, Jerusalem lah cei hanelah thapa pasuek, hnin 12 nah Ahava palang hoi ka tãco aw hah. Hahoi BAWIPA ni na pahren aw hah teh tarannaw e kut hoi lam vah arulaho ka pawm e a kutnaw dawkh hoi na ring aw hah.

³² Jerusalem ka pha aw hah teh hnin thum touh kãhat aw hah.

³³ Hnin 4 hnin teh ngun, sui hoi hnopainaw hah BAWIPA e im dawkh ta hanelah vaihma Uriah capa Meremoth e kut dawkh ka poe. Ahni koe Phinehas capa Eleazar ao. Hahoi ahni koe Levih miphun Jeshua capa Jozabad hoi Benui capa Noadiah ao.

³⁴ A khing e abuemlah hoi koung khing aw hah teh kong a poe aw hah, Hatnavah a khing hot yit touh tie kong a thut aw hah.

³⁵ San lah hrawi e camonaw, san lah onae koehoi kahloutnaw ni Isarel cathut koevah hmaisawi thuengnae a sak aw hah teh Isarelnaw abuemlah hanelah maitotan 12, tutan 96, tuca 77, yon thueng nahanelah hmaetan 12 touh. Hetenaw abuemlah he BAWIPA koe hmaisawi thuengnae naw doeh.

³⁶ Siangpahrang e kãlawk patetlah, siangpahrang imthung thaw katawknaw hoi tui na ram kaukungnaw koe a dei pouh aw hah. Hot patetlah Cathut im hai tamimaya koevah hno a poe aw hah.

¹ Hathnukkhu, kahrawikungnaw ni Isarelnaw hoi vaihmanaw, Levih-naw hoi ram thung kaawmnaw hoi a kambawng aw hoi teh Kanaan, Hit, Periz, Jebusit, Ammon, Moab, Izip taminaw hoi Amor taminaw panuetho e hno a sak aw h.

² Bangkongtetpawiteh, a canu hoi a capanaw a kâokhai sak aw h. Hat toteh, ka thoung e cati teh ram thung kaawmnaw hoi a kâkalawt toe. Kahrawikungnaw hoi lawkcengkungnaw ni doeh a kamtawng aw h, telah ati aw h.

³ Hote kong ka thai navah ka angki hoi ka hni ka phi teh ka sam hoi ka pâkhamuen ka phawk teh ngaih mang lah sut ka tahung.

⁴ Hahoi, san daw k hoi ka hlout e taminaw e yon kecu daw k Isarel Cathut e lawk ka ngai e taminaw teh kai koe a tho aw h teh tangmin lah thuengnae tueng totouh sut ka tahung.

⁵ Hahoi tangmin thuengnae tueng nah ka angki hoi ka hni ka phi e hoi kathâw teh, ka khok ka cuengkhuem laihoi ka BAWIPA Cathut koe lah kut ka dâw.

⁶ Oe ka Cathut nang koe kamlang e kaya teh ka minhmai koug paling toe. Oe ka Cathut kaimouh ni ka sakpayon e naw teh kamamouh e lû hlak a rasang teh, yonpenae teh kalvan totouh a pha toe.

⁷ Mintoenaw koehoi kamtawng teh atu totouh yonpen e lah ka o aw h. Kaimouh ka yon kecu daw k siangpahrangnaw vaihmanaw hoi kamamouh atu totouh ramlouk e siangpahrangnaw kut daw k ka pha aw h teh, tahloi hoi theinae, santoungnae lawpnae, yeirainae kâhmo aw h.

⁸ Atuvah, maimae BAWIPA Cathut ni, maimanaw na hlout sak teh, na hring sak hnukkhu, ka thoung hmuen koe na o sak e heh lungmanae doeh. Maimae BAWIPA ni san daw k hoi na hlout sak teh kâhatnae bout na poe aw h.

⁹ Bangkongtetpawiteh, maimouh teh san lah doeh o aw h, hateiteh san onae dawkvah Cathut ni na cettakhai hoeh. Maimanaw bout hlout nahanelah Cathut im kangdue sak teh ka rawk tangcoung e bout pathouh hane hoi Judah ram Jerusalem rapan bout tawn nahanelah, Persia siangpahrangnaw e mithmu vah maimouh lathueng vah a lungmanae kalen lah hoeh a kamnue sak.

¹⁰ Oe ka Cathut atu bangmaw ka dei aw h han toung. Bangkongtetpawiteh, nange kâpoelawknaw teh ka pahnawt aw h toe.

¹¹ Na san profetnaw hno lahoi kâ na poe teh, coe hanelah na kâenna e ram teh ram thung e tami kamhnawngnae niyah, a khinsak e ram lah ao teh, panuethonae hoi kamhnawngnae ni, abuemlahoi a khinsak e doeh.

¹² Hatdawkvah, na tha o aw h teh hote ram daw k hnokahawi na canei thai aw h teh, ca catounnaw hanelah na parâw thai nahanelah, na canunaw hoi a capanaw kâyuvasak hanh aw h. Na capanaw hoi a canunaw kâpaluensak hanh. Ahnima e hnopai hoi tawnta e naw noe aw h hanh, telah a ti.

¹³ Hahoi, maimae BAWIPA Cathut ni maimouh ni kamcu e yon phu na khang sak laipalah, maimouh ni payon e kahawi hoe e hno, kalenpoung yonnae daw k, hettelah kâhmo aw h nakunghai BAWIPA ni hloutnae bout na poe aw h hnukkhu,

¹⁴ Kaimouh ni na kâpoelawknaw bout ka pahnawt aw h teh, panuetho poung e hno ka sak e taminaw hoi bout kaawm aw h pawiteh, buet touh hai hlout laipalah na lungkhueknae hoi kaimouh na raphoe han na vaiyaw.

¹⁵ Oe Isarel BAWIPA Cathut, nang teh na lan. Hatei kaimouh teh kacawirae ca doeh. Sahnin ka counngnae patetlah na kenhaw! na hmalah

yonpen e lah ka o aw. Hetnaw kecu daw. na hmalah kangdout thai e apihai kaawm aw. hoe. telah ka ti.

10

Kamsoum hoe. lah kapaluennae kecu daw. yonpâphona

¹ Hahoi Cathut im koelah kangvaw. teh, tabo teh, ka laihoi Ezra ni yon ngaithoumnae a kâhei. Hatnavah Isarelnaw tamihupui napui, tongpa, camonaw ahni koe a kâracut aw. teh, tamihupui teh puenghoi a khuika aw.

² Elam catoun thung hoi Jehiel capa Shekaniah ni Ezra koevah, maimouh Cathut koevah yon sak aw. tanggak toe, hahoi hete ram daw. e miphun alouke canunaw hah yu lah paluen aw. toe. Hatei Isarelnaw hanelah ngaihawinae ao rah doeh.

³ Hatdawkvah, bawipa ni pouknae na poe e patetlah Cathut e kâpoelaw. ka bari e tami ni, yucanaw ceitakhai vaiteh maimae Cathut koe lawkkamnae sak aw. vaiteh kâlawk patetlah tarawi aw. sei.

⁴ Thaw leih, bangkongtetpawiteh, hete heh nange thaw doeh, kaimouh hai nang koe lah doeh kampang aw. Lung kacakcalah aw. m nateh, taw. leih, telah ati aw.

⁵ Hahoi, Ezra a thaw teh, vaihma bawinaw, Levih miphunnaw hoi Isarel taminaw abuemlah, hote lawk patetlah lawkkamnae a sak sak teh, Hot patetlah lawkkamnae a sak aw.

⁶ Hahoi, Ezra ni Cathut e im daw. hoi a thaw teh, Eliashib capa Jehohanan e imthung a kâen teh, hawvah rawca hai cat hoe. hoi, tui hai net laipalah ao. Bangkongtetpawiteh, san daw. hoi ka hlout e taminaw yonnae kecu daw. khuika laihoi ao.

⁷ San daw. hoi ka hlout e taminaw pueng Jerusalem vah kamkhueng hanelah,

⁸ Kahrawikung. naw hoi kacuenaw ni a dei e patetlah hnin 3 touh thung ka tho hoe. hoi e tami teh, san hloutnae daw. hoi pâlei vaiteh, a tawnta e hnopai pueng lawp vaiteh, ama hai pâlei lah ao han telah, Jerusalem hoi kamtawng teh Judah ram totouh a pathang aw.

⁹ Hot patetvanlah Judahnaw hoi Benjamin miphun tongpanaw teh hnin 3 touh thung Jerusalem vah a kamkhueng aw. Thapa yung 9, hnin 21 nah kho puenghoi a rak dawkvah, taminaw teh Cathut e im hmalah sut a tahung aw. teh a pâyaw aw.

¹⁰ Hatnavah, vaihma Ezra ni a thaw teh ahnimouh koevah yonnae na sak aw. toe, Isarel miphun daw. yonnae a len nahanelah miphun alouke napuinaw hoi na kâpaluen aw.

¹¹ Hatdawkvah, mintoenaw e BAWIPA Cathut koe yon ngaithoum het aw, a ngainae hah sak aw. nateh, hete ram daw. e miphun alouke e na yunaw hoi kâkapek aw, telah ati.

¹² Hahoi, taminaw ni puenghoi kacailah a dei aw. e teh, bokheiyah na dei e patetlah ka sak aw. roeroe han.

¹³ Hateiteh, tami moipap aw. teh khoraknae tueng lahai bout ao, alawilah kaimouh pou kangdout thai mahoe. hoi, hahoi hnin hnin touh hoi sak hane lahai tho hoe. hoi, bangkongtetpawiteh, hete hno daw. tami moikapap ni yonnae sak aw. toe.

¹⁴ Tamimaya e yueng lah kahrawikung. naw ni mah na pouk pouh lawiseh. Kaimae lathueng vah kalenpounge BAWIPA lungkhueknae a roum nahanelah mae kho daw. Jentelnaw yu lah paluen e khonaw daw.

e kahrawikungnaw hoi lawkcengkungnaw ni a tueng khoe e dawk rip tho aw h naseh telah, ati aw h.

¹⁵ Asahel capa Jonathan hoi Tikvah capa Jahaziah ni hnâ bawt roi hoeh, hatei Levih miphun Meshullam hoi Shabbethai ni teh hnâ a bo roi.

¹⁶ Hahoi san daw hoi kahloutnaw ni hottelah a sak aw h. Vaihma Ezra ni imthung kahrawikungnaw thung hoi minnaw a la e patetlah thapa ayung 10 nae, apasuek hnin navah hote kong kâdei hanelah a kamkhueng aw h.

¹⁷ Hahoi Thapa yung pasuek, apasuek hnin nah, miphun alouke yu lah ka lat e kong kâdei e teh a cum aw h.

Miphun alouke yunaw pahnawt aw h

¹⁸ Hahoi, vaihma capanaw thung daw hoi miphun alouke yu lah ka lat e taminaw teh, Jeshua hoi a hmaunawng h thung e Jozadak capa hoi a hmaunawng h Maaseiah, Eliezer, Jarib hoi Gedaliah tinaw doeh.

¹⁹ Ahnimanaw ni a yunaw kapek hanelah lawk a kam aw h. Yon pâphonae daw k ngaithoum lah o nahanelah, tutan buet touh hoi thuengnae a sak aw h.

²⁰ Immer catoun thung hoi Hanani hoi Zebadiah.

²¹ Harim catoun thung hoi Maaseiah, Elijah, Shemaiah, Jehiel hoi Uziah.

²² Pashhur catoun thung hoi Elioenai, Maaseiah, Ishmael, Nethanel, Jozabad hoi Eleasah tinaw doeh.

²³ Levih miphunnaw thung hoi Jozabad, Shimei, Kalaiah, Pethahiah, Judah hoi Eliezer tinaw doeh.

²⁴ La kasaknaw thung hoi Eliashib, longkha karingkungnaw thung hoi Telem hoi Uri tinaw doeh.

²⁵ Isarelnaw thung hoi Parosh capa thung hoi Ramiah, Jeriah, Malkhijah hoi Benaiah.

²⁶ Elam capa thung hoi Mattaniah, Zekhariah, Jehiel, Abdi, Jerimoth hoi Elijah tinaw doeh.

²⁷ Zattu capanaw thung hoi Elioenai, Eliashib, Mattaniah Jerimoth, Zabad hoi Aziza tinaw doeh.

²⁸ Bebai capanaw thung hoi Jehohanan, Hananiah, Zabai hoi Athlai.

²⁹ Bani capanaw thung hoi Meshullam, Malluck, Adaiah, Joshub, Sheal hoi Jerimoth tinaw doeh.

³⁰ Phathmoab capanaw thung hoi Adna, Khelal, Benaiah, Maaseiah, Mattaniah, Bezalel, Binnui, hoi Manasseh tinaw doeh.

³¹ Harim capanaw thung hoi Eliezer, Isshijah, Malkhijah, Shemaiah, Simeon.

³² Benjamin, Malluck hoi Shemariah tinaw doeh.

³³ Hashum capanaw thung hoi Mattenai, Mattattah, Zabad, Eliphelet, Jeremai, Manasseh hoi Shimei tinaw doeh.

³⁴ Bani capanaw thung hoi Maadai, Amram, Uel.

³⁵ Benaiah, Bedeiah, Kheluh.

³⁶ Vaniah, Meremoth, Eliashib.

³⁷ Mattaniah, Mattenai, Jaasu.

³⁸ Bani, Binnui, Shimei.

³⁹ Shelemiah, Nathan, Adaiah.

⁴⁰ Maknadebai, shashai, Sharai.

⁴¹ Azarel, Shelemiah, Shemariah.

⁴² Shallum, Amariah, hoi Joseph tinaw doeh.

⁴³ Nebo capanaw thung hoi Jeiel, Mattithiah, Zabad, Zebina, Iddo, Joel hoi Benaiah tinaw doeh.

⁴⁴ Hetnaw pueng teh miphun alouke yu lah ka lat e taminaw doeh, tami tangawn ni a yunaw koehoi ca catoun a hmu awh.

NEHEMIAH (The Book of Nehemiah)

Jerusalem bout a ban awh

¹ Hacialiah capa Nehemiah e lawk teh, Artaxerxes abawinae kum 20, Khislev thapa, siangpahrang khopui Shushan im ka o navah,

² ka nawnggha Hanani hoi Judah ram e tami tangawn a tho awh teh Judah taminaw san dawh hoi ka hlout ni teh kaawm rae naw hoi, Jerusalem e a kongnaw hah ka pacei.

³ Ahnimouh ni kai koevah, san thung hoi ka tâcawt ni teh hot ram dawh kaawm aw hoi rae naw ni, kalenpoung roedengnae hoi hnepnapnae thung ao aw hoi. Jerusalem rapan pueng a rawp teh longkhanaw hmai koug a kak telah a dei aw hoi.

Nehemiah ratoumnae

⁴ Hote lawk ka thai navah ka tahung teh ka kâ. A hnin moikasawlah ka lung a mathoe teh rawcahai lahoi kalvan kaawm Cathut koe ka ratoum e teh,

⁵ Oe kalvan kaawm e Jehovah Cathut, kalen ni teh takikatho poung e Cathut, nang lungpataw niteh, na kâpoelawknaw ka tarawi e lathueng vah, lawkkam na kuep sak teh lungmanae kamnueksakung,

⁶ Isarelnaw hanelah, na hmalah amom tangmin ka ratoum teh Isarelnaw lah kaawm e kaimouh ni ka sakpayon e yonnaw ka pâpho aw hoi teh ka kâhei aw hoi e naw hah sahnin na thai pouh haw.

⁷ Kai hoi ka miphunnaw ni ka payon aw hoi toe. Cathut nang koe ka yon aw hoi teh, panuethopoung hno ka sakpayon aw hoi toe. Na san Mosi koe na poe e kâpoelawknaw, phunglawknaw, lawkcengnaenaw ka tarawi aw hoi hoeh toe.

⁸ Na san Mosi koevah yuemkamcu lah na awm aw hoi hoehpawiteh miphun pueng kâkapek sak han.

⁹ Hatei kai koe bout na ban aw hoi teh kâpoelawknaw bout na tarawi aw hoi pawiteh kalvan rahim ahla poungnae koe pâlei e lah na o aw hoi nakunghai, hote hmuen koe hoi bout na pâkhueng vaiteh ka min o nahan ka rawi e hmuen koe na ceikhai han telah Mosi koe lawk na poe e hah pahnim hanh lah.

¹⁰ Atuvah taminaw teh kalenpoung na thaonae hoi karang poung e na kut hoi na ratang e taminaw doeh.

¹¹ Oe BAWIPA na san ni ratoumnae hoi na min ka bari e na sannaw ratoumnae lawk hah na thai pouh haw. Na san heh sahnin yawhawinae poe haw. Hete tami hmalah minhmai kahawi na hmawt sak haw telah ka ratoum. Hatnavah kai teh siangpahrang e manang kuenkung lah ka o.

2

Nehemiah Jerusalem a cei

¹ Siangpahrang Artaxerxes bawi kum 20, Nisan thapa nah misurtui ka la teh, siangpahrang hah ka poe. Ha hoehnahlan teh, a hmalah ka minhmai mathout boihoeh.

² Siangpahrang ni bangkongmaw na minhmai a mathoe. Patawnae hai na tawn hoeh. Alouke bang mahoe, na lungthung hoi lungmathoe e doeh kaawm telah na ti pouh.

³ Kai ni hai siangpahrang na hringsaw seh. Ka mintoenaw onae khopui a rawk teh longkhanaw hmai koung a kak navah, minhmai mathout laipalah bangtelamaw ka o thai han telah ka ti pouh.

⁴ Siangpahrang ni bangmaw hei han na ngai telah na pacei. Hahoi, kalvan kaawm e Cathut koe ka ratoum.

⁵ Siangpahrang koevah, siangpahrang na lungkuiep boillah, na san ni minhmai kahawi kahmawt pawiteh, ka mintoenaw onae khopui bout ka pathout thai nahanelah, Judah kho ka cei thai nahanlah ka kâhei telah ka ti pouh.

⁶ Siangpahrangnu hai ateng vah a tahung teh, siangpahrang ni nâyittouh maw na ro han. Nâtuék maw bout na ban han telah na pacei. Hahoi kai ni atueng ka khoe teh, siangpahrang ni lunghawicalah na cei sak.

⁷ Hahoi siangpahrang koevah, siangpahrang na lungkuiep pawiteh tui namran lah kaawm e lawkcengkungnaw ka kâhmo nah Judah ram totouh ka cei thai nahanlah ca na thun pouh haw.

⁸ Siangpahrang e ratu ka ring e Asaph koe, Bawkim longkha hoi longkha khomnaw hane, khorapan hoi ka o nahane im han lah thing na poe nahane hoi kâpoenae ca hai na poe nahanelah ka hei e patetlah, Cathut pahren lahoi Siangpahrang ni kai koe na poe.

⁹ Hahoi tui namran lah kaawm e khobawinaw koe ka pha teh siangpahrang koe e ca hah ka poe. Hahoi siangpahrang ni kai koevah ransabawi hoi marangransanaw hah a tha.

¹⁰ Isarel miphunnaw hanlah hnokahawi ka sak hane tami buet touh a tho tie Horon tami Sanballat hoi Ammon tami san lah kaawm e Tobiahnaw ni a thai aw h navah puenghoi a lungkhuek aw h.

¹¹ Hahoi Jerusalem vah ka pha teh hnin thum touh hawvah ka o.

¹² Tangmin vah ka thaw teh kama koe ka hrawi e tami tangawn hoi Jerusalem hanelah Cathut ni ka lungthin daw k na poe e hah alouke tami api koehai ka dei pouh hoeh. Ka kâcuie marang hloilah saring alouke banghai ka sin hoeh.

¹³ Hat hnin tangmin vah, ayawn longkha koehoi ka tâco teh khorui longkha hoi vaipuen longkha koe lah ka cei. Jerusalem rapan ka rawk e hoi longkha ka kang e naw hah ka khet.

¹⁴ Tuikhu longkha koehoi siangpahrang tuiim totouh ka cei hatei, ka kâcuie marang a cei nahan lamthung awmhoeh.

¹⁵ Hahoi tangmin vah palang kahrawng teh rapannaw ka khet. Hahoi bout ka ban teh ayawn longkha daw k hoi bout ka kâen.

¹⁶ Ka lawkcengkungnaw ni nâmw ka cei tie hoi bangmaw ka sak tie panuek aw h hoeh. Judahnaw, vaihmabawinaw, lawkcengkungnaw, hoi alouke thaw katawkkungnaw koe banghai ka dei pouh hoeh rah.

¹⁷ Hahoi teh ahnimouh koevah maimouh ni khang e roedengnae Jerusalem a rawk e, kho longkha hmai kakangnaw hai na hmu aw h toe tho aw h haw pathoena e daw k hoi hlout nahanelah Jerusalem khopui teh bout sak lei sei telah ka dei pouh.

¹⁸ Hahoi lathueng Cathut ahawinae hoi siangpahrang ni ca a thut e naw hah ka dei pouh teh, ahnimouh ni thâw aw h vaiteh sak aw h leih sei telah ati aw h. Hahoi teh hote thaw kahawi taw k hanelah a kuttha ao sak aw h.

¹⁹ Hatnavah, Horon tami Sanballat san lah kaawm e Ammon miphun Tobiah, Arab tami Geshem tinaw ni a thai aw h toeh na panuikhai aw h teh na hnepnap aw h. Hno na sak e naw heh bangmaw. Siangpahrang na taran aw h e doeh khe telah na ti pouh aw h.

²⁰ Hatnavah ahnimae lawk teh ka pathung; kalvan e Cathut ni kaimouh hanelah a kuep sak han. Hatdawkvah, Cathut e san lah kaawm e kaimouh ni ka thaw awh vaiteh ka sak awh han. Hatei, nangmouh teh Jerusalem e coe hane thoseh, kâtawn hane hai thoseh, pâkuem hane hai thoseh na tawn awh hoeh telah ka ti pouh.

3

Tapang bout saknae

¹ Hottelah vaihma kacue Eliashib teh, a hmaunawngah vaihmanaw hoi a thaw awh teh, tu longkha a pathoup awh. Hote a thounsak hnukkhu tho a sak awh. Meah imrasang hoi Hananel imrasang totouh a pathang awh teh, a thounsak awh.

² Hathnukkhu, Jeriko taminaw ni a pathoup awh. Hathnukkhu Imri capa Zakkur ni a pathoup.

³ Tanga longkha teh Hassenaah capanaw ni a pathoup awh. A taren nahanelah takhang, takhang tâphai, a rawngkhan nahanelah sumtaboung a sak awh teh, a taren awh.

⁴ Ahnimae hnukkhu, Uriah capa Hakkoz e cava Meremoth ni a pathoup. Hathnukkhu, Berekhiah capa, Meshezabel e cava Meshullam ni a pathoup. Hahoi Baana capa Zadok ni a pathoup.

⁵ Hathnukkhu, Tekoanaw ni a pathoup awh. Hateiteh khothung e a lungkahanaw ni a bawipa e thaw, aloung dawk patue han ngai awh hoeh.

⁶ Hothloilah, longkha karuem teh Paseah capa Jehoiada, hoi Besodeiah capa Meshullam ni a pathoup. A taren nahanelah tho lawng takhangnaw a sak awh.

⁷ Hathnukkhu, Gibeon tami Melatiah hoi Meronoth tami Jadon ni tui namran lah kaawm e Gibeonnaw Mizpah taminaw hoi pathoup awh.

⁸ Hathnukkhu, sui kahlun e thung hoi Harhaiah capa Uziah ni a pathoup. Hahoi hmuithi ka sak e thung hoi Hananiah ni a pathoup teh rapan kakawpoung tie Jerusalem totouh a kalup awh.

⁹ Hathnukkhu, Jerusalem khopui tangawn ka uk e Hur capa Rephaiah ni a pathoup.

¹⁰ Hahoi, Harumaph capa Jedaiah hoi a imhma lae ni pathoup. Hahoi Hashabneiah capa Hattush ni a pathoup.

¹¹ Harim capa Malkhijah hoi Pahathmoab capa Hasshub ni bout a pathoup teh imrasang daw k e takhuen hai a pathoup.

¹² Hathnukkhu, Jerusalem khopui tangawn ka uk e, Hallohesh capa Shallum ni a canunaw hoi a pathoup awh.

¹³ Ayawn daw k e longkha teh Hanun hoi Zanoah ni a pathoup. Tho taren nahane hoi longkha hai tawngtang a sak. Songnawng longkha totouh rapan a pathoup e dong 10, 000 touh a pha.

¹⁴ Songnawng longkha teh Bethhakerem khopui kaukkung Rekhav capa Malkhijah ni a pathoup. Tho a taren nahane naw hoi rawngkhan nahane naw hai tawngtang a sak.

¹⁵ Mizpah khopui kaukkung Kolhozeh capa Shallum ni tuikhu longkha a pathoup teh lempu hai a padi hnukkhu, longkha taren nahane hai tawngtang a sak. Siangpahrang takha teng e Shiloh tuiim rapan teh Devit khopui hoi cathuknae lam totouh a pathoup.

¹⁶ Ahni hnukkhu Bethzur khopui atangawn ka uk e, Azbuk capa Nehemiah ni Devit phuen tuiim hoi athakaawme taminaw e im totouh a pathoup.

¹⁷ Hathnukkhu, Levih tami Bani capa Rehum ni a pathoup. Hahoi Keilah khopui tangawn ka uk e Hasabiah ni amae khopui hanelah a pathoup.

¹⁸ Hahoi Keilah khopui tangawn kaukkung Henadad capa Bavvainaw ni a pathoup awh.

¹⁹ Ahni hnukkhu, Mizpah kho kaukkung Jeshua capa Ezer ni kâtuknae puengcang hrueknae koelah luenna a pathoup.

²⁰ Hathnukkhu, Zabbai capa Baruk ni lungthocalah hoi, alouk lae hmuen, kho takin koehoi vaihma kacue Eliashib e im takhang totouh a pathoup.

²¹ Ahni hnukkhu vah Koz capa, Uriah capa Meremoth ni Eliashib im takhang koehoi Eliashib im apout totouh a pathoup.

²² Ahni hnukkhu atengpam e vaihmanaw ni a pathoup awh.

²³ Ahni hnukkhu Benjamin hoi Hasshub ni a imhma totouh a pathoup roi. Hathnukkhu teh Ananiah capa, Maaseiah capa Azariah ni a im hma han a pathoup.

²⁴ Ahni hnukkhu Henadad capa Binnui ni Azariah im koehoi khopui rapan longkawinae koehoi khopui takin totouh a pathoup.

²⁵ Uzzai capa Palal ni imrasang longkawinae koehoi thongim teng siangpahrang im sak e im totouh a pathoup. Hathnukkhu Parosh capa Pedaiah ni a pathoup.

²⁶ Hothloilah, Nethinim tami Ophel vah kho ka sak e taminaw ni kanitholah e tui longkha totouh hoi imrasang totouh a pathoup awh.

²⁷ Hathnukkhu, Tekoa taminaw ni alawilah kadangka lae rapan koehoi Ophel imrasang totouh a pathoup awh.

²⁸ Marang longkha a lathueng lae teh, vaihmanaw ni a imhma lae lengkaleng a pathoup awh.

²⁹ Ahni hnukkhu, Immer capa Zadok ni a imhma lae a pathoup. Kanitholae longkha ramvengkung Shekariah capa Shemaiah ni a pathoup.

³⁰ Hahoi, Shelemiah capa Hananiah hoi Zalaph capa ataruk e Hanunnaw ni alouklouk lae a pathoup awh. Ahni hnukkhu, Berekhiah capa Meshullam ni a onae hmalae a pathoup.

³¹ Hathnukkhu, sui kahlunkung thung hoi Malkhijah ni Miphkad longkha hmalae Nethinim taminaw e im hoi hno kayawtnaw e im totouh hoi, a takin koe lah ceinae tangkham totouh a pathoup awh.

³² Hahoi, a takin koe lah ceinae tangkham hoi Tu longkha rahak e teh suikahlunnaw hoi hno kayawtnaw ni a pathoup awh. -

4

Thaw tawk a tarawk awh

¹ Hateiteh, hettelah ao. Sanballat ni rapan pathoupnae akong a thai toteh, puenghoi a lungkhuek teh Judahnaw hah a dudam.

² A hmaunawnganaw hoi Samaria ransanaw e hmalah lawk a dei teh, hate Judahnaw a tha kaawm hoehnaw ni bangmaw a sak thai awh han vai. Khopui bout kangdue sak hane maw a noe awh vai, thuengnae bout sak hanelah vaimoe ka kang tangcoung e talungnaw songnawng um e rasa vaiteh bout pathoup awh han vaimoe telah a dei pouh.

³ Ateng kaawm e Ammon tami Tobiah ni sak e rapannaw hah Asui ni mah luen sin pawiteh, ei ka rawm ca han atipouh.

⁴ Oe ka Cuthat na kenhaw! dudam e tami lah ka o awh. Kaimouh na pathoe e naw amamae lû dawk bawt naseh. Ahnimouh hai alouke ram buetbuet touh dawk yeiraipo van seh.

⁵ Lawkkamnae hah ramuk pouh hanh. A yonnae teh na hmalah roum sak hanh. Bangkongtetpawiteh, rapan kaphathoupnaw hmalah nang lung na khuek sak awh.

⁶ Hateiteh, kaimouh ni khopui rapan hah ka pathoup awh. Ka pathoup e taminaw teh a lungmanae a len dawkvah, khopui a tengpam hoi khopui rapan rasang tangawn totouh ka pacoung awh.

⁷ Hat navah, Sanballat hoi Tobiah hoi Arab taminaw, Ammonnaw hoi Asdodnaw ni Jerusalem rapan te pou a pathoup awh tie kong a thai awh navah, puenghoi a lungkhuek awh.

⁸ Hahoi teh, Jerusalem tarantuk hane hoi runae poe hanelah a kâcai awh.

⁹ Hateiteh, kaimouh ni Cathut koe ka ratoum awh teh, amom tangmin kâhat laipalah ramveng ka ta awh.

¹⁰ Judahnaw ni thaw katawkkungnaw teh a tâwn poung awh toe. Songnawngnaw hai apap poung, rapan pathoup thai mahoeh toe ati awh.

¹¹ Tarannaw ni hai ahnimanaw kâhruetcuat awh hoeh nah cei awh vaiteh, thawnaw raphoe pouh sei ati awh.

¹² Ahnimaie ateng kaawm e Judahnaw ni, tarannaw teh onae alouklouk lahoi tho awh vaiteh nangmouh na tuk awh han toe telah boutbout a dei awh.

¹³ Hatdawkvah, rapan e a hnukkhu lah, ka rahnoum e hmuen kathoung, hmuen dawk tahloi, tahroe, licung ka sin e taminaw hah a mipun lahoi thaw ka poe.

¹⁴ Ka thaw teh ka khet. Bawinaw, lawkcengkungnaw hoi alouke taminaw ka kaw teh, tarannaw taket awh hanh, kalenpoung hoi takikatho poung e Cathut pahnim laipalah, hmaunawngghanaw, canunaw, yunaw hoi innaw karoumcalah o thai nahan tawk awh ka ti pouh.

Thaw bout kamtawng awh

¹⁵ Tarannaw ni a noe awh e naw hah Cathut ni a raphoe pouh tie na panue sak e ka panue awh toteh, rapan pathoup hanelah mae hmuen koe lengkaleng ka ban awh teh ka tawk awh.

¹⁶ Hahoi teh, tangawn ni thaw a tawk awh, tangawn ni tahroe bahling, sumangkinaw a patuep awh. Hahoi lawkcengkungnaw teh Judah imthung e a hnuklah ao awh.

¹⁷ Rapan pathoup nahanlah hno kaphawtnaw ni hai kutvang hoi thaw tawk awh teh, kutvang hoi senehmaica a patuep awh.

¹⁸ Kaphathoupkungnaw ni tahloi hah a keng dawk a neng laihoi a tawk awh. Mongka kauengnaw teh ka teng vah, a kangdue awh.

¹⁹ Thaw a len poung teh akawpoung dawkvah, rapan e a van vah buet touh hoi buet touh kâhlat poung lah ka tawk awh.

²⁰ Hatdawkvah, mongka lawk na thai awh toteh, alouklouk lahoi kai koe na tho awh vaiteh, maimae Cathut ni taran na tuk pouh han telah, bawinaw, lawkcengkungnaw hoi alouke taminaw koe ka dei pouh.

²¹ Hottelah thaw teh ka tawk awh. tami tangawn ni khodai hoi e tangmin Âsi kamnue totouh senehmaica a patuep awh.

²² Hahoi kai ni, taminaw pueng tangmin teh Jerusalem kho thung vah ip awh. Khodai vah thaw tawk awh vaiteh, karum vah kâletta lahoi ramveng ratawng awh han telah taminaw koe ka dei pouh.

²³ Hahoi, ka nawngghanaw thoseh, ka sannaw thoseh, ka hnukkâbangnaw thoseh, amamae khohna rading laipalah, ka o awh.

5

Nehemiah ni repcoungroenae a kâhat sak

¹ Hatnavah, napui tongpanaw ni a miphun lah kaawm e Judahnaw hah a taran aw hah teh puenghoi a hramki aw h.

² Tangawn ni kaimae canunaw hoi capanaw moi apap. Ahnimanaw ka paca hane nâ e rawca namaw ka la aw h han ati aw h.

³ Tangawn ni kaimae law, takha, imnaw hoi ka pâhung aw h toe. Canei takangnae atueng nâ e maw ka hmu aw h han vah ati aw h.

⁴ Tangawn ni kaimouh ni siangpahrang koe aphawng poe hanelah law, takha naw hane tangka ka cawi aw h toe.

⁵ Atuvah maimae takthainaw teh miphun buet touh e takthai patetlah doeh ao. Maimae canaw teh ahnimae canaw patetlah doeh ao aw h. Maimae canaw hah yo vaiteh, san lah o sak han namaw. San daw k kaawm e canunaw patenghai ratang thai aw h hoeh. Law hoi misur takhanaw pueng ayânaw e kut daw k a pha toe ati aw h.

⁶ Hettelah hramnae lawk ka thai navah puenghoi ka lungkhuek.

⁷ Hahoi, kahawicalah kho ka pouk teh bawinaw hoi lawkcengkungnaw ka kaw teh, nangmouh ni na hmaunawngaha koe bangkongmaw apung na ca aw h vaw telah ka yue teh, hote kong kâpankhai nahanelah taminaw teh ka kamkhueng sak.

⁸ Jentelnaw koe kaawm e hmaunawngaha Judah taminaw hah a cOUNG thai totouh ka ratang aw h teh, nangmouh ni hmaunawngahanaw bout na yo aw h han rah maw, nangmouh ni hmaunawngahanaw bout na kâyo aw h han rah maw telah ka yue teh lawkkamuem duem ao aw h teh, pathung nahane lawk tawn aw h hoeh toe.

⁹ Hahoi kai ni, nangmouh ni na sak e hnonaw hawihoe h. Maimae taran lah kaawm e Jentelnaw ni na dudam aw h han. Nangmouh ni Cathut taki laihoi hnokahawi sak kaw i nahoe hmaw ka ti pouh.

¹⁰ Kai hoi hmaunawngaha, ka sannaw ni taminaw koehoi e hnopai hoi cainaw kârei thai aw h van nahoe hmaw. Apung canae teh pâpout aw h leih.

¹¹ Sahnin roeroe vah ahnimae law, takha, Olive takhanaw hoi imnaw amamouh koehoi na kâreikhai e cai, misurtui hoi satuinaw 100 touh daw k buet touh na la aw h e pueng hai bout poe aw h leih ka ti pouh.

¹² Ahnimouh ni hai bout ka poe aw h han toe. Banghai bout ka lat aw h mahoe h toe. Na dei e patetlah ka sak aw h han ati aw h. Hahoi vaihmanaw ka kaw teh lawkkam e patetlah taw k hanelah lawkkamnae ka sak sak.

¹³ Kai ni hai kâkhu e ka kathuek teh, hete lawkkam ka tarawi hoeh e tami teh Cathut ni im daw k hoi thoseh, a thaw daw k hoi thoseh kathuek van naseh telah taminaw koe ka dei navah ahnimouh ni Amen telah ati aw h. BAWIPA a pholen aw h. Hahoi teh taminaw pueng ni lawkkam patetlah a tawksak aw h.

Nehemiah hring pasoungnae

¹⁴ Judah ram ukkung lah ka o navah siangpahrang Artaxerxes kum 20 touh hoi kamtawng teh kum 32 totouh, kum 12 touh thung kai hoi ka hmaunawngahanaw ni ukkung e tamuk ka lat boi aw h hoeh.

¹⁵ Ahmaloe ukkungnaw teh taminaw hanelah hnokari poung lah ao aw h. Vaiyei hoi misurtui hai thoseh, hnin touh daw k sekel 40 touh a poe aw h. Hothloilah a sannaw koehoi dumyenna e hai a kâhmo aw h. Hatei kai teh Cathut ka taki dawkvah hottelah ka sak hoeh.

¹⁶ Hothloilah, kai teh khopui rapan doeh pou ka pathoup. Kai hoi ka sannaw ni la ka ran awh hoeh. Khopui rapan pathoup hane doeh lungkängingcalah kâyawm awh.

¹⁷ Hahoi miphun alouke hoi ka tho e dei laipalah, Judah miphunnaw hoi lawkengkungnaw 150 touh ni ka caboi dawkw rawca pou a ven awh.

¹⁸ Hnintangkuem maito buet touh, tu 6 touh hoi ânaw pou a thei awh hloilah, hnin 10 touh dawkw vai touh misurtui aphunphun ka nei awh. Hettelah ka baw nakunghai taminaw ni puenghoi thaw a tawkw awh dawkwah, khobawi ni pang hane kawi ka het boi awh hoeh.

¹⁹ OE ka Cathut, hete taminaw hanelah hnokahawi ka sak e dawkwah kai heh kahawi nahanelah na pahnim pouh hanh lah a.

6

Nehemiah a tarawk awh

¹ Hatnavah, khopui longkha ka cum awh hoeh rah eiteh, khopui rapan teh a cak toe tie Sanballat hoi Tobiah hoi Arab tami Geshem hoi alouke tarannaw ni kamthang a thai awh toteh,

² Sanballat hoi Geshem ni tho haw, Ono hmuen koe kâhmo awh sei telah kahawihoehe pouknae hoi lawk na thui.

³ Kai ni hai, patounenaw ka patoun teh, kai teh thaw kalenpouge ka tawkw dawkwah ka tho thai mahoeh. Bangkong hete thawnaw ka ceitakhai vaiteh, nangmouh koe khuet ka tho han vaw telah lawkw bout ka thaisak van.

⁴ Hottelah, vai pali touh hane lawkw na thui eiteh, hettelah doeh boutbout ka dei pouh.

⁵ Hat toreih teh, Sanballat ni hottelah ca bout a thut teh, paawng tangcoung e ca a sanpa buet touh koe a phu sak.

⁶ Ca dawkw thut lah kaawm e teh, nang hoi Judahnaw ni kâtaran hane na noe awh dawkwah, rapan na pathoup awh hiteh alouke miphunnaw ni a dei awh. Geshem ni hai a dei. Hete lawkw hoi kâkuen lah nang teh Judah siangpahrang lah o han na ngai dawkw doeh.

⁷ Judah ram dawkw siangpahrang ao telah na kong hah siangpahrang koevah karanglah a kamthang han. Hatdawkwah, tho nateh kâdeikâpan sei telah ca a thut.

⁸ Hatnavah, kai ni hai lawkw na dei e naw buet touh hai atang nahoeh. Na pouk e na dei rumram e doeh telah tami buet touh ka tha te ka dei sak.

⁹ Bangkongtetpawiteh, ahnimouh ni a tawkw e thawnaw teh cum thai awh mahoeh, thayoun awh han doeh telah pouk lahoi na pakhinae doeh. Hatdawkwah, atuteh oe Cathut ka kutnaw hah tha awm sak haw.

¹⁰ Hahoi, Mehetabel capa, Delai capa Shemaiah ni kâhronae im dawkw ka cei navah ahni ni Cathut e im Bawkim thung kâhmo awh vaiteh, Bawkim thonaw khan awh sei. Nang ka thet hane taminaw a tho awh han, tangmin nakunghai a tho awh han telah a ti.

¹¹ Kai nihai, kai patetlah e tami ni khuet ka yawng han namaw. Kai hoi kâvan e tami ni a hring nahanelah Bawkim thung kâen han namaw, ka kâen mahoeh ka ti pouh.

¹² Hahoi kai ni ka thai panuek e teh, Cathut ni a tha e nahoeh. Kai hoi kâtaran lah sutdeilawkw a pathang e doeh. Tobiah hoi Sanballat ni a hlai roi e doeh.

¹³ Bangkongtetpawiteh, hottelah ka sak lahoi yonnae sak sak vaiteh, na pathoe hane a ngai dawkw, a hlai e doeh.

¹⁴ Oe ka Cathut, hettelah ka sak e Tobiah hoi Sanballat hoi profet napui Noadiah hoi alouke profetnaw hah pahnim han.

Tapang a cum aw

¹⁵ Rapan a cum aw hah teh, hnin 52 hnukkhu, Elul thapa hnin 25 nah ka cum aw h.

¹⁶ Hote kamthang teh tarannaw ni a thai aw hah teh, alouke miphunnaw ni rapan a hmu aw hah navah, puenghoi a taki aw hah teh, hete hnonaw heh Cathut ni a sak e doeh tie a panue aw h.

¹⁷ Hatnavah, Judah bawinaw ni Tobiah koe ca moi a patoun aw hah teh, Tobiah koe e ca hai a hmu aw h.

¹⁸ Tobiah teh Arah capa, Shekariah e cava lah ao teh, a capa Jehohanan Berekhiah, capa Meshullam, canu hoi ao roi dawkvah, Judahnaw ni Tobiah koe lawk a kam aw h.

¹⁹ Ahnimouh ni Tobiah hnokahawi a sak e naw hah kai koe bout a dei aw h. Kaie lawk hai ahni koe bout a dei pouh aw h. Ahnimouh ni hai kai ni taki sak nahane ca bout na poe.

7

¹ Rapannaw ka pathoup aw hah teh longkhanaw ka cum aw h hnukkhu, longkha karingkung hoi la kasakkung lah Levih miphunnaw hah thaw ka poe.

² Yuemkamcu lah kaawm ni teh Cathut ka taket e ransabawi Hananiah hoi ka nawngaha Hanan teh Jerusalem ka uk sak.

³ Jerusalem longkhanaw teh kaní a tâco hoehnahlan vah paawng sak hanh. Tangmin lah karingkungaw ni longkha kacaklah taren aw h naseh. Hahoi khocanaw ni amamouh onae hmuen koehai thoseh, a imnaw koehoi thoseh ramveng aw h naseh.

⁴ Bangkongtetpawiteh, santoungnae koehoi, bout ban nateh, khopui teh akaw eiteh khotung kaawm e taminaw ayounca dawkvah, imnaw sak thai aw h hoeh rah.

Santoungnae koehoi bout kabannaw

⁵ Ka Cathut ni ka lungthung vah, bari e naw hoi lawkcengkungaw hoi tamimaya a kaw teh, a tâconae patetlah min thut hanelah na dei pouh. Hahoi ahmaloe kabannaw kakhekungaw min thutnae cauk hah ka hmu. Hot dawkvah hettelah thut e lah ao.

⁶ San dawk hrawi lah kaawm e, Babilon siangpahrang Nebukhadnezar ni hrawi lah kaawm niteh, san dawk hoi a tâco teh Jerusalem hoi Judah ram e amamouh onae koe bout ka ban ni teh kho ka sak e milunaw teh,

⁷ Jerusalem koe ka tho e naw teh, Joshua, Nehemiah, Azariah, Raamiah, Nahamani, Mordekai, Bilshan, Mispereth, Bigvai, Nehum hoi Baanah. Ahnimanaw hoi cungtalaha ka tho e Isarel miphunnaw teh;

⁸ Parosh ca catounnaw 2, 172

⁹ Shefatiah ca catounnaw 372

¹⁰ Arah ca catounnaw 652

¹¹ Jeshua hoi Joab catoun thung hoi e Pahathmoab ca catounnaw 2, 818

¹² Elam ca catounnaw 1, 254

¹³ Zattu ca catounnaw 845

¹⁴ Zakkai ca catounnaw 760

¹⁵ Binnui ca catounnaw 648

¹⁶ Bebai ca catounnaw 628

¹⁷ Azgad ca catounnaw 2322

¹⁸ Adonikam ca catounnaw 667

- 19 Bigvai ca catounnaw 2, 067
 20 Adin ca catounnaw 655
 21 Hezekiah capa thung hoi e Ater ca catounnaw 98
 22 Hashum ca catounnaw 328
 23 Bezai ca catounnaw 324
 24 Hariph ca catounnaw 112
 25 Gibeon ca catounnaw 95
 26 Bethlehem hoi Netophah taminaw 188
 27 Nathoth ca catounnaw 128
 28 Bethazmaveth ca catounnaw 42
 29 KiriathJearim, Kephirah hoi Beeroth tami 143
 30 Ram hoi Geba ca catounnaw 621
 31 Mikmas ca catounnaw 122
 32 Bethel hoi Ai tami 123
 33 Nebo alouke ca catounnaw 52
 34 Elam alouke ca catounnaw 1, 254
 35 Harim ca catounnaw 231
 36 Jeriko ca catounnaw 345
 37 Lod, Hadiel hoi Ono ca catounnaw 721
 38 Senoah ca catounnaw 3, 930
 39 Vaihmanaw: Jeshua imthungkhu Jedaiah ca catounnaw 973
 40 Immer ca catounnaw 1052
 41 Pashhur ca catounnaw 1247
 42 Harim ca catounnaw 1017
 43 Levih ca catounnaw : Hodaviah capa thung hoi e Kadmiel tami Jeshua
 ca catounnaw 74
 44 La kasakkung: Asaph ca catounnaw 148
 45 longkha ka ring e naw: Shallum ca catounnaw, Akkub ca catounnaw,
 Hatita ca catounnaw hoi Shobai ca catounnaw 138
 46 Nethin tami: Ziha ca catounnaw, Hasupha ca catounnaw, Tabbaoth ca
 catounnaw
 47 Keros ca catounnaw, sia ca catounnaw, padon ca catounnaw
 48 Lebana ca catounnaw, Hagaba ca catounnaw, Salmi ca catounnaw
 49 Hanan ca catounnaw, Giddel ca catounnaw, Gahar ca catounnaw
 50 Reaiah ca catoun, Rezin ca catoun, Nekoda ca catoun,
 51 Gazzam ca catoun, Uzza ca catoun, Paseah ca catoun
 52 Besai ca catoun, Meunim ca catoun, Nefishesim ca catoun,
 53 Bakbuk ca catoun, Hakupha ca catoun, Harhur ca catoun,
 54 Bazlith ca catoun, Mehida ca catoun, Harsha ca catoun,
 55 Barkos ca catoun, Sisera ca catoun, Tamah ca catoun,
 56 Neziah ca catoun, Hatipha ca catoun,
 57 Solomon koe kaawm e naw; Sotai ca catoun, Sofereth ca catoun, Perida
 ca catoun,
 58 Jaala ca catoun, Darkon ca catoun, Giddel ca catoun,
 59 Shefatiah ca catoun, Hattil ca catoun, Pokhereth Hazzebaim ca catoun,
 Ammon ca catoun,
 60 Nathil taminaw hoi Solomon koe kaawm e abuemlah 392 touh a pha.
 61 Telmelah, Telharsha, Kherub, Addoh, Immer ni a moan e naw teh
 hetnaw doeh. A mintoe, imthungkhu hoi catounnaw mah Isarel miphun
 katang hoi katang hoeh e hah parui thai aw hoi hoeh toe.
 62 Hotnaw teh: Delaiah ca catoun, Tobiah ca catoun Nekoda ca catoun
 642

⁶³ Vaihma miphun thung hoi: Habaiah ca catoun Koz ca catoun Gilead tami Barzillai canu yu lah ka lat e Barzillai ca catoun.

⁶⁴ Ahnimanaw ni milu touknae dawk amamae milu thut e a hmu aw h hoe h daw k kakuep hoe h e miphun vaihma thaw taw k mahoe h.

⁶⁵ Umri hoi Thumim ni hrawi e Profet a tho hoe h roukrak teh ahnimou h ni kathoungpoung e rawcanaw cat mahoe h telah kho bawi ni atipou h.

Taminaw ni hnopai poe e naw

⁶⁶ Tamihupui abuemlah 42, 360 a pha

⁶⁷ Sannu, sanpanaw 7, 337; la ka sak e napui tongpa 245 touh a pha.

⁶⁸ Marangnaw 736 touh a pha teh ka kalen phunnaw 245 touh a pha.

⁶⁹ Kalauknaw 435 lanaw 6, 720 touh a pha.

⁷⁰ Hahoi kahrawikung tangawn ni thaw taw k nahanelah hnopai a poe aw h. Khokung ni hai sui derik 1,000, maroi 50, hoi vaihmanaw e khohna 530 touh a poe.

⁷¹ Kahrawikung tangawnnaw ni im sak nahanelah sui darik 20,000 touh hoi ngun khing 2, 200 touh a poe aw h.

⁷² Hahoi alouke taminaw ni poe e naw teh sui derik 20, 222 touh hoi ngun khing 2,000 touh hoi vaihmanaw e khohna 67 touh a pha.

⁷³ Hahoi, vaihma, Levih miphun, longkha ka ring e naw, la kasaknaw, tami tangawn, Nethin miphunnaw hoi Isarelnaw teh amamae kho daw k lengkaleng ao aw h. Hahoi thapa yung sari touh a kuep toteh, Isarel catounnaw teh amamae khopui daw k ao aw h.

8

Ezara ni kâlawk a touk

¹ Thapa yung sari a pha hoi, hmuen tangkuem koe kaawm e Isarelnaw pueng teh, a tho aw h teh Tui longkha koe a kamkhueng aw h. Isarelnaw koe law k a poe e teh, Mosi kâlawk cauk sin loe telah kâlawk kacangkhaie Ezra koe a hei e patetlah.

² Vaihma Ezra ni vah kâlawk teh, napui tongpa hoi ka thai panuek hane ka kamkhuengnaw e hmalah thapa yung sari, apasuek hnin vah a thokhai.

³ Tui longkha hmalah kaawm e thongma lah kangvawi laihoi amom hoi tangmin totouh, ka thai panuek hane napui tongpa hmalah, kâlawk hah a touk pouh teh taminaw ni kahawicalah a thai aw h.

⁴ Ahnimou h ni a sak aw h e lawkdeinae tungkhung van a kangdue teh ahnie atengvah aranglah, Mattithiah, Shema, Anaiah, Uriah, Hilkiah hoi Maaseiah, hahoi avoilah, Pedaiah, Mishael, Malkhijah, Hashum, Hashbaddanah, Zekhariah hoi, Meshullam a kangdue aw h.

⁵ Ezra ni cauk hah taminaw e mithmu vah a kadai. Ahni teh taminaw hlakvah hmuen rasang koe a kangdue. A kadai toteh tami pueng a kangdue aw h.

⁶ Ezra ni BAWIPA a lentoenae a pholen teh, taminaw ni a kut a dâw aw h teh, Amen, Amen, telah a dei aw h teh, a lûsaling laihoi BAWIPA a baw k aw h.

⁷ Taminaw ni a onae hmuen koe be ao aw h lahun navah, Levih tami Jeshua, Bani, Sherebiah, Jamin, Akkub, Shabbethai, Hodiah, Maaseiah, Kelita, Azariah, Jozabad, Hanan, Pelaiiah naw ni hai taminaw kâlawk a panue aw h nahanelah a thaisak aw h.

⁸ Cathut e kâlawk cauk thung e kamcengcalah a touk aw h teh, a ngainae a dei pouh dawkvah, taminaw ni a touk aw h e hah a thai panuek aw h.

Sahnin teh hnin kathoung

⁹ Hahoi ukkung bawi lah kaawm e, Nehemiah hoi vaihma hoi kâlawk kancangkaikung Ezra hoi taminaw kacangkhaie Levihnaw ni vah, taminaw koe sahnin heh, Bawipa na Cathut e hnin kathoung doeh. Na lung mathout hanh awh. Kap hai kap awh hanh atipouh awh. Bangkongtetpawiteh, kâlawk a thai awh navah taminaw teh a khuika awh.

¹⁰ Cet awh haw. Bu katuicalah cat awh nateh, misurtui karadip e net awh. Banghai ka tawn hoeh e koe kâreikhai awh. Bangkongtetpawiteh, sahnin heh Bawipa e hnin kathoung doeh. BAWIPA dawk na lunghawinae teh na thayung lah ao dawkvah, na lungmathout hanh awh atipouh.

¹¹ Hatdawkvah, Levihnaw ni taminaw sairasuep lah ao sak. Sahnin teh hnin kathoung lah ao dawkvah, sairasuepcalah awm awh. Na lungmathout awh hanh atipouh.

¹² Taminaw ni a dei e lawknaw a thai panuek awh dawkvah, canei kawi sak hane hoi alouknaw hai kâreikhai hane hoi lunghawi nawmnae kalen poung sak hanelah be a cei awh.

Rim ya pawî

¹³ Apâhni hnin navah, a imthungkhu dawk e kacue lah kaawm e hah vaihmanaw hoi, Levihnaw teh phunglawk kamtu hanelah, cungtalah kâlawk kancangkaikung Ezra koe a kamkhueng awh.

¹⁴ Phunglawk thung vah BAWIPA ni Mosi koe kâlawk a poe teh, a thut e hah a hmu awh. Hote thung vah Isarelnaw teh, thapa yung sarinae pawî dawk teh im ao awh hane doeh.

¹⁵ Kho tangkuem hoi Jerusalem khopui vah pathang pouh hane hoi, mon vah cet awh nateh, olivekungnaw hoi kahrawng e olive hna, tuihan hna, samtue hna hoi, a hna kahawi e a kang pueng rim sak nahanelah lat awh. Hahoi rim teh hettelah na sak awh han tie patetlah na sak awh han tie hah ca a thut.

¹⁶ Hatdawkvah, a cei awh teh, a la awh. A im dawk thoseh, thongma dawk thoseh, Cathut e im thoseh, Tui longkha lawilah thoseh, Ephraim longkha alawilah thoseh, rim lengkaleng a sak awh.

¹⁷ San dawk hoi kahlout pueng ni rim lengkaleng a sak awh teh, rim thungvah ao awh. Hothateh, Nun capa Joshua tueng hoi hot hnin totouh, Isarelnaw ni a sak awh boihoe e lunghawinae kalen poung a tawn awh.

¹⁸ Kamtawng hnin koehoi apoutnae hnin totouh, Cathut e kâlawk cauk hah pou a touk awh. Pawî teh hnin sari touh a sak awh teh, ataroe hnin vah amamae singyoe patetlah kamkhuengnae pawî hai a sak awh.

9

Isarel Maya ni amamae yonnae a pâpho awh

¹ Hot patetlah, hate thapa 24 hnin nah Isarelnaw teh rawcahai hoi buri kâkhu teh, vaiphu a kâphuen awh teh kamkhueng awh.

² Isarelnaw teh ram alouknaw koehoi aloukcalah ao awh teh, a yonnae naw hoi mintoenaw e payonnae hah kangdue laihoi a pâpho awh.

³ Amamouh onae hmuen koe lengkaleng a kangdue awh teh, hnin touh hah pali touh lah a kapek awh teh, amamae hmuen koe lengkaleng a kangdue awh teh, buet touh dawk BAWIPA Cathut e kâlawk a touk awh. Buet touh dawk, yon a pâpho awh teh, buet touh dawk BAWIPA Cathut hah a baw awh.

⁴ Hot patetlah, Levih taminaw khalai rasang dawk Jeshua, Bani, Kadmiel, Shebaniah, Bunni, Sherebiah, Bani hoi Kenani naw hah a kangdue awt teh, kacaipounglah BAWIPA Cathut hah a kaw awt.

⁵ Hot patetlah, Levih tami, Jeshua hoi Kadmiel, Bani, Hashabneiah, Sherebiah, Hodiah, Shebaniah, hoi Pethahiah naw ni kang dout awt nateh Jehovah Cathut teh a yungyoe hoi a yungyoe pholen awt. Pholennae a Lathueng Poug lah kaawm e, na min lentoenae teh pholennae awt seh telah ati awt.

⁶ Hahoi maya ni nang duengdoeh Jehovah lah na kaawm. Nama ni kalvan hah na sak. Kalvannaw e kalvan hoi athung kaawmnaw pueng hoi, talai hoi athung kaawmnaw pueng hoi, tali hoi athung kaawm e pueng hah na sak teh, abuemlah na khetyawt. Nang teh kalvan kaawm pueng ni na bawt awt.

⁷ Nang ni Abraham na rawi teh, Khaldean ram Ur kho hoi na tâcokhai teh, a min lah Abraham telah na ka phung e Jehovah Cathut lah na o.

⁸ A lungthin teh na hmalah yuemkamcu lah na hmu teh, Kanaan tami, Hit tami, Amor tami, Periz tami, Jebusit tami hoi Girgashite taminaw e ram hah, ca catounnaw poe hanelah lawkkam na sak. Na lawk teh na kuep sak. Bangkongtetpawiteh nang teh na lan.

⁹ Izip ram e mintoenaw rucat khangnae hah na hmu teh, tui puipaling teng e a hramki awt e lawk hah na thai.

¹⁰ Faro hoi ama koe kaawm e pueng hoi a ram dawk e tami pueng e lathueng vah, mitnoutnae kângairu hah na kamnue sak. Bangkongtetpawiteh, polainae nama dawk ouk a sak awt e hah, nama ni na panue. Hatdawkvah, nama hane na min hah na sak. Sahnin e kaawm e patetlah.

¹¹ Hahoi ahnimae hmalah tui hah na kapek teh talai kaphui dawk na cei awt. Ahnimouh thoe ka bo e hah kadung e tui thung, athakaawme tui thung vah talung patetlah na tâkhawng.

¹² Kanithun vah tâmaikhom hoi na hrawi teh, karum lah a cei awt nahane lamthung dawk ka tue hanelah hmaikhom hoi a hrawi.

¹³ Sinai mon dawk hoi na kum teh, kalvan hoi ahnimouh koe lawk na dei. Kalan e lawkcengnae, kalan e kâlawk, phunglawknaw hoi kâpoelawk hah na poe.

¹⁴ Kathounge Sabbath hah na panue sak. Mosi hno lahoi kâ na poe. Phunglawknaw, kâpoelawknaw, hoi kâlawk hah na poe.

¹⁵ Hahoi a vonhlan navah, kalvan hoi vaiyei na poe. Tui kahran awt navah, lungsong dawk hoi tui na tâcosak teh, poe hanelah na noe pouh e ram hah ao awt nahan na poe.

¹⁶ Hateiteh ahnimouh hoi mintoenaw ni polainae hoi a lungpata sak awt. Kâpoelawknaw hah tarawi awt hoeh.

¹⁷ Tarawi han ngai awt hoeh. Kângairu hno na sak e naw hai thai han ngai awt hoeh toe. A lung hah a pata sak awt teh, taran a thaw awt teh san lah a onae koe lah ban hane kahrawikung hah a rawi awt. Hatei nang teh ngaihoum hanelah coungkacoe lah kaawm e Cathut, pahrennae lungmanae, hoi ka kawi e, lung kasawe, hawisaknae moi ka tawn e lah na o teh, ahnimouh teh na cettakhai boihoeh.

¹⁸ Meikaphawk maitoca a sak awt teh, Izip ram hoi ka tâcawtkhai e Cathut teh puenghoi a lungkhuek nahanlah a sak awt nakunghai,

¹⁹ Lungmanae kalenpoung daw hoi kahrawngum vah na cettakhai boihoeh. Lam ka hrawi hane tâmaikhom ni cettakhai boihoeh. Lam a hmu thai na hanelah karum lah hmaikhom ni cettakhai boihoeh.

20 Ahnimouh ka cangkhai hanelah, kahawi e na Muitha hah na poe teh, mana hoi na kaw k teh nei hanelah tui na poe.

21 Kahrawngum kum 40 touh thung na kaw k. Banghai voutthou pnae awmhoeh. Hnicu a pawnae awmhoeh. A khoknaw hai phing hoeh.

22 Hahoi uknaeram hoi miphun hah na poe teh ram buet touh hnukkhu buet touh na rei. Hottelah, Heshbon siangpahrang Sihon ram e, Bashan siangpahrang Og ram hah a la aw h.

23 Ca catounnaw teh kalvan e âsi yit touh na pung sak teh a coe aw h hane mintoenaw koe na dei pouh e patetlah, ram daw k na kâenkhai.

24 Hot patetlah, ca catounnaw ni ram teh a coe aw h. Nama ni hote ram daw k kaawm e Kanaan taminaw hah, ahnima e hmalah na sung sak teh, a ngai patetlah a sak aw h hanelah siangpahrangnaw hoi a ram e taminaw hah a kut daw k na poe.

25 Ka cak e khopuinaw hoi, kahawipoung e ramnaw hah a la aw h teh, hnokahawi phunkuep hoi kakawi e imnaw, tai tangcoung e tuikhunaw hoi misur takha hoi, olive takhanaw hoi thingthaikungnaw a pang aw h. Hottelah a ca aw h teh, a von a paha aw h. A thaw teh na lentoenae, na hawinae daw k a phunep aw h.

26 Hateiteh, ahnimouh teh lawkngai aw h hoeh. Na taran aw h teh, kâlawk hah amamae hnuklah a ta aw h teh, nang koe bout ban hanelah, ka yue e profet hah a thei aw h teh, puenghoi a tounkhouk aw h.

27 Hatdawkvah, ahnimouh hah amamae taran kut daw k na poe toe. Runae a kâhmo aw h teh nang koe a hram aw h toteh, kalvan hoi na thai pouh teh, lungmanae hoi na kawi dawkvah, taran kut daw k hoi rungngangkung hah na poe.

28 Hatei a kâhat aw h toteh, na hmalah vah, hawihoe hnae bout a sak aw h dawkvah, taran kut daw k bout na poe. Ahnimouh ni bout a tho aw h teh, nang koe bout a hram aw h toteh, kalvan hoi na thai pouh teh lungmanae hoi na kawi dawkvah, boutbout na rungngang.

29 Nange kampangkhai e bout tarawi hanelah, na yue eiteh, ahnimouh ni ngâi aw h laipalah, a kâoup aw h. Katarawinaw koe hringnae lah kaawm e kâpoelawknaw hah a taran aw h. Katepoung e lahuen hoi, lunglennae hoi tarawi laipalah ao aw h.

30 A kum moikapap ahnimouh na panguiep teh, na Muitha lahoi na profetnaw hno lahoi na yue nakunghai, ahnimouh ni ngâi aw h hoeh. Hatdawkvah, ram alouknaw e kut daw k na poe toe.

31 Hatnavah nang ni pahrenlungmanae hoi kakawi e Cathut lah na o teh, pahrennae a len dawkvah, ahnimouh khoeroe na raphoe hoeh, na pahnawt hoeh.

32 Hatdawkvah, maimae Cathut, kalen, athakaawme, takikatho e Cathut, pahrennae hoi lawkkam kacakpoung e, Assiria siangpahrang uknae koehoi sahnin totouh, kaimae siangpahrang bawi, vaihma, profet, a tami pueng e lathueng ka phat e runae pueng, banglahai noutna hoeh e lah awm hoeh.

33 Nang ni kaimae lathueng na pha sak e hnonaw teh a kamsoum. Kaimanaw teh, kamsoum hoeh lah hno ka sak aw h toe. Nang ni teh yuemkamcu lah na sak.

34 Maimae siangpahrang hoi ukkungnaw, maimae vaihma hoi mintoenaw ni hai, kâlawk tarawi aw h hoeh. Kâpoelaw k hoi na panuesaknae, na yuena e thai ngai aw h hoeh.

35 Ahnimanaw teh na uknaeram thung vah, kakaw poung, kahawipoung na poe e daw k thaw taw k ngai aw h hoeh. Kahawi hoeh lah taw knae hai

kâhat ngai aw hoi.

³⁶ Khenhaw! atuvah san lah o aw hoi. Athung e canei katui e hoi hnokahawinaw hah yampa mintoenaw koe na poe e ram dawkvah san lah ka o aw hoi.

³⁷ Ka yon aw hoi dawkvah, siangpahrangnaw ni kaimouh lathueng vah a bawi aw hoi nahanelah, kaimae takthai hoi hnopainaw e lathueng a ngai aw hoi e patetlah kâ a tawn aw hoi. Ka lungreithai aw hoi tangngak toe telah a dei aw hoi.

³⁸ Hnopainaw dawkvah, kacakpounge lawkkam ka sak aw hoi teh, ka thut aw hoi hnukkhu kacuenaw, vaihmanaw hoi Levih taminaw ni tacik a kin aw hoi.

10

Lawkkamcaknae

¹ Hot patetlah lawkkamnae kacaksakung teh, hetnaw doeh. Hakaliah capa ram ukkung Nehemiah hoi Zedekiah,

² Seraiah, Azariah, Jeremiah,

³ Pashhur, Amariah, Malkijah,

⁴ Hattush, Shebaniah, Malluck,

⁵ Harim, Meremoth, Obadiah,

⁶ Daniel, Ginnethon, Baruk,

⁷ Meshullam, Abijah, Mijamin,

⁸ Maaziah, Bilgai, hoi, Shemaiah hetnaw he vaihmanaw lah ao.

⁹ Levihnaw: Azariah capa Joshua, Henadad capanaw thung daw hoi Binnui hoi Kadmiel.

¹⁰ A hmaunawngaha, Shebaniah, Hodiah, Kelita, Pelaiyah, Hanan,

¹¹ Mikha, Rehob, Hashabiah,

¹² Zakkur, Sheribiah, Shebaniah,

¹³ Hodiah, Bani, Beninu,

¹⁴ Kacuenaw: Parosh, Pahathmoab, Elam, Zattu, Bani,

¹⁵ Bunni, Azgad, Bebai,

¹⁶ Adonijah, Bigvai, Adin,

¹⁷ Ater, Hezekiah, Azzur,

¹⁸ Hodiah, Hashum, Bezai,

¹⁹ Hariph, Anathoth, Nebai

²⁰ Magpiash, Meshullam, Hezir,

²¹ Meshezabel, Zadok, Jaddua,

²² Pelatiah, Hanan, Anaiah,

²³ Hosi, Hananiah, Hasshub,

²⁴ Hallohesh, Pilha, Shobek,

²⁵ Rehum, Hashabnah, Maaseiah,

²⁶ Ahijah, Hanan, Anan,

²⁷ Malluck, Harim, Hoi Baanah tinaw doeh.

Lawkkamcaknae

²⁸ Kacawirae vaihmanaw hoi Levihnaw hoi takhang karingnaw, la kasaknaw, Nethinimnaw hoi Cathut e kâlawk tarawi kangainaw teh, Hote ram e taminaw thung daw hoi, aloukcalah kaawmnaw a yu, a capa, a canunaw oang panuek tangcounghaw ni

²⁹ a hmaunawngaha hoi tami kalentoenaw hoi, tha laipalah a kuet aw hoi. Cathut e san Mosi koe poe e kâlawk tarawi han hoi Bawipa, maimae

BAWIPA e kâpoelawknaw pueng, lawkcengnaenaw hoi phunglawknaw tarawi hanelah, pâkuem hanelah thoseh,

³⁰ hote ram dawk e taminaw ni, canunaw a la hoeh nahanlah capanaw hanlah a canunaw lat pouh laipalah,

³¹ hote ram dawk e taminaw ni, Sabbath hnin a yo awh e hno thoseh, canei hane phunkuep a yo han a sin e thoseh, Sabbath hnin hai thoseh, yanae hnin hai thoseh, pâtu laipalah, kum sari touh thung law dawk e ka tâcawt e lat laipalah, laibanaw pueng patho laipalah, o hane thoekâbo e hai taket laipalah, lawkkamnae hah a sak awh.

³² Cathut im thaw tawk nahanelah shekel pung thum pung touh, kum tangkuem poe hanelah phung ka sak awh.

³³ Rathap tangcoung e vaiyei hai thoseh, tavai thueng pouh hane hai thoseh, hmaisawi thuengnae pou sak hane thoseh, sabbath hnin hane thoseh, thaparei tueng thoseh, atueng khoe pawinaw han thoseh, kathoung e hno hane thoseh, Isarel naw yontha nahanelah yon thuengnae thoseh, Cathut e im thaw naw pueng hanelah,

³⁴ mintoenaw e imthungkhu tangkuem ni kumtangkuem atueng khoe e kâlawk cauk dawk thut e patetlah BAWIPA Cathut thuengnae koe, thing thueng e thing tangoung, Cathut im ka puen hanelah vaihma bawinaw hoi Levihnaw tamimaya hoi cungpam ka rayu awh.

³⁵ Hahoi kumtangkuem, law dawk e aluepaw naw, thingthai hmaloe kapaw naw, BAWIPA im kêenkhai hanelah,

³⁶ Kâlawk dawk thut tangcoung patetlah capa caminnaw, saring caminnaw hoi maitohu hoi, tuhu thung dawk hmaloe ka khe e naw hai Cathut e im thaw ka tawk vaihma bawinaw koe Cathut im vah ceikhai hane hai,

³⁷ Cathut e imthungkhu vah, vaihmanaw koe tavai thuengnae hmaloe sak e thueng e pueng, thingthai phunkuep misurtui hoi satuinaw hai, law dawk e ka tâcawt pueng hra touh dawk pung touh, Levihnaw koe poe hane phung ka sak awh. Bangkongtetpawiteh, Levihnaw ni law ka sak e naw pueng thung e, pung hra pung touh ouk a la awh.

³⁸ Levihnaw ni pung hra pung touh a la navah Aron catoun vaihma bawi teh Levihnaw koe ao hanelah ao. Levihnaw ni pung hra pung touh a la e thung dawk hoi pung hra pung touh teh Cathut im râw pâkuemnae imthungkhu a ta awh han.

³⁹ Isarel catoun hai Levih catoun naw cakang hoi misur, satu thuengnae pueng hmuen, kathoung, hlaumhlaam hoi thaw katawknaw, vaihma bawi takhang ka ring e la kasakkungnaw onae imthungkhu a ta han. Hot patetlah Cathut im vah pamda hoeh nahane phung ka sak awh.

11

Jerusalem e kahrawikungnaw

¹ Hatnavah taminaw koe bawi thaw katawknaw teh Jerusalem vah ao awh. Alouke taminaw teh kathoung e hmuen, Jerusalem vah hra touh dawk buet touh, hahoi alouke khonaw dawk tako touh o hanelah cungpam a rayu awh.

² Hahoi Jerusalem kaawm hane naw hah taminaw ni yawhawi a poe awh.

³ Hetnaw teh, ram uk hanelah Jerusalem vah kaawm e naw doeh. (Hateiteh Judah kho e naw teh a hnopai onae kho dawk ao awh. Ahnimanaw teh Isarel tami vaihma Levih tami hoi Nethinim tami hoi Solomon e a sannaw doeh).

⁴ Jerusalem vah Judah catounnaw hoi Benjamin catounnaw ao awh. Judah catounnaw teh: Uziah capa Athaiah, Zekhariah capa, Amariah capa, Shephatiah, capa Mahalalel capa, Perez capanaw hoi,

⁵ Baruk capa Maaseiah, Kolhozeh capa, Hazaiah capa, Aadaiah capa, Joiarib capa, Zekhariah capa, Shilon capanaw doeh.

⁶ Perez canaw Jerusalem kaawm e abuemlah 468 touh a pha.

⁷ Benjamin canaw teh hetnaw doeh: Meshullam capa Sallu, Joed capa, Pedaiah capa, Kolaiah capa, Maaseiah capa, Ithiel capa, Jeshaiiah capa,

⁸ hahoi Gabbai hoi Sallai abuemlahoi 928 touh a pha awh.

⁹ Zikhri capa Joel teh ahnimouh kahrawikung lah ao. Hassenuah capa Judah teh kho ukkung lah ao.

¹⁰ Vaihmanaw thung hoi Joiarib capa Jedaiah hoi Jakhin,

¹¹ Hilkiyah capa Seraiah, Meshullam capa, Zadok capa Meraioth capa, Ahitub capanaw teh Cathut e imthung kahrawikung lah ao awh.

¹² Im dawk thaw ka tawk e hmaunawngaha abuemlah 822 touh a pha. Hahoi Jeroham capa Aadaiah, Pelaliah capa, Amzi capa, Zekhariah capa, Pashhur capa, Malkhijah capa hoi,

¹³ A hmaunawngaha kahrawikungnaw teh 242 touh a pha. Hahoi Azarel capa Amashai, Ahzai ca catoun Meshillemoth capa Immer capanaw hoi,

¹⁴ A hmaunawngahanaw tarankahawi ni teh athakaawme taminaw 128 touh a pha awh. Ahnimouh kahrawikung teh Hagedolim capa Zabdiel doeh.

¹⁵ Hahoi Levih imthungnaw teh: Hasshub capa Shemaiah, Azrikam capa, Hashabiah capa, Bunni capa,

¹⁶ Levih tami kahrawikungnaw thung dawk hoi Cathut im alawilae thaw kakhenkung teh Shabbethai hoi Jozabad doeh.

¹⁷ Mikha capa Mattaniah, Zabdi capa, Asaph capa ratoumnae dawk lunghawilawkdeinae ka dei e Mattaniah. Hahoi, a hmaunawngaha thung hoi Bakbukiah hoi Jeduthon capa Galal, Galal capa Shammua, Shammua capa Abda tinaw doeh.

¹⁸ Kathounghe kho dawk kaawm e Levih miphun abuemlah 284 a pha.

¹⁹ Hathloilah, longkha karingkung Akub, hoi Talmon hoi hmaunawngaha rapan longkha karingkungnaw 172 touh a pha awh.

²⁰ Kacawie Isarelnaw, vaihmanaw hoi Levihnaw teh, Judah ram kho tangkuem amamae thaw dawk lengkaleng ao awh.

²¹ Hatei, Nethinim taminaw teh Ophel vah ao awh. Ziha hoi Gispha teh Nethinim taminaw kahrawikung lah ao roi.

²² Jerusalem kaawm e Levihnaw kahrawikung Asaph capa, la kasaknaw thung dawk hoi Mika, Mika capa Mattaniah, Mattaniah capa Hasabiah, Hasabiah capa Bani, Bani capa Uziah tinaw doeh. Cathut e im e thaw tawaknae dawk lawk katatuengkung lah ao awh.

²³ Bangkongtetpawiteh, ahnimouh dawk siangpahrang ni kâlawk poe e ao. Lakasaknaw hntangukem rawca poe han telah atipouh.

²⁴ Judah ca catoun hoi Zerah ca catoun thung hoi Meshezabel capa Pethahiah teh, taminaw hoi hno puengpa e lathueng vah siangpahrang e a yueng lah ukkung lah ao.

Jerusalem lawilah e khotenaw

²⁵ Hahoi kho hoi ram dawkvah, Judah ca catoun tangawn teh, Kiriath Arba khote hoi Didon khote, Jekabzeel khote,

²⁶ Jeshua, Moladah, Bethpelet;

²⁷ Hazarshual hoi Beersheba khote,

- 28 Ziklag hoi Mekonah hoi khote,
 29 Enrimmon, Zorah, Jarmuth,
 30 Zanoah, Adullam hoi khotenaw hoi Lakhish hoi ram, Azekah hoi
 khotenaw dawk ao awh.
 31 Benjamin ca catounnaw hoi Geba im Mikmas vah kho a sak awh.
 Hahoi, Ai hoi Bethel khotenaw teh,
 32 Anathoth, Nob, Ananiah,
 33 Hazar, Ramah, Gittaim,
 34 Hadid, Zeboiim, Neballat,
 35 Lod hoi Ono hoi kutsakkathoumnaw e ayawn dawk ao awh.
 36 Hahoi Judah ram ouk kaawm e Levih tami tangawn teh, Benjamin
 ram dawk ao awh.

12

- 1 Shealtiel capa Zerubbabel hoi Jeshua hnukkâbang e vaihmanaw hoi
 Levihnaw teh, Seraiah, Jeremiah, Ezra,
 2 Amariah, Malluck, Hattush,
 3 Shekaniah, Rehum, Meremoth,
 4 Iddo, Ginnethon, Abijah,
 5 Mijamin, Maadiah, Bilgah,
 6 Shemaiah, Joiarib, Jedaiah,
 7 Salu, Amok, Hilkiah, Jedaiah, hetnaw teh Jeshua se navah vaihmanaw
 hoi amamae hmaunawngghanaw dawkvah kahrawikungnaw doeh.
 8 Hahoi Levihnaw teh, Jeshua, Binnui, Kedmiel, Sherebiah, Judah hoi
 Mathaniah, Mathaniah teh a hmaunawngghanaw hoi lunghawilawkdeinae
 koe kahrawikung lah ao.
 9 Ahnimae hmaunawnggha Bakbukiah hoi Unni teh la a sak awh navah
 kadangka lahoi kangdue laihoi a ring awh.
 10 Hahoi, Jeshua capa Joiakim, Joiakim capa Eliashib, Eliashib capa
 Joiada,
 11 Joiada capa Jonathan, Jonathan capa Jaddua.
 12 Hahoi, Joiakim se navah, imthung lahoi na pa lah kaawm e kacue e
 vaihmanaw teh; Seraiah imthung dawk Meraiah, Jeremiah imthung dawk
 Hananiah,
 13 Ezra imthung dawk Meshullam, Amariah imthung dawk Jehohanan,
 14 Malluckhi imthung dawk Jonathan, Shebaniah imthung dawk Joseph,
 15 Harim imthung dawk Adna, Meraioth imthung dawk Helkai,
 16 Iddo imthung dawk Zekhariah, Ginnethon imthung dawk Meshullam,
 17 Abijah imthung dawk Zikhri, Miniamin imthung dawk (hitueng min
 buet touh a kahma), Moadiah imthung dawk Piltai,
 18 Bilgah imthung dawk Shammua Shemaiah imthung dawk Jehonathan,
 19 Joiarib imthung dawk Mattenai, Jedaiah imthung dawk Uzzi,
 20 Sallai imthung dawk Kallai, Amok imthung dawk Eber,
 21 Hilkiah imthung dawk Hashabiah, Jedaiah imthung dawk Nethanel,
 22 Eliashib, Joiada, Johanan hoi Jaddua tinaw e senah, vaihma lah kaawm
 niteh, napanaw dawk lû lah lengkaleng kaawm e naw hah, Persia tami
 Darius se totouh, cungpam dawk min pakhum e lah ao.
 23 Eliashib capa Johanan se totouh, Levihnaw imthung lahoi lû lah
 kaawmnaw hah cungpam dawk min pakhum e lah ao.
 24 Levihnaw dawk kacuenaw: Hashabiah, Sherebiah hoi Kadmiel
 capa Jeshua tinaw teh, Cathut e tami Devit e kâpoelawk patetlah a

hmaunawngghanaw hoi cungtalah pholen hane hoi, lunghawi lawk dei hanelah, kâletta lahoi a tawk awh.

²⁵ Mattaniah, Bakkubiah, Obadiah, Meshullam, Telmon hoi Akkub tinaw teh, takhang teng e hnopai ta e hoi takhang ka ring e lah ao awh.

²⁶ Ahnimanaw teh Jozadak capa, Jeshua capa, Joiakim se nah, ram ukkung Nehemiah hoi kâlawk kacangkhaikung vaihma Ezra se nah ao awh.

kalupnae rapan hnawngnae

²⁷ Jerusalem rapan hah hnawngnae a sak toteh, cecak, ratoung, tamawi, tum laihoi la sak laihoi, nawmnae, lunghawilawkdinae hoi cungtalah hnawngnae sak nahanelah, Levihnav hah a tawng awh teh, a onae hmuen tangkuem koehoi Jerusalem vah a kaw awh.

²⁸ La kasakthainaw teh Jerusalem kho tengpam koe lah thoseh, Netophah kho hoi thoseh,

²⁹ Gilgal im hoi thoseh, Geba hoi Azmaveth ram koehoi thoseh, a mahmawk a kamkhueng awh.

³⁰ Vaihma hoi Levihnav hai amahoima thoseh, taminaw thoseh, kho longkha thoseh, kho rapan thoseh a thoung sak awh.

³¹ Hattoteh Judah bawinaw hah rapan van ka ceikhai teh, pholen la ka sak hanelah, phu hni touh lah ka kapek. Phu touh teh aranglah hoi a kâhei teh vaipuen longkha koe kho rapan van a cei awh.

³² Ahnimouh hnuk vah Hoshaiyah hoi Judah kacuenaw tangawn,

³³ Azariah, Ezra, Meshullam,

³⁴ Judah, Benjamin, Shemaiah hoi Jeremiah tinaw a kâbang awh.

³⁵ Hahoi mongka ka patuem e vaihmanaw, Jonathan capa, Zekhariah, Shemaiah capa, Mathaniah capa, Michaiyah capa, Zakkur capa, Asaph capa,

³⁶ Hahoi a hmaunawngna, Shemaiah, Azarel, Milalai, Gilalai, Maai, Nethanel, Judah hoi Hanani tinaw ni, Cathut e tami Devit e tumkhawng-naw heh a patuep awh teh, a kâbang awh. Kâlawk kacangkhaikung Ezra teh ahnima e hmalah a cei.

³⁷ Ahnima e kadangka lah kaawm e tuiphuek khu longkha koe a pha awh torei, khorapan luenna e Devit kho khalai hoi a luen awh teh, Devit im lathueng kanitholah, Tui longkha totouh a cei awh.

³⁸ La kasakkung tangawn teh avoilah a kamlang awh teh, kai hoi tangawn teh, khorapan van, takhuen imrasang koehoi, khorapan akawnae koe totouh a kâbang awh.

³⁹ Ephraim longkha, longkha karuem, tanga longkha, Hananel imrasang, Meah imrasang koehoi kamtawng teh, tu longkha totouh a kâbang awh hnukkhu, thongim longkha koe a kangdue awh.

⁴⁰ Hahoi la kasakkung phu hni touh teh, Cathut im vah a kangdue awh teh, a tangawn e bawinaw teh kai hoi cungtalah,

⁴¹ Mongka ka patuem e vaihma Eliakim, Maaseiah, Miniamin., Mikaiyah, Elioenai, Zekhariah hoi Hananiah,

⁴² Hahoi, Maaseiah, Shemaiah, Eleazar, Uzzi, Jehohanan, Malkhijah, Elam hoi Ezer tinaw hai cungtalah a kangdue awh. La kasakkungnaw teh kahrawikung Jezrahiah hoi cungtalah puenghoi la a sak awh.

⁴³ Hot hnin vah vaihmanaw ni thuengnae moikapap a sak awh teh, a konawm awh. Puenghoi konawmnae Cathut ni a poe awh dawkvah, yunaw hoi canaw hai a konawm awh. Hatdawkvah, Jerusalem konawmnae hah ahlanae koehoi patenghai thai e lah ao.

Bawkim dawk thaw katawknaw

⁴⁴ Hatnavah Bawkim dawk thaw kakuennaw, vaihmanaw hoi Levihnaw teh karingkung lah ao aw h dawkvah, Judahnaw teh a lungkuep aw h teh, vaihmanaw hoi Levih ni a pang aw h hane pasoumhno aluepaw, pung hra pung touh hah, kho tangkuem hoi a pâkhueng aw h teh, hmoun nahane rakhannaw karingkung hanelah thaw a poe aw h.

⁴⁵ La kasakkungnaw hoi tho karingkungnaw hai Devit capa Solomon e kâpoelawk patetlah amamae Cathut thaw hoi thoungeae thaw hah a taw k aw h.

⁴⁶ Devit hoi Asaph se navah, Cathut koe lunghawilawkdeinae kahrawikungnaw teh ao aw h.

⁴⁷ Zerubbabel hoi Nehemiah se nahai la kasakkungnaw hoi tho kar- ingkungnaw hah, hnintangkuem a pang aw h hane rawca hah a poe aw h. Levihnaw hah ka thoung hnonaw a poe aw h. Levihnaw ni hai Aron capanaw coe hanelah a kapek pouh aw h.

13

Nehemiah ni a hnukteng a pathoupnae

¹ Hot hnin vah, Mosi e cauknaw hah taminaw e hmâ lah a touk aw h teh, Hote cauk dawkvah Ammonnaw hoi Moabnaw teh Cathut e taminaw kamkhuengnae hmuen koevah, baw k aw h van mahoe h telah thut e lah ao.

² Bangkongtetpawiteh, Isarelnaw vaiyei hoi tui hoi dawn laipalah, ahnimanaw thoebo sak hanelah Baalam a hlai aw h. Hateiteh, kaimae Cathut ni thoebonae hah yawhawinae lah a coung sak.

³ Hahoi, hote kâlawnaw koug a thai aw h hnukkhu, miphun katang hoeh e taminaw teh, Isarel miphun thung hoi a takhoe aw h.

⁴ Ha hoehnahlan teh Cathut imrakhan daw k kâtawnnae ka tawn e vaihma Eliashib teh Tobiah hoi a kâkuet aw h.

⁵ Hatnavah Levih tami lakasakkung longkha karingkungnaw hoi vaihmanaw ni thuing hane kâlawk poe e hoi thuengnae, hahoi hmuitui, hlaumhlaam pung hra pung touh, misurtui hoi satui pung hra pung touh, pâkuemnae hah Tobiah hanelah a sak aw h.

⁶ Hateiteh, hatnae tueng dawkvah, kai teh Jerusalem vah kaawm hoeh. Bangkongtetpawiteh, Babilon siangpahrang Artaxerxes a bawinae kum 32 nah, siangpahrang koe ka ban toe. Hahoi ka saw lah ka o hnukkhu siangpahrang koe ca hoi tâco thainae ca bout ka hmu.

⁷ Hahoi Jerusalem ka pha toteh Cathut im daw k rakhan ka sak pouh teh, Tobiah hanelah Eliashib ni a sak e hawihoehnae teh ka panue.

⁸ Ka lungkuep hoeh tanglang dawkvah, Tobiah imthung hoi e hnopainaw pueng alawilah be ka tâkhawng pouh.

⁹ Imrakhannaw thoug sak hanelah kâ ka poe teh, Cathut im thung vah hnopainaw, caneikawinaw hoi, hmuituinaw hah bout ka ta.

¹⁰ Hahoi Levih taminaw, la kasakkungnaw teh ham ka poe hoeh. Bangkongtetpawiteh, hote thaw ka taw k e Levihnaw hoi lakasakkungnaw teh amamae lawnaw koe he a cei aw h tie hah bout ka panue.

¹¹ Cathut e im hah bangkongmaw na pahnawt aw h vaw telah bawinaw hah yon a pen teh, Levihnaw hah a kamkhueng sak hnukkhu, amamae hmuen koe bout a hruék aw h.

¹² Hatnavah, Judah ram pueng ni cakang, misurtui, satui pung hra pung touh hah hnoin daw k bout a thokhai aw h.

¹³ Vaihma, Shelemiah, kâlawk kacangkhaukung Zadok hoi, Levihnaw thung daw k e Pedaiiah hah thaw ka poe teh, kabawmkung lah Mathaniah

capa Zakkur e capa Hanan hah thaw ka poe. Ahnimanaw teh, yuemkamcu hnokahawi ka sak e lah ao teh, a hmaunawngghanaw koe thaw a rei.

14 Oe ka Cathut, hete kong dawk kai na pahnim hanh. Kaie Cathut im hanelah, a thaw ka tawk hane kai ni ka sak e hah raphoe hanh.

15 Hatnae tueng navah, Judah ram thungvah sabbath hnin nah misur katinnae tangkom dawk misur bawm hoi cabong moikapap a hrawm awt teh, la e van a thueng awt e thoseh, misurtui hoi, misur paw, thai paw, hotnaw na thueng awt teh, Jerusalem khopui koe lah na phu awt e thoseh ka hmu. Hah hoi ca kawi yo hnin vah kâhruetcuetae ka poe.

16 Hote hmuen koe kaawm e Tairenaw ni hai, tanga hoi hnopainaw hah Jerusalem khopui koe a phu awt teh, sabbath hnin dawk Judahnaw koe ouk a yo awt.

17 Hatnavah kai ni, nangmouh ni sabbath hnin hah na raphoe awt teh, na yon awt e bangtelah namaw.

18 Mintoenaw ni hottelah a sak awt dawkvah, hettelah e kalenpoung roedeng runae hah maimouh dawk thoseh, hete khopui dawk thoseh, Cathut ni phat sak hoeh namaw. Nangmouh ni sabbath hnin na raphoenaehoi hoe kapatawpoung lah a lungkhueknae hah Isarelnaw koe bout na pha sak han rah maw telah Judah bawinaw hah ka yue.

19 Sabbath hnin navah Jerusalem longkhanaw koe khohmo teh, longkha khan han telah kâ ka poe teh, Sabbath hnin abaw hoehnahlan, paawng mahoehtelah kâ bout ka poe. Sabbath hnin nah, bang hno hai kâenkhai hoeh nahanelah, ka sannaw thung e a tangawn longkha ka ring sak.

20 Hno kayawtnaw, hnocawngca kayawtnaw teh, Jerusalem khopui alawilah avavai a i awt.

21 Hot patetlah a lan hoeh e ka panue teh, ahnimouh koe, bangkongmaw rapan kung koe na roe awt. Het patetlah bout na sak awt bawi pawiteh, na tak dawk ka kut ka pho han telah ka ti pouh. Hat totouh hoi teh Sabbath hnin vah tho awt hoeh toe.

22 Hahoi Levihnaw hah kamthoung sak vaiteh, Sabbath a thoungsak nahanelah, rapan longkha a ring awt hanelah kâ ka poe toe. Oe ka Cathut, hete kong dawk hai na pahnim hanh. Kalenpoung na pahrennae hoi na hlung haw.

23 Hat navah, Judah tami Ashdod, Amom hoi Moab napuinaw a yu lah a la e hah ka hmu awt.

24 A canaw hah Ashdod lawk a pan awt. Hote lawk hloilah teh, Hebrulawk hai pan thai awt hoeh.

25 Ahnimouh hah ka yue teh, thoe ka bo. Atangawn teh ka hemkhai, a sam ka sawn pouh. Na canunaw hah a capanaw la sak hoeh hane hoi ahnimae canu hah na capanaw ni la hoeh hanelah, ahnimouh han thoseh, mamouh han thoseh, canu capa yuvâ hoeh hanelah thoseh, Cathut noe lahoi lawk ka kam sak.

26 Isarel siangpahrang Solomon hai hot patetlah yonnae a sak na-hoehmaw. Hateiteh miphun moikapapnaw thung dawk, ahni patet e siangpahrang awm hoeh. Cathut ni a pahren e doeh. Cathut ni Isarelnaw lathueng vah siangpahrang lah a sak. Hatei, hot patenghai yah talai napuinaw ni yonnae a sak sak awt.

27 Hot patetlah ram alouknaw yu lah la vaiteh, Cathut lathueng vah kahawihoehe hno sak hanelah tarawi han nama, telah ka ti pouh.

28 Vaihma kacue Eliashib capa, Jehoiada capa buet touh teh, Haron tami Sanballat e cava lah ao dawkvah, kai koehoi tang ka pâlei sak.

²⁹ Oe Cathut, vaihma lah onae, vaihma lah lawkkamnae, Levihnaw e lawkkamnae, kamhnawng sak dawkvah, pahnim hanh la a.

³⁰ Hot patetlah talai hnonaw pueng dawkh hoi kathoung sak, vaihmanaw hai Levih ni amamae thaw lengkaleng tawkhanelah,

³¹ khoe e atueng dawkvah, thuengnae thing hah, aluepaw ahmaloe e totouh thokhai hanelah, ka pouk pouh. Oe ka Cathut, hawi nahanelah na pahnim hanh.

ESTA (The Book of Esther)

Siangpahrang e pawl

¹ India hoi Ethiopia totouh a ram 127 touh ka uk e Ahasuerus siangpahrang ni,

² Shushan khopui vah bawitungkhung dawk a tahungnae a kum thum nah,

³ Persia hoi Media ram e kâ ka tawn naw, ram ka ukkungnaw hoi kahrawikungnaw a kaw teh, a bawinaw hoi a sannaw hanlah pawl a to pouh.

⁴ Hatnavah, a uknaeram tawntanae hoi a taluenae hah hnin 180 touh thung vah a pätue.

⁵ Hote ahnintha abaw toteh siangpahrang ni Shushan khopui dawk ka kamkhueng e tami kathoung kalen pueng hanlah siangpahrang takha um vah hnin sari touh thung pawl a to pouh.

⁶ Ngunlaikawnaw bang e talung pangaw khomnaw dawkvah, lukkareil rui hoi, thung e, kapangaw, kahring, kaopaou, naw hoi thoseh, phai e lungphen ka paling, kaopaou, kapangaw, katamangnaw e van ta e sui ngun tahung tabennaenaw hoi takha teh a pathoup.

⁷ Siangpahrang a tawnta e patetlah misur teh suimanang dawk hoi a nei awl.

⁸ Misur teh a nuencangalah a nei awl teh apihai ngawt ka parui lah net awl hoeh. Tami pueng ni amamouh ngainae patetlah a sak nahanlah siangpahrang ni a im e kahrawikungnaw pueng koe a dei pouh.

⁹ Hahoi, siangpahrangnu Vashti ni hai Ahasuerus siangpahrang im vah napuinaw hanlah pawl a to pouh van.

Siangpahrangnu Vashti ni a kangek

¹⁰ A hnin sari hnin nah siangpahrang e a lungthin teh misur ni a nawm sak toteh, tuenla e sari touh, siangpahrang Ahasuerus hmalah thaw ouk ka tawk naw; Mehuman, Biztha, Harbona, Bigtha, Abagtha, Zethar hoi Karkas tinaw hah,

¹¹ Siangpahrang ni Vashti teh a bawilukhung kâ muk hoi, tami puenghoi tami kalen naw koe a meihawinae patue hanlah siangpahrang hmalah thokhai hanelah kâ a poe.

¹² Hateiteh, siangpahrangnu Vashti teh tuenlanaw niyah tho hanlah siangpahrang ni kâpoe e lawk a dei pouh awl navah ngai hoeh. Hatdawkvah siangpahrang teh a lung puenghoi a khuek. A lungkhueknae hah hmaisaan patetlah a kaman.

¹³ Hatdawkvah, siangpahrang ni hno kaawm e ka thai panuek e tami lungkaangnaw koe, bangkongtetpawiteh, kâlawk hoi lannaen kong ka panuek e naw pueng hah siangpahrang ni pouknae ouk a pacei.

¹⁴ A kut rahim thaw katawknaw teh; Karshena, Shethar, Admatha, Tarshish, Meres, Marsena, Memukan, Persia hoi Media ram tami kalen sari, siangpahrang pou kâhmo thainae kâ katawnnaw thungvah hmuensarang poung koe ka tahung e bawinaw lah ao.

¹⁵ Tuenlanaw ni patuen a thaisak awl ei, kai siangpahrang Ahasuerus e kâpoe e hah siangpahrangnu Vashti ni a ngâi hoeh dawkvah, aphung patetlah ahni hah bangtelamaw lawkceng han, telah a pacei navah,

16 Memukan ni siangpahrang hoi tami kalen naw hmalah, Siangpahrangnu Vashti ni siangpahrang koe dueng yonnae sak hoeh, bawinaw hoi siangpahrang ni a uk e ramnaw pueng koehai a sak e lah ao.

17 Bangkongtetpawiteh, siangpahrang Ahasuerus ni siangpahrangnu Vashti a kaw navah, tho pouh hoeh tie peng a kamthang dawkvah, siangpahrangnu e nuencang hah napuinaw pueng ni thai aw h vaiteh a vanaw hah a hnephnap aw h han.

18 Siangpahrangnu ni a sak e Persia hoi Media bawinunaw ni a thai aw h toteh, a kut rahim thaw ka tawk h bawinaw puenghai, hottelah bout dei aw h vaiteh, minhmai khethoehnae hoi lungkhueknae hoeh a pung sak aw h han.

19 Vashti hah siangpahrang Ahasuerus koevah bout kâen sak hoeh nahanlah ngainae aw m pawiteh kâen hoeh nahanlah kâ pouh. Kâthung hoeh e kâpoenae ao thai nahanlah Persia hoi Midiannaw koe thun sak. Hahoi, Vashti hlak kahawi e napui hah siangpahrangnu lah lat telah atipouh aw h.

20 Hottelah, na sak pawiteh siangpahrang ni kâpoe e hah na uknaeram pueng daw k pathang torei teh, napuinaw pueng ni a vanaw hah a bari aw h han, telah a ti.

21 Hote lawk hah siangpahrang hoi a tami kalen naw ni a lung a kuep dawkvah siangpahrang ni Memukan ni a dei e patetlah a sak.

22 Siangpahrang uknae hoi ram tangkuem dawkvah a ma ca lahoi, miphun pueng a ma lawk lahoi, tongpa ni ma imthungkhu tangkuem daw k kâtawn hanlah ao tie lawk hah a pathang.

2

1 Hahoi, siangpahrang Ahasuerus teh a lungkhueknae a roum navah, Vashti hai toseh, ahni ni a sak e hoi ahni hanlah a sak e naw hai toseh, bout a pouk

2 Siangpahrang pouknae kapoekungnaw ni ahni koevah, "Siangpahrang hanlah tanglakacuem a meikahawi tawng aw h sei,

3 Ram pueng daw k bawi rawi nateh, ahnimouh ni na ram thung e tanglakacuem a meikahawi naw pueng thokhai naseh, na khopui Susan vah Siangpahrang im hrawi aw h naseh, siangpahrang im daw k napuinaw ka uk e tuenla Hegai koevah hrawi aw h naseh, kamthouptnae kamtu aw h naseh.

4 Tangla na ngai poung e hah na rawi han, Vashti e yueng lah siangpahrangnu lah na ta han, telah atipouh aw h. Siangpahrang ni ahawi ati dawkvah hottelah a sak aw h.

5 Hatnavah, Susan khopui daw k Judah tami buet touh Zair capa Mordekai ao. Ahni teh Benjamin phun, Kish capa, Simei capa lah a tho.

6 Ahni teh Babilon siangpahrang ni Judah siangpahrang Jekoniah tinaw a man navah, Jerusalem hoi mak man e doeh.

7 Ahni ni a na pa kanaw e canu Hadassah tie Esta hah a kaw k. Hote napui teh a manu hoi na pa tawn hoeh, hateiteh, a meihawi teh nuencang haiyah ahawipoung. A manu hoi a na pa a due hnukkhu, Mordekai ni a canu lah a tawn e lah ao.

8 Hatdawkvah, siangpahrang kâpoenae hoi laideitâtueng e hah a thai torei teh, Susan khopui daw k napuinaw ka uk e Hegai koe tanglanaw a poe aw h navah, Esta haiyah siangpahrang im e napui ka uk e Hegai koe a poe aw h.

9 Esta teh Hegai e lung a youk dawkvah minhmai kahawi a hmu teh, Hegai ni kâpicainae tâsinaw hoi khohna hah karanglah a poe.

Siangpahrang im dawk rawi e napui sari touh a poe vaiteh, Esta hoi a sannunaw teh tanglanaw onae khan hoe taluenae koe ao sak.

¹⁰ Esta ni api miphun maw, apimaw a imthungkhunaw ti hai dei hoeh. Bangkongtetpawiteh, Mordekai ni dei hoeh hanlah a cakâ dawk vah.

¹¹ Esta teh bangmaw ati, bangtelamaw ao tie panue hanlah a ngai dawkvah Mordekai ni hnintangkuem siangpahrang im vah napuinaw onae khan a hmalah e thongma dawk ouk a kâhlai.

¹² Siangpahrang yu hanlah pathoupnae tueng heh kum touh ouk a ro. Thapa yung taruk touh thung murah satui, alouke thapa yung taruk touh thung teh kâpikâcainae hmuítui hoi kâpi kâcainae lahoi atueng a loun sak awh.

¹³ Siangpahrang koevah cei hanlah tueng a pha torei teh tangla ni a ngai e pueng hah a hei teh napuinaw e im dawk hoi siangpahrang im vah ouk a sin awh.

¹⁴ Tangmin lah siangpahrang koe a hrawi awh teh amom toteh tuenlanaw, a donaw, siangpahrang e a donaw onae khan, tuenla Shâshagaz ni a ring e napui onae khan apâhni e im dawk a ta awh. Siangpahrang ni a ngai teh a min lahoi kaw hoehpawiteh bout cet awh hoeh toe.

Esta siangpahrangnu lah a coung

¹⁵ Ama e canu patetlah Mordekai ni a kaw koe e a na pa kanaw Abihail canu Esta tueng a pha teh siangpahrang koe a kâen navah, napuinaw karingkung siangpahrang hanlah tuenla, Hegai ni a sak pouh e hno hloilah banghai het hoeh. Esta heh kahmawt naw pueng ni a lungpataw awh.

¹⁶ Siangpahrang Ahasuerus a bawinae a kum sari nah, thapa yung hra Tebet thapa daw koe Esta teh siangpahrang koevah a hrawi awh.

¹⁷ Siangpahrang ni Esta teh tangla alouknaw pueng hlakvah hoe a ngai teh a ngai poung dawkvah bawilukhung hah a kâ muk sak teh Vashti yueng lah siangpahrangnu lah a tawm.

¹⁸ Hatnavah, siangpahrang ni Esta min lahoi, tami kalennaw hoi a taminaw hanlah paw i a to pouh. Hote hnin nah, ram pueng daw kâhatnae hnin lah a pathang, a thaw katawknaw a patoun teh a bawi e patetlah poehno a poe sak.

¹⁹ Tanglakacuemnaw apâhni lah bout a kamkhueng awh navah, Mordekai teh siangpahrang im daw k takhang ka ring naw ukkung lah ao.

²⁰ Esta teh Mordekai ni a kaw koe tueng nah lawk a ngai e patetlah lawk pou a ngai pouh teh Mordekai ni a dei e patetlah a miphun hoi a imthungkhunaw e kong dei laipalah ao.

²¹ Mordekai teh siangpahrang im vah takhang karingkungnaw ukkung lah ao navah, siangpahrang hanlah tuenla, tami kahni touh Bigthan hoi Teresh takhang ka ring roi e a lungkhuek roi teh siangpahrang Ahasuerus hah thei hanlah a kâcai roi.

²² Hote hno hah Mordekai ni a panue teh siangpahrangnu Esta koevah a dei pouh. Hahoi, Esta ni Mordekai ni a dei e patetlah siangpahrang koe a dei pouh.

²³ Hote hno akungkhei awh navah atang tie a panue awh dawkvah, hote tami kahni touh roi hah thingsoi vah a kaithi sak awh. Hote hno hah siangpahrang hnosaknae cungpam cauk daw k a thut awh.

¹ Hat hnukkhu, siangpahrang Ahasuerus ni Agag tami Hammedatha capa Haman hah thaw a luen sak teh alouke tami kalen naw pueng hlakvah ka rasang poung koe a tahung sak.

² Hahoi, siangpahrang thongma longkha koe kaawm e a taminaw pueng ni Haman hah barinae a poe aw hah teh, a hmalah ouk a tabo pouh aw hah. Bangkongtetpawiteh, siangpahrang ni hot patetlah sak hanelah kâ a poe daw k doe h. Hateiteh, Mordekai ni a hmalah tabo hoi barinae hah poe ngai hoeh.

³ Siangpahrang e sannaw hoi longkha thung kaawm e naw pueng ni Mordekai koe vah, bangkongmaw siangpahrang e kâ na tapoe telah atipouh aw hah.

⁴ A hnintangkuem kâhruetcuetnae a poe aw hah ei, a ngai pouh hoeh torei teh, Mordekai e lawk a cak hoi a cak hoeh e panue hanlah a ngai aw hah daw kvah Haman koe a dei pouh aw hah. Bangkongtetpawiteh, Mordekai ni Judah tami lah ao e yo a dei pouh toe.

⁵ Mordekai ni a hmalah tabo hoi barinae poe hane a ngaihoehnae hah Haman ni a panue toteh, puenghoi a lungkhuek.

⁶ Hateiteh, Mordekai dueng thei hane teh ka lung bet hoeh. Bangkongtetpawiteh Mordekai teh api miphun daw k hoi e maw ti a dei aw hah toe. Hatdaw kvah, Ahasuerus uknaeram thung kaawm e Judah tami Mordekai e tami pueng koug thei hanlah a kâcai.

⁷ Siangpahrang Ahasuerus a bawinae kum 12, apasuek e thapa Nisan daw kvah, Haman hmalah ahninth a touk, thapa 12 nah Adar thapa totouh Haman hmalah Purim tie cunggam ouk a rayu aw hah.

⁸ Haman ni siangpahrang Ahasuerus koe vah, Na ram thinghmuen tangkuem daw k miphun buet touh miphun alouke hoi kâvan hoeh e aloukcalah kaawm e ao. Ahnima e kâlawk teh alouknaw e kâlawk hoi khoeroe kâvan hoeh. Siangpahrang e kâlawk hai ngai aw hah hoeh. Hatdaw kvah, hottelah o sak e heh siangpahrang hanlah kamcu hoeh.

⁹ Siangpahrang na hnâ baw taw pawiteh, koug thei hanlah ao tie kâ poe loe, siangpahrang rawca tanae daw k ngun tangka thong hra, touh kâ ta han telah, atipouh.

¹⁰ Siangpahrang ni hai hote tangka teh kai ni nang let na poe.

¹¹ Hote miphunnaw koe sak han na ngai e patetlah sak thainae kâ na poe a titeh, a kuthraw t a rading teh, Judahnaw e taran Agag tami Hammedatha capa Haman koe a poe.

¹² Hottelah, thapa yung touh, hnin 13 nah siangpahrang ni cakathukungnaw a kaw teh, Haman ni kâ poe e patetlah siangpahrang e tami kacuenaw hoi, ram kaukungnaw hoi, miphun pueng e kahrawikung koe ca koug a pawan. Ram pueng daw kvah amamae lawk hoi siangpahrang Ahasuerus e kâpoe e patetlah ca a thut aw hah teh, siangpahrang e kuthraw t hoi tacik a kin aw hah.

¹³ Siangpahrang uknaeram pueng daw k e Judahnaw pueng, nawsai, matawng, camo hoi napuinaw totouh, hnin touh hoi, thapa hlaikahni nah, Adar thapa hnin 13 nah raphoe, thei, tâkhawng vaiteh a hnopai teh koug la pouh hanlah ca a pawan.

¹⁴ Hote hnin hanlah coungkacoe o hanlah ca teh ram tangkuem e tami pueng koe vah pathang hanlah ao.

¹⁵ Siangpahrang ni kâ a poe hoi ca kareinaw hah karanglah a patoun aw hah. Kâpoe e teh siangpahrang khopui Susan vah a pathang aw hah. Hatdaw kvah, siangpahrang hoi Haman teh yamu nei hanlah a tahung roi, hatei, Susan khopui teh ngaih mang hoi ao aw hah.

4

Esta ni ka taminaw hanelah ka kâhei han ati

¹ Mordekai ni hote hnonaw pueng a panue toteh a angki a phi teh buri kâkhu laihoi vaiphu a kâphuen, khothung a cei teh, lungrek laihoi puenghoi a ka.

² Siangpahrang thongma longkha totouh a cei. Bangkongtetpawiteh, apihai buri kâkhu hoi siangpahrang thongma dawk kâen han pasoung awh hoeh.

³ Siangpahrang ni kâpoe e ca a phanae ram pueng dawk Judahnaw koe cingounae, rawcahainae, khuikanae a sak awh teh, taminaw ni buri hoi vaiphu dawk a yan awh.

⁴ Hottelah, Esta ni a okhai e napui hoi tuenlanaw ni a dei pouh teh siangpahrang yu teh a lung puenghoi a mathoe, Mordekai hah buri kâkhu yueng lah lukkarei kâkhu hanlah a patawn. Hatei, dâw pouh hoeh.

⁵ Hatdawkvah, Esta ni ama ka ring hanlah tuenla e tami buet touh, Hathakh a kaw teh, hote hno teh bangmaw, bangkongmaw ti panue han a ngai dawkvah Mordekai koevah a patoun.

⁶ Hatdawkvah, Hathakh ni siangpahrang thongma longkha koe kaawm e Mordekai koe a cei.

⁷ Mordekai ni a lathueng ka phat e hnonaw pueng hai thoseh, Judahnaw thei hanelah siangpahrang hnoim dawk Haman ni tangka poe hane lawk a kam e totouh thoseh, totouh koug a dei pouh.

⁸ Hahoi, Esta hah khen sak nateh deingainae deicai pouh han hoi siangpahrang koe kâhei hanlah a patoun. Ama thei nahanelah Susan im vah ca pathang e hai a poe.

⁹ Hathakh ni Esta koe Mordekai ni lawkthui e naw pueng a dei pouh.

¹⁰ Esta ni Hathakh koe a dei pouh e teh;

¹¹ siangpahrang sannaw puenghoi a uknaeram thung kaawm e taminaw pueng ni napui thoseh, tongpa thoseh, apihai kaw laipalah siangpahrang koevah a thung e rapan thung kâen pawiteh phunglam buet touh duengdoeh ao tie teh tami pueng ni panue awh. Hote phunglam teh siangpahrang ni a hring nahanlah sui sonron hah dâw pouh hoeh pawiteh apihai thoseh thei hanelah ao. Hahoi, atu hnin 30 touh kâen hanlah na kaw hoeh toe, telah Mordekai koe dei pouh hanlah lawk a thui.

¹² Esta ni lawkthui e teh Mordekai koe a dei pouh.

¹³ Mordekai ni Esta hah lawk bout a pathung e teh, "Judahnaw pueng ni a roun thai hoeh e, siangpahrang im dawk teh ka roun thai han doeh telah pouk hanh.

¹⁴ Bangkongtetpawiteh, het patet e tueng nah duem na awm pawiteh, alouke Judahnaw hanlah rounnae hoi hloutnae kaawm nakunghai, nang hoi na pa imthungkhunaw pueng teh koug due awh han. Het patetlae thaw na tawk hanelah nahoehmaw nang teh siangpahrangnu lah uknaeram dawk ka o tie na panuek hoeh maw.

¹⁵ Hatdawkvah, Esta ni Mordekai e lawk pathung hanlah bout a patoun teh,

¹⁶ Cet nateh, Susan kho kaawm e Judahnaw pueng koug kaw nateh, kai hanlah hnin thum, rum thum rawcahai awh. Kai hoi kai koe kaawm e napuinaw van hai rawcahai awh han. Hahoi, phunglam laipalah siangpahrang koe ka kâen han. Ka due hanlah awm pawiteh ka due han, telah a ti.

¹⁷ Hatdawkvah, Mordekai teh Esta ni kâ a poe e patetlah a cei teh a sak.

5

Esta ni pawī a to

¹ Hahoi, apāthum hnin nah, Esta ni siangpahrang puengcang a kho teh siangpahrang im kalupnae thungvah a kangdue. Siangpahrang teh takhang hoi kadangka lah a bawitungkhung dawk a tahung.

² Hahoi, siangpahrangnu Esta teh siangpahrang imthung kalupnae thung a kangdue e hah siangpahrang ni a hmu navah, a lathueng vah a lunghawi dawkvah siangpahrang ni sui sonron a sin e hah Esta koelah a dāw pouh. Hatdawkvah, Esta ni a vā a hnai teh siangpahrang e sonron hah dek a tek pouh.

³ Siangpahrang ni, A yu Esta koe bangmaw na ngai, ka uknaeram a tangawn totouh hai na poe han, telah atipouh.

⁴ Esta ni, Siangpahrang nang ni ahawi na tetpawiteh, bu sut kalawng e ven hanlah sahnin Haman hoi rei tho roi ei, telah atipouh.

⁵ Siangpahrang ni, Esta ni a dei patetlah Haman karanglah kaw awh, telah atipouh. Hatdawkvah, siangpahrang hoi Haman teh Esta ni sut lawng e pawī koe bu ca hanlah a cei roi.

⁶ Misur bout neinae hmuen koevah, siangpahrang ni Esta, bangmaw hei han na ngai. Ka uknaeram a tangawn totouh na poe han, telah atipouh.

⁷ Esta ni ka ngai e hoi ka hei e teh het hah doeh.

⁸ Siangpahrang minhmai kahawi ka hmu teh, ka heinae siangpahrang ni na poe hanlah na pasoung teh, kahei e hah kuepsak pawiteh, tangtho vah bu vennae koe Haman hoi bout tho roi ei, tangtho teh na dei e patetlah ka ngai e ka dei han toe telah atipouh.

Haman ni Mordekai kaithi sak nahanelah khom a ung

⁹ Hatdawkvah, Haman teh hote hnin navah lunghawi ca lahoi a tâco. Hatei, Haman ni siangpahrang thongma kalupnae longkha e a hmalah, Mordekai ni bari laihoi thaw hoeh, kâroe laipalah ao e hah a hmu navah, Mordekai koe puenghoi a lungkhuek.

¹⁰ Hatei, Haman teh a kâ cakuap laihoi a im vah a ban. A hui hoi a yu Zeresh hah a kaw sak.

¹¹ Hatdawkvah, Haman ni a bawilennaehoi a bawirengnaehoi kong hoi, ca catoun moi a tawnaehoi kong, siangpahrang ni a tawm teh thaw ka rasang a poenae naw puenghoi alouknaw hlakvah ka rasang poung lah a tanaehoi kong naw hah ahnimouh koevah a dei pouh.

¹² Hothloilah, siangpahrangnu Esta ni buvennaehoi a sak e dawk kai laipalah siangpahrang koevah apihai kâpa sak hoeh. Tangtho vah siangpahrang hoi bout na coun rah.

¹³ Hatei, siangpahrang thongma kalupnaehoi longkha koe ka tahung e Mordekai ka hmu nathung teh hetnaw pueng heh kai hanlah banghai cungkeihoeh, a ti.

¹⁴ Hatdawkvah, a yu Zeresh hoi a hui naw pueng ni ahni koevah, Dong 50tough karasang e kaithinaehoi hah sak nateh Mordekai hah kaithi sak hanlah amom vah siangpahrang koe dei pouh nateh buvennaehoi koe vah lung kanawmcalah siangpahrang hoi rei cet roi haw atipouh awh. Hote lawk ni Haman a lungkuep sak teh kaithinaehoi teh a sak sak.

6

Siangpahrang ni Mordekai barinaehoi a poe

¹ Hote tangmin vah siangpahrang teh ip thai hoeh. Siangpahrang setouknae cungpam cauk thokhai hanlah tami buet touh kâ a poe teh siangpahrang hmalah a touk.

² siangpahrang im ka ring e tuenla Bigthana hoi Teresh ni siangpahrang Ahasuerus thei hanlah a kâcai roinae hoi Mordekai ni a panue e kong hah a hmu.

³ Hatdawkvah, siangpahrang ni, Hote hno kecu dawk Mordekai ni bangpatet e barinae maw a hmu toung, telah a pacei. Siangpahrang e thaw ka tawk naw ni, Banghai sak pouh hoeh rah, telah atipouh aw. h.

⁴ Siangpahrang ni, Thongma e kaawm e apimaw telah a pacei. Hatnae tueng navah Haman teh kaithi sak hanelah a sak e dawk Mordekai hah kaithi sak nahane kong dei hanlah siangpahrang thongma alawilah vah a kâen lahun.

⁵ Siangpahrang e sannaw ni ahni koevah, Khenhaw thongma ka kangdout e teh Haman doeh, telah atipouh. Hahoi, siangpahrang ni, kâen naseh, telah atipouh.

⁶ Hatdawkvah, Haman teh a kâen teh siangpahrang ni ahni koevah, siangpahrang ni bari poe han a ngai e tami hah bangtelah sak pawitech maw ahawi han vai, telah atipouh. Haman ni, Siangpahrang ni bari poe han a ngai e tami teh kai hloilah ao han rah maw, telah a lungthung hoi a pouk.

⁷ Haman ni siangpahrang koevah, Siangpahrang ni bari a poe han a ngai e tami teh,

⁸ Siangpahrang ni ouk a kho e angki hoi siangpahrang ni ouk a kâcuie marang hoi siangpahrang lukhung, siangpahrang ni ouk a kâ muk e hah la pouh lah awm naseh.

⁹ Hote khohna hoi marang hah ka talue e siangpahrang e kut rahim thaw ka tawk e buet touh koe a poe hnukkhu, siangpahrang ni a tawm han a ngai e tami hah hote khohna hoi a pathoup teh, marang a kâcuie sak teh, kho thung lam dawk hrawi vaitech, siangpahrang ni a tawm han a ngai e tami koe hettelah sak e lah ao ti hoi ahnie hma lah oung aw. h. naseh telah siangpahrang koe bout atipouh.

¹⁰ Hatdawkvah, siangpahrang ni Haman koevah, Na dei e patetlah siangpahrang e hni hoi marang lat nateh, siangpahrang e im longkha koe ka tahung e, Judah tami Mordekai koevah sak haw, na dei e patetlah buet touh boehai pâhma hanh, telah atipouh.

¹¹ Hat toteh, Haman ni siangpahrang e khohna hoi marang hah a la teh Mordekai a kâcuie sak teh, khopui lam dawk a hrawi teh, Siangpahrang ni bari poe hanelah a ngai e tami teh hettelah sak lah ao, telah pou a pathang.

¹² Hathnukkhu, Mordekai teh siangpahrang e longkha koevah bout a ban. Haman teh minhmai puenghoi mathoe lahoi a lûsaling teh a im lah karanglah a ban.

¹³ Hahoi, Haman ni a yu Zeresh hoi a hui naw pueng koe a lathueng ka phat e hnonaw pueng a dei pouh. Hatdawkvah, a tami lung ka-ang naw hoi a yu Zeresh ni ahni koevah, Na Kâhmo payon, Mordekai teh Judah tami lah awm pawitech na khang thai mahoeh, a hmalah na sung roeroe han, telah atipouh.

Esta ni Haman pouknae a pâpho pouh

¹⁴ Hottelah, ahni koe a dei pouh aw. h. navah, tuenlanaw a tho teh, ahnimouh ni, Esta ni sut lawng e buvennae koe Haman teh karanglah a ceikhai aw. h.

7

¹ Hatdawkvah, siangpahrang hoi Haman teh siangpahrangnu, Esta e bu a ven roi.

² Hahoi, hnin pahni nah e misur a ven roi navah, siangpahrang ni siangpahrangnu Esta koevah, Siangpahrangnu bangmaw na ngai. Na poe han. Bangmaw na hei han. Uknaeram atangawn totouh na poe han, telah bout atipouh.

³ Hatdawkvah, siangpahrangnu Esta ni, Oe bawipa, na lungyouk teh, siangpahrang hnâbonae lah awm pawiteh, ka ngai e teh kahringnae na pâhlung pouh han hoi ka miphunnaw e hringnae pâhlung pouh hane hah doeh.

⁴ Bangkongtetpawiteh, kai hoi ka miphunnaw teh raphoe teh koug thei hanlah ka o toe, napui hai tongpa hai san lah yo han fie pawiteh banghai ka dei mahoe. Hateiteh, koug pâmit hanelah ka o aw. Siangpahrang, nang hanelah hai sungnae katang lah ao han atipouh.

⁵ Hatdawkvah, siangpahrang ni Esta koevah, Hete hno sak hanlah a lung hoi a kâcai teh khokhan ngam e apimaw, na maw ao, telah a pacci.

⁶ Esta ni, na katarankung hoi na katukkung teh tami kahawihoehe Haman doeh, telah atipouh. Hatdawkvah, siangpahrang hoi siangpahrangnu e a hmalah Haman teh a taki teh a pâyaw.

Haman a kaithi sak aw

⁷ Hahoi, siangpahrang teh misur venna koehoi lungkhuek laihoi karanglah a thaw teh takha thung a kâen. Haman teh siangpahrangnu Esta koevah a hringnae pâhlung nahanlah kâhei laihoi a kangdue. Bangkongtetpawiteh, siangpahrang ni a lathueng vah hno a sak hane a kâpanue toe.

⁸ Hatdawkvah, siangpahrang teh siangpahrang dum hoi misur venna koe bout a tho navah, Haman teh Esta tahungnae tungkhung teng vah a tabo e a hmu navah, siangpahrang ni hete im dawk ka mithmu roeroe vah siangpahrangnu teh na yonkhai han na maw, telah atipouh. Siangpahrang e kâpoe e patetlah Haman e minhmai hah a kawm pouh aw.

⁹ Hatdawkvah, siangpahrang hanlah tuenla e tami Harbonah ni, Khenhaw! siangpahrang hmalah lawk kahawi ka dei e Mordekai bang nahanlah dong 50 ka rasang e Haman ni a sak tangcoung e khom Haman im vah ao, telah atipouh. Siangpahrang ni haw vah bang aw, atipouh.

¹⁰ Hatdawkvah, Mordekai bang nahane hmuen dawkvah Haman teh a bang aw. Siangpahrang e lungkhueknae teh a roum toe.

8

Esta ni Judahnaw a rungngang

¹ Hote hnin dawkvah, siangpahrang Ahasuerus ni Judahnaw e taran Haman im hah siangpahrangnu Esta koe a poe. Esta ni Mordekai hoi bangtelamaw kâkuetnae ao tie kong a dei dawkvah Mordekai teh siangpahrang koe a kâen.

² Siangpahrang ni hai Haman kut dawk hoi a la e kuthrawt hah a rading teh Mordekai hah a poe. Esta ni hai Haman e im hah Mordekai a poe.

³ Hahoi, Esta ni siangpahrang khok koe a tabo teh, Agag tami Haman ni a sak e yon, Judahnaw koe a kâcainae naw raphoe pouh hanlah mitphi hoi a kâhei.

⁴ Siangpahrang ni sui sonron hah Esta koelah a dâw pouh. Hatdawkvah, Esta ni a thaw teh siangpahrang hmalah a kangdue teh,

⁵ siangpahrang, ahawi na tetpawiteh, na lung ka youk pawiteh; siangpahrang hmunaē dawk a lan teh lung kahawi sak e lah kaawm pawiteh, Agag tami Hamedatha capa Haman ni kho a khang e ca, siangpahrang uknaeram pueng dawk kaawm e Judahnaw pueng koug thei hanlah telah a pathang e ca hah raphoe hanlah ca bout thun sak loe atipouh.

⁶ Bangkongtetpawiteh, ka miphunnaw koe hawihoehnae ka tho hane runae hoi thoseh, ka miphunnaw a raphoenae hai thoseh, kai ni ka khet hanelah bangtelamaw ka khang thai han, telah atipouh.

⁷ Siangpahrang ni hai Haman ni Judahnaw koe kutpho hane a kâcai kecu dawkvah a im hah siangpahrangnu Esta koe ka poe toe. Ama haiyah khom dawk yo kaithi sak toe.

⁸ Hahoi, siangpahrang kuthrawt hoi tacikkin e siangpahrang kâlawk hah apinihai raphoe thai mahoe. Na lungngai e patetlah Judahnaw hanlah ca bout thun nateh, kuthrawt hoi tacikkin han telah siangpahrangnu Esta hoi Judah tami Mordekai koe atipouh.

⁹ Hatnavah, Sivan thapa ayung pâthum, hnin 23 navah cakathutkungnaw a kaw teh India ram hoi Ethiopia ram totouh a ram 127 touh dawk kaawm e Judahnaw, ka ukkungnaw hoi kahrawikungnaw koevah Mordekai ni kâ a poe e patetlah Judahnaw e lawk lahoi miphun pueng e lawk lahoi,

¹⁰ Siangpahrang Ahasuerus min lahoi ca a thut awh teh, siangpahrang e kuthrawt hoi tacik a kin hnukkhu, Marang, La, Kalauk kâcui laihoi ca kareinaw ni a poe awh.

¹¹ Hatdawkvah, siangpahrang ni ram pueng dawk kaawm e Judahnaw pueng kamkhueng awh nateh, hringnae kâhruetcuēt han hoi tuk hanlah ka tho e ransanaw pueng hah a yucanaw hoi koug thet awh nateh a hnopai hai la thainae kâ hah siangpahrang ni a poe.

¹² Siangpahrang Ahasuerus uknaeram pueng dawk teh thapa hlaikahni, Adar thapa hnin 13 nah, Judahnaw koug thei hanlah khokhangnae hnin dawk hno hanlah ao.

¹³ Hete lawk teh, hatnae hnin roeroe nah a tarannaw e lathueng vah moipathung thai nahan hoi Judahnaw sut coungkacoe lah ao thai awh nahan, kho tangkuem vah koug patawn teh taminaw pueng koe pathang han, telah atipouh.

¹⁴ Hote kâpoe e ca teh Shushan khopui dawk a pathang awh hnukkhu, siangpahrang ni kâpoe e patetlah marang kâcuiē naw ni siangpahrang e marang a kâcui awh teh, karanglah a yawngkhai awh.

¹⁵ Mordekai ni siangpahrang e angki pangaw opaou e a kho teh, suilukhung kalenpoung kâmuk hoi, kawng e hni paling opaou e a kâkhu teh,

¹⁶ Susan khopui dawk e taminaw teh a lunghawi awh. Judahnaw teh lunghawinae, thahmeinae hoi barinae hah a coe awh.

¹⁷ Siangpahrang e kâpoe e ca a phanae ram pueng dawkvah, Judahnaw ni lunghawinae, pawitonaē, yawhawinae hnin yanae hah a sak awh teh, khoca ramca moi kapapnaw ni Judahnaw hah a taki awh dawkvah Judah phung lah a kâen awh.

9

Judahnaw ni a tarannaw a raphoe awh

¹ Hatdawkvah, ahlaikahni e thapa Adar, hnin 13 hnin, siangpahrang ni kâpoe e patetlah a sak awh nahane hnin teh a hnai toe. Hote hnin nah,

Judahnaw e tarannaw ni kaimouh ni ka tâ aw h han telah a ngaihawi aw h. Hatei, Judahnaw ni ahnimouh letlang tânae hnin lah ao.

² Siangpahrang Ahasuerus e ram pueng daw k kaawm e Judahnaw ni ahnimouh koe thoena katawngnaw koe moipathung hanlah a onae khopueng dawkvah a kamkhueng aw h teh apinihai ngang thai aw h hoeh. Bangkongtetpawiteh taminaw pueng koe takinae a pha.

³ Hote ram thung vah bari kaawm e taminaw hoi kahrawikungnaw hoi ram ka ukkungnaw hoi siangpahrang e thaw katawknaw ni Mordekai hah a taki aw h dawkvah Judahnaw hah a kabawp aw h.

⁴ Bangkongtetpawiteh, Mordekai teh siangpahrang im dawkvah takhang karingkungnaw kaukkung lah ao, ram pueng dawkvah a min a kamthang teh hnin touh hnukkhu hnin touh a min hoehoe a kamthang.

⁵ Hote hnin nah, Judahnaw ni a tarannaw pueng hah tahloi hoi koug a thei aw h. Ahnimouh kahmawt ngai hoeh naw koe vah a ngai e patetlah a sak aw h.

⁶ Shushan khopui daw k tami 500touh a thei aw h.

⁷ Hamedatha, Judahnaw katarankung Haman canaw hra touh,

⁸ Parshandatha, Dalphon, Aspatha,

⁹ Poratha, Adalia, Aridatha, Pamashta, Arisai,

¹⁰ Aridai, Vaizatha hah a thei aw h. Hateiteh, a hnopai teh lat pouh aw h hoeh.

¹¹ Hat hnin vah shushan kho daw k kadout e cayin hah siangpahrang koe a thaisak aw h.

¹² Siangpahrang ni siangpahrangnu Esta hah a kaw teh, Judahnaw ni Shushan khopui daw k Haman canaw hra touh hoi tami 500touh a thei aw h. Alouke ramnaw daw k teh bangtelamaw a sak aw h han. Nang ni teh bangtelamaw na ngai. Na ngai e patetlah na sak pouh han. Bangmaw hei han na ngai rah. Na hei e pueng na poe han atipouh.

¹³ Esta ni siangpahrang na ngainae lah tho pawiteh, Shushan khopui kaawm Judahnaw ni sahnin kâpoe e patetlah tangtho haiyah sak naseh. Haman canaw teh pathout aw h naseh, telah atipouh.

¹⁴ Hahoi, siangpahrang ni hot patetlah sak hanlah kâ bout a poe dawkvah Shushan khopui daw k kâpoe e hah a pathang aw h teh Haman capanaw hra touh hah a pathout aw h.

¹⁵ Shushan kaawm e Judahnaw ni Adar thapa, hnin 14nah haiyah bout a kamkhueng aw h teh, Shushan khopui daw k tami 300touh a thei aw h. Hateiteh, a hnopai teh lat pouh aw h hoeh.

¹⁶ Siangpahrang uknae alouklah kaawm e Judahnaw hai a kamkhueng aw h teh taran kut daw k hoi lungmawng nahanlah amamouh hoi amamouh a kâring aw h. A tarannaw 75000touh a thei aw h. Hateiteh, a hnopai lat pouh aw h hoeh.

¹⁷ Adar thapa hnin 13nah hote hno a sak aw h. Hahoi, hnin 14nah a kâhat aw h teh pawitonae hnin hoi lunghawinae hnin lah a hno aw h.

¹⁸ Hateiteh, Shushan kaawm e Judahnaw teh hnin 13 hoi 14 nah a kamkhueng aw h teh hnin 15 nah a kâhat aw h teh pawitonae hoi lunghawinae hnin lah a hno aw h.

¹⁹ Hatdawkvah, rapan ka tawn hoeh e kho daw k kaawm e Judahnaw nihaiyah Adar thapa hnin 14nah lunghawi laihoi pawitonae hnin, yawhawinae hnin buet touh hoi buet touh hno ouk kâpoena e hnin lah, ka sungren poung lah a hno aw h.

²⁰ Mordekai ni hote kongnaw pueng a thut teh siangephrang Ahasuerus uknaeram dawk kaawm e Judahnaw pueng koevah a patawn.

²¹ Adar thapa hnin 14 hoi 15 hnin heh a kum tangkuem ahnimouh hanlah, ka lentoe e hnin lah caksak hanlah a pathang aw h.

²² Hote hnin dawk Judahnaw ni a taran kut dawk hoi a hlout teh lungmawngnae hnin, a lungmathoenae hoi a kanae, a kahma teh lunghawinae hoi nawmnaenae koe a phanae hnin lah ao dawkvah, a kum tangkuem hote hnin nah a kâhat aw h teh pawitonae hnin, lunghawinae hnin, buet touh hoi buet touh hno a kâpoe aw h teh, karoedengnaw hah hno poenae hnin lah kaawm e singyoe hah sak hanlah, siangephrang Ahasuerus ram pueng dawk kahnai kahlat kaawm e Judahnaw pueng koe ca hah a patawn.

²³ Judahnaw ni hai nueng a sak e Mordekai a dei e patetlah pou sak a hanlah a lungkuap aw h.

²⁴ Judahnaw pueng e taran lah kaawm e Agag tami Hamedatha capa Haman ni Judahnaw teh thei hanlah khokhangnae a tawn dawkvah Purim cungpam a rayu aw h toe. Hot teh, ahnimouh koug thei nahanelah a tho.

²⁵ Hateiteh, Esta ni siangephrang koe a cei teh Judahnaw koe Haman e kahawihoehe khokhangnae hah amae lû dawk bout bo sak hanlah, ama hoi a canaw haiyah thingsoi vah pathout hanlah, ca lahoi kâ a poe.

²⁶ Purim cungpam tie tarawi teh hote hninnaw hah Purim cungpam hnin telah a kaw aw h.

²⁷ Judahnaw ni amamouh koehoi ca catoun, ahnimouh koe kambawngnaw pueng haiyah, hote hninhnin touh teh Mordekai e ca dawk kaawm e patetlah kum tangkuem a ya aw h.

²⁸ Hote hnin teh Judahnaw dawk kahmat hoe h, ca catounnaw ni hai pahnim aw h hoe h. Ram pueng dawk kaawm e a ca catounnaw ni a pahnim hoe h nahanlah a ya hanlah hnâ a bo aw h.

²⁹ Hatnavah, Abihail canu, siangephrangnu Esta hoi Judah tami Mordekai ni Purim cungpam kong dawk apâhni ca patawnnae hah rek caksak hanlah kâtawnnae lahoi ca bout a thut.

³⁰ Judah tami Mordekai hoi siangephrang ni lawkthui e patetlah Judahnaw ni amamouh hoi ca catoun hanlah a sak e khoe e tueng nah rawcahainae, ratounnae hoiyah Purim hninnaw hah pou ya hanlah,

³¹ Ahasuerus ni uknaeram 127 touh dawk kaawm e Judahnaw pueng koe roumnae yuemkamcu e ca hah Mordekai ni a poe.

³² Hottelah, cungpam kong teh Esta ni kâpoe e lahoi a caksak aw h teh siangephrangnaw e cungpam dawkvah a thut aw h.

10

Mordekai lennae

¹ Siangephrang Ahasuerus ni talai van hoi tuilum dawk kaawm e taminaw pueng koe tamuk a cawng.

² A hnosakthainae, a thaonae hoi a sak e naw puenghoi Mordekai a lentoe saknae, siangephrang ni a tawmnae hah kakuepcalah Media hoi Persia siangephrangnaw se touknae cauk dawkvah thut lah ao.

³ Bangtelamaw, Judah tami Mordekai teh siangephrang Ahasuerus kut rahim vah ka talue poung e thaw a hmu teh Judahnaw thung dawk ka lentoe poung e lah ao. A taminaw e hawinae hah a tawng teh, a taminaw pueng koe minhmai kahawi a hmu teh, a taminaw e kâponae lawk hah a dei.

JOB (The Book of Job)

Uz ram vah Job hoi a imthung

¹ Uz ram dawk tami buet touh ao teh, a min teh Job doeh. Ahni teh toun hane awm hoeh, tamikalan, Cathut ka taket e, kahawihoehe lamthung ka roun e lah ao.

² Capa 7 touh hoi canu 3 touh a tawn.

³ A tawn e naw teh, tu 7,000, kalauk 3,000, maitotan 500, lamanu 500, hoi a sannaw moikapap a tawn. Ahni teh Kanitholae taminaw pueng hlak tami ka lentoe poung e lah ao.

⁴ A capanaw ni kum tangkuem amamae a khenae paw i a sak aw h navah, amamae im daw k bu canae paw i a sak aw h teh a kamkhueng aw h navah, a tawncanunaw ka 3, touh hai canei hanelah ouk a coun.

⁵ Hottelah bu canae paw i abaw hnukkhu vah, Job ni a kaw aw h teh, ouk a kamkhueng sak aw h. Amom a thaw teh ahnimae milu kuep lah hmaisawi thuengnae sathei ouk a poe. Bangkongtetpawiteh Job ni ka capanaw ni yonnae sak aw h vaiteh, a lungthin hoi Cathut hah pahnawt aw h langvaih telah ati. Hottelah, Job ni pou a sak.

Setan ni Job hringnae a taran

⁶ Cathut e capanaw BAWIPA e hmalah tâconae hnin a pha torei teh, Setan hai ahnimouh koe a tho van.

⁷ BAWIPA ni Setan koe nâ lahoi maw na tho atipouh. Setan ni BAWIPA talai van ka kâhei teh ka kumluenna koe hoi, atipouh.

⁸ BAWIPA ni Setan koe ka san Job he na pouk boimaw. Talai van daw k ahni patetlae toun han kaawm hoeh e, tamikalan Cathut ka taket e hoi, kahawihoehe lamthung ka roun e aw m hoeh, telah atipouh.

⁹ Setan ni BAWIPA a pathungnae teh, Job ni Cathut hah a khuekhaw aw m laipalah maw a taki.

¹⁰ Ahni teh a imthung hoi, a tawn e naw pueng hoi, a tengpam pueng pet na kalup teh, a kut hoi a tawk e naw pueng hah yawhawi na poe teh, na kamphung sak nahoehmaw.

¹¹ Atuvah na kut pho nateh a tawn e hnonaw pueng hah tek pouh haw, na hmaitung roeroe vah nama tang na pahnawt han doeh atipouh.

¹² BAWIPA ni, Setan koe, kenhaw! a tawn e naw pueng teh, nange na kut daw k ao. Ama teh tek hanh atipouh. Hahoi Setan teh BAWIPA koe hoi a tâco.

¹³ Hnin touh hnin teh, a canu hoi a capanaw teh, a hmau kacue im dawkvah a ca aw h teh misurtui a nei aw h lahun nah,

¹⁴ Job koe patoune buet touh a yawng teh, maitotannaw talai a kanaw k aw h lahun nah, lanaw hai ateng a pâ aw h lahun navah,

¹⁵ Sheba taminaw ni na tuk aw h teh, koung a la aw h toe na sannaw hah tahloi hoi a thei aw h teh, kai buet touh dueng doeh, nang koe dei hanelah ka hlout atipouh.

¹⁶ A dei lahun nah tami alouke bout a tho. Kalvan hoi Cathut e hmai a bo teh, tu hoi na sannaw hah koung a kak teh be a kahma toe. Kai buet touh dueng doeh nang koe dei hanelah ka hlout e lah ka o atipouh.

¹⁷ A dei lahun nah tami alouke bout a tho. Khaldean taminaw ahu kathum touh lah ao aw h teh, kalauknaw hah koung na lawp aw h, na

sannaw hai tahloi hoi be a thei awh. Kai buet touh dueng doeh nang koe dei hanelah ka hlout atipouh.

¹⁸ A dei lahun nah tami alouke bout a tho. Na canu hoi na capanaw ni, a hmau kacuepoung e im vah a ca awh teh misurtui a nei awh lahun navah,

¹⁹ Khenhaw! kahrawng lahoi kahli katang poung e a tho teh, imnaw hah a hmang teh, thoundoun, tanglanaw hah koung a ratet teh koung a due. Kai buet touh dueng doeh nang koe dei hanelah ka hlout atipouh.

²⁰ Hahoi Job ni a thaw teh, ahni a ravei, a lû luengpalueng lah a ngaw teh, talai dawk a tabo teh a bawk.

²¹ Anu e von thung hoi tak caici lah ka tâco teh, tak caici lah bout ka ban han. BAWIPA ni na poe teh BAWIPA ni bout a la. BAWIPA min teh pholennae awm seh telah a ti.

²² Hetnaw dawkvah Job ni yonnae sak laipalah Cathut yonpennae tawn hoeh.

2

Setan ni Job tanouknae

¹ Cathut e capanaw BAWIPA e hmalah a tâconae hnin bout a pha toteh, Setan hai BAWIPA e hmalah kamnue van hanlah ahnimouh koe a tho van.

² BAWIPA ni Setan teh nâ lahoi maw na tho atipouh. Setan ni BAWIPA a pathungnae teh, talai van ka kâhei teh, ka kumluennae koehoi, atipouh.

³ BAWIPA ni Setan koevah, ka san Job heh na pouk boimaw. Ahni patetlae toun han kaawm hoeh e, tamikalan, Cathut ka taket e hoi, kahawihoehe lamthung ka roun e, apihai awm hoeh. Bang hoeh e dawk na ka raphoe nakunghai ama min la doeh poe awm ti atipouh.

⁴ Setan ni BAWIPA hah a pathung teh, vuen hanlah vuen lah doeh ao, tami ni a tawnta e pueng hah a hring nahanelah a kâpasoung yawkaw han.

⁵ Hateiteh, atu na kut pho nateh, a hru hoi atak tek pouh haw, na hmaitung vah na pahnawt han doeh atipouh.

⁶ BAWIPA ni Setan koe, khenhaw! ahni teh na kut dawk ao. Hateiteh a hringnae hah pâhlung atipouh.

⁷ Setan teh BAWIPA e hmaitung hoi a tâco teh, Job hah a khok koehoi a lû totouh, ka patawpoung e moihna hoi a kawi sak.

⁸ A kâkoe nahanelah Job ni ampaikei hah a la teh hraba dawk a tahung.

⁹ A yu ni, na lanna hah pou na kuet han rah maw. Na Cathut hah thoebo nateh, dout lawih atipouh.

¹⁰ Hateiteh ahni ni napui koe, ka pathu e napui ni lawk a dei e patetlah na dei. Bangtelamaw Cathut koehoi hawinae ka hmu katang teh, thoenae hai hmawt mahoeh maw, telah atipouh. Hete hno pueng dawk Job ni apâhni dawk hoi yonnae dei hoeh.

Job hoi a huinaw katham

¹¹ Job e a hui katham touh ni, het patet e hawihoehnae ni a pha sin e a thai awh toreï teh, amamouh aonae koehoi lengkaleng a tho awh. Teman tami Eliphaz Shuhi tami Bildad hoi, Naamath tami Zophar, bangkongtetpawiteh, ahni lungpahawi hane, lungmawng sak hanelah a kamkueng awh teh a kâpan awh.

¹² Ahnimouh ni ahlanae koehoi Job hah a khet awh navah, nout thai awh hoeh. Kacaipounglah a ka awh teh, khohnanaw hah vekvek a ravei awh teh, a lûnaw dawk vaiphu a kâphuen awh.

13 Hottelah hnin sari touh hoi rum sari touh thung talai dawk a tahungkhai awh teh, apinihai ahni koe lawk kam touh hai dei awh hoeh. Bangkongtetpawiteh, a lungmathoe poung tie hah a panue awh.

3

Job ni a khenae hnin thoe a bo

- 1 Hathnukkhu, Job ni a pahni dawk hoi a khenae hnin hah thoe a bo.
- 2 Job ni ati e teh,
- 3 ka khenae hnin hah kahmat pawiteh,
capa a vawn ati e tangmin hai kahmat pawiteh,
- 4 Hatnae hnin hah hmonae lah awm pawiteh,
Cathut ni lathueng lahoi khen hanh naseh.
Hoehpawiteh, angnae ang hanh naseh.
- 5 Hmonae hoi duenae tâhlip ni ramuk naseh,
tâmai ni ramuk e, kanîthun e hmonae ni pakhi naseh.
- 6 Hatnae tangmin hah hmonae ni kuen naseh,
hatnae kum dawk e hninnaw dawkvah lunghawi van hanh naseh.
Thapa touknae dawk hai bawk hanh naseh.
- 7 Oe, hatnae tangmin hah kingkadi e tangmin lah awm pawiteh,
lunghawinae kamthang pai hanh naseh.
- 8 Tuitam thaw sak hane coungkacoe kaawmnaw ni, hatnae hnin hah,
thoekâbonaw ni thoebô awh naseh.
- 9 Hatnae tangmin amom lae âsi hah mawm naseh,
angnae hah tawng awh naseh. Hateiteh, hmawt awh hanh naseh.
Kanî a tâco e hai, hmawt hanh naseh.
- 10 Bangkongtetpawiteh, anu e thun hah khan hoeh eiteh,
ka mithmu vah, ka lungmathoenaeh hah kâhrawk hoeh.
- 11 Bangkongmaw ka tâco tahma vah, ka due hoeh va.
Bangkongmaw von dawk hoi ka tâco nah, kahmakata hoeh va.
- 12 Bangkongmaw phai dawk tawm e lah ka o,
bangkongmaw ka nei hane sanutui na pânei.
- 13 Bangkongtetpawiteh, ka i vaiteh, karoumcalah ka o han ei,
mat ka i vaiteh, ka kâhat hane boum.
- 14 Talai siangpahrang hoi khokhangkungnaw,
ka rawk e bout ka kangdout sakkungnaw hoi vah,
- 15 hoehpawiteh, sui ka tawn e tami ka lentoe e,
a im dawk ngun hoi kakawi sak naw hoi vah,
- 16 hoehpawiteh, thakoup hoehnahlan ka khe e camo,
angnae kahmawt boihoe e, camo patetlah, kapawk e lah ka o hoeh
va.
- 17 Hawvah tamikathoutnaw ni, runae a sak e hah a kâhat awh teh,
hawvah thakatawnnaw hah a kâhat awh.
- 18 Hawvah thongkabawt e cungtalah a kâhat awh teh,
repcoungroe pawlawk hai thai hoeh toe.
- 19 Hawvah tami kathoung kalen naw cungtalah ao awh teh,
a sannaw hah a bawi koehoi a hlout.
- 20 Bangkongmaw runae ka khang e koevah, angnae poe e lah ao teh,
bangdawkmaw a lung ka mathout e koe hringnae hah poe e lah ao.
- 21 Due han a ngai poung, hateiteh, tho hoeh.
Pakawp e râw hlak vah, hoe ka pataw e ka tawng e,
- 22 phuên a hmu awh navah,

- dei thai hoeh e a lung kahawi katang e koevah,
 23 bangdawkmaw a lamthung hro lah kaawm e koevah,
 angnae hah poe e lah ao. Cathut ni rapan hoi kalupsin e koevah,
 24 Bangkongtetpawiteh, rawca yueng lah ka cingou teh
 ka khuikanae mitphi hai tui ka lawng e palang patetlah doeh ao.
 25 Bangkongtetpawiteh, ka takipoung e hah,
 ka tak dawk a pha teh, ka ngaihri poung e ni na thosin.
 26 Ka phunep hoeh dawk duem kaawm thai hoeh.
 Kâhat panuek hoeh, bangkongtetpawiteh, rucatnae ni a pha telah ati.

4

Eliphaz ni lawk a dei

- 1 Hahoi Teman tami Eliphaz ni ahni koe bout a dei e teh,
 2 nang koe lawk kam touh ka dei haw vai, na thaima han vaimoe.
 Hatei apinimaw dei laipalah ao thai han.
 3 Tami moikapap na cangkhai toe.
 Kut tha kaawm hoeh e tha na o sak.
 4 Na lawk ni karawmnaw hah a thaw sak teh,
 khokpakhu tha kaawm hoeh e tha ao sak.
 5 Hateiteh, atu nama koe a pha teh,
 na lung sut a pout.
 Na tek teh, na ngaih mang.
 6 Na barilawa e hoi na kâuepkhai e nahoehmaw,
 kakuep e lamthung hah na ngaihawi e nahoehmaw.
 7 Atu pouk haw, kayonhoehe apimaw kahmakata boi vai.
 Hat hoehpawiteh, tamikalan hah nâmw tâkhawng e lah ao boi.
 8 Kahmanae dawkvah payonpakainae,
 talai kanawk teh runae ka tu e ni doeh ouk a a.
 9 Cathut e kâha dawk a kahma aw hah teh,
 a lungkhueknae kâha dawk be a kak aw hah.
 10 Sendek huk e pawlawk hoi,
 ka matheng poung e sendektan kanaw e a hâ hah a kâkhoe.
 11 Ca hane ao hoeh dawkvah Sendek matawngnaw a kamlum teh,
 Sendek manu e a canaw teh koug kâkapek aw hah.
 12 Atu arulahoi kai koe lawk a pha teh,
 ka hnâ ni arulahoi pouk e hah a thai.
 13 Karoumcalah a i aw hah lahun navah,
 karum vah vision hah pouk lahun navah,
 14 Takinae hoi pâyawnae kai koe a pha.
 Ka hrunaw pueng koug kâhlehlawk sak e han,
 15 Hottelah muitha teh,
 ka hmalah a kâhlai teh,
 ka muen rueng a thaw.
 16 Hote muitha hah a kangdue teh, ka kamnuek e hah kapek thai hoeh.
 Ka mithmu vah hno buet touh a kamnue, duem ao teh lawk hah ka
 thai.
 17 Ka dout thai e tami heh, Cathut hlak vah a lan thai maw,
 tami heh kasakkung hlak vah a thoung thai na maw.
 18 A sannaw patenghai kâuepkhai hoeh niteh, kalvantaminaw hai na
 payon tet pouh pawiteh,

- 19 amhru im dawk kho ka sak niteh, a kungpui teh,
vaiphu lah ao teh, ahnimanaw teh, khakbara ni patenghai a tâ thai e
hah
bangtelamaw hoe a yuem thai han.
- 20 Amon hoi tangmin totouh katipcalah a kâbawng teh,
apinihai tek laipalah a yungyoe a kahma aw h.
- 21 Ahawi poungnae naw hai koung takhoe lah ao teh,
lungangnae awm laipalah be a due aw h telah atipouh.

5

- 1 Atu kaw haw, na ka pato hane ao aw h han vaimoe.
Kathoung tami, nâ lah maw na kamlang han.
- 2 Bangkongtetpawiteh, lungkhueknae ni tamipathu a thei teh,
utsinnae ni kamawngrame a thei.
- 3 Tami ni khawngyang a pabo e hah ka hmu,
hateiteh kho a saknae hmuen hah thoe tangka bo.
- 4 A capanaw teh, a hlout nahane awm hoe h,
longkha koe a rawp aw h vaiteh, a katin aw h han.
Ka rungngang hane awm hoe h.
- 5 Bangkongtetpawiteh, a von ka hlam e ni a a e cang hah be a ca pouh teh,
pâkhingum e patenghai hnopainaw hah a lawp aw h.
- 6 Bangkongtetpawiteh, khangnae teh talai dawk hoi ka tho e nahoe h.
Rucatnae hai talai dawk hoi ka tho e na hoe h.
- 7 Hmaitali kahlun lah a luen e patetlah,
tami teh rucateh hane doeh a khe.
- 8 Hateiteh, kai niteh, Cathut ka tawng vaiteh,
ka rucateh teh Cathut e hmalah ka dei pouh han.
- 9 A bawilenna e hoi dei thai hoe h e, touk thai hoe h e,
kângairuna e kasakthaie koe vah.
- 10 Talai dawk kho a rak sak teh,
law dawk tui a lawng sak.
- 11 Kangduena e hmuen ka rahnoum e hah, a rasang sak teh,
lung kamathoutnaw hah, roumnae hmuen dawk a luen sak.
- 12 Huenghai kaawmnaw khokhangnae hah a kahma sak teh,
a kut hoi a noe e naw koung a raphoe pouh.
- 13 Tami lungkaang huenghai kaawm e hah,
a thoumthaina e ni a man aw h teh, huenghai kaawm naw e khokhang-
nae hah,
amamouh dawk tang a pha han.
- 14 Kanithun angnae dawk hmona e hoi a kâhm aw h teh,
kanî tuengtaloung thun nah tangmin e patetlah thupthup a payam
aw h.
- 15 Hateiteh, tahloi hoi tami ka voutthoup e hah a rungngang teh,
athakaawme taminaw e apâhni hoi a kut ni a rungngang aw h.
- 16 Ka roedengnaw ni ngaihawina e tawn aw h teh,
lanhoe hnae ni a pâhni a cakuep pouh.
- 17 Kenhaw! Cathut ni a toun e tami teh, tami a lung kahawi e doeh.
Hatdawkvah Athakasaipoung ni phepnae teh, noutna laipalah awm
hanh.
- 18 Bangkongtetpawiteh, ama ni a hem teh, a hmâ hah ama ni a kawm pouh.
Ama ni a hmâ a ca sak teh, a kut hoi a dam sak.
- 19 Ama ni runa e taruk touh dawk hoi a tâco sak e dueng khout laipalah,

- sari touh thung dawk hoi hai kahawihoehe ni tek aw h mahoe h.
- 20 Ama ni takang duenae thung hoi a ratang aw h vaite h,
taran un e tahloi thaonae thung hoi a ratang aw h han.
- 21 Lawkthoeumkha thung hoi hro lah na o vaite h,
rawkphainae a pha torei teh, na taket mahoe h.
- 22 Rawkphainae hoi takangnae na panui sin vaite h,
talai e sarangnaw hah na take t mahoe h.
- 23 Bangkongtetpawite h, kahrawng e talungnaw hoi rei kambawng vaite h,
kahrawng e sarangmathengnaw hoi karoumcalah na o aw h han.
- 24 Na onae rim daw k karoumcalah na o e hah na panue han.
Na khosaknae hah na khet navah vouthou pnae banghai aw m
mahoe h.
- 25 Na ca catoun moiapap hane hah a panue vaite h,
nage na miphun naw talai daw k phovai patetlah ao e hah na hmu
han.
- 26 Atueng pha toteh cabong taoung e patetlah na kumcue toteh,
phu en koe na pha han.
- 27 Khenhaw! hetehe h ka pakhingpalang aw h teh, kalan e doe h ka tho.
Thaihaw, nama hane doe h tie hah panue k, telah atipue h.

6

Job ni Eliphaz a pathung

- 1 Job ni a pathung teh,
- 2 Oe, ka kangairunae he h, yawcu daw k khing haw pawite h,
ka khang e runae naw hai, yawcu khingnae daw k phat nase h.
- 3 Bangkongtetpawite h, palang teng e sadi hlak hai a ri han doe h.
Hatdawkvah ka dei payon toe.
- 4 Bangkongtetpawite h, Athakasaipoung e ni a ka e pala teh kai thung vah
ao,
ahnimae a sue hah ka muitha ni a nei.
Cathut takinae hah ka hmalah a kamnu e.
- 5 Kahrawng e la ni hram a papnae koe a hram boimaw,
- 6 Atuin ae kaawm hoe h e bu teh palawi laipalah ca thai han maw.
Aduirakei ka pangaw e daw k atuin ae bangmaw kaawm.
- 7 Ka hringnae ni, a tek han a ngai hoe h e,
kai hanelah, panuettho e rawcanaw doe h.
- 8 Oe, kahei e he h ka hmaw t haw pawite h,
Cathut ni ngai poung e na poe haw pawite h.
- 9 Pahren lahoi Cathut ni vek na khe i haw na seh,
A kut na pho sin nate h vitkatip lah, na tatueng haw nase h,
- 10 Hottelah nakunghai, ka lungmawngnae ka tawn rah.
Patawnae ni na tha hoe h nakunghai ka lunghawi han rah.
Bangkongtetpawite h, tami kathoung e lawk hah kâhrawk mahoe h.
- 11 Bangpatete thaonae maw ka tawn teh, ka ngaihawi han rah.
Ka poutnae hah, banglamaw ao teh, ka hringnae ni a saw sak han rae
te,
- 12 Ka thaonae he h lungsong thaonae lah maw ao.
Ka takthai he rahum lah maw a tho.
- 13 Ka thung vah kabawmkung aw mhoe h namaw,
ka kuepcingnae naw pueng kai koehoi be kampuen toung na-
hoe hmaw.
- 14 Bangpueng katetthai takinae a ceitakhai nakunghai,

- patawnae ka khang e koevah, a hui koehoi a lungmanae kamnue sak hane doeh.
- 15 Ka hmaunawngghanaw teh palang tui patetlah yuengyoe kampuen e doeh,
dawngdengca dawk kahmat e palang tui patetlah ao awh.
- 16 Tui a kamkak e kecu dawkvah a tamang teh,
a thungvah ka kâhrawk e tadamtui patetlah ao.
- 17 Abet torei teh, be kahma awh teh,
a kâan torei teh amamae hmuen koehoi kahmakata awh.
- 18 Amamae a lamthung dawk hoi a kamlang awh teh,
nâ lahai cet laipalah kahmakata awh.
- 19 Teman miphun kahlawng kacetnaw ni a khet awh teh,
Sheba kahlawng kacetnaw ni a ngaihawi awh.
- 20 A ngâhawi awh dawkvah, a lungpout awh.
Hawvah a pha awh torei teh, a kaya awh.
- 21 Bangkongtetpawiteh, atuvah banglahai na tho awh hoeh toe.
Takikatho e na hmu awh teh, na lung a puen awh.
- 22 Na poe awh haw, telah ka dei boimaw, hoeh pawiteh,
na hnopainaw dawk hoi, kai na ratang nahanelah poe awh ka ti boimaw,
- 23 Hoeh pawiteh, ka tarannaw e kut dawk hoi na rungngang awh haw, ka ti boimaw,
hoeh pawiteh, kai ka hnepnap e koehoi na ratang awh ka ti boimaw.
- 24 Na cangkhai awh haw, duem ka o han,
lawkkalan hah na panuek sak awh.
- 25 Lannaeh teh, banghloimaw a tha ao.
Hateiteh, na lawknaw ni bangmaw a kamceng sak.
- 26 Lawk ka dei e naw heh yonpen hane maw na ngai awh.
Ngaihawinae ka tawn hoeh e tami ni a dei e lawk teh, kahlî patetlah doeh ao.
- 27 Nangmouh niteh, naranaw hah na ka pacekphahlek awh,
na huinaw hanelah tangkom na tai pouh awh.
- 28 Hatdawkvah, pahren lahoi khen awh haw,
bangkongtetpawiteh, nangmae hmalah ka lai kathout mahoe.
- 29 Ban awh nateh, lanhoehnae hah awm sak awh hanh,
atu totouh ka kangdout e ka lannaeh heh tawm awh.
- 30 Ka lai dawk lanhoehnae ao maw,
katui hoi katui hoeh e na kapekkaboe thai awh hoeh maw.

7

- 1 Talaivan dawkvah tami hanelah thaw ka ru e thaw a onae tueng ouk ao nahoehmaw,
a hninnaw hai kutkapânaw e hnin patetlah awm hoeh namaw.
- 2 Tâhlip dik ka doun e san patetlah,
kutkapânaw ni kutphu hmu han a ngai hawi e patetlah.
- 3 Bang hoeh e dawk thapa moikapap lah ka hno teh,
khohmo runae naw hah kai hanelah ao toe.
- 4 Ka i na koehoi, nâtuék maw ka thaw han.
Karum heh baw nah lawiseh ka ti.
Bangkongtetpawiteh, khodai totouh kamhmei kamlang hoi ka o.
- 5 Ka takthai teh, pâri hoi songnawng ni muen na kayo teh,
ka vuen hai cupei teh koung a kâhnom.

- 6 Ka hninnaw teh, hnikawngnae yawngyen hlak hai a rang teh,
ngaihawinae awm laipalah a loum.
- 7 Ka hringnae teh kahlî doeh tie hah pahnim hanh,
ka mit ni ahawinae bout hmawt mahoeoh toe.
- 8 Na kahmawtnaw e mit ni bout na hmawt mahoeoh toe.
Na mit ka tak dawk a um navah, kaawm mahoeoh toe.
- 9 Tâmai kâhin teh, a kahma e patetlah,
duenae tangkom thung ka cet e ni bout ban mahoeoh toe.
- 10 A im vah bout ban hoeoh vaiteh,
a onae hmuen ni ama teh panuek mahoeoh toe.
- 11 Hatdawkvah ka pahni ka cakuep mahoeoh.
Ka muitha rek na laihoi ka dei vaiteh,
kakhat e ka hringnae hoi lai ka roe han.
- 12 Kai teh, tali lah maw ka tho.
Nahoeoh pawiteh, tali dawk e khorui lah maw ka tho teh,
na karingkung hah na ta pouh.
- 13 Ka ikhun ni ka ngai a mawng sak han.
Ka yanuae ikhun ni ka phuenangnae a roum sak han telah ka ti navah,
- 14 Tangmin mang lahoi na pakhi teh,
kamnuenae lahoi kai na kalue sak.
- 15 Ka hringnae ni ka lahuen a kara hoi duenae hah,
ka takthai ni a ngaihnawn.
- 16 Ka hringnae he ka hnueai teh, yungyoe ka hring mahoeoh.
Kama dueng na awm sak awh.
Bangkongtetpawiteh, ka hringnae teh a kahû lah doeh ao.
- 17 Tami he banglamaw ao teh, hettelah na tawmrasang teh,
a lathueng vah na lungthin pou na ta.
- 18 Amon tangkuem na tho sin teh,
nâtuek e atueng dawk hai pou na tanouk.
- 19 Nâtuek hai na kamlang takhai laipalah, pou na khet vaiteh,
ka tamtui ka padoun nahai ka madueng na tat hoeoh.
- 20 Yonnae ka tawn maw,
oe taminaw ka ring e,
nang lathueng vah bangmaw ka sak.
Bangdawkmaw na hmaitung vah telah na o sak teh,
kama hoi kama hnori lah na o sak.
- 21 Bangdawkmaw na kâ ka eknae hah na ngaithoum laipalah,
ka payonpakainae hah na lat pouh hoeoh.
Bangkongtetpawiteh, vaiphu dawk ka i vaiteh,
nama ni kai na tawng han, hatei kaawm mahoeoh toe atipouh.

8

Bildad ni lawk a dei

- 1 Shuhi tami Bildad ni a pathung teh,
- 2 Nâsittouh maw he e hnonaw heh dei han,
na pahni dawk hoi ka tâcawt e lawk hah athakaawme kahlî patetlah
ao han.
- 3 Cathut ni kalan hoeoh lah lawk a ceng boimaw,
nahoeoh pawiteh, Athakasaipounge ni, lannae a kamlang takhai
boimaw.
- 4 Na capanaw ni ama taranlahoi yon aw h pawiteh,

- kâtapoenae kecu dawk a tâkhawng han.
- 5 Cathut hah atangcalah hoi, na tawng teh,
Athakasaipounge koevah, kâheinae na sak pawiteh,
- 6 Tamikathoung tamikalan lah na awm pawiteh,
nang hanelah atu roeroe thaw vaiteh,
lanae hmuen koe hawinae na coe sak han.
- 7 Na kamtawngnae a thoung nakunghai,
na poutnae a len katang han.
- 8 Bangkongtetpawiteh, pahrennae hoi a yan e hnonaw hah pakhingpalang
haw,
na mintoenaw ni a hmu e hnonaw hah pouk haw.
- 9 Bangkongtetpawiteh, paduem e tami la o awh teh,
banghai panuek awh hoeh. Bangdawk tetpawiteh, talai van e hnin tha
naw teh,
tâhlip patetlah doeh ao.
- 10 Ahnimaie lungthin thung hoi ka tâcawt e lawknaw ni, na dei pouh awh
teh,
na cangkhai hoeh namaw.
- 11 Tuinawk laipalah lungpum a rounng thai han namaw.
Tui laipalah capi teh a rounng thai han namaw.
- 12 A hring nah tâtueng hoeh nakunghai,
alouke akungnaw hlak palang a kamyai.
- 13 Cathut kapahnimnaw e a lamthung teh, hot patetlah ao.
Tami kahawihoehnaw e ngaihawinae teh a kahma han.
- 14 A kâuepkhai aw hoi e teh, tâkhawng pouh lah ao han,
a kâuepkhainae teh, Bombarui patetlah doeh ao.
- 15 A im dawk a kamngawi ei kangdout thai hoeh.
Kacacalah a kuet ei pou cak thai ma hoeh.
- 16 Khobetnae koe dikkahringcala a rounng teh,
a kangnaw ni takha kounng tahloi aw hoi.
- 17 A tangpha ni talung khakdeng teh,
talung um vah a tangpha a payang nahane a tawng.
- 18 Amae hmuen koehoi phawk lah ao torei teh,
pou kakak mahoe hoi, telah a kâpahnawt han.
- 19 Khenhaw! het hateh, lunghawinae lamthung lah a o,
talai daw hoi aloukenaw hah a pâw han.
- 20 Khenhaw! Cathut ni toun han kaawm hoeh e na tâkhawng hoeh vaiteh,
thoe ka sak e teh kangdout sak mahoe hoi.
- 21 Na kâko teh panuinae hoi akawi sak vaiteh,
na pahni hai lunghawinae lawk hoi akawi sak han.
- 22 Nang kahmu hmanaw hah yeiraipo sak vaiteh,
tamikathoutnaw e rim teh awm mahoe hoi toe telah a ti.

9

Job ni Bildad a pathung

- 1 Job ni bout a pathung teh,
- 2 Heteh doeh tie hah atangcalah ka panue,
hateiteh, Cathut e hmalah bangtelamaw tami teh a lan thai han.
- 3 Ama oun han ka ngai e awm pawiteh,
avai 1,000 touh dawkvah vai touh boehai pathung thai mahoe hoi.

- 4 Cathut teh, lungkaang poung e, athakaawme thayung lah ao.
Ama taranlahoi lung ka patak sak e,
a lam ka cawn e apimaw kaawm boi.
- 5 Monnaw hah a puen teh, a lungkhueknae hoi
a pathung torei teh, panuek awh hoeh.
- 6 Talai a onae hmuen koehoi a kâhuet teh,
a khomnaw hah kounng a kâhuet sak.
- 7 Kanî hah kâ a poe teh, tâcawt hoeh.
Âsi angnae hah muen a ramuk.
- 8 Ama dueng lahoi kalvan hah a ramuk teh, tuipui tuicama van a cei.
- 9 Ama ni Latum, Kangduetaphai, Baritca,
hoi akalae âsinaw hah a sak.
- 10 Be panue thai hoeh e hnokalen e hai,
toug thai hoeh e kângairu hnonaw hah a sak.
- 11 Ka teng vah a cei ei ama teh, ka hmawt hoeh.
Na ceihlawi e hai ka panuek hoeh.
- 12 Ama ni lat pawiteh, apinimaw a haw pouh thai han.
Apinimaw bangmaw na sak, atipouh thai han.
- 13 A lungkhueknae dawk hoi, Cathut ni kamlang takhai mahoehtoe.
A khok rahim vah tami kâoup e kabawmnaw teh a tabut awh.
- 14 Kai ni ama teh bangtelamaw, ka pathung thai han.
Ama oun nahanelah, bangpatet e lawk maw kârawai han
- 15 Bangtelah kalan nakunghai, ama teh ka pathung thai mahoehtoe.
Kai lawkcengkung koe pahrennae doeh ka hei hnawn han.
- 16 Ka kaw pawiteh, ama ni na pato han.
Ama ni ka lawk na thai pouh hane ka yuem hoeh.
- 17 Bangkongtetpawiteh, kahlî kathout ni na hmang teh,
a khuekhaw awm laipalah ka hmânaw hah a kampai sak.
- 18 Ka kâha thai laipalah, reithai hoi na kawi sak.
- 19 A thasainae dawkvah ama teh, athakaawme lah ao.
A lannae, kong dawk tetpawiteh,
lawkcengnae dawk apinimaw ka hnin hah a khoe thai han.
- 20 Ka kuep nakunghai, ka pahni ni yon na pen han,
tanouk hanelah kaawm hoeh nakunghai, ka lanhoehnae hah a
kamnue sak han.
- 21 Toun hoeh nahanlah ka o.
Hateiteh, ka kâpanuek hoeh, ka hringnae heh ka hnueai toe.
- 22 Be kâvan doeh.
Hat dawk nahoehmaw, tamikathoutnaw hoi toun han kaawm hoeh e
hoi,
be raphoe han telah ka dei vaw.
- 23 Hemnae ni vai touh hoi thet boipawiteh,
kayonhoehe khangnae teh, a panuikhai han.
- 24 Talai heh tamikathout e kut dawk poe lah ao teh,
a lawkcengkungnaw e minhmai a ramuk.
Agni hoehpawiteh, api han na maw.
- 25 Ka hninnaw hateh, ka yawng e hlak hai hoe a rang,
a kamleng awh teh, hawinae hmawt awh hoeh.
- 26 Karang poung e lawng patetlah a khup teh,
Mataw ni moithang a ka cawp e patetlah a rang.
- 27 Ka phuenangnae ka pahnim vaiteh,

- ka lungmathoenae minhmai he ka ta vaiteh,
minhmai kapancala ka o han ka ti navah,
28 Ka khangnae naw pueng heh, makkhak ka taki teh,
tamikayon hoeh e lah na pouk hoeh langvaih tie hah ka panue.
29 Yon pen e lah kaawm pawiteh,
bangdawkmaw ahrawnghrang e meng ka tawk han.
30 Tadamtui hoi ka kamhluk nakunghai,
ka kut heh sapet hoi ka kamsin nakunghai,
31 tangdong dawk na tâkhawng teh,
ka khohna ni patenghai na panuet han doeh.
32 Bangkongtetsawiteh, lawkcengnae koe rei cet vaiteh,
ama teh ka pathung thai nahanelah, ama teh tami lah tho hoeh.
33 Maimouh roi e van kut ka toung hanelah,
maimae rahak laicei awm hoeh.
34 Kai koe e sonron lat naseh
taki a thonae ni na taket sak hanh seh.
35 Hatdawkvah ama taket laipalah lawk hah ka dei han.
Hateiteh, kai koevah hottelah bout awm kalawn hoeh.

10

- 1 Kamae ka hringnae ka panuet.
Ka phuenangnae ka pâpho ngala han.
Ka hringnae a rek hoi lawk ka dei han.
2 Cathut koe yon na pen hanh, bangdawkmaw na taran,
na hmawt sak haw, telah ka ti han.
3 Tami repcoungröe lahoi na kutsak tami hah dudam teh,
tamikathoutnaw khokhang e hnâbokhaie heh, ahawi telah na pouk
maw.
4 Takthai e mit maw na tawn,
tami ni a hmu e patetlah maw na hmu van maw.
5 Namae hninnaw hai tami e hnin patetlah maw ao.
Namae kumnaw teh, tami e hnin patetlah maw ao.
6 tamikathout lah ka ohoehnae hah na panue eiteh,
na kut dawk hoi ka rungngang thai e awm hoeh tie hah na panue
nahlangva,
7 Ka payonpakai e naw hah na tawng teh,
ka yonnae hah na pâphue.
8 Namae na kut hoi na sak teh,
ka kuepcingcalah na pathoup.
Hateiteh, namae kut ni bout na raphoe.
9 Nama ni talai e na sak tie hah na pahnim hoeh nahan ka kâhei,
vaiphu lah maw bout na coungröe sak han.
10 Nama ni sanutui patetlah na rabawk teh,
sanutui kamkak patetlah na pahlawm nahoehmaw.
11 Nama ni ka vuen hoi takthai na ramuk.
Ka hru hoi ka tharui hoi na caksak nahoehmaw.
12 Nama ni ka hringnae hoi pahrennae na poe teh,
na khetyawtnae ni ka muitha teh a lungmawng sak.
13 Hete hnonaw heh na lungthin thung vah na hro teh,
namae thung vah ao tie hah ka panue.
14 Ka yon pawiteh nama ni na panue han.
Ka payonpakai e dawk hoi na hlout sak hoeh.

- 15 Tamikathout lah kaawm pawiteh, yawthoe lah ka o han,
tamikalan lah ka o nakunghai, minhmai kahawi kahmawt thai
mahoeh.
Kayayeirai hoi runae hoi kakawi e la ka o.
- 16 Ka kâoup pawiteh, ka matheng e Sendek patetlah,
hmâ na ca sak. Kai taranlahoi takikathopounge bout na kamnue sak.
- 17 Kai na ka taran hane ka panuekkhaie patuen patuen na tha teh,
kai dawk na lungkuephoehnae na pung sak.
Dumyenna hoi tarantuknae hah, kai koe pou ao.
- 18 Bangdawkmaw camo im dawk hoi na tâcosak.
Oe apinihai na hmawt laipalah kadout boi pawiteh;
- 19 Kaawmhoehe patetlah ka o han ei,
Camo im thung hoi phuen lah ceikhai lah ka o han ei.
- 20 Ka hninnaw heh, ka younca e nahoehmaw.
Ka cei vaiteh bout ka ban thai hoeh nahanlah,
duenae tâhlip hoi hmonae ram dawk ka cei hoehnahlan vah.
- 21 Lungmawngnae dawngdeng hai ka hmu nahanelah,
ka kâhat pawiteh, ka mahmawk na awm sak awh.
- 22 Ama lungpouk ka hmawt e, kingkahmawt e ram,
duenae tâhlip patetlah, banghai ka awmhoehe e,
angnae hai hmonae patetlah a onae hmuen koe, telah ati.

11

Zophar ni lawk a dei

- 1 Naamath tami Zophar ni a pathung e teh,
- 2 Hettelae lawk kapap e heh pathung laipalah ao thai han namaw,
Lawk moikapap ka dei e pueng ni maw kayonhoehe la o awh han.
- 3 Na dei e lawk hrawnghrang ni, tami a roum sak thai han namaw,
Tami na panuikhai nah buet touh ni hai yue mahoehe namaw.
- 4 Bangkongtetpawiteh, ka yuemnae teh a thoung.
Na mithmu vah kathoung telah na ti.
- 5 Hateiteh, oe Cathut ni na dei pouh seh,
nang kâataran lahoi pahni ang naseh.
- 6 Ama ni lungangnae arulawk hah na hmu sak yawkaw han,
bangkongtetpawiteh, na lungangnae alet hni touh apap.
Hatdawkvah na payonpakai e dawk hoi kayounhnawn lah Cathut ni
a sak tie panuek.
- 7 Kadungpoung e Cathut e hno hah na pakhingpalang thai na maw,
Athakasaipounge coungnae hah
na tawng teh koung na hmuthai maw.
- 8 Kalvan hlak hai a rasang teh, nang ni bangmaw na sak thai,
Phuennaw hlak hai hoe adung teh, nang ni bangmaw na panue.
- 9 A bangnuenae teh, talai hlak hai asaw.
Tuipui hlak hai hoe akaw.
- 10 A man teh thongim dawk paung hoi lawkceng hanelah pâkhueng
pawiteh,
apinimaw ahni teh a rungngang thai han.
- 11 Bangkongtetpawiteh, huenghai ao a e hah a panue,
thoe sak e hai a hmu.
Ama ni pouk laipalah maw ao han.

- 12 Bangkongtetpawiteh, kahrawng e laca patetlah tami a khe torei teh, tamipathu teh a lungang han.
- 13 Na lungthin hah kârokueng nateh
Cathut koe na kut dâw haw.
- 14 Na kut dawh na payonpakai e awm boipawiteh, ahlanae koe tâkhawng haw.
Kathoute hah na im dawh awm hanh seh.
- 15 Hottelah tounnae awm laipalah, na minhmai hah a kamnue han doeh.
Kacakalah na o vaiteh, na taket mahoe.
- 16 Bangkongtetpawiteh, na rucatnae hah na pahnim vaiteh,
poun ka lawng e tui patetlah pahnim hanh.
- 17 Na hringnae teh kanîhun e hlak hai hoe a ang han,
a hmonae hah amom patetlah ao han.
- 18 Karoumcalah na o han,
bangkongtetpawiteh, ngaihawinae ao.
Na tengpam e hno na sung nakunghai karoumcalah na kâhat han.
- 19 Na i vaiteh, apinihai tâsuenae na poe mahoe,
tami moikapap ni nang koe a kâhei aw h han.
- 20 Hateiteh, tamikathoutnaw e mit teh, dawn vaiteh,
hlout aw mahoe.
A ngaihawi aw h e hringnae teh a sung aw h han telah a ti.

12

Job ni Zophar a pathung

- 1 Job ni a pathung teh,
- 2 Lunghringnae awm laipalah
nangmanaw nahoehmaw tami lungkaangnaw lah na kaawm aw h heh,
namamouh hoi lungangnae teh rei a due han.
- 3 Hateiteh, nangmouh patetlah panuethainae ka tawn van.
Nangmouh hlak vah hoe ka rahnoum hoe.
Het patet e hno panue hoe e apimaw kaawm.
- 4 Kai teh, huikonaw ni panuikhaie lah ka o teh,
Cathut a kaw teh, ama ni a pathung e kai heh,
tamikalan, toun han awmhoeh,
a panuikhaie kâhmo e lah ka o.
- 5 Kanawmcalah kaawmnaw e khopouknae dawkvah,
yawthoenae heh panuikhainae lah ao teh,
a kamthui nahanlah coungkacoe paloung pouh e lah ao.
- 6 Dingcanaw e rim law teh a hmacawn teh,
Cathut lungkhueksakkungnaw law teh a roum aw h.
Bangkongtetpawiteh Cathut ni a kut hoi a kawkhik.
- 7 Hateiteh, atu moithangnaw koe pacei nateh, na cangkhai aw h han doeh.
Kalvan e kamleng e tavanaw hai pacei haw, na dei pouh han doeh.
- 8 Hoeh pawiteh, talai koe vah dei pouh haw, na cangkhai han doeh,
Tali dawh e tanganaw ni nangmouh teh
kamcengcalah na panue sak han doeh.
- 9 Hete hnonaw dawh BAWIPA ni a sak tie hah,
ka panuek hoe e nangmouh thung dawh apimaw kaawm.
- 10 A kut dawh hringnae katawnnaw puenghoi,
tami pueng e kâhanae ao.
- 11 Kâko ni rawca a patek e patetlah

- hnâ ni lawk hah a tanouk nahoehmaw.
 12 Kacuenaw koe lungangnae ao teh,
 a kumcue toreï teh, panuethainae ao.
 13 Ahni koe lungangnae hoi thaonae ao.
 Ahni ni khokhangnae hoi panuethainae a tawn.
 14 Hno heh raphoe hnukkhu hoi teh, bout sak thai hoeh toe,
 tami khak paung hoi teh tâco thai nahan a ru toe.
 15 Tui hah pahak hoi teh a ke toe,
 tui bout tha toreï teh talai dawk bout a kamuem.
 16 Ama koe thasainae hoi roumnae a onae hoi
 ka payonsakkung teh amae doeh.
 17 Khokhangkungnaw hah be kahma lah a ceikhai teh,
 lawkcengkung hah be a pathu sak.
 18 Siangpahrangnaw kateknae hah a rathap pouh teh,
 a kengnaw dawk taisawm a kâyeng sak awh.
 19 Bawinaw hah takcaici lah a hrawi teh,
 athakaawme taminaw hah a rawp sak.
 20 A kâuepkhai awh e lawknaw hah a hnoun pouh teh,
 kacuenaw e panuethainae hah a takhoe pouh awh.
 21 Bawinaw lathueng vah dudamnae a rabawk teh,
 tami tha kaawm naw hah kutcaici lah ao sak.
 22 Hmonae thung hoi kadung poung e hno koung a kamnue sak,
 Duenae tâhlip hah angnae dawk a tâcokhai,
 23 Miphunnaw hah a len sak teh bout a raphoe.
 Miphunnaw hah a kâthap sak teh bout a hrawi.
 24 Talai e tamihu kahrawinaw hah panuethainae naw a kahma sak teh,
 kahrawngum lamthung a ohoehnae koe a kâva sak.
 25 Angnae awm laipalah hmonae thung thupthup a payam awh,
 ka parui e tami patetlah rawraw a cu sak.

13

- 1 Khenhaw! he e hnonaw pueng heh, ka mit hoi ka hmu.
 Ka hnâ ni a thai teh a thaipanuek.
 2 Nangmouh ni na panue e teh, kai ni hai ka panue van.
 Nangmouh hlak hoe ka rahnoum hoeh.
 3 Hateiteh, Athakasaipounge koevah, ka dei haw nei,
 Cathut hoi rei pouk hanelah ka ngai poung.
 4 Hateiteh, nangmouh teh
 laithoe ka dei e lah na o awh.
 5 Duem awm awh haw, hottelah pawiteh,
 na lungangnae la ao han ei.
 6 Ka pouknae heh thai awh haw,
 ka pahni dawk hoi ka tâcawt e kâheinae heh alawkpui lah pouk awh.
 7 Cathut hanelah kahawihoe poung lah a dei awh han maw,
 Ahni hanelah laithoe na dei awh han maw.
 8 Ahni hanelah kapeknae na tawn awh na maw,
 Cathut teh na oun awh han maw
 9 Ama ni nangmanaw hah rek na toun awh pawiteh, ahawi han namaw.
 Tami a panuikhaie patetlah ama hah na panuikhai han namaw.
 10 Arulahoi kapeknae na tawn awh pawiteh,
 ama ni na yue awh roeroe han doeh.

- 11 Ahawinae ni na lungpuen sak awh mahoe h maw.
Taki thonae hah nangmouh dawkvah bawt mahoe h maw
- 12 Namamae cingthuinae lawk hah,
hraba cingthuinae lawk doeh.
Na kângainae khorapan hai tangpung hoi pacawp rumram e la doeh
ao.
- 13 Duem awm awh haw, lawk na dei sak haw.
Ka tak daw k banghai phat na yawkaw seh.
- 14 Bangdawkmaw ka tak hah ka hâ hoi ka kei vaiteh,
ka hringnae hah ka kut daw k ka ta han.
- 15 Na ka thet nakunghai ama teh kâuepkhai han doeh.
Hottelah nakunghai a hmalah yonthanae lawk bout ka dei han.
- 16 Ama teh kaie rungngangnae lah ao han.
Bangkongtetpawiteh, tamitongthoenaw teh a hmalah tho thai mahoe h.
- 17 Ka dei e heh kahawicalah thai awh haw,
ka pâpho e heh na hnâ daw k kâen sak.
- 18 Khenhaw! ka dei e kong daw kvah yo ka pouk e doeh toe,
yon na ngaithoum han tie hah ka panue.
- 19 Apimaw na ka oun hane kaawm.
Awm boipawiteh, duem ka o vaiteh, ka due yawkaw han.
- 20 Kai daw k hno kahni touh dueng heh sak hanh yawkaw,
hottelah pawiteh nang koehoi kâhrawk mahoe h.
- 21 Kai koehoi na kut hah ahla poungnae koe kampuen sak,
taki na thonae e ni ka lungpuen sak hanh naseh.
- 22 Hottelah pawiteh na kaw nah na pathung han.
Hoeh pawiteh lawk na dei sak haw, nama ni na pathung.
- 23 Ka payonpakai e hoi ka yonnae hah nâyittouh maw apap vai,
kâtapoenae hoi ka yonnae hah na panuek sak haw.
- 24 Bangdawkmaw na minhmai na hro teh, na taran lah na pouk.
- 25 Kahlî ni a palek e lengle teh, na pâlei han na maw,
Cakong hah na pâlei han namaw
- 26 Bangkongtetpawiteh, kakhat e hno hah,
kai na taranlahoi na thut teh,
ka nawca nah payonpakai e naw hah na phu sak.
- 27 Ka khok hlong na buet teh,
ka lamthung pueng hah kahnaicalah na khet.
Ka khoksampha hanelah rui khoup na payang.
- 28 Tami teh kahmawn e hno patetlah atum teh,
khakbara ni a ca e hnicu patetlah doeh ao.

14

- 1 Napui ni a khe e tami teh,
a hring kaduem ni teh runae hoi kakawi e doeh.
- 2 A pei patetlah a kamdat teh bout a kamyai.
Tâhlip patetlah a kampuen teh, bout awm hoeh toe.
- 3 Hot patetlae daw kvah, na mit na padai teh,
lawkcengnae daw k nama koe na ceikhai han na maw.
- 4 Apinimaw kathounghoehe daw k hoi,
na thoung e a la thai han,
apinihai lat thai mahoe h.
- 5 A hninnaw hah atueng khoe hnukkhu hoi,

- thapa nâyittouh maw tie hah na kut dawk ao.
 A tapuet thai hoeh nahanelah khori hoi a ngang pouh.
- 6 Kut ka pâ e tami patetlah a hninnaw aloum totouh,
 a kâhat thai nahanelah ahni teh kamlang takhai haw.
- 7 Bangkongtetpawiteh, thing teh tâtueng nakunghai
 bout a bawt hane letlang hngaihawinae ao rah.
 A cakang bout a bawt han.
- 8 Talai dawk a khawngyang kahmawn nakunghai
 kadout nakunghai.
- 9 Tui kahû dawk bout bawt vaiteh,
 ung e patetlah a cakang a tâco han doeh.
- 10 Hateiteh, tami teh a due hoi pakawp teh a kahma toe,
 tami teh a kâha a baw teh namaw ao.
- 11 Tali dawk e tui a kahma teh,
 tuiptui hai a hak teh be a ke.
- 12 Hot patetlah tami hai a yan teh thaw hoeh toe.
 Kalvannaw ao hoeh totouh hai kâhlaw hoe toe.
 Hoeh pawiteh, muet a inae koehoi kâhlaw mahoehtoe.
- 13 Oe phuen koe na hrawk sak haw,
 na lungkhueknae a roum hoeh roukrak
 na hrawk haw, atueng hah na pouk pouh nateh,
 na pahnim hanh.
- 14 Ka kâthungnae atueng a pha totouh,
 tami dout pawiteh, bout a hring han namaw
 Ka ru e ka thawnaw dawk hoi ka ring han.
- 15 Na kaw vaiteh, na pato han.
 Nama ni na kut hoi na sak e teh na pahren han.
- 16 Bangkongtetpawiteh, ka khokhnuknaw pueng be na touk.
 Hateiteh, ka yonnae naw hah na khen pouh hanh.
- 17 Kâtapoenae hah, yawngya tung khakkin e naw lah ao teh,
 ka payonpakai e hah na ramuk.
- 18 Hateiteh, mon katim e patetlah,
 talung teh a onae hmuen koehoi puen e patetlah,
- 19 tui ni talung pekpacin e patetlah,
 tuikalen ni talai kahawi a ceikhai e patetlah,
 tami e ngaihawi e hah na raphoe.
- 20 Ama teh poe na tâ teh, be a kahma aw h.
 A mei na kâthungsak teh, alouklah na cei sak.
- 21 A capanaw a tawmrasang e hah panuek aw h hoeh.
 Ahnimouh pabo lah o aw h e hai kâhmawt thai hoeh.
- 22 Hateiteh, a takthai hah patawnae dawk ao vaiteh,
 a hringnae ni ama a khui han telah a ti.

15

Eliphaz ni Job yon a pen

- 1 Hahoi Teman tami Eliphaz ni a pathung.
- 2 Hat navah,
 Tami a lungkaang ni ahrawnghrang panuenae hoi maw a pathung han.
 Kanîtholae kahlî hoi a von a paha sak han namaw.
- 3 Bang patopatang kaawm hoeh e lawk hno lahohi thoseh,
 hawinae ka sak thai hoeh e lawk ni a poukklai han maw.

- 4 Cathut takinae hoi ama koe ratoum e hah na ngang pouh.
 5 Bangkongtetpawiteh, na payonpakainae ni,
 na pahni hah a cangkhai teh, huenghai onae lawk hah na kârawi.
 6 Kai ni nang yon na pen hoeh.
 Na pahni roeroe ni doeh yon na pen.
 7 Hmaloe poung khe e lah maw na o,
 hoeh pawiteh monnaw ao hoehnahlan vah sak e lah na o toung maw.
 8 Cathut e khokhangnae hah na panue toung maw,
 Lungangnae he nang hane dueng lah maw ao.
 9 Kaimouh ni ka panue hoeh e bangmaw na panue,
 kaimouh dawc kaawm hoeh e bangmaw na panue thai.
 10 Kaimouh thung dawkvah sampo ka po e hoi kacuepoung e,
 na pa hlak hai kacuehnawn e ka o awc kaima.
 11 Cathut ni a dei e lungmawngnae lawk kanem teh
 nang hanlah a patawpoung maw
 12 Bang kecu dawc maw, na lungthin ni na kahmakhai,
 bang kecu dawc maw avangvanglah pou na hmaiet.
 13 Na muitha ni Cathut taranlahoi pou a kamlang teh,
 hot patet e lawknaw na pahni dawc hoi na fâco sak.
 14 Tami teh banglamaw ao teh, a thoung thai han.
 Napui ni a khe e teh, banglamaw ao teh, a lan thai han.
 15 A tamikathoungnaw patenghai,
 Cathut ni kâuepkhai hoeh.
 A mithmu vah kalvan patenghai thounghoeh pawiteh,
 16 Panuet ka tho e, kakhin e, payonpakainae hah,
 tui patetlah ka net e teh, banghloimaw hoe kathounghoehe la ao han.
 17 Thaihaw, ka dei vai,
 ka hmu e hah ka pâpho han.
 18 Tami a lungkaangnaw ni ouk a dei e
 mintoe koehoi e hmu e hno a hro awc hoeh e hah.
 19 Ahnimouh dueng a poe e ram,
 ram alouknaw a othaihoenae hah.
 20 Tamikathoutnaw ni a hring na thung patawnae a khang.
 Amamouh kum yit touh rep kacuengroenaw koe a hro.
 21 Takitho e pawlawk hah amamae hnâ ni a thai teh,
 hnopai a tawn nah, ka raphoe hane naw ni a thosin awc.
 22 Hmonae thung hoi kamlang hane hah yuem hoeh.
 Bangkongtetpawiteh, ahni teh tahloi ni a ring toe.
 23 Ca hane tawng hanelah a kâva teh,
 nâmwaw hotê teh ao telah a ti.
 Hmonae hnin teh a kut dawc a pha toe tie hah a panue.
 24 Rucatnae hoi kângairunae ni a lungpuen sak,
 tarantuk hanelah coungkacoe kaawm e siangpahrang patetlah tâ e la
 ao.
 25 Bangkongtetpawiteh, Cathut taranlahoi a kut a dâw teh,
 Athakasaipoung taranlahoi kâoupanae hoi a kâroe.
 26 Bahling katha poung e hoi, lung ka patak poung e lahoi
 Cathut tuk hanelah a yawng sin.
 27 Athaw ni a minhmai muen a ramuk teh,
 a keng thouk kathâw nakunghai,
 28 kingkadi e khopui dawc kho a sak teh,

- apinihai a ohoehnae, kingdi e kho dawk ao.
- 29 Tawnta mahoe, hoeh pawiteh, a tawnta e hnopainaw kangning mahoe,
hoeh pawiteh a tawn e hah talai dawk pungdaw mahoe.
- 30 Hmonae thung hoi tâcawt mahoe.
Hmaipalai ni a kangnaw hah a kak han,
a pahni dawk e kahli hoi be a kahma sak han.
- 31 Amahoima a kâdum teh, bang hoeh e hah kâuep han seh,
bangkongtetpawiteh, a tawkpheu teh banghai bang nahoe.
- 32 Atueng akuep hoehnahlan vah, kuep sak lah ao aw h vaiteh,
akangnaw hah naw mahoe toe.
- 33 Misurkangnaw patetlah ka hmin hoeh rae a paw a sarut totouh kahû en vai teh,
Olive thing patetlah a pei hah koug a sarut han.
- 34 Bangkongtetpawiteh, tamikathoutnaw hoi kamyawng e teh,
caici lah ao han. Tadawngnae hoi sak e im teh, hmai ni be a kak han.
- 35 Kahawi hoeh e hah a vawn teh, bang hoeh e hah a khe aw h.
A von dawk laithoe a vawn aw h telah a ti.

16

Job ni Eliphaz a pathung

- 1 Hahoi Job ni a pathung teh,
2 Hot patet e hno teh, moikapap ka thai toe,
nangmouh abuemlae lungpahawinae haiyah thathoenae hrum doeh.
- 3 Kahli lawk teh poutnae ao maw,
Hettelah pathung hane bang ni maw na tha a hmei sak.
- 4 Ka kangduenae hmuen heh na kangduenae hmuen lah awm pawiteh,
kai ni hai na dei aw h e hah ka dei thai van han.
- 5 Hateiteh, ka pahni ni tha na o sak aw h han.
Ka pahni dawk hoi lungroumnae lawk ni na lungmathoenae a kahma sak han.
- 6 Lawk ka dei nakunghai ka lungmathoenae roum sak thai hoeh.
Duem ka o nakunghai bang alânae awm hoeh.
- 7 Hateiteh, ama ni na tawn sak teh,
ka huikonaw puenghai kingdi sak toe.
- 8 Nama ni khakkatek teh,
hot ni kai hanelah kapanuekkhaikung lah ao.
Ka kamsoenae ni yon na pen teh, hot ni ka minhmai daw k ka panuek khai e lah ao.
- 9 A lungkhueknae ni rekrek na sei teh, na hmuhma.
A hâkam na kata sin teh, ka taran ni na hmaiet.
- 10 Pahni na ang sin aw h teh,
lungroukatetlah ka tangboug daw k na tambei.
Kai na taran hanelah cungtalah a kamkhueng aw h.
- 11 Cathut ni Cathut banglah ka ngaihoeh naw koe na pâseng,
tamikathoutnaw kut daw k na tâkhawng.
- 12 Kanawmcalah ka o eiteh, ama ni rekrek na bawng.
Ka lahen daw k na man teh, bangbeng na kahuet teh,
rek ka kâbawng, kai teh tâkhawng hanelah ka o.
- 13 Ahnie pala kakanaw ni na kalup aw h.
Ka lung poukkayawng lah na ka teh,

- na pahren hoeh, talai dawk ka hmu e tui hah a ka rabawk.
- 14 Ka hmâ dawkvah patuen patuen hmâ na paca
ka pahngawpahrak e ransanaw patetlah na cusin.
- 15 Ka vuen dawkvah, burihni ka khui sin teh,
ka lû teh vaiphu dawk ka hruek.
- 16 Ka ka lawi vah ka minhmai a paling teh,
ka mit dawk duenae tâhlip ao.
- 17 Ka kut dawk kahawihoehe hno kasake awm hoeh.
Ka ratoumnae teh a thoung ei te.
- 18 Oe talai, ka thipaling heh ramuk han haw.
Ka kanae ni kâhatnae hmuen tawn hanh naseh.
- 19 Atu patenghai, kapanuekkhaikung teh
a rasangnae koevah ao.
- 20 Ka huinaw ni na dudam awh.
Cathut koe ka mitphi a lawng.
- 21 Tami ni imri hanelah, a kâhei pouh e patetlah,
oe Cathut koe na kâhet pouh hane awm haw pawiteh,
- 22 Bangkongtetpawiteh, kum nâsittouh abaw hoehnahlan,
bout ban hoeh nae lamthung dawk ka cei han telah ati.

17

- 1 Ka hringnae hah a kâbawng teh, ka hninnaw hai aloum toe.
Kai hanelah phuén hai coungkacoe lah ao toe.
- 2 Ka panuikhai e hah kai koe awm awh hoeh maw.
Ka lung ka khuek sak e lawk ka mit a um nahoehmaw.
- 3 Nama dueng lahoi kai hanelah, lawkkamnae hah sak,
kut na ka man e teh api han namaw.
- 4 Bangkongtetpawiteh, panuethainae dawk hoi, a lungthin hah na hro.
Hatdawkvah ahnimouh teh, na rasangsak mahoe.
- 5 A huiko koe dumnae hoi oupnae lawk ka dei e teh,
a canaw e mit totouh a mawm han.
- 6 Hateiteh, tamimaya koe kâpankhai rumram hanelah na sak teh,
ahnimae hmalah tamtuí pathasin rumram hanelah ka o.
- 7 Ka lungmathoenae kecu dawk ka mit totouh a mawm teh,
ka takthai pueng heh tâhlip rumram la ao.
- 8 Tamikalannaw ni hethèh kângairu ati awh han,
kayonhoehe taminaw ni cathutlaipa e taminaw a taran awh han.
- 9 Hateiteh, tamikalan ni a lamthung hah a kuet vaiteh,
ka thoung e kut ka tawn e teh hoe a thao han.
- 10 Hateiteh, abuemlahoi pahren lahoi bout ban awh.
Bangkongtetpawiteh, nangmouh thung dawkvah
tamilungkaang ka hmawt pawm mahoe.
- 11 Ka hninnaw hai aloum toe.
Ka lungthung hoi ka pouk teh, ka noe e naw hai ayawmyin lah doeh
ao.
- 12 Tangmin hah kanîthun lah a kâthungsak teh,
khohmo thung hai angnae a hnai toe ati awh.
- 13 Phuén hah ka im patetlah ka ring teh,
hmonae thung vah ikhun ka sak pawiteh,
- 14 rawkphainae hah apa doeh ka ti teh,
tangraet koe nang teh anu hoi ka tawncanu doeh ka tetpawiteh,

- 15 ka ngaihawinae teh, nâ lah maw ao vai,
ka ngaihawinae teh, apinimaw a hmu.
16 Duenae kho takhang koe lah, a kamleng aw h vaiteh,
vaiphu daw k rei ka kâhat han namaw, telah ati.

18

Bildad lawk: tami kathoutnaw teh ouk rektap aw h

- 1 Shuhi tami Bildad ni a pathung teh,
2 Nâsittouh maw pout laipalah, lawk heh na tawng han,
thaipanueknae tawn aw h, hahoi lawk na dei pouh han.
3 Bang kecu daw k maw moithang patetlah touksin lah o aw h teh,
nangmae mithmu vah tamipathu patetlah ka kâpouk.
4 Lungkhueknae hoi namahoima na kâraphoe.
Nang hanelah talai heh ceitakhai lah ao han maw,
Hoeh pawiteh, lungsong heh aonae koehoi puen lah ao han maw.
5 Tamikathoutnaw e angnae teh roup padue pouh lah ao teh,
a hmaiang hai ang hoeh.
6 Rim e angnae hah a hmo teh,
ateng e hmaiim teh padue e lah ao.
7 A khoksampha a thaonae hah duem sak la ao teh,
amae khokhangnae ni a tâkhawng han.
8 A khok ni tamlawk daw k a kâman sak teh,
karap thung vah a cei sak.
9 A khoksampha daw k tamlawk a man teh,
ama hah karap daw k a bo.
10 Ama hanelah karap hah talai daw k hro e la ao teh,
lamthung daw k ama hane karap a patung.
11 Avoivang hoi takikatho e ni a pakhi teh,
a hnuk lahoi a pâlei.
12 A thaonae hah a thayoun toung daw kvah,
atengpam vah rawkphainae coungkacoe lah ao.
13 Hote runae ni a vuen hah a ca pouh teh,
duenae camin ni a kutkhok hah a ca pouh.
14 A kângue e rim hoi ahni teh takhoe lah ao teh,
takikatho pounge siangpahrang hmalah tâcokhai e lah ao.
15 A tami hoeh e hah rim daw k kho a sak aw h teh,
kho a saknae daw k gan a phuen pouh aw h.
16 A rahim e a tangpha hah koug a ke teh,
a lathueng lae akangnaw teh a kamyai.
17 Ama pahnim thai hoeh nahanlah talai daw k hoi a kahma teh,
a min kamthangnaw e um vah a min aw m hoeh.
18 Ahni teh angnae koehoi hmonae daw kvah a hrek teh,
talai daw k hoi pâlei e lah ao.
19 A taminaw thung daw k hoi a capa hoi a na mincanaw tawn hoeh.
Hoeh pawiteh, a khosaknae daw kvah a imthung buet touh hai cawi
mahoe h.
20 Ahnie tueng nah kaawm e taminaw ni a taki aw h e patetlah,
ahni hnukkhu kaawm e naw ni hai ahni kecu a kângai a ru aw h han.
21 Tamikathoutnaw khosaknae koe teh, hot patetlah ao han.
Hetheteh Cathut ka panuek hoeh naw a onae hmuen doeh telah a ti.

19

Job ni Bidad a pathung

- ¹ Job ni a pathung teh,
² Atueng nâsittouh maw ka hringnae he runae na poe awh teh,
 lawk hoi kai na raphoe awh han.
³ Vai hra totouh na pathoe awh e ka tak dawkvah
 na payon awh nakunghai na kayak awh hoeh.
⁴ Ka payon katang pawiteh,
 ka payonnae teh kai dawk pou ao han.
⁵ Kai na taranlahoi na kâoup awh teh,
 kai kayanae heh kai na tarannaeh lah na hno awh pawiteh,
⁶ kai dawkvah Cathut a payon tie hoi,
 a tamlawk hoi na ramuk tie hah panuek awh.
⁷ Payonnae kong dawkvah ka hram pawiteh, na thai pouh mahoe.
 Puenghoi ka hram nakunghai lannaeh hah awm hoeh.
⁸ Ka tapuet thai hoeh nahanlah ama ni ka lamthung hah a pâbing.
 Ka lamthung dawkhmonaeh hah a ta.
⁹ Ka bawilennaeh hah na rading pouh teh,
 ka lû dawkh e bawilukhung hah na la pouh.
¹⁰ Avoivang hoi vekvek na phi te ka kahma toe.
 Ka ngaihawinaeh teh, thingkung patetlah na phawk pouh.
¹¹ Kai na taranlahoi a lungkhueknaeh hah a kâan sak teh,
 a taran buet touh e patetlah na touksin.
¹² A ransahu hah a kamkhueng awh teh,
 kai na taranlahoi lamthung a rasoun awh,
 ka lukkareirim tengpam petkâkalup lah na ven awh.
¹³ Ka hmaunawngghanaw hah ahlah nah koelah na puen pouh teh,
 ka panueh e naw hah tamitavan lah koug ao awh.
¹⁴ Ka imthungnaw hai ka hmawt thai hoeh toe.
 Ka huikahawinaw ni koug na pahnim awh toe.
¹⁵ Ka im dawkh kho kasaknaw,
 ka sannunaw ni imyin lah na pouk awh. Ahnimae mithmu vah imyin
 lah ka o.
¹⁶ Ka sannaw hah ka kaw eiteh, na pato awh hoeh toe.
 Lawkkanem hoi pasawt a ngai toe.
¹⁷ Ka hringnaeh teh ka yu hanelah a hnueai e lah ao teh,
 rei ka tâcawt e hmaunawngghanaw hanelah ngai ka tho e la awm hoeh
 toe.
¹⁸ Camoca ni patenghai na dudam awh.
 Ka thaw navah kai taranlahoi lawk a dei awh.
¹⁹ Ka huiko kamyawng pueng ni na panuet awh.
 Ka lungpataw e naw ni hai kai tarankung lah koug ao awh.
²⁰ Ka vuen hoi ka tak hai ka hru dawkh rapkâbet.
 Kahâhli duengdoeh kaawm toe.
²¹ Oe, nangmouh ka huinaw, na pahren awh haw, na pahren awh haw,
 bangkongtetpawiteh Cathut e kut hoi na hem e la ka o toe.
²² Bang kecu dawkh maw Cathut na rektap e patetlah kai hah na rektap
 awh.
 Ka takthai dawkh ka khangnaeh he na khout sak awh hoeh rah maw.
²³ Oe, ka lawknaw he ca lah ka thun pawiteh,
 cauknaw dawkh pakhum boipawiteh,

- 24 thutnae sum hoi, talung dawk thut e
a yungyoe hanelah awm pawiteh,
25 kai na karatangkung teh a hring tie hah ka panue.
A hnuktengpoung nah talai van bout a kangdue han.
26 Ka vuen heh raphoe hnukkhu hoi,
ka takthai hoi Cathut hah ka hmu han tie hah ka panue.
27 Kai kama roeroe ni ka hmu vaiteh, ayâ alouk ni a hmu dueng laipalah,
kai ni kamae mit hoi roeroe ka hmu han.
Banghloimaw ka thung e ka lungthin ni a rabui.
28 HnoOUNcOUNgae a kung teh, kai dawkvah hmu aw h eiteh,
bangtelamaw, ahni teh rektap han, na tet aw h boipawiteh,
29 Namamouh ni tahloi teh taket aw h.
Bangkongtetpawiteh, lungkhueknae ni tahloi hoi reknae hah tâco sak.
Lawkcengnae ao tie hah panuethai nahan telah ati.

20

Zophar lawk

- 1 Hahoi Naamath tami Zophar ni a pathung teh,
2 Hatdawkvah ka pouk lawi, pathung nahane na poe,
bangkongtetpawiteh, ka thung e lungreithai kecu dawk doeh.
3 Tounnae ni na yue e hah ka thai toe.
Ka muitha ni thaipanueknae hoi pathungnae na sak pouh.
4 Ayan hoi talaivan
tami ao totouh hoi,
5 tamikathoutnaw tânae tueng teh a duem.
Cathut bang lah kangaihoenaw e lunghawinae teh,
dawngdengca doeh tie hah na panuek aw h hoe h maw.
6 A kâoupnae hah kalvan totouh a pha teh,
a lû ni tâmai hah ka phat nakunghai,
7 A payungpaei patetlah a yungyoe kahmat vaiteh,
ahni kahmawtnaw pueng ni na maw ao telah ati aw h han.
8 Mang patetlah yout kahmat vaiteh, hmawt mahoe h toe.
Karum e mang patetlah yout kahma e patetlah ao han.
9 Ahni kahmawt e mit ni vah hmawt mahoe h toe.
Hoe h pawiteh, hmuen ni hai kuen mahoe h toe.
10 A canaw ni tami ka roedeng minhmai kahawi hah tawng aw h vaiteh,
a kut hoi hnopai hah bout a bankhai han.
11 A hrunaw teh nawcanae thaona e hoi akawi han.
Hateiteh, vaiphu dawk a ikhai han.
12 A pahni dawk kahawihoe h e a radip.
A lai rahim vah a hro nakunghai,
13 Pasoung laipalah a pâkuem.
A kâko dawkvah a hro nakunghai,
14 A rawca teh, a vonthung vah a ui vaiteh,
tahrunsue lah a kangcoung han.
15 A tawnta e hnopai hah padoun vaiteh bout a palo han.
Cathut ni a von thung hoi a tâkhawng pouh.
16 Tahrun sue hah a pahap teh,
tahrun lai ni a ma a thei han.
17 Kalawng e palang, khoitui hoi maito sanutui kamkak vaiteh,
ka lawng e hmawt mahoe h.

- 18 A tawk e thaw ni a coung sak han ei,
von paha nahanelah hno mahoe.
- 19 Karoenaw hah a ceitakhai hoi, a coungroe teh,
Ama ni a sak hoe hoi e im hah a lawp.
- 20 A lung thung hoi roumnae hah a panue hoe hoi daw.
- A ngai e hno buet touh boehai cawi mahoe.
- 21 A ca hanelah a pek e banghai awm hoe.
- Hatdawkvah a nawmnae ni kasaw awm mahoe.
- 22 A nawm lahun nah kângairu vaiteh,
ama taranlahoi kângairu patawpoung e kut daw a pha han.
- 23 A von a paha lahun nah Cathut ni
a lungkhueknae hmai hah ahni koe a tha poeh han.
- A ca lahun nah a lathueng vah lungkhueknae kho a rak pouh han.
- 24 Sum e senehmaica teh, a yawng takhai han ei,
rahumpala ni pawkkayawng lah a ka aw h han.
- 25 Pala teh a phawk, a tak daw hoi a tâco pouh.
Loukloukkaang e a hmo hah hmue thung hoi a tâco.
Takikatho poung e a lathueng vah a pha.
- 26 Runae pueng teh ama hanelah pâtung lah ao.
Tami ni patawi hoe e hmai ni be a kak vaiteh,
a im daw kaawm e pueng ama hoi a kak han.
- 27 Kalvannaw ni a payonnae hah a pâpho han,
talai ni ama hah a taran han.
- 28 A im e hnopainaw hah be kahmat vaiteh,
a lungkhueknae hnin daw hnokahawinaw
hah tui patetlah a lawng han.
- 29 Hetheteh Cathut koehoi tamikathoutnaw ni a coe hanelah ao.
Cathut ni a coe hane râw a pouk pouh e doeh telah a ti.

21

Job ni Zophar a pathung

- 1 Hahoi Job ni a pathung teh,
- 2 Ka lawk he kahawicalah na thai pouh haw,
Hetheh nangmouh lungmawng nahanelah awmseh.
- 3 Ka dei navah panguep aw hoi ei,
be ka dei hnukkhu hoi na panuikhai aw hoi vai nei.
- 4 Ka phuenangnae heh tami tarannaeh lah maw ao.
Hottelah awm pawiteh, bang kecu daw maw, ka lung a saw thai hoe.
- 5 Na khen aw hoi haw, kângairu aw hoi naseh.
Na pahni hoi tabuem aw hoi.
- 6 Ka pouk nah ka pâyaw
takinae ni ka kâha a uek sak.
- 7 Bang kecu daw maw tamikathoutnaw ni a matawng totouh a hring aw hoi
teh,
thaonaeh daw bahu ao han vaw.
- 8 A ca catounnaw hoi amamaeh mithmu vah a kung acaksak aw hoi,
amamaeh mipun hoi amamaeh hmalah acaksak aw hoi.
- 9 A imnaw hoi takinaeh thung hoi a hlout teh,
Cathut e sonron hoi ahnimaeh a lathueng baw hoi boihoe.
- 10 Maitotan ni cati tu laipalah aw hoi boihoe.
Maitomanu ni ca khe laipalah aw hoi boihoe.

- 11 Saringhu patetlah a canaw a tâco sak teh,
a canaw teh a lam awh.
- 12 Tamawi hoi ratoung kueng laihoi la a sak awh,
Tamawi e a lawk dawk hoi a lunghawi awh.
- 13 Hringnawmnae hoi atueng aloum sak awh teh
dongdengca dawk phuen vah a cei awh.
- 14 Hateiteh, Cathut koe
na cettakhai yawkaw,
na lamthung panue hane heh ka ngai awh hoeh.
- 15 Athakasaipoung, a thaw ka tawk pouh hane teh apimaw,
Ama koe ka ratoum navah ahawinae bangmaw ka mek telah ati awh.
- 16 A tawn awh e hno hah amamae kut dawk kaawm e ka tang nahoeh,
tami kathoutnaw khokhangnae teh, kaimouh koehoi kahlatpoung la
ao.
- 17 Tamikathoutnaw e hmaim teh, bangmaw atuhoitu a due teh,
amamae rawkphainae teh, bangmaw atuhoitu a pha.
Lungmathoenae hah Cathut ni a lungkhueknae dawk hoi lawk ouk a
ceng boimaw
- 18 Kahlî dawk e cakong patetlah ao teh,
kahlî ni palek e vaikong patetlah ao awh.
- 19 Cathut ni a canaw hanelah, payonpakai nahan a ta telah a ti.
Panuethai awh nahanelah, ahnimouh teh ama ni patho naseh.
- 20 A ronae hah a mit hoi hmawt sak awh,
Athakasaipoung lungkhueknae manang hah net sak awh.
- 21 Bangkongtetpawiteh, a thapa akuep totouh atueng baw sak lah o teh,
ama a rawk hnukkhu hoi a im teh, banglahai tho hoeh.
- 22 Karasang lah kaawm e hai lawkcengkung Cathut teh
apinimaw panuenae a cangkhai thai han.
- 23 Lungmawngcalah hoi karoumcalah ao nah koe,
tami buet touh a thao lahun nah a due.
- 24 A sanunaw hai sanutui abuem awh teh,
a hrunaw hai rakhing hoi akawi.
- 25 Tami alouke buet touh, a nawmnae roeroe awm laipalah,
lungmathoe nalaihoi a due.
- 26 Vaiphu dawk reikâvan lah a i roi,
tangraet ni muen a kayo.
- 27 Kenhaw! na pouknae naw hah ka panue.
Ka lan hoeh poung e kai dawk
sak han na noe e hah ka panue.
- 28 Nâmaw bawi im teh a o,
nâmaw tamikathoutnaw khosaknae
rim teh ao telah na ti awh.
- 29 Kahlawng ka cet e hah na pacei boihoeh na maw.
Mitnoutnae naw hah na panuek awh hoeh maw
- 30 Tamikathoutnaw teh, lawkcengnae hnin hanelah
pouk tangcoung e lah ao awh.
Lungkhueknae hnin nah tâcokhai lah ao awh han,
tie hah na panuek hoeh maw
- 31 Apinimaw a hmaitung vah na lamthung hah hawihoeh atipouh han.
Apinimaw a sak e hah a patho han.
- 32 Hateiteh, phuen koe ceikhai lah ao teh,
phuen hah meng kountouk hanelah ao.

- ³³ Ayawn dawk e kacoumnaw hah,
ahnimouh hanlah, a radip vaiteh, tami pueng ni a kâbang han.
A hmalah touklek hoeh e ka cet tangcoungnaw patetlah
taminaw pueng a duksawn han telah a ti.
- ³⁴ Hottelah namamae pahni dawk laithoe pou ao lahun nah,
bangtelamaw hrawnghrang lawk hoi
lung khuet na pahawi thai awh han, telah a ti.

22

Eliphaz lawk

- ¹ Teman tami Eliphaz ni a pathung teh,
² Tami teh Cathut hanelah a cungkeinae a tawn thai han namaw,
A lungkaang e hai ama hanelah doeh cungkeinae ao.
- ³ Tamikalan lah na onae hah, Athakasaipoung, a lungkahawi sak e lah ao
han namaw
Toun han awm laipalah na sak e na lamthung hah ahni hanelah a
meknae ao han namaw
- ⁴ Ama na taki kecu dawk maw na toun teh,
lawkcengnae dawk na kâenkhai.
- ⁵ Na hawihoehnae hah a len poung teh,
pout laipalah na payonnae kecu dawk nahoehmaw.
- ⁶ A khuekhaw awm laipalah na hmaunawngaha e hno hah na man pouh
teh,
caici lah kaawm e hnicu hah na la pouh.
- ⁷ Tha ka tawn e koe, nei hane tui hah na poe hoeh teh,
von kahlamnaw hanelah vaiyei hah na pasoung pouh hoeh.
- ⁸ Hateiteh, tami athakaawme ni ram a coe teh,
a thung vah bari kaawm e tami ni kho a sak awh.
- ⁹ Lahmainu hah kut caici lah na ceisak awh teh,
manu ka tawn hoeh e naranaw e kut hah na khoe pouh awh.
- ¹⁰ Hatdawkvah na tenggam e karap ni na kalup teh,
puennaen ni rucatrâe na poe awh.
- ¹¹ Na hmu thai hoeh nahanelah,
hmonae hoi tuikalen poung ni muen a khu awh.
- ¹² Kalvan arasang nah koe, Cathut awm hoeh namaw
Karasangpoung e âsinaw hah kenhaw! banghloimaw arasang.
- ¹³ Nang ni, Cathut ni bangmaw a panue,
Hmonae hloilah lawk a ceng thai maw.
- ¹⁴ A hmu thai hoeh nahanelah, katha poung e tâmai ni a ramuk teh,
kalvan lathueng lah a kâhlai, telah na ti.
- ¹⁵ Tamikathoutnaw ni karawk e lam karuem daw
meng na cei han namaw
- ¹⁶ Apimaw atueng kuep hoehnahlan vah la e lah kaawm niteh,
apini a ung e maw tuikalen ni a la.
- ¹⁷ Cathut koe, na cettakhai yawkaw,
Athakasaipoung ni ahnimouh hanelah bangmaw a sak thai telah ati
awh.
- ¹⁸ Hateiteh a imnaw hah hnokahawi hoi akawi sak.
Hateiteh tamikathout e khokhangnae teh, kai koehoi kahlatpoung lah
ao.
- ¹⁹ Tamikalan ni a hmu teh, a lunghaw.

- Yonnae ka tawn hoeh e ni dudamkungnaw hah a panuikhai aw h.
- 20 Ka tarannaw teh, raphoe katang lah ao teh,
kacawie naw hah hmai ni a kak han.
- 21 Ama koe kâpanuek sak nateh, karoumcalah aw m,
haw hoi nang hanelah hnokahawi a tâco han.
- 22 Pahren lahoi amae kâko hoi ka tâcawt e hringnae na cangkhai e hah
dâw haw.
Na lungthin thungvah amae lawk hah kahawicalah kuem.
- 23 Athakasaipoung, koevah na ban pawiteh, kangdout thai e lah o han.
Na payonpakai e hah na im daw k hoi kahlatpoung lah na takhoe han.
- 24 Nange sui teh, vaiphu daw k na ta han.
Ophir sui hah sawkca thung e, sadinaw patetlah na pâtung han.
- 25 Athakasaipoung teh,
nange sui hoi ap hu kaawm e ngun lah ao han.
- 26 Hottelah Athakasaipoung dawkvah na lunghawi han.
Cathut koe lah na khet han toe.
- 27 Ama koe na ratoum vaiteh, na thai pouh han.
Na lawkkam hah na kuep sak han.
- 28 Hno buet touh na kâcai vaiteh, nama hanelah caksak lah ao han.
Hot patetvanlah na lamthung daw k angnae ni a tue han.
- 29 Na tâkhawng navah tawmrasang e lah na o han telah na ti han.
Hottelah kârahnoum e hah ama ni a rungngang han.
- 30 Ka yon hoeh e hah a rungngang han.
Na kut thOUNGnae hoi rungngang lah ao han, telah a ti.

23

Job Eliphaz a pathung

- 1 Hahoi Job ni a pathung teh.
- 2 Sahnin hai ka phuenangnae a patawpoung.
Ka kâhram lawi vah ka kut ni thayung aw m hoeh toe.
- 3 Oe, ama teh nâ lah maw ao tie hah ka panue vaiteh,
a tahungnae koe ka phat haw pawiteh.
- 4 A hmalah ka kong heh ka phakhai vaiteh,
ka pahni teh na lawkpanuesaknae hoi a kaw i han ei.
- 5 Na pathungnae lawk hah ka panue vaiteh,
kai koe a dei hane hah ka thaipanuek han ei.
- 6 Ka lentoe e hnotithainae hoi na taran han namaw
Na taran mahoe h, ka kong hah hoe na pouk pouh han doeh.
- 7 Hawvah ama hoi tamikalan ni pouk thai aw h vaiteh,
lawkcengkungnaw koehoi yungyoe ka hlout han toe.
- 8 Khenhaw! hmalah ka cei, hateiteh ama la aw m hoeh.
Hnuklah bout ka ban eiteh, ama teh ka hmaw t thai hoeh.
- 9 Avoilae kut hoi a taw k navah ama teh ka khen thai hoeh.
Aranglae kut daw k a kamlang toteh ama hah ka hmaw t thai hoeh.
- 10 Hateiteh, ka dawn e lamthung hah ama ni a panue.
Na tanouk toteh sui patetlah ka tâco han.
- 11 A khok daw k ka khok ni kacacalah a kamtung teh,
a lamthung hah phen laipalah ka dawn.
- 12 A pahni daw k hoi kâpoelaw k hah ka cettakhai hoeh.
A pahni daw k hoi ka tâcaw t e law k hah

ka panki e rawca hlak hai ka pátung.

13 Hateiteh, ama teh buet touh lah ao dawkvah,
apinimaw a dum thai han.

A hringnae ni a sak han a ngai e pueng hah a sak.

14 Kai hanelah a pouk e hah a sai.

Ama dawk hot patet e hah moikapap ao.

15 Hatdawkvah, a hmalah o e hah ka taki.

Hetheh ka pouk navah ama ka taki.

16 Cathut ni ka lung a pout sak teh,

Athakasaipounge hah na taki sak.

17 Hatei, hmonae dawk hoi na kapek hoeh teh,

ka hma lae hmonae kadung poung e dawk na ramuk hoeh.

24

1 Bangkong maw atuengnaw heh Athakasaipounge ni
a hro hoeh vaw,

ama kapanueknaw ni

amamae ahnin hah a hmu thai awh hoeh vaw.

2 Tangawn ni khori hah a puen awh.

Saringnaw hah a lawp awh teh ama hanelah a paca awh.

3 Naranaw e la hah a pâlei pouh awh teh,

lahmai e maitotañ hah lawkkamnae lah a pangen pouh awh.

4 Tami kavoutthoupnaw hah lamthung a phen sak awh.

Ram thung e karoedengnaw hah pâkhueng teh, kâhro hoi ao awh.

5 Thingyeyawn ramke dawk e la patetlah,

rawca tawng hanelah, thaw tawk han lah a cei awh.

Amamouh hoi a canaw hanelah ram ni ca hane rawca a tâco sak.

6 Law dawk e saringnaw e rawca hah a pâkhueng teh,

tamikathoutnaw e misurpaw hah a pátung awh.

7 Khohna e awm laipalah karum khodai caici lah a i awh.

Pâding nah kâkhu hane tawn awh hoeh.

8 Mon dawk kho ka rak e ni cupkâkasu lah a pâsin teh,

a phui nahanelah lungsongpui a kângue awh.

9 A na pa kaawm hoeh e camo teh, a manu e sanu hoi a pâphei sak.

Karoedengnaw hah amamae hno hah a pâhung sak.

10 Karoedengnaw, hah caici lah ao sak awh.

A von kahlamnaw koe e cabong hah a la pouh awh.

11 Ayânaw im vah satui hah a kuen awh teh,

misurpaw katin nalaihoi tui a kahran awh.

12 Khopui thung vah hmenghmeng a due awh teh,

a hramki awh. Hmâ a ca awh teh, hringnae hah a kaw awh.

Hateiteh, Cathut ni a ratoum awh e hah pato hoeh.

13 Angnae hah taranlahoi tarankathawnaw hah ao.

A lamthung hah panuek awh hoeh teh,

angnae lamthung hah ngai awh hoeh.

14 Tamikathetnaw ni angnae dawk hoi a thaw awh teh,

karoedengnaw hoi kavoutthoupnaw hah a thei awh.

Karum e tami tamru patetlah ao awh.

15 Ayâ yu yonkhai hane mit ni khohmo a ngaihawi.

Mínhmai a hro teh, apini na hmawt mahoeh telah a pouk.

16 Kanîthun lah mitnout a ta e im hah karum lah a muk awh teh,

- angnae hah panuek aw hoh.
- 17 Bangkongtetpawiteh, ahnimouh hanelah teh,
amom hah duenae tâhlip patetlah ao.
Tami ni panuek aw hoh pawiteh,
takikatho poung e duenae tâhlip doeh ati aw hoh han.
- 18 Tui hoh karanglah pâyo sak lah ao aw hoh han.
Talai dawkvah coe hane thoebo lah ao han.
Hatdawkvah, apihai misur takha lamthung koe lah kamlang mahoh.
- 19 Kawmpoi khumbai kân e ni tadamtui a kamyawt sak.
Hot patetvanlah, phuen ni yonnae ka sak e hah a payawp aw hoh.
- 20 Camo im ni a pahnim aw hoh vaiteh,
tangraet ni katuipoung lah a ca aw hoh han.
- 21 Bangkongtetpawiteh, cakaroo e hah a rektap teh,
lahmainu hanelah hnokahawi lah aw hoh.
- 22 Hateiteh, Cathut ni athaonae hoh,
tami athakaawme taminaw e lamthung hah a raphoe pouh.
Hring hane kamcenglah a panue hoh nakunghai, Amâ ni a thaw sak.
- 23 A kângue hane a poe teh, hawvah a kâhat sak.
A mit teh ahnimae lamthung daw k ao.
- 24 Vai touh hoh tawm lah ao teh, hat hnukkhu hoh a kahma aw hoh.
Rahnoum sak la ao teh, ayânaw patetvanlah a kâhmo van han. Cavui
patetlah a ke aw hoh.
- 25 Hot patetlah aw hoh pawiteh,
apini maw na laithoe a tithai han.
Ka dei e heh bang hoh e lah
ka coung sak thai e na o aw hoh maw telah a ti.

25

Bildad lawk

- 1 Hahoi Shuhi tami Bildad ni a pathung teh,
2 Uknâe hoh takinae teh amae naw doeh.
Hmuenrasang dawkvah roumnae naw a sak.
3 A ransanaw hah apinimaw a touk thai han.
Apie lathueng maw na angnae hah tâcawt laipalah ao boi.
4 Bangtelamaw Cathut e hmalah tami a lan thai han.
Hoh pawiteh, bangtelamaw napui ni khe e hah a thoung thai han.
5 Thapa patenghai ang laipalah, âsinaw hai amae mithmu vah
thoung aw hoh pawiteh,
6 Pâri hoh tangraet rumram lah kaawm e taminaw natawng teh
bangtelamaw hoe thoung thai han vaw, telah ati.

26

Job ni Bildad a pathung

- 1 Hatei Job ni a pathung teh,
2 Hnotithainae ka tawn hoh e teh, bangtelamaw na kabawp,
thaonae ka tawn hoh e kut teh, bangtelamaw na rungang thai.
3 Lungangnae ka tawn hoh e teh, bangtelamaw na toun thai,
tami moikapap koevah kalan e pouknae hah bangtelamaw na poe thai.
4 Api koe maw lawk teh na pâpho pouh.
Apie muitha maw nama koe ka phat.

- 5 Tami kadout hah a pâyaw teh, tui rahim vah ao teh,
 haw vah kaawm e naw hoi a pâyaw aw h.
 6 A hmalah duenae caici lah ao.
 Rawkphainae ni ramuknae tawn hoeh.
 7 Kalvan teh ahrawnghrang dawk a kangdue.
 Talai hai ahrawnghrang dawk a kâbang.
 8 Katha poung e tâmai dawk tui hah mek a racut teh,
 a rahim e tâmai hah kâbawng aw h hoeh.
 9 A bawitungkhung e hmalah a ramuk teh,
 a lathueng vah tâmai a tabo sak.
 10 Angnae hoi hmonae langri a ta nahanelah
 tui dawk a langri a ruen pouh.
 11 Kalvan toenae khom a kâhuet teh,
 a tounnae hah kângai lah a ru.
 12 A hnotithainae lahoi tuipui a thaw sak.
 Bahu lahoi tûilî hah thawk a kapek.
 13 A muitha lahoi kalvan a pathoup sak.
 Kamlang e khorui hai a kut hoi a sak.
 14 Khenhaw! hetnaw heh lamthung nueng kamtawngnae doeh.
 Ahnimouh koe e thai aw h e hrolawk teh, banghloimaw a thoung.
 Hateiteh, keitat hnotithainae hah, apinimaw a panue thai.

27

Job ni a lannae a kampang

- 1 Job ni a dei e hah bout a patawp teh,
 2 Cathut ni ka lannae, na la pouh teh,
 Athakasaipoung e, ka hringnae ka pataw sak e teh a hring e patetlah,
 3 Ka thung e a thakaawm sak e Cathut e kâha teh
 ka hngong dawk ao thung pueng teh,
 4 Ka pahni ni kathoute lawk dei mahoe h.
 Ka lai ni dumnae tâcawtsak mahoe h.
 5 Na lan aw h tie hah ka dei hane savisava doeh.
 Ka due totouh ka lannae heh khoeroe ka pahnawt mahoe h.
 6 Ka lannae heh kacakcalah ka kuet teh, kahmat sak mahoe h.
 Ka hring thung pueng ka lungthin ni kama yon na pen mahoe h.
 7 Ka taran hah tamikathout patetlah aw m aw h naseh.
 Kai na taranlahoi ka kangdout e hah tami kalan hoeh lah aw m aw h
 naseh.
 8 Bangkongtetpawiteh, tami kahawihoehe naw ngaihawinae teh, banghai
 nahoeh.
 Moi ka tawn nakunghai Cathut ni a hringnae lat pawiteh,
 9 a lathueng vah runae a pha torei teh,
 a cingounae hah Cathut ni a thai pouh han maw.
 10 Athakasaipoung e, lah amahoima a lunghaw i han namaw,
 Cathut hah pou a kaw han namaw.
 11 Cathut e kut hoi a sak e hah na dei pouh vai.
 Athakasaipoung e, koevah kaawm e hah ka hrawk mahoe h.
 12 Hot teh abuemlah ni na hmu katang aw h.
 Hottelah pawiteh, bangkongmaw bang hoeh e dawk pou na panui
 aw h.

- 13 Hetteh, Cathut koehoi tamikathoutnaw coe hanelah ao.
Tami kahnepnapnaw e a coe e raw.
Athakasaipounge, koehoi a hmu aw h e teh,
- 14 a catounnaw a kamphung nakunghai tahloi hanelah doeh ao.
A canaw ni vonhlam hoi kho a sak aw h han.
- 15 Kaawm rae naw teh, duenae daw k pakawp la ao aw h han.
Lahmainaw ni khuikapkhai mahoe h.
- 16 Vaiphu patetlah ngunnaw ka pátung nakunghai,
tangdong patetlah hnopai ka pátung nakunghai,
- 17 a pátung thai han. Hateiteh, tamikalan ni a khohna han,
kayonhoehnaw ni ahnie ngun hah a kârei aw h han.
- 18 Bomba patetlah im a sak teh,
ramveng ni rim a sak e patetlah doeh ao.
- 19 Tami ka tawn poung ni a due torei teh, pakawp e lah aw m mahoe h.
A mit a padai nah teh koug a kahma toe.
- 20 Takithopoung e ni ahni teh tuikalen patetlah a la.
Karum lah túilí ni a kahma sak.
- 21 Kanítholah kahlí ni a palek teh aw mhoe h toe.
A onae hmuen koehoi a palek.
- 22 Pek e aw m laipalah ama khuehoi a palek.
A thasainae thung hoi koug a kahma han.
- 23 Taminaw ni a kuttabawng sin han.
Terawseh tet aw h vaiteh aonae koehoi a pâlei aw h han.

28

Lungangnae kong daw k Job ni law k a dei

- 1 Ngun tainae tangkom ao katang,
sui sôlêinae a hmuen hai ao.
- 2 Sum teh talai daw k hoi la e lah a o,
raham teh talung daw k hoi thawng e lah ao.
- 3 Tami ni hnonae daw k a pout sak teh,
a hmuen kingkadi e pueng totouh a tawng aw h,
duenae tâhlip hoi hmonae thung vah
a cei aw h teh a tawng aw h.
- 4 Tami a ohoehnae koe vah tangkom a tai teh,
khok ni a pahnim e hmuennaw hah
tami hoi a kâhlanae hmuen koe a bang aw h teh,
pou a kâhuet aw h.
- 5 Talai e tui daw k hoi rawca tâconae lah a o,
a rahim lah teh hmai ni talai a kâthungsak e patetlah ao.
- 6 Hote talungnaw teh, sapphire talung a phukaawm
a tâconae a kung lah ao. Sui kanuinaw hai ao.
- 7 Hote lamthung teh tavanaw ni panuek hoe h,
mataw e mit ni hai hmaw t hoe h.
- 8 Ka po e sendek ni hai coun groe hoe h,
ka matheng e sendek hai cet boi hoe h.
- 9 Talung daw k tami ni kut a toung teh,
mon hah a kung koehoi pakhuppathan lah dek a palei.
- 10 Lungsongpui hah a kavi teh, ravohong a sak teh,
a mit hoi a phukaawm poung e hno hah a hmu.
- 11 Tui ka phuek e hah a tawng teh,

- kâhrawk e hnonaw hah angnae dawk a tâcokhai.
- 12 Hateiteh, nâ lah maw lungangnae hmuthainae teh,
nâ lah maw panuethainae hmuen hah ao.
- 13 Aphu onae tami ni panuek hoeh,
Tami onae ram dawk hmu thai lah awm hoeh.
- 14 Kadunge ni kai koe awm hoeh telah a ti,
talî ni kai koe awm hoeh a ti.
- 15 Sui hoi ran thai lah awm hoeh,
aphu teh ngun hoi hai bangnue thai lah awm hoeh.
- 16 Ophir talung phu kaawm ni hai phat thai hoeh,
aphu kaawm poug e onyx hoi
sapphire ni hai phat thai hoeh.
- 17 Sui hoi talung phukaawm ni hai phat thai hoeh,
sui kathoung hoi hai thung thai lah awm hoeh.
- 18 Koral hoi jasper hai deipan han kamcu hoeh,
Bangkongtetpawiteh, lungangnae phu teh,
Rubies talung hlak hai a phu hoe a rasang.
- 19 Ethiopia ram e topaz talung phu kaawm ni phat thai hoeh,
sui kathoung ni hai aphu onae phat thai hoeh.
- 20 Hot patet lae lungangnae teh,
nâhoi maw a tho,
thoumthainae hmuen teh nâ lah maw ao.
- 21 Kahringnaw pueng e mit ni a khet teh hmawt thai hoeh,
kalvan e tavanaw ni hai a tawng teh hmawt thai hoeh.
- 22 Rawkphainae hoi duenae ni a dei awh e kamthang hah,
ka hnâ ni a thai telah ati awh.
- 23 Cathut ni a lamthung hah a panue pouh teh,
hmuen hai a panue
- 24 Bangkongtetpawiteh, ama ni talai apout totouh a khet,
kalvan rahim pueng hah a hmu.
- 25 Kahlî teh khing hane hoi,
tui teh bangnuenae hoi bangnue hane,
- 26 kho a rak nahanelah lamthung a sak pouh teh,
khoparitnae hoi sumpapalik nahane lamthung a sak pouh navah,
- 27 Lungangnae a hmu teh a pâpho,
a caksak teh a tawng.
- 28 Tami koe khenhaw! BAWIPA takinae teh lungangnae doeh,
kahawihoehe ceitakhai e teh
panuethainae doeh telah a ti.

29

Job ni a lannae a kampangkhai

- 1 Job ni a dei lawk hah bout a patawp teh,
- 2 Oe ka loum tangcoung e a kum hoi thapa naw dawk bout kaawm haw
pawiteh,
Cathut ni na kountouknae a hnin patetlah
- 3 ka lû dawk hmaiim a ang teh,
a angnae dawk hoi hmonae ka tapuet thai navah,
- 4 Ka rounng takhangnae a tueng,
ka im dawk Cathut hoi kâhuikonae tueng,

- hatnae patetlah bout kaawm haw pawiteh,
 5 Athakasaipounge, kai koe na okhai e hoi,
 ka canaw ka teng vah petkâkalup lah ao aw h navah,
 6 Ka ceinae lamthung dawk maito sanutui a lawng,
 lungsongpui ni kai hanelah satui pou a lawng sak navah,
 7 khopui kâenna longkha koe ouk ka cei navah,
 thongma dawk ouk ka tahungnae koe ka ceikhai navah,
 8 Thoundounnaw ni na hmu aw h teh, a kâhro aw h.
 Kacuenaw ni a thaw aw h teh a kangdue aw h.
 9 Bawinaw ni lawk dei hane pahni a cakuep aw h.
 A kut hoi pahni a tabuem aw h.
 10 Bawinaw hai lawkkamuem lah duem ao aw h teh,
 a lai teh adangka dawk rapkâbet pouh.
 11 A hnâ ni a thai torei teh, yawhawi na poe aw h.
 A mit hoi a hmu aw h torei teh na panuikhai aw h.
 12 Bangkongtetpawiteh, karoedengnaw hah ka rungngang teh
 na pa hoi kabawmkung ka tawn hoeh e naw hah ouk ka kabawp.
 13 Kahmatkatanaw e yawhawinaw hah, ka lathueng vah a pha.
 Lahmainaw e lungthin hah lunghawinae la ka sak sak.
 14 Lannaeh hah ka khohna teh,
 ka lannaeh teh angkidung hoi bawilakhung patetlah ao.
 15 Mitdawnnaw hanelah mit lah ka o teh,
 khokkhemnaw hanelah khok lah ka o.
 16 Karoedengnaw, hanelah na pa lah ka o teh,
 ka panue hoeh e naw e lawk hai ka ngai pouh.
 17 Tamikathoutnaw e a no hah ka khoe pouh teh,
 a hâ hoi a kei e hah ka rasa pouh.
 18 Hottelah ka tabu thung ka due vaiteh,
 ka hninnaw teh sadi patetlah ka pung sak han.
 19 Tui aonae koe vah ka tangphanaw ka payang vaiteh,
 ka kangnaw dawk karum khodai tadamtui ao han.
 20 Ka bawilennaeh teh ka thung vah bout a katha teh,
 ka pala teh ka kut dawk a tha hoi a kawi han.
 21 Taminaw ni na ring teh na rabui aw h.
 Ka khokhangnaeh dawk duem ao aw h.
 22 Ka dei hnukkhu hoi banghai dei aw h hoeh toe.
 Ka dei e teh ahnimouh koe tadamtui patetlah a bo.
 23 Khotui patetlah na ring aw h teh, a hnukteng e kho ka rak e patetlah
 kakawpoung lah pahni a ang aw h.
 24 Ka panuikhai pawiteh yuem aw h mahoeh.
 Ka minhmai a angnaeh teh, hmonaeh lah aw m sak aw h hoeh.
 25 Ahnimouh hane lamthung ka rawi teh,
 kahrawikung patetlah ka tahung.
 Hottelah ransanaw thung vah siangpahrang patetlah kho ka sak.
 A lung ka mathoutnaw lungpahawi e patetlah ka o.

30

- 1 Hatei, atuteh kai hlak ka camo e naw ni
 Kai na pathoe aw h.
 A napanaw hah kai ni ka panuet teh,
 kaie tuhu ka ring e uinaw koe patenghai baw k van hoeh.

- 2 A thaonae hah kai hanelah bangmaw cungkeinae kaawm.
A thayung tawn awh hoeh toe.
- 3 Takangnae hoi voutthoup dawk a kamsoe awh teh,
kahrawngum kingdinae hmuen koe tang a yawng awh.
- 4 Pho um e angrmai hna a la awh teh,
samphokung e a tangpha hah rawca hanelah a tai awh.
- 5 Ahnimouh teh, tami koehoi pâlei awh teh,
tamru patetlah a hramsin awh.
- 6 Tangkom thung hoi lungngoum thung o hanelah doeh ao awh.
Talai hoi talung kâko dawk ao awh.
- 7 Caprapum vah a hram awh teh,
pâkhingum vah a tabo awh.
- 8 Ahnimouh teh tamipathu e canaw doeh.
Bang pato patang hoeh e canaw doeh.
Ram thung hoi hrek e naw doeh.
- 9 Atu teh la lah na sak awh hanelah ka o toe.
Na pathoe e lah ka o toe.
- 10 Na panuet awh teh kai hoi kâhlat lah na o awh.
Ka minhmai na tamthawi awh.
- 11 Bangkongtetpawiteh, lirui hah a rasu awh teh, na ka pacekpahlek awh.
Ka hmalah kammounrui a rasu awh.
- 12 Kaie aranglah nawsainaw a kangdue teh, ka khok hah a phen awh.
A rawkphainae lamthung hah kai taranlahoi a sak awh.
- 13 Ka lamthung hah a raphoe awh.
Kai ka tâlaw nahanelah a kâyawm awh.
Ahnimouh kâhruetcuete ka poe hane apihai awm hoeh.
- 14 Ka kaw poung e kâko dawk hoi a tho awh teh,
ningkatim rahim vah na kalup awh.
- 15 Takithopoung e ka lathueng vah a pha.
Bari lah ka onae hah kahlî patetlah a pâlei awh.
Ka tawn e naw hah tâmai patetlah a kahma.
- 16 Ka kângairunae ni ka hringnae teh a rabawk toe.
Ka khangnae hninnaw ni khak na kuet.
- 17 Karum lah ka hru hah koung a thut teh,
ka tharui patawnae ni roum thai hoeh.
- 18 Ka patawpoung e ni hnicu hoi kayo e patetlah na kayo teh,
angki lahuen patetlah na katek.
- 19 Tangdong dawk na tâkhawng teh,
hraba hoi vaiphu patetlah ka o toe.
- 20 Nama koe ka hram, hateiteh, na pato hoeh.
Ka kangdue teh na khet.
- 21 Hatei, kai hanelah ka pahngawpahrak e lah na o.
Na kut thasainae ni na taran.
- 22 Kahlî dawk na tawm teh,
a lathueng vah na kâcui sak.
- 23 Bangkongtetpawiteh, nama ni duenae dawk na ceikhai hane hah ka
panue.
Hringnae katawnnaw pueng hanelah,
na pouk pouh tangcoung e im dawkvah.
- 24 BAWIPA ni a kut a dâw torei teh,
a kâhei nakunghai, banglah tho hoeh toe. A raphoe torei teh,

- a hram nakunghai hawinae awm hoeh toe.
 25 Runae ka kâhmonaw hanlah ouk ka ka nahoehmaw.
 Karoedengnaw hanlah lungreithai hoi kaawm boihoeh maw.
 26 Hateiteh, hawinae ka tawng navah,
 hno kahawihoehe hah ka lathueng vah a pha.
 Angnae ka ring navah hmonae a pha.
 27 Ka lungthin a tâsue teh roum thai hoeh.
 Ka khangnae hninnaw ni na tho sin.
 28 Panuinae koelah tho hoeh niteh, lungmathoe koelah ka cei.
 Kamkhuengnaw rahak vah, ka kangdue teh, kabawpnae ka hei teh ka
 hram.
 29 Kahrawnguinaw e hmaunawngaha lah ka o.
 Kalauk tavanaw hoi huiko lah ka o.
 30 Ka vuen teh hoehoe a tamang teh kai koehoi a bo,
 Ka hrunaw teh puenghoi a kâan
 31 Ka ratoung teh ka lungmathoenaeh lah a coung,
 ka tamawi teh kâlawk lah a coung.

31

- 1 Ka mit ni lawkkamnae a sak,
 Bang kecu dawk maw tangla hah ka mit ni a khet han.
 2 Hatdawkvah, lathueng lae Cathut koehoi ka coe hane hoi,
 Athakasaipounge koehoi a parâw e teh bangmaw.
 3 Tamikathoutnaw raphoe teh,
 payonpakainaeh ka sak e naw rawkphainaeh nahoehmaw.
 4 Ama ni ka lamthung hah a hmu teh,
 ka khokhnuk pueng hai be a touk nahoehmaw.
 5 Kalan hoeh e lah ka hring pawiteh, hoeh pawiteh,
 dumyennaeh hoi ka khok a hue rang pawiteh,
 6 Kânging e yawcu khingnaeh hoi na khing haw,
 Cathut ni ka lannaeh hah a panue thai han.
 7 Ka pahni ni lamthung phen boipawiteh,
 ka mit hoi ka hmu e patetlah lungthin ka tawn pawiteh,
 ka kut dawk ka tamang e kâbet pawiteh,
 8 Cati na tu sak haw, ayâ louk ni cat naseh,
 ka a hane be phawng naseh.
 9 Napui ni ka lungthin na pasawt payon pawiteh,
 ka imri e takhang arulahoehoi ka tuet pawiteh,
 10 ka yu ni ayâ hane cakang phawm naseh.
 Ayâ ni ipkhai naseh.
 11 Bangkongtetpawiteh, hot teh kathoute lah awm vaiteh,
 lawkcengnaeh koe tâcokhai hanelah
 kamcu e payonnaeh lah ao han.
 12 Bangkongtetpawiteh, raphoe hanelah hmai ni a kak e lah ao han,
 Ka tawn e abuemlah be kahmat e lah ao han.
 13 Ka sannu sanpanaw ni kai koe a phuenang awh navah,
 noutna laipalah kaawm pawiteh,
 14 BAWIPA a thaw torei teh, kai ni bangmaw ka sak han.
 Na toun navah bangtelamaw ka pato han.
 15 Von thung vah kai ka sak e ni,
 ahnimouh hai sak hoehnamaw,

- ama ni manu e von thung rei na sak hoehnamaw.
- 16 Karoedengnaw, e a ngainae hah poe laipalah kaawm pawiteh,
lahmainaw lung ka pout sak pawiteh,
- 17 naranaw hah canei hane rei laipalah,
kama dueng ouk ka cat pawiteh,
- 18 Hateiteh, ahni hah ka nawca hoi a na pa patetlah ka okhai,
anu e von thung hoi lahmai patetlah ka khetyawt toe.
- 19 Tami bangpatet hai hnicu laipalah kadout e hoi,
tami karoedengnaw kâkhu han ka tawn hoeh e
ka hmawt boipawiteh,
- 20 A lungthin hoi kai yawhawi na poe hoeh teh,
ka tumuen hoi phu ka bet sak hoehpawiteh,
- 21 longkha koe e kabawpnae ka hmu torei teh,
naranaw taranlahoi ka kut ka dâw pawiteh,
- 22 ka kut heh ka lounng dawh hoi kârakhing naseh,
ka lounghrunaw hah kâkhoe naseh.
- 23 Bangkongtetpawiteh, Cathut koehoi rawkphainae teh,
kai hanelah taki a tho poung, bangkongtetpawiteh,
a lentoenae teh ka khang thai mahoe.
- 24 Sui hah ngaihawinae hoi ka sak teh,
nang teh ka lungmawngnae doeh,
telah suikathoung koe ka dei boipawiteh,
- 25 ka kut hoi ka tawh e ni moikapap a hmu teh,
ka tawntanae a len poung dawkvah,
lunghawinae ka tawn boipawiteh,
- 26 kanî a sei torei ka pouk teh,
a angnae hoi ka cet e thapa hah a lawkpui lah ka pouk teh,
- 27 hottelah ka lungthin hah arulahoi a pasawt teh,
ka pahni ni ka kut pahnuem pawiteh,
- 28 het haiyah lawkcengnae hmuen koe
phakhai han kamcu e payonnae doeh.
Bangkongtetpawiteh, lathueng la kaawm e
Cathut hah pahnawt e lah ao.
- 29 Ka hmuhma e lathueng vah, rawkphainae a pha navah,
ka lunghawi teh, a lathueng vah kathout e ka hmu navah,
kai kâoup pawiteh,
- 30 Ka pahni ni yonnae dawh thoseh,
a hringnae hah thoebo hane kâpoe hanelah
ka pasoung hoeh e thoseh,
- 31 Lukkareim dawh taminaw ni a teng vah kaawm e
apimaw von ka hlam e kaawm boi,
- 32 Hateiteh, imyin ni lam vah roe boi hoeh,
Bangkongtetpawiteh, kahlawng ka cet naw hanelah
ka im vah tho ouk ka paawng pouh.
- 33 Adam patetlah kâtapoenae hah ka ramuk teh,
ka payonpakainae hah ka lungtabue thung ka hrawk pawiteh,
- 34 Tamimaya a pap poung dawkvah, ka taki teh
ka imthungnaw dudamnae ka taki kecu dawkvah,
duem ka o e hoi alawilah tâco thai hoeh e lah kaawm pawiteh,
- 35 Oe, kapanuekkhaikung buet tabang awm haw pawiteh,
khenhaw! hetteh kaie kutnout doeh, Athakasaipounge ni,

- na pato haw pawiteh, kai na katarannaw ni
cauk dawk thut haw pawiteh,
- 36 Ka loung dawk hoi roeroe ka sin vaiteh,
bawilukhung patetlah ka kâ muk han ei .
- 37 Ka khokhnuknaw pueng hai ama koe ka pâpho han,
bawi patetlah ama teh ka hnai han ei.
- 38 Ka ram ni kai taranlahoi a hram teh,
laikawk kongnaw ni cungtalah khui awh pawiteh,
- 39 apu poe laipalah a pawnaw hah ka ca teh,
katawnkungnaw hringnae sung sak e lah kaawm boipawiteh,
- 40 hottelah cang yueng lah pâkhing paw naseh,
Catun yueng lah phovainaw paw naseh telah a ti,
Job e lawk a pâpout toe.

32

Elihu ni Job e a huinaw a oun

1 Job ni amahoima tamikalan a kâti dawkvah, tami katham touh ni Job pathung awh hoeh toe.

2 Hottelah Barakel e capa Elihu, Buz tami Ram catoun Elihu teh pueng hoi a lungkhuek. Cathut hlak amahoima tamikalan a kâti dawkvah, Job koe a lungkhuek.

3 Job e a hui katham touh koehai a lungkhuek. Bangkongtetpawiteh, Job hah na payon atipouh eiteh, bout pathung nahane panuek awh hoeh.

4 Ahnimouh teh, ama hlak vah kacuehnawn lah ao. Elihu ni Job koevah lawk dei hanelah meng a ring.

5 Elihu ni hetnaw katham touh e pahni dawk hoi pathung nahan awm hoeh tie hah a panue torei teh, a lung puenghoi a khuek.

6 Hottelah, Barakel e capa Elihu, Buz tami ni hettelah a pathung. Kai teh kum kanaw teh, nangmouh teh na kuncue poung awh toe. Hatdawkvah, na taki awh teh, ka pouknae hai ka dei ngam hoeh.

7 Kum ni dei naseh, kum moikapap ni
lungangnae cangkhai naseh ka ti.

8 Hateiteh, tami e thung kaawm e muitha,
Athakasaipounge kâha hah
panuethainae kapoekung lah ao.

9 Tamikalannaw ni hoe lungangnae awm hoeh
kum kacuenaw ni lannaehoe panuethainae awm hoeh.

10 Hatdawkvah, na thai pouh awh haw,
kai ni hai ka pouknae ka pâpho han.

11 Khenhaw! na lawknaw hah ka thai teh,
dei hanelah ao telah na pouk lahun nah
na panuesaknae hah ka panue toe.

12 Kahawicalah na thai pouh haw
lawk ka pathung thai e
Job e a lung pan ka cai sak e, nangmouh thung daw
buet touh hai na awm awh hoeh maw.

13 Lungangnae ka hmu toe, tami nahoe h niteh,
Cathut ni ama teh a tâ han na tet awh payon vaih.

14 A lawknaw ni rep na tâdue hoeh
nangmae lawk patetlah ahni teh bout ka pathung mahoe h.

- 15 A lung a pout awh teh, pathung awh hoeh toe,
lawkkamuem ao awh toe.
- 16 Lawk a dei awh hoeh toung dawkvah,
ka ring rah, bangkongtetpawiteh,
pathung toung laipalah duem a kangdue awh.
- 17 Kai ni hai kama hane ka pathung van han,
ka pouknae teh ka pâpho van han.
- 18 Bangkongtetpawiteh, lawk hoi ka kawi teh,
ka thung e muitha ni dei hoeh laipalah,
na awm sak thai hoeh.
- 19 Ka thung lae hah misurtui tâconae
kâko kaawm hoeh e patetlah ao.
Misurtui um katha patetlah kâbawng hane coungekacoe ao toe.
- 20 Ka kâha a tâco thai nahanelah, lawk ka dei han,
Ka pahni roeroe ka ang vaiteh ka pathung han.
- 21 Apipi nakunghai, kapeknae kamnue sak hoeh nahanlah
tami bangpatet hai ka oup hoeh nahanlah ka ratoum.
- 22 Bangkongtetpawiteh, tami oupnae hah ka thoum hoeh,
telah nahoe pawiteh, kasakkung ni
palang na lat payon vaih.

33

Elihu ni Job a oun

- 1 Hateiteh Job, pahren lahoi ka dei e heh na thai pouh haw,
ka lawk ka dei e heh na ngai pouh haw.
- 2 Atu ka pahni ka ang teh,
ka pahni dawkh hoi ka lai ni lawk a dei.
- 3 Ka lawknaw heh kalan e ka lungthung hoi a tâco teh,
ka pahni ni kathoung panuena e pâpho.
- 4 Cathut e Muitha ni na sak teh,
Athakasaipoung kâha ni hringnae na poe.
- 5 Na pathung thai pawiteh na pathung haw,
ka hmalah na lawk hah bout kâpouk haw.
- 6 Atangcalah tetpawiteh, kai teh Cathut hmalah lawk ka dei pouh e lah ka
o,
kai hai vaiphu hoi sak e lah ka o van.
- 7 Kai dawkh kaawm hoeh e takinae ni na takisak roeroe han,
nahoe pawiteh, ka kut heh na tak dawkh ri poung mahoe.
- 8 Ka hnâthainae dawkh na dei toung dawkvah,
na lawk teh ka thai toe.
- 9 Na lawk ka ek hoeh dawkvah ka thoung,
Yonnae ka tawn hoeh, payonpakainae kai dawkh awm hoeh.
- 10 Hatei, kai taran nahane atueng kahawi a hmu teh,
a taran patetlah na pouk.
- 11 Ka khok hah hlong na buet teh,
ka lamthung pueng hah a khet na ti.
- 12 Khenhaw! hivah nang teh na lan hoeh, na pathung han,
bangkongtetpawiteh, Cathut teh tami hlak a len.
- 13 Ama ni a lawk bangpatethai noutna mahoe telah,
bangkongmaw ama hah na pathoe.
- 14 Bangkongtetpawiteh, Cathut ni lam alouklah hoi lawk a dei thai,

hatei, tami ni hmawt panuek hoeh.

- 15 Karum a i navah vision dawk mat ka ip e,
ikhun dawk a i lahun nah,
- 16 Tami e hnâkâko hah a ang sak teh,
amae cangkhae hah a cak sak.
- 17 A sak e thung dawk hoi tami a ban teh,
a kâoupnae dawk hoi hro lah ao thai nahanelah,
- 18 a hringnae hah tangkom thung hoi a kountouk teh,
tahloi hoi duenae thung hoi a hringnae a rungngang.
- 19 Tami teh a ikhun dawk patawnae hoi a yue teh,
a hrunaw hah puenghoi patawnae hoi a pataw sak.
- 20 Hottelah a hringnae ni rawca a panuet teh,
katuipounge rawca hai a hringnae ni a panuet.
- 21 A takthai a kamsoe teh,
kamnuek boihoeh e a hrunaw hah a kamnue.
- 22 A hringnae ni tangkom hah a hnai teh,
a hringnae ni kathetkung hah hoehoe a hnai.
- 23 Ahni hanelah laiceinaw awm boipawiteh,
kâponae kasakkung 1000 thung dawk tami buet tabang awm pawiteh,
tami ni amae lannae hah a hmu sak thai nahanelah.
- 24 Ama ni tami hah a pahren teh,
tangkom thung bonae koehoi ama teh a rungngang han,
ratangnae buet touh ka hmu toe telah a ti.
- 25 A takthai teh camo e takthai patetlah bout ao vaiteh,
a nawcanae patetlah bout ao han.
- 26 Cathut koevah a ratoum vaiteh, ama teh a lathueng vah a lunghawi han,
a minhmai hah lunghawi hoi a hmu han,
bangkongtetpawiteh, ama ni tami teh a lannae hoi bout a ban sak.
- 27 A huikonaw a khet teh ka yon toe,
tamikalan hah ka rawp sak toe,
hot teh kai hanelah banghai cungkeinae awmhoe hoi telah a ti.
- 28 Tangkom thung e a hringnae hah a ratang vaiteh,
a hringnae ni angnae a hmu han.
- 29 Khenhaw! Cathut ni hete hnopueng heh,
vai hni, atangcalah vai thum totouh tami koe a sak.
- 30 Hringnae angnae ni a ma hah a tue thai nahanelah,
a hringnae tangkom thung hoi a tâco sak.
- 31 Na hnâpakeng nateh, Job na thai pouh haw,
duem awm haw ka dei han.
- 32 Dei hanelah na tawn pawiteh, na pathung haw, dei haw,
bangkongtetpawiteh, yon ngaithoum hane na ngaikhai poung.
- 33 Telah nahoe haw pawiteh, na thai pouh haw,
duem awm haw, lungangnae na dei pouh han.

34

Elihu ni Cathut lannae a pâpho

- 1 Elihu ni rekreka a pathung teh,
- 2 Nangmouh a lungkaangnaw ka lawk heh thai aw haw,
Nangmouh panuena katawinnaw, na hnâpakeng aw haw.
- 3 Bangkongtetpawiteh, ka kâko ni rawca atuinae a patek e patetlah,
hnâ ni lawk hah a tanouk van.

- 4 Maimouh roeroe ni lannae teh, kârawi aw haw sei.
 Ahawinae hah bangmaw tie hah maimae thung hoi panuek aw haw sei.
- 5 Bangkongtetpawiteh, Job ni kai teh ka lan,
 hateiteh, Cathut ni ka lannae a la
- 6 Ka lannae e kong daw k ka laithoe han na maw,
 kâtapoenae ka tawn hoeh nakunghai ka hmâ teh,
 ka dam thai hoeh e doeh toe, telah a ti.
- 7 Panuikhainae hah tui patetlah ka net e,
 Job patetlah apimaw kaawm.
- 8 Payonnae kasaknaw hoi kamyawng e,
 tamikathoutnaw hoi ka cet e apimaw kaawm.
- 9 Bangkongtetpawiteh, Cathut koe lunghawi e heh,
 tami ni banghai hawinae awm hoeh telah ati toe
- 10 Hatdawkvah, panuethainae katawnnaw na thai pouh haw,
 kathoute ka sak e teh, Cathut hanelah roeroe coung thai hoeh,
 yonnae ka sak e teh, Athakasaipoung hanelah khoeroe coung thai hoeh.
- 11 Bangkongtetpawiteh, tami hah a sak e patetlah ama ni a patho han,
 tami pueng a tawksak e hoi kamcu lah tawkpku kamcu lah a poe han.
- 12 Cathut ni kahawihoe h poung lah sak mahoe h,
 nahoe h pawiteh, Athakasaipoung ni lannae teh,
 khoeroe kamlang takhai mahoe h.
- 13 Apinimaw ama teh talai e thaw a poe,
 talai van pueng heh apinimaw ama a uk sak.
- 14 Ama ni tami teh a ngainae awm hoeh pawiteh,
 kai e hringnae kâha hah lat boipawiteh,
- 15 Takthai pueng reirei a kahma han
 tami teh vaipuh lah bout a ban han.
- 16 Thaipanueknae na tawn aw haw pawiteh, Kâlawk pawlawk heh thai aw haw.
- 17 Lannae ka hmuhma e ni a uk han namaw,
 Kalan ni teh athakaawme hah, yon na pen thai namaw.
- 18 Nang teh banghai cungeknae na awm hoeh telah, siangpahrang koe dei pouh han.
- 19 Hateiteh, ahni ni bawi hai kapeknae tawn hoeh,
 Tami tangreng hoi roedeng hoi kapeknae ka tawn hoeh e doeh.
 Bangkongtetpawiteh, abuemlahoi amae kutsaknaw doeh.
- 20 Karumsaning tawkkadek a due aw haw teh,
 taminaw pueng hah a kâhuet aw haw teh, koung a kahma aw haw,
 tami athakaawme hai tami e kut laipalah be kahmat lah a la pouh.
- 21 Bangkongtetpawiteh, a mit teh tami e lamthung daw k ao teh,
 a khoktakan puenghai be a hmu,
- 22 Yonnae kasaknaw, amamouh kâhro nahane hmuen awmhoeh,
 duenae tâhlip hai awm hoeh.
- 23 Bangkongtetpawiteh, Cathut e hmalah lawkceng hane cei hanelah,
 tami e kong bout pouk hane ama ni panki hoeh.
- 24 A kung rek khe i ngai laipalah athakaawme taminaw hah koung a tâtueng han,
 ahnimae hmuen daw k tami alouke o nahanelah ka poe han.
- 25 Hatdawkvah, ahnimouh ni a sak e pueng hah a panue teh,
 karum vah ama ni a tâkhawng teh koung a kâbawng.

- 26 Tami ni a hmu thai e hmuen koe,
tamikathoutnaw patetlah a hem awh.
- 27 Bangkongtetpawiteh, ama hah a kamlang takhai awh,
a lamthung hah pouk raw pouk awh hoeh.
- 28 Hottelah karoedengnaw e lawk hah a hmalah a pha,
Bangkongtetpawiteh rektapnaw e lawk hah a ma ni a thai.
- 29 BAWIPA ni roumnae a poe torei teh, apinimaw rucatnae a poe thai han,
a minhmai a hro torei teh, apinimaw a hmu thai han,
miphun buet touh taranlahoi thoseh, tami buet touh taranlahoi thoseh,
- 30 Tamikahawihoe e ni a uk hoeh nahanlah,
telah nahoe pawiteh, tami pueng koug kaithi payon han.
- 31 Tami ni Cathut koehoi tounnae ka hmu toe.
Kai teh hawihoe hnae ka sak mahoe toe.
- 32 Ka hmu hoeh e hah na cangkhai haw, Payonnae hah ka sakpayon
pawiteh, bout ka sak mahoe toe.
- 33 Na lawkkamnae na pahnawt dawkvah, na sak e boiboelah na pathung
han na maw.
Kai ni na hoeh, nang ni roeroe na kârawi han.
Hatdawkvah, na panue e hah deih.
- 34 Panue thinae katawnnaw hoi,
ka lawk ka thai e lungkaangnaw ni kai koe vah,
- 35 Job ni panuenae tawn laipalah lawk hah a dei,
a lawk hah lungangnae kaawm hoeh e naw doeh telah a dei awh.
- 36 Oe Job heh a pout totouh tanouknae lah awm yawkaw naseh,
bangkongtetpawiteh, lawk pathungnae hah tamikathoutnaw lawk
pathungnae patetlah ao.
- 37 Bangkongtetpawiteh, a yonnae dawc taranthawnae a thap sin,
maimouh koevah, kut tambei teh,
Cathut taranlahoi lawk a pap telah a ti.

35

- 1 Hahoi Elihu ni a pathung e teh,
- 2 Heteheh, a lan telah na pouk maw,
Cathut lanna hlah ka lan telah na dei maw.
- 3 Bangkongtetpawiteh, ka yonnae hah pap boipawiteh,
hot teh, nang hanelah bangmaw a hawinae, meknae hoe ka hmu telah
na ti.
- 4 Nama koe kaawm e naw hoi na pathung han.
- 5 Kalvan lah moug nateh khenhaw! khenhaw!
nang hlah hoe ka rasang e tâmainaw hah,
- 6 Yonnae na sak pawiteh, ama taranlahoi bangmaw hoe na kuepcing sak,
nahoe pawiteh kâtapoenae hah pap pawiteh, ama hanelah bang-
maw na sak,
- 7 Tamikalan lah na awm pawiteh, ama hah bangmaw na poe,
Nahoe pawiteh, ama ni na kut dawc hoi bangmaw a hmu.
- 8 Na hawihoe hnae ni nang patetlah kaawm e tami hah a ratet,
na lanna ni tami capa buet touh a ratet.
- 9 Hnephnap e a pap kecu dawkvah a hramki awh,
athakaawme taminaw e rektapnae kecu dawkvah,
kabawpnae a panki hoi a hram awh.
- 10 Hateiteh, apinihai nâmw kasakkung Cathut,
karum lah la sak han ka poe e hah ao telah dei awh hoeh.

- 11 Talai e sarang hlak hai apinimaw na cangkhai awh.
Kalvan e tava hlak lung na ang sak awh.
- 12 Tamikathoutnaw a kâoup kecu dawk,
hawvah a hram awh ei, pathung awh hoeh.
- 13 Banghai bang hoeh e lawk hah Cathut ni khoeroe thai mahoe,
Athakasaipounge, ni hai banglahai noutna mahoe.
- 14 Ama teh na hmawt hoeh telah na dei nakunghai,
amae hmalah lannae ao teh, ama teh na ring raw na ring han.
- 15 Bangkongtetpawiteh, atuvah a lungkhueknae dawk hoi na rek hoeh
niteh,
pathunae hnonaw pueng hah pâkuem hoeh.
- 16 Hatdawkvah, Job ni a khuekhaw awm laipalah,
a pahni a ang teh, panuena laipalah lawk a pap sak.

36

Elihu ni Cathut hawinae a pâpho

- 1 Elihu ni hettelah bout a dei,
- 2 Na ngaithoum awh ei,
na hmusak awh han rah.
Cathut yueng lah lawk dei hane ka tawn rah.
- 3 Ka panuena hah ahlanae koe e ka la han rah,
lannae hah kasakkung koe kamnue sak han.
- 4 Bangkongtetpawiteh, ka lawknaw heh ayawmyin lah khoeroe ao hoeh
dawkvah,
panuena kuep katawnkung teh nang koe ao.
- 5 Khenhaw! Cathut teh a thasai eiteh, apihai dudam hoeh.
Ama teh athao teh thonae thaipanueknae hoi a kaw i
- 6 Tamikathoutnaw hah pâhlung hoeh.
Hateiteh, hnepnap e naw hah lannae a poe.
- 7 Tamikalan teh khien laipalah awm hoeh,
hateiteh, siangpahrang hah bawitungkhung dawk yungyoe hanelah a
tahung sak teh,
ahnimouh teh tawmrasang e lah ao awh.
- 8 Puenghoi kacaklah katek e lah o awh teh,
rucat khangnae rui hoi katek e lah awm boipawiteh,
- 9 Kâtapoena hoi a sak e hah
lungpata lahoi sakyoenae hoi a kamnue sak.
- 10 Cangkhainae koelah hna a ang sak teh,
yonnae daw hoi bout a ban nahane kâ a poe.
- 11 Lawkngai laihoi ama e thaw taw aw haw pawiteh,
hnopai tawnta e daw nawm aw haw vaiteh,
hnin, thapa, kum naw hah lunghawinae hoi a loun sak han.
- 12 Hateiteh, lawkngai aw haw pawiteh,
tahloi hoi kahmat ka ta aw haw vaiteh,
panuena tawn laipalah due aw haw han.
- 13 Hateiteh, tamikathout e lungthin ni lungkhueknae a pátung teh,
ama ni a katek torei teh, kabawpnae hei hanelah hram aw haw hoeh.
- 14 A nawca nah a due aw haw teh,
a hringnae haw tami kahawihoehnaw hoi rei a pout.
- 15 Ama ni tami ka roedeng haw reithainae thung hoi a hlout sak.

- Hnephnapnaw hno lahoi a hnâ a ang sak.
- 16 Takithopoung e kângairunae thung hoi ama ni a hlout sak han.
Khorî kaawm hoeh e, hmuen kakawpoung koe,
tawntanae dawk a kâenkhai han,
na caboi teh tawntanae hoi kawi vaiteh a poum sak han.
- 17 Hateiteh, tamikathoutnaw ni hmu han kamcu e lawkcengnae hoi,
na kâvan teh, lawkcengnae hoi lanna e ni na kuet.
- 18 Lungkhueknae ao dawkvah, kâhruetcueth.
Nahoeh pawiteh, vai touh hemnae dawk ama ni na cetkhai payon vaih.
Bangkongtetpawiteh, ratangnae kalen poung ni na hlout nahane na
kabawm mahoe.
- 19 Na tawntanae hoi na thaonae, na bahu onae pueng ni,
na kângairunae dawk hoi na hlout sak han na maw.
- 20 Karum hah kâuepkhai hanh.
Taminaw karum dawk kahmana e tueng lah ao.
- 21 Yonnae dawkvah kamlang hoeh nahanlah kâhruetcueth,
bangkongtetpawiteh, reithai khangnae hlak hai na kârawi e lah ao.
- 22 Khenhaw! Cathut teh hnotithainae dawk hoi tawmrasang e lah ao.
Apinimaw ama patetlah a cangkhai boi.
- 23 Apinimaw a lamthung hah a poukkhai boi.
Apinimaw na sak e hah na payon telah atipouh boi.
- 24 A tawk e thaw hah len sak hanelah pahnim hanh,
tami ni la lah a sak aw h e hah.
- 25 Tami pueng ni a hmu aw h teh, tami ni ahlanae koehoi a radoung aw h.
- 26 Khenhaw! Cathut teh a lentoe poung,
maimouh ni panuek thai aw h hoeh.
Kumnaw hai panuek thai lah aw m hoeh.
- 27 Bangkongtetpawiteh, tui ka ca e naw hah,
a lathueng lah a sawn teh, tuikahu kaawm e patetlah kho a rak sak.
- 28 Hote tâmai dawk hoi a rak sak teh,
tami e lathueng vah, kho a nan sak.
- 29 Tâmai ka tabawk e hoi ama ni a lathueng vah a ramuk e khoparitnaw
hah,
apinimaw a panuek thai han.
- 30 Khenhaw! a lathueng vah a angnae pheng a tue sak teh,
kadung poung e tui puinaw hah pheng a ramuk.
- 31 Bangkongtetpawiteh, hete hnonaw lahoi, tami hah lawk a ceng teh,
rawca koug kakhoutlah a poe.
- 32 Na kut hah sumpapalik hoi a ramuk teh,
ka hanelah kâ a poe.
- 33 Khoparit e ni a kamnue sak teh,
saringnaw ni hai tûilî a thonae hah a kamnue sak.

37

- 1 Hete hnonaw ni hai ka lungthin a pâyaw sak teh,
lung paluekpaluek ati sak.
- 2 Khoparit pawlawk hah kahawicalah thai haw,
a pahni dawk hoi ka tâcawt e ka cairing e naw hah.
- 3 Kalvan rahim pueng a tha teh,
a angnae teh talai apout touh.
- 4 Hahoi lawk a tâco teh, a lentoenae lawk hah a kampaw sak.

- A lawk a thai aw h nakunghai kâhat sak hoeh.
- 5 Cathut ni kângairunae hoi a lawk a kampaw sak,
a lentoenae hno panue thai aw h hoeh e hah a sak.
- 6 Bangkongtetpawiteh, tadamtui koe vah, talai daw k baw t haw telah ati.
Hot patetlah, athaonae hoi khorak kayoun hoi khorak kapap koehai a
dei pouh.
- 7 Tami pueng ni a sak e a panue aw h thai nahanelah,
tami pueng e kut hah mitnout a ta pouh.
- 8 Moithangnaw ni lungngoum thung a kâen aw h teh,
a onae hmuen daw k lengkaleng ao aw h.
- 9 Aka lahoi bongparui a tâco teh,
Atunglah hoi kahlî pâding a tâco.
- 10 Cathut e a kâha ni tui a kamkak sak teh,
kakawpoung lah kâkadai e tui hah a kamkak sak.
- 11 Tâmai daw k hoi kho a rak sak teh,
a raeng hoi tâmai a kâhin sak.
- 12 Talaivan pueng daw kvah kâ a poe e naw pueng hah a sak aw h
nahanelah,
amae hrawinae daw k hoi a kamlang aw h teh, meng a ban aw h.
- 13 Hring tounnae daw k thoseh, a ram hane daw k thoseh,
a lungmanae daw k thoseh, ao sak e doeh.
- 14 Oe Job, hethêh thai haw, duem aw m nateh, kangdout haw.
Kângairu Cathut ni a sak e hah pouk haw.
- 15 Cathut ni ka ang e tâmai hah ang hanelah,
nâtuek vaimoe a patoun tie hah na panue maw.
- 16 Tâmai a tawmnae hoi panuenaekakueplah ka tawn e ni,
a sak e kângairunae hah na panue maw.
- 17 Bangdawkmaw na hnicunaw a phubet teh,
nâtuek maw akalae kahlî ni talai a pâding sak.
- 18 Hlun e rahum hlalang patetlah
a tha ka sai e kalvan hah ama hoi reirei na phai roi boimaw.
- 19 Ama koe dei aw h hanelah na cangkhai aw h haw,
bangkongtetpawiteh, hmonae kecu daw k,
banghai kârakueng thai aw h hoeh.
- 20 Dei han ka ngai telah, ama koe dei hane na maw.
Tami buethuet touh dei sak boipawiteh, a payon roeroe han.
- 21 Kahlî a tho teh kalvan hah pin a kâhin sak toreih teh,
tami ni a angnae hah khen thai hoeh.
- 22 Atung lahoi sui raimonae patetlah a tâco teh,
Cathut hoi takitho taluenaeh lah ao.
- 23 Athakasaipoung, teh hmaw t thai hoeh.
Ama teh ahlawilah hnotithainae a tawn teh,
a lannaehoi lawkcengnae daw k hnephnapnae aw m hoeh.
- 24 Hatdaw kvah, ama teh tami ni a taki aw h.
A lungkaang e taminaw koe hai,
kapeknae tawn hoeh telah ati.

38

BAWIPA ni Job pathunae a kamnue sak

- ¹ Hottelah BAWIPA ni Job hah bongparui thung hoi a pathung teh,

- 2 Panuenae laipalah e lawk hoi,
khokhangnae kahmawtsakkung teh apimaw.
- 3 Atuvah tongpatang lah namahoima kâra kueng haw,
lawk na pacei vaiteh na pathung haw.
- 4 Talai ka kamtawng nah nâ maw na o,
na thai panuek pawiteh na dei pouh haw.
- 5 Apinimaw bangnuenae a panue thai,
na panue thai na maw.
Apinimaw bangnuenae a rui hah a lathueng lah a payang.
- 6 Apinimaw adu hah a ung teh
bang ni maw adu hah a casak.
- 7 Tempalo âsinaw hah cungtalah la a sak aw h navah,
Cathut e capanaw teh lunghawi hoi hram aw h hoeh maw.
- 8 Talinaw teh thun thung hoi a tâco navah,
apinimaw tho a khan sin.
- 9 A hnicu hanelah tâmai ka sak pouh teh,
a kâkhu hanelah hni lah katha poung e hmonae,
- 10 a langri ka khuen pouh teh,
tho tarennae ka hruek pouh.
- 11 Hi totouh na tho vaiteh, a hloilah na tapuet mahoe h.
Hivah na kâoupnae hoi tuicapa hah pout naseh telah ka ti.
- 12 Talai a pout totouh a kuet teh,
tamikathoutnaw peng a tâco thai nahanelah.
- 13 Na tâco tahma hoi amom heh kâ na poe teh,
a tâconae hmuen na panue sak boimaw.
- 14 Mitnoutnae rahim vah talai patetlah meilam a sin teh,
hnicu patetlah a kangdue sak.
- 15 Tamikathoutnaw koehoi angnae hah a la pouh teh,
a dâw e kut hah a khoe pouh.
- 16 Tuipui a tâconae daw k a kâen boimaw.
Adungnae bangnue hanelah koung na rip toung maw.
- 17 Duenae takhang hah nang koe a kamnue sak toung maw.
Nahoeh pawiteh, duenae tâh lip takhang hai na hmu boimaw.
- 18 Talai akawnae naw heh be na panue maw.
Hetnaw pueng he na panuek pawiteh, na dei pouh haw.
- 19 Nâ lah maw angnae, khosaknae lamthung ao.
Hmonae a hmuen hai nâ lah maw ao.
- 20 Hot teh khori daw k na hrawi thai teh,
a lamthung hah na panue thai nahanelah.
- 21 Hatnae tueng daw k na tâco teh,
nange hnin hah apap poung daw kvah,
hot teh na panue ngoun vaiyaw.
- 22 Tadamtui pâtungnae hmuen koe na kâen toung maw.
Roun kamtungnae hmuen te na hmu thoung maw.
- 23 Rucatnae atueng hanelah ka ta e hoi
tarankâtuk nahane hnin hanelah ka ta e doeh.
- 24 Nâ lae lamthung hoi maw angnae ni pheng a tue teh,
talai van vah kanîtholah kahlînaw a kâkahei.
- 25 Tui ka poum e a lawngnae ravo hoi,
keitat lamthung hah apinimaw a sak.
- 26 Apihai a ohoehnae ram hoi

- apihai a ohoehnae kahrawngum dawk khorak sak hane hoi,
 27 King ka di e talai ni kanaw e phovai a dawnnaw tâco sak hanelah,
 ka poum e khotui a lawngnae lamthung,
 khoparit hoi sumpapalik lamthung apinimaw a kamawng sak.
 28 Khotui ni a na pa a tawn maw.
 Tadamtui ka bawt e hah apinimaw a khe.
 29 Apie von dawk hoi maw tui kamkak a tâco.
 Kalvan hoi ka bawt e tadamtui hah apini a khe e na maw.
 30 Tui hah talung patetlah a te sak teh,
 tui adungnae hai be kamkak.
 31 Baritca hah na pâkhueng thai teh,
 kangduetaphai rui hah na rathap thai maw.
 32 Mazzaroth hah amae tueng nah na tâco sak thai maw.
 Latum teh a canaw hoi na ceikhai thai maw.
 33 Kalvan e caksak e naw hah na panue teh,
 talai heh na uk sak thai maw.
 34 Kho pueng hoi ka sak e ni na ramuk thai nahanelah,
 tâmai totouh na lawk na cai sak thai maw.
 35 Sumpapalik e hah nang koe a tho teh,
 hivah ka o telah nang koe dei hanelah na patoun thai maw.
 36 Apinimaw pouknae dawk lungangnae a poe.
 Apinimaw lungthin hah panuethainae a poe.
 37 Apinimaw lungangnae hoi tâmai a touk thai han.
 Apinimaw kalvan e tuium rabawk thai han.
 38 Vaiphu hah a te sak teh,
 tangdong dawk buet touh lah a kâbet toteh,
 39 a kâkhu dawk hoi a pawp teh,
 kei hanlah a pawp lahun nah,
 40 Sendek hane rawca tawng pouh hane
 sendektanacanaw kaboumlah paca thai maw.
 41 Vongacanaw vonhnam hoi a kâva teh, Cathut koe a hram aw h toteh,
 apinimaw rawca a poe.

39

- 1 Mon dawk e Atha ca khenae tueng hah na panue maw,
 Sayuk ca khenae tueng te na pâkuem thai maw.
 2 Thapa nâyittouh maw a vawn tie hah na panue thai maw,
 a khenae tueng te na panue thai maw.
 3 A tabo aw h teh a ca a khe,
 a canaw teh a pâ sak.
 4 A canaw hah a dam aw h teh kahrawngum a rounng aw h.
 A tha ao aw h.
 5 Kahrawng e lanaw hah apinimaw a ngai patetlah a pâ sak.
 Kahrawng e la pennaerui apinimaw a rasu.
 6 Kahrawng hah apie im lah maw ka sak teh,
 kahrawngum hah api khosak nahanelah maw ka sak.
 7 Runae ka kâhmo e khopui a dudam teh,
 kahrekkungnaw e hramnae lawk hah noutna pouh hoeh.
 8 Mon teh a pawngpanae lah ao teh,
 hram kanaw hah a tawng aw h.
 9 Savitan ni nange thaw a tawng ngai han na maw,

- na saring im dawk a roe ngai han na maw.
- 10 Savitan hah a lahuen dawk laikawk kanawknae laphu hah na thueng thai han na maw.
Na hnuk lae tangkom a paten ngai han na maw.
- 11 A thao poun dawkvah na kâuepkhai maw.
Na thaw hah ahni dawk na patue thai han na maw.
- 12 Na cakang hah im lah a phu hane hoi,
cangkatinnae koe cabong pâkhueng sak hanelah,
na kâuepkhai thai maw.
- 13 Kalauk vâ ni a rathei hah a kâoup nalaihoi ouk a kamphuet,
hatei a rathei hai a muennaw ni lungmanae a tawn maw.
- 14 Bangkongtetpawiteh, talai dawk a tadui a ceitakhai teh,
vaiphu dawk a phu a bet sak.
- 15 Tami ni rakkâbawng lah a coungrœ thai,
moithangnaw ni a kâbawng sak thai tie hah panuek hoeh toe.
- 16 A canaw hah a ca hoeh e patetlah puenghoi a rek teh,
a thaw tawk e a hrawnghrang lah ao e hah bang lahai pouk hoeh.
- 17 Bangkongtetpawiteh, Cathut ni lungangnae a larp teh,
thoumthainae hoi pathoup hoeh.
- 18 A rasangnae koe amahoima a kâtawm toteh,
marang hoi marang dawk kâcui e hah a dudam.
- 19 Marang thaonae hah na poe e na maw,
a lahuen dawk khoparit hoi na pathoup boimaw.
- 20 Samtong patetlah na pakhi thai maw,
ahnie hnawng dawk hoi kacaie lawk teh taki a tho.
- 21 Tanghling hah a khok hoi a kaphai teh, a thaonae dawkvah a nawm,
tarankâtuknae puengcang thung vah karang poun lah a yawng.
- 22 Takithopoun e hah a panuikhai teh, lungpuennae awm boihoeh.
Hoehpawiteh, tahloi taki hoi ban boihoeh.
- 23 A lathueng vah palabom hah poe a kâroe teh, pala hoi tahroe hah poe
a kâhlai.
- 24 Takitho e hoi lungkhuek nah laihoi, mongka lawk ni hai kacakcalah
kangdout sak thai hoeh.
- 25 Mongka lawk a cai torei teh, awhaw! telah a ti.
Taran kâtuknae hah ahlanae koehoi a hmui lah a thai.
Kahrawikungnaw a hramnae lawk hoi târuetâho lawk a thai.
- 26 Cangkhainae lahoi mataw ni a rathei a kadai teh,
akalah a kamleng thai maw.
- 27 Karasangpoun lah a kamleng teh,
karasangpoun lah tabu a tuk e hah,
nang ni kâ na poe e namaw.
- 28 Lungha dawk kho a sak teh,
karasang e lungha kânguenae rapanim koe ouk a roe.
- 29 Haw hoi a ca hane hah a tuet teh,
a mit ni ahla pounnae koe e hai a hmu thai.
- 30 A canaw ni thi ouk a du awh teh,
kadout e moikong onae pueng koe ao awh.

40

¹ Hahoi BAWIPA ni lawk a pathung teh,

² Athakasaipounge, hoi lawk ka oun e ni ama teh a yue han na maw,
Cathut ma ni pathung yawkaw seh khe, telah atipouh.

Job ni Cathut a pathungnae

³ Job ni BAWIPA hah a pathung teh,

⁴ Khenhaw! kai teh banghai cungkeihoehe lah ka o,
bangtelamaw ka pathung han,
ka pahni teh ka tabuem toe.

⁵ Vai touh ka dei toung dawkvah, ka pathung mahoehtoe.
Vai hni touh e teh bout ka dei mahoehtoe telah a ti.

Cathut ni Job rek a pathung

⁶ Hottelah Cathut ni Job hah bongparui thung hoi a pathung teh hettelah
a dei:

⁷ Atuvah tongpatang lah coungekacoe awmh.
Lawk na pacei vaiteh na pathung han.

⁸ Ka lawkcengnae hah na pathung katang han maw,
na yon hoeh nahanlah yon na pen han maw.

⁹ Cathut patetlah kut na tawn maw,
ama patetlah pawlawk na cai sak thai maw.

¹⁰ Taluena hoi raimona hoi kamthoup haw,
bawilenna hoi na meihawinae kamthoup.

¹¹ Na lungkhueknae e hah tâcawt sak haw,
Kâoup e pueng hah khen nateh pabawt haw.

¹² Kâoup e pueng hah khen nateh rahnom sak haw,
tamikathoutnaw hah a onae hmuen dawkvah repcoungröe sin awh.

¹³ Vaiphu dawkwah cungtalah be hrawk awh,
kâhrawk e hmonae hoi a minhmai hah ramuk awh.

¹⁴ Hottelah aranglae na kut ni na rungngang thai e hah,
kai ni hai ka pâpho han.

¹⁵ Khenhaw! nama patetlah ka sak e Behemoth heh
maitotan patetlah pho kahring a ca van.

¹⁶ A keng dawkwah e thaonae hoi a vonpui dawkwah e
tharu hnotithainae hah khenhaw!

¹⁷ A mai teh sidar thing patetlah a kâroe sak teh,
a phai dawkwah e tharuinaw teh a bawkwah lah ao.

¹⁸ A hrunaw teh rahum khom patetlah ao teh, a nâhru teh sum khom
patetlah ao.

¹⁹ Cathut e lamthung dawkwah hoi ahni te pasuek e lah a o,
ahni dueng doeh kasakkung ni tahloi hoi kâhnai sak e lah ao.

²⁰ Monnaw ni ca hane a tâco sak,
hawwah moithangnaw pueng ni a pai awh.

²¹ Lotus thingkung rahim vah a tabo teh,
lungpum rahim hoi tuinawkwah hai ouk ao.

²² Lotus thingkung tâhlip ni a ngue awh,
palang rai e sumpakungnaw ni a kalup.

²³ palang tui teh a len thai,
hateiteh banglah noutna hoehtoe,
apâhni totouh Jordan tui kalen nakunghai a lungmawng.

²⁴ A mit hoi a khet lahun nah,

naphai do thai han namaw.

41

- 1 Leviathan hah hradang hoi alawilah pawk na sawn thai han namaw,
rui hoi a lai hah a kam dawk na kawm thai maw.
- 2 A hnawng dawk hnâpacap na pacap sak teh,
Tamboung dawk laikaw na buen sak han na maw.
- 3 Nang koe ka hei vaiteh,
lawk kanemca hoi lawk a dei han na maw.
- 4 Nang hoi lawkkamnae sak vaiteh,
yungyoe okhai hanelah na la thai han na maw.
- 5 Tavaca patetlah ahni hoi reirei na pai han na maw.
Nama e yu lah la hanelah, na pâkhi thai han na maw.
- 6 Na huikonaw ni ama hoi buvennae hah a sak vaiteh,
hno kayawntaw koe, ama teh a rei awl han namaw.
- 7 Tahroe donghmo hah a vuen dawk a kawi sak vaiteh,
tanga kamannaw hah tahroe hoi a lû dawk a kawi sak thai na-
hoehmaw.
- 8 A lathueng vah a kut toung nateh, tarantuknae hah pahnim hoeh,
khoeroe bout sak hanh lawi.
- 9 Ama tâ hane ngaihawinae hah a hrawnghrang doeh,
a mithmu vah a tâ thai hoeh e ao han namaw.
- 10 Ama lungtho sak hanelah apihai a lungtang mahoeh.
Hottelah pawiteh, apimaw ka hmalah ka kangdout thai han.
- 11 Kai ni ka patho hanelah apinimaw hmaloe na poe,
kalvan rahim e hnocawngca pueng hah kaie seng doeh.
- 12 A kut khok thoseh, athaonae pueng thoseh,
a takthai a thaonae, a meihawinae hah ka hrawk pouh mahoeh.
- 13 Alawilae a pho hah apinimaw a rading pouh thai han,
a tamboung hru bawk hni touh kâpâbawk e hah apinimaw rek a hnai
thai han.
- 14 Apinimaw a minhmai takhang hah a paawng thai han,
takikathopoung e hânaw hah.
- 15 A keng dawk e a pho, a lakepnaw hah a kâoupnae naw lah a o,
mitnoutnae patetlah kacacalah khan e lah ao.
- 16 Buet touh hoi buet touh khikkâcat teh,
a rahak dawk kahlî hai kêen thai hoeh.
- 17 Hotnaw teh buet touh hoi buet touh koug kâkuet teh,
kapek thai lah awm hoeh.
- 18 A hâ tangawn ni angnae a tâco sak teh,
a mit hah kho nueng kadai e patetlah ao.
- 19 A kâko hoi hmaito angnae a tâco teh,
hmaitali a tangpei.
- 20 A hnawng dawk hoi hmaikhunaw a tâco teh,
moi thawngnae hlaam dawk ka tangdawk e hoi,
ka kang e buruk patetlah ao.
- 21 A kâha ni hmaisaeinaw a kak teh,
a pahni dawk hoi hmaito a tâco.
- 22 A lahuen dawk thaonae ao teh,
a hmalah lungmathoena e hah a len.
- 23 A takthai hoi tharuinaw teh khakkâkuet teh,
kâtahruet thai hoeh e kacakpoung e lah ao.

- 24 A lungthin teh talung patetlah a te,
Cakang phawmnae a rahim lae talung patetlah a te.
- 25 A thaw toreï teh, athakaawme taminaw ni a taki awñ,
a thao e a taki awñ dawkvah, ka pathu e patetlah ao awñ.
- 26 Ahni koe tahloi ka phat nakunghai tâ thai mahoeñ,
pala, tahroe ni hai tâ thai mahoeñ.
- 27 Sum hah cakong patetlah a pouk,
rahum hah thingke patetlah a pouk.
- 28 Licung ni yawng sak thai mahoeñ,
Talung hoi dêi e hah ahni hanelah teh cakongkung patetlah ao.
- 29 Bongpai hah cakong patetlah a pouk teh,
pala dawñ hoi duenae hah koe a panuikhai.
- 30 A vonpui vuen hah kahran poung e hlaam kâbawng e patetlah doeh a
o,
tangdong um vah cangkatin e seh patetlah a tabo.
- 31 Ka dungpoung e tui hah hlaam patetlah a tango sak teh,
talï kadung poung e hah satuium patetlah a sak.
- 32 A cei tangcoungnae dawñ angnae hah a hruek teh,
tami ni a dungpoung ati e tui hah sampo patetlah a pouk.
- 33 Takinae tawn laipalah, sak e lah ao teh,
talai van dawñ ahni patetlah awñ hoeh.
- 34 Ka rasang poung e hno pueng hah a khet nah,
ahni teh kâoup e catoun pueng dawñ siangpahrang doeh telah a ti.

42

Job pankângainae hoi Cathut ni a coenae

- 1 Hottelah Job ni BAWIPA hah a pathung teh hettelah a dei.
- 2 Bangpuengpa na sak thai tie hah ka panue,
na noenae hah ngang thai lah awñ hoeh.
- 3 Apimaw kaie panuena laipalah khokhangnae ka hrawk e hah telah na
pacei.
kai hanelah kângairu poung e lah, ka panue hoeh e ka pâpha e lah
ao hah ma.
- 4 Pahren lahoi thai nateh, lawk na dei sak haw.
Lawk na pacei vaiteh na pathung haw telah na ti.
- 5 Nang teh hnâ hoi dueng doeh na thai rah,
hatei, atu teh ka mit hoi na hmu toe.
- 6 Hatdawkvah, kama hoi kama ka kâpanuet teh,
hraba hoi vaipñu dawñ ka tahung teh,
pan ka kângai toe telah a ti.
- 7 BAWIPA ni Job koevah lawk be a dei hnukkhu, BAWIPA ni Teman tami
Eliphaz koevah, nang hoi na hui roi koevah ka lungkhueknae a kân.
Bangkongtetpawiteh, ka san Job patetlah kaie kong dawñ, lawkkatang hah
na dei awñ hoeh.
- 8 Hatdawkvah, maitotan 7, tutan 7 hrawi nateh, ka san Job koevah
cet awñ nateh, nangmouh hanelah thuengnae hah poe awñ. Hahoi ka
san Job ni nangmouh hanelah a ratoum vaiteh, hote kai ni ka coe pouh
han. Nahoeñ pawiteh, na pathu awñ e patetlah na lathueng lawk na ceng
awñ han. Bangkongtetpawiteh, ka san Job patetlah kaie kong dawkvah,
lawkkatang na dei awñ hoeh telah a ti.

⁹ Hottelah Teman tami Eliphaz hoi Shuhi tami Bildad hoi Naamath tami Zophar tinaw a cei aw h teh, BAWIPA ni kâ a poe e patetlah a sak aw h teh, BAWIPA ni Job kâheinae hah a coe pouh.

¹⁰ Hahoi Job ni a huinaw kathum touh hanelah, a ratoum pouh terei teh, BAWIPA ni Job kangduena h muen hah bout ahawi sak teh, BAWIPA ni Job teh yampa e a tawnta e hlakvah, let hni touh bout a poe.

¹¹ Hottelah a hmaunawngghanaw hoi a tawncanunaw pueng teh, yampa kapanueknaw pueng ni a im daw k a tho aw h teh, rawca a ca aw h. BAWIPA ni a lathueng vah kathoute a phasak e naw pueng daw k a lungpahawi aw h teh a lungmawng sak aw h. Tami pueng ni ahni koevah, ngun hoi suinaw hah a poe aw h.

¹² Hottelah BAWIPA ni ahmaloe e hlak a hnukteng yawhawinae kapap poung lah a poe. Tu 14,000, kalauk 6,000, maitotan a bo lah 1,000, hoi la manu 1,000 a tawn.

¹³ Ca tongpa 7 touh hoi canu 3 touh hai a tawn.

¹⁴ Apasuekpoung e min teh Jemimah, apâhni e teh Keziah, apâthum e teh Kerenhappukh.

¹⁵ Ram thung pueng daw k Job e canu patetlah meikahawi e aw m hoeh. A na pa ni ahnimouh teh a thangroinaw koe râw a rei van.

¹⁶ Hathnukkhu hoi Job teh kum 140 a hring teh a ca capanaw hoi a na mincanaw se pali totouh a hmu rah.

¹⁷ Hottelah Job a matawng teh hnintha kuep lahoi a due.

SAM (The Book of Psalms)

1

Tami kathout hoi tamikalannaw e lamthung

Kasakkung: Panuekhoeh

- ¹ Tamikathoutnaw e khokhangnae koe ka cet hoeh e tami,
tamikayonnaw e lamthung dawk kangdout hoeh e tami,
kadudamnaw e kamkhuengnae koe hai ka tahung hoeh e tami,
- ² BAWIPA e lawk ka ngâi niteh,
a kâlawnaw hah karum khodai luepluep ka pouk e tami teh a
yawhawi.
- ³ Ahni teh tui teng vah ung e,
a tue a pha torei ka paw niteh,
a hna hai kamyai hoeh e thingkung hoi a kâvan.
A tawksak e naw dawk hawinae a hmu han.
- ⁴ Tamikathoutnaw teh, hottelah laipalah,
kahli ni a palek e cahik hoi a kâvan aw.
- ⁵ Hatdawkvah, tamikathoutnaw teh, lawkcengnae hnin navah kangdout
thai aw mahoe.
- Tamikayonnaw hai tami kalannaw e kamkhuengnae dawk bawk thai
mahoe.
- ⁶ Bangkongtetpawiteh, BAWIPA ni tami kalannaw e lamthung teh a panue.
Tamikathoutnaw e lamthung teh rawknae koe a pha han.

2

Messiah tânae hoi uknae

Kathutkung: Devit

- ¹ Miphunnaw teh bangkongmaw ruengruengti aw.
- Tamimaya teh bangkongmaw ayawmyin hno a sak aw.
- ² BAWIPA hoi Messiah taran lahoi, talai bawinaw cungtalah a kamkhueng
aw teh,
lawcengkungnaw cungtalah kho a khang aw.
- ³ Tho aw. A kâkateknae naw hah ratham pouh sei.
Kâkateknae rui hah tâkhawng pouh sei.
- ⁴ Kalvan ka tahung e ni panuikhai vaiteh,
Bawipa ni panuilai lah a sak han.
- ⁵ Hahoi, lungkhuek laihoi ahnimouh koe lawk dei vaiteh,
puenghoi a lungrei a thaisak han.
- ⁶ Hateiteh, kaie mon kathoung Zion vah,
ka siangpahrang ka ta toe.
- ⁷ BAWIPA ni nang teh ka Capa doeh.
Sahnin vah na khe telah kai koe a dei e hah ka pâpho han .
- ⁸ Kai koe het haw. Râw lah miphunnaw na poe vaiteh,
talai pout ditouh na coe hanelah na poe han.
- ⁹ Sumtaboung hoi na uk vaiteh,
talai hlaamkabokung ni a hem e patetlah rek na hem han.
- ¹⁰ Hatdawkvah, Oe siangpahrangnaw, na lungang aw leih.

Talai lawkcengkungnaw yuenae kâhmo awh haw.

11 Taki laihoi BAWIPA thaw tawk awh haw.

Pâyaw laihoi konawm awh.

12 Capa teh pahnuem awh.

Hoehpawiteh, a lungkhuek payon vaih.

Dongdeng a lungphuen toteh, lam vah koung na kahmat payon vaih.

Ama kâuep e pueng teh tami yawkahawi e doeh.

3

BAWIPA ni a taminaw runae a kabawp

Kathutkung: Devit, Devit ni a sak e la: A capa Absalom koehoi a yawng nah sak e

1 Oe BAWIPA, kaie tarannaw teh apap poung.

Kai na ka tarannaw apap poung.

2 Taminaw ni, ahni teh Cathut koehoi e kabawpnae awmhoeh

telah kai hanelah a dei awh. Selah.

3 Hatei, Oe BAWIPA, nang teh kai hanlah kânguenae bahling,

kaie bawilennaeh lah na o teh, kaie lû katawmkung lah na o.

4 Kai ni hram laihoi, BAWIPA hah ka kaw toteh,

ahni ni kathoung mon dawk hoi kai hah na pato. Selah.

5 BAWIPA ni na kabawp dawkvah,

kai teh ka i thai teh, ka kâhlaw thai.

6 Kai hah avoivang lahoi na kalup niteh,

na ka tuk e tami thong hra touh ka phat hai ka taket hoeh.

7 Oe BAWIPA, thaw haw. Kaie Cathut, na rungngang haw.

Bangkongtetpawiteh, nang ni ka tarannaw pueng e kamhru hah,

na hem pouh teh, tamikathoutnaw e a hâ hah na khoe pouh.

8 Rungngangnae teh BAWIPA e doeh.

Nange yawhawinae teh,

na taminaw koe phat lawiseh. Selah.

4

Yuemkamcunaw rounnae

Kathutkung: Devit

1 Oe lannaeh Cathut,

na kaw toteh na thai pouh haw.

Ka runae hah na hlai haw.

Na pahren haw, ka ratoumnaeh hah na thai pouh haw.

2 Oe tami capanaw,

ka bawilennaeh hah nâtotouh maw kayanaeh lah na coung sak awh han.

Nâtotouh maw ayawmyin hno hah na lungpataw awh vaiteh,

payonnaeh hah na tawng awh han. Selah.

3 BAWIPA ni cathutlaeh tami teh a rawi tie hah panuek awh haw.

Ka kaw toteh BAWIPA ni na thai pouh han.

4 Na lungkhuek yawkaw, yonnaeh teh sak hanh.

Na ikhun dawk na lung hoi pouk nateh duem awm.

5 Lannaeh thuengnaeh hah poe nateh,

BAWIPA hah kâuep haw.

6 Apinimaw hawinaeh na hmusak han na ka tet pouh e moi ao awh.

BAWIPA kaimouh koe na minhmai angnaeh hoi na tue haw.

7 Cakang hoi misur moikapap a hmu awh dawk

konawmnae hlak kalenhnawn e konawmnae hah
ka lung thung na ta toe.

- ⁸ Duem ka yan vaiteh, ka i han toe.
Bangkongtetpawiteh, Oe BAWIPA,
nang ni dueng doeh karoumcalah na o sak thai.

5

Lam hmusak nahan ratoumnae

Kathutkung: Devit

- ¹ Oe BAWIPA, ka lawk na thai pouh haw.
Ka khopouknae hah na pouk pouh haw.
- ² Ka siangpahrang hoi ka Cathut,
ka hramnae hah na thai pouh haw.
Nang koevah, ka ratoum.
- ³ Oe BAWIPA, amom vah, ka lawk na thai han.
Amom vah nang koe lah kangvawi laihoi,
lathueng lah ka khet han.
- ⁴ Bangkongtetpawiteh, nang teh thoenae dawk
a lung kahawi e Cathut nahoeh.
Thoenae hai nang koe awm hoeh.
- ⁵ Na hmithmu vah kâoupnaw teh kangdout thai mahoeh.
Payonnae ka sak e pueng teh na hmuhma.
- ⁶ Laithoe kadeinaw hah na raphoe teh,
dumyennaehoi tami theikahrannaw hah Bawipa ni a panuet.
- ⁷ Hatei kai teh, na lungmanae apap kecu dawk na im vah ka tho han.
Nang taki laihoi kathounge Bawkim koelah kangvawi laihoi na bawk
han.
- ⁸ Oe BAWIPA, ka tarannaw kecu dawk na lannaehoi na hrawi haw,
ka hmalah na lam hah lan sak haw.
- ⁹ Bangkongtetpawiteh, a pahni dawk yuemkamcunae awmhoeh.
Athung lae teh rawknae doeh.
A lawkron teh kamawng e tangkom doeh.
A laihoi dueng doeh ayânaw a oup awh.
- ¹⁰ Oe Cathut, yon pen haw.
Amamouh ni a sak awh e dawk letlang bawt awh naseh.
Kâtapoenae moipap dawkvah, tâkhawng haw.
Bangkongtetpawiteh, nang taran laihoi taran a thaw awh.
- ¹¹ Hatei, nang ka kâuep e pueng, konawm awh naseh.
Na ngue dawkvah, konawm laihoi hram awh naseh.
Na min ka lungpataw naw hai nang dawk konawm awh naseh.
- ¹² Bangtelane Oe BAWIPA, tamikalan yawhawi na poe vaiteh,
minhmai kahawi hoi bahling patetlah na ramuk han.

6

Runae thung hoi yuemkamcu ratoumnae

Kathutkung: Devit

- ¹ Oe BAWIPA, lungkhuek laihoi na yue hanh,
na lungphuen laihoi na yue hanh.
- ² Oe BAWIPA, na pahren haw. Ka tha a youn.
Oe BAWIPA, na dam sak haw.
Ka hrunaw teh runae a kâhmo toe.

- 3 Ka hringnae hai a ru toe.
Oe BAWIPA, nâsittouh maw na ro han.
- 4 Oe BAWIPA, bout ban nateh, na rungngang haw.
Oe na lungmanae hoi na rungngang haw.
- 5 Bangkongtetpawiteh, duenae koehoi nang pouknae awmhoeh,
apinimouh phuen koehoi lunghawinae lawk a dei han.
- 6 Ka cingounae koe ka tâwn.
Kho pei ka dai lah ka ikhun dawk ka ka teh,
ka mitphi ni lahounng kounng a duk sak.
- 7 Lungmathoenae kecu dawk ka mit kounng a ro teh,
ka tarannaw kecu dawk a mawm toe.
- 8 Payonnae kasaknaw pueng,
na cettakhai awh leih.
Bangkongtetpawiteh, BAWIPA ni ka kanae lawk hai a thai.
- 9 BAWIPA ni ka kâheinae hah a thai toe.
BAWIPA ni ka ratounnae hah a dâw han.
- 10 Ka taran pueng kaya laihoi ru awh naseh.
Ban awh naseh, vaitalahoi kayak awh naseh.

7

Taran kut thung hoi rungngang nahanlah ratounnae

Kathutkung: Devit, Devit teh Benjamin tami Kush e lawk kecu dawk BAWIPA hmalah a sak e la

- 1 Oe BAWIPA, ka Cathut, nang teh na kâuep.
Na ka pacekpahlek e pueng koehoi na rungngang nateh na hlout sak haw.
- 2 Hoehpawiteh, sendek patetlah na kei vaiteh,
rungngangkung ao hoehnahlan vah, na paset awh han doeh.
- 3 Oe BAWIPA ka Cathut, kai ni hottelah ka sak vaiteh,
ka kut dawk payonnae kaawm nakunghai,
- 4 Kai koe duem kaawm e hah thoenae hoi ka patho teh,
ka tarannaw hah a khuekhaw awm laipalah ka coungroe pawiteh,
- 5 taran ni na pâlei naseh, na phat naseh.
Kahringnae hah talai dawk repcoungroe awh naseh.
Minhmai barinae hah vaiphu dawk tat awh naseh. Selah.
- 6 Oe BAWIPA, lungkhuek laihoi thaw haw,
ka tarannaw e lungkhueknae hah ngang haw.
Kâ na poe tangcoung patetlah kai han lawkceng hanlah thaw haw.
- 7 Miphunnaw kamkhueng awh vaiteh,
nang hah na kalup awh han.
Ahnimouh hanlah arasangnae koe ban haw.
- 8 BAWIPA ni lawk a ceng han.
Oe BAWIPA, ka lannaehoi ka thung kaawm e yuemkamcu lah
ka o e patetlah lawk na ceng haw.
- 9 Oe tamikathoutnaw,
thoenae teh poutsak lah awm lawwieseh.
Hatei, lannaehoi teh caksak lah awm seh.
Bangkongtetpawiteh, ka lan e Cathut ni lungthin hoi
pouknae hah ouk a tanouk.
- 10 Lungthin kalannaw rungngangkung Cathut teh
kai kânguenae lah ao.
- 11 Cathut teh kalan e lawkcengkung lah ao teh,

Cathut teh tamikathoutnaw koe hnintangkuem a lungkhuek.

- 12 Pankângai hoehpawiteh, a tahloi hah kata vaiteh,
licung hah sawn vaiteh, coungkacoe lah ao han.
- 13 Duenae senehmaica hai ahni hanlah a rakueng teh,
hmai kang thai e samtang hah a sak awh.
- 14 Tamikathout ni yonnae hah a khe.
Runae hah a vawn teh laithoe ouk a khe.
- 15 Tangkom kadungpoung lah a tai teh,
a tai e tangkom dawk ama letlang a bo.
- 16 A sak e runae hah amae lû van bout ban vaiteh,
a tâcosak e thoenae teh amae lû van bout a pha han.
- 17 BAWIPA teh a lan e patetlah ka pholen han.
Lathueng Poung BAWIPA min pholen hoi la ka sak han.

8

Hno sak e dawk BAWIPA lentoenae

Kathutkung: Devit

- 1 Oe kaimae Bawipa, Jehovah teh,
talai van pueng dawk na min ahawi toungloun.
Na bawilennae teh kalvannaw lathueng vah na ta.
- 2 Bangkongtetpawiteh, na tarannaw kecu dawk
moipathungkung hoi taran na roum sak thai nahanlah,
sanu ka net e camonaw pahni dawk hoi thaonae hah na cak sak.
- 3 Na kutdawn hoi na sak e kalvannaw hoi
na caksak e thapa hoi âsinaw hah ka khet navah,
- 4 tami heh banglamouh ao teh,
na lungthung hoi na pouk.
Tami capa heh banglamouh ao teh khuet na pai sin.
- 5 Bangkongtetpawiteh, ahni hah kalvantaminaw hlak bet ka rahnoum lah
na sak teh,
bawilennae hoi pholennae hah na kâmuk sak.
- 6 Na kutsaknaw koe kê na tawn sak teh,
a khok rahim bangpuengpa na hruék pouh.
- 7 Maitotan hoi tu pueng hai,
kahrawngum e saring pueng hoi,
- 8 kalvan e tavanaw hoi, talí thung e tanganaw hoi,
talai pui thung kaawm e pueng hoi,
- 9 Oe BAWIPA, kaimae Bawipa,
talai van pueng dawk na min teh ahawi toungloun.

9

BAWIPA lawkcengnae dawk lunghawí lawk dei ratoumnae

Kathutkung: Devit

- 1 Oe BAWIPA, ka lungthin abuemlahoi na pholen han.
Na sak e kângairu hno pueng ka dei han.
- 2 Nang dawk konawm lahoi ka nawm han.
Oe Lathueng Poung, na min pholen hoi la ka sak han.
- 3 Ka tarannaw a ban aw h toteh,
na hmalah tâlaw aw h naseh, rawk aw h naseh.
- 4 Bangkongtetpawiteh, bawitungkhung dawk tahung hoi
lannaé hoi lawk na ceng teh,

- ka lannae hoi counгнаe hah na cak sak.
- ⁵ Miphunnaw hah na yue teh,
tamikathoutnaw hah na raphoe teh,
ahnimae min teh ayungyoe hoi a yungyoe totouh na raphoe toe.
- ⁶ Oe ka tarannaw, rawknae teh a yungyoe poutnae koe a pha toe.
Khopui teh na raphoe teh noutnae ao hoeh totouh a kahma toe.
- ⁷ Hatei, BAWIPA teh a yungyoe a kangning.
Lawkceng nahanelah bawitungkhung teh a rakueng toe.
- ⁸ Lannae lahoi talaivan heh lawkceng vaiteh,
a lannae dawk lawkcengnae hah taminaw hanelah a cak sak.
- ⁹ BAWIPA teh repcounгноenaw hane lahai rapanim lah ao teh,
runae kâhmo nah kâhronae lah ao han.
- ¹⁰ Na min kapanueknaw ni nang na kâuep awh han.
Bangkongtetpawiteh, BAWIPA,
nang katawngnaw teh na cettakhai boihoeh.
- ¹¹ Zion kaawm e naw, BAWIPA pholen hoi la sak awh.
A sak e hno hah taminaw koe pâpho awh.
- ¹² Thipaling phu moi a pathung toteh, pahnim hoeh.
Kârahnounnaw e hram lawk hai pahnim hoeh.
- ¹³ Oe BAWIPA, na pahren haw.
Na kahmuhmanaw kecu dawk ka runae hah pouk haw.
Nang teh duenae longkha thung hoi na kahloutsakkung doeh.
- ¹⁴ Hottelah, nang pholennae pueng hah,
Zion canu longkha koehoi roeroe ka pâpho thai nahanlah,
na rungngangnae dawk ka konawm han.
- ¹⁵ Miphunnaw teh amamouh ni a tai awh e tangkom dawk koug a bo
awh.
Arulahoi a patung awh e tangkam dawk a khok a kâman awh.
- ¹⁶ BAWIPA teh lawk a ceng e patetlah panue thai.
Tamikathoutnaw teh amamouh ni a sak e hno dawk a kâman awh.
- ¹⁷ Tamikathoutnaw teh Cathut ka pahnim e
miphunnaw hoi sheol dawk a kak awh han.
- ¹⁸ Bangkongtetpawiteh, kavouthoupnaw teh pahnim lah pou awh awh
mahoe.
- Karoedengnaw, e ngaihawinae hai pou kahmat mahoe.
- ¹⁹ Oe BAWIPA thaw haw, tami ni na tâ hanh naseh.
Miphunnaw teh na mithmu vah lawkceng lah awh awh naseh.
- ²⁰ Oe BAWIPA, miphunnaw ni tami lah
ao awh e a panue awh nahanelah,
lungpuennaе dawk tat haw. Selah.

10

Cathut ni yon a tânae dawk lungmawngnae

Kathutkung: Panuekhoeh

- ¹ Oe BAWIPA, bangkongmaw ahlanae koe na kangdue.
Bangkongmaw runae tueng nah na kâhro.
- ² Tamikathoutnaw ni kâoupnae lahoi
tami karoedengnaw hah a rektap awh.
A sak awh e ni amamouh letlang man naseh.
- ³ Tamikathoutnaw teh amamae lungngainae dawk
ouk a kâoup awh.

- Kahounlounnaw ni BAWIPA a hnoun awh teh,
a dudam awh.
- ⁴ Tamikathoutnaw ni kâoupnae lahoi
Cathut tawng ngai awh hoeh.
A pouknae dawkvah, Cathut awm hoeh ati awh.
- ⁵ Lawkcengnae teh ahni hoi ahla arasang dawkvah,
a tarannaw pueng hah a dudam.
- ⁶ A lungthung hoi, kâhuen mahoe, h,
nâtuek hai runae kâhmo mahoe, h telah a pouk.
- ⁷ A pahni teh thoebonae,
dumnae hoi repcoungroena, h lawk hoi akawi.
A lai rahim vah runae hoi payonnae teh ao.
- ⁸ Kho tangkuem lampawp koe a tahung teh,
tami ni hmuhoehnae koe yonnae ka tawn hoeh e naw hah a thei awh.
Tami ka roedeng e hah arulaho, a pawp awh.
- ⁹ Sendek ni a kâkhu daw, k hoi a pawp e patetlah
arulaho, tami ouk a pawp.
Tami ka roedeng hah man hanlah a pawp.
A tamlaw, k hoi a sawn to, tami ka roedeng a kâman.
- ¹⁰ Hottelah, karoedengnaw hah a thaonae laho, rawp sak nahanlah,
ka rahnoumca lah a tabo awh.
- ¹¹ A lungthung hoi, Cathut ni a pahnim toe.
A minhmai hai a hro toe.
Nâtuek hai hmawt mahoe, h toe telah a pouk.
- ¹² Oe BAWIPA, thaw haw.
Oe Cathut, na kut dâw haw.
Kârahnoumnaw hah pahnim hanh.
- ¹³ Bangkongmaw tamikathoutnaw ni Cathut banglahai a noutna awh hoeh.
A lungthung hoi, banglah pouk mahoe, h ouk ati awh.
- ¹⁴ Hateiteh, lungreithai hoi runae teh na pakhingpalang teh,
na kut hoi moipathung hanlah na hmu toe.
Karoedengnaw, teh nang koe a kâhnawng awh teh,
nang teh, na pa ka tawn hoeh naw kabawmkung lah na o.
- ¹⁵ Tamikathoutnaw hoi tamikayonnaw e kut hah khoe pouh nateh,
ceitakhai e awm laipalah, hawihoe, hnae pueng koug pâphue pouh
haw.
- ¹⁶ BAWIPA teh a yungyoe hoi a yungyoe totouh siangpahrang doeh.
A ram thung hoi miphunnaw koug a kahma awh.
- ¹⁷ Repcoungröe e hoi na pa ka tawn hoeh naw koevah,
kângingnae sak hanelah,
talai taminaw ni repcoungröe hoeh nahanelah,
- ¹⁸ BAWIPA, kârahnoumnaw e ngainae teh na panue teh,
ahnimouh lawkceng hanelah na hnâ teh na pakeng pouh.

11

BAWIPA lanna, daw, kâuepnae

Kathutkung: Devit

¹ BAWIPA daw, kâuep.

Bangkongtetpawiteh, ka hringnae koevah,
na monsom vah tavaca patetlah kamleng telah na dei thai.

² Bangtelah tetpawiteh, na kenhaw!

Tamikathoutnaw ni licung a sawn aw h teh,
lungthin kalannaw arulahoï ka hanelah, lirui daw k pala coungkacoe
a mawp aw h toe.

- ³ Adunaw hah raphoe lah aw m pawiteh,
tamikalan ni bangmouh a sak thai han.
- ⁴ BAWIPA teh kathoung Bawkim daw k ao teh,
BAWIPA bawitungkhung teh kalvan vah ao.
A mit hoi a khet teh, tami capanaw teh a mitlakhuem hoi a tanouk.
- ⁵ BAWIPA ni tamikalan hah ouk a tanouk.
Hatei, tamikathout hoi thama lah kalawmnaw teh,
a hringnae hoi a hmuhma.
- ⁶ Tamikathoutnaw koe hmisaan hmaito a rak sak vaiteh,
hmai hoi gan hoi hmaikahlï teh a coe aw h hane manang lah ao han.
- ⁷ Bangkongtetpawiteh, BAWIPA teh a lan.
Lannaë hah lung a pataw teh, tamikalan teh a khet. □

12

Cathut yuemkamcu lah onae

Kathutkung: Devit

- ¹ BAWIPA na kabawm haw.
Bangkongtetpawiteh, cathutlae tami aw m hoeh toe.
Tami capanaw daw k yuemkamcu e aw m hoeh toe.
- ² A imrinaw hoi laithoe law k a kâdei aw h teh,
lungsamphei laihoï law k a dei aw h.
- ³ BAWIPA ni pasawtpanepnae pahni hoi,
kâoupnae lai hah tâtueng naseh.
- ⁴ Ahnimouh ni, ka lai hoi ka tâ han.
Ka pahni hai kama e doeh.
Apimouh kaimouh lathueng ka bawi han telah ati aw h.
- ⁵ BAWIPA ni, repcoungroe e tami ka roedeng e hoi,
vouthoup laihoï kacingounaw hanlah,
atu ka thaw vaiteh, a ngaihawi aw h e roumnae hmuen koe
ka o sak han telah ati.
- ⁶ BAWIPA e lawknaw teh, ka thoung e law k doeh.
Talai hoi thoung sak nahanelah,
hmai daw k vai sari touh sôlêi tangcoung e ngun patetlah ao.
- ⁷ Oe BAWIPA, nang ni na khetyaw t.
Hete senaw thung daw k hoi a yungyoe na roum sak.
- ⁸ Tami capanaw ni tamikapo a tawmrasang aw h toteh,
tamikathoutnaw teh hmuen tangkuem a kâva aw h.

13

BAWIPA rungngangnae kâuepnae

Kathutkung: Devit

- ¹ Oe BAWIPA, nâtotouh maw na pahnim yungyoe han.
Nâtotouh maw kai koehoi na minhmai na hro han rah.
- ² Kai teh, ka lung pou a mathoe.
Nâtotouh ne kamadueng lungreithai hoi ka i han vai.
Nâtotouh ne ka lathueng ka taran ni a kâoup han rah vai.
- ³ Oe BAWIPA ka Cathut, kangyawi nateh ka law k hah na thai pouh haw.
Ka mit ang sak haw. Hoehpawiteh, duenae patetlah ka ip payon vaih.

- ⁴ Hoehpawiteh, ka taran ni ahni ka tâ toe ati han doeh.
Hoehpawiteh, ka kâroe navah, runae na kapoenaw a konawm awh langvaih.
- ⁵ Hatei, na lungmanae hah ka kâuep teh,
na rungngangnae dawk ka lungthin a konawm han.
- ⁶ BAWIPA koe la ka sak han.
Bangkongtetpawiteh, ka lathueng ahawi tanggak.

14

Cathut laipalah pathunae doeh

Kathutkung: Devit

- ¹ Tamipathu ni a lungthung hoi,
Cathut awmhoeh ati. A rawk toe.
Panuet ka tho e hno doeh a sak.
Hawinae ka sak e awm hoeh toe.
- ² Cathut ka tawng niteh,
ka panuek thai e ao han na ou tie panue han ngai dawk,
BAWIPA ni kalvan hoi tami capanaw hah a khet cathuk.
- ³ Abuemlahoi lam a phen awh teh,
cungtalah koung a rawk awh toe.
Hawinae kasakkung apihai awmhoeh. Buet touh boehai awmhoeh.
- ⁴ Payonnae kasaknaw ni panuenae tawn awh hoeh ma aw.
Rawka ca e patetlah ka taminaw hah a ca awh teh,
BAWIPA kaw awh hoeh.
- ⁵ Hawvah, takinae kalen koe ao awh.
Bangkongtetpawiteh, Cathut teh tami kalannaw koelah ao.
- ⁶ Tami karoedengnaw e pouknae teh a kaya sak awh.
Hatei, BAWIPA teh ahnimaie kânguenae doeh.
- ⁷ Oe Isarel rungngangnae teh Zion hoi tâcawt naseh.
BAWIPA ni san lah kaawm e taminaw a bankhai toteh,
Jakop teh konawm naseh. Isarel hai lunghawi naseh.

15

Cathut hoi rei hringnae nuen

Kathutkung: Devit

- ¹ BAWIPA, na lukkareiim dawk apimouh kangning han.
Na mon kathoung dawk apimouh kaawm han.
- ² Kângingnae hoi ka hring niteh,
lanna e sak laihoi a lung hoi lawkkatang ka dei niteh,
- ³ a lai hoi tamthoe ka dei boihoeh niteh,
a imri lathueng thoena e sak laipalah,
a huinaw min hai ka pathoe boihoeh niteh,
- ⁴ tami ka pacekpahleknaw hah a mit hoi khen hoeh,
hatei, BAWIPA ka taketnaw hah a bari teh,
thoebo laihoi lawk ka kam e teh ama pataw nahanelah ao nakunghai
kamlang laipalah,
- ⁵ a pung lahoi tangka ka cawi boihoeh niteh,
yonnae ka tawn hoeh e koe tadawngghno ka lat boihoeh e naw han
doeh.
Hot patet e hno ka sak e naw teh, nâtuék hai kâhuen mahoe.

16

Yuemkamcu ngaihawinae

Kathutkung: Devit

- ¹ Oe Cathut, na roum sak haw.
Bangkongtetpawiteh, nang doeh na kângue.
- ² Oe ka hringnae, Jehovah koe nang teh ka Bawipapa doeh,
nang laipateh ka hawinae hah banghai bang hoeh lah ao telah dei haw.
- ³ Talaivan kaawm e tami kathoungnaw hanelah,
ahnimouh teh tami kahawi katang,
ka konawmnae pueng onae doeh telah ka ti.
- ⁴ Karangpoung lah cathut louk hnukkâbangnaw teh,
rucatnae moi a khang awh han. Awi hane thuengnae thi hah ka poe mahoeh.
Ka pahni hoi a min hai ka dei mahoeh.
- ⁵ Oe BAWIPA, nang teh ka ham hoi ka manang lah na o teh,
ka ham hah na cak sak.
- ⁶ Ka khori teh, kai hanlah kahawipoung e ram dawk a kâen.
Kahawi katang e râw teh ka coe han.
- ⁷ Pouknae na kapoekung BAWIPA teh ka pholen han.
Karum hai ka lungthin ni kahringnae a hroecoe.
- ⁸ BAWIPA teh kahma lah pou ka hruek.
Ama teh aranglae kut lah ao dawkvah, ka kâhuen mahoeh.
- ⁹ Hatdawkvah, ka lungthin a lunghawi teh, ka bawilennaeh teh a konawm.
Ka takthai hai ngaihawinae hoi a kâhat han.
- ¹⁰ Bangkongtetpawiteh, ka muitha teh phuen vah na cettakhai mahoeh.
Na tami kathoung teh pawklawi e na pasoung mahoeh.
- ¹¹ Hringnae lamthung na hmu sak han.
Nang koe konawmnae ka kuep teh ao.
Nange aranglae kut dawk a yungyoe nawmnae teh ao.

17

A hnukteng rungngang nahanlah yuemkamcu ratoumnae

Kathutkung: Devit

- ¹ Oe BAWIPA, lannaeh koe lah awm nateh,
ka hramnae hah na thai pouh haw.
Dumnae ka dei boihoeh e pahni hoi ka ratoumnae hah na thai pouh haw.
- ² Ka kong dawk lawk tâtuengnae hah na hmalah tâcawt naseh,
na mit teh kalan e hno dawk um naseh.
- ³ Ka lungthin teh na tanouk toe. Karum vah na pai toe.
Na tanouk teh banghai na hmawt hoeh.
Ka pahni ni payon hoeh nahanelah ka noe toe.
- ⁴ Taminaw ni sak e kong dawk,
karaphoekungnaw e lam hah na lawk lahoi ouk ka roun toe.
- ⁵ Na lamthung dawk ka dawn lahun nah
ka tâlaw payon hoeh nahanlah, na ka bawm haw.
- ⁶ Oe Cathut, nang ni na thai pouh dawkvah, kai ni ka hei.
Na hnâ pakeng nateh, ka lawk hah na thai pouh haw.
- ⁷ Nang kâuepnaw hah, katarankungnaw e kut dawk hoi,
rungngangkung Cathut, pahrenlungmanae hah kamnuek sak haw.

- 8 Kai rep na kacuengroe e tamikayonnaw hoi
kai thei hanlah na kalup e tarannaw kut dawk hoi,
- 9 Mitmu patetlah kai hah na ring haw.
Na rathei rahim vah na ramuk haw.
- 10 Ahnimouh teh amamae thâwnae hah a kâuep aw haw,
kâoup laihoi lawk a dei aw haw.
- 11 Ka ceinae lam hah a kalup aw haw,
talai dawk rawp sak hanelah a mit pakhap laipalah na khet aw haw.
- 12 Sendek ni a kei e moi ca han thouk a ngai e patetlah thoseh,
sendek kanaw ni arulahoï a pawp e patetlah thoseh ao aw haw.
- 13 Oe BAWIPA, thaw haw.
Kangdout sin nateh, rawm sak haw.
Tamikathoutnaw e kut dawk hoi na tahloi hoi na rungngang haw.
- 14 Oe BAWIPA, talai tami lah kaawm e hotnaw e kut dawk hoi
na rungngang haw.
Ahnimouh teh atuvah, amamouh hanelah, a pang aw haw toe.
Ahnimae ngainae hah hnopai hoi a kawï sak.
A canaw hai a tawnta aw haw,
a catounnaw koe a hnopainaw hah a parâw pouh aw haw.
- 15 Kai niteh, lannae lahoi na minhmai ka hmu han.
Nang patetlah ka kâhlaw toteh ka lung a kuep han.

18

Lathueng Poug rungngangkung Cathut

Kathutkung: Devit, Bawipa e san, Devit ni Sawl koehoi taran kut dawk hoi,
hloutsaknae hawinae coe torei teh, BAWIPA hmalah sak e la

- 1 Oe ka thaonae BAWIPA,
nang teh na lungpataw han.
- 2 BAWIPA teh kaie lungsong,
kaie rapan, kaie rungngangkung lah ao.
Kaie Cathut, ka thaonae,
ka kâuep e bahling hoi ka rungngangnae ki hoi ka rapanim lah ao.
- 3 Pholen kamcu BAWIPA teh ka kaw vaiteh,
ka tarannaw um hoi rungngang lah ka o han.
- 4 Due patawnae ni na kalup,
Cathut takihoeahnae tuikalen ni na taki sak.
- 5 Sheol lungmathoenae ni na kalup teh,
duenae tangkam ni na kangdue sin.
- 6 Kângairu kecu dawk BAWIPA ka kaw teh,
ka Cathut koe ka hram.
A Bawkim koehoi na thai pouh teh,
a hmalah ka hramnae hah a hnâ koe a pha.
- 7 Hottelah, talai a kâhuet teh a pâyaw.
A lungkhuek dawkvah, mondunaw totouh a pâyaw teh,
a kâhuet aw haw.
- 8 A hnawng dawk hoi hmaikhu a luen takhang teh,
a pahni dawk hoi ka tâcawt e hmai ni, koung a kak aw haw teh,
hote e niyah hmaisaaan a kaman sak.
- 9 Ama ni kalvan a kamkuisak teh, a kum cathuk.
A khok rahim vah hmonae teh ao.
- 10 Cherub a kâcui teh a kamleng.
Kahlï rathei van vah a kamleng.

- 11 Hmonae teh ka dungpoung e hmuen lah a coung sak.
Tui hmonae hoi kathapoung e kalvan tâmai hah
ama kangangkung lah ao.
- 12 A hmalae angnae ni, kathapoung e tâmai a kâhin sak teh,
roun hoi hmisaan a bo.
- 13 BAWIPA ni kalvan hoi khoparit sak,
A Lathueng Poung Cathut ni a lawk a tâcosak.
- 14 A lipala hah a pathui teh, a taran hah a pâyaw sak.
Sumpa a palik sak teh, koung a tâ.
- 15 Oe BAWIPA, na yuenae hoi na hnawng dawk e kâha ni a hmu dawkvah,
tali laheipadin teh koung a kamnue teh,
talaivan e dunaw teh a kamnue awh.
- 16 Lathueng hoi na kut na dâw teh,
moikapap e tui thung hoi na rasa toe.
- 17 A thakaawmpoung ka taran kut dawk hoi na rungngang teh,
na ka hmuhma ni teh athakaawmpoung naw koe hoi
haiyah na rungngang.
- 18 Ahnimouh ni runae ka kâhmo navah, na kangdue sin awh.
Hatei, BAWIPA teh ka kâuep e doeh.
- 19 A hmuen kaw poung koe kai hah na thak.
Kai dawk a lûnghawi dawkvah, na rungngang.
- 20 BAWIPA ni, ka lannaie patetlah apu na poe.
Ka kut a thoung e patetlah na patho toe.
- 21 Bangkoktetpawiteh, BAWIPA e lamthung hah ka pâkuem teh,
ka Cathut teh kahawihoe hoi lahoi ka cettakhai boihoe hoi.
- 22 Bangkoktetpawiteh, a lawkcengnae pueng teh ka hmalah ao teh,
a coungnae hah ka tâkhawng boihoe hoi.
- 23 A hmaitung toun awm laipalah ka o teh,
payonnae hah ka roun.
- 24 Hatdawkvah, BAWIPA ni ka lannaie patetlah na patho.
A mithmu ka thoungnae patetlah na patho.
- 25 Tami ka pahren e koe pahrennae na kamnue sak vaiteh,
tamikalan koe lannaie hah na kamnue sak han.
- 26 Tami kathoung koe na thoungnae na kamnue sak vaiteh,
tami ka taran e koe tarannaie hah na kamnue sak han.
- 27 Bangkoktetpawiteh, kârahnoumnaw hah,
na rungngang teh, kâoupnaw hah na pabo han.
- 28 Ka hmaiim hah na ang sak teh,
BAWIPA ka Cathut ni kaie hmonae hah a ang sak han.
- 29 Nang pawlawk lahoi ransahu hah ka raphoe han.
Ka Cathut pawlawk lahoi khorapan ka kawi thai han.
- 30 Cathut e lamthung teh a kuep.
BAWIPA e lawk teh a thoung dawkvah,
Ama kâuep e tami pueng hanelah bahling lah ao.
- 31 Bangkoktetpawiteh, BAWIPA laipateh,
bangpatet e Cathut alouke maw kaawm.
- 32 Thaonae hoi na kaphathoupkung teh Cathut doeh.
Ka lamthung hai a kuep sak.
- 33 Ama ni ka khok heh sayuk khok patetlah a sak teh,
a hmuen rasangnae koe na o sak.
- 34 Ka kut heh tarantuknae a cangkhai.

- Hatdawkvah, ka kut ni rahum licung patenghai a sawn thai.
- 35 Na rungngangnae bahling hai na poe toe.
Aranglae kut hoi na kuet,
na panguepnae ni na tawmdawm.
- 36 Ka ceinae lamthung na kaw sak dawkvah,
tâlaw laipalah ka o.
- 37 Ka taran ka pâlei teh ka pha.
Koung ka raphoe hoehrourak ka ban takhai boihoeh.
- 38 Bout a thaw thai hoeh nahanelah, hmâ ka paca teh,
ka khok rahim koung a rawp awh.
- 39 Tarantuk hanelah na pathoup toung dawkvah,
na katarankung teh ka rahim vah tâ lah ao.
- 40 Ka taran teh na yawng sak.
Hottelah na kahmuhmanaw heh ka raphoe.
- 41 Ahnimouh teh a hram awh.
Hatei, ahnimouh rungngangkung awm hoeh.
BAWIPA koe a hram awh ei, pato hoeh.
- 42 Hottelah, vaiphu kahlî ni a palek e patetlah
dikkaneng lah ka nep teh,
lamthung daw k e songnawng patetlah ka tâkhawng.
- 43 Ka yonnaw thung hoi na rungngang teh,
miphunnaw e lû lah na coung sak.
Ka panue hoeh e naw ni ka thaw a taw k awh han.
- 44 Ka lawk a thai awh tahma vah, a tarawi awh teh,
ramlouk taminaw hai kai koe a kâhei awh.
- 45 Ramlouk taminaw teh koung a yawng awh teh,
a kâhronae hmuene koehoi, taki laihoi a tâco awh.
- 46 BAWIPA teh a hring.
Kaie lungsong teh pholen lah awm seh.
Kaie rungngangnae Cathut teh tawm lah awm seh.
- 47 Cathut teh moipathung pouh kung lah ao teh,
ka rahim e taminaw katâkung lah ao.
- 48 Ka tarannaw koehoi na rungngang teh,
na katarankungnaw lathueng vah, na tawm.
Rektapnaw kut daw k hoi na rungngang.
- 49 Hatdawkvah BAWIPA, Jentelnaw rahak vah,
nang koe lunghawilaw k ka dei vaiteh,
na min pholen hoi la ka sak han.
- 50 A siangpahrang koe vah, ka len e hloutnae a poe teh,
satui awi e Devit hoi, a catounnaw lathueng vah,
a yungyoe hoi a lungmanae a kamnue sak.

19

Ka kuep e BAWIPA kamnuenae

Kathutkung: Devit

- 1 Kalvannaw ni Cathut bawilenna e a pathang awh.
Kakaw poung e kalvan ni a kutsak tie a kamnue sak.
- 2 Khosei ni khodai koe lawk a dei teh,
karum ni karum koe a cangkhai.
- 3 Lawk dei e, lawk kâpan e
ahnimae pahni daw k hoi thai hoeh eiteh,

- 4 ahnimae lawk teh talai van pueng a cei teh,
talai poutnae koe totouh a pha.
Ahnimouh koevah, kanî hanelah lukkareim a ta pouh.
- 5 Hahoi, kanî teh, yupaluenkung imrakhan thung hoi ka tâcawt e patetlah
ao teh,
yawngkâtânae koe a tha kaawm poung e, konawm laihoi ka yawng
hane patetlah ao.
- 6 Avang lae kalvan apoutnae koehoi, a tâco teh,
avanglae kalvan apoutnae koe totouh, a kâhei dawkvah,
a kâanna dawk hoi kahlout e awm hoeh.
- 7 BAWIPA e kâlawk teh akuiep dawkvah,
hringnae a rounng sak.
BAWIPA e lawkpanuesaknae teh a kamceng dawkvah,
kamawngrame hah a lung a ang sak.
- 8 BAWIPA e phunglawk teh a lan teh, lungthin a konawm sak.
BAWIPA ni kâpoe e teh a thoung teh, mit a ang sak.
- 9 BAWIPA takinae teh a thoung teh, a yungyoe a kangning.
BAWIPA lawkcengnae teh a lan teh, katang e lah ao.
- 10 Sui hlak hai sôlêi e sui hlak hai ngai hanelah ao.
Khoitui hoi khoipha hlak hai a radiphnawn.
- 11 Hothoilah, hotnaw hno lahoi na san hah kâhruetcuet na poe teh,
hote lawknaw tarawinae tawkphu teh a len poung.
- 12 Apimaw mae payonnae ka panuek thai.
Pâpha e payonnae dawk hoi na thoung sak haw.
- 13 Na san heh yonnae ka sak hoeh nahanlah,
thama lahoi na kuen nateh,
hotnaw teh ka lathueng vah kâ tawn sak hanh.
- 14 Oe BAWIPA, ka thaonae hoi na ka ratangkung,
ka dei e dawk hoi ka pouk e naw heh,
na mithmu vah na lung ka youk lah awm seh.

20

Cathut runngangnae thaw

Kathutkung: Devit

- 1 Runae hnin dawk BAWIPA ni na pato naseh.
Jakop Cathut min lahoi na roum sak naseh.
- 2 Hmuen kathoung koehoi kabawpnae teh tâcawt sak naseh.
Zion hoi tha awm sak naseh.
- 3 Na thuengnae pueng na thai pouh naseh.
Hmaisawi thuengnae hai dâw naseh.
- 4 Na ngainae patetlah na poe naseh,
na pouknae patetlah kuep sak naseh.
- 5 Na runngangnae dawk ka konawm awh vaiteh,
Cathut min lahoi lukkarei a yap awh han.
BAWIPA ni na hei e pueng kuep sak lawiseh.
- 6 BAWIPA ni satui awi e a runngang tie atuvah panue awh toe.
Kathoung kalvan hoi a runngangnae aranglae kut,
athakaawme hoi na pato han.
- 7 Atangawn ni leng a kâuep awh teh,
atangawn ni marang a kâuep awh.
Hatei, kaimouh teh, BAWIPA Cathut min hah pou ka kâuep awh han.

- ⁸ Ahnimouh teh tabut hoi a rawp awh.
Hatei, kaimouh teh ka thaw awh teh, kalancalah ka kangdue awh.
- ⁹ BAWIPA rungngang haw.
Ka kaw toteh siangpahrang ni na pato naseh.

21

BAWIPA rungngangnae dawk konawmnae

Kathutkung: Devit

- ¹ Oe BAWIPA, na thaonae dawk siangpahrang ni a konawm han.
Na rungngangnae dawk banghloimaw a konawmnae a tawn han,
- ² Apâhni hoi a kâhei e hah na oun hoeh niteh,
a lungthin ngainae hah na poe toe. Selah.
- ³ Bangkongtetpawiteh, hawinae yawhawi hoi na dawn teh,
a lû dawk suikathoung bawilukhung hoi na kâmuk sak.
- ⁴ Nang koe a hei e hringnae,
a yungyoe hoi a yungyoe totouh hringsawnae hah na poe.
- ⁵ A bawilennaeh teh na rungngangnae dawkvah a len,
barinae hoi taluenaeh teh ahni dawk na patue toe.
- ⁶ Bangkongtetpawiteh, a yungyoe hane yawhawinae lentoe kacoekung lah
na sak feh,
na hmalah puenghoi a lung kahawi hanelah na coung sak.
- ⁷ Bangkongtetpawiteh, siangpahrang ni BAWIPA hah a kâuep.
Lathueng Poug lungmanae lahoi kâhuen mahoeh.
- ⁸ Na kut ni na taran pueng hmawt vaiteh,
aranglae na kut ni na ka hmuhma e pueng hah a hmu han.
- ⁹ Na lungkhuek toteh, ahnimouh hah takhuen patetlah na coung sak han.
BAWIPA ni ahnimouh teh,
a lungkhueknae lahoi payawp vaiteh,
a hmai ni koug a kak aw h han.
- ¹⁰ A catounnaw hah talai van hoi koug takhoe pouh vaiteh,
a catounnaw hah miphunnaw thung hoi na takhoe han.
- ¹¹ Bangkongtetpawiteh, nang taran lahoi,
hawihoehnae hah sak han a kâcai aw h teh,
a sak thai aw h hoeh e hah sak han a kâcai aw h.
- ¹² Hatdawkvah, ahnimouh teh na yawng sak vaiteh,
ahnimae a mithmainaw dawk na licung hoi coungkacoe na nue toe.
- ¹³ Oe BAWIPA, na thaonae dawk tawm lah na o.
Na thaonae pholen hoi la ka sak han.

22

Messiah rektap khangnae

Kathutkung: Devit

- ¹ Ka Cathut, ka Cathut, bangkongmaw na cei takhai.
Bangkongmaw ka kâhramnae lawk thai laipalah,
na kabawp hoeh nahanlah ahlanae koe na o.
- ² Oe Cathut, khodai lah kâhram ei, nang ni na thai pouh hoeh.
Karum lahai duem ka onae awm hoeh.
- ³ Hatei, nang teh, na thoung.
Isarelnaw ni pholen e lah na o.
- ⁴ Ka mintoenaw ni na kâuep teh,
na rungngang.

- 5 Na kaw awh teh, na rungngang.
Na kâuep awh teh, yeiraipo boi awh hoeh.
- 6 Hatei, kai teh tangraet lah doeh ka o.
Ayâ ni pathoe e hoi pacekpahlek e lah ka o.
- 7 Na ka hmawt e pueng ni na panuikhai, a pahni na ke sin awh.
A lû na saling sin awh.
- 8 BAWIPA a kâuep nahoehmaw, ama ni rungngang na haw seh.
Ahni dawk a ngainae awm pawiteh,
atu roeroe rungngang na haw seh, telah ati awh.
- 9 Hatei, nang teh anu von thung hoi na karasatkung doeh.
Sanu ka nei lahun nah puennae na takhoe pouh.
- 10 Pek khe hoi nang dawk hruék e lah ka o.
Anu von thung hoi patenghai, nang teh ka Cathut lah yo la na o toe.
- 11 Kai koehoi ahlanae koe awm hanh.
Bangkongtetpawiteh, runae a hnai teh kabawmkung awm hoeh.
- 12 Maitotan moikapap ni na kalup.
Bashan ram e athakaawme maitotannaw ni na kalup.
- 13 A pahni na ang sin awh teh,
sendek patetlah a cairing awh.
- 14 Tui patetlah rabawk lah ka o teh,
ka hruhrawng pueng teh koung a kâla.
Ka lungthin teh khoilai patetlah ka thung vah, a kamyawt toe.
- 15 Ka tharui teh ampaikéi patetlah a ke teh,
ka lai hai ka dangka dawk a kâbet teh,
duenae vaiphu dawk na ceikhai.
- 16 Bangkongtetpawiteh, uinaw ni na kalup awh.
Tamikathoutnaw ni na kalup awh.
Ka kut hoi ka khok pawkkayawng lah a thut awh.
- 17 Ka hru pueng koung ka touk thai.
Pout laipalah na khet awh teh, a lungkhuekti awh.
- 18 Ka khohna a kârei awh teh,
ka angki hah cungpam a rayu awh.
- 19 Oe BAWIPA na hlat takhai hanh.
Oe ka thaonae karanglah na kabawm haw.
- 20 Senehmaica hoi na rungngang haw,
ka hringnae ka sungren e heh uinaw thaonae koehoi
na rungngang haw.
- 21 Sendek kâko dawk hoi na rungngang nateh,
savi ki dawk hoi na rungngang haw. Na pato leih.
- 22 Ka hmaunawngghanaw koe na min ka pâpho vaiteh,
kamkhuengnaw koe na pholen han.
- 23 Nangmouh BAWIPA kataketnaw, ama teh pholen awh.
Jakop catounnaw pueng ama teh tawmrasang awh nateh,
Isarêl catounnaw pueng ama teh taket awh.
- 24 Bangkongtetpawiteh, runae ka khang e runae hah,
dudam hoeh niteh, ahni koehoi a minhmai hai hrawk hoeh.
Hatei, ahni koe a hram toteh a thai.
- 25 Kalen e kamkhuengnae koe ka pholen e teh nang han doeh.
Ama kataketnaw hmalah ka lawkkam hah ka kuep sak han.
- 26 Tami ka roedeng ni cat vaiteh a von a paha han.
Ama katawngnaw ni BAWIPA teh a pholen han.

Na lungthin hah pou kâhlaw seh.

- ²⁷ Talai poutnae pueng ni a pâkuem aw hah teh,
BAWIPA koe a kamlang aw hah vaiteh, miphun pueng ni na baw k aw hah han.
- ²⁸ Bangkongtetpawiteh, uknaeram teh BAWIPA e doeh.
Miphunnaw hah a uk.
- ²⁹ Talaivan katawntanaw pueng ni cat aw hah vaiteh a baw k aw hah han.
Ma e hringnae ring thai aw hah hoeh.
Vaiphu lah ka ban e pueng a hmalah a tabo aw hah han.
- ³⁰ Ahnimae catounnaw ni hai a baw k aw hah vaiteh,
catounnaw ni hai BAWIPA e kamthang hah a dei aw hah han.
- ³¹ A lannae, pâpho hanelah a tho aw hah vaiteh,
khe lah kaawm hane naw koe
BAWIPA ni hetheh a sak telah a pâpho aw hah han.

23

Tukhoumkung kahawi

Kathutkung: Devit

- ¹ BAWIPA teh kaie tukhoumkung lah ao daw k vah,
vouthoup hoi kaawm mahoe h.
- ² Pho kahring um vah na tabo sak teh,
kâhatnae tui teng vah na hrawi.
- ³ Ka hringnae a katha sak teh,
amae min lahoi lannae lam daw k na hrawi.
- ⁴ Duenae tâhlip ravo daw k ka cet nakunghai,
yawthoenae hai ka taket mahoe h.
Bangkongtetpawiteh, kai koe vah nang na o,
na sonron hoi na tahroe ni ka lung na maw ng sak.
- ⁵ Ka tarannaw hmalah rawca na poe,
ka lû daw k satui na aw i teh,
kaie manang teh poum lah a poum.
- ⁶ Ka hring nathung lungmanae hoi
hawinae ni na kâbang sin vaiteh,
BAWIPA im daw k a yungyoe ka o han.

24

Lentoenae siangpahrang

Kathutkung: Devit

- ¹ Talai hoi athung e hno kaawm naw pueng BAWIPA e doeh.
Talai hoi avan e kaawm e taminaw pueng hai amae doeh.
- ² tui pui daw k adu a ung teh,
tuinaw daw k acaksak.
- ³ BAWIPA mon daw k apimaw ka luen thai han.
A baw kim kathoung vah apimaw ka kâen thai han
- ⁴ Tawksaknae hoi lungthin a thoung teh,
kahrai ka baw k hoeh e, dumyenna e lawkkamna e ka sak hoeh e naw
hah
a luen thai aw hah vaiteh a kâen thai aw hah han.
- ⁵ BAWIPA ni yawhawinae a poe vaiteh,
ahnimouh kaie rungngangnae Cathut ni
na yon hoeh atipouh aw hah han.

- 6 Hot patetlah, taminaw teh
Cathut koe ka phat thai e taminaw doeh.
Jakop e Cathut hmalah ka tâcawt thai e doeh.
- 7 Oe longkhanaw na lû loun gouk awh haw.
Yungyoe takhangnaw loun gouk awh haw.
Bawilennae Siangpahrang teh a kâen han.
- 8 Ka lentoe e Siangpahrang teh apimaw
BAWIPA teh athakasai ni teh athakaawme,
BAWIPA teh taran tuknae hmuen koe athakaawme doeh.
- 9 Oe longkhanaw na lû loun gouk awh haw
Yungyoe takhangnaw loun gouk awh haw.
Bawilennae Siangpahrang teh a kâen han.
- 10 Bawilennae Siangpahrang teh apimaw
Ama teh ransahu BAWIPA,
ka lentoe e Siangpahrang doeh.

25

Ngaihoumnae hoi rungngangnae

Kathutkung: Devit

- 1 Oe BAWIPA nang koe ka ratoum.
- 2 Oe ka Cathut nang teh na kâuep dawkvah,
Kayanae koe na phat sak hanh,
ka tarannaw ni na tâ hanh naseh.
- 3 Nang na karingnaw teh kayak awh mahoe.
Hatei, nang taran hanlah a hue karangnaw teh a kaya awh han.
- 4 Oe, BAWIPA na lamthung hah
na cangkhai nateh na panuek sak haw.
- 5 Nang teh kaie rungngangnae lah na o dawkvah
na lawkkatang boiboe lah hringnae teh na cangkhai haw.
Amon hoi kaniloum ditouh nang hah na kâuep han.
- 6 Oe BAWIPA yampa hoi ka lathueng vah
na la kamnue sak e lungpatawnae, pahrennae teh pahnim hanh.
- 7 Ka naw nah ka yonnae hoi ka payonnae teh
na ngaithoum haw, kacakpounge na lungmanae hoi
na hawinae kecu dawk kai teh na pahnim hanh Bawipa.
- 8 BAWIPA teh a lan teh ahawi.
Tamikayonnaw ni a dawn e lamthungnaw hai a cangkhai.
- 9 A lungthin kârahnoum e teh lam kalan dawk a hrawi teh
angnae hno hah a cangkhai.
- 10 A lawkkam hoi kâlawk katarawinaw teh
lungpatawnae hoi a hrawi teh yuemkamculah a ceikhai.
- 11 Oe, Cathut ka yonnae teh banghloi kalen nakunghai
na min lahoi na ngaithoum haw.
- 12 BAWIPA kâlawk ka tarawi e teh
a dawn hane lamthung a panue han.
- 13 Lungnem lahoi na o vaiteh na canaw teh
hete ram dawkvah phu kanepcalah kho a sak awh han.
- 14 BAWIPA e kâlawk katarawinaw e hui lah
ao teh a lawkkam teh a cangkhai awh.
- 15 BAWIPA teh kâuep yungyoe,
hatdawvak tangkam dawk hoi ka khoh hah a rasa han.

- 16 Oe, BAWIPA kai koe lah kangvawi nateh na pahren haw,
bangdawk tetpawiteh ka o a ru teh ka thayung abaw.
- 17 Ka lung reithainae naw pueng teh na panue patetlah
ka runae pueng koehoi na rungngang haw.
- 18 Ka reithainae puenghoi ka khangnae naw pueng hah,
na pouk pouh teh, ka yonnae naw pueng teh na ngaitoum haw.
- 19 Ka tarannaw apap e hoi,
kai puenghoi na hmuhma awh e hah pouk haw.
- 20 Ka hringnae ring nateh na rungngang haw.
Hloutnae hmu ka ngai dawkvah nang teh na pátam.
Yeirapo hoi na awm sak hanh.
- 21 Nang teh na kâuep dawkvah ka hawinae hoi
laithoehoehnae ni na la ngue lawi seh.
- 22 Oe, BAWIPA Isarelnaw runae koehoi
rungngang haw.

26

Ratang nahanelah ratoumnae

Kathutkung: Devit

- 1 BAWIPA, nang ni kai lawk na ceng haw,
lungcaknae hoi ka cei teh
BAWIPA nang na kâuep dawkvah ka kâhuen mahoe.
- 2 Kai hah na noumcai nateh, oe BAWIPA,
ka lung ni a ngai e naw hoi ka pouknae hah na khen pouh haw.
- 3 Ka cak e na lungpatawnae lamthung kai na patue haw,
yuemkamcunae ni pou na hrawi.
- 4 Dumyenna hoi cungalalah ka hmawng hoe.
- 5 Tami kahawihoehnaw hai ka hmawng hoe.
- 6 Tami kahawihoehnaw e kamkhuengnae hah ka hmuhma,
Tamikathoutnaw hoi reirei ka tahung hoe.
- 7 Ka kut heh thoungnae hoi ka pâsu teh
BAWIPA namae thuengnae ka lawngven.
- 8 Lungkawilawkdeinae la ka sak teh
kângairu hno na sak e hah ka dei.
- 9 BAWIPA na onae im hah kai lungpataw teh
na bawilenna hmu hah kai ni ka ngai.
- 10 Tamikayonnaw koe kai mek thei sin hanlah
tami kathetnaw koe kai na tâkhawng sin hanh.
- 11 Ahnimouh teh hawihoehnae yungyoe a sak awh.
Tadawngno ka ngai e taminaw doeh.
- 12 Kai teh hnokahawi hoe e ka sak,
na pahren nateh na rungngang haw.
- 13 Hnâroumcalah tanghling dawkwah ka kangdue teh
maya a kamkhuengnae koe BAWIPA nang na pholen.

27

Yuemnae dawkwah lunghawinae

Kathutkung: Devit

- 1 BAWIPA nang teh angnae hoi kaie rungngangnae doeh.
Apilai ka taket ma hoe. BAWIPA nang teh na kanguekung

- ka rapan la doeh na o ka lungpuen mahoeh.
- 2 Tami kahawihoehnaw ni na tuk teh
thei hanlah na nout navah ouk a rawp awh teh ouk a tâlaw awh.
- 3 Ransahu kalenpoung ni na kalup nakunghai ka lungpuen mahoeh.
Taran ni na ka tuk nahai Cathut nang teh na kângue mingming han.
- 4 BAWIPA koe hno hei han ka ngai e hno buet touh doeh kaawm.
Hothateh ka hring yunglam BAWIPA imthung o hane hoi yah,
kângai runae lahoi lam na hrawi tie hah doeh.
- 5 Rucatnae atueng dawkvah hnâroumcalah a rathei rahim na o sak.
A bawkim thung vah hnâroumcalah na ta,
ka rasang e lungsong van na thueng.
- 6 Hatdawkvah ka tengpam e kaawm e ka taran teh katâ han
lunghawinae pawlawk hoi a bawkim thungvah
thuengnae teh ka poe han.
- 7 BAWIPA pahren lahoi, kai ni na kaw navah ka lawk
na thai pouh nateh kahei e na thai pouh haw.
- 8 Kai koe, Tho haw na ka tet e
BAWIPA koe ka tho han.
- 9 Kai koe na minhmai hrawk hanh.
Kai koe na lungphuen hanh, na san heh na pâlei hanh lah a.
Oe Cathut kaie rungngangnae nang teh kabawmkung doeh.
Na cettakhai hanh. Pak na tha hanh lah a.
- 10 Anu hoi apa ni na ka pahnawt nakunghai
BAWIPA nang ni pou na khenyawn lah a.
- 11 Oe, BAWIPA taran ka tawn dawkvah roumnae lam koe lahoi na cettakhai
lah a.
Na ngainae na pâtu haw.
- 12 Laithoe hoi pou na ka yue e
taran koe na tat hanh.
- 13 A taminaw lathueng BAWIPA hawinae
ka hmu roeroe han telah ka yuem.
- 14 BAWIPA teh kângue awh, yuemnae tawn awh,
na lungpout awh hanh.
BAWIPA teh kângue awh.

28

BAWIPA teh ka tha hoi kânguena

Kathutkung: Devit

- 1 Oe BAWIPA nang teh na kaw.
Ka lungsong, lawkkamuem na awm mahoeh.
Nang ni banglahai na ngaihoeh lah, lawkkamuem na awm pawiteh,
kai teh tangkom dawk ka bawt e patetlah doeh ka o toe.
- 2 Bawipa nang koe ka hramki laihoi kabawpnae ka hei nahai thoseh,
Bawipa nange hmuenkathoung, a thung lah ka kut ka dâw to hai
thoseh,
kai ni ka hei e hah na thai pouh haw.
- 3 Tamikathoutnaw hoehpawiteh,
yonnae ka sak e naw hoi cungtalah kai hah na sawn hanh la.
- 4 Ahnimaes sakyoenae hoi kathoute nuencang patetlah patho haw.
Amamae kut hoi a sak awh e patetlah patho haw.
Ahnimouh ni a khang kawi e hah amamae van bout phat sak haw.

- 5 Ahnimouh teh, BAWIPA e thawnew hai thoseh,
 A kutsaknew hai thoseh,
 kâhruetcueth laihoi a pouk awn hoeh dawkvah,
 ahnimanaw hah raphoe vaiteh,
 nâtuek hai ahnimouh teh bout thaw thai mahoehtoe.
- 6 BAWIPA teh yawhawinae awmseh.
 Bangkongtetpawiteh, ka heinae lawk hah a thai toe.
- 7 BAWIPA teh kaie ka thaonae hoi kaie e bahling lah ao.
 Ka lungthin ni a kâuep teh, kabawpnae hah a coe.
 Hatdawkvah, puenghoi ka konawm. Kai ni la hoi ka pholen han.
- 8 BAWIPA teh a miphunnaw e tha lah ao teh,
 satu awi e naw ni kâuep e rungngangnae lah ao.
- 9 Na miphun hah rungngang na teh,
 Nange râw hah yawhawi poe haw.
 Ahnimaeh tukhoumkung lah awm na teh,
 ahnimanaw hah a yungyoe sin haw.

29

BAWIPA lawk

Kathutkung: Devit

- 1 Oe nangmouh athakaawmnaw,
 BAWIPA teh pâm awn haw.
 BAWIPA koe bawilennaeh hoi thayung hah poe awn.
- 2 BAWIPA koe a min hoi kamcu e bawilennaeh hah poe awn
 BAWIPA teh thounghnae kamthoup lahoi bawk awn.
- 3 BAWIPA lawk teh tui dawkwah ao teh,
 Cathut bawilennaeh teh puenghoi a cai,
 BAWIPA teh tui moikapap dawkwah ao.
- 4 BAWIPA lawk teh bahuonae hoi a kawi.
 BAWIPA lawk teh taluenaeh hoi a kawi.
- 5 BAWIPA lawk ni sidar thingnaw a khoe,
 BAWIPA ni Lebanon mon e sidar thingnaw a pâyaw sak.
- 6 Maitoca patetlah a cawkdawkwah sak teh,
 Lebanon hoi Sirion hah savica patetlah a cawkdawkwah sak.
- 7 BAWIPA lawk ni hmisaan hah a kapek.
- 8 BAWIPA lawk ni kahrawng hai a kahuet,
 BAWIPA ni Kadesh kahrawng hai a kahuet.
- 9 BAWIPA lawk ni sayuk ca a khe sak teh,
 kahrawng e thinghna pueng koug a due.
 A bawkim dawkwah tami pueng ni 'a sungren' telah ati awn.
- 10 Tuikalen dawkvah bawitungkhung dawkwah
 BAWIPA teh a tahung
 BAWIPA teh siangpahrang patetlah pou a tahung.
- 11 BAWIPA ni a taminaw hah a thaosak teh,
 BAWIPA ni a taminaw hah roumnaeh lahoi
 yawhawi a poe han.

30

Ratoum patonae yawhawi

Kathutkung: Devit

- 1 Oe BAWIPA na pholen han.

- Bangkongtetpawiteh, na tawmrasang.
 Ka tarannaw ni na panuikhai hane na pasoung hoeh.
- 2 Oe BAWIPA, ka Cathut, nang koe ka hram teh,
 na kabawp teh na dam sak.
- 3 Oe BAWIPA, ka hringnae heh phuen thung hoi na rasa teh,
 tangkom dawk ka bo hoeh nahanlah na hring sak.
- 4 A tamikathoungnaw, BAWIPA pholen hoi la sak awh.
 A min kathoung pahnim hoeh nahanlah, konawm lawk dei awh.
- 5 A lungkhueknae teh tawkkadek doeh,
 a ngaikhainae teh hringyung hane doeh.
 Kanae teh tangmin vah a roe. Hatei, amom vah konawmnae a pha.
- 6 Ka tawnta nateh,
 ka vout mahoehtoe ka ti.
- 7 BAWIPA na ngaikhainae lahoi,
 ka mon teh kacaklah na kangdue sak.
 Na minhmai na hro toteh, ka lungrei a thai.
- 8 Oe BAWIPA nang koe ka hram teh,
 BAWIPA koe ka kâhei.
- 9 Tangkom dawk ka bo toteh,
 ka thi ni bang hawinae maw a tawn.
 Vaiphu ni na pholen vaiteh
 na lawkkatang hah a pâpho han na maw.
- 10 Oe BAWIPA, ka lawk na thai pouh haw.
 Na pahren haw. BAWIPA kâbawmkung lah pou awm haw.
- 11 Ka cingounae hah
 lamnae lah na coung sak.
- 12 Apout totouh ka bawilennaen ni kâhat laipalah na pholen teh, la a sak
 thai nahanlah,
 Oe BAWIPA ka Cathut, a yungyoe hoi konawmnae lawk ka dei han.

31

Tarannaw koehoi BAWIPA kânguenae

Kathutkung: Devit

- 1 Oe BAWIPA, nang doeh na kâuep.
 Kaya hoi na awm sak hanh. Na lannaen hoi na rungngang haw.
- 2 Kai koelah na hnâpakeng nateh, karanglah na rungngang haw.
 Ka kâhronaen lungsong hoi rungngang nahanlah
 ngangnae rapan lah awm haw.
- 3 Bangkongtetpawiteh, nang teh ka lungsong hoi ka kâhronaen lah na o.
 Hatdawkvah, na min kecu dawk na hrawi nateh, na patue haw.
- 4 Kai hanlah, arulahoia phai awh e tamlawk dawkhoi na rasat haw.
 Bangkongtetpawiteh, nang teh ka thaonaen doeh.
- 5 Oe BAWIPA, lawkkatang Cathut,
 na kut dawk ka muitha ka hruek.
- 6 Cungkeihoehoe meikaphawk alawkpui lah kahruengnaw hah ka hmuhma.
 Hatei, kai teh BAWIPA ka kâuep.
- 7 Na pahrennaen lahoi, ka konawm vaiteh, ka lung pou ahawi han.
 Bangkongtetpawiteh, ka runaen hah ouk na hmu pouh.
 Runaen thung ka hringnaen hah na panue.
- 8 Taran kut dawkhoi na poe laipalah,
 A hmuen kawnaen koe ka khok hah ouk na hruek.

- 9 Oe BAWIPA, na pahren haw.
 Bangkongtetpawiteh, runae thungvah ka o.
 Ka lungmathoe lawi ka mit koug a ro toe.
 Bokheyah, ka muiha hoi ka takthai totouh a ro toe.
- 10 Bangkongtetpawiteh, ka hringnae heh
 lungmathoenae hoi koug ka hno toe.
 Kum moikasawlah ka cingou.
 Ka payonnae ni ka thaonae a baw sak.
 Ka hru hai koug a hmawn toe.
- 11 Ka tarannaw ni pathoe hanelah doeh ka o.
 A lawkpui lah, ka imrinaw hanelah hoe ka o.
 Ka hui kahawi ni na panuet teh,
 lam dawk na ka hmawt e ni na yawng takhai.
- 12 Tami kadout patetlah pahnim lah ka o teh,
 ampaikoi patetlah ka o.
- 13 Bangkongtetpawiteh, tami moikapap ni a dei awh e ka thai.
 A hmuen tangkuem takinae ao.
 Ka hringnae la hanelah kâcai laihoi a kamkhueng awh teh,
 kho a khan awh.
- 14 Hatei, Oe BAWIPA, kai ni teh nang doeh na kâuep.
 Ka Cathut doeh ka ti.
- 15 Kaie tuengnaw teh na kut dawk ao.
 Ka tarannaw kut dawk hoi, na kapahuipalamnaw kut dawk hoi,
 na rungngang haw.
- 16 Na san koe na mei ang naseh.
 Na pahrennae lahoi na rungngang lawiseh.
- 17 Oe BAWIPA, kaya hoi na awm sak hanh.
 Bangkongtetpawiteh, nang teh na kaw toe.
 Tamikathoutnaw teh, kaya laihoi phuen vah
 duem awm awh naseh.
- 18 Tamikalannaw taran lahoi, kâoupnae,
 hoi matheng laihoi laithoe deinae pahni teh,
 lawkkamuem lah o sak lah awm seh.
- 19 Oe nang kataketnaw hanelah,
 na pâkhueng e hoi tami capanaw mithmu vah,
 nang kâuepnaw hanelah,
 na noe e na hawinae hah banghloimaw a bawilen.
- 20 Taminaw e arulahoi khokhangnae thung hoi,
 hlout sak nahanelah, ahnimanaw teh,
 na onae koe na hmalah na hro han.
 Tamthoe kadeinaw e lai dawk hoi na rungngang vaiteh,
 na rim dawk na hro han.
- 21 BAWIPA teh pholen lah awm seh.
 Bangkongtetpawiteh, kângairu a pahrennae teh,
 kacakpounge khopui dawk na hmu sak.
- 22 Bangkongtetpawiteh, kai teh na mithmu vah,
 tâkhawng lah yo ka o toe telah tang ka dei.
 Hatei, ka hram teh pahrennae ka hei e lawk hah na thai.
- 23 Oe tamikathounaw pueng,
 BAWIPA teh lungpataw awh.
 Bangkongtetpawiteh, BAWIPA ni yuemkamcu e hah a khetyawt teh,
 kâoupnaw hah moi a pathung.
- 24 BAWIPA kâuepnaw pueng, tarankahawi lah awm awh,

na lungthin a thao sak han.

32

Ngaihoumnae hoi konawmnae

Kathutkung: Devit

- 1 Kâtapoenae ngaithoum lah kaawm e hoi
a yonnae ramuk pouh lah kaawm e teh a yawkahawi e doeh.
- 2 BAWIPA ni yonnae ka tawn hoeh e lah a pouk e hoi,
a muitha dawk dумыennaе kaawm hoeh e teh,
tami a yawkahawi e doeh.
- 3 Yon pâpho laipalah ka o teh, kanîruihui ka cingou navah,
ka hrunaw teh koug a hmawn toe.
- 4 Bangkongtetpawiteh, kanîruihui nange kut ni ka van vah a ri teh,
ka thaonae teh kawmpoi kân e patetlah rem a phui.
- 5 Ka yonnae hah nang koe ka pâpho.
Ka payonnae hai ka ramuk hoeh.
BAWIPA koe ka yonnae ka pâpho han ka ti.
Hahoi, nang ni, ka yonnae hah na ngaithoum.
- 6 Bangkongtetpawiteh, hmu thai lah na o navah,
Cathulae tami pueng ni, nang koe ratoum naseh.
Tûili ka tho nakunghai, ahnimouh teh phat mahoe.
- 7 Nang teh kai hanlah, kâhronae hmuen doeh.
Runae thung hoi na hlout sak han.
Hloutnae la hoi na kalup han. Salah.
- 8 Na cei nahane lamthung na patue han.
Na cangkhai vaiteh, ka mit hoi khet laihoi na hravi han.
- 9 Thaipanueknae ka tawn hoeh e marang hoi la patetlah awm hanh.
Hotnaw teh nang koe a hnai awh hoeh dawkvah,
pahnimoum hoi sawn lah ao han.
- 10 Tamikathoutnaw teh lungreknæ moi a khang awh.
Hatei, BAWIPA kâuep e naw teh a pahrennae ni a kalup han.
- 11 Tami kalannaw, BAWIPA dawk lunghawî awh nateh,
lannaе dawk konawm awh.
Lungthin kalan e tami pueng,
lunghawî awh nateh hram awh haw.

33

BAWIPA dawk hringnae

Kathutkung: Panuekhoeh

- 1 Oe, tamikalannaw, BAWIPA dawk konawm awh nateh, la sak awh.
Pholennaе teh lungthin kalannaw hanelah a kamcu doeh.
- 2 Ratoung hoi BAWIPA teh pholen awh.
rui hra touh e ratoung hoi pholen awh.
- 3 Ama koe la katha sak awh nateh,
lunghawilawk hoi kathoum katang lahoi kueng awh.
- 4 Bangkongtetpawiteh, BAWIPA lawk teh a lan,
a tawk e pueng teh yuemkamculah ao.
- 5 Lannaе hoi kângingnae hah a lungpataw teh,
talai teh BAWIPA hawinae hoi koug akawi.
- 6 BAWIPA e lawk hoi kalvannaw sak lah ao teh,

- kalvan kaawm e pueng hai a kâko hoi e kâha hoi sak e seng doeh.
- 7 Talîpui tuinaw hah a pâkhueng teh,
kadungpoung e tuinaw hah ao nahane hmuen koe a hruk.
- 8 Talai pueng ni BAWIPA taket naseh,
talaivan kaawm e pueng ni ama teh taket awh naseh.
- 9 Bangkongtetpawiteh, lawk a dei boteh ao.
Kâ a poe boteh, kacaklah hmawi a kangdue.
- 10 BAWIPA ni miphunlouknaw e kâpannae teh a takhoe toe.
Tamimaya ni sutpouknae hai banghai bang hoeh lah a coung sak.
- 11 BAWIPA ni kâpankhai e teh a yungyoe a kangning.
Sut a pouk e teh catounnaw hane totouh a cak.
- 12 A Cathut Jehovah lah kaawm e miphun teh a yawhawi.
Ama ni râw lah a rawi e miphun teh, tami yawkahawi e doeh.
- 13 BAWIPA ni kalvan hoi a khet teh,
tami capa pueng koung a hmu.
- 14 A onae hmuen koehoi talai van
kaawm e pueng koung a radoung.
- 15 Tami pueng e lungthin koung a pathoup teh,
a sak e puenghai koung a pouk pouh.
- 16 Siangpahrang teh ransa moikapap a tawn daw
rungngang lah awm hoeh.
Tami a tha kaawm hai a thaonae ni rungngang mahoeh.
- 17 Marang teh rungngang nahanelah
cungkeihoehe ngaihawinae doeh.
Thaonae kalen ni hai rungngang thai hoeh.
- 18 Duenae koehoi hringnae rasa hane hoi
takang daw due hoeh nahanlah,
- 19 khenhaw! BAWIPA e mit ni
ama ka taketnaw koe pou a khet.
- 20 Ka hringnae ni BAWIPA a ring,
ama teh kabawmkung hoi ka bahling doeh.
- 21 Bangkongtetpawiteh, ka lungthin teh ama daw
a konawm han.
Bangkongtetpawiteh, a min kathoung teh kâuep awh.
- 22 Oe BAWIPA, nang daw ngaihawinae ka tawn awh e patetlah
na pahrennae teh, kaimouh lathueng awm lawiseh.

34

Cathut kâuepnaw konawmnae

Kathutkung: Devit, Abimelek hmalah pathu a kâsak nah ahni ni a hrek teh, a ceitakhai nah sak e la

- 1 BAWIPA teh pou ka pholen han.
Ama pholennae teh ka kâko hoi pou tâcawt seh.
- 2 Ka hringnae ni BAWIPA daw a kâoup han.
Kârahnoumnaw ni a thai awh vaiteh, a lunghawi awh han.
- 3 Oe BAWIPA teh na pholen khai awh haw.
A min teh rei kâoupkhai awh sei.
- 4 BAWIPA ka tawng navah, ama ni na thai pouh.
Ka takinae pueng thung hoi na rasa.
- 5 Ama kakhennaw teh, minhmai a pan awh.
Nâtuek hai kayanae awm mahoeh.

- 6 Hete mathoe ni a hram teh, BAWIPA ni a thai.
Runae pueng thung hoi a rasa.
- 7 Ama kataketnaw teh, BAWIPA e kalvantami ni
a teng vah petkâkalup lahoi a tungpup sin aw haw, ouk a rasa aw h.
- 8 Oe, BAWIPA hawinae patek aw haw nateh khen aw haw.
Ama kâuepnaw teh tami a yawkahawinaw doeh.
- 9 Oe, a tamikathoungnaw, BAWIPA teh taket aw h.
A ma kataketnaw teh vouthou p hoi aw m boihoe h.
- 10 Sendektancanaw patenghai ca hane tawn laipalah
vonhlah hoi ouk ao aw h.
Hatei, BAWIPA katawngnaw teh, hnokahawi tawn laipalah,
aw m aw h mahoe h.
- 11 Camonaw tho aw h haw, ka lawk thai aw h haw.
BAWIPA takinae na cangkhai aw h han.
- 12 Apimaw nuenkahawi hoi hring han ka ngai.
Apimaw hnokahawi hmu hanlah hring saw ka ngai.
- 13 Na lai teh yonnae thung hoi ring nateh,
na pahni hah dumnae lawk dei hoe h nahanlah ring haw.
- 14 Yonnae cettakhai nateh hawinae sak.
Rounnae tawng nateh pâleih.
- 15 BAWIPA mit ni tamikalannaw a khet teh,
a hramnae lawk thai hanelah a hnâ a pakeng.
- 16 BAWIPA minhmai ni hawihoe hnae kasakkungnaw hah a taran.
Talai van ahnimou h pou pouknae tâkhangwng pou h lah ao han.
- 17 Tamikalan a hram toteh, BAWIPA ni a thai pou h teh
runae thung hoi a rasa.
- 18 A lungkareknaw hanelah,
BAWIPA a hnai teh, muitha lungkamathoutnaw a rungngang.
- 19 Tamikalannaw ni runae moi a kâhmo aw h.
Hatei, BAWIPA ni hotnaw thung hoi a rungngang.
- 20 A hru pueng a ring pou h,
buet tou h boehai khoe lah aw m mahoe h.
- 21 Hawihoe hnae ni tamikathout thet vaiteh,
tamikalan kahmuhmanaw teh thoebo lah ao aw h han.
- 22 BAWIPA ni a sannaw hringnae hah a ratang teh,
ama kâuepnaw teh buet tou h boehai thoebo lah aw m mahoe h.

35

A taminaw hanlah BAWIPA ni moipathungnae

Kathutkung: Devit

- 1 Oe BAWIPA, kai na ka tarannaw hah, taran van haw.
Kai na katuknaw hah tuk van haw.
- 2 Taisawm hoi bahling lat nateh,
kai kabawp hanelah kangdout haw.
- 3 Tahroe hai patuem nateh, na kapâleinaw hah ngang haw.
Ka hringnae koe vah na kaie rungngangnae doeh tie dei haw.
- 4 Ka hringnae la hanelah, kakâcainaw hah kayayeirai hoi aw m sak nateh,
runae poe hanlah kakâcainaw hah yawng sak nateh,
lungpout hoi aw m sak haw.
- 5 Kahlî ni vaikong palek e patetlah aw m aw h naseh.
BAWIPA e kalvantami ni koug kahmat lah pâlei naseh.

- 6 Ahnimouh ni a dawn aw h e lamthung teh, kahmot e,
ka pâhnan e lam lah aw m naseh.
Hawvah, BAWIPA e kalvantaminaw ni pâlei naseh.
- 7 Bangkongtetpawiteh, a khuekhaw aw m laipalah,
ka kâman nahanelah arulahoi tamlawk a yap aw h toe.
A khuekhaw aw m laipalah, ka bo nahane tangkom a tai aw h.
- 8 Pouk laipalah ahnimouh teh rawk aw h naseh.
Arulahoi tamlawk a yap aw h e daw k amamouh kâman aw h naseh.
Amamae tangkom daw k amamouh baw t aw h naseh.
- 9 Ka hringnae heh BAWIPA daw k a lunghawi vaiteh,
a rungngangnae daw k a konawm han.
- 10 Ka hru pueng ni, BAWIPA nang patetlah apimaw kaawm.
Ahnimouh h lak a tha kaawmnaw thung hoi mathoenaw hah na rasa.
Bokheiyah, mathoe hoi ka voutthoup e hah,
ahnimouh karaphoekung thung hoi na rungngang toe, ati aw h han.
- 11 Kapanuekkhai kaphawk a tho aw h teh,
ka panue hoeh e naw hah na pacei aw h.
- 12 Ka muitha lungmathoe sak nahanelah,
hawinae hah thoenae hoi a patho aw h.
- 13 Hatei, kai niteh, a pataw aw h navah, buri ka kâkhu,
rawchahi hoi kârahnom hoi ka o.
Hahoi, ka ratoumnae teh ka lungthin koe letlang a ban.
- 14 Hui hoi hmaunawnggha ka khui e patetlah,
manu hoi ka khui e patetlah ka kâhlai teh ka tabut.
- 15 Hatei, ahnimouh niteh, ka kangduenae a mathoe toteh,
konawm laihoi a kamkhueng aw h.
Na ka tarannaw teh cungtalah a kamkhueng aw h teh,
hot hah ka panuek hoeh. Kâhat laipalah, koung na phi aw h.
- 16 Cathutlaipa e naw ni,
pawibu venna koe na panuikhai aw h teh, a hâkam na kata sin aw h.
- 17 BAWIPA nâtotouh maw sut na khet han.
Raphoe hanlah kâcainae thung hoi na rungngang haw.
Sendek koehoi ka hringnae hah hlout sak haw.
- 18 Ka lentoe e kamkhuengnae koe,
konawmnae lawk hah ka dei vaiteh,
tami moikapap hmalah ka pholen han.
- 19 Laithoehravnghrang lahoi ka tarannaw ni kai daw k a konawm hanh
naseh.
A khuekhaw aw m laipalah, na kahmuhmanaw ni,
na hmaiet hanh naseh.
- 20 Bangtelah tetpawiteh, roumnae lawk hah dei aw h hoeh niteh,
hete ram taminaw duem ao aw h lahunnah,
dumnae lawk dueng doeh a dei aw h.
- 21 A pahni na ang sin aw h teh,
vehveh, ka mit hoi ka hmu toe ati aw h.
- 22 Oe BAWIPA, het heh na hmu doeh.
Duem aw m hanh. Oe BAWIPA, na hlat takhai hanh.
- 23 Ka Cathut hoi ka BAWIPA,
kai daw k a phat e lawkceng hane kabawp hanelah,
kâhlaw nateh, thaw haw.
- 24 Oe BAWIPA, ka Cathut, na lannaeh lahoi lawk na ceng pouh haw.
Kai daw k a konawm aw h nahanh seh.

- 25 Ahnimouh ni a lung thung hoi
maimae lungngai akuep han toe,
koung payawp aw h han toe tet aw h hanh naseh.
- 26 Ka rucatnae daw k a lungkahawi e naw hah, kayak aw h naseh.
Kai lathueng kâoupnaw hah kayayeirai hoi aw m aw h naseh.
- 27 Ka lanna e daw k kanawmkhaikung teh,
lung hawi hoi la sak naseh.
A san daw k a lung ka hawi e BAWIPA teh,
pholen lah aw m seh telah pou dei aw h naseh.
- 28 Hahoi, ka lai ni na lanna e law k a dei vaiteh,
kanîrurui nang na pholen han.

36

Tami thoena e hoi Cathut kuepcingnae

Kathutkung: Devit

- 1 Tamikathoutnaw ni kâtapoena e daw k
ka lungthung hoi ka tâcaw t e teh,
ahnimae mit daw k Cathut takina e banghai aw m hoeh.
- 2 A payonna e hmaw t hoeh,
panuek hoeh telah, a mithmu vah amahoima
tamikalan lah a kâsak aw h.
- 3 A dei e law k teh, thoena e hoi dumna e dueng doeh.
Kahawi hno sak hane hoi
lungang hane hah a pahnaw t aw h.
- 4 A ikhun van hawihoe hna e hah a pouk teh,
kahawihoehe lamthung thama lahoi a dawn teh,
yonna e hah panuet hoeh.
- 5 Oe BAWIPA na pahrenna e teh kalvan ao teh,
yuem na kamcuna e ni tâmai koe a pha.
- 6 Na lanna e teh kalen e mon patetlah ao teh,
na lawkcengna e teh ka dungpoung e tui patetlah ao.
Oe BAWIPA, tami hoi saringnaw hah ouk na khetyaw t.
- 7 Oe Cathut, na lungpatawna e teh banghloimaw a sungren.
Hatdawkvah, tami capanaw ni na tâhlip hah a kâuep aw h.
- 8 Na imthung vah, kapap e hnokahawi hoi na boum sak teh,
na konawmna e palangtui na nei sak.
- 9 Nang koe vah hringna e tuikhu teh ao.
Na angna e dawkvah, angna e hah ka hmu aw h.
- 10 Oe, nang kapanueknaw koe,
na lungpatawna e pou aw m na seh,
lungthin kalannaw koe na lanna e kamnuek naseh,
- 11 Kâoupna e khok teh kai taranlahoi
tho nahanh seh.
- 12 Haw tueng vah, tamitongthoenaw koung a rawp aw h toe.
Tâkhawng lah ao aw h teh, thaw aw h mahoe h toe.

37

Tamikalan ni coe e râw hoi tamikathout ni coe e raw k kahmana e

Kathutkung: Devit

- 1 Thoena e kasaknaw kecu daw k lungmathoe hoi aw m hanh aw h.
Payonna e kasaknaw hai ut aw h hanh.

- 2 Bangkongtetpawiteh, phokahring patetlah palang kamyai aw h vaiteh,
anhna kahring patetlah palang a due aw h han.
- 3 BAWIPA kâuep nateh, hawinae hah sak haw.
Ram thung awm nateh, yuemkamcunae hah hringkhaih.
- 4 BAWIPA dawk konawm haw.
Na lungngai e hah na poe han.
- 5 Na lamthung hah BAWIPA koe poe haw,
ama kâuep haw, ama ni a sak han.
- 6 Na lannae teh angnae patetlah tâcawt sak vaiteh,
na kângingnae hah kanîthun patetlah ao sak han.
- 7 BAWIPA dawk kâhat nateh, lungsaw laihoi ring haw.
Amamae lamthung dawk tânae kahmawtnaw kecu dawk thosoh,
thoenae a noe e naw dawk a kâvoe aw h kecu dawk thosoh,
na lungmathout hanh.
- 8 Na lungphuen sak hanh,
lungkhueknae cettakhai haw.
Lungmathoe hoi awm hanh.
Hot ni teh, hawihoehnae koe doeh na hrawi.
- 9 Bangtelah tetpawiteh, thoenae kasaknaw teh, raphoe lah ao aw h han.
Hatei, BAWIPA ka ngaihawi e naw ni, talai heh râw lah a coe aw h han.
- 10 Bangtelah tetpawiteh, tamikathoutnaw teh dongdengca dawk awm aw h
mahoe h toe.
Bokheiyah, a onae hmuen koe kahawicalah na tawng han,
hatei, awm mahoe h toe.
- 11 Hatei, a lungkanem e ni talai râw a coe vaiteh,
kapap e roumnae dawk a lunghawi aw h han.
- 12 Tamikathout ni tamikalan a youk teh,
a hâkam a kata sin.
- 13 Hatei, Bawipa ni tamikathout teh a panui sin.
Bangkongtetpawiteh, ahnimae hnin ka tho hane hah a panue.
- 14 Mathoe hoi kavoutthoupnaw kamlei sak hane hoi,
kalan lah kahringnaw thei hanelah,
tamikathoutnaw ni amamae tahloi sut a rayu aw h teh,
licung sut a sawn aw h toe.
- 15 Hatei, amamae tahloi teh amamae lung dawk kâen vaiteh,
ahnimae licung teh khoe lah ao han.
- 16 Tamikathout ni tawnta e hlak,
tamikalan ni younca a tawn e ahawihnawn.
- 17 Bangtelah tetpawiteh, tamikathout e kut teh khoe lah awm vaiteh,
tamikalan e kut teh BAWIPA ni a kabawp han.
- 18 BAWIPA ni tamikalannaw e hnin a panue pouh teh,
a coe aw h e râw teh a yungyoe kangning e doeh.
- 19 Ahnimouh teh, atueng mathoe nahaiyah,
yeyirai phawt aw h mahoe h.
Takang tue nahaiyah, a von a paha aw h han.
- 20 Hatei, tamikathout teh a kahma han.
BAWIPA e tarannaw teh,
ka sungren e phokahring patetlah kahmat aw h vaiteh,
hmaikhu lah a pâyam aw h vaiteh a kahma aw h han.
- 21 Tamikathout niteh, a cawi e patho hoe h toe.
Hatei, tamikalan niteh, a pahren teh a poe.

- 22 Bangtelah tetpawiteh, yawhawi poe lah kaawmnaw ni
talai râw a coe awh han.
Thoebo lah kaawmnaw teh raphoe lah ao awh han.
- 23 Tamikalannaw e khoktabei teh BAWIPA ni a caksak teh,
a ceinae lamthung hah a ngai pouh.
- 24 A tâlaw nakunghai, poutnae koe phat mahoe.
Bangkongtetpawiteh, BAWIPA ni ahnie kut a kuet pouh.
- 25 Thoundoun lah ka o teh ka matawng toe.
Tamikalan ceitakhai e ka hmawt boihoeh.
A ca catounnaw kutdaw lah ao e ka hmawt boihoeh.
- 26 Ayâ a lungma teh, a cawi sak dawkvah,
a ca catounnaw teh yawhawinae a coe awh.
- 27 Yonnae cettakhai nateh, hawinae sak nateh,
hete ram dawк pou awm haw.
- 28 Bangkongtetpawiteh, BAWIPA ni kângingnae hah a lungpataw.
A tamikathoungnaw cettakhai boihoeh.
Lungmawng lah pou ao sak.
- 29 Tamikalan ni ram heh râw lah a coe vaiteh,
a thung vah kho pou a sak awh han.
- 30 Tamikalan e pahni ni lungangnae lawk a dei teh,
a lai ni kângingnae hah a pâpho.
- 31 A Cathut e kâlawk teh a lungthin thung ao dawkvah,
a cei toteh tâlaw mahoe.
- 32 Tamikathout ni tamikalan a pawp teh,
thei hanelah ouk a tawng.
- 33 Hatei, BAWIPA ni ahnie kut dawк tamikalan hah tâkhawng mahoe.
Lawkceng lah ao nakunghai yonpen lah awm mahoe.
- 34 BAWIPA hah ring haw.
A lamthung hah dawn haw.
Hete ram coe hanelah, na tawmrasang han.
Tamikathoutnaw koung raphoe lah ao e hah na hmu han.
- 35 Tamikathout hoi tamitongthoenaw teh, ung e thingkung patetlah,
hluthlut a naw awh e hah ka hmu toe.
- 36 Hatei, a due teh, khenhaw! ahni teh awm hoeh toe.
Bokheiyah, ka tawng eiteh, hmu hane awm hoeh toe.
- 37 Kuepnae hah pouк nateh, lannaeh hah lueplueppouк haw.
Bangkongtetpawiteh, hmâ lah a coe hane teh,
lungmawngnae doeh.
- 38 Hatei, tamikayonnaw teh,
koung raphoe lah awm vaiteh,
tamikathoutnaw ni a coe hane haiyah,
raphoenae hah doeh.
- 39 Tamikalan rungngangnae teh, BAWIPA koehoi doeh.
Ahni teh runae tueng nah kânguenae im doeh.
- 40 BAWIPA ni kabawm vaiteh, a rungngang han.
Ama a kâuep dawkvah, tamikathoutnaw thung hoi
a rasa teh ouk a rungngang.

- 1 Oe BAWIPA lungphuen laihoi na yue hanh lah a.
Puenghoi lungkhuek laihoi hai na yue hanh.
- 2 Na tahroe ni kai hah na thut dawkvah,
na kut ni hoe na nam sin.
- 3 Na lungphuennaec kecu dawk, ka takthai dawk damnae awm hoeh.
Ka yonnae kecu dawk ka hru damnae awm hoeh.
- 4 Ka payonnae ni ka lû a ramuk dawkvah,
ka phu thai hoeh e hno patetlah doeh ao.
- 5 Ka pathunae kecu dawk, ka hmâ dukhnai teh,
a hmui a tho toe.
- 6 Patawnae khang hoi ka kâkalawng teh,
kanîruihui lungmathoe hoi ka cingou.
- 7 Bangkongtetpawiteh, ka laheibawnaw a kâan poung dawkvah,
ka takthai dawk damnae roeroe awm hoeh.
- 8 Ka tâwn poung teh ka lung a rek dawkvah,
ka lung a kâraphei teh ka cingou.
- 9 BAWIPA, ka ngainae pueng teh na hmalah ao.
Ka cingounae hai kounge na panue.
- 10 Ka lung a duem teh tha ka tawn hoeh toe.
Ka mit angnae hai takuettakuet a mawm toe.
- 11 Ka patawnae dawk ka pahren e naw hoi huikonaw ni,
na hnai ngai awh hoeh toe.
Ka imthungnaw ni hai na roun awh toe.
- 12 Ka hringnae la han kakâcainaw nihai,
kai hanlah karap a patûng awh.
- 13 Hatei, kai teh, hnâpang patetlah ka thai hoeh,
lawka patetlah doeh ka o.
- 14 Hottelah, ka thai hoeh e patetlah ka o teh,
ka pato thai hoeh e patetlah ka o.
- 15 Oe BAWIPA, nang dawk ngaihawinae ka tawn dawkvah,
Oe BAWIPA, ka Cathut, na thai pouh haw.
- 16 Na thai pouh haw, hoehpawiteh, kai dawk a konawm awh vaiteh,
ka khok a thawn toteh, kai taranlahoi kâoup awh payon vaih ka ti.
- 17 Kai teh rawp hane coungkacoe ka o dawkvah,
ka lungmathoenae teh pou ka pouk.
- 18 Ka yonnae ni ka lung a puen sak dawkvah,
peng ka pâpho ngala toe.
- 19 Hatei, ka tarannaw teh, a tak a dam awh, a thao awh.
A khuekhaw awm laipalah na kahmuhmanaw teh, apap awh.
- 20 Hawinae hah yonnae hoi kapathonaw hai,
hawinae ka tarawi kecu ka taran lah ao awh.
- 21 Oe BAWIPA, na cettakhai hanh.
Oe ka Cathut, na hlat takhai hanh.
- 22 Oe rungangnae BAWIPA,
karanglah na kabawm haw.

39

Lungangnae hoi ngaithoumnae

Kathutkung: Devit

- 1 Lawk hoi boehai ka payon hoeh nahanelah,
kai teh ka kâhruetcuethan.

- Tamikathoutnaw ka hmalah ao awh lahun nah,
ka pahni ka moum han telah ka ti.
- ² Lawk dei laipalah duem ka o.
Hawinae boehai dei laipalah duem ka o teh,
ka lung hoehoe a mathoe.
- ³ Ka lungthin teh ka thung vah a kâan.
Luepluep ka pouk lahun nah, hmai a kak.
Hat toteh, ka kâko hoi lawk ka dei.
- ⁴ BAWIPA ka thayounnae ka panue thai nahan,
ka poutnae na panuek sak haw.
Ka hringnae hnin hai na panuek sak haw.
- ⁵ Bokheiyah, ka hringyung heh khap touh dueng na sak teh,
ka kumnaw hai na hmalah, banghai bang hoeh lah doeh ao.
- ⁶ Tami pueng teh tâhlip patetlah doeh koug a loum awh.
Banghai bang hoeh e doeh a pâlei awh.
Hnopai thouk a pâkhueng awh teh,
apie lah maw ao han vai tie panuek awh hoeh.
- ⁷ Bawipa, atu ka panue e heh bang na maw.
Nang teh ka ngaihawi e lah na o.
- ⁸ Kâtapoena pueng thung hoi na rasat haw,
tamipathunaw ni panuikhai hanelah na awm sak hanh.
- ⁹ Nang teh, kasakkung lah na o dawkvah,
ka kâko ka ang laipalah duem ka o.
- ¹⁰ Na reknae heh na takhoe pouh leih,
na kut hoi hemnae ni koug na raphoe toe.
- ¹¹ Taminaw e payonnae hah na yue teh,
na rek pawiteh ahriai ni a ca e patetlah,
taminaw e taluenaeh teh, na kahma sak.
Atangcalah, tamipueng ahrawnghrang doeh.
- ¹² Oe, BAWIPA, ka ratounnae na thai pouh haw.
Ka hramnae lawk koelah, na hnâpakeng haw.
Ka mintonaw patetlah imyin hoi kahlawng ka cet rumram e lah ka
o.
- ¹³ Kaawm toun laipalah, ka khup hoehnahlan vah,
ka ko bout a nawm nahanelah, na pasai haw.

40

Tanouknae dawk kacaklah yuemnae

Kathutkung: Devit

- ¹ BAWIPA teh lungsaw laihoi ka ring.
Kai koe lah a kamlang teh, ka hram e lawk hah a thai.
- ² Rawknae tangkom hoi tangdong thung hoi na rasa.
Ka khok hah talung van a hruek teh, kacaklah na kangdue sak.
- ³ Maimae Cathut pholenna la katha hah ka pahni dawk a hruek.
Tamimaya ni hot hah hmawt vaiteh, a taki awh vaiteh,
BAWIPA a kâuep awh han.
- ⁴ Ka kâoupnaw hoi cathutkaphawk koe lah lam kaphennaw koe lam ka
phen hoeh niteh,
BAWIPA ka kâuepnaw teh tami yawkahawi e doeh.
- ⁵ Oe BAWIPA kaie Cathut, kângairu hno na sak e naw hoi,
kaimouh hanlah na pouk e naw hah moi apap.

- Na hmalah boeba hai ka dei thai lek hoeh.
 Ka dei vaiteh, ka pâpho pawiteh, touk thai e hloilah doeh ao.
- ⁶ Thuengnae hoi poenae hah na ngai e nahoe.
 Hmaisawi thuengnae hoi yon thuengnae hah na hei e nahoe.
 Ka hnâ teh na ang sak.
- ⁷ Hatnavah, khenhaw! cakalawng dawk kaie kong thut e patetlah
 kai teh ka tho.
- ⁸ Oe Cathut, na lungngai sak e heh ka konawmnae doeh.
 Na kâlawk hai ka lungthung vah ao.
- ⁹ Kalenpounge kamkhuengnae koe vah, lanna kamthang hah ka pâpho
 toe.
 Dei hanelah ka kâcakuap hoeh.
 Oe BAWIPA, nang nama ni roeroe na panue doeh.
- ¹⁰ Na lannaeh teh, ka lungthung vah ka hro teh,
 yuemkamculah na onae hoi na rungngangnae hah ouk ka pâpho.
 Puenghoi kamkhuengnae koe na pahrennae hoi na lawkkatang teh
 duem kaawm khai thai hoeh.
- ¹¹ Oe BAWIPA, ngai kaawm e na lungmanae teh
 na pasoung laipalah awm hoeh.
 Na pahrennae hoi na lawkkatang ni, pout laipalah na ngue lawiseh.
- ¹² Bangkongtetpawiteh, touklek hoeh e runae ni na kalup,
 ka payonnae ni na tâ.
 Hatdawkvah, lathueng lah ka khen thai hoeh.
 Ka lû dawk e sam hlak apap. Hatdawkvah, ka lungthin teh a tâwn.
- ¹³ Oe BAWIPA, pahren lahoi na rungngang haw.
 Oe BAWIPA, karanglah na kabawm haw.
- ¹⁴ Ka hringnae raphoe hanlah katawngnaw teh,
 kaya laihoi awm awn naseh.
 Kai thoenaeh dueng kangainaw teh,
 kaya laihoi pâlei lah awm naseh.
- ¹⁵ Ekeh, Ekeh, katetnaw hah
 a pouknae kadeng lah kayak awn naseh.
- ¹⁶ Nang katawngnaw pueng teh,
 nang dawk konawm laihoi lunghaw i awn naseh.
 Na rungngangnae ka lungpataw naw ni,
 BAWIPA teh tawmrasang lah awmseh telah pout laipalah tet awn
 naseh.
- ¹⁷ Kai teh tamimathoe hoi tamikavout doeh.
 Hatei, BAWIPA ni ouk na pouk.
 Nang teh na kabawmkung hoi rungngangkung doeh.
 Hnawngcawn hanh lawi a ka Cathut.

41

Cathut e tami khangnae hoi yawhawinae

Kathutkung: Devit

- ¹ Tamimathoe hanelah ka pouk pouh e tami teh a yawkahawi e doeh.
 Runae tueng nah ahni hah BAWIPA ni a hlout sak han.
- ² BAWIPA ni a hlout sak vaiteh, a pasai han.
 A tarannaw koe poe hanlah na pasoung mahoe.
- ³ A pawaw teh sut a yan navah BAWIPA ni thapoe vaiteh,
 amae hmalah bout na thaw sak han.
- ⁴ BAWIPA na pahren haw, ka hringnae heh dam sak haw.

Bangkongtetpawiteh, nang taranlahoi ka yon toe telah ka ti.

- 5 Ka tarannaw ni nâtuék maw a due vaiteh a min raphoe lah ao han telah, thoenaé koelah dueng na dei aw h.
- 6 Na tho sin nahaiyah laithoe duengdoeh a dei aw h.
A lungthin ni payonnaé dueng hah a pâkhueng teh,
alawilah a tâco nah tangkuem koe ouk a dei.
- 7 Na kahmuhmanaw pueng ni kai taranlahoi arulawk a kâdei aw h teh,
kai pataw nahane dueng doeh a kâdei aw h.
- 8 Patawnaé kathout ni a man toun g dawkvah, atu sut a yan toe,
thaw mahoe h toe telah a kâdei aw h.
- 9 Ka hui kahawi, ka kâuep e, kaie rawca ka cat e niyah,
kai taranlahoi a khokpaimai na tawm sin.
- 10 Hatei, Oe BAWIPA, ahnimouh moi ka pathung thai nahanlah,
na pahren nateh, bout na thaw sak haw.
- 11 Hete kong daw k kai daw k na lung hawi doeh tie ka panue.
Bangkongtetpawiteh, ka tarannaw ni na tâ aw h hoeh.
- 12 Kai teh pouknaé kalan ka tawn dawkvah,
na tawm nateh na hmalah pou na hrueng haw.
- 13 Isarel BAWIPA teh, a yungyoe hoi a yungyoe totouh
pholen lah aw m lawiseh.
Amen hoi Amen.

42

Runae koehoi Cathut dounnae

Kathutkung: Korah capanaw

- 1 Sakhi ni tuisi a doun e patetlah Oe Cathut,
ka hringnae ni nang na doun.
- 2 Ka hringnae ni Cathut, ka hring Cathut hah a kahran.
Nâtuék ne Cathut koe ka pha vaiteh, ka minhmai ka patue van han
vai.
- 3 Ayânaw ni na Cathut teh nâmouh ao vâ pou ati aw h dawkvah,
karum khodai ka mitphi teh khap laipalah ka rawca lah ao.
- 4 Tamimaya hoi Cathut im rei cei aw h navah, konawm laihoi,
pholen la rei sak aw h navah,
tamimaya hoi paw i koe rei cei aw h e naw hah,
bout ka pouk toteh, ka hringnae heh ka thung vah ka rabaw k.
- 5 Oe, ka hringnae bang daw k ne sut na ngam.
Bangkongmaw ka thungvah runae na kâhmo.
Cathut hah ngai hawi haw.
Bangkongtetpawiteh, ama teh ka pholen han rah,
na ka rungngangkung hoi ka Cathut.
- 6 Ka hringnae teh ka lungthung a lungmathoe dawkvah,
Jordan ram, Hermon ram hoi Mizar,
mon koehoi nang teh pou na pouk.
- 7 Na tuitâto pawlawk daw k,
tui kadung hoi tui kadung a kâpan teh,
na tuicapa ka thaw e ni koung na ramuk toe.
- 8 BAWIPA ni khodai lah a pahrennae hah na poe teh,
karum lah pholennaé la sak laihoi,
ka hringnae Cathut koe ratoum laihoi ka o.
- 9 Ka lungsong, Cathut koe vah, bangkongmaw na pahnim.

Bangkongmaw ka tarannaw ni
na pahuipalam awh kecu dawk
ka lung a mathoe han rah, telah ka dei han.

- 10 Ka tarannaw ni nâmouh na Cathut teh ao telah
na panuikhai kecu dawk,
ka hru koung a khoe awh mue toe telah ka pouk.
- 11 Ka hringnae bangkongmaw na lung a mathoe.
Bangkongmaw ka thungvah, runae na kâhmo.
Cathut hah kâuep haw.
Bangkongtetpawiteh, ama teh ka pholen han rah.
Na kabawmkung hoi na ka damsakkung doeh.

43

Runae thung hoi Cathut koe ratoumnae

Kathutkung: Korah capanaw

- 1 Oe Cathut, lawk na ceng pouh haw.
Cathutlaipa e miphunnaw hmalah
ka kong heh lawk na ceng pouh haw.
Oe tamikathoutnaw hoi kadumyennaw koehoi na rungnang haw.
- 2 Bangkongtetpawiteh, nang teh kaie Cathut rapanim doeh.
Bangkongmaw na hnoun.
Bangkongmaw na ka tarannaw kecu ka lung ouk a mathoe.
- 3 Oe, na angnae hoi lawkkatang hah patoun haw.
Hot niyah na hrawi naseh.
Na mon kathoung hoi na onae lukkareim dawk na phatkhai naseh.
- 4 Hottelah Cathut e thuengnae khoungroe,
ka konawmnae Cathut koe ka cei han.
Oe Cathut, ka Cathut, ratoung hoi na pholen han.
- 5 Oe ka hringnae Bangkongmaw na lung a mathoe.
Bangkongmaw ka thung vah, runae na kâhmo.
Cathut hah kâuep haw, ama teh ka pholen han.
Na kabawmkung hoi na kadamsakkung Cathut doeh.

44

Yeiraiponae koehoi ratangnae pahnimhoehnae

Kathutkung: Korah capanaw

- 1 Oe Cathut, ayan vah mintoenaw se nah na sak e hah,
a dei awh teh ka hnâ ni a thai.
- 2 Na kut hoi miphunlouknaw hah na pâlei.
Hatei, mintoenaw hah a hmuen na poe,
ayânaw hah runae na poe teh na pâlei.
- 3 Bangkongtetpawiteh, ram teh tahloi hno lahoi a la awh e nahoe.
A kut hoi kârunngang awh e hai tho hoe.
Hatei, na thaonae kut hoi na minhmai angnae lahoi ram a la awh e
doeh.
- 4 Oe Cathut, nang teh kaie Siangpahrang doeh.
Jakop hanelah tânae kâ poe haw.
- 5 Nang pawlawk lahoi ka taran hah ka tâ awh han.
Na min lahoi ka tarannaw hah rep ka coungroe awh han.
- 6 Bangkongtetpawiteh, kaie licung hah ka kâuep mahoe.
Kaie senehmaica ni na rungnang mahoe.

- 7 Hatei, ka taran thung hoi na rungngang teh,
na kahmuhmanaw hah yeiraipo hoi na o sak.
- 8 Hnintangkuem Cathut dawk ka kâoup teh,
a min hah pou ka pholen.
- 9 Hatei atu teh hnam na thun takhai teh, yeiraipo hoi na o sak.
Kaimae ransanaw koe bout na cet boihoeh.
- 10 Taran hmalah na yawng sak teh,
na ka tarannaw ni a ngai patetlah na lawp awh.
- 11 Tu thei hane patetlah na ceikhai teh,
miphun pueng koe koung na kathek awh.
- 12 Na taminaw hah banghai bang hoe hlah na yo teh,
aphu teh na bawi khai kalawn hoe h.
- 13 Imrinaw lungkuep nahane hoi,
tengpam e taminaw ni dudam e hoi,
panuikhai hanelah na coung sak aw h toe.
- 14 Miphunlouknaw ni lairui lah rui hane hoi,
taminaw ni lûsaling sin hanelah na coung sak aw h toe.
- 15 Na kapathoenaw hoi na kahmuhmanaw e lawk kecu hoi,
tarannaw hoi moi ka pathungnaw kecu daw k,
- 16 kayanae teh ka hmalah pout laipalah ao teh,
ka kayanae ni ka minhmai a ramuk.
- 17 Hotnaw pueng ni na bo sin.
Hatei, na pahnim boihoeh.
Na lawkkam hai ka tapoe boihoeh.
- 18 Kaimae lungthin hnuk kâhnawn hoe h niteh,
na lamthung hai ka phen boi aw h hoe h.
- 19 Hatei nang ni kahrawnguinaw onae koe koung na phi teh,
kaimouh lathueng duenae tâhlip hoi na ramuk aw h.
- 20 Kaimouh ni, kamamae Cathut min ka pahnim aw h teh,
ramlouk cathut koe ka kut ka dâw aw h pawiteh,
- 21 Cathut ni tang panuek mahoeh maw.
Bangkongtetpawiteh, lungthin e arulaw k hai kapanuekkung doeh.
- 22 Nang hanelah hnintangkuem thei lah ka o aw h.
A thei hane tu patetlah doeh na pouk aw h.
- 23 Kâhlaw haw, Oe BAWIPA, bangkongmaw muet na i.
Thaw nateh hnamthun takhai hanh leih.
- 24 Bangkongmaw na minhmai pou na hro teh,
runae hoi kapahuipalamnaw kâhmo aw h e heh ouk na pahnim.
- 25 Talai daw k minhmai rekkâbet lah ka tabut teh,
vaiphu daw k ka tabo.
- 26 Na kabawmkung hanelah tho haw,
na lungmanae lahoi na ratang haw.

45

Messiah hoi a langa bawilennae

Kathutkung: Korah capanaw

- 1 Ka lungthin heh hnokahawi hoi a poum teh,
Siangpahrang kong hah ka dei han.
Ka lai teh ca kathutkung e cacung patetlah coungkacoe ao.
- 2 Nang teh tami capanaw hlak na mei ahawihnawn.
Na pahni daw k pahrennae awi lah ao.

- Hatdawkvah, Cathut ni yawhawi pou na poe.
- ³ Oe athakaawme, na bawilennae hoi na taluena hoi, na tahloi teh na keng dawk kâyeng haw.
- ⁴ Lawkkatang hoi kârahnoumnae hoi lanna kecu dawkvah, na taluena hoi ka tânae lahoi marang daw kâcui haw. Hottelah, aranglae kut hoi kângairu hnonaw hah na cangkhai han.
- ⁵ Ka pasum e tahroe hoi siangpahrang e tarannaw e lung teh poukkayawng lah thun naseh. Na lungtabue daw koug rawm aw h naseh.
- ⁶ Oe Cathut, na bawitungkhung teh a yungyoe kangning e doeh. Lanna na sonron hai na ram sonron lah doeh ao.
- ⁷ Lanna hah lung na pataw teh, thoena hah na hmuhma. Hatdawkvah, Cathut, na Cathut ni, satu hah na awi toe. Na huinaw hlak hai, konawmnae satu hah na awi toe.
- ⁸ Na khohna pueng daw hoi murah hoi aloenaw hoi, khasia hmuitui a hmui teh, kasaino hoi pathoup e siangpahrang innaw ni na lunghawi sak.
- ⁹ Bari kaawm e napui na tawn e naw thung dawkvah, ramlouk siangpahrangnaw e canunaw hai a bawk teh, nange aranglah Ophir sui hoi kamthoup e siangpahrangnu teh a tahung.
- ¹⁰ Oe, Canu thai haw, pouk nateh na hnâpakengh. Na taminaw hoi na pa im kaawm e naw hai pahnim haw.
- ¹¹ Hottelah pawiteh, siangpahrang ni na meihawinae hah a ngai katang han, ahni teh na bawipa doeh, bari haw.
- ¹² Taire canu ni poehno sin vaiteh, tamimaya thung daw hoi na tawnta e ni na minhmai hawi a tawng aw h han.
- ¹³ Siangpahrang im e siangpahrang canu teh, a sungrenpoung teh, a khohna teh sui hoi pathoup e lah ao.
- ¹⁴ Pathoup e hni kahawi kâkhu hoi siangpahrang koe cetkhai aw h vaiteh, tanglakacuemnaw ama hnukkâbang hane naw hah ahni koe a thokhai aw h han.
- ¹⁵ Lunghawi thahmeica lahoi thokhai aw h vaiteh, siangpahrang im a kâen aw h han.
- ¹⁶ Napanaw yueng lah na canaw awm aw h vaiteh, ahnimouh teh talai van pueng daw k siangpahrang lah na o sak han.
- ¹⁷ Na min teh se pueng daw panue hanelah ka sak han. Hatdawkvah, tami ni pou na pholen han.

46

Kânguena Cathut

Kathutkung: Korah capanaw

- ¹ Cathut teh ka kânguena hoi ka thaonae doeh. Runae tueng navah kabawmkung kahnai poung e doeh.
- ² Hatdawkvah, talai heh kampuen niteh, monnaw teh tali daw k bawt nakunghai, ka taket mahoe.
- ³ Tuinaw teh hramki laihoi ka phuen nakunghai, tuicama ni mon totouh ka thaw nakunghai, ka taket mahoe.
- ⁴ Palang buet touh ao teh, a cakang teh Cathut khopui, Lathueng Poung onae koe totouh, ka konawmsakkung lah ao.
- ⁵ Cathut teh a thung vah ao teh, kâhuen mahoe.

Khodai toteh Cathut ni a kabawp han.

6 Miphun pueng teh a hramki aw. h.

Uknae pueng teh a kâhuet.

Ahni ni a lawk a tho boteh, talai teh a kamyawt.

7 Ransahu BAWIPA teh, maimouh koe ao teh,

Jakop Cathut teh kânguenae doeh.

8 Tho aw. h. haw, BAWIPA ni a sak e naw hoi

talai van e hno a raphoe e naw pueng hah kenhaw.

9 Ama ni tarantuknae hah talai pout totouh a roum sak teh,

licung hah a khoe.

Tahroe hah a tâtueng teh, lengnaw hah hmai hoi koug a sawi.

10 Duem aw. m. aw. h. nateh, Cathut lah ka o e heh panuek aw. h.

Miphunnaw koe tawm lah ka o vaiteh,

talai van vah tawm lah ka o han.

11 Ransahu BAWIPA teh, maimouh koe ao.

Jakop Cathut teh kânguenae doeh,

47

Talai ukkungnaw Cathut pholen aw. h.

Kathutkung: Korah capanaw

1 Oe taminaw pueng, na kuttabawng aw. h. nateh,

tânae lawk hoi Cathut koe hram aw. h. sei.

2 Jehovah Lathueng Poug teh takitho poung.

Ama teh talai pueng e Siangpahrang kalen doeh.

3 Maimae rahim tamipueng tabut sak vaiteh,

maimae khok rahim miphunnaw a tabut sak han.

4 A lungpataw e Jakop hanelah, kahawipoug e bawilennae lah kaawm e,

maimae râw hah maimouh hanlah na rawi pouh.

5 Cathut teh hram laihoi a luen teh,

BAWIPA teh mongka lawk hoi a luen.

6 Cathut pholen hoi la sak aw. h. nateh, pholen hoi la sak aw. h.

Maimae Siangpahrang koe pholen hoi la sak aw. h. nateh,

pholen hoi la sak aw. h.

7 Cathut teh talai pueng e Siangpahrang doeh.

Sam la hoi pholen la sak aw. h.

8 Cathut teh miphun pueng lathueng Siangpahrang lah ao teh,

Cathut teh a bawitungkung daw. k. lawkceng laihoi a tahung.

9 Miphun pueng e tami kacuenaw teh,

Abraham Cathut e miphun koe a kamkueng aw. h.

Bangkongtetsawiteh, talai siangpahrangnaw teh,

Cathut ni a tawn e doeh. Ama teh hoe tawmrasang lah ao.

48

Zion vah Cathut bawilennae

Kathutkung: Korah capanaw

1 BAWIPA teh a lentoe poung.

Cathut khopui daw. k. lentoe poung lah,

amae mon kathoung daw. k. pholen hanlah a kamcu.

2 Zion mon atunglah kaawm e teh

arasang teh a meihawi.

3 Cathut teh a im daw. k. vah ao teh,

- a kânguenae rapan tie panue lah ao.
- ⁴ Bangkongtetpawiteh, siangpahrangnaw a kamkhueng aw haw teh, cungtalah a dei aw haw.
- ⁵ A hmu aw haw toteh, a kalue aw haw teh koun a yawng aw haw.
- ⁶ Kanitholah e kahli hoi
Tarshish long kalennaw ouk a raphoe e patetlah,
- ⁷ Haw tueng vah, takinae ni a man aw haw teh, napui camokhe pataw e patetlah a man aw haw.
- ⁸ Panue aw haw tangcoung e hoi hmu aw haw tangcoung e patetlah, ransahu BAWIPA khopui, maimae Cathut khopui teh, Cathut ni a yungyoe hanelah a caksak han.
- ⁹ Oe Cathut, na bawkim lungui vah, na pahrenlungmanae ouk ka pouk aw haw.
- ¹⁰ Oe Cathut, na min patetlah nang pholennae ni, talai pout totouh a pha teh, nange aranglae kut teh lannae hoi akawi.
- ¹¹ Na lawkcengnae dawkvah,
Zion mon teh lunghawi naseh,
Zion canu hai konawm naseh.
- ¹² Zion hah lawngven aw haw nateh,
imrasangnaw hah parei aw haw haw.
- ¹³ Sekatha daw kaawm han rae naw koe patuen na dei thai aw haw nahanlah,
kalupnae hah pâkuem aw haw nateh,
siangpahrang innaw haw pouk aw haw haw.
- ¹⁴ Bangkongtetpawiteh, Cathut teh a yungyoe maimae Cathut doeh.
A hni teh maimouh due totouh hai na kahrawikung lah ao.

49

Pathu lungmawngnae

Kathutkung: Korah capanaw

- ¹ Tamimaya hetheth thai aw haw.
Talai van kaawm e pueng thai aw haw haw.
- ² Ka rahnoum hoi ka rasang,
ka tawnta hoi ka mathoe pueng cungtalah thai aw haw haw.
- ³ Ka kâko ni lungangnae lawk a dei han.
Hahoi, ka lungthin khopouknae ni panuethainae a poe han.
- ⁴ Cingthuilaw koe lah ka hnâ ka pakeng vaiteh,
lawk ka ru ka dei e hah, ka ratoung hoi ka cai sak han.
- ⁵ Thoena ni na kalup navah,
bangkongmaw hnin kathout nah ka taki han.
- ⁶ Ahnimouh teh amamae hnopai hah a kâuep aw haw teh,
a tawnta aw haw e daw k ka kâoup aw haw nakunghai,
- ⁷ amamae hmaunawngnae apinihai ratang thai mahoe.
Ratangnae phu Cathut koe poe thai hoe.
- ⁸ Ahnima hringnae ratang nahane apu apap poung.
Hatdawkvah, nâtuok hai poe hane khout thai hoe.
- ⁹ Ratang pawiteh, a yungyoe a hring han doeh.
Pawknae koe phat mahoe.
- ¹⁰ Tamilungkaang hai a due.

- Hot patetvanlah, tamipathu hoi
 bangpuihangpa lah kaawm hoeh e hai a due van.
 Hahoi, hnopainaw hah ayânaw hanelah
 a ceitakhai awh tie hah a hmu awh.
- 11 A lungthung hoi teh amamae im hah
 a yungyoe kangning hanelah a pouk awh.
 A onae im hah se pueng dawck kangning hanelah a pouk awh.
 Amamae ram hah a min a phu sak awh.
- 12 Hatei, tami heh bari lah ao eiteh, kangning hoeh.
 Kahmakatanae koe ka phat e saring patetlah doeh ao.
- 13 Hethateh tamipathunaw e lamthung doeh.
 Hahoi, a catounnaw hai a dei awh e patetlah ao awh.
- 14 A duenae hmuen koelah ceikhai e tu patetlah ao awh.
 Duenae ni a ca awh han.
 Tamikalannaw ni khodai toteh a uk awh han.
 A onae hmuen koehoi ahlanae hmuen koe
 a takthai meihawinae naw teh,
 phuen vah kounng a pawk han.
- 15 Hatei, ka hringnae hateh,
 Cathut ni phuen thaonae koehoi a ratang han.
 Bangkongtetpawiteh, ama ni na coe han.
- 16 Tami buet touh a tawnta teh, a imthungkhu bawilenna hoi
 hoehoe a kâthap navah, taket hanh.
- 17 Bangkongtetpawiteh, a due toteh banghai sin thai kalawn mahoe.
 A bawilenna ni hai kâbang sin kalawn mahoe.
- 18 A hring nathung yawhawi kacoepounge lah kâpouk nakunghai,
 na tawnta dawkvah tami ni ka pholen nakunghai,
- 19 a napanaw ceinae koe a cei van vaiteh,
 nâtuk hai kho ang hmawt thai awh mahoe toe.
- 20 Tami ni bari e lah ao eiteh, panuethainae ka tawn hoeh e teh,
 saring kahmakata e patetlah doeh ao.

50

Lannaeh lahoi lawkcengkung Cathut

Kathutkung: Asaph

- 1 Athakaawme, BAWIPA Cathut ni lawk a dei.
 Talai heh kanîtho koehoi kanîloum totouh ka kaw.
- 2 Meihawinae kuep Zion hoi
 Cathut teh a ang han.
- 3 Maimae Cathut tho vaiteh, duem awm mahoe.
 A hmalah hmai kang vaiteh, petkâkalup lah kahli a tho han.
- 4 A taminaw lawkcengng thai nahanlah,
 lathueng lae kalvannaw kaw vaiteh, talai hai a kaw han.
- 5 Thuengnae lahoi kama koe lawkkamnae ka sak e ka tamikathounnaw,
 kai koe kamkhueng awh ati han.
- 6 Kalvannaw ni a lannaeh pâpho naseh.
 Bangkongtetpawiteh, Cathut ma roeroe heh lawkcengkung doeh.
- 7 Oe ka taminaw, thai awh haw, lawk ka dei vai.
 Oe Isarel, nang taranlahoi ka dei han. Kai heh Cathut na Cathut doeh.
- 8 Nange thuengnae dawck na yue mahoe.
 Ka hmalah pout laipalah kaawm e hmaisawi thuengnae dawck

hai na yue mahoe.

- ⁹ Na imthung e maitotan ka lat mahoe.
Na saring thung e hmaetan hai ka lat mahoe.
- ¹⁰ Bangkongtetpawiteh, ratu daw k e sarang pueng teh kaie doeh.
Mon 1,000 touh daw k ka pâ e moithangnaw hai kaie doeh.
- ¹¹ Monsom e tavaca pueng ka panue.
Mon 1,000 touh daw k ka pâ e moithangnaw hai kaie doeh.
- ¹² Ka vonhlam pawiteh nang koe ka dei mahoe.
Bangkongtetpawiteh, talaivan hoi a thung e kaawm e pueng teh kaie doeh.
- ¹³ Maitotan moi ka ca han namaw.
Hmae thi ka nei han namaw.
- ¹⁴ Lunghawilawkdeinae thuengnae hah Cathut koe poe haw.
Lathueng Poug koe na lawkkamnae hah kuep sak haw.
- ¹⁵ Runae na kâhmo navah kai hah na kaw haw.
Kai ni na rasa han, nang ni hai kai hah na bawilen sak han.
- ¹⁶ Hatei Cathut ni tamikathout koevah,
bangkongmaw ka coungnae hah na pâpho teh,
na pahni hoi ka lawkkam hah na pâpho.
- ¹⁷ Kaie yuenae hah na hmuhma teh,
ka lawk hah hnuklah na tâkhawng.
- ¹⁸ Tamru na hmu toteh tang na kamyawngkhai teh,
uicuknaw na hmu toteh tang na kambawngkhai.
- ¹⁹ Na kâko hah thoenae koe na hno teh,
na lai hah dumpyennae koe bout na hno.
- ²⁰ Na tahung teh, na hmaunawngaha tounkhounae lawk na dei.
- ²¹ Hottelah na o nahlangva kai ni duem na o takhai navah,
nama patetlah kai hah na pouk.
Hatei, na yue vaiteh na yonnae hah na hmaitung vah peng ka dan han.
- ²² Nangmouh Cathut na kapahnimnaw hetheh pouk awh haw.
Hoehpawiteh, kai ni koung na phi payon vaih.
Karasatkung na tawn mahoe.
- ²³ Lunghawilawkdeinae thuengnae ka sak e pueng teh,
kai ka bawilen sak e lah ao.
A cei nahan lamthung ka pouk e tami koe
Cathut e rungngangnae lamthung ka pâttue han.

51

Yon pankângai ratoumnae

Kathutkung: Devit

- ¹ Oe Cathut, na pahren han ngai e patetlah na pahren haw.
Kapap ni teh kahawi e na lungmanae dawkvah,
kâtapoenae hah na tha pouh haw.
- ² Ka sakpayon e pueng kathoungcalah na pâsu pouh haw.
Ka yonnae daw k hoi na thoung sak haw.
- ³ Kâtapoenae hah ka panue toe.
Ka yonnae teh pou ka pouk.
- ⁴ Nang taranlahoi nang koe roeroe ka yon toe.
Na mithmu vah hawihoehnae ka sak toe.
Ka kong na dei toteh atang doeh.

- Lawk na ceng toteh, toun han awm hoeh.
- 5 Kai teh payonnae lahoi khe e lah ka o teh,
anu ni yon hoi doeh na vawn toe.
- 6 Lungthin kalan e hah na ngai dawkvah,
ka lungthin thung lungangnae hah na cangkhai haw.
- 7 Dingsala hoi na hui haw, ka thong han.
Na pâsu haw tadamtui patetlah ka pangaw han.
- 8 Na khoe tangcoung e hrunaw konawm nahanlah,
konawmnae hoi lunghawinae lawk na thaisak haw.
- 9 Ka yonnae dawk hoi na minhmai hrawk nateh,
ka yonnae pueng hah na takhoe pouh haw.
- 10 Oe Cathut, ka thungvah lungthin kathoung bout sak nateh,
kai dawk kacakpounge muitha hah bout rounng sak haw.
- 11 Nang koehoi na pâlei hanh lah a.
Na Kathoung Muitha teh kai koehoi na lat pouh hanh.
- 12 Na rungngangnae dawk konawmnae hah bout na poe haw.
Hringpasoungnae na Muitha hoi na kuen haw.
- 13 Hottelah, kâtapoenaw hah na lamthung ka cangkhai vaiteh,
tamikayonnaw teh nang koe a kâthung aw hah han.
- 14 Oe Cathut, kaie rungngangnae Cathut,
tami thei e yon hoi na hlout sak haw.
Na lanna hah ka lai ni kacaipounglah la a sak han.
- 15 Oe BAWIPA, ka pahni heh paawng nateh,
ka pahni ni na pholen han.
- 16 Bangkongtetpawiteh, thuengnae hah na ngai e nahoeh.
Hoehpawiteh, yo na poe han doeh toe.
Hmaisawi thuengnae dawk hai na lungyouknae awm hoeh.
- 17 Cathut ngai e patetlah thuengnae hateh, muitha rek e hah doeh.
Lungthin rek laihoi pankângai e heh,
Oe Cathut, banglahai noutna laipalah na awm mahoeh.
- 18 Zion vah na ngai e hawinae hah sak haw,
Jerusalem rapan hah kangdout sak haw.
- 19 Hottelah hoiyah, lanna thuengnae hoi hmaisawi thuengnae hoi
takbuem hmaisawi thuengnae dawk na lunghawi vaiteh,
na thuengnae khoungroe van vah, maitotan hah a thueng aw hah han.

52

Tamkathout poutnae hoi Cathut tami roumnae

Kathutkung: Devit

- 1 Oe athakaawme tami, bangkong ne thoena hoi na kambawng.
Cathut hawinae teh a kangning yungyoe.
- 2 Na lai ni rawknae heh a sak teh, sam ngawnae pataca patetlah
dumyenna hah na sak.
- 3 Hawinae hlak thoena hah na ngaihnawn teh,
lanna hlak hai laithoe dei e hah na ngaihnawn. Selah.
- 4 Nang kadumyengkung lai,
pathoena pueng hah na doun.
- 5 Hot patetlah Cathut ni kho na saknae hmuen koehoi na pâlei han.
Kahringnaw onae ram koehoi na phawk vaiteh, na raphoe vaiteh,
a yungyoe na kharma han. Selah.
- 6 Tamikalannaw ni hmawt aw hah vaiteh

a taki aw h han.

- ⁷ Cathut kâuep laipalah, mae tawnta e kâuep niteh,
mae hawihoe hnae daw k mangkhak kaawm e hei,
khenhaw! hei, tet aw h vaiteh, a panuikhai aw h han.
- ⁸ Kai teh Cathut e im daw k olive thing dikhring e patetlah ka o teh,
Cathut e a lungmanae teh a yungyoe ka kâuep han.
- ⁹ Nang ni na sak dawkvah, a yungyoe na pholen han.
Na tami kathoun gnaw hmalah na min ka ngaihawi han.
Bangkongtetpawiteh, hetteh ahawi.

53

Cathut laipalah pathunae

Kathutkung: Devit

- ¹ Tamipathu niteh, a lungthung hoi Cathut aw m hoe h ati aw h.
Ka raw k niteh, panuet ka tho e payonnae hah a sak aw h teh,
hawinae kasakkung aw m aw h hoe h.
- ² Thaipanueknae ka tawn e tami hoi
Cathut ka tawng e tami ao han vaimoe titeh panue han a ngai
dawkvah,
Cathut ni kalvan hoi talai van a khet cathuk.
- ³ Tami pueng koug a payon aw h teh, koug a raw k aw h.
Hawinae kasakkung aw m hoe h.
Buet touh boehai aw m hoe h.
- ⁴ Vaiyei ca e patetlah ka taminaw hah a ca aw h teh,
Cathut ka kaw hoe h e tamikathoutnaw panueknaen tawn laipalah
maw ao aw h.
- ⁵ Taki hane ohoehnae koe puenghoi a taki aw h.
Bangkongtetpawiteh, nang na kalup niteh,
na ka tarannaw e hru teh Cathut ni paringparang a kâyat sak.
Ahnimouh teh Cathut ni a takhoe dawkvah,
kayayeirai phu hoi ao sak han.
- ⁶ Oe Isarel rungngangnae teh Zion hoi tâcaw t naseh.
San lah kaawm e taminaw Cathut ni bout a tâcokhai toteh,
Jakop konawm naseh, Isarel lunghaw i naseh.

54

Katarankung koehoi hloutnae

Kathutkung: Devit

- ¹ Oe Cathut, na min lahoi na rungngang haw.
Na thaonae hoi law k na ceng pouh haw.
- ² Oe Cathut, ka ratoum e heh thai haw.
Ka dei e law k heh na thai pouh haw.
- ³ Bangkongtetpawiteh, ramlouknaw ni kai taranlahoi a thaw aw h teh,
rep kacuengroenaw ni thei hanlah a kâcai aw h.
Cathut minhmai khoeroe khen aw h hoe h. Selah.
- ⁴ Khenhaw! Cathut teh na kabawmkung doeh.
BAWIPA teh ka hringnae karingkungnaw koe ao.
- ⁵ A tawksak aw h e thoenae hah ama ni a patho han.
Ahnimouh teh na lawkkatang hoi raphoe haw.
- ⁶ Kai hai lungthocalah hoi nang koe thuengnae ka sak han.
Oe BAWIPA, na min teh ka pholen han.

Bangkongtetzpawiteh, nang teh na hawi.

- 7 Kai hah runae phunkuep thung hoi na hlout sak teh,
ka tarannaw koe ka phat e hah ka mit ni kheh a hmu toe.

55

Yuemkamcu hoeh e hui kong dawk Cathut kâuepnae

Kathutkung: Devit

- 1 Oe Cathut, ka ratoumnae hah na thai pouh haw,
nang koe kâhei navah na kâhrawk takhai hanh.
- 2 Na thai pouh haw, na pato haw.
Ka reithainae dawkvah, pou ka phuenangnae kâhat thai hoeh.
- 3 Bangkongtetzpawiteh, ka tarannaw pawlawk hoi,
tamikathoutnaw ni repcongroenae kecu dawk,
runae kai dawk a pha sak teh, lungkhuek laihoi na hmuhma aw.
- 4 Ka lungthin teh ka lung thung puenghoi a pataw teh,
due takinae ni na tho sin.
- 5 Takinae hoi pâyawnae ni na tho sin teh,
kaluena ni na ramuk.
- 6 Oe bakhu patetlah rathei tawn ka ngai.
Hottelah ka tawn pawiteh, vi kamleng vaiteh, duem kâhat han eite.
- 7 Ahlanae koe ka cei vaiteh,
kahrawng vah ka o han eite. Selah.
- 8 Hete kahlî tûilî ka tho e hoi ka hlout nahanlah,
karanglah ka yawng han toe telah ka pouk.
- 9 Oe BAWIPA, ahnima lawk hah a kahma nahanlah,
koung kâkapek sak haw. Bangkongtetzpawiteh,
kho thung vah, thamanae hoi lawpnae ka hmu.
- 10 Karum khodai pout laipalah, rapan dawk hoi a kâhêi aw teh,
kho thung vah thoenae hoi runae lah ao aw,
- 11 Kho thung vah thoenae ao teh,
repcongroenae hoi dumnae teh lamnaw dawk ao.
- 12 Kai na ka pathoe e teh ka taran nahoe.
Hoehpawiteh, ka pouk thai han ei.
Na ka taran ni teh kai na ka hmuhma e hai ka taran nahoe.
Hoehpawiteh, ahni hah ka roun thai han ei.
- 13 Hottelah ka tet e tami teh nang doeh.
Kai hoi kâtakawi e ka hui, ka kâpanuek e doeh.
- 14 Buet touh hoi buet touh lawk kapan e,
Cathut im dawk tamimaya hoi reirei ka cet e doeh.
- 15 Duenae ni man naseh.
Hringo hoi sheol dawk cet naseh.
Bangkongtetzpawiteh, hawihoehnae teh ahnimouh koe ao.
- 16 Kai teh Cathut ka kaw vaiteh,
BAWIPA ni na rungngang han.
- 17 Amom, kanîthun, tangmin lah ka ratoum han.
Kacaipounglah ka hram vaiteh, ka lawk hah a thai han.
- 18 Kai taranlahoi na tuknae hmuen koehoi,
ka hringnae heh karoumcalah a rangang toe.
Kai koelah kaawm e teh apap aw.
- 19 Ayan hoi kangning e Cathut ni a thai teh,
ahnimouh hah a khang sak han. Selah.

- Ahnmouh teh a kâthung aw hoh dawkvah, Cathut taket aw hoh.
- 20 Ahnmouh teh hui hah a taran aw hoh, lawkkam a raphoe aw hoh.
- 21 Apâhni hoi a dei aw hoh e lawk teh, maito sanutui kamkak e hlak a pâhnan. Hatei, a lungthung tarankâtuknae ao. A lawk teh satui hlak a nem eiteh, rayu tangcoung e tahlai lah doeh ao.
- 22 Na hnokari hah BAWIPA daw patue haw, ama ni na hlai han. Tami kalan rawp hane pasoung hoh.
- 23 Oe Cathut, alouknaw teh rawknae tangkom daw koug na pabo han. Tamikathetnaw hoi yuemkamcuhoeh e naw teh, a hringyung tangawn patenghai hring aw mahoh. Kai teh nang doeh na kâuep han.

56

Runaekapoekung thung hoi hlout nahanlah ratoumnae

Kathutkung: Devit, Devit teh Gath kho vah, Filistin kut daw a pha nah a sak e la

- 1 Oe Cathut, kai na pahren haw. Taminaw ni padoun hanelah hnintangkuem na tuk teh, na rektap aw hoh.
- 2 Ka tarannaw ni hnintangkuem na kaven aw hoh. Oe Lathueng Poug, na ka tarannaw teh apap poung.
- 3 Ka lung a puen toteh, nang na kâuep han.
- 4 Cathut daw (a lawk ka pholen han), Cathut ka kâuep dawkvah, taki han aw hoh. Tami ni kai daw bangmouh a sak thai han.
- 5 Ahnmouh teh kaie lawk hah hnintangkuem alouklah a pouk aw hoh. Kai daw kahawihoehe pouknae dueng doeh a pouk aw hoh.
- 6 Kai thei hanelah a kâcai aw hoh, cungtalah a kamkhueng aw hoh, ka khokhnuk hah mitnout a ta aw hoh.
- 7 Ahnmouh teh a payonnae daw hoi a hlout aw han namaw. Oe Cathut, na lungkhuek nateh, ahnimanaw hah koug pâlei haw.
- 8 Ka kâvanae hah na touk teh, tuium daw ka mitphi hah na ta. Na cauk daw ao nahohemaw.
- 9 Nang koe ka hram toteh, ka tarannaw koug a yawng aw han. Hetheh ka panue. Bangkongtetpawiteh, Cathut teh kaie doeh.
- 10 Cathut daw (a lawk hah ka pholen han), BAWIPA daw (a lawk hah ka pholen han).
- 11 Cathut ka kâuep dawkvah, ka taket mahoh. Tami ni kai daw bangmouh a sak thai han.
- 12 Oe Cathut, nang koe ka lawkkamnae ni na katek teh, nang koe vah, pholennae ka dei han.
- 13 Bangkongtetpawiteh, ka hringnae heh duena thung hoi na rungngang. Kahringnaw e angnae rahim vah,

Cathut hmalah ka pai thai na han,
ka khok kamthui hoeh nahan,
na rungngang toe nahoehmaw.

57

Taran kut dawk hoi roum nahanlah ratoumnae

Kathutkung: Devit, Sawl koehoi lungngoum dawk a yawng navah, a sak e la

- ¹ Na pahren haw, Oe Cathut, na pahren haw.
Bangkongtetpawiteh, ka hringnae ni na kâuep .
Hete yawthoenae heh a baw hoehroukrak na rathei tâhlip dawk ka kâhro han.
- ² Lathueng Poug Cathut, bangpuengpa na kasakpouhking,
ka Cathut teh na kaw han.
- ³ Kalvan hoi a patoun vaiteh, na rungngang han,
payawp hanlah kakâcainaw hah a yue han. Selah.
- ⁴ Cathut ni lungmanae hoi lawkkatang hah a patoun han.
Ka hringnae heh sendek um doeh ao.
Lungkhueknae hmai ka kang lahun e taminaw um vah ka i.
Ahnimae hânaw teh tahroe hoi palanaw patetlah ao awh.
Ahnimae lai hai kahran e tahloinaw patetlah ao awh.
- ⁵ Oe Cathut, kalvannaw lathueng vah, pholen lah awm haw.
Na bawilennaeh teh talai van pueng awm lawiseh.
- ⁶ Ka khok hanlah, tamlawk a yangda aw hah teh, ka hringnae teh a tabut.
Ka hmalah tangkom a tai aw hah.
Hatei, a lungui vah amamouh letlang a bo aw hah. Selah.
- ⁷ Ka lungthin teh a cak doeh, Oe Cathut,
ka lungthin teh a cak doeh, pholennaeh hoi la ka sak han.
- ⁸ Ka bawilennaeh kâhlaw haw, ratoung hoi tamawinaw kâhlaw aw hah.
Kai ni teh kho ka dai khai han.
- ⁹ Oe BAWIPA, tamimaya koe na pholen han.
Miphun pueng koe nang pholen hoi la ka sak han.
- ¹⁰ Bangkongtetpawiteh, na lungmanae ni kalvan a pha teh,
na lawkkatang ni tâmai a pha.
- ¹¹ Oe Cathut, kalvan vah pholen lah awm naseh,
na bawilennaeh teh talai van pueng awm lawiseh.

58

Tamikhathoutnaw hanlah kalan e lawkcengnae

Kathutkung: Devit

- ¹ Nangmouh duem na kaawm e naw,
lannaeh lawk hah na dei aw hah katang maw.
Oe tami capanaw kalanlah lawk na ceng aw hah maw.
- ² Na ceng aw hah hoeh, na lungthung vah, hawihoehnaeh na sak aw hah.
Talaivan na kut hoi thamanaeh yawcu hoi na khing aw hah.
- ³ Tamikhathoutnaw teh, von thung hoi lam a payon aw hah toe.
A tâco aw hah tahma vah, laithoe dei laihoi lam a payon aw hah.
- ⁴ Asue teh hrunthoesue patetlah ao.
A hnâ ka pang e tahrûn a hnâ pahru e patetlah ao.
- ⁵ Hote tahrûn ni teh tahrûn camnaeh lawk hai thai thai hoeh.
Camnaeh la sak e hai thai thai hoeh.

- 6 Oe Cathut, a kâko e hâ hah khoe pouh haw.
Oe BAWIPA, athakaawme sendek nônew hah khoe pouh haw.
- 7 Ka lawng lahun e tui patetlah kahmat awh naseh.
Licung a sawn awh toteh, ahnimae palanaw teh koung kâkhoe naseh.
- 8 A cei lahun nah kahmat e kongkaraw patetlah kahmat awh naseh.
Camo karawk e ni kanî a hmu hoeh e patetlah awm awh naseh.
- 9 Pâkhing pho hoi patawi e hmai, hlaam a bet hoehnahlan vah,
kahring e pâkhing pho hoi hmai ka kang e pâkhing phonaw teh,
bongparui ni cetkhai naseh.
- 10 Tamikalannaw ni hot patetlah
e reknae hah a hmu awh toteh,
a konawm awh han.
- 11 Tamikathoutnaw e thi dawk a khok a pâsu awh han.
Hottelah tami ni, ayânaw hanelah tawkpheu ao tie hoi
lawkcengkung Cathut ao katang ati awh han.

59

Tamikathout lawkcengnae

Kathutkung: Devit, Sawl ni a patoun e naw ni Devit thei hanelah im a ring
awh navah sak e la

- 1 Oe ka Cathut, ka taran kut dawk hoi na rungngang haw.
Na ka tarannaw koehoi na hlout sak haw.
- 2 Ka payonnaw koehoi na rungngang haw.
Tami kathetnaw kut dawk hoi na rungngang haw.
- 3 Ahnimouh ni thei hanelah na pawp awh.
Athakaawmnaw teh, kai taranlahoi a kamkhueng awh.
Oe BAWIPA, ka yonnae hoi kâtapoenae dawk nahoe.
- 4 Ka payon hoeh e dawk hoi a yawng awh teh, a kâcai awh.
Thaw nateh, khenhaw! na kabawm haw.
- 5 Hatdawkvah, oe ransahu BAWIPA Cathut, Isarel Cathut,
miphun pueng rek hanlah thaw haw,
kâtapoe e tamikathoutnaw hah pahren hanh. Selah.
- 6 Tangmin vah a ban awh teh,
khopui a lawngven awh teh,
ui patetlah a rauk awh.
- 7 Ahnimouh teh, dudamnae lawk a dei awh teh,
ahnimae pahni dawk tahloi ao teh,
apinimouh a thai han aw ati awh.
- 8 Hatei, oe BAWIPA, ahnimouh teh na panuikhai han.
Miphun pueng teh nang hanlah panui ka tho e lah ao awh.
- 9 Oe nang, a tha kaawm e, pou na ring han.
Bangkongtetpawiteh, Cathut teh kânguenae doeh.
- 10 Lungmakung Cathut ni, na dawn han.
Cathut ni ka tarannaw lathueng,
ka ngainae a pha sak e hah na hmu sak han.
- 11 Ahnimouh teh thet hanh.
Hoehpawiteh, ka taminaw ni a pahnim payon awh han doeh.
Oe BAWIPA, kaie bahling, na thaonae hoi kapek nateh,
koung rahnoum sak haw.
- 12 Bangkongtetpawiteh, a pahni dawk hoi a tâco sak e dei payonnae lawk
kecu dawkvah,

- a kâoupnae dawk kâman awh naseh.
 Thoebonae hoi laithoe a dei awh.
- 13 Lungkhuek laihoi kahmat sak haw.
 Hahoi Cathut ni Jakop lathueng vah,
 lawk a ceng tie hah talai poutnae koe totouh panuek awh naseh.
- 14 Tangmin lah ban awh naseh.
 Ui patetlah rauk laihoi khopui hah lawngven awh naseh.
- 15 Ca hane rawca a tawng awh teh,
 a von a paha hoehroukrak a rauk awh.
- 16 Hatei, na thaonae hah la hoi ka sak han.
 Amom vah na lungmanae hah,
 kacaipounglah la hoi ka sak han.
 Bangkongtetpawiteh, nang teh ka kânguenae hoi
 lungpout navah, ka yawngnae lah na o.
- 17 Oe ka thaonae, nang koe pholennae la ka sak han.
 Bangkongtetpawiteh, Cathut teh ka kânguenae lah ao teh,
 lungmakung Cathut lah ao.

60

Cathut ngaikhainae dawk ratoumnae

Kathutkung: Devit Mesopotamia hoi Siria Zabathnaw a tuk teh, Joab a ban teh, Palawi yawn dawk tami 12, 000 touh a thei navah a sak e la

- 1 Oe Cathut, na lungkhuek dawkvah,
 kaimouh na pahnawt teh,
 kho tangkuem na kathek toe.
 Bout na rounng sak haw.
- 2 Talai heh na pâyaw sak teh na kâbawng sak.
 Kâbawng e naw hah bout pâbing haw, pou a kâhuet hei.
- 3 Na taminaw heh ka ru e hno na hmu sak teh,
 runae misur hah na pânei.
- 4 Nang kataketnaw hah lawkkatang pâwlawk dawk ung vaiteh,
 yap hanelah lukkarei na poe.
- 5 Na pahren e naw hah rungngang lah ao awh nahanlah,
 nange aranglae kut hoi rungngang haw.
- 6 Cathut ni a thoungnae lahoi a dei toe.
 Ka konawm vaiteh, Shekhem kho kapek vaiteh,
 Sakut yawn hah ka bangnue han.
- 7 Gilead teh kaie doeh, Manasseh teh kaie doeh.
 Ephraim hai kaie bawilakhung doeh.
 Judah teh kaie kâlawk kapoekung doeh.
- 8 Moab teh ka kamhluknae kawlung doeh.
 Edom ram teh, ka khok coungroenae lah ao han.
 Kai kecu dawk Filistin lathueng tânae hram lawk a tâco han.
- 9 Kacake khopui dawk, apimaw na hrawi han.
 Edom vah, apimaw na hrawi han.
- 10 Oe Cathut, na kapahnawtkung teh, nang nahoehmaw.
 Ransanaw koe ka cet hoe e hah teh, nang nahoehmaw.
- 11 Runae um vah, na kabawm haw.
 Bangkongtetpawiteh, tami kabawpnae teh cungkeihoeh.
- 12 Cathut pawlawk dawk taranhawi laihoi namnei awh han.

Bangkongtetpawiteh, ama ni maimae tarannaw hah rep a coungroe han.

61

Cathut ni yungyoe ringnae

Kathutkung: Devit, La kahrawikung hanlah, rui thueng e tumkhawng hoi ni sak e la

- 1 Oe Cathut, ka hramnae lawk heh na thai pouh haw.
Ka ratoumnae heh na thai pouh haw.
- 2 Ka lung tha a tawn teh, talai poutnae koehoi nang koe ka hram.
Kai hlak ka rasang e lungsong koe na hrawi haw.
- 3 Bangkongtetpawiteh, nang teh kai hanlah kânguenae lah na o teh,
tarannaw hmalah kacakpounge imrasang lah na o.
- 4 Na rim dawk pou ka o han.
Na rathei hoi na ramuknae koe ka kângue han.
- 5 Bangkongtetpawiteh Oe Cathut,
ka lawkkam hah na thai pouh haw.
Na min kabarinaw e râw hah kai na poe.
- 6 Siangpahrang, hringyung na saw sak teh,
a kum hai se moikasaw kangning naseh.
- 7 Cathut hmalah a yungyoe a kangning han.
Oe ahni roum sak nahanlah,
lungmanaeh hoi lawkkatang hah rakueng pouh haw.
- 8 Ka lawkkam hah hnintangkuem ka kuep sak nahan
a yungyoe a min pholen hoi la ka sak han.

62

Cathut rungngangnae duem ringnae

Kathutkung: Devit, La kahrawikung Jeduthun koe sak e la

- 1 Atangcalah ka hringnae ni Cathut teh duem a ring.
Kai rungngangnae teh ama koehoi doeh a tho.
- 2 Ama dueng doeh ka lungsong hoi ka rungngangnae lah kaawm.
Ama teh rapan lah ao, ka kâhuen mahoe.
- 3 Bangkongmaw tami buet touh heh na uk han.
ka rawm e rapan hoi kâhuen e tapang patetlah
nâtotouh maw na raphoe awh han.
- 4 Arasangnae koehoi pabo hanelah a kâpan awh.
Laithe deinae koe a lunghawi awh teh.
A pahni hoi yawhawi a poe awh ei teh,
a lungthung hoi thoe a bo awh.
- 5 Ka hringnae, Cathut dueng maha duem ring lawih.
Bangkongtetpawiteh, ka ngaihawinae teh a ma koehoi doeh a tho.
- 6 Ama dueng doeh ka lungsong hoi rungngangnae lah ao.
Ka kâhuen mahoe.
- 7 Ka rungngangnae hoi bawilennaeh teh, Cathut dawk ao.
Ka thaonae lungsong hoi ka kânguenae teh ka Cathut dawk ao.
- 8 Tamimaya, ama teh a yungyoe kâuep awh haw.
A hmalah na lungthin rabawk awh haw.
Cathut teh maimouh kânguenae doeh.
- 9 Kangduenae hmuen kârahnoumnaw ahrawnghrang lah ao awh teh,

kangduenae hmuen ka rasangnaw teh, laithoe doeh.

Yawcu hoi khing pawiteh, hotnaw teh ahrawnghrang hlak a pâhaw awh.

¹⁰ Rektapnae hah kâuep awh hanh.

Thama lahoi lawp e dawk kâuep awh hanh.

Hno tawnta e dawk na lungpen awh hanh.

¹¹ Cathut ni vai touh a dei toe.

Apâhni bout ka thai e lawk teh, bahu teh Cathut dawk ao.

¹² Oe BAWIPA, nang teh pahrennae hoi na kawi.

Nang ni tamipueng amamae tawksak e patetlah ouk na poe.

63

Cathut hoi kâhuiko konawmnae

Kathutkung: Devit, Judah kahrawngum ao navah a sak e la

¹ Oe Cathut, nang teh ka Cathut doeh.

Amom vah na tawng han.

Ka hringnae ni nang na kahran.

Ka takthai ni nang na rabui.

Kenae hoi tui kahranne, tui ohoehnae ram dawk kaawm e lah ka o.

² Na bawilenna hmu hanlah,

hmuen kathoung thung na tawng toe.

³ Na pahrennae teh hringnae hlak hai a hawihnawn dawkvah,

ka pahni hoi ka pholen han.

⁴ Hot patetlah ka hringyung thung na pholen han.

Na min lahoi ka kut ka dâw han.

⁵ Ka hringnae heh rakhing hoi a thaw kaboum lah ca e patetlah a lungkuep han.

Hateh, konawm pahni hoi na pholen han.

⁶ Ka ikhun dawk hoi ka pouk navah,

karumsaning totouh ouk ka pouk.

⁷ Bangkongtetpawiteh, nang teh na kabawmkung doeh.

Hatdawkvah, na rathei rahim vah ka konawm han.

⁸ Ka hringnae ni kahnaicalah na hruiyun teh,

nama e aranglae kut hoi na kuet.

⁹ Hatei, ka hringnae thei hanlah katawngnaw teh,

adungpoungnae koe talai thung vah a cei awh han.

¹⁰ Tahloi hoi dout awh vaiteh,

Asuinaw ni ca hanelah, ao han.

¹¹ Hatei, siangpahrang teh Cathut dawk konawm vaiteh,

Cathut noe laihoi thoekâbo e pueng ni, a pholen awh han.

Hatei laithoe kadeinaw e pahninaw teh, tabuem lah ao awh han.

64

Tamikathout repcoungroenae hoi BAWIPA lunghawinae

Kathutkung: Devit

¹ Oe Cathut, ka phuenangnae dawk, ka lawk na thai pouh haw.

Ka tarannaw ka takinae koehoi ka hringnae na khetyawt lawih.

² Tamikathoutnaw e kâdeikâpannae koehoi thoseh,

Payonnae kasaknaw kamkhuengnae koehoi thoseh, na ngue haw.

³ Ahnimouh ni amamae lai hah,

tahloi patetlah a hran sak awh.

- ⁴ Yonnae ka tawn hoeh e tami hah arulahoï ka hanelah,
lawkthoeumkha pala hoi a nue aw hah teh,
takinae tawn laipalah vaitalahoï ouk a ka aw hah.
- ⁵ Hawihoehnae dawk buet touh hoi buet touh a kâhroecoe aw hah.
Tangkhok patung hanelah a kâpan aw hah teh,
apinimouh na hmu han vah ouk ati aw hah.
- ⁶ Hawihoehnae hah ma hanelah a pâphue aw hah.
Ngit a pâphue aw hah.
Lungthin thung lengkaleng a pouknae teh a dungpoung.
- ⁷ Ahnimouh teh Cathut ni pala hoi a ka vaiteh,
pouk laipalah hmâ a ca aw hah han.
- ⁸ A dei aw hah e lawk dawk letlang a rawp sak vaiteh,
ka hmawt e pueng ni a yawng takhai aw hah han.
- ⁹ Tami pueng ni taket vaiteh,
Cathut ni a sak e doeh tie a pâpho aw hah han.
Bangkongtetpawiteh, hmantang a sak aw hah e hah a pouk aw hah han.
- ¹⁰ Tamikalan teh BAWIPA dawk konawm vaiteh,
ama hah a kâuep han.
A lungthin kalan e pueng ni a pholen aw hah han.

65

Rungngangnae hoi khetyawtnae dawkvah, Cathut pholen

Kathutkung: Devit

- ¹ Oe Cathut pholennae niyah na ring,
lawkkamnae teh nang koe ka sak aw hah han.
- ² Oe, ratoumnae lawk kathaikung,
tami pueng nang koe a tho aw hah han.
- ³ Payonnae ni na taran teh, kâtapoenae ni na ka tâ nakunghai,
kaimae yonnae hah nang ni yontha pouh toe.
- ⁴ Na thongma dawk ao thai nahan,
nang koe hnai hanlah na rawi e tami yawkahawi e lah ao.
Na im hawinae hoi na bawkim hawinae dawk ka lungkuep han toe.
- ⁵ Lanna dawk kângairu hnosak e lahoï na pato han.
Oe ka rungngangnae Cathut,
nang teh talipui namran lah kaawmnaw hoi, talai poutnae koe
kaawmnaw hoi,
- ⁶ thaonae hoi kamthoup niteh,
thaonae hoi monnaw kacaksakkung,
- ⁷ Ka cairing lahun e talipui hoi tuicama ka thaw lahun e hoi,
tamimaya ruengruengtinae karoumsakkung, lah na o.
- ⁸ Ahla poungnae koe kaawmnaw nihai,
na mitnoutnae hah a taki aw hah.
Amom tangmin kaphatnaw koe konawmnae na phu sak.
- ⁹ Talai heh na rip teh, kho thok na rak sak teh,
tui hoi ka kawi e Cathut e palangnaw hah tawntanae hoi na pathoup.
Hottelah, talai heh na pathoup teh,
talai van kaawmnaw a pawhik na rakueng pouh.
- ¹⁰ Laikongnaw hah tui na awi teh, laikawknaw hah na cak sak.
Khotui hoi na nem sak teh, caticamu ka paw e naw hah yawhawi ouk
na poe.
- ¹¹ A kumnaw hah na hawinae hoi na ramuk teh,

- na khoknaw ni a thâw a lawi sak.
 12 Kahrawng e thingkung ni dik kahringcalah ao teh,
 monruinaw hai a lunghawi awh.
 13 Pho kahringnaw onae koe saringnaw akawi teh,
 ayawn hai rawca kung hoi akawi teh,
 konawm laihoi la a sak awh.

66

Hno kalan a sak e dawkvah, Cathut pholen

Kathutkung: Panuekhoeh

- 1 Talaivan pueng Cathut koe
 konawm hoi hram awh haw.
 2 A min bari laihoi la sak awh nateh,
 ka sungren poung lah pholen awh.
 3 Cathut koe, na sak e heh banghloi kângai lah a ru.
 Kângairu na sak e dawkvah,
 na tarannaw hah nang koe a poe han.
 4 Talai van pueng ni, bawk laihoi nang koe pholen la sak awh vaiteh,
 na min pholen laihoi la a sak awh han
 telah tet awh naseh. Selah.
 5 Tho awh nateh Cathut ni sak e naw hah khenhaw.
 Tami capanaw hanelah, a sak e naw hah kângairu hanelah ao.
 6 Ama ni talipui hah talai kaphui lah a coung sak teh,
 talipui dawkhok hoi a cei awh.
 Hawvah ama dawkhok a konawm awh.
 7 A thaonae hoi pou a uk, A mit hoi miphun pueng hah a khet.
 Tarankathawnaw teh kâphokâlen awh hanh naseh. Selah.
 8 Oe tamimaya, maimae Cathut teh pholen awh haw.
 Pholennae lawk heh thai kamcu lah sak awh.
 9 Kahringnaw koe maimouh hringnae hah a kuet teh,
 maimouh kamthui hane hai na pasoung hoeh.
 10 Bangkongtetpawiteh, Oe Cathut, nang ni na tanouk teh,
 ngun tanouk e patetlah na tanouk.
 11 Tamlawk hoi na man teh,
 kaimae loung dawkhok hnori hah na patue.
 12 Kaimae lû dawkhok tami na kâcui sak teh,
 hmai hoi tuikalen hah na raka.
 Hatei, kakuep e tawntanae hmuen koe na hrawi.
 13 Hmaisawi thuengnae hoi kathâw e saring hoi
 hmuithui tuca hoi na im dawkhok a kâen han.
 14 Hat hateh, runae ka kâhmo navah,
 ka pahni hoi ka dei e patetlah ka pâpho tangcoung e doeh.
 15 Hmaisawi thuengnae dawkvah,
 kathâw e saring hoi hmuithui tuca hoi ka poe vaiteh,
 maitotan hah hmae hoi ka poe han. Selah.
 16 Cathut ka taket e pueng, tho awh nateh thai awh haw.
 Ka hring nahanelah a sak e hah na pâpho pouh vai.
 17 Ka pahni hoi ama koe ka hram teh,
 ka lai hoi ama teh ka tawm.
 18 Ka lungthin ni payonnae hah noutna hoeh pawiteh,
 Bawipa ni na thai pouh mahoe.
 19 Hatei, Cathut ni na thai pouh katang teh,

ka hramnae lawk hai kahawicalah a thai.

- 20 Ka ratounnae pahnawt hoeh niteh,
kai koehoi a lungmanae ka puen hoeh e,
Cathut teh pholen lah awm seh.

67

Ratounnae hoi pholennae la

Kasakkung: Panuekhoeh

- 1 Cathut ni na lungma awh teh,
yawhawi na poe awh naseh.
A minhmai angnae teh maimouh koe ang lawiseh.
- 2 Talai van vah na lamthung pnue lah ao teh,
na rungangnae teh miphun pueng koe panue lah awm lawiseh.
- 3 Oe Cathut, taminaw ni na pholen naseh.
Tami pueng ni na pholen naseh.
- 4 Oe miphun pueng lunghawi laihoi la sak awh naseh.
Bangkongtetpawiteh, tami pueng hah kalanlah lawk a ceng teh,
talai van e miphunnaw hah na uk. Selah.
- 5 Oe Cathut, taminaw ni na pholen naseh.
Tami pueng ni na pholen naseh.
- 6 Hottelah, talai ni a pawhik hoehoe tâcawt sak vaiteh,
Cathut, maimae Cathut ni yawhawi na poe han.
- 7 Cathut ni yawhawi na poe vaiteh,
tami pueng ni a ma a taki awh han.

68

Isarel koe hawinae dawk Cathut pholennae

Kathutkung: Devit

- 1 Cathut, thaw nateh tarannaw koug kâkayeï naseh.
Cathut kahmuhmanaw teh ama koehoi yawng awh naseh.
- 2 Hmaikhu a kahma e patetlah ahnimouh teh koug kahmat naseh.
Khoilai teh hmai hma lah a kamyawt e patetlah,
tamikathoutnaw teh Cathut hmalah kahmat awh naseh.
- 3 Hatei, tamikalannaw teh lunghawi laihoi
Cathut hmalah konawm awh naseh.
Bokheiyah, puenghoi konawm awh naseh.
- 4 Cathut koe la sak hoi a min pholen la sak awh.
Tâmai dawk kâcuie hateh pholen awh nateh, a min teh BAWIPA,
pholen laihoi a hmalah lunghawi awh.
- 5 Na pa ka tawn hoeh naw e napa, lahmainunaw karingkung,
Cathut teh hmuen kathoung koe ao.
- 6 Cathut ni amadueng kho ka sak e hah imthung a poe teh,
paung e naw hai tawntanae hmuen koe a hrawi.
Hatei, tarankathawnaw teh kenae hmuen koe ao sak.
- 7 Oe Cathut na taminaw hrawi hanelah na tâco teh,
kahrawngum vah hmalah na cei navah, Selah.
- 8 Talai a kâhuët teh, Cathut hmalah kalvan ni kho a rak sak.
Sinai mon teh Cathut hmalah, Isarel Cathut hmalah a kâhuët.
- 9 Oe Cathut nang ni kho thouk na rak sak teh,
na râw taminaw ka patang e hah na kabawp.
- 10 Hawvah na tamimaya teh kho a sak awh.

Oe Cathut, nang ni ka mathoenaw hah na hawinae hoi na kawk.

- 11 BAWIPA ni lawk a dei teh,
hote kong ka dei e tamimaya teh ao.
- 12 Siangpahrang e ransanaw teh a yawng aw hah teh,
im ka ring e napuinaw ni lawphno a kârei aw hah.
- 13 Tutakha thung na ka ip nakunghai,
ngun hoi pathoup e bakhu rathei patetlah thoseh,
sui hoi pathoup e rathei muen patetlah thoseh, na o aw hah han.
- 14 Athakasaipouge Cathut ni siangpahrangnaw a kayei navah,
Zalmon mon daw k e ka pangaw e tadamtui patetlah ao.
- 15 Bashan mon teh Cathut e mon lah ao teh,
Bashan mon daw k monsom moikapap ao.
- 16 Monsomnaw bangkongmaw utsinnae mit hoi na hmaiet aw hah.
Hetheh, Cathut ni o han ngainae mon lah ao.
BAWIPA teh hawvah pou ao han.
- 17 Cathut e lengnaw teh a thong thong hra hlak moi apap.
BAWIPA teh Sinai mon, hmuenkathoung koe ao e patetlah ahnimouh
koe ao.
- 18 Arasangnae koe na luen teh, tami moikapap na man teh,
BAWIPA Cathut teh taminaw koe ao thai nahanlah,
tami koehoi dueng laipalah,
ka taran e taminaw koe totouh poehno hah a dâw.
- 19 Hnintangkuem hnori na ka hlai e Bawipa,
rungngangnae Cathut teh pholen lah aw m lawwish.
- 20 Cathut teh rungngangnae Cathut doeh.
Duenae koehoi hloutnae hai Bawipa Jehovah e doeh.
- 21 Hateiteh, Cathut ni a tarannaw lû thoseh,
yon pou kasaknaw e sam onae lû roeroe thoseh, hmâ a ca sak han.
- 22 Bawipa ni Bansan hoi ka bankhai vaiteh,
ka dungpoung e talipui koehoi bout ka bankhai han.
- 23 Na khok ni na taran thi coungroe vaiteh,
na uinaw ni hai a palem aw hah han telah ati.
- 24 Oe Cathut, hmuen kathoung koe na tho e,
ka Cathut, kaie Siangpahrang na tho e hah a hmu aw hah toe.
- 25 La kasakkungnaw hmalah a cei aw hah teh,
tumkhawng katumnaw ni a kâbang aw hah.
A lungui vah tanglanaw ni tâbaw a khawng aw hah.
- 26 Kamkhueng e maya thung daw k,
Cathut Isarel hringnae a kung,
BAWIPA teh pholen aw hah.
- 27 Hawvah, cahnoung Benjamin hoi kahrawikung ao.
Judah bawinaw a huinaw ni a kâbang teh Zebulun hoi
Naphtali bawinaw ni a kâbang aw hah.
- 28 Na Cathut ni na thaonae teh kâ a poe toe.
Oe Cathut kaimouh hanlah na sak tangcoung e patetlah hoehoe thasai
sak haw.
- 29 Jerusalem e na bawkim kecu,
siangpahrangnaw ni poehno a sin aw hah han.
- 30 Lungpum um e sarangnaw hai thoseh, maitotannaw hoi,
maitolanaw hai thoseh, a yue teh, tangka hoi kârahnoum aw hah naseh.
Tarantuk ka ngai e miphunnaw hah, koung kayei naseh.

- 31 Izip hoi laiceinaw tho aw h vaiteh,
Ethiopianaw ni Cathut koe karang poung lah a kut a dâw aw h han.
- 32 Talai siangpahrang uknae Cathut koe la sak laihoi
Bawipa pholen laihoi la sak aw h. Selah.
- 33 Ayan vah, kalvannaw e kalvan kâcuie koevah,
athakaawme lawk, a lawk roeroe a tâco sak.
- 34 Cathut koe thaonae hah poe aw h.
A lawkpuillah, ahawinae hah Isarelnaw lathueng ao.
A thaonae teh tâmai dawkvah ao.
- 35 Oe Cathut, na hmuen kathoung hlak hai takithohnawn.
Isarel Cathut teh a taminaw thaonae hoi hnotithainae kapoekung
doeh.
Cathut teh pholen lah aw m lawis eh.

69

Runae thung hoi ratoumnae

Kathutkung: Devit

- 1 Oe Cathut, na rungngang haw.
Bangkongtetpawiteh, tui ni ka lahuen totouh na muem toe.
- 2 Ka dung e tangdong dawk ka bo teh, kangdue nahan aw m hoeh.
Tui kadung, tuicama ni na ramuknae koe ka pha.
- 3 Ka hram lawi ka tâwn toe.
Ka dangka a ke toe.
Ka Cathut ngaihawi laihoi ka mit a tâwn toe.
- 4 A khuekhaw aw m laipalah na kahmuhmanaw teh,
ka sam hlak apap aw h.
Ayawmyin lah na taran aw h teh,
raphoe hanlah kakâcainaw teh, a thao aw h.
Banghai ka parawt hoeh ei, boutbout pathoe hanelah ao.
- 5 Oe Cathut, ka pathunae heh ka panue.
Ka yonnae heh ka hrawk hoeh.
- 6 Oe Jehovah, ransahu Cathut,
na karingkungaw teh kai kecu dawk kayak aw h nahanh seh.
Oe Isarel Cathut, nang katawngkung hah kai kecu dawk
a lungpout aw h nahanh seh.
- 7 Nang kecu dawk pathoenae ka kâhmo teh,
kayanae ni ka minhmai a ramuk.
- 8 Ka hmaunawngghanaw thung dawk imyin lah ka o teh,
manu buet touh ni na khe e thung dawk patenghai
ramlouk e tami lah ka o.
- 9 Na im hanlah pouknae ni na ca teh,
na kapathoenaw e lawk teh kai dawk a pha.
- 10 Rawcahai hoi ratoum hringnae dawk doeh na pathoe aw h.
- 11 Buri ka khohna toteh, na panuikhai aw h.
- 12 Longkha koe katahungnaw ni ka kong a dei aw h teh,
yamuh rinaw ni la lah na sak aw h.
- 13 Hatei, kai hanelah teh ka ratoumnae heh nang koe doeh.
Oe BAWIPA, ngai kaawm e tueng dawk Oe Cathut,
na lungmanae apap e patetlah,
na rungngangnae lawk katang hoi ka lawk heh na thai pouh haw.
- 14 Kai hah tangdong dawk hoi na rasat haw, na bawt sak hanh.

- Na kahmuhmanaw kut dawk hoi thoseh,
tui kadung thung hoi thoseh, na hlout sak haw.
- 15 Tui kalen ni na muem teh, tui kadung ni na payawp hanh naseh.
Tangkom kadung ni na pakhum hanh naseh.
- 16 Oe BAWIPA na thai pouh haw.
Bangkongtetpawiteh, na lungpatawnae teh ahawi.
Lungmanae kapap hoi kai koe lah kamlang haw.
- 17 Na san koehoi na minhmai hrawk hanh.
Bangkongtetpawiteh, runae koe ka pha toe.
Karang poung lah na thai pouh haw.
- 18 Ka hringnae koe hnai nateh, na ratang haw.
Ka tarannaw ao dawkvah, na rungngang haw.
- 19 Kayanae, yeiraiponae hoi na barihoehnae teh na panue.
Ka taran pueng teh na hmalah kounng ao.
- 20 Pathoenae ni ka lung a pout sak teh a lungpuen sak.
Na kapahrenkung ka tawng teh buet touh hai ka hmawt hoeh.
Lungpahawikung ka tawng teh buet touh hai ka hmawt hoeh.
- 21 Ka rawca lah kakhat e na poe awh teh,
tui kahran toteh misurtui kathut e hah na poe awh.
- 22 Ahnimae caboi teh amamouh hanelah karap lah thoseh,
tangkhok lah thoseh, a kang hanelah thoseh, coung awh naseh.
- 23 A hmu thai awh hoeh nahanlah a mitmawm naseh.
A laheibaw thouk pâyaw naseh.
- 24 Na lungkhueknae hah ahnimouh lathueng awi nateh,
na lungphuennaen ni rekpatawt naseh.
- 25 Ahnimouh khosaknae hmuen teh kingkadi lah awm naseh,
ahnimae im dawk apihai awm hanh naseh.
- 26 Bangkongtetpawiteh, na rek e hah a rektap awh teh,
hmâ na ca sak e naw hah, rek a panai awh.
- 27 ahnimae yon dawk yon rek poe nateh,
na lannaen dawk kâen hanh naseh.
- 28 Hringnae cauk dawk hoi raphoe lah awm awh naseh.
Tamikalannaw hoi rei thut lah awm hanh naseh.
- 29 Hateiteh kai teh mathoe hoi lung ka mathout e lah ka o.
Oe Cathut, na rungngangnae ni a rasangnae koe na tat naseh.
- 30 Cathut min teh la hoi ka pholen han.
Lunghawilawkdennaen hoi ama teh ka tawm han.
- 31 BAWIPA ni ki hoi khoksamen hoi kaawm e maitotan a ngai e hlak,
hote hringnuen hah a ngaihawn.
- 32 Ka kârahnoumnaw ni hetheh a hmu awh vaiteh, a lunghawi awh han.
Nangmouh Cathut katawngnaw e lung teh thaonae hoi akawi han.
- 33 Bangkongtetpawiteh, ka mathoenaw e lawk hah a thai pouh teh,
thongim ka bawt e amae taminaw hah pacekpahlek hoeh.
- 34 Talai hoi kalvan ni ama teh a pholen teh,
talipui hoi a thung kaawm e pueng ni, ama teh, pholen naseh.
- 35 Cathut ni Zion a rungngang teh,
Judah kho hah a kangdue sak teh,
Ahnimouh ni ao awh teh a pang awh.
- 36 A san catounnaw ni hai pang awh vaiteh,
a min ka lungpataw e teh athung vah kho a sak awh han.

70

Katarankung koehoi hlout nahanlah ratoumnae

Kathutkung: Devit

- 1 Oe Cathut, kai rungngang hanlah karanglah kâroe haw.
Kai kabawp hanlah karanglah kâroe haw.
- 2 Kai thei hanlah kakâcainaw teh
kayayeirai po laihoi awm awh naseh,
runae poe hanlah kakâcainaw heh
yawng awh naseh.
- 3 Vehveh, na katetsinnaw teh
kaya laihoi yawng awh naseh.
- 4 Nang na ka tawng pueng teh,
nang dawkhaw hwi thahmeica lah awm awh naseh.
Na rungngangnae ka lungpataw naw ni pout laipalah,
Cathut teh pholen lah awm seh, telah tet aw haw naseh.
- 5 Hatei, kai teh tami ka mathoe hoi ka vouthoup e lah ka o.
Oe, Cathut, karang na pâmam leih.
Nang teh ka rungngangkung hoi kabawmkung doeh.
Oe BAWIPA ngailawi awm hanh leih.

71

Rungngangnae lungsong Cathut

Kathutkung: Panuekhoeh

- 1 Oe BAWIPA, nang doeh na kâuep.
Kaya hoi na awm sak hanh.
- 2 Na lannaeh hoi na rungngang nateh, na hlout sak haw.
Kai koe lah na hnâpakeng nateh na rungngang haw.
- 3 Kai ni pou ka pâmam teh ka onae lungsong lah awm haw.
Kai rungngang hanelah kâ na poe teh,
kaie lungsong, kaie rapan lah na o.
- 4 Oe ka Cathut, tamikathout kut dawkhaw hoi thoseh,
tamikalanhoehe hoi tamitongthoe kut dawkhaw hoi thoseh,
na rungngang haw.
- 5 Bangkongtetpawiteh, oe Bawipa Jehovah,
nang teh ka camo nahoi na kâuep e lah na o.
- 6 Pek ka khe hoi na kuet teh,
nang teh anu von thung hoi na ka lat e lah na o.
Nang teh pou na pholen han.
- 7 Tami moikapap kângai karusakkung lah ka o.
Hatei, nang teh kacake kânguenae doeh.
- 8 Ka pahni teh nang pholennae hoi akawi teh,
hnintangkuem nange pholennae hoi kawi naseh.
- 9 Ka matawng toteh na hnoun hanh lah a.
Ka tha a youn toteh na cettakhai hanh lah a.
- 10 Bangkongtetpawiteh, ka tarannaw ni na pathoe aw haw.
Kai thei han a ngai aw haw dawkhaw, pouknae a kâpoe aw haw teh, na pawp aw haw.
- 11 Cathut ni a ceitakhai toe.
Pâlei aw haw nateh man aw haw.
Bangkongtetpawiteh, ka rungngang hane awm hoe haw telah ati aw haw.

- 12 Oe Cathut, na hlat takhai hanh.
Oe ka Cathut, karanglah na kabawm haw.
- 13 Ka hringnae ka tarannaw hah kayayeirai hoi rawknae koe phat aw h naseh.
Runae poe hanlah kakâcainaw hah pahuipalamnae hoi yeiraiponae ni ramuk aw h naseh.
- 14 Hatei, pou ka ngaihawi vaiteh,
hoehoe ka pholen han.
- 15 Ka pahni ni na lannae a dei vaiteh,
na rungangnae heh hnintangkuem a hramkhai han.
Bangkongtetpawiteh, a lungmanae parei teh baw thai hoeh.
- 16 Bawipa Jehovah, thaonae daw k ka cei han.
Na lannae nange lannae dueng doeh ka dei han.
- 17 Oe Cathut, ka camo nah hoi na cangkhai toe,
Atu totouh kângairu hno na sak e hah ka pâpho.
- 18 Sekatha taminaw hoi ka tâcawt hane naw koe na thaonae hoi na hnotithainae ka pâpho hoeh roukrak,
ka matawng teh ka sam a po toteh, Oe Cathut na cettakhai hanh.
- 19 Oe Cathut, na lannae hai a rasang poung.
Oe Cathut, hnokalen kasakkung, nang patetlah apimouh ouk kaawm va.
- 20 Kalen ni teh ka patawpoung e runae
na kâhmosakkung nang ni na roung sak nateh,
kadung poung e talai thung hoi bout na rasat haw.
- 21 Ka tawntanae na pung sak vaiteh,
lung bout na pahawi han.
- 22 Tamawi hoi na pholen han.
Oe Cathut, yuemkamcu lah na onae hah ka pholen han.
Oe Isarel e Kathoung Cathut,
ratoung hoi la sak laihoi na pholen han.
- 23 Nang pholen laihoi la ka sak toteh,
ka pahni teh a lunghawi katang han.
Na ratang e ka hringnae hai a lunghawi han.
- 24 Ka lai ni hai kanîruirui pout laipalah na lannae a dei han.
Bangkongtetpawiteh, runae poe hanlah kakâcainaw hah lungpout laihoi yeiraipo sak lah ao toe.

72

Messiah uknae Bawilennae hoi lentoenae

Kathutkung: Solomon

- 1 Oe Cathut, na lawkcengnae heh siangpahrang poe nateh,
na lannae hah siangpahrang capanaw hanelah hrueng pouh haw.
- 2 Ahni ni na taminaw hah lannae hoi lawkceng vaiteh,
nange karoedengnaw hah
- 3 Monnaw ni tamimaya koe rounnae poe vaiteh,
monruicanaw ni lannae hah na poe aw h han.
- 4 Ama ni ka mathoe e tamimaya koe kângingnae thokhai vaiteh,
ka vouthoup e catounnaw hah rungang vaiteh,
rep kacuengroenaw hah a rek aw h han.
- 5 Kanî hoi thapa a kangning roukrak,
tami kâkuen e pueng ni nang teh na taki aw h han.

- 6 Ama teh pho kahring va hoehnahlan e kho ka rak e patetlah thoseh,
talai kakawkkung kho a rak e patetlah thoseh a kum han.
- 7 Ama se nah teh, tamikalannaw kâroe vaiteh,
thapa ao roukrak teh, lungkuep roumnae ao han.
- 8 Ama ni talipui avanglah hoi avanglah totouh,
talipui koehoi talai pout totouh a uk han.
- 9 Kahrawngum vah kho kasaknaw ni
a hmalah tabawk awh vaiteh,
a tarannaw ni vaiphu hah a palem awh han.
- 10 Tarshish ram hoi tuilum siangpahrangnaw ni,
hno poe hane sin awh vaiteh,
Sheba hoi Seba siangpahrangnaw ni hai
poehtonaw hah a poe awh han.
- 11 Bokheiyah, siangpahrangnaw pueng,
a hmalah tabawk awh vaiteh,
miphun pueng ni a thaw a tawk awh han.
- 12 Bangkongtetpawiteh, kavoutthoupnaw a hram awh toteh, a rungngang
han.
Mathoenaw hoi kabawmkung ka tawn hoeh naw hai a kabawp han.
- 13 Mathoe hoi vouthoup naw hah pahren vaiteh,
vouthoup hringnae hah a rungngang han.
- 14 Repcoungroenae hoi kaisuenae thung hoi
a hringnae ratang vaiteh,
a thipaling teh a mithmu vah ka sungren poung e lah ao han.
- 15 Ama teh a hring vaiteh, Sheba sui hah ama koe poe lah ao han.
Ratounnae hai ama koe pou poe lah awh vaiteh,
hnintangkuem pholen lah ao han.
- 16 Ram dawc cakang moi awh vaiteh,
monsom e a pawhiknaw hah Lebanon patetlah kâhuen vaiteh,
khothung e taminaw teh,
talai phokahring patetlah a kâhuet awh han.
- 17 A min teh a yungyoe roum mahoehtoe.
Kanî a ang roukrak a min ao yungyoe han.
Ama dawc ayânaw ni yawhawi hmawt awh vaiteh,
miphun pueng ni tami yaw kahawi e ati awh han.
- 18 BAWIPA Cathut, Isarel Cathut,
kângairu hno kasakkung dueng pholen lah awh lawiseh.
- 19 A min sungren teh a yungyoe pholen lah awh naseh.
Talai abuemlah a sungrennae hoi
kawi lawiseh. Amen hoi Amen.
- 20 Jesi Capa Devit ratounnae a pout toe.

73

Tamikathout poutnae hoi BAWIPA kâuep yawhawinae

Kathutkung: Asaph

- 1 Cathut teh Isarel hane hoi lungthin
kathounnaw hanelah ahawi tangngak.
- 2 Hatei, kai raitat meimei ka rawp teh,
meimei ka thawn toe.
- 3 Bangkongtetpawiteh, tamikathoutnaw e
yawhawi ka hmu navah, kakaisuenaw hah ka ut toe.

- 4 Ahnimouh teh a due awh hoehroukrak
patawnae khang awh hoeh, a tha pou ao awh.
- 5 Ayânaw patetlah runae dawk awm awh hoeh,
ayânaw patetlah kuekluek pataw awh hoeh.
- 6 Hatdawkvah, kâoupnae teh awi lah a awi awh teh,
rektapnae khohna hah a khohna awh.
- 7 A thâw awh lawi vah, a mitkatueng awh.
A pouk awh e hlak ka paphnawn a tawn awh.
- 8 Repcoungroenae hah a panuikhai awh teh,
kâoupnae lawk a dei awh.
- 9 A lawk dei e ni kalvan totouh a taran teh,
a lai ni talai pueng a katin.
- 10 Hatdawkvah, a taminaw teh ahnimouh koe a ban awh teh,
túi moikapap e hah koung a nei awh.
- 11 Bangtelah hoi maw Cathut ni a panue.
Lathueng Poug dawk panuenae ao maw telah ati awh.
- 12 Khenhaw! hetnaw heh Cathut ka bari hoeh e,
banghai pouk laipalah ka hring e lah ao awh teh,
hoehoe a tawnta awh.
- 13 Ka lungthin kathoung sak nakunghai,
atangalah cungkeihoeh.
Yon thuengnae lahoi ka kut ka pâsu nakunghai cungkeihoeh.
- 14 Hnin tangkuem tarawknae hoi
amom karoitawi yuenae doeh ka khang.
- 15 Hottelah ka dei han ka tet pawiteh,
khenhaw! na catounnaw koe torei teh,
tamikalan hoeh lah kaawm han.
- 16 Hetheh, thaipanuek nahanelah ka pouk torei teh,
hothateh kai hanelah ka pataw katang e lah ao.
- 17 Cathut hmuen kathoung koe kâen toteh,
ahnimouh poutnae heh ka thaipanuek katang toe.
- 18 Ahnimouh teh pâhnanna koe na ta teh,
rawkphainae hmuen koe na tâkhawng.
- 19 Oe, bangtelah, tawkkadek dawk rawknae koe louk a pha awh vaw.
Takitho e ni koung louk a ca awh vaw.
- 20 Kâhlaw toteh, karum mang patetlah,
Bawipa na pâhlaw toteh,
ahnimae meikaphawk hah na pacekpahlek pouh han.
- 21 Hot patetlah ka lungthin a pataw teh,
ka pouknae hai a ru.
- 22 Panuenae ka tawn hoeh e hoi tamipathu lah ka o teh,
na hmalah saring patetlah doeh ka o.
- 23 Hatei nakunghai, nang koe pou ka o teh,
aranglae kut dawk na kuet pouh.
- 24 Na mae kâpankhainae lahoi lam na hrawi teh,
hathnukkhu bawilenna hah na coe pouh.
- 25 Kalvan vah nang laipalah apimouh ka tawn.
Talaivan hai nang laipalah,
ka ngai e alouke awm hoeh toe.
- 26 Ka takthai hoi ka lungthin teh a tâwn.
Hatei, Cathut teh, a yungyoe hoi

ka lungthin thaonae hoi ham lah ao.

- ²⁷ Bangkongtetpawiteh, nang hoi kâhlat e teh,
kahmat awh roeroe han doeh.
Nang koe kâyawt e pueng teh raphoe lah ao han.
- ²⁸ Hateiteh, kai hanelah teh Cathut hnai e heh ahawi.
Na sak e hno pueng heh ka kamnue sak thai nahanlah,
Bawipa Jehovah dawk doeh ka kâuep toe.

74

Repcoungroenae koehoi hlout nahanlah kâheinae

Kathutkung: Asaph

- ¹ Oe Cathut bangkongmaw na pahnawt vaw.
Bangkongmaw na saring a pânae koe e na tuhunaw
taranlahoi na lungkhueknae hmaikhu a pâyam rah bo vaw.
- ² Kamkhueng e tamimaya, yampa na ran e,
râw lah na pang e miphun,
na ratang e naw heh pahnim hanh.
- ³ Raphoe tangcoung e hmuen koe tho haw.
Hmuen kathoung dawk e hno pueng hah
taran ni koung a raphoe toe.
- ⁴ Na taminaw a kamkhuengnae hmuen koe,
na tarannaw teh a hramki awh teh,
mitnoutnaw hah a vo awh.
- ⁵ Ratu thing ka tâtueng hane patetlah,
cakânaw teh a palik awh.
- ⁶ Dongdenca dawk bawkim hnonaw hah
amamae cakâ, cakkinnaw hoi a raphoe awh.
- ⁷ Thoungnae hmuen hah hmai a sawi awh teh,
na min onae hmuen hah a khin sak awh toe.
- ⁸ Koung raphoe awh sei ati awh teh,
ram thung e Cathut bawknae hmuen pueng hah hmai koung a sawi
awh.
- ⁹ Kaimouh teh mae mitnoutnae ka hmawt awh hoeh toe.
Profet hai awm hoeh toe.
Bangkong han nama aw,
telah kapanuekkung kaimouh koe awm hoeh toe.
- ¹⁰ Oe Cathut, bangkongmaw na tarannaw ni na pathoe han.
Taran ni na min pou a pacekpahlek han na maw.
- ¹¹ Bangkongmaw na kut aranglae hah na dâw hoeh vaw.
Bout dâw nateh, ahnimanaw hah koung raphoe haw.
- ¹² Bangtelah tetpawiteh, Cathut teh ayan hoi talai taminaw koe
rungngangnae kasakkung kaie Siangpahrang doeh.
- ¹³ Na thaonae lahoi talîpui hah na kapek teh,
tui thung tuitamnaw e lû hah na khoe pouh.
- ¹⁴ Leviathan lû hah koung na khoe pouh teh,
kahrawng kaawmnaw ni ca hanelah na poe.
- ¹⁵ Tuikhu hoi palangnaw hah na palang pouh teh,
palangpuinaw hah na hak sak.
- ¹⁶ Khodai hoi karum hai nange doeh
Kanî hoi angnae hah na sak toe.
- ¹⁷ Talai khori pueng hai thouseh,

- kompawi hoi kasik pueng hai thoseh na sak toe.
- 18 Oe BAWIPA, taran ni na pathoe e hoi
tamipathunaw ni na min a pacekpahlek e hah pahnim hanh.
- 19 Oe, na bakhu hringnae heh sarang koe poe hanh.
Ka mathoe e na taminaw e hringnae feh
a yungyoe pahnim hanh.
- 20 Lawkkam hah bari haw. Bangkongtetpawiteh,
talai a hmonae hmuennaw hah rektap lawpnae hoi akawi.
- 21 Oe, repcoungröe e naw heh,
kaya laihoi ban sak hanh.
Mathoe hoi a reikathainaw ni na min pholen naseh.
- 22 Oe Cathut, thaw nateh, na kong hah kangdoutkhai haw.
Tamipathu ni hnintangkuem
na pathoe e hah pahnim hanh.
- 23 Na tarannaw lawk heh pahnim hanh.
Nang na ka tarannaw e ruengruengtinae lawk teh
hoehoe a kampaw e hah pahnim hanh.

75

Kalan Cathut lawkcengnae lunghawi lawk dei ratoumnae

Kathutkung: Asaph

- 1 Oe Cathut, nang koe lunghawi lawk ka dei, lunghawi lawk ka dei.
Bangkongtetpawiteh, na sak e kangairu hnonaw ni
na min a hnainae a kamnue sak.
- 2 Kâdawk e tueng a pha toteh,
kânging lah lawk na ceng han.
- 3 Talai hoi a thung kaawm e naw pueng raphoe lah ao teh,
a khom hah kacaklah a ung. Selah.
- 4 Mithmaikheth e naw koevah, minhmai khen hanh awh.
Tamikathoutnaw koe na ki hno hanh.
- 5 Na ki teh a lathueng lah saw sak hanh awh.
Lahuen pata lahoi lawk dei hanh awh telah ka ti.
- 6 Bangkongtetpawiteh, tawmnae teh kanitho,
kaniloum, akalah hoi tho hoeh.
- 7 Hateiteh, Cathut teh lawkcengkung doeh.
Buet touh a rahnoum sak teh alouke a rasang sak.
- 8 Bangkongtetpawiteh, Cathut kut dawk manang ao teh,
misurtui teh a paling.
Koung kalawt hnukkuh a rabawk.
A laheipadin totouh talai van e tamikayonnaw ni
koung a nei awh han.
- 9 Hateiteh, Jakop Cathut teh, ka pholen han,
a yungyoe ka pholen han.
- 10 Tamikayon e ki pueng teh,
koung ka tâtueng han.
Hateiteh, tamikalan e ki teh,
tawm lah ao han.

76

Lawkcengnae koe Cathut lentoenae

Kathutkung: Asaph

- ¹ Judah vah Cathut panue lah ao teh,
 Isarel vah a min teh a lentoe.
² Salem haiyah lukkareiim ao teh,
 Zion vah a onae hmuen ao.
³ Hawvah, licung pala, tarantuknae,
 bahling hoi tahloinaw hah
 a khoe awh. Selah.
⁴ Nang teh, tarantuknae monnaw hlak
 na sungren teh na hawihnawn.
⁵ A tarankahawinaw lawp lah ao teh,
 mat a i awh toe.
 Tami a tha kaawm apinihai a kut dâw thai awh hoeh.
⁶ Oe Jakop Cathut, na yuenae dawk hoi
 marang hoi ranglengnaw teh kadout e patetlah
 koug a rawp awh.
⁷ Nang teh taki na tho doeh.
 Na lungkhuek pawiteh, na hmalah
 apimouh kangdout thai han.
⁸ Talai vah repcoungröe e naw rungngang teh
 lawkceng hanelah Cathut a kangdue toteh,
⁹ Na lawkcengnae lawk hah kalvan hoi na patoun teh,
 talai teh taki laihoi duem ao. Selah.
¹⁰ Taminaw e lungkhueknae ni na pholen roeroe han.
 Ka cawi e lungkhueknae hai na keng dawk na kâyeng han.
¹¹ BAWIPA na Cathut koevah,
 lawkkam awh nateh, kuep sak awh.
 Atengpam kaawm e pueng ni,
 taki hanelah kaawm e koevah, poehno hah poe awh.
¹² Ama ni lawkcengkungnaw e lung hah, a rahnoum sak han.
 Talai siangpahrangnaw hanelah takikatho poung e lah ao.

77

Cathut ratangnae panuena dawk lungpahawinae

Kathutkung: Asaph

- ¹ Ka lawk hoi Cathut koe ka hram.
 Ka lawk roeroe hoi Cathut koe ka hram teh,
 ama ni na thai pouh.
² Runae kâhmo navah Bawipa teh ka kaw.
 Karum vah ka kut hah pou ka dâw teh,
 ka hringnae ni duem awm ngai hoeh.
³ Cathut ka pouk teh ka cingou.
 Luepluep ka pouk teh,
 ka muitha ngawt a tâwn. Selah.
⁴ Ka mit pou na padai sak teh,
 pou ka kâroe dawkvah, lawk ka dei thai hoeh.
⁵ Yampa e hninnaw hoi
 ayan e kumnaw hah ouk ka pouk.
⁶ Karum vah lanaw hah pahnim hoeh nahanlah ka pouk teh,
 ka lungthung hoi ouk ka pouk.
 Ka muitha ni hai atangcalah a tawng.
⁷ Bawipa ni pou na pahnim han na maw.
 Lunghawi laipalah maw ao han aw.

- 8 A lungmanae teh ka pout han na maw.
A lawkkam hai kuep laipalah maw pou ao han toung.
- 9 Cathut ni pahrennae a pahnim han na maw.
Lungkhuek laihoi a ngai e lungmanae hah a khan toe khe.
- 10 Hete ni ka lung a pataw sak.
Hatei, Lathueng Poung aranglae kut
a kamnue lahunnae kum hah ka pahnim mahoe hah ka ti.
- 11 BAWIPA ni ayan e kângairu hno a sak e naw hah
ka pahnim mahoe hah.
- 12 Na sak e naw puenghai ka pouk teh,
na tawk e hah ka dei han.
- 13 Oe Cathut, na lam teh hmuen kathoung koe ao.
Ka Cathut patetlah ka lentoe e Cathut teh apimaw .
- 14 Nang teh, kângairu hno ka sak e Cathut doeh.
Tamimaya koe na thaonae hah na kamnue sak.
- 15 Na taminaw hoi Jakop hoi Joseph catounnaw hah
na kut hoi na ratang. Selah.
- 16 Oe Cathut, tuinaw ni na hmu.
Tuinaw ni na hmu awh teh, na taki awh.
Kadung poung e tui hai a kâhuet.
- 17 Tâmainaw ni tui a rabawk awh teh,
kalvannaw a cairing teh,
na palanaw teh avoivang lah a yawng awh.
- 18 Na khoparit lawk teh, bongparui daw k ao teh,
sumpapalik ni talai pheng a ang sak.
Talai teh a kâhuet teh a pâyaw.
- 19 Na lam teh talipui daw k ao teh,
na lamthung teh kakaw e tui daw k ao teh,
na khokhnuk teh panue e lah awm hoe hah.
- 20 Mosi hoi Aron kut hoi na taminaw hah
tu hu patetlah na hrawi.

78

Isarel taranthawnae koe Cathut lungmanae

Kathutkung: Asaph

- 1 Oe, ka taminaw ka kâlawk hah tarawi awh nateh,
ka dei e lawk hah na hnâpakeng awh.
- 2 Bangnue nae lahoi ka pahni ka ang vaiteh,
ayan e lawkkaru hah ka pâpho han.
- 3 Hothateh, ka thai teh, ka panue tangcoung e
mintoenaw ni a dei awh e doeh.
- 4 A canaw koehoi kâhrawk mahoe hah.
Ka tho hane senaw koe vah,
BAWIPA pholenna e, a thaonae,
hoi hno kângairu a sak e hah ka dei han.
- 5 Bangtelah tetpawiteh, mintoenaw hah kâ a poe teh,
a ca catounnaw koe a panue sak awh nahanlah,
Jakop koe lawkpanuesaknae hah acak sak teh,
Isarel koe kâlawk hah a poe.
- 6 Kaawm han rae se hoi ka tâcawt han rae camonaw ni,
a catounnaw koe a dei awh vaiteh,

- a panue awh nahanlah,
 7 Cathut dawk a ngaihawi awh nahan hoi
 Cathut hnosak hah pahnim laipalah
 kâpoelawknaw a pahnim awh hoeh nahanlah,
 8 Mintoenaw patetlah lungpatanae,
 taranthawnae, kalan e hno dawk a lung kaawm hoeh e,
 Cathut hanelah yuemkamcu hoeh e muitha lah ao awh hoeh nahane
 doeh.
 9 Ephraim catoun teh tarantuknae a khohna teh licung a patuep ei,
 tarantuk hnin navah a yawng.
 10 Cathut lawkkam tarawi awh hoeh.
 Kâlawk tarawi e ngai awh hoeh.
 11 A sak e hoi hno kângairu a sak e hah,
 a pahnim awh.
 12 A na mintoenaw e mithmu vah,
 kângairu hno hah Izip ram
 Zoan tanghling dawk a sak.
 13 Talîpui hah a kapek teh ahnimanaw hah a cei sak.
 Tui hah hnopai patetlah a pâhlawp.
 14 Kanîthun hai tâmai hoi a hrawi teh,
 tangmin karoitawi hmaiang hoi a hrawi.
 15 Kahrawngum vah, lungsong a bawng teh,
 talîpui tui patetlah moikapap e tui a pânei.
 16 Lungsong thung hoi tui a tâco sak teh,
 palangpui patetlah a lawng sak.
 17 Hatei, ama taranlahoi hoehoe a yon awh teh,
 kahrawngum vah Lathueng Poug taranlahoi taran a thaw awh.
 18 Ca han a ngai poung awh e hah a hei awh teh,
 a lungthin hoi Cathut hah a tanouk awh.
 19 Bokheiyah, Cathut taranlahoi a dei awh e teh,
 kahrawngum vah Cathut ni
 rawca na poe thai awh han na maw, telah ati awh.
 20 Khenhaw! tui a tâco teh,
 tuiko muen ka kawi lah a lawng nahan lah
 lungsongpui hah a hem.
 Rawca hai a poe thai namaw.
 A taminaw hah moi a poe thai han na ou, telah ati awh.
 21 Hatdawkvah, BAWIPA ni hote lawk hah a thai teh a lungkhuek.
 Hat toteh, Jakop taranlahoi hmaito a tâco teh,
 Isarel taranlahoi a lungkhuek.
 22 Bangkongtetpawiteh, Cathut hah yuem awh hoeh.
 A rungangnae hai kâuep awh hoeh.
 23 Hottelah nahlangva, lathueng lae tâmai hah kâ a poe teh,
 kalvan longkha hah a paawng pouh.
 24 Ca hane mana hah ahnimouh lathueng a rak sak teh,
 kalvanlae rawca hah a poe.
 25 Taminaw ni thaonae
 rawca hah a ca awh teh,
 kaboumlah ca hane a patawn.
 26 Kanîtholae kahlî hah kalvan a tho sak teh,
 a hnotithainae lahoi a cum lae kahlî hah a tho sak.

- 27 Vaiphu patetlah moi hah a rak sak teh,
rathei ka tawn e tavanaw hah tuirai e
sadi yit touh apap awh.
- 28 A roenae tengpam
petkâkalup lah a bo pouh.
- 29 Hateh, a ca awh teh king a boum awh.
Bangkongtetpawiteh, a ngai awh e patetlah a poe.
- 30 Hatei, a ngai awh e rawca a hmawt awh hoehnanlan,
a ca awh lahun navah,
- 31 Cathut lungkhueknae teh ahnimouh koe a pha.
A tami tha kaawmnaw hah a thei teh,
Isarel thoundounnaw hah koug a rawp sak.
- 32 Hottelah nahlangva, hoehoe a yon awh teh,
hno kalen a sak awh e hai bout yuem awh hoeh.
- 33 Hatdawkvah, hringyung hnin hah ayawmyin lah a coung sak awh teh,
lungpuennaehoi a kum teh a baw sak awh.
- 34 Ahnimanaw hah a thei awh teh,
a ma tawng hanelah a ban awh teh,
atangcalah Cathut heh a tawng awh.
- 35 Cathut teh amamae lungsongpui doeh tie a panue awh teh,
Lathueng Poug Cathut teh na
karatangkung doeh tie a panue awh.
- 36 Hateiteh, ama teh a pahni hoi a pholen teh,
lai hoi laithoe a dei awh.
- 37 Bangkongtetpawiteh, ahnimae lungthin teh a hmalah lan hoeh,
a lawkkam dawkwuemkamcu awh hoeh.
- 38 Hatei, ama teh lungmanae hoi akawi teh,
a payonnaeh eh a ngaithoum teh,
koung raphoe hoeh.
Bokheiyah, avai moikapap lungkhueknae a roum sak teh,
a lungphuennaehoi kaman sak ngai hoeh.
- 39 Bangkongtetpawiteh, takthai lah ao awh teh,
bout ban hoeh hanelah, kâha a poe e tie hah pahnim awh hoeh.
- 40 Thingyeiyawn vah vai nâyittouh maw
a lungkhuek sak awh teh, ramke vah avai nâyittouh maw
a lungmathoe sak awh toe.
- 41 Bokheiyah, atuhoitu Cathut a tanouk awh teh,
Isarelnaw e Tami Kathoung hah a taran awh.
- 42 A thaonae pâkuem ngai awh hoeh,
a tarannaw koehoi a rungngang ei nakunghai,
pâkuem ngai awh hoeh.
- 43 Izip ram hoi Zoan yawn dawkw
kângairu hno a sak e hoi.
- 44 Ahnimae palang hah thipaling lah a coung sak teh,
ahnimae tuikhunaw hai nei thai hoeh hanlah
thipaling lah koung a coung sak.
- 45 Ahnimouh ka kei e bitseinaw hoi,
ahnimouh karaphoekung ekkanaw hah a tha pouh.
- 46 Ahnimae a pawhiknaw hah,
ahri ni ca hanelah a poe teh,
a tawksak awh e a pawhik hah samtongnaw a poe pouh.
- 47 Ahnimae misurnaw teh roun ni koung a raphoe pouh teh,

- thailahei kungnaw hai tadamtui ni koug a thei pouh.
- 48 Ahnimae saringnaw hai roun ni dêi hanelah a poe pouh teh,
saringnaw hah kei ni a ka pouh.
- 49 Takitho e a lungkhueknae hah
ahnimouh lathueng a rabawk teh,
lungkhueknae, lungpoutnae, hoi runae hah
ahnimouh koe thoenaekaphawtkung
kalvan tami totouh a tha pouh.
- 50 A lungkhueknae hanlah lamthung a sak,
a hringnae hah duenaekhlak pasai laipalah,
lacik mathout hah letlang a poe.
- 51 Izip vah camin pueng hoi Ham e rim
a thaonaekhmaloe poung e hoi koug a raphoe.
- 52 Hatei, a taminaw teh tu patetlah a hrawi teh,
saringnaw patetlah kahrawngum vah a hrawi.
- 53 Karoumcalah a hrawi teh, taki hane banghai awm hoeh.
A tarannaw teh talipui ni koug a ramuk.
- 54 Hahoi, ramri kathoung, aranglaekut hoi a tawn e,
mon totouh a hrawi.
- 55 Ahnimae hmalah, alouke miphunnaw hah a pâlei pouh.
A pang aw hane râw hah a bangnue pouh teh,
alouklouk lah hmuen a poe.
- 56 Hat nahlangva, Lathueng Poug Cathut hah
a tanouk aw hah teh, a lungkhuek sak aw hah teh,
a panuesaknaeklawk hah tarawi aw hah hoeh.
- 57 A na mintoenaw patetlah a kamlang aw hah teh,
yemkamcu hoeh lah a kâroe aw hah.
Dumyennaeklicung patetlah a kâkamei aw hah.
- 58 Bangkongtetpawiteh, ahnimae hmuerasangnaw ni
a lungkhuek sak teh,
a sak aw hah e meikaphawknaw ni dipma sinnaek a tâco sak.
- 59 Hetheh Cathut ni a thai toteh,
puenghoi a lungkhuek teh,
Isarel hah puenghoi a panuet.
- 60 Hatdawkvah, taminaw koe a ta e
Shiloh rim koe totouh a ceitakhai.
- 61 A thaonaekteh san lah a coung sak teh,
a lentoenaekteh a tarannaw kut daw k a poe.
- 62 A taminaw tahloi a kâhmo sak teh,
râw lah a coe e naw koe a lungkhuek.
- 63 A thoundounnaw teh hmai ni a kak aw hah teh,
a tanglanaw ni vâ kâhmo aw hah hoeh.
- 64 A vaihmanaw teh tahloi hoi a thei aw hah eiteh,
lahmainaw ni khui aw hah hoeh.
- 65 BAWIPA teh ka ip e patetlah a kâhlaw teh,
misurtui kecu daw k a hram e athakaawme tami patetlah a hram.
- 66 A taran hah a pâlei teh,
a yungyoe min mathoenaek hah a poe.
- 67 Hothloilah Joseph rim hah a pahnawt teh,
Ephraim miphun hah rawi ngai hoeh.
- 68 Ama koehoi Judah miphun,
Zion mon ka pahren e heh a rawi.

- 69 A hmuen kathoung hah karasang e patetlah a sak teh,
talai patetlah a yungyoe acak sak.
- 70 A san Devit hai a rawi teh
tutakha thung hoi a la.
- 71 Tumanu, a canaw ouk a hrawi e patetlah,
a tami Jakop hoi a coe e râw Isarelkaw
khenyawnkung hanelah a la.
- 72 Hothloilah, a lungthin ahawi e patetlah,
a khetyawt teh, a thounnae kut hoi a hrawi aw.

79

Isarel khuinae hoi ratoumnae

Kathutkung: Asaph

- 1 Oe Cathut, miphun louknaw teh
nange râw thung a kâen aw teh,
Bawkim kathoung a khin sak aw teh,
Jerusalem hah a raphoe aw toe..
- 2 Na sannaw e ro hah kalvan tawanaw
rawca lah a poe aw teh,
na tami kathoungkaw e moi teh kahrawng sarangkaw a paca aw.
- 3 A thipaling teh Jerusalem vah tui patetlah a rabawk aw teh,
kapakawpkung buet touh boehai aw hoe.
- 4 Imrinaw ni pathoe e lah ka o aw teh,
tengpam e naw ni na dudam aw teh na panuikhai aw.
- 5 BAWIPA nâtotouh ne na lungkhuek han vai.
Nâtotouh ne na lung roum laipalah, hmai patetlah a kak han vai.
- 6 Nang panue hane ka ngai hoe e miphun hoi
na min ka kaw ngaihoe e ram koevah,
na lungkhueknae hah awi haw.
- 7 Bangkongtetpawiteh, Jakop catoun hah a kâphi aw teh,
ahnîe hmuen hai a raphoe aw.
- 8 Oe, ayan e payonnae hah kaimouh taran nahanelah pâkuem hanh,
na lungmanae ni karang poung lah na kabawm naseh.
Bangkongtetpawiteh, puenghoi
rahnoum sak lah ka o aw toe.
- 9 Oe rungngangnae Cathut, na kabawm haw.
Bangkongtetpawiteh, na min lentoe nahan lah
na rungngang haw.
Na min kecu dawk ka yonnae hah yonthanae na sak pouh haw.
- 10 Bangkong alouke miphunnaw ni,
nâmouh ahnîmae Cathut te, ati aw.
Na sannaw e thipaling phu moi na pathung e hah
ka mithmu vah miphun pueng ni, panuek aw naseh.
- 11 Thongkabawtnaw kâhramnae lawk teh, nang koe phat naseh.
Ka lentoe e na hnotithainae patetlah
due hanlah a pouk aw e hah, hlout sak haw.
- 12 Oe Jehovah, na min a mathoesaknae hah,
ka imrinaw e phai dawk roeroe vah,
let sari touh hoi patho haw.
- 13 Hottelah, nang koe ka pawngpa aw e,
tuhu lah kaawm e na tami kaimanaw ni nang teh

pou na pholen awh vaiteh, pholennae teh,
se pueng koe ka pâpho awh han.

80

Isarel ban nahanlah ratoumnae

Kathutkung: Asaph

- 1 Oe Isarel Tukhoumking, tuhu patetlah
Joseph kahrawikung na thai pouh haw.
Nang Cherubim koe na kaawm e ang haw.
- 2 Ephraim, Benjamin, hoi Manasseh hmalah
na thaonae hah hroecoe nateh,
tho nateh, na rungngang haw.
- 3 Oe Cathut, na rounng sak haw,
na minhmai hah ang sak nateh,
rungngang lah ka o awh han.
- 4 Oe ransahu Cathut BAWIPA,
na taminaw ratoumnae taranlahoi
bangkong na lungkhuek.
- 5 Mitphi rawca hoi na kawc teh,
mitphi hah ka boum lah na pânei.
- 6 Imrinaw ni yue hanelah na o sak teh,
ka tarannaw ni na panuikhai awh.
- 7 Oe Cathut, na rounng sak haw,
na minhmai hah ang sak nateh,
rungngang lah ka o awh han.
Oe ransabawi Cathut na rounng sak haw.
Na minhmai hah ang sak nateh, rungngang lah ka o han.
- 8 Izip hoi misurkung na la teh,
Jentelnaw na pâlei teh na ung.
- 9 Ahni hane hmuen na hmoun pouh.
Kadung poung lah tangpha na payang teh
ram pueng kounng akawi.
- 10 Mon hah a tâhlip hoi a ramuk teh,
a kang teh kalen e sidar patetlah ao.
- 11 A kangnaw ni talîpui a pha teh,
a dawn teh tuipui koe a pha.
- 12 Lam dawc kacetnaw pueng ni,
a paw a khi awh nahanelah,
Bangkongmaw tumdumnae rapan hah a raphoe awh.
- 13 Ratu thung e pangan ni a hre teh,
kahrawng sarang ni a ca awh.
- 14 Oe ransabawi Cathut, ka kâhei.
Bout ban nateh, kalvan hoi hete misurkung hah,
khen nateh, ring haw.
- 15 Aranglae kut hoi na ung teh,
nang hanlah thao sak e
cakang misur patetlah ao han.
- 16 Hmai dawc pâeng lah ao teh, tâtueng lah ao.
Mei hoi mei kâhmo lah na yue e hah,
khang thai laipalah kounng a kahma awh.
- 17 Aranglae kut dawc kaawm e tami,

nang hanelah thao sak e tami capa lathueng vah,
na kut hah awm lawiseh.

¹⁸ Hottelah pawiteh, nang koehoi kamlang awh mahoe.
Na hring sak haw, na min ka kaw han.

¹⁹ Oe Cathut, na rounng sak haw,
na minhmai hah ang sak nateh,
rungngang lah ka o awh han.
Oe ransahu Cathut na rounng sak haw.

Na minhmai hah ang sak nateh, rungngang lah ka o han.

81

Isarel yon pankângai nahanlah kâheinae.

Kathutkung: Asaph

¹ Maimae thaonae Cathut koe kacaipounglah la sak awh.
Jakop Cathut koe konawm laihoi hram awh.

² La sak awh nateh cecak hah khawng awh.
A lawk kahawi e ratoung tamawi hah kueng awh.

³ Thapa rei hnin, kamhluem hnin,
pawi hnin vah mongka ueng awh.

⁴ Bangkongtetpawiteh, hethateh,
Isarelnaw hanlah phunglam lah ao teh,
Jakop Cathut kâlawk lah ao.

⁵ Hethateh, Izip ram pueng a cei awh teh,
thai panuek hoeh e lawk thainae hmuen koevah,
lawkpanuesaknae Joseph koe a sak e doeh.

⁶ A loung daw k a hrawm e hnori hah a puen pouh teh,
a kut hoi a tawm e a bawm hah a kuem pouh.

⁷ Rucacat navah na kaw teh na rungngang awh.
khoparitnae hmuen koehoi na pato awh teh,
Meribah tui koehoi na tanouk awh. Selah.

⁸ Oe ka taminaw thai awh haw,
lawk na thui vai.
Oe Isarel ka lawk tarawi awh haw.

⁹ Miphun louk cathut nangmouh koe awm mahoe.
Miphun louk cathut na bawc awh mahoe.

¹⁰ Kai teh Cathut Jehovah,
Izip ram hoi na kahrawikung doeh.
Ka kaw lah na pahni ang awh nateh, ka kawi sak han.

¹¹ Hatei, ka taminaw ni ka lawk hah ngai awh hoeh.
Isarelnaw ni banglahai na pouk awh hoeh.

¹² Amamae lungpatanae koe ka poe teh,
amamouh ngai patetlah ao awh.

¹³ Oe ka taminaw ni ka lawk hah ngai boilah,
Isarel ni ka lamthung dawn haw pawiteh khe.

¹⁴ A taran tang ka tâ pouh vaiteh,
ahnimouh katarankungnaw koe
ka kut ka dâw pouh han eite.

¹⁵ BAWIPA kahmuhmanaw ni
a hmalah kâhet awh vaiteh,
ka taminaw teh pou a kangning awh han eite.

¹⁶ Kahawi poung e tavai hoi ka kawc vaiteh,
lungsong thung e khoitui hoi a lungkhuekti sak han eite.

82

Lan nahanlah kâheinae

Kathutkung: Asaph

- 1 Cathut teh cathutnaw a kamkhuengnae koe a kangdue teh,
cathutnaw lawk a ceng.
- 2 Nâtotouh ne kânging hoeh lah lawk na ceng awh vaiteh,
tamikathoutnaw hah na kapek awh han vai. Selah.
- 3 Mathoe hoi naranaw hanlah lawkceng pouh nateh,
runae kâhmonaw hoi kavoutnaw hah
kânging lah lawkceng awh.
- 4 Mathoe hoi kavoutnaw hah rasat awh nateh,
tamikathoutnaw kut dawk hoi tâcawt sak awh,
- 5 Panuek awh hoeh, thai panuek awh hoeh,
hmonae koe a kâva awh teh, talaidu pueng teh a kâhuet.
- 6 Nangmouh teh cathutnaw doeh,
Lathueng Poung e canaw lah na o awh.
- 7 Hatei, tami patetlah na due han,
bawi thung dawk e buet touh patetlah
na rawp awh han.
- 8 Oe Cathut thaw haw, talai heh lawkceng haw.
Bangkongtetpawiteh,
miphun pueng heh râw lah na pang han.

83

Isarel hlout nahanlah ratoumnae

Kathutkung: Asaph

- 1 Oe Cathut, duem awm hanh leih,
lawk tho laipalah duem awm hanh.
Oe Cathut duem awm hanh.
- 2 Na tarannaw teh ruengruengti awh.
Nang kahmuhmanaw teh a lounougouk awh.
- 3 Na taminaw taranlahoi hnepnap hoi kho a khan awh teh,
na hro e na taminaw taran laihoi pouknae a kâoup awh.
- 4 Tho awh, miphun lah aonae koehoi raphoe awh sei,
Isarel min hai panue hoeh nahanlah ati awh.
- 5 Lungpouk buet touh lah, a kâpan awh teh,
nang taranlahoi lawkkamnae teh a sak awh.
- 6 Edom hoi Ishmael rim dawk kaawmnaw,
Moab hoi Hagar,
- 7 Gebal hoi Amon, Amalek hoi Filistin,
hoi Taire kaawm e naw hoi lawkkam a sak awh.
- 8 Assyria hai ahnimouh koelah a kambawng teh,
Lot catounnaw hah a kabawp. Selah.
- 9 Ahnimouh teh Midian koe na sak e patetlah,
Kishion palang vah Sisera koehoi Jabin koe na sak e patetlah,
bout sak pouh haw.
- 10 Ahnimouh teh Endor vah a due awh teh,
talai dawk vaipuen lah a coung awh.
- 11 A tami kalennaw teh Oreb hoi Zeeb patetlah sak nateh,
Bokheiyah, ahnimae siangpahrang pueng hah
Zeeb hoi Zalmunna patetlah sak haw.

- 12 Hotnaw ni Cathut e saring pânae hmuen koehoi,
kamamouh hanlah ka la aw h han ati aw h.
- 13 Oe Cathut ahnimouh teh vaiphu kahli ni palek e hoi
vaikong kahli ni a palek e patetlah coung sak haw.
- 14 Hmai ni thing a kak e hoi,
mon hah hmai ni a kak e patetlah coung sak haw.
- 15 Ahnimouh teh na kahli kathout hoi pâlei nateh,
puenghoi katang e kahli hoi pakhi haw.
- 16 Oe BAWIPA, na min a tawng aw h nahan lah
a minhmai ka paling lah kayak sak ngala haw.
- 17 Nang dueng doeh BAWIPA min ka sin e hoi
talai van pueng daw k Lathueng Poug
lah na o e hah na panue thai aw h nahanelah,
- 18 Yeiraipo hoi rucacat hoi pou aw m sak haw.
Bokheiyah, kaya hoi aw m sak nateh,
koung kahmat naseh.

84

Cathut im khosak yawhawinae

Kathutkung: Korah capanaw

- 1 Oe ransahu BAWIPA, na onae teh
banghloimaw ngai ao.
- 2 Ka hringnae ni a rabui, Bokheiyah,
BAWIPA thongma rabui laihoi ka tâwn.
Ka lungthin hoi ka takthai ni
kahring Cathut teh atangcalah a kaw.
- 3 Oe ransahu BAWIPA, ka Siangpahrang hoi ka Cathut,
na thuengnae khoungroe daw k pusu ni tabu a tuk teh,
pingpit ni hai a canaw ta nahanelah tabu a tuk.
- 4 Na im daw k kaawmnaw teh,
a yaw kahawi e doeh.
Pou na pholen aw h han. Selah.
- 5 Nang thaonae lah ka hnonaw hoi
hmuen ka thoung koe cei ngainae
lungthin ka tawn naw teh tami a yaw kahawi e doeh.
- 6 Baca yaw n daw k a cei aw h navah,
tuihuek tâconae lah a coung sak teh,
khotui hai a kamuem sak.
- 7 Thaonae koehoi thathoenae koe lah cei aw h teh,
buet touh hnukkhu buet touh
Zion Cathut hmalah a kamnu e aw h.
- 8 Oe ransahu Cathut BAWIPA,
ka ratoumnae heh na thai pouh haw.
Oe, Jakop Cathut, na hnâpakeng haw.
- 9 Oe Cathut, ka bahling khen nateh,
Satui na aw i e mei hah khenhaw!
- 10 Bangkongtetpawiteh,
na thongma daw k hnin touh o e teh,
alouklah hnin 1,000 touh o e hlak ahawihnawn.
Thoenae rim daw k o e hlak teh
Cathut im longkha ring e ka ngaihawn.
- 11 Bangkongtetpawiteh, BAWIPA Cathut teh

kanî hoi bahling doeh.

BAWIPA ni lungmanae hoi bawilennae a poe han.

- 12 Oe ransahu BAWIPA,
nang kâuep e teh a yaw kahawi e doeh.

85

Ram hanlah BAWIPA koe ratoumnae

Kathutkung: Korah capanaw

- 1 Oe, BAWIPA, na ram hah na lungyouk teh,
Jakop catoun san lah a hrawi e naw hah
bout na bankhai toe.
- 2 Na taminaw e payonnae hah na ngaithoum teh,
a yonnae pueng na ramuk pouh toe.
- 3 Na lungkhueknae pueng hai na dam sak teh,
na lungkâannaeh pueng hai na kamlang takhai toe.
- 4 Oe ka rungngangnae Cathut,
bout na rounng sak haw,
ka lathueng na lungkhueknae teh na takhoe pouh haw.
- 5 Kaimouh koe na lung pou a khuek han maw.
Na lungkhueknae teh se pueng dawk na caksak han na maw.
- 6 Nang dawk na taminaw a konawm thai awh nahan,
bout na pâhlaw mahoe h toung na maw.
- 7 BAWIPA, na lungmanae na hmawt sak nateh,
na rungngangnae na poe haw.
- 8 BAWIPA Cathut ni a dei hane lawk hah ka tarawi han.
Bangkongtetpawiteh, a taminaw hoi
a tamikathoungnaw koevah,
lungmawngnae lawk hah a dei han.
Hatei, pathunae koe lah teh kamlang awh hanh.
- 9 Maimae ram dawk bawilennae ao thai nahan,
a rungngangnae teh ama ka taketnaw hoi a hnai tangngak.
- 10 Lungmanae hoi lawkkatang a kâhmo teh,
lannaeh hoi lungmawngnae a kâpahnuiep.
- 11 Lawkkatang teh talai dawk hoi a dâwn teh,
lannaeh ni kalvan hoi a khet.
- 12 Bokheiyah, BAWIPA ni hnokahawi a poe.
Maimae ram ni a tâcokhai e a pawhik teh a pung han.
- 13 A hmalah lannaeh a cei vaiteh,
khokhnuk teh lamthung lah a sak han.

86

BAWIPA pouk laihoi lungmanae hei ratoumnae

Kasakkung: Devit

- 1 Oe BAWIPA, na hnâpakeng nateh, na thai pouh haw.
Bangkongtetpawiteh, mathoe hoi ka vout e lah ka o.
- 2 ka hringnaeh heh na khetyawt teh, ka thoung e lah ka o.
Ka Cathut lah na o.
Nang kâuep e na san hah na rungngang haw.
- 3 Oe BAWIPA, na pahren haw.
Bangkongtetpawiteh, kanîloum totouh nang teh pou na kaw.

- 4 Na san hringnae heh lunghawi sak haw.
Bangkongtetpawiteh, Oe Bawipa,
ka hringnae ni nang dueng doeh na khet.
- 5 Bangkongtetpawiteh, Bawipa, nang teh na hawi.
Ngaihoum hanelah coungkacoe na kâcai teh,
na ka kaw e pueng koe pahrennae moikapap na ka tawn e lah na o.
- 6 Oe BAWIPA, ka ratounnae heh na thai pouh haw.
Pahrennae ka hei e heh na thai pouh haw.
- 7 Runae kâhmo navah na kaw han.
Bangkongtetpawiteh, nang ni teh na pato han.
- 8 Oe BAWIPA, cathutnaw thung daw
nang hoi kâvan e awm hoeh.
Na sak e patetlah ka sak thai e hai awm hoeh.
- 9 Oe Bawipa na sak e mipun pueng,
na hmalah tho vaiteh na bawk aw h vaiteh,
na min a pholen aw h han.
- 10 Bangkongtetpawiteh, nang teh na lentoe teh,
kângairuhno ouk na sak.
Nang dueng doeh Cathut.
- 11 Oe BAWIPA, na lam heh na cangkhai haw.
Na lawkkatang daw ka o han.
Na min bari nahanelah lungthin buet touh lah na tawn sak haw.
- 12 Oe Bawipa ka Cathut, ka lungthin abuemlahoi na pholen vaiteh,
na min teh a yungyoe hoi ka tawmrasang han.
- 13 Bangkongtetpawiteh, kai daw
na lungmanae teh a len poung.
Ka dungpoung e Sheol hoi ka muitha teh na rungngang toe.
- 14 Oe Cathut, tami kâoupnaw ni na taran teh,
tamimathoutnaw ni ka hringnae a tawng aw h,
a hmalah nang hah na tat aw h hoeh.
- 15 Hatei, Oe BAWIPA, nang teh, lungmanae,
lungpatawnae, lungsawnae, poukthainae,
hoi lawkkatang hoi kakawi e Cathut doeh.
- 16 Kai koelah kamlang nateh na pahren haw.
Na san koe thaonae na poe haw,
na sannu capa heh na rungngang haw.
- 17 Hawinae hanlah mitnoutnae kamnuek sak haw.
Na kahmawt ngaihoe h naw ni a hmu aw h toteh, kayak aw h naseh.
BAWIPA nang ni na kabawp teh lung na pahawi.

87

Cathut khopui bawilennae

Kathutkung: Korah capanaw

- 1 Khopui teh mon ka thoung daw ka kangdue sak.
- 2 Jakop khosaknae pueng hlak hai BAWIPA ni
Zion longkha a lungpatawhnawn.
- 3 Oe Cathut e khopui, na kong heh
ka sungren poung lah ouk a dei aw h. Selah.
- 4 Na kapanueknaw koe Rahab hoi
Babilon kong hah ka dei han.
Khenhaw! Oe Filistin hoi Taire, Ethiopia,

- hethéh, haw hoi ka tâcawt e doeh ati aw h han.
⁵ Zion kong daw k hettelah a dei aw h han.
 Het hoi hot teh ama daw k hoi ka tâcawt e doeh.
 Lathueng Poug ni a ma teh, a caksak telah ati aw h han.
⁶ BAWIPA ni tami pueng min a thut toteh,
 hethateh, haw e ka tâcawt e doeh telah mitnout a ta aw h han.
⁷ La kasaknaw hoi tumkhawng kakhawngnaw ni,
 tuiphuek pueng nang koe ao telah ati aw h han.

88

Lungpoutnae hoi kabawp heinae

Kasakkung: Korah Capa Heman

- ¹ Oe BAWIPA kaie rungngangnae Cathut,
 na hmalah karum khodai ka hram.
² Na hmalah ka ratoumnae phat naseh,
 ka hramnae heh na thai pouh haw.
³ Ka hringnae teh runae hoi a kaw i teh,
 Sheol phuen teng rek ka pha toe.
⁴ Tangkom daw k kâennaw hoi mek touksin lah ka o teh,
 thaonae ka tawn hoeh e patetlah ka o.
⁵ Taran ni a thei teh tangkom daw k pakawp e patetlah,
 tami kadoutnaw koe tâkhawng lah ka o teh,
 pouk hoeh e kabawp hoeh e patetlah ka o.
⁶ Tangkom daw k a dengnae koe, adungnae koe,
 a hmo poungnae koe vah na ta.
⁷ Na lungkhueknae ni na ratet teh,
 na tuicama ni na ramuk. Selah.
⁸ Ka panue e naw hah kai koehoi ahlanae koe na ta teh,
 ahnimouh hanlah panuettho e lah na coung sak.
 na taren sin teh ka tâcawt thai hoeh toe.
⁹ Runae kecu ka mit a mom.
 Hnintangkuem BAWIPA ka kaw teh, ka kut nang koe ka dâw.
¹⁰ Tami kadoutnaw hanlah kângairu na sak han na maw.
 Tamikadout thaw vaiteh, na pholen han na maw. Selah.
¹¹ Na lungpatawnae teh phuen koe pâpho vaiteh,
 yuemkamcu lah na onae hah
 duenae hmuen koe pâpho han na maw.
¹² Kângairu na sak e hah hmonae koe panue han na maw.
 Na lannae teh pahnim e ram daw k panue thai han na maw.
¹³ Hatei, Oe BAWIPA, nang koevah ka hram.
 Amom ka ratoumnae nang koe a pha han.
¹⁴ BAWIPA bangkongmaw ka hringnae hah na tâkhawng.
 Bangkongmaw kaimouh koehoi na minhmai na hro.
¹⁵ Ka camo nah hoi runae ka khang teh, due hane coungkacoe ka o toe.
 Taki na thonae hah ka khang teh
 kabawmkung ka tawn hoeh.
¹⁶ Na lungkhueknae ni na ramuk teh,
 taki na thonae ni na raphoe toe.
¹⁷ Hotnaw ni tui patetlah kanîloum totouh
 pou na ramuk teh na kalup.
¹⁸ Ka pahren e hoi ka huikonaw heh ahlanae koe a ta teh,

ka panue e naw hai hmonae koe na o sak.

89

Cathut lawkkam

Kasakkung: Ethan

- 1 BAWIPA lungmanae teh la hoi pou ka sak han.
Yuemkamcu lah na onae teh se pueng dawk
ka pahni ni a pholen han.
- 2 Lungmanae teh a kangning.
Yuemkamcu lah na onae teh kalvan roeroe vah,
acak telah ka dei toe.
- 3 Ka rawi e koevah lawk ka kam toe.
Ka san Devit koe thoe ka bo toe.
- 4 Na catoun hah pou ka caksak han.
Na bawitungkhung hah se pueng dawk
kangdue sak han. Selah.
- 5 Oe BAWIPA, kalvannaw ni kângairu lah
na onae hah a pholen aw hah teh,
tamikathoungnaw kamkhuengnae koe
yuemkamcu lah na onae hai, a pholen aw hah.
- 6 Bangkongtetpawiteh, kalvan vah BAWIPA hoi
bangnue thai e apimouh kaawm.
Athakaawmnaw thung dawk
BAWIPA patet e ao han na ou.
- 7 Tamikathoungnaw kamkhuengnae koe Cathut teh,
lentoe poung lahoi taki hanelah ao.
A tengpam e tami pueng ni a bari aw hanelah ao.
- 8 Oe, kalvan ransabawi Cathut BAWIPA,
nang patetlah athakaawm ao nama,
Oe, BAWIPA, yuemkamcu lah na onae ni koug na kalup.
- 9 Talípui tuicama ka thaw e hai na uk teh,
tuicama a thaw teh na roum sak.
- 10 Tami ni taran a thei e patetlah,
Rahab hah na raphoe teh, koug na kayei.
Na taran hah na kut thaonae hoi koug na pâlei.
- 11 Kalvannaw hah nange lah ao teh,
talai hai nange doeh.
Talaivan hoi a thung kaawm e pueng hah na kangdue sak toe.
- 12 Atung aka heh na sak e lah ao teh,
Tabor hoi Hermon teh na min dawk a konawm.
- 13 Athakaawme kutbuembue hah na tawn.
Na kut heh a tha a sai teh aranglae
kut teh hoe a rasang.
- 14 Lannaehoi kângingnae teh,
na bawitungkhung kamtuenaeh lah ao teh,
lungmanae hoi lawkkatang teh na hmalah a cei.
- 15 Lunghawinaeh kamthang ka thai e teh,
tami yawkahawi e doeh.
Oe BAWIPA, ahnimouh teh na minhmai
angnaeh dawk kho a sak aw hah.
- 16 Na min dawkvah hnintangkuem a lunghawi aw hah teh,
na lannaeh dawkvah tawm lah ao aw hah.

- 17 Bangkongtetpawiteh, nang teh ka sungren e
a thaonae lah na o.
- 18 Bangkongtetpawiteh, BAWIPA teh maimae
bahling lah ao teh, Isarelnaw e Kathoung E,
maimae siangpahrang lah ao.
- 19 Hottelah, na tamikathoung koe kamnue nae lahoi
lawk na dei teh, athakaawme hah kabawp teh,
tamimaya thung hoi rawi e teh ka pholen.
- 20 Ka san Devit hah ka hmu teh,
kathounge satui hoi ka awi toe.
- 21 Ka kut hoi kacaklah ka kuet vaiteh,
ka kutbuembue ni a tha ao sak han.
- 22 Taran ni na dum thai mahoe h,
tami ni patawnae na poe thai mahoe h.
- 23 Ama ka tarannaw hah a hmalah ka parawp vaiteh,
ama kahmuhmanaw hah ka hem han.
- 24 Ama koe yuemkamcu lah ka onae hoi,
lungmanae teh pou ao han.
Ka min kecu daw k a ki hah tawm lah ao han.
- 25 A kut hai talipui daw k ka ta vaiteh,
aranglae kut hah palangpui daw k ka ta han.
- 26 Ama ni kai koe vah, nang teh apa ka Cathut,
ka rungngangnae lungsongpui lah
na o telah a hram han.
- 27 Ama teh ka camin lah ka coung sak vaiteh,
talai siangpahrang ka rasang poung lah ka coung sak han.
- 28 Ka lungmanae hoi pou ka ring vaiteh,
ahni koe ka lawkkam teh kacaklah a kangdue han.
- 29 A catoun hai yungyoe ka kangning sak vaiteh,
a bawitungkhung hai kalvan
a kangning roukrak ka kangning sak han.
- 30 A canaw ni ka kâlawk a kamlang takhai aw h teh,
ka lawkcengnae patetlah aw m laipalah,
- 31 ka phunglam a tapoe aw h teh,
kaie kâpoelawknaw tarawi aw h hoe h pawiteh,
- 32 Kâtapoenae daw k sumtaboung hoi ka rek vaiteh,
payonnae daw k ka hem aw h han.
- 33 Hatei, ka lungmanae teh
ahni koehoi koung ka lat pou h mahoe h.
Yuemkamcu lah ka onae hah
ayawmyin lah ao hane ka pasoung hoe h.
- 34 Ka lawkkam ka raphoe mahoe h,
ka pahni daw k hoi ka tâcaw t e law k heh
ka thung mahoe h toe.
- 35 Vai tou h kaie thoungnae hoi thoe ka bo teh,
Devit koe laithoe ka dei mahoe h.
- 36 A catoun hah a yungyoe a kangning vaiteh,
a bawitungkhung teh ka hmalah,
kanî patetlah a kangdue han.
- 37 Thapa patetlah a yungyoe hanelah caksak lah aw m vaiteh,
kalvan yuemkamcu panuekkhaikung patetlah ao han. Selah.
- 38 Hatei, nang ni hnamthun takhai hoi na panuet teh,

- satui awi e dawkvah na lungkhuek.
- 39 Na san hoi lawkkamnae na raphoe teh,
a bawilakhung talai dawk a bo teh
banglah na ngai pouh hoeh.
- 40 Kalupnae tapangpueng na raphoe teh,
na rapanim hah he na raphoe.
- 41 Lam dawk ka cet e pueng ni hno a la pouh awh teh,
a tengpam e naw ni a pathoe awh.
- 42 A tarannaw e kut tha na o sak teh,
a tarannaw pueng hah a lung na tho sak.
- 43 Ka hran e tahloi hah na ban sak teh,
tarantuknae koe na kabawm hoeh toe.
- 44 A lentoenae hah na pout sak teh,
a bawitungkhung hah talai dawk na tâkhawng pouh.
- 45 A nawsainae tueng na duem sak teh,
yeirai hni hah na kâkhu sak.
- 46 BAWIPA bangkong ngailawi na o han.
Pou na kâhro han maw.
Na lungkhueknae teh hmai patetlah
pou a kaman han maw.
- 47 Ka tueng a duemnae hah na pahnim pouh hanh.
Bangkongtetpawiteh, tami catounnaw hah
cungkeihoeh lah na sak.
- 48 Apipatet mouh duenae kâhmo laipalah ka hring thai.
Phuen thaonae dawk hoi kârungngang thai e apimouh kaawm.
- 49 BAWIPA, Devit koe thoe na bo e
ahmaloe e lungpatawnae teh, nâne ao toung.
- 50 BAWIPA, na sannaw pathoe lah a onae pahnim hanh.
Athakaawme tami moikapap ni pathoenae hah kai ni ka khang.
- 51 Oe BAWIPA, na taran ni na pathoe teh,
satui awi e a cei nah pueng koe a pathoe awh.
- 52 BAWIPA teh a yungyoe hoi a yungyoe
pholen lah awm lawiseh.
Amen hoi Amen.

90

Cathut e tami Mosi ratounnae

Kasakkung: Mosi

- 1 BAWIPA nang teh se pueng dawk
ka onae doeh.
- 2 Montamnaw na sak hoehnahlan,
talai hoi talai hnonaw na sak hoehnahlan hoi,
nang teh a yungyoe hoi a yungyoe e Cathut lah na o.
- 3 Tami teh rawkphainae koe na ban sak teh,
tami canaw ban aw hoi leih na ti.
- 4 Bangkongtetpawiteh, na mithmu vah
kum 1,000 touh heh kaloum
tangcoung e paduem patetlah ao teh,
tangmin buet touh patetlah ao.
- 5 Ahnmouh teh tuikalen patetlah na loum sak teh,
vai touh muet ka ip e patetlah na o sak.

- Amom e phokahring ka nâw e patetlah doeh ao.
- 6 Amom vah dikhring lah a nâw teh,
tangmin lah tâtueng lah ao teh a kamyai awh.
- 7 Bangkongtetpawiteh, na lungkhueknae lahoi
rawkphainae koe pha awh toe.
Na lungkhueknae lahoi na pakhi awh toe.
- 8 Ka payonnae teh na hmalah thoseh,
ka hro awh e yonnae teh,
na minhmai angnae koe thoseh, pheng dan lah ao.
- 9 Bangkongtetpawiteh, ahninnaw teh
na lungkhueknae dawk a loum awh teh,
ka kumnaw teh cingounae dawk ka baw sak awh.
- 10 Hringyung teh kum 70 touh doeh.
Thao dawkvah, kum 80 touh hai a pha thai.
Hatei, kum sawnae teh,
thatawnnae hoi lungmathoenae lah doeh ao.
Bangkongtetpawiteh, tang a loum teh
maimouh hai tang due awh.
- 11 Na lungkhuek thaonae heh apinimouh a panue.
Na lungkhueknae heh taki han totouh apinimaw a taki.
- 12 Hottelah lungangnae lungthin
tawn thai awh nahanelah,
ahnintha pareinae na cangkhai haw.
- 13 Oe BAWIPA, bout ban haw.
Nâtotouh maw na o han.
Na sannaw heh pahren haw.
- 14 Ka hringyung thung ka lunghawi awh teh,
kanawm thai awh nahanelah,
na lungmanae hoi karanglah lung na kuep sak haw.
- 15 Hno kathout hmonae kum pueng hoi,
na rektapnae hninthapa pueng hah
ka lunghawinae lah coung sak haw.
- 16 Na sak e hah na sannaw koe kamnue sak nateh,
na bawilennaeh teh a canaw koe kamnuek naseh.
- 17 BAWIPA Cathut na lunghawinae teh,
kai koe awm naseh.
Ka kut ni a tawk e naw teh, maimouh hanlah cak seh.
Ka kut ni a tawk e naw teh, caksak lah awm lawiseh.

91

Cathut hmalah pou o e doeh roumnae

Kasakkung: Panuekhoeh

- 1 Lathueng Poung ni nguenae hmuen koe kaawm e teh,
Athakasaipounge a tâhlip dawk ao han.
- 2 Ama teh ka kânguenae hoi ka rapanim,
ka Cathut, ka kâuep e lah ao,
telah BAWIPA hah ka dei han.
- 3 Ama ni karap dawk hoi thoseh,
lacik kathout dawk hoi thoseh na rungngang han.
- 4 A rathei hoi na ramuk vaiteh,
a rathei rahim na lung a mawng han.
A lawkkateng teh na lungmawngnae bahling lah ao han.

- 5 Karum lae runae hoi khodai lae
pala hai na taket mahoe.
- 6 Khohmo nah ka tho e lacik na taket mahoe,
kanithun ka tho e rawkphainae hai na taket mahoe.
- 7 Na teng vah thong touh kamlet niteh,
aranglah thong hra touh kamlet nakunghai,
nang koe hnai mahoe.
- 8 Na mit hoi khen nateh,
tamikathoutnaw ni a kâhmo awh e teh,
na hmu han doeh.
- 9 BAWIPA teh kânguenae lah ao telah na dei teh,
Lathueng Poug dawk na o nahanelah na sak dawkvah,
- 10 thoena banghai nang koe phat mahoe.
Na onae koe lacik kathout tho mahoe.
- 11 Na lamthung pueng khenyawnkung lah,
kalvan taminaw hah kâ a poe han.
- 12 A kut hoi na tawm vaiteh,
na khok hoi talung na kamthui mahoe.
- 13 Sendek hoi hrnthoe van na luen vaiteh,
Sendek hoi khorui hah na khok hoi na coungroe han.
- 14 Ahni ni na lungpataw dawkvah,
kai ni ka rungngang han.
Ka min a panue dawkvah ka tawm han.
- 15 Na kaw toteh ka pato han.
Runae a kâhmo toteh, ahni koe ka o vaiteh,
ka rungngang vaiteh, ka bari han.
- 16 Hringsawnae hoi a lung ka kuep sak vaiteh,
ka rungngangnae hah ka pätue han.

92

Yuemkamcunae hoi lungpatawnae dawk Cathut pholennae

Kasakung: panuekhoeh

- 1 Bawipa koe lunghawilawk dei e heh ahawi.
Oe a Lathueng Poug Cathut,
na min pholen teh la sak e heh ahawi tangngak.
- 2 Rui hra touh thueng e ratoung hoi
tamawi hoi lawk phunkuep kacai e tumkhawng e hoi,
- 3 a pahrennae hoi yuemkamcunae naw teh,
amom karoitawi tangmin karoitawi pâpho hanelah ahawi tangngak.
- 4 Oe BAWIPA, na hnosak e naw ni banghloimaw
lung na hawi sak.
na kutsaknaw dawk
lungnaw hoi la ka sak han.
- 5 Oe BAWIPA na tawm e hah banghloimaw a len.
Na pouknae naw teh adung tangngak.
- 6 Tamipathu ni teh panuek hoeh,
thaipanuek hoeh.
- 7 Tamikathoutnaw teh phokahring patetlah a cawn awh teh,
ka payonnaw pueng a tawnta awh toteh,
a yungyoe a rawk awh nahanelah, letlang a coung.
- 8 Hatei, BAWIPA nang teh

- a rasangnae koe na o yungyoe.
- ⁹ Oe BAWIPA, na tarannaw heh khenhaw!
Bangkongtetpawiteh, khenhaw!
na tarannaw koug a kahma han.
Payonnae ka sak e naw pueng teh, koug kayei lah ao han.
- ¹⁰ Hatei, ka ki heh sakrak e ki patetlah na saw sak teh,
satui katha hoi awi lah ka o.
- ¹¹ Ka tarannaw koe phat seh
ka tie hah ka mit ni a hmu toe.
Na ka taran e tamikathout koe ka pouk e a kuep teh, ka hnâ ni a thai.
- ¹² Tamikalan teh samtue patetlah kâhuen vaiteh,
Lebanon mon e Sidar thing patetlah a roug han.
- ¹³ BAWIPA im dawk ung e naw teh,
Cathut thongma dawk a kâhuet aw h han.
- ¹⁴ A matawng totouh a pawhik katha lah tâcawt vaiteh,
pou a kâhuet aw h han.
- ¹⁵ BAWIPA teh a lan tie kamnue saknae lah,
ama teh lungsong lah ao teh,
ama dawk lanhoehnae banghai awm hoeh.

93

A yungyoe BAWIPA uknae

Kasakkung: panuekhoeh

- ¹ BAWIPA ni a uk, taluena e hoi a kamthoup.
BAWIPA kamthoupnae lah ao teh,
thaona e hah a keng dawk a kâyeng.
Talaivan heh a kâhuet thai hoeh nahanlah caksak lah ao.
- ² Na bawitungkhung teh ayan hoi caksak lah ao teh,
nang teh a yungyoe hoi na o toe.
- ³ Oe BAWIPA, tuikalen a thaw,
tuikalen ni a cairing teh
tuikalen ni tuicapa a thaw sak.
- ⁴ A rasangnae koe kaawm e BAWIPA teh,
tui moikapap pawlawk hoi,
talîpui tuicapa thaona e hlak hai a thaohnawn.
- ⁵ Na lawkpanuesaknae naw teh, a kamceng.
Oe BAWIPA, a yungyoe hoi na im teh
thoungnae hoi pathoup e lah ao.

94

Tami kalan hanelah kânguenae Cathut

Kasakkung: Panuekhoeh

- ¹ Oe BAWIPA Cathut, moipathungnae katawnkung,
Oe Cathut moipathungnae katawnkung, ang haw.
- ² Talai taminaw lawkcengkung,
thaw haw, ka kâoupnaw hah moipathung haw.
- ³ Oe BAWIPA, tamikathoutnaw teh nâtotouh ne,
nâtotouh ne a lunghawi aw h han vai.
- ⁴ A ngai patetlah lawk a dei aw h teh,
a lawk a hram aw h teh,
nâtotouh ne a kâoup aw h han vai.

- 5 Oe BAWIPA, na taminaw hah a pacekpahlek awh teh,
nange râw hah a rektap awh.
- 6 Lahmainu hoi imyinnaw hah a thei awh teh,
na pa kaawm hoeh e naw hah ouk a thei awh.
- 7 BAWIPA ni hmawt mahoe, h,
Jakop Cathut ni hai panuek mahoe h ati awh.
- 8 Maya thung daw k e tamipathunaw,
panuek awh haw,
Nâtuek maw na lungang awh han vai.
- 9 Thainae hnâ kasakkung ni thai mahoe h ou.
Mit kasakkung ni hmawt mahoe h ou.
- 10 Miphunnaw kacangkhaikung hoi
panuenae kacangkhaikung ni panuek mahoe h ou.
- 11 BAWIPA ni taminaw e pouknae
banghai bang hoeh e hah a panue.
- 12 Oe BAWIPA, na kâlawk daw k hoi na cangkhai teh,
na yue e naw teh a yawkahawi e lah ao.
- 13 Tamikathout hanelah tangkom tai hoe hroukrak,
runae daw k hoi na kâhat sak thai mahoe h.
- 14 Bangkongtetpawiteh, BAWIPA ni
a taminaw hah hnoun mahoe h,
a râw takhoe mahoe h.
- 15 Hatei, tamikalan koe lawkcengnae ban vaiteh,
a lungthin kalan e pueng ni a tarawi awh han.
- 16 Yonnae kasaknaw taran hanelah
apimouh kai hanlah ka thaw han.
Payonnae kasaknaw taran hanelah
apimaw kai yueng lah kangdout han.
- 17 BAWIPA teh kabawmkung lah awm hoeh pawiteh,
duem onae koe ka hringnae yout kahmat han doeh toe.
- 18 Kangduenae hawihoe h ka tet pawiteh,
Oe BAWIPA, na lungmanae ni na kuet han.
- 19 Ka lung mak pathu navah,
lung na pahawinae ni ka lung ahawi sak.
- 20 Payonnae bawitungkhung,
hawihoe hnae phung hai a sak awh e teh,
nang hoi kâhuiko thai han vaimoe.
- 21 Ayânaw hringnae taranlahoi a kâhmo teh,
yonnae ka tawn hoeh naw hah yon a pen awh.
- 22 Hatei, BAWIPA teh ka kânguenae doeh.
Ka Cathut teh ka lungsong doeh.
- 23 A payonnae hah amamouh lathueng phat sak nateh,
hawihoe hnae a sak awh lahun nah
koug a tâtueng awh han.
BAWIPA maimae Cathut ni koug a tâtueng awh han.

95

Kâlawk tarawi hane hoi baw hanelah counnae

Kasakkung: panuekhoeh

- ¹ Oe, tho awh haw, BAWIPA koe la sak awh sei.
Maimae rungangnae lungsong hah

- pholen laihoi lunghawi hoi hram aw h sei .
 2 Lunghawilawkdinae lahoi a hmalah cet aw h sei.
 Lunghawinae la hoi ama koe hram aw h sei.
 3 BAWIPA teh ka lentoe e Cathut lah ao,
 cathut pueng e Siangpahrang kalen lah ao.
 4 Talai a dungpoungnae teh a kut daw k ao teh,
 mon karasangnaw hai amae doeh.
 5 Talipui hai a sak teh, amae doeh.
 Talai hai a kutsak doeh.
 6 Tho aw h, tabo laihoi baw k aw h sei.
 BAWIPA na kasakkung hmalah
 khokcuengkhuem aw h sei.
 7 Ama teh maimae Cathut doeh.
 Maimouh hai ama koe ka pawngpa e
 a kut rahim e tuhu lah o aw h.
 8 Sahnin vah nangmouh teh
 a law k na thai aw h nahlangva
 na lungpatak sak hanh aw h.
 9 Nangmae mintoenaw ni kum 40 touh thung,
 kai hah aphunphun lah na tanouk aw h teh,
 kaie thaw a hmuna e kahrawngum vah,
 kai na taran aw h teh,
 na tanouk aw h e patetlah aw m aw h hanh leih.
 10 Hote miphunnaw hah kai ni ka panuet teh,
 a lungthin lam pou ka payon e lah ao aw h.
 Kaie lamthung hah panuek thai aw h hoeh.
 11 Hatdawkvah, ka lungkhuek teh,
 kaie kâhatnae hmuen koe na kâen aw h mahoe h, telah thoe ka bo.

96

Ka tho hane lawkcengnae daw k Cathut pholenna e la

Kasakkung: Devit

- 1 Oe BAWIPA koe la katha sak aw h.
 Talai taminaw pueng, BAWIPA koe la sak aw h.
 2 BAWIPA koe la sak aw h nateh,
 a min teh pholen aw h.
 Rungngangnae kamthang kahawi teh hnintangkuem pathang aw h.
 3 Miphun pueng koe a bawilenna e teh pâpho aw h haw.
 Tami pueng koe kângairu lah a onae hah pâpho aw h.
 4 BAWIPA teh a len, puenghoi pholen hanelah ao,
 Cathut pueng hlak taki hanelah ao,
 5 Miphunlouknaw e cathut pueng teh ayawmyin doeh.
 BAWIPA ni teh kalvan hah a sak.
 6 A hmalah barinae hoi taluena e teh ao.
 A hmuen kathoung koe thaona e hoi meihawina e teh ao.
 7 Oe, tami pueng hoi imthung pueng,
 BAWIPA teh bawilenna e hoi thaona e hah poe aw h.
 8 BAWIPA e min teh, bawilenna e poe aw h.
 Pasoung hno sin laihoi a thongma koe tho aw h.
 9 Oe, thoungnae kamthoup laihoi BAWIPA baw k aw h.
 Talai taminaw pueng a hmalah pâyaw aw h.

- 10 Miphun pueng koe BAWIPA ni a uk tet awh.
Talaivan hai kacaklah kangdue sak teh, kâhuen mahoe.
Ama ni kalan lah lawk a ceng han.
- 11 Kalvan teh lunghawi naseh,
talai hai konawm naseh.
Talipui hoi a thung e kaawm e pueng
ni hai cairing naseh.
- 12 Law hoi a thung e kaawm e pueng lunghawi naseh.
kahrawng e kaawm e pueng nihai
BAWIPA koe konawm laihoi la sak naseh.
- 13 Bangkongtetpawiteh, ama teh a tho.
Talai taminaw lawkceng hanelah a tho.
Talaivan hah lannae hoi lawkceng vaiteh,
a lawkkatang hoi tami lawk a ceng han.

97

BAWIPA daw k hringnae pholen la

Kasakkung: panuekhoeh

- 1 BAWIPA ni a uk, talai lunghawi seh.
Tuilumnaw hai lunghawi aw h naseh.
- 2 Tâmai hoi hmonae ni a ramuk teh,
lannae hoi kângingnae teh
a bawitunghung a kamtuenae doeh.
- 3 A hmalah hmai a cei teh,
ka kalup e tarannaw teh a kak aw h.
- 4 Sumpapalik ni talai a ang sak teh,
talai ni a hmu toteh a pâyaw.
- 5 Monnaw pueng teh BAWIPA hmalah,
talai van pueng teh Bawipa hmalah
khoilai patetlah koug a kamyawt.
- 6 Kalvan ni a lannae hah a pâpho teh,
tami pueng ni a bawilennae hah a hmu aw h.
- 7 Meikaphawk thaw ka taw k e pueng,
ayawmyin daw k kakâoupnaw pueng teh,
kaya laihoi aw m aw h naseh,
cathutnaw pueng ama teh baw k aw h haw.
- 8 Bangkongtetpawiteh, Oe BAWIPA
nage lawkcengnae daw kvah,
Zion a lunghawi teh Judah canunaw hai a konawm aw h.
- 9 Oe BAWIPA, nang teh talai van pueng hlak a lathueng poung lah na o.
Cathut pueng lathueng vah taw m lah na o.
- 10 Nangmouh Cathut lungpataw naw,
kathoute hah panuet aw h nateh,
ama ni a tamikathounaw e hringnae hah a khetyawt teh,
tamikathoutnaw e kut daw k hoi a rungngang.
- 11 Tamikalannaw koe a ang teh lungthin
kalannaw koe konawmnae teh ouk a pha.
- 12 Nangmouh tami kalannaw,
BAWIPA koe konawm aw h haw.
A min kathoung hah pholen aw h.

98

A lawkcengnae hoi rungngangnae dawk BAWIPA pholennae la
Kasakkung: panuekhoeh

- 1 Oe, BAWIPA koe la katha sak awh.
Bangkongtetpawiteh, kângairu hno hah a sak.
Aranglah a kut hoi kathoung e
kut ni tânae teh a pang toe.
- 2 BAWIPA ni a rungngangnae teh a kamnue sak toe.
A lannae teh miphun pueng koe a kamnue sak.
- 3 Isarel imthung koe a lungmanae hoi
yuemkamcu lah a onae hah pahnim hoeh.
Talai van pueng ni Cathut rungngangnae teh
hmu awh toe.
- 4 Talai taminaw pueng BAWIPA pholen hoi,
konawm laihoi hram awh haw.
La sak laihoi lunghawi awh haw.
Pholen la hah sak awh haw.
- 5 Ratoung hoi BAWIPA koe la sak awh.
Ratoung kueng lawk hoi pholennae
la kahawi hoi pholen awh.
- 6 Mongka hoi tuki hoi Siangpahrang BAWIPA hmalah,
lunghawicalah hoi hram awh haw.
- 7 Talí hoi a thung kaawm e pueng hoi,
talai hoi a thung kaawm e pueng ni
a lawk tâcawt sak awh.
- 8 Palangnaw ni a kuttabawng naseh.
Monnaw hai BAWIPA hmalah konawm naseh.
- 9 Bangkongtetpawiteh, talai lawkceng hanlah a tho.
Talaivan heh lannae hoi lawk a ceng vaiteh,
suetalah taminaw lawk a ceng han

99

BAWIPA teh a thoung dawkvah pholen awh
Kasakkung: panuekhoeh

- 1 BAWIPA ni a uk, tami pueng pâyaw naseh.
Ama teh cherubim rahak ao.
Talai kâhuen naseh.
- 2 BAWIPA teh Zion vah a lentoe teh,
tami pueng hlak tawm lah ao.
- 3 Ka lentoe e hoi takikatho e na min hah,
pholen awh naseh, ama teh a thoung.
- 4 Siangpahrang thaonae ni hai kângingnae teh a pahren teh,
kânging e lawkcengnae hah a caksak.
Jakop koe lannae hoi kângingnae hah a kangdue sak.
- 5 BAWIPA Cathut teh tawm awh nateh,
a khok koe bawk awh, ama teh a thoung.
- 6 Mosi hoi Aron teh a vaihmanaw thung e doeh.
Samuel teh a min kakawnaw thung e doeh.
Ahnimouh ni BAWIPA hah a kaw awh teh, ama ni a pato.
- 7 Tâmai thung hoi ahnimouh koe lawk a dei teh,
ahnimouh koe a poe e lawkpanuesaknae hoi

a phunglam hah a tarawi.

- ⁸ Oe, BAWIPA kaimae Cathut, nang ni na pato awh.
A sak awh e dawk moi na pathung nakunghai,
nang teh ahnimouh na ka ngaithoumkung lah na o.
- ⁹ BAWIPA maimae Cathut teh tawmrasang awh nateh,
amon kathoung dawk ama teh bawk awh.
Bangkongtetpawiteh, BAWIPA maimae Cathut teh a thoung.

100

Kasakkung: panuekhoeh

- ¹ Talai taminaw pueng BAWIPA teh pholen awh.
- ² BAWIPA thaw hah lunghawi laihoi tawk awh.
A hmalah la sak laihoi tho awh.
- ³ BAWIPA teh Cathut doeh tie hah panuek awh.
Ahní ni maimouh na sak toe.
Maimouh teh amae lah o awh.
Maimouh teh amae tami lah o awh,
ama koe ka pâ e tuhu lah o awh.
- ⁴ Lunghawilawkdinae lahoi longkha dawk kâen awh,
pholen laihoi a takhang dawk kâen awh.
Ama koe lunghawi awh nateh,
a min hah yawhawi poe awh.
- ⁵ Bangkongtetpawiteh, BAWIPA teh ahawi,
a pahrenlungmanae teh a yungyoe a kangning,
yuemkamcunae teh a yungyoe a cak.

101

BAWIPA koe yuemkamcu lawkkamnae

Kasakkung: Devit

- ¹ Lungmanae hoi kângingnae la ka sak han.
BAWIPA nang koe pholennae la ka sak han.
- ² Ka kuep e lamthung dawk lungang lahoi ka hring han.
Oe, nâtuek ne kai koe na tho han vai.
Ka imthungkhu dawk ka thoung e lungthin hoi ka o han.
- ³ Ka mithmu vah hawihoehnae banghai ka tat mahoeh.
Katâlaw naw ni tawksaknae hah ka hmuhma teh,
kai daw kâbet mahoeh.
- ⁴ Lungthin longkawinae ni na ceitakhai vaiteh,
hawihoehnae hah ka panuek mahoeh.
- ⁵ Arulahoí a imri ka pathoe e pueng ka raphoe vaiteh,
a minhmai kâoup niteh,
a lungpouk ka rasang e naw hah ka panguep mahoeh.
- ⁶ Yuemkamcu e khocanaw teh kai koe ao awh nahanelah, ka khetyawt han.
Ka kuep e lamthung ka dawn e ni kaie thaw a tawk awh han.
- ⁷ Tami ka dумыen e teh, ka im dawk awm mahoeh.
Laithoe kadeinaw teh, ka hmalah pou awm awh mahoeh.
- ⁸ Hawihoehnae ka sak e naw hah
BAWIPA e khopui daw k hoi raphoe nahanlah,
tamikathoutnaw pueng teh palang a raphoe han toe.

102

BAWIPA lungpatawnae

Kasakkung: panuekhoeh

- 1 Oe BAWIPA ka ratoumnae na thai pouh awh.
Ka kanae hai nang koe phat naseh.
- 2 Ka rucut navah kai koe na minhmai na hrawk pouh hanh.
Kai koe lah na hnâpakeng nateh,
na kaw toteh karanglah na pato haw.
- 3 Bangkongtetpawiteh,
kaie hninnaw teh hmaikhu patetlah a kahma han.
Ka hrunaw hah hmaito patetlah a kak.
- 4 Ka lungthin teh phokahring patetlah,
hem lah ao teh a kamyai.
Rawca ca hane hai ouk ka pahnim.
- 5 Ka cingounae dawkvah,
ka hru hoi ka vuen khik kâbet.
- 6 Kahrawng e tavaca patetlah ka o teh,
ka rawk tangcoung e kho dawk e bukbu patetlah ka o.
- 7 Ka i nah ka mitmasip thai hoeh,
lemphu vah amadueng kaawm e
mongmang va patetlah ka o.
- 8 Ka tarannaw ni kanîrui na pathoe awh.
Kaie avanglah na ka pacekpahlek e naw ni
kai hah bangnuae lah thoe na bo awh.
- 9 Bangtelah tetpawiteh, hraba hah rawca lah ka khan teh,
ka nei hane tui hai mitphi hoi a kâkalawt.
- 10 Na lungkhueknae kecu dawk,
na tawm teh na tâkhawng.
- 11 Kaie hninnaw teh kanika patetlah ao teh,
phokahring patetlah a kamyai.
- 12 Hatei, Oe BAWIPA, nang teh a yungyoe na kangning.
Na min pahnimhoehnae teh se pueng dawk a kangning.
- 13 Na thaw vaiteh, Zion na lungma han,
Zion kho rungngang nahane tueng,
atueng khoe e teh a pha toe.
- 14 Na sannaw teh talungnaw dawk a konawm awh teh,
hraba totouh a doun awh.
- 15 Miphunlouknaw ni BAWIPA min teh a taki awh han.
Talaivan e siangpahrang pueng ni
na bawilennaeh hah a taki awh han.
- 16 BAWIPA ni Zion kho kangdue sak teh
a bawilennaeh lahoi a kamnue sak.
- 17 Kavoutnaw e ratoumnae na thai pouh vaiteh,
a kâheinae teh noutna laipalah na awm hoeh.
- 18 Hetheh, kaawm hane se hanelah thut lah ao teh
kaawm hane tamimaya ni
BAWIPA teh a pholen awh han.
- 19 Thongkabawtnaw kâhram lawk
thai hane hoi a due han toe telah
pouk e naw hlout sak hane hoi,
- 20 Zion hoi BAWIPA min pâpho hane hoi

- Jerusalem hoi ama pholen hanelah,
 21 BAWIPA thaw tawk hanlah tami pueng hoi
 ram pueng hmuen touh koe kamkhueng aw h toteh,
 22 a rasangnae hmuen kathoung koehoi a khet navah,
 BAWIPA ni talai heh kalvan hoi a khet.
 23 Lamthung daw k ka thaonae a youn teh,
 kanî hah a duem sak teh,
 24 Oe ka Cathut, ka hringyung na lat pouh hanh telah ka ti.
 Nange na kum teh se pueng hane doeh telah ka ti.
 25 Nang ni ahmaloe hoi talai heh na kangdue sak toe.
 Kalvannaw hah na kut sak doeh.
 26 Hotnaw teh rawknae koe ka phat nakunghai,
 nang teh a yungyoe na kangning.
 Hotnaw pueng teh, khohna patetlah ka pawn han.
 Khohna kâthung patetlah na thung vaiteh
 kâhleng aw h nakunghai,
 27 nang teh kâhlengnae aw m hoeh.
 Na kum hai bawnae aw m hoeh.
 28 Na sannaw e ca catounnaw teh,
 kangning aw h vaiteh,
 catounnaw hai na hmalah caksak lah ao han.

103

BAWIPA lungmanae pholennae

Kathutkung: Devit

- 1 Oe ka hringnae BAWIPA teh pholen haw.
 Ka thung kaawm e pueng
 a min kathoung teh pholen aw h.
 2 Oe ka hringnae BAWIPA teh pholen nateh
 ahawinae pueng hah pahnim hanh.
 3 Na payonnae pueng ka ngaithoum kung,
 na patawnae pueng kadamsakkung,
 4 rawk kahmanae koehoi na hringnae
 karatangkung hoi ngai kaawm e lungmanae hoi
 lungpatawnae bawilakhung na kamuksakkung,
 5 Na nawnae hah mataw patetlah bout katha nahanlah,
 na cue toteh hnokahawi hoi na lung a kuep sak.
 6 BAWIPA ni kângingnae hah a kangdue sak teh,
 repcoun groenae pueng hanelah,
 kângingnae lah a kangdue sak.
 7 A lamthung hah Mosi koe a panue sak teh,
 a sak e naw hah Isarelnaw koe a panue sak.
 8 BAWIPA teh lungmanae hoi pahrennae lah ao.
 A lungsaw teh, lungpatawnae hoi a kaw i.
 9 Pou na yue mahoe h,
 a lung pou khuek mahoe h.
 10 Yon aw h e patetlah maimouh koe sak mahoe h.
 Payon e patetlah na pathung mahoe h.
 11 Bangkongtetpawiteh,
 kalvan teh talai hlak a rasang e patetlah,
 ama kataketnaw koe vah a lungmanae teh a len.

- 12 Kanitho hoi kaniloum a kâhla e patetlah,
kâtapoenae teh maimouh koehoi
ahla poungnae koe na ta pouh awh.
- 13 Na pa ni canaw a lungma e patetlah,
BAWIPA ni ama kataketnaw hah a lungma.
- 14 Bangkoktetpawiteh,
maimae tak heh a panue teh
vaiphu lah o awh e hah pahnim hoeh.
- 15 Tami e ahninnaw teh pho kahring patetlah ao teh
kahrawng e a pei patetlah doeh ao.
- 16 Bangtelah tetpawiteh, kahlî ni a palek teh a pei a kahma,
a onae hmuen hai panuek hoeh toe.
- 17 Hatei, BAWIPA lungmanae teh
a ma taketnaw lathueng vah,
a yungyoe hoi a yungyoe totouh a kangning.
- 18 A lawkkam tarawi kangainaw hoi
kâpoelawk kapâkuemnaw teh,
a lannae hoi catounnaw totouh a kangning han.
- 19 BAWIPA ni kalvan vah
a bawitungkhung a caksak teh,
a uknaeram ni bangpuengpa koug a uk.
- 20 Kalvantaminaw BAWIPA teh pholen awh.
A lawk ka ngai ni teh katarawinaw hoi
acawilah thaonae hoi pathoup e lah na o awh.
- 21 Nangmouh ransahu pueng,
a thaw katawkkungnaw hoi,
a ngainae kasaknaw BAWIPA teh pholen awh,
- 22 A sak e hno pueng kecu dawk,
a uknaeram pueng thungvah,
BAWIPA teh pholen awh.
Oe ka hringnae BAWIPA teh pholen haw.

104

Saknae hoi khetyawtnae dawk BAWIPA pholennae

kasakkung: panuekhoeh

- 1 Oe, ka hringnae BAWIPA teh pholen haw.
Oe BAWIPA ka Cathut nang teh na lentoe tangngak.
Taluena hoi barinae hoi kamthoup e lah na o.
- 2 Khohna patetlah angnae na khohna teh,
kalvannaw hah hni patetlah na yap.
- 3 Na onae im van adunaw hah tui dawk na pâhung teh,
tâmai patet hah leng lah na coung sak teh
kahlî rathei hoi na tho.
- 4 Na patounenaw hah kahlî patetlah thoseh,
thaw katawknaw hah hmaito patetlah
thoseh na coung sak.
- 5 Talai adu hah nâtuek hai
a kampuen hoeh nahanlah ka caksak e lah na o
- 6 Talai hah hni hoi khu e patetlah
tui hoi na khu teh,
tui hah monsom vah a kangdue.

- 7 Na yue toteh, a yawng awh.
Khoparit lawk a thai awh toteh
karangpoung lah a yawng awh.
- 8 Mon lah a luen awh teh,
ravonaw dawk hoi a kum awh teh
ao nahane hmuen koe koung a pha awh.
- 9 Tuinaw bout a tho teh,
talai a muem hoeh nahanlah,
a tapuet thai hoeh hane khori hah a khuen pouh.
- 10 Ravo dawk lawng hanelah tui hah a tha teh,
mon hoi a lawng cathuk awh.
- 11 Saring pueng ni nei hanelah a poe teh,
kahrawng e lanaw ni hai tui kahran a dap sak awh.
- 12 Ateng vah kalvan e tavanaw tabu a tuk awh teh,
thingkungnaw dawk a cai awh.
- 13 A im van hoi monnaw tui a awi teh,
na tawk e ni talai heh ka boum lah a kaw.
- 14 Talai ni rawca a tâco sak nahanlah
saringnaw hanlah pho a paw sak teh
taminaw hanlah thingthairompo a paw sak.
- 15 Misur ni tami lungthin a nawm sak,
satunya ni mei a kâpi sak, rawca ni tha ao sak.
- 16 BAWIPA e thingkung lebanon mon vah
a ung e sidar thingnaw hai a boum awh.
- 17 Hawvah, tavanaw ni a tabu a tuk awh teh,
hmaica thing teh kahrawng cawmpainaw e im lah ao.
- 18 Lungha teh Athanaw o nahanelah ao teh,
savehnaw teh talung koe a kâhro awh.
- 19 Ama ni thapa hah hnintha
touk nahanlah a sak teh,
kanî ni khup nahan tue a panue.
- 20 Hmonae na sak teh hothateh karum doeh.
ratu thung e saring pueng a tâconae tue lah ao.
- 21 Sendektanca ni kei hane a tawng teh,
Cathut koehoi e rawca a tawng.
- 22 Kanî a tâco toteh a onae
a kâkhu dawk lengkaleng a tabo awh.
- 23 Tami teh thaw tawk hanelah a tâco teh,
tangmin lah totouh a tawk.
- 24 Oe BAWIPA, na sak e hno teh apap poung.
Lungangnae hoi na sak e seng doeh.
Talai teh na tawntanae hoi akawi.
- 25 Hete ka kaw ni teh kalen e talipui dawkvah,
touklek thai hoeh e saring kathoung kalen a kâhlai awh.
- 26 Haw e hmuen koe long a cei teh,
hawvah ka paitun hanelah na sak e
tangapui Leviathan hai ao.
- 27 A tue a pha toteh, rawca na poe thai nahanlah
abuemlahoi nang na ring awh.
- 28 Na poe e pueng a la awh teh,
na kut na dâw teh hno kahawi hoi a kâkaw awh.
- 29 Na minhmai na hro pouh toteh, a lungpuen awh.

- A kâha na lat pouh pawiteh
a due aw hah teh vaiphu lah a coung aw hah.
- 30 Na Muitha na tha toteh hotnaw teh sak e lah ao.
Talai meilam hai bout na katha sak.
- 31 BAWIPA bawilennaeh teh yungyoe kangning seh.
BAWIPA teh a sak e daw kkonawm naseh.
- 32 Talai a khet nah a pâyaw,
mon a tek nah hmaikhu a tâco.
- 33 Ka hringyung thung BAWIPA koe la ka sak vaiteh,
ka hringyung thung Cathut pholen hoi la ka sak han.
- 34 Ka khopouknaeh hah ahni hanelah radip naseh.
BAWIPA daw kkonawm han.
- 35 Tamikayon teh talai hoi raphoe lah aw m naseh.
Tamikathout aw m hanh lawiseh.
Oe kahringnaeh BAWIPA teh pholen haw.
Hallelujah.

105

A yungyoe BAWIPA yuemkamcunae

Kathutkung: Devit

- 1 Oe, BAWIPA koe lunghawilaw k dei aw hah.
A min lahoi kaw aw hah nateh,
a sak e hno hah tami pueng koe panueksak aw hah.
- 2 Ama koe la sak aw hah, ama koe la sak laihoi,
a sak e hno kângairu hno pueng hah dei aw hah.
- 3 A min kathoung teh bari aw hah.
BAWIPA katawngnaw e lungthin teh nawm naseh.
- 4 BAWIPA hoi a thaonae hah tawng aw hah nateh,
a minhmai hah hoehoe tawng aw hah.
- 5 Kângairu hno a sak e hah hoehoe pâkuem aw hah nateh,
kângairunae hoi a pahni daw k hoi
ka tâcaw t e lawkcengnaeh hah pâkuem aw hah.
- 6 Oe a san Abraham catoun,
nangmouh Jakop catounnaw,
ama ni rawi e lah na o aw hah.
- 7 Ama teh BAWIPA Cathut lah ao teh,
a lawkcengnaeh ni talai pueng koung a katin.
- 8 A lawkkam teh pou a pâkuem teh
se thong totouh nakunghai thoseh,
- 9 Abraham koe lawk a kam e hoi
Isak koe thoe a bo e hai thoseh,
kâ a poe e lawk teh a pâkuem.
- 10 Hotnaw teh Jakop Catounnaw hanelah,
ka cak e phung lah a sak teh,
Isarel hanelah a yungyoe e lawkkam doeh.
- 11 Kanaan ram heh râw lah
na poe han telah lawk a kam.
- 12 Tami kayounca lah ao aw hah lahunnah,
oe kayounca lah imyin lah ka o aw hah.
- 13 Kho touh hnukkhu kho touh,
uknaeram hnukkhu alouke koe a kâva aw hah.
- 14 Ahnimouh rektap hane pasoung hoeh.

- Bokheiyah, ahnimouh kecu dawk
siangpahrang hah a yue pouh.
- 15 Satui ka awi e naw hah tek aw hah.
Ka profetnaw hah runae poe hah telah a ti.
- 16 Hothloilah, ram thung takang a tho sak teh,
cang hoi apawhik naw koug a raphoe pouh.
- 17 Ahnimae hmalah a patoun aw h e,
Joseph teh san patetlah a yo aw h.
- 18 a khok hlong a buet pouh aw h teh,
sumbawtarui hoi a rektap aw h.
- 19 A dei tangcoung e a kuep hoehroukrak,
BAWIPA ni ahni teh a tanouk.
- 20 Hottelah siangpahrang ni a patoun teh a tâco sak teh,
ukkung lah o hanlah a hlout sak.
- 21 A imthungkhu kahrawikungnaw a tawn e pueng hoi,
22 a tami bawinaw yue thinae kâ hoi
kahrawikungnaw lungangnae cangkhai hanelah,
kaukung lah a coung sak.
- 23 Isarel hai Izip ram lah a tho teh,
Jakop hai Ham ram vah ao.
- 24 A taminaw moi a pung sak teh,
ahnimouh ka tarannaw hlak
a tha hoe kaawm lah a coung sak.
- 25 A taminaw hah a tarannaw ni a hmuhma aw h teh,
a sannaw hah huenghai hoi
dumyen hanelah a lungthin a kâhleng sak.
- 26 A san Mosi hoi a rawi e
Aron hoi a patoun.
- 27 Mitnout hah a taminaw koe a sak teh,
Ham ram daw kângairu hno hah a sak.
- 28 Hmonae hah a tho teh koug a hmo.
Hahoi a lawk teh oun thai aw h hoeh.
- 29 Ahnimae tui hah thi lah a coung sak teh,
tangawn hah a due sak.
- 30 Ahnimae ram teh ekka hoi king akawi teh,
siangpahrang imthung totouh koug akawi.
- 31 Lawk a dei boteh bitsei thouk a tâco teh
ahri hai a ram pueng daw k a tâco.
- 32 Kho rak yueng lah roun a poe,
a ram daw k hmaito hai a tâco sak.
- 33 Misurkung hoi thaibunglung kung
koug a raphoe teh a ram daw k e
thingkungnaw a khoe pouh.
- 34 Lawk a dei teh samtongnaw a tho aw h teh,
touklek hoeh lah a tho aw h.
- 35 Hotnaw ni a ram daw k e
apawhik pueng a ca teh,
apawhik pueng hah capingkacailah a ca aw h.
- 36 A ram daw k e camin pueng hai a raphoe teh,
aluepaw pueng hai koug a raphoe pouh.
- 37 Hothloilah, sui hoi ngun hoi a tâco sak teh,
a taminaw thung daw k kabawp han totouh,

ka vout e awm hoeh.

- 38 A tâco awh navah, Izipnaw a lunghawi awh.
Bangkongtetpawiteh, ahnimouh hah a taki awh.
- 39 Ka ngue hanelah tâmai a pâyam sak teh,
khohmo ka ang sak hanlah hmai hah a poe.
- 40 Tamimaya ni a hei awh e tamuem hah a poe teh,
kalvanlae rawca hoi a von a paha awh.
- 41 Lungsong a paawng teh, tui a tâco,
kahrawngum palang patetlah a lawng.
- 42 Bangtelah tetpawiteh, a san
Abraham koe kathounge a lawkkam hah pahnim hoeh.
- 43 A taminaw hah konawm laihoi a hrawi teh,
a rawi e naw hah thadamcalah a hrawi.
- 44 A phunglam hah tarawi vaiteh,
kâlawk a tarawi thai awh nahanlah,
- 45 Jentelnaw e ram hah a poe teh,
ayâ ni a tawk tangcoung e hah a pang sak.
Hallelujah.

106

Isarel yon pankângainae dawk lunghawinae

Kasakkung: panuekhoeh

- 1 BAWIPA teh pholen awh.
Oe BAWIPA koe lunghawilawk dei awh.
Bangkongtetpawiteh, ama teh ahawi.
A lungmanae teh a yungyoe a kangning.
- 2 BAWIPA ni a sak e thaonae hah
apinimaw a dei thai han.
Apinimaw pholennae pueng
koung a pholen thai han.
- 3 Nâtuek haiyah kalan lah ka tawksak e hoi
lannaekâuepkhai e teh, tami yawkahawi e lah ao.
- 4 Oe BAWIPA na rawi e naw e hawinae hah
ka hmu thai nahanlah thoseh,
na miphun lunghawinae koe
ka lunghawi nahan nange râw lah
kaawmnaw hoi cungtalah lunghawi nahanelah thoseh,
- 5 Na taminaw ni a coe awh e na ngaikhainae hah
na pahnim hanh lah a.
Runggangnae hoi pâtam haw.
- 6 Mintoenaw hoi reirei ka payon awh toe.
Yonnae hah ka sak awh teh, hnokathout ka sak awh toe.
- 7 Mintoenaw ni Izip ram vah kângairu hno
na sak e hah thaipanuek awh hoeh.
na Lungmanae apapnae hai pâkuem awh hoeh.
Tuipui paling teng patenghai taran a thaw awh.
- 8 Hatei, amae min thaonae bahu hoi duengdoeh na rungngang.
A hnosakthainae hoi a thaonae
panue sak thai nahane doeh.
- 9 Tuipui paling hai a yue teh rem a hak.
Hottelah ka dungpoung e tui a raka awh teh,

kahrawngum vah a hrawi.

- 10 Ama kahmuhmanaw e kut dawк hoi a rungngang teh,
tarannaw kut dawк hoi a ratang.
- 11 Tarannaw hah tui ni koug a muem teh,
buet touh hai ka hring e awm hoeh.
- 12 Hottelah a lawк hah a yuem awh teh,
ama pholen hoi la a sak awh.
- 13 A sak awh e hah tang a pahnim awh teh,
a noenae hah coe ngai awh hoeh.
- 14 Hatei, kahrawngum vah takthai
ngainae a len dawкvah,
kahrawngum vah Cathut hah a tanouk awh.
- 15 A hei awh e hah a poe.
Hatei, muitha hringnae dawк kamsoenae hah a poe sin.
- 16 A roe awhnae koe Mosi hah a ut awh teh,
Oe BAWIPA tamikathoung Aron hai a ut awh.
- 17 Talai ni a pahni a ang teh, Dathan hah a payawp.
Abiram e taminaw hah koug a ramuk.
- 18 Ahnimouh koehoi hmai a tâco teh,
tamikathoutnaw hmai koug a kak.
- 19 Horeb vah maitoca meikaphawk hah a sak awh teh,
sakhlawн meikaphawk hah a bawк awh.
- 20 Hottelah a bawilennaе teh,
phovai ka cat e maitotan patetlah a coung sak awh.
- 21 Izip vah hno kalennaw a sak e hoi,
- 22 Ham vah a sak e kângairu hnonaw hoi,
tuipuiпaling koe e takikatho hno a sak e naw hoi
ahnimouh ka rungngangkung Cathut teh a pahnim awh.
- 23 Hat toteh, a rawi e Mosi ni,
a lungkhueknae hah takhoe vaiteh,
ahnimanaw raphoe hoeh nahanelah,
raphoenae hmuen, a hmalah kangdout hoeh pawiteh,
ahnimanaw raphoe han telah a kâcai.
- 24 Hathnukkhu, kahawi e ram teh a paceкpahlek awh teh,
a lawк hah yuem ngai awh hoeh.
- 25 Amamae rimnaw hah a phuenang sin awh teh,
BAWIPA e lawк hah tarawi ngai awh hoeh.
- 26 Hatdawкvah, ahnimouh teh kahrawngum vah
koug due sak hanelah thoseh,
- 27 A catounnaw hai miphunlouknaw koe
tâkhawng hanelah hoi ram tangkuem kâкаpek sak hane thoseh,
ahnimae a vang lah thoe a bo.
- 28 Ahnimouh teh Peor e Baal hoi a kâkuet awh teh,
tami kadout hmalah thueng e hno hah a ca awh.
- 29 Hottelah a sak awh e hno ni a lungkhuek sak teh,
ahnimouh koe lacik kathout hah a tha pouh.
- 30 Hatnavah, Phinehas a kangdue teh,
lawк a ceng navah lacik teh a roum.
- 31 Hothateh, ama lannaе lah a yungyoe hoi se pueng dawк,
pouк pouh e lah ao.
- 32 Meribah tui koehai a lungkhuek sak awh teh,

- ahnimouh kecu dawk Mosi koe
totouh thoebonae teh a pha.
- 33 Mosi e a lungthin a
tarawh awh dawkvah,
pouk laipalah ahni teh lawk a dei.
- 34 BAWIPA ni a dei e patetlah sak hoeh.
Miphunlouknaw raphoe laipalah ao awh.
- 35 Jentelnaw hoi a kâkalawt awh teh,
ahnimae hringnuen hah a kamtu awh.
- 36 Ahnimae meikaphawk thaw hah a tawk awh.
Hothateh ahnimouh hanelah karap doeh.
- 37 A capanaw hah thueng nahanelah a poe awh teh,
a canunaw hah kahrai koe a poe awh.
- 38 Yon ka tawn hoeh e thi hah a rabawh awh teh,
a capanaw hoi a canunaw e thi hoi roeroe vah,
Kanaan ram meikaphawk cathut thuengnae lah
a hno awh teh, hottelah thipalawng e lahoi
ram a khin sak awh.
- 39 Hottelah a sak awh e hno hoi roeroe a kâkhinsak awh,
a sak awh e hoi roeroe a yon awh.
- 40 Hatdawkvah, BAWIPA lungkhueknae teh
a taminaw taran lahoi a kaman teh,
a râw lah kaawm e hah a panuet.
- 41 Ahnimanaw teh Jentel kut dawh a poe teh,
a hmuhma e naw ni a uk awh.
- 42 A taran ni rep a coungroe awh teh,
a kut rahim vah ao awh.
- 43 Avai moikapap a rungngang toe.
Hatei, amamouh khokhannaeh dawh hoi
taran a thaw awh teh,
amamae payonnae ni a rahnoum sak awh.
- 44 Hatei, runae a kâhmo awh toteh
a hram awh e ka thai pouh teh,
ahnimouh han pouk pouh laipalah awm thai hoeh.
- 45 Ahnimouh kecu dawh a lawkkam teh pou a panue teh,
a lungmanaeh apap dawkvah, a pahren awh.
- 46 San lah kahrawinaw e lungthin dawh hai
ahnimouh a pahren sak.
- 47 Na min kathoung dawh lunghawinae lawk dei hane hoi,
na pholennaeh dawh tânaeh hmu hanelah,
Oe BAWIPA maimaeh Cathut, na rungngang haw.
Jentel miphun thung hoi cungtalah
bout na pâkhueng haw.
- 48 Isarel BAWIPA Cathut teh,
a yungyoe hoi a yungyoe totouh, pholen lah awm seh.
Tami pueng ni Amen tet naseh.
BAWIPA teh pholen awh.

107

BAWIPA koe lunghawilawh deinae

Kasakkung: panuekhoeh

¹ Oe BAWIPA koe lunghawilawh hah dei awh.

- Bangkongtetpawiteh, ama teh ahawi,
 a lungmanae teh a yungyoe a kangning.
- 2 BAWIPA ni a ratang tangcoung,
 taran kut dawk hoi a ratang e naw ni,
 hottelah dei awh naseh.
- 3 Kho tangkuem hoi, kanitho,
 kaniloum, aka, atung lahoi koug a pâkhueng.
- 4 Thingyeium ramke lamthung dawk a kâva awh teh,
 o nahane kho hmawt awh hoeh.
- 5 Vonhnam tui kahran hoi a lung apout awh.
- 6 Runae koehoi BAWIPA hah a kaw awh teh,
 rucatnae thung hoi a rasa awh.
- 7 Khosaknae hmuen khopui vah a cei thai awh nahanelah,
 lam kalan dawk a hrawi awh.
- 8 Oe taminaw niyah BAWIPA hawinae hoi
 taminaw hanelah kângairu hno a sak e naw dawkvah,
 lunghawilawk dei awh haw boipawiteh khe.
- 9 Bangtelah tetpawiteh, hringnae ni a rabui e hah kuep sak vaiteh,
 vonhnamrincinaw hah hawinae hoi a paha sak han.
- 10 Hmonae hoi duenae tâhlip dawk
 ka tahung e naw hah,
 runae sumrui hoi katek lah ao.
- 11 Bangkongtetpawiteh, Cathut lawk a oun, a taran awh teh,
 Lathueng Poug e pouknae hai banglah ngâi awh hoeh.
- 12 Hatdawkvah, ahnimae lungthin teh
 karanglah a tabut sak,
 a rawpkhai awh teh,
 kabawmkung apihai awm hoeh.
- 13 Hottelah runae koehoi BAWIPA a kaw awh teh,
 ahni ni amamae rucatnae thung hoi a tâco takhai.
- 14 Hmonae hoi duenae tâhlip thung hoi a rasa teh,
 ahnimouh kateknae sumbawtarui hah a rading pouh.
- 15 Oe taminaw niyah BAWIPA hawinae hoi taminaw
 hanelah kângairu hno a sak e naw dawkvah,
 lunghawilawk dei awh haw boipawiteh khe.
- 16 Ama ni rahum tho hah a raphoe teh,
 tarennae sumtaboung hah a raphoe.
- 17 Tamipathu hah kâtapoenae hoi
 a payonnae dawk runae khang sak lah ao.
- 18 A hringnae ni ca hane pueng a panuet teh,
 duenae tho koe a pâmam awh.
- 19 Hottelah runae koehoi BAWIPA a kaw awh teh,
 ahni ni amamae rucatnae thung hoi a tâco takhai.
- 20 A lawk patoun lahoi a dam sak teh,
 a kahmanae koehoi a rungngang.
- 21 Oe taminaw niyah BAWIPA hawinae hoi taminaw
 hanelah kângairu hno a sak e naw dawkvah,
 lunghawilawk dei awh haw boipawiteh khe.
- 22 Lunghawilawkdeinae thuengnae poe laihoi
 a tawk e naw hah lunghawi lahoi pâpho naseh.
- 23 Talîpui dawk long hoi kahlawng ka cet e,

- ka kaw e talípui dawk hnopai kayawtnaw ni,
 24 kadung poung e tui thung vah,
 kângairu hoi BAWIPA hno sak e hah ouk a hmu aw h.
 25 Bangkongtetpawiteh, ama ni kâ a poe teh kahlí a tho sak,
 hote kahlí ni tuicapa a thaw sak.
 26 Kalvan totouh a luen teh,
 adungnae koe bout a bo aw h teh,
 takithonae daw k a lung a pout aw h.
 27 Yamu ka parui e tami patetlah rawrawcu aw h teh,
 bangtelah o nahan panuek aw h hoeh.
 28 Hottelah runae koehoi BAWIPA a kaw aw h teh,
 ahni ni amamae rucatnae thung hoi a tâco takhai.
 29 Kahlí a roum sak teh,
 tuicapa hai a roum.
 30 Hottelah a roum dawkvah, a lunghawi teh,
 pha han ngaipoungnae hmuen koe a phakhai.
 31 Oe taminaw niyah BAWIPA hawinae hoi
 taminaw hanelah kângairu hno
 a sak e naw dawkvah, lunghawilaw k
 dei aw h haw boipawiteh khe.
 32 Tamimaya a kamkhuengnae koehai
 ama teh tawm aw h naseh.
 Kacuenaw hmalah hai
 pholen aw h naseh.
 33 Ama ni palangpui hah ayawn lah a coung sak teh,
 tui hah talai kaphui e lah a coung sak.
 34 Bangtelah tet pawiteh,
 a thung kaawm e yonnae kecu daw k,
 ram kahawi teh palawi talai lah ouk a coung sak.
 35 Ayawn hah tuikamuemnae lah a coung sak teh,
 ramkenaw hah tui onae hmuen lah a coung sak.
 36 Khosaknae hmuen khopui lah a kangdue thai nahan,
 vonkahlannaw hah ao sak.
 37 Moikapap a paw thai nahanelah,
 misur takha a sak aw h.
 38 Yawhawi a poe teh moikapap a pung sak.
 A paca e saringnaw kahma hane pasoung hoeh.
 39 Repcoungroenae hoi runae,
 pankângainae kecu daw k rahnoumnae hoi,
 raphoe lah ao navah,
 40 a tami bawinaw koe, pacekpahleknæ a pha sak teh,
 lamthung ohoehnae kahrawngum vah, a kâva sak.
 41 Hottelah hoi tami ka roedeng e hah
 runae tangkom daw k hoi hmuen rasangnae koe
 a tawm teh, saringhu patetlah imthung a sak pouh.
 42 Tamikalannaw ni a hmu aw h navah,
 a lunghawi aw h. Payonnae ka sak pueng teh
 pahni tabuem pouh lah ao.
 43 A lungkaang pueng ni hete hnonaw heh
 a pâkuem aw h vaiteh,
 BAWIPA lungpatawnae hah a thai panuek aw h han.

108

Cathut tânae

Kathutkung: Devit

- 1 Oe Cathut, ka lungthin heh a cak,
pholennae na poe haw la ka sak han.
Ka bawilennae totouh na poe han.
- 2 Ratoung tamawi kâhlaw haw.
Kai hai amom ka kâhlaw han.
- 3 Oe BAWIPA, tamimaya hmalah na pholen han.
Miphunnaw rahak vah,
nang koe pholennae la ka sak han.
- 4 Bangkongtetpawiteh, na lungmanae ni kalvannaw totouh thoseh,
na lawkkatang ni tâmai totouh thoseh a pha.
- 5 Oe Cathut, kalvannaw lathueng tawm lah awm nateh,
na bawilennae teh talai van pueng lathueng vah, tawm lah awm seh.
- 6 Na pahren e naw hlout sak lah ao aw h nahanelah,
aranglae kut hoi rungngang nateh, na thai pouh haw.
- 7 Cathut ni, a thoungnae lahoi ka konawm vaiteh,
Shekhem hah ka pek han.
Sukoth ram hah koung ka bangnue han telah a ti.
- 8 Gilead teh kaie lah ao teh,
Manasseh teh kai doeh.
Ephraim hai kai hanlah bawilakhung lah ao teh,
Judah teh ka tahroe lah ao.
- 9 Moab teh tui kamhluknae hlaam lah ao teh,
Edom van vah khokkhawm ka tâkhawng han.
Filstin van vah tânae ka pang han.
- 10 Ka cak e khopui dawk apinimaw na kaênkhai han.
Edom vah apinimaw na hrawi han.
- 11 Oe Cathut, kai na ka pahnawt e
nang ni na sak e nahoehmaw.
Oe Cathut, kaimae ransanaw hoi cungtalah
na ka cet hoe h e nang ni na sak nahoehmaw.
- 12 Runae thung hoi na kabawm haw.
Bangkongtetpawiteh, taminaw e
kabawpnae teh cungkeihoeh.
- 13 Cathut hoi cungtalah maimouh teh,
taranhawi laihoi sak aw h han.
Bangkongtetpawiteh, ama teh,
maimae tarannaw rep kacuengroekung doeh.

109

Taran hanelah heinae

Kathutkung: Devit

- 1 Oe ka pholen e ka Cathut, duem awm hanh.
- 2 Bangkongtetpawiteh, tamikathoutnaw hoi
tami kadumyennaw ni, a pahni na ang sin aw h teh,
lai na thoe sin aw h.
- 3 Hmuhmanae lawk hoi na kalup aw h teh,
a khuekhaw awm laipalah na tuk aw h.
- 4 Ka lungpataw e naw teh na katarankung lah a coung aw h.

- Hatei, ratoum laihoi ka o.
- 5 Ahnimouh ni hawinae hah hawihoeahnae hoi na patho aw hawh, ka pahrennae hah hmuhmanaehoi na patho aw hawh.
- 6 Ahnimaeh lathueng vah tamikathoutnaw tat nateh, aranglah vah tarannaw aw m naseh.
- 7 Lawkceng navah sung naseh, a ratoumnaeh teh yonnaeh lah coung pouh naseh.
- 8 A hringnaeh hnin duem naseh, a thaw teh ayâ alouk ni patawm naseh.
- 9 A canaw teh nara lah aw m aw h naseh, a yu teh lahmai naseh.
- 10 A canaw teh kâva aw h naseh, ka rawk tangcoung e amamaeh hmuen koehoi rawca tawng aw h naseh.
- 11 Tangka kacawisaknaw ni a canaw teh laiba daw k lat pouh naseh, a taw k teh a tawn tangcoung e hai apimouh ti panue hoeh e ni koung lat pouh naseh.
- 12 A lathueng vah apinihai lungmanaeh kamnuhek sak hanh naseh. A ca naranaw hai apinihai pahren hanh naseh.
- 13 A ca catounnaw hai dout naseh. A catoun aw m laipalah a min kahmat naseh.
- 14 A na mintoenaw e yonnaeh teh, BAWIPA hmalah pou pâkuem naseh. A manu yonnaeh raphoeh pouh hanh naseh.
- 15 Hotnaw teh BAWIPA hmalah pou kamnuhek naseh. Het talai van vah, ahnimouh pahnimhoeahnaeh aw m hanh naseh.
- 16 Bangkoktetpawiteh, lungmanaeh kamnuhek sak hanelah, panuek aw h hoeh. A lung ka tangpaw k e patenghai a thei thai aw h nahanelah, a reikathai hoehoi mathoenaw hah a pakepalek aw h.
- 17 Thoe a bo aw h e hah amamouh lathueng baw t naseh. Banglahai a noutna aw h hoeh e yawhawi ni ahla poungnaeh koe cettakhai naseh.
- 18 Thoebonaeh hah angki lah a kho e patetlah, a von daw k tui patetlah kâen naseh. A hru thung satui patetlah kâen naseh.
- 19 A kâkhu e hah a khohna patetlah coung naseh, taisaw m patetlah a keng daw k pou kâyeng naseh.
- 20 Hothateh, ka tarannaw koe BAWIPA ni moipathungnaeh lah aw m naseh. Na pathoeh aw h daw kvah, a pang aw h e lah aw m naseh.
- 21 Hateiteh Oe Bawipa Jehovah, kai hateh na min kecu daw k hawinaeh hoi na aw mkhai haw. Na lungmanaeh daw kvah, na rungngang haw.
- 22 Tami ka roedeng hoi tami ka vout e lah doeh ka o. Ka thung vah ka lungthin teh hmâ a ca.
- 23 Kanika patetlah ka kahma teh,

awsi patetlah ka kâhuet.

- 24 Ka khokpakhu teh rawcahai kecu dawk cak hoeh,
ka takthai teh a kamsoe.
- 25 Ahnimouh ni na pathoe hanelah ka o teh,
na hmu awh toteh lû na saling sin awh.
- 26 Oe BAWIPA ka Cathut, na kabawm haw.
Na lungmanae patetlah na rungngang haw.
- 27 BAWIPA, hethateh na kut hoi sak e doeh
tie a panue thai awh nahanlah.
- 28 Ahnimouh ni thoe na bo eiteh,
nang ni yawhawi na poe haw.
Ahnimouh a thaw awh navah kayak awh naseh.
Hatei, na san teh konawm naseh.
- 29 Na katukkungnaw teh kayanae ni ramuk awh naseh.
Min mathoena hni ni koug ramuk naseh.
- 30 Ka pahni hoi BAWIPA teh puenghoi ka pholen han.
Bokheiyah, maya hmalah ama teh ka pholen han.
- 31 Bangkongtetpawiteh, yon kapennaw kut dawk hoi rungngang hanelah,
ka roedengnaw e aranglah a kangdue han.

110

Messiah uknae kong pathangnae

Kathutkung: Devit

- 1 BAWIPA ni ka Bawipa koevah,
na taran hah na khoktounnae lah ka sak hoehroukrak,
kaie kut arang lah tahung atipouh.
- 2 BAWIPA ni, na thaonae tahroe teh,
Zion hoi ka patoun han.
Na tarannaw lungui uk haw.
- 3 Na taran na tuk hnin vah,
na taminaw teh amamouh lungthocalah hoi na thosin awh han.
Na thoundounnaw teh amom e tadamtui patetlah,
nang koe monkathoung dawkvah, a tâco awh han.
- 4 BAWIPA ni nang teh, Melkhizedek patetlah
a yungyoe vaihma bawi telah thoe na bo toung dawkvah,
nâtuék hai bout kâhno mahoeh toe.
- 5 BAWIPA teh nange aranglah ao teh,
a lungkhueknae hnin dawk siangpahrangnaw koug na thei han.
- 6 Miphunnaw hah lawk koug ceng vaiteh,
hmuen pueng koe tami ro hoi akawi han.
Ram moikapap kahrawikungnaw hah koug a thei han.
- 7 Lam teng e sawkcanaw a nei awh vaiteh,
lû hah a tawm awh han.

111

A lanna hoi yuemkamcunae dawk Cathut pholennae

Kathutkung: Panuekhoeh

- 1 BAWIPA teh pholen awh.
Tami kalannaw kamkhuengnae koe, maya um vah,
BAWIPA teh ka lungthin abuemlahoi ka pholen han.
- 2 BAWIPA ni a sak e thaw teh a len.

- Ka ngai e pueng ni teh a kamtu awh.
- ³ A tawk e teh bari a kamcu teh, a sungren.
A lannae teh a yungyoe a kangning.
- ⁴ Kângairu hno a sak e teh a yungyoe panue hanelah a sak.
BAWIPA teh pahrennae hoi lungmanae hoi ka kawi e doeh.
- ⁵ Ama ka taketnaw hah rawca ca hane a poe.
A lawkkam teh nâtuék hai pahnim hoeh.
- ⁶ Miphunnaw e râw hah a miphunnaw a poe teh,
a taminaw koe a tawk e thaonae hah a pâpho pouh.
- ⁷ A kut hoi sak e naw teh lawkkatang hoi lannae lah ao.
Phunglawknaw teh yuem a kamcu.
- ⁸ Hotnaw teh a yungyoe hoi a yungyoe a kangning han.
Hotnaw teh lawkkatang hoi lannae hoi sak e lah ao.
- ⁹ A taminaw koe ratangnae hah a patawn teh,
a lawkkam teh a yungyoe a kangning nahanlah, kê a poe.
A min teh a thoung, taki a tho.
- ¹⁰ BAWIPA taki e heh lungang kamtawngnae lah ao.
Kâpoelawknaw katarawinaw ni thaipanueknae kahawi a tawn.
Pholennae teh a yungyoe a kangning.

112

Kalan e ram yawhawinae

Kathutkung: Panuekhoeh

- ¹ BAWIPA teh pholen awh.
BAWIPA ka taketnaw hoi kâpoelawknaw
a lung kahawikhai katang e teh a yaw kahawi e doeh.
- ² A catounnaw ni talai van a thao awh vaiteh,
tami kalannaw e catounnaw teh a yawhawi awh han.
- ³ A im vah hnopai a tawnta awh vaiteh,
a lannae teh a yungyoe a kangning han.
- ⁴ Tami kalan hanelah teh hmonae koehoi angnae a tâco teh,
ama teh pahrennae lungmanae, lannae hoi ka kawi e lah ao.
- ⁵ Tami kahawi niteh, pahrennae lahoi a cawi sak teh,
ama teh ka lan lah kho a sak han.
- ⁶ Khoeroe kâhuen mahoe.
Tami kalan teh panue e lah pou ao han.
- ⁷ Kamthang kahawihoehe ni taket sak mahoe.
BAWIPA a kâuep teh a lungthin a cak.
- ⁸ A lungthin caksak lah ao dawkvah,
a tarannaw koe a ngai e a pha totouh, taket mahoe.
- ⁹ Lungthocalah hoi a rei teh,
karoedengnaw hah a poe toe.
A lannae teh a yungyoe a kangning.
A ki teh barinae lahoi tawm lah ao han.
- ¹⁰ Tamikathoutnaw ni hmawt awh vaiteh,
a lungkhuek awh han.
A hâkam kata awh vaiteh, koung atum pouh han.
Tamikathoutnaw e ngainae teh koung a kahma pouh han.

113*Cathut dawk hringnae*

Kathutkung: Panuekhoeh

1 BAWIPA teh pholen awh.

Oe BAWIPA e sannaw, pholen awh.

BAWIPA min teh pholen awh.

2 BAWIPA min teh atuhoi a yungyoe ditouh
pholen lah awm lawiseh.3 Kanitho koehoi kaniloum totouh,
BAWIPA min teh pholen lah awm lawiseh.4 BAWIPA teh miphun pueng e lathueng vah ao teh,
a bawilennaeh teh kalvan hlak a rasang.5 A rasang hmuen koe ao eiteh,
BAWIPA Cathut patetlah apimouh kaawm .6 Kalvan e hno hoi talai hnonaw ka khen e
BAWIPA patetlah apimaw kaawm.7 Mathoenaw hah vaiphu koehoi ka pathaw niteh,
kavoutthoupnaw hah vaipuen koehoi a tawm teh,8 bawinaw hai thoseh, a taminaw hoi
cungtalah ao thai awh nahanelah thoseh hmuen a poe.9 Cakaroe e napui o nahan im a poe teh,
camo ka tawn e napui patetlah a konawm.
Hallelujah.**114***Isarel rungngang nahanelah kaheinae*

Kathutkung: Panuekhoeh

1 Isarel hah Izip ram hoi a rasa teh,

Jakop imthung hah lawk phunloun koehoi a tâcokhai awh toteh,

2 Judah teh hmuen kathoung lah a coung.
Isarel teh uknae lah a coung.3 Talipui ni a hmu teh a yawng,
Jordan palang teh a ban.4 Monnaw teh tutan patetlah,
monruinaw teh tuca patetlah a coukdouk awh.5 Oe talipui bangdawkmaw na yawng,
Oe Jordan palang, bangdawkmaw na ban.6 Oe monnaw bangdawkmaw tutan patetlah na coukdouk.
Oe monruinaw bangdawkmaw tuca patetlah na coukdouk awh.7 Oe talai, BAWIPA hmalah pâyaw nateh,
Jakop Cathut hmalah pâyaw haw.8 Ama teh, lungsong hah tuikamuem lah,
lungtaw hah tuiphuek lah kacoungsakkung doeh.**115***Meikaphawk banglah a ohoehnae hoi Cathut yuem a kamcunae*

Kathutkung: Panuekhoeh

1 Oe BAWIPA, na lungmanaeh hoi na lawkkatang kecu dawkvah,
na bawilennaeh teh kaimouh koe laipalah,
na min dawkvah awm lawiseh.

- 2 Bangkok mouh Jentelnaw niyah,
ahnimae Cathut teh nâmouh ao ati awh va.
- 3 Maimae Cathut teh kalvan vah ao teh,
a ngai e pueng hah ouk a sak.
- 4 Ahnimae meikaphawknaw teh sui hoi ngun lah ao awh teh,
kut hoi sak e lah ao awh.
- 5 Pahni a tawn awh ei, lawk dei thai hoeh.
Mît a tawn awh ei, hmawt thai hoeh.
- 6 Hnâ a tawn awh ei, thai awh hoeh.
Hnawng a tawn awh ei, hmui thai awh hoeh.
- 7 Kut a tawn awh ei, banghai tek thai awh hoeh.
Khok a tawn awh ei, cet thai awh hoeh.
Hotnaw e lawkron dawk hoi lawk tâcawt hoeh.
- 8 Hotnaw kasakkung teh a sak awh e hoi doeh a kâvan awh.
Hotnaw kâuep e hai sue touh lah a kâvan awh.
- 9 Oe Isarel, BAWIPA hah kâuep haw.
Agni teh nangmouh na kabawmkung hoi kângue e bahling doeh.
- 10 Oe Aron imthungnaw, BAWIPA hah kâuep awh.
Agni teh nangmouh kabawmkung hoi kânguenae bahling doeh.
- 11 Nangmouh BAWIPA ka taket e naw,
BAWIPA hah kâuep awh haw.
Agni teh nangmouh kabawmkung hoi
kânguenae bahling doeh.
- 12 BAWIPA ni pou na panue teh,
yawhawi na poe han.
Isarel imthung hai yawhawi a poe vaiteh,
Aron imthung hai yawhawi a poe han.
- 13 BAWIPA ka taket e teh,
tami kalen kathoung yawhawi a poe han.
- 14 Namamouh hoi na canaw khuehoi
BAWIPA ni hoehoe na pung sak naseh.
- 15 Talai hoi kalvan kasakkung
BAWIPA ni yawhawi na poe awh naseh.
- 16 Kalvan teh kalvannaw totouh BAWIPA e doeh.
Hatei, talai teh talai taminaw hah a poe toe.
- 17 Tami kadout ni BAWIPA pholen hoeh.
Duem kâhatnae koe kacettangcoungnaw nihai
BAWIPA pholen boihoeh.
- 18 Hatei, maimouh niteh,
BAWIPA hah atuhoi a yungyoe totouh pholen awh han.
BAWIPA teh pholen awh.

116

Duenaë koehoi rungnangnae koe lunghawilawk deinae

Kathutkung: Panuekhoeh

- 1 BAWIPA teh ka lungpataw.
Bangkongtetpawiteh, ka lawk hoi ka kâhei e hah na thai pouh.
- 2 Kai koe lah a hnâ a pakeng dawkvah,
ka hringyung thung ka kaw han.
- 3 Due patawnae ni na kalup,
sheol patawnae ni na kuët,

kângairu lungmathoe hoi ka o.

- 4 Hat toteh, Oe BAWIPA,
pahren lahoi ka hringnae hah na rungngang haw telah
BAWIPA min teh ka palaw.
- 5 BAWIPA teh lungmakung hoi lannaeh lah ao.
Bokheiyah, maimaeh Cathut teh lungmanaeh hoi akawi.
- 6 BAWIPA ni tami kamawnggramenaw hah a khetyawt.
Kai teh ka kârahnoum navah, ama ni na rungngang.
- 7 Oe, ka hringnae na lungmawngnae koe ban leih.
Bangkongtetpawiteh, BAWIPA ni nang lathueng vah
hnokahawi a sak toe.
- 8 Bangkongtetpawiteh, ka hringnae heh duenaeh koehoi
na rungngang teh, ka mit heh mitphi bonaeh koehoi,
ka khok heh tâlawnaeh koehoi na rungngang toe.
- 9 BAWIPA hmalah kahringnaw
onaeh hmuen koe ka kâhlai han.
- 10 Kai teh ka yuem dawkvah, lawk ka dei,
puenghoi na rektap awah.
- 11 Tami pueng laithoe a dei awah telah
koe ka dei payon.
- 12 Kai lathueng vah, BAWIPA ni hnokahawi a sak e naw dawkvah,
bangmouh ahni hanlah hawinaeh ka sak van han vai.
- 13 Rungngangnaeh manang hah ka la vaiteh,
BAWIPA min teh ka kaw han.
- 14 Ka lawkkam e teh BAWIPA hmalah ka kuep sak han.
A taminaw pueng e hmalah ka kuep sak han.
- 15 A tami kathoungnaw due e teh, BAWIPA hmalah a phuopoung.
- 16 Oe BAWIPA, na san lah ka o.
Na sannaw e capa lah ka o.
Kai daw e kateknaeh teh na rathap pouh toe.
- 17 Lughawilawkdainaeh nalaihoi,
BAWIPA min teh ka kaw han.
- 18 Atuvah, ka lawkkam e hah BAWIPA hoi
a taminaw e hmalah ka kuep sak han.
- 19 Oe Jerusalem, na kho lungui
BAWIPA e im thongma daw roeroe ka kuep sak han.
Hallelujah.

117

Tami pueng ni pholen naseh

Kathutkung: Panuekhoeh

- 1 Miphunnaw pueng BAWIPA teh pholen awah.
Taminaw pueng ama teh pholen awah.
- 2 Bangkongtetpawiteh, ahnie pahrenlungmanaeh teh
maimouh koe a cak teh a len.
BAWIPA e yuemkamcunaeh hai a yungyoe a kangning.
Hallelujah.

118

A lungmanaeh teh a yungyoe akangning

Kathutkung: Panuekhoeh

- 1 Oe BAWIPA koe lunghawilawk dei awh.
Bangkongtetpawiteh, ama teh ahawi,
a lungmanae teh a yungyoe a kangning.
- 2 A lungmanae teh a yungyoe a kangning telah
Isarelnaw ni atu dei awh naseh.
- 3 A lungmanae teh a yungyoe a kangning telah
Aron imthung ni atu dei awh naseh.
- 4 A lungmanae teh a yungyoe a kangning telah
BAWIPA ka taket e naw ni atu dei awh naseh.
- 5 Ka lungpout nah BAWIPA ka kaw teh,
BAWIPA ni hai na pato teh, hmuen akawnae koe na o sak.
- 6 BAWIPA ni na kampangkhai dawkvah ka taket mahoh,eh,
Tami ni kai lathueng bangmouh a sak thai han.
- 7 BAWIPA teh na kabawm e lah ao.
Hatdawkvah, na ka hmuhma e naw koe ka lungngai akuiep han.
- 8 Tami kâuep hlak
BAWIPA kâuep ahawihnawn.
- 9 Bawinaw kâuep hlak BAWIPA kâuep ahawihnawn.
- 10 Miphun pueng ni na kalup awh.
Hatei, ahnimanaw teh BAWIPA min lahoi koug ka raphoe han.
- 11 Ahnimouh ni na kalup awh, na tuembue awh.
Hatei, BAWIPA min lahoi koug ka raphoe han.
- 12 Khoi ni a kayo e patetlah na kalup nakunghai,
buruk hmai kang e patetlah a roum awh.
Bangkongtetpawiteh, BAWIPA min lahoi koug ka raphoe han.
- 13 Ka rawp nahanlah puenghoi na ka tanawt nakunghai,
BAWIPA ni na kabawp.
- 14 BAWIPA teh ka tha hoi ka la doeh.
Ahni teh kaie rungngangnae doeh.
- 15 Tami kalannaw e rim dawkvah,
konawmnae pawlawk hoi rungngangnae pawlawk teh ao.
BAWIPA e aranglae kut ni taranhawinae lahoi a tawk.
- 16 BAWIPA e aranglae kut teh, tawm lah ao teh,
BAWIPA e aranglae kut ni taranhawi lahoi ouk a tawk.
- 17 Dout laipalah, ka hring vaiteh,
BAWIPA hnosak e hah ka pâpho han.
- 18 BAWIPA ni puenghoi na yue, hatei due hane teh
pasoung hoeh rah.
- 19 Lanna takhang teh na paawng pouh haw.
Hawvah ka kâen vaiteh, BAWIPA ka pholen han.
- 20 Hethateh, BAWIPA e longkha,
tami kalannaw a kâen nahane doeh.
- 21 Nang teh, na pholen han.
Bangkongtetpawiteh, nang ni na pato teh,
kaie rungngangnae lah na o.
- 22 Im kasakkungnaw ni a pahnawt awh e talung hah
alawkpui poung e a takinlung lah ao.
- 23 Hothateh, BAWIPA ni a sak e doeh.
Maimae mithmu haiyah kangairu hanlah ao.
- 24 Hethateh, BAWIPA ni a sak e hnin a tho.
Hote hnin dawkvah, lunghawi awh han. Konawm awh han.

- 25 Oe BAWIPA, atu na rungngang haw telah ka ratoum.
Oe BAWIPA kuepcingnae hah na poe haw telah ka ratoum.
- 26 BAWIPA min lahoi ka tho e teh tami yawkahawi e doeh.
BAWIPA imthung hoi yawhawi teh na poe awh.
- 27 Cathut teh BAWIPA lah ao teh angnae hah na poe awh toe.
Thueng nahane hateh thuengnae khoungroe ki daw
k rui hoi pâkhit nateh pen awh.
- 28 Nang teh, kaie Cathut lah na o, na pholen han.
Nang teh, ka Cathut lah na o. Na tawm han.
- 29 Oe, BAWIPA koe lunghawilawk dei awh.
Bangkongtetpawiteh, ama teh ahawi.
A lungmanae teh a yungyoe a kangning.

119

Kathutkung: Panuekhoeh, tami tangawn ni Ezra a ti awh

⚡ ALEPH

BAWIPA lawk dawk khosaknae

- 1 BAWIPA e a lamthung ka phen hoeh niteh,
a lawk dawk ka dawn e tami teh a yawhawi.
- 2 Bawipa e lawkpanuesaknae ka hringkhai niteh,
Bawipa hah a lungthin abuemlahoi ka tawng e teh a yawhawi.
- 3 Ahnimouh teh payonnae sak awh hoeh.
Ahnies lamthung dawk a dawn awh.
- 4 Maimouh ni tarawi awh hanelah,
Nang ni kâlawknaw hah na cangkhai awh toe.
- 5 Bawipa e phunglawknaw dawk ka dawn thai nahanlah,
ka lamthungnaw teh lan naseh.
- 6 Kai ni Bawipa e kâpoelawknaw
ka tarawi navah kayak mahoe.
- 7 Nange kalan lah lawkcengnae ka kamtu navah,
kalan e lungthin hoi nang teh, na pholen han.
- 8 Nange phunglawknaw hah ka tarawi han.
Kai hah khoeroe na hnoun hanh loe.

⚡ BETH

Lawk

- 9 Nawsai ni amae lamthung hah
bangtelamaw a thounsak han tet pawiteh,
Bawipa e a lawk patetlah a tarawi han.
- 10 Kai ni nang teh, ka lungthin abuemlahoi na tawng.
Bawipa nange kâpoelawknaw daw k hoi kai na phensak hanh.
- 11 Bawipa koe ka yon hoeh nahanlah,
ka lung thung a lawknaw hah ka hmouk toe.
- 12 Oe BAWIPA, nang teh yawhawi lah na o.
Nange phunglawknaw hah na cangkhai haw.
- 13 Nang ni pahni hoi lawkcengnae pueng hah
ka pahni hoi ka pâpho han.
- 14 Hnopai tawnta e daw k ka lunghawi e patetlah,
nange panuesaknae lawk daw k ka konawm han.
- 15 Nange phunglawk hah luepluep pouk laihoi,
na lamthungnaw hah ka bari han.
- 16 Nange phunglamnaw daw k kho ka sak han.

Na lawk hah ka pahnim mahoe.

↳ **GIMEL**

Panuesaknae

- 17 Na san ni kahring vaiteh,
na lawk ka tarawi thai nahanlah na pahren haw.
- 18 Nange na kâlawnaw dawk hoi kângairu hno
ka hmu thai nahan ka mit ang sak haw.
- 19 Kai teh het talai van vah imyin lah ka o.
Kâpoelawnaw hah hrawk hanh loe.
- 20 Nange lawkcengnae naw hah
pou ka doun e lahoi ka lung a tangpo.
- 21 Nange kâpoelawnaw dawk hoi ka phen aw h niteh,
ka kâoupnaw hoi thoebo lah kaawm e naw hah yue haw.
- 22 Kai teh, nange panuesaknae hah
ka tarawi dawkvah, pathoenae hoi
banglah noutnahoe hnae dawk hoi na hlout sak haw.
- 23 Kacuenaw ni a tahung aw h teh,
kai hah na ka taran aw h nakunghai,
nange na san teh, na phunglamnaw hah luepluep ka pouk han.
- 24 Nange lawkpanuesaknae teh,
ka khosaknae hoi kâpankhaikung lah ao.

↵ **DALETH**

Ukpadi

- 25 Ka muitha teh vaiphu dawk rep a kâbet.
Na lawk dawk na hring sak haw.
- 26 Ka lamthung ka pâpho toteh nang ni na thai pouh.
Na phunglamnaw hah na cangkhai haw.
- 27 Na phunglawk hah na panueksak haw,
na sak e kângairu hno hah ka pouk han.
- 28 ka lungmathoe lahoi ka lungthin teh a kamyawt toe.
Na lawk patetlah tha na awm sak haw.
- 29 Payonnae lamthung ka roun thai nahan na pahren nateh,
kâlawnaw hah na poe haw.
- 30 Lam kalan teh ka rawi toe.
na lawkcengnae naw teh kahma lah ka hruek toe.
- 31 Oe BAWIPA, na lawkpanuesaknae hah ka kuet.
Na kayak sak hanh.
- 32 Ka lungthin na kaw sak toteh,
na poe e kâpoelawnaw dawk tarawi laihoi ka yawng han.

↵ **HE**

Phunglawk panue nahane

- 33 Oe BAWIPA, na phunglam hah na cangkhai haw.
Apout totouh ka tarawi han.
- 34 Thaipanueknae hah na poe haw,
na kâlawnaw teh ka tarawi han,
oe ka lungthin abuemlahoi ka tarawi han.
- 35 Na poe e kâpoelawnaw hah na dawn sak haw.
Bangkongtetpawiteh, hothateh, ka lunghawinae doeh.
- 36 Ka lungthin hah hounlounnae koe laipalah,
na lawkpanuesaknae koe lah pahei haw.

- 37 Ahrawnghrang koe lah ka khet hoeh nahanlah,
ka mit heh alouklah kangvawi sak haw.
Na lamthung dawkvah, na hring sak haw.
- 38 Na san koevah, na lawk hah caksak haw.
Nang takinae hoi a hring nahanlah.
- 39 Tamthoe takinae koehoi na kamlang sak haw.
Bangkongtetpawiteh, na lawkcengnae teh ahawi.
- 40 Khenhaw! Na phunglawknaw teh ka rabui,
na lannaeh hoi na rounng sak haw.

† VAU

Kâlawk

- 41 Oe BAWIPA na lawkkam e patetlah
na lungmanaeh hoi
na rungngangnae teh kai koe phat lawiseh.
- 42 Hottelah hoayah, kai min mathoe ka dei e naw hah ka pathung thai han.
Bangkongtetpawiteh, nange lawkkatang doeh ka kâuep.
- 43 Nange lawkcengnae hah ka ngaihawi dawkvah,
lawkkatang lawk hah ka pahni daw hoi na takhoe pouh hanh loe.
- 44 Kai teh nange kâlawknaw hah a yungyoe hoi
a yungyoe totouh ka tarawi han.
- 45 Nange phunglawknaw hah ka tawng toung dawkvah,
hloutnae dawkvah ka cei han toe.
- 46 Kai teh nange panuesaknae naw hah
siangpahrangnaw hmalah ka pâpho han.
Kayakkhai mahoe.
- 47 Kai ni ka lungpataw e nange kâpoelawknaw dawkvah,
kai teh ka lunghawikhai han.
- 48 Ka lungpataw e nange kâpoelawknaw hanlah,
ka kut ka dâw vaiteh,
nange phunglamnaw hah luepluep ka pouk han.

† ZAIN

Phunglawk

- 49 Na san koe e lawk hah pahnim hanh.
Hote ni doeh ngaihawinae na tawn sak.
- 50 Hethateh, runaeh kâhmo navah,
ka lungmawngnae doeh.
Bangkongtetpawiteh, na lawk ni hringnae na poe.
- 51 Ka kâoupnaw niteh, lung na paroum nah awh.
Hatei, nange kâlawk teh ka phen takhai mahoe.
- 52 Oe BAWIPA, yampa e na lawkcengnae teh ka pahnim hoeh
Hothateh, ka lungmawngnae doeh.
- 53 Nange kâlawk kapahnawtnaw
kecu dawkvah, ka lung a ro.
- 54 Kahlawng ka ceinae im dawkvah,
na phunglawk teh kaie la lah doeh ao.
- 55 Oe BAWIPA, karum hai na min teh ka pahnim hoeh.
Na kâlawk teh ka tarawi.
- 56 Na phunglawknaw teh ka tarawi dawkvah,
kaie lah a coung awh.

▮ *CHETH*

Bawipa e kâlawk kâuepnae

- 57 Oe BAWIPA, nang teh kai kaham doeh.
Nange na lawk hah ka tarawi han telah ka dei toe.
- 58 Ka lungthin abuemlahoi na minhmai teh ka tangw.
Na lawk patetlah kai na pahren haw.
- 59 Ka lamthungnaw hah ka pouk teh,
ka khoktakannaw teh na panuesaknae koelah ka kamlang sak .
- 60 Kâpoelawknaw tarawi hanelah, hnawngcawn laipalah,
karanglah ka kâroe.
- 61 Tamikaponaw e tangron ni na katek ei nakunghai,
nange kâlawk teh ka pahnim hoeh.
- 62 Nang ni kalan lah na lawkcengnae dawkvah,
karumsaning nang koe lunghawilawk dei hanelah ka thaw han.
- 63 Nang na ka taket e pueng hoi nange
phunglawk katarawinaw e hui lah doeh ka o.
- 64 Oe BAWIPA, talai hah na lungmanae hoi akawi teh,
na phunglam hah na cangkhai haw.

▮ *TETH*

Bawipa e kâlawk ahawinae

- 65 Oe BAWIPA, na lawk patetlah
na san kai koe na hawi toe.
- 66 Kai teh, na lawkcengnae kahawi hoi,
panuethainae hah na cangkhai haw.
Nange kâpoelawknaw hah ka yuem.
- 67 Kai teh runae kâhmo hoehnahlan vah lam ka payon.
Atuteh nange na lawk heh ka tarawi toe.
- 68 Nang teh na hawi, hawinae hai na sak.
Na phunglam hah na cangkhai haw.
- 69 Tami kâoupnaw niteh, kai hah laithoe hoi
na ka taran nakunghai,
kai teh nange phunglawknaw hah
ka lungthin abuemlahoi ka tarawi.
- 70 Ahnimaie lungthin teh sathaw patetlah a thâw.
Kai teh, nange kâlawk doeh ka lunghawikhai.
- 71 Nange phunglam ka kamtu thai nahanlah,
runae ka kâhmo e naw heh kai hanelah ahawi.
- 72 Suingun thong moikapap hlakvah,
na pahni daw k hoi ka tâcawt e
na lawk teh kai han lah ahawihnawn.

• *YOD*

Bawipa e kâlawk teh a lan

- 73 Bawipa nange kut ni kai hah na sak teh,
meilam hah na poe toe.
Nange kâpoelawknaw kamtu thai nahanlah,
panuenaie hoi na kawi sak haw.
- 74 Na lawk ka ngaihawinae dawkvah,
Bawipa ka taketnaw ni kai na hmu aw h toteh,
a lunghawi aw h han.
- 75 Oe BAWIPA, na lawkcengnae teh a lan.

Runae na kâhmo sak e hai yuemkamcu lahoi
na kâhmo sak tie ka panue.

- 76 Na san kai koe na lawk patetlah na lungmanae teh,
ka lungmawngnae lah tho lawiseh telah ka ratoum.
- 77 Na lungmanae teh ka hring nahanlah kai koe kamnuek naseh.
Bangkongtetpawiteh, nange kâlawk teh, ka lunghawinae lah ao.
- 78 Tami kâoupnaw teh, yeiraipo hoi awm aw h naseh.
Bangkongtetpawiteh, a khuekhaw awm laipalah,
kai daw kamsoum hoeh lah hno a sak aw h.
Hatei, kai teh, na phunglawknaw hah luepluep ka pouk.
- 79 Bawipa nang ka taket e nange kampangkchainaw ka panuek e naw teh,
kai koe kamlang aw h naseh.
- 80 Kaya hoeh nahanelah, ka lungthin teh
na phunglamnaw daw kounnae
awm laipalah awm lawi naseh.

┆ KAPH

Hlout nahanlah ratoumnae

- 81 Ka muitha teh na rungngangnae pouk laihoi tha a tâwn toe.
Hatei, na lawk doeh ka ngaihawi.
- 82 Nâtuek maw lung na mawng sak han ti hoi
ngaihawi laihoi ka mit tha abaw toe.
- 83 Bangkongtetpawiteh, tungking ka cawt e
phaivuen um patetlah doeh ka o.
Hatei, na phunglam teh ka pahnim hoeh.
- 84 Na san ka hringnae hah nâsittouh han na maw.
Na ka rektap e naw hah nâtuek maw lawk na ceng han.
- 85 Tami kâoupnaw nange kâlawk katapoenaw ni
kai hanelah tangkomnaw hah a tai aw h toe.
- 86 Na kâlawknaw pueng teh, yuem a kamcu.
Ahnimouh ni kamsoum hoeh lah na rektap aw h,
na kabawm haw.
- 87 Ahnimouh ni kai teh, talai van meimei na pahma aw h toe.
Hatei, nange phunglawknaw teh ka pahmat hoeh.
- 88 Na pahrenlungmanae hoi bout na kâhlaw sak haw.
Na lawkpanuesaknae teh ka tarawi han.

↳ LAMED

Bawipa e kâlawk teh yuemkamcu

- 89 Oe BAWIPA, na lawk teh kalvan kho vah
a yungyoe a cak.
- 90 Yuemkamcunae teh a se tangkuem a kangning.
Talai heh na caksak teh a kangning.
- 91 Hnocawngca pueng teh na san lah ao aw h dawkvah,
sahnin ditouh a kangning aw h.
- 92 Na kâlawk heh ka lunghawinae lah awm hoeh pawiteh,
yampa runae ka kâhmo navah, kadout han doeh toe.
- 93 Na phunglawk hah ka pahnim roeroe mahoe.
Bangkongtetpawiteh, hotnaw lahoi doeh hringnae teh na poe.
- 94 Nange lah ka o, na rungngang haw.
Bangkongtetpawiteh, na phunglawk doeh ka tawng.
- 95 Tamikathoutnaw ni thei hanelah na pawp aw h.

Hatei, na lawkpanuesaknae hah luepluep ka pouk han.

- 96 Kuepnae pueng ni poutnae hai ka hmu toe.
Hatei, kâpoelawk teh a kaw toungloung.

▣ *MEM*

Bawipa e kâlawk teh ka ngai

- 97 Oe nange kâlawk teh ka lungpataw poung.
Hothatei kanîrui luepluep ka pouk e lah ao.
98 Nange kâpoelawknaw ni ka tarannaw hlak ka lung a ang sak.
Bangkongtetpawiteh, kai koe pou ao aw. h.
99 Nange panuesaknae naw teh,
luepluep ka pouk dawkvah,
na kacanghkaikungnaw hlak hoe ka thaipanuek.
100 Nange phunglawknaw hah ka tarawi dawkvah,
kacuenaw hlak hai ka thaipanuek.
101 Na lawk ka tarawi thai nahanlah,
hawihoehnae lamthungnaw pueng heh ka roun.
102 Na lawkceng e naw hah ka roun hoeh.
Bangkongtetpawiteh, nama roeroe ni na cangkhai toe.
103 Na lawk teh kai hanlah ka dangka dawkwang banghloimaw a radip.
Kai hanlah ka pahni dawkwang khoitui hlak hai a radip.
104 Na phunglawknaw lahoi, thaipanueknae ka tawn toe.
Hatdawkvah, lampaiheinaw teh ka hmuhma toe.

‡ *NUN*

Bawipa e kâlawk teh angnae

- 105 Na lawk teh ka khok hanlah hmaiim lah ao teh,
ka lamthung hanlah angnae lah ao.
106 Na lawkcengnae kalan teh
ka tarawi han telah lawk ka kam toe.
107 Oe BAWIPA, kai teh puenghoi rektapnae ka kâhmo.
Na lawk patetlah na hring sak haw.
108 Oe BAWIPA, lungthocalah hoi ka pahni hoi
thuengnae hah na dâw pouh haw telah ka ratoum.
Na lawkcengnae hah na cangkhai haw.
109 Ka hringnae heh ka kut dawkwang pou ao.
Hatei, na lawk teh ka pahnim hoeh.
110 Tamikaponaw ni kai hanlah karap teh a patûng aw. h.
Hatei, na phunglawk hah ka phen takhai mahoe.
111 Na lawkpanuesaknae teh a yungyoe raw lah ka la toe.
Bangkongtetpawiteh, lung kahawisakkung doeh.
112 Na phunglamnaw tarawi hanelah,
ka lungthin hah pou ka hroecoe toe.

▷ *SAMEK*

Bawipa e kâlawk teh kâhatnae

- 113 Ayawmyin e taminaw teh ka hmuhma,
hatei nange kâlawk teh ka lungpataw.
114 Nang teh, ka kânguenae hoi bahling lah na o teh,
na lawk teh ka ngaihawinae lah ao.
115 Nangmouh hawihoehnae kasaknaw kai koehoi kâkhoe aw. h.
Bangkongtetpawiteh, ka Cathut e kâpoelawknaw dueng doeh
ka pâkuem han.

- 116 Ka hring nahanlah na lawk patetlah na kangdout sak haw.
Ka hawinae hah yeirai lah coungsak hanh.
- 117 Na kuen haw, ka hlout han.
Na phunglam hah pou ka tarawi han.
- 118 Na phunglam dawh hoi ka phen e pueng heh koung na pahawt.
Bangkongtetpawiteh, ahnimaie dumpyennaie teh laithoe doeh.
- 119 Talai tamikaponaw pueng teh,
ei patetlah na tâkhawng.
Hatdawkvah, nange lawkpanuesaknae teh ka lungpataw han.
- 120 Nang taki lawi ka takthai a pâyaw teh,
na lawkcengnae hah ka bari.

♪ AIN

Bawipa e kâlawk teh tarawi hane

- 121 Kai teh lawkcengnae hoi lannaie hah katawksak toe.
Rep kacuengroenaw koe na cettakhai hanh.
- 122 Na san kai hanlah kacakpounge kabawmkung lah awm nateh,
ka kâoupnaw ni repcoungroe e lah na awm sak hanh.
- 123 Na rungungnae hoi lannaie lawk
ka radoungnae koe ka mit teh tha abaw toe.
- 124 Na san hanelah na lungmanae kamnuek sak nateh,
na phunglam hah na cangkhai haw.
- 125 Kai teh nange san doeh.
Na lawkpanuesaknae hah ka panue thai nahanlah
thaipanueknae na poe haw.
- 126 Oe BAWIPA, na tawk nahane tueng a pha toe.
Bangkongtetpawiteh, na kâlawk teh banghai
bang hoeh lah a coungsak awh.
- 127 Hatdawkvah, nange kâpoelawknaw teh
sui hlak hai ka lungpataw teh,
suihuici hlak hai ka lung hoe ka pataw.
- 128 Hatdawkvah, bangpueng hlak hai
na phunglawknaw hah a thuem telah ka pouk.
Lampaihei teh ka hmuhma.

♫ PE

BAWIPA e kâlawk teh tarawi ka ngai

- 129 Na lawkpanuesaknae teh kângai lah a ru.
Hatdawkvah, ka hringnae ni a pâkuem.
- 130 Na lawk caisaknae ni angnae a poe teh,
kamawnggramnaw hah thaipanueknae a poe.
- 131 Ka kâko ka ang teh puenghoi ka kâha.
Bangkongtetpawiteh, nange kâpoelawknaw hah ka rabui poung.
- 132 Na min kalungpatawnaw na pahrennaie patetlah,
na khen nateh, na pahren haw.,
- 133 Ka khoktakannaw hah na lawk hoi caksak haw,
ka lathueng vah payonnae ni kâ tawn sak hanh.
- 134 Na phunglawknaw ka tarawi thai nahanlah,
ayâ ni repcoungroenae hmuem koehoi na rasat haw.
- 135 Na san koevah, na minhmai ang sak nateh,
na phunglam hah na cangkhai haw.
- 136 Ayânaw ni nange kâlawk a tarawi aw hah hoe haw dawkvah,

ka mitphi teh palang tui patetlah a lawng.

‡ TZADDI

BAWIPA E kâlawk teh Lannae

137 Oe BAWIPA, nang teh na lan doeh,
na lawkcengnae hai a lan doeh.

138 Na poe e panuesaknae teh a lan teh,
yuemkamcu e lah ao.

139 Ka tarannaw ni na lawk a pahnim aw h dawkvah,
ka lungthaonae ni kai teh na rek.

140 Na lawk teh a thoung tangngak.
Hatdawkvah, na san kai ni ka ngai.

141 Kai teh tami titca, hnephnap e lah kaawm ei nakunghai,
nange phunglamnaw teh ka pahnim hoeh.

142 Na lannae teh a yungyoe lannae lah ao teh,
na kâlawk teh a thuem doeh.

143 Runae hoi mathoenae ni na ka tho sin nakunghai,
nange kâpoelawknaw teh ka lunghawinae lah ao.

144 Na panuesaknae lannae teh
a yungyoe a kangning, thaipanueknae
na poe haw ka hring han.

‡ KOPH

Hlout nahan ratoumnae

145 Ka lungthin abuemlahoi na kaw,
Oe BAWIPA na thai pouh haw,
na phunglam teh ka tarawi han.

146 Nang koe ka hramki, na rungngang haw.
Na lawkpanuesaknae teh ka tarawi han.

147 Khodai hoehnahlan ka thaw teh,
kabawpnae hei laihoi ka hram.
Na lawk teh ka ngaihawi.

148 Na lawk lueplueppouk thai nahan,
karum tuettuet ip laipalah ka hra.

149 Na lungpatawnae patetlah ka lawk hah na thai pouh haw.
Oe BAWIPA na lawkcengnae patetlah na hring sak haw.

150 Hawihoehnae kasaknaw teh hoehoe a hnai aw h toe.
Na kâlawk hoi ahlanae koe ao aw h.

151 Oe BAWIPA, nang teh na hnai teh,
nange kâpoelawknaw teh lawkkatang doeh.

152 Na lawkpanuesaknae a yungyoe na ta e hah
ahmaloe hoi ka panue toe.

‡ RESH

Rungngang nahan ratoumnae

153 Ka khang e runae hah khen nateh,
na rungngang haw.

Bangkongtetpawiteh, nange kâpoelawk teh ka pahnim hoeh.

154 Kai hanelah pouk nateh, na ratang haw.
Na lawk patetlah na pâhlaw haw.

155 Rungngangnae teh tami kahawihoe hnaw koehoi ahla toungloun.
Bangkongtetpawiteh, na phunglam hah tawng aw h hoeh.

156 Oe BAWIPA ka kamcu e na lungmanae teh a len tangngak.

- Na lawkcengnae patetlah na pâhlaw haw.
 157 Na ka pacekpahlek e hoi ka taran apap.
 Hatei, na panuesaknae teh ka phen hoeh.
 158 Lawkkam kacakhoehnaw ka hmu nah,
 ka lung caca a pataw.
 Bangkongtetpawiteh, na lawk tarawi ngai awh hoeh.
 159 Nange phunglawknaw ka lungpatawnae heh na pouk pouh haw.
 Oe BAWIPA, na pahrenlungmanae patetlah na pâhlaw haw.
 160 Na lawk pueng teh lawkkatang doeh,
 kalan lah lawkcengnae teh, a yungyoe a kangning.

✠ SHIN

- Bawipa kâlawk tarawi han ka ngai
 161 Bawinaw ni a khuekhaw awm laipalah na rektap awh.
 Hatei, ka lungthin teh kângaikaru na lawk dawkvah a kangdue.
 162 Hnopai moi ka tawnta e patetlah
 na lawk ni ka konawm sak.
 163 Laithoe lawk teh ka hmuhma, ka panuet.
 Hatei, nange kâlawk teh ka ngai.
 164 Na lawkcengnae a lan dawkvah,
 hnin touh dawk vaisari touh ka pholen.
 165 Kâlawk ka lungpataw naw koe lungmawngnae kalen ao.
 Lungpout nahane awm hoeh.
 166 BAWIPA, na rungngangnae heh ka ngaihawi.
 Na kâpoelawknaw hah ka tarawi.
 167 Na panuesaknae heh ka hringnae ni a tarawi teh,
 ka lungpataw katang doeh.
 168 Na phunglawk hoi na lawkpanuesaknae teh ka tarawi.
 Bangkongtetpawiteh, ka lamthung pueng teh na hmalah ao.
 ♪ TAU: Kabawp heinae ratoum
 169 Oe BAWIPA, ka hramnae lawk teh nang koe phat naseh.
 Na lawk patetlah thaipanueknae na poe haw.
 170 Ka kâheinae teh nang koe phat naseh,
 na lawk patetlah na rungngang haw.
 171 Nange phunglawk hah na cangkhai dawkvah,
 ka pahni ni a pholen han.
 172 Ka lai ni na lawk a dei han.
 Bangkongtetpawiteh, nange kâpoelawknaw pueng teh lannae lah ao.
 173 Na kut teh na kabawmkung lah awm seh.
 Bangkongtetpawiteh, na phunglawk hah ka rawi toe.
 174 Oe BAWIPA, na rungngangnae teh ka rabui toungloung.
 Na kâpoelawk teh ka lunghawinae doeh.
 175 Ka hringnae teh hring naseh.
 Na pholen han.
 Na lawkcengnae ni na ka bawm naseh.
 176 Tu kahmat e patetlah ka kahma.
 Na san heh na tawng haw.
 Bangkongtetpawiteh, nange kâpoelawknaw teh ka pahnim hoeh.

120

Kathutkung: Panuekhoeh, tami tangawn ni Hezekiah a ti awh

- 1 Kai teh runae kâhmo navah,
BAWIPA ka kaw teh Bawipa ni na pato.
- 2 Oe BAWIPA, ka muitha hah laithoe e pahni dawk hoi thoseh,
dumyennae lai dawk hoi thoseh, na rungngang haw.
- 3 Oe dumyennae lai, Bawipa ni nang hah
bangtelah vaimoe na ti han vai,
nang hah bang hoi vaimoe runae na poe han vai tet pawiteh,
- 4 athakaawmnaw e kahran e pala hoi
kongkang hmaisaaan hoi doeh.
- 5 Kai teh, Meshek ram vah, kahlawng ka cei teh
Kedarnaw e rim dawk ka o dawkvah,
yawthoe lah a o
- 6 Ka muitha teh roumnae ka hmuhma e naw hoi
rei ao e hroung asaw toe.
- 7 Kai teh roumnae ka ngai.
Hatei, ka dei navah,
ahnimouh teh tarantuk hane doeh a ngai awh.

121

Kabawpnae teh BAWIPA koehoi a tho

Kathutkung: Panuekhoeh, tami tangawn ni Hezekiah a ti awh

- 1 Kabawpnae teh nâhoi maw a tho han ka titeh,
monnaw koelah ka khet.
- 2 Kalvan hoi talai kasakkung
BAWIPA koehoi doeh a tho.
- 3 Bawipa ni na khok tâlaw sak hoeh.
Nang khenyawnkung teh ngâm boihoeh.
- 4 Atangcalah Isarelnaw khenyawnkung
Ahnî teh ngâm boihoeh, ip hai ip boihoeh.
- 5 BAWIPA ni nang teh, na khetyawt.
BAWIPA teh, aranglae tâhlip, na kângue e doeh.
- 6 Khodai vah kanî, karum vah thapa ni
runae na poe mahoe.
- 7 BAWIPA ni runae pueng thung hoi na khetyawt han,
na hringnae hai a khetyawt han.
- 8 BAWIPA ni, na ceinae,
na thonae pueng hah
atuhoi pout laipalah, a khetyawt han.

122

Jerusalem hanelah ratoum awh sei

Kathutkung: Devit

- 1 BAWIPA e im dawc cet awh sei telah,
kai koe ati awh navah, ka lunghawi.
- 2 Oe Jerusalem, kaimae khok teh,
nage takhang thungvah a kangdue han.
- 3 Jerusalem teh kacakpounglah sak e lah ao.
- 4 BAWIPA e miphunnaw teh hote kho dawc a cei awh katang.
Isarelnaw e phung patetlah BAWIPA e a miphunnaw teh
BAWIPA min pholen hanelah,
BAWIPA min pholen nahanelah a ceitakhang awh.

- 5 Bangkoktetpawiteh, hote hmuen koevah, bawitungkhungnaw,
Devit imthung bawitungkhungnaw lawkceng nahanelah a hruek awh.
- 6 Jerusalem a roum nahanlah ratoum awh.
Nang lungpataw naw teh a hmacawn awh naseh.
- 7 Nange rapannaw roumnae awmseh.
Na impui hawinae coe awh naseh.
- 8 Ka hmaunawngaha han hoi ka huikonaw hanelah,
nang dawc roumnae awm seh telah ka dei han.
- 9 Maimae BAWIPA Cathut im hane dawkvah,
nange hawinae hah ka tawng han.

123

BAWIPA ngaihawinae

Kathutkung: Panuekhoeh, tami tangawn ni Hezekiah a ti awh

- 1 Kalvan kho a tungkhung kaawm e
nang koe doeh ka ngaihawi .
- 2 Sanpanaw ni a bawipa kut a ngaihawi e patetlah thoseh,
Sannunaw ni a bawipa kut a ngaihawi e patetlah thoseh,
kaimouh ni lungmanae ka coe awh hoehroukrak
BAWIPA Cathut doeh na ngaihawi awh.
- 3 Oe BAWIPA, kaimouh na lungma haw.
Kaimouh na lungma haw. Bangkoktetpawiteh,
banglah noutnahoeahnae teh koug ka boum awh toe.
- 4 Kaimae hringnae teh, ka kâoupnaw ni yeiraipo saknae hai thoseh,
lunglenpansa lah kaawm naw ni banglah noutnahoeahnae hai thoseh,
koug ka boum awh toe.

124

Maimouh koe kaawm e BAWIPA

Kathutkung: Devit

- 1 BAWIPA ni na awmkhai hoeh pawiteh,
telah Isarelnaw ni atu a dei awh hane teh,
- 2 BAWIPA teh maimouh koe lah awm hoeh pawiteh,
taminaw ni na taran awh navah,
- 3 a lungkhuek awh vaiteh, maimouh hah
hringo na payawp awh toe.
- 4 Hatnavah, tui ni maimanaw teh
muen na ramuk teh tui ka lawng e ni,
maimae hringnae van muen a lawng sin toe.
- 5 Puenghoi kalawng e tui ni maimae hringnae teh
muen a lawng sin toe, tie hah doeh.
- 6 Ahnimouh ni hâ hoi na ai awh nahanelah,
maimanaw hah ahnimouh koe na poe awh hoeh.
BAWIPA teh pholen lah awm seh.
- 7 Maimae hringnae teh, tangkam dawc hoi
kahlout e tava patetlah a hlout toe.
Tangkam a lawt teh, maimouh hlout awh toe.
- 8 Maimouh kabawpnae teh, kalvan hoi talai ka sak e
BAWIPA min lahoi coe awh.

125

Miphunnaw ni kâuepnae

kathutkung: Panuekhoeh, tami tangawn ni Hezekiah a ti aw h

- 1 BAWIPA ka kâuep e naw teh,
kâhuen hoeh niteh, a yungyoe kangning e
Zion mon patetlah ao han.
- 2 Monnaw ni Jerusalem a kalup e patetlah,
BAWIPA ni a miphunnaw hah atuhoi pout laipalah a kalup.
- 3 Tami kalannaw ni amamae kut hoi,
kahawihoehe hno a sak aw h hoeh nahanelah,
tamikaponaw e sonron teh,
tami kalannaw e râw talai daw k aw m hanh naseh.
- 4 Oe BAWIPA, tami kahawinaw hoi
tami kalannaw koe hawinae sak haw.
- 5 Amamae dumpyennae lam daw k ka cet e naw hateh,
yonnae ka sak e naw hoi cungtalah,
BAWIPA ni a pâlei han. Isarelnaw koe rounnae aw m lawiseh.

126

Zion hawinae bout a coe sak

kathutkung: panuekhoeh

- 1 A man aw h teh a hrawi aw h e Zioncanaw hah
BAWIPA ni bout a ban sak toteh,
kai teh mang ka mang e patetlah ka o.
- 2 Hat toteh, kaimae pahni teh panuinae hoi thoseh,
kaimae lai teh, la saknae hoi thoseh a kaw i han.
Ayânaw niteh, BAWIPA ni ahnimouh hanelah
hno kalen a sak pouh toe, telah miphunnaw rahak vah a dei aw h.
- 3 BAWIPA ni kaimouh hanlah hno kalen a sak toe.
Kaimouh teh ka lunghawi aw h.
- 4 Oe BAWIPA, a man aw h teh, a hrawi aw h e kaimanaw hah,
Negeb e palangtui patetlah bout tho sak haw.
- 5 Mitphi tui hoi cati katunaw ni
lunghawi la sak laihoi a a aw h han.
- 6 Cati ka phaw t niteh, tha thout laipalah,
khuika laihoi ka tâcaw t e tami teh,
cabongnaw hrawm vaiteh,
lunghawi la sak laihoi bout a ban katang han.

127

BAWIPA ni im sak hoeh pawiteh

kathutkung: Solomon

- 1 BAWIPA ni im sak hoeh pawiteh,
ka taw k e pueng ni ayawmyin doeh a taw k aw h.
BAWIPA ni kho ring hoeh pawiteh,
ka ring e pueng ni ayawmyin doeh a ring aw h.
- 2 Amom ka thaw niteh, karumsaning tore i ka ip niteh,
ng et ka tawn lah taw k laihoi ka cat nakunghai,
ayawmyin doeh.
Bangkongtetpawiteh, Bawipa ni a pahren e naw koe
duedue inae a poe.

- 3 Khenhaw! Canu capanaw teh, BAWIPA ni na poe e râw doeh.
Khe e camo teh, tawkphu doeh.
- 4 Na naw nah na khe e canu capanaw teh,
athakaawme tami kut dawk e pala hoi a kâvan.
- 5 Ama e palabom hah hote palasamtang hoi
ka kawî sak e tami teh a yawhawi.
Ahnimouh teh, kayanae awm mahoe.
Tarannaw hah longkha koe a ngang aw h han.

128

BAWIPA ka taket e imthung

- Kathutkung: Panuekhoeh, tami tangawn ni Hezekiah a ti aw h
- 1 BAWIPA ka taket niteh, a lamthung ka dawn e tami pueng teh,
tami yawkahawi e doeh.
- 2 Hottelah na sak pawiteh, nang teh na kut hoi
na tawk e hah atangcalah na ca han.
Yawhawi awm vai teh, lunghawinae na coe han.
- 3 Na yu teh na im thung kaawm niteh,
a paw moi kapaw e misurkung hoi a kâvan.
Na canu capanaw teh, na caboi petkâkalup lah,
ung e olivekungnaw patetlah ao aw h han.
- 4 Khenhaw! Bawipa ka taket e teh,
hot patet e yawhawinae a coe han.
- 5 BAWIPA ni Zion hoi yawhawi na poe seh.
Na hringyung thung Jerusalem e hawinae na hmawt naseh.
- 6 Na canaw ni a khe e canaw hai na hmawt naseh.
Isarelnaw koe roumnae awm seh.

129

Taran tâ nahanelah ratoumnae

- Kathutkung: Panuekhoeh, tami tangawn ni Hezekiah a ti aw h
- 1 Ka nawca hoiyah ahnimouh ni na rektap aw h,
telah Isarelnaw ni tet aw h naseh.
- 2 Ka nawca hoiyah ahnimouh ni kai teh, na rektap aw h.
Hatei, na tâ aw h hoe h.
- 3 Ka hnukthun vah talai thawn e patetlah a thawn aw h teh,
laikong kasawlah a sak aw h.
- 4 Hatei, BAWIPA teh a lan.
A hni ni tamikaponaw e tangronnaw teh,
thouk thouk a bouk pouh.
- 5 Zion kahmuhmanaw pueng teh,
kayak aw h naseh, hnuklah ban aw h naseh.
- 6 Ahnimouh teh, a kung a len hoehnahlan
remke e lemphu e phokung patetlah awm aw h naseh.
- 7 Hote pho teh, kaanaw hanelah,
kut kasum khuem hai phat hoe h.
Ka tangoungnaw hanelah, tapam khuem hai phat hoe h.
- 8 Ka cet kaawm pueng nihai,
BAWIPA e yawhawi teh nangmouh koe awm lawiseh.
Kaimouh ni BAWIPA min lahoi nangmouh
yawhawi na poe aw h telah a dei aw h mahoe h.

130

BAWIPA ni ratangnae

Kathutkung: Panuekhoeh, tami tangawn ni Hezekiah a ti awh

- ¹ Oe BAWIPA, kai ni a dungnae koehoi na kaw.
- ² Oe Cathut, kaie lawk hah na thai pouh haw.
Kai ni ka kâheinae lawk hah hnâpakeng haw.
- ³ Oe Bawipa Jehovah, nang ni payonnae hah
na pâkuem pawiteh, apimouh ka khang thai han va.
- ⁴ Hatei, nang ni na ngaithoum dawkvah,
taminaw ni nang teh, na taki aw haw na bari aw haw.
- ⁵ Kai teh, BAWIPA doeh ka ngaihawi.
Ka hringnae ni a ngaihawi.
Kai teh Bawipa e a lawk hah ka kâuep.
- ⁶ Ramvengnaw ni amom a ngaihawi aw haw e hlak,
atangalah ramvengnaw ni amom a ngaihawi aw haw e hlak,
ka hringnae ni Bawipa teh a ngaihawi.
- ⁷ Oe Isarel miphun, BAWIPA hah ngaihawi aw haw.
Bangkongtetpawiteh, BAWIPA daw k pahrenlungmanae ao.
Ka kuep e ratangnae hai Bawipa koe ao.
- ⁸ Bawipa ni Isarel miphunnaw teh
payonnae kaawm e pueng daw k hoi a ratang han.

131

Cathut kâuep laihoi ratoumnae

Kathutkung: Devit

- ¹ Oe BAWIPA, kai teh ka pouknae rasang hoeh,
ka mit hai kâ rasang hoeh,
kai hanelah kalenpoung hno hoi,
ka ru poung e hno daw k ka nuen hoeh.
- ² Atangalah, kai teh sanu pâphei e camo patetlah,
ka lungroum teh,
ka lungthin teh sanu pâphei e camo patetlah ao.
- ³ Isarelnaw ni atuhoi
BAWIPA hah ngaihawi aw haw naseh.

132

Devit hoi Zion rawinae

Kathutkung: Panuekhoeh

- ¹ Oe BAWIPA, Devit hai thoseh,
a khang e rektapnae hai thoseh,
- ² BAWIPA koe bangtelane thoe a kâbo tie hai thoseh,
Jakop miphun e athakaawme Bawipa koe
bangtelamaw lawk a kam tie hai thoseh, pouk haw.
- ³ Ahni ni BAWIPA onae,
Jakop miphun e Athakasaipoung a onae hmuen
ka hmu hoehroukrak,
- ⁴ kama im ka ban mahoe h,
ka ikhun daw k ka luen mahoe h,
- ⁵ ka ip mahoe h, ka mit ka pakhap mahoe h
telah lawk a kam.

- 6 Khenhaw! Ephrath vah, ka thai a teh,
ratu thung vah ka hmu aw h.
- 7 Ama onae koe cet aw h sei .
Ama khok tOUNGNAE hmalah tabaw k aw h sei .
- 8 Oe BAWIPA nama e thaonae thingkong hoi cUNGTALAH,
nama e roumnae koe luen haw.
- 9 Nange vaihmanaw teh lanna e hah khohnat aw h naseh.
Nange tami kathOUNGNAW ni hai lunghawicalah la sak aw h naseh.
- 10 Na san Devit minhmai khet lahoi satui na aw i e hah
pah Nawt han h loe.
- 11 BAWIPA ni Devit koe thoe a bo teh
bout raphoe hoeh hane law k teh:
na catoun hah na bawitUNGHUNG daw k ka tahung sak han.
- 12 Na capanaw ni kaie lawkkam hoi
kaie lawkpanuesaknae hah taraw i aw h pawiteh,
ahnimae capanaw hai nange bawitUNGHUNG daw k
pou a tahung aw h han tie hah doeh.
- 13 Bangkongtetpawiteh, BAWIPA ni Zion hah a raw i teh,
haw vah o nahane hmuen lah ta hane a ngai daw kvah,
- 14 hote hmuen teh a yungyoe kaie roumnae hmuen lah ao.
Hote hmuen hah ka ngai daw kvah, haw vah ka o han.
- 15 Hote hmuen koe rawca yaw haw i ka poe han.
Hote hmuen koe mathoenaw hai rawca ka boum sak han.
- 16 Hote hmuen koe e vaihmanaw heh
rUNGNGANGNAE hoi ka ramuk vaiteh,
tami kathOUNGNAW ni lunghaw i laihoi la a sak aw h han.
- 17 Haw vah, Devit e ki hah ka cawn sak han.
Satui ka aw i e tami hanelah,
hmaiim sut ka hruek pouh.
- 18 Kai ni ahnie tarannaw hah
kayayeirai hoi ka ramuk pouh han.
A hni koe teh, amae lentoenae lukhung
kamhlawng sak han telah a ti.

133

Hmaunawng ha lungkâpatawnae

Kathutkung: Devit

- 1 Khenhaw! Hmaunawng hanaw ni
lungkâNGING lahoi cUNGTALAH KHO a sak aw h e teh
ahawipoung teh, ngai ao poung.
- 2 Aphu kaawm e satui lû daw k aw i teh,
pâkhamuen totouh ka law i e,
Aron e pâkhamuen totouh ka law i niteh,
a lahuen koehoi a khohna daw k ka law i e hoi a kâvan.
- 3 Zion mon daw k ka baw t niteh,
Hermon mon e tadamtui patetlah ao.
Bangkongtetpawiteh, hote hmuen koe
a yungyoe hringnae yaw haw i teh na poe han telah
BAWIPA ni law k na kam pouh.

134

BAWIPA yawhawi poe awh sei

Kathutkung: Panuekhoeh, tami tangawn ni Hezekiah a ti awh

- 1 BAWIPA e sannaw pueng tho awh,
Karum vah, BAWIPA e im dawk thaw katawknaw pueng,
BAWIPA teh pholen awh.
- 2 Thounghae hmuen koe lah na kut dâw awh nateh,
BAWIPA teh pholen awh.
- 3 Kalvan hoi talai ka sak e BAWIPA ni
Zion hoi nang hah yawhawinae na poe lawiseh.

135

BAWIPA lennae

Kathutkung: Panuekhoeh

- 1 BAWIPA teh pholen awh. BAWIPA min teh pholen awh.
BAWIPA e a sannaw ama teh pholen awh.
- 2 BAWIPA e min dawk thoseh,
maimae Cathut im thongma dawk thoseh,
thaw ka tawk e a sannaw pueng ama teh pholen awh.
- 3 BAWIPA teh ahawi, BAWIPA teh pholen awh.
Bawipa e min hah la sak awh. Hottelah sak e teh a kamcu.
- 4 Atangcalah BAWIPA ni Jakop hah ama hanelah thoseh,
Isarel hah amae hno lah o sak hanelah thoseh a rawi toe.
- 5 Hatdawkvah, Jehovah teh a len e hoi maimae Bawipa teh,
cathut pueng e lathueng lah ao tie hah ka panue.
- 6 BAWIPA teh kalvan hoi talai hai thoseh,
tuipui hoi adungnae koehai thoseh,
a ngai e patetlah a sak.
- 7 BAWIPA ni tâmainaw hah
talai apoutnae koehoi a luen sak teh,
kho hoi sumpa a palik sak teh,
kahlí hah a hnoim thung hoi a tâco sak.
- 8 Ama ni Izip ram vah tami hoi saring totouh
caminnaw hah a thei pouh.
- 9 Oe Izip ram ahni ni mitnoutnaw hoi
kângairu mitnoutnaw hah nangmouh koe,
Faro siangpahrang hoi a thaw katawknaw
pueng koe a thosak toe.
- 10 Bawipa ni miphun moikapap a moum teh,
athakaawme siangpahrangnaw hah a thei.
- 11 Hotnaw teh Amor siangpahrang Sihon,
Bashan siangpahrang Og, hoi kanaan uknaeramnaw doeh
- 12 Hathnukkhu, ahnimaie talai hah a tami Isarelnew râw lah a poe.
- 13 Oe BAWIPA, nange min teh a yungyoe a kangning.
Oe BAWIPA, na kamthang teh catounnaw totouh a cak.
- 14 Bangkoktetpawiteh, BAWIPA Cathut ni
a miphun hah lawk a ceng teh, a sannaw hah a pahrenlungma,
- 15 Jentelnaw e meikaphawknaw teh,
sui, ngun lah ao teh, kut hoi sak e lah ao.
- 16 Hotnaw teh pahni a tawn awh ei lawk dei thai awh hoeh.
Mit a tawn awh ei, hmawt thai awh hoeh.

- 17 Hnâ a tawn awh ei, thai awh hoeh.
Ahnimae kâko dawk kâha hai awm hoeh.
- 18 Hotnaw ka sak e hoi kayuemnaw pueng hai
hotnaw patetlah ao awh han.
- 19 Oe Isarelnaw, BAWIPA hah yawhawi poe awh.
Aron catounnaw BAWIPA hah yawhawi poe awh.
- 20 Oe Levih catounnaw BAWIPA hah pholen awh.
BAWIPA ka taket e naw, BAWIPA hah pholen awh.
- 21 Jerusalem vah kaawm e BAWIPA Cathut teh,
Zion hoi pholen awh.
Hallelujah.

136

Lunghawilawkdeinae la

Kathutkung: Panuekhoeh

- 1 BAWIPA koe lunghawi lawk dei awh.
Bangkongtetpawiteh, ahni teh ahawi.
A lungmanae teh a yungyoe a kangning.
- 2 Cathut pueng e Cathut koe lunghawi lawk dei awh.
Bangkongtetpawiteh, a lungmanae teh a yungyoe a kangning.
- 3 Bawi pueng e Bawi koe lunghawi lawk dei awh.
Bangkongtetpawiteh, a lungmanae teh a yungyoe a kangning.
- 4 Kângairu hno kalen heh amadueng ka sak e koe,
bangkongtetpawiteh, a lungmanae teh a yungyoe a kangning.
- 5 A lungangnae hoi kalvan ka sak koe,
bangkongtetpawiteh, a lungmanae teh
a yungyoe a kangning.
- 6 Talai hah tui van ka phai e Bawipa koe,
bangkongtetpawiteh, a lungmanae teh
a yungyoe a kangning.
- 7 Kalenpoung angnae ka sak e koe,
bangkongtetpawiteh, a lungmanae teh
a yungyoe a kangning.
- 8 Khodai ka uk hanlah kanî ka sak e koe,
bangkongtetpawiteh, a lungmanae teh a yungyoe a kangning.
- 9 Karum ka uk hanlah thapa hoi âsinaw ka sak e koe,
bangkongtetpawiteh, a lungmanae teh a yungyoe a kangning.
- 10 Izipnaw e caminnaw ka thet e koe,
bangkongtetpawiteh, a lungmanae teh a yungyoe a kangning.
- 11 Isarelnaw hah Izipnaw thung hoi ka tâcawtkhaiung koe,
bangkongtetpawiteh, a lungmanae teh a yungyoe a kangning.
- 12 Athakaawme kut, a dâw e kut hoi ka tâcawtkhai koe,
bangkongtetpawiteh, a lungmanae teh a yungyoe a kangning.
- 13 Tuipui paling hah kahni telah rak ka bawng e koe,
bangkongtetpawiteh, a lungmanae teh a yungyoe a kangning.
- 14 Isarelnaw hah hote tuipui lungui hoi ka cet sakkung koe,
bangkongtetpawiteh, a lungmanae teh a yungyoe a kangning.
- 15 Faro siangpahrang hoi a ransanaw teh,
tui dawk koung ka tâkhawng koe,
bangkongtetpawiteh, a lungmanae teh a yungyoe a kangning.
- 16 A mipunnaw hah thingyei yawn dawk ka cetkhaiung koe,

- bangkongtetpawiteh, a lungmanae teh a yungyoe a kangning.
- 17 Siangpahrang kalennaw kathetkung koe,
bangkongtetpawiteh, a lungmanae teh a yungyoe a kangning.
- 18 A min kamthang e siangpahrangnaw kathetkung koe,
bangkongtetpawiteh, a lungmanae teh a yungyoe a kangning.
- 19 Amor siangpahrang Sihon ka thet koe,
bangkongtetpawiteh, a lungmanae teh a yungyoe a kangning.
- 20 Bashan siangpahrang Og ka thet koe,
bangkongtetpawiteh, a lungmanae teh a yungyoe a kangning.
- 21 Ahnimae ram hah râw lah kapoekung koe,
bangkongtetpawiteh, a lungmanae teh a yungyoe a kangning.
- 22 San hah Isarelnaw râw lah kapoekung koe,
bangkongtetpawiteh, a lungmanae teh a yungyoe a kangning.
- 23 Maimouh bo awh lahun nah, pou na kapoukung koe,
bangkongtetpawiteh, a lungmanae teh a yungyoe a kangning.
- 24 Maimanaw heh taran um hoi na karasatkung koe,
bangkongtetpawiteh, a lungmanae teh a yungyoe a kangning.
- 25 Moithang pueng rawca ka poe koe,
bangkongtetpawiteh, a lungmanae teh a yungyoe a kangning.
- 26 Kalvan Cathut koe lunghawi lawk dei awh.
Bangkongtetpawiteh, a lungmanae teh a yungyoe a kangning.

137

Zion la

Kathutkung: Panuekhoeh

- 1 Kaimouh teh Babilon palang teng ka tahung awh teh,
Zion ka pouk awh dawkvah, ka ka awh.
- 2 Kaimae ratoungnaw hah
sumpakung dawh ka bang awh.
- 3 Bangkongtetpawiteh, hote hmuen koe maimouh na ka man niteh,
na kahrawinaw ni kai koe la a hei awh.
Kaimouh karektapnaw ni hai amamouh nawm nahanelah
Zion la kaimouh hanlah sak haw ati awh.
- 4 Kaimouh ni Jentelnaw e ram dawh bangtelamaw
BAWIPA pholennae la ka sak thai awh han vaw.
- 5 Oe Jerusalem, nang hah kai ni na pahnim pawiteh,
kama e aranglae kut ni a tawksak thai e hah pahnim naseh.
- 6 Nang hah na pouk hoeh boilah,
Jerusalem hah ka lunghawinae
lathueng ka hrueng hoeh pawiteh,
ka lai teh ka dangka dawh kâbet naseh.
- 7 Oe BAWIPA, Jerusalem a rawp nah hnin vah,
raphoe awh, khomdu totouh raphoe awh telah
kahram awh e Edomnaw hah pouk haw.
- 8 Oe Babilon canu, raphoe lah na o han toe.
Kaimouh koe na sak e patetlah,
nang koe ka patho e teh a lunghawi naseh.
- 9 Nange camonaw hah kaman niteh,
talung dawh rekrek ka suk e teh a lunghawi naseh.

138

BAWIPA koe lunghawilawk deinae

Kathutkung: Devit

- 1 Oe BAWIPA, kai teh nange pahrennae hah
ka lungthin abuemlahoi ka pholen han,
cathutnaw hmalah nang koe pholennae la ka sak han.
- 2 Kai teh nange kathoung Bawkim koelah
kangvawi laihoi ka bawk vaiteh,
nange pahrenlungmanae hoi nange lawkkatang hanelah,
na Min teh ka pholen.
- 3 Bangkongtetpawiteh, nang teh nama ni na dei e naw hah na min onae
lathueng vah na tawm toe.
Kai ni na kawnae hnin navah, nang ni na pato teh,
ka hringnae teh tha hoi na kawisak.
- 4 Oe BAWIPA talai van e siangpahrang pueng ni,
nange lawk a thai aw hawh toteh, na pholen aw hawh.
- 5 BAWIPA e lamthungnaw daw k la a sak aw hawh.
Bangkongtetpawiteh, BAWIPA e bawilennae teh a len poung.
- 6 Atangcalah BAWIPA teh arasang ei nakunghai,
ka rahnoum e naw hah a khetyawt.
Hatei, kâoupnaw teh ahlanae koehoi a panue toe.
- 7 Kai teh runae um ka cet ei nakunghai,
Bawipa ni na hring sak han.
Bawipa ni a kut dâw vaiteh,
ka tarannaw e lungkhueknae hah ngang vaiteh,
Bawipa e aranglae kut hoi kai hah na rungngang han.
- 8 BAWIPA ni kai hanlah a noenae a kuep sak han.
Oe BAWIPA nange pahrenlungmanae teh a kangning.
Na kut hoi na sak e naw heh hnoun hanh lah a.

139

A yungyoe lentoenae hoi kawi e Cathut

Kathutkung: Devit

- 1 Oe BAWIPA, nang ni na pâphue teh na panue toe.
- 2 Kai ka tahungnae, ka thawnae pueng hah na panue.
Kaie ka pouknae pueng hai ahlanae koehoi na panue.
- 3 Ka ceinae lamthung hai thoseh,
ka inae hai thoseh, na pâphue teh,
ka coungnae pueng hai na panue.
- 4 Kai ni lawk kam touh boehai
ka dei hoeh nakunghai Oe BAWIPA,
nang ni koung na panue.
- 5 Nang ni kai pet na kalup teh,
kaie van vah na kut hah na toung toe.
- 6 Hot patet e panuenae teh kângairu, arasang,
kai ni ka phat thai hoeh.
- 7 Nange Muitha hoi hlout nahanelah nâmouh ka cei thai han va.
Na hmalah hoi ka hlout nahanelah nâmouh ka cei thai han va.
- 8 Kalvan ka luen pawiteh hawvah nang teh na o.
Phuen koe yanna ka phai nakunghai hawvah nang teh na o.
- 9 Amom ratheinaw ka lat niteh,

- tuipui avanglae rai koe kaawm nakunghai,
 10 hote hmuen koehai Bawipa e kut ni na thak teh,
 aranglae kut ni na kuet han.
- 11 Hmonae ni ka ramuk nakunghai,
 karum hai kaie tengpam vah angnae lah ao han.
- 12 Bawipa hmalah hmonae ni banghai ramuk thai mahoeh.
 Karum teh khodai patetlah a ang.
 Hmonae hoi angnae teh reikâvan.
- 13 Bawipa ni kaie kuen hah a sak teh,
 anu von thungvah kai hah na ramuk toe.
- 14 Kai ni na pholen han. Bangkongtetpawiteh,
 takikatho lah, kângailah a ru. Ka hringnae ni kacaicalah a panue.
- 15 Kai hah arulahoï na sak teh,
 talai thung vah na pahlawm navah,
 ka tak teh na hmalah hro lah awm hoeh.
- 16 Nange mit niteh, kammuek hoeh rae ka tak hai na hmu toe.
 Kai hanelah na hmoun e hninthanaw
 hnin touh boehai ao hoehnahlan hoiyah
 nama e cauk dawk ngit na thut e lah ao toe.
- 17 Oe Cathut, kai dawkvah nange pouknae teh apu o poung.
 Banghloi apap tanggak.
- 18 Hote pouknae teh pareï han pawiteh,
 sadi hlak hai apap han doeh.
 Ka kâhlaw toteh nang hoi pou ka o.
- 19 Oe Cathut, tamikaponaw hah na thet pawiteh ahawi han doeh.
 Tami thei hanlah thi ka phuen e naw, kai koehoi tâcawt awh.
- 20 Ahnimouh teh, ponae lahoï Bawipa tarannae lawk a dei awh.
 Nange tarannaw ni na min hah yawwmyin lah a hno awh.
- 21 Oe BAWIPA, nang ni na hmuhma e naw
 hai kai ni hai ka hmuhma nahoehmaw.
 Nang ka tarannaw hai kai ni ka panuet nahoehmaw.
- 22 Kai ni ahnimouh hah puenghoï ka hmuhma.
 Ka taran lah doeh ka pouk.
- 23 Oe Cathut, kai hah na pâphue teh,
 kaie ka lungthin hah hmawt haw.
 Kai hah na noumcai nateh ka pouknae pueng panuek haw.
- 24 Kai ni lamthung kathout dawk ka dawn ou,
 ka dawn hoeh ou tie na khen nateh,
 a yungyoe e lamthung dawk na hravi haw.

140

Rungngang hanelah ratoumnae

- Kathutkung: Devit, Devit ni tumkhawngkung hanelah a sak e la
- 1 Oe BAWIPA, tamikathoutnaw e kut dawk hoi
 kai hah na hlout sak haw.
 Ka mathoutmakainaw e kut dawk hoi na rungngang haw.
- 2 Ahnimouh teh a lungthung vah hawihoehnae hah a pouk awh teh,
 kâtuknae ao nahanelah, hnintangkuem cungtalah a pouk awh.
- 3 Ahnimouh teh amamae lai hah tahrin e lai patetlah,
 a hran sak awh.
 Ahnimae pahni thung vah hrnthoe sue ao. Selah.

- 4 Oe BAWIPA, tamikathoutnaw e kut dawk hoi
kai hah na ring haw.
Ka mathoutmakainaw e kut dawk hoi na rungngang haw.
Ahnimouh ni ka tâlaw nahanelah kho a khang aw h.
- 5 Ka kâoupnaw ni kai hanelah arulahoï tangkam a patûng aw h.
Lamthung daw k tamlaw k a yangda aw h teh,
kai hanelah karap a patûng aw h. Selah.
- 6 Nang teh kaie Cathut lah na o tie hah Jehovah koe ka dei.
Oe BAWIPA, kai ni ka kâhei e hah na thai pouh haw.
- 7 Oe Bawipa Jehovah, nang teh kaie rungngangnae tha lah na o.
Tarankâtuk hnin vah, nang ni kaie ka lû teh na ramuk pouh.
- 8 Oe BAWIPA, tamikathoutnaw e ngainae teh kuep pouh hoeh.
Hawihoe hnae sak hanelah noenae teh kuep sak pouh hoeh.
Hoehpawiteh, kârasang aw h langvai h.
- 9 Hot patet e taminaw teh, kaie ka tengpam vah,
amamae lû loun gouk aw h laipalah,
amamouh ni a dei aw h e hawihoe hnae ni
amamanaw teh ramuk naseh.
- 10 Hmisaannaw teh amamae van baw t naseh
Ahnimouh teh hmai daw k thoseh, tangkawm thung thoseh,
tâkhawng e lah aw m aw h naseh, bout thaw aw h hanh lawiseh.
- 11 Thoenae ka dei e naw teh, talai van cak aw h hanh naseh,
ka mathoutmakai e taminaw koe runae ni pâlei aw h naseh.
- 12 BAWIPA ni runae kâhmonaw hah a khetyaw t teh,
kavoutthoupnaw koelah kalan lah lawk a ceng han tie ka panue.
- 13 Atangcalah, tami kalannaw ni na min a pholen aw h han.
A lungthin kalannaw ni hai na hmalah ao aw h han.

141

Kahawihoe hno sakpayon hoeh nahanelah ratoumnae

Kathutkung: Devit

- 1 Oe BAWIPA, nang teh, kai ni na kaw.
Karanglah kai koe tho haw.
Kai ni nang na kaw nah kaie ka lawk hah na thai pouh haw.
- 2 Kaie ratoumnae teh na hmalah hmuitui hmaisawi e patetlah thoseh,
ka kut ka dâw e teh kanî a khup nah thueng e patetlah thoseh,
pouk e lah aw m lawiseh.
- 3 Oe BAWIPA, ka pahni karingkung na tat pouh haw.
Ka pahni takhang hai ring haw.
- 4 Payonnae ka sak e taminaw hoi hawihoe hnae sak nahanelah,
ka lungthin heh hawihoe hnae koe lah na kangvawi sak hanh.
Ahnimae canei kawi hai na catnet sak hanh.
- 5 Tami kalan ni kai na hem naseh.
Hot hateh pahrenlungmanae lah ao.
Kai hah na yue naseh.
Hot hateh, lû daw k satui aw i e lah ao.
Ka lû ni hot hateh mat hanh naseh.
Bangkongtetpawiteh, kaie ratoumnae niteh,
hawihoe hnae ka sak e naw hah pou a taran han.
- 6 Ahnimouh ka ukkungnaw teh pango daw k tanaw t lah ao aw h han.
Hat toteh, kaie lawknaw teh ngai ao tie hah na panue aw h han.

- 7 Talai tai e laitueg pâpâwn e patetlah,
kaie ka hrunaw teh phuen longkha koe a kâyat.
- 8 Hatei, Oe Bawipa Jehovah, kai teh, nang doeh na khet toe.
Nang doeh na kângue toe.
Ka hringnae hah kângue han kaawm hoeh lah awm sak hanh.
- 9 Ahnimouh ni kai hanelah sut patûng e tangkam dawk hoi thoseh,
payonnae kasaknaw e karap dawk hoi thoseh,
kai hah na khoum haw.
- 10 Kai ni hote tangkamnaw ka tapoung toteh,
tamikathoutnaw teh amamouh ni
a patûng aw h e tangkam dawk reirei bawt aw h naseh.

142

Runae um hoi hramki laihoi kâheinae.

Kathutkung: Devit, Lungngoum thung aonae koehoi a sak e

- 1 Kai teh, BAWIPA koevah ka hram.
BAWIPA koe hram laihoi ka kâhei.
- 2 Na hma lah ka phuenangnae ka pâpho teh,
ka reithainae hai a hmalah ka dei pouh.
- 3 Ka muitha ni ka thungvah a puen toteh,
Bawipa nang dueng ni doeh kaie lamthung teh na panue.
Taminaw ni ka dawn e lamthung dawkvah,
tangkam hah arulahoi a patûng aw h.
- 4 Aranglah na khet teh na panue.
Kai na kapanuekkhaikung apihai awm hoeh.
Ka yawng nahane lam hai awm hoeh.
Ka hringnae kapasaikung hai awm hoeh.
- 5 Oe BAWIPA kai teh nang koe vah ka hramki toe.
Nang teh kai ni kângue e lah na o teh,
kahringnaw onae ram daw kkaie kaham lah ao telah kai ni ka dei.
- 6 Kai ni ka hram e lawk hah na thai pouh haw.
Bangkongtetpawiteh, kai teh puenghoi runae ka kâhmo toe.
Kai na karektapnaw kut daw k hoi na hlout sak haw.
Bangkongtetpawiteh, ahnimouh teh kai hlak a tha ao aw h.
- 7 Bawipa nange min ka pholen thai nahanelah
kai hah thongim thung hoi na rasat haw.
Hottelah hawinae na sak toteh,
tami kalannaw ni kai hah na kalup aw h han.

143

Hramki laihoi kabawp heinae

Kathutkung: Devit

- 1 Oe BAWIPA, kaie ratoum lawk heh na thai pouh haw.
Kai ni ka kâhei e hah na thai pouh haw.
- 2 Nange yuemkamcunae lahoi thoseh,
nange lannaehoi lahoi thoseh, kai hah na pato haw.
Nange na san hoi lawkcengnae koe na kâenkhai hanh.
Bangkongtetpawiteh, kahring e tami buet touh boehai
na hmalah a lan tie awm hoeh.
- 3 Atangcalah taran ni ka hringnae heh a rektap teh,
ka hringnae hai talai daw k rekrek a suk teh,

- ngailawi kasawlah kadout tangcoung e patetlah
hmonae um hai kai hah na o sak.
- 4 Kai teh, ka lung apout teh
ka thung vah ka lung a rek.
- 5 Kaloum tangcoung e a hninnaw hah ka pouk teh,
Bawipa ni a sak e hnonaw hoi kut hoi a sak e
hnonaw hah luepluep ka pouk.
- 6 Bawipa nang koe ka kut ka daw.
Talai ka ke e patetlah ka hringnae ni nang teh na doun. Selah.
- 7 Oe BAWIPA karanglah na pato haw.
Ka muitha teh a tha abaw toe.
Kai teh duenae tangkawm dawk ka kum hane tami patetlah
alouklah na kangvawi takhai hanh loe.
- 8 Amom vah nange pahrenlungmanae hah na thai sak haw.
Bangkongtetpawiteh, kai ni nang teh na kâuep toe.
Ka dawn hane lamthung hah na panuek sak.
Bangkongtetpawiteh, ka hringnae ni nang doeh na kângue toe.
- 9 Oe BAWIPA, ka tarannaw e kut dawk hoi
kai hah na hlout sak haw.
Kai teh nang doeh na kângue.
- 10 Nange ngainae ka tawk thai nahan,
na cangkhai haw.
Bangkongtetpawiteh, nang teh kaie Cathut lah na o.
Nange Muitha teh ahawi, kai hah lamkalan dawk na thak lawiseh.
- 11 Oe BAWIPA na min kecu dawk kai hah na hring sak haw.
Na lannae kecu dawk ka hringnae hah
runae thung hoi rasat haw.
- 12 Kai teh nange san lah ka o dawkvah,
namae pahrenlungmanae lahoi ka tarannaw hah,
na takhoe pouh haw.

144

Siangpahrang Ratoumnae

Kathutkung: Devit

- 1 Kaie lungsong lah kaawm e BAWIPA teh
yawhawi lah awm lawiseh.
Bawipa ni kaie kut hah tarankâtuk nahanelah a cangkhai teh,
ka kutdawnaw hah kâtuk nahanelah a cangkhai.
- 2 Bawipa teh kai lung na kapatawkung,
kaie rapan, kai karasang e imrasang,
kai na ka rungngangkung, kaie bahling lah ao.
Kai teh ahni a ka kângue.
Bawipa ni ka miphunnaw hah ka kut dawk a pha sak.
- 3 Oe BAWIPA, tami hah banglamouh ao teh, khuet na pouk va.
Tami capa teh banglamouh ao teh,
alawkpui lah khuet na ta va.
- 4 Tami teh kâha patetlah doeh ao.
Ahnie a hninnaw haiyah tang kaloum e tâhlip patetlah doeh ao.
- 5 Oe BAWIPA, na kalvan rahnoum sak nateh, kum haw.
Monnaw dawk hoi hmaikhu a tâco nahanelah kâbet haw.
- 6 Sumpapalik sak nateh, tarannaw hah kâkapek sak haw,

- na pala hoi ka nateh, ahnimanaw hah raphoe haw.
- 7 Arasangnae koehoi na kut dâw haw.
Moikapap e tui thung hoi thoseh,
Jentelnaw e kut dawċ hoi thoseh,
kai hah na rungngang nateh, na hlout sak haw.
- 8 Ahnimanaw e pahni teh laithoe hrawnghrang doeh a dei awĥ.
Ahnimae aranglae kut hai dумыennaе kut lah doeh ao.
- 9 Oe Cathut, kai teh, nang koe la katha ka sak han.
A rui hra touh thueng e ratoung hoi na pholen han.
- 10 Bawipa, nang ni siangpahrangnaw hah rungngangnae na poe.
Nange san Devit hai tahloi dawċ hoi na hlout sak.
- 11 Jentelnaw e kut dawċ hoi na rungngang nateh,
na hlout sak haw.
Ahnimae pahni teh laithoe hrawnghrang a dei awĥ.
Ahnimae aranglae kut hai dумыennaе kut lah a o
- 12 Kaimae capanaw teh a naw awĥ lahun navah
a dawn ka sai lahun e patetlah awm awĥ naseh.
Kaimae canunaw teh hak pathoup tangcoung e
takinkhom patetlah awm naseh.
- 13 Kaimae capainaw teh,
law dawċ e a pawnaw hoi kawi lawiseh.
Kaimae tunaw hai talai dawċ thong touh,
thong hra touh pungdaw lawiseh.
- 14 Kaimae maitonaw teh
thaw tawċ hanlah a tha awm naseh.
Thama lah kâennaе awm hanh naseh,
lawpnae awm hanh naseh.
kaimae lamthung dawċ khuikanae hai awm hanh naseh.
- 15 Hot patetlah e yawhawinae hah
ka coe e miphun teh yawhawi ao.
BAWIPA hah amae Cathut lah
ka bawċ e miphun teh yawhawi ao.

145

Cathut lentoenae hah pholennae

Kathutkung: Devit

- 1 Kaie Cathut, kaie siangpahrang,
Bawipa nang teh na tawm han.
Bawipa nange min teh a yungyoe ka pholen han.
- 2 Kai ni Bawipa nang hah hnintangkuem na pholen vaiteh,
nange min hah a yungyoe ka pholen han.
- 3 BAWIPA teh a lenpoung dawċvah,
puenghoi pholen han kawi lah ao.
Ahnie lennae teh boeba hai pâphue thai lah awm hoeh.
- 4 Catoun buet touh hnukkhu buet touh ni
Bawipa ni a sak e naw hah a pholen awĥ han.
Bawipa e thaonae hnosakenaw hai a pathang awĥ han.
- 5 Nange taluenaе hah bari kaawm bawilen poung lah thoseh,
kângairu hno hai thoseh, ka dei han.
- 6 Ahnimouh niteh, Bawipa kângairu
lentoenae hah a dei awĥ han.
Kai ni hai Bawipa e lennae hah ka dei han.

- 7 Ahnimouh niteh, Bawipa e hawinae hah pahnim hoeh nahanlah,
dei awh vaiteh, Bawipa e lannae hah
lunghawi laihoi a pholen awh han.
- 8 BAWIPA teh hawinae, pahrennae hoi akawi teh,
a lingsaw teh, lungmanae hoi akawi.
- 9 BAWIPA teh bangpueng dawk hai ahawi.
Ama ni a sak e hno pueng hai a pahren.
- 10 Oe BAWIPA, na sak e hno pueng ni
nama e hawinae teh a pholen awh han.
A tami kathoung pueng ni hai a pholen awh han.
- 11 Ahnimouh ni nange uknaeram bawilennae kong a dei awh han.
Nange thaonae hai a dei awh han.
- 12 Hettelah hoi nange thaonae hnosakenaw hoi,
uknaeram bawilen taluenae teh
tami capa pueng koe a panue sak awh han.
- 13 Na uknaeram teh a yungyoe e uknae lah ao teh,
na kâawwnae teh se pueng dawk a kangning.
- 14 BAWIPA ni ka rawm e taminaw hah a pathaw teh,
ka tabut e taminaw hah a lounougouk sak.
- 15 Tami pueng ni ngaihawi laihoi na khet awh teh,
atueng a pha toteh, rawca a poe.
- 16 A kut a kadai teh, kahring e moithang pueng hah
a lungkuep sak.
- 17 Bawipa teh amae lamthung pueng dawk a lan teh,
a sâk e hno pueng dawk yuem a kamcu.
- 18 BAWIPA teh ama ka kaw e pueng,
lawkkatang lahoi ka kaw pueng koe a hnai sin.
- 19 Bawipa ni ama ka taketnaw e lungngai akuiep sak pouh.
Ahnimae hramki lawk hai a thai pouh teh,
ahnimanaw hah a rungngang.
- 20 BAWIPA ni ama ka lungpataw e pueng a khetyawt.
Hatei, tamikathout pueng teh a raphoe han.
- 21 Ka pahni ni BAWIPA pholennae a dei han.
Tami pueng ni a min kathoung hah
a yungyoe hoi a yungyoe pholen awh naseh.

146

Pahrennae hoi kawi Cathut

Kathutkung: Panuekhoeh

- 1 BAWIPA teh pholen awh.
Oe ka hringnae BAWIPA hah pholen haw.
- 2 Kai teh, kahring lahun nah BAWIPA ka pholen han.
Ka hringyung thung ka Cathut teh la sak hoi ka pholen han.
- 3 Bawinaw hoi na ka rungngang thai hoeh e
taminaw hah kâuep awh hanh.
- 4 Ahnimae muitha a tâco toteh, talai lah doeh a ban awh.
Hatnah hnin vah, ahnimae pouknae pueng teh be a rawk pouh.
- 5 Jakop e Cathut hah na kabawmkung lah kaawm sak e,
amae Cathut ka ngaihawi e teh, a yaw ahawi.
- 6 Hote Cathut ni kalvan, talai, tuipui,
hoi hetnaw dawk kaawm e naw pueng hah a sak.

- 7 Rektap lah kaawmnaw hanelah, lawk a ceng pouh teh,
a von kahlamnaw rawca a poe.
BAWIPA ni thongkabawtnaw a hlout sak.
- 8 BAWIPA ni mitdawnnaw mit a hmu sak.
BAWIPA ni katabutnaw hah a lounoug sak teh,
tamikalannaw hah a lungpataw.
- 9 BAWIPA ni Jentelnaw hah a khetyawt teh,
naranaw hoi lahmainunaw hah a kabawp.
Tamikathoutnaw e lamthung teh, a rawk sak.
- 10 BAWIPA ni a yungyoe a uk han.
Oe Zion na Cathut ni catounnaw totouh a uk han.
Hallelujah.

147

Ka lentoe Cathut pholennae

Kathutkung: Panuekhoeh

- 1 BAWIPA teh pholen awh.
Maimae Cathut hah la sak laihoi pholen e teh ahawi.
Pholen e teh atangcalah, a kamcu teh ngai ao poung.
- 2 BAWIPA ni Jerusalem kho a sak teh
pâlei lah kaawm e Isarelnaw hah a kamkhueng sak.
- 3 A lungthin kareknaw hah a dam sak teh,
ahnimae hmânaw hah a kawm pouh.
- 4 Âsinaw hah a parei teh,
ahnimae minnaw hai koung a phung.
- 5 Maimae Bawipa teh a len teh,
thaonae dawk bahu ao,
thaipanueknae dawk khori tawn hoeh.
- 6 BAWIPA ni kârahnoum e naw hah a tawm,
tamikathoutnaw hah talai dawk rek a payan.
- 7 Lunghawilawkdinae laihoi BAWIPA koe la sak awh.
Ratoung kueng laihoi maimae Cathut hah pholen awh.
- 8 Kalvan hah tâmai hoi a huem teh,
talai hanelah kho a rak sak teh,
monruinaw dawk phonaw a pâw sak.
- 9 Moithangnaw hoi kacaikaringe
vongacanaw hah rawca a poe.
- 10 Bawipa ni marang tha lunghawikhai hoeh.
Tami e khoknaw lunghawikhai hoeh.
- 11 Bawipa ni ama ka taket e taminaw hoi
amae pahrennae ka ngaihawi e taminaw doeh a lunghawikhai
- 12 Oe Jerusalem, BAWIPA hah pholen haw.
Oe Zion, na Cathut hah pholen haw.
- 13 Bangkongtetpawiteh, Bawipa ni nange
kholongkha khannae hah a caksak teh,
nang thung kaawm e camonaw hah yawhawi a poe.
- 14 Bawipa ni nange thungup vah roumnae ao sak teh,
katuipounge rawca hoi na von a paha sak han.
- 15 Ama e kâpoelawk hah, talai van a patoun.
A lawk teh, karang poung lah a yawng.
- 16 Tadamtui hah tumuen patetlah a poe.

Tadamtui kamkak e hah hraba patetlah a dan.

- 17 Ama e rounnaw hah vaiyei kanuinaw patetlah a pabo.
Bawipa ni a pânding sak e hah apinimaw a khang thai han.
- 18 A lawk hah a patoun teh, hotnaw hah a kamyawt sak.
Ama e kahlí a tho sak toteh, tuinaw teh a lawng awh.
- 19 A lawk hah Jakop miphun koe thoseh,
phung hoi lawkcengnae teh Isarel miphun koe thoseh, a pâpho.
- 20 A louk e apipatet e miphun koehai hettelah sak boihoeh.
Hote Jentelnaw teh,
Lawkcengnae hah panuek awh hoeh. BAWIPA teh pholen awh.

148

Sak e pueng ni BAWIPA teh pholen awh

Kathutkung: Panuekhoeh

- 1 BAWIPA teh pholen awh.
BAWIPA hah kalvan hoi pholen awh.
A rasang poungnae koe pholen awh.
- 2 A kalvantaminaw pueng ama teh pholen awh.
Rasahu pueng ama teh pholen awh.
- 3 Kaní hoi thapa naw ama teh pholen awh.
Ka ang e âsinaw pueng ama teh pholen awh.
- 4 Karasangpoung e kalvannaw hoi,
kalvannaw lathueng kaawm e tuinaw ama teh pholen awh.
- 5 Hotnaw pueng teh BAWIPA e kê lahoi sak e lah ao awh dawkvah,
a min teh pholen awh.
- 6 Ama ni hotnaw pueng teh pou acak sak teh
kahmat thai hoeh e phung hah a poe.
- 7 Adungpoungnae koe
kaawm e naw hoi khoruinaw
- 8 hmai hoi roun, tadamtui hoi a kahû,
a lawk patetlah kêroe e kahlí,
- 9 monnaw hoi monrui pueng,
thingthai rompo hoi sidarkung pueng,
- 10 moithang ka matheng hoi saring ka mawng pueng,
vonpui hoi kêva e hoi kamleng e tava pueng,
- 11 talai van e siangpahrangnaw hoi tami pueng,
kacuenaw hoi ukkung khobawi pueng,
- 12 thoundounnaw hoi tanglanaw pueng,
matawngnaw hoi camonaw pueng,
BAWIPA teh talai van hoi pholen awh.
- 13 A min dueng doeh ka taluepoung,
a bawilennaeh teh talai hoi kalvan lathueng ao dawkvah,
BAWIPA min teh pholen awh.
- 14 A taminaw e ki teh a tawm pouh dawkvah,
ateng kaawm e taminaw,
a tami Isarelnaw e pholen lah kaawm e
tamikathoungnaw ni pholen e lah na o.
Hallelujah.

149

Tami kathoungnaw ni BAWIPA pholennae

Kathutkung: Panuekhoeh

- ¹ BAWIPA teh pholen awh.
BAWIPA koe la katha hah sak awh haw.
Tami kathoungnaw kamkhuengnae koe
a pahrennae hah pholen awh.
- ² Isarelnaw ni amamouh kasakkung koe lunghawi naseh.
Zion canunaw ni amamae siangpahrang koe konawm naseh.
- ³ Ahnimouh ni lamtu laihoi
Bawipa min teh pholen awh naseh.
Tâbaw khawng laihoi, ratoung kueng laihoi,
pholen hoi la sak awh naseh.
- ⁴ Bangkongtetpawiteh, BAWIPA ni
amae taminaw dawk a lungyouk.
A ma ni kârahnoum e naw hah
rungngangnae hoi a kamcu sak.
- ⁵ Tami kathoungnaw ni a bawilenna dawkvah,
lunghawi awh naseh.
Amamae ikhun dawk lunghawi laihoi la sak awh naseh.
- ⁶ Ahnimae pahni dawk karasangpoung lah
Cathut pholennae awm naseh.
Ahnimae kut dawk hai,
avoivang kahran e tahloi patuem awh naseh.
- ⁷ Ahnimouh ni khoramnaw moipathung hane hoi
taminaw reknae thoseh,
- ⁸ ahnimae siangpahrangnaw hai sumrui hoi pâkhi vaiteh,
ahnimouh thung dawk e bari kaawm e taminaw hah
khok dawk hlong buet hoi pâkhi hane thoseh,
- ⁹ thut e lawkcengnae hah,
ahnimouh koe pha sak nahane doeh.
Hethateh, tami kathoungnaw pueng koe
kaawm hane barinae doeh.
Hallelujah.

150

BAWIPA teh pholen awh

Kathutkung: Panuekhoeh

- ¹ BAWIPA teh pholen awh.
Thoungnae hmuen koe Cathut teh pholen awh.
A Bawilen kamnuena koe kalvan vah pholen awh.
- ² Athaonae hnosakenaw dawkvah pholen awh.
A lentoena dawkvah pholen awh.
- ³ Mongka ueng laihoi ama teh pholen awh.
Ratoung tamawi kueng laihoi ama teh pholen awh.
- ⁴ Tâbaw khawng laihoi, lam laihoi,
ama teh pholen awh.
Rui thueng e naw kueng laihoi,
vovit tum laihoi ama teh pholen awh.
- ⁵ Cecak khawng laihoi ama teh pholen awh.
Kacaipoung cecak khawng laihoi ama teh pholen awh.

⁶ Kahring e moithang pueng ni
BAWIPA teh pholen aw h naseh.
Hallelujah.

CINGTHUILAWKNAW

Lungang kamtawngnae

- 1 Isarel siangpahrang, Devit capa Solomon e cingthuילawknaw:
- 2 Lungangnae hoi cangkhaïnae panue hane hoi
thaipanuenae lawk hah thaipanuek hane hoi,
- 3 lungangnae, lanna, lawkcengnae hoi lanna koelah
cangkhaïnae pang hane hoi,
- 4 kamawngrame kâhruetcuë poe hane hoi,
thoundounnaw ni panuenae hoi poukthainae a tawn aw h nahanlah,
- 5 tami lungkaang ni a thai navah lungang a kâthap vaiteh,
thaipanueknae ka tawn e ni lamthung patue thainae a hmu han.
- 6 Cingthuילawk hoi bangnuenae,
lungangnae hoi kâpâvêinae naw thaipanuek nahanlah,
- 7 BAWIPA takinae teh panuenae kamtawngnae doeh.
Hatei, tamipathunaw ni teh lungangnae hoi cingthuïnae hah a dudam
awh.

Kahawihoeh e khokhannaeh hah roun haw

- 8 Ka capa, na pa e pâ tunae hah thai nateh,
na manu e kâlawk hai pahnawt hanh.
- 9 Hothateh na lû dawk kamthouppnae sammuem lah awm vaiteh,
na lahuen dawk awi e dingyin lah ao han.
- 10 Ka capa, tamikayonnaw ni na pasawt pawiteh,
ngai pouh hanh.
- 11 Kai koe tho van haw, tami thei hanelah pawm sei.
A khuekhaw awm laipalah yonnae ka tawn hoeh naw hah
arulahoi pawm aw h sei.
- 12 Sheol patetlah a hring lahoi payawp aw h vaiteh,
kadungpoung e tangkom dawk kâ bawt e patetlah,
- 13 Aphu kaawm e hno pueng la aw h vaiteh,
lawphno hoi mamae im dawk kaw i sak aw h sei.
- 14 Kaimouh koe kambawng van leih,
maimae tangkabom suekâvan sak aw h sei ati aw h nakunghai,
- 15 ka capa, ahnimouh koe kambawng hanh.
Ahnimae lamthung hah roun hanelah kâyawmh.
- 16 Ahnimae khok teh yonnae koe lah a yawng teh,
tami thei hanelah a hue a rang aw h.
- 17 Bangpatet e tava nakunghai
a hmunaë koe tamlawk yangda pawiteh, ayawm doeh.
- 18 Hatei, ahnimouh teh amamouh hoi
amamouh kâthei hanlah a kâpawp aw h teh,
amamae hringnae arulahoi ka pawm e lah doeh ao aw h.
- 19 Hot patetlah, kamsoumhoëhe pungdawnae koe lah
kahounlounnaw e hringnae teh, katawnkung hringnae hah a thei aw h.

Lungang hanelah kawnae

- 20 Lungangnae ni a lawi lahoi kacaipounglah a kaw teh,
lam tangkuem dawk lawk ceiceikapanglah a oung.
- 21 Tami kamkhuengnae koe a oung teh,

- khopui kâennae longkha koe lawk a dei.
- 22 Nangmouh kamawngramenaw,
nâtotouh maw cungkeihoehe kamawngrame hah
na lungpataw awh han rah.
Kadudâmnaw ni, dudamnae dawk a nawm awh teh,
tamipathunaw ni panuethainae hah a hmuhma awh.
- 23 Kaie yuenae koe kamlang awh,
nangmae thung ka muitha ka awi vaiteh,
ka lawk hah na panue sak han.
- 24 Na kaw awh ei, na ngai awh hoeh.
Ka kut ka dâw ei, apinihai banglah na pouk awh hoeh.
- 25 Kâhruetcuete na poe awh e puenghai na hnoun awh teh,
na yuenae puenghai buet touh boehai bout na tarawi awh hoeh.
- 26 Hatdawkvah, yawthoenae na kâhmo awh toteh,
na panuikhai vaiteh, lungpuennae na kâhmo awh to hai na panuikhai
awh han.
- 27 Takinae kahli kathout ni na kanawi awh teh,
bongparui ni na parit awh toteh,
kângairu temdengnae a tho toteh, na panuikhai han.
- 28 Hatnavah, na kaw awh han, hatei, na pato awh mahoe.
Atangcalah na tawng awh han, hatei, na hmawt awh mahoe.
- 29 Panuethainae hah a hmuhma awh teh,
BAWIPA taki hane hah na kârawi awh hoeh.
- 30 Pouknae ka poe e hah ngai awh hoeh,
ka yuenae puenghai banglah nouna awh hoeh.
- 31 Hatdawkvah, a hringnuen pawhik hah amamouh ni a ca awh han.
A khopouk awh e ni letlang a paha sak han.
- 32 Bangkongtetpawiteh, kamawngrame ni a phen saknae ni a thei awh
vaiteh,
lawlulawlei ka panuek laipalah, a onae ni a raphoe awh han.
- 33 Hatei, ka lawk ka tarawi e teh,
karoumcalah kho a sak han.
Thoenae taket laipalah karoumcalah ao awh han.

2

Lungang a sungrennae

- 1 Ka capa, ka lawk hah ngâi nateh,
kaie kâpoelawknaw e hah na lungthung vah na pâkuem pawiteh,
- 2 Lungangnae koe lah na hnâpakeng nateh,
na thai panuek nahanelah na lungthin na poe pawiteh,
- 3 Kapek thai nahanelah na kaw teh,
thaipanueknae tawn hanelah na hram pawiteh,
- 4 ngun patetlah na tawng teh,
hro e hno patetlah na tawng pawiteh,
- 5 BAWIPA takinae na panue vaiteh,
Cathut panuena hah na hmu han.
- 6 Bangkongtetpawiteh, BAWIPA ni lungangnae a poe teh,
a pahni hoi panuena hoi thaipanueknae hah ouk a tâco sak.
- 7 Tamikalannaw hanelah lungangnae
katang hah a pâkhueng pouh teh,
kalan lah kacetnaw hanelah bahling lah ao.

- 8 Kângingnae lam hah a ring teh,
a tamikathounaw e lamthung hah a ngue pouh.
- 9 Hottelahoi, kângingnae hoi lanna na thaipanuek vaiteh,
ngaima tawnhoehnae hoi kahawi e lamthung hai na panue han.
- 10 Na lungthin dawk lungangnae a kâen toteh,
panuenaeh teh, na hringnae kanawm sakkung lah ao han.
- 11 Poukpanueknae ni na ngue vaiteh,
thaipanueknae ni na ring han.
- 12 Tamikathoutnaw e lamthung dawk hoi na rungngang han.
Lawk longkawi lah ka dei e,
- 13 Lanna lamthung ka pahawt niteh,
hmonae lamthung dawn hanelah ka cet e,
- 14 thoena saknae dawk lungkahawi e,
tamikathout lanhoehnae dawk a lungkahawi e,
- 15 Lam longkawi ka dawn niteh,
a lamthung dawk yuemkamcu hoeh e,
- 16 Kahlong lae napui hoi
pasawtpanep lawk ka hno e,
- 17 A naw nah hui ka cettakhai niteh,
a Cathut lawkkam kapahnimnaw koehoi
nang hah na rungngang han.
- 18 Bangkongtetpawiteh, ahnie im ni duenaeh koe lah a hrawi teh,
ahnie lam ni tamikadoutnaw koelah a pâtam.
- 19 Ahni koe kacetnaw teh ban boihoeh toe.
Hringnae lam hah dawn boi awh hoeh toe.
- 20 Nang teh tamikahawinaw e lamthung na dawn vaiteh,
lanna lamthung pou na dawn thai nahane doeh.
- 21 Bangkongtetpawiteh, tamikalan teh ram dawk kho a sak vaiteh,
tami kakuiep teh hawwah pou ao han.
- 22 Hatei, tamikathout teh talai van hoi takhoe lah awm vaiteh,
yuemkamcu hoeh naw hah phawk lah ao awh han.

3

Nawsainaw hanelah lamthung hmusaknae

- 1 Ka capa, kaie kâlawk hah pahnim hanh.
Kaie kâpoelawknaw hah na lung dawk pâkuemh.
- 2 Bangkongtetpawiteh, hote ni na hringsawnae hoi
roumnae na thap sin han.
- 3 Lungmanaeh hoi lawkkatang ni na cettakhai hanh naseh.
Na lahuen dawk awi nateh, na lungthin dawkvah thut haw.
- 4 Hottelah Cathut hoi tami hmalah,
minhmai kahawi na hmu vaiteh, tawmrasang lah na o han.
- 5 Na lungthin buem hoi BAWIPA kâuep nateh,
nama e thaipanueknae hah kângue hanh.
- 6 Na lamthung pueng dawk ama na panuek haw,
na lamthung pueng dawk na hrawi han.
- 7 Namahoima lungkaang lah kâsak hanh.
BAWIPA hah taket nateh yon cettakhaih.
- 8 Na takthai hanelah damnae lah ao vaiteh,
na hru hanelah thasainae lah ao han.

- 9 Na tawnta e naw hoi aluepawntaw hoi
BAWIPA hah bari haw.
- 10 Hahoi na capai dawk a kawi vaiteh,
misur katinnae tangkom dawk misur katha hoi a kawi han.
- 11 Ka capa, BAWIPA yuenae hah dudam hanh.
Na pheap e hai hmuhma hanh.
- 12 Bangkongtetpawiteh, na pa ni a lungpataw e capa teh
ouk a yue e patetlah,
BAWIPA ni a lungpataw e naw hah ouk a yue.
- 13 Lungmanae kahmawntaw teh a lung kahawi e tami lah ao aw h teh,
Thaipanueknae ka tawn e tami hai a lung kahawi e tami lah ao.
- 14 Bangkongtetpawiteh, ngun pungdaw sak e hlak,
lungmanae pungdaw sak e hah ahawihnawn.
- 15 Talungpaling hlak hai aphu ao teh,
na ngai e pueng ni hai phat hoeh rah.
- 16 Aranglae kut dawk hringsawnae ao teh,
avoulah e kut dawk hnopai hoi barinae ao.
- 17 A lamthung teh lamthung kanawm lah ao teh,
a lamthung pueng teh roumnae lah ao aw h.
- 18 Kakuennaw hanelah hringnae thingkung lah ao teh,
ka hringkhaie pueng teh tami lung kahawi e lah ao aw h.
- 19 BAWIPA ni lungangnae lahoi talai hah a kangdue sak teh,
thaipanueknae lahoi kalvan a cak sak.
- 20 A panuenaeh lahoi tali a kapek teh,
tâmai ni tadamtui a bo sak.
- 21 Ka capa, lungangnae katang hoi
panuethainae hah kuen nateh,
na mit hoi kâhlat sak hanh.
- 22 Hottelah pawiteh, na muitha hanelah hringnae lah awm vaiteh,
na lahuen hanelah pahrennae lah ao han.
- 23 Hottelah na lamthung dawk karoumcalah na cet vaiteh,
na khok na kamthui mahoe h.
- 24 Na i navah na taket mahoe h,
ihmu katuilah na i han.
- 25 Taki ka tho e kaluekalapnae hai taket hanh.
Hoehpawiteh, tamikathoutnaw ni
a kâhmo aw h e runae hai taket hanh.
- 26 Bangkongtetpawiteh, BAWIPA teh na kânguenae lah awm vaiteh,
na khok teh karap daw hoi a hlout sak han.
- 27 Sak nahane kâ na kut daw hoi nahlangva,
hmu hanelah kakamcunaw hah
hnokahawi pasoung laipalah awm hanh.
- 28 Poe hane na sin nahlangva, cet ei, bout tho lah a,
tangtho torei na poe han, telah na imri koe tet pouh hanh.
- 29 Na imri taranlahoi thoenaeh sak hanelah kâcai hanh.
Bangkongtetpawiteh, nang na ka ring e doeh.
- 30 Nang daw patawnae na poe hoeh pawiteh,
a khuekhaw awm laipalah tami taran hanh.
- 31 Tami rep kacoungroenaw e hnopai noe aw h hanh.
Ahnimaeh lamthung hai rawi aw h hanh.
- 32 Bangkongtetpawiteh, a lungthin ka longkawi e teh
BAWIPA hanelah panuet a tho teh, a lungthin kalan e teh,

ama hoi arulahoi kâponae ao.

- 33 Tamikathoutnaw e im dawk,
BAWIPA thoebonae ao, hatei,
tamikalannaw e im teh, yawhawi a poe.
- 34 Dudam lahoi kaawmnaw hah a dudam teh,
ka kârahnoumnaw hah pahrennae a poe.
- 35 Tami lungkaang ni bawilennaerâw a coe han.
Hatei, tamipathunaw ni a coe awh e râw teh, kayanae doeh.

4

Lungangnae dawk kânguenaer

- 1 Ka canaw, na pa ni na cangkhaenaer hah thai awh nateh,
thaipanueknaer hah panue hanelah na hnâpakeng awh.
- 2 Bangkongtetpawiteh, cangkhaenaer kahawi hah na poe dawkvah,
kaie kâlawk hah cettakhai hanh.
- 3 Apa e capa lah ka o navah, anu e capa a pahren e
tawntoe e capa lah ka o.
- 4 Pâtu hai na pâtu teh, na lungthin hoi ka lawknaw hah pâkuem haw.
Kaie kâpoelawknaw hah tarawi nateh hring haw.
- 5 Lungangnaer hah tawn nateh, thaipanueknaer hah tawn haw.
Ka pahni dawk hoi ka tâcawt e lawknaw hah pahnim laipalah,
kamlang takhai hanh.
- 6 Cettakhai hanh, na ring nakaima.
Lungpataw haw na ngue han kaima.
- 7 Lungangnaer teh a lawkpui poung doeh.
- 8 Talue sak haw, na tawmrasang han.
Tapam haw, barinaer koe na ceikhai han.
- 9 Na lû dawklungmanaer na kâ muk sak han,
bawilennaer bawilakhung hah na kâ muk sak han.
- 10 Ka capa, ka dei e hah thai nateh, dâw haw.
Na hringyung a saw sak han.
- 11 Lungangnaer lamthung na cangkhai teh,
lamkalan dawklah haw.
- 12 Na cei navah, na khok hanelah kamthuinaer awm mahoeah,
na yawng navah na tâlaw mahoeah.
- 13 Na cangkhaenaer hah kacaklah kuen nateh,
tha laipalah pou kuen haw.
Bangkongtetpawiteh, na hringnaer doeh.
- 14 Tamikathoutnaw e lamthung dawklah kâen awh hanh.
Tami kahawihoeahnaw e lamthung dawn hanh.
- 15 Roun nateh, khoeroe dawn hanh,
kamlang takhai nateh, cettakhaih.
- 16 Bangkongtetpawiteh, hno kathout sak hoeah pawiteh,
ip thai awh hoeah niteh,
tami buetbuet touh tâlaw sak hoeah pawiteh,
ihmu tho awh hoeah.
- 17 Bangkongtetpawiteh, thoenaer vaiyei hah a ca awh teh,
rektapnaer yamu hah a nei awh.
- 18 Hatei, tamikalannaw e lamthung teh,
kanî raeng, kanî tuengtalung a thunnaer kanî ang patetlah ao.

- 19 Tamikathoutnaw e lamthung teh khohmo patetlah ao teh,
tâlawnae akungcing hai panuek aw hoh.
- 20 Ka capa, ka lawk kahawicalah thai haw,
ka dei e hah atangcalah pouk.
- 21 Na mit hoi kâhlat sak hanh,
na lungthin daw k pâkuemh.
- 22 Bangkongtetpawiteh, kahmawtnaw hanelah hringnae lah ao teh,
a takthai abuemlah hanelah damnae lah ao.
- 23 Hno pueng hlak hoi na lungthin hah kahawicalah ring haw.
Bangkongtetpawiteh, hringnae akungtuen lah ao.
- 24 Dumyennaeh pahni hah pahnawt nateh,
payonnaeh pahni hah ahlanae koe takhoe haw.
- 25 Na mit hoi hmalah kalan lah khen nateh,
na hmalah kalan lah radoung haw.
- 26 Na lamthung hah hmaloe rip nateh,
na lamthung pueng hah cak sak.
- 27 Aranglah nakunghai, avoilah nakunghai phen hanh.
Thoenae lamthung hah roun haw.

5

Dumnae hah roun haw

- 1 Ka capa, poukpanueknae na tawn nahane hoi,
na pahni ni panuenaeh a pâkuem thai nahanelah,
- 2 kaie lungangnae hah thai nateh,
kaie thaipanueknae daw na hnâpakeng haw.
- 3 Bangkongtetpawiteh, napui kathoutnaw e pahni teh,
khoitui patetlah a radip, a lawk teh sathaw hlak hai a pâhnan.
- 4 Hatei, apoutnae koe lateh, hmue patetlah a kha teh,
avoivang kahran e sarai patetlah a hran.
- 5 A khok ni duenaeh lamthung a pâmam teh,
a khok takan ni sheol hmai a pâmam.
- 6 Hoehpawiteh, a hringnae lamthung na pouk hoh vaiteh,
a lamthung a cak hoh e hah na panuek mahoh.
- 7 Hatdawkvah, ka canaw, atuvah, ka lawk thai aw haw.
Ka dei e lawknaw hah pahnawt aw hanh.
- 8 Hatei, ahlanae koe kampuen aw nateh,
ahnie im takhang hoi hai hnai aw hanh.
- 9 Hoehpawiteh, barinae na hmu e hah
ayâ alouk koe kampuen payon vaih.
Tami nuen kamathoutnaw rahak vah,
na hringnae be na hno payon vaih.
- 10 Hoehpawiteh, ramlouknaw ni
na tawntanae daw nawm aw vaiteh,
na thaw taw k e a pawnaw hah
ramlouknaw im vah phat payon vaih.
- 11 Apoutnae koe lah, na takthai a kamsoe toteh,
na khui payon vaih.
- 12 Bangtelamaw, cangkhaehnae hah koe ka hmuhma teh,
yuenaeh hah ka lungthin hoi koe ka dudam toe.
- 13 Na kacangkhaikung e lawk hah koe ka tarawi ngaihoeh niteh,
na cangkhaehnae hah koe ka thai ngaihoeh heh ma.

- 14 Tamimaya hoi kamkhuengnaw koe
rawknae kâhmo hoeh e dueng doeh hei na ti han na kaima.
- 15 Nange tuikhu, na tuikhu hoi
ka tâcawt e tui roeroe hah na nei han.
- 16 Na tuiphuek hah ram tangkuem lawng vaiteh
tamimaya ceinae lamnaw dawk a lawng han na maw.
- 17 Nama hanelah dueng awm seh,
ayâ alouke hoi kâkabawpkhai hane nahoe.
- 18 Na tuikhu teh yawhawi seh,
na naw nah e na yu koe na lungkuep lawih.
- 19 Ngai kaawm e sayuk hoi a meikahawi e sayukhre patetlah,
a sannunaw ni na lungkuep sak naseh.
A lungpatawnae ni na lungkuep sak naseh.
- 20 Bangtelamaw, ka capa nang ni napui kahawihoehe hah
na ngai vaiteh, khuet na tapam han vaw.
- 21 Bangkongtetpawiteh, tami hringnae lamthungnaw teh,
BÂWIPA ní koug a hmu teh,
a lamthung pueng koug a pouk pouh.
- 22 Ama pouknae ni tamikayon teh a man vaiteh,
a yonnae tangron hoi pâkhi lah ao han.
- 23 Cangkhainae a vout dawkvah, a due vaiteh,
puenghoi a pathu dawkvah, a kahma han.

6

Lawkkam e taki a tho

- 1 Ka capa, na hui hanelah lawk na kam teh,
ayâ alouk hoi na kut na tambei pawiteh,
- 2 na dei e lawk dawk letlang na kâman toe.
Na dei e lawk hoi la lah na o toe.
- 3 Hatnavah, ka capa, hettelah namahoima na kârungngang han.
Bangtelamaw na hui kut dawk na pha toung dawkvah,
kârahnounnae lahoi cet nateh, kâhet lah a.
- 4 Ip hanh, ngam takhai hanh.
- 5 Moi ka me e koehoi sakhi ni a yawng takhai e patetlah,
yawng takhai haw, tangkam dawk hoi
kahlout e tava patetlah kamleng takhai haw.
- 6 Nange tami ka pangak, lungkhi koe cet nateh,
a oangnae lahoi lungangnae kamtu haw.
- 7 Ahnimouh teh, kahrawikung, karipkung,
kaukung, tawn aw h hoe eiteh,
- 8 kawmpoi vah rawca a pâtung aw h teh,
canga tue nah rawca a pâtung aw h.
- 9 Oe, tami ka pangak, nâtotouh maw na i han.
Nâtuek maw na kâhlaw han.
- 10 Ka ip ei haw pawiteh, dongdeng ka yan ei haw pawiteh,
kut kâtapam hoi dongdeng kâhat ei haw pawiteh, na ti lahun nah,
- 11 mathoena e ni karum kâva e patetlah vaitalahoi na tho sin vaiteh,
vouthouppnae ni kutdaw patetlah na tho sin han.
- 12 Tami cungkeihoeh e, tami kahawihoehe teh,
tamthoe hoi a kâhlai.
- 13 A mit a kaluek teh, a khok hoi mitnout a poe teh,

a kutdawn hoi a takhi teh a pâtu.

- 14 A lungpouk a longkawi teh, pout laipalah,
hawihoehnae dueng a pouk teh, kâyuenae cati doeh ouk a tu.
- 15 Hatdawkvah, kahmakatanae ni vaitalahoi a tho sin han.
Vaitalahoi damthaihoehnae kahmakatanae a kâhmo han.
- 16 Hete hno taruk touh heh, BAWIPA ni a hmuhma.
Bokheiyah, a panuet e hno sari touh a pha.
- 17 Kâoupnae mit, laithoe ka deinae lai,
yon ka tawn hoeh e tami theinae kut,
- 18 Hawihoehnae meng ka pouk e lungthin,
kahawihoehe sak nahanelah a hue ka rang e khok,
- 19 Laithoe ouk ka dei e kapanuekkhaikung kaphawk hoi,
hmaunawnggha rahak kâpohoehnae cati ka patuekungnaw doeh .

Uicuknae kâhruetcuete poenae

- 20 Ka capa, na pa e kâpoelawk hah tarawi nateh,
na manu e kâlawk hah cettakhai hanh.
- 21 Na lungthung pâkuem nateh,
na lahuen dawk awi haw.
- 22 Alouklah na cei toteh, hote kâlawk ni na hrawi han,
na i navah na ring vaiteh, na kâhlaw toteh, na pato han.
- 23 Bangtelah tetpawiteh, kâpoe e teh,
hmaiim lah ao teh, kâlawk teh angnae lah ao.
Cingthuilasak e teh hringnae lamthung doeh.
- 24 Napui kathout hoi pasawtpanepnae koehoi
na hlout sak han.
- 25 Na lungthin hoi a meihawinae nôe hanh lah a,
a mit padainae ni na man hanh naseh.
- 26 Bangkongtetpawiteh, kâyawt e napui kecu dawk,
tongpatang heh vaiyei tangen lah a coung teh,
ayâ yu ka yonkhai e ni, ka sungren e a hringnae hah a raphoe.
- 27 Tami ni a kho e angki kang laipalah
hmaisaan a yawm thai han na maw.
- 28 Tami ni a khok kang laipalah,
hmaisaan van a cei thai han na maw.
- 29 Hot patetvanlah, a imri yu ka ipkhai e tami hai hot patetlah doeh ao.
Ayâ yu ka ipkhai e tami teh, yonnae hoi hlout hoeh.
- 30 A vonhlam dawk tami ni parawt pawiteh,
hote tamru teh tami ni pacekpahlek hoeh.
- 31 Hmu lah awm pawiteh, let sari touh hoi a patho roeroe hanelah ao.
A im dawk kaawm e hno pueng a rawng hanelah ao.
- 32 Ayâ yu hoi ka uicuk e tami pueng teh,
panuena e ka tawn hoeh e tami doeh.
Ama hringnae ka raphoekung lah ao.
- 33 Hmâtan cat vaiteh, min mathoe a kâhmo han.
A kayanae teh roum thai mahoe.
- 34 Bangkongtetpawiteh, dipmanae ni
vanaw puenghoi a lung ouk a khuek sak.
Moipathungnae hnin navah hlout thai mahoe
- 35 Rawng e hno nâyittouh hai banglah noutna mahoe.
Hno moikapap ka poe nakunghai a lung roum sak thai mahoe.

7

- 1 Ka capa, ka lawk hah hringkhai nateh,
kaie kâpoelawknaw hah na thung vah pâkuem haw.
2 Kaie kâpoelawk hah, pâkuem nateh, hringkhai haw.
Hahoi, Kaie kâpoelawknaw hah na mitmu patetlah ring haw.
3 Na kutdawnnaw dawk pâkhit nateh,
na lungthin dawkvah thut haw.
4 Lungangnae koevah, ka tawncanu lah na o tet nateh,
thaipanueknae hah na tawncanu patetlah pouk haw.
5 Het niyah napui kahawihoehnaw koehoi na hlout sak vaiteh,
lawk radip lawk pâhnan naw koehoi na ring han.

Ka kâyawtnaw huengonae

- 6 Kama im e hlangaw dawk hoi ka khet boteh,
7 Kamawngrame thung dawk,
nawsai buet touh hah tanglanaw rahak vah ka hmu.
8 Hote napui aonae lamtakin koe a pha awh toteh,
ahni im lah ceinae lamtalawi hah a dawn.
9 Tangmin karumsaning a pha toteh,
10 hawvah, hak kamthoup niteh,
ka kâyawt e napui ni a kâhmo.
11 Hote napui teh a im vah duem kaawm thai hoeh e,
a lungkatang e lah ao.
12 Lamthung hoi lam takin koe ao teh
tamipueng hah ouk a pawp.
13 A takawi teh, tang a paco
Lungpuenna awm laipalah, hettelah a dei.
14 Roum thueng hane ka tawn.
Sahnin ka lawkkam ka kuep sak han.
15 Hatdawkvah nang dawn hanelah ka tho.
Na tawng teh na kâhmo toe.
16 Ka ikhun dawk a meikahawi poung e hni
Izip lukkarei a em kaawm e sut ka phai toe.
17 Ka ikhun teh, murah hoi aloe,
nakzik hmutui hoi ka pathoup toe.
18 Tho haw, khodai totouh, lungpatawnae lahoi
phaibongcito roi sei.
19 Bangkoktetpawiteh, ka vâ teh im vah awm hoeh.
Tangkabom a sin teh, kho hlanae koe kahlawng yo a cei toe.
20 Thapa a kamhluem to doeh
tho ti toe telah atipouh.
21 Lawkdeithoumnae ni a tâ teh,
lawk pâhnan hoi a tacuek thai
22 Maitotan ni moi theinae koe a pâm e patetlah thoseh,
sayuk ni a lungthin pala ni a cusin hoehnahlan
karap counroe e patetlah thoseh,
23 Tava ni a due nahanelah patung e tangkam a panue hoeh teh,
karanglah a kâen e patetlah thoseh,
thoundoun teh hote napui hnuk tang a kâbang.
24 Hatdawkvah, ka capanaw, ka lawk heh tarawi awh nateh,
ka dei e lawk hah kahawicalah pouk awh.

- 25 Na lungthin hah hote napui koelah, kamlang sak hanh,
a dawn e lam dawk dawn hanh.
- 26 Bangkongtetpawiteh, tami moikapap hmâ a paca teh,
athakaawme tami moikapap a kamlei sak toe.
- 27 Ahnie im teh phuen koe ceinae lamkalen lah ao teh,
duena tangkom thung na ka hrawi e lah ao.

8

Lungangnae hoe ahawi

- 1 Lungangnae ni a kaw teh,
thaipanueknae ni a lawk a cai sak nahoehmaw.
- 2 Monsom vah tahungnae a sak teh,
lam teng hoi lamtalawi koe ouk a kangdue.
- 3 Khopui kâenna longkha koehoi,
kâenna thonaw koevah, kacaipounglah a oung.
- 4 Oe, taminaw, nangmouh hah na kaw awh.
Ka lawk hah taminaw hane doeh.
- 5 Oe kamawngrame, lungangnae hah thaipanuek awh.
Nangmouh tamipathunaw thaipanueknae lungthin tawn awh haw.
- 6 Thai aw haw, kahawi poung e hah ka dei vaiteh,
ka pahni daw k hoi ka tâcawt e teh, kalan e han doeh.
- 7 Bangkongtetpawiteh, ka pahni ni lawkkatang a dei han,
thoenae teh ka pahni hanelah panuet a tho.
- 8 Ka pahni hoi ka dei e lawk pueng teh, lanna doeh.
Kâcawngmet e hoi ka longkawi e awm hoeh.
- 9 Kathaipanueknaw hanelah a kamceng teh,
panuena katawnnaw hanelah a lan.
- 10 Tangka hlak kaie cangkhae hah dâw aw h.
Sui kahawi hlak panuena heh kârawi aw h.
- 11 Bangkongtetpawiteh, lungangnae teh
Rubies talung hlak ahawihnawn.
Ngai kawi e hno pueng hoi hote hno hah bangnue thai mahoeh.
- 12 Kai, lungangnae teh lungang laihoi ka o.
Panuinae hoi poukthainae hai ka tawn.
- 13 BAWIPA taki e teh yon hmuhma e doeh.
Kâoupnae hoi kaisuena, yonnae lamthung hoi
lawk kalan deihoehnae pahninaw heh ka hmuhma.
- 14 Kâpankhainae hoi lungangnae
katang hateh, kaie naw doeh.
Thaipanueknae lah ka o teh thaona ka tawn.
- 15 Kai pawlawk hoi siangpahrangnaw ni a uk aw h teh,
ukkungnaw ni kalan lah laidei ouk a tâtueng aw h.
- 16 Kai pawlawk hoi ukkungnaw hoi
tami kalennaw hoi bari kaawmnaw hoi
talai van e lawkcengkung pueng ni uknae kâ a tawn aw h.
- 17 Kai lungpataw e teh, kai ni ka lungpataw van,
atangalah na katawnnaw ni na hmu aw h han.
- 18 Tawntanae hoi barinae teh kai koe kaawm e naw doeh.
Kangning e tawntanae hoi lanna doeh.
- 19 Kaie a paw teh sui hlak hai ahawihnawn.
Bokheiyah, sui kathoung hlak hai ahawihnawn.

- Hahoi ka hmu e hnopai teh, kahawi e ngun hlak hai ahawihnawn.
- 20 Lannae hoi kângingnae lamthung lungui vah ka cei.
- 21 Hottelah, kai lungpataw naw koe hnopai tabu dawk,
hno akawi nahanlah hnopai ka coe sak han.
- 22 BAWIPA ni a kamtawng lahun nahoi,
ayan e thaw a tawk hoehnahlan vah, yo na tawn toe.
- 23 Talai ao hoehnahlan hoi a kamtawng hoehnahlan vah,
a yungyoe caksak lah ka o toe.
- 24 Kadungpoung e talî ao hoehnahlan hoi,
tuinaw pueng a tâco hoehnahlan vah, yo ka tâco toe.
- 25 Talai hoi vaiphu ao hoehnahlan,
talai hoi ramnaw a sak hoehnahlan,
- 26 Montamnaw ao hoehnahlan vah,
yo ka tâco toe.
- 27 Kalvannaw a rakueng lahun navah, yo ka o toe.
Kadungpoung e talî dawk e kâheinae a sak navah,
- 28 Kalvan e tâmai a yam sak navah, kadungpoung e talî,
ka lawng e palang, tha a poe navah,
- 29 Tui ni a kâpoelawk a ek hoeh nahanlah,
talîpui hanelah a langri a khuen pouh navah, talai du a ung navah,
- 30 Kai teh kawk e capa patetlah ama koe ka o teh,
pout laipalah ama lung kahawi sakkung lah ka o.
A hmalah ka konawm.
- 31 O nahanelah a sak e talai ni, ka konawm sak,
taminaw ni ka ko hoe a nawm sak.
- 32 Hatdawkvah, ka canaw, atu ka lawk thai awh haw.
Bangkongtetpawiteh, ka lamthung kadawnnaw teh
tami yaw kahawi e lah ao awh.
- 33 Cangkhainae heh thai awh nateh,
lungang awh haw, banglah noutra laipalah awm hanh awh.
- 34 Hnin tangkuem kaie longkha koehoi na ring teh,
takhang koehoi na ngaihawi.
Ka lawk ka ngâi e teh, tami yaw kahawi e doeh.
- 35 Bangkongtetpawiteh, kai na kahmawt e pueng teh
hringnae ka hmawt e lah ao.
BAWIPA ni ngaikhainae hai ouk a hmu awh.
- 36 Hatei, kai dawk yonnae kasaknaw ni amae hringnae a raphoe teh,
na ka maithoe e pueng teh duenae ka lungpataw naw doeh.

9

Lungangnae lamthung

- 1 Lungangnae ni a im a sak teh
khom sari touh a ung.
- 2 Moi a thei teh misurtui a phunphun hoi
a kalawt teh ca hanelah caboi van a pâtoum.
- 3 A san tanglanaw a patoun teh,
khopui hmuenrasang koehoi a oung awh.
- 4 Kamawngrame pueng hi lavah kamlang awh naseh.
Oe, thaipanueknae kavoutnaw hai tho awh.
- 5 Kaie vaiyei hah cat awh.
Aphunphun kalawt e misurtui hah net awh a ti.

- 6 Kamawngrame hah cettakhai aw h nateh, hring aw h.
Hahoi thaipanueknae lamthung hah dawn aw h.
- 7 Ayâ ka dudam e tami hah ka yue e teh, yeirai a po han.
Tamikathout ka yue e teh pacekpahlekae a kâhmo han.
- 8 Ayâ ka dudam e tami hah na yue pawiteh, na hmuhma han.
Tamilungkaang e na yue pawiteh, ahni ni na lungpataw han.
- 9 Tamilungkaang hah yue haw, a lung hoe a ang han.
Tamikalan hah pâtu haw thoumthainae a kâthap han.
- 10 BAWIPA takinae teh lungang kamtawngnae a kung doeh.
Kathoung Cathut panue e teh thaipanueknae doeh.
- 11 Bangkoktetpawiteh, na hnin hah kai ni ka pap sak vaiteh,
na hringyung kum na thap pouh han.
- 12 Na lungang pawiteh, na lungangnae phu na hmu han.
Na dudam pawiteh, nama ni na khang han.

Pathunae lamthung

- 13 Napui pathu teh a hramki teh,
kamawngrame lah ao dawkvah, banghai panuek hoeh.
- 14 A im takhang koe a tahung teh,
khopui hmuen rasang tahungnae koe a tahung.
- 15 Lam daw amamae lamthung daw
kacetnaw hah a kaw teh,
- 16 kamawngrame pueng hivah tho aw h,
lungangnae ka tawn hoeh naw,
- 17 paru e tui teh a radip, arulahoi ca e vaiyei teh
hoe a tui telah ouk a ti.
- 18 Hatei, hawvah tamikadoutnaw ao teh,
amae imyinnaw teh adungnae koe sheol daw k ao aw h tie hah
hote tongpa ni panuek hoeh.

10

Solomon cingthuinae

- 1 Solomon e cingthuilaw k: Capa a lungkaang e ni teh,
a na pa a lung hawi sak. Hatei, capa ka pathu e teh,
a manu lung ka mathout sakkung doeh.
- 2 Thoenae lahoi pâkhueng e hnopai teh, hawinae aw mhoeh.
Hatei, lanna e ni teh duenae koehoi a rungngang.
- 3 BAWIPA ni tamikalannaw a pasai teh,
tamikathoutnaw ngainae hah a tâk hawng pouh.
- 4 Pangaknae ni mathoenae a tâco sak teh,
hratbatnae ni tawntanae a tâcokhai.
- 5 Kawmpoi tueng navah rawca ka pâkhueng e teh,
a lungkaang e capa doeh.
Canga lahun nah ka ip e capa teh
yeirai ka po sakkung doeh.
- 6 Tamikalan lû daw k yawhawinae ao teh,
tamikathoutnaw e pahni teh rektapnae hoi akawi.
- 7 Tamikalannaw pahnimhoehnae heh yawhawinae lah ao han.
Hatei, tamikathoutnaw e min teh a paw k han.
- 8 Tami lungkaang ni teh kâpoelawknaw a lungthin hoi a dâw,
hatei, a lawk kapap e tamipathu teh a rawp han.

- 9 Lannae lahoi ka cet e tami teh karoumcalah a cei,
hatei lam longkawi ka dawn e teh panue lah ao han.
- 10 Mit cumasipnae ni lungmathoenae a tâco sak,
lawk kapap e tamipathu teh a rawk han.
- 11 Tamikalan e pahni teh hringnae tuiphuek doeh.
Hatei, tami kahawihoehnaw e pahni teh moikainae ni a ramuk.
- 12 Hmuhmanae ni kâpohoehnae a tâco sak.
Hatei, lungpatawnae niteh, yonnae pueng a ramuk pouh.
- 13 Thaipanueknae ka tawn e pahni dawc
lungangnae hah hmu e lâh a o,
hatei, hemnae bongpai teh
thaipanueknae ka tawn hoeh e a hnukthun vah a bo.
- 14 Tami a lungkaangnaw niteh, thoumthainae heh a pâkhueng awh,
hatei, tamipathu e pahni niteh, rawknae hah a hnai.
- 15 Tami katawntanaw hanelah teh,
a tawntanae hah ka cak e khopui lah ao teh,
tamimathoenaw rawknae teh, a mathoenae doeh .
- 16 Tamikalan thaw tawknae ni hringnae a tâcokhai teh,
tamikathoutnaw e tawkpheu teh, thoe khangnae hah doeh.
- 17 Cangkhainae ka tarawi e teh, hringnae lamthung dawc ao.
Hatei, yuenaek ka ek e teh, lamthung ka phen e doeh.
- 18 Hmuhmanae hah laithoe deinae pahni hoi ka ramuk e tami,
ayâ min mathoe nahanelah ka dei e tami teh tamipathu doeh.
- 19 Lawk pap pawiteh, payon e hai a pap.
Hatei, a pahni ka cakuep e tami teh tami a lungkaang e doeh.
- 20 Tamikalan e lai teh, kahawi e ngun patetlah ao teh,
tamikathout e lungthin teh apheu awm hoeh.
- 21 Tamikalan e pahni ni tami moikapap a kawc.
Hatei, tamipathu teh lungangnae a vout dawcvah a due.
- 22 BAWIPA yawhawinae ni tami a tawnta sak teh,
lungmathoenae thokhai boihoeh.
- 23 Tamipathu hanelah teh, yonnae sak e heh a nawmnae lah a coung.
Hatei, thaipanueknae ka tawn e niteh, lungangnae a tawn.
- 24 Tamikathout teh a taki e patetlah a lathueng a pha vaiteh,
tamikalan teh a ngai e hah poe lah ao han.
- 25 Bongparui a kâkaven toteh, tamikathoutnaw teh a kahma han.
Hatei, tamikalan ni teh a yungyoe adu hungnae a tawn.
- 26 Tami pangak patoun e teh, misurtui kathut e ni hah a kip sak e hoi,
hmaikhu ni mit a ut e patetlah doeh ao.
- 27 BAWIPA takinae ni hringyung a saw sak, hatei,
tamikathout e hringyung teh duem sak lah ao han.
- 28 Tamikalan ni ngaihawi e teh lunghawinae lah ao,
hatei, tamikathout e ngaihawinae teh a kahma han.
- 29 Tamikalan hanelah BAWIPA e lamthung teh thaonae doeh.
Hatei, thoenae ka sak e teh, rawkkahmanae koe a pha han.
- 30 Tamikalan teh hmuen dawc hoi nâtuék hai puen lah awm mahoeh.
Hatei, tamikathoutnaw ni talai heh onae lah hno awh mahoeh
- 31 Tamikalan e pahni ni lungangnae a tâcokhai,
hatei ka longkawi e lai teh, tâtueng pouh lah ao han.
- 32 Tamikalan e pahni ni ngai kawi e hno hah a panue,
hatei tamikathout e pahni niteh,

kâtarannae lawk doeh ouk a dei.

11

- 1 Kânging hoeh e yawcu teh BAWIPA hanelah panuet a tho teh,
kânging e bangnueanae teh a ngai e lah ao.
- 2 Kâoup navah yeiraiponae ao teh,
kârahnoum navah lungangnae ao.
- 3 Tamikalan teh yuemkamcunae ni a hrawi han,
hatei, yuemkamcu hoeh e khopouknae niteh
amamouh a raphoe han.
- 4 Lungkhueknae tueng navah hnopai teh cungkeihoeh,
hatei lannae ni teh duenae koehoi a rungngang han.
- 5 Lannae ni teh toun kaawm hoeh e naw hah lam kalan a pâtue han,
hatei, tamikathoutnaw teh
thoenae dawk letlang a rawp awh han.
- 6 Tamikalannaw teh lannae ni a rungngang awh han,
hatei, yuemkamcu hoeh e naw teh
amamae ngainae dawk a kâman awh han.
- 7 Tamikathoutnaw a due awh toteh
a ngaihawi awh e puenghai a kahma vaiteh,
tamikalanhoehnaw e ngaihawinae puenghai a kahma han.
- 8 Tamikalan teh runae thung hoi a hlout vaiteh,
hote runae teh tamikathoutnaw ni a pang awh han.
- 9 Cathut ka taket hoeh e niteh, a pahni hoi a imri ouk a raphoe,
hatei, tamikalan teh thounthainae lahoi rungngang lah ao han.
- 10 Tamikalan ni hawinae a coe navah khobuem a konawm awh,
hatei, tamikathout a due toteh a lunghawi awh.
- 11 Tamikalan ni yawhawi a coe navah khopui hai tawmrasang lah a o,
hatei, tamikathoutnaw e pahni ni teh ouk a raphoe.
- 12 Lungangnae ka vout e tami ni teh a imri hah ouk a dudam,
hatei, thaipanueknae ka tawn e teh duem ao.
- 13 Yuengyoe ka pai ni teh lawk kapap e tami ni hrolawk hah
ouk a pâpho, hatei, yuemkamcu e ni teh ouk a hro.
- 14 Pouknae kahawi poenae a ohoeahnae koe
khocanaw ouk a kahma teh,
pouknae kahawi poenae apapnae koe teh
khocanaw roumnae a coe awh.
- 15 Panue hoeh e tami panuesaknae teh a khang han, hatei,
lawkpanuesaknae dawk kut tambeinae
ka ngai hoeh e teh a hlout han.
- 16 Pahrennae ka tawn e napui ni barinae a coe,
hatei, a thakasai e tongpa ni teh tawntanae a coe.
- 17 Pahrennae ka tawn e tami ni a hringnae han lah hnokahawi a sak,
hatei, tamikathout teh
a takthai hanelah runae kapoekung doeh.
- 18 Tamikathout ni dumnae phu ouk a hmu awh,
hatei, lannae cati katukkungnaw ni tawkphu katang teh
a coe awh han.
- 19 Lannae ni hringnae lamthung dawk tami a hrawi e patetlah,
thoenae ka sak e ni ouk a duekhai.
- 20 Lungthin ka longkawi e teh BAWIPA hanelah panuet a tho,
hatei, tamikalan kakuepcingnaw e hringnae teh

- amamouh letlang lunghawinae doeh.
- 21 Lungkânging lah ao awh nakunghai,
tamikathout teh rek laipalah awm mahoeh.
Hatei, tamikalannaw e canaw teh hloutsak lah ao han.
- 22 A meihawi eiteh pouknae ka tawn hoeh e napui teh,
vok hnawng dawk suikuthrawt bang pouh e patetlah doeh ao.
- 23 Tamikalan ni ngainae teh hawinae dueng doeh,
hatei, tamikathout ni a ring e teh lungkhueknae dueng doeh.
- 24 Thouk ka poe e teh, thouk a tawnta,
hatei moikapap a pâkhueng eiteh, ka mathoe e tami hai ao.
- 25 Hring ka pasoung e teh tawnta sak lah ao han.
Ayâ tui ka awi e teh ama hai tui awi lah ao han.
- 26 Cakang ka haw e tami teh ayâ ni thoe a bo han.
hatei, kayawtkung koe teh yawhawinae ao han.
- 27 Hawinae ka tawng katang e ni barinae a coe han.
hatei, thoena ka tawng koe teh runae a pha han.
- 28 Hnopai kâuep e teh a rawp han,
hatei tamikalan teh phokung patetlah dikhring han.
- 29 Ma e imthung runae ka poe e ni a coe e râw teh kahlî lah ao vaiteh,
tamipathu teh a lungkaangnaw koe san lah ao han.
- 30 Tamikalannaw e a paw teh hringnae thing paw lah ao teh,
muitha ka man e teh tami a lungkaang e doeh.
- 31 Tamikalan patenghai talai van reknae khang pawiteh,
cathutlaipa e hoi tamikayon teh
banghloimaw hoe a khang han vai.

12

- 1 Cangkhaingnae ka ngai e teh panuena hah a ngai toe,
hatei yuena ka hmuhma e teh tamipathu doeh.
- 2 Tami kahawi ni teh BAWIPA ni ngaikhai e hah ouk a hmu,
hatei hawihoehnae sak hanelah kakâcainaw teh
yonpen lah ao awh han.
- 3 Hawihoehnae ni tami caksak boi hoeh,
hatei tamikalan e adu teh tahruek thai lah awm hoeh.
- 4 Napui kahawi teh a vâ hanelah bawilukhung lah ao,
hatei yeirai ka po sak e napui teh
a vâ e hru ka hmawnsakkung doeh.
- 5 Tamikalan pouknae teh a lan,
hatei tamikathoutnaw e pouknae teh dумыenna doeh.
- 6 Tamikathoutnaw e lawk teh,
thei hanelah pawm awh sei, tie hah doeh.
Hatei tamikalan e pahni ni teh a rungngang han.
- 7 Tamikathout teh tâkhawng lah ao teh awm hoeh toe,
hatei tamikalan e imthung teh a cak han.
- 8 Tami a lung a ang awh e patetlah rip oup lah ao,
hatei a lungthin ka longkawi e teh dudam lah ao han.
- 9 Amahoima a kâoup teh ca hane kaawm hoeh e tami hlak teh,
apinihai oup laipalah mar thaw duem ka tawk e bet ahawihnawn.
- 10 Tamikalan ni teh amae saringnaw hah a pasai,
hatei tamikathout teh a pahrennae dawc patenghai a moikai.
- 11 Amae laikawc ka thawn e ni kaboumlah a ca han,

- hatei ayawmyin lah kho ka sak e tami teh
thaipanueknae ka tawn hoeh e tami doeh.
- 12 Tamikathout ni tamikathoutnaw e tangkhek hah a doun awh,
hatei tamikalannaw e kung ni teh apaw a paw sak.
- 13 Tamikathout teh amae eknae dawk ouk a kâman,
hatei tamikalan teh runae thung hoi ouk a hlout.
- 14 Tami ni amae pahnipaw hah kaboumlah a ca han,
amae a kut hoi a tawk e a paw hai poe lah ao han.
- 15 Tamipathu ni amae lamthung hah kalan poung e lah a pouk,
hatei pouknae poe e ka ngâi e tami teh a lungkaang e doeh.
- 16 Tamipathu e lungkhueknae teh tang a kamnue,
hatei kahawicalah kho ka pouk e ni teh kayanae hah ouk a ramuk.
- 17 Lawkkatang ka dei e ni lanna e a kamnue sak,
hatei kapanuekkhaikung kaphawk niteh
kadumyennaw hah a kamnue sak.
- 18 Tahloi hoi thut e patetlah lawk ka dei e ao awh,
hatei tami lungkaangnaw e lawk ni teh a dam sak.
- 19 Lawkkatang pahni teh a yungyoe caksak lah ao han,
hatei laithoe deinae lai teh dongdengca hanelah doeh.
- 20 Hawihoehnae pouknae lungthin dawk dumyenna e ao,
hatei roumnae kadeikungnaw ni konawmnae a tawn awh.
- 21 Tamikalan koe thoenae phat mahoe,
hatei tamikathout teh thoenae hoi a kawi han.
- 22 Laithoe pahni teh BAWIPA ni a hmuhma e doeh,
hatei kalan lah ka tawk e teh lunghawikhai e lah ao.
- 23 Kho ka pouk thai e tami ni teh a panue e patenghai a hro rah,
hatei tamipathu e lungthin ni teh pathunae dueng doeh a pâpho.
- 24 Tami ka hratbat e kut ni a uk han,
hatei ka pangak e teh lawkceng vaiteh
thama lahoi tawk sak lah ao han.
- 25 Khopouk papnae ni lungmathoenae a tâco sak,
hatei lawkkahawi ni tami konawm sak.
- 26 Tamikalan ni teh a imri hah lamthung a patue,
tamikathout ni teh lam a phen sak.
- 27 Tami ka pangak niteh, kahrawng a cei ei,
moi thokhai e boehai cat mahoe.
- 28 Lanna e lamthung dawk hringnae ao teh,
hote lamthung dawk teh duena e awm hoe.

13

- 1 Capa lungkaang ni teh na pa e cangkhae hah alawkpui lah a ta,
hatei kadudamnaw ni teh cangkhae hah ngai awh hoeh.
- 2 Tami ni amae pahnipaw hah kahawicalah a ca han,
hatei yuemkamcu hoeh e tami teh rektapnae hoi a kâkaw hah.
- 3 A pahni ka ring e ni teh a hringnae hah a ring toe,
hatei ka kaw lah a kâko ka ang e teh rawknae koe a pha han.
- 4 Tami pangaknaw ni teh a ngai poung awh ei banghai tawn awh hoeh,
hatei tami kahratbat e teh tawnta sak lah ao han.
- 5 Tamikalan ni teh laithoe dei e a hmuhma,
hatei tamikathout teh panuet ka tho e hoi
kayanae kaphawtkung doeh.
- 6 Toun han kaawm hoeh e lamthung ni lanna e a ring,

- hatei thoena ni tamikayon a tâkhwng.
- 7 Tami ka tawnta lah a kâpouk ei banghai ka tawn hoeh e tami ao, hatei kamathoe poungh lah a kâpouk ei ka tawnta poungh e ao.
- 8 Tami ka tawnta e ni kâratang nahane hnopai a tawn, hatei mathoe ni yuena kâhmo boihoeh.
- 9 Tamikalannaw e angnae teh kahawi poungh e angnae doeh, hatei tamikathoutnaw e hmaiim teh a due han.
- 10 Kâoupnae dawkh doeh kâyuenae a tâco, hatei pouknae kahawi poe e tarawinae teh lungangnae doeh.
- 11 Kamsoumhoehe lah hnopai la e teh tang a kahma han, hatei panki laihoi hmu e hnopai teh a poungh han.
- 12 Ring e hno tang hmu hoeh e ni lung a pataw sak, hatei ngaikuepnae teh hringnae thingkung doeh.
- 13 Lawk banglahai ka noutna hoeh e teh rawk sak lah ao han, hatei kâpoelawkh e ka bari e teh tawkhpu poe lah ao han.
- 14 Tami lungkaangnaw e kâpoelawkh e teh hringnae tuiphuek lah ao teh, duena karap rounnae lamthung lahai ao.
- 15 Thaipanueknae ni minhmai kahawi a poe, hatei yuemkamcu hoeh naw e lamthung teh a ru poungh.
- 16 Kho kapoukthai e pueng ni panuena hoi a kâroe awh, hatei tamipathu ni teh a pathuna e kamnu sak.
- 17 Patoune kathout teh runae dawkh a rawp, hatei yuemkamcu e laicei ni teh damnae a thokhai.
- 18 Tounnae banglahai ka ngaihoeh e tami koe voutnae hoi yeiraipona e pha han, hatei tounnae alawkpui lah ka tat e teh bari lah ao han.
- 19 Ngaikuepnae teh a radip, hatei payonnae rounnae hateh tamikathoutnaw ni a hmuhma awh.
- 20 Tamilungkaangnaw hoi kamyawng e teh a lung a ang han, hatei, tamikathoutnaw hoi kamyawng e teh a rawk han.
- 21 Tamikayon teh thoena ni a pâlei, hatei tamikalan teh hawinae a pang han.
- 22 Tamikahawi ni teh a ca catounnaw hanelah râw a parâw pouh, hatei tamikayonnaw e hnopai teh tamikalannaw hanelah pâkhueng lah ouk ao.
- 23 Tamimathoe ni laikawkh thawnae lahoi rawka moi ao, hatei thoena dawkh doeh rawknae koe ouk pha awh.
- 24 Bongpai ka hno ngai hoeh e teh a capa ka hmuhma e lah ao, hatei a capa lung ka pataw e ni teh a nawca hoi ouk a yue toe.
- 25 Tamikalan teh a von a paha, hatei tamikathout teh a vonhlan han.

14

- 1 A lungkaang e napui ni teh a im hah a sak, hatei ka pathu e ni teh amae kut hoi ouk a raphoe.
- 2 Kalanlah ka hring e ni BAWIPA a bari, hatei a hringnae ka longkawi e ni teh a dumdam.
- 3 Tamipathu e pahni dawkh kaisuena bongpai ao, hatei tamilungkaang e pahni ni teh kânguenae a poe.
- 4 Maitotan ohoehnae koe maito im a thoung,

- hatei moikapap pungnae teh maitotha dawk doeh ao.
- 5 Yuemkamcu e ka panuekkhaikung teh laithoe dei hoeh,
hatei kapanuekkhaikung kaphawk ni doeh laithoe ouk a dei.
- 6 Ka dudam e tami ni teh lungangnae
ka tawng nakunghai hmawt mahoeh,
hatei kathaipanueknaw hanelah teh panuenae heh ayawica.
- 7 A pahni panuenae na hmu hoeh toteh,
tamipathu teh cettakhai yawkaw.
- 8 Ma e coungnae panue e heh poukthainae ka tawn e lungangnae doeh,
hatei tamipathunaw e pathunae teh dumnae doeh .
- 9 Tamipathu ni teh yonnae a panuikhai,
hatei tamikalannaw koe ngaikhainae ao.
- 10 Lungthin patawnae heh lungthin ni doeh a panue,
ayânaw ni teh lunghawinae hai hmawngkhai katang hoeh.
- 11 Tamikathout imthung teh ka rawk han doeh,
hatei tamikalan e rim teh a kamhlawng han.
- 12 Tami pouknae lahoi teh lam kalan lah a kamcu eiteh,
apoutnae koe lah duenae koe ka phat e lam hai ao.
- 13 Panui lahun nahai lung a mathoe teh,
panuinae a poutnae heh lungmathoenae lah a coung thai.
- 14 Lungthin hoi hnuklah ka ban e teh, ama ngainae hoi a kawi han,
hatei tamikahawi teh hot patet e lathueng vah
ao dawkvah a lunghawi han.
- 15 Kamawngrame ni dei e pueng a yuem awh,
hatei kâhruetcueth e tami ni teh
a cei nahane lamthung kahawicalah a pouk.
- 16 Tamilungkaang ni teh a taki dawkvah yonnae hah a roun,
hatei tamipathu ni teh amahoima a kâyuem teh a taran a hawi sak.
- 17 Tami lungkaduem teh pathu laihoi a kâroe,
hatei tamikathout e noenae teh hmuhmanae doeh.
- 18 Kamawngrame e coe e teh pathunae doeh,
hatei kho ka pouk e teh panuenae kâmuksak lah ao.
- 19 Tamikahawi teh tamikahawi hmalah a tabut vaiteh,
tamikathout teh tamikalan e takhang koe a tabut han.
- 20 Tamikathout teh a imri ni hai a hmuhma,
hatei tami ka tawnta ni hui moi a tawn.
- 21 A imri ka dudam e teh tamikayon doeh,
hatei tamimathoe ka pahren e teh a lungkahawi e lah ao.
- 22 Hnokathout ka pouk e teh lam a phen toung nahoehmaw,
hatei lungmanae hoi lawkkatang teh
hawinae kapouknaw hane doeh.
- 23 Tawknae pueng dawk meknae ao teh,
pahni hoi dei rumram e teh voutnae doeh.
- 24 Tamilungkaangnaw e bawilukhung teh tawntanae doeh,
hatei tamipathu pathunae hateh a pathunae doeh .
- 25 Kapanuekkhaikung katang ni teh hringnae a rungngang,
hatei kapanuekkhaikung kaphawk ni teh laithoe ouk a dei.
- 26 BAWIPA takinae dawkvah a taranhawi laihoi a tha ao teh,
a canaw ni kânguenae a pang awh han.
- 27 BAWIPA takinae teh hringnae tuiphuek lah ao teh,
duenae karap dawk hoi kamlang sakkung lah ao.

- 28 Tamimaya koe siangpahrang barinae ao teh,
tami younca koe e ukkung teh rawkphainae doeh.
- 29 A lung kasawe ni thaipanueknae a tawn,
hatei tami lungkaduem e teh pathu tawmrasangnae doeh.
- 30 Lungthin damnae teh tak hanelah hringnae lah ao teh
utsinnae teh hru ka rawk sakkung doeh.
- 31 Tamimathoe repcoungröe e teh
ama kasakkung dudam e lah ao,
hatei kasakkung ka bari e ni tami kavouthoupnaw pahrennae a tawn.
- 32 Tamikathout teh a thoena e ni letlang a pâlei teh,
tamikalan teh a duena e koe kânguena e a tawn.
- 33 Thaipanueknae katawnnaw lungthin dawk lungangnae ao,
hatei tamipathu e lungthung kaawm e teh kamnu e sak lah ao toe.
- 34 Lanna e ni miphun a tawmrasang,
hatei yonnae teh tami pueng hanelah min mathoena e doeh.
- 35 Tamilungkaang okhai e teh siangpahrang ni a ngai pouh,
hatei yeirai ka po sakkung koe a lung ouk a khuek

15

- 1 Lawkkanem ni lungkhueknae a roum sak,
hatei lawkkahram ni lungkhueknae a pâhlaw.
- 2 Tamilungkaang e lai ni teh, panuena e hah kalan lah ouk a hno,
hatei tamipathu ni teh pathuna e hah
a pahni dawk hoi ouk a tâco sak.
- 3 BAWIPA e mit teh hmuen tangkuem a kâhlai teh
hnokahawi hoi hnokathout hah ouk a khet.
- 4 A tak ka dam e lai teh hringnae thingkung doeh,
hatei lawkkahram ni teh lung a mathoe sak.
- 5 Tamipathu ni a na pa e cangkhaena e hah banglah ngâi hoeh,
hatei yuena e ka tarawi e tami teh kho ka pouk thai e doeh.
- 6 Tamikalan im vah hnopai moikapap ao teh,
tamikathout ni a hmu e teh rucatna e hah doeh.
- 7 Tamilungkaang e pahni ni teh panuena e a pung sak,
hatei tamipathu e lungthin ni teh hottelâh sak boihoeh.
- 8 Tamikathout ni thueng e teh BAWIPA hanelah panuet a tho,
hatei tamikalan ni ratoum e teh a lunghawina e doeh.
- 9 Tamikathout hringnuen teh BAWIPA hanelah panuet a tho,
hatei lanna e katarawinaw hah teh a lung a pataw.
- 10 Lam kalan kaphennaw teh puenghoi yue lah ao teh,
yuena e kahmuhmanaw teh a due han.
- 11 Sheol hoi rawkphainae teh BAWIPA hmalah a kamnu e,
tami canaw e lungthin teh hoe a kamnu e han.
- 12 Ka dudam e tami teh yuena e ngai hoeh,
tamilungkaang koehai cet ngai hoeh.
- 13 Lungthin nawmnae ni minhmai a pan sak teh,
lungreithaina e teh lungreknâe doeh.
- 14 Thaipanueknae lungthin ka tawn e ni panuena e ouk a tawng,
hatei tamipathu ni teh pathuna e lawk hoi ouk a kâkaw.
- 15 Runa e kâhmo e tami hanelah teh hnin pueng kathout seng doeh,
hatei lungthin kanawm e ni teh paw pou tonae lah ao.
- 16 BAWIPA taki laihoi younca tawn e teh

- baruengbaraw o laihoi moikapap tawn e hlak a hawihnawn.
- 17 Lungpatawnae lahoi ankahring hoi vai touh ca e teh,
kâhmuhmanae koe maito buem pui ca e hlak ahawihnawn.
- 18 Tami lungkathout ni kâyuenae a tâcokhai,
hatei ka panguep thai e ni teh a roum sak.
- 19 Kapangaknaw e lamthung teh pâkhing hoi khak a cak,
hatei tamikalannaw e lamthung teh a ngaca.
- 20 Capa a lungkaang ni teh a na pa a konawm sak,
ka pathu e ni teh a manu a dumdam.
- 21 Lungangnae ka tawn hoeh e naw niteh
pathunae heh a lunghawinae lah a o,
hatei thaipanueknae katawnnaw teh kalancalah ouk a cei awh.
- 22 Kâpankhainae awm hoeh pawiteh
noenae hai kangcoung thai hoeh,
hatei kâpankhaikung pap pawiteh noenae a kangcoung.
- 23 Pahni hoi dei e lawk ni lunghawinae a tâco sak,
a tue a pha torei dei e lawk teh ahawi poung.
- 24 Tamilungkaangnaw e hringnae lamthung teh kahlun lah a luen,
hothateh rahim lae sheol lam dawk hoi a kamlang thainae doeh.
- 25 BAWIPA ni tami kâoupnaw e im hah a raphoe pouh han,
hatei lahmmainu imhmuen teh a caksak han.
- 26 Tamikathoutnaw e pouknae teh BAWIPA hanelah panuet a tho,
hatei a lung kathounnaw lawk teh thai a nawm.
- 27 Ka hounloun e ni ama imthung totouh runae a poe,
hatei tadawngghno ka hmuhma e teh a hring han.
- 28 Tamikalan lungthin ni teh pato nahane hmaloe a kamtu,
hatei tamikathout e pahni ni teh hnokathout ouk a tâco sak.
- 29 BAWIPA teh tamikathout koehoi ahla,
hatei tamikalan e ratoumnae teh ouk a thai.
- 30 Lunghawinae minhmai ni lungthin a nawm sak teh,
kamthang kahawi teh hru hanelah hawinae lah ao.
- 31 Hring tounnae ka tarawi e tami teh
tamilungkaangnaw koe pouh ao han.
- 32 Cangkhainae banglah ka pouk hoeh e tami teh
amae hringnae banglah ka pouk hoeh e tami doeh,
hatei yuenae alawkpui lah ka pouk e ni thaipanueknae a hmu.
- 33 BAWIPA takinae teh lungangnae cangkhainae lah o teh,
barinae ao hoehnahlan kârahnoumnae hmaloe ao.

16

- 1 Lungthin hoi pouknae teh tami e doeh,
hatei laihoi bout deinae teh BAWIPA koehoi e doeh.
- 2 Tami hmuna e pueng heh ama ni hmuna lahoi teh a thoung,
hatei BAWIPA ni muitha hah yawcu dawc a khing.
- 3 Na thaw teh BAWIPA dawc poe haw
na pouknae caksak lah ao han.
- 4 BAWIPA ni bangpueng hai ama hanelah a sak.
Tamikathoutnaw haiyah thoenae kâhmo hnin hanelah
sak e lah ao.
- 5 A lungthin hoi kâoup e tami teh BAWIPA han lah panuet a tho,
a lung kânging awh nakunghai, rek lah ao mingming han.

- 6 Lungmanae hoi yonthanae lawkkatang teh
BAWIPA takinae lahoi tami ni yonnae ouk a ceitakhai.
- 7 Tami e hringnuen ni BAWIPA a lungyouk torei teh,
a taran hoi patenghai a kâpo sak.
- 8 Kamsoumhoeh lahoi moikapap tawn e hlak teh,
lannaeh lahoi yitca tawn e ahawihnawn.
- 9 Tami e lungthin ni amae lamthung ouk a pouk,
hatei BAWIPA ni teh a khoktakan hah ouk a hrawi.
- 10 Siangpahrang pahni dawk Cathut lawk pâpho hane ao,
lawkcengnae koe a pahni a payon sak hanelah awm hoeh.
- 11 Kângcing e yawcu hoi khinglung teh BAWIPA e doeh,
congko dawk e khinglung puenghai a kut thawtawknae doeh.
- 12 Thoenaeh lahoi sak e heh siangpahrang hanelah teh panueta tho,
bangkongtetpawiteh, bawitungkhung teh
lannaeh lahoi caksak lah ao.
- 13 Lannaeh pahni teh siangpahrang hanelah konawmnaeh lah ao teh,
lawkkatang kadeinaw hah a lungpataw.
- 14 Siangpahrang lungkhueknaeh teh duenaeh patounenaw patetlah ao,
hatei tamilungkaang ni teh a roum sak han.
- 15 Siangpahrang mithmaiang dawk hringnaeh ao,
a ngaikhainae teh a hnukteng e kho tâmai patetlah ao.
- 16 Sui hlak hai lungangnaeh tawn e heh banghloimaw ahawi,
hahoi ngun hlak hai thaipanueknaeh heh kârawi hanelah ao.
- 17 Tamikalannaw e lamthung teh yonnaeh ceitakhai e hah doeh,
a lamthung ka ring e ni a hringnaeh a ring.
- 18 Rawk hoehnahlan kâoupnaeh ao teh,
rawp hoehnahlan lunglennaeh muitha ao.
- 19 Kâoupnaeh lahoi lawphno kârei hlak teh,
kârahnoumnaeh hoi ka rahnoumcalah o e ahawihnawn.
- 20 Kâhruetcuetcalah hoi lawk ka tarawi e ni hnokahawi a hmu vaiteh,
BAWIPA ka kâuep e teh tami yawkahawi e doeh.
- 21 Lungthin hoi a lungkaang e teh
kho ka pouk e doeh tie lah ao vaiteh,
lawkradip ni thoumthainae a pung sak.
- 22 Thaipanueknaeh heh ka tawn hanelah teh
hringnaeh tuiphuek lah ao teh,
tamipathunaw e cangkhaenae teh pathunae doeh.
- 23 Tamilungkaang ni teh a pahni hah a cangkhai teh,
a pahni hoi thoumthainae hah ouk a kâthap.
- 24 Lawkkahawi teh khoipha patetlah ao,
hring nahanelah a radip teh hru hanelah damnaeh lah ao.
- 25 Tami pouknaeh lateh lamkalan lah a kamcu ei,
apoutnaeh koe teh duenaeh lamthung doeh.
- 26 Thaw ka tawk e teh ama hanelah doeh a tawk,
bangkongtetpawiteh a vonhlanmaeh pahni ni a patoun e doeh.
- 27 Cathut ka taket hoeh e ni thoenaeh tangkom a tai teh,
a pahni teh hmaisaaan patetlah ao.
- 28 Lungthin longkawi ni kâyuenae cati a kahei teh,
tamcuelawk ka dei e ni hai huiko a kapek.
- 29 Kaisue e ni a imri a pasawtpanep teh,
hawihoehnaeh lamthung dawk ouk a hrawi.

- 30 A mitmasip teh kahawihoehe dueng doeh a pouk,
a pahni a kâroe sak teh thoenae dueng doeh a tâco sak.
- 31 Lannaeh lamthung dawk hmu e lah awm pawiteh,
sampo teh bawilennaeh bawilakhung doeh.
- 32 Athakaawme tami hlak a lungkasaw e tami ahawihnawn,
a hringnaeh kâcakuiep thai e kaukkung teh
khopui ka lawm e hlak ahawihnawn.
- 33 Congko dawc cungpam teh rayu lah ao,
hatei laideitâtuengnaeh pueng teh BAWIPA e doeh.

17

- 1 Kâyue kâoun laihoi im dawc yikkawi e pawitonaeh bu hlakvah
karoumcalah lahoi bukaro kam touh ca e ahawihnawn.
- 2 A lungkaang e san ni yeirai ka phawt e capa hah a uk teh,
hmaunawngghanaw hoi cungtalah râw a coe han.
- 3 Ngun sôlêi nahanelah manang, sui sôlêi nahanelah takhuenhmai,
hatei BAWIPA ni lungthin a tanouk.
- 4 Thoenae kasaknaw ni teh laithoe dueng a thai ngai aw h teh,
laithoe kadeinaw ni hai laithoe lawk a thai ngai aw h.
- 5 Tamimathoe ka dudam e ni kasakkung a dudam teh,
ayânaw runaeh a kâhmo navah
a lungkahawi e tami hai hlout mahoe h.
- 6 Mincanaw teh matawngnaw e bawilukhung doeh,
camonaw bawilennaeh teh a napanaw doeh.
- 7 Lawkkanem hoi tamipathu kamcu hoeh,
laithoe deinaeh pahni teh bawi hoi hoe kamcu hoeh.
- 8 Tadaawng hno teh ka dâw e tami koe talung phukaawm hoi a kâvan,
a kangvawi tangkuem koe hawinaeh a hmu.
- 9 Lawkeknaeh ka ramuk pouh e ni lungpatawnaeh a tawng,
hatei boutbout ka dêi pouh e tami ni teh huiko a kapek.
- 10 Tamipathu avai cum touh hem e hlak
tamilungkaang vai touh yue e aphuo hnawn.
- 11 Tamikahawihoe hoi ni kâtaran nahane dueng doeh a tawng,
hatdawkvah patoune kathout hoi a kâhmo han.
- 12 Tamipathu a pathu lahun nah kâhmo e hlak teh,
a ca kahmat e tavom hoi kâhmo pawiteh bet ahawihnawn.
- 13 Hawinaeh hah thoenae hoi ka pathung e tami teh
hnokathout ni a imthung tâcawt takhai mahoe h.
- 14 Kâyuenae teh tuiim dawc hoi tui ka yu e patetlah ao,
hatdawkvah kâyue hoehnahlan kâounnaeh hah roun lawih.
- 15 Tamikayon a yon ka ngai thoum e tami hoi,
tamikalán yon kapen e tami hah BAWIPA ni a panuet
- 16 Tamipathu ni lungangnaeh a ngai hoeh dawkvah,
lungangnaeh ran nahane hnopai hah
bangkongmaw ahni kut dawc poe han vaw.
- 17 Hui ni teh nâtuék hai lung na pataw teh,
hmaunawnggha teh runaeh kâhmo tueng nahanelah doeh a khe.
- 18 Thaipanueknaeh ka tawn hoeh e niteh
kuttabei kâtambei hoi a hui hmalah lawk a kam.
- 19 Lawkeknaeh ka ngai e ni teh kâyuenae hai a ngai,
a longkha ka rasangsak e ni rawknaeh hah a tawng.

- 20 Dumyennae lungthin ka tawn e ni hnokahawi hmawt mahoe, laithoe ka dei e tami teh runae hoi a kâhmo han.
- 21 Tamipathu ka khe e tami teh amahoima a lungmathoe sak, ka pathu e capa ka tawn e tami teh konawmnae tawn hoeh.
- 22 Lungthin konawm e heh kahawipoung e tâsi hoi a kâvan teh, lungthin reknae ni hru a ke sak.
- 23 Tamikathout ni lanna lamthung phen hanelah a hnukkhu lahoi hno ouk a lawp.
- 24 Lungangnae teh thaipanueknae katawnkung hmalah ao teh, tamipathu e mit ni teh talai pout totouh ouk a khet.
- 25 Capa pathu e teh na pa lung kamathoutsakkung lah ao teh, kakhekung manu hanelah hai ka khat poung e lah ao.
- 26 Tamikalan rek hanelah awm hoeh, ka talue e hai a hawi nahlangva hem hanelah awm hoeh.
- 27 Panuena ka tawn e ni lawk a kâsum teh, thaipanueknae ka tawn e teh roumnae muitha ka tawn e doeh.
- 28 Tamipathu hai duem awm pawiteh, tamilungkaang patetlah pouk e lah ao, a pahnicakuep pawiteh thaipanueknae ka tawn patetlah pouk e lah ao.

18

- 1 Amadueng kaawm e ni ama ngainae dueng a tawng teh, lungangnae pueng hai a taran.
- 2 Tamipathu ni thaipanueknae dawk konawmnae tawn laipalah a mae lungthin dueng a kamnue sak.
- 3 Tamikathout a tho toteh dudamnae ao, yeiraiponae hoi yuena hai hmawi ao van.
- 4 Tami e pahni dawk hoi ka tâcawt e lawk teh kadung e tui patetlah ao teh, lungangnae tuikhu teh ka lawng e palang patetlah ao.
- 5 Tamikathout e minhmai khet lahoi tamikalan sung sak nahanlah lawkceng e heh hawihoe.
- 6 Tamipathu e pahni dawk hoi kâyuenae lawk a tâco teh a lawk ni hemnae hah a tâcosak.
- 7 Tamipathu e pahni teh ama rawknae lah ao teh, a pahni teh ama hanelah karap lah ao.
- 8 Tamcueklawk teh katuipoung rawca patetlah ao teh, von thung a thung totouh a kâen.
- 9 A thaw dawk ka pangak e teh karaphoekung e hmaunawngaha lah ao.
- 10 BAWIPA e min teh kacake imrasang lah ao, tamikalan ni a kâen teh roumnae a hmu.
- 11 Tami katawntanaw e tawntanae teh, amamouh pouknae dawkvah, kacake khopui, karasang e rapan lah a o.
- 12 Rawknae kâhmo hoehnahlan tami lungpouk a rasang teh, barinae ao hoehnahlan kârahnumnae ouk ao.
- 13 Thai hoehnahlan lawk pathung e teh pathuna hoi yeiraiponae doeh.
- 14 Tami e muitha ni a patawnae hah a khang thai, hatei muitha rek e teh apinimaw a khang thai han.

- 15 Kho ka pouk e lungthin ni panuenae hah a pang teh,
tamilungkaang e hnâ ni panuenae hah a tawng.
- 16 Poehno poe e ni lam a kâko sak teh,
kacuenaw hmalah na phakhai.
- 17 Amahoima hmaloe ka kâdei e teh
tamikalan lah pouk e lah ao eiteh,
a imri ni akung ouk a khei.
- 18 Cungpam rayunae ni kâounnae a roum sak teh
athakaawmnaw hah a roum sak.
- 19 Hmaunawnggha lungkuep sak hoeh e teh
khopui tâ e hlak aruhnawn,
lawk kâounnae teh sum hoi kâtaren e patetlah ao.
- 20 A pahni dawk hoi ka tâcawt e a paw hoi a von a paha vaiteh,
a pahni paw hoi a lung a kuep han.
- 21 Hringnae hoi duenae teh lai bahu dawk ao teh,
lai ka lungpataw e ni laipaw a ca han.
- 22 Yu kahmawt e ni hnokahawi a hmu teh,
BAWIPA koehoi ngaikhainae ka pang e tami doeh.
- 23 Tamimathoe ni teh a kâhei, hatei ka tawnta e niteh
lawk kahram lah ouk a dei.
- 24 Hui kapap ka tawn e teh hui kahawi lah
ao van hanelah ao,
hatei hmaunawnggha hlak kahnai e huiko hai ao.

19

- 1 A lawk ka longkawi e tamipathu hlak,
mathoe laihoi yuemkamcu hringnae ahawihnawn.
- 2 Panuenae tawn laipalah hringnae hai hawi hoeh,
a khok a hue ka rang e hai a payon thai.
- 3 A pathunae ni lamthung a payon sak teh,
a lungthung hoi BAWIPA ouk a taran.
- 4 Hnopai ni huiko moi a sak,
hatei tamimathoe teh a hui ni a ceitakhai.
- 5 Ka panuekkhaikung kaphawk teh rek laipalah tâcawt mahoeh,
laithoe ka dei e hai hlout mahoeh.
- 6 Tami kapap ni bawi e lungyouk hanelah a kâcai awh,
poehno ka poe e tami hai tami pueng ni a kamyawngkhai.
- 7 Tamimathoe teh a hmaunawnggha pueng ni hai a hmuhma,
a huinaw natawng teh ahlanae koe doeh hoe ao awh,
lawkkanem lahoi a pâlei ei nakunghai hoe a yawng takhai awh.
- 8 Lungangnae ka hmawt e ni hringnae a lungpataw teh,
thaipanueknae ka pâkuem e ni hnokahawi a hmu han.
- 9 Ka panuekkhaikung kaphawk teh rek laipalah tâcawt mahoeh,
laithoe ka dei e hai a rawk han.
- 10 Hringnawmnae heh tamipathunaw hanelah kamcu hoeh,
san ni khobawi a uk e heh hoe kamcu hoeh.
- 11 Poukpanueknae ka tawn e ni a lungsaw sak teh,
kâta poenae ka pahnim pouh e teh ama ka bawilen sakkung doeh.
- 12 Siangpahrang lungkhuek e teh sendek ka huk e patetlah ao,
hatei a ngaikhainae teh hram dawk
ka bawt e tadamtui patetlah ao.
- 13 Capa ka pathu e teh a na pa hanelah

- thoenae kaphawtkung lah ao teh,
lai ka roe e yu teh tui ka yu e patetlah ao.
- 14 Im hoi tawntanae teh napanaw koehoi coe e râw doeh,
hatei yu kahawi teh BAWIPA koehoi e doeh.
- 15 Thathoenae ni ihmu a tho sak,
ka pangak e teh a vonhlam han.
- 16 Kâpoelawk ka tarawi e teh a hringnae a ring,
hatei ka pahnawt e teh a due han.
- 17 Tamimathoe ka pahren e teh BAWIPA koe a cawi sak toe,
a poe tangcoung e hno hah bout poe lah ao han.
- 18 Ngaihawinae ao navah na capa hah yue haw,
a kahma nahanelah pouk hanh.
- 19 A lung puenghoi ka khuek sak e ni reknae a kâhmo han,
bangkongtetpawiteh, na rungngang nakunghai
boutbout rungngang a ngai han doeh.
- 20 Kâpankhainae hah thai haw, cangkchainae hah dâw haw,
bangkongtetpawiteh, hmalah na lung a ang han.
- 21 Tami e lungthin ni hno moikapap a kâcai,
hatei BAWIPA e khokhangnae dueng doeh kangning han.
- 22 Tami ni a ngai poung e teh pahrennae hah doeh,
laithoe dei e flak mathoe e ahawihnawn.
- 23 BAWIPA takinae ni hringnae koe lah a ceikhai,
hote hringnae ka tawn e teh a lung a kuep vaiteh,
hnokathout ni thosin mahoe.
- 24 Tami ka pangak ni a kut a kâyp teh
rawca a kâtu hane boehai ngai hoeh.
- 25 Ka dudam e tami hah hem haw,
kamawngrame tami teh a kâhlaw yawkaw han doeh,
a lungkaang e tami hah yue haw patopatang han
- 26 Na pa roedeng ka poe ni teh manu ka hrek e teh,
yeiraiponae hoi min mathoenae ka phawt e capa doeh.
- 27 Ka capa cangkchainae thai e heh na kâhat payon pawiteh,
lungangnae lamthung na phen han doeh.
- 28 Cungkeihoehe kapanuekkhaikung ni
lawkcengnae kalan a dudam teh,
tamikathout e pahni ni payonpakainae a payawp.
- 29 Lawkcengnae heh kadudamnaw hanelah hruiek e lah ao teh,
hemnae bongpai teh tamipathunaw e hnuokthun hane doeh.

20

- 1 Misurtui teh ayâ ni panuikhainae doeh,
yamu teh kâyuenae doeh,
hot patet e hno ni tami lungang sak boihoeh.
- 2 Siangpahrang lungkhuek e teh sendek ka huk e patetlah ao,
a lung ka khuek sak e tami teh a hringnae hanlah runae doeh.
- 3 Kâyuenae karoumsakkung teh bari a kamcu,
tamipathu ni kâhemnae pou a kamtawng.
- 4 Tami ka pangak ni a pâding dawk laikaw kanawk ngaihoeh,
canga toteh a ca hane banghai tawn mahoe.
- 5 Tami lungthin hoi pouknae teh ka dungpoung e tui hoi a kâvan,
hatei thaipanueknae ka tawn e ni teh haw hoi a tâco sak han.

- 6 Tami kapap ni amamouh hawinae dueng doeh ouk a dei awh,
hatei apinimaw yuemkamcu e a hmu thai han.
- 7 Tamikalan teh yuemkamcu lah ouk a hring,
a canaw ni hai ahnie yawhawi ouk a hmawng awh.
- 8 Lawcengnae tungkhung dawk ka tahung e siangpahrang ni,
a mithmu e hnokathout pueng koung a takhoe.
- 9 Ka lungthin ka thoung sak toe,
yon hoi ka hlout toe telah apinimaw a dei thai.
- 10 Yawcu kânginghoehe hoi khinglung ka kuep hoeh e teh
BAWIPA hmalah panuet a tho.
- 11 Camo hai a tawk e lahoi panue thai,
a tawk e hno a thoung hoi a lan e lahoi bangnue thai.
- 12 Thaihainae hnâ hoi hmuthainae mit heh
BAWIPA ni a sak e doeh.
- 13 I e hah lungpataw hanh na mathoe han,
na mit pakkaw lah khenhaw! cakhuem rawca na tawn han.
- 14 Hno karankung ni hawihoeheh ati,
hatei a cei hnukkhu a ran e hah a kâoupkhai.
- 15 Sui hoi talung phukaawm moikapap ao,
hatei panuenaeh pahni teh talung phukaawm e lah ao.
- 16 Tamitavan hanelah amahkhankung teh angki amahkhan
nahanelah la pouh lah ao vaiteh napui koe poe naseh.
- 17 Dumnae vaiyei teh a tui eiteh,
a ca hnukkhu a kâko dawk sadi hoi a kawi han.
- 18 Noenaeh heh kâpankhai hnukkhu caksak lah ouk ao,
kahawicalah kâpan hnukkhu na taran hah tuk.
- 19 Yapliyaplap kaawm e tami ni arulawk hah ouk a pâpho,
hatdawkvah a lawk ka pâhnan e tami hoi kamyawng hanh.
- 20 Apipatethai, a manu hoehpawiteh a na pa thoe ka bo e teh,
khohmo um a hmaim a due pouh han.
- 21 Râw hah hmaloe pang thai eiteh,
apoutnae koe yawhawinae lah awm hoeh.
- 22 Moi ka pathung han telah tet hanh,
BAWIPA hah ring haw, ama ni na rungngang han.
- 23 Khinglung kâvan hoeh e heh BAWIPA mithmu vah panuet a tho teh,
kânging hoeh e yawcu hai hawihoeheh.
- 24 Tami ceinae lamthungnaw heh BAWIPA ni a sak e doeh,
hatdawkvah tami ni ama ceinae lamnaw hah
bangtelamaw a panue thai han.
- 25 Hetheh poehno kathoung doeh telah
lungrang laihoi dei e teh tami hanelah karap doeh,
lawkkam hnukkhu pankângainae ouk ao.
- 26 A lungkaang e siangpahrang ni tamikathoutnaw hah
a kâyatsak teh lengkhok hoi a coungroe.
- 27 Tami e muitha teh BAWIPA e hmaim doeh,
a lungthin thung e pueng pheng a tue.
- 28 Lungmanae hoi lawkkatang ni siangpahrang teh a kountouk,
a bawitunghung teh lungpatawnae lahoi kangdue sak lah ao.
- 29 Thoundounnaw e bawilennaeh teh a thaonae doeh,
matawngnaw e kamcunae teh a sampo doeh.
- 30 Puenghoi hemnae ni hno kathout a thoung sak,

hemnae ni thung lah von dawk e pueng hai a thoung sak.

21

- 1 Siangpahrang lungthin teh tui ka lawng e patetlah ao teh,
BAWIPA kut dawk ao dawkvah, a nginae koe lah a lawng sak.
- 2 Ma e hmunae dawk teh mae hringnuen heh a lan telah pouk awh,
hatei BAWIPA ni lungthin heh yawcu dawk a khing.
- 3 Lannaehoi kânging lah sak e heh
thuengnae hlah BAWIPA ni a ngaihawn.
- 4 Kâouppnae minhmai hoi lunglennaehoi lungthin hoi
tamikathoutnaw e hmaim teh von doeh.
- 5 Tami ka hratbat e pouknae ni tawntannaehoi a tâcokhai,
hatei kâhruetcuethoe hoi pouknae ni voutnaehoi a tâcokhai.
- 6 Laithoe dei laihoi hmu e hnopai teh
duenaehoi ka tawng ni teh kahmat e patetlah ao.
- 7 Tamikathoutnaw e lawpnae ni amamouh a raphoe han,
bangkongtetpawiteh kânginglah lawkcengnaehoi hah a pahnawt awh.
- 8 Tamikayon e lamthung teh a longkawi,
hatei tamikalan hanelah teh a tawk e hah kalan e doeh.
- 9 Ka hrawang e yu hoi im kalen dawk o hlah teh,
lemphu imtakin koe awm pawiteh bet ahawihawn.
- 10 Tamikathout hringnae ni hnokathout a ngai,
a imrinaw ni ahnie pahrennaehoi hmawt aw hoi hoi.
- 11 Kadudame taminaw reknaehoi dawkvah
kamawngrame ni lungang a kâla aw hoi,
hatei tamilungkaangnaw cangkhai navah panuenaehoi a hmu aw hoi.
- 12 Tamikalan ni tamikathout imthung hah kahawicalah a pouk,
hatei Cathut ni tamikathoutnaw teh
amamaehoi thoenahoi lahoi a tâkhawng.
- 13 Tamimathoe hramnaehoi lawk thai ngai laipalah
a hnâ ka tabuem e teh,
ama hai a hram toteh apinihai thai pouh mahoe hoi.
- 14 Arulahoipoe e poehno ni lungphuennaehoi,
a lungtabue dawkpoe e tadawng hoi ni
puenghoi lungkhueknaehoi a roum sak.
- 15 Kalan lah lawkcengnaehoi e teh tamikalan hanelah konawmnaehoi doeh,
hatei yonnaehoi kasaknaw teh rawknaehoi koe a pha aw hoi han.
- 16 Thaipanueknaehoi lam kaphennaw teh
tamikadoutnaw kamkhuengnaehoi koe a kâhat van han.
- 17 Nawmnaehoi dueng ka ngai e teh a mathoe han,
misurtui hoi satui ka ngai poung e teh tawnta mahoe hoi.
- 18 Tamikathout teh tamikalan hanelah,
Yuemkamcuhoeh e teh tamikalan ratangnaehoi lah ao.
- 19 A lungkaduem ni teh ka hrawang e yu hoi o hlah teh,
ramkenahoi koe awm pawiteh bet ahawihawn.
- 20 Tamilungkaang onahoi koe hno ngai kaawm hoi satui ao teh,
tamipathu ni teh a kaseikasak.
- 21 Lannaehoi lungmanaehoi katawngnaw ni hringnaehoi
lannaehoi barinaehoi ouk a hmu aw hoi.
- 22 Tamilungkaang ni kacakpoungehoi khopui dawk a kâen teh,
khocanaw ni a kângue e rapanim hah a tip sak.

- 23 A laihoi a pahni ka ring e teh runae thung hoi
a hringnae ouk a hlout.
- 24 Tami moikai hoi kâoup e teh a min patenghai
dudamkung telah a phung aw h teh,
kâoup lungkhuek laihoi ouk a kâroe.
- 25 Tami ka pangak e teh thaw a tawk ngaihoeh dawkvah,
a doun e ni ama a thei.
- 26 Hnintangkuem nôe laihoi ao, hatei tamikalan niteh
pasai laipalah a poe.
- 27 Tamikathout e thuengnae teh panuet a tho,
hnokathout ngainae lungthin hoi thuengnae teh panuet hoe a tho.
- 28 Kapanuekkhaikung kaphawk teh takhoe lah ao han,
hatei kapanuekkhaikung katang ni a panue e patetlah
a dei e teh dâw lah ao han.
- 29 Tamikathout ni a minhmai tamundun lah a ta,
hatei tamikalan ni a lamthung a cak sak.
- 30 BAWIPA taranlahoi lungangnae, thaipanueknae,
hoi kâpankhainae awm hoeh.
- 31 Marangtan teh tarantuk hnin hanelah rakueng lah ao,
tânae teh BAWIPA e doeh.

22

- 1 Hnopai moikapap hlak hai minhawinae heh rawi hanelah ao,
tangka hoi sui hlak hai ayâ ni pahrennae heh
ngaihnawn hanelah ao.
- 2 Tami ka tawnta hoi tamimathoe rei a tawn roi e teh,
BAWIPA teh bangueng kasakkung doeh.
- 3 Kâhruetcuet e ni teh hnokathout a hmu navah a kâhro,
hatei kamawngrame ni teh a ceisin teh rek e lah ouk ao.
- 4 Kârahnounnae hoi BAWIPA takinae ni tawntanae hoi
barinae hoi hringnae a tâcokhai.
- 5 Lam longkawi dawk teh pâkhing hoi karap ao teh,
a hringnae lamthung ka ring e teh
hotnaw hoi ahlnae koe doeh ao.
- 6 Camo ni a dawn hane lamthung pâtu haw,
a matawng to hai phen mahoe h toe.
- 7 Tami ka tawnta ni tamimathoe a uk,
ka câwi e tami teh kacâwisakkung koe san lah ao.
- 8 Payonpakainae cati ka tu e ni lungmathoenae a a vaiteh,
a lungkhueknae sonron a khoe han.
- 9 Pahrennae mit ka tawn e teh yawhawi a coe han,
bangkongtetpawiteh tamimathoenaw ouk a kaw k toe.
- 10 Dudamnaw pâlei haw kâounnae tang a roum han,
kâyuenae hoi kâpakungnae hai a roum han.
- 11 A lungthin ka thoung e teh,
kamcu e lawk a dei dawkvah
siangpahrang e hui kahawicalah ao han.
- 12 BAWIPA mit ni panuenae a kountouk,
hatei yuemnae ka tawn hoeh e lawk teh ouk a takhoe.
- 13 Ka pangak e tami ni alawilah sendek ao,
lam vah na kei han doeh, ouk a ti.
- 14 Napui kahawihoehe pahni teh kadunge tangkom doeh,

BAWIPA ni a panuet e teh hawvah a bo han.

- 15 Pathunae heh camo lungthin dawk a kâbet teh,
yuenae bongpai ni ahlanae koe ouk a pâlei.
- 16 Ma mek nahanelah tamimathoenaw ka rektap e hoi,
katawntanaw ka poe e tami teh hoehoe a mathoe han.
- Lungangnae lawknaw*
- 17 Tamilungkaangnaw e lawk heh kahawicalah thai nateh,
na lungthin hoi kaie lungangnae hah dâw haw.
- 18 Bangkongtetpawiteh, na thung hoi na pâkuem pawiteh
hothateh lunghawinae doeh, na pahni dawk pou awm seh.
- 19 Hottelaho BAWIPA teh na kâuep thai han,
sahnin vah nang koe na panuesak toe.
- 20 Kâpankhainae hoi panuenaeh kahawi poung e hah
na thut pouh toe nahoehmaw.
- 21 Nang ni lawkkatang katang na panue vaiteh,
nang koe patoun e naw hah lawkkatang lawk
bout na dei pouh thai han.
- 22 Mathoenaw e mathoenae hah thakâla hoi
ahnie hno lawm hanh, ka cunathoehnaw hai
kho longkha koe coungroe hanh.
- 23 Bangkongtetpawiteh, BAWIPA ni ahnimae kong a pouk han doeh,
ahnimae hno kalawmnaw e hringnae a lawp pouh van han.
- 24 A lungkaduem e tami hah kamyawngkhai hanh,
a lungkhuek thai poung e tami hai kamyawngkhai hanh.
- 25 Ahnimae nuen na kamtu vaiteh,
na hringnae a kâman han.
- 26 Kut tambei e taminaw hoi laiba patho pouh hanelah
lawk kâkam e taminaw koe bawk van hanh.
- 27 Patho nahane na tawn hoeh pawiteh,
na ikhun tawm aw h vaiteh oun na la pouh aw h han nahoehmaw.
- 28 Na mintoenaw ni ung e
khori hah takhoe hanh.
- 29 Thaw kahawicalah ka tawk ni teh ka cuem e na hmu boi ou,
siangpahrangnaw hmalah hai a kangdue han doeh,
tami rumram e hmalah kangdout mahoe h.

23

Namahoima kâcakuiep

- 1 Khobawinaw hoi rawca rei na ca toteh,
na hmalah apimaw ka tahung tie kahawicalah pouk.
- 2 Na kâso e lah na awm pawiteh,
tahloi hoi na lawkron hah nue haw.
- 3 Atuinae dueng pouk hanh,
bangkongtetpawiteh dumyennaeh rawca doeh.
- 4 Tawnta hanelah kâcai hanh,
na panuenaeh kâuep hanh.
- 5 Ka coung thai hoeh e hah na ngaihawi kawi namaw.
Tawntanae ni amahmawk rathei a sak teh
mataw patetlah kahlun lah koung a kamlang.
- 6 Utsinnaw e rawca cat pouh hanh,
ahnie rawcanaw hai nôe pouh hanh.

- 7 Bangkoktetpawiteh, a lung hoi a pouk e patetlah doeh ao,
cat nateh net ati nakunghai a lungthin teh nang koe awm mahoe.
- 8 Na ca e hai na palo vaiteh,
na oupnae hai a hrawnghrang lah ao han.
- 9 Tamipathu thainae koe lawk dei hanh,
bangkongtetpawiteh na lungangnae lawk hah
banglahai noutna mahoe.
- 10 Ayan e khori hai takhoe hanh,
naranaw e ram hai lawm hanh.
- 11 Bangkoktetpawiteh, ahnimouh ratangkung teh a tha ao,
ahnimouh koelah kampang lahoi na taran payon vaih.
- 12 Cangkhainae koelah na lungthin poe nateh,
panuenae lawk thainae koe na hnâpakeng haw.
- 13 Camo hah yue laipalah awm hanh,
hem yawkaw dôt mahoe.
- 14 Bongpai hoi hem nateh a hringnae hah
sheol dawk hoi rungngang haw.
- 15 Ka capa na lungang pawiteh, ka lung ahawi katang han.
- 16 Bokheiyah, na pahni ni lawk kalan dei pawiteh,
ka lung ahawi katang han.
- 17 Na lungthin ni tamikayon nôe hanh naseh,
hatei kanîruirui BAWIPA takinae tawn haw.
- 18 Bangkoktetpawiteh, apoutnae teh ka phat han,
na ngaihawi e teh ahrawnghrang lah awm mahoe.
- 19 Ka capa thai nateh lungang haw,
na lungthin teh lamkalan dawk tat haw.
- 20 Misurtui kâsonaw hah kamyawngkhai hanh,
moi kâsonaw hai kamyawngkhai hanh.
- 21 Bangkoktetpawiteh, yamuhri hoi moi kâso e teh
a mathoe han, iparuinae ni tami napon a kâkhusak.
- 22 Kakhekung na pa e lawk hah ngâi nateh,
na matawng toteh na manu dudam hanh.
- 23 Lawkkatang hah ran nateh yawt hanh, lungangnae hai,
cangkhainae hai, thaipanueknae hai a sak.
- 24 Tamikalan ni a na pa puenghoi a lunghawisak,
capa lungkaang ka khe e hai a lunghawi katang han.
- 25 Na manu hoi na pa teh lunghawi hoi awm aw h naseh,
kakhekung hai lunghawi naseh.
- 26 Ka capa na lungthin na poe haw,
na mit ni ka onae nuen khen naseh.
- 27 Kâyawt e teh kadung poung e tangkom doeh,
kahlong lae napui hai kabueng e tuikhu doeh.
- 28 A man thai e naw hah ouk a pawp,
tongpa naw koe yuemkamcuhoehnae ouk a pungsak
- 29 Apimaw a lung ka mathout, apimaw kângaikâhung,
apimaw ayâ hoi kâyue, apimaw ka phuenang,
apimaw a khuekhaw awm laipalah hmâ ka cat,
apimaw a mit ka paling tetpawiteh,
- 30 Yamu koe pou kaawm nitheh,
yamu aphunphun ouk kalawt e taminaw doeh.
- 31 Ka paling e yamu hah khen hanh,

- manang dawk kamlaw niteh,
 kamcu e yamu hah khen lah boehai khen hanh.
- 32 Apoutnae koe tahrún patetlah na khuek vaiteh,
 hrúnthok patetlah na khue han.
- 33 Na mit ni napuinaw kathoute hmawt vaiteh,
 na lungthin ni lawk longkawi a dei han.
- 34 Bokheiyah, talí dawk ka ip e patetlah na awm vaiteh,
 long dawk yap e hni van ka ip e patetlah doeh na awm ti.
- 35 Na hem aw hawh teh pataw hoe h, na tam aw h ei ka panuek hoe h,
 nâ tuek vaimoe ka kâ hlaw vaiteh
 bout ka parui han vai na ti han doeh.

24

- 1 Tamikayonnaw hah nôe aw h hanh,
 ahnimouh koehai kambawng hanh.
- 2 Bangkongtetpawiteh, rawk nahane dueng a pouk aw h teh,
 runae kâ hmo nahan dueng doeh a dei aw h.
- 3 Lungangnae hoi im sak lah ao teh,
 thaipanueknae lahoi caksak lah ao.
- 4 Thoumthainae lahoi rakhannaw teh aphukaawm niteh
 ngai kaawm e hnonaw hoi a kawisak.
- 5 Tamilungkaang e teh a tha ao,
 panuena e ka tawn e ni a tha ao sak.
- 6 Bangkongtetpawiteh, lungkaangnaw hoi kâ pankhai e lahoi
 na taran na tâ vaiteh kâ pankhaikung a papnae koe hloutnae ao.
- 7 Lungangnae heh tamipathu hanelah teh a rasang poung dawkvah,
 kô longkha koe dei hane panuek hoe h.
- 8 Thoenae sak hanelah kâ cai e tami teh,
 thoenae khokhankung telah kaw lah ao han.
- 9 Tamipathunaw e pouknae teh yonnae doeh,
 ayâ ka dudam e teh ayâ hanelah panuet a tho.
- 10 Runae na kâ hmo navah na lungpout pawiteh,
 na tha a youn han.
- 11 Due hanelah a hrawi aw h e hah rungngang aw h nateh,
 thei hanelah a hrawi aw h e hah ratang aw h haw.
- 12 Thai haw, hetteh ka panuek hoe h, na tet pawiteh,
 na lungthin yawcu daw k kakhingkung ni pouk mahoe h namaw.
 Na hringnae kountoukkung ni panuek mahoe h na maw.
 Tamipueng a taw k aw h e patetlah patho mahoe h namaw.
- 13 Ka capa khoitui hah cat haw, bangkongtetpawiteh ahawi,
 ka radip e khoipha hah cat haw.
- 14 Hot patetlah, panuena e hoi lungangnae hai
 na hringnae hanlah tho van seh.
 Hot hah na hmawt pawiteh ngaihawi hane ao teh
 na ngaihawinae teh yawmyin lah aw m mahoe h.
- 15 Oe tamikathout, tamikalan onae im hah pawm hanh,
 a kâ hatnae hmuen hai raphoe hanh.
- 16 Bangkongtetpawiteh, tamikalan teh vaisari touh
 ka rawm nakunghai bout a thaw hah,
 hatei tamikathout teh rawknae koe a rawp han.
- 17 Na taran a rawp navah na konawm hanh,

- a kamthui navah na lunghawi hanh naseh.
 18 Hatnavah, BAWIPA ni hmawt vaiteh,
 a lunghawi hoeh langvaih,
 hahoi ahni koe a lungkhueknae hai a roum sak thai.
 19 Thoenaе kasaknaw kecu dawк na lungpuen hanh,
 tamikathoutnaw hai ut hanh.
 20 Bangkongtetpawiteh, tamikathoutnaw hanelah
 ngaihawinae awm hoeh,
 tamikathoutnaw e hmaiim teh padue pouh lah ao han.
 21 Ka capa, BAWIPA hoi siangpahrang teh taket haw,
 kaletkalang kaawm e hah kamyawngkhai hanh.
 22 Bangkongtetpawiteh, vaitahoi rawknae a pha han,
 ahnimouh roi e rawknae teh apinimaw a panue thai.

Lungangnae lawk alouklouknaw

- 23 Het hai tamilungkaangnaw e doeh,
 lawkceng nah tami kapek e teh hawi hoeh.
 24 Tamikathout koe, nang teh na lan, ka tet e teh,
 tamipueng ni thoebo vaiteh miphun pueng ni a panuet han.
 25 Hatei, tamikathout ka yue e teh kabawpnae a tawn han,
 a lathueng yawhawinae kahawi a pha han.
 26 Kalan lah ka pato e pahni teh
 tami pueng ni a paco han.
 27 Alawilah na thaw hah kâcai haw,
 law thaw tawк hanelah kâcai haw, hathnukkhu na im hah sak.
 28 A khuekhaw awm laipalah na imri taranlahoi
 kapanuekkhaikung lah awm hanh,
 bangkongtetpawiteh na pahni hoi na dum han namaw.
 29 Ahni ni kai dawк a sak e patetlah ahni dawк ka sak han,
 amae moi rueng ka pathung han telah tet hanh.
 30 Ka pangak law ka cei teh,
 thaipanueknae ka tawn hoeh naw e misur takha koe ka cei.
 31 Pâkhing ni king a kayo, pho king a cak,
 rapan koug a tip toe.
 32 Ka khet teh kahawicalah ka pouk,
 cangkhae nae ao telah ka panue.
 33 Dongdeng ka yan ei nei, dongdeng ka ip ei nei,
 kut tapam laihoi kâhat einei na ti lahun nah,
 34 mathoenaе ni imyin patetlah tho vaiteh,
 na voutnae teh ransa patetlah a tho han.

25

Solomon ni dei e lungangnae lawk alouknaw

- 1 Hethaiyah, Solomon e cingthuilawк,
 Judah siangpahrang Hezekiah e taminaw ni
 patuen a thut awh e doeh.
 2 Hro e hno teh Cathut bawilennaе doeh,
 hatei hno pakhingpalang e teh siangpahrang bawilennaе doeh.
 3 Kalvan a rasang teh talai a dung e patetlah
 siangpahrang lungthin hai koug panueк thai hoeh.
 4 Ngun ei hah takhoe haw,
 kahlunkung ni manang kahawi a sak thai han.

- 5 Siangpahrang hmalah hoi tamikathout hah takhoe pawiteh,
a bawitungkhung teh lannae lahoi a cak han.
- 6 Siangpahrang hmalah mahoima kârasang sak hanh,
siangpahrang hmuen koe hai kangdout hanh.
- 7 Na mit ni a hmu e bawitungkhung hmalah
pahoung hanelah puen e lah na o hlak teh,
hi tho, telah kaw e ahawihnawn.
- 8 Lawkcengnae hmuen koe karanglah cet hanh,
bangkongtetpawiteh, na imrinaw ni
yeirai na po sak vaiteh bangtelamaw na ti han.
- 9 Na imri hoi na lawk teh kâpankhai aw h nateh,
arulawk hah ayânaw koe dei aw h hanh.
- 10 Hoehpawiteh ka thai e ni hoe pâpho vaiteh,
yeirai na ponae hah hoe kamnuek langvaih.
- 11 Kamculah dei e lawk teh ngun manang daw k e
suipaw hoi a kâvan.
- 12 Kahawicalah yuenae ka tarawi e tami teh,
suihnacacp hoi sôlêi e sui hoi kamthoup e patetlah ao.
- 13 Kapatoungkung hanelah yuemkamcu lah
kaawm e patoune teh canganae tadamtui patetlah ao,
bangkongtetpawiteh a bawi lung a roum sak.
- 14 Ka poe han tihoi a kâoup hnukkhu
poe laipalah kaawm e tami teh,
khotui laipalah e tâmai hoi kahli hoi a kâvan.
- 15 Lungsaawnae ni lawkcengkung a tâ thai,
lawkkanem ni hru a khoe thai.
- 16 Khoitui na hmu boimaw, na boum totouh duengma cat.
Na kâso pawiteh na palo han.
- 17 Na imri koe ekvoi cet hanh, na hmawt vaiteh
na hmuhma payon vaih.
- 18 A imri taranlahoi panuekkhaikung kaphawk lah kaawm e tami teh,
bongpai, tahloi, kahran e pala hoi a kâvan.
- 19 Runae kâhmo lahun nah yuemkamcu hoeh e kâuep e teh,
hâ kâkhoena, hru kamhoutnae patetlah doeh ao.
- 20 A lungkamathout koe la ka sak e teh
pâding nah angki ka rading e hoi hmâ daw k
longtui awi e hawi a kâvan.
- 21 Na taran a vonhlan pawiteh,
a ca hane rawca poe nateh tui kahran pawiteh
nei hane tui poeh.
- 22 Bangkongtetpawiteh, hottelah na sak pawiteh
a lû daw k hmaisaa na pâpawp pouh e lah ao teh,
BAWIPA ni tawkpheu na poe han.
- 23 Atunglah e kahli ni kho a thokhai teh,
tamcuk lawk deinae lai ni lungkhueknae minhmai a thokhai.
- 24 Ka hraw'ang e yu hoi im kalen daw k o hlak teh,
lemphu imfakin koe o e ahawihnawn.
- 25 Ahlanae koe e kamthang kahawi thai e heh,
tuikahran e tami koe tuipading hoi a kâvan.
- 26 Tamikathout hmalah tamikalan lawk dei payon e teh tui pânut e,
kapaw k e tuikhu hoi a kâvan.

- 27 Khoitui ek kapap ca e hawi hoeh,
hot patetlah mahoima bawilennae tawng e teh bawilennae nahoe.
28 Ma e muitha ka uk thai hoeh e teh
rapan tawn laipalah karawk e khopui hoi a kâvan

26

- 1 Kawmpoi e tadamtui hoi canganae kho patetlah,
tamipathu hoi barinae kamcu hoeh.
2 Kamleng rumram e pusu hoi pingpit patetlah,
a khuekhaw awm laipalah thoebo e teh api koehai bawt mahoe.
3 Marang hanelah ruibongpai,
la hanelah kammoumruï,
tamipathu e keng hanelah bongpai teh a kamcu doeh.
4 Tamipathu teh a pathunae patetlah pato hanh,
hoehpawiteh ama patetlah na awm payon vaih.
5 Tamipathu teh a pathunae patetlah pato,
hoehpawiteh a lungkaang lah kâpouk payon vaih.
6 Tamipathu koe lawk ka thui e tami teh
amae khok ka tâtueng ni teh rawknae tui ka net e lah ao.
7 Khokkhem e khoktakan a kânging hoeh e patetlah,
tamipathu e pahni dawk cingthuilawk teh ao.
8 Tamipathu bari e teh tâyaicung dawk
hluemhluem kawm e patetlah doeh ao.
9 Tamipathunaw ni dei e cingthuilawk teh
yamuhri kut dawk ka um e pâkhing hoi a kâvan.
10 Bangpuengpa kasakkung lentoe Cathut ni
tamipathu hoi kâtapoe kung apu a poe.
11 Ui ni a palo bout a ca e patetlah tamipathu ni
a pathunae hah a kamnue sak.
12 Ama pouknae dawk tamilungkaang lah ka kâpouk e na hmu ou.
Hote tami koehoi hlak teh tamipathu koehoi
ngaihawinae bet aohnawn.
13 Tami pangak ni, lam dawk sendek ao,
thongma vah sendek ao telah a ti.
14 Tho teh takhang dawk a kâhei e patetlah
tami pangak teh ikhun dawk a kâhei.
15 Tami pangak ni rawca a kâypap teh
a kâtu hane boehai ngai hoeh.
16 Ka pangak e ni, kahawicalah khopouk thai e tami sari touh hlak
ka lunganghnawn telah a kâpouk.
17 Yuengyoe cei lahoi ayânaw e kong dawk ka bawk e tami teh
ui hnâ ka kuen e hoi a kâvan.
18 Na pacai e doeh na a tihoi,
a imri ka dum e tami teh,
19 hmaito, pala, duenae hoi
ka ka e tamipathu hoi a kâvan.
20 Thing awm hoehpawiteh hmai a roum e patetlah,
tamcuelawk deinae awm hoehpawiteh kâyuenae hai a roum.
21 Hmaisaaan ni hmaisaei a kamtawi sak,
thing ni hmai a kak sak e patetlah,
kâoun ka ngai e ni kâyuenae a kamtawi sak.

- 22 Tamcueklawk teh katuipounge rawca patetlah ao teh,
von thung a kâen.
- 23 Apâhni pâhnan hoi lungthinkathout e tami teh,
talai hlaam ngun hoi pâbing e hoi a kâvan.
- 24 Tami hmuhmanae ka tawn e tami ni a pahni hoi a hro teh,
a lung thung dумыennaе hah a hro.
- 25 Pahren lahoi, ati ei nakunghai yuem hanh,
bangkongtetpawiteh a lungthung vah panuetho e sari touh ao.
- 26 A hmuhmanae hah dumnae lahoi ka hrawk nakunghai,
thoenae teh tamimaya ni panuenaе koe
kammue sak lah ao han.
- 27 Tangkom kataikung teh a tai e tangkom dawк a bo han,
talung kapaletkung koe talung bout a kamlei han.
- 28 Laithoe ka dei e ni a rektap e naw hah ouk a hmuhma,
oupnae kaphawk ni rawknae a tâcokhai.

27

- 1 Tangtho e hnin hanlah kâoup hanh,
bangkongtetpawiteh bangmaw a tâcokhai han tie na panuek hoeh.
- 2 Namahoima laipalah ayâ ni na pholen naseh,
nama e pahni ni laipalah alouke ni na pholen naseh.
- 3 Talung hai a ri teh sadî hai a ri,
hatei tamipathu lungkhueknae teh hotnaw hlak a ri hnawn.
- 4 Lungkhueknae teh a mathoe,
lungphuennaе teh a matheng,
hatei utnae teh apinimaw a khang thai han.
- 5 Hro e lungpatawnaе hlak teh
hmantang yue e ahawihnawn.
- 6 Hmâ na ka paca e hui teh yuem a kamcu,
hatei taran ni na paco e teh dумыennaе doeh.
- 7 A von ka paha tangcoung e ni teh khoipha patenghai
ngai mâhoeh toe,
hatei a von ka hlam e tami hanelah teh kakhat e patenghai a radip.
- 8 Ma e imlaw ka palum ngai hoeh e teh,
tava a tabu dawк kaawm ngai hoeh e hoi a kâvan.
- 9 Satui hoi hmuitui ni lungthin a konawm sak teh,
hui kahawi ni pouknae na poe e ni hringnae konawm sak.
- 10 Na pa e hui hoi nama e hui kapek hanh,
runae na kâhmo navah na hmaunawngaha im kuekluek cet hanh,
ahlanae koe e na hmaunawngaha hlak teh
a hnainae koe e na hui a hawihnawn.
- 11 Na ka pacekpahlek e ka pathung thai nahanlah ka capa,
lungang haw, ka lungthin konawm sak haw.
- 12 Tamilungkaang ni thoenae hah sut a hmu teh a kâhro,
kamawngrame ni teh a kâphumsin teh rek e lah ouk ao.
- 13 Tamitavan hanelah amahkhankung teh
a angki amahkhan nahanelah la pouh lah ao vaiteh
napui koe poe naseh.
- 14 Amom a thaw teh kacaipounglah a hui yawhawi ka poe e teh,
thoebonaе lah pouk pouh lah ao han.
- 15 Lai pou ka roe e yu teh,

- Puenghoi khonan hnin e khoramei hoi a kâvan.
- 16 Hote napui ka pâkuem e teh, kahlí ka pâkuem niteh,
aranglae kut dawk satui kasum e hoi a kâvan.
- 17 Sum teh sum hoi doeh letlang hran sak thai,
hot patetlah tami ni a hui e a minhmai ouk a pan sak.
- 18 Thaibunglung kung ka tawn e pueng ni thaibunglung paw a ca han,
hot patetlah a bawi e thaw ka tawk e teh bari lah ao han.
- 19 Tui dawc counгнаe a kamnue,
hot patetlah tami lungthin ni tami a kamnue sak.
- 20 Sheol hoi rawkkahmanae teh khout boihoeh,
hot patetlah tami e mit ni a khout tie tawn boihoeh.
- 21 Sôlêinae manang teh ngun hanelah,
takhuenhmai teh sui hanelah ao.
Tami teh oup e lahoi a bawilennaе panue lah ao.
- 22 Tamipathu teh sumdawc cakang hoi
mek ka phawm nakunghai a pathunae ni cettakhai pawm mahoe.
- 23 Na tuhu kong panue nahanlah panki loe,
na saringhu hah kahawicalah a kountouk.
- 24 Bangkoktetpawiteh, tawntanae heh a yungyoe kangning hoe,
- hoehpawiteh bawilukhung heh se pueng dawc kangning hoe.
- 25 Phonaw hai a pâw, catinaw hai a pâw,
law e a pawnaw hai khue lah ao.
- 26 Tunaw ni na khohna hane
hmaenaw ni lawhmuen ran nahane ouk a thokhai.
- 27 Nang ni na ca hane, imthungnaw ca hane,
sannunaw ca hanelah hmae sanutui teh a khout han doeh.

28

- 1 Tamikathout teh apinihai pâlei hoe eiteh a yawng,
hatei tamikalan teh sendek patetlah a taran ahawi.
- 2 Khocanaw lawkeknae kecu dawc
khobawinaw tuhoitu a kâhung awh,
hatei thaipanueknae hoi panuenae katawnnaw kecu dawc
ram a kangning han.
- 3 Tamimathoe ni tamimathoe repcounгroe e teh
ca hane pek laipalah ka cetkhai e longhotui hoi a kâvan.
- 4 Kâlawk ka cettakhai e ni tamikathout a pholen,
hatei kâlawk ka tarawi ni ouk a tuk awh.
- 5 Tamikathoutnaw ni lannaе thaipanuek awh hoe,
hatei BAWIPA katawngnaw ni bangueng hai a thaipanuek.
- 6 Tawnta laihoi a khuekhaw awm laipalah hring hlak teh
tamimathoe yuemkamculah kaawm e ahawihnawn.
- 7 Kâlawk ka tarawi e teh a lungkaang e capa doeh,
ka kâso e hoi kamyawng e ni a na pa yeirai a po sak.
- 8 Apung ka cat ni teh kalan hoe e lahoi hnopai ka tawnta e ni
tamimathoe kabawmkung hanelah a pátung pouh.
- 9 Kâlawk ka tarawi ngai hoe e teh a ratoumnae hai panuet a tho.
- 10 Thoenaе lam dawc tamikalan lam ka phen sak e teh
ama ni a tai e tangkom dawc a bo han,
hatei toun kaawm hoe e ni hnokahawi a coe han.
- 11 Ka tawnta e ni amahoima a lungkaang lah a kâpouk,

- hatei thaipanueknae ka tawn e tamimathoe ni peng a pâpho han.
- 12 Tamikalan a lunghawi navah kalen e bawilennae ao,
hatei tamikathout a kangdue toteh taminaw a kâhro awh.
- 13 Amae yonae ka hrawk e teh hawinae hmawt mahoe,
hatei ka pâpho e ni pahrennae a hmu han.
- 14 Takinae pou ka tawn e teh a yawkahawi e doeh,
hatei a lung pou ka patak e teh rawkkahmanae hoi a kâhmo han.
- 15 Mathoenaw kaukkung bawi kathout teh
sendek ka huk e hoi tavom ka hram e patetlah ao.
- 16 Thaipanueknae ka vout e ukkung niteh
rep a coungroe hatei hounlounnae ka hmuhma e ukkung teh
a hringsaw han.
- 17 Tamikathet e teh phuen tangkom koe yawng na lawiseh,
apinihai ngang nahan seh.
- 18 Lam kalan dawk ka dawn e tami teh a hlout han,
hatei lam longkawi dawk ka dawn e teh vaitalahoi a rawp han.
- 19 Laikawk ka thawn e teh rawca moi a tawn han,
hatei ayawmyinlah kaawm e tami teh a mathoe han.
- 20 Yuemkamcu e ni yawhawinae kapap a hmu han,
hatei dongdengca dawk tawnta hanelah
kâcai e teh rek laipalah awm mahoe.
- 21 Minhmai khet tawnta teh hawi hoeh,
vaiyei tangen kecu dawk tami kâlawk ouk a tapoe awh.
- 22 Dongdengca dawk tawnta hanelah
kâcai e tami teh thoenae mit a tawn,
bout mathoe han doeh tie pouk hoeh.
- 23 Tami ka oup e hlak teh tami ka yue e ni
a hnukkhu pholennae a coe han.
- 24 A manu hoi a na pa hno ka lawm niteh,
kâtapoenae nahoe ka tet e tami teh,
karaphoekung e hui doeh.
- 25 Tami kâoup e lungthin ni kâyuenae a tâcokhai,
hatei BAWIPA kâuep e teh a lamcawn han.
- 26 Amae pouknae ka kâuep e teh tamipathu doeh,
hatei lungang lahoi kaawm e teh hlout lah ao han.
- 27 Tamimathoenaw hno ka poe e teh vout mahoe,
hatei ka roun e tami teh puenghoi thoebonae a hmu han.
- 28 Tamikathoutnaw a kangdue toteh
taminaw amahmawk a kâhro awh,
hatei a rawk awh toteh tamikalannaw a pung awh.

29

- 1 Voutsout yue eiteh a lahuen ka patak sak e tami teh,
hawinae awm laipalah hmawi a rawk han.
- 2 Tamikalan ni kâtaawnta e tawn toteh tamimaya a konawm aw,
hatei tamikathout ni a uk navah tamimaya a cingou aw.
- 3 Lungangnae ka ngai e ni a na pa a konawm sak,
hatei kâyawt e hoi kamyawng e tami ni a hnopai koug a pâbaw.
- 4 Siangpahrang ni lawkcengnae lahoi ram a caksak,
hatei tadawng hno ni ram a rawk sak.

- 5 A imri laithoe lahoi ka oup e teh a khok kâman nahanlah
tamlawk a yangda pouh.
- 6 Kâtapoenae ni tamikathout a man,
hatei tamikalan teh la sak lahoi a lunghawi.
- 7 Tamikalan ni tamimathoe hanlah a pouk,
hatei tamikathout ni teh banglahai noutna hoeh.
- 8 Kadudamnaw ni khopui hmai a sawi,
hatei tamilungkaang ni teh lungkhueknae a takhoe thai.
- 9 Tamilungkaang ni tamipathu hoi kâyue pawiteh,
tamipathu a panui hai thoseh,
a lungphuen hai thoseh banglahai tho hoeh.
- 10 Tami kathetnaw ni tamikalan a hmuhma awh,
tamikalan teh hawinae hah a tawng.
- 11 Tamipathu ni a pouk e pueng hah a dei,
hatei tamilungkaang ni teh a panguep.
- 12 Ukkung ni laithoe dei e banghai nahoe tet pawiteh,
a sannaw pueng teh tamikathout lah koug a coung awh.
- 13 Tamimathoe hoi repcoungroenaw ni cungtalah a hmawng e teh,
BAWIPA ni a mit reirei a ang sak.
- 14 Atangcalah tamimathoe hanelah
lawkcengkung siangpahrang teh,
a bawitungkhung a yungyoe caksak lah ao han.
- 15 Bongpai hoi yuenae ni tami a lungangsak teh,
ka pangak e camo ni a manu yeirai a po sak.
- 16 Tamikathout apapnae koe kâtapoenae apap,
hatei tamikalan ni a rawk awh e hah a hmu.
- 17 Na capa hah yue yaw lanna na poe han,
hothloilah hring nawmnae na poe han.
- 18 Vision ohoehnae koe tami pueng a thathoe awh,
hatei kâlawk ka tarawi e teh tami yawkahawi e doeh.
- 19 San teh lawk hoi dueng yue thai lah awm hoeh,
bangkongtetpawiteh a thai eiteh tarawi laipalah ao thai.
- 20 Pouk laipalah lawk ka deirumram e ouk na hmu ou,
hot patet e tami koe hlak teh
tamipathu koe ngaihawine bet aohnawn.
- 21 Camo nah ekvoi pahren e san teh a cue torei teh
calan e lah ao han.
- 22 A lung ka khuek e ni kâyuenae a tâcokhai teh,
ka matheng e ni kâtapoenae pou a tâcokhai.
- 23 Ma e kâoupnae ni na rahnoumsak han,
hatei muitha lahoi kârahnom e ni barinae a coe.
- 24 Tamru hoi kamyawng e teh
amae hringnae ka hmuhma e tami doeh,
lawkkatang dei hanelah thoe a kâbo ei dei kalawn hoeh.
- 25 Tami barinae ni karap patetlah na man,
hatei BAWIPA kâuep e teh rungngang lah ao han.
- 26 Tami kapap ni ukkungnaw e lungyouknae hah a tawng awh,
hatei taminaw hanelah lawkcengnae teh
BAWIPA koehoi doeh a tho.
- 27 Tamikalanhoehe teh tamikalan hanelah panuet a tho e patetlah,
tamikalan teh tamikalanhoehnaw hanelah panuet a tho van.

30

Agur lungangnae

- 1 Jakeh capa Agur ni a dei e lawk.
Ama ni Ithiel, Ithiel hoi Ucal koe hettelah a dei.
- 2 Tamipueng hlak tamipathu poung lah ka o teh,
thaipanueknae hai ka tawn hoeh.
- 3 Lungangnae hai kamtu van hoeh niteh,
tamikathoungnaw e panuenae hai ka tawn hoeh.
- 4 Kalvan ka luen ni teh ka kum e teh apimaw,
Talai poutnae pueng kacaksakung teh apimaw,
A min apimaw, a capa min hai apimaw, na panue maw.
- 5 Cathut lawk pueng teh a thoung,
ka kânguenaw pueng hanelah kânguenae lah ao.
- 6 A lawk hah thap hanh, hoehpawiteh na yue vaiteh,
na laithoe e hah a hmu han.
- 7 Hno kahni touh ka hei han,
ka due hoehnahlan na poe haw.
- 8 Ahrawnghrang hoi laithoenae heh kai hoi
ahlanae koe na tat pouh haw, mathoenae nakunghai,
tawntanae nakunghai na poe hanh,
ka panki e rawca hoi na kawk haw.
- 9 Hoehpawiteh ka tawnta vaiteh na pahnawt payon vaih,
BAWIPA teh apimaw, ka tet payon vaih.
Hoehpawiteh, ka mathoe vaiteh hno ka parawt vaiteh
Cathut min ka mathout sakpayon vaih.
- 10 San teh a bawi koe pathoe hanh,
hoehpawiteh thoe na bo vaiteh,
nang dawk yonnae ao han.
- 11 A na pa thoe a bo teh
a manu yawhawi a poe ngaihoehnae se ao.
- 12 Ama mithmu vah kathoung poung lah kâpouknae ao,
hatei a khinnae koehoi pâsu hoeh rah.
- 13 Khopouk ka rasang ni teh mounngnae a o,
a khopouk teh a rasang katang.
- 14 A hâ teh sendek patetlah,
a hâkamnaw teh sarai patetlah a onae se a o,
het talai van e tami mathoenaw hoi
kavoutthoupnaw hah koung ca hanelah kakâcainaw doeh.
- 15 Tavat ni canu kahni touh a tawn teh,
na poe na poe a ti.
Ka boum thai hoeh e kathum touh ao.
A khout toe ka tet boihoeh e hno pali touh a o
- 16 Tangkom, kating e thun,
tui ka boum hoeh e talai,
a khout toe ka tet boihoeh e hmai naw hah doeh.
- 17 A na pa ka dudam niteh
a manu banglah ka noutna hoeh naw e mit teh,
vonga ni a cawngkhawi pouh vaiteh,
matawcanaw ni a ca awi han.
- 18 Kai hanlah kângairu hno kathum touh a o,
ka thaipanuek hoeh e hno pali touh teh,
- 19 Kahlî dawk mataw kamlengnae lamthung,

- Lungphen van tahrún ceinae, tuipei van long ceinae,
 hoi thoundoun ni tangla painae lam naw hah doeh.
- 20 Napui kahawihoe hah hottelah doeh ao van,
 a ca hnukkhu a pahni a hui teh yonnae ka sak hoe h, telah ouk a ti.
- 21 Hno katham touh kecu talai heh taki hoi ouk a pâyaw,
 bokheiyah, hno pali touh khang thai hoe e ao.
- 22 Siangpahrang lah kâsak e san,
 king ka boum e tamipathu,
- 23 Vâ ka sak e napui kathout,
 a bawipa e yu ka khawng e sannu hetnaw hah doeh.
- 24 Talaivan a thounga eiteh
 a lungkaang e hno pali touh ao.
- 25 Atha awm hoe h eiteh kompawi vah
 ama hane rawca ka pâtung e lungkhi,
- 26 a tha ayoun eiteh
 lungha rahak kaawm e saveh.
- 27 siangpahrang tawn hoe h eiteh
 ahuhu lahoi ka cet e samtong,
- 28 a khok hoi a kâbang eiteh
 siangpahrang im kaawm e bombanaw hah doeh.
- 29 Hno katham touh kahawicalah ka cet thai e a o,
 bokheiyah pali touh hah teh,
- 30 Saring pueng daw k athakaawme sendek,
 bang ni hai ngang thai hoe h.
- 31 Ransa marang, hmaetan,
 apinihai ngang thai hoe h e siangpahrang hetnaw hah doeh.
- 32 Mahoima kâtalue totouh na pathu pawiteh,
 hoe hpawiteh hnokathout sak hanelah na kâcai pawiteh,
 na kut hoi na pahni tabuemh.
- 33 Bangkongtetpawiteh, maitosanutui kalaw e ni
 sanutuikamak a tâcosak e patetlah,
 hnawng kapennae ni hnawngthi a lawng sak.
 Hot patetlah lungkhueknae ni kâyuenae a tâcokhai.

31

Lemuel e lawknaw

- 1 Siangpahrang Lemuel lawk,
 a manu ni a cangkhai e naw teh:
- 2 Bangtelane ka capa, bangtelane ka khe e capa,
 bangtelane ka lawkkam capa.
- 3 Siangpahrangnaw patenghai karaphoekung napui koe
 na thaonae poe hanh.
- 4 Aw Lemuel, misurtui nei e hoi yamu nei e teh
 siangpahrangnaw hane nahoe h.
- 5 Hoehpawiteh, net aw h vaiteh
 kâlawk pahnim aw h vaiteh mathoenaw hanelah
 kalanhoehe lah lawkceng aw h langvaih.
- 6 Meimei kadout e hah yamu pânei aw h nateh,
 lungrei ka thai e hah misurtui pânei aw h.
- 7 Net aw h naseh, a reithainae hah pahnim aw h naseh,

a lungmathoenae pahnim totouh net awh naseh.

- 8 Lawkanaw hanlah dei pouh nateh,
due hanelah lawk tâtueng pouh e naw hane hai dei pouh.
9 Kalan lah lawkceng nateh tamimathoe hoi
tamikavout hanlah kâhet pouh.

Yu kahawi

- 10 Yu kahawi apinimaw a hmu thai han.
Bangkongtetpawiteh talung phukaawm hlak hai aphuoahnawn.
11 A vâ ni a lungthin hoi a kâuep teh hawinae awm laipalah
awm mahoe.
12 A hring nathung thoenae laipalah
hawinae dueng doeh a sak pouh.
13 Tumuen hoi pahla hah a tawng teh
a kut hoi amahmawk ouk a tawk.
14 Hno ka yawt e long patetlah ao teh,
ahlanae koehoi rawca ouk a thokhai.
15 Amom a thaw teh a imthungnaw hah rawca a paca teh,
a sannunaw hah thaw rip a boun.
16 Lawhmuen hah a khet teh a ran,
a tawkphu hoi misur takha a sak.
17 A keng dawk tha a kâyeng teh,
a kuttha hai a patung.
18 Hno a yo e a mek tie a panue dawkvah
tangmin patenghai hmaiim dout hoeh.
19 A kut hoi rahakut a kuet teh,
avanglae kut hoi yâcung a kuet.
20 Tamimathoe hanelah a kut a kâyap,
bokheyiah kavoutnaw totouh a kut ni koug a pha.
21 Tadamtui ka bawt nakunghai
a imthungnaw hanelah taki hane awm hoeh,
bangkongtetpawiteh a imthungnaw ni
dikpalingca e khohna kabet e a khohna awh.
22 Ama hanlah hni a kawng teh,
loukloukkaang e hoi pu doeh a khohna.
23 A vâ hai kho longkha koe khobawinaw hoi
a tahung toteh mithmaiben e lah ao.
24 Loukloukkaang e hni a kawng teh a yo,
hno kayawtnaw koe taisawm hah a yo.
25 A kawng e khohna teh a khaw,
ahawi dawkvah ahni teh hmalah a konawm han.
26 Lungangnae hoi lawk a dei,
a lawk teh pahrennae kâlawk lah ao.
27 A imthung khosaknae kahawicalah koug a khetyawt,
rawca hai pamda laihoi cat boihoeh.
28 A canaw a thaw awh teh a manu koe a lunghawi awh.
A vâ ni hai a oup van,
29 napui kapap ni kahawicalah a tawk awh toe,
hatei nang ni ahnimanaw na tapuet toe, atipouh.
30 Raimonae teh dumnae doeh,
meihawinae hai a yawmyin doeh.
Hatei BAWIPA ka taket e napui teh oup lah ao han.

³¹ A kut hoi a tawk e a paw hah poe awh nateh,
longkha koe ama roeroe hah a tawk e ni oup naseh.

PHUNGDEIKUNG (Ecclesiastes)

Bangpueng ahrawnghrang

- ¹ Devit capa, phungdeikung Jerusalem siangpahrang ni a dei e lawk teh,
² Ahrawnghrang doeh, ahrawnghrang doeh.
 Bangpueng hai ahrawnghrang doeh.
³ Kanî rahim vah tami ni a tawksak e pueng
 bang hawinae maw kaawm.
⁴ Se buet touh aloum teh se alouke bout a tâco.
 Hatei, talai teh a kangning.
⁵ Kanî a tâco teh bout a khup.
 Hatei, a tâconae koehoi bout bout a tâco.
⁶ Kahlî haiyah a kâheinae koe lah
 bout bout a kâhei.
⁷ Tuipuinaw a lawng teh talîpui dawk koug a kâcu eiteh kawi hoeh.
 Talîpui teh a lawngnae koelah bout bout a ban.
⁸ Bangpueng hai tami ni dei thai hoeh totouh patangnae a kâhmo .
 Mîl ni a khet eiteh hmawt thai hoeh.
 Hnâ ni a thai eiteh boum thai hoeh.
⁹ Hno kaawm tangcoung e hai bout kaawm hane hoi a kâvan.
 Atu sak e hai bout sak hane hoi a kâvan.
 Kanî rahim vah hno katha awm hoeh.
¹⁰ Khenhaw! hno katha buet tabang ao maw awm hoeh,
 ayan vah yo kaawm tangcoung e doeh.
¹¹ Ayan kaawm boi e hnonaw ouk pahnim thai awh.
 Ka tho hane naw hai ka tho hane naw ni bout a pahnim awh han.

Lungangnae ahrawnghrang

- ¹² Kai, phungdeikung, Jerusalem khopui dawk Isarel siangpahrang lah
 ka o nah,
¹³ Kanî rahim vah sakyoe e pueng thouthainae lahoi pakhingpalang
 lungthin ka tawng. Cathut ni taminaw koe khoram sak nahanelah a
 patangpalai sak.
¹⁴ Kanî rahim e hnosak e pueng ka hmu toe. Bangpueng ahrawnghrang
 doeh. Kahlî ka man e hoi doeh a kâvan.
¹⁵ Ka longkawi e teh palan thai hoeh.
 Kamko e hno teh touk mahoe.
¹⁶ Kama hoi kama ka kâdei e teh, kai teh Jerusalem kauknaw pueng
 hlakvah ka talue, ka lung a ang, ka lungthin ni lungangnae hah alawkpui
 lah a kamtu.
¹⁷ Lungangnae hoi pathunae, polainae pakhingpalang ka tawn. Hot naw
 haiyah, kahlî man e patetlah doeh ao.
¹⁸ Lungangnae apap nah, lungreithainae a pap. Thouthainae apapnae
 koe lungmathoenae hoe a pap.

¹ Ka lungthin thung hoi atuteh nawmnae hoi na tanouk han, hno alouke pouk laipalah nawmnae dueng ka sak han ka ti. Hatei, hot hai ahrawnghrang doeh.

² Thoumthainae heh pathunae doeh. Nawmnae haiyah bang ahawinae awm hoeh.

³ Tami ni talai van kum kaduem ca a hring nathung vah hnokahawi a sak hane panue hanelah lungangnae lamthung dawn hoi thahmei nahanelah, yamu ngainae koelah a pâlei teh pathunae dawk khosak hanlah lungthin hoi ka tawng.

⁴ Hno kalennaw hah ka sak. Kama hanlah im ka sak teh misur takha hai ka sak.

⁵ Takha aphunphun ka sak teh a pawhik aphunphun ka ung.

⁶ Thingthai karoung lahun naw awi nahanelah tui imnaw hah ka sak.

⁷ San ka tawn dueng tho laipalah sannu hoi sanpanaw hai bout ka ran sin. Ka tawn e saringnaw teh ka o hoehnahlan Jerusalem kaawm e naw hlak a pap.

⁸ Suingun hai thoseh, siangpahrang hoi kâkuen e hno hai thoseh, khocanaw koe cawng e hno hai thoseh ka pâkhueng toe. Ratoung tamawi ka tum e napui tongpa hai thoseh, taminaw ni nawmnae yupui yudonaw hai thoseh ka la toe.

⁹ Hottelah Jerusalem kho ouk kaawm tangcounghrang hlak ka tawnta teh ka talue toe. Ka lungangnae hai a cak.

¹⁰ Ka mit ni a noe e kangek hoeh. Ka lung ka nawm sak hane buet touh hai ka hnoun hoeh. Ka thawtawknae dawkhungawinae ka hmu, hot teh ka tawkpheu ka hmu e doeh.

¹¹ Hete hnonaw pueng heh ka pouk teh ka tawk e hoi ka sak e hnonaw pueng ka pouk navah, khenhaw! ahrawnghrang doeh. Kahlî man e patetlah la doeh ao ti ka panuecai. Kanî rahim talaivan, taminaw hanlah hnokahawi banghai awm hoeh.

Lungangnae hoi khosak e ahrawnghrang

¹² Hahoi, lungangnae, pathunae hoi lunganghoehnae, naw ka pâkhing ka palang. Siangpahrang ni a sak tangcounghrang e hloilah a hnuklah ka tho e tami ni hai bang bout sak thai hoeh.

¹³ Ka pakhingpalang hnukkhu, lungangnae teh pathunae hlak, angnae teh hmonae hlak ahawi ti ka panue.

¹⁴ Tami a lungkaang e teh a lû dawkhung mit a tawn. Hatei, tamipathu teh hmonae dawkhung kho a sak. Hateiteh, tami pueng ni hno buet touh rip a kâhmo e hah ka hmu.

¹⁵ Tamipathu ni a kâhmo e hno ka kâhmo van boipawiteh, ahni hlak lungkaang ka tie haiyah ahrawnghrang pui doeh.

¹⁶ A tu kaawm e hnonaw pueng heh hmalah pahnim lah ao han. Tamipathu ni a pahnim thai e patetlah tami lungkaang ni hai a pahnim thai. Tamipathu a due e patetlah tami lungkaang hai a due van.

¹⁷ Hatdawkvah, hringnae kahmawt toe. Kanî rahim e hnonaw pueng ni runae duengdoeh a thokhai. Hnonaw pueng teh ahrawnghrang doeh. Hnonaw pueng heh ahrawnghrang lah ao. Kahlî ka man e patetlah doeh ao.

Tawksak e hno ahrawnghrang

¹⁸ Kanî rahim ka sak e hoi ka tawk e hnonaw pueng ka panuet. Ka hnuklah ka tho hane naw hanlah ka ceitakhai han ti ka panue.

¹⁹ Ahni teh tami lungkaang e maw, ka pathu e maw tie apinimaw a panue thai han. Ahni ni ka kâyawm laihoi ka tawk e pueng, kanî rahim ka lungangnae kamnue sak e pueng koe kâ a tawn han. Hatei hotnaw haiyah ahrawnghrang doeh.

²⁰ Hatdawkvah, Kanî rahim vah panki laihoi ka tawknae dawk ngaihawinae awm hoeh. Lungpoutnae lah ka pouk.

²¹ Bangkongtetpawiteh, banghai ka tawk hoeh hanelah lungangnae, panuethainae, thouthainae hoi thaw ka tawk e ni a ceitakhai hanlah ao. Hot hai thoseh, banghai ahawinae awm hoeh. Hoe kathoute hno lah ao.

²² Kanî rahim kaawm e tami ni panki laihoi a tawk e thaw, a lungthin hoi a lungpennaenaw pueng hai bangmaw apu kaawm.

²³ Ahnie a hnintha teh lungmathoenaenaw hoi akawi. A tawk e dawkhairithainae lah ao. Tangmin haiyah ip thai hoeh. Hot haiyah ahrawnghrang doeh.

²⁴ Tami hane teh canei hoi a thawtawknae dawkhoinawmnae a hmu e heh hnokahawi lah ao. Hot haiyah, Cathut koehoi a hmu awm e ti ka panue.

²⁵ Cathut laipalah apimaw ka cat thai ni teh ka nawm thai.

²⁶ Cathut lung ka youk e taminaw koevah lungangnae, panuethainae hoi lunghawinae a poe. Hatei, yon ka sak naw teh patang laihoi a tawknae dawkyawhawinae a poe. Hatdawkvah, hot hai ahrawnghrang lah doeh ao.

3

Bangpueng ni atueng a tawn

¹ Hno cawngca pueng ni amamae atueng a tawn. Kanî rahim vah pouk e pueng lengkaleng tawksaknae atueng ao.

² Khenae atueng hoi duenaenaw atueng hai ao.

Patuenaenaw atueng ao patetlah phawknae atueng hai ao.

³ Theinae atueng ao patetlah dam saknae atueng hai ao.

Raphoenaenaw atueng ao patetlah bout saknae atueng hai ao.

⁴ Kanae atueng hoi, panuinae atueng hai ao.

Cingounaenaw atueng hoi, lamtunaenaw atueng hai ao.

⁵ Talungnaw kaheikalainae atueng ao.

Pâkhuengnaenaw atueng hai ao.

Takawinaenaw atueng ao, kâtakawi laipalah

kâkapeknaenaw atueng hai ao.

⁶ Pâkuemnaenaw atueng ao, hnopai a kahmanaenaw hai ao.

Pâtungnaenaw atueng hoi, tâkhawngnaenaw atueng hai ao.

⁷ Hnicu raveinaenaw atueng hoi, khuinaenaw atueng hai ao.

Sairasueponaenaw atueng hoi, lawk deinaenaw atueng hai ao.

⁸ Kâpahrennaenaw atueng hoi, kâmaithoenaenaw atueng hai ao.

Tarankâtuknaenaw atueng hoi, taran roumnaenaw atueng hai ao.

Cathut ni poe e thaw

⁹ Ka tawk e tami ni panki teh a thapathoenaenaw hah bangmaw hawinaenaw kaawm.

¹⁰ Taminaw kho a sak nahan Cathut ni a poe e tawntanaenaw hai, kai ni ka hmu toe.

11 A cawngca pueng amamae atueng a pha nah, kahawicalah a sakyoe toe. Tami e lungthin hai a yungyoe e atueng dawk, a kamtawngnae koehoi apout totouh tami ni teh pâphue nakunghai baw thai hoeh.

12 Lunghawinae hno dawk ka hring nah, hnokahawi sak hoeh e laipalah alouke thawnaw dawk, ahawinae awm hoeh tie ka panue.

13 Tami pueng canei hane hai thoseh, mahoima panki tha patho e naw dawk, nawm nahane hai thoseh, Cathut e lungmanae lahoi doeh kâtawwnae ao.

14 Cathut e hno a sak e naw teh a yungyoe doeh tie ka panue. Bout sak thai lah awm hoeh, bout rayu thai e lahai awm hoeh. Taminaw teh a hmalah, a taki awn nahanlah Cathut ni telah a sak e doeh.

15 Kaawm tangcoung e hno teh atu kaawm e hno hoi a kâvan. Bout kaawm hane hno hai, kaawm tangcoung e hno hoi a kâvan. Ka loun tangcoung e naw hai Cathut ni bout a hei.

Vaiphu koehoi vaiphu koe

16 Hothloillah, Kanî rahim lawkcengnae hmuen dawk kahawihoehe hno ao tie thoseh, lanna dawk yonnae ao tie hai thoseh, ka hmu toe.

17 Cathut ni tami kalannaw e tawksak e hoi, tamikalan hoeh naw e tawksak e hah lawk a ceng han telah ka pouk. Bangkongtetpawiteh, pouk e pueng, tawk e pueng lawkceng nahane atueng ao.

18 Taminaw e a hmuenhmawn ka pouk nah, taminaw Cathut ni a tanouk hane hoi, ahnimouh teh saringnaw patetlah doeh tie a kâpanue thai awn nahane hah doeh.

19 Tami ni a kâhmo e saring ni hai kâvan e hno a kâhmo teh, bout a due e patetlah a due van. A cawngca pueng hringnae phun touh doeh rei ao awn. Hatdawkvah tami teh saring hlak a taluena awm hoeh. A cawngca pueng ahrawnghrang seng doeh.

20 A cawngca pueng buet touh e hmuen koe doeh ouk a pha awn. A cawngca pueng vaiphu dawk hoi a kangcoung e patetlah vaiphu lah bout a ban han.

21 Hatnavah, lathueng lah ka luen e tami e muitha hai thoseh, rahim lae hmuen talai lah ka khum e saring e muitha hai thoseh, apinimaw a kapek thai teh a panue thai han.

22 Tami ni a sak e hno dawk nawmnae hno hlak, hoe kahawi e hno awm hoeh tie ka hmu. Hote hno teh ahni hane doeh, ahni ni a hnukkhu lah bang hno ne ka tho han tie hah a panue nahan, apinimaw a bankhai han.

4

Kanî rahim e kahawihoeh hno

1 Hahoi, kanî rahim vah sak e pacekpahleknae naw pueng bout ka pouk. Pacekpahleknae ka khang e taminaw ni a khuika ei nakunghai, hloutnae ka poe thai e tami awm hoeh. Ka pacekpahlek e taminaw teh bahu a tawn dawk hloutnae ka poe thai e tami awm hoeh.

2 Hateiteh, kadout tangcoung e tami teh kahring rae tami hlak hoe yawhawinae ao telah a ti.

3 Hatdawkvah, vai touh hai kaawm hoeh e tami, kanî rahim sak e yonnae kahmawt hoeh rae tami teh hote kahni touh hlak hoe yawhawinae ao.

4 Hahoi, panki thapathona e hoi kahawicalah pâbaw e hnonaw pueng dawk hai thoseh, hot patetlah e hno dawkvah alouke tami ni hmuhmanae thoseh, kai ni ka pouk. Hote hno teh ahrawnghrang e hno kahlî man e hoi doeh a kâvan.

⁵ Tami pathu ni teh a kut a kâtapam teh, amae a tak hah letlang a ca.

⁶ Rounnae hoi hmu e kutvang touh e hno teh, tawnta laihoi kahlî man laihoi hmu e kutkarum touh e hno hlak bet ahawihnawn.

⁷ Hahoi, kanî rahim ahrawnghrang e hno bout ka pouk navah,

⁸ tami teh a huiko, a canaw, a hmaunawngnanaw tawn hoeh, ama dueng kaawm ei nakunghai, panki thapathonae baw thai hoeh. A hno hmuna dawkvah lungkuep thai hoeh. Kai ni mahoima ka yue teh api hane maw ka panki aw telah ka pacei boihoeh. Hete haiyah ahrawnghrang tawntam nah hrum doeh.

⁹ Tami teh madueng hlak tami kahni touh bet ahawi. Tawk pawiteh kahawie tawkpheu a hmu.

¹⁰ Buet touh rawm pawiteh buet touh ni a pathaw han. Buet touh dueng e tami rawm pawiteh ahawinae awm hoeh. Kapathawkung awm mahoe.

¹¹ Tami teh kahni touh rei ip pawiteh a phubet han. Madueng teh bangtelamaw phubet thai han.

¹² Tami buet touh ni buet touh tâ pawiteh ahni hah tami kahni touh ni a ngang thai. Rui kathum touh hoi pakhit e tangron teh kayawicalah thawk thai hoeh.

¹³ Tounnae ka ngai hoeh e, a kum kacue ka pathu e siangpahrang hlak, a lungkaang e mathoe camo teh aphuohnawn.

¹⁴ Thongim hoi siangpahrang koe ka phat e hai, a uknaeram dawk mathoe lah doeh a khe.

¹⁵ Kanî rahim kaawm e taminaw pueng e kong ka pouk navah, ahnimouh thung dawk siangpahrang hmuen ka coe hane, camo ao awh e hah ka panue.

¹⁶ Hote siangpahrang ni a uk e taminaw pueng parei thai kawi lah awm hoeh. A hnukkhu lah ka tho e taminaw ni hai hote siangpahrang hah a lungkuep thai awh mahoe. Atangcalah, hote hno hai ahrawnghrang e hno, kahlî man e hoi doeh a kâvan.

5

Cathut hah taket

¹ Cathut e im koe na cei navah na khok kâhruetcuet. Tami pathu ni a sak e thuengnae a sak e hlak teh, lawk thai hanelah hoe kâyawm. Tamipathunaw teh mae yonnae naw pouk awh hoeh.

² Na pahni hah kâhruetcuet. Cathut hmalah lawk na dei han navah na lungthin rang sak hanh. Cathut teh kalvan vah ao. Nang teh talai dawk na o. Hatdawkvah lawk moikapap dei hanh.

³ Tawksaknae apap e lahoi mang ouk mang e patetlah lawk papnae lahoi pathunae lawk thai lah o.

⁴ Cathut koe lawkkamnae na sak pawiteh lawkkam sak laipalah awm hanh. Cathut ni tamipathunaw koe lungkuep hoeh. Lawk na kam e patetlah sak. Lawk na kam e patetlah sak loe.

⁵ Lawkkam tarawi hoeh e hlak teh khoeroe kam laipalah awm pawiteh bet ahawihnawn.

⁶ Na pahni ni na tak dawk yon phat sak hanh naseh. Ka payon toe telah a laiceinaw e hmalah dei hanelah awm sak hanh. Bangkongmaw na lawkdei e dawk Cathut a lungphuon vaiteh na sakyoe e a raphoe han vaw.

⁷ Mang apapnae dawk thoseh, lawk apapnae dawk hai thoseh, kungkeihoehe hno doeh. Nang teh Cathut hah taket haw.

Tawntanae hoi Barinae ahrawnghrang doeh

⁸ Kho dawkvah ka roedeng naw ka pacekpahlek e, lam ka phen sak e, kamsoumhoeh laidei ka tâtueng naw na hmu navah, ahnimouh kecu dawk na kângairu sak hanh. Bawi buet touh ni buet touh a panue e patetlah kacuehloe e bawi ni patuen a panue doeh.

⁹ Talai dawk e tawnta e naw hateh a cawngca hanelah doeh. Siang-pahrang nakunghai laikawk hoi kâkawk e doeh.

¹⁰ Tangka ka raduek e teh tangka ni a ngainae kuep sak mahoe. Hnopai ka tawn poung e hai hoehoe a tawn ei, a lungkuep thai hoeh. Hot naw pueng teh ahrawnghrang doeh.

¹¹ Hnopai hoe apap navah ka catnet e hai hoe a pap. Hno katawnkung ni a mit hoi a khet e doeh yawhawinae lah kaawm.

¹² Thaw ka tawk e tami teh moi a ca nakunghai thoseh, yitca a ca nakunghai thoseh a ihmu atui. Ka tawnta e tami teh a tawn e hno ni ip sak thai hoeh.

¹³ Ka tawnta kung teh a tawn e a hnopai ni runae a poe. Hote hno teh kanî rahim vah kathout poung e hno lah ao.

¹⁴ Hote hnopai teh kahawihoehe hno ni a kamko sak. Hnopai katawnkung a capa haiyah kuthrawng lah doeh ao.

¹⁵ Hoehpawiteh, hno katawnkung teh a manu von thung hoi caici lah a khe e patetlah bout a ban han. Kâyawm laihoi a hmu e hnopai buet touh boehai bout sin thai mahoe.

¹⁶ Ahni teh a tâco e patetlah banghai lanae awm laipalah bout ban e hateh, hno kathout doeh. Kahlî man hanelah kâyawm e tami teh bangmaw hawinae kaawm.

¹⁷ Ahnie hnin a tha teh kahmawt thung doeh a loun sak. Tarawknae, Lungmathoe, lungkhueknae doeh a pang aw. h.

¹⁸ Kai ni ka hmu e naw hateh, canei e, kanî rahim vah Cathut ni na poe e hringnae hoi hring yunglam kâyawm teh hawinae coe dawkvah lunghawikhai hanelah ao. Ahawi ngounh. Hot hateh tami hane doeh.

¹⁹ Cathut ni na poe e hno ka tawnta pueng, ma hanelah coe teh pang hanelah thoseh, kâyawmnae dawk nawmnae thoseh, Cathut pahrennae dawk hoi doeh coe aw. h.

²⁰ Kaloum tangcoung e ahninnaw hah ngailawi pouk hanh. Lungthin nawmnae teh Cathut ni doeh na poe aw. h.

6

¹ Taminaw ni kapap lah a kâhmo teh, kanî rahim ka hmu e hno kathoutnaw teh;

² A ngai e hno pueng, hnopai hoi bawinae, barinae naw hah Cathut ni a poe eiteh, canae kâ a poe hoeh dawkvah, amamouh ni cat laipalah, kâkuen hoeh e alouke ram e taminaw ni a ca e heh, ahrawnghrang doeh, kahawihoehe hno doeh.

³ Tami ni kum moikasawlah a hring teh, a canaw, 100 touh ka tawn nakunghai, ngainae kuep laipalah, pakawp laipalah oun dout pawiteh, hote tami hlak camo ka hrun e ahawihnawn.

⁴ Bangkongtetpawiteh, ka hrun e camo teh ayawmyin lah a kamnue teh, hmonae thung a cei. Ahnie min teh hmonae ni a ramuk han.

⁵ Kanî hai hmawt mahoe. Banghai panuek mahoe. Hateiteh, hmaloe dei e tami hlak ahawihnawn.

⁶ Hmaloe dei e tami teh a kum thawngni touh ka hring nakunghai aphu awmhoeh. A hmuen buet touh koe nahoehmaw koung a khup aw. h. heh vaw.

⁷ Tami ni panki thapatho e naw pueng teh, vonpui hanelah panki thapatho awh eiteh, cangainae lung roum thai hoeh.

⁸ Lungkaang e tami teh ka pathu e tami hlak bangmaw hawinae kaawm. Kahring e taminaw hmalah, ka tawk e mathoe ni a coe e hawinae teh bangne.

⁹ Mit hoi hmu e teh pouk e hlak ahawi. Hote hno teh ahrawnghrang e hno, kahlî man e hoi doeh a kâvan.

¹⁰ Kaawm tangcoung e hnonaw, pâkuem lah ao toe. Tami teh bang patet e tami maw tie hai panue tangcoung e lah ao toung dawkvah, ama hlak tha ka sai e tami tâ thai mahoeh.

¹¹ Cungkeihoehnae hoe a pung dawkvah, tami teh bangmaw hawinae kaawm.

¹² Tâhlip patetlah kaloum ni teh ahrawnghrang hring nathung, tami dawk hnokahawi sak e heh apinimaw a panue thai han. Kanî rahim tami hnukkhu kaawm hane naw hai apinimaw a dei thai han.

7

Lungangnae hoi pathunae

¹ Minhawinae teh hmuitui satui hlak ahawi. Duenae hnin hai khenae hnin hlak bet ahawi.

² Ro im cei e heh pawî koe cei e hlak ahawi.

Bangkongtetpawiteh, tami pueng ni ro im vah lam a pâpout awh.

Kahring lahun e naw ni hai a lungthin thungvah a pâkuem awh han.

³ Panui e hlakvah lungmathoe e bet ahawi.

Bangkongtetpawiteh, lungmathoena e ni lungthin bet ahawi sak.

⁴ Lungkaangnaw e lungthin teh ro im vah ao.

Tamipathunaw e lungthin teh pawî im vah ao.

⁵ Tamipathunaw e la sak lawk thai hlakvah,

lungkaangnaw e tounnae lawk tarawi e bet ahawi.

⁶ Bangkongtetpawiteh, tamipathunaw e panuinae teh

hlaam rahim vah pâkhing ka kang e lawk hoi a kâvan.

Hot naw hai ahrawnghrang doeh.

⁷ Atangcalah, rektapnae ni a lungkaangnaw a pathu sak.

Tadawngnae ni lungthin a rawk sak.

⁸ Apoutnae teh kamtawngnae hlak ahawi,

a lungkasaw e tami teh a lungkalen e tami hlakvah ahawi.

⁹ Lungkhuek han totouh na lungduem sak hanh.

Lungkhueknae teh kapathunaw e lungthung vah hmuen ouk a la.

¹⁰ Bangkongmaw yampa e atueng teh

atu e atueng hlak ahawi telah na pacei awh hanh.

Hottelah na pacei pawiteh lungangnae lahoi pacei e na hoeh.

¹¹ Lungangnae teh râw patetlah ahawi.

Kanî ka hmawt e naw koe hnokahawi a sak.

¹² Bangkongtetpawiteh, lungangnae ni na rawngkhan,

tangka ni hai na rawngkhan thai.

Thoumthainae teh banghloimaw apu ao.

Thoumthainae ka coe e tami teh hringnae hai a coe.

¹³ Cathut ni hno a sak e hah pouk haw,

a longkawi sak e teh apinimaw a palan thai han.

¹⁴ Yawhawinae na coe nah lunghawi awh.

Rucatnae na kâhmo nah kâpouk awh.

Tami ni ka tho hane kawi a panue nahanlah
Cathut ni hawinae hoi roedengnae kâletta lah a poe.

¹⁵ Ayawmlah ka onae atueng nah hno pueng ka hmu thai toe. Tami kalan ni a lannaе dawк a sung e tie hoi, tami kahawihoe hoi ni ahawihoe hoi, dawк a hringsaw e hai thoseh ka hmu.

¹⁶ Hloi lan hanh, hloi lungang hanh. Bangkongmaw nama e hawinae hah raphoe hanelah na ngai.

¹⁷ Hloi mathout hanh, hloi pathu hanh. Bangkongmaw atueng a pha hoehnahan due hane na ngai.

¹⁸ Hete lawk heh pâkuem hanelah ahawi. Thada hanh, Cathut ka taket e tami teh hno pueng dawк hoi a hlout han.

¹⁹ Khopui thung kaawm e ukkung hra touh hlak, tami lungkaang buet touh e lungangnae a tha aohnawn.

²⁰ Yon nuen laipalah hnokahawi ka sak e tami a nuen kahawi e talai van buet touh hai awm hoe h.

²¹ Ayâ ni a dei e pueng hah pâkuem hanh. Hottelah na tetpawiteh, na san e thoebo lawk na thai han.

²² Nama roeroe ni atuhoitu, ayânaw thoe na bo e hah na lung hoi na panue.

²³ Hetnaw pueng heh, kai ni lungangnae hoi ka noumcai toe. Ka lungang han toe ka ti navah, lungangnae hoi hoe ka kâhla.

²⁴ Kahlat ni teh kadung poung e hno hah apinimaw a tawng vaiteh a hmu thai han.

²⁵ Lungangnae hoi akongnaw hah ka tawng teh panue hanelah thoseh, povangtanae hoi pathunae panue nahanelah thoseh, ka lung ni a kâyawm toe.

²⁶ Tangkhek hoi tamlawк lah kaawm e napui e lungthin teh duenae hlak bet akhahnawn tie ka panue. Cathut a lung ka youk lah kaawm e ni duengdoeh hote napui kut dawк hoi a hlout han. Yon ouk ka sak e teh a kâman han.

²⁷ Phungdeikung ti e teh kai ni ka tawng teh ka hmu hoe h rae hah hmu hanelah buet touh hnukkhu buet touh a pâphue.

²⁸ Tongpa thong touh thung dawк buet touh ka hmu toe. Napui thong touh thung buet touh boehai ka hmawt hoe h.

²⁹ Kai ni ka hmu e buet touh teh, Cathut ni tami hah tamikalan lah a sak ei teh, taminaw ni moikapap e pouknae hah a tawng aw h.

8

Siangpahrang e kâlawk hah tarawi haw

¹ Apimaw a lungkaang e patetlah kaawm
Apimaw deicainae ka panuek.

Lungangnae ni minhmai a pan sak teh
taranhawinae mei a kamnue sak.

² Cathut hmalah lawk na kam e patetlah siangpahrang e lawk ngâi haw telah pouknae na poe.

³ Siangpahrang hmalah hoi karanglah tâcawт hanh. Kahawi hoe h e hno saknae koe lah kampang hanh. Bangkongtetpawiteh, a ngai e patetlah lawk a ceng.

⁴ Siangpahrang e kâlawk dawк bahu ao. Ahni koe apini maw, nang bangmaw na sak tie hah a pacei ngam han.

⁵ Ahnie kê ka tarawi e teh runae dawk hoi a hlout han. Tami a lungkaang e a lungthin ni atueng hoi sak han kawi a panue.

⁶ Tami ni a pouk e pueng hah atueng hoi saknae kê ao. Hatei, tami teh runae puenghoi a Khang.

⁷ Hmalah ka tho hane panuek hoeh. Bangtelamaw ao han tie apinihai dei thai hoeh.

⁸ Apihai muitha ka kuen thai e tami buet touh hai awm hoeh. A due hnin dawk apinihai kê tawn hoeh. Hote kâtuknae dawk hoi apihai hlout thai hoeh. Yonnae a sak ei nakunghai, yonnae ni hot dawk hoi hlout sak thai hoeh.

⁹ Hetnaw pueng heh ka hmu toe. Kanî rahim vah sakyoe e pueng heh ka pouk toe. Amahoima runae kâhmo hanelah ayâ alouknaw uknae tueng hai ao.

Cathut ka taket e ni hnokahawi a sak

¹⁰ Hothloilah, thoungrae hmuen koe ka cet e tami kahawihoehnaw pakawp lah ao awh e hai thoseh, hawihoehnae a saknae kho dawk apinihai ahni hah a pouk awh hoeh e hai thoseh, ka hmu toe. Hathai ahrawnghrang doeh.

¹¹ Kahawi hoeh ka sak naw hah karanglah lawkceng teh dan ouk a poe hoeh dawkvah, taminaw ni kahawihoehe hno sak hanelah a lungtang awh.

¹² Tami kahawihoeh ni avai cum touh hawihoehnae a sak nahlangva a hring a saw eiteh, Cathut kataketnaw ni a hmalah a taki awh dawkvah, hawinae a coe awh han tie kancengcalah ka hmu.

¹³ Tami kahawihoehe niteh, Cathut a taki hoeh dawkvah hawinae coe mahoe. Tâhlip hoi kâvan e a hringnae hai aduem han.

Cathut ni a sak e hnopueng tami ni panuek thai hoeh

¹⁴ Talai van kaawm e ahrawnghrang hno buet touh teh, tami kahawihoehnaw ni a pang awh hane kathout hno hah tami kalannaw ni a pang awh teh, tami kalannaw ni a pang awh hane kahawi hno hah tami kahawihoehnaw ni letlang a pang awh. Hathai ahrawnghrang doeh telah ka pouk.

¹⁵ Hatnavah nawmnae hah ka oup. Bangkongtetpawiteh, kanî rahim vah caneinae, nawmnae hlakvah kahawi e hno awm hoeh. Kanî rahim vah Cathut ni na hring sak nathung vah, panki laihoi hmu e hno thung dawkvah, hot doeh pou coe awh.

¹⁶ Lungangnae panue hane hoi talai van thaw tawk e pueng hmu hanelah karum khodai ip laipalah ka lungthin ka hroecoe navah,

¹⁷ Cathut ni kanî rahim a sak e hno pueng tami ni panuek thai hoeh tie ka hmu. Hothloilah banghloi e a lungkaang ni kounng ka panue han ka tet nakunghai coung thai hoeh.

9

Tami pueng koe duenae a pha

¹ A lathueng lah dei tangcoung e naw hah kai ni ka pouk navah, tamikalan hoi tami lungkaangnaw teh, a tawksak e hno khuehoi Cathut kut dawk ao. Tami pueng ni amamae hmalah lengkaleng kaawm e lungpatawnae hoi hmuhmanae hah panuek awh hoeh.

² Tami pueng e lathueng vah reikâvan e hno a tâco. Tami kalan hoi kalan hoeh e, tami kahawi hoi kahawihoehe e, tami kathoung hoi kathounghoehe, thuengnae ka sak hoi ka sak hoeh e, yonnae ka tawn hoeh e hoi ka tawn

e, thoekâbo e tami hoi kâbo hoeh e taminaw lathueng hai reikâvan e hno a tâco.

³ Hethateh, kanî rahim vah sak e reikâvan e hawihoehnae tami pueng ni a kâhmo e hno doeh. Atang katang lah taminaw e lungthin teh yonnae hoi akawi. A hring aw h nathung vah, pathunae lung a tawn aw h teh bout a due aw h.

⁴ Ka hring e taminaw hoi kâkuennaw teh ngaihawinae ao. Kahring e ui teh kadout e sendek hlak bet ahawi.

⁵ Kahring e tami ni a due hane a panue. Ka dout e ni teh banghai panuek hoeh. Tawkp hu aw m hoeh toe. Ama hai pahnim aw h toe.

⁶ Ahnie lungpatawnae, maithoenae, utnae hai a kahma toe. Kanî rahim vah sak e hno daw k ayânaw hoi rei coe mahoe h toe.

Na lungpataw e hoi nawm haw

⁷ Cet nateh lung hawi lahoi rawca cat leih. Lung hawi lahoi misurtui net leih. Nang ni na sak e naw pueng Cathut ni lung na kuepkhai.

⁸ Na khohna hai pou pangaw naseh. Na lû daw k e satui hai phui sak hanh.

⁹ Kanî rahim na poe e ahrawnghrang hring nathung, na lungpataw e yu hoi kanawmcalah hringnae atueng loun sak haw. Hetteh, hring na thung kanî rahim vah panki thapatho e daw k coe e doeh.

¹⁰ Taw k hane kaawm e pueng hah thahmei laihoi taw k aw h. Bangkongtetpawiteh, atu na cei teh na pha hane hmu e, tami kadout kho teh thaw taw k nae, kho pouk nae, thoumthainae, lungangnae hai aw m mahoe h toe.

Lungang e teh pathu e hlak bet ahawihnawn

¹¹ Kanî rahim kaawm e naw pueng bout ka khet navah, a hue karang poung e tami hai ouk tâ hoeh. Atha kaawm poung ni taran a tuk ei, ouk tâ hoeh. A lungkaang ni ka boum lah ouk cat hoeh. A ratho kahawi ni hnopai ouk hmaw t hoeh. Law k ka ngai e teh tami hmalah minhmai kahawi ouk hmaw t hoeh. Tami pueng koe atueng akuepnae, coungkacoenae patetlah doeh ouk ao tie hah ka hmu.

¹² Tami ni amae atueng hah ouk panuek hoeh. Tamlaw k daw k kâman e tanga patetlah tangkam daw k kâman e tava patetlah taminaw ni runae thungvah pouk laipalah a kâman aw h toe.

¹³ Kanî rahim oup han kawi lah ka hmu e lungangnae teh,

¹⁴ khoca kayoun e kho buet touh ao. Siangpahrang kalen e a tho teh, hote kho lawilah ao aw h teh, ransanaw moikapap hoi a kalup aw h.

¹⁵ Hote kho daw k kaawm e mathoe ca a lungkaang e buet touh ni, amae lungangnae lahoi hote kho teh a hlout sak. Hatei, hote mathoe ca hah apinihai noutna aw h hoeh.

¹⁶ Hatnavah, ka dei ngai e teh, lungangnae teh thasainae hlak ahawi. Hatei, mathoe ca e lungangnae teh banglahai ouk noutna aw h hoeh. A law k hai ngai a pouh hoeh.

¹⁷ Ka ukkung ni kapathunaw e hramkikhai e law k ngâi e hlakvah, soumtinae koe tami lungkaang ni dei e law k doeh a ngâi pouh.

¹⁸ Lungangnae teh senehmaica hlak bet ahawi. Yonnae ka sak e haiyah hno kahawinaw hah ouk a raphoe.

10

¹ Kâhluk e hmuitui hah bitsei ro ni a hmuikaw k sak e patetlah,

- pathunae titca e ni a lungkaang e hoi
bari kaawm e tami hah hot boiboeh lah ao sak.
- 2 Tami lungkaang e a lungthin teh amae aranglae kut dawk ao.
Tamipathu e a lungthin teh avoilae kut dawk ao.
- 3 Tamipathu teh lam a cei lahun nah pouknae a tawn hoeh dawkvah,
kai teh tamipathu doeh telah tami pueng koe ouk a dei.
- 4 Bawi buet touh ni nang koe a lungphuen pawiteh,
nama e hmuen cettakhai hanh.
Panguepnae ni yon kalen e hai ouk a roum sak.
- 5 Bawi ni a payon e kecu dawk kanî rahim vah
hnokahawi hoeh ka hmu e teh,
- 6 kapathunaw ni a rasangnae koe,
ka tangrengnaw ni a rahnounnae koe a tahung aw h e,
- 7 sannaw ni marang a kâcui aw h teh,
bawinaw ni sannaw patetlah khok hoi a cei aw h e hah ka hmu.
- 8 Tangkom ka tai e tami teh hote tangkom dawk a bo han.
Takha ka raphoe e tami teh tahrûn ni a khue han.
- 9 Talungnaw ka takhoe e tami teh ama a ratet han,
thing ka tâtueng tami haiyah hmâtanca hoi ao han.
- 10 Cakâ a hâ a kim nah na kata hoeh pawiteh, tha hoe patung han.
Thoumthainae ni tânae hoi yawhawinae a coe sak.
- 11 Ân hoehnahlan tahrûn ni tami khuek pawiteh,
Taânkasinnaw teh banghai hawinae awm hoeh.
- 12 Tami lungkaang e lawk teh a radip.
Hatei, tamipathu e pahni teh amahoima a kâpayawp thai.
- 13 Lawkdei a kamtawng nah pathunae lah a o,
apoutnae koe lah teh ka mathout poung e pathunae lah ao.
- 14 Tamipathu teh lawk apap.
Hateiteh, kaawm hane hno tami ni dei thai aw h hoeh.
Ahnîe a hnuklah bangtelamaw a tho han tie apimaw ka dei thai.
- 15 Tamipathunaw teh kothung a cei aw h han e
lamthung pateng a panue aw h hoeh dawkvah,
ahnîmae kâyawmnae teh ayâ patang sak.
- 16 Camo rae siangpahrang ni a uknaeram teh,
Ukkungnaw ni amom patenghai
a ngai patetlah a canei dawkvah yawthoenae lah ao.
- 17 Na ram daw k e siangpahrang teh
ka talue e a mipun lah ao dawkvah,
ukkungnaw ni yamuhrinae laipalah
thao nahanelah atueng khoe e daw k
catnet pawiteh yawhawinae lah o.
- 18 Ekvoi pangak dawkvah lempu a hmawn thai
kut hoi pathoup hoehpawiteh kho a yu thai.
- 19 Nawm nahanelah pawî ouk to aw h.
Misur ni hai na nawm sak thai.
Tangka ni bangpueng a sak thai.
- 20 Na lungthin hoi siangpahrang hah thoebo hanh.
Na inae hmuen koehai kacue e hah thoebo hanh.
Kalvan kamleng e tava ni hote lawk hah a kamlengkhai han.
A kamleng lahun nah hote tava ni hote kong hah a pathang han.

11

- 1 Na rawca hah tui dawc tâkhawng haw,
atueng moi a ro hnukkhu bout na hmu han.
- 2 Tami sari touh dueng na hoeh, tami taroe touh hah rei lah.
Talai dawc bangmaw kaawm han tie na panuek hoeh.
- 3 Tâmainaw teh khotui hoi a kawî torei teh talai dawc kho a rak.
Thingkung ni akalah, atunglah a rawp nakunghai thoseh,
A rawpnae hmuen dawc roup ao.
- 4 Kahlî dueng ka khen e tami ni cati kahei hoeh,
Tâmainaw banglahai ka noutna hoeh e ni hai canga mahoe.
- 5 Kahlî a cei nahane lam hai thoseh, camo ka neng e napui e von dawc a
hrunaw ni bangtelamaw a rounge tie hai thoseh, panue thai hoeh e patetlah
a cawngca pueng kasakkung Cathut ni a tawksak e panuek thai hoeh.
- 6 Amom lae atueng dawc cati kahei nateh, tangmin lahai kahei laipalah
awm hanh. Bangkongtetpawiteh, bangpatet hah maw aphu o han tie hai
thoseh, hot roi teh kâvan e lah aphu ao han tie hai thoseh, panuek thai
hoeh.
- 7 Atangcalah, angnae teh a radip, kanî raeng a hmu nah lunghawi han
kawi lah ao.
- 8 Hatnavah tami ni a hringyung asaw teh a lunghawi nakunghai,
hmonae tueng hah pouk naseh, hote atueng teh moi a ro han. Kaawm
tangcoung e hnonaw teh a hrawnghrang la doeh be ao.
- 9 Thoundoun nang, na naw lahun nah nawmnae sak awh haw, na
nawnae tueng nah lunghawinae tawn haw. Ma ngainae lamthung hoi,
na panuena koe lah dawn haw, hat navah, hote hnonaw pueng Cathut ni
lawkceng vaiteh, nang yon na pen han tie panuek awh.
- 10 Hatdawkvah, lungreithainae hoi na roedengnae hah takhoe haw,
camonae hoi thoundounae hai a hrawnghrang doeh.

12

- 1 Na nawnae a hninnaw dawc na kasakkung pouk loe. Rucatnae a
hninnaw a pha teh kai dawc a nawmnae awmhoeh toe telah na deinae
kumnaw a pha hoehnahlan,
- 2 Kanî hoi angnae, thapa hoi âsinaw a mawm hoehnahlan, khorak
hnukkhu tâmainaw bout a tho hoehnahlan, Bawipa pouk loe.
- 3 Hote atueng dawc imkaringnaw a tâsue vaiteh, athakaawme taminaw
a thayoun awh han. Cakang kaphawmnaw ayoun dawkvah, a kâhat awh
han. Hlalangaw dawc hoi ka khen e taminaw, a mitmawm awh han.
- 4 Cakang phawm lawk rek a cai hoeh torei teh, lam teng e longkhanaw
teh khan lah ao han. Tava lawk a thai torei teh amom a thaw awh han, la
ka sak e tanglanaw abuemlah tha a tawn awh han.
- 5 Taminaw ni hmuenrasang hoi lam dawc takikathonaw a taki awh
han. Almond kung ni a pei han. Samtong teh amahoima a ri han.
Bangkongtetpawiteh, tami teh yungyoe e im koe lah cei lahun lah o
dawkvah, ka khui e taminaw ni lam dawc a kâhei awh han.
- 6 Ngun dingyin a thouknae, suimanang a reknae tuiphuek koe tuium
kâbawngnae, tui sawnnae rui thawknae, atueng ka phat han.
- 7 Hatnae atueng dawc vaiphu teh a thonae talai koelah bout a ban vaiteh,
muitha teh na kapoekung Cathut koe bout a ban han.
- 8 Ahrawnghrang doeh, hnopueng teh ahrawnghrang doeh telah
phungdeikung ni a ti.

⁹ Phungdeikung teh a lungang dawkvah, tamihunaw, lungang thoumthainae ouk a cangkhai. A pouklak e phungdeilawknaw a noumcai teh a thut.

¹⁰ Phungdeikung ni thai kahawi e lawklung a tawng teh a thut e lawklung teh kathuem e lawk, lawkkatang doeh.

¹¹ Tami lungkaang e lawk teh sâw hoi thoseh, tukhoumkung kalen buet touh koe a hnawng teh tamihu hemnae sumtaboung hoi thoseh a kâvan.

¹² Hothloilah, ka capa hot patet e lawk lahoi na dei pouh e hah tarawi loe. Ca lahoi ka thun nakunghai baw thai mahoe. Ca panki lai hawi khetnae ni na tawn sak.

¹³ Ahnoungepoung e lawk teh, Cathut taket nateh kâpoelawknaw hah tarawi haw. Hethateh, tami pueng e thaw lah ao.

¹⁴ Cathut ni kahawi hno thoseh, kahawihoehe hno thoseh, hro e hnonaw pueng hoi hnocawngca lawk a ceng han.

SOLOMON LA

Sulam tami

- 1 Solomon ni a thut e lanaw thung dawk e la lah ao.
 2 Pahni hoi paconae hoi kai hah na paco haw.
 Bangkongtetpawiteh, nange lungpatawnae teh
 misurtui hlak ahawihnawn.
 3 Na kâhluk e hmuitui ni na kaying toe.
 Nange na min teh awi e hmuitui lah ao.
 Hatdawkvah tanglakacuemnaw ni nang teh na lungpataw awh.
 4 Kai hah na hrawi nateh, karanglah yawng lei sei.
 Nang siangpahrang ni kai teh amae inae khan thung na kaw toe.
 Nang dawk ka lunghawi vaiteh ka konawm han.
 Na lungpatawnae hah misurtui hlak ka pouk han.
 Nang teh na lungpataw katang awh.
 5 Oe Jerusalem canu, kai teh Kedar rim patetlah ka tamang eiteh,
 Solomon siangpahrang e im dawk
 yap e hni patetlah a mei kahawi.
 6 Ka tamang poung e kaie ka takthai kecu dawk,
 kahawi hoeh lah na hmawt awh han.
 Ka manu e capanaw ni kai koe a lungkhuek awh teh,
 misur takhanaw hah, ka ring hanelah ka rakueng awh toe.
 Kaie misur takha teh ka ring hoeh.

A pahren e napui koe

- 7 Kaie ka lungthin thung dawk
 Ka pahren e tami,
 na tuhu hah nâ e hmuen koe vaimoe,
 a khoum awh vaiyoe,
 kanîthun vah na e hmuen koe vaimoe a kâhat sak vaiyoe.
 Kai hah na dei pouh haw.
 Kai teh bangkongmaw na hui tuhu naw rahak vah
 hro e patetlah khuet ka o han va.

A pahren e

- 8 Napuinaw thung dawk
 a mei kahawipoung e lah na
 Oe na ka panuek hoehpawiteh,
 tunaw e hnukkâbang haw.
 Tukhoumnaw e rim teng vah,
 nange hmaeca hah rawca poe haw.
 9 Ka pahren e tawncanu,
 nang teh Faro siangpahrang e
 ranglengnaw thung dawk e
 marang hoi na bangnue.
 10 Nange na tamboungnaw teh
 talung phu kaawm poung e lah ao teh,
 na lahuen teh suidingyin hoi na meihawi poung.

Jerusalem canunaw

- 11 Nang hanelah ngun hoi sak e
 suhnapacap hai kaimouh ni na sak pouh han.

Sulam tami

- 12 Nang siangpahrang teh ahnie caboi dawk
na tahung nah kai koehoi,
ka tho e hmuitui hmui ni kaying e lah ao.
- 13 Kai ni ka pahren e nang e,
murah hmuitui tabu ca teh,
kaie lungtabue dawkvah rum touh thung ao.
- 14 Kai ni ka pahren e nang teh,
kai hanelah Engedi misur takha dawk e
Henna pei patetlah ao.
- 15 Ka pahren e ka tawncanu,
nang teh na mei ahawipoung.
Na hawi poung.
Nange na mit teh bakhu mit na tawn.
- 16 Kai ni ka pahren e nang teh
na mei ahawipoung.
Ngai a tho poung.
Ka lung a nawm sak.
Maimae ikhun teh hringsuepcalah ao.
- 17 Maimae im khomnaw teh,
Sidar thing, a lemphu teh hmaicathing e doeh.

2

- 1 Kai teh Sharon e rosi pei hoi kâvan teh
ayawn dawk e lili pei lah ka o.
- 2 Ka pahren e nang teh, ka lungpataw e tangla,
pâkhingum e, lili pei patetlah na o.
- 3 Kahrawngum ka paw e
Epal thingkung patetlah ka pahren nang teh,
thoundounnaw e rahak na o.
Kai teh ahnie tâhlip dawk kanawmca lah ka o teh,
a paw teh kai hanelah a radip poung oe.
- 4 Ahni ni kai teh buvennae im koe na hrawi teh,
kaie lathueng a yap e hni teh
a lungpatawnae doeh.
- 5 Kai teh ngaipatawnae hoi ka o dawkvah
misur hoi Epal paw hoi
lung bout na pahawi haw.
- 6 Ahnie avoilae a kut ka lû rahim a ta teh,
aranglae kut hoi na takawi na seh.
- 7 Oe Jerusalem canu ka pahren e teh,
a mahmawk a kâhlaw hoeh roukrak
na pâhlaw awh hoeh nahanelah,
kahrawng e sayuk sakhinaw thoebo laihoi
nangmouh teh lawk na thui awh.
- 8 Khenhaw! ka pahren e lawk doeh.
Montang monruinaw yawngtapue laihoi a tho.
- 9 Ka pahren e teh, sayuk sakhi ca patetlah ao.
Rapan lawilah a kangdue.
Hlalangaw koe a khet teh,
hlalangaw koe a kâpâtue.
- 10 Ka pahren ni na kaw teh,

- a dei e lawk teh, ka pahren poung e tangla,
a meikahawi e, thaw nateh tho haw.
- 11 Khenhaw! kasik hai aloum teh
cotui hai abaw toe.
- 12 Talai van vah, a peinaw a kamhlawng toe.
Tavanaw hai a cainae tue a pha toe.
Maimae ram vah, bakhu lawk hai thai toe.
- 13 Thabunglung kung a pawnaw hai a hmin toe.
Misurkung hai a pei teh, a hmuitui toe.
Ka pahren e ka inlawinu, a meikahawi poung e,
thaw nateh tho leih.
- 14 Lungsong rahak e bakhu,
na mei heh na hmawt sak haw.
Na lawk hai na thaisak haw.
Na lawk a rading teh na mei teh ngai ao poung.
- 15 Maimae misurnaw teh
a pei lahun toung dawkvah,
misurkungnaw ka raphoe hane
Asuinaw hoi Asuicanaw hah man awh.
- 16 Kaie ka pahren e teh kai hanelah ao e patetlah
kai hai ahni hanelah ka o.
Agni teh tucahunaw hah
kahrawngum a khoum teh a kawkhik.
- 17 Khohmo a kahma teh,
khodai totouh ka pahren teh
Bether mon dawk e
sayuk sakhi patetlah doeh ao.

3

- 1 Ka lungthung hoi ka pahren e hateh,
karum vah ka inae koehoi ka tawng.
Hateiteh ka hmawt hoeh.
- 2 Atu ka thaw teh kothung ka lawngven teh
lam tangkuem hoi tami a kamkhuengnae
hmuennaw koe ka lungthinthung hoi
ka pahren nang teh na tawng.
Hateiteh na hmawt hoeh.
- 3 Khoipui ka ring e ramvengnaw ni hai
na hmu awh.
Ahnimouh koe ka pahren hah
na hmu awh maw telah ka pacei.
- 4 Ahnimouh koug tapoung hoi a ro hoehnahlan,
ka pahren e teh ka hmu.
Agni hah ka kuet teh, ka khenae,
anu imthungkhu totouh ka hrawi.
- 5 Oe Jerusalem canunaw ka pahren teh
amahmawk a kâhlaw hoeh roukrak
na pâhlaw awh hoeh nahanelah,
kahrawng e sayuk sakhinaw thoebo laihoi,
nangmouh teh lawk na thui awh.
- 6 Murah hoi frankinsen koehoi
hno kayawtnaw ni
a yo e hmuituinaw pueng hah,
hmaisawi toteh ka khu e hmaikhukhom patetlah

- kahrawngum hoi ka tâcawt e teh api nama.
- 7 Khenhaw! Solomon kâkayawtnae doeh.
Isarel athakaawme taminaw,
athakaawme 60 touh hoi a tho.
- 8 Hotnaw abuemlah teh tarantuk hanelah
tahloi ka patuem e tarankahawinaw doeh.
Karum lae atueng nah
puen hanelah ao dawkvah,
tami pueng ni tahloi coungkacoelah a neng awh.
- 9 Solomon siangpahrang ni
Lebanon thing hoi ama hanelah,
kâkayawtnae hah a sak.
- 10 Alungui e khomnaw hah, ngun hoi,
a rahim e naw hah sui hoi,
tahung nahane carawng hah
Opaou e hni hoi a sak.
Athung lae naw teh,
Jerusalem canunaw ni lungpatawnae hoi
a pathoup awh.
- 11 Zion canunaw kâpaluen e hnin hoi,
lungthin a nawmnae hnin nah,
a manu ni oupnae bawilakhung hah
kâmuk sak e Solomon siangpahrang hah
cet nateh khen awh.

4

Thoundoun

- 1 Ka pahren e, nang teh na meihawipoung.
Na meihawi tanggak na mit teh
minhmai ramuk thung kaawm e
Bakhu e mit hoi a kâvan.
Nange na sam teh, Gilead mon hoi
ka kum e hmaehu patetlah ao.
- 2 Nange na hânaw teh a muen ngaw teh
thoung sak hnukkhu,
ka takhang e tuhu patetlah ao.
Buet touh hai kahmat hoeh.
Suetalah a kamphek awh.
- 3 Nange na pahni teh langsung hoi a kâvan.
Nange na lawk teh a pâdingsue.
Nange na minhmai ramuk thung kaawm e,
nange na hnâlakheng teh
tale paw tangawntangai hoi a kâvan.
- 4 Na lahuen hai Devit ni a sak e imrasang hoi a kâvan.
Athakaawme taminaw e bahlingnaw pueng,
hawvah bahling 1,000 touh a bang awh.
- 5 Na sanu roi teh ayawn dawk
ka pouh e sayuk sakhi samphei hoi a kâvan.
- 6 Kanî a khup hoi kanîka suirasai totouh,
Murah mon hoi frankinsen mon
totouh ka cei han.
- 7 Ka pahren e nang dawk toun hane

banghai awmhoeh.

Na meihawi toungloung.

8 Ka imlawinu, kai hoi lebanon mon hoi tho haw.

Kai hoi Lebanon mon hoi kum haw.

Amana monsom, Senir mon hoi,

Hermon monsom, sendek e kâkhu,

takinaw a onae mon dawkvah khenhaw!

9 Kaie ka tangla, ka tawncanu,

nang ni ka lungmuenti sak toe.

Na mit hoi vai touh na khet e hoi

lahuen vai touh na pahei e ni,

kaie ka lungthin teh muen na ti sak toe.

10 Kaie ka tangla, ka tawncanu,

nange lungpatawnae teh a radip poung.

Nange lung na patawnae teh

misurtui hlak hoe ahawi.

Hmuituinaw hlak hai na tui.

11 Kaie tangla, nange na pahni teh

khoipha patetlah a lawi.

Na lâi rahim sanutui hoi khoitui ao.

12 Kaie tangla, ka tawncanu,

ka khan e takha ka tungdum e tuiim,

tacikkin e tuiphuek lah ao.

13 Nange thingthainaw teh,

ka radip e a paw hoi talepawnao onae takha,

hennakung hoi a hmuituinaw,

14 Hmuitui, spiknard hoi saffron, kalamus,

nakzik thing hoi, frankinsen, murah,

aloe hmuitui, phunkuep ao.

15 Takha thung e naw, tui bu nahanelah tuiim,

tuiphueknaw, lebanon mon hoi

ka lawng e tuinaw hai ao.

16 Tung lae kahlî thaw haw, akalae kahlî tho haw.

Kaie takha dawkvah tho aw haw.

A hmuituinae naw teh kâkahei naseh.

Ka pahren e ni takha thung kâen vaiteh

ka radip e paw hah cat naseh.

5

1 Kaie ka tangla ka tawncanu,

ka takha thung kai ka tho toe.

Kai ni Murah hoi a hmuitui e phun hah

ka pâkhueng toe.

Khoitui hoi khoiphanaw hah ka ca toe.

Ka huinaw cat aw h, net aw h,

Oe ka pahren, ka boum lah cat net.

2 Kai teh ka i lahun nahai ka lungthin teh

a kâhlaw doeh.

Ka pahren e lawk teh ka thai doeh.

Kaie bakhu, ka pahren e, ka tawncanu,

tamikalan, kai hane na paawng pouh haw.

Ka lû teh tadamtui hoi, ka samnaw hai

karum kabawt e tadamtui hoi

- a duk toe telah ati teh tho a takhawng.
- ³ Kaie ka khohna e teh ka rading toe.
Bangtelamaw bout ka kho han.
Ka khoknaw hai ka pâsu toe.
Bangkong bout kakhin sak han.
- ⁴ Ka pahren ni kut hoi takhang hah
ka tanawt teh a paawng torei teh,
kaie ka lungthin teh ahni dawk noenae ao toe.
- ⁵ Ka pahren hanelah takhang
paawng pouh hane ka thaw navah,
kaie ka kut dawk hoi Murah satui dek a ca.
Murah satui teh kaie kutcarei rahak hoi
tho khannae dawk hoi a lawng.
- ⁶ Ka pahren hanelah tho ka paawng pouh navah,
Hatei ka pahren teh yo la a tâco toe.
Ahnîe lawk thai han ka ngai dawk ahni teh
ka tawng ei, ka hmawt hoeh, ka kaw ei voi hoeh.
- ⁷ Khopui ka ring e ramvengnaw ni na hmu navah
puenghoi na hem awh.
Khorapan karingkungnaw ni
ka minhmai ramuk na lawp awh.
- ⁸ Oe Jerusalem canunaw ka pahren hah,
na kâhmo pawiteh, kai ni ka pahren lawi,
ngaipataw e lah ka o e hah,
ahni koe dei pouh loe telah
nangmanaw lawk na thui awh.
- ⁹ Napuinaw thung dawk a meikahawi poung e,
nang ni na pahren e teh,
alouknaw e phrennae hoi bangtelamaw kâvanhoehnae .
Kaimanaw hah hottelah lawk na thui nahanelah,
na pahren e teh alouknaw e pahrennae hoi
bangtelamaw a kâvanhoehnae,
- ¹⁰ Ka pahren teh, a pangaw palingnae hoi
a kawî e teh tami thong hra touh thung dawk
ka talue poung lah ao.
- ¹¹ Ahnie a lû dawkvah, sui patetlah
suitoici patetlah ao.
Ahnîe sam teh atha teh,
vonga patetlah a tamang.
- ¹² Ahnie mit teh palang teng vah
sanutui hoi pâsu e bakhunaw hoi a kâvan.
- ¹³ Ahnie tamboung teh hmuitui e a pei hmuî,
hmuitui ungnae kahrawngum patetlah ao.
Ahnîe pahni teh, murah tui kalawng e
lili pei patetlah ao.
- ¹⁴ Ahnie kutnaw teh talung hoi pathoup e
suikuthrawt patetlah
ahnie tak teh Sapphire lung hoi pathoup e
loukloukkaang e kasaino patetlah ao.
- ¹⁵ Ahnie khok teh, suikhom dawk sak e
talung phukaawm e khom hoi a kâvan.
Ahnîe a meilam teh,

Lebanon mon patetlah ao teh,
Sidar thing patetlah a talue poung.

- 16 A hni e pahni teh a radip poung teh,
a takthai abuemlah ngai a tho poung
Jerusalem canu ahni teh ka pahren e ka hui lah ao.

6

- 1 Napuinaw thung dawk a mei kahawipoung e
ka tawncanu, nange na pahren e teh
nâ e hmuen koe maw a cei vai.
Kaimouh ni nang hoi reirei tawng hanelah,
nange pahren e teh,
namaw na kâceihlinghlang roi tie hah dei haw.
- 2 Ka pahren teh, a paw naw cat vaiteh,
lili peinaw ka la han a titeh,
takha thung hmuitui onae koe lah a cei toe.
- 3 Ka pahren hanelah kai teh ka o.
Ka pahren hai kai hanelah ao.
Ayawn dawk ka pouh e lah ao.
- 4 Ka pahren e ka tawncanu,
nang teh Tirzah kho patetlah na mei ahawi.
Jerusalem kho patetlah ngai ao.
Taran kâtuknae koe e patetlah
taki kawi lah na o.
- 5 Nange na mit teh,
kai koehoi alouklah kangvawi leih.
Ahnimouh ni kai teh na tâ toe.
Nange na san teh,
Gilead mon hoi ka kum e hmaehu patetlah ao.
- 6 Nange na hânaw teh tui pâhluknae koehoi
ka luen e tuhu patetlah ao.
Buet touh hai kahmat hoeh.
Kamphei e dueng doeh a khe awh.
- 7 Na minhmai ramuknae thung kaawm e
na tangboungnaw teh
talepaw tangawntangai hoi a kâvan.
- 8 Siangpahrang napui 60,
a yu ado lah 80,
touklek thai hoeh e tanglakacuemnaw ao.
- 9 Kaie bakhu, kaie ka kuep e,
buet touh dueng doeh kaawm.
Ahni ka khe e manu ni a pahren poung e lah ao.
Tanglanaw ni ahni hah a hmu teh,
yawhawi a poe awh.
Siangpahrangnu hoi a yudonaw ni hai
ahni teh a pholen awh.
- 10 Thapa patetlah ahawi teh,
kanî patetlah a sei teh,
tarankâtuknae koe e patetlah
taki hanlah na o.
Amom patetlah ngaihawi laihoi
ka khen e teh apimaw .

- 11 Kai teh misurkung rounng hai a rounng hoeh hai,
Tale a pei hoi a pei hoeh e hai panue hanelah,
ka khetyawt hanelah takha koe ka cei.
- 12 Kai ka panue hoehnahlan vah,
ka muitha teh,
Aminadab leng dawk kâcuie patetlah ao.
- 13 Oe Sulammit, bout tho haw.
Kaimouh ni nang teh na hmu thai nahanelah
bout tho haw. Bout tho haw.
Sulammit dawk bang hno maw
a hmu awh han vai.
Ransahu bokhni touh e patetlah a hmu awh han.

7

- 1 Oe bawi canu, khokkhawm na khawm laihoi
na khoknaw teh a kamcu poung.
Na phainaw teh kathoumnaw ni a sak e
aphu kaawm e talung patetlah ao awh.
- 2 Nange na keng teh tui hoi ka kawi e
manang lah ao.
Na vonpui hai, lili pei hoi ka kawi e
cakang pung e lah ao.
- 3 Sanu roi teh
sayukca kamphei e hoi a kâvan.
- 4 Nange na lahuen teh,
kasaino imrasang patetlah na mit teh,
Heshbon kho, Bethrabbim
longkha teng kaawm e, tuiim patetlah
na hnawng teh Damaskas kho koe ka kangvawi e,
lebanon im hoi a kâvan.
- 5 Nange na lû dawk kaawm e bawilakhung teh,
Karmel mon hoi a kâvan.
Nange na lû dawk kaawm e na sam hai,
opaou e hni hoi a kâvan.
Siangpahrang ni sam a vei e hoi a kâvan.
- 6 Ka pahren e ka tawncanu, nang teh,
kai ka nawm nahanelah ahawi poung.
Ngai kaawm poung e nuen hoi na kawi.
- 7 Nange na rasangravuinae teh,
samtuekung patetlah na o teh
nange sanunaw hai samtuepaw hoi a kâvan.
- 8 Samtuekung dawk ka luen vaiteh,
a kangnaw hah ka tek han ka ti navah
nange sanunaw teh misurbom patetlah thoseh,
na kâha hmui teh, Epal hmui patetlah thoseh,
- 9 Nange na pahni hai katuioung
misurtui patetlah thoseh ao.
Hote misurtui teh ka pahren hanelah
kalanalah a lawng.
Kaipnaw e pahni dawk pouk laipalah a lawng.
- 10 Kaie ka pahren e tami teh,
kaie lah ao patetlah ahnie a ngainae teh

kaie lah ao.

- 11 Tho leih, ka pahren e,
kahrawng e hmuen koe cei vaiteh,
khonaw dawk tangmin lae atueng
loum sak awh sei.
- 12 Amom lah misur takha koe cet awh sei.
Misurkung a hring, hring hoeh maw,
a paw rano moi rano hoeh maw,
khenhaw! sei.
Hote hmuen dawk ka lungpataw e
nang hah na poe han.
- 13 Hloisikungnaw ni hmuitui e
kaimae longkha teng radip e a paw katha hoi,
karuem e abuemlah ka pahren nang hanelah
ka pátung toe.

8

- 1 Nang koe kaie manu e sanutui karadip e,
ka net e, ka thangroi patetlah o sak han ka ngai.
Kai ni nang teh, alawilah kâhmo vaiteh,
na paco nakunghai ayânaw ni kai teh
na pathoe mahoe.
- 2 Anu e irakhan na kut daw k hoi
na hrawi vaiteh na ceikhai han.
Agni ni hai kai hai na cangkhai han.
Kai ni tâsi hoi kalawt e misurtui hoi
taletui hah na nei sak han.
- 3 Ahnie avoilah,
e kut kaie ka lû rahim a hruek vaiteh,
aranglae kut hoi na takawi seh.
- 4 Oe Jerusalem canunaw, ka pahren e teh
amahmaw k a kâhlaw hoehroukrak
na pâhlaw awh hoeh nahanelah,
kahrawng e sayuk sakhinaw noe lahoi
lawk na thui awh.
- 5 A pahren daw k kamngawi laihoi
kahrawngum hoi ka tho e hateh
api han namaw.
Epal thingkung rahim nang teh na pâhlaw toe.
Hote hmuen koe nange na manu ni
nang teh na hâ toe.
Hote hmuen koe nang na khe teh,
hâ e lah na hruek toe.
- 6 Kai teh nange na lung dawkvah
tacik na kin leih lah.
Na kut daw k hai tacik na kin leih.
Bangkongtetpawiteh, lungpatawnae teh,
due e patetlah a thao.
Dipmanae lungthin teh phuen kho patetlah a ru.
Ahnie a hue teh, hmaisaaan hoi
hmaito patetlah ao.
- 7 Hatnavah, tuinaw ni
lungpatawnae roum sak thai hoeh.

Tuikalen ni hai pâyawt thai hoeh.
 Tami ni ama im kaawm hnopai pueng
 lungpatawnae lahoi poe han a ngai nakunghai
 puenghoi dudamnae doeh kâhmo ti.

- ⁸ Kaimouh koevah kanaw rae ka tawncanu
 buet touh ao rah.
 Ahni teh sanu co hoeh rah.
 Hote ka tawncanu a pacei awh navah,
 ahni hanelah bangtelamaw ka ti awh han.
- ⁹ Ahni teh rapan lah awm pawiteh,
 ahni van ngunrapan ka sak han.
 Takhang lah awm pawiteh
 Sidar thing hoi ka kalup han.
- ¹⁰ Kai teh kho rapan lah ka o.
 Kaie sanu hai imrasang patetlah o.
 Hatdawkvah, kai teh
 nang na hmalah hawinae ka sak.
- ¹¹ Baalhamon ram dawk takha buet touh ao.
 Hote misur takha teh,
 karingkungnaw koe ka hlai sak teh
 a paw a ca phu lah
 shekel thawng touh rip a sin awh.
- ¹² Ka tawn e misur takha teh kahma lah ao.
 Oe Solomon, ngun shekel thong touh
 nama hanelah ao teh,
 karingkungnaw ni cumhni touh rip a la awh.
- ¹³ Takha thung kaawm e,
 nange tami na huikonaw ni nange
 na lawk teh a ngai awh.
 Kai hai na thaisak van awh haw.
- ¹⁴ Ka pahren nang kai koe karanglah tho leih.
 Hmuitui monnaw dawk kaawm e
 sayuk sakhicanaw patetlah na awm sak haw.

ISAIAH

¹ Judah siangpahrang Uziah, Jotham, Ahaz, Hezekiah tinaw a bawi aw h navah, Amos capa Isaiah ni Judahnaw hoi Jerusalem kho hoi kâkuen lah a hmu e vision,

Cathut ni a taminaw a yue

² Cathut ni lawk a dei dawkvah, Oe kalvannaw, thai aw haw. Oe talai, hnâpakeng haw. Ka kaw k e catounnaw ni Kai na taran aw haw toe.

³ Maito ni kakhoum kung a panue. La ni hai kakawkkung e dokko a panue. Isarelnaw ni Kai na panuek aw haw hoeh toe. Ka taminaw ni pouk panuek aw haw hoeh toe a ti.

⁴ Miphun kathout, sak payonnae ka phawt e tamihu, kahawihoehe hno ka sak e catoun, rawknae canaw lah bo na o aw haw toung aw. BAWIPA hah na ceitakhai aw haw toe. Isarelnaw e kathoung Cathut hah na bari aw haw laipalah, hnamthun sin aw haw teh, na kamlang takhai aw haw toe.

⁵ Ahnimanaw hah bangtelamaw bout ka hem han vai. Bangtelamaw bout ka yue han vai. A lû teh hmâtan hoi king akawi, na lung hai tha khoeroe aw m hoeh toe.

⁶ Khoktabei koehoi lû koe totouh, damnae aw m hoeh. Hmâtan hoi, a phing teh, a hnai ka lawi e seng lah ao. Hote hmânaw hah pâsu hoeh, kaw m hoeh, satui hai hluk pouh hoeh rah.

⁷ Nangmae ram teh tami kingkadi lah ao. Khonaw hai hmai a kak toe. Na talainaw hai ramlouknaw ni na hmaitung vah a ca aw haw vaiteh, taran ni a raphoe tangcoung e patetlah tami kingdi han.

⁸ Zion canu hai misur takha ringnae patetlah payin takha daw k e rim patetlah taran ni a kalup e kho patetlah ceitakhai lah ao.

⁹ Rasahu BAWIPA ni mamouh hanelah younca hai cawi sak hoeh paw-iteh, maimouh teh Sodom kho patetlah o aw haw teh, Gomorrah kho hoi kâvan aw haw.

¹⁰ Sodom kho ka uk e bawinaw, Cathut e lawk hah thai aw haw. Gomorrah khocanaw kaimae Cathut lawk hah hnâpakeng aw haw.

¹¹ Cathut ni a dei e teh, nangmouh ni na thueng aw haw e satheinaw teh kai hoi bangtelamaw a kâkuet vaw. Thuengnae tu, ka phuekuek lah na paca e saring thawnaw hoi ka boum toe. Maito, tuca hoi hmaenaw e thi hah ka ngai hoeh.

¹² Ka hmalah minhmai patue han na tho aw haw navah, Kaie thongma coungroe hanlah apinimaw na patoun aw haw.

¹³ Ayawmyin e pasoum hno hah bout thokhai haw hanh lawih. Hmai na sawi aw haw e hmuitui hah ka panuet. Thapa rei hnin, kamhluem hnin, kamkhueng hnin naw hai ka panuet. Hawihoehnae hoi kâkalawt e kathoung kamkhuengnae hah ka panguep thai hoeh.

¹⁴ Ka muitha ni nangmae thapa rei hnin hoi nangmae pawinaw hah ka hmuhma. Kai kataraw k e lah ao teh ka panguep lawi ngawt ka tawn toe.

¹⁵ Nangmouh ni, na kut na kadai aw haw toteh, alouklah na kangvawi takhai aw haw han. Avai moikapap na ratoum aw haw nakunghai, ka thai mahoe haw. Na kutnaw teh thi hoi akawi.

¹⁶ Kâpasu aw haw, kamthoung aw haw. Na payonnae hah ka hmaitung hoi takhoe aw haw. Kahawihoehe nuencang hah kâhat aw haw leih.

¹⁷ Kahawi hno sak hanelah kamtu aw haw. Lanna hah tawng aw haw. Ka lawngkoi e hah palan aw haw. Naranaw hanelah kalan lah sak aw haw.

Lahmainunaw hanelah kalan lah sak awh. Lahmainunaw hah pahren awh.

¹⁸ BAWIPA ni a dei e teh, tho awh. Cungtalah pouk awh haw sei. Nangmae yonnae teh ka paling nakunghai tadamtui patetlah a pangaw han. Âthi patetlah ka paling nakunghai tumuen patetlah ao han.

¹⁹ Nangmouh ni ngainae lahoi lawk na ngâi awh pawiteh, ram thung e hnokahawi e a pawnaw hah na ca awh han.

²⁰ Hatei na taran awh pawiteh, tahloi hoi na due awh han telah BAWIPA e pahni ni a dei toe a ti.

²¹ Yuemkamcu e kho teh bangtelamaw ka kâyawt e kho lah a kangcung vaw. Ahmaloe teh, kângingnae hoi ka kawi e, a thung lannae ni hmuen a la e lah ao ei, atuteh tamikathetnaw ni hmuen lannae lah ao toe.

²² Na tangka hai a ei lah ao toe. Na misurtui hai tui hoi a kâkalawt toe.

²³ Na khobawinaw teh, taran lah a thaw toe. Tamrunaw e hui lah ao awh toe. Hote bawinaw pueng ni tadawngghno a ngai awh teh, tawknae phu dueng a pâlei awh. Naranaw hah khenyawn awh hoeh. Lahmainunaw teh banglahai ngâi awh hoeh.

²⁴ Hatdawkvah, Isarelnaw e Athakaawme, ransahu Bawipa Jehovah ni a dei e teh, Aya! Kai na ka taran e naw hah bat ka takhoe vaiteh, ka tarannaw koe moi ka pathung han.

²⁵ Nang hah na kuet vaiteh, a ei hoi khoeroe na thounsak vaiteh, thounghoehnae pueng ka takhoe han.

²⁶ Lawkcengkungnaw hoi pouknae kapoekung naw hah, ahmaloe ka ta e patetlah bout ka ta han. Hathnukkuh lannae khopui, yuemkamcu e khopui ati awh han.

²⁷ Zion teh kângingnae hoi thoseh,lannae hoi thoseh ratang lah ao han.

²⁸ Kâtapoe e hoi ka yon e tami teh reirei raphoe lah ao han. Cathut ka cettakhai e teh hraba mueng ka yawng lah hmaisawi han.

²⁹ Na doun e kathenkungnaw hah na kayakkhai awh toung vaiteh, na kârawi e takha ni kângai lah a ru sak awh han. Minhmai mathoe na poe aw han.

³⁰ Bangkongtetpawiteh, a hna kamyai e kathen kung hoi tui kahak e takha patetlah lah na o aw han.

³¹ Athakaawme taminaw teh ngun ei patetlah awm vaiteh, a tawksak e teh hmaitali patetlah ao han. Hottaroi teh reirei kang vaiteh, hote hmai hah apinihai padout mahoe.

2

BAWIPA e mon

¹ Amoz capa Isaiah ni, Judah ram hoi Jerusalem hoi kâkuen lah a hmu e vision teh,

² a hnukteng e hnin teh, BAWIPA im saknae mon teh, monsomnaw e lathueng vah, tawm lah ao vaiteh, caksak lah ao han. Miphun pueng ni hote mon koe a kamkueng aw han.

³ Taminaw ni hai, tho awh. BAWIPA e mon, Cathut im koe cet aw sei. A lamthung hah na pâtu awh vaiteh, a lamthung dawn aw han, telah kahlawng cei laihoi ati aw han. Bangkongtetpawiteh, kâlawk teh Zion mon hoi tâcawt vaiteh, Cathut lawk teh Jerusalem hoi a tâc han.

⁴ Cathut ni miphunnaw hah lawkceng vaiteh, tami moikapap hah a yue han. Ahnimae tahloinaw hah thunha lah thoseh, tahroenaw hah tangkoun

lah thoseh, a dêi awh han. Ram buet touh hoi buet touh tarankâtuk mahoe hoi toe. Taran tuknae hai kâpâtu awh mahoe hoi toe.

⁵ Oe Jakop imthungnaw tho awh. BAWIPA angnae daw k hosak awh haw sei.

BAWIPA e hnin

⁶ Bangtelah tetpawiteh, Jakop imthung, na taminaw hah na ceitakhai toe. Bangkongtetpawiteh, ahnimouh teh, Kanitholae naw patetlah kho a sak awh teh, Filistinaw patetlah khueyue lah ao awh teh, ramlouknaw hoi a kâhuiko awh.

⁷ Ahnimae ram teh sui ngun hoi akawi teh, a tawnta awh e teh touklek thai hoeh. Ahnimae ram hai marang hoi akawi teh, rangleng touklek thai hoeh.

⁸ Ahnimae ram teh, meikaphawknaw hoi akawi teh, amamae kut hoi sak e hnonaw patenghai a lûsaling awh toe.

⁹ Tami pueng ni a tabo awh teh, koug a kârahnoum sak awh. Hatdawkvah, ahnimae yonnae teh, BAWIPA ni ngaithoum hoeh.

¹⁰ BAWIPA ni talai kahuet hanelah a tho toteh, takinae hoi a bawilen taluena dawkvah, talung thung kâen awh, vaiphu thung kâhrawk awh.

¹¹ Hatnae tueng dawkvah, kâoupnaw rahnoum sak vaiteh, kâtalue e naw pabo vaiteh, BAWIPA duengdoeh tawm lah kaawm han.

¹² Rasahu BAWIPA e hnin teh, kârasang e hoi kâoup e tami pueng e lathueng thoseh,

¹³ Lebanon mon e sidarkung ka rahnoum ka rasang e pueng koe thoseh, Bashan ram e kathenkungnaw pueng e lathueng thoseh,

¹⁴ mon karasangpoung e lathueng thoseh, mon kathoung pueng e lathueng thoseh,

¹⁵ Ka rasang e imrasang lathueng thoseh, rapan pueng e lathueng thoseh,

¹⁶ Tarshish long pueng lathueng thoseh, ngai kaawm e vision pueng e lathueng thoseh a pha han.

¹⁷ Tami kâoupnae rahnoum sak vaiteh, a kârasangnae hah pabo lah ao han. Hat hnin dawkvah, BAWIPA dueng tawm lah ao han.

¹⁸ Kutsak pueng teh, khoeroe kahma han toe.

¹⁹ BAWIPA ni talai a kahuet hanelah a tho toteh, takinae hoi a bawilen taluena dawkvah, taminaw teh lungngoum thung, talai kâkhu thung a kâen awh han.

²⁰ Hatnae atueng dawkvah, taminaw ni ouk a baw awh e sui hoi, ngun hoi ma hanelah raphoe sak e meikaphawk hah, thangbui hoi bongpinaw koe a tâkhawng awh han.

²¹ BAWIPA ni talai kahuet hanelah a tho toteh, takinae, a bawilen taluena dawkvah talung khu, ravonaw thung a yawng awh han.

²² Hnawng hoi kâha e tami hah kâuep awh hanh. Ahnimouh teh, banghai cungkeinae awm hoeh.

3

Judah hoi Jerusalem lawkcengnae

¹ Bangkongtetpawiteh, Rasahu Bawipa Jehovah ni rawca hoi tui kabawpnae puenghoi, kabawpnae kaawm e pueng hah Jerusalem kho hoi Judah ram thung hoi a takhoe toe.

² Athakaawme tami, taran ka tuk e tami, lawkcengkung, profet, khueyue, matawng,

³ tami 50 ka uk e, barilawa kaawm e tami, kâpokhai, kut taran kahawi, pahni taran kahawi e pueng a takhoe han.

⁴ Hote ram dawc camonaw ni, bawi thaw tawc awh vaiteh, sanu ka net e camonaw ni a uk awh han.

⁵ Khocanaw teh buet touh hoi buet touh, imri hoi imri a kêrektap awh han. Camo ni matawng, banglahai kaawm hoeh e ni, bari kaawm e hah a dudam awh han.

⁶ Tami ni a hmaunawngaha hah a na pa im e man vaiteh, nang teh khohna na tawn rah, hi tho. Kaimouh na uk leih. Hete ka rawk e pueng hai na pathoup pouh leih ati awh toteh,

⁷ Ahni ni, kai ni ka pathoup thai mahoe. Bangkongtetpawiteh, kai im vah, rawca hoi khohna awm hoeh. Khocanaw koe bawi na tawc sak awh han loe telah kancangairalah ati han.

⁸ Jerusalem kho a tip toe. Judah ram a rawk toe. Bangkongtetpawiteh, ahnimaie lawk tho hoi tawksaknae teh, BAWIPA ngainae patetlah awm hoeh. A bawilennaie mit hah a taran awh toe.

⁹ Ahnimaie minhmai teh, amamouh kapanuekkhaikung lah ao. Amamouh yonnae hrawk thai awh hoeh. Sodom khonaw patetlah hmantang vah, yonnae a sak awh. Ahnimaie muitha dawc yawthoenae ao. Bangkongtetpawiteh, hawihoehnae heh a mamhmawc a kâpatho awh toe.

¹⁰ Tami kalan teh yawhawinae ao telah ahnimouh koe dei pouh haw. Bangkongtetpawiteh, a tawc awh e paw hah a ca awh han.

¹¹ Tami kahawihoeh teh yawthoenae ao. Hawihoehnae hoi a kâhmo han. Bangkongtetpawiteh, a tawksak e yonnae hah ahni lathueng patho lah ao han.

¹² Ka taminaw ni camonaw a rektap awh. Napuinaw hai a uk awh. Ka taminaw, nangmouh lam na ka patue e naw ni lam na phen sak awh toe. Na dawn awh e lamthung hai a raphoe awh toe.

BAWIPA ni a taminaw lawk a ceng

¹³ BAWIPA ni lawkcengnae hmuen koe amae hmuen a la teh, taminaw lawkceng hanlah a kangdue.

¹⁴ BAWIPA ni a taminaw thung dawc e, a kum kacuenaw hai thoseh, bawinaw hai thoseh, lawkceng hanelah lawkcengnae hmuen koe a kâen. Nangmouh ni, kaie takha na padoun awh toe. Kâroedengnaw, e hnopai na lawp awh teh, namamouh im vah na pâkhueng awh toe.

¹⁵ Ka taminaw hah bangkongmaw na rektap awh vaw. Mathoenaw e minhmai hah bangkongmaw na phom awh vaw telah, ransahu Bawipa Jehovah ni a ti.

Jerusalem e napuinaw kâhruetcuete poenae

¹⁶ BAWIPA ni bout a dei e teh, Zion canunaw teh a kâoupnae a rasang awh. A lahuen a kamnue sak awh teh, a mit a kâhei sak awh teh, a khoksaluem koe dinghling lawk a tho teh, tektanek lah ceitakhai laihoi lam a cei awh dawkvah,

¹⁷ BAWIPA ni Zion canunaw hah a lû moihna sak vaiteh, a khohna rading pouh vaiteh, caici lah yeirai kaposak han.

¹⁸ Hote hnin navah, a kamthouppnae khok dinghling, tamlawc lupawc, dingyin,

¹⁹ hnâpacap kanghoi e, laikaw, minhmai ramuk,

²⁰ luhuem, sui khokdingyin, taisawm, hmuitui bawm,

²¹ kuthrawt, hnawngpacap,

²² sui tamlawk angki, hnica, kala, yawngya,

²³ hlalang, athung angki, sammuem, hoi kamthouppnae hni naw hah ka takhoe han.

²⁴ Hmuittui e yueng lah kapaw hmoi, taisawm e yueng lah tangron, samvei e yueng lah lû luengpalueng, loukloukkaang e khohna yueng lah buri, meihawinae yueng lah sum pân nep e a hmâkathan lah ao han.

²⁵ Na taminaw teh, tahloi hoi a rawp aw hoi vaiteh, nange athakaawm taminaw teh taran tuknae koe a due aw hoi han.

²⁶ A longkhanaw ni cingou laihoi khuikap aw hoi vaiteh, kingkadi lah talai dawk a tahung han.

4

¹ Hatnae atueng dawkvah, napui sari touh ni tongpa buet touh kuen aw hoi vaiteh, kamamae rawca doeh ka cat aw hoi tih, kamamae khohna doeh ka khohnat aw hoi tih. Min mathoenae ao hoeh nahanelah, na min duengma hah na phawt sak aw hoi la ati aw hoi han.

² Hatnae atueng dawkvah, BAWIPA e akang teh, a meihawi vaiteh, a lentoe han. Kahlout e Isarelnaw hanelah, talai a pawhik teh a thawn han.

³ Cathut ni lawkcengnae muitha, hmoi ka kang e muitha, hoi Zion canunaw e khinnae hoi pâsu pouh vaiteh,

⁴ Jerusalem kho e thi hoi hah a takhoe toteh, Zion e naranaw hoi Jerusalem kaawm rae hringnae cauk dawk min thut lah kaawm e naw teh, ka thoung e lah ao aw hoi han.

⁵ BAWIPA ni Zion vah khosaknae hmuen puenghoi kamkhueng e rangpuinaw lathueng vah, khodai lah, tâmai hoi hmoi, karum lah hmoi angnae hoi sak vaiteh, ka talue e hmuenpueng koung a ramuk han.

⁶ Khodai lah khumbei ka ngang e rim, tûilî a tho toteh, lungmawngnae hoi kânguenae lah ao han.

5

Misur takha la

¹ Ka pahren e misur takha hoi, pahrennae la hoi a hmalah ka sak hoi nei. Talai hawinae koe mon vah, ka pahren e misur takha buet touh ao.

² Talai a tai teh, talungnaw a takhoe hnukkhu, kahawipoung e misurkung hoi a ung. Takha thung ring nahanelah imrasang hai a sak teh, misur paw a paw hoi titeh a ngaihoi. Hatei, misur kaphawk bo oun ka paw aw.

³ Atuvah, Oe Judah khocanaw, Jerusalem khocanaw, kai hoi kaie misur takha rahak vah, laidei aw hoi haw.

⁴ Kai takha koe hawinae ka sak thai nahlangva, ka sak hoeh rae ao ma aw. Misurpaw a paw hoi doeh titeh, ka ngaihoi nah, bangkongmaw misur kaphawk lah a paw vah.

⁵ Atu thai hoi. Kaie misur takha dawk ka sak hoi kawi na patue avai. Tumdumnae rui payang e hoi, ka raphoe vaiteh, ayâ alouke ni a ca aw hoi han. Tumdumnae amhru tapang hoi ka raphoe vaiteh, ayâ alouke ni a coungroe aw hoi han.

⁶ Takha hoi khoeroe ka raphoe han. Apinihai pathoup mahoe. Apinihai vulai mahoe. Pâkhing aphunphun a paw hoi han. Hoi takha dawk kho a rak hoeh nahanelah, kâ bout a poe han.

⁷ Rasahu BAWIPA e misur takha teh, Isarelnaw lah ao teh, Judahnaw teh Bawipa ni a ngai e misurkung lah ao. Bawipa ni lannae hah a ngaihawi ei, khenhaw! kâtheinae hoi doeh akawi. Lannae yueng lah hramkinae doeh kaawm.

⁸ A hmuen houng sak laipalah, im touh hnukkhu im touh a pakaw awh teh, laikawk buet touh hnukkhu buet touh ka pakaw e teh a yawthoe. Hote laikawk lungui vah, nangmouh duengdoeh nâ kaawm awh han.

⁹ Rasahu BAWIPA ni kai koe a dei e teh, atangcalah, moikapap e imnaw heh, tami kingkadi e lah awm vaiteh, im kalennaw dawkvah, kaawm hane awm laipalah ao han.

¹⁰ Bangkongtetpawiteh, Misurtakha ekah hra touh dawkw misurtui um touh dueng a tâco vaiteh, cati hmuen hra touh tunae dawkw hoi hai hmuen touh dueng a tâco han.

¹¹ Na kahma awh toe! Yamu nei hanelah, amom na thaw awh teh, tangmin totouh misurtui na parui awh.

¹² Nangmae canei paw koe ratoung, tamawi, cecak, vovit, hoi misurtui hoi akawi. BAWIPA e kut hoi sak e hno hai na hmawt awh hoeh.

¹³ Hatdawkvah, ka taminaw panuena e ayoun dawkvah pâlei lah ao awh. Ahnimae bari kaawm e naw teh, a vonhlam awh. Ahnimae taminaw teh tui kahran hoi ao awh.

¹⁴ Hatdawkvah, Phuen kho (Sheol) ni a ngainae a len sak teh, apâhni teh bangnue thai hoeh hane totouh a ang teh, Zion bawilenna e hoi a taminaw teh, hrawang laihoi, ka lamtu e naw hoi reirei a kum awh han.

¹⁵ Tami teh pabo lah ao dawkvah, tami pueng teh a rahnoum awh han. Ka kâoupnaw e minhmai hai a rahnoum han.

¹⁶ Ransahu BAWIPA teh, lawkcengnae lahoi tawm lah ao teh, Kathoung e Cathut teh, ama thoungnae hah lannae lahoi a kamnue sak han.

¹⁷ Hatnavah, tucanaw teh, amamae pânae patetlah a pâ awh vaiteh a ca awh han. Dongdeng ka lamroenaw ni, tangrengnaw e caneinae hmuen koe, a canei awh han.

¹⁸ Payonnae hah laithoe hradang hoi ka sawn e tami, yon hah rangleng rui hoi sawn e patetlah ka sawn e taminaw teh a yawthoe awh.

¹⁹ Ahnimouh ni, kaimouh ni ka hmu awh nahanelah Bawipa ni karang sak naseh. A thaw hah karang tawk naseh. Kaimouh ni ka hmu awh nahanelah, Isarelnaw e kathoung Bawipa ni rek hnai naseh. Tho naseh telah ouk a dei awh.

²⁰ Kathout hah kahawi, kahawi e hah kathout telah ka tet e tami, angnae hah hmonae, hmonae hah angnae, karadip hah kakhat, kakhat hah karadip ka tet e tami teh a yawthoe.

²¹ Amamae mithmu dawkw teh, amamouh hah tami lungkaangnaw, panuena katawonnaw telah ka tet e tami teh a yawthoe.

²² Misurtui neinae koe athakaawme taminaw hoi yamu sak kalawtnae koe athakaawme taminaw teh a yawthoe awh.

²³ Ahnimouh teh, tadawngnae kecu dawkw tami kathout hah tami kahawi telah ati teh, tami kalannaw e lannae law teh a takhoe awh.

²⁴ Hatdawkvah, hmaipalai ni cakong hoi phoke a kak e patetlah ahnimae a tangpha teh, kahmawn e patetlah ao dawkvah, ahnimae a pei hai vaipuh patetlah mungpoung han. Bangkongtetpawiteh, ahnimouh teh ransahu BAWIPA e kâlawk hah a takhoe awh teh, Isarelnaw e kathoungpoung Bawipa ni a dei e naw hah banglahai noutna awh hoeh.

²⁵ Hatdawkvah, BAWIPA teh a taminaw koe a lungkhuek teh, ahnimouh van a kut a dâw teh, runae a poe dawkvah, monnaw a kâhuet teh, ahnimae ronaw teh lamthungnaw dawk songnawng patetlah ao awh han.

²⁶ Bawipa ni ahlanae hmuen koehoi a taminaw hanelah, mitnout a ung pouh teh, talai poutnae koe kaawm e naw hah pâhui laihoi a kaw. Hatnavah, khenhaw! Ahnimouh teh karang poung lah yawng laihoi a tho awh.

²⁷ Ahnimouh dawk ka tawn e awm hoeh. Thongmui kamthui laihoi ka tâlaw e hai awm hoeh. Ka ngam e hai awm hoeh. Ka ip e hai awm hoeh. Taisawm kâratham hoeh. Khokkhawmruai hai pet hoeh.

²⁸ Ahnimae pala teh hruepatuecalah ao teh, licung teh sut patung e lah ao. Ahnimae marangnaw e khoktabeinaw teh, lungtaw hoi a kâvan telah pouk e lah ao teh, ahnimae taran tuknae ranglengnaw hai bongparui patetlah doeh ao awh.

²⁹ Ahnimae hramki lawk teh, sendek huk lawk hoi a kâvan teh, ahnimouh teh sendek patetlah a huk awh han. A rakoung e teh apinihai lawm thai mahoe.

³⁰ Hot hnin vah, ahnimouh teh tuipui e cairing lawk patetlah a cairing awh han. Buetbuet touh ni hote ram hah khen pawiteh, khenhaw! hmonae hoi runae duengdoeh kaawm. Angnae teh hote ram dawk tâmai kecu king a hmo han.

6

Isaiah ni BAWIPA e vision a hmu e

¹ Uzziah siangpahrang a duenae kum dawkvah, tawm lah kaawm e BAWIPA teh bawitungkhung van a tahung e hah ka hmu. A khohna ni bawkim dawk muen akawi.

² Tungkhung e avoivang lah, Seraphimnaw teh a kangdue awh. Hote Seraphimnaw teh, rathei taruk touh rip a tawn awh. Rathei kahni touh hoi a minhmai, kahni touh hoi a khoknaw hah a ramuk awh teh, kahni touh hoi a kamleng awh.

³ Buet touh ni buet touh koe, Rasahu BAWIPA teh a thoung, a thoung, a thoung, talai van pueng teh a bawilenna hoi akawi telah a hramkhai awh.

⁴ Hottelah hram e lawk ni longkha e khomdunaw a kâhuet sak teh, hmaikhu hoi im teh akawi.

⁵ Hat toteh, kai ni, Oe hettelah doeh ka o toe. Kai ka cungkeihoeh toe. Bangkongtetpawiteh, kakhin e pahni doeh ka tawn. Ka khin e pahni ka tawn e miphun koe doeh ka o. Rasahu BAWIPA, siangpahrang hah ka mit ni a hmu toe ka ti.

⁶ Hattoteh Seraphim buet touh ni, thuengnae khoungroe dawk e paitei hoi a sin e hmaisaan hah a kut hoi a kuet teh kai ka onae koe kamleng laihoi a tho teh,

⁷ ka pahni hah a nep teh, hete hmaisaan ni na pahni a kânep toe. Na payonnae teh takhoe lah ao toe. Na yon hai thounsak lah ao toe ati.

BAWIPA ni Isaiah a patoun

⁸ Hahoi, BAWIPA ni dei e lawk bout ka thai. Kai ni apimaw ka patoun han. Kai hanelah apimaw ka cet han, ati navah, kai ni kai ka o, kai na patoun loe ka ti pouh.

⁹ BAWIPA ni, hote miphunnaw onae koe cet nateh, na thai awh eiteh, na thai panuek awh hoeh. Na hmu awh eiteh, na nout awh hoeh tet pouh.

¹⁰ A mit hmawt aw hoh, a hna thai aw hoh, a nuen kâthung aw hoh, a patawnae karoumsak hoh nahan totouh, a lungthin mom sak, a hnâpang sak, a mitdawn sak pouh ati.

¹¹ Hatnavah, kai ni, Oe BAWIPA nâtotouh maw telah ka pacei navah, kho thung khoca o hoh nahanelah, im thung imkung o hoh nahanelah, koug raphoe vaiteh, ram thung tami kingkadi lah ao totouh thoseh,

¹² BAWIPA ni taminaw hah ahlanae koe a thak vaiteh, ram teh kingkadi lah ao totouh thoseh a saw han ati.

¹³ Hote ram daw k hra touh daw buet touh ka cawi rah nakunghai, hote ka cawi e hah boutbout raphoe lah ao han. Hatei, hmaica thing hoi bengkenng thingnaw tâtueng teh, a thongmui a cawi e patetlah kathoung catoun teh hote ram daw k thongmui lah ao han.

7

Isaiah teh siangpahrang Ahaz koe patounnae

¹ Judah siangpahrang Uzziah capa Jotham, a capa Ahaz siangpahrang se navah, Siria siangpahrang Rezin hoi Isarel siangpahrang Remaliah capa Pekah tinaw teh Jerusalem tuk hanlah a kamthaw aw. Hateiteh, kangcoung hoh.

² Siria ram ni Ephraim ram hah a kâuep tie hah Devit imthung ni a thai navah, kahrawngum vah thingkungnaw teh kahlî ni a kâhuet sak e patetlah siangpahrang e lung hoi khocanaw e lung hai thouk a kâhuet.

³ Hat toteh, BAWIPA ni Isaiah koe lawk a dei pouh e teh, nang hoi na capa Shear-Jashub hoi rei cet roi nateh, kapâsukung e laikaw k teng ceinae lam, atunglae tuikhu teng vah, Ahaz siangpahrang hah dawn nateh, na kâhmo toteh na dei pouh hane teh,

⁴ Kâhruetcuete nateh, lawkkamuem lah awmh. Taket hanh. Hmai sungung ka khu e hete thingtu kahni touh tie Siria siangpahrang Rezin hoi Remaliah capa tinaw teh a lung puenghoi ka khuek nakunghai, na lungpuen hanh.

⁵ Siria ram, Ephraim ram, Remaliah capanaw ni, maimouh ni Judah ram lah cei aw vaiteh, peng kayei aw sei,

⁶ ram lungui vah Tabeel capa hah siangpahrang lah tat aw sei, telah nange a vang lah kahawihoehe pouknae hoi a kâcai aw

⁷ Hatei, Bawipa Jehovah ni, hottelah kangcoung mahoh, hottelah tho mahoh ati.

⁸ Siria ram e lû teh Damaskas kho, Damaskas kho e lû teh Rezin, kum 65 touh thung Ephraim teh ram lah ao hoh nahanelah, a raphoe han.

⁹ Ephraim e lû teh Samaria, Samaria e lû teh Remaliah capa doeh. Na yuem aw hoehpawiteh, na kangdout katang aw mahoh atipouh.

Immanuel mitnout

¹⁰ Hahoi, BAWIPA na Cathut koe mitnoutnae hah het haw.

¹¹ Adungnae koehai thoseh, a rasangnae hmuen koehai thoseh, kâhet haw telah BAWIPA Cathut ni Ahaz koe atipouh.

¹² Hatei, Ahaz ni ka kâhet mahoh. BAWIPA hai ka tanouk mahoh atipouh.

¹³ Hat toteh, Isaiah ni Oe Devit imthungnaw, thai aw haw. Nangmouh ni tami na hnueai sak dueng laipalah, kai ni ka baw k e Cathut hai na hnueai sak aw han namaw.

¹⁴ Hatdawkvah, BAWIPA ma ni nangmanaw hah mitnout na poe awh han. Khenhaw! Tanglakacuem buet touh ni capa vawn vaiteh, ca tongpa a khe han. Hote capa hah Immanuel telah a min phung han.

¹⁵ Ahni ni, kahawihoehe hah a takhoe teh, kahawi e hah a rawi thai totouh, sanutui pakak e hoi khoitui hah a ca han.

¹⁶ Hote camo ni, kahawihoehe a takhoe teh kahawi e a rawi thai hoehnahlan nang ni na taki e siangpahrang kahni touh ni, a uknaeram teh pahnawt e ram lah ao han.

¹⁷ Ephraim ni Judah koehoi a tâco takhai hnin hoiyah, kaawm boihoeh e hnin hah nange lathueng hai thoseh, na imthungnaw lathueng hai thoseh, BAWIPA ni a Assiria siangpahrang a tho khai han.

¹⁸ Hote hnin navah, Izip sawkcanaw daw k e bitseinaw hai thoseh, Assiria ram e khoi naw hai thoseh, BAWIPA ni a hroecoe han.

¹⁹ Hotnaw tho awh vaiteh, tami kingdinae koe ravonaw, lungha lungngoumnaw, buruknaw, saring ni canei e ramnaw pueng daw k king akawi awh han.

²⁰ Hat hnin vah, palangpui namran lah kaawm e hlai e Assiria siangpahrang pataca hoi, na sam hoi na khokmuen hah BAWIPA ni na ngaw pouh han. Na pâkhamuen hai na ngaw pouh han.

²¹ Hat hnin vah, tami buet touh ni maito buet touh, tu kahni touh paca pawiteh,

²² sanutui buem pouh vaiteh, sanutui pakak e a ca han. Ram daw k ka cawi rae pueng ni sanutui pakak e hoi khoitui a ca awh han.

²³ Hatnavah, misurkung 1,000 touh ka tawn niteh, tangka 1,000 touh ka phu e misur takha pueng haiyah, pâkhing hoi akawi han.

²⁴ Licung hoi pala patuem awh vaiteh, hete hmuen koe a cei awh han. Talaivan pueng pâkhing hoi akawi han.

²⁵ Tokso hoi tai teh vu e law pueng hai, pâkhing kecu apinihai a cei ngai hoeh dawkvah, maito pânae, tunaw ni coungroenae lah ao han.

8

Isaiah ni ca tongpa a khe

¹ Hahoi, BAWIPA ni, ca thut nahane a phen kalen e buet touh lat nateh, Maher-shalal-hash-baz telah ca cung hoi thut loe ati. Hot hateh, hno lawpnae hoi karangpoung lah raphoe haw tinae doeh.

² Hat toteh, kapanuekkhaikung lah ao nahanlah, yuemkamcu e kahni touh, vaihma Uriah hoi Jeberkhiah capa Zekhariah tinaw hah ka kaw toe.

³ Hathnukkhu, profetnu koe ka cei teh camo a von teh, ca tongpa a khe. BAWIPA ni a min teh, Maher-sahalal-hash-baz phung loe ati.

⁴ Bangkongtetpawiteh, hote camo ni anu apa telah a kaw thai hoehnahlan, Damaskas e bawinae hnopai hoi Samaria koe lawp e hnopainaw teh, Assiria siangpahrang ni kOUNg na lawp awh han ati.

Assiria siangpahrang a tho han

⁵ Hahoi, BAWIPA ni, hete taminaw ni yutyut kalawng e Shiloh palang hah a pahnawt awh teh,

⁶ Rezin hoi Remaliah capanaw koe a lunghawi awh dawkvah,

⁷ ransahu hoi cungtalah Assiria siangpahrang a thakaawmpoung palang tui hoi ahnimanaw teh kOUNg ka ramuk sak han. Hote tui ni palang tuiko hoi rangoum pueng daw k muen kawi vaiteh,

⁸ Judah ram muen the vaiteh, lahuen totouh a ramuk han. A ratheinaw hah kadai vaiteh a ram hah kounge a ramuk han. Oe Immanuel, telah ati.

⁹ Oe taminaw, kamkhueng awh nateh taket awh haw. Ram hlanae koe e taminaw, na hnâpakeng awh haw. Taran kâtuk hanelah, kârakueng awh nateh, taket awh haw.

¹⁰ Kâpan awh haw, na pouknae teh banglahai tho mahoe. Lawk tâtueng awh haw, cak mahoe. Bangkongtetpawiteh, Cathut teh kaimouh hoi ao.

Cathut taket haw

¹¹ Hete miphunnaw ni a dawn awh e lamthung ka dawn hoe hahanlah BAWIPA ni lawk na dei pouh e teh,

¹² hete taminaw e kamkhuengnae koe kamkhueng van hanh. Ahnimouh ni a taki awh e hah taket van hanh, puen awh hanh.

¹³ Rasahu BAWIPA hah bari awh. Ahni dueng maha taket awh nateh, puen awh.

¹⁴ Hottelah na sak pawiteh, ahni teh, nang ni na kângue e lah awm vaiteh, Isarel ram thung kaawm naw hoi Jerusalem kho thung kaawm naw hanelah, rawpnae talung, kamthuinae talung tangkhek hoi karap lah ao han.

¹⁵ Hahoi hawvah tami kapap ni a kamthui awh han. Rawm awh vaiteh a rek awh han. Kâman awh vaiteh man lah ao awh han.

¹⁶ Hete lawkpanuesaknae hah ka hnukkâbangnaw koe tangoung nateh kâlawk hah tacikkin haw.

¹⁷ Jakop imthung koe minhmai ka hrawk e BAWIPA hah kai niteh, ka ngaihawî han.

¹⁸ Kai hoi BAWIPA ni na poe e camonaw heh, Zion mon kaawm e ransahu BAWIPA koehoi e Isarelnaw hanelah, mitnoutnae hoi noutnae lah ao.

¹⁹ Lawk duemduem hoi sipsap sipsap ka dei e kutkhetkathounnaw hoi khueyuenaw koe cet awh tet awh pawiteh, taminaw ni amamae Cathut koe pacei kawi nahoe. Kahringnaw ni kadoutnaw koe pacei kawi na maw.

²⁰ Cangkhainae hoi lawkpanuesaknae hah thai awh haw. Ahnimouh ni a dei awh e teh, lawk dawk nahoe pawiteh, ahnimouh koe khodai hoe rah.

²¹ Ram thungvah, lungpout hoi vonhlam hoi a kâva awh han. A vonhlam awh toteh, mahoima runae a kâpoe awh vaiteh, amamae siangpahrang hoi amamae Cathut hah thoebo awh.

²² Hahoi, kahlun lah a moung awh han. Talai lah a khet awh nakunghai, runae hoi hmonae duenghoi akawi. Angnae ohoehnae koe, khoemo thung doeh kâen awh tih toe.

9

Maimouh han lah camo a khe toe

¹ Hatei, runae khang hnukkhu hmonae daw k hoi ram teh a hlout awh han. Zebulun ram hoi Naphtali ram teh, ahmaloe vah kayanae kâhmo nakunghai a to hmalah teh, tuipui rai ceinae lamthung, Jordan palangpui namran lae, Jentelnaw onae Galilee ram totouh barinae a coe awh han.

² Hmonae thung ka cet kaawm e taminaw ni, kalenpoung angnae hah hmawt awh vaiteh, duenae ram thung kaawm naw koe angnae ni a tue han.

³ Bawipa nang ni miphun hah na pung sak teh, ahnimae lunghawinae hah na pung sak pouh. Canga hnin patetlah lawp e hno kareinaw ni lunghawi e patetlah na hmalah ahnimouh ni a lunghawi aw h.

⁴ Bangkongtetpawiteh, Midiannaw koe na sak e patetlah ahnimouh ni aphu aw h e hnori, hemnae bongpai, ka rektapnaw e tahroenaw hah BAWIPA nang ni na khoe pouh toe.

⁵ Ransanaw e khokkhawm hoi thi kânep e khohna puenghai hmai koug sawi lah ao han.

⁶ Bangkongtetpawiteh, maimouh hanelah camo a khe toe. Maimouh hanelah capa buet touh na poe aw h toe. Ahnie loung daw k uknae kâ ao han. Amin teh, Kângairu, Kâpokhaikung, Athakaawme Cathut, Yungyoe e Napa, Rounnae Bawi ti han.

⁷ A uknaeram rounng vaiteh, lungmawngnae pout mahoe h. Siangpahrang Devit e bawitungkhung daw k tahung vaiteh, a ram hah a uk han. Atu hoi a yungyoe totouh, kalan lah a uk han. Rasahu BAWIPA ni a sak roeroe hanelah a nginae ao.

BAWIPA ni Isarel runae a poe han

⁸ Bawipa ni Jakop miphun koe a lawk a poe teh, Isarelnaw koe a pha han.

⁹ Amhru katim nakunghai, pathei tangcoung e talung hoi bout ka sak aw h han.

¹⁰ Thailahei kungnaw teh ka rawm nakunghai, a yueng lah sidarkung ka ung aw h han telah ka kâoup aw h ni teh a lung kalen aw h e Samaria khocanaw hoi Ephraim khocanaw pueng ni a panue aw h han.

¹¹ BAWIPA ni ahnimouh hanelah, Rezin tarannaw hah a thaw sak teh, Ephraim e tarannaw hah a thaw sak dawkvah,

¹² kanitholah Sirianaw, kaniloumlah Filistinaw ni a pahni ang aw h vaiteh Isarelnaw hah a kei aw h han. Hatei, a lungkhueknae teh roum hoe h, a kut teh pou a dâw.

¹³ Hete miphunnaw teh runae kapoekung koelah kamlang a hoe h. Rasahu BAWIPA hah tawng panuek aw h hoe h.

¹⁴ Hatdawkvah, BAWIPA ni Isarel miphunnaw koehoi lû hoi mai hai thoseh, samtue kang hoi pho hai thoseh hnin touh hoi a tâtueng han.

¹⁵ Lû teh matawng hoi bari kaawmnaw doeh. Mai hateh, laithoe ka dei e profet hah doeh.

¹⁶ Hete miphunnaw lam kapatuekungnaw ni lam a payon aw h nahanelah lamthung a pâ tue aw h toe. Ka dawn e naw hai rawknae koe a pha aw h han.

¹⁷ Hatdawkvah, ahnimae thoundounnaw hah BAWIPA ni a lungyouk hoe h. Naranaw hoi lahmmainunaw hai pahren hoe h. Ahnimouh pueng teh, cathutlaipa e naw hoi tamikathoutnaw lah ao aw h dawkvah, kamsoumhoehe lawk hah a dei aw h. Hatdawkvah, a lungkhueknae roum hoe h, a kut teh pou dâw e lah ao rah.

¹⁸ Kamsoumhoehe teh hmai patetlah ouk a kak. Pâkhing aphunphun hah ouk a kamtawi sak. Ratu hai hmaisawi teh, akungnaw teh hmaikhu hoi parang a kâyat han.

¹⁹ Rasahu BAWIPA e a lungkhueknae dawkvah, talai hmai a kak teh, talai taminaw teh hmai patawi nahane thing lah ao aw h han. Hmau nawngha reira buet touh hoi buet touh kâpasai mahoe h.

²⁰ Aranglah hoi ka bouk ei nakunghai, vonhlam mingming han rah. Avoilah hoi ka cat ei nakunghai, von paha mahoe. Imri reira e moi hah tami pueng ni a ca aw h han.

²¹ Manasseh miphun ni Ephraim miphun, Ephraim miphun ni Manasseh miphun hah a kâkei aw h han. Hote miphun roi ni Judah miphun hah cungtalah a taran roi han. Hatei, a lungkhueknae teh roum hoe, a kut teh pou a dâw rah.

10

¹ Vonhlamrinci hoi kaawm naw rektap nahanelah thoseh,

² ka taminaw thung daw k e ka mathoenaw ni a coe aw h hane kawi hah lawp hanelah thoseh, lahmainunaw rektap hane, naranaw e hnopai lawp hanelah kalanhoehe lah lawk katâtuengkung, caret kacailah ca kathutkungnaw, nangmouh teh na yawthoe aw h.

³ Runae na kâhmo hane hnin, rawknae ahlanae koehoi a tho navah, na kabawm hanelah, api koe maw na yawng aw h han. Na hnopai tawnta e naw teh namamouh ni na pâtung aw h han.

⁴ Taran tuknae koe na due aw h han, hoehpawiteh, san lah na hrawi aw h han. Hatei, a lungkhueknae teh roum hoe, a kut teh pou a dâw rah.

Cathut ni Assiria siangpahrang Lawk a ceng

⁵ Aya! Assiria teh ka lungkhueknae bongpai lah ao. Ahni ni a patuep e sonron teh, runae ka poe nahanelah ao.

⁶ Cathut banglah ka ngâi hoe h naw onae koe ahni hah ka patoun. Ka lungkhueknae ka khang hane taminaw hah a lawp vaiteh, a raphoe vaiteh, lam daw k e tangdong patetlah a coungroe nahanlah lawk ka thui han.

⁷ Hatei, ahni teh, amae a lung thung vah, alouke pouknae hoi alouke ngainae a tawn. Ahni ni raphoenae hoi miphun moikapap hah thei hanelah a ngainae ao.

⁸ Ahni ni hettelah a dei: Kaie ransabawinaw teh siangpahrangnaw nahoehmaw.

⁹ Kalno kho teh Kakhemish kho patetlah Hamath kho teh Arpad kho patetlah nahoehmaw, Samaria kho teh Damaskas kho patetlah nahoehmaw ao vaw.

¹⁰ Samaria meikaphawk hoi Jerusalem meikaphawk ka talue e meikaphawk ka baw k e uknaeramnaw hah ka lawp e patetlah thoseh,

¹¹ Samaria kho hoi a meikaphawknaw koe ka sak e patetlah thoseh, Jerusalem hoi ahnie meikaphawknaw koe ka sak han nahoehmaw.

¹² Hatei, BAWIPA ni Zion mon hoi Jerusalem vah thaw a cum hnukkhu, Assiria siangpahrang e a lungthin hoi a kâoupnae hoi, a mit hoi a kâlennae dawkvah, runae ka poe han.

¹³ Hote siangpahrang ni, kai teh kama e kut thao thasainae hoi, ka lungangnae hoi ka panue thai. Taminaw e khorinaw hah ka tahruet pouh toe. Ahnimae hnopai pueng ka lawp toe. Siangpahrangnaw hah maifotan patetlah beng ka sawn toe.

¹⁴ Ka kut ni tava tabu a kasum e patetlah ahnimae hnopainaw teh ka kasum pouh toe. A ceitakhai e tava tadui ka lae patetlah talai hno kaawm e pueng hah ka la toe. Apihai a rathei kâhuen sak hoe. A pahni ang hoe. Cairng hoe ati.

¹⁵ Bongpai ni tami tawm hoe, tami ni doeh a sonron a tawm e patetlah Cakâ ni ka hno kung lathueng a kâoup thai maw. Hlaw ni ka hno kung koe a kâoup kawi na maw.

¹⁶ Hatdawkvah, ransahu Bawipa Jehovah ni, kingking kaboumlah ka cat ka net e siangpahrang koe, pheng kamsoenae hah a patoun pouh han. A bawilennae rahim vah, hmai ka kang e patetlah a kak han.

¹⁷ Isarelnaw e angnae teh hmai lah ao han. Kathounge Cathut teh hmaipalai lah ao han. Hnin touh hoiyah, ahnimae pâkhing buruk hoi rapan pueng teh mueng ka yawng lah a kak han.

¹⁸ BAWIPA ni, ratu bawilennae hoi, caticamu a pawnae laikaw bawilennae hai a raphoe pouh han. A tak hoi muitha hai a tha baw vaiteh, ka ngouk e patetlah ao han.

¹⁹ Camo ni a touk thai nahanelah, ratu youn touh a cawi han.

Kacawie Isarel a ban awl han

²⁰ Hat hnin toteh, runae ka hlout ni teh kacawie Isarelnaw hoi Jakop imthungnaw teh, amamouh karektapkungnaw koe bout kâuep awl toung laipalah, Isarelnaw e Kathounge BAWIPA koe atangcalah a kâuep awl han.

²¹ Kacawiraenaw bout a ban awl han. Jakop miphun daw k kacawiraenaw teh, athakaawme Cathut koe bout a ban awl han.

²² Oe Isarelnaw, nange taminaw teh, tuipui rai e sadi yit touh ka phat ei nakunghai, kacawie naw duengdoeh bout ka ban awl han. Rawknae teh sut hmoun e lah ao dawkvah, lannae lahoi ahnimouh teh a ramuk han.

²³ Rasahu Bawipa Jehovah ni, talai van lungui vah a hmoun tangcoung e runae teh a sak han.

BAWIPA ni Assiria runae a poe han

²⁴ Hatdawkvah, ka Bawipa ransabawi Jehovah ni a dei e teh, Oe ka taminaw, Zion vah kaawm e naw, Assiria siangpahrang hah taket awl hanh. Izip siangpahrang ni a sak e patetlah ahnie bongpai hoi sonron hoi na hem awl han.

²⁵ Hatei, ahnimouh rawknae koe a pha e lahoi, dongdeng ca daw k ka lungkhueknae teh a roum han.

²⁶ Rasahu BAWIPA ni Oreb lungsong teng Midiannaw a hem e patetlah thoseh, tuipui van sonron dâw e patetlah thoseh, Izipnaw koe a sak e patetlah thoseh, ahnimanaw hah a hem han.

²⁷ Hatnae hnin dawkvah, ahnie hnokari teh na loung daw k hoi thoseh, na lahuen daw k hoi thoseh takhoe lah ao han. Thâwnae kecu daw k na lahuen daw k e yawcu teh a rek han.

Taran teh a kâen

²⁸ Aiath kho daw k a pha toe. Migron a tapoung toe. Mikmash kho vah hnopainaw teh a ta awl toe.

²⁹ Sanengnaw a tapuet awl toe. Geba kho vah a tungpup awl toe. Ramah kho teh a taki toe. Sawl onae Gibeah kho teh a yawng toe.

³⁰ Oe Gallim canu, hramki haw. Oe Laish kho na hnâpakeng haw. Anathoth kho a temdeng toe.

³¹ Madmenah kho teh a kampuen toe. Gebim khocanaw teh hloutnae koe a yawng awl toe.

³² Nob kho vah sahnin ao awl teh, Zion canu e mon lah kaawm e Jerusalem mon hah, a kut hoi a kahuet han.

³³ Rasahu Bawipa Jehovah ni thingkangnaw rabat e patetlah takikathopoung bahu hoi, a kangnaw hah bouk vaiteh, ka rasang e a kangnaw hah reprep a satut han.

³⁴ Ratu kathapoung hah cakâ hoi tâtueng vaiteh, Lebanon teh, athakaawme kut daw k hoi a rawp awl han. Kaie lung hai a roum han.

11

Jesi cakang ni uknae

¹ Jesi kung dawkh hoi a dawn a cawn han. A tangpha dawkh e a cakang ni a paw a paw han.

² BAWIPA e Muitha, lungangnae Muitha, thaipanueknae Muitha, kâponae Muitha, thaonae Muitha, panuenae Muitha, hoi BAWIPA takinae Muitha teh ahni dawkh ao han.

³ Ahni teh BAWIPA a taki dawkvah, a mit hoi a hmu e patetlah lawkceng hoeh, a hnâ hoi a thai e patetlah lawk tâtueng hoeh.

⁴ Mathoenaw hah lannae hoi lawk a ceng teh, talai taminaw koelah, panguepnae lahoi lawk a tâtueng pouh. Talai hah a lawk bongpai hoi a hem teh, tamikathoutnaw hah a kâha hoi a thei.

⁵ Lannae hoi yuemkamcunae teh a keng dawkh kâyeng e taisawm lah ao.

⁶ Asui teh tuca hoi rei ao han. Kaisi teh hmaeca hoi rei a yan han. Maitoca, sendek, hoi ka thâw e saringnaw hoi reirei a ceio awh han. Camocanaw ni hotnaw hah a hrawi awh han.

⁷ Maitomanu hoi tavom teh reirei hrampa awh vaiteh, a canaw teh reirei a yan awh han. Sendek hai maito patetlah hram a ca han.

⁸ Sanu ka net e camo ni hai hrunthoe khu dawkh a tapu han. Sanu kamphei e camo nihai, hrunthok khu dawkh a tapu han.

⁹ Kaie kathoung mon dawkh, kârektapnae, kâraphoenae awm mahoe. Bangkoktetpawiteh, tuipei ni amae hmuen hah a ramuk e patetlah talai van teh, BAWIPA panuenae hoi akawi han.

Santoungnae koehoi bout a ban awh

¹⁰ Hate hnin dawkvah, Jesi e tangpha teh cawn vaiteh, taminaw hanelah mitnoutnae lah ao han. Hote mitnoutnae koe Jentelnaw teh a kâhnai awh han. A onae hmuen hai a lentoe han.

¹¹ Hate hnin dawkvah, a kut dâw vaiteh, Assiria ram, Izip ram, Pathros ram, Kush ram, Elam ram, Shinar ram, Hamath ram, tuipei namran lah kaawm e ramnaw koehoi, a taminaw kacawiraenaw hah bout a thokhai.

¹² Jentelnaw hanelah mitnoutnae a ung pouh dawkvah, a pâlei e Isarelnaw hoi kho tangkuem kampek e Judahnaw hah, talai takin pâli touh koehoi kaw vaiteh, a pâkhueng han.

¹³ Ephraim teh utnae lung a roum han. Ouk ka taran e Judahnaw hai taran ngainae lung a roum awh han. Ephraim ni Judahnaw hah ut awh mahoe toe. Judahnaw ni Ephraim hah taran awh mahoe toe.

¹⁴ Ahnimouh ni kanîloum lah, Filistinnaw hah a tuk awh han. Kanîtholae ramnaw e hnopainaw hah reirei a lawp awh han. Edomnaw hoi Moabnaw hai a thei awh han. Ammonnaw ni ahnimae lawk hah a ngai pouh awh han.

¹⁵ BAWIPA ni Izip tuipei e lai hah khoeroe a raphoe pouh han. Kabetpoung e kahlî hoi a kut hah palangnaw van kahek vaiteh, palang sari touh a lawng nahanlah hem vaiteh, taminaw ni khokkhawm khawm vaiteh a raka awh han.

¹⁶ Isarelnaw Izip ram hoi a tâco awh navah kaawm e patetlah Assiria ram hoi kacawie a taminaw ceinae lamthung lah a coung han.

12

BAWIPA teh ka tha hoi ka la doeh

¹ Hate hnin dawkvah nang ni na dei hane teh, Oe BAWIPA, nang koe ka lung ahawi. Kai koe na lungkhuek ei nakunghai, na lung bout a roum teh, kai hah lung na pahawi toe.

² Khenhaw! Cathut teh na kaie rungngangnae doeh. Takinae tawn laipalah, ka taran ahawi han. Jehovah teh ka tha hoi ka la doeh. Kaie rungngangnae lah ao.

³ Nangmouh teh lunghawinae lungthin hoi rungngangnae tuiphuek tui hah na do awh han.

⁴ Hate hnin dawkvah, BAWIPA teh pholen awh. A min hah kaw awh. A thaw tawknæ hah taminaw koe panuek sak awh. A min lentoenæ hah pathang awh.

⁵ BAWIPA koe pholen la sak awh. Lentoenæ lahoi thaw a tawk toe. Hete heh, talai tami pueng ni panuek awh naseh.

⁶ Oe Zion vah kaawm e naw pueng, hram awh nateh, lunghawi la sak awh. Bangkongtetpawiteh, Isarelnaw e kathoungpounge Cathut teh, nangmae lungui vah a lentoe poung.

13

Babilon lawkcengnae

¹ Amoz capa Isaiah ni Babilon hoi kâkuen lah lawk a dei e teh,

² Ka nga e mon dawk luen awh nateh, mitnout hah ung awh haw. Kacaipounglah hramki awh. Na kut hah kahek awh. Ahnimouh teh, nangmouh onæ longkha thung kâen awh naseh.

³ Kai ni ka thoungsak e naw koe lawk ka thui toe. Kai ni ka poe e lentoenæ dawkvah, a lung kahawi e, athakaawme taminaw hah ka lungkhuek e a roum nahanelah, ka kaw toe.

⁴ Monsom e pawlawk teh tamihupui e pawlawk doeh. Miphunnaw uknaeram kamkhuengnae koe ruengruengti e pawlawk, hoi ransahu BAWIPA teh taran tuk hanlah a kâcai.

⁵ BAWIPA hoi cungtalah, a lungkhueknae senehmaica teh ram buemlah raphoe hanlah, a hlanae ram talai poutnae koehoi a tho awh.

⁶ BAWIPA e hnin teh a hnai toung dawkvah, khuikap awh haw. Athakasaipounge ni a rawk sak nahane hnin teh a tho han.

⁷ Kut kaawm pueng lounghanghawi han. Tami pueng a lung a pout awh han.

⁸ Lungpuen hoi awm awh vaiteh, patawnae aphunphun ni a cusin han. Camokhe patawnae ka khang e napui patetlah patawnae khang awh vaiteh, buet touh hoi buet touh a kâkhet awh toteh, ahnimæ minhmai teh hmaipalai patetlah ao han.

⁹ Khenhaw! BAWIPA e hnin teh a tho lahun. A lungkhueknae, a lungkâannaæ hoi hote ram hah kingdi vaiteh, khocaramca tamikayonnaw hah peng raphoe hanelah a tho lahun.

¹⁰ Kalvan âsinaw hoi âsihunaw teh ang awh mahoe. Kanî hai a tâco navah a hmo vaiteh, thapa hai ang mahoe.

¹¹ Talaivan ni a yonnae hai thoseh, tamikathoutnaw e a payonnae hai thoseh, runæ ka poe han. A lung kalennaw e kâoupnæ hah ka pout sak vaiteh, kakaisuenaw e dudamnae hah ka pabo han.

¹² Kai ni taminaw teh sôlêi e sui hlak hai thoseh, Ophir sui hlak hai thoseh ka takang sak han.

¹³ Hatdawkvah, ransahu BAWIPA e a lungkhueknae hah, a lungphuen-
nae hnin dawkvah, kalvan kahuat vaiteh, talai hai ama onae hmuen
koehoi a kâtahruet han.

¹⁴ Tami pueng teh kahrawng pâlei e sayuk sakhi patetlah a yawng awh
vaiteh, kapâkhuengkung kaawm hoeh e tunaw patetlah awm awh vaiteh,
amamae miphun koelah kamlang awh vaiteh, amamae ram dawk a yawng
awh han.

¹⁵ A kâhmo awh e pueng thut lah awm vaiteh, a man awh e pueng teh
tahloi hoi thei lah ao han.

¹⁶ Ahnimae a canaw hai amamae hmaitung vah, doukkâlat lah talai
dawk raphet awh vaiteh, ahnimae innaw teh peng a raphoe pouh han.
A yunaw hah a pacekpahlek pouh awh han.

¹⁷ Khenhaw! Medesnaw hah ka hroecoe pouh han. Ahnimouh teh, sui
hah banglahai ngâi awh mahoe, ngun hai ngai awh mahoe.

¹⁸ Ahnimouh ni thoundounnaw hah licung hoi a thei han. Ahnimouh ni
a thun thung e camonaw hai pahrennae tawn awh mahoe. Ahnimae mit
ni camocanaw hah pasai awh mahoe.

¹⁹ Uknaeram pueng hlak ka bawilen e Babilon, Khaldean taminaw ni
kâoupnae lah kaawm e Babilon kho teh, Cathut ni a raphoe e Sodom hoi
Gomorrhah kho patetlah ao han.

²⁰ Hote kho dawk nâtuek hai tami khosak mahoe toe. Bangpatet e
Arabnaw hai hote hmuen koe rim sak mahoe toe. Bangpatet e tukhoun
ni hai hote hmuen koe a tunaw hah tabawk sak mahoe.

²¹ Hatei, thingyeyawn sarangnaw teh hote hmuen koe a tabo awh han.
Ahnimae innaw teh kacaikaringe moithang hoi akawi han. Kalaukvanaw
ni ao nah vaiteh, Athanaw a coukdouk awh han.

²² Asuinaw ni kho longkha rapannaw koe toseh, kahrawnguinaw ni
innaw dawk toseh, a cairing awh han. Hote kho dawk atueng nâsittouh
ao hoehnahlan a tho han. Hote tueng hai saw mahoe.

14

San lah onae koehoi Jakop bout bannae

¹ Bangkongtetpawiteh, BAWIPA ni Jakop imthung hah a pahren daw-
vah, Isarelnaw hah bout a rawi teh, amamae ram dawk ahnimanaw hah
a hmuen a poe han. Ramlouknaw ni ahnimouh koe ao awh van han.

² Miphunnaw ni ahnimouh teh, amamae ram dawk a thokhai awh han.
Isarelnaw ni miphunnaw e napui tongpanaw hah san lah a tawn awh han.
Ahnimouh ni ahnimouh kamangkungnaw hah a man awh han. Ahnimouh
ka rektap e naw hai a uk awh han.

Babilon siangpahrang rawpnae

³ BAWIPA ni nange patawnae, temdengnae, ka ru e thaw na tawk saknae
koehoi nang hlout sak nahan lah BAWIPA e hnin teh a tho han.

⁴ Hattoteh, nangmouh ni Babilon siangpahrang hanelah hettelah
bangnae na dei awh han, talai ka rektap e teh hete tami nahoehmaw,
a uknaeram teh a rawp bo toung vaw.

⁵ BAWIPA teh tamikathoutnaw e sonron, ukkungnaw e tahroe hah a khoe
pouh.

⁶ Hote ni pout laipalah hemnae hoiyah taminaw hah lungkhueknae hoi
a hem. Pahrennae awm laipalah, rektap teh lungkhueknae miphunnaw
hah a uk

⁷ Talaivan pueng teh duem a kâhat teh, la sak lawk ni a katin.

⁸ Hmaica thingnaw ni nang koe a lunghawi aw. Lebanon mon kaawm e sidar thingnaw ni, nang na rawp hnukkhu, kaimouh na ka tâtueng hane luen takhang hoeh toe ati aw.

⁹ Nang na tho toteh dawn hanelah, tami kadout kho teh a kâcai. Talai ukkungnaw pueng a hroecoe teh, ram tangkuem e siangpahrangnaw pueng hai amamae bawitungkhung daw k hoi a thaw sak.

¹⁰ Ahnimouh pueng ni na pathungnae lah a dei aw h e teh, nang hai kaimouh patetlah na tha a youn teh, kaimouh hoi rei na kâvan bo vaw

¹¹ Nange raim onae, nange ratoung lawk teh tami kadout kho a cei aw h toe. Pârinaw teh na yan nahanelah ao teh, ahrinaw teh na kâkhu e lah ao.

¹² Oe Khosei capa (Lucifer), amom tempalo, kalvan hoi na bo toe. Ram pueng na kata e, nang teh talai daw k rek na taben toe khe.

¹³ Nama ni teh na lungthung hoi hettelah na dei. Kalvan vah ka luen han. Cathut e âsinaw lathueng vah, ka tahungnae bawitungkhung ka rasang sak han. Atunglah kaawm e kamkhuengnae mon daw k ka tahung han.

¹⁴ Tâmainaw e lathueng ka luen han. Lathueng Poug e Cathut patetlah ka kâsak han.

¹⁵ Hatei, nang teh tami kadout kho, kadung poung e tangkom thung na bo toe.

¹⁶ Nang na kahmawt e naw ni nang hah na khet aw h teh, talai kâhuen sak e tami, ram pueng kâhuen sak e tami,

¹⁷ talaivan heh kahrawngum patetlah ka coung sak niteh, khopuinaw hah ka raphoe e, a man e naw hah ama im bout ban sak hanelah kâ ka poe hoeh e teh hete tami han namaw, na ti pouh aw h han.

¹⁸ Ram tangkuem e siangpahrangnaw pueng teh, amamae tangkom daw k bawilenna e hoi a yan aw h.

¹⁹ Hatei, nang teh panuetho e thingkang patetlah na tangkom daw k hoi takhoe lah na o toe. Thei lah kaawm e, tahlôi hoi thut lah kaawm e, talung tangkom thung ka cet e naw hoi ramuk lah na o teh, khok hoi coungroe e ro patetlah doeh na o toe.

²⁰ Nang teh ahnimouh hoi rei pakawp mahoe. Bangkongtetpawiteh, nang teh, nama e ram hah na raphoe teh, na taminaw hah na thei toe. Hawihoehnae ka sak e a catounnaw teh nâtuek hai a min bout dei mahoe toe.

²¹ Ahnimae a canaw teh, amamae napanaw e yon kecu daw kvah, thei nahane hmuen hah rakueng aw h. Ahnimouh thung hoi apihai talai ukkung aw m mahoe toe. Talaivan kho hai kangdout sak aw h mahoe toe.

Cathut ni Babilon a raphoe han

²² Rasahu BAWIPA ni, ahnimouh hoi kâtaran lah ka o han. Babilon kho daw k hoi ahnie min hoi kacawie naw thoseh, a ca catounnaw hai thoseh ka raphoe han telah ati.

²³ Babilon kho teh sambuem lah ka o sak vaiteh, bukbu onae lah ka ta han. Raphoenae sampho hoi ka pâthoun han telah ransahu BAWIPA ni a pathang.

Cathut ni Assirianaw a raphoe han

²⁴ Rasahu BAWIPA ni, ka pouk e patetlah ao han. Ka noe e patetlah ka sak han.

²⁵ Assirianaw hah ka ram daw k rek ka hem vaiteh, kama e monnaw daw kvah, rep ka coungroe han. Ahnie yawcu hah ka takhoe pouh vaiteh,

a hno hah a loung dawk hoi ka takhoe pouh han telah thoe a kâbo teh a dei.

²⁶ Hethateh, talai van puenghoi kâkuen e ka noenae doeh. Hathateh, ram pueng koe ka dâw e kut doeh

²⁷ Bangkongtetpawiteh, ransahu BAWIPA ni a noe toe. Apinimouh a oun thai han. BAWIPA e kut teh a dâw toe. Apinimouh a hno sak thai han.

Cathut ni Filistinnaw a raphoe han

²⁸ Ahaz siangpahrang a duenae kum dawk hete lawk teh a tho.

²⁹ Filistin khocanaw, nangmouh na hemnae bongpai a lawt dawk na lunghawi awh hanh. Bangkongtetpawiteh, tahrn phun dawk hoi hrnthoe a khe awh han. Hote a canaw hai kamleng thai e hmaitahrn lah ao awh han.

³⁰ Mathoenaw e caminnaw hai kawkhik lah ao han. Mathoemaranaw hai kahawicalah a i awh han. Hatei, nange tangpha teh takang hoi ka thei han. Kacawie naw hai thei lah ao han.

³¹ Oe kho longkha, cingou haw. Oe khopui, khuikap haw. Filistinnaw pueng teh taki hoi a pâyaw awh. Bangkongtetpawiteh, atunglah hoi hmaikhu a tâco. Hote ransahu dawkvah, kampek e awm hoeh.

³² Ahnimouh ni, ram tangkuem e patounenaw koe bangtelamaw a dei pouh han vai. BAWIPA ni Zion kho hah a kangdue sak teh, mathoenaw ni hote kho dawk a kângue awh han.

15

Moab koe rawknae a pha han

¹ Hethateh, Moab hoi kâkuen e lawk doeh. Moab ram Ar kho teh tangmin buet touh hoi rawknae koe a pha. Moab ram teh khoeroe a rawk toe. Moab ram Kir kho teh tangmin buet touh hoi rawknae koe a pha. Moab ram teh khoeroe a rawk toe.

² Khocanaw teh Dibon kho, a rasangnae koe e bawkim koe a cei awh teh a khuika awh. Moab khocanaw teh, Nebo kho, Medeba kho hah a khuikakhai awh. Ahnimae lû dawk sam awm hoeh, ahnimae pâkhamuen pueng teh koug a ngaw awh.

³ Lamthung dawk buri a khohna awh teh, lempu hai thoseh, lam dawk hai thoseh, kaawm e pueng ni a khuika awh teh, mitphi dawk a kâkaawk awh.

⁴ Heshbon kho hoi Elealeh kho vah a khuika awh teh, Jahaz kho totouh a kâthai. Moab ransanaw hai pâyaw laihoi a khuika awh.

⁵ Kaie ka lunghin hai Moab hanelah a kâ van. Ka yawng e taminaw teh kum thum touh e, maitola patetlah Zoar kho totouh a kâhêi awh. Luhith mon dawk mitphi bo laihoi a luen awh. Horonaim kho koelah ceinae lamthung dawk hai, rawk kahmanae khuika lawk hoi a hram awh.

⁶ Bangkongtetpawiteh, Nimrim tuinaw kingdi teh, phonaw teh a ke awh toe. Caticamu hai a due toe. Kahring e kung touh boehai awmhoeh.

⁷ Hatdawkvah, ahnimouh teh, tawnta hnopainaw hah sumpa yawn koe a thokhai awh han.

⁸ A khuika lawk ni Moab ram peng a katin. A cingou lawk teh Eglaim kho totouh, Beerelim kho totouh a pha.

⁹ Bangkongtetpawiteh, Dibon tui teh thi hoi akawi. Dibon kho dawk alouke lacik bout ka pha sak han rah. Ka hlout e Moab khocanaw hoi, kacawie khocanaw hanelah sendek hah ka patoun han.

16

Moab hanelah ngaihawinae awm hoeh

¹ Zion canu mon dawк kaawm e ram ukkung bawi hanelah, Sela kho hoi kahrawngum lam lahoi tuca hah patawn haw.

² Arnon palang rakanae koe e lamthungnaw dawк, Moab canunaw teh tabu raphoe lah ao teh kamlang e tavanaw patetlah ao awh.

³ Pouknae na poe awh haw. Lannaе lahoi laideitatueng awh haw. Kanі tuengtalueng thun nah e na tahlip hah, karum patetlah awm sak awh haw. Pâlei e naw hah hrawк awh. Ka yawng e naw hah pahnawт awh hanh.

⁴ Moab ram hoi a pâlei teh a takhoe e naw hah nangmouh koe rei awm naseh. Ahnimouh karaphoenaw e kut dawк hoi rawngkhan hanelah kângue e lah awm awh. Ka hnepnapnaw ao awh hoeh torej, raphoenae teh a room torej, reprep ka coungroe e taminaw teh talai van hoi a kahma awh torej teh,

⁵ bawitungkhang teh lungpatawnae lahoi a cak han. Hote tahungnae dawкvah, Devit e lukkareiim thung hoi buet touh ni lawkceng vaiteh, lannaе hah tawng vaiteh, lannaе hah karanglah sak vaiteh, yuemkamcunae lahoi a tahung han.

⁶ Moab e kâoupnae, banghloimaw a kâoup, ahnie lunglennaе, a kâoupnae, a kaisuenae pueng teh maimouh ni thai awh toe. A kâoupnae pueng teh ahrawnghrang doeh.

⁷ Hatdawкvah, Moab khocanaw teh, Moab kho hanelah a cingou awh han. Khoca pueng a cingou awh han. Nangmouh teh Kirhareth kho e misur vaiyeinaw hanelah na cingou awh han. Ahnimouh teh atangcalah puenghoi runae a kâhmo awh han.

⁸ Bangkongtetpawiteh, Heshbon laikawкnaw, Sibmah misurkungnaw teh ketkamyai teh a ke awh toe. Miphunnaw ukkung bawinaw ni misurbomnaw teh a khoe awh toe. Hote akungnaw teh, Jazer kho totouh a pha teh, kahrawngum totouh a yam awh. Hote a kangnaw teh, tuiпui ka tapuet lah a yam awh.

⁹ Hatdawкvah, Jazer kho hoi cungalah Sibmah misurnaw hanelah ka khuika. Oe Heshbon kho hoi Elealeh kho, nang hah ka mitphi hoi cupcup na duk sak han. Bangkongtetpawiteh, nange kompawi a pawhik hoi caâpawi a pawhiknaw teh a kâhat toe.

¹⁰ Lunghawinae hoi nawmnae teh talai kahawi dawк hoi takhoe lah ao toe. Misur takha dawк lunghawinae la saknae awm hoeh. Lunghawinae hoi hramnae awm hoeh. Misur paw katinnaw ni katinnae dawкvah misur paw hah katin awh hoeh. Hramki lawк ka kâhat sak toe.

¹¹ Hatdawкvah, kaie ka lung teh, Moab ram hanelah, ka lungthin teh Kirhareth kho hanelah ratoung lawк patetlah a cingou toe.

¹² Moabnaw ni a rasangnae hmuen koe, tawntam laihoi ratoum hanelah, amamae kathoungе hmuen koe a tho awh navah, banghai hawinae hmawт awh mahoeh.

¹³ Hethateh, atuvah Moab ram hoi kâkuen e BAWIPA ni a dei e lawк doeh.

¹⁴ Atu BAWIPA ni a dei e teh, kum thum touh thung, thaw ka tawк hanlah hlai e ni thaw a tawкnae kum patetlah Moab e bawilennaе teh tami moikapap ni a khet rahnoum awh han. Kacawie naw teh ekvoi ayounca awh dawкvah, a tha a baw awh ati toe.

17

Cathut ni Damaskas hoi Isarel runae a poe han

¹ Damaskas kho hoi kâkuen e lawk teh, Khenhaw! Damaskas kho teh kho lah awm mahoe h toe. Ka rawk e songnawng lah doeh ao han toe.

² Aroer khonaw teh kahrawngum, saringnaw ni pânae lah, yannaeh lah awm vaiteh, ka hrui hane apihai awm mahoe h.

³ Rapan teh Ephraim kho hoi a kahma han. Uknaeram teh Damaskas kho hoi a kahma han. Kacawie Sirianaw teh Isarelnaw e bawilennaeh patetlah ao awh han, telah ransahu BAWIPA ni ati.

⁴ Hote hnin dawkvah, Jakop bawilennaeh teh a roum han, a thâwnaeh teh a kamsoe han.

⁵ Cang ka a kung ni cavuinaw a pâkhueng navah, a kut hoi cavuinaw a a aw h e patetlah Rephaim yaw n daw k cavui pâhma e racawng e patetlah ao han.

⁶ Hatei, olive paw hah karuek toteh, a som daw k kahni kathum touh ka paw e a kang, paw rah pawiteh, pali panga touh ouk ao e patetlah pâhma e cang a cawi nahanlah ao han telah Isarelnaw e Bawipa Jehovah ni ati.

⁷ Hat hnin vah, tami ni kasakkung koe a khet vaiteh, a mit ni Isarelnaw e kathoung Cathut hah a bari han.

⁸ Amamouh ni a kut hoi a sak aw h e khoungroenaw koe kangvawi aw h mahoe h. Amamaeh kutdawnaw hoi a sak aw h e hmuitui sawinaeh Asherim khoungroenaw koe lah kangvawi aw h mahoe h.

⁹ Hat hnin dawkvah, amamaeh kacakpoung khonaw teh, Isarelnaw kecu daw k a ceitakhai e kahrawngum hoi monsom patetlah ao vaiteh, kingkadi e lah ao han.

¹⁰ Bangkongtetpawiteh, nang teh nama e rungngangnaeh Cathut hah na pahnim teh, nama e kânguenae talung hah pouk dounnaeh na tawn hoe h. Hatdawkvah, nang ni na ngai e thingthairompo na ung eiteh, ramlouknaw e misur kang hah na ung han.

¹¹ Na ungnah hnin dawkvah, na rounng sak teh, cati na patuenaeh amom vah, a pei na pei sak han. Hatei, patawnaeh hoi kahmat thai hoe h e runaeh a tho hnin navah, caticamu anaeh tueng a kahma han.

¹² Aya! miphunnaw e hramki lawk bo aw. Ahnimouh teh, athakaawme tui a cairing e patetlah a cairing aw h han.

¹³ Miphunnaw teh tui moikapap e a cairing e patetlah ka cairing aw h nakunghai, Bawipa nang ni ahnimanaw hah na yue toteh, ahlanah koe a yawng aw h han. Mon vah kahli palek e cahik patetlah bongparui ni a sin e songnawng patetlah pâlei lah ao aw h han.

¹⁴ Kanî a khup navah khenhaw! taki a tho poung khe. Khodai totouh ahnimouh aw m mahoe h toe. Hethateh, maimouh na ka tuk ni teh na ka lawm e naw ni a coe aw h hane ham, maimouh na ka lawm e naw koe kabawt hane cungpam doeh.

18

Cathut ni Kush runae a poe

¹ Kush palangnaw namran lah, cahucahu kacai e ratheinaw onaeh ram teh a yawthoe.

² Hothateh, tui pui lam hoi thoseh, tui van vah, lungpum longnaw hoi thoseh, patounenaw patoun e ram lah ao. Karang poung e kaoungkung naw, ka rasang ni teh a tak kâpi e miphun, kahnai kahlat kaawm e

taminaw ni taki e miphun, palangnaw kamphinae koe e talai dawk kaawm e, a tha kaawm ni teh reprep ka coun groe e miphun koe cet aw haw.

³ Talai van kaawm e taminaw hoi talai dawk kaawm e taminaw, monnaw dawk vah mitnout a ung aw haw toteh, nangmouh ni na hmu aw haw han. Mongka ueng toteh nangmouh ni na thai aw haw han.

⁴ Bangkongtetpawiteh BAWIPA ni, kai koe a dei e teh, duem ka o teh, kaní raeng dawk hoi ka ang poung e khumbei patetlah thoseh, canga tue kâanna e tueng koehoi tadamtui kabawt sak e tâmai patetlah thoseh, ka onae hmuen koehoi ka khet han telah ati.

⁵ Bangkongtetpawiteh, a tue a pha hoehnahlan a pei ka pei niteh, a pei teh kahmin e a paw lah ao toteh, a dawnnaw hah ramalongkawi hoi bouk vaiteh, a kangnaw hai koug bouk teh tâkhawng lah ao.

⁶ Hotnaw pueng teh, mon vah moi kacate tavanaw hoi talai dawk e saringnaw hanelah ka cawi sak han. Moi ka cat e tavanaw ni ahnimae van vah, kompawí tue a loum sak aw haw vaiteh, talai dawk e saring pueng ni ahnimae van vah kasik tue a loum sak aw haw han.

⁷ Hate tueng dawk vah, ka rasang ni teh a tak kâpi e miphun, kahnai kahlat kaawm e taminaw ni taki e miphun, palangnaw kamphinae koe e talai dawk kaawm ni teh a tha kaawm reprep ka coun groe e miphun teh, kalvan ransanaw e BAWIPA min onae Zion mon dawk, ayawmpoehnonaw hah a sin aw haw han.

19

Cathut ni Izip runae a poe han

¹ Izip ram hoi kâkuen e lawk hateh, Khenhaw! BAWIPA ni karang poung e tâmai a kâcui teh Izip ram lah a tho. Izip ram e meikaphawknaw teh a hmalah a pâyaw aw haw teh, Izipnaw e a lung teh, amamae thungvah, a kamyawt pouh aw haw han.

² Kai ni Izipnaw teh, buet touh hoi buet touh a kâtaran aw haw nahanelah ka hroecoe vaiteh, ahnimouh ni amamae hmaunawng ha reira, imri reira, kho reira, uknaeram reira a kâtuk aw haw han.

³ Izipnaw e lungthin teh, amamae thungvah, hrawng hrang lah ao han. A noenae hai ka kâsanu sak han. Hatnavah, ahnimouh ni meikaphawknaw, taân kasinnaw, khueyuenaw, tonghmanaw koe a pacei aw haw han.

⁴ Izip khocanaw teh, ka matheng e bawi kut dawk ka thak han. Kâtawwnae kalen e siangpahrang ni ahnimouh hah a uk aw haw han telah, ransahu Bawipa Jehovah ni a ti.

⁵ Tui pui tuinaw rem aphui vaiteh, palang tuinaw rem hak vaiteh a ke aw haw han.

⁶ Palangnaw teh a hmui kong vaiteh, Izip ram e palangnaw teh rem a hak han. Lungpum hoi pho naw teh kamyai vaiteh a ke aw haw han.

⁷ Nai palang rai kaawm e akungnaw hoi Nai palang teng patue e naw pueng teh, remke vaiteh, koug kahmat vaiteh, awm aw haw mahoeh toe.

⁸ Tanga kamannaw teh cingou aw haw vaiteh, Nai palang dawk hradang kasawnnaw pueng a khui a ka aw haw han. Tui dawk tamlawk kahengnaw hai a tha a tawn aw haw han.

⁹ Raha kasawnnaw hoi lukkarei kakawngnaw teh yeirai a po aw haw han.

¹⁰ A kâoupkhai e naw teh a rawk han, thaw katawknaw pueng teh a lung a rek aw haw han.

¹¹ Zoan kho e kahrawikungnaw teh a pathu aw haw han. Faro siangpahrang e a lungkaang poung e kâpokhaibawinaw ni pathunae pouknae hah a poe

awh. Nang ni Faro siangpahrang hah, kai teh a lungkaangnaw e miphun, ayan e siangpahrangnaw e miphun lah ka o, telah bangtelamaw na dei thai han vaw.

¹² Atuvah, nange a lungkaangnaw teh nâmouh ao awh va. Ahnimouh ni atuvah, ransahu Bawipa Jehovah ni Izipnaw hanelah a kâcai e hah atu dei awh naseh, panuek awh naseh.

¹³ Zoan kho e kahrawikungnaw teh, ka pathu e lah ao awh toe. Memphis kho e kahrawikungnaw teh dmyennae hoi ao awh toe. Izip catoun e kacuenaw ni Izip ram hah a payon sak toe.

¹⁴ BAWIPA ni Izip ram thung kâkapeknae muihtha a patoun pouh dawkvah, yamu ka parui e tami ni amae a palo dawk rawraw a cu e patetlah, ahnimouh teh, Izip ram hah ahnie tawksaknae dawk, rawrawcu awh han.

¹⁵ A lû nakunghai thoseh, a mai nakunghai thoseh, samtue kang nakunghai, lungpumpung nakunghai, Izip ram hanelah thaw ka tawk pouh thai hane api awm hoeh.

¹⁶ Hote hnin navah, Izip khocanaw teh napui patetlah ao awh han. Ahnimouh ni ahnimouh koe kut kahek e ransahu BAWIPA hmalah taket awh vaiteh a pâyaw awh han.

¹⁷ Izip ram hane kâtaran lah ka noe pouh e ransahu BAWIPA Cathut e a pouknae dawkvah, Judah ram teh Izip ram hanelah, takikathopounge lah a coung pouh han. Hote ram ka pouk e naw pueng ni a taki awh han.

Izip ni BAWIPA a bawh han

¹⁸ Hote hnin dawh, Izip ram vah, Kanaan lawk ka dei niteh, kalvan ransanaw e BAWIPA hah thoe ka bo e kho panga touh ao han.

¹⁹ Hat hnin vah Izip ram lungui vah, Jehovah hanelah thuengnae khoungroe buet touh ao teh, hote ram ramri koevah, Jehovah hanelah lungdon ao han.

²⁰ Hote lungdon teh Izip ram vah, ransahu BAWIPA hanelah, mitnoutnae hoi kapanuekkhaikung lah ao han. Ahni ni rungngangkung hoi kar- ingkung a patoun vaiteh, ahni ni a rungngang awh han.

²¹ Hahoi, BAWIPA ni amahoima Izipnaw ni panue nahanelah a sak dawkvah, hat hnin vah, Izipnaw ni BAWIPA hah a panue awh teh, sathei hoi pasoung hnonaw hoi BAWIPA hmalah lawk a kâkam awh teh, a kuep sak awh han.

²² BAWIPA ni Izip ram hah runae a poe han. Runae a poe eiteh, a hmâ teh a kahma han. Hat toteh, ahnimouh teh BAWIPA koe bout a tho awh han. BAWIPA ni ahnimae ratoum lawk hah a thai pouh teh, ahnimae hmânaw teh ahawi sak pouh awh han.

²³ Hat hnin vah Izip ram hoi Assiria ram totouh lamthungpui ao han. Assirianaw teh Izip ram lah thoseh, Izipnaw teh Assiria ram lah thoseh, cet awm awh vaiteh, Izipnaw teh Assirianaw hoi reirei a bawh awh han.

²⁴ Hate hnin dawkvah, Isarel ram teh Izip ram hoi Assiria ram hoi cungalalah, apâthum e ram lah a bawh teh, talai van lungui vah yawhawi lah ao han.

²⁵ Rasahu BAWIPA ni, ka miphun Izip, ka kut hoi ka sak e Assiria, ka râw lah kaawm e Isarelnaw koe, yawhawinae awm seh telah dei vaiteh, ahnimanaw hah yawhawi a poe han.

¹ Siria siangpahrang Sargon ni ransabawi Ashdod hah a patoun dawkvah, ahni ni Ashdod kho hah a tuk teh a lawp.

² Hote tueng nah, BAWIPA ni Amoz capa Isaiah koe, cet haw. na kâyeng e buri hah rading nateh, na khok daw koe e khokkhawm haiyah rading haw atipouh navah, ahni ni khohna hnata laipalah, khokkhawm khawm laipalah a cei ao.

³ Hahoi, BAWIPA ni ka san Isaiah ni, Izip hoi Kush ramnaw hanelah, mitnout hoi kângairu hno lah, khohna hnata laipalah, khokkhawm khawm laipalah kum thum touh thung a ceio e patetlah,

⁴ Siria siangpahrang ni Izipnaw hoi Kushnaw kacue kanaw pueng teh, khohna hnata laipalah, khokkhawm khawm laipalah, laheibaw boehai ramuk laipalah, a hrawi awh han. Hethateh, Izip ram e yeiraiponea doeh.

⁵ Hatnavah, Ashdod khocanaw ni a taki awh han. Ahnimouh ni a kâuep awh e Kush ram hai thoseh, a kâoupkhai awh e Izip ram hai thoseh yeiraipo hoi ao awh han.

⁶ Hot hnin vah, hote palang rai kaawm e naw ni hai, kenhaw! Assiria siangpahrang e kut daw koe hoi hlout nahanelah, maimouh ni ngaihawi teh kângue e naw koe, hettelah bo ao aw. Hat pawiteh, maimouh teh bangtelah hoi maw hlout thai awh han toun vaw, ati awh han a ti.

21

Babilon rawknae

¹ Tuipui teng kaawm e thingeyiawn hoi kâkuen e lawk teh, akalah hoi bongparui ni a ceikhai e patetlah hothateh takitho e ramke koehoi a tho.

² Taki ka tho e vision hah ka hmu toe. Yuemkamcu hoeh e tami teh yuemkamcu hoeh. Ka raphoe e tami teh a raphoe. Elam khocanaw luen tanghang awh. Midian khocanaw kalup awh. Hote kho kecu ka tâcawt e kôngounae kaawm e pueng hah karoumsak toe.

³ Hatdawkvah, ka keng teh patawnae hoi a kawi. Ca khenae hoi kâvan e puenghoi patawnae ni kai teh na katek. Kai teh ka thai thai hoeh nahanelah ka lung a kâsanu. Ka hmu thai hoeh nahanelah ka lung a puen.

⁴ Ka lungthin a kâhei teh, ka taki dawkvah, tâlueng laihoi ka o. Dikdik ka doun e tangminlah lenghrim patenghai kaluekalap kawi lah ao toe.

⁵ Ahnimouh ni caboi a rakueng awh. Imrasang daw koe ramveng ka ta toe. A ca awh. A nei awh. Oe kahrawikungnaw thaw awh. Bahlingnaw hah satui hluk awh.

⁶ Bangkongtetpawiteh, Cathut ni kai hanelah, cet haw. Ramveng ratawng sak haw. A hmu e patetlah dei sak haw.

⁷ Ahni ni, rangleng ransahu, marangransanaw, la ransahu, kalauk ransahu hah a hmu toteh, kamcengcalah a hnâpakeng vaiteh, taranhawi nalaihoi thai naseh, telah a ti.

⁸ Ramvengim daw koe sendek ni, Oe BAWIPA, kai teh khodai lah kanîruirui ka kangdue, karum lahai karum tuettuet ka kangdue.

⁹ Kenhaw! Atu rangleng ransahu hoi marangransanaw teh a tho awh lahun, titeh hram laihoi a dei. Hathnukkhu, a rawp toe. Babilon kho a rawp toe. Ahnie meikaphawk cathut kaawm e pueng teh, talai daw koe reppasei lah koun e rawp awh toe telah rek a dei.

¹⁰ Ka coungroe teh, katinkaawinae hmuen koehoi ka tho e miphun, ransahu BAWIPA tie Isarelnaw e Cathut ni a dei e hah, ka thai e patetlah nangmouh hah kâhruetcuetae na poe awh.

Dumah ram hoi kâkuen e lawk

¹¹ Oe ramveng, karum lah bangtelane Oe ramveng, karum lah bangtelane, telah Seir mon hoi kai hah na kaw.

¹² Ramveng nihai, amom a pha doeh. Karum hai a pha doeh. Pacei han ngai pawiteh pacei awh. A hnukkhu bout tho awh, telah a ti.

Arabia hoi kâkuen e lawk

¹³ Kahlawng ka cet e Dedannaw, nangmouh teh Arabia ratu dawk karum na roe awh han.

¹⁴ Tema ram dawk kaawm e taminaw, tui kahrannaw hanelah tui sin pouh awh. Nangmouh ni ka yawng e naw hah vaiyei hoi na dawn awh toe.

¹⁵ Bangkongtetpawiteh, nangmouh teh tahloinaw e hmalah hoi thoseh, phawk e tahloi hmalah hoi thoseh, nue tangcoung e licung pala hmalah hoi thoseh, kâtuk nah um hoi thoseh na yawng awh toe.

¹⁶ BAWIPA ni kai koe hettelah a dei. Thaw tawk hanelah hlai e naw ni a parei awh e kum lahoi, kum touh thung vah, Kedar kho e bawilennae pueng teh a pout han.

¹⁷ Kacawie athakaawme Kedar capanaw, lipala ka patuem e ransanaw teh a youn awh han. Bangkongtetpawiteh, Isarelhaw e Cathut Jehovah ni hottelah yo a dei toe.

22*Jerusalem hoi kâkuen e lawk*

¹ marangransanawHethateh, ayawn hoi kâkuen e vision doeh. Nangmouh pueng teh lemphu na luen awh nahanelah, nangmouh koe bang mouh ka tho vaw.

² Nang teh ka hrawang e kho, ka hramki e kho, ka kamlue e kho. Na tami ronaw teh, tahloi hoi kadout awh e nahoe. Taran kâtuknae koe kadout awh e hai nahoe.

³ Na kahrawikungnaw pueng teh cungtalah koung a yawng awh. Ahnimouh teh licung sin laipalah, katek lah ao awh. Ahlanae koe a yawng awh eiteh, man e naw teh, cungtalah katek lah ao awh.

⁴ Hatdawkvah, kai hah na khen hanh. Puenghoi ka kap haw nei. Ka miphunnaw e tanglanaw hoi kâkuen lah, kai hah lungpahawi hanelah kâcai awh hanh lah a, telah ka ti.

⁵ Bangkongtetpawiteh, ransahu BAWIPA ni, vision hmuna e ayawn dawkvah, paringparang lah onae, rektapnae, kâsanunae, kho rapan raphoena, monnaw hramkinae hoi kâkuen e hnin teh a hmoun toe.

⁶ Elam ram teh, rangleng ransa, marangransanaw hoi cungtalah caritpala a sin toe. Kir ram ni bahling hah a rasa toe.

⁷ Na ngai poung e ayawnaw teh taran tuknae ranglengnaw hoi a kawi. Marangransanaw teh longkha koe hmuen a la awh.

⁸ Judah ram ni a kânguenae teh takhoe pouh lah ao toe. Hatnae tueng dawkwang teh, ratu im dawkwang e senehmaica hah na khen vaiteh,

⁹ Devit kho dawkwang karawkwang ni teh katim e moikapap na hmu han. Nangmouh teh, akalae tuiim dawkwang e tui hai na pâtung awh han.

¹⁰ Hathnukkhu, Jerusalem kaawm e imnaw hah na parei vaiteh, rapannaw hah kacaklah sak thai nahanelah, imnaw hah raphoe awh.

¹¹ Tuiim karuem dawkwang hoi tuinaw hanelah, tuiim hai rapan bokhni touh e rahak vah, a sak awh. Hatei, het naw ka sak e, nangmouh ni na khen

awh hoeh, na panuek awa hoeh. Ayan hoi hote ka sak e haiyah, banglahai na ngai awa hoeh.

¹² Hatnae tueng dawkvah, khuika hanelah, sam ngaw hanelah, buri khohna hanelah, ransahu Bawipa Jehovah ni na coun teh na hroecoe awa.

¹³ Hatei, Khenhaw! Lunghawinae, maitonaw theinae, tunaw theinae, maitomoi canae, misur yamu neinae a sak awa teh, maimouh teh tangtho due awa han toung dawkvah, cat net awa sei, telah ati awa bo aw.

¹⁴ Rasahu BAWIPA ni a dei e teh, kaie ka hnâ daw a pâpho e teh, atangcalah, nangmouh teh na due awa ditouh yontha lah na awm mahoe, telah ransahu Bawipa Jehovah ni a ti.

Shebna kâhruetcuet poenae

¹⁵ Ka Bawipa ransabawi Jehovah ni a dei e teh, tho nateh, hnokuemkung Shebna, ahni teh im ka ukkung lah kaawm e koe cet nateh,

¹⁶ a rasangnae koe nama hanelah phuen tangkom tai nateh, ma o nahane hmuen hah talung daw ka thuk e, nang teh hete hmuen hoi bangtelamaw na kâkuet teh, phuen tangkom hah nama hanelah na thuk nahanelah, hete hmuen koe nang teh api hoi maw na kâkuet.

¹⁷ Oe, athakaawme tami, BAWIPA ni nang teh, puenghoi na pâlei han. Nang hah kacaklah na man han.

¹⁸ Nang hah pou na palet vaiteh, akawnae ram daw ka tâkhawng han. Nang teh hote ram daw ka due han. Hote ram daw, nange lentoe ranglengnaw teh, na bawipa e imthungnaw hanelah, yeiraiponae lah ao han.

¹⁹ Na thaw daw hoi na takhoe han. Na hmuen koehoi beng na sawn han.

²⁰ Hatnae hnin dawkvah, Hilkiyah capa, ka san Eliakim hah ka kaw vaiteh,

²¹ nange khohna hah, ahni ka khohna sak han. Na taisawm hai ka kâyeng sak vaiteh, nange kâtaawnnae hah ahni kut daw ka poe han. Ahni teh Jerusalem vah kaawm e naw hoi Judah miphunaw e na pa lah ao han.

²² Devit im e tho cabi hah, ahnie a loung daw ka patue pouh han. Ahni ni a paawng vaiteh, apinihai khan thai mahoe. Ahni ni a khan e teh apinihai paawng thai mahoe.

²³ Kacake hmuen koe pâkhinae rui patetlah ka caksak han. Ahni teh a na pa e im daw, bawilennae bawitungkhung lah ao han.

²⁴ Kawlung koehoi kamtawng teh, ailo manang pueng, hnopai e pueng, na pa imthung hoi catounnaw e bawilennae teh, ahnie van vah bang lah ao han.

²⁵ BAWIPA ni a dei e teh, hatnae tueng dawkvah, cacak hmuen koe kaawm e pâkhinae rui teh, a hmuen koehoi puen vaiteh, thouk bouk vaiteh, a rawp han. Ahni van kaawm e hnokari hai takhoe lah ao han, telah Rasahu BAWIPA ni a ti.

23

Taire hoi Sidon hoi kâkuen e lawk

¹ Hete lawk teh Taire hoi kâkuen e lawk doeh. Tarshish longnaw, cingou awa haw. Bangkongtetpawiteh, Taire kho teh im awa hoeh. Tuirai kâhatnae ao hoeh totouh, raphoe lah ao toe. Kittim ram hoi patuen thai lah ao.

² Tuilum daw kaawm e naw sairasuep lah awa awa. Tuipui daw ka cet kaawm e Sidon hno ka yawt naw, nangmouh teh na tawnta sak awa toe.

³ Ka kaw poung e tui van vah, hot kho e aphawng teh, Shihor cati lah kaawm e Nai palang e a paw doeh.

⁴ Oe Sidon kho, kayak haw. Bangkongtetpawiteh, tuipui rapan niyah, kai teh camo hai ka vawn hoeh, ca hai ka khe hoeh, thoundounnaw hai ka khenyawn hoeh, tanglanaw hai ka paroung hoeh telah a ti.

⁵ Izip ram vah kamthang a pha toteh, Taire kho kamthang kecu dawk, ahnimouh teh puenghoi a lungpuen awh han.

⁶ Tarshish kho lah raka awh. Tuilum dawk kaawm e taminaw, cingou awh haw.

⁷ Akungtuen kamtawngnae teh, ayan hoi e lah ao teh, ahlanae koe na khok ni na ceikhai teh, nangmae na lamtunae kho teh, hettelah namaw ao vaw.

⁸ Bawilukhungnaw ouk ka poe e kho lah ao nahlangva, ahnie hno kayawtnaw teh, kahrawikungnaw lah a coung awh teh, hno kayawtnaw teh talai van oup e lah kaawm e Taire kho hoi kâtaran lah apimouh hete pouknae hah ka tâcawtkhai va.

⁹ Ransahu BAWIPA niyah, bawilenna kâoupnae kaawm e pueng hah, banglah ngaihoeh nahane hoi, talai van e ouphlawpnae pueng yeirai po sak hanelah, hottelah a noe toe.

¹⁰ Oe Tarshish kho tanglakacuemnaw, ka khoumkung ao hoeh tung dawkvah, Nai palang patetlah bout lawng lawih.

¹¹ Bawipa ni tuipui van vah a kut a dâw teh, uknaeramnaw hah a kâhuet sak. Kanaan hoi kâkuen lah, kacakpoung rapanimnaw hah raphoe hanelah BAWIPA ni kâ a poe.

¹² Rektap lah kaawm e tanglakacuem, Sidon canu, nang teh na lung bout hawinae awm mahoe toe. Thaw haw. Kittim ram lah raka haw. Haw e hmuen koehai nang hanelah, kâhatnae hmuen awm mahoe, telah a ti.

¹³ Khaldeannaw e ram hah, kenhaw! Ahnimouh teh ayan vah awm awh hoeh. Assiria ni hote ram hah, ramke um e moithangnaw hanelah a tawn awh. Ahnimouh ni, rapan ramvengim a sak awh teh, hote kho rapan hah a raphoe awh teh, hote kho hah ka rawk e imrawng lah ao sak awh.

¹⁴ Tarshish longnaw cingou awh haw. Bangkongtetpawiteh, nangmae ramvengimnaw teh raphoe lah ao toe.

¹⁵ Hatnae hnin dawkvah, Taire kho teh, siangpahrang buet touh e se patetlah kum 70 touh thung pahnim lah ao han. Kum 70 touh a baw navah, ka kâyawt e napui ni la sak e dawk e patetlah Taire kho vah ao han.

¹⁶ Oe pahnim lah kaawm e ka kâyawt e napui, ratoung hah lat nateh, kho hah lawngven haw. Nang hah hlawt na pouk awh nahanelah, ngai kaawm lah kueng nateh, la moi sak haw.

¹⁷ Kum 70 abaw toteh, BAWIPA teh Taire kho khet hanelah a tho han. Hote kho teh, amae apu koe bout ban vaiteh, talaivan uknaeram puenghoi yah bout a kâyo han.

¹⁸ Hatei, ahnie hnopai yonae aphunaw teh, BAWIPA han thoungnae lah ao han. Hot hah pâkuem mahoe. Ahnie hnopai yo e teh, BAWIPA hmalah kaawmnaw hanelah teh, ka khout e rawca hoi khohna kahawi naw hah a kabawp han.

1 Khenhaw! BAWIPA ni talai hah peng raphoe vaiteh, tami kingkadi lah awm sak vaiteh, talai detpakhup vaiteh, hawvah kaawm e naw hai koug a kâkayei sak han.

2 Hattoteh taminaw koe kaawm e patetlah vaihma koe ao van han. San koe kaawm e patetlah a bawi koehai ao van han. Ka ran e koe kaawm e patetlah kâyawt e koehai ao han. Lai ka ba e koe kaawm e patetlah lai a ba pouh e koehai ao han. Apung ka poe e koe kaawm e patetlah apung kacate koehai ao han.

3 BAWIPA ni a dei dawkvah, talai teh hrawnghrang lah ao teh, lawp e lah ao han.

4 Talai teh a cingou laihoi a kamyai. Talaivan hai a tha ayoun teh a kamyai. Talai tami kalentoenaw hai a tha ayoun awh.

5 Talai teh, ama dawk kaawm e taminaw e kâtapoenae, kâlawk ngaihoehnae, a yungyoe lawkkam tapoenae dawkvah, a khin toe.

6 Hatdawkvah, hete thoebonae ni talai a payawp toe. Talai dawk kaawmnaw koe yon teh a pha toe. Hatdawkvah, talai dawk kaawm e naw teh, a kak awh teh, hoehoe a youn awh.

7 Misurtui a katha e teh a cingou. Misurkung hai a kamyai toe. Konawmnae hoi kaawm e pueng ni a cingou awh.

8 Tâbaw hoi panuiparing lawk hai kingdi toe.

9 La sak laihoi misurtui neinae awm hoeh toe. Yamu teh kanetnaw hanelah a kha pouh toe.

10 Paringparang lah kaawm e khopui teh a rawk toe. Apihai a kâen hoeh nahanelah im pueng teh kham lah ao.

11 Misurtui a takang toung dawkvah, lamnaw dawk a cingou awh. Lunghawinae kaawm e pueng teh kingdi toe. Talai lunghawinae teh pâlei lah ao toe.

12 Kho thung teh, kingdinae doeh kaawm toe. Kho longkha teh, peng raphoe lah ao.

13 Bangkongtewawiteh, talai lungui, ramnaw thung dawkvah, olivekung kahuet toteh kaawm e patetlah thoseh, misurpaw khi toteh a paw racawng e patetlah thoseh ao han.

14 A lawk hoe a cai sak awh teh, lunghawi laihoi la a sak awh. Kaniloumlah kaawm e naw ni BAWIPA taluenaeha teh a dei awh han.

15 Hatdawkvah, kanîtholah kaawmnaw ni BAWIPA lentoenaeha a poe awh han. Talai poutnaeha koe, tupui rai kaawm e naw ni, Isarelnaw e Jehovah Cathut teh lentoenaeha a poe awh han.

16 Kalan e Bawipa teh lentoe lawiseh, telah talai poutnaeha koehoi la sak lawk ka thai. Hatei, kai niteh, kai kaawm hoeh toe. Kai kaawm hoeh toe. Ka kahma toe. Bangkongtewawiteh, yuemkamcu hoeh e naw ni yuemkamcu hoeh lah kho a sak awh.

17 Oe talai taminaw, taki ka tho e hoi tangkom hoi karap naw ni sut na pawp awh.

18 Taki ka tho e pawlawk dawk kayawngnaw teh tangkom thung a bo awh han. Tangkom thung hoi bout katâcawtnaw teh tangkam dawk a kâman awh han. Kalvan longkhanaw paawng teh, talai dunaw hai a kâhuet han.

19 Talaipui teh khoeroe a kâbawng toe. Talaipui teh khoeroe a tip teh a rawk toe. Talaipui teh khoeroe a kâhuet toe.

20 Talaipui teh yamuhri patetlah dandan a rawp teh, lounghawini patetlah a kâhuet toe. A payonnaeha yon teh amae lathueng a ri poung dawkvah, a rawp han. Bout thaw thai mahoeh toe.

²¹ Hote hnin dawkvah, BAWIPA ni kalvan vah, ransabawinaw thoseh, talai van vah talai siangpahrangnaw thoseh, lawk a ceng han.

²² Ahnimanaw hah tangkom dawkh hoi thongim ka bawt naw patetlah cungtalah kamkhueng sak vaiteh, thongim thung a paung han. Hnin moikapap a loun torei, ahnimanaw teh lawkceng lah ao awh han.

²³ Hathnukkhu thapa teh a minhmai mathout vaiteh, kaní hai yeirai a po han. Bangkongtetpawiteh, kalvan ransabawi ni Zion mon Jerusalem vah siangpahrang lah awm vaiteh, amae kacuenaw hmalah, a lentoe han.

25

Pholennae la

¹ Oe Jehovah, nang teh kaie Cathut lah na o. Na bari vaiteh, na min ka pholen han. Bangkongtetpawiteh, nang ni kângairu hnonaw hah na sak toe. Ayan e na pouknae teh, yuemkamcunae lahoi a cak awh.

² Kho hah songnawng lah na coung sak teh, kacakpounge kho hah na tip sak. Ramlouknaw e imnaw teh kho lah awm hoeh toe. Hotnaw hah nâtuék hai bout sak awh mahoeh toe.

³ Hatdawkvah, athakaawme miphun teh, Bawipa nang na pholen awh han. Taki ka tho e miphunnaw e kho ni nang teh na taki awh han.

⁴ Bawipa nang teh mathoenaw e rapan, runae koe ka phat e vonhlarincinaw hanelah kângue e, cakho a tho nah kâhatnae, khumbei um vah tâhlip lah na o. Bangkongtetpawiteh, taki ka tho naw e lungkhueknae teh, tapang kahmâng e cakho patetlah thoseh,

⁵ ramkenae koehoi e khumbei patetlah thoseh ao. Bawipa nang ni, ramlouknaw e pawrin teh na roum sak pouh. Tâmai tâhlip dawkh khumbei a bet e patetlah taki ka thonaw e la sak lawk teh a kahma han.

⁶ Rasahu BAWIPA niyah, kahawipoung e ai kawi, cakawi naw hoi misur yamunaw hoi tami pueng hanelah, hete mon dawkh canei pawu pui a to pouh awh han.

⁷ Tami pueng ka ramuk e minhmai ramuknae hoi ram pueng ka ramuk e minhmai ramuknae hah, hete mon dawkh Bawipa ni a takhoe han.

⁸ Duenae hah a yungyoe a payawp han toe. Bawipa Jehovah ni, tami pueng e minhmai dawkh hoi mitphi hui pouh vaiteh, a taminaw ni a khang awh e pathoenae hah, talai van dawkh hoi takhoe pouh han toe. Bangkongtetpawiteh, BAWIPA ni hottelah a dei.

⁹ Hat hnin vah, khenhaw! Hete Bawipa teh, maimouh rungngang hanelah, maimouh ni ngaihawi e maimae BAWIPA doeh. Bawipa e rungngangnae dawkvah, maimouh teh lunghawi awh sei, telah la a sak awh han.

Cathut ni Moab runae a poe han

¹⁰ Bangkongtetpawiteh, BAWIPA e a kut teh, hete mon dawkh ao han. Cakong teh vaipuen tangdong dawkh vitvit coungroe patetlah Moab ram teh Bawipa e khok rahim vah, vitvit coungroe lah ao han.

¹¹ Tui ka kale e ni tui kale hanelah a kut a dâw e patetlah, Bawipa ni hote ram lungui vah a kut dâw vaiteh, hot ram e kâouppnae teh a thaonae kut hoi rahim lah a pabo han.

¹² Bawipa ni nange rapan koehoi kacakpounge ramvengim hah raphoe vaiteh, talai totouh a pabo dawkvah, vaiphu dawkh a rawp han.

26

Cathut ni a taminaw tânae a poe

¹ Hat hnin vah, Judah ram dawk hete la heh a sak aw hah. Kaimouh koe kacakpoungae kho ao. Rungngangnae rapannaw hoi kânguenaenae na poe han.

² Yuemkamcu e tamikalan mip hun a kâen nahanelah, kho longkhanaw hah paawng aw hah.

³ BAWIPA ni ama kâuep ni teh a lung kathoungae naw hah ka kuep e lungmawngnae thungvah, a khetyawt han.

⁴ BAWIPA hah poe kâuep aw hah. Bangkongtetpawiteh, Jehovah Cathut teh kangning e lungsong doeh.

⁵ Ahni teh, a rasangnae hmuen, ka talue e kho daw kkaawm e naw hah a pabo han. Hote kho hah a rahnoum sak han. Hote kho hah rahnoum sak vaiteh, vaip hu daw k a ta han.

⁶ Khok ni khopui a coungroe han. Mathoenaw e khok, a thakatawnnaw e khok ni a coungroe han.

Cathut lannae pholennae

⁷ Tami kalannaw e lamthung teh a lan. Oe kalan e BAWIPA, nama ni, tami kalannaw e lamthung hah na lan sak.

⁸ Oe BAWIPA kaimouh teh, nange lawkcengnae lamthung daw k nang hah na ring aw hah. Na min hoi pahnimhoehnae teh, ka muitha ni a doun e lah ao.

⁹ Tangmin vah ka muitha ni Bawipa nang na doun. Ka muitha ni ka thungvah, Bawipa nang na tawng. Bangkongtetpawiteh, talai daw k lawkcengnae ao toteh, talaivan kkaawm e naw ni lannae hah a kamtu aw hah.

¹⁰ Tamikathoutnaw teh, hawinae a hmu aw hah nakunghai, lannae kamtu thai aw hah hoeh. Ahni teh, lannae ram daw k patenghai kathout hno hah a sak aw hah teh, BAWIPA e taluenaenae hah banglahai ngai aw hah hoeh.

¹¹ Oe BAWIPA, na kut hah na dâw eiteh, ahnimouh ni hmawt aw hah hoeh. Na mip hunnaw hanelah, na lung patawnae hah ahnimouh patue nateh yeirai phawt sak haw. Na tarannaw hoi kâkuen e hmai ni ahnimouh teh, kang naseh.

¹² Oe BAWIPA, nang ni kaimanaw hah lungmawngnae na poe han. Bangkongtetpawiteh, kaimouh hanelah nang ni na sak e seng doeh.

¹³ Kaimae BAWIPA Cathut, nang hloilah alouke bawipanaw ni kaimouh teh na uk aw hah toe. Hatei, nange na min duengdoeh kaimouh ni ka pâkuem aw hah.

¹⁴ Ahnimouh teh a due aw hah toe. Bout hring aw hah mahoe h toe. Ka dout e lah ao aw hah dawkvah, thaw aw hah mahoe h toe. Hatdawkvah, Bawipa, tho nateh, ahnimanaw hah raphoe nateh, bout pâkuem kawi pueng hah raphoe pouh haw.

¹⁵ Bawipa nang ni, nama e mip hun na pung sak toe. Oe BAWIPA nang ni nama e mip hun na pung sak teh, lentoenaenae na kamnue toe. Ramrinaw hai na pakaw toe.

¹⁶ Oe BAWIPA, runae kâhmo toteh, nang koe ahnimouh teh a tho aw hah. Nang ni ahnimouh na yue toteh, a ratoum aw hah.

¹⁷ Oe BAWIPA, camovawn e napui ni, camo khe hnin a hnai toteh, a pataw daw kvah a hram e patetlah kaimouh hai nange hmalah hot patetlah ka o aw hah.

¹⁸ Kaimouh teh camo ka vawn awh niteh, patawnae puenghoi ka khang awh ei nakunghai, kahlí doeh ka khe awh. Kaimouh teh talai van vah, hloutnae hah ka tâcawt sak thai awh hoeh. Talaivan kaawm naw hai rawm awh hoeh.

¹⁹ Bawipa nange tami kadout naw teh a hring awh han. Ahnimae tak teh a thaw awh han. Vaiphu dawk kaawm e naw, kâhlaw hoi thaw awh vaiteh, lunghawi la a sak awh han. Bangkongtetpawiteh, Bawipa nange tadamtui teh, angnae tadamtui patetlah ao teh, talai ni hai kadout e naw hah a khe han.

²⁰ Ka taminaw tho awh. Namamae rakhan thung kâen awh nateh, na hnuklah tho hah taren awh haw. A lungkhueknae a roum totouh, dongdeng kâhrawk awh.

²¹ Bangkongtetpawiteh, BAWIPA ni talai van kaawm e naw hah, a yonae patetlah runae poe hanelah, ama onae koehoi a tâco. Hat toteh, talai ni amae van rabawk e thi hah a pâpho han. Talai dawk thei lah kaawm e naw hah bout ramuk thai mahoeh toe.

27

Isarel ratangnae

¹ Hote hnin dawkvah, BAWIPA ni kate niteh, kalen niteh, athakaawme tahloi hoi vi kathawn e tahrún Leviathan, kâpoum e tahrún Leviathan, tuiptui dawk kaawm e khorui hah a thei han.

² Hote hnin dawkvah, ngai kaawm e misur takha hah la lah sak awh haw.

³ BAWIPA teh hote takha kakhenkung lah ao. Kai ni hote takha hah atuhoitu tui ka awi. Apinihai runae a poe hoeh nahanelah karum khodai pout laipalah ka khetyawt.

⁴ Kai dawk lungkhueknae awm hoeh. Pâkhing hoi pâkhingkungnaw kaawm nakunghai, hotnaw koe ka kamthaw vaiteh, vaitalahoi hmai ka sawi han.

⁵ Hoehpawiteh, kaie khetyawtnae dawk tha kâlat nateh, kai hoi roumnae lat awh. Kai hoi roumnae lat awh naseh.

⁶ Ka tho hane atueng dawk, Jakop mipfun ni a tangpha a payang teh, Isarel mipfun hai a pei pei vaiteh, ahnimouh ni talaivan pueng a paw hoi akawi sak awh han.

⁷ Ahnimouh ka rektap e naw hah a rektap e patetlah ahnimouh hai a rektap a maw. Ahnimouh ka thet e naw teh thei lah ao e patetlah ahnimouh hai thei e lah ao awh maw.

⁸ Bawipa ni a taminaw hah ramlouk lah bout bout ceisaknae lahoi runae a poe. Kanîtholae kahlí a tho toteh, amae a kâko hoi puenghoi ka tâcawt e kahlí hoi ahnimouh hah peng a takhoe .

⁹ Hatdawkvah, Jakop mipfun teh, ahnimouh hno lahoi, amae yon hah a tha teh, thuengnae khoungroe talung kaawm e pueng hah talungpangaw patetlah rekrek a hem teh, Asherah khom hoi meikaphawknaw hah parawp teh, hot hateh, amamouh yon takhoenae hoi ka kawi e a paw lah ao han.

¹⁰ Bangkongtetpawiteh, kacaklah sak e kho teh, kingkadi e hmuen, kahrawng patetlah hnoun e hmuen lah ao han. Maitoca ni hote hmuen koe a pâ vaiteh, hote hmuen koe a i vaiteh, a dawn a kangnaw hah pekhli e patetlah ao sak han.

¹¹ A kangnaw a ke toteh a khoe awh han. Napuinaw ni tho awh vaiteh, hmai a sawi awh han. Bangkongtetpawiteh, hete mipfunnaw

teh hmuthainae kaawm hoeh e naw lah ao awh. Hatdawkvah, ahni-mouch kasakkung ni ahnimanaw teh pahren awh mahoe. Ahnimouh kacangkhaie ni ahnimouh koe hawinae sak pouh mahoe.

¹² Oe Isarelnaw, hote hnin dawkvah, Euphrates palangpui koehoi Izip palang totouh, BAWIPA ni cakang hah hem vaiteh, nangmanaw ni buet touh hnukkhu buet touh na rakhun awh han.

¹³ Hote hnin dawkvah, kalenpounge mongka hah a ueng awh han. Siria ram dawk kahmat e taminaw hoi, Izip lah pâlei e taminaw teh, bout tho vaiteh, Jerusalem kho, kathounge mon dawkvah, BAWIPA hah a bawk awh han.

28

Ephraim hoi Jerusalem lawkcengnae

¹ Ephraim yamuhriaw e kâoupnae bawilakhung hai thoseh, misur meng kaparuinaw e talai kahawi monsom hoi kamyai thai e amamae lentoenae a pei hai thoseh, yawthoe lah ao.

² Khenhaw! Bawipa koe athakaawme teh, roun, cakho patetlah thoseh, athakaawme tûili patetlah thoseh, amae kut hoi talai totouh a tâkhawng han.

³ Ephraim yamuhriaw e kâoupnae bawilakhung teh kho rahim reprep coungroe lah ao han.

⁴ Talai kahawi e monsom hoi kamyai thai e amamae lentoenae a pei teh kompawi hoehnahlan hmaloe kahmin e a paw patetlah ao han. Hote a paw ka hmawt e tami teh, amae kut dawk a pha tahma he tang a ca han.

⁵ Hote hnin dawkvah, ransahu BAWIPA ni, kacawie a taminaw koe bawilenna lukhung, ka talue e bawilakhung lah ao han.

⁶ Lawkcengnae koe katahungnaw hanelah, lannae muitha lah ao vaiteh, tarannaw e longkha koehoi kabannaw hanelah, thaonae lah ao han.

Vaihma hoi profetnaw yamu a parui awh

⁷ Ahnimouh teh misur yamu kecu dawk rawrawcawt awh vaiteh, yamu kecu dawk a kamrit awh han. Vaihma hoi profetnaw teh rawrawcawt awh vaiteh, misur hoi hmoungti awh toe. Yamu kecu a kamrit awh toe. Vision hmuna koe a kamrit awh teh, lawkcengnae koe paletpalut lah ao awh.

⁸ Ahnimae canei paw pueng teh, hmuen houng laipalah palo hoi a kawi.

⁹ Ahnimouh ni, apimouh panuenae ka cangkhai awh han va. Kamthang hah apimouh ka deicai pouh han va. Nene nueng pâphei e naw nama. Nene ka net lahun e naw nama.

¹⁰ Bangkongtetsawiteh, kâlawk van kâlawk, kâlawk van kâlawk, langri van langri, langri van langri, hitueng youn touh haw tueng youn touh lah bo ao vaw.

¹¹ Hatdawkvah, tamitavannaw e pahni hoi ramlouknaw e lawk hoi hete miphunnaw koe ahni ni lawk a dei han.

¹² Lawk a dei hane teh, het hateh, kâhatnae doeh. Ka tâwn e naw kâhat naseh, duem kâhat naseh, telah ahnimouh koe a dei pouh ei, ahnimouh ni thai ngai awh hoeh.

¹³ Hatdawkvah, ahnimouh teh a cei awh teh, hnuklah a rawp awh teh, a rawkphai awh teh, tangkam dawk a kâman awh teh, man lah ao awh nahan, BAWIPA e kâlawk teh ahnimae van vah, kâlawk van kâlawk, kâlawk van kâlawk, langri van langri, langri van langri, hitueng youn touh haw tueng youn touh lah ao han.

Zion hanelah takinlung

¹⁴ Hatdawkvah, Jerusalem kho vah, hete miphunnaw ka uk niteh, ka dudam e naw, BAWIPA e a lawk teh thai aw haw.

¹⁵ Bangkongtetpawiteh, nangmouh ni, kaimouh teh duenae hoi lawkkam ka sak aw haw toe. Phuen hoi lawkkâcat aw haw toe. Lacik kathout a tho toteh, kaimouh koe tho mahoe h. Bangkongtetpawiteh, Laithoe hah kâuepnae lah ao teh, dумыennaе dawk kâhro aw haw toe, telah na dei aw haw.

¹⁶ Hatdawkvah, Bawipa Jehovah ni, kenhaw! talung, tanouknae talung, ka talue e a takinlung hah im du lah Zion mon dawkvah ka hruek toe. Ka yuem e tami teh kalue tâsuenae aw m mahoe h.

¹⁷ Kai ni lannae hah bangnuenae rui lah ka coung sak vaiteh, lannae hah bangnuenae paw lah ka o sak han. Roun ni laithoe kâuepnae hah raphoe vaiteh, a kâhronae hmuen hai tui ni muen a khu han.

¹⁸ Duenae hoi lawkkam na sak e teh a rawk han. Phuen hoi lawkkam na sak e hai kangcoung mahoe h. Runae a pha toteh, nangmouh hah reprep na coungroe aw haw han.

¹⁹ Hote a cei toteh, nangmouh hai na ceikhai aw haw han. Hot teh amom buet touh hnukkhu amom buet touh a cei han. Kamthang na thai e ni karum khodai kaluekalapnae duengdoeh a tâcokhai han.

²⁰ Bangkongtetpawiteh, ikhun teh ma cawng hoe h hane totouh a duem, hni hai kâkhu thai hoe h hanlah a thoung.

²¹ BAWIPA ni a thaw ka talue e thaw hah tawk hane hoi ouk a tawk e lah kaawm hoe h e thaw hah tawk hanelah, Perazim mon dawk e patetlah a thaw sak han. Gibeon yawn dawk e patetlah a kâhlaw sak han.

²² Atuvah nangmouh teh, dudamnae sak aw haw hanh. Hoehpawiteh, puenghoi yuenae na khang aw haw han. Bangkongtetpawiteh, ram pueng dawk rawknae hoi lawkcengnae hah ransahu Bawipa Jehovah koehoi thai aw haw toe.

Cathut lungangnae

²³ Kaie ka lawk hah na hnâpakeng aw haw nateh thai aw haw haw. Ka lawk hah takuetluet thai aw haw haw.

²⁴ Cati patue nahanelah laikaw ka tawk e ni kanîruirui talai a thawn maw. Talai hah patuenpatuen a pâpawh teh a thawn maw.

²⁵ A palat toteh, catun hoi catun hah patue laipalah ouk ao maw. Catun hah aruirui lah a patue teh, catun hah a kawkkaw lah patue laipalah ouk ao maw.

²⁶ Bangkongtetpawiteh, ahni hah a cangkhai toe. A Cathut ni ahni hai a cangkhai toe.

²⁷ Catun hah palatnae thingphek hoi kanaw haw hoe h. Catun hai lengkhok hoi palet sin hoe h. Catun hoi catun hah bongpai hoi doeh ouk hem.

²⁸ Vaiyei lah sak hane catun hah ouk tip sak aw haw. Hatei, pou kanek hoe h. Rangleng hah marang hoi a sawn sak eiteh, tip sak e nahoe h.

²⁹ Hethateh, ransahu BAWIPA koehoi doeh a tho. BAWIPA teh pouknae poenae koe kângairu hanelah ao teh, a pouknae hai a len.

29

Jerusalem ni kâhmo e hno

¹ Ariel kho, Ariel kho, Devit ni a tungpupnae kho a rawk toe. Kum touh hnukkhu kum touh pakawi aw haw. Pawinaw hah patuen patuen to aw haw.

² Hatei, kai ni Ariel kho hah runae ka kâhmo sak han. Hote kho dawkhui kanae hoi cingounae ao han. Hote kho teh ka hmalah Ariel kho patetlah ao han.

³ Kai teh nangmouh petkâkalup lah ransanaw ka tungpup sak han. Ramvengimnaw hoi pet na kalup vaiteh, lampawpkhunaw hai ka tai han.

⁴ Nang teh rahnoum sak lah na o vaiteh, talai thung na deipan han. Rep na tabonae vaiphu thung hoi na lawk a tâco han. Na lawk teh kahrai lawk patetlah talai thung hoi a tâco han. Na lawk teh talai thung hoi paiaicalah thai lah ao han.

⁵ Hatei, na tarannaw teh vaiphu patetlah ao awh vaiteh, kamathengnaw hai palek e cahik patetlah ao awh han.

⁶ Vaitalahoi pouk laipalah, ransahu BAWIPA ni khoparit lawk, tâli, puenghoi kacai e lawk, ka kang e hmaipalai naw sin vaiteh, nang koe pai hanelah a tho han.

⁷ Ariel kho ka tuk e ram pueng dawkhui kanae hoi hote kho hah ka tuk ni teh hote kho ka rektap e tami pueng teh, mang patetlah tangmin e vision patetlah ao han.

⁸ A von ka hlam e ni bu ka ca toe telah a mang a sak eiteh, a kâhlaw toteh, a von toungloung a hlam e patetlah thoseh, tui kahran e ni hai, tui ka nei toe telah a mang a sak eiteh, a kâhlaw toteh tui toungloung a kahran e patetlah thoseh Zion mon ka tuk e ram pueng dawkhui kanae hoi hote kho hah ka tuk ni teh hote kho ka rektap e tami pueng teh, mang patetlah tangmin e vision patetlah ao han.

Kâhruetcuetnae lawk apinihai banglahai ngâi awh hoeh

⁹ Hmoung tet awh nateh, hmoung ngam awh. Mit dawn awh nateh, hmawt laipalah awh. Misur net laipalah parui awh. Yamu net laipalah rawrawcu laihoi cet awh.

¹⁰ Bangkongtetpawiteh, BAWIPA ni inae hoi kâkuen e muitha hah nangmae lathueng a awi vaiteh, nangmae profet mitnaw hah tabuem vaiteh, na hmunae lûnaw hah a ramuk han.

¹¹ Nangmouh hanelah vision pueng teh, tacikkin e ca thung e lawklungnaw patetlah ao. Hot hah cakathoumnaw koe poe vaiteh, hete ca hah atu touk haw, telah na tetpawiteh, ahni ni, hete ca teh tacikkin lah ao dawkvah, kai ka touk thai hoeh, telah bout ati han.

¹² Hahoi hote ca hah, ca kathoum hoeh e koe bout poe nateh, hete ca hah atu touk haw, telah na tetpawiteh, ahni ni, kai teh ca ka thoum hoeh bout ati han.

¹³ Bawipa ni, hete miphunnaw ni pahni hoi kai koe rek na hnai awh teh, amamae pahni hoi kai hah na pholen awh. Ahnimae lungthin teh kai hoi a kâhla poung. Ahnimouh ni tami ni sak e kâlawk hoi kai hah na taki awh.

¹⁴ Hatdawkvah, khenhaw! Hete miphun koe kângairu hno buet touh hnukkhu buet touh hah puenghoi kângairu sak nahanelah, bout ka patue han rah. Ahnimouh thung e a lungkaangnaw e lungangnae teh a rawk han. Kathoumnaw e thoumnae hai a kahma han telah ati.

Kadumyengkungnaw

¹⁵ BAWIPA ni panue hoeh nahanelah pouknae teh kadung poung lah a hro awh teh, amamae sakyoenae teh hmonae koe a sak awh teh, kaimouh hah apinimouh na hmu va, kaimouh hah apinimouh na panue va, telah ouk ka tet e taminaw teh a yawthoe awh.

¹⁶ Nangmouh ni palet lah na o sak awh toe. Hlaam ka bo e hah amhru patetlah pouk kawí na maw. Sak lah kaawm e ni kasakkung hanelah, ahni

ni kai na sak e nahoe, telah ati kawi na maw. Sakyoe lah kaawm e hno ni, ka sakyoe hanelah, ahni teh banghai panuek hoe, ati kawi na maw.

¹⁷ Lebanon mon teh talai ahawi lawhmuen lah ao teh, talai kahawi e lawhmuen teh ratu lah ao nahan sica doeh a ngai toe.

¹⁸ Hatnae hnin dawkvah, hnâ ka thai hoe e naw ni Cakathoung e lawk a thai awh han. Mitdawnaw ni vuivainae hoi hmonae dawk hoi hlout awh vaiteh, mit a hmu awh han.

¹⁹ Lung kârahnoum e naw teh, BAWIPA dawk lunghawinae hah a katha lah bout a hmu awh han. Ayâ rahak kamathoe e taminaw teh, Isarelnaw e kathoung Bawipa dawk a lunghawi awh han.

²⁰ Bangkongtetpawiteh, ka mathengpaan e tami teh kahmat vaiteh, ka dudam e tami teh a kahma han.

²¹ Yonnae sak hanelah a pawp teh, lawk lahoi tami buetbuet touh a yon sak teh, kho longkha koe ahni hanelah karap ka patung pouh e tami hoi yawmyin lah tami kalannaw e ham hah ka lawm e tami pueng teh, raphoe lah ao awh han.

²² Hatdawkvah, Abraham ka rungngang e BAWIPA ni, Jakop miphun hoi kâkuen lah, Jakop miphun teh a hnukkhu kayanae hoi minhmai mathoena e hai awm mahoe hoi.

²³ Ahnimouh ni kai ni ka sak e hno a hmu awh navah, kaie ka min hah amamae lungui vah a thounsak awh han. Jakop miphun e kathoung BAWIPA teh a thoung tet awh vaiteh, Isarel Cathut teh a taki awh han.

²⁴ Lam ka phen e naw ni thaipanueknae hoi kâkuen e muitha hah coe awh vaiteh, lunghminhoehae hoi ka cingou e naw ni hai cangkhae lawk hah a dâw awh han telah ati.

30

Izip hoi lawkkam sak awh hanh.

¹ BAWIPA ni a dei e teh, a lung ka patak e camonaw teh a yawthoe awh. Ahnimouh teh, kaie pouknae lah kaawm hoe e pouknae hah a tawksak awh. Kaie muitha laipalah, a kâhuiko awh teh, payonnae van payonnae a pakawi sin awh.

² Ahnimouh teh, Faro siangpahrang e nguenae rahim vah, lungmawngnae a tawng awh teh, Izip ram kângue hanelah a tawng awh teh, kaie kâ het laipalah, Izip ram lah a cei awh.

³ Hatdawkvah, Faro siangpahrang e nguenae teh, nangmouh hane yeirai lah ao han. Izip ram kângue teh, minhmai mathoena lah ao han.

⁴ Ahnimae bawinaw teh, Zoan kho vah ao awh teh, ahnimae laiceinaw teh, Hanes kho ka phat awh nakunghai,

⁵ cungkeinae awm hoe. Cawmpang han awm hoe. Hawinae awm hoe. Yeirai ponae hoi minhmai mathoena dueng lah kaawm e taminaw kecu dawkvah, ahnimanaw pueng teh yeirai a po awh han.

⁶ Akalae ram daw e saringnaw hanelah Bawipa ni a dei e teh; sendek la, sendektan, hrnthoe, hoi kamlang e hmai tahrnunaw apapnae runae hoi rucatnae ram hah ka raka niteh, hawinae kaawm hoe e miphun koe, la van vah amamae hnopainaw thoseh, kalauk van vah hnopainaw thoseh, a phu awh.

⁷ Izip ni kabawpnae teh cungkeihoeh, yawmyin doeh.

Lawk ka ngaihoe e miphun

⁸ Ka tho hane tueng dawk, kapanuekkhaikung lah a yungyoe ao nahanlah, atu cet nateh, ahnimae hmalah a phen dawk thun pouh nateh, cauk dawk hai thun pouh.

⁹ Bangkongtetpawiteh, nangmouh teh ka taran e miphun, ka dumyen e canunaw, BAWIPA lawk ngâi hanelah ka ngai hoeh e capanaw lah ao awh.

¹⁰ Ahnimouh ni, vision ka hmawt naw koe vision hmawt awh hanh awh, profetnaw koe, katang e naw hah kaimouh koe dei awh hanh. Kaimouh koe hnâthai ka nawm e, lungthin kâdumnae naw ma hah na dei pouh awh.

¹¹ Lamthung katang dawk hoi kâkhoe awh. Lamthung dawk hoi phen awh. Isarelnaw e kathounge BAWIPA teh, kaimae hmalah kahmat sak awh, telah a dei awh.

¹² Hatdawkvah, Isarel miphunnaw e kathounge BAWIPA ni a dei e teh, nangmouh ni hete lawk hah na hnoun awh teh, rektap hnepnapnae hoi kahuengkalang onae hah na kâuep awh teh, hotnaw hah na kâuep awh.

¹³ Hatdawkvah, hete payonnae teh, rak ka kâbawng niteh, coungkacoe kaawm e karasangpoung e kho rapan hoi a kâvan. Hote rawknae teh, pouk laipalah vaitalahoi a tho teh,

¹⁴ hlaamkabokung ni amae hlaam hah pasainae tawn laipalah, takhuen koe e hmaisaaan la nahane hoi, tui duek nahane boehai awm laipalah a hem e patetlah ao han.

¹⁵ Isarelnaw e kathounge ka Bawipa Jehovah ni hettelah a dei. Nangmouh teh pankângai laihoi duem na awm awh pawiteh, rungngang lah na o awh han. Nangmae thaonae teh duem na onae thung thoseh, yuemnae thung thoseh ao. Hateiteh, nangmouh ni na ngai awh hoeh.

¹⁶ Nangmouh niteh, kaimouh teh hottelah kaawm awh hoeh. Marang kâcui vaiteh, ka yawng awh han, telah na ti awh dawkvah, nangmouh teh na yawng awh han. Kaimouh teh, karang poung lah ka kâcui awh han na ti awh dawkvah, nangmouh na ka pâlei e teh a rang awh han.

¹⁷ Nangmouh ni monsom hoi mitnout khom patetlah thoseh, monsom e mitnout patetlah thoseh, na o awh nahan, buet touh ni na pakhi pawiteh, 1,000 touh na yawng awh vaiteh, panga touh ni na pakhi awh pawiteh, thong hra touh na yawng awh han.

¹⁸ Hatei, BAWIPA ni nangmouh koe hawinae sak hanelah na ngaihawi han. Lungmanae tawn hanelah, tawm lah ao han. Bangkongtetpawiteh, BAWIPA teh, lannae Cathut lah ao. Cathut Jehovah ka ngaihawi e pueng teh, yawhawinae ao.

Cathut ni a taminaw yawhawi a poe han

¹⁹ Oe Jerusalem vah kho ka sak e Zion khocanaw, nangmouh teh na khiikap awh mahoehtoe. Nangmae hramki lawk Bawipa ni a thai toteh, nangmouh na pahren awh han.

²⁰ BAWIPA ni nangmouh hah runae vaiyei hoi rektapnae tui na poe awh eiteh, nange kacangkhakungnaw teh a hnukkhu bout kâhrawk awh mahoehtoe. Amamae mit hoi amamae kacangkhakungnaw hah a hmu awh han.

²¹ Nang teh avoilah na kamlang nah, hoehpawiteh, aranglah na kamlang nah, hetteh lamthung doeh, hete lamthung dawk dawn haw, telah na hnuk laihoi dei e lawk hah na thai han.

²² Hatdawkvah, tangka pukhluk e nange meikaphawk hoi, sui pukhluk e nange meikaphawknaw hah koug raphoe vaiteh, hotnaw pueng teh kakhin e napon patetlah takhoe vaiteh, cet leih, telah ti pouh awh han.

²³ Bawipa ni, talai dawk nang ni na kahei e cati hanelah kho teh a rak sak han. Talai a pawhik dawk hoi e vaiyei teh a pungdaw sak han. Hote hnin dawkvah, nange saringnaw teh, ka kaw e hmuen koe a hrampa awh han.

²⁴ Talai dawk thaw ka tawk e maito hoi lanaw nihai, cuekkaarue hoi para hoi karue teh pâsei tangcounge e rawca dueng a ca awh han.

²⁵ Imrasangnaw a tip awh teh, kalenpounge kâtheinae hnin navah, karasang e monnaw hoi, karasang e monrui kaawm e pueng dawk tui ka lawng e palangnaw ao han.

²⁶ BAWIPA ni a taminaw e rawknae hah a pathoup pouh vaiteh, ama ni runae a poenae hmâ hah a kahma sak toteh, thapa e angnae teh kanî e angnae patetlah ao vaiteh, kanî e angnae hai hnin sari touh e angnae patetlah let sari touh a ang han.

Cathut ni Assiria runae a poe han

²⁷ Khenhaw! BAWIPA e a min teh, ka kang e a lungkhueknae hoi kingkhamawt e hmaikhu naw hoi ahlanae koehoi a tho. Bawipa e a pahni teh, lungkhueknae hoi a kawi teh, a lai teh kamtawi e hmai patetlah ao.

²⁸ Bawipa e a kâha haiyah, rawknae hoi ram pueng karue teh pâsei hane hoi lam ka phen sak e pahni moumrui hah taminaw e pahni dawk moum hanelah, lahuen totouh ka phat e sawkca palang patetlah ao han.

²⁹ Pawitonae tangmin e patetlah sak hane la thoseh, Isarelnaw e talung lah kaawm e Cathut e mon koe vovit tum laihoi cei e patetlah lunghawinae lung hai thoseh nangmouh koe ao han.

³⁰ BAWIPA ni amae lentoe lawk hah na thai sak han. Puenghoi a lungkhueknae hoi hmaito hmaipalai thungvah, kho kanan e kho, kahlî hoi roun hoi amae kut thasinae hah na hmu sak han.

³¹ Bongpai hoi runae a poe toteh, Assirianaw teh BAWIPA e lawk dawk puenghoi a puen awh han.

³² BAWIPA ni ahnimae van vah a toung e sonron ni vaivai touh a hem e tangkuem teh, ratoung hoi tâbaw lawk hoi cungtalah ao han. Taran tuknae koe kahek e senehmaica hoi ahnimanaw hah a tuk han.

³³ Bangkongtetpawiteh, kahrawng lae naw teh, yampa hoi sut a rakueng toe. Atangcalah, hot hah siangpahrang hanelah a rakueng toe. Thing hoi hmai hoi pâeng nahanelah hmuen adungsak teh a pakaw toe. BAWIPA e a kâha teh, gan hmai palang patetlah a kamkai sak han.

31

Cathut ni Jerusalem a ngue han

¹ Kabawpnae coe nahanelah Izip ram lah cei teh, marangnaw kâuepkhai teh, taran tuknae rangleng moi ao dawk thoseh, athakaawme marangransanaw moikapap ao dawk thoseh, hotnaw hah kâuepkhai teh, Isarelnaw e kathounge Bawipa hah khen hoeh. Bawipa Jehovah hah tawng laipalah kaawm e tami teh yawthoe lah ao awh.

² Hatei, Bawipa nang teh, lungangnae ao dawkvah, ahnimouh koevah, runae a pha sak. Ama e lawk hah takhoe laipalah, tamikathoutnaw e avanglah hai thoseh, yonnae kasaknaw kabawm e naw koe lahai thoseh a thaw han.

³ Izipnaw teh Cathut nahoe, tami roeroe doeh. Ahnimae marang hai muitha nahoe, tak roeroe doeh. BAWIPA ni a kut hah a dâw toteh, ka bawm e tami teh kamthui vaiteh, kabawp e tami teh a rawp han. Ahnimouh pueng teh cungtalah rawknae koe a pha awh han.

⁴ Bangkongtetpawiteh, sendek hoehpawiteh, sendektanca ni amamouh ni a kei e moi dawk a huk navah, tukhoumnaw ni hramki laihoi pâlei ei nakunghai a taki hoeh e patetlah hrawang lawk dawk a kalue hoeh e patetlah ransahu BAWIPA nihai, Zion mon dawk hote monrui dawkvah taran tuk hanelah, hot patetlah a kum han.

⁵ Tava ni a awt e patetlah Rasahu BAWIPA ni Jerusalem hah a ngue han. Ngue vaiteh a rungang han. Pasai vaiteh a rungang han.

⁶ Oe Isarelnaw, nangmouh ni thouk na taran awh e Bawipa koe bout ban awh haw.

⁷ Bangkongtetpawiteh, hote hnin dawkvah, nangmouh hanelah, nama-mae kut hoi na thuk awh e namamae sui kutsak, hoi namamae ngun meikaphawk naw hah tami pueng ni a ceitakhai awh han.

⁸ Assiria tami ni hai, tongpa e tahloi nahoe e tahloi hoi a due han. Tami rumram e tahloi hoeh e tahloi hoi thei lah ao han. Ahni teh tahloi dawk hoi hlout vaiteh, ahnie thoundounaw teh, san lah ao awh han.

⁹ Ahni hai a taki dawkvah amae a rapanim hloilah ahlanaw koe a yawng han. Khobawinaw ni mitnout hah a hmu awh toteh, a lung a pout awh han telah, Zion mon dawk hmai ka tawn niteh, Jerusalem vah takhuen ka tawn e BAWIPA ni ati.

32

Kâhatnae siangpahrang

¹ Khenhaw! Siangpahrang buet touh ni lannae hoi a uk han. A kut rahim e bawinaw ni hai lannae hoi a uk awh han.

² Tami buet touh teh, kahlî a tho nah kânguenae patetlah thoseh, thingyei yawng daw e palang patetlah thoseh, ngawt tawnae koe lungsong e a tâhlip patetlah thoseh ao han.

³ Kahmawtnaw e mit kacaipanlah a hmu awh han. Ka thai e tami pueng ni hai a hnâ a pakeng awh han.

⁴ Lungtawtnae lung hoi ouk ka kâroe e ni hai a thaipanuek han. A lawk ka patak e ni hai kancengcalah a dei thai hanelah coungkacoe ao.

⁵ Tamipathu hah ka talue e telah thoseh, a lai kathout kamhnawng e hah bari kaawm e tami telah thoseh, bout kaw mahoeht toe.

⁶ Bangkongtetpawiteh, Cathut laipalah tawksak nahanelah, BAWIPA e kong hah laithoe lah dei nahanelah, vonhlamrincinaw e lungngai pakuep pouh laipalah paktha nahane hoi, tui kahran e hah tui pânei hoeh nahanelah, tamipathu ni pathunaw hah a dei teh, ahnie lungthin ni yonnae sak hanelah a pouk

⁷ A lai kathout kamhnawng naw hanelah senehmaica teh yonnae hah doeh. Mathoenaw e kâheinae teh thuem pawiteh, mathoenaw hah laithoe lahoi raphoe nahanelah, ahni ni kathoute pouknae hah ouk a pouk.

⁸ Hatei, ka talue e taminaw niteh, ka talue e pouknae hah a pouk teh, ka talue e naw hah a kangduekhai.

⁹ Awpawp kaawm e napuinaw, thaw awh haw. Kaie lawk hah thai awh haw. Mahoima lungkayouk e napuinaw, ka lawk hah thai awh haw.

¹⁰ Mahoima lungkayouk e napuinaw, nangmouh teh hnin touh, kum touh thung na pâyaw awh han. Bangkongtetpawiteh, misurpaw khinae a pâpout awh han. A paw khinae tue phat mahoeht.

¹¹ Awpawp kaawm e napuinaw, taki hoi pâyaw awh haw. Mahoima lungkayouknaw, khohna rading teh, tawngtai lah o hnukkhu, buri hah kâyeng awh haw.

¹² Talai kahawi laikawknaw hoi a paw kara e misurkung hanelah, lungtabue ratum awh.

¹³ PâkHING tangdunnaw ni a yawngyen e ka taminaw e talai hane hoi kamthang e kho thung hoi lunghawinae hoi kakawi e im pueng hanelah a tho.

¹⁴ Siangpahrang im teh ceitakhai lah ao teh, tami alumnae kho teh hnoun lah ao toe. Imrasang hoi onae imnaw teh, sarang khu lah a yungyoe ao teh, la kacuetnaw hoi tunaw ni hrampanae hmuen lah ao han.

¹⁵ Kalvan hoi Muitha hah maimouh van a awi teh, ramke teh talai kahawi patue nahane kahawicalah a coung teh, talai kahawi lawhmuen teh ratu telah ti hnin totouh ao han.

¹⁶ Hattoteh lannae teh kahrawngum vah ao vaiteh, lannae teh talai kahawi lawhmuen dawk a yungyoe ao han.

¹⁷ Lannae ahawinae teh, lungmawngnae lah ao teh, lannae ni a thokhai e teh, a yungyoe roumnae hoi lungmawngnae lah doeh ao.

¹⁸ Ka taminaw hai roumnae hmuen, lungmawngnae hmuen hoi duem kâhatnae naw dawk ao awh han.

¹⁹ Hatei, ratu teh talai dawk rep a tabo teh, kho hai talai hoi sue touh lah a rawk toteh, rounnaw a bo han.

²⁰ Tui onae hmuen pueng koe cati kahei vaiteh, maito e khok hoi la khok naw ka tha e nang teh na yawhawi awh.

33

Kabawp nahan ratoumnae

¹ Raphoenae kâhmo laipalah ouk ka raphoe e hoi dumnae kâhmo laipalah ouk ka dum e naw teh, a yawthoe awh. Nang ni na raphoe hnukkuh, nama hai raphoenae na kâhmo han.

² Oe BAWIPA kaimouh hah na pahren haw. Kaimouh ni nang teh na ring awh. Amom karawitawi kaimae kut, runae kâhmo toteh kaimae rungngangkung lah awm haw.

³ Ransanaw e lawk kecu dawk taminaw teh a yawng awh. Bawipa nang na thaw toteh, miphunaw teh koug a kâkayeï awh.

⁴ Nangmae hnopainaw teh samtongnaw kamkhueng e patetlah lawp lah na o awh han. samtongnaw a kâtawm teh a cawkdawk awh e patetlah hotnaw e van vah a kâtawm awh vaiteh a yawng awh han.

⁵ BAWIPA teh tawm lah ao. Bangkongtetpawiteh, a rasangnae hmuen koe ao teh, Zion kho hah kângingnae hoi lannae hoi a kawi sak.

⁶ Bawipa teh nange tueng dawk na caknae, rungngangnae hnopai, lungangnae hoi panuenaeh lah ao han.

⁷ Khenhaw! Ahnimaeh ransanaw teh, lamthung dawkvah a hram awh. Lungmawngnae laiceinaw teh a khuika awh.

⁸ Lamthungnaw teh kingdi. Lamthung dawk kahlawng ka cet e awm hoeh. Lawkkam hah a raphoe awh toe. Khonaw hai a hnoun awh toe. Tami hah banglahai ngâi awh hoeh.

⁹ Ram teh a cingou teh, ayawmyin lah ao han. Lebanon kahrawng teh yeiraiponaeh hoi remke lah ao. Sharon hmuen teh kahrawngum patetlah ao. Bashan hoi Karmel mon dawk e thingkungnaw teh peng a sarut han.

Bawipa ni a tarannaw kâhruetcuetnae a poe

¹⁰ BAWIPA ni a dei e teh, atu kai ka thaw han. Atu kamahoima ka kâtawm han. Atu kai teh tawm e lah ka o han.

¹¹ Nangmouh teh, cahik na vawn awh vaiteh, cakong hah na khe awh han. Nangmae kâha teh, hmai lah ao teh, namamouh na kak awh han.

¹² Taminaw ni thungtalung hah hmai a raawng e patetlah thoseh, pâkhingkungnaw a bouk teh hmai a phum e patetlah thoseh ao han.

¹³ Ahlanae koe e taminaw, kai ni ka sak e naw hah panuek awh haw. A hnainae koe e taminaw, kaie thaonae hah panuek awh haw.

¹⁴ Zion kho e tamikayonnaw teh a taki awh. Cathut laipalah e taminaw teh, a tâlueng awh. Maimouh dawkvah, apimouh ka kang e hmai hoi kaawm thai han. Maimouh dawkvah, apimouh a yungyoe e hmai hoi kaawm thai han.

¹⁵ Kalan lah ka cet niteh, kalan lah ka dei e, rektapnae lahoi hmu e hnopai hah a panuet teh, tadawngnho hah dâw hane hlak teh a kut kahek e, thi palawng hane pouknae hah tarawi hoeh nahanlah amae hnâ hah ka tabuem e, kathout hnonaw khet hoeh nahanelah, a mit ka tabuem e,

¹⁶ hote tami teh a rasangnae koe a tahung han. Ahnie a kâuepnae teh, talungmon ramvengim lah ao han.

Hmalah hane ngaihawinae

¹⁷ Na mit ni siangpahrang e meihawinae hah hmawt vaiteh, ahlanae koe e ram hai a hmu han.

¹⁸ Na lungthin ni taki ka tho e hah letlang a pouk toteh, ka parei e tami teh nâmouh ao va. Ka khing e tami teh nâmouh ao va. Imrasangnaw ka parei e tami teh nâmouh ao va.

¹⁹ Ka pathu e miphun, thai thai hoeh e lawk hah vaptivaptap lah ka pan niteh, panue thai hoeh e lawk ka pan e miphun hah na hmawt mahoe h toe.

²⁰ Pawitonae kho Zion kho hah kenhaw! Khom buet touh boehai puen hoeh e, rui buet touh boehai ka pet hoeh e, kampuen thai hoeh e rim ti e, lungmawngnae im Jerusalem kho hah, nangmouh ni namamae mit hoi na hmu awh han.

²¹ Hote hmuen koe ka lentoe e BAWIPA teh, kakaw e palangnaw e hmuen lah ao han. hote hmuen koe tuisamlanae kaawm e long cet thai mahoe h. Atha kaawm e long hai cet thai mahoe h.

²² Bangkoktetpawiteh, BAWIPA teh maimae lawkcengkung lah ao. BAWIPA teh maimae kâlawnaw kapoekung lah ao. BAWIPA teh maimae siangpahrang lah ao teh, maimouh hah na rungngang han.

²³ Nange long hninaw arui athawk teh, hote hnikhomnaw hah kacaklah kawm thai hoeh, hni hai kadai thai hoeh. Hatnavah, hmu e hnonaw hah kârei awh han. Khokkhemnaw ni patenghai lawp e hnonaw hah bout a lawp awh han.

²⁴ Haw kaawm e buet touh ni boehai, kai ka pataw, telah dei awh mahoe h. Hote hmuen koe kho ka sak e pueng teh, yon ngaitoum lah ao awh han.

34

Cathut ni a tarannaw runae a poe

¹ Oe! ramnaw, na thaithai awh nahanlah hnai awh haw. Oe! Miphunnaw, thai awh haw! Talai hoi talai daw k kaawm e hno puenghai thoseh, talai van hoi talai van thung kaawm e hno puenghai thoseh thai awh naseh.

² BAWIPA teh miphun pueng koe a lungkhuek dawkvah, a lungphuennae a hue teh ahnimae ransabawinaw koe a pha. Ahnimanaw hah raphoe vaiteh, theinae koe a poe han.

³ Ahnimouh thung hoi thei lah kaawm e ronaw hah alawilah tâkhawng dawkvah, hote ronaw daw koe hoi a hmuikawng teh, ahnimae thi hoi monnaw teh a kamyawt.

⁴ Kalvan e hnonaw puenghai a hmawn teh, kalvan teh cahna kalawng e patetlah kalawng lah ao. Hote kalvanlae hnonaw teh misur hna ka king e patetlah thoseh, thaibunglung daw koe hoi a paw ka sarut e patetlah thoseh a sarut awh han.

⁵ Bangkongtetpawiteh, kaie tahloi teh, kalvan vah pâsu vaiteh, Edom ram daw koe thoseh, kai ni thoebo e taminaw lathueng lawkcengnae hoi a kum han.

⁶ BAWIPA e tahloi teh thi a boum toe. Athaw, tuca hoi hmaeca e thi, tutan e kuen thâwnae hoi thâw sak toe. Bangkongtetpawiteh, Bozrah kho daw koe thuengnae paw ao teh, Edom ram daw koe puenghoi kâtheinae ao.

⁷ Sakraknaw teh ahnimouh hoi cungtalah a rawp awh han. Maitotan-canaw teh maitotanpui hoi reirei a rawp awh han. Ahnimae talai teh thi a boum teh, ahnimae vaiphu hai athaw hoi akawi han.

⁸ Bangkongtetpawiteh, BAWIPA daw koe runae poenae hnin, Zion kho hane kecu daw koe moipathungnae kum lah ao.

⁹ Hote ram thung e palang tuinaw teh kattaya patetlah thoseh, haw e vaiphu teh gan patetlah thoseh, a kâthung vaiteh, hote ram pueng teh hmai ka kang e kattaya lah ao han.

¹⁰ Karum khodai hmai roum mahoe. Hote ram hmaikhu teh, pou a khu han. Hote ram teh miphun catoun totouh tami kingdi vaiteh, nâtuék hai hote ram hah tami ni raka boi mahoe toe.

¹¹ Mataw hoi kawrangnaw ni hote ram teh ao nah awh han. Bukbunaw hoi vonganaw hai hote ram daw koe awh han. Hote ram daw koe kâsanunae rui hoi hrawnghrang e banguenae a payang sin han.

¹² Hote uknaeram daw koe bawinaw hoi kâkuen lah, hote ram hah ram doeh telah ka kaw e tami hote ram daw koe awm mahoe. Hote ram daw koe bawi kacue kanaw pueng teh ahrawnghrang lah ao awh han.

¹³ Ahnimae siangpahrang imnaw daw koe pâkhingkungnaw hoi, ahnimae ramvengimnaw daw koe pâkhing hoi benyetnaw a pâw han. Kahrawnguinaw hrampanae hmuen, tavakalauknaw onae hmuen lah ao han.

¹⁴ Ramke um e sarangnaw teh kahrawnguinaw hoi reirei ao han. Athanaw ni hai buet touh hoi buet touh lawk a kâpan awh han. Hote hmuen koe karum lae tavanaw ni hai amamouh kâhatnae hmuen a pâphawng awh han.

¹⁵ Tahrn ni hai hote hmuen koe tabu tuk vaiteh, tadui tadui vaiteh, a ca a khe toteh, amae a tâhlip daw koe tabo sak han. Matawnaw nihai, hote hmuen koe kamkhueng awh vaiteh, buet touh hoi buet touh âvâ a kâyawng awh han.

¹⁶ BAWIPA e a Cakathoung hah khen awh nateh, touk awh. Hotnaw thung daw koe buet touh boehai ceitakhai e awm mahoe. Buet touh boehai hui tawn laipalah awm mahoe. Bangkongtetpawiteh Bawipa e lawk daw koe hottelah ati. Bawipa e Muitha ni hai ahnimanaw hah a pâkhueng sak.

¹⁷ Bawipa ni ahnimouh hanelah cungpam a rayu teh, a kut hoi rui a payang teh, ahnimanaw hah a rei. Ahnimouh ni hote ram hah a yungyoe râw lah pang awh teh, miphun catoun totouh hote ram daw koe awh han.

35

Man e naw bout a ban han

¹ Ramke hoi ka ke e talai teh a lunghawi aw h han. Ayawn hai a lunghawi vaiteh, a kamhlangwng han.

² Puenghoi kamhlangwng vaiteh, lunghawinae hoi la saknae hoi a lunghawi aw h han. Ahni ni Lebanon mon e bawilennae hai thoseh, Karmel mon hoi Sharon hmuen meihawinae hai thoseh, poe lah ao han. Ahni teh BAWIPA e lentoenae, maimae Cathut e bawilennae hah a hmu aw h han.

³ Tha ka baw e kutnaw hah tha awm sak aw h. Pouk ka ca e khokpakhu hah caksak aw h.

⁴ Lung ka tásue e naw na lung tha awm sak aw h. Taket aw h hanh aw h telah tet aw h. Khenhaw! Nangmae Cathut teh moipathungnae, Cathut e runae poenae hoi a tho han, nangmouh na rungngang han.

⁵ Hat toteh, mitdawnaw ni mit bout hmawt aw h vaiteh, hnâpangnaw ni hnâ bout a thai aw h han.

⁶ Khokkhemnaw ni sayuk patetlah a doukcouk aw h han. Lawkanaw ni hai la a sak aw h han. Bangkongtetpawiteh, ramke um vah tui puk tâcawt vaiteh, thingyeiyawn daw k tui a lawng han.

⁷ Kâan poung e thingyei teh, tuikamuem lah ao aw h han. Ka ke e talai teh tuiphuek lah ao han. Kahrawnguinaw a inae lungpum yueng lah marangpho a paw han.

⁸ Hote hmuen koe lamthungpui awm vaiteh, thOUNGNAE lamthung telah a phung aw h han. Kathounghoehe naw teh, hote lamthung daw k dawn aw h mahoe h. Hote lamthung teh, hote lamthung daw k ka dawn naw e lah ao teh, a pathu aw h nakunghai lam phen a mahoe h toe.

⁹ Hote hmuen daw k bangpatet e sendek hai awm mahoe h. Ka matheng e sarang buet touh boehai hote lamthung daw k luen aw h mahoe h. Ratang e naw ni duengdoeh hote lamthung teh a dawn aw h han.

¹⁰ BAWIPA ni a ratang e naw teh bout tho aw h vaiteh, la sak laihoi Zion kho daw k a kâen aw h han. A yungyoe lunghawinae teh ahnimae lû daw k ao han. Ahnimouh teh lunghawinae hoi lungnawmnae tawn aw h vaiteh, lungmathoenae hoi cingounae teh a yawng aw h han toe.

36

Sennacherib ni Judah a tuk teh a lawp

¹ Hezekiah siangpahrang a bawinae kum 14 nah Assiria siangpahrang Sennacherib ni Judah ram kacakpoung kho kaawm e pueng hah a tuk teh a lawp.

² Hathnukku Assiria siangpahrang, Rabshakeh hah ransanaw moikapap hoi Lakhish kho hoi Hezekiah onae Jerusalem vah a patoun. Hote ransabawi a tho teh, kapâsukung e laikaw k teng kaawm e lamthung lamtung e tuiim teng vah a kangdue.

³ Hat toteh, Hilkiyah capa Eliakim, cakathutkung Shebna hoi Asaph capa Joab cayin kuenkung tinaw teh ahni koe a cei aw h.

⁴ Rabshakeh ni ahnimouh koe a dei e teh, Hezekiah siangpahrang koe bout dei pouh aw h. Ka lentoe e siangpahrang, Assiria siangpahrang ni nang teh bangpatet e kânguenae nama hettelah totouh na kâuep va.

⁵ Taran tuk thainae lamthung hoi tithainae kai koe ao na ti teh, ahrawnghrang lawk hah na dei. Kai taran hanelah apimouh na kâuep va.

⁶ Khenhaw! Nang teh lawtkâkhoe e lungpum sonron tie Izip ram nahoehmaw na kâuep hah vaw. Hot ni teh ka kâuepnaw e kut hah a ruk pouh han. Hethateh, ama ka kâuep e naw pueng koe Izip siangpahrang Faro ni a kamne sak e doeh.

⁷ Nang ni, kaimae BAWIPA Cathut doeh ka kâuep awh na tetpawiteh, Hezekiah teh, hete thuengnae khoungroe hmalah duengdoeh a bawk han, telah Judah khocanaw hoi Jerusalem khocanaw hah dei pouh nateh, hote Cathut e karasang hmuem puenghoi thuengnae khoungroe pueng hah a takhoe toe nahoehmaw.

⁸ Atu kaie bawipa Assyria siangpahrang hoi lawkkam sak leih. Nang ni marang ransa kakhoutlah na ta thai e nah boi pawiteh, marang 2,000 touh na poe han.

⁹ Nang ni taran tuknae marangnaw hane hoi marangransanaw hanelah, Izip ram hah na kâuep nakunghai, kaie bawipa e a thaw katawknaw thung dawc kathingpoung patenghai bangtelamaw a tuk thai han vaw.

¹⁰ Hothloilah kai teh, BAWIPA e kâ laipalah hete ram raphoe hanelah ka tho hoeh. Hete ram heh BAWIPA ni raphoe loe telah kai koe a dei toe telah ati telah atipouh.

¹¹ Hat toteh, Eliakim, Shebna, hoi Joab tinaw ni kaimouh ni ka thai thai awh nahanlah Aramaih lawk lahoi na dei pouh haw. Rapan dawc kaawmnaw ni a thai thai awh nahan, Judah lawk lahoi dei hanh loe telah Rabshakeh koe ati pouh awh.

¹² Hatei, Rabshakeh ni, ka bawipa ni nangmouh hoi nangmae bawipa koe doeh hete lawk dei hanelah na patoun. Amamae ei ka cat niteh, amamae payungtui ka net e rapan dawc kaawm e naw koe dei hanelah nahoe atipouh.

¹³ Hathnukkhu, Rabshakeh ni a kangdue teh Judah lawk lahoi kacai-pounglah hram laihoi a dei e teh, ka lentoe e Assyria siangpahrang ni a dei e lawk teh thai awh haw.

¹⁴ Siangpahrang ni hettelah a dei. Hezekiah ni nangmouh na dum hanh naseh. Bangkongtetpawiteh, ahnin ni nangmouh na rungngang thai mahoe.

¹⁵ BAWIPA ni doeh na rungngang tih. Hete kho teh Assyria kut dawc phat mahoe telah ati teh, nangmanaw hah BAWIPA na kâuep awh nahanlah kâ poe awh hanh.

¹⁶ Hezekiah e lawk hah ngâi awh hanh. Assyria siangpahrang ni a dei e teh, kai hoi cungalalah roumnae awm sak awh. Kai koe tho awh.

¹⁷ Ka tho vaiteh, nangmanaw hah, namamae ram hoi kâvan e, cai, tui, misurtui apapnae koe, vaiyei hoi misur takha apapnae koe na thak hoehroukrak, namamae misur paw lengkaleng cat awh nateh, namamae tuikhu tui hah lengkaleng net awh.

¹⁸ Hezekiah ni, BAWIPA ni maimouh na rungngang han doeh telah a dei e lahoi na dum awh nahanh seh. Ram pueng teh Assyria siangpahrang kut dawc hoi amamae ram hah a rungngang awh maw.

¹⁹ Hamath ram hoi Arpad kho cathutnaw teh nâne. Ahnimouh ni Samaria ram hah ka kut dawc hoi a rungngang awh maw.

²⁰ Hete ram pueng e cathutnaw hlakvah, bangpatet e cathut maw amae ram hah ka kut dawc hoi ka rungngang thai han. Jerusalem kho hah Jehovah ni ka kut dawc hoi bangtelamaw a rungngang thai han telah a ti.

²¹ Hatei, ahni hah pato awh hanh awh telah siangpahrang ni ati dawcvah, apinihai pato laipalah lawkkamuem lah ao awh.

²² Hat toteh, Hilkiah capa siangpahrang im ka ring e Eliakim, cakathutkung Shebna, Asaph capa cumpang kakhoekung Joab tinaw teh,

Hezekiah koe a cei awh teh, amamae khohna a phi awh teh, Rabshakeh ni dei e lawk hah ahni koe a dei pouh awh.

37

Hezekiah ni Isaiah koe kabawpnae a hei

¹ Hezekiah siangpahrang ni hote lawk hah a thai toteh, amae angki a phi teh, buri a kâkhu teh, BAWIPA e im thung a kâen.

² Hat toteh, buri ka kâkhu e im karingkung Eliakim, cakathutkung Shebna, hoi kacue e vaihmanaw hah Amoz capa profet Isaiah koe a patoun.

³ Ahnimouh ni, Hezekiah siangpahrang ni hettelah a dei, sahnin teh runae, yuenae, hoi yeiraiponae hnin doeh. Camo khe tue a pha navah, khe thai nahane tha awm hoeh.

⁴ Na BAWIPA kahring Cathut dudam hanelah, ahnimae bawi lah kaawm e Assyria siangpahrang ni a patoun e Rabshakeh e lawk hah Jehovah na Cathut ni thai naseh. Na Cathut Jehovah ni a thai e lawk patetlah yue na lawiseh. Nang ni hai kacawiraenaw hanelah patuen ratoum loe ati pouh.

⁵ Hezekiah e a sannaw teh Isaiah koe a pha awh toteh,

⁶ Isaiah ni, nangmae na bawipa koe hettelah dei pouh awh. BAWIPA ni Assyria siangpahrang e sannaw ni kai hah na dudam awh teh, na thai e lawknaw dawkwah taket hanh.

⁷ Kai ni ahni thung muitha buet touh ka thum pouh vaiteh, ahni ni kamthang buet touh a thai toteh, amamae ram koelah bout a ban han. Hathnukkhu, a ram thung e tahloi hoi ka due sak han ati telah a dei.

⁸ Hathnukkhu Assyria siangpahrang teh Lakhish kho hoi a tâco toe tie Rabshakeh ni a thai teh a ban navah, siangpahrang ni Libnah kho a tuk e hah a hmu.

⁹ Atuvah Kush siangpahrang Tirhakah hoi kâkuen lah, ahni teh nang tuk hanelah a tho toe telah kamthang a thai. Hottelah kamthang a thai toteh, Hezekiah siangpahrang koe patounenaw a patoun teh,

¹⁰ nangmouh ni Judah siangpahrang Hezekiah koe hettelah na dei awh han. Jerusalem kho teh Assyria kut dawk phat mahoe telah na kâuep e Cathut ni na dum hanh naseh.

¹¹ Khenhaw! Assyria siangpahrangnaw ni khoram tangkuem a raphoe awh teh, hotnaw koe a sak e naw hah na thai toe. Ahni teh ka hlout na ou.

¹² Ka mintoenaw ni a raphoe e miphun, Gozan, Haran, Rezech, Telassar kho kaawm e Eden miphunnaw hah ahnimae cathutnaw ni a rungang awh maw.

¹³ Hamath siangpahrang, Arpad siangpahrang, Sepharvaim kho e siangpahrang, Hena siangpahrang, Ivvah siangpahrang tinaw teh nâne ao awh telah lawk a thui.

Hlout nahanelah Hezekiah ratoumnae

¹⁴ Hezekiah siangpahrang ni patounenaw kut dawk hoi ca hah a la teh a touk. Hahoi, BAWIPA e im dawk a cei teh, BAWIPA hmalah ca hah a kadai.

¹⁵ Hatnavah, Hezekiah siangpahrang teh BAWIPA koe a ratoum.

¹⁶ Cherubim e lathueng vah ka tahung e Isarelkaw e Cathut, ransahu BAWIPA Cathut, nang teh talai uknaeram pueng lathueng vah buet touh dueng e Cathut lah na o. Nang ni kalvan hoi talai na sak.

¹⁷ Oe BAWIPA, na hnâpakeng nateh na thai pouh haw. Oe BAWIPA, na mit padai nateh khenhaw! Sennacherib siangpahrang ni kahring Cathut dudam hanelah a patoun teh a dei sak e lawknaw hah thai haw.

¹⁸ Oe BAWIPA, Assyria siangpahrangnaw ni miphunnaw hoi amamae ram naw hah kingkadi lah a ta teh,

¹⁹ ahnmae cathutnaw hai hmai dawk a phum pouh. Bangkongtetpawiteh, hotnaw teh cathut nahoe. Tami e kut hoi sak e thing hoi talung naw doeh.

²⁰ Oe kaimae Cathut Jehovah, nang dueng doeh Cathut lah na kaawm tie hah, talai uknaeram pueng ni a panue awh nahanelah, hote siangpahrang kut dawk hoi, kaimanaw hah a tu na rungngang haw telah a ratoum.

Sennacherib e rawpnae

²¹ Hattoteh Amos capa Isaiah ni Hezekiah koe a patoun teh, Isarelnaw e Cathut Jehovah ni hettelah a dei. Nang ni Assyria siangpahrang Sennacherib hoi kâkuen lah kai koe na ratoum toe.

²² Hote siangpahrang hoi kâkuen lah Cathut ni hete lawk hah a dei. Tanglakacuem Zion canu ni nang hah na noutna hoeh teh na dudam toe. Jerusalem tangla ni na hnuk lahoi a lû a hahek toe.

²³ Nang ni apimouh na dudam teh na pacekpahlek vaw. Nang ni apimouh na hram sin teh, na minhmai na mounng sin. Isarelnaw e Kathounge koe hottelah na sak awh toe.

²⁴ Na sannaw e kut hoi Cathut hah na dudam awh teh, kai teh ka tawn e ranglengnaw hoi monsom vah thoseh, Lebanon mon a poutnae koe thoseh, ka luen toe. Hawvah ka rasang poung e sidarkungnaw hoi kahawihloe e hmaicakungnaw hah ka tâtueng toe. A rasangpoungnae koe thoseh, a paw a thawwnae ratu koe thoseh ka kâen toe.

²⁵ Tuikhu ka tai teh tui ka nei toe. Ka khoktabei hoiyah Izip ram e palang kaawm e pueng kahak sak toe telah na dei.

²⁶ Ayan hoi hetnaw heh kai ni sut ka pouk tangcoung toe tie na thai boihoe maw. Nang ni kacakpoung kho rapannaw hah na raphoe teh, songnawng kâpawppawm e lah na o sak nahanelah, atu ka sin e naw hah ayan hoi sut ka hmoun toe.

²⁷ Atha ka baw e hote khocanaw teh, a lungpout laihoi yeirai a phu awh teh, kahrawng e phonaw patetlah thoseh, a len hoehnahlan tang kamyai e lemphu e phokung patetlah thoseh, ao awh.

²⁸ Na tahungnae, na ceinae, na thonae, na kâenna, na tâconae, koe na lungkhueknae naw hah ka panue.

²⁹ Nang teh kai koe na lungkhuek dawk thoseh, namahoima na kâuepnae hah ka hnâ koe a tho dawk thoseh, kai sumhradang teh na hnawng dawkvah thoseh, kaie pahni mounnae teh na pahni dawkvah thoseh, ka mawp vaiteh, na thonae lam dawk hoi na ban sak han.

³⁰ Nang hanelah mitnout teh hettelah ao. Takum dawkvah amahmawk ka paw e naw thoseh, a kum pahni vah hot dawk hoi ka pâw e naw hai thoseh na ca han. A kum pâthum vah, kahei nateh a awh. Misurnaw hah patue awh nateh, a paw hah cat awh.

³¹ Kacawie Judahnaw teh, a tangpha bout payang awh vaiteh, asawi lah a pâw a paw awh han.

³² Bangkongtetpawiteh, kacawie naw teh Jerusalem kho hoi thoseh, kahlout e naw teh Zion mon dawk hoi thoseh, a tâco awh han. Cathut e a lungthonae teh hetenaw hah a sak han.

³³ Hatdawkvah, Cathut ni Assyria siangpahrang hoi kâkuen lah hettelah a dei. Ahni teh hete kho dawk kâen mahoe. Hete hmuen koe pala hai ka mahoe. Bahling hoi hete kho hai hnai mahoe. Hete kho avanglah na tungpup awh mahoe.

³⁴ Hete kho koe a thonae lam dawkhoei a ban han. Hete kho thung kâen mahoe. Cathut ni a dei e teh,

³⁵ Kai ni hete ka minhmai hoi ka san Devit e minhmai hah ka khet teh, hete kho rungngang hanelah, hete kho hah ka ring han, telah a ti.

³⁶ Hat toteh, BAWIPA e kalvantami a tâco teh Assyria ransahu thung e tami 185,000 touh a thei. Amom toteh a thaw awh navah, ahnimanaw teh ro lah ao awh.

³⁷ Assyria siangpahrang Sennacherib hai a tâco a ban teh, Nineveh kho dawkvah ao.

³⁸ Hathnukkhu, ahni teh, amae cathut Nisroch Bawkim dawkhoei a bawkhoei lahun nah, ahnie capa Adrammelek hoi Sharezer tinaw ni tahloi hoi a thei awh. Hahoi teh, ahnimanaw teh Ararat mon lah a yawng awh. Hat toteh, capa Esarhaddon teh a na pa e hmuen dawkhoei a tahung.

38

Hezekiah patawnae hoi damnae

¹ Hatnae hinnaw dawkvah, Hezekiah teh meimei kadout lah a pataw. Hatnavah, Amoz capa Isaiah ahni koe a tho teh, hettelah ati pouh: BAWIPA ni hettelah a dei. Nang teh na hring mahoe toe. Na due han toung dawkvah, na imthungnaw hah lawk thui lawih, atipouh.

² Hattoteh Hezekiah teh tapang koelah a kangvawi teh, BAWIPA koe,

³ Oe! BAWIPA, kai teh Bawipa na hmalah yuemkamcunae hoi ka lungthin abuemlah kho ka sak e hoi na hmalah hnokahawi ka sak e hah na pouk pouh haw, telah a ratoum. Hathnukkhu, Hezekiah siangpahrang teh puenghoi a khuika.

⁴ Hahoi, BAWIPA e lawk teh Isaiah koe bout a tho teh,

⁵ nang teh Hezekiah siangpahrang koe cet nateh, na pa Devit e Cathut Jehovah ni hettelah a dei. Nange ratoum lawk teh ka thai toe. Nange mitphi hai ka hmu toe. Nange hringnae dawkhoei kum 15 touh ka thapsin han.

⁶ Nang hoi hete kho hah Assyria kut dawkhoei ka hlout sak han.

⁷ Hethateh, BAWIPA ni ka sak roeroe han titeh lawk a kam e, nang hanelah BAWIPA e mitnoutnae doeh.

⁸ Khenhaw! Ahaz e kanisuumilam dawkhoei a tâhlip lakhout hra touh hnuklah bout ka ban sak han ati. Ati e patetlah kaloum tangcoung e a tâhlip lakhout hra touh hnuklah bout a ban.

⁹ Judah siangpahrang Hezekiah ni a patawnae koehoi bout a dam hnukkhu a thut e ca hateh,

¹⁰ muengmueng ka o navah, ka due han doeh toe. Kaawm rae hringnae ka coe hoeh toe telah ka ti.

¹¹ BAWIPA teh ka hmawt mahoe toe, kahringnaw onae koe BAWIPA teh ka hmawt mahoe toe ka ti.

¹² Tukhoumking e rim patetlah kai ka onae im hah beng a sawn awh teh, yout a la awh toe. Hni ka kawng e ni a kalawng e patetlah kahringnae hah kalawng lah ao teh, hnikawngnae dawkhoei kai teh na takhoe han toe. Hnin touh hoi kai hah na poutsak awh han toe.

¹³ Kaie ka hrnaw hah sendek patetlah a khoe, kai teh amom ditouh duem ka o. Hnin touh hoi rum touh thung dawkhoei kai teh poutnae koe na phakhai.

¹⁴ Pingpit patetlah kahram teh bakhu patetlah ka cingou. Kahlun lah ka khet boteh, ka mit a tha a tawn. Oe Bawipa, runae thouk ka kâhmo dawkvah, kai hanelah hloutnae amahkhan lah awm haw ka ti.

¹⁵ Bangtelamouh ka dei han toung. Bawipa ma ni na dei pouh e patetlah ama ni a sak toe. Ka muitha ni a khangnae dawkvah, kai teh paiyaica hoi doeh kahring nathung lam ka cei han toe.

¹⁶ Oe Bawipa, hot patet e hnonaw hoi doeh taminaw teh a hring aw. Hotnaw daw doeh ka muitha teh a hring. Bawipa, nang ni kai hah na dam sak nateh, na hring sak haw.

¹⁷ Puenghoi ka khangnae teh, kai hanelah hawi nahane doeh. Bawipa nang ni na lungpataw dawkvah, rawknae koehoi na rasa toe. Bawipa, nang ni kaie yonnae pueng hah hnuk lah na tâkhawng pouh toe.

¹⁸ Bangkongtetpawiteh, phuen niteh, nang koe lunghawilawk dei thai hoeh. Tami kadout ni nang na pholen thai hoeh. Tangkom daw ka bawt e ni nange yuemkamcunae hah ngaihawi thai hoeh.

¹⁹ Kahring e, kahring e ni dueng doeh, sahnin kai ni lunghawilawk ka dei e patetlah lunghawilawk a dei. Na pa ni canaw koe nange yuemkamcunae hah a cangkhai.

²⁰ BAWIPA ni na rungngang han lah coungkacoe ao. Hatdawkvah, kahring nathung hnintangkuem vah, BAWIPA e im dawkvah, rui thueng e naw hah ka kueng han.

²¹ Hathnukkuh, Isaiah ni, thaibunglung paw abuem hah sin aw. nateh, a hmâ daw ramuk pouh aw. Siangpahrang teh bet a dam han atipouh.

²² Hezekiah siangpahrang nihai, BAWIPA e im daw kai ka luen nahanelah bangpatet e mitnout maw kaawm telah a pacei.

39

Babilon ram hoi ka tho e laicei

¹ Hatnae tueng navah, Babilon siangpahrang, Baladan capa Merodakbaladan ni Hezekiah siangpahrang teh damhoehnae koehoi bout a dam toe tie a thai navah, ca hoi poehno a sin sak teh laicei a patoun.

² Hezekiah teh a lunghawi poung dawkvah, amae sui kuemnae hoi sui, ngun, hmuittui, aphu kaawm e satui, senehmaica hmouknae, hoi hnopai hmouknae daw kaawm e hno pueng hote laiceinaw hah a patue. Ama e imthung e kaawm e hoi a ram thung e kaawm e naw hah a patue hoeh e awm hoeh.

³ Hat toteh, profet Isaiah ni, Hezekiah siangpahrang koe a cei teh, hete taminaw ni bangmaw a kâhei aw. Ahnimanaw heh nâhoi maw nang koe a tho aw telah a pacei navah, Hezekiah siangpahrang ni, ahnimouh teh, ahlanae koe e ram Babilon hoi a tho aw, telah ati.

⁴ Hathnukkuh, nange im thung e hno bangmaw ahnimouh ni a hmu aw. toung, telah bout a pacei navah, im thung e hno pueng koug a hmu aw. toe. Hno hmouknae thung hoi ka patue hoeh e hno banghai awm hoeh, bout atipouh.

⁵ Hat toteh, Isaiah ni, ransahu BAWIPA e lawk hah thai haw.

⁶ Nange im thung kaawm e puenghoi, sahnin ditouh mintoenaw ni a hmouk aw e pueng hah, Babilon kho lah a phu aw nahane hnin teh ka phat han. Bang hno ca boehai cawi mahoe. BAWIPA ni ati.

⁷ Nang ni na khe e na canaw hoi na catounnaw hai koug hrawi aw. vaiteh, ahnimouh teh, Babilon siangpahrang hanlah tuenlanaw lah ao aw. han, telah Hezekiah koe a dei pouh.

⁸ Hezekiah ni, atangcalah kai daw lungmawngnae hoi rounnae ao han doeh telah Isaiah koe atipouh navah, Isaiah ni, na dei e BAWIPA e lawk teh ahawi doeh telah atipouh.

40

Ngaihawinae lawk

¹ Lungpahawi aw h, ka taminaw hah lungpahawi aw haw, telah nangmae Cathut ni a ti.

² Tarantuk thaw na tawknae tueng akuiep toe. Nange yon hai ngaithoum toe telah Jerusalem kho koe lawkkanem lahoi dei aw h nateh, oung pouh aw haw.

³ Ramke daw k Oung pouh e teh, BAWIPA e lamthung teh rasoun aw h. Thingyeyiawn daw k maimae Cathut e lamkalen teh sak aw h.

⁴ Ravo kaawm e pueng paten aw h nateh, monnaw hah tanghling sak aw h. Ukuk kacoum e lamthungnaw hah kânging sak nateh, duradiduradup e naw hah kâpi sak aw h.

⁵ BAWIPA e bawilenna e kamnuek vaiteh, tami pueng ni a hmu aw h han. Bangkongtetpawiteh, BAWIPA ni a dei toe.

Cathut e lawk teh a kangning

⁶ Hote lawk ni hramkhai haw ati navah, kai ni bangmouh ka hramkhai han ka ti pouh navah, tami pueng teh phokung lah doeh ao. Ahnimae hawinae pueng hai kahrawng e a pei patetlah doeh ao.

⁷ BAWIPA e a kâha ni a kanayi toteh, phokungnaw teh a kamyai aw h teh, a peinaw hai a sarut aw h. Atangcalah, taminaw teh phokung lah doeh ao aw h.

⁸ Phokung teh a kamyai teh, a pei hai a sarut. Maimae Cathut lawk teh a yungyoe a kangning a ti.

⁹ Zion mon daw k kamthang kahawi kasinkung, ka rasang e mon daw k luen haw. Jerusalem vah kamthang kahawi kasinkung, puenghoi hramkhai haw. Taket hanh. Na Cathut hah kenhaw! telah Judah khonaw koe dei pouh haw.

¹⁰ Kenhaw! Bawipa Jehovah teh thaonae kut hoi tho vaiteh, amae kutbuembue ni ama hanelah a uk han. Ama e taw kphu teh ama ni a thokhai han. Ama e kutphu hai a hmalah ao.

¹¹ A tuhunaw hah tukhoum kung patetlah kaw k vaiteh, tucanaw hah a kut hoi tawm vaiteh, a tawm han. A ca kanaw kaawm e tunaw hai paiyai hoi a hrawi han.

Isarel Cathut teh bang hoi hai bangta thai lah awm hoeh

¹² Tuinaw hah amae kuttabei hoi ka bangnue e, kalvan hah a kut hoi ka pakhap thai e, talai van e vaiphunaw hah yawcu khangnae daw k ka hrueng thai e, monnaw hah yawcu hoi ka khang niteh, monruinaw hah khinglung hoi ka khang thai e teh api nama.

¹³ BAWIPA e Muitha hah apinimaw a bangnue thai han. Apimaw ama hoi kâpan niteh, ama hah ka panuek sak.

¹⁴ Bawipa ni api hoi maw a kâpan teh, ahni ni Bawipa hah a thai panuek sak thai yaw. Apinimaw Bawipa hah a cangkhai teh, lamthung hah a patue teh, a thai panuek nahanelah ka dei pouh yaw.

¹⁵ Miphunnaw teh sikrei daw k hoi padeka e patetlah ao teh, yawcu daw k e vaipuca patetlah doeh ao. Kenhaw! Tuilumnaw teh, mung-poung e patetlah doeh ao.

¹⁶ Lebanon mon teh hmai patawi nahanelah khout hoeh. Hote mon daw k kaawm e moithangnaw hai hmaisawi thueng nahanelah khout hoeh.

¹⁷ Khoram pueng hai Bawipa e hmalah teh, banghai bang hoeh e patetlah ao teh, banghai bang hoeh e hlak hai a thoungca e patetlah ao aw h teh, ahrawng hrang patet lahai ao aw h.

¹⁸ Hatdawkvah, Cathut hah api hoi maw bangnue han. Bawipa hah bang hoi maw bangnue han.

¹⁹ Meikaphawknaw teh, kasakkung ni sui puk a hluk teh, ngundingyin hai ouk a sak pou awh.

²⁰ Pasoumhnō poe thai hoeh hane totouh, ka roedeng e tami niteh, kahmawn thai hoeh e thing hah a kârawi teh, kâroe thai hoeh e meikaphawk sak hanelah, kasakthaie naw hah ouk a tawng awh.

²¹ Na panuek awh hoeh maw. Apuengcūe hoi nangmouh koe dei awh hoeh maw. Talai pek a pâw hoiyah na thaipanuek awh hoeh maw.

²² Talai kamhluem e van vah ka tahung niteh, talai van kaawm e taminaw teh awsi patetlah ao awh.

²³ Ukkung bawinaw hah banghai bang hoeh lah a coung sak teh, talai lawkcengkungnaw hah ahrawnghrang lah a coung sak.

²⁴ Atangcalah ahnimouh hah patue hoeh. Atangcalah ahnimae cati hai kahei hoeh. Atangcalah ahnimae khawngyang teh talai daw kâung hoeh. Ahnimouh hah phohmu toteh ahnimouh teh, bongparui ni cahik patetlah a palek awh han.

²⁵ Hottelah pawiteh, Kai teh api hoi maw a kâvan na ti awh han vaw telah kathoung Bawipa ni a ti.

²⁶ Nangmae na mit naw hoi kahlun lah khenhaw. Hete hnonaw hah apinimaw a sak. Hote Bawipa ni teh hotnaw pueng hah koug a parei thai. A min lahoi koug a kaw thai. A thasai teh, bahu hoi a kawi dawkvah, buet touh boehai kahmat mahoe.

²⁷ Ka ceinae lamthung teh BAWIPA ni a hro. Ka coe hane kawi hai Cathut ni banglahai ngâi hoeh telah Oe Jakop miphun ni bangkongmaw na dei awh. Oe Isarel miphun bangkongmaw na dei awh.

²⁸ Na panuek hoeh maw. Na thai boihoeh maw. Jehovah teh a yungyoe kangning e Cathut, talai pout ditouh kasakkung Cathut lah ao. A tâwn tie awm hoeh. A patang tie awm hoeh. Bawipa e panuenaē hoi thaipanueknae teh apinihâi tawng thai hoeh.

²⁹ Bawipa ni ka tâwn e naw hah tha a poe teh, tithainaē ka tawn hoeh e naw hah tithainaē a poe.

³⁰ Nawsainaw teh a tâwn awh vaiteh, a tha a baw awh han. Camonaw hai kamthui awh vaiteh, a tâlaw awh han.

³¹ BAWIPA ka ngaihawi e naw teh, thaonaē a katha hoi a kawi awh han. Matawnaw patetlah amamae rathei hoi kahlun lah a kamleng awh han. A yawng awh toteh patang awh mahoe. A ceio awh to hai tâwn awh mahoe.

41

Taket hanh, Kai teh nang koe ka o

¹ Oe tuilumnaw, a hmalah sairasuep lah awm awh. Taminaw ni tha hoi bout kawi awh naseh. Rek hnai awh naseh, lawk dei awh naseh. Lawkcengnae koe kahnaicalah tho awh naseh.

² Kanitholah hoi tami buet touh hah apinimaw a kangdue sak, apimaw lannaē koe a khok rahim vah a kaw. Apinimaw a hmalah miphun hah a poe teh, siangpahrangnaw e lathueng vah lawk a ceng sak. Apinimaw vaiphu patetlah a tahloi koe a poe teh, cahik kahlî ni a palek e patetlah apinimaw licung koe a poe.

³ Apinimaw ahnimanaw hah a pâlei teh, a khok hoi a coungroe boihoeh e lam daw koe hoi a yawngtahrei.

⁴ Apinimaw hete hnonaw hah a sak teh, miphunnaw hah a kamtawng-nae koehoi a kaw vaw. Kai Jehovah, ahmaloe pounge e hoi a hnukteng pounge e koe kaawm e kasakkung teh kai doeh.

⁵ Tuilumnav ni a hmu awt teh a taki awt. Talai poutnae naw teh a pâyaw awt. Rek a hnai awt teh, a kamkhueng awt.

⁶ A imri buet touh hoi buet touh a kâkabawp awt teh, tha kâlat nateh na taranhawi sak awt telah tha a kâpoe awt.

⁷ Kutsakkathoum e ni suihlunkathoum e hah tha a poe. Cakkin hoi ka pacai e nihai, sum ka dêi ni teh kahei ka pacawng e tami hanlah ahawi atipouh. Ahnimouh ni hote meikaphawk hah a kâroe hoeh nahanlah sum hoi kacaklah a het awt.

⁸ Hatei, nang Isarel, ka san, kai ni na rawi e Jakop, ka hui Abraham e catoun,

⁹ Kai ni nang teh talai poutnae koehoi ka kut hoi na sawn teh, ahlapoungnae hmuen koehoi na kaw teh, nang teh kaie thaw ka tawk e lah na o. Kai ni nang teh na rawi toe. Kai ni nang teh na pahnawt hoeh.

¹⁰ Taket hanh. Kai teh nang hoi rei ka o. Na lungpuen hanh. Kai teh na Cathut lah ka o, tha na o sak han. Na kabawp han. Lawkkamcaknae aranglae ka kut hoi na tawm han.

¹¹ Nang koe a lung ka khuek e naw teh, yeiraipo awt vaiteh, minhmai a kaya awt han.

¹² Nang na katuknav hah na tawng hai na hmawt mahoehtoe. Nang hoi taran ka tuk e naw teh ayawmyin patetlah ahrawnghrang patetlah ao awt han.

¹³ Bangkongtetpawiteh, nange Jehovah na Cathut ni nang hanelah, na lungpuen hanh, na kabawp han ati teh, nange aranglae kut hah a kuet.

¹⁴ Oe Tangraet Jakop, miphun kathoengcae Isarel, taket hanh. Kai ni na kabawp han. Nang karatangkung teh, Isarelnaw e kathoung Bawipa lah ao telah BAWIPA ni a ti.

¹⁵ Khenhaw! Cangkatinnae seh katha, kahran e, hâ ka tawn e lah na coungsak awt han. Monnav hah katin vaiteh kâbawng sak han. Monruinaw hah cahik patetlah ao sak han.

¹⁶ Na hut awt vaiteh kahli ni ahnimanaw hah a palek awt han. Cakho ni hai a palek awt han. Nang teh BAWIPA dawka na lunghaw han. Isarelnaw e kathoung Bawipa hah na lentoesak awt han.

¹⁷ Ka mathoe e hoi kavouthouppaw ni tui a tawng awt teh a hmu awt hoeh dawkvah, tui a kahran awt toteh, Kai BAWIPA ni ahnimouh hah ka pato han. Isarelnaw e Cathut Jehovah lah kaawm e Kai ni ahnimanaw hah ka pahnawt mahoehtoe.

¹⁸ Arasangnae caillum hmuen koe palangnav thoseh, ayawnnaw lungui vah tuiphueknav thoseh, ka tâco sak han. Kahrawng thingyei hah tuikamuem lah ka coung sak vaiteh, ka ke e talai hah palang lah ka coung sak han.

¹⁹ Thingyei um vah sidar thing, anri thing, tuihan thing hoi olive thingnav hah ka ung han. Kahrawngum dawkvah, hmaica thing, saipres thing, kongkang thingnav hah ka pâw sak han.

²⁰ Hettelah hoi BAWIPA e kut ni hete hnonaw hah a sak teh, Isarelnaw e kathoung Bawipa ni hotnav a sak tie hah, hmawt awt vaiteh, panuek awt vaiteh, pouk awt vaiteh, a thaipanuek awt han doeh.

²¹ Nangmae hno ka tâcawt e hah pâpho awt haw telah BAWIPA ni ati. Kacake kapanuekkhaikung hah na patue awt haw telah Jakop miphun e siangpahrang ni a ti.

²² Ka tâcawt hane naw hah pâpho aw h nateh, dei aw h naseh. Ka pouk aw h vaiteh, ka panue thai aw h nahanelah, yampa e naw hah dei aw h naseh. Hoehpawiteh, ka tâcawt hane naw hah kaimouh koe dei aw h naseh.

²³ Nangmouh teh cathutnaw lah na o aw h e ka panue aw h nahanelah, ka tâcawt hane naw hah dei aw h haw. Kaimouh teh buet touh hoi buet touh kâkhet teh, ka taki aw h nahan kahawi e hoehpawiteh, kahawihoehe hnonaw hah dei aw h naseh.

²⁴ Khenhaw! Nangmouh teh ayawmyin doeh toe. Nangmae na tawksak aw h e hai ahrawnghrang hlak a rahnoum. Nangmouh na ka rawi e teh panuet a tho.

²⁵ Buet touh hah atung lahoi ka tâcosak vaiteh, ahni teh a tho han. Kanîtholah hoi buet touh a tho vaiteh, ahni ni ka min hah a kaw han. Hlaamkabokung ni amhru hah a katin e patetlah ahni ni bawinaw hah amhru patetlah a katin han.

²⁶ Kaimouh ni ka panue aw h nahan, bokheiyah sut ka ti aw h nahan, ahmaloe hoi apinimaw a dei boi. Ka dei e aw m hoeh. Ka pâpho e aw m hoeh. Hothloilah nangmae lawk hah ka thai boi e buet touh hai aw m hoeh.

²⁷ Kai teh Zion kho hah khenhaw! haw o ho hmaloe ka tet e lah ka o. Kamthang kahawi ka dei hane tami hai Jerusalem lah ka patoun.

²⁸ Hatei, ka khet navah buet touh boehai aw m hoeh. Bout dei hanelah ahnimanaw hah ka pacei torei teh, ahnimouh thungvah, kâpankhaikung buet touh boehai aw m hoeh.

²⁹ Khenhaw! Ahnimouh pueng teh dumyennae buet touh duengdoeh kaawm. Ahnimouh ni a tawksaknae hai ayawmyin doeh. Ahnimouh ni a hlun aw h e meikaphawk hai kahlî hrawnghrang lah doeh ao.

42

BAWIPA ni a san a rawi

¹ Khenhaw! kai ni ka tawm e ka san, ka lungkuepkhai teh, ka rawi e san doeh. Ka Muitha hah ahni van ka patue han. Ahni ni lannae hah miphunnaw koe a thokhai han.

² Ahni teh, hramki mahoe. Oung mahoe. Ahnie lawk hai lamthung daw k apinihai thai mahoe.

³ Coungroe e lungpum hah khoe hoeh, hmai ka taw k e hmaiim hah padout hoeh. Lannae hah yuemkamcunae hoi a thokhai han.

⁴ Talaivan vah lannae phung a kangdue sak hoehroukrak, a thayoun mahoe, a lungpout mahoe. Ahlanae koe kaawmnaw ni hai ahnie kâlawk hah a ngaihawi aw h han.

⁵ Kalvan ka sak niteh, talai hoi talai thung kaawm e pueng ka sak e, talai van kaawm e naw hah kâha hai thoseh, talai van lam kacetnaw hah muitha hai thoseh, ka poe e, Cathut Jehovah ni a dei e teh,

⁶ kai teh Jehovah doeh. Kai ni nang hah lannae lahoi na kaw vaiteh, na kut daw k hoi na hrawi han.

⁷ Nang ni mit ka dawnnaw e mit na hmu sak thai nahane hoi, paung lah kaawm e naw hah thongim thung hoi thoseh, hmonae koe ka tahung e naw hah hmonae thongim thung hoi thoseh, rasa tâcokhai hanelah, taminaw hoi lawkkam e lah thoseh, miphunnaw hanelah angnae lah thoseh, nang hah kai ni na ta toe.

⁸ Kai teh Jehovah doeh. Hothateh, kaie ka min doeh. Kai bawilennae hah apihai thoseh, kai ni ka coe e pholennae hah meikaphawknaw hai thoseh, ka poe hoeh.

⁹ Yampa e hnouaw teh a loum toe. A katha e hnouaw hah atu ka pâpho. Hotnaw a tâco hoehnahlan vah, nangmouh sut na thai sak.

BAWIPA pholennae la

¹⁰ Tui dawk ka cet kaawm e naw hoi ahlanae koe ramlouk lah kaawm e naw, BAWIPA koe la katha sak awh. Ahni hah talai apoutnae koehoi pholen awh.

¹¹ Kahrawngum hoi hot thung e kho kaawm e pueng, hoi Kedar kho kaawm e taminaw pueng ni pholen awh naseh. Sela kaawm e naw pueng ni monsom vah hram laihoi lunghawai laihoi la sak awh naseh.

¹² BAWIPA e bawilennae kammue sak laihoi, tuilum apoutnae koe a lungmanae teh pholen awh.

¹³ BAWIPA teh athakaawme tami patetlah a tâco teh, ransa patetlah a taran ahawi. Tânae hoi a hram teh, a tarannaw hah a tâ.

BAWIPA kabawp lawkkamnae

¹⁴ Kai teh atueng kasawlah duem ka o. Kai teh duem ka o teh, ka taminaw hah ka pato hoeh. Atuteh, camo ka khe e napui patetlah kahram han. Hongho hongho kâha vaiteh, ngawt ka tawn han.

¹⁵ Monnaw hoi monruinaw ka raphoe han. Thingkung ramkungnaw puenghai ka ke sak han. Tuipuinaw hai tuilumnaw lah kacoungsak vaiteh, talinaw pueng hai kahaksak han.

¹⁶ Mit kadawnnaw hah a panue awh hoeh e lam dawk hoi ka thak vaiteh, a panue awh hoeh e lamthung dawk lam ka patue han. Ahnimae hmalah hmonae hah angnae lah kacoungsak han. Lamthung tangkomnaw hah, ka kânging sak han. Hetnaw hah ka sak vaiteh, ahnimanaw hah ka hnoun mahoe.

¹⁷ Meikaphawk ka bawk awh niteh, meikaphawk hanelah, nang teh kaimae cathutnaw doeh katetenaw teh puenghoi kayak awh vaiteh, hnuklah a kamlang awh han.

Isarelhaw ni panuek thai awh hoeh.

¹⁸ Hnâpangnaw thai awh haw. Mitdawnnaw, na hmu thai nahanelah kenhaw.

¹⁹ Kaie ka san hloilah apimouh a mit ka dawn va. Ka patoun e laiceinaw patetlah apimouh a hnâ ka pang va. Kaie ka hui patetlah apimouh a mit ka dawn va. BAWIPA e san patetlah apimouh a mit ka dawn va.

²⁰ Ahni ni moikapap a hmu eiteh, kâhruetcuet thai hoeh. A hnâkâko eiteh thai thai hoeh.

²¹ BAWIPA teh amae kâlawk rasangsak hane hoi a lentoesak hanelah, amae lanna dawk a lungyouk.

²² Hete miphun teh, tuk e hoi lawp e miphun lah doeh ao. Ahnimouh teh, tangkom dawk tangkam a kâman awh teh, thongim dawk hro e lah ao awh. Kahloutsakkung kaawm hoeh e lawp e lah ao awh. Tuk teh lawp lah ao awh navah, na poe leih telah ka tet hane awm hoeh.

²³ Nangmouh thung dawk apinang mouh hete lawk hah na ka thai awh han va. Atu hoi hmalah te, apinang mouh na ka thai awh han.

²⁴ Jakop teh tuk e hoi lawp e lah thoseh, Isarel hah kalawmkungnaw koe thoseh, apimouh ka hnawng va. Maimouh ni taran awh teh, ahni koe yonnae sak awh e BAWIPA ni nahoehmaw. Ahnimouh teh Bawipa e lamthung dawn awh hoeh. Bawipa e kâlawk hai tarawi awh hoeh.

²⁵ Hatdawkvah, puenghoi a lungkhueknae teh, ahnimouh lathueng a rabawk teh, takikatho e tarankâtuknae hah ahnimouh koe a pha sak.

Ahnmouh tengpam vah hmai a sawi. Hateiteh, panuek aw h hoe h. Amamouh hoi amamouh a kak aw h. Hatei, pâkuem aw h hoe h.

43

Isarel ratangnae

¹ Hatei, atuteh Oe Jakop nangmouh kasakkung hoi, Oe Isarel nangmouh kapâkhuengkung Jehovah ni telah ati, taket aw h hanh, bangkongtetpawiteh na ratang aw h toe, na min lahoi na kaw aw h teh kaie lah doeh na o aw h toe.

² Tui na raka aw h nahaiyah nangmouh koe ka o vaiteh, tuipui na raka nahai na pâyawt aw h mahoe h. Hmai daw k na cei aw h nakunghai na kang aw h mahoe h. Hmaipalai ni hai na kang aw h mahoe h.

³ Bangkongtetpawiteh, kai teh nangmae Jehovah na Cathut, Isarel Tami Kathoung, nangmouh ka rungngangkung doeh. Nangmouh ratang hanelah, Izipnaw koe na poe teh, Ethiopia hoi Sheba nangmae yueng lah ka poe.

⁴ Ka mithmu vah ka talue poung e lah na o aw h teh, bari kawi e lah na o aw h. Hatdawkvah, nangmouh na ban thai aw h nahanelah tami na poe vaiteh, na hringnae kâthung nahanelah tamihu na poe han.

⁵ Taket aw h hanh, nangmouh koe ka o, na catounnaw hah kanîtho koehoi ka thokhai vaiteh, kanîloumlah hoi ka pâkhueng han.

⁶ Atunglah pou thak aw h ka ti vaiteh, akalah katek aw h hanh lawih telah ka ti pouh han. Ka capa hah ahlapoungnae koehoi thokhai aw h, ka canu hah talai poutnae koehoi thokhai aw h.

⁷ Ka min lahoi ka kaw e tami pueng hoi, ka lentoe nahanelah ka sak e tamipueng teh thokhai aw h haw telah ka ti han.

⁸ Mit tawn eiteh mitdawnaw hoi hnâ tawn eiteh hnâpangnaw kai koe thokhai aw h.

⁹ Miphun pueng hoi tamimaya hmuen touh koe kamkhueng aw h naseh. Ahnmouh thung daw k apinimaw a pâpho thai teh, ayan e hno hah a hmu sak thai han. Lan sak lah o thai nahanelah, kapanuekkhaikung hah thokhai aw h naseh. Telah hoe h nakunghai hnâ hoi thai aw h nateh, hethateh lawkkatang doeh tet aw h naseh.

¹⁰ Na panue aw h teh na yuem thai aw h nahanelah, kai teh ahni doeh tie na panue thai aw h nahanelah, nangmouh teh kapanuekkhaikung hoi ka rawi e ka sannaw doeh telah BAWIPA ni ati. Ka hmalah sak e thung daw k bangpatet e cathut hai aw m hoe h, ka hnuk lahai aw m mahoe h.

¹¹ Kai teh Jehovah doeh. Kai laipateh rungngangkung alouke aw m hoe h.

¹² Kama ni ka dei teh ka rungngang, na panue sak daw k nangmouh rahak cathut alouke roeroe aw m hoe h. Hatdawkvah, nangmouh teh kapanuekkhaikung lah na o aw h telah BAWIPA ni ati. Kai teh Cathut doeh.

¹³ Ahninha ao hoe hnahan kai teh ahni doeh. Ka kut daw k hoi ka rungngang thaikung apihai aw m hoe h. Ka sak hnukkhu apinimaw a rakhout thai han.

¹⁴ Isarelnaw e Kathoung Poung, nangmouh karatangkung BAWIPA ni telah a dei, nangmouh kecu daw k Babilon kho daw k ransa ka patoun, hettelah abuemlah hoi Khaldean taminaw, a lunghawinae long daw k kayawngnaw a ceikhai e patetlah na ceikhai aw h.

¹⁵ Kai teh, Jehovah, nangmae Tami Kathoung, Isarel kasakkung, nangmae siangpahrang doeh.

16 Tuipui dawk lamthung ka sak niteh, athakaawme tuinaw dawk lamthung ka sak e,

17 athakaawme tami, rangleng hoi marangnaw ka cetkhai niteh, bout thaw thai hoeh nahanelah karawmsakkung, hmaiim padue e patetlah karoumsakkung BAWIPA ni hettelah a dei,

18 hnuk lae naw bout pouk hanh lawih, ayan e naw na lungthin dawk tat awh hanh leih.

19 Thai awh haw, hno katha ka sak han. Atu roeroe kamnue han. Nangmouh ni na panue katang han. Ramke lam ka sak vaiteh, thingyeyiawn dawk tui ka lawng sak han.

20 Kahrawng e sarang, kahrawnguinaw, hoi kalaukva ni kai na bari han. Bangkongtetpawiteh, ka rawi e taminaw ni a nei awh hane ramke vah tui ka poe teh thingyeyiawn dawk tui ka lawng sak.

21 Kama hanelah ka pâkhueng e taminaw ni ka pholennae a kamnue sak awh han.

Yuemkamcu hoeh e Isarelnaw

22 Hateiteh Oe Jakop, nangmouh ni na kaw awh hoeh. Oe Isarel, nangmouh ni kai na hmawtcei awh.

23 Hmaisawi thuengnae tu hah kai koe na thokhai awh hoeh. Thuengnae lahoi kai na pholen awh hoeh. Hnopoena lahoi hnori na phawt sak boihoeh. Hmuitui hoi nangmanaw tha na tawn sak boihoeh.

24 Hmuitui kacinge hah tangka hoi na ran pouh boihoeh, thuengnae sathai thaw hoi kai ka lung na kuep sak boihoeh. Yonnae phu phu hanelah thaw letlang na tawk sak, lam vah thoesaknae lahoi kai letlang na tawn sak awh.

25 Kai kama roeroe ni doeh kama hanelah nangmae kâ na tapoena naw na takhoe pouh. Nangmae yonnae ka pouk mahoe toe.

26 Na kapanuekkhaikung, pouk awh haw sei. Na lan awh nahanelah, na lawk dei awh haw.

27 Hmaloe e na pa ni, yon a sak teh, laiceinaw ni kâtapoe laihoi kai na taran awh.

28 Hatdawkvah, hmuen kathoung koe e kacuenaw, kakhin sak han, Jakop hah thoebo hanelah ka poe vaiteh, Isarelnaw pacekpahleknæ khang hanelah ka pahnawt toe.

44

Isarelnaw koe Cathut yawhawinae

1 Atuteh, ka san Jakop, ka rawi e Isarel thai haw.

2 Nangmouh na kasakkung, von thung hoi na kasakkung, nangmouh kabawmkung lah kaawm e Jehovah ni hettelah a dei, Oe Jakop, ka san, kai ni na rawi e Jeshurun, taket hanh.

3 Bangkongtetpawiteh, tui kahrannaw koe tui ka awi han. Talai kaphui dawk palangpui ka lawng sak han. Na catounnaw koe muitha ka awi vaiteh, na canaw koe yawhawinae ka poe han.

4 Hot patetlah, ahnimouh teh tui teng ka pâw e sumpathing patetlah a dawn han.

5 Tami buet touh ni BAWIPA e tami doeh telah alouke ni Jakop min a kâphung han. Alouke ni Jakop e tami telah a kut dawk thun awh vaiteh, Isarel min teh amamae mipun min lah a hno awh han.

6 Isarelnaw e siangpahrang Jehovah ni karatangkung ransahu BAWIPA ni hettelah a dei, kai teh ahmaloe e lah ka o teh a hnukteng e lah ka o. Kai laipalah teh Cathut alouke roeroe awm hoeh.

⁷ Ayan e taminaw kai ni ka kangdue sak hnin hoi kai ni ka sak e patetlah apimaw ouk ka pâpho. Hot patetlah, pâpho sak haw. Kai hanlah kaawm lahun e hno kaawm han rae hno heh kai koe kamphawng sak naseh.

⁸ Taket awn hanh, puen hai puen awn hanh. Hmaloe vah nangmouh koe ka dei teh na panue sak awn toe. Kai hloilah Cathut ao maw. Oe, lungsong alouke roeroe awm hoeh. Buet touh boehai ao tie ka panuek hoeh.

Meikaphawk bawk e teh pathunae doeh

⁹ Meikaphawk kasaknaw teh, abuemlah hoi hno han kamcu hoeh e naw doeh. A sungren sak awn eiteh, banglahai tho hoeh. Kaimouh teh ka hmawt thai awn hoeh, ka panuek thai awn hoeh tie kayanae hah amamouh ni a pâpho awn.

¹⁰ Apinimaw cathut a sak. Apinimaw banglah ka tho hoeh e meikaphawk hah a sak.

¹¹ Khenhaw! a huiko pueng ni a kaya awn han. Thaw katawkkungnaw hai tami kahring doeh. Abuemlah hoi kamkhueng nateh kangdout awn naseh. Taket awn vaiteh yeirai a po awn han.

¹² Sum ka dêi ni cakâ ouk a dêi. Hmaisaaan dawk a phum teh a kut tha kâsanguekhah teh, cakkin hoi a dêi. A vonhlam toteh a tha ouk a tawn. Tui a nei hoeh toteh tui a kahran.

¹³ Lettama ni rui a payang teh cacung hoi a ruen. Lettama hnopai hoi a sak hnukkhu imvan ao thai nahanlah kompa hoi a thut teh, tami mei hoi a kâvan nahanelah tami hoi mei kâvan lah a sak.

¹⁴ Sidar thing a tâtueng awn teh, hmaica thing hoi saipres thing a la awn teh, ratu dawk e thing buet touh teh a ham lah o nahanlah a cak sak. Sidar thing a ung awn teh khotui ni a rounng sak.

¹⁵ Hathnukkhu hoi teh, tami hane thing lah doeh a tho toe. Thing lah a bet awn teh, hmai a kamben awn. Hmai a bet awn teh vaiyei hai a pâeng awn, cathut lah a sak awn teh a bawk awn. Hote thing hah meikaphawk lah a sak awn teh, hot hah tabo laihoi a bawk awn.

¹⁶ Hote thing hah a tangawn hmai a bet awn, a tangawn moi thawng nahanlah a hno awn, moi a pâeng awn teh kaboumlah a ca awn. Hmai a kamben awn teh huthutbet toe ati awn teh, hmai hai ka hmu toe ati awn.

¹⁷ Ka cawi e hai a la awn teh, cathutkaphawk lah a sak awn. Hote meikaphawk hmalah a tabo awn teh a bawk awn. Ahni koe a ratoum awn, na rungngang haw, bangdawkmaw kaie cathut nahoehmaw, atipouh awn.

¹⁸ Panuek awn hoeh ni teh thaipanuek awn hoeh. Bangkongtetpawiteh, a hmu thai hoeh nahan a mit a tabuem pouh teh, a thai thai hoeh nahan a lungthin khik a khan pouh.

¹⁹ Hahoi apinihai pouk thai awn hoeh, panuek thai awn hoeh. Atangawn teh hmai a bet awn teh, hmaisaaan dawk vaiyei hai a pâeng awn, moi hai a pâeng awn teh a ca awn. Ka cawi rae naw teh panuettwo e lah maw ao han toung. Thingtalong hah tabo laihoi bawk han na maw tie ka panuek e hoi ka thaipanuek e khoeroe awm hoeh bo toung aw.

²⁰ Hraba hoi kâkaw teh dumyennaeh lungthin hoi lam a payon awn toe. Hatdawkvah a hringnae hah rungngang thai hoeh. Aranglae kut dawh hai laithoe ao tie panuek thai awn hoeh.

Isarel teh pahnim hoeh

²¹ Oe Jakop, hote hnouaw teh pahnim hanh. Isarel hai pahnim hanh. Nangmouh teh kaie ka san doeh. Kai ni na sak e ka san doeh. Oe Isarel, nang teh ka pahnim e lah na awm mahoe.

²² Kâtapoenae hateh, kathapoung e tâmai kâhin e patetlah ka kâhin sak han. Kai koe bout ban aw h leih, kai ni yo na ratang aw h toe.

²³ Oe kalvannaw lunghawi hoi la sak aw h. BAWIPA ni a sak toe. Nangmouh talai taminaw hram aw h haw. Monnaw, ratunaw hoi thingkungnaw hram nateh la sak aw h haw. Bangkongtetpawiteh, BAWIPA ni Jakop teh a ratang toe. Isarelnaw lah a lentoenae a kamnuetoe.

Judah bout thawng han

²⁴ Nang karatangkung BAWIPA, vonthung na ka sak e ni hettelah a dei, Kai heh Jehovah hnonaw pueng kasakkung, kalvannaw haiyah madueng lahoi ka sak niteh, kama dueng lahoi talai kapakawkung doeh.

²⁵ Kai ni a lai kathoutnaw e mitnoutnaw hai ka raphoe pouh. Khueyue-naw hai ka pathu sak, a lungkaangnaw kamlang sak teh, a panuenae pathu lah kacoungsakkung.

²⁶ Kai ni ka sannaw e lawk hah ka caksak teh, ka patounenaw ni a dei e patetlah ouk ka sak. Jerusalem kho hanelah nang feh tami onae lah na o han telah thoseh, Judah kho hah sak lah na o han, ka rawk e naw hah pathoup lah ao han telah thoseh ka dei.

²⁷ Talîpui hai tui hak seh, nange palangnaw pueng ka hak sak han telah thoseh,

²⁸ Sairas siangpahrang hanelah nang teh kaie tukhoumkung doeh, kai ni ka ngai e pueng na kuep sak vaiteh, Jerusalem kho pathoup seh, Bawkim adu ung seh telah thoseh ka dei.

45

Sairas Cathut e hnopai

¹ BAWIPA ni satui a awi e Sairas mipun hah a hmalah tabut sak hane hoi, siangpahrangnaw e taisawm rading sak hane hoi, a hmalah tho paawng sak hane hoi, kalupnae longkha khan hoeh nahanelah, aranglae kut hoi ka man e koevah hettelah a dei.

² Kai ni na hmalah ka cei vaiteh, kânging hoeh e hah ka kânging sak han. Rahum longkha hah be ka raphoe vaiteh, tarennae thing hai be ka bouk han.

³ BAWIPA min ka kaw e Isarel Cathut lah ka o e hah na panue thai nahan, khohmo thung e râw hah na poe vaiteh, hro e hnopai hah na poe han.

⁴ Bangkongtetpawiteh, ka san Jakop hoi ka rawi e Isarelnaw kecu daw k ka min lahoi na kaw e a tho. Kai na panuek aw h hoeh eiteh min na phung aw h.

⁵ Kai teh Jehovah doeh, alouke khoeroe aw m hoeh. Kai hoeh laipateh Cathut alouke roeroe aw m hoeh.

⁶ Kai hloilah alouke khoeroe aw m hoeh tie hah kanîtho koehoi kanîloum totouh a panue thai aw h nahan, na panue aw h hoeh nakunghai, na keng na yeng pouh han. Kai teh Jehovah doeh alouke khoeroe aw m hoeh.

⁷ Angnae ka sak teh hmonae ka o sak, roumnae ka o sak, yawthoenae hai ka o sak, hete hnopueng lahoi sak e BAWIPA kai doeh.

⁸ Kalvannaw lathueng lahoi khorak sak haw, Tâmainaw lannae kho awi haw. Talai kamawng nateh rungngangnae hoi lannae paw aw h naseh. Kai Jehovah ni hottelah ka o sak.

⁹ Ama kasakkung ka taran e teh a yawkathout e lah ao. Talai hlaam thung daw k e hlaam rumram e ni, kasakkung koe bangpatet e lah maw na sak atipouh han maw. Hoehpawiteh, na kut ni a sak thai e banghai na thom e aw m hoeh ati han na maw.

¹⁰ A na pa koe bangpatet e maw na khe, a manu koe bangpatet e maw na vawn, ka tet e tami teh a yawthoe.

¹¹ Isarelnaw e Jehovah, Kathounge ni a dei e teh, ka tho hane hno hah kai koe het haw. Ka capanaw e kong hoi ka thaw tawk e kong dawk kâ na poe awh han.

¹² Talai ka sak teh avan kaawm e tami ka sak. Ka kut hoi kalvan ka phai teh ransahu hah kâ ka poe.

¹³ Ama teh lannae hoi ka kangdue sak teh, a lamthungnaw hah kalan sak han. Ka khopui hah a kangdue sak han. Thongim paung e ka taminaw hah apfu laipalah, tawkphu hai patho laipalah, cetsak naseh telah ransahu BAWIPA ni a ti.

BAWIPA amadueng rungngangkung

¹⁴ BAWIPA ni hettelah a dei, Izipnaw patetlah thawtawkkung hoi Ethiopia hno kayawtnaw hoi Sabeanaw ka rasang poung e naw hah nangmouh koe a tho awh vaiteh, na hnukkâbang e lah ao awh han. Sumrui pâkhi laihoi a tho awh han. Hottelah tabo nalaihoi barinae na poe awh han. Cathut teh nangmouh koe ao katang doeh. Alouklah khoeroe awm hoeh. Cathut alouke khoeroe awm hoeh telah nangmouh koe kâheinae a sak awh han.

¹⁵ Oe Isarel Cathut, rungngangkung ama lungpouk lahoi kâhrawk e Cathut roeroe doeh.

¹⁶ Yeiraipo hoi ao awh han, abuemlah kayanae hoi ao awh han. Meikaphawk kasaknaw hah pouknae awm laipalah rei a cei awh han.

¹⁷ Isarelnaw hah yungyoe hloutnae hoi BAWIPA ni a rungngang han. A yungyoe hoi a yungyoe totouh poutnae awm laipalah kayayeirai awm mahoeh toe.

¹⁸ Kalvan kasakkung BAWIPA ni ama teh Cathut, talai hai kasakkung lah ao. Ama ni talai hah a cak sak. Banglahai ka tho hoeh lah sak hoeh, tami o nahanelah a sak e doeh. Hettelah a dei, kai teh BAWIPA lah ka o, alouke khoeroe awm hoeh.

¹⁹ Arulah hoi hmonae dawk lawk ka dei boihoeh. Ka rawi e Jakop miphun koe na tawng awh ka tet pouh boihoeh. Kai BAWIPA ni lannae lawk ka dei teh, kalan e lawk hah ouk ka dei.

²⁰ Kamkhueng awh nateh tho awh haw. Miphun ka kuep reknae dawh hoi ka hlout e naw, cungalalah na hnai awh haw. Thing meikaphawk kasaknaw, tami ka rungngang thai hoeh e, cathut koe ouk karatounnaw ni panuena roeroe tawn awh hoeh.

²¹ Dei pouh awh. Tâcawt sak haw. Pouknae kâpoe awh naseh. Ayan hoi apinimaw a panue sak, apinimaw a dei pouh boi. Kai BAWIPA ni ka sak e nahoehmaw. Kai laipalah Cathut alouke roeroe awm hoeh. Kalan e hoi rungngangkung Cathut lah ka o. Kai hoeh laipateh alouke roeroe awm hoeh.

²² Talai pout totouh kaawm e pueng hah kenhaw! rungngang e lah awm hoeh. Bangkongtetpawiteh, kai teh Cathut lah ka o, alouke khoeroe awm hoeh.

²³ Khokpakhu hoi tami pueng ni ka hmalah a cuengkhuem awh han. Talai tami pueng ni ka hmalah thoe a kâbo awh hoi lawk a kam awh han. Lawk teh lannae hoi ka pahni dawh hoi a tâco vaiteh ban mahoeh toe.

²⁴ BAWIPA dawh dueng lannae hoi thaonae ao telah a dei awh han. Ama koe a tho awh vaiteh, ama koe a lung kakuep hoeh e pueng teh yeirai a po awh han.

²⁵ Isarel ca catounnaw pueng BAWIPA dawk lannae lah o awh vaiteh, BAWIPA teh a bawilennae lah ao han telah a ti.

46

Kadout e meikaphawk hoi ka hring Cathut

¹ Bel ni a lû a saling teh, Nebo a kârahnom sak. Ahnimae meikaphawk-naw teh, a khok pali touh e saring e van doeh a hung awh. Na phu rumram hanelah doeh sak e lah ao teh, saringnaw ni nget ka tâwn lah a phu awh.

² A kârahnom awh teh, rei a rawp awh. Amamae hnokari kârungngang thai awh hoeh. Amamanaw san lah letlang a ceikhai awh.

³ Oe Jakop imthungnaw ka lawk thai awh haw. Ka cawi rae imthungnaw, pek na khe hoi vonthung na o na hoi doeh kai ni na tawm toe.

⁴ Na matawng totouh hai na sam a po ditouh, kai teh hot patetlah e tami lah ka o teh, nangmanaw na tawm awh han, na sak awh e patetlah na ring awh vaiteh, na rungngang awh han.

⁵ Nangmouh ni api hoi maw na mei na kâla sak awh han. Api hoi maw na kâvan sak awh teh, api hoi maw na bangnue awh han.

⁶ Yawngya thung hoi sui moikapap rasa e patetlah ngun hai yawcu dawk a khing, sum kahlun e koe meikaphawk lah na sak sak awh teh, na tabo sin awh teh na bawk awh.

⁷ A loung dawk a hrawm awh teh, a ceikhai awh teh, amae hmuen dawk ouk a pâhung awh. Pou a kangdue teh, a onae hmuen koehoi kampuen mahoeoh toe. A kaw awh nakunghai lawk dei pouh thai mahoeoh. A rucatnae koehoi hai rungngang thai mahoeoh.

⁸ Oe lawk kaeknaw, hethesh pahnim awh hanh. Tongpa katang lah awm awm nateh, bout pouk awh.

⁹ Ayan e hno hah pahnim hanh awh. Bangkongtetpawiteh, Kai teh na Cathut lah ka o teh, kai hloilah Cathut alouke awm hoeh. Kai hoi kâvan e awm hoeh.

¹⁰ Kamtawngnae koehoi apout totouh thoseh, ayan hoi kaawm rah boihoeoh e hnouaw thoseh, ka dei teh ka pouknae a kuep han, ka ngai e pueng be ka sak han telah a ti.

¹¹ Kanitholah hoi e ka matheng e tava, ahlanae hmuen koehoi ka pouk e hah ka kaw, yo ka dei e patetlah ka sak han.

¹² Lannae hoi ahla poungnae koe kaawmnaw ka lawk thai awh haw.

¹³ Kahnaicalah lannae ka thokhai han. Ahla poungnae koe kaawm mahoeoh. Rungngangnae, lungmanae nihai, na ring mahoeoh. Zion yaw rungngangnae ka ta vaiteh, ka bawilennae Isarel hanelah ka hruek han.

47

Babilon yeiraiponae

¹ Oe Babilon canu tanglakacuem, kum nateh vaiphu dawk tahung haw. Oe Khaldean canu, bawitungkhung dawk laipalah, talai dawk tahung haw. Bangkongtetpawiteh, kanem e hoi kanaw e telah bout dei awh mahoeoh toe.

² Sum hah lat nateh, cakang hah phawm haw. Minhmai ramuk hah hawng haw. Angkidung hah rading haw. Na hna hah na phai totouh kalim nateh, palang raka haw.

³ Nang teh, caici lah na o han, Yeirai na po han. Moi ka pathung vaiteh, apihai ka pasai mahoeoh.

⁴ Maimouh na karatangkung min teh, ransahu BAWIPA, Isarelnaw e kathounge Cathut tie doeh.

⁵ Oe Khaldean canu, duem tahung nateh, hmonae koe kâenh. Bangkongtetpawiteh, nang teh Napui e uknaeram teh lah na kaw mahoeh toe.

⁶ Ka taminaw koe ka lungkhuek dawkvah, ka râw hah ka khin sak teh na kut dawk na poe. Nang ni na lungma hoeh. Katawngnaw koe hnokari na phu sak.

⁷ Kai teh siangpahrang lah pou ka o han telah na pouk dawkvah, hete hnonaw hah na pouk hoeh. Nang dawk a hnukteng ka phat hane hai bout na panuek hoeh.

⁸ Hatdawkvah, hringnawmnae dueng ka tawng niteh, pamda laihoi kaawm e, ma imthung dawk kai doeh toe, kai hoi kâvan e apihai awm hoeh. Lahmainu lah kaawm mahoeh. Camo duenae ka khang mahoeh ka tet e, atu thaw haw.

⁹ Hete hno kahni touh: camo duenae hoi lahmainu lah onae ni hnin hni touh, tawkkadek dawk na tho sin han. Na onae hoi na kâringnae teh kapap nakunghai hotnaw teh nang koe puenghoi a tho han.

¹⁰ Bangtelamaw tetpawiteh, na hawihoehnae hah na kâuep teh, apinihai na hmawt hoeh na la ti. Na lungangnae hoi na panuenae ni na dum teh, kai doeh toe, kai hloilah alouke awm hoeh toe telah na lungthung hoi na ti.

¹¹ Hatdawkvah, nang koe thoenae teh a tho han. Nâhoi maw, a tho tie hah na panuek mahoeh. Yawthoenae ni na tho sin vaiteh, hot teh na kahmat sak thai mahoeh. Na panue thai hoeh e rawknae hah nang koe vaitalaho a tho han.

¹² Na nawca hoi na tawk e na kâringnae hoi taânsinnae naw hah kangdoutkhai ka lawnh. Hawinae hmu hai na hmu yawkaw han, tâ hai na tâ yawkaw han doeh.

¹³ Nang teh, kâpankhaikung apap kecu dawk ngawt na tâwn toe khe. Atuvah asikhetkathoumnaw hoi âsi karadounghaw, thapa khet lahoi ka dei thai e naw teh nang dawk ka tho hane hno dawk hoi kangdout aw h naseh. Nang hah atu na rungngang naseh.

¹⁴ Khenhaw! ahnimanaw teh, caphon patetlah ao aw h, hmaisawi lah ao aw h han. Hmai ka kang e daw k hoi na rungngang thai aw h mahoe h. Ka bet sak e hmaisaa n aw m hoe h, kamben hane hmai aw m mahoe h.

¹⁵ Hot patetlah na taw k e hno teh nang hanlah ao han. Na naw nah hoi na pâtung e hnonaw hah amamae lam daw k koun g kâva vaiteh, apinihai na rungngang thai mahoe h.

48

Isarel ni Cathut bawilennae a kamnu e sak

¹ Oe Jakop imthung, Isarel telah min kaw e lah kaawm e, Judah tuikhu thung hoi ka lawng e Jehovah e min lahoi thoebo e, yuemkamcu hoe h e, a law k hoi kamcu hoe h lah, Isarel Cathut min ka pholen e, ka law k thai haw.

² Kathounge khopui taminaw telah amamou h a min a kâphung aw h teh, ransahu BAWIPA lah kaawm e, Isarel Cathut kakânguenaw, ka law k thai haw.

³ Ka aw m tangcoung e hnonaw hah, nangmou h koe ka dei toe. Ka pahni daw k hoi ka tâco sak teh, na thaisak aw h toe. Tang ka sak daw kvah a kuep aw h.

⁴ Bangkongtetpawiteh, a lung ka patak e tami lah na o aw haw teh, na lahuen teh sumtaboung doeh. Na tampa teh rahum tampa doeh tie yo ka panue toe.

⁵ Ayan hoi doeh nangmouh koe ka dei toe. Hno a pha hoehnahlan na panue sak toe. Hatdawkvah, nang ni kaie meikaphawk teh na sak toe. Kai ni ka sakhlawn e meikaphawk, ka hlun e meikaphawk ni, hete hno a sak e doeh na ti payon aw haw han.

⁶ Na panue aw haw toe. Hetnaw pueng heh kenhaw! namamouh ni na dei aw haw mahoe haw. Atu hoi teh hno katha na panue aw haw boihoe haw e, ka panuek e lah na o aw haw han.

⁷ Hotnaw teh atu doeh sak e lah ao. Sut la sak e nahoe haw. Nangmouh ni sahnin totouh na thai aw haw hoe haw. Hatdawkvah, nangmouh ni yo la ka thai aw haw toe na te payon aw haw vai haw.

⁸ Na panuek roeroe aw haw hoe haw. Na thai boi aw haw hoe haw. Ayan hoi na hnâkâko aw haw hoe haw. Bangkongtetpawiteh, nang teh yuem na kamcu hoe haw. Vonthung hoi patenghai nang teh, kâlawk na ka tapoe e telah kaw e lah na o tie ka panue toe.

⁹ Koung na raphoe aw haw hoe haw nahanelah, ka min kecu dawk ka lungkhueknae teh, ka panguep han. Oup e lah ka o nahanelah, nangmouh dawk ka panguep han.

¹⁰ Kenhaw! na thoung sak aw haw toe. Hatei, ngun sôlêi e patetlah nahoe haw. Rucatnae tahmanghmai hoi na tanouk aw haw han.

¹¹ Kama hanelah kai ni na sak han rah. Ka min teh bangkong a mathoe haw. Bawilenna e teh tami alouke koe ka poe mahoe haw.

Cathut ni Isarel kawnae

¹² Oe Jakop hoi ka kaw e Isarel, Ka lawk thai aw haw haw. Kai teh Cathut doeh. Ahmaloe e hoi a hnukteng poung lahai ka o.

¹³ Ka kut ni talai du hah a ung. Aranglae kut hoi kalvannaw ka sak toe. Ka kaw teh hmuen touh koe a kamkhueng aw haw.

¹⁴ Koung kamkhueng aw haw nateh, thai aw haw haw. Nangmouh thung dawk hoi apinimaw hete hnonaw hah a dei boi. BAWIPA a lung ka pataw e Babilon khopui dawk a ngainae a kuep sak han. A kut hah Khaldean taminaw koe a pha sak han.

¹⁵ Kai kama roeroe ni lawk ka dei. Ahni teh, ka kaw. Ka ceikhai vaiteh, a lamthung a cawn han.

¹⁶ Na hnai aw haw nateh, hete lawk hah thai aw haw haw. Apuengcue hoi arulahoi lawk ka dei boihoe haw. Apuengcue hoi hawvah ka o toe. Atuvah, Bawipa Jehovah Cathut e Muitha ni kai hah na patoun toe.

¹⁷ Nangmanaw na ka ratang e, Isarelnaw e Kathoung Poung e BAWIPA ni a dei e lawk teh, kai heh nangmae Jehovah na Cathut, na hawi aw haw nahanlah nangmouh na kacangkhaikung, na dawn aw haw hanelah lamthung dawk nangmouh ka cetkhai hanelah doeh ka o.

¹⁸ Oe kâpoelawknaw na poe e tarawi aw haw khe. Hottelah na sak aw haw pawiteh, roumnae teh palang tui patetlah thoseh, na lanna e teh tuipui tuicapa ka thaw e patetlah thoseh, ao han.

¹⁹ Na catounnaw hai sadu patetlah pap vaiteh, na catounnaw hai sadu patetlah a pap aw haw han. A min teh ka hmaitung hoi raphoe e lah aw haw mahoe haw.

²⁰ Babilon khopui thung hoi tâcawt aw haw. Khaldeannaw hai yawng takhai aw haw. Hetheh, la sak pawlawk hoi thai sak nateh, dei aw haw. Talai pout totouh kamthang sak aw haw. BAWIPA ni a san Jakop hah a ratang toe telah dei aw haw atipouh.

²¹ Thingyeiyawn lahoi a hrawi aw h navah, tui kahran boi aw h hoeh. Lungsong thung hoi ahnimouh han tui a lawng sak. Lungsong a kâbawng sak teh, tui hah a tâco sak.

²² Tami kahawihoe hnaw hanelah, rounnae aw m hoeh telah BAWIPA ni a dei.

49

BAWIPA e san

¹ Oe tuilum taminaw, ka lawk hah thai aw haw. Ahla koe e miphunnaw na hnâpakeng aw haw. Von thung ka o nah roeroe vah BAWIPA ni na kaw toe. Anu e von thung vah ka min a pakhum toe.

² Ka pahni hah tahloi kahran e patetlah a sak teh, a kut tâhlip daw k na hro. Pala pikhluk e patetlah na coung sak teh, a palabom daw kvah na pâseng.

³ Oe Isarel nang teh kaie san doeh. Nang daw k hoi ka bawilenna e a kamnu e han telah ka ti toe.

⁴ Kai ni hai hawina e aw m laipalah ka taw k toe. Ayawmyin lah ka tha hai a baw toe. Hatei, ka lanna e taw kphu teh BAWIPA koe ao teh, ka taw kphu teh Cathut koe ao tie hah ka cai telah ati.

⁵ Atuvah, BAWIPA ama koe Jakop bankhai hane hoi, ama koe Isarel ka pâkhueng hane a san lah o nahanelah, von thung hoi na kangdoutkhai e ni a dei. Bangkongtetpawiteh, BAWIPA hmaitung vah ka sungren e lah ka o. Ka Cathut teh ka thasaina e lah ao han.

⁶ Bokheiyah, ama ni, Jakop miphun kangdue sak hane hoi Isarelnaw thung daw k kahloutnaw hah bout kangdue sak hanelah, ka san lah na o e heh hno ka pâhawca doeh. Talai pout totouh ka rungngangna e lah na o nahan, Jentelnaw kaangsakkung lah onae hai na poe han.

⁷ Isarelnaw hah a ratang teh, a tami kathoungnaw ayâ ni a pacekpahlek e, miphun ni a panuet e, lawkcengkung san, Jehovah ni hettelah a dei. Yuenkamcu, BAWIPA, Isarel tamikathoung, na karawikung kecu daw kvah, siangpahrangnaw ni hmaw t aw h vaiteh, a thaw aw h han, bawinaw ni hai a baw k aw h han telah ati.

Isarel bout pâkhuengnae

⁸ BAWIPA ni hettelah a dei. Ngai kaawm e tueng daw k na lawk hah ka tarawi toe. Rungngangna e hnin daw k nang hah na kabawp toe. Na ring vaiteh, miphunnaw hanelah lawkkamna e hah na poe han. Ram bout kangdue sak hane hoi kingkadi e râw lah bout coe hanelah,

⁹ Thongkabawtnaw koe tâcaw t aw h. Hmonae koe kaawmnaw koe vah, kamphawng aw h telah na dei thai nahanelah, na ta aw h han. Lamthungnaw daw k cet aw h vaiteh, arasangna e cailum hmuen daw k pawngpanae lah ao aw h han.

¹⁰ Vonhlam aw h mahoe h, tui kahran aw h mahoe h. Khumbei ni runae poe aw h mahoe h. Kanî raeng ni daw aw h mahoe h. Bangkongtetpawiteh, ahnimouh ka pahren e ni cetkhai aw h vaiteh, tui onae koe a ceikhai han.

¹¹ Kaie mon pueng teh lamthung lah ka coung sak han. Kaie lam kalennaw hai ka taw m han.

¹² Khenhaw! Ahnimanaw teh ahlana e koehoi tho hanelah a kâcai aw h. Khenhaw! ahnimanaw teh atunglah hoi kanîloumlah hoi tho hanelah a kâcai aw h. Ahnimouh teh Sinim ram hoi tho hanlah kâcai aw h e naw doeh.

¹³ Oe kalvannaw lunghawi hoi la sak awh haw. Oe talai lunghawi haw. Oe monnaw la sak awh haw. Bangkongtetpawiteh, BAWIPA ni a taminaw a lung a pahawi. Runae kâhmonaw hai a pahren han.

Cathut ni Zion pahnim hoeh

¹⁴ Hateiteh, Zion ni, Jehovah ni na ceitakhai teh, Bawipa ni na pahnim toe ati.

¹⁵ Napui ni a ca a khe e hah, a pahren hoeh totouh, sanu a pânei lahun e camo a pahnim thai han na maw. Pahnim thai nakunghai kai ni na pahnim hoeh.

¹⁶ Kai ni ka kuttabei dawck ca ka thut teh, na kâkalupnae rapan teh ka hmalah pou ao.

¹⁷ Na canu capanaw ni karanglah a kâroe awh han. Nang karaphoenaw hoi, nang ka hmawt sak e naw ni na tâco takhai han.

¹⁸ Na tengpam vah kenhaw! Ahnimanaw teh a kamkhueng awh teh nang koe a tho awh. BAWIPA ni a dei e teh, Kai teh ka hring dawkvah, nang teh langa a kamthoup e patetlah phunkuep hoi na kamthoup dawkvah, rumram nahoe hoi.

¹⁹ Raphoe teh kingdi e hmuen hoi ka rawk tangcoung e na ram teh, atuvah kho ka sak e apap dawkvah, abueng toe. Nangmouh na kapayawpaw teh ahlanae koe ao awh han.

²⁰ Na canaw a due hnukkuh, bout na tawm e capanaw ni hmuen khout awh mahoe. A hmuen na poe ei telah a hei awh han.

²¹ Hatnavah, nang ni na lungthung hoi, hetnaw heh apinimouh na khe pouh aw, ka canaw be kadout niteh, madueng kaawm e, yuengyoe kâva e lah bout ka o. Hetnaw hah apinimouh a thokhai awh. Kai teh ka madueng kaawm e lah ka o dawkvah, hetnaw heh nâmouh ao awh aw na ti han.

²² Bawipa Jehovah ni a dei e teh, kenhaw! Kai ni khoram tangkuem kaawm e miphunnaw koe ka kut ka dâw teh, mitnoutnae hah ka vo pouh han. Ahnimouh ni nange na canu capanaw hah a kut hoi tawm awh vaiteh, a loung dawck hrawm awh vaiteh, a thokhai awh han.

²³ Siangpahrangnaw ni nange camo tawm awh vaiteh, siangpahrangnaw teh nange camo ka khom e lah ao awh han. Na hmalah tabawck awh vaiteh, na khok dawck e vaipuh hah a palem awh han. Kai teh Jehovah lah ka o e hai thoseh, kai na kangaihawinaw teh kayanae a ohoe hah hai thoseh na panue han.

²⁴ Athakaawme kut dawck hoi hnopai lawp han na maw. Taki ka tho e san hah rungngang han na maw.

²⁵ BAWIPA ni a dei e teh, atangcalah, athakaawme ni man tangcoung e tami hah bout la han. Takitho e ni lawp tangcoung e lawphno hah bout la han. Bangkongtetpawiteh, nang ka taran e hah kai ni ka taran vaiteh, na capanaw hah ka rungngang han.

²⁶ Nang na karektapnaw hah amamae tak ka ca sak han. Amamae thi hah misurtui nei e patetlah koug ka boum lah a nei awh han. Hatdawck vah, kai Jehovah teh nang ka rungngangkung, nang karatangkung, Jakop miphun dawck athakaawme Cathut, ao tie hah tami pueng ni a panue awh han telah a dei.

50

Isarelnaw yonnae dawck hoi hloutnae

¹ BAWIPA ni hettelah a dei. Nangmae manu manae ca, kâmana hah nâne ao. Nahoe pawiteh, ka laiba dawkvah api koe maw nangmanaw

hah na yo awh. Bangkongtetpawiteh, namamae na payonnae dawkvah san lah na o awh. Namamouh kaya poenae dawkvah, nangmae manu ka manae doeh.

² Kai ka tho navah bangkongmaw taminaw ao awh hoeh. Bangkongmaw na kaw awh lahun nah na pato awh hoeh. Kai ni na ratang thai awh hoeh nahanelah, ka kut a duem namaw. Rungngang thai hoeh nahanlah bahu ka tawn hoeh na maw. Khenhaw! kai ni ka yue teh, tuipui hai remphui. Palang pui hai kahrawng patetlah ka o sak. Tui ao hoeh dawkwah tanganaw a pawk awh. Tui kahran hoi a due awh.

³ Kalvan teh hmonae hoi ka tangoung teh, burihni ka kâkhu sak.

⁴ Ka tâwn e koe lawk hoi a tawwnae ka dam sak thai nahanelah, Bawipa Jehovah ni thouthainae lai na poe. Amom tangkuem kai hah na pâhlaw, ca ka kamtu e patetlah thaisak hanelah ka hnâ heh a pâhlaw.

⁵ Bawipa Jehovah ni ka hnâ hah a paawng teh, kai hai kangek mahoe. Ka taran mahoe. Hnuklah kâhnawn mahoe.

⁶ Ka keng kahemnwaw koe thoseh, hmaibeisam kapawnnaw koe thoseh, hmaibei ka patueng. Yeiraiponae hoi tamthawinae dawkwah hoi ka minhmai ka hrawk hoeh.

⁷ Bangkongtetpawiteh, Bawipa Jehovah ni na kabawp han. Hatdawkvah, yeirai ka po mahoe. Hatdawkvah, lungtaw patetlah ka minhmai ka hruk teh, kayak mahoe tie ka panue.

⁸ Kai tangnae na kapoekung teh a hnai toe. Apimaw na tuk han. Na ka tuk hane teh apimaw. Kamtueng aw h sei. Na ka tuk hane teh apimaw, rek na hnai naseh.

⁹ Bawipa Jehovah ni na kabawp roeroe han. Apinimaw kai hah na sung sak han. Hot patetlah e taminaw teh napon patetlah ao aw h vaiteh, khakbara ni koug a ca aw h han.

¹⁰ Nangmouh dawkwah apimaw BAWIPA ka taket, ahni teh a san e lawk ngai naseh. Apimaw angnae tawn laipalah hmonae dawkwah ouk ka cet. Jehovah min hah kâuep nateh, amae Cathut dawkwah kamngawi naseh.

¹¹ Hmai hah patawi teh, amamouh hmaitali hoi muen kâkatum e taminaw, namamae hmaiang dawkwah thoseh, namamouh ni patawi e hmaw dawkwah thoseh, cet aw h. Hetheh ka kut dawkwah hoi ka sin e hmai teh namamouh koe lah tangpek vaiteh, lungmathoe laihoi na yan aw h han.

51

BAWIPA ni Zion lung a pahawi

¹ Lannae ka pâlei niteh, BAWIPA ka tawng e taminaw ka lawk thai aw h haw, nangmouh na kâdeinae lungsong hoi na tai aw h e tangkom kâko khenhaw.

² Nangmae na pa Abraham hoi nangmouh na kakhekung Sarah hah khenhaw. Bangtelamaw tetpawiteh, ahni dueng doeh ka kaw, yawkahawi sak teh, tami moikapap lah ka coung sak.

³ Hahoi BAWIPA ni Zion kho lung a pahawi han. Ahnie tami kingdinae hmuen pueng, lung a pahawi vaiteh, kahrawngum hah Eden hmuen patetlah ka sak vaiteh, ramkenae hah BAWIPA takha patetlah ka sak han. Lunghawilawkdeinae hoi nawmnae, lunghawilawkwah deinae hoi la saknae lawknaw athung vah hmu lah ao han.

⁴ Ka taminaw ka dei e thai aw h haw. Ka mipunnaw na hnâpakeng aw h haw. Kai koehoi kâlawk a tâco vaiteh, lawk ka tâtueng e teh taminaw hanelah, angnae lah ao han.

⁵ Ka lannae teh a hnai toe. Kaie rungngangnae teh a tâco toe. Ka kut ni tamipueng lawk a ceng aw h han. Tuilum ramnaw ni a panue aw h vaiteh, ka kut a kâuep aw h han.

⁶ Kalvan lah radoung aw h haw, a rahim lae talai hai kenhaw. Kalvan teh hmaikhu patetlah a kahma teh, talai teh khohna patetlah a pawn han. Talai taminaw teh, tangkarang patetlah a due aw h han. Hatei, rungngangnae teh a yungyoe a kangning vaiteh, lannae hai pahnavt thai lah aw m mahoe h.

⁷ Lannae phung ka panuek niteh, kaie kâlawk a lungthin daw k katatnaw, ka lawk thai aw h haw. Taminaw e pathoenae taket aw h hanh. Hnephnapnae hai taket aw h hanh.

⁸ Bangkongtetpawiteh, ahnimanaw teh, khohna patetlah hmonae ni koung a ca aw h han. Tumuen patetlah ahnimanaw teh pâri ni a ca aw h han. Hatei, ka lannae teh a yungyoe a cak vaiteh, ka rungngangnae teh a se buet touh hnukkhu buet touh a kangning han.

⁹ Kâhlaw leih, kâhlaw leih, thaonae kâmahrawk leih. Ayan e tueng daw k palang na kâhlaw e patetlah kâhlaw leih. Rahab ka rek niteh, khorui hah patawnae kapoekung teh, BAWIPA nang nahoe h maw.

¹⁰ Nang teh, kadung ni teh ka kaw e tuipei kahaksakkung, na rungngang e taminaw a cei nahanelah, tuipei a dungpoungnae koe lamthung na ka sak pouh kung teh nang nahoe h maw.

¹¹ Hot patetlah a ratang e taminaw ni, BAWIPA koelah a ban aw h vaiteh, amamae lû daw k a yungyoe lunghawinae la sak nalaihoi Zion lah a ban aw h nahan, lunghawinae hoi a nawmnae a hmu aw h vaiteh, lungmathoenae hoi khuikanae teh, koung a kahma han toe.

¹² Na lung ka mawng sak kung teh kai kama roeroe doeh. Tami capa pho patetlah kasakkung hoi kadout hane tami ka taket e tami teh apimaw.

¹³ Talaidu adu ka ung niteh, kalvannaw kasakkung hoi nang na kasakkung BAWIPA na pahnim teh, pacekpahlek e tami ni kai na raphoe tawmlei toe telah na pouk teh ahnie lungkhueknae pou na taki. Ka pacekpahlek e tami a lungkhueknae teh atu nâ maw ao.

¹⁴ Tangkom thung dout mahoe h. Rawca hai pout mahoe h, Karang lah hloutnae koe a pha han.

¹⁵ Kai teh, tuipei ka yue ni teh tuicapa kahramsakkung nangmae Jehovah na Cathut doeh. A min teh ransahu BAWIPA doeh.

¹⁶ Kalvan ka kangdout sak niteh, talai adu ka ung e ni Zion koe vah, ka tami lah na o telah ka ti thai nahanelah, ka lawk na pahni daw k ka hruek toe. Ka kut e tâhlip hoi nang teh na ramuk toe telah ati.

Cathut e lungkhueknae ka patawpoung e

¹⁷ Oe, Jerusalem, BAWIPA e kut daw k e lungkhueknae manang kanetkung napui, kâhlaw leih, thaw nateh kâhlaw leih. nang ni tâluengsaknae manang hai koung na nei toe. A radue hai koung na nei toe.

¹⁸ Na khe e na capanaw thung daw k, nama lam kapâtuekung buet touh hai aw m hoe h. Na kaw k e capanaw thung daw k nama kut hoi na ka hrawi hane tami buet touh hai aw m hoe h.

¹⁹ Takang a tho vaiteh tami kingdinae hoi, tahloi hoi theinae, hete runae kahni touh nange lathueng a pha toe. Apinimaw na ka khai vaiteh, lung na pahawi han.

²⁰ Na capanaw ni kângai a ru aw h han. Tangkhek daw k kâman e Atha patetlah lam tangkuem daw k ayan aw h vaiteh, BAWIPA e lungkhueknae hoi Cathut e yuenae teh a boum aw h han.

²¹ Hatdawkvah, pacekpahlek e ka khang e tami, misurtui hloilah alouke paruinae hoi ka parui e tami thai awh haw.

²² Na BAWIPA, a taminaw lawk ouk ka kâpankhai e, na Bawipa Jehovah ni a dei e teh, khenhaw! pâyawnae manang, ka lungkhueknae manang dawk e a taisawm hah na kut dawk e ka la vaiteh, nang teh bout na net mahoeoh toe.

²³ Hatei, nang koe vah na tak van coungröe thai nahanelah, tabawk haw telah a titeh, na lathueng kacetnaw hanelah, lamthung patetlah na tak a phai teh, patawnae na kapoekungnaw e kut dawk, hote yamu manang ka hruek han.

52

Cathut ni Jerusalem a ratang

¹ Oe, Zion kâhlaw, kâhlaw. Na thaonae hoi kamthoup. Oe Jerusalem kho, kathoung khopui, khohna kahawi hoi kamthoup. Bangkongtetpawiteh, atu hoi teh, vuensom ka a hoehnaw hoi kamhnawngnaw teh na thung vah kâen mahoeoh toe.

² Oe Jerusalem, vaiphu na kâbetnae tâkhawng haw. Thaw nateh, tahung haw. Oe Zion canu san lah na onae na lahuen dawk pâkhi e ratham haw.

³ BAWIPA ni hettelah a dei. Banghai bang hoeh lah na yo awh. Hot patetlah tangka laipalah hoi na ratang han toe telah atipouh.

⁴ Bangkongtetpawiteh, Bawipa Jehovah ni hettelah a dei. Ka taminaw Izip ram o hanelah hmaloe a cathuk awh teh, Assirianaw ni a khuekhaw awm laipalah hoi rep a coungröe awh.

⁵ Ka taminaw hah banglahai awm laipalah a ceikhai awh. Hatdawkvah, bangmaw hi ka sak han telah BAWIPA ni ati. Ahnimouh tak dawk ka ukkungnaw ni lungmathoe hoi a khuika sak awh telah BAWIPA ni ati. A hnintangkuem pout laipalah ka min a pacekpahlek awh a ti.

⁶ Hatdawkvah, ka taminaw ni ka min hah a panue awh han, lawk kadeikung hah kai doeh telah hat hnin vah a panue awh han. Khenhaw! kai doeh telah a ti.

⁷ Monsom vah kamthang kahawi ka phatkhai e, rounnae lawk hah ka hramkhai e, hawinae kamthang ka phat sak e, rungngangnae lawk hah ka oung e, Zion koevah, na Cathut ni a uk katetkung e a khok teh a meihawi poung.

⁸ Na ramveng ni a lawk hah a tâco sak han. A lawk tâco hoi cungalalah la a sak awh han.

⁹ Ka rawk e Jerusalem hmuennaw vaitalahoi na lunghawi awh. Cungalalah la sak awh. Bangkongtetpawiteh, BAWIPA ni a taminaw hah a lungmawng sak teh, Jerusalem hah a ratang toe.

¹⁰ BAWIPA ni a miphun abuemlae a mithmu vah, kathoung e kut a pâuue teh, kalvan e kaawmnaw pueng ni Cathut e rungngangnae a hmu han.

¹¹ Tâcawt awh. Tâcawt awh. Haw hoi tâcawt awh. Ka khin e tek hanh awh. Haw hoi tâcawt awh. BAWIPA e hnopai ka phawt naw, kathoungcalah awm awh.

¹² Nangmouh teh, ka rang lah na tâcawt awh hoeh, yawng hai na yawng awh hoeh. BAWIPA hah na hmalah cet vaiteh, Isarel Cathut teh na hmalah hoi kountoukkung lah ao han.

Yonnae kaphawtkung san

¹³ Khenhaw! ka san ni lungangcalah a sak han. Ahni teh karasangpoung lah ka talue lah ka tawmrasang e lah ao han.

¹⁴ Tami moikapap ni a kângairukhai e patetlah a mei teh tami mei hlak hai a mathoe teh, a takthai hai tami e takthai hlak a mathoe.

¹⁵ Hot patetlah, ahni ni miphunnaw pueng hah a thoung sak han. Siang-pahrangnaw ni amamae pahni a tabuem awh han. Bangkongtetpawiteh, dei boihoeh e a hmu awh han, thai boihoeh e hai a thai awh han.

53

¹ Maimouh ni pathang awh e lawk heh apinimaw a yuem. BAWIPA kut teh api koe maw a kamnué.

² Bangkongtetpawiteh, a hmalah talai hoi cati kapaw e patetlah ama teh, a paw. Ama ka hmu awh teh, ka ngai awh nahanelah, a meihawinae banghai tawn hoeh. Ngai kawi e minhmai awm hoeh.

³ Ama teh taminaw e dudam hoi pahnawt e lah ao. Reithainae ka tawn e hoi patawnae ka panuek e lah ao. Tami ni a minhmai a thung takhai e patetlah taminaw ni a dudam e lah ao teh, kaimouh ni hai banglah ka noutna van hoeh.

⁴ Ama ni ka patawnae hah a phu. Ka lungmathoenae hai a phu. Hatei, kaimouh ni, lungmathoenae ni na pha sin e hoi, Cathut ni na hemnae patawnae na poe e lah ka pouk awh.

⁵ Hatei, kaimouh ni kâlawk ka ek awh kecu dawkvah pacekpahleknæ hoi, ka yonæ kecu dawkvah hemnae a khang. Ka lungmawng awh nahanelah yuenæ teh amæ tak daw k a pha sak teh, a hemnae hmâ daw k hoi ka dam awh.

⁶ Tu patetlah kahma awh teh, lamthung lengkaleng ka phen awh. Hatdawkvah, BAWIPA ni ka yonnae naw hah amæ a tak daw k a patue.

⁷ Ama teh repcoungrøe e lah ao ei, lawkkamuem lah ao. Thei hanelah a ceikhai awh e tuca patetlah a muen ngaw pouh nah duem kaawm e tuca patetlah ao teh, a pahni hai a cakuep.

⁸ Ama teh thongim thung hoi lawkcengnae lahoi a ceikhai awh. Apini maw a catoun hah a hram khai han. Kahringnaw e ram thung hoi ahni teh takhoe lah ao teh, ka taminaw ni kâ tapoenæ kecu daw k ahni teh hem lah ao.

⁹ Payonnae sak boihoeh. Pahni daw k hoi dумыennaе laithoe dei boihoeh. Hatei, a tangkom teh tamikahawihøehnaw koe rei pakawp hanelah a pouk awh. Hatei, a due hnukkhu hoi bawitangrengnaw koe ao.

¹⁰ Hateiteh, ama a hemnae teh BAWIPA ngainæ doeh. Patawnæ hah a poe katang teh, a hringnae teh yon thuengnae daw k hno toteh, ca catounnaw a hmu vaiteh, a hringnae hnin hah a saw sak han. BAWIPA ngainæ teh a kut daw k a kuep sak han.

¹¹ A hringnae tawkpheu a hmu vaiteh, a lung a kuep han toe. Ka lan e ka san hah panuenaе lahoi, ahni ni tamikapap hah lannaе daw k a caksak han. Ahnimaе yonnaw hah a phu pouh han.

¹² Hatdawkvah, ama teh tami kalennaw ham ka rei han. Ahni ni a la e hnopainaw hah, athakaawme taminaw a rei han. Bangkongtetpawiteh, a hringnae teh, a due totouh a rabaw k teh, kâlawk ka ek naw koe hmai touksin lah ao. Tami moikapap e yonnae hah a phu teh kâlawk kaeknaw hanlah a kâhei pouh.

54

¹ Oe, carôe e napui, lunghawi hoi la sak haw. Ca khe patawnae ka khang boihoe hae napui, la sak hoi hram haw. Bangkongtetpawiteh, a vâ ka sak e napui ni ca sak e hlak pahnawt e ni ca hoe kapap a sak toe telah BAWIPA ni ati.

² Na im hmuen hah pakaw haw. Na onae lemphu hah rayang haw. Pasai hanh. Ruinaw hah saw sak haw. Khomnaw hah kacaklah ung haw.

³ Bangkongtetpawiteh, nang teh avoilah aranglah na pungdaw han. Na catoun ni miphunnaw hah râw lah coe vaiteh, ahnimaie kingkadi kho dawkhoe a sak aw hah han.

⁴ Taked hanh, na kayak mahoe h. Na lungpout hanh, na min mathout mahoe h. Bangkongtetpawiteh, na nawca nah na khang e kayanae hah na pahnim han. Lahmainu lah na o dawkhoe pathoene hah bout na pouk mahoe h toe.

⁵ Bangkongtetpawiteh, nang na ka sak e teh, nange vâ lah ao. A min teh, ransahu BAWIPA doeh. Nang karatangkung teh Isarel miphun dawkhoe Cathut lah ao. Talai pueng a uk teh Cathut telah a kaw aw h.

⁶ Pahnawt teh a lung ka mathout e napui, a naw navah yu lah kaawm niteh, a hnukku mae napui hah bout kaw e patetlah nang hah bout na kaw han telah na Cathut ni ati.

⁷ Nang hah dongdengca na pahnawt dawkvah, moikapap e pahrennae hoi bout na pâkhueng han.

⁸ Puenghoi ka lungkhuek teh, dongdengca ka minhmai ka hro ei nakunghai, a yungyoe lungpatawnae lahoi bout na pahren han telah nang ka ratang e Jehovah ni ati.

⁹ Noah se nah e tuikamuem a tho navah, hote tui ni talai teh bout kamuem sin mahoe h toe telah lawk ka kam e patetlah nang koe ka lungkhuek mahoe h toe, na yue mahoe h toe telah thoe ka bo toe.

¹⁰ Monnaw kahmat niteh, monruinaw kampuen nakunghai, kaie lungpatawnae teh nang koe hoi kampuen mahoe h. Kaie roumnae lawkkam hai kampuen mahoe h telah nang ka pahren e BAWIPA ni ati.

¹¹ Oe, nang rektap e hoi tûili ni meng a raphoe teh, lungmawngnae ka tawn hoe h e, kenhaw! na talungnaw teh talung phu kaawm phunkuep hoi ka pathoup vaiteh, na talungdu teh, Sapphire talung hoi ka ung han.

¹² Longkhanaw hah rubies talung hoi thoseh, thonaw hah khristal talung hoi thoseh, tapang pueng teh aphu kaawm e talungnaw hoi thoseh, ka sak han.

¹³ Na catoun pueng teh BAWIPA ni cangkhai e lah awm vaiteh, na canaw e roumnae teh a len han.

¹⁴ Lannaie dawkhoe caksak lah na o han. Repcoungroene hoi na kâhlat toung vaiteh, na taket mahoe h toe. Lungpuennaie hai hlat toung vaiteh nang koe phat mahoe h toe.

¹⁵ Kaie kâ laipalah, apinihai na taran mahoe h toe. Nang tuk hanelah kamkhueng e pueng teh, koug a rawp aw h han.

¹⁶ Hmaisaan ka hmu niteh, ama hanelah senehmaica ka dêi e hah ka sak teh, sumkadêinaw hai ka sak.

¹⁷ Nang taran hanelah a sak aw h e senehmaica buet touh boehai coung mahoe h. Lawkcengnae koe nang ka taran e pueng a sung aw h han. BAWIPA e sannaw teh hot patet e râw hah a coe aw h vaiteh, kai kecu dawkhoe lannaie koe a pha aw h han telah BAWIPA ni ati.

¹ Oe, tui kahran pueng, tui aonae koe tho aw. Tangka ka tawn hoeh naw tho aw. Ran aw nateh net aw. Tangka hoi apu poe laipalah tho aw nateh misurtui hoi sanutui ran aw haw.

² Rawca lah kaawm hoeh e daw k nangmouh ni na tangka thoseh, von ka paha thai hoeh e daw k na hnopai thoseh bangkongmaw na pâbaw aw. Ka lawk thai aw haw. Kahawie rawca hah cat aw. Na hringnae a nawm han.

³ Na hnâpakeng aw nateh, thai aw haw. Hottelah na tet aw pawiteh, nangmae muitha teh a hring han. Kai ni hai, nangmouh hoi a yungyoe lawkkamnae ka sak vaiteh, Devit daw k lungmanae ka caksak han.

⁴ Khenhaw! ahni teh, tami pueng hanelah, kapanuekkhaikung lah ka o sak hane thoseh, taminaw hanelah kahrawikung kacue lah thoseh, miphunnaw koe ka poe toe.

⁵ BAWIPA Cathut hoi Isarel Tami Kathoung kecu daw k, na panue boihoeh e miphun hah na kaw han. Nang na ka panuek boihoeh e miphun hah, nang koe a yawng han. Bangkongtetpawiteh, a bawilenna caksak toe telah ati.

⁶ Hmu thai lahun nah BAWIPA hah tawng aw, a hnai lahun nah ama hah kaw aw.

⁷ Tamikathout ni a lamthung cettakhai naseh. Tamikalan hoeh e ni a pouknae thoseh, a pahnawt vaiteh, BAWIPA koe ban naseh. Hottelah tetpawiteh, a pahren han. Maimae Cathut koe kâthung naseh, hottelah tetpawiteh, a ngaithoum han.

⁸ Bangkongtetpawiteh, ka pouknae heh, nangmae pouknae hoi kâvan hoeh. Ka lamthung hai na lamthung hoi kâvan hoeh telah BAWIPA ni ati.

⁹ Kalvan heh talai hlak a rasang e patetlah ka lamthung hai na lamthung hlak a rasang teh, ka pouknae hai na pouknae hlak a rasang.

¹⁰ Bangkongtetpawiteh, ratui hoi tadamtui teh, kalvan hoi a rak teh bout ban toung laipalah, cati kahei koe cati hah a poe teh, rawca ka cat hane koe rawca hah a poe thai nahan, talai a duk sak teh, a kung a pâw sak teh, a paw a paw sak e patetlah,

¹¹ Ka kâko hoi ka tâcawt e ka lawk teh ao han. Ayawmlah kama koe bout ban mahoeh. Ka ngainae a kuep sak vaiteh, ka patoun ngainae daw k kuepcingnae a hmu han.

¹² Bangkongtetpawiteh, lunghawi laihoi na tâco aw vaiteh, karoumcalah na ceikhai aw han. Montang monruinaw ni nangmae hmalah la a sak aw han. Kahrawng e thingnaw pueng ni a kuttabawng aw han.

¹³ Pâkhing yueng lah hmaica, pho yueng lah tuihannaw a pâw han. Hote hno teh BAWIPA hanelah minhawinae hoi, kahmat thai hoeh e a yungyoe mitnout lah ao han.

56

Jentelnaw han rungngangnae

¹ BAWIPA ni telah a dei. Kângingnae hah kuen nateh, lanna hah sak haw. Bangkongtetpawiteh, kaie rungngangnae meimei a tho toe, ka lanna hah pâpho lah ao han.

² Hete hno kasaknaw hoi hot patetlah kacaklah ka kuen e tami capa, sabbath ek laipalah hawihoehnae sak laipalah, a kut ka ring e teh, a yaw ka hawi e tami lah ao.

³ Hahoi, ramlouk tami, amadueng lahoi BAWIPA hoi kâkuen e capa ni, BAWIPA ni a taminaw thung hoi abuemplahoi na kapek tet nahanh seh. Tuenla ni khenhaw! thingke lah doeh rip ka o aw tet nahanh seh.

⁴ Bangkongtetpawiteh, kaie sabbath hnin ya hoi ka lunghawikhai e hno hah ka rawi nifeh, ka lawkkam pou ka kuen e tuenla kong dawkvah, BAWIPA ni hettelah a dei,

⁵ Ahnimouh koe ka im vah thoseh, ka rapan thung thoseh, canu capa katawnnaw hlak haiyah, pahnim hoeh nahan minhawinae ka poe han. Ahnimouh koe yungyoe kâraphoe thai hoeh e min hah ka poe han.

⁶ Ahnie san lah o hane, BAWIPA min lungpataw hane, BAWIPA kâuep hane, ramlouk e tami capanaw a mahmawk lahoi BAWIPA hoi kâkuennaw hai sabbath ek laipalah, ya hanelah ka lawkkam ka kuen e pueng,

⁷ ahnimouh roeroe hah ka mon kathoung koe ka ceikhai han. Kaie ratoumnae im dawk ka lunghawikhai han, hmaisawi thueng hanlah poe e naw hoi thuengnae naw hah, kaie khoungroe dawk hoi ka dâw pouh han. Bangkongtetpawiteh, kaie ka im teh, miphunnaw pueng hanelah ratoumnae im ati awh han.

⁸ Bawipa Jehovah ni a pâlei e Isarel bout ka pâkhueng e ni, ama koe pâkhueng tangcoung e naw touksin laipalah, tami alouknaw hai ahnimouh koe ka pâkhueng han telah ati.

Khoupouk ka vang hoeh e Isarel kahrawikungnaw

⁹ Thingyei um e moithangnaw pueng hoiyah, ratu um kaawm e moithangnaw pueng, ca hanelah tho awh.

¹⁰ Ahnimae ramvengnaw teh a mit ka dawn e a tho. Thainae ka tawn hoeh e naw seng lah ao awh teh, abuemlahoi a lawk kacaihoehe ui, ka rauk thai hoeh e ui lah ao awh. Karum mang sak hoi, pou ka ip niteh, i dueng ka panki e lah ao awh.

¹¹ Ka carawng ni teh ka khout boihoeh e uinaw lah ao awh. Ahnimouh teh, thaipanueknae ka tawn hoeh e tukkhounnaw doeh. Makhomaram vah, mahoima mek nahanelah abuemlahoi lam a phen awh toe.

¹² Tho awh haw, misur ka thokhai vai, yamu hah king net awh sei. Tangtho hai sahnin e patetlah han na a, apap hai hoe apap han doeh telah ati.

57

Cungkeihoehe meikaphawk bawknae

¹ Tamikalan a due teh, hawinae ka sak e tami hah takhoe lah ao navah, tamikalan hah hawihoehnae thung hoi takhoe toe tie hah apinihai thaipanuek awh hoeh, apinihai pouk awh hoeh.

² Hot patet e tami teh roumnae thung a kâen toe. Ahnimouh teh kalan lah a hring awh teh, amamae ikhun dawk a kâhat awh.

³ Ân ka sin e napui e capanaw, uicuknaw hoi ka kâyawt e catounnaw hi tho awh haw.

⁴ Nangmouh ni apimaw na pacai awh. Api hanelah maw na lai na pâthosin awh vaw. Nangmouh teh laithoe catoun, kâ ka ek e catoun,

⁵ kathenkungnaw e rahim vah, meikaphawk koe ka cuk e, ravo thung, lungha rahak camo kathetnaw nahoehmaw.

⁶ Ravo yawn talung kâpinaw rahak nangmae ham teh ao. Hot patetlah e hno teh nangmae râw doeh. Hetnaw e hmalah nei thuengnae hoi tavai thuengnae naw hah na rabawk awh. Hotnaw hah ka ngai han na maw.

⁷ Mon rasangnae koe na ikhun hah na hruek teh, hote hmuen koe thueng nahanelah ouk na luen.

⁸ Nang pahnim hoeh nahanlah tho hnuklah na hruek teh, kai koe laipalah alouknaw koe khohna na rading teh na luen toe. Na ikhun na

pakaw teh, ahnimouh koe lawkkamnae na sak toe. Tawngtai lah na hmu e ahnimaie ikhun hah na lungpataw toe.

⁹ Satui na sin teh siangpahrang koe na cei toe. Hmuitui na pung sak toe. Laiceinaw hah ahlanae koe na patoun teh, Sheol totouh na patoun toe.

¹⁰ Na ceinae lam ahlapoung dawkvah ngawt na tâwn eiteh, na lungpout hoeh. Na kâyawm teh na hlout dawkvah, na thathout hoeh.

¹¹ Nang ni apini na bari teh, na taki dawk maw laithoe dei laihoi kai na pahnim. Hoehpawiteh, na lungthin hoi na pouk hoeh. Kasawlah duem ka o dawk maw na taki hoeh.

¹² Na lannaie hoi na tawksak e hah ka pâpho han. Hatei, cungkeinae awm mahoe.

¹³ Na hram toteh, na pâkhueng e meikaphawknaw ni na rungngang naseh. Hatei, hotnaw teh kahli ni ahlanae koe a sin han. Kâha ni a palek aw h han. Hatei, kai na kâuep e niteh, ram hah pang aw h vaiteh, mon kathounnaw hah râw lah a pang aw h han.

Hnuklah kabannaw damsaknae

¹⁴ Hahoi, talai paten aw h, talai paten aw h. Lam pathoup aw h. Ka taminaw e lam daw k e thongmuinaw hah takhoe aw h telah ka dei.

¹⁵ Bangkongtetpawiteh, a rasang poungnae koe tawm lah kaawm e, a yungyoe kangning e, a min Thoungnae telah ka tawn e ni hettelah a dei, Kai teh a rasangnae koe kathoung hmu en koe ka o. Ka kârahnoum naw e lungthin pâhlaw hoi pankângai e lungthin pâhlaw hanelah, a lung hoi pankângai katang e hoi kârahnoum katangnaw koe vah ka o.

¹⁶ Bangkongtetpawiteh, a yungyoe ka tuk mahoe, ka lung hai pou khuek mahoe. Bangkongtetpawiteh, ka sak e kâha hoi muitha teh ka hma lah a tâwn han doeh.

¹⁷ Bangkongtetpawiteh, utsinnae hoi payonnae dawkvah, ka lungkhuek teh ka tuk, ka minhmai ka hro teh ka lungkhuek. Hatei, ahnimouh teh amamae lungpata laihoi ao aw h.

¹⁸ A hringnae teh ka hmu toe. Ahni teh, ka dam sak han. Ka ceikhai vaiteh, ahni hoi ahni kakhuinaw koe vah, lungmawngnae teh bout ka poe han.

¹⁹ Pahni paw hah ka sak. Ahlanae koe kaawmnaw hoi a hnainae koe kaawmnaw koe vah, roumnae, roumnae teh aw m lawiseh, telah BAWIPA ni ati. Hahoi ahni teh ka dam sak han ati.

²⁰ Hatei, tamikathoutnaw teh, kâhuen e tali patetlah ao. Duem ao thai hoeh toteh, songnawng hoi tangdong a tâco sak.

²¹ Tamikathoutnaw hanelah roumnae aw m hoeh telah ka Cathut ni ati.

58

Cathut lung kahawi sak e rawcahainae

¹ Kacaipounglah hram nateh, pangu ep hanh. Mongka patetlah na lawk cai sak. Ka taminaw ni kâlawk a eknae hoi Jakop imthung yonnae hah pâpho haw.

² Hateiteh, hnintangkuem kai hah na tawng aw h teh, ka lamthung panue e hah a ngai aw h. Miphun buet touh ni lannaie a sak teh, Cathut e lamthung a ceitakhai boihoeh e patetlah kângingnae phunglam hah na pâlei aw h teh, Cathut hnai hane hai a ngai aw h.

³ Bangkongmaw, rawca ka hai aw h e na hmu hoeh. Bang kecu daw k maw, oupnae na poe e hah na panuek laipalah ati aw h. Khenhaw!

rawca na hai hnin vah, namamouh nawmnae na sak aw h teh, na thaw katawknaw pueng na dudam aw h.

⁴ Nangmouh ni kâyuekâounnae hoi, thoena e kut na kahluem aw h teh, kâthaw hanelah, rawca hah ouk na hai aw h. Sahnin e rawca na hai aw h e patetlah na lawknaw hah lathueng lah thai hanelah rawca na hai aw h mahoe h.

⁵ Rawcahai hnin vah, na ka rek aw h e hah maw kai ni ka ngai e lah ao han. A kang patetlah lûsaling hane hoi, buri phai vaiteh vaiphu kâphuen hane na vaimoe. Hetheh, rawcahainae hoi BAWIPA ni a coe e hnin na ti aw h han na vaimoe.

⁶ Tamikathout kateknae tangron rathap pouh e, yawcu patue e, hoi yawcu kâkhoe sak e heh ka ngai e rawcahainae nahoe hmaw.

⁷ A von ka hlamnaw koe rawca poe hane karoedengnaw im vah, thokhai e nahoe hmaw. Caici lah kaawmnaw na hmu navah, khohna na poe hane, nama e tak na hmu toteh na roun hoe h nahoe hmaw.

⁸ Na angnae hah amom e kho ka sei e patetlah a sei vaiteh, damnae teh karanglah a pha han. Na lanna e ni na hrawi vaiteh, BAWIPA bawilenna e a kamnue sak han.

⁹ Hottelah na kaw vaiteh, BAWIPA ni a pato han. Na kaw toteh ahni ni, hi ka o ati han. Nangmouh thung daw k e yawcu hoi, khutdon hoi takhi e, dudamnae lawk dei e hah na kâvan sak aw h teh,

¹⁰ a von ka hlamnaw hanelah hring na pasoung teh, rektap e naw hah a von na paha sak pawiteh, hmonae um vah na angnae a tâco vaiteh, hmonae hah kanîthun patetlah ao han.

¹¹ Pout laipalah BAWIPA ni na hrawi aw h han. Takang a tho navah, ka boum lah na paca han. Na hrunaw hai a tha ka o sak han. Tui ka bu e takha patetlah kahak boihoe h e tuiphuek patetlah na o han.

¹² Nangmouh thung e taminaw ni palang ka rawk e hmuen hah na pathoup aw h han. Se moikapap e adu lah ung e pathoup aw h ati han. Hottelah nangmouh teh, ka rawk e ka pathoupkung tamimaya lam, khosak nahanelah, patuen ka pathoupkung lah na o aw h ati aw h han.

¹³ Sabbath a ek hoe h nahan hoi, hnin kathoung hnin nah na ngai e na sak hoe h nahanelah, sabbath hah nawmnae doeh na titeh, BAWIPA e hnin kathoung teh, bari han kamcu na titeh, ma ngai e tarawi mahoe h, mae nawmnae hai sak mahoe h, lawk dei laipalah na pho na len aw h pawiteh,

¹⁴ BAWIPA dawkvah, na lunghawi vaiteh, talai a rasangnae hmuen daw k na kâcui han. Na pa Jakop ni a pang e râw hoi na kaw k han. BAWIPA e pahni ni a dei toe ati.

59

Isarel Yon pâphona e

¹ Khenhaw! BAWIPA e kut teh rungngang thai hoe h han totouh duem hoe h. Thai thai hoe h nahan totouh a hnâpang hoe h.

² Hatei, namamae payonnae ni na Cathut koehoi na kapek aw h teh, a thai hoe h nahanelah na hawi aw h hoe h nae ni a minhmai hah nangmouh koehoi a hro toe.

³ Nangmae kut teh thi hoi thoseh, na kutdawnnaw teh yonnae hoi thoseh, na khin sak aw h. Nangmouh ni pahni hoi laithoe na dei aw h. Na laihoi thoena e lawk na dei aw h.

⁴ Kângingnae hah apinihai tawng aw h hoe h. Lawkkatang hah tarawi aw h hoe h. Ayawmyin e lawk hah a kâuep aw h teh, laithoe lawk doeh ouk a dei aw h. Thoena e hah a vawn aw h teh, payonnae hah a khe aw h.

⁵ Tahrún tadui hah a awt awh teh, Bombarui hah a kawng awh. A taduinaw kacate teh a due. A tadui a kâkhei teh tahrún lah a tâco.

⁶ A kawng awh e bombarui teh, khohna lah kangcoung pouh hoeh. A kawng awh e hni hah kâkhu awh mahoe. A sak awh e hno hah kahawihoehe hoi a sak awh dawkvah, a kut dawk thamanae ao.

⁷ A khoknaw teh thoenae saknae koe a yawng awh teh, yonnae ka tawn hoeh e tami thipalawngnae koe a hue a rang awh. A pouknae hai kahawihoehe pouknae doeh. A ceinae lamthung hai rucatnae hoi rawknae lamthung lah doeh ao.

⁸ Roumnae lamthung panuek awh hoeh. Ahnimae lamthung daw kângingnae awm hoeh. A cei awh nahan lamlongkawinaw a sak awh teh, kadawnaw pueng ni roumnae hmawt awh mahoe.

Isarel yon a pâphona

⁹ Hatdawkvah, kângingnae teh maimouh koehoi kahlatpoung lah ao teh, lanna ni hai na phat boi awh hoeh toe. Angnae hah ka ring awh, hatei, haw vah hmonae teh ao. Ka ring awh e teh angnae eiteh, kahmawt poung e koe doeh cei awh.

¹⁰ Mit ka dawn e patetlah tapang thupthup payam awh teh, mit ka tawn hoeh e patetlah pou payam awh. Tangmin e patetlah kanîthun hai kamthui awh teh, ka rawp awh. Thaona koe teh tami kadout patetlah doeh ka o awh toe.

¹¹ Tavom patetlah ka hram awh teh, bakhu patetlah ka cingou awh. Kângingnae ka tawng awh ei, pâphawng awh hoeh toe. Rungngangnae ngaihaw i awh ei, maimouh koehoi ahla poung toe.

¹² Bangkongtetpawiteh, kâlawk eknae teh a hmaitung vah hoehoe apap. Ka yonae ni kamamouh koelah kapanuekkhaikung lah ao. Ka payon awh e pueng kamamouh koe ao teh, sâkpayon e pueng hai kamamouh ni ka panue awh.

¹³ Kâtapoenae, laithoe lahoi BAWIPA taranna, Cathut hnamthun takhai e, repcoungroenae, taranthawnae lawk deinae, ka vawn awh teh, lungthin thung hoi laithoe lawk dei awh.

¹⁴ Kalan lah lawkcengnae ni hnam na thun takhai teh, kângingnae ni kahlatpoung e hmuen koe a kangdue. Lawkkatang teh lam daw k a rawp teh, lannae kâen thai hoeh.

¹⁵ Lawkkatang teh a rawk toe. Thoenae ka roun e tami hah hnopainaw a lawp awh toe. BAWIPA ni hot hah a hmu teh, kângingnae ao hoeh toung dawkvah, a maithoe.

Yon daw hoi Isarel ratangnae

¹⁶ Tami awm hoeh tie a hmu navah, ka kâhet pouh e awm hoeh tie hah kângai lah a ru. Hatdawkvah, a kut hoi roeroe rungngangnae letlang a sak teh, amae lanna lahoi letlang a kangdue sak.

¹⁷ Lanna hah bahling lah a patuep teh rungngangnae hah sumluhuem lah a kâ muk. Moipathungnae hoi a kamthoup teh, lungthahmeinae angkidung hah a khô.

¹⁸ A tawk a sak awh e patetlah apu a hmu awh han. Ama ka taran e naw koe a lungkhueknae hah tarannaw ni khang han a kamcu e patetlah moi a pathung aw h han.

¹⁹ BAWIPA e min teh kanîloumlah hoi a taki awh vaiteh, a bawilenna hah kanîtho lahoi a taki aw h han. Tarannaw teh tuikalen patetlah a tho navah, BAWIPA e Muitha ni ama hoi kâtaran lah a ngang han.

²⁰ Zion vah ka ratangkung, Jakop kâtapoenae kamlang takhai naw koe a tho han telah BAWIPA ni ati.

²¹ Het hah doeh, ahnimouh hoi kaie lawkkam e teh telah BAWIPA ni ati. Na lathueng kaawm e ka Muitha hoi na pahni daw k ka hruek e ka lawk ni, na pahni thoseh, na catounnaw e pahni thoseh, na catounnaw e pahni thoseh, atu hoi a yungyoe hoi a yungyoe totouh tâcawt takhai mahoe h toe telah BAWIPA ni a dei.

60

Kum 1000 uknaeram daw k Isarel bawilennae

¹ Thaw nateh, ang haw. Bangkongtetpawiteh, na angnae a pha, BAWIPA bawilennae teh na tak daw k a pha toe.

² Hmonae ni talai hah a ramuk vaiteh, kathapoung e hmonae ni taminaw a ramuk han. Hatei, BAWIPA teh nang daw k tâcawt vaiteh, a bawilennae teh nang daw k hmu lah kaawm han.

³ Jentelnaw nange angnae koe a tho han. Siangpahrangnaw hai nange angnae koe a tho han.

⁴ Kalvan lah moug nateh, na tengpam pueng khenh. Abuemlahoi a kamkhueng awh teh, ahnimouh koe a tho awh. Na capanaw hah lamhla pui hoi a tho awh vaiteh, na canunaw hah a camo patetlah a tawn awh han.

⁵ Hote hah na hmawt awh vaiteh, na ang awh han. Na lungthin hah lunghawinae hoi a kawi han. Bangkongtetpawiteh, tuilam hoi hno kayawtnaw nangmouh koe moi tho awh vaiteh, Jentelnaw hnopai pueng nangmouh koe a tho han.

⁶ Na ram teh kalauk hoi kawi vaiteh, Midian hoi Ephah ram e kalauktan kanaw pueng hah, Seba ram hoi tho vaiteh, sui hoi frankinsen phawt vaiteh, BAWIPA pholennae hah a pâpho awh han.

⁷ Kebar saringnaw pueng ni nangmouh koe a kamkhueng vaiteh, Nebaioth tutannaw ni nangmae thaw a taw k awh han. Ka khoungroe dawkvah coe hane hoi luen awh vaiteh, ka bawilennae im hah ka pholen han.

⁸ Tâmai patetlah kamleng e naw hoi a cu nahan ka pâm e bakhu patetlah ka kamleng e naw hateh api han namaw.

⁹ Tuilum ramnaw ni na ngai hawi awh roeroe han. BAWIPA na Cathut min hoi Isarel Tami Kathoung koe vah, sui, ngun, hoi lamhlapui hoi a capanaw thokhai hanelah Tarshish longnaw hmaloe a tho han. Bangkongtetpawiteh, ama ni a pholen toe.

¹⁰ Ram louk taminaw ni a kalupnae rapan hah a kangning vaiteh, a siangpahrangnaw ni hai na thaw a taw k awh han. Bangkongtetpawiteh, ka lungphueng teh, ka hem awh ei, ka ngai khai lawi na pahren toe.

¹¹ Hatdawkvah, tami ni Jentelnaw e hnopai nang koe a tho khai thai nahanlah siangpahrangnaw hai be a tho thai nahanelah, na longkhanaw pueng hah karum khodai khan mahoe h toe.

¹² Na thaw ka taw k ngai hoeh e miphunnaw hoi uknaeram teh a kahma awh han. Hote miphunnaw teh ngit raphoe lah kaawm awh han.

¹³ Ka hmuen kathoung hah hawi sak hanelah, Lebanon bawilennae hah nang koe a tho awh han. Hmaica hoi sumpa thing hoi Saipres thing hah cungtalah tho awh vaiteh, ka khok toungnae hmuen hah ka bawilen sak han.

¹⁴ Nang ka rektap e capanaw hai a tabut vaiteh, nang koe a tho a han. Nang ka pacekpahlek e taminaw hai na khok rahim vah a tabo awh han. BAWIPA e khopui Isarel Tami Kathoung Zion telah ati awh han.

¹⁵ Nang teh apinihai yah ceisak rumram hane, ceitakhai hane totouh hmuhma e yueng lah yungyoe kahawipoung e ase moikasaw hane lunghawinae ka tho sak han.

¹⁶ Jentelnaw e sanu na nei awh vaiteh, siangpahrangnaw e sanu hai na nei awh han. Kai BAWIPA ni nang teh ka rungngangkung hoi na karatangkung Jakop e tami athakaawme lah ao tie hah na panue awh han.

¹⁷ Rahum yueng lah sui ka thokhai han. Sum yueng lah ngun ka thokhai han. Thing yueng lah rahum ka thokhai han. Talung yueng lah sum, hnâroumnae hah na kahrawikung lah ka ta han. Lannae hah na lawkcengkung lah ka o sak han.

¹⁸ Na ram dawkvah, thama lah kamthang na thai mahoe h toe. Kâtheikârawngnae na ram dawk thai mahoe h toe. Hatei, na tapangnaw hah rungngangnae na ti vaiteh, na thonaw hah pholennae na ti han

¹⁹ Kanî hah khodai lah angnae lah awm toung laipalah, thapa ni hai angnae ang mahoe h toe. Hatei, BAWIPA hah nang hane yungyoe angnae lah awm toung vaiteh, na Cathut teh na bawilennae lah ao han.

²⁰ Na kanî teh khum boi mahoe h toe. Na thapa hai kum boi mahoe h toe. Bangkongtetpawiteh, BAWIPA teh a yungyoe na angnae lah awm vaiteh, lungmathoenae hah a pout han.

²¹ Na taminaw koung lan awh vaiteh, ram hah yungyoe pou a pang awh han. Ka bawilennae ao thai nahan, ka kut hoi ka tawk e haiyah ka ung e cakang lah ao han.

²² Ka tami kathoengcae hah 1,000 touh lah a coung vaiteh, a tha kayoun poung e hah miphun a tha kaawm poung lah a coung han. Ka BAWIPA ni atueng a kuep toteh tang ka pha sak han.

61

Rungngangnae kamthang

¹ Mathoenaw koe kamthang dei hanelah BAWIPA ni satui na awi dawkvah, Bawipa Jehovah e Muitha teh kai dawk ao. Ahni ni a lungkareknaw dam sak hane hoi sannaw koe hloutnae pathang pouh hane hoi, pâkhi teh thongkabawtnaw koe thongim paawng pouh hanelah na patoun.

² BAWIPA lungyouk kum hoi, Cathut moipathung hnin dei hane hoi, a lungkamathout e pueng lungpahawi hanelah na patoun.

³ Ama teh pholen lah ao vaiteh, ahnimouh teh BAWIPA ni ung e, lannae thingkung telah kaw thai nahanelah, hraba yueng lah luhuem, lungmathoenae yueng lah lunghawinae satui, muitha thayounnae yueng lah pholennae khohna ahnimouh poe hane hoi, Zion vah lungkamathoutnaw lungpahawi hanelah na patoun telah ati.

⁴ Ayan vah ka rawk e hah bout a sak awh han. Ayan vah a raphoe awh e hah bout a thawng awh han. Se moikapap ka rawk tangcoung e hah bout a pathoup awh han.

⁵ Imyinnaw ni kangdout awh vaiteh, nangmae saring a khoum awh han. Ramlouknaw ni nangmouh hanelah law a sak awh vaiteh, misur takha a sak awh han.

⁶ Hatei, nangmouh teh BAWIPA e vaihma, telah na kaw awh vaiteh, Cathut e san telah ati awh han. Jentelnaw tawnta e hah na cat awh vaiteh, ahnimae bawilennae dawk na kâoup awh han.

⁷ Na kayanae yueng lah let hni touh bari lah na awm awh vaiteh, bari-hoehnae yueng lah amamae ham dawk a konawm awh han. Hatdawkvah, amamae ram dawk let hni touh hoi coe awh vaiteh, a yungyoe konawmnae teh ahnimaeh lah ao han.

⁸ Bangkongtetpawiteh, kai Jehovah ni kângingnae hah ka lungpataw teh, lawp e hoi payonnae hateh, ka hmuma. Yuemkamculah ahnimanaw hah a tawk e ka poe vaiteh, ahnimouh hoi a yungyoe lawkkam ka sak han.

⁹ Amamae catounnaw teh, Jentelnaw koe kamthang awh vaiteh, a canaw teh tampueng koe panue e lah ao awh han. Ahnimouh ka hmawt e pueng ni BAWIPA ni yawhawi a poe e miphun doeh tie hah a panue awh han.

¹⁰ BAWIPA dawk ka o a nawm katang han. Ka hringnae teh ka Cathut dawk a lunghawi katang han. Bangkongtetpawiteh, yu kalatkung ni luhuem a huem e patetlah thosoh, vâ ka sak hane langa ni a kamthoup e patetlah thosoh, rungngangnae khohna hoi kai hah na pathoup teh, lannae angkidung hoi kai hah na khu toe.

¹¹ Bangkongtetpawiteh, talai ni pho a dâwn sak e patetlah Bawipa Jehovah ni tami pueng e hmalah, lannae hoi pholennaeh hah a dâwn sak van han.

62

Zion rungngangnae

¹ Zion khopui tie Jerusalem khopui e lannae hah angnae patetlah rungngangnae hah ka ang e hmaiim patetlah a kamnuh hoehroukrak kai teh duem kaawm mahoe.

² Jentelnaw ni a lannae a hmu vaiteh, siangpahrangnaw ni na bawilennaeh a hmu awh han. BAWIPA pahni dawk hoi ka tâcawt e min katha lahoi nang na kaw awh han.

³ BAWIPA kut dawk e bawilennaeh bawilukhung hoi na Cathut kut dawk e bawinaw e bawilukhung lah na o han.

⁴ Nang teh pahnawt e tami tet mahoe toe. Na ram hai tami kingdinae telah tet mahoe toe. Hatei, ngai kaawm e telah ati awh vaiteh, BAWIPA teh nangmouh dawk a lunghawi vaiteh, na ram hai vâ a tawn han toe.

⁵ Thoundoun ni tanglakacuem a paluen e patetlah na capanaw ni a yu lah a paluen han. Yu ka paluen e thoundoun ni a ham e tanglakacuem dawk a lunghawi e patetlah na Cathut hai nang dawk a lunghawi han.

⁶ Oe, Jerusalem, rapan kalupnae hah ramvengnaw ka ring sak teh, karum khodai nâtuek hai duem awm awh mahoe.

⁷ Jerusalem kho a caksak teh, pholennaeh lah ao hoehnahlan totouh BAWIPA hah duem kâhat sak awh hanh.

⁸ BAWIPA ni a rang lae kut a tha kaawm pounge a kutbuembue noe lahoi, lawk a kam teh, na tarannaw koe nangmae na tawk tangcoung e misurtui net awh mahoe toe.

⁹ Hatei, katawkkungnaw ni a ca awh vaiteh, BAWIPA hah a pholen awh han. Rungngangnae ka thokhai e naw ni, ka hmuen kathoung thongma dawk misurtui a nei awh han.

¹⁰ Longkha dawk hoi tâcawt awh, tâcawt awh. Taminaw cei nahan lam rakueng awh. Talai paten awh. Talungnaw takhoe awh. Taminaw hanelah mitnoutnae vo awh.

¹¹ BAWIPA ni talai apout totouh hanelah a pâpho toe. Zion canu koe hettelah dei pouh awh. Rungngangnae teh a pha roeroe han. Khenhaw! tawkphu teh ama koe ao teh, a sak e hai a hmalah ao.

¹² Ahnimanaw teh BAWIPA ni ratang e tami, kathounge taminaw, ati aw hah. Nang teh pâphawng e, ceitakhai hoeh e khopui ati aw hah han telah a ti.

63

BAWIPA e hnin daw k moipathungnae

¹ Edom ram, Bozrah kho hoi a tho teh, hni ka paling e kâkhu laihoi ka tho e hah apimaw. Ka sungren e hni, a thaonae bawilennaeh laihoi ka tho e teh apine. Kai teh lannaeh laihoi lawk ka dei niteh, rungngang hanelah athakaawme doeh.

² Bangkongmaw na kâkhu e hni hah a paling teh na hni teh misur katinnae koe tami ni a kho e hoi a kâvan.

³ Misur paw hah kai kama dueng doeh katin toe. Tami moikapap e thung hoi kai koe buet touh hai awm aw hah hoeh. Bangkongtetpawiteh, lungkhuek laihoi katin toe. Lungkhuek laihoi ka coungroe teh, ahnimae a thi ni kaie hni daw k a tâcawn sin teh kaie hninaw hah kakhin sak toe.

⁴ Moipathungnae hnin teh ka lung daw k ao. Ahnimanaw ka ratangnae kum ni a pha toe.

⁵ Ka khêt navah kabawmkung apihai awm hoeh. Hmoung ka ti nahai kapathawkung apihai awm hoeh. Hatdawkvah, kamae kut ni kama hanelah rungngangnae a sak toe. Ka lungkhueknae ni kai heh na man toe.

⁶ Taminaw ka lungkhueknae laihoi ka coungroe toe. Ka lungkhueknae laihoi puenghoi ka kanawi toe. Ahnimae thi teh talai daw k ka rabaw k toe.

⁷ Pahren lungmanae patetlah BAWIPA ni lung na patawnae pueng thosoh, Isarelnaw koe a sak pouh e a lungmanae hai thosoh, BAWIPA e a lungmanae hoi, BAWIPA pahrennae teh ka pholen han.

⁸ Hatdawkvah, BAWIPA ni a dei e teh, ahnimouh teh ka tami katang doeh. Laithoe ka dei hoeh e camo lah ao. Hatdawkvah, ahnimae rungngangkung lah ka o.

⁹ Kângairunae daw kvah, a hmalah kaawm e kalvantami ni, ahnimanaw a rungngang teh a lungpatawnae laihoi a ratang. Ayan e tueng pueng daw k hai ahnimouh hah a po teh a hrawi aw h.

¹⁰ Hatei taran a thaw aw h teh, Kathoung Muitha hah a lungmathoe sak aw h. Hatdawkvah ahnimanaw hah a taran teh a tuk.

¹¹ Hat toteh, ayan e Mosi hoi a taminaw hah pahnim aw h hoeh, hateh hettelah ati aw h, ' talí thung hoi a tuhu kakhoumkungnaw hoi rei ka tâcaw khaikung Cathut te nâne ao. Kathoung Muitha ahnimanaw koe kapoekung nâne ao.

¹² Ka bawilen poung e, Mosi e aranglae kut hoi kahrawikung te nâne ao. Ama hanelah a yungyoe min a kâsai nahanelah ahnimae hmalah tui kâbawng sakkung te nâne ao.

¹³ Ayawn daw k marang yawng sak e patetlah kangangkung awm laipalah, ka dungpoung e tui daw k hoi ahnimanaw kahrawikung te nâne ao.

¹⁴ Ayawn daw k saringnaw ka cet e patetlah BAWIPA e Muitha ni a kangdue sak teh, hottelah a min sungren sak nahanelah namae na taminaw hah na hrawi toe ati aw h.

Pankângai ratoumnae

¹⁵ Kalvan hoi khen cathuk haw. Nange thoungnae hoi na bawilennaeh hoi na onae hmuen koehoi khenhaw! Na thaonae hnosakenaw hoi na

lungthahmeinae nâne ao. Na lungthin hoi na dounnae hoi na pahrennae teh yout koe a roum toung boma.

¹⁶ Abraham ni kaimanaw na panuek aw hoh. Isarelnaw hah na coe hoeh nakunghai, atangcalah, kaimae na pa lah nang teh na o. Ayan hoi kamtawng teh, kaimanaw na ka ratang e Jehovah nama doeh.

¹⁷ Oe, BAWIPA, bangkongmaw na lamthung daw k hoi kaimanaw hah lam na phen sak vaiteh nang takihoe hnae lungthin hoi na pata sak han vaw. Na san, râw kacoekungnaw kecu daw k bout ban haw.

¹⁸ Na tamikathoungnaw ni tueng kaduemca dueng a coe aw hoh teh, na katarankungnaw ni na hmuen kathoung hah koug ka rawk lah rep a coungroe aw hoh.

¹⁹ Na uk boihoh e hoi na min ka phawt boihoh e ayan e tami patetlah doeh ka o aw hoh toe.

64

¹ Oe, Nang ni kalvan paawng nateh kum haw. Na hmalah monnaw kâhuen naseh.

² Hmai ni songnawng a kak e patetlah thoseh, tui a tangdo sak e patetlah thoseh, aw m naseh. Hottelah pawiteh, na tarannaw ni na min panuek aw hoh vaiteh, na hmalah vah miphun pueng ni a pâyaw aw hoh han.

³ Kaimouh ni ka ngai hawi aw hoh e hlah, kângairu hno a sak toteh, na tho teh, monnaw teh na hmalah a kâhuet aw hoh.

⁴ Ama kangai hawinaw hmalah hawinae ka sak e Cathut, nang hloilah alouke Cathut hah talai pek kamtawng hoi apinihai panuek boihoh, hnâ hoi hai thai boi hoeh, mit hoi hmawt boihoh.

⁵ Onawmnae lahoi kalan lah ka tawk e, na lamthung daw k nang ka pahnim hoeh e, hah nang ni na kâhmo, bokheiyah, na lungkhuek. Bangkongtetpawiteh, ka payon aw hoh toe. Hete lamthung heh pou ka dawn aw hoh toe. Rungngang lah kaawm aw hoh han rah nama aw.

⁶ Bangkongtetpawiteh, kathoung hoh e patetlah koug o aw hoh toe. Lan-nae pueng teh, kakhin e hna hoi a kâvan. Maimouh pueng teh thinghna patetlah kamyai aw hoh teh, mamae yonnae ni kahli patetlah na palek aw hoh.

⁷ Na min ka kaw e, nang daw k kâuep hanelah mahoima kâhroecoe e tami buet touh boehai aw hoh hoeh. Bangkongtetpawiteh, a min hmai a hro teh, maimouh hah mamae yon daw k na raphoe aw hoh toe.

⁸ Hatei, Jehovah, nang teh kaimae na pa lah na o. Kaimouh teh amhrulai lah ka o aw hoh. Nang teh kaimae hlaamkabokung lah na o. Kaimouh pueng teh, na kut hoi na sak e hno lah ao.

⁹ Oe BAWIPA, pueng hoi na lungkhuek sak hanh. Kangeknae yon hah pou pâkuem hanh. Khenhaw! Kaimouh pueng teh BAWIPA e tami doeh.

¹⁰ Kho kathoung teh kahrawng lah ao toe. Zion mon hai kahrawng lah ao toe. Jerusalem kho hai a rawk toe.

¹¹ Mintoenaw ni nang na pholennae hmuen, kaimae kathoung ni teh a mei kahawi e im teh, hmai a kak toe. Kaimouh ni ka ngai poung aw hoh e hmuennaw teh koug a rawk toe.

¹² Oe BAWIPA, hetnaw heh na panguap han na ou. Duem na o takhai vaiteh, maimanaw hah pueng hoi na ru sak han maw.

65

¹ Kai na ka pacei hoeh naw e lawk ka thai pouh teh, Kai na ka tawng hoeh e ni na hmu awh toe. Kai hah na khen awh haw, na khenhaw! telah ka min ka kaw hoeh e miphunnaw koe ka dei pouh toe.

² Amamouh ngai patetlah kahawihoehe lam ka dawn niteh, kangek e miphunnaw koelah, kanîruirui ka kut kadai pouh han.

³ Takha dawk thuengnae a sak awh teh, amhru van hmuitui hmai a sawi awh teh, ka lungkhuek nahanlah ka hmalah pou a sak awh.

⁴ Phuen dawk ka tahung niteh, arulae hmuen koe ka roe e, vokmoi ka cat ni teh panuettho e moi hang ka pahrap e ni,

⁵ Nama dueng awm haw. Kai koe hnai hanh, nang hlak bet ka thounghawn ouk ati. Hot patet e taminaw teh, ka hnawng dawk e hmaikhu hoi pou ka kang e hmai patetlah doeh ao awh.

⁶ Ka hmalah thut lah ao dawkvah, duem kaawm mahoehe, moi ka pathung han. Bokheiyah, na lungtabue dawk na payonnae hoi na mintoenaw e payonnae teh moi ka pathung van han telah BAWIPA ni ati

⁷ Ahnimouh ni teh, mon kalennaw dawk hmuitui hmai a sawi awh teh, monruinaw dawk ka min a dudam awh. Hatdawkvah, hmaloe a sak awh e hah poe hanelah lungtabue dawk ka bangnue han.

⁸ BAWIPA ni bout a dei e teh, misurbom dawk misurtui katha hmu toteh, raphoe hanh, yawhawinae ao ouk ati awh e patetlah ka sannaw hane dawkvah, hottelah ka raphoe mahoehe.

⁹ Jakop catoun thung hoi cati buet touh hai thoseh, Judah catoun thung hoi ka monnaw râw lah ka coe hane thoseh, ka tâco sak han. Kai ni ka rawi e naw ni ram hah râw lah a coe vaiteh, ka sannaw ni kho a sak nah awh han.

¹⁰ Kai na ka tawng e taminaw hanelah, Sharon teh tutakha lah ao han. Akhor yawn hai maitohu roenae hmuen lah ao han.

¹¹ Nang teh BAWIPA ka pahnawt e, kaie kathoung mon ka pahnim e, Gad cathut hanelah caboi ka phai pouh e, Meni cathut hanelah kalawt tangcoung e misur ka awi e tami lah na o awh.

¹² Nangmouh teh, na parei vaiteh, tahloi koe na poe awh han. Abuemlahoi na due awh nahanlah na tabut awh han. Bangkongtetpawiteh, nangmouh kai ni na kaw awh navah na pato awh hoeh. Ka dei navah, na thai awh hoeh. Ka hmaitung vah kathout hno na sak awh toe. Ka ngaihoeh e hno hah na rawi awh.

¹³ Hatdawkvah, Bawipa Jehovah ni a dei e teh, ka sannaw ni a ca awh han. Nangmouh teh na vonhlam awh han. Ka sannaw ni a nei awh han. Nangmouh teh tui na kahran awh han. Ka sannaw ni a konawm awh han. Nangmouh teh na kaya awh han.

¹⁴ Ka sannaw ni lunghawi laihoi la a sak awh han. Nangmouh teh lungmathoe laihoi na ka awh han. Muitha lungmathoe laihoi na cingou awh han.

¹⁵ Nangmouh teh ka rawi e taminaw koe na min thoebo hanelah na ceitakhai awh han. Bawipa Jehovah ni nang hah na thet vaiteh, a sannaw hah min louk hoi a kaw han.

¹⁶ Talaivan vah mahoima yawhawi ka poe e teh, yuemkamcu e Cathut kâuep laihoi yawhawi a poe han. Talaivan thoe ka bo e teh, Cathut noe laihoi thoe a bo han. Bangkongtetpawiteh, ahmaloe e naw hah pahnim toe. Ka hmaitung vah a kahma toe.

Ka sungren e sak kathanae

¹⁷ Khenhaw! Kalvan katha hoi talai katha hah ka sak. Ahmaloe e kalvan hoi talai hah pouk mahoehe, pâkuem mahoehe toe.

¹⁸ Ka sak e hno dawkvah, a yungyoe lunghawi awh nateh, konawm awh. Jerusalem dawk ka konawmnae lah khocanaw dawk ka lunghawinae lah ka sak han.

¹⁹ Kai hai Jerusalem kho kecu dawk ka konawm han. Ka taminaw kecu dawk ka lunghawi han. Hote kho dawk khuika lawk hoi hramki lawk bout thai mahoehtoe.

²⁰ Hote kho dawk a kum kanaw e awm mahoehtoe. A kum kakuep hoehtoe e matawng hai awm mahoehtoe. A kum 100 touh a pha nah kadout e hah camo telah pouk han. Ka yon e tami teh a kum 100 touh a pha nah dout pawiteh, thoebo e tami telah pouk han.

²¹ Ahnimouh teh ma ni sak e im dawk ao awh han. Ma ni patue e misur paw a ca awh han.

²² Ahnimouh teh ma ni sak e im hah alouke ni awm nah awh mahoehtoe. Ahnimouh teh misur a patue e hah alouke ni cat mahoehtoe. Ka taminaw e hringnae teh thingkung se patetlah a saw vaiteh, ahnimouh teh ma ni sak e hno hah moikasawlah a hno awh han.

²³ Ka rawi e naw teh, ayawmyin lah tawk awh mahoehtoe. A kum kaduem e capa khe awh mahoehtoe. Ma koehoi kamtawng teh, catounnaw teh, BAWIPA ni poe e yawhawinae ka pang e tami lah ao awh han.

²⁴ Ahnimouh ni na kaw hoehnahlan ka pato han. A dei awh lahun nah ka thai pouh han.

²⁵ Asui hoi tuca teh cungalalah rei a pai han toe. Sendek ni maito patetlah hram a ca han. Tahrung teh vaiphu a ca han toe. Kaie mon kathoung pueng dawk buet touh hoi buet touh pacekpahleknah, kâraphoenah awm mahoehtoe telah BAWIPA ni a ti.

66

A katang e bawknae hoi a kaphawk e bawknae

¹ BAWIPA ni hettelah a dei, kalvan teh ka tahungnae bawitungkhung lah ao teh, talai teh ka khoktoungha lah ao. Namaw im na sak pouh awh han. Namaw ka kâhatnae hmuen ao han.

² Bangkongtetpawiteh, hete hnocawngca pueng teh, ka kut hoi ka sak teh, kaawmnaw doeh telah BAWIPA ni ati. Hateiteh, ka roedeng naw hoi muitha hoi pankângai e tami, ka lawk dawk ka pâyaw e tami hah ka khet han.

³ Maitotan ka thet e tami teh, tami ka thet e patetlah ao han. Tuca hoi thuengnae ka sak e tami teh, ui lahuen ka khoe e patetlah ao han. Tavai ka poe e tami teh, vok thi ka poe e patetlah ao han. Hmuitui ka thueng e tami teh, meikaphawk yawhawi ka poe e patetlah ao han. Mahoima lamthung ka kârawi e tami teh, panuettho e hno dawk a lungkahawi e patetlah ao han.

⁴ Hottelah amahoima ka kâdum e hah ka rawi han. A taki e hno hah ahnimah lathueng ka pha sak han. Bangkongtetpawiteh, ka kaw nah apinihai na pato hoehtoe. Lawk ka dei teh thai awh hoehtoe. Hateiteh, ka mithmu vah, yonnae a sak awh teh, ka lunghawihoehtoe hno hah a kârawi awh.

BAWIPA ni Zion lannaeh lah a coe sak

⁵ A lawk dawk ka pâyaw e naw, BAWIPA lawk thai awh haw. Nang ka hmuhma e na hmaunawnggha, ka min kecu dawk nangmouh kahreknaw ni, na lunghawinae ka hmu thai awh nahanelah, BAWIPA teh pholennaeh awm seh telah ati awh, hateiteh a kaya awh han.

⁶ Khopui dawk hoi ruengruengtinae, Bawkim dawk hoi hramnae pawlawk, BAWIPA hramnae pawlawk, a tarannaw kakueplah moi a pathungnae pawlawk teh thai aw haw.

⁷ A pataw hoehnahlan a khe teh, von a pataw hoehnahlan camo a khe.

⁸ Hot patet e teh apinimaw a thai boi. Hot patet e teh apinimaw a hmu boi. Hnin touh dawk hoi ram hah khe thai han na maw. Vaitalahoi miphun a tâco thai han na maw. Bangkongtetpawiteh, Zion ni a pataw tahma nah camo tang a khe.

⁹ Khenae tueng dawk tâcawt sak laipalah, ka o han na maw, telah BAWIPA ni ati. Ca khesakkung ni ca tawn sak hanelah pasoung laipalah ka o han maw, telah Cathut ni a ti.

¹⁰ Jerusalem ka lungpataw pueng, Jerusalem teh konawm khai aw h. Ama kakhuinaw a ma lunghawikhai nateh konawm aw h.

¹¹ Hottelah na teh aw h pawiteh, ahnie sanu na net aw h vaiteh na boum aw h han. Ahnie tawnta e thung hoi rasat vaiteh, na nawm aw h han.

¹² BAWIPA ni a dei e teh, rounnae palang patetlah thoseh, Jentelnaw e tawnta e teh ka lawng e tuiphuek tui patetlah thoseh, Jerusalem vah ka pha sak han. Nangmouh teh sanutui na net aw h vaiteh, keng daw tawmnae, khokpakhu daw tawmnae hah na coe aw h han.

Cathut uknae hoi lungkhueknae

¹³ A manu ni a ca lung a mawng sak e patetlah nangmouh lung ka mawng sak han. Jerusalem khopui dawk lung na mawng sak aw h han.

¹⁴ Hote na hmu aw h toteh, na lung ahawi aw h han. Na hrunaw hah ka hringsuep e thingkung patetlah a thao aw h han. BAWIPA e a kut hnotithainae teh sannaw koe thoseh, a lungkhueknae teh a tarannaw koe a kamnu h han.

¹⁵ Khenhaw! a lungphuenna e ka patawpoung lah a kamnu e nahane hoi, na yuena e hmisaan patetlah a kamnu e nahanelah, BAWIPA teh hmai rangleng hoi bongparui patetlah a tho han.

¹⁶ Bangkongtetpawiteh, hmai hoi tahloi hoi, BAWIPA ni takthai hoi kahringnaw pueng lawk a ceng han. BAWIPA ni a thei e teh a pap poung han.

¹⁷ Mahoima kâthoung sak hane hoi, mahoima kâkapek hanelah, takha koe kacetnaw, meikaphawknaw rahak vah, pou ka cet e, vokmoi hoi panuetho e moiham moi ka cat e naw pueng cungtalah he a kahma aw h han telah BAWIPA ni a ti.

¹⁸ Bangkongtetpawiteh, a sak aw h e hoi a pouk aw h e ka panue, miphun tangkuem hoi lawk phunkuep tangkuem hah, ka pâkhuengnae tueng a pha han. Tho aw h vaiteh ka bawilenna e hah a hmu aw h han.

¹⁹ Ahnimouh koe kamnuena e hah ka o sak han. Hahoi teh, ahnimouh rahak vah, rektapnae koehoi ka hlout e ka miphun tangkuem koe, Tarshish, Pul, licung longkawi e Lud, Tubal hoi Javan, ka min kamthangnae ka panuek boihoeh e naw koe, tuipui namran ahlanae koe ka thak han. Hottelah, Jentelnaw koe ka bawilenna e a pâpho aw h han.

²⁰ Hahoi Isarelnaw ni, kathoung hlaam hah thung e hno lah BAWIPA e im daw koe a thokhai e patetlah miphunnaw pueng thung daw k hai na hmaunawngghanaw hah marang daw k hoi thoseh, leng daw k hoi thoseh, kâkayawt e van hoi thoseh, la daw k hoi thoseh, kalauk daw k hoi thoseh, Jerusalem mon kathoung daw k BAWIPA koe ouk a thung aw h e patetlah a thokhai aw h han telah BAWIPA ni a ti.

²¹ Hotnaw thung daw k hoi tami tangawn vaihma hoi Levihnaw hanelah ka la han telah BAWIPA ni a ti.

²² Bangkongtetpawiteh, kalvan katha hoi talai katha ka sak hane teh, ka hmalah ka kangning hane patetlah, na catounnaw hoi na min a kangning han telah BAWIPA ni a ti.

²³ Hahoi teh, hettelah han. Thapa a reinae koehoi bout a rei katha totouh, sabbath hnin hoi alouke sabbath hnin totouh moithangnaw pueng Kai bawk hanelah ka hmalah a tho aw h han telah BAWIPA ni a ti.

²⁴ Tâcawt aw h vaiteh, kai taranlahoi kâ kaeknaw e ro hah a khet aw h han. Bangkongtetpawiteh, pâri hai dout thai hoeh ni teh hmai hai roun thai mahoe h. Tami pueng hanelah teh panuet a tho han.

JEREMIAH

¹ Benjamin ram Anathoth e vaihma Hilkiyah capa Jeremiah e lawk,

² Judah siangpahrang Ammon capa Josiah a bawinae kum hrahlaikathum nah ahni koe BAWIPA e lawk teh a pha.

³ Judah siangpahrang Josiah capa Jehoiakim a bawi navah, Judah siangpahrang Josiah capa Zedekiah a bawinae kum hrahlaibun abaw totouh hoi Jerusalem san la a ceikhainae thapa yung panganae totouh hai lawk te a pha.

Jeremiah kawnae

⁴ Hottelah BAWIPA e lawk teh kai koe a pha teh,

⁵ Von thung na sak hoehnahlan patenghai na panue toe. Camoim dawh hoi na tâco hoehnahlan patenghai na thoung sak teh, miphun naw koe profet lah o hane na cak sak toe, telah a ti.

⁶ Kai ni aya! Bawipa Jehovah khenhaw! lawk ka dei thai mahoe, bangkongtetpawiteh, ka nawca rah telah ka ti.

⁷ Hateiteh BAWIPA ni kai koevah, kanawca rah tet hanh, bangkongtetpawiteh, na patoun e pueng koe na cei vaiteh, kâ na poe e pueng hah na dei han.

⁸ Ahnimanaw e minhmai hah, taket hanh, bangkongtetpawiteh, nang na rungngang hanelah, nang koe kai ka o telah BAWIPA ni a ti.

⁹ Hottelah, BAWIPA ni a kut a pho teh, ka pahni hah a tek. BAWIPA ni kai koe khenhaw! na kâko dawh ka lawk teh, ka hruek toe.

¹⁰ Khenhaw! miphunnaw hoi siangpahrang uknaeram thung vah, phawk vaiteh, rawp sak han, raphoe vaiteh tâkhawng han, kangdue sak vaiteh ung hanelah, sahnin totouh hoi kai ni na rawi toe telah a ti.

¹¹ Hahoi BAWIPA e lawk teh kai koe a pha teh, Jeremiah bangmaw na hmu telah ati. Kai ni, Almond thing kang ka hmu, telah ka ti.

¹² BAWIPA ni kai koe vah na hmu e teh ahawi, bangkongtetpawiteh, ka lawk teh, sak hanelah coungkacoe ka o telah a ti.

¹³ BAWIPA lawk teh apâhni e kai koe a phateh, bangmaw na hmu telah ati. Kai ni ka tangdawh e hlaam, atung lah kangvawi e hah ka hmu, telah ka ti.

¹⁴ BAWIPA ni kai koevah, ram thung e kaawmnaw pueng hanelah, atunglah hoi rawknae a pha han.

¹⁵ Khenhaw! atunglae uknaeram imthungnaw pueng hah, ka kaw han telah BAWIPA ni a dei. A tho awh vaiteh, Jerusalem kâennaenae longkha atengpam kalupnae tapangnaw pueng hoi Judah khopuinaw pueng dawh a bawitungkhung hah a hruek han.

¹⁶ Kai na pahnawt awh teh, cathut alouke koe hmuittui hmai a sawi awh te, amamae kut hoi a sak awh e hah, a bawh awh dawkvah, amamae yonnae a lathueng vah, kaie lawkcengnae ka pâpho han.

¹⁷ Hatdawkvah, coungkacoe awm nateh thaw, kâ na poe e naw pueng hah, ahnimouh koe dei. Ahnimae hmalah takinae tawn hanh telah nahoeh pawiteh, ahnimae hmalah takinae hoi na o sak han.

¹⁸ Khenhaw! sahnin e a hnin dawh, hete ram pueng hoi, Judah Siangpahrang hoi, kahrawikungnaw hoi, vaihmanaw hoi, hote ramnaw thung e rapan ka tawn e khopuinaw hoi, sumkhom hoi, rahumtapang lah na sak toe.

¹⁹ Nang teh na tuk aw h han, hatei na tâ aw h mahoe h, bangkongtetpawiteh, nang rungngang hanelah nang koe ka o, telah BAWIPA ni a ti.

2

Cathut ni Isarelnaw a taran

¹ Hahoi BAWIPA e lawk teh kai koe a pha.

² Cet nateh, Jerusalem ka thai lah hram haw. BAWIPA ni hettelah a dei, phaw hoe h e kahrawng hoi kingkadi e kahrawng daw k kaie hnuk na kâ bang aw h navah, na nawka nah, na ngainae hoi na lawkkam na lungpatawnae hah ka pahnim hoe h.

³ Isarel te BAWIPA koe thounge nae lah ao, hmaloe e aluepaw lah ao. Ahni kacatnaw pueng teh, raphoe lah ao han. Ahnimae lathueng vah, rawknae a pha han, telah BAWIPA ni a dei.

⁴ Oe, Jakop imthung hoi Isarel imthungnaw pueng BAWIPA e lawk hah thai aw h haw.

⁵ BAWIPA ni hettelah a dei. Na mintoenaw ni kai dawkvah bangpatet e lanhoe hnae maw a hmu aw h teh, kai koehoi kahlatpoung lah a cei te, meikaphaw k pâ lei teh, kabawknaw lah a coung aw h.

⁶ BAWIPA ni Izip ram hoi na tâ cokhai teh, kingkadi e kahrawng, tangkom apapnae hmuen, duenae tâ hlip hoi, thingyeiyawn pinihai a cei hoe h nae, ao boihoe h nae hmuen daw k, kacetkhainaw hah, na maw ao telah hai bout tet aw h hoe h.

⁷ Canei hane kahawi apapnae ram daw k na kâ enkhai aw h. Hateiteh, na kâ en aw h toteh, ka ram daw k na kamhnawng aw h teh, ka râ w hah panuetho e lah na coungsak aw h.

⁸ Na maw BAWIPA teh ao telah, vaihmanaw ni tet aw h hoe h. Cakathutkungnaw ni hai kai na panuek aw h hoe h. Ka ukkungnaw ni hai, kai na taran aw h teh, profetnaw ni Baal e lawk hah a pâ pho aw h teh, cungeihoe h hno hah a pâ lei aw h.

⁹ Hatdawkvah, namamouh hoi na catounnaw totouh, kai ni na taran aw h han, telah BAWIPA ni a ti.

¹⁰ Bangkongtetpawiteh, Kittim tuilum hloilah cet aw h nateh, khen aw h. Kedar ram daw k, tami patoun aw h nateh, kahawicalah pouk aw h, het patet e hno het ao boimaw.

¹¹ Miphun alouke ni amamae cathut hah cathut katang nahoe h ei, a thung boimaw. Hatei ka taminaw ni bawilenna e naw hah banghai cungeihoe h lah a thung aw h toe.

¹² Oe, Kalvannaw, kâ ngairu aw h, muenruengthaw lah, pâ yaw hoi aw m aw h, telah BAWIPA ni a dei.

¹³ Bangkongtetpawiteh, ka taminaw ni kathoute kahni touh a sak aw h. Tui kahring a phueknae, kai hah na ceitakhai aw h teh, songkong kâ bawng e tui kamuem thai hoe h e hah a sak aw h.

¹⁴ Isarel teh san na maw. Ahni teh, im hoi ka tâ caw t e san na maw. Bangkongmaw lawphno lah a coung.

¹⁵ Sendektan kanawnaw ni a huksin aw h. Nangmouh koe a hram teh, a ram hah koung a raphoe aw h. A khopui hai karingkung aw m laipalah hmai be a kak.

¹⁶ Noph tami hoi Tahpanhes tami nihai, na bawilukhung hah rak a hem aw h.

¹⁷ Nangmanaw lam ka hrawi e BAWIPA Cathut hah na pahnaw t aw h dawkvah, hete heh nangmouh lathueng a pha sak nahoe hmaw.

18 Sihor tui nei hanelah, bangkongmaw Izip lamthung na dawn. Euphrates palang tui nei hanelah, bangkongmaw, Assiria lamthung na dawn.

19 Na hawihoehae ni na hringnae a toun vaiteh, hnukkhu lah na bannae ni na yue han. Hatdawkvah, BAWIPA Cathut na pahnavt nae hoi, kai na takinae na thung vah, kaawm hoeh e hah, yonnae hoi, kakhat e doeh tie hah, kancengcalah panuek, telah ransahu Bawipa Jehovah ni a dei.

20 Bangkongtetpawiteh, ayan e na kahnam hah ka khoe teh, a rui hai ka bouk toe, mon rasang tangkuem hoi, thing rahim tangkuem vah, na tabut teh, tak na kâyo, nange kâ ka ek mahoeh telah na ti.

21 Kahawipoung e ati hoi ka talue e misur lah na ung. Bangkongmaw, ka hmaitung hoi na kamlang teh, misur kaphawk lah na coung.

22 Bangkongtetpawiteh, longtui hoi na kâpasu teh, sapet moikapap na ka hno nakunghai, na yonnae teh, ka hmalah a kamnue, telah Bawipa Jehovah ni a ti.

23 Ka kâkhinsak hoeh, Baal hai ka kâbang hoeh, telah bangkong na tithai, tanghling dawk na khosaknae kenhaw. Na sak e hah pahnim hanh. Nang teh yuengyoe kâva e kalauk patetlah na o.

24 Kahrawngum kaawm niteh, cuknae lahoi kahli ka pahap e kahrawng e la atueng a pha toteh apini maw, a ngang pouh thai han. Katawungkungnaw hah reithai hoi awm hanh naseh, atueng akupe nah bout a hmu aw h han doeh.

25 Na khok dawk khokkhawm khawm laipalah awm hanh, na adangka hai ke hanh naseh. Hatei nang ni na ngaihawi hane awm hoeh toe. Bangkongtetpawiteh, imyin hah lung ka pataw teh, a hnuk vah kâbang han, telah na ti.

26 Tamru a man teh, kaya e patetlah, Isarel imthung te a kaya aw h toe. Ahnimouh hoi, ahnimae siangpahrangnaw, bawinaw, vaihmanaw hoi, profetnaw hoi, a kaya aw h.

27 Thingkung koevah, apa lah na o, a titeh, lungsongpui koe, kahrawikung lah na o, telah ti aw h, bangkongtetpawiteh, Ahnimae a hmalah laipalah, hnuklah na kamlang takhai aw h. Hateiteh, rucatnae a kâhmo toteh, thaw haw, kaimouh na rungngang haw ati aw h han.

28 Hateiteh, na sake na cathut hah, na maw ao. Na rucatnae dawk hoi nangmanaw na rungngang thai pawiteh, ahnimanaw hah thaw sak haw khe, bangkongtetpawiteh, oe, Judah, na cathut te na khopuinaw yit touh a pha aw h.

29 Bang kecu dawk maw, kaie lathueng vah na phuen na ang aw h. Nangmouh pueng ni kai na taran lahoi, lawk na ek aw h, telah BAWIPA ni a ti.

30 Ayawmyin lah na canaw ka rek teh, kâponae lah hno ngai aw h hoeh. Kamamae profetnaw koung a ca.

31 Oe, atu se thung e taminaw, BAWIPA e lawk hah kenhaw! Isarel hanelah, kahrawngum hoi kahmawt e ram lah ka o maw. Bang kecu dawk maw, ka taminaw ni, bawi lah ka o aw h, nang koe ka tho mahoeh toe, telah ati aw h.

32 Tanglakacuem ni a kamthoupnae, yuvâ kâpaluen e ni kâpathoupnae a pahnim thai han na maw. Hatei ka taminaw ni hnin moikasaw lah na pahnim aw h.

33 Bangkongmaw lungpatawkwung tawng hanelah na kamthoup. Hatdawkvah napui kahawihoehe ni na hringnuen na cangkhai toe.

³⁴ Yonnae ka tawn hoeh e karoedengnaw na theinae thi hah na hni pawidawk ka hmu. Arulah ka tuet teh ka hmu e nahoeh. Hatei hete hnonaw pueng teh hmantang vah hmu e doeh.

³⁵ Hatei nang ni yonnae ka sak hoeh dawkvah, a lungkhueknae teh kai koe hoi a roum han doeh, khenhaw! yonnae ka sak hoeh na ti dawkvah, nang na taran lahoi yah, ka lawk hah bout ka pouk han rah, telah a ti.

³⁶ Bangkongmaw, na hringnae kâhung hanelah, yuengyoe na kâva. Assiria na kayakhai e patetlah, Izip hai na kayakhai han.

³⁷ Na lû dawk na kut na toung hoi ahni koehoi na cei han, bangkongtetpawiteh, BAWIPA ni na kâuepkhai e hah a pahnawt teh, ahnimouh koehoi hawinae na hmawt mahoeh.

3

Isarel te kaya panuek hoeh

¹ Tami buet touh ni a yu hah a ma teh, napui ni ahni hah a ceitakhai teh, ayâ alouke yu lah awm pawiteh, tongpa ni hote napui teh bout a la han na maw. Hote ram teh ka patawpoung lah khin sak hoeh na maw, telah ati aw. Hateiteh nang teh, na ngai e naw pueng koe tak na kâyo. Hatei kai koe bout na ban telah, BAWIPA ni ati.

² Hmuenrasang cailum hmuen koe lounougouk nateh khenhaw! tongpa ni na ikhai hoeh nae hmuen ao maw. Ram tangkuem dawk Arabia taminaw patetlah, ahnimouh na ring laihoi, lam teng vah na tahung teh, na tak kâyonae hoi, na hawihoehnae lahoi, ram thung koug na khinsak toe.

³ Hatdawkvah, khorak sak laipalah, hnukteng e kho hai rak hoeh toe, tak na kâyonae tampa hah na sin teh, kaya na panuek hoeh.

⁴ Apa, ka nawca navah na kahrawikung lah na o, telah kai na kaw nahohmaw.

⁵ Nang teh lung pou na khuek han maw. Apout totouh maw na lung pou khuek han, khenhaw! hot patetlah, lawk na dei teh, na tithai totouh, yonnae hah na sak.

⁶ Hothloilah, Josiah siangpahrang se nah hai, BAWIPA ni kai koe hettelah a dei, hnuklah ban han ka ngai e Isarel ni a sak e hah, na hmu maw. Mon rasang pueng dawka luen teh, thing rahim tangkuem vah tak a kâyo.

⁷ Hete hnonaw a sak hnukkhu hoi, kai koe bout a ban han doeh, telah ka ti. Hatei bout ban ngai hoeh, yuemkamcu hoeh e a nawnggha Judah ni a hmu.

⁸ Hatdawkvah, hnuklah a banna ni Isarel ka uicuk sak naw hah ka hmu. Kama teh kâmanae ca hah ka poe. Hat nakunghai yuemkamcu hoeh e a nawnggha Judah ni bout taket hoeh. Hatei ahni hai a cei teh, tak a kâyo van.

⁹ Takkâyonae hoi ram hah a khin sak teh, thing hoi talung koe a uicuk.

¹⁰ Hete hnonaw hloilah kamcu hoeh e a nawnggha napui Judah teh lungthin katang hoi ban laipalah, ka kâsak e lah a ban, telah BAWIPA ni a dei.

¹¹ BAWIPA ni kai koe hettelah a dei. Hnuklah ka ban e Isarel ni yuemkamcu hoeh e Judah hlak hai kalanhnawn la a kamnu.

¹² Cet nateh, hete lawk he tung lah pâpho, hnuklah kamlang e Isarel ban leih telah BAWIPA ni ati. Lungkhueknae minhmai hoi na khen mahoeh. Bangkongtetpawiteh, lungmanae hoi ka kawi e lah ka o, telah BAWIPA ni ati, lungkhueknae hoi poe kaawm mahoeh.

¹³ BAWIPA na Cathut na tarannae hoi thingkung rahim e ram alouknaw koe, tak na kâyonae hoi, ka dei e lawk na yuem hoeh kecu dawkvah, na payonnae hah pâpho, telah BAWIPA ni ati.

¹⁴ Oe, hnuklah kamlang e catounnaw ban awh, telah BAWIPA ni ati. Bangkongtetpawiteh, nangmanaw kountoukkung lah ka o. Khopui dawkh hoi tami buet touh, imthung dawkh hoi tami kahni touh na la awh vaiteh, Zion vah na hrawi awh han.

¹⁵ Panuenae hoi, thounthai lungangnae hoi, nangmouh kountoukkung, kaie lungthin ka tawn e, tukhoumkung hah na poe awh han.

¹⁶ Hahoi hettelah ao han. Hatnae tueng dawkh ram thung vah, moikapap na kamphung torei teh, ahnimouh ni 'BAWIPA lawkkam thingkong telah tet awh mahoehtoe, a pouknae naw dawkh hai pâkuem awh mahoehtoe. Cet hai na cet sin awh mahoehtoe, sak hai na sak awh mahoehtoe, telah BAWIPA ni ati.

¹⁷ Hatnae tueng dawkh Jerusalem teh, BAWIPA bawitungkhung telah ti han. Hawvah miphunnaw pueng hah BAWIPA e min lahoi Jerusalem vah a kamkhung awh han. Kahawihoehtoe pouknae kâpoenae hah tarawi awh mahoehtoe.

¹⁸ Hatnae hnin dawkh Judah imthung hah Isarel imthung hoi rei awm awh vaiteh, na mintoenaw koe râw hanelah ka poe e, ram dawkh tung lae ram hoi cungtalâh tâco awh han.

¹⁹ Hateiteh, kai ni bangtelamaw miphunnaw râw kahawie kanawmpoung e ram hah ka poe teh, catounnaw koe vah, na hruerk thai awh, telah ka ti. Apa telah na kaw vaiteh, na kangheng takhai mahoehtoe, telah ka ti.

²⁰ Yu buet touh ni yuemkamcu hoeh lahoi a vâ a ceitakhai e patetlah, oe Isarel imthungkhunaw yuemkamcu hoeh lahoi na dum katang awh, telah BAWIPA ni ati.

²¹ Isarel catounnaw kâheinae hoi na khuinae lawkh hah, karasange cailum hmuen dawkh hoi ka thai toe. Bangkongtetpawiteh, amamae lamthung hah kamlang takhai teh, BAWIPA Cathut hah a pahnim awh.

²² Oe, hnuklah kamlang e canaw bout ban awh haw, hnuklah na kamlangnae hah na dam sak han. Hatei nang koe ka tho. Bangkongtetpawiteh, nang nama teh kaimae BAWIPA Cathut la na o.

²³ Mon dawkh hoi rungngangnae hmu hane ngaihawinae teh, bangcungkeinae awm hoeh. Monnaw puenghai cungkeinae awm katang hoeh. Isarel rungngangnae teh, BAWIPA Cathut koe dueng doeh ao.

²⁴ Bangkongtetpawiteh, ka nawca hoi ka mintoenaw ni a tawkh e a tuhunaw hoi, saringnaw, a canu a capanaw totouh, kayanae ni be a ca awh.

²⁵ Kayanae dawkh ka i awh teh, yeiraiponae ni, na ramuk awh. Bangkongtetpawiteh, BAWIPA Cathut taranlahoi ka yon awh teh, kamamouh hoi mintoenaw ni ka nawca hoi sahnin totouh, BAWIPA Cathut e lawkh hah ka tarawi awh hoeh.

4

¹ Oe, Isarel na ban pawiteh, kai koe vah ban, telah BAWIPA ni ati. Panuet na thonae hah ka hmaitung hoi na tâkhawng pawiteh, puen e lah na awm mahoehtoe.

² BAWIPA teh a hring, telah lawkkatang hoi lawkcengnae hoi, lannae dawkh lawk na kam vaiteh, BAWIPA lahoi miphunnaw pueng ni amamouh dawkh yaw ka hawi e lah ao awh han. Ahnimouh dawkh pholennae lah ao awh han telah ati.

³ Bangkongtetpawiteh, Judah taminaw hoi Jerusalem taminaw koe BAWIPA ni hettelah a dei. Na laikawknaw hah kanawk awh nateh, pâkHING um vah cati tu hanh awh.

⁴ Nangmouh Judah taminaw hoi Jerusalem vah kho kasaknaw hanelah namamae lungthin vuensom hah a awh telah nahoe h pawiteh, yonnae na sak e kecu dawkvah, ka lungkhueknae teh hmai patetlah tawk vaiteh, apinihai padout thai laipalah na kang payon awh vaih.

Ka phat tawmlei e rawknae

⁵ Judah ram dawkw pathang nateh, Jerusalem vah pâpho awh. Ram thung vah, mongka ueng nateh hram awh. Cungtalalah kamkhueng nateh, rapan ka tawn e kho dawkvah, kâen awh sei telah tet awh.

⁶ Zion mon koelah lukkarei pathout awh. Rounnae tawng awh nateh uet hanh awh. Bangkongtetpawiteh, atunglah hoi kalenpoung rawknae hoi kathoute ka pha sak han.

⁷ Ratu thung hoi sendek tâcawt vaiteh, miphunnaw ka raphoekung a tho lahun. Na ram hah raphoe hanelah a onae hmuen koehoi a tâco toe. Na khopui hah tami ao hoe h na hanlah a raphoe awh han.

⁸ Hat kecu dawkvah, burihni kâkhu awh nateh kap awh haw. Hramki awh. Bangkongtetpawiteh, ka patawpoung e BAWIPA lungkhueknae hah maimouh koehoi kamlang hoe h rah.

⁹ Hote hnin dawkw teh hettelah ao han telah BAWIPA ni ati. Siangpahrang hoi kahrawikungnaw e lungthin hah puen tâsue laihoi ao awh han. Vaihmanaw hah kângairu lah awm awh vaiteh, profetnaw ni a lungpout awh han.

¹⁰ Hahoi kai ni Oe! Bawipa Jehovah, hete taminaw hoi Jerusalem hah pueng hoi na dum toe, tahloi ni a hringnae a thut navah, rounnae na hmu han na ti telah ka ti.

¹¹ Hatnae tueng dawkw teh, hete taminaw hoi Jerusalem koe, kahrawng arasangnae caillum hmuen koehoi kabepoung e kahlî ni ka taminaw hoi ka canunaw koe lah ahnimouh palek sak hane hoi thoung sak hanelah laipalah kahlî a tho han.

¹² Hotnaw hanelah ka patawpoung e kahlî kai koehoi a tho han. Ahnimouh taranlahoi lawkcengnae hai ka dei han, telah tie lah ao han.

¹³ Khenhaw! tâmai patetlah bongparui patetlah kaawm e rangleng hoi a tho han. A marang teh mataw hlak hai aranghnawn. Maimouh teh yawkathout e lah o awh, rawknae koe lah pha awh toe.

¹⁴ Oe, Jerusalem rungngang lah na o thai nahan, ka thout e lungthin hah thoung sak totouh maw pouk payonnae na thung vah ao han.

¹⁵ Bangkongtetpawiteh, Dan ram hoi lawk a tâco teh, Ephraim mon hoi kathoute hah a pâpho.

¹⁶ Miphun tangkuem koe dei awh. Oe Jerusalem taranlahoi pâpho awh. Khenhaw! ram hlanae koehoi katuettaw a tho teh, Judah khopuinaw taran lah hoi a hram awh.

¹⁷ Kai na taran awh dawkvah, law karingkungnaw patetlah a tengpam hoi a kalup awh telah BAWIPA ni ati.

¹⁸ Na hringnae na nuengang hoi na tawksak e ni hete hno heh, na lathueng vah a pha sak. Hetteh kakhat e, na hawi awh hoe h nae lah ao dawkvah, na lungthin hah a thut.

¹⁹ Oe, ka hringnae, ka hringnae, ka lungthin roeroe heh a patawpoung. Ka thung vah ka lungthin hanghangkâan. Duem kaawm thai hoe h.

Tarantuknae pawlawk hoi kâhruetcuetnae mongka ueng e pawlawk hah na thai dawkvah Oe, ka hringnae duem kaawm thai hoeh.

²⁰ Rawknae dawkvah rawknae a hram. Bangkongtetpawiteh, ramnaw pueng hah a rawk toe. Kaie lukkareiim hah vai touh hoi a rawk teh, lukkarei hai tawkkadek dawka rawk.

²¹ Atueng nâsittouh maw tarantuknae lukkarei hah ka hmu vaiteh, mongka lawk ka thai han vai.

²² Bangkongtetpawiteh, ka taminaw teh a pathu poung dawkvah, kai na panuek awh hoeh. Camo ka pathu e panuena e ka tawn hoeh e patetlah ao awh. Kathout e sak hanelah a lungang awh eiteh, hawinae sak hane panuek awh hoeh.

²³ Talai ka khet navah a hrawnghrang pui lah ao. Kalvan hai ka khet navah, a angnae awm hoeh.

²⁴ Mon hai ka khet navah, koug a pâyaw. Monruinaw pueng hai koug kâkapek

²⁵ Ka khet navah, taminaw hai awm hoeh. Kalvan e tavanaw pueng hai koug kamleng.

²⁶ Ka khet navah kahawi e law hah kahrawng lah ao toe. BAWIPA e hmalah, pueng hoi a lungkhueknae hmalah khopuinaw pueng hai a rawp awh.

²⁷ Bangkongtetpawiteh, BAWIPA ni hettelah a dei. Ramnaw pueng kingdi han. Hateiteh, abuemlahoi teh ka pout sak mahoe.

²⁸ Hote hno kecu dawka talai ni a cingou han. Lathueng lae kalvan hai a hmo han. Bangkongtetpawiteh, ka dei toung dawkvah, ka kâcai toe. Pankângai vaiteh, bout kamlang mahoe toe.

²⁹ Marangransanaw hoi licung ka e pawlawk hoi khopui koug a yawng han. Ka hmawt e ratu thung vah kâen awh vaiteh, talung dawka a luen awh han. Khonaw pueng cettakhai vaiteh kho ka sak e buet touh boehai awm awh mahoe.

³⁰ Na rawk torei teh, bangtelamaw na ti han. Ka paling e khohna nakunghai, sui puengcang hoi na kamthoup nakunghai, mitlakhuem na kâhluk nakunghai, aphu kaawm hoeh e na kamthoup rumram e doeh. Na thoundounnaw ni na dudam awh mingming han. Na hringnae thei hanlah a tawng awh han.

³¹ Bangkongtetpawiteh, napui ni camo khe pataw khangnae kâhram pawlawk ka thai. Camin ka khe e ni pataw a khangnae doeh. Zion canu kâha a uek teh a kut a dâw teh ka yawthoe poung toe, bangtelah, tamikathoutnaw kecu dawka hringnae ka rei thai poung toe telah ati.

5

Cathut lawkcengnae teh a lan

¹ Jerusalem khothung vah yawng nateh, thongma hoi khen nateh panuek awh. Thongma tanghing hah khen awh nateh, tami buet touh banghai lawkkatang ka tawng e lawkcengkung na hmawt awh pawiteh Jerusalem teh ka ngaithoum han.

² BAWIPA a hring telah a dei awh nakunghai, laithoe hoi thoe a kâbo awh.

³ Oe, BAWIPA lawkkatang teh, hmu han na ngai e nahoehmaw. Na hem awh nakunghai ka lung mathout hoeh. Na raphoe nakunghai, na tounnae hah tawm ngai awh hoeh. Lungsongpui hlak hai a pata teh, a tampanaw hah a te sak teh bout ban ngai kalawn aw hoeh.

⁴ Hatdawkvah, kai ni, hetnaw heh tami karoedengnaw doeh, ahnimouh teh a pathu awh, bangkongtetpawiteh, BAWIPA e lam hoi amamae Cathut lawkcengnae hah panuek awh hoeh.

⁵ Tami kalentoenaw koe ka cei vaiteh, ahnimouh koe lawk ka dei han. bangkongtetpawiteh, ahnimouh ni, BAWIPA e lam hoi amamae Cathut lawkcengnae han a panue awh, telah ka ti. Hateiteh, hetnaw ni, lungthin suetalah kahnam hah a khoe awh teh, kateknae rui a rathap awh.

⁶ Hatdawkvah, ratu thung e sendek ni ahnimouh teh a kei awh han. Asui ni a raphoe awh han. Takai ni khopui pawm vaiteh, ka tâcawt e pueng vekrasen lah a phi han. Bangkongtetpawiteh, lawkeknae hah apap teh, hnuklah kamlangnae apap poung.

⁷ Hete hno dawk, bangtelamaw na ngaithoum thai han. Na canaw ni na ceitakhai awh teh, Cathut lah kaawmhoehnaw koe lah thoe a kâbo awh. Kaboumcalah ka kawkhik torei teh, a uicuk awh teh, tak kâyawt e im vah, a kamkhueng awh te, a yon awh.

⁸ King kaboumlah rawka ka cat e marang patetlah ao awh, tami pueng ni amamae imri e a yunaw hah a nôe awh teh a cairing sin awh.

⁹ Hete hnonaw kecu dawkvah, ka rek mahoeah namaw telah BAWIPA ni ati, hot patet e miphun lathueng vah, ka pathung mahoeah namaw.

¹⁰ A rapan dawkvah, kâen nateh, koug raphoe awh. Hateiteh, abuemlah teh raphoe hanh awh, a cakang hah laf awh. Bangkongtetpawiteh, BAWIPA e nahoeah.

¹¹ Bangkongtetpawiteh, Isarel imthung naw hoi Judah imthung ni ka lathueng vah, huenghai hawi a sak awh, telah BAWIPA ni a dei.

¹² BAWIPA teh laikathout e lah a pouk awh teh, ahni ni banghai tet katang mahoeah, rucatnae hai maimouh lathueng phat sak katang mahoeah, tahloi hoi takang hai kâhmo katang mahoeah.

¹³ Profetnaw teh kahlî doeh, ahnimouh dawk lawkkatang awm hoeh, hatdawkvah ahnimae a lawk teh amamouh hanelah awm yawkaw seh, ati awh.

¹⁴ Hatdawkvah kalvan ransabawi ni hettelah a dei, ahnimanaw ni hete lawk a dei tangcoung dawkvah, kai ni ka lawknaw heh na pahni dawk hmai lah ka o sak vaiteh he e taminaw heh thing lah kacoungsak vaiteh hmai ni koug a kak awh han.

¹⁵ Oe Isarel imthungkhunaw, nangmanaw ka tuk hanelah kho hlanae koehoi miphun thasai ka kaw han, ayan hoi kaawm boi e tha kaawm poung, nangmouh ni a lawk na thai panuek awh hoeh e taminaw ka kaw han, telah BAWIPA ni a ti.

¹⁶ Ahnimae palanaw teh sut kamawng e phuen lah ao teh abuemlahoi thakasai pong e lah ao awh.

¹⁷ Ahnimouh ni na tangcoung e cang hai na ca han e rawca pueng haiyah koug a ca vaiteh, na capanaw hoi na canunaw ni a ca awh hane hai koug a ca awh han. Na maitonaw hoi na tunaw hai a ca han, na misurkung hoi thaibunglungnaw hai a ca han, rapan ka tawn e khonaw hai telah hoi koug a raphoe awh han.

¹⁸ Hahoi teh hatnae hnin nah kai ni koug na pathup awh mahoeah, telah BAWIPA ni a ti.

¹⁹ Taminaw ni, bangkongmaw maimouh BAWIPA Cathut ni hettelah maimouh van hno a sak vai. Telah na pacei awh vah, nangmouh ni ahnimouh koe, "nangmouh ni kai na hnoun awh teh ramlouk cathut thaw hah na ram thung na sak van awh e patetlah, atu na ramdawk e laipalah ram alouke thaw teh na tawk a han toe teh poeh, telah BAWIPA ni a pâpho.

²⁰ Hete lawk heh Jakop imthungkhu koe dei poeh, Judah ram thung vah pâpho awh.

²¹ Oe nangmouh tamipathu hoi panuenae laipalah, mit na tawn awh eiteh, kahmawthoehnav, hnâ na tawn awh eiteh kathaihoehnav hetheh thai awh haw.

²² Na taket awh hoeh maw. Telah BAWIPA ni a dei. Ka hmalah na pâyaw awh mahoe haw. Kai ni tuipui teng vah langri hanlah sadi ka sak, tapoung thai hoeh nahan yungyoe sak hanelah ao. Tuipui tuicama ka tho nakunghai, tapoung thai mahoe haw.

²³ Hatei ka taminaw ni a lungpata awh teh taranthawnae lungthin a tawn awh; tarantuk hanlah a yawng awh.

²⁴ Amamouh roeroe ni a lungthin hoi hai, “a tue nah hmaloe kho hoi hnuk ten kho ka rak sakkung, canga tue nah ka kesakkung, BAWIPA maimae Cathut heh takhet awh haw sei”, tet awh hoeh.

²⁵ Namamae na sak payonnae ni hetnaw pueng heh a kahma sak teh, na yonnae naw pueng koug a ngang.

²⁶ Ka taminaw rahak vah tamikathoutnaw ao teh tangkam kapatungnaw ni tava a pawp awh e patetlah a pawp awh teh tangkam heh a patung pouh awh.

²⁷ Tapawm daw k tava a kawi e patetlah, a im daw k dumnae hai akawi, a bawi awh teh hnopai moikapap tawn awh.

²⁸ Athaw awh teh minhmai a kâpi awh. Tamikathoutnaw ni sak e ka tapuetlah thoena e sak awh, hno kathout saknae ni, na pa katawnhoehnav koe laidei awh hoeh, roedengnaw ni hmu han kawi koelah kangdoutkhai awh hoeh.

²⁹ Hete hnouaw dawkvah sak laipalah ka o han namaw telah BAWIPA ni a dei. Het patetlae miphunnaw lathueng moipathung laipalah ka o han namaw.

³⁰ Kângairu hnouaw, hoi takikathopoung hno teh ram thungvah a sak awh.

³¹ Profetnaw ni laithoe a dei awh teh, vaihanaw ni amamae kâ lahoi a uk awh. Het patetlae naw hah ka taminaw ni a lungpataw awh. Hatei a poutnae koe lah teh bangmaw na sak awh han.

6

Atunglah hoi ka tho e rawknae

¹ Benjamin canaw na hlout nahanelah Jerusalem khothung hoi yawng awh leih. Tekoa vah mongka ueng awh, Bethhakerem vah thaisaknae hmai hah paang awh. Bangkongtetpawiteh, rucatnae kalen poung rawknae teh atunglah hoi a tho toe.

² Zion canu meikahawi kanaw e hah, ka raphoe han toe.

³ Tukhoumnaw ni a tuhunaw hoi ahni koe pha awh han, petkâkalup lah lukkareirinnaw a sak awh vaiteh, amamae tuhunaw rip a khoum awh han.

⁴ Ahnimanaw tuk hanlah kârakueng awh leih, thaw awh leih, kanithun vah tuk awh sei, maimouh han a ru poung bangkongtetpawiteh, kanithun a hloi teh tangmin kho a hmo toe.

⁵ Thaw awh leih, karum vah tuk awh sei, a im kahawi kahawi naw hah raphoe awh sei.

⁶ Rasahu BAWIPA ni hettelah a dei, thingnaw tâtueng awh nateh, Jerusalem bout tuk nahanelah, luenna hah sak awh. Hote khopui heh

rek hanelah ao. Hatei khopui thung vah kâyue kâounnae seng doeh akawi toe.

⁷ Tuikhu ni tui a tâco sak e patetlah ahnimouh ni kathoute a tâcokhai van. Athung vah kâounnae hoi rawknae niyah akawi, ka hmalah lungmathoena hoi patawnae pout laipalah ao.

⁸ Oe Jerusalem kâhruetcueth, telah nahoe h pawiteh, ka hringnae ni hnamthun takhai vaiteh, athung vah kingdi ram lah ka coung sak han.

⁹ Rasahu BAWIPA ni hettelah a dei, misur paw kacawirae khi e patetlah ahnimouh ni Isarelnaw kacawirae hah abuemlah he a khi awh han. Misur paw kakhikung ni a khi e patetlah na kut hah tangthung daw k bout tapu ei.

¹⁰ Api koe maw lawk ka dei pouh vaiteh, kâhruetcuethnae ka poe han. A hnânaw a tabuem awh dawkvah, thai thai awh hoeh. BAWIPA e lawk hah ahnimouh hane dudam e lah ao teh, thaingainae roeroe tawn awh hoeh.

¹¹ Hatdawkvah, BAWIPA e lungkhueknae hoi ka kawi teh ka khang thai hoeh toe. Lam daw k kaawm e camonaw hoi a kamkhueng e nawsainaw koe ka kamnue sak, yuvâ roi ni hot teh a khang han, matawng kum kacuenaw ni hai a khang awh han.

¹² A imlawnaw hoi a yunaw hai ayânaw koe koug ka poe han, ram thung vah kaawmnaw lathueng kai ni kut ka tha han toe, telah BAWIPA ni a dei.

¹³ Kathoengca koehoi kalenpoung koe totouh, tami pueng ni a hounloun awh, profetnaw hoi vaihmanaw hai la awh hoeh, laithoe dei hoi a kâroe awh.

¹⁴ Ka taminaw e a hmâ lah ahawi han doeh, ahawi han doeh ati awh teh, phouhoucalah a khet awh, hawi katang hoeh.

¹⁵ Panuet ka tho e hno a sak awh navah a kaya awh maw. Kayak awh hoeh. Kayak roeroe awh hoeh. Minhmai kangna hai paling awh hoeh. Hatdawkvah, karawmnaw koe rawp awh van han, kai ni ahnimanaw ka rek toteh, ahnimanaw teh rahim lah a bo awh han telah BAWIPA ni ati.

¹⁶ BAWIPA ni hettelah a dei, lam daw k kangdout nateh, khenhaw! ayan e lamruem hah pacei nateh, lam kahawi namaw ao telah pacei awh nateh, hote lam daw k dawn awh, telah pawiteh na muitha hanlah kâhatnae na hmu awh han. Hatei, nangmouh ni hote lam daw k ka cet awh mahoe na ti awh.

¹⁷ Kai ni nangmouh hanelah karingkung tami ka hmoun, mongka lawk thai awh! na ti pouh awh. Hatei, nangmouh ni, ka thai awh mahoe na ti awh.

¹⁸ Hatdawkvah, miphunnaw thai awh haw, taminaw voi, ahnimanaw e lathueng ka phat hane hah pâkuem van awh.

¹⁹ Oe talai, thai haw! hete taminaw lathueng vah, rona e ka pha sak han toe, amamouh ni a pouknae a paw letlang ni bangkongmaw kaie lawk hoi kâlawk a pahnawt awh.

²⁰ Sheba e hmuitui hoi kho hlanae koehoi e kacingtui ka radip e kai ni bangmaw ka ti nahan. Nangmae hmaisawi thuengnae ka dâw mahoe, sathai thuengnae ni ka lunghawi sak mahoe.

²¹ Hatdawkvah, BAWIPA ni hettelah a dei, hete taminaw hmalah tâlaw nahan ka ta pouh han. A napanaw hoi a canaw ni a tâlaw awh han, imri hoi huikonaw rei a rawk awh han, ati.

²² BAWIPA ni hettelah a dei, khenhaw! atunglae ram koehoi ransanaw a tho toe, talai poutnae koehoi miphun kalenpoung kamthaw toe.

²³ Pala hoi tahroe patuep awh teh, tamikathout, pahrennae roeroe ka tawn hoeh naw lah ao. A pawlawk teh tuipui pawlawk patetlah ao teh, marang dawk a kâcui awh teh, tamipueng senehmaica a kâmahrawk awh teh, Oe! Zion canu, nang tuk hanlah a tho awh toe, ati.

²⁴ Ahnimae kamthang ka thai awh navah, ka kut tha pouk a bo. Runae teh manu ni ca khe patawnae a khang e patetlah khik na moum toe.

²⁵ Kahrawng tâcawt awh hanh, lam dawk hai cet awh hanh awh, tarannaw koe tahloi ao, avoivang taki a tho.

²⁶ Oe! Ka tami canunaw voi, buri kâkhu awh nateh, vaiphu dawk kamawp awh nateh, capa buet touh dueng kadout e ka khai e patetlah kap awh. Bangkongtetpawiteh, vaitalahoi karaphoekung teh maimae lathueng a pha han toe.

²⁷ Ka taminaw katanoukkung hoi pakhingpalang hanelah na sak, telah pawiteh doeh ahnimae nuencang hah na pathoup thai awh tih.

²⁸ Ahnimouh teh a lungpata awh ni teh tarankathaw e, tamthoe kadeinaw doeh, rahum hoi sum patetlah ao awh teh, abuemlahoi kahawihoehe dueng katâcawtkhaikung lah ao awh.

²⁹ Konlawk hai hmai dawk a kahma toe, hmaipho hai a tum toe. Tamikathoutnaw teh kangcing awh roeroe hoeh rah.

³⁰ Hotnaw teh BAWIPA ni a pahnawt toung dawkvah, ayânaw ni nguneinaw telah ati pouh awh han, telah ati.

7

Kamhnawng e bawknae

¹ BAWIPA koehoi Jeremiah koevah lawk hah a pha teh,

² BAWIPA e im takhang koe kangdout nateh, hawvah hete lawk hah dei pouh, BAWIPA bawk hanelah hete takhang daw kâen e nangmouh Judah tami pueng, BAWIPA e a lawk hah thai awh haw!

³ Ransahu BAWIPA Isarel Cathut ni hettelah a dei, na nuencang hoi na hnosaknaw hah pathoup awh telah pawiteh, hete hmuen koe kho na sak awh han.

⁴ Hetheh, BAWIPA e bawkim, BAWIPA e bawkim, BAWIPA e bawkim, telah laithoe lawk heh yuem awh hanh.

⁵ Na nuencang hoi na sak e kahawicalah kâpathoup awh nateh, ayâ hoi na imri rahak kalan lah lawkceng pouh awh pawiteh,

⁶ miphun alouknaw, naranaw, lahmainaw na hnepnap awh hoehpawiteh, tamikalannaw e thi hete hmuen koe na palawng awh hoehpawiteh, na mamanaw rawk nahan Cathut alouke hnuk na kâbang awh hoehpawiteh,

⁷ na mintoenaw koe yungyoe hanlah ka poe e hete ram daw k na o sak awh han.

⁸ Hatei khenhaw! banglahai ka tho hoeh e dумыennaе lawknaw hah na kâuep awh.

⁹ Na paru awh, ayâ na thei awh, na uicuk awh teh laithoe na dei awh, Baal koevah hmuitui na thueng awh teh, nangmouh ni na panue hoeh e cathut alouke hnuk na kâbang awh.

¹⁰ Hathnukkhu na tho awh teh, ka min hoi kaw lah kaawm e hete im thung ka hmaitung na kangdue awh teh, hete panuetkathonaw sak laihoi rungngang e lah ka o na ti awh han na maw.

¹¹ Ka min lahoi kaw e hete im heh, nangmae mithmu vah dingcanaw e khu lah maw a coung toung vaw. Hatei, kama roeroe ni ka hmu telah BAWIPA ni ati.

Shiloh nang thai haw

¹² Kai ni ka min o nahanlah ahmaloe ka sak e Shiloh hmuen koe atu cet nateh, ka tami Isarel naw e thoenae dawkvah hno ka sak e hah khenhaw!

¹³ Het patet lae hnonaw pueng na sak navah, amom ka thaw teh nang koe lawk boutbout ka dei ei, thai han na ngai awh hoeh, kai ni na kaw awh navah, na pathung awh hoeh.

¹⁴ Hatdawkvah, Shiloh vah ka sak e patetlah ka min lahoi kaw e hete im nangmanaw hoi napanaw koe kai ni ka poe e hmuen na kâuep awh e lathueng vah ka sak van han.

¹⁵ Na hmaunawngghanaw pueng Ephraim miphun abuemlah ka tâkhawng e patetlah ka hmalah hoi nangmouh koung na tâkhawng awh han telah BAWIPA ni ati.

Judah hanelah ratoum hanh leih

¹⁶ Hatdawkvah, hete taminaw hanelah ratoum pouh hanh leih, ahni-mouh hanelah pahrennae hai het pouh hanh leih, kai ni ka thai pouh mahoeh toe.

¹⁷ Judah khonaw hoi Jerusalem lamthungnaw daw k hno a sak awh e naw na hmawt awh hoeh maw.

¹⁸ Camonaw ni thing a cawng awh teh, a napanaw ni hmai a patawi awh, napuinaw ni tavai a kanaw k awh teh, kalvan siangpahrangnu hanelah vaiyei a karê pouh awh, kai ka lungkhuek nahanelah, cathut alouknaw nei hanelah a hlun pouh awh.

¹⁹ Hatei, kai doeh ahnimouh ni lung na khuek sak awh, telah BAWIPA ni ati. Amamouh kaya nahanelah, amamouh hoi amamouh kâpoe awh e nahoehmaw.

²⁰ Hatdawkvah, Bawipa Jehovah ni hettelah a dei, ka lungkhueknae hoi ka lungphuennaeh heh hete hmuen koe kaawm e taminaw lathueng hoi saringnaw lathueng vah, kahrawng e thingkungnaw hoi talai daw e apawhik van vah, ka rabaw k han, hotnaw teh a kak awh vaiteh, roum mahoeh.

Thuengnae daw lawkngainae

²¹ Ransahu BAWIPA Isarel Cathut ni hettelah a dei, cet awh nateh, hmaisawi thuengnae sathei na thueng awh e hoi alouke e sathei thapsin nateh, a moi hah cat awh.

²² Napanaw Izip ram hoi ka thokhai teh ahnimouh koe lawk ka dei navah, hmaisawi hane sathei hoi thuengnae dueng kâ ka poe hoeh.

²³ Ahnimouh koe hete lawk doeh ka poe, Kai e lawk heh thai awh, kai teh nangmae Cathut lah ka o vaiteh, nangmouh teh, kaie ka tami lah na o awh han. Na dei pouh e patetlah mah cet awh, telah pawitech nangmouh hanlah ahawi han.

²⁴ Hatei, ahnimouh ni a ngai awh hoeh teh, banglahai ngai awh hoeh, hottelah amamae lungpatanae lungthin kamathout koe lah dai a kamlang awh. Hmalah cet awh laipalah, hnuklah a ban awh.

²⁵ Napanaw ni Izip ram a ceitakhai hoi sahnin totouh, hnin touh hoi hnin touh, hnintangkuem nangmouh koe profetnaw ka patoun.

²⁶ Hatei, ahnimouh ni ka lawk hah thai awh hoeh teh, banglahai ngai awh hoeh, a lung pueng hoi a pata awh teh, mintoenaw hlak a yon awh.

Judah hnamthun takhai toe

²⁷ Hetnaw pueng heh ka dei pouh han, hatei ahnimouh ni na lawk thai ngai awh mahoe, ahnimanaw na kaw navah na pathung awh mahoe.

²⁸ Hatdawkvah, ahnimouh koevah, hetteh Bawipa Jehovah lawk ka ngai hoeh e miphun, tounnae ka ngai hoeh e miphunnaw doeh na ti han. Lawkkatang a pahma awh teh, apâhni daw k hoi a tâkhawng awh toe.

²⁹ Na sam hah ngaw nateh, tâkhawng, a rasangnai cailum hmuen koe cingou haw. Bangkongtetpawiteh, BAWIPA ni a taminaw hah a hnoun toe. A lungkhueknae ni a pha sin e miphun hah a hnamthun takhai toe.

Kamhnawng e bawknae lathueng lawkcengnae

³⁰ Judahnaw ni ka mithmu vah hnokathout a sak awh toe, telah BAWIPA ni a pathang. Ka min onae im hah khinsak nahanlah panuetho e hno hah a hruek awh toe.

³¹ A capanaw hoi a canunaw hmaisawi hanelah Benhinom yaw n vah Topheth hmuenrasang a sak awh. Hot hah teh, kê ka poe e nahoe, ka pouknae daw k hai kêen boihoe.

³² Hatdawkvah, kâhruetcueth awh, a hnin teh a pha toe, telah BAWIPA ni ati. Taminaw niyah hote yaw n teh, Topheth telah kaw mahoe toe, Benhinom yaw n telah hai kaw mahoe toe, fami theinae yaw n telah a kaw awh han toe. Bangkongtetpawiteh, hmuen a houng hoeh totouh Topheth vah a pakawp awh han.

³³ Hete taminaw e ro teh, lathueng tavanaw hoi kahrawng moithangnaw e rawca lah ao han, hotnaw hah apinihai pâlei mahoe toe.

³⁴ Lunghawi nawmnae lawk Judah ram hoi Jerusalem lathueng vah yu kêpaluennae lawknaw hah kai ni ka pout sak han toe, ram hah teh kingdi lah ao han toe.

8

Bawipa e a tue hoi hnin

¹ Hatnae tueng nah BAWIPA ni telah a dei, Judah siangpahrang hrunaw, vaihma hrunaw, profet hrunaw, Jerusalem tanminaw e hrunaw hah amamae phuen koehoi a thaw awh han.

² Ahnimanaw ni lungpataw teh thaw taw k pouh awh, a hnukkâbang pouh awh, a pacei awh teh a baw k awh e kanî hoi thapa hoi kalvan e âsinaw pueng hmalah a dan awh han.

³ Kai ni ka pâlei e hmuen pueng koevah, hete tamikathout miphunnaw ni hringnae hlak duenae arawihnawn awh telah ransahu BAWIPA ni ati.

yonnae hoi tounnae

⁴ BAWIPA ni hettelah a dei tie hah ahnimouh koe dei pouh, taminaw tâlaw awh navah bout thaw awh hoeh maw, lam a payon awh navah bout ban awh mahoe maw.

⁵ Telah pawiteh, bangkongmaw hete taminaw ni hnuklah a kamlang awh, Bangkongmaw Jerusalem kho taminaw ni hnuklah meng a kamlang awh. Dumnae daw k a lungpen awh teh ban han ngai awh hoeh.

⁶ A lawk khi ka thai nah, ahnimouh ni lawkkatang hah dei awh hoeh. A thoena koehoi buet touh ni hai pankângai e awm hoeh. Kai bangmaw ka sak, ati awh. Tarantuk koe marang ka yaw ng e patetlah tami pueng ni lam a phen awh teh, amamae lamthung daw k koung a yaw ng awh toe.

⁷ Lathueng kamlang tavanaw ni patenghai a tue hah a panue awh teh, batuling, bakhunaw, pingpitnaw, hoi tuicawmpainaw ni hai tho nahane

a tue teh a panue awh. Hatei, ka taminaw ni teh BAWIPA e a kawnae hah panuek awh hoeh.

⁸ Bangtelamaw, kaimouh teh ka lungang awh, BAWIPA e kâlawk kaimouh koe ao na ti thai awh vaw. cakathutkungnaw e cacung ni laithoe a tawm sak awh toe hei.

⁹ A lungkaangnaw yeirai a phu awh han. Puen awh vaiteh, man lah ao han. BAWIPA e lawk a pahnawt awh toe, bangpatet lungangnae maw a tawn awh.

¹⁰ Hatdawkvah, a yunaw hah tami alouknaw koe ka poe han. A lawnaw hai ayânaw koe ka poe han. Kathoengca koehoi kalenpoung totouh kahounlounnaw lah ao awh. Profetnaw hoi vaihmanaw hai laithoe koug a dei awh.

¹¹ Ka taminaw, ka canunaw e hmâ hah phouhoucalah a khet awh. Lungmawngnae kaawm hoeh e hah, lungmawngnae lungmawngnae atipouh awh.

¹² Panuet ka tho e nuencangnaw dawk a kaya awh maw, kayak awh hoeh. Kayanae roeroe tawn awh hoeh. A minhmai patenghai paling awh hoeh. Hatdawkvah, ka rawm e taminaw koe a rawp awh van vaiteh, rek lah ao awh nah a rahim lah a bo awh van han telah BAWIPA ni ati.

¹³ A paw a khi awh e naw pueng ka la pouh han. BAWIPA ni ati. Misurkung dawkvah, misur paw awm mahoe. Thaibunglung kung dawk a paw awm mahoe, a hnanaw koug kamyai han. Kai ni ahnimanaw koe ka poe e hah bout ka la pouh han.

¹⁴ Bangkongmaw sut na tahung awh. Cungtalah kâracut awh vaiteh, rapan ka tawn e khopui dawk kâen awh sei. Haw vah cungtalah dout awh sei. Bangdawk tetpawiteh, maimouh ni BAWIPA koe yon awh toung dawkvah, BAWIPA maimae Cathut ni duenae sue na pânei awh teh, kahmakatanae koe na ta awh toe.

¹⁵ Lungmawngnae ngaihawi awh ei, ahawinae tho hoeh toe, tak damnae ngaihawi awh ei, runae seng doeh kaawm toe.

¹⁶ Tarannaw e marangnaw kâha lawk teh, Dan hoi a thai awh toe. Marangtannaw e a cai lawk ni ram thung pueng pâyaw sak awh toe. Ram hoi a thung e kaawm hnopueng hoi khopui hoi khopui thung kaawm taminaw pueng pâyaw hanlah a tho awh toe.

¹⁷ Khenhaw! nangmouh koe, hrunthok, hrunthoe ka tha vaiteh, bangtelah hai ti thai lah kaawm hoeh e ni nangmouh teh koug na khue awh han, telah BAWIPA ni ati.

Tamimaya kecu profet a lungmathoe

¹⁸ Oe ka lungmathoenae heh api nang ne karoum sak han. Ka thung vah ka lung sut a pout.

¹⁹ Ram hlanae koe kaawm ka canu ka taminaw e a khuika lawk hah thai haw. Zion vah BAWIPA awm hoeh maw. Siangpahrang hai haw vah awm hoeh toung maw. Bangkong hetnaw ni sakhlawn e meikaphawknaw hoi miphunnaw e meikaphawknaw ni bangkongmaw ka lungkhuek sak awh.

²⁰ Canga tue a loum toe, kompawi tue a khup toe, maimouh teh rungngang lah awm awh hoeh rah.

²¹ Ka taminaw hoi ka canaw, patawnae hah ka hmawngkhai. Ka lungmathoe teh kângairunae ni khik na katek.

²² Gilead vah huk hane thingtapi awm hoeh maw. Haw vah tâsibawi awm hoeh maw. Bangkong ka taminaw ka canaw e a hmâ ahawi thai hoeh.

9

1 Oe ka lû heh tuikhu lah awm haw pawiteh, ka mit roi heh mitphi tuiphuek lah awm haw pawiteh, ka tami ka canunaw thei lah ao dawkvah, khohmo khodai ka ka yawkaw han toe.

2 Oe ahnimouh koehoi cei vaiteh, ka taminaw ka ceitakhai thai nahanlah, imyinnaw hanlah roenae hmuen hah kingdinae koe tawn hanlah ka ngai. Bangkongtetpawiteh, abuemplahoi ka uicuk e, dumyen hoi kamkhueng e lah ao awh.

3 Laithoe dei awh nahanlah, a lainaw hah pala patetlah sut a pho awh. Lawk katang hoi ram thung vah rounng awh hoeh. A yonnae buet touh koe hoi buet touh patuen a cei awh, kai heh banglah hai na ngai awh hoeh, telah BAWIPA ni a ti.

4 Na huinaw hah kâhruetcuete awh, na hmaunawngghanaw hai kâuep awh hanh. Bangkongtetpawiteh, hmaunawnggha abuemplah kadumyennaw lah ao awh teh, a hui pueng hai tamthoe ka dei seng doeh.

5 Hui hoi hui a kâdoun awh, apinihai lawkkatang dei awh hoeh. A lai heh laithoe deinae lai lah a pâtu awh teh, yonnae hoi amahoima tha a tawn sak awh.

6 Laithoe dawk na kangdue awh teh, a laithoenae ni kai panue hanlah ngai awh hoeh, telah BAWIPA ni a ti.

7 Hatdawkvah, ransahu BAWIPA ni hettelah a dei, khenhaw! ahnimouh teh atu lah kamyawt sak vaiteh, ka tanouk han, ka tami lah kaawm e ka canu heh bangtelamaw ka ti han.

8 Ahnimae a lai teh duenae pala lah ao teh, laithoe lawk a dei awh. A pahni hoi imrinaw koe kâponae lawk a dei awh ei, a lung thung hoi teh, sut a pawp awh.

9 Hatdawkvah, rek hoe laipalah ka o han na maw, telah BAWIPA ni ati. Hettelah kaawm e lathueng vah kama hoi kama moipathung laipalah ka o han maw.

10 Monnaw hanlah lungpataw hoi ka ka vaiteh, kahrawng e phovainaw ka khui han. Hotnaw teh sut a ke awh teh, apinihai pâtam hoe toe. Saringnaw lawk hai thai hoe toe. Lathueng tavanaw hai kounng a pounng awh teh, kahrawng moithangnaw hai awm hoeh toe.

11 Jerusalem teh songnawngbom lah ka hruek vaiteh, kahrawnguinaw onae hmuen lah ka ta han, Judah khonaw hai kingdi sak vaiteh, api buet touh hai awm mahoe.

12 Hete hno panue thai nahan a lungkaang e apimaw. BAWIPA ni apimaw a cangkhai teh hete hno heh kacaicalah ka dei thai. Apinihai a pâtam hoeh e thingyei patetlah a ram hah he a kak.

13 BAWIPA ni a dei e teh, ahnimouh hmalah ka ta pouh e, kaie kâlawk hah a pahnawt awh teh, ka lawk ngai awh hoeh, cangkchainae lawk hai tarawi awh hoeh.

14 Amamae lung a patanae lamthung hah a tarawi awh, a napanaw ni a cangkhai awh e patetlah Baal hnuk a kâbang awh.

15 Hatdawkvah, ransahu BAWIPA Isarel Cathut ni hettelah a dei, khenhaw! hete taminaw heh rawca kakhat ka ca sak vaiteh, kakhat e tui hah ka nei sak han.

16 Ahnimouh hoi a napanaw ni a panue boihoe e miphunnaw koe kâkayeisak vaiteh, ahnimanaw be raphoe hoehroukrak tahloi ka pâlei sak han.

17 Ransahu BAWIPA ni hettelah a dei, atu kahawicalah pouk awh haw, ka kap thai e napuinaw hah tho hanlah kaw awh leih, ahnimouh imthung dawk hai kalung kathoumpounngaw hah lawk thui awh.

¹⁸ Ahnimanaw hah karang tho sak nateh, mamae mitphi a lawng teh, mamae mitsum dawk hoi tui a phuek hoehroukrak, maimouh na kapkhai lawiseh.

¹⁹ Kanae lawk heh Zion hoi thai thai lah ao. Banghloimaw rawk awh tangngak toe. Yeiraipo awh katang toe. Na imlawng a ro katang toung dawkvah, ram teh ka ceitakhai awh toe.

²⁰ Atuvah, Oe napuinaw, BAWIPA e lawk heh thaihaw, a pahni dawk e lawk koe lah hnâpakeng haw, na canunaw bangtelamaw a ka awh han tie hah cangkhai awh. Kalungla buet touh hoi buet touh kâcangkhai awh.

²¹ Duenae teh hlalangaw koehoi a kâen teh, im thung vah a kâen, lamthung dawk e camonaw a takhoe teh lamlawng e nawsainaw a pâlei toe.

²² BAWIPA ni hettelah a dei, tami kadoutnaw e ro teh laikawk dawk e vaipuen patetlah thoseh, cang ka a naw ni cabong a pâhma awh e patetlah thoseh, apinihai ahnimouh teh bout kuem awh mahoehtoe, telah dei pouh.

BAWIPA dawk kâoup seh

²³ BAWIPA ni hettelah a dei, tami lungkaang ni lungangnae dawk kâoup hanh naseh, thakasai ni thasainae dawk kâoup hanh naseh, bawi ni hai a bawinae dawk kâoup hanh naseh.

²⁴ Hatei, apipatet hai kâoup ngai pawiteh, het dawk kâoup naseh, kai na ka nout hoi na ka panuek e hah teh BAWIPA lungpatawnae, ka thuem hoi lannae talai van kasakkung doeh, hete hninaw heh ka lunghawinae doeh, telah BAWIPA ni a ti.

²⁵ Takthai dawk dueng vah vuensom ka a e taminaw pueng rek nahane atueng teh a pha toe, telah BAWIPA ni a ti.

²⁶ Izip, Judah, Edom, Ammon, Moab, hoi thingyei ram ahlanae koe kaawm e tami pueng hai, hote miphunnaw pueng teh vuensom ka a hoehtoe e taminaw lah ao awh. Isarel imthung buemlah hoi lungthin lahoi vuensom ka a hoehtoe e seng doeh, telah BAWIPA ni a dei.

10

Meikaphawknaw

¹ Oe Isarel imthungkhunaw, BAWIPA ni nang koe a dei e thai haw.

² BAWIPA ni hettelah a dei, Jentelnaw e nuencang out hanh awh, kalvan hoi mitnoutnae kaawm nakunghai taket awh hanh. Jentelnaw teh hot patet lae hah a taki awh.

³ Taminaw e a phunglam teh ayawmyin doeh, tami buet touh ni ratu thing a tâtueng teh, kutsakkathoum ni a sak teh,

⁴ sui ngun hoi a pathoup awh teh, a kâhuet hoehtoe nahanelah, sum hoi cakkin hoi king a tâhet awh.

⁵ Samtuekung patetlah a kangdue teh, lawk dei thai hoehtoe, cet hai cet thai hoehtoe, hrawm lah hrawm a ngai. Hotnaw hah taket awh hanh, rucatnae banghai na poe thai hoehtoe, hawinae hai banghai sak thai hoehtoe.

⁶ Oe BAWIPA, nang patetlah e apihai awh hoehtoe. Nang teh na len tangak, na min hai thaonae hoi a lentoe tangak.

⁷ Nang teh, bari laipalah apimaw kaawm han. Oe miphun pueng e siangpahrang, hetheth nang na kamcunae roeroe doeh. Miphunnaw thung hoi thoseh, lungkaang pueng thung hoi thoseh, ahnimae ram thung pueng dawk hoi thoseh, nang patetlah api buet touh hai awh hoehtoe.

⁸ Ahnimouh teh abuemlahoi panuenaeh awh hoehtoe a pathu awh. Hottelah ayawmyin lah kaawm e thingmeikaphawk koehoi a cang awh.

⁹ Ngun dêi e hah Tarshish hoi a sin aw hah, sui hah Uphaz hoi a sin aw hah. Kutsakkathoumnaw ni sak e, suihlunkathoumnaw ni dêi e, khohnanaw dawkvah, âthi hoi paling e kutsakkathoumnaw ni a sak e seng doeh.

¹⁰ Hote BAWIPA teh Cathut katang doeh, ahni teh kahring Cathut yungyoe siangpahrang lah ao. A lungkhuek nah talai a kâhuet teh, miphun pueng ni a lungkhueknae khang thai aw hah.

¹¹ Hetheh dei pouh aw hah, kalvan hoi talai ka sak hoeh e, cathutnaw heh, talai van hoi kalvan rahim hoi bat a kahma aw hah han, telah ati.

¹² Hatei, Cathut ni thaonae hoi talai heh a sak, a thoum lungangnae hoi talaivan heh a caksak teh a panuena hoi kalvan hah a sak.

¹³ Khoparit lawk a tho nah, kalvan e tuinaw hah pawlawk a cai, talai poutnae koehoi tâmai a tâco sak. Sumpalik teh kho a rak sak teh hnoim thung daw hoi kahli a tho sak.

¹⁴ Tami pueng ni bang a panue aw hah hoeh daw panuena tawn aw hah hoeh, suihlunkathoumnaw ni hai a dei aw hah e hah a kayakhai. Ahnimouh ni a thuk aw hah e meikaphawk hah teh, ayawmyin pui doeh, kâha hai tawn aw hah hoeh.

¹⁵ Aphu aw hah hoeh, dumyenna thaw lah doeh ao, rek lah ao aw hah toteh, he a kahma aw hah han.

¹⁶ Jakop ni a pang hanelah hetnaw patetlah aw hah mahoeh, bangkongtetpawiteh, ahni teh bangpueng kasakkung lah ao, Isarel heh râw lah ao teh, a min teh ransahu BAWIPA doeh.

Judah santoung nahane

¹⁷ Nangmouh rapan thung kaawmnaw uknaeram daw kaawm e na hnonaw hah pâkhueng leih.

¹⁸ Bangkongtetpawiteh, BAWIPA ni hettelah a dei, atuvah, hete ram thung vah kaawm taminaw hah kai ni ka tâkhawng han, ahnimouh van vah kângairuna ka pha sak han.

Jeremiah ratoumnae

¹⁹ Ka patawnae daw yawthoe lah ka o. Hmâ ka ca e heh a patawpoung oe! Hatei, hetheh reknae doeh ka khang hanlah ao, ka ti rah.

²⁰ Kaie rim teh a rawk teh, kaie ruinaw pueng koug a thouk toe. Ka capanaw hai kai koe hoi koug a cei aw hah teh, buet touh hai aw hah hoeh toe, kaie rim ka sak hane aw hah hoeh toe, ka o nahan ka sak hane hai aw hah hoeh.

²¹ Tukhoumnaw hai bang panuek aw hah hoeh, BAWIPA koe pacei e hah panuek aw hah hoeh, hatdawkvah, a hmacawn aw hah hoeh, a tuhunaw koug a kâkayei aw hah han.

²² Khenhaw! atunglae ram koehoi runae kalenpui Judah khopuinaw kingdi sak vaiteh, kahrawnguinae onae lah o sak nahane pawlawk a kamthang.

²³ Aw, BAWIPA tami hringnae heh amae nahoeh, tie ka panue, tami ni a khok takanna lam hai amae nahoeh.

²⁴ BAWIPA, kai heh na lungkhuek laihoi laipalah, lanna hoi na pathoup haw telah nahoeh pawiteh, na kahmat sak langvaih.

²⁵ Nang kapanuekhoehnaw hoi na min ka kaw hoeh e Jentel miphunnaw van vah, na lungkhueknae hah awi haw. Bangkongtetpawiteh, ahnimouh ni Jakop hah he a ca aw hah. A khosaknae ram haiyah kingdi han.

11

Lawkkam raphoenae

¹ Jeremiah koevah, BAWIPA koehoi, ka tho e lawk teh hettelah a o,

² Hete lawkkam lawk hah thai nateh, Judah taminaw hoi Jerusalem kaawmnaw koevah dei pouh.

³ BAWIPA, Isarel naw e Cathut ni lawk a dei e teh dei pouh, Hete lawkkam dawk e lawk ka ngai hoeh e tami teh, thoebonae khang naseh.

⁴ Izip ram tahmang koehoi kai ni na mintoenaw ka hrawi nah ka poe e lawk teh, kai ni ka lawk ngai awh nateh, kaie lawkkam lawk na tarawi awh pawiteh, ka tami lah na o awh vaiteh, kai teh nangmae Cathut lah ka o han.

⁵ Hottelah pawiteh, na mintoenaw koe lawk ka kam e ka kuep sak vaiteh, maito sanu hoi khoitui lawngnae ram nangmouh ni sahnin e coung awh e patetlah na poe awh han ati. Kai ni Amen, BAWIPA ka ti.

⁶ BAWIPA ni kai koevah, hete lawknaw pueng hah Judah ram hoi Jerusalem e lamthung pueng koe hramkhai haw. Hete lawkkam lawk heh ngai awh nateh, tarawi awh.

⁷ Izip ram hoi na mintoenaw ka tâcokhai hnin hoi sahnin totouh, amom ka thaw teh, kâhruetcuetnae lawk tuhoitu ka dei pouh, ka lawk ngai awh, ka ti pouh.

⁸ Hatei ngai awh hoeh, banglahai noutna awh hoeh, amamae lungthin kathout lungpatanae koe lah a pâlei awh. Hatdawkvah, ka poe e lawk a tarawi ngai awh hoeh dawkvah, lawkkam dawk kaawm e thoebonae pueng ka khang sak.

⁹ Hathnukkuh, BAWIPA ni kai koevah a dei, Judah taminaw hoi vah kaawm taminaw koe thoe sak hanlah a kâcoun awh.

¹⁰ Ka lawk heh ngai awh hoeh. A mintoenaw e yonnae koe lah koung kamlang awh toe. Alouke cathutnaw e thaw tawk hanelah a kâbang awh. Isarel imthungkhunaw hoi Judah imthungkhunaw ni mintoenaw e lawkkam teh a raphoe awh.

¹¹ Hatdawkvah, BAWIPA ni hettelah a dei, ahnimouh dawk runae ka pha sak vaiteh, hlout awh mahoe. Kai koe hram awh van han eiteh, hotnaw e a lawk teh ka thai pouh mahoe.

¹² Judah khonaw hoi Jerusalem e taminaw ni a cei awh vaiteh, hmuitui ouk a sawi pouh e cathutnaw koevah a hram awh han, hatei runae kâhmo awh navah, ahnimouh ni rungngang thai mahoe.

¹³ Oe, Judah, na khonaw yit touh cathutnaw na tawn. Baal cathut koevah kaya ka tho e hmuitui hmaisawi thuengnae khoungroe hah Jerusalem e lamthung yit touh na sak awh.

¹⁴ Hete taminaw han ratoum pouh hanh awh. Pahrennae hai het pouh hanh awh, patang rucatnae kâhmo nah kai na kaw nakunghai, kai ni ka thai mahoe.

¹⁵ Panuet ka tho e hno moikapap sak nah laihoi, ka pahren e ni kaie im dawk tawh han bangmaw a tawn. Nangmouh koehoi kathoung moi teh a tapoung toe. Yonnae na sak navah, na lung ahawi awh.

¹⁶ BAWIPA ni nangmouh teh olivekung ka naw e a paw ka hawi poung e ati. Hatei, cairing laihoi a van hmai a patawi teh, a kang koung a khoe.

¹⁷ Isarel imthungnaw hoi Judah imthungnaw ni Baal koevah, hmuitui a awi roi teh, kathout hno sak hoi ka lungkhuek sak roi dawkvah, nang na kaungkung ransahu BAWIPA ni na lathueng vah ronae pha sak hanlah lawk a tâtueng toe.

Jeremiah thei han nounгнаe

¹⁸ BAWIPA ni na panuesak teh, ka panue toe. Bangkongtetpawiteh, a sak aw h e naw hah be na hmu sak toe.

¹⁹ Hatei, kai teh, a nuen ka nem e tuca thei hanlah a hrawi aw h e patetlah doeh ka o, ahnimouh ni kai thei hanlah kho a khan aw h. Akung hoi a paw naw hai be raphoe vaiteh, kahringnaw ram koehoi ahni teh tâkhawng aw h sei, apinihai a min teh pâkuem hanh naseh, telah a dei aw h e hah ka panuek hoeh.

²⁰ Hatei, ransahu BAWIPA, kalan lah lawkcengkung, lungthin hoi pouknae kanoutkung, ahnimouh van moi na pathungnae heh na hmawt sak haw, ka coungnae abuemlah na kut dawkvah na poe.

²¹ Hatdawkvah, nange hringnae thei hoeh nahanlah BAWIPA min lahoi lawk dei han leih, telah nahoe h pawiteh, kaimae kut dawkvah na due han, telah Anathoth kho e taminaw koevah ransahu BAWIPA ni he a dei.

²² Hatdawkvah ransahu BAWIPA ni hettelah a dei, kai ni ahnimaw hah ka rek han. A nawsainaw heh tahloi hoi a due aw h vaiteh, a capanaw hoi a canunaw hah takang daw k a due aw h han.

²³ Buet touh hai hlout aw h mahoe h, ahnimouh reknae kum navah, Anathoth kho e taminaw lathueng vah, yawthoenae ka pha sak han, a ti.

12*Jeremiah phuenangnae*

¹ Oe BAWIPA na hmalah lai ka roe nahaiyah, nang na kuep yungyoe. Hatei, na lawkcengnae kong heh na hmalah dei ka ngai rah. Bangkong-maw tamikathoutnaw a lamcawn aw h teh, kadumyennaw ni lunghawi hoi khosak aw h.

² Ahnimanaw hah nang ni na ung teh, tangpha a pabo, a rounng aw h teh, a paw aw h. Ahnima e pahni hoi na hnai teh, ahnima e lungthin hoi teh na hla.

³ Hatei, BAWIPA nang ni na panue, nang ni na hmu teh nama na pouknae hah na tanouk. Thei hanlah kaawm e tunaw patetlah ahnimouh hah sawn nateh hrawi haw. Thei nahane hnin hanlah ahnimouh hmoun haw.

⁴ Ram ni na to touh maw, a cingou vaiteh, kahrawng e hrâmnaw ni nâtotouh maw a ke aw h han. A thung e kaawmnaw hah a hawihoe h dawkvah, kahrawng moithangnaw hoi tavanaw hai kahmakata aw h toe. Hathnukku vah, taminaw ni maimouh koe kaawm hno heh hmawt katang mahoe h, telah bout ati aw h.

BAWIPA ni pathungnae

⁵ Taminaw hoi yawng kâta nahai, ahnimouh ni na ta aw h pawiteh, marangnaw hoi bangtelamaw na tâ thai han. Na kâuep e roumnae ram ni na tawn sak pawiteh, Jordan ratu tanghling daw k bangtelamaw na ti han vai.

⁶ Na hmaunawngnaw, na imthungkhu ni patenghai, nang hah na dum aw h toe, na ngaihoe h hoi na hransin aw h toe. Ahnimouh ni lawk kahawi a dei aw h nakunghai, ahnimouh yuem aw h hanh.

⁷ Ka im ka pahnawt vaiteh, ka râwnaw hai ka hnoun han toe. Ka pahren e tami teh, a tarannaw kut daw k a poe toe.

⁸ Kaie râw teh, ratu e sendek patetlah doeh ao toe. Kai hah na huk sin, hatdawkvah kai ni ka hmuhma.

⁹ Kaie râw teh kai hanlah taracak e langtanaw lah ao. Langta ni petkâkalup lah a hmang maw. Moithang pueng pâkhueng aw h nateh ca hanelah thokhai aw h.

¹⁰ Tukhoumkung kapap ni, ka misur takha hah a raphoe aw h teh, ka coe hane hah rep a coun groe aw h. Phunep poung lah ka coe hane hah tami kingdi lah ao han.

¹¹ Kingdi e ram lah ao sak, koug a raphoe teh kai koe a ka. A ram buemlah koug a raphoe teh, apinihai noutna aw h hoe h.

¹² Kingdi e monsom ka nga e pueng koe karaphoekungnaw a luen aw h han, ram apoutnae koehoi avanglae apout tofouh, BAWIPA e tahloi ni koug a ca han, roumnae roeroe aw m mahoe h.

¹³ Cang hah a tu aw h han eiteh, pâk hing lah doeh a a aw h han. A tha pueng hoi a tawn aw h eiteh, banghai hmaw t aw h mahoe h. BAWIPA e a lungphuenna e a patawpoung toung daw kvah, yeiraipona e doeh a a aw h han.

¹⁴ BAWIPA ni hettelah a dei, kaie tami Isarelnaw ko evah, ka poe e râw karaphoekung ka imrinaw e yonna e naw daw kvah, a ram thung hoi ka phawk vaiteh, ahnimouh thung daw k hoi hai Judah imthungkhu hah ka phawk han.

¹⁵ Hatei, ka phawk hnukkhu, hetnaw van vah pahrenna e bout ka tawn vaiteh, amamouh ni râw a pang hane talai amamouh ram lah bout ka thokhai han.

¹⁶ Hahoi, hettelah ao han. Baal koe ka taminaw thoebo a pâtu e patetlah ka min lahoi BAWIPA a hring teh, a hring nah thung pueng teh, telah thoebo a kamtu aw h teh, ka taminaw hoi hringnuen hah kahawie lah kamtu aw h pawiteh, ka taminaw thung daw k ka caksak han.

¹⁷ Hatei, api miphun ni hai thai ngai aw h hoe hpawiteh, hote miphun teh koug ka phawk vaiteh, ka raphoe han, telah BAWIPA ni a ti.

13

Hnitaïsom

¹ BAWIPA ni kai koe hetheh a dei, cet nateh hnitaïsom ran nateh kâyeng haw, hatei tui duk sak hanh, ati.

² Hatdaw kvah, BAWIPA ni a dei e patetlah hnitaïsom hah ka ran teh ka kâyeng.

³ Hathnukkhu, BAWIPA e lawk teh apâhni kai koe bout a pha teh,

⁴ hnitaïsom na ran e hah lat nateh, kâyeng laihoi Euphrates tui koe cet nateh, talung kâbawng e rahak vah hraw k haw, telah ati.

⁵ Hatdaw kvah, ka cei teh BAWIPA ni a dei e patetlah Euphrates tui teng vah ka hro.

⁶ Hnin moi a saw hnukkhu teh, BAWIPA ni kai koe vah, thaw nateh Euphrates tui koe cet nateh, hnitaïsom na hro sak e hah bout lat leih na ti pouh.

⁷ Hatdaw kvah, Euphrates tui koe ka cei teh, ka hrona e hmuen koe ka tai teh, bout ka la. Hatei, koug a hmawn toung daw kvah, hnopai hanlah aw m hoe h toe.

⁸ Hathnukkhu BAWIPA e lawk teh kai koe a pha.

⁹ BAWIPA ni hettelah a dei, het patetlah Judahnaw kâoupna e hoi Jerusalem kâoupna e hah ka raphoe han.

¹⁰ Hete tamikayonnaw, ka lawk ka ngai hoe h e taminaw, amama e a lungpatana e patetlah ka cet ni teh, alouke cathutnaw ka baw k niteh, a

thaw tawk pouh hanelah ka cet naw teh, hete hntaisom patetlah lah ao aw. Hnopai hanlah awm aw h mahoe. h.

¹¹ Hntaisom teh tami ni a keng daw k a kâyeng e patetlah Isarel imthungkhu hoi Judah imthungkhu naw pueng teh, ka taminaw, ka min kamthang sak hane hoi ka bawilen sak hanelah kai koe pou kârâyen hanelah ka sak e lah ao eiteh, banglah noutna aw h hoe h telah BAWIPA ni ati.

Misur um

¹² Ahnimouh koe hete lawk heh na dei pouh han. BAWIPA Isarel Cathut ni vah hettelah a dei, Misur um pueng hah misur tui hoi kawi sak hanlah ao. Ahnimouh ni nang koe vah, misur um teh misur tui hoi kawi sak hanlah ao tie hah ka panuek boi aw h hoe h maw, telah ati aw h han.

¹³ Ahnimouh koe vah, BAWIPA ni hettelah a dei. Hete ram thung kaawm tami pueng Devit e bawitungkhung dawkvah, ka tahung siangpahrang pueng, vaihmanaw, profetnaw hoi Jerusalem vah kaawm taminaw pueng hah yamuhrinae hoi ka kawi sak han.

¹⁴ Kai ni amahoima buet touh hoi buet touh, a napanaw hoi a canaw hai ka kâhem sak han telah BAWIPA ni ati. Hottelae naw teh raphoe hoe h nahanlah pahren mahoe h, pâhlung mahoe h, lungma mahoe h, hatei, he ka raphoe han ati telah ati.

Santoungnae

¹⁵ Hnâpakeng nateh thai haw. Kâoup hanh aw h. Bangkongtetpawiteh, BAWIPA ni lawk a dei toe.

¹⁶ Hmonae a pha sak hoe hnahlan, ka hmot e mon dawkvah na khok na kamthui hoe hnahlan vah, BAWIPA na Cathut teh pholen haw. Angnae na tawng lahun nah duenae tâhlip a tâco sak teh, ka hmot e talung kâko lah a coung sak.

¹⁷ Hete na ngai hoe hpawiteh, nangmae na kâoupnae dawkvah, arulaho i ka ka han. BAWIPA e tuhunaw teh, san lah a hrawi aw h han dawkvah, lungpataw lahoi ka ka vaiteh ka mitphi a bo han.

¹⁸ Siangpahrang hoi siangpahrangnu koe vah, na lû roi daw k e na bawilen bawilakhung hah a bo han toe. Hatdawkvah, na bawitungkhung daw k hoi kum roi leih, telah dei pouh.

¹⁹ Negev khopuinaw taren aw h vaiteh, ka paawng hane apihai aw m mahoe h. Judahnaw pueng san lah, abuemlahoi koung a hrawi aw h han.

²⁰ Na mit padai aw h nateh, atunglah hoi kathonaw khenhaw, nangmouh koe na khoum sak e tuhu hoi ngai kaawm e tunaw hah namaw ao.

²¹ Bawi hoi lû lah kaawm hane na cangkhai e ni, na rek toteh, bangne na dei han. Napui ca khe pataw e patetlah na man toteh, a pataw na ti han na vaiyaw.

²² Bangkongmaw het patet e hno heh kai koe a pha vai, telah na mahoima hah kâpacei pawiteh, na yonnae naw apap poung daw k doeh toe, na hna a phawi aw h teh tawngtai lah na o e a kamnu toe.

²³ Ethiopianaw ni a vuen a kâthung thai maw. Kaisi ni a em a kâthung thai maw. Kâthung thai pawiteh, nangmouh kathout hno kasaknaw ni hai kahawi hno na sak thai aw h han doeh.

²⁴ Thingyei yawn daw k e kahlî ni cahik a palek e patetlah kai ni nangmouh teh be na kahei aw h han.

²⁵ Kai na hnoun aw h teh, laithoe na kâuep aw h dawkvah, hetheh na ham hanlah na pouk pouh e doeh toe, telah BAWIPA ni a dei.

²⁶ Na kayanae kamnue nahanelah, na hna teh na minhmai totouh kalip takhang han.

²⁷ Kahrawng hoi monnaw dawkvah, na uicuknae hoi na hounlounnae hram pawlawk hoi, na kâyonae, panuetho e na sak e hah ka hmu, Oe Jerusalem, na yaw a thoe. Atu totouh na thoung hoeh rah maw.

14

Khokang, tahloi, lacik

¹ Khokangnae kong dawk BAWIPA koe e lawk Jeremiah koe ka phat e lawk ka phat e teh,

² Judah ni a khui teh, longkhanaw koevah khuinae ao. Ram hanlah a ka teh, Jerusalem koehoi kanae pawlawk a luen takhang.

³ Bawinaw ni tui kayawtnaw tui do hanelah a patoun awh. Ahnimouh ni tuikhu koe a cei awh ei, tui awm hoeh. Ahrawng lah bout a ban awh. Lungpuen taki laihoi a lû a ramuk awh.

⁴ Ram thung kho a rak hoeh dawkvah, talai teh rak khang toe. Law kaphawnaw ni lungpuen awh teh, a lû a ramuk awh.

⁵ Kahrawng e sayuk ni patenghai ca a khe ei, hram ao hoeh dawkvah a ca hah a hnâw.

⁶ Kahrawng e la teh a rasangnae cailum hmuen vah a kangdue awh teh, kahrawnginaw patetlah kahlî a pahap awh. Hram ca hane ao hoeh dawkvah, a mit a mom awh.

⁷ Kamamae yonnae ni yon na pen nakunghai, Oe BAWIPA, na min kecu daw hno buetbuet touh sak yawkaw ei, yuemkamcuhoeh eiteh, moi a pap toe. Nang taranlahoi ka yon awh toe.

⁸ Oe! Isarelnaw, na ngaihawinae kângairu lahun nah, rungngangkung BAWIPA, bangkong ka ram thung vah imyin patetlah tangmin buet touh dueng ka ip e imyin patetlah na o.

⁹ Bangkong kângairu e patetlah kârungngang thai hoeh e athakaawme tami patetlah na o. Oe! BAWIPA, nang teh kaimouh koe na o teh, nange min teh ka phu awh. Hatdawkvah, kaimouh sut na hnoun hanh.

¹⁰ Hete taminaw kecu dawk BAWIPA ni hettelah a dei, ahnimanaw ni pounggram hane a ngai awh. A khoktakan hah kâcakuap thai hoeh. Hatdawkvah, BAWIPA ni hetnaw heh dâw awh hoeh. Atu teh ahnimouh thoenaeh teh, pou pâkuem pouh vaiteh, a yonnae kecu dawk a rek awh han.

Laithoe profetnaw

¹¹ Hahoi BAWIPA ni kai koevah, hete taminaw ahawi nahanelah ratoum pouh hanh.

¹² Rawcahai awh nakunghai, ahnimae hremnae lawk teh ka thai pouh mahoeh. Hmaisawi thuengnae hoi pasoumhno, aluepaw na sin nakunghai kai ni ka dâw mahoeh. Ahnimouh teh tahloi, takang, hoi Lacik hoi let ka raphoe han ati. Hahoi kai ni, Aya! BAWIPA Cathut Khenhaw! ahnimouh koe profetnaw ni,

¹³ tahloi na ka hmo awh mahoeh, takang hai phat ma hoeh. Hete hmuen koevah ka pout thai hoeh e hnâroumnae na poe awh han telah pou a dei pouh awh, kai ni telah ka ti pouh.

¹⁴ Hatnavah BAWIPA ni kai koevah, profetnaw ni ka min hoi laithoe doeh ka pâpho awh. Ahnimouh teh kai ni ka patoun e nahoeh, kâ ka poe awh hoeh. Lawk hai ka dei pouh hoeh. ahnimouh ni a pâpho e naw

teh mitpaleinae, kahrai thawtawknae, cungkeihoeh pouknae, amamae pouknae patetlah dумыennaе roeroe doeh a dei awh.

¹⁵ Hatdawkvah BAWIPA ni hettelah a dei. Kai ni hotnaw teh ka patoun hoeh. Hatei ahnimouh ni tahloi hoi takangnae teh, hete khoram dawк phat mahoeh telah a dei awh. Hote profetnaw heh tahloi hoi takangnae hoi a due van awh han.

¹⁶ Ahnimouh ni lawk a pâpho pouh e, ka thai e miphun pueng hai tahloi hoi takang dawkvah, Jerusalem lamthungnaw dawkvah, sut ka tâkhawng han. Amamouh hoi a yunaw hoi a capa canunaw ka pakawp pouh han api buet touh hai awm mahoeh. Bangkongtetpawiteh, thoenaе hah amamouh tak dawк ka awi han.

¹⁷ Hatdawkvah, hete lawk hah ahnimouh koe na dei han. Ka canu tanglakacuem ka taminaw ni, hemnae ka patawpoung teh a khang han, rahim lah coungroe lah ao toung dawkvah, ka mitphi teh karum khodai pout laipalah lawng lawiseh.

¹⁸ Kho alawilah ka cei nahai tahloi hoi thei e taminaw ka hmu, khopui thung kâen nahai, takang dawк hoi profet hoi vaihmanaw ni a panue awh boihoeh e khoram lah cei awh toe, atipouh

Jeremiah lungpahawinae

¹⁹ Judah heh koung na pahnawt awh katang toung. Zion hah na panuet awh ka tang toung. Hawi thai hoeh nahan bangkong kaimouh heh patang na khang sak. Hnâroumnae ka ngaihawi awh ei, hnokahawi tho hoeh toe. Hawinae ka ngaihawi awh ei, takinae letlang a pha.

²⁰ Oe BAWIPA ka hawioehnae naw hoi mintoenaw e a yonnae naw hah ka panue awh. Nang koe vah ka yon awh tangak toe.

²¹ Na min lahoi kaimouh heh na panuet awh hanh ei, na lentoe tungkhung teh, a min mathout sak hanh, kaimouh hoi lawkkam sak e hah pahnim hoi raphoe rumram hanh.

²² Banglah ka tho hoeh e miphun alouke cathutnaw dawк, kho ka rak sak thai e ao na maw. Kalvan ni a mahmawк kho a rak sak thai maw. Oe BAWIPA kaimae Cathut, nang ni doeh kho na rak sak. Hatdawkvah, kaimae ngaihawinae hah nang dawк doeh ao. Nang ni doeh het patetlae hnonaw pueng hah na sak.

15

BAWIPA a lunghno mahoeh

¹ Hathnukkhu BAWIPA ni kai koevah, Mosi hoi Samuel teh ka hmalah ka ratoum roi nakunghai, hete taminaw koe lah ka lungthin kamlang pom mahoeh. Ka hmuhoehnae koe pâlei nateh koung kahmat naseh.

² Ahnimanaw ni vah, nâ lah maw ka cei awh han, tetpawiteh, BAWIPA ni hettelah a dei, due hanlah kaawmnaw teh a due awh han, tahloi hanlah kaawmnaw hah teh tahloi hoi a due awh han, kamlum hanlah kaawmnaw teh a kamlum awh han, santoung hanlah kaawmnaw teh san a toung awh han.

³ Hote taminaw ka raphoe nahanlah hno pali touh ka patoun han telah BAWIPA ni ati. Ka thet hanelah tahloi, tami ka kei hanelah uinaw, ka cat hanelah kalvan e tavanaw hoi talai dawк e moimathengnaw hah doeh.

⁴ Judah siangpahrang Hezekiah capa Manasseh ni Jerusalem vah hno a sak e dawkvah, ahnimouh teh talai uknaeramnaw pueng ni a tarawк awh nahanelah a sak han.

⁵ Oe Jerusalem apinimaw nang hah na pahren han. Apinimaw nang lungmathoekhai han. Nang e kong pacei hanelah apinimaw cawp a kangdue han.

⁶ Nangmouh ni kai hah na pahnawt awh, telah BAWIPA ni a dei, hnuklah na ban awh. Hatdawkvah, na lathueng vah ka kut ka tha vaiteh, nang hah na raphoe han, ka lunghnonae ka hmawt toe.

⁷ A lamthung dawk hoi a ban ngai awh hoeh dawkvah, ram kalupnae longkha koe ka pãsei vaiteh, a canaw hah ka thei pouh han.

⁸ Ahnimae lahmawt hah tuipui teng e sadi patetlah kapap sak han. A manunaw kathetkung thoundounnaw hah kanithun vah ka patoun han, dongdengca dawk ahnimouh van vah takitho lungpuennaeh hah ka pha sak han.

⁹ Ca tongpa sari touh ka khe e a manu a thabaw teh a hringnae a thouk. Ahnie khosei teh khodai nah a loum, ahni teh yeirai hoi lungpout lah ao. A tarannaw hmalah kahloutnaw teh kai ni tahloi hoi ka thei han, telah BAWIPA ni ati.

Jeremiah lungpoutnae

¹⁰ Oe anu, ka yaw a thoe! talai van pueng kãyue e hoi kãtapoe hanelah vai kai heh na khe khe! Api koehai a ca hane lahoi laiba ka tawn hoeh, ayã ni hai kai koe laiba tawn hoeh ei, tami pueng ni lawkthoemkha na bap awh.

¹¹ BAWIPA ni vah, atangcalah nang hah na hlout sak han. Runae tueng nah, rektapnae tueng nah, na tarannaw hah nang koevah, pahrennae ka kãhei sak han.

¹² Sum ni atunglae sum hoi stil a khoe thai han na maw.

¹³ Na ram thung pueng vah yonnae na sak e dawkvah, na bawinae hoi na tawnta e pueng aphu laipalah na lawp e patetlah ahnimae kut dawk ka poe han.

¹⁴ Na panue hoeh e ram koe na tarannaw koevah san lah na ta han. Ka lungkhuiek dawk nangmouh lathueng patawi hane hmai teh a kamtawi toe.

¹⁵ Oe! BAWIPA nang ni na panue. Kai hah pou na pouk teh, na pai sin hanelah na tho toteh, na karektapnaw kalan lah lawkceng haw. Ahnimanaw he na panguep teh kai na thet hanh loe. Kai ni nang hanlah dudamnae ka khang e heh na pahnim pouh hanh.

¹⁶ Na lawknaw hah a kamnue teh, ka ca! na lawk teh kai hanlah lunghawinae hoi lunghin phunepnae lah ao. Bangkongtetpawiteh, Oe ransahu BAWIPA na min lahoi na kaw e lah ka o.

¹⁷ Pawito kamkhuengnaw koevah, ka tahung hoeh, ahnimouh hoi lunghawinae ka hmawng boihoeh, na kut ka van ao dawkvah kamadueng ka tahung, bangkongtetpawiteh, lunghawihoeah hoi na kawi sak.

¹⁸ Bangkongmaw ka patawnae heh ahawi thai hoeh, ka hmã heh hawi han ka ngaihoeh e patetlah hawi thai hoeh bo vaw, Kai hanlah kãuep han kamcuhoeh e tui tang ka hak e patetlah maw ao vaiyoe.

BAWIPA ni Jeremiah bout a cai sak

¹⁹ Hatdawkvah, BAWIPA ni hettelah a dei, bout na ban pawiteh, na bankhai vaiteh, ka hmalah bout na kangdue han. Cungkeihoehe thung hoi sungren e hno dueng na dei pawiteh, kaie lawk karingkung lah ao han. Ahnimouh ni nang koe lah kamlang boilah, nang teh ahnimouh koe lah na kamlang mahoe.

²⁰ Hete taminaw thung vah rahum tapang na sak han, ahni ni nang hah na tuk aw h han eiteh, nang rungngang hanelah, na teng ka o dawkvah, ahnimouh ni nang na tâ aw h mahoe h, telah BAWIPA ni ati.

²¹ Tamikathoutnaw kut daw k hoi na rungngang vaiteh, takitho e taminaw e kut daw k hoi nang teh na ratang han.

16

Jeremiah hringnuen hoi cangkhae

¹ Hathnukkhu, BAWIPA e lawk kai koe a pha teh,

² yu na lat mahoe h, hete hmuen koe vah, canaw na tawn mahoe h.

³ Hete hmuen koe khe e canaw hoi a manu na pa kong daw k BAWIPA ni hettelah a dei,

⁴ ahnimanaw teh Lacik hoi a due aw h han, Hotnaw hah apinihai kapkhai mahoe h, pakawm mahoe h, vaipuen talai daw k eitaboung patetlah a yan aw h han. Tahloi hoi takangnae hoi a due aw h han. Ahnimae ronaw teh kalvan e tava hoi moithangnaw hane rawca lah ao han.

⁵ Bangkongtetpawiteh, BAWIPA ni hettelah a dei, ro im cet hanh, lungpahawi hanelah hai cet hanh, ama hai khui hanh. Bangkongtetpawiteh, hete taminaw koe hoi lungmawngnae, pahrennae lungmanae he ka la pouh toe telah BAWIPA ni a dei.

⁶ Hete ram daw k tami kalen kathoung hai a due aw h han. Apinihai pakawm mahoe h, apinihai khui mahoe h. Apinihai a mahoima kâbouk mahoe h, a sam hai ngaw mahoe h.

⁷ Ro karingkungnaw hoi kapakawpnaw lungpahawi hanelah rawca apinihai thak pouh mahoe h. Ka dout e a na pa hoi a manu han patenghai thak pouh mahoe h. Ahnimouh lungpahawi hanelah apinihai tui boehai poe mahoe h.

⁸ Hatdawkvah, caneinae im daw k kâen hanh, ahnimouh hoi cungtalah tahung hanh, cat hanh.

⁹ Bangkongtetpawiteh, ransahu BAWIPA Isarel Cathut ni hettelah a dei, nangmouh mithmu hoi na hring na thung vah lunghawilawknaw hah ka roum sak vaiteh, yuvâ kâpaluenna e lawk hai hete hmuen koe ka roum sak han.

¹⁰ Hete lawknaw pueng hah hete taminaw koe vah na dei pouh navah hotnaw ni, bangmaw BAWIPA ni hettelah totouh kahawihoe h poung e hno hah a dei vai. Bang hno maw sakpayon aw h, BAWIPA kaimae Cathut koe vah bang yonnae maw ka sak aw h, tet aw h pawiteh,

¹¹ hettelah na dei pouh han, na mintoenaw ni kai na hnoun aw h teh, alouke cathutnaw hnuk a kâbang aw h teh, ahnimae thaw a taw k pouh aw h. Kai na hnoun aw h teh, kaie kâlawk hai tarawi aw h hoe h.

¹² Nangmouh hai na mintoenaw hlak hoe na thoe hnawn aw h. Khenhaw! kaie lawk ngai laipalah tami pueng ni amamae lungpouk patetlah koug a cei aw h.

¹³ Hatdawkvah, kai ni hete ram thung hoi nangmouh hoi na mintoenaw ni na panue boihoe h e ram koe lah na pâlei aw h han, hote hmuen koe vah kârum khodai alouke cathutnaw e thaw na taw k aw h han. Kai ni nangmouh hah na pasai aw h mahoe h.

Cathut ni Isarel bout a kâhat sak han

¹⁴ Hatei, Isarel taminaw Izip ram hoi na kahrawikung, BAWIPA teh a hring dawkvah telah taminaw ni a dei aw h hoe h nahanelah, a hnin teh a pha lahun, telah BAWIPA ni a ti.

¹⁵ Hatei taminaw ni, atunglae ram hoi ahnimouh a hreksae ramnaw pueng thung hoi Isarelnaw kahrawikung BAWIPA teh a hring tangngak dawkvah ati awh han. Ahnimouh teh kai ni a na mintoenaw koevah, ka poe e ram thung bout ka o sak awh han, telah BAWIPA ni a dei.

¹⁶ Hatei, atu teh tangakamangkunaw moikapap ka kaw vaiteh, ahnimouh ni a man awh han. Hahoi kai ni moi ka kâthounnaw moikapap ka kaw vaiteh, monrui hoi montam hoi talungkâko totouh a ka awh han.

¹⁷ Ahnimae lamthung pueng hah ka mit ni pheng a hmu, kai koe hoi kâhrawk thai awh mahoe, ahnimae yonnae hai ka mithmu hoi hro thai lah awm mahoe.

¹⁸ Amamae thoena hoi yonnae dawkvah, let hni hoi ka pathung han, ahnimouh ni ka ram hah panuettho e ro hoi a kamhnawng sak awh teh, panuetthona e ni ka coe e ram daw k a kawi sak telah BAWIPA ni a ti.

¹⁹ Oe BAWIPA ka thaonae hoi ka rapan, kângairu nah kângue e hoi talai apoutnae koehoi Jentelnaw nang koe a tho awh han. Mintoenaw ni laithoe, cungkeihoehe hno, ayawmyin hno hoeh laipalah banghai a pang awh hane râw awm hoeh.

²⁰ Tami ni ama hanlah cathut lah kaawm hoeh e cathut hah a sak han na maw.

²¹ Hatdawkvah, kai ni hotnaw hah ka panue sak han. Ka kut hoi hnotithainae ka panue sak vaiteh, ka min hah Jehovah doeh tie a panue awh han.

17

Judah yonnae hoi reknae

¹ Monsom ka hring e thingkung koevah, ahnimae khoungroe hoi thingmeikaphawk hah a catounnaw ni a pouk awh lahun nah,

² Judah yonnae teh sumcacung hoi thut lah ao teh, talung phukaawm pâsu hoi ahnimae lungthin phen daw k tarik lah ao teh, khoungroe ki daw k hai tarik lah ao.

³ Ram thung e kaie mon, ram thung pueng na yonnae dawkvah, na bawinae hoi na tawnta na pâtung e râw pueng taran kut daw k ka poe han.

⁴ Na sak payonnae dawkvah, kai ni na poe e râw koehoi ka takhoe han toe. Na panue boihoe e ram taran kut daw k san na toung sak han. Ka lungkhueknae hmai teh a kaman sak toe.

Thoebonae hoi yawhawi

⁵ Tami kâuep teh a lungthung vah BAWIPA koehoi kangheng e tami teh thoeb o e lah ao.

⁶ Ahni teh thingyeiyawn daw k thingke patetlah ao vaiteh, kahawi hno ka tho nakunghai hmawt mahoe, ka ke e tanghling talai apinihai a ohoehnae palawi talai hmuen koe ahni teh ao han.

⁷ Hatei, BAWIPA kâuep niteh, ama dawkvah, ngaiuepnae katawnnaw teh a yawhawi.

⁸ Ahni teh tuirai vah ung e thing, tui ao nah koevah a tangpha ka payang e hoi a kâvan. Khokang nakunghai takinae awm hoeh, a hna hai hringsuepcalah pou ao. Khokang kum hai lungpuenna e tawn hoeh, a paw hai sarut boihoe.

⁹ Lungthin teh bangpueng hlak hai huenghai kaawm poung e abuemla-hoi kahawihoehe doeh. Apinimaw a panue thai han.

¹⁰ A nuencang hoi tawksaknae patetlah poe hanlah kai BAWIPA teh pouknae a tanouk teh lungthin ka pakhingpalang kung lah ka o.

11 Ka lan hoeh lah hnopai ka tawnta e tami teh, bakoum ni amae a tadui hoeh e a awt e patetlah ao. A rounng lahun navah a roedeng vaiteh, apoutnae koe teh tami pathu lah ao han.

12 Apuengcue hoi rasangpoung lah kaawm bawitungkhung teh mamae hmuen kathoung lah ao.

13 Oe! BAWIPA, Isarelnaw ni kângaiuep e, nang kapahnawtnaw pueng yeirai a po awh han. Kai kamlang takhai e pueng teh, vaiphu dawk ca thut e patetlah ao awh han. Bangkongtetpawiteh, BAWIPA hringnae tuiphuek a ceitakhai awh .

14 Oe! BAWIPA na hawi sak haw, pawiteh ka hawi han, na runngang haw ka hlout han, kai ni nang doeh na pholen.

15 Ahnimouh ni kai koevah, BAWIPA e lawk teh namaw ao, atuvah kuep sak haw, na ti pouh awh.

16 Na hnukkâbang e tukhoumkung lah ka onae koehoi ka roun maheoh. Hawihoehnae hnin a pha hane hai ka ngai hoeh. Ka tâcawt e lawk hah na panue teh na hmalah ao.

17 Kai hanelah taki kawi lah awm hanh, rona e pha navah nang teh kai ni kângue e hmuen doeh.

18 Kai na ka rektapnaw hah yeiraipo awh naseh, hatei kai teh yeirai na po sak hanh, ahnimanaw teh yawng awh naseh, hatei kai teh, na yawng sak hanh. Ahnimanaw van vah rona e phat sak nateh, let hni touh hoi ahnimouh lathueng phat sak haw.

Sabbath hnin thoungsaknae

19 BAWIPA ni kai koevah hettelah a dei, cet nateh taminaw e kho rapan longkha, Judah siangpahrangnaw a tâco kâen koevah, Jerusalem rapan longkha pueng koe kangdout haw.

20 Ahnimanaw koevah, kâen tâcawt e taminaw pueng hoi Judah siangpahrangnaw pueng voi, BAWIPA lawk teh thai awh haw.

21 BAWIPA ni hettelah a dei, sabbath hnin hnori na phu hoeh nahan, Jerusalem na kâenkhai hoeh nahan kâhruetcuet awh.

22 Na imthungkhu hoi hnori sin awh hanh. Sabbath hnin vah thaw tawk awh hanh, na mintoenaw koevah kâ ka poe tangcoung patetlah sabbath hnin vah kathoungcalah ya awh.

23 Hatei, ahnimouh ni a thai ngai awh hoeh teh, a hnâ hai pakeng awh hoeh, a lungpata sak awh teh, ka patounnae lawk hah thai awh hoeh, dâw ngai awh hoeh.

24 BAWIPA ni hettelah a dei, hatei nangmouh ni ka lawk na ngai awh hoeh. Sabbath hnin vah hete rapan longkha koehoi hnokari hah na sin awh hoehpawiteh, thaw na tâwk awh laipalah sabbath hnin hah kathoungcalah na ya awh pawiteh,

25 Devit e bawitungkhung dawkvah, ka tahung e leng hoi marang kâcui e, siangpahrangnaw ni hete rapan longkhanaw dawk hoi a bawinaw hoi a kâen awh han. Ahnimouh hoi bawinaw ni Judah taminaw hoi Jerusalem vah kho kasaknaw hoi, hete khopui thung vah a yungyoe na o awh han.

26 Judah khonaw hoi Jerusalem tengpam khonaw hoi Benjamin ram hoi akalae ram hoi mon lae ram hoi, Negeb ram koehoi taminaw a tho awh vaiteh, lunghawi thuengnae hah BAWIPA im a poe awh han.

27 Sabbath hnin kathoungcalah a ya awh teh, sabbath hnin vah Jerusalem rapan longkhanaw koehoi hnori phu laihoi kâen hoeh nanelah a dei e hah na ngai awh hoehpawiteh, Jerusalem rapan

longkhanaw koevah, kadout thai hoeh e hmai ka tâco sak vaiteh, Jerusalem siangpahrang im a kak vaiteh roum mahoehtoe.

18

Hlaam kasakkung hoi amhru

¹ BAWIPA koehoi Jeremiah koe ka phat e lawk teh hettelah a o,

² Hlaam kasakkung im cet nateh, hawvah kai ni lawk na poe han, atipouh.

³ Hatdawkvah, hlaam kasakkung im lah ka cei teh, hatnavah hlaam kasakkung, hlaam saknae a tabu koe thaw a tawk e hah ka hmu.

⁴ Amhru hoi sak e talai teh hlaam kasakkung e kut dawkhoi a rawk dawkvah, kasakkung ni ama ni ahawi ati e patetlah a katha alouke e bout a sak.

⁵ Hatdawkvah, BAWIPA e lawk teh kai koe a pha.

⁶ Oe Isarel imthungkhu, hete hlaam kasakkung ni hlaam a sak e patetlah kai ni nangmouh heh na sak thai mahoehtaw, telah BAWIPA ni ati. Hlaam kasakkung e kut dawkvah talaihlaam ao e patetlah oe Isarel imthungkhu nangmouh hai kaie kut dawkvah na o awh.

⁷ Nâtuék hai uknae thoseh, miphun kong dawkhoseh, phawk hoi ka raphoe vaiteh, ka yei han telah ka dei nakunghai,

⁸ hote miphun ni ahni taranlahoi ka dei e kecu dawkhawihoehtaw kamlang takhai pawiteh, a lathueng vah hawihoehtaw sak hanelah, ka kâcai e hah ka kâhno han.

⁹ Hahoi nâtuék e atueng hai miphun kong dawkhoseh, uknae kong dawkhoseh, ka sak vaiteh, ka kangdue sak han telah ka dei nakunghai,

¹⁰ ka dei e ngai laipalah ka mithmu vah kouthote sak pawiteh, ahni hanlah hawinae ka sak han ka tie hah, let ka kâhno han.

¹¹ Hatdawkvah, Judah taminaw hoi Jerusalem khokasaknaw koe BAWIPA ni hettelah a dei. KHenhaw! nangmae kong dawkhokahawi e ka pouk teh, kâtarannae ka pouk lahun, tami pueng ni kahawihoehtaw nuencang hah kamlang takhai pawiteh, na hringnae khosaknae nuen hah kâthung awh telah tet pouh.

Hnâpang Isarel

¹² Hateiteh, ahnmouh ni hot teh ngaihawinae kaawm hoeh e doeh ati, ma ni ahawi tie patetlah o awh vaiteh, tami pueng a lungpouk payonnae ni kâ a poe e patetlah sak awh han telah ati awh.

¹³ Hatdawkvah, BAWIPA ni hettelah a dei. Jentelnaw pacei awh haw, het patet lae apinimaw a thai boi, Isarel tanglakacuem ni takikatho e hno hah a sak toe.

¹⁴ Lebanon mon talung van e ka bawt e tadamtui hah tami buet touh ni a ceitakhai boimaw. A tengpam hoi ka lawng e tuipading hah a hak boimaw.

¹⁵ Ka taminaw ni na pahnim awh dawkvah, patopatang kaawm hoeh e meikaphawk koevah hmuitui a sawi awh. Hote ni vah ayan e lamkaruem a phen sak awh. Picih hoe e lamthung lam a dawn awh.

¹⁶ Amamae ram teh yungyoe panuikhai hanelah a ceitakhai awh teh, ka cet kaawm pueng ni kângairu teh a lûsaling sin awh.

¹⁷ Kanîtholae kahlî kouthote patetlah tarannaw hmalah, peng kâkayeih sak han. A yawthoenae hnin nah ka hmalah tho laipalah ka hnukkhu lah a kamlang takhai han telah ati.

Jeremiah a pacekpahlek awh

¹⁸ Ahnimouh ni tho awh, Jeremiah hah youk awh sei. Bangkongtetpawiteh, vaihmanaw koe e kâlawk kahmat mahoe, profetnaw koe e lawk hai pout mahoe, tho awh, pathoe awh sei, a lawk hai bang lah noutna pouh hanh sei, telah ati awh.

¹⁹ Oe BAWIPA ka kong heh pouk haw, kai ka tarannaw e lawk hah na thai pouh haw.

²⁰ Hnokahawihoehe hah, hnokahawi hoi pathung boimaw. Bangkongtetpawiteh, ka hring nahanelah tangkawm a tai awh. Ahnimouh koehoi ka lungkhueknae roum nahane hoi ahnimouh hanelah hawinae dei hanelah, na hmalah ouk ka kangdue e hah na pahnim pouh hanh.

²¹ A canaw hah takang kâhmo sak nateh, tahloi thakaawme kâhmo sak haw. A yunaw hah a due awh vaiteh lahmai la coung awh naseh, a napanaw hah lacik hoi dout awh naseh, karoung lahun e naw hai taran hmuen koe tahloi hoi thei e lah awm awh naseh.

²² Tarankatuknaw hah ahnimouh koe pouk laipalah na pha sak toreih teh, a imthung daw koe khuika lawk kampaw naseh. Bangkongtetpawiteh, man hanelah na kâcai awh dawkvah, tangkom a tai awh teh, ka khok kâman nahanelah karap a patung awh.

²³ Oe BAWIPA kai thei hanelah a kâcai awh e hah na panue toe. Ahnima yonnae hah yontha pouh hanh. Na hmaitung vah a payonnae naw hah kahmat sak hanh. Na hmalah kamlet sak nateh na lungkhueknae hnin na vah hottelah sak haw.

19*Tuium*

¹ BAWIPA ni hettelah a dei, cet nateh hlaam ka sak e ni amhru hoi a sak e tuium hah ran haw. Hahoi kacuenaw hoi vaihmanaw thung e kacuenaw hah hrawi nateh,

² Kanitholae longkha kung koe Benhinom tanghling koe cet haw, hawvah nang koe ka dei hane lawk hah na pâpho han.

³ Hettelah na dei han, Judah siangpahrangnaw hoi Jerusalem vah, kho kasaknaw BAWIPA e lawk hah thai awh. Isarel Cathut ransahu BAWIPA ni hettelah a dei, khenhaw! kathainaw pueng e hnâ daw koe khik ka cawt e kathoute hah ka pha sak han.

⁴ Bangkongtetpawiteh, ahnimouh ni na pahnawt awh teh, hete hmuen heh a khin sak. Amamouh hoi a napanaw hoi Judah siangpahrangnaw ni hai a thai boihoe e cathut alouknaw koe hmuitui a sawi awh teh, hete hmuen heh yonnae ka tawn hoe e thipaling a kawi sak.

⁵ Hahoi a canaw hah Baal koe hmaisawi thuengnae poe hanelah, Baal hmuenrasang hah a kangdue sak awh. Hot teh kâ ka poe e nahoe, ka dei boihoe, ka lungthin daw hai kâen boihoe.

⁶ Hatdawkvah, thaihaw! atueng hah a pha han BAWIPA ni ati. Hatnae hnin nah hete hmuen heh Topheth telah kaw mahoe toe. Benhinom tanghling tie hai tet hoe tounge vaiteh, kâtheikârawngnae tanghling telah ti han toe.

⁷ Hete hmuen daw Judah hoi Jerusalem khokhangnae hah a hrawnghrang lah ka coung sak han. Ahnimouh teh tahloi hoi a hringnae taran kut daw ka poe vaiteh, a ronaw hah kahlun e tava hoi tali moithangnaw e rawca lah ka poe han.

⁸ Hahoi hete khopui teh tami kingdi e, panuikhai hanelah ka coung sak vaiteh, a kâhmo e thoebonae kecu dawk, ka cet pueng ni kângairu awh vaiteh a panuikhai awh han.

⁹ A canu hoi a capanaw e moi hah ka ca sak han. A hringnae ka lawm hane tarannaw ni a kalup awh teh, kângai ka ru lah ao sak torei teh, tami pueng ni a imrinaw e moi hah a ca awh han.

¹⁰ Hahoi na hrawi e naw hmaitung vah tuium hah rak hem.

¹¹ Ahnimouh koe hettelah na dei han. Ransahu BAWIPA ni hettelah a dei, hlaam kasakkung e hlaam hah tami ni rak a hem teh, pathoup thai lah ao hoeh e patetlah hete taminaw hoi hete kho hah rak ka hem vaiteh, Topheth vah pakawp nahane hmuen ao hoeh totouh a pakawp awh han.

¹² Hot patetlah hete hmuen heh ka ti roeroe han telah BAWIPA ni a dei. Hete kho heh Topheth patetlah ka coung sak vaiteh, athung e kho kasaknaw lathueng hai ka sak han.

¹³ Jerusalem innaw hoi Judah siangpahrangnaw im hoi im tangkuem e a lathueng vah kalvan lah kangvawi hoi hmuitui sawinae innaw pueng hoi, cathut alouknaw koe nei hane a awinae innaw pueng hah, Topheth hmuen patetlah khin sak e lah ao han.

¹⁴ Jeremiah teh BAWIPA ni lawk dei hanelah a thanae hmuen Topheth hoi a tho teh, BAWIPA im thongma dawk a kangdue teh, tamimaya koevah hettelah a dei.

¹⁵ Isarel Cathut ransahu BAWIPA ni hettelah a dei, khenhaw! ka lawk a ngai awh hoeh nahanelah, a lungthin a pata sak awh kecu dawk thoena e kadeinaw pueng hah hete khopui hoi khonaw pueng dawk ka pha sak han telah ati.

20

Pashhur ni Jeremiah a hem

¹ Jeremiah ni hottelah lawk a dei e hah BAWIPA im e kahrawikung kacuepoung lah kaawm e Immer capa vaihma Pashhur ni a thai.

² Hottelah Pashhur ni profet Jeremiah hah a hem teh, BAWIPA im e Benjamin longkha atunglah kaawm e dawkvah, hlong a buet teh a paung.

³ A tangtho vah Pashhur ni Jeremiah hah a rathap teh Jeremiah ni, BAWIPA ni na min teh Pashhur tet hoeh toe, Magormissabib telah ati toe atipouh.

⁴ Bangkongtetpawiteh, BAWIPA ni hettelah a dei, Khenhaw! nang hoi na huinaw pueng hanelah taki ka tho e lah na coung sak han. A tarannaw hah tahloi hoi a rawp awh vaiteh, na mit hoi na hmu han. Judah tami pueng hah Babilon kut dawk be ka poe han, ahnimouh ni Babilon vah san lah a hrawi awh vaiteh, tahloi hoi a thei awh han.

⁵ Hothloilah, khopui tawntanae, tawk e lahoi a hmu awh e pueng, aphu kaawm e hno pueng, Judah siangpahrang râwnaw pueng hah a tarannaw kut dawk be ka poe han, ahnimouh ni a lawp awh vaiteh, a man awh han, Babilon vah a hrawi awh han.

⁶ Nang Pashhur na imthung kaawmnaw pueng hoi san lah be na toung awh han. Babilon vah na cei vaiteh, haw vah na due han. Haw vah nama hoi na huinaw hai laithoe kapâphonaw pueng hoi pakawp lah be na o awh han telah ati.

Jeremiah thawtawknae dawk min mathoena e

⁷ BAWIPA nama ni na pasawt teh, ka tarawi toe. Nang teh kai hlak na tha a sai teh na tâ. Kanî a loun totouh panuilai lah na dei teh panuikhai e lah ka o.

⁸ Bangkongtetpawiteh, lawk ka dei navah, ka hram teh kâyuekâounnae, pacekpahleknæ telah ouk ka hram. BAWIPA e lawk teh kai hanelah hnintangkuem pathoenæ hoi panuikhai e lah ao.

⁹ Ama teh ka toum mahoe hoi, a min lahoi lawk hai ka dei mahoe hoi, ka ti nakunghai, ka hru thung vah hmisaan patetlah ka lungthin thung vah ouk ao. Kaawm khai thai hoe hoi niteh, ka khang thai roeroe hoe.

¹⁰ Bangkongtetpawiteh, na panuikhai e naw hah ka thai. Avoivang hoi takinae ao. Raipot awh sei, raipot awh han, telah ati awh. Ka tâlaw nahanelah meng ka pawm e ka huikonaw ni, na pasawt thai yawkaw han, hottelah hoi tavai teh a lathueng vah pathung thai han telah ati awh.

¹¹ Hatei, BAWIPA teh athakaawme tami, takikathopoung patetlah kai koe ao. Kai na ka rektapnaw hah a bo awh vaiteh, na tâ awh mahoe hoi. Kayayeirai hoi ao awh han, a lamcawn mahoe hoi dawkvah, a yungyoe a min mathoenæ teh pahnim e lah awm mahoe hoi.

¹² Oe! ransahu BAWIPA, tamikalannaw ka tanouk e, lungthin hoi pouknae ka tapuet lah kahmawtkung, ahnimæ lathueng vah na pathung e hah na hmu sak. Bangkongtetpawiteh, ka kong teh nama koe ka hruek toe.

¹³ BAWIPA koe vah la sak awh nateh, BAWIPA teh pholen awh. Bangkongtetpawiteh, yonæ kasaknaw a kut daw hoi kabawp a ngai e naw hringnæ hah a rungangngang pouh.

Jeremiah e kalung

¹⁴ Ka khenæ hnin teh thoebo lah awm seh, anu ni na khenæ hni teh yawhawinae lah awm hanh seh.

¹⁵ Apa koe vah, capa na tawn telah lawk a phu teh, a lung kahawi sak e hah thoebo lah awm seh.

¹⁶ Ama teh BAWIPA ni pahren laipalah be raphoe e kho patetlah awm seh. Amom lah a pawlawknaw thai e lah awm seh. Kanithun lah hramnæ lawk thai naseh.

¹⁷ Camoim thung vah na thei hoe hoi dawkvah, na thet pawiteh anu von teh kaie phuen lah awm vaiteh, camoim ni pou na von han ei,

¹⁸ Bang kecu daw maw patang hoi lungmathoe hoi o hanelah kayayeirai dueng hoi ka hring thung a hninnaw hno hanelah camoim daw hoi ka tâco telah ati.

21

Zedekiah ni heinae

¹ Babilon siangpahrang Nebukhadnezar ni na tuk toe. BAWIPA ni a lentoenæ hno ouk a sak e patetlah kabawp ngainæ hah ban sak thai mahoe hoi namaw, tie hah BAWIPA koe na het pouh seh, telah dei pouh hanelah,

² siangpahrang Zedekiah ni Melhiah capa Pashhur hoi Maaseiah capa vaihma Zephaniah hah Jeremiah koe vah a patoun. Hatnavah, Jeremiah koe vah, BAWIPA e lawk ka phat e teh hettelah ao.

³ Jeremiah ni, Zedekiah koe vah, hettelah dei pouh awh.

⁴ Isarel Cathut BAWIPA ni hettelah a dei, khenhaw! Babilon siangpahrang hoi Khaldean tami rapan alawilah hoi na kavennaw, tarantuknae puengcang hoi ka ban sak han. Hahoi khopui thung vah, ahnimouh teh ka pâkhueng han.

⁵ Kama roeroe ni ka lungkhueknæ hoi ka lung a onæ hoi ka lungphuennæ kut hoi ka thaonæ hoi ka tuk han.

⁶ Hie kho dawk kho ka sak e taminaw hoi saringnaw hah be ka thei vaiteh, takikathopounge lacik hoi a due aw h han.

⁷ Hahoi teh BAWIPA ni siangpahrang Zedekiah hoi a san, kho louk kaawm e lacik hoi tahloi hoi tangkhang hoi kahloutnaw hah Babilon siangpahrang Nebukhadnezar kut dawk thoseh, a tarannaw e kut dawk thoseh, thei hanelah katawngnaw kut dawk thoseh, ka poe vaiteh, kahranpoung e tahloi hoi a tuk aw h han. Pahrennae tawn laipalah pahlung mahoe h. Lungmanae hai tawn aw h mahoe h telah ati.

⁸ Hahoi tamimaya koevah na dei han, BAWIPA ni hettelah a dei. Khenhaw! duenae lamthung hoi hringnae lamthung hah na hmalah ka hruek.

⁹ Hete khopui thung kaawm e pueng tahloi hoi thoseh, takang hoi thoseh, lacik hoi thoseh, a due aw h han. Hateiteh, a tâco teh nangmouh ka ven e Khaldean taminaw koevah ka kâpoenaw dueng a hring aw h han. A hringnae teh ahnimouh koe poe e phu lah ao han.

¹⁰ Hete khopui hawi nahanelah tho laipalah, a ro nahanelah ka noe e doeh toe. Babilon siangpahrang kut dawk poe lah ao vaiteh, ahni ni hmai hoi a sawi han, telah BAWIPA ni a dei.

Devit imthung koe lawkthuinae

¹¹ Judah siangpahrang imthungnaw kong daw k BAWIPA e lawk hah thai aw h haw.

¹² Oe! Devit imthungnaw, BAWIPA ni hettelah a dei. Hnintangkuem lawkkatang hoi lawkkâceng aw h nateh, pacekpahlek e naw kut thung hoi hnepnaph kâhmo e naw hah ngang aw h, telah nahoe h pawiteh, ka lungkhueknae hah hmai patetlah tâcawt vaiteh, na yon kecu daw k apinihai padout thai laipalah a kak payon han doeh.

¹³ Khenhaw! tanghling daw k kho kasaknaw, nangmouh tanghling daw k kho ka sak e apimaw kaimouh ka o nah koevah, ka kâen han katetnaw, na taran aw h han telah BAWIPA ni a dei.

¹⁴ Hateiteh, na sakyoe e hoi kamcu lah ka rek aw h han. Atu raw vah, ratu daw k hmai ka tâco sak vaiteh, a tengpam pueng koung a kak han telah BAWIPA ni a dei.

22

¹ BAWIPA ni hettelah a dei, Judah siangpahrang im vah cet nateh hete lawk hah dei pouh.

² Oe! Judah siangpahrang Devit e bawitungkhung daw k ka tahung e nang hoi na sannaw hoi, na taminaw hi kâennaw hoi BAWIPA lawk hah thai aw h haw.

³ BAWIPA ni hettelah a dei, kalancalah lawkceng aw h nateh, thoebonae kut daw k hoi a man aw h e naw hah rungngang aw h. Imyin hoi na pa ka tawn hoe h e naw, lahmainaw koe lanhoe hnae hoi pacekpahleknae sak aw h hanh.

⁴ Bangkongtetpawiteh, hete lawk heh na tarawi aw h katang boipawiteh, Devit e bawitungkhung daw k e siangpahrangnaw hoi leng hoi marang kâcui hoi ama hoi a sannaw hoi a taminaw hoi longkha daw k a kâen thai aw h han ei.

⁵ Hatei, hete lawk hah banglahai na ngai aw h hoehpawiteh, hete im heh koung a houng han, telah amahoima thoe a kâbo telah BAWIPA ni a ti.

⁶ BAWIPA ni Judah imthungku koevah, hettelah a dei, nang teh kai hanlah Gilead patetlah hoi, Lebanon mon patetlah doeh na o. Hatei kingdi e kahrawng hoi apinihai a ring hoe h e kho patetlah na coung sak han.

⁷ Nang na kâraphoe hanelah senehmaica sin hoi kâcai han, na rawi e sidar thing hah tâtueng aw h vaiteh, hmai hoi a sawi aw h han.

⁸ Miphun moikapap ni hete kho hah rakan aw h vaiteh, tamipueng ni amae a imri koevah, Cathut ni hete ka lentoe e khopui hah bangkongmaw hettelah khuet a tho sak vai telah ati aw h han.

⁹ Amamae Cathut BAWIPA lawkkamnae hah a ceitakhai aw h teh, alouke cathut a baw k aw h teh, a thaw a taw k pouh aw h dawkvah telah a pathung han.

Shallum han kamthang

¹⁰ Kadoutnaw hah khui aw h hanh, rabui hai rabui aw h hanh. Kahmatnaw hane paleipalang teh puenghoi khuikapkhai aw h. Bangkongtetpawiteh, bout a ban thai hoeh han toung dawkvah, a tâconae ram a hmu hoeh han toung dawkvah.

¹¹ Bangkongtetpawiteh, Judah siangpahrang Shallum Josiah capa, a na pa Josiah yueng lah kaukkung hete hmuen koehoi ka cet e kong dawkvah, BAWIPA ni hettelah a dei, hivah bout ban mahoe toe.

¹² San lah a ceikhinae hmuen koe hawvah a due roeroe han, hete ram heh hmaw t mahoe toe.

Jehoiakim han kamthang

¹³ Lanhoehae lahoi im a sak teh, kalanhoehe lahoi imvannaw a sak teh, a yawn lahoi amahoima, hoi a imri a thayung a hno teh kutphu poe laipalah kaawm e teh lungmathoe hanlah a o.

¹⁴ Im kalenpoung lah imvan tawn e ka sak han. Hlangaw hah ka paawng vaiteh, disar thing hoi be ka sak vaiteh, a rong ka paling e ka hluk vai na ka tet nang, lungmathoe hanlah ao.

¹⁵ Sidar thing hoi houk na sak kecu daw k siangpahrang lah na pouk maw. Na pa niyah, a ca a nei teh, kalanhoehe lah law k a ceng nahoehmaw. Hot teh ama hanlah ahawi ngoun.

¹⁶ Tami roedeng hoi kavouthoupnaw koug ka pouk pouh, hottelah ahawi. Hetheh na panue hane kaw i nahoehmaw, telah BAWIPA ni a dei.

¹⁷ Hatei kâsokâroumnae hoi kayonhoehe theinae hoi, repcoun groe hane hoi, kâutnae dueng hah na mit hoi na lung ni a pouk.

¹⁸ Hatdawkvah, Judah siangpahrang Jehoiakim Josiah capa kong daw k, BAWIPA ni hettelah a dei. Aya! ka hmaunawng ha hoehpawiteh, Aya! ka tawncanu telah khui aw h mahoe. Aya! Ka pâtukung hoehpawiteh, aya! a sungrennae hah telah khui aw h mahoe.

¹⁹ Jerusalem longkha alawilah vah, la pakawp e patetlah a pakawp aw h han.

²⁰ Lebanon mon daw k luen aw h nateh hram aw h. Bashan vah hram aw h haw, Abarim hmuen koe hram aw h. Bangkongtetpawiteh, na huinaw pueng be a due aw h toe.

²¹ Na kuepcing aw h lahunnah, nang koe law k ka dei hane, nang ni ka thai mahoe telah na ti. Ka law k na thai ngai hoeh e heh, na nawca hoi e na nuencang doeh.

²² Kahlî ni nange tukhoumnaw be a ca han. Na huikonaw hah san a toung aw h han. Hottelaho i na hawihoehae daw k kayayeirai phu lahoi na o roeroe hah.

²³ Oe! Lebanon mon daw k kho ka sak ni teh, sidar thing koe tabu katukkung patawnae na lathueng a pha toteh, pahren ka tho kaw i lah na o hanelah ca ka khe e ni pataw a khang e patetlah doeh ao han.

Koniah han kamthang

²⁴ Kai ka hring e patetlah BAWIPA ni a dei. Judah siangpahrang Jehoiakim capa, Koniah teh ka kut aranglae min thutnae kuthrawt lah kaawm nakunghai, hote hmuen koehoi na phawk han.

²⁵ Thei hanelah na katawngkung, mei hmu hanelah na taki e naw kut dawk, Babilon siangpahrang Nebukhadnezar kut hoi Khaldeannaw e a kut dawk na poe awh han.

²⁶ Na khenae kho dawk laipalah, ram alouke dawk nang hoi na kakhenkung na manu heh, na tâkhawng vaiteh hawvah na due han.

²⁷ Hateiteh ban han na ngaipounghae ram dawk na ban mahoehe toe.

²⁸ Hete Koniah heh ka rek e hlaam dudam hane kawi lah awmhoeh na maw. Athung vah ngai hane kawi kaawm hoeh e hlaam nahoehmaw. Bangkongmaw ama hoi a catounnaw alawilah, a tâco sak teh, panue boihoehe e ram dawk tâkhawng e lah ao awh vaw.

²⁹ Oe! talai talai talai, BAWIPA e lawk hah thai haw,

³⁰ BAWIPA ni hettelah a dei. Hete tami heh ca tawn laipalah a hringyung thung vah a lamthung ka cawn hoeh hate tami doeh. Bangkongtetpawiteh, a catounnaw hai apihai a lamcawn niteh, Devit e bawitungkhung dawk tahung hane hoi, Judah kaukung lah awm awh mahoehe telah a ti.

23

BAWIPA hoi tuhu

¹ Kaie saringnaw a pânae hmuen koe e kâkayeisakkung tukhounnaw teh lungmathoe hanelah ao awh, telah BAWIPA ni a dei.

² Hatdawkvah, BAWIPA Isarel Cathut ni ka taminaw ka khom e tukhounnaw kong dawkvah, hettelah a dei, ka saringhu hah na kâkayehe sak awh, na pâlei awh teh, na khenyawn awh hoeh. Khenhaw! na sak awh e yonnae kecu dawk na tho sin han telah BAWIPA ni a dei.

³ Ka saringhu, kacawirae ka saringhu hah ka pâlei ram dawk hoi ka pâkhueng vaiteh, ngai ka tho poung e a paw ka paw e lah awm awh vaiteh, a pungdaw awh han.

⁴ Ahnimouh ka kawk hane tukhounnaw hah ka pouk pouh han, taki puenna awm hoeh toung vaiteh, kângairu awh mahoehe toe. Kahmat e hai awm mahoehe toe, telah BAWIPA ni a dei.

Devit cakang

⁵ Khenhaw! Devit hanelah kalan e cakang ka kangdue sak hane atueng hah a pha tawmlei toe, telah BAWIPA ni a dei. Siangpahrang buet touh ni a uk vaiteh, a hmacawn han, talai van lawkcengnae hoi lanna e kuep sak han.

⁶ Ahnima e tueng nah Judah teh, rungngang lah ao vaiteh, Isarel teh karoumcalah ao han. Hahoi, a min teh BAWIPA teh kaimae lanna e tie lah ao han.

⁷ Hatdawkvah, khenhaw! atueng a pha tawmlei, BAWIPA ni ati. Isarel naw Izip ram hoi ka tâcawtkhaikhung BAWIPA teh a hring e patetlah tet awh mahoehe toe.

⁸ Tung lae ram hoi a pâleinae ramnaw thung hoi Isarel imthung a tâcokhai teh, bout kabankhaikhung BAWIPA a hring e patetlah tet awh vaiteh amamae ram dawk khosak awh han.

⁹ Profetnaw kecu dawk ka lungthin thung vah a rek. Ka hrnaw hai koug kâhuet, yamu ka parui e tami patetlah doeh ka o, BAWIPA hoi kathounge a lawk kecu dawk yamu ni rektap e patetlah ka o.

¹⁰ Bangkongtetpawiteh, ram teh uicuknae hoi a kawi teh, thoebo e kecu dawk ram ni a khui awh. Kahrawng hmuen kahawi pueng koug a ka toe. A hringnae lamthung hah a payon teh, a thaonae hai lan hoeh.

¹¹ Bangkongtetpawiteh, profetnaw hoi vaihmanaw ni CATHUT hah bang lah noutna awh hoeh. Hawihoehnae naw hah ka imthung vah ka hmu telah BAWIPA ni a dei.

¹² Hatdawkvah, a lamthung pueng teh khohmo vah ka pâhnan e lamthung patetlah ao han. Hote lamthung dawk pâlei e lah awm vaiteh, ka pâhnan e dawk koug a rawp awh han. Bangkongtetpawiteh, ahnimouh lathueng vah kathoute reknae hah ka pha sak han, telah BAWIPA ni a dei.

¹³ Samaria profetnaw dawkvah, panuetho e hah ka hmu, Baal kampang lahoi lawk hah a dei awh teh, Isarelnaw hah lampaihei lah a ceikhai awh.

¹⁴ Jerusalem e profetnaw dawk hai takitho poung e hno hah ka hmu, a uicuknae dawk a luen awh teh, laithoe hoi kho a sak awh. Apihai a thoenae dawk hoi a ban awh hoeh nahanelah, yonnae kasaknaw e kut hah a thao sak awh. Kai hanelah teh Sodom khonaw patetlah doeh ao. A kho thung e taminaw pueng hai Gomorrah kho e taminaw hoi a kâvan awh.

¹⁵ Hatdawkvah, profetnaw kong dawk ransahu BAWIPA ni hettelah a dei, khenhaw! amamae cai kakhat hoi ka kaw k vaiteh, kakhat e tui hah ka nei sak han. Bangkongtetpawiteh, Jerusalem e profetnaw kecu dawk ram thung pueng dawk CATHUT taki teh bari hoeh nae hah a tâco.

¹⁶ Ransahu BAWIPA ni hettelah a dei, profet ni nangmouh koe a dei awh e lawk hah ngai pouh hanh awh. Bang hoeh e hah na cangkhai awh. BAWIPA e pahni dawk hoi ka tâcawt e nahoe h niteh, amamae lungpouk e hah ouk a dei awh.

¹⁷ Kai na kadudamnaw koe vah, roumnae ka hmu awh han, BAWIPA ni ati, telah pout laipalah rek a dei awh. Amamae lungthin thung a ngai hawi e patetlah kacetnaw koe vah, thoenae nangmae lathueng vah phat mahoe telah ati awh.

¹⁸ Bangkongtetpawiteh, BAWIPA khokhangnae hah apimaw ka hrawk boi, a lawk daw k hoi kapanuekkung apimaw kaawm. Hoeh pawiteh, a lawk teh lawkpui lah pouk teh apinimaw a thai boi vaw.

¹⁹ Khenhaw! ka patawpoung katang e, bongparui BAWIPA lungkhueknae bongparui hah a tâco toe, tamikathoutnaw e lû daw k ka patawpoung e lah a bo han.

²⁰ BAWIPA lungkhueknae teh ban mahoe h, a lungthung a noe tangcoung e teh, a kuep sak vaiteh, a cum hoehroukrak ban mahoe toe. A hnuktengpoung e hnin ka kuepcalah na panue awh han doeh.

²¹ Profet patoun ngai laipalah a yawng awh, ahnimouh koe ka dei pouh hoeh hai lawk a dei awh.

²² Kaie khokhannae daw k awm van pawiteh, ka lawk heh ka taminaw koe pâpho van vaiteh, a yonnae daw k hoi pankângai awh han ei.

²³ Kahlal lah kaawm e CATHUT nahoe h niteh, a hnaicanae koe kaawm e CATHUT lah maw ka o, telah BAWIPA ni a dei.

²⁴ Ka hmu thai hoeh nahanlah ka kâhrawk thai e ao awh maw, telah BAWIPA ni a dei. Talai hoi kalvan daw k a kawi nahoe hmaw, telah BAWIPA ni a dei.

²⁵ Mang ka mang, mang ka mang ti teh ka min lahoi laithoe ka dei e profetnaw ni dei e lawk hah ka thai.

²⁶ Laithoe ouk ka dei e profet a ma hoi a lungthin a kâdum teh lawk ouk ka dei e lungthin dawk nâtotouh maw ao han.

²⁷ Ahni ni a imri koe a mang lah a dei pouh teh, a napanaw ni Baal kecu dawk ka min a pahnim e patetlah ka taminaw hah ka min pahnim sak hanelah a kâcai awh.

²⁸ Mang ka tawn e profet ni a mang hah dei naseh, kaie lawk ka tawn e profet ni kaie lawk hah yuemkamcu lah dei naseh, cahik hoi cahuem ni bangne kâvannae a tawn, telah BAWIPA ni a dei.

²⁹ Ka lawk teh hmai patetlah talung rekkâbawng lah ka dêi thai e cakkin patetlah awm hoeh namaw, telah BAWIPA ni a dei.

³⁰ Hatdawkvah, thai awh haw! kaie lawk ouk ka parawt e profet hah ka taran doeh, telah BAWIPA ni a dei.

³¹ Khenhaw! a lai ka pâhnan e profet BAWIPA ni a dei, ka tet e hah ka taran doeh, telah BAWIPA ni a dei.

³² Khenhaw! a mang hah laithoe a dei teh, kâhat laipalah a dei awh e laithoe lahoi, lam teng lah ka taminaw kacetsakkung, profet hah ka taran doeh telah BAWIPA ni a dei. Hateiteh, ahnimouh ka patoun teh kâ ka poe hoeh. Hatdawkvah, taminaw hawinae poe kalawn hoeh, telah BAWIPA ni a dei.

BAWIPA e arulawk

³³ Tamimaya thungup hoi thoseh, profetnaw thung hoi thoseh, vaihmanaw thung hoi thoseh, BAWIPA ni a pâpho e bangne telah na pacei awh pawiteh, hettelah na dei pouh han, bang lawk pâpho e maw, nangmanaw totouh na ceitakhai awh han, telah BAWIPA ni a dei.

³⁴ Profet thoseh, vaihma thoseh, tami buetbuet touh thoseh, BAWIPA e pâpho lawk ao ka tet e tami awm pawiteh, hote tami hoi a imthung hah kai ni ka rek han.

³⁵ Hottelah tami bangpatet nihai, a imri thoseh, a hmaunawngaha koe thoseh, BAWIPA ni bangtelamaw a pathung, BAWIPA ni bangne a dei telah a pacei awh han.

³⁶ BAWIPA ni a pâpho e doeh katetkung hah teh, na dei awh mahoeh toe. Bangkongtetpawiteh, tami bangpatet hai amae lawk hah ama hanelah a pâpho e lah kaawm han.

³⁷ Profet koevah, BAWIPA ni bangtelamaw na pathung, BAWIPA ni bangmaw a dei, na ti pouh han.

³⁸ Nangmouh ni BAWIPA e pâpho lawk doeh na ti awh dawkvah, BAWIPA ni a dei e teh, BAWIPA e pâpho lawk ao na ti awh hoeh nahanlah, kai ni kâ na poe awh eiteh, nangmouh ni BAWIPA e pâpho lawk ao na ti awh e lawk na hno awh dawkvah,

³⁹ thaihaw! betbet na sawn awh han. Kai koe na onae koehoi na tâkhawng awh han, nangmouh hoi na khopui, nangmouh koe thoseh, na mintoenaw koe thoseh, na poe awh e hoi,

⁴⁰ a yungyoe pathoenae hoi kayayeirai pahnim thai e lah kaawm hoeh e hah nangmouh koe ka pha sak han.

24

Thai paw bom kahni touh bangnuenae

¹ Babilon siangpahrang Nebukhadnezar ni, Judah siangpahrang Jekoniah, Jehoiakim capa, Judah kahrawikung, kutsakthoumnaw hoi sumdeithoumnaw hoi Jerusalem hoi Babilon lah a ceikhai awh hnukkhu, BAWIPA

ni a pátue teh, khenhaw! thaibunglung paw bom kahni touh heh BAWIPA e bawkim e hmalah a pátung aw h.

² A bom buet touh daw k thaibunglung paw kahawipoung e, thaibunglung paw ka hmin pasuek e patet e hah ao. A bom alouk lae daw k teh, thaibunglung paw kahawihoehe ca hanelah kamcu hoe h totouh kahawihoehe hah ao.

³ BAWIPA ni kai koevah, bangne na hmu, Jeremiah telah ati. Kai ni thaibunglung paw kahawipoung e hoi kahawihoehe cakawi hoe h e telah ka ti.

⁴ BAWIPA e lawk hah kai koe a pha teh,

⁵ BAWIPA Isarel Cathut ni hettelah a dei, san ka toung e Judahnaw, Khaldean ram daw k ahawi aw h nahanelah ka patoun e naw hah hete kahawi e thaibunglung paw patetlah ka khet han.

⁶ Bangkongtetpawiteh, ahawi aw h nahan ahnimae lathueng ka mit ka hreak vaiteh, hete ram daw k na bankhai aw h han, ahnimouh ka pathung vaiteh, ka raphoe mahoe h toe, ka ung vaiteh, ka phawng mahoe h toe.

⁷ BAWIPA lah ka o thainae panuethainae lungthin hah ka poe han. Ka tami lah ao aw h vaiteh, ahnimae Cathut lah ka o han. Bangkongtetpawiteh, a lungthin abuemlahoi kai koe bout a ban aw h han.

⁸ BAWIPA ni hettelah a dei, thaibunglung paw kahawihoe h e, ca han kamcu hoe h totouh kahawihoehe patetlah Judah siangpahrang Zedekiah hoi kahrawikungnaw hoi Jerusalem e kacawirae hete ram daw k kaawmnaw hoi Izip daw k kho ka sak e hah ka hnamthun takhai roeroe han.

⁹ Ka rucut poung lahoi talai uknaeram tangkuem daw k dudam hane ka hreaknae ram pueng koe pahnawt, pacekpahlek, yue han hoi thoeho e lah ao nahanlah ka poe han.

¹⁰ Amamouh hoi a mintoenaw koevah, ka poe e ram thung hoi a thup aw h totouh, ahnimouh koe tahloi, takang, hoi lacik ka patoun han telah BAWIPA ni ati.

25

Kum 70 thung santoungnae

¹ Judah siangpahrang Jehoiakim, Josiah capa a bawinae kum pali nah, Judah taminaw pueng kong daw k Jeremiah koe ka tho e lawk teh: hatnae tueng Babilon siangpahrang Nebukhadnezar a bawinae a kum pasueknae doeh.

² Hote lawk teh profet Jeremiah ni Judahnaw pueng hoi Jerusalem kaawmnaw pueng koevah, a dei e doeh.

³ kum 23 touh thung Judah siangpahrang Josiah Ammon capa a bawinae kum 13 hoi sahnin totouh BAWIPA e lawk teh a tho. Amom ka thaw teh nangmouh koe ouk ka dei ei, na thai ngai aw h hoe h.

⁴ BAWIPA ni nangmouh koe a thaw katawkkung profet pueng a patoun toe, amom a thaw aw h teh, a patoun. Hatei, na thai ngai aw h hoe h. Thai hanelah na hnâpakeng ngai aw h hoe h.

⁵ Hote profetnaw ni tami pueng mae yonnae lam hoi a tawksak aw h e hawihoe hnae hah pankângai vaiteh, BAWIPA ni nangmouh koe hoi napanaw koe vah a yungyoe hanelah na poe aw h e ram daw kvah khosak aw h.

⁶ Ahnimae cathut baw k hane hoi thaw taw k pouh hanelah kâbang hanh aw h. Hahoi na kut hoi na sak e hoi ka lungkhue k sak hanh aw h. Hat pawiteh, patawnae na poe aw h mahoe h, telah ouk ati aw h.

⁷ Hateiteh, nangmouh pataw nahanelah, na kut thawtawknae ni ka lungkhuek sak teh, na tarawi ngai awh hoeh, telah BAWIPA ni ati.

⁸ Hatdawkvah, ransahu BAWIPA ni hettelah a dei, ka lawk na tarawi ngai awh hoeh dawkvah,

⁹ kenhaw! atunglae imthung pueng hah ka patoun vaiteh, koug ka la han, telah BAWIPA ni ati. Ka san Babilon siangpahrang Nebukhadnezar hai, ram dawk ka tho sak vaiteh, ahni ni hete ram hoi hete ram thung kaawmnaw hoi hitapat kaawm e miphun pueng tuk hanelah ka thokhai han. Koug ka raphoe vaiteh, kângairu hane hoi, pathoe vaiteh raphoe yungyoe e lah ka coung sak han.

¹⁰ Ahnimouh thung vah nawmnae hoi lunghawilawknaw kamthang, yuvâ kâpaluennae pawlawk hoi, paang e hmaiang hah ka la pouh han.

¹¹ Hete ram pueng hah koug a rawk han, hahoi hete miphun ni Babilon siangpahrang e thaw hah kum 70 touh a tawk awh han.

¹² Hahoi kum 70 touh a baw toteh, Babilon siangpahrang hoi hote miphun hoi Khaldeannaw e ram teh, a yon awh kecu dawkvah, ka rek vaiteh, a yungyoe ka raphoe han, telah BAWIPA ni ati.

¹³ Hahoi ram lathueng vah, ka dei e lawk pueng, Jeremiah ni miphun pueng lathueng vah a dei e, hete cauk thung thut e pueng hah ka kuep sak han.

¹⁴ Bangkongtetpawiteh, miphun kuep hoi ka lentoe e siangpahrangnaw ni, amamouh thung hoi a ngai awh e hah a rawi awh vaiteh, a sak awh e hoi a tawk awh e patetlah moi ka pathung han.

Miphunnaw koe lawkcengnae

¹⁵ Isarel Cathut BAWIPA ni kai koe hettelah a dei, Ka kut dawk kaawm e lungkhueknae manang hah lat nateh, ka patoun hane miphun hah pânei haw.

¹⁶ A nei awh vaiteh, rawrawcu awh han. Ahnimouh koe ka patoun hane tahloi kecu dawkvah, lungmuenti awh han, telah ati.

¹⁷ BAWIPA kut dawk e manang hah ka la teh, BAWIPA ni a patoun e miphunnaw ka pânei.

¹⁸ Hotnaw teh hetnaw hah doeh. Jerusalem hoi Judah khopui, haw e siangpahrangnaw hoi kahrawikungnaw, raphoena e hoi kângairu hane hoi lawkthoe hoi thoebonae lah ao nahanelah, atu e a nuencangnaw hah,

¹⁹ Izip siangpahrang Faro hoi a ransa kahrawikungnaw hoi a taminaw pueng,

²⁰ ahni hoi kambawng e Jentelnaw pueng, Uz ram dawk e siangpahrangnaw, Filistin ram e siangpahrangnaw pueng, Askelon, Gaza. Ekron, hoi Asdod kaawm e siangpahrang,

²¹ Edom hoi Moab, Ammon catounnaw,

²² Taire siangpahrang pueng hoi Zidon siangpahrangnaw pueng, tuiptui teng siangpahrangnaw pueng hoi,

²³ Dedan, Tema, Buz hoi ahlanae koe kaawmnaw pueng,

²⁴ Arabia siangpahrangnaw pueng, ramke khosak e miphun kambawng e siangpahrang pueng,

²⁵ Zimri siangpahrangnaw pueng, Elam siangpahrangnaw pueng, Media siangpahrangnaw pueng,

²⁶ atunglae siangpahrangnaw pueng, ahla a hnai a kâtarui awh e patetlah talai uknaeram pueng hah a nei awh hnukkhu, Sheshak siangpahrang ni a nei han.

²⁷ Ahnimouh koe, ransahu BAWIPA, Isarel Cathut ni hettelah a dei. Net aw h nateh, parui aw h. Palawt aw h nateh rawm aw h. Thaw aw h hanh lawih. Bangkongtetpawiteh nangmouh koe ka patoun hane tahloi kecu dawkvah, na ni pouh han.

²⁸ Hahoi na kut daw k e manang nei hane heh lat ngai aw h hoehpawiteh, ahnimouh koe hettelah na dei pouh han. Ransahu BAWIPA ni hettelah a dei, na nei roeroe han

²⁹ Bangkongtetpawiteh, ka min lahoi kaw e khopui daw k, thoena e sak hanlah ka kamtawng teh, nangmouh rek laipalah ka o han na maw, rek laipalah na aw m aw h mahoe h. Bangkongtetpawiteh, talai van khosaknaw pueng koe vah, tahloi ka palik han, telah ransahu BAWIPA ni a dei.

³⁰ Hatdawkvah, ahnimouh taran lahoi, hete lawk pueng pâpho nateh, ahnimouh koe vah, BAWIPA teh hmuenrasang koehoi a hram han. Khosaknae hmuen kathing koehoi a lawk a tâco han. A rapan taranlahoi puenghoi a hram han. Misur katinkung patetlah talai van kaawm pueng taranlahoi a hram han.

³¹ Talai poutouh, pawlawk a kamthang han. Bangkongtetpawiteh, BAWIPA ni mip hun a taran teh, moithang pueng lathueng lawkceng han. Tamikathout teh tahloi koe a poe han, telah BAWIPA ni a dei.

³² Ransahu BAWIPA ni hettelah a dei, khenhaw! thoena e ni mip hun pueng a katin han. Katangpoung e kahlî talai poutnae koehoi a tho han.

³³ Hat hnin vah BAWIPA ni a thei e naw hah talai poutnae koehoi talai poutnae koe totouh a kâyat vaiteh, talai daw k eitaboung patetlah ao aw h han.

³⁴ Tukhoumnaw hramki aw h nateh, kap aw h. Nangmae tuhu thung e kahrawikungnaw hai paleipaluet aw h. Bangkongtetpawiteh, thei nahane hnin hoi na kâkapek nahane hnin teh a pha katang toe. Ka sungren e hlaam patetlah na rawp aw h han.

³⁵ Tukhoumnaw hanlah yawng nahane hmuen aw m mahoe h. Tuhunaw thung daw k kahrawikungnaw nihai, roun nahane lamthung tawn aw h mahoe h.

³⁶ Tukhoumnaw khuinae pawlawk hoi tuhunaw thung daw k hoi kahrawikungnaw hramnae pawlawk hah thai e lah ao han. Bangkongtetpawiteh, BAWIPA ni a pawngpanae ramhringnaw heh a raphoe pouh teh,

³⁷ kalenpoung e BAWIPA lungkhueknae kecu daw kvah, duem ao nahane hmuen hai he a raphoe.

³⁸ Sendek patetlah a kâhrona e hmuen a tâco takhai toe. Bangtelamaw, ka mathengpoung e ni repcoungrona e hoi ka mathengpoung e a lungkhueknae kecu daw kvah amamae ram kingdi toe telah ati.

26

Duena e daw k hoi Jeremiah rungngang lah a o

¹ Judah siangpahrang Josiah capa Jehoiakim a bawinae kamtawng nah hete lawk BAWIPA koe hoi a tho.

² BAWIPA ni hettelah a dei, BAWIPA e im thongma daw k kangdout haw, Judah khopuinaw pueng ni Cathut baw k hanlah BAWIPA e im daw k kathonaw pueng koe dei hanlah na poe e lawknaw hah buet touh hai pâhma laipalah dei pouh.

³ Yonna e sak aw h daw kvah ahnima e lathueng thoena e sak hanlah ka kâcai e let ka kâhno thai nahanlah tamipueng ni a yona e hah kamlang takhai teh, thai hanlah a ngai thai yawkaw han doeh.

⁴ Nang ni ahnimouh koevah, BAWIPA ni hettelah a dei, kaie lawk na thai ngai awh hoeh teh, nangmae hmalah ka ta e kâlawnaw tarawi ngai hoeh dawkvah,

⁵ amom ka thaw teh ka patoun e ka thaw ka tawk e profetnaw e lawk hah banglahai noutna awh hoeh pawiteh,

⁶ hete im heh Shiloh patetlah ka o sak vaiteh talai van e miphunnaw pueng ni thoebo e khopui lah ka coung sak han, telah na ti han, telah ati.

Jeremiah a man awh

⁷ Vaihmanaw hoi profetnaw hoi tamimaya ni BAWIPA im dawk Jeremiah ni a dei e lawk hah a thai awh.

⁸ Hahoi hettelah o, tamimaya koe dei hanelah BAWIPA ni a poe e lawknaw pueng he a dei hnukkhu vaihma, profet hoi tamimaya ni, a man awh teh na due roeroe han!

⁹ Bangkongmaw BAWIPA e min lahoi, hete im heh Shiloh patetlah ao vaiteh hete khopui dawk tami awm laipalah kingdi han telah na dei, telah ati awh. Hattoteh BAWIPA e im dawk taminaw pueng ni Jeremiah teh a cusin awh.

¹⁰ Judah kahrawikungnaw ni hete kong a thai awh toteh siangpahrang im dawk e BAWIPA e im longkha katha koe a tahung awh.

¹¹ Vaihma hoi profetnaw ni kahrawikungnaw hoi tamihu koe, hete tami he due hanlah a kamcu. Bangkongtetpawiteh, hnâ hoi na thai e patetlah hete khopui taranlahoi a pâpho toe, telah ati awh.

¹² Kahrawikungnaw pueng hoi taminaw pueng koe Jeremiah ni, lawknaw pueng na thai awh e patetlah, hete im hoi khopui raphoe hane kong dei hanelah BAWIPA ni na patoun.

¹³ Hatdawkvah, atu na hringnuen hoi na khosaknae hah pathoup awh nateh BAWIPA Cathut e lawk hah yuem awh, telah pawiteh, BAWIPA ni nangmae lathueng hawihoehnae pha sak hanlah a pâpho tangcoung e hah bout a kâhno han.

¹⁴ Kai hah teh, atu nangmae kut dawk ka o, a lan, ahawi na ti awh e patetlah, kaie lathueng vah sak awh.

¹⁵ Kai na thet payon awh pawiteh namamouh hoi hete khopui hoi athung kaawmnaw pueng koe yonnae kaawm hoeh e thipaling na pha sak awh tie hah panuek awh. Atangcalah hete lawknaw heh na hnâthai awhnae koe dei hanelah BAWIPA ni na patoun e doeh, telah ati.

Jeremiah a hlout

¹⁶ Hat toteh, kahrawikungnaw hoi tamimaya ni, vaihma hoi profetnaw koevah, hete tami heh due hanelah kamcu hoeh, bangkongtetpawiteh, BAWIPA maimae Cathut min lahoi maimouh koe lawk a dei toe, telah ati awh.

¹⁷ Hote ram dawk e kacuenaw a kangdue awh teh, tamimaya koevah,

¹⁸ Mikah Morashtite tami ni Judah siangpahrang Hezekiah a bawi navah lawk a pâpho, hahoi Judah taminaw pueng koe, ransahu BAWIPA ni hettelah a dei. Zion teh laikawk patetlah thawn e lah ao han, Jerusalem teh songnawng lah o vaiteh, bawkim mon teh ratu hmuenrasang patetlah ao han, telah ati.

¹⁹ Judah siangpahrang Hezekiah hoi Judah taminaw pueng ni ahni hah a thei awh maw. BAWIPA taki lahoi BAWIPA ni ngaikhainae doeh a pacei awh teh, BAWIPA ni ahnimae lathueng hawihoehnae pha sak hane hah bout a kâhno nahoehmaw. Hatei, maimouh teh kalenpoung hawihoehnae hah mamouh taranlahoi sak awh.

Profet Uriah

²⁰ Hahoi alouke tami BAWIPA e min lahoi lawk ka dei e Kiriath tami Shemaiah capa Uriah hah bout ao. Jeremiah ni a dei e naw patetlah hete ram hoi khopui raphoe hane kong hah a dei.

²¹ Siangpahrang Jehoiakim hoi athakaawme taminaw hoi kahrawikung-naw pueng ni a thai aw hotoh, siangpahrang ni thei hanelah a kâcai. Hatei, Uriah ni a thai toteh a taki teh Izip ram lah a yawng.

²² Hahoi siangpahrang Jehoiakim ni Izip ram lah Akbor capa Elnathan hoi alouke taminaw hoi a patoun.

²³ Izip ram daw k hoi Uriah a tâcokhai aw hotoh siangpahrang Jehoiakim koevah a thokhai aw hotoh, ama ni thaloi hoi a thei teh a ro hah lam teng mathoenaw e phuen daw k a tâkhawng, telah ati aw hotoh.

²⁴ Hatei, Shaphan capa Ahikam ni Jeremiah a kampangkhai dawkvah, thei hanelah tamimaya e kut daw k poe hoeh.

27

San hoi kahnam bangnuae

¹ Judah siangpahrang Josiah capa Zedekiah abawinae kamtawng pasuek nah, BAWIPA koehoi hete lawk teh a pha.

² BAWIPA ni kai koe hettelah a dei. Kahnam hoi a rui hah na lahuen daw k bang.

³ Edom siangpahrang, Moab siangpahrang, Taire siangpahrang, Zidon siangpahrang naw koevah, Judah siangpahrang Zedekiah koe patounenaw Jerusalem vah ka tho e kut daw k patawn.

⁴ A bawipanaw koe dei hanelah kâ a poe, hettelah Isarel Cathut, ransahu BAWIPA ni a dei. Hettelah na bawipanaw koe na dei pouh han.

⁵ Kalenpoung ka hnotithainae hoi kut ka dâw teh, talai hoi tami hoi talai van e saringnaw phunkuep hah ka sak, poe hanlah ka pouk e naw koe kâ poe.

⁶ Atu hai thohoh, ka thaw ka taw k e Babilon siangpahrang Nebukhadnezar e kut daw k hete ramnaw pueng teh kâ poe toe. Kahrawngum e saringnaw hai ahnie thaw taw k hanelah kâ poe toe.

⁷ Ahnie uknae rawknae koe pha hoehnahlan teh, miphunnaw pueng ni ama hoi a capanaw hoi a mincanaw e thaw a taw k pouh aw hotoh. Hathnukku miphun kapap, kalenpoung siangpahrangnaw ni ahni teh san lah a coung sak aw hotoh.

⁸ Hahoi, Babilon siangpahrang Nebukhadnezar e kahnam ka phawt ngai hoeh e, a thaw ka taw k ngai hoeh e miphun hoi uknaeram teh thaloi hoi thohoh, takangnae hoi thohoh, lacik hoi thohoh ahnie kut daw k hoi raphoe hoe roukrak, ahnimanaw teh ka rek han.

⁹ Hatdawkvah, namamae profet, khueyue, mangkamangnaw, kutkhetkathoum, taânkasinaw, Babilon siangpahrang e thaw na taw k aw hotoh telah ka dei e naw hah tang pouh hanh aw hotoh.

¹⁰ Na ram daw k hoi ahlapoungnae koe na ceikhai thai nahanelah nangmouh koe laithoe kapâphonaw doeh, ka pâlei vaiteh he a kahma aw hotoh.

¹¹ Hatei, Babilon siangpahrang e kahnam ka phawt ni teh a thaw taw k hane ka ngai e tami teh amamae ram daw k bout ka o sak han, laikaw k kanaw k aw hotoh vaiteh haw vah kho pou a sak aw hotoh, telah BAWIPA ni a dei.

¹² Judah Siangpahrang Zedekiah koehoi hete lawknaw pueng ka dei pouh. Babilon siangpahrang e kahnam phawt awh nateh ama hoi a taminaw e thaw tawk nateh hring awh.

¹³ Babilon siangpahrang e thaw ka tawk ngai hoeh e mipunnaw kong dawk BAWIPA ni a dei tangcoung e hah bangkongmaw tahloi hoi lacik dawk nama hoi na taminaw hah a due awh han vaw.

¹⁴ Hatdawkvah nangmouh koe, Babilon siangpahrang e thaw tawk pouh hanh awh telah, ka dei e profetnaw e lawk hah yuem hanh awh. Bangkongtetpawiteh, nangmouh koe laithoe doeh a pâpho awh.

¹⁵ Bangkongtetpawiteh, ahnimouh kai ni ka patoun hoeh, hatei, nangmouh hoi nangmouh koe lawk ka pâpho e profet hah ka pâlei vaiteh na kahma awh nahan kaie min noe lahoi laithoe a pâpho awh, telah BAWIPA ni a dei.

¹⁶ Vaihmanaw hoi tamihunaw pueng koehai, BAWIPA ni hettelah a dei, nangmouh koevah, khenhaw Babilon hoi BAWIPA im dawk e hnopainaw teh bout a thokhai awh han, telah a dei e profetnaw e lawk hah yuem awh hanh. Bangkongtetpawiteh, nangmouh koe laithoe kadeinaw doeh.

¹⁷ Ahnima e lawknaw hah tarawi pouh hanh awh, Babilon Siangpahrang e thaw tawk awh nateh, hring awh, bangkongmaw he e khopui teh a rawk han vaw.

¹⁸ Hatei profet lah ao awh teh BAWIPA im hoi Judah siangpahrang im hoi Jerusalem e hnopai cei takhai e hah Babilon vah phakhai hoeh nahanlah ransahu BAWIPA koe pacei awh naseh.

¹⁹ Bangkongtetpawiteh, ransahu BAWIPA ni khom karasang e hoi rahum tuium hoi pâhungnae hete khoi dawk kaawm rae hnopainaw hoi,

²⁰ Babilon siangpahrang Nebukhadnezar ni Judah siangpahrang Jehoiakim hoi Judah hoi Jerusalem e kacuenaw pueng Jerusalem hoi Babilon lah san lah a ceikhai teh kaawm rae kong teh hettelah a dei.

²¹ Ransahu BAWIPA, Isarel Cathut ni, BAWIPA e im hoi Judah siangpahrang e im hoi Jerusalem e hnopai kaawm rae kong dawk hettelah a dei.

²² Babilon lah ceikhai lah kaawm hane, ahnimouh ka hloe hoehnahan teh, haw vah o awh han. Hahoi bout ka la vaiteh hete hmuen koe bout ka ta han, telah BAWIPA ni a dei.

28

Hananiah e laithoe lawk

¹ Judah Siangpahrang Zedekiah abawinae kum pali, thapa yung panga nah, profet Hananiah, Azzur capa, Gibeon tami ni, vaihmanaw hoi taminaw koevah BAWIPA e im dawk na pato teh kai koe,

² ransahu BAWIPA, Isarel Cathut ni hettelah a dei, Babilon Siangpahrang e kahnam teh ka kâkhoe sak toe.

³ A kum kum hni touh thung BAWIPA e im dawk e hnopai Babilon siangpahrang Nebukhadnezar ni hete hmuen koehoi a la teh Babilon lah a ceikhai e hah, hete hmuen koe bout ka bankhai han.

⁴ Hete hmuen koevah Judah siangpahrang Jehoiakim capa Jekoniah hoi Babilon lah ka cet e Judah tami santoung e naw pueng hah bout ka bankhai han, bangkongtetpawiteh, Babilon siangpahrang e kahnam hah ka khoe han, telah BAWIPA ni a dei telah ati.

⁵ Profet Jeremiah ni vaihmanaw hoi BAWIPA e im dawk kangdout e taminaw hmalah profet Hananiah koevah,

⁶ profet Jeremiah roeroe ni, Amen! hottelah BAWIPA ni sak katang naseh. BAWIPA im dawk e hnopainaw hoi san lah ceikhai e taminaw pueng hah Babilon hoi hete hmuen koe bout bankhai hanlah na pâpho e dawk BAWIPA ni sak katang seh.

⁷ Hatei, rangpuinaw hoi na hnâthainae koe ka dei e lawk hah thaihaw.

⁸ Kai hoi nang hoehnahlan, yampa e profetnaw ni ram moikapap e lathueng hoi kalenpounge uknae dawk tarantuknae, hawihoehnae hoi lacik kongnaw ouk a dei aw.

⁹ Rounnae lawk ka pâpho e profet kong daw, profet lawk a pha toteh hote profet teh, BAWIPA ni a patoun e doeh tie hah panue lah o han doeh, telah atipouh.

¹⁰ Hahoi profet Hananiah ni profet Jeremiah e lahuen daw e kahnam hah a la teh a khoe.

¹¹ Rangpuinaw hmalah Hananiah ni, hettelah BAWIPA ni a dei, hettelah Babilon siangpahrang Nebukhadnezar e kahnam teh kum hni touh thung roeroe vah miphunnaw e lahuen daw kâkhoe sak han telah ati. Hahoi profet Jeremiah ni a ceitakhai.

¹² Profet Hananiah ni profet Jeremiah lahuen daw e kahnam a khoe pouh hnukkhu Jeremiah koe BAWIPA e lawk a pha.

¹³ Cet nateh Hananiah koevah hettelah dei pouh. Hettelah BAWIPA ni a dei, thing kahnam na khoe e yueng lah sumkahnam na sak han atipouh.

¹⁴ Bangkongtetpawiteh, hettelah Isarel Cathut, ransahu BAWIPA ni a dei, Babilon siangpahrang Nebukhadnezar e thaw taw thai aw nahan, hete hah miphunnaw pueng heh sumkahnam, phu sak lah ao. Ahni e thaw a taw aw han, kahrawng moithangnaw hai ahni ka poe toe, telah ati.

¹⁵ Profet Jeremiah ni profet Hananiah koevah, thaihaw, Hananiah, BAWIPA ni na patoun e nahoe, hatei hete taminaw hah laithoe na yuem sak.

¹⁶ Hatdawkvah, hettelah BAWIPA ni a dei, kenhaw, talai daw hoi na takhoe han. BAWIPA taranlahoi taranthawnae na cangkhai dawkvah takum daw na due han atipouh.

¹⁷ Hahoi, hatnae kum daw, thapa yung sari nah profet Hananiah teh a due.

29

Jeremiah ni ca patawn e

¹ Profet Jeremiah ni Jerusalem vah san lah kaawm rae kacuenaw, vaihma hoi profet, Nebukhadnezar ni Jerusalem hoi Babilon lah a ceikhai e naw thung daw hoi kaawm rae naw koe ca a patawn e teh,

² siangpahrang Jekoniah hoi siangpahrangnu, tuenlanaw, Judah tami, Jerusalem kaukung, kutsakkathoumnaw hoi sumdeinaw ni Jerusalem a tâco takhai aw hnukkhu.

³ Saphan capa Eleasah hoi Hilikiah capa Gemariah tinaw e kut daw a patawn. Hotnaw teh Judah siangpahrang Hezekiah ni Babilon ram lah Babilon siangpahrang Nebukhadnezar koe a patoun e naw doeh.

⁴ Ransahu BAWIPA, Isarel Cathut ni san lah ceikhai e naw pueng, Jerusalem hoi Babilon lah san lah a ceisak e naw pueng koe hettelah a dei.

⁵ Im sak aw nateh haw vah khosak aw. Takha sak aw nateh a pawnaw cat aw.

⁶ Yu lat awh nateh canunaw capanaw tawn awh. Hottelah canu capa tawn thai nahanlah na capanaw hanlah yu paluen pouh awh, haw vah takangnae awm laipalah pungdaw awh.

⁷ San lah na osaknae khopui hanelah roumnae tawng awh nateh BAWIPA koe het awh. Bangkongtetpawiteh roumnae koe roumnae na hmu awh han.

⁸ Ransahu BAWIPA, Isarel Cathut ni hettelah a dei, nangmouh thung e profetnaw hoi camkathoumnaw ni na dumyen hanh naseh. mangkamangnaw yuem pouh hanh awh.

⁹ Bangkongtetpawiteh, kaie min hno lahoi laithoe a dei awh, kai ni ka patounnaw nahoe, telah BAWIPA ni a dei.

¹⁰ Bangkongtetpawiteh, BAWIPA ni hettelah a dei, Babilon teh kum 70 touh akuep toteh ka hloe vaiteh, nangmouh koevah kahawi e ka lawk kakuep sak vaiteh hete hmuen koe boutbout na bankhai awh han.

¹¹ Bangkongtetpawiteh, nangmae kong dawc ka lungpouk teh ka panue. Nangmouh ngaihawinae apout toteh ngaihawinae poe hane hawihoehnae laipalah hawinae koe lah doeh ka pouk, teh lah BAWIPA ni a dei.

¹² Hattoteh nangmouh ni kai na tawng awh han, na tho awh vaiteh kai koe na ratoum awh vaiteh kai ni na thai pouh han.

¹³ Nangmouh ni kai na tawng awh vaiteh na lungthin buemlah hoi na tawng awh toteh na hmu awh han.

¹⁴ Na hmu awh e lah ka o han, telah BAWIPA ni dei. San lah na o awh hmuen koehoi na bankhai awh han, miphun tangkuem dawc na kâkaheisaknae hmuen koehoi na pâkhueng awh han, telah BAWIPA ni a dei. San lah na mansaknae hmuen koe roeroe vah na hrawi han.

¹⁵ Bangkongtetpawiteh, BAWIPA ni Babilon ram dawc hai profet na ta pouh telah na ti awh.

¹⁶ Hatdawkvah, BAWIPA ni Devit bawitungkhung dawc ka tahung e siangpahrang e kong hoi hete khopui dawc kho ka sak e taminaw kong hoi san lah hrawi hoe e na hmaunawngghanaw e kong dawc hettelah a dei.

¹⁷ Ransabawi, BAWIPA ni hettelah a dei. Khenhaw! ahnimae lathueng vah tahloi, takang hoi lacik ka pha sak vaiteh, thaibunglung paw ca han kahawihoehe patetlah ka coungsak han.

¹⁸ Hahoi tahloi, takang lacik hoi ka pâlei awh han. Ahnimouh ru sak hanelah tailai uknaeram pueng koe ka poe han, ahnimouh koe ka patawnnae miphunnaw e rahak vah thoebo e tami, kângairu e, pacekpahlek e, hoi dudam e taminaw lah ka o sak han.

¹⁹ Bangkongtetpawiteh, ahnimouh koe ka patoun e ka san profetnaw hno lahoi ka lawk banglahai ngâi awh hoe, telah BAWIPA ni ati. Amom ka thaw teh ka pâmam ei na thai ngai kalawn awh hoe, telah BAWIPA ni ati.

²⁰ Hatdawkvah, nangmouh Jerusalem hoi Babilon lah ka patoun teh san lah kaawmnaw pueng, BAWIPA e lawk thai awh haw.

²¹ Ransahu BAWIPA, Isarel Cathut ni Kolaiah capa Ahab hoi Maaseiah capa Zedekiah e min lahoi nangmouh koe laithoe ka dei e kong dawc hettelah a dei. Khenhaw! Babilon siangpahrang Nebukhadnezar e kut dawc ka poe vaiteh nangmae mithmu roeroe vah a man awh han.

²² Ahnimae kong dawc, Babilon ram e Judah tami san lah kaawmnaw pueng ni, Babilon siangpahrang ni hmai dawc pâeng e Zedekiah hoi Ahab patetlah BAWIPA ni nangmae lathueng vah sak naseh, tie thoebonae lawk dawc, a pâkuem awh han.

²³ Bangkongtetpawiteh, Isarel ram dawk hnokathout a sak aw haw teh, a imri e yu koe a uicuk aw haw teh kaie min hno laihoi kâ ka poe hoeh e laithoe lawknaw a dei aw haw. Kai kama doeh kapanuekkung hoi kapanuekkhaikung lah ka o, telah BAWIPA ni ati.

²⁴ Nehelam tami Shemaiah kong daw haw hai nang ni hettelah na dei han.

²⁵ Isarel Cathut, ransahu BAWIPA ni hettelah a dei, Jerusalem e taminaw pueng koe hai thoseh, nang namae min roeroe lahoi ca na patawn, tet pouh.

²⁶ Tamipathunaw hoi profet lah kakâsaknaw pueng thongim thung na paung teh hlawngbueth sak hanelah BAWIPA ni vaihma Jehoiada e yueng lah vaihma lah na o sak teh, BAWIPA e im khenyawnkung lah na o.

²⁷ Hatdawkvah, bangkongmaw Anathoth tami Jeremiah nang koevah profet ka kâtet e na yue hoeh.

²⁸ Bangkongtetpawiteh, Babilon vah kai koevah ca na patawn teh santoungnae teh asaw han rah, im sak aw haw, haw vah khosak aw haw, takhanaw sak aw haw nateh, a pawnaw cat aw haw telah ati.

²⁹ Hahoi vaihma Zephaniah ni hote ca teh profet Jeremiah thainae koe a touk.

Shemaiah hanlah kamthang

³⁰ Hahoi, Jeremiah koe BAWIPA e lawk a pha.

³¹ Sankatoungnaw pueng koe Nehelam tami Shemaiah kong daw BAWIPA ni hettelah a dei, kai ni ka patoun hoeh e Shemaiah ni nang koe lawk a dei telah laithoe lawknaw na yuem sak aw haw.

³² Hatdawkvah, BAWIPA ni hettelah a dei. Khenhaw! Nehelam tami Shemaiah hoi a imthungnaw ka rek han. Hete hmuen koe khokasaknaw rahak vah tami bueth touh hai tawn mahoe. Ka taminaw hanlah ka sak hane hnokahawi hah hmawt van mahoe. Bangkongtetpawiteh BAWIPA taranlahoi taranthawnae a cangkhai.

30

Santoungnae koehoi a ban han

¹ Jeremiah koe BAWIPA e lawk ka tho e teh:

² Isarel BAWIPA Cathut ni hettelah a dei, nang koe ka dei e lawknaw pueng hah cauk daw thut.

³ Bangkongtetpawiteh, khenhaw! ka tami Isarelnaw hoi Judahnaw hah santoungnae koehoi bout ka bankhainae hnin a pha han telah BAWIPA ni a dei. A na mintoenaw koe ka poe e ram daw kâ bankhai vaiteh haw vah kho a sak aw haw han telah BAWIPA ni a dei.

⁴ Hahoi, Judah hoi Isarel kong daw BAWIPA ni dei e lawk teh hethah doeh.

⁵ Bangkongtetpawiteh, BAWIPA ni hettelah a dei, roumnae laipalah takinae hoi pâyawnae pawlawk ka thai.

⁶ Paei aw haw nateh khenhaw! tongpa ni camokhenae a khang boimaw. Bangkongmaw napui ni camokhenae a khang e patetlah tongpa ni a keng tâdue teh minhmai a kamthim.

⁷ Bangkongtetpawiteh, hote hnin teh a len tangngak, hot patetlah awm boihoe. Jakop runae hnin roeroe doeh. Hatei ahnimanaw teh hote hmuen koehoi rungngang lah ao han.

⁸ Hote hnin daw teh hettelah ao han, a kahnam hah kâkhoe vaiteh arui ka bouk pouh han. Ram alouknaw ni san lah bout awm sak mahoe toe.

⁹ Hatei, BAWIPA Cathut hoi siangpahrang hanlah ka kangdue sak hane Devit e thaw tawk aw h han toe.

¹⁰ Hatdawkvah oe, ka san Jakop, taket roeroe hanh, oe Isarel na lungpuen hanh, telah BAWIPA ni a dei. Bangkongtetpawiteh khenhaw! lamhlapoungnae koe santoungnae hmuen koehoi na catounnaw heh ka rungngang han. Jakop a ban vaiteh karoumcalah a kâhat han, apinihai lungpuennaepoe mahoe h toe.

¹¹ Bangkongtetpawiteh, nang rungngang hanlah nang koe ka o, na kâkaheinae ram, miphunnaw hah ka pout sak nakunghai nang teh abuemlahoi he na poutsak mahoe h. Hatei lannaep hoi na cangkhai vaiteh rek laipalah teh na awm mahoe h telah BAWIPA ni a dei.

¹² Bangkongtetpawiteh, BAWIPA ni hettelah a dei, na patawnae teh ka dam thai hoe h e doeh, na hmâ teh a nung poung.

¹³ Ahni kabawmkung awm hoe h, dam nahane tâsi hai bout awm hoe h.

¹⁴ A kâuep e naw ni a pahnim aw h teh banglahai noutna aw h hoe h toe. Na taran patetlah hmâ na casak teh patuep laipalah na rek toe. Bangkongtetpawiteh na yonnae naw apap teh na yonnae yikkawi.

¹⁵ Bangkongmaw, na hmâ daw k na khuika. Na lungmathoenaep teh damsak thai lah awm hoe h. Bangkongtetpawiteh, na sak payonnaep apap teh na yonnaep akawi dawkvah hete hnonaw na lathueng vah ka sak.

¹⁶ Hatdawkvah, nang na kacatnaw pueng ca lah o aw h van vaiteh, nang na ka tarannaw pueng koe san a toung aw h han. Nang ka raphoe e teh raphoe lah ao vaiteh, nang kaman e taminaw pueng man lah ao han.

¹⁷ Pahnawt e telah ati aw h teh, apinihai banglahai ngai hoe h e Zion telah ati aw h dawkvah, na hru ka damsak vaiteh na hmânaw pueng ka damsak han, telah BAWIPA ni a dei.

¹⁸ BAWIPA ni hettelah a dei, khenhaw! Jakop lukkarei, santoungnaep koe kaawm e hah ka bankhai han. Khosaknaep hmuen hah ka pahren han. Siangpahrang im hai yampa e patetlah bout kangduesak han.

¹⁹ Lunghawilawkdinaep hoi nawmnaep pawlawk teh hote hmuen koehoi a tâco han, a taminaw ka pungdaw sak vaiteh, youn mahoe h. Ahnimouh ka lentoesak vaiteh titcalah awm mahoe h.

²⁰ A canaw hai ayan e patetlah o aw h vaiteh ka hmalah kamkhueng vaiteh a cak aw h han. Ahnimouh ka rek e taminaw teh ka rek han.

²¹ Bari kaawm e tami hah amamouh thung hoi a tâco vaiteh khobawi hai amamouh thung daw k hoi a tâco han. Ahni ni na hnai hanlah ka dei pouh vaiteh, ahni ni na hnai han. Bangkongtetpawiteh kai hnai hanlah a lungthin daw k law k ka kam pouh e hah apimaw, telah BAWIPA ni a dei.

²² Ka tami lah na o aw h vaiteh, kai teh nangmaep Cathut lah ka o han, telah a ti.

²³ Khenhaw! BAWIPA e kahlîkathout, kalenpoung e lungkhueknaep kahlîkathout a tho vaiteh, tamikathoutnaw e lû a palek pouh han.

²⁴ Lungthin hoi a kâcai e hah akuepsak teh a cum totouh, ka hring e BAWIPA lungkhueknaep teh bout ban mahoe h toe. A hnukteng hnin dawkvah hetnaw teh na thaipanuek aw h han telah ati.

31

Kacawirae Isarel rungngang lah a o

¹ Hatnavah, kai teh Isarel imthungnaw pueng hanlah Cathut lah ka o vaiteh, ahnimouh hai ka tami lah o aw h han, telah BAWIPA ni a dei.

² BAWIPA ni hettelah a dei, Isarel hah kâhatnae poe hanlah ka cei navah, tahloi dawk hoi kahloutnaw ni kahrawng vah pahrennae a hmu awh.

³ Ahlanae koehoi kai koe kamnuek e BAWIPA ni hettelah a dei, ka poutthaihoeh e lungpatawnae hoi lung na pataw, hatdawkvah lungmanae dawk na kâenkhai.

⁴ Na kangdue sak vaiteh kangdue e lah na o han, oe tanglakacuem Isarel, kacakcalah kangdue lah na o han. Tâbaw hoi na kamthoup vaiteh a lungkahawinaw lamnae koe na bawk van han.

⁵ Misur takha hah Samaria mon dawk na sak vaiteh hot van kho kasaknaw ni amamouh ngai patetlah a ca awh han.

⁶ Ephraim mon dawk khokasaknaw ni, thaw awh haw, maimae BAWIPA Cathut onae koe Zion mon koe cet awh sei telah hramnae tueng a pha han, telah a ti.

⁷ Bangkongtetpawiteh, BAWIPA ni hettelah a dei, Jakop hanlah lunghawi laihoi la sak awh haw, kalenpounge miphun hanlah hram awh, pathang laihoi pholen awh, oe BAWIPA, kacawirae na tami Isarelnaw rungngang haw, telah dei awh.

⁸ Khenhaw! atunglae ram dawk hoi ka thokhai vaiteh, talai poutnae koehoi ka pâkhueng awh vaiteh mitdawn, khokkhem, camo ka vawn e napui hoi ka pataw e taminaw moikapap kamkhueng awh han.

⁹ Mitphi hoi tho awh vaiteh ngaithounnae hoi ka hrawi awh han, ka lawng e tui koe, kamthuinae kaawm hoeh e lam kalan dawk ka hrawi han. Bangkongtetpawiteh, kai teh Isarel e a na pa lah ka o teh, Ephraim teh ka camin lah ao.

¹⁰ Oe miphunnaw, BAWIPA e lawk thai awh haw, a hlanae ram dawk pâpho awh, Isarel kâkapek sakkung ni bout a pâkhueng han, tukhoumkung ni tuhu a khetyawt e patetlah a khetyawt han.

¹¹ Bangkongtetpawiteh, Jakop teh BAWIPA ni a ratang teh, ahni hlak thakaawme kut dawk hoi a rungngang.

¹² Zion monsom vah la sak laihoi tho awh vaiteh BAWIPA hawinae dawh lunghawi awh han, cakang, misur hoi satui, tu hoi saringnaw dawh a lunghawi awh han, ahnimae hringnae teh tui awi e takha patetlah ao vaiteh a yungyoe lungmathoenae awm mahoe toe.

¹³ Tanglakacuem teh lam laihoi a lunghawi vaiteh, thoundoun, hoi minpui, mintawngpanaw hoi a lunghawi awh han. Ahnimae cingounae teh lunghawinae lah coungsak laihoi lung ka mawng sak vaiteh a lungmathoenae dawh hoi lung kahawi sak han.

¹⁴ Vaihmanaw teh kathâw e moi hoi kaboumcalah ka paca vaiteh, ka hawinae dawh ka taminaw a lungkuep awh han telah BAWIPA ni a dei.

Ephraim e lathueng lungmanae

¹⁵ BAWIPA ni hettelah a dei, Ramah kho dawh kamthang ka thai, tamikadout rabui laihoi kanae kamthang doeh. Rachel ni a canaw a khui teh a canaw o hoeh toung dawkvah lungpahawi thai kawi lah awm hoeh toe.

¹⁶ BAWIPA ni hettelah a dei, ka hoeh nahanlah na lawk kâpanguep leih, na mitphi hai hui leih, bangkongtetpawiteh, na tawksak e dawh tawkpheu a hmu vaiteh, tarannaw e ram dawh hoi bout ban awh han telah BAWIPA ni a dei.

¹⁷ Nang e tueng poutnae dawh ngaihawinae ao. Na canaw teh bout a ban awh han telah, BAWIPA ni a dei.

¹⁸ Ephraim na khuikanae lawk ka thai doeh, nang nama ni na yue teh kacuete Maitotan patetlah bout na katha sak haw, bout ka ban han. Bangkongtetpawiteh, nang teh ka BAWIPA Cathut lah na o.

¹⁹ Bout ka ban hnukkhu pankângai katang, na yue hnukkhu ka phai ka tabawng teh ka kaya, ka naw nah min mathoenaе dawк kaya laihoi duem ka o.

²⁰ Ephraim teh ka lungpataw e capa, ka kâuep e camo nahoehmaw. Bangkongtetpawiteh, ahni taranlahoi lawk ka dei eiteh ahni khoeroe ka pahnim thai hoeh. Hatdawkvah ka lungthin ni a rabui teh ka lungma roeroe han telah, BAWIPA ni a dei.

²¹ Mitnoutnae a vo nateh, ram mitnoutnae hah sak haw. Na cei tangcoungae lamthungpui dawк na lungthin hrueng haw. Bout ban, oe tanglakuem Isarel na khopui koe bout ban leih.

²² Oe, nang hnuklah ka ban e canu, bangkongmaw na kâva han rah. Bangkongtetpawiteh BAWIPA ni talai dawк hno katha a sak toe. Napui ni tongpa a kalup han telah, a ti.

Hmalah Judah a bawi nahane

²³ Isarel Cathut, ransahu BAWIPA ni hettelah a dei, santoungnae thung hoi ka bankhai torei teh, Judah ram hoi khopui dawк hete lawк bout a hno aw h han, oe lannaе khosaknae hmuеn, oе mon kathoung BAWIPA ni yawhawinae poe seh, telah a ti.

²⁴ Hote Judah taminaw hoi a khopui thung e taminaw pueng hah, hmuеn touh koe takhakatawkkungnaw hoi saring ka pacanaw hoi kho rei ka sak aw h han.

²⁵ Bangkongtetpawiteh, ka vouthoupnaw ka kawк vaiteh, lung ka mathoutnaw hai ka kawк han telah a ti.

²⁶ Hahoi, ka kâhlaw teh, kahawipoung e mang lah doeh a la o.

²⁷ Khenhaw! a tueng kuep tawmlei, Isarel imthung hoi Judah imthung dawк tami e cati hoi saring e cati ka tu han telah, BAWIPA ni a dei.

²⁸ Kai ni ahnimouh ka phawк, ka pakhup pathan, ouk ka rektap e patetlah, ahnimouh bout ka kangdue sak han telah a ti.

²⁹ Hatnae tueng dawк a napanaw ni ka thut e misur a nei aw h vaiteh a capanaw a hâ kayâ, tet aw h mahoe h toe.

³⁰ Hatei taminaw pueng mae sak payonnae dawк a due aw h vaiteh, kathut e misurtui ka net e hânaw dueng doeh a kayâ han toe.

Lawkkam katha

³¹ Khenhaw! atueng kuep tawmlei telah, BAWIPA ni a dei, Isarel imthung hoi Judah imthung koe lawkkam katha ka sak toteh,

³² Izip ram dawк hoi tâcokhai hanlah ahnimae kut ka kuet hnin vah a na mintoenaw koe, ahnimae vâ lah ka o eiteh a rapha aw h e ka lawkkam patetlah laipalah, telah BAWIPA ni a dei.

³³ Hatei hethеh, Isarel imthungnaw koe lawkkamnae ka sak han e doeh, telah BAWIPA ni a dei. Ahnimouh koe ka kâlawк ka hrueк vaiteh a lungthin dawк ka thut han, kai ahnimae Cathut lah ka o vaiteh, ahnimouh teh ka tami lah o aw h han.

³⁴ Apipatet nihai, BAWIPA teh panueк telah ma hoi imri hoi hmaunawng hoi cangkhai mahoe h toe. Bangkongtetpawiteh, kathoengca koehoi kalenpoung totouh abuемlahoi kai na panue aw h han toe, telah BAWIPA ni a dei. Kâtapoenaе naw ka ngaithoum vaiteh yonnae naw hai ka pâkuem pouh mahoe h toe.

³⁵ Hettelah BAWIPA teh khodai ang sak hanlah kanî kapoekung, karum angnae ka poe hanlah thapa hoi âsi hanlah phunglam kapoukpouhking, tuicapa pawlawk kathosakkung ni a dei. A min teh ransahu BAWIPA doeh.

³⁶ Hete phunglamnaw heh, ka mithmu hoi kahmat pawiteh Isarel catounnaw hai ka mithmu vah miphun buet touh a counгнаe dawк hoi a kahma awh han, telah BAWIPA ni a dei.

³⁷ BAWIPA ni hettelah a dei, lathueng e kalvan bangnue thai teh, talaidu pâlei thai pawiteh, Isarel catounnaw pueng a tawksak payonnae naw dawк ka raphoe van han telah BAWIPA ni a dei.

³⁸ Khenhaw! atu a pha tawmlei, Hananel imrasang hoi kamtawng teh khopui takin longkha totouh, khopui hah BAWIPA hanlah sak lah ao han, telah BAWIPA ni a dei.

³⁹ A bangnue nae teh Gereb mon dawк kalancelah a cei vaiteh Goah lah a kalup han.

⁴⁰ Tami ro hoi hraba rabawknae tanghlingnaw hoi kahrawngnaw pueng, Kidron palang tanghling totouh. Kanîtholah hoi marang longkha takin totouh BAWIPA hanlah kathoung lah ao han. Hothateh nâtuек hai kapek e hoi raphoe e lah awm mahoe h toe.

32

Jeremiah ni ram a ran

¹ Judah Siangpahrang Zedekiah abawinae kum 10 nah, Nebukhadnezar abawinae kum 18 nah, Jeremiah koe BAWIPA e lawк a tho.

² Hatnae tueng dawк Babilon siangpahrang ransahunaw ni Jerusalem a kalup awh teh, profet Jeremiah teh Judah siangpahrang kalupnae rapan thung vah thongim a bo.

³ Bangkongtetpawiteh, Judah siangpahrang Zedekiah ni, bangkongmaw BAWIPA ni hettelah a dei, khenhaw! hete khopui he Babilon siangpahrang kut dawк ka poe vaiteh a la han.

⁴ Judah siangpahrang Zedekiah hai Khaldeannaw e kut dawк hoi hlout mahoe, Babilon siangpahrang e kut dawк bout a pha vaiteh, minhmai kâhmo laihoi kâpato roi vaiteh a mit ni a mei a hmu han.

⁵ Zedekiah teh Babilon ram lah a ceikhai han, ahni ka hloe hoehroukrak haw vah ao han, Khaldeannaw na tuk ei teh, na tâ mahoe h, telah BAWIPA ni a dei, telah bangkongmaw a dei. titeh thongim vah a paung.

⁶ Jeremiah ni, BAWIPA e lawк kai koe a pha teh,

⁷ Khenhaw! na pa kanaw Shallum capa Hanamel hah Anathoth kho e ka ram hah nama hanlah ranh. Bangkongtetpawiteh ram coe thai e lah na o dawкvah na ran thai, telah nang koe a tho han, telah a ti.

⁸ Hot patetlah apa kanaw e capa Hanamel teh BAWIPA e lawк patetlah kalup e rapan thung kai koe vah a tho teh, Benjamin ram Anathoth kho e ka ram heh ran leih, bangkongtetpawiteh ram coe thai e lah na o dawкvah na ratang hanlah ao. Hatdawкvah nang hanlah ka ran toe telah ati. Hahoi hethel BAWIPA e lawк doeh tie hah ka panue.

⁹ Hahoi, apa kanaw e capa Hanamel, Anathoth kho e ram teh ka ran. Tangka ka parei pouh teh ngun tangka sekel 17 touh doeh.

¹⁰ Min ka thuk teh mitnoutnae ka sak, lawк kapanuekkhaikung ka kaw teh, tangka teh khingnae dawк ka khing.

¹¹ Ran nahane rannaе hoi phunglam patetlah lawкkâkam e hoi lawкkâkam hoeh e naw hai ka la.

¹² Apa kanaw e capa Hanamel mithmu hai thoseh, kapanuekkhaikung, rannae dawk min kaawmnaw mithmu hai thoseh kalup e rapan thung kaawm e Judahnaw e hmalah Maaseiah capa Neriah capa Baruk hah kâ ka poe.

¹³ Hottelah ahnimaie hmalah Baruk hah kâ ka poe teh,

¹⁴ Isarel Cathut ransahu BAWIPA ni hettelah a dei, hete ca tacikkin e ca hoi paawng e ca hah lat haw, kasawlah o thai nahan talai hlaam thung hrueng.

¹⁵ Bangkongtetpawiteh Isarel Cathut, ransahu BAWIPA ni hettelah a dei, hete ram dawk im, law, misur takhanaw ayânaw ni bout a ran awh han, telah a ti.

Panuethai nahan Jeremiah ratoumnae

¹⁶ Neriah capa Baruk koe rannae ca ka poe hnukkhu BAWIPA koe ka ratoum.

¹⁷ Oe BAWIPA Cathut kenhaw! hnotithainae kalenpoung hoi na kut na dâw teh talai hoi kalvan na sak, nang hanlah ka ru e hno khoeroe awm hoeh.

¹⁸ Tami moikapap e lathueng pahrennae kamnue sak e hoi napanaw payonnae hnuk vah a capanaw koe kalenpoung, athakaawme Cathut, a min ransahu Jehovah doeh.

¹⁹ Khokhang kathoum, a thaw dawk athakaawme, tami canaw nuencang kacaicalah kahmawtkung hoi taminaw pueng e nuencang hoi a sak awh e patetlah kapathungkung,

²⁰ Izip ram dawk mitnoutnae hoi kângairu hno kasakkung, sahnin totouh Isarelnaw koe thoseh, alouke taminaw koehai thoseh ouk ka sak e, sahnin e patetlah ma hoi min kamnueksakkung,

²¹ na tami Isarelnaw Izip ram dawk mitnoutnae hoi kângairunae, a thakasai e kut hoi a kut a pho teh takikatho e hno kalenpoung kathokhaikung,

²² khoitui hoi sanutui lawngnae ram mintoenaw koe thoebo hoi lawkkam e patetlah kapoekung doeh.

²³ A kâen awh teh kho a sak awh. Hatei lawk ngai awh laipalah kâpoelawknaw tarawi awh hoeh, tawk hanlah kâ poe e naw tawk awh hoeh, hatdawkvah hete kahawihoehe hnonaw pueng ahnimaie lathueng na pha sak e doeh.

²⁴ Kenhaw! khopui la hanelah talai kacoumnaw a o, tahloi hoi takang hoi lacic dawk khopui hai ka tuk e Khaldeannaw e kut dawk poe lah a o, na dei tangcoung e hah a kuep, kenhaw! nama ni na hmu.

²⁵ Oe BAWIPA Cathut, nama ni kai koe, ram teh tangka hoi ran leih, panuekkhaikungnaw kaw, khopui teh Khaldeannaw e kut dawk poe lah ao na ti, telah a ti.

²⁶ Hahoi BAWIPA e lawk Jeremiah koe a pha teh,

²⁷ Kenhaw! kai BAWIPA heh thitak katawnnaw pueng e Cathut lah ka o teh kai hanlah hno ka ru ao maw, telah a ti.

²⁸ Hatdawkvah, BAWIPA ni hettelah a dei, kenhaw! hete khopui heh Khaldeannaw e kut hoi Babilon siangpahrang Nebukhadnezar e kut dawk ka poe vaiteh a tâ han.

²⁹ Hahoi hete khopui ka tuk e Khaldeannaw tho awh vaiteh khopui hmaisawi awh han. Ka lungkhuek sak hanlah Baal koe hmuittui thuengnae, alouke cathutnaw koe nei thuengnae rabawk nahanelah a sak awh imvan kaawm e im pueng hoi he a kak han.

³⁰ Bangkongtetpawiteh, Isarel catounnaw hoi Judah catounnaw ni a nawca hoi ka mithmu vah hawihoeahnae dueng a sak awh. Isarel catounnaw e a tawksak e naw ni ka lungkhuek sak, telah BAWIPA ni a dei.

³¹ Bangkongtetpawiteh, ka hmaitung hoi ka raphoe hanelah hete khopui sak kamtawng hoi atu totouh ka lungkhueksakkung hoi ka lungphuen-sakkung lah pou ao awh.

³² Isarel catounnaw hoi Judah catounnaw ni ka lungkhuek nahanlah hawihoeahnae a sak awh dawkvah, amamouh hoi siangpahrang kahrawikung, vaihma, profet, Jerusalem vah kho ka sak e Judah taminaw pueng hoi,

³³ ahnimanaw ni kai koe kamlang laipalah hnam na thun takhai toe. Atangcalah ka cangkhai eiteh dâw hanlah banglahai ngai awh hoe.

³⁴ Ka min onae im hah a khin sak awh teh panuettho e hno a ta awh.

³⁵ A canu, capanaw hah Molek koe hmaisawi hanlah Benhinom tanghling dawkkawm e Baal bawknae hmuenrasang hah a sak awh. Judah taminaw yonnae sak sak hanlah hete panuettho e hno a sak awh e heh kai ni kâ ka poe e nahoe, ka pouknae dawkkhai kâen boihoe.

³⁶ Hatdawkvah atu Isarel BAWIPA Cathut ni hete khopui heh tahloi, takang hoi lacik hoi Babilon kut dawkkhai poe lah ao toe, ouk na ti awh e dawkkhai hettelah a dei.

³⁷ Khenhaw! ka lungkhueknae, ka lungroumhoehnae, ka patawpoung e ka lungkâannaedawkkhai hoi ahnimouh ka pâleinae ramnaw thung hoi bout ka pâkhueng vaiteh, hete hmuen koe ka thokhai vaiteh karoumcalah ka o sak han.

³⁸ Ka tami lah ao vaiteh a Cathut lah ka o pouh han.

³⁹ Amamouh hoi hnuk lae canaw hawi nahanlah yungyoe kai na bari awh nahan lungthin buet touh hoi hringnuen buet touh lah ka sak pouh han.

⁴⁰ Hahoi ahnimouh koe yungyoe lawkkamnae ka sak vaiteh ahnimouh ceitakhai awh hoe nahanlah pou ka sak pouh han. Kai na yawng takhai awh hoe nahanlah lungthin dawkkhai kai takinae ka hruek pouh han.

⁴¹ A hawinae ka sak e heh kalunghawinae la o han, ka lungthin abuemlahoi hete ram dawkkhai kacaklah ka ung han.

⁴² BAWIPA ni hettelah a dei, hete taminaw lathueng hawihoeahnae ka patawpoung lah ka tho sak e patetlah ahnimouh koe lawk ka kam e hawinae pueng ka kuep sak han.

⁴³ Kingdi ram Khaldeannaw koe poe tangcoung e tami hoi saring awh hoe toe, telah ouk na ti awh e ram dawkkhai ram hah bout a ran awh han.

⁴⁴ Benjamin ram dawkkhai thoseh, Jerusalem khopui tengpam thoseh, Judah ram khopui dawkkhai thoseh, tami ni tangka hoi law a ran awh han, a kin awh vaiteh kapanuekkhaikung a kaw awh han, mitnoutnae a sak awh han, bangkongtetpawiteh santoungnae thung hoi bout ka bansak han, telah BAWIPA ni a dei.

33

Isarel boutthawnae

¹ Jeremiah teh ramvengim thung thongim thung ao navah, ahni koe BAWIPA e lawk apâhni bout a pha.

² Hno kasakkung BAWIPA, kacakcalah ka sak e BAWIPA, a min teh BAWIPA doeh.

³ Na kaw haw, na pato han, hnokalen hoi hrolawk na panue boihoe e na hmu sak han.

⁴ Isarel BAWIPA Cathut ni hete khopui dawk e immaw hoi Judah siangpahrang immaw tahloi hoi talai kacoum thung ringnae sak hanelah a kayei aw haw, a raphoe aw haw e kong dawk hettelah a dei.

⁵ Khaldean taminaw taran tuk hanlah a tho aw haw. Hatei ka lungkhueknae hoi ka lungkâanna ni ka thei e tamironaw hoi a onae hmuen dawk a kawi han.

⁶ Khenhaw! damnae hoi hawinae ka pha sak han, ka damsak vaiteh kacakpoung roumnae hoi lawkkatang hah ka kamnue sak han.

⁷ Judah nuencang hoi Isarel nuencang hah ka thung pouh han, ahmaloe pasuek e patetlah bout kangdue sak han.

⁸ Kai taranlahoi a sak aw haw e sak payonnae naw thung hoi kathoung sak han, a sak aw haw e payonnae hoi kâtapoena naw pueng ka ngaithoum han.

⁹ Hahoi, hete khopui heh talai van e mipunnaw pueng ahnimouh hanlah hawinae ka sak e kahmawtnaw e hmalah, kai hanlah nawmnae hoi pholenna hoi bawilenna lah ao aw haw vaiteh hawinae hoi roumnae ahnimouh lathueng ka phasak e naw pueng taki laihoi a pâyaw aw haw han.

¹⁰ BAWIPA ni hettelah a dei, hete hmuen, Judah khopui patenghai tami hoi saring aw m laipalah kingdi e hoi Jerusalem lamthungnaw daw k hai tami hoi saring kho kasaknaw aw m laipalah he a rawk toe, telah ati aw haw dawkvah.

¹¹ Konawmnae lawk, oe, yu kâpaluen e pawlawk hoi ransahu BAWIPA koe lunghawilaw k dei aw haw. Bangkongtetpawiteh, BAWIPA teh ahawi, lungmanaeh teh yungyoe a kangning ka tet e lawk hoi BAWIPA im daw k lunghawilaw k deinae thuengnae kathokhainaw e lawk hah bout ka thai han toe, telah BAWIPA ni a dei.

¹² Ransahu BAWIPA ni hettelah a dei, hete hmuen tami hoi saring ao hoe h totouh kingdi e hoi a khopui pueng daw kvah, tuhu ka ring e tukhoumnaw khosaknae bout ao han.

¹³ Mon daw k e khopuinaw hoi tanghling daw k e khopuinaw daw k, a ka lae khopui hoi Benjamin ram, Jerusalem tengpamnaw hoi Judah khopuinaw, ahnimouh ka parei e kut rahim vah tunaw a khoum aw haw han, telah BAWIPA ni a dei.

¹⁴ Khenhaw! atueng kuep tawmlei toe, telah BAWIPA ni a dei. Isarel imthung hoi Judah imthung daw k kahawi e lawk ka dei e hah ka kuepsak han.

¹⁵ Hatnae hnin hoi tueng daw k lanna e ka dawn e a hna kanawca e hah Judah taminaw koe hoi ka tâcosak han, hote ram daw k kalanalah lawkceng han.

¹⁶ Hote hnin daw k Judah teh rungngang lah ao vaiteh Jerusalem teh karoumcalah ao han. Hote BAWIPA teh lanna e BAWIPA (Jehovah Tsikkenu) tie a min lah ao.

¹⁷ Bangkongtetpawiteh, BAWIPA ni hettelah a dei, Devit ni Isarel imthung bawitungkung daw k ka tahung hane vout mahoe h.

¹⁸ Vaihma Levih mipun ni hai ka hmalah sathai thuengnae poe hane hoi canei poe hane, thuengnae pou sak hanlah tami vout mahoe h, telah ati.

Kangning e Cathut e lawkkamnae

¹⁹ BAWIPA e lawk Jeremiah koe a pha.

²⁰ BAWIPA ni hettelah a dei, kaie kanîthun lawkkam hoi tangmin lawkkam na raphoe thai aw h teh kanîthun hoi tangmin ao hoeh nahan la na sak thai aw h pawiteh,

²¹ Ka thaw ka taw k e Devit koe, ka lawkkam hai a bawitungkhung daw k ka tahung han e capa a tawn hoeh nahanlah raphoe lah ao van han. Levih tami vaihma hoi ka thaw katawknaw koe hai,

²² kalvan kaawm e touklek thai hoeh e hoi talî thung e sadi touklek thai hoeh e patetlah, ka thaw ka taw k e Devit catoun hoi Levih mip hun thaw kakawknaw hah ka pung sak han telah ati.

²³ Hothloilah, BAWIPA e lawk Jeremiah koe a pha teh,

²⁴ imthung kahni touh BAWIPA ni a rawi e hah a raphoe, telah hete taminaw ni a dei aw h e hah na pouk boimaw, ahnimouh mithmu vah mip hun ti han kamcu hoeh totouh a hnep hnap aw h.

²⁵ BAWIPA ni hettelah a dei, kanîthun hoi tangmin lawkkam teh aw m hoehpawiteh, talai hoi kalvan coungnae naw ka pouk hoeh pawiteh,

²⁶ Jakop capanaw hoi ka thaw ka taw k e Devit catounnaw hah ka raphoe han. Abraham, Isak hoi Jakop catounnaw lathueng vah lawkceng hanlah a catounnaw hah ka rawi vaiteh ka lah han. Bangkongtetpawiteh, ahnimouh nuencang kâthungsak teh a lathueng vah pahrennae ka tawn han, telah ati.

34

Cathut ni Zedekiah kâhruetcueknae a poe

¹ Babilon Siangpahrang Nebukhadnezar hoi ransanaw pueng, a uknaer-amnaw hoi taminaw pueng ni Jerusalem hoi khopuinaw pueng a tuk navah BAWIPA koehoi Jeremiah koe ka tho e lawk,

² Isarel BAWIPA Cathut ni hettelah a dei, Judah siangpahrang Zedekiah koe cet nateh dei pouh, BAWIPA Cathut ni hettelah a dei, kenhaw! hete khopui heh Babilon siangpahrang kut daw k ka poe vaiteh, hmai hoi a sawi han.

³ Ahnie kut daw k hoi na hlout mahoe h. Hatei man lah na o roeroe vaiteh a kut daw k na pha han. Na mit ni Babilon siangpahrang e mit a hmu han, minhmai kâhmo laihoi na pato vaiteh Babilon lah na cei han telah ati.

⁴ Hateiteh, oe Judah siangpahrang Zedekiah, BAWIPA e lawk thaihaw, nange kong daw k BAWIPA ni hettelah a dei, tahloi hoi na dout mahoe h.

⁵ Karoumcalah na due han. Nang hoehnahlan e siangpahrang, kakhekungnaw hmu itui a sawi pouh aw h e patetlah, nang han na sawi pouh aw h han. Aiyo e bawipa, telah na khuika han. Bangkongtetpawiteh, lawk ka pabo toe, telah BAWIPA ni a dei telah ati.

⁶ Babilon siangpahrang ransahunaw ni Jerusalem hoi kacawirae Judah khopuinaw pueng, Lakhish hoi Azek a tuk aw h navah,

⁷ Profet Jeremiah ni hete lawknaw pueng Jerusalem e Judah siangpahrang Zedekiah koe a dei pouh. Bangkongtetpawiteh, Judah khopui thung daw k tawn hane rapan ka tawn e teh hetnaw dueng doeh toe.

San dumnae

⁸ Siangpahrang Zedekiah ni Jerusalem e tamihupui koe vah, taminaw pueng ni Hebru sannu hoi Hebru sanpa lah aw m pawiteh hloutsak hanlah ao.

⁹ A hmaunawng ha e thaw ka taw k e Hebru tami apihai aw m hanh naseh, telah hloutnae lawk a dei teh, lawkkamnae a sak hnukkhu BAWIPA koehoi Jeremiah koe lawk ka tho e teh,

¹⁰ taminaw pueng ni thaw ka tawk pouh e napui, thaw ka tawk pouh e tongpa hai thoseh hloutsak hanlah ao. Ahnimae thaw tawk hanlah apihai awm hanh naseh tie lawkkam ka dâw e kahrawikungnaw hoi taminaw pueng ni lawkkam a dâw aw hoh teh a hloutsak katang aw hoh.

¹¹ Hatei hatnae tueng daw k bout kamlang aw hoh teh a hloutsak aw hoh e thaw ka tawk e napui, tongpanaw hah bout a man aw hoh teh amamae kut rahim vah thaw bout a taw k sak aw hoh.

¹² Hat toteh, BAWIPA koehoi BAWIPA e lawk Jeremiah koevah a pha.

¹³ Isarel BAWIPA Cathut ni hettelah a dei, Izip ram santoungnae thung hoi na tâcokhai hnin daw k, na kakhekungnaw koe vah,

¹⁴ taminaw pueng ni a hmaunawngaha Hebru tami ahni koe yo e kum 6 touh a thaw taw k pouh pawiteh kum 7 kuep nah teh a hloutsak han, telah lawkkamnae a sak toe. Hatei na kakhekungnaw ni tarawi ngai aw hoh, a hnâ a tabuem aw hoh.

¹⁵ Atuvah nangmanaw ni na kamlang aw hoh teh taminaw pueng ni a imri koe hloutnae lawk a pâpho teh ka mithmu vah kalan e na sak aw hoh teh ka min onae im daw k ka hmalah lawkkamnae sak aw hoh.

¹⁶ Hatei, bout na kamlang aw hoh teh ka min na kamhnawng sak aw hoh teh lungthocalah hoi na tha aw hoh e na sannu sanpanaw bout na man aw hoh teh, namamae kut rahim vah thaw ka taw k e sannu sanpa lah bout na ta aw hoh.

¹⁷ Hatdawkvah, BAWIPA ni hettelah a dei, taminaw pueng ni mae hmaunawngaha hoi imri koe hloutnae lawk dei hanlah ka lawk na ngai aw hoh hoeh. Khenhaw! kai kama ni nangmouh koe hloutnae lawk ka pâpho telah BAWIPA ni a dei. Tahloi, takang, lacik hoi doeh: runae kâhmo sak hanlah talai uknaeram pueng daw k na ta han.

¹⁸ Ka lawkkam kaek e hoi ka hmalah reksei e maitoca rahak vah a cei teh lawkkamnae ka ek e,

¹⁹ Judah kahrawikung, Jerusalem kahrawikung hoi tuenla hoi, vaihma hoi taminaw pueng ni reksei e maitoca rahak ka cet e taminaw pueng hah,

²⁰ A tarannaw hoi thei hanlah katawngnaw koe ka poe vaiteh ahnimae ro teh kalvan e tavanaw hoi talai e sarangnaw e rawca lah ao han.

²¹ Judah Siangpahrang Zedekiah hoi a sannaw a tho aw hoh, ahnimouh thei han ka tawng e Babilon siangpahrang ransahu nangmouh koehoi kabannaw kut daw k ka poe han.

²² Khenhaw! hete khopui daw k bout ban hanelah kâ ka poe han telah BAWIPA ni a dei. Hattoteh na tuk aw hoh han, a la aw hoh vaiteh hmai a sawi aw hoh han. Hahoi Judah khopui kingdi sak han telah BAWIPA ni a dei.

35

Lawk ka ngai e Rekhav taminaw

¹ Judah siangpahrang Josiah capa Jehoiakim a bawi nah BAWIPA koehoi Jeremiah koe ka tho e lawk ni,

² Rekhav imthung koe cet nateh pato, BAWIPA im daw k e imrakhan buet touh daw k kâenkhai nateh misur nei hane poe telah ati.

³ Hadazziniah capa Jeremiah capa Jaazaniah hoi a hmaunawngahanaw hoi a capanaw pueng hoi Rekhav imthungnaw pueng ka ceikhai.

⁴ Cathut e tami Igdaliah capa Hanan capanaw e imrakhan, BAWIPA e im daw k ka kâenkhai, hote imrakhan teh kahrawikungnaw e imrakhan teng longkha ka ring e Shallum capa Naser imrakhan thung kaawm e doeh.

⁵ Hahoi Rekhav catoun naw thung hoi tongpanaw hmalah hlaam hoi manang dawk kakawilah misurtui ka phung teh ahnimouh koe, misurtui heh net awa, telah ka ti pouh.

⁶ Hatei ahnimouh misurtui teh ka net awa mahoe, na kaukung Rekhav capa Jonadab ni, nama hoi na catounnaw ni hai nâtuék hai misurtui na net awa mahoe.

⁷ Im sak hanh awa, cati hai tu hanh awa, misur takha hai sak hanh awa, hote hnonaw tawn hanh na onae ram dawk kasawlah na hring thai awa na han, na hring awa na thung lukkarei dawk kho na sak awa han, telah kâ na poe.

⁸ Hottelah, na kaukung Rekhav capa Jonadab ni a pahni dawka hoi lawk a dei e ka hring awa na thung, kamamouh hoi ka yunaw hoi ka capa hoi ka canunaw ni misurtui nei hoe hane hoi,

⁹ kho ka sak awa nahane im sak hoe hane hoi misur takha those, cati those tawn hoe hanelah ka tarawi awa e doeh.

¹⁰ Lukkarei dawka kho ka sak awa teh, na kaukung Jonadab e kâpoe lawknaw pueng ka tarawi teh ka hringkhai awa.

¹¹ Hahoi, Babilon Siangpahrang Nebukhadnezar ni ram a tuk navah kaimouh ni tho awa, Khaldean ransahu hoi Siria ransahu taki awa dawkvah Jerusalem lah cet awa sei telah ka ti awa teh, atu Jerusalem vah ka o awa telah ati awa.

¹² Hahoi BAWIPA e lawk Jeremiah koe a pha.

¹³ Isarel Cathut ransahu BAWIPA ni telah a dei Judah ram e taminaw hoi Jerusalem kho ka sak taminaw koe dei pouh, ka lawk ngai hanelah cangkhae hah na dâw awa mahoe maw telah BAWIPA ni a dei.

¹⁴ Rekhav capa Jonadab ni a capanaw koe kâ a la poe e, misurtui nei hoe hanelah a tarawi awa teh, sahnin totouh net awa hoe, kakhekung e kâpoe lawk a tarawi awa katang, kai ni teh amom ka thaw teh nangmouh koe lawk ka dei ei, na thai ngai awa hoe.

¹⁵ Ka thaw ka tawka e profetnaw amom a thaw awa teh, nangmouh koe ka patoun, tamipueng na hringnuen yonnae dawka hoi bout ban awa leih, ouk na sak awa e hnonaw hah pathoup awa leih, Cathut alouke thaw tawka hanlah tarawi awa hanh leih, hat pawiteh namamouh hoi na kakhekungnaw koe ka poe e ram dawka kho na sak awa telah ka ti. Hatei hnâ na tabuem awa teh na thai ngai awa hoe.

¹⁶ Rekhav capa Jonadab catounnaw ni teh kakhekung e kâpoe lawk a tarawi awa, hete taminaw ni teh ka lawk thai ngai awa hoe.

¹⁷ Hatdawkvah, Isarel BAWIPA Cathut, ransahu Cathut ni hettelah a dei, kenhaw Judah hoi Jerusalem kho ka sak e taminaw pueng koe hawihoe hane ahnimae lathueng phasak hanelah ka dei e hah kakuep sak han. Bangkongtetpawiteh, ahnimouh koe lawk ka dei e thai ngai awa hoe. Ahnimouh ka kaw awa eiteh na pato ngai awa hoe teh lah ati.

¹⁸ Hahoi Jeremiah ni Rekhav catounnaw koe vah, ransahu BAWIPA, Isarel Cathut ni hettelah a dei, na kakhekung Jonadab e kâpoe lawk na tarawi awa teh, a dei e naw pueng na tarawi awa teh kâpoe e patetlah na sak awa dawkvah.

¹⁹ Rekhav capa Jonadab ni a yungyoe hoi ka hmalah kangdout hane tami vout mahoe, telah ransahu BAWIPA, Isarel Cathut ni a dei.

¹ Hahoi, Judah Siangpahrang Josiah capa Jehoiakim abawinae kum pali navah hete lawk BAWIPA koe hoi Jeremiah koe a pha.

² Cakalawng hah lat nateh, hot dawkvah nang koe ka dei e lawknaw pueng hoi Isarel taranlahoi thoseh, Judah taranlahoi thoseh, miphun pueng taranlahoi thoseh nang koe pasuek ka dei e hoi Josiah se koehoi sahnin totouh e lawknaw hah thun haw.

³ Judah imthungnaw ni a lathueng hawihoeahnae ka sak hanlah kakâcainaw pueng a thai aw h toteh, a sak payonnae hoi yonnae naw ka ngaithoum thai nahanelah, tami pueng ni amamae hringnuen hoi yonnae hah a kâthung thai yawkaw han doeh, telah ati.

⁴ Jeremiah ni Neriah capa Baruk hah a kaw teh Baruk ni, BAWIPA e lawknaw pueng ahni koevah a dei pouh. Jeremiah e pahni daw k hoi ka tâcawt e lawknaw hah cakalawng daw k a thut.

⁵ Jeremiah ni Baruk koevah, kai teh paung e lah ka o dawkvah, BAWIPA e im daw k ka cet thai hoeh.

⁶ Hatdawkvah, nang cet nateh, BAWIPA e lawk ka pahni daw k hoi ka tâcawt ni teh cakalawng daw k na thut e BAWIPA e lawk hah rawcahai hnin BAWIPA e im daw k e tami pueng ni thinae koe touk pouh. Khopui, khote koehoi ka tho e Judah taminaw pueng ni thinae koehoi touk pouh.

⁷ Tami pueng ni hringnuen yonnae naw hah kamlang takhai teh BAWIPA hmalah yon pankângai lahoi a tho thai aw h yawkaw han. Bangkongtet-pawiteh, hete taminaw lathueng vah lungkhueknae hoi lungkâanna BAWIPA im daw k dei lah kaawm e hah a pataw tanggak, telah kâ a poe.

⁸ Hot patetlah, Neriah capa Baruk ni, profet Jeremiah ni ahni koe kâ a poe e patetlah BAWIPA im daw k BAWIPA e lawk, cauk thung e a touk.

⁹ Hahoi, Judah siangpahrang Josiah capa Jehoiakim abawinae kum panga, thapa yung tako nah, Jerusalem e taminaw pueng hoi Judah khopui thung e Jerusalem hoi kathonaw pueng ni rawcahai hanelah a pathang aw h.

¹⁰ Baruk ni BAWIPA im takhang kâenna e daw k a lathueng lah kaawm e ca kauthkung Shaphan capa Gemariah e imrakhan, BAWIPA im daw k kaawm e hah taminaw pueng ni thinae koe a touk.

Cakalawng siangpahrang im vah touk lah a o

¹¹ Shaphan capa Gemariah capa Mikaiiah ni cauk thung kaawm e BAWIPA e lawknaw pueng a thai toteh,

¹² Siangpahrang im daw k a kum teh cakathutkung e imrakhan daw k a kâen. Hahoi kenhaw, hote kahrawikungnaw pueng cakathutkung Elishama, Shemaiah capa Delai, Abor capa Elnathan, Shaphan capa Gemariah, Hananiah capa Zedekiah hoi kahrawikungnaw pueng a tahung aw h.

¹³ Mikaiiah ni tamihunaw pueng ka thai lah Baruk ni cauk touk e kong a thai e naw pueng hah ahnimouh koe a pâpho pouh.

¹⁴ Hatdawkvah, kahrawikungnaw pueng ni Kushi capa, Shelemiah capa, Nathaniah capa Jehudi teh Baruk koe a patoun aw h teh, ahni koevah, tamihunaw pueng ni ka thai lah na touk e cauk hah hrawm nateh tho, telah atipouh aw h. Hattoteh Neriah capa Baruk teh cakalawng hrawm lahoi ahnimouh koe a tho.

¹⁵ Hahoi, ahni koevah tahung nateh kaimouh hnâthainae koe touk haw atipouh aw h. Hottelah Baruk ni ahnimouh ka thai lah a touk pouh.

¹⁶ Hahoi, hote lawk a thai aw h toteh, lungpuen laihoi buet touh hoi buet touh kâkhet aw h teh Baruk koevah, hete hnonaw pueng heh siangpahrang ka dei pouh roeroe han, telah ati aw h.

¹⁷ Hahoi Baruk koe, hete lawknaw pueng a pahni daw k hoi e bangtelamaw na thut, na dei pouh haw, telah a paei aw h.

¹⁸ Baruk ni hete lawknaw pueng a pahni daw k hoi a dei teh cahang hoi cauk daw k ka thut e doeh, telah atipouh.

¹⁹ Ahnimouh ni Baruk koevah, cet nateh Jeremiah hoi kâhrawk roi, apini na o roinae panuek hanh naseh, telah atipouh aw h.

Siangpahrang ni Jeremiah e cakalawng a raphoe

²⁰ Hote rapan thung siangpahrang teh cakathutkung Elishama e imrakhan daw k a hruek, a thung e lawknaw pueng pahni hoi siangpahrang koe a dei aw h.

²¹ Hahoi siangpahrang ni cakalawng la hanelah Jehudi a patoun teh cakathutkung Elishama imrakhan thung e a la. Hahoi Jehudi ni siangpahrang hoi siangpahrang teng kangdout e kahrawikungnaw hnâthainae koe a touk.

²² Thapa yung takonae kasik tue nah siangpahrang teh, hmaisaa n a kamben.

²³ Hahoi, Jehudi ni rui hni, rui thum touh a touk toteh siangpahrang ni saraica hoi vekvek a sei teh hmai daw k a phum teh he a kak.

²⁴ Siangpahrang hoi thaw katawkkungnaw, hete lawk kathainaw pueng apinihai taket aw h hoeh, a khohnanaw hai phi aw h hoeh.

²⁵ Hothloilah, Elnathan hoi Delaiiai hoi Gemariah tinaw ni cakalawng hmai phum hoeh nahanelah siangpahrang koe a kâhei, hatei banglah noutna hoeh.

²⁶ Siangpahrang ni siangpahrang capa Jerahmeel hoi Azriel capa Seraiah hoi Abdel capa Shelemiah hah cakathutkung Baruk hoi profet Jeremiah man hanelah kâ a poe. Hateiteh, BAWIPA ni ahnimouh roi teh a hro.

Jeremiah ni cakalawng bout a thut

²⁷ Hote cakalawng hoi Jeremiah e pahni thung e Baruk ni a thut e lawknaw pueng siangpahrang ni hmai he a sawi hnukkhu BAWIPA e lawk Jeremiah koe a pha.

²⁸ Cakalawng alouke lat haw. Cakalawng apasuek daw k e lawknaw pueng Judah siangpahrang Jehoiakim ni hmai a sawi e naw hah bout thun haw.

²⁹ Hahoi, Judah siangpahrang Jehoiakim e kong daw k hettelah na dei han. BAWIPA ni hettelah a dei. Babilon siangpahrang a tho roeroe vaiteh, hete ram raphoe vaiteh, hete taminaw hoi saringnaw pueng he a pâmit han, telah thut e hah, bangkongmaw hot patetlae lawk na thut telah cakalawng thut e hah hmai a sawi.

³⁰ Hatdawkvah, Judah siangpahrang Jehoiakim e kong daw k BAWIPA ni hettelah a dei. Devit e bawitungkung daw k ka tahung hane tami tawn maoh. A ro hai kanîthun kâan poung e hoi tangmin tadamtui um vah tâkhawng lah ao han.

³¹ Hahoi a yonnae daw kvah ama hoi a catounnaw hoi a thaw katawknaw ka rek han. Hahoi amamouh hoi Jerusalem vah kho kasaknaw hoi Judahnaw e lathueng ahnimouh koe ka pâpho pouh e hoi a thai ngai aw h hoeh e hawihoe hnae pueng ka pha sak han, telah ati.

³² Hottelah Jeremiah ni cakalawng alouke a la teh cakathutkung Neriah capa Baruk koe a poe. Ahni ni hawvah Jeremiah e pahni daw k hoi ka

tâcawt e cakalawng dawk thut e naw pueng Jehoiakim ni hmaisawi e lawk hah bout a thut e hloilah hot hoi kâvan e lawknaw moikapap a thut sin.

37

Zedekiah ni ngaihawinae cungkeihoeh

¹ Josiah capa Zedekiah teh Babilon siangpahrang Nebukhadnezar ni Judah ram siangpahrang lah ao sak e Jehoiakim capa Koniah yueng lah a bawi.

² Hatei, ama hoi a thaw katawkkungnaw hoi a ram thung kaawm e taminaw ni, profet Jeremiah ni a dei e BAWIPA lawk thai ngai awh hoeh.

³ Siangpahrang Zedekiah ni, Shelemiah capa Jehukal hoi Maaseiah capa vaihma Zephaniah hah profet Jeremiah koe Cathut BAWIPA na ratoum pouh haw telah dei pouh hanelah a patoun.

⁴ Jeremiah teh taminaw hoi ama ngai patetlah a paitun rah. Bangkongtetpawiteh, hatnavah thongim thung bawt hoeh rah.

⁵ Faro ransahu Izip ram hoi a tâco awh toe. Jerusalem kalup e Khaldean taminaw ni ahnimae kamthang a thai awh toteh, Jerusalem a ceitakhai awh.

⁶ Hat toteh, BAWIPA e lawk profet Jeremiah koe a pha.

⁷ Isarel Cathut BAWIPA ni hettelah a dei, Judah siangpahrang ni kai koe pouknae hei hanelah a patoun e naw koevah, khenhaw! Faro ransahu nangmouh kabawp hanlah kathonaw hah amamae ram Izip lah bout a ban awh han.

⁸ Khaldean taminaw teh ban awh vaiteh, hete khopui heh tuk laihoi a la awh vaiteh hmai a sawi awh han.

⁹ BAWIPA ni hettelah a dei, Khaldean taminaw ni na ceitakhai awh han telah namahoima kâdum hanh awh. Bangkongtetpawiteh, na ceitakhai awh mahoe.

¹⁰ Nangmouh ka tuk e Khaldean ransahu na tâ awh nakunghai, ahnimouh thung e hmâ ka cat ni teh kaawm rae naw hah amae rim hoi thaw awh vaiteh hete khopui heh, hmaisawi awh roeroe han, telah na dei han telah atipouh.

Jeremiah thongim a pabo awh

¹¹ Hahoi, Faro ransahu taki lahoi Khaldean ransanaw ni Jerusalem a ceitakhai awh navah,

¹² Jeremiah ni hote taminaw rahak hoi, a ham la hanelah Benjamin ram daw kâen hanelah Jerusalem a tâco takhai.

¹³ Benjamin longkha koe a pha navah, ramvengnaw kahrawikung Hananiah capa Shelemiah capa, a min Irijah teh hawvah a la o. Ahni ni Khaldean taminaw hoi na kâkuet telah profet Jeremiah hah a man awh.

¹⁴ Jeremiah ni laithoe doeh. Khaldean taminaw koe ka kâkuen hoeh telah ati. Hatei, thai ngai hoeh. Hat toteh, Irijah ni Jeremiah hah a man teh kahrawikungnaw koe a ceikhai.

¹⁵ Kahrawikungnaw teh Jeremiah koe puenghoi a lungkhuek awh. A hem awh hnukkhu, ca kathutkung Jonathan im e thongim daw k a pabo awh. Bangkongtetpawiteh, hot teh thongim lah a hmoun e doeh.

¹⁶ Jeremiah teh talai thung thongim daw k a kâen teh hawvah, a hnin kasawlah ao.

¹⁷ Siangpahrang Zedekiah ni tami a patoun teh a tâco sak. Siangpahrang im vah arulaho a pacei teh ahni koevah, BAWIPA koehoi e lawk ao bangmaw telah a ti.

¹⁸ Jeremiah ni siangpahrang Zedekiah koevah, nama thoseh, na thawtawknaw koe thoseh, hete taminaw koe thoseh, bangpatet lae yonnae maw ka sak teh thongim na paung.

¹⁹ Nang koe Babilon siangpahrang ni tuk hanelah tho mahoe telah ka dei e na profetnaw hah namaw ao awh.

²⁰ Oe siangpahrang ka BAWIPA pahren lahoi na thai pouh haw. Ka kâhei e heh dâw haw. Ka kâhei, ca kathutkung Jonathan im lah bout na ban sak hanh, hawvah kadout payon vaih, telah a ti.

²¹ Siangpahrang Zedekiah ni, kâ a poe teh Jeremiah hah ramveng rapan thung vah a paung. Vaiyei kasakkungnaw ni sak e thung hoi hnintangkuem vaiyei phen buet touh khopui thung vaiyei ao roukrak a poe awh. Hottelah Jeremiah teh ramvengnaw e rapan thung vah ao.

38

Tangkom thung Jeremiah

¹ Hahoi, Mattan capa Shephatiah, Pashhur capa Gedaliah, Shelemiah capa Jukal hoi Malkhijah capa Pashur tinaw ni, tami moikapap koe Jeremiah ni,

² BAWIPA ni hettelah a dei, hete khopui dawk kaawm rae hah tahloi, takang hoi lacik hoi a due awh han. Hatei, Khaldean taminaw koe ka kâhmoun e tami teh a hring han. A hringnae teh ahnimouh koe poe e phu lah ao vaih a hring han.

³ BAWIPA ni hettelah a dei, hete khopui heh Babilon siangpahrang ransanaw koe poe e lah ao vaiteh, a la awh han telah a dei awh e hah a thai awh.

⁴ Hatdawkvah, kahrawikungnaw ni siangpahrang koevah pahren lahoi hete tami heh thei e lah awm naseh. Bangkongtetpawiteh, ahni ni ahnimouh koe hettelah lawk a dei teh, hete khopui thung e taran ka tuk hane naw hoi taminaw tha a youn sak. Hete tami ni taminaw hawi nahane tawng laipalah thoenae doeh a tawng telah ati awh.

⁵ Siangpahrang Zedekiah ni kenhaw! ahni teh nangmae kut dawk poe lah ao toe nahoehmaw. Bangkongtetpawiteh, siangpahrang ni na ngai awh hoeh e ouk sak thai boihoeh telah a ti.

⁶ Jeremiah a ceikhai awh teh, ramveng rapan thung kaawm e siangpahrang capa Malkhijah talai rahim tangkom dawk a tâkhawng awh. Jeremiah teh tangkom thung tangdong dawk a pabo awh teh, tangdong dawk ao.

⁷ Ethiopia tami siangpahrang im ouk kaawm boi e, Ebedmelek ni Jeremiah talai thung tangkom dawk a ta tie hah a la thai. Hatnavah siangpahrang teh Benjamin longkha koe a la tahung.

⁸ Ebedmelek teh siangpahrang im hoi a tâco teh, siangpahrang koevah,

⁹ ka bawipa siangpahrang, hete taminaw ni profet Jeremiah talai thung tangkom dawk pabo e hah kalenpoung yonnae a sak awh e doeh. Vonhnam hoi a onae hmuen koe a due yawkaw han doeh, bangkongtetpawiteh, khopui thung vaiyei awm hoeh toe telah a ti.

¹⁰ Hahoi siangpahrang ni Ethiopia tami Ebedmelek hah kâ a poe teh hi hoi tami 30 touh hoi cet awh nateh, talai thung tangkom dawk a due hoehnahan profet Jeremiah teh lat awh telah kâ a poe.

¹¹ Hottelah Ebedmelek ni tami a ceikhai teh, siangpahrang hnopai tanae im rahim a kâen teh angki karuem tâkhawng e hoi hnikapon hah a la teh, tangkom thung Jeremiah koe rui hoi a pabo pouh.

¹² Ethiopia tami Ebedmelek ni Jeremiah koe hete angki ka pon hoi hnikapon naw heh na yakba rahim rui hoi pakhit atipouh e patetlah Jeremiah ni a sak.

¹³ Jeremiah teh talai thung tangkom dawk hoi rui hoi a rasa aw. Hottelah, Jeremiah teh ramvengnaw e rapan thung ka saw lah ao.

Zedekiah takinae

¹⁴ Hahoi siangpahrang Zedekiah ni Jeremiah hah a kaw teh, BAWIPA e im kâenna apâthum e dawk ahni teh a kâenkhai. Siangpahrang ni lawk na pacei han banghai pâphat hanh loe telah a ti.

¹⁵ Jeremiah ni ka dei pawiteh, na thei payon han boma. Pouknae na poe nakunghai bout na ngai mahoe telah atipouh.

¹⁶ Siangpahrang Zedekiah ni, BAWIPA ka hringnae kasakkung a hring e patetlah na thet mahoe, nang na ka thet hane naw hai na poe mahoe, telah arulaho thoe a kâbo.

¹⁷ Hat toteh, Jeremiah ni BAWIPA Isarel Cathut ransahu BAWIPA ni hettelah a dei, Babilon siangpahrang kahrawikungnaw koe na kâhmoun aw pawiteh, na hringnae a hlout han, hete khopui hai hmai kang mahoe, nama hoi na imthungnaw hai na hring aw han.

¹⁸ Hatei, Babilon siangpahrang kahrawikungnaw koe na kâhmoun aw hoehpawiteh, hete khopui heh Khaldean taminaw kut daw poe lah ao han, hmaisawi aw vaiteh, ahnimae kut daw hoi na hlout aw roeroe mahoe telah atipouh.

¹⁹ Siangpahrang Zedekiah ni Jeremiah koevah, Khaldean taminaw ka kâhmoun e Judah tami hah na man sak vaiteh, panulai lah kaawm payon vaih tie ka lungpuen, atipouh.

²⁰ Hatei, Jeremiah ni na man sak mahoe, nang koe ka dei e BAWIPA e lawk ma yuem. telah pawiteh nang hanlah ahawi han, hring hai bout na hring han.

²¹ Hatei, na kâhmoun hoehpawiteh, hethateh BAWIPA e lawk ni na hmusak e doeh.

²² Khenhaw! Judah siangpahrang im daw kaawm e napuinaw pueng Babilon siangpahrangnaw koevah, ceikhai lah ao vaiteh, hote napuinaw niyah, na hui kahawinaw ni na dum aw teh na tâ aw toe, na khok hah tangdong daw a mang tahma vah koug na cei takhai aw han, telah ati aw han.

²³ Na yu na canaw hah Khaldean taminaw koe a ceikhai aw vaiteh, a kut daw hoi na tâcawtkhai mahoe toe. Babilon siangpahrang kut daw man e lah na o vaiteh, nang kecu daw hete khopui hmaisawi aw han telah atipouh.

²⁴ Zedekiah ni Jeremiah koevah, hete lawk apinihai thai hanh naseh, telah pawiteh na dout mahoe telah atipouh.

²⁵ Hatei, kahrawikungnaw ni a kâpato roi e hah a thai aw. Nang koe a tho aw teh, siangpahrang na dei e hoi siangpahrang ni nang koe a dei e hai na dei pouh haw, kaimouh koe banghai pâphat hanh, na thet aw mahoe, telah tet aw pawiteh,

²⁶ Ahnimouh koevah Jonathan im lah na ban sak nateh, hawvah ka due hoeh nahane lah doeh siangpahrang koe ka kâhei, telah na ti pouh han telah atipouh.

²⁷ Hahoi, Jeremiah koe a tho aw toteh kahrawikungnaw ni a pacei aw. Siangpahrang ni kâ a poe e patetlah a dei pouh. Hat toteh, bout pacei aw hoeh toe. Bangkongtetpawiteh, pouknae hah panuek aw hoeh.

²⁸ Hottelah Jerusalem a tuk awh teh a lanæ hnin totouh, Jeremiah teh thongim rapan thung ao rah. Hahoi Jerusalem teh a la awh.

39

Jerusalem rawpnae

¹ Judah siangpahrang Zedekiah a bawinae kum 9, thapa yung hra nah Babilon siangpahrang Nebukhadnezar hoi a ransanaw ni Jerusalem a tuk awh teh a kalup awh.

² Zedekiah a bawinae kum 11, thapa yung pali hnin tako nah khopui rapan peng a raphoe awh.

³ Hahoi, Jerusalem a la awh toteh, Babilon siangpahrang kahrawikung-naw a kâen awh teh longkha lungui vah Negalsharezer, Sangarnebo, Sarsekhim, Rabsaris, Negalsharezer, Rabmag tinaw hoi Babilon kahrawikung alouke pueng hoi a tahung awh.

⁴ Hahoi, Judah siangpahrang Zedekiah hoi taran ka tuk e pueng ni ahnimouh a hmu awh toteh, a yawng takhai awh. Khopui thung hoi tangmin vah siangpahrang e takha koelah kalupnae tapang kahni touh e longkha koehoi a yawng awh, ama teh ayawn koe lah a cei.

⁵ Hatei, Khaldean ransanaw ni ama hah a pâlei awh teh, Jeriko tangling dawak rek a pha awh, a man awh hnukkuh Babilon siangpahrang Nebukhadnezar koe Hamath ram e Riblah kho dawak a ceikhai awh teh, ahni ni lawk a ceng.

⁶ Babilon siangpahrang ni Riblah kho dawak a mithmu roeroe vah Zedekiah capanaw hah a thei pouh, Babilon siangpahrang ni Judah tami kacuenaw hai a thei awh.

⁷ Hothloilah, Zedekiah e mitmu a cawngkhawi pouh, sumbawtarui hoi a katek awh teh, Babilon lah a ceikhai awh.

⁸ Khaldean taminaw ni siangpahrang im hoi alouke imnaw pueng hmai a sawi awh teh Jerusalem hai a raphoe awh.

⁹ Ramvengnaw kahrawikung Nebuzaradan ni khopui thung kaawm e taminaw hoi ahnimouh koe kamkhueng e taminaw hoi kacawirae taminaw pueng Babilon vah san lah a ceikhai awh.

¹⁰ Hahoi, ramvengnaw kahrawikung Nebuzaradan ni Judah ram e tami ka roedeng banghai ka tawn hoeh naw a ceikhai teh misur takha hoi lawnaw hah a poe.

Jeremiah a hlout

¹¹ Hahoi, Babilon siangpahrang Nebukhadnezar ni, Jeremiah kong dawak ramvengnaw kahrawikung Nebuzaradan koevah,

¹² ahni hah cetkhai nateh kahawicalah khenyawn, khoeroe rektap hanh, nang koe ka dei e patetlah sak, telah kâ a poe.

¹³ Hahoi, ramvengnaw kahrawikung Nebuzaradan ni Nebushasban hoi Rabsaris, Nergalsharezer, Rabmag tinaw hoi Babilon siangpahrang ransabawinaw lawk a thui teh,

¹⁴ ahnimouh ni Jeremiah teh ramvengnaw e rapan thung hoi a kaw awh teh, Saphan capa Ahikam capa Gedaliah koevah, a im dawak luen hanelah lawk a thui teh tamimaya koe kho a sak.

¹⁵ Hahoi, ramvengnaw e rapan thung pâkhi lah ao navah, BAWIPA e lawk teh Jeremiah koe a pha.

¹⁶ Ethiopia tami Ebedmelek koevah, ransahu BAWIPA Isarel Cathut ni hettelah a dei, kenhaw! ahawi nahane laipalah hete khopui rawk phai

nahanelah ka lawk ka pha sak vaiteh hot hnin roeroe vah na hmalah ka kuep sak han.

¹⁷ Hot hnin vah nang teh rungngang e lah na o han, telah BAWIPA ni a dei. Na taki e taminaw koe poe e lah na awm mahoe.

¹⁸ Bangkongtetpawiteh, na rungngang roeroe vaiteh, tahloi hoi na dout mahoe. Hatei. nang hringnae teh na hlout sak han. Bangkongtetpawiteh, kai na kâuep dawkvah, telah BAWIPA ni a dei, telah dei pouh telah ati.

40

Jeremiah teh Gedaliah im dawk a o

¹ Judah hoi Jerusalem hoi san lah ceikhai e naw pueng Babilon lah a ceikhai e naw koevah, Jeremiah hah rui hoi a pâkhi laihoi a ceikhai awh lahun nah, ramvengnaw kahrawikung Nebuzaradan ni Ramah hoi a tâco sak hnukkhu, BAWIPA koehoi Jeremiah koe ka phat e lawk teh,

² ramvengnaw kahrawikung ni Jeremiah hah a ceikhai teh ahni koevah, BAWIPA na Cathut ni hete hmuen koe ka tho hane kahawihoehe hah a pâpho toe.

³ Hahoi, BAWIPA ni a dei e patetlah a kuep sak. Bangkongtetpawiteh, BAWIPA taranlahoi yonnae na sak awh teh, a lawk hah na tarawi awh hoe, hatdawkvah hete hnonaw nangmae lathueng vah a pha.

⁴ Atu khenhaw! na kut daw k e sumrui daw hoi sahnin na hlout sak. Babilon lah kai koe na tho hane na ngai pawiteh tho, na khetyawt han. Hatei Babilon lah kai koe tho hanlah na ngai hoehpawiteh, hîvah awm yawkaw. Khenhaw! ramnaw pueng na hmalah aô, na lungkuep e hoi ahawi na tie hmuen koe cet yawkaw telah ati.

⁵ Jeremiah teh a ban hoehnahlan vah, Nebuzaradan ni, Judah khopuinaw lathueng vah ukkung hane hah Babilon siangpahrang ni a hruék e Shaphan capa, Ahikam capa Gedaliah koe vah ban nateh, tamimaya koevah awm, hoehpawiteh na ngainae koe pueng vah cet yawkaw telah ati.

⁶ Hat toteh, ramvengnaw kahrawikung ni canei hane hoi poehnonaw a poe teh a ceisak. Jeremiah teh Ahikam capa Gedaliah koe Mizpah kho daw k a cei teh hote ram daw k kaawm e taminaw koe ao.

⁷ Hahoi ransahu kaukkungnaw kahrawngum kaawm e amamouh hoi a uk e taminaw ni Babilon siangpahrang ni Ahikam capa Gedaliah hah teh ram daw k e tami karoedengnaw Babilon vah ceikhai e naw hah a kut daw k a ta tie a thai awh toteh,

⁸ Mizpah kho Gedaliah koe a tho awh, Nethaniah capa Ishmael, Kareah capa Johanan hoi Jonathan hoi Tanhumeth capa Seraiah hoi Netophath tami Ephai capa naw hoi Maakath tami e capa Jezaniah tinaw hoi a sannaw hoi,

⁹ hahoi, Saphan capa Ahikam capa, Gedaliah ni amamouh hoi a kut rahim e taminaw koe, Khaldean taminaw thaw taw k e hah taket hanh awh, ram thung vah karoumcalah awm awh, Babilon siangpahrang e thaw taw k awh, nangmouh hanlah ahawi han.

¹⁰ Kai na pâlei teh, Mizpah kho daw k ka o han. Khaldean tami ka hmalah ka tho hane naw koevah, nangmouh yueng lah ka kangdue han, nangmouh teh misur tui hoi kompawi paw, satuinaw hah lat awh nateh, a um daw k pátung awh nateh na la awh e kho daw k khosak awh, telah lawkkamnae a sak.

¹¹ Hottelah, Judah taminaw Moab ram daw k kho ka sak e, Ammon taminaw koe kho ka sak e hoi Edom ram daw k kho ka sak e hoi

ramlouk lah kaawmnaw ni Babilon siangpahrang ni Judah tami tangawn a ceitakhai teh, ahnimouh lathueng vah Shaphan capa, Ahikam capa Gedaliah hah a tâ tie a thai aw h toteh,

¹² Judah taminaw pâleinae hmuen koehoi a ban aw h teh, Judah ram e Mizpah kho Gedaliah koevah, a tho aw h teh misur hoi kompawi pawnaw moi a thokhai aw h.

¹³ Hothloilah, Koreah capa Johanan hoi ransahu kahrawikung e ram rahim kaawmnaw pueng Mizpah kho e Gedaliah koe a tho aw h teh,

¹⁴ Ammon taminaw siangpahrang Baalis ni na thei hanlah Nethaniah capa, Ishmael a patoun tie na panue maw telah ati aw h. Hatei, Ahikam capa Gedaliah ni yuem hoeh.

¹⁵ Hahoi, Koreah capa Johanan ni Mizpah kho e Gedaliah koevah, kai na cetsak haw, Nethaniah capa Ishmael teh ka thet vai, apinihai panuek mahoeh. Bangkongmaw na thei aw h vaiteh, nang koe kaawm e Judah taminaw kâkapek vaiteh due aw h han telah arulaho a dei.

¹⁶ Hatei, Ahikam capa Gedaliah ni Koreah capa Johanan koevah, hete hno heh na sak hane nahoeh. Bangkongtetpawiteh, Ishmael e kong daw k na dei e atang nahoeh, telah ati.

41

Gedaliah taranlahoi taranthawnae

¹ Hahoi, thapa yung sari nah Elishama capa, Nethaniah capa Ishmael, siangpahrang thaw taw k e thung tami buet touh ni tami hra touh a hrawi teh Mizpah kho e Ahikam capa Gedaliah koe a tho aw h teh, Mizpah khovah rei a canei aw h.

² Nethaniah capa Ishmael teh a hrawi e tami hra touh hoi a thaw aw h teh, Saphan capa Ahikam capa, Babilon siangpahrang ni ram kaukung lah a hruék e Gedaliah hah tahloi hoi a thei aw h.

³ Ahni koe kaawm e Judahnaw hoi Mizpah hoi Gedaliah koe kaawmnaw hoi Khaldean tarankatuknaw pueng hai Ishmael ni he a thei.

⁴ Gedaliah a thei hnukkhu, hnin apâhni nah hettelah ao, apinihai panue hoehnahlan,

⁵ Shekhem hoi Shiloh hoi Samaria kho daw k hoi tami 80 touh hah amamae pâkhamuen a ngaw aw h teh, khohnanaw a phi aw h teh, amahoima a kâbouk aw h. Vaiyei thuengnae hoi hmuituinaw a sin aw h teh, BAWIPA im daw k thuengnae sak hanelah a tho aw h.

⁶ Nethaniah capa Ishmael teh Mizpah kho daw k, ahnimouh dawn hanelah a tâco. Lam hoi a ka, hahoi ahnimouh a hmu toteh, ahnimouh koevah, Ahikam capa Gedaliah koe tho aw h telah ati.

⁷ Hahoi, khopui a pha aw h toteh, Nethaniah capa Ishmael hoi a hrawi e taminaw ni ahnimouh a thei teh tangkom thung he a tâkhawng.

⁸ Ahnimouh thung hoi tami 10 touh ni na thet han aw h. Bangkongtetpawiteh, ram thung cakang hoi satui hoi khoitui naw ka hro aw h telah ati aw h. Hottelah ahnimouh teh a hmaunawngghanaw thung hoi thet aw h hoeh.

⁹ Ishmael ni Gedaliah hoi a thei e taminaw a ro tâkhawngnae tangkom hah siangpahrang Asa ni Isarel siangpahrang Baasha a taki daw k a sak e doeh. Nethaniah capa Ishmael ni hote tangkom teh tami ro hoi a kawi sak.

¹⁰ Hahoi, Isarel ni Mizpah kho e kacawirae siangpahrang canu hoi Ahikam capa Gedaliah koe e ramvengnaw kahrawikung Nebuzaradan ni a kut daw k a ta e hoi Mizpah kho kaawmnaw pueng san lah a

ceikhai. Nethaniah capa Ishmael ni ahnimouh teh san lah a ceikhai teh Ammonnaw e ram pátam laihoi a tâco.

¹¹ Hatei, Koreah capa Johanan hoi ahni koe kaawm e ransahu kahrawikungnaw ni Nethaniah capa Ishmael ni a sak e hno hawihoe h tie a panue awh teh,

¹² taminaw pueng a ceikhai teh, Nethanel capa Ishmael tuk hanelah a cei awh, tui moikapap onae hmuen Gibeon vah a hmu awh.

¹³ Hahoi, Ishmael koe kaawm e taminaw pueng ni Koreah capa Johanan hoi ahni koe e ransahu a hmu awh toteh puenghoi a lunghawi awh.

¹⁴ Hat toteh, Ishmael ni Mizpah kho hoi san lah a hrawi e taminaw pueng a ban sak teh, Koreah capa Johanan koe a cei awh.

¹⁵ Hatei, Nethaniah capa Ishmael teh tami 8 touh hoi Johanan koehoi a yawng teh, Ammon taminaw koe a cei awh.

¹⁶ Hat toteh, Koreah capa Johanan hoi ama koe e ransahu pueng ni Nethaniah capa Ishmael ni Ahikam capa Gedaliah a thei hnukkhu, Mizpah hoi Nethaniah capa Ishmael koehoi Johanan ni a rungngang e taminaw pueng, tarantuk e naw hoi napui camonaw hoi tuenlanaw hoi Gibeon hoi kabannaw hai koug a ceikhai.

¹⁷ Hahoi, a tâco awh teh Khaldean taminaw kecu daw k Izip ram lah yawng hanlah a kâcai awh teh, Bethlehem kho teng e Geruth Khimham vah kho a sak awh.

¹⁸ Bangkongtetpawiteh, Babilon siangpahrang ni hote ram uk hanlah a ta e Ahikam capa Gedaliah hah Nethaniah capa Ishmael ni a thei dawkvah Khaldean taminaw a taki awh.

42

Izip ram yawng hane a haw awh

¹ Kahrawikungnaw hoi Koreah capa Johanan hoi Hoshaiah capa Jezaniah hoi taminaw pueng, kathoengca koehoi kalenpoung totouh a kamkhueng awh.

² Profet Jeremiah koe vah, na hmalah pahrennae ka kâhei e naw he na dâw pouh haw. Kacawirae taminaw hanelah na Cathut koe pahrennae lahoi na ratoum pouh haw, kacawirae taminaw hanelah na Cathut koe pahren lahoi na ratoum pouh haw. Bangkongtetpawiteh, na hmu awh e patetlah tami moikapap thung hoi tami youn touh doeh ka o awh toe.

³ BAWIPA na Cathut ni ka cei awh nahane hoi ka tawksak awh hane na hmusak nahanelah, telah ati awh.

⁴ Profet Jeremiah ni nangmae lawk ka thai, kenhaw! mamae lawk patetlah BAWIPA na Cathut koe ka hei han. Hahoi BAWIPA ni bout na dei pouh e naw pueng, nangmouh koe he ka dei han, nangmouh koe banghai ka pâpbat mahoeh telah ati.

⁵ Ahnimouh ni Jeremiah koe vah, BAWIPA na Cathut ni nang hno lahoi kaimouh koe a tha e lawk patetlah ka sak awh hoehpawiteh, kaimouh rahak vah BAWIPA teh kapanuekkhaikung hoi yuemkamcu e lah awm lawiseh.

⁶ BAWIPA Cathut e pahni daw k hoi ka tâcawt e ka tarawi awh toteh, kaimouh hanlah hawinae lah ao thai nahan thoseh, ahawi thoseh, na ka patoun e Cathut BAWIPA ni a dei e teh, ka tarawi awh roeroe han, telah ati awh.

⁷ Hahoi, hnin hra hnukkhu, BAWIPA e lawk Jeremiah koe a pha.

⁸ Hahoi Koreah capa Johanan hoi ahni koe e ransahu kahrawikungnaw pueng hoi ransanaw pueng kathoenca koehoi kalenpoung totouh a kaw teh,

⁹ ahnimouh koe, a hmalah pahrennae na kâheinae phasak hanelah na patounnae BAWIPA Isarel cathut ni hettelah a dei.

¹⁰ Hete ram dawк pou na awm aw h pawiteh, bout na kamlang sin vaiteh, na raphoe mahoe h, bout na ung aw h vaiteh, na phawng mahoe h. Bangkongtetpawiteh, nangmouh lathueng hawihoe hnae ka pha sak e pankângai toe.

¹¹ Babilon siangpahrang ouk na taki aw h e hah taket aw h hanh aw h, telah BAWIPA ni a dei. Bangkongtetpawiteh, a kut thung hoi rungngang hane hoi rasa hanelah nangmouh koe ka o.

¹² Lungangnae tawn thai aw h nahanlah nangmae lathueng lungmanae ka kamnuе sak vaiteh, namamae ram dawк roeroe na bankhai aw h han.

¹³ Hatei, hete ram dawк kaaawm aw h mahoe h telah BAWIPA na Cathut e lawk na ngai aw h hoe h teh,

¹⁴ Izip ram lah ka cei aw h vaiteh, hawvah tarantuknae roeroe ka kâhmo aw h mahoe h, mongka lawk hai ka thai aw h mahoe h, vonhlam, tui kahrannae hai awm mahoe h, hote hmuen koe kho ka sak han na tet aw h pawiteh,

¹⁵ Oe kacawirae Judah taminaw, BAWIPA e lawk thai aw h haw, ransahu BAWIPA Isarel Cathut ni hettelah a dei. Izip ram dawк kâen hane hoi khosak hanlah thama lah na ban aw h pawiteh,

¹⁶ na taki aw h e tahloi ni Izip ram vah a pha vaiteh, hawvah na due aw h han.

¹⁷ Izip ram dawк khosak hanelah thama lah ka cet e taminaw pueng hottelah ao aw h han. Tahloi, takang, lacik hoi a due aw h han, hawihoe hnae ahnimouh lathueng ka pha sak hane thung hoi apihai hlout mahoe h.

¹⁸ Ransahu BAWIPA Isarel Cathut ni hettelah a dei, Jerusalem kho ka sak e taminaw koe ka lungkhueknae ka rabawк e patetlah Izip ram na kâen aw h toteh, nangmouh lathueng lungkhueknae ka rabawк han. Pathoe e, kângai ka ru e, thoebo e, hnephnap e lah na o aw h vaiteh hete hmuen bout na hmawt aw h mahoe h toe.

¹⁹ Oe kacawirae Judah taminaw, BAWIPA ni nangmouh kong dawк a dei toe. Izip ram dawк kâen hanh aw h, Sahnin vah na thaisak aw h tie hah pahnim roeroe hanh aw h.

²⁰ BAWIPA na Cathut koe vah kai na patoun aw h navah, Namamae hringnae sung hanelah namahoima na kâdum aw h e doeh. Mamae BAWIPA ka Cathut kaimouh yueng ratoum haw, maimae BAWIPA Cathut ni a dei e naw pueng kaimouh koe na dei pouh haw ka sak aw h han telah na ti aw h.

²¹ Sahnin vah nangmouh koe ka pâpho, hatei nangmouh koe na ka patoun e BAWIPA na Cathut lawк hah bout na tarawi ngai aw h hoe h.

²² Hatdawк vah, atu panueк aw h, khosak hanlah na ngai aw h e hmuen koe roeroe vah, tahloi, takang, lacik hoi na due aw h roeroe han telah ati.

43

Jeremiah teh Izip ram lah a ceikhai aw h

¹ Jeremiah ni tamimaya koe vah, BAWIPA Cathut e lawк, BAWIPA Cathut ni dei hanelah a patoun e kong naw hoi lawknaw pueng he a dei hnukkuh,

² Hoshaiah capa Azariah hoi Koreah capa Jahanan hoi ka kâoup e taminaw pueng ni Jeremiah a pathung aw hoh teh, ahni koevah, kalanhoehe lah lawk na dei, BAWIPA ka Cathut ni Izip ram daw k kho na sak aw hoh hanlah na cet aw mahoe h, telah dei hanlah na patoun roeroe hoeh.

³ Khaldean taminaw e kut daw k man e lah ka o aw hoh teh, na thei aw hoh nahane hoi Babilon san lah na hrawi aw hoh nahan Neriah capa Baruk ni kaimou h tuk hanlah na patoun e doeh telah a dei aw hoh.

⁴ Hahoi teh, Koreah capa Johanan hoi ransanaw kahrawikung hoi tamimaya ni Judah ram daw k khosak hanlah BAWIPA e lawk hah thai han ngai aw hoh hoeh.

⁵ Hahoi, Koreah capa Johanan hoi ransahu kahrawikung ni kacawirae Judah taminaw pueng, Judah ram daw k khosak hanlah kampuen ni teh a onae mipunnaw koe ka ban aw hoh e naw,

⁶ napui, tongpa, camonaw hoi siangpahrang canunaw hoi tami pueng ramvengnaw kahrawikung Nebuzaradan ni Shaphan capa, Ahikam capa Gedaliah hoi ahni koe e a hruek e taminaw ni, profet Jeremiah hoi Neriah capa Baruk hai a ceikhai aw hoh.

⁷ Hattoteh Izip ram daw k a cei aw hoh. Bangkongtetpawiteh, BAWIPA e lawk thai han a ngai aw hoh hoeh daw k, Tahpanhes totou h a cei aw hoh.

⁸ Tahpanhes vah BAWIPA e lawk Jeremiah koe a pha.

⁹ Talungpui lat nateh, Tahpanhes e Faro im kâenna e a kung koe amhru lai rahim vah Judah taminaw e hmalah roeroe vah hrawk pou h.

¹⁰ Hahoi ahnimou h koe ransahu BAWIPA Isarel Cathut ni hettelah a dei, kenhaw! ka thaw taw k e Babilon siangpahrang Nebukhadnezar hah tha kaawm lahoi ka thokhai vaiteh, ahni ni hete talung ka pakawp e naw daw k, a bawitungkhung a ta vaiteh, ahnimae lathueng siangpahrang hni hoi a khu han.

¹¹ A tho vaiteh Izip ram a tuk vaiteh, ahmaloe kadoutnaw e duenae koe san lah kaawm hane naw, san daw k tahloi hoi kadout hane naw tahloi daw k a hruek han.

¹² Izip taminaw e cathut im daw k hmai tâco sak lahoi he a kak vaiteh, san lah a ceikhai han. Tukhoum kung khohna a kho e patetlah Izip ram teh a khohna han. Hote hmuen koehoi karoumcalah a tâco vaiteh,

¹³ Izip ram e Bethshemesh daw k ka rasang e meikaphawknaw raphoe vaiteh, Izip cathut imnaw hmai hoi a sawi han ati, tet pou h telah ati.

44

Isarel naw reknae

¹ Izip ram daw k kaawm e Judah taminaw pueng, Migdil, Tahpanhes, Noph kho hoi Pathros ram khosaknaw kong daw k Jeremiah koe ka tho e lawk.

² Ransahu BAWIPA Isarel Cathut ni hettelah a dei, Jerusalem hoi Judah khopuinaw pueng e lathueng rawkkahmanae ka tho sak e naw pueng hah na hmu aw hoh toe. Hatdawkvah, kenhaw! sahnin vah a kâraphoe teh apihai khosak aw hoh hoeh toe.

³ Bangkongtetpawiteh, ahnimou h ni thoseh, nangmou h ni thoseh, na mintoenaw ni thoseh a panue aw hoh boihoeh e cathut alouke baw k hane hoi ahnimou h koe hmufui thueng hanlah a cei aw hoh teh, kaie lungkhuek sak nahanlah thoena e lam a dawn aw hoh.

⁴ Hottelah nakunghai ka san profetnaw amom a thaw aw hoh teh, ka patoun teh ahnimou h koevah, oe! hete panuettho e hno, ka hmuhma e heh sak aw hoh hanh leih telah ka ti.

⁵ Hatei cathut alouknaw koe hmuítui thueng hoeh hane hoi hawihoehnae kamlang takhai hanelah thai ngai awh hoeh.

⁶ Hatdawkvah, ka lungkhueknae hoi ka lungkâannaeh teh Judah khopuinaw hoi Jerusalem lamnaw daw k a rabaw k teh, a kamtawi. Sahnin vah a coungrae patetlah a kâraphoe teh kingdi toe.

⁷ Hatdawkvah, Isarel Cathut ransahu Cathut BAWIPA ni hettelah a dei, bangkongmaw namamouh thung hoi napui tongpa, camo sanu ka net e hoi Judah taminaw thung hoi apihai pâhlung laipalah be pâmit hanelah hete kahawihoehe hno heh, namamouh taranlahoi letlang na sak awh teh,

⁸ khosak hanlah na ceinae Izip ram daw k e cathutnaw koe hmuítui na thueng awh teh, talai van e miphunnaw rahak vah, mahoima kâraphoe hane hoi, thoebo e tami hoi, pathoe e tami lah o hanelah na meikaphawknaw roeroe ni ka lungkhuek sak.

⁹ Na kakhekungnaw hawihoehnae hoi Judah siangpahrangnaw hawihoehnae, tamimaya hawihoehnae, namamouh hawihoehnae hoi, na yunaw hawihoehnae Judah ram hoi Jerusalem lamthung daw k a sak awh e naw hah na pahnim awh toung maw.

¹⁰ Sahnin totouh pankângai kalawn awh hoeh. Na kakhekung hoi nangmae hmalah ka kannue sak e ka kâlawk hoi ka phunglam hah na tarawi awh hoeh teh na taket awh hoeh.

¹¹ Hatdawkvah, ransahu BAWIPA Isarel Cathut ni hettelah a dei, Khen awh haw nangmouh rawk nahane hoi Judah taminaw pueng raphoe hanelah na taran awh han.

¹² Hahoi kacawirae Judah Izip ram vah khosak hanlah kabawmnaw hah ka man vaiteh, be ka pâmit han. Izip ram lah ban awh vaiteh, tahloi, takang hoi be raphoe e lah ao han. Kathoengca koehoi kalenpoung totouh tahloi, takang hoi a due awh han. Thoebo e hoi tami ni kângairu e hoi lawkthoeumkha bap e, hnepnap e lah ao awh han.

¹³ Jerusalem ka rek e patetlah Izip ram daw k kho ka sak e naw hah, tahloi, takang, lacik hoi ka rek han.

¹⁴ Hahoi Izip ram khosak hanlah kacetnaw thung hoi kacawirae Judah taminaw hah Judah ram ao awh nahane ban han a ngai poung awh e ram daw k a ban hanelah buet touh boehai ka dam lahoi tâcawt mahoe h. Arulaho i ka yawng e hoeh laipalah teh apihai ban mahoe h.

¹⁵ Hattoteh taminaw pueng a yunaw ni cathut alouke koevah hmuítui a sawi awh telah ka panuek e naw hoi ka kangdout e napui moikapap naw, Izip ram daw k kho ka sak e tamimaya ni Pathros vah Jeremiah hah hettelah a pathung awh.

¹⁶ BAWIPA min lahoi kaimouh koe na dei awh e hah ka ngai awh mahoe h.

¹⁷ Hatei kamamouh hoi kakhekungnaw, ka siangpahrangnaw hoi kahrawikungnaw ni Judah khopuinaw hoi Jerusalem lam daw k ouk a sak awh e patetlah kalvan siangpahrangnu koe hmuítui sawinae hoi ahni koe nei thuengnae awi nateh, kamamae pahni daw k hoi ka tâcawt e lawk patetlah ka sak awh roeroe han. Bangkongtetpawiteh, hatnae tueng daw k hmaisawi teh, canei kawi apap teh rucatnae kâhmo awh boihoe h.

¹⁸ Kalvan siangpahrangnu koe hmaisawi thuengnae hoi nei han rabawknae ka kâhat awh hnukhu teh, bangpuengpa daw k a vout awh teh, tahloi hoi takang hoi raphoe e lah ka o awh.

¹⁹ Hahoi napuinaw ni kalvan siangpahrangnu koe hmuítui hmaisawinae hoi nei han rabawknae a sak awhnae koe vanaw hoi lungkuep hoeh lahoi

maw ama bawknae dawk vaiyei a sak aw h teh ahni koe nei han rabawknae sak aw h telah ati aw h.

²⁰ Hattoteh Jeremiah ni, taminaw pueng napui tongpa hoi ama kapathungnaw koe,

²¹ Judah khopuinaw hoi Jerusalem lamthungnaw dawk namamouh hoi na kakhekung, na siangpahrangnaw, na kahrawikungnaw hoi ram thung e tamimaya ni hai hmuitui a sawi aw h e hah, BAWIPA ni a pâkuem teh a lung dawk tat hoeh maw.

²² Yonnae na sak aw h e hoi panuetho e hno na sak aw h e dawk, BAWIPA ni khang thai hoeh toe. Hatdawkvah, nangmae ram teh kingdinae, kângairunae, thoebonae, hoi karingkung kaawm hoeh e sahnin e patetlah doeh ao.

²³ Hmuitui na sawi aw h teh BAWIPA e lathueng yonnae na sak aw h teh, BAWIPA lawk na thai ngai aw h hoeh. A kâlawk thoseh, a phunglam thoseh, na panue sak e lawk thoseh, na tarawi aw h hoeh dawkvah, hete hno kahawihoe e, atu e patetlah nangmouh lathueng ka phat e doeh telah a ti.

²⁴ Hothloilah, Jeremiah ni tamimaya hoi napuinaw koe, Izip ram e Judah taminaw pueng, BAWIPA e lawk heh thaihaw.

²⁵ Ransahu BAWIPA Isarel Cathut ni hettelah a dei. Namamouh hoi na yunaw ni kalvan siangpahrangnu koevah, hmuitui sawi e hoi, nei rabawk hanelah, ka dei tangcung e patetlah ka sak aw h roeroe han telah na pahni ni a dei teh na kut ni hai a kuep sak. Na lawk kam hah caksak aw h haw. Na kâcai e naw kuep sak roeroe aw h.

²⁶ Hatdawkvah, nangmouh Judah taminaw, Izip ram kho ka sak e taminaw pueng. BAWIPA e lawk thai aw h. Thaihaw! Bawipa Jehovah a hring e patetlah Izip ram dawk kho ka sak e Judah tami apipatet nihai, ka min dei hanh lawi naseh telah kalenpounge ka mitnout lahoi thoe ka bo telah BAWIPA ni a dei.

²⁷ Khenhaw! ahawi nahane laipalah, a rawk aw h nahanelah, ahnimouh pou ka pawp. Judah tami Izip ram dawk kaawmnaw pueng teh, tahloi, takang hoi he raphoe hoehroukrak, be kahma sak e lah ao han.

²⁸ Tahloi dawk hoi ka hlout e tami tangawn hah Izip ram hoi ban aw h vaiteh, Judah ram dawk a kâen aw h han. Kacawirae Judah taminaw pueng, Izip ram dawk khosak hanelah kacetnaw ni, apie lawk maw ka cak han, ka lawk maw, ahnimae lawk tie a panue aw h han.

²⁹ Hahoi hethesh nangmouh hanlah minoutnae lah ao han. Ka lawk heh nangmouh hanlah hawihoehnae lah a kangdue roeroe telah na panue thai aw h nah, hete hmuen koe ka sak han telah BAWIPA ni a dei.

³⁰ BAWIPA ni hettelah a dei, khenhaw! Judah siangpahrang Zedekiah teh a hringnae ka thet hane a taran Babilon siangpahrang Nebukhadnezar kut dawk ka poe e patetlah Faro Hophra Izip siangpahrang teh ka thet hane a taran koevah ka poe han telah a ti.

45

Baruk koe kamcengsaknae

¹ Judah siangpahrang Jehoiakim, Josiah capa a bawinae kum pali nah, Jeremiah ni dei e lawk cauk dawk thut lahun nah, Neriah capa Baruk koe profet Jeremiah ni dei e lawk teh,

² Oe! Baruk, BAWIPA Isarel Cathut ni nang koe hettelah a dei,

³ nang ni tami yawthoe e lah ka o, bangkongtetpawiteh, BAWIPA ni ka rucatnae dawk lungmathoenae a thapsin, ka kâhramnae dawk ka hrip toe, thadamnae banghai awm hoeh telah na ti.

⁴ Ahni koe hettelah na dei han, BAWIPA ni hettelah a dei, khenhaw! ram tangkuem dawk ka sak tangcoung e hah bout ka raphoe vaiteh ka ung tangcoung e bout ka phawk han.

⁵ Ma hanelah hno kalen na tawng maw, tawng hanh, bangkongtetpawiteh, moithang pueng e lathueng vah thoenae ka pha sak han telah BAWIPA ni a dei. Hatei na hringnae teh na ceinae pueng dawk nang koe ka poe e phu lah ao han telah ati.

46

Izip lathueng lawkcengnae

¹ Miphunnaw taranlahoi profet Jeremiah koe BAWIPA e lawk ka tho e teh,

² Izip taranlahoi Euphrates palang teng Karkhemish koe kaawm e Judah siangpahrang Jehoiakim, Josiah capa a bawinae kum 4 nah Nebukhadnezar ni a thei e Izip siangpahrang Faro Neko ransahu kong dawk doeh.

³ Saiphei kathoung hoi kalennaw kârakueng awh nateh tarantuknae koe pâtam awh.

⁴ Marangnaw rakueng awh nateh, marangransanaw kâcui awh, rahum lukhung kâmuk awh nateh kacaklah kangdout awh, na tahroenaw kata awh nateh sumangki hah kho awh.

⁵ Bangkongmaw hnuklah a ban awh teh a yawng awh. Ahnimae athakaawme taminaw teh rek a dei awh toe, a yawng awh teh hnuklah kangwawi awh hoeh, awoivang lahoi takithonae teh a tho telah BAWIPA ni a dei.

⁶ Ahue karangnaw yawng thai awh hoeh, athakaawme tami hlout kalawn hoeh, Euphrates palang atunglah a hmang awh teh he a rawp awh.

⁷ Apimaw tuikalen patetlah ka tho niteh, tuicapa patetlah ka thaw e heh apimaw .

⁸ Izip teh tuikalen patetlah a luen teh tuicapa ka thaw e patetlah ka len vaiteh talai pueng koug ka ramuk han, khopui hoi karingkungnaw koug ka raphoe han telah ati.

⁹ Oe marangnaw kamthoup awh haw, Oe ranglengnaw puenghoi kâroe awh haw, tami athakaawme taminaw hmalah hoe nawt awh, Ethiopia tami hoi Put tami saiphei kasinnaw licung ka ka thoum e Ludimnaw.

¹⁰ Bangkongtetpawiteh, hatnae hnin teh ransahu BAWIPA ni moipathungnae hnin, a tarannaw e lathueng moipathungnae hnin doeh. Tahloi ni he a ca vaiteh, a due awh han. Ahnimae thipaling teh ka boum lah a nei awh han. Bangkongtetpawiteh, BAWIPA ni atunglae ram Euphrates palang teng vah thuengnae hah a sak.

¹¹ Oe Izip canu tanglakacuem, Gilead lah luen nateh, kâhluk e tâsi hah lat haw. Tâsi moikapap na la teh na hno ei, nang hanlah hawinae banghai awm hoeh.

¹² Miphunnaw ni yeiraiponae a thai awh teh na khuikanae ni ram dawk a kawisak. Bangkongtetpawiteh, athakaawme tami hoi athakaawme tami a kâtuk roi teh hmuen touh koe a rawp roi.

Babilon ni Izip a tuk han

¹³ Babilon siangpahrang Nebukhadnezar a tho teh, Izip ram a tuk hane kong BAWIPA ni profet Jeremiah koe a dei e teh,

¹⁴ Izip ram dawk dei awh, Migdol vah pathang awh, Noph hoi Tahpanhes dawk pâpho awh nateh, kacaklah kangdue laihoi kâhruetcueth awh. Bangtelah tetpawiteh, nang petkâkalup lah kaawmnaw tahloi ni a ca toe telah dei pouh awh.

¹⁵ Bangkongmaw a thakasai e tami hah tâkhawng lah ao. BAWIPA ni a tanawt dawkvah kangdout thai awh hoeh.

¹⁶ Tami moikapap a rawp sak. A kâcakueng awh teh hmeng a rawp awh. Repcoungroenae tahloi hah yawngtakhai laihoi, tho awh ban awh lei sei, tâconae ram, mae taminaw koevah, telah ati awh.

¹⁷ Izip ram e Faro teh a kamthang dueng doeh a len. Hatei, atueng a baw toe, telah a hram awh.

¹⁸ Kai ka hring e patetlah siangpahrang ransahu BAWIPA ni a dei. Monnaw thung hoi Tabor mon hoi tuipei teng e Karmel mon patetlah a tho roeroe han.

¹⁹ Oe nang canu! Izip ram dawk kho ka sak e, santoung hanlah kârokueng. Bangkongtetpawiteh, Noph hah ka raphoe vaiteh, kho ka sak e ao hoeh ditouh kingdi han.

²⁰ Izip teh a mei kahawipoung e maitola doeh. Hatei, atunglae ram dawk hoi karaphoekung a tho toe.

²¹ A coun e ransanaw hah kaboumlah paca e maito patetlah doeh ao. Bangkongtetpawiteh, ahnimouh ni hnuklah kamlang takhai teh kâhat laipalah a yawng awh. Bangkongtetpawiteh, ahnimae lathueng vah rawkphainae a tho teh reknae tueng lah ao.

²² Thing katâtuengnaw patetlah cakâ sin hoi tamihupui hoi a tho awh toteh, ahnie lawk teh tahrin phi e lawk patetlah ao han.

²³ Katin thai hoeh e ratu hah koung a tâtueng awh han. Bangkongtetpawiteh, samtong hlak a pap awh teh, touk thai lah awm hoeh.

²⁴ Izip canu teh yeiraipo laihoi atunglae ramnaw e kut dawk poe lah ao han.

²⁵ Ransahu BAWIPA Isarel Cathut ni hettelah a dei. Khenhaw! No e Ammon hoi Faro, hahoi Izip hoi a cathutnaw hoi a siangpahrangnaw, Faro ama roeroe hoi ama ka kâuep e naw hah ka rek han.

²⁶ Ahnimouh ka thet hane Babilon siangpahrang Nebukhadnezar hoi a thaw katawknaw e kut dawk ka poe han. Hatnae tueng dawk yampa e hnin patetlah panue e lah ao han, telah BAWIPA ni a dei.

Isarel kâkathoenae

²⁷ Hatei, Oe Jakop, kaie thaw katawkkung, taket hanh. Oe Isarel na lungpuen hanh naseh. Bangkongtetpawiteh, khenhaw! lamhlanæ koehoi na rungngang han. Na catounnaw hai santoungnae ram thung hoi ka rungngang han. Jakop teh a ban vaiteh, karoumcalah ao han, apinihai takinae poe mahoe.

²⁸ Oe Jakop, ka san, taket hanh. Bangkongtetpawiteh, kai kama ni na okhai telah BAWIPA ni a dei. Bangkongtetpawiteh, na pâleinae ramnaw pueng heh ka baw sak han. Hatei nang teh a pout totouh na pout sak mahoe. Kalanlah na toun han. Bangkongtetpawiteh, rek laipalah na hlout sak mahoe.

¹ Faro ni Gaza a tuk hoehnahlan e Filistinnaw e kong dawk, Profet Jeremiah koe BAWIPA e lawk teh a pha.

² Atunglah hoi tui kalen teh a lawng han. Ka poum lah a lawng vaiteh, ram hoi a thung kaawm e naw pueng heh a muem han. Khopui hoi athung kaawm e taminaw pueng a khuika awh vaiteh, ram thung kaawm e taminaw pueng a kâhram awh han.

³ A thakasai marang ka yawng thai e hoi tarantuknae rangleng ka sawm e hoi leng a tuen sak e pawlawk dawk napanaw ni a canaw khet mang laipalah a yawng awh han.

⁴ Filistin taminaw raphoena hnin, Taire hoi Sidon koehoi kabawmkung kaawm rae raphoena hnin teh a pha vaiteh, bangkongtetpawiteh, BAWIPA ni kacawie Kaphtor ram koehoi ka tho e Filistinnaw hah a raphoe han.

⁵ Gaza taminaw e lû a ngaw pouh han. Askelon teh a pâmit han. A ram tanghling dawk kacawirae hah, bangkongmaw namahoima na kâbouk han.

⁶ Oe! BAWIPA e tahloi na totouh maw duem na o han. Na tabu dawk kâen nateh duem awmh.

⁷ BAWIPA ni Askelon hoi tuipui teng e ram taranlahoi kâ na poe e na thai nahlangva bangkongmaw duem ao thai han. Hawvah kâroe hanelah hruek e doeh telah ati.

48

Moab lathueng lawkcengnae

¹ Moab taranlahoi, ransahu BAWIPA Isarel Cathut ni hettelah a dei, Nebo teh yawthoe lah ao. Rawknae koe a pha. Kiriathaim teh yeiraipo lah ao. Pâmit e lah ao. Misgab rapanim teh yeiraipo e hoi raphoe e lah ao.

² Moab min kamthangnae a kahma han. Heshbon a rawk nahan kâcai laihoi tho awh, miphun a coungnae dawk hoi tâkhawng awh sei, telah ati awh. Oe Madmen, nang hai tâtueng e lah na o vaiteh tahloi hoi pâlei e lah na o han.

³ Horonaim hoi hramnae kamthang rektapnae hoi rawkphainae kamthang hah!

⁴ Moab teh a kahma toe, a canunaw khuika lawk thai lah ao toe.

⁵ Luhith mon dawk ka laihoi a luen awh teh, Horonaim cathuknae koe rawkphainae kamthang hoi kângairunae hah thai lah ao.

⁶ Yawng awh na hringnae rungngang hanlah kahrawng e la patetlah yawng awh.

⁷ Thaw na tawknae kutnaw hoi na hnopainaw na kâuepkhai dawkvah nang hai man e lah na o han, Khemosh teh a vaihma hoi kahrawikungnaw hoi san lah man e lah ao han.

⁸ Kho tangkuem dawk karaphoekung a tho vaiteh kho buet touh boehai hlout mahoe. Tanghling dawk e ramnaw hai he a pâmit han. BAWIPA ni a dei tangcung e patetlah a yawn hai raphoe lah ao han.

⁹ A kamlang thai nahanlah Moab teh rathei poe awh, bangkongtetpawiteh, a khonaw teh kho ka sak e tami awm laipalah kingdi awh han.

¹⁰ Pamda laihoi BAWIPA thaw ka tawk e teh thoebo lah awm seh, thipaling lawng hanlah a tahloi ka hno hoe e tami teh thoebo lah awm seh.

¹¹ Moab teh a nawca hoi a nawm, a laheipadin koe pou ao. Hlaam alouke dawk pahoung boihoeh teh, santoung boihoeh. A kamtuinae lahoi pou a tui teh, a mei hai kâhung boihoeh.

12 Hatdawkvah, thaihaw! atueng a pha tawmlei toe, ahnimouh rawbawk hanlah tami katha vaiteh, ahnimouh ni na rabawk awh han, telah BAWIPA ni a dei. Ahnie hlaam teh a poum sak vaiteh, rakkâbawng han.

13 Isarel imthung ni a kâuep poung awh e Bethel a kayakhai awh e patetlah Moab ni Khemosh a kayakhai han toe.

14 Taran tuk hanlah athakaawme taminaw, tarankahawi e taminaw telah bangtelamaw na ti thai.

15 Moab teh a rawk toe, a khopui teh hmaikhu lah a coung toe. A nawsainaw pueng he a rawp awh han, telah siangpahrang a min ransahu BAWIPA ni ati.

16 Moab rawkphainae teh a hnai toe, a rucatnae teh karanglah a tho han.

17 Nangmouh a tengpam e naw ni ahni ka khai laihoi, a min kapanuek-naw ni hai, kalenpoung hoi thakasai poung e sonron teh a kâkhoe toe telah dei awh.

18 Oe nang canu, Dibon dawkh kho ka sak e na tawntanae hah kum takhai nateh, tui kahran laihoi tahung. Bangkongtetpawiteh, Moab ka raphoe e ni na tuk awh vaiteh, na rapanimnaw a raphoe awh.

19 Oe Aroer dawkh kho ka sak e canu, lam teng kangdout nateh khenhaw! ka yawng e tongpa hoi ka kâhrawk e napui hah pacei nateh, bangtelamaw telah tet haw.

20 Bangkongtetpawiteh, Moab teh yeiraipo e lah ao teh, he a rawp han. Kâhram laihoi khuikap awh haw. Moab teh rawkphai e lah ao telah Arnon lah pâpho awh.

21 Ayawn ram dawkh lawkcengnae a pha toe. Holon hoi Jahzah hoi Mephaath,

22 Dibon hoi Nebo hoi Bethdiblathaim,

23 Kiriathaim hoi Bethgarmul hoi Bethmeon,

24 Kiriath hoi Bozrah hoi Moab ram e khonaw pueng ahlanae koe e hoi a hnainae koe e naw pueng hai,

25 Moab e ki teh tâtueng e lah ao teh, a loung hai khoe pouh e lah ao, telah BAWIPA ni a dei.

26 BAWIPA e lathueng a kârasang dawkvah ama hah parui sak awh, Moab teh amae palo dawkh a kâkaawkh vaiteh panuikhai e lah ao han.

27 Isarel nang hai panuikhai e lah ao nahoehmaw. Tamru hoi a kambawng boimaw. Bangkongtetpawiteh, ahnie kong na dei karoitawi na lû na saling.

28 Moab dawkh kho ka sak e naw khopui hah yawng takhai awh nateh, lungha rahak vah awm awh. Bakhu ni talung kâko dawkh tabu a tuk e patetlah awm awh.

29 Moab a kâoupaenae ka thai, a kâoup tangak doeh. A kârasangnae a kâpholennae hoi a lungpatanae hoi a lungkârasangnae naw hah.

30 A lungkhueknae teh banglahai awm hoeh tie hah ka panueh teh a kâoupaenae ni banghai thokhai hoeh, telah BAWIPA ni a dei.

31 Moab e lathueng kâhram han, Moab hanlah ka ka han. Kirhareth taminaw hai a ka awh han.

32 Jazer khuikanae hlak ka patawn lah ka ka awh han. Oe Sibam misurkung, na dawn hah tui totouh a yam teh Jazer tali totouh a pha. Na paw hoi misurpaw ka raphoekung ni he a raphoe han.

33 Lunghawinae hoi nawmnae a kahma toe. A paw e hmuen hoi Moab ram thung hoi misur katinnae dawkh ka misur a baw toe. Apihai nawmnae

hoi na katin aw h mahoe h toe. Hramnae pawlawk hai lunghawinae pawlawk mahoe h toe.

³⁴ Heshbon hoi Elealeh daw k a hram aw h, Jahaz totou h ka law k a kampaw. Zoar hoi Horonaim totou h, Eglathshelishiyah totou h, Nimrim tui hai kingdi han.

³⁵ Hothloillah, Moab hmuenrasang daw k thuengnae hoi a cathut hanlah hmuitui ka sawi e hah ka pout sak han, telah a BAWIPA ni a dei.

³⁶ Hat toteh, tamawi patetlah ka lungthin Moab hanlah ao teh, Kirhareth taminaw hanlah takhawng e pawlawk patetlah ka lungthin hah a cai. Hatdawkvah, karouncalah ouk a hmu aw h e hnonaw teh aw m hoeh toe.

³⁷ Lûnaw pueng luengpalueng lah ao teh, pâkha muennaw pueng ngaw e lah ao. Kutnaw pueng a e lah ao teh, keng daw k buri kapawn ao.

³⁸ Moab imthungnaw daw k lamthungnaw hoi kho takinnaw daw k khuikanae ao. Bangkongtetpawiteh, Moab teh apu kaawm hoeh e hlaam patetlah a kâbawng toe, telah BAWIPA ni a dei.

³⁹ Nâtotou h maw a raw k toung, nâtotou h maw a hram aw h toung. Moab teh yeiraipo laihoi a kamlang botoung. Hatdawkvah, Moab teh a tengpam e taminaw hanlah panuikhai e hoi takikatho e lah a coung.

⁴⁰ Bangkongtetpawiteh, BAWIPA ni hettelah a dei, khenhaw! Mataw patetlah kamlang vaiteh, Moab lathueng a rathei a kadai han.

⁴¹ Kiriouth teh la e lah ao vaiteh, a rapanimnaw vaitalahoi he a raphoe. Hatnae hnin daw k Moab tami athakaawmnaw teh camo ka khe tawmlei e napui ka pataw e lungthin patetlah ao han.

⁴² Moab a kahma vaiteh, miphun kuep mahoe h toe. Bangkongtetpawiteh, BAWIPA lathueng a kâoup.

⁴³ Takitho e tangkom hoi karapnaw, Oe Moab daw k kaawm e naw nangmae lathueng a pha, telah BAWIPA ni a dei.

⁴⁴ Takinae ka yawng takhai e tami teh tangkom daw k a bo han, tangkom daw k hoi ka tâcawt e tami teh karap daw k a kâman han. Bangkongtetpawiteh, reknae kum hah Moab e lathueng. Moab e lathueng roeroe vah ka pha sak han, telah BAWIPA ni a dei.

⁴⁵ Heshbon tâhlip daw k ka yawng e naw thabaw laihoi a kangdue aw h han. Hahoi Heshbon koehoi hmai a tho vaiteh, Sibon taminaw e lathueng a kaman han Kâoupnaw e Moab kho a deng totou h he a kak han.

⁴⁶ Yawthoe e lah na o Oe Moab, Khemosh taminaw a thayoun aw h, na capanaw san lah ceikhai teh na canunaw santoung aw h han.

⁴⁷ Hatei, a to hmalah, Moab santoungnae teh ka thung han telah, BAWIPA ni a dei. Moab lawkcengnae teh het totou h doeh.

49

Ammon lathueng lawkcengnae

¹ Ammonnaw taranlahoi BAWIPA ni hettelah a dei, Isarel ni capa tawn hoeh na maw. Râw ka pang hane aw m hoeh na maw. Bangkongmaw Gad hah Milkom ni a ring teh a taminaw k hoepui daw k kho a sak aw h.

² Hatdawkvah khenhaw! atueng pha tawmlei toe, telah BAWIPA ni a dei. Rabbah e Ammon taminaw koe tarantuk kâhruetcuetnae kamthang ka thaisak han. Kingdi la aw m vaiteh, a khonaw hmai ni a kak han. Hattoteh Isarel ni a tawn e hno hah a pang han, telah BAWIPA ni a dei.

³ Oe Heshbon hramki haw, khuikap haw, Rabbah canunaw khuikap aw h. Bangkongtetpawiteh, Milkom teh a vaihma hoi a bawinaw hoi san lah ceikhai e lah ao han.

4 Bangkongmaw na tanghling na kâoupkhai, Oe yuemkamcuhoeh e napui, na tawn e hnokahawi na kâuep teh, apinimaw na tuk han telah ouk na ti.

5 Khenhaw! na tenggam e taminaw thung hoi na lathueng takinae ka pha sak han, telah Bawipa ransahu Jehovah ni a dei. Taminaw pueng he pâlei e lah awm vaiteh, kayawngnaw hah apinihai bout pâkhueng mahoe.

6 Hatei, hote hnonaw hnukkhu Ammon catounnaw hah santoungnae dawk hoi ka bankhai han, telah BAWIPA ni a dei.

Edom lathueng lawkcengnae

7 Edom taranlahoi ransahu BAWIPA ni hettelah a dei. Teman dawk lungangnae abaw toung maw. Khokhang kathoum e khokhangnae abaw toung maw. Lungangnae a kahma toung maw.

8 Oe Dedan vah kho ka sak e taminaw yawng aw. Bout ban aw h nateh, kadungpoung e koe khosak aw. Bangkongtetpawiteh, ama ka rek navah, Esaw rawkphainae a lathueng ka pha sak han.

9 Misurpaw ka khi e tami nang koe tho pawiteh, pâhma e ao han nahoehmaw. Tangmin vah tami ka parawt tho pawiteh, a ngai e yit touh a hmu hoehroukrak a tawng han nahoehmaw .

10 Hatei, Esaw teh tak caici lah ka o sak toe. A paten e hah ka hawng pouh toe, hrawk thai mahoe toe. A catounnaw hoi a hmaunawng, imrinaw hoi raphoe lah ao vaiteh a ma hai a rawk han.

11 Na pa ka tawn hoeh e camo hah, pouk aw h hanh, kai ni ka kountouk han. Na lahmaw ni kai na kâuep aw h naseh.

12 Bangkongtetpawiteh, BAWIPA ni hettelah a dei. Khenhaw! manang ka net hoeh e tami patenghai parui pawiteh, nang rek laipalah na hlout han namaw, rek laipalah na hlout mahoe, na nei roeroe han.

13 Bangkongtetpawiteh, BAWIPA ni mahoima e min noe lahoi thoe a kâbo toe. Bozrah teh tami ni kângairu e, pathoe e, kingdi e, lawkthoemkha bap e lah awm vaiteh, khonaw pueng hai yungyoe hoi raphoe e lah ao han.

14 BAWIPA koehoi pâpho lawk ka thai toe. Miphunnaw koe laicei ka patoun. Kâcoun aw h nateh, ama taranlahoi tarantuk hanlah kârakueng aw.

15 Bangkongtetpawiteh, miphunnaw thung hoi taminaw ni hnepnap hanlah ka sak toe.

16 Takitho e na meilam hah teh na lungthin kâoupnae hoi na kâdum e doeh. Oe nang lungtha rahak monsom kho na ka sak e tami, mataw patetlah ka rasangpoung koe tabu na tawn ei nakunghai, hate hmuen koehoi na pabo roeroe han, telah BAWIPA ni a dei.

17 Edom teh kângairu e lah awm vaiteh, voivang ka cet e taminaw ni kângairu telah ati aw h vaiteh, ka raphoekungnaw hanlah a kam khuem aw h mahoe.

18 Sodom hoi Gomorrah hoi a tenggam e khopuinaw raphoe e patetlah apihai khosak mahoe toe. Tami ca apihai hawvah awm mahoe toe telah BAWIPA ni a dei.

19 Khenhaw! Jordan tanghling ratu thung hoi sendek saring thanae hmuen koe ka luen e patetlah a tho han. Hatei ahni koehoi ahnimouh teh tang ka yawng sak han. A lathueng vah kâtawn hanlah ka rawi e hah ka pouk thai nahanelah, kai patetlah apimaw kaawm. Apipatet ni maw kaie tueng a khoe thai han. Tukhoumking apipatet maw ka hmalah kangdout thai han.

²⁰ Hatdawkvah, Edom e lathueng BAWIPA ni pouknae hoi Teman taminaw lathueng a pouknae sak han a kâcai e naw hah thai aw haw. Saringnaw thung hoi kanawca e hah la e lah awm vaiteh, raphoe han, a pawngpanae hai kingdi han.

²¹ A rawpnae pawlawk ni talai a kâhuet teh a khuikanae pawlawk teh tuipui paling koehoi hai thai e lah ao.

²² Khenhaw mataw patetlah luen laihoi a kamleng vaiteh, Bozrah e lathueng rathei a kadai han. Hatnae hnin navah Edom tami tarankahawinaw e lungthin teh camo kaawm tawmlei e ni ka pataw e lungthin patetlah ao han.

Damaskas lathueng lawkcengnae

²³ Damaskas tarannae lawk, Hamath hoi Arpad teh kahawihoehe kamthang a thai roi dawkvah, kaya teh lungpout laihoi ao roi, talîpui totouh lungpuennae ao dawkvah, rounnae koe phat thai hoeh.

²⁴ Damaskas teh thayung tawn hoeh toe, yawng han a kâcai ei takinae ni a man, napui patawnae ni a man e patetlah lungmathoenae hoi patawnae ni a man.

²⁵ Khopui min kamthangnae hoi nawmnae teh bangkong kingdi bo aw.

²⁶ Hatdawkvah, hote hnin daw kawsai naw ni lam daw k a rawp aw h vaiteh, taran ka tuk e tongpanaw pueng a kâhmo aw h han, telah ransahu BAWIPA ni a dei.

²⁷ Hahoi Damaskas kalup e rapan daw k hoi hmai ka tâco sak vaiteh, Benhadad im he a kak han.

Kedar hoi Hazar lathueng lawkcengnae

²⁸ Babilon siangpahrang Nebukhadnezar ka tuk e Kedar hoi Hazar uknaeram taranlahoi BAWIPA ni hettelah a dei. Thaw, Kedar lah luen, Kanitholae tami capanaw hah tuk aw h.

²⁹ Rim hoi saringnaw a ceikhai aw h han. Lukkareirimnaw amamouh hanlah he a la aw h han, a hnopainaw hoi kalauknaw a ceikhai aw h han. Hote hnonaw daw k kap aw h vaiteh, tengpam vah takinae ao.

³⁰ Yawng aw h nateh, ahla poungnae koe cet aw h. Oe Hazar daw k kho ka sak e taminaw, adungnae koe kho sak aw h telah BAWIPA ni a dei. Bangkongtetpawiteh, nangmouh taranlahoi Babilon siangpahrang Nebukhadnezar ni kho a khang teh, nangmouh taranlahoi noenae a tawn.

³¹ Thaw haw, ka tawnta e miphun lungmawngcalah khosak e tami, longkha thosoh, tarennae thosoh, tawn laipalah madueng kho ka sak e koe cet haw, telah BAWIPA ni a dei.

³² Kalauk hah tarannaw ni paru e lah awm vaiteh, maitohu lawp e lah ao han, ahlapoung hmuen koe ka kâkaheisak vaiteh, a rawkphainae naw hah hmuen tangkuem ka pha sak han telah BAWIPA ni a dei.

³³ Hazar teh kahrawnguinaw khosaknae hmuen lah awm vaiteh yungyoe ka ke e lah ao han. Apihai khosak mahoe h toe, tami capa khosak mahoe h toe.

Elam lathueng lawkcengnae

³⁴ Judah siangpahrang Zedekiah ni uknae kamtawng nah Elam taranlahoi BAWIPA e lawk profet Jeremiah koe ka tho e,

³⁵ ransahu BAWIPA ni hettelah a dei. Khenhaw! Elam e licung a thaonae hah ka khoe han.

³⁶ Talai poutnae koehoi kahlî pali touh ka tho sak vaiteh, Edom taranlahoi talai poutnae totouh he ka kâkaheisak han. Elam tami pueng heh pâleihoe hnae miphun khoeroe awm mahoe h.

³⁷ Bangkongtetpawiteh, ka thet hane naw hoi a tarannaw e hmalah Elamnaw hah ka pâyaw sak han. Kaman e ka lungkhueknae ni ahnimouh lathueng rawkphainae ka pha sak han, telah BAWIPA ni a dei. Ahnimouh tlahoi hoi ka pâlei vaiteh, he ka pâmit hoehroukrak teh.

³⁸ A siangpahrangnaw hoi kahrawikungnaw ka raphoe vaiteh, Elam vah ka bawitungkung ka hung han, telah BAWIPA ni a ti.

³⁹ Hahoi a to hmalah torei teh, hettelah ao han, Elam taminaw hah santoungnae koehoi bout ka bankhai han, telah BAWIPA ni a dei.

50

Babilon lathueng lawkcengnae

¹ Babilon hoi Khaldean taminaw e ram taranlahoi profet Jeremiah e pahni hno lahoi BAWIPA ni a dei e lawk teh,

² Miphunnaw koe dei pouh nateh pâpho haw. Lukkarei vo awh na teh, pathang awh. Hrawk awh hanh. Babilon la e lah ao vaiteh, Bel teh yeiraipo lah ao han. Merodak e cathut teh a kâkhoe toe. Babilon e meikaphawknaw teh yeiraipo awh teh, reppasei lah a kâbawng toe.

³ Bangkongtetpawiteh, ahni taranlahoi miphun buet touh atunglah hoi a tho teh, apihai kho sak hoeh nahanlah a ram hah kingdi, tami hoi moithangnaw hai yawng awh vaiteh awm awh mahoe toe.

⁴ Hatnae hnin hoi tueng nah teh, Isarel catounnaw hah tho awh vaiteh, amamouh hoi Judah catounnaw hoi khuika laihoi tho awh vaiteh, BAWIPA Cathut a tawng awh han, telah BAWIPA ni a dei.

⁵ Zion lah ceinae lamthung hah a pacei awh han, tho awh, yungyoe lawkkam pahnim hoeh nahanlah BAWIPA hnai awh telah ati awh han.

⁶ Ka taminaw teh tu kahmat e lah o awh. Tukhoumnaw ni mon dawklam a payonsak toe. Ahnimanaw teh mon buet touh hoi buet touh dawklam a kahma awh teh roumnae hmuen a pahnim awh toe.

⁷ Kahmawtnaw pueng ni a kei awh teh, a tarannaw ni maimouh payon hoeh, BAWIPA e lanna kânguenae, a mintoenaw ni ngaihawinae BAWIPA lathueng roeroe vah yonnae a sak awh dawklam doeh ati awh.

⁸ Babilon hoi kampuen awh, Khaldean ram dawklam hoi tâcawt awh, hmaehu e rahak vah hmaetan patetlah awm awh.

⁹ Bangkongtetpawiteh, thaihaw! Babilon tuk hanlah atunglae ram dawklam hoi kalenpoung miphun hah thakasai sak vaiteh, ama tuk hanlah a kâcai vaiteh, hawvah man e lah ao han, a tahroe teh athakaawm ni teh tarantuk kathoume tami, ka thaw boihoeh e patetlah o han.

¹⁰ Khaldean teh raphoe e lah awm vaiteh, haw vah ka raphoekungnaw kaboumlah ao awh han, telah BAWIPA ni a dei.

¹¹ Kaie râw na raphoe awh dawkvah, kanawmcalah na lunghawi awh nateh, hramkahring dawklam maitolaca ka pâ e hoi marangtan ka cai e patetlah na o awh nakunghai,

¹² na manu yeiraipo vaiteh, na kakhekung yeiraipo han. Khenhaw! miphunnaw thung dawklam hoi ka rahnoumpoung e, ka ke ram, ramke, thingyeiyawn lah na o han.

¹³ BAWIPA lungkhueknae kecu dawklam apihai awm laipalah, kingdi lah o han. Babilon lah ka cet e taminaw pueng ni puen khai awh vaiteh, a rawkphainae dawklam pathoenae lawk a dei awh han.

¹⁴ Babilon kalup awh nateh ven awh, pala hoi ka awh, thaw awh hanh, bangkongtetpawiteh, BAWIPA taranlahoi a yo toe.

15 A tengpam vah hramki sak awh, amahoima a kâhmoun toe. A rapan rawm vaiteh, tapangnaw a tip han. Bangkongtetpawiteh, BAWIPA ni moipathung e doeh. A lathueng vah moipathung awh, a sak e patetlah a lathueng sak van awh.

16 Babilon vah cati kapatuekung hoi cangkaanaw hoi cangkatinaw hah tâkhawng awh, repcoungroenaw e tahloi taki dawk mae taminaw koe pâtam awh vaiteh, mae ram lah a yawng awh han.

BAWIPA e a taminaw bout a ban awh han

17 Isarel teh tu kâhei e doeh. Sendek ni a pakhi, hatei siangpahrang ni ahni a ca teh a poutnae koe Babilon siangpahrang Nebukhadnezar ni a hru totouh be a khoe.

18 Hatdawkvah, ransahu BAWIPA Isarel Cathut ni hettelah a dei. Khenhaw! Assiria siangpahrang ka rek patetlah Babilon siangpahrang hoi a ram hah ka rek han.

19 Isarel teh yampa a onae koe ka hrawi han. Karmel hoi Bashan vah a pawngpa han. Ephraim mon hoi Gilead vah ahni teh kaboumcalah ao han.

20 Hatnae hnin hoi tueng dawk Isarel yonnae ka tawng eiteh, hmawt mahoe. Judah yonnae hai hmawt mahoe. Bangkongtetpawiteh, kacawi ni teh ka pâhlung e naw hah ka ngaithoum awh, telah BAWIPA ni a dei.

Babilon a et toe

21 Marathaim ram heh tuk awh, A ram hoi Pekod vah khokasaknaw hah thet awh, he baw ditouh tâkhawng awh nateh kâ na poe e patetlah sak awh, telah BAWIPA ni a dei.

22 Hote ram dawk taran pawlawk hoi ka patawpoung e rawkkahmanae ao.

23 Talaivan pueng e cakkin a lawt teh a kâbawng toe. Miphunnaw thung hoi Babilon teh banghloimaw a rawk.

24 Oe Babilon nang hanlah karap ka patung, panuek laipalah na kâman toe. BAWIPA na taran dawkvah, hnephnap e hoi man e lah na o han.

25 BAWIPA ni senehmaica bom a paawng teh lungkhueknae puengcang a la toe. Ransahu Jehovah Bawipa ni Khaldean taminaw e ram dawk sak hane a tawn.

26 Ramri poutnae koehoi tuk awh nateh, hnoim hah paawng awh. Kamkhueng awh nateh, he raphoe awh, banghai pâhlung hanh awh.

27 A maitotan kanawnaw hah he thet awh, he thei e lah awm naseh. A yawkathout e lah ao awh. Bangkongtetpawiteh, a hnin a pha toe, ahni rek hnin roeroe a pha toe.

Babilon a bo toe

28 BAWIPA Cathut ni moipathungnae, a bawkim moipathungnae hah Zion vah pathung hanlah Babilon hoi a yawng teh ka tâcawt e taminaw e pawlawk hah

29 Babilon tuk hanlah palakathoumnaw pueng hah kaw awh. A tengpam vah tungpupnae rim sak awh nateh, apihai tâcawt hanh naseh. A sak awh e patetlah moipathung awh. A sak awh e naw pueng hah a lathueng sak pouh van awh. Bangkongtetpawiteh, BAWIPA Isarel Tami Kathoung hah hnephnap laihoi a kâoup.

30 Hatdawkvah, a thoundounnaw kho thung vah a due awh vaiteh, ransanaw hot hnin vah a due awh han, telah BAWIPA ni a dei.

³¹ Khenhaw! nang ka kâoup e tami, kai ni na taran telah ransahu Jehovah Bawipa ni ati. Bangkongtetpawiteh, nang reknae hnin teh a pha toe.

³² Ka kâoup e tami a rawpnae koehoi apinihai bout pathaw mahoe. Khopuinaw dawk hmai ka tâco sak vaiteh, a tengpam kaawmnav pueng he ka kak sak han.

Babilon kho a pawng toe

³³ Ransahu BAWIPA ni hettelah a dei, Isarel catoun hoi Judah catoun teh repcounroe e lah ao awh, san lah kahrawikungnav ni a paung awh teh, tâcawt ngai awh hoe.

³⁴ Ahnimouh karatangkung teh a thakasai e a min teh ransahu Jehovah doeh. Ahnimouh koe lah ama teh kampang vaiteh Babilon vah khokasaknav hah runae a poe vaiteh, ram dawk rounnae hah ka pha sak han.

³⁵ Khaldean taminaw e lathueng tahloi a pha. Babilon e kho ka sak e kahrawikungnav hoi, tami lungkaangnav e lathueng hai a pha telah BAWIPA ni a dei.

³⁶ Tahloi ni kutkhetkathounnav a taran teh tamipathu lah ao awh han. Tahloi ni athakaawme taminaw hah taran vaiteh a pâyaw awh han.

³⁷ Tahloi ni marang hoi ranglengnav hoi athung e tami kâkalawtnav pueng hai a taran. Napui patetlah ao awh han. Tahloi ni a râwnav taran vaiteh lawp e lah ao han.

³⁸ Tui a hak teh remphui pouh. Bangkongtetpawiteh, meikaphawk ram lah ao. Meikaphawk hah a pathukhai awh.

³⁹ Hatdawkvah kahrawng e sarang hoi Asuinaw hawvah kho a sak awh han. Kalauk, tavanaw hai hawvah kho a sak awh han. Ring e lah awm mahoe toe, nâtuek hai ring e lah awm mahoe toe.

⁴⁰ Cathut ni Sodom hoi Gomorrah hoi a tengpam e khonaw a raphoe e patetlah hawvah apihai khosak mahoe toe. Tami capa apinihai pâmam mahoe toe, telah BAWIPA ni a dei.

Babilon a saling toe

⁴¹ Khenhaw! atunglae ram dawk hoi taminaw a tho awh. Talai poutnae koehoi miphun kalen hoi siangpahrang moikapap a tâco.

⁴² Licung hoi tahroe a hrawm awh teh a nuencang kamathoutpoungnav doeh. Lungmanae tawn awh hoe. Ahnimae pawlawk teh tâli, tuicapa pawlawk patetlah ao teh, marang dawk a kâcui awh teh, tami pueng tarantuk e patetlah a kamthoup awh teh, Oe! Babilon canu a tuk awh han.

⁴³ A pawlawk thai toteh Babilon siangpahrang e kut tha a youn toe. Camokhe tawmlei pataw e patetlah hote patawnae ni a man awh.

⁴⁴ Khenhaw! Jordan kâoupnae thung hoi sendek, saring onae hmuene koe a luen takhang e patetlah a tho han. Hatei ahni koehoi ahnimouh ka yawng sak han. A lathueng vah kâ tawn hane ka rawi e ka ta han. Kai patetlah e apimaw kaawm, apipatet ni maw kaie tueng a khoe thai han. Tukhoumkung apimaw ka hmalah kangdout thai han.

⁴⁵ Hatdawkvah, Babilon kong dawk BAWIPA pouknae, Khaldean taminaw e lathueng pouknae a tawn. Sarangnav hah lawp lah ao vaiteh, pawngpanae hmuennaw kingdi lah ao han.

⁴⁶ Babilon hah tuk teh lawp lah onae kamthang dawk hoi talai a kâhuet teh a khuinae kamthang miphunnaw pueng ni a thai awh han.

51

Babilon lathueng lawkcengnae

¹ BAWIPA ni hettelah a dei, kenhaw! Babilon hoi Khaldean taminaw e lathueng ka raphoekung kahlîkathout a patoun han.

² Babilon lathueng vah para patetlah hut hanelah ka patoun vaiteh, amahoima hah kathoungcalah a hut han. Bangkongtetpawiteh, rawk kahmanae hnin dawkh, ahnimouh ni kalup awh vaiteh a tuk awh han.

³ Licung ka patuem e tami, a licung hah kâkhoe laipalah sum angki kho laihoi kangdout naseh, a thoundounnaw hah buet touh hai pâhlung laipalah a ransanaw pueng hai he pâmit naseh.

⁴ Khaldean ram dawkh thei vaiteh a rawp awh han, kho thung lamnaw dawkh kamlet awh vaiteh, pawk a thut awh han.

⁵ Bangkongtetpawiteh, Isarel Tami Kathoung taran laihoi ram teh yonnae hoi ka kawi nakunghai, Isarel hoi Judah teh Cathut ransahu BAWIPA ni cettakhai mahoe.

⁶ Babilon kho thung hoi yawng awh nateh, tami pueng ni mae hringnae kârunngang naseh. Sak payonnae naw dawkh rawk kahmanae koe lah hno awh hanh. Bangkongtetpawiteh, BAWIPA ni moipathungnae tueng a pha toe. Ama ni moipathung roeroe han toe.

⁷ Babilon teh BAWIPA kut dawkh e suimanang doeh, talai van pueng ka parui sak e lah ao. Miphunnaw ni misurtui a nei awh dawkvah, miphunnaw e lungthin he a pathu.

⁸ Babilon teh vaitalaho a rawp teh a kahma, ahni hanlah khuikap awh. Dam thai nahanelah awm pawiteh, thingtapi tâsi hah lat pouh awh.

⁹ Babilon teh hawi sak hanlah ka kâcai, hatei hawi thai hoeh.

¹⁰ BAWIPA ni maimae lannae a kamnue sak, tho awh, BAWIPA Cathut ni a sak e hah Zion vah pathang awh sei.

¹¹ Palanaw hah kata awn nateh, saipheinaw hah patuem awh. BAWIPA ni Midian siangpahrang e muitha hah a thao sak toe. Bangkongtetpawiteh, a kâcai e teh Babilon raphoe hane doeh, bangtelah tetpawiteh, hethateh BAWIPA ni moipathungnae, bawkim moipathungnae doeh.

¹² Babilon kalupnae a kung koevah tarantuknae lukkarei vo awh. Ringnae sak nateh, ramvengnaw hrueng awh. Pawpnae hah kârakueng awh. Bangkongtetpawiteh, Babilon vah kaawmnaw taranlahoi BAWIPA ni a dei e hah ama ni a bangnue teh a cum toe.

¹³ Oe! nang, tui papnae koe kho ka sak ni teh hnopai moipap ka tawn e tami, na poutnae a pha toe, na hringnae rui a pet han toe.

¹⁴ Ransahu BAWIPA ni mahoima noe lahoi thoe a kâbo toe. Samtong patetlah taminaw hoi na kawi sak han, hotnaw ni na hram sin awh han.

¹⁵ A hnotithainae ni talai a sak teh a lungangnae ni talaivan a kangdue sak teh, a thaipanueknae ni kalvan hah a sak.

¹⁶ A lawk a tâco toteh kalvan hoi tui a cairing teh talai poutnae koehoi tâmai a luen sak. Khorak teh sumpapalik sak Hnoim dawkh hoi kahlî a tho sak.

¹⁷ Tami pueng mae lungangnae lahoi teh saring hoi doeh a kâvan. Sui dêikathoum e tam ni sak e meikaphawk ni yeirai a po sak. Bangkongtetpawiteh, meikaphawk a thuk e teh laithoe doeh. Hothah kâha tawn hoeh.

¹⁸ Reknæ ao toteh, bang hoeh e kâdumnae lah ao teh a kahma han.

¹⁹ Jakop e a ham teh hottelah nahoeh. Bangkongtetpawiteh, bangpuengpa ka sak e lah ao teh, Isarel teh râw lah a coe e miphun doeh. A min teh ransahu Jehovah doeh.

²⁰ Nang teh ka tarantuknae cakâ hoi senehmaica lah na o teh, nang hno lahoi miphunnaw hah ka dêi, nang hno lahoi uknaeramnaw hah ka raphoe han.

²¹ Nang hno lahoi rangleng daw kâcuinaw ka khoe teh, nang hno lahoi leng daw kâcuinaw hah ka khoe.

²² Nang hno lahoi napui tongpanaw ka khoe teh, nang hno lahoi matawng hoi nawsainaw ka khoe. Nang hno lahoi thoundounnaw, tanglanaw hah ka khoe.

²³ Nang hno lahoi tukhoumking hoi tunaw ka khoe teh, nang hno lahoi law kasaknaw e thenaw ka khoe, nang hno lahoi ram ukkungnaw hoi kabawmkungnaw hah ka khoe.

²⁴ Nange mithmu roeroe vah Zion daw hawihoeahnae a sak awh e naw pueng hah Babilon hoi Khaldean taminaw lathueng vah moi ka pathung han, telah BAWIPA ni a dei.

²⁵ Khenhaw! talai van pueng ka raphoe e, Oe! raphoekung kalenpoung mon, kai ni na taran telah BAWIPA ni a dei. Na lathueng vah kut ka dâw vaiteh, ka rasang e lungha koehoi pâlei han. He ka kang e mon patetlah na o sak han.

²⁶ Nang koehoi adu talung hoi takinlung ka lat mahoe. Hatei yungyoe hoi kingdi lah na o han telah BAWIPA ni a dei.

²⁷ Hote ram daw tarantuknae lukkarei vo awh nateh, miphunnaw rahak mongka ueng awh. Ama tuk hanelah miphunnaw kârakueng awh. Ahni tuk hanelah uknaeram pueng kaw awh. Ararat, Minni, Askenaz ramnaw, ama tuk hanelah hram awh, ama tuk hanlah ransanaw tat awh, samtongnaw patetlah marangnaw hah pâkhueng awh.

²⁸ Ama ka tuk hane miphunnaw kârakueng awh. Midian siangpahrang hoi ka ukkungnaw kahrawikungnaw hoi kâ a tawwnae ramnaw pueng hoi,

²⁹ Hote ram teh patawnae khang laihoi a pâyaw teh Babilon ram hah kho ka sak e tami awm laipalah pahma hanlah Babilon lathueng BAWIPA ni a kâcai e a cak sak han.

³⁰ Babilon athakaawme taminaw tarantuk laipalah ao awh teh, rapanimnaw daw kâhro awh. Taranhawinae a kahma pouh teh, napui patetlah doeh ao awh toe. A khosaknae hmuennaw he a kak teh tho tarennae pueng a kâkhoe.

³¹ Babilon siangpahrang koe, khopui teh avangvanglah hoi he a man awh toe tie dei hanelah patoune ka yawng e ni tami alouke a kâhmo teh patoune e ni alouke bout a kâhmo.

³² palang rakhanna e rakan awh teh, lungpungkungnaw hah a sawi awh teh, tarankatuknaw hai he a yawng awh.

³³ Isarel Cathut ransahu BAWIPA ni hettelah a dei, Babilon canu teh cangkatinnae hmuene patetlah ao. Nâsittouh ao hoehnahlan cangkatinnae tue a pha han.

³⁴ Babilon siangpahrang Nebukhadnezar ni na ca awh, na ai awh teh, kathoung hlaam lah na coung sak. Khorui patetlah na payawp teh, katui e kaie moi hoi a vawn paha sak teh bout na pâlei awh.

³⁵ Kai hoi ka thitak kong daw hawihoeahnae thaw he Babilon lathueng awm naseh, telah Zion e kho kasaknaw ni ati awh han. Ka thipaling teh Khaldean taminaw e lathueng awm seh telah, Jerusalem ni ati han.

³⁶ Hatdawkvah, BAWIPA ni hettelah a dei. Nang koe lah kumpang vaiteh moi na pathung pouh han. A tali ka hak sak vaiteh, a tuiim hai ka phui sak han.

³⁷ Babilon teh songnawng kahrawnguinaw khosaknae, kângairu e, hoi pathoenae, kingdinae hmuen lah ao han.

³⁸ Sendek thakasai patetlah huk aw h vaiteh, sendekcanaw patetlah a cairing aw h han.

³⁹ A parui lahun aw h navah, rawca ka paca vaiteh, banghai panuek laipalah ka parui sak han, kâhlaw toung laipalah pou a i aw h nahan telah BAWIPA ni a dei.

⁴⁰ Tuca thei hane patetlah ka pâkhi han. Tutan hoi hmaetan patetlah .

⁴¹ Sheshak teh la e lah ao han, talai van pueng ni oup e hah man e lah ao han. Babilon teh miphunnaw rahak kingdi lah ao han.

⁴² Babilon teh tuipui ni a ramuk han. Tuicapa patawpoung lah ka thaw e ni a ramuk han.

⁴³ A khopuinaw hah raphoe vaiteh, ramke, ram kingdi, tami ohoehnae, tami ca pinihai pâtam boihoeh e ram lah ao han.

⁴⁴ Babilon e Bel hah ka rek han. A padoun tangcoung e hai a kâko thung hoi ka rasa vaiteh, miphunnaw ahni koe bout kamkhueng mahoe h toe. Babilon e rapan teh a tip han.

⁴⁵ Ka taminaw Babilon thung hoi tâcawt aw h, takithopoung e BAWIPA lungkhueknae thung hoi mahoima e hringnae kârungngang aw h.

⁴⁶ Na lungthin tawn hanh naseh, ram daw k e kamthang hai taket hanh aw h. Kum touh hoi kum touh kamthang a tho han, siangpahrang hoi siangpahrang kâtuk vaiteh, rektapnae ao han.

⁴⁷ Hatdawkvah, khenhaw! Babilon ni thuk e meikaphawknaw lathueng vah lawkkaceng teh a ram pueng kaya laihoi a onae tueng a pha vaiteh, a lathueng vah thei e naw a rawp aw h han.

⁴⁸ Hat toteh, talai hoi kalvan athung kaawmnaw pueng atunglae ram daw k hoi raphoekungnaw ahnimouh koe a pha han, telah BAWIPA ni a dei.

⁴⁹ Thei e Isarelnaw Babilon ni a rawp sak e patetlah Babilon vah ram daw k e tami thei e naw a rawp aw h van han.

⁵⁰ Nangmouh tahloi daw k hoi kahloutnaw, cet aw h nateh, duem kangdout rumram aw h hanh. Lamhlanae koehoi BAWIPA hah pou panuek aw h nateh, a lungthin daw k Jerusalem doun naseh.

⁵¹ Tamthoe lawk ka thai dawkvah, ka kaya teh ka minhmai a mathoe. Bangkoktetpawiteh, BAWIPA im hmuen kathoung daw k ram alouke tami a kâen toe.

⁵² Hatdawkvah thai aw haw! ahnimae meikaphawknaw lathueng lawkcengnae hnin hoi a ram pueng lathueng a hmâ patawnae daw k kâhrannae hnin a pha han, telah BAWIPA ni a dei.

⁵³ Babilon teh kalvan kâbet totouh a rasang teh, rapan kakapoung nakunghai, a lathueng vah kai koehoi raphoekung ka pha sak roeroe han, telah BAWIPA ni a dei.

⁵⁴ Babilon hoi khuikanae kamthang a pha teh, Khaldean ram daw k hoi ka patawpoung e raw kahmanae kamthang a pha.

⁵⁵ BAWIPA ni Babilon hah a raphoe teh, kacaipoung e kamthang hah a roum sak. Ahnimouh kâroenae pawlawk, tui moikapap e pawlawk patetlah ao teh, thouk a hramki aw h.

⁵⁶ Bangkoktetpawiteh, a lathueng hoi Babilon e lathueng raphoekung a pha teh a tami thakasainaw hah a man. Tami pueng e linaw he a khoe pouh. Bangkoktetpawiteh, BAWIPA teh moipathung e Cathut lah ao teh moi a pathung roeroe han.

⁵⁷ Kahrawikungnaw, tami lungkaangnaw, ukkungnaw, kabawmkungnaw, hoi tami thakasainaw ka parui sak han. Mat ip aw h vaiteh, kâhlaw aw h mahoe h toe, telah ka Bawi Poug, a min ransahu siangpahrang Jehovah ni a dei.

⁵⁸ Ransahu BAWIPA ni hettelah a dei, Babilon rapan katha poung e tim vaiteh, longkha rasangpoung e he a kak han. A taminaw ni houng laipalah a taw k aw h ei, mipunnaw ni hmaisawi hanelah doeh ao.

Seraiah koe Jeremiah kâpoelaw k

⁵⁹ Judah siangpahrang a bawi kum 4 nah Babilon lah a cei nah ahni koe ka cet van e Seraiah, Neraiah capa Maaseiah capa koevah, profet Jeremiah e kâpoe law k, Bangkongtetpawiteh, Seraiah teh siangpahrang imthung daw k kahrawikung kacue pouh lah ao.

⁶⁰ Jeremiah ni Babilon lathueng ka tho hane rawkphainae pueng, Babilon kong daw k a thut e canaw pueng hete cauk daw k a thut.

⁶¹ Jeremiah ni Seraiah koevah, Babilon na pha navah, hete lawknaw pueng he touk loe.

⁶² Hat toteh, nang ni, Oe BAWIPA hete hmuen taranlahoi apihai, tami hoi saring hai, khosak laipalah ao teh, yungyoe hoi raphoe hanelah law k na dei toe, telah na ti han.

⁶³ Hahoi, hete cauk heh na touk toteh, talung hoi pâkhit nateh Euphrates palang daw k na tâkhawng han.

⁶⁴ Babilon teh hettelah a bo han. A lathueng vah rawkphainae ka pha sak hane dawkvah, bout thaw mahoe h toe. A hmawtcei aw h han telah na dei han, telah atipouh.

Hethateh Jeremiah e law k doeh.

52

Jerusalem a rawp toe

¹ Zedekiah teh siangpahrang a taw k nae kum 21 touh a pha. Jerusalem vah kum 11 touh a uk, a manu min teh Hamutal, Libnah kho e Jeremiah e canu doeh.

² Jehoiakim ni ouk a sak e patetlah BAWIPA e mithmu vah hawihoe h nae a sak.

³ Bangkongtetpawiteh, BAWIPA a lungkhue k teh a hmalah hoi he takhoe e totouh Jerusalem hoi Judah ram daw k hete hnonaw a pha. Hattoteh Zedekiah teh Babilon siangpahrang taranlahoi taran a thaw.

⁴ A uknae kum 9, thapa yung hra, hnin 10 nah Babilon siangpahrang Nebukhadnezar hoi a ransanaw pueng Jerusalem tuk hanlah a tho aw h. A roe sin aw h teh tengpam petkâkalup lah a tungpou aw h.

⁵ Hottelah siangpahrang Zedekiah abawinae kum 11 totouh khopui hah king a ven aw h.

⁶ Thapa yung pali, hnin 9 nah khopui daw k takang ka patawpoung lah a tho sak teh, ram thung rangpuinaw ca hane banghai aw m hoe h toe.

⁷ Hat toteh, khopui kalupnae tapang a thuk aw h teh, ransanaw pueng a yawng aw h. Siangpahrang takha koe e tapang kahni rahak e longkha koehoi a tâco aw h teh, tangmin vah khopui thung hoi a yawng aw h. Khaldean taminaw khopui tengpam ao aw h eiteh, a yawng lam lah a cei aw h.

⁸ Hatei, Khaldean ransanaw ni siangpahrang hah a pâlei aw h teh, Jeriko yaw n daw k rek a pha aw h. A ransanaw pueng ahni koehoi a kâkapek aw h.

⁹ Zedekiah a man awh teh Babilon siangpahrang koe Hamath ram e Riblah kho dawk a ceikhai awh teh, ahni ni ama kong dawk lawk a ceng.

¹⁰ Babilon siangpahrang ni Zedekiah capa hah a mithmu roeroe vah a thei. Ribah vah Judah kahrawikungnaw pueng a thei.

¹¹ Zedekiah e mitmu hai a cawngkhawi pouh. Babilon siangpahrang ni sumbawtarui hoi a pâkhi teh, Babilon lah a ceikhai, a due totouh thongim vah a paung.

Jerusalem raphoena

¹² Hahoi Babilon siangpahrang Nebukhadnezar abawinae kum 19, thapa yung panga, hnin hra nah siangpahrang karingkungnaw kahrawikung, Babilon siangpahrang hmalah ouk kangdout e Nebuzaradan teh Jerusalem vah a kâen.

¹³ BAWIPA e im hoi siangpahrang im hah hmai a sawi. Jerusalem e im kalenpoungnaw pueng hmai koug a sawi.

¹⁴ Khaldean ransa, siangpahrang karingkungnaw thung kaawmnaw pueng ni Jerusalem kalupnae teh a tenggam hoi he a raphoe awh.

¹⁵ Hat toteh, karingkungnaw kahrawikung Nebuzaradan ni tami ka roedeng tangawn hoi, khopui thung kaawm rae tami pueng hoi Babilon siangpahrang koe ka kâhmoun tangcounghaw hoi kacawirae kut-sakkathoumnaw pueng hah san lah a ceikhai.

¹⁶ Hatei, karingkungnaw kahrawikung Nebuzaradan ni ram dawk e ka roedeng tangawn hah takhakataawkkungnaw lah a hruek.

¹⁷ Hahoi BAWIPA im dawk e rahum khom, hoi BAWIPA im dawk e rahum tuiim hoi kawlungnaw hah Khaldean taminaw ni koug a kâbawng sak teh rahumnaw pueng Babilon lah a ceikhai awh.

¹⁸ Hlaam hoi hraba kawnae, paitei, ampaikoi, sumpacen, ouk a hro awh e rahum hnopai pueng he a la awh.

¹⁹ Manang hoi hrabakawnae, tongben, hlaam, hmaiimkhoknaw, sumpacen, sui hoi sak e hoi, ngun hoi sak e pueng teh, karingkungnaw kahrawikung ni he a la.

²⁰ Rahum hoi sak e khom kahni touh, maitotan hlaikahni touh, rahum tuiim pâhungnae, Solomon siangpahrang ni BAWIPA im hanelah a sak e naw hah, hete rahum pacen tawngben pueng teh boeba hai khing leklak hoeh.

²¹ Hahoi khom buet touh dong 18 touh a rasang teh, petkâtue lah dong 12 touh a pha. A tha e dek pali touh a pha teh, a lungui vuk kâko.

²² A som dawk rahum kaco e ao. A lû kacoum e teh dong panga touh a pha. A lû ka coum e petkâkalup lah rahum hoi pathoup e lah ao teh, talepawmei hai ao. Khom apâhni e dawk kaawm e talepaw hoi a kâvan.

²³ Khom vang lah talepaw 96 touh ao. Petkâkalup lah pathoupaen talepaw teh 100 touh a pha.

Judahnaw pueng Babilon vah ceikhai lah a o

²⁴ Hahoi, karingkungnaw kahrawikung ni vaihma bawi Seraiah hoi vaihma apâhni e Zephaniah hoi hmaiim khenyawnkung kathum touh hai a man.

²⁵ Tarankatuknaw e thung kahrawikung lah ta e naw tami sari touh siangpahrang ouk kahmawt e khopui vah kaawm e hoi ransa ka hrawi e cakathukung, ram dawk e tami minnaw ouk ka pâkuem e hoi ram dawk e taminaw thung hoi 60 touh khopui dawk kaawmnaw hah khopui thung hoi a tâcokhai.

²⁶ Karingkungnaw kahrawikung Nebuzaradan ni ahnimouh a ceikhai teh, Riblah e Babilon siangpahrang koevah, a ceikhai.

²⁷ Babilon siangpahrang ni Hamath ram e Riblah vah ahnimouh a tuk awh teh a thei, hat toteh, Judah teh a ram dawh hoi san lah ceikhai lah ao.

²⁸ Hetnaw teh Nebukhadnezar ni tamimaya san lah a hrawi e naw doeh. Kum 7 nae dawh Judahnaw 3023,

²⁹ Nebukhadnezar abawinae kum 18 nae dawh Jerusalem hoi tami 832 touh san lah a hrawi.

³⁰ Nebukhadnezar abawinae kum 23 nae dawh karingkungnaw kahrawikung Nebuzaradan ni 745 touh san lah a hrawi. Abuemlahoi tami 4600 touh a pha.

Jehoiakhin a tha awh

³¹ Hahoi Judah siangpahrang Jehoiakhin abawinae kum 37, thapa yung 12, hnin 25 nah, Babilon siangpahrang Evilmerodak ni abawinae kum kum touh nah, Judah siangpahrang Jehoiakhin teh a rasa awh teh, thongim hoi a tâco sak awh.

³² Kahawicalah a kâpankhai awh teh, Babilon hoi ahni koe kaawm e siangpahrangnaw e tungkhung hlak ka rasanghnawn lah tungkhung a ta pouh awh.

³³ Hottelah, Jehoiakhin thongim dawh khohna a kâthung teh, a hringyung thung siangpahrang hmalah bu ouk a ca.

³⁴ Hnintangkuem a ham hah Babilon siangpahrang ni kawkhik nahanlah a hringyung pueng, a due hnin totouh hnintangkuem a ham hah a poe.

KHUINAE (The Lamentations of Jeremiah)

¹ Tami moikapap kamkhuengnae khopui teh, tami kingkadi lah ao toe. Yampa teh ram pueng thung dawkvah kalenpounge khopui teh lahmainsu patetlah ao toe. Ram pueng e a lathueng vah, bawi lah ouk kaawm e khopui teh san lah a pha toe.

² Tangmin vah, a lung ka rek lah a ka teh, a tamboung dawkwah a mitphi a lawng. A pahren e naw thung hoi ahni lung ka pahawi hane tami buet touh hai awm hoeh. A huinaw pueng ni a dum awh teh a taran lah koung ao pouh.

³ Judah mipun teh rektapnae thaw tawkwah sak hane san lah a man awh teh, a hrawi awh. Jentelnaw thung dawkvah, lungreithai hoi kho a sak awh. Ahnie hnukkâbang e naw pueng teh, reithai rucatsae dawkwah a pha awh.

⁴ Ka talue poung e pawl koe apihai a tho hoeh dawkvah, Zion lamthungnaw teh a khuika awh. Ahnie khopui longkhanaw pueng teh kingdi lah ao awh. Ahnie vaihmanaw teh a cingou awh. Ahnie tangla kathoungnaw hai lungrek nalaihoi amahoima a temdeng awh.

⁵ A tarannaw teh akuepcing awh toe. Ahnie lawkeksae apap lawi vah, BAWIPA ni ahni teh, patawnae a khang sak. A canaw teh tarannaw hmaitung vah san lah a hrawi toe.

⁶ Zion canu e a meihawinae pueng teh be a kahma toe. A bawinaw teh, a pâ nahan kaawm hoeh e sayukhre patetlah ao awh toe. Ka pâlei e naw hmalah tha awm laipalah a yawng awh toe.

⁷ Jerusalem khopui teh, kângai kâthungnae hoi rucatsae naw a kâhmo navah, yampa e a sungrennae hah a pouk. A taminaw teh taran kut dawkwah a pha navah, kabawmkung awm hoeh. A tarannaw ni asung e hah a hmu navah, a pacekpahlekkhai awh.

⁸ Jerusalem khopui teh puenghoi a yon toung dawkvah, hote hno teh panuetho e lah ao toe. Ahni ka oup e naw pueng ni ahni teh caici lah ao e a hmu dawkvah, banglah noutna awh hoeh. Ahni hai a cingou laihoi hnuklah a ban.

⁹ Ahnie a khinnae teh amae hnaboung dawkwah a kamnue eiteh, apout nahane pouk hoeh. A lung ka pahawi e tami awm hoeh. Kângairunae koe a pha toe. Oe BAWIPA taran ni tânae a hmu toung dawkvah, kaie reithai rucatsae hah na khen pouh haw.

¹⁰ Taran ni a kut hoi hnopainaw pueng na lawp toe. Ahnimanaw hah nama e tamimaya kamkhuengnae thung kâen hanh telah na ngang e Jentelnaw ni ahnie hmuen kathoungpounge dawkwah a kâen awh e ka hmu.

¹¹ Ahnie taminaw pueng teh cingou laihoi rawca a tawng nalaihoi, ao awh. A hring nahanelah, amamae hnopainaw hah rawca hoi athung awh. Oe BAWIPA kai teh dudamnae kâhmo toung dawkvah, khen nateh pouk haw.

¹² Lam dawkwah ka cet cathuk takhang e pueng Cathut e puenghoi lungkhuengnae hnin nah kai dawkwah pacekpahlekkhai ka sak e, kaie rucatsae patetlah kâhmo e tami o hoi o hoeh e khen nateh pouk awh haw. Nangmouh hoi kâkuen hoeh maw.

¹³ Nama ni a lathueng lahoi na tha e hmai teh kaie ka hru thung na bo sak. Ka khok hanelah famlawk na yangda teh, hnuclah na kamlang sak. Kaniruirui kingkadi lah na ta teh thayung laipalah na o sak.

¹⁴ Kai ni kâ ka eknae hah hnori ka phu e patetlah ahnie kut hoi ka lahuen dawk a thueng teh, na yawngyen. BAWIPA ni ka thaonae hah a bo sak teh ka kangdue thai hoeh nahan ka sak e taminaw e kut thung na pha sak.

¹⁵ BAWIPA ni kaie tami athakaawmnaw hah ka thung hoi na takhoe pouh. Kai na ka taran niteh, kaie thoundounnaw raphoe hane tamihupui na kaw pouh. Bawipa ni Judah tanglakacuem hah misur katinnae tangkom dawk a katin.

¹⁶ Hote kecu dawkvah, kai teh ka ka. Ka mit dawk hoi mitphi teh tui patetlah a lawng. Ka hringnae teh a lunghawi sak teh, lungkaroumsak hane tami teh kai hoi ka kâhla toe. Ka taran ni na tâ toung dawkvah, kaie ka canaw teh a kahma aw h toe.

¹⁷ Zion khopui teh a kut a dâw eiteh, a lungkaroumsak hane tami awmhoeh. BAWIPA ni Jakop teh a tengpam vah a tarannaw a hruek pouh toe. Jerusalem khopui teh ahnimouh rahak vah, kathounghoehe hno patetlah ao toe.

¹⁸ BAWIPA teh a lan, kâpoelawk kai ni ka ek toe. Oe miphun a buemlah, thai aw h nateh kaie rucatae hah khenhaw. Thoundounnaw hoi tanglakacuemnaw san lah be a hrawi aw h toe.

¹⁹ Ka pahren e nangmanaw kai ni na kaw aw h. Hateiteh, ahnimouh ni kai daw k yuemkamcu aw h hoeh. Kaie vaihmanaw hoi kacuenaw teh, hring nahane rawcanaw a tawng aw h navah, kho thung vah be a due aw h toe.

²⁰ Oe BAWIPA kai hah na khenhaw! Kai daw k reithai rucatae a pha toe. Ka hringnae ni runae a kâhmo toe. Ka lunghin hai phang a kahma toe. Bangkongtetpawiteh, kai ni puenghoi ka payon toe. Alawilah tahloi e taran ao teh imthung hai duenae patetlah ao.

²¹ Kaie ka cingounae lawk hai a thai eiteh, kai lungpahawikung awm hoeh. Kaie reithai rucatae hah ka tarannaw abuemlah ni koung a thai toe. Ahnimouh ni nama ni na sak e hno daw k lung koung ahawi aw h. Nama ni na pathang e hnin daw k a pha torei ahnimouh hai kai patetlah awm aw h naseh.

²² Ahnimae thoesaknae pueng heh nama e hmalah phat van naseh. Kai ni kâ ka eknae pueng kai koe a pha e patetlah ahnimouh daw k hai phat van seh. Kaie ka cingounae teh apap dawkvah, kaie ka lunghin teh a tâwn toe.

2

Jerusalem lathueng Cathut lungkhueknae

¹ Bawipa ni Zion canu dawkvah, a lungkhueknae tâmai hoi muen a ramuk toe. Isarel miphun e a minhawinae teh kalvan hoi talai daw k a tâkhawng toe. Ama e a lungkhueknae hnin nah, amae khok toungnae hai a pahnim toe.

² Bawipa ni pahren laipalah Jakop onae hmuen pueng a raphoe pouh. Ama e a lungkhueknae hoi Judah canu e rapanimnaw hah talai totouh a sin teh, a uknaeram hoi a bawinaw hai he a raphoe pouh.

³ A lungkhueknae hmai a kak teh, Isarel miphunnaw e ki pueng hah a tâtueng pouh. A taran hmalah aranglae a kut a la pouh. A tengpam e hmaipalai ka thaw e patetlah Jakop canaw teh a kamtawi toe.

⁴ Taran patetlah a kangdue teh aranglae kut hoi licung hah a sawn. Zion canu lukkareiim dawk, a meikahawi e naw pueng hah be a thei teh, hmai patetlah lungkhueknae a rabawksin.

⁵ Bawipa ni a taran teh, Isarel miphun hai thoseh, imkahawinaw hai thoseh a payawp toe. Rapaninnaw hai he a raphoe toe. Judah canunaw e khuikanae hoi cingounae hoe a pung sak.

⁶ Lukkareiim hah takha patetlah koung a raphoe pouh. A sungren sak e paw i hah a raphoe pouh. Zion khopui dawk paw i a sak e hoi Sabbath hnin hah Bawipa ni a pahnim sak. A lungkhuek lawi siangpahrang hoi vaihma hah a hnoun pouh.

⁷ Bawipa ni amae thuengnae khoungroe hah a pahnawt toe. Ama e hmuen kathoung hah a panuet toe. Siangpahrang im kalupnae hah taran kut dawk a poe toe. Ahnimanaw teh pawitonae hnin patetlah Bawipa e im dawk a hramki aw h.

⁸ BAWIPA ni Zion canu e rapan hah raphoe hane a noe e patetlah raphoe hanelah a kut hno hoeh. Bangnuenae rui a payang teh, athung lae rapan hoi alawilae rapan hah khuikanae lah reirei a coung sak.

⁹ A tungdumnae longkhanaw teh talai thung lah a bo toe. Longkha tarennae sumtaboungnaw teh, koung kâkhoe toe. Siangpahrang hoi bawinaw teh Jentelnaw rahak ao aw h teh, kâlawk aw m hoeh. Profetnaw hai Bawipa koehoi vision hmawt aw h hoeh toe.

¹⁰ Zion canu e kacuenaw teh, vaiphu a lû dawk a kâphuen aw h te, buri a kâkhu teh, tanglakacuem teh amamae a lû hah talai dawk a saling aw h.

¹¹ Camoca hoi sanu ka net naw ni khopui thung lamnaw dawk sut a kamlei aw h teh, ka miphun tanglanaw a rawk dawkvah, ka mitphi a bo teh, ka lungthin teh runae a kâhmo.

¹² Ahnimanaw teh, a hmâ ka cat e patetlah khopui thung lamnaw dawk sut a kamlei aw h teh, a manunaw e lungtabue dawk amamae a hringnae hah a aw i aw h teh, a manunaw koe satun hoi misurtuinaw hah nâmwaw ao telah a pacei aw h.

¹³ Oe Jerusalem canu nang teh, kai ni bangtelamaw na bangnue han. Bangmaw na panue sak han. Bangtelamaw na o ka ti han. Oe Zion canu tanglakacuem, nang na lungroum thai nahanlah kai ni bangtelamaw lung na pahawi han. Nang e na rawknae teh tuipui patetlah a kaw dawkvah, apinimaw nang teh na dam sak thai han.

¹⁴ Nange profetnaw teh, dумыennaе hoi payonnae vision hah nang hanelah a hmu aw h teh, na onae dawk bout o sak hanelah, nange yonnae pâpho laipalah, huenghai onae pathunae hnônaw hoi nangmouh na dum aw h teh, a pathang aw h toe.

¹⁵ Lam dawk ka cet kaawmnaw pueng ni, kut na tabawng sin aw h teh, na kayasak aw h. A lû a kahek aw h teh, talai van pueng dawk e kanawm poung e teh, hete khopui maw telah Jerusalem canu hah ati aw h.

¹⁶ Na tarannaw pueng ni nang koe lah pahni a ang aw h teh, a hâ cakkaruе teh, maimanaw hah na payawp toe. Hete hnin teh maimouh ni ring e hnin doeh, maimouh ni hmu aw h toe ati aw h.

¹⁷ BAWIPA ni a noe tangcoung e hno hah a sak toe. Ayan hoi ka ti han ati e a lawk hah a kuep sak toe. Pahrennae aw m laipalah, a raphoe toe. Taran teh nang dawkvah, a lunghawi sak teh taran e a ki teh a ouphlawp toe.

¹⁸ Ahnimouh teh a lungthin thung hoi Bawipa koe a hramki aw h. Oe Zion canu e rapan, nange mitphi teh, palang tui ka lawng e patetlah karum

khodai pout laipalah lawng naseh. Nama hai kâhat hanh. Na mit hai kâhat sak hanh.

¹⁹ Karumsaning hai thaw nateh, hram haw. Bawipa e a hmalah, na lungthin teh, tui patetlah rabawk haw. Lam tangkuem vah a vawn ka hlam niteh, sut ka yan e camonaw a lungngai kuep thai nahanelah, na kut hah ahnimouh koe lah dâw haw.

²⁰ Oe BAWIPA, apimaw hettelah ka tet e hah, khen nateh pouk haw. Napuinaw ni ama ni a cun e camonaw hah a ca han namaw. Vâihmanaw hoi profetnaw teh BAWIPA e a thOUNGNAE hmuen dawkvah, thei awh han na maw.

²¹ Camo hoi matawngnaw teh talai dawk a kamlei awh toe. Kaie tami, thoundoun tanglakacuemnaw hai tahloi hoi kOUNG a kamlei toe. Na lungkhueknae hnin dawk ahnimouh teh pahren laipalah na thei teh kOUNG na raphoe toe.

²² Pawi hnin dawk coun e patetlah tengpam pueng vah kai ni ka taki e hno hah na coun toe. BAWIPA lungkhueknae hnin dawk ka hlout ni teh kahring e tami ni buet touh hai awm hoeh. Ka kawkhik e camonaw patenghai ka tarannaw ni kOUNG a raphoe toe.

3

Yuemkamcunae teh a len

¹ Kai teh nama e lungkhueknae dawk reithai rucatnae ka kâhmo e tami lah ka o.

² Kai hah na pâlei teh angnae dawk laipalah hmonae dawk na cei sak.

³ Atangcalah, kai hah hnin touh thung a kut hoiyah na pakhuppathan.

⁴ Ka tak hoi ka vuennaw a hmawn sak teh, ka hrunaw hah a khoe.

⁵ Kai koe lah na rakhan teh reithai rucatnae hoi na kalup.

⁶ Ka dout tangcounnaw patetlah a hmonae thung na o sak.

⁷ Na paung teh karipoung e rui hoi kahlout thai hoeh nahanlah na katek.

⁸ Hramki hoi ka ka teh, pahrennae ka kâhei nakunghai, ka ratoumnae hah na coe pouh hoeh.

⁹ Ka lamthung hai talung a e hoi na khan pouh. Ka lamthung a longkawi sak.

¹⁰ Kai na ka pawm e tavom patetlah kâhronae dawk kaawm e sendek patetlah na o sak.

¹¹ Ka lamthung na phen sak teh, kai hah thawkthawk na raboung. Kângue han awm laipalah na o sak.

¹² Ahnie licung a sawn teh, pala hoi ka hanelah a nue e patetlah na ta.

¹³ Ahnie palacung teh ka kuen thung a kâen sak.

¹⁴ Kai teh ka taminaw e hmalah hnin touh thung dudamnae hoi la lah na sak awh hanelah ka o toe.

¹⁵ Na min ni kakhat e kung hoi na kawi sak teh, lungkhueknae hoi na phum.

¹⁶ Ka hâ teh talung kate e hoi a khoe. Hraba hoi muen a ramuk.

¹⁷ Ka lungthin muitha teh roumnae thung hoi na takhoe toung dawkvah, bawinae tie teh ka pahnim toe.

¹⁸ Ka ngaihawinae hoi ka lentoenae teh, BAWIPA ama koehoi a kahma toe telah ka ti.

¹⁹ Kaie reithai rucat ka khangnae, lungkhueknae hoi kakhat e naw na pahnim pouh hanh.

²⁰ Ka hringnae ni hote hnonaw hah pahnim hoeh niteh, ka thungvah pou ao. Kaie lungthin muihtha hah tha ayoun sak.

²¹ Hettelah ka lungthin bout na pouk sak nah ka ngaihawinae bout ka tawn.

²² Bangkongtetpawiteh, BAWIPA mae pahren lungmanae hoi ngaithoumnae teh nâtuék hai a poutnae ao hoeh dawkvah, maimouh teh rawk laipalah o awh.

²³ Amom tangkuem a tha lah pahren lungmanae na pang sak. Nama e yuemkamcunae teh a lenpoung.

²⁴ BAWIPA teh kai hanelah doeh ao. Hatdawkvah, ka lungthin muihtha ni ama teh a ngaihawi.

²⁵ BAWIPA teh ama ka tawng e hoi ama kâuepnaw hanelah, ahawinae a sak pouh.

²⁶ BAWIPA e rungngangnae duem ka ring e teh, kahawi e hno doeh.

²⁷ Nawsai nah kahnam phu hanelah ao.

²⁸ Cathut ni a van kahnam a toung dawkvah, amadueng a tahung vaiteh, duem awm naseh.

²⁹ Hote hmuen koe ngaihawinae ao thai dawkvah, amae a pahni teh vaiphu dawk hrueng naseh.

³⁰ Ka tambei e tami hah hmaibei vang rek patueng pouh, a minhmai mathout naseh.

³¹ Bangkongtetpawiteh, Bawipa ni a yungyoe na pahnawt mahoe.

³² Ama ni lung na mathoe sak nakunghai, a lentoe lungmanae hoi bout na pahren han doeh.

³³ Bangkongtetpawiteh, taminaw lungmathoe sak e hoi rucatnae pha sak hanelah ngai hoeh.

³⁴ Talai dawkvah, thongkabawtnaw khok rahim coungroe e hai thoseh,

³⁵ A lathueng Poug Cathut hmalah tami e lannaeh pahnawtnae hai thoseh,

³⁶ Kayanae lahoi ayâ sunsacknae hai thoseh, Bawipa ni a ngai e nahoe.

³⁷ Bawipa ni kâpoenae awm laipalah, tami ni dei e hah coung thai han namaw.

³⁸ A lathueng Poug e Cathut e pahni daw k hoi yawhawinae yawthoenae teh ka tho e doeh.

³⁹ Ama e yon daw reknae a khang e hah tami ni bangkongmaw a phuenang awh vaw.

⁴⁰ Maimae lamthungnaw hah maimouh ni tanouknae hoi tawng awh sei. BAWIPA koe lah bout kamlang awh sei.

⁴¹ Kalvan kaawm e Cathut koe maimae lungthin hoi kutnaw dâw awh sei.

⁴² Kaimanaw ni ka payon teh na taran awh toe. Nama ni kayonnae na ngaithoum hoeh.

⁴³ Nama e lungkhueknae daw minhmai na kamlang takhai teh, kaimouh koe lungmanae awm laipalah na thei toe.

⁴⁴ Kaimae ratoumnae teh nama koe a cei thai hoeh nahanelah, tâmai hoi na ramuk pouh toe.

⁴⁵ Nama ni kaimanaw teh miphunnaw e rahak vah, kakhin e hoi panuetho e eitaboung lah na o sak.

⁴⁶ Tarannaw ni kaimouh koe lah a pahni a ang awh.

⁴⁷ Kaimouh koe takinae hoi karap teh a pha toe.

⁴⁸ Kaie tami tanglanaw a rawk dawkvah, ka mit teh palang tui patetlah a lawng.

⁴⁹ Ka mitphi teh palang tui ka lawng e patetlah poutnae awm laipalah a lawng.

⁵⁰ BAWIPA ni kalvan hoi a khetcathuk teh a hmu.

⁵¹ Ka khopui thung e canu tanglanaw abuemlae kecu dawk, ka mit ni ka lungthin dawk a pataw sak.

⁵² Bang hoeh e dawk ka tarannaw ni, tava patetlah na pâyuep awh.

⁵³ Ahnimouh ni ka hringo tangkom dawk na pabo teh, talungnaw hoi na ratet sin awh.

⁵⁴ Ka lû dawk hoi tui ni muen na licung teh, ka due han toe telah ka pouk.

⁵⁵ Oe BAWIPA, kai ni tangkom thung hoi nama e na min teh ka kaw.

⁵⁶ Kaie ka kâheinae lawk na thai teh ka ka navah, na hnâpakeng laipalah awm hanh.

⁵⁷ Kai ni nama na kawnae hnin nah ka teng na tho teh, taket hanh na ti pouh.

⁵⁸ Oe BAWIPA nama ni ka lungthin na rungngang pouh teh, ka hringnae na ratang.

⁵⁹ Oe BAWIPA nama ni kapayonnaw na hmu toe. Kai hanlah lawk na ceng pouh haw.

⁶⁰ Nama ni kai ka tak dawk thoe ka sak e taminaw e kahawihoehe pouknae hah na hmu pouh.

⁶¹ Oe BAWIPA kai ka tak dawk thoe ka sak e pathoenae hoi khokhanna pueng teh, nama ni na thai.

⁶² Ka tarannaw ni a dei e hoi a pouk e naw pueng teh, hnin touh thung a sak awh.

⁶³ Ahnimae tahungnae kangduena hah kenhaw! Kai teh ahnimouh e pathoe hanelah ka o.

⁶⁴ Oe BAWIPA amamae kut hoi a sak e pueng dawk aphu teh bout poe haw.

⁶⁵ Ahnimae lungthin patak sak nateh, nama e thoebonae ahnimae lathueng phat naseh.

⁶⁶ BAWIPA e kalvan rahim hoi na lungkhueknae hoi ahnimanaw teh be raphoe haw.

4

Zion rawksaknae

¹ Sui teh kamlaw hoeh toe. Kahawi e sui teh a kâthung toe. Kathoung talung teh lamtakinnaw koe kâkahei lah ao.

² Aphu kaawm e suikatang patetlah kaawm e Zion canaw hah, hlaamk-abonaw ni kut hoi a bo e talai hlaam patetlah a pouk awh.

³ Kahrawnguinau ni patenghai a canaw hah sanu a pânei teh, a khetyawt. Hatei ka taminaw canunaw teh, kahrawng kaawm e kalauk tava patetlah kamatheng e lah ao awh.

⁴ Sanu ka net e camo ni sanu a kahran dawkvah, a lai hah adangka dawk rapkâbet lah ao. Camonaw ni vaiyei a hei awn nakunghai, ka poe hane tami awm hoeh.

⁵ Kahawi poung e rawca kacatnaw teh, lamnaw dawk ao awh. Hnipaling kâkhu lahoi ka roun e naw ni, eitaboung lah a tawm awh.

⁶ Kaie ka miphun tangla ni a khang e teh, kut hoi thapatho laipalah, vaitahoi raphoe e Sodom khopui e yonnae hlak hoe a len.

⁷ Ahnie bawinaw teh, tadamtui hlak a thoung teh, sanutui hlak hai a pangaw. Ahnimae a tak teh, sapphire talung hlak a paling. Ahnimae a meihawinae teh, sapphire talung hoi a kâvan.

⁸ Atuteh ahnimae a meihawinae teh, hmaisaei hlak a tamang teh, lam dawk nout thai hoeh toe. A vuennaw hai a hru dawk rapkâbet teh thing patetlah a ke toe.

⁹ Law dawk a pawhiknaw hai a pawk teh, a hrawnghrang lah ao teh, vonhlan hoi due e hlak tahloi hoi thei e hah ahawihnawn.

¹⁰ Pahrennae ka tawn e napuinaw e kutnaw nihai, amamae camonaw hah a thueng awh. Ka miphun canu tanglanaw ni a rawknae tueng nah, ahnimouh hanelah camonaw teh rawca lah a kangcoung.

¹¹ BAWIPA ni mae a lungkhueknae a kuep sak toe. Puenghoi a lungkhueknae a rabawksin toe. Zion khopui hah hmai a sawi teh, hote kho teh adu totouh a kak sak.

¹² Tarannaw ni Jerusalem khopui thung a kâen thai nah doeh tie hah, talai van kaawm e siangpahrangnaw hoi talai van kho ka sak e pueng ni hai yuem awh hoeh toe.

¹³ Khopui thung e tami kalannaw e thi a lawngnae teh profetnaw e yonnae hoi vaihmanaw kânginghoehnae kecu dawk doeh.

¹⁴ Ahnimouh teh lamnaw dawk mit ka ang hoeh e patetlah a cei awh teh, thi hoi kâkaawk dawkvah, lamnaw dawkvah ahnimae khohnanaw teh apinihai kâbet ngai hoeh.

¹⁵ Tami pueng ni ahnimouh teh cet awh, cet awh, kâbet awh hanh. Kathounghoehe nangmanaw ahlanae koe cet awh telah a hram awh. Ram thung bout awm awh hanh leih ati awh dawkvah, ahnimouh teh hmuen tangkuem a cei awh.

¹⁶ BAWIPA ni ahnimanaw teh kâkapeksak. Ahnimouh teh bout khen hoeh toe. Vaihmanaw e hmalah barilawa poe hoeh toe. Kacuenaw hai ngaikhainae awm laipalah ao awh.

¹⁷ Maimouh teh bout na kabawm hane apimaw telah ngaihawi hoi ka mit hai amom toe. Maimouh ni ka rungngang thai hoeh e ram hah yawmyin ring awh.

¹⁸ Ahnimouh ni maimouh ceinae lam dawk, khokhnuk a dawn teh na pâlei awh. Maimae a poutnae teh a hnai toe. Maimae a hninnaw teh abaw han toe. Mamouh teh sungnae tueng lah pha awh toe.

¹⁹ Mamouh hnuk lahoi na kapâleinaw teh, kalvan e mataw hlak hai hoe karang e lah ao awh. Ahnimouh ni maimanaw hah mon lah na pâlei awh teh, kahrangum vah na pawp awh.

²⁰ Maimae kâha lah kaawm e, BAWIPA ni satui a awi e tami ni, ahnimae rawknae tangkom dawk man e lah o awh toe. Maimouh teh ramnaw dawk e a lungui ahnie thungup rahim vah khosak han toe ati awh.

²¹ Uz ram dawk kaawm e Edom canu lunghawi hoi konawm haw. Manang teh nang koe a pha han doeh. Na parui vaiteh, caici lah na o han toe.

²² Oe Zion canu nange yonnae teh, a pout toe. Nang teh bout na pâlei mahoe. Oe Edom canu na sak e na yonnae dawk reknae na khang vaiteh, na yonnae a pâphue han.

5

¹ Oe BAWIPA kaimanaw dawk ka phat e hno hah, pahnim hanh. Kaimae yeiraiponae hai khen nateh na panuek pouh.

² Kaimae râw talai teh, ram louk e kut dawk, imnaw hai Jentelnaw e kut a pha toe.

³ Kaimanaw teh nara patetlah ka o toe. Na pa o hoeh dawk kaimae manunaw teh lahmai patetlah ao awh.

⁴ Kaimouh teh tui hai aphu hoi ka ran awh. Ka hno awh hane thing hai aphu hoi ka ran awh.

⁵ Kaimae hnukkhu rek na patawt dawkvah, ka patang awh. Kaimanaw teh kâhatnae na poe hoeh.

⁶ Kaimanaw teh rawcarawnei a khout thai nahanlah, Izip ram, Assiria ram naw e a hmalah kutdaw teh ka hei awh.

⁷ Kaimae mintoenaw ni a ton awh teh, a kahma awh nakunghai, kaimanaw ni ahnimae a yonnae teh ka phu awh.

⁸ Sannaw ni kaimouh teh na uk awh. Ahnimae kut dawk hoi apinihai na rungngang thai hoeh.

⁹ Kahrawngum vah, tahloi kecu dawk kaimouh teh hring nahanelah, canei hane ka panki teh ka tawng awh.

¹⁰ Takang dawk kaimae vuennaw teh takhuen patetlah a tamang toe.

¹¹ Ahnimouh teh Zion khopui dawk kaawm e napuinaw hoi Judah khopui dawk kaawm napui tanglanaw hah a pacekpahlek awh.

¹² Ahnimae kâ dawk hoi bawinaw hah lawk a ceng awh. Kacuenaw hai barilawa awh hoeh.

¹³ Thoundounnaw ni talungsumnaw hah a phu awh. Camonaw ni thing a hrawm thai hoeh e ngangngang a hrawm awh.

¹⁴ Kacuenaw ni kho longkha koehoi thoseh, thoundounnaw ni ahnimae tumkhawng koehoi thoseh a ceitakhai awh.

¹⁵ Kaimae lungthin dawkvah, lunghawi nawmnae a kâhat teh, lamtunae dawk hoi khuikanae koelah a cung toe.

¹⁶ Kaimae lû dawk hoi bawilakhung teh a bo toe. Kaimouh ni ka sak e yon dawkvah, kamamouh koe yawthoenae ao.

¹⁷ Hote hno dawkvah, kaimae lungthin teh tha ayounnae koe lah, a pha toe. Hote yon dawk kaimae mitnaw hai amom toe.

¹⁸ Kingkadi e Zion mon dawkvah, Asuinaw ni a paitun awh.

¹⁹ Oe BAWIPA nama teh, a yungyoe na kangning. Nama e baw-itungkhung teh catounnaw e lah a yungyoe a kangning.

²⁰ Bangkongmaw kaimanaw hah pou na pahnim vaw. Bangkongmaw atueng moikasawlah na pahnawt vaw.

²¹ Oe BAWIPA kaimouh teh nama koe bout na bankhai haw. Telah pawiteh, kaimouh teh bout ka tho awh han. Yampa e patetlah kaimae a hninnaw teh a katha lah na pathoup haw.

²² Hoehpawiteh, nama ni kaimanaw hah na pahnawt han na maw. Kaimanaw hah puenghoi na lungkhueksin han na maw.

EZEKIEL

Ezekiel ni hmu e vision

¹ Aruithumnae kum, thapa yung pali, hnin panganae dawkvah, Kebar tui teng san lah kaawm e Judahnaw koe ka o navah, hettelah doeh. Kalvan a kamawng teh, Cathut e vision ka hmu.

² Siangpahrang Jehoiakim e san lah ao nah kum, thapa yung pali, hnin panga hnin dawh,

³ Khaldean ram Kebar tui teng vah, Buzi capa vaihma Ezekiel koevah, BAWIPA e lawk karang poung lah a pha teh, hawvuh BAWIPA e kut teh a lathueng vah ao.

⁴ Ka khet teh atunglah hoi katang poung e kahlî kathout a tho e ka hmu. Ka raim poung e tâmai dawh hoi sumpapalik teh, atengpam pueng pheng a ang. Sumpapalik e palek ka ang e teh rahum patetlah ao.

⁵ Tâmai lungui vah moithang pali touh a kamnue awh. Hote moithangnaw e meilam teh, tami e meilam ka sin e hah a tâco.

⁶ Minhmai pali touh hoi rathei pali touh rip a tawn awh.

⁷ A khok teh kalanthoung niteh, Maito khokpatin patet e a tawn awh. Rahum loukloukkaang e patetlah a ang awh.

⁸ Minhmai pali, rathei pali touh hloilah tami kut patetlah pali touh rip a tawn awh teh, rathei rahim lengkaleng ao.

⁹ Moithang pali touh e naw ni, a rathei kadai awh nah a rathei dong hmo koung a kâbet. Rathei a kangdue teh, a kâroe awh nahai a tak kâroe laipalah a kâtahruet awh.

¹⁰ Moithang pali touh ni minhmai pali touh rip a tawn awh. A hmalah tami e mei, aranglah sendek mei, avoilah maitotan mei, a hnuklah mataw mei a tawn awh.

¹¹ Moithang pali touh ni a rathei kahni touh rip a kâhmo thai nahanlah a kadai awh teh, alouke hah a tak a ramuk nah aw.

¹² Hmalah kalancalah a cei awh teh, muitha ni ceisak han a ngainae pueng koe a cei awh, a cei awh navah kamlang awh hoeh.

¹³ Moithangnaw e kâvannaeh teh, ka tawk e hmaito, moithangnaw rahak vah hnuklah hmalah ka cet e hmaito patetlah ao. Hmaito thung hoi sumpapalik.

¹⁴ Moithangnaw ni hai sumpapalik e patetlah hnuklah hmalah a kamlang awh teh a yawng awh.

¹⁵ Moithang pali touh ka khet lahun nah lengkhok hah Moithang pali touh teng vah talai dawh kaawm e hah ka hmu.

¹⁶ Lengkhoknaw a kamnuenae hoi a coungrae teh Beril talung phukaawm hoi a kâvan. Pali touh hoi a coungrae rei a kâvan awh teh, a meilam teh lengkhok buet touh thung buet touh mawp e patetlah ao.

¹⁷ A kâtahruet navah a hmalah lengkaleng a cei awh teh, a cei awh navah kâhei laipalah a cei thai awh.

¹⁸ Lengkhoknaw hai arasang teh taki a tho poung. Hote pali touh teh mit hoi king a kawi awh.

¹⁹ Moithangnaw teh a cei awh navah, lengkhok ni a hnuk a kâbang awh teh, Moithangnaw hah talai dawh hoi tawm takhang lah ao navah, lengkhok hai a kâtaawm.

²⁰ Muitha ni ceisak hane a ngainae tangkuem koe a cei awh. Bangkongtetpawiteh, muitha hah haw vah a cei. Lengkhok teh amamouh hoi tawm lah ao awh. Bangkongtetpawiteh, Moithangnaw e muitha teh lengkhok dawak ao.

²¹ Ahnimanaw a cei awh navah, lengkhoknaw hai a cei awh. Ahnimouh a kangdue navah, lengkhoknaw hai a kangdue. Ahnimouh talai hoi tawm lah ao navah, lengkhok hai ahnimouh koe tawm e lah ao. Bangkongtetpawiteh, Moithangnaw e muitha teh lengkhok dawak ao.

²² Moithangnaw e lû dawak khristal talung pangaw loukloukkaang e patetlah sak e kalvan ni a kalup.

²³ Hote kalup e rahim vah, Moithangnaw a kangdue. Alawilah amamae tak a ramuk nahanelah rathei kahni touh a kadai. Alouke rathei kahni touh hoi a tak hah a ramuk awh.

²⁴ A kamlang awh nah a rathei takhawng pawlawk ka thai teh, tuipui tuicama pawlawk hoi ransahu pawlawk patetlah tamimaya a hram e pawlawk hoi Athakasaipoung Cathut lawk patetlah ka thai teh, a kâhat nah a ratheinaw hah a cakuep awh.

²⁵ A kâhat awh teh a ratheinaw a cakuep awh navah, ahnimaie lû lathueng vah kalvan hoi lawk pou a tho.

²⁶ A lûnaw dawak kaawm e lathueng kalvan rasang dawak bawitungkhung patetlah sapphire talung apu kaawm e patetlah ka kamnuek e ao. Haw e bawitungkhung patetlah kaawm e dawkvah, tami hoi kâvan e ao.

²⁷ A keng lathueng lah dingyinnaw patetlah loukloukkaang e ka hmu. keng koehoi a rahim lae teh, hmaisaaan patetlah ka hmu, petkâkalup lah koug a ang.

²⁸ Kho a rak hnin e tâmai dawak e salumpa kamnuek e patetlah a tengpam angnae a kamnuenae ao. Ka hmu navah, pakhup lah ka rawp teh lawk kadeikung e lawk hah ka thai.

2

Tarankathaw e Isarel koe Ezekiel patounnae

¹ Hahoi, kai koe vah, tami capa na khok hoi kangdout nateh, nang koe lawk ka dei han telah ati.

² Kai koe lawk a dei lahun nah, Muitha ka thung vah a kâen. Ka khok hoi na kangdue sak teh kai koe lawk a dei e ka thai.

³ Kai koe vah tami capa nang teh taran na ka thaw e Isarel miphun, taran ka thaw e miphun, kai na ka hmuhma e miphun koe na patoun han. Amamouh hoi a nâ mintoenaw ni sahnin ditouh hawihoeahnae lahoi kai na taran.

⁴ Bangkongtetpawiteh, ahnimanaw teh a lung ka patak e hoi dei ka ru poung e lah ao awh. Ahnimouh koe na patoun teh, Bawipa Jehovah ni hettelah a dei telah na ti han.

⁵ Ahnimouh ni a tarawi hai thoseh, a tarawi hoeh hai thoseh, bangkongtetpawiteh, taran ka thaw e imthung lah ao awh. Hateiteh, ahnimouh koe profet ao tie a panue awh han.

⁶ Nang tami capa, ahnimouh taket hanh. A lawknaw ni hai takinae na poe hanh naseh. Nang koe vah pâkhing a phun phun hoi kâhmo nakunghai, aikamnaw koe kho na ka sak nakunghai, taran ka thaw e lah na kaawm awh nakunghai, ahnimaie lawk taket awh hanh. A meilamnaw ni na taket sak awh hanh naseh.

⁷ A tarawi hai a tarawi hoeh nakunghai thoseh, ahnimouh koe kaie ka lawk na dei han. Bangkongtetpawiteh, taran ka thaw awh e doeh.

⁸ Hatei, nang tami capa nang koe ka dei lawk ngai haw. Taran ka thaw e imthung patetlah taran thaw van awh hanh. Na pahni ang nateh kai ni na poe e hah cat loe telah atipouh.

⁹ Ka khet torei teh, a kut hoi na kâyap teh, khenhaw! a kut dawc cakalawng teh ao.

¹⁰ Ka hmalah a rathap teh, athung, avanlah hoi thut e doeh. Khuinae, khopoukranae, yawthoenae naw hah a kâthut.

3

¹ Hothloilah, tami capa, na hmu e hah cat haw. Cakalawng hah cat nateh, Isarel imthung koe lawk dei loe, telah ati.

² Hottelah ka pahni ka ang teh, cakalawng hah ka ca.

³ Ahni ni, tami capa na von dawc paen nateh, hete cakalawng na poe e heh na von dawc kawî naseh, telah ati. Hottelah ka ca teh, ka kâko dawc khoitui patetlah a radip.

⁴ Ahni ni kai koevah, tami capa Isarel imthung koe cet nateh, ahnimouh koe kaie ka lawk hah dei haw.

⁵ Bangkongtetpawiteh, lawk phunlouk hoi thai ka ru e lawk koevah, patoun e nahoe, Isarel miphunnaw koe na patoun e doeh.

⁶ Ka bawilen e mipoun, a lawk ka hram niteh, a lawk hoi lawk thai panuek hoe e koe na patoun hoe, ahnimouh koe na patoun pawiteh, na lawk a ngai awh han.

⁷ Hatei Isarel imthung ni teh, nange na lawk ngai awh mahoe. Kaie ka lawk hai ngai awh mahoe. Bangkongtetpawiteh, Isarel imthung pueng teh, tami lung ka patak e hoi dei han ka ru poung e lah ao.

⁸ Khenhaw! ahnimae minhmai katarankung lah nangmae minhmai, ahnimae tanpa katarankung lah nangmae tanpa hah ka te sak toe.

⁹ Kate katang e talung hmaikhom patet lae kate e tampa hah na tawn sak teh, Taket hanh loe, taran ka thaw e imthung lah kaawm nakunghai a mithmainaw ni takinae na poe hanh naseh.

¹⁰ Hothloilah kai koevah, tami capa nang koe ka dei hane pueng na hnâpakeng nateh, na lungthin dawc paen haw.

¹¹ cet nateh, na hmaunawnggha san lah kaawm e koevah cet haw. A tarawi hai a tarawi hoe hai hettelah Bawipa Jehovah ni a dei telah pâpho nateh dei telah ati.

¹² Muitha ni kai hah na tawm teh, ka hnuklah kacaipoung khoparit lawk hah ka thai. Ama hmuen koehoi BAWIPA bawilennaeh teh pholen lah awm seh telah ati.

¹³ Moithangnaw a rathei buet touh kâhmo e pawlawk hoi a tengpam e leng pawlawk hoi kacaipoung khoparit law hah ka thai.

¹⁴ Hottelah Muitha ni na tawm teh, yout na la, kân e, kakhat e, lungpuennaeh hoi na pâlei. Hatei Thakasai e BAWIPA kut hah ka lathueng vah ao.

¹⁵ Hottelah Telabib e san lah kaawm e Kebar palang dawc kho ka sak e naw koevah ka pha. A tahungnae koe ka tahung. Kângairu lahoi hawvah, hnin sari touh ka tahung.

¹⁶ Hnin sari touh abaw hnukkhu vah hettelah doeh. BAWIPA e a lawk kai koe a pha.

¹⁷ Tami capa Isarel imthung kakhenkung lah na pouk e doeh. Hottelah ka lawk na thai vaiteh, kaie yueng lah kâhruetcuetnae na poe han.

¹⁸ Tamikathout, na due roeroe han ka ti pouh teh, hote tamikathout e a hringnae rungngang hanelah, a yonnae lamthung a kamlang takhai

hanelah kâhruetcuetnae na poe hoeh lah, na dei pouh hoeh pawiteh, hote tamikathout teh a payonnae dawk dout pawiteh, a thi phu teh nang koe na suk roeroe han.

¹⁹ Hatei, tamikathout hah kâhruetcuetnae na poe teh, a thoena cettakhai laipalah kahawihoehe lamthung dawk hoi kamlang hoehpawiteh, a payonnae dawk a due han, nang teh na hringnae na hlout han.

²⁰ Tamikalan ni a lannae a kamlang takhai teh, yonnae sak pawiteh, a hmalah tâlaw nahan ka tat pouh pawiteh, a due han. Kâhruetcuetnae na poe hoeh dawkvah yon dawk a due han. Lannae a sak tangcoung e hah panue pouh e lah awm mahoehtoe, a thi phu nang koe ka hei han.

²¹ Hateiteh, tamikalan a yon hoeh nahan kâhruetcuetnae na poe teh, payon hoehpawiteh, kâhruetcuetnae na poe e hah a lawkpui lah a pouk dawkvah, a hring han. Nang hai na hlout toe telah ati.

²² Hawvah BAWIPA e kut ka lathueng ao teh, kai koevah thaw nateh ayawn dawk cet loe. Hawvah kai ni na pato han telah ati. Hattoteh ka thaw teh ayawn koe ka cei.

²³ Khenhaw! hawvah, BAWIPA bawilenna Kebar palang ka hmu e bawilenna patetlah a kangdue teh, kai teh pakhup lah rep ka tabo.

²⁴ Hottelah hoi Muitha teh, kai dawk a kâen. Ka khok hoi na kangdue sak teh, na pato, cet nateh na im kangungh.

²⁵ Nang tami capa tangron hoi na pakhi awh vaiteh na katek awh han.

²⁶ Na lai hah na adangka dawk kâbet sak vaiteh, lawk na tho mahoehtoe. Ahnimouh na yue mahoehtoe. Bangkongtetpawiteh, tarankathaw e imthung doeh.

²⁷ Hateiteh, nang koe lawk ka dei navah, na pahni na ang sak vaiteh, ahnimouh koe, Bawipa Jehovah ni hettelah a dei. Ka tarawi e ni tarawi naseh, ka tarawi ngaihoeh e ni tarawi hanh naseh. Bangkongtetpawiteh, tarankathaw e imthung doeh telah na dei han

4

Jerusalem meilam

¹ Nang, tami capa amhru lat nateh na hmalah hrueng nateh, Jerusalem khopui meilam thun haw.

² Petkâkalup lah rapan hoi kalup nateh, mon ka coum e hah pet tai nateh, ransa roena hah tai sin nateh, rapan patenna thingtabounghaw hah petkâkalup lah tat.

³ Sumphen lat nateh, nama hoi khopui rahak vah sumrapan lah thung haw. Haw lah kangvawi nateh, hottelah na tungdum vaiteh, haw e khopui teh kalup e lah ao han. Hetheh Isarelnaw hane mitnoutnae lah ao han.

⁴ Nang teh avoilah kâpaihrueng lahoi ip haw, na van vah Isarel imthung payonnae hah thueng nateh, a yonnae hah na phu han. Touk e hnin yit touh a van vah ip.

⁵ Bangkongtetpawiteh, a payonae kum hah nange lathueng ka patue. Hnin touk e patetlah hnin 390 touh thung Isarel imthung yonnae na phu han.

⁶ Na kuep sak hnukkhu aranglah paihrueng lahoi yan nateh, Judah payonnae hah hnin 40 touh bout na khang han. Kum touh hane hnin touh na van vah ka patue toe.

⁷ Hatdawkvah, na kalup e Jerusalem koelah na kangvawi han. Na kut na dâw vaiteh, ahni koelah profet lawk na pâpho han.

⁸ Khenhaw! tangron hoi na pakhi vaiteh, na kalup hnin a kuep hoehroukrak teh, nâ lahai na kamlang thai mahoe.

⁹ Cakang, catun, pe phunkuep, kalape, vaicakuem, rakhun e cakang hah lat, hlaam buet touh dawk hrueng nateh vaiyei lah sak. Paihrueng lah na i na thung hnin 390 touh thung hot hah na ca han.

¹⁰ Na ca hane bu teh koung nue e doeh. Hnin touh dawk shekel 20 touh han. Atueng kahmancalah na ca han.

¹¹ Tui hai koung nue tangcoung hoi na nei han. Hin buet touh hah taruk touh lah na kapek vaiteh, buet touh e hah na nei han.

¹² A mithmu roeroe vah ka ke e tami ei hoi na pâeng vaiteh, catun vaiyei ca lah na ca han telah ati.

¹³ BAWIPA ni het patet lae bu kakhin e heh Isarel catounnaw ni ka pâleinae ram dawk a ca awh han telah ati.

¹⁴ Hatnavah kai ni aya! Bawipa Jehovah awm ei, ka hringnae heh kakhin sak boi mahoe. Ka nawca hoi atu totouh amahmawk kadout e thoseh, sarang ni a kei e thoseh, ka cat boihoeh. Panuet ka tho e moi ka kâko dawk ka kâen sak hoeh telah ka ti.

¹⁵ Hat navah, ahni ni khenhaw! tami ei yueng lah maito ei na poe awh. Na ca hane teh maito ei ka ke e hoi na sak han telah ati.

¹⁶ Hothloilah ahni ni, tami capa khenhaw! Jerusalem vah hringnae akungtuen lah kaawm e bu ka raphoe vaiteh, a rawca koung nue pouh lahoi, ngaihri lahoi a ca han, tui hai koung nue pouh vaiteh, ngaihri lahoi a nei a han.

¹⁷ Tui hoi bu vout laihoi buet touh hoi buet touh a kâpanuet awh teh, a yon awh kecu dawkvah, koung a kahma awh han telah ati.

5

Jerusalem raphoena

¹ Nang tami capa, pataca hruepatue e hah tahloi yueng lah lat haw, na lû hoi pâkhamuen hah ngaw haw. Yawcu dawk khing nateh, alouklouk lah kapek haw.

² Khopui kalupnae tueng a kuep navah, sam hoi pâkhamuen, pung thum touh dawk pung touh hah khopui thung hmaisawi nateh, pung touh e hah tahloi hoi tâtueng haw, pung touh e hah kahlî thonae koe paleng sak. Kai ni tahloi hoi ka pâlei han.

³ Youn touh na la vaiteh, na angki pawî dawk na taoung han.

⁴ Hote youn touh bout na lat nateh hmai sawi haw. Haw hoi teh Isarel imthung hoi hmai a tâco han.

⁵ Bawipa Jehovah ni hettelah a dei. Hetheh Jerusalem kho doeh, miphunnaw umsali ka hrek teh a tenggam vah ramnaw hah ao.

⁶ Miphunnaw hlak hawihoehnae a sak teh, ka lawkcengnae a taran teh, a tenggam e ramnaw hlak ka phunglam hah hoe a taran. Bangkongtet-pawiteh, ka lawkcengnae hah a oun awh teh, ka phunglam tarawi awh hoeh.

⁷ Hatdawkvah, Bawipa Jehovah ni hettelah a dei, Na tenggam e miphunnaw hlak lawkeknah hah hoe na pung sak teh ka phunglam tarawi awh laipalah ka lawkcengnae hah na pâkuem awh hoeh.

⁸ Bawipa Jehovah ni hettelah a dei, khenhaw! kai kama roeroe ni na taran awh vaiteh, miphunnaw e mithmu roeroe vah ka lawkcengnae ka kuep sak han.

⁹ Panuet na thonae kecu dawk, ka sak boihoeh e hoi sak lah hai bout ka sak hoe hane hah nangmouh koe ka sak han.

¹⁰ Hatdawkvah, nangmouh koe lawkcengnae ka kuep sak vaiteh, a na pa ni a canaw a ca awh han, a ca ni hai a napanaw a ca awh han. Nang koe ka cawi rae naw hah kounk ka kâkahei sak han.

¹¹ Bangkongtetpawiteh, Bawipa Jehovah ni a dei e hateh, kai ka hring e patetlah na kamhnawngnae hoi panuetthonae lahoi ka hmuen kathoung hah na kamhnawng sak dawkvah, kai ni nang pasainae ka tawn mahoe. Kounk na pahma han, na pahren mahoe.

¹² Nangmouh thung pung thum touh dawk pung touh teh lacik patawnae hoi thoseh, takang hoi thoseh a due awh han. Pung touh hah tahloi hoi na teng vah a due awh han. Pung touh hah ka kâheisak vaiteh tahloi hoi ka pâlei han.

¹³ Hettelah ka lungkhueknae kamnue sak e lah ao han. A lathueng vah, ka lungkhueknae kamnue sak e lah ao navah, BAWIPA ni ngaikhainae hoi ka dei toe tie a panue awh han.

¹⁴ Hothloilah, ahni teng ka cet pueng e a hmalah nang heh tami kingdinae, na teng petkâkalup lah kaawm e miphunnaw ni dudam e lah na o han.

¹⁵ Lungkhueknae a len poung e lahoi nang dawk ka pataw poung e kâhruetcuetnae na poe toteh, na tengpam kaawm e miphun pueng dawk dudam yonpen kawi lah pouk hanelah, kângairu hno lah na o han.

¹⁶ Kai BAWIPA ni yo ka dei toe. A lathueng vah takang, kahawihoehe kahma katanae pala mathout e, kai ni ka pabo toteh, nangmouh thung takangthonae ka pung sak vaiteh, na hringnae lah kaawm e na rawcanaw ka raphoe han.

¹⁷ Nangmouh koe takang hoi sarang ka tha vaiteh, na hringnae a pahma han. Lacik hoi kâtheinae ni na katum awh vaiteh, nangmouh koe tahloi ka thokhai han. Kai BAWIPA ni ka dei toe telah ati.

6

Isarel meikaphawknaw daw lawkcengnae

¹ BAWIPA e lawk kai koe a pha teh,

² tami capa Isarel mon hah radoung haw. Ahnimouh koe taranlahoi pâpho haw.

³ Isarel monnaw Bawipa Jehovah e lawk ngai awh. Bawipa Jehovah ni ram hoi monrui koe thoseh, tanghling hoi ravo koe thoseh hettelah dei haw, kai kama roeroe nangmouh koe tahloi ka pha sak vaiteh, hmuenrasang be ka raphoe han.

⁴ Nangmae khoungroenaw teh kingkadi lah ka o sak han. Nangmae meikaphawk cathutnaw be ka rek sak han. Kutsak meikaphawknaw e hmaitung, nangmae ransanaw be ka raphoe han.

⁵ Isarelnaw e a ronaw meikaphawk teng koe ka hruek han, na hrunaw hah khoungroe petkâkalup lah ka yat han.

⁶ Na khosaknae khopui pueng a ro vaiteh, hmuenrasang pueng kingkadi lah ao han. Khoungroenaw be raphoe vaiteh, meikaphawk pueng be tâtueng vaiteh, nangmouh ni na sak e hnonaw be a rawkphai awh han.

⁷ Thei e naw nangmouh umsali a rawp awh han. Hottelah hoi BAWIPA lah ka o tie na panue awh han

⁸ Hateiteh, ram tangkuem kOUNg na kâkahei toteh, miphunnaw thung dawK tahloi hoi na kahlout e hai na o awh han. A tangawn teh na pâhlung awh han rah.

⁹ Nangmouh thung dawK hoi ka hlout e naw ni san lah a ceinae hmuen miphunnaw koevah, kai na pahnim awh mahoeH. Bangkongtetpawiteh, alouke meikaphawk ngainae lungthin, kai koehoi kâkapeknae hoi, meikaphawk koe a kâyo awh, a mitnaw cawngkhawi toe tie a kâpanue awh vaiteh, panuethopoung a sakpayonnae kecu dawK amahoima a kâpanuet awh han.

¹⁰ BAWIPA lah ka o teh, a lathueng vah hete rawkphainae heh, ka pha sak han telah ka dei e hah rumram nahoeH tie hah a panue awh han telah ati.

¹¹ Bawipa Jehovah ni hettelah a dei. Na kut tambei nateh, na khok hoi kamlang haw. Aya! panuetho e Isarel imthung yonnae kecu dawK na ou, bangkong tahloi, takangnae hoi lacik patawnae hoi due awh han.

¹² Lamhla pui lah kaawm e hah lacik patawnae hoi a due awh vaiteh, kahnaicalah kaawm e hah tahloi hoi a due awh han. Kacawiraenaw hah takang hoi a due awh mingming han. Het patetlae ka patawpoung e ka lungkhueknae hah a lathueng vah ka kuep sak han.

¹³ Meikaphawknaw koe hmuitui hah a thuengnae hmuen, khoungroe-naw tenggam rasangnae hmuen, monsom kaawm pueng e a lathueng, kahring e thingkung, tâhlip kahawi e thingkung rahim tangkuem vah, meikaphawknaw a rawp awh teh, a due awh toteh, kai teh BAWIPA lah ka o tie a panue awh han.

¹⁴ Ahnima e lathueng vah ka kut ka dâw vaiteh, Diblah kho hoi kâkuen e khosaknae hmuen pueng kahrawngum hah tami kingdinae, kângairunae hoe ka o sak torei teh, kai teh BAWIPA lah ka o tie a panue awh han telah ati.

7

Isarel lathueng lawkcengnae

¹ BAWIPA e lawk kai koe bout a pha teh,

² Nang tami capa Bawipa Jehovah ni Isarel ram koe hettelah a dei. Poutnae, poutnae teh ram takin pali touh koe a pha toe.

³ Atuteh nang hanelah poutnae doeh. Na lathueng ka lungkhueknae ka pha sak han, na hringnuen hoi kamcu lah lawk na ceng awh vaiteh, na kamhnawng awh e patetlah na lathueng ka pha sak han.

⁴ Ka mit ni pasainae awm laipalah, nangmae na sak awh e phu na patho awh han. Na sak awh e panuetho e hnoung nang koe a pha han. Kai teh BAWIPA lah ka o e na panue awh han telah ati.

⁵ Bawipa Jehovah ni hettelah a dei. Khenhaw! rawknae buet touh hnukkhu buet touh a pha han.

⁶ poutnae a pha, poutnae a pha nang hah na ring teh a pha toe. Khenhaw! a pha toe.

⁷ Oe ram karingkung, na rawk nahane nange lathueng a pha toe. Atueng a kuep toe, runae hnin lunghawinae mon dawkvah, hramnae hnin nahoeH, ruengruengtinae hno kamnuesaknae hnin a hnai toe.

⁸ Ka lungkhueknae na lathueng atu ka awi han toe. Na lathueng vah ka lungkhueknae kamnue sak han. Na hringnuen hoi kamcu lah lawk na ceng han. Panuet na thonae hoi kamcu lah na pathung han.

⁹ Pasainae awm laipalah na pahren mahoe, na hringnuen hoi kamcu lah na pathung han. Panuet a thonae nangmouh koe ao han. Hottelah kai BAWIPA heh reknae kapoekung tie na panue aw h han.

¹⁰ Khenhaw! a hnin teh a pha toe. Na ro nahane hnin a tâco toe. Sonron teh a pei toe, kâoupaenae teh a rounge toe.

¹¹ Pacekpahleknæ teh kahawihoehe sonron lah a kangcoung. Apihai awm hoeh toung vaiteh, a kamthang hoi khuinae hai apini sak mahoe toe.

¹² Atueng a kuep toe. A hnin a hnai toe. Karankung ni lunghaw hoi hanh naseh, hno kayawtkung hai a lungmathout hanh naseh. Bangkongtetpawiteh, a lungkhueknæ teh ahnimouh pueng koe a pha.

¹³ Hno kayawtkung a hring nakunghai, a yo e hah hmawt mahoe toe. Vision teh taminaw koe kuep laipalah awm mahoe. Apihai a payonnae daw hring thai aw h mahoe toe.

¹⁴ Mongka a ueng aw h teh, bangpueng coungkacoe lah ao toe. Hatei, tarantuknae koe apihai cet hoeh, bangkongtetpawiteh, ka lungkhueknæ teh ahnimouh pueng e lathueng ao.

¹⁵ Alawilah tahloi, athunglah lacik hoi takangnae, ram daw k kaawm e hah tahloi hoi a due vaiteh khopui daw k kaawm e hah takang hoi lacik ka mathout ni be a ca han.

¹⁶ Ka yawng e hah a yawng thai han eiteh, mon daw kvah tâco takhai e law e bakhu patetlah ao vaiteh, abuemlahoi amamouh payonnae daw kvah, aphu a paha aw h han.

¹⁷ Abuemlahoi a kut tha a youn aw h vaiteh, a khokpakhunaw a tui patetlah ao han.

¹⁸ Buri kâkhu aw h vaiteh, takikathopoung runæ ni a kayo aw h han. Minhmai pueng kayanae a kamnuæ vaiteh, a lû pueng luengpalueng lah ao han.

¹⁹ Ahnimæ ngun hoi sui ni BAWIPA lungkhueknæ hnin daw k runghang thai mahoe. A hringnae khuektet sak mahoe. A von paha sak mahoe. Bangkongtetpawiteh, a payonnae daw k ahnimæ sui ngun teh amamouh rawpnae lah ao.

²⁰ A meihawinae a kamthoupaenæ, taluena hoi kamthoupaenæ hah a kâoupkhai aw h teh, panuetho hringnae meikaphaw k hoi, a kamhnawngnae hno lah letlang a kangcoung sak aw h. Hatdaw kvah, ahnimouh han panuetho e hno lah ka kangcoung sak toe.

²¹ Lawphonaw miphun alouke kut daw k poe han. Talai e tami kahawihoehnaw kut daw k a hnopai hanlah ka poe han, ahnimouh ni a khin sak aw h han.

²² Ahnimouh ka ceitakhai vaiteh, kaie thoungnae hmuen hah a khinsak han. Bangkongtetpawiteh, dingcanaw a kâen vaiteh, a khin sak han.

²³ Sumrui hah sak aw h, ram teh thipaling palawngnae uknae hoi akawi teh, khopui hah ka pacekpahleknæ hoi a kawi.

²⁴ Hatdaw kvah, ka pahngawpahrak e miphun alouke hah ka kâenkhai vaiteh a innaw a lawp pouh han. A thasainæ a kâoupkhai aw h e hah a pout sak vaiteh, a thoungnae hmuen kakhin sak han.

²⁵ Rawkphainæ a pha, roumnae a tawng aw h ei hmawt aw h hoeh.

²⁶ Rawknae buet touh hnukkhu buet touh, kamthang buet touh hnukkhu buet touh ao han. Profet koe vision a tawng aw h nakunghai hmawt aw h mahoe. Vaihmanaw ni lawk pâphonaæ, kacuenaw ni pouknae poe thainæ kâ hmawt aw h laipalah ao aw h han.

²⁷ Siangpahrang a lungmathoenae vaiteh, kahrawikungnaw lungpoutnae hni hoi a kamthoup awh han. Khocanaw e a kut a pâyaw han. Ahnimouh koe a hringnuen hoi kamcu lah ka sak han. A sak awh e hoi kamcu lah lawk ka ceng han. Kai teh BAWIPA lah ka o tie a panue awh han telah ati.

8

Bawkim dawk panuetho e naw

¹ Ataruknae kum, ataruknae thapa, hnin panga hnin vah, kai teh kama im ka tahung navah, Judah miphun kacuenaw kaie hmalah a tahung awh navah, Bawi Jehovah e kut hañ kaie lathueng vah a pha.

² Ka khet navah hmai patetlah ka kamnuék e tami hah ao. A keng koehoi a rahim lah hmai patetlah a kamnué. A keng koehoi a lathueng lah a kamnué teh a ang poung.

³ Kut patet e a dâw teh, ka tampa sam dawk hoi na man. Muitha ni talai hoi kalvan rahak vah na tawm teh, Cathut a kamnuenae im Jerusalem vah a ceikhai. Jerusalem a tung lae tumdumnae thung hoi longkha tho tarennae a kung koe, na phakhai. Hawvah lungkhueknae meikaphawk tahungnae hmuen ao teh, hote ni a lungkhuek sak.

⁴ Khenhaw! ayawn dawk ka hmu e patetlah haw tueng vah Isarel Cathut bawilennaé ao.

⁵ Ahni ni tami capa atunglah kamlang nateh na mit hoi radoung haw telah ati. Hottelah atunglah kangvawi laihoi ka mit hoi ka radoung navah, khenhaw! khoungroe takhang kâennaé koe lungkhueknae meikaphawk teh ao.

⁶ Ahni ni kai koevah, tami capa hmuen kathoung koehoi kahlatpoung lah na kacetkhaikung ahnimouh ni panuet hoe ka tho e hah Isarel imthung ni hitueng vah a sak awh. Hmuen kathoung koehoi kahlatpoung lah ka cei nahanelah, a sak awh e hah na hmu maw. Atu kamlang haw panuet hoe ka tho e na hmu han.

⁷ Thongma e takhang koe totouh kai hah na ceikhai teh, ka khet navah tapang dawk a kâko teh ao.

⁸ Tami capa, tapang hah tai haw ati e patetlah kai ni ka tai teh takhang ka aw e ka hmu.

⁹ Kâen haw hie hmuen koe na sak awh e panuetho e kahawi hoeh e a sak awh e khenhaw! telah ati.

¹⁰ Ka kâen teh ka khet navah, tapang tangkuem dawk vonpui hoi kâva e khe hoi, panuetho e moithang phunkuep hoi Isarel imthungnaw ni a bawk awh e meikaphawknaw e mei kaawm pueng hah a vo awh.

¹¹ Hote a hmalah Isarel kacuenaw thung hoi tami 70 touh a kangdue awh. A lungui vah Shaphan capa Jaazaniah hah a kangdue. Tami pueng ni tongben rip a patuep awh teh, hmuítui hmai a sawi awh teh, hmaikhu teh a tung lah a luen.

¹² Tami capa, Isarel imthung kacuenaw ni ka hmawt e rakhan thung kaawm e a sâk awh e hno hah na hmu toung. Ahnimouh ni BAWIPA ni na hmawt hoeh, BAWIPA ni ram teh a ceitakhai toe telah ati awh.

¹³ Ahni ni kai koevah, bout kamlang haw, a sak awh e panuethopoung hah na hmu hah telah ati.

¹⁴ BAWIPA im atunglah hoi kâennaé longkha tho koe na ceikhai. Khenhaw! haw vah napuinaw Tammuz pouk laihoi a ka awh teh a tahung awh.

¹⁵ Ahni ni kai koevah, Oe tami capa, hetheh na hmu maw. Hethlak patenghai panuetho e hai a na hmu han rah telah ati.

¹⁶ BAWIPA im thongma a thung totouh na ceikhai teh, bawkim takhang bawkim alawilah hoi khoungroe rahak vah, tami 25 touh bawkim hnamthun takhai hoi kanitholoh a kamlang aw hah teh, Kanitholoh kani hah a baw awh.

¹⁷ Ahni ni kai koe hethoh na hmu ou. Oe tami capa, panuetho e a sak aw hah teh, hi tueng a sak aw hah e hah Judah imthung hanelah hno titca namaw. Ram teh kayue kaounnae hoi a kawi sak aw hah teh, ka lungkhuek sak aw hah, thinghna hoi a hnawng a ramuk aw hah.

¹⁸ Hatdawkvah, kai ni hai lungkhueknae lahoi ka sak van han. Ka mit ni roun mahoe hah, ka pahren mahoe hah. Ka hnâkâko daw kakaipounglah ka hram nakunghai ka thai pouh mahoe hah telah ati.

9

Tamikathout teh thei lah a o

¹ Hottelah, khopui kakhenkung hah tami pueng raphoenae senehmaica sin lahoi rek hnai naseh telah kakaipounglah dei e ka thai.

² Khenhaw! atunglae longkha a lathueng lahoi ceinae koehoi tami taruk touh a tho aw hah. Tami pueng ni senehmaica a sin aw hah. A lungui e tami buet touh hni loukloukkaang kâkhu e ni, cahangum a sin. Hottelah a kâen aw hah teh rahum khougroe koe a kangdue aw hah.

³ Isarel Cathut bawilenna hah a onae cherubim takhang koe lah a luen teh, hni loukloukkaang kâkhu ni teh cahangum ka sin e hah a kaw.

⁴ BAWIPA ni ahni koe vah, Jerusalem khopui lungui cet haw. Khopui hah koug katin. A thung e panuetho e hno a sak e kecu daw k ka khui ka kap e naw tampa daw noutnae na sak pouh han telah ati.

⁵ Tami alouknaw koehai khopui thung ahni hnukkâbang nateh, pasainae hoi pahrennae tawn laipalah thet aw hah.

⁶ Kacue e thoundoun tangla hoi camonaw hoi napui tongpa koug thet aw hah. Mitnout katawnnaw hah teh hnai hanh aw hah. Bawkim hmalah hoi kamtawng aw hah telah ati. ahnimouh ni hai bawkim hmalah kaawm e kacuenaw hah hmaloe thet aw hah.

⁷ Ahni ni ahnimouh koe bawkim teh a kamhnawng sak aw hah teh, a thei aw hah e ronaw hoi a thongmanaw hah kingkawi sak nateh, cet aw hah telah ati e patetlah a tâco aw hah teh, khopui vah a thei aw hah.

⁸ Hettelah khopui daw k a thei aw hah lahun navah, kai teh na ceitakhai aw hah teh, pakhup lah rawp ka tabo. Oe Bawipa Jehovah, Jerusalem lathueng vah, lungkhueknae na aw i e hah, kacawirae Isarel taminaw hai na raphoe han namaw telah ka hram.

⁹ Ahni ni kai koe vah Isarel hoi Judah e payonnae teh apap poung daw k doeh. Ram teh thipaling hoi a kawi teh khopui teh, kalanhoehe lawkcengnae hoi akawi. BAWIPA ni ram teh a ceitakhai toe. BAWIPA ni banghai hmawt hoeh bo telah ati aw hah.

¹⁰ Hatdawkvah, kai ni pasainae ka tawn mahoe hah. A yonnae phu hah ahnimae lû lathueng ka pha sak han telah ati.

¹¹ Hni loukloukkaang e kâkhu niteh, cahangum ka sin e ni hai, kâ na pou e patetlah be ka sak toe telah ati.

10

Bawilenna ni bawkim a tâco takhai

¹ Hottelah, bout ka khet teh, cherubim e lû lathueng kalvan dawkvah Sapphire talung a phukaawm pounng patetlah bawitungkhung hoi kâvan e arong a kamnué.

² Ahni ni loukloukkaang e hni kâkhu e koe, cherubim e rahak kaawm e hraba hah kut kahni touh hoi pham nateh, khopui thung kahei haw atipouh e patetlah ahni teh ka hmaitung vah a cei.

³ Tami a kâen navah, cherubim teh, bawkim aranglah a kangdue awh. Im teh tâmai hoi a kawi teh, thongma teh tâmai hoi a kawi.

⁴ BAWIPA bawilennae teh cherubim koehoi a luen teh, bawkim takhang van vah a kangdue. Im teh tâmai hoi akawi teh thongma teh BAWIPA bawilennae raeng hoi a kawi.

⁵ Cherubim rathei takhawng pawlawk teh, thongma alawilah Cathut Athakasaipounge ni tami a pato lahunnae lawk patetlah thai e lah ao.

⁶ Loukloukkaang e ka kho e koevah, lengkhok rahak hoi hmai hah lat haw telah a dei toteh, a kâen teh lengkhok teng a kangdue.

⁷ Cherubim buet touh ni cherubim thung hoi a kut a dâw teh, cherubim rahak dawkvah e hmai a la hnukkhu, loukloukkaang e kâkhu e a kut dawkvah a poe e teh, ahni ni hai a dâw teh a tâco.

⁸ Cherubim rathei rahim vah tami kut patet e a kamnué.

⁹ Ka khet navah, cherubim e teng vah lengkhok buet touh lengkaleng ao. Lengkhoknaw teh, Beril talung phukaawm komthawm e patetlah ao.

¹⁰ Lengkhok pali touh teh sue a kâvan awh. Lengkhok buet touh e thung vah, alouke lengkhok kaawm e patetlah ao.

¹¹ A cei awh navah pali touh lahoi rei a kangvawi e patetlah hmalah a cei awh teh, a cei awh nahai kamlang boi awh hoeh. Hatei pasuke kangvawi e koelah a cei awh. A cei awh navah kamlang boi awh hoeh.

¹² A tak abuemlah a hnukkhu lae a kut naw, a rathei hoi lengkhok hai mit hoi akawi awh.

¹³ Lengkhoknaw teh, a hnâthainae koe roeroe lengkhok telah tie lah ao.

¹⁴ Cherubim teh minhmai pali touh rip a tawn awh teh, apasuke minhmai teh cherubim minhmai, apâhni e minhmai teh tami minhmai, apâthum e minhmai teh sendek e minhmai, apali e minhmai teh mataw minhmai doeh.

¹⁵ Cherubim teh a luen awh. Hethateh, Kebar palang teng e moithang ka hmu e hah doeh.

¹⁶ Cherubim ni a cei awh toteh, lengkhok ni tang a kâbang sin. Cherubim ni talai hoi luen hanelah a rathei a pho awh navah, lengkhok ni hai cettakhai boi hoeh.

¹⁷ Kangdout awh pawiteh a kangdue awh van, luen awh pawiteh a luen awh van. Bangkongtetpawiteh, moithang muiha teh ahnimouh dawkvah ao.

¹⁸ BAWIPA bawilennae teh, bawkim takhang koehoi a tâco teh cherubim lathueng vah a kangdue.

¹⁹ Cherubim ni ka hmaitung vah a rathei a kadai awh teh, talai dawkvah hoi a luen awh. Alawilah a tâco awh navah, lengkhoknaw ni a kâbang sin. BAWIPA e im hmalah longkha tho koe a kangdue awh teh, Isarel imthung e Cathut bawilennae teh ahnimouh lathueng vah ao.

²⁰ Hethah Kebar palang Isarel Cathut rahim e moithang ka hmu e doeh, Cherubim tie ka panue.

²¹ Ahnimouh ni minhmai 4, rathei 4 lengkaleng a tawn awh teh, a rathei rahim vah tami kut hoi kâvan e ao.

²² A meilam a kamnuenae teh Kebar palang e ka hmu e mei hoi a kâvan. a takthai hai rei a kâvan. Hote pali touh e naw teh a hmalah phouk a cei awh.

11

Khokhankung tamikathoutnaw lawkcengnae

¹ Hottelah Muitha ni na tawm teh, kanitholah kangvawi e BAWIPA im longkha koe na pha sak. Kâennae takhang dawk tami 25 touh ao. Ahnimanaw thung dawk maya kahrawikungnaw Azzur capa Jaazaniah hoi Benaiah capa Pelatiah ka hmu.

² Kai koe a dei e lawk teh tami capa, hetnaw heh hete khopui dawk payonnae ka thokhai e hoi ka payon e khokhanna katâcawtsakkung hoi ka yon e khokhanna ka tâcawtsakkungnaw doeh.

³ Im saknae tueng nahoeh rah. Hete khopui heh ka tangdawk e moi hlaam lah ao. Kaimanaw heh a moi lah ka o awh telah katetkungnaw doeh.

⁴ Hatdawkvah, Oe tami capa, ahnimouh koe lah profet lawk dei loe telah ati.

⁵ Hatnavah, BAWIPA e Muitha kaie lathueng a pha teh, kai koevah, BAWIPA ni hettelah a dei telah dei pouh. Hettelah ouk na dei awh, Oe Isarel imthungnaw, na muitha e lakhout hai ka panue.

⁶ Nangmouh ni hete khopui dawk thei e lahoi na pung sak awh teh, khothung lamnaw hah thei e naw hoi na kawi sak awh toe.

⁷ Hatdawkvah, Bawipa Jehovah ni hettelah a dei, na thei e a lungui na hruék e hah a moi doeh. Hete khopui teh moi hlaam ka tangdawk e doeh, hateiteh khopui thung hoi rasa lah na o han.

⁸ Na takipoung e tahloi hah na lathueng ka pha sak han. Bawipa Jehovah ni ati.

⁹ Kai ni nangmouh teh khopui thung hoi na rasa vaiteh, Jentelnaw e kut dawk na poe han, lawk na ceng awh han.

¹⁰ Nangmouh teh tahloi hoi na due awh vaiteh, Isarel khori koe lawk na ceng awh han, Kai teh BAWIPA doeh tie na panue awh han.

¹¹ Hete khopui teh ka tangdawk e hlaam nahoeh, nangmouh hai a thung e moi na hoeh, Isarel khori dawk lawk na ceng awh han.

¹² BAWIPA doeh tie na panue awh han. Bangkongtetpawiteh, ka phunglam na tarawi awh hoeh. Ka lawk ka dei e hai na tarawi awh hoeh. Na tenggam e Jentelnaw phunglam law teh na tarawi awh telah ati.

¹³ Lawk ka pâpho lahun nah Benaiah capa Pelatiah hah a due. Hottelah hoi pakhup lah ka rawp teh, kacaipounglah ka hram. Aya! Bawipa Jehovah kacawirae Isarelnaw hah na pâmit han na maw telah ka ti.

Cathut ni Isarel hnam a thun takhai

¹⁴ Hahoi, BAWIPA e lawk hah kai koe a pha.

¹⁵ Tami capa na hmaunawngaha, na imthung, na miphun hoi Isarel imthung abuemlahoi Jerusalem karingkungnaw hah BAWIPA koehoi kahlat lah cet awh. Hete ram heh kai koe na poe toe, katetnaw doeh .

¹⁶ Hatdawkvah, Bawipa Jehovah ni hettelah a dei, ka hlatpoung lah Jentel miphun koehoi na puen teh ram tanguemu kahei nakunghai, a phanae ram dawkvah, ahnimouh han kathoung hmuén kathoung lah dongdeng ka o han.

¹⁷ Hatdawkvah, Bawipa Jehovah ni hettelah a dei. Jentelnaw koe bout na pâkhueng han, na kâkaheinae hmuen koehoi na pâkhueng vaiteh, Isarel ram hah na poe awh han.

¹⁸ Hawvah, a tho awh vaiteh, kamhnawng e hoi panuetho e pueng teh haw e hmuen koehoi kounge a raphoe han.

¹⁹ Lungthin buet touh na poe awh vaiteh, nangmouh thung muitha ka hruek han, na takthai thung e talung patetlah kate e lungthin hah ka la vaiteh, tak patetlah kanem e lungthin hah na poe han.

²⁰ Ka phunglam a tarawi teh lawkcengnae a coe awh teh, a sak thai awh nahan, hottelah ka tami lah ao awh vaiteh, kai hai a Cathut lah ka o han.

²¹ Hateiteh, panuethopounge ngainae koe lungthin hoi katarawinaw e yon hah ahnimae a lû dawk ka pha sak han telah Bawipa Jehovah ni ati.

²² Hatnavah, Cherubim ni a rathei a kadai awh teh, lengkhoknaw ni hai ahnimouh koe ao awh. Isarel Cathut a bawilennaeh teh ahnimae lathueng ao.

²³ BAWIPA a bawilennaeh teh, khopui lungui hoi a luen teh, khopui kanîtholah ka rasang e mon dawk a kangdue.

²⁴ Muitha ni vision lahoi na tawm teh, Cathut e Muitha ni Khaldean ram e sankatoungnaw koevah na phakhai. Kai ni ka hmu e vision hah kai koehoi luen.

²⁵ BAWIPA ni na patue e naw pueng hah sankatoungnaw koe ka dei pouh.

12

Judah santoung nahane kamnuesaknae

¹ BAWIPA e lawk kai koe a pha teh,

² Tami capa, nang teh tarankathaw e imthung koe doeh na o. Hmunae mit a tawn eiteh, hmawt thai hoeh, thainae hnâ a tawn eiteh, ka thaipanuek hoeh e naw tarankathaw e imthung lah na o awh.

³ Hatdawkvah, nang tami capa santoungnae koe ka cet hane patetlah na hnopai kahawicalah taoung nateh, khodai lah ahnimae hmaitung roeroe vah kamthaw haw. Na hmu awh lahun nah na onae hmuen koehoi hmuen alouke koe na cei han. Tarankathaw e lah kaawm awh nakunghai a lung a ang awh yawkaw han doeh.

⁴ Na hnopainaw hah khodai lah ahnimae hmaitung roeroe vah, santoungnae koe ka cet hane ni hno lae patetlah na la han. Nang nama roeroe hai ahnimae hmaitung vah ram louk ka cet hane patetlah na cei han.

⁵ Ahnimae hmaitung vah kalupnae rapan hah na raphoe vaiteh, hawvah na hno hah na tâcokhai han.

⁶ Ahnimae hmaitung roeroe vah na loung hoi na hrawm vaiteh, khohmo na tâcokhai han. Talai na hmu hoeh na han na minhmai na ramuk han. Bangkongtetpawiteh, Isarel imthung hanelah a khetsin hanelah na ta toe telah a ti.

⁷ Kâ na poe e patetlah ka sak teh ka hnopai hah santoung hane patetlah kanîthun vah ka tâcokhai, Ka kut hoi karum rapan ka raphoe teh, karum lah ahnimae hmaitung roeroe vah ka loung dawk ka hrawm.

⁸ Hahoi amom vah Bawipa Jehovah e lawk kai koe a pha teh,

⁹ tami capa Isarel imthung, tarankathaw e imthung ni nang koevah, bang ne na sak telah ati nahoehmaw.

¹⁰ Ahnimouh koe Jehovah Cathut ni hettelah a dei, hete lawk heh Jerusalem kacuenaw hoi ahnimouh koe kaawm e Isarel imthung abuemlae kong doeh.

¹¹ Nangmouh hanelah khetsin hanelah ahmaloe kamnue sak e doeh. Ka sak e boiboe lah ahnimae lathueng hai ka sak han. San lah toung sak hanelah man lah ao han telah tet pouh.

¹² Ahnimouh koe kaawm rae kahrawikungnaw ni khohmo thung a hnopai a loung hoi a hrawm awh vaiteh, a tâco awh han. A tâco awh nahane rapannaw a raphoe awh han. A mit hoi ram a hmu awh hoeh nahanelah, a minhmai a ramuk awh han.

¹³ Ahni teh kaie tamlawk hoi ka ramuk vaiteh, kaie masi dawk a kâman han. Khaldean ram e Babilon vah ka thokhai han. Haw tueng vah kadout nakunghai khopui hmawt mahoe.

¹⁴ Ahni kabawm hanelah a teng kaawm e hoi kâkaheisak vaiteh, rayu tangcoung e tahloi hoi ka pâlei han.

¹⁵ Miphunnaw koe ka kâkaheisak teh ram tangkuem koe ka pâlei navah, BAWIPA lah ka o e hah a panue awh han.

¹⁶ Hateiteh, tahloi hoi takang patawnae naw thung hoi tami youn touh ka cawi sak han. Ahnimouh ni a tho awh hoeh nae ram koelae miphunnaw koevah, panuettho e pueng hah a kamnue sak awh nahan, kai teh BAWIPA lah ka o e hah a panue awh han telah a ti.

Lawkcengnae tahrueh hoeh

¹⁷ Hothloilah BAWIPA e lawk kai koe a pha teh,

¹⁸ tami capa pâyaw laihoi rawca cat nateh, kâhruectuet laihoi tui hah net haw.

¹⁹ Hote ram dawk e taminaw koe Bawipa Jehovah ni Jerusalem e kho ka sak e thoseh, Isarel ram e kho ka sak e koe thoseh, hettelah a dei. Ahnimouh ni kâhruectuet laihoi rawca a ca awh han. Lungpuen laihoi tui a nei awh han, hottelaho khocanaw ni a sak awh e kathout hno thung kaawm e hnonaw thung hoi a hlout awh han.

²⁰ Tami a onae khonaw a rawk teh ram pueng kingkadi lah ao han, kai teh BAWIPA lah ka o tie a panue awh han telah a ti.

²¹ Hahoi BAWIPA e lawk kai koe a pha teh,

²² Tami capa, a hnintha a lounm toteh kamnuek e vision hai a rawk toe telah ouk na ti awh e hah Isarel ram dawk ouk hno e cingthuilawk hah bangtelane.

²³ Hatdawkvah, Bawipa Jehovah ni hettelah a dei. Hete cingthuilawk kaduemca e heh ka pahnawt teh Isarel ram dawk hno awh mahoe toe. A hnintha a hnai toe. Kamnuek e vision pueng akuiep nahane tueng a hnai toe telah ahnimouh koe a dei pouh.

²⁴ Isarel imthungnaw thung dawk apu kaawm hoeh e kamnuek e hoi hawinae koe lah cungpam rayunae roeroe awm mahoe toe.

²⁵ Bangkongtetpawiteh, BAWIPA lah ka o. Ka dei e hah kuepsak lah ao han, akuiepnae tueng hai tahrueh mahoe. Tarankathaw e imthungnaw na hring nathung roeroe lawk ka dei vaiteh ka kuep sak mingming hah telah Bawipa Jehovah ni a dei telah a ti.

²⁶ BAWIPA e lawk kai koe bout a pha teh,

²⁷ tami capa thai haw, Isarel imthung ni kamnuenae a hmu e teh hmalah hanelah doeh, a dei tangcoung e hai hmalah hane doeh telah atipouh.

²⁸ Hatdawkvah, ahnimouh koe Bawipa Jehovah ni hettelah a dei. Ka lawk ceitakhai e awm mahoe. Ka dei e lawk pueng heh kuep sak e lah ao han, telah Bawipa Jehovah ni a dei telah dei pouh telah a ti.

13

Lai thoe profet

¹ BAWIPA e lawk kai koe a pha teh,

² tami capa, Isarel profet ma ngainae dueng ka dei e koevah, BAWIPA e lawk thai haw tet pouh.

³ Bawipa Jehovah ni hettelah a dei. A lai kathout e profet, ma ngainae dueng ka tarawi niteh, banghai ka hmawt thai hoeh e profetnaw teh a yawthoe awh.

⁴ Oe Isarel na profetnaw teh thingyeyawn e asuinaw patetlah doeh ao awh.

⁵ BAWIPA e hnin dawк tarantuk nah a ngang awh thai nahanelah, ahnimouh teh rapan karawknaw hah pathoup ngai hoeh.

⁶ Ayawmyin doeh a hmu awh toe. BAWIPA ni patoun hoeh e hah. BAWIPA ni na patoun ati awh teh, dumyen lahoi profet lawk a dei awh toe. Hete lawk akuep han telah ayânaw hah a yuem sak awh toe.

⁷ Ahrawnghrang e kamnuenae na hmu awh teh, kalan hoeh e sutdeilawк na dei awh nahoehmaw. BAWIPA ni a dei e doeh, na ti awh rah, kai ni ka dei e roeroe nahoeh.

⁸ Hatdawкvah, Bawipa Jehovah ni hettelah a dei. Bang hoeh e hah na dei awh teh, lai thoe hah na hmu awh dawкvah, khenhaw! kai ni na taran awh toe telah BAWIPA ni ati.

⁹ Ka cungkeihoeh hno kahmawtkungnaw hoi lai thoe kadeikungnaw hah, ka kut ni a taran han. Ka taminaw pouknae ka poe awh e dawк bawк van awh mahoe. Isarel imthung min thutnae dawк thut e lah awm mahoe. Isarel ram dawк hmuen poe mahoe. Hottelahoи Bawipa Jehovah lah ka o tie hah na panue awh han.

¹⁰ Atangcalah, rounnae awm laipalah pâdingsue doeh telah ka taminaw hah, a kahmakhai awh teh, ayânaw e tapang dawк thungpangaw doeh a hluk awh.

¹¹ Thungpangaw kahluknaw koevah, kho a rak vaiteh, koug bout a bo awh han. Nangmouh roun kalenpuinaw bawт awh nateh, katangpounge kahlî ni koug raphoe naseh telah tet awh.

¹² Khenhaw! rapan hah a tip hnukkhu, thungpangaw na hluk awh e teh, nâmaw ao han telah tet awh mahoe na maw.

¹³ Hatdawкvah, Bawipa Jehovah ni hettelah a dei, ka lungkhueк lahoи katangpounge kahlî hoi koug ka raphoe han. Ka lungkhueк lahoи kho a rak vaiteh, ka lungkhueк lahoи roun puenghoи a bo awh han.

¹⁴ Hottelahoи thungpangaw na hluk awh e rapan hah ka raphoe vaiteh, talai totouh a rawp vaiteh, adu ung e talung totouh a kamnue han. A rawp vaiteh, rapan a tipnae dawк be raphoe e lah na o awh han. Hat toteh, BAWIPA lah ka o tie hah na panue awh han.

¹⁵ Hettelah rapan dawкvah toseh, thungpangaw ka hluk e lathueng toseh, ka lungkhueкnae kamnue sak han. Rapan awm hoeh toe, kahluknaw hai awm hoeh toe telah ati awh han.

¹⁶ Haw teh, Isarel profet Jerusalem kong sut ka dei e rounnae awm laipalah rounnae vision kahmawtsakkungnaw doeh, telah Bawipa Jehovah ni a dei.

¹⁷ Hothloilah Oe tami capa, amahmawк profet lawк ka dei e na taminaw hoi napuinaw taranlahoи kangvawi nateh,

¹⁸ Bawipa Jehovah e lawк na dei hane teh, hringnae man hanelah, tami pueng e loug koe hno hah a thueng teh, tami kacue kanaw e lû dawк ka

tat e napuinaw teh, a yawthoe awh. Ka taminaw e a hringnae hah man vaiteh, mae hringnae hah duenae koehoi rungngang awh han na maw.

¹⁹ Catun vai touh kasum e hoi vaiyei phen hmau hanelah, kadout hoeh hane due sak teh kahring hoeh hane hring sak hanelah, laithoe na dei awh e hah, tami ni a yuem awh dawkvah, ka taminaw koevah, ka min na khin sak awh.

²⁰ Hatdawkvah, Bawipa Jehovah ni a dei e teh, nangmouh ni tami hringnae hmu hanelah na man awh teh, ka hno thai e raim kaawm e hnonaw hah nangmouh dawk hoi ka takhoe vaiteh, nangmouh ni na man awh e hringnae hah ka tha han.

²¹ Na lahuen hai ka phi vaiteh, kaie taminaw hah na kut dawk hoi na lawp han. Nangmae kut dawk bout phat mahoe h toe. Kai teh BAWIPA lah ka o e hah na panue awh han.

²² Kai ni lung ka mathoe sak hoeh e tamikahawinaw hah nangmouh ni laithoe lahoi lung na mathoe sak dawkvah thoseh, tamikathoutnaw ni thoenae lamthung roun sak hoeh nahanelah, hringhloutnae na poe awh teh, a lung na pata sak awh dawk thoseh,

²³ nangmouh teh ayawmyin e hno na hmawt awh mahoe h toe. Profet lawk na dei awh mahoe h toe. Ka taminaw hah nangmae kut dawk hoi ka rasa han. Kai teh BAWIPA lah ka o e hah nangmouh ni na panue awh han, ati.

14

Meikaphawk bawknae

¹ Isarel kacuenaw tangawn kai koe a tho awh teh, ka hmalah a tahlung awh.

² Hahoi BAWIPA e lawk kai koe a pha teh,

³ tami capa, hetnaw ni amae meikaphawk hah a lungthin dawk a kâen sak awh teh, a hmalah a yonae dawk tâlawnae hah a hruek awh teh, ahnimouh ni pouknae hei hanelah ka o pouh han namaw.

⁴ Hatdawkvah, pato nateh, Bawipa Jehovah ni hettelah a dei. Isarel imthung koe tami pueng ni meikaphawk a lungthin thung a kâen sak teh, hotnaw e hmalah payonnae dawk a rawpnae hah hruek pouh teh, profetnaw koe ka tho pueng, kai BAWIPA ni amae meikaphawk a pap e hoi kamcu lah ka pathung han.

⁵ Isarel imthung ni amae meikaphawk kecu dawk hoi na ceitakhai awh dawkvah, a lungthin katang dawkvah ka kuet thai nahanelah telah ati.

⁶ Hatdawkvah, Isarel imthung koevah, Bawipa Jehovah ni hettelah a dei. Ban awh nateh, namamae meikaphawk koehoi ban awh. Panuet na thonae pueng cettakhai awh.

⁷ Isarel imthung dawk tami bangpatet hai thoseh, Isarel ram e kho ka sak pueng thoseh kai koehoi a kamlang teh, a lungthin dawk meikaphawk a kâen sak lahoi a hmalah payonnae dawk rawpnae hah hruek e lahoi, ahnimouh kong dawk pouknae hei hanelah, profet koevah ka tho e pueng teh kai BAWIPA roeroe ni ka pathung awh han.

⁸ Hote tami teh, ka kangdue sin vaiteh, noutnae, cingthuinae lah ka hruek han. Ahni hah ka taminaw koehoi ka takhoe han. BAWIPA lah ka o tie a panue awh han.

⁹ Bang hno pueng dei hanelah, profet hah pasawt pawiteh, hote profet teh kai BAWIPA ni ka pasawt e lah ao teh, ama taranlahoi ka kut ka dâw vaiteh, ka tami Isarelnaw thung hoi ka pâmit han.

¹⁰ A payonnae hah a phu aw hah han. Profet reknae hoi pouknae kahetkung reknae hah a kâvan han.

¹¹ Isarel imthung teh kai koehoi kahmat aw hoh hoh tounge vaiteh, a payonnae pueng ni a kamhnawng sak hoh nahanelah, ka tami lah ao aw hoh tounge dawkvah, a Cathut lah ka o thai nahan, Bawipa Jehovah ni a dei tet pouh, telah ati.

lawkcengnae pali touh

¹² BAWIPA e lawk kai koe a pha teh,

¹³ tami capa, ram daw k e taminaw ni kâlawk a tapoe aw hoh teh, kaie lathueng yonnae a sak e lahoh, kai ni ka kut ka dâw teh, a hringnae a kungpui, a rawcanaw raphoe pouh e lahoh ahnimouh lathueng takang ka tho sak e lahoh tami hoi saringnaw ka pâmit toteh,

¹⁴ Hete tami kathum touh: Noah, Daniel, hoi Job patenghai awm aw hoh pawiteh, a lanna ni amamae hringnae dueng doeh rungngang thai aw hoh tih, telah Jehovah ni a dei.

¹⁵ A ram hah sarang katin sak vaiteh, ram hah ka raphoe dawkvah, apihai ao thai hoh dawkvah, tami kingdi pawiteh,

¹⁶ hete tami kathum touh kaawm nakunghai ka hring e Bawipa Jehovah ni telah a dei, amamae a canu capa naw rungngang thai kalawn mahoh. Amamanaw dueng rungngang e lah ao aw hoh vaiteh, a ram teh kingdi lah doeh bout ao han.

¹⁷ Hoehpawiteh a ram daw k tahloi ka hno vaiteh, tahloi kâroe haw ka tet boilah, tami hoi moithang pueng kounge ka pâmit pawiteh,

¹⁸ Hete tami kathum touh kaawm nakunghai Bawipa Jehovah a hring e patetlah a canu capa naw rungngang thai kalawn mahoh. Amamae hringnae dueng hah a rungngang thai aw hoh han.

¹⁹ Nahoh pawiteh, a ram daw k lacik ka pha sak vaiteh, tami hoi moithang be pâmit hanlah thingpalawngnae lahoh ka lungkhueknae hah a ram daw k awi pawiteh,

²⁰ Noah, Daniel, hoi Job ahnimouh kaawm aw hoh nakunghai, Bawipa Jehovah ni kai ka hring e patetlah a canu a capa naw hai rungngang mahoh. A lanna ni amamae hringnae dueng a rungngang aw hoh han telah, BAWIPA ni a dei.

²¹ Bangkongtetpawiteh, Bawipa Jehovah ni hettelah a dei. Jerusalem lathueng vah, ka patawpoung e ka lawkcengnae pali touh: tahloi, takang, sarang hoi lacik hah tami hoi saring be pâmit hanelah ka pha sak toteh, banghloine a pataw han.

²² Hatei khenhaw! hawvah, kaawm rae tâcokhai hanelah, pâhlung lah ao han. Canu capa naw hai, khenhaw! nangmouh koe a tho aw hoh han. A hringnae hoi a tawksak aw hoh hah, na hmu aw hoh han. Hahoi Jerusalem lathueng vah, hawihohnae kaphasaknae kong dawkvah, lung na mawng sak aw hoh han. A lathueng hno ka pha sak e pueng daw k a lungmawng aw hoh han.

²³ A hringnae hoi a tawksaknae hah na hmu aw hoh toteh, na lung a mawng sak aw hoh han. A lathueng ka sak e pueng a khuekhaw awm laipalah ka sak hoh tie na panue aw hoh han telah Bawipa Jehovah ni a dei, telah ati.

15

Hnoun e Misurkung

¹ BAWIPA e lawk kai koe a pha teh,

² tami capa, ratu thung e misurkung hah thing alouke hlak bang alânae maw kaawm.

³ A thing hah hnopai sak nahanelah ouk hno boimaw. Ailo tongben bang nahanelah hai apinimaw ouk a hno boi.

⁴ Khenhaw! hmai patawi nahanelah doeh ouk hno aw. A som hoi a kung koe totouh hmai ni koung a kak. A langboung a kak teh, patopatanga nae ao boimaw.

⁵ Hmai a kak hoehnahlan pato patang han awm hoehpawiteh, hmai a kak hnukkhu patopatanga nae bangmaw hoe kaawm han.

⁶ Hatdawkvah, Bawipa Jehovah ni hettelah a dei. Ratu thung e thingnaw thung daw k misurkung hah hmai patawi nahanelah ka ta e patetlah Jerusalem khocanaw hai ka hruek han.

⁷ Ahnimouh koe lah ka kangdue sin vaiteh, hmaithung hoi ka tâcawt aw nakunghai, hmai daw k a kak awm mingming han. Ahnimouh koelah ka kangdue sin toteh, BAWIPA la ka o tie a panue aw h han.

⁸ Ahnimouh ni payonnae bout a sak aw h dawkvah, a ramnaw ka pâmit roeroe han telah Bawipa Jehovah ni a dei telah a ti.

16

Cathut ni Jerusalem lung a pataw

¹ BAWIPA e lawk teh kai koe bout a pha.

² Tami capa, Jerusalem panuet a thonae hah panuek sak nateh ahni koevah,

³ Bawipa Jehovah ni Jerusalem koe hettelah a dei. Na khenae hoi na tâconae ram teh Kanaan taminaw e ram doeh. Na pa teh Amor tami lah ao teh na manu teh Hit tami doeh.

⁴ Na tâco nah apinihai na thunrui a aw h hoeh. Thoung sak hanelah tui daw k hai na pâhluk aw h hoeh. Palawi hai na hluk aw h hoeh. Kabethueplah hni hoi hoi hai na kayo e hai nahoe h.

⁵ Pahren hanelah na lathueng hete hnonaw ka sak hanelah, apie mit ni hai na pahren hoeh, vaipuen vah tâkhangwng e lah na o. Bangkongtetpawiteh, na khe na hnin hoi panuet e lah na o.

⁶ Nang koe ka tho navah, thi hoi puk na kâkaaw k e ka hmu navah, hring loe ka ti, nang teh thi daw k na o lahun nah kai ni ka dei.

⁷ Phokung patetlah na roung sak teh, nang teh pou na len sak e, kamcu meikahawi e hoi na kaw i. Na sanu a roung teh na tak daw k hai a muen a tho. Hateiteh khohna tawn laipalah caici lah na o.

⁸ Nang koe ka tho nah na khet toteh, nange na tueng teh pahrennae tueng lah ao teh, kae hni ka kadai teh caici lah na onae hah ka ramuk. Thoe hai na bo teh nang hoi lawkkamnae ka sak e lahoi, nang teh kaie ka yu lah na o telah Bawipa Jehovah ni a dei.

⁹ Tui hoi na pâsu teh na thipaling teh kathoungcalah ka pâsu teh satu na hluk.

¹⁰ Pathoupnae hni hoi na pathoup teh, a pho phukaaw m hoi na khokkhaw m na khaw m sak, loukloukkaang e hni na kâkhu sak.

¹¹ Pathoupnae hoi na pathoup teh na kut daw k kuthrawt, na lahuen daw kvah sui dingyin,

¹² na hnawng daw k hnongpacap, na hnâ daw k hnâpacap, na lû daw k kahawipoung e suilukhung na kâ muk sak.

¹³ Hottelah sui hoi ngun hoi pathoup e lah na o. Na khohna hai loukloukkaang e hni kahawipoung e carouk e hninaw doeh. Na ca hane

bu teh tavai kanui hoi khoitui hoi satui doeh. Na kamcu, mei na hawi poung, siangpahrangnu lahoi na kuep doeh.

¹⁴ Na meihawinae na miphunnaw koe a kamthang, ka bawilen nahanelah pathoup e lahoi kuepcingnae na tawn telah Bawipa Jehovah ni a dei.

Jerusalem a kâyonae

¹⁵ Hateiteh, na meihawinae ekvoi na kâoup dawkvah, na min kamthangnae teh na kâyonae lah na hno. Ka cet kaawm e naw koe na kâyonae na pâpho teh, tongpa pueng ni tha a kâla awl.

¹⁶ Na khohna na rading teh hmuenrasang hah nama hanelah na pathoup. Hawvah, na kâyo. Het patetlae heh bout awm boi mahoe toe.

¹⁷ Kaie sui hoi ngun hnopai kahawi kahawi na poe e na la teh, tongpa meikaphawk sak nahanelah na hno teh na kâyo.

¹⁸ A meikahawi e na khohna hah na la teh, ahnimouh hah na kâkhu sak. Kaie satui hoi hmuitui hah a hmalah vah na pâhung.

¹⁹ Kai ni na poe e vaiyei hoi tavai kahawi e hoi satui hoi khoitui ouk na kawknae hah, hmuitui hanelah a hmalah na pâhung pouh teh, hettelah na toung vai yaw khe, telah Bawipa Jehovah ni a dei.

²⁰ Hothloillah, na canu capa na khe pouh e hah ahnimouh koe thuengnae koug hno hanelah na poe, na kâyonae heh rumram nahoe.

²¹ Ka canaw na thei teh, hmai hoi thueng hanelah ahnimouh koe na poe e naw hah,

²² panuet na thonae hoi na kâyonae naw pueng dawkwah na lung a mathoe lahun nae, caici lah na onae, thi puk na kâkaawk lahun nae hah na naw nah hoi na panuek hoe hie toe.

²³ Na hawihoe hnae naw a hnukkhu hettelah doeh. Lungmathoe hanlah ao telah Bawipa Jehovah ni a ti.

²⁴ Lamthung tangkuem meikaphawk bawknae hmuen na sak, nama na kâyo nahane im na sak.

²⁵ Lamthung kâracutnae koe pueng vah, kâyonae im na sak, na meihawinae teh panuettho lah na coung sak. Ka cet kaawm pueng koe na kâpoe teh na kâyonae teh hoe a pap.

²⁶ Izip tami na imri koe vah, na kâyo teh, ka lungkhuek nahanelah na kâyonae na nut sak.

²⁷ Hatdawkvah, kenhaw! na lathueng vah ka kut ka dâw teh, ouk na ca boi e bu ka youn sak teh, nang ka mathoe e Filitin tami napui na kâyonae na kayakkhai e poung koe, a ngaithaithue na sak hanelah na poe.

²⁸ Assirianaw koehai na kâyo teh, a khout toe tie hai na panuek hoe.

²⁹ Kanaan ram Khaldeannaw koe vah na kâyonae bout na nut sak teh, na khout kalawn hoe.

³⁰ Na lungthin banghloimaw a kamko. Na kâroekâkhawinae dawkwah na lung ka patak e napui patetlah hno na kâyo telah Bawipa Jehovah ni a ti.

Jerusalem uicuknae

³¹ Lam a kâcunae koe pueng tami pawpnae rim hah na sak teh, lamsalun tangkuem koe e kâkaawknae hmuen na sak e naw dawkvah apu na hei hoe dawkvah, kâyawt e lah na awm hoe toe.

³² Thoundoun alouke hoi ka ip e napui, vanaw hlak tami alouke ka ngaihawn e napuinaw,

³³ tongpa ni kâyawt e napui koe aphu ouk a poe aw h. Nang ni teh na ka ngai e koe doeh letlang na poe. Ram tangkuem hoi a tho aw h teh, na ikhai nahanelah nama ni ouk na pasawt.

³⁴ Na kâyonae daw k apinihai na pâmam hoeh e hah, kâyawt e alouke hoi na kâvanhoehnae doeh. Apinihai aphu na poe aw h hoeh niteh, nang ni law dai na poe e hah kâvanhoehnae doeh.

³⁵ Hatdawkvah Oe kâyawt e napui, BAWIPA e lawk hah thai haw.

³⁶ Bawipa Jehovah ni hettelah a dei, panuet na thonae teh, meikaphawknaw hoi, na kâyonae hoi, caici lah na onae kamnue sak e lahoi, ahnimouh koe na poe e na canaw e thipaling kecu dawkvah,

³⁷ Khenhaw! na ka ipkhai e hoi na ka pahren e tami pueng, na ka maithoe e pueng hah ka pâkhueng han, nang koe ka thokhai vaiteh, caici lah na onae a hmu aw h thai nahan, ahnimouh koe caici lah na onae hah kamnue sak han.

³⁸ Hahoi napui a vâ a kapek teh, mae canaw thipaling palawngnae kong daw k lawk ouk ceng e patetlah nange kong heh lawkceng aw h han, lungkhueknae hoi ka patawpoung e lungphuenna e ka pha sak han.

³⁹ Ahnima e kut daw k na poe vaiteh, na kâkaawknae ka raphoe han. Na hmuenrasangnaw ka rawp sak han. Na khohnanaw hah a rading aw h vaiteh, a phukaawm e painapaitunnaw a la aw h han, hni laipalah tak caici lah na hruek aw h han.

⁴⁰ Tami moikapap a kaw vaiteh, ahnimouh ni talung hoi na dei aw h han. Tahloi hoi na bouk aw h han.

⁴¹ Nange im hah hmai hoi a sawi aw h han. Napui moikapap a hmuna e koe nange lathueng lawkcengnae a pha sak han. Na kâyonae teh ka pout sak vaiteh, nang teh ayânaw na hlai mahoe h toe.

⁴² Hottelah hoi ka lungkhueknae hah na lathueng vah ka kuepcalah ka kamnue sak han. Na dipmanae hai nangmouh koe hoi ka takhoe vaiteh, muengmueng ka o han, ka lungkhuek mahoe h toe.

⁴³ Na nawnae hnin hah na pahnim teh, hete hnonaw daw k rucatnae na poe daw kvah, khenhaw! na kâroenae patetlah na lathueng ka pha sak han, telah Bawipa Jehovah ni a dei. Hahoi panuet na thonae pueng thap sin hanelah, hete na kâyonae na sak mahoe h toe.

⁴⁴ Khenhaw! cingthuulaw k kaduemca ka hno e pueng ni hete cingthuulaw k hah a hno aw h han, a canu ni a manu phek a la, tie hah.

⁴⁵ Na manu mae vâcanaw patenghai kapanuetkung, canu lah na o, hmaunawng ha counghae koe lah mae vâ hoi canaw kapanuetkung hmaunawng ha lah na o. Na manu Hit tami doeh, napanaw hah Amornaw doeh.

⁴⁶ Na tawncanu teh Samaria, nange avoilah kho ouk ka sak e hah ama hoi a canunaw hoi doeh. Na hmau na nawng ha hoi aranglah kho ouk ka sak e hah teh Sodom hoi a canunaw doeh.

⁴⁷ A hring nuencang hah na tarawi hoeh eiteh, panuet a tho aw h e patetlah na sak hoeh ei, na hring nathing e na payonpakainae naw pouk toeh, hothateh, dei hane kamcu hoeh.

⁴⁸ Kai ka hring e patetlah Bawipa Jehovah ni a dei, nang nama hoi na canaw ni a sak aw h e heh, a hmaunawng ha Sodom hoi a canu ni hai sak aw h hoeh.

⁴⁹ Na hmaunawng ha Sodom a yonnae teh, hetnaw hah doeh, kâoupnae hoi king ka boum lah canae ama hoi a canunaw a nawmnae lah ao teh, tami ka roedeng hoi voutthoup e taminaw hah kabawm aw h hoeh.

⁵⁰ Kâoupnae poung e lah ao teh kaie kahma lah panuetho e hno kasakkungnaw doeh, hatdawkvah, ahawi ka tie patetlah kai ni ka raphoe toe.

⁵¹ Samaria nihai, nang ni na sak e yonnae a tangen boehai sak hoeh. Ahnimanaw hlak panuet ka thoe e hno hah na sak dawkvah, na hmaunawngghanaw e yon hah na kamnuek sak hoeh.

⁵² Na hmaunawngghanaw kalanhnawn lah na kamnue sak dawkvah, nang nama roeroe ni na yeiraiponae teh na phu hanelah ao. Ahnimanaw hlak panuethopounge hno hah hoe kapap lah na sak teh, na hawihoeahnae kecu dawk, ahnimouh teh nangmanaw hlak vah a lan hnawn. Na hmaunawnggha kalanhnawn lah na kamnuesaknae dawkvah, kayak poung e hoi yeiraiponae hah na coe han.

⁵³ Hahoi, Sodom hoi a canu e hringnuen hoi ahnimouh hoi nangmae hringnuen hai ka thung han.

⁵⁴ Ahnimouh han roumnae lah ouk na onae dawkvah, na sak e hnopueng kecu dawk na kayayeirai lah na o thai nahan,

⁵⁵ Na hmaunawnggha Sodom hoi a canunaw hoi Samaria hoi a canunaw hah, a hringnuen hmaloe e patetlah bout a hring awh vaiteh, nang hoi na canunaw hai, ahmaloe e na hringnae dawkvah, bout na hring awh han.

⁵⁶ Na hawihoeahnae hmu hoehnahlan e, na bawilenna hnin dawkvah, na hmaunawnggha Sodom teh a min kuekluek dei mahoe hnamaw.

⁵⁷ Atuteh, Siria canu hoi atengpam e tami pueng Filistin canunaw nang teng e na ka panuikhainaw hoi puenghoi na kaphathoenaw,

⁵⁸ na kâyonae hoi panuet na thonae hah pou na kampu telah BAWIPA ni a ti.

⁵⁹ Bawipa Jehovah ni hettelah a dei. Lawkkam e hah tapuet teh, lawkkam e banglahai na noutna hoeh e patetlah na lathueng ka sak van han.

⁶⁰ Hateiteh, na camo nah nang koe ka lawkkam e hah ka pahnim mahoe, nang koe vah a yungyoe kangning e lawkkamnae ka sak han.

⁶¹ Hottelah hmaunawngghanaw hah na coe awh navah, na lung a ang vaiteh, na kayakhai han. Bangkongtetpawiteh, nang koe lawk ka kam kecu dawk nahoe h niteh, ahnimouh teh a canu hanelah na poe han.

⁶² Nang koe ka lawkkam e ka cak sak vaiteh, BAWIPA lah ka o tie hah na panue awh han.

⁶³ Nang ni ouk na sak boi e pueng yontha lah ao han. Ka lung a roum toteh, kai ni na pahnim mahoe. Kayanae takinae hoi minhmai mathoe kecu dawk lawk ka dei laipalah, ka o han telah Bawipa Jehovah ni a ti.

17

Mataw hoi Misurkung

¹ BAWIPA e lawk kai koe a pha teh,

² tami capa Isarel imthung dawkvah pâveinae sak pouh haw, bangnue-nae buet touh dei pouh.

³ Ahnimouh koe Bawipa Jehovah ni hettelah a dei. Mataw kalenpounge rathei kakawpoung e a tawn teh a rathei hmo kasawpoung e, a em kaawm ni teh a muen kathapoung e hah Lebanon mon dawk a kamleng teh Sidar thing e a donghmo hah a la.

⁴ A kang dawk e a dawn kanaw poung e a khoe teh, tami hno kayawtnaw e ram dawk a kamlengkhai teh, hno yonae khopui dawkvah a ung.

⁵ Haw e ram cati a tangawn hah a la teh, talai kahawi dawk a paw sak teh, tui moikapap a onae kongteng vah sumpakung patetlah a ung.

⁶ A rounq takhang teh misurkung abu ka rung poung e lah ao. A kangnaw teh mataw aonae koe lah a buk teh, ahnie rahim vah a tangpha ao, akangnaw hoi ka kuep e misurkung lah ao.

⁷ Hatei, kalenpoung matak alouke bout ao. Kakawpoung e hoi katha poung e a muen hah a tawn van. Khenhaw! hete misur heh ahni koe lah a kung a yam, ahni hah tui hoi a awi thai nahanelah, a ungnae hmuen koehoi ahni koe lah a kang hah a yam.

⁸ A kang hah a tâco teh kahawipoung e misur lah ao thai nahan, tui moikapap e kongteng ung e lah ao.

⁹ Bawipa Jehovah ni hettelah a dei. A hmacawn han na ou, a kamyai thai nahan, a tangpha hah kaduek pouh vaiteh, a paw hah khi han na maw, na hna ka dawn e pueng ni hai a kamyai han, a tangpha totouh ka duek hane, kalenpoung bahu hoi moikapap e tamihu a pañki han na maw.

¹⁰ Khenhaw! ka ung nakunghai, a hmacawn thai han na maw, Kanîtholae kahlî ni a hmgang toteh, koug ka kamyai han nahoehmaw, a pawnae hmuen dawk ka kamyai han tet pouh telah ati.

¹¹ Hothloillah BAWIPA e lawk kai koe a pha teh,

¹² taran ka thaw e imthung koevah, dei pouh hete hno kaawm e heh panuek awh hoeh maw dei pouh, khenhaw! Babilon siangpahrang teh Jerusalem vah a tho teh, a siangpahrang hoi kacuenaw a man awh teh, Babilon vah a ceikhai awh.

¹³ A miphun thung e siangpahrang cati a man awh, lawkkamnae a sak khai awh teh, thama lahoi lawk a kam sak awh, ram dawk e athakaawmnaw koug a ceikhai awh.

¹⁴ A uknaeram hah a pabo teh a ma dueng lahoi a kangdue hoeh nahan, hatei a lawkkamnae hah caksak lahoi a kangdue thai nahan.

¹⁵ Hatei marang hoi tami moikapap ahni koe a poe thai nahan, Izip ram lah laicei patoun hanelah hoi a lathueng vah taran a thaw. A hmacawn han na ou, hot patetlae hno kasakkung ni teh a rungngang thai han na ou.

¹⁶ Kai ka hring e patetlah Bawipa Jehovah ni a dei. Ka bawi poung e siangpahrang lah kasakkung khosaknae hmuen roeroe dawk thoe ka bo e hah bout a raphoe teh, a lawkkamnae hah a ek teh, ama koe roeroe vah Babilon vah a due han.

¹⁷ Taran tuknae koe tami moikapap thei nahanelah monrui hoi rapan a sak nah hoi, Faro e athakaawm ransanaw hoi ka lentoe poung e tamihu ni hai banghai sak pouh thai mahoe.

¹⁸ Bangkongtetpawiteh, lawkkamnae ek lahoi, thoebonae a raphoe, lawk a kâkam hnukkhu vah, hete hnonaw pueng bout a sak, hatdawkvah, hlout roeroe mahoe.

¹⁹ Hatdawkvah, Bawipa Jehovah ni hettelah a dei. Kaie thoebonae a raphoe teh, ka lawkkamnae hah a ek. Kai kahring e patetlah ahni teh ka pathung roeroe han.

²⁰ Tamlawk hoi ka ramuk vaiteh, kaie masi dawk a kâman han. Babilon vah ka ceikhai vaiteh, hawvah kâlawk eknae, kaie lathueng kâlawk a eknae roeroe dawk lawk ka ceng han.

²¹ Hahoi hah thung hoi ka yawng e pueng hah tahloi hoi a due awh han, kacawie ah talai pout totouh a kâkahei awh han, hahoi kai BAWIPA ni ka dei toe tie na panue awh han.

Apoutnae koe Isarel tawmrasangnae

²² Bawipa Jehovah ni hettelah a dei. Ka rasang poung e Sidar dawn hah kai ni ka la vaiteh, ka ung han. A lungui e a dawn teh ka khoe vaiteh, kamnuek poung e mon ka rasang nah koevah ka ung han.

²³ Isarel a rasangnae mon dawk ka ung han, a kang a cawn aw hah. A paw a paw vaiteh, ka lentoe poung e Sidarkung lah ao han, a rahim vah tava phunkuep ni kho a sak vaiteh, a tâhlip rahim vah ao aw hah.

²⁴ Kahrawng e thingnaw ni kai BAWIPA ni ka rasang e thingkung ka rahnoum sak teh, ka rahnoum e thingkung hah ka rasang sak. Thing hring hah ka ke sak teh, thingke hah hluthlut kanaw sak tie hah a panue aw hah. Kai BAWIPA ni ka dei toe, sak hai ka sak toe telah ati.

18

Kalanhoehe cingthuilaw

¹ BAWIPA e lawk teh kai koe bout a pha teh,

² Isarel ram kong dawkvah hete cingthuilaw a hno aw hah lahun e hah bangmaw a ngainae, a napanaw ni misur paw kathut e a ca aw hah a canaw e a hâ a kip, tie hah.

³ Kai ka hring e patetlah Isarel kong dawkvah, hete cingthuilaw hah hno e lah awm ma hoeh toe, telah Bawipa Jehovah ni a dei.

⁴ Khenhaw! hringnae pueng kaie seng lah doeh ao. Na pa hringnae kaie lah ao e patetlah a capa hringnae hai kaie lah ao. Yonnae ka sak pueng hah a due han.

⁵ Hatei, tami lungthin lan pawiteh, kalan e hno, kamsoum e hno hah sak pawiteh,

⁶ Mon dawk hai catnet laipalah, Isarel imthung meikaphawk koe lahai kangvawi laipalah, a imri e a yu hai kamhnawng sin laipalah, kampheng lahun e napui hai hnai laipalah,

⁷ apie lathueng hai yonnae sak laipalah, laibakung ni a hung e lat laipalah, ayâ e hno thama lah lawm laipalah, von ka hlam e tami rawca ka poe e caici lah kaawm e khohna ka poe,

⁸ apung ka cat hoeh e, tangka ka cawi hoeh e, yon sak hanelah kâcakupe e hoi, tami hoi tami rahak kalanalah lawk ka ceng e,

⁹ kaie phunglawknaw tarawi teh kalanalah sak e lahoi ka lawkcengnae naw tarawi pawiteh, tamikalan lah ao teh, a hring roeroe han telah Bawipa Jehovah ni a dei.

¹⁰ Hatei, ka parawt e capa hah, a khe teh, thi kapalawngkung lah ao teh, hote hno pueng a sak teh,

¹¹ A sak hane law sak laipalah, mon dawkvah a canei teh a imri napui hah a kamhnawng sin teh,

¹² ka roedeng ka vouthoup pakepahlek laihoi, a hnopai thama lah lawpnae, meikaphawk khet lahoi panuetho e saksaknae,

¹³ apung ka cat, tangka kacawi e, lah awm pawiteh, a hring han na maw. Hring roeroe ma hoeh. Bangkongtetpawiteh, hete panuetho e hno pueng hah a sak. A due roeroe han, a due hane kamcu yonnae a tawn.

¹⁴ Khenhaw! a capa hah khe boilah, a na pa ni a sak e yonnae pueng hah a hmu toteh, a faki teh haw patetlah sak van hoeh nahan,

¹⁵ mon dawkvah, catnet laipalah, Isarel imthungnaw e meikaphawk hah a hmalah ka khen hoeh e, a imri napui hah kamhnawng sin hoeh e,

¹⁶ apie lathueng hai yonnae ka sak hoeh e, hung e hno ka lat hoeh e, apihai ka pakepahlek hoeh e, von ka hlam e hah ca hane ka poe e, caici lah kaawm e khohna ka poe e,

¹⁷ ka roedeng e tami hloutnae ka poe, apung ka cat hoeh ni teh, ka phunglam tarawi pawiteh, a na pa a yonnae kecu dawk dout ma hoeh, a hring roeroe han.

18 A na pa teh amae hmaunawnggha boutbout pakepahlek pawiteh, a hnopai thama lahoi lawpnae, amae miphunnaw dawkhawihoehe hno a sak e yonnae kecu dawkhawihoehe hno a due han.

19 Hateiteh, bangkongmaw a capa ni a na pa a yonnae hah a khang hoech han, ouk na ti awh. Capa ni kâlawk a tarawi teh lannae a sak teh ka phunglam pueng hoi pâkuem lah tarawi pawiteh, a hring roeroe han.

20 Yonnae ka sak e teh a due han, a na pa ni a na pa yonnae dawkhawihoehe hno a due han. A na pa ni hai capa yonnae dawkhawihoehe hno a due han. Tami kalan a lannae apu teh, ama ni ama ni a coe vaiteh, tamikayon a yonnae phu teh a ma a khang han.

21 Hateiteh, tamikayon ni a sak e yonnae pueng a ceitakhai teh, kaie phunglawknaw a pâkuem teh, kâlawk hah tarawi laihoi, lannae sak pawiteh, a hring roeroe han, dout mahoehe.

22 Kâtapoenae pâkuem pouh e lah awm mahoehe, a sak tangcoung e a lannae lahoi a hring han.

23 Tamikayon a duenae dawkhawihoehe hno a due han, lunghawinae katawnnaw, a lamthungnaw ka kamlang takhai teh, hring laipalah teh, telah Bawipa Jehovah ni a dei.

24 Hateiteh, tamikalan ni a lannae a kamlang takhai teh, yonnae sak pawiteh, tamikayon ni a sak e patetlah panuettho e hno a sak toteh, a hring han na ou. a sak e lannae hah panue pouh e lah awm hoech vaiteh, kâlawk tapoenae roeroe dawkhawihoehe hno a due han.

25 Hateiteh, Bawipa a sak e pouh e lah awm hoech vaiteh, Isarel imthungnaw thai awh haw, ka sak e hah pouh e lah awm hoech vaiteh. Na sak awh e law teh kâvan boihoehe hno a due han.

26 Tamikalan ni a lannae kamlang takhai lah, payonnae hah sak pawiteh, haw tueng vah a due han, payonnae a sak e dawkhawihoehe hno a due han.

27 Hothloilah tamikayon ni a sak tangcoung e yonnae hah, kamlang takhai lah kâlawk tarawinae lahoi lannae hah sak pawiteh, a hringnae a rungngang han.

28 A lung a ang teh ka lawk a eknae a sak tangcoung e pueng a kamlang takhai dawkhawihoehe hno a due han, a hringnae roeroe hah dout mahoehe.

29 Hateiteh Isarel imthung ni, BAWIPA ni a sak e hah kâvan boihoehe hno a due han. Oe Isarel imthungnaw, ka tawksaknae be a kâvan nahoehe hno a due han. Nangmae na tawksak e law teh a kâvan boi yaw maw.

30 Hatdawkhawihoehe hno a due han, Isarel imthungnaw, tami pueng nangmouh na sak awh e patetlah hoi lawk na ceng awh han telah Bawipa Jehovah ni a dei. Kamlang awh nateh, kâ na tapoenae pueng kamlang takhai awh. Hottelah pawiteh, na yonnae hah na rawpnae lah awm mahoehe.

31 Kâ na tapoenae pueng, kâlawk na ek tangcoung e be tâkhawng awh nateh, lungthin katha hoi muitha katha hoi kamthouh awh. Oe Isarel imthungnaw, bangkongmaw na due awh han.

32 Bangkongtetpawiteh, tami a duenae dawkhawihoehe hno a due han, lunghawinae ka tawn boihoehe telah Bawipa Jehovah ni a dei. Hatdawkhawihoehe hno a due han, kamlang awh nateh hring awh.

19

Isarel khobawinaw hanlah kalung

1 Hothloilah, Isarel khobawinaw hanlah kalung na sak pouh hane teh,

2 Na manu teh api nama, Sendek napui doeh, a canaw kawkhik laihoi Sendekcanaw koe a tabo.

³ A kawkhik e a ca buet touh teh sendektan lah ao teh, kahrawngum e moithangnaw kei hanelah na taminaw hai ouk a kei.

⁴ Miphunnaw ni a thai aw hah, kadungpoung e tangkom daw k a pabo aw h, sum hoi a taren aw h teh, Izip ram daw k a phakhai.

⁵ A manu ni lungpout laipalah ayawmyin lah a ring, bout a sak, sendektanca lah o nahanlah,

⁶ Sendektanca koe pou ka paitun e sendektanca lah ao dawkvah, moi kei nahanelah a kamtu teh na taminaw hah a kei.

⁷ Ahnimae moi kamenaw hah a panue teh, ahnimae khopuinaw be a raphoe pouh, a huknae pawlawk daw k ram hoi tami pueng teh kingdi aw h.

⁸ Miphunnaw a kamkhueng aw h teh, ram pueng ni a tuk aw h. Tamlawk rui hoi a kalup aw h. Kadungpoung e tangkom dawkvah, a pabo aw h.

⁹ Sumrui hoi a pâkhi aw h teh, Babilon siangpahrang koe a thokhai aw h. Ahnie a pawlawk teh, Isarel mon daw k bout a cai hoeh nahan, paungnae im daw k a hruék aw h.

¹⁰ Nange na manu teh nang hoi na kâvan teh tui teng ung e misurkung patetlah ao. Tui apap dawkvah abu a rung teh a paw moikapap a paw.

¹¹ Kaukungnaw hane sonron hanelah ka khaw e a kangnaw lah a coung. Abu a rung teh a kang a rasang teh a kammue.

¹² Hatei, lungkhueknae bahu hoi a khoe teh, talai daw k ka rawm e lah ao toe. Kanitholae kahli ni a palek teh a paw kung a ke sak. Hmaipalai hoi kak sak e lah ao toe.

¹³ Atu teh, tui a ohoehnae ka ke e kahrawngum vah ung e lah ao toe.

¹⁴ A kang daw k hoi hmaipalai a tâco teh, koug a kuét, a pawnaw pueng be a ca toe. A kang aw m hoeh toe. Kaukungnaw e sonron hanelah, hethêh kalungla doeh, khuinae koe hno hane doeh.

20

Isarel thuengnae

¹ A kum sarinae thapa yung panga, hnin hra navah, Isarel kacuenaw ni BAWIPA pacei aw h hanelah a tho aw h teh, ka hmalah a tahung aw h.

² Hahoi BAWIPA e lawk kai koe a pha teh,

³ tami capa, Isarel kacuenaw hah dei pouh. Ahnimouh koe Bawipa Jehovah ni hettelah a dei, Nangmanaw ni kai lawk na pacei hanelah na ka tho aw h e na ou. Ka hring e patetlah nangmouh ni na pacei aw h hanelah kaawm hoeh, telah Bawipa Jehovah ni a dei tet pouh.

⁴ Lawk na ceng mahoe h na maw, tami capa lawkceng haw, a napanaw panuethonae hah panuek sak aw h.

⁵ Hahoi ahni koevah, Bawipa Jehovah ni hettelah a dei. Isarelnaw ka rawinae hnin koehoi, Jakop imthung ka rawi e naw koevah, kut ka dâw totouh Izip ram daw k ahnimouh koe ka kâpanue sak. Ahnimouh koe ka kut hah ka dâw teh, kai heh BAWIPA na Cathut doeh telah ka ti pouh.

⁶ Hot hnin daw k Izip ram hoi na tâcokhai teh ahnimouh han ram ka hruék pouh e khotui hoi sanutui a lawngnae ram, ram pueng thung daw k ram kahawipoung e ram koe kâenkhai hanelah ka kut ka dâw na hnin dawkvah,

⁷ ahnimouh koe tami pueng ni na mit hoi na hmu aw h e hno panuetho e hah pahnawt aw h nateh, Izip ram e meikaphaw k hoi kâkhinsak hanh aw h. Kai heh BAWIPA na Cathut lah ka o telah ka dei.

⁸ Hateiteh kai hah na taran aw h. Ka lawk ngai aw h hoeh. Tami pueng e a mithmu vah hno panuetho e hai pahnawt aw h laipalah hottelah hoi a

lathueng vah ka lungkhueknae hah kamnue sak hanelah Izip ram thung roeroe vah, ka rabawk payon han na ou telah ka ti.

⁹ Hateiteh, a onae Jentelnaw e a mithmu vah, ka min a pathoe thai aw hoh hoh nahan, ka kâroe teh, Izip ram hoi ahnimouh tâcokhai hanelah ahnimae mithmu vah ka panue sak.

¹⁰ Hatdawkvah, Izip ram tâco takhai hanelah, ka dei teh kahrawngum vah ka kâenkhai.

¹¹ Ka phung lam hah ka poe teh, ka lawkcengnae ka hmu sak, hot hah tami ni tarawi pawiteh hottelah hoi a hring aw hah.

¹² Hothloilah kai BAWIPA heh ahnimouh kathoungsakkung doeh tie a panue thai aw hoh nahan, ka sabbath hai maimae rahak vah mitnout lah ka poe.

¹³ Hateiteh, Isarel imthungnaw teh kahrawng vah kai na taranlahoi taran a thaw aw hoh. Ka phunglawknaw hah tarawi aw hoh. Ka lawkcengnae tarawi vaiteh hringnae lah kaawm hane hah a pahnawt aw hoh. Kaie sabbath hai puenghoi a tapoe aw hoh. Hottelah hoi kahrawngum vah ahnimouh he pahma hanelah ka lungkhueknae ka rabawk sin mahoe na ou, telah a ka ti.

¹⁴ Ka tâcokhai lahun nah, mit hoi kahmawtnaw e hmalah ka raphoe hoh nahan, ka mit kâkaram lahoi ka kâroe.

¹⁵ Hottelah hoehpawiteh, kahrawngum vah ka poe e khoitui hoi sanutui a lawngnae, ram pueng hlak kahawipoung e ram daw kâenkhai mahoe telah ka kut ka dâw totouh ka ti.

¹⁶ Ka lawkcengnae a pahnawt aw hoh teh, ka phunglawknaw hah tarawi aw hoh. Kaie sabbath hah a tapoe aw hoh. Bangkongtetpawiteh, a lungthin teh meikaphawk koelah pou a kamlang aw hoh.

¹⁷ Hateiteh, he pahma hoh nahanelah, ka mit a pasai teh kahrawngum hai he ka raphoe hoh.

¹⁸ Hatei, kahrawngum vah a catounnaw koe, na mintoenaw e phunglawknaw hah, tarawi aw hah, a lawkcengnae hai pâkuem aw hah, hoehpawiteh a meikaphawknaw hoi hai kamhnawng aw hah.

¹⁹ Kai teh BAWIPA na Cathut lah ka o, ka phunglawknaw tarawi aw hoh, ka lawkcengnae hah pâkuem aw hoh nateh dawn aw hoh.

²⁰ BAWIPA na Cathut lah ka o tie na panue thai aw nahanelah, kaie sabbath hah tarawi aw hoh nateh, maimae rahak vah mitnoutnae lah ao han telah ka ti.

²¹ Hatei, a catounnaw taran a thaw aw hoh teh, ka phunglawk tarawi laipalah, lawk ka dei e tami ni kâhruetcueth lahoi a sak teh, a hring nahanelah kaawm e hah tarawi hanelah pâkuem aw hoh. Kaie sabbath hai a tapoe aw hoh. Kahrawngum vah kaie lungkhueknae kamnue sak hane lahoi ahnimae lathueng vah ka lungkhueknae hah ka rabawk sin payon han na ou, telah ka ti.

²² Hatei, ka kut ka hno teh, ka tâcokhai lahun nah kahmawtkung miphunnaw mithmu vah, pâmit lah o hoh nahan, ka min kecu daw kâroe.

²³ Hothloilah miphunnaw koe vah, ahnimouh kâkayei sak vaiteh, ram tangkuem daw kâkayei sak han telah kahrawngum vah kut ka dâw totouh ka dei toe.

²⁴ Bangkongtetpawiteh, ka lawkcengnae tarawi aw hoh laipalah, ka phunglawknaw noutna aw hoh. Kaie sabbath hah a tapoe aw hoh teh, a mintoenaw e meikaphawk koelah a kangwawi aw hoh.

²⁵ Hatdawkvah, a hring thai aw hoh nahan lawkcengnae hoi phunglam kahawihoehe hah kai ni hai ka poe van.

²⁶ A camin pueng hmai dawkw tueng hanelah, phung lah a tawn aw h e thuengnae kecu dawkw ahnimouh phurinbenpaha lah ka o sak teh, BAWIPA lah ka o tie a panue thai aw h nahan, ahnimouh kakhin sak telah ati.

²⁷ Hatdawkvah, tami capa, Isarel imthung koe lawk dei nateh, ahnimouh koe Bawipa Jehovah ni hettelah a dei, kai koe yuemkamcuhoeh lah a onae dawkw hai na mintoenaw ni na dudam aw h rah.

²⁸ Ahnimouh poe hane ka kut ka daww teh, thoe ka bo e ram hoi ka thokhai toteh, mon hoi thingbu ka rung poung a hmu aw h nah tangkuem vah, thuengnae a poe aw h teh, lungkhuek sak hanelah kaawm e hmaisawi thuengnae naw hah a poe aw h. Hmuitui hai hote hmuen koe a thueng aw h teh, nei thuengnae hai a awi aw h.

²⁹ Kai ni ahnimouh koe ouk na ceinae hmuenrasang hah bang nama telah ka ti, hottelah hoi sahnin totouh bamah telah ati.

³⁰ Hatdawkvah Isarel imthung koe vah dei haw, Bawipa Jehovah ni telah a dei, na mintoenaw patetlah mahoima kâkhinsak teh panuetho e lam koelah na kâyawt aw h nahoehmaw .

³¹ Bangkongtetpawiteh, na hmu aw h na thueng aw h toteh, na canaw hmai dawkw na phum aw h teh, sahnin totouh na meikaphawknaw dawkw na kâkhinsak aw h hoh na maw, hottelah nangmanaw ni pouknae na hei aw h hanelah ao na maw. Oe Isarel imthungnaw kai ka hring e patetlah na pacei aw h hanelah kai kaawm hoh telah Bawipa Jehovah ni a dei.

³² Maimouh tenggam e Jentelnaw hoi Jentelnaw patetlah thing hoi talung bawkw hanelah doeh telah na lungthin hoi na ti aw h han eiteh, khoeroe counc thai mahoe h.

Isarel bouthawnae

³³ Kai ka hring e patetlah thaonae kut hoi, kut daww nah laihoi, lungkhueknae kamnu e sak e lahoi, na uk aw h han, telah Bawipa Jehovah ni ati.

³⁴ Miphunnaw thung hoi na tâcokhai han, na kâkayeinae ram thung hoi thaonae kut hoi kutdawnae hoi, lungkhueknae, ka rabawkw vaiteh bout na pâkhueng han.

³⁵ Kahrawngkadi kaawm e koe vah, na kâenkhai aw h vaiteh, haw vah ka mithmu lah lawkw na ceng aw h han.

³⁶ Izip ram kingdinae koe na mintoenaw lawkw ka ceng e patetlah nangmouh koehai ka sak han telah Bawipa Jehovah ni ati.

³⁷ Sonron rahim vah na ceisak aw h teh, lawkkamnae kateknae a rahim na ceikhai aw h han.

³⁸ Nangmouh thung hoi tarankathawnaw hoi kai taranlahoi kâeknae hah a onae ram koe hoi ka tâcokhai vaiteh, ka thoung sak han. Hateiteh, Isarel ram dawkw kâen aw h mahoe h. Hottelah BAWIPA lah ka o tie a panue aw h han.

³⁹ Nangmouh hai Oe Isarel imthungnaw, Bawipa Jehovah ni hettelah a dei. Ka lawkw na ngai aw h hoh nahane pawiteh, atuhoi hai namamae meikaphawkw lengkaleng bawkw aw h yawkaw, hatei kathoung ka min heh na poehno aw h e lahoi, meikaphawknaw hno e lahoi na khin sak aw h mahoe h.

⁴⁰ Bangkongtetpawiteh, kaie mon kathoung, Isarel a rasangnae mon dawkw vah, hawwah Isarel imthungnaw hoi ram thung e pueng, hote ram dawkw kaie thaw a tawkw aw h han toe. Hatdawkvah, ahnima e lathueng ka

lung ahawi han. Hawvah, na poehno e hoi na thuengnae hoi na ya aw h e hno pueng hah ka dâw han.

⁴¹ Miphunnaw thung hoi, na tâco sak aw h toteh, ram tangkuem hoi na kâkayeinae thung hoi, bout na pâkhueng aw h toteh, hmuitui patetlah na dâw aw h han. Miphunnaw e a mithmu vah nangmouh koe ka thoungnae a kamnué han toé, telah Bawipa Jehovah ni a dei.

⁴² Isarel ram na mintoenaw koe ka kut ka dâw teh, thoe ka bo e lahoi ka kam e thung vah na kâenkhai aw h navah, BAWIPA lah ka o e hah na panue aw h han.

⁴³ Hawvah, na hringnuen hoi na tawk sak aw h e na kâkhinsaknae pueng hah, na panue aw h vaiteh, hawihoehnae na sak aw h e pueng daw k, namamae na mithmu roeroe vah na kâpanuet aw h han.

⁴⁴ Oe Isarel imthungnaw nangmae na yonae naw, nangmouh na thoene na tawksaknae, kai ni nangmouh lawk na ceng mahoe h. Ka min kecu daw k nangmae lathueng ka sak toteh, BAWIPA lah ka o tie nangmouh ni na panue aw h han, telah Bawipa Jehovah ni ati.

Kahrawng hmai

⁴⁵ Hothloilah, BAWIPA e lawk kai koe a pha teh,

⁴⁶ tami capa, akalah kangvawi haw, akalae taranlahoi dei haw, akalae ratu taranlahoi dei haw.

⁴⁷ Akalae ram daw k kaawm e ratu koe patuen na dei pouh hane teh, BAWIPA e lawk thai haw, Bawipa Jehovah ni hettelah a dei, khenhaw! nang daw k hmai ka patawi vaiteh, na thung e thing kahring pueng hoi thingke pueng hai be a kak han, ka kang e hmai roum mahoe h, a ka lahoi atunglah totouh, kai na ka taran pueng hah be a kak aw h han.

⁴⁸ Moithangnaw ni kai BAWIPA heh hmai katâcawtsakkung doeh tie hah a hmu aw h vaiteh, hmai roum mahoe h ati, telah tet pouh telah ati.

⁴⁹ Hottelah kai ni Aiyoe! Bawipa Jehovah, bangnue rumramnae doeh a dei na tet payon vaih telah ka ti.

21

Tahloi

¹ BAWIPA e lawk kai koe bout a pha teh,

² tami capa Jerusalem koe lah na minhmai hrueng haw, kathounge hmuen koe lah taranlahoi lawk hah dei haw. Isarel ram taranlahoi lawk hah pâpho haw.

³ Isarel ram koevah, BAWIPA ni hettelah a dei. Khenhaw! nang teh na taran, a tabu daw k e tahloi ka rayu vaiteh, nangmouh thung e tamikalan hoi tamikathout hoi ka pâmit han.

⁴ Bangkongtetpawiteh, nangmouh thung e tamikalan hoi tamikathout ka pâmit han. Hatdawkvah, atunglah hoi akalae moithang pueng taranlahoi kaie tahloi a tabu daw k hoi ka rayu vaiteh,

⁵ Kai BAWIPA ni tahloi a tabu daw k hoi ka rayu tie moithang pueng ni a panue thai nahan, bout ka raseng mahoe h toe, telah ati.

⁶ Hatdawkvah, nang tami capa hramki na teh lung ka rek lah ahnimae hmaitung vah pou hram haw.

⁷ Bangkongmaw na cingou telah ati aw h navah, nang ni kai teh kamthang lawk kecu daw k, ka cingou, a tho han a hnai toe, tamipueng ni puenghoi a taki aw h teh a kut pueng a tha a youn aw h han. A lung a pout aw h vaiteh, a khokpakhunaw hai a tui lah kamyawt han. Hote hno

teh a tho lahun tie a kong hah Bawipa Jehovah ni lawk a poe e a kuep sak han tie hah bout dei haw telah ati.

⁸ Hahoi BAWIPA e lawk kai koe bout a pha teh,

⁹ tami capa lawk dei nateh, hettelah BAWIPA ni a dei tahloi, tahloi, kahranpoung e lah o teh loukloukkaang sak toe.

¹⁰ Takithopoung e kâtheinae o sak hanelah, hrsansak e lah ao teh, sumpapalik e patetlah a ang hanelah, ka ta e doeh. Nawmnae sak awh han rah na ou. Thingnaw pueng ni banglahai na noutna hoeh e patetlah ka capa e sonron ni na dudam.

¹¹ Hno thai nahanelah hran sak hanelah a poe toe. Hete tahloi heh kathetkung hane kut dawk poe hanelah hrsansaknae hoi loukloukkaang sak toe.

¹² Tami capa kap nateh hram haw, bangkongtetpawiteh, taminaw hah taran e lah ao vaiteh, Isarel bawinaw pueng taran e lah ao han. Taki ka tho e tahloi hoi ka taminaw hah taran e lah ao. Hatdawkvah, na phai hah ratum.

¹³ Bangkongtetpawiteh, hethateh tanouknae doeh. Tahloi ni sonron patenghai dudam pawiteh, bangtelah han ne. Sonron hah awm mahoehe toe telah BAWIPA ni a dei.

¹⁴ Hatdawkvah, nang tami capa lawk pâpho haw, na kut hah tambei haw, due thainae tahloi hah vai thum touh palik. Theinae tahloi ni amamae rakan tangkuem ouk ka kâen e, tami a tha ka sai e hah a kalup awh.

¹⁵ Lungthin karawknaw, a rawknae hoe apap nahanelah, kahran e tahloi takhang tangkuem koevah, ka hruek toe. Aiyoe! sumpapalik e patetlah a ang, duena tahloi.

¹⁶ Aranglah kamlang nateh bouk nateh kâroesak. Avoilah kamlang nateh kâroesak haw, hahoi hmalah hoiyah bouk haw.

¹⁷ Kai ni hai ka kut ka tambei vaiteh, ka kuep sak mingming han. Ka lungkhueknae kai BAWIPA ni hethah ka dei toe ati tet pouh telah ati.

¹⁸ BAWIPA e lawk kai koe bout a pha teh,

¹⁹ tami capa Babilon siangpahrang tahloi a cei nahanelah, lamthung kahni touh sak. Hote lamthung kahni touh e teh, ram buet touh koehoi a tâco han. Lam a kâphinae dawh hmuen buet touh rawi nateh, khopui koelah ceinae longkha lah sak haw.

²⁰ Lamthung hah Ammonaw kho Rabah hoi tahloi a tâco thai nahan sak nateh, Judah ram a lungui e Jerusalem kalupnae hai sak haw.

²¹ Bangkongtetpawiteh, cungpam rayu hanelah Babilon siangpahrang teh lamthung kahni touh a kâcunae koe a kangdue, palanaw mak a kalawt teh, Terah meikaphaw lawk a paei, a thin hah a khet.

²² Cungpam a rayunae koe a rang lae kut dawh Jerusalem hah a kamnue. Rapan raphoena hoi tarantuknae hramkinae a pawlawk takhang koe tumdum e rapan raphoe nahane monrui paten hane hoi tungdumnae sak hane hoi,

²³ ahnimouh hoi lawkkamnae kasakkungnaw e hmaitung vah, kalan-hoehe cungpam rayunae patetlah ao. Hateiteh la e lah ao thai nahan, a payonnae a pahnim hoeh nahan a thokhai han.

²⁴ Hatdawkvah, Bawipa Jehovah ni hettelah a dei, na payonnae hah pahnim hoeh nahanelah na sak kecu dawh, kâlawk na eknæ a kamnue. Hottelah na sak awh e hnonaw pueng dawh na yonnae pou a kamnue teh, pahnim hoeh e lah na o dawkhaw, kut dawh man e lah na o awh han.

²⁵ Hahoi nang Isarel kahrawikung, ka kamhnawng e, na yonnae rektapnae hnin roeroe a pha toe.

26 Bawipa Jehovah ni hettelah a dei, kahrawikung e lupawk teh tâkhawng pouh nateh, bawilukhung hai tâkhawng pouh. Hethateh, ama boiboe lah mahoe, kârahnoumnaw hah tawmrasang awh nateh, tawmrasang e hah kârahnoum sak awh.

27 Bungling lah ka bang han, bungling lah ka bang han, bungling lah ka bang han. Katawnkung a tho hoehroukrak hot teh awm mahoe, hothateh ama koevah ka poe han telah ati.

Ammonnaw katarankung tahloi

28 Hahoi nang tami capa, lawk dei haw. Hettelah dei, Bawipa Jehovah ni Ammon miphun kong hoi a pathoenae kong daw, hettelah a dei. Tahloi tahloi rayu e lah ao toe. Tami theinae hoi kahmasaknae dawkvah sumpapalik e patetlah a ang sak toe.

29 Kamnuenae kaphawk na hmu sak teh tahloi teh tamikayon due hanelah, a hmâ ka cat e, a yonnae hnin a poutnae a pha hane, a lahuennaw daw na cuek han ati navah laithoe doeh a dei awh.

30 Na tahloi hah a tabu daw pâseng, nang na tâconae hmuen, na khenae roeroe koevah, nange na kong lawk ka ceng han.

31 Ka ngaihoehnae hah na lathueng vah ka awi vaiteh, ka lungkhueknae hmai lah na lathueng vah ka patawi han, tami a nuen ka mathout raphoe kathoupoung e kut daw na raphoe han.

32 Hmai lah patawi hanelah na o vaiteh, ram lungui vaihma thi hah a lawng han. Pou panue e lah na awm mahoe toe, bangkongtetpawiteh, kai BAWIPA ni ka dei toe tet pouh telah ati.

22

Jerusalem yonnae

1 Hothloilah, BAWIPA e lawk hah kai koe a pha teh,

2 nang tami capa, thi ka Palawng e khopui hah lawk na ceng hah na maw, Bokheiyah panuet a thonae naw hah panuek sak.

3 Ahnimouh koe Bawipa Jehovah ni hettelah a dei. Amae tueng roeroe navah thipalawngnae khopui atueng a pha nahanelah, amahoima kâkhinsak hanelah meikaphawk hah a sak.

4 Tami hringnae na thei e lahoi yonpen e lah na o teh meikaphawk na sak e dawkvah na kâkhinsak. Namae na hnin na hnai sak teh, na kum apoutnae meimei a pha toe. Hatdawkvah, miphunnaw na pathoenae hoi ram pueng ni dudam e lah na o sak han.

5 Na tenggam e taminaw hoi lamhla e taminaw ni pathoenae hoi pacekpahleknæ hoi ka kawi e patetlah na panuikhai han.

6 Khenhaw! Isarel ukkungnaw ni nangmouh thi Palawng hanelah a thaonae rip a hno awh.

7 Nangmouh thung manu na pa hah a dudam awh teh, nangmae rahak alouke miphun khok hoi a coungroe awh teh, nangmouh daw e nara hoi lahmai hah banglahai noutna awh hoe.

8 Nang ni kaie thoungnae naw banglahai noutna hoe e lah na sak toe. Kaie sabbath hninnaw na tapoe toe.

9 Namamouh thung e tami thipalawng han na ngai teh, thuengnae moi, tami tangawn ni a ca awh, hno kathout ka sak e ao awh.

10 Nangmouh thung daw a na pa e yu hah caicinae na ramuk awh hoe. Kampheng lahun e napui hai a yonkhai awh toe.

11 Nangmouh thung dawk tami tangawn ni amae imri yu koe panueththo e hno a sak awh toe, a langa a kamhnawngkhai awh toe, tangawn ni a tawncanu, a na pa e canu hah a pacekpahlek awh.

12 Nangmouh thung dawk tami theinae han lah tadawng hno hai na la awh, apung na ca teh, tangka na cawi awh, imri e hnopai na lawp awh.

13 Hatdawkvah, nama ni na pâkhueng e hnopai namamouh thung dawk thi na Palawng e kecu dawk kai ni kut ka tambei sin han.

14 Kai ni nang lawk na ceng toteh, na lungthin na cak sak thai han na ou. Na kut hai a tha ao thai han na ou. Kai BAWIPA ni ka dei tangcoung e patetlah ka sak han.

15 Nang hai ram miphun tangkuem koevah, na kâkayei sak han. Hateiteh, na khinnae hah be kahma sak han.

16 Miphunnaw e hmaitung vah mahoima na kâkhinsak. BAWIPA lah ka o tie na panue han ati tet pouh telah ati.

Tahmanghmai

17 BAWIPA e lawk kai koe a pha teh,

18 tami capa Isarel imthung hah kai hanelah sumei lah doeh ao. Ahnimanaw teh sôlêi e, tahmanghmai dawk phum e, rahum paling, rahum pangaw, sum hoi ngunei patetlah doeh ao awh.

19 Hatdawkvah Bawipa Jehovah ni hettelah a dei. Ei rumram lah na o awh dawkvah, khenhaw! Jerusalem kho lungui na pâkhueng awh.

20 Ngun, rahum paling, rahum pangaw, sum, konlawk naw hmai patawi sin teh a tui lah kamyawt hanelah, thawngnae dawk khuk papawp e patetlah kai teh ka lung puenghoi a khuek teh, nangmouh teh kho lungui vah na pâkhueng awh vaiteh, atui lah na kamyawt sak han.

21 Atangcalah na pâkhueng awh vaiteh, kaie ka lungkhueknae hmai, ka patawi vaiteh, nangmouh teh kho thung atui lah na kamyawt awh han.

22 Ngun thawngnae dawkvah atui lah kamyawt e patetlah nangmanaw teh kho thung vah atui lah na kamyawt awh vaiteh, kai BAWIPA ni nangmae lathueng vah, kaie ka lungkhueknae ka awi toe tie hah na panue awh han telah ati.

Isarel kahrawikungnaw hawihoehnae

23 BAWIPA e lawk kai koe a pha teh,

24 tami capa ahni koe dei pouh nang teh, lungkhueknae ahni dawk kho ka rak hoeh e, khotui hah ka dawp hoeh e ram lah ao.

25 Hote ram dawkvah, profetnaw teh a kâyok awh toe. Ka huk ni teh moi ka kei e sendek patetlah taminaw a ca awh. Hno kuemnae hoi aphu kaawm e hnopainaw a lawp awh toe. Khothung vah lahmianaw moikapap lah ao sak awh.

26 Ahnimae vaihmanaw ni hai kaie kâlawk a ek awh teh, kaie a thoungnae hmuen hai a khinsak awh. Kathoung e hoi kathounghoehe hoi kapek awh hoeh. Kathoung e hoi kathounghoehe mak kâkalawtsak awh, kaie sabbath hnin hai a kâpahnim sak awh.

27 Kahrawikungnaw ni hai moi ka kei e Asuinaw patetlah ram thung ao awh teh, kamsoumhoehe apung a tawng awh teh, tami hringnae a thei awh.

28 Ahnimae profetnaw ni thungpangaw a hluk awh teh, kaphawk e kamnuenae hah a hmu awh. Laihoe lahoi cungpam a rayu pouh awh. BAWIPA ni banghai a dei hoeh nakunghai, Bawipa Jehovah ni hettelah a dei, telah ouk ati awh.

²⁹ Khocanaw hai rektapnae tahloi hoi a tuk awh, ka roedengnaw hah pacekpahleknæ Jentelnaw hai kahawihoehe lahoi a pacekpahlek awh.

³⁰ Ram hah ka raphoe hoeh nahan, rapan ka sak hane hoi ram e a yueng lah kai han e ka kangdout hanelah ahnimouh koe ka tawng, hatei ka hmawt hoeh.

³¹ Hatdawkvah, ka lungkhueknæ teh ahnimæ lathueng ka rabawk teh, ka lungkhueknæ hmai hoi ka sawi. A hringnæ hoi kamcu lah ahnimæ lathueng ka pha sak e doeh telah Bawipa Jehovah ni a dei, tet pouh telah ati.

23

Kâyawt e hmaunawnggha roi

¹ BAWIPA e lawk kai koe bout a pha teh,

² tami capa napui e ca roi kahni touh

³ Izip ram vah a kâyo roi teh, a nawca hoi a kâyo roi toe, hatdawkvah a sanu hah a pânâm pouh awh teh, a tanglanae banglahai noutna awh hoeh.

⁴ Kacuehnawn e min teh Oholah, a nawnggha teh Oholibah doeh. Kaie lah ao awh teh napui tongpa hah a khe awh. A min lah Oholah teh Samaria tami doeh, Oholibah teh Jerusalem doeh.

Kacue e napui Samaria

⁵ Oholah teh kaie lah ao hnukkhu a kâyo teh, a lungpataw e a imri Assiria teh a noe.

⁶ Hnipaling hoi kamthoup e ukkung hoi lawkcengkungnaw, a pahren e thoundounnaw, Marangransanaw marangnaw dawk kâcuinaw hah,

⁷ hete Assiria thoundoun kahawi pueng koevah, a kâyo teh a mit hoi a nôe e meikaphawk koevah a kâkhinsak.

⁸ A nawca hoi a sanu a pânâm pouh teh a ikhai awh dawkvah, Izip lahoi a kâyo e hah kâhat hoeh. Ahnimouh ni hai a cuk awh nahanelah, a lathueng vah lungkhuek ati nahanelah a hno awh.

⁹ A pahren teh mit ni a nôe e, Assiria kut roeroe dawkvah ka man sak.

¹⁰ Hetnaw ni caici lah ao nahan angki a rading pouh, a canu hoi a capanaw a la pouh. Ama haiyah tahloi hoi a thei awh teh, napuinaw thung dawk kamthang poung e lah ao. A lathueng vah lawkceng e patetlah a kuep sak.

A nawnggha napui Jerusalem

¹¹ A nawnggha Oholibah ni hetheh a hmu. Hateiteh, a hmau hlak hai noenæ hoe a len, a kâyonæ hai a hmau hlak vah hoe a nut.

¹² Assirianaw e imri ram kaukkungnaw hoi, lawkcengkung ngai han kaawm e thoundoun, Marangransanaw marang van kâcuinaw, kahawipoung lah kamthoup e hah a mit hoi a noe.

¹³ A khin e hah ka hmu, kahni touh hoi lamthung rei kâvan e a dawn awh.

¹⁴ Hateiteh, a kâyonæ hoe a nut sak teh, tongpa meikaphawk rapan dawk kamnuek e Khaldeannaw e meilam, paling e lahoi kamthoup e,

¹⁵ a keng dawk taisawm kâyeng e, a lû dawk a pei lupawk kâmuk e, siangpahrang e mei koug ka lat e, Khaldean ram a tâconæ ram, Babilonnaw patetlah a hmu.

¹⁶ Ahnimouh a hmu awh tahma tang a ngai awh teh, ahnimouh koe Khaldean totouh patounenaw a patoun.

17 Babilonnaw hah ahni koevah napui tongpa yonnae ikhun dawk a tho aw hah, a cuknae lahoi a khin sak aw hah, amahoima panuetho e lah be a kangcoung sak aw hah a khin aw hah.

18 Hottelah hoi a kâyonae a kamnue sak teh, caici lah onae hah a kamnue sak, a hmau ka panuet e patetlah a nawngaha hai ka panuet van.

19 Hatei, a naw lahunnae Izip ram dawk a kâyo aw hah e hah pahnim pouh hoeh, hoehoe a kâyo aw hah.

20 Hahoi kaipkhainaw e a tak teh la e tak patetlah a yangtui teh marang e yangtui doeh toe.

21 Hettelah na nawca nah na cuknae, Izipnaw ni na sanu a pânam pouh e hah bout na pouk rah.

Jerusalem lathueng lawkcengnae

22 Hatdawkvah Oe Oholibah, hettelah Bawipa Jehovah ni a dei. Khenhaw! kayonkhaikung, na lungthin hoi na maithoe e hah ka coun vaiteh, a hmuen tangkuem koehoi ka tho sak vaiteh, na tuk sak han.

23 Babilon, Khaldean, Pekod, Shoa, hoi Koa hoi ahnimouh koe kaawm e Assirianaw hoi, abuemlahoi ngai ka tho poung e thoundoun, ukkung hoi lawkcengkung, bawi hoi tami a min kamthang abuemlahoi marang daw k kâcui laihoi a tho aw hah.

24 Tarantuknae puengcang, tarantuknae leng, leng hoi tamihupui hoi, a tuk aw hah. Sâiphei kalen kathoung sumluhuemnaw hoi, ahnimouh koe lawkcengnae hah ka poe han. Lawk a ceng aw hah e boiboe lah nange lathueng a kuep sak han.

25 Nang e lathueng utnae hah kamnue sak e lahoi, ka hring e hah tahloi hoi a due aw hah. Na canu na capa naw hoi na lawp aw hah, a hring nah thung hmai ni a kak aw hah.

26 Na khohna hah na rading pouh aw hah vaiteh, na kamthoupnæ kahawi poung e hah koug na la pouh aw hah.

27 Na cuknae hoi Izip ram hoi na kâyonae hah na kâhat sak han. Hottelah ahnimouh koe lah na mit na hrueng mahoe hah toe. Izip ram teh na pâkuem mahoe hah toe.

28 Bangkongtetpawiteh, Bawipa Jehovah ni, hettelah a dei khenhaw! na hmuhma poung e, na lungthin daw k hoi na hmuhma e naw kut daw k na man sak han.

29 Na hmuhma katang aw hah. Na taw k aw hah e a pawhiknaw hah, na la pouh aw hah. Caici lah na hruék aw hah, na kâyonae caici lah, na cuknae hoi na kâyonae hah kamnue sak e lah ao han.

30 Hete hnonaw heh nange lathueng a pha han. Alouke mip hun koehoi na kâyo teh a meikaphawknaw daw k na kâkhinsak daw kvah,

31 na hmau e lamthung na dawn. Hatdawkvah, a neinae manang hah na kut daw k na poe han telah a ti.

32 Bawipa Jehovah ni hettelah a dei. Na hmau e a neinae manang kalenpoung thung hoi na nei vaiteh, pacekpahleknae hoi panuikhai e lah na o han. Bangkongtetpawiteh, hote manang daw k moikapap a kâen daw kvah.

33 Yamuhrinae hoi lungmathoenæ hoi na kawi vaiteh, kângairunæ hoi rawknae, na hmau Samaria e manang hoi he na nei han.

34 Na nei vaiteh be na yawn han. Manang na kâbang sak vaiteh, a sanu hah hawng pouh han, bangkongtetpawiteh kai ni ka dei toe telah Bawipa Jehovah ni a dei.

³⁵ Hatdawkvah Bawipa Jehovah ni hettelah a dei. Kâ na poe na hnin teh na kamlang takhai dawkvah, na cuknae hoi na kâyonae phu hah na phu hanelah ao.

Ahnmouh roi e lathueng lawkcengnae

³⁶ Hothloilah BAWIPA ni kai koe lawk bout na dei pouh, tami capa Oholah hi Oholibah teh lawk na ceng han na maw. Panüet a thonae hah ahnmouh koe na pâpho han.

³⁷ Bangkongtetpawiteh, a uicuk aw, a thi hah a kut daw, a kâhluk teh, amamae meikaphaw, koe a kâyo aw. Kai hanelah a khe e a capanaw hah, ahnmouh koe hmaisawi thueng hanelah a poe aw.

³⁸ Hothloilah kai koe hetheh a sak aw, ahnmouh ni ka min kathoung hah a khin sak aw teh, kaie sabbath hai a tapoe aw.

³⁹ Amamae meikaphaw hanelah a canaw a thei aw hnukkhu, a mamanan letlang hah, kaie hmuen kathoung kamhnawng sak hanelah a kâen aw. Khenhaw, hettelah ka imthung roeroe vah ouk a sak aw.

⁴⁰ Hat dueng nahoe rah, kho hlanae koe kaawm e hah a tho nahan lawk na thui aw teh, patoune hah na patoun aw. Khenhaw a tho aw teh, ahnmouh kecu daw na kamhluk teh, na mit daw puk na hluk teh, aphunphun lah kamthoung hoi na kamthoung.

⁴¹ Kahawi e tahungnae daw na tahung teh, a hmalah caboi na hung teh hmuítui hoi satui hah hote hmuen koe na pâhung.

⁴² A nawmnae lahoi taminaw a hramnae hai ka thai. Alouke taminaw hoi kahrawng hoi rei a tho aw teh, a kut daw laikaw, a lû daw kahawipoung e bawilakhungnae a kâmu, yamu ka parui e hai a thokhai aw.

⁴³ Kai ni ka uicuk tangcoung e napui hah a yonkhai ngai aw han na maw telah ka ti.

⁴⁴ Kâyawtnaw koe a cei aw toteh, ahnmouh koe mingming doeh a kâen aw. Hottelah ka cuk e napui Oholah hoi Oholibah koe a kâen aw.

⁴⁵ Hateiteh, tamikalan ni ka uicuk e hoi kaawm e napui hoi ka tami ka thet e napui lawkceng e patetlah lawk a ceng aw han. Bangkongtetpawiteh, ka uicuk e hoi kaawm e a kâbet .

⁴⁶ Bangkongtetpawiteh, Bawipa Jehovah ni hettelah a dei. Nangmouh taran e lahoi tamihu hah ka coun han. Na lawp aw vaiteh, ka patawpoung lah na katin sak han.

⁴⁷ Hahoi kamkhueng e tamihu ni talung hoi na dei aw han. Tahloi hoi na bouk aw vaiteh, a canunaw hoi a capanaw a thei aw han. A imnaw hai hmai be a sawi pouh.

⁴⁸ Napuinaw pueng ni, cuknae hah sak hane nahoe tie a panue thai aw nah, het patetlah cuknae hah ram thung hoi ka pahma han.

⁴⁹ Namamae lathueng na cuknae hah a moi na pathung aw vaiteh, meikaphaw yonnae hah na khan aw han. Hahoi kai heh Bawipa Jehovah lah ka o tie na panue aw han telah a ti.

24

Hlaam bangnuenae

¹ A kam tako thapa yung hra hnin hra hnin BAWIPA e lawk kai koe bout a pha teh,

² tami capa hete hnin sahnin e hnin hah thun haw, hete hnin roeroe dawkvah, Babilon siangpahrang ni Jerusalem tuk hanelah a kamtawng.

³ Taran kathâw e imthung koevah, bangnue nae lawk dei haw. Ahni-mouh koe Bawipa Jehovah ni hettelah a dei. Hlaam hah khueng haw, hmai patawi sin nateh, a thung vah tui hai hlun haw.

⁴ A thung vah moituen hrueng nateh, kahawi e moi a tak pueng hah a phai a lounge a hru hah kahawicalah kingracet haw.

⁵ Saringnaw thung dawke e kahawipoung e hah lat nateh, a rahim vah thing kapappoung rahawng, moi hah hlakhlak tangdawke naseh, a hrunaw hah dik hmin naseh.

⁶ Hatdawkvah Bawipa Jehovah ni hettelah a dei. Tami ka thet e khopui, ka tangdawke e moi hlaam ka ekko ni teh kaawm rae hlaam teh a yawthoe. Moituen buet touh hnukkhu buet touh rasat haw.

⁷ Bangkongtetpawiteh, a palawng e thi hah amae thung ao teh, lungsong van a hruék. Vaiphu hoi ramuk hanelah talai dawkvah a rabawke hoeh.

⁸ Moipathung hanelah lungkhueknae a tâco thai nahane lahoi ramuk e lah ao hoeh nahan, thipaling e hah lungsong dawke ka awi toe.

⁹ Hatdawkvah, Bawipa Jehovah ni hettelah a dei. Thi ka palawng e khopui teh a yaw a thoe, kai ni hai moikapap lah thing ka rahawng sin han.

¹⁰ Hmai sut patawi sin awh nateh, thing moikapap lah rahawng sin awh. Moi hah dik kahminalah thawng awh, a moi hah katuipoung lah a hru pueng hai he kang naseh.

¹¹ Hmai patawi e van hlaam hah ahrawng lah khueng haw.

¹² Hmawtcei totouh ka thawng nakunghai, moikapap lah sumei tâcawt mahoe. Hmai ni hai kang thai hoeh.

¹³ Na kamhnawngnae teh na cuknae lah ao teh, na pâsu ei, na thoung kalawn hoeh dawkvah, na lathueng vah ka lungkhueknae pueng a pha hoehroukrak teh, nâtuék haiyah na kamhnawngnae koehoi thoung sak e lah na awm mahoe toe.

¹⁴ Kai BAWIPA ni yo ka dei toe. Ka phat roeroe han. Bangkongtetpawiteh, kai kama ni ka sak han, hnuklah kâhnawn mahoe. Ka pasai mahoe, pankângai mahoe, na hringnue hoi na tawksak e hoi kamcu lah Bawipa Jehovah ni a dei telah tet pouh telah ati.

Profet yu a due

¹⁵ BAWIPA e lawk kai koe a pha teh,

¹⁶ tami capa kenhaw! vaitalahoi na mitkhet khuektinae hah na takhoe pouh han. Na kângai kâthung mahoe. na kap hai na kap mahoe. Na mitphi hai bawt mahoe.

¹⁷ Arulahoi cingou haw. Tamikadout hanelah khiu hanh. Luhuem huem nateh, khokkhawm hah khawm haw. Na pahni huem hanh, ka roedengnaw e bu hai cat hanh telah ati.

¹⁸ Hottelah amom lah tamimaya koe lawk ka dei teh, tangmin lah ka yu teh a due, amom lah kâ na poe e patetlah ka sak.

¹⁹ Tami ni hettelah a sak e heh kaimouh hanelah, bang a ngainae ne, na dei pouh mahoe maw telah ati.

²⁰ Hottelah kai ni ka pathung, BAWIPA e lawk kai koe a pha teh,

²¹ Isarel imthung koevah dei pouh, Bawipa Jehovah ni hettelah a dei. Thai haw, kaie hmuen kathoung, nangmae na thaonae na kâoupa nae nangmouh ni na khet han na ngai awh e, na kâoup e kai ni kakhin sak vaiteh, na canaw hoi hnukkhu lah na cei takhai awh e hah tahloi hoi a due awh han.

²² Kai ni ka sak e patetlah na sak awh van han. Na pahni na huem awh mahoe. Ka roedengnaw e rawca na cat mahoe.

²³ Luhuem na lû dawc na huem awh vaiteh, khokkhawm hai na khawm awh han. Khuikanae awm mahoe. Namamae na yonnae dawc na kahmakata awh vaiteh, buet touh hoi buet touh na kâkhuikhai awh han.

²⁴ Het patetlah Ezekiel hah nama hanelah khetsin hanelah awm vaiteh, a sak e patetlah na sak awh van han, heteh a pha toteh, Bawipa Jehovah lah ka o tie na panue awh han telah ati telah ka ti.

²⁵ Hahoi nang tami capa, ahnimae rapanim, konawmnae, bawilenna, mitnoena, lungradueknae thoseh, na canaw hah kai ni ka pâmit torei teh,

²⁶ hote hnin roeroe navah, ka yawng e hah nang koe tho vaiteh, hothah na thai sak han.

²⁷ Hot hnin torei teh, ka yawng e hoi a kâhmo vaiteh, na pahni na ang han, lawk na dei vaiteh, duem na awm mahoe toe, hottelah ahnimouh hane mitnoutnae lah ao vaiteh, BAWIPA lah ka o tie a panue awh han telah ati.

25

Ammonnaw lathueng pâphonae

¹ BAWIPA e lawk kai koe a pha teh,

² tami capa Ammonnaw kangdout sin haw, ahnimouh taranlahoi pâpho.

³ Ammonnaw koevah, Bawipa Jehovah e lawk hah thai awh, Bawipa Jehovah ni hettelah a dei, hmuen kathoung hah na khin sak lahun navah, Isarel ram taran lahoi, raphoe lah ao lahun nah, Judah imthung hah san lah a hrawi navah, haha! telah na ti dawkvah,

⁴ nang teh Kanîtholae taminaw koe a coe awh hanelah na poe han, nang dawkvah roena rim a sak awh vaiteh, haw e hmuen koe ao awh han, nange a pawhik a ca vaiteh, nange maito sanutui a nei awh han.

⁵ Rabbah kho teh kalauc im lah ka sak vaiteh, Ammon hah saringhunaw a tabonae lah ka coung sak han, hottelaho BAWIPA lah ka o tie a panue awh han.

⁶ Bangkongtetpawiteh, Bawipa Jehovah ni hettelah a dei, Isarel ram thung vah na kut na tambei teh, na khok na pano, a rawknae kong dawkvah, lungthin abuemlah na lunghaw dawkvah,

⁷ kenhaw! na lathueng vah ka kut ka dâw teh, miphunnaw koe lawphno patetlah na man sak han. Ram pueng koehoi nang teh na thei vaiteh, hote ram dawc hoi koug na pâmit han. Na raphoe vaiteh, BAWIPA lah ka o tie hah na panue han telah ati.

Moab lathueng pâphonae

⁸ Bawipa Jehovah ni hettelah a dei, Moab hoi Seir ni kenhaw! Judah imthung teh miphun alouke patetlah doeh ao van telah ati awh dawkvah,

⁹ kenhaw! Moab khopui e ram, a khopui e khori hah kamceng sak vaiteh, ka lentoe e ram Bêthjeshimoth, Baalmeon Kiriathaim naw hah,

¹⁰ Ammonnaw hah miphunnaw thung dawc hoi pou panuekhai e lah o hoe hahan, Kanîtholae taminaw a coe hane ham hah, Ammonnaw hoi cungtalah ka poe han.

¹¹ Moab ram dawc lawkcengnae hah ka kuep sak vaiteh, BAWIPA lah ka o tie a panue awh han telah ati.

Edom lathueng pâphonae

¹² Bawipa Jehovah ni hettelah a dei. Edom ni Judah imthungnaw taranlahoi moi a pathung teh, a mahmawk lahoi ahnimae lathueng vah, kalenpoung lah yonnae a sak.

¹³ Hatdawkvah, Bawipa Jehovah ni hettelah a dei. Edom lathueng vah, ka kut ka dâw vaiteh, amae thung hoi tami hoi saring he ka raphoe han. Teman kho teh kingdi sak han. Dedan totouh tahloi hoi a rawp awh han.

¹⁴ Ka tami Isarelnaw e kut hoi a moi ka pathungnae hah, ka pha sak han, Edom e lathueng vah ka lungkhueknae hoi ka lungreithainae patetlah a sak awh han. A moipathungnae pawlawk daw hoi a panue awh han telah Bawipa Jehovah ni a dei.

Filistin lathueng pâphonaē

¹⁵ Bawipa Jehovah ni hettelah a dei, Filistinnaw ni ayan hoi na maithoe awh kecu dawkvah, tami thei ngainae lungthin hah tawn laipalah, moipathung awh dawkvah,

¹⁶ Bawipa Jehovah ni hettelah a dei, khenhaw! Filistinnaw taranlahoi ka kut ka dâw vaiteh, Kherethnaw hah tâkhawng teh, tuipupaling teng e kacawie hah be ka raphoe han.

¹⁷ Ka patawpoung e tounnae hoi ka patawpoung lah moi ka pathung han, hot patetlah ahnimae lathueng vah, moi ka pathung torei teh, BAWIPA lah ka o tie hah a panue awh han, telah ati.

26

Taire lathueng pâphonaē

¹ A kum hlaibun, thapa yung pasuek, hnin pasuek dawkvah, hettelah doeh, BAWIPA e lawk kai koe a pha. Tami capa Taire ni Jerusalem taranlahoi haha! miphunnaw e takhang lah kaawm e a rawk toe khe, kai koe lah a kamlang teh, koug raphoe lah ao vaiteh, kai kama law teh, a cak han telah ati.

² Tami capa Taire ni Jerusalem taranlahoi haha! miphunnaw e takhang lah kaawm e a rawk toe khe, kai koe lah a kamlang teh, koug raphoe lah ao vaiteh, kai kama law teh, a cak han telah ati.

³ Hatdawkvah, Bawipa Jehovah ni telah a dei, khenhaw! Oe Taire, kai ni na taran, talî ni tuicama a thaw sak e patetlah nang nama taranlahoi miphun moikapap nang koe ka tho sak han.

⁴ Taire rapan hah a raphoe awh vaiteh, imrasangnaw hah a raphoe awh han. Ama koehoi vaiphu hah kathoungcalah ka hui pou vaiteh, ka ke e lungsong lah ka coung sak han.

⁵ Talî lungui e tamlaw yangda rumram nahanelah ao han, bangkongtetpawiteh, kai ni ka dei toe, telah Bawipa Jehovah ni a dei, hottelah miphunnaw hanelah lawphno lah ao awh han.

⁶ Kahrawngum kaawm e a canu hah tahloi hoi thei e lah ao han, hat toteh, BAWIPA lah ka o tie a panue awh han.

⁷ Bangkongtetpawiteh, Bawipa Jehovah ni hettelah a dei, khenhaw! Taire taranlahoi Babilon siangpahrang Nebukhadnezar, siangpahrangnaw e siangpahrang teh atunglae ram lahoi marang hoi marangransanaw hoi tami moikapap hoi ka thokhai han.

⁸ Na canu hah kahrawngum vah tahloi hoi a thei awh han. Nang na rungngang nahanelah rapan hah a sak awh vaiteh, nang na tuk nahanelah ravo a sak awh vaiteh, ahnimouh taranlahoi bahlingnaw a sin awh han.

⁹ Nang e rapannaw avanglah takhang a raphoe nahanelah a sak awh vaiteh, cakâ hoi imrasang hah a raphoe awh han.

¹⁰ Kapappoung e marang kecu dawk, vaiphu hoi muen ramuk e lah ao han, raphoe e khopui dawkvah, tami ouk a kâen e patetlah na takhang dawk a kâen awh han, na takhang dawk a kâen awh navah, marangransanaw e pawlawk hoi tarantuknae leng pawlawk dawk rapan rasang hah a kâhuet han.

¹¹ Na lamthungnaw hah marang khoksamen hoi be a katin awh vaiteh, na taminaw hah tahloi hoi a thei awh han. Ka rasang e na rapan hah talai dawk be a rawp awh han.

¹² Na tawntanae hah lawphno lah koung a la awh han, na hnopai pueng be a rawk han, na rapan hah a tip vaiteh, kahawipoung e na im hah a raphoe awh han, na thing, na talung hoi na talai kahawinaw hah tui dawk be a tâkhawng awh han.

¹³ La na sak pawlawk hah ka roum sak vaiteh, na ratoung pawlawk thai e lah awm mahoe h toe.

¹⁴ Ka ke e lungsong lah ka coung sak han, tamlawk yangda hanelah ka coung sak vaiteh, na kangdout sak mahoe h toe. Bangkongtetsawiteh, kai BAWIPA ni ka dei toe telah Bawipa Jehovah ni a dei.

¹⁵ Bawipa Jehovah ni Taire koevah, hettelah a dei, nangmouh koevah kâtheinae ao. A hmâ ka cat e a hram toteh, na rawpnae a pawlawk dawk ramlouknaw hah a kâhuen mahoe h namaw.

¹⁶ Tali dawk e kahrawikungnaw pueng ni a tungkhung dawk hoi a kum awh han, ka sungren poung e a hnicunaw hah a hruek awh vaiteh, a kamthoupnae be a rading awh han. Pâyawnae hah kamthoup awh vaiteh, talai dawk tahung laihoi pou a pâyaw awh han, kângairoung awh han.

¹⁷ Nang khuinae la a phueng awh vaiteh, nang koevah, talai van e a tha ka sai e khopui a min kamthang, tuikathoumnaw khosaknae hah ama hoi a thung kho ka sak pueng, ka cet kaawm e naw ni a bari e khocanaw hoi kakuep e kho, nang teh na rawknae a pataw poung.

¹⁸ Na rawpnae ni tuilum pueng koung a kâhuet sak, na kahma hnin vah, talipui teng e ramnaw be yawng awh han, ati awh han telah ati.

¹⁹ Bangkongtetsawiteh, Bawipa Jehovah ni hettelah a dei, tami a ohoehnae khopui ka rawk e kingdi e khopui lah na coung sak toteh, kadungpoung e tui dawk na bo sak vaiteh, tui moikapap ni na ramuk han.

²⁰ Ayan e tami kadungpoung e tangkom dawk ka cet tangcoung e koevah, na ceisak awh han, talai thung vah, ayan hoi kingdi e kadungpoung e tangkom thung ka cet tangcoung e koevah, kho na sak han, apihai nangmouh thung vah kho a sak hoe h nahan hoi, taminaw koehoi bawilenna hah na hmu hoe hanelah,

²¹ He na pâmit han, na awm mahoe h toe, tami ni na ka tawng nakunghai, na hmawt awh mahoe h toe telah Bawipa Jehovah ni ati.

27

Taire khuinae kalung

¹ BAWIPA e lawk kai koe bout a pha teh,

² tami capa, Taire khuinae kalung hah phueng haw.

³ Taire koevah, oe nang tali teng e kho na sak nang, tali tengpam ram moi kapap daw hno ouk ka yawt e, Bawipa Jehovah ni nang koevah hettelah lawk a dei,

Oe nang Taire, meihawinae kuep hoi ka meihawi doeh na ti na ou.

- 4 Na khori ni tali lungui vah a takhi katang doeh.
Nang na kasakkung ni hoe na hawi sak poung doeh.
- 5 Nang e thingpheknaw pueng teh Seir hmaica thing hoi sak teh,
nange long rahim vah Lebanon thing
kahawipoung e hah a la aw h.
- 6 Bashan lae kathennaw hoi long mawngnae a sak aw h teh,
Kittim tuilum hoi a la aw h teh,
kasaino hoi ratu thing hoi a sak aw h.
- 7 Izip ram daw k pathoup e loukloukkaang e hni a yap aw h teh,
Elisha tuilum koehoi a la aw h e a van khu e hni,
kamthim, paling hoi a sak .
- 8 Nange long kamawngkung Zidon Aravadnaw doeh,
Oe Taire nang long kamawngkung hah tami a lungkaangnaw doeh.
- 9 Gebal kacue hoi kusatkathoum hah nange long kasakkungnaw doeh.
Tuipui longnaw hoi, taminaw ni ahnimouh koe e pouknae ouk a hei
aw h.
- 10 Nange Taran katukkung na ransahu Persia, Lydia, hoi Libianaw doeh.
Bahling hoi sumluhuem hah a sin aw h teh,
nang na kapathoupkung lah a coung.
- 11 Nange rapannaw dawkvah, na ransahu
Arvadnaw hoi a kâcui aw h, nange
imrasang karingkung Gammadnaw ni bahlingnaw hah
rapan petkâkalup lah a bang aw h teh,
nang na kapathoupkung lah ao aw h.
- 12 Hnopai moikapap na tawn dawkvah, Taire hah na hno yorankung
doeh. na hnopai a ran e lahoi a kutnaw daw k a poe aw h. Ngun, sum,
sampiei, konlawknaw hai,
- 13 nange hno karankung Javan, Tubal, Mesheknaw teh nange hno
yorankung doeh. Rahum hlaam hoi hnopai na tawn nahanelah, na ran
pouh aw h.
- 14 Bethtogarmah koehoi marang tarantuknae hoi la hoi na hnopai hah a
yoran aw h.
- 15 Nange na hno karankung teh Dedannaw doeh. Tali rai e hmuen
tangkuem koe na hno yonae hmuen lah ao. Kasaino hoi Eboni nang koe a
yonae hmuen lah ao.
- 16 Hnopai moikapap na tawn aw h dawkvah, Edom teh nang koe kâkuen
e lah ao. Emerald talung aphu kaawm e hni paling pathoup e hni,
loukloukkaang e, dingyin, âthi talung a yoran aw h.
- 17 Judah hoi Isarel hai nangmouh hoi na yoran aw h teh, minnith cai hoi
pannang, khotui hoi satui hoi thingtapi hoi a yoran aw h.
- 18 Hnopai moikapap a tawn kecu dawkvah, Damaskas hah nang koe
yorankung lah ao. Helbon misurtui hoi tumuen hoi a kâthung aw h.
- 19 Uzal misurtui hah a sin aw h teh, na hnopainaw hah a ran aw h.
Loukloukkaang e sum, nakzik hoi kacing hai a yoran aw h e lah ao.
- 20 Dedan kho teh, marang ka kâcui e ransanaw ni a hno hane
kahawipoung e hnopai nang koe a yo aw h.
- 21 Arabia hoi Kebar siangpahrang hah nama koe a yoran lahoi a yo aw h.
Tuca hoi tutan, hmaetannaw hoi a yoran aw h.
- 22 Sheba hoi Raamah hno kayawtnaw doeh. Hmuitui, kahawipoung e
naw hoi talung aphu kaawm e phunkuap hoi sui hoi a yoran aw h.
- 23 Haran, Kanneth, Eden, Sheba hno kayawtkungnaw doeh. Assiria hoi
Kilmad hno kayawtkung hah nang koe yorannae kasaknaw doeh.

²⁴ Hotnaw niteh, kahawi e hniciu, hninaw hoi pathoup e hni, a em kaawm e hniphai hoi, ka khawpounge tangron vei e, ka khawpounge lah na hno kuemnae dawkvah a hruek awh.

²⁵ Tarshish long hah na hnopai kaphawtkung doeh.

Moikapap na pâkhueng teh,

tali dawkvah bawilenna hah na hmu.

²⁶ Nange long kamawngkung ni,

tali tuicapa dawk a kâenkhai teh,

Kanîtholae kahlî ni tali lungui vah kahmat lah a palek.

²⁷ Nang teh na rak hnin vah,

na hnopainaw hoi hno na yonae naw hoi,

na long dawk e taminaw long kamawngkung hoi,

taminaw hoi kasakkung hno kayawtnaw hoi a ransanaw,

nang koe kaawm e hoi a thung kaawm e pueng hoi,

tali lungui be na bo awh han.

²⁸ Nange long kamawngnaw a hramnae pawlawk dawkvah,

nang koe kaawm e hah a pâyaw awh.

²⁹ Long mawngnae ka kuen e pueng hoi, long dawk e taminaw hoi,

tali dawk lam ka patue e pueng hah,

a kum awh teh, tuiteng vah a kangdue awh.

³⁰ Nange kong dawk ka thai lah,

lawk kacaipounglah lungmathoe laihoi a ka awh han.

A lû dawk vaiphu kâphuen awh laihoi,

vaiphu dawk a kâkaawk awh han.

³¹ A sannaw hai a ngaw awh vaiteh,

burihni a kâkhu awh vaiteh,

lung ka mathout poung lahoi nang hanelah

puenghoi a khuika awh han.

³² Talai a lungui karawk e,

khopui Taire kho api kho hoi maw a kâvan.

³³ Nang e hnopai pueng teh, tali lam lahoi a ceikhai navah,

taminaw a lungtang sak awh,

moikapap e hno na hnopai lahoi siangpahrangnaw na bawi sak.

³⁴ Atu teh, nang teh tali dawk thoseh,

na yo han e hnopainaw hai thoseh,

tuicapa e lungui a kâkhoe teh

nang koe kaawmnaw pueng be a rak awh.

³⁵ Tuilum e tami pueng teh, hote hno dawk a kângai a ru awh.

Siangpahrangnaw teh, a minhmai a paling awh teh,

a pawngmuen rueng a thaw awh.

³⁶ Alouklouke hno kayawtnaw ni

nang na pacekphaleknae lawk a dei awh.

Nang teh taki na tho poung toe,

bout na kamphawng mahoeh toe,

telah na khi na ka khai awh han, telah a ti.

28

Taire siangpahrang lathueng pâphonae

¹ BAWIPA e lawk kai koe bout a pha.

² Tami capa Taire bawi koevah dei pouh haw, Bawipa Jehovah ni hettelah a dei,

na lungthin na kâpouk teh, Cathut lah ka o.

Talî lungui vah cathut a tahungnae dawk ka tahung telah na ti, hateiteh, tami rumram lah doeh na o, cathut lungthin lah na kâpouk eiteh, cathut nahoe.

³ Thaihaw Daniel hlak na lunganghnawn, nang koe lawk hro thai kawî lah awm hoeh.

⁴ Na lungangnae hoi kho na poukthainae ni na bawi sak teh, na râw bawm dawkvah sui hoi ngun na pâkuem.

⁵ Ka lentoe poung e na lungangnae hoi na yorannae lahoi, na mek poung teh na tawnta dawkvah na lungthin na kâoup.

⁶ Hatdawkvah, Bawipa Jehovah ni hettelah a dei, cathut lungthin ka sin e lah na kâpouk dawkvah,

⁷ Khenhaw! takikatho poung e alouke miphunnaw hah nang koe ka patoun han,

ahnimouh ni nange lungangnae ka lentoe e hah tahloi hoi a bouk vaiteh, na bawilenna a raphoe han.

⁸ Ka dungpoung e tangkom thung na pabo aw h vaiteh, talî lungui e ro patetlah na due han.

⁹ Na hringnae ka thet e hmaitung vah, cathut lah ka o na ti han rah na ou, a hmâ na ka paca e kut dawk teh cathut lah na awm hoeh, tami rumram lah doeh na o.

¹⁰ Imyinnaw e kut dawk vuensom ka a hoeh e, due e patetlah na due han, bangkongtetpawiteh, lawk yo ka dei toe telah Bawipa Jehovah ni a dei.

Taire siangpahrang hane kalung

¹¹ Hothloilah, BAWIPA e lawk kai koe a pha teh,

¹² tami capa Taire siangpahrang khuinae kalungla hah phueng nateh, ahawinae ka kuep, lungangnae hoi ka kawî e, kamcupoung e meilam hoi ka kuep,

¹³ Eden hmuen takha dawk na o toe, na i dawk talung aphu kaawm e aphunphun hoi na kamthoup. Sardis, topaz, diamon, beril, onyx, jasper, saphir, sarakdin, karbukul, phunphun hoi, sui hoi sak e cecak, vovit, naw haiyah na khe tahma vah nang hane sut rakueng e lah ao toe.

¹⁴ Nang teh na karingkung cherubim hoi satui awi e lah na o. Cathut e mon kathoung dawkvah na o sak. hmaito hoi kâvan e talung phukaawm koe na kâhlai.

¹⁵ Na khe hnin hoi na yonnae a kamnue hnin totouh, na sak e pueng dawk na kuep e lah na o,

¹⁶ Hatei na hno yorannae a pungdaw teh, hnokathout hoi a kawî, na yorannae dawk na rawp toe, hatdawkvah, tamikathout patetlah nang hah Cathut e mon dawk hoi kai ni na hrek toe, karingkung cherubim hmai ka tawk e talungnaw thung hoi kai ni na raphoe toe.

¹⁷ Nang teh na takthai meihawinae kecu dawk,

kâoupnae lungthin na tawn teh, na bawilenna na ni,
 nange lungangnae teh a raphoe toe.
 Kai ni nang teh talai totouh na pabo han.
 Siangpahrangnaw ni nang teh na khet aw h teh,
 a lunghawisak nahanelah
 ahnima na hmaitung kai ni na hruek han.

- 18 Nange yonnae teh apappoung dawkvah,
 hno na yoranna na lãnhoe hna na ni,
 na hmuen kathoung hah a kamhnawng sak.
 Hatdawkvah, na thung hoi hmai a tâco sak.
 Koung a kak aw h teh, na kahmawtnaw ni
 a mithmu vah vaiphu lah na coung sak.
- 19 Tamihu thung hoi nang ka panue e pueng ni
 parap na khet aw h teh, kãngairu lahoi na kangdue sin aw h.
 Bout kamnuek mahoe h toe telah ati aw h.

Sidon lathueng pâphona na

- 20 BAWIPA e lawk hah kai koe a pha teh,
 21 Tami capa Sidon hah kangdout sin nateh, amae kong hah dei pouh.
 22 Hettelah Bawipa Jehovah ni a dei,
 Oe! Sidon, nang teh na taran,
 nang dawkvah ka bawilenna na ka kamnue sak vaiteh,
 BAWIPA lah ka onae hah a panue aw h han,
 ahni daw k lawk ka ceng toteh,
 kathoung hah ka hmu sak han.
- 23 Lamthungnaw daw k thipaling hoi lacik ka pha sak han,
 hmuen tangkuem tahloi ni hmã a paca e naw hah,
 a rawp aw h han, hat toteh BAWIPA lah ka o tie a panue aw h han.

Isarel teh a yaw kahawi e lah ao han

- 24 Hottelah, Isarelnaw hanelah, tami ka ruk e pâk hingkung aw m
 mahoe h toe. Ahnima na tengpam e kadudamnaw thung hoi runa na ka poe
 hane pâk hingkung aw m mahoe h toe. Hahoi kai teh Bawipa Jehovah doeh tie
 a panue aw h han.
- 25 Bawipa Jehovah ni hettelah a dei. Isarel imthung hah a kãkayeina na
 ram thung hoi, ka pâkhueng teh ahnima na hmalah mipunnaw e mithmu
 vah, ka thoungna na hah na hmu sak toteh, Jakop koe ka poe e amama na ram
 roeroe daw k kho a sak aw h han toe.
- 26 Hottelah karoumcalah ao aw h han, im a sak aw h han. Misur takha
 a sak aw h vaiteh, karoumcalah ao aw h han, a tengpam e ahnimouh
 kadudamnaw e a lathueng lawk ka ceng torei teh, kai teh Bawipa Jehovah
 lah ka o tie a panue aw h han telah ati.

29

Izip lathueng pâphona na

- 1 Kum hra, thapa yung hra, hnin hlaikahni navah, BAWIPA e lawk teh
 kai koe a pha teh,
 2 tami capa Izip siangpahrang Faro taranlahoi kangdout sin nateh ahni
 hoi Izip ram pueng taranlahoi lawk pâpho haw.
- 3 Pato nateh Bawipa Jehovah ni a dei e hah dei pouh haw, Izip
 siangpahrang Faro, tuipui lungui daw k ka tabaw k e, takikathopoung e
 khorui, tuipui heh kaie doeh, kama hanelah ka sak e doeh katetkung nang
 hah na taran.

⁴ Hateiteh na pâkha dawk hradang hoi na vawi vaiteh, tuipui dawk e tanganaw hah nange na lakep dawk ka kâbet sak han, nange tuipui lungui hoi kai ni ka rasa han, tuipui dawk kaawm e tanganaw, nange na lakep dawk ka kâbet sak han.

⁵ Nang hoi na tuipui dawk e tanga pueng hah, kahrawngum na ceitakhai vaiteh, kahrawngum vah na bo han, na racawng vaiteh bout na pâkhueng mahoe hoi, kahrawng e sarang hoi kalvan e tavanaw e rawca lah na poe han.

⁶ Isarel imthung hanelah lungpum sonron patetlah ao dawkvah, Izip vah kho ka sak e pueng ni, kai heh BAWIPA lah ka o tie a panue awh han.

⁷ Kut hoi na man awh navah khoe pouh teh, ahnimae loungnaw pueng na rakhing pouh, nang dawk a kamngawi awh navah, nang na kâkhoe vaiteh ahnimae a keng na pataw sak.

⁸ Hatdawkvah, Bawipa Jehovah ni hettelah a dei. Khenhaw! na lathueng vah tahloi ka pha sak vaiteh, tami hoi saringnaw be ka thei han.

⁹ Izip ram teh tami kingdi lah ao han, hahoi kai teh BAWIPA lah ka o e hah a panue awh han. Bangkongtetpawiteh, tuipui hai kaie lah ao teh, ka sak e doeh, telah ati.

¹⁰ Hatdawkvah, kai ni na taran teh, nange tuipui Migdol hoi Syene, Ethiopia khori totouh, Izip ram teh tahloi hoi be ka thei vaiteh kingdi lah ka o sak han.

¹¹ A kum 40 totouh tami cet mahoe hoi. Saring hai cet mahoe hoi, apihai karingkung awm mahoe hoi.

¹² Ka rawk e ramnaw dawk Izip ram teh kai ni ka raphoe han, tami kingdinae khonaw dawk a kum 40 touh Izip ramnaw dawk a rawk awh han. Izipnaw hah a ram tangkuem koe kai ni kâkayei sak han.

¹³ Hateiteh, Bawipa Jehovah ni hettelah a dei, kum 40 a pha hnukkhu Izip heh a kâkayeinae koehoi tamihu koehoi ka kaw vaiteh, ka pâkhueng han.

¹⁴ Izipnaw hah santoungnae koehoi ka bankhai vaiteh, a onae ram dawk kârahnoum e uknaeram lah ao awh han.

¹⁵ Jentelnaw hah bout uk awh mahoe hoi, uknaeramnaw pueng dawk kathoungcalah ao han, alouke mipun hah bout uk sak hoeh nahanlah ka rahnoum sak han.

¹⁶ Ahnimouh koelah kangvawi e pueng ni a payonnae a kâpanue awh dawkvah, Isarelnaw kâuepkhai poung e lah awm mahoe hoi, hahoi Bawipa Jehovah lah ka o tie a panue awh han.

Babilon ni Izip a lawp han

¹⁷ Kum 27, thapa yung pasuek, hnin pasuek nah BAWIPA e lawk kai koe bout a pha teh,

¹⁸ tami capa Babilon siangpahrang Nebukhadnezar ni Taire taranlahoi thaw kalenpoung tawk hanelah, a ransahu hah a patoun. Tami pueng tampasam a nganae hoi aloungnaw be a kâpin toe, hatei, ama hoi a ransahu ni hai thaw a tawk awh e dawk Taire koe hoi a meknae banghai hmawt awh hoeh.

¹⁹ Hatdawkvah, Bawipa Jehovah ni hettelah a dei, khenhaw! Izip ram teh, Babilon siangpahrang Nebukhadnezar koevah ka poe han, a hnopai moikapap lah a lawp vaiteh, lawp hno lah be ao vaiteh, hot teh ransahu e tawkphu lah ao han.

²⁰ Kaie thaw a tawk awh dawkvah, Izip ram heh a tawkphu lah ka poe telah Bawipa Jehovah ni ati.

²¹ Hote hnin navah, Isarel imthung hanelah, ki ka cawn sak han. Ahnimouh koe na pahni ka ang sak han, hottelah hoi BAWIPA lah ka o tie hah a panue awh han telah ati.

30

Izip rawknae

¹ BAWIPA e lawk kai koe bout a pha teh,

² tami capa lawk dei haw, Bawipa Jehovah ni hettelah a dei, Aiyoe! hote hnin hanelah hram haw.

³ Hote hnin a hnai toe. BAWIPA e hnin a hnai toe. Khopâuinae hnin, miphunnaw rawpnae hnin,

⁴ Izip lathueng vah tahloi a pha vaiteh, Ethiopia lathueng vah, lungtangponae hnin a pha han. Izip vah thei e naw a rawp toteh, a taminaw koung la pouh vaiteh, adu ungnae be raphoe pouh han.

⁵ Ethiopia, Put hoi Lud ka kambawng e tamihu pueng, Khubnaw, kâhuiko e khocanaw pueng teh Izipnaw hoi tahloi hoi reirei a due awh han.

⁶ BAWIPA ni hettelah a dei, Izip ram ka dounrouk nakunghai a rawp vaiteh, a due han. Izip ram thasainae a bawilenna a pout han. Migdol hoi Syene totouh, tahloi hoi be a due awh han, telah Bawipa Jehovah ni a dei.

⁷ Ka rawk e ramnaw dawк buet touh e lah ao han. Kingdi e khopuinaw dawк Izip khonaw hai a bawк awh han.

⁸ Izip ram dawк hmai ka tâco sak vaiteh, kabawmkungnaw be ka raphoe torei teh, BAWIPA lah ka o tie a panue awh han.

⁹ Hot hnin navah, ka kâhruetcueth hoe e Ethiopianaw, kâran sak hanelah, kai koe hoi patounenaw teh amamae long hoi a cei awh han. Izip ram e hnin patetlah lungthin reithainae hah ahnimae a lathueng a pha han, kenhaw! atu a pha lahun.

¹⁰ Bawipa Jehovah ni hettelah a dei. Babilon siangpahrang Nebukhadnezar e kut hoi Izip taminaw pueng be ka thei han.

¹¹ Ram raphoe hanelah, ama hoi a san miphunnaw koe takikathopoung e hah pha sak e lah ao han, Izip lathueng vah tahloi palik awh vaiteh ram teh tami ro hoi a kawi sak awh han.

¹² Hahoi tuipei hah ka hak sak vaiteh, ram teh tamikayonnaw koe ka yo han. A ram hoi a thung e kaawm pueng hah miphunnaw e kut hoi be ka raphoe han, kai BAWIPA ni ka dei toe telah ati.

¹³ Bawipa Jehovah ni hettelah a dei, meikaphawк hai ka raphoe han, Noph hoi meikaphawк hah ka pâmit han, Izip ram dawк Bawi roeroe awm mahoe hoi, Izip ram dawк taki lungpuenna hah ka o sak han.

¹⁴ Pathros hah kai ni ka raphoe han, Zoan vah hmai ka tâco sak vaiteh, No kho dawк lawkcengnae ka kuep sak han.

¹⁵ Izip kalupnae Sin kho lathueng vah, ka lungkhueknae ka kamnue sak vaiteh, No khocanaw hah be ka thei han.

¹⁶ Izip ram dawк hmai ka tâco sak han, Sin kho teh, kângai mathoe awh han. No kho hai be a tip han. Noph kho teh, hnintangkuem a kângairu han.

¹⁷ Aven kho hoi Pibeseth thoundounnaw hah tahloi hoi a due awh han. Hete khopuinaw hah san lah a ceikhai awh han.

¹⁸ Izip tahroe hah ka khoe vaiteh, a kâoupkhai e a thasainae hah ka pout sak navah, Taphanhes vah khodai nah kho a hmo han. Khopâui vaiteh kho thung e canunaw teh san lah a man awh han.

¹⁹ Hettelah Izip ram vah lawkcengnae hah ka kuep sak han, hottelah kai teh BAWIPA lah ka o tie a panue awh han telah ati.

Faro taranlahoi pâphonae

²⁰ Kum hlaibun, thapa yung pasuek, hnin sari hnin BAWIPA e lawk kai koe a pha teh,

²¹ Tami capa Izip siangpahrang Faro e a kut hah ka khoe pouh toe. Khenhaw! tahloi patuep thai totouh, bout a thasai nahanelah, tâsi hluk teh bout kawm mahoeu toe.

²² Hatdawkvah, Bawipa Jehovah ni hettelah a dei. Khenhaw! Izip ram Faro hah ka taran. Kâkhoe tangcoung e a kut hah a hawinae koelae hai bout ka khoe han, hahoi a kut dawc e tahloi hah a kut dawc hoi ka bo sak han.

²³ Izipnaw hah miphunnaw rahak hoi kâkayei sak vaiteh, ram tangkuem koe ka yawng sak han.

²⁴ Babilon kut hah a thasai sak vaiteh, a kut dawc tahloi ka sin sak han. Faro e kut teh ka khoe pouh han. Siangpahrang hmalah, ahni teh due hane patetlah a hmâ ka cat e patetlah a hram han.

²⁵ Babilon siangpahrang e a kut a thasai sak vaiteh, Faro e kut teh be a kamyai han. Babilon siangpahrang e kut dawc tahloi ka poe vaiteh, Izip ram taranlahoi a palik navah, kai teh BAWIPA lah ka o tie hah a panue awh han.

²⁶ Izipnaw hah miphunnaw thung hoi kâkayei sak vaiteh, ram tangkuem koe koung ka pâlei han, hahoi BAWIPA lah ka o tie hah a panue awh han, telah ati.

31

Izip tâtuengnae

¹ Kum hlaibun, thapa yung thum, hnin pasuek nah BAWIPA e lawk kai koe a pha teh,

² tami capa, Izip siangpahrang Faro hoi tamihunaw koe dei pouh. Na bawilenna e len teh, api hoi maw na kâvan,

³ Assiria na meihawi teh, a bu ka rung e a kang, ka rasang e hmuen, ratu a tâhlip kahawie, akangnaw hoi ka kuep e a som kaawm e Lebanon doeh.

⁴ Tui kathoung ni ahni teh a rounge sak teh, talai thung e tui ni a rasang sak teh a ungnae hmuen petkâkalup lah ka lawng e palang ni a lawng sin teh, ram dawc e thing pueng a kawc nahanelah a lawng sak.

⁵ Hot patetlah kahrawngum e thingnaw hah ka tapuet lah a rounge teh, hoehoe a rasang, akangnaw a rounge teh a saw awh, tui moikapap hoi a kawc e doeh.

⁶ Kalvan e tava pueng ni a kangnaw dawc a tabu a tuk awh. Kahrawngum e saringnaw ni a kangnaw e a rahim vah a ca khe awh. Hote thingkung a tâhlip dawkvah, kalenpoung miphunnaw pueng khosak awh.

⁷ Hottelah, tui apapnae hmuen koe a tangpha a pabo dawkvah, a len teh, a kangnaw a saw teh, a meihawinae hoi a kuep.

⁸ Cathut e takha dawc Sidar thingnaw ni hote thingkung teh ngue thai awh hoeh. Hmaica thing hoi Aramonkung naw hai hot patetlae a kang hoi kuep awh hoeh. Cathut e takha dawc e thingkung buet touh ni hote thingkung ka phat e awm hoeh.

⁹ Eden hmuen Cathut e takha dawc kaawm e thingkungnaw teh hote thingkung hah a ut awh totouh, a kang apap e lahoi ahnie meihawinae kai ni ka poe.

¹⁰ Bawipa Jehovah ni hettelah a dei, hote Sidar thing teh, a rasangpoung teh a kangnaw hai tâmai totouh a pha dawkvah, a lungthin a kârasang.

¹¹ Miphunnaw dawk bahu a len teh, ka patawpoung lah lawkcengkung e a kut dawk kai ni ka poe toe. Ahni ni a sak e hno kecu dawk ka hrek han.

¹² Miphunnaw thung dawk hoi taki ka tho poung e naw ni a tâtueng aw h vaiteh, a tâkhawng aw h han. Mon dawk thoseh, tanghling dawk thoseh, a kangnaw be a bo han. Hote ram dawk tui lawngnae ravo dawk a kangnaw be ka khoe han. Talai tami pueng a tâhlip dawk hoi a tâco aw h vaiteh, a ceitakhai aw h han.

¹³ Kalvan e tavanaw hoi kahrawngum e saringnaw teh ka kâkhoe e a kangnaw van ao aw h han.

¹⁴ Bangkongtetpawiteh, tui teng vah kaawm e thingkungnaw thung dawk a rasangnae a kâoupkhai hoeh nahane doeh. Talai rahim a rahnoumnae tangkom thung hoi, ka kum e tami capanaw koe cei hanelah, duenae be a kâman sak e lah ao toe.

¹⁵ BAWIPA Jehovah ni hettelah a dei, ahni teh duenae kho koe a ceinae hnin dawk kadungpoung e hmuen koe, ahni hanelah rohni hoi ka khu han, tuipui kaman teh, ka lenpoung e tuipui ka ban sak, ahni teh Lebanon hanelah rohni ka kho sak teh, kahrawngum e thing pueng ahni kecu dawk a lung a pout aw h.

¹⁶ A rawpnae a pawlawk dawk, miphun hoi ka pâyaw sak teh, tangkom thung ka kum tangcoug e naw koe sheol ka pabo hnin vah, Eden thing pueng Lebanon thing kahawinaw hoi tui ka net e pueng hah talai rahim vah karoumcalah ao aw h.

¹⁷ Tahloi hoi thei e koe, ahnimouh hai sheol koe lah a kum aw h van teh, miphunnaw koe a tâhlip rahim kho ouk kasaknaw a thasainae kutnaw hoi,

¹⁸ Eden thingnaw thung dawk, bawilenna hoi lentoenae dawk apimaw nang patetlah kaawm. Hateiteh, Eden thingnaw hoi adungpoungnae koe tâkhawng e lah na o han, hethesh Faro hoi a tamihupuinaw doeh, telah BAWIPA ni a dei.

32

Izip hoi Faro khuinae kalung

¹ Kum hlaikahni, thapa yung hlaikahni, hnin pasueknae dawk BAWIPA e lawk kai koe a pha teh,

² tami capa Izip siangpahrang Faro khuinae kalungla hah phueng haw, ahni koe, miphunnaw dawk hoi sendektanca patetlah kaawm e, tali dawk kaawm e, tangapui, khorui patetlah hai na o teh, tuipuinaw na raka teh na khok hoi tui na kâhuet sak. Tuipui na pânut sak.

³ Bawipa Jehovah ni hettelah a dei. Tamlawk hoi na man han, tami moikapap hoi ka tamlawk hoi na man roeroe han.

⁴ Mon dawkvah na cei takhai vaiteh, kahrawngum vah na tâkhawng han, na van vah kalvan e tava pueng kamcout sak han. Talai dawk e sahringnaw king ka boum lah ka paca han.

⁵ Nange na moinaw hah monnaw dawk ka dan han. Ayawnnaw hah nange ro hoi ka kawi sak han.

⁶ Ka lawng e na thipaling hoi, ram hah monsom totouh ka pâsu han, palangnaw nange na thi hoi kingkawi han.

⁷ Na angnae hah ka padue toteh, kalvan ka ramuk vaiteh, âsi ka mom sak han. Kanî teh tâmai hoi be ka ngue vaiteh, thapa ni a angnae hah poe mahoeh toe.

⁸ Nange lathueng kalvan angnae pueng kâhmo sak han, na ram dawkhmonae hoi muen ka ramuk han, telah Bawipa Jehovah ni a dei, telah tet pouh.

⁹ Na panue hoeh e miphunnaw dawkh e na rawknae ka pha sak toteh, tami moikapap e lungthin hah pouknae panuek laipalah ka o sak han.

¹⁰ Tami moikapap hah nange kong dawkh kângairu lahoi, ka o sak han, a hmalah tahloi ka dâw toteh, nang kecu dawkh ahnimaesiangpahrang hai, a lungpuen vaiteh, na rawp hnin torei teh, tami pueng ni hringnae sung hanelah a ngaihri kecu dawkh a pâyaw awh han telah Bawipa Jehovah ni ati.

¹¹ Bangkongtetpawiteh, Bawipa Jehovah ni hettelah a dei, Babilon siangpahrang tahloi hah na lathueng vah a pha han.

¹² Athakaawme tahloi hoi na taminaw ka rawp sak han. Miphunnaw thung dawkh takikathopoungelah ao awh. A raphoe awh vaiteh, Izipnaw bawilennaehoi a tamihu pueng hah be a kahma awh han.

¹³ Moikapap e tui teng e saring hah ka raphoe han. Tami e a khok hoi saring e a khok ni tui bout pânut sak mahoeh toe.

¹⁴ Ahnimaesi tui hah ka pâcim sak vaiteh, palang tui hah satui patetlah ka lawng sak han, telah Bawipa Jehovah ni a dei.

¹⁵ Izip ram dawkh hno kaawm e pueng be baw sak nahanelah kingdi sak han, be ka raphoe vaiteh, khoca pueng ka rek toteh, kai teh BAWIPA lah ka o tie a panue awh roeroe hah.

¹⁶ Hethateh, Izip ram hanelah sak han e kawih khuinae kalungla doeh. Miphun tangkuem e a canunaw ni a khuinae kalung lah ao vaiteh, Izip ram hoi khocanaw pueng han a khui awh han telah Bawipa Jehovah ni a dei.

Izip tangkom dawkh tâkhawng

¹⁷ Kum hlaikahni, thapa yung pasuek, hnin hlaipanga hnin BAWIPA e lawk teh kai koe a pha teh,

¹⁸ tami capa Izip tamihu hah puenghoi khui haw, ama hoi a min kamthang e, miphun canu tangkom dawkh kakumnaw koevah, adungpoungnae dawkh bawt awh naseh.

¹⁹ Nang teh ayâ alouke hlak na meihawi maw, vuensom ka a hoeh e taminaw hoi rei ip lawih.

²⁰ Talai hoi thei tangcoung e naw koevah, a rawp awh han, tahloi koe poe e lah ao toe, ama hoi a tami pueng hah he sawn lawih.

²¹ Athakaawme ni sheol thung hoi ahni hoi ahni kabawmkungnaw hah a pato awh han, tahloi hoi thei e vuensoma hoeh e naw a kum awh teh pou a yan awh.

²² Hote hmuen dawkh Assiria hoi a taminaw ao awh, a phuennaw ni a ma hah a kalup awh, abuemlahoi tahloi hoi a thei teh, kadoutnaw doeh.

²³ Tangkom teh kadungpoung e a khu dawkhvah ao teh, petkâkalup lah a taminaw hah ao. Abuemlahoi tahloi hoi thei e karawmnaw ka hring ram dawkh takinae kaawmsakkungnaw doeh.

²⁴ Hote hmuen dawkh Elam hoi tangkom petkâkalup lah, a taminaw ao awh teh, abuemlahoi tahloi hoi thei e teh karawmnaw, vuensoma laipalah talai rahim ka kum e, kahring e ram dawkh takinae kaawmsakkung, yeiraiponaetangkom thung kakumkhaikungnaw doeh.

²⁵ Thei e naw thung dawk ama hoi a taminaw inae a sak pouh teh, phuen hah ama petkâkalup lah ao. Abuemlahoi vuensom ka a hoeh e, tahloi hoi thei e naw doeh. Lungpuennae teh, ka hring e ram dawkvah, lungpuennae hah doeh. Hatei, tangkom thung kakumnaw hoi yerai a po awh teh thei e naw koe ao sak.

²⁶ Hawvah, Meshek hoi Tubal naw hai ao awh. Phuennaw teh petkâkalup lah ao teh, abuemlahoi vuensoma hoeh, tahloi hoi thei e naw doeh. Bangkongtetpawiteh, a hringnae ni ka hring e ram dawk lungpuen hah ouk a tho sak awh.

²⁷ Vuensom a hoeh e tami athakaawme ka rawm e, tarantuknae puengcang hoi sheol dawk ka kum e, tahloi hah a lû rahim a hruek teh, a hrunaw dawk amamae yon ao, bangkongtetpawiteh, ahnimouh teh ka hring e ram dawk e tami thasai, lungpuennae kaawmsakkungnaw doeh.

²⁸ Vuensom ka a hoeh e koevah, na rek vaiteh, tahloi hoi kadoutnaw koe na i han.

²⁹ Hawvah, Edom siangpahrangnaw hoi a bawi pueng, a thasai awh eiteh, tahloi hoi a thei e naw koevah a yan sak awh. Vuensom ka a hoeh e tangkom thung vah, kakumnaw koe a yan awh.

³⁰ Hawvah, a tung lae bawi pueng, Sidonnaw a thei awh e thung dawk ka kum e ao awh. A thasainae ni tami koe lungpuennae a tho sak eiteh, a kaya awh. Vuensom a laipalah, tahloi hoi a thei e naw koevah, a yan awh teh, tangkom thung kakumnaw hoi yerai a po awh.

³¹ Faro ni a hmu vaiteh, a tamihu pueng a lungmawngsaknae dawk a hno awh han. Faro hoi a ransahu pueng tahloi hoi a thei e hai telah Bawipa Jehovah ni a dei.

³² Bangkongtetpawiteh, ka hring e ram dawk lungpuennae hah ka o sak teh, vuensom ka a hoeh e tahloi hoi a thei e naw koevah, Faro hoi a tamihunaw a yan awh han.

33

Ramveng lawk thuinae

¹ BAWIPA e lawk kai koe a pha teh,

² tami capa, na miphun na catoun koe lawk dei haw. Ram dawk tahloi ka pha sak teh, ram dawk e taminaw ni amamouh thung dawk e tami buet touh a la awh teh, ramveng lah a hruek awh toteh,

³ ram dawk tahloi a pha e a hmu toteh, mongka hah ueng laihoi taminaw hah kâhruetcuetae poe pawiteh,

⁴ mongka ueng e pawlawk ka thai e pueng ni kâhruetcuetae lai hoi awm laipalah, tahloi hoi a due nakunghai, a thipaling phu teh a ma ni a khang han.

⁵ Mongka lawk a thai nahlangva, kâhruetcuetae poenae banglahai a noutna hoeh dawkvah, a thipaling phu teh a khang han. Hateiteh, a lawkpui lah hrueng pawiteh, a hringnae a rungngang han.

⁶ Hateiteh, ramveng ni tahloi a pha e hah a hmu teh, mongka ueng hoeh lah, taminaw hah kâhruetcuetae poe laipalah, ka phat e tahloi ni ahnimouh thung e tami buetbuet touh dout sak pawiteh, payonnae dawk a due han. A thipaling phu teh ramveng koe ka suk han telah dei pouh.

⁷ Hot patetlah nang tami capa, Isarel imthung hanelah, ramveng lah na rawi, hatdawkvah, ka pahni dawk hoi ka tâcawt e lawk hah na thai teh, kai hanelah kâhruetcuetae na poe awh han.

⁸ Tamikathout koe, Oe! tamikathout na due roeroe han, telah ka ti toteh, tamikathout teh a hringnuen kamlang khai hanelah, kâhruetcuetae na

poe hoeh, haw e tamikathout teh a yon dawk dout pawiteh, a thipaling phu teh nang koe na suk han.

⁹ Nahoeh pawiteh, tamikathout teh a hringnuen ceitakhai hanelah kâhruetcuetae na poe ei, a hringnuen cettakhai hoeh boilah, a payonnae dawk a due han, nang teh na hringnae na rungngang lah ao han.

¹⁰ Hatdawkvah, tami capa Isarel imthung koevah, hettelah dei haw, ka sak e yonnae hoi lawkeknæ ni na ratet, hote hno kecu dawk ka rawknæ lah awm pawiteh, bangtelamaw ka hring thai aw h han, telah na ti aw h.

¹¹ Bawipa Jehovah ni a dei e teh, kai ka hring e patetlah tamikathout teh, a duenæ dawk ka lunghawinae ka tawn hoeh, tamikathout ni a hringnuen a ceitakhai e doeh kai ka lunghawinae lah ao.

Cathut lawkcengnae

¹² Kahawi hoeh e na hringnuen koehoi ban aw h. Ban aw h, Oe! Isarel imthungnaw bang daw k ne na due aw h han, telah ati. Hatdawkvah, nang tami capa na taminaw koe dei haw. Tamikalan teh rawm pawiteh a lannæ ni a rungngang thai mahoeh. Tamikathout ni thoena e hah roun pawiteh, ahmaloe e a thoena e kecu daw k rawknæ koe phat mahoeh. Tamikalan teh a yonnae hnin daw k hring thai kalawn mahoeh.

¹³ Tamikalan koevah na hring roeroe han telah ka ti navah, a lannæ kâuep hoi yonnae sak pawiteh, lannæ a sak e hah buet touh hai panue pouh e lah awm mahoeh, yonnae a saknae dawkvah a due han.

¹⁴ Tamikayon koevah na due roeroe han, bout ka ti pouh teh, a yonnae kamlang takhai pawiteh, thoungnae hoi lannæ a sak toteh,

¹⁵ Tamikayon na hung e hno hah a pâban teh, a paru e hah bout a poe, hringnae a phunglam hah a tarawi payonnae banghai sak hoehpawiteh, a hring roeroe han, dout mahoeh.

¹⁶ Yonnae a sak tangcung e hah nâtu e k hai pâkuem pouh mahoeh toe. Thoungnae hoi lannæ a sak toung dawkvah, a hring roeroe han.

¹⁷ Hateiteh, na taminaw ni BAWIPA hno sak e lan hoeh ati aw h toteh, a sak aw h e hah a lan hoeh daw k doeh.

¹⁸ Tamikalan ni a lannæ kamlang takhai teh yonnae sak pawiteh, hote kecu daw k a due han.

¹⁹ Tamikayon ni a yonnae a kamlang takhai teh, thoungnae hoi lannæ sak pawiteh, hote lahoi a hring han.

²⁰ Hateiteh, BAWIPA hnosaknae heh, lan hoeh telah na ti aw h, Oe! Isarel imthungnaw, tami pueng amamae a hringnae patetlah lawkceng han telah a ti.

Jerusalem rawpnae

²¹ Kaimouh santoungnae kum hlaikahni, thapa yung hra, hnin panga hnin vah, Jerusalem hoi ka yawng e tami buet touh kai koe a tho teh, khopui teh tâ e lah ao toe telah a ti.

²² Hote ka yawng e a pha hoehnahlan tangminlah, BAWIPA ni kaie lathueng a kut a toung, amom lah kai koe a tho navah, ka pahni yo na ang sak toe. Hottelah ka pahni ka ang teh, lawk ka dei thai laipalah ka o.

Judah rawknæ

²³ BAWIPA e lawk kai koe a pha teh,

²⁴ tami capa ka rawk e Isarel ram daw k kaawm rae ahnimouh ni Abraham teh buet touh dueng eiteh, ram teh a ring. Maimouh teh moipap aw h teh ram râw lah na poe aw h toe nahoehmaw, telah ati aw h.

²⁵ Hatdawkvah, ahnimouh koe Bawipa Jehovah ni hettelah a dei. Moi hah a thi hoi na ca awh teh, meikaphawknaw koe na mit na um sak awh, tami na thei awh, nangmouh ni ram hah na coe awh han na maw.

²⁶ Na tahloi na kâuep awh teh, panuetho e hno hah na sak awh. Na imri e yunaw na yonkhai awh, nangmouh ni ram hah na coe han na maw.

²⁷ Hettelah ahnimouh koe na dei pouh han, Bawipa Jehovah ni hettelah a dei, Kai ka hring e patetlah ka rawk e ram dawk kaawm e hah tahloi hoi a due roeroe han, kahrawngum kaawm e hah, sarang ni a ca hanelah ka poe han. Kacake rapanim hoi talung kâko dawk kaawm e hah lacik patawnae hoi a due awh han.

²⁸ Ram pueng kingdi vaiteh, takikathopoung lah ka o sak han, a hnotithainae a kâoupnae hah a baw han toe. Isarel mon teh kingdi vaiteh, apinihai cet awm awh mahoe h toe.

²⁹ Panuet ka tho e hno a sak awh kecu dawkvah, a ram teh ka raphoe vaiteh, takikathopoung lah ka o sak hnukkhu, kai teh BAWIPA lah ka o tie a panue awh han.

Thainae hoi tawkhoenae

³⁰ Hathnukkhu nang, tami capa, tapang teng e takhangnaw koe, na taminaw hoi pou na dei awh vaiteh, tami pueng ni a hmaunawnggha koevah, tho awh haw, BAWIPA koe e lawk thai awh haw sei, telah ati awh han.

³¹ Kaie tami patetlah nang koe a tho vaiteh, kaie ka tami patetlah na hmalah a tahung awh vaiteh, nange na lawk a thai nakunghai yah, tarawi awh mahoe h. Ngai ka tho poung e mitnoutnae hah a pahni hoi a kamnue sak nakunghai, a lungthin ni talai hno dueng hah a pouk awh han.

³² Khenhaw! nang teh ahnimae lah pahrennae la, kahawipoung lah sak e hoi kahawicalah kueng e lah na o han, na lawk a thai awh han, hatei tarawi awh mahoe h.

³³ Hattoteh a pha han toe, khenhaw! a pha torei teh, ahnimouh koe profet ao tie hah ahnimouh ni a panue awh han telah, tet pouh telah a ti.

34

A tha kathoute tukhounnaw

¹ BAWIPA e lawk kai koe a pha teh,

² tami capa Isarel tukhounnaw taranlahoi pâpho haw. Pâpho nateh, ahnimouh tukhounnaw koe hettelah Bawipa Jehovah ni a dei, Isarel tukhounnaw, mahoima dueng kâkawknaw teh lungmathoe hanlah a o, tukhounnaw ni tu hah a kawk awh mahoe h na maw.

³ Nangmouh ni a thaw hah na ca awh teh, a muen hah na kâkhu awh. Kathâw kathâw e na thei awh, hatei, tunaw teh na kawk awh hoe h toe.

⁴ A thayoun e tha na poe awh hoe h, kapatawnaw na dam sak awh hoe h, a khok kâkhoenaw na kawm pouh awh hoe h. Pâlei e naw bout na bankhai awh hoe h. Kahmat e hai na tawng awh hoe h. Thama thama lahoi lawkkahram lah na hram sin awh.

⁵ Kakhoumngung ao hoe h dawkvah, tunaw teh a kâkaye i awh. A kâkaye i toteh, sarangnaw e rawca lah ao awh.

⁶ Kaie tunaw teh mon tangkuem koe a kâva awh, kaie tu hah talai pueng koe a kâkaye i teh khopouk pouh kung hoi katawngkung awm hoe h, telah dei haw telah a ti.

⁷ Hatdawkvah, tukhounnaw BAWIPA e lawk thai awh haw.

⁸ Kai ka hring e patetlah Bawipa Jehovah ni a dei. Tukhounnaw awm hoe h. Tukhounnaw ni kaie tunaw hah a tawng awh hoe h dawkvah, kaie

tunaw kahrawng e sarangnaw e rawca lah ao aw hah teh, kaie tunaw hah sarang ni kei hanelah ao aw hah. Tukhoumnaw ni amahoima a kâkawk aw hah teh, kaie tuhu hah kawkhik aw hah hoeh.

⁹ Hatdawkvah, nangmouh tukhoumnaw BAWIPA e lawk thai aw hah haw.

¹⁰ Hettelah Bawipa Jehovah ni a dei. Khenhaw! tukhoumnaw ka taram, a kut thung e tunaw hah ka lawp vaiteh kaie tukhoumnae koehoi kâhat sak han. Tukhoumnaw teh amahoima kâkawk aw hah mahoe hah toe, bangkongtetpawiteh, tuhunaw hah a rawca lah ao hoeh nahanelah a pahni daw k hoi ka tunaw hah ka la pouh han toe, telah a ti.

Cathut e tukhoumkung katang

¹¹ Bangkongtetpawiteh, Bawipa Jehovah ni hettelah a dei. Khenhaw! kai kama roeroe ni ka tunaw hah ka tawng vaiteh ka hmu han.

¹² Tukhoumkung ni tuhu kâkayei e tunaw a tawng e patetlah ka tunaw hah ka tawng han, tâmai hoi hmonae hmuen koe pueng hai ka tawng han.

¹³ Ram tangkuem koehoi ka la vaiteh ka pâkhueng han, amamae ram roeroe daw k ka ceikhai han. Isarel ram thung hoi tanghling, khosaknae hmuen pueng koevah ka kaw k han.

¹⁴ Ramhringnae koe ka pâ sak vaiteh, a im hah Isarel mon rasangnae koe ao han, kahawi e takhâ dawkvah a tabo aw hah vaiteh, Isarel mon daw k hrâmnaw a onae koe a pâ aw hah han.

¹⁵ Kai kama roeroe ni ka tunaw hah ka kawkhik han, karoumcalah ka tabo sak han, telah Bawipa Jehovah ni a ti.

¹⁶ Kahmat e ka tawng vaiteh, pâlei e bout ka bankhai han. A khok kâkhoe hah ka kawm pouh vaiteh, a patawnae hah kahawi sak han. Hateiteh, kathâw e hoi a thasai e hah ka thei vaiteh, lawkcengnae koe ka pha sak han, telah BAWIPA ni a ti.

¹⁷ Bawipa Jehovah ni a dei e teh, Oe! ka tunaw, saring alouklouknaw thoseh, tutannaw hoi hmaetannaw thoseh, kai ni ka kapek han.

¹⁸ Nangmouh teh kahawie hram kanaw e hmuen koe na ca aw hah e dueng laipalah, kacawie tui hah na khok hoi na pânut sak hane teh, kathoengcae hno doeh, telah na pouk aw hah maw.

¹⁹ Nangmouh ni na coungroe e phokungnaw thoseh, na khok hoi na pânut sak e tui hai thoseh, kaie tunaw ni a canei aw hah han na maw.

²⁰ Hatdawkvah, Bawipa Jehovah ni ahnimouh koe hettelah a dei, kathâw e saringnaw hoi kamsoe e saringnaw hah kai ni lawkceng han.

²¹ Nangmouh ni a thakayoune tunaw hah hmuen tangkuem koe kâkayei sak hanelah na loung hoi na en aw hah teh, na ki hoi na deng aw hah.

²² Hatdawkvah, ka tunaw ka rungngang vaiteh, ahnimouh teh sarang ni a kei rumram e lah aw m mahoe hah toe. Tunaw e a rahak vah lawk ka ceng han.

²³ Tukhoumkung buet touh ka rawi pouh vaiteh, ahni ni a kaw k han. Kaie ka san Devit ni ahnimouh a kaw k vaiteh, ama teh kakhoumkung lah ao vaiteh a kawkhik han.

²⁴ Kai BAWIPA teh ahnimae Cathut lah ka o vaiteh, ka thaw kataawkkung Devit teh ahnimae lathueng kahrawikung lah ao han, kai BAWIPA roeroe ni yo ka dei toe.

²⁵ Hahoi, ahnimouh hoi roumnae lawkkamnae hah ka sak vaiteh, sarang kathout hah ram thung hoi ka baw sak han, kahrawngum vah karoumcalah kho a sak vaiteh, ratu thungvah karoumcalah a i aw hah han.

²⁶ Ahnimouh thoseh kaie mon petkâkalup lah kaawm e hai thoseh, yawhawi ka poe vaiteh, amae atueng dawk kho ka rak sak vaiteh, yawhawinae khotui a rak han.

²⁷ Ram thung e thingnaw ni a pawra han, talai ni hai apaw a tâco sak han, khocanaw ni karoumcalah ao awh han, ahnimouh ni a phu awh e kahnam rui ka a pouh vaiteh, thama thama lah ka rek e ahnimae kut dawk hoi ka tâco sak toteh, kai teh BAWIPA lah ka o tie a panue awh han.

²⁸ Jentelnaw ni bout lawm awh mahoe h toe, ram daw k e sarang ni hai kei awh mahoe h toe. Apihai takinae poe mahoe h toe, ahnimouh teh karoumcalah ao awh han toe.

²⁹ A min kamthang e takha hai ahnimouh hanelah kai ni ka sak pouh han, a ram daw k takangnae, kahai lah onae bout awm mahoe h toe. Jentelnaw e dudamnae khang awh mahoe h toe.

³⁰ Ahnimae Bawipa Jehovah teh ahnimouh hoi rei o e thoseh, Isarel imthungnaw hai ka tami lah ao e hai thoseh, a panue awh han telah Bawipa Jehovah ni a dei.

³¹ Nangmouh ka tuhu hoi saring pânae hmuen daw k e ka tuhu hah ka tami na o awh. Kai hai nangmae Cathut ka ka o, telah Bawipa Jehovah ni a dei telah a ti.

35

Seir mon lawkcengnae

¹ BAWIPA e lawk kai koe bout a pha teh,

² tami capa Seir mon taranlahoi kangdout sin nateh, ahni koe pâpho haw.

³ Ahni koe Bawipa Jehovah ni hettelah a dei, Khenhaw! Seir mon nang teh na taran, na lathueng vah ka kut ka dâw han, na raphoe vaiteh takikathopoung e lah na o sak han.

⁴ Nange khopui ka raphoe vaiteh, nang teh tami kingdi lah na o vaiteh, kai teh BAWIPA lah ka o e hah na panue han.

⁵ Nang taranna e pou ao vaiteh, Isarel imthung daw k runae a thonae tueng yon kecu daw k khangnae tueng a poutnae daw k, ahnimae hringnae hah tahloi hoi na thei awh dawkvah,

⁶ Bawipa Jehovah ni hettelah a dei teh, kai ka hring e patetlah a hringnae thei e hah nang daw k kai ni ka sak vaiteh, thipaling ni na pâlei han, a thipaling hah nang ni na hmuhma hoeh dawkvah, a thipaling ni na pâlei awh han.

⁷ Hottelah Seir mon hah kingkadi sak vaiteh, kai ni ka raphoe vaiteh, ka cet e ka tâcawt e naw hah ka raphoe han.

⁸ Nange monnaw hai nange ronaw hoi ka kaw i sak han. monnaw, tangkomnaw, tui puiteng tahloi hoi thei e naw hoi king ka kaw i han.

⁹ Be na thei awh vaiteh, nange khopuinaw daw k apihai awm mahoe h, kai teh BAWIPA lah ka o tie na panue awh han.

¹⁰ Haw vah, BAWIPA ao eiteh, hete miphun kahni touh hoi ram kahni touh teh, kaie lah ao teh, kai ni ka tawn han na ti dawkvah,

¹¹ kai ka hring e patetlah BAWIPA ni a dei. Na lungkhueknae hoi na maithoe kecu daw k, utsinnae na kamnu e sak e patetlah nang daw k ka sak van han, nange kong ka dei torei teh, ahnimouh koe ka kamnu e sak han.

¹² Nang ni Isarel monnaw a raw k teh, kaimanaw ca hane kaw i lah na o awh, telah dudamnae lawk dei e lawk pueng hah BAWIPA ni be ka panue a tie na panue han.

¹³ Kai taranlahoi na pahni hoi na kâoup teh kâataran lahoi na dei e lawk ka thai toe telah ati.

¹⁴ Hettelah Bawipa Jehovah ni a dei, na raphoe navah, talai pueng heh a lunghawi han.

¹⁵ Isarel imthung ni coe e râw a rawk e hah na lunghawikhai dawkvah, hot patetlah nang e lathueng ka sak han. Oe! Seir mon hoi Edom pueng he a rawk vaiteh, BAWIPA lah ka o tie a panue awh han.

36

Isarel imthung yawhawinae

¹ Tami capa Isarel mon koevah, lawk hah pâpho haw, nangmouh Isarel monnaw BAWIPA e lawk hah thai awh haw.

² Bawipa Jehovah ni hettelah a dei, taran ni haha! BAWIPA e monnaw teh maimae kut dawk a pha awh toe, telah nangmouh koe lah a dei awh dawkvah,

³ lawk hah pâpho haw, Bawipa Jehovah ni hettelah a dei, nangmanaw na raphoe awh teh, hmuen pueng koe hoi na payon awh dawkvah, tami ni na dei hane, dudam hanlah na o awh dawkvah,

⁴ hatdawkvah, nangmouh Oe! Isarel monnaw Bawipa Jehovah e lawk hah thai haw, Bawipa Jehovah ni monnaw, monruinaw, tui lawngnae, tanghlingnaw, kahrawngum hoi, ceitakhai e khopui, petkâkalup lah kaawm e miphun pueng lawp e hoi, hnephnap e naw koevah, hettelah a dei.

⁵ Hatdawkvah, Bawipa Jehovah ni hettelah a dei, kacawirae miphunnaw hoi Edomnaw pueng lunghawinae lungthin, noutnaoehnae lawp hanelah kâsak e naw koevah, lungkhuek laihoi lawk ka dei.

⁶ Hatdawkvah, Isarel ram e kong dawkvah, lawk pâpho haw, monpui monrui, tui lawngnae ravo hoi tanghling koevah, Bawipa Jehovah ni hettelah a dei, khenhaw! miphunnaw ni na panuikhai e na khang dawkvah, lungkhuek hoi ka dei toe.

⁷ Hatdawkvah, Bawipa Jehovah ni hettelah a dei. Petkâkalup lah kaawm e miphunnaw ni, maie yeirinae a phu roeroe han telah, ka kut ka dâw teh thoe ka bo.

⁸ Hateiteh, Oe! Isarel monnaw, a kang na tho vaiteh ka tami Isarelnaw hanelah, apaw na paw awh han. Bangkongtetpawiteh, bout na tho awh nahan a hnai toe.

⁹ Bangkongtetpawiteh, nangmouh koelah doeh ka kampang katang, nangmouh koelah kamlang vaiteh, phaw e lah o vaiteh, cati tu e hah na o han.

¹⁰ Nangmae lathueng vah tami kamphung sak vaiteh, Isarel imthung pueng abuemlahoi ahnimouh teh khopui dawk ao awh vaiteh, ka rawk e hmuennaw hah bout ka pathoup han.

¹¹ Nangmae lathueng vah tami hoi saring kamphung sak han. A kamphung awh vaiteh, catoun lah pou ao awh han. Ahmaloe onae hmuennaw dawk kai ni hmuen ka poe han, apuengcuae e kai ni ka sak e patetlah ka o sak han, kai teh BAWIPA lah ka o e hah a panue awh han.

¹² Nangmae lathueng taminaw hah kaie ka tami Isarel miphunnaw teh, a ceio awh nahanelah. kai ni ka sak han, ahnimouh ni, na coe e hah a la awh vaiteh, a coe awh e raw lah na o han, nangmouh kecu dawk camo na sung awh mahoeh toe.

¹³ Bawipa Jehovah ni hettelah a dei, nang tami ka cat e hoi khocanaw e camo meng na ka thet e na ti pouh awh dawkvah,

14 tami na cat mahoeoh toe, na miphunnaw hai na raphoe mahoeoh toe, telah Bawipa Jehovah ni a dei.

15 Miphunnaw dudamnae na thai sak aw h mahoeoh toe. Taminaw e tamthoe na khang boi mahoeoh toe. Na ram hai na rawm sak mahoeoh toe telah Bawipa Jehovah ni a dei telah ati.

Isarel a kathanae

16 Bawipa Jehovah e lawk kai koe bout a pha teh,

17 tami capa Isarel imthungnaw teh, amae ram daw k ao aw h teh, amamouh lungpouk a tawksak e lahoi, hote ram a khin sak aw h. A hringnuen teh napui kampheng lahun e hringnae patetlah ao.

18 Hote ram daw k tami theinae yon, meikaphaw k hoi kâkhinsaknae yon daw kvah, ka lungkhueknae a lathueng vah ka aw i toe.

19 Miphunnaw koe ka kâkayeisak, ram tangkuem daw k a kâkaye i aw h teh, a hringnuen hoi a tawksak aw h e patetlah ahnimouh lathueng law k ka ceng.

20 A cei aw h nah tangkuem daw k a phanae ram koe vah, ka min ka thoung a khin sak aw h. Ayâ ni ahnimouh koe hetnaw heh BAWIPA e taminaw doeh, hateiteh, a ram daw k hoi ka tâcaw t e naw doeh telah ati aw h.

21 Hateiteh, Isarel imthung ni, a ceinae miphunnaw koe vah, a khinsak aw h e ka min ka thoung heh ka pasai poung.

22 Hatdaw kvah, Bawipa Jehovah ni Isarel imthung koe hettelah a dei. Oe! Isarel imthungnaw nangmouh kecu daw k nahoe h, na ceinae ram daw k ka min ka thoung na khin sak aw h kecu daw k doeh hethet ka sak.

23 Miphunnaw koe vah nangmouh ni na kamhnawng sak e, kaie ka min hah ka tawmrasang han. Nangmae hmaitung vah nangmouh lahoi kai na tawmrasang e lah ka o toteh, kai teh Jehovah lah ka o tie nangmouh ni na panue aw h han.

24 Bangkongtetpawiteh nangmouh teh ram tangkuem hoi kai ni na kaw aw h teh, na pâkhueng aw h vaiteh, ahmaloe na onae ram daw k na ceikhai han.

25 Nangmae lathueng vah kathoung e tui na kathek sin aw h vaiteh, nangmouh teh a khinnae pueng koehoi meikaphaw k thung hoi na kamthoung sak aw h han.

26 Lungthin katha na poe aw h han, na thung vah muitha katha ka hruek han, nangmae tak thung e talung lungthin hah ka la vaiteh, tak lungthin na poe aw h han.

27 Kai e Muitha hai nangmae thung ka hruek han, nangmouh ni kâlawk na poe e na tarawi aw h vaiteh, kai ni na dei pouh e naw hah na hringkhai aw h han.

28 Mintoenaw koe ka poe e ram daw k nangmouh ni na o aw h vaiteh, ka tami lah na o aw h han, kai hai nangmae Cathut lah ka o han.

29 Na kamhnawng aw h e thung hoi na tâco sak han. Cakang hah kâ ka poe vaiteh, ka pungdaw sak han. Nangmae lathueng vah takang ka tho sak mahoeoh toe.

30 Thingthai rompo ka pungdaw sak vaiteh, na law daw k rawca ka tâco sak han. Hottelah takang a tho e kecu daw k, hnehnepnae na khang aw h mahoeoh toe.

31 Kahawi hoeh e na hringnuen hoi kahawihoehe na tawksak e hah na kâpanue aw h vaiteh, panuetthonae hoi na hawihoe hnae kecu daw k, na mîthmu roeroe vah namahoima na kâpanuet aw h han.

³² Nangmouh kecu dawk hetheh ka sak e nahoeh tie pahnim awh hanh awh telah Bawipa Jehovah ni a dei. Oe! Isarel imthungnaw kahawihoehe na hringnuen kecu dawk, kayak awh nateh, kângairu lah awm awh.

³³ Bawipa Jehovah ni hettelah a dei, na hawihoehnae pueng dawk hoi kai ni na thoung sak hnin dawk teh, khopui dawk kho na sak sak awh vaiteh, ka rawk tangcoung e bout sak e lah ao han.

³⁴ Kacetnaw kaawmnaw e hmaitung vah, pahnawt tangcoung e talai dawk laikawk bout na kanawk awh han.

³⁵ Hat toteh, taminaw ni ahmaloe pahnawt e hete talai teh, Eden takha patetlah ao toe, be raphoe e khopuinaw hai, kacak niteh, khocanaw hai a kuep awh toe telah a dei awh han telah ati.

³⁶ Hat toteh, ka rawk e hmuennaw hah kai BAWIPA ni ka pathoup e thoseh, pahnawt e talai dawk laikawk kanawk e thoseh, namae tenggam kaawm e pueng Jentelnaw ni a panue awh han telah, kai BAWIPA ni ka dei e patetlah ka sak roeroe han.

³⁷ Bawipa Jehovah ni hettelah a dei. Isarel imthung hanelah, hete hno ka sak nahanelah, ahnimouh ni kai koe na kâhei awh han. Tuhunaw patetlah a taminaw kamphung sak han.

³⁸ Kathoung e thuengnae koe poe e, saringnaw hoi, Pawi hnin dawk hane Jerusalem tuhu patetlah ka rawk e khopui teh, tamihu moikapap e hoi akawi han. Hottelah kai heh BAWIPA lah ka o tie hah a panue awh han telah tet pouh ati.

37

Hrukenaw a hring

¹ BAWIPA e kut teh kaie lathueng ao teh. BAWIPA e Muitha lahoi alawilah na tâcokhai teh, tanghling lungui hrunaw dueng hoi kingkawi e koe kai hah na hruék.

² Ahnimouh koe na ceikhai, hote tanghling dawk moikapap e hrunaw hah ao teh, ahnimouh teh khik a ke awh.

³ BAWIPA ni kai koevah, tami capa hete hrunaw a hring thai han na maw, telah ati, Kai ni hettelah ka dei pouh, Oe! Bawipa Jehovah nang ni na panue, telah ka ti.

⁴ BAWIPA ni hai hete hrunaw lathueng vah lawk dei haw, ahnimouh koe Oe! hrukenaw BAWIPA e lawk hah thai awh haw.

⁵ Hete hrukenaw koevah Bawipa Jehovah ni hettelah a dei. Khenhaw! nangmouh daw kâha ka pakhum vaiteh, na hring awh han.

⁶ Nang mamouh dawk tharui ka hruék han, takthai hoi ka pacawp awh vaiteh, vuen hoi ka ramuk awh han, nangmae thung vah kâha ka pakhum vaiteh, na hring awh han. Kai teh BAWIPA lah ka o tie na panue awh han telah a ti.

⁷ Hottelah kâ ka poe e patetlah ka pâpho teh, thaihaw! ka pâpho lahun nah, dongdengca daw k hrunaw hah amamouh a onae hmuen tangkuem daw k kâpatawp awh.

⁸ Ka khet navah, khenhaw! ahnimouh daw k tharui ao teh, takthai ni a pacawp teh, vuen ni a ramuk, hateiteh, hring awh hoeh rah.

⁹ BAWIPA ni kai koevah, kahlí koe lawk dei haw, tami capa kahlí koe pâpho e roeroe haw, telah Bawipa Jehovah ni ati. Oe! kahlí talai takin pali touh koe hoi tho awh haw, kadoutkaronaw a hring thai awh nahanelah, ahnimouh lathueng pakhum haw telah a ti.

¹⁰ Hottelah kâ ka poe e patetlah ka dei teh kahlî teh ahnimouh thung a kâen teh a hring awh, amamae khok hoi lengkaleng a kangdue awh teh, ransahupui lah a coung awh.

¹¹ BAWIPA ni kai koevah, tami capa ahnimouh ni hrunaw heh Isarel imthungnaw doeh, ahnimouh ni kaimae hrunaw be a ke teh, ka ngaihawinae hai be ka kahma tangngak awh toe telah a dei katang awh.

¹² Hatdawkvah, lawk hah pâpho nateh, ahnimouh koe Bawipa Jehovah ni hettelah a dei, khenhaw! nangmae tangkomnaw ka paawng han, Oe! ka taminaw na tangkomnaw dawk hoi na rasa awh vaiteh, Isarel ram dawk na kâenkhai awh han.

¹³ Nangmae tangkomnaw ka paawng teh na tangkomnaw dawk hoi na rasa awh toteh, kai teh BAWIPA lah ka o tie na panue awh han.

¹⁴ Hahoi nangmae na thung ka muitha ka pakhum han, hring awh vaiteh, namamae na ram dawk roeroe na hruek awh han, kai BAWIPA ni yo ka dei toung dawkvah, hot hah ka sak tie na panue awh han, telah BAWIPA ni a dei telah a ti.

Siangpahrang buet touh, uknae buet touh

¹⁵ BAWIPA e lawk kai koe bout a pha teh,

¹⁶ nang tami capa sonron buet touh lat haw, a van vah Judah hoi Isarel miphunnaw telah thun haw, sonron alouke hai lat nateh Joseph, Ephraim, Isarel imthungnaw telah thun haw.

¹⁷ Hote sonron kahni touh e hah buet touh lah pacawng nateh, hahoi na kut dawk buet touh lah ao han.

¹⁸ Na taminaw ni hete hno heh bangmaw a dei ngainae, kai koe dei kawi hoeh namaw telah a pacei navah,

¹⁹ Bawipa Jehovah ni hettelah a dei, khenhaw! Joseph e sonron Ephraim hoi Isarel miphun kut dawk kaawm e hah ka la han, Hothateh, Judah e sonron hoi ka pacawng vaiteh, buet touh lah ao han toe, ati, telah na ti pouh han.

²⁰ A van vah na thut e sonron hah ahnimae a mithmu vah na kut dawk ao han.

²¹ Hahoi ahnimouh koe Bawipa Jehovah hettelah a dei, khenhaw! miphunnaw a onae hmuen koehoi, ka hrawi vaiteh, hmuen tangkuem koehoi ka pâkhueng vaiteh, amamae ram dawk ka kâenkhai han.

²² Hahoi Isarel mon dawk miphun buet touh lah ka sak han, uknaeram kahni touh lah awm mahoech toe.

²³ Ahnimae meikaphawknaw hoi panuetho e hno hoi, kâtapoenae dawkvah, kâkhinsak awh mahoech toe. A rawpnae ouk a yonae pueng thung hoi ka rungngang vaiteh, ka thoung sak han, hat torei teh, kâ tami lah ao awh vaiteh, ahnimae Cathut lah ka o han.

²⁴ Kaie thaw katawkkung Devit hah ahnimae lathueng siangpahrang lah ao han. Ahnimouh pueng e a lathueng dawk tukhoumkueng buet touh ao han, kaie kâpoe e hah tarawi awh vaiteh, kaie phunglam hah a pâkuem awh vaiteh a hringkhai awh han.

²⁵ Kaie thaw katawkkung Jakop koevah, ka poe e ram na mintoenaw kho ouk a sak boi dawkvah, kho a sak awh han, amamouh hoi a canaw a catounnaw hai kho pou a sak awh han, hahoi ka thaw katawkkung Devit hah ahnimae a lathueng bawi lah ao han.

²⁶ Hothloilah, ahnimouh koe rounnae lawkkamnae ka sak han, ahnimouh hanelah a yungyoe lawkkamnae lah ao vaiteh, ahnimouh koe ka poe han. Ahnimanaw teh a pungdaw awh vaiteh, ahnimouh koe a yungyoe totouh, kaie hmuen kathoung hah ka kangdue sak han.

²⁷ Kaie lukkareim hai ahnimouh koe ao vaiteh, ahnimae Cathut lah ka o vaiteh, ahnimouh hai kaie taminaw lah ao aw h han.

²⁸ Hottelah hmuen kathoung teh ahnimouh koe a yungyoe a cak toteh, Bawipa Jehovah ni Isarel miphun hah a thoung sak toe telah Jentel miphounnaw ni a panue aw h han telah a ti.

38

Gog hoi kambawngnaw ni Isarel a tuk aw h

¹ BAWIPA e lawk kai koe a pha teh,

² tami capa Magog ram e Rosh hoi Meshek hoi Tubal kahrawikung kacuepounge Gog taranlahoi kangdout sin haw, ahni taranlahoi pâpho haw.

³ Bawipa Jehovah ni hettelah a dei. Khenhaw! Rosh, Meshek, hoi Tubal bawi Gog, nang hateh na taran.

⁴ Na ban sak vaiteh, na pâkha dawk hradang hoi na sawn han, na ransanaw hoi marangnaw, marangransanaw hoi puengcang hoi, kamthoupnaw, bahling, bahling kathoeng a sin aw h teh, tahloi kasinnaw hah ka thokhai han.

⁵ Persia, Ethiopia, Libia hoi abuemlah bahling hoi sumluhuem kaawm-naw hah,

⁶ Gomer hoi a ransahu hahoi Togarmah, imthung hoi atunglae ram a poutnae, ransahu pueng hoi nang koe kaawm e tami moikapap hoi a kâbang aw h han.

⁷ Kâhruetcuet, coungkacoe kâra kueng lahoi aw m, nang nama hoi nang koe kamkueng e tamihunaw hoi ahnimouh karingkung lah aw mh.

⁸ Hnin moi a loun hnukkhu, nang teh uknae kâ na tawn han, tahloi dawk hoi na hlout vaiteh, miphunnaw thung hoi rasa e khoca moikasawlah kingdi lah kaawm e, Isarel monnaw lathueng, bout a tâcokhai e khocanaw ao aw hnae koe, hma lae tueng dawk nang ni na tuk han. Hote khocanaw teh, miphunnaw thung dawk hoi tâcokhai e lah ao teh ram pueng karoumcalah ao toteh,

⁹ hahoi na luen vaiteh, tûilî patetlah na tho han, nang koe kaawm e ransahu pueng hoi, nang koevah tami moikapap e hah tâmai ni ram muen kayo e patetlah na o aw h han.

¹⁰ Hahoi Bawipa Jehovah ni hettelah a dei, hote hnin dawk teh, nang ni bangueng na pouk vaiteh, kahawihoehe pouknae na tawn vaiteh,

¹¹ rapan ka tawn hoeh e kho hoi ram hah ka lawp han, karoumcalah kaawm rumram e hah la ao aw h vaiteh, rapan tawn laipalah kho ka sak e longkha hoi tarenae sum ka tawn hoeh e hah, ka tuk han telah na lung dawk hoi na ti han.

¹² Nangmae na hnopainaw na lawp aw h han. Ahmaloe kingdi ni teh, atu tami a onae hmuennaw hah miphun pueng thung hoi na pâkhueng vaiteh, saring hoi hnopai moikapap a tawn aw h teh, ram lungui dawk kaawmnaw thoseh, ka tuk han telah na pouk han.

¹³ Sheba hoi Dedan, Tarshish hno kayakwnaw hoi Sendektanacanaw ni, nang koevah hnopai la hanelah na tho toung maw, hnopainaw lawp hanelah na tamihunaw na pâkhueng toe khe. Ngun hoi sui saringhu hoi hnopai moikapap lawp pouh vaiteh, na ka lat pouh hane doeh khe, na ti pouh han telah ati.

¹⁴ Hatdawkvah, tami capa lawk pâpho haw, Gog koevah, Bawipa Jehovah ni hettelah a dei, hote hnin, ka tami Isarelnaw karoumcalah ao aw h nahane hnin hah na panuek hoeh na maw.

¹⁵ Atunglae ram a poutnae koe e hmuen koehoi nang hoi nama koe tami moikapap, marang dawk kâcui e ka lentoe e tamihu, athakaawme ransahu hoi a tho aw h han.

¹⁶ Tâmai ni ram muen a ramuk e patetlah ka tami Isarelnaw taranlahoi na tho han, atueng a hnukteng toteh, kaie ram tuk hanelah na ceikhai aw h han, Oe! Gog ahnimae hmaitung nang daw k thoung sak e lah ao toteh, miphunnaw ni na panue aw h han.

¹⁷ Hahoi Bawipa Jehovah ni hettelah a dei, ayan hoi kaie thaw katawkkung Isarel profetnaw, hatnae kum moikasaw lah lawk ouk ka dei boi e naw ni, ahnimouh tuk hanelah ka ceikhai aw h nahane kong ouk a dei aw h e hateh nang raw na maw.

Gog lathueng lawkcengnae

¹⁸ Hote hnin dawkvah, Isarel ram tuk hanelah Gog a tho toteh, ka lungkhueknae ka minhmai ka kamnue sak han, telah Bawipa Jehovah ni a dei.

¹⁹ Ka lungkhuek lahun nah, hote hnin daw k teh, Isarel ram daw k Tâlî pueng hoi a no han.

²⁰ Talî daw k e tanga hoi kalvan tavanaw hoi moithang hoi talai van daw k a vonpui hoi kâva e saringnaw hoi talai daw k e tami pueng ka hmalah a pâyaw aw h han. Mon hah rahnoum sak e lah ao vaiteh, lungha hah a tip han, kalupnae rapan pueng talai daw k koung a tip han, telah ka dei.

²¹ Kaie monnaw daw k Gog tuk hanelah tahloi hah ka kaw vaiteh, tami pueng e tahloi ni a hmaunawngaha hah a thut han telah Bawipa Jehovah ni a dei.

²² Kâtheinae lacik patawnae lahoi runae ka poe han. Ama hoi a ransahu hoi ama koe e tami moikapap e lathueng vah, puenghoi ka nung e khotui hoi roun kalenpoung hmai hoi ganhmai kho lah ka rak sak han.

²³ Hottelah kai teh, kama hoi kama kâsungren sak vaiteh, kama hoi kama kâthoung sak han, kai teh BAWIPA lah ka o tie a panue aw h han.

39

Gog ransanaw thei e lah a o

¹ Hatdawkvah, nang tami capa, Gog taranlahoi lawk pâpho haw, Bawipa Jehovah ni hettelah a dei, khenhaw! Oe! Gog, Rosh, Meshêk hoi Tubal naw e bawî, nang teh na taran.

² Hnukhma lah na palang vaiteh, atunglae apoutnae koehoi, na tâcokhai vaiteh, Isarel mon dawkvah na phakhai han.

³ Avoilae na kut daw k e licung hah ka khoe vaiteh, aranglae na kut daw k e palacung hah ka khoe han.

⁴ Nang nama hoi na ransanaw nang koe kaawm e tamihu hoi, Isarel mon daw k na rawp aw h han. Moi ka cat e kalvan e tavanaw hoi sarangnaw kei sak hanelah na poe aw h han.

⁵ Kahrawngum vah na rawp aw h vaiteh na due aw h han. Kai ni yo ka dei toe telah Bawipa Jehovah ni a dei telah a ti.

⁶ Magog hoi talî rai lae karoumcalah kho kasaknaw koevah, hmai ka tâco sak han, hahoi kai teh BAWIPA lah ka o tie hah a panue aw h han.

⁷ Hottelah ka tami Isarelnaw daw k ka min kathoung hah ka panue sak vaiteh, ka min kathoung khin sak e ka pasoung mahoe h toe, hottelaho miphunnaw ni kai teh BAWIPA, Isarel miphunnaw e tami kathoung lah ka o tie a panue aw h han.

⁸ Khenhaw! a pha toe, kuespak e lah ao roeroe han telah Bawipa Jehovah ni a dei. Hete hnin doeh telah yo ka la dei tangcoun e hah.

⁹ Isarel khopui daw k kho kasaknaw hah a tâco awh vaiteh, tarantuknae puengcang, bahling kathoeng kalen, licing hoi samtang, tahroe hoi bongpai naw hah kum sari touh thung hmai a sawi awh han.

¹⁰ Hatnae tueng daw k takha daw k thing phawt mahoe h, ratu thung e tâtueng awh mahoe h, tarantuknae puengcangnaw hoi hmai a patawi awh han, ka raphoekungnaw hah a raphoe awh han. Kalawmkungnaw e hnopai a lawp awh van han, telah Bawipa Jehovah ni a dei.

¹¹ Hote hnin torei teh, Gog hanelah Isarel ram dawkvah, pakawp nahane hmuen ka poe han, tali, kanitholah Abarim tanghling hah Gog hoi a taminaw a pakawp awh han dawkvah, hote hnin teh, kahlawng kacetnaw e a hnawng a tabuem awh han, hatdawkvah, hote hmuen hah Hamon-gog tanghling telah ati awh han.

¹² Isarelnaw ni amamae ram a thoung sak thai nahanelah, thapa yung sari touh thung a pakawp awh han.

¹³ Khocanaw pueng ni a ven awh vaiteh, talai daw k a pakawp e lahoi, kai na pholennae hnin daw k ka min kamthangnae lah ao awh han telah Bawipa Jehovah ni a dei.

¹⁴ Hahoi amamae ram a thoung sak nahanelah, pakawp hoeh e naw hah a tawng awh teh, kapakawmkungnaw hah a rawi awh han, ahnimouh ni thapa yung sari aloum hnukkhu tawng hane a kamtawng awh han.

¹⁵ Ram katinnaw ni a katin awh navah, tami hru hmawt awh paw-iteh, Hamon-gog tanghling daw k kapakawmkungnaw ni a pakawp awh hoehroukrak teh mitnoutnae a ung awh han.

¹⁶ Khopui e min hai Hamonah telah a phung han, hottelaho i ram hah a thoung sak awh han telah a ti.

¹⁷ Hahoi nang tami capa Bawipa Jehovah ni hettelah a dei, tava phunkuep hoi moithang phunkuep koevah, lawk dei, kamkhueng awh nateh tho awh.

¹⁸ Athakaawmnaw moinaw hah na ca awh vaiteh, talai e kahrawikungnaw e a thi hah na nei awh han, tutan hoi tuca, hmae, Bashan ram e maitotannaw e thipalingnaw hoi,

¹⁹ nangmouh hanelah bu lawngnae ka sak e athaw hah kingboum lah na ca vaiteh, a thi hah nget ka parui lah a nei awh han.

²⁰ Hottelah marang hoi leng ka kâcuinaw, athakaawme taminaw, hoi tarantuk pueng hah kaie bu lawng na koe ka boum lah na ca awh han, telah Bawipa Jehovah ni a dei.

Isarel kamlangnae

²¹ Ka bawilennae hai Jentel miphunnaw koe kai ni ka hruek han. Lawk ka dei tangcoun e hoi ahnimouh daw k ka kut ka toung e hah Jentel miphun pueng ni a hmu awh han.

²² Kai teh ahnimae BAWIPA heh Cathut lah ka o tie Isarel imthungnaw ni hote hnin koehoi a panue awh han.

²³ Isarel imthungnaw ni amamae yon kecu daw k santoungnae hah Jentelnaw ni a panue awh han. Kai koe a yon awh daw k, ka minhmai ka thung vaiteh, a tarannaw e kut daw k ka poe vaiteh, ahnimouh pueng teh tahloi hoi koung a due awh.

²⁴ A kamhnawngnae hoi kâtapoenae patetlah ahnimae a lathueng ka sak teh, ahnimouh koe ka minhmai ka thung.

²⁵ Hatdawkvah, Bawipa Jehovah ni hettelah a dei. Atuvah, Jakop sankatoungnaw hah ka bankhai vaiteh, Isarel imthungnaw pueng koevah

pahrennae ka tawn han. Ka min kathoung hane dawkvah, ka lung a cak han.

²⁶ Na lungpuensak hane apihai awm laipalah, amamae ram dawkwah awh nah, kai koe a yonnae, kaie lathueng lawkeknae hoi, yeiraiponae hah a phu awh han.

²⁷ Ahnimouh teh miphun pueng koehoi ka bankhai vaiteh, a tarannaw e kut dawkwah hoi ka pakueng toteh, miphunnaw hmaitung vah ahnimouh teh a thoung awh hah.

²⁸ Miphunnaw koevah san lah kaawmsakkung kecu dawkwah thoseh, hateiteh buet touh boehai san lah cettakhai laipalah, amamae ram dawkwah roeroe vah, bout ka bankhai e dawkvah, kai teh Bawipa Jehovah lah ka o tie a panue awh han.

²⁹ Ahnimouh koe ka minhmai ka thung mahoehtoe, bangkongtetpawiteh, Isarel imthungnaw e a lathueng vah ka muitha ka awi toeh telah Bawipa Jehovah ni a dei telah a ti.

40

Bawkim katha

¹ Santoungnae kum 25, kum kamtawngnae thapa hnin hra hnin vah, khopui raphoe lah ao hnukkhu kum hlaipali nah, hote hnin roeroe dawkwah BAWIPA e kut teh kai van ao teh, hawvahnah na ceikhai.

² Cathut a kamnuae vision lahoi Isarel ram dawkwah na ceikhai teh, mon ka rasang poung e van na hruek, hote mon e teng vah akalah khopui patetlah hah ao.

³ Hawvahnah na ceikhai, khenhaw! tami buet touh a o, rahum patetlah a meilam a o, pahla hoi bangnuae cakui a sin teh, longkha koe a kangdue.

⁴ Ahni ni tami capa, takuetluet khenhaw! na hnâpakeng haw, kai ni na patue e naw hah na lungthung paen haw. Kai ni na patue hane kong dawkwah, hivahnah na thokhai e doeh. Na hmu e pueng hah Isarel imthung koe na pâpho han telah a ti.

Rapan hoi longkha

⁵ Khenhaw! bawkim petkâkalup lah rapan hah ao. Tami ni bangnuae lahoi dong taruk touh kasawe cakui a sin teh rapan a tha e teh cakui yung touh, a rasang e hai cakui yung touh a pha.

⁶ Kanitholah kangvawi e takhang koe a cei teh, khalai dawkwah hoi a luen, takhang kâennaerakhan hah a bangnue teh cakui yung touh a kaw.

⁷ Takhang e rakhannaw teh cakui yung touh hoi adangka cakui yung touh, rakhan buet touh hoi buet touh e rahak teh, dong panga touh doeh. Hahoi impui lae takhang alawilae takhang kâennaerakhan teh cakui yung touh doeh.

⁸ Imthungkhu e takhang rai imkalae takhang hai a bangnue teh cakui yung touh a pha.

⁹ A thung lae takhang, alawilae hai a bangnue teh dong taroe touh a pha, takhang khomnaw teh dong hni touh a tha, longkha alawilae hah athunglah ao awh.

¹⁰ Hma lae longkha phekkadangka lae dawkwah rakhan kathoenge katham touh rip a o, yung adangka rei kâvan, rasang e hai rei a kâvan.

¹¹ Takhang kâennaerakhan hai a bangnue teh adangka dong hra, rasang dong hlaikatham a pha.

¹² Rakhan kathoung e a hmalah avangvanglah thingphek ka tha e dong touh ao. Avangvanglah kaawm e rakhan kathoungnaw teh a yung, a phen dong taruk touh rip a pha.

¹³ Kâennae tâconae longkha hah a bangnue teh, a lathueng e rakhan hoi avanglae rakhan totouh dong 25 touh a kaw, takhang hoi takhang be a kâkuet.

¹⁴ Hahoi longkha khom a bangnue teh dong 60 touh a rasang. Kâennae tâconae, thongma petkâkalup e hah longkha e a rahim lah kaw sak e lah ao.

¹⁵ Hahoi longkha alawilah, tengkatoe e hoi takhang athungpoung lae rahak teh dong 50 touh a pha.

¹⁶ Hahoi takhang imthungkhu lah petkâkalup lah paawng thai hoeh e hlangaw ao. A rahak e khom hoi im e alawilah haiyah, athunglah haiyah, petkâkalup lah hlangaw ao teh, a khom dawkvah, samtuekung meikaphawknaw ao awh.

¹⁷ Thongma lae alawilah, na ceikhai teh, thongma petkâkalup e daw rakhan hoi talung phai e a o, talung phai e van vah, rakhan 30 touh ao.

¹⁸ Longkha teh talung hoi phai e doeh, longkha hoi kâvan lah phai e doeh, talung phai e teh a rahimhnawn lah doeh.

¹⁹ Hathnukkhu, a rahim lae takhang apasuek koe hoi athunglah hoi thongma alawilah totouh, a bangnue teh a kaw e teh kanitho lahoi atung lah dong 100 touh rahak ao.

Atunglae tâconae

²⁰ Thongma alawilae ni hai, kâen tâconae atunglah a kangvawi teh, rasang hoi adangka a bangnue.

²¹ Karingkung e rakhan avangvanglah kathum touh ao teh, longkha rahim lae hoi kâen tâconae takhang koe kaawm e naw patetlah doeh ao awh. A yung dong 50, adangka dong 25 touh doeh.

²² Rakhan kalenpoung hoi hlangawnaw hoi samtuekung meinaw hah Kanitholae longkha koe kaawmnaw patetlah doeh ao awh. Longkha totouh, luennae lakhout sari touh ao teh, rakhan vaikhap teh a thung lah ao.

²³ Kanitholae kaawm e patetlah atunglae longkha phekkadangka lae thung rapan longkha ao. Takhang buet touh hoi buet touh dong 100 touh a kâhla.

²⁴ Hathnukkhu akalah na ceikhai teh, akalae longkha ka hmu, khomnaw vaikhapnaw bangnue teh alouke lae hoi rei kâvan lah ao awh.

²⁵ Ahmaloe e hlangaw patetlah hlangawnaw, vaikhapnaw ao awh teh, ayung dong 50, adangka dong 25 touh a pha.

²⁶ Lakhout sari touh daw hoi luen e lah a o, vaikhapnaw teh, khalai hoi sue touh lah ao awh. Avangvang lae khomnaw daw samtuekung mei a thuk awh.

²⁷ Akalah a kangvawi lahoi athung kâen tâconae longkha ao. Akalae kâen tâconae longkha rahak a bangnue teh dong 100 touh a kâhla.

Athung patuen e longkha

²⁸ Akalae kâen tâconae athung lae thongma daw na kâenkhai teh, bangnuenae hoi akalae longkha hah a bangnue.

²⁹ Rakhan kathoungnaw, khomnaw, vaikhapnaw teh ahmaloe e hoi rei a kâvan awh. Hlangawnaw ao teh petkâkalup lah vaikhap hai ao. A yung dong 50, adangka dong 25 touh a pha.

³⁰ Petkâkalup e vaikhapnaw hai ayung dong 25, adangka dong 5 touh a pha.

³¹ Vaikhapnaw ni alawilah thongma koelah a kangvawi awh teh, khomnaw dawkwah samtuekung mei a thuk awh, Lakhout taroe touh dawkwah hoi luen e lah ao.

³² Kanîtholah athung lae thongma thung vah a ceikhai teh haw e longkha hah ahmaloe e hoi rei kâvan lah a bangnue.

³³ Rakan kathounnaw, khomnaw, vaikhapnaw teh ahmaloe e hoi sue touh lah doeh ao awh. Longkha petkâkalup e dawkwah thoh, vaikhap dawkwah thoh, hlalangaw ao teh, ayung dong 50, adangka dong 25 touh a pha.

³⁴ Vaikhapnaw teh alawilah thongma koelah a kangvawi awh teh, avangvang lae khomnaw dawkwah, samtuekung mei hah a thuk awh. Lakhout taroe touh dawkwah hoi luen e lah ao.

³⁵ Atunglae longkha koe bout na ceikhai teh, ouk a bangnue e patetlah a bangnue.

³⁶ Rakan kathounnaw, khomnaw, vaikhapnaw petkâkalup lah hlalangaw hai ao. A yung dong 50, adangka dong 25 touh a pha.

³⁷ Takhang khomnaw, vaikhapnaw teh alawilah thongma koelah a kangvawi awh, takhang rahim, hi lahohi avanglah samtuekung mei hah ao. Lakhout taroe touh dawkwah hoi luen e lah ao.

Thuengnae kâraukuengnae

³⁸ Hmaisawi e saring hah tui hoi pâsu nahane rakhannaw, kâennae naw teh, hote takhang e vaikhap dawkwah ao.

³⁹ Hmaisawi thuengnae, yontha thuengnae, kâtapoe thuengnae sathei thei hanelah, kâennae takhangnaw teh hote vaikhap avangvanglah caboi kahni touh lengkaleng ao.

⁴⁰ Atunglae longkha koe luennae alawilah caboi kahni touh ao. Vaikhap koe takhang avangvanglah haiyah caboi kahni touh lengkaleng ao.

⁴¹ Takhang avangvanglah caboi pali touh a o, avanglah hai caboi pali touh bout a o, thuengnae sathei ouk theinae teh caboi taroe touh a pha.

⁴² Hmaisawi thuengnae sathei hanelah, caboi pali touh e naw teh, talung hoi sak e, ayung dong touh hoi khap touh, adangka dong touh hoi khap touh, a rasang dong touh a pha, hote caboi van vah, hmaisawi thueng nahane sathei thei nahane puengcangnaw hah a van a hruék awh.

⁴³ Caboi van petkâkalup lah a kaw e kuttabei hlawk touh a rai pou a yep awh teh, caboi van vah thueng hane sathei hah a hruék awh.

La ka sak e vaihmanaw e imrakhan

⁴⁴ Hahoi athung e thongma dawkwah, na kâenkhai, kenhaw, athung e thongma dawkwah imrakhan kahni touh ao. Rakan buet touh e teh, atunglae takhang teng ao teh akalah a kangvawi. Rakan buet touh e teh akalah takhang teng ao teh atunglah a kangvawi.

⁴⁵ Akalah kangvawi e imrakhan teh im dawkwah thaw ka tawkwah e vaihmanaw ao nahanelah,

⁴⁶ atunglah kangvawi e hete imrakhan teh, thuengnae koe lah thaw ka tawkwah e vaihmanaw ao nahanelah hete thaw heh Zadok capa hoi Levih canaw thung dawkwah hoi ni tawkwah hanelah, BAWIPA koe ouk kahnaikungnaw hah doeh, telah a ti.

Athung patuen e thongma hoiyah vaikhap dawkwah hoi luennae

⁴⁷ Hahoi thongma hah a bangnue teh, ayung dong 100, adangka dong 100, petkâkalup lah khoungroe teh thongma a lungui vah ao.

⁴⁸ Im van vah na ceikhai teh, takhang kahni touh e a bangnue teh akaw e dong panga touh, avangvang lae takhang adangka dong thum touh reirei a pha.

⁴⁹ Im van e adangka dong 20, adangka dong 11 touh a pha, lakhout hra touh dawh hoi luen e lah ao. Im van luennae teng avangvanglah khom buet touh lengkaleng ao.

41

Hmuen kathoung a kawnae

¹ Hmuen kathoung dawh na ceikhai teh, takhang khom hah a bangnue, avanglah dong taruk touh reira katha e ao. Hothateh lukkareiim hoi a kaw e rei a kâvan.

² Bawkim kâennae takhang a kaw e dong hra touh, atengteng lae tapang teh dong panga touh reirei a kaw. Bawkim athunglah a bangnue teh, ayung dong 40 touh adangka dong 20 touh a pha.

³ Hahoi a thung lae pueng a bangnue teh, kâennae tho khom a tha e dong hni touh, kâennae a rasang e teh dong taruk touh a pha teh takhang teh dong sari touh a kaw.

⁴ Athung patuen e rakhan a bangnue teh bawkim e adangka hoi sue a kâvan, A yung dong 20, adangka hai dong 20 touh, hetteh kai koevah hmuen kathoungpoung doeh telah a ti.

Bawkim tapang

⁵ Hathnukkhu, im e tapang a bangnue teh, dong taruk touh a tha, a takin tangkuem koe imrakhan dong pali touh kaw e hah im petkâkalup lah ao.

⁶ Ateng lae rakhannaw teh, dot thum touh hoi sak e doeh. a dot buet touh dawh rakhan 30 touh ao. Petkâkalup lah ateng e rakhannaw hanelah, tapang a sak e naw hah bawkim tapang dawh kambung laipalah tapang a rahim lae dawh a kambung awh.

⁷ Ateng e rakhannaw teh, hoehoe a rasang teh, hoehoe a kaw van, bangkongtetpawiteh, tapangnaw teh hoe a kâhnai teh, rakhan a rahim poung e hoi a lathueng poung dawh, cei hanelah a lungui e hah ceitakhai a ngai.

⁸ Hahoi im petkâkalup e dawh, talung ka coum e ka hmu, a teng e rakhan adu ungnae teh a bangnue nah dong taruk touh ka saw e cakui yung touh bang a kaw, a rasang e hoi kâvan lah a rasang.

⁹ Ateng lae rakhan, alawilae tapang teh, dong panga touh a tha. Bawkim teng alawilae rakhan tapang hloilah dong panga touh, hmuen ka houng e ao rah.

¹⁰ Im petkâkalup dawh e rakhan naw teh im e rakhan a rahak vah dong 20 touh a kâhla.

¹¹ Ateng lae imrakhan e takhang hah a houngnae hmuen koe lahoi paawng e lah ao, buet touh takhang teh atunglah a kangvawi, buet touh takhang teh akalah a kangvawi. Petkâkalup lah hmuen ka houng e teh dong panga touh a pha.

Kanîloumlae impui apoutnae

¹² Kanîloumnae koe impui a hnuklah hmuen ka houng e a hloi lae im a kaw e teh ayung dong 70 touh a pha. Hahoi im e tapang teh petkâkalup lah dong panga touh a tha, ayung dong 90 touh a pha.

im e a hmuen hmawn

¹³ Hahoi im teh a bangnue teh dong 100 touh a saw. impui e a hnuklah hmuen ka houg e hoi haw e im tapang a tha e mek touksin e lahoi dong 100 touh a kaw.

¹⁴ Im hmalah hmuen ka houg e mek touksin e lahoi alouklah a kapek e thongma hoi dong 100 touh a kaw.

¹⁵ Hahoi impui hnuklah hmuen ka houg e a hloi lae im yung hah a bangnue teh, a tungdum e a hma lae rapan hoi dong 100 touh a pha, thongma vaikhap hoi bawkim athung patuen e naw hoi,

¹⁶ Athung e bawkim hoi alawilah vaikhapnaw takhang pâhungnae kabueng e hlalangawnaw, tho e khom pueng, avangvanglah coung thum touh lah kaawm e tapangnaw teh, talai koehoi hlalangaw totouh, thingphek hoi a ramuk awh, hlalangawnaw hai ramuk e lah ao.

¹⁷ Takhang pueng e a lathueng hmuen kathoug poung hoi, imthung e tapang pueng athung avanlah be bangnue e lah ao.

¹⁸ Hotnaw teh cherubim meikaphawk hoi samtuekung mei ka lat e hoi pathoup e doeh, cherubim hoi cherubim rahak vah samtuekung pou ao. Hahoi cherubim teh minhmai kahni touh lengkaleng a tawn awh.

¹⁹ Tami meilam ka sin e ni avanglah samtuekung koe lah a kangvawi teh, sendektanca e mei ka sin e ni avanglae samtuekung koe lah a kangvawi, bawkim petkâkalup lah hottelah sak e doeh.

²⁰ Hottelah im petkâkalup vah talai koehoi takhang lathueng vah, bawkim tapang daw, cherubim hoi samtuekung e mei a thuk awh.

²¹ Bawkim takhang khomnaw teh, takin pali touh doeh. A thoungeae hmuen hoi a minhmai rei a kâvan awh.

²² Thing khoungroe teh, a rasang dong thum touh, ayung dong hni touh, adangka dong hni touh a pha. Khoungroe a takin, padounnae, tapangnaw thing hoi a sak awh. Hete caboi teh, BAWIPA e hmalah hruek e caboi doeh telah ka ti.

²³ Bawkim hoi hmuen kathoug ni takhang buet touh lengkaleng a tawn.

²⁴ Takhangnaw hai tho lep hni touh reirei a tawn teh, buet touh koelae hah thep thai e lah ao. Takhang buet touh dawkvah, phen kahni, alouke daw, phen kahni touh a pha.

²⁵ Tapang daw, a thuk e patetlah bawkim e takhang daw haiyah cherubim hoi samtuekung e mei a thuk awh. Vaikhap van vah, katha poung e thing daw a pâhung awh.

²⁶ Hahoi, vaikhap tapang, imrakhan tapangnaw teh pangkheknaw, ka bueng e hlalangawnaw, samtuekungnaw hoi yikkawi.

42

Vaihmanaw e im raxhan

¹ Hathnukku hoi atunglae lam lahoi thongma koe lah, na tâcokhai teh, im e atunglah ka houg e hmuen e hmalah kaawm e raxhannaw hah na patue.

² Hahoi atunglae im takhangnaw teh, ayung dong 100 touh asaw teh, adangka dong 50 touh akaw.

³ Athung patuen e thongma hmuen ka houg e dong 20 touh koe lah kangvawi e hoi, alawilah thongma talung phai e koe lah kangvawi lahoi imrakhan dot thum touh ao.

⁴ Im raxhannaw e a rahak daw, dong touh ka kaw e, dong 10 touh ka saw e takanna e ao. Takhangnaw ni atunglah a kangvawi awh.

⁵ Lathueng patuen e rakhannaw teh abuenghnawn, bangkongtetpawiteh, a dot rahim e hoi a lungui e naw hlak rakhannaw ni hmuen ka paphnawn a la dawk doeh.

⁶ Bangkongtetpawiteh, dot thum touh lah sak e lah ao teh, thongma e khomnaw patetlah khom hah tawn awh hoeh, hottelah a lungui e dot hlak a lathueng lae dot bet abuenghnawn.

⁷ Hote rakhan avangvanglah, alawilae thongma koe lah, rakhannaw e hmalah, a dum awh e tapang teh, ayung dong 50 touh a pha.

⁸ Alawilae thongma teng e rakhannaw teh, ayung dong 50 touh a pha. Bawkim e hmalah ayung teh dong 100 touh a pha.

⁹ Alawilae thongma hoi athunglah kanae patetlah kanitho lahoi kâennae lamthung ao.

¹⁰ Imka lah ka houng e hmuen hah atunglae dum e thongma e tapang dawk hai rakhannaw ao.

¹¹ Hote rakhannaw e hmalah kaawm e takannae koehoi rakhan ayung adangka, tâconae kâennae takhang kaawm e pueng teh, atunglae rakhan hoi mei rei a kâvan awh.

¹² Akalae rakhan takhang hai, atunglae rakhan takhangnaw hoi a kâvan awh teh, thongma avangvanglah kanitholah kangvawi e takannae tapang apasueke koe kâennae takhang ao.

¹³ Ka bangnue e ni hai ka houng e hmuen koe e hmalah, atunglae rakhan hoi akalae rakhannaw teh kathoung rakhan, Bawipa Jehovah koe rek kahnai e vaihmanaw ni kathoungpoung hnonaw hah a canae rakhannaw doeh. Hote a hmuen teh, a thoung dawkvah, kathoungpoung hno yon thuengnae, tavai thuengnae, yontha thuengnae hrueknae hmuen doeh.

¹⁴ Vaihmanaw ni a kâen toteh, thaw a tawknae angki a khohna awh teh, kathoung hmuen koehoi, alawilae thongma koe lah tâcawt mahoe, hote khohna a thoung dawkvah, a rading teh alouke khohna hah a kho hnukkhu, taminaw a onae koe a cei ao thai han telah kai ni ka dei, telah ati.

Bawkim alawilah kawnae

¹⁵ Athung e bawkim be a bangnue hnukkhu, kanitholah kangvawi e, kâen tâconae lamthung koe na tâcokhai teh, petkâkalup lah a bangnue.

¹⁶ Bangnuenae cakui hoi Kanitholae a bangnue teh, a bangnuenae hoi a bangnue teh dong 500 touh a pha.

¹⁷ Atunglae hah a bangnuenae cakui hoi a bangnue teh dong 500 touh a pha.

¹⁸ Akalae bout a bangnue teh bangnuenae cakui hoi a bangnue teh dong 500 touh a pha.

¹⁹ kaniloumlah hoi bout a bangnue teh, a bangnuenae cakui hoi a bangnue teh dong 500 touh a pha.

²⁰ Avoivang lahoi a bangnue teh, ayung 500 touh a pha, adangka dong 500 touh a pha. Petkâkalup lah tapang ao teh, hmuen kathoung hoi hmuen kathounghoehe kapeknae lah ao.

43

Bawkim dawk BAWIPA pholennae

¹ Hathnukkhu, kanitholah kangvawi e takhang koe lah bout na ceikhai teh,

² kenhaw! Isarel Cathut bawilennae teh kanitho lahoi a tho. A pawlawk teh tui moikapap e pawlawk patetlah ao teh, talai heh a bawilennae hoi pheng a ang.

³ A kamnuenae ka hmu teh, a kamnuenae teh, khopui raphoe hanelah ka tho e hoi Kebar tui teng e ka hmu e patetlah kamnuenae lah ao teh pakhup lah ka rawp

⁴ Kanitholah kangvawi e takhang koe e bawkim thung vah, BAWIPA e bawilennae teh a kaen.

⁵ Muitha ni na tawm teh, athung patuen e thongma koe lah na kaenkhai. Kenhaw! BAWIPA bawilennae hoi bawkim dawak akawi.

⁶ Hahoi tami buet touh kaie teng a kangdue lahun nah tami buet touh ni na pato e ka thai teh,

⁷ kai koevah, tami capa heteheh, ka bawitungkhung ka tahungnae hmuen, ka khok ka tounгнаe, Isarel catounnaw koevah, a yungyoe totouh khosak nahane hmuen doeh. Ka min kathoung teh Isarel catounnaw ni amamouh thoseh, a siangpahrangnaw thoseh, ka kayawtnaw thoseh, siangpahrangnaw e ro pakawpnae hmuenrasang a sak awh teh, khin sak awh mahoehtoe.

⁸ Takhang a kaennaw pahung e teh, kaie takhang kaennae koe a sak awh teh, ahnimae takhang a pahungnae hah kaie takhang pahungnae teng a hruek awh teh, ahnimouh hoi kaimanaw rahak vah, tapang buet touh ao sak teh, a sak awh e naw ni ka min kathoung a khin sak awh. Hatdawkvah, ka lungkhueknae hoi ahnimouh ka raphoe han.

⁹ A kayonae hoi ahnimae siangpahrang e ro hah, kai koehoi kahlatpoung lah a takhawng awh naseh, kai hi ahnimouh koe a yungyoe kho ka sak han.

¹⁰ Nang tami capa, Isarel imthung koevah, bawkim hah patue, a payonnae naw hah a kayakhai awh nahanelah, im e oangnae hah bangnue sin awh naseh.

¹¹ A sak awh e pueng kayakkhai awh pawiteh, bawkim e oang, tãconae hoi kaennaw a hnonae hoi a khetyawtnae naw hah patue haw, ahnimae mithmu vah, thut haw, phunglawk poe e pueng a hnonae naw hah a pakuem awh vaiteh, a tarawi thai awh nahan,

¹² Heteheh bawkim hanelah kalawk doeh atengpam pueng hoi monsom e naw. hmuen kathoung poung e naw doeh, kenhaw! hetheh bawkim e kalawk hah doeh.

hmaisawi thuengnae khoungroe

¹³ Khoungroe a saw e padawng toteh, hetheh khoungroe a lennae (dong touh tie hah dong touh hoi kutsampha to touh e doeh), a kamhungnae teh dong touh a rasang, dong touh a kaw, arai petkãkalup lah khap touh ka kaw e hoi a yep teh cum sak lah ao.

¹⁴ Khoungroe a rasang e teh, a rahim lae a pahungnae koehoi, avanlah totouh dong hni touh, a kaw e dong touh, kathoengca hrawtnae hoi kalen e hrawtnae totouh dong pali touh a pha teh, dong touh a kaw.

¹⁵ Khoungroe a rasang e hai dong pali touh a pha teh, ki pali touh a kangdue.

¹⁶ Khoungroe teh a takin pali touh a pha teh, ayung dong hrahlakahni, adangka dong hrahlakahni a pha.

¹⁷ A rahim lae a pahungnae hai takin pali touh a pha, ayung dong hlaipali, adangka dong hlaipali touh a pha. Petkãkalup lah a kaw e khap

touh, a hetnae khoungroe petkâkalup lah dong touh a tâco teh a luennae lam teh kanîtholah a kangvawi hanelah a o, telah a ti.

¹⁸ Hahoi kai koe vah tami capa Bawipa Jehovah ni hettelah a dei, be a sak toteh, khoungroe hnouae a lamthung teh, hmaisawi thueng nahan e hoi a thi kathek nahane doeh.

¹⁹ Levih mipun vaihma Zadok catounnaw dawk hoi thaw na ka tawk pouh hanelah, ouk na kahnaikung koevah, yon thueng nahanelah, maitotan na poe han telah Bawipa Jehovah ni a dei.

²⁰ A thi hah na la vaiteh, khoungroe ki pali touh hoi a hrawtnae takin pali touh e hoi petkâdue lah na hluk vaiteh, na thoung sak vaiteh yonthanae na sak pouh han.

²¹ Yon thueng nahanelah, maito na la vaiteh, a thoungnae hmuen hloilah Bawk im thung kârakuengnae hmuen koe hmai na sawi han.

²² A hnin pahni dawk, kacueme hmaetan, yon thuengnae lah na poe awh han, khoungroe hah maito thi hoi na thoung sak e patetlah hmae thi hoi na sak han.

²³ Hote khoungroe hah na thoung sak hnukkhu toun ka tawn hoeh e maitotanca hoi kacueme hmaetan hah BAWIPA e hmalah na poe han.

²⁴ Vaihmanaw ni palawi a phuen awh vaiteh, hote satheinaw hah BAWIPA hanelah, hmaisawi thuengnae lah a poe han.

²⁵ Hnin sari touh thung hnintangkuem hmae buet touh hah yon thuengnae lah na hno awh han. Toun kaawm hoeh e maitotanca hoi tutan buet touh hai na hno han.

²⁶ Hnin sari touh thung khoungroe yonthanae na sak vaiteh na thoungsak han. Nama hoi nama hai vaihma e a hmuen dawk na kâpoe han.

²⁷ A hnin sari a lounhoehnae a hnin hnin taroe hnin dawk thoseh, hote hnin koehoi vaihmanaw ni thuengnae thoseh, khoungroe van a poe awh han. Hmaisawi thuengnae hoi roum thuengnae naw hah a poe awh vaiteh, nangmanaw kai ni na coe awh han telah Bawipa Jehovah ni a dei telah a ti.

44

Kanîtholae takhang hoi bawi

¹ Hathnukkhu hmuen kathoung hmuene, kanîtholah kangvawi e takhang koelah na ceikhai teh, haw e takhang teh ka kâtaren e lah ao.

² BAWIPA ni hete takhang teh taren e lah ao vaiteh, paawng mahoe, apihai kâen awh mahoe. Bangkongtetpawiteh, BAWIPA Isarel Cathut a kâen toung dawkvah, taren e lah ao han.

³ Bawi teh bawi lah ao dawkvah, BAWIPA Cathut e hmalah a canei hanelah hote tho koe a tahung han. Bawi teh vaikhap koehoi a kâen tâco han telah a ti.

Bawkim thung kâen sak e naw

⁴ Hahoi atunglah kangvawi e takhang bawkim e hmalah, na ceikhai. Ka khet nah khenhaw! BAWIPA e im teh BAWIPA a bawilennae hoi akawi teh, pakhup lah ka tabo.

⁵ BAWIPA ni tami capa BAWIPA e im dawk kâlawk hoi phunglam pueng ka dei e hah thaihaw! imthung kâennae tho hoi takhang e hmuen koehoi tâconae thonaw pueng hah ka hawi lah pâkuemh.

⁶ Taran ka thaw e Isarel imthung koevah, hettelah na dei han, Bawipa Jehovah ni hettelah a dei, Oe! nangmouh Isarel imthungnaw, na khinnae

bout na thap sin hanelah, miphun alouke, lungthin hoi takthai lahoi vuensom ka a hoeh e,

⁷ Kaie vaiyei, satui, thinaw na poe awh navah, hmuen kathoung kaie im roeroe khin sak hanelah na kâen awh teh, ka lawkkamnae na ek awh e dawkvah, panuet na thonae pueng hah pâpout e lah awm lawi na seh.

⁸ Kathoung kaie hno hah na ring awh hoeh, hete miphun alouknaw heh, kaie hmuen kathoung dawkvah nangmae yueng lah karingkung lah na hruék awh.

⁹ Bawipa Jehovah ni hettelah a dei, ram louk e apihai lungthin hoi takthai hoi vuensom ka a hoeh e Isarelkaw dawk e ram alouke tami pueng teh, kaie hmuen kathoung dawk kâen mahoe.

Vaihmanaw hane kâlawnaw

¹⁰ Levih miphun, Isarel meikaphawk pâlei hoi a kâva awh lahun nah, kai koehoi kahlatpoung lah ka cet tangcoung naw ni a payonnae hah a phu awh han.

¹¹ Hateiteh, kai hmuen kathoung dawkwaw katawkkung lah ao awh vaiteh, im longkhanaw hah a ring awh vaiteh, impui thung vah thaw a tawkwaw han, taminaw hanelah hmaisawi thuengnae hoi sathei a poe awh vaiteh, thaw a tawkwaw pouh awh hanelah a hmalah a kangdue awh han.

¹² Amamae meikaphawk hmalah thaw a tawkwaw pouh awh teh, Isarel imthung hanelah payonnae thung vah rawpnae doeh. Hatdawkvah, ahnimouh taranlahoi ka kut ka dâw teh, a payonae a phu awh roeroe han telah Bawipa Jehovah ni a dei.

¹³ Hottelah kai koe vaihma thaw a tawkwaw hanelah, na hnai awh mahoe. Kathoung kaie hno hoi kathounghoehe kaie hnouaw rek na hnai thai awh mahoe. Yeiraiponae hoi panuetho e hno a sak awh e hah a phu awh han.

¹⁴ Hat nakunghai, hote thaw tawkwaw sak hanelah kaawm e pueng tawkwaw hanelah, bawkim ka khenyawnkung lah thaw ka poe han.

¹⁵ Hateiteh, vaihma Levih miphun Zadok capa, kai koehoi Isarelkaw lam a phen awh nah, kaie hmuen kathoung karingkungnaw hah teh, ka thaw a tawkwaw hanelah rek na hnai awh han, a thithaw poe hanelah, ka hmalah a kangdue awh han telah Bawipa Jehovah ni a dei.

¹⁶ Hmuen kathoung dawkwaw kâen awh han, kai hane thaw tawkwaw hanelah, kaie caboi a hnai awh han, kaie thaw katawkkung lah ao awh han.

¹⁷ Ahnimouh ni a thung patuen e thongma dawkwaw e takhang koehoi a kâen awh navah, loukloukkaang e hoi sak e angkidung hah a khohna awh han. Athung e thongma thung thaw a tawkwaw navah, tumuen angki khohnat awh mahoe.

¹⁸ A lû dawkwaw lukkarei luhuem a huem awh vaiteh, a keng dawkwaw lukkarei hnadung a hna awh han. Lahuntui ka tâcawt sak e banghai khohnat awh mahoe.

¹⁹ Taminaw a onae koe thongma koe lah a tâco toteh, thaw a tawkwaw nah a khohna e hah a rading awh vaiteh, kathoung rakhannaw dawkwaw a hruék awh vaiteh, alouke a khohna awh han, kathoung khohna hoi taminaw thung sak mahoe.

²⁰ Ahnimae sam luengpalueng lah ngaw mahoe, kasawpoung lah hlung awh mahoe, a ngaw awh han.

²¹ Vaihma ni athung patuen e rakan dawkwaw a kâen toteh, misurtui net mahoe.

²² Lahmainunaw hoi kâpaluen awh mahoe, a vâ ni amae napui hoi kâpaluen mahoe, Isarel miphun tanglakacuem hoi vaihma ni a due takhai e lahmai hoi a kâpaluen awh han.

²³ Kaie ka taminaw hah kathoung hoi kathounghoehe a kapek thai awh teh panue sak hanelah na cangkhai awh han.

²⁴ Kamcannae ao nah lawkceng awh han, kai ni lawkceng e boiboe lah a ceng awh han, kaie pawî hnin thapa tangkuem dawc phunglawc hoi kâlawc a tarawi awh han, kaie sabbath hai a ya awh han.

²⁵ Ma hoi ma kâkhinsak nahanelah, tami ro hah hnai awh mahoe, a manu, a napa, a canu, a capa, a hmaunawngna tongpa, a tawncanu a vâ ka sak hoe hane rae naw hane teh a kâkhinsak thai han.

²⁶ Hahoi a kamthoung hnukkhu hnin sari touh ao han.

²⁷ A thoungnae hmuen koe thaw a tawc hanelah, athung patuen lae thongma a thoungnae hmuen koelah a kâen hnin vah, yonthanae sathei a thueng han telah Bawipa Jehovah ni a dei.

²⁸ Râw lah coe han e talai banghai tawn awh mahoe, bangkongtetpaw-iteh, a coe awh e teh kai doeh toe. Isarel dawc ham banghai na poe awh mahoe, a coe awh e teh kai doeh toe.

²⁹ Thueng e vaiyei hoi, yon thuengnae sathei, kâtapoe thuengnae sathei hah a ca awh han, Isarelnaw koe lawkkam e thueng e hnônaw pueng ahnimae râw lah ao han.

³⁰ Aluepaw kahawipoungnaw hoi, thueng e naw thung dawc kahawipoungnaw hah vaihmanaw ni a coe awh han, ahni ni nange im dawc, yawhawinae a pha sak nahanelah, tavai ahmaloe kanawc e hah vaihma koevah na poe awh han.

³¹ Tava hoi thoseh, moithang hai thoseh amahmawc kadout e, sarang ni a kei e ro hah vaihmanaw ni cat mahoe.

45

Kathoung ram

¹ Hothloilah ram coe hanelah ram na kêrei awh toteh, BAWIPA hanelah ram buet touh na pek awh han. Kathoung ram a coe hanelah, ayung dong 25,000, adangka 10,000 khori abuemlahoi kathoung ram lah ao han.

² A hmuen kathoung hanelah, ayung hoi adangka dong 500, petkâkalup lah kathoung ram hai dong 50 touh dueng ao han.

³ Hete bangnue tangcoung e dawc hoi, ayung dong 25,000 touh hoi, adangka dong 10,000 touh na bangnue vaiteh, hawvah, kathoung hmuen kathoung hah ao han.

⁴ Kathoung ram teh, hmuen kathoung dawc thaw katawkkung, a thaw tawc hanelah, BAWIPA ouk ka hnai e vaihmanaw hanelah doeh. A imhmuen hanelah hoi hmuen kathoung lah ao nahanelah kathoung ram lah ao han.

⁵ A hmuen alouke ayung dong 25,000, adangka dong 10,000, Levih miphun im dawc thaw katawknaw rakhan 20 touh sak thai nahan hoi khô a sak awh nahane doeh.

⁶ Khopui hoi kâkuen e talai teh, kathoung hmuen phekkadangka lah ayung dong 25,000, adangka 5,000 touh a pha teh, Isarel imthungnaw hanelah doeh ao han.

⁷ Hahoi bawi ham teh kathoung talai hoi khopui khori kanîloumlae pueng a tangawn, kanîtholae pueng a tangawn teh bawinaw hane doeh.

⁸ Maimae bawinaw ni maimae tami rep bout a coungroe hoeh nahan, hote talai teh Isarel ram dawkvah bawi ni a tawn e lah ao han, kaawm rae talai hah Isarel catounnaw lengkaleng a rei han.

⁹ Bawipa Jehovah ni hettelah a dei, Oe Isarel bawinaw, yit touh ma leih, kâhmuhmae kâsaveknae hah takhoe awh leih, kalan lah hnosaknae kahawi e hnosak e hah hringkhai awh leih, ka taminaw rektapnae kâhat awh leih, telah Bawipa Jehovah ni a dei.

¹⁰ Yawcu kahman e, khinglung kakuep e, ephah kahman e, bath kahman e na tawn awh han.

¹¹ ephah hoi bath heh rei a kânging hanelah ao. Homer hoi khing hanelah ao. Het patetlah ephah hra touh ni bath hra touh heh a kânging awh teh, hothateh Homer buet touh doeh.

¹² Nangmae khinglung teh hot patetlah ao han, gerah 20 touh hoi shekel buet touh a kâvan vaiteh, shekel 60 touh e hah mina buet touh a pha han.

¹³ Hahoi hethateh thuengnae hno na poe awh hanelah ao han. Cakang homer buet touh dawkvah ephah pung taruk pung touh hoi catun homer buet touh dawkvah ephah pung taruk pung touh na poe han.

¹⁴ Satui thuengnae teh Kor buet touh dawkvah bath pung hra pung touh, Kor teh bath 10 touh doeh. Homer hoi a kâvan, bangkongtetpawiteh, homer buet touh teh bath 10 touh doeh.

¹⁵ Isarel naw e saring a pânae koe ka pâ e tuhu thung hoi 200 touh dawkvah a ca buet touh a poe han. Het naw heh tavai thuengnae, hmaisawi thuengnae, roum thuengnae, yonthanae lah ao han telah Bawipa Jehovah ni a dei.

¹⁶ Ram dawkvah e tami pueng ni hete hno poe e heh Isarel bawi koevah a poe awh han.

¹⁷ Pawi hoi thapa reinae, sabbath hoi Isarel pawihninthanaw dawkvah hmaisawi thuengnae, tavai thuengnae, nei thuengnae, roum thuengnae hah Isarel imthung yontha hanlah a ma ni a sak han.

Pawi hnona kong

¹⁸ Bawipa Jehovah ni hettelah a dei, thapa yung pasuek, hnin pasuek navah, maitoca kacueme na hno vaiteh, hmuen kathoung na thoung sak han.

¹⁹ Vaihma ni yon thuengnae a thi hah youn touh a la vaiteh, bawkim takhang khom dawkvah khoungroe rahim lae hrawtnae hoi takin pali touh e athung patuen e thongma e takhang khom dawkvah thoseh, a hluk han.

²⁰ Hote thapa hnin sari touh nah panue hoeh e yonnae ka sak hoi kamawngrame hanelah, hot patetlah boiboelah na sak pouh han. Hot patetlah bawkim hanelah yonthanae hah na sak han.

²¹ Thapa yung pasuek, hnin 14 nah ceitakhai pawihnin na ya awh han, hahoi hnin sari touh thung vaiyei tawn phuen hoeh e hah na ca awh han.

²² Hot hnin dawkvah, bawi ni ama hoi a ram pueng hanelah, yon thuengnae poe hane maitotanca a thueng han.

²³ Hote pawihnin sari touh thung pueng dawkvah maitotan kacueme sari touh hoi, tutan sari touh Bawipa hanlah, hmaisawi thueng nahane hoi yon thueng nahanelah, a hnintangkuem hmaetan buet touh hoi thuengnae a sak han.

²⁴ Vaiyei thueng nahanelah maitotan buet touh dawkvah, ephah buet touh, tutan buet touh dawkvah ephah buet touh hoi, ephah buet touh dawkvah satui hin touh hmoun naseh.

²⁵ Thapa yung sari, hnin 15 nae pawî dawkvah, hnin sari touh thung, hot patetlah a sak han, yon thuengnae tavai hoi satui hah a hmoun han telah ati.

46

Bawknae nuencang

¹ Hettelah Bawîpa Jehovah ni a dei, athung lae thongma athung patuen e daw, kâen tâconae kanîtholah kangvawî e hah thawtawknae hnin taruk touh thung taren e lah ao han. Hateiteh, sabbath hnin hoi thaparei hnin daw paawng e lah ao han.

² Khobawî teh vaikhap rai lahoi a kâen tâco vaiteh, longkha khom teng vah a kangdue han. Vaihmanaw teh hmaisawî thuengnae hoi roum thuengnae sathei a thueng vaiteh, longkha pâhungnae vaikhap koe tabo vaiteh alawilah a tâco han. Hottelah a tâco vaiteh, takhang teh tangmin totouh khan awh mahoe.

³ Taminaw ni sabbath hnin hoi thaparei hnin nah kâen tâconae takhang kung koe e BAWIPA mithmu vah thueng awh naseh.

⁴ Sabbath hnin daw khobawî ni BAWIPA koe hmaisawî thuengnae a poe hane kawî teh, tuca kacueme taruk touh hoi, tutan kacueme buet touh han.

⁵ Tutan buet touh dawkvah, tavai ephah buet touh, tucanaw hoi a poe thai totouh ephah buet touh daw satui hin buet touh han.

⁶ Hahoi thapa rei hnin maitotanca kacueme buet touh, tuca taruk touh, tutan buet touh, kacueme seng han.

⁷ Vaiyei thueng nahane a kârakueng vaiteh, maitoca daw ephah buet touh, tutan buet touh daw ephah buet touh, tucanaw a poe thai yit touh hoi ephah buet touh daw satui hin buet touh han.

⁸ Khobawî teh kâenna e koe lah kâen tâconae vaikhap takhang hoi a kâen vaiteh haw lahoi bout a tâco han.

⁹ Khocanaw teh pawî hnin daw BAWIPA hmalah a tho awh nahai, thuengnae a sak awh nahanelah, atunglae longkha koehoi kâen e teh, akalae longkha daw hoi a tâco awh han. Akalae longkha daw hoi kâen e teh, atunglae longkha daw hoi a tâco awh han. A kâenna e longkha daw hoi ban laipalah hmalah pou a cei awh han.

¹⁰ A kâen awh toteh, khobawî hai ahnimouh koe a kâen van vaiteh, tâcawt awh pawiteh, a tâco van han.

¹¹ Pawî hninnaw hoi atueng khoe e pawinaw daw, tavai thuengnae teh maitotanca buet touh daw ephah buet touh, tutan buet touh daw ephah buet touh, tucanaw daw a poe thai e yit touh, ephah buet touh daw satui hin buet touh han.

¹² Khobawî ni lungtho lahoi a sak e hmaisawî thuengnae, roum thuengnae, lungtho lahoi BAWIPA koe thuengnae hno a poe navah, kanîtholah kangvawî e longkha hah a paawng han, sabbath hnin daw hmaisawî thuengnae, roum thuengnae a thueng e patetlah a poe han. A thueng hnukkhu a tâco vaiteh longkha hah a khan han.

¹³ A hnintangkuem BAWIPA koevah hmaisawî thuengnae daw tutanca kum touh e, kacueme hah na thueng han. Amom tangkuem na sak han.

¹⁴ Amom tangkuem vaiyei na poe hanelah na kârakueng han. ephah pung taruk touh daw pung touh hoi tavai kanui e kanaw e daw satui hin buet touh, pung thum touh daw pung touh, hatei, tavai thuengnae dawkvah, kangning e BAWIPA koevah atueng kahmancalah sak hane hah doeh.

¹⁵ Het patetlah hmaisawi thuengnae poue poe hanelah, tutanca vaiyei thuengnae hoi satui hah amom tangkuem a rakueng han telah a ti.

Khobawi hoi uknae kâlawk

¹⁶ Bawipa Jehovah ni hettelah a dei, khobawi ni a capa tami bangpatet koehai râw hanelah ram poe pawiteh, a capa ni a coe e râw lah ao han.

¹⁷ Hateiteh, a coe e ram thung dawk hoi, a thaw ka tawk pouh e tami buet touh koevah, poe boipawiteh, santoungnae a tâconae kum totouh a tawn vaiiteh, hathnukkhu hoi teh khobawi koevah, bout a poe han. Amae râw lah kaawm e hateh, a capanaw hanelah ao han.

¹⁸ Hothloilah khobawi ni, alouke ni a coe e ram lawm pouh mahoe. A im hoi a law thung dawk hoi, a hrek hanelah hai awm hoe. Ma e imlaw lengkaleng hah ka taminaw a kâkayeih aw hohoe nahan, amae lah kaawm e thung hoi a capanaw koe râw a poe han.

Rawca thawngnae im

¹⁹ Hottelah longkha teng e vaihmanaw hanelah, kathoung imrakhan kâenna koe na kâenkhai. Hahoi khenhaw! imhleih lah kaniloumlah hmuen kahoung e ao.

²⁰ Ahni ni, hetheh vaihma ni taminaw thung sak hanelah alawilae thongma lah a tâcokhai hoe nahan, kâtapoe thuengnae hoi yon thuengnae a thawngnae hmuen hoi vaiyei a pahainae hmuen doeh telah a ti.

²¹ Hahoi alawilae thongma daw k na tâcokhai teh, thongma takin teng vah na ceisak. Hahoi khenhaw! thongma takin tangkuem koe thongma alouke ao.

²² Thongma takin pali touh daw k thongma tapang ka tawn e, ayung dong 40, adangka dong 30 touh ao. Hote takin koe kaawmnaw teh a thoung a len be a kâvan aw h.

²³ Hote hmuen pali touh e athung lah, petkâkalup lah talung phai e ao teh, talung phai e a rahim petkâkalup e dawkvah, bu thawngnae lunghmunaw ao.

²⁴ Hahoi, kai koevah, hetnaw heh thawngnae im, impui daw k thaw katawnaw e taminaw ni thuengnae moi a thawngnae hmuen doeh telah a ti.

47

Damnae tui hoi thing

¹ Hathnukkhu hoi bawkim kâenna takhang koe lah bout na bankhai, khenhaw! impui vaikhap rahim lae koehoi, kanîtholah kangvawi lahoi tui a lawng. Bangkongtetpawiteh, bawkim teh kanîtholah kangvawi e doeh. Hote tui teh khoungroe akalae bawkim, aranglae rahim hoi ka lawng e doeh.

² Hahoi atunglah kangvawi e takhang koe lahoi na tâcokhai teh, alawilah kanîtholah kangvawi e takhang hloilah, na ceikhai, khenhaw aranglah tui hah a lawng.

³ Ama ni bangnuae a sin laihoi, kanîtholah kangvawi laihoi a cei teh, dong 1000 touh a bangnue, hahoi tui hah na raka sak teh, khoksaluem totouh doeh.

⁴ Dong 1000 touh bout a bangnue teh, tui hah bout na raka sak, hote tui teh khokpakhu totouh a pha. Dong 1,000 touh bout a bangnue teh bout na raka sak navah hote tui teh keng totouh a pha.

⁵ Dong 1,000 touh bout a bangnue teh, ka raka thai hoeh totouh e tui lah a coung. Tui teh hoehoe a len teh raka lah raka thai hoeh e, kale lah kale hane totouh a rasang.

⁶ Hahoi kai koevah, tami capa hetheh na hmu ou, telah ati, tuipui koelah bout na ban sak.

⁷ Ka ban navah khenhaw! tuipui avangvanglah, thingkung moikapap lah ao.

⁸ Ahni ni, kai koevah, hete kanitholah ka lawng e tui heh, kahrawng a raka vaiteh tali dawk a kaen han. Tali koe a pha toteh tui hah a thoung sak han.

⁹ Tui a lawngnae hnintangkuem vah, saring pueng a hring awh han, tanga moikapap lah ao han, bangkongtetpawiteh, tuipui teh, a lawngnae tangkuem koe saring hah a hring thai nahanelah, hete tui heh ka lawng e doeh.

¹⁰ Hahoi, tui teng vah tangakamankungnaw a kangdue awh vaiteh, Engedi hoi Eglaim totouh tamlawk hengnae hmuen lah ao han, tanganaw teh mamae talipui dawk e tanga patetlah apap katang han.

¹¹ Tangkom tui hoi tuiphueknaw teh, thoung awh mahoe, palawi khu hanelah, ceitakhai han, pou a paan awh han.

¹² Tuipui teng vah avangvanglah thingkung phunkuep a paw vaiteh, hotnaw teh a hna kamyai boi mahoe, a paw hai pou a paw awh han, hmuen kathoung koehoi ka lawng e tui dawk hoi kaw k e lah ao dawkvah, thapa tangkuem a paw han, a paw teh ca hane kawi lah ao vaiteh, a hna teh damnae lah ao han.

Ramri

¹³ Bawipa Jehovah ni hettelah a dei, hetheh Isarel miphun 12 touh thung daw k hoi e, raw a karei awh hane talai lah ao han, Joseph ni hmuen kahni touh a coe han.

¹⁴ Lengkaleng kavan lah na coe awh han. Na mintoenaw koe thoebo lahoi poe lah kaawm e hete ram heh na coe awh e ram lah ao han.

¹⁵ Heteheh ram buem lae khori lah ao han, atunglah tuipui hoi Hethlon a raka vaiteh, Hamath a kaenna tanghling Zebad vah a pha han.

¹⁶ Hamath, Berothah, Damaskas hoi Hamath ramri daw k kaawm e Sibraim hoi Hauran ramri teng vah kaawm e Hazarhattikon totouh,

¹⁷ Hottelah hoi ramri teh tuipui hoi Damaskas ramri teng e Hazarenan totouh han, atunglah Hamath ramri daw k a kari han, hetheh atunglae ramri doeh.

¹⁸ Kanitholah, Hauran hoi Damaskas rahak daw k, Gilead hoi Isarel ram rahak e Jordan tui a palei han, Kanitholae ramri hoi Kanitholae tali daw k Tamar a pha han, hetheh Kanitholae ramri lah ao han.

¹⁹ Akalae Tamar hoi Meribah Kadesh palang totouh, Izip tui a palei laihoi tuipui daw k a pha han, hetheh akalae ramri lah ao han.

²⁰ Kaniloumlae ramri teh, talipui, akalae ramri hoi Hamath a kaenna tanghling totouh, hetheh kaniloumlae ramri lah ao han.

²¹ Hottelah hete ram heh Isarel miphun lahoi lengkaleng na kakhuen awh han.

²² Hahoi, na coe awh hane ram hoi nangmouh thung daw k miphun alouklah kho ka sak e, yucanaw katawnnaw a coe awh hane ram na karei sak han. Ahnimouh teh Isarel daw k hoi katacawtnaw patetlah ao awh han. Isarel miphunnaw thung daw k nangmouh patetlah raw a tawn awh van han.

23 Hahoi, bangpatet e miphun dawkvah miphun alouke hah khosak boipawiteh, hawvah a coe hane kawî ram na khuen pouh han, telah Bawipa Jehovah ni a dei.

48

Ram kêreinae

1 Hetnaw heh miphun minnaw doeh. Atunglae ramri tuipei koehoi Hethlon raka lahoi Hamath lam teng, Damaskas ramri, Hamath kho teng, atung lae Hazarenan totouh, kanîtho lahoi, kanîloumlah coe hane buet touh e teh Dan ni a coe hane doeh.

2 Dan ni coe e hoi kêri e kanîtho lahoi kanîloumlae hmuen buet touh e teh Asher e ham lah ao han.

3 Asher ni coe e hoi kêri e kanîtho lahoi kanîloumlae hmuen buet touh e teh Naphtali e ham lah ao han.

4 Naphtali ni coe e hoi kêri e koehoi kanîtho lahoi kanîloumlae hmuen buet touh teh Manasseh e ham lah ao han.

5 Manasseh ni coe e hoi kêri e kanîtho lahoi kanîloumlae hmuen buet touh e teh Ephraim e ham lah ao han.

6 Ephraim ni coe e hoi kêri e kanîtho lahoi kanîloumlae hmuen buet touh e teh Reuben e ham lah ao han.

7 Reuben ni coe e hoi kêri e kanîtho lahoi kanîloumlae hmuen buet touh e teh Judah e ham lah ao han.

8 Judah ni coe e hoi kêri e kanîtho lahoi kanîloumlah pou na kapek hane teh, ayung adangka a kâvan han. Adangka dong 25000 touh han, ayung teh kanîtho lahoi kanîloumlah hai alouke lae a coe e patetlah han, hote thungup dawk hmuen kathoung ao han.

9 Hmuen kathoung hah BAWIPA koe na thueng aw hane teh, ayung dong 25000 touh vaiteh, adangka dong 10,000 touh han.

10 Hitueng vah vaihmanaw hanelah, ram kapek pouh e lah ao han, atunglah dong 25,000, kanîtholah dong 10,000, kanîloumlah dong 10,000, akalah dong 25,000 touh han, alungui vah BAWIPA e hmuen kathoung ao han.

11 Thoung sak e lah kaawm e vaihma Zadok e a canaw hah thaw poe lah kaawm e karingkungnaw lah ao han, hotnaw teh Isarel naw lam a phen aw lahun nah lam ka phen e Levihnaw patetlah lam ka phen hoeh e naw doeh.

12 Levihnaw coe e kêrinae koehoi kapek e ram pueng thung daw k hoi ahnimouh hanelah kapek pouh e hmuen kathoung poung lah ao han.

13 Vaihmanaw e talai teng vah Levihnaw ni talai a tawn aw h van han, ayung dong 25,000, adangka 10,000 touh han.

14 Talai na yawt mahoe h, kâhungnae hai na sak mahoe h, kahawi e hai tami alouke koe na poe mahoe h, bangkongtetpawiteh BAWIPA hanelah ka thoung e doeh.

15 Ayung 25,000 hloilah dong 25,000 touh e teh, abuemlahoi coe hane khosak aw h nahane hoi khotenaw a sak aw h nahane doeh, khopui teh alungui vah ao han.

16 Hahoi, a bangnuae teh, atunglah dong 4,500, akalah dong 4500, kanîtholah dong 4500, kanîloumlah dong 4,500.

17 Khopui ni a tengpam a tawn han, atunglah dong 250, akalah dong 250, kanîtholah dong 250, kanîloumlah dong 250.

18 Hahoi atunglah kacawie kapek e ram teng e teh, kanîtholah dong 10,000, kanîloumlah dong 10,000 touh han. Kapek e ram la ao han,

hote hmuen koe a pawhik ka tâcawt e naw teh, khopui dawk e thaw katawkkungnaw ni a ca aw hane doeh.

¹⁹ Khopui dawk thaw katawkkung Isarel miphunnaw thung hoi talai a kanawk aw hane.

²⁰ Kapek hane ram teh adangka dong 25,000, ayung dong 25,000, kapek e ram kathounge takin pali touh ka tawn e khopui ni a ham e hoi na thueng aw hane.

²¹ Kacawirae ram thoung sak tangcoung e hoi khopui avangvang lae coe hane teh, bawi ni a ham hane. Kanîtholah dong 25,000, kanîloumlah dong 25,000, ahlawilae ram kapek e teh, bawi ni a coe hanelah ao hane, kapek e ram thoung sak tangcoung e hoi bawkim e hmuen kathoung teh a lungui vah ao hane.

²² Levih ni a ham e hoi khopui ni a ham e teh, Judah ni a ham e hoi Benjamin ni a ham e hoi a kâri hane.

²³ Kacawie miphunnaw e kong dawk, kanîtho lahoi kanîloumlah buet touh e ham teh Benjamin ni a ham hane.

²⁴ Benjamin ni coe e koehoi kâri e kanîtho lahoi kanîloumlae hmuen buet touh e teh Simeon e ham lah ao hane.

²⁵ Simeon ni coe e koehoi kâri e kanîtho lahoi kanîloumlae hmuen buet touh e teh Issakhar e ham lah ao hane.

²⁶ Issakhar ni coe e koehoi kâri e kanîtho lahoi kanîloumlae hmuen buet touh e teh Zebulun e ham lah ao hane.

²⁷ Zebulun ni coe e koehoi kâri e kanîtho lahoi kanîloumlae hmuen buet touh e teh Gad e ham lah ao hane.

²⁸ Gad ni a ham e akalah kapek e koe, akalah khori teh, Tamar hoi Meribah Kadesh tuinaw totouh, Izip palang pâlei lahoi tuipui a pâm hane.

²⁹ Hetheh, Isarel miphunnaw, râw coe hanelah cungpam a rayu aw hane teh, rei e lah kaawm e talai, hethateh, ahnimouh kapek teh ao aw hane ram lengkaleng doeh, telah Bawipa Jehovah ni a dei.

Khopui katha

³⁰ Khopui thung hoi tâco nahane takhangnaw hateh, atunglah dong 4500, touh a pha,

³¹ khopui e takhangnaw teh, Isarel miphunnaw e min poe lahoi atunglah longkha kathum touh ao, hotnaw teh, Reuben longkha, Judah longkha, Levih longkha naw hah doeh.

³² Kanîtholah dong 4,500, touh daw longkha kathum touh ao, hotnaw teh, Joseph longkha, Benjamin longkha, Dan longkha naw hah doeh.

³³ Akalah dong 4,500, touh daw longkha kathum touh ao, hotnaw teh, Simeon longkha, Issakhar longkha, Zebulun longkha naw hah doeh.

³⁴ Kanîloumlah dong 4,500, touh daw longkha kathum touh ao, hotnaw teh, Gad longkha, Asher longkha, Naphtali longkha naw hah doeh.

³⁵ Petkâkalup ka dong 18,000 touh a pha vaiteh, BAWIPA e hnin hoi kamtawng teh, khopui e min teh hawvah BAWIPA A O (Jehovah Shama) telah a min phung e lah ao hane.

DANIEL

Daniel hoi a huinaw e yuemnae

¹ Judah siangpahrang Jehoiakim a bawinae a kum thum nah, Babilon siangpahrang Nebukhadnezar ni Jerusalem kho a thosin teh, king a kalup.

² BAWIPA ni Judah siangpahrang Jehoiakim hoi bawkim dawk e hnopainaw a tangawn hah Nebukhadnezar kut dawk a poe. Nebukhadnezar ni a man e naw hah, Babilon kho kaawm e amamae bawkim thung a hrwi teh, hnopainaw hah hnopai im dawk a hruek aw.

³ Hat toteh, siangpahrang ni tuenlanaw dueng dawk kacuelah kaawm e Asphenaz hah a kaw teh,

⁴ Isarel naw man e naw thung dawk hoi, a takthai kahawi e, a mei kahawi e, kamtu thai e, a lawkdei kahawi e, panuena dawk a hue karang e naw hoi, siangpahrang im dawk thaw taw hah kamcu e nawsainaw hah na rawi han. Hahoi, Khaldean ca hoi lawk hah na cangkhai han atipouh.

⁵ Siangpahrang e rawca hah kum thum totouh hnintanguem paca hnukkhu, siangpahrang im thaw a tawk aw han.

⁶ Hotnaw thung dawkvah, Judah tami Daniel, Hananiah, Mishael, hoi Azariah tinaw a kâpa aw.

⁷ Tuenla e naw kaukkung ni, ahnimanaw hah a min koug athung pouh. Daniel hah Belteshazzar, Hananiah hah Shadrak, Mishael hah Meshak, Azariah hah Abednego atipouh aw.

⁸ Daniel ni siangpahrang e rawca hoi misur canei e lahoi kakhin hoeh nahanelah, hot patet e rawca hah na paca hanh loe telah tuenlanaw kaukkung koe a kâhei.

⁹ Cathut pahren lahoi tuenlanaw kaukkung ni Daniel hah a pahren eiteh, ka bawipa ni nangmae rawca mitkhet hanelah, a hruek e hah kai hai ka taki van.

¹⁰ Ahni ni nouh nangmouh hanlah rawcarawnei naw hah a hmoun. Nangmae minhmai teh alouke nawsainaw e minhmai patetlah a meihawi hoeh e hah ka bawipa ni hmawt pawiteh, nangmouh kecu dawk kai teh ka lahuen a thawk toe, telah Daniel koe a dei pouh.

¹¹ Hattoteh Daniel ni, Daniel, Hananiah, Mishael, Azariah tinaw ka khenyawn hanelah tuenlanaw kaukkung ni a hruek e rawca mitkhenkung koevah,

¹² kaimouh hanelah rawca hah anhla hoi tui maha hnin hra touh thung na poe na teh na tanouk haw.

¹³ Hathnukkhu kaimae minhmai hoi siangpahrang rawca ka catnet e nawsainaw e minhmai hah khen nateh na hmu e patetlah thaw taw haw atipouh.

¹⁴ Rawca mitkhenkung nihai, a lungkuep teh hnin hra touh a tanouk.

¹⁵ Hnin hra touh akuep toteh, ahnimae minhmai teh rawca ka catnet e nawsainaw e minhmai hlah a meihawi aw teh, phuekuek lah ao aw.

¹⁶ Hat toteh, rawca mitkhenkung ni ahnimouh hanelah, a hmoun e rawca hoi misurtui hah a takhoe teh anhla hoi duengdoeh a kawk toe.

¹⁷ Cathut ni hote nawsainaw pali touh hah panuena, ca thoumae hoi kamtu e pueng thom thainae hah a poe. Daniel teh vision hoi mangnaw pueng hai a panue thai.

¹⁸ Siangpahrang im a kâen nahane atueng khoe e akuep toteh, tuenlanaw kaukkung ni nawsainaw hah a kaw teh siangpahrang im thung a kâenkhai.

¹⁹ Siangpahrang ni hote nawsainaw a pacei pakaw hnukkhu Daniel, Hananiah, Mishael, Azariah tinaw hoi kâvan e buet touh hai ao aw hoi hoeh dawkvah, ahnimanaw teh, siangpahrang koe thaw tawk hane kâ a hmu aw h.

²⁰ Siangpahrang ni a pacei e panuena puenghoi thoumthainae pueng dawkvah, a ram thung kaawm e mitpaleikathoum e, kut khet ka thoum e naw pueng hlak let hra touh hoi a thoum aw h e hah a hmu.

²¹ Daniel teh Sairas siangpahrang a bawinae apasuek kum totouh ao.

2

Nebukhadnezar e mang

¹ Nebukhadnezar a bawinae a kum pahni navah, a mang lah a hmu e hno dawkvah roumkalue teh ip thai hoeh.

² Hat toteh, siangpahrang ni a ram thung kaawm e mitpalei kathoumnaw, kutkhetkathoumnaw, kahrai ka pâlei thainaw hoi, Khaldeannaw hah pâkhueng aw h ati e patetlah ahnimanaw a tho aw h teh,

³ siangpahrang ni ka mang lah ka hmu e hah bang ngainae ne, ka panue thai hoeh dawkvah, ka lung nawm hoeh, dei aw h haw atipouh.

⁴ Hatnavah Khaldeannaw ni Aramaih lawk lahoi, siangpahrang na hring saw seh. Kaimouh koe na mang hah rui haw. Kaimouh ni na mang teh ka leh aw h vai nei atipouh aw h.

⁵ Siangpahrang ni yo ka dei toung hat tayaw. Hote mang hoi a ngainae na dei thai aw h hoehpawiteh, tawntarawn lah na tâtueng aw h han. Na imlaw naw hai vaipuen songnawng lah ka coung sak han atipouh.

⁶ Mang hoi deingainae na deicai pawiteh, poehnonaw, tawkpahunaw hoi barinae kalen a hmu han. Hatdawkvah, mang hoi deingainae hah kai koe dei aw h telah Khaldean a lungkaangnaw koe atipouh.

⁷ Ahnimanaw ni, siangpahrang, na mang hah kaimouh koe dei haw, kaimouh ni ka leh aw h vainei bout atipouh aw h.

⁸ Hat toteh, siangpahrang ni yo ka dei toung hatayaw. A hnin thapa asaw nahanelah atueng tahruek sak hane doeh na ngai aw h tie ka panue.

⁹ Mang hah na dei aw h hoehpawiteh, pouknae buet touh duengdoeh kaawm. Atueng kasaw nakunghai, laithoe hrawnghrang doeh dei hanelah na kâcai aw h toe. Mang hah bout deih aw h. Hottelah na dei thai aw h pawiteh, leh hai na leh thai aw h han tie ka panue bout atipouh.

¹⁰ Khaldeannaw ni, siangpahrang nang ni na dei e patetlah ka dei thai hane tami buet touh boehai aw m hoeh. Bangpatet e siangpahrang ni hai a lentoe eiteh, mitpaleikathoumnaw, camkathoumnaw, Khaldean taminaw koe hettelah pacei boihoeh.

¹¹ Siangpahrang nang ni na pacei e teh, ka ru poung e hno doeh. Tami lah kaawm hoeh e Cathut hloilah apinihai pâpho thai mahoeh bout atipouh aw h.

¹² Hote lawk hah a thai navah, puenghoi a lungkhuek teh, Babilon kho daw k kaawm e tami lungkaangnaw pueng koung thei lah awmseh telah kâ a poe.

¹³ Hat toteh, hote kâ hah a pathang aw h teh, a lungkaangnaw thei a kamtawng aw h teh, Daniel hoi a huinaw hah thei hanlah a tawng aw h.

Nebukhadnezar mang pâphona

¹⁴ Daniel ni bangkongmaw siangpahrang e kâ teh, hettelah totouh a rang vaw telah,

¹⁵ Babilon tami lungkaangnaw thei hanlah ka cet e naw kahrawikung, siangpahrang ka ring e Ariok koe kâhruetcuët laihoi a pacei.

¹⁶ Ariok ni hote konglamnaw hah a dei navah, Daniel ni siangpahrang im a kâen teh, hote mang deicai nahanelah atueng na poe ei telah a kâhei.

¹⁷ Hahoi ama im a ban teh, hote akongnaw hah a huinaw Hananiah, Mishael, Azariah tinaw koe a dei pouh.

¹⁸ Hat toteh, maimouh teh alouke Babilon a lungkaangnaw hoi reirei due awh hoeh nahanelah, hete hrolawk dawk lungmanae coe awh nahan, kalvan Cathut koe ratoum awh sei ati awh.

¹⁹ Karum toteh Cathut ni vision lahoi, hote hrolawk hah Daniel koe a dei pouh.

²⁰ Hat toteh, Daniel ni kalvan Cathut e lungmanae hah a pholen teh, Cathut min teh a yungyoe hoi a yungyoe ditouh pholen lah awmseh. Lungangnae hoi hnotithainae hoi akawi.

²¹ A tue hoi khotue naw hah a kâhung sak. Siangpahrangnaw hai a pabo, a tawmtakhang, a lungkaang e naw koe lungangnae na poe. Kho ka pouk thai naw ni hai na lungmanae dawk hoi doeh a panue thai awh.

²² Ka ru e hnonaw hai kamcengcalah, na patue awh. A hmonae koe kaawm e pueng na panue teh, nama koe angnae teh ao.

²³ Mintoenaw e Cathut, hnotithainae hoi lungangnae na poe teh, kaimouh ni ka ratoum awh e patetlah siangpahrang e a mang pâpho thainae lungangnae teh ka pholen telah Daniel ni a ratoum.

Nebukhadnezar e mang deicainae

²⁴ Hathnukkhu Babilon lungkaangnaw thei hanlah a patoun e Ariok koe a cei teh, Babilon tami lungkaangnaw hah thet hanh. Kai hah siangpahrang koe na thak haw. Kai ni mang hoi deingainae hah ka pâpho pouh vainei atipouh.

²⁵ Hat toteh, Ariok ni Daniel hah karanglah siangpahrang koe a hrawi teh, siangpahrang, nange mang hoi deingainae ka pâpho thai e tami Judahnaw man e thung dawk e buet touh ka hmu toe atipouh.

²⁶ Siangpahrang ni kai ni ka mang e mang hah dei vaiteh deingainae hah na pâpho thai han maw telah Belteshazzar tie Daniel hah a pacei navah,

²⁷ Daniel ni siangpahrang, nang ni na pacei e hah a lungkaangnaw, camkathoumnaw, mitpaleikathoumnaw, hoi khueyuenaw ni pâpho thai mahoeh.

²⁸ Hro e naw ka pâpho niteh, ato hmalah ka tho hane naw siangpahrang nang koe ka dei pouh e Cathut buet touh duengdoeh kalvan vah kaawm .

²⁹ Oe siangpahrang, na i navah ato hmalah ka tho hane naw hah na pouk. Hro e naw kapâphokung Cathut ni ato hmalah ka tho hane naw hah nang koe na patue.

³⁰ Hete hro e hno hah, kai teh alouke moithangnaw hlak hoe ka lungang dawkvah kai koe a pâpho e nahoeh. Nang ni na lungthung na pouk e naw hah na panue thai nahanlah doeh deingainae naw hah Cathut ni na pâpho pouh.

³¹ Siangpahrang, na i lahun nah na mang e vision teh, na khet navah meikaphawk hah na hmu. Athakaawme lah ao. Hote meikaphawk teh, taki ka tho e meilam hoi na hmalah a kâpâhung.

³² A lû teh sui, a lungtabue hoi a kut roi teh ngun lah ao.

³³ A von hoi a phai roi teh, rahum lah ao. A khok buembue roi teh sum lah ao. Khoktabei hoi khoksampha teh sum atangawn amhru atangawn lah ao.

³⁴ Nang ni na khet lahun nah, kut hoi sak hoeh e amahmawk kaawm e talung buet touh ni, meikaphawk e khok sum tangawn amhru tangawn e koe a ten torei teh,

³⁵ sum, amhru, rahum, ngun, sui naw teh, reppasei lah ao. Kawmpoi vah, cangkatinnae koe e vaiphu patetlah ao nahan awm laipalah, kahlî ni a palek teh a kahma. Meikaphawk ka ten e talung a rounge teh, kalenpounge mon lah a coung. Talaivan pueng koug a ramuk telah mang na sak.

³⁶ Atuvah, mang ni deingainae na dei pouh vai.

³⁷ Siangpahrang, nang teh siangpahrangnaw e siangpahrang lah na o. Kalvan Cathut ni uknaeram, thasainae, hoi bawilenna na poe toe.

³⁸ Tami khosaknae hmuen pueng koe, saringnaw hoi kahlun e tavanaw pueng na kut dawc poe lah ao teh, abuemlahoi uknae kâ na tawn. Nang teh, meikaphawk e suilû lah na o.

³⁹ Nang hnukkhu lah, nang patetlah kalen hoeh e alouke uknaeram a tâco han. Hathnukkhu talai van pueng ka uk hane apâthum e rahum ram a tâco han.

⁴⁰ Apalinae uknaeram teh, sum patetlah kate e lah ao han. Sum teh alouke hno pueng a raphoe thai e patetlah apalinae ram ni raphoe vaiteh, a rektap han.

⁴¹ Kutsak e khoktabei hoi khoksamphanaw teh, sum tangawn amhru tangawn lah ao e hah na hmu e patetlah, buet touh hoi buet touh kâtaran e uknaeram lah ao han. Hatei, amhru pâeng e hoi sum kalawt e na hmu e patetlah sum teh a tê han.

⁴² Khokcareinaw teh sum tangawn amhru tangawn lah ao e na hmu e patetlah, uknaeram atangawn teh a tê han, atangawn teh a rawk a yawi han.

⁴³ Amhru pâeng e hoi sum kalawt e hah na hmu e patetlah khocanaw teh ram alouknaw hoi a kâkalawt awh han. Hatei, amhru hoi sum a kâkalawt thai hoeh e patetlah buet touh hoi buet touh kâpo thai mahoe.

⁴⁴ Kut hoi sak hoeh e talung buet touh ni mon hoi amahmawk a kamlei teh, sum, rahum, ngun, sui, amhrunaw hah reppasei lah a ten e na hmu e hateh, rawknae koe ka phat thai hoeh e, hote bawinae tueng nah kalvan Cathut ni uknaeram a kangdue sak han. Hote teh jentelnaw e kut dawc phat toung laipalah, ahmaloe dei tangcoung e ram pueng hah raphoe vaiteh, a yungyoe a cak han.

⁴⁵ Hottelah, ato hmalah ka tho hane hnonaw hah ka lentoe poung e Cathut ni siangpahrang nang koe a dei e doeh. Nange mang teh, katang e doeh. Deicainae hai kahman e doeh telah Daniel ni a dei pouh.

Daniel poehno poenae

⁴⁶ Hattoteh siangpahrang ni Daniel hmalah a tabo teh barinae a poe. Hmuitui hmaisawi hane hoi pasoumhno pasoung hanelah kâ a poe hnukkhu,

⁴⁷ nang ni hete hrolawc hah na pâpho thai dawkvah, atangcalah nange Cathut teh, cathutnaw e Cathut, siangpahrangnaw e Bawi, hrolawc ka pâpho thai e Bawipa doeh telah a ti.

⁴⁸ Hat toteh, Daniel hah thaw a luen sak teh, hnopai moikapap a poe hnukkhu, Babilon ram dawc bawi lah thoseh, Babilon lungkaangnaw kaukung bawi lah a ta.

⁴⁹ Hat toteh, Daniel ni a kâhei e patetlah siangpahrang ni, Shadrak, Meshak, hoi Abednego tinaw hah Babilon ram thung thaw katawkkung lah a ta. Hatei, Daniel teh siangpahrang im vah a tahung.

3

Sui meikaphawk

¹ Vai touh teh, Nebukhadnezar siangpahrang ni a rasang dong 60, akaw e dong taruk touh e sui meikaphawk a sak teh, Babilon ram Dura yawndaw dawk a pâhung.

² Siangpahrang ni a pâhung e meikaphawk hnawngnae paw i koe kâ katawkkungnaw, khobawinaw, pouknae kapoekungnaw, hnopai kakuenkungnaw, lawkcengkungnaw, hoi alouke khobawinaw pueng teh, kamkhueng sak hanelah kâ a poe.

³ Hatdawkvah kâ katawkkungnaw, khobawinaw, pouknae kapoekungnaw, hnopai kakuenkungnaw, lawkcengkungnaw hoi alouke khobawinaw pueng teh, a tho awh teh meikaphawk hmalah a kangdue awh.

⁴ Hatnavah mipun phunkuep hoi lawk phunkuep e taminaw,

⁵ Mongka, vovit, ratoung, cecak, tamawi, ratoung kalen hoi lawk ka tâcawt e pueng tumkhawng lawk na thai awh toteh, Nebukhadnezar ni a pâhung e sui meikaphawk hah tabo laihoi na baw awh han.

⁶ Apipatethai tabo laihoi ka baw ngai hoeh e teh, sut kamtawi e tahmanghmai dawk phum lah awmseh, telah kacaipounglah a oung awh.

⁷ Hatdawkvah, mongka vovit, cecak, ratoung, tamawi, ratoung kalen e hoi lawk ka tâcawt e pueng tumkhawng lawk tami pueng ni a thai awh toteh, mipun phunkuep hoi lawk phunkuep e taminaw pueng ni a tabo awh teh, Nebukhadnezar siangpahrang ni a pâhung e sui meikaphawk teh a baw awh.

Daniel e huinaw ni lawk eknae

⁸ Hatnavah Nebukhadnezar siangpahrang koe Babilonnaw a tho awh teh,

⁹ Siangpahrang na hring dung vang seh,

¹⁰ mongka vovit, cecak, ratoung, tamawi, ratoung kalen e hoi lawk ka tâcawt e pueng tumkhawng lawk ka thai e pueng ni, sui meikaphawk hah tabo laihoi a baw awh han.

¹¹ Ka tabaw hoeh e, ka baw hoeh e teh kamtawi lahun e tahmanghmai dawk phum lah ao han telah na pathang toe.

¹² Siangpahrang nangmouh ni, Babilon ram thung kahrawikung thaw na poe e Shadrak, Meshak, hoi Abednego tinaw ni na pathang e lawk hah banglahai ngâi awh hoeh. Nange cathutnaw hai baw awh hoeh. Na pâhung e sui meikaphawk hai baw awh hoeh, telah Judahnaw yonpenna e dei pouh awh.

¹³ Hat toteh, Nebukhadnezar siangpahrang teh puenghoi a lungkhuek dawkvah, Shakdrak, Meshak, hoi Abednego tinaw kaw awh atipouh e patetlah siangpahrang hmalah a tâcokhai awh.

¹⁴ Nebukhadnezar siangpahrang ni, hei Shakdrak, Meshak, hoi Abednego, kaie cathutnaw hah na baw awh hoeh maw. Ka pâhung e sui meikaphawk hah na baw awh hoeh maw.

¹⁵ Atuvah mongka vovit, cecak, ratoung, tamawi, ratoung kalen e hoi lawk ka tâcawt e pueng tumkhawng lawk na thai awh toteh, ka pâhung e sui meikaphawk hah baw hanlah coungkacoe lah awm awh.

Hoehpawiteh, kamtawi lahun e tahmang hmai dawk tang na phum awh han. Ka kut dawk hoi na kahlout sak hane cathut teh bangpatet e cathut mouh kaawm atipouh.

¹⁶ Shadrak, Meshak, hoi Abednego tinaw nihai, oe! siangpahrang Nebukhadnezar, hete kong dawk kaimouh ni bout dei hane banghai awmhoeh.

¹⁷ Kaimouh ni ka bawk awh e Cathut ni ka kamtawi lahun e tahmang hmai dawk hoi na hlout sak thai. Nange kut dawk hoi hai na hlout sak thai han.

¹⁸ Hottelah na kahlout sak hoeh nakunghai, nange cathutnaw teh ka bawk awh mahoe. Na pähung e sui meikaphawk hai ka bawk awh mahoe, bout atipouh.

Tahmanghmai dawk tâkhawngnae

¹⁹ Hat toteh, Nebukhadnezar teh a lung hoe a khuek teh Shadrak, Meshak, hoi Abednego tinaw a khet navah a minhmai a mathoe dawkvah tahmang hmai hah ahmaloe e hlak let sari touh kamtawi sak hane hoi

²⁰ a thakasai e ransanaw koe Shadrak, Meshak, hoi Abednego hah katek vaiteh kamtawi lahun e tahmang hmai dawk phum hanelah kâ a poe.

²¹ Hattoteh ahnimouh kathum touh hah, khohna khuehoi, hnicu khuehoi, luhuem khuehoi a katek awh teh kamtawi lahun e tahmang hmai dawk a phum awh navah,

²² siangpahrang e kâpoe e teh ekvoi a rang teh, patawi e tahmang hmai koe ekvoi a bet dawkvah, Shadrak, Meshak, hoi Abednego tinaw hmai kaphumkungnaw law teh a bet lawi a due awh.

²³ Ahnimouh kathum touh teh puenghoi kamtawi e tahmang hmai dawk ao awh.

²⁴ Hattoteh siangpahrang Nebukhadnezar teh kângairu laihoi hluet a thaw teh, tami kathum touh nahoehmaw katek laihoi hmai phum awh vaw telah kâpankhaikungnaw hah a pacei. Ahnimouh ni hai awiyaw atipouh awh.

²⁵ Siangpahrang ni tami pali touh teh, katek laipalah hmai dawk a kâhlumkâhlai awh. Runae dawk hoi a hlout awh e hah ka hmu bo vaw. Apali e teh Cathut capa boiboe bo aw atipouh hnukkhu,

Tahmanghmai dawk hoi tâconae

²⁶ kamtawi lahun e tahmang hmai koe rek a cei teh, ka rasang poung e Cathut e sannaw, Shadrak, Meshak hoi Abednego tinaw tâcawt awh nateh, tho awh leih, atipouh navah ahnimouh teh hmai thung hoi a tâco awh.

²⁷ Kâ katawnkungnaw, pouknae kapoekungnaw, ransa bawinaw, hoi khobawinaw ni hmai ka kang thai hoeh e ahnimanaw hah a kalup awh teh a khet awh. Ahnimae samrui buet touh boehai kamrâw hoeh. Khohna hai kamlang hoeh. Hmai kak hmui hai tho hoeh.

²⁸ Nebukhadnezar siangpahrang ni Shadrak, Meshak, hoi Abednego tinaw e Cathut teh pholen lah awmseh. Ahnimae Cathut hloilah alouke cathut a bawk awh hoeh nahanlah Cathut kâuep laihoi siangpahrang e kâ a ek awh teh, a kâhmoun awh e naw koe Cathut ni kalvantami a patoun teh a rungngang toe.

²⁹ Hatdawkvah lawk phunkuep kapan e tami phunkuep thung dawk e buetbuet touh ni Shadrak, Meshak, hoi Abednego tinaw ni a bawk e Cathut dumdamnae lawk dei pawiteh, tawntarawn tâtueng lah awmseh, ahnimae im haiyah vaipuen songnawng lah awmseh telah a pathang.

Bangkongtetpawiteh, hettelah hluk e hloutnae hah hote Cathut hloilah bangpatet e cathut ni hai coung thai hoeh ati hnukkhu,

³⁰ Babilon ram dawk Shadrak, Meshak, hoi Abednego tinaw hah a thaw a luen sak pouh.

4

Nebukhadnezar ni Cathut a pholen

¹ Kai Nebukhadnezar ni lawk na patawn aw. Talaivan kho tangkuem kaawm e miphun cawngca hoi lawk cawngca kapan e taminaw nangmouh koe lungmawngnae pungdaw seh.

² Lathueng poung lah kaawm e Cathut ni kai dawk a sak e kângairu hno hoi mitnoutnae naw hah kannue sak hanelah ka ngai.

³ Mitnout teh a len tanggak. Athaonaeh teh kângairu han lah ao tanggak. A uknaeram teh catounawtoun totouh kangning e lah ao.

Nebukhadnezar e mang pahni

⁴ Kai Nebukhadnezar teh kama e siangpahrang im dawk tawnta bawirengnae hoi ka o navah,

⁵ takikathopoung mang ka mang e hah ikhun dawk ka yannaeh koehoi ka pouk navah, ka taki toungloung.

⁶ Hatdawkvah ka mang leh hanelah Babilon ram e a lungkaang e pueng ka hmalah koug thokhai aw titeh ka pathang.

⁷ Hatnavah, mitpaleikathoumnaw, kutkhetkathoumnaw, Babilon kangkhaikungnaw, hoi Khaldeannaw pueng a tho aw teh, ka mang hah ka dei pouh. Hatei, ahnimanaw ni ka mang hah let thai aw hoeh.

⁸ A hnukkhu vah, kaie cathut min ka phawt e Belteshazzar telah phung teh, Cathut e kathoug muitha hoi kakawi e Daniel ni kai koe a tho torei teh,

⁹ mitpaleikathoumnaw kahrawikung Belteshazzar nang dawk kathoung Cathut Muitha ao tie thoseh, hrolawk kaawm e pueng na pâpho thai e hai thoseh ka panue. Hatdawkvah, mang ka mang e hah na pâpho pouh haw.

¹⁰ Ka ikhun dawk ka yan nah ka hmu e vision teh, talai lungui vah, karasangpoung e thingkung buet touh a kâung.

¹¹ Hote thingkung teh a roug teh a thao poung. Kalvan a deng teh, talai van pueng koehoi hmu e thai e lah ao.

¹² A hna hai a meihawi. Moithang pueng ni ca khuem hane paw hoi akawi. Talai e saringnaw teh hote thingkung tâhlip dawk a kâhat aw, tavanaw ni a kangnaw dawk a kâhat aw.

¹³ Ka ikhun dawk ka yan lahun nah ka hmu e vision teh bout ka khet navah, thingkung ka ring e tami kathoug buet touh kalvan hoi a kum.

¹⁴ Thingkung hah tâtueng haw. Akangnaw hah rabat haw. A hna, a pawnaw hah pahroe haw. Saringnaw ni thingkung rahim hoi tâcawt aw naseh. Tavanaw hai akangnaw dawk hoi tâcawt aw naseh.

¹⁵ Hateiteh, a tangpha hoi a thongmui teh pâhlung haw. Sumrui, rahum rui hoi pâkhit nateh, hram kanaw um vah aw naseh. Kum sari touh thung khoraum ao vaiteh, saringnaw hoi cungtalalah hram cat naseh.

¹⁶ Tami lungthin kahmat naseh. Saring lungthin tawn naseh.

¹⁷ Bangkongtetpawiteh, a Lathueng Poung e Cathut ni talai uknaeram a uk tie thoseh, a poe ngai e tami koe a poe tie hai thoseh, ka rahnoum poung e tami hah a tawm teh ram hah a poe tie hai thoseh, moithangnaw

ni a panue thai nahanlah thingkung karingkungnaw ni hettelah a sak awh toe. Tami kathoung naw ni kâ a poe toe telah a ti.

¹⁸ Hottelah Nebukhadnezar siangpahrang ni mang ka mang toe. Nang Belteshazzar ka hmu e mang hah atuvah na deicai pouh haw. Kaie uknaeram dawk e a lungkaangnaw ni decai thai aw hohoe eiteh, nang teh kathoung Cathut Muitha hoi na kawi dawkvah, na pâpho thai telah ka hmu e mang hah Daniel koe ka dei pouh.

Mang deingainae

¹⁹ Hat toteh, Belteshazzar telah phung e Daniel teh, suimilam buet touh hane muen a kângai teh a lungpuen. Siangpahrang ni, nang Belteshazzar, mang hoi deingainae dawk na lungpuen sak hanh atipouh. Belteshazzar ni Bawipa, nang na kahmawt ngai hohoe e naw koe mang deingainae teh phat lawiseh.

²⁰ Na hmu lahun nah karoung niteh, a tha kaawm poung e, kalvan ka deng niteh, talai van puenghoi hmu thai e,

²¹ a hna hai a meikahawi niteh, moithang pueng ni cakhuem e a paw hoi kakawi e, talai e saringnaw ni a rahim vah ao aw hohoe teh, tavanaw ni a kang dawk kâhatnae thingkung hateh,

²² Bawipa nang nama roeroe doeh toe. Nang teh na roung, thaonae hoi na kawi. Lentoe tawntanae teh kalvan kadeng lah ao. Kâ na tawntanae teh talai pout totouh a pha.

²³ Thingkung ka ring e tami kathoung buet touh kalvan hoi ka kum niteh, thingkung hah tâtueng nateh raphoe haw. Hatei a tangpha hoi a thongmui hah pâhlung nateh, sumrui, rahumrui hoi katek nateh, hram kanaw um vah awm naseh. Kum sari touh thung khoraum awm naseh. Talai e saringnaw hoi rei awm naseh tie teh,

²⁴ A lathueng poung e Cathut ni siangpahrang nang koe a pha sak e mang deicainae teh,

²⁵ Nang hah tami um hoi na pâlei teh, talai saringnaw hoi reirei na o han. A Lathueng Poung e Cathut ni telah uknaeram hah a uk dawkvah, poe a ngai e taminaw koe a poe e ngai na panue hoehnahlan kum sari touh thung maito patetlah hram na ca vaiteh, khoraum na o han.

²⁶ Thing tangpha, thingthawngmui a pâhlung e teh, Kalvan ni a uk tie na panue hnukkhu, uknaeram hateh, na kut dawkbout poe lah ao han.

²⁷ Hatdawkvah siangpahrang kaie lawk hah thai haw. Na tawnta e kasaw lah kangning thai nahan, na yonnae hah lannae lah, na hawihoeahnae hah roedengnaw pahrennae lah let palang leih telah atipouh.

Nebukhadnezar kârahnoumnae

²⁸ Hote hnopueng Nebukhadnezar siangpahrang koe a phanae kong teh hettelah ao.

²⁹ Thapa yung 12 apoutnae dawkbout siangpahrang teh, Babilon im vah a kâhlai.

³⁰ Siangpahrang ni, hete khopui teh, ka ram a kamtuena, ka bawilen taluena tawm nahanlah ka bahu hoi ka sak e Babilon khopui nahoehmaw telah a ti.

³¹ Hote lawk a dei lahunnah, kalvan hoi ka tho e lawk teh Oe, Nebukhadnezar siangpahrang, thai haw. Na uknaeram teh na kut dawkbout hoi takhoe lah ao toe.

³² Nang hah taminaw umsali hoi na pâlei vaiteh, talai saringnaw hoi reirei na o han. A Lathueng Poung ni talai uknaeram hah a uk teh, a poe

ngai e tami a poe e hah na panuehoenae tueng, kum sari touh thung maito patetlah hram na ca han telah a ti.

³³ Hote lawk patetlah Nebukhadnezar dawk vaitalahoi a tho teh, tami umsali hoi a pâlei awh. Maito patetlah hram a ca teh, khoraum vah ao. A takmuennaw teh mataw rathei patetlah ao teh, a khokpatinnaw teh tava khokpatin patetlah ao pouh.

Nebukhadnezar ni Cathut pholennae

³⁴ Atueng akuep toteh, kai Nebukhadnezar teh kalvan lah ka mounng navah, bout ka kâpanue teh, a yungyoe kahring e Cathut hah ka pholen, barinae ka poe teh, ka lentoe sak. Kâ tawnae teh a yungyoe e doeh. A uknaeram teh a yungyoe a kangning.

³⁵ Talai tami pueng teh, banghai bang hoeh lah ao awh. Kalvan ransanaw koehai thohes, talai taminaw koehai thohes, a ngai e patetlah a sak. Apinihai a kut hah ngang thai awh hoeh. Bangmouh na sak ka tet pouh thai e apihai awm hoeh.

³⁶ Hat toteh, ka lungthin amahmoe lah bout ao. Kaie uknaeram bawilennae nahanlah bari onae hoi, raimonae teh kai koe bout a ban. Kho kapoukkungnaw hoi bawinaw ni bout na hnai awh teh, ka uknae casak lah ao teh, puenghoi taluenae hai ahmaloe e hlak hoe a len.

³⁷ Atuteh, kai Nebukhadnezar ni kalvan siangpahrang hah ka pholen teh, ka tawm teh ka lentoe sak. Bangkongtetpawiteh, a sak e hno pueng teh a thuem, a lamthung teh a lan. Kâoup laihoi kho ka sak e pueng teh rahim lah a pabo tie hah kho tangkuem a pathang.

5

Belshazzar pawitonae

¹ Belshazzar siangpahrang ni, a bawinaw 1,000 touh a kaw teh, ahnimouh hanelah pawu kalenpoung a to pouh teh, ahnimouh hoi misurtui rei a nei awh.

² Misur tui a patek navah Belshazzar ni, apa ni Jerusalem bawkim thung e a lawp e sui manang, ngun manangnaw dawk hoi, siangpahrang hoi a bawinaw, a yu hoi adonaw ni misurtui nei nahanelah thokhai awh telah kâ a poe.

³ Hat toteh, Cathut e bawkim thung e a lawp awh e suimanangnaw hah a la awh teh, siangpahrang hoi a bawinaw, a yu hoi adonaw ni hote manangnaw hoi misurtui a nei na awh.

⁴ Misur tui a nei awh teh, sui cathut, ngun cathut, rahum cathut, sum cathut, thing cathut, talung cathutnaw hah a pholen awh.

⁵ Hatnae tueng nah, tami e a kutdawn a tâco teh, hmaimkhok lathueng, siangpahrang im tapang dawk a kâthut teh, hottelah ka thut e kutdawn hah siangpahrang ni a hmu.

⁶ Hattoteh siangpahrang mei det a kamlang teh, a khopouk a ru dawkvah, a kenghru meimei doukkâlat lah ao teh, a khokpakhu thouk a kâkhawng pouh.

⁷ Camkathoum e Khaldean taminaw hoi khueyuenaw hah kaw awh telah puenghoi a hram. Hote ca hah a touk vaiteh a ngainae ka dei thai e tami teh, hnipaling kâkhu sak han, sui dingyin a lahen dawk awi sak han, uknaeram thung vah apâthum e bawi, lawkcengkung lah ao han a ti.

⁸ Tami kathoumthainaw pueng teh a tho awh. Hatei hote ca hah touk thai awh hoeh. A deingainae hai pâpho thai awh hoeh.

⁹ Hatdawkvah, siangpahrang Belshazzar teh, khopouk aru lawi a mei det a kamlang teh, a bawinaw puenghai muen ati awh.

¹⁰ Hat toteh, siangpahrangnu ni siangpahrang hoi a bawinaw e lawk a thai navah, pawit thung a kâen teh, siangpahrang na hring saw seh. Na khopouk ru sak hanh. Na mei hai det kamlang sak hanh.

¹¹ Kathoung Cathut Muitha ni a okhai e tami buet touh na uknaeram thung vah ao. Na pa se navah, ahni teh cathutnaw e lungangnae patet e lungangnae hoi panuena e tawn e hah panue e lah ao. Na pa Nebukhadnezar siangpahrang roeroe ni ahni hah camkathoumnaw, mitpaleikathoumnaw, Khaldeannaw hoi khueyuenaw, kahrawikung lah a hruek toe.

¹² Bangkongtetpawiteh, mang let thainae, ka ru e lawknaw hoi hoe kahawi e muitha, hoi panuena, hah siangpahrang ni Belteshazzar telah min a poe e Daniel dawk ao e hah panue e lah ao. Hote Daniel hah kaw pawiteh a let thai han doeh atipouh.

Tapang dawk e ca deingainae

¹³ Hattoteh Daniel hah siangpahrang hmalah a thokhai awh. Siangpahrang ni, apa ni Judah ram hoi a man teh a hrawi e sannaw thung dawk ka bawk e Daniel nang maw.

¹⁴ Nang teh Cathut Muitha ni na okhai teh, hoe kahawi e panuena nang dawk ao tie kamthang ka thai toe.

¹⁵ Hote ca hah touk vaiteh a ngainae hah dei haw titeh camkathoumnaw hah kakaw eiteh, ahnimouh ni dei thai awh hoeh.

¹⁶ Nang ni na let thai, ka ru e lawk paceinae naw hai na dei thai telah ka thai tangcoung e patetlah nang ni hote ca na touk thai boilah, na let thai pawiteh, hnipaling na kâkhu vaiteh, na lahuen dawk sui dingyin na awi vaiteh, uknaeram thung apâthum e ukkung lah na o han atipouh.

¹⁷ Daniel ni, na hno poe hane naw teh nang namae lah awmseh. Poe han na ngai e tawkphunaw hah ayâ alouknaw maha poe yawkaw, hatei na hmalah hote ca hah ka touk vaiteh ka let vaipei.

¹⁸ Oe, siangpahrang Lathueng Poug e Cathut ni na pa Nebukhadnezar siangpahrang koe uknaeram, taluena, bawilenna hoi barinae hah a poe.

¹⁹ Taluena e poe dawkvah, tami pueng mipun puenghoi lawk cawngca pueng ni a bari awh teh, a hmalah a pâyaw awh. Thei han a ngai e pueng a thei teh, pasai a ngai e pueng hah a pasai. Thaw luen sak a ngai e pueng a luen sak teh, pabo a ngai e pueng a pabo.

²⁰ A khopouk a rasang, a lungpata teh, kâoup hoi kho a sak. A bawilenna lah pouh lah ao teh, a bawitungkhung dawk hoi pabo lah ao.

²¹ Taminaw koehoi pâlei lah ao teh, moithang lungthin a tawn sak. Lathueng poung Cathut ni taminaw e uknaeram lathueng kâ a tawn dawkvah, a ngai e tami hah uknaeram a poe e hah a panue hoehroukrak lanaw hoi reirei a pawngpa teh maito patetlah pho a ca teh, khotui cupcup kayu lah ao.

²² Hatei, a capa nang Belshazzar, nang ni hote hnonaw hah na panue eiteh na lungthin na ka rahnoum laipalah,

²³ Kalvan Bawipa hah na taran teh, bawkim thung e manangnaw hah na la sak teh, nama hoi na bawinaw hoi na yu hoi a donaw ni hote manang hoi misurtui na nei awh. Hahoi sui, ngun, rahum, sum, thing, talung hoi sak e cathut, kahmawt thai hoeh e, ka thai thai hoeh e hah na pholen awh teh, na hringnae hoi na lamthung pueng ka kuenkung Cathut law teh pholen laipalah na o awh.

²⁴ Hatdawkvah kutdawn a patoun teh hote ca hah a thut sak.

²⁵ Hote ca teh; MENE, MENE, TEKEL, UPHARSIN

²⁶ MENE tie teh, na uknaeram hah Cathut ni a parei teh, a pâbaw toe.

²⁷ TEKEL tie teh, nang hah yawcu dawc na khing boteh na kuep hoeh toe.

²⁸ PERES tie teh, na ukneram heh kapek lah ao toe. Media hoi Persia koe poe lah ao toe telah Daniel ni a dei pouh.

²⁹ Hat toteh, Belshazzar siangpahrang ni a dei e patetlah Daniel hah hnipaling a kâkhu sak teh, a lahuen dawc sui dingyin a awi sak teh, a uknaeram dawc apâthum e bawi lah ao telah khotung a kâhlaikhai awc teh a oung awc.

³⁰ Hat hnin tangmin vah, Khaldean siangpahrang Belshazzar teh thei e lah ao.

³¹ A kum 62 touh ka phat e Media tami Darius siangpahrang ni uknaeram hah a lawp.

6

Sendeknaw khu dawc Daniel tâkhawngnae

¹ Darius siangpahrang ni a uknaeram thung thaw ka tawc hane 120 touh hoi hote bawinaw patuen ka hravi hanelah bawi katham touh hah a ngai e patetlah a rawi.

² Hote bawi katham touh thung dawc Daniel teh bawi buet touh lah ao hloilah,

³ bawinaw pueng hlak hai hoe kahawi e panuenae a tawn dawcvah, a ram buemlah ahni kut dawc koung poe sak han telah siangpahrang ni a pouk.

⁴ Hat toteh, kahrawikungnaw hoi bawinaw ni Daniel dawc uknaeram hoi kâkuen e yonpen hane a tawng awc.

⁵ Cathut thaw a tawc e hloilah alouke thawtawcnae dawc maimouh ni a yonnae hmawc awc hoeh ati awc teh,

⁶ Darius siangpahrang koe a kamkhueng awc. Siangpahrang na hring saw seh.

⁷ Bawipa, nang koe hloilah alouke tami koe nakunghai, cathut koe nakunghai hnin 30 touh thung ka ratoum e tami teh, sendekkhu thung tâkhawng lah awmseh telah kâraphoe thai hoeh e kâ pathang sak hanelah uknaeram ukkung bawinaw, kho ukkung bawinaw, rahak lai ka deikungnaw hoi ukkung pueng ni lungkânging awc toe.

⁸ Hatdawcvah, laideitâtueng e teh caksak haw. Medes Persia phung patetlah kâraphoe thai hoeh e tacikkin sin haw atipouh awc.

⁹ Hatdawcvah, Darius siangpahrang ni laideitâtueng e teh kutnout a thut sin.

¹⁰ Hote laideitâtueng e hah tacik a kin sin teh a pathang toe tie Daniel ni a panue ei, ama im a cei teh, imvan Jerusalem kho lah kangvawinae hlangaw a paawng laihoi, meng ouk a sak e patetlah khok cuengkhuem laihoi hnin touh dawc vai thum touh a ratoum teh Cathut koe lunghawi lawc a dei.

¹¹ Hottelah Cathut koe a ratoum e hah bawinaw ni a kamkhueng awc teh, a hmu awc navah,

¹² siangpahrang koe a cei awc teh, siangpahrang nang koe hloilah, alouke tami koe nakunghai, cathut koe nakunghai, hnin 30 touh thung ka ratoum e tami teh sendek e khu thung tâkhawng lah awmseh telah kutnout na thut nahoehmaw telah laideitâtueng e hah a pacei awc.

Siangpahrang ni hai kâraphoe thai hoeh e Medes Persia phung patetlah bokheiyah atipouh.

¹³ Bawinaw ni hai siangpahrang, Judah ram hoi na man e Judah tami Daniel ni siangpahrang banglahai ngaihoeh. Kutnout na thut teh na pathang e laideitâtueng e hai banglahai ngâi hoeh. Hnin touh dawk vai thum touh a ratoum atipouh awh.

¹⁴ Hote lawk hah siangpahrang ni a thai navah puenghoi a kângai teh, Daniel a hlout thai nahan kaní a khup ditouh a kâpouk.

¹⁵ Bawinaw teh siangpahrang koe bout a kamkhueng awh teh, siangpahrang vai touh pathang tangcoung e laideitâtueng e teh Media Persia phung lah kâroephoe thai hoeh tie hah panuek khe, bout atipouh awh.

¹⁶ Hattoteh siangpahrang ni kâ a poe e patetlah Daniel hah a thokhai awh teh, sendekkhu thung a tâkhawng awh. Siangpahrang ni Daniel koe, pout laipalah na bawk e Cathut ni nang teh na hlout sak seh atipouh.

¹⁷ Lungphenpui hah a la awh teh, sendekkhu a khuem awh. Daniel e akong dawk bout pathuengpathainae ao hoeh nahanelah siangpahrang e kuthrawt hoi bawinaw e khuthrawt hoi a kin awh.

Sendekkhu dawk hoi Daniel hloutnae

¹⁸ Hahoi, siangpahrang teh im lah a ban teh karum tuettuet rawca a hai. A hmalah ratoung tamawi hai tum sak hoeh. Ip hai ip thai hoeh.

¹⁹ Atangtho amom a thaw teh sendekkhu koe karanglah a cei.

²⁰ Sendek khu koe a pha toteh, khuika laihoi Daniel hah a kaw teh, kahring Cathut e a san Daniel, nang ni pout laipalah na bawk e Cathut ni sendek runae koehoi na hlout sak thai maw atipouh.

²¹ Daniel ni siangpahrang na hring dung vang seh.

²² Ka Cathut ni a kalvantami a patoun teh, sendeknaw e a pahninaw hah a tabuem pouh. Hatdawkvah, kai teh sendek runae dawk hoi ka hlout. Bangkongtetpawiteh, kai teh Cathut hmalah kacueme lah ka o teh, nang koehai payonnae ka sak hoeh.

²³ Hat toteh, siangpahrang puenghoi a lunghawi teh, Daniel hah sendekkhu thung hoi rasa hanelah kâ a poe.

Daniel ni Cathut barinae

²⁴ Hathnukkhu Daniel yon ka pen e naw hah, siangpahrang e kâ lahoi a kaw awh teh, a yuca abuemlahoi sendekkhu dawk a tâkhawng awh. Talai a pha hoehnahlan sendeknaw ni a hruhrawng pueng vekrasen lah a kei teh a ca awh.

²⁵ Hottelah hoi, talai van kho tangkuem kaawm e lawk cawngca, mipun cawngca pueng koe siangpahrang e kâ lahoi ca a thut teh, a patawn. Ca a thut e teh, nangmouh koe lungmawngnae pung seh.

²⁶ Kai ni ka uknaeram thung kaawm e nangmouh ni, Daniel ni a bawk e Cathut hah taket awh telah lawk tâtuengnae ka sak. Bangtelamaw tetpawiteh, hote Cathut teh, kahring e Cathut, a yungyoe kangning e Cathut lah ao. Aram teh rawk thai mahoe. A uknaeram hai a yungyoe a kangning han.

²⁷ A rungngang teh a hlout sak. Kalvan hoi talai van hai mitnoutnae, kângairunae hnonaw a tâco sak. Daniel hah sendek hnotithainae dawk hoi ka hlout sak e Cathut lah ao.

²⁸ Hottelah hoi Daniel teh, Darius a bawi nahai thoseh, Persia tami Sairas a bawi nahai thoseh, hawinae ka coe e lah ao.

7

Daniel e vision

¹ Babilon siangpahrang Belshazzar a bawinae apasuek kum vah, Daniel teh a i lahunnah, mang a sak teh vision a hmu e naw hah a thut e teh,

² Kai Daniel ni karum vah ka hmu e vision teh, kalvan takin pali touh koe e kahlînaw teh tuipui van vah buet touh hoi buet touh a kâhmang awh.

³ Reikâvan hoeh e sarang pali touh teh tuipui thung hoi a tâco awh. Apasueke sarang teh sendek hoi a kâvan. Mataw rathei hai a tawn.

⁴ Ka khet lahun nah ahnie ratheinaw teh koung a phawk pouh awh. Talai daw k hoi amahoima a kâtawm teh, tami patetlah khok hoi a kangdue teh, tami lungthin a tawn,

⁵ Apâhni e sarang teh tavom hoi a kâvan. Avang lae khok hoi a kangdue teh, a kâko daw k nâhru kathum touh a rakoung. Thaw nateh a moi moikapap cat haw atipouh awh.

⁶ Bout ka khet boteh, kaisi hoi kâvan e sarang buet touh a kamnue. A hnukthun vah rathei pali touh ao. Lû pali touh a tawn. Uknae kâ hai a tawn.

⁷ Tangmin vah bout ka hmu e vision teh, a tha kaawm poung niteh, takikathopoung apalinae sarang teh a kamnue. Kalenpoung sumhâ a tawn. Vekrasen lah a kei a ca teh, a canawi e hah a khok hoi a coungroe. Ahni teh, ahmaloe e sarangnaw hoi kâvan hoeh. Ki hra touh a tawn.

⁸ Hote kinaw hah ka khet lahunnah, kinaw e alungui vah, alouke ki buet touh bout a cawn. Hote kica e hmalah hmaloe e ki kathum touh teh a tangpha khuehoi phawk lah ao. Hote kica teh tami e mit patet e mit a tawn, puenghoi lawk dei thinae pahni hai a tawn.

Ayan e taminaw kamnuenae

⁹ Ka khet lahun navah, bawitungkhungnaw hah ka hmu. A kum kacue e buet touh a tahung. A khohna e teh tâmai patetlah a pangaw. A sam teh tumuen patetlah a pangaw. Tungkhung teh hmaito lah ao. Tungkhung khok teh ka kang lahun e hmai lah ao.

¹⁰ A minhmai daw k hoi hmaiang a tâco. Touklek thai hoeh e naw ni a thaw a taw k awh teh, touklek thai hoeh e naw ni a hmalah a kangdue awh. Lawkceng hanelah cauknaw hah kadai lah ao.

¹¹ Hatnavah, kica ni puenghoi dei e lawk daw k ka khet navah, hote sarang hah a thei awh teh, a tak hah hmai hoi a sawi awh teh, a raphoe awh.

¹² Alouke sarang teh uknaeram kâ tawn awh hoeh eiteh, atueng khoe e a pha hoehnahlan totouh a hring awh.

¹³ Hote tangmin e vision daw k teh, tami hoi kâvan e buet touh tâmai a kâcui teh a kum kacue e koe a tho. A kum kacue e hmalah ahni hah a thokhai awh.

¹⁴ Kho tangkuem kaawm e lawk cawngca kapan e tami pueng hah uk sak hanelah, ahni koe uknaeram kâ, lawkcengnae hoi bawilenna e hah poelah ao. A uknaeram teh akangning, a ram teh rawk thai mahoe.

Daniel vision caksaknae

¹⁵ Kai Daniel teh hote vision ni ka lungthin daw k runae na poe teh, ka muitha teh a cingou.

¹⁶ Ateng kangdout e buet touh koe ka cei teh, atu e ka hmu e naw hah bangtelamaw telah ka paei.

¹⁷ Ahni ni hete sarang pali touh teh talai van ka tâcawt hane ram pali touh hah doeh.

¹⁸ Hatei, a lathueng poung e Cathut e tami kathoungnaw ni hote uknaeram coe awh vaiteh, a yungyoe a pang awh han telah atipouh.

¹⁹ Hat toteh, alouke sarangnaw hlak taki hoe ka tho niteh, sumhâ hoi rahum khokpatin ka tawn niteh, vekrasen lah a kei a ca teh, canawi e hah a khok hoi ka coungroe e sarang teh bangmouh a deingai nah aw tie thoseh,

²⁰ A lû dawk e ki hra touh teh bangmouh a dei ngai na aw tie hai thoseh, a hnukkhu ka cawn niteh, ahmaloe e ki kathum touh hah din ka phawng niteh, puenghoi lawk dei thainae pahni hoi mit ka tawn e, a huinaw hlak taranhawinae minhmai ka tawn e ki hateh bangmouh a deingai nah tie hah panue han ka ngai.

²¹ Ka khet lahun navah, a kum kacue e buet touh a tho teh,

²² a lathueng poung e Cathut e tami kathoungnaw koe uknaeram teh poe lah ao. Hahoi, uknaeram pang hanelah tami kathoungnaw hanelah khoe e atueng teh a pha.

²³ Ahni ni, apalinae sarang teh talai van kaawm e ram puenghoi hai kâvan hoeh e apalinae uknaeram doeh. Hete ni talai uknaeram pueng vekrasen lah kei vaiteh a coungroe han.

²⁴ Hote uknaeram dawk hoi ka cawn e ki hra touh hateh, ka tho hane siangpahrang hra touh hah doeh. Ahnimouh hnukkhu alouke siangpahrang a tho han. Ahmaloe e siangpahrangnaw hoi kâvan hoeh. Ahmaloe e siangpahrang kathum touh hah a pabo han.

²⁵ A lathueng poung e Cathut hah taran vaiteh, puenghoi lawk a dei han. Atueng hoi kâlawk hah pathai hanlah a panki han. Atueng buet touh, atueng kahni touh, atueng tangawn totouh kâ a tawn han.

²⁶ Hathnukkhu lawkcengnae ao han. Hattoteh kâ a tawnae takhoe pouh lah awm vaiteh, khoeroe raphoe lah ao han.

²⁷ Kalvan rahim kâtawnae, uknaeram, hoi lentoenae naw teh, a Lathueng Poung e Cathut e a tami kathoungnaw koe uknaeram poe lah ao han.

²⁸ Het totouh heh, deicainae doeh toe. Kai Daniel teh ka lung a puen teh, ka minhmai pan hoeh. Hatei nakunghai, ka hmu e visionnaw hah ka lung thungvah ka pâkuem.

8

Tutan hoi hmaetan kamnuenae

¹ Siangpahrang Belshazzar a bawinae a kum pâthum nah, kai koe vision a kamnu. Kai Daniel koe ahmaloe a kamnu e hnukkhu bout a kamnu.

² Elam ram Shushan siangpahrang im, Ulai palang teng ka o navah vision teh a kamnu.

³ Ka khet navah, ki kahni touh ka tawn e tutan buet touh palang rai a kangdue. Ki roi teh kâvan hoeh, buet touh teh bet a saw. Bet ka saw e ki teh a hnukkhu ka cawn e lah ao.

⁴ Hote tu ni kanîloum, atunglah, akalah a deng dawkvah, bangpatet e saring ni hai ngang thai hoeh. Ahnie kut dawk hoi apinihai a hlout sak thai hoeh dawkvah, a ngai e patetlah a sak teh, ka lentoe poung e lah ao.

⁵ Hote konglam hah ka pouk navah, mit roi e rahak vah ki buet touh ka cawn e hmaetan buet touh teh, kanîloumlah hoi a tâco teh talai coungroe laipalah talai van pueng a katin.

⁶ Ki kahni touh ka tawn ni teh palang namran lah kaawm e tutan aonae koe, puenghoi a yawng teh,

⁷ ateng a pha toteh, puenghoi a lungkhuek dawkvah, tutan hah a deng teh tutan e ki kahni touh e hah, letlet a khoe pouh. Tutan ni a ngang thai hoeh dawkvah, hmaetan ni tutan hah talai dawk a parawp teh, a coungroe. A kut dawk hoi tutan hah apinihai lawm thai hoeh.

⁸ Hottelah hoi, hote hmaetan teh, puenghoi a rounng teh a len. A tha ao lahunnah, a ki a lawt pouh. Hote ki hmuen dawk ki pali touh a cawn teh, kalvan kahlí pali touh koe lah, a kangvawi awh.

⁹ Hote ki pali touh thung dawk buet touh e ki dawk alouke ki kang bout a cawn. Akalah hai thoseh, kanítholah ai thoseh, ka lentoe e ram koe lahai thoseh, a kangvawi teh, puenghoi lennae koe a pha.

¹⁰ Kalvan kaawm e koe totouh a rounng teh, hawvva kaawm e atangawn-naw hoi âsi tangawn naw teh, talai van a pabo teh, khok hoi a coungroe.

¹¹ Hothoilah, kalvan e kaawm e koe totouh a kâoup teh, hnintangkuem sak lah kaawm e hmaisawi thuengnae hah a takhoe teh thoungnae hmuen hah a raphoe han.

¹² Payonnae dawk hnintangkuem sak e hmaisawi thuengnae hoi ransanaw hoi hote ki koe poelah ao teh, lawkkatang hah talai totouh a pabo teh, tânae a hmu.

¹³ Hatdawkvah, tami kathoung buet touh ni, dei e lawk hah ka thai. Alouke tami kathoung ni ahmaloe lawk a ka dei e tami kathoung koe, thoungnae hmuen hoi ransanaw hmaisawi thuengnae takhoe hanelah thoseh, coungroe hanelah hnintangkuem sak e raphoe e yonnae hoi thoseh, kâkuen e vision teh nâtotouh han na maw atipouh.

¹⁴ Ahmaloe e ka dei e ni, hnin 2300 totouh a ro han. Hathnukkhu, kathoung bawkim hah bout a pâsu awh han atipouh.

Gabriel ni vision deicainae

¹⁵ Kai Daniel ni vision ka hmu e hah panue hanelah, kâyawm lahun nah tami hoi kâvan e buet touh ka hmalah a kangdue.

¹⁶ Hatnavah, Ulai palang koehoi tami e lawk ni, Gabriel hete tami koe vision deingainae hah dei pouh haw, tie lawk ka thai.

¹⁷ Kai ka kangdue nah kai koe rek a hnai toteh, ka taki teh ka tabo. Ahni ni, hei! Tami capa, thai panuek haw. Hete vision teh atueng poutnae hoi kâkuen e doeh a ti.

¹⁸ Hottelah, a dei lahunnah talai dawk mat ka i. Ahni ni a kut hoi na tek teh, na kangdue sak.

¹⁹ Ahni ni, lungkhueknae atueng, apoutnae koe lah kaawm hane naw hah bout ka dei han rah. Bangkongtetpawiteh, atueng khoe e dawk poutnae kaawm han.

²⁰ Ki hra touh ka tawn e tutan teh Media siangpahrang doeh.

²¹ Hmaetan teh Grik uknaeram doeh. Mit rahak ka cawn e ki hateh, ahmaloe e siangpahrang doeh.

²² Hote ki a lawt teh, hmuen dawk ki pali touh a cawn tie teh, ahnie uknaeram dawk hoi ram pali touh a tâco han. Hatei, ahmaloe e ram patetlah bahu tawn awh hoeh.

²³ Ahnimae uknaeram atueng abawnae koe lah, kâ katapoenaw e hawihoehnae akuiep nah tueng toteh, taranhawinae minhmai, dumyenna e ka panuek e siangpahrang buet touh a tâco han.

²⁴ Hote siangpahrang teh, athakaawme lah ao han. Hatei, amae bahu nahoe. Puenghoi raphoe tânae a hmu aw h han. Atha kaawm e taminaw hoi tami kathounghaw hah a raphoe han.

²⁵ Tâ hanelah a dumyen han, amahoima, ka taluepoung lah a kâpouk han. Roumnae ao ati aw h navah ahni ni taminaw hah raphoe vaiteh, ahni ni, bawinaw e Bawi hah a taran han. Hatei, ahni teh, raphoe lah ao han. Tami e bahu hoi mahoe.

²⁶ Nang koe na poe e amom hoi tangmin e vision teh, ahman dawkvah tacikkin loe. Bangkongtetpawiteh, ato hmalah torei a kuep han.

²⁷ Hattoteh kai Daniel teh, nget tawn laihoi ka pataw. Hathnukku ka thaw teh, siangpahrang thaw bout ka tawk. Ka hmu e vision ni puenghoi kângai na ru sak. Hothateh, apinihai panuek thai hoe.

9

A taminaw hanlah Daniel ratoumnae

¹ Ahasuerus capa, Darius, Medes catoun hah, Babilon siangpahrang lah a bawinae a kum pahni navah,

² profet Jeremiah koe BAWIPA ni poe e a lawk, Jerusalem kho a rawk teh, kum 70 touh a ro han tie hah kai Daniel ni cakathoung lahoi ka panue.

³ Hatdawkvah, rawca ka hai, buri ka kho, hraba kâphuen teh Cathut koe ratoum laihoi kahei,

⁴ Hottelah, Cathut koe kâpâpho laihoi ka ratoum e teh, ama ka lungpataw niteh, a poe e kâpoelawknaw ka tarawi e koe, a lawkkam kacak ni teh lungmakung, ka lentoe niteh, takikathopoung Cathut,

⁵ na patoun e hoi kâ poe e daw k hoi ka cei payon aw h teh, ka payon aw h toe. Kamsoum hoe lah kho ka sak e teh, nang na taran aw h toe.

⁶ Siangpahrangnaw, kahrawikungnaw, napanaw hoi ram thung kaawm naw koe, nange kâ lahoi lawk ka dei e profetnaw e lawk hai ka ngai aw h hoeh toe.

⁷ Oe Bawipa lannaeh teh nange doeh. Nang na taran kecu daw k na pâleie teh, ram hnai ram hlanae koe, khoram tangkuem kaawm e Judahnaw, Jerusalem kho kaawm e Isarelnaw puenghoi kaimouh teh sahnin e patetlah kaya aw h toe.

⁸ Oe Bawipa, nang koe ka yon aw h kecu daw k, kaimae siangpahrang, kahrawikungnaw, napanaw hoi kaimouh teh ka kaya aw h toe.

⁹ Kaimouh ni nang na ka taran nakunghai, lungmanae hoi ngaithoumnae teh, kaimae Cathut nama e doeh.

¹⁰ Maimae Cathut ni profetnaw hno lahoi maimouh koe na poe e tarawi hane kâlawnaw hah banglahai ngai laipalah ka o aw h toe.

¹¹ Atangcalah Isarelnaw pueng ni na lawk ka ngai aw h laipalah, lam ka payon aw h teh, kâlawk ka tapoe aw h toe. Hatdawkvah, Cathut e san Mosi e kâlawk daw k thut lah kaawm e thoebonae teh, kaimouh lathueng awi lah ao toe.

¹² Kaimouh koe dei e lawk hoi lawkcengkungnaw koe dei e lawk, rawknae kalenpoung teh kaimouh lathueng a phasak toe. Bangkongtetpawiteh, Jerusalem vah rawknae phasak e patetlah kalvan rahim alouke ram daw k phat sak boihoeh.

¹³ Mosi e kâlawk daw k thut tangcoung patetlah rawknae pueng teh kaimouh lathueng a pha toe. Hatei, payonpakainae kamlang takhai teh, a lawkkatang panuek thai nahanelah, BAWIPA Cathut koe kâhet aw h hoeh toe.

¹⁴ Hatdawkvah, Cathut ni rawknae hah a sin teh, maimae lathueng a pha sak e doeh. Bangkongtetpawiteh, a lawkngai aw hoh nakunghai, Cathut teh, a lan, maimouh lathueng hno a sak e pueng teh a thuem doeh.

¹⁵ Atuvah, Oe BAWIPA Cathut, Izip ram thung hoi thaonae kut hoi a taminaw katâcawtkhaikung hoi, atu totouh minhawi min kamthang nahanlah kasakkung, kaimouh teh, ka yon aw h toe, hno kahawihoh ka sak aw h toe.

¹⁶ Oe Bawipa, na lannae pueng patetlah lungkhuek lungphuennae teh, kathounge mon, Jerusalem kho daw k hoi na takhoe pouh haw telah ka kâhei. Bangkongtetpawiteh, kaimae yonnae hoi mintoenaw e yonnae kecu daw k Jerusalem kho hoi na taminaw teh tengpam kaawm e naw koe pathoe han kawilah ka o aw h toe.

¹⁷ Hatdawkvah, Oe Cathut, na san kai ni ka hei e hoi ka ratoum e hah na thai pouh haw. Bawipa ama hane kecu daw k, kingkadi e a thounge hmu en koe na minhmai angnae ni pheng ang sak haw.

¹⁸ Oe Cathut, hnâpakeng nateh thai haw. Na mit padai nateh, kaimae rawknae hoi na min lahoi phung e khopui hah kenhaw! Kaimouh teh, mae hawinae kâuep aw hoh, ka lentoe e na lungmanae daw k hoi doeh nama koe ka ratoum aw h.

¹⁹ Oe Cathut na thai pouh haw. Oe Cathut yonnae na ngaithoum haw. Oe Cathut thai nateh sak haw. Nama hane daw k rap aw m hanh. Bangkongtetpawiteh, nama e kho, nama e taminaw teh na min lahoi phung e doeh, telah a ratoum.

Yat 70 sut deinginae

²⁰ Hottelah, kama e yonnae hoi ka tami Isarelnaw e yonnae pâpho laihoi ngaithoum nahanelah kâhei ratoum laihoi, Cathut hmalah Cathut e mon kathoung hanelah ka kâhei lahunnah,

²¹ ratoum laihoi lawk ka dei lahunnah, yampa e vision daw k kamnuek e Gabriel karangpoung lah kam leng laihoi tangminlah thuengnae tueng nah kai koe a tho teh,

²² na ka panue sak hnukkhu, Daniel, nang ni panuenae apap nahanelah, nang koe ka tho toe.

²³ Na ratoum tahma vah kâ poelah ao daw kvah, nang koe dei hanelah kai ka tho toe. Nang teh puenghoi pahren ka tho e lah na o. Hatdawkvah vision thai panue nahane kâ ao.

²⁴ Kâtapoenae pout sak hane hoi, yonnae pout sak hane, payonae daw k kâmaihawinae sak hane, payonnae thoungsak nahane hoi, a yungyoe lannae thokhai hane hoi, vision hoi sutdeilaw k kin hane hoi, hmu en kathoung poung satui awi hanelah, na taminaw hoi kho kathoung hanelah yat 70 touh tâtueng e lah ao toe.

²⁵ Hatdawkvah, Jerusalem kho bout sak hanelah kâ poe hnin hoi Khrih Bawipa totouh yat 7 touh hoi yat 62 touh a ro han tie hah panuek lawih. Rucanae tueng daw k lamnaw hoi tapang sak lah ao han.

²⁶ Hote yat 62 aloum hnukkhu, Khrih teh kâ hmawt laipalah thei lah ao han. Hathnukkhu ka tho e Bawi hoi taminaw ni khopui hoi hmu en kathoung hah raphoe aw h vaiteh, tuikalen thonae lahoi rawknae ao han. Apout totouh kâtuknae aw m vaiteh, rawknae teh pouk tangcoung lah ao.

²⁷ Yat touh hanelah taminaw hoi lawkkam sak aw h vaiteh, hote a yat tangawn navah, thuengnae hoi poenae hah a pout sak han. Panuet ka tho poung e a som daw k karaphoekung phat vaiteh, poutnae koe ka phat hanelah pouk tangcoung e totouh lungkhueknae teh ahni daw k awi hanlah ao han telah atipouh.

10

Daniel ni vision bout a hmu

¹ Persia siangpahrang, Sairas a bawinae a kum thum nah Belteshazzar telah phung e Daniel koe lawk pâpho buet touh a tho. Hote lawk teh ahman, taran tuknae kalenpoung hoi kâkuen e lah ao. Hote lawk thaipanueknae teh vision lahoi ahni koe a tho.

² Hatnae tueng navah, kai Daniel teh yat thum touh rawca hai laihoi ka o.

³ Yat thum touh aloum hoehroukrak, bu ka cat hoeh, moi ka cat hoeh, misur hai ka patek hoeh, satui hai khoeroe kâhluk hoeh.

⁴ Apasueke thapa 24 hnin vah palangpui Hiddekel teng ka o lahunnah,

⁵ ka radoung boteh, loukloukkaang e khohna ka khohnat niteh, Uphaz suitaisom kâyeng e tami buet touh ka hmu.

⁶ Atak teh topaz talung hoi a kâvan. A minhmai hai sumpapalik e patetlah ao. A mit hai hmaiim patetlah ao. A kutkhoknaw teh, loukloukkaang e rahum e rong hoi a kâvan. A lawk teh tami moikapap lawk hoi a kâvan.

⁷ Hote vision hah kai Daniel ni duengdoeh ka hmu. Kai hoi reirei kaawm e naw niteh, hmawt awh hoeh. Ahnimouh niteh, puenghoi a taki awh teh, a pâyaw awh dawkvah, kâhro hanlah a yawng awh.

⁸ Kai teh, kamadueng sut ka o teh, hote ka lentoe e vision ka hmu navah, ka minhmai a mathoe teh, tha khoeroe ka tawn hoeh, pouk ka kâsawp.

⁹ Hatnavah, lawk hah ka thai. A lawk hah ka thai pouh teh, lawk a dei lahun navah, minhmai hoi talai rekkâbet lah ka tabo teh mat ka i.

Persia hoi Grik sut deinae

¹⁰ Hatnavah kutvang ni na tek, khokpakhu hoi kuttabei hoi ka kâva.

¹¹ Ahni ni, pahren hanlah kaawm poung e Daniel, ka lawk na thai panuek nahanlah kangdout haw. Nang koe kai heh patoun lah ao teh, atu ka tho toe atipouh navah, kai teh nouknouk pâyaw laihoi ka kangdue.

¹² Hatnavah, ahni ni Oe Daniel, taket hanh. Thaipanuek nahane hoi, Cathut hmalah kârahnoum hanelah na kâhmoun hnin hoiyah kamtawng teh, nange lawk hah ka thai toe. Hote na lawk daw k kai ka tho e doeh.

¹³ Persia uknaeram kaukung ni hnin 21 touh thung kai hah na ngang. Hahoi, kahrawikung kacuenaw thung daw k buet touh lah kaawm e Maikel hah kai na kabawp hanelah a tho. Bangkongtetpawiteh, Persia siangpahrangnaw koe kai kama dueng sut ka o.

¹⁴ Atuteh, na miphunnaw koe hmalah ka tho hane kawinaw hah na panue nahanelah, kai ka tho toe. Hete vision teh ato hmalae tueng hoi kâkuen e doeh telah a ti.

¹⁵ Hottelah a dei hnukkhu ka lû ka saling teh lawkdei thai laipalah ka o.

¹⁶ Hatnavah, tami capa hoi kâvan e buet touh ni ka pahni hah a tek teh, ka pahni ka ang teh, ka hmalah kangdout e koe, ka Bawipa vision kecu daw k puenghoi ka khang toung dawkvah, ka tak daw k tha ka tawn hoeh toe.

¹⁷ Na san ni a Bawipa hoi bangtelavai lawk a dei thai. Atu patenghai kai daw k tha khoeroe awm hoeh. Kâha meimei a phout toe ka ti pouh.

¹⁸ Hat toteh, tami hoi kâvan e ni bout na tek teh, tha na poe.

¹⁹ Pahren ka tho poung e tami, taket hanh. Roumnae nang koe awmseh. Na tha awm sak. Thaonae hoi kaw i haw na ti pouh. Hottelah a dei

lahunnah ka tha ao teh, ka Bawipa dei haw, nang ni tha na o sak toe ka ti pouh.

²⁰ Ahni ni, nang koe kai kathonae hah na panue ou. Persia ram kaukkung taran tuk hanelah bout ka ban han. Kai ka ban hnukkhu Grik ram kaukkung bout a tâo han.

²¹ Hatei, Kathonang dawk mitnout tâ e teh na dei pouh han rah. Hete kong dawk nang kahrawikung Maikel hloilah apihai kai koelah kangdoutkhai e awm hoeh.

11

¹ Medes siangpahrang, Darius a bawinae a kum pasuek navah, a uknaeram caksak hane hoi thao sak nahanelah ka kampangkhai.

² Atuteh, katang e ka dei han toe. Persia ram ka uk hane siangpahrang kathum touh a tâo han rah. Apalinae siangpahrang teh ahnimanaw hlak hoe a tawnta han. Hottelah a tawnta thai teh, a tha ao dawkvah, Grik ram tuk hanelah tamipueng a hroecoe han.

³ Hatnavah, athakaawme siangpahrang buet touh a tâo han. Ahni ni kâtawwnae hoi uk vaiteh, a ngai e patetlah a sak han.

⁴ Ahni a tâo hnukkhu hoi a ram rawk vaiteh, pali touh lah a kêrei aw h han. Hatei, ka ukkungnaw teh a catounnaw nahoe h, kâtawwnae hoi a uknaeram thung e nahoe h. Bangkongtetpawiteh, a ram teh a kâbawng tounng dawkvah, ayânaw poe lah ao han.

Atunglae hoi akalae siangpahrangnaw kâhruetcuete poenae

⁵ Hat toteh, akalae siangpahrang teh a thao han. Hatei, a bawinae thung daw k buet touh teh ahni hlak a tha awm vaiteh, amae ram hah kalen e bahu hoi a uk han.

⁶ Atueng a saw toteh, huiko a kâsak aw h han. A kâpo aw h nahanlah akalae siangpahrang canu teh atunglae siangpahrang koe kâtawwnae a poe han. Hatei, hote napui e kâtawwnae teh cak mahoe h. Hote siangpahrang hoi a catoun hai cak mahoe h. Siangpahrang canu hai, ahni ka thak e naw hai, ahnie canaw hai, hatnae tueng nah ahni kabawm e naw hai, thei hanlah ao han.

⁷ Hote siangpahrang canu e miphun daw k e buet touh ni ahnie hmuen daw k a kangdue han. Ahni ni atunglae siangpahrang hah tuk vaiteh, khothung kâen vaiteh, khocanaw hah a tuk vaiteh a tâ han.

⁸ Ahninae cathutnaw, hlun e meikaphawknaw, apu kaawm e sui manang, ngunnaw hah Izip ram lah be apu aw h han. Atunglae siangpahrang hlak akalae siangpahrang teh a kum bet a saw han.

⁹ Atunglae siangpahrang hai akalae siangpahrang uknaeram thung a kâen han. Hatei, ama ram lah bout a ban han.

¹⁰ A capanaw ni bout thaw aw h vaiteh, ransanaw moikapap kamkhueng sak vaiteh a tho aw h han. Tâ aw h vaiteh, ahnie kho thung totouh runae a poe aw h han.

¹¹ Akalae siangpahrang teh a lungkhuek daw kvah, atunglae siangpahrang hah a tuk han. Hatei, tami moikapap hah a taran kut daw k a poe han.

¹² Tami moikapap a ceikhai aw h toteh, kâoup vaiteh, a thong moikapap ka thet nakunghai, kâ a tawwnae cak mahoe h.

¹³ Bangkongtetpawiteh, atunglae siangpahrang bout thaw vaiteh, ahmaloe e hlak kapap e taminaw hah pâkhueng vaiteh, kum nâyittouh ne a ro torei ransanaw hoi senehmaica hoi a tho aw h han.

14 Hatnae tueng dawkvah, akalae siangpahrang ka taran e apap han. Na miphunnaw thung dawk e tapungnaw ni vision akuep nahanelah thaw awh vaiteh, rawknae koe a pha awh han.

15 Atunglae siangpahrang ni tho vaiteh kho rapannaw sak awh vaiteh, kacaklah kâkalup e khonaw hah a tuk awh han. Akalae senehmaica thaonae ni ngang thai mahoe, hmoun e ransanaw ni hai ngang thai nahanelah tha tawn awh mahoe.

16 Ka tuk e niteh, amahmawk a tuk dawkvah, ahnie hmalah apihai kangdout thai hoe. Ram kahawi hah raphoe vaiteh, ka lentoe e ram lah a kangdue sak han.

17 A uknaeram buemlah thaonae hoi a kâen hanlah a kâcai teh, akalae siangpahrang hoi kâhuiko hanelah a sak han. A canu poe e lahoi raphoe hanelah a kâcai eiteh, a pouknae patetlah awm hoe. Banghai cungkeinae awm hoe.

18 Hahoi, tuilumnaw koe lah kamlang vaiteh, tuilumnaw hah a tuk han. Hatei, ransabawi buet touh ni min mathoenae a dei e hah, katukkungnaw koe letlang a bo sak han.

19 Hote bawi hai ama kho bout a ban hnukkhu a kamthui teh, a rawp teh a kahma.

20 Hote bawi e hmuen dawk tami buet touh sungren poung e uknaeram daw, tamuk ka cawng e a kangdue han. Hatei, taran tuknae lungkhueknae daw hoi laipalah, a kahma han.

21 Ahnie hmuen daw, yuemkamcu hoe e, bari kaawm hoe e, dudam kamcu e tami a tâco han. Ahni ni tânae lahoi laipalah pasawtpanepnae lahoi uknaeram hah a la han.

22 A hmalah kaawm e naw teh, tui kalen thaonae lahoi pâyo sak lah ao vaiteh, koug a rawk awh han. Lawkkam e bawi hai a rawk han.

23 Bangkongtetpawiteh, lawk ka kam e bawi teh, lawkkam a raphoe dawkvah, tami younca hoi a tho eiteh, a tha ao han.

24 Ram kahawi daw, tuk laipalah a kâen han. Lawp e hnopainaw hah ayânaw a rei han. Mintoenaw ni patenghai a sak awh boihoe e hah a sak han. Kacakpoung kho rapanimnaw hah lawp hanelah kasawlah a kâpouk han.

25 Puenghoi kapap e ransanaw hoi, akalae siangpahrang hah tuk vaiteh, amahoima thaonae hah a hroecoe han. Akalae siangpahrang ni hai moikapap ni teh athakaawme ransanaw hoi taran tuk hanlah a kâhroecoe awh ei, ngang thai awh mahoe. Bangkongtetpawiteh, kahawihoehe pouknae a tawn awh han.

26 Siangpahrang koe kacatnetnaw ni ama tuk hanlah, letlang a kâcai awh. Hatei, a ransanaw teh, be kahmat vaiteh, tarankâtuknae koe tami moi a due awh han.

27 Hote siangpahrang roi teh kahawihoehe pouknae a tawn roi teh, caboi buet touh koe laithoe a dei roi han. Hatei, a pouknae coung pouh mahoe. A pouknae teh khoe tangcoung e a tue daw, ka phat mingming han.

28 Hahoi atunglae siangpahrang teh hnopai moikapap hoi ama ram lah a ban navah, kathoung lawkkamnae hah tarannae lungthin a tawn e patetlah a sak vaiteh, ama ram lah bout a ban han.

Akalae siangpahrang dudamnae

29 Khoe e tueng daw, bout ban vaiteh, akalah bout a tho han. Hatei, ahmaloe e patetlah nahoe. A hnukkhu e patetlah hai nahoe.

30 Bangtelane tetpawiteh, Kittim longnaw ni ahni tuk hanlah a tho awh han. Hatdawkvah puenghoi a lungpataw teh, lungkhuek laihoi bawkim

kathoung tuk hanelah bout tho vaiteh, rawknae hah a sak han. Hottelah lawkkam kathoung katapoenaw hoi a kâhuiko awh han.

³¹ Ransanaw ni tuk pouh vaiteh, kathoung hmuen hah a khin sak awh han. A hnintangkuem sak e thuengnae hah takhoe awh vaiteh, panuethopoung rawknae kathokhaikung hah a pâhung awh han.

³² Lawkkam ka taran e naw teh lawk dei thounnae lahoi a rawk awh han. Hatei, Cathut ka panuek e taminaw teh thasainae hoi hno a sak thai awh han.

³³ Taminaw thung dawk a lungkaangnaw ni tami kapapnaw teh a cangkhai awh han. Hatei, hnin kasawlah tahloi hoi theinae, hmaisawinae, san lah mannae, lawpnae hoi a rawp awh han.

³⁴ A rawp awh toteh, kabawpnae youn touh bout a coe awh han. Taminaw teh lawk dei thounnae koe a kâbang awh han.

³⁵ A lungkaang e tami tangawn hai a rawp awh han,, a thoung awh teh, toun hoeh nahanlah poutnae tueng totouh a sak han. Hot hateh, atueng khoe e totouh hane doeh.

³⁶ Siangpahrang buet touh teh, amamouh ni a ngai e patetlah a sak han, cathutnaw pueng hlak kâtawmrasang vaiteh, cathutnaw e Cathut hah a taran han. Dudamnae lawk a dei han. Lungkhueknae akuep hoehroukrak a tâ han. Pouk tangcoung e patetlah sak roeroe han.

³⁷ Ahni teh mintoenaw e Cathut hai, napui ngainae hai, alouke cathutnaw hai banglahai noutna hoeh. Tami pueng hlak amahoima a kâtawmrasang han.

³⁸ Hote cathutnaw e hmuen dawk, rapan cathut, mintoenaw ni panue hoeh e cathut hah tawm vaiteh, sui, ngun, talung, ngai kaawm e hnonaw hah a thueng han.

³⁹ Kacake rapannaw hai, Jentelnaw e cathut hai sak vaiteh, a bawilenna apung sak han. Taminaw uknaeram kâ poelah awm vaiteh, tawnta nahanlah talai hah a kêrei awh han.

Akalae siangpahrang tânae

⁴⁰ Atueng poutnae tueng nah, akalae siangpahrang ni ahni hah a tuk han. Atunglae siangpahrang nihai, ranglengnaw, marangnaw, marangransanaw, longnaw hoi bongparui patetlah tho awh vaiteh, hote ram hah reprep a coungroe han.

⁴¹ Khet kahawi e ram dawk hai a kâen awh han. Ram moikapap a lawp awh han. Hatei, Edom ram, Moab hoi Amon kahrawikungnaw teh ahnie kut dawk hoi a hlout awh han.

⁴² Ram pueng dawk a ram pakaw vaiteh, Izip ram hai hlout mahoe.

⁴³ Hote ram dawk kaawm e sui, ngun, aphu kaawm e hnonaw hah a la han. Libianaw hoi, Ethiopianaw hai ahni hnuk a kâbang awh han.

⁴⁴ Hatei, kanitho lahoi, atunglah hoi kamthang a thai navah a lungpuen teh, tami moikapap thei hanelah puenghoi lungkhuek lahoi a tho han.

⁴⁵ Tuipui rahak vah ka lentoe niteh, kathoung mon dawk o nahan im a sak teh, kabawmkung awm laipalah, rawknae koe a pha han.

12

Poutnae lawk deicainae

¹ Hatnae tueng dawkvah, na miphunnaw kangdoutkhaikung Maikel teh a tâco han. Miphun a kamtawngnae koehoi hote tueng totouh kaawm boihoe e runae teh a tho han. Hatnavah, cauk dawk min pakhum lah kaawm e na miphun pueng teh, rungngang lah ao han.

² Hatnae tueng navah, vaiphu dawk ka ip tangcounghaw teh a kâhlah aw hah han. Atangawn teh a yungyoe hringnae koelah thoseh, atangawn teh a yungyoe yeirai kayanae koelah thoseh a kâhlah aw hah han.

³ A lungkaangnaw teh lathunglae ka ang e patetlah a ang aw hah vaiteh, tami kapap lanna lamthung ka dawn sak e naw hai âsinaw patetlah pout laipalah a ang aw hah han.

⁴ Nang Daniel teh, atueng abaw totouh hete lawknaw hah khan nateh, cauk hah tacikkin haw. Tami kapap ni hote ca touknae lahoi lungangnae apung han ati.

⁵ Hathnukkhu, kai Daniel ni ka khet navah, alouke kahni touh, tui kongteng avangvanglah a kangdue roi e hah ka hmu.

⁶ Buet touh e niyah hete kângai ka ru hnonaw akuap nahanlah nâsittouh maw ao han telah loukloukkaang e ka khohnat niteh, tui van kaawm e tami hah a pacei.

⁷ Loukloukkaang e ka khohnat niteh, tui van kaawm e tami ni, atueng buet touh, atueng kahni, atueng tangawn touh a ro han. Tami kathoungnaw e hnotithainae hah kho tangkuem kahei hnukkhu, hete hnonaw pueng hai apout han telah a kut roi hoi kalvan lah a dâw teh, a yungyoe kahring e Cathut koe thoe a kâbo e hah ka thai.

⁸ Hote lawk hah ka thai teh, ka panue hoeh dawkvah, Bawipa hete hnonaw hah bangtelamaw akuap han telah ka pacei.

⁹ Ahni ni, Daniel nang teh cet leih, hete lawk teh apout hnin totouh tacikkin lah ao toe.

¹⁰ Tami moikapap teh thounsak lah ao teh, pangawsak lah ao. Tamikathoutnaw teh hawihoehnae sak aw hah vaiteh, buet touh ni boehai panuek aw hah mahoe. A lungkaangnaw niteh, a panue aw hah han.

¹¹ A hnintangkuem sak e thuengnae takhoe teh, panueththopoung karaphoekung a tâco hoi hnin 1,290 touh a ro han.

¹² A hnin 1,335 totouh ka ring niteh, ka phat e tami teh, a yawkahawi e lah ao.

¹³ Nang teh, apout totouh na lamthung dawk cet haw. Na kâhat vaiteh, a hninnaw apout toteh, nama e râw coe hanelah bout na thaw han ati.

HOSI

¹ Judah siangpahrang Uziah, Jotham, Ahaz hoi Hezekiah tinaw a baw nah, Joash capa, Jeroboam ni Isarel siangpahrang a tawk nah Beeri capa Hosi koe ka tho e Cathut lawk teh,

Hosi yu lanae

² Nang ni cet nateh atak kâyawt e napui hoi a canaw hah na yu lah lat haw. Bangkongtetpawiteh, khocanaw ni Cathut a pahnawt aw hah teh boutout a payon aw hah toe telah Hosi koe Cathut ni atipouh.

³ Hosi ni Cathut ni a dei e patetlah a cei teh, Debalaim canu, Gomer hah a yu lah a la. A yu ni camo a vawn teh ca tongpa a khe.

⁴ Hatnavah Cathut ni Hosi koe, hete camo e min teh Jezreel phung loe atipouh. Bangkongtetpawiteh a ro hoehnahlan Jezreel theinae phu teh Jehu imthung koe moi ka pathung vaiteh, Isarel ram a uknaeram tueng ka baw sak pouh aw hah han.

⁵ Hahoi, Jezreel yaw n daw k Isarel ransanaw e thaonae teh ka raphoe han telah a ti.

⁶ Gomer ni camo apâhni lah bout a vawn teh napui a khe. Bawipa ni min teh Loruhamah phung loe. Bangkongtetpawiteh, Isarelnaw teh ka pahren mahoe hah toe, ka takhoe han toe.

⁷ Hatei, Kai ni Judahnaw teh ka pahren han. Ahnima BAWIPA Cathut Kai ni ka rungngang han. Ka rungngang nah taran tuknae senehmaica, lilava, pala, tahloi, marangnaw, hoi marangransanaw ka hno mahoe a ti.

⁸ Gomer ni a canu hah sanu a pâphei hnukkhu, camo bout a vawn teh, ca tongpa a khe.

⁹ Cathut ni Hosi koe, a min teh Loammi phung loe. Bangkongtetpawiteh, nangmouh teh, kaie tami nahoe hah, kai hai nangmae Cathut nahoe hah atipouh.

Isarel bout pathawnae

¹⁰ Isarelnaw teh palang sadi patetlah apung aw hah han. Bangnue thai hoe hah e hoi touk thai hoe hah e lah ao han. Atuvah, Cathut ni Isarelnaw teh ka tami nahoe hah ati. Hatei, nangmouh teh kahring Cathut e canaw lah na o aw hah tie hnin ka phat han.

¹¹ Judahnaw hoi Isarelnaw ni bout a kamkhueng aw hah han. Amamouh hanlah siangpahrang buet touh a rawi aw hah vaiteh, hete ram daw k hoi a tâco aw hah han. Jezreel se teh a lentoe han telah a ti.

2

¹ Na hmaunawnganaw hah ka tami telah thoseh, na tawncanunaw hah ka pahren e ka canu telah thoseh bout ka kaw han.

Yuemkamcu hoe hah e taminaw

² Na manu teh dei pouh aw hah. Ahni teh kaie ka yu nahoe hah. Kai haiyah ahnie a vâ nahoe hah.

³ Kâyonae minhmai padai laipalah kathoute hno roun naseh. Roun hoehpawiteh, a khenae patetlah caici lah thingyei um pak ka tha han. Tui ni a hak takhai e talai patetlah tui ka pakoung vaiteh ka due sak han.

⁴ A canaw haiyah cataca lah ao dawkvah kai ni ka pahren mahoe hah.

⁵ Ahnima manu teh, kâyawt e doeh. Ahni ka vawn e napui hai yeirai a po toe. Ahni nihaiyah ka bu, ka tui, ka tumuen, ka tangka, ka satui, nei hane tui ouk na ka poe e kapahrennaw hnuk ka kâbang han a ti.

⁶ Hatdawkvah pâkhing hoi ka kalup han. A tâco thai hoeh nahanlah talung hoi ka tapang sin han.

⁷ A pahren hah a pâlei ei phat mahoe. A tawng ei hmawt laipalah ao navah, ka vâ karuem koe doeh bout ka cei han toe ati. Atu e hmuen koe hlak hmaloe e hmuen koe doeh hoe ahawi ati han.

⁸ Cang, misur, satuinaw hoi Baal bawknae sui hoi ngun hai moi ka poe eiteh, Kai na pahnim awh.

⁹ Hatdawkvah canga tue nah cakang, misurtui kasu tue nah misurtui, ka poe mahoe. Kaie tumuen hoi ngun, a caicinae ramuknae hah ka bankhai han.

¹⁰ Atu roeroe a pahrennaw koe a khohna e ka rading pouh vaiteh, yeiraipo sak han. Apinihai ka kut dawkw hoi hlout sak thai mahoe.

¹¹ A nawmnae, pawitona, thaparei hnin, sabbath hnin, tamimaya kamkhueng e pueng ka pout sak han.

¹² Het hateh, ka pahren ni na poe e poehno ati e misurnaw, thailunglungnaw lungpalueng lah ka ta vaiteh, ratu lah ka sak han, hahoi sarangnaw ni a ca awh han.

¹³ Baal cathutnaw koe hmuitui hmai a sawi awh teh, hnongpacap hoi dingyin a awi awh teh, a pahren hnuk a kâbang awh teh, Kai na pahnim awh dawkvah, Baal cathutnaw e tueng dawkw e patetlah moipathung han telah Cathut ni a ti.

Cathut ni a taminaw a pahren

¹⁴ Hatei, ahni hah bout ka pasawt han. Kahrawng lahoi a ceikhai awh nakunghai, pasawtnae lawk hoi ka dei pouh awh han.

¹⁵ Hote hmuen koe misur takha hai thoseh, Akhor tanghling koe ngaihawinae takhang hai thoseh ka sak pouh han. A camo nah Izip ram hoi a tâcnae la a sak awh e patetlah namran lah a pha awh toteh, la a sak awh han.

¹⁶ BAWIPA ni a dei e teh, hatnae tueng dawkw nang ni kai hah Bawipa telah na kaw mahoe, ka vâ telah na kaw han.

¹⁷ Baal e min roeroe heh nangmae pahni dawkw hoi takhoe vaiteh, a min hah dei lah rawraw bout dei mahoe toe.

¹⁸ Hatnae tueng dawkw Kai ni ahnimouh hanlah, kahrawng e sarang, kalvan e tava, talai dawkw e sarangnaw hoi na kâhuiko vaiteh, licung, tahloi, senehmaicanaw, talai dawkw hoi ka takhoe han. Lungpuen tâsuenae awm laipalah a i awh han.

¹⁹ Nang teh, ka yu lah pou na o han toe. Lanna, kamsoum e, ka kuep e lungmanae hoi nang teh kama hanelah na la han toe.

²⁰ Ka lawkkam ka tarawi vaiteh na la han, nang ni Cathut na panue han.

²¹ Bawipa ni telah ati, hatnae tueng dawkw ratoumnae Kai ni na thai pouh han. Kalvan lawk ka thai pouh vai teh, ahni ni talai lawk a thai pouh awh han.

²² Talai ni hai cakang, misurtui, satui, naw e lawk a thai vaiteh, ahnimouh ni hai Jezreel e lawk a thai awh han.

²³ Hote napui hah cati patetlah talai dawkw kama hane ka patue han. Ka pahren hoeh e napui hah ka pahren han. Ka tami hoeh e koe ka tami ka ti pouh han. Ahnimouh ni hai nang teh kaimae Cathut doeh na ti pouh awh han.

3

Cathut koe Isarelnaw bout a ban han

¹ Hahoi, Cathut ni Isarelnaw nangmouh ni alouke cathutnaw na bawk aw hah teh, misurphen hah na ngai aw hah ei, Kai ni lungpataw mingming e patetlah cet nateh a vâ van ka uicuk e napui hah bout pahren haw a ti.

² Hat toteh, hote napui hah tangka phek hra hlaipanga touh, cai homer buet touh hoi ka ratang hnukkhu,

³ kai koe pou awm haw, kâyawt hanh haw, api alouke tongpa hoi hai ipawm hanh haw, hat pawiteh doeh kai hai nang hoi pou kaawm ti ka ti pouh.

⁴ Bangkongtetpawiteh, Isarelnaw teh kumtha moikasawlah siang-pahrang, khobawi, thuengnae, khom kathoung, meikaphawk bawknae, Terah meikaphawk tawn laipalah ao aw hah.

⁵ Hathnukkhu Isarelnaw bout tho aw hah vaiteh, amamae Cathut hoi siangpahrang Devit hah tawng aw hah vaiteh, ato hmalah lungmanae coe nahanelah, taki laihoi Cathut koe a yawng aw hah.

4

Isarelnaw yonnae

¹ Oe! Isarelnaw Cathut e lawk hah thai aw hah. Bangkongtetpawiteh, khoca ramcanaw teh Cathut hoi a kâyue aw hah toe. Ahnimouh teh lawkkam cak aw hah hoeh, lungmanae tawn aw hah hoeh, Cathut taket aw hah hoeh.

² Thoebonae, laithoene, parunae, uicuknae hoi tami theinae teh kâhat laipalah a sak aw hah. Tami theinae yon hoi patuen patuen a kâthap aw hah.

³ Hatdawkvah, ahnimae ram teh a cingou han. Taminaw hoi kahrawng e moithangnaw, kahlun e tavanaw pueng teh a tha a kamyai han. Tuipui daw k e tanganaw hai a thup aw hah.

⁴ Hatei, apinihai ngang nahanh seh. Apinihai yue nahan seh. Bangkongtetpawiteh, nange na mipunnaw hai vaihmanaw hoi kaounnaw patetlah doeh ao aw hah.

⁵ Hatdawkvah, khodai lah na kamlei aw hah. Karum lah vaihmanaw hoi rei na kamlei aw hah. Na manu hai ka thei han.

⁶ Ka taminaw teh panuene ayoun dawkvah a rawk aw hah. Nang ni panuene na hnoun dawkvah kaie vaihma lah na o hoeh nahan nang teh na hnoun toe. Na Cathut e lawk na pahnim dawkvah na canaw teh ka pahnim han.

⁷ A lentoe aw hah e patetlah ahnimouh ni kai hah na pahnawt aw hah toe. Hatdawkvah ahnimae bawilenna hah yeirai ka po sak han.

⁸ Ka taminaw e yonthanae sathai moi a ca aw hah nahlangva vah, hote yonnae hah ouk a doun aw hah.

⁹ Hatdawkvah, taminaw koe ka tâcawt e patetlah vaihmanaw koehai ka tâco sak han. Amamae tawksaknae patetlah ka rek vaiteh lengkaleng tawpphu ka poe han.

¹⁰ Rawca a ca aw hah ei, a von paha aw hah mahoe. A kâyô aw hah ei, ca khe aw hah mahoe.

Isarel ni meikaphawk bawknae

¹¹ Bangkongtetpawiteh, tak kâyonae, misurhruem, misurtui ni a lung a pathu sak teh, Cathut a pahnawt aw hah toe.

¹² Ka taminaw ni bongpai hoi a kâpan aw hah teh, sonron koe pouknae a hei aw hah. Radueknae daw k a lungtang aw hah lawi vah, amamae Cathut koelah awm laipalah, a kâyô aw hah toe.

¹³ Monsom vah thuengnae a sak aw hah teh, monruinaw hoi kathenkung-naw e tâhlip daw k hmuittui hmaisawi e hoi thuengnae a sak aw hah.

Hatdawkvah na canunaw teh kâyawt e lah a coung aw hawh, na langanaw teh a uicuk aw hawh.

¹⁴ Na canunaw ni a kâyo aw hawh, na langanaw ni ka uicuk nakunghai lawk na ceng mahoeh. Bangkongtetpawiteh, na yunaw na ceitakhai aw hawh teh ka kâyawtnaw hoi tak na hmawng aw hawh toe. Kâyawt e napuinaw hoi thuengnae reirei na sak aw hawh toe. Hatdawkvah, panuena kayounnaw teh a rawk aw hawh.

¹⁵ Oe! Isarelnaw nang teh na tak na kâyo ei nakunghai, Judahnaw na payon hoeh. Gilgal kho hoi kâhnai aw hawh. Bethaven kholah cet aw hawh hanh. Cathut teh a hring dawkvah, thoebo aw hawh hanh.

¹⁶ Oe! Isarelnaw maitola patetlah na lahuen caksak aw hawh hanh. A hmuen kawnae koe tuca khoun e patetlah Isarelnaw na khoun aw hawh hanh.

¹⁷ Kutsak daw k a lung kapen e Ephraim teh amahmawk aw m naseh.

¹⁸ Yamu a nei aw hawh e teh taranthawnae doeh, pout laipalah a kâyo aw hawh, khobawinaw ni kayanae hah a lungpataw aw hawh.

¹⁹ Kahlí ni kamlenghai vaiteh, amae thuengnae hnouaw kecu daw k a kaya aw hawh hanh.

5

Isarel hoi Judah koe lawkcengnae

¹ Oe thai aw hawh, vaihmanaw. Isarel miphunnaw hoi siangpahrang im daw k kaawm e naw, nangmanaw teh lawkceng lah na o aw hawh hanh. Bangkongtetpawiteh, nangmanaw teh Mizpah mon daw k tangkam lah, Tabor mon daw k patung e tamlawk karap lah na o aw hawh.

² Satheinaw theinae lahoi yon na pap sak aw hawh daw kvah, kai ni ahnimanaw abuemlah ka yue hanh.

³ Ephraim e akong teh ka panue, Isarel hai ka hmalah kâhrawk thai mahoeh. Ephraim nang teh atu roeroe na kâyo. Isarel teh a khin.

⁴ Ahnimanaw teh, kâyonae muitha ahnimouh koe ao daw kvah, Cathut panuek aw hawh hoeh.

⁵ Isarelnaw e a kâoupnae ni amamouh a pabo teh, Isarel hoi Ephraim teh amamae yon daw k a rawp aw hawh, ahnimouh hoi cungtalah Judahnaw hai a rawp hanh.

⁶ Tuhu, maitohu a hrawi aw hawh, Cathut tawng hanelah a cei aw hawh eiteh, hmawt aw hawh mahoeh. Cathut teh ahnimouh hoi a kâhla toe.

⁷ Ahnimanaw teh Cathut koe lawk a kam aw hawh e a raphoe aw hawh toe. Bangkongtetpawiteh, alouke miphunnaw a khe aw hawh toe. Amamouh hoi cungtalah a hnopainaw hai a rawk hanh.

⁸ Gibeah kho daw k vovit hai thoseh, Ramah kho daw k mongka hai thoseh, kâhruetcuetae ueng aw hawh. Oe! Benjamin miphun hnuklah kangvawi hawh.

⁹ Isarelnaw yuena tueng nah Ephraim teh kingdi hanh. Patuen kaawm hane naw hah ka pâpho.

¹⁰ Judah siangpahrangnaw teh lawrilung ka puen e taminaw patetlah ao aw hawh. Kai ni ahnimouh koe ka lungkhueknae tui patetlah ka awi hanh.

¹¹ Ephraim teh rektapnae a khang. Lawkcengnae a kâhmo daw kvah, a sung. Bangkongtetpawiteh, ahni ni ama lung lahoi kâpoe e patetlah a sak.

¹² Kai teh Ephraim koe ahri lah, Judah koe patawnae lah ka o hanh.

¹³ Ephraim ni a hmânaw thoseh, Judah ni a patawnae thoseh, a hmu toteh Ephraim teh Assiria koe a cei hanh. Judah teh Jareb siangpahrangnaw koe a cei hanh. Hatei, hote siangpahrangnaw ni dam sak thai mahoeh.

¹⁴ Bangkongtetpawiteh, Kai teh Ephraim koe sendek patetlah Judah koe sendek thoundoun lah ka o han. Kai ni ka kei e hoi ka rakoung e teh apinihai na lawm thai mahoeih.

¹⁵ Ahnimanaw ni a yonae a pâpho aw hohroukrak, kai na tawng aw hohroukrak kama ka onae koe ka cei vaiteh hawvah ka o han. Runae a kâhmo aw toteh kai na tawng aw han.

6

Pankângai hanlah kawnae

¹ Tho aw h, Cathut koe ban aw h sei. Bawipa ni vekrasen lah na kei teh na phi ei, bout na dam sak han. Na hem eitêh, bout na sat han.

² Hnin hni touh a loun hnukkhu na hring sak teh, hnin thum hnin vah, na thaw sak han. Hatdawkvah, ama koe maimouh teh hring aw h han. Lungangnae hai tawn aw h han.

³ Cathut panue nahanlah a tawng aw h han. A tâconae tueng teh amom patetlah ao. Kho ka rak e patetlah kho ahnoung e kho ka rak e patetlah talai duk sak hanlah a tho han

⁴ Oe Ephraim, nang daw k bangmaw ka sak han. Oe Judah, nang daw k bangmaw ka sak han. Nangmae yuemkamcunae teh, amom e tâmai hoi, palang kahmat e tadamtui patetlah ao.

⁵ Hatdawkvah, ahnimanaw hah profetnaw hno lahoi kai ni patpat ka bouk toe. Ka lawk tâcawt e lahoi ka thei toe. Lawkcengnae hai angnae patetlah ao toe.

⁶ Thuengnae hlak lungmanae, hmaisawi thuengnae hlak Cathut hoi kâpanuenaeh hah ka ngai.

⁷ Ahnimouh teh, Adam patetlah lawkkam a tapoe aw h toe. A o aw hnae koe yuemkamcu hoe h lah na o sin aw h toe.

⁸ Gilead khopui teh kahawihoe h hno ka saknaw e hmuen lah ao teh, tami thi kapalawngnaw e khokhnuk tungkâtue.

⁹ Dingcanaw ni kahlong kacetnaw a pawp aw h e patetlah vaihmanaw ni Shekhem lah ceinae lam daw k patenghai tami a thei aw h toe.

¹⁰ Atangcalah, kahawihoe h hno a sak aw h. Isarelnaw koe taki ka tho e hno ka hmu toe. Ephraimnaw a tak a kâyo teh, Isarel teh a khin.

¹¹ Hothloilah, Oe Judahnaw, man lah kaawm e ka taminaw bout ka thokhai toteh, nang hanlah canganae tueng khoe lah ao.

7

¹ Isarel dam sak hanlah ka kâcai navah, Ephraim e yonnae hoi Samaria hawihoe hnae bout a kamnue. Ahnimouh teh lawkkam cak aw h hoe h. Athung lah tamru ouk a kâen teh, alawilah hai dingca ni ouk a tuk aw h.

² Ahnimae hawihoe hnae pueng Kai ni ka pâkuem tie hah a lung daw k pouk aw h hoe h. Atu patenghai hote hno ni a kalup aw h toe. Ka hmaitung vah ao aw h.

³ Kahawihoe h e hno hoi siangpahrangnaw a lunghawi sak aw h teh, laithoe lawk hoi bawinaw a lunghawi sak aw h.

⁴ Ahnimouh pueng teh kamsoumhoe h napui tongpa yonnae ka sak e lah ao aw h. Vaiyei ka thawng e ni hmai sut a patawi teh, tavai a kanaw k hnukkhu a po hoehnahlan racum laipalah karoum e hoi a kâvan aw h.

⁵ Maimae siangpahrang hnin navah, bawinaw ni misur koung a parui aw h teh, ka dudam e naw hoi kut reirei a dâw aw h.

⁶ Arulahoi a pawp awh lahunnah, amamae lungthin teh takhuen hmai patetlah a kâcai awh.

⁷ Takhuen hmai patetlah a kâan awh teh, ahnimae lawkcengkung bawinaw hah a kak awh. Amamae siangpahrang pueng teh, a rawp awh. Kai na ka kaw e buet touh hai awm awh hoeh.

⁸ Ephraim teh Jentelnaw hoi a kâkalawt awh. Ka kamhmi hoeh e vaiyei lah ao awh.

⁹ Amamouh ni panuek laipalah ramlouknaw ni a thaonae teh koung a ca pouh toe. A sam koung a po awh toe. Hatei, amamouh ni panuek awh hoeh.

¹⁰ Isarelnaw e kâoupnae teh amamae hmaitung vah a kamnue eiteh, BAWIPA Cathut koe ban awh hoeh. Cathut hai tawng awh hoeh.

Miphun kâuep e teh cungkeihoeh

¹¹ Ephraim teh pouknae ka tawn hoeh e bakhu hoi a kâvan. Izip a kaw awh teh, Assiria vah a yawng awh.

¹² A cei nah tanguem koe tamlawk hoi ka heng vaiteh, kahlun e tavanaw patetlah ka man han. A kamkhuengnae koevah, ka thai e patetlah ka yue han.

¹³ Ahnimouh teh, kai koehoi a yawng awh toe. Ahnimouh koe rawknae teh a pha. Bangkongtetpawiteh, kai na taran awh teh, kâ a tapoe awh. Ahnimanaw hah ka ratang ei, Kai na taran awh teh, laihoeh a dei awh.

¹⁴ Ikhun dawka cingou awh toteh, Kai na kaw awh hoeh. Cakang, Misur tui tawn laipalah, a kamkhueng awh teh, kai na taran awh.

¹⁵ Kai ni ka yue ei, ka caksak ei, Kai na taran awh teh, kahawihoehe hah a pouk awh.

¹⁶ Ka dumnae licung patetlah ao awh. Bawinaw teh, a pacekpahlek awh dawkvah, tahloi hoi a due awh han. Izipnaw ni a panuikhai awh han.

8

Isarel cei payonnae

¹ Mongka ueng haw. Taran teh mataw patetlah Cathut imthungkhu kâtaran lahoi a tho. Bangkongtetpawiteh, ahnimouh ni ka lawkkam a tapoe awh teh, kâlawk a taran awh.

² Hatei, ahnimouh ni, kaimae Cathut, kaimouh teh Isarel miphun lah ka o awh teh, Bawipa nang teh na panue awh telah koe a hram awh.

³ Isarelnaw ni hnokahawi a hnoun awh dawkvah, taran ni a rektap han.

⁴ Kaie kâ laipalah siangpahrang a rawi awh teh, ka panuek laipalah bawinaw hah a rawi awh. Rawk nahanelah amamae sui hoi amamouh hane meikaphawk a sak awh toe.

⁵ Oe Samaria, na maitoca hah tâkhawng leih. Kabawknaw koe ka lungphueng. Ahnimouh ni nâtotouh maw thoungnae panuek laipalah ao awh han vai.

⁶ Hate maitoca teh Isarelnaw ni sak e lah ao teh, sak e lah ao dawkvah Cathut nahoe. Samaria maitoca teh reppasei lah a rawk han.

⁷ Kahlî cati hah a kahei awh teh, bongparui cang a a awh han. Cakung awm mahoe. A vui dawka hoi tavai tâcawt mahoe. A tâco nakunghai ramlouknaw ni a ca awh han.

⁸ Isarel teh payawp lah ao toe. Apinihai a ngaihoeh e hno patetlah Jentelnaw koe ao han.

⁹ Assiria ram lah amahmawk a cei. Ephraim teh, amadueng kâva e la patetlah a pahrennaw hah apu a poe toe.

¹⁰ Jentelnaw hah apfu a poe eiteh, vaitalahoi, taminaw hah ka pâkhueng han. Nâsittouh ao hoehnahlan, siangpahrang hoi bawinaw e hno hah hnori lah na phu awh han.

¹¹ Ephraim ni amae yon a kamnue nahanlah thuengnae khoungroe moi a sak dawkvah, khoungroenaw hah ahnie yon telah ati awh han.

¹² Kaie kâlawk a lentoenae hah ahni hanelah ka thut pouh toe. Hatei, banglahai ngâi hoeh.

¹³ Kai hanlah hmoun e pasoumhno hah thuengnae kasaknaw ni a thueng awh teh a ca awh. Hatei, Cathut ni coe pouh hoeh. Ahnimae yon hah a pâkuem pouh teh, a kung a khei dawkvah, ahnimouh teh Izip ram lah bout a ban awh han.

¹⁴ Isarelnaw ni kasakkung a pahnim awh teh, im kahawi kahawi a sak awh. Judah ni hai ka cak e kho hah apung sak awh. Hatei, hote khonaw hah hmai ka sawi vaiteh, im kahawi kahawi naw hmai a kak awh han.

9

Isarel moipathungnae

¹ Oe Isarelnaw, Jentelnaw patetlah konawm hoi lamtu awh hanh. Bangkongtetpawiteh, na Cathut na pahnawt awh teh, alouke cathut hoi na kâyo awh toe. Cangkatinnae pueng daw kâyona e phu hah na ngai awh toe.

² Cangkatinnae hoi misur paw katinnae ni na kaw k mahoe. Misurtui a katha e hai ngaihawi awh e patetlah tâcawt mahoe.

³ Ephraim teh Cathut e talai daw k hosak awh mahoe. Izip ram lah bout a ban awh vaiteh, Assiria ram vah kathounghoehe rawca a ca awh han.

⁴ Misurtui awi thuengnae hah Cathut koe na sak awh hoeh. Thueng e naw hai a lungyouk mahoe. Hote Sathei moi teh, khuika laihoi ro kathaknaw e rawca patetlah ao. Ka cat e tamipueng a khin awh han. Ahnimanaw e rawca hah amamouh roeroe ni cat awh naseh. Cathut e im daw k hrueng awh han naseh.

⁵ Bawipa e paw hnin hoi, Bawipa koe pasoungnae hnin dawkvah, bangtelamaw na sak awh han toung.

⁶ Rawknae daw k hoi ka hlout awh nakunghai, Izip ram pâkhueng awh vaiteh, Memphis khocanaw ni a pakawp awh han. Ngun hoi a pathoup awh e imnaw hah pâkhing tangdun a phunphun ni rup a yam sin han.

⁷ Lawkceng nahane hnin a pha toe. Moipathungnae hnin a pha toe. Isarelnaw ni a panue awh han. Profet teh a pathu awh toe. Muitha tami hai a pathu toe. Na yonnae apap e patetlah puenghoi raphoena e na khang han.

⁸ Ephraim ramvengnaw teh Cathut koe ao awh. Hatei, profet teh, a tawksak e pueng hah karap lah ao. A Cathut e im daw k patenghai kâhmuhmana e ka sak e lah ao.

⁹ Gibeah senae patetlah puenghoi a rawk awh toe. A yona e hah a pâkuem pouh teh, a yona e daw k lawk a ceng han.

¹⁰ Isarel teh kahrawngum e misur paw patetlah ka hmu teh, na mintoenaw hah thaibunglung a paw hmaloe kahmin e patetlah ka hmu. Ahnimouh teh Baalpeor koe amahmawk a cei awh teh, kayanae daw k a tak a kâhmoun awh teh, a doun awh e patetlah panuettho e hno hah a sak awh.

¹¹ Ephraim bawilenna e teh tava patetlah a kamleng han. Ca khenae, camo vawnae, pacipnae awm mahoe.

¹² A canaw hah a kaww awh eiteh, buet touh boehai hlout laipalah ka lawp han. Ahnimanaw hah Kai ni ka hnoun toteh lungmathoe hanlah ao tanggak.

¹³ Ephraim teh Taire kho patetlah karoum e boiboe lah ao eiteh, a canu capanaw hah tami kathetnaw koe a thak awh han.

¹⁴ Oe Cathut, na poe awh haw. Bangtelamaw na poe awh han. Camo ka vawn hoe e sanutui ka tâcawt hoeh e sanu na poe a haw.

¹⁵ Gilgal khovah, a sak awh e yon ao teh, hote hmuen koe ahnimouh hah kai ni ka panuet. Ahnimae yonnae kecu daww ka im daww hoi ka pâlei han. Ahnimouh hah bout ka lungpataw mahoe. Ahnimae bawinaw pueng teh taran lah ka thaw e seng doeh.

¹⁶ Ephraim teh ahri ni a ca dawkwah, a tangpha a ke teh, a paw paw thai hoeh. Capa a khe awh ei, a pahren awh e capanaw hah ka thei pouh awh han.

¹⁷ Kai Cathut e lawk hah a ngâi awh hoeh dawkwah, ka hnoun vaiteh, miphunlouknaw koe parang a kâva awh han.

10

Isarel santoungnae

¹ Isarel teh a paw moi kapaw e misurkung lah ao. Amahmaww ouk a paw. A paw apap e patetlah Isarelnaw ni thuengnae khoungroe apap sak awh. Aram ahawi e patetlah meikaphawknaw a catraning awh.

² A lungsamphei teh yon phu khang sak lah ao awh. Ahnimae thuengnae khoungroenaw hoi meikaphawknaw hah Bawipa ni a raphoe pouh awh han.

³ Maimouh teh, Cathut taki awh hoeh dawkwah, siangpahrang tawn awh hoeh. Siangpahrang ao nakunghai maimouh hanlah e lah bangmouh a sak thai han vâ na ti awh.

⁴ Lawkkamnae a sak awh navah, lawkhawng hoi thoe a kâbo awh teh, laithoe lawk duengdoeh a dei awh. Lawk a ceng awh navah, laikaww koe e asue kung patetlah a pâw awh.

⁵ Samaria khocanaw teh, Bethaven maitoca kecu daww a puen awh. Hote maitoca bawilen nahanelah, a taminaw ni a khuika awh teh, vaihma bawinaw ni a pâyaw awh han. Bangkongtetpawiteh, hote lentoenae hah a tarannaw ni a lawp awh teh,

⁶ Maitoca hoi cungalalah Assiria ram lah cetkhai awh vaiteh, siangpahrang Jareb a poe awh han. Ephraim teh, a minhmai mathout vaiteh, Isarel teh a pouknae lahoi yeirai a po han.

⁷ Samaria teh a rawk han. Samaria siangpahrang teh tui daww kâlâw e tuihon lah ao han.

⁸ Isarelnaw ni meikaphaww ouk a baww awh e Aven hmuen puenghai raphoe lah ao han. Thuengnae khoungroe daww pâkhing hoi phonaw muen a paw han. Oe monnaw, kaimouh na ramuk haw. Oe monruinaw, kaimouh van baww awh haw telah ati awh han.

⁹ Oe Isarel, Gibeah senah na yon e hlawk hoe na yon toe. Hawvah a kangdue awh. Gibeah vah tarankâtuk navah, hawihoeahnae ka sak naw hah na sung awh hoeh.

¹⁰ Kai ni ka mahmaww ahnimanaw hah ka yue han. Kâ a tapoe awh e kahni touh kecu daww ka katek awh toteh, ahnimouh taran hanlah taminaw teh a kamkhueng awh han.

¹¹ Ephraim teh a mawng teh, cangkatin ngai e maitola lah ao eiteh, a lahuen dawk yawcu ka toung pouh vaiteh, Ephraim van tami kâcui sak han. Judah ni talai a thawn han, Jakop ni laitueg a pâpâwn han.

¹² Ma hanelah, lannae cati kahei awh nateh, lungmanae a paw hah a awh haw. Tawk hoeh rae laikawk hah thawn awh. Cathut ni nangmouh lathueng vah lannae kho a rak sak hoehroukrak, Bawipa tawngnae tueng a pha toe.

¹³ Nangmouh teh, yonnae cati hah na kahei awh teh, yonnae a paw hah na a awh. Laithoe paw hah na ca awh. Bangkongtetpawiteh, ma ni pouk e hoi mae athakaawme taminaw hah ouk kâuep awh.

¹⁴ Hatdawkvah, na taminaw teh ruengrueng ati awh han. Shalman ni Betharbel kho a tuk navah a raphoe e patetlah nange rapan pueng teh, a rawk han. Manu teh a canaw hoi talai dawk rekresuk lah ao han.

¹⁵ Bethel teh, na yonnae kecu dawk hottelah a sak awh han. Amom vah Isarel siangpahrang teh khoeroe raphoe lah ao han.

11

Cathut ni Isarel naw a pahren

¹ Isarel teh a nawca hoi ka lungpataw teh, ka capa hah Izip ram hoi ka kaw toe.

² Ka kaw navah hoe a yawng awh teh, Baal koe thuengnae a sak teh, meikaphawknaw koe hmuittui hmai a sawi awh.

³ Ephraim hah a kut dawk hoi ka kuet teh lamcei ka pâtu. Hatei, kaie khetyawtnae hah panuek hoeh.

⁴ Tami hrawinae, lungpatawnae rui hoi ka sawn. A lahuen dawk e yawcu hah a kam koelah ka pahout pouh teh rawca hah ka paca.

⁵ Nang koe ka tho mahoe hah titeh, a kangek dawkvah, Izip ram lah bout ban mahoe. Assiria siangpahrang ni a uk awh han.

⁶ Amamae pouknae hah raphoe lah ao han. Tahloi teh a onae koe kothung phat vaiteh, siangpahrang hah a thei awh han.

⁷ Ka taminaw teh kai koehoi lam pou a phen awh. A lathueng poung e Cathut koe ka kaw eiteh, hote Cathut hah apinihai talue sak han ngai hoeh.

⁸ Oe Ephraim, bangtelah hoi maw nang hah na pahnim thai han. Oe Isarel, nang hah bangtelah hoi maw na hnoun thai han. Nang teh Adamah kho patetlah bangtelah hoi maw na o sak thai han. Zeboiim kho patetlah bangtelah hoi maw na ta thai han. Ka lungthin a kâhung teh, puenghoi lungpatawnae ka tawn.

⁹ Puenghoi ka lungkhuek e patetlah ka sak ngaihoeh. Ephraim hah boutbout ka raphoe ngaihoeh. Kai teh tami nahoe Cathut doeh. Kothung kaawm e tami nahoe eiteh, nangmouh koe kaawm e kathoung Cathut lah ka o.

¹⁰ Nangmouh teh Cathut koe na kâbang awh han. Sendek patetlah na huk awh han. A huk toteh a canaw kaniloumlah hoi karangpounglah a tho awh han.

¹¹ Baritca patetlah Izip ram lahoi toseh, bakhu patetlah Assiria ram lahoi toseh, karanglah yawng awh vaiteh, amamouh onae hmuen koe hmuen ka poe han telah Cathut ni a ti.

Cathut ni Ephraim a taran

¹² Ephraim ni laithoe hoi thoseh, Isarel ni dумыennaе hoi thoseh, kai hah na tarawk awh toe. Judah nihai, kathoung ni teh yuemkamcu e Cathut koehoi lam a phen teh a káva toe.

12

¹ Ephraim teh kahlí a pahap. Kanítholae kahlí hah a pâlei. A hnintangkuem laithoe hoi rawknae hah a kampai sak. Assirianaw hoi a kâhuiko nahlangva vah, Izip ram lah satui a sin awh.

² Cathut ni Judahnaw koehai lungkuephoehnae a tawn. Jakop e tawksaknae hah lawkceng vaiteh, a sak e patetlah moi a pathung han.

³ Jakop teh a manu von thung vah, a hmau e khokpaimai a kuet. A tha a sai teh, Cathut hoi a kâthe. Kalvantami hoi a kâthe teh a tâ.

⁴ Khuika laihoi yo la a kâhei toe. Kalvan ransabawi Cathut hah bethel vah a hmu teh, hawvah lawk a dei pouh.

⁵ Jehovah teh ransabawi Cathut lah ao. Jehovah tie teh amae min doeh.

⁶ Hatdawkvah, na Cathut koe bout ban leih. Lungmanaе, lannaе pouk nateh, na Cathut hah pout laipalah ngaihawi haw.

⁷ Ahni teh hno kayawtkung e lah a o, dumnae yawcu hah a patuep. Ayânaw rektap ngainaе lung a tawn.

⁸ Hatei, Ephraim ni kai teh, ka tawnta hnopainaw ka hmouk toe. Ka tawksak e pueng dawк payonpakainaе hmu han kawi awm hoeh telah a ti.

⁹ Kai teh Izip ram thung hoi na ka tâcawtkhai e na Jehovah Cathut lah ka o. Pawi hnin nah na o e patetlah rim dawк bout na o sak han.

¹⁰ Kai ni profetnaw hno lahoi vision moi na poe toe. Bangnuenaе hai moi na dei pouh toe.

¹¹ Gilgal ram teh a payon. Khocaramcanaw teh cungkei awh hoeh. Gilgal khovah, maito hoi thuengnae a sak awh ei, thuengnae khoungroenaw teh, laikawк thawn nah talai kacoum e naw patetlah doeh ao.

¹² Jakop teh, Assiria ram lah a yawng. Isarel teh yu la thai nahanelah, san a toung teh tuhu a khoum.

¹³ Cathut ni profet lahoi Isarel hah, Izip ram hoi a hlout sak teh, profet lahoi a khetyawt.

¹⁴ Ephraim ni Cathut a lungkhuek sak. Hatdawkvah, tami theinae yon teh ahni koe a pha han. Min mathoenaе hah ama lathueng a bo han

13

Isarelnaw koe kapek laipalah lawk a ceng

¹ Ephraim ni a dei toteh, ayânaw ni a taki awh. Ahni teh Isarelnaw thung dawк ka talue e lah ao. Hatei, Baal bawкnae koe a rawp toteh a due.

² Atuvah hoehoe a yon awh teh, mae thoumnae lahoi hlun e ngun kutsak, lahoi amamouh thoum e patetlah meikaphawкnaw hah amamouh hanelah a sak awh. Hottelah a sak awh hnukkhù thuengnae ka sak e tami teh maitoca hah pahnuem seh a kâti awh.

³ Hatdawkvah ahnimouh teh, amom e tâmai patetlah tang kamyawт e tadamtui patetlah cangkatinnae koe e bongparui ni a palek e cahik patetlah takhuen koehoi ka tâcawт e hmaikhu patetlah ao awh.

⁴ Hatei, kai teh, Izip ram hoi nangmouh kahlout sak e nangmae Jehovah Cathut lah ka o. Kai hloilah alouke Cathut hah nang ni na panuek hoeh. Kai hloilah runggangkung Bawi awm hoeh.

⁵ Thingyei yawn hoi kâan poung e ramke ram dawk patenghai nang hah na pahnim hoeh. Kaboumlah na paca toe.

⁶ Na boum awh toteh, na kâoup awh. Kai hah na pahnim awh.

⁷ Hatdawkvah, ahnimouh koe Kai teh, sendek patetlah ka o pouh han. Lam teng ka pawm e kaisi patetlah ahnimanaw hah ka pawp han.

⁸ A ca kahmat e tavom patetlah ahnimanaw hah ka taba vaiteh, a thabuem totouh ka phi pouh han. Sendek manu patetlah ka hmuna e koe raw vah, ka kei han. Sarang lah ka o dawkvah, vekrasen lah ka phi han.

⁹ Oe Isarel, nang kabawmkung Kai hah na taran dawkvah, na rawk awh toe.

¹⁰ Na siangpahrang teh nâne ao. Na onae khopueng dawk na rungngang haw seh. Nange lawkcengkungnaw teh nâne ao awh.

¹¹ Siangpahrang hoi bawinaw na poe loe titeh na hei awh dawkvah, ka lungkhuek teh, siangpahrang hah na poe awh toe. Hahoi, puenghoi ka lungkhuek dawkvah, siangpahrang hah bout ka takhoe toe.

¹² Ephraim ni a sak e yonnae hah ka tangoung teh, a yonnae hah ka pâtung pouh toe.

¹³ Ahni teh, camo ka khe e napui patetlah runae a kâhmo nahane atueng a hnai toe. Ahni teh, ka pathu e capa lah ao. Khe tue a pha navah, khe thai laipalah vonthung ka saw lah ao.

¹⁴ Ahnimouh hah, phuen thaonae dawk hoi ka ratang vaiteh, duenae dawk hoi ka hlout sak han. Oe, duenae nange pali patawnae lah na o teh, Oe, phuen nange rawknae lah ka o sak han. Pan ka ngai nahanlah banglahai na ngai hoeh.

¹⁵ Ma e hmaunawngaha koe teh, a paw na paw awh eiteh, Kanîtholae kahli teh thingyei yawn koehoi tho vaiteh, sawkcanaw a hak han. Tuikhunaw remphui han. Hno pâkhuengnae im dawk e hnopai apfu kaawm naw teh, taran ni na lawp awh han.

¹⁶ Samaria kho teh, a Cathut a taran dawkvah, a rawk han. Khocanaw teh, tahloi hoi a rawp awh vaiteh, a due awh han. Camonaw teh talai dawk rekresuk vaiteh, camo kavawnnaw e von hah a kheï pouh awh han.

14

A hnukteng Isarel bout pathawnae

¹ Oe, Isarel, nang teh nama e yonnae kecu dawk hoi na rawk toung dawkvah, Jehovah Cathut koe bout ban leih.

² Lawk sin laihoi Cathut koe ban nateh, ahni koe kai dawk kaawm e yonnae pueng hah na takhoe pouh haw. Bout na dâw haw. Ka pahni dawk hoi thuengnae hah ka sak awh han.

³ Assiria ni kaimouh na rungngang mahoe. Kaimouh teh marang ransa lah kaawm a mahoe toe. Meikaphawknaw koe, nangmouh teh kaimae Cathut doeh bout ka tet awh mahoe toe. Bangkongtetpawiteh, nara ni nang koe lungmana e ouk a coe, telah dei awh.

⁴ Ka lungkhueknae roum vaiteh, hnam na thun takhai e heh ka dam sak han, apfu laipalah ka lungpataw han.

⁵ Kai ni tadamtui patetlah Isarel lathueng ka o pouh han. Ahnimouh teh lili pei patetlah a kamhlawng awh vaiteh, Lebanon mon e thingnaw patetlah a khawngyang a pabo awh han.

⁶ A kangnaw teh nang awh vaiteh, olivekung patetlah khet ahawi han. Lebanon mon patetlah a hmuitui han.

⁷ Taminaw ni hote thing tâhlip dawk kho bout a sak aw h han. Ahni teh cang patetlah a roun g han, misur patetlah a roun g han. Lebanon misurtui patetlah a min kamthang han.

⁸ Ephraim ni kai teh, meikaphawk hoi bangmouh kâkuetnae kaawm ati han. Ahnie lawk ka thai pouh vaiteh, ka khetyawt han. Kahringsuep e hmaicakung patetlah ka o teh, nang teh kaie lungmanae daw k a paw hoi na kawi han.

⁹ Apimouh a lungkaang. Ahni niteh, hetnaw hah a thai panuek han doeh. Apimouh kho ka pouk thai, ahni niteh, hetnaw hah a panue han. Cathut e lamthung teh a lan. Tami kalannaw ni a dawn aw h han. Tami kahawihoehe naw teh, hote lamthung daw k kamthui vaiteh a tâlaw aw h han.

JOEL

Ram rawknae

¹ Pathuel capa Joel koe ka tho e BAWIPA e a lawk teh,

² matawngnaw thai aw haw, khocaramcanaw pueng thai aw haw. Het patet e hno heh nangmae se nah ouk ao bawi ou. Mintoenaw e se nah ouk ao bawi ou.

³ Na canaw koe dei pouh aw haw, ahnimanaw ni hai a canaw koe patuen dei naseh. Ahnimae a canaw ni hai a catounnaw koe patuen dei naseh.

⁴ Kasaimalawn ni a canawi e hah samtong kalennaw ni a ca aw haw. Samtong kalennaw ni a canawi e hah samtong kathoungnaw ni a ca aw haw. Samtong kathoungnaw ni a canawi e hah awsinaw ni a ca aw haw.

⁵ Yamuhrinaw kâhlaw aw haw nateh kap aw haw. Misurhrinaw misur abaw toung dawkvah khuikap aw haw.

⁶ Bangkongtetpawiteh, touk thai hoeh e tami thakaawme taminaw teh maimouh ram daw k a tho aw haw toe. Ahnimae a nô hoi a hânaw teh sendek e a nô hoi a hâ patetlah ao.

⁷ Kaie misurkung a raphoe teh thaibunglungnaw a rawk sak toe. Arakawknaw a tâkhawng aw haw teh akangnaw pangawrang lah ao.

⁸ A kum a naw navah vâ ka sak e napui ni buri a kâmuk teh a vâ a khui e patetlah khuikap aw haw.

⁹ BAWIPA e im daw k pasoumhno, vaiyei hoi misur abaw toe. BAWIPA e thaw ka taw k e vaihmanaw phuenang aw haw.

¹⁰ Laikawknaw a rawk toe. Talainaw remke toe. Cakang hai a rawk toe. Misurtui a katha e hai abaw toe. Olive satui hai remphui toe.

¹¹ Law thaw katawknaw khuikap aw haw, na a e apawhik a rawk dawkvah catun hoi catun hanlah na lungmathout aw haw. Takhakatawkkungnaw kap aw haw.

¹² Misurkung a kamyai, thaibunglung hai a ke. Talekung, unkung, Epalkung hoi alouke thingkung pueng teh a ke toe. Taminaw e lunghawinae puenghai a ke toe.

¹³ Thuengnae khoungroe koe thaw ka taw k e nangmouh vaihmanaw buri kâramuk nateh kap aw haw. Cathut e thaw katawknaw tho aw haw nateh buri kâramuk hoi kho pei ka dai lah ip aw haw. Bangkongtetpawiteh, nangmouh ni Bawipa e im daw k pasoumhno, misur hoi vaiyei na poe aw haw hoeh toe.

¹⁴ Rawcahai nahane hnin khoe nateh pathang aw haw. Kamkhuengnae atueng hai pathang aw haw. A kum kacuenaw hoi khocaramca naw hah nangmae Cathut BAWIPA e im daw k pâkhueng aw haw nateh BAWIPA koe hram aw haw.

¹⁵ Hote hnin daw k yawthoenae ao. Hote BAWIPA e hnin teh a hnai toe. Athakasaipoung ni raphoe e runae patetlah ka tho han.

¹⁶ Maimae mithmu roeroe vah cakawi abaw toe. Maimae Cathut e bawkim daw k lunghawinae awmhoe haw.

¹⁷ Catinaw teh patuena koe a pawk aw haw. Cakang ao hoeh dawkvah capainaw a rawk toe. Hno pâtungnae im hai a rawk toe.

¹⁸ Saringnaw teh a kamsoe aw haw, maitohunaw teh hrâm ca hane ao hoeh dawkvah a patang aw haw. Tahunaw hai a due aw haw.

¹⁹ Oe BAWIPA, kai ni nang na kaw. Bangkongtetpawiteh, kahrawng e hrâmnaw hoi thingkungnaw pueng teh hmai koung a kak toe.

²⁰ Sarangnaw ni hai nang na kaw awh. Bangkongtetpawiteh, palangnaw a hak teh kahrawng e hrâmnaw hai hmai koung a kak toe.

2

Samtong ransanaw

¹ Zion mon dawк mongka ueng awh haw. Kaie mon kathoung dawкvah kâhruetcuetnae lawk dei pouh haw lah, Khocanaw pueng tâlueng awh naseh, Bangkongtetpawiteh, BAWIPA e hnin teh tho han a hnai toe.

² Khohmonae hnin, khokingpâuinae hnin lah ao. Kanî raeng ni monnaw dawк pheng a tue e patetlah miphun kalen naw hoi a tha kaawm naw a tho awh han. Ayan e tueng dawк hottelah awm boihoe, hma lae tueng dawк hai bout awm mahoe toe.

³ Ahnimae hmalah hmai a kak teh a hnuklah hmai a to. Hmalah kaawm e ram teh Eden takha patetlah ao. Ahnimae a hnuk lah, ka nga e thingyei patetlah ao. Atangcalah ahnimae kut dawк hoi bangcahai hlout mahoe.

⁴ Ahnimae meilam teh marang hoi a kâvan. Marang ransa patetlah a yawng awh han.

⁵ Rangleng kacai e pawlawк patetlah hai thoseh, songnawng ka kang e pawlawк patetlah hai thoseh, a cai vaiteh, monsomnaw dawк a douкcouк awh han. Tarantuk hanlah, ka kamкhueng e a thakaawmpoung patetlah ao awh han.

⁶ Ahnimae hmalah, miphunnaw teh puenghoi a tawn awh vaiteh, minhmai duk a tamang awh han.

⁷ Ahnimouh teh, khopui e rapan dawк a luen awh han. Lamthung phen awh laipalah, mamae lamthung dawк athakaawme taminaw patetlah lengkaleng a yawng awh han.

⁸ Buet touh hoi buet touh kâhmang laipalah, mamae lamthung a dawn awh han. Tahloi e hâ ni na a ei nakunghai hmâ na cat mahoe.

⁹ Kho thung avoivanglah yawng awh vaiteh kho rapannaw tapuet awh vaiteh, lemphu luen awh vaiteh tamru patetlah hlalangaw dawк hoi a kâen awh han.

¹⁰ Ahnimae hmalah Tâli a no vaiteh kalvan a kâhuet han. Kanî hoi thapa a hmo vaiteh âsinaw hai ang mahoe.

¹¹ BAWIPA teh a ransanaw hmalah lawк a pathang. A ransanaw teh moiapap. A lawк patetlah lawк ka ceng e teh a bahu a len toungloung. BAWIPA e hnin teh a lenpoung teh takikathopoung hnin lah ao. Apinimouh a khang thai han.

¹² Hatdawкvah BAWIPA ni a dei e teh, atuvah rawcahainae, khuikanae hoi lungthin abuemlahoi kai koe bout ban awh.

¹³ Na khohna e phi laipalah na lungthin hah phi awh nateh, BAWIPA koelah bout ban awh. Lungkâpatawnae hoi kawi nateh lungsawnae hnokahawi saknae, rek han tangcoung e bout pahrennae lungthin a tawn.

¹⁴ Nangmouh teh namamae Cathut BAWIPA koe canei kawi pasoumhno hah na poe awh navah, a kamlang teh yawhawinae a ceitakhai hoi a ceitakhai hoeh hane apinimaw a panue.

¹⁵ Zion mon dawкvah mongka ueng awh. Rawcahainae atueng khoe awh nateh, pathang awh.

¹⁶ Taminaw pueng kaw awh nateh kamкhuengnaw thoungsak awh. A kum kacuenaw thoseh, a kum kanaw naw hoi sanukanetnaw hai thoseh

kamkhueng sak aw. Yu kalatkung thoundoun ni amae irakhan daw k hoi thoseh, vâ ka sak e napui ni amae rakhan daw k hoi thoseh tâcawt naseh.

¹⁷ BAWIPA e thaw ka taw k e vaihma teh im takhang hoi thuengnae rahak vah a ka teh, Oe! na taminaw hah lungma haw. Alouke miphunnaw ni a uk teh a pacekpahlek aw. Nâmaw nangmae BAWIPA teh ao telah alouke miphunnaw ni bangkongmaw a dei aw haw vaw telah a ti.

¹⁸ Hottelah sak pawiteh, BAWIPA ni a ram hah a kabawp vaiteh a taminaw a rungngang han.

¹⁹ Atangcalah BAWIPA ni na pato teh kai ni cakang, misur tui, satui na poe aw haw vaiteh nangmouh teh na von a paha han. Alouke miphunnaw ni dudam kawi lah kai ni bout na tat mahoe h toe.

²⁰ Atunglae ransanaw hah nangmouh koehoi kai ni ka takhoe han. Kingdinae ram koelah ka pâlei han. Kanitholah e tuipui koelah ka kangvawi vaiteh kaniloumlae tuipui teh ka hnamthun takhai han. Ka paw k hmu i a tho han. Cathut ni kalenpounge hno ka sak han telah ati han.

²¹ Oe, Judah ram na lungpuen hanh. Na konawm aw h nateh na lung hawi aw, BAWIPA ni hno kalen a sak han.

²² Oe kahrawng e sarangnaw, puen aw h hanh. Pho a paw vaiteh thingkungnaw ni a paw paw vaiteh, thaibunglung hoi misurkungnaw ni hai tha a patho aw h han.

²³ Oe Zion canaw na lung hawi aw h nateh namamae BAWIPA kâuep laihoi na lungnawm aw. Bangkongtetpawiteh, phung kadeikung na patoun pouh vaiteh apasuek e ratui hoi a hnukteng e ratui, nangmouh koe ka rak sak han.

²⁴ Cangkatinnae hah cakang hoi akawi vaiteh, misur katinnae tangkom hai misur hoi satui akawi vaiteh, a poum han.

²⁵ A kum moi kasawlah kai ni ka patoun e ransahu aw sinaw ni a ca e bout na patho han.

²⁶ Nangmouh teh ka boum lah na ca aw h han. Nangmouh hanelah kângairu hno ka sak e na Cathut BAWIPA e a min hateh na pholen aw h han. Ka taminaw teh yeirai bout po mahoe h toe.

²⁷ Kai teh Isarel miphunnaw koe kaawm e, nangmae Cathut BAWIPA lah ka o teh alouk aw m hoe h tie hah na panue aw h han. Taminaw teh yeirai bout po aw h mahoe h toe.

²⁸ Hathnukkuh vah Ka miphun pueng koe ka muitha ka aw i han. Na canaw ni profet lawk a dei aw h han. Matawng kacuenaw ni mang a mang aw h han. Camonaw ni hai visionnaw a hmu aw h han.

²⁹ Kaie thaw ka taw k e tongpa napuinaw lathueng ka Muitha ka aw i vaiteh ahnimouh ni profet lawk lahoi a pâpho aw h han.

³⁰ Kalvan thoseh, talai van thoseh, kângairu kawi thi, hmaito, hmaikhu khomnaw hah ka kamnue sak han.

³¹ Taki ka tho e BAWIPA e a hnin a pha hoe h nahlan, kanî teh a hmo han, thapa hai thi lah ao han.

³² Hatnavah BAWIPA e min ka kaw e pueng teh a hlout aw h han. Bangkongtetpawiteh, Zion mon, Jerusalem kho daw k kacawinaw teh rungngang lah ao aw h han.

3

¹ Hatnae tueng navah, yampa vah man lah kaawm e Judahnaw khocanaw hoi Jerusalem khocanaw bout ka thokhai toteh,

² miphun pueng ka pâkhueng vaiteh, Jehoshaphat yon koe ka kaw han. Ahnimouh ni ka ram heh a kêrei aw h teh, ram tangkuem dawk kâkayeï e kaie râw tami Isarelnaw koe lah, ka kampangkhai vaiteh lawk ka ceng han.

³ Ka taminaw hah cungpam lah a rayu aw h toe. Tongpa camonaw hah a tak kâyawtnaw hoi thoseh napui camonaw hah a nei aw h hane misurtui hoi thoseh, athung aw h toe.

⁴ Oe, Taire kho, Sidon kho, Filistin ram hoi kâhnai e ramnaw, kai hah na taran aw h han namaw. Kai na taran aw h pawiteh, hote taran hah nangmouh koe bout ka pha sak han.

⁵ Nangmouh ni kaie sui ngun hah na la teh, ka ngai kawi e hnonaw hah namamae bawkim dawk na hruek aw h dawk thoseh,

⁶ Judahnaw, Jerusalem khocanaw hah amamae kho thung hoi kho hlanae koe a kampuen aw h nahanlah Jentelnaw koe na yo aw h dawk thoseh,

⁷ nangmouh ni na yonae hmuen koehoi ka kangdue vaiteh ahnimouh koe na sak aw h e naw hah nangmae lû dawk ka pha sak han.

⁸ Nangmae canu capanaw hai Judahnaw koe ka yo vaiteh ahnimouh ni kho hlanae koe, Shebâ ram lah na yo aw h han. Hottelah BAWIPA ni a dei toe.

⁹ Hete hno heh alouke miphunnaw koe pathang loe. Taran tuk hanelah kârakueng aw h nateh athakaawme taminaw hah pâhlaw aw h leih. Ransanaw abuemlah pâkhueng nateh tho aw h naseh.

¹⁰ Thenaw hah tahloi lah, tangkounnaw hah tahroe lah, dei aw h. Tha kayoun e tami ni a thakasai poung e lah kêdei naseh.

¹¹ Tengpam kaawm e miphunnaw pueng kamkhueng aw h nateh tho aw h haw. Kâpâkhueng aw h haw. Kamkhuengnae hmuen koe nangmae athakaawme taminaw hah BAWIPA ni rahimlah a pabo han.

¹² Alouke miphunnaw, Jehoshaphat yawn koe tho aw h naseh. Tengpam kaawm e miphunnaw pueng lawkceng hanelah hote hmuen koe kai ka tahung han.

¹³ Cang a hmin toung dawkvah, a nahanelah tangkoun lat leih. Misur katinnae a kawi teh, Maroi dawk misurtui a poum toung dawkvah, tho nateh kum aw h. Bangkongtetpawiteh, ahnimae yonnae teh a len poung toe.

¹⁴ Lawkcengnae ayawn dawk taminaw teh a kamkhueng aw h. Lawkcengnae ayawn dawk BAWIPA e hnin teh a hnai toe.

¹⁵ Kanî hoi thapa a hmo han. Âsinaw hai ang laipalah ao aw h han.

¹⁶ BAWIPA ni Zion mon dawk hoi a huk toteh Jerusalem kothung hoi lawk a pathang toteh kalvan hoi talai ni a pâyaw han. Hatei BAWIPA teh a taminaw e kâuepnae, Isarelnaw hanlah thaonae lah ao han.

¹⁷ Kathounge Zion mon dawk kaawm e ka tamikathoungnaw e BAWIPA lah ka o e a panue aw h han. Jerusalem khopui hai a thoung han. Hote khopui teh Jentelnaw ni bout coungroe aw h mahoeh.

¹⁸ Hote atueng navah ka radip poung e misurtui mon dawk hoi a yu han. Monrui dawk hoi sanutui a tâco han. Judah tuipui pueng tui a lawng han. BAWIPA e Imthungkhu dawk hoi tuihnu a phuek vaiteh Shittim yawn a duk sak han.

¹⁹ Judah ram dawk, yon ka tawn hoeh e taminaw hah a thei aw h teh, Judahnaw hah a rektap aw h dawkvah, Izip ram teh tami kingkadi lah ao han. Edom ram haiyah kahrawng patetlah kingdi han.

²⁰ Judah ram teh yungyoe e ram, Jerusalem khopui teh a yungyoe kangning e khopui lah ao han.

²¹ BAWIPA teh Zion mon dawk ao dawkvah, hote khocanaw a thei aw h dawkvah ka khang sak hoeh rae Judahnaw e thiphu hah bout ka pathung han.

AMOS

¹ Judah siangpahrang Uziah, Isarel siangpahrang Jehoash e capa Jeroboam tinaw e kut dawk tali a no hoehnahlan kum hni navah, tukhoum e lah kaawm e, Tekoa tami Amos ni Isarel ram hanelah, a hmu sak e lawk teh,

² BAWIPA ni Zion mon dawk hoi a hram teh, Jerusalem kho hoi lawk a pathang dawkvah, tukhoumnae hmuennaw teh, a kamyai vaiteh, Karmel monsom teh a kamyai han.

Miphunnaw lathueng lawkcengnae

³ Miphunnaw lathueng lawkcengnae ni kâ a poe e teh, Damaskas kho teh, Gilead ram hah cangkatinnae sum e sehnaw hoi katin e yon phun kathum touh dueng hoeh niteh, yon pali touh dawkvah reknae na khang laipalah kaawm mahoe.

⁴ Hazael im dawk hmai ka tha vaiteh, Benhadad e imnaw hah ka kak sak han.

⁵ Damaskas kho e longkha a khanna takhoe pouh han. Aven tanghling pueng, Beth-eden kho dawk e bawi katawknaw pueng, ka raphoe han. Sirianaw hah Kir kho lah a man awh han telah BAWIPA ni a dei.

⁶ Hahoi BAWIPA ni a dei e teh, Gaza kho teh, paung e tami abuemlah hah Edom bawi koe poe hanlah, a man e yon kathum touh dueng laipalah, yon pali touh dawkvah, reknae na khang laipalah na awm mahoe.

⁷ Gaza kho rapan lathueng vah hmai ka tha vaiteh siangpahrang imnaw pueng hah ka kak sak han.

⁸ Ashdod kho e tami pueng, Ashkelon kho dawk bawi katawknaw pueng, ka raphoe han. Ekron kho hai ka tuk vaiteh, kaawm rae Filistin taminaw hai be a ro han telah Bawipa Jehovah ni a dei.

⁹ Hahoi BAWIPA ni a dei e teh, Taire kho teh hmaunawngaha reira lawkkamnae pâkuem hoeh. Paung e tami abuemlah naw hah, Edom bawi koe a poe e yon kathum touh laipalah, yon pali touh dawk reknae na khang laipalah na awm mahoe.

¹⁰ Taire kho rapan dawkvah hmai ka tha vaiteh, imnaw ka kak sak han.

¹¹ Hahoi BAWIPA Cathut ni a dei e teh, Edom ram teh, pahrennae lungthin ka panguap teh hmaunawngaha hah tahloi hoi pâlei e yon, lungkhueknae hoi pout laipalah, ao teh, pout laipalah kâtaranna yon kathum touh dueng laipalah yon pali touh dawkvah reknae na khang laipalah na awm mahoe.

¹² Teman kho dawk hmai ka tha vaiteh, Bozrah kho e imnaw pueng hah a kak han.

¹³ Hahoi BAWIPA ni a dei e teh, Ammon ram e taminaw ni amamae hmuen hah kaw sak hanelah, camo ka vawn e, Gilead ram e napui camo kanengnaw e vonnaw hah vak a khei awh e yon kathum touh dueng laipalah, yon pali touh dawk kaie reknae na khang laipalah na awm mahoe.

¹⁴ Rabbah khopui rapan hmaisawi vaiteh, imnaw ka kak sak han. Tarantuk nah hnin vah, hramkinae, kho hoi tûilî a thonae hnin nah palek e lah ao han.

¹⁵ Ahnimae siangpahrang koehoi kamtawng vaiteh, a bawinaw hai man lah ao han telah BAWIPA ni a dei.

2

¹ Hahoi BAWIPA ni a dei e teh, Moab ram ni Edom siangpahrang e a hrunaw hah hraba lah ao nahane hmai hoi pãeng e yon kathum touh dueng laipalah, yon pali touh dawkvah reknae na khang laipalah na awm mahoe.

² Moab ram daw k hmai ka tha vaiteh, Kerioth kho e im kahawinaw hah ka kak sak han. Kacaipoung pawlawk, hramkinae, mongka uengnae hoiyah Moab ram teh a due aw h han.

³ Moab ram a lungui vah, khobawinaw hah, kai ni ka takhoe vaiteh, ahni hoi bawinaw abuemlah ka thei han telah BAWIPA ni a ti.

Judah Lawkcengnae

⁴ Judah lawkkamnae daw k Bawipa ni a dei e teh, Judahnaw BAWIPA e phunglamnaw hah tarawi hoeh. Kálawknaw hah a pahnawt aw h teh, mintoenaw ni a baw k aw h e cathutkaphaw k hoi payon e yon kathum touh dueng laipalah yon pali touh dawkvah reknae na khang laipalah na awm mahoe.

⁵ Judah ram daw k hmai ka tha vaiteh Jerusalem kho imnaw hah ka kak sak han.

Isarelnaw lawkcengnae

⁶ Hahoi BAWIPA ni a dei e teh, Isarel miphun ni tamikalan e hah tangka hoi hai, karoedengnaw hah, khokkhawm buet touh hoi hai, a yonae yon,

⁷ Karoedengnaw, e lû hah, vaipuh hoi muen kayo hanelah, nginae a lenpoung teh, ka rahnoum e tami hah, kamsoumhoeh lawkcengnae yon, kai e ka min hah khin sak hanelah, a na pa hoi a ca ni buet touh dueng e napui hah, rei okhainae yon,

⁸ khohna e cawngca pueng, sathei thuengnae ateng vah a phai aw h teh a i aw h e yon, a yonnae tangka hoi a ran e misurtui hah Cathut e im dawkvah, a nei e yon kathum touh dueng laipalah, yon pali touh dawkvah, reknae na khang laipalah na awm mahoe.

⁹ Sidar thing hoi kâvan lah arasang teh kathenkungnaw patetlah ka khaw e Amor miphunnaw teh nangmae hmalah, kai ni ka takhoe vaiteh, a lathueng lah ahnie a paw hai thoseh, a rahim lah ahnie a tangpha hai thoseh, kai ni ka raphoe toe.

¹⁰ Nangmouh naw hah Izip ram hoi na rasa teh, Amor ram hah pang sak hanelah, kum 40 touh thung kahrawngum vah na hrawi aw h.

¹¹ Nangmae ca tangawn hah, Profet lah, thoundounnaw hah, Nazirite tami lah, kai ni ka hmoun toe. Oe Isarel miphunnaw, hete lawk kamsoum hoeh maw, telah BAWIPA ni a pacei.

¹² Nangmouh niteh, Nazirite taminaw ni nei hanlah, misurtui na poe toe. Profetnaw hai profet a taw k teh, dei hanh aw h telah na cakâ aw h.

¹³ Khenhaw, leng teh kakawi lah rasoup e cabong ni a ratet e patetlah nangmouh na onae hmuen hah kai ni ka ratet han.

¹⁴ Ka yawng thai poung e tami ni, yawng thainae kâhmawt hoeh. Athakaawme tami ni amahoima kârunngang thainae kâ awm mahoe. A taran kahawi ni ama hai kârunngang mahoe.

¹⁵ Licung ka patuem e tami ni kangdout mahoe. Ka yawng thai poung e ransa ni amahoima runngang mahoe. Marang kâcuie ni hai amahoima runngang mahoe.

¹⁶ A lungkatang ni teh athakaawme ni hat nah hnin vah, caici lahoi a yawng aw h han telah, BAWIPA ni a dei .

3

Profet lawkngainae

¹ Oe Isarel miphunnaw Izip ram hoi kai ni na tâcokhai e miphun abuemlah nangmanaw hah, kai BAWIPA ni ka dei e lawk hah thai awh haw.

² Talai van dawk kaawm e miphun abuemlah dawk hoi ka panue e nangmouh miphun buet touh dueng hah kai ni na coe dawkvah, nangmae yon kaawm e pueng hah, kai ni lawkkaceng han.

³ Tami ka hni touh ni lungkangingnae awm laipalah cungtalah kahlawng cei thai han maw.

⁴ Sendek ni kei hoehpawiteh, ratu thung vah a huk han namaw. Sendek ni banghai kei hoehpawiteh, a kâkhu dawk hoi a cairing han namaw.

⁵ Talai dawk tangkam patung hoehpawiteh, tava hah kâman han namaw. Patung e tangkam dawkvah, banghai na hmu hoeh roukrak na patung e hah na lo han namaw.

⁶ Kho thung dawk mongka tum pawiteh kho thung taminaw ni taket laipalah awm mahoe hanamaw. BAWIPA ni a sak e laipalah rucatnae buetbuet touh kho thung vah a pha han namaw.

⁷ Atangcalah, Bawipa Jehovah ni amae a san Profetnaw koe pâpho laipalah, bangpatet e hno hai sak hoeh.

⁸ Sendek a huk terei teh, apihai taket laipalah awm mahoe. Bawipa Jehovah ni lawk dei hoehpawiteh, apinimaw a pâpho thai han.

⁹ Ashdod kho innaw hoi Izip ram innaw koe kamthang a dei hane teh, Samaria mon dawkvah a kamkhueng teh, Samaria kho thung dawkvah, ruengruengtinae kho thung dawk pacekpahleknae ka khang e naw, khenhaw.

¹⁰ Kothung e taminaw teh, kahawi e phung hah panuek hoeh. Thama lah a lawp e hnonaw hah im kahawinaw dawk a pâtung awh telah BAWIPA Cathut ni ati.

¹¹ Hatdawkvah, Bawipa Jehovah ni ati e teh, tarannaw ni Samaria ram hah a ven awh vaiteh, nange taran hawinae a pabo vaiteh, im kahawinaw hah a raphoe awh han.

¹² BAWIPA ni a dei e teh, tu ka khoum ni sendek e pahni dawk e khok kahni, nahoe pawiteh, a hna tangawn hah, a rasa pouh e patetlah Samaria kho e ikhun, dawk ka ip e, Damaskas kho hni phai van ka tahung e Isarel miphunnaw hah, rasa awh han rah.

¹³ Ransahu Bawipa Jehovah ni a dei e lawk teh, thai awh nateh Jakop e miphunnaw koe patuen na dei pouh hane teh,

¹⁴ Atangcalah, Isarel miphunnaw e a yonaw hah lawkcengnae hnin dawk, Bethel thuengnae hah kai ni lawk ka ceng vaiteh, thuengnae a kinaw hah, ka raboung vaiteh talai dawk a bo han.

¹⁵ Kasik innaw hoi kawmpoi innaw hah, kai ni ka raphoe vaiteh, kasaino hoi sak e innaw hai koug a rawk han. Im kahawinaw hai apout han telah BAWIPA ni atipouh.

4

¹ Karoedengnaw ka rektap e, kahaikahlam kaawmnaw ka pacekpahlek e, amae bawinaw hah canei hane na poe haw ati awh teh, Samaria mon dawk kaawm e Bashan maitonaw, hete lawk he thai awh haw.

² Bawipa Jehovah ni amae thoungnae hoi thoe a bo e patetlah nangmanaw hah hradang hoi thoseh, nangmae ca catounnaw hah tamlaw hoi thoseh mannae tueng a pha han.

³ Namamouh ni na hmu awh e a kâko dawk hoi lengkaleng na tâco awh vaiteh, Hermon thungvah na kâ tâkhawng awh han telah BAWIPA ni ati.

⁴ Bethel kho dawk cet nateh, yon awh haw. Gilgal kho dawk cet nateh kâtaoenaepung sak haw. Amom tangkuem thuengnae sathei hnin thum touh dawk vai touh, pung hra pung touh e hah sin awh.

⁵ Na lawp awh e hno thung dawk hoi lunghawilawkdinae thueng awh. Lungthocalah hoi thuengnae hah pathang sak awh. Oe Isarelnaw, hottelah na sak navah, nangmouh ni na nawm awh han telah Bawipa Jehovah ni ati.

Isarelnaw BAWIPA koe ban ngai awh hoeh

⁶ Kai ni nangmae kho tangkuem dawk, nangmouh na onae hmuen tangkuem dawk, takang ka tho sak nahai thoseh, nangmouh ni kai koe bout tho han na ngai awh hoeh telah BAWIPA ni ati.

⁷ Canga tue a pha hoehnahlan, thapa yung thum lathueng lah, kho a rak hoeh nahanlah, kho teh kai ni ka ngang toe. Kho buet touh dawk rak sak han thoseh, kho buet touh dawk a rak hoeh nahane thoseh ka sak han. Law buet touh ni kho tui a hmu vaiteh, alouke law ni teh hmawt mahoe h ka ke lah ao han.

⁸ Hottelah kho thung dawk hoi kho thung e naw ni tui nei hanelah kho buet touh dawk a cei nakunghai boum awh mahoe h. Hatei nangmouh ni kai koe ban hane na ngai awh hoeh telah BAWIPA ni ati.

⁹ Kahlî ni akungnaw a due sak. A ke sak teh atui lah a lawng sak teh, duena e hoi kai ni ka rek toe. Nangmouh koe laikaw k, misur takha, thaibunglungkungnaw, olivekungnaw, hah samtongnaw ni a ca awh toe. Hatei kai koe na ban awh hoeh telah BAWIPA ni ati.

¹⁰ Izip ram na kâhmo e lacik hah nangmouh na onae koe ka tha toe. Thoundounnaw hah tahloi hoi ka thei sak toe. Marangnaw hah ka man sak toe. Nangmouh na onae rim daw k kapaw k e hmui hah na hnong daw k ka kâen sak toe. Hatei kai koe na ban awh hoeh telah BAWIPA ni ati.

¹¹ Cathut ni Sodom kho hoi Gomorra h kho a tâkhawng e patetlah nangmouh tangawn kai ni na tâkhawng vaiteh, hmai daw k hoi rayu e thingtu patetlah na o awh toe. Hatei kai koe bout ban hane na ngai awh hoeh telah BAWIPA ni ati.

¹² Hatdawkvah, oe Isarelnaw, a lathueng lah ka sak e patetlah nangmouh koe ka sak han rah. Hottelah ka sak han dawkvah, Oe Isarelnaw, namamae Cathut hoi kâhmo hanelah, kârakueng awh.

¹³ Khenhaw. Monnaw ka sak niteh, kahlî ka sak e, tami ni pouk e naw ka panuek sak e, amom angnae hah ka hmawt sak e, talai arasangnae hmuen hah ka coungroe e a min teh Jehovah Cathut doeh.

5

Isarel khuinae

¹ Oe Isarelnaw, atu nangmouh koe kai ni ka dei e khuinae lawk hah thai awh haw.

² Isarel imthungnaw na rawp awh toe. Bout na thaw mahoe h toe. Namamae talai daw k ceitakhai lah na o awh toe. Na ka pathaw hane tami awm hoeh.

³ Bawipa Jehovah ni a dei e teh, Isarel miphunaw e thaw taw k sak hanelah, tami 1,000 touh ka poe thai hane kho teh, tami cum touh, cum touh ka poe thai hane kho ni hra touh doeh a poe thai han.

Pankângai hanlah kawnae

⁴ BAWIPA ni Isarel miphunnaw a dei pouh e teh kai hah na tawng aw haw. Na tawng aw haw pawiteh na hring aw hah.

⁵ Bethel kho hah tawng aw hanh. Gilgal kho daw kâen aw hanh. Beersheba hai takhang aw hanh. Bangkongtetpawiteh, Gilgal kho teh, Bout na man aw hah han rah. Bethel kho hai ahawinae aw m mahoe h.

⁶ BAWIPA hah tawng aw h. Na tawng pawiteh na hring aw hah. Nahoe h pawiteh, Joseph miphun van e hmai patetlah a tâco vaiteh, Bethel e hmai teh kapadoutkung aw m mahoe h.

⁷ Ka lan lah lawkcengnae hah, kakhat e thingkung lah ka coung sak vaiteh, lanna e hah talai daw k tâkhawng e naw,

⁸ Baritca hoi kangduetaphai hah ka sak e, Duenae tâhlip hah amom angnae lah kaawm sak hane, Kanithun angnae hah hmo sak han e, tuipei kakaw niteh, talai daw k ka rabaw k e, Jehovah tie a min bari kaawm e,

⁹ A thakaawmpoung taminaw, imnaw, ka raphoe thai e hah tawng aw h.

¹⁰ Kho longkha dawkvah lawk ka tâtueng thai e tami hah a hmuhma aw h teh, lawkkatang ka dei e hah a panuet aw h teo.

¹¹ Nangmouh ni karoedengnaw na pacekpahlek aw h teh, Catun phawng ouk na la aw h dawkvah, na a aw h e talung hoi im na sak ei teh, hote im daw k na aw m mahoe h, Na ngai aw h e misur takha hah, na ung aw h ei misurtui na net aw h mahoe h.

¹² Nangmouh ni patuenpatuen lawk eknae, na yon thaonae kai ni ka panue. Tami kalan hah runae na poe aw h. Tadawngnae hah na ca aw h. Karoedengnaw, takhang koe kânging hoe h lah lawk na ceng aw h.

¹³ Hatdawkvah, atueng teh ka mathout poung e atueng lah ao. Tami a lungkaang e ni teh duem ao han.

¹⁴ Na hring thai aw h nahanlah yonnae hah roun aw h nateh, hawinae hah tawng aw h. Hottelah na sak pawiteh, nangmouh ni na dei aw h e patetlah Kalvan ransabawi, BAWIPA teh nangmouh hoi rei ao han.

¹⁵ Yonnae hmuhma aw h nateh, hawinae hah lungpataw aw h. Kho longkha koe kahman e hah aw m sak aw h. Rasahu BAWIPA Cathut ni, kacawie Joseph miphunnaw, A pahren hai a pahren yawkaw han doeh.

BAWIPA hnin

¹⁶ Ransahu Jehovah Cathut ni a dei e teh bangpueng dawkvah, khuikanae ao vaiteh, ka cet kaawmnaw ni aiyoe! aiyoe! telah ati aw h han. Law ka sak e taminaw hah cingou hanelah thoseh, cingounae hah khuika hanelah thoseh a kaw aw h han.

¹⁷ Misur takhanaw daw k hai a khui aw h han. Bangkongtetpawiteh, kai teh nangmae alungui ka cei han telah BAWIPA ni ati.

¹⁸ BAWIPA e hnin ka rabui e taminaw teh, yawthoe e lah ao. Bang daw k maw nangmouh ni na rabui aw h. BAWIPA e hnin teh nangmouh koe ang mahoe h. Hmonae lah ao aw h han.

¹⁹ Tami ni sendek onae koehoi a yawng vaiteh, tavom hoi kâhmo e patetlah im daw k kâen vaiteh, tapang daw k a kut a toung eiteh tahrin ni a khue.

²⁰ Bawipa e hnin teh ang laipalah a hmo han. Angnae roeroe aw m mahoe h. Khoeroe a hmo han.

²¹ Nangmae pawinaw hah, kai ni ka hmuhma, ka panuet. Na sak aw h e hninnaw daw k hai kai ka nawm hoe h.

²² Hmaisawi thuengnae, tavai thuengnae hah na poe nakunghai kai ni ka coe hoe h. Roum thuengnae hai kai ni ka noutna mahoe h.

²³ Nangmouh ni la na sak e lawk hai takhoe aw h. Ratoung na tum e lawk hai ka thai mahoe h.

²⁴ Ka lan lah lawkcengnae hah tui patetlah, lannaeh hah palang tui athakaawme patetlah lawng sak awh.

²⁵ Oe Isarel imthung nangmouh ni sathei hoi thuengnae hah kahrawngum vah kum 40 touh thung kai koe na sin boi awh namaw.

²⁶ Nangmae siangpahrang Sakkut hoi nangmae meikaphawk hoi âsi cathut na sak awh e hah na sin awh toe.

²⁷ Hatdawkvah nangmouh teh Damaskas hloilah man sak hanlah kai ni ka rakueng han telah ransahu BAWIPA Cathut telah a min kaawm e ni a dei .

6

Zion hoi Samaria kâhruetcuet poenae

¹ Zion kho dawkkaroumcalah kaawm e, Samaria min kâuepnaw hoi miphun thung dawkkathueng poungh telah kaw e, Isarel imthung dawkkâhnai lah kaawm e taminaw teh, a yaw ka thout e lah ao.

² Kalneh kho lah cet nateh khenhaw. Hote kho dawkkhoi Hamath kho lah, Filistinnaw a onae Gath kho koe lah cet awh. Hotnaw teh, hete uknaeramnaw hlak hoe ahawi maw. Ahnimouh a onae teh, nangmouh na onae hlak hoe akaw maw.

³ Ka mathout e hnin hah tahrueh nateh, kahmanhoeh e lawkcangnae tungkhung teng ka hnai sak e,

⁴ kasaino ikhun dawkkai ip e, tungkhungkasaw dawkkai yan e, tucahu dawkkhoi tucanaw, maito e dokko dawkkhoi maitocanaw a la teh ka cat e,

⁵ ratoung kueng e kâtâ nalaihoi la ka sak e, tumkhawng katha hoi, Devit ni a sak e patetlah ka sak e,

⁶ misurtui hah manang dawkkhoi a nei awh teh, apu patawpoung e hmuitui a kâhluk awh teh, Joseph e roedeng khangnae dawkkai lung ka mathout hoeh e naw,

⁷ ahnimanaw teh, hmaloe man e a khang e naw hoi cingtalaha a cei awh han. Yon na laihoi kaawmnaw, ahnimae pawinaw hai kahma han.

⁸ Bawipa Jehovah ni a dei e teh Cathut teh amahoima thoe kâbo e patetlah Jakop e kârasangnae hah ka panuet teh, ahnie im hah ka hmuhma teh, khopui hoi kho thung kaawm e pueng hah kai ni ka pahnawt han.

⁹ Im buet touh dawkvah tami hra touh kaawm nakunghai a due awh han.

¹⁰ Imthungkhu lah kaawm e, hmai hoi pâeng lah kaawm e teh, im dawkkhoi a ro hah rasa vaiteh, ceikhai toreih teh, im dawkkhoi tami hah kaw vaiteh, nang koe buetbuet touh bang kaawm e ao rah na ou, awm hoeh telah bout ati han. Ka hrawm e tami hai duem awm. BAWIPA e min teh dei hane kâ awm hoeh telah ati awh han.

¹¹ Bangkongtetpawiteh, BAWIPA Cathut e kâ lah ao dawkvah, impui hah raphoe vaiteh im kathoung hai kâbawng sak han.

¹² Marang teh lungphen van a yawng thai maw. Tami ni talung dawkvah maito hoi kanawkkpanuek han maw. Nangmouh ni kalan lah lawkcengnae hah duenae sue patetlah lannaeh a paw hah kakhat poung e thingkung lah na coung sak awh toe.

¹³ Banglahai kaawm hoeh e dawkkâoup teh, na lung ahawi awh, maimouh teh mae thaonae hoi nahoehmaw kâ tawn awh toe telah ouk dei awh nahoehmaw.

¹⁴ Atangcalah, Oe Isarel imthungnaw, nangmouh koe lah miphun buet touh ka thaw sak vaiteh, hote miphun ni Hamath kho lam dawkkhoi

kamtawng vaiteh kahrawng dawk kaawm e palang totouh, nangmouh teh na pacepahlek awh han telah ransahu BAWIPA Cathut ni ati.

7

Samtong kamnuaenae

¹ Hahoi Bawipa Jehovah ni na patue e teh siangpahrang hane, canga kamtawng hoi cang bout a pawnae tueng navah samtongnaw hah a tâco sak.

² Hote samtongnaw ni ram pueng thung dawk kaawm e cangnaw hah a ca teh, abaw hnukkhu hoi kai ni oe Bawipa Jehovah, yonnae hah na ngaithoum haw. Jakop teh a thoung dawkvah, bangtelamaw kangdue thai han telah ka pacei navah,

³ BAWIPA ni pankângai awh pawiteh hettelah awm mahoe telah BAWIPA ni a dei.

⁴ Hahoi Bawipa Jehovah ni kai na patue e teh, hmai hoi rek hanelah Bawipa Jehovah ni hmai a kaw teh, tuipei ka dungpoung e hah hmai a kak sak teh ramnaw hai a kak.

⁵ Kai ni oe Bawipa Jehovah roum sak leih. Jakop teh a thoung dawkvah bangtelamaw a kangdue thai han ka ti pouh teh,

⁶ Bawipa Jehovah ni pankângai awh pawiteh, hettelah awm mahoe telah BAWIPA ni ati.

⁷ Hahoi na patue e teh bangnuaenae rui hah a pabo teh, sak e talung van vah BAWIPA ni a kangdue teh a kut dawk bangnuaenae rui patuep na lai hoi,

⁸ Amos nang ni bang e hno maw na hmu telah a pacei teh, kai ni bangnuaenae rui hah ka hmu ka ti pouh navah, BAWIPA ni khenhaw! kaie tami Isarel miphunnaw a lungui vah bangnuaenae rui ka pabo han. Atu hoi nangmouh bout na ngaithoum mahoe.

⁹ Isak e a rasangnae hmuennaw teh, tami kingdi vaiteh, Isarel e hmuen kathoungnaw teh be raphoe e lah ao han. Jeroboam imthungnaw hai tahloi hoi ka tuk han, telah ati.

¹⁰ Hahoi Bethel vaihma Amaziah, teh Isarel siangpahrang Jeroboam koe ka patoun vaiteh, Amos teh Isarel imthung a lungui vah ama koe lah kahawihoehe pouknae a poe toe. Ahnie lawknaw teh ram ni khang thai mahoe.

¹¹ Jeroboam teh tahloi hoi a due han. Isarel miphunnaw teh, a onae ram dawh hoi a pâlei awh han telah Amos ni a dei telah atipouh.

¹² Amos koe Ameziah ni oe nang Profet Judah ram dawh yawng leih. Hote ram dawh Profet tawh nateh kho sak leih.

¹³ Atuhoi Bethel koe lah Profet tawh hanh lawih. Siangpahrang e a thoungnae hmuen doeh. Siangpahrang e im doeh atipouh teh,

¹⁴ Amos ni kai teh Profet nahoe. Profet e ca lah hai ka tho hoe. Saring ka khenyawnkung hoi thailahei kungnaw ka khenyawnkung lah ka o.

¹⁵ BAWIPA ni tu ka khoumnae koehoi kai hah na rasa teh, nang cet haw. Kaie tami Isarel miphunnaw koe Profet thaw tawh haw telah ati.

¹⁶ Hatdawkvah, BAWIPA e kâpoe e ka ngâi pouh. Isarel miphunnaw koe lah Profet tawh hanh, Isak imthung koe lah kâtaranna lawk dei pouh hanh.

¹⁷ BAWIPA ni a dei e teh, nange na yu teh khothung ka kâyawt e lah ao han. Nange na canu capanaw teh tahloi hoi a due han. Ayânaw ni nange talai teh, rui payang vaiteh a kârei awh han. Nang teh kakhin e ram dawh

na due han. Isarel miphunnaw teh a onae ram dawk hoi a pâlei awh hah telah Amaziah koe a dei pouh.

8

Kawmpoi paw kamnuenae

¹ Hahoi Bawipa Jehovah ni kai na patue e teh, khenhaw! kawmpoi paw tangthung buet touh ka hmu.

² Amos nang ni, bang e hno maw na hmu telah na pacei teh, kawmpoi paw tangthung buet touh ka hmu ka ti pouh navah, BAWIPA ni a hnukteng e tueng teh, ka tami Isarelnaw koe a pha toe. Atuhoi teh, ahnimanaw hah nâtuék hai ka pahlout mahoe h toe.

³ Hatnae tueng nah, bawkimnaw hah a khui awh han. Hmuen tangkuem dawk tami ronaw awm vaiteh, arulaho i tâkhawng awh han telah Bawipa Jehovah ni a ti.

⁴ Maimouh ni cakang yo hanelah, thaparei hnin loun lawiseh, satun yo hanelah, sabbath hnin loun lawiseh teh awh vaiteh,

⁵ Ephah hah thoung sak hanelah, shekel hah len sak hanelah, sak awh vaiteh, kahmanhoe h yawcu hah hno awh vaiteh, karoedengnaw hah tangka hoi, a vonkahlamnaw hah, khokkhawm hoi ran awh vaiteh, satun hah a yo awh han.

⁶ A vonkahlamnaw hah, hnepnap vaiteh, ka roedeng e ramnaw hah, raphoe hanelah kangainaw, hete lawk hah thai awh haw.

⁷ Bawipa Jehovah ni Jakop e a lentoenae thoebo teh, ahnimae tawksak e naw pueng nâtuék hai kai ni ka pahnim hoe h.

⁸ Hote kong dawk ram kâhuen vaiteh taminaw pueng ni, lungpuen mahoe h maw. Nai palang patetlah ram pueng thaw awh vaiteh, Izip ram e palang ni a muem e patetlah pâyawt vaiteh muem awh mahoe h maw.

⁹ BAWIPA Cathut ni a dei e teh, hatnae tueng dawk teh, kanîthun e tueng nah, kai ni kanî ka loun sak han. Talai hah ka hmo sak han.

¹⁰ Nangmae paw i na to e hah, lungmathoenae lah ka o sak han. La na sak awh e naw hah, khuikanae lah ka o sak han. Tami pueng ni buri khohna hoi keng dawk kâyeng sak hanelah, sam hah a ngaw nahanelah, kai ni ka sak han. Ca tawntoe e a due dawk khuika e patetlah, a poutnae koe, kakhat poung e hnin patetlah kacounsak han telah a ti.

¹¹ Bawipa Jehovah ni a dei e teh, takangnae hah ram pueng dawk kathosak han. Canei takang nahoe h, tui takang hai nahoe h. Cathut e lawk thainae takang doeh.

¹² Taminaw ni BAWIPA lawk a tawng awh han. Tui pui buet touh koehoi tui pui buet touh totouh, atunglah, akalah, kanîtho, kanîloum a yawng awh nakunghai, hmawt awh mahoe h.

¹³ Hatnae tueng dawk a meikahawi poung e tanglakacuemnaw hoi thoundounnaw ni tui kahran hoi a patang awh han.

¹⁴ Samaria cathut hoi thoe kâbo e tami, Dan cathut hoi thoe kâbo e tami, Beersheba cathut min lahoi ka tet e naw haiyah koun g a rawp awh vaiteh, nâtuék hai thaw thai awh mahoe h toe.

9

Isarel raphoenae

¹ Kai ni bout ka khet navah, BAWIPA teh thuengnae khoun groe teng a kangdue e hah ka hmu. Ahni ni a dei e teh, kaawm e tami pueng e lû

dawk takhang khom hah kâhuen nateh rawp sak hanelah, tho hah hem haw. Ahnimanaw hah tahloi hoi thet aw. Ka yawng e hai hlout mahoe. Ka hlout e tami hai hring mahoe.

² Sheol totouh ka tai nakunghai ka sawn han. Kalvan ka luen nakunghai ka pabo han.

³ Karmel monsom dawk kâhrawk nakunghai, ka rasa han. Kai koehoi hlout hanelah, tuipui a dengnae koe kâhrawk nakunghai tahrin ka khue sak han.

⁴ Taran ni ka man nakunghai, alouke hmuen koe tahloi kâ ka poe vaiteh, ka thei sak han. Hawinae ka sak mahoe. Yon a sak nahanelah ka khet han.

⁵ Ransahu Bawipa Jehovah ni talai kâbet vaiteh, talai teh atui lah awm vaiteh, talai taminaw pueng ni a khuika aw han. Nai palang patetlah ram pueng dawk thaw vaiteh, Izip palang dawk a muem e patetlah a muem aw han.

⁶ Imrakhannaw hah kalvan vah sak vaiteh, a rahim lae im hah talai dawkvah a sak teh, tuipui hah kaw vaiteh, talai dawk a rabawk. A min teh Jehovah doeh.

⁷ Oe Isarel miphunnaw, nangmouh teh kai koe Ethiopianaw patetlah na awm aw hoe. Isarel miphunnaw teh Izip ram hoi kai ni ka hrawi e patetlah Filistin taminaw hah Kaptor ram hoi, Siria taminaw hah Kir ram hoi kai ni ka tâcokhai toe nahoe. BAWIPA ni ati.

⁸ Bawipa Jehovah ni yon ka tawn e uknaeram hah a khet teh, hote ramnaw hah talai dawk hoi be ka raphoe han. Hateiteh Jakop imthung teh, ka raphoe mahoe telah BAWIPA ni ati.

⁹ Hahoi kâ ka poe vaiteh cai karue e patetlah Isarel imthungnaw hah miphun pueng thung hoi cuekkarue hoi karue han. Cai huem touh boehai talai dawk bawt mahoe.

¹⁰ Runae ni maimouh teh na phat mahoe. Na ngang thai mahoe telah ati aw teh, tamikayonnaw pueng teh tahloi hoi a due aw han.

Isarel bout pathaw han

¹¹ Kaawm rae Edom miphun koehoi kaie ka min lahoi ka phung e alouke miphunnaw pueng hah, man sak hanelah ka rawm e Devit e rim hah, hatnae tueng dawk kai ni bout ka sak han.

¹² Kâbawng e hnonaw hah ka bet han. Ka rawk e hnonaw hah ka pathoup vaiteh, hote rim teh ayan e ao e patetlah kangdue sak han telah hete hnonaw kasakkung BAWIPA e lawk teh ao.

¹³ BAWIPA ni a dei e teh, laikaw kanawk e tami teh, cang ka a e tami, misur paw kasû e tami teh cati ka patue e tami a pha teh, mon dawk hoi ka radip e misurtui a lawng sak teh, monruinaw pueng dawk hai atui lah a lawngnae tueng a pha han.

¹⁴ Ka tami Isarel san lah kaawm e naw hah kabankhai han. Hahoi ka rawk e khopuinaw hah bout ka pathoup vaiteh, hawvah ao aw han. Misurnaw hah ung aw vaiteh, misurtui a nei aw han. Takhanaw sak aw vaiteh a pawnaw a ca aw han.

¹⁵ Ahnimouh teh amamae ram koe ka ung han. Ka poe e ram dawk hoi pinihai bout phawng mahoe toe telah Cathut ni ati.

OBADIAH

Edom e kâoupnae

¹ Obadiah ni a hmu e kamnuenae: Bawipa Jehovah ni Edom ram hanelah a dei e lawk teh, BAWIPA e hram lawk teh maimouh ni thai aw h toe. Nangmouh thaw aw h nateh Edom ram tuk hanelah cet aw h leih titeh Jentelnaw koe laicei a patoun toe.

² Nang teh Jentelnaw e hmalah kathoengca lah na ta, Jentelnaw ni na hnephnap aw h han.

³ Talungnaw rahak vah na o teh, kai hah apini nama talai na ka pabawt thai han vâ na ti dawkvah na kâoupnae ni na dum toe.

⁴ Nang teh langta patetlah na kâtawm teh âsinaw daw k tabu na ka tuk nakunghai, hote hmuen koehoi kai ni nang hah na pabo han telah BAWIPA ni a ti.

⁵ Tamrunaw hoi dingcanaw ni karum vah tho aw h pawiteh, amamouh ngai e duengdoeh parawt aw h tih. Misur paw ka khi e ni hai youn touh teh ouk a pâhma nahoehmaw.

⁶ Nang teh puenghoi na kamko toe. Esaw teh puenghoi akungkhei aw h toe. A hro e hnonaw teh ngit a pâphue aw h toe.

⁷ Nang hoi kamyawng e naw pueng teh ram alawilah pâlei lah ao aw h toe. Na huinaw pueng ni na dum aw h toe. Nang hoi rei kacatnetnaw ni, nang hanelah tangkam a patung aw h toe. Na thounnae abaw toe.

⁸ BAWIPA ni a dei e teh hatnae hnin dawkvah Edom ram thung e lungaangnaw thoseh, Esaw e mon daw k hoi a ratho kahawinaw thoseh ka takhoe han.

⁹ Oe Teman kho, na ransanaw ni a taki aw h han. Esaw e mon daw k tami pueng a thei aw h han.

Edom ni a hmaunawngaha a rek

¹⁰ Nang teh na nawngaha Jakop na theinae, thama lah na sak e yon kecu dawkvah, yeirai na phawt vaiteh nang teh khoeroe takhoe lah na o han.

¹¹ Nang teh avanglah na onae hnin, ramlouknaw ni nange thaw katawkkungnaw mannae hnin, alouke miphunnaw ni ahnie khopui longkha thung a kâen teh Jerusalem khopui hah cungpam rayunae hnin nah nang teh dâw e tami lah na o.

¹² Na nawngaha teh ramlouk e tami lah a onae tueng nah laplap na khet kawi na hoeh. Judahnaw rawknae a kâhmo nah na kâoup sin mahoeh. Runae a kâhmo navah, dudamnae lawk na dei kawi nahoeh.

¹³ Ka taminaw runae a kâhmo nah, a longkha thung kâen kawi na hoeh, a roedeng nah laplap khet kawi na hoeh, a hnopai hai lawp kawi na hoeh.

¹⁴ Kahlout e taminaw ngang hanlah lamkâcunae koe kangdue kawi na hoeh. Runae a kâhmo nah a tarannaw kut daw k thak kawi na hoeh.

¹⁵ Bangkongtetpawiteh, BAWIPA e hnin teh miphun pueng hoi a hnai toe. Na sak e patetlah ayâ ni nang koe a sak van han. Na sak e hno na lû van a pha han.

¹⁶ Judah miphunnaw ni, kaie mon kathoung daw k a canei e patetlah tengpam kaawm e miphunnaw pueng ni a canei aw h han. A canei aw h vaiteh a padoun aw h toteh kaawm boihoeh e tami patetlah ao han.

¹⁷ Zion mon daw k ka hlout e youn touh ao han. Thounnae hmuen lah ao han. Jakop miphun ni a coe han kamcu e talai bout a coe aw h han.

¹⁸ Jakop miphun teh hmai, Joseph miphun teh hmaito, Esaw miphun teh songnawng lah ao. Hmai hoi sawi toteh be a kak aw h han. Esaw miphun hlout aw h mahoe h telah BAWIPA ni a dei toe.

¹⁹ Akalah kaawm e naw ni Esaw e mon hai thoseh, tanghling daw k kaawm e naw ni Filistin ram hai thoseh, Ephraim yaw n hoi samaria ram hai thoseh, Benjamin miphun ni Gilead ram hai thoseh a tuk han.

²⁰ Kanaannaw koe kaawm e, man e Isarel miphunnaw ni Zarephath totou h a coe aw h han. Jerusalem hoi san lah a man aw h teh Sepharad ram kaawm e naw ni akalae ram totou h a coe aw h han.

²¹ Esaw e mon lawkceng hanelah rungngangkungnaw teh, Zion mon daw k a luen aw h han. A uknaeram haiyah BAWIPA e ram lah ao han.

JONAH

¹ Amittai capa, Jonah koe ka tho e BAWIPA e lawk teh,

² Thaw haw, Nineveh khopui lah cet nateh, pakhinae hoi hramkhai haw. Hote khopui taminaw ni yonnae a sak aw h e teh ka hmalah a pha toe telah a ti.

³ Hatei Jonah ni BAWIPA koehoi Tarshish kho lah yawng hane a kâcai. A thaw teh Joppa kho lah a cei teh a pha. Tarshish kho lah ka cet e long hoi a kâhmo teh, kâcuinae phu a poe teh Cathut koehoi long kamawngnaw hoi Tarshish kho lah reirei cei hanelah long a kâcui.

⁴ Cathut ni kahlî katang poung e tuipui koe a patoun dawkvah, tuipui daw k athakaawme tuicapa a thaw teh long meimei a kamko.

⁵ Hatnavah long kamawngnaw ni a taki aw h teh a cathut lengkaleng a kaw aw h. Long a pâhaw nahanlah hnopainaw tui daw k a tâkhawng aw h. Jonah teh long e vonpui koe a kum teh hawv ah mat a i.

⁶ Long kaukkung a tho teh, Oe mat na ka ip e tami, bangtelane thaw haw. Nâ Cathut koe ratoum haw, maimouh hlout nahanlah ahni ni doum a thai talang teh atipouh.

⁷ Ahnimouh ni be tho aw h haw, apie yon kecu daw k ne hete hno a tâco tie panue thai nahanlah cungpam rayu a sei ati aw h teh a kâpan aw h. Hathnukkhu cungpam a rayu aw h boteh, Jonah tak daw k a bo.

⁸ Ahnimouh ni bang e yon daw k maw hete hno a tâco dei haw. Nâ hoi maw na tho. Bang thaw maw na taw k. Api ram, api miphun maw telah a pacei aw h.

⁹ Jonah ni kai teh Hebru miphun, tui hoi talai kasakkung kalvan e Jehovah Cathut ka baw k e doeh telah atipouh.

¹⁰ Ahnimouh ni thouk a taki aw h daw kvah, bangkongmaw hettelah na sak vaw telah a pacei aw h. Jonah ni Cathut koehoi ka yawng tie a kâpâpho daw kvah a panue aw h.

¹¹ Hatnavah tuicapa teh hoe a thaw daw kvah, ahnimouh ni tuicapa a roum nahanlah nang daw k bangmaw ka sak aw h han telah a pacei aw h navah,

¹² Kai heh na tawm aw h nateh tui daw k na tâkhawng aw h lawih. Hottelah na tâkhawng aw h pawiteh tuicapa a roum han. Hete tûilî ka tho e teh kai kecu daw k doeh a tho tie ka panue atipouh.

¹³ Hatei, long kamawngnaw ni namran lah pha thai nahanelah tha hoi tuisam a la aw h eiteh, hoehoe tuicapa a thaw daw kvah bang ati thai aw h hoeh torei teh,

¹⁴ Oe, BAWIPA kaimouh ni ngaithoumnae kâhei aw h. Oe Jehovah, hete tami e a hringnae kecu daw k kaimouh koe thoenae phat hanh naseh. Yon ka tawn hoeh e tami hringnae ka thei aw h daw kvah yonnae teh kaimouh koe na pen hanh. Oe BAWIPA, nang teh namamouh ni na ngai e patetlah doeh na sak telah a hram aw h teh,

¹⁵ Jonah hah daw k a tawm aw h teh tui daw k a tâkhawng aw h. Hattoteh tuicapa a roum.

¹⁶ Long kamawngnaw ni hai Cathut a taki aw h teh thuengnae a sak aw h hnukkhu law k a kam aw h.

¹⁷ Cathut ni Jonah ka payawp hanelah tangapui a hmoun e patetlah Jonah teh tanga von thungv ah hnin thum rum thum touh ao.

2

¹ Jonah ni tangapui vonthung ao navah Cathut koe a ratoum e teh,

² Kai teh runae ka kâhmo dawkvah, Cathut ka kaw teh na thai pouh. Duenae vonthung hoi kaw e lawk na thai pouh.

³ Bawipa ni kai teh kadung poung e tuipui lungui na tâkhawng dawkvah, tui ni na kalup teh tuicapa pueng ni muen na ramuk.

⁴ Hottelah, na hmalah hoi na pâlei eiteh, kathounge bawkim teh pou ka khet han telah ka dei.

⁵ Tui ni due sak hanelah na kalup teh, tui lungui vah na paung teh, tuipho ni ka lû daw a yawngyen.

⁶ Mon khok koe ka pha teh, tho pou kâkhan e thung ka phat ei nakunghai, BAWIPA Cathut ni rawknae hmuen koehoi na rasa han.

⁷ Lungpout laihoi ka o nah Cathut hah ka pouk teh, kaie ratoumnae teh bawkim kathoung daw Bawipa koe a pha.

⁸ Cungkeihoehe meikaphawk ka baw naw niteh, a coe awh hane lungmanae hah a tâkhawng awh.

⁹ Kai teh a lungmanae hah lunghawilawkdinae hoi bawknae ka sak han. Lawk ka kam e patetlah ka sak han. Rungngangnae teh BAWIPA e doeh.

¹⁰ Hatnavah Cathut ni tangapui hah kê a poe teh, tangapui ni Jonah hah a kawngteng lah a palo.

3

¹ Jonah koe Cathut e lawk bout ka tho e teh,

² thaw nateh Nineveh kholah cet loe, lawk na thui e patetlah hramkhai loe telah atipouh.

³ Hatnavah, Jonah teh Cathut ni kê a poe e patetlah a thaw teh Nineveh kho lah a cei. Nineveh kho teh khopui lah ao dawkvah hnin thum touh lamcei akaw.

⁴ Jonah ni kothung a kêen teh, hnin touh lam a cei teh, hnin rui pali touh aloum hnukkhu Nineveh khopui teh a rawk han toe telah a pathang.

⁵ Nineveh kothung e taminaw ni Cathut e lawk a yuem awh teh, tami kacue kanaw abuemlah rawcahai nahane atueng a pathang awh teh buri a kâkhu awh.

⁶ Nineveh siangpahrang ni hote kamthang a thai navah a bawit tungkhung daw hoi a thaw teh, a puengcang a kâradng hnukkhu, buri a kâkhu teh vaiphu daw a tahung.

⁷ Tami hoi saringnaw abuemlah sairasuep lah awmseh. Rawca cat sak awh hanh. Tui hai net sak awh hanh.

⁸ Taminaw hoi saringnaw teh buri kâkhu awh naseh. Cathut koe lungthin katang hoi ratoum awh naseh. Tami tangkuem amamouh ni a dawn awh e rawknae lamthung hno kahawihoehe a sak awh e roun awh naseh.

⁹ Maimanaw teh rawknae daw hoi hlout awh nahanelah, Cathut a lungkâthung teh puenghoi a lungkhueknae hah a roun thai hoi a roun thai hoeh e hah apinimaw a dei thai a titeh, siangpahrang hoi bawinaw e kê lahoi Nineveh khopui thung a pathang sak.

¹⁰ Khocanaw ni amamouh ni a dawn awh e kahawihoehe lamthung a roun awh teh, a tawksak awh e naw hah Cathut ni a hmu navah ahmaloe pakhinae runae hah ahnimouh koe phat sak hoeh.

4

¹ Jonah teh a lungphuen, a lungkhuek teh, Oe Cathut nang koe ka kâhei. Kai teh kamamouh ram dawk ka o navah hettelah ka dei toe nahoehmaw. Hat dawk nahoehmaw nang koehoi Tarshish kho lah ka yawng vaw.

² Bawipa nang teh pahrennae hoi lungmakung Cathut lah na o teh, lung-sawnae, moi ka pathung han na tie hai pathung laipalah ngaithoumnae lung na tawn tie heh ka panue.

³ Hatdawkvah Cathut kahringnae na lat pouh lawih. Kai teh kahring e hlak ka due doeh ka hawihnawn telah a kâhei.

⁴ Cathut ni, na lungkhuek kawi na maw telah a pacei.

⁵ Jonah ni khopui dawk bangtelah mouh ao han tie hah panue han a ngai dawkvah khopui e alawilah a tâco teh kanitholah rim a sak teh a tâhlip dawk a tahung.

⁶ Cathut ni Jonah a lungroum nahanelah tuiumkung a ung pouh teh a lû lathueng a yam pouh. Hote akung dawkvah Jonah te a lung akuep poung.

⁷ Atangtho khodai torei teh Cathut ni a patoun e ahri ni tuiumkung thawk a kei pouh teh kawt a kamyai.

⁸ Amom kanî a tâco torei teh, Cathut ni kâan poung e kahlî kanîtho lahoi a tho sak teh, Jonah e a lû hah a dâw pouh dawkvah, Jonah puenghoi a tawn teh due ngainae lung a tawn. Hatdawkvah, Jonah ni ka due e doeh ka hring e hlak kahawi telah a cairing.

⁹ Cathut ni hai nang ni tuiumkung kecu dawk na lungkhuek kawi namaw telah a pacei navah, Jonah ni ka due han totouh ka lungkhuek telah atipouh.

¹⁰ Cathut ni hai nang ni patang khai e nahoeh, a rounng nahanelah na khetyawt e nahoeh. Rum touh dawk hoi kapâw ni teh rum touh dawk hoi tang kamyai e tuiumkung hah na pasai maw.

¹¹ Kai ni saringnaw ka dei hoeh, avoi arang boehai ka panuek hoeh rae tami 120,000 hlak kapap e Nineveh khopui e taminaw hah ka pasai mahoeh na maw telah atipouh.

MIKAH

¹ Judah siangpahrang Jotham, Ahaz hoi Hezekiah, a bawinae kum dawk Morashtite tami Mikah koe ka tho e Cathut e Lawk Samaria hoi Jerusalem kong hoi kâkuen e teh,

² Taminaw pueng thai awh haw, khocaramcanaw thai awh haw, Bawipa Jehovah kathounge bawkim hoi BAWIPA teh nangmouh na kapanuekkaikung lah ao han.

³ BAWIPA teh a onae hmuen koehoi a tâco a kum vaiteh, karasangnaw hah a coungroe han.

⁴ Hmai ni khoilai a daw teh atui lah a lawng e patetlah ravopui dawk hoi kalawng e tui patetlah ka hmalah monnaw ni a kamyawt awh han, ayawnnaw hai a kâraue han.

⁵ Hete hnonaw pueng heh Jakop lawk eknae kecu dawk hoi Isarel imthungnaw a yon awh dawk doeh. Jakop lawk eknae bangne, Samaria nahoehmaw. Judah hmuen karasangpoung e nâne ao. Jerusalem nahoehmaw.

⁶ Hatdawkvah, Samaria khopui teh laikawk dawk e talai pâpawp e patetlah ka o sak han, Misur takha patetlah ka o sak han. Rapan talungnaw ayawn dawk ka rabawk han. Rapan adu hah kamnue sak han.

⁷ Meikaphawk bawknae pueng reppasei lah ka hruek pouh han. A tawksaknae aphu pueng hmai ka sawi pouh han. Cathutkaphawk pueng be ka raphoe pouh han. Takkâyonaeh lahoi hnopai a tawn dawkvah, hote hnopainaw teh kâyawt e kut dawk bout a pha han.

⁸ Hote kong dawk kai teh ka khui ka ka han. Caici lahoi ka cei ka o han. Kahrawnguinau patetlah ka hram teh, Kalauk tava patetlah ka cai han.

⁹ A hmâ teh dam thai hoeh, Judah ram totouh a kâkai awh vaiteh, ka mipuhn a onae hmuen Jerusalem khopui longkha totouh a pha toe.

¹⁰ Gath khopui dawk thaisak awh hanh, khoeroe kap awh hanh. Bet Aphrah vah vaiphu dawk kamlet awh.

¹¹ Oe Saphir taminaw caici lah cet awh, Zaanan taminaw khuika laihoi tâcawt awh hanh. Bethazel khopui dawk na roe awh nahane kâ na poe awh mahoe.

¹² Maroth tami ni hai hnokahawi a doun teh a ring eiteh Cathut koehoi e rucatnae lah Jerusalem longkha totouh a pha toe.

¹³ Oe, Lakhish canu karang poung e marang dawk rangleng hah thueng haw, nang ni Isarelnew e yonnae hah na kamtu awh teh Zion canunaw hah na yon sak awh.

¹⁴ Hatdawkvah, Gath ram Moreseth koe poehno na poe han. Akhazib khocanaw ni Isarel siangpahrangnaw hah a dумыen awh han.

¹⁵ Oe, Mareshah kho kaawm e taminaw râw ka coe hane tami kai ni kakaw vaiteh, Isarel bawilenna Adullam kho dawk a pha han.

¹⁶ Ngai kaawm e canu capanaw teh san lah na man awh toung dawk, lû luengpalueng lah ngaw awh. Langta patetlah luengpalueng lah awh awh.

2

¹ Yonnae sak hanlah ikhun dawk hoi kahawihoehe kho pouk e patetlah khodai torei, ka sak e tami teh a yawthoe awh.

² Ayânaw e imlaw lungraduek aw h teh, tahma lah ka lawm e tami hoi a im hai thoseh, tongpa hoi a hnopai hai thoseh, a lawp aw h teh a pacekpahlek aw h.

³ Hatdawkvah, BAWIPA ni a dei eiteh, na lahuen hlouthoehnae, lû na lounghoehnae rucatnae imthungkhu daw k ka pha sak han. Runae teh hot patet e tueng lah ao han.

⁴ Hatnae tueng nah, bangnue nae law k lah hno aw h vaiteh, lungmathoena e lah a sak aw h hane teh, maimouh teh raw k katang aw h toe. Ka miphun ni a coe hane kawi ka kut daw k hoi bout a la toe. Maimae laikawknaw na lawp aw h teh ayânaw hah a rei toe.

⁵ Hatdawkvah, kamkhueng e Cathut e taminaw koe na coe aw h hanelah ka bangnue hane tami aw m mahoe h.

⁶ Profetnaw, profet law k dei hanh aw h. Ahnimanaw kayasak nahanlah profet law k pâpho aw h mahoe h.

⁷ BAWIPA e Muitha teh ngang lah ao maw. Hote hnonaw na sak a na maw, telah Isarelnaw a pacei navah kalan e hno ka sak e tami teh ka law k lahoi ap hu a hmu nahoe hmaw.

⁸ Ayan hoi doeh Ka taminaw ni na taran aw h toe. Taran tuknae koehoi a ban aw h teh runae taket aw h laipalah, kacetnaw e avan angki hoi athung angki hah a lawp aw h.

⁹ Ka taminaw e a yunaw hah a phunepnae hmuen koehoi a hrek aw h teh, ahnimouh koehoi Kaie bawilenna e hah meng na lawp aw h toe.

¹⁰ Thaw nateh cet aw h haw, hete ram heh nangmouh hanlah hnârourmnae hmuen nahoe h. Hete hmuen teh a khin daw kvah raw k nae kalenpoung hoi a raw k han.

¹¹ Ma ngai patetlah laithoe ka dei e tami ni, Misur tui hoi yamu kong ka dei han tetpawiteh, ahni teh hote law k kadeikung la doeh ao han.

¹² Oe, Jakop Kai ni na miphun pueng thoseh, bout kamkhueng sak han. Takha daw k e tu patetlah thoseh, hram kanaw koe e tuhu patetlah ka pâkhueng han. Tami apap poung daw k a pawlaw k a cai poung han.

¹³ Karaphoekungnaw ni ahnima e hmalah a cei aw h. Ahnimouh ni hai a raphoe aw h teh longkha daw k hoi a cei aw h. Ahnima e siangpahrang ni ahnima e hmalah a cei teh BAWIPA ni lam a pâtue.

3

¹ Kai ni hettelah ka dei, Jakop phun, Isarel miphun kacuenaw thai aw h haw, nangmouh ni kalan lah lawkcengnae teh na panue hane kawi lah ao nahoe hmaw .

² Hnokahawi na maithoe aw h teh, hno kahawihoehe na lungpataw aw h teh, ayânaw e vuen hai thoseh, hru daw k kambawm e tak hai thoseh, na hlip aw h.

³ Ka taminaw e a moi na ca aw h teh, a vuen hah na ho aw h. A hrunaw na khoe aw h teh hlaam daw k thawng e moituen, ukkang daw k pahlouk e moi patetlah a moi hoi a hru na raban aw h nahlangva,

⁴ BAWIPA koe na hram na nakunghai, Kai ni ka thai mahoe h. Yonnae na sak aw h e patetlah hatnae tueng daw k ka minhmai ka hro han.

⁵ Ka taminaw na yon sak aw h teh, kaboumcalah na ca aw h navah, Roumnae ao telah na hram aw h teh, na pacapanei e taminaw ni tuk hanelah na kâcai aw h.

⁶ Profet law k ka dei e naw, nangmouh ni vision na hmu thai aw h hoe h nahanlah, tangmin e tueng a pha han. Hma lae tue pâpho thai hoe h

nahanlah kho kahmawt han. Profetnaw koe Kaní ka khum han. Khodai patenghai yah hmonae ni a ramuk han.

⁷ Hatnavah, profetnaw kaya sak aw h han. Hma lae tue kapâphonaw ni a lungpout aw h han. BAWIPA ni a pato hoeh daw k, ahnimouh pueng amamae pahni a tabuem aw h han telah BAWIPA ni a ti.

⁸ Kai teh Jakop kâtapoenae hoi Isarelnaw a yonnae kamnue sak thai nahan BAWIPA e Muitha lahoi bahu panuenae, thoumthainae hoi ka kawi.

⁹ Kalan e lawkcengnae ka panu et teh, bangpueng dei e lawk ka raphoe teh,

¹⁰ Tami thei lahoi Zion khopui hai thoseh, hno kahawihoe h sak e lahoi Jerusalem khopui hai thoseh, ka sak e Jakop kho bawinaw, Isarel ukkungnaw thai aw h haw.

¹¹ Lawkcengkungnaw ni ap hu a hmu hane dueng doeh a ngai aw h. Vaihmanaw teh ap hu hmu hane la doeh a cangkhai aw h. Profetnaw ni tangka hmu hane lahoi hmalah e tue a pâpho aw h. Hateiteh, BAWIPA teh maimouh koe ao nahoe hmaw, runae koe phat thai mahoe h telah ouk na dei aw h toe.

¹² Hatdawkvah, Zion mon teh nangmouh han laikaw k kanaw k e patetlah ao han, Jerusalem khopui teh songnaw ng vaikong lah ao han, Baw knae im onae mon hai ratu patetlah ao han.

4

BAWIPA uknae Zion hnin

¹ A huukteng e tueng daw k, BAWIPA im a onae mon teh, monsonnaw dawkvah ka taw m vaiteh ka caksak han. Tami pueng teh hote mon koe a kamkhueng aw h han.

² Miphunnaw pueng ni hai tho aw h haw, BAWIPA mon daw k, Cathut e mon, Jakop Cathut e im daw k luen a sei, lamthungnaw hah na patue, na cangkhai aw h vaiteh, maimouh ni a khokhnuk hah dawn aw h han toe telah a cei laihoi a dei aw h han. A lawk teh Zion mon daw k hoi thoseh, Cathut Lawk teh Jerusalem khopui koehoi thoseh, a tâco han.

³ BAWIPA ni miphunnaw rahak vah lawkceng vaiteh, ahlanae koe kaaw m ni teh athakaaw me miphunnaw hah a yue han. Ahnimae tahloi pueng teh thunha lah thoseh, tahroenaw teh ramalongkawi lah thoseh, a dei pouh han. Ram hoi ram hai kâtuk aw h mahoe h toe. Taran tuknae hai kamtu aw h mahoe h toe.

⁴ Tami pueng ni amae misurkung, amae thaibunglung rahim a tahung aw h han. Taki kawi bu et touh hai aw m mahoe h toe telah ransahu BAWIPA ni a dei.

⁵ Miphun pueng ni amamae cathut teh ouk a baw k aw h. Hatei, maimouh teh mamae BAWIPA Cathut e min hah pout laipalah kângue aw h han.

Zion tânae

⁶ BAWIPA ni telah a dei, hatnae tueng nah, khokkhem e naw ka kaw han, pâlei lah kaaw m e tami, rucatnae kâhmo sak e taminaw hah ka kamkhueng sak han.

⁷ Khokkhemnaw kacawi sak han, pâlei e taminaw hah thakasaipoung e miphun lah ka coung sak han. BAWIPA ni Zion mon daw k ahnimouh teh atu hoi kamtaw ng vaiteh pout laipalah a uk han.

⁸ Oe, imrasang, zion canu rapanim, nang ni na uk han, ahmaloe e kâ na tawn e bout na tawn han, a uknaeram teh Jerusalem canu kut daw k bout a pha han.

⁹ Bangkongmaw atu puenghoi na ka. Nang thung siangpahrang buet touh hai awm hoeh nahoehmaw. Pouknae kapoekung kahmakata na ou. Camo ka khe e napui patetlah reithai na khang toung bo aw.

¹⁰ Oe, Zion canu, camo ka khe e napui patetlah reithainae na khang teh, ca khe hanlah tha kâueng haw. Khopui dawh hoi nang teh na tâco vaiteh, kahrawng vah na o han. Babilon khopui totouh na cei han. Hote khopui dawh na hlout han. Hote khopui dawh BAWIPA ni taran kut dawh hoi na ratang han.

¹¹ Atu miphunnaw ni, Zion khopui teh khin lawi naseh, ahni dawh maimae lunggainae kuep naseh telah nangmouh hoi kâtaran lah a kamkhueng awh vaiteh a dei awh han.

¹² Hatei, BAWIPA e pouknae hoi noenae panuek thai awh hoeh. Cabongnaw cangkatinnae dawh pâkhueng e patetlah hote taminaw a pâkhueng.

¹³ Oe, Zion canu thaw la teh katin haw, na ki hah sum hoi thoseh, khoksamennaw hah rahum hoi thoseh, ka sak han. Nang ni miphunnaw pueng vitpatit lah na katin han. Ahnimae hnopai ka la pouh vaiteh talai pueng be ka uk e BAWIPA hah ka poe han.

5

¹ Ransahu canunaw, kamkhueng awh haw. Maimanaw teh king na kalup awh toe. Isarel lawkkungnaw e a hmaibeih dawh bongpai hoi a hem awh toe.

Katho hane Messiah

² Oe, Bethlehem Epharath khopui, Judah uknae thung nang teh kathoengcae kho lah na o eiteh, Isarel miphunnaw ka uk e BAWIPA teh, Kai hanlah nang koehoi a kamnue han. Talai pekkamtawngnae koehoi kamnuek e BAWIPA doeh.

³ Hatdawkvah, camo ka khe hane ka khang e napui ni a khe hoehnahlan hai thoseh, Isarel miphun hoi kacawie hmaunawngnanaw teh a kâthung hoehroukrak thoseh, ahnimouh teh ka pahnawt han.

⁴ Ahni ni a kangdue vaiteh, BAWIPA tha o thasainae lahoi thoseh, BAWIPA Cathut e min taluena lahoi thoseh, a tuhunaw hah a kawh han. Ahnimouh hai a cak awh han. Bangkongtetpawiteh, Ahni ni talai apout ditouh a uk vaiteh, roumnae ao han.

⁵ Assiria tami ni kaimouh ram a tho teh, maimae innaw a coungroe navah, tukhoun sari touh hoi bawi taroe touh a tâco vaiteh,

⁶ Tahloi hoi Assiria ram hai thoseh, khopui longkha koevah Nimrod ram hai thoseh, koug raphoena lahoi, maimouh ram lah a tho awh vaiteh, maimae ram thung vah ka coungroe e Assiria e kut dawh hoi maimanaw hah na hlout sak awh han.

⁷ Kacawie Jakop miphunnaw teh Jentel miphun moikapapnaw koe ao vaiteh, BAWIPA ni na poe e tadamtui patetlah thoseh, tami ring mahoeh. Taminaw e ngainae koe ka cet hoeh e kho ratui patetlah ao han.

⁸ Kacawie Jakop miphunnaw ni Jentelnaw koe ao awh vaiteh, ratu e sarang sendek patetlah thoseh, tuhunaw koe sendektanca patetlah ao han. Sendek a kâen toteh apinihai ngang thai laipalah a coungroe vaiteh a ca han.

⁹ Nangmae taran koelah kambawng e naw hah na tuk awh vaiteh, na tarannaw pueng teh asung han.

¹⁰ BAWIPA a dei e teh, hote atueng dawkvah, nangmae umsali hai marangnaw hoi ranglengnaw koug ka raphoe han.

11 Na ram dawk e rapanimnaw hoi khopuinaw hai ka raphoe han.

12 Na ram dawk e camkathoumnaw ka raphoe vaiteh, khueyue hai awm mahoeh.

13 Meikaphawknaw hah nangmae hmaitung koung ka raphoe han. Meikaphawknaw hah nangmouh ni bout na bawk aw h mahoeh toe.

14 Asherhukungnaw na hmaitung vah ka phawk han. Na khopui haiyah be ka raphoe han.

15 Ka lawk ka ngai hoeh e Jentelnaw hah puenghoi lungkhueknae a yon phu ka pathung han.

6

1 Cathut e lawk thai aw haw, thaw nateh monpuinaw hmalah toe aw haw, moncanaw ni na lawk thai a naseh.

2 Oe monnaw, ka cak poung e talai dunaw, BAWIPA e lawk thai aw haw, BAWIPA ni a miphun hoi kâ toe hane ao. Isarel miphun hoi kâdei kâoun han.

3 Oe ka miphun, nang hah Kai ni bangtelamaw ouk na ti boi, bangtelamaw ouk na rektap boi, Kai koe dei haw.

4 Nang teh Izip ram hoi na tâcokhai toe. San na toung koehoi na ratang toe. Na hmalah Mosi, Aron hoi Miriam tinaw hai ka patoun toe.

5 Oe ka miphun, Shittim khopui hoi Gilgal khopui rahak vah, Moab siangpahrang Balak pouknae hoi thoseh, Beor capa Balaam ni bout a dei e lawk hai thoseh, pouk aw haw, hottelah na pouk pawiteh, BAWIPA e a lannae na thai panuek aw haw.

6 Kai ni BAWIPA hmalah bangmaw ka sin vaiteh ka cei han, ka rasang poung e BAWIPA hmalah ka tabo han maw. Hmaisawi thueng nahanlah kum touh e maitoca ka sin vaiteh a hmalah ka cei han maw.

7 Cathut ni tutan 1000, satui moikapap hah a lungkuap han na ou, ka payonnae kecu daw k, ka camin hai thoseh, ka muitha yon kecu daw k ka tak hai thoseh, ka thueng han na ou.

8 Oe, ka tami, lamthung kahawi na patue toe. Kalane hno saknae, lungpataw pahrennae, na BAWIPA e hmalah lung kârahnoumnae lahoi, saknae hoeh laipalah, alouke thuengnae bangmaw Cathut ni a hei vai.

9 BAWIPA lawk ni khopui akaw, a lungkaang e tami ni A min a taki, yuena hai thoseh, lawkcengkung teh apine tie hai thoseh, thai aw haw.

10 Tami kahawihoe h im daw k, kamsoum hoe h lahoi tawn e hnopai hoi panuetho e tangthung ca ao rah ou.

11 Kânging hoe h e yawcu hoi dумыenna e yawngya ka tawn e khopui hah, kathoung khopui ka ti han na maw.

12 Bawi tangrennaw ni thama lahoi a lawp aw haw teh Kamathoenaw ni hai laithoe a dei aw haw. Ahnimae pahni daw k kaawm e lai teh laithoe doeh.

13 Hatdawkvah, namamouh e yon kecu daw k nang na raphoe nahanelah, ka patawpoung lah ka rek han.

14 Nang ni na ca ei na boum mahoe h kahai lah na o han, na tawn ei na sin mahoe h, na sin e hno hai kâtheinae koe ka poe han.

15 Cati na kahei aw haw ei, cang na a aw haw hoe h, olive paw na katin aw haw ei, satui na kâhluk mahoe h. Misur paw na katin nakunghai misurtui na net aw haw mahoe h.

16 Bangkongtetpawiteh, nang ni Omri siangpahrang ni a dei e naw hai thoseh, Ahab siangpahrang ni a sak e naw pueng hai thoseh na tarawi teh, ahnimae thapoenae koe lah na cei toe. Hatdawkvah, na thei vaiteh,

khocanaw teh panuilai lah ka sak vaiteh, nang teh ka taminaw e dudam e lah na o han.

7

¹ Kai teh ka yawthoe. Kompawi tue nah khi e thaibunglung paw hoi rakhun e misur paw kacawie patetlah ka o. Ca hane kaw i misur paw awm hoeh. Thaibunglung paw aluepaw hah ka doun toe.

² Cathutlae naw kahmakata aw h toe. Tami kalan buet touh hai awm hoeh. Tami pueng teh tami thei hanlah a pawp aw h toe. Buet touh hoi buet touh tangkam daw k a ka man aw h.

³ Yonnae sak hanelah coungkacoe lah ao aw h. Bawinaw ni poehno a hei aw h. Lawkcengkungnaw ni tadawngnae a ca aw h. Ayâ hlak kalen e tami ni teh hounounnae a kamnue sak. Hottelah, a kâsanu nahanlah a sak aw h.

⁴ Tami kahawipoung hai pâkhingkung patetlah doeh ao. Tami kalan poung hai pâkhing takha hlak a ru. Nang ramvengnaw ni kâhruetcuet poenae hnin, nang rektapnae na poenae hnin lah a pha, hothateh, lungpuennaeh lah ao han.

⁵ Na imri yuem hanh. Lam ka patue e hah kâuep hanh. Na lungtabue daw k ka ip e na yu haw yuem hanh. Na kâko takhang hah cakuep lawih.

⁶ Bangkongtetpawiteh, ca ni a na pa e min a mathoe sak. Canu ni a manu thoseh, a langa ni a mani thoseh, a taran han. Ma e imthungkhunaw teh mae taran lah ao han.

⁷ Hatei, kai teh BAWIPA ka ngaihawi han. Ka rungngangnae Cathut hah ka kângue han. Cathut ni ka lawk a thai han.

⁸ Ka taran nang, kaie lathueng vah kâouppnae, lunghawinae tawn hanh. Ka rawm nakunghai bout kathâw han. A hmonae koe ka tahung nakunghai, Cathut teh kaie angnae lah ao han.

⁹ Kai teh BAWIPA koe ka yon dawkvah, na racing hoehnahlan totouh a lungkhueknae ka khang han. Kai hah angnae koe na rasa vaiteh, lannae hmuen na poe e hah ka hmu han.

¹⁰ Na Cathut nâne ao telah na ka pacei e ka taran ni hote hno a hmu torei teh yeirai a po han. Ahni koe ka lung a roum han. Ahni teh lam daw k e tangdong coungroe e patetlah ao han.

¹¹ Nange khopui rapan saknae tueng a pha han. Kâawannaeh apout han.

¹² Hatnae tueng daw k, Assiria ram hoi Izip khopui hai thoseh, Izip ram hoi tuipui rahak hai thoseh, tuipui tenggam, monnaw tangkuem koehoi hai thoseh, nang koevah a tho aw h han.

¹³ Hottelah, ao hoehnahlan khoca ramca naw e yonnae kecu daw k ram teh tami kingkadi lah ao han.

¹⁴ BAWIPA e tami tie a huiko awm laipalah Karmel mon daw k kaawm e râw tuhu hah tukhoumnae sonron hoi khoum la, ayan e patetlah Bashan ram hoi Gilead ram daw k pawngpa sak haw.

¹⁵ Izip ram hoi na tâconae hnin daw k na hmu e patetlah kângairu hnouaw bout na patue han.

¹⁶ Miphunnaw ni ka taminaw daw k kaawm e bahu a hmu aw h teh, lungpuen laihoi amamae pahni hah kut hoi a tabuem aw h vaiteh a hnâtâdeng aw h han.

¹⁷ Tahrn patetlah vaipuh a palem teh, tangraet patetlah a khu daw k hoi pâyaw laihoi a tâco aw h han. Maimae BAWIPA Cathut hai thoseh, nang hai thoseh a taki aw h han.

¹⁸ Yon dawk hoi hlout sak e, kacawie râw, taminaw e sakpayon e hah ka ngaithoum e, pahrennae hoi ka kawi ni teh lung pou ka khuek hoeh e Cathut patetlah apimaw kaawm.

¹⁹ BAWIPA ni maimanaw hah bout na pahren teh, maimae yonnae pueng hah rep a coungroe han. Maimae yonnae pueng kadung poung e tuipui daw koug a tâkhawng han.

²⁰ Ayan hoi mintoenaw koe thoe na bo e patetlah, Jakop koe lawkkatanag, Abraham koe pahren lungmanae teh na poe han.

NAHUM

¹ Elkosh tami Nahum ni, Nineveh kho hoi ka kâkuenlah a coe e Cathut lawk teh,

² Cathut teh na yon telah tang kayuem ni teh ka rek e lah ao. Lungkhuek laihoi a rek. Bawipa ka taran e taminaw hah a rek teh, a tarannaw hah sut a tareng.

³ Bawipa teh lung a pâcawn, a bahu hai ao. Hatei tamikayonnaw e yontha pouh hoeh. Bawipa teh bongparui hoi cakho kahlî dawk hai a cei, tâmainaw teh a khok rahim e vaiphu patetlah doeh ao awh.

⁴ Tuipui hah a yue teh khik a hak sak. Sawkca pueng rem aphui sak, Bashan mon hoi karmel monnaw teh a kamyai awh, Lebanon pei hai a kamyai.

⁵ Bawipa e hmalah monnaw a kâhuet, monruinaw tui lah a kamyawt teh, a hmalah talai dawk kawm e pueng koehoi talai tami pueng teh a kampuen awh.

⁶ A lungkhueknae hmalah apimaw kangdout thai han. A lungkhueknae a hue apinine a ngang thai han. Hmai ka kang e patetlah a lungkhuek teh talungnaw a tip awh.

⁷ Bawipa teh ahawi, runae a tho nah rapanim lah ao. Ama ka kângue e naw hah a khetyawt.

⁸ Tarannaw e kho hah tui hoi muen a khu teh, tarannaw teh hmonae ni a pâlei han.

⁹ BAWIPA hah taran hanelah, bangtelamaw na kâcai awh vaw. Sap- ingkacailah a rawk sak han, bout tuk han kawi lah awm mahoehtoe.

¹⁰ Ahnimanaw teh pâkhing patetlah a kâvoun teh, Yamuhrinaw a parui e patetlah ao awh teh, remke e songnawng patetlah hmai a kak awh han.

¹¹ Cathut koe pouknae kahawihoehe ka tawn e tami teh nangmouh dawkhoi a tâco toe.

¹² Cathut ni a dei e teh, nangmouh teh na kuepcing awh, a misa na pap awh eiteh, rawknae dawkh na pha awh vaiteh kông na kahma awh han. Kai ni nang ouk na rektap eiteh bout na rektap mahoehtoe.

¹³ Atu nang koe na phu sak e hno hai ka takhoe vaiteh na kateknae tangronnaw hai ka rathap han.

¹⁴ Nang koe Cathut ni hno a sak hane teh, na miphunnaw hoi kâkuen hanh. Meikaphawk cathutnaw hah nange bawkim dawkh hoi kông ka raphoe han. Nang teh na hawihoeht dawkvah na tangkom hah na tai pouh han.

¹⁵ Roumnae lunghawinae kamthang kahawi ka dei e a khoknaw teh monsom vah kenhaw. Oe Judahnaw, nange bawknae pawihah sak awh haw. Lawkkamnae teh kuep sak awh haw. Tami kahawihoehtnaw teh kông raphoe lah ao tounge dawkvah nangmouh bout na tapuet awh mahoehtoe.

2

¹ Ka raphoe hane tami teh na hmalah a pha toe. Nange rapanim hah ring leih. Na keng hah caksak nateh tha kâ lat leih.

² Bangkongtetpawiteh, Cathut teh Isarelnaw e a lentoenae patetlah Jakop e a lentoenae hah ao sak toe. Ka raphoe e taminaw ni Jakop e catoun, a raphoe teh, ahnie a cakang hai kông a raphoe toe.

³ Athakaawme taminaw ni ka paling e saiphei a patuep awh teh ka paling e khohna a kho awh. Ranglengnaw hah tahloi hoi laklak a ang teh, tahroenaw teh thouk a kâroe awh.

⁴ Ranglengnaw teh cahucahu kacailah lam dawk atunglah, akalah a yawng awh. Hmaito patetlah a paling teh sumpa patetlah a yawng awh.

⁵ Ransanaw a hroecoe teh ahnimouh ni ayânaw dei a tanawt awh. Khorapan koe karanglah a cei awh teh ramvengnae khu a sak awh.

⁶ Tui longkha a kamawng teh siangpahrang im a rawk toe. Nineveh tanglanaw e a khohna a rading pouh teh,

⁷ bakhu patetlah khui laihoi lungtabue a ratup awh.

⁸ Ayan hoiyah Nineveh khopui teh tuinawk patetlah doeh ao. Atuteh tui a lawng toe, kangdout awh, kangdout awh telah kahram nakunghai apinihai kamlang sin hoeh.

⁹ Ngun lawm awh. Sui hai lawm awh. Ngai kawi e hnopainaw suitabu thung e rasa teh baw thai hoeh.

¹⁰ Khopui teh luengpalueng lah ao. Hnopai awm hoeh. Tami kingdi. Khoca pueng teh a lungpout awh, khokpakhu kâkhawng lahoi a keng a pataw awh teh, minhmai ka tamang lah ao awh.

¹¹ Sendek a onae hmuen, sendek a canae hmuen, sendek canaw ni apihai kâtaket sak laipalah a onae hmuen teh na maw ao.

¹² Sendek ni a canaw hanelah a kei teh, a manunaw hanelah a lahuen a kara pouh teh, a kâkhu dawk a kei e moi hoi akawi sak.

¹³ Ransahu BAWIPA ni a dei e teh, nange avanglah ka o han. Nange ranglengnaw hah hmai koug ka sawi han. Na sendeknaw hah tahloi hoi ka thei han. Na lawp e hnonaw talai dawk hoi ka takhoe han. Nange na patounenaw e lawk hah apinihai bout thai mahoeh toe.

3

¹ Tami thi palawngnae kho dawk, thoebonae ka tâcawtkhai e laithoe hoi thamanae akawi. A man e naw hai tha awh hoeh.

² Bongpai hoi hem e lawk, rangleng khok kamlei lawk, marang coukdouk lawk, rangleng a yawng e lawk hah ka thai.

³ Marangransa ni laklakkaang e tahloi, keitat tahroe hah a dâw teh, kadout e tami ro teh a kâmawk. Hote ronaw hah boeba touk thai hoeh. Ronaw hah a kamthui awh teh ro van a tâlaw awh.

⁴ Hetnaw pueng teh ka kâyawt e napui kecu doeh a tho. A meihawinae, ânnae, a kâyonaeh lahoi khocaramca pueng koug a dum toe.

⁵ Hatdawkvah, Cathut ni a dei e teh, nange avanglah kai ka o. Na angki hah na minhmai dawk ka ling vaiteh caici lah na onae hoi na kayanae hah uknaeram tanguem ka patue han.

⁶ Ei hoi na dei vaiteh, na khin sak vaiteh, ayâ ni panuet e lah na ta han.

⁷ Na kahmawt e tami pueng ni, Nineveh kho a rawk toe, apinimouh a khui han vai ati awh teh, na yawng takhai awh han. Nang lungpahawi hanelah, nâmouh ka tawng vaiteh ka pâphawng han vai.

⁸ Nang teh tuipui rahak kaawm e Noamon kho hlak na talue maw. Hote khopui teh tui ni a kalup teh, tuipui teh ahnie rapan lah ao.

⁹ Ethiopia hoi Izip ram teh ahnie senehmaica lah ao teh a thaonae teh baw thai hoeh. Put hoi Lubim ni a kabawp.

¹⁰ Hatei, hote kho teh tarannaw ni a tuk awh teh a man awh toe. Khocanaw teh lamtakinnaw koe a phep awh. Bari lah kaawm e khocanaw

teh, cungpam lah a khoe aw h teh, thakasai e khocanaw abuemlah sumrui hoi a pâkhi aw h toe.

¹¹ Nang haiyah puen laihoi na kâhro han. Taran kut daw k hoi hlout nahanelah kacakpoung hmu en na tawng han.

¹² Nange rapanimnaw teh a paw hmaloe kahmin e thaibunlungnaw hoi a kâvan han. Kahuet navah ka cat ngai e kâko thung hloum a bo pouh aw h han.

¹³ Na taminaw teh na hmalah napui patetlah ao vaiteh, kho longkhanaw teh tarannaw hanelah kakaw lah a kamawng vaiteh tho rawngkannae teh hmai a kak han.

¹⁴ Taran ni na kaven junglam, na hno hane tui sut do aw h. Rapanimnaw hah caksak aw h. Amhru talai hah katin aw h. Amhru hmai raawng aw h.

¹⁵ Hote hmu en koe raw vah hmai na kak aw h vaiteh, tahloi hoi pat na raboung aw h han. Samtong patetlah pap aw h yawkaw, awsi patetlah pap a yawkaw.

¹⁶ Kalvan âsinaw hlak hno kayawtnaw kapap nakunghai, samtongnaw patetlah parang a kamleng aw h han.

¹⁷ Nangmae khobawinaw teh samtangnaw patetlah ransabawinaw teh tapangkhangdengnaw patetlah ao aw h teh, a pâding toteh tahmout daw k a tabo aw h. Kanî a tâco toteh nâmouh phang a kamleng tie panuek hoeh.

¹⁸ Assiria siangpahrang nange tukhoumnaw teh muet a i aw h teh, Saring kakhenkungnaw teh a yan aw h. Ransanaw teh monsom vah koung kâkapek aw h teh apinihai pâkhueng aw h hoeh.

¹⁹ Na khang e a hmâ a nung poung dawkvah dam thai mahoeh. Nange kamthang ka thai e pueng ni kut na tabawng sin aw h han. Bangkongtetpawiteh, nang ni na rektap hoeh e tami apihai aw m hoeh.

HABAKKUK

¹ Profet Habakkuk ni a coe e profet lawk teh,

² Oe Cathut, na thai laipalah nâtotouh maw na kaw han vaw Na rungngang laipalah, kai ni hno kathout ka kâhmo laihoi nâtotouh maw na hmalah kahram han vaw

³ Bangkongmaw kamsoumhoeh naw hah na pâtuê vaw. Bangkongmaw hno kathout naw na hmu sak vaw Bangkongmaw Lawpnae, thamanae na kâhmo sak vaw. Bangkongmaw tami reira khuet kâoun aw haw teh, khuet kâyue aw haw vaw.

⁴ Hatdawkvah kâlawk teh cungkeihoeh toe. Kamsoum lah lawkcengnae awm hoeh toe. Tami kahawihoe hnaw ni tami kalannaw teh, kamsoum hoeh lah lawk a ceng aw haw.

⁵ Lawkkam kacakhoehe taminaw khen nateh muenkângai aw haw. Bangkongtetpawiteh, nangmouh koe ayâ ni na patue haiyah na yuem thai aw haw hoeh e hah nangmae atueng daw k ka sak han.

⁶ Ahue karang poung e Khaldean taminaw hah ka hroecoe toe. Amamae ram lah kaawm hoeh e ramnaw hah la hanelah kho tangkuem a cei aw haw han.

⁷ Takithopoung e tami lah ao aw haw teh, ama ngai e patetlah lawk a ceng aw haw.

⁸ Ahnie marang teh, kaisi hlak a rang. Karum lah kâva e Asuinaw hlak a huencawn aw haw. Marangransanaw ni ahlanae koehoi tho aw haw vaiteh, a coukdouk aw haw han. Moi kei hanlah karang poung e langta patetlah kamlang aw haw vaiteh a tho aw haw han.

⁹ Hote taminaw teh rektap hanelah a tho aw haw. Hmalah dueng ka khen e ransa lah ao aw haw teh, a man aw haw e taminaw teh sadi yit touh a pha sak aw haw han.

¹⁰ Siangpahrangnaw a dudam aw haw, khobawinaw hai banglahai noutna aw haw hoeh. Khopui rapanimnaw pueng hai panuikhai aw haw vaiteh, vaiphu a pâpawp aw haw vaiteh a tuk aw haw han.

¹¹ Hathnukkhu ahnimanaw teh a pouknae a kâthung aw haw teh a sakpayon e phu teh a hmu aw haw han. Ahnimae a thaonae teh amamae cathut doeh toe.

¹² Oe, BAWIPA ka Cathut, nang teh kaie kathoung Cathut lah na o teh, a yungyoe na kangning e nahoe hmaw. Hottelah pawiteh, kaimanaw teh duena koehoi kahlout aw haw han doeh. Oe BAWIPA, kaimanaw lawkceng nahanelah ahnimanaw hah na hmoun toe. Oe Ka lungsong, yue sak hanelah ahnimanaw hah hmuen na poe toe.

¹³ Nang teh kahawihoe hno hmu hanelah a mit teh a thoungpoung. Hno kathout a hmu navah, awm takhai thai hoeh. Hottelah pawiteh, lawkkam kacakhoehe naw hah bangkongmaw na khetyawt vaw. Tami kahawihoe haw ni tami kalannaw a thei navah bangkongmaw duem na o takhai.

¹⁴ Nang ni, taminaw hah tuipui daw k e tanganaw patetlah, ukkung ka tawn hoeh e ahrinaw patetlah bangkongmaw na coung sak.

¹⁵ Taran ni hote taminaw pueng hah hradang hoi sawn vaiteh, tamlaw hoi heng vaiteh, tamlaw hoi a kalup teh a lung ouk ahawi aw haw.

¹⁶ Ama e tamlaw hah a thueng teh, amae tamlaw hanlah hmuitui hah hmai ouk a sawi. Bangkongtetpawiteh, hote hno hoiyah hnopai ouk a hmu teh kaboumlah ouk a kâkaw nah.

¹⁷ Hatdawkvah ahni ni tamlawk, tamlawk dawk e tanganaw hah a rabawk han na maw. Miphunnaw hah pasai laipalah pou a thei han na maw.

2

¹ Kai ni kama e ramvengim dawk ka kangdue teh kalupnae tapang koe ka o, kai heh bangtelamaw na dei pouh han tie thoseh, yon na pen pawiteh bangtelamaw ka pathung han tie thoseh, ka ring teh ka o navah,

² BAWIPA ni ka touk e taminaw ni yawng laihoi a touk thai aw h nahan, pâpho e lawk hah calung dawk thut haw.

³ Hote pâpho lawk teh atueng bawnae tue dei ngainae doeh. A laithout hoeh, tang ka tho hoeh nakunghai ngaihawi haw. A ro hoehnahlan a kuep mingming han.

⁴ Pouknae karasang e tami teh a lungthin lan hoeh, tamikalan teh a yuemnae lahoi a hring han.

⁵ Hothloilah misur, thouk ka net e tami teh lawkkam cak hoeh. Kâoup e tami teh amae hmuen koe awm thai laipalah, amae hounlounnae hah phuen patetlah akaw sak teh, duenae patetlah karoum thai hoeh e lungthin a tawn teh, khocaramca naw pueng hah a man teh, ama koe a kamkhueng sak.

⁶ Hote taminaw ni pacekpahleknæ lahoi banglahai noutna aw mahoe. Ma e hnopai lah kaawm hoeh e ka lat e tami teh a yawthoe. Na totouh maw laiba hoi ao han vai, telah dei aw mahoe namaw.

⁷ Nang na ka kei e taminaw thaw aw vaiteh, ka tarawk e taminaw teh kâhlaw aw mahoe haw. Nang teh ahnimouh ni lawp e tami lah na o aw h han.

⁸ Nang ni tami moikapap na lawp dawkvah kacawie taminaw ni nang teh na lawp aw h han. Tami theinae yon, khocanaw pueng pacekpahleknæ yon kecu dawk nang na pathung han.

⁹ Arasangnae koe tabu ka tuk ni teh rucatnae dawk hoi a taminaw hlout nahanelah ka tawng e tami teh a yawthoe.

¹⁰ Nang ni taminaw na thei e lahoi mae miphunnaw kaya sak hanelah kho na pouk dawkvah na hringnae na payon toe.

¹¹ Atangcalah tapang lah thung e talung buet touh ni a hram teh, pangkhek ni thingnaw thung hoi a pato.

¹² Tami thei e lahoi kho ka thawng e tami, hnokahawihoe e sak e laihoi khopui ka caksak e tami teh a yawthoe aw h.

¹³ Taminaw ni tha patung laihoi a tawk aw h e pueng teh, ayawmyin lah na coung sak aw h teh, a sak aw h e pueng teh hmai hoi na sawi aw h, hettelah katetkung teh ransahu BAWIPA ama doeh.

¹⁴ Bangkongtetpawiteh, tuiptui ni a onae hmuen koung a licung e patetlah talai taminaw ni BAWIPA bawilennæ hah panuethainæ hoi akawi aw h han.

¹⁵ Imri hah caici lah ao teh kaya sak nahanlah yamu ka pânei e tami teh a yawthoe.

¹⁶ Hatdawkvah nang teh minhmai mathoenæ hoi, kayanae hoi na boum han. Nama hai yamu na net vaiteh caici lah na o han. Cathut e aranglae kut daw kaawm e manang teh nang koe phat vaiteh, panuetho e palonæ ni na bawilennæ teh a ramuk han.

¹⁷ Lebanon mon pacekpahleknæ yon, saringnaw hah taki ka tho e hnouaw hoi raphoenæ yon ni nang teh na ramuk han. Tami theinae yon hoi khocanaw pueng pacekpahleknæ yon teh ao.

18 Meikaphawk ni bang hawinae maw na poe teh kasakkung ni khuet a sak vaw. Meikaphawk hoi kacangghaikung kaphawk naw ni ahawinae bangmaw na poe teh, kasakkung ni a sak e a kâuepkhai teh a lawk ka a e meikaphawk hah khuet a sak vaw.

19 Thingphek hah kâhlaw haw, talung hah thaw haw telah ka tet e tami teh a yawthoe. Hote hno ni na cangkhai han na maw Sui, ngun hoi pathoup eiteh athung hringnae tawn hoeh.

20 Cathut teh bawkim kathoung dawk ao dawkvah, a hmalah taminaw pueng lungmawng lahoi awm aw haw.

3

1 Profet Habakkuk e ratounnae, Shigionoth la.

2 Oe BAWIPA kai ni na lawk ka thai teh ka taki toe. Atu e kumnaw dawk na thaw tawk e a kamnue teh ka hmu toe. Na lungkhuek ei nakunghai, na lungmanaeh teh na pahnim hoeh.

3 Cathut teh Teiman kho hai thoseh, Tami Kathoung teh Paran koehoi thoseh, a tho. Bawilennaeh ni kalvan a ramuk teh, a bawilennaeh ni talai van akawi.

4 A meilam teh kanî patetlah ao. A kut dawk kaawm e a bahu teh a raeng lah a tâco.

5 A hmalah runaeh ni a cei teh, a hnuklah patawnaeh ni a kâbang.

6 A kangdue teh talaipui a bangnue. A khet nah miphunnaw a tâlueng aw h. Ayan e monnaw ni a kâbawng aw h teh, kacakpounge monruinaw a tip aw h. Hatei, Bawipa teh a lamthung dawk poe a cei.

7 Kushan ram daw k e rimnaw ni roedengnae a kâhmo aw h teh, Midian ram daw k e yaphninaw a kâhuet e hah ka hmu.

8 Oe BAWIPA, Nang ni rungngangnae rangleng na kâcui nahanelah, tuipuinaw koe na lungkhuek na maw. Tuipui hoi na kâtaran maw.

9 Nang ni catounnaw koe lawkkam na tâ e patetlah lilava coungkacoe na rasa sin toe, talai daw k tuinaw na phuek sak toe.

10 Monnaw ni BAWIPA a hmu aw h navah a kâhuet aw h. Ka poum e tuinaw ni muen a ramuk. Tuipuinaw ni a hram aw h teh a kut a dâw aw h.

11 Kanî hoi thapa ni amamaeh hmuen daw k ao aw h. Ahnimaeh a angnaeh daw k pala ni a cei teh, a raeng daw k tahroe hai sumpa lah a palik.

12 A lungkhuek laihoi ram pueng daw k a cei teh, a lungkhueknaeh ni miphunnaw hah khoug a coungroe.

13 Bawipa e a taminaw rungngangnaeh hanelah na tho teh, satui na aw i e naw rungngang hanlah na tho. Tami kalan hoeh e im teh imthungkhuek koehoi rep na kanawi pouh teh a carawng koe totouh na raphoe pouh.

14 Ransabawinaw e a lû hah palanaw hoi pawkkayawng lah a ka pouh. Ahnimouh teh kaimouh palek sak hanelah tûilî kathout patetlah a tho aw h. Mathoenaw kei hanelah a lunghawi aw h.

15 Bawipa nang ni marangnaw na kâcui teh athakaawm tuicama lungui na cei.

16 Na pâpho lawk ka thai navah ka lung a tâlueng, ka kam ka cakuep, ka hru a hmawn, ka takbuem a pâyaw. Bangkongtetpawiteh, runaeh hnin, kathetkung ni miphunnaw a tuknaeh tueng totouh ka o han rah.

17 Thaibunglung kung ni pei hoeh, Misurkung paw hoeh, olivekung hai ngaihawi hane awm hoeh. law daw k hai apawhik paw hoeh, tu takha daw k tu kathup niteh, maito im daw k maito kaawm hoeh nakunghai.

¹⁸ Cathut dawk ka lung ahawi teh na ka rungngangnae Cathut kâuep lahoi ka lung ahawi han.

¹⁹ Bawipa Jehovah teh kaie ka thaonae doeh, ka khok teh sayuk khok patetlah á coung sak teh, ka rasang e hmuen na poe han.

ZEPHANIAH

¹ Judah siangpahrang Amon e a capa Josiah ni a uk navah, Hezekiah, Amariah, Gedaliah tinaw e ca catoun lah kaawm e Kushi capa Zephaniah koe ka tho e Cathut e lawk teh,

² ram dawk kaawm e naw abuemlah he ka raphoe han telah Cathut ni a dei.

³ Tami hoi saringnaw pueng ka raphoe han, kahlun e tava hoi tui dawk e tanga pueng hai thoseh, Tami kahawihoe hoi, hawihoe hoi pueng hai raphoe lah ao han. Talaivan kaawm e tami pueng hai raphoe lah ao han telah Cathut ni a ti.

⁴ Judah tami, Jerusalem kho e taminaw hah kai ni ka tuk vaiteh kacawirae Baal hnukkâbang e hoi vaihmanaw pueng hai ka raphoe han.

⁵ Kalvan e hnônaw hah lempu hoi ka bawk e naw, cathut hoi Molek cathut lawkkam laihoi ka bawk e naw hai thoseh,

⁶ Cathut hnukkâbang laipalah hnuk kamlang e tami, Cathut tawng hoeh, ka pacei hoeh e taminaw pueng hai ka raphoe han.

⁷ Bawipa Jehovah e hmalah sairasuep lah awm aw haw, BAWIPA e hnin teh a hnai toe. BAWIPA ni amae thuengnae hah rakueng vaiteh hote pawit hung kâen e pueng teh thounsak lah ao han.

⁸ BAWIPA e thuengnae hnin navah siangpahrangnaw, hoi a mipunnaw hoi ka talue lah kamthounaw pueng hah a rek han.

⁹ Ayâ e im longkha ka tapuet ni teh ayâ ka hnephnap e, ayâ dумыen laihoi hmu e hnopai hoi a bawipa e im kakawi sak e tami pueng hai hote hnin navah lawk ka ceng han.

¹⁰ BAWIPA ni a dei e teh, hote hnin navah tanga longkha koevah hramnae lawk thoseh, apâhni e khopui daw kkuikanae lawk thoseh, monrui daw pueng hoi raphoenae lawk thoseh ka thai.

¹¹ Maktesh taminaw, khuikap aw haw. Hnopai kayawtnaw pueng teh awm hoeh toe. Tangka kasinnaw pueng teh koung a due aw haw toe.

¹² Hatnae tueng nah, kai ni hmaiim ka sin vaiteh Jerusalem hah lawk ka ceng han. BAWIPA ni hawinae sak hoeh, yon hai na pen hoeh telah a pouk aw haw teh, amae thoe hoi hawi a sak aw haw e patetlah lawk a ceng han.

¹³ Ahnimae hno teh ayâ ni a lawp vaiteh, a onae hmuen daw tami kingdi han. Im a sak aw haw han, hatei awm aw haw nah mahoe h. Misur a ung aw haw han, hatei misur net aw haw mahoe h.

¹⁴ BAWIPA e hnin pui teh a hnai toe. A hnai toe. Karang lah ka tho han BAWIPA e hnin kamthang teh hnâ dawkvah akha. hote hnin navah, athakaawme tami ni a hram han.

¹⁵ Hote hnin teh lungkhueknae hnin, lungpuen tâsuenae kâhmonae hnin, rawkphainae hnin, angnae a kahma teh hmonae hnin, khopâui teh tâmai muen a tabonae hnin,

¹⁶ Kacake khopui hoi karasang e imrasangnaw koe lah mongka kâhruetcuetnae ueng teh hramnae hnin lah ao han.

¹⁷ Ahnimouh ni BAWIPA koe a yon aw haw dawkvah, kai ni ahnimouh ka rektap vaiteh tami a mit ka dawn e patetlah a cei aw haw han. Ahnimae a thi teh vaipuh patetlah rabawk aw haw vaiteh a moi hai ei patetlah a pouk aw haw han.

¹⁸ BAWIPA e lungkhueknae hnin navah, ahnimae sui ngun ni hai rungngang thai aw haw mahoe h. A lungkhueknae hmai ni ram abuemlah a

kak han. Khocanaw puenghai karanglah lawkceng vaiteh koung a pâmit han.

2

¹ Yeirai ka panuek hoeh e miphunnaw namahoima kâpouk aw haw.

² A dei e patetlah na ka pouk aw haw hoeh, nangmae atueng teh vaikong patetlah a pâlek hoehnahlan, BAWIPA lungkhueknae ni nangmae lathueng a pha hoehnahlan namahoima kâpouk aw haw.

³ A lung kârahnoum niteh, lawk ka tarawi e khocanaw pueng Cathut teh tawng aw haw. Lannae hoi kârahnoumnae hai tawng aw haw. BAWIPA lungkhueknae hnin nah kâhro nahan na hmawt aw mahoeh.

⁴ Gaza kho tâco takhai vaiteh, Ashkelon teh kingdi han. Kanîthun vah Ashdodnaw pâlei vaiteh, Ekron kho hai raphoe lah ao han.

⁵ Talî rai lah kaawm e Kereth miphunnaw, nangmouh teh Cathut lawk hah na taran aw haw. Filistin onae Kanaan ram, apihai o hoeh nahanlah ka raphoe han.

⁶ Talîpui rai teh, tu kakhoumnaw ni kâkawknae hmuen lah ao han.

⁷ Talîpui rai e hmuen teh ka cawi e Judahnaw ni ao nah vaiteh kâkawknae lah ao han. Tangmin lah Ashkelon kho daw k a roe aw haw. Ahnimae BAWIPA Cathut teh ahnimouh koe tho vaiteh, hawinae bout a hmu aw haw.

⁸ Moabnaw hoi Amonnaw ni ka miphun a dudam aw haw teh a kâoup sin e lawk ka thai toe.

⁹ Hatdawkvah Isarel Cathut ransahu BAWIPA ni a dei e teh Moab ram hoi Amon ram teh Sodom hoi Komorah kho patetlah pâkhing ka pâw e hmuen, palawi thawng nahanelah tai e talai, a yungyoe ka rawk e ram lah ao teh, kacawie ka tami, ka miphunnaw hah a tuk aw haw vaiteh a man aw haw.

¹⁰ Ahnimanaw teh a lung kalen e tami lah ao aw haw teh kâoup laihoi dudam aw haw vaiteh, ransahu BAWIPA e taminaw koe hottelah a sak aw haw.

¹¹ Yungyoe Cathut teh ahnimouh hanelah taki kawi lah ao teh talai Cathutnaw hah cungkeihoehe lah a coung sak han. Alouke miphunnaw ni amamae hmuen koehoi lengkaleng a bawk aw haw.

¹² Oe Kush khocanaw nangmouh hai ka tahloi hoi na due aw haw.

¹³ Atunglae naw hai ka tuk vaiteh Assiria ram hai ka raphoe han. Nineveh khopui hah tami kingkadi e lah ka hruek vaiteh a yawn patetlah ka sak han.

¹⁴ Khopui lungui vah tuhunaw hoi Jentelnaw pueng teh a i aw haw. Bukbu hoi basairek ni takhang hoi hlalangaw koehoi a cai aw haw. Thonaw koe tami kingdi vaiteh sidarkung teh a emkâlo han.

¹⁵ Hote khopui ni kai ka o. Kai hloilah api aw haw hoeh, tâluengnae aw haw hoeh, a lung kahawi e khopui lah ka o. Afuteh raphoe e lah, sarang onae kho lah ao toe. Ka cet e pueng ni hai dudam lawk dei aw haw vaiteh a kut a palik sin aw haw.

3

¹ Palet lah kho ka sak niteh, kamhnawng laihoi tami pacekpahleknae kho teh a yawthoe.

² Cathut e lawk ngâi hoeh, toun e hai ngai hoeh, BAWIPA kângue hoeh, mae Cathut koe kâhnai hoeh.

³ Khobawinaw teh kho lungui vah ka huk e sendek patetlah ao aw h. lawkcengkungnaw ni a mon totouh banghai pahma aw h hoeh. Tangmin vah yuengyoe ka kâva e a sui lah ao aw h.

⁴ Profetnaw teh a lai kathout e, lawkkam ka cak hoeh e lah ao aw h. Vaihmanaw ni kathounge hmuen a khin sak aw h teh a lawk hai noutna aw h hoeh.

⁵ Hateiteh, BAWIPA ni kho lungui vah hawinae a sak. Kamsoum hoeh hno sak boihoeh. Amom tangkuem lanna e kamnu e sak. Hateiteh, tami kahawihoe haw nae tawn aw h hoeh.

⁶ Miphunnaw puenghoi ramvengimnaw puenghai ka raphoe pouh toe. Lam dawkvah apihai a cei hoeh nahanlah tami kingkadi sak toe. Tami buet touh hai o hoeh nahanlah khopui hai ka raphoe toe.

⁷ Hatnavah, kai ni hottelah totouh ka toun hnukkhu nang ni ma onae pahnawt laipalah, kai heh na taki vaiteh ka lamthung a dawn han doeh ka ti eiteh, ahnimanaw ni kahawihoe h hno hoehoe a sak aw h.

⁸ Hateiteh BAWIPA ni a dei e teh, man vaiteh lawp hanelah kai ka thaw hoehnahlan totouh na ring aw h ei. Uknaeram pueng kamkhueng sak vaiteh kaie lungkhueknae, ka lungphuenna hah koug ka awi han telah pouknae ka tawn. Ka lungkhueknae hmai ni talai pueng a kak han.

⁹ Miphunnaw pueng ni atangcalah, BAWIPA e thaw cungtalah a tawk aw h nahan, a min kaw aw h nahanelah ahnimanaw koe kathounge lawk bout ka poe han.

¹⁰ Kush ram palang namranlah, hmuen pueng koe kampek e ka miphun canunaw, kai koe kâhet e taminaw ni kai hanelah pasoumhno a sin aw h han.

¹¹ Hatnae tueng dawkvah nang ni kai koe na payon e naw daw k yeirai na po mahoe h. Bangkongtetpawiteh kâoup e taminaw hoi tami ka dudam e naw teh nangmouh thung hoi koug ka pâlei han. Nang hai kaie mon kathoung daw k bout na kâoup aw h mahoe h toe.

¹² Ka roedeng ni teh kârahnoum e miphunnaw, nangmouh koe ka cawi sak han. Ahnimanaw teh Bawipa e min a kâuep aw h han.

¹³ Kacawie Isarelnaw teh, kamsoumhoehoe sak a mahoe h. Laithoe hai dei aw h mahoe h. Ahnima e pahni daw k hoi dumpyenna e lawk tâcawt mahoe h. A canei a i onae koe apinihai takinae poe mahoe h toe.

¹⁴ Oe Zion canu la sak haw.

Isarel miphun hramki haw.

Jerusalem canu na lungthin abuemlahoi na lunghawi haw.

¹⁵ BAWIPA ni nange tarannaw a takhoe teh na yonnae a dam sak toe. Isarelnaw e siangpahrang Jehovah teh nangmouh koe ao. Nang teh runae bout na kâhmo mahoe h toe.

¹⁶ Hat toteh, Jerusalem na lungpuen hanh, Zion mon na kut thayoun sak hanh ati aw h han.

¹⁷ Nange Jehovah Cathut teh nang koe ao teh, athakaawme ni Cathut ni nang teh na rungngang han. Nang koe a lungkuiep vaiteh a lunghawi han. A lungpatawnae daw k awm vaiteh, lunghawinae la hoi nang koe a lunghawi han.

¹⁸ Lungmathoena e hoi khuikanae paw i teh nang koehoi na takhoe pouh vaiteh, reithai kâhmo e naw hah ka kamkhueng sak han.

¹⁹ Hattoteh nang ka rektap e naw pueng hah kai ni lawk ka ceng han. Kapatawnaw hah ka dam sak han. Pâlei e taminaw ka kamkhueng sak han. Yeiraipona e ram pueng daw k oupnae hoi minhawinae ka poe han.

²⁰ Hatnae tueng nah, kai ni nangmanaw bout na bankhai awh vaiteh na kamkhueng sak awh han. Man lah kaawm e naw hah na hmalah bout ka pâkhueng toteh, talai taminaw pueng koe oupnae minhawinae na poe awh han telah Cathut ni a ti.

HAGGAI

¹ Darius siangpahrang ni a uknae a kum pahni, ataruknae thapa apasuek hnin vah, profet Haggai hno lahoi Judah kaukkung Shealtiel capa Zerubbabel hoi vaihma kacue Jehozadak e capa Joshua koe ka tho e BAWIPA lawk teh,

² Ransahu BAWIPA Cathut ni a dei e teh, hete taminaw ni BAWIPA e im sak hanelah atueng phat hoeh rah ati awh.

³ Profet Haggai koehoi BAWIPA e lawk ka tho e teh,

⁴ Oe! nangmae taminaw, namamouh na o nahane im teh lemphu coung hni touh e na tawn awh nahlangva vah, Kaie im teh ka rawkphai lahoi maw ao han.

⁵ Ransahu BAWIPA ni a dei e lawk teh, na tawksak awh e hno, kahawicalah pouk awh haw.

⁶ Nangmouh ni cati moi na kahei awh eiteh, a paw yitca dueng na pâkhueng awh. Na ca a eiteh na von paha awh hoeh. Na nei a eiteh na boum a hoeh. Khohna na kho a eiteh na bet a hoeh. Thaw tawknae phu na hmu a eiteh ka vuk e yawngya dawk na pátung awh.

⁷ Ransahu BAWIPA BAWIPA ni a dei e teh, na sak e thaw kahawicalah pouk awh haw.

⁸ Mon luen nateh thing hrawm awh haw. Kaie im sak awh haw. Kai hai ka lung akuep vaiteh ka bawilenna ka kamnue sak han telah BAWIPA ni a ti.

⁹ Nangmouh ni moi ka tawn han telah na ngaihawi a eiteh hno yitca dueng na hmu awh, im na thokhai awh navah Kai ni pheh ka hmu. Bangkongmaw telah ransahu BAWIPA ni na pacei awh. Kaie im teh karawk lah paroup ao. Bangkongtetpawiteh, namamouh im lengkaleng na yawng a dawk doeh.

¹⁰ Hatdawkvah nangmouh koe kho a kha vaiteh, tadamtui bawt mahoe. Talai ni hai a paw paw sak mahoe.

¹¹ Talai van hai thoseh, monsom hai thoseh, cakui cakang, misur, satu dawk hai thoseh, talai dawk hoi ka tâcawt e pueng koehai thoseh, tami, moithang, saringnaw pueng koehai thoseh, tawksak e pueng dawk hai thoseh takang ka tho sak han a ti.

¹² Hat toteh, Shealtiel e capa Zerubbabel hoi vaihma kacue Jehozadak e capa Joshua koehoi kamtawng teh kacawie naw pueng ni, amamae BAWIPA lawk hai thoseh, BAWIPA ni a patoun e profet Haggai e lawk hai thoseh, a ngâi awh teh, BAWIPA a taki awh.

¹³ Hat toteh, BAWIPA ni patoune Haggai ni, kai teh nangmouh koe ka o telah BAWIPA ni a dei pouh e hah taminaw koe patuen a dei pouh.

¹⁴ BAWIPA niyah, Judah kaukkung Shealtiel capa Zerubbabel hoi vaihma kacue Jehozadak e capa Joshua koehoi kamtawng teh, kacawie naw pueng hah a hroecoe teh, ransabawi Jehovah hane im sak hanelah,

¹⁵ Darius siangpahrang a bawinae kum pahni, ataruknae thapa, hnin 24 hnin vah a tho awh teh, amamae Cathut, ransahu BAWIPA e im dawk thaw a tawk awh.

2

¹ Asari e thapa, hnin 21 touh navah profet Haggai koehoi ka tho e BAWIPA e lawk teh,

² Judah bawi kalen lah kaawm e Shealtiel e a capa Zerubbabel hoi vaihma kacue Jehozadak e capa Joshua hoi a kacawie naw koe patuen na dei pouh hane teh,

³ Hete im heh ayan e a lentoenae hoi akawi e hah ouk kahmawt e nangmouh thung dawk apine na kaawm aw. Atu bangne na hmu aw. Bangnue pawiteh nangmae hmalah banglahai kaawm hoeh e patetlah nahoehmaw ao vaw.

⁴ Hateiteh Oe! Zerubbabel na tha kâlat haw, telah BAWIPA ni ati. Oe vaihma kacue Jehozadak capa Joshua na tha kâlat haw, Oe! khocaramca naw na tha kâlat aw telah BAWIPA ni a ti.

⁵ Izip ram hoi na tâco aw navah, lawk ka kam e patetlah kai teh nangmouh koe ka o. Ka Muitha teh nangmouh koe ao. Puen aw hanh telah ransahu BAWIPA ni a ti.

⁶ Ransahu BAWIPA Cathut ni a dei e teh, a tue nâsittouh a ro hoehnahlan kalvan, talai, tuipui hoi monnaw hah kai ni bout kahuet han rah.

⁷ Miphun puenghai kahuet han rah. Miphun pueng ni a ngai kawi e hno phat vaiteh, hete im dawk lentoenae hoi kakawi sak han telah BAWIPA ni a ti.

⁸ Sui hoi Ngun teh kaie doeh telah ransahu BAWIPA ni a ti.

⁹ Atu e sak e im teh hmaloe e im hlak hoe a lentoe han telah ransahu BAWIPA ni ati. Hete hmuen koehai lungmawngnae ka poe han telah ransahu BAWIPA ni a ti.

¹⁰ Darius siangpahrang uknae a kum pahni thapa yung takonae, hnin 24 navah BAWIPA e lawk profet Haggai koehoi a dei eiteh,

¹¹ Nang ni vaihmanaw koe na pacei hane teh,

¹² Tami ni kathounge moi hah amae angki hoi a tangoung laihoi a sin vaiteh vaiyei, ankahe, misur, satui naw, cakawi buetbuet touh hoi hote a tangoung e hoi kânep pawiteh hote rawca teh kathoung han na maw telah a pacei navah vaihmanaw ni hote rawca teh thoung hoeh telah ati aw.

¹³ Haggai ni kathounghoehe ro kâbet pawiteh a khin maw telah a pacei navah, vaihmanaw ni, a khin telah a dei aw.

¹⁴ Haggai nihai, hete miphun, hete khocanaw ka hmalah hottelah doeh ao aw. A taw e puenghai hottelah doeh ao. Kai koe a thueng aw e hno hai a khin telah BAWIPA ni a ti.

¹⁵ Bawipa ni Bawkim daw k talung buet touh e van buet touh pacoung hoehnahlan, atuhoi kamtawng nateh ahmaloe e hno hah bout pouk aw haw.

¹⁶ Hatnae tueng navah cakang hmuen 20 touh na hmuna e dawkvah, hmuen hra touh duengdoeh na hmu aw. Misur tui hlaam 50 touh a pha han na ti aw e hah misur paw kasunae koe na pha aw navah 20 touh dueng na hmu aw.

¹⁷ Na tawksak e pueng teh kahlî ni a tânan vaiteh atui lah dui ka lawng sak toe. Hat nakunghai, kai koe lah na kamlang aw hoeh telah BAWIPA ni a ti.

¹⁸ Bawipa e Bawkim khom ungnae atako e thapa, hnin 24, sahnin totouh hoi pouk aw haw.

¹⁹ Capai daw cakang ao maw, awm hoeh, misurkung, thaibunglung kung, talekung, olivekungnaw ni paw aw hoeh rah. Hatel, atuhoi teh kai ni nangmanaw yawhawi na poe aw han telah a ti.

Zerubbabel koe lawkkam

²⁰ Hote thapa 24 hnin vah Haggai koe BAWIPA e lawk bout a tho teh,

²¹ Judah kho kaukung Zerubbabel koe bout na dei pouh hane lawk teh, Kalvan hoi talai kai ni ka kahuet han.

²² Uknaeram bawitungkhungnaw ka pakhuppathan vaiteh, uknae bahu pueng ka raphoe han. Rangleng hoi rangleng kâcuinaw puenghai ka pakhuppathan han. Marang daw kâcuie ransanaw hai amamouh hoi amamouh naw tahloi hoi a kâbouk awh vaiteh a due awh han.

²³ Kalvan e ransahu BAWIPA ni a dei e teh Shealtiel capa, kaie san Zerubbabel, hatnavah nang teh kuthrawt patetlah na ta han telah Bawipa ni ati. Nang teh na rawi toe telah ransahu BAWIPA ni a ti.

ZEKHARIAH

Cathut ni Zekhariah a patoun

¹ Darius siangpahrang uknae, a kum pahni, thapa yung taroe nah, Iddo e capa Berekhiah capa profet Zekhariah koe BAWIPA ni a dei pouh e lawk teh,

² BAWIPA teh nangmae na mintoenaw koe a lungkhuek poung toe.

³ Hateiteh, ransahu BAWIPA ni ahnimouh hanlah kâ a poe e teh, Kai koevah bout ban awh leih, Kai hai nangmouh koe ka ban han telah a ti.

⁴ Ayan e profetnaw ni nangmae kahawihoehe lam, kahawihoehe nuencangnaw atuvah roun awh, telah ransahu BAWIPA ni a dei e pathang nakunghai, na thai awh hoeh, kaie lawk hai na ngai awh hoeh. Na mintoenaw patetlah awm awh hanh, sak awh hanh telah BAWIPA ni a ti.

⁵ Mintoe naw na maw ao awh. Profetnaw yungyoe a hring a maw.

⁶ Ka san profetnaw koe lawk ka thui e kaie kâlawnaw teh, nangmae mintoenaw ni hai a kei awh nahoehmaw. Ahnimouh ni mae tawksak e patetlah ransahu BAWIPA ni lawk na ceng han telah a pouk awh e patetlah, lawk na ceng toe telah a dei awh nahoehmaw telah a ti.

⁷ Darius siangpahrang a bawinae kum pahni, Adar thapa yung hlaibun nah, Shebat thapa hnin 24 nah, Iddo capa, Berekhiah capa Zekhariah koe ka tho e BAWIPA e lawk teh,

⁸ Karum vah ka hmu e vision teh marang paling kâcui e tami buet touh a kamnue teh ayawn kaawm e tuihan hmang um vah a kangdue. Ahnie a hnukkhu lah ka paling e marang, opaou e marang hoi marang pangaw ao.

⁹ Kai niyah, Oe BAWIPA hotnaw hah apinaw maw telah ka pacei teh, kai hoi kâpan e kalvantami ni hotnaw teh apine tie na patue vai ati teh,

¹⁰ Tuihan hmang um kangdout e tami ni ahnimanaw teh talai van daw k kâhei hanlah BAWIPA ni a patoun e naw doeh telah a ti.

¹¹ Ahnimanaw nihaiyah kaimanaw teh talai van pueng koug katin awh toe. Talai pueng lungmawngcalah ao telah tuihan hmang um ka kangdout e BAWIPA e kalvantami koe atipouh.

¹² Hathnukkhu, BAWIPA e kalvantami ni Oe, ransahu BAWIPA nang ni a kum 70 totouh na lungkhuek sin e Jerusalem kho hoi Judahnaw hah na tueng totouh maw pahren laipalah na o han telah a pacei navah,

¹³ Kai hoi ka pato roi e kalvantami hanelah BAWIPA ni lawk kahawi, lungpahawinae lawk bout a dei pouh.

¹⁴ Kai hoi ka pato roi e kalvantami nihaiyah ransahu BAWIPA e kâlawnaw patuen a dei vaiteh a hramkhai hane teh, kai teh Jerusalem hoi Zion mon hanelah puenghoi lungpatawnaw ka tawn.

¹⁵ Lung awpawp kamawng lah kaawm e alouke mipunnaw koe ka lungphun poung. Bangkongtetpawiteh, Jerusalem hah ka lung youn touh ka khuek sin navah, ahnimouh ni a ven awh teh a rektap awh.

¹⁶ Hatdawkvah, BAWIPA ni a dei e teh, lungmanaw lungthin hoi Jerusalem kho vah bout ka tho toe. Hete khopui daw kamae im ka sak han. Khopui hmuen hai ka bangnue han telah ransahu BAWIPA ni a ti.

¹⁷ Hahoi, ransahu BAWIPA ni kâ a poe e bout hramkhai hane teh, kaie khopui teh avoivang lah akaw vaiteh ahawi han. BAWIPA ni hai Zion

khocanaw a lung bout a pahawi han. Jerusalem khocanaw teh bout ka rawi vaiteh ka khetyawt han a ti.

¹⁸ Hathnukkhu, ka khet navah ki pali touh ka hmu.

¹⁹ Kai hoi ka pan roi e kalvantami hanelah, hote a kinaw teh bang ti ngainae maw telah ka pacei navah, hote a kinaw teh Judah ram, Isarel ram, Jerusalem khopuinaw pheng kampek sak e ki doeh telah a dei.

²⁰ BAWIPA ni hai lettama pali touh na patue.

²¹ Kai ni hetnaw heh bang sak hanelah maw a tho ti ka pacei navah, a kinaw hah apinihai a khet ngam hoeh nahanelah, Judahnaw kampek sak e a kinaw doeh. Hete lettamanaw ni Judah ram kampek sak hanelah ka tuk e a kinaw hah pãlei vaiteh, Jentelnaw e a kinaw hah ka dudam e naw doeh telah a ti.

2

¹ Bout kamoung nah, bangnuenae rui ka sin e tami buet touh ka hmu.

² Na lah maw na cei han telah ka pacei navah Jerusalem khopui abueg akaw e bangnue hanlah ka cei telah a ti.

³ Kai hoi ka pato roi e kalvantami a cei teh, alouke kalvantami ni na dawn teh, nang ni na yawng vaiteh thoundoun koe na dei pouh hane teh,

⁴ Jerusalem khocanaw, tami hoi saringnaw apap poung dawkvah khonaw dawk na o awh han.

⁵ BAWIPA ni a dei e teh, Kai teh khopui kalupnae hmai rapan lah ka o. Khopui lungui haiyah kai teh khopui e bawilennaeh lah ka o han.

⁶ Oe nangmouh, Oe nangmouh, atunglah hoi yawng awh haw, telah BAWIPA ni ati. Kalvan rahim a takin pali touh koe na ka kahei sak awh toe telah BAWIPA ni a ti.

⁷ Babilon canu koe kaawm e Zion canunaw puenghoi yawng awh leih.

⁸ ransahu BAWIPA ni a dei e teh, nangmouh na ka raphoe e miphunaw aonae koe a bawilennaeh a kamnuh hnukkhu kai na patoun. Nangmouh na ka tek e teh ka mitmu ka tek e doeh.

⁹ Ahnimouh ka tuk vaiteh a sannaw ka thei pouh han. ransahu BAWIPA ni kai na patoun e heh nangmouh ni na panue awh han.

¹⁰ Oe, Zion canu lunghawi hoi la sak haw, kai nangmouh koe ka tho vaiteh nangmouh lungui ka o han telah BAWIPA ni a ti.

¹¹ Hatnae tueng dawk, taminaw ni BAWIPA koelah a baw awh vaiteh, Ka tami lah ao awh han. Nang e na lungui ka o han. ransahu BAWIPA ni kai nangmouh koe na patoun tie hah na panue awh han.

¹² BAWIPA ni kho kathoung dawk Judah ram hah ama hanlah râw lah a coe vaiteh Jerusalem hah bout a rawi han.

¹³ Oe, taminaw pueng BAWIPA hmalah sairasuepcalah awm awh, kathoung onae hmuen dawk a thaw toe.

3

Vaihma kacue Joshua

¹ Vaihma kacue Joshua ni BAWIPA e kalvantami hmalah a kangdue e thoseh, Setan ni a taran teh ahnie aranglah a kangdue e thoseh, kai hah na patue.

² BAWIPA e kalvantami nihaiyah Oe Setan, BAWIPA ni nang teh na yue lawi seh, Jerusalem khopui ka rawi tangcoung e BAWIPA ni nang hah teh na yue raw naseh. Hete tami teh hmai dawk hoi rayu e thingtu nahoehmaw telah Setan hanlah atipouh.

³ Joshua ni kakhin e khohna hah a khohna hoi kalvantami hmalah a kangdue teh,

⁴ Kalvantami ni kakhin khohna hah rading haw telah a hmalah kangdout e alouke taminaw hanlah atipouh. Joshua hanelah nange na yonnae ka thoup sak toe. Kamcu e khohna hoi na pathoup han atipouh.

⁵ Kai ni hai kathounge lupawk ahnie a lû dawk pawk sak awah, ka tie patetlah kathounge lupawk hah ahnie a lû dawk a pawk sak awah teh khohna hah a khohna sak awah. BAWIPA e kalvantami haiyah ahnimae ateng vah a kangdue.

⁶ BAWIPA e kalvantami ni ransahu BAWIPA e kâpoenae bout a dei teh, Joshua koe kâlawk a poe e teh,

⁷ Nang ni ka lamthung na dawn teh ka kâlawknaw na tarawi pawiteh kaie ka im lawkceng thainae hoi ka lentoenae im hai na khetyawt han. Na hmalah kangdout e tami tangawn hah lamthung kapâtuekung lah na o nahanlah kai ni na hmoun han.

⁸ Oe, vaihma kacue Joshua na hmalah kaawm e na huikonaw hoi cungtalah thai awah haw. Nangmouh teh mitnoutnae hoi kâkuen e lah na o awah. Kaie ka san lah kaawm e cakang ka tâco sak han.

⁹ Joshua hmalah ka hruek e talung hah kenhaw! Hote talung buet touh teh a mit sari touh padai vaiteh a khet han. Hote talung hai ka hem han. Hnin touh hoiyah hete ram e yon ka takhoe han telah ransahu BAWIPA ni ati.

¹⁰ Hatnae hnin nah, nangmouh ni na imri buet touh hoi buet touh misurkung rahim, thaibunglung rahim na kâkaw awah han telah ransahu BAWIPA ni ati.

4

Sui hmaikhok

¹ Kai hoi ka pato roi e kalvantami ni bout a tho teh ka ip e pâhlaw e patetlah kai hah na pâhlaw.

² Nang bangmaw na hmu telah na pacei navah kai ni ka khet nah sui hoi sak e hmaiimkhok ka hmu. Sui hmaiimkhok e asawi vah satui hlaam buet touh, hmaiim sari touh, satui hlaam hoi hmaiim sari touh patawp e khom sari touh ao.

³ Satui hlaam e aranglah olivekung buet touh, avoilah olivekung buet touh, hmai khawm ka ramuk e olivekung kahni touh ao.

⁴ Kai hoi ka pato roi e kalvantami hanelah ka bawipa hete hnonaw heh bangnaw ne telah ka pacei nah,

⁵ Kai hoi ka pato roi e kalvantami ni, hete hnonaw heh bangnaw maw tie na panuek hoeh maw telah na pacei navah, kai ni ka panuek hoeh ka bawipa telah ka ti pouh.

⁶ Kalvantami ni hai Zerubbabel koe ka tho e Cathut e lawk teh, hete hno teh ransahu lahoi nahoe, hnosakthainae lahoi hai nahoe, kaie Muitha lahoi doeh tho ti telah ransahu BAWIPA ni a ti.

⁷ Oe, monpui, nang teh bangtelamaw, Zerubbabel e a hmalah kânging e hmuen lah na o han. Taminaw ni na lungma a naseh. Lungmanae awm naseh telah a hram teh, hote bawi ni im takin a som vah talung a pacoung han.

⁸ BAWIPA e lawk kai koe bout ka tho e teh,

⁹ Zerubbabel ni hete impui e khomdu a ung toe. Ahni niyah a cum han. ransahu BAWIPA ni kai heh nangmouh onae koe na patoun e hah na panue awah han.

¹⁰ Hno kathoengca saknae hnin heh apinimaw noutna laipalah ao han. Zerubbabel e a kut dawk bangnueae rui ao e hah, hote sari touh ni a hmu aw horei teh, a lunghawi aw h han. Hote sari touh teh talai van atunglah akalah ka yawng e BAWIPA e a mit naw doeh telah a ti.

¹¹ Kai ni hai hmaiimkhok kahni touh e avoilah aranglah kaawm e olivekung kahni touh hah bangtelamaw telah thoseh,

¹² Satui racinae sui tuilo kahni touh hoi amamae satui awinae olivekung kahni touh haiyah bangne telah ka pacei navah,

¹³ Kalvantami ni hote akangnaw na panuek aw h hoe h na maw telah na pacei nah kai ni ka panuek hoe h telah ka ti pouh.

¹⁴ Kalvantami ni hai hote akungnaw teh talai kaukung bawi e a hmalah kangdout e satui awi e tami kahni touh doeh a ti.

5

Kamleng e cakalawng

¹ Bout kamoung navah, kamleng e cakalawng hah ka hmu.

² Kalvantami ni nang bangmaw na hmu telah na pacei navah, kamleng e cakalawng ka hmu, asaw e dong 20, akaw e dong hra touh a pha ka ti pouh.

³ Kalvantami ni hai hote cakalawng teh ram pueng koug katin e thoebonae doeh ati. Ka parawt e naw pueng teh cakalawng e avanglah kaawm e patetlah koug raphoe lah ao han. Thoebo ka ngam e pueng teh hote cakalawng avanglah kaawm e patetlah koug raphoe lah ao han.

⁴ Ransahu BAWIPA ni a dei e teh, hote cakalawng hah kai ni ka rasa han. Tamru e imthung thoseh, ka min lahoi kahmanhoe h e thoebonae ka sak e imthung daw k thoseh, thingpheknaw, talungnaw, hoi cungtalah, hote imthungnaw daw k a pha han a ti.

⁵ Kai hoi ka pato roi e kalvantami ni bout a tâco teh, atu ka tâcawt e hno hah khenhaw! telah na ti pouh.

⁶ Hot hah bang na maw telah kai ni ka pacei navah, hote teh ka tâcawt e takho doeh telah ati. Hottelah, ram pueng daw k, amamae a noenae doeh a ti.

⁷ Kawnlaw k manang hra touh a tawmtakhang teh, napui buet touh takho daw k a tahung e hah ka hmu.

⁸ Kalvantami nihaiyah hote napui teh yonnae doeh a titeh ahni hah takho thungvah a ta hnukkhu takho van vah kawnlaw k hah a ta.

⁹ Bout ka khet nah, kahrawngum e âcawmpai e rathei patetlah kaawm e napui kahni touh teh, kahlí daw k a rathei hoi a tâco. Hote ephah hah talai hoi kalvan rahak a tawm aw h.

¹⁰ Hote ephah hah bangtelamaw a tawm aw h telah kai hoi kâdei roi e kalvantami hah ka pacei.

¹¹ mShinar ram vah im sak pouh hanelah a tawm toe. Hote ram daw k a ma pâhung nahane tungkhung daw k a pâhung aw h teh a ta aw h han, telah a ti.

6

Leng pali touh

¹ Bout kamoung navah, rahum hoi sak e rangleng pali touh mon rahak hoi a tâco e ka hmu.

² Hmaloe e rangleng daw k ka paling e marang, apâhni e rangleng daw k ka tamang e marang,

³ Apâthum e rangleng dawk ka pangaw e marang, apalinae rangleng dawk thakasai ni teh tarackak e marangnaw sut kaw e lah ao..

⁴ Ka bawipa, hote ranglengnaw hah bangtelamaw telah kai hoi ka pato roi e kalvantami koe ka pacei navah,

⁵ Kalvantami ni hote ranglengnaw teh talai van pueng ka uk e Bawi e hmalah kangduenae koehoi ka tâcawt e kalvan e kahlî pali touh doeh a ti.

⁶ Marang katamangnaw teh atunglae ram lah a cei awh, ka pangaw pueng teh ka tamangnaw e hnuk a kâbang awh, ka tarackaknaw teh akalae ram lah a cei awh, a ti.

⁷ Athakasai e marangnaw a tâco awh teh, talai van atunglah, akalah a kâhei awh nahanlah a tha a la awh. Kalvantami ni hai cet awh nateh talai atunglah, akalah kâhei awh, telah atipouh e patetlah, ahnimouh teh talai van atunglah, akalah a kâhei awh.

⁸ Kalvantami ni kai na kaw teh khenhaw! atunglah ka cet e marangnaw ni kalungkhueknae teh atunglae ram dawk a kamtue sak awh toe.

⁹ BAWIPA e lawk kai koe bout ka tho e teh,

¹⁰ hmaloe a man awh e teh atu Babilon kho hoi ka tho e Heldai phun, Tobiah phun hoi Jedaiah phun a tangawn a kaw teh, hnin touh dawk hoi Zephaniah e capa Josiah im vah a ceikhai teh,

¹¹ suingunnaw a la awh teh bawilukhungnaw lah a sak awh hnukkhu, Jehozadak capa Joshua, vaihma kacue e a lû dawk a kâmuk sak haw.

¹² Ransahu BAWIPA e kâlawk ahni koe patuen dei pouh hane teh, a cakang telah a min a phung e hah khenhaw! amamae kho hmuen koe ka pâw e tami ni BAWIPA e bawkim a sak han.

¹³ BAWIPA e bawkim a sak torei teh bawilennaehoi a bawitungkhung dawk a tahung vaiteh a uk han. A tungkhung dawk vaihma lahai awm vaiteh, ahnimouh roi teh kâhuikonae lawkkam a sak roi han.

¹⁴ Hote bawilukhungnaw teh Helem, Tobiah, Jedaiah hoi Zephaniah capa Hennaw hanlah BAWIPA e bawkim dawkvah pahnim hoeh nahanlah ao han.

¹⁵ Ahlanae koehoi hai tho awh vaiteh BAWIPA e bawkim hah a sak awh han. Ransahu BAWIPA ni kai teh nangmouh koe na patoun e hah na panue awh han. Nangmouh ni na BAWIPA, Cathut e a kâlawk hah kahawicalah na ngai a bawi pawiteh, hettelah na o awh han a ti.

7

Rawcahai hlak lawkngai ahawihnawn

¹ Darius siangpahrang uknae kum pali, thapa yung tako, Chislev hnin pali hnin nah Zekhariah koe BAWIPA e lawk ka tho e teh,

² BAWIPA e hmalah ratoum hanlah kum moikasaw sak e patetlah thapa yung panga navah, khuika teh bu hai han nama telah,

³ Ransahu BAWIPA e im dawk kaawm e vaihma hoiyah profetnaw hah pacei hanelah, Sherezzer, Regem Melek hoi ahnimae taminaw BAWIPA e im dawk a patoun awh.

⁴ Ransahu BAWIPA e lawk teh Zekhariah koe a pha teh,

⁵ vaihmanaw hoi khocaramcanaw pueng hanelah na dei hane teh, a kum 70 touh thung, nangmanaw teh thapa ayung panga e hoi ayung sari e dawkvah bu na hai awh teh na khuika awh navah atangcalah kaie ka ngainae patetlah Kai koe bu na hai awh maw.

⁶ Na canei awh nahaiyah ma ngainae patetlah vai na canei a vaw.

⁷ Jerusalem khopui hoi atengpam e khonaw akalae hoi tanghlingnaw dawk e tami apap lahun navah, ayan e profetnaw koe Cathut ni a pathang e kâlawk akuep tounge nahoehmaw telah a ti.

⁸ Hat navah, Zekhariah koe ka phat e BAWIPA e lawk teh,

⁹ Kalan lah lawkceng awh. Pahren lungmanae hoi buet touh hoi buet touh lungkâpataw awh.

¹⁰ Naranaw, lahmai napui, ayâ khoram kaawm e karoedengnaw rektap awh hanh. Buet touh hoi buet touh kahawihoehe pouknae tawn awh hanh telah ransahu BAWIPA ni a dei e teh,

¹¹ Ahnimouh ni ka lawk ngai laipalah hlout nahanlah a kâyawm awh. A thai hoeh nahanlah a hnâ a tabuem awh.

¹² Phunglawk thoseh, ransahu BAWIPA e Muitha niyah ayan e profetnaw koe a dei pouh e lawk thoseh, ahnimouh ni a thai awh hoeh nahanlah a lungthinnaw lungtaw patetlah a pata sak awh. Hatdawkvah, ransahu BAWIPA teh puenghoi a lungkhuek.

¹³ Kai ni ka kaw navah a thai awh hoeh e patetlah, ahnimouh ni na kaw to hai kai ni ka thai pouh mahoe telah ransahu BAWIPA ni a ti.

¹⁴ Ahnimouh ni a panue awh hoeh e miphunaw koevah bongparui hoi ka palek sak awh toe. Hatdawkvah, ahnimae ram teh kingkadi lah ao teh, apihaiyah kâhlumkâhlai e awm hoeh. Ram kahawi teh kounge raphoe lah ao telah a ti.

8

Hmalae Jerusalem

¹ Ransahu BAWIPA e lawk kai koe bout ka phat e teh,

² Ransahu BAWIPA ni a dei e lawk teh, ka lung a tangpoung toe. Puenghoi ka lungkhuek teh ahni hanlah ka lung a tang toe.

³ Ransahu BAWIPA ni a dei e lawk teh, Zion mon dawk bout ka tho toe. Jerusalem khopui dawk bout ka o han. Jerusalem teh ka khopui telah ka ti vaiteh ransahu BAWIPA e monpui hoi mon kathing telah ati awh han.

⁴ Ransahu BAWIPA ni a dei e lawk teh, kamatong e napui hoi tongpa, a kum kacue ni teh sonron ka sonron e matawng pueng, Jerusalem lamnaw dawk ao awh han rah.

⁵ Khopui e lamthungnaw dawk ka paitun e napui camonaw hoi khik akawi han.

⁶ Bout a dei e lawk teh, hottelah hno kaawm e hah atu kacawiraenaw hmalah kângairu hanlah ao ei, kaie ka hmalah lateh kângairu lah kaawm han namaw telah ransahu BAWIPA ni a ti.

⁷ Ransahu BAWIPA ni a dei e lawk teh, ka taminaw teh kanîtho ram lahoi thoseh, Kanîloum ram lahoi thoseh, ka rungngang vaiteh,

⁸ Jerusalem khotung o sak hanlah ka bankhai han. Lawk katang hoi, lanna phunglawk hoi ahnimouh teh ka tami lah ao awh vaiteh, kai haiyah ahnimae BAWIPA lah ka o pouh han.

⁹ Ransahu BAWIPA ni a dei e lawk teh, bawkim sak hanelah, ransahu BAWIPA e im khomdu pabonae tueng nah kaawm e profetnaw ni a dei e lawk hah atu na ka thai e nangmae kut dawkvah na tha patho awh.

¹⁰ Hote tueng a pha hoehnahlan, tami ni a coe hane awm hoeh. Kâen katâcawtnaw teh taran ao dawkvah a lungmawng awh hoeh. Kai ni taminaw pueng buet touh hoi buet touh ka kâtaran sak.

¹¹ Atu e taminaw koe yampa e patetlah ka sak mahoe telah ransahu BAWIPA ni a ti.

¹² Lawkduem lahoi cati a patue aw h han. Misurkung ni a paw thoseh, talai ni apung nahanelah thoseh, kalvan ni tadamtui thoseh, na poe aw h han. Kacawirae hete taminaw hanlah, hete hno a coe thai aw h nahanlah ka sak pouh han.

¹³ Oe Judah hoi Isarel miphunnaw, nangmanaw teh miphun alouknaw koe thoebo lah ouk na o a e patetlah yawhawi na hmu aw h nahanlah, Kai ni na rungngang aw h han. Puen laipalah na kut thasai sak aw h.

¹⁴ Ransahu BAWIPA ni a dei e lawk teh, nangmae mintoenaw ni kai lung na khuek sak aw h navah, yon sak han telah pan kângai laipalah ka kâcai e patetlah,

¹⁵ Sahnin e atueng daw k Jerusalem khopui hoi Judah miphun teh yawhawi ka poe han telah, bout ka kâcai. Puen aw h hanh telah ransahu BAWIPA ni a ti.

¹⁶ Nangmouh ni na sak aw h han e teh, buet touh hoi buet touh lawk kahman e hah kâdei aw h. Khopui longkha koe kalan lah lawkceng aw h nateh, kâtoenae naw hah sak nahanlah laideitâtueng aw h.

¹⁷ Buet touh hoi buet touh kahawihoehe khopouknae tawn aw h hanh. Kahawi hoeh e thoekâbonae sak e hah lungpataw aw h hanh. Hot patet e tawksaknae naw teh kai ni ka panuet telah a ti.

¹⁸ Ransahu BAWIPA e lawk kai koe bout ka tho e teh,

¹⁹ Ransahu BAWIPA ni thapa yung pali nah rawcahainae, yung panga nah rawcahainae, yung sari nah rawcahainae, ayung tako nah rawcahainae, Judah miphunnaw ni a lunghawi aw h teh pawitona e tueng lah ao han. Lannae hoi roumnae hah lungpataw aw h haw.

²⁰ Ransahu BAWIPA ni a dei e lawk teh, khoca ramca naw hoi tami aphunphun naw moikapap a tho aw h han.

²¹ Khopui daw k kaawm ni yah alouke khopui daw k kaawm e naw koe a cei teh, BAWIPA hmalah ratoum hanelah thoseh, ransahu BAWIPA tawng hanelah thoseh, atangcalah cet aw h sei telah ati aw h vaiteh, kai hai ka cei han telah na kaw aw h han.

²² Ram kalennaw, miphunnaw niyah ransahu BAWIPA hah Jerusalem khopui daw k a tawng aw h vaiteh BAWIPA hmalah ratoum hanelah a tho aw h han.

²³ Hat navah, lawk aphunphun kapan thai e miphun alouklouk naw koevah tami hra touh ni Judah taminaw e a hni pawica a tek vaiteh, BAWIPA teh nangmouh hoi rei ao tie ka thai aw h teh nangmouh hoi cungtalah ka cei han telah ati aw h han telah ransahu BAWIPA ni a ti.

9

Zion taran koe lawkcengnae

¹ BAWIPA e lawk teh Hadrak ram hoi Damaskas khopui daw k a pha. BAWIPA ni miphunnaw thoseh, Isarel miphunnaw thoseh, a khetyawt.

² Hote ram hoi kahnai e Hamath ram daw k thoseh, Taire kho teh a lungang aw h dawkvah hote kho hoi Sidon kho daw k a pha.

³ Taire kho ni ama hanelah imrasang a sak teh ngun hah vaiphu patetlah thoseh, lam daw k e tangdong patetlah thoseh, a pâkhueng eiteh,

⁴ BAWIPA ni ayâ kut daw k a hnawng teh a tha hah tali daw k a tâkhwng pouh aw h dawkvah, khopui teh hmai hoi a kak han.

⁵ Hot patetnaw hah Askelon ni a hmu vaiteh a taki han. Gaza kho ni a hmu vaiteh a pâyaw han.

⁶ Asdod khopui dawk tami alouknaw kho a sak han. Filistinnaw e kâoupnae haiyah ka raen pouh han.

⁷ A ca e thi hah apâhni dawk hoi thoseh, A kei e panuetkathonaw hai a hâ rahak hoi thoseh, ka rayu pouh han. Kacawie naw haiyah maimae BAWIPA hanelah acawi awh teh Judah ram dawk ukkung patetlah ao awh han. Ekron khocanaw hai Jubusitnaw patetlah ao awh han.

⁸ Bang patet e taran hai a kâen a tâco thai hoeh nahanlah im petkâkalup lah ramveng ka ta han. Karektapkungnaw ni ka taminaw hah bout rektap mahoeh. Bangkongtetpawitech, kama ni ka mit hoi kheh ka hmu toe.

⁹ Oe, Zion canu na lunghawi haw. Oe Jerusalem canu hram haw. Kalan lah lawk a ceng teh rungngangnae lah kaawm e nangmae Siangpahrang teh la van, laca van a kâcui teh lungdo lungnemnae lahoi na onae koe ka tho e hah kenhaw!

¹⁰ Kai ni Ephraim ram dawk rangleng thoseh, Jerusalem khopui dawk marang thoseh, ka raphoe han. Tarantuknae licung hai ka raphoe han. Miphun alouknaw ni taran ka roum sak han telah, hote bawi ni ati han. Kâtawnnae hai tui avanglah hoi namran totouh thoseh, tuipui koehoi talai apout totouh a kangning han.

¹¹ Nange kong dawk teh, paung lah kaawm e nange taminaw hah, tui kaawm hoeh e tuido dawk hoi, nang hoi sak e lawkkam thipaling kecu dawk kai ni ka hlout sak han.

¹² Paung lah kaawm ni teh ngaihawinae ka tawn e naw, rapanim thung lah ban awh. Kai ni let hni yawhawinae na poe awh han telah sahnin roeroe ka dei.

¹³ Judah licung ka patung vaitech, Ephraim e licung ka sawn vaitech, Zion khocanaw hah Kriknaw koe lah hroecoe vaitech, nang teh athakaawme tami e tahloi patetlah na o sak han.

¹⁴ BAWIPA teh ahnimae lathueng a kamnue teh pala teh sumpapalik e patetlah a thui han. Bawipa Jehovah ni mongka a ueng vaitech akalae bongparui naw hoi a tho han.

¹⁵ Ransahu BAWIPA ni ahnimouh teh a okhai dawk a tarannaw a tâ awh han. Deinae talungnaw a coungroe awh han. Misur kaparuinaw patetlah a hram awh han. Kawlung patetlah thoseh, thuengnae khoungroe takin patetlah thoseh, akawi awh han.

¹⁶ Hat hnin vah, ahnimae BAWIPA Cathut ni a taminaw teh tuhu patetlah a rungngang han. Ahnimouh teh a talai dawk kaawm e bawilukhung dawk ka-ang e ngun patetlah ao awh han.

¹⁷ Lungmanae teh a len tOUNg lOUNg. Bari law-a lah a onae hai a len tOUNg lOUNg. Cakang ni thoundounnaw thoseh, Misur tui a katha e ni hai tanglanaw thoseh, a rOUNg sak han.

10

BAWIPA ni a taminaw a bankhai

¹ A hnukkhu e khorak tue navah, khorak nahanlah BAWIPA koe ratoum awh. Keitat sak e BAWIPA ni khorak sak vaitech, tami pueng hanlah law dawk caticamu a pâw sak han.

² Terah e meikaphawknaw ni teh ahrawnghrang doeh a dei awh. Profet ka tawk e taminaw ni vision kaphawk a hmu awh teh, laithoe e mang a dei awh. Ayawmyin lah lung a kâpahawi awh. Hatdawkvah, tuhunaw patetlah a kâva teh, tu khoumkung ao hoeh dawkvah tunaw a roedeng awh.

³ Tukhounnaw ka lungkhuek sin teh, hmaetannaw lawk ka ceng vaiteh ransahu BAWIPA ni amae tuhu Judah miphun a khetyawt vaiteh bawirengnae ka coe e taran ka tuk e marang patetlah kangcoung sak han.

⁴ Hote miphun dawkh hoi takin lung, cingco, taran tuknae licung, bawinaw pueng ni a tâco awh han.

⁵ Ahnimouh teh taran a tuk awh navah, lamthung dawkh e tangdong ka coungroe e athakaawme taminaw patetlah ao han. BAWIPA e lungmanae a coe awh dawkvah, taran a tuk awh vaiteh, marangransanaw yeirai a po sak han.

⁶ Judah miphun haiyah ka caksak han. Joseph miphun haiyah kahlout sak han. Ahnimanaw ka pahren dawkvah hmuen ka poe han. Ahnimouh teh pâlei boihoeh e patetlah ao awh han. Kai teh ahnimae Jehovah Cathut lah ka o teh ahnimae lawk ka thai han.

⁷ Ephraim miphunnaw teh athakaawme tami patetlah a tha ao awh han. Misur tui khak ka boum e patetlah a lunghawi awh han. A catounnaw ni hmawt awh vaiteh a lunghawi awh han, BAWIPA kâuep hoi a lunghawi awh han.

⁸ Ahnimouh ka hroecoe vaiteh, ka kamkhueng sak han. Ahnimouh ni kaie ratangnae hah a hmu awh vaiteh, hmaloe e patetlah bout a pungdaw awh han.

⁹ Ahnimouh teh Jentelnaw koe cati patue e patetlah ka patue han. Kho hla ram dawkh hoi kai na doun awh vaiteh ca catounnaw hoi cungtalah a hring lahoi bout a ban awh han.

¹⁰ Ahnimouh teh Izip ram hoi bout ka hravi awh han. Assiria hai kakaw vaiteh ka pâkhueng han. Gilead ram hoi Lebanon ram lah bout ka hravi vaiteh ahnimouh ao nahan e talai ni cawng mahoe.

¹¹ Tuipui lungui a cei teh, a rektap awh vaiteh, tuicapanaw a hem awh han. Kadung poung e tuipui kaawm e naw pueng rem a hak han. Assiria naw e lunglennae a pâpho pouh vaiteh Izip bawi e kâawanna hai a kahma han.

¹² Ahnimouh teh BAWIPA pawlawk hoi ka caksak han. A min kâuep laihoi a kâhei vaiteh a cei awh han telah BAWIPA ni a ti.

11

Tukhounkung pahnawtnae

¹ Oe Lebanon mon, nange anrikungnaw hah hmai a kak nahanelah, na takhangnaw hah paawng haw.

² Oe hmaicakung, anri kung a kamlei dawkvah khui haw. Thingkung apu kaawmnaw teh koung a rawp toe. Oe kathenkungnaw, ratu dawkh e thingkung dungradungnaw hai koung a rawp dawkvah khui haw.

³ Tukhounnaw ni yeirai apu awh dawkvah a khui awh. Jordan tuipui e bawilennae a ro dawkvah sendeknaw a huk e pawlawk thai lah ao.

⁴ Kaie Jehovah Cathut ni a dei e teh, thei hanlah hmoun e hete tuhu naw hah kawkh lah.

⁵ Katawnkungnaw ni a thei awh teh ka yon tie kâpanuek awh hoeh. Kayawtnaw ni hai ka hmu thai e doeh ati awh teh BAWIPA teh yawhawinae awm naseh telah ati awh. Tukhounnaw ni hai pahrenlungmanae tawn awh hoeh.

⁶ BAWIPA ni a dei e teh, Kai ni khocaramca naw bout ka pahren mahoe. Pasai laipalah taminaw hah a imri naw e a kut dawkh thoseh, siangpahrang e a kut dawkh thoseh, ka hnawng vaiteh, ahnimouh ni ram pueng teh a rektap awh han. Ahnimae a kut dawkh hoi kahlout sak mahoe a ti.

⁷ Hottelah, thei han hmoun tangcoung e tuhu lah kaawm e ka roedeng e tu naw hah ka kaw.

⁸ Tukhoumking katham touh hai thapa yung touh daw koug ka raphoe. Ahnimouh kecu daw koug ka lungsaw thai hoeh. Ahnimouh ni hai kai teh na panuet awh.

⁹ Nangmouh teh bout na kaw awh mahoe. Kadout e teh dout yawkaw naseh. Thei lah kaawm e hai thet a yawkaw naseh. Kacawie naw hai buet touh hoi buet touh kâkei a na yawkaw seh, telah a ti.

¹⁰ Miphun puenghoi sak e lawkkamnae hah raphoe hanlah ka ngai dawkvah sonron meihawi ka la teh ka khoe.

¹¹ Hote lawkkamnae teh hat hnin vah a ro dawkvah Kai na kâuep e ka roedeng e tunaw teh BAWIPA lawk a thai panuek awh.

¹² Hahoi, Kai ni ka hmu hane kamcu e apu poe hanelah nangmouh ni na ngai awh pawiteh, poe awh. Na ngai awh hoehpawiteh poe awh hanh telah ati teh, ahnimouh ni kai apu na poe awh hanelah ngun tangka 30 touh a nue awh.

¹³ BAWIPA ni hote tangka teh hlaamkaponaw e hmalah tâkhawng pouh haw. Kai hanlah apu na khoe a e tangka teh ek apap ati awh e patetlah, hote ngun tangka 30 touh hah ka la teh, BAWIPA e im daw koug hlaamkaponaw e hmalah ka tâkhawng pouh.

¹⁴ Hat navah, Judah miphun hoi Isarel miphun huiko kamyawngnae raphoe ngainae kecu dawkvah sonron alouke hah ka la teh ka khoe.

¹⁵ Hathnukku, BAWIPA niyah ka pathu e tukhoumking e hnopainaw hah lat haw.

¹⁶ Bangkongtetpawiteh, hote ram daw koug tukhoumking buet touh ka tâco sak han. Ahni ni thei lah kaawm e tu hah khenyawn mahoe. Lam ka phen e hah tawng hoeh. Ka dam hoeh e a dam nahanlah khenyawn hoeh. Kangdout e kabawm hoeh. Kathâw e naw hah a ca han. A khoksamen hai a khoe pouh awh han.

¹⁷ Tuhu hah ka pahnawt e ayawmyin e tukhoumking teh a yawthout naseh. Ahnie a kut hoi aranglae mit dawkvah tahloi hoi hmâ a ca han. A kut thasainae teh khak a ke han. Aranglae mit hai a dawn han telah a ti.

12

Hmalah Judah rungngang nahane

¹ Kalvan hoi talai da kasakung, tami hoi athung e muitha kasakung, BAWIPA ni Isarelnaw hanlah a dei e lawk teh,

² Kai ni Jerusalem khopui petkalup lah kaawm e miphun pueng hanlah, yamuhriane manang lah ka coung sak han. Jerusalem a kalup awh navah, Judah ram hai hottelah ao van han.

³ Hatnae tueng dawkvah, hote khopui teh miphun pueng hanlah, talung ka ri e lah ka coung sak han. Hote talung katawmnaw pueng teh hote talung ni reppasei lah a ten awh han. Talai taminaw pueng ni Jerusalem khopui tuk hanlah a kamkhueng awh han.

⁴ BAWIPA ni a dei e teh, hatnae tueng daw koug kaawm e marang naw pueng kalue sak hanelah, marangransanaw pueng hah pathu sak han. Judah miphun ka khet vaiteh, alouke miphunnaw koe kaawm e marang naw a mit dawn sak hanelah ka rek han.

⁵ Jerusalem Cathut ransau BAWIPA lahoi ahnimouh teh kaie kathaonae doeh telah Judah bawinaw ni a lungthung vah ati awh han.

⁶ Hat navah, Judah bawinaw teh thinghong daw koug e takhuen patetlah thoseh, Cabong daw koug e hmai tali patetlah thoseh, ka o sak vaiteh, avoilah

aranglah kaawm e miphunnaw pueng hmai a kak awh han. Jerusalem khopui hai amae hmuen dawkw pou ao han.

⁷ BAWIPA ni Judah rimnaw hmaloe a rungngang han. Hatdawkvah, Devit e catoun bawilennae hoi Jerusalem khocanaw e bawilennae teh Judah e hloilah kâphokâlen awh mahoe.

⁸ Hat hnin dawkvah, BAWIPA ni Jerusalem khocanaw a okhai vaiteh, hatnae tueng nah, a tha kayoun naw hah Devit patetlah thoseh, Devit canaw teh Cathut patetlah thoseh, ahnimaie hmalah BAWIPA e kalvantami patetlah ao awh han.

⁹ Hatnae hnin dawkw, Jerusalem khopui tuk hanlah kamthaw e miphunnaw hah raphoe hanlah tha ka patho han.

¹⁰ Lungmanae hoi ratoum ngainae hah Devit imthung hoi Jerusalem khocanaw lathueng vah, kai ni ka awi vaiteh, amamouh ni a thut e kai na hmu awh han. A na pa ni tawntoe e capa a khuikakhai e patetlah ahni hanelah a khuika awh han. A na pa ni camin hanelah a lungmathoe e patetlah a lungmathoe awh han.

¹¹ Megiddo yawn dawkw Hadadrimmon kho vah a khuika e patetlah hat navah, Jerusalem kho dawkw puenghoi khuikanae kaawm han.

¹² Khoram pueng ni a miphun lengkaleng alouklouk lah, a khuika awh han. Devit e imthungnaw alouklah, ahnimaie a yunaw alouklah, Nathan e imthungnaw alouklah, ahnimaie a yunaw alouklah,

¹³ Levih e imthungnaw alouklah, a yunaw alouklah, Shimei e imthungnaw alouklah, a yunaw alouklah,

¹⁴ Kacawie miphunnaw pueng hah alouklah, a yunaw hah alouklah, alouklouk lah lengkaleng a khuika awh han.

13

Meikaphawk bawknæ raphoenaie

¹ Hote atueng navah, Devit imthungnaw hoi Jerusalem khocanaw e yonnae hoi khinnae naw hah pâsu nahanelah, tuiphuek teh a phuek han.

² Ransahu BAWIPA ni a dei e teh, ram dawkw kaawm e meikaphawknaw e minnaw hah apinihai bout panue hoeh nahanelah, hatnae tueng dawkw, kai ni koug ka raphoe han. Profet katawknaw hai thoseh, kakhine muithanaw hai thoseh, ram dawkw hoi ka pâlei han.

³ Tami buetbuet touh ni profet thaw tawkw rah boipawiteh, kacukung, manu na pa naw ni nang teh Jehovah min lahoi laithoe na dei dawkvah, na due han telah ati. Profet thaw a tawkw lahun nah a manu na pa naw ni ahni teh pawkkayawng lah a thut awh han.

⁴ Hatnae tueng nah, profet teh amamae a dei e vision dawkw a kaya awh han. Ayâ dum hane ngai dawkvah khohna hai khohnat mahoe.

⁵ Kai teh profet nahoe law thaw ka tawkw e doeh. Ka nawca hoi ayâ koe san ka toung toe telah ati han.

⁶ Ayâ ni hai na kut dawkw e a hmânaw hah bangtelane telah na pacei pawiteh, hote hmânaw teh ka hui im vah ka ca e hmânaw doeh telah bout a dei han.

⁷ Ransahu BAWIPA ni a dei e teh, kaie tukhoumking avanglah, kaie ka huikonaw e avanglah, kâhlaw haw. Tukhoumking thet haw. Hottelah na tetpawiteh, tunaw teh pareng kâkapek awh han. Tu canaw lathueng vah kut bout ka pathung han.

⁸ BAWIPA ni a dei e teh, ram puengpa thung e tami, pung thum pung hni touh ka raphoe vaiteh, pung touh ka pâhlung sak han.

⁹ Hote phu touh teh hmai lungui ka ceisak han. Ngun sôlêi e patetlah ka sôlêi han. Sui tanouk e patetlah ka tanouk han. Ahnimouh ni ka min lahoi ratoum awh vaiteh ka thai pouh han. Ahnimouh teh ka miphun telah ka kaw han. Ahnimouh ni hai Jehovah teh kaimae Cathut doeh ati awh han.

14

BAWIPA e hnin

¹ BAWIPA e hnin a pha torei teh, ayânaw ni na hno na lawp vaiteh, na hmalah a kêrei awh han,

² Jerusalem khopui tuk sak hanelah miphunnaw ka kamkhueng sak han. Hote khopui a tuk awh vaiteh, imnaw a lawp awh han. Napuinaw a yonkhai awh han. Khoca tami tangawn teh san lah man awh vaiteh tangawn a cei takhai awh han.

³ BAWIPA ni taran tuknae tue navah tuk e patetlah hote miphun teh a tuk han.

⁴ Hote hnin nah, a khok hoi Jerusalem kanîtholah Olive Mon daw kangdue han. Olive Mon teh kanîtho hoi kanîloum totouh a lungui vah kâbawng vaiteh, ayawn kalen poung lah a coung han. Mon tangawn teh atunglah thoseh, tangawn teh akalah thoseh, a kâtahruet han.

⁵ Nangmouh teh kamae mon rahak hoi na yawng awh han. Hote tangawn teh Azel kho totouh a pha han. Judah siangpahrang Uzziyah tueng nah tâlî a no teh a yawng a e patetlah na yawng awh han. BAWIPA Cathut teh a tami kathoungnaw puenghoi a tho awh han.

⁶ Hote hnin nah, angnae awm mahoe. Hnokahawi naw a ro han.

⁷ Khodai na hoe, karum na hoe, BAWIPA ni a panue e hnin hnin touh lah ao teh, tangmin a pha to doeh a ang han.

⁸ Hat hnin vah, hringnae tui teh Jerusalem khopui daw hoi a lawng vaiteh, kompawi thoseh, kasik nah thoseh, kanîtholae tuipui daw tangawn, kanîloumlae tuipui daw tangawn a lawng han.

⁹ Jehovah teh talai ram pueng daw siangpahrang lah ao han. Hote hnin dawkvah, Jehovah buet touh dueng, A min buet touh dueng lah ao han.

¹⁰ Geba khopui hoi Jerusalem khopui akalah Rimon khopui totouh ram pueng hah ayawn lah koug a coung han. Khopui haiyah Benjamin longkha koehoi hmaloe e longkha hmuen, khopui takin longkha totouh, Hananel imrasang koehoi misur katinnae totouh tawm lah ao vaiteh, khoruem hmuen daw kho bout a sak awh han.

¹¹ Hathnukkhu, Jerusalem khopui teh thoebonae khang mahoe. Khoca naw haiyah puen laipalah kho a sak awh han.

¹² Jerusalem ka tuk e miphun pueng koe, BAWIPA ni a pha sak hane lacik teh, a khok hoi a kangdue nahlangva a takthai naw atum awh han. A mit daw mitmu a ro han. A lai hai a kâko vah a ro han.

¹³ Hat hnin vah, BAWIPA e bahu ni tami pueng ruengrueng ati sak vaiteh, buet touh hoi buet touh a kâhem awh han. Buet touh hoi buet touh a kâthei awh han.

¹⁴ Judah miphunnaw hai Jerusalem vah a tuk awh han. Petkâkalup lah kaawm e Jentelnaw e hnopai, sui ngun naw hah a pâkhueng awh han.

¹⁵ Marang, la, kalauk, laca koehoi kamtawng teh, taran thung e kaawm e saring pueng koe a lathueng dei e lacik naw teh a pha han.

¹⁶ Jerusalem ka tuk naw ni a cei takhai e taminaw niyah kalvan ransabawi tie Siangpahrang Jehovah hah a baw awh teh, lukkarei paw koe kum tangkuem a tho awh han.

¹⁷ Ransahu BAWIPA tie Siangpahrang hah bawk hanelah khopui koe ka cet hoeh e talai taminaw pueng e lathueng vah, khorak mahoeh.

¹⁸ Izip khocanaw tho hoehpawiteh, khorak laipalah awm vaiteh, lukkareiim paw koe ka tho hoeh e miphunnaw dawkvah, BAWIPA ni a pha sak hane lacik teh ahnimouh hai a khang sak aw h han.

¹⁹ Hetnaw teh, lukkarei paw koe ka tho hoeh e Izip miphunnaw, alouke miphun pueng ni yonphu a khang aw h hane doeh.

²⁰ Hatnae hnin nah, marang awi sak e rahum kingling daw hai, BAWIPA KOE THOUNGNAE telah a thut aw h han. BAWIPA e im daw k e hlaam naw teh thuengnae khoungroe hmalah kaawm e kawlung patetlah ao han.

²¹ Hothloilah, Jerusalem khopui daw k hoi kamtawng vaiteh, Judah ram e kaawm e hlaam naw teh ransahu BAWIPA koe thoungnae lah ao han. Thuengnae ka sak pueng ni tho aw h vaiteh, hote hlaamnaw a la aw h vaiteh, a thawng aw h nahan. Hatnae hnin hoi teh, ransahu BAWIPA im dawkvah Kanaan taminaw teh awm mahoeh toe.

MALAKHI

¹ BAWIPA ni Isarel naw koe Malakhi hno lahoi a dei e profet lawk teh;

² Kai ni lung na pataw awh toe. Bangtelamaw lung na pataw awh telah na pacei awh pawiteh, Esaw teh Jakop e a hmau nahoehmaw. Hateiteh Jakop teh ka lungpataw.

³ Esaw teh ka maithoe. Ahni onae monnaw ayawn lah kacoungsak toe. Râw lah a coe thai kawi talai hah kahrawnguinaw koe yo ka poe toe telah BAWIPA ni a ti.

⁴ Edom miphunnaw ni kaimanaw teh karawk awh ei nakunghai, kingdinae hmuennaw hah bout ka pathoup awh han ati awh navah, ransahu BAWIPA ni a dei e lawk teh ahnimanaw ni bout a sak awh nakunghai ka raphoe han. Ahnimanaw teh kahawihoe hno apapnae ram, BAWIPA lungkhueknae miphun telah ati awh han.

⁵ Hote hno nangmouh ni na hmu awh navah Bawipa teh Isarel ram, alawilah a lentoe poung telah ati awh han.

⁶ A capa ni a na pa ouk a bari e patetlah a san ni hai a bawipa ouk a taki. Kai teh nangmae na pa lah kaawm pawiteh, apinimaw kai na bari. Na Bawipa lah kaawm pawiteh apinimaw kai na taki telah ka lentoe poung e ransahu BAWIPA ni amae min ka dudam e vaihmanaw a pacei. Kaimanaw ni na min bangtelamaw ka dudam awh vaw telah na pacei awh navah,

⁷ Kakhin e rawca thuengnae khoungroe koe na thokhai awh bo vaw. Kaimouh ni nang teh bangtelamaw na dudam awh vaw telah na pacei awh navah, BAWIPA e caboi teh thoung hoe telah na ti awh dawkvah, kai na dudam awh toe.

⁸ A mit ka dawn e saring hah na thueng pawiteh a yon nahoehmaw. Khokkhem hoi ka pataw e saringnaw hoi thuengnae na sak pawiteh a yon nahoehmaw. Khobawi koe poe haw, khobawi a lungyouk han na ou telah ka lentoe poung e ransahu BAWIPA ni a ti.

⁹ Atuvah Cathut pahrennae coe awh nahanelah Cathut koe ratoum awh. Nangmouh na coe awh dawkvah hettelah ouk na sak awh. Nangmae minhmai ka khet han namaw telah ransahu BAWIPA ni a ti.

¹⁰ Nangmanaw dawk apimaw kaie takhangnaw ka khan han. Nangmanaw ni kaie thuengnae khoungroe van ayawmyin lah hmai na patawi awh mahoe. Nangmanaw na panki hoe, nangmouh ni thuengnae na sak e hah kai ni ka daw mahoe telah ransahu BAWIPA ni a ti.

¹¹ Kanitho koehoi kaniloum totouh alouke miphunnaw koe ka min a lentoe han. Bangpatet e hmuen koehai ka min lahoi hmuיתי sawi awh vaiiteh, kathoung thuengnae hoi a baw awh han. Kaie ka min teh alouke miphunnaw koe a lentoe han telah ransahu BAWIPA ni a ti.

¹² Nangmouh ni BAWIPA e caboi na khin sak awh. Na thueng awh teh banglahai na noutna awh hoe.

¹³ Nangmouh ni thaw na tawk awh e dawkvah, ka tawn toe telah na dei teh, pakekpahleknae lawk na dei awh, telah ransahu BAWIPA ni ati. Lawp e naw, khokkhem e ka pataw e naw hah na thokhai awh toe. Nangmouh koe e kai ni ka daw han namaw telah BAWIPA ni a ti.

¹⁴ Tutan poe hanlah lawk kam hnukkhu, atan ao nahlangva na dum awh teh, BAWIPA koe cacuhoe hoi thuengnae ka sak e sami teh, yawthoenae awmseh. Kai teh ka lentoe poung e siangpahrang lah ka o. Kaie ka min teh miphunnaw ni taki e lah ao han, telah ransahu BAWIPA ni a ti.

2

¹ Oe vaihmanaw, ransahu BAWIPA ni nangmouh hanlah a dei e lawk teh,

² Ka lawk na ngai awh hoeh lah, ka min barilawanae na tawn awh hoehpawiteh, thoebonae nangmouh koe ka patoun han. Nangmae yawhawinae hah yawthoenae lah ka coung sak han. Hothloilah, ka min na barilawa awh hoeh dawkvah atu roeroe yawthoe lah ka coung sak toe.

³ Nangmae catounnaw hah ka yue vaiteh, paw i na tonae saring e ei hah na minhmai daw k ka kano han. Alouke miphunnaw ni ei khuehoi na hrawi awh han.

⁴ Kaie lawkkam teh Levih miphun koe caksak hanelah, hete kâlawknaw hah nangmouh koe na poe e hah na panue awh han telah ransahu BAWIPA ni a ti.

⁵ Ahnimouh koe ka poe e kaie lawkkam teh hringnae hoi lungmawngnae lah ahnimouh koe ao. Kai hah barilawa na poe awh teh ka min a taki awh dawkvah lawkkam hah ka poe.

⁶ Ahnimouh ni lawkkatang a dei awh vaiteh apâhni daw k hoi payonnae tâcawt mahoe. Lungmawngnae, lannae hoi kai hoi rei cet vaiteh ahnimouh ni yonnae a kamlang takhai awh han.

⁷ Vaihmanaw e pahni daw k hoi lungang thoumnae a tâco han. Ahnie pahni daw k hoi taminaw ni cangkhaiae atang awh han. Bangkongtet-pawiteh ahni teh ransahu BAWIPA e patoune lah ao.

⁸ Nangmouh teh lam na phen awh toe. Nangmae cangkhaiae teh taminaw kamthui nahanelah ao toe. Levihnaw hoi kam e lawkkam na raphoe awh toe telah ransahu BAWIPA ni a ti.

⁹ Hatdawkvah nangmouh teh ka lamthung na dawn awh hoeh, na cangkhai awh navah minhmai khet na tawn awh dawkvah tami pueng ni na dudam nahanlah ka sak han.

¹⁰ Maimouh pueng teh Na pa buet touh dueng tawn awh nahoehmaw. Cathut buet touh dueng ni maimouh na sak awh nahoehmaw. Bangkongmaw mintoenaw hoi kâhuikonae lawkkam teh na pahnawt a vaw. Bangkongmaw buet touh hoi buet touh lawkkam na cak awh hoeh vaw.

¹¹ Judahnaw teh lawkkam cak awh hoeh. Isarelnaw hoi Jerusalem khocanaw teh panuet ka tho e hno a sak awh toe. Judahnaw teh BAWIPA ni a lungpataw e thoungnae hah banglahai a noutna awh hoeh dawkvah alouke miphun cathut e canaw hoi a kâyuva awh toe.

¹² Hottelah kacangkhaikungnaw hoi a hnukkâbangnaw thoseh, ransahu BAWIPA koe pasoum hno ka sin e hai thoseh, Jakop e rim daw k hoi a takhoe han.

¹³ Hahoi, na sak awh e hno teh, BAWIPA e khoungroe hah mitphi bonae, khuikanae hoi na ramuk awh toe. Hatdawkvah, pasoum hno hah dâw hoeh toe. Na kut daw k hoi na poe e hno teh ngainae lahoi dâw hoeh toe.

¹⁴ Bangtelane telah na pacei awh pawiteh, na thoundoun nah na paluen e na yu koe, lawkkam na cak hoeh. Na yu hoi nang rahak BAWIPA teh kapanuekkhaikung lah ao. Hote yu teh nange yu, lawkkam e yu lah ao toe.

¹⁵ Ahni ni ahnimanaw hah, buet touh lah nahoehmaw a sak vaw. Tak hoi muitha teh Cathut e doeh. Bangkongmaw buet touh dueng a sak tetpawiteh, Cathut ni cathutlae catoun hah a tawng. Hatdawkvah, na muitha hah kahawicalah pouk nateh, na nawsai nah na paluen e na yu koe lawkkam raphoe hanh.

¹⁶ Yu pahnavt nae, yu koe yuemkamcu hoeh lah o e pâphanæ hah, kah-mawt ngai hoeh telah Isarel Cathut ransahu BAWIPA ni ati. Hatdawkvah na muiha hanelah kâhruetcu et nateh kaisue laihoi khosak hanh.

¹⁷ Nangmouh teh BAWIPA hnâ a poum totouh na lawk apap awh. Bangtelamaw hnâ a poum totouh na sak awh tetpawiteh, ka payon e tami pueng, Cathut hmalah ahawi doeh. Hot patet e taminaw hah BAWIPA ni a ngai doeh, lawkcengkung Cathut teh nâmouh ao va telah na ti awh.

3

¹ Khenhaw! Ka cei nahane lamthung ka rakueng hane ka patoune ka patoun han. Nangmouh ni na tawng awh e Bawipa, na ngaihawi awh e lawkkam e laicei teh amaew bawkim dawkwang a tho han. Khenhaw! Hote Bawipa teh a tho lahun ransahu BAWIPA ni a ti.

² A thonæ hnin nah apinimaw a khang thai han. A kamnuet toteh apimaw kangdout thai han. Bangkongtetpawiteh Bawipa teh ngun sôlêinae hmai hoi a kâvan teh hno pâsunæ sapet hoi a kâvan.

³ Ngun hah a sôlêi teh ka thounsak e ni sui ngun a sôlêi e patetlah Levih miphun a thounsak dawkvah, ahnimouh teh BAWIPA hanelah kalan e pasoum hno hah a thueng awh han.

⁴ Judah catounnaw hoi Jerusalem khocanaw e pasoum hno hah ayan e kumtha, hnin dawkwang e patetlah BAWIPA ni a ngai e lah ao han.

⁵ Nangmouh na tanouk hanelah nangmouh koe ka tho han. Tami ka ân e, ka uicuk e, kamsoumhoehe lah thoe ka kâbo e, aphu poe laipalah ka rektap e, lahmai naranaw ka rektap e, imyinnaw kamsoumhoehe lah lawk ka ceng e, Kai na ka taket hoeh e taminaw e avanglah, kapanuekkhaikung lah tang ka o han telah ransahu BAWIPA ni a ti.

⁶ Kai Jehovah teh, kâthungnae awh hoeh. Hatdawkvah Jakop catounnaw nangmouh teh na rawk awh mahoe.

⁷ Mintoenaw koehoi kamtawng teh, nangmouh ni ka phung lawk na tarawi awh hoeh, na roun awh toe. Kai koe bout ban awh haw, kai hai nangmouh koe lah ka ban van han telah ransahu BAWIPA ni ati. Bangtelah hoi maw bout ka ban han na ti awh.

⁸ Tami ni Cathut e hno lawp kawin namaw. Hatei, nangmouh ni teh kaie hno na lawp awh toe. Bangtelamaw na lawp awh vaw na tet awh pawiteh, pung hra pung touh thoes, pasoum hnonaw hai thoes na lawp awh toe.

⁹ Nangmouh teh thoebo e lah na o awh toe. Bangkongtetpawiteh, khocanaw pueng ni ka hno na lawp awh toe.

¹⁰ Hra touh dawkwang buet touh pueng teh hno pâkhuengnae im dawkwang hmouk awh. Kaie im dawkwang ca kawin ao nahanelah sak awh. Kalvan tho ka paawng hoi paawng hoeh e, yawhawinae na rabawkwang sin hoi rabawkwang sin hoeh e, hottelah hoi na tanouk awh haw telah ransahu BAWIPA ni a ti.

¹¹ Na talai dawkwang e a pawhiknaw hah ahriainaw koe ka raphoe sak mahoe. Nangmae misurkung teh a paw paw laipalah awh mahoe telah ransahu BAWIPA ni a ti.

¹² Miphun pueng ni nangmouh teh a yaw kahawin e tami telah na kaw awh han. Na ram hai ngai kaawm e ram lah ao han telah ransahu BAWIPA ni a ti.

¹³ BAWIPA koe lawk kahram lahoina dei awh nahlangva vah, nangmouh ni bangtelamaw ka dei payon awh vaw, khuet na ti awh vaw.

¹⁴ Cathut e thaw ka tawkwang ahawinae awh hoeh. Cangkhai e naw ka tarawi awh teh, ransahu BAWIPA hmalah rawka ka hai awh nakunghai bangmaw ahawinae kaawm.

¹⁵ Ka kâoup e taminaw hah a yaw kahawi e taminaw telah kaimouh ni ka ti awh. Atangcalah, yonnae ka saknaw law teh a tawnta awh. Cathut a tanouk nakunghai a hlout awh telah na ti awh.

¹⁶ Hatnavah BAWIPA kabarinaw teh buet touh hoi buet touh a kâpato awh. BAWIPA ni hai a hnâpakeng teh a thai pouh. BAWIPA ka taket ni teh a min alawkpui lah ka tat e taminaw teh, a hmalah cayin a pakhum pouh.

¹⁷ Ahnimanaw teh lawk ka ceng hnin vah ka coe e hno lah ao awh han. A na pa e thaw ka tawk e capa hah na pa ni pasai e patetlah ahnimanaw hah ka pasai han telah ransahu BAWIPA ni a ti.

¹⁸ Hahoi, nangmouh teh, na lung a kâthung awh teh kalan e tami, kalan hoeh e tami, Cathut e thaw ka tawk e tami, ka tawk hoeh e taminaw hah na panue awh han.

4

BAWIPA e hnin kalen

¹ Tahmanghmai a kak e patetlah hmai kak hnin teh ka tho han. Kâoupnaw hoi yonnae ka sak naw pueng teh songnawng lah ao awh han. Hote atueng nah, ahnimanaw teh akung dawngghmo awm laipalah koug a kak awh han telah ransahu BAWIPA ni ati.

² Ka min ka taket e nangmanaw koevah lannae Kanî teh pataw damnae rathei hoi a tho han. Nangmouh teh maito im dawk e maito ca patetlah lunghawi hoi na coukdouk awh han.

³ Tami kahawihoehnaw hai na khok hoi na coungröe awh han. Hote hnin a pha toteh, ahnimouh teh nangmae khoktabei rahim vaiphu lah ao awh han telah ransahu BAWIPA ni ati.

⁴ Isarelnaw pueng hanelah Horeb mon, lawk ka thui e ka san, Mosi e kâlawk hoi cangkainae naw hah pahnim awh hanh.

⁵ Kenhaw! BAWIPA e hnin takikathopoung e pha hoehnahlan vah, profet Elijah hah nangmouh koe ka patoun han.

⁶ Kai ka tho vaiteh, nangmae khoram hah thoebonae hoi na tuk awh hoeh nahanelah, hote profet ni capanaw hoi napanaw, napanaw hoi capanaw hah a kâpo sak han ati.

MATTHAI (The Gospel According to Matthew)

Jisuh a tâconae

Luk 3:23-38

¹ Abraham hoi Devit e catoun lah kaawm e, Jisuh Khrih a thonae lairui cauk teh,

² Abraham capa Isak, Isak capa Jakop, Jakop capa Judah hoi a hmaunawngna naw.

³ Judah ni Tamar hoi a khe e capa Perez hoi Zerah, Perez capa Hezron,

⁴ Hezron capa Aram, Aram capa Amminadab, Amminadab capa Nahshon, Nahshon capa Salmon,

⁵ Salmon capa Boaz, Rahab hoi a khe e. Boaz capa Obed, Ruth hoi a khe e. Obed capa Jesi, Jesi capa Devit siangpahrang.

⁶ Devit capa Solomon, Uriah e a yu hoi a khe roi e,

⁷ Solomon capa Rehoboam, Rehoboam capa Abijah, Abijah capa Asaph,

⁸ Asaph capa Jehoshaphat, Jehoshaphat capa Joram, Joram capa Uzziah,

⁹ Uzziah capa Jotham, Jotham capa Ahaz, Ahaz capa Hezekiah,

¹⁰ Hezekiah capa Manasseh, Manasseh capa Amon, Amon capa Josiah,

¹¹ Josiah capa Jekhoniah hoi a hmaunawngnanaw, Babilon lah a kampuen tawmlei vah a khe e ca catounnaw doeh.

¹² Babilon kho lah a kampuen awh hnukkhu, Jekhoniah capa Shealtiel, Shealtiel capa Zerubbabel,

¹³ Zerubbabel capa Abiud, Abiud capa Eliakim, Eliakim capa Azor,

¹⁴ Azor capa Zadok, Zadok capa Akhim, Akhim capa Eliud,

¹⁵ Eliud capa Eleazar, Eleazar capa Matthan, Matthan capa Jakop,

¹⁶ Jakop capa, Meri e a vâ Joseph, Khrih tie Jisuh teh Meri koehoi a khe.

¹⁷ Abraham koehoi Devit totouh a se hlaipali, Devit koehoi Babilon kho lah a kampuen awh totouh a se hlaipali, Babilon kho lah a kampuen awh hoi Khrih totouh a se hlaipali touh a pha.

Jisuh khenae

Luk 1:35

¹⁸ Jisuh Khrih a khenae teh, hettelah ao. A manu Meri teh Joseph yu lah paecei lah ao navah tak cungtalah a hmawng roi hoehnahlan,

¹⁹ Kathoung Muitha e camo teh a vawn toe. A vâ Joseph teh tamikalan lah ao dawkvah, Meri kaya sak hane a ngai hoeh dawkvah, arulaho ma hanlah a kâcai.

²⁰ Hottelah a kâcai navah, a manglah Bawipa e kalvantami, ahni koe a kamnue pouh teh, Devit capa Joseph, na yu Meri paluen hane hah na lungpuen hanh, atu e a vawn e camo teh Kathoung Muitha lahoi doeh a vawn.

²¹ Ahni ni Ca tongpa a khe vaiteh, Jisuh telah na phung han. Bangkongtetpawiteh, a taminaw yon thung hoi a rungngang han dawkvah atipouh.

²² Hete akong teh Bawipa ni profetnaw hno lahoi sutdeilawk akuep nahane doeh.

²³ Sutdeilawk teh, Khenhaw! tanglakacuem ni vawn vaiteh ca tongpa a khe han. A min teh Emmanuel telah a phung han. Emmanuel tie teh Cathut maimouh koe ao tinae doeh.

²⁴ Joseph a kâhlaw teh, Cathut e kalvantami ni lawk a poe e patetlah a yu teh a paluen.

²⁵ Hatei, camin a khe hoehroukrak tak cungtalalah hmawngkhai hoeh. Hote capa hah Jisuh telah a phung.

2

Jisuh a bawk awh

¹ Herod teh siangpahrang lah ao navah, Judah ram Bethlehem kho dawk Jisuh teh a khe. Hatnavah âsikathoumnaw teh Jerusalem vah a pha awh.

² Ahnimouh ni, kanîtholah amae Âsi ka hmu awh dawkvah, ama bawk hanelah ka pâtam awh. Judah siangpahrang ka khe e teh na maw ao telah a pacei awh.

³ Hote lawk hah a thai awh navah, Herod siangpahrang hoi Jerusalem e tami pueng a tâsue awh.

⁴ Vaihma bawi kalennaw hoi cakathutkungnaw pueng a pâkhueng teh, Khrih teh na maw a khe han telah a pacei.

⁵ Hotnaw pueng niyah, Profet buet touh ni sut a thut e teh,

⁶ Oe, Judah ram Bethlehem kho, nang teh Judah ram khopuinaw hlah vah na thongca hoeh. Bangkongtetpawiteh, ka tami Isarelnaw kaukung Bawipa teh nathung hoi a tâco han, ahni ni Isarelnaw teh a khom han, hettelah Cakathoung dawk ao. Hatdawkvah Judah ram, Bethlehem kho dawkvah Khrih teh a khe han atipouh awh.

⁷ Hahoi, Herod ni âsikathoumnaw hah a ru lah a kaw teh, Âsi a kamphawngnae atueng hah kahawicalah a pacei hoiyah cet a nateh camo ca hah kahawicalah tawng awh

⁸ Na hmawt awh pawiteh kai hai ka bawk van nahan, bout na thaisak awh, telah lawk a thui teh Bethlehem lah a patoun.

⁹ Siangpahrang e a lawk hah a ngai awh teh a cei awh navah, kanîtholah a hmu e âsi teh ahnimae hmalah a cei dawkvah camo ca a onae lathueng a pha teh a kâhat.

¹⁰ Hote âsi bout a hmu awh toteh a konawm awh teh puenghoi a lunghawi awh.

¹¹ Im thung a kâen awh navah a manu Meri hoi camo ca teh a hmu awh, a tabo awh teh camo a bawk awh. Amamae hno tabunaw a paawng awh teh sui, frankinsen hoi murah poehnonaw hoi a bawk awh.

¹² Herod siangpahrang koe bout ban hoeh nahanlah a manglah Cathut ni kâhruetcuetnae a poe dawkvah, alouke lam lahoi amamouh kho lah a ban awh.

Jisuh Izip ram lah a yawngkhai

¹³ Ahnimanaw a cei awh hnukkhu, Cathut e kalvantami teh Joseph e a mang lah a kamnue teh, thaw nateh camo hoi a manu hah Izip ram lah yawngkhai leih. Lawk bout ka dei hoehroukrak hote ram dawk awm awh. Herod siangpahrang ni camo hah thei hanlah a tawng han toe atipouh.

¹⁴ Hahoi, Joseph a thaw teh, camo hoi a manu hah a hrawi teh, karum vah Izip ram lah a yawngkhai.

¹⁵ Herod siangpahrang a due ditouh hote ram dawkvah ao awh. Het hateh, Ka Capa hah Izip ram hoi ka kaw toe, telah Cathut ni Profetnaw hno lahoi a dei tangcoung e a kuep nahane doeh.

Herod ni camonaw a thei

16 Âsikathoumnaw ni na dum awh toe tie Herod ni a panue navah, a lung puenghoi a phuen. Tami lungkaangnaw koe a pacei tangcoung e âsi a kamphawngnae koehoi, Bethlehem hoi a tengpam kho dawk e camo tongpa kum hni touh hoi a rahim pueng hah tami a patoun teh a thei sak.

17 Profet Jeremiah ni a dei e,

18 Ramah kho thungvah khuika hoi hramki e lawk ka thai. A canaw ao hoeh toung dawkvah Rachel ni a khuika e cing thai hoeh, tie lawk hatnavah a kuep.

Nazareth kho Jisuh khosaknae

19 Hatei, Herod a due hnukkhu, Izip ram vah Joseph e a mang lah Bawipa e kalvantami teh bout a kamnue pouh teh,

20 Thaw nateh a manu hoi camo hah Isarel ram lah cetkhai leih, camo thei hanlah katawngnaw teh a due awh toe, atipouh.

21 Joseph a thaw teh a manu hoi camo hah Isarel ram lah a ceikhai.

22 Hatei, Herod yueng lah a capa Akhelaus ni Judah ram dawk bawi lah ao tie a thai dawkvah, hote ram koe lah cet ngam hoeh. A mang lah Cathut ni kâhruetcuetae bout a poe e patetlah Galilee ram lah a cei.

23 Profetnaw ni sut a dei awh e lawk, Khrih hah Nazareth tami telah a kaw awh han, tie a kuep nahanelah Nazareth kho dawk a pha awh teh hawvah ao awh.

3

Baptisma Jawhan ni lamthung a rasoun

Mrk 1:3-8; Luk 3:2-17

1 Hatnah e tueng nah, Baptisma kapoekung Jawhan teh, Judah ram kahrawngum vah,

2 Kalvan uknaeram teh a hnai toe. Hatdawkvah, pankângai awh leih telah a pathang.

3 Profet Isaiaah ni sut a dei e teh, Kahrawng um vah kahram e lawk ni, Bawipa e lamthung teh pathoup awh. A lamthung teh lan sak awh ati navah, hote Jawhan doeh a dei ngai nah.

4 Jawhan teh Kalauk muen hoi kawng e a khohna teh, a keng dawк phaiyuen taisawm a kâyeng teh, samtong hoi khoitui hah a canei.

5 Jerusalem, Judah ram, Jordan tui teng e tami pueng ni Jawhan teh a pâtam awh.

6 A yonnae pueng a pâpho awh teh, Jordan tui dawк Jawhan e baptisma teh a coe awh.

7 Farasinaw hoi Sadusinaw, baptisma coe hanelah a tho awh e hah Jawhan ni a hmu navah, Oe, Tahrun hrunthoe catounnaw, ka tho hane lungkhueknae dawк hoi na hlout awh nahanelah apinimaw kâhruetcuetae na poe a vaw.

8 Pankângainae hoi kamcu e tawksaknae hah sak awh.

9 Abraham teh kaimae na pa doeh telah pouk awh hanh. Na dei pouh awh, Cathut ni hete talungnaw hah, Abraham e a canaw lah a coung sak thai.

10 Thingkung koevah Cakâ sut ta lah ao toung dawkvah, a paw kahawi ka paw hoeh e akung pueng teh, tâtueng vaiteh, hmai dawк phum lah ao han.

11 Kai ni teh pankângainae baptisma tui dawк na poe awh. Ka hnuklah ka tho e teh kai hlak hno a sak thai. Ahnie khokkhawmrui patenghai rasu

pouh hanelah kai ka kamcu hoeh. Ahni ni teh Kathoung Muitha hoi hmai hoi baptisma na poe awh han.

Jisuh Baptisma coenae
Mrk 1:9-11; Luk 3:21,22; Jhn 1:31-34

¹² A kut dawc para a sin teh kacailah pheng a hut. Cakang ka tak e teh capai dawc a cui. Hatei, cahiknaw teh karoum thai hoeh e hmai hoi sawi lah ao han atipouh.

¹³ Hatnavah, Jisuh teh Galilee ram lahoi Jordan palang vah Jawhan koe baptisma coe hanelah a tho.

¹⁴ Jawhan ni, kai nouh nang koe baptisma ka coe hane ei, nang ni kai koe lat na tho atipouh teh a cakâ.

¹⁵ Jisuh ni, Cathut ni tawc sak hanlah na ngaikhai e pueng teh tawc hanelah ao dawcvah, atu baptisma na poe leih atipouh. Hahoi torei teh, Jawhan ni a tarawi pouh.

¹⁶ Jisuh baptisma a coe hnukkhu tui dawc hoi a thaw navah, kalvannaw a kamawng teh, Cathut e Muitha teh Âbakhu patetlah a kum e hah a hmu teh a tak dawc a cu pouh.

¹⁷ Kalvan hoi e lawk ni, ahni teh ka pahren poung e hoi ka lungkuep e Capa doeh, telah a dei.

4

Jisuh Tacueknae
Mrk 1:12-13; Luk 4:1-13

¹ Hahoi, Jisuh teh kahraimathout koe tacuek sak hanelah, Kathoung Muitha ni kahrawngum vah a hrawi.

² A hnin 40 rum 40 touh rawca a hai tOUNg dawcvah kamlum hanelah ao toe.

³ Katacuekkung ni rek a hnai teh, hettelah ati, nang teh Cathut Capa katang lah na awm pawiteh, hete talungnaw hah vaiyei lah a coung nahan kâ poe haw, ati pouh.

⁴ Hatei Jisuh ni, tami teh vaiyei hoi dueng hring mahoe, Cathut e lawc poe e puenghoi yah a hring han telah Cakathoung dawc thut lah ao atipouh.

⁵ Hahoi Kahraimathout ni Jisuh hah khopui kathoung thungvah a hrawi teh, bawkim som dawc a ta.

⁶ Nang teh Cathut Capa katang lah na awm pawiteh, talai lah tâtawt haw. Bangkongtetpawiteh, kalvantaminaw hah nang han lah lawc ka thui toe. Talung dawc, na khok na hmang hoeh nahanelah, ahnimouh ni a kut hoi na tawmdawm awh han telah Cakathoung dawc thut lah ao atipouh.

⁷ Jisuh ni, na Cathut hah na tanouk mahoe telah thut lah bout ao, ati pouh.

⁸ Hahoi teh Kahraimathout ni Jisuh hah mon ka rasang poung koe bout a ceikhai teh, talaiwan uknaeram puenghoi talai bawilennae pueng hah a patue.

⁹ Na khokcuengkhuem laihoi kai na bawc pawiteh, hete hnopai pueng hah na poe han atipouh.

¹⁰ Jisuh ni, Setan cet. Na Cathut dueng hah na bawc vaiteh, A thaw dueng hah na tawc han tie Cakathoung dawc thut lah ao atipouh.

¹¹ Hat toteh, Kahraimathout ni a kangheng takhai. Hahoi kalvantaminaw a tho awh teh, a khetyawt awh.

Jisuh kamthang lawk dei kamtawngnae

¹² Jawhan thongim a pabo aw h, tie Jisuh ni a thai toteh Galilee ram lah a cei.

¹³ Nazareth kho a ceitakhai teh Zebulun hoi Naphtali ramri tuipui teng kaawm e Kapernuam kho a pha teh hawvah ao.

¹⁴ Hot hateh Profet Isaiaah ni sut a dei tangcoung e lawk a kuep nahane doeh.

¹⁵ Sut a dei e lawk teh: Zebulun hoi Naphtali ram tuipui teng ceinae lamthung, Jordan palang ran Jentelnaw e Galilee ram,

¹⁶ hmonae thung kaawm e tami pueng ni, angnae kalenpoung teh a hmu aw h. Duenae tâhlip thung kaawm e pueng koevah, angnae teh a pha.

¹⁷ Hatnae tueng hoi teh, Jisuh ni, pankângai a leih. Kalvan uknaeram teh a hnai toe telah kamthang lawk dei e a kamtawng toe.

A hnukkâbangnaw apasuek kawnae

Mrk 1:16-20; Luk 5:2-11; Jhn 1:35-42

¹⁸ Jisuh ni Galilee tui teng a cei navah, a hmaunawng hoi, Piter tie Simon hoi a nawng hoi Andru, ahnimouh roi teh tangakamankungnaw lah ao roi teh, talî daw k tanga a heng roi lahun e hah a hmu.

¹⁹ Ahnimouh roi koevah, ka hnukkâbang roi haw atipouh. Tami kamankung lah na sak roi han atipouh.

²⁰ Ahnimouh roi ni tamlaw k a ceitakhai roi teh, a hnuk tang a kâ bang roi.

²¹ Hahoi, bout a cei teh, alouke hmaunawng hoi, Zebedee e capa Jem hoi Jawhan teh, a na pa hoi long thung vah tamlaw k a cip roi e hah a hmu teh a kaw.

²² Ahnimouh roi nihaiyah, vai touh lahoi, a na pa hoi long hah a ceitakhai roi teh, a hnuk a kâ bang roi.

Patawnae a dam sak

²³ Jisuh teh Galilee ram pueng daw k a cei teh, amamae kamkhuengnae sinakok dawkvah, a cangkhai, uknaeram kamthang kahawi a pâpho. Patawnae pueng hoi patawnae ahri pueng a roum sak.

²⁴ A kamthang teh Siria ram pueng daw k a kamthang dawkvah, athung kahrai kâen e naw, kapathunaw, kamkhuennaw, pueng hoi yah a cawngca e patawnae, damhoehnae kaawm e pueng hah, a thokhai aw h teh, ahnima e patawnae pueng hah, a roum sak pouh.

²⁵ Galilee ram e, Dikapolis ram e, Jerusalem e, Judah ram e, Jordan palang teng e tamihupui ni a hnuk vah a kâ bang aw h.

5

Monsom Cangkhainae Yawhawinaenaw

¹ Hote tamihupui hah a hmu navah Bawipa teh mon lah a luen. A tahung navah, a hnukkâbangnaw ni rek a hnai aw h.

² Hahoi, a kâko a ang teh a hnukkâbangnaw a cangkhai.

A yawkahawinaw

³ Muitha koe lah ka mathoe e taminaw teh, a yawhawi aw h, bangkongtet-pawiteh, kalvan uknaeram teh ahnima e doeh.

⁴ Ka khuikap e taminaw teh, a yawhawi aw h, bangkongtetpawiteh, lungpahawi e lah ao aw h han.

⁵ A lung ka do, a lung ka nem e taminaw teh, a yawhawi aw, bangkongtetpawiteh, Cathut ni a kam pouh e ram a coe aw han.

⁶ Lannae hah a von lah ka hlam e taminaw teh, a yawhawi aw. Bangkongtetpawiteh, Cathut ni a lungngai akuep sak han.

⁷ Tami kapahrennaw teh, a yawhawi aw, bangkongtetpawiteh, pahren lah ao van han.

⁸ A lung kathoung e taminaw teh a yawhawi, bangkongtetpawiteh, Cathut a hmu aw han.

⁹ Roumnae ka sak e taminaw teh a yawhawi aw, bangkongtetpawiteh, Cathut e canaw telah kaw lah ao aw han.

¹⁰ Lannae kecu dawk rektap lah kaawm e taminaw teh a yawhawi aw, bangkongtetpawiteh, kalvan uknaeram teh ahnimae lah ao.

¹¹ Kai kecu dawk tami pueng ni yon na pen aw teh na rektap aw nah, a yawkahawi e lah na o aw.

¹² Na konawm aw. Puenghoi na lunghawi aw. Bangkongtetpawiteh, kalvan vah nangmae tawkpphu kalenpoung ao. Hettelah doeh nangmouh hoehnahlan profetnaw hai a pacekpahlek aw.

Talai e palawi lah na o aw

¹³ Nangmouh teh talai e palawi lah na o aw. Palawi tie teh, a paannae kahmat pawiteh, a paannae hah bangtelah hoi maw bout hmu thai han toung. Tâkhawng hoi coungroe hane hloilah, banghai cungkeinae awm hoeh toe.

Talai angnae lah na o aw

¹⁴ Nangmouh teh talaivan e angnae lah na o aw. Monsom kaawm e khopui teh bang ni hai ngue thai hoeh.

¹⁵ Hmai paang e hah apinihai tangthung hoi ramuk boihoeh. Im thung angnae a poe thai nahanelah, hmaiimkhok dawk doeh ouk pâhung aw.

¹⁶ Hot patetvanlah, nangmae angnae teh tami mithmu vah ang naseh. Ahnimouh ni nange hnokahawi na sak e hmawt aw vaiteh kalvan kaawm e nangmae na Pa teh a pholen aw han.

Kâlawk ka kuep sak e Jisuh

¹⁷ Kâlawk hoi Profet lawknaw raphoe hanelah kai teh ka tho telah pouk aw han. Raphoe hanelah ka tho hoeh, kuep sak hanelah doeh ka tho.

¹⁸ Atangcalah na dei pouh aw. Kalvan hoi talai a rawk hoehroukrak, kâlawk dawk e dekhrei e hoi calung buet touh boehai kuep laipalah awm mahoeh.

¹⁹ Hatdawkvah, apipatet ni hai hete kâpoelawknaw dawk kathoengcae buet touh boehai a tapoe teh, hot patetvanlah, ayânaw hai cangkhai pawiteh, kalvan uknaeram thungvah kathoengcae lah ao han. Hatei, apipatet ni hai kâpoelawknaw hah a tarawi teh, hot patetvanlah, ayânaw hai cangkhai pawiteh, kalvan uknaeram thungvah ahni teh kalen lah ao han.

²⁰ Nangmouh koe na dei pouh aw. Nangmae lannae teh Farasinaw hoi cakathutkungnaw e lannae hah tapuet hoehpawiteh, kalvan uknaeram thung na kâen a mahoeh.

²¹ Tami thet hanh. Apihai tami ka thet e teh, lawkcengnae a khang hanlah a kamcu tie kâlawk karuem teh na thai aw toe.

²² Kaie kâlawk teh, apipatet hai a hmaunawngha koe a lung ka khuek e teh, sanhedrin lawkcengnae taki ka tho a khang han. Apipatethai a hmaunawngha kaisue sin e teh lawk tâtuengnae koevah a pha han.

Apipatethai a hmaunawnggha thoe ka bo e teh, Hell hmai dawkvah hmaikaknae a khang hanlah a kamcu.

²³ Hatdawkvah, bawk nahanelah hnopai na sin navah, na hmaunawnggha ni na toun tie na panuek pawiteh, thuengnae khoungroe hmalah, na hnopai hah tat nateh,

²⁴ na hmaunawnggha hoi hmaloe kâmaihawi ei, hahoi toreï na hnopai hah thuengnae bouf sak.

²⁵ Na ka toe e hoi lam reirei na cei roi lahun nah, hnâbonae hah karanglah sak leih. Hoehpawiteh, na ka toe e ni lawkcengkung koe na thak vaiteh, lawkcengkung ni karingkungnaw koe na poe vaiteh, nang teh thongim thung paung lah na o han toe.

²⁶ Atangcalah na dei pouh: na laiba na patho hoehroukrak thongim hoi na tâcawt thai mahoe.

Uicuk hanh

²⁷ Na uicuk mahoe tie kâlawk karuem teh na thai aw h toe.

²⁸ Kaie kâlawk teh, uicuk ngainae lungthin hoi ayâ yu ka khen e tami teh, a lungthung vah hote napui coungkacoelah a yonkhai toe.

²⁹ Hatdawkvah, aranglae na mit ni na yon sak pawiteh, hote na mit hah cawngkhawi lawih. Na takbueh lahoi hell daw k na bo hlak teh, na tak daw k e puengcang buet touh a rawk e heh bet ahawihnawn.

³⁰ Hot patetvanlah, aranglae na kut ni nakunghai na yon sak pawiteh, hote na kut hah tâtueng lawih. Na takbueh lah hell daw k na cei hlak teh, na tak daw k e puengcang buet touh a rawk e heh bet ahawihnawn.

Yuvâ kâkapeknae

³¹ Apihai a yu mat ngai pawiteh, yu manae ca poe seh tie kâlawk karuem teh ao toe.

³² Kaie kâlawk teh: Apihaiyah uicuknae laipalah, a yu ka mat e teh, a yu hah a yon sak. Hot dueng laipalah, ma lah kaawm e napui hah ka lat e tami hai bout a yon sak.

Thoebonae

³³ Laithoe hoi thoebo hanh. Cathut koe thoe na kâbo e teh cak seh, tie kâlawk karuem teh na thai aw h toe.

³⁴ Kaie kâlawk teh, thoebonae khoeroe sak aw h hanh. Kalvan noe lahoi thoebo aw h hanh, hotteh Cathut e bawitungkhung doeh.

³⁵ Talai noe lahoi thoebo aw h hanh. Talai teh Cathut khok toungnae doeh. Jerusalem noe lahoi thoebo aw h hanh. Jerusalem teh Siangpahrang e khopui doeh.

³⁶ Na lû noe lahoi thoebo hanh. Na samrui buet touh boehai na pangaw sak thai hoe. Na tamang sak thai hoe.

³⁷ Na lawk hah ue pawiteh ue, nahoe pawiteh nahoe tie lah aw m nah nei. Hethloi e lawk teh kahawihoehe doeh a tâcokhai.

Pathung hanh

³⁸ Mit yueng lah mit, hâ yueng lah hâ tie kâlawk karuem teh na thai aw h toe.

³⁹ Kaie kâlawk teh: na ka rek e hah cakâ aw h hanh. Na hmaibei tambei aw h pawiteh, avanglae rek patueng pouh aw h.

⁴⁰ Na angki na lawm aw h pawiteh, na kâkhu e hah rek poe sin aw h.

⁴¹ Na ka ukkungnaw ni meng touh na cet sak aw h pawiteh, meng hni touh cet pouh aw h.

⁴² Ka hete hah poe aw h. Cawi han ka ngai e tami hah pâban hanh.

Na taran lungpataw

⁴³ Nama hoi kâkuen e tami hah nama patetlah lungpataw nateh, na taran hah hmuhma, tie kâlawk karuem teh na thai aw h toe.

⁴⁴ Kaie kâlawk teh kalvan kho kaawm e nangmae Na pa e capa lah na o thai nahanlah na tarannaw hah lungpataw aw h. Thoe na ka bo e naw hah lungpataw aw h. Nangmouh na ka maithoe e hah hawinae sak pouh aw h. Nangmouh ka taraw k ni teh na ka rektap e naw hanelah Cathut koe ratoum pouh aw h.

⁴⁵ Bangkongtetpawiteh kalvan kho kaawm nangmae na Pa ni tamikahawi hoi tamikahawihoe e lathueng vah kaní a fáco sak. Tamikahawi hoi tamikahawihoe h lathueng vah kho a rak sak.

⁴⁶ Nangmouh lungpataw naw koe dueng na lungpataw aw h pawiteh bangmaw taw kphu kaawm. Tamuk kacawngnaw ni patenghai yah hettelah ngoun teh a sak aw h nahoe h maw.

⁴⁷ Kawibang koe dueng khetyaw tnae na sak pawiteh bangmaw bet na tapu etnae kaawm vaw. Kayuemhoe h naw ni patenghai yah hettelah ngoun teh a sak a nahoe h maw.

⁴⁸ Hatdawkvah nangmae kalvan lae Na pa teh a kuep e patetlah nangmouh haiyah kuep van aw h atipouh.

6

Karoedengnaw poe aw h

¹ Hnokahawi na sak e taminaw hmalah na taw k na sak aw h hoe h nahanlah kâhruetcu et aw h. Telah hoe hpawiteh Kalvan kho kaawm nangmae na Pa koehoi taw kphu na coe aw h mahoe h.

² Hatdawkvah hno na poe aw h navah ka kâsaknaw ni a sak aw h e patetlah sak aw h hanh. Ahnimanaw teh taminaw e barinae a ngai aw h daw kvah tamikâluinae koe, lamsalunnaw koe, mongka ueng laihoi sinakok koe a sak aw h e patetlah sak aw h hanh. Atangcalah na dei pouh aw h. Ahnimouh teh amamae taw kphu hah a hmu aw h toe.

³ Hno na poe aw h navah na poe tie a kamnu e thai hoe h nahanelah aranglae na kut ni a sak e hah avoilah e na kut panuek sak hanh.

⁴ Arulahoi na sak e kahmaw t kung na pa ni taw kphu hah kamcengcalah na poe han.

Ratoumnae

Luk 11:2-4

⁵ Na ratoum aw h navah ka kâsaknaw patetlah ratoum aw h hanh. Ahnimouh teh tami pueng ni na hmu kong titeh sinakok koe a kangdue aw h teh ratoum e hah a lungpataw aw h. Atangcalah na dei pouh aw h. Ahnimouh teh amamae taw kphu hah a hmu aw h toe.

⁶ Na ratoum aw h navah na imthungkhu kâen aw h nateh takhang na khan aw h hnukkhu mithmuhoehnae koe kaawm e na pa koe ratoum aw h. Mithmu hoe e kahmaw t e na pa ni taw kphu hah kamcengcalah na poe aw h han.

⁷ Na ratoum aw h navah Jentelnaw patetlah cungkeihoe h law k hoi boutbout pâbo aw h hanh. Ahnimouh ni teh law k moikapap dei e lahoi mae lungngai aku ep han telah a pouk aw h.

⁸ Hotnaw patetlah sak aw h hanh. Bangkongtetpawiteh nangmouh ni na ngai aw h e hno pueng teh na hei aw h hoe hnahlan vah nangmae na Pa ni a panue toe.

⁹ Hatdawkvah na ratoum awh hane teh: Kalvan kho kaawm maimae na Pa, na min barinae awm lawiseh.

¹⁰ Na uknaeram phat lawiseh. Na lungngainae kalvan vah akuiep e patetlah talai van hai kuep lawiseh.

¹¹ Von kaw kxuem rawca sahnin kaimouh na poe awh haw.

¹² Ayâ ni ka tak daw k a yon e ka ngaithoum e patetlah kaimae yonnae hai na ngaithoum haw.

¹³ Yon tacueknae daw k a baw k payon hoeh nahanlah a thoena koe hoi na rungngang haw. Uknaeram, bahu, hoi bawilenna pueng teh a yungyoe nange doeh. Amen. telah ratoum awh.

¹⁴ Nangmouh koe yonnae ka sak e naw hah na ngaithoum awh pawiteh nangmae kalvanlae na Pa ni nangmae yonnae hai na ngaithoum van han.

¹⁵ Hatei, nangmouh koe yon kasaknaw e yonnae hah na ngaithoum awh hoehpawiteh nangmae na Pa ni nangmae yon hai ngaithoum van mahoe h.

Rawcahainae

¹⁶ Nangmouh teh rawca na hai awh navah ka kâsaknaw e patetlah na minhmai daw k kamnuek sak awh hanh. Ahnimouh teh rawca a hai awh, tie hah taminaw hmalah a minhmai daw k a kamnue sak awh. Atangcalah na dei pouh awh. Ahnimouh teh amamae taw kphu hah a hmu awh toe.

¹⁷ Hatei, nangmouh teh rawca na hai awh navah taminaw e hmalah kamnuek sak awh hanh.

¹⁸ Mithmuhoehnae koe kaawm e na Pa hmalah dueng kamnuek sak awh. Na lû satui kâhluk nateh na sam hak so awh. Na minhmai hak pâhla awh. Mithmu hoeh e ka hmaw t e nangmae na Pa ni taw kphu hah kamcengcalah na poe awh han.

Kalvan vah râw pâkhueng awh

Luk 11:34-36

¹⁹ Sumei hoi khakbara ni a ca thainae koe, tamru ni a paru thainae koe talai van vah na hno pâkhueng awh hanh.

²⁰ Sumei hoi khakbara ni a cathaihoehnae koe, tamru ni a paruhoe hnae koe kalvan kho vah na hno hah pâkhueng awh.

²¹ Bangkongtetpawiteh na hno aona koe vah na lungthin hai ao van.

Tak e angnae teh mit

²² Mit teh tak e hmaiim lah ao. Na mit hawi pawiteh na tak abuemlah a ang han.

²³ Hatei, na mit hawihoe h pawiteh na tak abuemlah a hmo han. Na tak daw k kaawm e na angnae hah hmot pawiteh hote hmonae teh banghloimaw a hmo han.

Cathut hoi Tangka

²⁴ Apihai bawi kahni touh e san lah awm thai hoeh. Bawi buet touh hah pahnaw t vaiteh buet touh hah a lungpataw han. Hoehpawiteh buet touh hah banglahai na pouk hoeh vaiteh, buet touh hah na kâuep han. Cathut hoi tangka san lah vai touh lahoi mek na taw k thai mahoe h.

Na lungpuen hanh

Luk 12:22-31

²⁵ Hatdawkvah bangne ka canei han tihoi na hring na hanlah na lungpuen awh hanh. Bangne ka kho hna han tihoi na tak hanlah na lungpuen awh hanh. Rawca hlak hringnae heh apfu bet ao nahoe hmaw. Kho hna hlak na tak apfu bet ao nahoe hmaw.

²⁶ Kahlun kamleng e tavanaw hah kenhaw. Hote tavanaw ni cati hai patûe awh hoeh, cang hai a awh hoeh, capai dawk pâkhueng awh hoeh. Hatei, nangmae kalvanlae na Pa ni hotnaw hah a kawk. Hote tavanaw hlak nangmouh teh apu moi na awm awh hoeh maw.

²⁷ Apimaw a lungpuenna lahoi amae hringnae hah bet ka saw sak thai han.

²⁸ Bangkongmaw khohna hane dawk na lungpuen awh. Kahrawng e lilikungnaw hah bangtelamaw a rounng ati e hah kenhaw. Thaw hai tawk awh hoeh. Pahla hai sawn awh hoeh.

²⁹ Solomon siangpahrang e khohna e ni hote akung e khohna boehai phat hoeh.

³⁰ Yuemnae kayounnaw, sahnin kahring ni teh tangtho hmai dawk phum e phonaw patenghai hottelah Cathut ni pathoup pawiteh nangmouh natawng teh hot hlak na pathoup awh mahoe na maw.

³¹ Hatdawkvah bangne ka canei han, bangne ka khohna han ti hoi na lungpuen awh hanh.

³² Jentelnaw ni doeh het patet e hnonaw dawk a lungpuen awh. Nangmouh ni na panki awh e hah nangmae kalvanlae na Pa ni kounng a panue.

³³ Hatei, Cathut uknaeram hoi a lanna hah hmaloe tawng awh. Hathnukkhu hote hnonaw teh na poe sin awh han.

³⁴ Hatdawkvah tangtho hanelah lungpuen awh hanh. Tangtho e hnin ni nang han lah a lungpuen han doeh. Sahnin kaawm e hno kahawihoehe hah sahnin hanelah a khout.

7

Ayânaw lawkceng awh hanh.

Luk 6:41-42

¹ Nangmouh teh lawkceng lah na o awh hoeh nahanlah, ayânaw hah lawkceng awh hanh.

² Ayânaw lawk na ceng e patetlah nama hai lawkceng lah na o van han.

³ Na mit dawk e thingtaboung teh na pouk laipalah, hmaunawngaha mit dawk e songnawng teh bangkongmaw khuet na hmu vaw.

⁴ Na mit dawk thingtaboung ao nahlangva vah na hmaunawngaha koe na mit dawk e songnawng ca hah na lat pouh vai khuet na ti a vaw.

⁵ Ka kâsak e naw : na mit dawk e thingtaboung hah hmaloe takhoe awh ei. Hat boipawiteh nouh na hmaunawngaha mit dawk e songnawngca hah kacaicalah na hmawt vaiteh na lat thai ti.

⁶ Kathoung hno hah Uinaw poe awh han. Pale hah voknaw hmalah tâkhawng awh hanh. A khok hoi coungroe awh vaiteh, nama koe lah kamlang awh vaiteh na kei awh han.

Het, tawng, takhawng

Luk 6:41-42

⁷ Het awh. Poe lah na o awh han. Tawng awh, na hmu awh han. Takhawng awh, takhang teh nangmouh hanlah paawng lah ao han.

⁸ Apihai ka hete ni teh a hmu. Ka tawng e ni teh a pâphawng. Ka takhawng e teh paawng pouh lah ao.

⁹ Nangmouh thung dawkvah, na ca ni vaiyei a hei nah talung ka poe hane tami na o a maw.

¹⁰ Hoehpawiteh, tanga a hei nah tahrin ka poe hane tami na o a maw.

¹¹ Nangmouh ni patenghai canaw hanelah, hno kahawi poe hanelah na panuek awh pawiteh, kalvan kho kaawm e nangmae na Pa ni natawng teh, ka hetnaw hah banghloimaw kahawi e poehnonaw hah a poe han!

¹² Hatdawkvah, nama koe ayânaw ni hnokahawi sak sak han na ngai e patetlah, ayânaw koehai sak van. Hethateh, kâlawk pueng hoi profetnaw e lawk doeh.

Kabueng e longkha hoi ka kaw e longkha

¹³ Kabueng e longkha dawk kâen awh. Rawknae koe ka phatkhai e longkha hoi lam teh a kaw dawkvah, ka dawn e tami apap.

¹⁴ Hringnae koe ka phatkhai e longkha hoi lam teh a bueng dawkvah kâen e tami teh a youn ca.

Thingkung hoi a paw

¹⁵ Profetkaphawknaw hah kâhruetcuete awh. Nangmouh koe a tho awh navah, tupho a kâkhu awh teh tu patetlah a kâsak awh. Athung teh Asui ka matheng lah ao awh.

¹⁶ Hotnaw teh amamae a paw lahoi na nout a thai. Pâkhing tangdun dawk hoi misurpaw paw boihoeh. Pâkhingkung dawk hoi thaibunglung paw paw boihoeh.

¹⁷ Hot patetvanlah, thingkung kahawi ni a paw kahawi a paw teh, thingkung kahawihoehe ni a paw kahawihoehe a paw van.

¹⁸ Thingkung kahawi ni a paw kathout paw boi hoeh, hahoi, thingkung kathout ni a paw kahawi paw boihoeh.

¹⁹ A paw kahawi ka paw hoeh e thingkungnaw pueng tâtueng vaiteh hmai dawk phum lah ao han.

²⁰ Hot patetvanlah profetkaphawknaw teh amamae paw lahoi nout thai e lah ao.

²¹ Bawipa, Bawipa ka tet e pueng ni kalvan uknaeram thung a kâen awh han tinae nahoehe. Hatei, kalvan kho kaawm e a Pa lungngai ka sak e dueng ni doeh a kâen han.

²² Tami moikapap ni hot hnin toteh, Bawipa, Bawipa, na min lahoi Cathut lawk ka dei a nahoehmaw. Na min lahoi kahraituulinaw hai ka pâlei a nahoehmaw. Na min lahoi kângairu hnonaw hai ka sak a nahoehmaw. , telah ati awh han.

²³ Hat toteh, kai ni nangmanaw khoeroe na panuek awh hoeh. Cet awh. Hnokahawi ka sak hoeh e naw, telah kancengcalah ka ti pouh awh han.

Im kasakkung

Luk 6:47-49

²⁴ Hatdawkvah, apipatet hai ka dei e lawknaw hah a thai teh ka tarawi e tami teh, lungsong dawk im ka sak e tami a lungkaang e hoi a kâvan.

²⁵ Kho a nan, tui a len, kahlî a tho teh hote im hah a hmang. Hat nakunghai rawm hoeh. Bangkongtetpawiteh, lungsong dawk adu a ung dawkvah.

²⁶ Hatei, apipatet hai ka dei e lawknaw hah a thai teh ka tarawi hoeh e teh, sadi dawk im ka sak e tami ka pathu e hoi a kâvan.

²⁷ Kho a nan, tui a len, kahlî a tho teh hote im a hmang toteh kayawicalah a rawp teh peng kâraphoe teh a rawk.

²⁸ Jisuh ni hete lawknaw pueng koug a dei hnukkhu vah, tamimaya teh a cangkhai e dawk a kângairu awh.

²⁹ Bangkongtetpawiteh, cakathutkungnaw patetlah cangkhai laipalah, kâkatawnnaw patetlah a cangkhai.

8

*Hrikbei e a dam sak**Mrk 1:40-44; Luk 5:12-14*

¹ Jisuh mon lahoi a kumcathuk navah tami moikapap ni a hnuk a kâbang awh.

² Hatnavah ka hrikbei e tami buet touh ni a tabo teh, Bawipa na ngainae awm pawiteh na thoung sak thai, atipouh.

³ Jisuh ni, ka ngainae ao, thOUNGNAE koe phat lawih, atipouh teh, a kut a dâw teh a tek. Dawngdengca dawk a hrikbei a kahma teh thOUNGNAE koe a pha.

⁴ Jisuh ni, hete kong heh api koehai na dei pouh hoeh nahanlah kâhruetcuat. Vaihmanaw koe cet nateh, na tak hah patue. Ayânaw koe lawkpanuesaknae lah ao nahan, Mosi ni kâ poe e patetlah thuengnae hah sak, atipouh.

*Ransabawi e a yuemnae**Luk 7:1-10*

⁵ Hathnukkhu, Kapernuam kho lah a cei navah, ransabawi buet touh a tho teh,

⁶ Bawipa, kaie ka san buet touh teh a kutkhok roup a kamkhuen, puenghoi patawnae a khang teh im vah sut a yan telah a kâhei.

⁷ Jisuh ni, ka tho vaiteh ka dam sak han, atipouh.

⁸ Hahoi ransabawi ni, Bawipa im dawk na tho hane heh kamcu hoeh. Lawk kam touh ma na dei pawiteh kaie ka san teh a dam han doeh.

⁹ Bangnuenae lah, kai teh kâtawnnae rahim vah san lah ka o eiteh, ransanaw hah ka uk. Buet touh cet ka tet pouh pawiteh a cei, buet touh hi tho ka tet pouh pawiteh, a tho. Ka san haiyah hete tawk ka tet pouh pawiteh, a tawk telah ransabawi ni atipouh.

¹⁰ Hote lawk hah Jisuh ni a thai navah a kângai lah a ru teh, atangcalah ka dei e teh, hettelah totouh e yuemnae hah Isarel miphunnaw dawk patenghai ka hmawt boihoeh rah.

¹¹ Bout ka dei e teh, tami kapap ni, kanitho, kaniloumlah hoi tho vaiteh kalvan uknaeram thungvah Abraham, Isak, Jakop tinaw hoiyah cungtalah a tahung awh han.

¹² Uknaeram thung e naw teh hâ kata hoi khuikanae, alawilah, hmonae koe pâlei lah kaawm han telah a hnukkâbangnaw koe a dei pouh.

¹³ Hathnukkhu ransabawi hah, cet leih. Na yuemnae patetlah nang koe awmseh, atipouh. Hatnah tahma vah a san e patawnae pueng a kahma teh damnae a hmu.

*Tami moikapap patawnae a dam sak**Mrk 1:29-34; Luk 4:38-41*

¹⁴ Hathnukkhu vah, Piter im Jisuh a tho teh, Piter e a masei napui a pataw teh sut a yan e hah a hmu.

¹⁵ Hote napui e a kut hah a tek pouh navah, a patawnae a kahma pouh dawkvah, a thaw teh, Bawipa hah kahawicalah a khetyawt.

¹⁶ Tangmin vah, kahraikathout ni a man e taminaw hah a thokhai awh teh, a lawk hoiyah hote kahraituilinaw hah a pâlei pouh. Ka pataw e pueng hah a dam sak.

¹⁷ Het hateh, profet Isaiaah ni a dei e, ahni ni maimae patawnae pueng a phu toe, tie lawk a kuep nahane doeh.

*Jisuh hnukkâbang e**Luk 9:57-60*

¹⁸ Tami moikapap ni Jisuh a kaven aw h e a hmu aw h navah, namran lah cei hanelah kâ a poe.

¹⁹ Hatnavah kâlawk ka cangkhai saya buet touh ni a teng vah a tho teh, Bawipa, na ceinae hmuen koe kâbang van han atipouh.

²⁰ Jisuh ni Asuinaw ni khu a tawn. Kahlun kamleng e tavanaw ni kâhat nahane tabu a tawn aw h. Tami Capa teh a lû toung nahane boehai aw m hoeh atipouh.

²¹ A louk e a hnukkâbang buet touh nihai, Bawipa, ka cei vaiteh, apa e ro hah hmaloe ka pakawm ei nei, atipouh.

²² Jisuh ni, ka hnuk kâbang haw. Kadoutnaw ni amamae tami kadoutnaw hah pakawm a ngoun seh, atipouh.

*Tuicapa a roum sak**Mrk 4:36-41; Luk 8:22-25*

²³ Hatnavah, long thung a kâen teh a hnukkâbangnaw ni a kâbang aw h. Talî daw k tuicapa thouk a thaw dawkvah long hah muen a khu.

²⁴ Hatnavah Jisuh teh a i.

²⁵ A hnukkâbangnaw ni, Jisuh hah a pâhlaw aw h. Bawipa maimouh pueng teh due aw h han toe hei, na rungngang aw h leih atipouh aw h.

²⁶ Jisuh ni, yuemnae a thakayounnaw, bangkongmaw na taki aw h, telah atipouh hnukkhu, a kangdue teh, kahlî hoi tuipei hah a yue teh a roum sak.

²⁷ Ahnimanaw ni, bangpatetlah e tami ma aw, kahlî hoi tuicapa ni hai a lawk a ngai pouh bo aw titeh a kângai lah a ru aw h.

*Kahraikathoutnaw pâleinae**Mrk 5:1-17; Luk 8:26-37*

²⁸ Namran lah kaawm e Gadarenes ram lah a pha navah, kahrai ni a man e tami kahni touh hawvah ao roi, apihai hote lam a dawn thai aw h hoeh nahanlah a mathengpaan roi. Phuen hoi a tâco roi teh Jisuh a dawn roi.

²⁹ Cathut Capa Jisuh, kaimouh hoi bangtelamaw na kâkuet vaw. Atueng a pha hoehnahlan kaimouh hah rektap hanelah khuet na tho vaw telah hramki laihoi ati roi.

³⁰ Ahnimoeh hoi ek ahlahoehnae koe voknaw moikapap a pâ aw h.

³¹ Kahraituilinaw niyah, Jisuh kaimouh na hrek pawiteh hote voknaw thungvah na kâen sak telah a kâhei aw h. Jisuh ni, cet aw h atipouh.

³² Kahrainaw hai a tâco aw h teh voknaw thung a kâen aw h. Vok kaawm e pueng teh tui teng pango daw k hoi a tâto aw h dawkvah tui daw k koun g a due aw h.

³³ Vok kakhounnaw kothung a yawng aw h teh, kahraikathout ni a man e tami roi e kong hoi a hmu aw h e naw pueng hah a dei aw h dawkvah,

³⁴ Kothung e taminaw pueng ni Jisuh kâhmo hanelah a tâco aw h. Jisuh hah a kâhmo aw h toteh kaimae ram thung hoi a tâco hanelah a kâhei aw h.

9*Kutkhok kamkhuen e a dam sak**Mrk 2:3-12; Luk 5:18-26*

¹ Hahoi, Jisuh ni long daw k a kâcui teh, a ma onae kho tui namran lah a pha navah,

² a kutkhok kamkhuen e tami buet touh ikhun dawk sut ka yan e hah ama koe a thokhai awh. Jisuh ni hotnaw e yuemnae hah a hmu navah, ka kamkhuen e tami hanelah, ka capa, kângai hanh. Na yon ngaithoum lah ao toe.

³ Cakathukungnaw tangawn ni teh Cathut ka tapuet lah lawk a dei telah a pouk awh.

⁴ Jisuh ni hotnaw e lungpouk hah a hmu navah, nangmouh ni bangkongmaw utsinnae lung na tawn awh.

⁵ Bang lawk maw dei bet ka yawihnawn. Na yon ngaithoum lah ao toe tie maw bet ka yawihnawn, nahoeh teh thaw nateh cet leih tie maw bet ka yawihnawn.

⁶ Tami Capa teh talaivan vah yon ngaithoum thainae kâtawnnae ka tawn tie nangmouh ni na panue awh nahanelah, thaw leih. Na phailei hah sin nateh nama im vah cet leih, telah ka kamkhuen e tami hah atipouh.

⁷ Ahni ni a thaw teh a ma im vah a cei.

⁸ Tami kamkhuengnaw ni a hmu awh navah a kângairu awh teh, taminaw koevah hettelah sak thainae kapoekung kahring Cathut hah a pholen awh.

Matthai a kawnae

Mrk 2:13-17; Luk 5:27-32

⁹ Hote hmuen koehoi Jisuh a cei navah, tamuk cawngnae im dawk ka tahung e Matthai hah a hmu navah, ka hnuk kâbang haw atipouh. Ahni hai a thaw teh, a hnuk a kâbang.

¹⁰ Hathnukkuh imthung bu ca hanlah a tahung navah, tamuk kacawngnaw hoi tamikathoutnaw a tho awh teh, a hnukkâbangnaw hoi rawca reirei a ven awh.

¹¹ Farasinaw ni a hmu awh toteh, a hnukkâbangnaw koe, nangmae Bawipa teh bangkongmaw tamuk kacawngnaw, tamikathoutnaw hoi cungtalah reirei a canei vaw, atipouh awh.

¹² Jisuh ni a thai navah, a tak kadamnaw ni tâsibawi panki awh hoeh. Kapatawnaw ni doeh a panki awh.

¹³ Thuengnae hlak hai pahrennae doeh ka ngai tie na thai panuek awh nahanlah cet a nateh kamtu awh. Tami kalannaw kaw hanlah ka tho hoeh, tamikayonnaw hanelah doeh ka tho, atipouh.

Rawcahainae kong a pacei awh

Mrk 2:18-22; Luk 5:33-39

¹⁴ Hatnavah Jawhan e a hnukkâbangnaw ni ahni koe a hnai awh teh, kaimouh hoi Farasinaw ni rawca ka hai awh. Bangkongmaw na hnukkâbangnaw ni rawca a hai awh hoeh vaw, atipouh awh.

¹⁵ Jisuh ni, yupaluenkung teh amae a huikonaw hoi rei ao navah, ahnimouh teh a lungmathoe a maw. Yupaluenkung hah a huikonaw hoi kapek teh alouklah ceitakhainae tue ka phat han. Hattoteh ahnimouh ni rawca a hai awh han.

¹⁶ Khohna a kapawn e hah a katha e hoi ouk bo awh hoeh. Hottelah bo pawiteh bonae ni bo e hah vak sawn vaiteh hoe kâphi han.

¹⁷ Hot patetvanlah, phaiyuen um karuem dawk misurtui katha e hlun boihoeh. Hottelah hlun pawiteh, phaiyuen um karuem tangpawk vaiteh, misurtui a yu han, phaiyuen um hai karawk han. Ahruem e misurtui teh a katha e phaiyuen um dawk doeh ouk hlun. Hottelah hlun to doeh kahni touh hoi a cuem han, atipouh.

Ka dout e napui hoi thikui e napui

Mrk 5:22-43; Luk 8:41-56

¹⁸ Hete lawknaw a dei lahun nah, bawi buet touh a tho teh, a tabo laihoi Bawipa, ka canu teh atuhlangca a due toe. Hatei, na tho teh, a van vah na kut na toung sin pawiteh bout a hring han atipouh.

¹⁹ Jisuh ni a thaw teh a hnukkâbangnaw hoi ahnie a hnuk a kâbang awh.

²⁰ Hatnavah, kum hlaikahni touh thung thikui patawnae ka tawn e napui buet touh ni,

²¹ a kâkhu e hni pawî ma hah dek ka tek pawiteh ka dam han telah a pouk dawkvah, rek a hnai teh hni pawî hah dek a tek.

²² Jisuh ni a kamlang teh hote napui hah a hmu navah, ka canu, kângai hanh. Na yuemnae ni na patawnae a dam sak toe, atipouh. Hat nah hote napui teh a patawnae a dam pouh.

²³ Bawi im a pha awh toteh, tapueng longpan kakhawngnaw hoi taminaw teh ruengrueng ati awh e a hmu navah,

²⁴ na phoun awh haw, napui ca teh kadout e nahoe, ka ip e doeh, atipouh. Hahoi ahnimanaw ni a panuikhai awh.

²⁵ Haw e taminaw hah koug a tâco sak teh, imthungkhu a kâen, napui ca e a kut dawc a tek pouh tahma vah, napui ca teh hluet a thaw.

²⁶ Hote kamthang teh khoram pueng dawc a kamthang.

A mit ka dawnnaw hoi lawkanaw a dam sak

²⁷ Jisuh ni hote hmuen koehoi a tâco navah, a mit ka dawn e tami kahni touh ni a hnuk a kâbang roi teh, Devit capa, kaimouh roi heh na pahren haw, telah a hramki roi.

²⁸ Imthung a kâen navah a mit ka dawn e roi ni rek a hnai roi. Bawipa ni hete heh kai ni ka coung sak thai tie hah na yuem roi maw telah a paei. Ahnimouh roi ni, ka yuem Bawipa ati roi.

²⁹ Ahnimouh roi e a mit dawc a tek pouh teh, na yuemnae patetlah nangmouh roi koe awmseh, atipouh navah ahnimouh roi e mit teh a ang.

³⁰ Jisuh ni, apihai panuek sak roi hanh lah a, telah kâhruetcuetnae a poe.

³¹ Hatei, ahnimouh roi ni a cei roi teh, hote kamthang hah ram thung pueng a pathang roi.

³² Ahnimanaw a cei a hnukkhu, kahrai ni a man e tamipathu buet touh ama koe a hravi awh.

³³ A thung e kahrai a pâlei pouh toteh, hote ka pathu e ni lawc a dei. Ka kamkhueng e pueng teh a kângai lah a ru awh teh, Isarel miphun dawc het patetlah e hmawt boihoeh rah ati awh.

³⁴ Farasinaw ni kahraituulinaw e bawi a kâuep laihoi doeh kahraituulinaw a pâlei ati awh.

³⁵ Jisuh ni khopui khote pueng dawc a cei teh, sinakoknaw dawkvah uknaeram kamthang kahawi han a cangkhai. Patawnae a cawngca hoi kapatawnaw a dam sak.

³⁶ Ahnimanaw teh ngawt a tawn awh toung dawkvah, tukhoumking kaawm hoe e, pahnawt e tunaw patetlah a hmu.

³⁷ Hatnavah, Jisuh ni, canga hane moi ao. Ka tawc e naw teh a younca.

Thaw katawkkung ayounca

³⁸ Hatdawkvah, law katawknung koe ratoum awh, canga sak hanelah thawtawkkung a patoun thai nahanlah atipouh.

10

A hnukkâbang hlaikahni touh

¹ A hnukkâbang hlaikahni touh hah a kaw teh, kakhine muithanaw pâlei thainae, patawnae aphunphun dam sak thainae kê a poe.

² Guncei hlaikahni touh e a minnaw teh, apasuek vah Piter telah kaw e Simon hoi a nawngaha Andru,

³ Zebedee e capa Jem hoi a nawngaha Jawhan, Filip hoi Bartholomew, Thomas hoi tamuk ka cawng e Matthai,

⁴ Alfe capa Jem hoi Thaddaeus telah min katha hoi kaw e Lebbeus, Kanaan tami Simon hoi Judah Iskariot, ahni teh Jisuh ka pahnawt e doeh.

A hnukkâbang hlaikahni touh patounnae

⁵ Jisuh ni hete hlaikahni touh hah a patoun teh, kê a poe. Nangmouh teh Jentelnaw onae koe cet awh hanh. Samaria kho thung kêen awh hanh.

⁶ Isarel miphun kahmat e tunaw onae koe hmaloe cet awh.

⁷ Na cei awh nah kalvan uknaeram teh a hnai toe telah pâpho awh.

⁸ Kapatawnaw hah damnae poe awh. Kadoutnaw hah thaw sak awh. Ka hrikbei naw hah thoungsak awh. Kahraituulinaw hah pâlei awh. Nangmouh teh aphu laipalah na coe awh dawkvah, aphu dâw laipalah poe awh.

⁹ Sui, ngun, rahum tangkanaw hah tangkabom thung kêen awh hanh.

¹⁰ Kahlong na cei nah lam hanelah, yawngya, angki kahni touh, khokkhawm, sonronnaw hah kampu awh hanh. Bangkongtetpawiteh, ka taw k e teh paca hanlah a kamcu raw doeh.

¹¹ Bangpatet e khopui khotenaw dawk na kêen awh navah, api hoi maw a kamcu tie hah pacei a nateh, hote kho dawk hoi na tâco awh hoehroukrak ahnie im dawkvah awm awh.

¹² Imthung na kêen awh nah, yawhawinae awm naseh telah pato awh.

¹³ Hote imthung ni kamcu pawiteh nangmouh ni na dei awh e yawhawi lungmawngnae teh ahnimouh koe phat lawiseh. Kamcu hoehpawiteh nangmouh koe bout ban lawiseh.

¹⁴ Apipatet haiyah, nangmouh na luen sak awh hoeh, nangmae lawk hai ngâi awh hoehpawiteh, ahnie im thung hoi na tâco awh navah, hoehpawiteh, hote kho thung hoi na tâco nah, na khoktabei dawk e vaiphu hah takhawng sin awh.

¹⁵ Atangcalah na dei pouh awh. Lawkcengnae hnin dawkvah hote kho hateh, Sodom hoi Gomorrah kho hlak hoe a Khang awh han.

Ka tho hane runae

¹⁶ Asui um vah tunaw tha e patetlah kai ni nangmouh na patoun awh. Hatdawkvah, tahrin patetlah lungang a nateh, Bakhu patetlah asue laipalah awm awh.

¹⁷ Taminaw hah kêhruetcuat awh. Lawkcengnae hmuen koevah na thak awh han. Sinakoknaw dawk na hem awh han.

¹⁸ Khobawinaw hoi siangpahrangnaw koevah Kai kecu dawk na thak awh han. Ahnimanaw hoi Jentelnaw koe lawkpanuesaknae lah ao nahan lah.

¹⁹ Hottelah na thak awh toteh bangtelamaw ka dei han tie hah kângai awh hanh. Dei hane lawk hah atuenga a pha toteh na coe awh han.

²⁰ Na mahmawk na dei awh e na hoeh. Nangmae na Pa e Muitha ni nangmouh lahoi yah a dei e doeh.

²¹ Hattotéh hmaunawnggha reira due sak hanlah a kâthak aw h han. A na pa ni capa hah a thak han, canunaw ni hai manu na pa hah taran vaitech a due sak aw h han.

²² Taminaw ni haiyah, Ka min kecu daw k na hmaw t ngai a mahoe h. Apipatet haiyah a pout ditouh ka cak e teh rungngang lah ao han.

²³ Kho buet touh daw k na rektap aw h pawiteh, kho buet touh daw k yawng aw h. Atangcalah na dei pouh aw h. Isarel kho pueng, koung na katin aw h hoehnahlan tami Capa teh a tho han.

²⁴ A hnukkâbang e ni kacangkhaikung tapuet hoeh. A san ni a bawipa tapuet hoeh.

²⁵ A hnukkâbang e teh kacangkhaikung patetlah san teh a bawipa patetlah aw m pawiteh a khout. Imkung hah Beelzebub telah kaw aw h pawiteh a imthungnaw natawng teh hoe a kaw aw h han nahoe h maw.

Cathut takinae

²⁶ Hatdawkvah, ahnimanaw hah taket aw h hanh. Ramuk e pueng peng kamnuek han. Arulah kaaw m e pueng hai ka kamphawng han.

²⁷ Kai ni a hmonae koe na dei pouh e naw hah nangmouh ni a angnae koe dei aw h. Na hnâ koe duem ka dei teh na thai aw h e naw hah lemphu hoi hramkhai aw h, atipouh.

²⁸ Tak ka thet thai niteh, muitha ka thet thai hoeh e hah taket aw h hanh. Tak hoi muitha hah hell daw k mek ka thet thai e hah hoe taket aw h.

²⁹ Pusu kahni touh hah rahum tangka phek touh hoi ran nahoe h maw. Nangmae na Pa koehoi laipalah hote pusu buet touh boehai talai baw t mahoe h.

³⁰ Na sam patenghai koung touk e lah ao.

³¹ Hatdawkvah taket aw h hanh. Pusunaw hlak nangmouh teh aphu na o aw h.

Tami hmalah Khrih kampangkhae

³² Apipatet haiyah, tami hmalah Kai na kampangkhai e teh kalvan kho kaaw m e a Pa hmalah ahni hah ka kampangkhai van han.

³³ Apipatet haiyah taminaw hmalah Kai hah na ka pahnaw t e teh, kalvan kho kaaw m e a Pa hmalah ahni teh ka pahnaw t van han.

Rounnae laipalah kâkapeknae tahloi

³⁴ Talai van vah rounnae tho sak hanelah a tho telah pouk aw h hanh. Rounnae tho sak hanelah ka tho hoeh. Tahloi patoun hanelah doeh ka tho.

³⁵ Na pa hoi capa, manu hoi canu, mani hoi langa, kâkapek sak hanelah doeh ka tho.

³⁶ Imthungnaw haiyah taran lah ao aw h han.

³⁷ Apipatet haiyah, Kai hlak a manu, a na pa lungpataw pawiteh, kai hoi ka kamcu hoeh. Apipatet haiyah, canu capa hah Kai hlak lungpataw pawiteh kai hoi ka kamcu hoeh.

³⁸ Apipatet haiyah amae thingpalam hraw m hoi ka hnukkâbang hoeh-pawiteh kai hoi kamcu hoeh.

³⁹ A hringnae ka vum e teh hringnae a sung han. Kai kecu daw k a hringnae ka sung e teh, hringnae a coe han.

Tawkp hu na hmu han

⁴⁰ Nangmouh na ka dâw e teh Kai hai na dâw toe. Kai na ka dâw e teh kai na kapatoukung hai a dâw toe.

⁴¹ Profet e minhmai khet lahoi ka dâw e teh, profet e tawkpheu hah a coe han. Tami kalan e minhmai khet lahoi ka dâw e teh, tamikalan e tawkpheu hah a coe han.

⁴² Apipatet haiyah, a hnukkâbangnaw e minhmai khet laihoi hete kahoengcae tami buetbuet touh hah tui pâding manang buet touh banghai ka pânei e tami teh, atangcalah na dei pouh awh, tawkpheu coe laipalah awm roeroe mahoe, telah lawk a thui.

11

Jisuh hoi Baptisma Jawhan

¹ Hottelah a hnukkâbang hlaikahni touh hah kâ a poe hnukkheu, cangkhai hane hoi kamthang pâpho hanelah khopui khote tangkuem koe a cei.

² Khrih ni a sak e pueng hah Baptisma kapoekung Jawhan ni thongim thung hoi a thai navah, amae a hnukkâbang kahni touh a patoun teh, a ka tho hane teh nang toun na maw.

³ Hoehpawiteh alouke maw ka ngaihaw awh han rah, telah a pacei sak.

⁴ Jisuh ni, Jawhan koe cet roi nateh na thai awh e hoi na hmu awh e pueng hah dei pouh awh, atipouh.

⁵ Mit kadawnnaw ni kho a hmu awh toe. Kamkhuennaw ni lam a cei awh toe. Ka hrikbeinaw ni a thoung awh toe. Hnâpangnaw ni hnâ a thai awh toe. Kadoutnaw ni a thaw awh toe. Karoedengnaw ni hai lunghawinae kamthang a thai awh toe.

⁶ Kai kecu dawk a lung ka pout hoe e teh a yawhaw telah atipouh.

⁷ Ahnimouh a cei a hnukkheu, Jisuh ni Jawhan deingainae lahoi rangpuinaw a dei pouh e teh, nangmouh ni bang hmu hane lahoi maw kahrawng na tâco a vaw. Kahlî ni hon a nawi e phonaw khet hanelah maw na tâco awh.

⁸ Hoeh teh, khohna kahawi ka khohnat e khet hanelah maw na cei awh. Khohna kahawi ka khonaw teh siangpahrang im doeh ouk ao.

⁹ Profet khet hanelah maw na cei awh. Bokheiyah. Profet hlak kalen e lah ka o ka ti.

¹⁰ Cakathoung dawk thut e teh, khenhaw! na cei nahane lamthung ka rasoun hanelah kaie patoune hah na hmalah ka patoun ati navah ahni doeh a dei ngai nah.

¹¹ Atangcalah ka dei. Napui ni a khe e naw thung dawk Baptisma Jawhan hlak kalen e buet touh boehai kamphawng hoe rah. Hatei, kalvan uknaeram dawkvah kathoungpoung hah ahni hlak a len han.

¹² Baptisma Jawhan koehoi kamtawng teh atu totouh kalvan uknaeram hah a kâtuk awh. Kâtuk e naw ni hai thama lah a kâen awh.

¹³ Jawhan a pha hoehnahlan totouh kâlawnaw hoi profet lawknaw ni na cangkhai awh.

¹⁴ Nangmouh ni ka lawk hah na thai panuek awh pawiteh ahni teh ka tho hane Elijah doeh toe.

¹⁵ Thai nahan hnâ ka tawn pueng ni thai naseh.

¹⁶ Hete miphunnaw hah bang hoi maw ka bangnue han vai. Pawi koe ka tahung e camonaw hoi a kâvan awh.

¹⁷ Kahawicalah ratoung tamawi ka tum a haiyah na lam awh hoe. Khuika la sak nahaiyah na kap awh hoe.

¹⁸ Jawhan teh catnet laipalah a tho navah, kahrai ni a man e doeh bout na tí awh.

¹⁹ Tami Capa teh canei laihoi a tho navah, ka carawng e, misurtui kâso e, tamuk kacawngnaw hoi tamikayonnaw e huiko lah kâsak e bout na ti pouh awh. Hateiteh, a lungangnae ni, a canaw a hlout sak telah a ti.

Pankângai hoeh e khonaw yawthoenae

Luk 10:13-15

²⁰ Hatnavah, athaonae a kamnue saknae khonaw ni pankângainae a tawn awh hoeh dawkvah, hote khonaw hah Jisuh ni a yue.

²¹ Oe! Khorazin, na yawthoe. Bethsaida, na yawthoe. Nangmouh koe thaonae hno ka sak e naw hah Taire hoi Sidon khonaw dawkvah ka sak boipawiteh, hotnaw ni buri kâkhu hoi vaiphu kâphuen awh vaiteh, pankângai awh han ei nan toung mah.

²² Atangcalah na dei pouh awh, lawkcengnae hnin dawkvah, nangmouh teh Taire hoi Sidon khonaw hlak na khang awh han.

²³ Kapernuam kho, nang teh kalvan totouh tawm lah na kaawm ei nakunghai, phuen kho totouh pabo lah na o han. Na thungvah thaonae hno sak lah kaawm e naw hah Sodom kho dawkvah ka sak pawiteh, hote kho teh atu sittouh kangdout han ei.

²⁴ Atangcalah na dei pouh awh. Lawkcengnae hnin dawkvah Sodom kho hlak hoe na khang awh han, atipouh.

Hnori kaphawtnaw tho awh

Luk 10:21-22

²⁵ Hatnavah, Jisuh ni, kalvan hoi talai kaukung a Pa, nang ni a lungkaangnaw hoi kathounnaw koe kângairu hnonaw hah na hro teh, camonaw koe na pâpho dawkvah na lungmanae teh ka pholen.

²⁶ Oe apa hottelah na ngainae ao.

²⁷ A Pa nang ni hnocawngca pueng kai koe na poe toe. Pa laipalah apinihai Capa panuek hoeh. Capa hoi Capa ni a kamnue pouh e hloilah apinihai Pa teh panuek hoeh.

²⁸ Hno ka ri ni teh kapatangnaw kai koe tho awh, kai ni na kâhat sak han.

²⁹ Kaie kahnam hah phawt awh. Kai koe kamtu awh. Kai teh lungdonae hoi lungnemnae lah ka o. Na hringnae ni kâhatnae a hmu han.

³⁰ Bangkongtetpawiteh, kaie kahnam teh phu a nep. Ka hno hai a pâhaw, atipouh.

12

Jisuh teh Sabbath Bawi lah a o

Mrk 2:23-28; Luk 6:1-5

¹ Hatnae tueng nah, Jisuh teh Sabbath hnin vah, catun lawnaw dawk a cei navah, a hnukkâbangnaw teh a vonhlam awh dawkvah, catun vuinaw hah a pahroe awh teh a bap awh.

² Farasinaw ni a hmu toteh, sabbath hnin sak hoeh hane kawi hah na hnukkâbangnaw ni a sak awh, telah atipouh awh.

³ Jisuh ni, Devit teh a huinaw hoi a vonhlam awh navah,

⁴ Cathut e im dawk a kâen teh, a ma ni a cakawi hoeh e, a huinaw ni hai a cakawi hoeh e, vaihmanaw ni dueng a cakawi e vaiyei a ca e hah na touk a boihoeh maw.

⁵ Vaihmanaw nihaiyah, bawkim dawk sabbath hnin a hnan awh ei, tounhoehe lah ao tie hah kâlawnaw dawk na touk a boihoeh maw.

⁶ Kai ni ka dei e teh, hie hmuen koe bawkim hlak hoe kalen e ao.

⁷ Thuengnae hlak pahrennae hah ka ngai tie Cakathoung dawk kaawm e na thai panuek awh pawiteh, yon ka tawn hoeh e naw hah yonpen awh mahoei ei.

⁸ Tami Capa teh sabbath hnin kaukkung lah ao, atipouh.

Kutvang kamkhuen e a dam saknae

Mrk 3:1-6; Luk 6:6-11

⁹ Hote hmuen koehoi a cei teh sinakok thung a kâen. A kutvang ka khem e tami buet touh ao.

¹⁰ Tami tangawn ni Jisuh a yon tawngnae lah, sabbath hnin vah patawnae roum sak kawi maw, titeh a pacei awh.

¹¹ Jisuh ni, tu buet touh na tawn e ca hah sabbath hnin vah, tangkom thung bawt pawiteh rasat laipalah kaawm hane tami buet touh banghai nangmouh thung dawk na o awh maw.

¹² Tami teh tu hlak apuho awo nahoehmaw. Hatdawkvah, sabbath hnin hnokahawi sak kawi lah ao, atipouh.

¹³ Hote a kutvang kadout e koevah, na kut hah dâw haw, atipouh navah ahni ni a kut a dâw teh, avanglae kut patetlah ao.

¹⁴ Hattoteh Farasinaw a tâco awh teh, Jisuh bangtelah hoi maw thei han telah a kapan awh.

Cathut thaw ka tawk e

¹⁵ Jisuh ni a panue dawkvah, hote hmuen koehoi alouklah a cei teh, moikapap e taminaw ni a kâbang awh teh, ahnimae patawpanatnae kaawm e pueng hah a dam sak pouh.

¹⁶ Ahnimouh ni pung a pathang awh hoeh nahan kâhruetcuetnae a poe.

¹⁷ Hot teh, profet Isaiah e lawk a kuep nahane doeh.

¹⁸ Isaiah ni a dei e lawk teh, thai awh haw, ka rawi e ka san, ka pahren poung e ahni dawkvah ka lung ahawi tangngak. Ahni dawk ka muïtha ka caksak han. Jentelnaw hah lawkcengnae kâ ka poe han.

¹⁹ Oun hoeh, hram hoeh. Hatdawkvah ahnie lawk apinihai lam dawk thai mahoei.

²⁰ Coungroe e lungpungkung khoe hoeh, hmaikhu kapap e hmaipalai dout hoeh, A lawk teh tânae koe a pha nahanlah a sak han.

²¹ A min haiyah Jentelnaw ni a kâuep awh han, telah a pâpho.

Jisuh hoi Beelzebub

Mrk 3:23-27; Luk 11:17-22

²² Hatnavah, kahrai ni a man teh, mit ka dawn, lawk ka a e tami buet touh a ma koe a thokhai awh. A mit bout a ang teh, lawk bout a dei thai nahanlah Jisuh ni ahawi sak.

²³ Hawvah ka kamkhuengnaw pueng ni a kângairu awh teh, ahni heh Devit e capa han na maw telah ati awh.

²⁴ Farasinaw ni a thai awh navah, ahni teh kahraituilinaw e bawi Beelzebub a kâuep laihoi doeh kahraituilinaw hah a pâlei thai, ati awh.

²⁵ Jisuh ni hotnaw e pouknae a panue pouh dawkvah, bangpatet e uknaeram haiyah amamouh hoi mamouh kâpo awh hoehpawiteh, rawknae koe a pha awh han. Bangpatet e khoram hoi imthung haiyah amamouh hoi mamouh kâpo awh hoehpawiteh kangdout thai mahoei.

²⁶ Setan ni Setan hah pâlei pawiteh, amamouh hoi mamouh kâkapek vaiteh a uknaeram bangtelamaw a kangdue thai han vaw.

27 Kai ni Beelzebub kâuep laihoi kahraituilinaw ka pâlei pawiteh, nangmae canaw niteh, apimaw a kâuepkhai vaiteh a pâlei awh han. Hatdawkvah ahnimouh teh nangmouh lawkcengkung lah ao awh han.

28 Kai ni Cathut e Muitha hah kâuep laihoi kahraituilinaw ka pâlei pawiteh, atangcalah nangmouh koe Cathut uknaeram kangdue nahane tueng teh a pha toe.

29 A thakaawmpouge tami, a ma hah hmaloe katek hoehpawiteh, apinimaw ahni imthung a cei vaiteh hnopainaw hah a lawp thai han. A ma hah hmaloe katek pawiteh doeh a hnopainaw hah lawp thai lah awm tih.

30 Kai koe lah kambawng hoeh e teh ka taran doeh. Kai hoi cungtalah kaawm hoeh e teh kampek e lah ao.

Muitha ka dudam e

31 Hatdawkvah, ka dei e teh, yonnae puenghoi Cathut dudamnae yon pueng hai taminaw ni ngaithoumnae a hmu thai awh. Hatei, Kathoung Muitha dudamnae yon teh taminaw ni ngaithoumnae hmawt thai awh hoeh.

32 Tami Capa hah a pahni hoi ka yon e yon ngaithoum thai. Kathoung Muitha hah a pahni hoi ka yon e yon teh atu a hring na hai, due hnukkhu hring nah hai ngaithoum thai mahoe.

33 A paw dawk hoi akung e coungae a kamnue dawkvah, a paw hawi pawiteh akung hai ahawi. A paw hawihoe pawiteh a kung hai hawi hoeh.

34 Hrunthoe catounnaw, laplap na thoe awh nahlangva kahawi e lawk hah bangtelamaw na dei thai awh han. Lungthung kakawi e patetlah doeh pahni ni hai a dei.

35 Tami kahawi ni teh a lungthung e kahawi e hno hah a rasa.

36 Ka dei e teh, taminaw ni aphu kaawm hoeh e lawk na dei e pueng hah, lawkcengnae hnin dawkvah nama ni na deicai han. Na lawknaw lahoi yah, yon hlout lah na o han.

37 Hoehpawiteh, na lawk dei e naw lahoi yah. yon lawkceng lah na o han, atipouh.

Jawnah e mitnout

Luk 11:29-32

38 Hat torei teh, cakathutkungnaw hoi Farasinaw niyah, Bawipa kaimouh ni mitnoutnae buetbuet touh hmu han ka ngai, atipouh awh.

39 Jisuh ni, tami kahawihoehnaw e catounnaw ni mitnoutnae na hei awh nah, profet Jonah laipateh alouke bang buet touh boehai kamnuek sak mahoe.

40 Jonah teh tanga von dawk hnin thum touh ao patetlah tami Capa teh talai thungvah hnin thum touh ao van han.

41 Lawkcengnae hnin navah, Nineveh kho e taminaw teh hete miphunnaw e a vang lah thaw awh vaiteh ahnimanaw a sung sak awh han. Bangkongtetpawiteh, ahnimouh teh Jawnah ni a pâpho e lawk kecu dawk pan a kângai awh. Hie hmuen koe Jawnah hlak hoe kalen e teh ao.

42 Lawkcengnae hnin navah, akalah e siangpahrangnu teh hete miphunnaw e avanglah thaw vaiteh ahnimanaw hah a sung sak han. Bangkongtetpawiteh, hote siangpahrangnu teh Solomon siangpahrang e lungangnae lawk hah thai hanelah talai poutnae koehoi a tho toe. Khenhaw! hie hmuen koevah Solomon hlak ka talue e teh ao.

Kahrai kathout bout a ban

⁴³ Kakhine muitha teh tami thung hoi a tâco teh duem ao nahane hmuen hah yuengyoe a tawng.

⁴⁴ A hmu hoeh toteh ka tâconae, ouk ka onae im koe lah bout ka ban han ati teh bout a tho navah hote im teh sut ka houg e lah ao tie a hmu.

⁴⁵ Hahoi, ama hlak hoe kathoute alouke sari touh a kaw teh, hote tami thungvah bout a kâen aw hoh teh ao aw hoh. Hote tami teh ahmaloe e hlak a mathoe. Kathout e hete miphunnaw koevah hot patetlah ao van han telah a dei pouh.

Jisuh e manu hoi hmaunawnggha naw

Mrk 3:31-35; Luk 8:19-22

⁴⁶ Hottelah taminaw koevah a pâpho lahun nah a manu hoi a nawngghanaw ni pato han a ngai aw hoh dawkvah alawilah sut a kangdue aw hoh.

⁴⁷ Tami buet touh ni na manu hoi na nawngghanaw ni na pato hane a ngai aw hoh dawkvah alawilah sut a kangdue telah a dei pouh.

⁴⁸ Ka manu ka nawngghanaw teh api nama telah a pacei.

⁴⁹ A hnukkâbangnaw koe lah a kut a dâw teh, hetnaw teh ka manu, ka nawngghanaw doeh.

⁵⁰ Kalvan kho kaawm, a Pa e ngainae ka sak e pueng teh ka nawnggha, ka tawncanu, ka manu lah doeh ao, telah atipouh.

13

Cati kaheikung bangnuenae

Mrk 4:1-12; Luk 8:4-10

¹ Hot hnin vah Jisuh imthung hoi a tâco teh tali teng vah a tahung navah,

² moikapap e taminaw ni a kalup aw hoh teh a kamkhueng aw hoh. Long thung a kâen teh a tahung. Rangpuinaw teh a kawngteng lah a kangdue aw hoh.

³ Hatnavah, bangnuenae lawknaw hah a dei pouh e teh, thai aw hoh haw, cati kahei e tami ni cati kahei hanelah a tâco.

⁴ Cati teh a hei navah, a tangawn teh lam teng lah a bo. Lam teng a bo dawkvah tavanaw ni a tho aw hoh teh a pâtu aw hoh.

⁵ A tangawn teh talai a rapamnae koe lungcarawk um vah a bo. Hawvah ka bawt e cati teh tang a paw eiteh, a khawngyang a pabo hoeh dawkvah,

⁶ Kaní a tâco toteh khumbei ni a daw dawkvah, ketkamyai teh rawknae koe a pha.

⁷ A tangawn teh pâkhing um vah a bo. Hawvah ka bawt e cati teh a paw ei pâkhing ni a katek teh a rawk aw hoh.

⁸ A tangawn teh kahawi e talai daw a bo. Hawvah ka bawt e cati teh a let 30, 60, 100 totouh a paw teh a pung aw hoh.

⁹ Thai nahan hnâ ka tawn e pueng ni thai na seh, atipouh.

Bangnuenae akungtuen

¹⁰ A hnukkâbangnaw ni a hnai aw hoh teh, bangkongmaw hetnaw koevah bangnuenae lahoi na dei pouh telah a pacei aw hoh.

¹¹ Jisuh ni, nangmouh teh kalvan uknaeram hrolawknaw hah panuethainae kâ na tawn aw hoh. Hatei, ahnimanaw teh, tawn aw hoh.

¹² Apipatet haiyah ka tawn e tami teh kapap a tawn nahanlah bout poe sin han. Apipatet haiyah ka mathoe e teh a tawn e ca patenghai lawp lah ao han.

13 Ahnimouh teh a hmu aw h nahlangva nout aw h hoeh. A thai a nahlangva panuek aw h hoeh. Hatdawkvah bangnue nae hoi ka cangkhai.

14 Isaiah ni, nangmouh teh na thai aw h nahlangva vah thai panuek laipalah na thai aw h. Na hmu aw h nahlangva vah nout laipalah na hmu aw h.

15 Hete miphunnaw nyah mit hmawt thai aw h hoeh, hnâthai thai aw h hoeh, a lungthin hoi panuek aw h hoeh, a hringnae kâthung aw h hoeh, a patawnae dam sak hoeh hane totouh a lungthin a hmo teh, a hnâpang aw h teh, a mit a tabuem aw h, telah sutdeilaw k, hete miphunnaw koe a kuep.

16 Nangmouh teh na mit ni a hmu teh na hnâ ni hai a thai dawkvah yawhawi lah na o aw h.

17 Atangcalah na dei pouh aw h. Nangmouh ni na hmu aw h e hah profetnaw hoi tami kalannaw ni hmu hane a ngai a ei hmawt aw h hoeh. Na thai aw h e hah thai hane a ngai a ei thai aw h hoeh.

Cati kahei e deicainae

18 Cati kaheikung bangnue nae dei ngainae teh, thai a haw.

19 Lam teng daw k ka baw t e cati tingainae teh, uknaeram law k hah sut a thai ei, a thai panuek hoeh dawkvah, kahrai ni a lung daw k hei lah kaawm e cati hah yout a la pouh tingainae doeh.

20 Lungcaraw k um ka baw t e cati tingainae teh, kamthang kahawi hah a thai navah, lunghawinae lung hoi tang a dâw eiteh,

21 a lungthin daw k a khawngyang a payang hoeh dawkvah, dawng-dengca dueng doeh ao. Law k kamthang kecu daw k rektapnae a khang toteh, hnuklah tang a kâhnawn tingainae doeh.

22 Pâkhing um ka baw t e cati tingainae teh, Law k kamthang hah a thai eiteh, talaivan hnopai daw k lungpuenna e hoi hnopai tawntanae ni a dumyen teh, hote hno ni kamthang law k hah a katek dawkvah, a paw paw thai hoeh tingainae doeh.

23 Talai kahawi daw k ka baw t e cati tingainae teh, kamthang kahawi hah a thai teh, a thai panuek dawkvah alet 30, 60, 100 totouh a pungdaw tingainae doeh atipouh.

Cang hoi pho mu bangnue nae

24 Alouke bangnue nae bout a dei pouh e teh, kalvan uknaeram teh, a law daw k cati kahei e hoi a kâvan.

25 Taminaw a i aw h lahun nah taran hah a tho teh, cang hoi kâvan e pho mu hah cang um vah mak a hei sin teh yout a ceitakhai .

26 Cang teh a pâw, a roun g, a vui a tâco toteh, phokungnaw hai a kamnue van.

27 Hattoteh a sannaw ni imkung koe a cei aw h teh, Bawipa, cati kahawi dueng nahoehmaw na law daw k na kahei vaw, phokungnaw teh nâ e na maw. atipouh aw h navah,

28 hethateh taran ni a sak e doeh atipouh. Hat pawiteh, ka cei a vaiteh phokungnaw hah koun g phaw k sak hanelah na ngainae ao maw, telah atipouh aw h navah,

29 Imkung ni, hottelah ka ngainae aw m hoeh. Phokungnaw hah na phawng aw h pawiteh, cangkungnaw haiyah mek na phawng a payon vai ti puenna e ao.

30 Canga tue totouh teh, reirei roun g na yawkaw seh. Canga tue a pha toteh, phokungnaw hah hmaloe phaw k vaiteh hmai phum hanlah

tangoung aw h. Cakang hateh capai daw k cui aw h telah ka a e naw hah ka ti pouh han telah imkung ni atipouh.

Antam mu hoi Ton bangnue nae
Mrk 4:30-32; Luk 13:18-21.

³¹ Alouke bangnue nae law k a dei pouh e teh, kalvan uknaeram teh law daw k patûe e antam mu hoi a kâvan.

³² Antam mu teh a mu pueng hlak vah a thoung eiteh, a roun g toteh phokung pueng hlak a len daw kvah, kahlun kam leng tavanaw ni a tho aw h teh a kangnaw daw k a kamcout, a kâhat thai nahan totouh e a kung lah ao telah atipouh.

³³ Alouke bangnue nae law k a dei pouh e teh kalvan uknaeram teh ton hoi a kâvan. Napui ni ton a la teh tavai tangthung katham touh daw k a thum daw kvah tahawn kaawm e pueng hah a po sak atipouh.

³⁴ Jisuh ni hete bangnue nae lahoi yah, rangpuinaw hah a dei pouh. Bangnue nae laipalah dei pouh hoeh.

³⁵ Hot patet e lahoi yah, profet e law k tie hateh, ka pahni ka ang vaiteh bangnue nae hah ka dei han. Talaivan pek a kam tawng hoiyah hro lah kaawm e naw hah ka pâpho han telah sut a dei e law k hah kuepnae koe a pha.

Cati hoi phokung bangnue nae

³⁶ Hathnukkhu Jisuh ni tami kamkhuengnaw hah a ceisak teh, imthung a kâen hnukkhu, a hnukkâ bangnaw ni a hnai aw h teh, law daw k hei e kahrawng e pho mu hah bang tingainae maw kacaicalah na dei pouh haw atipouh.

³⁷ Jisuh ni, cati kahawi kahei e teh tami Capa doeh.

³⁸ Law hateh het talaivan doeh. Kahawi e cati teh uknaeram capanaw doeh. Kahrawng e pho mu teh kahrai capanaw doeh.

³⁹ Kahrawng e pho mu ka hei e taran hateh Kahraimathout doeh. Canga tue teh het talaivan poutnae doeh. Cang ka a e naw teh kalvantaminaw doeh.

⁴⁰ Kahrawng phokungnaw hah phawk vaiteh hmai phum e patetlah het talai apout navah kaawm han.

⁴¹ Tami Capa ni ama e kalvantami a patoun vaiteh, ka payon sak e naw hoi kahawihoehe hno ka sak e pueng hah A uknaeram thung hoi rawi vaiteh,

⁴² khuikanae, hâ katanae onae koe hmai daw k a pabo aw h han.

⁴³ Hatnavah tami kalannaw teh kanî patetlah amae na Pa e uknaeram daw k a ang aw h han. Thai nahan hnâ ka tawn e pueng ni teh thai naseh.

Hro e hnopai hoi aphu kaawm poung pale bangnue nae

⁴⁴ Kalvan uknaeram teh law daw k hro e hno hoi a kâvan. Hote hno hah kahmawt e ni teh bout a ramuk teh, lunghawi laihoi a ban teh a tawn e pueng hah a yo hnukkhu hote law hah a ran.

⁴⁵ Hahoi, kalvan uknaeram teh aphu kaawm poung e Pale ka tawng e hno kayawtkung hoi a kâvan.

⁴⁶ Hote hno kayawtkung ni aphu kaawm poung e Pale hah a hmu toteh, a cei teh a tawn e pueng hah a yo hnukkhu hote Pale hah a ran.

Tamlaw k bangnue nae

⁴⁷ Hahoi, kalvan uknaeram teh talî daw k heng nah aphunphun e tanganaw ka ramuk e tamlaw k hoi a kâvan.

⁴⁸ Tanga moi a kaman toteh a kongteng lah a sawn teh, a tahungkhai awh. Kahawi e tanganaw hah a rawi awh teh sikrei dawk a pâseng awh. Kahawi hoeh e tanganaw teh a tâkhawng awh.

⁴⁹ Hot patetlah talai a pout navah kalvantaminaw ni kum awh vaiteh, tami kalannaw um hoi tamikayonnaw teh rawi ka pek vaiteh,

⁵⁰ khuikanae, hâ katanæ onæ koe hmai dawk a pabo awh han.

⁵¹ Hete hnonaw pueng hah na thai panuek a ou. telah a pacei toteh, ka thaipanuek awh toe Bawipa telah a hnukkâbangnaw ni atipouh awh.

⁵² Hatdawkvah, kalvan uknaeram kong ka cang tangcung e kâlawk kacangkhaikungnaw, a hnukkâbang lah kaawm e tami teh, amæ hno aphunphun e, a katha hoi a karuem e naw hah peng ka rasat e imkung hoi a kâvan atipouh.

Profet ouphoehnae

⁵³ Hote bangnuenæ lawknaw hah koug a dei pouh hnukkhu hote hmuen hah a ceitakhai .

⁵⁴ Hathnukkhu amæ khothung a pha teh sinakoknaw dawkvah a cangkhai, khothung e taminaw teh a kângairu awh dawkvah, hete tami ni hete lungangnae hoi hete thaonæ heh nâ e ne a tawn.

⁵⁵ Ahni teh lettama e capa nahoehmaw. A manu teh Meri nahoehmaw. A nawngha teh Jem, Joseph, Simon, Judah tie naw nahoehmaw.

⁵⁶ A tawncanunaw haiyah maimouh hoi kahnai lah awm awh hoeh maw. Hat pawiteh hete tami ni hete hnonaw hah na e maw a hmu telah ati awh.

⁵⁷ A lungpout awh. Jisuh ni profetnaw teh ama kho, amæ ram alawilah doeh barinae ao telah atipouh.

⁵⁸ Khothung e naw ni a yuem awh hoeh dawkvah, hote hmuen koe thaonæ moikapap sak hoeh.

14

Baptisma Jawhan duenæ

Mrk 6:14

¹ Hatnavah, Herod bawi ni Jisuh e kamthang hah a thai navah,

² het hateh Baptisma kapoekung Jawhan doeh. Duenæ koehoi a thaw toe. Hatdawkvah kângairu hnonaw hah a sak thai telah a kut rahim e naw koe a dei pouh.

³ Herod ni amæ a nawngha, Filip e a yu Herodias dawkvah Jawhan hah a man a katek teh thongim vah a paung.

⁴ Jawhan ni Herod koe hote napui na la e heh thoug hoeh telah Herod hah atipouh dawkvah,

⁵ Jawhan hah thei han a ngai ei rangpuinaw a taki dawkvah thet ngam hoeh. Rangpuinaw ni Jawhan hah profet buet touh lah a pouk awh,

⁶ Herod a khenæ hnin a pha teh pawî a sak navah Herodias e canu teh pawî thung a lam dawkvah, Herod lung ahawi sak.

⁷ Na hei e pueng na poe han telah thoekâbonæ hoi lawk a kam.

⁸ A manu ni a uen e patetlah Baptisma kapoekung Jawhan e a lû hah hete tongben dawk na poe telah a hei.

⁹ Siangpahrang teh a lungmathoe ei lawk yo a kam toung dawkvah a huikonaw e minhmai hah a khet teh, poe hanelah kâ a poe.

¹⁰ Hatdawkvah, tami a patoun teh, Jawhan e lahuen hah thongim thungvah a tâtueng sak.

11 A lû hah tongben dawk hoi napui ca a poe awh teh napui ca ni a manu koe a sin.

12 Jawhan e a hnukkâbangnaw a tho awh teh a ro hah a sin awh. A pakawp awh hnukkhu, Jisuh koe a cei awh teh a dei pouh awh.

Tami 5000 touh rawca a paca

Mrk 6:32-44; Luk 9:10-17; Jhn 6:1-13

13 Jisuh ni a thai nah hote hmuen hah long hoi a ceitakhai teh kingdinae koe vah a cei. Taminaw ni a thai awh dawkvah kho thung hoi a tâco awh teh khok hoi a kâbang awh.

14 Jisuh ni a cei navah, taminaw a hmu nah a pahren dawkvah kapatawnaw pueng a dam sak.

15 Tangmin vah a hnukkâbangnaw ni a hnai awh teh, hiteh thingyeiyawn doeh. Kho hai a hmo toe. Rangpuinaw teh canei ran hanlah khonaw dawk cetsak lawi atipouh awh. navah,

16 Jisuh ni ahnimouh a cei ngai hoeh. A ca awh hanelah poe awh, atipouh.

17 Ahnukkâbangnaw ni vaiyei panga touh hoi tanga kahni touh hoe laipateh kaimouh koe alouke rawca awmhoeh bout ati. Hahoi, Jisuh ni vaiyei hoi tanga hah hi sin awh haw atipouh.

18 Hattoteh rangpuinaw hah tahung hanlah kâ a poe.

19 Tamimaya hah pho van tahung hanelah kâ a poe. Vaiyei panga touh hoi tanga kahni touh hah a sin teh kalvan lah mounng laihoi, lunghawi lawk a dei hnukkhu, vaiyei hoi tanga hah a raen teh a hnukkâbangnaw hah a poe.

20 A hnukkâbangnaw ni hai rangpuinaw hah patuen a poe awh. Rangpuinaw ni kaboumlah a ca awh hnukkhu, ka cawi e a rakhun awh teh tangthung hlaikahni touh akawi.

21 Ka cat e abuemlah napui hoi camo dei laipalah tongpa dueng 5,000 touh hane a pha awh.

Jisuh tui van lam a cei

Mrk 6:45-51; Jhn 6:15-21

22 Jisuh ni kamkhueng e taminaw hah a ban sak lahun navah, a hnukkâbangnaw hah long a kâcui sak teh namran lah hmaloe a patoun.

23 Kamkhueng e naw be a ceisak hnukkhu ratoum hanlah, mon lah soumtinae koe a luen teh, tangmin vah amadueng ao.

24 Long teh tui lungui vah kahlî ni khak a ngang dawkvah tuicapa ni a hem awh.

25 Tangmin suimilam pali nah Jisuh teh ahnimouh koe tui van vah a cei.

26 Hottelah tui van a cei teh a tho e hah a hmu awh navah, kahrai doeh titeh taki hoi a hramki awh.

27 Jisuh ni na lungpuen awh hanh. Kai doeh taket awh hanh atipouh.

28 Piter ni Bawipa, nang boipawiteh, tui van hoi nang koe ka tho nahanlah kâ na poe haw atipouh.

29 Hattoteh hi tho atipouh. Piter ni long van hoi a kum teh Jisuh koe pha hanelah tui van vah a cei.

30 Kahlî a tang e hah a hmu navah a taki teh tui thung lah a bo dawkvah Bawipa na rungngang haw telah a hram.

31 Jisuh ni a kut a dâw teh Piter hah a kuet. Yuemnae kayoun e tami bangkongmaw oupvoutnae na tawn atipouh.

32 Long van a pha roi toteh kahlî a roum.

³³ Long thung kaawmnaw ni a hnai awh teh, nang teh Cathut Capa tangngak doeh ati awh teh a bawk awh.

³⁴ Namran lah a ceiawh teh Gennesaret ram dawk a pha awh.

³⁵ Hot hmuen dawk e kaawm e naw ni a nout awh navah, a teng kaawm e hmuen pueng koe, tami a patoun awh dawkvah, ka pataw e pueng hah a thokhai awh.

³⁶ A kâkhu e hni pawihah, tek thai nahanlah a kâhei awh. Katek e pueng haiyah damnae a coe awh.

15

Mintoenaw e cangkhai

Mrk 7:1-23

¹ Hatnavah, Jerusalem e Farasinaw hoi cakathutkungnaw teh Jisuh koe a tho awh.

² Ayan e kacuenaw e phung hah bangkongmaw na hnukkâbangnaw ni a tapoe awh. Ahnimouh ni kut kamsin laipalah bu a ca awh, telah atipouh awh navah,

³ Nangmouh ni ayan e phung hah kâuep laihoi bangkongmaw Cathut e kâpoelawk hah na tapoe van awh.

⁴ Cathut e kâpoelawk teh na manu hoi na pa bari awh. Apihai manu hoi na pa hawihoeahnae ka dei e teh due toutouh thei lah awmseh telah a ti.

⁵ Hatei, nangmouh ni na cangkhai awh e teh apipatet ni hai a manu na ou, a na pa na ou a poe hane hno hah, het hateh Cathut koe ka poe e doeh toe tet pawiteh,

⁶ a manu nakunghai, a na pa nakunghai bari ngai hoeh toe na ti awh. Hottelah patuen patuen na tawm awh e phung hoiyah Cathut e kâpoelawk na eknae doeh.

⁷ A lai kathout e taminaw, Isaiah ni nangmouh noe lahoi,

⁸ hete miphunnaw teh apâhni hoi na hnai awh teh apâhni hoi na bari a ei a lungthin teh kai hoi ahla.

⁹ Tami e kâpoelawk hoiyah a kâpâtu awh teh, ayawmyin lah na bawk awh toe telah sut a dei e hah a tang tangngak atipouh.

Khinnae

¹⁰ Hattoteh ka kamkhuengnaw hah ama koe a kaw teh, thai awh nateh panuek awh haw.

¹¹ Thung lah ka kâen e ni tami heh khin sak hoeh. Thung lahoi ka tâcawt e hno ni doeh na khin sak awh, atipouh.

¹² A hnukkâbangnaw ni a hnai awh teh atu na dei e lawk heh Farasinaw ni a thai awh navah a lung apout awh tie na panuek maw atipouh awh.

¹³ Jisuh ni kalvanlae Apa ni a patûe hoeh e a kung kaawm e pueng hah ka phawk han.

¹⁴ La awm awh nah yawkaw seh. Ahnimouh teh mitdawnnaw kahrawikung mitdawnnaw doeh. A mit ka dawn reira kâhrawi pawiteh kahni touh hoi tangkom dawak ka bawt roi han doeh atipouh.

¹⁵ Piter ni Cathut e bangnuenae hah kaimouh koevah pâpho haw atipouh navah,

¹⁶ Jisuh ni nangmouh teh atu sittouh lungang laipalah maw na o a rah.

¹⁷ Thung lah kâen e pueng teh von dawak ka cet ni teh alawilah a tâcawt tie heh na panuek awh hoeh rah maw.

¹⁸ Thung lahoi ka tâcawt e hno teh lung dawak hoi ka tâcawt e a tho dawkvah tami hah kakhin sak e hno doeh.

¹⁹ Kahawi hoeh e pouknae, tami theinae, kamsoumhoehe napui tongpa yonnae, napui kahlout hoi yonnae, ayâ e hno parunae, kamsoumhoehe kapanuekkhaikung lah kangduenae, ayâ minhmai mathoe saknae teh lungthung hoi a tâco dawkvah,

²⁰ Tami kakhin sak e hnonaw doeh. Kamsin laipalah rawca canae ni tami khinsak hoeh atipouh.

Kanaan napui e yuemnae

Mrk 7:24-30

²¹ Hathnukkhu Jisuh teh hote hmuen koehoi a kamthaw teh, Taire hoi Sidon kholah a cei.

²² Kanaan napui buet touh teh a tâco teh, Devit Capa kai hah na pahren haw. Ka canu teh kahrai ni puenghoi a rek atipouh eiteh kam touh hai pathung hoeh.

²³ A hnukkâbangnaw ni a hrawi awh teh, hote napui bout ban sak leih. Maimouh hnuk a kâbang teh a hram atipouh awh.

²⁴ Jisuh ni Isarel miphun kahmat e tunaw hloilah alouke miphunnaw onae koe kai hah na patoun hoeh atipouh.

²⁵ Hote napui ni tabo laihoi Bawipa na rungngang ei bout atipouh.

²⁶ Hat toteh, Bawipa ni capa e rawca hah ui poe phung nahoei bout atipouh.

²⁷ Napui ni hai oe, Bawipa, uinaw tie teh kabawt e burameinaw hah ouk a luep phung nahoeimaw bout atipouh toteh,

²⁸ Oe! napui nang teh na yuemnae a len tangngak. Na ngainae patetlah nang dawk awmseh atipouh navah, a canu teh hmawi a dam.

Tami moikapap dam saknae

²⁹ Jisuh ni hote hmuen koehoi a cei teh, Galilee tui koe a pha toteh, monsom a luen teh a tahung.

³⁰ Tami moikapap ni khokkhem, mitdawn, lawka, kamkhuen e hoi alouke patawnae ka tawn e naw hah a thokhai awh teh a khok koevah a ta awh.

³¹ A patawnae pueng hah a dam sak dawkvah, lawkanaw ni lawk a dei thai, kamkhuennaw ni a dam awh, khokkhemnaw ni lam a cei awh, mitdawnnaw ni a hmu awh e hah ka kamkhuengnaw ni a hmu awh navah Isarelnaw e Cathut hah a pholen awh.

Tami 4,000 touh rawca a pacanae

Mrk 7:31-37

³² Hattoteh Jisuh ni a hnukkâbangnaw hah a kaw teh, hete taminaw hah ka pahren poung. Hnin thum touh thung canei tawn laipalah kai koe ao awh toe. Lam vah tawn a langvaih, ka ti dawkvah, rawca cat laipalah ceisak hane ka ngainae awm hoeh atipouh.

³³ A hnukkâbangnaw ni, het yit touh e tami kapap e naw ni kaboumlah a ca awh hane rawca hah hi kahrawngum vah kaimouh ni bangtelamaw ka hmu thai awh han atipouh awh.

³⁴ Jisuh ni nangmouh koe vaiyei na yit touh maw kaawm atipouh. Ahnimouh ni vaiyei sari touh hoi tanga youn touh ao bout atipouh awh.

³⁵ Hattoteh tami kamkhuengnaw hah talai dawc tahung sak hanelah kâ a poe.

³⁶ Vaiyei sari touh hoi tanganaw hah a la teh lunghawinae lawk a dei hnukkhu, vaiyei hoi tanga hah a raen teh a hnukkâbangnaw hah patuen a poe.

³⁷ Rangpui ni a boum aw h toteh, ka cawi e hah a racawng aw navah tangthung sari touh akawi.

³⁸ Ka cat e naw abuemlah napuinaw hoi camonaw e dei laipalah 4,000 touh a pha.

³⁹ Hote taminaw hah a ceisak hnukkhu Magadan kho lah long hoi a cei.

16

Kângairu mitnout a hei aw h

Mrk 8:11-21

¹ Farasinaw hoi Sadusinaw a tho aw h teh kalvan hoi e mitnout kamnue sak hanlah a kâhei aw h teh Bawipa hah a tanouk aw h.

² Bawipa ni ouk na dei aw h e teh tangmin lah tâmai a rapam teh a paling navah kho kahawi han na ti aw h.

³ Amom lah toteh tâmai akawi, bout a paling dawkvah kahlî ka tho han na ti aw h. A laikathoutnaw nangmouh ni teh kalvan minhmai hah na kapek panuek aw h. A tu e mitnoutnaw hatteh na kapek panuek aw h hoeh.

⁴ Tami kahawilah kâsak e catounnaw, noutnae na hei aw h navah profet Jonah e mitnoutnae hloilah alouke noutnae bangpatet e haiyah na sak pouh aw h mahoeh atipouh teh, ahnimouh onae koehoi alouklah a cei.

Farasi hoi Sadusinaw e ton

⁵ Namran lah a cei aw h toteh a hnukkâbangnaw ni vaiyei sin hane hah yout a pahnim aw h.

⁶ Jisuh ni Farasinaw hoi Saddusinaw e ton hah kâhruetcuat nateh roun aw h, atipouh.

⁷ Maimouh ni vaiyei sin aw h hoeh dawkvah hete lawk heh a dei telah a hnukkâbangnaw ni buet touh hoi buet touh a kâpankhai aw h.

⁸ Jisuh ni a panue dawkvah, yuemnae dawk tha kayoun e naw, vaiyei na sin aw h hoeh e dawkvah na kâpankhai a vaw.

⁹ Vaiyei panga touh hah, tami 5,000 touh ni a ca aw h teh tangthung nâyittouh maw kacawi, vaiyei sari touh hah tami 4,000 touh ni a ca teh, tangthung nâyittouh maw kacawi tie hah,

¹⁰ na pâkuem, na pouk aw h laipalah, maw na o aw h rah.

¹¹ Farasinaw hoi Saddusinaw e ton hah kâhruetcuat aw h, ka ti navah vaiyei heh ka dei ngai e nahoeh tie hah na thai panuek a laipalah bangtelamaw khuet na o a vaw atipouh.

¹² Hat toreï teh ton e vaiyei hah roun aw h tie nahoeh. Farasinaw hoi Sadusinaw e cangkchainae hah roun aw h, tinae doeh telah a hnukkâbangnaw ni a thai panuek aw h.

Jisuh teh Khrih doeh telah Piter ni a kampangkhai

Mrk 8:27-29; Luk 9:18-20

¹³ Kaisarea Filippi ram e kho buet touh daw k a pha aw h toteh, Jisuh ni Kai heh taminaw ni api na ti a maw telah a hnukkâbangnaw hah a pacei.

¹⁴ Tami tangawn ni Baptisma Jawhan; a tangawn ni Elijah; a tangawn ni Jeremiah, hoehpawiteh alouke profet buet buet touh doeh telah atipouh aw h.

¹⁵ Nangmouh ni hai Kai hah api na ti a maw telah a pacei.

¹⁶ Simon Piter ni nang teh kahring e Cathut Capa, Khrih doeh atipouh.

¹⁷ Hatnavah Jisuh ni Simon Barjonah, nang teh na yawhawi. Bangkongtetpawiteh hete hno teh thi hoi tak ni nang koe a pâpho e nahoeh, kalvan kho kaawm e a Pa ni a pâpho pouh e doeh.

18 Nang koevah ka dei, nang teh Piter doeh. Hete lungsong dawkvah Kaie kawhmoun ka kangdue sak han. Hot teh duenae longkha ni hai tâ thai mahoe.

19 Kalvan uknaeram cabinaw teh nang koevah na poe han. Talai van na katek e pueng teh kalvan hai katek lah ao han. Talai van rathap lah kaawm e naw pueng teh kalvan hai rathap lah ao han, telah atipouh.

20 Hahoi, Bawipa ni Kai teh Khrih doeh tie hah api koehai dei hoeh nahanelah a hnukkâbangnaw kâ a poe.

A due hnukkhu bout thaw nahane kong, sut deinae

Mrk 8:31—9:1; Luk 9:22-27

21 Hahoi, Jisuh ni Jerusalem ka cei vaiteh kacuenaw, vaihma bawinaw hoi cakathukungnaw e kut dawk rektapnae moi a khang hnukkhu a thei awh vaiteh apâthum hnin vah bout a thaw nahane kong hah a hnukkâbangnaw koe a dei pouh.

22 Hatnavah Piter ni Bawipa yue hanelah aloukcalah a kaw teh, nang dawb bawt nahan seh atipouh.

23 Hahoi, Bawipa ni a kamlang sin teh Piter koe, nang Setan ka hnuk lah kâhnawnh. Nang teh kai hanlah payonnae lah na o atipouh. Bangkongtetpawiteh nang ni Cathut hoi ka kâkuen e hno dawb na lungthin pen laipalah tami hoi kâkuen e hno dawb lung na pen.

Nama e thingpalam hrawm

24 Hattoteh Jisuh ni a hnukkâbangnaw koe apihai ka hnukkâbang han ka ngai e teh amahoima kâpahnavt vaiteh, amae thingpalam hrawm hoi ka hnuk kâbang naseh.

25 Bangkongtetpawiteh apihai amae hringnae ka rungngang e teh hringnae a sung han. Kai kecu dawb hringnae ka sung e teh hringnae a hmu han.

26 Tami ni talaivan abuemlah koung ka coe nakunghai muitha hringnae sung pawiteh bangmaw apu kaawm. A hringnae hah bang hno hoi maw a ratang thai han.

27 Tami Capa teh Apa e bawilenna hoi kalvantaminaw hoi a tho han. Hattoteh tami pueng ni a tawb e phu a hmu awh han.

28 Atangcalah na dei pouh awh. Tami Capa amae uknaeram dawb a kum toteh hi kangdout e tami tangawn duenae kâhmo mahoe rah, atipouh.

17

Jisuh mei kâthungnae

Mrk 9:2-13; Luk 9:28-36

1 Jisuh ni Piter, Jem, Jem e nawnggha Jawhan tinaw hah, hnin taruk a poung hnukkhu a kaw teh ka rasang e mon dawb soumtinae koe a ceikhai.

2 Ahnima hmalah a mei a kâthung pouh. A minhmai teh kanî patetlah a ang teh, a khohna e teh raeng patetlah a pangaw.

3 Mosi hoi Elijah hai a kamnue teh Bawipa hoi lawk a kapan awh.

4 Hatnavah Piter ni Bawipa hete hmuen koe o a nep. Nang hanlah buet touh, Mosi hanlah buet touh, Elijah hanlah buet touh rim katham touh hah na ngainae awm pawiteh kaimouh ni ka sak awh han atipouh.

5 Hottetlah a dei lahun nah ka ang e tâmai ni a ramuk awh teh, het hateh ka pahren e Capa doeh, ahni dawb ka lungkuep tanggak. Ahnie lawk hah tarawi pouh awh, telah tâmai thung hoi lawk a tho.

6 A hnukkâbangnaw ni a thai awh navah a taki awh teh a tabo awh.

⁷ Jisuh ni a tho teh ahnimanaw hah kut hoi a tek teh, thaw awh, taket awh hanh telah atipouh.

⁸ Ahnimouh ni a moug awh teh a khet awh navah, Jisuh hloilah apihai hmawt awh hoeh.

⁹ Monsom hoi a kum a torei teh Jisuh ni tami Capa teh duenae koehoi a thaw hoehroukrak, atu na hmu awh e hno hah api koehai dei awh hanh telah a hnukkâbangnaw hah a kê a poe.

¹⁰ Hattoteh a hnukkâbangnaw ni Elijah hmaloe a tho han telah bangkongmaw cakathutkungnaw ni ati awh, telah a pacei awh.

¹¹ Jisuh ni Elijah teh hmaloe a tho vaiteh bangpueng hah kahawicalah a pathoup han tanggak.

¹² Ka dei e teh Elijah a tho toe. Taminaw ni a panue awh hoeh daw k a ngai awh e pueng patetlah a tak daw k a sak awh toe. Hot patetvanlah tami Capa haiyah hote taminaw kut daw k a khang han atipouh.

¹³ Baptisma kapoekung Jawhan doeh a dei ngai nah tie hah a hnukkâbangnaw ni a thai panuek awh.

Khek ka man e tami a dam sak

Mrk 9:14-28; Luk 9:37-42

¹⁴ Tami ka kamkhuengnaw koe a pha awh toteh tami buet touh ni rek a hnai teh, a khokcuengkhuem teh,

¹⁵ Bawipa ka capa hah pahren nateh rungngang haw. Khek a man teh puenghoi a patang toe. Hmai daw k, tui daw k voutsout a rawp toe.

¹⁶ Na hnukkâbangnaw koe ka thokhai ei toe, ahnimouh ni hawi sak thai awh hoeh atipouh.

¹⁷ Jisuh ni yuemnae ka tawn hoeh e naw, lung kalen e phun, nangmouh hoi cungtalah nâ totouh maw ka o han rah. Nangmouh hah nâ totouh maw na panguep awh han rah. Camo hah hi thokhai awh, atipouh.

¹⁸ Jisuh ni kahrai hah a yue toteh, kahrai teh hote camo thung hoi a tâco. Camo teh hmawi a dam.

¹⁹ Hattoteh a hnukkâbangnaw ni soumtinae koe, Jisuh a hnai awh teh, kaimouh ni teh hote kahrai hah bangkongmaw ka pâlei thai awh hoeh vaw atipouh awh.

²⁰ Jisuh ni, nangmouh teh yuemnae na tawn awh hoeh dawkvah, na pâlei thai awh hoeh. Atangcalah na dei pouh awh, nangmouh ni antam mu tittouh mah yuemnae na tawn awh pawiteh, hote mon hah hmuen koehoi kâtakhoe na tetpawiteh, hmuen koehoi a kâtakhoe han. Yuemnae na tawn awh pawiteh na tithai awh hoeh e awm mahoe.

²¹ Hatei, ratoumnae, rawcahainae laipalah hot patet e muithakathout tâcawt thai hoeh atipouh.

Jisuh ni a due nahane kong bout a dei

²² Jisuh ni Galilee ram ao awh lahun nah, tami Capa teh taminaw e kut daw k pahnawt nahane tueng a hnai toe.

²³ Ahnimouh ni a thei awh han. Apâthum hnin bout a thaw han telah a hnukkâbangnaw koe a dei pouh. Ahnimouh teh a lung puenghoi a mathoe awh.

Bawkim tamuk cawngnae

²⁴ Kapernuam kho daw k a pha toteh, bawkim daw k tamuk ka-cawngkungnaw Piter koe a tho awh teh, nangmae Bawipa ni cawng e tamuk poe hoeh maw atipouh awh. Hatnavah Piter ni a poe telah atipouh.

²⁵ Piter ni imthung a kâen toteh, Jisuh ni Piter bangtelamaw na pouk. Talai bawinaw ni na maw tamuk a cawng aw. Ama e Capa koe maw a cawng. Ayâ koe maw a cawng telah a paei.

²⁶ Piter ni ayâ koe doeh a cawng atipouh navah, Jisuh ni hat pawiteh, Capa teh a hlout. Hatei, hotnaw ni maimouh kecu daw k a payon aw hoeh nahanlah talî koe cet nateh hradang hah sawn haw.

²⁷ A pasuek na man e tanga hah lat nateh, a pahni baw pouh. Shekel tangka buet touh na hmu han. Hote tangka hah lat nateh kai hane hoi nama hane ahnimouh koe poe atipouh.

18

Apimaw ka talue poung

Mrk 9:33-37; Luk 9:40-48

¹ Hatnavah a hnukkâbangnaw ni Jisuh koe a tho aw teh, kalvan uknaeram dawkvah apimaw kalenpoung han telah a paei aw.

² Jisuh ni camo ca buet touh a kaw teh a hnukkâbangnaw rahak vah a ta.

³ Atangcalah na dei pouh aw. Nangmouh ni na kâthung aw teh camo patetlah na coung aw hoehpawiteh kalvan uknaeram daw nâtuek hai na phat aw mahoeh.

⁴ Hatdawkvah apipatet hai hete camo patetlah kârahnoum e teh kalvan uknaeram daw kalenpoung lah ao han.

⁵ Apipatethai ka min lahoi camo buetbuet touh ka dâw e teh, kai ka dâw e lah ao toe.

⁶ Kai na ka yuem e hete camo buetbuet touh hah ka yon sak e teh lahuen daw talungsum awi laihoi kadung poung e talî daw pabawt pawiteh ahni hanlah bet ahawi.

⁷ Sak payonnae dawkvah talaivan taminaw teh a yawthoe aw. Sak payonnae kaawm han. Hatei, payonnae ka sak sak e teh a yawthoe.

⁸ Na kut khok ni na payon sak pawiteh kut khok hah tâtueng. Kut khok kuep laihoi ayungyoe hmai daw k a yungyoe na bo hlak teh kut khok kuep lai palah hringnae daw k na kâen pawiteh bet ahawi.

⁹ Na mit ni na payon sak pawiteh na mit hah cawngkhawih. Na mit kahni touh hoi hell hmai daw k na bo hlak teh mit vang dueng hoi hringnae daw k na kâen pawiteh bet ahawi.

Tu kahmat bangnuenae

Luk 15:4-7

¹⁰ Nangmouh ni hete camo buetbuet touh hah na hnep aw hoeh nahanlah kâhruetcuete aw. Na dei pouh aw. Ahnima kalvantaminaw ni kalvan kho vah kaawm e Pa e minhmai hah pou a hmu aw toe.

¹¹ Hothloilah, tami Capa teh kahmat e naw rungngang hanlah doeh a tho.

¹² Bangtelamaw na pouk aw. Tu 100 touh ka tawn e ni tu buet touh lam payon lah kahmat pawiteh, ahni ni tu 99 touh e hah mon vah cetakhai vaiteh, lam ka payon ni teh kahmat e tu buet touh hah tawng mahoeh na maw.

¹³ Atangcalah na dei pouh aw. A hmu toteh lam ka payon hoeh ni teh kahmat hoeh e 99 touh hlakvah kahmat e buet touh daw k hoe a konawm.

¹⁴ Hot patetvanlah kalvan kho kaawm e nangmae na Pa ni hete camo buet touh boehai rawk sak hanlah a ngainae awm hoeh.

Kawhmoun thung kâhruetcuete poenae

15 Na hmaunawnggha ni nang dawk a sakpayon e awm pawiteh cet sin nateh namamouh roi dueng a yonnae pâpho pouh nateh yue. Na lawk hah tarawi pawiteh na hmaunawnggha teh na hmu toe.

16 Na lawk hah tarawi hoehpawiteh tami kahni kathum touh kapanuekkhaikung lah kaw ei. Hahoi, kaawm e lawk pueng caksak awh.

17 Hotnaw e lawk hah tarawi hoehpawiteh kawhmoun koe dei pouh. Kawhmoun e lawk hah ngai hoehpawiteh Jentelnaw hoi tamuk kacawng-naw patetlah pouk awh.

18 Atangcalah na dei pouh awh, talai van na katek awh e pueng teh kalvan kho hai katek lah ao han. Talai van rathap e pueng teh kalvan kho hai rathap lah ao han.

19 Bout ka dei e teh, talai van vah nangmouh thung dawk tami kahni touh ni lungkânging lahoi na ratoum awh pawiteh, na ratoum e pueng hah kalvan kho kaawm e a Pa ni na poe han.

20 Bangkongtetpawiteh, bangpatet e hmuen koehai ka min lahoi tami kahni kathum touh kamkhueng pawiteh ahnimae lungui kai ka o atipouh.

Ngaithoum hoeh e san

21 Hatnavah Jisuh hah Piter ni rek a hnai teh, Bawipa hmaunawnggha ni kai dawk a sakpayon e hah avai na yit touh maw ka ngaithoum han telah a pacei teh, Jisuh ni vai sari touh na ngaithoum han ka tet hoeh.

22 Avai rui sari let sari totouh na ngaithoum han ka ti.

23 Hatdawkvah kalvan uknaeram teh, amae sannaw hah tangka lai ka dei pouh e siangpahrang buet touh hoi a kâvan.

24 Cayin koung to hoiyah tangka a thong cum touh laiba ka tawn e san buet touh hah a hmalah a thokhai awh.

25 Ahni ni laiba patho nahan a tawn hoeh dawkvah ama hoi a yucanaw a tawn e hnonaw pueng yawt nateh laiba patho naseh telah a bawi ni kâ a poe.

26 Hote san ni a tabo teh Bawipa, na pahren ei, laiba kaawm e pueng hah na patho han atipouh navah,

27 A bawipa ni a pahren teh laiba kaawm e pueng hah a raphoe pouh teh a hlout sak.

28 Hote san teh a cei navah ama koe tangka 100 touh ka ba e san van hai a hmu toteh, tangka na patho leih ti teh a lahuen dawk a kara pouh.

29 Hote san van ni hai a khok rahim a tabo pouh teh, kai hah na pahren ei, laiba kaawm e pueng hah na patho han doeh telah a kâheei ei nakunghai,

30 tha laipalah laiba a patho hoehroukrak thongim thung vah a paung.

31 Hottelah e hno hah alouke sannaw ni a hmu awh navah, a lung puenghoi a pataw awh teh, a sakyoe e pueng hah amamae bawipa koe a cei vah teh a dei pouh awh.

32 Hat toteh, a bawipa ni hote san hah a kaw teh, Oe! san kathout, nang ni na kâheei dawkvah na laiba pueng hah ka raphoe teh na hlout sak.

33 Kai ni na pahren e patetlah nang ni na san hui hah, na pahren kawi nahoehmaw atipouh.

34 A bawipa teh a lungkhuek dawkvah a laiba pueng koung a patho hoehroukrak rektapkungnaw kut dawk patang palai sak hanlah a poe.

35 Nangmouh haiyah hmaunawnggha reira hah lungthin katang hoi na ngaithoum awh hoehpawiteh kalvanlae Apa ni hot patetvanlah nangmouh lathueng vah a sak van han.

19

*Kâ kapeknae**Mrk 10:1-12*

¹ Jisuh ni, hete lawknaw be a dei hnukkhu, Galilee ram a ceitakhai teh Jordan tui namran, Judea ram lah a cei.

² Taminaw ni a hnuk a kâbang aw, hote hmuen koe kapatawnaw a dam sak.

³ Farasinaw ni atengvah a tho aw, sak payonnae pueng dawk hoi tami ni amae yu hah ama kawi maw titeh a tanouk aw.

⁴ Bawipa ni apuengcue vah sak lah kaawm e teh tongpa hoi napui kahni touh dueng doeh sak lah kaawm.

⁵ Hote dawkvah tongpa ni a na pa hoi a manu a ceitakhai teh, a yu hoi a kâpahlawm dawkvah hote kahni touh roi teh buet touh lah ao han telah Cakathoung dawk a dei e hah na touk aw boihoe haw.

⁶ Hatdawkvah yuvâ roi teh kahni touh nahoe, buet touh doeh. Cathut ni buet touh lah a pahlawm tangcoung e hno hateh tami ni kapek hanh naseh atipouh.

⁷ Farasinaw ni hottelah pawiteh manae ca poe hoi ma hanlah bangkong Mosi ni kâ a poe atipouh aw.

⁸ Nangmae lungthin a pata dawkvah yu hoi kama hanlah Mosi ni a dei. Apuengcue teh hottelah na hoe.

⁹ Na dei pouh aw, uicuknae laipalah a yu heh a ma teh alouke napui ka lat e tami teh amae a yu koe a yon. Ma lah kaawm e napui hah ka lat e tami haiyah ayâ yu koe a yon atipouh.

¹⁰ A hnukkâbangnaw ni yuvâ dawk hettelah awm pawiteh yu lat laipalah o e heh ahawi atipouh.

¹¹ Bawipa ni hote lawk hah tami pueng ni koung dâw a mahoe. Dâw thainae kâ kahmawt e ni dueng doeh a dâw thai.

¹² Tami tangawn teh a manu von thung hoi a bokhai e lah a tho. A tangawn teh yu la hoe hanelah ayâ ni cingthui e lah ao. Atangawn teh kalvan uknaeram kecu dawk yu lat laipalah ao. Hete lawk heh ka dâw thai e teh dâw naseh atipouh.

*Camonaw yawhawi a poe**Mrk 10:13-16; Luk 18:15-17*

¹³ Hatnavah camonaw lathueng vah kut toung sin hoi ratoum pouh hanlah atengvah camonaw hah a thokhai aw e hah a hnukkâbangnaw ni a yue aw.

¹⁴ Jisuh ni, hote camonaw hah thokhai a ngoun seh kai koe a tho aw hoe nahanlah ngang aw hanh. Kalvan uknaeram teh hot patet e camonaw e ram doeh atipouh teh,

¹⁵ Camonaw e van vah kut a toung hnukkhu alouklah a cei.

*Ka tangreng e thoundoun**Mrk 10:17-30; Luk 18:18-30*

¹⁶ Hathnukkhu, tami buet touh a tho teh, Bawi kahawi, yungyoe hringnae coe thai nahanlah bangpatet e hnokahawi maw ka sak han telah a pacei.

¹⁷ Jisuh ni Bangkok, kai hah Bawi kahawi na tipouh. Cathut buet touh dueng doeh kahawi. Hringnae dawk kâen na ngai pawiteh kâpoelawknaw hah tarawi atipouh.

18 Bangpatet e, kâlawnaw maw ka tarawi han kawi telah bout a pacei toteh, tami thet hanh, uicuk hanh, ayâ e hno parawt hanh, laithoe kampakkhai hanh,

19 manu na pa barih, ma hoi kâkuen e tami hah nama patetlah lungpataw telah atipouh.

20 Hote tami ni, hote kâlawnaw pueng teh kanawca hoi koung ka tarawi toe. Bangmaw sak hane a panki rah atipouh.

21 Kuepnae koe pha na ngai pawiteh cet nateh na hnopai pueng hah yawt nateh mathoemara pueng hah kabawm. Hottelah na sak pawiteh kalvan kho vah hno na tawn han. Hathnukkhu ka hnukkâbang haw, telah atipouh.

22 Hote tami teh hnopai moi ka tawn e lah ao dawkvah, hote lawk hah a thai navah lungmathoe laihoi a ban.

Tangreng hoi Kalvan uknae ram

23 Bawi Jisuh ni atangcalah na dei pouh awh, tangka moi ka tawn e ni teh kalvan uknaeram thung a kâen han a ru.

24 Bout na dei pouh awh. Bawi tangreng ni Cathut uknaeram thung daw k a kâen hlak teh Kalauk ni phuengvang khu daw k a kâen heh bet a yawi. Telah a hnukkâbangnaw koe atipouh.

25 Ahnimouh ni a thai awh nah a kângairu awh dawkvah, hat pawiteh apimaw hloutnae daw k ka phat thai han atipouh awh.

26 Jisuh ni ahnimanaw hah a khet teh, het heh tami hanlah teh coung thai hoeh, hatei, Cathut hanelah teh, a cawngca e hnopueng a coung thai atipouh.

27 Hattoteh Piter ni, kaimouh ni teh ka tawn awh e pueng ceitakhai hoi na hnuk ka kâbang awh toe. Bangpatet e tawkpheu maw ka coe awh han atipouh.

28 Jisuh ni atangcalah na dei pouh awh. A cawngca e hnopueng a katha lah pathoupnae tueng dawkvah tami Capa ni a bawilenna bawitungkhung dawkvah a tahung toteh, ka hnukkâbang e nangmouh teh tungkhung hlaikahni touh daw k tahung laihoi Isarel miphun hlaikahni touh hah lawk na ceng awh han.

29 Apipatethai ka min kecu daw k imlaw, hmaunawngaha, manu napa, yucanaw buetbuet touh ka cettakhai e teh a let cum touh a coe vaiteh a yungyoe hringnae râw hah a pang han.

30 Hnukkatengnaw ni hma ahman vaiteh hmakahmannaw ni hnuk a teng awh han.

20

Misur takha thung thaw katawnaw bangnuenae

1 Bangnuenae lah, kalvan uknaeram teh misur takha daw k thaw taw k hanelah, amom vah ka tâcawt ni teh thawkatawngka ka tawng e imkung hoi a kâvan.

2 Katawnaw hoi haiyah lawk a kâcat awh teh, hnin touh e taw k e hah tangka phe k touh poe hanlah misur takha koe a patoun.

3 Amom suimilam tako nah bout a tâco teh, alouke taminaw ni hno yonae koe thaw taw k laipalah sut a kangdue awh e hah a hmu dawkvah,

4 nangmouh hai misur takha koe cet awh, kâki lah na poe awh han atipouh. Ahnimouh ni a cei awh.

⁵ Hahoi, suimilam hlaikahni hoi tangmin suimilam kathum nah haiyah, a tâco teh ahmaloe e patetlah bout a coun.

⁶ Tangminlah suimilam panga na haiyah bout a tâco boteh, alouke taminaw sut a kangdue awñ e hah a hmu navah, thaw tawñ laipalah hete hmuen koe bangkongmaw sut na kangdue awñ, atipouh navah;

⁷ Ahnimouh ni apinihai na coun awñ hoeh atipouh awñ toteh, nangmouh hai kaie misur takha koe cet awñ. Kâki lah na poe awñ han atipouh.

⁸ Tangmin a pha toteh misur takha katawnkung ni amae tangka ka kuenkung hah a kaw teh, thaw katawnkaw heh koung pâkhueng nateh a hnukteng ka tawñ e koehoi ahmaloe ka tawñ e totouh kutphu poe leih atipouh.

⁹ Hatdawkvah tangminlah suimilam panganae koehoi katawnkaw ni tangka phekkouh a dâw awñ.

¹⁰ Ahmaloe katawnkaw ni teh kapap hmu han doeh telah pouknae hoi a tho awñ eiteh, tangka phekkouh a dâw awñ.

¹¹ Hottelah be a dâw a hnukkhu imkung koe a phuenang awñ.

¹² A hnukkhu e ka kâennaw teh suimilam buet touh dueng a tawñ awñ ei, kanñ rui rui khumbei khang laihoi ka tawñ e kaimouh hoi reikâvan lah na poe atipouh awñ.

¹³ Imkung ni hai ka hui, nang dawñ kamsoumhoeh hno ka sak hoeh. Tangka phekkouh hoi nouh kai hoi lawk kâdaw roi ei, nama e hno hah lat nateh cet leih.

¹⁴ A hnukkhu kâen e naw hai nang hoi reikâvan lah poe hanlah ka ngainae ao.

¹⁵ Kai ni kama e hno hah ka sak ngai e patetlah ka sak mahoeñ na maw. Kai kahawi e heh nang ni na ut maw atipouh.

¹⁶ Hot patetlah hnukteng e ni hma ahman han. Hma kahman e ni hnuk a teng han. A kaw e tami apap ei nakunghai a rawi e tami ayoun atipouh.

Jisuh ni a due nahan apâthum lah bout a dei

Mrk 10:32-34; Luk 18:31-37

¹⁷ Jisuh ni Jerusalem lah a cei nah lam vah, a hnukkâbang hlaikahni touh hah soumatinae koe a kaw teh,

¹⁸ maimouh teh atuvah Jerusalem kho lah cei awñ. Tami Capa teh vaihma bawinaw hoi cakathutkungnaw e kut dawñ na poe awñ han. Ahnimouh ni a due hanlah ao telah yon na pen awñ han.

¹⁹ Tami Capa hah panuikhainae, hemnae, thingpalam dawñ het sak hanlah Jentelnaw kut dawñ a poe awñ han. Apâthum hnin vah bout ka thaw han atipouh.

A manu ni a hei pouh

Mrk 10:35-45

²⁰ Hatnavah Zebedee e a canaw e a manu ni a capanaw hoi Bawipa koe a hnai awñ teh, a bawñ awñ hnukkhu hno hah a hei awñ. Bawipa ni bangpatet e hno maw na ngai telah a pacei.

²¹ Ahni nihaiyah hete ka capa roi hah na ram thungvah aranglah buet touh avoilah buet touh tahung thainae kâ poe haw atipouh.

²² Jisuh ni a canaw koe, na hei e hah na panuek awñ hoeh atipouh. Ka nei han kawi manang na nei thai han maw. Ka khang hane Baptisma hah na khang thai awñ han maw telah a pacei navah, kaimouh roi ni ka sak thai roi han atipouh roi dawñvah,

²³ Kaie manang teh na nei thai yawkaw han. Ka khang hane Baptisma haiyah na khang thai yawkaw awh han. Hatei, kaie avoilah aranglah tahung thainae kâ teh Pa ni a rakueng pouh tangcoung e naw koe dueng doeh pouh lah awm ti atipouh.

²⁴ Alouke a hnukkâbang hra touh ni a thai awh toteh hote hmau-nawngaha roi koe a lungkhuek awh.

²⁵ Jisuh ni a kaw awh teh na panue awh e patetlah Jentel bawinaw teh kâtawnnae a tawn awh.

²⁶ Sak thainae kalen ka tawn e lah ao awh.

²⁷ Nangmouh teh hottelaha sak awh hanh. Tami Capa teh amae thaw hah ayâ patoun hanlah tho hoeh.

²⁸ Ayâ e thaw tawk hanlah, tami kapap ratang hanlah a hringnae pouh hanlah a tho dawkvah, hot patetlah nangmouh thung dawk kalen lah o ka ngai e teh nangmae thaw katawkkung lah awm naseh. Nangmouh thung dawk a lû lah tawk han ka ngai e teh nangmae san lah awm naseh atipouh.

Jisuh ni mit ka dawn a dam sak

Mrk 10:46-52; Luk 18:35-43

²⁹ Jeriko kho hoi a tâco awh navah tami moikapap ni a hnuk a kâbang awh.

³⁰ Lam teng sut ka tahung e mitdawn kahni touh roi ni Jisuh a tho tie a thai roi nah, Devit Capa Jisuh, kaimouh roi hah na pahren ei telah a hram roi.

³¹ Taminaw ni duem ao roi nahanlah kâhruetcuetnae a pouh awh eiteh, Devit Capa Bawipa kaimouh roi hah na pahren ei telah hoehoe a hram roi.

³² Jisuh ni a kangdue teh ahnimouh roi hah a kaw. Bangmaw sak sak hane na ngai roi atipouh.

³³ Bawipa, kaimouh roi e ka mit hah ang sak haw atipouh roi.

³⁴ Jisuh ni ahnimouh roi hah a pahren dawkvah ahnimouh roi e mit hah a kut hoi a tek pouh. Hat nah tahma vah a mit hmawi a ang roi dawkvah a hnuk a kâbang roi.

21

Jerusalem vah bawilennae hoi a kâen

Mrk 11:1-10; Luk 19:29-38; Jhn 12:12-25

¹ Jerusalem kho teng Olive Mon rahim kaawm e Bethphage kho a pha awh navah Jisuh ni a hnukkâbang kahni touh hmalah a patoun.

² Hmalae kho dawc cet roi nateh hawvah sut pâkhi e Lamanu hoi a ca hah na hmu roi han. Arui rasu roi nateh kai koe hrawi roi haw.

³ Tami buetbuet touh ni bangkongmaw na rasu tetpawiteh, Bawipa ni a panki tet pouh roi. Hottelaha na tet pouh roi pawiteh ahni ni tang na pouh han telah lawk a thui.

⁴ Hete hno pueng hateh profetnaw ni sut a dei e lawk a kuep nahane doeh.

⁵ Zion canu teh dei pouh. Khenhaw! na siangpahrang teh nang koe a tho lahun, Ama teh tami nuen kahawicalah ao teh La manu hoi Laca a kâcui.

⁶ Jisuh ni kâ a pouh e patetlah a hnukkâbang roi ni hmalah a cei roi teh a sak roi.

⁷ Lamanu hoi a ca hah a hrawi roi teh, La van vah amamae hni a phai pouh teh Bawipa ni, a kâcui.

⁸ Touk thai hoeh e tami moikapap ni amamae hninaw hah lam dawk a phai awh. Atangawnnaw ni thingbunaw a bouk awh teh lam dawk a phai awh.

⁹ A hnuh lah, a hmalah ka cet e taminaw ni Devit Capa koevah Hosanna kahring Cathut min lahoi ka tho e teh yawhawinae awm lawiseh. Kalvan kadeng lah Hosanna telah a hram awh.

¹⁰ Jerusalem kho thung a kâen navah kho thung abuemlah a puen awh teh hete tami heh apimaw telah a kâpacei awh.

¹¹ Ka kamkhueng e taminaw ni, het hateh Galilee ram Nazareth kho e profet Jisuh doeh atipouh awh.

Bawkim teh ratounnae im

Mrk 11:15-18; Luk 12:45-47

¹² Jisuh ni Cathut e bawkim thung a kâen teh, bawkim thung hno kayawtnaw hoi ka ran e naw hah a hrek, tangka kathungnaw e caboinaw hoi âbakhu kayawtnaw e tungkhungnaw hai koung a tanawt pouh.

¹³ Cakathoung dawkvah ka im teh ratounnae im telah a kaw awh han ati e, hote im hah nangmouh ni dingca im lah na sak awh, atipouh.

Camonaw Jisuh ni a oup

¹⁴ Hatnavah, mitdawnnaw hoi a khokkhemnaw ni bawkim ama koevah a tho awh teh ahnimae patawpanatnae pueng a dam sak pouh.

¹⁵ Jisuh ni kângairu hno a sak e naw hoi camonaw ni hai bawkim vah Devit Capa teh Hosanna awmseh telah a hram awh e lawk hah vaihma bawinaw hoi cakathutkungnaw ni a thai awh navah a lungkhuek awh.

¹⁶ Hetnaw ni bangtelamaw a dei awh, tie hah na thai ou telah Jisuh hah a pacei awh. Jisuh ni oe, ka thai, sanu kanetnaw e pahni dawk hoi Bawipa pholenna hah ka rakueng tie lawk hah vai touh boehai na touk boi awh hoeh maw atipouh.

¹⁷ Hattoteh ahnimanaw hah Bethani kho lah a ceitakhai teh hote karum hah aloum sak.

A paw ka paw hoeh e thaibunglung

Mrk 11:20-26

¹⁸ Amom lah khopui koe bout a ban navah a von a hlam.

¹⁹ Lam teng vah a hna dueng kanaw e thaibunglung kung buet touh hah a hmu. A kung koe a cei sin navah a paw banghai ao hoeh dawk atu hoi nâtuék hai nang dawk a paw paw sak hanh lawih atipouh. Hote thaibunglung kung teh tang a ke.

²⁰ A hnukkâbangnaw ni a hmu awh dawkvah, thaibunglung kung ni tang a ke toe telah kângairu hoi a dei awh.

²¹ Jisuh ni, Atangcalah na dei pouh awh. Nangmouh ni oupvoutnae kaawm hoeh e yuemnae na tawn awh pawiteh, thaibunglung kung dawk sak e patetlah na sak thai a hloilah, hote mon patenghai a onae hmuen koehoi kampuen nateh tuipui dawk bawt haw na tet pouh pawiteh, na tie patetlah kaawm han.

²² Yuemnae na tawn pawiteh, ratoum laihoi na hei awh e hno pueng na hmu awh han atipouh.

Jisuh kâawmnae

Mrk 11:27-33; Luk 20:27-40

²³ Bawkim dawk bout a kâen teh a cangkhai lahun nah vaihma bawinaw hoi kacuenaw ni a tho awh teh, na e kâawmnae lahoi maw het patet e

hnonaw hah na sak, apini maw hete kâawnae na poe, telah a pacei awh.

²⁴ Jisuh ni buet touh na pacei a van han, na dei thai awh pawiteh doeh hete hnonaw hah na e kâawnae lahoi maw ka sak tie hah ka dei van han.

²⁵ Jawhan e Baptisma heh nâ lahoi e maw. Kalvan koehoi e maw, tami koehoi e maw telah a pacei. Hatnavah amamouh hoi amamouh a kâpacei awh teh, Kalvan koehoi tet pouh pawiteh, nangmouh ni Jawhan hah bangkongmaw na yuem awh hoeh telah bout na pacei han.

²⁶ Tami koehoi tet pouh pawiteh tamimaya taki bout a tho, Jawhan hah tami pueng ni profet patetlah a pouk awh dawkvah, ati awh.

²⁷ Hatdawkvah Jisuh koe, ka panuek awh hoeh atipouh awh. Jisuh ni hai hot patetvanlah hete hnotithainae hah apie kâawnae lahoi maw ka sak tie hah ka dei van mahoe.

Capa kahni touh hoi bangnuenae

²⁸ Bangtelamaw na pouk awh. Tami buet touh ni capa kahni touh a tawn. Kacue koevah a cei teh, ka capa, sahnin kaie misur takha dawc cet nateh thaw tawk loe atipouh.

²⁹ A capa ni ka cet mahoe atipouh. Hatei, a hnukkhu vah pan a kângai teh bout a cei.

³⁰ A na pa ni kanaw e capa koe a cei teh ahmaloe e patetlah bout a dei pouh. Oe! Ka cei han bawipa, atipouh eiteh cet hoeh.

³¹ Hote capa kahni touh roi dawc api hah maw a na pa ngainae ka sak telah a pacei. Capa kacue e ni atipouh awh. Jisuh ni, atangcalah na dei pouh awh. Tamuk kacawngnaw hoi a tak kâyawtnaw ni nangmouh hlakvah Cathut uknaeram dawc a kâen awh.

³² Jawhan ni lannae lahoi nangmouh koe a tho eiteh nangmouh ni ama na tang awh hoeh. Tamuk kacawngnaw hoi a tak kâyawtnaw ni a yuem awh. Hote hah na hmu a ei teh na lungkâthung awh hoeh, yuemnae na tawn awh hoeh.

Misur takha katawnkung bangnuenae

Mrk 12:1-12; Luk 20:1-19

³³ Bangnuenae lawk alouke heh thai awh haw. Imkung buet touh ni misur takha buet touh a tawn. Khoup a tumdum teh, misur katinnae tangkom a tai. Imrasang buet touh a sak. Takhakatawkkungnaw koe a hlai sak teh alouke ram dawc a cei.

³⁴ A paw tue a pha toteh, a paw khi sak hanlah a sannaw hah takhakatawkkungnaw onae koe a patoun.

³⁵ Hahoi takhakatawkkungnaw ni a sannaw hah a man awh teh buet touh hah a hem awh. Buet touh hah a thei awh. Buet touh hah talung hoi a dei awh.

³⁶ Ahmaloe e hlak kapap lah takha katawnkung ni bout a patoun. Takha ka ring e naw ni ahmaloe e patetlah bout ati awh.

³⁷ A hnukteng vah takha katawnkung ni, hotnaw ni ka capa hah a bari awh han doeh ati dawkvah, amae capa hah a patoun.

³⁸ Takhakatawkkungnaw ni capa hah a hmu awh toteh het hateh râw kacoekung doeh. Tho awh, thei awh vaiteh, a râw hnonaw hah lat a sei telah a kapan awh teh,

³⁹ Takha katawnkung e Capa hah a man awh teh takha alawilah a thei awh.

40 Takha katawnkung, a tho toteh, hote takhakatawkkungnaw hah bangtelamaw ati han telah a paei.

41 Tamimaya ni hote tami kahawihoehnaw hah, ka patawpoung lah a raphoe vaiteh, a paw paw tue nah a paw ka poe hanelah, alouke takhakatawkkungnaw a hlai sak han atipouh awh.

42 Jisuh ni im kasaknaw ni a hnoun awh e talung ni im takin a rasang poungnae koe bout a pha. Hot hateh kahring Cathut ni a sak e doeh. Maimae mithmu hai kângairu hanlah ao tie lawk hah Cakathoung dawk na touk boi awh hoeh maw.

43 Hatdawkvah na dei pouh awh. Cathut uknaeram hah nangmouh koehoi lat vaiteh, ram e a paw kapaw hane naw koevah poe lah kaawm han.

44 Apipatethai hote talung van kabawt e teh ka rek han. Apipatethai a van vah hote talung ni a bosin e teh vitkatip lah ao han atipouh.

45 Hote bangnuenae hah vaihma bawinaw hoi Farasinaw ni a thai awh navah kaimouh doeh na dei sin nah tie hah a panue awh.

46 Bawipa man hanlah a tawng awh ei, tamimaya hah a taki awh, ahnimouh ni profet patetlah khak a pouk awh dawkvah.

22

Yu paluennae pawl bangnuenae

Luk 14:16-24

1 Jisuh ni kamkhuengnaw koe, bangnuenae lawk bout a dei pouh.

2 Kalvan uknaeram teh siangpahrang buet touh ni, a capa hanlah yu paluennae ka sak pouh e hoi a kâvan.

3 Yu paluennae buven hanlah a sannaw hah, a patoun teh a coun tangcoung e naw, akawsak ei teh ahnimouh ni tho laipalah ao awh.

4 Alouke a sannaw hah bout a patoun teh ka coun tangcoung e naw koevah hettelah dei pouh awh. Buven hane kawi teh coungkacoe koung kalawng toe. Maito hoi alouke saring kathâw kathâwnaw hai ka thei teh hnopai pueng teh atangcoungcalah ao toe. Yu paluennae koe tho a leih tet pouh awh atipouh.

5 Hatei, ahnimouh ni banglahai pouk a laipalah a tangawn ni law a ceitakhai awh, a tangawn ni hno yonae koe a ceitakhai awh.

6 Kaawm rae naw ni a sannaw hah a man awh teh a rektap awh, a thei awh.

7 Hote siangpahrang ni a thai navah a lungkhuek, amae ransanaw a patoun teh a tuk sak dawkvah tami ka thet e hotnaw hah koung a thei sak. Ahnimae kho hai hmai a sawi pouh awh.

8 Hathnukkuh siangpahrang ni amae a sannaw hah a kaw teh kaie yu paluennae bu teh coungkacoe lawng lah ao. Ka coun e naw ni a kamcu awh hoeh dawkvah,

9 cet awh nateh lamsalun, lamcawngket koe na hmu awh e pueng hah yu paluennae buven hanlah kaw awh nateh coun awh, atipouh.

10 A sannaw ni hai lam tangkuem dawk a cei awh teh tami kahawi, kahawihoeh, a hmu awh e pueng hah a pâkhueng awh toteh yu paluennae bu hah kakawi lah a ven awh.

11 Siangpahrang ni ka tho e naw khet hanlah a kâen navah, Yu paluennae khohna ka kho hoeh e tami buet touh a hmu.

12 Ka hui, yu paluennae khohna laipalah bangkongmaw na kâen, atipouh. Ahni ni lawk tho thai laipalah ao.

13 Hattoteh siangpahrang ni a sannaw koe, ahnie a kutkhok katek aw h nateh khuika hâ katanae, alawilah hmonae koe tâkhawng aw h.

14 Hot patetvanlah, ka kaw e apap eiteh ka rawi e a youn ca atipouh.

Cathut hoi Sizar

Mrk 12:13-17; Luk 20:20-26

15 Hattoteh Farasinaw a tâco aw h. Bangtelah hoi maw a lawk dei e lahoi maimouh ni a yon man thai aw h han titeh a kâdei aw h.

16 Ama e hnukkâbangnaw hoi Herod e hnukkâbangnaw hah a patoun aw h teh, Bawipa, nang teh lawkkam na cak. Apihai na taket hoeh, apie minhmai hai na khen laipalah Cathut e lamthung lawkkatang hah na pâtu tie hah ka panue aw h.

17 Hatdawkvah bangtelamaw na pouk. Sizar koe tamuk poe kawi maw, poe hoeh han kawi maw, na dei a pouh haw, telah a pacei aw h.

18 Jisuh ni ahnimae hawihoe hnae hah a panue dawkvah, a lai kathoutnaw, bangdawkmaw kai heh na tanouk cak aw h.

19 Tamuk tangka buet touh ma na patue aw h, atipouh teh rahum tangka phek touh a sin pouh aw h.

20 Hete mei, hete a ka pâphona e heh apie maw telah a pacei.

21 Sizar e mei, Sizar e ka pâphona e atipouh aw h. Jisuh ni Sizar e hno teh Sizar koe poe aw h. Cathut e hno teh Cathut poe aw h, atipouh.

22 Hote lawknaw hah a thai aw h navah, a kângairu aw h teh alouklah a cei aw h.

Sadusinaw hoi boutthawnae

Mrk 12:18-27; Luk 20:27-40

23 Hat hnin vah bout thaw hringnae aw m hoeh ka tet e Sadusinaw ateng vah a tho aw h teh a pacei aw h.

24 Saya, Mosi nihaiyah tongpa teh ca sak laipalah dout pawiteh catoun a pout hoeh nahanlah a nawng ha ni hote napui hah a yu lah a la han telah a dei.

25 Kaimouh thung dawk hmaunawng ha sari touh kaawm e ao. Apasueke ni a yu a la teh ca khe laipalah a due dawkvah a yu hah a nawng ha hanlah a ceitak hai pouh.

26 Hot patetvanlah buet touh hnukkhu buet touh, hmaunawng ha sari touh ni hote napui hoi ao aw h hnukkhu a due aw h.

27 A hnukteng vah hote napui hai a due van.

28 Hottelah ao dawkvah boutthawnae hnin dawk teh hote napui hah hmaunawng ha sari touh thung dawk apie yu lah maw ao han. Ahnimouh ni be bout a yu na aw h, telah atipouh aw h.

29 Jisuh ni, nangmouh teh Ca Kathoung e lawk hah na thai panuek aw h hoeh, Cathut e bahu hai na panue aw h hoeh dawkvah na fawm payon aw h.

30 Boutthawnae hnin dawk teh yuvânae aw m mahoe h toe, yu paluenna e hai aw m mahoe h toe.

31 Kalvan tami, Cathut e taminaw patetlah doeh o aw h han.

32 Hothloilah, kadout tangcounngaw boutthawnae dawk teh, Cathut ni kai teh Abraham e Cathut, Isak e Cathut, Jakop e Cathut lah ka o telah nangmouh koe a dei e hah na touk boi aw h hoeh maw. Cathut teh kadoutnaw e Cathut nahoe h. Kahringnaw e Cathut doeh telah atipouh.

33 Rangpui ni hote cangkhae nae lawk hah a thai aw h toteh a kângairu aw h.

*Kalenpounge kâlawk**Mrk 12:28-31*

³⁴ Sadusinaw hah lawk tho sak thai hoeh toe tie hah Farasinaw ni a thai awh toteh cungalah a kamkhueng awh.

³⁵ Ahnimouh thung dawk kâlawk ka cangkhai e buet touh ni a tanouk nahanlah buet touh a pacei.

³⁶ Saya, kâlawk thung dawk bangpatet e kâpoelawk hah maw kalenpoung atipouh.

³⁷ Jisuh ni, na Cathut, kahring Cathut hah na lungthin abuemlah, na muitha abuemlah, na pouknae abuemlahoi na lungpataw han.

³⁸ Het hateh apasuekpoung e hoi kalenpounge kâpoelawk doeh.

³⁹ Hothloilah, nama hoi kâkuen e hah nama hoi kâvan lah na lungpataw han tie apâhni e kâpoelawknaw teh apasuek e hoi a kâtarawi.

⁴⁰ Hete kâpoelawknaw kahni touh hateh kâlawk puenghoi profetnaw ni dei e pueng e a kung lah ao atipouh.

*Jisuh Khrih teh api capa maw**Mrk 12:35-37; Luk 20:41-44*

⁴¹ Farasinaw a kamkhueng awh navah Jisuh ni a pacei.

⁴² Khrih heh banglah maw na pouk awh. Apie Capa lah maw na pouk awh, atipouh. Ahnimouh ni Devit Capa atipouh awh.

⁴³ Hat pawiteh Devit ni Khrih hah muitha lahoi Bawipa telah bangkong-maw a kaw.

⁴⁴ Devit ni a dei e teh, kahring Cathut ni na taran pueng hah na khok rahim ka ta hoehroukrak kaie aranglah tahung telah Bawipa ni kaie Bawipa koevah atipouh.

⁴⁵ Hottelah Devit ni Khrih hah Bawipa telah kaw pawiteh bangtelamaw a capa lah ao han telah atipouh.

⁴⁶ Api buet touh ni hai lawk kam touh boehai pathung thai awh hoeh. Hat hnin hoi teh apinihai lawk bout pacei ngam awh hoeh toe.

23*Thoebonae sari touh**Mrk 12:38-39; Luk 20:45-46; 13:34-35*

¹ Hathnukkuh Jisuh ni a hnukkâbangnaw hoi tamimaya koe lawk a dei pouh.

² Cakathutkungnaw hoi Farasinaw teh Mosi e tahungnae dawk a tahung awh.

³ Hatdawkvah ahnimouh ni a dei awh e pueng hah tarawi a nateh sak pouh awh. Ahnimae sak e patetlah teh sak awh hanh. Bangkongtetpawiteh, a dei awh e patetlah a sak awh hoeh dawk doeh.

⁴ Ahnimouh ni ka ri ni teh phu ka ru e hnonaw hah a roup awh teh taminaw e lound dawk ouk a patue awh. Amamouh ni hote hnonaw teh a kutdawn ca hoi boehai takhoe ngai awh hoeh.

⁵ A sak awh e hno pueng hah ayâ ni hmu nahanlah doeh a sak awh. A tampa dawk a kawm sin awh e akana a len sak awh teh, khohna dawk e akana a saw sak awh.

⁶ Buvennaeh hoi sinakoknaw koe kahawi e tahungnae hah a lungpataw awh,

⁷ hno yonae koe barinae, kacangkhaikung telah kawnae hah a ngai awh.

⁸ Nangmouh teh Rabbi telah kawnae hah dâw awh hanh. Khrih buet touh dueng doeh nangmouh na kacangghaikung na tawn awh. Nangmouh pueng teh hmaunawnggha lah na o awh.

⁹ Talai van vah apihai apa telah kaw awh hanh. Kalvan kho vah nangmae na Pa buet touh dueng doeh kaawm.

¹⁰ Saya telah kawnae hai dâw awh hanh. Khrih dueng doeh nangmouh na kacangghaikung lah ka awm.

¹¹ Nangmouh thung dawk kalenpounge tami teh nangmae patoun patang e lah ao han.

¹² Apipatethai amahoima kârasang e teh a rahim vah pabo lah kaawm han. Apipatethai amahoima kârahnoum e teh tawm lah kaawm han.

¹³ A laikathout e cakathutkungnaw hoi Farasinaw yawthoe lah na o awh. Kalvan uknaeram teh ayânaw hanlah na khan awh teh namamouh hai na kâen awh hoeh, kâen han kangainaw haiyah na ngang awh.

¹⁴ A laikathout e cakathutkungnaw hoi Farasinaw yawthoe lah na o awh. Lahmainu e im hah na lawp awh teh a kamphawng hoeh nahanlah kasaw poung lah na ratoum awh. Hatdawkvah hoe kalen e yonphukhangnae hah na khang awh han.

¹⁵ A laikathout e cakathutkungnaw hoi Farasinaw, yawthoe lah na o awh. Bangkongtetpawiteh, tami buet touh hai namamae bawknae dawk kâen sak hanlah tali hoi a oung pheng na katin awh teh, na kâen sak hnukkhu teh namamouh hlak let hni e hell ca lah na o sak awh.

¹⁶ Kahrawikung mit ka dawnnaw, yawthoe lah na o awh. Bangkongtetpawiteh, Bawkim hah noe lahoi thoe ka bo e teh cak hoeh. Bawkim thung e sui hah noe hoi thoe ka bo e doeh ka cak na ti awh.

¹⁷ Tamipathu, mitdawnnaw, nâ e hno maw ka talue. Sui maw, nahoe pawiteh sui ka thounsak e Bawkim na ou.

¹⁸ Thuengnae khoungroe noe lahoi thoe ka bo e teh cak hoeh, thuengnae khoungroe van kaawm e thuengnae hno hah noe lahoi thoe ka bo e teh a cak na ti awh.

¹⁹ Mitdawnnaw, bangpatet e hno maw hoe ka talue. Hote thuengnae hno na ou, Hote thuengnae hno hah ka thounsak e thuengnae khoungroe na ou.

²⁰ Hatdawkvah thuengnae khoungroe hah noe lahoi thoe na bo pawiteh thuengnae khoungroe khuehoi avan e kaawm hno pueng hah mek na noe teh thoe na bo toe.

²¹ Bawkim hah noe lahoi thoe na bo pawiteh a thung kaawm e khuehoi thoe mek na bo toe.

²² Kalvan kho noe hoi thoe ka bo e teh Cathut e bawitungkhung hoi, a van ka tahung e khuehoi mek na noe teh thoe na bo toe.

²³ A laikathout cakathutkungnaw hoi Farasinaw yawthoe lah na o awh. Nangmouh ni teh anhla a pawhiknaw hoi sawnggam totouh hra touh daw buet touh na hmoun awh. Hatei, kâlawk thung daw hoi hoe alawkpui e lanna, pahrennae yuemnae hah lat na hnoun awh. Hete hnonaw na sak han roeroe lah ao. A lathueng lah dei e hai sak laipalah awm awh hanh.

²⁴ Kahrawikung mitdawnnaw, tui daw manging buet touh boehai ao hoeh nahanlah na raci awh ei kalauk hah na payawp awh.

²⁵ A laikathout e cakathutkungnaw hoi Farasinaw yawthoe lah na o awh. Manang hoi tongben hah avanlah na pâle awh ei a thung lah teh lawpnae hoi dumyennaeh hoi na kawi awh.

²⁶ Mit ka dawn e Farasinaw, manang hoi tongben hah a thung lah hmaloe pâle awh. Hottelah na sak pawiteh doeh alawilah hai thoung tih.

²⁷ A laikathout e cakathutkungnaw hoi Farasinaw yawthoe lah na o awh. Avan ka pangaw dui hluk e tangkom hoi na kâvan awh. Hote tangkom teh alawilah hroung ahawi. Athung teh tami hru, khinnae a cawngca hoi akawi.

²⁸ Hot patetvanlah alawilah, taminaw hmalah teh tamikalan patetlah na o awh, athunglah teh laithoenae hoi dумыennaе hoi na kawi awh.

²⁹ A laikathout e cakathutkungnaw hoi Farasinaw, yawthoe lah na o awh. Profetnaw e phuen hah na sak awh teh tami kalannaw e phuen hah na pathou awh.

³⁰ A mintoenaw e se nah kaawm awh pawiteh profetnaw theinae dawк ka bawк awh mahoe hoi na ti awh.

³¹ Hottelah na tet awh pawiteh profetnaw ka thet awh e catoun lah ka o awh tie hah namamouh hoi namamouh ni na kampangkhai awh toe.

³² Hatdawkvah mintoenaw e a sakyoe awh e totouh phat awh.

³³ Hrunthoe catounnaw bangtelamaw lawkcengnae hell thung hoi na hlout a thai han raw vaw.

³⁴ Hatdawkvah thai awh haw, nangmouh koevah, profetnaw, a lungkaang naw, cakathutkungnaw ka patoun han. A tangawn teh na thei awh vaiteh thingpalam dawк na pathout awh han. Atangawn hah sinakoknaw dawк na hem awh teh, kho buet touh hoi buet touh na rektap awh teh na hrek awh han.

³⁵ Hatdawkvah, tamikalan Abel e thi koehoi athung bawkim hoi thuengnae khoungroe rahak na thei awh e Berekhiah capa Zekhariah e a thi totouh talai van dawк rabawк lah kaawm tangcoung e tami kalannaw e thi teh nangmae lû dawк ka bawт han.

³⁶ Atangcalah na dei pouh awh. Hete hno pueng heh, hete catounnaw van vah ka phat han.

Jisuh ni Jerusalem hanlah a ka

³⁷ Oe! Jerusalem, Jerusalem, profetnaw kathetkung, nang koe patoun lah kaawm e naw talung hoi kadêikung, Âpui ni a canaw hah a rathei rahim a pâkhueng e patetlah na canaw hah kamkhueng sak hanlah avai moikapap ngainaе ka tawn toe. Hatei, nang ni teh na ngai hoeh.

³⁸ Thai haw, na onae im teh tami kingkadi lah doeh ceitakhai lah ao toe.

³⁹ Na dei pouh awh, Bawipa min lahoi ka tho e hah yawhawinae awm naseh telah na dei awh hoehroukrak, atu hoi teh nangmouh ni ka minhmai hah na hmawт a mahoe hoi toe atipouh.

24

Jisuh ni bawkim rawк nahan kong sut a dei

Mrk 13:1-37; Luk 21:5-36

¹ Jisuh ni bawkim dawк hoi a tâco teh alouklah a cei navah, bawkim saknae imnaw hah pâтue hanlah a hnukkâbangnaw ni rek a hnai awh.

² Jisuh ni hete hnonaw pueng hah na hmu awh nahoe hmanaw. Atangcalah na dei pouh awh. Raphoe laipalah talung buet touh e avan, buet touh kangna hai kamhmung mahoe hoi atipouh.

Runae kalen a tho nahane sut a dei

³ Hathnukkhu, Olive Mon dawк a tahung navah, a hnukkâbangnaw ni alouknaw bawк laipalah jisuh koe rek a hnai awh teh, hote hnonaw teh nâtuek maw a tho han, let na tho nahane hoi talaivan a pout nahane minoutnaw teh bangtelamaw ao han na dei pouh haw atipouh awh.

⁴ Jisuh ni, ahnimouh koevah, apipatet ni hai na dum aw hoh nahanlah kâhruetcueth aw h.

⁵ Tami kapap ni kai doeh Khrih ati vaiteh, Kaie min lahoi haiyah tho a vaiteh, tami kapap hah a dum aw h han.

⁶ Taran kâtuknae hoi, tarankâtuk nahane kamthang hai na thai aw h han. Hatei, na puen aw hoh nahanelah, kâhruetcueth aw h. Hote hnonaw teh kaawm han. Hatei a poutnae nahoe h rah.

⁷ Miphun buet touh hoi buet touh, uknaeram buet touh hoi buet touh a kâtaran aw h han. Kho tangkuem a takang vaiteh, lacik a pung han, tâli a no han.

⁸ Hotnaw hateh runae kamtawngnae doeh.

Rektap khang nahan kong sut a dei

⁹ Hat tore i teh taminaw ni rektap hanlah, thei hanlah na man aw h han. Ka min kecu daw k tami pueng ni na pahnaw t aw h han.

¹⁰ Hat tore i teh tami kapap ni lawkkam raphoe vaiteh, buet touh hoi buet touh a kâpah naw t aw h vaiteh, buet touh hoi buet touh a kâmaithoe aw h han.

¹¹ Profet kaphaw k pap vaiteh tami kapap a dum aw h han.

¹² Hounlounnae apap han, lungpatawnnae a roum han.

¹³ Apipatethai apout ditouh ka khang e teh hloutnae a hmu han.

¹⁴ Uknaeram kamthang kahawi heh miphun pueng koe lawkpanuesaknae lah ao na hanlah, talaivan pueng daw k pâpho lah kaawm han. Hahoi, teh poutnae a pha han.

Rucatnae kalenpoung

¹⁵ Hatdawkvah profet Daniel ni a dei e patetlah panuethopoung karaphoe kung kathoung hmu en daw k kangdue e na hmu aw h tore i teh, Cakathoung ka touk e ni thai panue k naseh.

¹⁶ Hottelah hmu lah aw m pawiteh, Judea ram kaawm e naw ni monsom lah yawng aw h naseh.

¹⁷ Lemphu kaawm e ni imthungkhu e hno la hanlah kum hanh naseh.

¹⁸ Laikaw koe kaawm e ni hai a khohna la hanlah hnuklah kamlang hanh lawiseh.

¹⁹ Hot na hnin toteh camo ka neng e napui hoi camosen kaawm e napuinaw teh puenghoi a ru aw h han.

²⁰ Na yawng aw h nahane teh pâding tue hoi sabbath hnin daw k a kâvoe hoh nahanlah ratoum aw h.

²¹ Bangkongtetpawiteh, talaivan pek a kamtawng hoi atu totouh kaawm boihoe h rae, ao hnukkhu hoi hai bout kaawm hoh hane puenghoi runae teh hatnae tueng nah a tâco han.

²² Hote tueng teh saw pawiteh apipatet ni hai hlout thai mahoe h. Rawi e taminaw hane kecu daw k hote tueng hah a duem sak han.

²³ Hattoteh apipatet ni hai hi doeh Khrih ao, haw doeh Khrih ao ka tet nakunghai yuem aw h hanh.

²⁴ Bangkongtetpawiteh, khrihkaphawknaw hoi profetkaphawknaw tâcaw t vaiteh, rawi tangcoung e naw patenghai dum thai pawiteh dum thai nahanelah, kalenpoung mitnout hoi kângairunae hnonaw hah a kamnue sak aw h han.

²⁵ Thai aw h haw, sut na dei pouh aw h.

26 Hatdawkvah, ahnimouh ni Khrih teh thingyeiyawn doeh ao ka tet awh nakunghai tâcawt awh hanh. Imthung doeh ao ka tet nakunghai yuem awh hanh.

27 Sumpa teh kanîtho koehoi apalik nah kanîloum totouh a ang e patetlah tami Capa teh ka tho han.

28 Ro aonae koe langtanw ni a kamkhueng han.

Tami Capa bout a tho han

29 Hatnae tueng runae hnukkhu, kanî teh vaitalaho a hmo han. Thapa teh ang mahoe. Âsinaw teh kalvan hoi a bo awh han. Kalvannaw e bahu teh a kahuet awh han.

30 Hattoteh tami Capa e mitnout teh kalvan vah a kamnue han. Talai van tami pueng ni a khuika awh vaiteh, tami Capa ni kalenpounge bahu hoi kalenpounge bawilenna tãmai kãcui vaiteh a kum e hah na hmu awh han.

31 Hahoi a kalvantaminaw hah kacaipounge mongka lawk hoi patoun vaiteh, talai takin pali touh koe e kãlvan apoutnae koehoi avanglae apoutnae koe totouh, a rawi tangcung e taminaw hah a pâkhueng awh han.

Thaibunglung kung bangnuenae

32 Thaibunglung kung hoi bangnuenae hah pâkuem awh. Thaibunglung kung ni a dawn a cawn teh a hnanaw a naw toteh, kompawi a hnai toe tie hah na panue awh.

33 Hot patetlah hote a konglam abuemlah na hmu awh toteh, tami Capa teh takhang koe totouh a tho toe tie hah panuek awh.

34 Atangcalah na dei pouh awh. Atu e catounnaw be a due awh hoehnahlan hote konglam pueng ka tâcawt han.

35 Kalvan hoi talai teh a rawk han, hatei ka lawk teh a kangning han.

Atueng teh apinihai panuek hoeh

Luk 17:26-27

36 Hote tueng teh apinihai panuek hoeh. Kalvan e kalvantaminaw ni hai panuek hoeh. Apa ni dueng doeh a panue.

37 Tami Capa a kum toteh Noah senae patetlah kaawm han.

38 Noah ni tuikamuem hoehnahlan hoi long thung a kãen ditouh tami pueng ni a canei awh, a kãpaluen awh, a kãhã awh.

39 Tui kamuem a tho toteh taminaw pueng koug raphoe ditouh a thada e patetlah tami Capa a kum toteh hotpatetlah ka tâcawt han.

40 Hattoteh law kaawm e tami kahni touh dawk buet touh a la vaiteh buet touh a ceitakhai han.

41 Cakang ka phawm roi e napui kahni touh dawk buet touh a la vaiteh buet touh a ceitakhai han.

42 Nangmae Bawipa teh nãtuek maw a tho han ti na panue awh hoeh dawkvah ring awh.

43 Tamru a tho nahane tueng heh imkung ni panuek pawiteh a paru thai hoeh nahanlah a ring han doeh tie teh na panue awh.

44 Hatdawkvah coungekocoe awm awh. Bangkoktetpawiteh na poukhoehnae tueng dawk tami Capa teh ka tho han.

Yuemkamcu e hoi kãhruetcu e san

⁴⁵ Bawipa ni amae imthungnaw hah atueng a pha toteh rawcanaw poe sak hanlah kaukung lah a rawi e yuemkamcunae hoi lungangnae hoi kakuep e san kahawi teh apimaw .

⁴⁶ Bang patet e san hai hottelah a sak e hah a Bawipa ni a hmu pouh e teh a yawhawi.

⁴⁷ Atangcalah na dei pouh awh. Bawipa ni hot patet e san koevah a hnopai kaawm e pueng hah a poe han.

⁴⁸ Hatei, san kathout ni teh a lungthin dawk hoi ka Bawipa heh tho hnai mahoehtelah a pouk laihoi,

⁴⁹ a huinaw hah a hem a bo teh hounloun, yamuhrihaw hoi a canei awh.

⁵⁰ A bawipa teh a poukchoehnae hoi a panuehoehnae tueng dawk a tho teh,

⁵¹ hote san hah puenghoi yue vaiteh khuikanae, hâ katanae hmuen koe ka kâsak e naw hoi cungtalah hmuen a hmoun pouh awh han.

25

Tanglakacuem hra touh bangnueanae

¹ Kalvan uknaeram teh yupaluengkung dawn hanlah hmaiim patuep hoi ka cet awh e tanglakacuem hra touh hoi a kâvan.

² Hote tanglanaw thung dawk panga touh teh a lungang awh. Hatei, panga touh e teh a pathu awh.

³ Ka pathu e naw teh, hmaiim dueng a sin awh teh, atui sin awh hoeh.

⁴ A lungkaangnaw teh, hmaiim hoi, satuium dawk, atui khuehoi a sin sin awh rah.

⁵ Yupaluengkung a tho hoeh navah, hote tanglanaw ni a ngam awh teh, muet a i awh.

⁶ Karumsaning toteh, khenhaw! yupaluengkung a tho toe, tâcawt awh nateh, dawn a leih, telah a oung.

⁷ Hote tanglakacuemnaw ni a thaw awh teh hmaiimnaw hah a kârakueng awh.

⁸ A lungkaang hoeh e naw ni kaimae hmaiim hmai a due toe. Nangmae satui hah youn touh na poe awh haw telah a lungkaangnaw koe a hei awh.

⁹ A lungkaang e naw van ni hai nangmouh hane khuehoi atui khout hoeh. Hatdawkvah na hno awh hanelah atui kâyawt e koe na ran awh pawiteh bet kahawi han telah atipouh awh.

¹⁰ Hotnaw ni atui ran hanelah a cei awh lahun navah, yupaluengkung a tho toteh, coungekocoe kaawm e tanglanaw teh yupaluengkung hoi cungtalah pawit thung a kâen a hnukkhu takhang hah a khan awh.

¹¹ Hathnukkhu alouknaw a tho awh. Bawipa, Bawipa kaimouh han tho paawng ei telah a kâhei awh.

¹² Bawipa ni atangcalah na dei pouh awh, nangmouh na panuek awh hoeh, telah atipouh.

¹³ Hatdawkvah tami Capa a tho nahane hnin hoi atueng teh na panue awh hoeh dawkvah ring awh.

Talen hoi bangnueanae

Luk 19:12-27

¹⁴ Kalvan uknaeram teh ahlanae ram koe kahlawng ka cet e hoi a kâvan. Ahni ni, kho louk lah cei hane pouknae a tawn dawkvah, a kut rahim e naw hah a kaw teh a hnonaw hah a hnawng. Ahnimouh teh amamae a coung thai awh e patetlah buet touh koe talen panga,

¹⁵ buet touh koe kahni, buet touh koe buet touh a poe hnukkhu a ceitakhai (Talen buet touh heh Deinari 6,000 hoi a kâvan).

¹⁶ Talen panga touh ka dâw e ni a cei teh a yoran dawkvah alouke apung talen panga touh a hmu.

¹⁷ Hote patetvanlah talen kahni touh ka dâw e van nihai, alouke apung talen kahni touh a hmu.

¹⁸ Talen buet touh ka dâw e niteh, Bawipa e talen hah talai a tai teh talai thungvah a hro.

¹⁹ A hnin a tha moi a saw hnukkhu hotnaw e Bawipa a tho teh, tangka e a kong hah a dei.

²⁰ Talen panga touh ka dâw e ni yah, apung e talen panga touh a sin teh, Bawipa nang ni kai koe talen panga touh na pâkuem sak. Alouke talen panga touh ka pung sak atipouh.

²¹ Bawipa ni, ahawi nang teh kahawi e hoi yuemkamcu e san., nang teh titca e hno dawk yuemkamcu dawkvah, kapap e hno hai na kuem sak han. Na Bawipa lunghawinae thungvah kâen van leih atipouh.

²² Talen kahni touh ka dâw e nihai, Bawipa talen kahni touh na kuem sak teh, alouke talen kahni touh ka pung sak atipouh.

²³ Bawipa ni, ahawi. Yuemkamcu e san kahawi. Hno titca e dawk yuemkamcu toe. Hno kapap e hai na kuem sak han. Na Bawipa lunghawinae thung kâen van haw, atipouh.

²⁴ Talen buet touh ka dâw e nihai, Bawipa nang teh pacipali lah na kaawm e na tho dawkvah, na patuehoehnae hmuen koe na ka a niteh, na heihoeahnae hmuen koe na ka pâkhueng e na tho tie hah ka panue.

²⁵ Hatdawkvah, ka taki teh, nange talen buet touh hah talai thung ka hro toe. Atu na talen roup ao atipouh.

²⁶ A bawipa ni, ka pangak pasa e san kathout, atipouh.

²⁷ Ka heihoeahnae koe ka pâkhueng tie hah na panuek katang pawiteh kaie talen hah bangkongmaw hno yorannaw kut dawk na hruék hoeh yaw. Hottelah na hrueng pawiteh kai bout ka tho toteh, tangka a manu hoi apung hah ka hmu han ei.

²⁸ Hatdawkvah, talen buet touh e hah a kut dawk hoi lawmh awh. Talen hra touh ka tawn e hah poe sin awh.

²⁹ Bangkongtetpawiteh, apipatet hai ka tawn e teh, hoe kapap a tawn nahanlah rek poe sin han rah. Apipatethai ka mathoe e teh a tawn e ca patenghai he lawp pouh lah ao han.

³⁰ Cungkeihoehe hote san hah, khuikanae hoi hâ katanae aonae koe, alawilah hmonae thungvah tâkhawng awh, atipouh.

Tu hoi hmae

³¹ Tami Capa teh a Bawilenna hoi kalvantami kathoungnaw hoi a tho toteh, a bawilenna bawitungkhung dawkvah a tahung han.

³² A hmalah miphun pueng a kamkhueng sak vaiteh, tukhoumkung ni tu hoi hmae a kapek e patetlah tami pueng hah a kapek han.

³³ Tunaw hah aranglah, hmaenaw hah avoilah a ta han.

³⁴ Hat toteh, siangpahrang ni aranglah kaawm e koevah, tho awh, a Pa e yawhawinae kacoenaw, talaivan sak pasuek hoi nangmouh hanlah sut pathoup e uknaeram hah pang awh.

³⁵ Bangkongtetpawiteh, ka vonhnam nah na paca awh. Tui kahran nah nei han tui na poe awh. Imyin lah ka o nah na khetyawt awh.

³⁶ Caici lah ka o nah na khohna sak awh. Ka patawpanat nah na khetyawt awh. Thongim ka bo nah na hloe awh, ati pouh.

³⁷ Hat torei teh tami kalannaw niyah, Bawipa nâtuék maw na vonhlam e hah ka hmu aw hah teh na paca aw hah. Tui na kahran e hah nâtuék maw ka hmu aw hah teh na nei hanlah tui na poe a waw.

³⁸ Imyin lah na o e hah nâtuék maw na hmu aw hah teh na khetyawt aw hah. Caici lah na o e hah nâtuék maw na hmu aw hah teh, na khohna sak aw hah.

³⁹ Na patawpanat nah nâtuék maw na hloe aw hah teh, nang koe ka tho aw hah, telah ati aw hah han.

⁴⁰ Hattoteh siangpahrang ni atangcalah na dei pouh aw hah. Nangmouh ni hete ka nawngghanaw thung dawkvah kathoengpoung koevah na sak aw hah e pueng hateh, kai koe na sak aw hah e doeh toe telah bout ati pouh aw hah han.

⁴¹ Hat toteh, siangpahrang ni, avoilah kaawmnaw koevah, nangmouh thoebo lah na kaawmnaw, kahraimathout hoi amae a hunaw hanlah sut rakueng pouh e a yungyoe hmai thungvah kai koehoi kâtakhoe aw hah.

⁴² Bangkongtetpawiteh, ka von a hlam nah ca han rawca na poe aw hah hoeh, tui kahran navah nei hane tui na poe aw hah hoeh.

⁴³ Imyin lah ka o navah na khen na yaw n aw hah hoeh, caici lah ka o navah na kho na hnat sak aw hah hoeh, ka patawpanat nahai thoseh, thongim thung ka o nahai thoseh, na tho na aw m sin aw hah hoeh.

⁴⁴ Hotnaw ni vah, Bawipa, na vonhlam e, tui na kahran e, imyin lah na o e, caici lah na o e, na patawpanat e, thongim thung na onae hah nâtuék maw na hmu aw hah teh na khenyaw n laipalah, na paca laipalah ka o aw hah, ati aw hah han.

⁴⁵ Hattoteh siangpahrang ni, atangcalah na dei pouh aw hah. Nangmouh ni hete ka nawngghanaw thung daw k, ka thoung poung e koe na sak aw hah hoeh e pueng teh kai koe na sak aw hah hoeh toe, ati pouh aw hah han.

⁴⁶ Hotnaw teh a yungyoe reknae koe cet aw hah vaiteh, tami kalannaw teh a yungyoe hringnae koe a cei aw hah han a ti.

26

Jisuh thei hanlah a kâcai aw hah

Mrk 14:1-2; Luk 22:1-2

¹ Jisuh ni hete lawknaw koug a dei hnukkhu, a hnukkâbangnaw koevah,

² Hnin hni touh a loum hnukkhu teh, ceitakhai paw i hnin ao han toe titeh na panue aw hah. Hattoteh tami Capa hah thingpalamnae daw k thei sak hanlah, poe e lah kaaw m han atipouh.

³ Hatnavah, vaihma bawinaw, cakathutkungnaw hoi kho thung e kacuenaw teh vaihma kacue Kaiaphas e toeim vah a kamkhueng aw hah teh,

⁴ Jisuh hah huenghai hoi bangtelah ne man thai vaiteh thei thai aw hah han tie hah a kâpankhai aw hah.

⁵ Hatei, paw i na hnin vah man aw hah hanh ei sei. Tami pueng ruengrueng tet a langvaih ati aw hah.

Napui buet touh ni Jisuh hah hmuitui a aw i

Mrk 14:3-9; Luk 7:37-38; Jhn 12:1-8

⁶ Bethani khovah ka hrikbei e Simon im Jisuh ao navah,

⁷ napui buet touh ni hmuitui apu h kaaw m poung e talungpangaw bom a sin teh bu a ca lahun nah a lû daw k a aw i pouh.

⁸ A hnukkâbangnaw ni a hmu aw hah navah, bangkongmaw a kaseikasak ati aw hah teh a lungkhuek aw hah.

⁹ Hote hmuitui hah aphu moikapap lah yo vaiteh karoedengnaw poe hanelah ao ati awh.

¹⁰ Jisuh ni a panue toteh hote napui hah bangkongmaw na tarawk awh. Ahni ni kai koe hnokahawi a sak toe.

¹¹ Karoedengnaw teh nangmouh koe doeh pou ao awh. Kai teh nangmouh koe pou kaawm mahoe.

¹² Hete hmuitui hah ka tak daw koe a awi e teh, ka ro pakawp nahanlah a rakuengnae doeh toe.

¹³ Atangcalah na dei pouh awh. Talaivan kamthang kahawi deinae hmuen pueng koevah, hete napui pou pouk nahanelah, a hnosak e heh dei lah kaawm van han atipouh.

Judah Isakarot ni Jisuh a yo
Mrk 14:10-11; Luk 22:3-6

¹⁴ Hatnavah a hnukkâbang hlaikahni touh thung daw koe e Judah Isakarot ni vaihma bawinaw koe a cei teh,

¹⁵ Jisuh hah nangmae kut daw koe na poe thai pawiteh, nangmouh ni kai hah tangka nâyittouh maw na poe awh han atipouh. Ahnimouh ni ngun tangka 30 touh na poe han atipouh awh.

¹⁶ Hahoi teh, Bawipa hah pahnawt thai nahanelah, Judah ni atueng kanhlongnae hah sut a ring.

Tangmin buvennae
Mrk 14:12-16; Luk 22:7-13

¹⁷ A hnukkâbangnaw ni tonphuenehoehe pawia apasuek hnin vah, ceitakhai pawia ca nahane hmuen hah nâ e koe maw rakueng sak hanlah na ngai atipouh awh.

¹⁸ Bawipa ni, khothung tami buet touh e im vah cet awh nateh, Bawipa ni lawk na thui e teh, a tue a hnai toe, a hnukkâbangnaw hoi cungtalah ceitakhai pawia heh nangmouh im vah ka hno awh han ati tet pouh awh, atipouh.

¹⁹ A hnukkâbangnaw ni a dei pouh e patetlah a sak awh teh, ceitakhai pawia hah atangcungcalah a rakueng pouh awh.

²⁰ Tangmin lavah, a hnukkâbangnaw hlaikahni touh hoi bu cungtalah a ven awh.

²¹ A ca awh lahun navah Bawipa ni, atangcalah na dei pouh awh. Nangmouh thung daw koe buet touh ni kai hah na pahnawt awh han atipouh.

²² Hat terei teh, a hnukkâbangnaw a lung puenghoi a mathoe awh teh, Bawipa kai maw telah lengkaleng a pacei awh.

²³ Bawipa ni kawlung daw koe kai hoi rei ka tapu e ni kai na pahnawt han.

²⁴ Cakathoung daw koe thut e patetlah tami Capa teh ka cet han. Hatei, tami Capa ka pahnawt e teh a yawthoe. Ahni teh khe hoe hngala pawiteh bet ahawihnawn atipouh.

²⁵ Bawipa ka pahnawt e Judah Isakarot ni hai Rabbi kai maw telah a pacei navah, na dei e patetlah oe nang doeh atipouh.

Bawipa e bu apasuek vennae

²⁶ A ca awh lahun navah, Jisuh ni vaiyei a la teh, lunghawi lawk a dei hnukkhu, a raen teh, hete vaiyei teh ka tak doeh. Lat awh nateh cat awh, telah a hnukkâbangnaw koe atipouh.

²⁷ Manang hai a la teh lunghawi lawk a dei hnukkhu ahnimanaw hah a poe teh, nangmouh pueng ni net awh.

²⁸ Hete manang teh lawkkam katha doeh. Taminaw hlout nahanlah ka rabawk e ka thi doeh.

²⁹ Na dei pouh awh. Hete misurtui patet e a katha e misurtui nangmouh hoi cungtalah a Pa e uknaeram dawk bout ka nei hoehroukrak, atu hoi bout ka net mahoe toe.

³⁰ Hahoi teh la a sak awh teh Olive Mon lah a luen awh.

A hnukkâbangnaw paringparang a yawng awh

Mrk 14:27-31; Luk 22:31-34

³¹ Hat toteh, Cakathoung dawk a thut e teh, tukhoumkung hah hem awh vaiteh, a tunaw ni paringparang lah ao awh han ati e patetlah, sahnin tangmin lah nangmouh pueng ni kai kecu dawk na lung a pout awh han.

³² Hatei, bout ka thaw hnukkhu nangmouh hmalah, Galilee ram lah ka cei han, telah Jisuh ni atipouh.

³³ Hetnaw ni nang kecu dawk a lung ka pout awh nakunghai kai teh ka lung khoeroe pout mahoe, telah Piter ni a ti.

³⁴ Jisuh ni, atangcalah na dei pouh. Sahnin tangmin ahlui a khawng hoehnahan kai hah vai thum touh na pahnawt han atipouh.

³⁵ Piter ni, nang hoi rei due han nakunghai kai ni na pahnawt mahoe hoi bout atipouh. Alouke a hnukkâbangnaw ni hai hot patetvanlah a dei awh.

Gethsemani takha thung ratoumnae

Mrk 14:32-42; Luk 22:40-46

³⁶ Hatnavah Jisuh ni Gethsemani hmuen koe ahnimouh hoi rei a pha toteh, kai teh hote hmuen koe ratoum hanlah ka cei han, hete hmuen koe la tahung awh lah a, telah a hnukkâbangnaw koe atipouh.

³⁷ Piter hoi Zebedee e a capa roi a hrawi. Hatnavah Bawipa teh a lungmathoe, lungpuen hoi ao dawkvah,

³⁸ Jisuh ni due han totouh ka lungreithai. Hie a hmuen koe awm awh nateh kai hoi cungtalah ring awh, telah a hnukkâbangnaw kathum touh koe a dei pouh.

³⁹ Hathnukkhu hmalah hrawt bout a cei teh, a tabo laihoi oe a Pa coung thai pawiteh hete manang na takhoe pouh haw. Hatei, kaie ka ngainae patetlah tho laipalah, na ngainae patetlah tho lawiseh telah a ratoum.

⁴⁰ A hnukkâbangnaw aonae koe a pha navah, ahnimouh ni di a i takhai e a hmu navah, nangmouh ni suimilam buet touh kangna hai kai hah na ring thai awh hoeh maw.

⁴¹ Tacueknae koehoi na hlout thai awh nahan ratoum laihoi ring awh. Muitha ni teh a ngai poung ei, takthai ni teh coung thai hoeh telah Piter koe atipouh.

⁴² Hahoi bout a cei teh Oe a Pa hete manang hah ka net laipalah roun thai hoehpawiteh, na ngainae patetlah phat lawiseh telah bout a ratoum.

⁴³ Hat hnukkhu a hnukkâbangnaw onae koe bout a tho teh, ahnimanaw teh muet bout a i awh e a hmu navah,

⁴⁴ a ceitakhai teh ahmaloe a ratoum e patetlah apâthum lah bout a ratoum.

⁴⁵ A hnukkâbangnaw onae koe bout a tho teh, atuteh duem ip awh lawih. Tami Capa teh tamikayonnaw e kut dawk pahnawt nahane tueng teh a pha toe.

⁴⁶ Thaw awh, cet a lei sei. Kai na kapahnawtkung teh a tho toe atipouh.

Jisuh mannae

Mrk 14:45-50; Luk 22:47-53

⁴⁷ Hottelah a dei lahun navah a hnukkâbang hlaikahni touh dawk ka bawk van e Judah Isakarot teh a tho. Vaihma bawinaw hoi khotung e tami kacuenaw ni a patoun awh e naw teh tahloi hoi bongpainaw a sin awh teh a tho awh.

⁴⁸ Bawipa kapahnawtkung niyah, kai ni ka paco e teh Jisuh doeh, ahni hah man awh telah hote taminaw koe noutnae a poe e patetlah,

⁴⁹ Bawipa koe rek a hnai teh, kacangkhaikung yawhawinae awmseh ati teh a paco.

⁵⁰ Jisuh ni ka hui bang panki e dawk maw na tho atipouh navah, hote taminaw a tho awh teh Jisuh hah a man awh.

⁵¹ Hatnavah Jisuh hnukkâbang e buet touh ni a kut a dâw teh tahloi a rasa hnukkhu, vaihma kacue e a san buet touh hah a bouk navah a hnâ thouk a pet.

⁵² Jisuh ni na tahloi hah amae tabu dawk bout tat leih. Tahloi ka patuem e tami pueng teh tahloi hoi a due awh han.

⁵³ Atu roeroe vah a Pa koe kahei thai tie hai thoseh, kâhet pawiteh kalvan ransahuipui apfu hlaikahni touh hlak kapap lah Kai koe a patoun han tie hah nang ni na pouk hoeh maw.

⁵⁴ Hat pawiteh, Cakathoung dawk a thut e patetlah, hettelah o han tie hnonaw hah bangtelavai a kuep thai telah a ti.

⁵⁵ Hatnavah Jisuh ni Dingca man e patetlah kai man hanlah rama, bongpainaw na sin awh teh na tho a bo vaw. Kai ni Bawkim thung hnin ka due na cangkhai eiteh, nangmae rahak ka tahung navah nangmouh ni kai hah na man awh hoeh.

⁵⁶ Hot hateh, Cakathoung akuiep nahane doeh telah tami kamkhuengnaw hah a dei pouh. Hattoteh a hnukkâbangnaw pueng ni Bawipa hah parang a yawng takhai awh.

Lawkcengnae koe a phanae

Mrk 14:53-65

⁵⁷ Jisuh ka man e naw ni Bawipa hah, cakathutkungnaw hoi kacuenaw a kamkhuengnae vaihma kacue Kaiaphas koe a ceikhai awh.

⁵⁸ Piter hai vaihma kacue e toeim totouh, Bawipa hoi kahlat lah a kâbang. A hnukteng bangtelamaw ati awh tie a panue nahanlah athung a kâen teh ka ring e naw hoi reirei a tahung.

⁵⁹ Vaihma bawinaw hoi kacuenaw, sanhedrin lawkcengkungnaw pueng ni Jisuh thei thai nahanlah laithoe kampangkhainae a tawng awh ei hmawt awh hoeh.

⁶⁰ Laithoe kampangkhai hanelah moi a tho awh ei, Bangpatete kapanuekkhaikung hai tawn awh hoeh. A hnukteng vah laithoe kampanghaikung kahni touh a tho roi teh,

⁶¹ ahni ni, kai ni Cathut e Bawkim hah ka raphoe vaiteh hnin thum touh hoi bout ka cum thai han telah a dei titeh kapanuekkhaikung lah a kangdue roi.

⁶² Vaihma kacue ni a kangdue teh, kam touh boehai bout na dei mahoe h maw. Hetnaw ni bangtelamaw kapanuekkhaikung lah a kangdue awh, atipouh navah Jisuh teh lawkkamuem lah ao.

⁶³ Vaihma kacue ni nang teh Cathut e Capa, Khrih hoi Khrih hoeh e hah kaimouh koe na dei nahanlah kahring Cathut noe lahoi kâ na poe atipouh.

⁶⁴ Hatnavah, Jisuh ni na dei e patetlah atueng. Hothloilah ka dei e teh, hmalaie atueng dawk tami Capa ni bawilenna aranglah a tahung teh kalvan e tâmainaw dawk tahung lahoi a tho e hah na hmu awh han atipouh.

⁶⁵ Hatnavah vaihma kacue ni amae angki a phi teh hete tami ni Cathut ka tapuet lah a dei toe. Bangpatet e kapanuekkhaikung maw bout a ngai rah. Cathut ka tapuet lah a dei e hah atu roeroe vah nangmouh ni na thai awh toe.

⁶⁶ Bangtelamaw na pouk awh, atipouh navah, hotnaw ni ahni teh due han a kamcu telah bout a dei awh.

⁶⁷ Hattoteh a minhmai hah tamtui hoi a tamthawi awh.

⁶⁸ Kut hoi a thaw awh, tangawn ni a tambei awh, oe Khrih nang hah apinimaw na tambei tie hah profet lahoi dei leih, atipouh awh.

Piter ni Jisuh a pahnawt

Mrk 14:66-72; Luk 22:55-62; Jhn 18:25-27

⁶⁹ Piter ni toeim alawilah longkha koe a tahung navah sannu buet touh ni a tho teh nang haiyah Galilee tami Jisuh hoi cungtalah e doeh atipouh navah,

⁷⁰ Piter ni na dei e hah ka panuek hoeh telah taminaw e hmalah a oun.

⁷¹ Hathnukkhu Piter ni im longkha alawilah a tâco navah alouke napui buet touh ni bout a hmu teh haw kaawm e naw koe, het haiyah Nazareth tami Jisuh hoi cungtalah e doeh atipouh.

⁷² Piter ni ahni hah ka panuek hoeh telah thoe a ka bo teh bout a oun.

⁷³ Hathnukkhu mounng ao teh hote hmuen koe kangdoutnaw ni Piter e a teng a tho awh teh, atangcalah nang haiyah hotnaw koe na ka baw k e doeh. Na lawk ni ma a pâpho toe telah atipouh awh.

⁷⁴ Piter ni ahni hah ka panuek hoeh ati teh thoe a kâbo. Hat nah tahma vah ahlui a khawng.

⁷⁵ Jisuh ni Ahlui a khawng hoehnahlan, vai thum touh kai hah na pahnawt han ati e lawk hah Piter ni hlawt a pouk navah alawilah a tâco teh khawngsauek laihoi a ka.

27

Jisuh teh Pailat hmalah a tâcokhai awh

¹ Amom vah vaihma bawinaw hoi tamimaya daw k e kacuenaw ni Jisuh thei hanelah a kâpankhai awh.

² Hahoi Bawipa hah a katek awh teh Pailat siangpahrang kut daw k tawngtang a poe awh.

Judah a kaithinae

³ Hatnavah, Bawipa ka pahnawt e Judah Isakarot ni Bawipa a dum e hah a hmu navah, pan a kângai teh, tangka 30 touh hah vaihma bawinaw, bawknae koelah kacuenaw koevah bout a poe.

⁴ Ka payon toe, yon ka tawn hoeh e tami e a thi hah ka pahnawt payon toe telah ati. Ahnimouh van ni hai kaimouh hoi bangtelamaw kâkuet a vaw. Nama e hno hah nama ni khen lawih atipouh awh.

⁵ Ahni ni hote tangka hah Bawkim daw k vu a tâkhawng teh alouklah a cei hnukkhu a kaithi.

⁶ Vaihma bawinaw ni hote tangka a la awh teh a thi phu doeh. Hno kuemnae daw k pâseng kaw i nahoe telah a kapan awh teh,

⁷ Hlaam ka bo e talai hmuen hah Jentelnaw e phuen hanelah hote tangka hoi a ran awh.

⁸ Hote kecu dawkvah atu totouh hote talai hmuen hah 'thi talai telah a kaw awh.

⁹ Profet Jeremiah ni a dei e teh, Isarelnaw ni apfu khoe e tami e apfu tangka 30 touh hah a la aw hah teh Cathut ni lawk na thui e van patetlah,

¹⁰ Hlaam ka bo e talai hmuen hah ka ran aw hah tie lawk hah, hatnavah a kuep.

Pailat koe Jisuh a phanae

Mrk 15:2-15; Luk 23:2-3

¹¹ Jisuh teh ram kaukkung hmalah a pha navah, ram kaukkung ni nang teh Judah siangpahrang katang maw telah a pacei. Jisuh ni na pacei e patetlah atang doeh atipouh.

¹² Vaihma bawinaw hoi kacuenaw ni yon a pen aw hah navah kam touh boehai pathung hoeh.

¹³ Pailat bawi ni nange avanglah moikapap ni a kampangkhai e hah na thai hoeh maw atipouh nakunghai,

¹⁴ Kam touh boehai a pathung hoeh e hah ram kaukkung ni a ka ngai lah a ru.

¹⁵ Hote paw i dawkvah ram kaukkung ni thongkabawtnaw thung daw k hoi tami kapap ni a ngai e tami buetbuet touh hah ouk tha e lah ao.

¹⁶ Hatnavah paung e naw thung daw k Barabas tie min kamthang e tami buet touh ao.

¹⁷ Taminaw a kamkhueng aw hah toteh Pailat bawi ni nangmouh ni apimaw hlout sak hanlah na ngai aw hah, Barabas maw hoehpawiteh Khrih tie Jisuh hah maw, telah taminaw hah a pacei.

¹⁸ Hettelah a paceinae teh ahnimouh ni a ut aw hah dawkvah Jisuh a man sak ati e hah Pailat bawi ni a panue daw k doeh.

¹⁹ Hothloilah, lawkcengnae tungkhung daw k a tahung navah a yu ni tami a patoun teh, hote tamikalan hah bang telah hai tet hanh. Sahnin roeroe vah kai ni ahni kecu daw k ka mang lah puenghoi ka khang toe, telah lawk a thui.

²⁰ Tami ka kamkhuengnaw ni Barabas hlout sak vaiteh Jisuh thei sak hanlah vaihma bawinaw hoi kacuenaw ni taminaw hah a uen aw hah.

²¹ Hatdawkvah ram ka uk bawi ni het tarawi thung daw k, nangmouh ni api hah maw hlout sak han na ngai aw hah telah bout a pacei navah; 'Barabas doeh hlout sak ka ngai aw hah telah a dei aw hah.

²² Pailat bawi ni 'hah pawiteh Khrih tie Jisuh hah te bangtelamaw ti han telah bout a pacei navah; ahnimouh pueng ni 'ahni hateh thingpalam daw k hetnae khang seh telah ati aw hah.

²³ Ram kaukkung bawi ni hai 'bangkongmaw, bangmaw a sakpayon telah a pacei navah, ahni teh thingpalam daw k het lah awmseh telah hoe a hram aw hah.

²⁴ Pailat bawi ni tâ laipalah taminaw ni hoehoe a coukdouk aw hah e hah a hmu toteh, tui a la teh taminaw e a hmalah a kut a kamsin teh, hete tamikalan e a thi hoi kai teh ka bet hoeh, na ngai e patetlah sak a lawih a ti.

²⁵ Hote tami pueng ni, ahni e a thi teh kaimae lû daw k, ka catounnaw e a lû daw k baw t lawiseh ati aw hah.

²⁶ Pailat bawi ni hai Barabas hah a tha pouh. Jisuh hah a hem hnukkhu thingpalam daw k thei hanelah a poe.

Jisuh pacekpahleknæ

Mrk 15:16-20

²⁷ Hat terei teh ram kaukkung e a ransanaw ni Jisuh hah bawi imthung lah a hravi aw hah teh, ransahu abuemlah a kamkhueng sak.

²⁸ A khohna hah a rading pouh aw hah, hni paling a kâkhu sak aw hah.

²⁹ Pâkhinglukhung a kâ muk sak awh. Sonron buet touh aranglah a sin sak awh teh, a hmalah khokcuengkhuem sin awh teh, Judah siangpahrang, nang koe yawhawinae awm naseh ti hoi a pacekpahlek awh.

³⁰ Tamtui hoi a tamthawi awh sonron hah a la pouh awh teh a lû daw k a hem pouh awh.

³¹ Hottelah a pacekpahlek awh hnukkhu, a kâkhu e hah a rading pouh awh teh, amae kâkhu e hah bout a kâkhu sak awh teh, thingpalam daw k het hanlah a tâcokhai awh.

Jisuh pathoutnae

Mrk 15:22-32; Luk 23:33-43; Jhn 19:17-24

³² A cei awh lahun nah Simon tie Sairen tami, buet touh a hmu awh teh, thingpalam hah hmatara a hrawm sak awh.

³³ Luhru hmuen tie Galgotha a pha awh toteh,

³⁴ tâsi kakhat hoi a kalawt awh e misurtui kathut poung e hah nei sak hanlah a poe awh. A patek teh nei han ngai hoeh.

³⁵ Thingpalam daw k a pathout awh hnukkhu cungpam a rayu awh teh a kâkhu e hni hah a kâravei awh.

³⁶ Hote hmuen koe tahung laihoi a ring awh.

³⁷ Yon pâphonae ca a vo pouh e teh, 'het e tami teh Judah siangpahrang Jisuh doeh, telah a thut awh teh a lû lathueng a vo pouh awh.

³⁸ Hatnavah Bawipa hoi cingtalalah dingca kahni touh aranglah buet touh, avoilah buet touh thingpalamnae daw k a pathout awh.

³⁹ Lam daw k ka cet kaawm e naw ni Bawkim hah ka raphoe vaiteh hnin thum touh hoi bout ka sak han e, namahoima kâhloutsak haw.

⁴⁰ Cathut e Capa katang lah na awm pawiteh namahoima rungngang nateh, thingpalamnae daw k hoi kum leih telah a lû kahek awh teh pacekpahleknae lawk a dei awh.

⁴¹ Hot patetvanlah vaihma bawinaw, cakathutkungnaw, tami kacuenaw niyah ayânaw teh a rungngang thai,

⁴² Amahoima teh kârungngang thai hoeh bo. Judah siangpahrang katang na tetpawiteh thingpalamnae daw k hoi atu kum naseh. Kum pawiteh ka yuem awh han.

⁴³ Ahni teh Cathut a kâuep toe. Kai teh Cathut Capa doeh ati toe. Hatdawkvah Cathut ni ahni daw k a ngainae awm pawiteh atu roeroe vah kârungngang na seh telah a dudam awh teh a dei awh.

⁴⁴ Hot patetlah Bawipa hoi cingtalalah thingpalamnae daw k a het awh e dingcanaw ni hai a pathoe awh teh yon a pen awh.

Jisuh a duenae

Mrk 15:33-41; Luk 23:44-49

⁴⁵ Kanî tuengtalueng a thunnae koehoi suimilam kathum totouh talai van pueng daw k kho a hmo.

⁴⁶ Tangmin lah suimilam kathum navah Jisuh ni 'Eli, Eli, Lama Sabakhthani. telah a hram. Hot hateh, Ka Cathut, ka Cathut bangkongmaw na pahnawt tinae doeh.

⁴⁷ Hote hmuen koe kangdout e a tangawn ni a thai awh navah Elijah doeh a kaw ati awh.

⁴⁸ Tami buet touh ni tang a yawng teh, napon a sin teh, misurtui kathut e hoi a kalawt hnukkhu rayung daw k a takei teh nei sak hanlah a poe.

⁴⁹ Alouknaw ni tat yawkaw, Elijah ni ahni rungngang hanlah a tho ou, tho hoeh ou tie heh khen a haw sei ati awh.

⁵⁰ Jisuh ni tha hoi bout a hram teh hringnae a thouk.

⁵¹ Hattoteh Bawkim thung e yaphni a lû hoi a khok totouh a kâphi. Talai a kâhuet. Lungsongnaw a kâbawng.

⁵² Tangkom pueng a kamawng teh, ka ip tangcoung e tami kathoungnaw moikapap a thaw awh teh,

⁵³ Bawipa a thaw hnukkhu, ahnimanaw teh tangkom thung hoi a tâco awh teh khopui kathoung thungvah a kâen awh, tami moikapap koe a kamnué awh.

⁵⁴ Jisuh ka ring e ransabawi hoi ransahu ni talai a kâhuet e a hmu awh toteh a taki awh dawkvah Cathut e Capa tanggak doeh ati awh.

⁵⁵ Galilee kho e Jisuh khetyawt hanlah a hnukkâbang e napuinaw ni hote hmuen koevah ahlanae koehoi a khet awh.

⁵⁶ Hote napuinaw dawkvah Meri Magdalin, Jem hoi Joseph e a manu Meri hoi Zebedee e capanaw e manu tinaw a bawk awh.

Jisuh pakawpnae

Mrk 15:42-47; Luk 23:50-56

⁵⁷ Tangmin lah a pha toteh Arimathea kho e kabawipoung Joseph, a hnukkâbang van e buet touh a tho teh,

⁵⁸ Pailat bawi koe a kâen teh Jisuh e ro hah a hei. Pailat ni a ro hah poe lah awmseh telah kâ a poe.

⁵⁹ Joseph ni a ro hah a la teh lukkarei ka pangaw e hoi a kayo hnukkhu,

⁶⁰ ama hanelah lungsong dawk thuk e tangkom katha thung vah a ta. Lungphenpui hoi takhang a teng teh a ceitakhai .

⁶¹ Meri Magdalin hoi alouke Meri teh hote tangkom hmalah a tahung roi.

Phuen a ringnae

⁶² Atangtho toteh vaihma bawinaw hoi Farasinaw ni Pailat bawi koe a kamkhueng awh teh,

⁶³ 'hot e kadumyengkung ni kai teh apâthum hnin kathâw han telah a due hoehnahlan a dei e hah ka panue awh rah.

⁶⁴ Hatdawkvah a hnukkâbangnaw ni tangmin vah a ro hah a la awh teh, ahni teh duenae koehoi a thaw toe telah tami pueng koe dei awh pawiteh ahmaloe e payon e hlak a hnukkhu e payon e hoe kalen han telah ngairinae a tawn awh dawkvah, tangkom hah hnin thum touh thung ring hanlah kâ na poe haw atipouh awh.

⁶⁵ Pailat ni 'nangmouh koe ka ring e tamihu touh ao. Cet awh nateh a coung thai totouh a uep thai nahanlah ring awh atipouh.

⁶⁶ Ahnimouh ni a cei awh teh talung hah mitnoutnae tacik a kin awh hnukkhu ka ring e naw a ta awh teh, tangkom hah kahawicalah a ring awh.

28

Duenaé koehoi jisuh boutthawnae

Mrk 16:1-8; Luk 24:1-10

¹ Sabbath aloum hnukkhu, hnin sari touh dawk apasuek hnin amom kho meimei dai nah Magdalin hoi alouke Meri tinaw hai, tangkom khet hanlah a cei awh.

² Hatnavah puenghoi Tâli a no. Cathut e kalvantami ni kalvan hoi a kum teh tangkom khannaé talung a paawng teh hote talung van a tahung.

³ A minhmai teh sumpapalik e patetlah a kamnue. A khohna e hai tâmai patetlah a pangaw.

⁴ Karingnaw ni kalvantami hah a taki awh lawi a pâyaw awh teh meimei a due awh.

⁵ Kalvantami niyah taket awh hanh. Thingpalamnae dawk thei e Jisuh doeh na tawng awh, tie ka panue.

⁶ Hete hmuen koe awm hoeh toe. A dei tangcoung e patetlah a thaw toe. Tho awh nateh Bawipa a yannaeh hah khenhaw.

⁷ Karang poung lah ban awh nateh duenae koehoi a thaw toe tie hah a hnukkâbangnaw koe dei pouh awh. Nangmouh hmalah Galilee ram vah a kamnue han. Hawvah nangmouh ni Bawipa hah na hmu awh han ka ti toe telah kalvantami ni napuinaw koe a dei.

⁸ Hote napuinaw ni a taki awh eiteh, a lunghawi awh dawkvah, tangkom koehoi karanglah a ban awh teh a hnukkâbangnaw koe hote kamthang hah dei pouh hanelah a yawng awh.

⁹ A cei awh lahun nah Jisuh ni sut a dawn teh, na konawm awh atipouh. Hote napuinaw ni rek a hnai awh teh a khok hah a tapam awh laihoi a tabo awh teh a bawk awh.

¹⁰ Jisuh ni takinae tawn awh hanh. Cet awh nateh, hete kamthang lawk hah dei pouh awh. Hote ram dawkvah ahnimouh ni kai hah na hmu awh han atipouh.

Ransanaw a tadawng awh

¹¹ Hote napuinaw ni a cei awh navah ka ring e atangawnnaw ni khoung a kâen awh teh kaawm e hno pueng hah vaihma bawinaw koe a thaisak awh.

¹² Hahoi vaihma bawinaw ni kacuenaw hoi pouknae kapoenaw hoi a kamkhueng awh teh, a kâpan awh. Ka ring e ransanaw hah tangka moikapap a poe awh teh,

¹³ tangmin ka i awh lahun navah a hnukkâbangnaw a tho teh a ro hah a paru awh, telah a dei awh.

¹⁴ Hote kong hah siangpahrang ni bout thai pawiteh kaimouh ni ka dum awh vaiteh nangmouh koe a lungkhuek hoeh nahanlah ka sak awh han, telah atipouh awh.

¹⁵ Hatdawkvah ransanaw ni tangka a la awh teh a dei pouh e patetlah a sak awh. Hettelah hoi hote kamthang teh Judahnaw rahak vah sahnin ditouh a kamthang.

Kalenpounge kâpoelawk

¹⁶ Hlaibun touh e a hnukkâbangnaw ni Galilee ram lah a cei awh. Bawipa ni lawk a thui e mon dawk a luen awh navah Bawipa hah a hmu awh teh a bawk awh.

¹⁷ Atangawnnaw teh a lunghring awh.

¹⁸ Jisuh ni ahnimouh koe rek a hnai teh kalvan hoi talai van e kâtawnae pueng teh kai koe poe lah ao toe.

¹⁹ Nangmouh ni cet awh nateh miphun pueng hah ka hnuk kâbang lah coung sak awh. Pa, Capa, Kathoung Muitha e min dawk Baptisma poe awh.

²⁰ Kai ni nangmouh koe kâ na poe e pueng hah a tarawi awh nahanlah cangkhai awh. Kai teh talai van a pout totouh nangmouh hoi cungtalah pou ka o telah a hnukkâbangnaw koe atipouh.

MARK (The Good News According to Mark)

Baptisma Jawhan ni lamthung rasounnae

Mat 3:1-11; Luk 3:2-14

¹ Cathut Capa Jisuh Khrih e kamthang lawk a kamtawngnae teh het telah doeh ao.

² Ca karuem dawk Isaiaah ni a thut e teh, khenhaw! Na cei nahane lamthung ka rasoun hanelah patoune ka patoun han.

³ Kahrawngum vah hramkhai e lawk teh, Cathut a tho nahane lamthung rasoun awh. A lamthungnaw palan awh, ati e patetlah,

⁴ Jawhan teh kahrawngum vah tui dawk baptisma a poe teh, yon ngaithoum nahanelah, pankângainae baptisma kamthang dei hanelah a tho.

⁵ Jerusalem kho thung e taminaw pueng koehoi a kamtawng teh Judah ram e tami pueng teh Jawhan koe a tho awh teh, amamae a yon a pâpho awh teh, Jordan tui dawkvah, tui baptisma a coe awh.

⁶ Jawhan teh Kalauk muen hoi kawng e angki a kho teh, a keng dawk phaiyuen taisawm a kâyeng teh, samtong hoi kahrawng e khoitui hah a canei.

⁷ A hramkhai e teh, kai hlak hno ka sak thai e tami teh ka hnukkhu lah a tho. Ahnie khokkhawmruai tabut vaiteh rasu hane boehai ka kamcu hoeh.

⁸ Kai ni teh nangmanaw hah tui dawk baptisma na poe awh. Ahni ni teh nangmanaw hah Kathoung Muitha hoi baptisma na poe awh han telah a hramkhai.

Jisuh baptisma a coenae hoi tacueknae

Mat 3:13-17; Luk 3:21-22.

⁹ Hatnavah, Jisuh teh Galilee ram Nazareth kho hoi a tho teh, Jawhan ni Jordan palang vah tui baptisma a poe.

¹⁰ Tui dawk hoi bout a thaw navah kalvan a kamawng teh Muitha teh âbakhu patetlah Jisuh dawk a cu.

¹¹ Nang teh Kai ni ka pahren poung e, ka lungkuep poung e ka Capa doeh telah kalvan hoi lawk a tho.

¹² Hathnukkhu Muitha ni Jisuh teh kahrawngum tang a cei sak.

¹³ A hnin 40 touh kahrawngum vah ao teh, Setan e tacueknae a kâhmo. Sarangnaw hoi cungalalah ao awh teh, kalvantaminaw ni Bawipa teh a khetyawt awh.

A hnukkâbangnaw kawnae

Mat 4:14-22; Luk 5:2-11; Jhn 4:43-45

¹⁴ Jawhan teh thongim thung a pha hnukkhu vah, Jisuh teh Galilee ram lah a cei. Cathut uknaeram kamthang hah a pâpho.

¹⁵ Atueng a pha toe. Cathut uknaeram teh a hnai toe. Pankângai awh leih. Kamthang kahawi teh yuem awh leih, telah a pathang.

¹⁶ Galilee tuipei teng a cei navah, Simon hoi a nawnggha Andru tanga ka heng roi e hah a hmu. Bangkongtetpawiteh, ahnimouh roi teh tangakamangkungnaw lah ao roi.

¹⁷ Jisuh ni ahnimouh roi hanlah, ka hnukkâbang leih, tami kamangkung lah na sak roi han atipouh teh,

18 Ahnimouh roi ni a tamlawknaw a ceitakhai awh teh, a hnuk tang a kâbang roi.

19 Haw hoi dongdeng a cei nah, Zebedee e capa roi Jem hoi Jawhan teh long daw kamlawk a cip roi e hah a hmu.

20 Ahnimouh roi hai tang a kaw. Ahnimouh roi ni long daw kamlawk e, a hlai e taminaw hoi a na pa Zebedee hah a ceitakhai teh a hnuk a kâbang roi.

Kahrai kathout a pâlei

Luk 4:31-37.

21 Hahoi, Kapernuam kho a cei awh teh, sabbath hnin vah sinakok a kâen teh a cangkhai .

22 Cakathukungnaw patetlah laipalah, kâtaawnnae lahoi a cangkhai dawkvah, rangpuinaw ni a cangkhae hah kângai lah a ru awh.

23 Ahnimae Sinakok thungvah, kakhine muitha ni a man e tami buet touh ao.

24 Nazareth tami Jisuh, kaimouh hoi bangtelamaw na kâseng vaw. Kaimanaw raphoe hanelah maw na tho vaw. Nang hah apimaw tie hai na panue. Cathut e kathounge tami lah na o ati teh a hramki.

25 Jisuh ni kahraikathout hah, lawkkamuem awmh, hote tami thung hoi tâcawt titeh a yue.

26 Kakhine muitha niyah, hote tami hah a pâyaw sak teh, a hramki laihoi a tâco takhai.

27 Taminaw pueng kângairu awh teh, hno tithainae hoi cangkhae a katha e heh bangtelah nama aw. Kakhine muithanaw hai kâtaawnnae lahoi kâ a poe teh, ahnimouh ni hai a lawk a ngai pouh bo aw telah buet touh hoi buet touh a kâpankhai awh.

28 Hettelah hoi, Jisuh e kamthang teh Galilee ram kho tangkuem vah, karang poung lah a kamthang.

Tami moikapap a dam sak

Mat 8:14-15; Luk 4:38-39

29 Sinakok hoi a tâco awh teh Jem hoi Jawhan ti hoi Simon hoi Andru im vah a cei awh.

30 Simon e a masei napui a pataw teh, sut a yan e hah Jisuh koe karanglah a thaisak awh.

31 Jisuh ni ahni koe a cei teh, a kut daw k a kuet teh a pathaw. A pathaw tahma a tak a dam dawkvah, ahnimanaw hah a khetyawt.

32 Kanî a khup hnukkhu tangmin vah, a tak ka dam hoeh e naw hoi kahraikathout ni a man e naw teh ama koevah a thokhai awh.

33 Kho thung e taminaw pueng teh takhang koe a kamkhueng awh.

34 Aphunphun lah ka pataw e naw hah a dam sak teh kahraituilinaw hai a pâlei. Kahrainaw ni Jisuh teh a panue awh dawkvah, Jisuh ni ahnimanaw lawk kam touh boehai dei sak hoeh.

Soumtinae koe Jisuh a ratoum

Luk 4:42-43.

35 Atangtho amom khodai hoehnahlan vah, Jisuh teh kahrawngum vah a cei teh, a ratoum.

36 Simon hoi a huinaw ni Jisuh teh a tawng awh.

37 Jisuh ma a kâhmo awh toteh taminaw pueng ni na tawng awh kaima atipouh awh.

³⁸ Jisuh ni a tengpam e khonaw pueng koe, phung dei hanlah cet a sei, hot hane doeh kai teh ka tho telah a hnukkâbangnaw koe atipouh.

³⁹ Hatdawkvah, Galilee kho kaawm e sinakoknaw dawkvah phung a dei teh kahraituilinaw a pâlei.

Ka hrikbei e a thoungsak
Mat 8:2-4; Luk 5:12-14.

⁴⁰ Ka hrikbei e tami buet touh teh Jisuh koe a tho, a khokcuengkhuem teh, na ngainae lah awm pawiteh kai hah na thoungsak haw telah pahrennae a hei.

⁴¹ Jisuh ni a pahren dawkvah, a kut hoi a tek teh, oe ka ngainae a o, thoung lawih, atipouh.

⁴² Telah a dei pouh tahma vah, hrikbei patawnae a dam teh a thoung.

⁴³ Jisuh ni, nang kâhruetcuat.

⁴⁴ Hete kong heh api koehai khoeroe dei pouh hanh lah a. Vaihmanaw koe cet nateh na tak kâpâtueh. Ayânaw ni na dam toe tie a panue awh nahanelah, Mosi ni kâ poe e patetlah lawkpanuesaknae hah sak leih, ati pouh teh a cei sak.

⁴⁵ Hatei hote tami ni, pâphat laipalah hoehoe a dei dawkvah, peng a kamthang. Hatdawkvah, Bawipa Jisuh teh kho thungvah kâen thai laipalah, kho alawilah kingdinae hmuen koevah ama dueng ao teh, ahni koevah a tho awh.

2

Kamkhuen e tami a dam sak
Mat 9:2-8; Luk 5:18-26

¹ Atangtho vah, Jisuh teh Kapernuam kho bout a kâen teh, imthungkhu vah ao tie kamthang a thai awh navah,

² Taminaw teh takhang hmalah totouh king kakawi lah a kamkhueng awh. Ahnimouh koe Jisuh ni phung a dei pouh.

³ Hatnavah, kamkhuen e tami hah, tami pali touh ni a kâkayawt awh teh Jisuh koevah a thokhai awh.

⁴ Hatei, tami muen akawi dawkvah Jisuh koe phatkhai thai awh hoeh. Hatdawkvah, Jisuh a onae tueng koe lempu a rake awh teh, phailei dawk hoi a pabo awh.

⁵ Jisuh ni hotnaw e a yuemnae a hmu navah, ka kamkhuen e tami hanlah ka ca na yonnae teh ngaithoum lah ao toe atipouh.

⁶ Hote hmuen koe ka tahung e cakathutkungnaw niyah,

⁷ hete tami ni bangkongmaw Cathut pathoenae lawk a dei. Cathut hloilah, apimaw yon ka ngaithoum thai telah a lung thung hoi ati awh.

⁸ Ahnimaie lungthin thung a pouknae hah Jisuh ni muihah lahoi tang a panue teh, bangkongmaw telah na pouk awh, atipouh.

⁹ Ka kamkhuen e tami koe bang lawk maw dei ka yawihnawn, nange yon ngaithoum lah ao toe tie lawk maw dei ka yawi, thaw haw phailei kalawang nateh cet leih tie maw dei ka yawihnawn atipouh.

¹⁰ Tami Capa teh talai van dawk yon ngaithoum thainae kâ a tawn tie a panue thai awh nahan, thaw leih,

¹¹ na phailei ka lawng nateh, nama im cet leih, telah ka kamkhuen e koe a dei pouh.

¹² Hote tami ni hai tang a kangdue teh, a phailei a kalawng teh taminaw pueng e hmalah a cei. Tami pueng a kângairu awh teh, het patetlah e vai touh hai ka hmawt boi hoeh, telah a dei awh teh, Cathut a pholen awh.

Leviah a kaw

Mat 9:9-13; Luk 5:27-32.

¹³ Hat hoiyah, Jisuh teh Galilee tuipei teng vah bout a cei. Tamihupui teh ahni koe a tho awh teh a cangkhai.

¹⁴ A cei navah Alfe e capa tamuk cawngnae im dawk ka tahung e Leviah hah a hmu. Jisuh ni ka hnukkâbang awh atipouh. Hluet a thaw teh a hnuk a kâbang.

¹⁵ Jisuh teh Leviah im vah tangmin bu a ca lahun navah, tamuk kacawngnaw, tamikayonnaw hoi a hnukkâbangnaw hai a ca awh van. Ahnimanaw teh a hnuk a kâbang awh.

¹⁶ Hottelah, Jisuh teh tamuk kacawngnaw, tami kahawihoehnaw hoi rawca rei a ven awh e hah, cakathutkungnaw hoi Farasinaw ni a hmu awh navah, bangkongmaw tamuk kacawngnaw hoi tami kahawihoehnaw hoi reirei a canei vaw telah a hnukkâbangnaw koe ati awh.

¹⁷ Jisuh ni khout a thai teh, a tak kadamnaw ni tâsibawi panki hoeh. Ka damhoehnaw ni dueng doeh tâsibawi a panki awh. Tami kalannaw kaw hanelah ka tho hoeh. Tamikayonnaw kaw hanelah doeh ka tho atipouh.

Rawcahainae

Mat 9:14-17; Luk 5:33-38.

¹⁸ Jawhan e hnukkâbangnaw hoi Farasinaw teh, rawca ouk a hai awh. Tami tangawn ni Jisuh koe a tho awh teh, Jawhan hnukkâbangnaw hoi Farasi hnukkâbangnaw teh rawca a hai awh nahoehmaw. Bangkongmaw Bawipa nange hnukkâbangnaw teh rawca a hai awh hoeh vaw telah a pacei awh.

¹⁹ Jisuh ni yupaluenkung teh a huikonaw hoi cungtalah ao navah rawca ouk a hai a boimaw. A o nathung teh rawca ouk hai boi awh hoeh.

²⁰ Hatei, yupaluenkung ni a ceitakhainae tueng kaawm han. Hat terei teh, ahnimanaw hai rawca a hai awh van han.

²¹ Apipatethai angki karuem bo nahanelah, lukkarei a katha e hno boihoeh. Hottelah boipawiteh lukkarei a katha e ni a karuem e teh hoehoe a kâphi sak han.

²² Hat hoiyah, apipatet ni hai misurtui katha e hah phaivuen umruem dawk hlun boihoeh. Hottelah hlun pawiteh misurtui katha e ni phaivuen umruem e hah tangpawk sak vaiteh, atui hoi a um a rawk han. Hatdawkvah, misurtui katha teh phaivuen umtha dawk hlun han atipouh.

Jisuh teh sabbath bawi doeh

Mat 12:1-8; Luk 6:1-5

²³ Sabbath hnin vah Jisuh hoi hnukkâbangnaw kahlawng a cei awh teh, catun law koe a pha awh navah, a hnukkâbangnaw ni catun vui hah a pahroe awh.

²⁴ Hatnavah Farasinaw ni kenhaw! sabbath hnin vah sak hoeh hane kawi, ahnimanaw ni bangkongmaw a sak awh telah Bawipa a pacei awh.

²⁵ Bawipa ni, vaihma kacue Abiathar se nah Devit siangpahrang teh a huinaw hoi a vonhlam awh navah,

²⁶ Cathut e imthung a kâen teh, vaihmanaw dueng ni a cakawi e vaiyei hah a ca teh, a huinaw hai a poe e hah vai touh boehai na touk boi awh hoeh maw.

²⁷ Hathnukkhu hoiyah, sabbath teh tami hanlah sak pouh e doeh, Sabbath hanelah tami sak e na hoeh.

²⁸ Hothloilah, tami Capa teh sabbath bawi lah ao, atipouh.

3

Kutvang kamkhuen e tami dam saknae

¹ Sinakok dawk bout a kâen, hawvah a kutvang kamkhuen e tami buet touh ao.

² Sabbath hnin vah, ahnie a patawnae a dam sak han maw, dam sak mahoe h maw titeh, Jisuh yon a pen thai awh nahanlah ahnimouh ni a tuet awh.

³ Jisuh ni kutvang kamkhuen e tami hah alungui vah kangdout atipouh.

⁴ Hathnukkhu Jisuh ni sabbath hnin vah hnokahawi maw sak han, hno kathout. Hringnae rungngang han maw, thei han maw. Telah rangpuinaw a pacei teh ahnimouh teh duem a ngam awh.

⁵ Hatdawkvah, a lungkhuek laihoi ahnimae tengpam a khet teh, a lungthin a pata awh dawkvah, a lungmathoe teh, na kut dâw haw atipouh. Ahni ni a kut a dâw nah, kamkhuen e a kut teh bout a dam.

⁶ Hatnavah, Farasinaw a tâco teh, Jisuh thei thai nahan karanglah Herod e taminaw hoi a ka dei awh.

Jisuh hnuk tami moikapap a kâbang awh.

Mat 12:15-16; Luk 6:17-19

⁷ Hahoi Jisuh teh a hnukkâbangnaw hoi cungtalah tuipui teng a cei awh navah,

⁸ Galilee ram, Judah ram, Jerusalem, Idumea, Jordan tui namran lahoi Taire hoi Sidon kho tengpam hoi Bawipa hnosak e kong a thai awh dawkvah, tami moikapap ni ama koe a tho awh.

⁹ Rangpui teh moiapap awh dawkvah, Jisuh ni taminaw ni a tek awh hoeh nahanelah, kathoenge long buet touh coungkacoe tat awh, telah a hnukkâbangnaw koe a thai sak.

¹⁰ Bangkongtetpawiteh, Jisuh ni tami moikapap a dam sak dawkvah, ka damhoehnav ni ama tek thai nahanlah a kâen awh.

¹¹ Kakhine muithanaw ni hai Jisuh a hmu awh navah a tabo awh teh nang teh Cathut Capa doeh telah a hram awh.

¹² Jisuh ni amae kong a kamthang hoeh nahan hote muitha kathoutnaw hah kâhruetcuetnae a poe.

Guncei hlaikahni touh rawinae

Mat 10:2-4; Luk 6:14-16; Gun 1:13

¹³ Hathnukkhu hoi Jisuh teh mon a luen teh, a ngai e taminaw a kaw teh ama koe a tho awh.

¹⁴ Hatnavah, Bawipa ni hlaikahni touh hah a rawi teh gunceinaw telah a kaw.

¹⁵ Ahnimouh teh ama hoi rei o han, patoun teh phung dei sak han hoi, kahrailuulinaw pâlei thainae kâ tawn sak hanlah doeh a kaw.

¹⁶ A rawi e hlaikahni touh teh : Piter telah kaw e Simon,

¹⁷ Zebedee capa keitat capa telah kaw e Jem hoi Jawhan,

¹⁸ Andru, Filip, Bartholomew, Matthai, Thomas, Alfe capa Jem, Taddaeus, Kanaan tami Simon, hoi

¹⁹ Bawipa ka pahnawt e Judah Isakarot tinaw doeh.

*Jisuh hah beelzebub atipouh awh**Mat 12:25-29; Luk 11:17-22*

²⁰ Hahoi, Jisuh teh im bout a pha navah, tamimaya teh king bout a kamkhueng awh dawkvah, Jisuh hoi a hnukkâbangnaw teh rawca patenghai cat mang awh hoeh.

²¹ A imthungnaw a huikonaw ni a thai awh navah, Bawipa khoum hanelah a tâco awh. Bangkongtetpawiteh, ayânaw ni Bawipa teh a pathu toe ati awh dawk doeh.

²² Jerusalem hoi ka tho e cakathutkungnaw ni hai ahni teh Beelzebub ni a man, kahrai kaukung e bahu hoi kahraituilinaw a pâlei thai atipouh awh.

²³ Hatdawkvah, Jisuh ni a kaw teh, ahnimouh koe bangnuenae lawk a dei pouh. Bangtelamaw Setan ni Setan a pâlei thai han.

²⁴ Uknaeram buet touh teh kâpo hoehpawiteh uknaeram kangdout thai mahoeh.

²⁵ Imthungkhu buet touh daw, buet touh hoi buet touh kâpo hoehpawiteh imthungkhu kangdout thai hoeh.

²⁶ Hot patetvanlah, Setan hai amahoima kâtuk pawiteh a ram kangdout thai mahoeh.

²⁷ A thakasai e tami teh ama hmaloe katek hoehpawiteh apinimaw a im a muk vaiteh a hnopai a lawp thai han. Ama katek hnukkhu hoi doeh hnopai lat thai ti.

²⁸ Atangcalah na dei pouh awh. Sak payon e yonnae aphunphun hoi Cathut pacekpahlekae pueng daw taminaw ni ngaitoumnae a hmu thai awh.

²⁹ Hatei, Kathoung Muitha ka pacekpahlek e teh nâtuek hai ngaitoum thai mahoeh. Yungyoe thoebonae a khang han.

³⁰ Bangkongtetpawiteh, ahnimouh ni ama teh kakhine muitha a tawn atipouh daw doeh.

*Jisuh a tawng awh**Mat 12:46-50; Luk 8:19-20.*

³¹ Hatnavah, Jisuh e a manu hoi a nawngghanaw a tho awh teh alawilah a kangdue awh. Tami buet touh koe Jisuh a kaw sak.

³² A tengpam ka tahung e taminaw ni na manu hoi na nawngghanaw ni na tawng awh teh, alawilah sut a kangdue awh, telah a dei pouh awh.

³³ Jisuh ni kaie manu hoi ka nawngghanaw teh apimaw telah bout a pacei.

³⁴ Atengpam ka tahung e taminaw a khet teh hetnaw doeh kaie manu hoi ka nawngghanaw atipouh.

³⁵ Bangkongtetpawiteh Cathut ngainae ka tarawi e tami doeh kaie ka nawnggha, ka tawn canu, ka manu telah atipouh.

4*Cati kahei bangnuenae**Mat 13:1-15; Luk 8:4-10.*

¹ Jisuh ni tuipei kongteng vah bout a cangkhai nah, tamihupui teh king a kamkhueng awh dawkvah, Jisuh teh long daw, a luen teh a tahung. Tamihupui teh a oung lah ao awh.

² Hatnavah bangnuenae lahoi moi a cangkhai e teh,

³ Thai aw haw, cati kaheikung ni cati kahei hanlah a kamthaw.

⁴ Cati a kahei navah, a tangawn teh lam dawkvah a bo dawkvah tavanaw ni koug a pâtu.

⁵ A tangawn teh talai a rapamnae koe lungcarawk um a bo dawkvah tang a paw eiteh,

⁶ A khongyang a payang hoeh dawkvah, kanî a tâco, khumbei a thoe toteh, a kamyai teh a ke.

⁷ A tangawn teh pâkhing um a bo dawkvah, pâkhing ni a lawnglei teh a paw paw thai hoeh.

⁸ A tangawn teh talai kahawi dawkw a bo dawkvah, a paw teh, a rounq dawkvah, alet 30, 60,100 totouh a pung.

⁹ Thainae hnâ ka tawn pueng ni thai naseh, telah a ti.

¹⁰ Jisuh ama dueng ao navah, a hnukkâbangnaw hlaikahni touh hoi alouke taminaw ni bangnuenae deingainae hah a pacei aw.

¹¹ Jisuh ni nangmouh teh Cathut uknaeram hrolawkw hah panuethainae na poe aw. Alawilae taminaw hane teh bangpueng hai bangnuenae lahoi a pâpho pouh.

¹² A lungkâthung aw hah yon ngaithoum lah ao aw hah hoeh nahanlah a hmu a ei nout aw hoeh, a thai a ei panuek aw hoeh.

¹³ Nangmouh ni hete bangnuenae patenghai na thai panuek aw hoeh pawiteh, bangtelamaw bangnuenae pueng na thai panuek aw han.

¹⁴ Cati ka hei e tami ni Cathut lawkw hah a kahei.

¹⁵ Cathut lawkw lam dawkw kabawt e tinae teh, a lawkw a thai ei, Setan ni a tho teh a lungthung kahei pouh e Cathut lawkw hah, tang a lawp ti a dei ngainae doeh.

¹⁶ Lungcarawkw um kahei ti deingainae teh a lawkw a thai navah, lunghawinae lahoi tang a dâw ei,

¹⁷ A lungthung a khongyang a payang hoeh dawkvah, Cathut lawkw kecu dawkw runae hoi rektapnae a kâhmo toteh a lung tang apout aw, tingainae doeh.

¹⁸ Pâkhing um cati kahei tie a deingainae teh Cathut lawkw a thai eiteh,

¹⁹ talaivan hno dawkw lungpuennae, hnopai ni dumyennae hoi, alouke hnonaw noenae lungthin ni a ramuk dawkvah a paw paw thai aw hoeh tingainae doeh.

²⁰ Talai kahawi dawkw cati kahei ti deingainae teh Cathut lawkw a thai teh a dâw dawkvah, alet 30, 60, 100 totouh apung teh a paw a paw thai ti ngainae doeh.

Hmaiim ramuk boi hoeh

²¹ Hat hoiyah, hmaiim hah apinimaw tangthung hoi a ramuk boimaw. Ikhun rahim ouk a ta boimaw. Hmaiimkhok dawkw hoi ouk paang nahoehmaw .

²² A hmonae koe kaawm e pueng kounq a kamnue han, ramuk lah kaawm e naw pueng kounq kamawng han.

²³ Thainae hnâ katawnnaw ni thai naseh.

²⁴ Hathnukkhuh hoi Jisuh ni na thai e lawknaw kahawicalah kâhruetcuwet aw. Ayâ na poe e patetlah nama ni bout na hmu aw han.

²⁵ Ka tawn e tami teh bout poe sin lah ao han. Ka mathoe e tami teh a tawn e ca patenghai la pouh lah ao han telah a ti.

Kapâw e cati bangnuenae

²⁶ Jisuh ni Cathut uknaeram teh tami buet touh ni law dawkw cati a kahei e hoi a kâvan.

²⁷ Ahni ni cati kahei hnukkhu karum khodai a i ao ei teh a kung a pâw teh a rounq, hatei bangtelah hoi maw a rounq tie teh panuek hoeh.

²⁸ Talai ni cati kapâw e a rounng sak teh a paw a paw sak. Hmaloe vah akung, hahoi a vui, hahoi cakang a tâco sak.

²⁹ Cang a hmin teh canga tue a pha toteh imkung ni uet laipalah karang poung lah tangkoun hoi ouk a a telah a dei.

Antam mu bangnueae

Mat 13:31-32; Luk 8:22-25.

³⁰ Jisuh ni Cathut uknaeram teh bangtelamaw ka kamnue sak han vai, bangpatet e bangnueae hoi maw ka bangnue han vai.

³¹ Hot teh antam mu hoi doeh a kâvan. Antam mu teh anhla munaw hlak kathoungnawn e lah ao ei, patue toteh,

³² Anhlakungnaw hlak a rounng teh tavanaw ni a kang dawak tabu a tuk awh teh a tâhlip dawak a kâhat nahane totouh akangnaw kalen lah a cawn awh.

³³ Hot patet e bangnueae hoi taminaw ni a thai panuek nahanelah, a cangkhai.

³⁴ Bangnueae hno laipalah ahnimouh koevah cangkhai hoeh. Amamouh dueng ao awh navah a hnukkâbangnaw koe bangpuengpa a pâpho pouh.

Tûilî hoi tuicama a roum sak

³⁵ Hat hnin tangmin vah Jisuh ni namran lah cet a sei telah a hnukkâbangnaw koe atipouh.

³⁶ Hatdawkvah a hnukkâbangnaw ni tamimaya a ceitakhai teh long thung sut kaawm e Jisuh hoi namran lah a cei awh. Alouke longnaw hai a kâbang awh.

³⁷ Hatnavah tûilî a tho teh, tuicama a thaw dawkvah long dawak tui muen akawi.

³⁸ Jisuh teh long a mai koe lah, lahoung a lahoung teh muet a i. A hnukkâbangnaw ni a pâhlaw awh teh, saya maimouh due awh han toe hei, banglahai na pouk hoeh bo aw! atipouh awh.

³⁹ Hatnavah Jisuh ni a thaw teh, tûilî hoi tuicama a yue, hatdawkvah tûilî hoi tuicama teh a roum.

⁴⁰ Hat hnukkhu Bawipa ni bangkongmaw telah totouh na taki thai awh vaw. Bangkongmaw yuemnae na tawn awh hoeh vaw atipouh.

⁴¹ Ahnimouh ni thouk a taki awh teh, hete tami teh bangpatet e tami na mah aw, tûilî hoi tuipei ni hai a lawk a ngai pouh bo aw telah buet touh hoi buet touh a kâdei awh.

5

Kahrai ni a man e a dam sak

Mat 8:28-34; Luk 8:26-37

¹ Jisuh hoi a hnukkâbangnaw teh, tuipei namran lah kaawm e, Kerasen ram dawak a pha awh.

² Hatnavah, Jisuh teh long dawak hoi a kum tahma vah, kakhine muitha ni a man e tami tangkom thung hoi ka tâcawt e ni, Jisuh teh a dawn.

³ Ahni teh phuen koevah ao teh apinihai sumbawtarui hoi patenghai katek thai awh hoeh.

⁴ Ahni teh a khok roi hlong a buet sak awh, sumbawtarui hoi a katek awh eiteh, sumbawtaruinaw soumsoum a tapo teh hlong hai let let a raen teh a mawng nahanelah apinihai bang tet thai awh hoeh.

⁵ Karum khodai phuen koe thoseh, mon vah thoseh, a hramki teh amahoima talung kahran hoi patawnae a kâpoe.

⁶ Ahlanæ koehoi Jisuh hah a hmu nah a yawng teh a khok koevah a tabo laihoi,

⁷ ka lentoe poung e Cathut Capa Jisuh, nang teh kai hoi bang mouh na kâkuet. Kai na rektap hoeh nahanlah Cathut min lahoi pahrennae ka hei telah a hramki laihoi a dei.

⁸ Hete lawk a deingainæ teh, Jisuh ni kakhine muitha, tami thung hoi tâcawt telah a dei pouh toung dawk doeh.

⁹ Jisuh ni na min apimaw telah a pacei nah, kaie ka min teh ransahupui atipouh.

¹⁰ Hote ram dawk hoi aloukalah pâlei hoeh nahan ngaithoumnae thouk a kâhei awh.

¹¹ Hote hmuen koe mon vah vok moikapap rawca a ca awh.

¹² Muitha kathoutnaw ni hote voknaw thung na kâen sak loe titeh a kahei awh.

¹³ Jisuh ni kâ tang a poe teh kakhine muithanaw a tâco teh, vok 2,000 tabang e thungvah a kâen awh. Voknaw teh pango dawk a tâto awh teh, tuipui dawk koung a kâphum awh teh koung a due awh.

¹⁴ Vok ka khoumnaw ni khopui hoi khote totouh, hote kong a dei awh dawkvah, tami moikapapnaw ni hote khet hanelah a tho awh.

¹⁵ Jisuh koe a tho awh nah, kahraikathout ransahupui ni a man e tami teh hni a kâkhu teh a lung kacailah a tahung e hah a hmu awh navah, a taki awh.

¹⁶ Hote tami hoi voknaw koe bangtelamaw ao tie kahmawtnaw ni alouke taminaw koe patuen a dei pouh awh.

¹⁷ Hatdawkvah, Jisuh koe kaimæ ram dawk hoi tâcawt leih telah atipouh awh.

¹⁸ Jisuh teh long dawk a kâen nah, kahrai kathoutnaw pâlei pouh e tami ni, kai hai nang koe kâbang van han telah a kâhei.

¹⁹ Hatei, Jisuh ni pasoung hoeh. Nang teh nama im vah cet nateh na imthungkhunaw koevah Cathut ni banghloimaw nang koe pahrennae hoi hawinae a sak e hah dei pouh lah atipouh.

²⁰ Hathnukkhu vah ahni ni Dekkapolis ram dawk Jisuh ni a lathueng a sak e naw pueng a dei teh taminaw a kângairu awh.

Ka dout e napui ca hoi a thi ka kui e napui

Mat 9:18-26; Luk 8:41-56

²¹ Jisuh teh namran lah a cei teh hawvah ao nah, taminaw Jisuh koe a kamkhueng awh.

²² Hatnavah Sinakok ka uk e Jairus, Jisuh koe a tho, ama a hmu nah a khok koe a tabo teh,

²³ ka canu teh meimeï a due toe. Bout a dam nahanlah tho nateh avan na kut toung pouh haw, telah a kâhei.

²⁴ Hatdawkvah Jisuh teh Jairus im reirei a cei roi nah tami moikapap ni a kâbang awh teh, Bawipa a kâbet awh.

²⁵ Hatnavah, a kum hlaïkahni touh thung a thi ka kui e napui hateh,

²⁶ A dam thai nahanlah tâsibawinaw koe a tawn e hnopai pueng koung a takhawak teh, kum moikasaw a kâsat sak ei, dam laipalah hoehoe a pataw.

²⁷ Jisuh e kamthang a thai nah, a hni pawï ka tek pawiteh ka dam han doeh telah a titeh,

²⁸ tami umsali vah, a hnukkhu lahoi a tho teh, Jisuh e a hni pawl dek a tek pouh.

²⁹ A tek tahma vah a thikui e a khap teh, a patawnae a dam e hah amae a takthai dawk a kâpanue.

³⁰ Jisuh ni a bahu a tâco e tang a panue nah rangpuinaw koe lah a kamlang teh, apimaw ka hni pawl ka tek telah a pacei.

³¹ A hnukkâbangnaw ni, tamihupui ni na kânep e na hmu nahlangva, kai apimaw na katek khuet na ti vaw telah atipouh awh.

³² Hatei, Jisuh ni apimaw na ka tek tie hah a hmu han a ngai dawkvah yuengyoe a khet.

³³ Hote napui ni a tak dawk bangtelamaw ao tie a kâpanue dawkvah, a taki lawi pâyaw laihoi a hmalah a tabo teh a kâpâpho. Hahoi ahni koe lawkkatang pueng a dei pouh.

³⁴ Hatnavah Jisuh ni, ka canu na yuemnae ni na patawnae a roum sak toe. Lungmawng ca lahoi cet lawih. Na patawnae dawk hoi na hlout toe atipouh.

³⁵ Hote lawk Jisuh ni a dei lahun nah sinakok kaukkung, Jairus im hoi taminaw a tho teh, na canu a due toe, bangkongmaw saya hah boutbout na tarawktakhak vaw, telah a dei pouh awh.

³⁶ Jisuh ni hote lawk a thai navah, taket hanh, yuemnae buet touh dueng ma tawn haw telah sinakok kaukkung Jairus koe a dei pouh.

³⁷ Hahoi, Jisuh teh Piter, Jem hoi Jem e a nawnggha Jawhan tinaw douk a hrawi.

³⁸ Sinakok kaukkung Jairus im a pha awh navah taminaw teh ruengrueng ati hoi khuika e a hmu.

³⁹ Jisuh ni imthungkhu a kâen teh bangkongmaw khuika hoi ruengrueng na ti awh. Hete napui ca heh dout hoe, ka ip e doeh telah atipouh.

⁴⁰ Hatnavah, ahnimanaw ni Jisuh teh a panuikhai awh. Hatei, Jisuh ni haw kaawm e naw pueng alawilah koug a hrek teh, a manu hoi a napa, ama ni a hrawi e naw dueng hoi camo aonae koe a kâen awh.

⁴¹ Napui ca e a kut a kuet pouh teh, Talitha Kumi telah ati. Dei nginae teh napui ca thaw lei ka ti tinae doeh.

⁴² Telah a dei tahma napui ca ni a thaw teh a cei. Ahni teh kum hlaikahni touh nueng a pha. Ahnimanaw teh a kângairu awh.

⁴³ Jisuh ni hete a kongnaw heh apihai panuek sak awh hanh telah ka patawpoung lah kâ a poe teh, ahni hah ca hane rawca poe awh, atipouh.

6

Profet teh amae khoram dawk bari awm hoe

Mat 13:54-58.

¹ Hote hmuen koehoi a tâco teh a hnukkâbangnaw ni a hnuk a kâbang awh teh, a ma onae kho dawk a pha awh.

² Sabbath hnin vah Sinakok dawk a cangkhai navah tami pueng ni a thai awh teh kângairu awh. Hete hno hah bangtelah hoi maw a hmu vaw. Ahni ni a tawn e lungangnae teh bang patet e na maw, hettelah totouh thaonae hah bangtelah hoi maw a kamnu e sak vaw.

³ Ahni teh lettama nahoehmaw, Meri e a capa nahoehmaw, Jem, Jawhan, Joseph, Judah hoi Simon ahnima e a hmau nahoehmaw. A tawncanunaw hai maimae tengpam bo ao ei aw, ti teh a lungpout awh.

⁴ Jisuh ni Profet teh ama kho aonae koe amae im hloilah barinae awm hoe telah atipouh.

⁵ Ka dam hoeh e tami youn touh van vah a kut a toung teh, a dam sak hloilah, hote hmuen koe thaonae kamnuek sak thai mahoe.

⁶ Ahnimanaw ni a yuem awh hoeh e a hmu navah, kângai a ru. Hahoi kho touh hoi kho touh a cei teh a cangkhai.

A hnukkâbang hlaikahni touh a patoun

Mat 10:1,9-14; Luk 9:1,3-5.

⁷ A hnukkâbangnaw hlaikahni touh a kaw teh kahni kahni touh hoi a patoun. Kakhine muithanaw pâlei thainae kê a poe teh,

⁸ Kahlông na cei awh nah sonron hloilah yawngya, rawca hoi tangkabom dawk tangka na sin awh mahoe.

⁹ Khokkxhawm khawm awh. Angki a cawi sin awh hanh telah atipouh.

¹⁰ A im na ka luen sak e im dawkvah kho louk lah na cei hoehnahan pueng cam pouh awh.

¹¹ Na phanae kho buet touh ni a im na luen sak hoeh, na dei e lawk tarawi awh hoehpawiteh hote hmuen koehoi na tâco nah na khok dawk e vaiphu kâkai e hah lawkpanuesaknae ao nahanlah takhawng sin awh.

¹² A hnukkâbangnaw a tâco awh teh, pankângainae lawk a pâpho awh.

¹³ Kahraituilinaw a pâlei awh. Kapatawnaw satui a hluk awh teh, a dam sak awh.

Jawhan duenae

Mat 14:1-12; Luk 9:7-9.

¹⁴ Jisuh e kamthang teh kho tangkuem vah a kamthang dawkvah, Herod siangpahrang ni hai hote kamthang a thai van. Tami tangawn ni baptisma kapoekung Jawhan teh duenae koehoi bout a thaw. Hatdawkvah, het patet e kângairu hnosakthainae bahu hah a tawn, telah a dei awh.

¹⁵ Tangawn ni ahni teh Elijah doeh ati awh. Tami alouknaw ni ayan e profetnaw patetlah e profet buetbuet touh doeh ati awh.

¹⁶ Hote lawk Herod ni a thai navah, tui baptisma kapoekung Jawhan doeh. Kai ni a lahuen yo ka tâtueng sak eiteh duenae koehoi bout a thaw telah a ti.

¹⁷ Herod ni a nawngxa Filip e a yu Herodias hah a yu lah a la teh, hote napui kecu dawk Jawhan hah thongim a paung.

¹⁸ Bangkongtetpawiteh, Jawhan ni nang ni na hmau e a yu na yu lah na la e heh hawihoe telah atipouh dawk doeh.

¹⁹ Hatdawkvah Herodias ni Jawhan hah a pahluem teh thei han a ngai ei thet thai hoeh.

²⁰ Bangkongtetpawiteh Herod ni Jawhan teh tamikalnaw, tami kathoung tie a panue dawkvah a taki teh a bari, a kabawp. A lawk hai a thai pouh dawkvah hote napui ni thei nahane a lam hmauw thai hoeh.

²¹ Herod kxena hnin nah kum tangkuem pawu ouk a sak awh e patetlah, ukkung bawinaw, ransabawinaw, Galilee ram e bawinaw teh pawu koe a tho awh.

²² Hote pawu koevah Herodias e canu a kâen teh a lam navah, Herod hoi a coun e naw teh a lung a nawm poung awh. Hatdawkvah, Herod siangpahrang ni tangla hanelah, bangmaw na ngai, na hei e pueng na poe han atipouh.

²³ Ka uknaeram tangawn totouh na poe han telah lawk a kam pouh.

²⁴ Tangla ni a manu koe a cei teh bangmaw ka hei han atipouh navah, a manu ni baptisma kapoekung Jawhan e a lû hah het atipouh.

²⁵ Tangla ni Herod koevah a cei teh, atu roeroe baptisma kapoekung Jawhan e a lû teh tongben dawk hoi na poe telah atipouh.

²⁶ Ahnie lawk a thai nah, Herod teh a lungmathoe. Hatei, a coun e bawinaw hoi kacuenaw hmalah lawk a kam dawkvah, kangek thai hoeh toe.

²⁷ Hatdawkvah, ransa buet touh thongim thung a patoun teh, Jawhan e lû tho khai hanelah kê a poe. Hahoi ahni ni hnie lû a tâtueng pouh.

²⁸ Jawhan e a lû teh tongben dawk hoi a thokhai teh tangla hah a poe teh ahni ni a manu koe patuen bout a poe.

²⁹ Hote kamthang teh a hnukkâbangnaw ni a thai nah a ro a la awh teh a pakawp awh.

Tami thong panga touh a paca
Mat 14:13-21; Luk 9:10-17; Jhn 6:5-13.

³⁰ Gunceinaw ni Jisuh koe a kamkhueng awh teh a tawk a sak e naw pueng a dei pouh awh.

³¹ Jisuh ni, kahrawngum vah tho awh, dawngdeng kêhat awh ei, atipouh. Telah a deingainae teh, kêhlumkâhlai e apap dawkvah, rawca ca nahane tueng boehai a hmu awh hoeh dawk doeh.

³² Hatdawkvah long a kêcui awh teh, kahrawum vah a cei awh.

³³ Hateiteh, a cei awh e hah taminaw ni a hmu awh teh, Jisuh doeh tie a panue awh toteh, khoram tangkuem e taminaw teh mon lam lahoi a yawng awh teh, a hnukkâbangnaw a pha awh hoehnahlan hmaloe a pha awh teh, Jisuh koe a la kamkhueng awh.

³⁴ Jisuh ni long dawk hoi a kum teh, tamihupui a hmu navah, tukhoumkung kaawm hoeh e tuhunaw patetlah a hmu dawkvah, a lungpataw teh, moikapap a cangkhai .

³⁵ Kho a hmo navah, a hnukkâbangnaw ni a hnai awh teh, hete hmuen teh thingeyiawn doeh. Kho hai a hmo toe.

³⁶ Taminaw teh tenggam e khonaw koe amamouh hane rawca ran sak hanelah patoun ei, atipouh awh.

³⁷ Hatnavah, Jisuh ni ahnimouh canei hanelah nangmouh ni poe awh, atipouh. A hnukkâbangnaw ni ngun tangka cumhni touh phu rawca ran vaiteh ka poe awh han maw atipouh awh.

³⁸ Jisuh ni nangmouh koe vaiyei na na yit touh maw kaawm, cet nateh khenhaw! atipouh navah, vaiyei panga touh hoi tanga kahni touh ao atipouh.

³⁹ Hatnavah taminaw pueng teh marangpho van vah hlouphloup lahoi tahung sak hanelah kê a poe.

⁴⁰ Ahnimouh teh cum touh, ruipanga touh telah hoi hlouphloup lahoi a tahung sak awh.

⁴¹ Jisuh ni vaiyei panga touh hoi tanga kahni touh a la teh kalvan lah a moung teh lunghawinae lawk a dei hnukkhu vaiyei a raen teh taminaw pueng rei hanelah a hnukkâbangnaw koe a poe. Tanga kahni touh e hai a la teh taminaw pueng a rei sak.

⁴² Taminaw pueng ni koug ka boum lah a ca awh.

⁴³ Hathnukkhu hoi kacawie vaiyei hoi tanga a pâkhueng awh navah, tangthung hlaikahni touh akawi.

⁴⁴ Vaiyei kacate tongpa 5,000 touh hane a pha.

Jisuh tui van lam a cei
Mat 14:22-32; Jhn 6:15-21.

⁴⁵ Hathnukkhu hoi Jisuh ni a hnukkâbangnaw long dawk a luen sak teh tuipui namran lah Bethsaida kho dawk hmalah a ceisak teh tamihupui teh bout a ban sak.

⁴⁶ Taminaw a ban sak hnukkhu Jisuh teh ratoum hanlah mon vah a luen.

⁴⁷ Karum a pha navah long teh, tuipui lungui vah ao. Jisuh teh ama dueng namran lah ao.

⁴⁸ Kahlî ni a pâban dawkvah, long a mawng aw h e nget a tawn aw h e hah, Jisuh ni a hmu. Amom khodai hoehnahlan tui van a cei teh a hnukkâbangnaw ceihlawi hane patetlah a cei pouh.

⁴⁹ A hnukkâbangnaw ni Jisuh tuipui van a cei e a hmu aw h navah, kahraituili lah a pouk aw h dawkvah a hramki aw h.

⁵⁰ Hatnavah a hnukkâbangnaw teh a tâsue poung aw h. Jisuh ni taket aw h hanh, Kai doeh telah tang atipouh.

⁵¹ Hahoi long thung ahnimouh koe a kâen teh kahlî teh a roum. A hnukkâbangnaw teh kângai hroung a ru aw h.

⁵² Bangkongtetpawiteh, vaiyei daw k kângairu a sak e hah a lungpata a daw k banglahai ngai aw h hoeh.

⁵³ Hathnukkhu hoi tui namran lah a raka aw h teh Kennesaret kho daw k a pha aw h navah, long a kâhat sak aw h.

⁵⁴ Long daw k hoi a kum navah taminaw ni Jisuh a hmu aw h teh tang a nout aw h dawkvah,

⁵⁵ Atengpam e kho pueng koe a yawng aw h teh, hote hmuen koe Jisuh ao tie a thai aw h navah, kapatawnaw hah a kâkayawt aw h teh a thokhai aw h.

⁵⁶ Jisuh a ceinae khopui hoi khote daw k hai thoseh, taminaw ni ka dam hoeh e naw hah lam teng a ta aw h teh, Jisuh e hni paw i tek sak hanelah ama koe a kâhei aw h. Ka tek e naw pueng ni a dam aw h.

7

Thoungnae hoi thounghoehnae

Mat 15:1-20

¹ Farasinaw hoi Jerusalem kho lahoi ka tho e cakathutkungnaw teh Jisuh koevah a kamkhueng aw h.

² A hnukkâbang tangawn ni kut kamsin laipalah rawca a ca aw h e a hmu aw h navah a pathoe aw h.

³ Bangkongtetpawiteh, Farasinaw hoi Judahnaw teh, a kacuenaw e phung patetlah kut kamsin laipalah rawca cat aw h hoeh.

⁴ Hahoi hnopai yonae koe e anhla a ran aw h e hai pâsu laipalah cat aw h hoeh. Hlaam, ailo, manang, pacen hoi ikhunnaw a pâsu aw h e patetlah alouke kâcangkhai e naw a tarawi aw h teh ouk a sak aw h.

⁵ Hatnavah Farasinaw hoi cakathutkungnaw ni bangkongmaw na hnukkâbangnaw ni kacuenaw e phung tarawi laipalah, kathounghoehe kut hoi rawca a ca aw h telah Jisuh hah a pacei aw h.

⁶ Profet Isaiah ni Cakathoung daw k nangmae kong a thut e teh atang tanggak doeh. Cathut ni hete taminaw ni a pahni hoi dueng doeh kai na bari aw h teh, a lungthin hoi teh kai hoi a kâhla poung aw h.

⁷ Kai na bawknae teh ayawmyin pui doeh toe. Bangkongtetpawiteh, tami cangkhae hah Cathut ni poe e kâpoelaw k patetlah a kâcangkhai aw h, a ti.

⁸ Cathut e kâpoelaw k hah na takhoe aw h teh, tami e cangkhae lah kaawm e ailo tongben pâle e hoi singyoenaw hah na tarawi aw h.

⁹ Na mintoenaw e kê cangkchainae hah tarawi hanlah, Cathut e lawkpoelawk hah na hnoun aw h bo toung vaw.

¹⁰ Bangkongtetpawiteh, Mosi e kâlawk dawkvah, na manu hoi na pa bari aw h, apihai a manu hoi a na pa a pahni hoi ka payon e teh thei lah ao han.

¹¹ Nangmouh niteh, tami ni a manu hoi a na pa koe nangmouh na kabawp nahan ka tie ka hno hah Cathut e doeh tetpawiteh ;

¹² Hote tami teh a manu hoi a na pa hanlah kabawp thainae na poe aw h hoeh.

¹³ Het patetlah na cangkchainae hoi moi na sak aw h eiteh, Cathut lawk koug na pahnavt aw h toe. Hot patet e singyoenaw hah na tarawi aw h, atipouh.

¹⁴ Hatnavah Jisuh ni tamimaya hah a ma koe bout a kaw teh, nangmouh pueng ni ka lawk thai panuek aw h.

Tami kakhin sak e

¹⁵ Alawilah hoi tami thung kêen e ni tami khin sak hoeh. Tami thung hoi ka tâcawt e ni doeh tami a khin sak, telah a dei pouh.

¹⁶ Thai nahan hnâ ka tawn pueng ni thai naseh atipouh.

¹⁷ Jisuh ni tamimaya a ceitakhai teh imthungkhu a kêen nah a hnukkâbangnaw ni hote bangnuenae hah a pacei aw h.

¹⁸ Hatnavah, Jisuh ni, Nangmouh hai telah totouh maw na pathu aw h rah vaw, alawilah hoi tami thung kêen e ni tami khin sak hoeh tie na panuek aw h hoeh na maw.

¹⁹ Bangkongtetpawiteh, hot teh a lungthin thung kêen laipalah vonpui thung a kêen teh, alawilah bout a tâco, telah atipouh.

²⁰ Hat hoiyah, Jisuh ni, Tami kakhin sak kung katang teh, a thung lahoi ka tâcawt e doeh.

²¹ Lungthin thung hoi kahawihoehe pouknae, uicuknae, tami theinae,

²² ayâ hno parunae, hounlounnae, cuknae, dumyenna, kamhnawngnae, hmuhmana, ayâ min mathoe saknae, kêoupanae, kêpawinae, hounroe tawnae, polokak lah onae,

²³ hete kahawihoehe naw teh tami thung hoi ka tâcawt e a tho dawkvah, tami kakhin sak e lah a o, atipouh.

Phoenician napui e yuemnae

Mat 15:21-28.

²⁴ Bawipa teh hote hmuen koehoi a thaw teh, Taire hoi Sidon ram lah a cei. Im buet touh daw k a kêen teh, apihai kâpanue sak hanlah ngai hoeh. Hatei, kêhrawk thai hoeh.

²⁵ Bangkongtetpawiteh, a canu buet touh kakhine muitha ni a man pouh e napui buet touh ni Jisuh koe a tho teh, a khok rahim vah a tabo.

²⁶ Ahni teh Jentel napui Syrophoenician kho ka khe e doeh.

²⁷ Jisuh ni ma canaw hah hmaloe kaboumlah paca han, canaw e rawca hah oun la pouh teh, ui oun paca kaw i yaw maw, atipouh.

²⁸ Hote napui nyah, Bokheiyah, Bawipa. Hatei, uinaw ni patenghai camonaw e cadue hah ouk a luep nahoehmaw atipouh.

²⁹ Jisuh nyah, Hettelah na dei dawkvah nama im ban leih, kahraikathout teh na canu thung hoi a tâco toe atipouh.

³⁰ Hatdawkvah hote napui teh a ma im a ban teh, a canu teh ikhun daw k a i e a hmu. Kahrai kathout ni a tâco takhai katang toe tie hah a panue.

A hnâ ka pang ni teh a lawk ka a e a dam sak

Mat 15:29-31.

³¹ Jisuh ni Taire hoi Sidon kho a ceitakhai teh, Dikapolis ram a rakan teh, Galilee tuipui koe a pha.

³² Hatnavah, Jisuh koe tami buet touh a hnâ ka pang niteh, a lawk ka a e van vah a kut tounge sak hanelah a kâhei aw. h.

³³ Jisuh ni hote tami teh tamimaya koehoi a ma dueng soumtinae koe a ceikhai teh, a hnâ roi thung a kutdawn hoi a tapu pouh. Tamtui a tamthawi teh a lai daw. k a hluk pouh.

³⁴ Hahoi, Jisuh ni kalvan lah a mounge teh, phokâha teh, Ephphatha telah atipouh. Ephphatha ti ngainae teh, Kamawng haw tinae doeh.

³⁵ Dongdeng ca daw. k ahnie hnâ a ang pouh teh, lawk hai bout a tho thai.

³⁶ Jisuh ni api koehai hote a konglam hah dei aw. h hanh lah a telah kâ a poe. Hatei, ahnimouh ni hoehoe a pâpho aw. h.

³⁷ Hote kamthang kathainaw pueng ni kângairu poung aw. h teh, a sak e pueng ahawipoung. Hnâpangnaw a hnâ a thai aw. h teh, lawkanaw hai lawk a tho thai aw. h toe, ati aw. h.

8

Tami 4,000 touh a paca

Mat 15:32-33.

¹ Hathnukkhu hoi, tami moikapap bout a kamkhueng aw. h teh, canei han ao hoeh daw. kvah, Jisuh ni a hnukkâbangnaw a kaw teh,

² Hete taminaw heh kai ni ka pahren. Bangkongtetpawiteh, hnin thum touh thung kai koe ao aw. h toe. Canei han rawca banghai tawn aw. h hoeh.

³ Tami tangawn teh ahlanae koehoi a tho aw. h daw. kvah, rawca cat laipalah hoi amamouh im ka ban sak pawiteh lam vah a tâwn aw. h han doeh atipouh.

⁴ A hnukkâbangnaw ni apimaw kahrawngum vah na e vaiyei maw sin vai. teh kaboumcalah paca thai han vaw telah bout atipouh aw. h.

⁵ Jisuh ni, nangmouh koe vaiyei na yit touh maw kaawm telah a pacei navah, ahnimouh ni vaiyei sari touh ao telah atipouh aw. h.

⁶ Hatnavah Jisuh ni taminaw teh talai daw. k tahung a naseh telah kâ a poe. Vaiyei sari touh a la teh, lunghawinae lawk a dei hnukkhu, vaiyei a raen teh, taminaw rei hanelah a hnukkâbangnaw koe a poe. A hnukkâbangnaw ni hai taminaw hah a rei aw. h.

⁷ Ahnimouh koe tanga kathoenge youn touh ao teh hot hanelah hai lunghawinae a dei hnukkhu rei hanelah kâ a poe.

⁸ Ahnimanaw ni a von paha a hnukkhu, acawi bout a pâkhueng aw. h navah tangthung sari touh akawi.

⁹ Ka cat e taminaw teh 4,000 touh hane a pha aw. h.

¹⁰ Hote taminaw bout a ban sak hnukkhu, a hnukkâbangnaw hoi long thung a kâen aw. h teh, Dalamnutha kho lah a cei aw. h.

¹¹ Hatnavah Jisuh tanouk hanelah Farasinaw a tho aw. h teh, ahni hoi a kâoun aw. h. Kalvan lahoi e mitnoutnae a hei aw. h.

¹² Jisuh ni phokâha laihoi, hete miphun. naw ni bangkongmaw mitnoutnae a hei aw. h. Atangcalah na dei pouh aw. h. Hete miphun. naw koe mitnoutnae ka kamnuek sak mahoeh atipouh.

¹³ Ahnimanaw a ceitakhai teh long daw. k bout a luen teh namran lah bout a ban.

Herod hoi Farasinaw e ton roun awñ

14 A hnukkâbangnaw ni vaiyei a sin hane a pahnim awñ dawkvah, ahnimouh koe vaiyei buet touh dueng doeh kaawm.

15 Hatnavah Jisuh ni Farasinaw e ton hoi Herod e tonnav hah kâhruetcueta nateh, roun awñ, telah kâ a poe.

16 A hnukkâbangnaw ni ama koe vaiyei a sin hoeh dawkwah doeh hete lawk a dei telah buet touh hoi buet touh a kâpankhai awñ.

17 Telah a kâdei awñ e hah Jisuh ni a panue navah, Nangmouh ni vaiyei na sin awñ hoeh e bangkongmaw buet touh hoi buet touh na kâpankhai a vaw. Atu totouh na thai panuek awñ hoeh rah maw. Na lungthin a pata rah maw.

18 Mit ao nahlangva na hmawt awñ hoeh maw. Hnâ na tawn awñ nahlangva na thai panuek awñ hoeh maw, na pâkuem awñ hoeh maw.

19 Tami 5,000 touh hane vaiyei panga touh ka rei navah tangthung nâyittouh maw na racawng awñ, telah a pacei navah ahnimouh ni, tangthung hlaikahni touh ka racawng awñ telah atipouh awñ.

20 Tami 4,000 touh hanelah vaiyei sari touh e ka rei navah na yit touh maw na racawng awñ, telah bout a pacei navah, tangthung sari touh telah bout atipouh awñ.

21 Boipawiteh, Nangmouh ni bangtelamaw thai panuek laipalah khuet na o a vaw atipouh.

Bethsaida kho a mit ka dawn e kho bout a hmu sak

22 Jisuh teh Bethsaida kho a pha navah, taminaw ni a mit ka dawn e ahni koe a thokhai awñ. Ahnimouh ni a mit ka dawn e tek sak hanlah Jisuh koe a kâhei awñ.

23 Hatdawkvah, Jisuh ni mit ka dawn e tami hah a kut dawkwah a kuet teh kho alawilah a hrawi. Ahnie mit dawkwah tamtui hoi a tamthawi hnukkhu avan vah a kut toung sin teh, na hmu thai maw telah a pacei.

24 A mit ka dawn e tami ni a moung teh a khet navah, oe taminaw thingkung patetlah ao teh lam a cei awñ e hah ka hmu atipouh.

25 Jisuh ni a kut hoi a mit a tek teh bout a khet sak navah, bangpuengpa kacairoelah ka hmu toe atipouh. Bangkongtetpawiteh, a mit a ang toung dawkwah doeh.

26 Jisuh ni a ma im a ban sak teh, khothung kâen hanh, api koehai dei hanh telah atipouh.

Jisuh teh Khrih doeh

Mat 16:13-16; Luk 9:18-20.

27 Jisuh teh a hnukkâbangnaw hoi Kaisarea Filippi kho tengpam, khotenaw koe kahlong a cei nah lam vah, a hnukkâbangnaw koe, taminaw ni Kai hah api ati a na maw, telah a pacei.

28 Tami tangawn ni Bawipa nang teh baptisma ka poe e Jawhan ati awñ, a tangawn ni Elijah ati awñ. A tangawn ni profet buetbuet touh doeh telah atipouh awñ.

29 Bawipa ni hai nangmouh ni teh Kai heh api na ti a maw telah a pacei navah Piter ni Bawipa, nang teh Khrih doeh telah atipouh.

30 Hatnavah, Bawipa ni amae akong hah api koehai a dei hoeh nahanelah kâhruetcuetae a poe.

A due nahane hoi bout a thaw nahane sut a dei

Mat 16:21-28; Luk 9:22-27

³¹ Hahoi, Bawipa ni tami Capa teh rucatnae moi a khang vaiteh, tami kacuenaw, vaihma bawinaw hoi cakathutkungnaw ni a pahnawt awh vaiteh a thei awh hnukkhu hnin pâthum nah bout a thaw han tie hah a hnukkâbangnaw a cangkhai.

³² Bawipa ni hote akong kamcengcalah a dei pouh torei teh Piter ni Bawipa hah alouklah a kaw teh koe a yue.

³³ Hatei, Bawipa ni a kamlang teh a hnukkâbangnaw a khet teh, nang Setan ka hnukkhu lah kâhnawnh. Bangkongtetpawiteh nang teh Cathut hoi kâkuen e hnonaw dawk na lungpen laipalah, talai hoi kâkuen e hnopai dawk doeh na lungpen telah atipouh teh a yue.

Tingpalam hrawm haw

³⁴ Hahoi, Bawipa ni a hnukkâbangnaw hoi tamimaya a kaw teh, apihai ka hnukkâbang han na ngai awh pawiteh amahoima kâpahnawt vaiteh, amae thingpalam hrawm hoi ka hnukkâbang awh naseh.

³⁵ Apihai amae hringnae ka rungngang e teh hringnae asung han. Kai hane hoi kaie kamthang kahawi kecu dawk a hringnae ka pasoung e tami teh a hringnae a rungngang han.

³⁶ Tami ni talaivan pueng koung ka coe nakunghai a hringnae muitha sung pawiteh bangmaw aphu kaawm han.

³⁷ A muitha hah bang hno hoi maw a ratang thai han.

³⁸ Bangkongtetpawiteh, Cathut banglah ka pouk hoeh e miphun kathoutnaw koe, apihai kai thoseh, ka lawk thoseh, kayakkhai pawiteh, tami Capa teh a na Pa Cathut e bawilenna a kâmahrawk teh kathoung kalvantaminaw hoi a tho torei teh hote tami hah a kayakhai van han.

9

¹ Atangcalah na dei pouh awh. Cathut uknaeram teh bahu hoi a kangdue e hah, hmawt laipalah hie hmuen koe na kaawm e tami tangawn teh duena koe na phat a mahoeh.

Jisuh mei kâthungnae *Mat 17:1-13; Luk 9:28-36.*

² Hnin taruk touh a loum hnukkhu Jisuh ni alouknaw bawk laipalah Piter, Jem, Jawhan tinaw dueng a kaw teh soumtinae koe, karasang e mansom vah a cei awh. Ahnima hmalah phun louk lah a kâthung.

³ A kho e teh loukloukkaang e, het talai van apipatet ni hai hottelah pâsu thai hoeh hane totouh a pangawpekyek lah ao..

⁴ Mosi hoi Elijah a kamnue roi teh Jisuh hoi a kâpan awh.

⁵ Hatnavah, Piter ni, Bawipa hie hmuen koe o a nawm poung. Nang hanlah rim buet touh, Mosi hanlah buet touh, Elijah hanlah buet touh sak awh sei, atipouh.

⁶ A hnukkâbangnaw teh a taki awh dawkvah, Piter ni hottelah a pantaivai e doeh.

⁷ Hatnavah, tâmai ni a ramuk awh teh, ahni teh ka pahren e ka Capa doeh, ahnie a lawk hah tarawi awh, telah tâmai thung hoi lawk a tho.

⁸ Hatnah tahma vah a hnukkâbangnaw ni a tengpam a khet awh navah, amamouh hoi Jisuh hloilah apihai hmawt awh hoeh.

⁹ Mon hoi bout a kum awh toteh, Jisuh ni tami Capa teh duena koehoi bout thaw hoehroukrak atu na hmu awh e hah api koehai dei awh hanh lah a, telah kâ a poe.

10 A hnukkâbangnaw ni hote lawk hah a pâkuem aw. Hatei, duenae koehoi bout thaw tie hah bangtelae na maw telah buet touh hoi buet touh a kâpacei aw.

11 Hatnavah cakathutkungnaw ni Elijah hmaloe a tho han telah bangkongmaw a dei aw, telah a pacei aw navah,

12 Bawipa ni Elijah teh hmaloe a tho vaiteh bangpuengpa koug a pathoup han tie a thuem. Bangkongmaw Cakathoug ni tami Capa teh rektapnae moi khang vaiteh, a pahnawt hai a pahnawt aw han ati vaw.

13 Na dei pouh aw, Elijah teh yo a tho toe. Cakathoug ni a dei e patetlah taminaw ni a ngai aw e patetlah ahni koe a sak aw toe telah atipouh.

Kahrai a pâlei pouh

Mat 17:14-17; Luk 9:37-45.

14 Alouke a hnukkâbangnaw koe a pha aw navah, tami moikapap ni a ven aw teh cakathutkungnaw teh ahnimouh hoi a kâoun aw lahun e hah a hmu.

15 Ka kamkhueng e tamihupui ni Jisuh a hmu aw toteh kângairu aw laihoi, Jisuh koe a yawng aw teh kut a man aw.

16 Jisuh ni ahnimanaw hoi bangtelamaw na kâoun a vaw. Telah cakathutkungnaw hah a pacei.

17 Ka kamkhueng e tamihupui thung dawk hoi tami buet touh ni, Bawipa a lawk ka a ni teh kahrai ni a man e ka capa hah nama koe ka hrawi.

18 Kahrai ni a man karoitawi talai dawk a rawp teh a kâko hoi potamtui a tâco, a hâ a karue teh, pheng a kamsoe toe. Hote kahrai pâlei pouh hanelah na hnukkâbangnaw koe ka dei pouh eiteh ahnimouh ni pâlei thai aw hoeh atipouh.

19 Jisuh ni yuemnae katawnhoehnaw e catoun, nangmouh hoi cungtalah na sittouh maw ka o han vaw. Na sittouh maw na ring aw han vaw. Hate camo hah hi thokhai aw, atipouh.

20 A dei e patetlah camo a thokhai aw navah, hote kahrai ni Jisuh heh a hmu tahma vah, camo hah a sawn sak, talai dawk a rawp sak, potamtui a hawn sak teh a paleipaluet sak.

21 Jisuh ni hettelah a onae na sittouh maw a saw tounge telah a na pa hah a pacei navah, a na pa ni a nawca hoi doeh toe.

22 Camo due sak hanelah hmai dawk, tui dawk atuhoitu a rawp sak. Hatei, Bawipa coung thai pawiteh, na pahren ei telah pahrennae a hei.

23 Jisuh ni na yuem thai maw. Na yuem pawiteh bangpueng a coung thai atipouh.

24 Camo e a na pa ni, Bawipa ka yuem doeh, ka yuemhoehnae hah na kabawm lah telah mitphi hoi a dei.

25 Hatnavah taminaw teh yawng laihoi a tho aw e Jisuh ni a hmu navah, hnâpang hoi lawka muitha, camo thung hoi tâcawt, bout kâen hanh lawih, telah kakhine muitha hah kâ a poe navah,

26 a hramki teh camo a sawn sak teh a tâco. Camo teh kadout e patetlah ao. Ayânaw ni teh a due toe ati aw.

27 Jisuh ni a kut dawk hoi a pathaw nah camo teh a kangdue.

28 Imthung a kâen aw hnukkhu a hnukkâbangnaw ni bangkongmaw hote kahrai hah kaimouh ni teh ka pâlei thai aw hoeh vaw telah arulaho i a pacei aw.

29 Jisuh ni ratoumnae, rawcahainae laipalah teh bangtelah hai tâcawt thai mahoe atipouh.

A due nahane apâhni sut a deinae

³⁰ Hote hmuen koehoi Galilee kho lungui vah a cei awh navah, api koehai kâpanue sak hanlah ngai hoeh.

³¹ Bangkongtetpawiteh, tami Capa teh taminaw kut dawkwah pahpawt vaiteh, a thei awh han.

³² A due hnukkhu apâthum hnin bout a thaw han tie naw hah, a hnukkâbangnaw koe a dei pouh. Hote kongnaw hah thaipanuek awh hoeh ei, apinihai bout pacei ngam awh hoeh.

Apimaw kalenpoung

Mat 18:1-5; Luk 9:46-48.

³³ Kapernuam kho a pha awh teh im thung ao awh navah, tapa lam vah buet touh hoi buet touh bangmaw na kâoun awh vaw telah a pacei eiteh, a hnukkâbangnaw ni lawkkamuem lah ao awh.

³⁴ Bangkongtetpawiteh, apimouh kalenpoung tie hah, a kâoun awh dawkwah dei ngam awh hoeh.

³⁵ Hatnavah Jisuh ni a hnukkâbangnaw hlaikahni touh hah a kaw teh, kalenpoung lah o ka ngai e teh, ka thoung poung lah o a ngai, hahoi tami poung e san lahai o a ngai atipouh.

³⁶ Camo ca buet touh ahnimae lungui a kangdue sak hnukkhu, a kut hoi a tawm teh,

³⁷ apipatet hai kaie minhmai khet laihoi het patetlah e camo buetbuet touh ka dâw e teh kai na ka dâw e doeh. Kai na ka dâw e teh kai dueng na dâw e nahoe, kai na kapatoung hai a dâw toe telah atipouh.

Maimouh koe lah ka baww e

Luk 9:49-50

³⁸ Jawhan ni, Saya, na min lahoi kahraituilinaw ka pâlei e tami buet touh ka hmu awh. Maimouh thung dawkwah e tami lah ao hoeh dawkwah sak hanh lawih ka ti pouh awh, telah a dei pouh.

³⁹ Jisuh ni cakâ awh hanh, ka min lahoi kângairuhno kamnuek sak thai e ni teh kayawicalah ka min mathout sak thai mahoe.

⁴⁰ Nangmouh na ka taran e koelah kaawm hoeh e teh, nangmouh koe lah kaawm e doeh.

⁴¹ Nangmouh teh Messiah hnuk kâbang e doeh ati awh dawkwah, ka minhmai khet lahoi tui manang buet touh hai na ka poe e tami teh, tawkpouh hmawt laipalah awm mahoe atipouh.

Jisuh ni kâhruetcuetae a poe

⁴² Kai na ka yuem e camonaw thung dawkwah buetbuet touh ka payon sak kung teh a lahuen dawkwah talungsum awi sak vaiteh tuipui dawkwah tâkhawng pawiteh ahnimouh hanlah bet ahawihnawn.

⁴³ Na kut ni na yon sak pawiteh na kut tâtueng.

⁴⁴ Kutkuep lahoi ahri dout hoeh, hmai rounhoehnae hell hmai thung bo hlak teh kutkuep laipalah hringnae koe phat pawiteh ahawihnawn.

⁴⁵ Na khok ni na yon sak pawiteh na khok tâtueng haw.

⁴⁶ Ahri dout hoeh, hmai rounhoehnae hell hmai thung khok kuep lahoi bo hlak teh khok kuep laipalah hringnae koe phat pawiteh ahawihnawn.

⁴⁷ Na mit ni na yon sak pawiteh, na mit cawngkhawih.

⁴⁸ Ahri dout hoeh, hmai rounhoehnae, hell hmai thung mit kuep lahoi bo hlak teh, mit vang hoi Cathut uknaeram dawkwah kâen pawiteh ahawihnawn.

⁴⁹ Sathai pueng teh palawi phuen e patetlah, tami pueng teh hmaipalawi phuensinnae a khang aw hah.

⁵⁰ Palawi teh ahawi. Hateiteh a paanna kahmat pawiteh, bangtelamaw bout paan sak thai han. Nangmouh koe palawi awm sak aw hah. Buet touh hoi buet touh kâpôkâdanglah awm aw hah atipouh.

10

Yuvâ kâkapeknae

Mat 19:1-9

¹ Hote hmu en koehoi a thaw teh, Jordan palang namran lah a cei teh, Judea ram vah a pha. Tami moikapap ni ahni koe bout a kamkhueng aw hah, ahmoun e patetlah bout a cangkhai.

² Hatnavah, Farasinaw a tho aw hah teh, tongpa ni a yu a ma kawi maw telah tanouknae lahoi a pacei aw hah.

³ Mosi ni bangtelamaw kâ na poe telah Jisuh ni let a pacei navah,

⁴ ahnimouh ni kapeknae ca na poe vaiteh, nama han ati telah atipouh aw hah.

⁵ Jisuh ni nangmouh teh na lung a pata aw hah dawkvah hottelah Mosi ni kâpoelaw k daw k a thut e doeh.

⁶ Cathut ni a sak pasuek nah tongpa hoi napui roi dueng doeh a sak.

⁷ Hote kecu dawkvah, tongpa ni a manu hoi a na pa hah a ceitakhai vaiteh, a yu hoi cungalalah ao roi han.

⁸ Ahnimouh roi teh takthai buet touh lah a coung han. Hatdawkvah, yuvâ teh kahni touh na hoeh, takthai buet touh lah ao toe.

⁹ Hatdawkvah, Cathut ni a pahlawm tangcoung e teh, tami ni kapek hanh naseh a ti.

¹⁰ Hahoi, a hnukkâbangnaw hoi im daw k ao aw hah navah, hote kong hah bout a pacei aw hah.

¹¹ Apipatethai a yu hah ama teh, alouke napui hoi bout awm pawiteh, a yu lathueng vah ka uicuk e lah ao.

¹² Yu ni hai a vâ hah ama teh, alouke tongpa hoi bout awm pawiteh, a vâ lathueng vah ka uicuk e lah ao van.

Camonaw yawhawi a poe

Mat 19:13-15; Luk 18:15-17.

¹³ Hatnavah, camonaw hah ama koe tek sak hanelah, a thokhai aw hah. Hatei, a hnukkâbangnaw ni ka thokhai e naw hah a yue aw hah.

¹⁴ Jisuh ni a hmu navah, a lungkhuek teh, camonaw hah kai koe tho naseh, hrek aw hah hanh. Cathut uknaeram teh hot patet e camonaw hane doeh.

¹⁵ Atangcalah na dei pouh aw hah. Apipatethai hete camo patetlah kaawm hoeh e tami teh, Cathut uknaeram daw k kâen mahoe h atipouh.

¹⁶ Hahoi, camonaw hah a tawm teh, ahnimae lathueng a kut a toung sin teh, yawhawinae a poe.

Ka tangreng e thoundoun

Mat 19:16-30; Luk 18:18-30

¹⁷ Lam daw k a cei aw hah lahun nah, tami buet touh Jisuh koe a yawng teh, a khokcuengkhuem laihoi a hmalah a tabo teh, saya kahawi, a yungyoe hringnae pang thai nahanelah, bangmaw ka sak han telah a pacei.

¹⁸ Hahoi Jisuh ni bangkongmaw saya kahawi na ti vaw. Cathut dueng nahoe h maw kahawi vaw atipouh.

19 Kâpoelawknaw hah na panue nahoehmaw. Uicuk hanh, tami thet hanh, ayâ e hno parawt hanh, laithoe e kapanuekkhaikung lah awm hanh, ayâ e hno kaheng lah cat hanh, na manu hoi na pa barih, telah atipouh.

20 Hote tami ni, hote kâlawknaw teh ka nawca hoi koug ka tarawi toe atipouh.

21 Jisuh ni ahni teh lungpataw lahoi a khet teh, buet touh na vout rah atipouh. Cet nateh na hno pueng yawt nateh, ka roedengnaw poe haw. Hottelah na sak pawiteh, kalvan kho vah hno na tawn han. Hathnukkhu tho nateh, thingpalam hrawm hoi ka hnukkâbang haw, telah atipouh.

22 Hote tami teh hnopai ka tawnta poung e a tho dawkvah, hote lawk a thai nah, a minhmai a mathoe teh, a lungmathoe laihoi a ban.

Ka tangreng e hoi Cathut uknae ram

23 Jisuh ni a tengpam a khet teh, Cathut uknaeram dawk bawi tangreng ni a kâen hane banghloimaw a ru, telah a hnukkâbangnaw koe atipouh.

24 A hnukkâbangnaw ni hote lawk a thai awh navah kângai lah a ru awh. Jisuh ni ka canaw, talai hno dawk a lung kapen e tami teh Cathut uknaeram dawk a kâen hane a ru poung bout atipouh.

25 Ka tawnta e tami Cathut uknaeram thung a kâen hlak teh, kalauk ni phuengvang khu dawk a kâen e ayawihnawn, atipouh.

26 Ahnimanaw teh kângai hoe a ru awh teh, hat boipawiteh, apimaw rungngang lah kaawm han toung vaw telah buet touh hoi buet touh a kâdei awh.

27 Jisuh ni ahnimanaw hah a khet teh, hete heh tami koe lahoi ka cong thai hoeh nakunghai, Cathut ni a cong sak thai hoeh e awm hoeh. Bangpueng hai koug a cong sak thai, atipouh.

Hnukteng ni hma ahman han

28 Hatnavah, Piter ni kaimouh teh ka tawn awh e pueng ka ceitakhai awh teh, na hnuk ka kâbang awh toe, atipouh navah,

29 Jisuh ni atangcalah na dei pouh awh. Apipatethai Kai kecu dawk nakunghai; kamthang kahawi kecu dawk nakunghai, Imlaw, a hmaunawngaha, manu napa, yuca nakunghai buetbuet touh ka cettakhai e teh,

30 alet 100 touh e yawhawinae lah kaawm e atu tueng nah rektapnae hoiyah, Imlaw, hmaunawngaha, tawncanu, manu, canaw hai thoseh, due hnukkhu hoi yungyoe hringnae hai thoseh, a pang awh han atipouh.

31 Hnukkatengnaw ni hma ahman awh han. Hmakahmannaw ni hnuk a teng awh han telah atipouh.

Jisuh ni ama a due hane apâthum sut a dei

Mat 20:17-19; Luk 18:31-32

32 Jerusalem kho lah a cei awh nah, lam vah Jisuh teh a hnukkâbangnaw e hmalah a cei. Ahnimouh teh kângairu hoi taki laihoi a kâbang awh. Hat toteh, a hnukkâbangnaw hlaikahni touh koevah, maimouh teh Jerusalem kho lah cet awh sei.

33 Tami Capa teh vaihma bawinaw hoi cakathutkungnaw kut dawk a pahnawt awh han. Ahnimouh ni tami Capa heh duekhai kawi yon pen awh vaiteh, Jentelnaw kut dawk a poe awh han.

34 Ahnimanaw nihai, tami Capa hah a pacekpahlek awh han, a hem awh han, a tamthawi awh han, a thei awh han. Hatei, hnin thum nah hnin vah tami Capa teh bout a thaw han telah ama ni a khang hane naw hah, a hnukkâbangnaw koe a dei pouh.

*Jem hoi Jawhan ni a hei**Mat 20:28*

³⁵ Hatnavah, Zebedee e capa Jem hoi Jawhan, Jisuh koe a tho roi teh Bawipa kaimouh roi ni ka hei roi e hah, poe sak hanelah ka ngai atipouh roi.

³⁶ Bawipa ni nangmouh roi hanelah bangmaw sak sak hanelah na ngai roi atipouh navah,

³⁷ bawilennae hoi na tahung toteh, buet touh aranglah, buet touh avoilah, tahung sak hanelah ka ngai roi atipouh.

³⁸ Jisuh ni bang mouh ka hei roi aw tie na panuek roi hoeh atipouh. Ka nei hane manang heh na nei thai roi han maw. Ka coe hane baptisma hai na coe thai roi han maw, telah a pacei.

³⁹ Ahnimouh roi ni ka sak thai roi han doeh atipouh roi. Jisuh ni ka nei e manang na nei aw han, ka coe e baptisma hai na coe van aw han.

⁴⁰ Hatei, kaie avoilah aranglah tahung thainae teh Cathut ni a rawi tangcoung e naw hanelah doeh ao atipouh.

⁴¹ Alouke a hnukkâbangnaw hra touh ni a thai aw navah, Jem hoi Jawhan koe a lungkhuek aw.

⁴² Jisuh ni ahnimanaw hah a kaw teh, nangmouh ni na panue a tangcoung e patetlah Jentel bawinaw ni teh tami lathueng bawi hanelah a kâtuk aw. Kâtawnnae dueng doeh a ngai aw.

⁴³ Nangmouh teh hottelah awm aw han. Apipatethai bawi han ka ngai e tami teh, nangmae san lah ao han.

⁴⁴ Nangmouh thung daw k min kamthang ka ngai e tami teh, tami pueng e san lah ao han.

⁴⁵ Bangkongtetpawiteh, tami Capa patenghai, ayâ patoun hanelah tho hoeh. Ayânaw e thaw tawk pouh hane hoi, hringnae pasoung laihoi, taminaw ratang hanelah doeh a tho atipouh.

*Mitdawn mit bout a ang**Mat 20:29-34; Luk 18:35-43*

⁴⁶ Jeriko kho a pha aw navah, a hnukkâbangnaw hoi, tamihupui teh hote kho thung hoi a tâco aw. Hatnavah, Timaeus capa, a mit ka dawn e Bartimae teh, lam teng a tahung teh hno a hei.

⁴⁷ Nazareth tami, Jisuh tie a thai nah, Devit capa Jisuh kai hah na pahren haw atipouh.

⁴⁸ Ayânaw ni lawkkamuem awm haw telah kâhruetcuete a poe. Hatei, Devit capa Jisuh, kai hah na pahren haw telah hoehoe kacailah a hram.

⁴⁹ Jisuh ni a kangdue teh, hote tami hah hi kaw haw telah kâ a poe. Hatnavah, ayânaw ni mit ka dawn e hah a kaw aw teh, na lungpuen han. Thaw haw, na kaw ho atipouh aw.

⁵⁰ A hni hah vu a tâkhang teh, hluet a thaw teh, Jisuh koe a cei.

⁵¹ Jisuh ni bangmaw nang hanelah sak sak hane na ngai telah a pacei. A mit ka dawn e ni, Bawipa, ka mit ang sak haw atipouh.

⁵² Jisuh ni cet lawih, na yuemnae ni na dam sak toe atipouh. Hatnah tahma vah, ahni teh, a mit a ang teh, Jisuh hnuk a kâbang.

11*Tânae lahoi Jerusalem khopui thung a kâen**Mat 21:1-9; Luk 19:29-38*

¹ Jerusalem khopui teng Olive Mon rahim vah, kaawm e Bethphage kho hoi Bethani kho teng a pha awh navah, a hnukkâbang e tami kahni touh hah hmalah a patoun.

² Hmalae kho dawh, cet roi nateh, apinihai a kâcui boihoeh rae, pakhi teh sut pen e Laca hah na hmu roi han. Rasu nateh hivah hrawi roi lah a.

³ Tami buetbuet touh ni bangkongmaw na rasu roi tetpawiteh, Bawipa ni a panki, tang ka thak awh han doeh tet pouh roi telah lawk a thui.

⁴ A hnukkâbang roi ni a cei teh, takhang alawilah, lam teng vah sut pen e Laca hah a hmu teh a rasu roi.

⁵ Hote hmuen koe kaawm e naw ni yah, bangkongmaw na rasu roi ati awh navah,

⁶ Jisuh ni kâ a poe roi e patetlah a hnukkâbang roi ni a dei pouh navah, ahnimouh ni tang a hrawi sak awh.

⁷ Laca hah Jisuh koe a phakhai roi toteh, Laca e a hnukthun vah, amamae hninaw a phai awh teh, Jisuh ni a kâcui.

⁸ Taminaw ni amamae hninaw hah lam dawh a phai awh. Tami tangawn ni thingbunaw a phai awh.

⁹ A hnuklah a hmalah kâbang e naw ni yah, Hosanna, Cathut min lahoi ka tho e teh yawhawinae awmseh.

¹⁰ Cathut min lahoi ka tho lahun e maimae na pa Devit e uknaeram teh yawhawinae awmseh. A lathueng poung lah kalvan vah, Hosanna awmseh, telah bukbuk a hram awh.

¹¹ Jisuh teh Jerusalem kho bawkim thung a kâen teh, hnopai pueng hah a khet. Kho hai a hmo toung dawkvah, a hnukkâbangnaw hlaikahni touh hoi, Bethani kho lah a cei awh.

Ka paw hoeh e thaibunglung thoe a bo

Mat 21:18-22; Luk 19:45-47

¹² Atangtho, Bethani kho hoi a ban awh navah a vonhlam.

¹³ Lam teng vah abu ka ra poung e thaibunglung teh ahlanæ koehoi a hmu. Thaibunglung kung apaw khi tue a pha hoeh rah dawkvah, a paw kaawm paka han doeh telah a khet navah, a paw buet touh boehai a hmu hoeh dawkvah,

¹⁴ sahnin totouh hoi nange apaw hah apinihai cat hanh seh atipouh. Hote lawk hah a hnukkâbangnaw ni hai a thai awh.

Bawkim thung hno yo e pasoung hoeh

Mat 21:18-22; Luk 19:45-47

¹⁵ Jerusalem kho a pha navah, Jisuh teh Bawkim thung a kâen. Bawkim thungvah hno kayawtnaw hoi hno karannaw hah phang a pâlei teh, tangka kathungnaw ni a tahungnae caboinaw, âbakhu kayawtnaw ni a tahungnae pueng hah koug a tanawt pouh.

¹⁶ Bawkim thungvah hnopai yo hane sin laihoi kâen hanelah apihai pasoung hoeh.

¹⁷ Kaie Im teh miphun pueng ni ratoumnae im ati awh han telah Cakathoung dawh thut lah ao nahoehmaw. Hateiteh, hote Im hah nangmouh ni teh dingca im lah na coung sak awh toe telah a yue awh.

¹⁸ Cakathutkungnaw hoi vaihma bawinaw ni a thai awh navah Jisuh heh bangtelah hoi maw thei thai han telah a kâpan awh. Cangkhainæ hah tami pueng ni kângai lah a ru awh dawkvah, ahnimouh ni Bawipa teh a taki awh.

¹⁹ Tangmin a pha toteh Jisuh hoi a hnukkâbangnaw teh kho lawilah a cei awh.

*Thaibunglung kung a ke**Mat 21:19-22*

²⁰ Amom lam a cei awn navah, thaibunglung teh a khawngyang khuehoi yout a ke e hah a hmu awn.

²¹ Piter ni hlawt a pouk teh, kenhaw ho Rabbi, thoe na bo e thaibunglung a ke toe ho atipouh.

Lunghring laipalah yuem awn

²² Jisuh ni nangmouh teh Cathut yuem awn.

²³ Atangcalah na dei pouh awn. Apipatethai lunghringnae tawn laipalah dei e patetlah a coung han tie yuem pawiteh, hote mon nang na hmuen koehoi kampuen nateh tuipui dawk bawt haw, na tet pouh pawiteh na dei e patetlah a coung han.

²⁴ Hatdawkvah, na dei pouh awn. Ka hmu mingming han tie yuemnae lahoi na ratoumnae pueng teh na hmu awn han.

²⁵ Nangmouh ni na ratoum awn navah, ayânaw yonpenna awm pawiteh, ngaithoum awn. Hottelah ayânaw e yon na ngaithoum pawiteh kalvan kho kaawm e nangmae na Pa ni nangmae yon teh a ngaithoum han.

²⁶ Nangmouh ni ayânaw na ngaithoum awn hoehpawiteh, kalvan kho kaawm e nangmae na Pa ni nangmae payon e hai ngaithoum van mahoe, telah atipouh.

*Jisuh hnotithainae a pacei awn**Mat 21:23-27; Luk 20:1-8*

²⁷ Hahoi Jerusalem kho bout a pha. Bawkim thung Jisuh a kâhlai navah, vaihmanaw, cakathutkungnaw hoi kacuenaw ni a cei sin awn teh,

²⁸ apie kâtawnnae lahoi maw hete hno tithainae hah na sak vaw. Apini maw hettelah hnotithainae hah na poe vaw, telah a pacei awn.

²⁹ Jisuh ni boipawiteh, buet touh let na pacei a einai. Dei awn haw, na dei awn pawiteh hete hnotithainae hah apie kâtawnnae lahoi maw ka sak tie hah ka dei van han.

³⁰ Jawhan ni tui dawk baptisma a poe e hah kalvan hoi e maw. Na hoehpawiteh tami koehoi e maw dei awn haw atipouh.

³¹ Ahnimanaw teh, buet touh hoi buet touh a ka dei awn teh, bangtelamaw dei awn han vaw. Kalvan hoi e tetpawiteh, bangkongmaw Jawhan hah na yuem awn hoev vaw bout tet vai.

³² Tami koehoi e doeh telah dei pouh hane hai, tamimaya taki bout a tho. Bangkongtetpawiteh, Jawhan hah tami pueng ni profet katang doeh telah touh a pouk awn, ati awn teh,

³³ ka panuek awn hoev atipouh awn. Hatdawkvah, Jisuh ni hot patetvanlah, hete hnotithainae heh api e kâtawnnae lahoi maw ka sak tie ka dei van mahoev atipouh.

12*Misur takha katawnkung bangnuenae**Mat 21:33-46; Luk 20:9-19*

¹ Hatnavah, bangnuenae hoi a dei pouh. Tami buet touh ni misur takha buet touh a sak. Koung a tumdum hnukkhu misurpaw katin nahane tangkom hai a tai teh, takha ring nahane imrasang hai buet touh sut a sak. Takha hah takhakatawkkungnaw a hlai sak teh, alouke ram lah a cei.

² Atue a pha toteh, takhakatawkkungnaw koehoi misurpaw la hanelah, takhakatawkkungnaw koe a san buet touh a patoun.

³ Ahnimanaw ni, san hah a hem aw hah teh, kuthrawng hoi a pâban aw hah.

⁴ Alouke san hah bout a patoun navah, talung hoi a lû daw k a dei aw hah teh, yeirai a po sak aw hah teh, a pâban aw hah.

⁵ Alouke san hah bout a patoun navah, a thei aw hah. Alouke sannaw bout a patoun navah, a tangawn a hem aw hah, a tangawn a thei aw hah.

⁶ Takha ka pahren e ni a capa buet touh ao rah daw kvah, ahnimouh ni ka capa teh a bari aw hah han doeh a titeh, a capa hah a hnukteng vah a patoun.

⁷ Hatei, takhakatawkkungnaw niyah, ahni heh râw ka coe hane doeh, tho aw hah, thet a sei. Hat pawiteh doeh ahnie râw hah maimouh ni coe ati, ati aw hah.

⁸ Hatdaw kvah, takha kataw nkung e capa hah a man aw hah, a thei aw hah teh, takha alawilah a tâkhaw ng aw hah.

⁹ Hottelah boipawiteh, takhakataw nkung ni bangtelamaw ati han. Takhakatawkkungnaw hah koug thet vaiteh, hote takha hah alouke takhakatawkkungnaw koe a poe han.

¹⁰ Im kasakkung ni, a pahnaw t e talung hah phukaaw m poung e takin lung lah bout ao. Hot hateh, Cathut ni doeh a sak.

¹¹ Maimae mithmu hai kângairu hanlah ao tie hah Cakathoung daw k na touk boi aw hah hoeh maw atipouh.

¹² Hahoi, vaihma bawinaw, Kâlawk kacangkchainaw, tami kacuenaw ni hote bangnuenae teh maimouh doeh na dei ngai nah tie a panue aw hah toteh, Jisuh man nahanelah kho a pouk aw hah. Hatei, kamkhueng e tamihupui hah a taki aw hah daw kvah, haw hoi alouklah a kâkhoe aw hah.

Cathut e hno Cathut poe aw hah

Mat 22:15-22; Luk 20:20-26

¹³ Hat hoiyah, yon pen nahanelah, Farasinaw hoi Herod e a taminaw teh Jisuh koe a patoun aw hah.

¹⁴ Ahnimouh ni rek a hnai aw hah teh, Bawipa nang teh tamikalan lah na o. Apihai takinae na tawn hoeh. Tami e minhmai khen laipalah Cathut e lamthung lawkkatang hah na cangkhai e ka panue aw hah. Hatdaw kvah, Sizar siangpahrang koe tamuk poe kawi maw. Poe kawi hoeh maw. Kaimouh ni ka poe aw hah han maw. Ka poe aw hah mahoe hah maw telah a pacei aw hah.

¹⁵ Bawipa ni ahnimae dumpyennae hah a panue daw kvah, nangmouh ni bangkongmaw kai na tanouk aw hah. Hate tangka hah hi sin aw hah haw, ka kenhaw nei atipouh.

¹⁶ Ahnimouh ni a poe aw hah navah, apie min hoi mei maw ka kamnuek vaw telah a pacei navah, ahnimouh ni Sizar siangpahrang e min hoi mei doeh atipouh aw hah.

¹⁷ Jisuh ni Sizar siangpahrang e hno teh Sizar poe aw hah. Cathut e hno teh Cathut poe aw hah, atipouh e hah ahnimouh ni kângai lah a ru aw hah.

Bout thaw toteh kalvannaw patetlah o han

Mat 22:23-33; Luk 20:27-38

¹⁸ Duenae koehoi boutthawnae aw m hoeh ka tet e Sadusinaw ni Jisuh koe a tho aw hah teh,

¹⁹ Bawipa, tami buetbuet touh niyah ca tawn laipalah, a yu dout takhai pawiteh, a misa a thup hoeh nahanelah, a nawng ha ni let aw mkhai seh telah Mosi ni a thut.

²⁰ A hmaunawng ha sari touh ao aw hah. A camin ni hmaloe a yu lah a la teh, ca sak laipalah a due takhai.

21 A nawnggha ni patuen a okhai teh ca sak laipalah bout a due takhai. Apâthum e ni hai bout a due takhai.

22 Hottelah, buet touh hnukkhu buet touh a due takhai awh teh, hmaunawnggha sari touh ni ca sak a laipalah, hote napui hah be a due takhai awh. A hnukteng vah hote napui hai a due van.

23 Boutthawnae tue a pha toteh, ahnimanaw hai bout a thaw awh toteh, hote napui hah apie yu lah maw ao han. Hmaunawnggha sari touh ni hote napui hah a yu lah a okhai awh toe telah a pacei awh.

24 Jisuh ni nangmouh teh Cakathoung na thai panuek awh hoeh. Cathut bahu hai na panue awh hoeh dawkvah, na tawm payon awh.

25 Duenae koehoi bout thaw toteh, yuvânae awm mahoe. Kâpaluennae, kâhânae awm mahoe. kalvan kho e kalvantaminaw patetlah o awh han atipouh.

26 Hothloilah, kadoutnaw boutthawnae dawkvah, Cathut ni kai teh Abraham e Cathut, Isak e Cathut, Jakop e Cathut lah ka o telah, hmai kang e buruk thung hoi Mosi koe a dei e hah Mosi e cauk dawkh na touk awh boi hoeh maw.

27 Cathut teh kadoutnaw e Cathut na hoeh. Kahringnaw e Cathut doeh. Hatdawkvah nangmouh teh, puenghoi na payon awh atipouh.

Kalenpoung kâlawk kahni touh

Mat 22:34-40

28 Hottelah a kâoun awh e hah cakathutkung buet touh ni a thai teh, jisuh ni kalan lah bout a dei e hah a hmu navah, ama koe rek a hnai teh, kâpoelawknaw thung dawkh bangpatet e kâlawk maw alawkpui poung lah kaawm telah a pacei.

29 Jisuh ni kâlawknaw thung dawkh apasuek e teh, Oe Isarelnaw thai awh haw, maimae Cathut dueng doeh Cathut lah kaawm.

30 Na Cathut teh na lungthin abuemlah, na muitha abuemlah, na pouknae abuemlah, na thaonae abuemlah hoi lungpataw, tie teh apasuekpoung e kâpoelawkh lah ao.

31 Hothloilah, na imri hah nama patetlah lungpataw ati e apâhni e kâpoelawkh teh apasueke hoi a kâvan. Het hlak kalen e kâpoelawkh awm hoeh telah bout atipouh.

32 Kâlawk ka cangkhai e nihai, Bawipa na dei e teh lawkkatang doeh, ahawipoung. Cathut dueng doeh Cathut lah kaawm.

33 Hote Cathut hloilah alouke Cathut awm hoeh. Hote Cathut hah lungthin abuemlah, thaipanueknae abuemlah, thaonae abuemlah, hahoi mahoima patetlah imri hah lungpatawnae teh hmaisawi thuengnae hoi thuengnae pueng hlak hai ahawi telah a dei.

34 Hottelah a lawkh tho e hah Jisuh ni ahawi tie a panue toteh Cathut uknaeram hoi na hlat hoeh telah atipouh. Hahoi, apinihai bout pacei ngam awh hoeh toe.

Messiah teh apie capa maw

Mat 22:41-46; Luk 20:41-44

35 Jisuh ni bawkim thung a cangkhai lahun navah, Messiah teh Devit e capa doeh telah bangkongmaw cakathutkungnaw ni ati a vaw.

36 Devit ni muitha lahoi a dei e teh, Cathut ni na tarannaw hah na khok rahim ka ta hoehroukrak kaie aranglah tahung haw telah ka Bawipa hanelah atipouh.

³⁷ Devit ni Messiah hanelah Bawipa tet pouh pawiteh bangtelamaw Messiah teh Devit capa lah ao thai han vaw. Tami maya ni lunghawicalah hoi a dei e lawk hah rip a thai aw. h.

³⁸ Hottelah a cangkhai navah Jisuh ni cakathutkungnaw heh roun aw. h. Bangkongtetpawiteh, ahnimouh teh angkidung kho hoi kâhlai hane a ngai aw. h. Hnopai yonae hmuen koe tami pueng ni bari e hah a ngai aw. h.

³⁹ Sinakok vah tahungnae a rasangnae koe a ngai aw. h. teh, paw. i canae koe vah, bari kaawm e hmuen koe tahung a ngai aw. h.

⁴⁰ Lahmai napuinaw e im hah a lawp aw. h. teh, a yon kamnuek vaih titeh, ka saw poung lah a ratoum aw. h. Ahnimouh teh hoe kalen e yonphukhangnae a kâhmo aw. h. han atipouh.

Lahmainu e poenae

Luk 21:1-4

⁴¹ Hahoi Jisuh teh tangkabom koelah a kangvawi teh, a tahung navah taminaw ni tangka a pâseng aw. h. e hah a khet. Ka tawnta e naw teh ka pap a pâseng aw. h.

⁴² Ka roedeng e lahmainu buet touh a tho teh, rahum tangka phek touh e kahni touh a pâseng van.

⁴³ Bawipa ni a hnukkâbangnaw hah a kaw teh, atangcalah na dei pouh aw. h. Tangka bom thung kapâsengnaw thung dawkvah, hote lahmainu ni hoe kapap a pâseng toe, atipouh.

⁴⁴ Bangkongtetpawiteh, alouke pueng ni teh a tawn aw. h. e thung daw. k hoi a pâseng aw. h. Hatei, hote lahmainu teh a mathoe ei, a kâkaw. k nahane a tawn e pueng hah a pâseng toe, atipouh.

13

A hnukteng e tue mitnoutnaw

Mat 24:1-25; Luk 21:5-36

¹ Jisuh teh Bawkim thung hoi a tâco teh a kâhlai navah, a hnukkâbangnaw buet touh ni, Bawipa kalenpoung. e talung doeh khe, ka cak poung e im pui doeh khe atipouh navah,

² Jisuh ni hete innaw hah na hmu nahoe. hmaw. Talung buet touh van buet touh, a kâpacoung. hoehnae tue ka phat han. Abuemlah koung katim han atipouh.

³ Bawkim hmalah kaawm e Olive Mon daw. k Jisuh a tahung teh a radoung navah, Piter, Jem, Jawhan hoi Andru tinaw niyah,

⁴ hete heh nâ. tuek han maw, hete hno pueng a tho nahane tue ti panue nahanelah, mitnoutnaw teh bangmaw kaawm han ti teh arulaho. i a pae. ci aw. h.

⁵ Jisuh ni, apinihai na dum aw. h. hoeh nahanelah kâ. hrue. t. c. uet aw. h.

⁶ Tami kapap ni ka Min kâmahraw. k aw. h. vaiteh, kai doeh Khrih toe tet aw. h. vaiteh, tami moikapap a dum aw. h. han.

⁷ Taran kâ. tuk. nae kamthang, tarankâ. tuk hane kamthang na thai aw. h. han. Na lungpuen aw. h. hanh, Hottelah ao han. Hatei apoutnae phat hoeh rah.

⁸ Miphun buet touh hoi buet touh, uknaeram buet touh hoi buet touh, a kâ. taran aw. h. han. Khoram tangkuem Tâ. lî a no han. Takang a tho han. Puenna. e ao han. Hetnaw teh runae a kamtawng. nae lah doeh ao.

Rektap rucak khang hane sut a dei

⁹ Namamouh hoi namamouh kâhruetcueth awh. Bangkongtetpawiteh, lawkcengkungnaw koe na thak awh han. Sinakok vah na hem awh han. Kai kecu dawkhobawinaw hmalah hoi siangpahrangnaw hmalah lawkpanuesaknae lah na tâcokhai awh han.

¹⁰ Kamthang kahawi hah miphun pueng koe hmaloe pâpho lah ao han.

¹¹ Khobawinaw koe na thak awh navah, bangtelamaw ka dei han aw, tie ka ngai awh hanh. Sut pouk awh hanh. Dei hanelah ka tâcawt e hah dei awh. Bangkongtetpawiteh nama ni na dei e na hoeh. Kathoung Muitha ni na dei sak e doeh.

¹² Hatnae tueng dawkvah, hmaunawngaha ni a hmaunawngaha, a na pa ni a ca, canaw ni a manu napanaw hah taran awh vaiteh, due sak hanelah a pahnavt awh han.

¹³ Tami pueng ni kaie ka Min kecu dawknangmanaw hah na hmuhma awh han. Apihai a pout totouh ka khang e tami teh, rungngang lah ao han.

Runae kalenpoung

¹⁴ Profet Daniel ni a dei e patetlah panueththopoung karaphoekung, ao hoeh nahane hmuen koe a kangdue e na hmu awh navah, Cakathoung ka touk e ni teh thai panuek na lawwih. Hote na hmawt pawiteh Judah ram kaawm e naw mon lah yawng awh naseh.

¹⁵ Lemphu kaawm e tami ni kum hanh lawi naseh, im thung e hno la hanelah kâen hanh lawi naseh.

¹⁶ Laikawk koe kaawm e ni hai amae khohna la hanelah hnuklah ban hanh naseh.

¹⁷ Hat hnin toteh, camo ka vawn e napuinaw hoi camosen kaawm e napuinaw teh a temdeng awh han.

¹⁸ Nangmouh ni na yawng nahane atueng teh, kasik tue hoi a kâvoe hoeh nahan, ratoum awh.

¹⁹ Bangkongtetpawiteh, Cathut ni talai a sak pasuek hoiyah atu sittouh kaawm boihoe hae, ato hmalah hai bout kaawm hoeh han e, runae teh hatnae tueng dawkvah ka phat han.

²⁰ Hote a tue teh Cathut ni saw sak pawiteh apinihai khang thai mahoe h. A rawi tangcoung e taminaw hane kecu dawkh Cathut ni atueng aduem sak han.

²¹ Hatnavah tami tami buetbuet touh ni hi doeh Khrih a o, haw doeh ao ka tet awh nakunghai, yuem awh hanh.

²² Bangkongtetpawiteh, khrihkaphawk hoi profetkaphawk teh tâcawt vaiteh, rawi tangcoung e taminaw pateng haiyah, dum thai pawiteh, dum thai totouh kângairu hnonaw hah a sak awh han.

²³ Nangmouh teh kâhruetcueth awh. Hete kongnaw teh sut na dei pouh toe.

Tami Capa bout a tho nahane

²⁴ Hote runae hnukkhu vah, kanî teh kahmawt han, thapa hai ang mahoe h.

²⁵ Kalvan âsinaw teh a bo awh han. Kalvannaw e bahunaw hai a kâhueth han.

²⁶ Hatnavah, tami Capa teh, ka talue poung e bawilenna hoi tâmai a kâcui vaiteh, a kumcathuk e hah a hmu awh han.

²⁷ Hat toteh, tami Capa ni a kalvantaminaw hah patoung vaiteh, kanîtho, kanîloum, atung, aka kaawm e, a rawi tangcoung e taminaw hah a pâkhueng sak han.

Thaibunglung kung bangnuae

²⁸ Thaibunglung kung bangnuenae hah pâkuem awh. Thaibunglung kung teh a dawn a cawn, a hna a nâw toteh, kompawi a hnai toe tie na panue awh.

²⁹ Hot patetlah hote hnônaw a tâco toe tie na hmu awh toteh, tami Capa teh takhang koe totouh rek a pha toe tie panuek awh.

³⁰ Atangcalah na dei pouh awh. Hete catounnaw be a due awh hoehnahlan hete hno pueng teh, ka tâcawt han.

³¹ Kalvan hoi talai teh a rawk han, hatei ka lawk teh a kangning han.

Hote atue teh apinihai panuek hoeh

³² Hote tueng teh, apa hlôilah apinihai panuek hoeh. Kalvan kho e kalvantaminaw ni hai panuek hoeh.

³³ Tami Capa ni hai panuek hoeh. Hote a tue teh nâtuek ne a pha han tie na panue awh hoeh dawkvah, kâhruetcuet awh nateh, ratoum laihoi ring awh.

³⁴ Bangnuenae teh, tami buet touh ni alouke ram lah cei hane a pouk dawkvah, a im hah a cei takhai teh a sannaw koe kâtaawnnae hah a poe. Thaw tawk kawinaw tawk hanelah, thaw lengkaleng a poe teh, takhang ka ring e koe kâ a poe teh a ceitakhai .

³⁵ Imkung teh tangmin na ou, karumsaning na ou, akhawng na ou, amom na ou a tho han tie na panue awh hoeh dawkvah ring awh.

³⁶ Hottelah ring hoehpawiteh, Bawipa hmatara a tho toteh, kukkuk na i e hah Bawipa ni a hmu han.

³⁷ Ring awh, telah nangmouh koe ka dei e patetlah tami pueng hane la hai ka dei telah a ti.

14

Ceitakhai pawî sak nahane hmuen rakuengnae

Mat 26:2-16; Luk 22:1-6; Jhn 12:1-8

¹ Mahoi hnin hni touh a loum hnukkhu, ceitakhai pawî hoi tonphuenhoehe pawî ao hanelah ao. Vaihma bawinaw hoi cakathutkungnaw niyah Jisuh hah huenghai hoi bangtelah ne dum vaiteh thei han tie a lamthung hah a tawng awh.

² Hateiteh, taminaw ruengrueng tet vaih ati awh dawkvah, pawî hnin nah teh duem tat ei sei a kâti awh.

A lû dawk satui awinae

³ Bethani khovah, ka hrikbei e Simon im vah Jisuh teh caboi koe a tahung navah, napui buet touh ni aphu kaawm poung e hmuítui, talungpangaw bom daw k hoi e hah a sin. Talungpangaw bom hah rek a hem teh, Jisuh e a lû daw k a awi pouh.

⁴ Tami tangawn ni a lungkhuek awh teh bangkongmaw hote hmuítui hah ayawmyin lah a rabaw k vaw,

⁵ Tangka cumthum touh lah yo vaiteh karoedengnaw kabawp thai nahoehmaw ati awh teh hote napui hah a pathoe awh.

⁶ Jisuh ni, Hote napui hah pathoe awh hanh. Ahni ni kai daw k hnokahawî a sak toe.

⁷ Karoedengnaw teh nangmouh koe doeh pou ao. Na ngai awh e patetlah na kabawp thai awh. Kai teh nangmouh koe pou kaawm mahoe h.

⁸ Hete napui ni ama tithai totouh hno a sak toe. Kaie ro pakawp lah ao han tinae lah hmuítui hoi ka tak hah sut a hlu k toe.

⁹ Atangcalah na dei pouh awh. Talaivan kamthang kahawi deinae hmuen pueng koe hete napui pahnim hoeh nahanelah, ahni ni a sak e hete hno hah dei lah ao han.

¹⁰ Hahoi a hnukkâbangnaw hlaikahni touh daw k e Judah Isakarot teh Jisuh pahnawt hanelah, vaihma bawinaw koevah a cei.

¹¹ Vaihma kacuenaw ni a thai awh navah, a lunghawi awh teh tangka na poe han atipouh awh. Hahoi teh a kâvoenae tueng dawkvah, bangtelah hoi maw Jisuh pahnawt thai han tie atueng hah a pawp awh.

Ceitakhai pawî tangmin bu

Mat 25:7-30; Luk 22:7-23; 1 Kaw 11:23-25

¹² Tonphuenhoehe vaiyei canae pawî apasuek hnin, ceitakhai pawî tuca theinae hnin navah, a hnukkâbangnaw ni Jisuh koe a tho awh teh, ceitakhai pawî canei nahane hmuen hah, nâ e hmuen koe maw rakueng sak hanelah na ngai telah a pacei awh.

¹³ Jisuh ni, a hnukkâbang kahni touh roi koe, kho thungvah cet roi nateh, hawvah tuum ka sin e tongpa buet touh hah na hmu roi han.

¹⁴ Ahnie a hnukkâbang roi teh, ka hnukkâbangnaw hoi cungtalah ceitakhai pawî ca nahane hmuen teh, na maw ao telah saya ni na pacei sak, tet pouh roi lah a.

¹⁵ Ahni ni imvan coungkacoe rakueng tangcoung e hmuen pui hah na patue han, hawvah mamouh hanelah coungkacoe rakueng awh lah a, telah atipouh.

¹⁶ A hnukkâbang roi ni kho thung a cei roi teh, lawk a thui e patetlah a hmu roi. Hawvah ceitakhai pawiteh a rakueng roi.

¹⁷ Tangduem a pha toteh, a hnukkâbangnaw hlaikahni touh hoi Jisuh teh a tho roi.

¹⁸ Cungtalah reirei a ca a nei awh navah, Jisuh ni, atangcalah, na dei pouh awh. Kai hoi rei ka cat ka net e nangmouh thung daw k e buet touh ni kai teh na pahnawt han, atipouh.

¹⁹ A hnukkâbangnaw teh a lungmathoe awh, buet touh hnukkhu buet touh 'Kai ni maw Bawipa, telah lengkaleng a pacei awh.

²⁰ Jisuh ni, nangmouh hlaikahni touh thung daw k e kai hoi ailo daw k rei ka tapu e ni kai teh na yo han.

²¹ Cakathoung ni a dei e teh, tami Capa teh a cei han. Hatei, tami Capa ka pahnawt e teh, a yawthoe. Ahni teh a manu e von thung hoi khe hoehpawiteh ahawihnawn telah a ti.

²² Hottelah a ca awh lahun nah, Jisuh ni vaiyei hah a la teh lunghawi lawk a dei hnukkhu, vaiyei hah a raen teh, hete vaiyei teh kaie ka tak doeh. Lat nateh cat awh, ati teh a hnukkâbangnaw hah a rei.

²³ Manang hai a la teh lunghawi lawk a dei hnukkhu, ahnimanaw hah a rei teh ahnimouh ni a nei awh.

²⁴ Jisuh ni hete manang teh lawkkam katha hoi kâkuen e taminaw hanelah ka rabaw k e ka thi doeh.

²⁵ Atangcalah na dei pouh awh. Hete misurtui patet e a katha e hah, Cathut uknaeram daw k bout ka nei hoehroukrak atu hoi bout ka net mahoehtoe atipouh.

²⁶ Hathnukkhu la a sak awh teh, Olive Mon lah a cei awh.

Piter ni a kâpapha

Mat 26:47-56; Luk 22:47-50

²⁷ Hat toteh, Jisuh ni, Cakathoung daw k a thut e teh, tukhoumkung hah ka thei vaiteh, tunaw teh a kampek awh han telah thut tangcoung

e patetlah sahnin tangmin vah nangmouh pueng teh kai kecu dawk na lung ka pout aw h han.

²⁸ Hatei, kai teh bout ka thaw han. Nangmae hmalah Galilee ram lah ka cet han, atipouh.

²⁹ Piter ni, hetnaw pueng ni a lung ka pout aw h nakunghai kai teh ka lungpout mahoe h a ti.

³⁰ Jisuh ni, atangcalah na dei pouh. Sahnin tangmin vah ahlu i vai hni touh a khawng hoe hnahlan vai thum touh kai na pahnavt han atipouh.

³¹ Piter ni Bawipa, nang hoi reirei due hanelah kaawm nakunghai na pahnavt mahoe h bout ati. Hat toteh, alouknaw pueng ni hai hottelah rip ati aw h.

Gethsemani takha thung ratoumnae

Mat 26:36-46; Luk 22:40-46

³² Hatnavah, Gethsemani takha koe a pha aw h toteh, Jisuh ni ka ratoum navah hie hmuen koe la tahung aw h telah a hnukkâbangnaw koe atipouh.

³³ Piter, Jem, Jawhan tinaw hah a hrawi. Kângairu lungpuen hoi ao dawkvah,

³⁴ due han totouh ka lungreithai poung ati teh, hi e hmuen koe la aw m aw h nateh na ring aw h lah a atipouh.

³⁵ Haw hoi hrawt a cei teh, talai daw k a tabo teh, Apa Apa nang teh bangueng na coung sak thai.

³⁶ Hete manang daw k hoi na hlout sak thai pawiteh na hlout sak haw. Hateiteh, kai ka ngainae patetlah tho hanh seh. Nama ngainae patetlah thoseh, titeh hote atueng hah hlout thai pawiteh, hlout thai nahanlah a ratoum.

³⁷ Hahoi bout a tho teh a hnukkâbangnaw teh a i lahun aw h. Hottelah a i aw h lahun e hah a hmu navah, Piter yout na i maw. Suimilam buet touh boehai na ring thai hoe h maw.

³⁸ Tacueknae daw k na kâen aw h hoe h nahanlah ratoum hoi ring aw h. Muitha ni teh a ngai ei, takthai ni khang thai hoe h, atipouh.

³⁹ Hahoi, bout a cei teh ahmaloe a ratoum e patetlah bout a ratoum.

⁴⁰ Hahoi a hnukkâbangnaw onae koe bout a ban teh ihmu a tho aw h daw kvah, bout a i aw h lahun e hah a hmu. Bangtelamaw dei han toung ti hai panuek aw h hoe h toe.

⁴¹ Apâthum e lah ahnmouh onae koe bout a ban navah, atu sittouh na i aw h rah maw, atu sittouh na kâhat aw h rah maw, yit touh ma lawih. Atueng a pha toe. Khenhaw! tami Capa teh tami kayonnaw e kut daw k pahnavt nahane tueng a pha toe.

⁴² Thaw aw h leih, cet aw h leih sei. Kai na ka pahnavt hane tami a tho toe, atipouh.

Jisuh a man aw h

Mat 26:47-56; Luk 22:47-50

⁴³ Hottelah a dei lahun nah, a hnukkâbangnaw hlaikahni touh thung daw k e Judah Isakarot hoi vaihma bawinaw, cakathutkungnaw, tami kacuenaw ni a patoun e tamimaya teh sarusarai patuep laihoi a tho aw h.

⁴⁴ Jisuh ka yawt hane tami ni, kai ni ka paco e teh Jisuh doeh toe, telah minout a poe e patetlah,

⁴⁵ Judah Isakarot teh Jisuh koe rek a hnai teh, saya, saya, titeh a paco

⁴⁶ Hatnavah ahnimanaw a tho aw h teh Jisuh hah a man aw h.

⁴⁷ Ateng kangdout e tami buet touh ni sarai a rasa teh vaihma kacue e a san e hnâ thouk a bouk pouh.

⁴⁸ Jisuh ni kai na man hanelah maw dingca man hane patetlah sarusarai hoi khuet na tho a vaw atipouh.

⁴⁹ Hnintangkuem bawkim thung nangmouh rahak na cangkhai awh navah, louk na man awh hoeh vaw.

⁵⁰ Hettelah Cakathoung a kuep nahane doeh telah haw e hmuen koe kaawm e taminaw koe a dei pouh.

⁵¹ Hattoteh a hnukkâbangnaw ni Bawipa teh phang a yawng takhai awh. Hni yung touh dueng kâkhu hoi a hnukkâbangnaw e thoundounca hai a yawng van.

⁵² Ahni hah a man awh ei, hni vu a tâkhangng teh caici lahoi poe a yawng.

Jisuh yon pen thai awh hoeh

Mat 26:57-68; Luk 22:67-71; Jhn 18:12,13,19-24

⁵³ Ahnimouh ni Jisuh hah vaihma kacue koe a ceikhai awh. Hote bawi koevah vaihma bawinaw, tami kacuenaw, cakathutkungnaw teh a kamkhueng awh.

⁵⁴ Piter hai vaihma kacue e toeim totouh Jisuh hoi kâhlat lahoi a kâbang van teh, ramvengnaw hoi hmai rei a kamben awh.

⁵⁵ Vaihma bawinaw hoi sanhedrin lawkceng bawinaw ni Jisuh thei nahanelah kapanuekkhaikung a tawng a ei hmawt awh hoeh.

⁵⁶ Taminaw niyah laithoe e a kampangkhai awh ei, ahnimae kampangkhainae teh kânging awh hoeh.

⁵⁷ Tami tangawn ni a kangdue teh hete tami ni kut hoi sak e bawkim hah ka raphoe vaiteh,

⁵⁸ tami ni a sak hoeh e alouke bout ka sak han telah a dei e hah ka thai telah laithoe a kampangkhai awh.

⁵⁹ Hatei ahnimae kampangkhainae teh kânging hoeh.

⁶⁰ Vaihma kacue ni a lungui a kangdue teh, kam touh hai na pathung mahoeh maw. Hetnaw ni bangtelamaw a kampangkhai telah Jisuh hah a pacei.

⁶¹ Jisuh ni kam touh boehai pathung laipalah, lawkkamuem lah ao. Vaihma kacue ni nang teh ka lentoe poung e Cathut Capa Messiah maw telah bout a pacei.

⁶² Jisuh ni, oe bokheiyah, a to hmalah tami Capa teh bahu kut aranglah a tahung teh, kalvan e tâmainaw daw k hoi a kumcathuk e hah na hmu awh han, atipouh.

⁶³ Hattoteh vaihma kacue ni a angki hah a phi teh bang patet e kapanuekkhaikung maw a panki rah,

⁶⁴ Cathut pacekpahlekae lawk hah na thai awh toe. Bangtelamaw na pouk awh atipouh navah, Jisuh teh thei hanlah a kamcu telah tamihupui ni ati awh.

⁶⁵ Hattoteh tami tangawn ni Bawipa hah tamtui hoi a tamthawi awh. A minhmai a huem pouh awh teh, a kut hoi a thaw awh. Profet lahoi pâpho haw atipouh awh. Ramvengnaw ni a ceikhai awh teh a tambei awh.

Piter ni Jisuh a pahnawt

Mat 26:64-75; Luk 22:56-62; Jhn 18:16-18,25-27.

⁶⁶ Piter teh toeim thongma vah ao navah, vaihma kacue e a san napuinaw ni,

⁶⁷ Piter hmai a kamben e a hmu nah khei a khet teh, nang haiyah Nazareth tami Jisuh e a vaica doeh, ati pouh navah,

⁶⁸ Piter ni na dei e hah ka panuek hoeh, ka thaipanuek hoeh titeh a kâpapha teh imhmalah a tâco. Hatnavah ahluï a khawng.

⁶⁹ Hahoi a vaica napui buet touh ni Piter hah lawt a hmu teh ateng e kangdout e naw koevah ahni heh ahnimanaw e a vaica doeh bout atipouh navah, Piter ni bout a kâpapha.

⁷⁰ Hat hoiyah, na sittouh ao hoehnahlan tami buet touh ni nang hah, ahnimae vaica doeh nang teh, Galilee tami doeh. Na lawk hai rei a kâvan bout atipouh navah,

⁷¹ Piter ni na dei e tami hah ka panuek hoeh telah thoe a kâbo teh,

⁷² Hatnah tahma vah ahluï apâhni bout a khawng. Jisuh ni ahluï vai hni touh a khawng hoehnahlan vai thum touh na pahnawt han tie lawk hah Piter ni hlawt a pouk dawkvah, hni muen a kâramuk teh a khuika.

15

Pailat bawi koe Jisuh a thak aw

Mat 27:11-26; Luk 23:2,3,18-25; Jhn 18:29; 19:16

¹ Amom torei teh vaihma bawinaw, tami kacuenaw, cakathutkungnaw, sanhedrin lawkceng bawinaw hoi karang poung lah a kapan aw

² Pailat bawi ni, nang teh Judah siangpahrang katang maw telah a pacei nah Jisuh ni, na pacei e patetlah bokheiyah, atipouh.

³ Vaihma bawinaw ni yon moi a pen aw.

⁴ Pailat bawi ni, kam touh boehai na pathung hoeh na maw. Hettelah e kapanuekkhainaw heh khenhaw! atipouh nakunghai,

⁵ kam touh boehai pathung laipalah ao e hah Pailat bawi ni a kângairu.

⁶ Hote pawï nah taminaw ni a hei aw e patetlah khobawi ni thongkabawtnaw thung daw e buetbuet touh meng tha pouh e lah ao.

⁷ Hatnavah, dingca Barabas teh alouke tami kahawihoehnaw hoi, thong reirei a bo aw.

⁸ Taminaw niyah buetbuet touh tha mingming hanelah, a hramki aw toteh,

⁹ Pailat bawi ni, Judah siangpahrang hah tha sak hanelah na ngai a maw, atipouh.

¹⁰ Bangkongmaw hottelah a pacei tetpawiteh, vaihma bawinaw ni Jisuh utnae lung hoi a thak aw, tie hah a panue daw doeh.

¹¹ Pailat bawi ni Jisuh tha laipalah Barabas tha sak nahanelah, vaihma bawinaw ni tamihupui hah a hroecoe aw.

¹² Pailat bawi ni, Judah siangpahrang telah nangmouh ni na dei aw e hah bangtelamaw ti han, telah bout a pacei navah,

¹³ kamkhueng e taminaw pueng niyah, ahni hah thingpalam daw het, telah a hram aw.

¹⁴ Pailat ni, bangkongmaw, bang e yon maw a sak vaw telah bout a pacei nah hotnaw pueng niyah, thingpalam daw het, telah hoehoe a hram aw.

¹⁵ Pailat bawi ni ahnimouh a lungroum aw nahanelah, Barabas hah a tha pouh teh, Jisuh hah a hem teh, thingpalam daw thei sak hanlah a poe.

Ransanaw ni Jisuh a pacekpahlek aw

Mat 27:27-31

¹⁶ Hat toteh, ransabawi niyah Jisuh hah toeim thung vah, a ceikhai teh, ransanaw koug a kamkhueng sak teh, Jisuh hah hni paling a kâkhu sak aw.

¹⁷ Pâkhinglukhung a kâ muk sak aw h.

¹⁸ Judah siangpahrang, yawhawinae awmseh, telah yawhawinae lawk a dei pouh aw h.

¹⁹ A lû daw k bongpai hoi a hem aw h. A tamthawi aw h. A hmalah a khokcuengkhuem aw h teh, a tabut sin aw h.

²⁰ Hottelah a pacekpahlek aw h hnukkhu, a hni paling hah bout a phawi pouh aw h hnukkhu, amae khohna hah bout a khohna sak aw h teh, thingpalam daw k thei hanelah a ceikhai aw h.

Thingpalam daw k Jisuh a pathout aw h

Mat 27:33-44; Luk 23:33-43

²¹ Alexander hoi Rufus e napa, Sairen tami Simon kahlong ka cet e hah a hmu aw h navah, a man aw h teh, thingpalam a hrawm sak aw h.

²² Luhru hmuen tie Golgotha hmuen koe Jisuh hah a hrawi aw h teh,

²³ Murah hoi kalawt e misurtui hah nei sak hanelah a poe aw h ei, net ngai hoeh.

²⁴ Thingpalam daw k a het aw h hnukkhu angki hah cunpam a rayu aw h teh, a kâravei aw h.

²⁵ Hottelah thingpalam daw k a pathout aw h nah, amom suimilam tako doeh nueng ka phat.

²⁶ Ahni yonpenae teh, JUDAH SIANGPAHRANG, telah a lû lathueng a thut aw h.

²⁷ Jisuh hoi cunptalah dingca kahni touh roi teh, aranglah buet touh, avoilah buet touh thingpalam daw k rei a pathout aw h.

²⁸ Hatnavah Cakathoung ni a dei e, ahni teh tamikayonnaw hoi mektouk sin lah a o, tie hah a kuep.

²⁹ Lam daw k ka cet kaawm e taminaw nihaiyah, hei, bawkim ka raphoe vaiteh hnin thum touh hoi ka cum han ka tet e,

³⁰ namahoima kârungngang haw, thingpalam daw k hoi kum haw, telah a lû a kahek aw h teh, pacekpahleknae lawknaw hah a dei aw h.

³¹ Hot patetvanlah, vaihma bawinaw, cakathutkungnaw nihaiyah, hete tami ni ayânaw teh a rungngang thai ei, amahoima teh kârungngang thai hoeh bo vaw.

³² Kaimouh ni ka hmu aw h vaiteh, ka yuem aw h nahan, Isarel siangpahrang, Messiah teh thingpalam daw k hoi atu roeroe kum na ei seh, telah a panuikhai aw h. Bawipa hoi thingpalam daw k rei hete ni hai a pacekpahlek van.

Jisuh a thouknae

Mat 27:45-56; Luk 23:44-49

³³ Kanî tuengtalueng a thun hoi tangmin lahsa suimilam kathum totouh, thung talai van abuemlah kho king a hmo.

³⁴ Tangmin lahsa suimilam kathum navah Jisuh ni, Eloi Eloi Lama sabakhthani, telah puenghoi a hram. A deingainae teh, ka Cathut ka Cathut bangkongmaw kai na ceitakhai tinae doeh.

³⁵ A teng vah, kangdout e tami tangawn ni a thai aw h navah, Elijah doeh a kaw ati aw h.

³⁶ Tami buet touh ni a yawng teh, napon hah misurtui kathut daw k, a ranup teh, cakui daw k a mawp teh, Jisuh nei sak han lah, a pahni daw k a tuh pouh teh, awm nah nei, thingpalam daw k hoi kum sak hanelah, Elijah a kum hoi a kum hoeh e kenhaw sei ati aw h.

³⁷ Jisuh teh kacaipounglah a hram teh, a thouk.

³⁸ Hatnavah, bawkim e lukkarei yaphni a som hoi khok koe totouh a kâphi.

³⁹ Hottelah a thouk e hah a hmalah kangdout e ransabawi buet touh ni a hmu nah, hete tami teh Cathut e Capa katang doeh, telah a ti.

⁴⁰ Napuinaw ni hai ahlanæ koe a kangdue aw hah a khet aw h.

⁴¹ Hote napuinaw teh, Jisuh Galilee ram ao nah, ka khenyawn e Salome, Meri Magdalin, Jem kanawhnawn e hoi Joseph e manu Meri tinaw hoi Jerusalem totouh Jisuh hnuk kâbang e alouke napuinaw hah doeh.

Jisuh a pakawp aw h

Mat 27:57-61; Luk 23:50-56; Jhn 19:38-42

⁴² Atangtho teh sabbath hnin lah ao toun dawkvah, tangmin lah a pha toteh,

⁴³ Cathut uknaeram ka ngaihawi e lah kaawm e, bari kaawm e lawkceng bawi Arimathea tami Joseph ni, taranhawi lahoi, Pailat bawi koe a cei teh, Jisuh e a ro hah a hei.

⁴⁴ Pailat bawi ni, Jisuh tang a due e hah a panue nah, a kângairu dawkvah, ransabawi buet touh a kaw teh, a duenæ a saw toun maw, telah a pæci.

⁴⁵ Ransabawi ni, a due toe, atipouh e a thai dawkvah, Jisuh ro hah la hanelah kâ a poe.

⁴⁶ Hatdawkvah, Joseph ni ro hah a rasu teh, ama ni a ran e lukkarei hoi a kayo teh, talung tangkom daw k a thak teh, lungphenpui hoi tangkom takhang hah a teng.

⁴⁷ Meri Magdalin, Joseph manu Meri tinaw ni ro pakawpnae hmuen hah a khet aw h.

16

Jisuh duenæ koehoi boutthawnae

Mat 28:1-8; Luk 24:1-10

¹ Sabbath hnin abaw hoi Meri Magdalin, Jem manu Meri hoi Salome tinaw teh, Jisuh ro hlu k nahanelah hmuitui a ran aw h.

² Hnin sari touh daw k apasuek hnin, amom kanî a tâco navah, ahnimouh teh tangkom koe a cei aw h.

³ Ahnimouh ni, tangkom takhang tengnae lungphen pui hah apini mouh na paawng pouh han vaiyoe, titeh buet touh hoi buet touh a kâpan aw h navah, a khet aw h teh, tangkom kamawng tangcoung e hah a hmu aw h.

⁴ Hote lungphenpui teh hroung a len.

⁵ Napuinaw ni tangkom thung a kân aw h navah, thoundoun buet touh teh ka pangawpekyek e angkidung a kho teh, aranglah ka tahung e a hmu aw h navah, a taki aw h teh a kalue aw h.

⁶ Ahni ni na kângairu aw h hanh. Thingpalam daw k a thei aw h e Nazareth tami Jisuh hah nangmouh ni na tawng aw h. Ahni teh bout a thaw toe. Hi aw m hoeh toe. A ro tanae hmuen hah khen haw hei.

⁷ Nangmae hmalah, Galilee ram lah a cei e hah Piter hoi a hnukkâbangnaw koe dei pouh aw h. A dei tangcoung patetlah hote ram daw k nangmouh ni Bawipa teh na hmu aw h han atipouh.

⁸ Hote napuinaw teh tangkom thung hoi a tâco aw h teh, pâyaw kângairu laihoi a yawng aw h. A taki aw h daw k ayânaw koe a pâpha aw h.

A thaw hnukku Jisuh kamnuenæ

⁹ Bawipa teh hnin sari touh dawk apasuek hnin amom a thaw hnukkhu, kahraituilinaw sari touh a pâlei pouh e Meri Magdalin koe a mei hmaloe a kâpatue.

¹⁰ Meri ni hai a cei teh, Bawipa e a taminaw khuika laihoi ao awhnae koe hete kamthang hah a dei pouh.

¹¹ Jisuh teh a hring lah ka hmu toe tie hah ahnimouh koe a dei pouh ei yuem awh hoeh.

¹² Hathnukkhu, a hnukkâbangnaw kahni touh roi teh khote lah a cei roi lahun nah, ahnimouh roi koe meilam phunlouk lahoi Jisuh ni a kamnue pouh.

¹³ Ahnimouh roi teh, let a ban roi teh, hote kamthang hah alouke a hnukkâbangnaw koe a dei pouh roi ei, ahnimouh ni yuem awh hoeh.

Patounnae kalenpoung

¹⁴ Hathnukkhu a hnukkâbangnaw hlaibun touh teh, rawca a ca awh lahun navah, ahnimouh koe Jisuh ni a kamnue pouh. Bout ka thaw e Jisuh hah ka hmu awh toe telah a dei awh e lawk hah a yuem awh hoeh dawkvah, ahnimae a yuemhoehnae hoi a lung a patanae hah a yue.

¹⁵ Nangmouh ni talaivan pueng cet awh nateh, hnosak puengpa koevah kamthang kahawi hah dei awh.

¹⁶ Apipatethai ka yuem ni teh baptisma ka coe e tami teh rungngang lah ao han. Ka yuem hoeh e tami teh lawkcengnae koe a pha han.

¹⁷ Kayuemnaw koe kamnuek hane kângairu hnonaw teh, ka min lahoi kahraituilinaw a pâlei awh han. Lawk kathanaw a pan awh han.

¹⁸ Tahrunnaw hah a kut hoi a man awh han. Asue ka net awh nakunghai banglah awm mahoe. Kapatawnaw e tak daw k kut a toung awh toteh a dam awh han, telah a ti.

Kalvan luenna

¹⁹ Hottelah Jisuh ni lawk be a thui hnukkhu, kalvan lah a luen teh, Cathut e aranglah a tahung.

²⁰ A hnukkâbangnaw ni kho tangkuem a cei awh teh, kamthang kahawi hah a pâpho awh. Cathut ni ahnimouh daw k hoi thaw a taw k teh, kângairu hno a sak awh e lahoi, a pâpho awh e hah lawk katang doeh tie a caksak awh. Amen.

LUK (The Gospel According to Luke)

Lawk karouknae

Gun 1:1

¹ Ka talue poung e Theophilus, maimouh dawk kamnuek tangcoung e a konglamnaw hah,

² apuengcue hoi kahmawt ni teh kapanuekkhainaw hoi lawk dawk thaw katawknaw ni maimouh koe a dei tangcoung e patetlah tami moikapap ni ca lahoi thut hanelah a panki aw.

³ Kai ni hai apuengcue hoi ka kamtu e a konglamnaw pueng teh atang katang tie na panue thai nahanelah,

⁴ hote konglamnaw teh nang koe pou hruek hane kawi lah ao telah ka pouk.

Jawhan khe nahane sut deinae

⁵ Judah ram ka uk e Herod Siangpahrang kut rahim vah Abijah tie vaihma miphun dawk hoi e vaihma Zekhariah teh ao. Ahnie a yu teh Aron e catoun, a min teh Elizabeth,

⁶ ahnimouh roi teh kâpoelawknaw pueng a tarawi roi, tounhoehe lah ao teh, Cathut hmalah tamikalan lah ao roi.

⁷ Elizabeth teh carôe dawkvah ahnimouh roi teh ca tawn roi hoeh. A kum haiyah a cue poung roi toe.

⁸ Hatnavah, Zekhariah teh amae a huinaw hoi cungtalah atueng a pha tounge dawkvah, Cathut hmalah vaihma thaw a tawk lahun nah,

⁹ vaihmanaw e singyoe patetlah cunpam a khoe. Cathut e bawkim thung a kâen teh hmuítui hmai sawinae a sak.

¹⁰ Hottelah Cathut koe a sak lahun navah taminaw pueng teh alawilah a ratoum aw.

¹¹ Hatnavah Cathut e kalvantami teh Zekhariah hmalah a kamnue teh hmuitui hmaisawi thuengnae aranglah a kangdue.

¹² Zekhariah ni a hmu navah a kalue teh a taki.

¹³ Kalvantami ni Zekhariah taket hanh, nange ratoumnae teh Cathut ni a thai toe. Na yu Elizabeth teh ca tongpa a khe han, a min teh Jawhan telah na phung han.

¹⁴ Nang teh na konawm vaiteh na lunghawi han, hote ca tongpa na khe kecu dawk taminaw pueng hai a konawm aw han.

¹⁵ Bangkongtetpawiteh, ahni teh Cathut hmalah ka talue e tami lah ao han. Misurtui hoi parui kawinaw pueng net mahoeh. A manu e von thung ao nahoi Kathoung Muitha hoi akawi han.

¹⁶ Ahni ni Isarel catounnaw moikapap Cathut koe lah a kamlang sak han.

¹⁷ Ahni teh Cathut ni a tha e laicei lah ao vaiteh Profet Elijah patetlah muitha hnotithainae hoi kakawi e tami lah ao han. A napanaw hoi a capanaw kâpo sak vaiteh lawk ka ngai hoeh e taminaw hah tami kalannaw e lungangnae lam koe lah bout a hrawi han. Cathut e taminaw teh Bawipa hanelah coungekoe lah ao thai nahan kârakueng aw telah a dei.

¹⁸ Zekhariah ni kalvantami koevah hote hno a cungtethai han doeh telah bangtelah hoi maw ka panue thai han. Bangkongtetpawiteh, kai teh, ka matawng toe, ka yu hai a matawng toe telah atipouh.

19 Kalvantami ni kai teh Gabriel doeh, hete lunghawinae kamthang nang koe dei hanelah, na ka patoun e Cathut hmalah ka kangdout e doeh.

20 Nang teh kaie lawk na tang hoeh dawkvah hete hno a kuep hoehnahlan totouh lawk dei thai laipalah, na lawk a a han. Kaie ka lawk teh atueng a pha toteh a kuep han telah a dei pouh.

21 Taminaw ni Zekhariah teh ngaihawi laihoi a ring aw haw teh bangkong-maw bawkim thung atu sittouh a o vaw titeh a kângairukhai aw h.

22 Ahni teh bawkim thung hoi a tâco navah lawk a dei thai hoeh dawkvah, kamnuenae a hmu telah a panue aw h. Zekhariah teh a lawk a a dawkvah a kut khok hoi ahnimanaw koe a yavai pouh

23 Vaihma thaw a tawk e atueng abaw hnukkhu Zekhariah teh im lah a ban.

24 Hathnukkhu hoi a yu Elizabeth teh camo a neng dawkvah thapa yung panga touh imthungkh u a kamung.

25 Cathut ni taminaw e hmalah kaie yeiraiponae pueng na la pouh toe a ti.

26 Thapa yung taruk navah Cathut ni kalvantami Gabriel koe, Galilee ram Nazareth kho daw k kaawm e tangla koe a patoun.

27 Hote tangla teh Devit miphun a min Joseph ka kâphung e tami hoi kâhâ tangcoung e lah ao. A min teh Meri doeh.

28 Kalvantami ni Meri koe a tho teh na konawm haw, yawhawinae ka coe e napui nang teh Cathut ni na okhai telah atipouh.

29 Meri ni hote lawk a thai navah a lungtâsue teh hote lawk teh bangpatet e lawk maw ati teh a kâpouk.

30 Kalvantami ni hai Meri na lungpuen hanh. Nang teh Cathut koe minhmai kahawi na hmu toe.

31 Nang teh camo na neng vaiteh ca tongpa na khe han, a min teh Jisuh telah na phung han.

32 Hote capa teh ka lentoe poung e tami lah ao vaiteh Lathueng Poung e Capa telah kaw lah ao han. Cathut ni ahni teh a na pa Devit e bawitungkhung a poe han.

33 Ahni ni Jakop catounnaw hah pout laipalah a uk han. Ahnie uknaeram teh poutnae aw m mahoe h telah atipouh.

34 Meri ni kai teh tongpa hoi kâ panuenae aw mhoe h rah, hete hno heh kai koe bangtelamaw a coung thai han telah kalvantami hah a pacei.

35 Kalvantami ni Kathoung Muitha nang daw k a pha toteh Lathueng Poung e bahu nang daw k ao han. Hatdawkvah khe lah kaawm e kathoung camo hah Cathut capa telah kaw lah ao han.

36 Hothloilah cakaroe telah kaw e nange na hui Elizabeth teh camo a nengnae thapa yung taruk touh a pha toe.

37 Cathut hanelah ka coung thai hoeh e hno buet touh hai aw m hoeh telah bout a dei pouh.

38 Meri ni kai teh Cathut e a sannu doeh, Bawipa e lawk patetlah kai daw k kuep lawiseh telah a dei pouh hnukkhu kalvantami ni a ceitakhai .

Meri Elizabeth koe a pai

39 Hathnukkhu Meri ni, Judah ram mon daw k kaawm e kho buet touh daw k karanglah a cei hnukkhu,

40 Zekhariah im daw k a kâen teh Elizabeth a pato.

41 Meri ni a patonae lawk Elizabeth ni a thai navah a von thung e camo teh a kâroe. Elizabeth teh Kathoung Muitha hoi akawi teh,

⁴² nang teh napuinaw pueng hlak yawkahawipoung e lah na o. Nange na von thung kaawm e camo hai a yawkahawi e tami doeh.

⁴³ Ka Bawipa e a manu ni kai koe a pha navah yawhawinae bangkong-maw kai ni ka coe.

⁴⁴ Nange na lawk kai ni ka thai navah kaie ka von thung e camo teh a lunghawi teh a coukdouk.

⁴⁵ Bawipa ni a dei e lawk a kuep mingming han doeh telah ka yuem e napui teh a yawkahawi e doeh telah a hram laihoi a dei.

Meri ni a pholen

Isa 2:1-10

⁴⁶ Meri nihai, ka lungthin ni Cathut a pholen teh,

⁴⁷ ka muitha ni ka rungngangkung Cathut dawka lunghawi.

⁴⁸ Bangkongtetpawiteh, amamae a sannu a kârahnounmae na hmu pouh toe. Atu hoi hmalah ka tho hane a tami pueng ni a yawkahawi e tami telah na dei awh han.

⁴⁹ Athaonae hoi kakawi e Cathut ni hno kalen kai hanlah na sak pouh toe. A min teh thoung raw naseh.

⁵⁰ Cathut ka taket e taminaw teh Bawipa e pahrennae ahnimouh dawka pou kangning.

⁵¹ A kut hoi a hnotithainae teh a kamnue sak toe. Kâoupkâpawi e taminaw teh koug kathek kayak awh toe.

⁵² Bawitungkhungnaw dawka hoi khobawinaw a pabo teh, ka kârahnoun e taminaw a tawmdawm toe.

⁵³ A von kahlamnaw ka boum ca lah a paca vaiteh, katangrengnaw a kuthrawing lah a ban sak toe.

⁵⁴ Maimae mintoenaw ni a dei e patetlah,

⁵⁵ Abraham koe hoi a catounnaw koe pahrennae pou a sak hanelah a pouk teh, amae san Isarelnaw a tawmdawm toe telah atipouh.

⁵⁶ Meri teh Elizabeth koe thapa yung thum touh ao hnukkhu a ma im bout a ban.

Baptisma Jawhan khenae

⁵⁷ Elizabeth teh a khenae hnin thapa a kuep navah ca tongpa teh a khe.

⁵⁸ Cathut ni ka taluepoung e pahrennae Elizabeth koe a kamnue sak e hah imteng e a huikonaw ni a thai navah, ahni hoi cungtalaha a konawm awh.

⁵⁹ Ataroe hnin vah, camo e vuensoma hanelah, a tho awh teh, a na pa e a min Zekhariah patetlah phung hane a kâdei awh.

⁶⁰ A manu ni telah na phung mahoe, Jawhan telah na phung han atipouh.

⁶¹ Ahnimouh ni hai, nangmae miphun dawka telah min phung e tami buet touh hai awmhoeh rah atipouh awh.

⁶² Hathnukkhu, a na pa ni bangtelamaw phung han a ngai telah a pacei awh.

⁶³ A na pa ni hai calung a hei teh Jawhan telah a min a thut navah, taminaw pueng ni kângai a ru awh.

⁶⁴ Telah a thut tahma vah Zekhariah teh lawk bout a dei thai teh Cathut a pholen.

⁶⁵ Imteng kaawmnaw pueng ni a taki awh teh, hete a konglamnaw pueng teh Judah ram pueng koe koug a kamthang.

66 Ka thai e naw pueng ni a lung thung a pâkuem aw h teh, hete camo teh bangpatet e tami lah maw ao han titeh a kâpankhai aw h. Bangkongtetpawiteh Bawipa e hnotithainae teh camo hoi cungtalah ao.

Zekhariah profet lawk deinae

67 Camo e a na pa Zekhariah teh, Kathoung Muitha hoi akawi teh profet lawk a dei,

68 Isarelnaw e kahring Cathut teh yawhawinae awmseh. Bangkongtetpawiteh Bawipa ni amae a taminaw na kountouk teh ratangnae na sak pouh toe.

69 Talaivan pek kamtawng hoi amae profet kathoungnaw ni a dei e patetlah,

70 maimouh hanelah rungngangnae ki teh a sanpa Devit e catoun daw k hoi a tho sak toe.

71 Hete hloutnae teh maimouh na ka taran e naw hoi ka maithoe e naw pueng, kut daw k hoi hloutnae doeh.

72 Maimae mintoenaw koe lung na patawnae kamnue sak hane hoi,

73 maimanaw taran kut daw k hoi na rungngang vaiteh,

74 hringyung lam lungpuenna tawn laipalah thoungnae, lanna lahoi Cathut baw k thai nahan,

75 maimae na pa Abraham koe thoungnae lawk a kam e hah pahnim hoeh nahanelah doeh.

76 Camo nang, nang hai Lathueng Poug e profet telah na kaw aw h han.

77 Bangkongtetpawiteh, maimae Cathut ni yonnae a ngaithoum teh rungngangnae daw k pha thainae a kong hah, amae taminaw koe pâpho vaiteh, Cathut e lamthung rakueng hanelah, nang teh hmalah na cei han.

78 Hote pahrennae lahoi kalvan hoi kaní raeng maimouh daw k a pha teh,

79 hmonae hoi duenae tâhlip daw k kaawm e naw koe a ang vaiteh, maimouh koe roumnae lamthung na patue aw h han telah a dei.

80 Hote camo teh, a rounng takhang teh muitha thaonae hoi akawi. Isarel mipunnaw koe a kamnue hoehroukrak thingeyiyawn vah ao.

2

Jisuh khenae

1 Hatnavah Sizar Augustus ni talaivan milu parei hanelah kâ a poe.

2 Siria ram daw k Quirinius ni a uk navah, hote miilu pareinae teh hmaloe pasuek poung e lah ao.

3 Taminaw pueng teh min poe hanelah ama kho lengkaleng a ban aw h.

4 Devit e catoun lah kaawm e Joseph hoi a ham tangcoung lah kaawm e Meri teh min poe hanelah,

5 Galilee ram Nazareth kho koehoi Judah ram Bethlehem telah min poe e Devit kho lah a cei roi. Hatnavah Meri e a von thung e camo teh a tang toe.

6 Bethlehem kho ao navah, camo khe nahan hnin a kuep toung dawkvah camin teh a khe.

7 A kâhat nahane hmuen ao hoeh dawkvah, camo teh hni hoi a kayo teh maito dokko daw k a pâ i roi.

Tukhoumnaw hoi kalvan taminaw

8 Hote ram daw k, tukhoumnaw ni khohmo vah amamae tuhu hah kahrawngum vah a ring aw h.

⁹ Hatnavah Cathut e kalvantami buet touh ahnimouh koe a kamnue teh Cathut e raeng teh atengpam pheng a ang dawkvah, ahnimouh teh a lungtásue aw hah a taki aw hah.

¹⁰ Kalvantami nihai, na lungtásue aw hah hanh aw hah, taminaw pueng hane, lunghawinae kamthang kahawi nangmouh koe na dei pouh aw hah. Hote kamthang kahawi ni tami pueng lunghawinae koe a pha sak han.

¹¹ Sahnin vah, Devit kho daw k, rungngangkung Bawi Khrih teh a khe toe.

¹² Nangmouh ni bangtelah hoi maw na panue aw hah han tetpawiteh, camo teh hni hoi a kayo vaiteh maito dokko daw k a payan e na hmu aw hah han telah atipouh.

¹³ Hatnavah, kalvantaminaw hoi kalvanlae ransahu a kamnue aw hah teh, Bawipa a pholen aw hah.

¹⁴ Cathut teh lathoung poung lah bawilenna aw m lawiseh. Talai van roumnae aw m lawiseh, telah a ti aw hah.

¹⁵ Kalvantaminaw, kalvan lah a luen hnukkhu tukhoumnaw ni, maimanaw Bethlehem kho koe lah cet aw hah sei. Cathut ni na patue e hno khen a sei telah buet touh hoi buet touh a ka dei aw hah.

¹⁶ Hathnukkhu, ahnimanaw teh karanglah a cei aw hah teh, Joseph hoi Meri ni maito dokko daw k a pâ i e camo hah a hmu aw hah.

¹⁷ A hmu hnukkhu hoi amamouh ni a thai e camo e a kong hah hmuen tangkuem koe a pâpho aw hah.

¹⁸ Tukhoumnaw ni, a dei e law k kathainaw pueng ni kângai lah a ru aw hah.

¹⁹ Meri teh hote a konglamnaw pueng a pâkuem teh luepluep a pouk.

²⁰ Tukhoumnaw teh amamouh koe pâpho pouh e patetlah a hmu aw hah navah Cathut a pholen aw hah teh a ban aw hah.

Jisuh min phungnae hoi vuemsomanae

²¹ Ataroe hnin a pha navah camo teh vuensoma aw hah, camo a von hoeh nahlan vah kalvantami ni min poe e patetlah Jisuh telah a phung aw hah.

²² Hathnukkhu hoi Mosi e kâlawk patetlah kâpasu thOUNGNAE hnin a kuep navah, a manu hoi a na pa ni camo teh Jerusalem kho lah a ceikhai roi.

²³ Ca caminnaw pueng teh Cathut hanelah thOUNGSAK han telah kâlawk daw k thut tangcoung e patetlah Cathut koe a kâhnawng hnukkhu,

²⁴ Âbakhu kahni touh hoi thuengnae na sak han telah kâlawk daw k a dei e patetlah a sak aw hah.

Simeon ni pholenna

²⁵ Hatnavah Jerusalem kho daw k Simeon tie tami buet touh ao. Hote tami teh tamikalan, a law k daw k kaawm e tami, Isarelnaw hloutnae ka ngaihawi e tami lah ao. Kathoung Muitha teh ahni daw k ao.

²⁶ Ahni teh Bawipa Khrih hah na hmu hoehnahlan na dout mahoeh telah, Kathoung Muitha e pâpho pouh e ka coe e tami lah ao.

²⁷ Hatnavah, ahni teh Muitha lahoi bawkim daw k a cei teh, a manu hoi a na pa ni Camo teh kâlawk patetlah sak hanelah a hrawi roi.

²⁸ Simeon ni ahni hah a tawm teh, Cathut a pholen.

²⁹ Bawipa, na law k patetlah nange na san kai lungmawngnae ka hmu toe.

³⁰ Bangkongtetpawiteh, Bawipa e miphunaw tawmdawm hanelah hai thoseh,

³¹ Jentelnaw ang sak hanelah hai thoseh,

³² Isarel taminaw pueng hanelah rakueng tangcoung e rungngangnae teh atu ka mit hoi ka hmu toe telah a dei.

³³ Hote lawk hah Joseph hoi Meri ni a thai navah kângai lah a ru roi.

³⁴ Simeon ni ahnimanaw hah yawhawinae a poe teh, Meri koevah, hete camo teh Isarel naw moikapap rawp nahane hoi thaw nahanelah ao vaiteh, oun e lah ao nahanelah hruék e lah ao toe.

³⁵ Taminaw e pouknae pueng a kamnue nahanelah, na lungthin hai tahloi ni a sei han telah a dei.

Anna ni panuekhainae

³⁶ Asher miphun, Fanuel e canu Anna telah a min kâphung e profet napui a kum kacue e buet touh ao. Ahni teh a vâ hoi kum sari touh ao hnukkhu hoi,

³⁷ a kum, rui taroe kum pali totouh lahmai lah ao teh, ratounnae hoi rawcainae lahoi yah, khohmo khodai Cathut koe a kâpoe teh bawkim dawk ao.

³⁸ Ahni hai tang a kâen teh Cathut a pholen. Jerusalem kho dawk ratangnae kangaihawinaw pueng koe hote Como e a kong a dei pouh.

³⁹ A manu hoi na pa ni hai Cathut e kâlawk patetlah koug a tarawi hnukkhu, ama kho Galilee ram Nazareth kho lah a ban roi.

Jisuh camo navah Bawkim thung a o

⁴⁰ Camo hai a roung teh lungangnae hoi akawi. Cathut e lungmanae teh ahni dawk ao.

⁴¹ Kum tangkuem ceitakhai pawî saknae tueng a pha navah a manu hoi a na pa teh Jerusalem kho lah ouk a cei awh.

⁴² Jisuh kum hlaikahni touh a pha navah pawî e singyoe patetlah Jerusalem kho lah a cei awh teh,

⁴³ pawî a baw hnukkhu vah a manu hoi a na pa teh a ban roi nah, camo Jisuh teh Jerusalem khovah ao e hah panuek roi hoeh.

⁴⁴ A huikonaw hoi a tho mue telah a pouk dawkvah hnin touh lamcei a cei awh toe.

⁴⁵ Camo teh a huikonaw koe ao hoeh tounge dawkvah, Jerusalem kho lah bout a ban roi.

⁴⁶ Hnin thum touh a ro hnukkhu vah, Jisuh teh bawkim dawk kacangkainaw e rahak a tahung teh ahnimanaw hoi lawk kâ pacei awh e hah a manu hoi a na pa ni a hmu roi.

⁴⁷ Jisuh e lungangnae hoi panuena lawk ka thai e naw pueng ni a kângairu awh.

⁴⁸ A na pa yuvâ ni ahni teh a kâhmo navah, a kângairu roi. A manu niyah ka cã bangkongmaw kaimouh roi koe telah koe na o. Na pa kaimouh roi ni ka puen roi dawkvah na tawng roi atipouh.

⁴⁹ Jisuh ni bangkongmaw kai khuek na tawng roi vaw, kai teh a Pa e im dawk ka o han tie hah na panuek hoeh na maw.

⁵⁰ Hateiteh, Jisuh ni a dei e a manu hoi a na pa ni thai panuek roi hoeh.

Cathut hoi tami hmalah minhmai kahawi hmunae

⁵¹ Hattoteh Jisuh ni ahnimouh koe a cei van teh Nazareth kho a pha navah a manu hoi a na pa e kâ a ngai pouh. A manu ni teh hete a konglammaw pueng a lungthin dawk khik a pâkuem.

⁵² Jisuh teh thouthai lungangnae dawk a rounge teh, Cathut hmalah hoi tami hmalah, minhmai kahawi a hmu.

3

*Baptisma kapoekung Jawhan**Mat 3:1-10; Mrk 1:3-5*

¹ Tiberia Siangpahrang kum hrahlaipanga touh bawi a tawk navah Pontius Pailat teh Judah ram dawк ukkung bawi a tawк. Galilee ram dawк Herod, Iturea hoi Trakhonitis ram dawк Herod e a nawnggha Filip, Abilen ram dawк Lisaniat telah khobawi lah lengkaleng a tawк awh.

² Annas hoi Kaiaphas teh vaihma kacue a tawк roi nah, Cathut e lawк teh kahrawngum kaawm e Zekhariah capa Jawhan koe a pha.

³ Profet Isaiah e cauk dawк a thut e patetlah kahrawngum hramkhai e lawк teh, Cathut tho nahan lam rasoun awh.

⁴ Lamthungnaw palan awh. Ravonaw paten awh. Karasangnaw hah rahnoum sak awh. Ka lawngkoi e lamthungnaw palan awh.

⁵ Lam kamathoutnaw rasoun awh.

⁶ Taminaw pueng ni Cathut e rungangangnae a coe awh han ati e patetlah, Jawhan teh Jordan tui koe a tengpam a kâhlai teh, yon pankângainae Baptisma kong a hramkhai.

⁷ Hatnavah, tui baptisma ka coe hanelah ka tho e tamihunaw koe, Jawhan ni lawк a dei e teh, tahrûn catounnaw ka tho hane lawкcengnae dawк hoi, na hlout thai nahanelah apinimaw kâhruetcuetnae na poe awh vaw.

⁸ Pankângainae hoi kamcu e hno tarawi awh. Abraham teh maimae na pa telah na lungthung pouк awh hanh. Atangcalah na dei pouh awh. Cathut ni hete talung dawк hoi Abraham e catounnaw a tâco sak thai.

⁹ Thingkung koe cakâ sut pangawi lah ao toung dawкvah, a paw kahawi ka paw hoeh e a kung pueng teh ka tâtueng vaiteh hmai dawк koug ka phum han telah a dei.

¹⁰ Tami kamkhuengnaw ni telah pawiteh kaimouh ni bangtelamaw ka sak awh han telah a pacei awh navah,

¹¹ Jawhan ni angki yung hni touh ka tawn e ni ka tawn hoeh e rei naseh. Ca han ka tawn e ni hot patetlah sak van na seh telah bout atipouh.

¹² Tamuk kacawngnaw baptisma coe hanlah a tho awh teh, saya kaimanaw ni bangtelamaw ka sak awh han telah a pacei awh navah,

¹³ nangmae na Bawipa ni na cawng sak e a hloilah cawng awh hanh atipouh.

¹⁴ Ransa thaw katawknaw ni hai kaimouh ni bangtelamaw ka sak awh han telah a pacei awh navah, Jawhan ni apipatet koe hai, ka kamsoum hoeh lahoi tangka lawm awh hanh, het awh hanh awh, na hmu e kutphu dawк na lungkuep awh, telah atipouh.

¹⁵ Taminaw ni a ngaihawi awh teh Jawhan heh Messiah han vaimoe telah a pouк awh.

¹⁶ Jawhan ni hai kai ni nangmanaw teh tui dawк doeh baptisma na poe awh. Hatei kai hlak kalen e a tho han. Ahnie khokkhawm rui patenghai rading pouh hane lah ka kamcu hoeh. Ahni ni nangmanaw teh Kathoung Muitha hoi hmai dawкvah Baptisma na poe awh han.

¹⁷ Ahni teh a kut dawк para a patuep teh, katin taingcoung e cakang a hut sak dawкvah, cataknaw teh capai dawк a cui sak vaiteh, cahiknaw teh ka roum thai hoeh e hmai dawк a phum han atipouh.

¹⁸ Hottelah alouke kamthang kahawi aphunphun lahoi a pâpho pouh.

¹⁹ Hathnukkhu hoi Herod bawi ni a nawnggha e a yu Herodias hoi thoseh, amae payonpakainae puenghoi thoseh, Jawhan ni a pâpho pouh teh a yue.

²⁰ Jawhan hah thongim rek a paung dawkvah, Herod teh ahmaloe e yon van hete yonnae hoi rek a kâthap.

Jisuh Baptisma coenae

Mat 3:13-17

²¹ Taminaw pueng ni baptisma a coe navah Jisuh hai baptisma a coe teh ratoum lahun navah, kalvan a kamawng teh,

²² Kathoung Muitha teh âbakhu patetlah Jisuh van a cu teh, nang teh ka pahren poung e hoi ka lungkuep e capa doeh telah, kalvan lahoi lawk a tho.

²³ Hatnavah Jisuh teh a kum 30 kalekkalak a pha. Taminaw e hmunae pouknae lahoi teh Jisuh na pa teh Joseph,

²⁴ Joseph na pa Heli, Heli na pa Matthat, Matthat na pa Levih, Levih na pa Melkhi, Melkhi na pa Jannaï, Jannaï na pa Joseph.

²⁵ Joseph na pa teh Mattathias, Mattathias na pa Amos, Amos na pa Nahum, Nahum na pa Esli, Esli na pa Naggai,

²⁶ Naggai na pa Maath, Maath na pa Mattathias, Mattathias na pa Shimei, Shimei na pa Josek, Josek na pa Joda,

²⁷ Joda na pa Joanan, Joanan na pa Resa, Resa na pa Zerubbabel, Zerubbabel na pa Shealtiel, Shealtiel na pa Neri,

²⁸ Neri na pa Melkhi. Melkhi na pa Addi, Addi na pa Kosam, Kosam na pa Elmadam, Elmadam na pa Er,

²⁹ Er na pa Joshua, Joshua na pa Eliezer, Eliezer na pa Jorim, Jorim na pa Matthat, Matthat na pa Levih,

³⁰ Levih na pa Simon, Simon na pa Judah, Judah na pa Joseph, Joseph na pa Jonan, Jonan na pa Eliakim,

³¹ Eliakim na pa Melea, Melea napa Menna, Menna na pa Mattatha, Mattatha na pa Nathan, Nathan na pa Devit,

³² Devit na pa Jesi, Jesi na pa Obed, Obed na pa Boaz, Boaz na pa Salmon, Salmon na pa Nahshon,

³³ Nahshon na pa Amminadab, Amminadab na pa Aram, Aram na pa Hezron, Hezron na pa Perez, Perez na pa Judah.

³⁴ Judah na pa Jakop, Jakop na pa Isak, Isak na pa Abraham, Abraham na pa Terah, Terah na pa Nahor,

³⁵ Nahor na pa Serug, Serug na pa Reu, Reu na pa Peleg, Peleg na pa Eber, Eber na pa Selah.

³⁶ Selah na pa Kainan, Kainan na pa Arphaxad, Arphaxad na pa Shem. Shem na pa Noah, Noah capa Lamek,

³⁷ Lamek na pa Methuselah, Methuselah capa Enok, Enok na pa Jared, Jared na pa Mahalaleel, Mahalaleel na pa Kainan,

³⁸ Kainan na pa Enok, Enok na pa Seth, Seth na pa Adam, Adam na pa Cathut.

4

Jisuh tacueknae

Mat 4:1-11; Mrk 1:12,13

¹ Jisuh teh Kathoung Muitha hoi akawi teh, Jordan tui koehoi a ban navah, Muitha ni kahrawngum vah a hrawi.

² A hnin 40 touh thung rawca cat laipalah Kahraimathout e tacueknae a kâhmo teh hote tueng aloum hnukkhu a von a hlam.

³ Hatnavah, Kahraimathout ni Bawipa nang teh Cathut e capa katang pawiteh hete talung heh vaiyei lah a coung nahanlah kâ poe haw.

⁴ Jisuh ni hai tami teh vaiyei hoi dueng hring hoeh. Cathut e lawk hoi kâkawh han telah Cakathoung dawh a dei atipouh.

⁵ Kahraimathout ni mon ka rasang poung koe Jisuh hah bout a hrawi teh, het talaivan uknaeram pueng dawngdengca a pätue teh,

⁶ Hete kâtawnnae pueng kai koe koung na poe toe, kai ni poe han ka ngai e tami teh ka poe thai dawkvah Bawipa, nang hai na poe thai.

⁷ Kai na bawh pawiteh, hetnaw pueng nange hnopai lah koung a coung han telah atipouh.

⁸ Jisuh ni, nang Setan, kaie ka hnuklah kâhnawnh. Bawipa na Cathut doeh nang ni na bawh han, hote Cathut dueng doeh na pholen han telah Cakathoung dawh a kâthut.

⁹ Ahni ni Jisuh teh Jerusalem kho dawh bout a hrawi teh bawkim lemphu som dawh a kangdue sak hnukkhu,

¹⁰ Cakathoung dawh a thut e patetlah nang ka tawm hanelah kalvantaminaw nang hanelah a ta toung dawkvah,

¹¹ nange na khok teh talung dawh na hmang hoeh nahanelah, a kut hoi na tawm awh han telah a dei. Hatdawkvah, nang teh Cathut e ca katang lah na awm pawiteh, hete a som dawh hoi tâtawt haw atipouh.

¹² Jisuh nihai, Cakathoung dawh a thut e patetlah na Cathut teh tanouktacak hanh telah bout atipouh.

Nazareth kho Jisuh pahawtnae

¹³ Telah Kahraimathout ni a tacuek hnukkhu Jisuh koehoi a tâco.

¹⁴ Hathnukkhu hoi Jisuh teh Muitha hoi akawi teh Galilee ram lah a ban. A kamthang teh kho tengpam pueng koe koung a ka kâhei.

¹⁵ Sinakoknaw pueng dawh a cangkhai teh, taminaw pueng ni Bawipa teh a pholen awh.

Galilee ram thaw tawhnae

¹⁶ A onae Nazareth kho dawh bout a pha navah singyoe patetlah Sabbath hnin vah sinakok thung a kâen teh Cakathoung touk hanelah a kangdue.

¹⁷ Ahni koe profet Isaiah e cakalawng a poe awh teh, a kadai navah a hmu e ca teh,

¹⁸ Cathut e Muitha teh kai dawh ao.

¹⁹ Bangkongtetpawiteh, karoedengnaw koe kamthang kahawi dei hanelah kai hah satui na awi toe. A lungkareknaw dam sak hanelah, sannaw hlout sak hanelah, mitdawnnaw mit bout ang sak hanelah, rektap kaxhangnaw hlout sak hanlah kai teh Cathut e kamthang kahawi dei hanelah na patoun toe telah a tho.

²⁰ Sinakok ka ring koe cauk bout a poe teh a tahung. Athung kaawm e naw pueng ni Bawipa teh takuethuet a khet awh.

²¹ Jisuh ni nangmouh ni na thai awh e patetlah Cakathoung dawh a thut e lawk teh atu a kuep toe telah a ti.

²² Taminaw pueng ni Bawipa a oup awh teh, a dei e lawk hah a kângairukhai awh. Hete tami teh Joseph e capa nahoehmaw ati awh.

²³ Jisuh nihai, nang tâsibawi na patawnae dam sak haw telah ouk na dei awh, kaimouh ni kamthang ka thai e patetlah nang ni Kapernuam kho dawh hno na sak e naw hah ama kho dawh hai bout sak haw telah kai hai bout na ti awh han. Hatei, kai ni atangcalah ka dei e teh,

²⁴ apipatet e profet hai, ama onae kho dawh, minhmai kahawi hmawt bawi hoeh.

²⁵ Lawkkatang bout ka dei e teh, profet Elijah se nah a kum kum thum tangawn totouh kalvan a khan pouh teh, khoram thung puenghoi canei a takang navah, Isarel miphun dawk lahmai napui moi ao.

²⁶ Hateiteh, Sidon ram Zarephath kho dawk e lahmai napui buet touh koe dueng doeh Elijah teh a patoun.

²⁷ Profet Elisha se na haiyah, Isarel miphun dawk ka hrikbei e tami moikapap ao. Hateiteh Siria tami Naaman buet touh dueng ni doeh thOUNgnae a hmu telah atipouh.

²⁸ Sinakok thung kaawm e taminaw pueng ni hote lawk a thai awh navah a lung puenghoi a khuek awh.

²⁹ Hahoi a thaw awh teh, kho alawilah Jisuh a sawn awh, monsom lungha dawk hoi tanawt hanelah Jisuh teh a hrawi awh.

³⁰ Hatei Jisuh ni ahnimouh rahak hoi alouklah a kâ takhoe .

Muitha kathout pâleinae

Mrk 1:21-28

³¹ Galilee ram Kapernuam kho dawk a pha navah, Sabbath hnin dawk cangkhaeinae a tawn.

³² Kâtawnnae lahoi, a cangkhai dawkvah, a cangkhai e lawk hah tamimaya ni a kângairukhai awh.

³³ Hote sinakok thung kahraimathout ni a man e tami buet touh ao.

³⁴ Oe! Nazareth tami Jisuh, nang teh kai hoi bangmaw na kâkuet. Kai na raphoe hanelah maw na tho. Nang apimaw tie na panue nang teh Cathut e kathoungpoung tami doeh telah puenghoi a hram.

³⁵ Jisuh ni a yue teh, duem awm! Hote tami thung hoi tâcawt telah, kâ a poe navah, kahraimathout ni hote tami teh taminaw e alungui vah a rawp sak teh, runae poe laipalah a tâco takhai.

³⁶ Taminaw pueng ni a kângairu awh teh, hete lawk heh bangpatete lawk ma aw, kakhine muithanaw hah bahu hoi kâtawnnae lahoi kâ a poe teh kOUNg a tâco awh bo aw, telah buet touh hoi buet touh a kâpankhai awh.

³⁷ Hote a kamthang teh kho tengpam pueng koe kOUNg a kamthang.

Tami kapap a dam saknae

³⁸ Sinakok thung hoi a tâco hnukkhu Simon e a masei napui puenghoi a pataw dawkvah Jisuh teh a kaw awh.

³⁹ Jisuh ni hote napui teng a kangdue teh, patawnae hah a yue navah, ahni teh tang a dam teh Jisuh a khetyawt.

⁴⁰ Kanî a khup navah taminaw ni patawnae aphunphun ka tawn e taminaw Jisuh koevah a hrawi awh. Jisuh ni ka pataw e taminaw pueng dawk kut a toung teh a dam sak.

⁴¹ Kahraituilinaw nihai, Jisuh teh Cathut Capa doeh ati awh teh, a hramki teh taminaw koehoi a tâco awh. Kahrai, muitha kathoutnaw ni hai Jisuh teh a panue dawkvah Jisuh ni hai ahnimanaw lawk kam touh boehai dei sak hoeh.

⁴² Khodai navah kahrawngum a cei teh, taminaw ni Jisuh teh a tawng awh. Ahni koe a pha awh navah, ahnimouh koehoi alouklah bout cei hoeh nahanlah a cakâ awh.

⁴³ Jisuh ni hai Cathut uknaeram hoi kâkuen e kamthang kahawi teh alouke khoram dawk kai ni ka dei han.

⁴⁴ Hot hanelah doeh kai na patoun telah a dei pouh hnukkhu Galilee ram lae sinakoknaw dawk kamthang kahawi a pâpho.

5

Hmaloe a hnuk kâbangnaw
Mat 4:18-24; Mrk 1:16-20; Jhn 1:40-42

¹ Hnin touh hnin vah Gennesaret tali teng Jisuh a kangdue navah tamihunaw ni Cathut e lawk thai hanelah Jisuh koevah a tho aw. h.

² Jisuh ni tuirai lah ka kâhat e long kahni touh a hmu. Tangakamankung-naw teh long daw. k hoi a kum teh tamlaw. k a pâsu aw. h.

³ Hote longnaw thung daw. k e Simon e long thung a kâen teh, long tahr. uet haw telah atipou. h. Hote long daw. k a tahung teh, taminaw hah a cangk. hai.

⁴ A pâbaw hnukk. hu vah, tui adung. nae koe lah bout tahr. uet ei, tamlaw. k kadai nateh tanga heng ei telah Simon koe kâ a poe.

⁵ Simon ni hai Bawipa kaimanaw ni karum tuett. uet ka heng aw. h toe. Hatei, buet touh hai ka man aw. h hoeh. Hatei nang ni kâ na poe e patet. lah ka heng han atipou. h.

⁶ A dei e patet. lah a heng navah tanga moikapap a kâman teh tamlaw. k meimei a kâphi.

⁷ Alouke long daw. k kaaw. m e a huikonaw kabaw. p hanelah a kaw. Huikonaw a tho aw. h teh long kahni touh daw. k tanga a pâseng aw. h navah tanga teh yikkaw. i teh long teh tui daw. k meimei a bo.

⁸ Simon Piter ni a hmu navah, Jisuh e a khok koe a tabo teh, Bawipa kai teh tamikayon doeh, Kai na cettak. hai leih atipou. h.

⁹ Bangkongmaw telah a dei pou. h tetpaw. iteh a man e tanganaw a khet navah a huikonaw Zebede e capa Jem hoi Jawhan, Simon hoi kaaw. m e taminaw teh a kângairu aw. h.

¹⁰ Jisuh ni taket aw. h han. h, nang teh atu hoi tami kamankung lah na coung sak han telah atipou. h.

¹¹ A kongteng lah long a hruek aw. h hnukk. hu, ahnimanaw ni a tawn aw. h e pueng koung a ceitak. hai aw. h teh a hnuk a kâbang aw. h.

Ka hrikbei e tami thoung. nae
Mat 8:2-4; Mrk 1:40-44

¹² Bawipa teh kho buet touh daw. k ao navah a takbuem lah ka hrikbei e tami buet touh ni a hmu navah a tabo teh, Bawipa na panki paw. iteh kai na thounsak haw atipou. h.

¹³ Jisuh nihai, kai ni na panki, thoung law. ih atipou. h. A kut a dâw teh hote tami teh a tek tahma vah tang a dam.

¹⁴ Jisuh ni hete kong api koehai dei han. h lah a atipou. h. Vaihmanaw koe cet nateh kâpâtue. h, hahoi na dam. nae hah law. kpanuesak. nae lah ao nahan, Mosi e kâ poe e patet. lah thueng. nae hah poe haw, atipou. h.

¹⁵ Hatei hote kamthang teh hoe a kamthang daw. kvah tamihupui teh a law. k thai hane daw. k hai those. h, patawpanat. nae dam han ngai daw. k hai those. h, a kamkhueng aw. h.

¹⁶ Hatei Jisuh teh kahrawngum a cei teh a ratou. m.

Kamkhuen e tami dam sak. nae
Mat 9:2-6; Mrk 2:1-12

¹⁷ Hnin touh hnin vah Jisuh ni cangk. hainae a tawn navah, Jerusalem kho, Judah ram hoi Galilee ram daw. k e kaaw. m e Farasinaw hoi cakathutkung. naw a tahung aw. h teh, pataw. nae dam sak hanelah Cathut e hnotithainae teh Jisuh daw. k ao.

18 Hatnavah a kutkhok kamkhuen e tami buet touh Jisuh koe a thokhai awh teh, aonae koe phakhai hanelah a panki awh.

19 Hatei tami muen akawi teh kâen nahane lamthung a pâphawng awh hoeh dawkvah, Jisuh a onae tueng koe lempu a rake awh teh phailei dawkw hoi a pabo awh.

20 Jisuh ni hotnaw e a yuemnae a hmu navah, ka kamkhuen e tami hanlah, ka ca na yonnae teh ngaithoum lah o toe atipouh.

21 Cakathutkungnaw hoi Farasinaw ni hat e tami ni bangkongmaw Cathut pathoenae lawk a dei. Cathut hloilah apimaw yon ka ngaithoum thai telah a lungthung hoi ati awh.

22 Jisuh ni ahnimae lungthin thung a pouknae a panue dawkvah bangkongmaw telah na pouk awh.

23 Bang lawk maw dei ka yawihnawn, na yon ngaithoum lah ao toe tie maw dei kayawi, thaw nateh cet leih tie maw ka yawihnawn.

24 Tami Capa teh talai van dawkw yon ngaithoum thainae kâ a tawn tie a panue thai awh nahan thaw leih, phailei kalawng nateh, nama im cet leih telah ka kamkhuen e koe a dei pouh.

25 Hote tami ni hai taminaw pueng e hmalah tang a thaw teh, amae phailei a kalawng teh Cathut pholen laihoi ama im vah a cei.

26 Tami pueng a kângairu awh teh, maimanaw ni kângairunae atu hmu awh toe telah a dei awh teh Cathut a pholen awh.

Levih kawnae

Mat 9:9-13; Mrk 2:14-17

27 Hathnukkhu hoi Jisuh teh a cei navah tamuk ka cawng e Levih, im dawkw ka tahung e a hmu navah ka hnukkâbang atipouh.

28 Hote tami hai a tawn e naw pueng a ceitakhai teh a hnuk a kâbang.

29 Hot hnukkhu hoi, Levih ni Jisuh hanelah ama im dawkw pawl kalenpoung a sak teh, tamuk kacawngnaw hoi alouke a hnukkâbangnaw teh cungtalah bu rei a ca awh.

30 Cakathutkungnaw hoi Farasinaw ni bangkongmaw tamuk ka cawng, tami kahawihoehnaw hoi bu rei a canei awh vaw telah a hnukkâbangnaw koe a phuenang awh.

31 Jisuh nihai, a tak kadamnaw ni tâsibawi panki hoeh, kadamhoehnaw ni dueng doeh tâsibawi a panki awh.

32 Tamikalannaw kaw hanelah ka tho hoeh, tamikayonnaw pankângai hanelah doeh ka tho atipouh.

Rawcahai e paceinae

Mat 9:14-17; Mrk 2:18-22

33 Tami tangawn ni Jawhan hnukkâbangnaw hoi Farasinaw teh, rawca a hai awh teh pou ratoum awh hoeh maw. Bangkongmaw Bawipa nange na hnukkâbangnaw teh rawca a hai awh hoeh vaw, telah a pacei awh.

34 Jisuh ni yu kalatkung teh a huikonaw hoi cungtalah ao navah rawca ouk a hai boimaw.

35 Hatei yu kalatkung teh a huikonaw hoi kapek teh lanae tueng ka phat han. Hat torei teh, ahnimanaw hai rawca a hai awh van han.

36 Bangnuenae lahoi a dei pouh e teh, angki ka pawn e hah lukkarei katha e hoi bo boihoeh. Hottelah bo pawiteh lukkarei katha e ni kapawn e hoehoe a kâphi sak han.

37 Hot patetvanlah, misurtui katha e hah karuem e phaivuen um dawkw hlun boihoeh. Hottelah hlun pawiteh misurtui katha e ni phaivuen um karuem e hah tangpawkw sak vaiteh atui hoi a um a rawk han.

³⁸ Misurtui katha e teh phaivuen um katha dawk hlun pawiteh kahni touh hoi a cuem han.

³⁹ Karuem e misurtui ka net tangcoung e tami teh a katha e misurtui tang net ngai hoeh, a karuem e misurtui hoe atui e a panue dawkvah, telah atipouh.

6

Sabbath bawi

Mat 12:1-14; Mrk 2:23—3:6

¹ Sabbath hnin vah Jisuh teh catun law dawk a cei navah, a hnukkâbangnaw ni catun vui a pahroe awh teh a kut hoi a kanawi teh a ca awh.

² Hatnavah, Farasinaw ni sabbath hnin dawk sak hoeh hane kawi hno bangkongmaw na sak awh, telah a pacei awh.

³ Bawipa ni, Devit ni a huikonaw hoi a vonhlam navah,

⁴ Cathut e imthung a kâen teh vaihmanaw dueng ni a cakawi e vaiyei hah a ca teh, a huikonaw hai a poe e hah vai touh boehai na touk boi awh hoeh maw.

⁵ Hothloilah tami Capa teh sabbath Bawi lah ao atipouh.

Kamkhuen e a dam sak

⁶ Alouke Sabbath hnin dawk, Jisuh teh, sinakok thung a kâen teh cangkhaïnae a tawn navah aranglae kut kamkhuen e tami buet touh ao.

⁷ Sabbath hnin vah, ahnie patawnae a dam sak han maw, dam sak mahoeh maw tie hah cakathutkungnaw hoi Farasinaw ni Jisuh yon a pen thai awh nahanlah a tuet awh.

⁸ Jisuh ni ahnimae a pouknae a panue dawkvah, a kut ka kamkhuen hanelah, alungui kangdout haw atipouh e patetlah hote tami ni, a kangdue.

⁹ Jisuh ni hai kai ni nangmanaw lawk na pacei awh han. Sabbath hnin dawk bang hno maw sak kawi, hnokahawi maw, hno kathout maw sak han. Hringnae rungngang han maw, thei han maw, telah rangpuinaw a pacei.

¹⁰ Hahoi, tamimaya e tengpam a khet teh na kut dâw haw atipouh navah, ahni ni a kut a dâw teh avanglae kut patetlah bout ao.

¹¹ Tamimaya teh puenghoi a lungkhuek awh, Jisuh hah bangtelamaw ti awh han telah a kâpankhai awh.

Guncei hlaikahni

Mat 10:2-4; Mrk 3:16-19; Gun 1:13

¹² Hatnae tueng dawk, Bawipa teh ratoum hanelah mon dawk a luen teh, Cathut koe karum tuettuet a ratoum.

¹³ Khodai toteh gunceinaw a kaw teh,

¹⁴ Piter telah min katha poe e Simon hoi a nawngha Andru, Jem hoi Jawhan, Filip hoi Bartholomew

¹⁵ Mathai hoi Thomas, Alfe capa Jem hoi Zealot telah kaw e Simon (Zealot tinae teh miphun kampangkhai tinae doeh).

¹⁶ Jem e a nawngha Judah hoi Jisuh kâyawt e Judah Iskariot, hote tami hlaikahni touh a rawi teh Guncei telah min a poe.

Taminaw dam saknae

Mat 5:3-12

¹⁷ Ahnimanaw hoi cungtalah, Bawipa teh mon hoi a kum teh tanghling dawk a kangdue. Lawk thai han kangainaw hoi dam han kangainaw pueng teh Jerusalem kho lahoi thoseh, Judah ram, tui teng kaawm e

naw, Taire hoi Sidon kho, avoivang lahoi ka tho e naw pueng teh a hnukkâbangnaw hoi cungtalah ao awh.

¹⁸ Kakhine muithanaw ni a pacekpahlek e naw pueng hai a tho teh a dam awh.

¹⁹ Bawipa e thung hoi bahu a tâco teh, taminaw pueng a dam sak dawkvah tamimaya ni Bawipa tek hanlah a panki awh.

A yawkahawinaw

²⁰ Hatnavah Jisuh ni a hnukkâbangnaw koe lah a kamlang teh, ka mathoe e nangmanaw teh na yawhawi awh. Bangkongtetpawiteh Cathut uknaeram teh nangmae ram doeh.

²¹ Nangmanaw atu von ka hlam e naw na yawhawi awh. Bangkongtetpawiteh, na von a paha awh han. Atu ka kap e nangmanaw teh na yawhawi awh. Bangkongtetpawiteh, na panui awh han.

²² Tami Capa kecu dawkwah taminaw ni nangmanaw na hmuhma awh han, na pahnawt awh han, thoe na bo awh nah na yawhawi awh.

²³ Hatnae tueng nah, na konawm awh. Lunghawinae lungthin hoi doukcouk awh. Bangkongtetpawiteh kalvan vah nangmouh ni na hmu hane tawkpou a len poung. Ahnimae mintoenaw ni hai profetnaw hah hottelah doeh ati awh.

A yawkathoutnaw

²⁴ Hatei ka bawi tangrengnaw na yawthoe awh. Bangkongtetpawiteh nangmouh teh atu na lungkuep awh toe.

²⁵ Von kapahanaw nangmouh teh na yawthoe awh. Bangkongtetpawiteh nangmouh teh na vonhlam awh han. Atu na kapanuinaw na yawthoe awh, nangmouh teh na khuika awh han.

²⁶ Ayânaw ni na lunghawikhai nah, na yawthoe awh. Bangkongtetpawiteh, ahnimae a na mintoenaw ni profetkaphawknaw hah hottelah doeh ati awh.

Na taran lungpataw

Mat 5:39-42

²⁷ Ka lawk ka thai naw, nangmouh koe ka dei e teh na tarannaw lungpataw awh, nangmouh ka maithoe e naw koe ahawinae sak awh.

²⁸ Nangmouh thoe na ka bo e naw yawhawinae poue awh. Na ka pacekpahlek e naw hanelah ratoum pouh awh.

²⁹ Na hmaibei vang tambei pawiteh avanglae bout patueng pouh awh. Na hni ka lat e tami hah angki bout poue sin awh.

³⁰ Nang koe ka hete pueng hah poue awh. Na hno ka lawm e tami koe bout het hanh lawi.

³¹ Ayânaw ni nang koe sak sak na ngai e patetlah ayânaw koe sak van awh.

³² Nangmouh lungpataw e dueng na lungpataw awh pawiteh bangmaw apu kaawm. Tami kahawihoehnaw ni pateng amamouh lungpataw e taminaw hah bout a lungpataw awh nahoehmaw.

³³ Nangmouh koe ahawinae ka sak dueng na pathung awh pawiteh bangmaw apu kaawm. Tami kahawihoehnaw ni patenghai hottelah ngoun teh a sak awh nahoehmaw.

³⁴ Bout hmu han doeh ti ngaihawi lahoi ayânaw hno na cawi sak pawiteh, nangmouh dawkwah hane kawi bangmaw kaawm han. Tami kahawihoehnaw pateng bout hmu hane ngai dawkwah buet touh hoi buet touh telah a kâ cawi awh hoeh na maw.

35 Nangmouh ni na tarannaw lungpataw awh. Hnokahawi sak pouh awh. Hno buetbuet touh bout ka hmu han doeh ti ngaihawinae tawn laipalah hno cawi sak awh. Hottelah na sak pawiteh nangmouh ni tawkpouh na hmu awh hane teh a lenpoung vaiteh, ka rasang poung e Cathut ca lah na coung awh han.

36 Nangmae na Pa teh pahrennae a tawn e patetlah nangmouh hai pahrennae tawn awh.

Ayâ lawkceng hanh

Mat 7:1-5

37 Ayânaw e hno a kâhmo e dawck lawk ceng awh hanh. Telah na tet hoehpawiteh lawkcengnae dawck hoi na hlout awh han. Ayânaw yon pen awh hanh, na pen awh hoehpawiteh yonpennae dawck hoi na hlout awh han. Ayânaw e yon ngaithoum awh, hottelah na sak awh pawiteh nangmae yon hai ngaithoum lah ao han.

38 Ayânaw hah poe awh, na poe pawiteh ayânaw ni bout na poe awh han. Khuecue nue laihoi, padep laihoi, karuek laihoi, puk kacawi lah, na poe awh han. Bangkongtetpawiteh ayânaw na poe e patetlah bout na hmu awh han.

39 Hathnukkhu hoi bangnuenaeh lah mit ka dawn ni mit ka dawn teh lam a hrawi thai han maw. Kahnihouh hoi tangkom dawck bawt roi mahoe h maw.

40 A hnukkâbang e tami teh kacangkaikung hlak talue hoe h. Hatei, kakueplah ka kamtu e a hnukkâbang e naw pueng teh kacangkaikung patetlah ao han.

41 Namae mit dawck e thingtaboung na pouk laipalah, hmaunawngaha e mit dawck e songnawng khuek na hmu pouh.

42 Namae mit dawck e thingtaboung na hmawt laipalah, na hmaunawngaha e mit dawck e songnawngca cawngkhawi hanlah khuek na panki awh vaw. Tami kahawi lah na kâsak e tami, namae mit dawck e thingtaboung hmaloe cawngkhawi ei. Hathnukkhu na hmaunawngaha mit dawck e sonawngca cawngkhawi hanelah kacaicalah na hmu han.

A kung hoi a paw

Mat 7:16,18,20

43 A paw kahawi ka paw hoe h e thingkung teh a kung kahawi na hoe h.

44 A paw khet laihoi a kung nout thai lah o. Pâkhingkung dawck thaibunglung paw ouk khi boi hoe h. Pâkhing dawck misurpaw khi boi hoe h.

45 Tami kahawi ni hno kahawi, lungthin thung hoi ouk a tâcokhai. Tami kathout ni hno kathout amae lungthin thung hoi ouk a tâcokhai. Bangkongtetpawiteh, lungthin thung ka poum e patetlah a kâko hoi ouk a dei.

Im ka sak e tami kahnihouh bangnuenaeh

Mat 7:24-27

46 Kaie kâlawk na tarawi laipalah, Bawipa, Bawipa telah na kaw a vaw.

47 Kai koe ka tho niteh, ka lawk a thai e patetlah ka tarawi e tami teh, bangpatet lah maw ao tie na panue sak han.

48 Im a sak navah, lungsong dawck khomkhu kadung poung lah ka tapu ni teh adu ka pabawt e hoi doeh a kâvan. Tui capa a thaw navah lungsong van im a sak dawkvah kâhuen thai hoe h.

⁴⁹ Kaie lawk ka thai ni teh ka tarawi hoeh e tami teh, talai dawk im ka sak e hoi doeh a kâvan. Tuicapa a thaw toteh tuicapa ni a suk toteh reppasei lah a kamko telah a cangkhai.

7

Ransabawi buet touh e yuemnae

Mat 8:5-13

¹ Jisuh ni taminaw koe cangkhai nae a pâbaw hnukkhu, Kapernuam kho thung a kâen.

² Hote kho dawk ransabawi e a san a pataw teh due hane coungkacoe lah ao.

³ Hote tami teh a bawipa ni a pahren poung. Jisuh e a kamthang a thai navah, Judahnaw dawk e kacuenaw hah a sanpa dam sak hanelah Jisuh koe a patoun.

⁴ Jisuh koe a pha awh navah, Bawipa ahni hanelah hete hno na kabawp hanelah atueng.

⁵ Bangkongtetpawiteh ahni ni kaimae miphun a pahren dawkvah sinakok na sak pouh toe telah pahrennae puenghoi a kâhei.

⁶ Jisuh teh ahnimouh hoi cungtalah a cei. Ransabawi e im koe a pha tawmlei navah, ransabawi ni a huikonaw a patoun teh, Bawipa namahoima patangnae sak han loe. Kaie imthungkhu nang na kâen hane kamcu hoeh.

⁷ Hot patetlah nang koe ka tho hanelah ka kamcu hoeh. Lawk kam touh mah na dei pawiteh ka san teh a dam han doeh.

⁸ Bangnuenaeh lah, kai teh kâtawnnae rahim thaw ka tawk e tami buet touh lah ka o eiteh, ka kut rahim e ransanaw buet touh cet ka tetpawiteh a cei han. Tho ka tetpawiteh a tho han. San haiyah hete thaw tawk ti boum teh a tawk telah ransabawi ni atipouh.

⁹ Hote lawk Jisuh ni a thai navah a kângairu teh, a hnukkâbangnaw koe a kamlang teh, nangmouh koe na dei pouh awh. Het patetlah yuemnae ka tawn e Isarelnaw dawk pateng hai kahmawt boihoeh rah atipouh.

¹⁰ Ransabawi ni a patoun e naw im bout a pha navah, ka dam e a sanpa teh a hmu awh.

Lahmainu e capa bout thaw saknae

Mat 5:21-24,35-43; Jhn 11:1-44

¹¹ A tangtho hnin vah, Nain kho dawk a cei teh a hnukkâbangnaw hoi tamihupui teh a hnuk a kâbang awh.

¹² Kho thung e longkha koe a pha navah, lahmainu ni a capa buet touh dueng a tawn e kadout e ro pakawp hanelah kho alawilah a tâcokhai navah kho thung e taminaw hai a kâbang awh.

¹³ Bawipa ni hote napui a hmu navah a pahren teh, kap hanh telah atipouh.

¹⁴ Hathnukkhu, Jisuh ni a hnai teh, ro hrawmnae ratang a tek teh ka hrawm e taminaw a kâhat awh. Bawipa ni nange thoundoun thaw leih, kai ni kâ na poe telah atipouh.

¹⁵ Ka dout e tami teh a tahung teh lawk a tho. Jisuh ni hote tami hah a manu koevah a poe.

¹⁶ Taminaw poung ni a taki awh teh, profet kalenpounge maimouh koe a tho toe. Cathut teh amae a miphunnaw a khetyawt hanelah a tho toe, ati awh teh Cathut a pholen awh.

17 Hote kamthang teh Judah ram koehoi a tengpam pueng koe koug a kâkahei.

Baptisma ka poe e Jawhan

Mat 11:1-19

18 Jawhan e a hnukkâbangnaw ni hote a konglam abuemlahoi Jawhan koe a dei pouh awh.

19 Hatnavah Jawhan ni a hnukkâbang e tami kahni touh a kaw teh Jisuh koe a patoun teh, Bawipa, nang teh ka tho hane hah toung na maw. Hoehpawiteh alouke ka ngaihaw i awh han rah maw telah a pacei sak.

20 Ahnimouh roi teh Jisuh koe a pha navah, Bawipa, nang teh ka tho hane hah toung na maw, nahoe h pawiteh alouke ka ngaihaw i awh han rah maw telah Baptisma Jawhan ni na pacei sak atipouh awh.

21 Hatnae atueng dawkvah, Jisuh teh tami kapatawnaw a dam sak, muiha kathoutnaw a pâlei, mitdawnnaw hah mit a ang sak.

22 Jisuh ni Jawhan e laiceinaw koe, nangmouh ni na hmu e, na thai e naw pueng Jawhan koe bout dei pouh awh. Khok kamkhuennaw ni lam a cei thai awh, hrikbeinaw ni thounge nae daw k a pha awh. Kadoutnaw ni a thaw awh.

23 Karoedengnaw ni hai lunghawinae kamthang a thai awh. Kai daw k lung ka pout hoe h e tami teh a yawkahawi e lah ao atipouh.

24 Jawhan ni patounenaw a cei hnukkhu vah, Jisuh ni Jawhan hoi kâkuen lah taminaw koe a dei pouh e teh bangpatetlae hno hmu han na ngai daw k maw, kahrawngum na cei awh. Kahli ni a kahuet e lumpum khet hanelah maw na cei awh.

25 Na hoe h pawiteh kanem ca e angki ka kho e khet hanelah maw na cei awh. Angki kahawi ka kho ni teh rawca kahawi ka cat e taminaw teh siangpahrang e toeim daw k doeh ouk ao.

26 Profet khet hanelah maw na cei awh han. Profet hlak kalen e tami lahai ka o telah kai ni ka dei.

27 Cakathoung daw k a thut e teh, kenhaw! nang na cei nahane lamthung ka rasoun hanelah patoune teh na hmalah ka patoun toe telah ka dei nah hote tami doeh ka dei ngai.

28 Kai ni na dei pouh e teh, napui ni a khe e thung daw k, baptisma Jawhan hlak kalen e profet buet touh boehai awmhoeh. Hateiteh Cathut uknaeram daw k teh kathoengpoung e tami hah, ahni hlak a talue.

29 Tamuk kacawngnaw hoi taminaw pueng ni Jawhan e lawk a thai navah Cathut a pholen awh teh Jawhan koe baptisma a coe awh.

30 Farasinaw hoi cakathutkungnaw teh Jawhan ni a poe e baptisma a coe ngai awh hoe h dawkvah, ahnimouh hanelah Cathut ni a pouk pouh e hah a pahnawt awh.

Bout na ka pathung hoe h e catounnaw

31 Hatdawkvah hete taminaw bang hoi maw ka bangnue han, api hoi maw a kâvan awh.

32 Ahnimanaw teh paw i koe a tahung awh teh ahnimouh hanlah tapueng longpan ka khawng pouh nakunghai lam awh hoe h. Lungmathoene la sak pouh nakunghai kap awh hoe h. Hatdawkvah hetnaw teh camonaw hoi doeh a kâvan awh.

33 Bangkongtetpawiteh, baptisma Jawhan ni vaiyei hoi misurtui catnet laipalah ao navah nangmouh ni, hete tami teh kahrai a thung kâen e doeh na ti pouh awh.

³⁴ Tami Capa teh a ca a nei hoi ao navah, hete tami teh, ka carawng e tami doeh. Tamuk kacawngnaw, tami kahawihoeahnaw hoi kâhuiko e doeh bout na ti pouh awh.

³⁵ Hatei lungangnae dawk teh amamae a canaw pueng koe pathoenae dawk hoi a hlout telah atipouh.

*Ka yon e napui yon ngaithoumnae
Mat 26:6-13; Mrk 14:3-9; Jhn 12:1-8*

³⁶ Farasi buet touh ni bu ca hanelah Jisuh a kaw teh, hote Farasi e im dawk a kâen teh caboi dawk a tahung.

³⁷ Hatnavah hote kho dawk kaawm e napui kahawihoe e buet touh ni a panue, talungpangaw bom dawk e hmuifui buet touh a sin teh,

³⁸ Jisuh e hnukkhu lah a khok koe a kangdue, a ka teh mitphi hoi a khok a duk sak teh a sam hoi a hui. A khok hai a paco teh hmuifui a hluk.

³⁹ Bawipa ka kaw e Farasi ni a hmu navah, hete tami hah profet katang pawiteh, a khok ka tek e napui bangpatet e tami maw ti a panue han. Hete napui teh napui kahawihoehe doeh telah a lung thung hoi ati awh.

⁴⁰ Hatnavah, Jisuh ni Simon nang koe ka dei hane lawk buet touh ao atipouh navah, Bawipa dei haw telah bout atipouh.

⁴¹ Jisuh ni hai hno katawnkung koe laiba ka tawn e tami kahni touh ao. Buet touh ni phoisa cumtouw, alouke buet touh ni 50 touh a ba roi.

⁴² Ahnimouh roi ni laiba patho thai hoeh dawkvah, hno katawnkung ni a ngaithoum roi. Hat pawiteh, apipatet e ni maw hno katawnkung hah hoe lungpataw han telah a pacei.

⁴³ Simon nihai, laiba kapap ngaithoum lah kaawm e tami ni hoe a lungpataw han telah, ka pouk atipouh navah Bawipa ni, na pouk e teh a tang doeh atipouh.

⁴⁴ Hote napui koe lah a kangwawi teh Simon koe hete napui na hmu maw. Na im dawk ka kâen navah khok pâsu nahane tui na poe hoeh. Hete napui ni teh ka khok dawk mitphi a duk sak teh a sam hoi a hui.

⁴⁵ Nang ni kai na paco hoeh, hatei hete napui ni teh im dawk kâen tahma hoi kâhat laipalah ka khok a paco.

⁴⁶ Nang ni ka lû dawk satu ni na hluk pouh hoeh. Hatei, hete napui ni teh ka khok dawk hmuifui hoi na hluk pouh toe.

⁴⁷ Hatdawkvah kai ni ka dei e teh, yon moikapap dawk hoi a hlout dawkvah, lungpatawnae moi a kamnue sak. Yon kayounca dueng ngaithoum lah kaawm e ni teh lungpatawnae younca dueng a kamnue sak.

⁴⁸ Hote napui hanelah, nang teh na yonnae dawk hoi na hlout toe atipouh.

⁴⁹ Caboi dawk ka tahung e naw ni yon ka ngaithoum e tami heh bang patet e tami maw ati awh teh a kâpankhai awh.

⁵⁰ Jisuh ni hote napui hanelah, na yuemnae ni na rungngang toe. Lungmawngcalah cet leih atipouh.

8

A thaw ka bawm e napuinaw

¹ Hat hnukkhu hoi Jisuh teh kho touh hoi kho touh a cei teh Cathut uknaeram lunghawinae kamthang a pâpho.

² A hnukkâbang hlaikahni touh ni a hnuk a kâbang awh. Patawnae hoi muitha kathoutnaw ni a tek e dawk hoi ka hlout e napuinaw hai a kâbang

awh. Hote napui thung dawk kahraituilinaw sari touh ni a tâco takhai e Magdalin telah a kaw awh e Meri hoi,

³ Herod yung thaw ka tawk e Khuza e a yu Joanna hoi Shusanna hoi, a tawn e hno ka pasoung ni teh Jisuh hoi a hnukkâbangnaw ka paca, ka pânei e, alouke napuinaw hai ao awh.

Cati kaheikung bangnueae

⁴ Tamihupui, kho avoivang lahoi Bawipa koe a tho awh teh, a kamkhueng awh navah bangnueae lahoi a dei pouh e teh,

⁵ Cati kaheikung ni cati kahei hanelah a tâco. Cati a kahei navah a tangawn teh lam dawk a bo dawkvah, khok hoi a coungroe awh teh kalvan e tavanaw ni koung a patu.

⁶ Cati tangawn teh talung van vah a bo dawkvah a paw eiteh talai kahawi ao hoeh dawkvah tang a kamyai teh a ke.

⁷ A tangawn teh pâkhing um a bo dawkvah, pâkhing ni a yawngyen.

⁸ A tangawn teh talai kahawi dawk a bo dawkvah, a paw teh alet cum touh totouh apung teh a paw a paw telah ati. Hottelah a dei hnukkhu vah, thainae hnâ ka tawn pueng ni thai na seh, telah a hramkhai.

Bangnueae a hno ngainae kong

⁹ A hnukkâbangnaw ni hete bangnueae teh bangmaw a dei ngai telah Bawipa a pacei awh.

¹⁰ Jisuh ni nangmouh teh Cathut uknaeram hrolawk hah panuethainae na poe awh. Alouke taminaw teh, a hmu awh ei nout thai hoeh nahanelah, a thai awh ei a panue thai hoeh nahanelah ahnimouh koe bangnueae lahoi ka dei pouh.

Cati kaheikung deicainae

¹¹ Hote bangnueae teh hettelah ao. Cati teh Cathut e lawk doeh.

¹² Lam dawk kabawt e cati teh, a lawk a thai eiteh, yuemnae, hloutnae dawk a pha thai hoeh nahanelah Kahraimathout ni a tho teh, a lung thung e Cathut lawk hah, oun a lawp ti dei ngainae doeh.

¹³ Talung van ka bawt e cati dei ngainae teh, a lawk thai navah lunghawicalah hoi tang a dâw ei, a lung thung a tangpha a payang hoeh dawkvah, Cathut lawk kecu dawk, runae hoi rektapnae a kâhmo toteh tang a rawp ti ngainae doeh.

¹⁴ Pâkhing um ka bawt e cati, tie a dei ngainae teh Cathut lawk a thai teh, talai hno dawk lungpuennae, hnopai ni dumyennae hoi, alouke hnonaw noenae lungthin ni a katek dawkvah a paw paw thai hoeh ti ngainae doeh.

¹⁵ Talai kahawi dawk ka bawt e cati tie a dei ngainae teh, thOUNGNAE hoi lanna lungthin hoi Cathut lawk a thai teh lungsaw lahoi pou a hringkhai tie a dei ngainae doeh.

Hmaiim hnonae

¹⁶ Hmaiim paang e teh hlaam hoi ouk ramuk boihoeh. Ikhun rahim hai tat boihoeh. Ka kâen e taminaw ni angnae a hmu thai nahanelah hmaiimkhok dawc doeh ouk paang awh.

¹⁷ A hmonae koe kaawm e pueng koung a kamnue han, ramuk lah kaawm e naw pueng koung kamawng han.

¹⁸ Hatdawkvah nangmouh ni na thai e lawknaw kâhruetcuete awh. Ka tawn e tami teh bout poe sin lah o han. Ka mathoe e tami teh a tawn e ca patenghai la pouh lah ao han telah a ti.

*Hmaunawnggha katang**Mat 12:46-50; Mrk 3:31-35*

¹⁹ Hatnavah a manu hoi a nawngghanaw teh Bawipa koe a tho awh. Kamkhueng e tami apap poung dawkvah Jisuh koe phat thai awh hoeh.

²⁰ Tami tangawn ni na manu hoi, na nawngghanaw ni na kâhmo han na ngai awh teh alawilah a kangdue awh telah atipouh navah,

²¹ Ahni ni Cathut e lawk ka thai ni teh ka tarawi e taminaw doeh kaie ka manu, ka nawnggha atipouh.

*Tuicapa ni Bawipa e lawk a ngâi**Mat 8:23-27; Mrk 4:36-41*

²² Hnin touh hnin vah, Jisuh teh a hnukkâbangnaw hoi cungtalah long dawk a luen awh teh tui namran lah cet awh sei ati awh teh a cei awh.

²³ Tui dawk a cei awh navah, Bawipa teh a i. Hatnavah tûilî a tho dawkvah long dawk tui yikkawi teh runae a kâhmo awh.

²⁴ A hnukkâbangnaw ni Bawipa teh a pâhlaw hnukkhu, Bawipa, Bawipa maimanaw rawknae koe pha a han toe atipouh awh navah, ahni ni, tûilî hoi tuicapa a yue teh a roum sak.

²⁵ Ahni ni na yuemnae na maw na ta awh, telah a pacei navah, ahnimanaw ni hete tami teh bangpatet e tami nama aw. Tui hoi tûilî patenghai kê a poe bo teh, ahnimouh ni a lawk a ngai pouh bo aw telah buet touh hoi buet touh a kâpankhai awh.

*Kahrai katawnkung dam saknae**Mat 8:28-34; Mrk 5:1-20*

²⁶ Galilee ram tui namran lah kaawm e Kerasen ram dawk a pha awh.

²⁷ Jisuh teh a oung lah a luen navah, atueng moi kasawlah kahraituilinaw ni a man e tami, angki hai kho hoeh, im dawk hai awmhoeh, phuen koe ouk kaawm e Kerasen tami buet touh ni Jisuh teh a dawn.

²⁸ Bawipa a hmu navah a tabo teh, Lathueng Poung Cathut Capa Jisuh, nang teh kai hoi bangmaw na kâkuet. Kai na rektap hoeh nahanlah pahrennae kahei telah a hramki laihoi a dei.

²⁹ A deingainae teh, Jisuh ni kakhine muitha tami thung hoi tâcawt telah kê a poe toung dawk doeh. Hote tami teh kahrai ni ngailawi a tek toung dawkvah, ahni teh a khok roi dawk hlong a buet pouh awh, sumbawtarui hoi a katek awh ei soumsoum a tapo teh hlong hai rekrek a hem teh kahrawngum lah, kahrai ni ouk a hrawi.

³⁰ Jisuh ni na min apimaw ti teh a pacei navah, hote tami teh kahraituilinaw ni a tek dawkvah ransahupui telah atipouh.

³¹ Hathnukkhu hoi kahrainaw ni ka dungpoung e hmuen koe pâlei hane kê a poe hoeh nahanelah a kâhei awh.

³² Hote hmuen koevah, vok moikapap teh a paca awh. Hote voknaw thungvah na kâen sak loe telah a kâhei awh navah Jisuh ni kâenh atipouh.

³³ Hatnavah, kahraituilinaw tami thung hoi a tâco awh teh vok thung vah a kâen awh. Voknaw teh pango dawk a tâto awh teh, talî dawk a kâphum awh teh, koug a due awh.

³⁴ Vok ka khounnaw ni a kâhmo e hno hah khopui khote koe lah a yawng awh teh a dei awh.

³⁵ Tami moikapap teh hote hno khet hanelah a tho awh. Jisuh koe a tho awh nah kahraituilinaw ni a man e tami teh hni a kâkhu teh lung kacaicalah hoi Jisuh e khok koe a tahung e hah a hmu awh navah a taki awh.

³⁶ Kahraituilinaw ni a man e tami a damnae kong hah kahmawtnaw ni alouke taminaw koe patuen a dei pouh awh.

³⁷ Karasen ram daw k e taminaw pueng ni a taki awh dawkvah ahnimouh koehoi tâco hanelah Bawipa koe a kâhei awh. Bawipa hai long daw k a luen teh a ban.

³⁸ Kahraituilinaw pâlei pouh e tami ni kai hai nang koe kâbang van han telah a kâhei.

³⁹ Jisuh ni nama im cet nateh, na imthungnaw koevah, Cathut ni nang koe pahrennae a sak e hah dei loe titeh a ban sak. Ahni ni a cei teh Jisuh ni a lathueng a sak e naw pueng kho thung a dei pouh.

Kadout e napui hoi thikui e napui

Mat 19:18,26; Mrk 5:20-43

⁴⁰ Jisuh teh a ban navah, taminaw pueng ni Bawipa ngaihawi laihoi a dawn awh.

⁴¹ Hatnavah, sinakok ka uk e Jairus tie Bawipa koe a tho teh a khok koevah a tabo.

⁴² Kum hlaikahni touh nueng ka phat e canu buet touh a tawn e meimei a due dawkvah, Jisuh a im vah tho hanelah a kaw teh a tho navah, taminaw teh Bawipa koe a kâen awh.

⁴³ Hatnavah a kum hlaikahni touh thung thikui ni teh a hnopai pueng tâsibawi koe koung a pâbaw khai teh ka dam thai hoeh e napui buet touh teh,

⁴⁴ a hnuk lahoi a hnai teh a hni paw i a tek navah a tek tahma a thikuinae teh tang a dam.

⁴⁵ Jisuh ni apimaw kai na tek, telah a pacei navah taminaw pueng ni a kâtang awh. Piter hoi a huinaw ni, Bawipa, tamihupui ni nang na kânep e hah kai apinimaw na tek khuet na ti vaw telah atipouh awh.

⁴⁶ Jisuh nihai, tami buetbuet touh ni kai na tek toe. Ka tak daw k hoi bahu a tâco e ka panue telah atipouh.

⁴⁷ Hote napui ni ka kâhrawk thai mahoe h ti a kâpanue dawkvah, a pâyaw laihoi a tho teh bang patet e kong daw k maw a tek ti hai thoseh, tang a damnae kong hai thoseh, taminaw e hmalah a tabo teh a pâpho.

⁴⁸ Jisuh ni, ka canu na lungpuen hanh. Na yuemnae ni na dam sak toe, lungmawngcalah hoi cet leih atipouh.

⁴⁹ Telah atipouh navah, sinakok ka uk e im daw k hoi tami buet touh a tho teh, nange na canu a due toe. Saya teh taraw k hanh lawih atipouh.

⁵⁰ Jisuh ni a thai navah, taket hanh awh. Yuemnae buet touh dueng mah tawn awh. Telah na tawn awh pawiteh rucatnae daw k hoi na hlout han telah sinakok ka uk e koe atipouh.

⁵¹ Im daw k a pha navah, Piter, Jawhan, Jem hoi napui ca e a manu hoi a na pa hloilah apihai a kâen hoeh nahanelah a cakâ.

⁵² Taminaw pueng ni a khuikakhai awh navah, Jisuh ni kap hanh awh. Camo teh dout hoeh, ka ip e doeh, atipouh.

⁵³ Napui ca a due e hah ahnimanaw ni a panue awh dawkvah, Bawipa teh a pânuikhai awh.

⁵⁴ Hote taminaw alawilah koung a tâco sak hnukkhu, camo e a kut a ku et pouh teh, camo thaw leih telah a kaw.

⁵⁵ Hatnavah ahnie muitha teh a thung bout a kâen dawkvah camo teh tang a thaw. Hahoi rawca poe hanelah kâ a poe.

⁵⁶ Hattoteh a manu hoi napanaw teh a kângairu awh. Hatei, hete hnonaw heh api koehai dei hoeh hanelah lawk a thui.

9

*A hnukkâbang hlaikahni touh a patounnae**Mat 10:5-15; Mrk 6:8-11*

¹ A hnukkâbangnaw hlaikahni touh a kamkhueng sak hnukkhu vah, kahraitulinaw pueng pâlei thainae hoi, kapatawnaw dam sak thainae bahu hoi kâtawnnae a poe.

² Cathut uknaeram pâpho han hoi kapatawnaw dam sak hanelah a patoun teh,

³ kahlong na cei awh navah, bang hno hai kâken awh hanh, sonron, yawngya, vaiyei, phoisa sin awh hanh. Angki hai acawilah sin awh hanh.

⁴ Apipatet e im dawk hai na kâen awh navah, hote im dawk hoi na tâco hoehroukrak hote im dawk awm awh. Apinihai im na luen sak awh hoeh pawiteh,

⁵ hote kho dawk hoi na tâco awh navah, ahnimouh koe lah noutnae a kamnue thai nahanelah, na khok dawk e vaiphu hah lawkpanuesaknae lah ao nahan takhawng sin awh, telah atipouh.

⁶ A hnukkâbangnaw a tâco awh teh kho touh hoi kho touh kamthang kahawi a pâpho awh teh kapatawnaw a dam sak awh.

Jisuh kâhmo han ka ngai e Herod

⁷ Jisuh ni hno a sak e naw, Herod bawi ni a thai navah a lungkâounnae a tawn. Bangkongtetpawiteh tami tangawn ni Jawhan teh duenae koehoi a thaw toe ati awh.

⁸ Tami tangawn ni Elijah a tho toe ati awh, tangawn ni ayan e profet buetbuet touh a thaw toe ati awh.

⁹ Herod ni kai ni Jawhan e a lû ka tâtueng toe. Hatei, telah totouh a kamthang kai ni ka thai e tami teh bangpatet e tami ma aw a titeh Jisuh hmu hanelah a ngai.

*Tami 5,000 bu pacanae**Mat 14:13-21*

¹⁰ Gunceinaw teh Bawipa koe bout a tho awh teh amamouh ni a sak e hnonaw hah a dei pouh awh. Bawipa ni a kaw awh teh, Bethsaida kho teng soumtinae koe vah a hrawi. Tamihupui ni a panue awh teh a hnuk a kâbang awh.

¹¹ Hote taminaw teh Bawipa ni a kâbang sak teh, Cathut uknaeram kong a pâpho pouh. Kapatawnaw haiyah a dam sak.

¹² Khohmo navah, hnukkâbang hlaikahni touh ni Bawipa a hnai awh teh, hete hmuen teh kingdinae doeh, hatdawkvah ahnimanaw, o i thai nahane hoi canei thai nahanelah tengpam e khonaw koe cetsak lei sei atipouh awh.

¹³ Hatei Bawipa ni canei hane nangmouh ni poe awh atipouh. Ahnimanaw ni hai hete taminaw abuemlah hanelah canei hane ka ran awh hoehpawiteh kaimouh koevah vaiyei panga touh hoi tanga kahni touh dueng doeh ka tawn awh, atipouh.

¹⁴ Hottelah atipouh ngainae teh, tami thong panga tabang a pha awh. Hatnavah taminaw 50 touh hoi pâkhueng nateh tahung sak awh, atipouh.

¹⁵ A hnukkâbangnaw ni hai a dei e patetlah a sak awh teh a tahung sak awh.

¹⁶ Jisuh ni vaiyei panga touh hoi tanga kahni touh e a la teh kalvan lah a moung teh lunghawinae lawk a dei hnukkhu vaiyei a raen teh tami rei hanelah a hnukkâbangnaw koe a poe.

17 Taminaw pueng ni a ca aw h teh a boum hnukkhu vah, ka cawi e a pâkhueng navah tangthung hlaikahni touh akawi.

Piter ni Khrih a pâphonae

18 Hnin touh hnin vah Jisuh teh a hnukkâbangnaw hoi cungtalah soumtinae koe a ratoum aw h navah, taminaw ni kai api ati aw h maw telah a pacei.

19 Tami tangawn ni nang teh Baptisma Jawhan, tangawn ni Elijah, tangawn ni a yan e profet buetbuet touh ka thaw e doeh telah ati aw h.

20 Jisuh ni nangmouh ni teh kai api na ti a maw telah a pacei navah, Piter ni, nang teh Cathut e Khrih doeh atipouh.

Duenae koehoi boutthaw nahane kong sut a dei

21 Hote akong hah api koehai dei hoeh hanlah a hnukkâbangnaw pueng hah kâ a poe.

22 Hothloilah tami Capa teh rucatnae moikapap a khang han. Tami kacuenaw, vaihma bawinaw hoi cakathutkungnaw ni, a hnoun aw h vaiteh a thei aw h han. Apâthum hnin vah bout a thaw han telah atipouh.

Ma e thingpalam hrawm aw h

23 Hathnukkhu hoi taminaw pueng koe a dei pouh e teh, kai hnukkâbang hane ka ngai e tami teh amahoima ka pahnawt naseh. Ama e thingpalam, hnintangkuem a hrawm vaiteh kaie ka hnuk kâbang naseh.

24 Apihaiyah mae hringnae ka rungngang e tami teh hringnae a sung han. Apihaiyah Kai kecu dawk hringnae ka sung e tami teh a hringnae a rungngang han.

25 Tami ni talaivan abuemlah koug ka coe nakunghai amae hringnae sung pawiteh bangmaw apu kaawm.

26 Apihai, kai hoi ka lawk kayakkhai e tami teh, tami Capa ni hai amae bawilenna, a na pa e bawilenna hoi kalvantami kathoungnaw e bawilenna sin hoi a kum toteh, hote tami hah a kayakhai van han.

27 Kai ni atangcalah na dei pouh e teh hete hmuen koe kaawm e tami tangawn ni Cathut uknaeram a hmu hoehnahlan dout aw h mahoe h rah telah atipouh.

Mei kâthungnae

Mat 17:1-8; Mrk 9:2-8

28 Hottelah a dei hnukkhu hnin taroe touh a pha navah Jisuh ni Piter, Jawhan, Jem a kaw teh ratoum hanelah mon dawk a luen aw h.

29 Ratoum aw h lahun nah, a minhmai aloukcalah a kâthung teh, angki hai pangawpekyek lah ao.

30 Hatnavah tami kahni touh hoi Bawipa teh lawk a kâpan, ahnimouh roi teh Mosi hoi Elijah doeh.

31 Ahnimouh teh bawilenna hoi a tho aw h teh, Jerusalem vah kakuep han toung e Bawipa a due nahane kong hah a kâpankhai aw h.

32 Piter hoi a huinaw teh ihmu ni a paya aw h teh mat a ngam aw h. Ayawng vak aw h navah, bawilenna hoi Bawipa hoi cungtalah kangdout e tami roi a hmu aw h.

33 Hote tami roi Bawipa koehoi a cei navah Piter ni, Bawipa hete hmuen koe o hanelah ahawipoung. Bawipa, nang hanelah rim buet touh, Mosi hanelah buet touh, Elijah hanelah buet touh ka sak aw h vai telah muipap lahoi a dei pouh.

³⁴ Telah a pacei hnukkhu, tâmai ni ahnimanaw teh a kayo. Mosi hoi Elijah teh tâmai thung a kâen navah, hnukkâbangnaw ni a taki aw. h.

³⁵ Tâmai daw. k hoi lawk ka tho e teh hete tami teh ka lungkuep e ka Capa doeh, ahnie lawk tarawi aw. h.

³⁶ Hote lawk a tho hnukkhu, Jisuh teh ama dueng ao. A hnukkâbangnaw ni a hmu aw. h e hnonaw hah hatnae tueng daw. k api koehai dei laipalah ao aw. h.

Kahrai katâ e yuemnae bahu

Mat 17:14-18,22,23; Mrk 9:14-17,27,30-32

³⁷ Atangtho hnin daw. k mon hoi bout a kum aw. h navah taminaw ni Bawipa teh a dawn aw. h.

³⁸ Tamihupui thung hoi tami buet touh ni kaie ka ca khen ei telah a kâhei. Ka capa buet touh dueng doeh ka tawn.

³⁹ Kahrai ni a man teh, pouk laipalah a hramki, a sawn sak teh kâko daw. k hoi potamtui a tâco teh, a tak daw. k reithainae a poe hnukkhu tâco hane a ru poung.

⁴⁰ Hote kahrai pâlei hanelah hnukkâbangnaw koe ka dei pouh eiteh, ahnimanaw ni pâlei thai aw. h hoeh telah hramki laihoi atipouh.

⁴¹ Jisuh ni hai yuemnae ka tawn hoeh e, lawkkam ka cak hoeh e, lam ka payon e miphun, kai ni na totouh maw na okhai aw. h han rah. Na capa kai koe thokhai haw telah atipouh.

⁴² Camo a tho navah kahraituili ni talai daw. k a kâraphei sak hnukkhu a sawn sak. Jisuh ni kakhine muithanaw a yue teh hote camo a dam sak hnukkhu a na pa koe bout a poe.

Apâhni lah a due nahan sut a deinae

⁴³ Taminaw pueng ni Cathut e taluena. e a hmu navah a kângairu aw. h.

⁴⁴ Telah Jisuh ni hno a sak e daw. k taminaw pueng ni a kângairu laihoi pholen aw. h navah, a hnukkâbang koe kaie kâlawk tarawi nateh pâkuem aw. h. Tami Capa teh taminaw e kut daw. k pahnawt nahane atueng a pha toe telah atipouh.

⁴⁵ Hote lawk a dei ngainae hah, a hnukkâbangnaw hanelah a hro pouh daw. kvah panuek thai aw. h hoeh. Hote lawk bout pacei ngam aw. h hoeh.

Apimaw ka taluepoung

Mat 18:1-5; Mrk 9:33-40

⁴⁶ Hatnavah a hnukkâbangnaw ni apimaw bet ka taluehnawn telah buet touh hoi buet touh a kâounkhai aw. h.

⁴⁷ Jisuh ni ahnimae a pouknae a panue pouh teh, camo buet touh a kaw. Ama e ateng a kangdue sak hnukkhu,

⁴⁸ apihai thoseh, kaie minhmai khet laihoi hete camo a dâw, hote tami teh kai hai na ka dâw e lah ao. Kai na ka dâw e teh kai na kapatoungkung ka dâw e lah ao. Nangmouh thung daw. k kathoengpoung e tami teh ka talue poung e lah ao han atipouh.

Nangmouh koe lah kaawm e tami

⁴⁹ Jawhan ni Bawipa, Bawipa, nange na min lahoi kahraituilinaw ka pâlei e tami buet touh ka hmu. Hote tami teh kaimouh hoi cungtalah kâbang ngaihoeh daw. kvah ka ngang aw. h, telah a dei pouh.

⁵⁰ Jisuh ni hote tami ngang aw. h hanh. Nangmae na taran koe lah kaawm hoeh e tami teh nangmouh koe lah kaawm e doeh atipouh.

Jerusalem a ceinae

⁵¹ Bawipa teh kalvan lah tawm hane tueng a hnai navah, Jerusalem kho dawk a cei hane a radoung teh,

⁵² Patounenaw hmalah a patoun teh ahnimanaw ni Bawipa han rakueng hanlah a cei awh teh, Samaria kho buet touh dawk a kâen awh.

⁵³ Jisuh ni Jerusalem kho koe lah a cei e hah, hote kho thung e taminaw ni ngai awh hoeh.

⁵⁴ A hnukkâbang e Jem hoi Jawhan ni a hmu navah Bawipa, Elijah ni a sak e patetlah maimouh ni kalvan hoi hmai bo sak vaiteh, ahnimanaw kak sak hanelah, na ngainae o maw telah a pacei awh.

⁵⁵ Jisuh ni a kamlang teh, na pouknae namamouh ni na panuek awh hoeh.

⁵⁶ Tami Capa teh tami e hringnae thei hanelah tho hoeh, rungngang hanelah doeh a tho telah a yue hnukkhu, kho alouklah a cei awh.

Jisuh hnuk kâbangnae

Mat 8:19-22

⁵⁷ Lam dawk a cei awh navah, tami buet touh ni Bawipa, nang na ceinae pueng koe kai hai ka kâbang han telah atipouh.

⁵⁸ Jisuh ni asuinaw ni khu a tawn. Kahlun e tavanaw ni hai tabu a tawn awh. Tami Capa teh lû toung nahan hmuen boehai awmhoeh telah atipouh.

⁵⁹ Bawipa ni alouke tami buet touh koevah ka hnukkâbang telah atipouh. Hatei, hote tami ni Bawipa apa hmaloe ka pakawp einei telah atipouh.

⁶⁰ Ahni ni hai tami kadoutnaw ni a tami kadoutnaw hah pakawm awh naseh. Nang teh, cet nateh Cathut uknaeram hah pâpho leih, telah atipouh.

⁶¹ Alouke tami buet touh ni Bawipa na hnuk ka kâbang han. Hateiteh ka imthungkhunaw hmaloe kut na man sak ei telah atipouh.

⁶² Jisuh ni laikawk kanawknae kuet laihoi hnuklah kangvawi e tami teh Cathut uknaeram hoi kamcu hoeh, telah atipouh.

10

Tami 72 touh patounnae

Luk 9:3-5

¹ Hathnukkhu hoi, Bawipa ni alouke tami 72 touh a rawi teh, a cei nahane kho tangkuem koe tami kahni kahni touh hoi hmaloe a patoun.

² Bawipa ni ahnimouh koe, canga hanelah moi ao. Ka a e tami a younca. Hatdawkvah ka tawk hane tami a patoun thai nahanelah, law katawnkung koe ratoum awh.

³ Cet awh, asuihu koe tucanaw tha e patetlah kai ni na patoun awh.

⁴ Tangkabom, yawngya, khokkhawm sin awh hanh. Lam dawk na cei awh navah, apihai pato awh hanh.

⁵ Api im hai thoseh, na kâen navah, hete im dawk yawhawinae awmseh telah hmaloe dei pouh awh.

⁶ Hote im dawk rounnae capa awm pawiteh, nangmouh ni na dei e yawhawinae teh ao han.

⁷ Cat net awh. Bangkongtetpawiteh ka tawk e tami teh kutphu hmu hanelah a kamcu. Im buet touh hnukkhu buet touh kampuen awh hanh.

⁸ Bangpatet e kho dawk hai na kâen awh navah nangmouh na ka dawn e taminaw ni na hmalah a lawng awh e hah cat awh.

⁹ Kapatawnaw dam sak awh. Cathut uknaeram teh nangmouh dawk a kangdue nahan tueng a hnai toe telah dei awh.

¹⁰ Bangpatet e kho dawk hai na kâen navah, kho thung e taminaw ni pasoung hoehpawiteh lam dawk tâcawt awh nateh na khok dawk e vaiphu takhawng sin awh.

¹¹ Hatei, Cathut uknaeram teh nangmae teng a pha toe tie panuek awh, telah ahnimouh koe dei pouh.

¹² Kai ni na dei pouh e teh ahnoungpoung e hnin nah hote kho teh Sodom kho hlak a khang han.

Pankângai hoeh e khopuinaw

¹³ Oe, Khorazin kho nang teh na yawthoe. Bethsaida nang hai na yawthoe. Bangkongtetpawiteh, nangmouh koe thaonae hno ka kamnue sak e hah Taire kho hoi Sidon kho dawk kamnue sak pawiteh hote khonaw teh napon kâkhu awh vaiteh vaiphu a kâphuen laihoi a tahung awh vaiteh, pankângai awh han doeh toe.

¹⁴ Lawkcengnae hnin dawk teh Taire kho hoi Sidon kho hlak nangmanaw na khang awh han.

¹⁵ Oe, Kapernuam khopui, nang teh kalvan totouh na tawmdawm eiteh phuen totouh pabonae na khang han.

¹⁶ Nangmae lawk ka tarawi e tami teh kaie lawk a tarawi. Nangmouh ka pahnawt e tami teh kai ka pahnawt e doeh. Kai ka pahnawt e tami teh kai na kapatoukung ka pahnawt e doeh telah atipouh.

A hnukkâbang 72 touh bout a ban

¹⁷ Hote a hnukkâbang 72 touh teh lunghawi laihoi a ban awh teh, Bawipa nange min lahoi kahraituilinaw patenghai ka pâlei thai awh, telah atipouh awh.

¹⁸ Jisuh ni hai Setan teh sumpapalik patetlah kalvan hoi a tho e hah ka hmu toe.

¹⁹ Nangmouh ni tahrin, aikamnaw lathueng kâtawnnae hoi tarannaw tâ thainae bahu kai ni na poe awh. Bangpatet e ni hai a rucatnae na poe mahoeh.

²⁰ Hatei, kahrainaw na pâlei thai awh dawk na konawm awh hanh. Nangmae na minnaw hah kalvan thut lah ao e dawk na konawm awh, telah atipouh.

Due hnukkhu boutthaw nahane sut a dei

²¹ Hatnavah Jisuh ni Kathoung Muitha dawk a konawm teh, kalvan hoi talai ka uk e apa, nang ni a lungkaang kathoumthainaw hanelah na hro pouh e hno, hete camonaw koe na pâpho pouh dawkvah ka lunghawi. Hottelah na ngainae ao dawk katang doeh apa!

²² Kaie na pa ni hnocawngca pueng kai koe koug na poe toe. Capa hah apimaw telah a Pa hoeh laipalah apinihai panuek hoeh. Pa teh apimaw telah Capa hoi Capa ni a ang sak e tami hoeh laipalah apinihai panuek hoeh telah atipouh.

²³ Hathnukkhu hoi a hnukkâbangnaw koe lah a kangvawi teh, atu na hmu e naw heh nangmouh ni na hmu awh dawkvah nangmae na mit teh a yawhawi.

²⁴ Kai ni na dei pouh e teh, nangmouh ni na hmu e naw heh profetnaw hoi siangpahrangnaw ni hmu hane a ngai awh eiteh hmawt awh hoeh. Nangmouh ni na thai e naw hah thai han a ngai awh eiteh thai awh hoeh telah a hnukkâbangnaw koe dueng doeh, atipouh.

*Samaria tami kahawi bangnuae
Mat 22:34-40; Mrk 12:25-31*

²⁵ Hnin touh hnin vah, kâlawk kacangkhaikung buet touh a kangdue teh, saya yungyoe hringnae hmu hanelah bangmaw ka sak han telah a tanouk.

²⁶ Bawipa ni kâlawk cauk dawk bangtelamaw a thut. Bangtelamaw na touk telah a pacei navah,

²⁷ Hote tami ni na Cathut teh na lungthin abuemlahoi, na thaonae abuemlahoi, na panuenae abuemlahoi na lungpataw han, na imri hah namahoima patetlah lungpataw telah atipouh.

²⁸ Bawipa ni na dei e teh a tang doeh. Telah na sak pawiteh na hring han.

²⁹ Hote tami ni hai apipatet maw kaie ka imri telah amahoima yonnae ka tawn hoeh e patetlah Jisuh bout a pacei.

³⁰ Jisuh ni tami buet touh teh Jerusalem kho dawk hoi Jeriko kho lah a cei navah dingcanaw hoi a kâhmo. Dingcanaw ni hote tami e angki a phawi pouh teh meimei kadout lah a hem aw h teh a ceitakhai aw h.

³¹ Hote lamthung dawk vaihma buet touh khou a cei teh hote tami a hmu navah oun a roun.

³² Hot patetvanlah Levih tami buet touh ni hai hote hmuen koe a pha navah, ahni hah a hmu teh alouke lam lahoi a roun.

³³ Hatei, Samaria tami buet touh kahlong a cei. Hote tami ka pataw koe a pha teh, a hmu navah, a pahren.

³⁴ Ahni koe a hnai teh a hmânaw dawk satui hoi misurtui a hlu k pouh, lukkarei hoi a kawm pouh hnukkhu amae saring van a thueng teh rim koe a ceikhai teh a khetyawt.

³⁵ A tangtho toteh denari kahni touh a rasa teh rim kaukung koe a poe. Hete tami la khenyawn nateh ka baw e naw pueng bout ka tho torei na patho han telah atipouh. Bangtelamaw na pouk, telah a pacei.

³⁶ Hote tami kathum touh dawk apimaw dingca kut daw k ka phat e tami hoi ka kâhnai telah a pacei navah,

³⁷ Kâlawk ka cangkhaikung nihai, ka pataw e tami ka pahren e telah atipouh navah, Jisuh ni nang hai cet nateh hottelah sak loe atipouh.

Meri hoi Martha

³⁸ Jisuh teh a hnukkâbangnaw hoi kahlong lah a cei navah, kho buet touh daw k a kâen aw h teh, Martha tie napui buet touh ni ama im vah Bawipa teh a luen sak.

³⁹ Hote napui ni Meri tie a nawng ha buet touh a tawn. Hote Meri teh Jisuh e a khok koe a tahung teh a dei e lawk a thai.

⁴⁰ Martha teh pacapanei hane kong dawkvah a lungpuen teh, Jisuh koe Bawipa, ka nawng ha ni, ka madueng taw k sak hanelah pak na nat e hah banglahai na pouk hoeh bo aw. Kai thaw na kabawp hanelah patoun haw telah atipouh.

⁴¹ Jisuh ni Martha, Martha, nang teh hno moikapap daw k na kâhruetcu et teh thouk na patang toe. Hatei na panki e hno buet touh ao.

⁴² Meri ni hnokahawi yo a rawi toe. Apini hai bout lawm thai mahoe h toe.

11

Bawipa ratoumnae

¹ Hahoi, hnin touh hnin vah, Bawipa teh hmuen buet touh koe vah a ratoum teh a baw hnukkhu, a hnukkâ bang buet touh ni Bawipa, Jawhan

ni a hnukkâbangnaw ratoumnae a pâtu e patetlah kaimouh hai na pâtu awh haw telah atipouh.

² Bawipa ni nangmanaw ni na ratoum awh navah na dei awh hane teh, kalvan kho kaawm e kaimae na Pa, na min barinae awm lawiseh, na uknaeram tho lawiseh.

³ Na ngainae teh kalvan kho akuep e patetlah talai van hai kuep lawiseh, hnintangkuem von kawk khuem rawca pou na poe haw.

⁴ Kaimae tak dawk yonnae kasaknaw, kaimouh ni ka ngaitoum e patetlah kaimae ka yonnae hai na ngaitoum haw, yon tacueknae thung kaimanaw na hrawi hanh. Tamikahawihoehe koehoi na hlout sak haw telah tet awh, atipouh.

Het, Tawng, Takhawng haw

⁵ Hathnukkhu hoi bout a dei e teh, nangmouh thung dawk tami buet touh ni a hui buet touh a tawn teh, karumsaning vah hote a hui im a cei teh, ka hui,

⁶ kahlong lahoi ka hui buet touh a tho. Ka paca hane banghai ka tawn hoeh dawkvah vaiyei kathum touh na cawi sak ei telah atipouh.

⁷ Imkung ni kai koe hrawang hanh, takhang hai ka khan toe, ka canaw hai koug a i awh toug dawkvah ka thaw vaiteh na poe thai mahoeh telah imthungkhu hoi atipouh han.

⁸ Ka deingainae teh, hote tami teh a hui lah ao dawkvah, a lungpout laipalah a hei dawkvah a ngai e pueng a thaw vaiteh a poe han.

⁹ Bout ka dei ngainae teh het awh, na poe han. Tawng awh na pâphawng han. Tho takhawng awh, na takhawng pawiteh paawng pouh lah ao han.

¹⁰ Ka het e tami teh a poe. Ka tawng e tami teh a pâphawng. Ka takhawng e tami teh a paawng pouh.

¹¹ Apipatet e na pa ni maw a ca ni tanga moi a hei navah tahrin moi ouk a poe boi.

¹² Âdui a hei navah aikam moi ouk poe boi yaw.

¹³ Nangmanaw ni tami kahawihoeheh lah na o awh nakunghai, na canaw poehno kahawi ouk na poe pawiteh hot hlakvah nangmae kalvanlae na Pa ni ka hete taminaw hah, Kathoung Muitha hoe poe mahoeh maw telah atipouh.

Jisuh hoi Beelzebub

Mat 12:22,24-29; Mrk 3:23-27

¹⁴ Hahoi hnin touh navah, a lawk ka a e kahrai a pâlei teh, kahrai a tâco hnukkhu lawka teh lawk a dei. Kamkhueng e taminaw teh a kângairu awh.

¹⁵ Tami tangawn ni hete tami ni kahraituilinaw e bawi Beelzebub e min lahoi doeh kahraituilinaw a pâlei ati awh.

¹⁶ A tangawn ni, tanouk hane a ngai awh teh, kalvan lahoi e mitnoutnae a hei awh.

¹⁷ Bawipa ni ahnimaeh lungthin a panue dawkvah, uknaeram hai buet touh hoi buet touh kâtaran pawiteh a kâkapek han. Hot patetlah imthungkhu hai kâpo hoehpawiteh a rawk han.

¹⁸ Kai ni Beelzebub e min lahoi kahraituilinaw ka pâlei pawiteh, Setan e uknaeram bangtelamaw a kangcoung thai han.

¹⁹ Kai ni Beelzebub e min lahoi kahraituilinaw ka pâlei toug pawiteh nangmae na canaw ni teh apie min lahoi maw a pâlei awh han. Hatdawkvah ahnimanaw ni nangmanaw lawkcengkung lah ao han.

²⁰ Kai ni Cathut e kutdawn hoi kahraituulinaw ka pâlei pawiteh, nangmouh koe Cathut uknaeram a kangduenae tueng teh a pha katang toe.

²¹ A thakasai e ni senehmaica a puengcang kakuep lahoi amae toeim dawk ao navah, hnopainaw dawk lungtâsuenae awm hoeh.

²² Hatei ahni hlak thakasai e tami a tho teh pet a tâ torei doeh ahni ni kâuepkhai e senehmaica a puengcangnaw a la vaiteh, a tawn e hnopainaw hai ayânaw a rei han.

²³ Kai hoi kaawm hoeh e tami teh kai na taran e doeh. Kai hoi cungtalah kamkhueng hoeh e tami teh kampek e doeh.

Kakhine muitha bout a ban

²⁴ Kakhine muitha teh a tâco hnukkhu, a kâhat nahane hmuen a tawng. A pâphawng hoeh dawkvah yampa ka onae im dawk ka ban han a titeh,

²⁵ A tangtho navah, hote im teh a houng teh apicai e a hmu.

²⁶ Hat torei teh ama hlak ka mathout e muitha a hui sari touh a hrawi teh hote tami thung a kâen aw. Hote tami teh hmaloe e hlak a hnukkhu e hoe a mathoe telah atipouh.

Yawhawinae katang

²⁷ Hottelah a dei navah napui buet touh ni taminaw e a rahak hoi a dei e teh, Bawipa nang na ka vawn e napui hoi sanu na ka pânei e napui teh a yawhawi telah atipouh.

²⁸ Jisuh ni Cathut e lawk ka thai ni teh ka tarawi e tami doeh a yawkahawi e tami telah atipouh.

Jawnah e mitnout

Mat 12:39-42

²⁹ Hahoi tami muen a kamkhueng aw dawkvah, Bawipa ni hete miphun teh miphun kathout doeh. Mitnoutnae a hei navah, profet Jawnah e mitnoutnae hloilah, bangpatet e mitnoutnae hai kamuek sak mahoeh.

³⁰ Jawnah ni Nineveh kho dawk e taminaw hanelah mitnoutnae lah ao e patetlah tami Capa hai hete miphunnaw hanelah ao han.

³¹ Lawkceng navah aka lae ram ka uk e siangpahrangnu ni hete miphun koe lah a kangdue vaiteh a sung sak han. Bangkongtetpawiteh hote siangpahrangnu teh Solomon e lungangnae lawk tarawi hanelah, talai pout koe lahoi a tho. Hete hmuen koe Solomon hlak ka talue e tami ao.

³² Lawkceng navah, Nineveh kho e taminaw teh hete miphunnaw hoi cungtalah a thaw vaiteh, hete miphunnaw a yonnae a kamnue sak han. Bangkongtetpawiteh ahnimanaw teh Jawnah ni a dei e lawk daw hoi pankângai aw. Hete hmuen koe Jawnah hlak kalen e tami ao.

Tak e hmaiang

Mat 6:22-23

³³ Apinihai hmaim paang navah ouk ramuk bawi hoeh, tangthung hoi hai ouk ramuk bawi hoeh. Ka kâennaw ni angnae a hmu thai nahanelah, hmaimkhok daw doeh ouk ta aw.

³⁴ Na mit teh na takthai hanelah hmaim lah ao dawkvah na mit ang pawiteh na tak abuemlah a ang han. Na mitmawm pawiteh na tak abuemlah a hmo han.

³⁵ Na tak daw e angnae hah, hmonae lah na coung sak hoeh nahan kâhruetcuat aw.

³⁶ Puengcang buet touh boehai hmonae cakang lah awm laipalah, na tak abuemlah ang pawiteh, hmaiim teh nangmouh a ang e patetlah na tak abuemlah koung a ang han telah atipouh.

Tami kahawi lah kâsak e naw

³⁷ Hahoi hettelah a dei navah, Farasi tami buet touh ni bu ca hanelah a kaw teh caboi dawk a tahung.

³⁸ Bu a ca hoehnaflan kut kamsin hoeh e Farasi tami ni a hmu navah a kângairu.

³⁹ Jisuh ni Farasi nangmanaw, avanlah doeh manang, ailo na pâle awh. Athunglah teh hounlounnae, hawihoehnae hoi doeh na kaw i awh.

⁴⁰ Tamipathunaw, avan lae ka sak e Cathut ni athung lae hai sak hoeh maw.

⁴¹ Hot hlak hoe kahawi e teh, na sak thai toteh mathoenaw hah poe awh, telah na sak pawiteh hno puengpa ni na thoungsak awh han.

⁴² Farasinaw, nangmouh teh na yawthoe awh. Bangkongtetpawiteh, songpam, songkeng hoi anhlanaw totouh, pung hra pung touh na poe awh navah, lannae hoi Cathut lungpatawnae teh banglahai na noutna awh hoeh. Apasuek dei e naw hai cettakhai laipalah, a hnukkhu dei e naw hai tarawi awh.

⁴³ Farasinaw, nangmanaw teh na yawthoe awh. Bangkongtetpawiteh, sinakok dawk ka talue e hmuen koehoi hno yonae koevah ayâ ni bari e hah lung na pataw awh.

⁴⁴ Cakathutkungnaw hoi Farasinaw, kakâsaknaw teh na yawthoe awh. Bangkongtetpawiteh ka kamnuék hoeh e phuen hoi na kâvan awh. Hote tangkom van kacetnaw ni phuen ao e panuek awh hoeh telah atipouh.

⁴⁵ Hahoi kâlawk kacangkhaikung buet touh ni Bawipa telah pawiteh kaimouh hai yon na pen awh maw, telah atipouh navah,

⁴⁶ Kâlawk kacangkchainaw, nangmouh teh na yawthoe awh. Bangkongtetpawiteh, phu thai hoeh e hno ayânaw van na patue awh. Namamouh teh kutdawn hoi boehai na tek awh hoeh.

⁴⁷ Nangmouh teh na yawthoe awh. Na mintoenaw ni a thei e profetnaw e phuen na sak awh.

⁴⁸ Hatdawkvah nangmouh teh, na mintoenaw e nuencang na tarawi awh. Na mintoenaw ni profetnaw teh a thei awh toe. Nangmouh ni phuen na sak awh.

⁴⁹ Hatdawkvah Cathut lungangnae ni profetnaw hoi gunceinaw hah ahnimanaw aonae koe patoun han. Ahnimanaw thung dawk tami tangawn teh a pacekpahlek han, tangawn teh a thei awh han.

⁵⁰ Hatdawkvah, Abel e a thi koehoi a kamtawng vaiteh, thuengnae hoi bawkim rahak vah a thei awh e Zekhariah e a thi totouh, talaivan kamtawngnae koehoi palawng tangcoung lah kaawm e profetnaw pueng e a thipaling phu teh hete miphunnaw koe ka suk han.

⁵¹ Kai ni atangcalah ka dei e teh hete miphunnaw koe hote thipaling phu ka suk han telah kai ni ka dei.

⁵² Kâlawk kacangkchainaw, nangmouh teh na yawthoe awh. Bangkongtetpawiteh panuenaé cabi teh na kuem awh. Namamouh hai na kâen awh hoeh, kâen han kangainaw hai na ngang awh, telah atipouh.

⁵³ Hottelah taminaw koe a dei pouh navah, cakathutkungnaw hoi Farasinaw ni Bawipa dawk yon a pen thai nahanelah,

⁵⁴ a pawp awh teh lawk a dei e man thai nahane a tawng awh teh a konglam a cawngca a pacei awh.

12

Tami kahawi lah kâsaknaw kâhruetcuet poenae *Mat 10:26-33*

¹ Hatnavah, taminaw touklek thai hoeh lah a kamkhueng aw hawh, a kâ katin kâ ka awi aw hawh. Jisuh ni a hnukkâbangnaw koe a dei pouh e teh tami kahawi lah kâsaknae Farasinaw e ton hmaloe pasuek lah roun aw hawh.

² Ramuk lah kaawm e naw pueng a kamawng han. Hro lah kaawm e naw pueng a kamphawng han.

³ A hmonae koe nangmouh ni na dei e naw pueng angnae daw k a thai aw hawh. Nangmouh ni cawngket vah arulahoï hnâ koe lawknaw na dei e pueng lempu hoi pathang lah o han.

Cathut takinae

⁴ Ka huinaw, nangmouh koe ka dei e teh, tak ka thet ni teh alouke hno bout ka thet thai hoeh e taket aw hawh.

⁵ Bangpatet e tami maw na taki han tetpawiteh tak ka thet thai ni teh hell daw k ka tâkhwng thai e hah taket aw hawh. Atangcalah na dei pouh aw hawh. Hote tami hah taket aw hawh.

⁶ Pusu panga touh e hah tangka kahni touh hoi na ran aw hawh nahoe hawh. Hote pusu buet touh boehai Cathut ni pahnim hoeh.

⁷ Nangmae na sam hai abuemlahoi koug a touk. Hatdawkvah taket aw hawh. Nangmanaw teh pusunaw hlak aphu hoe na o aw hawh.

Khrih kampangkhainae

⁸ Kai ni na dei pouh e teh apihai thoseh, taminaw e hmalah kai na kampangkhai. Cathut e kalvantami e hmalah tami Capa ni hote tami teh ka kampangkhai van han.

⁹ Apihai thoseh, taminaw e hmalah kai na hnoun, Cathut e kalvantami e hmalah kai ni ka hnoun van han.

¹⁰ Tami Capa pahni hoi ka dudam e tami teh ngaithoum lah ao thai rah. Kathoug Muitha ka dudam e tami teh nâtuék hai ngaithoumnae hmawt thai mahoe hawh.

¹¹ Sinakok daw k hai thoseh, ka ukkungnaw hoi kâ katawnnaw koe hai thoseh, nangmanaw hah na hrawi aw hawh navah, bangmaw ka dei han tie kângai aw hawh.

¹² Bangkongtetpawiteh, bangtelamaw ka dei han tie hah atueng pha torei teh Kathoug Muitha ni na cangkhai han telah atipouh.

Ka pathu e tangreng bawi bangnuenae

¹³ Tamimaya thung daw k e tami buet touh ni yah, Bawipa ka hmau ni râw kai hai na rei hanelah dei pouh haw telah atipouh navah,

¹⁴ Bawipa ni apinimaw nangmanaw râw rei hanelah kai na rawi a vaw telah a paei.

¹⁵ Hathnukkhu hoi hounlounnae hah kâhruetcuet nateh roun aw hawh. Bangkongtetpawiteh, hnopai tawn nakunghai hnopai daw k hringnae awmhoeh telah ti pouh.

¹⁶ Bangnuenae lahoï bout a dei pouh e teh, ka tangreng e tami buet touh ni a paw moikapap ka tâcawt e talai kahawi buet touh a tawn.

¹⁷ Hote tangreng ni, cakang ka ta nahan hmuen awmhoeh toe, bangtelamaw ka ti han toung telah a lung thung a pouk.

¹⁸ Ka tâsongnaw ka raphoe vaiteh tâsong kalenpoug lah ka sak hnukkhu cakang hoi hno kahawinaw teh hote hmuen daw k ka pâtung han.

19 Ka muitha hanelah, nang ni kum moi kasawlah na hno hane hnopainaw koung ka pátung toe. Duem kâhat lawih, cat net nateh nawm lawih telah ka ti pouh awh han.

20 Telah a pouk lahun navah Cathut ni tamipathu atu tangduem, nange muitha oun ka lat pawiteh, hnopai na kuem e naw apinimaw a pang han vaw telah tangreng koe atipouh.

21 Hot patetvanlah ma hanelah hnopai ka pátung ni teh Cathut hmalah ka mathoe e tami teh hote tangreng bawi hoi doeh a kâvan telah a ti.

Ngaihri hanh

Mat 6:25-33

22 Hnukkâbangnaw koe bout a dei pouh e teh, hatdawkvah nangmouh ni bangtelamaw ka canei han telah hring nahanelah ngaihri awh hanh. Bangtelamaw ka khohna han telah na tak hanelah ngaihri awh hanh.

23 Rawca hlak hringnae apu awh hoeh na maw. Khohna hlak na tak heh phu awh hoeh na maw.

24 Vonganaw khenhaw! Hote tavanaw ni cati hai patûe awh hoeh. Cang hai a awh hoeh. A pátung nahane capainaw hai tawn awh hoeh. Hatei Cathut ni doeh koung a kawkhik. Nangmanaw teh hote tavanaw hlak apu moi na o awh nahoehmaw.

25 Apini maw a ngaihri laihoi amae hringnae dong touh a pasaw thai han maw.

26 Telah kathoenpoung hnoce pateng na sak thai awh hoehpawiteh alouke hnonaw dawc bangkongmaw na ngaihri

27 Kahrawngum e apeikungnaw bangtelah hoi maw a roung awh, tie khenhaw. Shaw hai tawc awh hoeh, hnicu hai kawng awh hoeh. Hateiteh Solomon siangpahrang e bawilenna ni hote apeikung buet touh boehai phat hoeh.

28 Yuemnae koe lah tha kayounnaw atu kahring ni teh tangtho takhuen koe ka phat e kahrawng e pho pateng Cathut ni hottelah a khohnat sak pawiteh, hot hlak nangmanaw teh na khohnat sak mahoe h maw.

29 Hatdawkvah bangtelamaw ka canei awh han tie pouk awh hanh. Na lung hai puen sak awh hanh.

30 Hote hnonaw teh talaivan miphun pueng ni ouk a tawng e doeh. Hote hnonaw, nangmouh ni na panki e hah nangmae na Pa ni a panue.

31 Nangmouh teh Cathut uknaeram ma hah tawng awh. Hahoi hote hnonaw teh na thap pouh awh han.

32 Tuhunaw, taket awh hanh. Nangmae na Pa ni nangmanaw koe ram na poe hane a ngai.

33 Nangmae hnopainaw yawt awh nateh mathoenaw hah poe awh. Ka pawn thai hoe h e yawngya namamouh hanelah sak awh. Tamru ni a paruhoe hnae koe, ahri ni a raphoe hnae koe kalvan kho vah, ka pout thai hoe h e râw kuem awh.

34 Bangkongtetpawiteh, nangmae râw onae koe nangmae lungthin pouknae hai poe ao han.

Bawipa bout tho nahane tueng kâra kuengnae

35 Taisawm kacaklah kâyeng nateh hmaiim sut paang awh.

36 Yuvâ kâpaluenna pawi koehoi a bawipa a tho toteh, tho takhawng navah tang paawng pouh thai nahanelah sut ka ring e san patetlah awh awh.

37 Bawipa bout a tho toteh, kâhruetcu et laihoi a ring tie bawipa ni a hmu e san teh a yawhawi. Kai ni lawkkatang na dei pouh e teh, a bawipa

ni taisawm a kâyeng teh a sannaw a tahung sak teh, ama ni rawca a paca han.

³⁸ Apâhni e tueng, hoi apâthum e tueng nah Bawipa a tho nah hottelah ka ring e sannaw hah hmawt pawiteh, ahnimouh teh a yawhawi awh.

³⁹ Imkung ni tamru a tho nahane atueng panuek pawiteh ama im a muk thai hoeh na hanelah a ring han tie hah nangmouh ni na panue awh.

Yuemkamcu e san

⁴⁰ Hatdawkvah nangmouh ni coungkacoe lah ring awh. Bangkongtet-pawiteh nangmanaw ni na poukhoehnae atueng dawc tami Capa teh a tho han telah atipouh.

⁴¹ Piter ni Bawipa hete bangnue nae heh kaimouh hane dueng maw na dei, taminaw pueng hanelah maw na dei telah a paecei.

⁴² Jisuh ni imkung ni a imthungnaw hanlah atueng pha toteh canei ka rei hanelah a rawi e tami yuemkamcu e hoi a lungkaang niteh, ka kuepcing e san teh apimaw.

⁴³ Bawipa bout a tho navah hottelah kaawm e san teh a yawhawi.

⁴⁴ Lawkkatang na dei pouh e teh bawi ni amae hnopai a tawn e naw pueng a san koe a kuem sak han.

⁴⁵ Hateiteh, hote san ni Bawipa tho hnai mahoe telah a pouk teh amae a san huinaw napui tongpanaw hoi a kâhem awh teh a canei awh teh a parui awh.

⁴⁶ Hote san ni a poukhoehnae hnin, a panuehoehnae tueng dawc Bawipa tho pawiteh hote san teh puenghoi yonphu a khang vaiteh yuemkamcu hoeh e taminaw hoi cungalah ao sak han.

⁴⁷ Ama e a bawipa ngainae a panue nahlangva vah, kâhruetcueth lah kaawm hoeh e san teh avai moikapap hem lah ao han.

⁴⁸ Hatei, ka panuek hoeh e teh younca doeh hem khai han. Moikapap poe e ni moikapap a patho han. Moikapap kuem sak e koe moikapap hei lah ao han.

Kâkapek sak hanlah thonae

⁴⁹ Talai van hmai kak sak han doeh ka tho. Hmai ka kang tangcoung e lah o han ka ngainae hoe ao.

⁵⁰ Hatei, ka coe hane baptisma buet touh ao rah. Hote Baptisma ka hmu hoehroukrak banghloimaw ka lungrei a thai.

⁵¹ Talai dawc roumnae poe hanelah kai teh ka tho telah na pouk awh maw. Hottelah nahoe. Buet touh hoi buet touh kâkapek sak hanelah doeh ka tho telah a ti.

⁵² Bangtelamaw tetpawiteh, atu hoi teh tami panga touh kaawm e im dawkvah, kathum touh ni kahni touh e a taran vaiteh, kahni touh ni kathum touh e hah a taran han.

⁵³ A na pa ni a capa, a capa ni a napa, a manu ni a canu, a canu ni a manu, a mani ni a langa, a langa ni a mani a taran vaiteh a kâkapek awh han.

A tue panue thainae

⁵⁴ Tamimaya koe bout a dei pouh e teh nangmouh ni kaniloum lah tâmai a tho e na hmu awh navah khorak han doeh telah na ti awh. Na dei awh e patetlah a rak.

⁵⁵ Aka lahoi kahlî tho e na hmu navah khumbei a thoe han doeh na ti awh. Na dei awh e patetlah bokheiyah.

⁵⁶ Tamikahawi lah ka kâsaknaw nangmouh ni talai hoi kalvanlae mitnoutnae na kapek awh teh na panue thai awh. Bangkongmaw a tue na kapekkaboe thai awh hoeh vaw.

⁵⁷ Hothloilah bangkongmaw katang e hno hah namamouh lungpouk na panue thai awh hoeh vaw.

Kâmaihawinae

⁵⁸ Nang na ka toe e hoi lawkcengkung koe reirei na cei navah, lam vah ahni hoi hnâbonae na sak thai nahanelah panki awh. Telah na sak hoehpawiteh ahni ni nang teh lawkcengkung bawi koe na hrawi vaiteh lawkcengkung ni karingkungnaw kut dawk na poe vaiteh karingkungnaw ni thongim na pabo na.

⁵⁹ Tangka pueng koug na patho hoehroukrak thongim thung hoi na tâcawt mahoeh telah kai ni ka dei.

13

Ronae

¹ Hatnavah, tami tangawn a tho teh Pailat bawi ni Galilee tami tangawn e a thi teh amamouh hoi amamae thuengnae hoi kâkalawt toe ti teh a dei pouh awh.

² Jisuh ni hote Galilee taminaw teh hottelah a khang awh dawkvah alouke Galilee taminaw pueng hlak hoe a yon awh, telah na pouk a maw.

³ Hoe yon awh hoeh, nangmouh hai pan na kângai awh hoehpawiteh rawknae dawk na pha awh han telah a dei pouh.

⁴ Hothloilah, Siloam imrasang ni a rawp sin nah kadout e tami hlaitaroe touh teh Jerusalem kho thung e naw pueng hlak hoe a yonnae ao telah na pouk awh maw.

⁵ Hoe yon awh hoeh, nangmouh hai yon pan na kângai awh hoehpawiteh rawknae dawk na pha awh han telah bout a dei pouh.

Ka paw hoeh e thaibunglung bangnuenae

⁶ Bangnuenae bout a dei e teh tami buet touh ni takha dawkvah a ung e thaibunglung buet touh ao. Hote a kung koe a tho teh a paw a tawng ei hmawt hoeh.

⁷ Hatnavah takha ka ring e koe kum thum touh thung hete thaibunglung koe ka tho teh a paw ka tawng ei kahmawt bawi hoeh. Lawt tâ tueng leih, bangkongmaw talai runae na poe telah kâ a poe teh takhakingkung ni Bawipa takum teh awm ei naseh atipouh.

⁸ Kai ni a kung tenggam ka tai vaiteh talai kahawi ka poe han rah,

⁹ Palawng vah a paw bout paw hoehpawiteh tâtueng yawkaw lawih atipouh.

Sabbath hnin ka pataw e a dam sak

¹⁰ Jisuh ni sabbath hnin vah sinakok dawc cangkhae a sak navah,

¹¹ a kum hlaitaroe touh thung kahrai ni a man teh patawnae ka tawn e napui buet touh ao. Hote napui teh a hnamthun teh kangdout thai hoeh.

¹² Jisuh ni hote napui a hmu navah ama koe a kaw teh nange napui, nang teh na patawnae dawc hoi na hlout toe telah kâ a poe navah,

¹³ ahni dawkvah a kut a toung teh ahni teh tang a kangdue thai teh Cathut a pholen.

¹⁴ Hottelah sabbath hnin Jisuh ni patawnae a dam sak dawkvah sinakok kaukung a lungkhuek teh thaw tawknae hnin hnin taruk touh ao, hote

hnin dawkvah patawnae dam hanelah tho awh. Sabbath hnin tho a hanh telah tamihu koe a dei pouh.

¹⁵ Jisuh ni tami kadumyennaw nangmanaw ni sabbath hnin vah marang, maitonaw hah a im dawk na ta awh teh tui nei hanelah ouk na hrawi awh nahoehmaw.

¹⁶ Abraham e canu kum hlaitaroe touh thung Setan ni a katek e napui heh sabbath hnin vah hlout sak thai mahoe h maw telah atipouh.

¹⁷ Hottelah a dei hnukkhu Bawipa ka taran e naw pueng teh yeirai a po awh. Bawipa ni kângairu hnonaw a sak e hah taminaw pueng ni a konawm awh.

Antam mu hoi ton bangnuenae

Mat 13:31-33; Mrk 4:30-32

¹⁸ Cathut uknaeram teh bang hoi maw a kâvan, bang hoi maw bout ka bangnue han telah atipouh.

¹⁹ Tami buet touh ni hote antam mu hah a la teh, a takha daw k a patue navah, a roun g, a kung a len teh kahlun e tavanaw ni a kang daw k a kâhat telah a dei pouh.

²⁰ Cathut uknaeram teh bang hoi maw bangnue han telah bout atipouh.

²¹ Napui ni ton a la teh tahawnbu tangthung kathum touh daw k a phuen teh, hote tahawnbu ka po sak e ton hoi a kâvan telah a ti.

Kabueng e takhang

²² Hatnavah Jisuh teh kho tangkuem a cei teh cangkchainae a sak teh Jerusalem kho lah a cei.

²³ Tami buet touh niyah Bawipa rungnang lah kaawm e tami a younca maw kaawm telah a paei.

²⁴ Hatnavah kabueng e takhang daw k kâen hanelah panki awh. Bangkongtetpawiteh tami kapap ni kâen han a ngai ei teh kâen thai hoe h telah kai ni ka dei.

²⁵ Imkung ni takhang a khan hnukkhu teh nangmouh ni alawilah kangdue laihoi, tho na takhawng awh teh Bawipa, Bawipa kaimouh hane tho paawng ei na ka tet awh nakunghai Bawipa ni nangmanaw nâ hoi ka tho e maw, kai ni na panuek awh hoe h telah bout ati pouh awh han.

²⁶ Hatnavah nangmouh ni kaimanaw teh nama hoi cungtalah ka canei awh toe. Kaimouh kho vah nama ni cangkchainae na sak toe telah na dei ei nakunghai,

²⁷ Bawipa ni nangmanaw teh nâ hoi ka tho e maw kai ni na panuek awh hoe h. Hawihoehnae hno na ka sak e taminaw kai koehoi tâcawt awh telah nangmouh koe ati han.

²⁸ Hatnavah Abraham, Isak, Jakop hoi kamtawng vaiteh profetnaw pueng ni Cathut uknaeram daw k a kâen han, nangmanaw teh alawilah pâlei lah na o awh vaiteh khuikanae, hâ katanae hmuen koe na o han.

²⁹ Hatnavah kanîtho, kanîloum, atung, aka lahoi tho awh vaiteh Cathut uknaeram thung a tahung awh han.

³⁰ Hnuk ka teng e tami hma a hman han. Hma ka hman e tami hnuk a teng han, telah atipouh.

Jisuh hoi Herod

³¹ Hatnavah Farasi tami tangawn Bawipa koe a tho teh, Herod bawi ni Bawipa nang thei hanlah a ngai dawkvah hie hmuen koehoi tâcawt leih atipouh.

³² Bawipa ni cet aw h nateh hote asui koe dei pouh aw h. Kai teh sahnin tangtho kahraituulinaw ka pâlei vaiteh, patawnae karoumsak han, apâthum hnin thaw ka cum han.

³³ Hateiteh, sahnin, tangtho, tawkkahnin e a hninnaw dawkvah kahlawng ka cei han rah. Bangkongtetpawiteh, Jerusalem lawi lah alouke hmuen koe bangpatet e profet nakunghai a due tie awm thai hoeh.

*Jerusalem kho hanlah Jisuh a ka
Mat 23:37-39*

³⁴ Oe, Jerusalem, Jerusalem, nang teh profetnaw pou na thei. Nang na onae koe patoun e taminaw hai talung hoi pou na dêi. Âpuï ni a canaw a rathei rahim vah, koung a ramuk e patetlah nange na canaw pâkhueng hanelah avai moikapap lah na ngaikhai ei, nang ni na ngai hoeh.

³⁵ Nangmouh na onae im teh tami kingkadi lah ao han. Kai ni ka dei e teh Cathut e ngainae lahoi ka tho e tami teh yawhawinae awm lawiwesh telah nangmouh ni na dei hoeh roukrak atu hoi teh nangmouh ni kaie minhmai na hmawt mahoe h telah atipouh.

14

Sabbath hnin daw kâounnae

¹ Jisuh teh sabbath hnin vah bu ca hanelah Farasi bawi buet touh im a kâen teh, hatnavah ahnimouh ni Bawipa teh a tuet aw h.

² A hmalah phing patawnae ka tawn e tami buet touh teh ao.

³ Sabbath hnin patawnae dam sak han maw telah Farasinaw hoi cakathutkungnaw hah Jisuh ni a pacei navah,

⁴ ahnimouh teh lawkkamuem ao aw h. Jisuh ni hote tami a kaw teh patawnae daw k hoi hlout sak hnukkhu bout a tha.

⁵ Hathnukkhu ahnimanaw koe, sabbath hnin vah na capa hoehpawiteh na maito tangkom daw k baw t pawiteh rasat laipalah apimouh na kaawm aw h han telah a pacei.

⁶ Ahnimouh ni lawk kam touh boehai pathung thai aw h hoeh.

Kârahnoum hanlah cangkainae

⁷ Hatnavah kaw e tami teh bari kaawm e tahungnae daw k a rawi aw h e hah a hmu terei teh ahnimanaw han banguena e a dei pouh.

⁸ Tami ni yuvâ kâpaluenna e paw i koe nang na kaw navah bari kaawm e hmuen koe tahung hanh. Hottelah na tahung pawiteh nang hlak ka talue e tami paw i koe tho paw i teh,

⁹ nangmouh ka kaw e tami ni hete tami hmuen poe leih telah a dei han. Hatnavah nang teh yeirapo hoi ka rahnoum e hmuen koe na kum han.

¹⁰ Tami ni nang na kaw navah cet nateh ka rahnoum e hmuen daw k tahung. Hottelah na aw m pawiteh nang ka kaw e tami a tho navah ka hui haw e hmuen koe luen telah ati han. Hatnavah nang hoi cungtalah ka tahung e taminaw hmalah nang teh bari e lah na o han.

¹¹ Amahoima kârasang e tami teh rahnoum sak lah ao vaiteh, amahoima kârahnoum e tami teh rasang sak lah ao han atipouh.

¹² Jisuh ni ama ka kaw e tami koe bout a dei pouh e teh nang ni amombu, tangminbu na paca navah huikonaw, hmaunawngghanaw, miphunnaw hoi ka tawnta e imtenglawpamnaw na kaw mahoe h. Hottelah na kaw pawiteh a hnuk khu terei nang bout na kaw aw h vaiteh na patho aw h han.

¹³ Paw i na to navah ka mathoe e tami, kuepcing hoeh e tami, a khokkhem e tami hoi a mit ka dawn e taminaw hah kaw aw h.

¹⁴ Hottelah na kaw pawiteh yawhawinae ao han. A lamthung teh hote taminaw ni na patho thai hoeh e lah ao dawkvah tami kalannaw a thawnae tueng dawkvah nang teh patho lah na o han telah atipouh.

Tangminbu canae pawî bangnuenae

Mat 22:2-14

¹⁵ Caboi koe ka tahung e tami buet touh ni hote lawk a thai navah Cathut uknaeram pawî dawk kâen e tami teh yawhawinae ao telah a dei navah, ¹⁶ Jisuh ni tami buet touh teh ka talue poung lah pawî a sak teh taminaw pueng a kaw.

¹⁷ Pawitonae tueng a pha toteh kaw tangcoung e taminaw koe tami a patoun teh, tho awî bangpuengpa coungkacoe lah ao toe telah a thai sak.

¹⁸ Kaw kamcu e taminaw pueng ni a panuiparingkhai awî. Buet touh ni kai im hmuen ka ran. Ka cei vaiteh ka khet han. Kai na ngaithoum ei telah a kahei.

¹⁹ Buet touh ni kai maito bo panga touh ka ran toe. Ka cei vaiteh ka tanouk han rah. Kai na ngaithoum ei telah a kâhei.

²⁰ Buet touh ni kai ka yu hoi ka paluen toe. Hatdawkvah kai ka tho thai mahoeh.

²¹ A san ni bawipa koe bout a tho teh hote akongnaw a dei pouh. Hatnavah imkung a lungkhuek teh, kho thung lam teng lam rahak kaawmnaw, mathoenaw, kuepcinghoehnaw, khokkhemnaw hoi mitdawnnaw pueng kaw telah a san koe a dei pouh.

²² A san ni hai Bawipa kâ na poe e patetlah ka sak toe. Hatei tahung nahane hmuen ka houng e ao rah telah a dei pouh.

²³ Hahoi, Bawipa ni kho lawi, lam dawî, takha teng cet ei, kaie im dawî muen akawi thai nahan koug kaw lawih.

²⁴ Hmaloe kaw e taminaw buet touh hai kaie tangminbu patek mahoeh telah a san koe a dei pouh, telah atipouh.

Pahnawtnae hoi a hnukkâbangnae

²⁵ Hathnukkhu tamihupui teh Bawipa hnuk a kâbang awî teh, a kamlang sin teh a khet navah,

²⁶ apihai amae manu, napa, yuca, hmaunawngghanaw dueng laipalah amae hringnae patenghai pahnawî hoehpawiteh, ka hnuk kâbang lah awî thai hoeh.

²⁷ Ama e thingpalam hrawm hoi ka hnuk kâbang hoeh e tami teh ka hnuk kâbang e lah awî thai hoeh.

²⁸ Nangmouh thung dawkvah tami buetbuet touh ni, imrasang sak hanlah ngai pawiteh, hote im a cum totouh phoisa a khout hoi a khout hoeh e hah hmaloe tahung vaiteh, to laipalah ao han namaw.

²⁹ Hottelah to laipalah hoi khomkhu a tapu teh im cum thai hoehpawiteh ka hmawî e pueng ni a pathoe awî han nahoehmaw.

³⁰ Hete tami ni a kamtawng eiteh cum thai hoeh telah a pathoe awî han.

³¹ Hothloilah siangpahrang buet touh ni alouke siangpahrang hoi kâtuk han ati navah, ransa 20,000 touh hoi ka târun e hah, ransa 10,000 touh hoi tâ hoi tâ hoeh hane hmaloe pouk mahoeh maw.

³² Tâ thai mahoeh tetpawiteh alouke Siangpahrang ahlanae koe ao lahun navah laicei a patoun vaiteh roumnae ao thai nahan ngaithoumnae a hei han na vaiyaw.

³³ Hot patetlah nangmanaw pueng hai mae tawn e hnopainaw pueng na cettakhai hoehpawiteh kaie ka hnuk kâbang lah na awî thai hoeh.

Palawi teh paan hoehpawiteh aphu awmhoeh

Mat 5:13

³⁴ Palawi teh ahawi. Hatei palawi teh a paanae kahmat pawiteh bangtelah hoi maw bout paan thai han.

³⁵ Talai hanelah thoseh, ei lahai thoseh, hawikhangnae ao hoeh toung dawkvah, alawilah ouk a tâkhawng aw. Thai nahane hnâ ka tawn e tami ni thai naseh telah atipouh.

15

Tu kahmat e bangnuenae

Mat 18:12-14

¹ Tamuk kacawngnaw hoi tamikayonnaw ni Bawipa e cangkhae thai hanelah ama koe a tho aw.

² Farasi hoi cakathutkungnaw niyah hete tami teh tamikayonnaw hoi rei a o, ahnimouh hoi cungtalalah bu rei a ca telah yon a pen aw.

³ Hatnavah bangnuenae lawk a dei e teh nangmouh dawkwah tami buetbuet touh ni tu cum touh a tawn.

⁴ Hotnaw thung dawkwah e tu buet touh kahmat pawiteh 99 touh e tunaw hah kahrawngum a ta vaiteh kahmat e tu buet touh a hmu hoeh roukrak a cei teh tawng laipalah ao han maw.

⁵ A hmu torei teh a lunghawi teh a loung dawkwah a thueng teh,

⁶ im a pha torei teh a huikonaw hoi a imrinaw a kaw teh kahmat e tu bout ka hmu toe, cungtalalah konawm khai aw haw telah a dei han.

⁷ Hot patetlah pankângai han ka tawn hoeh e tami 99 touh hlakvah pankângai e tamikayon buet touh koe kalvan vah a lunghawinae bet ao hnawn telah a ti.

Ngun tangka kahmat e bangnuenae

⁸ Hottelah napui buet touh ni phoisa phekwah hira touh a tawn. Phek touh kahmat pawiteh hmai paang vaiteh a hmu hoeh roukrak imthungkhu imka pâthoun vaiteh kahawicalah tawng laipalah ao han maw.

⁹ A hmu torei teh a huikonaw hoi imrinaw a kaw vaiteh kahmat e phoisa bout ka hmu toe, cungtalalah konawm khai aw haw telah ati han.

¹⁰ Hot patetvanlah, Cathut e kalvantaminaw ni pankângai e tamikayon buet touh dawkwah lunghawinae a tawn aw, telah atipouh.

Capa kahmat e hoi bangnuenae

¹¹ Bout a dei e teh tami buet touh ni ca tongpa kahni touh a tawn,

¹² A ca cahnung ni a na pa koe a cei teh apa, ka hmu hane kawiraw na kapek pouh leih telah a kâhei teh a na pa ni hnopainaw pueng a kapek teh a poe.

¹³ Hathnukkhu hoi a ca cahnung ni amae hnopainaw pueng a la teh kahlatpoung e ram dawkwah a cei teh hote ram dawkwah talai nawmnae dawkwah a ngai patetlah kho a sak teh hnopainaw pueng koug a kaseikasak.

¹⁴ A tawn e hnopai koug a pâbaw hnukkhu hote ram dawkwah takang puenghoi a tho teh puenghoi roedengnae koe a pha.

¹⁵ Hatdawkwah hote ram dawkwah tami buet touh koe o hanelah a cei teh hote tami ni vok ring hanelah a patoun.

¹⁶ Ahni teh vok rawca patenghai ca hane ngai totouh a vonhnam, hatei apinihai rawca banghai poe aw hoeh.

¹⁷ Hatnavah a lung vuk a ang teh apa im vah apfu hmu hanelah hoi a ta e a sannaw ni boeba hai cat laipalah ca hane a tawn, kai teh hivah vonhlam hoi ka o.

¹⁸ Ka thaw vaiteh apa koe ka cei han. Apa, kai ni kalvan hoi na hmaitung vah ka yon toe.

¹⁹ Na ca ti hanelah ka kamcu hoeh. Na san buet touh lah o hanelah na tat lawih ka ti han a ti.

²⁰ Hatdawkvah, a na pa koe ban hanelah a kamthaw. Lam ahlapoungnae koe a tho e a na pa ni a hmu navah a pahren dawkw a yawng sin teh a takawi teh a paco.

²¹ A capa ni vah a Pa kalvan koe thoseh, na hmaitung thoseh, ka yon toe. Na ca ti han ka kamcu hoeh toe telah a ti.

²² A na pa ni vah apfu kaawm poung e angki lat nateh kho sak awh, a kut dawkw kuthrawt buen sak awh.

²³ Khokkhawm hai khawm sak awh, hahoi Maito ca kathâwpoung e lat nateh thet awh, kanawm poung lah pawih sak awh sei.

²⁴ Bangkongtetpawiteh ka capa teh a due toe, hatei atu bout a hring. A kahma, hateiteh atu bout ka hmu toe ati. Hottelah hoi pawih teh a kamtawng awh.

²⁵ A capa kacue ni law hoi a ban teh im teng a pha navah ratoung tamawih lawk hoi lamtu e a thai.

²⁶ A san buet touh a kaw teh bangmaw na sak awh, telah a pacei.

²⁷ A san ni vah na nawngka ka dam lahoi im bout a tho dawkwah, na pa ni maito ca kathâw e a thei pouh telah atipouh. A capa kacue e teh a lungphuen teh im dawkwah kâen laipalah ao.

²⁸ A na pa ni capa kacue koe a cei teh kâen leih telah a pasawt.

²⁹ A capa kacue ni hai kai ni atueng moi kasawlah apa, nange san patetlah thaw ka tawkw, vai touh boehai nange kâpoelawkw ka tapoe hoeh. Hateiteh kai ni ka huinaw hoi cungtalah nawmnae sak hanelah hmae boehai na poe hoeh.

³⁰ Ka kâyawt e napuinaw hoi kaawm ni teh na hnopai kaseikasak e na ca cahnoung, im bout a pha torei teh maito ca kathâw kathâw na thei pouh telah a ti.

³¹ A na pa ni, ka ca nang teh ka im vah yungyoe na o teh ka tawn e hnopueng nange hno lah ao.

³² Hatei na nawngka teh a due eiteh, atu bout a hring. A kahma eiteh atu bout hmu toe. Hatdawkvah lunghawih khai hane roeroe lah ao telah a na pa ni atipouh.

16

Hnopai ka kuem e tamipathu bangnuenae

¹ Jisuh ni a hnukkâbangnaw koe bout a dei pouh e teh, hnopai ka tawnta poung e bawih buet touh ao. Hote bawih ni hnopai ka kuem hane tami buet touh a tawn. Hote hnopai ka kuem e ni hnopai a kaseikasak telah bawih koe ka dei pouh e tami ao dawkwah,

² bawih ni ahni hah a kaw teh nange kong ka thai e heh bangtelah na maw. Ka hnopainaw na hno e cayin ka kuep lah na poe haw. Bangkongtetpawiteh ka hno ka khen e tami lah na awm thai hoeh toe telah atipouh.

³ Hatnavah Bawipa ni kai teh thaw dawkw hoi na tâco sak toe, bangmaw ka tawkw han. Laikawkw tawkw hane hai ka tawkw thai hoeh, ayâ koe kutdaw hane hai kayayeirai ati.

⁴ Atuvah bangmaw ka sak han tie ka panue toe, hottelah ka sak pawiteh ka thaw a baw torei im dawkvah o sak han ka ngai e tami ka hui ka tawn han telah a pouk.

⁵ Bawipa koe laiba ka tawn e taminaw pueng a kaw teh apasuek e tami koe ka Bawipa koe patho hane laiba na yit touh maw na ba titeh a pacei.

⁶ Hote tami ni satui nuena e 1,000 touh poe han ao telah a dei. Hnopai ka khen e tami ni vah hete na cayin lat nateh nuena e 500 touh thut telah atipouh.

⁷ Hathnukkhu alouke tami a kaw teh nang te laiba na yit touh maw na ba telah a pacei. Catun phei 1,000 touh poe han ao telah ati. Cayin lat nateh phei 800 touh thut telah atipouh.

⁸ Hote hnopai ka khen ni teh tami ka dумыen e ni hot patetlah huenghai hoi hno a sak dawkvah a bawipa ni a oup. Bangkongtetpawiteh hete talaivan capanaw ni a thaw tawk e dawkvah angnae capanaw hlak vah a lunganghnawn telah ati.

⁹ Bout ka dei e teh, na due torei a yungyoe kangning e lukkareiim dawkhui na tawn thai awh nahanelah, kangning hoeh e talai hno hno awh.

¹⁰ Hno kathoengca dawkhui yuemkamcu e tami teh hno kalen dawkhui yuemkamcu hoeh e tami teh hno kalen dawkhui yuemkamcu hoeh.

¹¹ Hottelah ao dawkvah ka kangning hoeh e talai hno hno navah, yuemkamcu lah na awm hoehpawiteh bangtelamaw bawitangrengnae katang poe lah ao han vaw.

¹² Hatdawkvah tami alouke hno dawkvah yuemkamcu hoeh lah na awm pawiteh apinimaw namamouh han lah hno na poe han maw.

¹³ San buet touh ni vah bawi kahni touh e san lah awm thai hoeh, buet touh pahnavt vaiteh buet touh a lungpataw han. Buet touh koe yuemkamcu lah ao vaiteh buet touh e teh banglahai noutna mahoe. Cathut hoi tangka e thaw mekkem thai mahoe telah atipouh.

Uknae ram hoi kâkuen e apu o saknae

¹⁴ Farasinaw ni a dei e naw pueng a thai navah, ahnimouh teh tangka ka ngai e tami lah ao dawkvah Bawipa a panuikhai awh.

¹⁵ Jisuh ni hai Farasinaw, nangmouh teh tami hmalah tamikalalan lah na kâsak awh. Hatei Cathut ni nangmae lungthin a panue. Bangkongtetpawiteh, tami ni apu kaawm poung lah a pouk eiteh Cathut hmalah panuethopoung doeh.

¹⁶ Mosi e kâlawk hoi profetnaw ni a thut e naw teh Baptisma ka poe e Jawhan e atueng totouh hane doeh. Hathnukkhu Cathut uknaeram kamthang teh taminaw pueng koe dei lah ao vaiteh taminaw ni ram dawkhui kâen awh han.

¹⁷ Hatei kâlawk dawkhui lawklung kathoengpoung buet touh a rawk hlak vah kalvan hoi talai a rawk e a yawi hnawn.

¹⁸ Nang ni na yu hoi na kampek teh alouke napui hoi na o, hote tami teh a uicuk toe. Hahoi a vâ ka mat e napui hoi kaawm e tami hai a uicuk van telah atipouh.

Tangreng hoi Lazarus

¹⁹ Vai touh teh ka tangreng poung e tami buet touh ao teh khohna phu kaawm poung hoi a kamthoung teh hnintangkuem kanawm poung lah kho a sak.

²⁰ Ka roedeng buet touh, âhlut hoi kakawi e, a min Lazarus tie teh, buramei ca hane pouknae lungthin hoi,

²¹ tangreng bawi im longkha teng sut a tahung. Uinaw ni a tho teh a hmânaw a palem pouh.

²² Hnin touh hnin vah ka roedeng e tami a due teh kalvantaminaw ni kalvan Abraham e a lungtabue dawkvah a thak awh. Tangreng bawi hai a due teh a pakawp awh.

²³ Tangreng bawi teh hell dawk a bo teh puenghoi ka patawpoung lah khang laihoi ao. A moung teh a khet navah, Abraham hoi a lungtabue dawk kaawm e Lazarus hah ahlanae koehoi a hmu.

²⁴ Hattoteh, apa Abraham, na pahren haw. Kai teh hete hmaipalai dawk patawnae puenghoi ka khang dawkvah, Lazarus hah a kutdawn tui dawk ranup sak nateh ka lai pânding sak hanlah patoun haw telah hramki laihoi a dei.

²⁵ Hatei Abraham ni, ka capa, na hring na thungvah hnopai phunkuep poe lah na o. Lazarus teh roedeng lah ao e hah pahnim hanh. Hatei atuvah ahni teh kanawm poung lah ao, nang teh rei thai hoi na o.

²⁶ Hothloilah maimouh rahak vah kadung poung e ravo pui ni na rakhan. Hatdawkvah hi lahoi nangmouh koe lah raka han ka ngai e tami ni raka thai hoeh. Hot patetlah nangmouh koe lahoi kaimouh koe lah raka han ka ngai e ni raka thai hoeh telah atipouh.

²⁷ Tangreng bawi ni pawiteh, Oe! apa, Lazarus hah kai na pa im vah na patoun pouh haw

²⁸ Hawvah ka hmaunawngna panga touh ao rah. Ahnimouh ni hete puenghoi patawnae hmuen koe a pha awh hoeh nahanelah lawkpanue-saknae poe sak hanelah ka ngai telah atipouh.

²⁹ Abraham ni, na hmaunawngnanaw ni Mosi hoi profetnaw ni dei e hah tarawi awh naseh, telah atipouh.

³⁰ Tangreng bawi ni, a pa, Abraham, hottelah nahoe, duenae koehoi buetbuet touh ni, ahnimanaw koe cet pawiteh a hringnae pan a kângai han doeh telah ati.

³¹ Hatei Abraham ni, ahnimanaw ni Mosi hoi profetnaw e lawk ngâi awh hoehpawiteh, tami buetbuet touh ni duenae koehoi ka thaw nakunghai yuem mahoe, telah atipouh.

17

Jisuh ni kâhruetcuetae a poe

¹ Jisuh ni a hnukkâbangnaw koe bout a dei pouh e teh, payonnae teh kaawm han. Hatei payonnae kaawm sak e tami teh a yawthoe.

² Hete camo buet buet touh payon sak e hlak cakang phawmnae talungsum lahuen dawk awi laihoi talî dawk tâtawt pawiteh ahawihnawn.

³ Kâhruetcuetae awh, hmaunawngna ni yon pawiteh toun awh, pankângai pawiteh a yonnae ngaithoum awh.

⁴ Hnin touh dawk nang koe vai sari touh a payon teh vai sari touh nang koe pankângai toe telah dei pawiteh a yonnae na ngaithoum han telah atipouh.

⁵ Gunceinaw ni Bawipa ka yuemnae hoe len sak haw telah ati awh.

⁶ Bawipa ni a dei e teh nangmouh ni antam mu tit touh yuemnae na tawn pawiteh hete thailahei kung heh tangpha khuehoi kâphawng nateh talî dawk kâung telah na ti navah na lawk a ngâi han telah ati.

⁷ “Bangnuenae lah san buet touh a tawn teh, hote san ni laikawk thaw a tawknae koehoi a tho navah, nahoe pawiteh, tu hoi maito a khounnae

koehoi im a pha navah karang tho nateh, tahung nateh cat leih ka tet e tami ao han na ou.

⁸ Hottelah tet laipalah, kai hanlah rawca hmaloe pâtoum nateh, kai ka ca lahun nah na taisawm kâyeng nateh, khenyawn ei, hahoi torei cat lah a na ti awh han vai yaw.

⁹ Hote san ni sak hanlah kâ poe e a sak dawkvah a bawipa ni ahni koe a lunghawi han na ou.

¹⁰ Hot patetvanlah, nangmouh hai kâ poe e hah be na tawk awh torei teh, maimouh teh hawinae kaawm hoeh e sannaw doeh, tawk hane kawidoh tawk awh telah tet awh, telah atipouh.

Hrikbei hra touh

¹¹ Jisuh ni Jerusalem kho lah a cei nah Samaria hoi Galilee e rahak hoi a cei.

¹² Kho buet touh dawk a kâen teh haw vah ka hrikbei e tami hra touh ao teh ahnimouh ni a dawn awh. Lam ahla poung koe a kangdue awh teh,

¹³ Jisuh, Bawipa, kaimouh na pahren awh haw, telah a hram awh.

¹⁴ Jisuh ni a hmu teh vaihmanaw koe cet awh nateh namamouh hoi namamouh kâpâtue awh, telah atipouh. Ahnimouh ni a cei awh teh lam vah thOUNGNAE dawK a pha awh.

¹⁵ Ahnimouh thung dawK hoi tami buet touh teh ka dam toe tie a kâpanue navah a ban teh Cathut hah kacaipoung lawk hoi a pholen.

¹⁶ Jisuh e khok rahim a tabo teh, Bawipa ka lunghawi telah ati. Hote tami teh samaria tami doeh.

¹⁷ Jisuh ni, "hra touh hoi kOUNG DAM awh hoeh maw. Tako touh e teh na maw ao awh.

¹⁸ Ahnimanaw hai ban vaiteh Cathut pholen thai hoeh maw. Hete mipun alouke tami hloilah buet touh boehai awh hoeh maw telah ati.

¹⁹ Hatnavah Jisuh ni ahni teh, "thaw nateh cet leih, na yuemnae ni na dam sak toe," telah atipouh.

Ka tho hane Cathut uknae ram

Mat 24:37-39

²⁰ Farasinaw a tangawn ni Jisuh teh, nâtuek maw Cathut uknaeram teh a pha han telah a pacei awh. Jisuh ni Cathut uknaeram teh mit hoi hmu e dawK kaawm e na hoeh.

²¹ Apinihai khenhaw! hi doeh ao, haw doeh ao tet thai hoeh. Bangkongtetpawiteh Cathut uknaeram teh nangmae thung doeh ao telah atipouh.

²² A hnukkâbangnaw koe bout a dei pouh e teh, "nangmouh ni tami Capa e hnin hnin touh hmu han ka ngai, na tinae tueng ka phat han. Hateiteh na hmu thaihoehnae tueng ka phat han.

²³ Hi lah khenhaw! haw lah khen a haw telah ka dei e tami kaawm han. Hateiteh hote khet hanelah tâcawt awh hanh.

²⁴ Sumpa teh kalvan avanglah hoi avanglah a palik teh pheng a ang e patetlah tami Capa teh amae hnin dawK hot patetlah ao han.

²⁵ Hottelah ao hoehnahlan a rucatae moi a khang hane thoseh, atu mipunnaw e pahnawtnae hai thoseh, a khang han.

²⁶ Noah e tueng navah kaawm e patetlah tami Capa e tueng nahai kaawm han.

²⁷ Noah ni long thung a kâen hnin totouh, taminaw ni a canei awh, a kâpaluen awh, a kâhâ awh teh ahnimouh pueng teh kOUNG RAPHOE e lah ao awh.

²⁸ Hot patetvanlah Lot e tueng nahaiyah, taminaw ni a canei awh, a yoran awh, a patue awh, imlaw a sak laihoi ao awh.

²⁹ Hatei, Lot teh Sodom hoi a tâco hnin vah kalvan hoi ganhmai kho lah a rak teh ahnimouh pueng teh kOUNg raphoe e lah ao awh.

³⁰ Hottelah tami Capa a kamnue hnin dawkvah kaawm han.

³¹ Hote hnin dawkvah lempu kaawm e tami teh imthung kaawm e hno la hanelah kum hanh naseh, hot patetvanlah law kaawm e tami teh im lah ban hanh naseh.

³² Lot e a yu hah pahnim awh hanh.

³³ Ma e hringnae ka vum e tami teh hringnae a sung han, hringnae ka sung e tami teh a hringnae hah a rungngang han.

³⁴ Na dei pouh awh. Hot hnin tangmin vah tami kahni touh ikhun buet touh dawK ka ip e kaawm han, buet touh teh la lah ao vaiteh buet touh teh ceitakhai lah kaawm han.

³⁵ Napui cakang ka phawm e tami kahni touh dawkvah buet touh la lah ao vaiteh buet touh ceitakhai lah kaawm han.

³⁶ Tami kahni touh law vah thaw ka tawK e kaawm han, buet touh la lah ao vaiteh buet touh ceitakhai lah kaawm han telah atipouh.

³⁷ A hnukkâbangnaw ni Bawipa, nâ e hmuen koe maw telah ao han telah a pacei awh navah ro onae koe langtanaw teh a kamkhueng awh han telah atipouh.

18

A lungpout hoeh e lahmmainu

¹ Lungpout laipalah ratoum yungyoe awh, tie cangkainae dawkvah Jisuh ni bangnue nae a dei.

² Khopui buet touh dawkvah Cathut hai ka taket hoeh ni teh tami hai barilawa ti ka tawn hoeh e lawkcengkung bawi buet touh ao.

³ Hote kho dawkvah lahmmainu buet touh ao teh kai koe lah lawk na ceng pouh leih, telah atuhoutu pou a tho sin.

⁴ Lawkcengkung bawi ni atueng moi ka saw lah a kangek.

⁵ Hateiteh, lawkcengkung bawi ni kai teh Cathut hai ka taket hoeh, tami barilawanae hai ka tawn hoeh e lah ka o ei, hete lahmmainu ni pou na tarawK dawkvah, lawkceng pouh hoeh pawiteh boutbout tho vaiteh ka lungrei na thaisak han doeh. Hatdawkvah ahni koe lah lawk ka ceng pouh han toe telah a ti.

⁶ Hathnukkhu Bawipa ni, hote lawkcengkung bawi ni a dei e teh na thai awh toe.

⁷ Cathut ni a rawi tangcoung e taminaw ni amom tangmin lah a hram laihoi het pawiteh lawkceng pouh laipalah ao han maw.

⁸ Kai ni ka dei e teh, ahnimouh koe lah karanglah lawk a ceng han. Hatei tami Capa a tho torei teh talai van vah yuemnae a hmu han nama aw, telah atipouh.

Farasinaw hoi tamuk kacawngnaw bangnue nae

⁹ Mahoima tamikalan lah kâpouk ni teh ayânaw hah banglahai ka noutna hoeh e tami koe vah Jisuh ni bangnue nae lawk a dei.

¹⁰ Tami kahni touh teh bawkim dawK ratoum hanelah a cei roi. Buet touh teh Farasi lah ao teh, alouke teh tamuk ka cawng e lah ao.

¹¹ Farasi ni a kangdue teh hettelah a ratoum. Oe Cathut, kai teh ayânaw patetlah ngainae kalen e, laithoe ka dei e, napui tongpa yonnae ka sak e

tami lah ka o hoeh dawkvah nang koe ka lunghawi, hahoi hete tamuk ka cawng e tami patetlah hai ka o hoeh dawkvah ka lunghawi.

¹² Yat touh dawkvah hnin hni touh rawca pou ka hai teh hnopai ka tawn e pueng pung hra pung touh ka poe telah a ti.

¹³ Hatei tamuk ka cawng e tami teh ahla poungae koe a kangdue teh, kalvan lah khen ngam laipalah a tabut teh, oe Cathut, kai tamikayon na pahren haw telah a ti.

¹⁴ Kai ni ka dei e teh, Farasi laipalah hete tami heh yon ngaithoum lah ao teh im vah a ban. Bangkongtetpawiteh amahoima kârasang e tami teh rahnoum lah ao vaiteh amahoima kârahnoum e tami teh tawm lah ao han telah atipouh.

Camo yawhawi poenae

Mat 19:13-15; Mrk 10:13-16

¹⁵ Hatnavah camonaw kut hoi tek hanelah Jisuh koe a thokhai aw. Hatei a hnukkâbangnaw ni a hmu navah a yue aw.

¹⁶ Hatei, Jisuh ni camonaw a kaw teh, camonaw kai koe tho sak aw. Ahnimouh hah cakâ aw hanh. Bangkongtetpawiteh Cathut uknaeram teh het patet e taminaw hanelah nahoehmaw ao.

¹⁷ Lawkkatang ka dei. Cathut uknaeram teh hete camo patetlah ka dâw hoeh e teh, hote ram dawkvah nâtuek hai kâen thai mahoeh telah atipouh.

Tangreng bawi kacue e

Mat 19:16-29; Mrk 10:17-30

¹⁸ Hahoi, bawi buet touh ni Bawipa hanelah, kahawipoung e saya, a yungyoe hringnae râw ka coe thai nahanelah bangmaw ka sak han telah atipouh.

¹⁹ Jisuh ni, bangkongmaw kahawi e saya telah na ti pouh, telah a pacei teh, Cathut laipalah apihai tami kahawi awm hoeh.

²⁰ Kâpoelawknaw hah na panue han doeh, uicuk hanh, tami thet hanh, parawt hanh, laithoe kampangkhai hanh, na manu hoi na pa barih telah atipouh.

²¹ Ahni ni, hete kâlawnaw pueng ka nawca hoi koung ka tarawi toe telah ati. Hete lawk Jisuh ni a thai navah buet touh na panki rah atipouh.

²² Na tawn e hno pueng yawt nateh mathoenaw poeh, hottelah na sak pawiteh, kalvan kho vah hno na tawn han, hathnukkhu tho nateh ka hnuk kâbang telah atipouh.

²³ Ahni teh ka bawi poung e lah ao dawkvah, hete lawk a thai navah a lung thouk a mathoe.

Ka tangreng e hoi Cathut uknae ram

²⁴ Jisuh ni a lungmathoe e hah a hmu navah, ka tangrengnaw ni Cathut uknaeram dawka kâen hane a ru poung bovaw.

²⁵ Ka tangrengnaw ni Cathut uknaeram dawka kâen hlak teh kalauk ni phuengvang kâkhu dawka kâen e a yawihnawn atipouh.

²⁶ A lawk ka thai e taminaw ni, pawiteh apimaw rungngang lah kaawm han toung vaw, telah a pacei aw.

²⁷ Jisuh ni a dei pouh e teh, taminaw hanelah ka coung thai hoeh e naw hah Cathut hanelah teh a coung thai telah atipouh.

²⁸ Hatnavah Piter ni, kenhaw! kaimouh ni na hnukkâbang hanelah ka tawn e naw pueng ka ceitakhai teh na hnukkâbang aw toe, telah a ti.

²⁹ Jisuh ni a dei e teh, Oe, na dei e atang, het heh ka dei. Cathut uknaeram kecu dawkvah im thoseh, na yu thoseh, hmaunawngaha thoseh, manu hoi na pa thoseh, canaw thoseh buetbuet touh ka cettakhai e tami niteh,

³⁰ atu e tueng dawkvah alet moikapap lah hawinae a coe vaiteh hmalae tueng dawkvah yungyoe hringnae a pang han, telah atipouh.

A due nahane apâthum a dei

Mat 20:17-19; Mrk 10:32-34

³¹ Jisuh ni a hnukkâbang hlaikahni touh a kaw teh, thai aw haw, Jerusalem lah ka cei aw haw vaiteh hawvah profetnaw ni tami Capa e a kong a thut aw haw e pueng koug ka kuep han.

³² Jentelnaw e kut dawkvah poe lah ao vaiteh ahnimouh ni a panuikhai han, a dudam aw haw, tamtui hoi a tamthawi aw haw.

³³ Bongpai hoi na hem aw haw vaiteh na thei a han, hatei apâthum hnin vah bout ka thaw han telah atipouh.

³⁴ A hnukkâbangnaw niyah hete kongnaw heh thai panuek aw haw hoeh, lawk dei ngainae a hro kecu dawkvah Jisuh ni a dei ngainae hah thai panuek aw haw hoeh.

Mitdawn mit a ang sak

Mat 20:29-34; Mrk 10:32-34

³⁵ Jisuh teh Jeriko kho teng a pha navah mitdawn buet touh teh lam teng vah a tahung teh hnopai a hei.

³⁶ Taminaw a cei e a thai navah bang nama aw, telah a pacei.

³⁷ Ahnimouh ni, Nazareth tami Jisuh a tho lahun telah a dei pouh.

³⁸ Hahoi a hram teh, Jisuh, Devit e capa na pahren haw, telah a ti.

³⁹ Hmalah kaawm e taminaw ni lawkkamuem awmh telah kâhruetcuetae a poe. Hatei hoe kacailah a hram teh, Devit capa, na pahren haw telah a ti.

⁴⁰ Hatdawkvah, Jisuh ni a kangdue teh mit ka dawn e tami kai koe thokhai aw haw, telah kâ a poe. Ateng a pha navah Jisuh ni a thaw teh, bangmaw sak seh ti na ngai, telah a pacei.

⁴¹ Bawipa, mit ang han ka ngai, telah a dei pouh.

⁴² Jisuh ni, na mit ang naseh, na yuemnae ni na dam sak toe, telah atipouh.

⁴³ Hat nah tahma vah a mit bout a ang. Cathut a pholen teh a hnuk a kâbang. Ka hmawt e taminaw pueng ni hai Cathut teh a pholen aw haw.

19

Zakkheas im Jisuh a luen

¹ Jisuh ni Jeriko kho daw k a kâen teh kothung vah a kâhlai.

² Hatnavah tamuk ka cawng e kacuepoung e tami buet touh a min Zakkheas tie teh ao. Ahni teh ka bawi poung e tami lah ao.

³ Jisuh teh bangpatet e tami maw tie panue han a ngai dawkvah hmu hane a panki. Hatei ahni teh a rahnoum, taminaw ni a ngue dawkvah hmawt thai aw haw hoeh.

⁴ Hatdawkvah Bawipa a hmu thai nahanelah hmalah sut a yawng teh thailahei kung buet touh dawkvah a luen. Bangkongtetpawiteh Bawipa teh haw lahoi a tho hanela ao.

⁵ Hote hmuen koe a pha navah Jisuh ni moug laihoi a khet teh Zakkheas hanelah, karang kum leih, nang im vah ka luen han, telah atipouh.

⁶ Zakkheas ni karang poung lah a kum teh lunghawicalah hoi a im vah a luen sak.

⁷ Ka hmawt e pueng ni a pathoe awh teh, hete tami ni tamikayon im luen hanelah a cei, telah yon a pen awh.

⁸ Zakkheas ni a kangdue teh Bawipa hanelah, Bawipa, thai haw, tami ka roedeng hanelah ka tawn e hno tangawn ka poe han, hahoi kai ni ka dum e awm pawiteh let pali touh hoi ka patho han, telah atipouh.

⁹ Jisuh ni a thaw teh, sahnin vah hete im dawkwunghangnae a pha toe, hete tami hai Abraham ca sak lah ao.

¹⁰ Bangkongtewpawiteh, tami Capa teh kahmat e tami tawng hane hoi runghang hanelah doeh a tho telah atipouh.

Tangka mina 10 touh bangnuae

¹¹ Hete lawk ka thai e taminaw koevah hete bangnuae lawk a dei. Jerusalem kho vah a pha tawmlei toung dawkwah Cathut uknaeram teh tang a kamnue han telah a pouk awh.

¹² Hatdawkwah, bawi buet touh teh ram uknae ka a tawn hnukkhu bout tho hanelah kahlatpoung e kho dawkwah a cei.

¹³ A cei hoehnahlan vah a san hra touh a kaw teh tangka mina buet touh rip a poe. Hahoi teh, ka yinhnuk na thung vah hno yoran awh, telah atipouh.

¹⁴ Khoram thung e taminaw ni ahni teh a hmuhma awh dawkwah, hete tami heh Siangpahrang lah ao hane ka ngai awh hoeh telah a hnuk lahoi laicea a patoun awh.

¹⁵ Hote Bawi teh ukkung lah ao hnukkhu hoi bout a ban torei teh, mina a poe e sannaw hah tang a kaw teh na yit touh maw na hmu awh telah ka a poe.

¹⁶ Ahmaloe e tami a tho teh, Bawipa nang ni na poe e tangka mina buet touh hoi alouke hra touh ka hmu, atipouh.

¹⁷ Bawipa ni, ahawi, nang teh san kahawi doeh. Titca e thaw dawkwah yuem na kamcu dawkwah kho hra touh uk lawih atipouh.

¹⁸ Apâhni e san a tho teh, Bawipa, nang ni na poe e tangka mina buet touh hoi alouke panga touh ka hmu, atipouh.

¹⁹ Bawipa ni, kho panga touh uk lawih atipouh.

²⁰ Hatnavah alouke san buet touh a tho teh, Bawipa, nang ni na poe e tangka mina buet touh paroup ao, hnica hoi ka tangung teh ka kuem.

²¹ Nang teh tami pacipali lah na o dawkwah na taki, na hmoukhoehnae koehoi na la teh, na patue hoeh e hmuen koe na ka a e lah na o, atipouh.

²² Bawipa ni, san kathout nama e lawk patetlah lawk na ceng han. Kai teh ka hmoukhoehnae hmuen koehoi ka la teh, ka patuehoehnae hmuen koe ka a e, pacipali lah ka o e hah na panuek katang pawiteh,

²³ bangkongmaw kaie tangka mina hah tangka ka pung sak thai koe na hruk hoeh vaw. Hottelah na hrueng pawiteh kai ka tho toteh a pung khuehoi ka daw hane hah vaw atipouh.

²⁴ Ateng ka kangdout e taminaw koevah, ahni koe e tangka lawm awh, hra touh ka tawn e tami poe awh, telah atipouh.

²⁵ Ahnimouh ni, Bawipa, ahni teh hra touh a tawn toe, telah ati awh.

²⁶ Ahnimouh koe a dei pouh e teh, ka tawn e tami teh bout poe sin han rah. Ka tawn hoeh tami teh a tawn e patenghai la pouh lah ao han.

²⁷ Hothloilah, kaie uknae ka ngai hoeh e ka tarannaw hah ka hmalah thet awh, telah atipouh, telah ati.

*Jerusalem a kêennae**Mat 21:1-9; Mrk 11:1-10*

²⁸ Jisuh ni hete lawk a dei hnukkhu hmalah Jerusalem kho patuen a cei.

²⁹ Olive mon dawk kaawm e Bethphage kho hoi Bethani kho a pha tawmlei nah a hnukkâbang kahni touh a patoun teh,

³⁰ hmalae kho dawc cet roi nateh na kêen tahma vah kâcui boihoeh rae laca pâkhi lah ao e hah na hmu roi han. Hote hah a rui rasu roi nateh hivañ thokhai roi haw.

³¹ Tami buetbuet touh ni, bangdawkmaw a rui na rasu tet pawiteh, Bawipa ni a panki tet pouh roi, telah atipouh.

³² A cei roi teh Jisuh ni a dei e patetlah bangpuengpa a hmu roi.

³³ Laca teh a rasu roi lahun navah katawnkung ni, bangkongmaw na rasu, telah atipouh.

³⁴ Ahnimouh roi ni, Bawipa ni a panki, telah a dei pouh.

³⁵ Laca teh Jisuh koe a thokhai roi. Hote la dawkvah hni a padoun aw h teh Jisuh a kâcui sak aw h.

³⁶ A ceinae koe lam dawc hni a phai pouh aw h.

³⁷ Olive mon koe hoi bungling lah kumnae koe a pha toteh, a hnukkâbang tamimaya ni a hmu aw h e thao hnosaknae kecu dawkvah, a konawm khai aw h teh a lawk kacaipoung lahoi Cathut a pholen aw h.

³⁸ Bawipa min lahoi ka tho e Siangpahrang teh Cathut ni yawhawinae poe lawiseh. Kalvan vah roumnae awmseh. Kalvan a rasang poungnae koe bawilennae awmseh, telah a hram aw h.

³⁹ Hahoi vah taminaw pueng thung dawc hoi Farasi tangawn ni Jisuh teh, saya na hnukkâbangnaw yue haw, atipouh.

⁴⁰ Jisuh ni a dei e teh, hetnaw heh lawkkamuem awm pawiteh talungnaw ni tang a hram aw h han, telah atipouh.

Jerusalem kho hanelah a ka

⁴¹ Jerusalem kho hoehoe a hnai teh a hmu navah, a ka khai.

⁴² Sahnin vah roum nahanelah bangmaw a panki tie na panuek haw boipawiteh, hatei hothateh na hmawt ka lawn aw h hoeh.

⁴³ Bangkongtetpawiteh na tarannaw ni tarantuknae puengcang hoi na kalup aw h teh aoviang lahoi na kêen sin nahane tueng ka phat han.

⁴⁴ Hottelah nama hoi na canaw hah talai hoi sue touh lah a palat aw h vaiteh, nang thungvah talung buet touh boehai alouke talung van a ohoehnae tueng ka phat han. Bangkongtetpawiteh nang koe khetyawt hanelah tho nahane tueng teh nang ni na panue hoeh dawkvah telah atipouh.

*Bawkim a thoungsak**Mat 21:12-16; Mrk 11:15-18*

⁴⁵ Jisuh ni bawkim thung a kêen teh hnopai kayawtnaw pueng a pâlei.

⁴⁶ Cakathoung dawkvah, Cathut ni ka im teh ratoumnae im lah ao han, telah a thut. Hatei nangmouh ni teh tamrunaw kâhronae im lah na sak aw h, atipouh.

⁴⁷ Jisuh ni bawkim vah hnintangkuem a cangkhai. Vaihma bawinaw, cakathutkungnaw hoi tamimaya kahrawikungnaw ni thei han a ngai aw h.

⁴⁸ Hatei, taminaw pueng ni a lawk atang aw h teh buet touh hai pahlout hane a ngai aw h hoeh dawkvah ahnimouh ni thei nahane lamthung hmawt thai aw h hoeh.

20

*Jisuh kâawwnae a pacei awh**Mat 21:23-37; Mrk 11:27-33*

¹ Hahoi, hnin touh hnin teh Jisuh ni bawkim vah tami moikapap a cangkhai teh kamthang kahawi a dei lahun nah vaihma bawinaw, cakathutkungnaw hoi kacuenaw a tho awh teh,

² hete hnosakthai nahanelah bangpatet e kâawwnae maw na tawn. Apini maw kâawwnae na poe dei haw, telah a ti awh.

³ Jisuh ni a dei pouh e teh, lawk buet touh na pacei awh vai, nangmouh ni dei awh haw.

⁴ Jawhan ni baptisma poe thainae kâ a tawn e hah kalvan hoi e maw, tami koehoi e maw, dei awh haw, telah a pacei.

⁵ Ahnimouh ni buet touh hoi buet touh a kâpan awh teh, bangtelamaw ti han. Kalvan hoi e tetpawiteh, hat boipawiteh bangkongmaw Jawhan na yuem awh hoeh telah a dei han. Tami koehoi e doeh telah tet pawiteh,

⁶ hivah kaawm e taminaw pueng ni Jawhan teh profet roeroe doeh telah a yuem awh dawkvah, ahnimouh ni maimanaw teh talung hoi na dêi awh han, telah ati awh.

⁷ Hatdawkvah ahnimanaw ni, nâ hoi e maw tie ka panuek awh hoeh, telah a dei awh.

⁸ Hahoi Jisuh ni, hat pawiteh kai ni hai bangpatetlae kâawwnae hoi maw hete hno heh ka sak tie hah ka dei van mahoeh, telah atipouh.

*Misur takha katawnkung bangnuenae**Mat 21:33-46; Mrk 12:1-12*

⁹ Hatnavah Jisuh ni taminaw koe bangnuenae lawk a dei pouh. Tami buet touh ni misur takha buet touh a tawn. Takhakatawkkungnaw koe a hlai sak teh, kahloug lah atueng moikasawlah a cei.

¹⁰ Misur paw khi tue a pha toteh, a hlai sak e naw koehoi misurpaw la hanelah, takhakatawkkungnaw koe a san buet touh a patoun. Hatei takhakatawkkungnaw ni a san hah a hem awh teh, kuthrawng lah a pâban awh.

¹¹ Hahoi alouke a san buet touh bout a patoun navah, a hem awh teh, yeiraipo sak awh teh, kuthrawng lah bout a pâban awh.

¹² Alouke a san hah bout a patoun navah, ka patawpoung lah a hem awh teh a pâlei awh.

¹³ Hatnavah takha katawnkung ni, bangtelamaw ka sak han. Ka pahren poung e ka capa ka patoun han, ahni teh a bari awh han doeh, telah a ti.

¹⁴ Hatei, takhakatawkkungnaw niyah, a capa a hmu navah ahni teh râw ka coe hane nahoehmaw, tho awh, thet awh sei. Hat pawiteh doeh ahnie râw hah maimouh ni coe awh ti ati awh.

¹⁵ Hatdawkvah takha katawnkung e capa hah a man awh, takha alawilah a pâlei awh teh a thei awh. Hottelah pawiteh, takha katawnkung ni bangtelamaw ati han.

¹⁶ Takhakatawnkung hah koug thet vaiteh, hote takha hah alouke takhakatawkkungnaw koe a poe han telah atipouh. Hote hah taminaw ni a thai navah, hottelah awm hanh naseh, ati awh.

¹⁷ Jisuh ni ahnimanaw a khet teh, im kasakkung ni, a pahnawt e talung hah a takinlung lah bout ao tie Cakathoug dawkvah kaawm e lawk hah bangmaw a dei ngai, telah a pacei awh.

¹⁸ Hote talung dawkvah ka bawt e pueng teh rekrek a kâbawng vaiteh hote talung ni a bosin e pueng teh vitpatit lah ao han, telah atipouh.

¹⁹ Hahoi teh vaihma bawinaw, cakathutkungnaw ni hote bangnuenae teh maimouh doeh na dei ngai nah tie a panue aw h toteh, Jisuh man nahanelah kho a pouk aw h. Hatei kamkhueng e tamihupui hah a taki aw h.

²⁰ Hatnavah Farasinaw ni Jisuh e lawk man pouh hanelah a tawng teh kho kaukung kâtawnnae katawnnaw e kut daw k poe thai nahanelah, tamikalan lah kâsak e katuetnaw a patoun aw h.

Cathut hoi Sizar

Mat 22:15-22; Mrk 12:13-17

²¹ Hahoi, Jisuh hanlah, saya, atangcalah na cangkhai teh na dei tie ka panue aw h. Hahoi apie minhmai hai na khen hoeh, hatei Cathut e lamthung lawkkatang hah na cangkhai toe.

²² Hatdawkvah na dei pouh haw, Sizar koe tamuk poe e hah kaimae phung hoi a kâtaran ou, kâtaran hoeh ou telah a pacei aw h.

²³ Jisuh ni ahnimae huenghaionae hah a panue daw kvah nangmouh ni bangkongmaw kai na tanouk aw h.

²⁴ Phoisa phek touh na patue haw, apie mei hoi min maw ka kamnuek telah a pacei navah, ahnimouh ni Rom siangpahrang e mei hoi min doeh atipouh aw h.

²⁵ Jisuh ni Rom siangpahrang e hno teh Rom siangpahrang poe aw h. Cathut e hno teh Cathut poe aw h, telah atipouh.

²⁶ Hottelah ahnimouh ni taminaw e hma lah a lawk yon a hmu thai aw h hoeh daw kvah, kângairu lahoi lawkkamuem lah ao aw h.

Sadusinaw hoi boutthawnae

Mat 22:23-33; Mrk 12:18-27

²⁷ Duenae koehoi boutthawnae aw m hoeh ka tet e Sadusinaw ni Jisuh koe a tho aw h teh,

²⁸ Bawipa, tami buetbuet touh nyah ca tawn laipalah, a yu dout takhai pawiteh, a tami a thup hoeh nahanelah, a nawng ha ni let aw mkhai seh titeh Mosi ni a thut.

²⁹ A hmaunawng ha sari touh ao aw h. A camin ni hmaloe a yu lah a la teh, Ca sak laipalah a due takhai.

³⁰ A nawng ha ni patuen a okhai teh ca sak laipalah bout a due takhai.

³¹ Hottelah, buet touh hnukkhu buet touh a due takhai aw h teh, hmaunawng ha sari touh ni ca sak aw h laipalah, hote napui hah be a due takhai aw h.

³² A hnukteng vah hote napui hai a due van.

³³ Hatdawkvah, boutthawnae tue a pha toteh, hote napui hah apie yu lah maw ao han. Hmaunawng ha sari touh ni hote napui hah a yu lah a okhai aw h toe telah a ti.

³⁴ Jisuh ni a dei e teh, atu tueng e taminaw teh a kâpaluen aw h, a kâha aw h.

³⁵ Hatei, a yungyoe e pang hane hoi duenae koehoi bout thawnae daw k kamcu e taminaw teh kâpaluen aw h hoeh, kâhâ aw h hoeh toe.

³⁶ Ahnimouh teh kalvantaminaw patetlah ao aw h teh dout thai aw h hoeh toe. Ahnimouh teh duenae koehoi bout thaw lah ao toung daw kvah Cathut e ca lah ao aw h.

³⁷ Hothloilah Mosi ni kadout tangcoung e taminaw hringnae daw k bout a thaw aw h tie kacaicalah a dei. Hmai ka kang e buruk kong a dei nah Bawipa teh Abraham Cathut, Isak Cathut, Jakop Cathut lah ao a ti.

³⁸ Cathut teh kadoutnaw e Cathut na hoeh. Kahringnaw e Cathut doeh. Hote taminaw pueng ni Cathut daw k kahring aw h telah atipouh.

³⁹ Cakathukungnaw tami tangawn ni, Bawipa, nange na dei e lawk teh atang doeh telah a ti.

⁴⁰ Hahoi ahni teh lawk bout pacei ngam aw h hoe h.

Khrih teh apie Capa maw

Mat 22:41; 23:7; Mrk 12:35-40

⁴¹ Jisuh ni a thaw teh, bangtelamaw Messiah teh Devit capa lah ao han, telah na ti aw h.

⁴² Bangkongtetpawiteh Devit roeroe ni Cathut ni ka Bawipa teh, Na tarannaw hah na khok toungnae lah ka ta hoehroukrak kaie aranglah tahung telah,

⁴³ ka Bawipa ni Sam cauk dawkvah ati na nahoe h maw.

⁴⁴ Hottelah Devit ni Khrih hah Bawipa telah kaw pawiteh bangtelamaw Khrih teh ahnie a capa lah ao thai han, telah a pacei aw h.

Kacangkhaikungnaw kâhruetcu et aw h

⁴⁵ Rangpui ni a thai navah Bawipa ni a hnukkâ bangnaw koe bout a dei pouh e teh,

⁴⁶ Cakathukungnaw heh roun aw h. Ahnimouh teh angkidung kho hoi kâhlai hane a ngai aw h. Hnopai yonae hmuen koe tami pueng ni bari e hah a ngai aw h. Sinakok daw k tahungnae a rasangnae hah a lungpataw aw h teh, pawitonae koe vah bari kaawm e hmuen kahawi a ngai aw h.

⁴⁷ Lahmainunaw e im hah a lawp aw h teh, a yon kamnuek vaih titeh, kasawpoung lah a ratoum aw h. Ahnimouh teh hoe kalen e yonphukhangnae a kâhmo aw h han atipouh.

21

Lahmai napui e poenae

Mat 12:41-44

¹ Hahoi, Jisuh ni a khet teh, katawntanaw ni amamae poehnonaw hah tangkabom daw k a pâseng aw h hah e a hmu.

² Ka roedeng e lahmainu buet touh ni hai rahum tangka kahni touh a pâseng van e hah a hmu.

³ Hahoi, Jisuh ni atangalah na dei pouh aw h, hote lahmainu ni alouknaw pueng hlak kapap lah a pâseng toe, atipouh.

⁴ Bangkongtetpawiteh, alouke pueng ni teh a tawn aw h e thung daw k hoi poehno a pâseng aw h. Hatei, hote lahmainu ni teh a mathoe ei, a kâkaw k nahane a tawn e pueng hah a pasoung toe atipouh.

Bawkim a rawk nahan sutdeinae

⁵ Tami tangawn a tho aw h teh bawkim teh lungphen kahawinaw hoi poehnonaw kahawi hoi a pathoup aw h, telah a dei pouh.

⁶ Jisuh ni hete hnonaw nangmouh ni na hmu aw h. Talung buet touh van buet touh, a ohoehnae tueng ka phat han telah atipouh.

A tue pout nahan sutdeinae

⁷ Bawipa, hete heh nâ tuek han maw, hete hno pueng a tho nahan a hnai toe tie panue nahanelah, mitnoutnaw teh bangmaw kaawm han, telah a pacei aw h.

⁸ Jisuh ni nangmanaw na ka dum e koe na baw k hoe h nahanelah kâhruetcu et aw h. Tami kapap ni ka min kâmahraw k laihoi tho aw h vai teh, kai doeh Khrih toe tet aw h vai teh, atueng a pha toe ati aw h han, hatei kâ bang aw h han h.

⁹ Nangmanaw ni tarankâtuk e kamthang, tarankâtuk hane kamthang na thai aw h navah na lungpuen aw h hanh. Hote hno teh hmaloe kaawm han, hatei, a poutnae phat hoeh rah.

¹⁰ Hothloilah miphun buet touh hoi buet touh, uknaeram buet touh hoi buet touh, a kâtaran aw h han.

¹¹ Khoram tangkuem tâlî a no han. Takang a tho han. Patawnae kaawm han. Takikathopounge hno hoi kalenpounge mitnoutnaw teh kalvan hoi a kamnué han.

¹² Hote hnonaw ao hoehnahlan taminaw ni ka min kecu dawk sinakok vah nangmanaw na man aw h vaiteh na pacekpahlek aw h han. Thongim hai na pabo aw h han.

¹³ Hot hateh nangmouh hanelah lawkpanuesaknae deinae tueng lah kaawm han.

¹⁴ Hatdawkvah nangmouh ni bangtelamaw ka pathung han aw tie sut na pouk aw h hoeh nahanelah kâhruetcué aw h.

¹⁵ Bangkongtetpawiteh tarannaw pueng ni na tâ thai hoeh nahan, na oun thai hoeh nahanelah lawk hoi thounthainae na poe aw h han.

¹⁶ Na manu hoi napa, hmaunawngaha rei ka tâcawt e na huikonaw ni nangmanaw teh na pahnawt aw h han. Atangawn teh a thei aw h han.

¹⁷ Tami pueng ni kaie ka min kecu dawk nangmanaw hah na hmuhma aw h han.

¹⁸ Hatei, na lû dawk e sam buet touh boehai kahmat mahoe.

¹⁹ Nangmouh teh na panguepnae lahoi namamae hringnae teh na tawn aw h han.

Jerusalem a rawknae

²⁰ Hatnavah Jisuh ni, nangmanaw ni Jerusalem kho hah ransanaw ni a kalup e na hmu navah hote kho teh a rawk han toe tie panuek aw h.

²¹ Hatnavah Judah ram dawk kaawm e taminaw mon lah yawng aw h naseh. Kho thung kaawm e taminaw teh alawilah tâcawt aw h naseh. Khote lah kaawm e taminaw teh kho thung vah kâen hanh naseh.

²² Bangkongtetpawiteh het hateh, reknae hnin telah tie lah ao teh Cakathoung dawk a dei e naw pueng a kuep nahanelah kaawm e doeh.

²³ Hat hnin toteh, camo kaneng e napuinaw hoi camo nene ka pânei e napuinaw teh a temdeng aw h han. Bangkongtetpawiteh Judah ram dawk pueng hai rucatae kaawm han, Judah taminaw lathueng lungkhueknae ka phat han.

²⁴ Ahnimouh teh sarusarai hoi thei lah aw m vaiteh kho tangkuem vah san lah a hrawi aw h han. Jentelnaw ni Jerusalem kho a coungröe aw h vaiteh, atueng a kuep hoeh roukrak a khok rahim a hruek aw h han.

Tami Capa bout a thonae

²⁵ Hatnavah kanî, thapa hoi âsinaw dawkvah mitnoutnae kamnuék han. Talai van dawkvah tuicapa a thaw vaiteh taminaw pueng lungpuen lahoi ao aw h han.

²⁶ Talai van abuemlah dawkvah ka phat hane hno pouk navah taminaw teh takinae hoi a pâyaw han, bangkongtetpawiteh kalvannaw e bahunaw teh a kâhuet han.

²⁷ Hatnavah tami Capa ni ka talue poung e bawilennaé hoi tâmai kâcui vaiteh a tho e hah na hmu aw h han.

²⁸ Hote hnonaw pueng teh a kamtawng navah kangdout nateh kahlun lah khenhaw! Bangkongtetpawiteh na ratang nahane tueng teh a hnai toe, telah atipouh.

Thaibunglung kung bangnueanae

²⁹ Hahoi, Jisuh ni bangnueanae lawk a dei teh, thaibunglung hoi alouke thingkungnaw hah khien awh

³⁰ Thaibunglung kung teh a dawn a cawn, a hna a naw toteh, kawmpoi tue a hnai toe tie na panue awh.

³¹ Hot patetlah hote hnonaw a tâco toe tie na hmu awh toteh, Cathut uknaeram teh a pha han a hnai toe tie panuek awh.

³² Atangcalah na dei pouh awh. Atu e taminaw be a due awh hoehnahlan, hete hno pueng teh ka tâcawt han.

³³ Kalvan hoi talai ka rawk nakunghai, ka lawk teh a kangning han.

Atueng apinihai panuek hoeh

³⁴ Nangmouh ni kâhruetcueth awh. Caneinawmnae, yamuhrinae, talai hnopai dawk lungpuen tâsue hoi o navah, hote hnin teh pouk laipalah na kâhmo awh han.

³⁵ Hote hnin teh tamlawk patetlah talai van kaawm e taminaw pueng koug a ramuk han.

³⁶ Hatdawkvah nangmanaw ni ka tho hane hno dawk hoi na hlout vaiteh tami Capa koe pha hane kamcu e tami lah na o tie panue thai nahanelah ratoum hoi ring awh, telah atipouh.

³⁷ Hottelah Jisuh ni hnintangkuem bawkim dawk a cangkhai teh tangmin lah a pha toteh Olive mon dawkvah tangmin a loum sak.

³⁸ Taminaw pueng ni a lawk thai hanelah bawkim dawkvah amom a cei awh.

22

Jisuh thei hanlah khokhanna

Mat 26:2-5; Mrk 14:1-2,10-11

¹ Ceitakhai pawie tie tonphuenhoehe vaiyei pawie a hnai toe.

² Vaihma bawinaw hoi cakathutkungnaw niyah tamihu a taki dawkvah Jisuh hah bangtelah hoi maw thei han tie lamthung a tawng awh.

³ Hatnavah a hnukkâbang hlaikahni touh thung dawk e Judah Isakarot thungvah Setan a kâen.

⁴ Hatdawkvah ahni ni vaihma bawinaw hoi im karingkungnaw koe a cei teh Jisuh hah bangtelah hoi maw ahnimae kut dawk pahnawt thai han telah a kâdei awh.

⁵ Hote taminaw ni a lunghawi awh teh tangka na poe han atipouh.

⁶ Hottelah Judah Isakarot ni hai a hnâbo teh taminaw ni a panue hoeh navah bangtelah hoi maw Jisuh hah ahnimouh koe ka poe thai han tie atueng kahawi a pawp.

Ceitakhai pawie hanlah rakuengnae

⁷ Tonphuenhoehe vaiyei canae pawie dawkvah ceitakhai pawie tuca theinae hnin a pha.

⁸ Ahni ni Piter hoi Jawhan koe cet roi nateh ceitakhai pawie ca nahanelah rakueng roi, telah atipouh teh a patoun.

⁹ Ahnimouh roi nihai, nâ e hmuen koe maw rakueng han na ngai, telah a pacei.

¹⁰ Jisuh ni kho thung na kâen navah tuium ka sin e tami na hmu han. Ahnie a hnukkâbang roi nateh a kâenna im dawk kâen roi nateh,

¹¹ saya ni, ka hnukkâbangnaw hoi cungtalah ceitakhai pawî tangmin bu ca nahane hmuen teh na maw ao telah saya ni na pacei sak, tet pouh roi lah a.

¹² Ahni ni imvan rakueng tangcoung e hmuen pui hah na patue han. Hawvha coungkacoe rakueng awh, telah atipouh.

¹³ A hnukkâbang roi ni a cei teh lawk a thui e patetlah a hmu teh haw vah ceitakhai pawiteh a rakueng roi.

Apasuekpoung e tangmin bu vennae

¹⁴ Atueng a pha toteh Jisuh ni gunceinaw hlaikahni touh hoi cungtalah caboi a ven awh.

¹⁵ Kai ka due hoehnahlan hete ceitakhai pawî nangmouh hoi cungtalah ca hane ka ngainae lah ao.

¹⁶ Bangkongtetpawiteh Cathut uknaeram dawh hete ceitakhai pawî a kuep hoehroukrak atu hoi bout ka cat mahoe telah atipouh.

¹⁷ Hahoi, Jisuh ni manang a la teh Cathut koe lunghawi lawk a dei hnukkhu, het heh lat awh nateh cungtalah rei hmawng awh.

¹⁸ Bangkongtetpawiteh Cathut uknaeram a pha hoehnahlan atu hoi misur heh bout ka net mahoe, telah a ti.

¹⁹ Hahoi vaiyei a la teh Cathut koe lunghawi lawk a dei hnukkhu vaiyei a raen teh ahnimouh a rei teh hethet ka tak doeh, nangmouh hanlah ka pasoung e ka tak doeh. Kai na pahnim awh hoeh nahanlah sak awh, telah atipouh.

²⁰ Hot patetlah tangmin bu a ca hnukkhu manang hai a la teh, hete manang heh nangmouh hane ka palawng e ka thi hoi caksak e lawkkam katha doeh.

²¹ Hatei, kai na ka pahnawtkung e a kut teh hete caboi koe ka kut hoi rei ao.

²² Cathut ni a hmoun tangcoung e patetlah tami Capa teh a due han, hatei na ka pahnawt e tami teh a yawthoe telah a ti.

²³ Hahoi amamouh hoi amamouh teh apinimaw het heh a sak han telah buet touh hoi buet touh a kâ pacei awh.

Apimaw ka talue poung han

²⁴ Hothloilah a hnukkâbangnaw ni maimouh dawkvah apimaw hoe ka talue telah buet touh hoi buet touh a kâoun awh.

²⁵ Jisuh ni yah Jentel siangpahrangnaw ni teh a uk awh. Kâtawnnae katawnnaw hah ram hanlah hnokahawi kasakung telah ati awh.

²⁶ Hatei nangmouh teh hottelah sak awh hanh. Nangmouh thung dawh e ka talue e ni camo patetlah awm seh, kahrawikung ni san patetlah awm seh.

²⁷ Apimaw bet ka talue. Bu ca hanelah ka tahung e maw, bu kapoekung maw. Dei ngai laipalah ka tahung e a taluehnawn. Hatei, kai teh nangmouh thung dawkvah bu kapoekung lah ka o.

²⁸ Tanouknae ka khang navah nangmouh ni na okhai awh.

²⁹ Hahoi a Pa ni uknaeram kai na poe e patetlah kai ni hai nangmouh na poe.

³⁰ Kaie uknaeram thung, kaie caboi dawh kaie vai teh Isarel miphun hlaikahni touh lawkceng hanelah bawitungkhung dawh na tahung awh han, telah atipouh.

Piter ni jisuh a pahnawt nahane sut a dei

³¹ Simon, Simon, thai haw. Cai karue e patetlah nangmouh karue hanelah Setan ni a kâhei toe.

³² Hatei Simon, na yuemnae a rawk hoeh nahan, nang hanelah ka ratoum toe. Hahoi kai koe lah bout na ban nah na hmaunawngghanaw hah tha na poe han, telah atipouh.

³³ Piter ni, Bawipa, nang hoi thongim dawk bo hane hoi due hanelah coungkacoe lah ka o toe telah atipouh.

³⁴ Jisuh ni, Piter, sahnin ahlui a khawng hoehnahlan nang ni ka panuek hoeh telah vai thum touh na pahnawt han, atipouh.

Tangka, yawngya hoi tahloi sin awh hanh.

³⁵ Jisuh ni bout a dei e teh, tangkabom, yawngya, khokkhawm sin laipalah cet awh, telah na patoun awh navah buet buet touh a panki maw telah a pacei. Ahnimouh ni panki hoeh, atipouh awh.

³⁶ Hahoi Jisuh ni, hatei atuteh, tangkabom ka tawn e ni sin naseh, hot patetvanlah yawngya hai sin naseh. Tahloi ka tawn hoeh e ni amae khohna a yo vaiteh tahloi ran naseh.

³⁷ Bangkongtetpawiteh, Cakathoung ni, ama teh tamikayonnaw hoi mektouk sin lah ao, telah ati e hah kaie kong dawkvah atu akuep han. Kaie kong a thut e naw pueng teh a kuep toe, telah a ti.

³⁸ Ahnimouh ni, Bawipa, kenhaw! hi vah tahloi kahni touh ao, telah ati awh teh, a khout toe atipouh.

*Olive Mon ratoumnae
Mat 26:36-46; Mrk 14:32-42*

³⁹ Hathnukkhu Jisuh a tâco teh amae phung patetlah, Olive mon dawk a cei teh a hnukkâbangnaw ni a hnuk a kâbang awh.

⁴⁰ Hote hmuen koe a pha navah nangmouh teh tacueknae dawk na kâen awh hoeh nahanlah ratoum awh, telah atipouh.

⁴¹ Hathnukkhu, talung tâkhawng e sittouh a cei teh a khokcuengkhuem teh a ratoum.

⁴² A Pa, na ngainae awm pawiteh, hete manang dawk hoi na hlout na hlout sak haw. Hatei, kai ka ngainae patetlah tho hanh naseh. Nama na ngainae patetlah thoseh, telah a ratoum.

⁴³ Hatnavah ahni koe kalvan hoi kalvantami a kamnue teh ahni hah tha a poe.

⁴⁴ Lungthin meimei ka tangpawk lah a ratoum teh lahun tui talai dawkvah thi patetlah a bo.

⁴⁵ A ratoumnae koehoi a thaw teh a hnukkâbangnaw koe a bout a cei navah, ahnimouh teh lungreirhai hoi ao awh teh a i awh e hah a hmu.

⁴⁶ Ahnimouh koe bangkong na i awh, tacueknae dawk na kâen awh hoeh nahanelah thaw awh nateh ratoum awh, atipouh.

*Judah ni Jisuh a paco
Mat 26:47-56; Mrk 14:43-50*

⁴⁷ Hottelah a dei lahun nah, a hnukkâbang hlaikahni touh thung dawk e Judah Isakarot ni tamimaya hmalah a cei teh Jisuh paco hanlah rek a hnai.

⁴⁸ Jisuh ni ahni koe, Judah, tami Capa heh paco laihoi maw na pahnawt vaw, atipouh.

⁴⁹ Jisuh hoi rei kaawm e naw ni kaawm hane hno hah a hmu navah, Bawipa tahloi hoi ka bouk awh han maw atipouh awh.

⁵⁰ Ahnimouh thung dawk e tami buet touh ni vaihma kacue e a san buet touh e a hnâ aranglae a bouk pouh.

⁵¹ Jisuh ni malawi seh, atipouh. Ahnie a hnâ a tek pouh teh ahawi sak.

⁵² Jisuh koe ka tho e vaihma bawinaw, bawkim karingkungnaw, kacuenaw ni tamru man hane patetlah tahloi hoi bongpai hoi na tho aw h maw.

⁵³ Nangmouh hoi bawkim dawkvah hrintanguem ka o navah, nangmouh ni kai na man aw h hoeh. Hatei atuteh nangmae tueng doeh, khohmo bahu lah hai ao telah atipouh.

Piter ni Jisuh a pahnawt
Mat 26:69-75; Mrk 14:43-50

⁵⁴ Hahoi, Jisuh a man aw h teh a hrawi aw h. Vaihma kacue im daw k a ceikhai aw h. Hatnavah Piter teh ahlanae koehoi a kâbang van.

⁵⁵ Toeim thongma lungui hmai a patawi aw h teh cungalalah a tahung aw h. Piter hai ahnimouh koe a tahung van.

⁵⁶ Piter ni hmai teng a tahung nah sannu buet touh ni khei a khet teh hete tami heh Jisuh hoi rei kaawm e tami doeh telah a ti.

⁵⁷ Piter ni a oun, napui nang ahni teh ka panuek hoeh.

⁵⁸ Hathnukkuh dongdeng ao hoi tami alouke buet touh ni a hmu teh nang haiyah ahnimouh koe na o doeh atipouh, Piter ni tongpa nang kai nahoe h atipouh.

⁵⁹ Hahoi suimilam buet touh a ro hnukkuh tami alouke buet touh ni hete tami hai Jisuh hoi rei ao katang, ahni heh Galilee tami doeh atipouh.

⁶⁰ Hatnavah Piter ni tongpa nang na dei e ka panuek hoeh atipouh. Dongdeng ca lawk a dei lahun nah ahlui a khawng.

⁶¹ Hatnavah Bawipa ni a kamlang teh Piter hah a khet. Hatnavah Piter ni Bawipa e lawk teh hlawt a pouk, ahlui a khawng hoehnahlan vai thum touh na pahnawt han telah a dei pouh e lawk hah hlawt a pouk.

⁶² Piter ni alawilah a tâco teh puenghoi a khawngsauek teh a kâ.

Jisuh pacekpahlekae
Mat 26:67-68; Mrk 14:65; Jhn 18:22-23

⁶³ Jisuh ka man e naw ni ama teh pacekpahlek aw h teh a hem aw h.

⁶⁴ A mit a huem pouh teh, a hem aw h, nang apinimaw na hem telah atipouh.

⁶⁵ Alouke lawknaw hoi lawkthoe hoi a pathoe aw h.

Lawkcengnae hmalah Jisuh a tâcokhai aw h

⁶⁶ Khodai navah Judah kacuenaw hoi vaihma bawinaw hoi cakathukungnaw cungalalah a tho aw h teh lawk deinae hmu en koe a ceikhai aw h.

⁶⁷ Nang teh Khrih maw, dei haw atipouh aw h, Jisuh ni ka dei nakunghai na tang aw h ma hoeh.

⁶⁸ Kai ni na pacei nakunghai na dei aw h mahoe h.

⁶⁹ Atu hoiyah tami Capa heh Cathut hnosakthainae aranglah a tahung han atipouh.

⁷⁰ Hatnavah ahnimouh pueng ni nang heh Cathut capa na maw atipouh aw h. Ahni ni na dei e patetlah bokheiyah atipouh.

⁷¹ Ahnimouh ni bangpatet e kapanuekkhaikung maw a ngai rah, amae lawk roeroe na thai aw h toe ati aw h.

¹ Hahoi ahnimouh teh karik a thaw awh teh, Jisuh hah Pailat koe a ceikhai awh.

² Hete tami ni ka taminaw a dумыen, Sizar siangpahrang koe tamuk na poe mahoeh, ati teh, kai doeh Khrih, siangpahrang toe a ti, ti teh ahni hah yonpen awh.

³ Pailat bawi ni, nang teh Judah siangpahrang katang maw telah a pacei nah, Jisuh ni na pacei e patetlah bokheiyah, atipouh.

⁴ Hatnavah Pailat ni vaihma bawinaw hoi taminaw koe, hete tami heh a yonnae banghai ka hmawt hoeh atipouh.

⁵ Hatei hoe ka cai lah a hram awh teh, hete tami ni cangkhai e lahoi tami moikapap thung dawkvah runae a tâcokhai. Galilee ram hoi Judah ram pueng kounge a katin, atuteh hi vah a pha toe ati awh.

Herod hmalah

⁶ Hote Pailat ni a thai navah, hete tami heh Galilee tami maw telah a pacei.

⁷ Jisuh teh Herod ni a uknaeram dawkvah ao tie a panue navah ama teh Herod koe a ceisak awh. Hatnavah Herod hai Jerusalem kho ao.

⁸ Herod ni Jisuh a hmu navah a lunghawi poung, bangkongtetpawiteh ahnie kong hah pou a thai e lah ao teh kâhmo han a ngainae moi a ro toe. Hahoi Jisuh ni kângairuhno buetbuet touh a sak e hmu hanelah a ngai awh.

⁹ Hatnavah Herod ni Jisuh teh lawk moikapap a pacei. Hatei Jisuh ni lawk kam touh boehai pathung hoeh.

¹⁰ Vaihma bawinaw hoi cakathutkungnaw ni a kangdue awh teh, puenghoi yon a pen awh.

¹¹ Herod hoi a ransanaw ni Jisuh teh a pacekpahlek teh banglahai noutna awh hoeh. Angki kahawi a kho sak awh teh Pailat koe bout a thak awh.

¹² Hote hnin dawkvah Pailat hoi Herod teh huiko lah a o, hat hoehnahlan teh a kâtaran roi.

Barabas maw Jisuh maw

¹³ Pailat ni vaihma bawinaw hoi kahrawikungnaw hoi tami moikapap a kaw teh,

¹⁴ hete tami heh kai koevah na thokhai teh tami moikapap hah runae koe a hrawi na ti awh. Atuteh ama hah na hmalah tâcokhai teh hno kahawihoeah a sak telah yon na pen e naw pueng hah buet touh boehai a sak telah ka hmawt hoeh.

¹⁵ Herod ni hai a yonnae hmawt van hoeh, hatdawkvah kai koevah bout a thak. Hete tami ni vah thei khai han kamcu lah hno a sak e buet touh hai awm hoeh.

¹⁶ Hatdawkvah ka yue vaiteh ka tha han, telah a ti.

¹⁷ Ceitakhai paw i ao nah tangkuem vah Pailat ni thongim ka bawt e buetbuet touh ouk a tha e lah ao.

¹⁸ Taminaw pueng ni a hram awh teh, ahni teh thet awh. Barabas hah tha awh telah a ti.

¹⁹ Barabas teh kho thungvah kamcannae hoi tami ka dумыen e, tami a thei kecu dawkvah thongim ka bawt e lah ao.

²⁰ Pailat ni Jisuh tha han a ngai dawkvah taminaw pueng koe lawk bout a dei.

²¹ Hatei a hram awh teh, thingpalam daw k het sin awh, thingpalam daw k het sin awh, telah ati awh.

²² Pailat ni bout a dei pouh e teh, bang yonnae maw a sak. Due han kamcu lah hno a sak e buet touh hai ka hmawt hoeh. Ka yue vaiteh ka tha han, telah apâthum lah a dei.

²³ Hatei lawk kacaipoung lahoi yah, Jisuh teh thingpalam dawk het sin awh, telah puenghoi a hram awh dawkvah ahnimaie lawk ni a tâ.

²⁴ Pailat ni hai ahnimouh ni a hei e patetlah lawk a tâtueng pouh.

²⁵ Ruengruengtinae hoi tamitheinae dawk hoi thongim paung lah kaawm e hah a hei awh e patetlah a tha pouh teh, Jisuh hah amamae nguinae patetlah a poe.

Thingpalam hrawmnae

Mat 27:33-44; Mrk 15:22-32

²⁶ Jisuh teh ransanaw ni a ceikhai awh navah, Sairen kho e Simon ka tho lahun e hah a hmu awh teh a man awh, hateh thingpalam a hrawm sak awh teh Jisuh hnuk a kâbang sak awh.

²⁷ Hahoi tamimaya hoi ka khuikap e napuinaw ni a kâbang sin awh.

²⁸ Jisuh ni ahnimanaw hah a khet teh, Jerusalem e napuinaw, kai hanelah kap awh hanh, namamouh hoi na canaw hanelah kap awh.

²⁹ Bangkongtetpawiteh, cakaroe e napui teh a yawhawî. Camo kaneng boihoeh rae napui teh a yawhawî telah dei nahane hnin a pha han.

³⁰ Hote tueng dawkvah taminaw ni monnaw kaimouh dawk bawt haw, ati awh vaiteh, monruinaw, kaimouh muen na tim sin awh haw, telah ati awh han.

³¹ Bangkongtetpawiteh thingkung a hring lahun nah hottetelah sak pawiteh, ka ke e koe teh bangtelamaw ao han, telah atipouh.

Thingpalam dawk pathoutnae

³² Alouke tami kahni touh tamikayon reira, Jisuh hoi rei thei hanelah a ceikhai van awh.

³³ Hatnavah, Luhru tie hmuen koe a pha awh navah Jisuh teh thingpalam dawk a pathout awh teh tamikayon kahni touh hai aranglah buet touh, avoilah buet touh a pathout van awh.

³⁴ Jisuh ni, a Pa, ahnimaie yon ngaithoum haw, bangmaw ka sak tie panuek awh hoeh, telah ati. Ahnimouh ni cungpam a rayu awh teh angki a kâravei awh.

³⁵ Hahoi, tami moikapap ni kangdue laihoi a khet awh. Ahnimouh hoi kahrawikungnaw ni a panuikhai awh teh, tami alouknaw teh a rungngang, ama teh Cathut ni a rawi e Messiah lah awm pawiteh amahoima rungngang naseh, telah ati awh.

³⁶ Ransanaw ni hai a tho teh misur tui ka thut e hah a poe teh,

³⁷ Judah Siangpahrang lah na awm pawiteh na mahoima kârungngang haw titeh a dudam awh.

³⁸ A lû lathueng thut lah kaawm e lawk teh, AHNI TEH JUDAH SIANGPAHRANG DOEH, telah Grik, Latin, Hebru lawk lahoi a vo awh.

³⁹ Hahoi vo lah kaawm e tamikayon buet touh ni, Jisuh a dudam teh, Messiah lah na awm hoeh maw. Namahoima rungngang nateh kaimouh hai na rungngang haw telah atipouh.

⁴⁰ Hatei, alouke buet touh ni ahni hah a yue teh, Cathut na taket hoeh maw. Nang hai ahni hoi reikâvan lah yonphukhangnae hah pouk haw atipouh.

⁴¹ Maimouh roi teh tawkpheu doeh khang roi. Hatei hete tami ni teh banghai payonnae sak hoeh atipouh.

⁴² Hahoi Jisuh koe a dei pouh e teh, Bawipa, na uknaeram dawk na tho torei teh, kai na pahnim hanh lah a, telah atipouh.

⁴³ Jisuh ni atangcalah na dei pouh, sahnin paradís vah kai hoi rei na o han, atipouh.

A duenae

Mat 27:33-44; Mrk 15:22-32

⁴⁴ Hote tueng teh kanituengtalung e a thun hoi tangminlasa suimilam kathum totouh, suimilam kathum touh thung talai van abuemlah kho king a hmo.

⁴⁵ Hahoi bawkim thung yap e lukkarei kahni touh lah a kâphi.

⁴⁶ Jisuh ni kacaipounglah a hram teh, a Pa, na kut dawkvah ka muitha na poe, telah a titeh a hringnae a thouk.

⁴⁷ Hote hah ransabawi ni a hmu navah, Cathut a pholen. Hete tami teh tamikalan tanggak doeh, telah a ti.

⁴⁸ Hote hno khet hanelah ka tho e taminaw pueng ni hotnaw a hmu navah a lungtabue a ratup aw h teh a ban aw h.

⁴⁹ Jisuh ka panuek e taminaw hoi Galilee ram hoi amae hnukkâbang e napuinaw ni, hete hno teh ahlapoungnae koehoi a khet aw h.

Pakawpnae

Mat 27:57-61; Mrk 15:42-47

⁵⁰ Hatnavah Judah ram Arimathea kho daw k tami buet touh a min Joseph tie ao. Ahni teh tami kahawi hoi tamikalan lah ao teh Cathut uknaeram ka tho hane ka ngaihawi e lah ao. Ama teh Bawi daw k ka baw k e lah ao van ei teh law k tâtueng e hoi hno a sak aw h e hah a lungkuep hoeh.

⁵¹ Cathut uknaeram ka ngaihawi e tami kahawi, tamikalan lah ao.

⁵² Pailat koe a cei teh Jisuh e a ro hah a hei.

⁵³ A ro hah a la teh lukkarei hoi a kayo teh tami buet touh boehai pakawp boihoeh rae talung tangkom thungvah a pakawp.

⁵⁴ Atangtho teh sabbath hnin a hnai toe,

⁵⁵ Galilee ram hoi Jisuh e a hnukkâbang e napuinaw hah Joseph koe a cei aw h teh tangkom hoi tangkom thungvah bangtelamaw Jisuh e a ro hah a ta tie khet hanelah a cei aw h.

⁵⁶ Hahoi im lah a ban aw h teh hmuitui hoi satui hah a rakueng aw h. Sabbath hnin teh kâpoelaw k patetlah a kâhat aw h.

24

Bout a thawnae

Mat 28:1-8; Mrk 16:1-8; Jhn 20:1-8

¹ Hatei a yat daw k e apasuek hnin, amom vah hote napuinaw ni alouke napuinaw hoi cungalalah, hluk hanelah hmuitui a sin aw h teh tangkom koe a cei aw h.

² Hahoi tangkom tengnae lungphen a kâtahruet e hah a hmu aw h.

³ Hahoi a thung a kâen aw h boteh Jisuh e ro hmaw t aw h hoeh.

⁴ Hatnavah bangmaw sak han ti panuek laipalah a kangdue aw h lahun navah, lukkarei loukloukkaang e ka khohnat e tami kahni touh hmatara a kangdue roi.

⁵ Hote napuinaw ni a taki aw h teh a saling aw h navah, ahnimouh roi ni, bangkongmaw kahring e tami hah kadout um na tawng aw h.

⁶ Hivah aw m hoeh, bout a thaw toe. Tami Capa teh tamikayonnaw e kut daw k poe lah aw m vaiteh thingpalam daw k a pathout aw h han.

⁷ Apâthum hnin bout a thaw han, telah Galilee ram ao navah a dei e naw hah pahnim aw h hanh, telah atipouh roi.

⁸ Hahoi ahnimouh ni a lawk hah bout a panue aw h,

⁹ hahoi tangkom koehoi a ban aw h teh hote hnonaw hah a hnukkâbangnaw hlaibun touh hoi alouknaw pueng koe a dei pouh aw h.

¹⁰ Hote napuinaw teh Meri Magdalin, Joanna hoi Jem e a manu Meri hoi alouke napuinaw doeh. Amamouh hoi ahnimouh koe ka cet van e tami a alouknaw ni vah hete kong teh gunceinaw koe a dei pouh aw h.

¹¹ Hatei a hnukkâbangnaw ni vah napui ni a dei e teh rumram lah a pouk teh yuem aw h hoeh.

¹² Hatei Piter teh a thaw teh tangkom koe a yawng, a khet navah, ro kayonae lukkarei hah a hmu. Hahoi hote hno kaawm e daw k a kângai lah a ru teh, ama im lah a ban.

A hnukkâbang kahni touh koe a kamnuenae

¹³ Hahoi hote hnin dawkvah ahnimouh thung daw k e kahni touh teh Jerusalem kho hoi meng sari touh hlai ahlanæ Emmaus kho lah a cei roi.

¹⁴ Kaawm tangcoung e a konglamnaw pueng buet touh hoi buet touh a kâpankhai roi.

¹⁵ Hottelah a kâpankhai navah Jisuh ni ahnimouh roi koe a hnai teh ahnimouh hoi cungtalah rei a cei aw h.

¹⁶ A hmu roi ngoun, hatei panuek roi hoeh.

¹⁷ Hahoi Jisuh ni, na cei roi nah buet touh hoi buet touh na kâpankhai roi e lawk teh bangpatet e lawk maw. Bangkongmaw na minhmai a mathoe roi, telah a pacei.

¹⁸ Hahoi ahnimouh roi thung daw k e tami buet touh, a min Kleopas tie ni, Jerusalem vah imyin lah na o nahlangva hote kho daw k e a konglamnaw hah na panuek hoeh maw telah atipouh.

¹⁹ Jisuh ni bangpatet e hno maw telah a pacei navah Nazareth kho e Jisuh doeh. Hote tami ni Cathut hmalah thoseh, dei thainæ, sak thainæ hoi kakuep e profet athakaawm katang e doeh.

²⁰ Vaihma bawinaw hoi na kaukkungnaw ni thei hanelah a poe aw h teh thingpalam daw k a hetsin aw h.

²¹ Kaimouh ni ama teh Isarel taminaw ka hlout sak hane mue telah ka pouk aw h. Hothloilah, hote hno aonæ hah atuteh apâthum hnin a pha toe.

²² Kaimouh thung daw k kaawm e napui tangawn ni kângai na ru sak aw h. Amom tangkom koe a cei aw h,

²³ hatei, a ro teh hmawt aw h hoeh. A ban aw h teh kalvantaminaw ni, ahni teh a hring telah a dei aw h e kamnuenæ hah a hmu aw h.

²⁴ Hatnavah kaimouh daw k kaawm e tami tangawn ni tangkom koe a cei aw h teh napuinaw ni a dei e patetlah a hmu aw h. Hatei a ma teh hmawt aw h hoeh, telah a ti.

²⁵ Jisuh ni, na pathu aw h maw! profetnaw ni a dei e yuem hanelah na ru sak poung aw h.

²⁶ Messiah ni hete hnonaw hah a bawilennæ thung a pha hoehnahlan a khang hane nahoehmaw telah a ti.

²⁷ Hatnavah Jisuh ni Cakathoung dawkvah Mosi e cauk hoi profetnaw ni a thut e cauk totouh, amaæ kong a thut e naw pueng hah kacaicalah a dei.

²⁸ A ceinae kho a pha tawmlei navah Jisuh ni hmalah pou cei hloi hane patetlah ao pouh.

²⁹ Hote tami roi ni kaimouh hoi cungtalah rei luen leih, tangmin lah a pha toe kho hai meimei a hmo toe atipouh roi. Hatdawkvah ahnimouh koe cungtalah a luen.

³⁰ Ahnimouh hoi cungtalah caboi a ven awh navah vaiyei a la teh lunghawilawk a dei hnukkhu vaiyei a raen teh a rei.

³¹ Ahnimouh roi ni a mit a ang roi teh Jisuh doeh tie a panue roi. Hatei ahnimouh roi e mithmu vah yout a kahma pouh.

³² Ahnimouh roi ni, lam vah lawk kâpankhai e hoi Cakathoung e a dungkawnae a dei navah ka lungthin thungvah hmai ka kang e patetlah a o, telah buet touh hoi buet touh a kâpankhai roi.

³³ A hnukkâbang roi teh tang a thaw roi teh, Jerusalem lah let a ban roi. A hnukkâbangnaw hlaibun touh hoi alouknaw a kamkhueng awh e hah a hmu roi.

³⁴ Bawipa teh a thaw katang doeh. Simon koe a kamnue pouh toe tie a kâdei awh.

³⁵ Hahoi a hnukkâbang kahni touh ni lam vah hno kaawm e hoi Bawipa ni vaiyei a raen navah a panue roi e kong hah a dei pouh roi.

Jisuh a thawnae hoi a kamnue

³⁶ Hahoi hottelah buet touh hoi buet touh a kâdei awh navah, Jisuh ni ahnimae alungui vah a kangdue teh, nangmouh koe roumnae awm lawih seh, telah atipouh.

³⁷ Hatei, ahnimouh teh lungpuen, hoi a taki awh teh kahrai doeh ka hmu telah a pouk awh.

³⁸ Bawipa ni, bangkongmaw na lungpuen awh. Bangkongmaw na lungthung oupvoutnae na tawn awh.

³⁹ Ka kut hoi ka khok khenhaw! Kama roeroe doeh. Na tek awh haw na panue awh han, kahrai teh a hru hoi a tak tawn hoe, kai teh ka tawn tie hah na hmu awh, telah atipouh.

⁴⁰ Hote lawk a dei e abaw hoi a kut hoi a khok a pätue.

⁴¹ Hahoi a lunghawi awh lawi, a yuem thai awh hoe rah dawkvah, nangmouh koe cakawi ao maw telah a pacei.

⁴² Hahoi ahnimouh ni tanga pâeng e a kawvang hoi a poe awh.

⁴³ Jisuh ni a la teh ahnimae hmalah a ca pouh.

⁴⁴ Bawipa ni, nangmouh hoi cungtalah ka o nah bout ka dei e teh, Mosi e kâlaw cauk, profetnaw hoi Sam lanaw dawkvah kaie ka kong a thut e pueng teh koung a kuep han atipouh.

⁴⁵ Cakathoung a panue awh nahanelah ahnimae panuena lungthin a paawng pouh hnukkhu,

⁴⁶ ahnimouh koe a dei pouh e teh, Cakathoung daw a thut e teh, Khrih teh a due vaiteh apâthum hnin duena koehoi bout a thaw han.

⁴⁷ Hahoi a mae min lahoi yon pankângainae hoi yon ngaithoumnae kong hah Jerusalem kho hoi a kamtawng vaiteh taminaw pueng koe dei lah ao han telah a dei.

⁴⁸ Hete hnonaw pueng daw k nangmouh teh kapanuekkhaikung lah na o awh.

⁴⁹ Hahoi a Pa ni lawk a kam e patetlah nangmouh koe na poe han. Hateiteh lathueng lahoi hnosakthainae khohna awh hoehroukrak Jerusalem kho vah ring awh, atipouh.

Kalvan a luennae

⁵⁰ Hahoi Bethani kho lah ahnimouh a ceikhai teh a kut a dâw teh ahnimanaw yawhawi a poe.

⁵¹ Yawhawi a poe lahun navah ahnimouh hoi a kâkapek teh kalvan vah a luen.

⁵² Ahni a bawk aw h teh lunghawi laihoi Jerusalem lah a ban aw h teh,

⁵³ bawkim dawk pout laipalah Cathut teh a pholen aw h.

JAWHAN (The Gospel According to John)

Lawk teh Cathut doeh

¹ Apuengcue vah lawk teh ao, Lawk teh Cathut hoi rei ao, Lawk teh Cathut doeh.

² Ahni teh apuengcue vah Cathut hoi rei ao.

³ Hnocawngca pueng ahni pawlawk dawk sak lah ao teh, ahni laipalah sak hoeh e banghai awm hoeh.

⁴ Ahni dawk hringnae ao, hahoi hote hringnae teh taminaw e angnae lah ao.

⁵ Hote angnae teh a hmonae koe a ang teh, hmonae ni ramuk thai hoeh.

⁶ Cathut ni Jawhan tie a tami hah a patoun.

⁷ Jawhan ni angnae kong hah a kampangkhai. Tami pueng ni hote akong a thai navah yuemnae a tawn thai awh nahane dei hanlah a tho.

⁸ Ahni teh angnae nahoe, angnae kong kampangkhai hane doeh a tho.

⁹ Angnae katang teh heh talaivan a tho teh tami pueng angnae ka poe e lah ao.

¹⁰ Ahni teh het talaivan vah ao teh, hete talai hai a sak toe. Hatei, talai ni ahni teh panuek hoeh.

¹¹ Ahni teh a taminaw koe a tho ei a taminaw ni a hnamthun takhai awh.

¹² Capa ka yuem e taminaw pueng teh Cathut ca lah counгнаe kâ a poe.

¹³ Cathut ca lah counгнаe teh tami phunglam lahoi khe e lah tho hoeh. Thi moi hoi khe e na hoeh. Tami ni khe e hai nahoe. Cathut ama ni khe e ca lah ao.

Lawk teh tami lah a coung

¹⁴ Lawk hah tami lah a coung teh, lungmanae hoi lawkkatang hoi akawi. Maimouh koe ao teh Cathut ni a Capa tawn dueng a poe e a bawilennaе patetlah maimouh ni bawilennaе hmu awh.

¹⁵ Jawhan ni ahnie kong hah a kampangkhai teh, kaie hnuk lah ka tho hane teh, ka o hoehnahlan kaawm toung niteh, kai hlak kalen e lah ao ka ti navah ahni doeh telah a hramkhai.

¹⁶ Ahnie kuepnae koehoi lungmanae van lungmanae teh coe awh.

¹⁷ Cathut ni kâlawk teh Mosi koehoi na poe awh, lungmanae hoi lawkkatang teh Jisuh Khrih koehoi doeh a tho.

Jawhan ni a kampangkhai

¹⁸ Apinihai Cathut teh hmawt boihoeh eiteh, Cathut lungtabue dawк kaawm e a Capa buet touh dueng ni Cathut teh a kamnue sak.

¹⁹ Judahnaw ni vaihmanaw hoi Levihnnaw hah Jerusalem lah Jawhan koe a patoun awh teh, nang hah apimaw telah a pacei sak awh.

²⁰ Jawhan ni kai teh Messiah na hoeh telah kamcengcalah a dei pouh.

²¹ Ahnimouh nihai, pawiteh nang apimaw, Elijah maw telah a pacei awh. Jawhan ni, kai teh Elijah nahoe telah atipouh. Hoeh pawiteh profet maw atipouh awh, nahoe bo bout atipouh.

²² Ahnimouh ni, nang teh apimaw. Kaimouh kapatounnaw koe bout ka dei awh nahanlah namahoima bangtelamaw na kâdei telah a pacei awh.

²³ Jawhan nihai, kai teh profet Isaiaah ni a dei e patetlah Cathut e lamthung lan sak awh telah kahrawngum ka hramkhai e lawk doeh atipouh.

²⁴ A patoun awh e naw teh Farasinaw doeh.

²⁵ Ahnimouh ni, nang teh Messiah hai na hoeh, Elijah na hoeh, profet hai na hoehpawiteh, bangkongmaw tui baptisma na poe vaw atipouh awh.

²⁶ Jawhan ni, Kai ni vah tui dawk baptisma na poe awh, hatei, nangmouh ni na panue hoe e, ka hnuklah ka tho hane ao.

²⁷ Kai ni vah khokkhawmrui boehai rasu pouh han ka kamcu hoeh atipouh.

²⁸ Hettelah lawk a kâ paceinae hmuen teh Jordan palang teng Bethani kho, Jawhan ni tui baptisma a poenae hmuen koe doeh.

Cathut e tuca

²⁹ Atangtho Jawhan ni Jisuh a tho e a hmu navah khen a haw Cathut e tuca talaivan e yon ka cetkhai e ho!

³⁰ Ahni teh kai ka o hoehnahlan hoi kaawm tangcoung e ni teh kai hlak kalen ni teh kaie ka hnuklah a tho han ka tie hah doeh.

³¹ Ahmaloe vah ahni teh ka panuek hoeh. Hatei, Isarelnaw ni ama a panue thai awh na hanelah kai ni tui baptisma na poe awh e doeh atipouh.

³² Hahoi Jawhan ni, kalvan hoi Muitha teh Âbakhu patetlah a kum teh avan vah a cu e ka hmu telah a kampangkhai teh a dei.

³³ Ahmaloe vah ahni ka panuek hoeh, hatei, teh tui baptisma na kapoesakkung ni, tami buet touh van vah Muitha a kum teh a cu e hah na hmu navah, ahni teh Kathoung Muitha hoi tui baptisma ka poe hane doeh tie na panue han ati e patetlah,

³⁴ kheh ka hmu teh ahni teh Cathut Capa doeh telah nangmouh koe ka kampangkhai telah Jawhan ni a dei.

Jisuh hnuk apasuek kâbang e naw

Mat 4:18-22; Mrk 1:16-20; Luk 5:2-11

³⁵ Atangtho vah Jawhan hoi a hnukkâbang kahni touh ni Jisuh a tho e a hmu awh navah,

³⁶ Jawhan ni a khet teh, Cathut e tuca hah kenhaw ati.

³⁷ Avaica roi ni a thai navah Jisuh hnuk a kâbang roi.

³⁸ Jisuh ni a kamlang teh a hnuklah a kâbang roi e a hmu navah, bangmaw na ngai roi telah a pacei. Ahnimouh roi ni, Rabbi, Bawipa nang teh namaw na o telah atipouh. Rabbi ti ngainae teh kacangkhaikung tinae doeh.

³⁹ Jisuh ni tho nateh kenhaw! atipouh. Ahnimouh ni a cei awh teh a onae teh a hmu awh, atueng teh tangmin lahsa suimilam pali a pha toe. Kho hmo totouh ama koe ao awh.

⁴⁰ Jawhan e lawk a thai hoi Jisuh hnukkâbang roi e thung dawk buet touh teh Simon Piter e a nawngaha Andru doeh.

⁴¹ Andru ni apasuekpoung lah Simon koe a cei teh, Messiah teh ka hmu awh toe atipouh. Messiah tie teh Khrih tinae doeh.

⁴² Andru ni Simon hah Jisuh koe a ceikhai. Jisuh ni nang teh Jawhan capa Simon doeh. Cephas tie min katha phung lah na o han atipouh. Cephas tinae teh Piter tie hoi kâvan e talung ti ngainae doeh.

Filip hoi Nathanael

⁴³ Atangtho vah Jisuh teh Galilee lah cei han a kâcai. Filip hah a hmu nah ka hnukkâbang atipouh.

⁴⁴ Filip teh Andru hoi Piter a onae Bethsaida kho hoi ka tho e tami doeh.

⁴⁵ Filip ni Nathanael a hmu nah, phunglawk cauk dawk e Mosi ni a thut e, profetnaw ni akong a thut e Nazareth tami Joseph capa Jisuh hah ka hmu toe atipouh.

⁴⁶ Nathanael ni, Nazareth kho hoi hnokahawi a tâco boimaw atipouh navah Filip ni vah tho nateh khenhaw! atipouh.

⁴⁷ Jisuh ni Nathanael ama koe a tho e hah a hmu teh, Isarel tami katang hi ao e hah khen awh, dумыennaе lungthin khoeroe tawn hoe, atipouh.

⁴⁸ Nathanael ni hai Bawipa nang ni bangtelamaw kai heh na panue atipouh. Jisuh ni Filip ni na kaw hoehnahan vah thaibunglung rahim na o nah na hmu toe atipouh.

⁴⁹ Nathanael ni, Bawipa nang teh Cathut Capa doeh Isarelnaw e Siangpahrang doeh, atipouh.

⁵⁰ Jisuh ni thaibunglung rahim na o e ka hmu ka ti dawk maw na tang. Hot hlak kalen e hno hah bout na hmu han atipouh.

⁵¹ Atangcalah na dei pouh awh, kalvan kamawng vaiteh tami Capa e a van vah Cathut e kalvantaminaw ka kum ka luen e na hmu a han atipouh.

2

Jisuh ni tui hah misur lah a kâthung sak

¹ Apâthum hnin Galilee ram Kanâ khovah yuvâ kâ paluennaе paw i koe Jisuh e manu hai ao van.

² Jisuh hoi a hnukkâbangnaw hai hote paw i koe a coun awh.

³ Misurtui abaw navah Jisuh koe a manu ni Misurtui abaw toe atipouh.

⁴ Jisuh ni, napui nang, bangmaw duem na o hoe, ka tueng kuep hoe rah, atipouh.

⁵ A manu ni, ahni ni a dei e patetlah sak awh, atipouh.

⁶ Judah phung lah kut kamsin nahanelah maroi taruk touh ouk a hruek awh.

⁷ Jisuh ni maroi daw k tui koun g pakawi awh, telah thaw katawknaw a patoun teh seisei ka poum lah a hlun awh.

⁸ Duek nateh paw i thungvah rei haw atipouh e patetlah a rei awh.

⁹ Paw i thung kaawm naw ni hote misurtui teh nâ e maw tie panuek awh hoe ei, haw e thaw katawknaw ni teh a panue awh. Hatnavah yupaluenkung hah a oup awh.

¹⁰ Ayânaw teh misur yamu ahruem hah apasuek poung lah a pânei awh, hahoi teh a radu a pânei awh, nang teh atu sittouh ahruem na tawn rah atipouh awh.

¹¹ Hottelah Jisuh ni apasuekpoung e kângairunae Galilee ram Kanâ khovah a sak teh, amae bawilennaе a kamnuе sak. A hnukkâbangnaw ni hai hoe a tang awh.

¹² Hahoi, Jisuh teh a manu, a nawngnaw hoi a hnukkâbangnaw hoi Kapernuam lah a cei awh teh hawvah hnin dongdeng a cam awh.

Bawkim a thoung

Mat 21:12-13; Mrk 11:15-17; Luk 19:45-46

¹³ Judahnaw e ceitakhai paw i hnai toung dawkvah Jisuh teh Jerusalem lah a cei.

¹⁴ Bawkim daw k maito, tu hoi bakhu ka yawt e naw hoi paw i koe tangka ka thung e naw a hmu navah,

¹⁵ hem nahan bongpai a la teh haw e taminaw, tu hoi maitonaw hai bawkim thung hoi a pâlei teh hnopai yonae caboinaw hai koug a tanawt pouh.

¹⁶ Bakhu kayawtnaw han hai na hnonaw lat awh. A Pa e im hah hnopai yonae lah sak a hanh awh.

¹⁷ Cakathoung ni a dei e patetlah, Aw, Bawipa na im ka lungpatawnae ni ka lung a tangpo sak tie hah a hnukkâbangnaw ni hlot a pouk awh.

¹⁸ Judahnaw ni nang ni hettelah hno na sak pawiteh, bang patet e mitnout hno maw kaimouh na patue han, atipouh awh.

¹⁹ Jisuh ni, hete bawkim heh, raphoe awh haw hnin thum touh hoi ka sak han telah atipouh.

²⁰ Judahnaw ni a kum 46 touh thung hete bawkim ka sak awh e nang ni teh hnin thum touh hoi ka cum han na ti, atipouh awh.

²¹ Hottelah a dei ngainae teh, amae a tak bawkim a dei ngainae doeh.

²² Duenae koehoi bout a thaw hnukkhu vah, a hnukkâbangnaw ni hote lawk hah hlot a pouk awh teh, Cakathoung hoi Jisuh lawk teh a yuem awh.

²³ Ceitakhai pawî ao nah thungvah, Jisuh teh Jerusalem vah ao teh, mitnout a sak e hah tami moikapap ni a hmu awh, hahoi Bawipa teh a yuem awh.

²⁴ Hatei, Jisuh ni tami pueng koug a panue dawkvah ahnimouh koe amahoima kâhnawng hoeh.

²⁵ Tami e a lungthung bangmaw kaawm tie pheng a panue dawkvah tami e a kong rene kampangkhai han ngai hoeh.

3

Jisuh ni Nikodemus a cangkhai

¹ Judah tami, kahrawikung lah kaawm e Nikodemus tie Farasi tami buet touh ao.

² Ahni ni tangmin vah Jisuh koe a tho teh, Bawipa nang ni na sak e mitnoutnaw Cathut ni na awmkhai hoehpawiteh sak thai lah awm mahoe h tie ka hmu awh dawkvah, Bawipa nang teh Cathut ni na patoun e doeh tie ka panue, atipouh.

³ Jisuh ni atangcalah ka dei, apihai apâhni khekatha hoehpawiteh, Cathut uknaeram hmawt thai mahoe h atipouh.

⁴ Nikodemus ni hai matawng ni bangtelamaw apâhni lah maw a manu vonthung bout a kâen vaiteh, bout a khe han vaw atipouh.

⁵ Jisuh ni atangcalah ka dei, tui hoi Muitha ni a khe hoe e tami ni Cathut uknaeram daw kâen thai mahoe h atipouh.

⁶ Takthai ni a khe e teh takthai doeh, Muitha ni a khe e teh muitha doeh.

⁷ Khe katha lah o han ka ti daw k na kâ ngai ru sak hanh.

⁸ Kahlî teh ama ngai e patetlah doeh a tho, kahlî tho lawk na thai ei, nâ lahoi maw a tho teh nâ lah maw a cei tie panuek thai hoeh. Hottelah doeh Muitha ni a khe e teh ao atipouh.

⁹ Nikodemus nihai, hete hno heh bangtelah hoi maw a coung thai han atipouh.

¹⁰ Jisuh ni bout atipouh e teh, nang heh Isarelnaw kacangkhaikung lah na o ei het patet boehai na panuek hoeh atipouh.

¹¹ Atangcalah na dei pouh, kaimouh ni ka panue e ka dei awh, ka hmu awh e doeh ka kampangkhai awh. Hatei kaimouh ni kampangkhai e teh na tang awh hoeh.

¹² Talailae hno ka dei navah na tang awh hoehpawitech kalvanlae hno natawng teh bangtelamaw na tang awh han.

¹³ Kalvan hoi ka kum ni teh kalvan kho kaawm e tami Capa hloilah apihai kalvan ka luen e awm hoeh.

¹⁴ Mosi ni kahrawngum vah tahrin a pathout e patetlah tami Capa hai a pathout awh han.

¹⁵ A Capa ka yuem e naw pueng teh rawk laipalah yungyoe hringnae a tawn nahane doeh.

¹⁶ Cathut ni a Capa tawntoe e pasoung ditouh talaivan a lungpataw. Capa ka yuem e tami pueng teh rawk laipalah a yungyoe hringnae a tawn awh nahane doeh.

¹⁷ Bangkongtetpawitech Cathut ni talaivan taminaw lawkceng hanelah Capa heh patoun hoeh, talai taminaw rungngang hanlah doeh a patoun.

¹⁸ Apihai Capa ka yuem pueng ni lawkcengnae khang mahoe. Kayuemhoehnaw teh Cathut Capa tawntoe e min a yuem awh hoe dawkvah atu hai lawkceng lah ao toe.

¹⁹ Lawkceng lah a onae teh, angnae teh talaivan a pha ei, taminaw ni kahawihoehe hno hoe a sak awh dawkvah, angnae hlak hmonae hah hoe a ngai awh.

²⁰ Kathout hno ka sak e naw ni angnae hah a maithoe awh teh, thoe a saknae a kamnue hoeh nahanelah angnae koe tho hane ngai awh hoeh.

²¹ Lawkkatang ka tarawi e tami teh, amae a tarawinae hah Cathut e ngainae hoi a kânging tie a kamnue thai nahanlah angnae koe a tho telah a dei.

Jisuh hoi baptisma Jawhan

²² Hahoi, Jisuh hoi a hnukkâbangnaw teh Judah ram lah a cei awh, hawvah a hnukkâbangnaw hoi baptisma a poe awh.

²³ Jawhan hai Salim kho teng Aenon vah tui apap dawkvah, baptisma a poenae koe taminaw ni a tho teh baptisma a coe awh.

²⁴ Hatnavah Jawhan thongim thung phat hoe rah.

²⁵ Jawhan e a hnukkâbangnaw teh tui hoi kamthoungnae kong dawkw Judahnaw hoi a kâoun awh.

²⁶ Hatdawkvah Jawhan koe a tho awh teh, Bawipa Jordan tui namran vah nang hoi rei kaawm ni teh akong na kampangkhai e tami ni tui dawkw baptisma a poe teh taminaw pueng ahni koe a tho awh atipouh awh.

²⁷ Jawhan ni Kalvan lahoi poe hoehpawitech, tami ni banghai tet thai mahoe.

²⁸ Kai teh Khrih nahoe, ahnie hmalah patoun lah kaawm e doeh tie hah nangmouh teh kapanuekkhaikung lah na o awh.

²⁹ Vâ ka sak e tangla teh yupaluenkung thoundoun e lah doeh ao toe. Yupaluenkung thoundoun e lawk ka thai e a hui ni yupaluenkung e a lawk a thai nah puenghoi a konawm. Hot patetvanlah kaie lunghawinae hai a kuep.

³⁰ Ahni teh rounng vai, kai teh ka kumcathuk han.

Kalvan hoi ka kum te tami

³¹ Lathueng lahoi ka tho e teh bangpueng e lathueng lah ao. Talai lahoi ka tho e teh talai hoi a kâkuet dawkvah, talai kong a dei. Kalvan hoi ka tho e teh bangpueng e lathueng lah ao.

³² Ahni ni a hmu hoi a thai e hah kampangkhai ei, apinihai ahnie kampangkhainae teh tang awh hoeh.

³³ Apihai ahnie kampangkhae nae ka dâw e teh Cathut katang doeh tie hoe a panue cai.

³⁴ Cathut ni patoun e ni teh Cathut e lawk doeh a dei. Bangkongtetpawiteh ahni koe Cathut ni Muitha pout laipalah a poe.

³⁵ Apa ni Capa lungpataw dawkvah, hnocawngca pueng teh Capa kut dawk a poe toe.

³⁶ Capa ka yuem e teh yungyoe hringnae a tawn. Hatei, Capa ka ek e teh hringnae a hmu hoeh e dueng laipalah, Cathut lungkhueknae ahni dawk vah ao telah Jawhan ni a ti.

4

Jisuh hoi Samaria napui

¹ Jisuh ni Jawhan hlak tami moikapap a hnukkâbang lah a coung sak tie Farasinaw ni a thai awh e hah Jisuh ni a panue.

² Atangcalah Jisuh ma roeroe ni apihai baptisma poe hoeh, a hnukkâbangnaw ni doeh a poe.

³ Hatdawkvah, Judah ram lahoi Galilee lah let bout a ban.

⁴ Samaria ram a rakan teh,

⁵ Jakop ni a capa Joseph a poe e tâpit teng Samaria khopui Sikhar vah a pha.

⁶ Hote hmuen koe Jakop e tuikhu a tai e ao. Jisuh teh a tawn dawkvah hote tuikhu teng vah a tahung. Hote atueng nah kanî boung a thun.

⁷ Hawvah Samaria napui teh tui do hanlah a tho. Jisuh ni hote napui koevah, tui nei hane na poe haw atipouh.

⁸ A hnukkâbangnaw teh rawca ran han khothung a cei awh.

⁹ Hote napui ni hai nang teh Judah tami nahoehmaw. Bangkongtetpawiteh Judahnaw teh Samarianaw hoi cungalah ouk awm awh hoeh.

¹⁰ Jisuh nihai, Cathut e a pahrennae hoi nang koe tui ka hete heh apipatet e ne tie na panuek pawiteh ahni koe na hei han ei te atipouh. Ahni ni hai hringnae tui teh na poe han, atipouh.

¹¹ Hote napui ni Bawipa nang koe do nahane awm hoeh bo. Hete tuikhu haiyah hroung a dung dawkvah, hringnae tui na e maw ka hmu han vaw.

¹² Nang teh kaimae mintoe Jakop hlak na cue maw. Jakop ni hete tuikhu heh kaimouh na poe awh teh, amâ hoi a canaw pueng ni a do awh hloilah saring ka khounnaw pueng ni hai hete tui hah a pânei awh atipouh.

¹³ Jisuh ni, hete tui ka net e pueng teh tui bout a kahran han rah.

¹⁴ Kai ni ka poe hane tui ka net e tami teh, nâtuék hai tui bout kahran mahoe toe. Hothloilah Kai ni ka poe hane tui teh, a yungyoe ditouh ka phuek e tuikahring lah ao han telah bout atipouh.

¹⁵ Napui ni, Bawipa, kai hai tui bout kahran hoe nahan hoi hie hmuen koe tuido hanlah bout ka tho hoeh nahanelah hote tui na poe haw atipouh.

¹⁶ Jisuh ni cet nateh na vâ kaw nateh, hi bout tho ei atipouh.

¹⁷ Napui nihai, kai ka vâ ka tawn hoeh atipouh, Jisuh ni ka vâ ka tawn hoeh na tie teh atang doeh,

¹⁸ Hatei, na vâ panga touh na tawn toe. Atu na okhai e hai na vâ katang nahoe bokheiyah, atipouh.

¹⁹ Napui nihai, Bawipa, nang teh profet lah na o tie ka panue.

²⁰ Kaimae mintoenaw teh hete mon dawk Cathut a bawk awh. Hatei, nangmouh Judahnaw ni teh Jerusalem kho dawk dueng doeh Cathut ka bawk awh ouk na ti awh, atipouh.

²¹ Jisuh ni, napui nang, ka lawk yuem haw. Hete mon koe cet laipalah, Jerusalem kho hai cet laipalah Cathut bawk nahane atueng a pha han toe.

²² Rungngangnae teh Judahnaw koehoi a tâco dawkvah, kaimouh teh kamamouh ni ka panue awh e hah ka bawk awh. Nangmouh teh namamouh ni na panue awh hoeh e hah na bawk awh.

²³ Ka bawkatangnaw ni Pa hah muitha hoi lawkkatang hoi bawknae a tue atu a pha toe. Bangkongtetpawiteh hottelah bawk hanelah doeh Pa ni a nginae ao.

²⁴ Cathut teh Muitha lah ao dawkvah, ka bawk e pueng ni teh muitha hoi lawkkatang hoi a bawk awh han atipouh.

²⁵ Napui ni hai Khrih tie Messiah a tho han tie ka panue. Ama a tho hnin toteh bangpueng kaimouh koe a pâpho han, atipouh.

²⁶ Jisuh ni, ahni teh kai doeh, atu nang hoi lawk kâpan e teh Messiah doeh atipouh.

Canga tue a pha toe

²⁷ Hatnavah a huukkâbangnaw a tho awh teh hote napui hoi a kâpan e hah a hmu awh navah a kângairu awh. Hatei, bangmaw a ngai, hote napui hoi bangkongmaw lawk a kâpan roi tie hah apinihai pacei hoeh.

²⁸ Hote napui ni tuium a ceitakhai teh kho thung lah a cei.

²⁹ Kaie ka to ka sak e naw pheng ka panuek e tami heh kenhaw! ahni teh Messiah tie Khrih paka han doeh, telah taminaw hah a dei pouh.

³⁰ Kho thung e taminaw teh, Jisuh koe a tho awh.

³¹ Hatnae tueng daw k a huukkâbangnaw ni Rabbi bu cat ei, atipouh awh.

³² Hatei, nangmouh ni na panue hoeh e cakawi kai koe ao, atipouh.

³³ A huukkâbangnaw ni, tami buetbuet touh ni rawca a la poe toung ma aw ti teh a kê pacei awh.

³⁴ Jisuh ni, kai na kapatoung e a nginae taw k e hoi ahnie thaw cum e doeh kaie rawca lah ao.

³⁵ Nangmouh ni canga nahan thapa yung pali touh a ngai rah na ti awh nahoehmaw. Kai ni ka dei e teh lawnaw hah kenhaw. Canga hane coungkacoelah koug a hmin toe.

³⁶ Cang ka a kung ni kutphu a hmu teh yungyoe hring nahanelah capai daw k a pâkhueng awh. Hatdawkvah cati ka patue e hoi cang ka a e teh reirei a konawm awh han.

³⁷ Tami buet touh ni a patue, buet touh ni a a telah dei e heh hitueng vah a kuep.

³⁸ Nangmouh ni thaw na tawkhoehnae lawhmuen koevah canga hanlah na kê patoun awh, ayâ ni a taw k tangcoung e nangmouh ni youn na pang awh, atipouh.

Talai rungngangkung

³⁹ Samaria napui ni vah, kaie ka tawksak e pueng ahni ni be a pâpho tie a dei dawkvah kho thung kaawm e Samaria taminaw ni Jisuh hah a yuem awh.

⁴⁰ Hatdawkvah Samarianaw ni hai Jisuh koe a cei awh teh ahnimouh koe hnin o hanelah a haw awh. Hawvah hnin hni touh a roe.

⁴¹ Ama e lawk khe i a thai awh dawkvah taminaw pueng ni a tang awh.

⁴² Hote napui koevah, nang ni na dei daw k dueng yuem e tho hoeh. Ama e a lawk khe i ka thai awh dawkvah, hete tami teh talaivan rungngangkung Bawi Messiah tie atuvah ka panue awh toe atipouh awh.

Galileenaw ni Jisuh a dawn awh

⁴³ Hnin hni touh aloum hoi haw hoi a tâco teh, Nazareth kho a roun teh Galilee ram lah a cei.

⁴⁴ Bangkongtetpawiteh, profet teh ama khovah barinae awmhoeh telah Jisuh ma ni ati.

⁴⁵ Galilee lah a pha navah ahnimouh ni Bawipa teh a dawn awh, bangkongtetpawiteh ahnimouh hai paw i koe a cei aw h van teh, Jerusalem kho paw i koe vah Jisuh ni a sak e hnonaw pueng hah a hmu aw h.

Kalaw bawi e capa damnae a coe

⁴⁶ Tui he misurtui lah a coung saknae Galilee ram kanâ khovah bout a pha. Hatnavah Kapernuam kho e kalaw bawi buet touh e a capa teh a pataw.

⁴⁷ Jisuh hah Judah ram hoi Galilee ram lah a pha tie hote kalaw bawi ni a thai navah, Jisuh koe a cei teh, meimei kadout e a ca damnae a hmu thai nahanelah a kaw.

⁴⁸ Jisuh ni nangmouh ni mithmu kângairunae na hmawt aw h hoehpawiteh na yuem a mahoe h atipouh.

⁴⁹ Bawipa, ka capa a due hoehnahlan uren tho ei, telah kalaw bawi ni atipouh.

⁵⁰ Jisuh ni cet leih, na capa teh yo a dam toe atipouh nah, kalaw bawi ni hai a yuem teh a cei.

⁵¹ A cei lahun nah a vaicanaw ni a dawn aw h teh, na capa yo a dam toe atipouh aw h.

⁵² Nâtuék maw damnae a hmu titeh a pacei navah paduem tangmin suimilam sari nah atipouh aw h.

⁵³ Hote tueng teh Jisuh ni na capa a dam toe tinae tueng doeh tie a na pa ni a panue dawkvah, ama hoi imthungkhu abuemlah ni a yuem aw h.

⁵⁴ Hete mitnout teh Jisuh ni Judah hoi Galilee lah a cei hnukkhu avai hni nah e a sak e doeh.

5*Bethesda vah ka pataw e a dam sak*

¹ Hahoi Judahnaw baw knae paw i a sak aw hnae koe Jisuh teh Jerusalem kho lah a cei.

² Jerusalem kho e tu longkha teng vah Hebru lahoi Bethesda tie tuikamuem ao. Hawvah vaikhap panga touh ao.

³ Hote vaikhap dawk hoi mit kadawnnaw, a khok kakhemnaw, ka kamkhuen ni teh atak kadamhoehnaw, a patawnae aphunphun katawnaw ni tui ka kâhuen e hah a ring aw h.

⁴ Bangkongtetpawiteh a tue a pha navah, kalvantami ni tuikamuem dawk a cei teh a kâhuet sak. Hottelah tui a kâhuet hnukkhu hmaloe poung lah ka kâphum e ni atak dawk kaawm e patawnae pueng damnae a hmu.

⁵ Hawvah a kum 38 ditouh patawnae ka tawn e tami buet touh tuikamuem teng ao van.

⁶ Hote tami sut ka yan e Jisuh ni a hmu navah hroung kasawlah ao toe tie a panue dawkvah, dam hane na ngai maw telah a pacei.

⁷ Ahni nihaiyah, Bawipa tui a kâhuet nah tui dawk na ka phum hane tami awmhoeh. Nueng ka thaw nah ayânaw ni hma oun na cu atipouh.

⁸ Jisuh ni thaw leih, na inae phailei sin nateh cet leih atipouh.

⁹ Hatnavah ahni teh a patawnae koehoi peng a dam teh a inae phailei a sin teh a cei.

10 Sabbath hnin lah ao dawk taminaw ni Sabbath hnin nah a inae phailei hah sin hanlah awm hoeh telah damnae ka hmawt e tami hanelah atipouh awh.

11 Ahni nihai, kai na kadamsakkung ni na inae phailei sin nateh cet leih ati telah atipouh.

12 Judahnaw ni hai na inae phailei sin nateh cet leih katetkung te apimaw telah a pacei awh.

13 Hote tami teh apimaw tie damnae ka hmawt e tami ni panuek hoeh. Bangkongtetpawiteh, hote hmuen koe tami moi a kamkhueng navah Jisuh duem a tâco dawkvah.

14 Hatnavah Jisuh ni, hote tami bawkim thung a hmu navah, damnae na coe toe yonnae bout sak hanh lawih. Hoehpawiteh het hlak ka mathout e patawnae teh nang dawk bout a pha han atipouh.

15 Hote tami ni a cei teh, ahni ka damsakkung e teh Jisuh doeh tie Judahnaw koe a dei pouh.

Pa hoi Capa barinae

16 Sabbath na hnin vah tami a dam sak dawkvah Judahnaw ni Jisuh hah a rektap awh.

17 Jisuh nihai, a Pa teh sahnin ditouh thaw a tawk e patetlah kai hai thaw ka tawk atipouh.

18 Sabbath hnin a raphoe awh dueng laipalah, Cathut hah a Pa ati teh, amahoima Cathut hoi a kâvan sak dawkvah Judahnaw ni thei hanelah a kâcai awh.

19 Jisuh ni, atangcalah na dei pouh awh, Pa ni a sak e dueng doeh Capa ni a hmu teh a sak. Amahmawk banghai sak thai hoeh. Ahni ni a sak e doeh Capa ni hai a sak.

20 Pa ni Capa a lungpataw dawkvah a sak e pueng hah a patue. Nangmouh ni na kângairu nahanelah het hlak hoe ka talue e hno Capa a hmu sak han.

21 Pa ni kadout tangcoungnaw bout a thaw sak teh, hringnae a poe e patetlah Capa ni hai a ngai e pueng a hring sak han.

22 Pa ni apihai lawkceng hoeh, Capa koe kâtawnae pueng poe lah ao toe.

23 Tami pueng ni Pa bari awh e patetlah Capa hai a bari awh han. Api nang ni hai Capa na bari hoehpawiteh ahni kapatoukung Pa na bari awh hoeh.

Yungyoe hringnae hoi yon lawkcengnae

24 Atangcalah na dei pouh awh. Ka lawk ka thai ni teh kai na kapatoukung ka yuem e tami teh yungyoe hringnae a hmu vaiteh, ahni teh lawkcengnae koehoi hringnae dawk a kâen toe.

25 Atangcalah na dei pouh awh. Kadoutnaw ni Cathut Capa e a lawk a thai awh vaiteh, kathainaw pueng ni a hringnae tue a pha han toung dawkvah atu hai a pha toe.

26 Bangkongtetpawiteh, Pa ni hringnae a tawn e patetlah Capa ni hai hringnae tawnae kâ a poe.

27 Tami Capa lah ao dawkvah, lawkcengnae dawk kâtawnae hai bout a poe.

28 Hete kong dawk na kângairu sak awh hanh. Phuen koe kaawm e pueng ni Capa e lawk thai awh vaiteh,

²⁹ a tâco awh nahane tue ka phat han. Hnokahawi ka sak e teh hringnae koe lah bout a thaw vaiteh, hno kathout ka sak e teh yon lawkcengnae koe lah bout a thaw awh han.

³⁰ Kai ni ka mahmawk banghai ka sak thai hoeh. Ka thai e patetlah lawk ka ceng teh lawk ka ceng e hai a lan. Bangkongtetpawiteh, kama ngai e patetlah laipalah Kai na kapatounkung a ngainae lah doeh ao.

Jisuh kampangkhai e hnonaw

³¹ Kai ni ka mae kong ka kampangkhai pawiteh, hote kampangkhainae teh cak hoeh.

³² Hatei, kai na kapanuekkhaikung buet touh ao. Ahnie panuekhainae teh a cak tie ka panue.

³³ Nangmouh ni Jawhan koe laicei na patoun awh, ahni ni lawkkatang doeh a kampangkhai.

³⁴ Tami e kampangkhainae ka panki hoeh. Nangmouh rungngang lah na o awh nahanelah doeh ka dei.

³⁵ Jawhan teh paang e hmaiim lah ao. Ahnie angnae thungvah dongdeng konawm hanlah doeh na ngai awh.

³⁶ Jawhan e a kampangkhai e hlak kalen e kai koe lawkpanuesaknae ao. Pa ni na poe e thaw cum hanelah na patoun e patetlah thaw ka tawknae ni doeh na kampangkhai .

³⁷ Pa ni hai kai koe lah na kampangkhai. Nangmouh ni ahnie lawk teh na thai panuek awh hoeh, ama hai na hmawt awh hoeh.

³⁸ A lawk hai nangmae na lung thung awm thai hoeh. Bangkongtetpawiteh, ama ni a patoun e hah na yuem awh hoeh kecu dawkvah.

³⁹ A lawk thut e Cakathoung dawkvah yungyoe hringnae ao na ti awh teh, Cakathoung teh na touk awh. Hote Cakathoung ni doeh na kampangkhai .

⁴⁰ Nangmouh ni hringnae na hmu awh nahan kai koe na tho hane na ngai awh hoeh.

⁴¹ Kai teh tami ni poe e barinae ka tawng hoeh.

⁴² Hatei, Cathut lungpatawnae na tawn awh hoeh tie ka panue.

⁴³ Kai teh a Pa e Min lahoi ka tho ei nangmouh ni banglahai na ngai awh hoeh. Ayânaw ni amamae min lahoi tho pawiteh na dâw awh han doeh.

⁴⁴ Namamouh hoi namamouh ni na kâpoe awh e barinae hah na ngai awh teh, Cathut ni dueng poe thai e barinae na ka ngai awh hoeh e naw ni bangtelamaw kai hah na yuem thai awh han vaw.

⁴⁵ Kai ni Pa e hmalah nangmouh yon na pen han doeh tet awh hanh. Nangmouh yon na ka pen e teh nangmouh ni na kâuep awh e Mosi ni doeh na pen tih.

⁴⁶ Mosi ni teh Kaie kong doeh a thut. Nangmouh ni Mosi na yuem awh pawiteh, Kai hai na yuem awh han doeh.

⁴⁷ Hatei, Mosi ni a thut e na yuem awh hoehpawiteh, kaie ka lawk hah bangtelamaw khuet na yuem awh han vaw telâh Judahnaw han atipouh.

6

Tami 5000 touh a paca

Mat 14:13-21; Mrk 6:32-44; Luk 2:10-17.

¹ Hahoi Jisuh teh Galilee talî tie Taiberia talî koehoi namran lah a raka.

² Kapatawnaw a dam sak e mitnout hah taminaw ni a hmu awh dawkvah a hnuok a kâbang awh.

³ Jisuh teh mon lah a luen teh a hnukkâbangnaw hoi cungtalaha a tahung awh.

⁴ Hatnae tueng nah Judahnaw e ceitakhai pawia a hnai toe.

⁵ Jisuh ni a khet navah tami moikapap ama koe ka tho e a hmu navah, hete taminaw han kakhoutlah canei hane namaw vaiyei ran han telah Filip a pacei.

⁶ Ama ni bangtelah ka sak han tie a panue ei tanouk nahanlah Filip a pacei e doeh.

⁷ Filip ni hai hete taminaw ni vaiyei tangen rip a dâw thai nahanlah denari cumhni phu patenghai khout mahoe atipouh.

⁸ Simon Piter e a nawngaha Andru tie a hnukkâbang e ni,

⁹ Vaiyei panga touh hoi kahoenge tanga kahni touh ka sin e camo ao. Hatei, tami yit touh e ni hote vaiyei panga touh hoi tanga kahni touh e palek hai tet mahoe bo atipouh.

¹⁰ Jisuh ni, taminaw pueng koug tahung sak telah atipouh. Hote hmuen koe tahung nahan marangpho moi ao. Haw kaawm e tami tongpa luelue 5,000 touh a pha.

¹¹ Jisuh ni vaiyei a la teh lunghawi lawk a dei hnukkhu, a hnukkâbangnaw koe a rei sak, ahnimouh ni katahungnaw hah a rei awh. Hot patetvanlah tanga kahni touh e hai tami pueng kaboumlah a rei awh.

¹² Ahnimanaw pueng ni a von paha lah a ca awh hnukkhu, Jisuh ni kacawi e pueng hah kahmat sak hanh awh, koug racawng awh atipouh.

¹³ A canawi awh e kanuikapin pueng be a pâkhueng awh navah, vaiyei hoi tanga kacawie abuemlah tangthung hlaikahni touh yikkawi.

¹⁴ Hottelah Jisuh ni a sak e mitnout hah ahnimouh ni a hmu navah ahni teh talaiwan ka kum e profet katang doeh ati awh.

¹⁵ Ahnimouh ni Bawipa teh siangpahrang lah ao sak hane a ngai awh e hah Jisuh ni a panue dawk mon lah ama dueng a luen takhai.

Tui van lam a cei

Mat 14:22-23; Mrk 6:47-51.

¹⁶ Tangmin a pha toteh, a hnukkâbangnaw teh tali koe lah a cei awh teh long thung a tahung awh. Hahoi Kapernuam kho lah a cei awh.

¹⁷ Khohmo toung eiteh, ahnimouh koe Jisuh tho hoeh rah.

¹⁸ Hatnavah tûili a tho dawkvah tuicapa hai a thaw toe.

¹⁹ Lawng hoi meng hni meng thum a cei awh hoi Jisuh teh tui van a khok hoi a cei teh, ahnimouh koe hruethruet a hnai navah a taki awh.

²⁰ Taket awh hanh, Kai kama doeh atipouh teh ama hoi lawng dawkw lunghawicalah ao awh.

²¹ Ahnimae lawng hai a pha han ngainae hmuen koe tang a pha.

Hringnae vaiyei

²² Atangtho toteh talipui namran lah kaawm e tamimaya ni, hote hmuen koe lawng buet touh ao e hoi Jisuh hote lawng dawkw cet hoeh, a hnukkâbangnaw dueng doeh ka cet awh tie a panue awh.

²³ Taiberia hoi ka tho e longnaw teh, Bawipa ni lunghawi lawk a dei teh tami pueng ni vaiyei canae hmuen koe tui teng a pha awh.

²⁴ Hote hmuen koe Jisuh hoi a hnukkâbangnaw awm awh hoeh tie taminaw ni a panue dawkvah lawng a kâcui awh teh Jisuh kâhmo hanelah Kapernuam kho lah a cei awh.

²⁵ Taminaw ni tali na ran lah Jisuh a hmu awh navah Bawipa nâtuék maw hivah na tho toung vaw titeh a pacei awh.

²⁶ Jisuh ni atangcalah na dei pouh awh. Nangmouh ni mitnout na hmu awh dawk kai na tawng awh hoeh. Vaiyei kaboumlah na ca awh dawk doeh na tawng awh.

²⁷ Ka kamko kawi e rawcarawnei hanlah patang khang awh hanh. Hot hlak teh tami Capa ni nangmouh na poe teh yungyoe kangning e rawca hah tawng awh. Bangkongtetpawiteh Cathut ni ahni dawkvah amae lungkuepnae tacik a deng toe.

²⁸ Ahnimouh nihai, Cathut e a ngainae ka sak thai nahan bangmaw ka sak awh han titeh a pacei awh.

²⁹ Jisuh ni, Cathut ni nangmouh sak sak han a ngai e teh, ama ni a patoun e hah yuem hane doeh atipouh.

³⁰ Ahnimouh nihai, kaimouh ni ka mit hoi khei ka hmu vaiteh Bawipa nang na yuem nahanelah bangpatete mitnout maw na sak han. Bangmaw na sak pouh awh han.

³¹ Kaimae mintoenaw ni thingyeiyawn vah mana a ca awh. Cakathoung ni ahnimouh ni a ca awh hanelah kalvan lahoi vaiyei a poe, telah ati awh.

³² Jisuh ni hai atangcalah na dei pouh awh. Mosi ni kalvan e vaiyei nangmouh na poe hoeh, a Pa ni doeh kalvan e vaiyei katang teh na poe awh.

³³ Cathut e vaiyei teh kalvan lahoi ka kum ni teh talaivan taminaw hringnae ka poe e doeh atipouh.

³⁴ Ahnimouh nihai, Bawipa hote vaiyei hah kaimouh pou na poe leih, atipouh awh.

³⁵ Jisuh ni hai kai teh hringnae vaiyei lah ka o. Kai koe ka tho e teh nâtuék hai a vonhlam mahoe. Kai ka yuem e pueng teh tui hai bout kahran mahoe.

³⁶ Hatei, teh nangmouh ni laplap na hmu awh eiteh, na yuem awh hoeh telah yo ka dei toe.

³⁷ Apa ni na poe e tami maw pueng ni teh kai koe a tho awh han. Kai koe ka tho e naw pueng teh apihai ka hrek mahoe.

³⁸ Bangkongtetpawiteh, kama ngainae sak hanlah kalvan hoi ka tho hoeh. Kai na kapatoukung e a lungngai sak hanelah doeh ka tho.

³⁹ Kai na kapatoukung a Pa e a ngainae teh, kai koe na poe e naw thung dawk buet touh boehai kahmat laipalah a hnukteng e hnin dawк bout thaw sak hane hah doeh.

⁴⁰ Atangcalah a Pa e ngainae teh Capa kahmawt ni teh ka yuem e pueng ni yungyoe hringnae a hmu awh hane doeh. Kai ni hai a hnukteng e hnin dawkvah hote taminaw hah ka thaw sak han ati.

Kalvan hoi kum e vaiyei

⁴¹ Kai teh kalvan hoi ka kum e vaiyei doeh ati dawkvah, Judahnaw ni bangkong het patet e lawk a dei ati awh teh a phuenang awh.

⁴² Ahnimanaw ni, ahni teh Joseph capa, Jisuh nahoehmaw. A manu a na pa hai panue e nahoehmaw. Bangtelamaw kalvan lahoi ka tho ati vaw ati awh.

⁴³ Jisuh ni, buet touh hoi buet touh phuenang awh hanh atipouh.

⁴⁴ Kai na ka patoukung Pa ni sawn hoe pawiteh apihai kai koe tho thai mahoe, ka tho e pueng teh a hnukteng e hnin dawк kai ni bout ka thaw sak awh han.

⁴⁵ Cakathoung niteh, ahnimanaw teh Cathut ni a cangkhai han, ati e patetlah a Pa lawk ka thai ni teh katarawinaw pueng teh kai koe a tho awh.

⁴⁶ Hatei, tami buetbuet touh ni Cathut a hmu toe tinae nahoe. Cathut koehoi ka tho e ni dueng doeh Pa teh a hmu toe.

⁴⁷ Atangcalah na dei pouh awh. Ka yuem e tami teh a yungyoe hringnae a tawn toe.

⁴⁸ Kai teh hringnae vaiyei doeh.

⁴⁹ Nangmae mintoenaw teh kahrawngum vah mana a ca awh nahlangva a due awh.

⁵⁰ Kalvan hoi ka kum e vaiyei kacamaw pueng teh dout mahoe.

⁵¹ Kai teh kalvan lahoi ka kum e ka hring e vaiyei lah ka o. Apihai hete vaiyei ka cat e teh a yungyoe a hring han. Kai ni na poe awh hane vaiyei teh talaivan taminaw ni a hring awh nahanelah ka pasoung e ka moi doeh atipouh.

⁵² Judahnaw ni bangtelamaw amae a moi hah maimouh ca hanelah na poe thai han vaw ati awh.

⁵³ Jisuh nihai, atangcalah na dei pouh awh, tami Capa e a moi cat laipalah, a thi net laipalah nangmouh koe hringnae awmhoeh.

⁵⁴ Kaie ka moi ka cat ni teh ka thi ka net e tami pueng ni yungyoe hringnae a hmu. Ahnimouh teh a hnukteng e hnin navah bout ka thaw sak han.

⁵⁵ Kaie ka moi teh cakawi katang lah ao teh ka thi teh nei kawi katang lah ao.

⁵⁶ Apihai kaie ka moi ka cat niteh, ka thi ka net e pueng ni kai dawk ao teh, kai hai ahni dawk ka o van.

⁵⁷ Kahring e Pa ni kai na patoun teh, Kai ni Pa e ka lahoi kahring e patetlah Kai na kacate hai Kai lahoi a hring van han.

⁵⁸ Hete vaiyei teh kalvan lahoi ka kum e vaiyei lah ao. Nangmae mintoenaw ni a ca awh ei, a due awh, hot patet e vaiyei nahoe. Hete vaiyei ka cat e teh a yungyoe a hring han ati.

⁵⁹ Kapernuam kho sinakok dawk a cangkhai navah hete kongnaw hah a dei.

A hnukkâbang kapap ni Jisuh a yawng takhai awh

⁶⁰ A hnukkâbangnaw ni a thai awh navah, hote lawk teh a ru poung, apinivai a tarawi thai han ati awh.

⁶¹ Hete kong dawk a hnukkâbangnaw ni a phuenang awh e hah Jisuh ni a mahmawk a panue dawkvah hete lawk dawk nangmouh ni na lung apout a maw.

⁶² Tami Capa ni ao pasueknae hmuen koe bout a cei e na hmawt awh pawiteh bangtelamaw na pouk awh han.

⁶³ Muitha ni doeh na hring sak. Takthai ni banghai hawinae na poe hoe. Kai ni ka dei e lawknaw teh Muitha lah ao teh hringnae lahai ao.

⁶⁴ Hatei, nangmouh thung dawk a tangawn ni na yuem awh hoe atipouh awh.

⁶⁵ Hatdawkvah, apa e rawinae laipalah apihai kai koe tho thai mahoe ka ti toe. Hottelah atinae teh apimaw ka yuem hoe, apinimaw na pahawt han tie hah ahmaloe hoi Jisuh ni a panue toe.

⁶⁶ Hahoi teh, a hnukkâbangnaw kapap teh Bawipa hnukkâbang laipalah hnuklah a kamlang awh.

⁶⁷ Jisuh ni a hnukkâbang hlaikahni touh e koe hai, nangmouh hai kai koehoi na cei han na ngai awh maw atipouh.

⁶⁸ Simon Piter ni, Bawipa kaimouh ni api koe maw bout ka cei awh han, yungyoe hringnae hoi kâkuen e lawk teh Bawipa nang koe dueng doeh ao.

⁶⁹ Bawipa nang teh Khrih lah na o. Ka hring Cathut e a Capa lah na o e kaimouh ni ka panue teh ka yuem aw h atipouh.

⁷⁰ Jisuh ni kai ni tami hlaikahni touh na rawi aw h ei, nangmouh thung daw k buet touh teh kahraimathout doeh atipouh.

⁷¹ Hottelah a dei ngainae teh, hlaikahni touh thung daw k Bawipa ka pah nawt hane Simon capa Judah Iskariot a dei ngainae doeh. Ahni teh hlaikahni touh thung daw k e buet touh lah ao teh, Jisuh yo hanlah kâcai e lah ao.

7

Jisuh hmaunawngghanaw ni yuem aw h hoeh

¹ Hahoi Jisuh teh Galilee lah kahlawng a cei. Judahnaw ni Bawipa teh thei hane a kâcai aw h dawkvah, Judah lah kahlawng cei hane ngai hoeh.

² Judahnaw e lukkareim paw i, a tue ni a hnai toe.

³ Hatdawkvah, Jisuh koe a nawngghanaw ni, hi hoi Judah lah cet nateh na sak e hnonaw hah na hnukkâbangnaw ni hmawt van naseh.

⁴ Apihai min kamthang han ka ngai e niteh, arulahoi hno sak boi hoeh. Nang ni hete hnonaw hah na sak pawiteh, het talaivan vah namahoima kamthang sak aw h loe na ka tet e lah doeh na o.

⁵ Hottelah deingainae teh, amae a nawngghanaw ni patenghai Jisuh teh a yuem aw h hoeh daw k doeh.

⁶ Jisuh nihai, kaie atueng phat hoe rah, hatei, nangmae atueng teh coungkacoe lah pou ao.

⁷ Talaivan ni nangmouh teh na hmu ngai aw h. Kai teh na hmuhma aw h. Bangkongtetpawiteh thoena e sak e naw kai ni ka takhi daw kvah.

⁸ Hote paw i koe nangmouh ni cet aw h. Kai teh ka tueng ni a kuep hoe rah daw k ka cet mahoe rah atipouh.

⁹ Hete lawk a dei nah ahni teh Galilee doeh ao rah.

Pawi koevah Jisuh ni a cangkhai

¹⁰ Hatnavah, a nawngghanaw paw i koe be a cei aw h hnukkhu, Jisuh teh hote paw i koe a ru lah duem a cei van.

¹¹ Hote paw i koe, Judahnaw ni Jisuh te na maw o, telah a tawng aw h.

¹² Taminaw ni Bawipa e kong hah phuenangnae lah a o. Tami tangawn ni teh tami kahawi doeh ati aw h. Tami a tangawn ni teh tami ka dумыen e doeh ati aw h.

¹³ Hatei, Judahnaw a taki aw h daw kvah api ni hai kamcengcairalah dei han ngam aw h hoeh.

¹⁴ Hote paw i a sak aw h lahun nah Jisuh ni bawkim a cei teh a cangkhai.

¹⁵ Judahnaw ni a kângairu aw h teh, hete tami heh cangnae tawn laipalah, bangtelah hoi maw thoumthainae telah a panue ati aw h.

¹⁶ Jisuh nihai, kai ni ka cangkhai e teh kama e cangkchainae nahoe bo, na kathakung e cangkchainae doeh atipouh.

¹⁷ Apihai ahnie a ngainae sak han ngai pawiteh hete cangkchainae heh Cathut koe e cangkhai na e maw. Hoehpawiteh Kai ni kamae kâtaawnnae lahoi ka dei e maw tie kapekkaboe thainae a tawn van han.

¹⁸ Amahmaw k a dei e niteh, amae a barinae doeh a tawng aw h. Kapatoungung e a barinae ka tawng e teh yuemkamcu teh a payonnae ahni tak daw k aw m hoeh.

19 Mosi ni kâlawk doeh nangmouh na poe awh. Apinihai hote kâlawk tarawi han na ngai awh hoeh. Hatei, bangkong maw nangmouh ni kai thei hanelah na kâcai awh, atipouh.

20 Taminaw ni nang heh kahraikathout ka tawn e doeh. Nang hah apinihai na thei han kâcai hoe bo atipouh awh.

21 Jisuh nihai, kai ni ka sak e hno buet touh dawkwangmouh abuemlah na kângai a ru awh.

22 Mosi ni vuensomanae phunglawk na cangkhai awh e heh, Mosi koehoi kamtawng ti deingainae laipalah mintoenaw koe e râw lah a pang awh. Hatdawkvah sabbath nah hnin vuensomanae a sak awh.

23 Mosi e phunglawk a kamko hoe na hanlah Sabbath hnin vuensom na awh pawiteh, kai ni Sabbath na hnin nah tami a takbuem lah damnae ka poe dawkvah nangmouh ni bangkong na lungkhuek awh vaw.

24 Minhmai khet lahoi lawk tâtueng han awh. Kalanalah lawk tâtueng awh, atipouh.

Khrih lah a onae a kamnué sak

25 Hatnavah Jerusalem e tami tangawn ni hete tami heh ahnimouh ni thei hanelah a kâcaikhai awh e nahoehmaw.

26 Hateiteh, khenhaw! lolo kamnuék lah phung a dei ei apinihai bang tet awh hoeh bo! Hete tami heh Khrih ama doeh tie ukkung bawinaw ni a panue katang toung vaimoe.

27 Hatei, hete tami teh nâhoi maw a tho tie maimouh ni panue awh. Khrih a tho torei teh, nâhoi maw a tho tie apinihai panuek mahoeah ati awh.

28 Jisuh ni bawkim vah a cangkhai nah a hramkhai e teh, nangmouh ni kai na panue awh, na hoi maw ka tho tie na panue awh. Hatei, kai heh ka mahmawk ka tho hoeh, kai kapatoungkung teh a katang doeh. Ahni teh nangmouh ni na panuek awh hoeh.

29 Hatei, kai ni teh ka panue, bangkongtetpawiteh kai teh ahni koehoi ka tho teh ahni ni na patoung telah a hramkhai.

30 Hatnavah ahnimouh ni Bawipa teh a man awh hanlah a panki awh ei, a tue a pha hoeh rah dawkvah apinihai man awh hoeh.

31 Kamkhueng e thung hoi tami tangawn ni teh a yuem awh dawkvah, Khrih a tho torei teh, ahni ni a sak e hlak hoe kapap e kângairunae a sak han ma aw ati awh.

32 Taminaw a phuenang awh e hah vaihma bawinaw hoi Farasi kacuenaw ni a thâi awh navah Jisuh man sak hanelah karingkungnaw a patoung awh.

33 Jisuh ni, kai teh nangmouh koe dongdeng doeh kaawm tih, kapatoungkung koe let bout ka cei han.

34 Nangmouh ni kai na tawng awh han, hatei, na hmawt thâi awh mahoeah. Bangkongtetpawiteh kai ka onae hmuen koe nangmouh ni na phat thâi mahoeah atipouh.

35 Judahnaw ni hettelah atipouh awh. Kaimouh ni ka hmu awh hoeh nahanelah amahoima nâ lah maw cei han a kâcai vai. Griknaw koe hoi kampeknaw koe a cei vaiteh, Griknaw vaimoe a cangkhai han vai.

36 Nangmouh ni na tawng awh han, hatei, na hmawt a mahoeah, kai ka onae koe nangmouh ni na phat thâi mahoeah ati e lawk hah bang dei ngainae vaimoe ati awh.

Kathoung Muitha na poe han tie lawkkam

³⁷ Hote pawî abaw nah hnin, Jisuh ni a kangdue lahoi a hramkhai e teh, apihai tui kahran e pueng, kai koe tho awh teh net awh.

³⁸ Cakathoung daw k thut e patetlah apihai kai na ka yuem e teh a lungthung hoi hringnae tui ka phuek e lah ao han a ti.

³⁹ A tingainae teh, ka yuem e naw ni Muitha a hmu awh hane hah a dei ngai e doeh. Hatei, Jisuh teh pholen lah ao hoe rah dawkvah, Kathoung Muitha poe hoeh rah.

Jisuh kecu a kampek awh

⁴⁰ A lawk ka thai pueng ni, ahni teh profet katang doeh ati awh.

⁴¹ Bangpatetnaw niteh, ahni heh Khrih doeh ati awh. Hatei, bang patet niteh, Khrih teh Galilee hoi maw a tâco han, ati awh.

⁴² Khrih teh Devit catoun, Devit kho Bethlehem a khe han, Cakathoung ni a dei na hoe maw ati awh.

⁴³ Hatnavah, tamihu thung Jisuh kawng daw kâkapeknae ao awh.

⁴⁴ Atangawn ni teh a man han a ngai awh. Hatei, apinihai bout man awh hoeh.

Jisuh kong a kâoun awh

⁴⁵ Karingnaw ni vaihma bawinaw hoi Farasinaw koe let a ban awh navah, ahnimouh ni bangkongmaw ahni hah na hrawi hoe vaw atipouh.

⁴⁶ Karingnaw ni, ahnie a lawk dei e patetlah apinihai dei boihoeh atipouh awh.

⁴⁷ Farasinaw ni, nangmanaw hai na dum awh toe khe.

⁴⁸ Kâ katawnnaw hoi Farasinaw thung daw k ahni kayuem e tami buet touh bang ao maw.

⁴⁹ Kâlawk ka panuek hoeh e hete tamimaya ni thoebonae khang lawish atipouh awh.

⁵⁰ Karum vah Jisuh koe ka cet e ahnimae a hui buet touh Nikodemus tie ni ahnimouh koe a dei pouh.

⁵¹ A sak hoi a dei e panue hoi thai hoeh nahlan, maimae kâlawk ni lawkceng thai na maw telah atipouh.

⁵² Ahnimouh ni nang hai, Galilee tami van maw. Galilee daw k hoi profet tâcawt boihoeh tie hah panuek awh.

⁵³ Hathnukkhu haw kaawm e pueng amamouh im lah a cei awh.

8

Ka uicuk e napui

¹ Jisuh teh Olive Mon lah a cei.

² Amom vah bawkim vah bout a tho teh taminaw hai a teng vah a tho awh, hawvah a tahung teh a cangkhai.

³ Hawvah cakathutkungnaw, hoi Farasinaw ni ka uicuk e napui a man awh teh a lungui a kangdue sak awh.

⁴ Ahnimouh ni Jisuh koe, Bawipa hete napui heh a uicuk lahun nah ka man awh.

⁵ Mosi e kâlawk thung kaimouh kâ na poe e dawkvah het patet e napui heh talung hoi dêi hanlah ao. Hatei, nang ni teh bangtelamaw na dei han, atipouh awh.

⁶ Hottelah a dei awh ngainae teh Bawipa tanouk nahanlah a dei awh e doeh. Yonpen han a ngai awh e doeh. Jisuh ni a tabut teh a kutdawn hoi talai daw k ca a thut.

⁷ Ahnimouh ni boutbout a pacei awh dawkvah Jisuh ni a kamlang sin teh nangmouh thung dawk kayonhoehe ni, talung hoi hmaloe dêi seh atipouh hnukkhu,

⁸ bout a tabut teh ca bout a thut.

⁹ Ahnimouh ni hote lawk a thai awh navah a lungthung vah a yonae a kâpâpho awh dawkvah kacuepoung koehoi camo totouh buet touh hnukkhu buet touh koug a ban awh. Jisuh teh a madueng sut a ceitakhai awh.

¹⁰ Jisuh ni a kamlang toteh napui a madueng sut a kangdue e a hmu navah, napui nang, nang yon ka pen e taminaw te na maw ao awh. Nang apinihai yon na hnei hoeh maw atipouh.

¹¹ Apinihai yon na pen hoe Bawipa telah napui ni atipouh. Kai ni hai nang yon na hnei mahoe, atu hoi law teh yonnae bout sak han lawih atipouh.

Talai angnae

¹² Jisuh ni, kai teh het talai van angnae lah ka o. Kaie ka hnuk kâbang e pueng ni hmonae thung cet hoeh. Hring angnae teh a hmu han atipouh.

¹³ Farasinaw ni, Jisuh hanlah nang ni nama e kong na kampangkhai. Na kampangkhai nae teh cak hoeh atipouh awh.

¹⁴ Jisuh nihai, kai ni kama e kong kampangkhai e teh a cak. Bangkongtetpawiteh kai teh na lahoi maw ka tho tie hoi na lah maw ka cei han tie hah ka panue. Hatei, nangmouh ni teh na panuek awh hoeh.

¹⁵ Nangmouh teh takngainae patetlah lawk na ceng awh. Kai ni teh apihai lawk ka ceng hoeh.

¹⁶ Kai ni lawk ka ceng e teh a cak. Bangkongtetpawiteh kai teh ka madueng kaawm hoeh. Kapatoukung Pa teh kai koe ao.

¹⁷ Kapanuekkhaikung tami kahni touh e lawk teh a cak telah nangmae kâlawk dawk ao.

¹⁸ Kai ni kama e kong ka dei, kai kapatoukung Pa ni hai kaie kong kampangkhai atipouh.

¹⁹ Ahnimouh ni haiyah, nange na pa te na maw ao telah a pacei awh. Jisuh ni nangmouh ni kai heh na panuek awh hoeh. A Pa hai na panuek awh hoeh. Nangmouh ni kai na panuek pawiteh apa hai na panue awh han atipouh.

²⁰ Jisuh ni hete kong heh, bawkim thung tangka kuemnae teng vah a cangkhai navah a dei. Hatei, amae atueng a pha hoe rah dawkvah apinihai ahni teh man awh hoeh.

Talai hoi tâco hanlah sut a dei e

²¹ Jisuh ni kai teh, ka cet vaiteh nangmouh ni na tawng awh han. Hatei, nangmouh teh namamae yon dawk na due awh han. Kai ka ceinae hmuen koe na tho thai awh mahoe atipouh.

²² Judahnaw ni, kai ka ceinae koe na tho a thai mahoe ati e heh, amahoima kaithi han ati ngainae maw, ati awh.

²³ Jisuh ni nangmouh teh talai van lahoi na tho awh, Kai teh kahlun lahoi ka tho. Nangmouh teh talai tami doeh. Kai teh talai tami na hoeh.

²⁴ Hatdawkvah nangmouh teh namamae yon dawk na due awh han. Kai teh ka hring tie na yuem awh hoehpawiteh namamae yon dawk na due awh han atipouh.

²⁵ Boipawiteh, nang apimaw, telah a pacei awh. Jisuh ni ahmaloe hoi yo ka dei tangcoung e patetlah kai doeh.

²⁶ Nangmae kong dawk dei han hoi toun han moi ao. Hatei, kai na kapatoukung teh lawkkatang lah ao. Ahni koe e ka thai e pueng doeh talaivan ka dei atipouh.

²⁷ A na pa kong a dei e hah ahnimouh ni thai panuek awh hoeh.

²⁸ Hatdawkvah Jisuh ni nangmouh ni tami Capa na pathout awh toteh kai teh ahni doeh tie hah na panue awh vaiteh kai ni ka mahmawk banghai ka sak hoeh, Pa ni na cangkhai e patetlah doeh ka dei tie na panue awh han.

²⁹ Kai kapatoukung teh, kai hoi cungtalah ao. Kai ka madueng o sak hanlah a Pa ni na cettakhai hoeh. Bangkongtetpawiteh, ama ngainae hno dueng doeh pou ka sak pouh ati.

³⁰ Hote lawknaw a dei navah, tami moikapap ni a yuem awh.

Lawkkatang dawk hoi hloutnae

³¹ Hatnavah nangmouh ni, kaie cangkhai e patetlah na yuem awh pawiteh, ka hnukkâbang katang lah na o awh.

³² Lawkkatang hah na panue awh vaiteh, hote lawkkatang ni na hlout sak awh han, telah ka yuem e Judahnaw hanlah atipouh.

³³ Judahnaw nihai, kaimouh teh Abraham e catoun lah ka o awh. Apie san lahai kaawm boi awh hoeh. Na hlout awh han tie hah bang na tingainae maw titeh a pacei awh.

³⁴ Atangcalah na dei pouh awh. Yonnae ka sak e tami pueng teh yonnae san lah ao awh.

³⁵ San ni im dawk pou awh hoeh. A capa doeh kaawm.

³⁶ Hatdawkvah, a Capa ni nangmouh na hlout sak pawiteh nangmouh teh na hlout katang awh han.

³⁷ Nangmouh teh Abraham catoun tie ka panue. Hateiteh, kaie cangkhai nae ni nangmae lungthung hmuena la hoeh dawkvah, nangmouh ni kai thei hanelah na panki awh.

³⁸ Kai ni a Pa koehoi ka hmu e patetlah na cangkhai awh. Nangmouh ni hai namamae na pa koe na hmu awh patetlah na sak awh, atipouh.

³⁹ Ahnimouh nihai, Abraham teh kaimae na pa doeh atipouh awh. Jisuh ni hai nangmouh teh Abraham e a ca lah na awh pawiteh, Abraham a sak e patetlah na sak awh han.

⁴⁰ Cathut koe e lawkkatang na kacangkhaikung kai hah nangmouh ni thei hanlah na kâcai awh. Abraham teh hot patetlah sak hoeh.

⁴¹ Nangmouh teh namamae na pa ni a sak e patetlah na sak awh atipouh. Ahnimouh nihai, Kaimouh teh cataca nahoe. A Pa Cathut buet touh dueng doeh kaawm atipouh awh.

⁴² Jisuh ni Cathut teh nangmae na Pa katang pawiteh kai na lungpataw awh han. Bangkongtetpawiteh kai heh Cathut koehoi ka kum e doeh. Ka mahmawk ka tho hoeh. Cathut ni kai na patoun.

⁴³ Bangkongmaw kai ni ka dei e lawk na thai panuek awh hoeh vaw. Kaie lawk na dâw thai awh hoeh dawk doeh.

⁴⁴ Nangmouh teh nangmae na pa Kahraimathout koehoi doeh na tho awh. Na pa e a ngainae patetlah dueng doeh na sak awh. Kahraimathout teh apasuek hoi tami ka thet e doeh. Ahni dawk lawkkatang ao hoeh dawkvah, lawkkatang dawk awh hoeh. Laithoenae hoi kho a sak dawk laithoe e dueng a dei. Laithoe na pa lahai ao.

⁴⁵ Kai ni lawkkatang ka dei dawkvah, nangmouh ni kai na yuem awh hoeh.

⁴⁶ Nangmouh thung dawk ka yonnae ka pâpho thai e apimaw kaawm. Kai ni Lawkkatang ka dei nahlangva bangkongmaw na yuem awh hoeh.

⁴⁷ Cathut hoi kâkuen e tami teh, Cathut e lawk a ngâi, nangmouh teh Cathut hoi na kâkuet awh hoeh dawk lawk na ngâi awh hoeh.

Jisuh hoi Abraham

⁴⁸ Judahnaw nihai, nang teh samaria tami doeh. Na thung kahraikathout ao ka tie hah atang nahoehmaw telah a pacei awh.

⁴⁹ Jisuh ni kai kahrai ka tawn hoeh. A Pa doeh ka bari. Nangmouh ni kai hah na bari awh hoeh.

⁵⁰ Hatei, kama e lentoe nahane ka tawng hoeh. Kaie lentoe nahan ka tawng ni teh lawkcengkung buet touh ao.

⁵¹ Atangcalah na dei pouh awh. Kaie lawk ka thai ni teh ka tarawi pueng ni duenae koehoi a hlout han atipouh.

⁵² Judahnaw ni hai na thung kahrai kathoute ao tie atu ka panue awh. Abraham hoi profet pueng ni be a due awh toe. Nang ni teh kaie ka lawk ka tarawi e pueng ni duenae koe phat mahoe h na ti.

⁵³ Kaimae na pa Abraham hlak nang hoe na cue maw. Ahni teh a due toe. Profetnaw hai a due awh toe. Nang ni namahoima banglah maw na kâpouk.

⁵⁴ Jisuh ni kamahoima kârasang sak pawiteh ayawmlah doeh ao. A Pa ni kai hah na rasang sak. Hote Cathut teh nangmouh ni kaimae Cathut doeh na ti awh.

⁵⁵ Hatei, teh hote Cathut hah nangmouh ni na panuek awh hoeh. Kai ni teh ka panue. Ka panuek hoeh ka tetpawiteh nangmouh patet van lah laithoe ka dei e lah kaawm han. Hote Cathut teh kai ni ka panue, Cathut e a lawk hai ka ngâi.

⁵⁶ Nangmae na pa Abraham ni kai ka tho nahane hnin hmu hanlah a konawm, a hmu tôteh a lunghaw i atipouh.

⁵⁷ Judahnaw nihai, na kum 50 touh patenghai ka phat hoeh rae nang ni Abraham teh ka hmu toe ngangngang na ka tet atipouh awh.

⁵⁸ Jisuh nihai, lawkkatang na dei pouh awh. Abraham ao hoehnahlan kai teh yo ka o toe, atipouh.

⁵⁹ Hah navah Bawipa talung hoi dêi hanlah talungnaw a racawng awh. Hatei, Jisuh teh bawkim thung hoi alawilah a cei teh ahnimouh a roun.

9

Manu von thung hoi mit ka dawn e mit a ang sak

¹ Jisuh teh lam a cei lahun nah a manu von thung hoi a mit ka dawn e tami buet touh a hmu.

² A hnukkâbang e naw ni, Bawipa, hete tami heh apie a yonnae dawm maw a mit dawn vaw, amae a yonnae dawm maw, a na pa e yon dawm maw, telah a pacei.

³ Jisuh ni hai amae yon dawm na hoeh. A manu a na pa e yon dawm hai na hoeh. Cathut thawtawknae ahni dawm hoi a kamnuê na hane doeh.

⁴ Kai kapatoukung e a thaw teh khodai vah ka tawm han. Apini thaw tawm thaihoe hnae karum e tueng hai a tho han.

⁵ Kai teh talaivan ka o navah talai angnae lah ka o, atipouh.

⁶ Talai dawm tamtui a tamthawi teh tangdong a sak e hoi a mit ka dawn e tami e a mit dawm a hluk pouh.

⁷ Cet nateh Siloam tuikamuem dawk pâsu haw atipouh. Siloam ati ngainae teh patoun tinae doeh. Hote tami ni a cei teh a pâsu hnukkhu a mit ang laihoi a ban.

⁸ Ahmoun nah ayânaw koe a kut a dâw eiteh, ahawi e hah imrinaw ni a hmu navah, hete tami teh ayâ koe ka hete tami na hoe maw telah a dei awh.

⁹ Tami tangawn ni ahni bokheiyah ati awh. A tangawn ni teh ahni patet ati awh. Ahni ni hai kai bokheiyah atipouh.

¹⁰ Ahnimouh ni, bangtelamaw kho bout na hmu thai telah a pacei awh.

¹¹ Ahni nihai, Jisuh tie ni tangdong a sak teh ka mit dawk a kano, Siloam tuikamuem dawk na mit pâsu ati e patetlah ka cei teh ka pâsu navah ka mit a ang atipouh.

Mit bout ka ang e tami ni a kampangkhai

¹² Taminaw ni, ahni te nâ maw ao telah a pacei nah ka panuek hoeh atipouh.

¹³ Taminaw ni, hote tami hah Farasinaw koe a ceikhai awh.

¹⁴ Jisuh ni tangdong a sak teh hote mit a ang saknae hnin teh Sabbath hnin lah ao.

¹⁵ Farasinaw ni hai bangtelah hoi maw na mit a ang telah bout a pacei navah ka mit dawk ahni ni tangdong a hluk e ka pâsu teh a ang atipouh.

¹⁶ Farasi a tangawn ni ahni teh Sabbath ya hoeh. Cathut ni a tha e tami mahoe hoi ati awh. A tangawn ni teh tamikayon ni hettelah mitnout sak thai mahoe hoi ati awh dawkvah buet touh hoi buet touh lawk kânging awh hoeh.

¹⁷ Hote tami koe nange mit ka ang sak e hah api na ti maw telah bout a pacei awh navah, ahni ni vah profet doeh atipouh.

¹⁸ Judahnaw ni a mit a dawn teh bout a ang tie a yuem awh hoeh dawk a manu hoi a na pa a kaw awh teh,

¹⁹ Hete na ca heh a manu e a vonthung hoi a mit ka dawn e na ca ka tang maw. Boipawiteh bangtelah hoi maw a mit bout a hmu telah a pacei.

²⁰ A manu hoi a na pa ni hai vonthung hoi a midtown laihoi ka khe e kaimae ka ca la doeh ka panue awh.

²¹ Bangkongmaw a mit bout a ang e hai apinimaw a ang sak tie teh ka panuek hoeh. Hivah ama hai ao doeh, pacei awh. Ahni ni amae a konglam a dei han doeh, atipouh.

²² Bangkongmaw telah a dei awh tetpawiteh, Jisuh teh Khrih doeh telah ka tet e teh sinakok koehoi tâco sak han telah Judahnaw yo a kâdei awh toe.

²³ Hatdawkvah a manu hoi a na pa ni, a ma pacei awh camo yaw toung ma telah Judahnaw a taki teh a dei rawi.

²⁴ Hatdawkvah a mit ka dawn e tami hah a pahni lah bout a kaw awh teh Cathut hah pholen. Hote tami teh tami kathout doeh atipouh awh.

²⁵ Ahni nihai, Jisuh teh tami kahawi maw kahawi hoe e maw ka panuek hoeh. Ka mik a dawn ei atuvah ka mit bout ka hmu thai tie doeh ka panue, atipouh.

²⁶ Hatnavah, ahnimouh ni, nange na mit bangtelamaw a sak teh na mit bout a ang telah bout a pacei awh.

²⁷ Yo ka dei toung hah tayaw. Bangkong na thai panuek awh hoeh vaw. Bangkong bout bout thai han na ngai awh vaw. Nangmouh hai ahnie hnukkâbang lah o han na ngai a maw.

²⁸ Ahnimouh nihai, nang doeh ahnie hnuk na kâbang, kaimouh teh Mosi e a hnukkâbang e doeh.

²⁹ Cathut ni Mosi koe lawk a thui e kaimouh ni ka panue aw. Hote tami heh bang patet e tami maw ka panuek aw. Hote titeh min mathoe nahanelah a dei aw.

³⁰ Hote tami nihai, kaie ka mit ahni ni a ang sak nahlangva vah nâ lahoi maw a tho na ti aw e hah kâ ngai lah a ru.

³¹ Cathut ni tamikayon e lawk tarawi pouh hoeh. Cathutlae taminaw e lawk doeh a tarawi tie doeh ka panue.

³² A manu e a vonthung hoi a mit ka dawn e a mit bout a ang sak thai tie talaivan a kamtawng pasuek hoi ka thai boihoeh.

³³ Hote tami he Cathut ni patoun hoehpawiteh banghai sak thai mahoeh atipouh.

³⁴ Ahnimouh ni na khe pasuek hoi yonnae hoi kakawi e nang ni kaimanaw na cangkhai hanh khe titeh alawilah a pâlei aw.

Muitha mit ka dawn e Farasinaw

³⁵ A pâlei aw tie Jisuh ni a thai hnukkhu hote tami a hmu toteh, nang ni Capa na yuem maw atipouh.

³⁶ Bawipa, tami Capa teh yuem thai nahan, ahni teh apimaw atipouh.

³⁷ Jisuh ni, ahni teh nang ni na hmu toe. Atu nang hoi lawk kapan e teh tami Capa doeh atipouh.

³⁸ Bawipa, na yuem toe titeh a tabo laihoi a baw.

³⁹ Hatnavah Jisuh ni, kai teh a mitdawnaw hmu sak hane hoi a mitkaangaw ni a mitdawn nahanlah lawkcengnae doeh, ka tho atipouh.

⁴⁰ Ateng kaawm e Farasi tangaw ni teh kaimouh hai ka mit dawn a maw telah a pacei aw.

⁴¹ Jisuh ni, nangmouh ni ka mit a dawn aw na tet aw pawiteh yonnae aw hoeh. Hatei, ka mit a ang na ti aw dawkvah nangmouh teh na yon aw atipouh.

10

Tukhoum hoi tunaw bangnuenae

¹ Atangcalah ka dei. Tu takhang daw k hoi kâen laipalah alouklah hoi kâen e pueng teh tamru hoi dingca doeh.

² Tukhoumkung teh takhang daw k hoi a kâen.

³ Longkha ka ring e ni hai a paawng pouh teh, ahnie a lawk hai a tunaw ni a ngai aw. A tunaw teh a min lahoi a kaw teh alawilah a tâcokhai.

⁴ Tunaw a tha navah, a tunaw e a hmalah a cei. A tunaw ni hai a lawk a nout aw teh a hnukkâbang aw.

⁵ Tamitavannaw e a lawk teh a nout aw hoeh dawkvah ahniae hnuk teh kâbang aw hoeh, a yawng takhai aw, atipouh.

⁶ Hote bangnuenae Jisuh ni a dei navah taminaw ni a deingainae hah thai panuek aw hoeh.

Tukhoum kahawi

⁷ Hatdawkvah Jisuh ni, atangcalah na dei pouh aw. Kai teh tu kâennaeh takhang lah ka o.

⁸ Kai hoehnahlan e ka tho e pueng teh tamru hoi dingca doeh. Ahniae a lawk tunaw ni ngai pouh hoeh.

⁹ Kai teh takhang doeh. Kai dawk hoi kâen pueng ni rungngang lah ao han. Kâen tâcawt vaiteh hram kanaw dawk a pawngpa han.

¹⁰ Tamru teh paru han, thei han hoi raphoe hanlah doeh a tho. Kai teh tunaw ni hringnae a tawn awh dueng lâipalah, hote hringnae hoi kawi sak hanlah doeh ka tho.

¹¹ Kai teh tukhoumkung kahawi doeh. Tukhoumkung kahawi ni teh a tunaw hanlah a hringnae a pasoung.

¹² Tukhoumkung hai nahoe, tu katawnkung hai nahoe e naw niteh, asui a tho e a hmu navah, tunaw hah pak a tha teh a yawng takhai awh. Hatnavah Asuinaw ni tunaw hah a soukyak awh teh, parang a kamphei sak.

¹³ Bangkongtetpawiteh, hlai e tukhoumkung teh hlai e lah ao dawkvah tunaw kahawicalah khoum hoeh.

¹⁴ Kai teh tukhoumkung kahawi doeh. Pa ni kai na panue teh, Kai ni hai Pa ka panue e patetlah ka tunaw ni hai kai na panue awh.

¹⁵ Kai ni ka khoum e ka tunaw hanlah ka hringnae ka pasoung.

¹⁶ Hatei tu takha dawk kâen hoeh e alouke tunaw hai ka tawn. Hote tunaw hai ka thokhai han. Hotnaw ni hai lawk a ngai vaiteh tuhu buet touh tukhoumkung buet touh ao han.

¹⁷ Kai teh hringnae bout la hanlah ka hringnae ka pasoung dawkvah Pa ni lungpataw e lah ka o.

¹⁸ Apinihai ka hringnae na lawm thai mahoe. Ka mahmawk ka pasoung. Ma e hringnae pasoung hane hoi bout la thainae kama dawk ao. Hete kâpoelawk heh a Pa koehoi ka coe e doeh.

¹⁹ Hete lawk kecu dawk Judahnaw a kâkapek awh.

²⁰ Tami tangawn niteh, ahni heh kahrai ni a man e ka pathu e doeh toe. Bang hane mouh khuet na thai pouh va ati awh.

²¹ Tami tangawn niteh, ahnie lawk heh kahrai ka tawn e lawk na hoeh. Kahrai ni a mit ka dawn e ahawi sak thai han namaw ati awh.

Bawkim pathoungnae pawî koe Jisuh a tho

²² Kasik tue nah, Jerusalem vah kamthoungnae pawî ao.

²³ Jisuh teh bawkim Solomon thongma dawkvah a kâhlai.

²⁴ Judahnaw ni khuk a ven awh teh, kaimouh nâtotouh maw lung na hring sak han vaw. Nang teh Khrih lah na awm katang pawiteh kancengcalah dei leih atipouh awh.

²⁵ Jisuh nihai, ka dei ei na yuem awh hoeh. A Pa e kâ lahoi ka sak e pueng ni kai heh na kampangkhai .

²⁶ Hateiteh, nangmouh ni na yuem awh hoeh. Bangdawkmaw na yuem awh hoeh tetpawiteh nangmouh teh kaie tu na hoeh.

²⁷ Ka tunaw ni ka lawk a thai teh ka hnuk a kâbang awh. Hote tunaw teh kai ni ka nout.

²⁸ Yungyoe hringnae hai ka poe. Hote tunaw teh kamkonea koe phat mahoe. Kaie ka kut dawk hoi apinihai na lawm thai mahoe.

²⁹ Hote tunaw teh kai koe na kapoekung a Pa teh bangpueng hlak a lentoe dawk apinihai hote tunaw teh apa kut dawk hoi lawm thai mahoe.

³⁰ Kai teh Pa hoi buet touh lah ka o, atipouh.

³¹ Hatnavah Judahnaw ni Bawipa teh talung hoi dêi hanlah talung bout a rakhun sin awh.

³² Jisuh nihai, kai ni apa e kâ lahoi kahawi e hnonaw na patue awh. Hotnaw dawkvah bangmaw ka payon teh talung hoi dei han na ti awh vaw, telah a pacei awh.

³³ Judahnaw ni kahawi hno na sak pawiteh talung hoi na dêi mahoe. Nang ni tami lah o nahlangva Cathut na kâti teh, Cathut na dudam dawk doeh talung hoi na dei han ka ti aw. h.

³⁴ Jisuh nihai, nangmae Cakathoung daw, nangmouh teh cathutnaw doeh telah a thut nahoe. h. maw.

³⁵ Cathut e a lawk daw kaawm e taminaw hah cathutnaw tetpawiteh, Cakathoung teh payon hoe e lah ao dawkvah,

³⁶ Pa ni a thounsak teh, het talaivan lah a tha e kai teh Cathut Capa doeh ka ti dawkvah nangmouh ni Cathut koe na payon na ti thai aw. h. han na maw.

³⁷ A Pa e thawnaw hah kai ni ka taw. k hoe pawiteh, kai hai na yuem aw. h. han.

³⁸ Ka taw. k pawiteh kai na yuem aw. h hoe nakunghai hote hno sak e hah yuem aw. h. Hottelah na yuem aw. h pawiteh kai ni Pa daw. k ka o e hoi apa ni kai daw. k ao e hah na thai panuek aw. h. han atipouh.

³⁹ Hatnavah Judahnaw ni Jisuh man hanelah bout a taw. ng aw. h. Ahnimae kut daw. k hoi a hlout teh yout a ceitak. hai .

Tami moikapap ni Jisuh a yuem aw. h

⁴⁰ Hathnukkhu Jawhan ni tui baptisma a poenae Jordan palang na ran lah a cei teh haw va ao.

⁴¹ Taminaw teh ahnimouh koe a pha navah, Jawhan ni bang patet e mitnout hai sak hoe eiteh, ahnie a kong Jawhan ni a dei e patetlah atang doeh ati aw. h.

⁴² Hettelah hoi hote hmuen koe e tami moikapap ni Bawipa teh a yuem aw. h.

11

Bethani tami Lazarus duenae

¹ Bethani kho kaawm e Meri hoi Martha e a thangroi Lazarus tie teh a pataw.

² Ka pataw e Lazarus e a tawncanu Meri teh Jisuh khok daw. k hmuitui a hluk pouh teh a sam hoi ka hui e Meri doeh.

³ A hmaunawng. ha roi ni, Jisuh koe. vah tami a ceisak teh, Bawipa na lungpataw e Lazarus teh a pataw atipouh.

⁴ Jisuh ni a thai navah, hote pataw. nae teh due pataw. nae nahoe. h. Cathut a lentoe a kam. nue nahane doeh. Hote pataw. nae daw. k Cathut Capa e a lentoe a kam. nue han, atipouh.

⁵ Jisuh ni Martha nuca hoi Lazarus hai a lungpataw.

⁶ Lazarus a pataw e a thai ei teh roup cet laipalah hote hmuen koe hnin hni touh ao tak. hai.

⁷ Hahoi a hnukkâbang. naw hanlah, Judah lah bout cet aw. h. sei atipouh.

⁸ A hnukkâbang. naw ni Bawipa, atuvah Judahnaw ni talung hoi dêi hanelah, nang na taw. ng aw. h nahlangva vah, hote hmuen koe bout na cei han rah maw telah a pacei aw. h.

⁹ Jisuh ni, khodai daw. k suimilam hlaikahni touh ao nahoe. h. maw. Apihai kho a ang nah ka cet e ni talaivan ang. nae thung a cei daw. kvah tâlaw mahoe. h.

¹⁰ Hatei, khohmo cet aw. m pawiteh ang. nae ao hoe daw. kvah a tâlaw thai, atipouh.

¹¹ Hahoi Jisuh ni maimae hui Lazarus teh a i, hatei, pâh. law hanlah ka cei han, atipouh.

¹² A hnukkâbangnaw ni, Bawipa ka ip e ngoun teh bout a dam han doeh, atipouh.

¹³ Jisuh ni Lazarus a due e hah a dei ngainae ei, a hnukkâbangnaw ni teh a mahmawk ka ip e doeh telah pouknae a ton awh.

¹⁴ Hatdawkvah, Jisuh ni, Lazarus a due toe, telah a dei pouh.

¹⁵ Hatei, na yuem awh nahanelah hote hmuen koe kai ka o hoeh e hah ka lunghawi. Bangtelah nakunghai ahni koe cet awh sei atipouh.

¹⁶ Samphei tie Thomas ni, a hnukkâbang huinaw hanlah, Bawipa hoi cungtalah due hanlah maimouh hai kâbang awh sei atipouh.

Bouthawnae hoi hringnae

¹⁷ Jisuh haw a pha nah Lazarus pakawp hoi hnin pali touh a pha toe tie a panue awh.

¹⁸ Bethani kho teh Jerusalem kho hoi meng hni touh ahla.

¹⁹ Martha hoi Meri e a thangroi a due dawkvah Judah taminaw ni tahungkhai hanlah a tho sin awh.

²⁰ Jisuh a tho e Martha ni a thai navah, Bawipa dawn hanelah a cei, hatei, Meri teh im vah ao.

²¹ Martha ni, Bawipa nang na awm pawiteh, ka thangroi dout mahoe.

²² Hatei, atu kadout nakunghai, Bawipa nang ni Cathut koe ratoum e patetlah Cathut ni na poe han tie ka panue, atipouh.

²³ Jisuh nihai, na thangroi bout a thaw han, atipouh.

²⁴ Martha ni a hnukteng bouthawnae tueng toteh, ahni hai bout a thaw han tie ka panue atipouh.

²⁵ Jisuh ni, kai teh bouthawnae hoi hringnae doeh. Kai ka yuem pueng ni kadout nakunghai bout a hring han.

²⁶ Ka hring ni teh Kai na kayuemnaw pueng nâtuék hai dout mahoe. Kaie ka lawk na yuem maw telah a pacei navah, Martha ni oe ka yuem atipouh.

²⁷ Martha ni, oe Bawipa nang teh het talaivan ka kumcathuk hane Cathut Capa Khrih doeh tie ka yuem toe atipouh.

Jisuh mitphi a bo

²⁸ Hahoi, Martha ni Meri koe a cei teh, Bawipa a tho, nang na kaw, telah duem a dei pouh.

²⁹ Meri ni hote lawk a thai navah, karanglah a thaw teh Bawipa koe a cei.

³⁰ Jisuh teh kho thung kâen laipalah Martha ni a dawwnae koe doeh ao rah.

³¹ Im dawk Meri hoi cungtalah ao navah, Meri lung ka pahawi e Judahnaw ni Meri karanglah a thaw teh a tâco e hah a hmu awh navah, khuika hanlah phuen koe vai a cei telah a pouk awh dawkvah, Meri hnuk a kâbang awh.

³² Meri ni Jisuh aonae koe a pha teh Bawipa a hmu navah, a khok koe a tabo teh, Bawipa, nang na awm pawiteh kaie ka thangroi dout mahoe ei atipouh.

³³ Meri hoi a hnukkâbang e Judahnaw khuika e Jisuh ni a hmu navah, Jisuh a lungmathoe teh,

³⁴ Ahnimouh koe, na maw na pakawp awh, telah a pacei. Ahnimouh ni, Bawipa tho nateh khenhaw! atipouh.

³⁵ Jisuh a ka.

³⁶ Judahnaw ni, khenhaw! Lazarus banghloimaw a lungpataw, ati awh.

³⁷ Tami bangpatet niteh, a mit ka dawn patenghai ka hmawt sak thai e ni, Lazarus a due hoeh nahanlah sak thai mahoe h ma aw, ati aw h.

Lazarus a thaw sak

³⁸ Jisuh teh lungreithai hoi tangkom koe a cei. Hote tangkom teh talung hoi a teng aw h.

³⁹ Jisuh ni talung paawng aw haw, atipouh. Martha ni, Bawipa pakawpnae hnin pali touh a pha toe, atuvah a hmu a tho han toe atipouh.

⁴⁰ Jisuh ni hai na yuem pawiteh Cathut bawilenna na hmu han ka ti tounghoehmaw.

⁴¹ Hatdawkvah taminaw ni tangkom tengnae talung hah a takhoe aw h. Hatnavah Jisuh ni kahlun lah a moungh teh, Oe a Pa ka hei e hah na thai poung tounghoehmaw ka lung haw i.

⁴² Bawipa nang ni kaie ratoum lawk pou na thai pouh tie ka panue. Hatei, hete ka heinae teh na kaven e taminaw hanelah a tho teh, kai hah na patoun e doeh tie a yuem aw h nahanelah doeh, telah atipouh.

⁴³ Hottelah a dei hnukkhu Lazarus tâcawt, telah puenghoi hram laihoi a kaw.

⁴⁴ Hatnavah, kadout tangcoung e teh a kut, a khok, a minhmai pueng hni hoi muen kâkayo laihoi a thaw teh a tâco. Jisuh ni ratham pouh aw h, cetsak aw h atipouh.

Jisuh thei hanelah a kâcai aw h

⁴⁵ Hatdawkvah Meri koe ka tho e naw ni, Jisuh ni a sak e naw hah a hmu aw h toteh, Bawipa hah a yuem aw h.

⁴⁶ Hatei, tami tangawn ni Farasinaw koe a cei aw h teh Jisuh ni a sak e hno a dei pouh aw h.

⁴⁷ Hatnavah vaihma bawinaw hoi Farasinaw teh sanhedrin lawkceng bawinaw hoi a kamkhueng aw h teh, Bangtelane ti aw h han, ahni ni kângairunae moi a sak toe.

⁴⁸ Telah sut khen pawiteh tami pueng ni a yuem aw h han toe. Rom taminaw ni tho aw h vaiteh maimae hmuen, hoi miphun a pathup aw h han toe ati aw h.

⁴⁹ Hat nah e kum nah vaihma kacue ka taw k e Kaiaphas ni, nangmouh ni bang na panuek aw h hoeh.

⁵⁰ Maimouh miphun abuemlah rawk aw h hlak teh tami buet touh ni tami pueng e yueng lah a due e ahawihnawn tie na pouh aw h hoeh bo vaw atipouh.

⁵¹ Hottelah a dei e heh amae kâtawnnae lahoi a dei e laipalah hote kum dawk vaihma kacue lah ao e patetlah Jisuh ni Judah miphunnaw hanlah a due han ati tangcoung e doeh.

⁵² Ahnimouh han dueng laipalah alouke kampek e lah kaawm e Cathut e canu capanaw a pâkhueng hanlah a due han tie ao toe.

⁵³ Hat hnin hoi teh Bawipa thei hanelah a kâcai aw h toe.

⁵⁴ Hatdawkvah, Jisuh ni Judahnaw aona koe cet tounghoehmaw, haw hoi a tâco teh thingyei yawn hoi kahnai e, Ephraim kho lah a hnukkâbangnaw hoi a cei aw h teh hawvah ao aw h.

⁵⁵ Judahnaw e ceitakhai paw i a hnai dawkvah, taminaw mahoima thounsak hanelah ceitakhai paw i hoehnahlan alouklouk lahoi Jerusalem lah a tho aw h.

⁵⁶ Hotnaw ni, Jisuh a hmu aw h hoeh dawkvah, bawkim teng vah, bangtelamaw na pouk aw h, paw i koe ahni tho mahoe h maw ati aw h teh a kâpacei aw h.

⁵⁷ Hatnavah Farasinaw hoi vaihma bawinaw ni, Jisuh onae na panuek pawiteh man hanlah na dei aw h han telah kâ a poe.

12

Jisuh khok satui hoi a awi pouh

Mat 26:6-13; Mrk 14:3-9; Luk 7:37-39.

¹ Ceitakhai pawî to nahane hnin taruk touh a ngai nah duenae koehoi bout ka thaw e Lazarus onae kho Bethani vah Jisuh teh a pha.

² Hatdawkvah Jisuh barinae lah tangmin bu canae pawî hah a sak aw h teh Martha teh bu pacanae koe thaw a kabawp. Hawvah Lazarus hai Bawipa hoi bu venna koe ao van.

³ Hatnavah, Meri ni aphu kaawm poung e hmuitui a la teh Jisuh khok dawk a hluk teh a sam hoi a hui pouh. Hmuitui e a hmui teh imthung abuemlah akawi.

⁴ A hnukkâbangnaw thung dawk e Bawipa ka pahnawt hane Simon capa, Judah Iskariot ni vah,

⁵ Hete hmuitui heh tangka cumthum touh lah yo vaiteh karoedengnaw na kabawp hoeh vaw atipouh.

⁶ Hatei, karoedengnaw kabawp ngai dawk a deinae nahoe. Ama teh tamru lah ao teh, tangka bawm a kuem nah a thung e tangka ouk a paru dawk doeh.

⁷ Jisuh nihai, hote napui ni ama ngai patetlah sak seh. Kaie ro pakawp nahane hnin totouh hmuitui teh a pâkuem toe.

⁸ Mathoenaw teh nangmouh koe pou ao. Kai teh nangmouh koe pou kaawm mahoe, atipouh.

Lazarus hai thei hanlah a kâcai aw h

⁹ Hote hmuen koe Jisuh ao tie Judahnaw ni a thai aw h navah a tho aw h. Jisuh hmu han dueng laipalah duenae koehoi ka thaw e Lazarus hmu hanlah a tho aw h.

¹⁰ Vaihma bawinaw ni Lazarus hai thei han a kâcai aw h.

¹¹ Bangkongtetpawiteh Judahnaw moikapap ni Lazarus kecu dawk ahnimanaw a ceitakhai aw h teh, Jisuh a yuem aw h dawkvah.

Jerusalem a kâen

Mat 21:4-7; Mrk 11:7-12; Luk 19:35-38.

¹² Hote pawî koe ka tho e pueng ni tangtho vah Jerusalem lah Jisuh a tho han tie a panue aw h.

¹³ Samtue hna rip a patuep aw h teh Bawipa dawn hanelah a cei aw h. Hosanna, Bawipa min lahoi ka tho e Isarel siangpahrang teh a yawhawi, telah bukuk a hram aw h.

¹⁴ Hawvah Jisuh ni laca a hmu teh a kâcui.

¹⁵ Cakathoung ni, taket hanh. Zion canu, kenhaw! na siangpahrang ni laca a kâcui teh nangmouh koe a tho telah a thut tangcoung e patetlah ao.

¹⁶ Hote a konglamnaw hah a hnukkâbangnaw ni hmaloe teh thai panuek aw h hoeh ei Jisuh a bawilenna ao hnukkhu Bawipa doeh a thut ngainae tie bout a panue aw h.

¹⁷ A hnukkâbangnaw ni Lazarus tangkom thung hoi a kaw teh duenae koehoi bout a thawnae kong hah a kampangkhai aw h.

¹⁸ Hottelah kângairunae a sak e taminaw ni, kamthang a thai navah dawn hanlah a tho aw h.

¹⁹ Farasinaw ni amamouh hoi amamouh, bang tet thai hoeh toe, talaivan ni ahni hnuk doeh koung a kâbang aw h toe, ati aw h.

A due hane sut a dei

²⁰ Pawi koe Cathut bawk hanlah ka cet e Griknaw hai ao van.

²¹ Ahnimouh ni, Galilee Bethsaida kho e Filip koe a cei aw hah teh Jisuh hmu han ka ngai atipouh aw hah.

²² Filip ni Andru koe a dei pouh teh, ahnimouh roi ni Jisuh koe tawngtang a dei pouh roi.

²³ Jisuh nihai, tami Capa teh a lentoe kamnue nae tue a pha toe.

²⁴ Atangcalah ka dei, cati teh talai daw k a bo teh dout hoehpawiteh ama buet touh lah doeh paroup ao. Hatei, dout pawiteh moikapap lah a kamphung.

²⁵ Ama e hringnae a lung ka pataw e tami teh hringnae a sung han. Het talaivan vah amae hringnae ka hmu hma e tami teh hote hringnae hah a yungyoe hringnae hanlah a kuem.

²⁶ Apihai kaie thaw taw k han ngai pawiteh ka hnu k a kâ bang han. Hatnavah kai ka onae koe kaie thaw ka taw k e hai ao han. Apipatethai kaie thaw ka taw k han tetpawiteh, ahni hah Pa ni barinae a poe han.

²⁷ Atuvah kai teh ka lung a puen. Bangtelamaw dei han. Oe a Pa hete tueng daw k hoi na rungngang haw ka ti han maw. Hatei teh, het hanelah atu e tueng koe ka pha toe.

²⁸ Oe apa na min bawilenna e kamnue k sak haw telah a dei. Hatnavah Kai ni bawilenna e kamnue sak toe. Bout ka kamnue sak han rah telah kalvan hoi law k a tho.

²⁹ Ateng kaawm e taminaw ni hote law k a thai aw hah navah, khoparit e mue telah tami tangawn ni ati aw hah. Atangawn ni teh kalvantami ni law k a pato ati aw hah.

³⁰ Hatei, Jisuh ni, hote law k heh kai hanlah dei hoeh, nangmouh hane doeh.

³¹ Atuvah het talaivan lawkcengnae tueng lah ao. Het talai kaukkung teh atu pâ lei lah ao han toe.

³² Kai hai talai hoi pathout lah ka o toteh, tami pueng kama koe koug ka sawn han, telah a ti.

³³ Hottelah a dei ngainae teh ama teh bangtelae duena e hoi maw a due han tie hah a pâ tuena e doeh.

³⁴ Taminaw ni kâlawk cauk dawkvah Khrih teh yungyoe ao han, telah a thut e ka panue aw hah, hatei, tami Capa teh pathout a han tie bangtelamaw na dei thai, atipouh aw hah. Hote tami Capa te apimaw atipouh aw hah.

³⁵ Jisuh nihai, angnae teh nangmouh koe dawngdeng ao han rah. Angnae ao nah cet aw hah. Hoehpawiteh hmonae ni nangmouh na kei payon vai. Khohmo thung ka cet e teh na la maw ka cei tie panue koe hoeh.

³⁶ Angnae ao navah angnae ca lah na o aw hah nahan angnae hah yuem aw hah, atipouh. Hote law k phouk a dei hoi Jisuh teh ahnimouh koehoi alouklah duem a roun.

Isaiah ni sutdeilaw k a kuep

³⁷ Hettelah totouh puenghoi ahnimae hmalah kângairuna e a sak ei teh ahnimouh ni yuem aw hah hoeh.

³⁸ Profet Isaiah ni a dei e teh, Bawipa, kaimouh ni ka dei e phung law k heh apinimaw a yuem han. Bawipa e a kut teh api koe maw a dâw tie law k teh a kuep nahane doeh.

³⁹ Hat daw k doeh a yuem thaihoehnae teh,

⁴⁰ Profet Isaiah ni, Ama ni ahnimae a mit a dawn sak, a lungpata sak, a lungkâthung hoeh. A patawnae dam thai hoeh nahanlah amamouh ni a

mit a dawn sak awh. A lungthung hoi nout thai awh hoeh, ati e patetlah doeh.

⁴¹ Isaiah ni hote lawk a dei navah ahnie a bawilennae sut a hmu e doeh.

⁴² Hatei, kê katawnkung, Judahnaw moikapap ni Jisuh teh a yuem awh. Hatei, Farasinaw ni sinakok koehoi na pâlei awh vaih ati awh dawkvah kamnuek sak awh hoeh.

⁴³ Bangkongtetpawiteh Cathut ni poe e pholennae hlak tami ni poe e pholennae hah a ngai awh.

Jisuh a tho ngainae

⁴⁴ Jisuh ni apihai kai na ka yuem e tami teh kai dueng na yuem hoeh, kai na kapatoungkung hai a yuem toe.

⁴⁵ Kai na kahmawt e pueng ni na kapatoungkung hai a hmu toe.

⁴⁶ Kai na ka yuem pueng ni a hmonae koe ao hoeh nahan kai teh angnae lah ka o teh het talaivan vah ka tho toe.

⁴⁷ Kaie lawk ka thai e naw ni yuem laipalah ao nakunghai lawk ka ceng mahoeh. Talaivan taminaw yon lawkceng hanelah kai ka tho hoeh. Talaivan taminaw rungngang hanelah doeh ka tho.

⁴⁸ Kai na ka pahnawt ni teh ka lawk ka ek e tami hah lawkcengkung buet touh ao Kai ni ka dei e lawk ni doeh toe a hnukteng e hnin dawkwah na ceng han toe.

⁴⁹ Bangkongtetpawiteh, kai teh kamae kâtawnnae lahoi ka dei hoeh. Kai na kapatoungkung a Pa ni bangtelamaw dei han tie hah na dei pouh. Pa e kâpoelawkwah teh yungyoe hringnae lah ao tie ka panue.

⁵⁰ Hatdawkwah, ka dei e naw pueng heh Pa ni lawk na thui e patetlah ka dei, telah hram laihoi a dei.

13

A hnukkâbangnaw e khok a pâsu

¹ Ceitakhai pawî a pha hoeh nah, Jisuh teh het talaivan heh ceitakhai vaih a na Pa koe cei hane tueng a pha toe tie a panue. Ahni ni het talaivan kaawm e a taminaw a lungpataw dawkwah, apout totouh a lungpataw.

² Tangmin bu a ca awah lahan nah kahraimathout ni Simon capa, Judah Isakarot e a lungthung vah Jisuh pahnawt hanelah pouknae yo a la poe toe.

³ Pa ni bangpuengpa hai ama kut dawkwah koug a poe tie hoi ama teh Cathut koehoi ka tho ni teh Cathut koe bout ka cei han toe tie hai Jisuh ni a panue.

⁴ Tangmin bu venna koehoi a thaw teh, angkidung a rading, hnica hah a la teh a keng dawkwah a kâyeng.

⁵ Hathnukkhu, tui kawlung dawkwah a hlun teh a hnukkâbangnaw e khok a pâsu pouh teh hnica hoi a hui pouh.

⁶ Telah hoi Simon Piter koe a pha toh, ahni ni Bawipa nang ni kaie ka khok hah na pâsu han maw atipouh.

⁷ Jisuh nihai, nang ni atu kai bangmaw ka sak tie na panuek hoeh, atototeh na panue han, atipouh.

⁸ Piter nihaiyah, Bawipa nang ni kaie ka khok pâsu hanh atipouh. Jisuh ni, kai ni ka pâsu hoehpawiteh nang teh kai hoi kâkuetnae awm mahoeh, atipouh.

⁹ Simon Piter ni hai pawiteh ka khok dueng pâsu hanh, ka kut hoi ka lû pueng hai pâsu, atipouh.

10 Jisuh nihai, tui ka kamhluk tangcoung e ni teh a khok dueng doeh pâsu han a ngai. A tak teh a thoung. Nangmanaw teh na thoung awh ei, buet touh teh thoung hoeh, atipouh.

11 Bawipa ni ama ka pahnawt hane a panue dawkvah, nangmouh thung dawk buet buet touh na thoung hoeh ti a deingainae doeh.

Khok pâsungainae

12 Jisuh ni a khoknaw be a pâsu pouh hnukkhu, angkidung bout a kho teh a tahung. Kai ni ka sak e hah na thai panuek awh maw, telah a pacei.

13 Kai teh nangmouh ni Bawipa, saya telah na kaw awh, hottelah ka o dawk atueng.

14 Kai teh nangmae Bawipa hoi saya lah ka o eiteh nangmae na khok ka pâsu pawiteh nangmouh teh buet touh hoi buet touh na kâpasu van awh han.

15 Kai ni nangmouh koe ka sak e patetlah nangmouh ni na out awh hanelah ka sak toe.

16 Atangcalah ka dei, bawi teh san hlak a talue, laicei hlak kapatoungung a talue.

17 Hetnaw nangmouh ni na panue awh hnukkhu na tarawi awh pawiteh, nangmouh teh a yawkahawi e tami lah na o awh han.

18 Nangmouh abuemlah dei ngainae na hoeh. Ka rawi e tami teh ka panue. Hatei, kaie vaiyei ka hmawng khai e ni a khok hoi na pathui tie Cakathoung a kuep han.

19 Hete hno a tâco hoehnahlan sut ka dei. A pha na hnin toteh kai heh ahni doeh toe tie na panue awh han.

20 Lawkkatang na dei pouh awh, kai ni ka patoun e tami na dâw pawiteh kai na dâw e lah ao. Kai na ka dâw e tami teh kai na kapatoungung ka dâw e lah a o, atipouh.

Judah ni Jisuh a poenae

21 Jisuh ni hete lawknaw be a dei hnukkhu vah, muitha dawk a reithai laihoi, atangcalah na dei pouh awh. Nangmouh thung dawk buet touh ni kai hah na pahnawt han telah atipouh.

22 A hnukkâbangnaw ni apimaw a deingai vaiyoe a titeh buet touh hoi buet touh a kâkhet awh.

23 Jisuh ni a lungpataw e a hnukkâbangnaw thung dawk buet touh teh jisuh koe rek kahnai lah a tahung.

24 Simon Piter ni, apimaw a deingainae pacei haw, telah hote ahnuk kâbang e koe minout a poe.

25 Hatdawkvah, hote ahnuk kâbang e ni Jisuh koe rek a hnai teh, Bawipa apimaw atipouh.

26 Jisuh ni kai ni vaiyei ka raen vaiteh ka ranup hnukkhu ka poe e ni kai teh na man sak han ati teh, vaiyei raen e hah Simon capa Judah Isakarot teh a poe.

27 Ahni teh vaiyei a ca hoi, Setan ni a thung a kâen. Jisuh ni hai na sak hane kaw i hno karanglah sak leih, atipouh.

Judah ni a yo nahane a dei

28 Bangkongmaw Jisuh ni hottelah a dei ati e cungtalah caboi kavennaw buet touh ni hai panuek awh hoeh.

29 Bangpatet ni teh Judah Isakarot teh tangkabom ka kuen e lah ao dawkvah, paw i nah ca hane kaw i ran hanlah a patoun mue ati awh. Hoeh

pawiteh, karoedengnaw buetbuet touh poe hane mue Jisuh ni a dei telah a pouk awh.

³⁰ Judah Isakarot teh vaiyei a ca teh a tâco. Hahoi teh kho a hmo toe.

Kâlawk katha

³¹ Judah a cei hnukkhu, Jisuh ni atuvah tami Capa bawilen lah ao toe. Cathut teh tami Capa dawk hoi bawilen lah ao toe.

³² Cathut teh tami Capa koehoi a bawilennae awm pawiteh, Cathut ma roeroe ni bawilennae a kamnué sak han. Hote bawilennae teh tang a kamnué sak han.

³³ Ka canaw, kai teh nangmouh hoi dongdeng doeh kaawm ti toe. Nangmouh ni kai hah na tawng awh han. Judahnaw koe ka dei e patetlah atu hai ka dei, kai ka ceinae koe nangmouh na phat thai mahoe.

³⁴ Nangmouh ni buet touh hoi buet touh lungkâpataw awh, kai ni lung na pataw awh e patetlah buet touh hoi buet touh lungkâpataw awh telah kâpoelawk katha na poe awh.

³⁵ Nangmouh ni buet touh hoi buet touh lungkâpataw awh pawiteh, taminaw ni hote lungpatawnae hmawt awh vaiteh nangmouh teh ka hnuk kâbang katang lah na o tie a panue awh han, atipouh.

Piter ni pahnawt nahane sut a dei

³⁶ Simon Piter ni, Bawipa na lah maw na cei han telah a pacei. Jisuh ni kai ka cei nahane hmuen koe atu na kâbang thai mahoe, hatei, atototeh na kâbang thai han, atipouh.

³⁷ Piter ni, Bawipa nang koe atu bangkong kâbang thai hoe han vaw, Bawipa, nang hanlah ka hringlu ka pasoung han atipouh.

³⁸ Jisuh ni kai hanlah na hringlu na pasoung katang han maw. Lawkkatang na dei pouh. Ahlui a khawng hoehnahlan nang ni kai vai thum touh na pahnawt han.

14

Lam, Lawkkatang, hoi hringnae

¹ Nangmouh na lungpuen awh hanh. Cathut hah yuem awh. Kai hai na yuem awh.

² A Pa e im dawk nangmouh o nahan hmuen moi ao. Awm hoehpawiteh awmhoeh tie hah nangmouh koe yo ka dei han doeh toe. Nangmouh hanlah hmuen rakueng hanlah ka cei han.

³ Hottelah ka cei vaiteh nangmouh o nahan hmuen be ka rakueng hnukkhu, Kai ka onae koe nangmouh hai o sak hanelah bout ka tho vaiteh nangmanaw hah kama koe na kaw awh vaiteh na la awh han.

⁴ Kai ka ceinae hmuen koe phanae lamthung teh na panue awh atipouh.

⁵ Thomas ni, Bawipa, nang na lah maw na cei han tie kaimouh ni ka panue awh hoe haw dawkvah lamthung bangtelamaw ka panue thai a han, atipouh.

⁶ Jisuh ni, kai teh lam, lawkkatang hoi hringnae lah ka o. Kai laipalah teh apinihai Pa koe phat thai mahoe atipouh.

Pa a kamnué saknae

⁷ Nangmouh ni kai na panuek pawiteh a Pa heh panuek laipalah na awm awh mahoe. Atuhoi teh na panue awh teh na hmu awh toe, atipouh.

⁸ Filip nihai, Bawipa, na Pa hah kaimouh na patue haw, na patue pawiteh kaimae ngainae akué han atipouh.

⁹ Jisuh ni, Filip sahnin totouh kai ni nangmouh hoi cungtalah ka o eiteh nang ni kai na panuek hoeh rah. Kai ka hmawt e ni Pa hah a hmu toe. Hat pawiteh, bangkong Pa na maw ao titeh na pacei awh vaw.

¹⁰ Kai teh Pa dawk ka o teh Pa teh kai dawk ao e hah na yuem awh hoeh maw. Kai ni ka dei e pueng kamae kâawnae lahoi ka dei e tho hoeh. Kai ni ka sak e pueng hai kai koe kaawm e Pa ni doeh a sak.

¹¹ Kai teh Pa dawk ka o teh Pa teh kai dawk ao e hah na yuem awh hoeh nakunghai ka tawk e hah khen nateh yuem awh.

¹² Atangcalah na dei pouh awh. Kai na ka yuem e pueng ni kai ni ka tawk e patetlah a tawk han. Ka tawk e hlak hoe kalen e hai a tawk han. Bangkongtetpawiteh kai ni a Pa koe ka cei han toung dawkvah.

¹³ Pa teh Capa dawk hoi bawilennae a kamnue hanelah nangmouh ni kaie min lahoi na hei e pueng teh na poe han atipouh.

¹⁴ Nangmouh ni kaie ka min lahoi buetbuet touh na het pawiteh poe lah na o han atipouh.

Kathoung Muitha poe hane lawkkam

¹⁵ Kai na lungpataw awh pawiteh kaie kâpoelawknaw ngâi awh.

¹⁶ Kai ni Pa koe ka hei vaiteh, Pa ni lawkkatang kacangkhaikung Kathoung Muitha hah nangmouh na kaawmkhai hanelah na poe awh han.

¹⁷ Hote Muitha teh talaivan ni a panue awh hoeh dawk hmawt thai hoeh. Hote Muitha teh nangmouh hoi cungtalah ao teh nangmouh koe ao dawk nangmouh ni na panue awh.

¹⁸ Kai ni nangmouh nara patetlah sut na tat awh mahoe. Nangmouh koe bout ka tho han.

Pa, Capa, Kathoung Muitha

¹⁹ Atu hoi talaivan taminaw ni kai teh na hmawt awh mahoe toe. Nangmouh ni teh na hmu awh han. Kai teh ka hring dawkvah nangmouh hai na hring awh han.

²⁰ Kai teh a Pa dawk ka o teh, nangmouh teh kai dawk na onae, kai ni nangmouh dawk ka onae hai hat hnin vah nangmouh ni na panue awh han.

²¹ Kaie kâpoelawknaw ka tarawi e teh, kai lungpataw e doeh. Kai lungpataw e teh a Pa ni a lungpataw han. Kai ni hai ka lungpataw teh ahni koe ka kamnue pouh han, a ti.

²² Judah Isakarot nahoe, alouke Judah ni Bawipa kaimouh koe na kamnue hanelah na pouk ei, talaivan taminaw koe na kamnue hoeh e hah bangtelamaw ati teh a pacei.

²³ Jisuh ni, kai lungpataw e ni teh kaie ka lawk a ngâi han. A Pa ni hai ahni teh a lungpataw han. Kaimouh hai ahni koe ka cei vaiteh ahni hoi rei ka o han.

²⁴ Kai lung na ka pataw hoeh e teh ka lawk ngâi mahoe. Nangmouh ni na thai awh e lawk heh kaie lawk nahoe. Kai na kapatoukung Pa e lawk doeh.

²⁵ Nangmouh koe ka o navah hete lawknaw hah ka dei toe.

²⁶ Pa ni ka min lahoi patoun lah kaawm e kabawmkung Kathoung Muitha ni nangmouh koe bangpueng na cangkhai vaiteh ka dei e lawk pueng panuethainae na poe awh han.

Lungmawngnae na poe awh

²⁷ Lungmawngnae nangmouh koe ka ceitakhai. Kaie lungmawngnae teh na poe awh. Talaivan ni na poe e patet na hoeh. Nangmouh ni lungpuen tâsue laihoi awh hanh awh.

²⁸ Kai ni ka cei hnukkhu hoi bout ka tho han tie lawk nangmouh ni na thai aw. Nangmouh ni kai na lungpataw pawiteh Pa koe ka cei hane na konawm aw han. Bangkongtetpawiteh Pa teh kai hlak a lenhnawn.

²⁹ Hote hno a tâco katang toteh nangmouh ni na yuem aw nahanlah a tâco hoehnahlan vah, atu sut ka dei e doeh.

³⁰ Atu hoi teh nangmouh koe moi ka dei mahoe toe. Bangkongtetpawiteh talaivan kaukkung teh a tho han toe. A tho ei kai dawk banghai sak thainae kâ tawn mahoe.

³¹ Kai ni Pa ka lungpataw teh a Pa e kâpoelawk patetlah ka tawk e hai talaivan taminaw ni a panue aw han. Thaw aw leih, hete hmuen koehoi cet aw leih sei, atipouh

15

Misurkung hoi a kang banguenae

¹ Kai teh misurkung katang doeh. A Pa teh takha katawnkung doeh.

² Kai dawk a paw ka paw hoe e a kang pueng teh bouk lah ao han. A paw ka paw e a kangnaw teh hoe a paw nahan rasoun lah o aw han.

³ Nangmouh teh kai ni ka dei e lawk ni na thounsak aw toe.

⁴ Kai dawk awm aw. Kai hai nangmouh dawk ka o han. A kang ni misurkung hoi kâkuen hoehpawiteh a mahmawk a paw paw thai hoe e patetlah nangmouh hai kai dawk na awm hoehpawiteh a paw na paw thai aw mahoe.

⁵ Kai teh misurkung doeh. Nangmouh teh akang doeh. Kai dawk kaawm e teh kai hai ahni koe ka o van han. Ahni teh moi a paw han. Kai hoi na kâkuen hoehpawiteh banghai na sak thai aw mahoe.

⁶ Kai dawk kaawm hoe e teh ka ke e a kang patetlah alawilah tâkhawng han. Hot patetlah e a kangnaw teh taminaw ni a pâkhueng vaiteh hmai daw koug phum vaiteh a kak han.

⁷ Nangmouh ni kai dawk na o aw teh kaie ka lawk hai nangmouh dawk awm pawiteh nangmouh ni na hei e naw pueng hai poe lah ao han.

⁸ Nangmouh ni a paw moikapap na paw paw doeh, a Pa e a bawilennae a kannue vaiteh nangmouh hai kaie hnukkâbang katang lah na o aw han.

Khrih e lungpatawnae

⁹ Pa ni kai lung na pataw e patetlah kai ni nangmouh lung na pataw aw. Kaie lungpatawnae thungvah awm aw.

¹⁰ Kai ni a Pa e kâpoelawknaw ka ngâi teh a Pa ni lung na pataw e patetlah, nangmouh ni kâpoelawknaw na ngâi aw pawiteh kaie lungpatawnae daw na o aw han.

¹¹ Nangmouh lunghawinae ao vaiteh nangmae lunghawinae akuep nahanelah hete lawk heh nangmouh koe ka dei.

¹² Kaie kâpoelawk teh kai ni nangmouh lungpataw e patetlah nangmouh ni buet touh hoi buet touh lungkâpataw aw.

¹³ Tami ni a hui hanelah a hringnae a pasoung e hloilah ka talue e api koehai lungpatawnae alouke awm hoe.

¹⁴ Nangmouh ni kaie kâ poe e na tarawi pawiteh ka hui lah na o aw.

¹⁵ Atu totouh hoi san telah na kaw a mahoe toe. San ni teh a bawipa ni a sak e hno panuek hoe. Nangmouh teh huiko lah na o aw. Bangkongtetpawiteh a Pa ni a dei e hnouaw pueng teh nangmouh koe na panue sak.

¹⁶ Nangmouh ni kai na rawi awh hoeh. Kai ni doeh nangmouh na rawi awh. Hatdawkvah, cet awh nateh ka kangning e a paw na paw awh nahane hoi ka min lahoi Pa koe na hei awh e pueng na hmu awh nahanelah nangmanaw teh kai ni na rawi awh.

¹⁷ Nangmouh ni buet touh hoi buet touh lungpatawnae tawn awh telah kâ na poe.

Talai taminaw ni na hmuhma awh han

¹⁸ Talaivan taminaw ni na hmuhma awh pawiteh, nangmouh na hmuhma awh hoehnahlan vah kai hmaloe na hmuhma awh toe tie panuek awh.

¹⁹ Nangmouh ni talaivan taminaw patetlah na awm awh pawiteh, talaivan taminaw ni na lungpataw awh van han. Nangmouh teh talaivan taminaw thung hoi rawi e lah na o teh talai taminaw patetlah na o awh hoeh dawkvah talai taminaw ni na hmawt ngai awh hoeh.

²⁰ San teh a bawi hlak len hoeh ka tie hah thai panuek awh. Taminaw ni kai na dudam awh pawiteh nangmouh hai na dudam awh han. Ka lawk ngâi awh pawiteh na lawk hai a ngâi awh han.

²¹ Ahnimouh ni kai na kapatoukung a panue awh hoeh dawkvah kaie ka min kecu daw hote hno pueng a sak awh han.

²² Kai ni ka tho teh ahnimouh hanlah ka dei hoehpawiteh ahnimae yonnae awm hoeh. Hatei, atuvah a yonae hro thai lah awm hoeh toe.

²³ Kai na ka hmuhma e teh a Pa hai a hmuhma

²⁴ Apinihai a sak boihoeh e hnonaw hah, ahnimae hma lah ka sak pouh hoehpawiteh a yonae awm hoeh. Hatei, atuvah hote hno a hmu awh nahlangva vah kai hoi a Pa hah na hmuhma awh.

²⁵ Ahnimae kâlawk cauk daw thut e teh, kai hah ayawmyin lah na hmuhma awh ti e a kuep nahane doeh.

²⁶ Apa koehoi kai ni nangmouh koe ka patoun hane lawkkatang hoi kakawi e Muitha a tho toteh kaie ka kong hah a kampangkhai han.

²⁷ Nangmouh hai apuengcue hoi kai hoi cungtalah o awh dawkvah kai heh na kampangkhai han.

16

¹ Nangmouh ni na lungpout awh hoeh nahanelah, hete lawk het na dei pouh awh.

² Talai taminaw ni nangmouh sinakok daw hoi na pâlei awh han. Nangmouh na ka thet e ni hai Cathut thaw doeh ka tawk tinae atueng hai a pha han.

³ Apa hai panuek awh hoeh, kai hai na panue awh hoeh dawkvah hottelah a sak awh han.

⁴ Hote tueng a pha toteh kai ni hettelah ka dei e hah nangmouh ni hlawt na pouk awh nahanlah na dei pouh awh.

Kathoung Muitha thaw tawknae

⁵ Kai teh kapatoukung koe atuvah ka cei han toe. Hatei, nâmouh na cei han telah apinihai na pacei awh hoeh.

⁶ Hete konglam ka dei dawkvah nangmouh ni puenghoi na lungmathoe-nae na tawn awh.

⁷ Nangmouh koe lawkkatang ka dei, kai ni ka cet pawiteh nangmouh hanelah apu o han. Bangkongtetpawiteh ka cet hoehpawiteh Kabawmkung teh nangmouh koe tho mahoe. Kai ni ka cet pawiteh ahni teh nangmouh koe ka patoun han.

⁸ Kabawmkung a tho toteh, yonnae kong, lannae kong hoi lawkcengnae kongnaw hah talaivan taminaw koe kamcenglah a pâpho han.

⁹ Kai na yuem awh hoeh dawkvah yon kong ka pâpho han.

¹⁰ Kai teh Pa koe ka cei hnuukkhu vah na hmu awh hoeh han toung dawkvah yon thounghae kong hah a pâpho han.

¹¹ Het talaivan kaukung teh lawk ceng lah ao toung dawkvah lawkcengnae a pâpho han.

¹² Nangmouh koe lawk ka dei han moi ao ei nangmouh ni be na kuem thai mahoe.

¹³ Lawkkatang Muitha a tho toteh, ahni ni lawkkatang pueng thung na hrawi awh han. Ahni ni amae kâtawnnae patetlah dei mahoe, hatei, a thai e naw pueng dei vaiteh hmalah ka tho hane hnonaw hai nangmouh koe a pâpho han.

¹⁴ Ahni ni kaie bawilenna a kamnue sak han. Bangkongtetpawiteh kai hoi kâkuetnae nangmouh koe a dei han.

¹⁵ Pa ni a tawn e pueng teh kaie doeh, hatdawkvah kai ni ka tawn e hno hah a la vaiteh nangmouh koe a pâpho han, atipouh.

Lung mathoena koehoi lunghawinae koe

¹⁶ Dawngdeng ca, nangmouh ni hai na hmawt awh mahoe, hatei, dawngdengca teh kai hah bout na hmu awh han. Bangkongtetpawiteh kai teh Pa koe ka cei han toe, atipouh.

¹⁷ A hnuukkâbangnaw ni, bangtelamaw, dawngdengca, kai heh na hmawt a mahoe, dawngdengca, kai heh bout na hmu a han tie hah bangkongtetpawiteh kai teh apa koe ka cei han toe tie hah bangtelah nama aw titeh a kâdei awh.

¹⁸ Bangtelamaw, ka thaipanuek hoeh telah buet touh hoi buet touh a kâti awh.

¹⁹ A hnuukkâbangnaw ni pacei hanlah a ngai awh han doeh tie Jisuh ni a panue dawkvah dawngdengca, nangmouh ni na hmawt awh mahoe. Dawngdeng ca vah, kai hah bout na hmu a han telah kai ni ka dei e nangmouh ni buet touh hoi buet touh na kâpacei awh maw.

²⁰ Lawkkatang ka dei, nangmouh teh lungmathoe hoi na khuika awh han, hatei, talaivan taminaw teh a konawm awh han. Nangmouh teh na lungmathoe awh nakunghai hote lungmathoena teh konawmnae lah bout ka tho han.

²¹ Napui ni camo a khe nah a khe hane atueng a pha toteh a lungmathoe. Yo a khe hnuukkhu, talaivan tami buet touh a khe dawkwah a lunghawi teh camo a khe nah rucata a khangnae hah a pahnim.

²² Hot patetvanlah, atu lung ka mathout awh nakunghai, kai teh nangmouh hoi bout kâhmo hanelah ao dawkvah nangmouh teh konawmnae hoi na kawi awh han. Hote konawmnae teh nangmouh koehoi apinihai na lawm thai mahoe toe.

²³ Hote hnin torei teh, bang hno ca boehai api nang ni hai kai hah na pacei ngai mahoe. Atangalah ka dei, nangmouh ni kaie ka min lahoi Pa koe na hei e pueng teh Pa ni na poe awh han.

²⁴ Atu totouh nangmouh ni ka min lahoi banghai na het awh hoeh rah. Lunghawinae a kuep nahane het awh, na het pawiteh poe lah ao han.

Talai a tâ toe

²⁵ Hete hnonaw nangmouh koe bangnuena hoi ka dei. Bangnuena laipalah Pa e kong nangmouh koe kacailah deinae atueng ni a pha han.

²⁶ Hatnae hnin nah nangmouh ni ka min la hoi na hei awh han. Nangmouh han Pa koe ka hei han ti deinae nahoe.

²⁷ Bangkongtetpawiteh, nangmouh ni kai na lungpataw awh teh kai hah Cathut koehoi ka tho e tie na yuem awh dawkvah Pa ma roeroe ni nangmouh na lungpataw awh.

²⁸ Kai teh a Pa koehoi het talaivan ka tho. Het talai koehoi a Pa koe bout ka cei han atipouh.

²⁹ A hnukkâbangnaw ni, Bawipa atuvah bangnuenae laipalah kacailah na dei.

³⁰ Bawipa nang ni bangpuengpa koug na panue tie teh atuvah ka panue awh toe. Apihai nang pacei han ngai hoe. Hatdawkvah, Bawipa nang teh Cathut koehoi na tho tie ka yuem awh toe, atipouh awh.

³¹ Jisuh nihai, atuvah na yuem awh toung maw.

³² Nangmouh ni parang na kamphei awh vaiteh kai kamadueng sut na yawng takhai awh han tie atueng teh atu a pha toe. Hatei, kai teh kama dueng kaawm hoe, Pa ni na o khai.

³³ Nangmouh ni kai koehoi lungmawngnae na coe awh nahanelah hete lawknaw hah nangmouh koe ka dei toe. Nangmouh teh het talaivan rucut roedengnae na kâhmo awh han. Hatei, ngaihri awh hanh. Kai ni talaivan ka tâ toe telah bout a dei.

17

Jisuh a ratoum

¹ Jisuh ni hete lawknaw a dei hnukkhu kalvan lah a moung teh, Oe a Pa! atueng a pha toe. Capa ni Pa e bawilennae a kamnue sak thai nahan, Capa e bawilennae kamnuek sak haw.

² Pa ni Capa hah taminaw pueng e lathueng kâtawwnae a poe toe. Het hateh Pa ni Capa koe a poe e naw pueng ni a yungyoe hringnae a hmu thai awh nahane doeh.

³ Yungyoe hringnae tie teh katang e Cathut, buet touh dueng ao tie hoi a patoun e Jisuh Khrih panuenae hah doeh.

⁴ Kai ni na bawilennae het talai van ka kamnue sak toe. Kai koe na poe e hno sak han kawi ka cum toe.

⁵ Apa, het talaivan ao hoehnahlan vah nang koe e bawilennae ka tawn e hoi atuvah nama koe bawilennae kamnuek sak haw.

A hnukkâbangnaw hanlah ratoumnae

⁶ Hete talaivan dawh hoi na rawi teh, kai koe na poe e taminaw koe Bawipa nange min hah kai ni ka kamnue sak toe. Ahnimanaw teh nange taminaw lah ao awh teh, nang ni kai koe na poe toe. Ahnimanaw ni hai nange na lawk a tarawi awh toe.

⁷ Bangpuengpa na poe e heh nang ni na poe tie hoi nang koe e doeh ti a panue awh toe.

⁸ Bangkongtetpawiteh, kai na poe e lawk heh ahnimouh koe ka poe teh a dâw awh dawkvah kai teh nama koehoi ka tho e ti a panue awh teh nang ni kai na patoun e hah a yuem awh toe.

⁹ Ahnimouh han ka ratoum. Talaivan taminaw hanlah ka ratoum hoe. Kai koe na poe teh nama e tami lah ao dawkvah ahnimouh hanlah doeh ka ratoum.

¹⁰ Kai ni ka tawn e pueng nama e doeh. Nang ni na tawn e pueng hai kaie doeh. Kai teh ahnimanaw lahoi bawilennae a kamnue toe.

¹¹ Kai teh atu totouh hoi het talaivan kaawm mahoe. Hete taminaw teh talaivan ao han rah. Kai teh nang koe ka cei han toe. Kathoung poung e a

Pa nang hoi kai teh buet touh lah o e patetlah na poe e taminaw hai buet touh lah ao awh nahan, nange min dawc caksak haw.

¹² Het talaivan ahnimouh hoi cungtalah ka o na thung na min lahoi ka caksak toe. Ahnimanaw thung dawc rawknae capa dueng hloilah teh buet touh hai rawknae koe phat hoeh. Ahnie rawknae teh Cakathoung a kuep nahane doeh.

¹³ Atuvah kai teh nama koe ka cei han toe. Ahnimouh ni kai koe e lunghawinae pou a tawn awh thai nahan talaivan ka o nah hete lawk ka dei.

¹⁴ Nange na lawk ahnimouh koe ka poe toe. Kai teh het talaivan hoi ka kâkuet hoeh e patetlah ahnimouh hai a kâkuet hoeh dawcvah talai taminaw ni a hmuhma awh.

¹⁵ Talaivan dawc hoi ahnimanaw na la hanelah ka ratoum hoeh, hawihoehnae koehoi na khetyawt hanlah ka ratoum.

¹⁶ Kai teh talaivan hoi ka kâkuet hoeh e patetlah ahnimouh hai talai hoi kâkuen hoeh.

¹⁷ Na lawkkatang hoi ahnimouh thounsak haw. Nange lawk teh lawkkatang doeh.

¹⁸ Kai heh talaivan na patoun awh e patetlah kai ni hai ahnimouh talaivan ka patoun.

¹⁹ Ahnimouh ni lawkkatang lahoi a thoung thai, na han kai ni kama hoi kama ka kamthoung.

Kayuemnaw pueng hanelah ratoumnae

²⁰ Ahnimouh han dueng ka ratoum hoeh, ahnimouh ni a dei e lawk lahoi kai kayuemnaw hanelah hai ka ratoum.

²¹ Bawipa, nang ni kai na patoun e talaivan taminaw ni a yuem awh nahan, ahnimanaw pueng teh buet touh lah ao a vaiteh, kai hai nang dawc ka o patetlah ahnimanaw hoi nang dawc cungtalah o thai nahan ka ratoum. Het hateh Bawipa nang ni kai na patoun e talai taminaw ni a yuem awh nahane doeh.

²² Maimanaw teh buet touh lah o e patetlah ahnimouh hai buet touh lah ao awh nahan na bawilenna na poe e patetlah ahnimouh koehai ka poe toe.

²³ Ahnimae thung vah kai ka o teh kaie ka thung vah nang na o. Ahnimouh teh buet touh lah ao teh a kuep thai awh nahan nang ni kai na patoun teh lung na pataw e patetlah ahnimouh hai lung na pataw tie talaivan ni a panue han.

²⁴ Oe a Pa talaivan ao hoehnahlan hoi kai lung na pataw teh kai na poe e kaie bawilenna hah kai koe na poe e taminaw ni a hmu awh nahanelah, ahnimanaw hah kai ka onae koe kai hoi rei o sak hanelah ka ngai.

²⁵ Kalan e a Pa talaivan ni nang na panuek hoeh ei, kai ni teh nang na panue. Nang ni kai na patoun tie ahnimouh ni a panue awh toe.

²⁶ Kai na lungpatawnae ahnimae thung vah ao teh, kai hai ahnimae thung ka o nahan, Bawipa nange min teh ahnimouh ka panue sak toe, pou ka panue sak han rah telah atipouh.

18

Jisuh a kâhnawngnae

¹ Jisuh ni hettelah a ratoum hnukkhu hoi, a hnukkâbangnaw hoi Kidron palang a raka awh teh, haw e takha thung vah a kâen awh.

² Hote hmuen koe Jisuh hoi a hnukkâbangnaw ouk a ceinae hah Bawipa kapahnawtkung Judah Isakarot ni a panue.

³ Hawvah Judah ni ransahu buet touh hoi Farasinaw hoi vaihma bawinaw ni a patoun e karingkungnaw a kaw teh hmaiim hmaito, sarusarai hoi a thokhai.

⁴ Jisuh ni ama koe ka tho hane kawi teh be a panue dawkvah ahnimouh koe a cei teh apimaw na tawng awh telah a pacei.

⁵ Ahnimouh ni Nazareth tami Jisuh atipouh awh. Jisuh ni, kai teh ahni doeh atipouh. Bawipa kapahnawtkung Judah Isakarot hai ahnimouh hoi cungtalah a kangdue.

⁶ Kai teh ahni doeh ati navah ahnimouh teh hnuklah talai dawk koung a rawp awh.

⁷ Apimaw na tawng awh telah bout a pacei teh, Nazareth tami Jisuh ka tawng awh telah ati awh.

⁸ Jisuh ni kai doeh toe ka ti tOUNg nahoehmaw, hatdawkvah kai hah na tawng awh pawiteh, ahnimanaw teh cet awh lawi naseh bout atipouh.

⁹ Hettelah a deinae teh, Bawipa nang ni na poe e taminaw buet touh hai kahmat sak mahoe, ati e lawk a kuep nahane doeh.

¹⁰ Hatnavah Simon Piter ni a sin e tahloi a rasa teh vaihma kacue e avai e aranglae hnâ pak a tâsek pouh. Ahnie min teh Makhas doeh.

¹¹ Jisuh ni tahloi hah amae tabu daw k pâseng leih. Pa ni na poe e manang ka net mahoe h maw. telah, Piter hanlah atipouh.

Jisuh a man awh teh Annas koe a hrawi awh

¹² Hahoi ransa bawi, ransanaw hoi Judahnaw e karingkungnaw ni Jisuh teh a man awh teh a katek awh.

¹³ Annas koe hmaloe a ceikhai awh. Annas teh hatnae kum daw k vaihma kacue Kaiaphas e a masei lah ao.

¹⁴ Kaiaphas teh Judahnaw koe, tami moikapap yueng tami buet touh a due e hoe ahawi, telah pouknae kapoekung doeh.

Piter ni Jisuh pahnavtanae

¹⁵ Simon Piter hoi alouke a hnukkâbang buet touh teh Jisuh hnuk a kâbang roi. Hote a hnukkâbang e teh vaihma kacue hoi a kâpanue daw k Jisuh hoi cungtalah vaihma kacue e toeim thung totouh a kâen thai.

¹⁶ Hatnavah Piter teh takhang e alawilah a kangdue. Hatdawkvah vaihma kacue hoi kâpanuek e tami ni takhang ka ring e napui koe a dei pouh teh Piter hah a thung lah a kâen sak.

¹⁷ Takhang ka ring e napui ni Piter han, nang hai hote tami e a hnukkâbang e nahoehmaw atipouh nah, Piter ni, na hoe h bo atipouh teh a kâpapha.

¹⁸ Hatnae tueng nah hroung a pâding dawkvah sannaw hoi karingkungnaw ni hmai a patawi awh teh hmai a kamben awh. Piter hai ahnimouh hoi cungtalah hmai a kamben van.

Jisuh lawk a pacei awh

¹⁹ Hatnavah vaihma kacue ni Jisuh hnukkâbangnaw kong hoi a cangkhaeinae a konglamnaw a kung a khei.

²⁰ Jisuh ni, kai ni talaivan taminaw koe kamcengcalah ka dei toe, Judahnaw a kamkhuengnae sinakoknaw hoi bawkim dawkvah pou ka cangkhai. A ru lahoi banghai ka sak hoe h.

²¹ Bangkongmaw kai na pacei awh vaw. Kai ni bangtelamaw ka cangkhai tie hah, ka thai e naw koe pacei a khe. Kai ni ka cangkhai e hai ahnimouh ni a panue atipouh.

²² Hottelah a dei navah, ateng ka kangdout e karingkung buet touh ni Jisuh a tambei teh, nang ni vaihma kacue hah telah na dei kawi maw, atipouh.

²³ Jisuh ni hai kaie ka lawk ka payonnae awm pawiteh na payon tie kampangkhai haw, ka payon hoehpawiteh bangdawkmaw na tambei, atipouh.

²⁴ Annas ni Bawipa teh kateknae ratham pouh laipalah vaihma kacue Kaiaphas koe a thak awh.

Piter ni Jisuh bout pahnawt

²⁵ Simon Piter teh kangdue laihoi hmai a kamben na koevah tami bangpatetnaw ni vah, nang hai ahnie a hnukkâbang van e nahoehmaw telah atipouh navah, kai na hoeh bo atipouh teh a kâpapha.

²⁶ Piter ni a hnâ pak a tâsek pouh e a hui vaihma kacue e avaiça ni, nang heh takha thung Jisuh hoi rei na o e na hmu atipouh.

²⁷ Piter ni bout a kâpapha, hat nah tahma vah ahluï teh a khawng.

Jisuh Pailat bawi koe a hrawi awh

²⁸ Amom vah Jisuh teh Kaiaphas im hoi a ceikhai awh teh lawkcengnae im lah a hrawi awh. Ahnimouh ni ceitakhai pawï e bu a ca thai nahan amamae a bawknae phunglam patetlah thoungnae a ngai dawkvah ukkung bawi e imthung lah kâen awh hoeh.

²⁹ Hatdawkvah, Pailat bawi ni ahnimouh aonae koe a tâco teh, hat e tami ni bangmaw a yonnae a tawn teh na thokhai awh atipouh.

³⁰ Ahnimouh ni, hete tami heh yon hoehpawiteh nang koe ka thokhai awh mahoeh mue telah bout atipouh awh.

³¹ Pailat ni vah, Bawipa teh, namamae phung lawk patetlah lawkceng awh atipouh. Ahnimouh ni, kaimanaw ni apihai thei thainae kâ ka tawn awh hoeh atipouh awh.

³² Jisuh ni amahoima bangtelamaw a due han tie a dei e kuep nahanelah doeh hettelah ao.

³³ Pailat teh imthungkhu bout a kâen teh Jisuh, nang heh Judah siangpahrang katang maw atipouh.

³⁴ Jisuh ni, hete lawk heh na mahmaw maw na pacei. hoehpawiteh ayâ ni maw nang koe a dei, ati teh a pacei.

³⁵ Pailat bawi ni, kai hah Judah tami lah maw na pouk. Kai kut daw k nang na kapoekung teh nama e miphun Judahnaw hoi vaihma bawinaw nahoehmaw, na sakpayon e hno ao maw. atipouh.

³⁶ Jisuh ni, kaie uknaeram teh het talaivan hoi kâkuen hoeh. Kaie uknaeram teh talaivan hoi kâkuen pawiteh kai teh Judahnaw e kut daw k ka pha hoeh na han, ka taminaw ni a tuk awh han toe. Hatei, kaie ram teh het talai hoi kâkuen hoeh, atipouh

³⁷ Pailat bawi nihai, pawiteh, nang heh siangpahrang maw telah a pacei. Jisuh ni, nang ni na pacei e patetlah kai teh siangpahrang doeh. Kai teh lawkkatang kampangkhai hanlah ka khe e doeh. Hot hanelah doeh het talaivan ka tho toe. Lawkkatang hoi kâkuen e pueng ni ka lawk a ngâi awh atipouh.

³⁸ Pailat nihai, lawkkatang teh bangmaw titeh a pacei hnukkhu Judahnaw aonae koe a tâco teh, hete tami dawk a yonnae khoeroe kahmawt hoeh.

³⁹ Ceitakhai pawî nah namamae phung patetlah tami buetbuet touh ouk hlout sak. Nangmouh ni Judah siangpahrang hlout sak hanelah na ngai a maw telah a pacei.

⁴⁰ Ahnimouh ni bout a hram aw h teh, ahni heh thei han, Barabas heh tha aw h telah hram laihoi ati aw h. Barabas teh dingca doeh.

19

Jisuh thei hanlah a hei aw h

Mat 27:31; Mrk 15:16-20

¹ Hathnukkhu Pailat ni Jisuh hah a la teh a hem sak.

² Ransanaw ni pâkhinglukhung a sak aw h teh a lû dawk a kâmuk sak aw h teh hni paling a khu aw h.

³ Judah siangpahrang na hringyung vang na seh ati aw h teh a tambei aw h.

⁴ Pailat nihai, Hete tami dawk a yonnae khoeroe kahmawt hoeh tie na panue aw h nahoehmaw, atu nangmouh na onae koe ka thokhai, telah ahnimouh koe atipouh.

⁵ Hahoi Jisuh teh pâkhinglukhung a kâmuk sak aw h teh hni paling kâkhu hoi alawilah a tâco. Pailat ni hai ahni teh khen aw h atipouh aw h.

⁶ Vaihma bawinaw hoi karingkungnaw ni a hmu aw h teh, thingpalam dawk thet, thingpalam dawk thet atipouh aw h. Pailat ni, 'nangmouh ni hrawi a nateh thingpalam dawk thet aw h. Kai ni teh a yonnae ka hmawt hoeh, atipouh.

⁷ Judahnaw ni, ahni ni Cathut e a Capa telah a kâti dawkvah kaimae phung lawk dawk a dei e patetlah a due hanlah o telah atipouh aw h.

⁸ Hettelah a dei aw h e Pailat ni a thai navah hoe a taki.

⁹ Imthung khu lah bout a kâen teh Jisuh koe, nang heh nâ lahoi maw na tho atipouh. Hatei, Jisuh ni a lawk kam touh boehai pathung hoeh.

¹⁰ Pailat ni, kai na pato ngai hoeh maw. Kai ni nang thingpalam dawk thei hane hoi thei hoeh nahane kâ ka tawn e na panuek hoeh na maw atipouh.

¹¹ Jisuh ni, lathueng lae kâ na poe hoehpawiteh nang ni kai dawk banghai na sak thai mahoe. Hatdawkvah kai heh nang koe na ka poe e tami koe a yonnae hoe a len atipouh.

¹² Hahoi teh Pailat ni Bawipa a hlout thai na hane kho a pouk. Hatei, Judahnaw ni hat e tami na tha pawiteh, nang teh Sizar siangpahrang e a hui na hoeh. Apihai amahoima siangpahrang lah ka kâ sak e teh Sizar siangpahrang e taran lah a o, atipouh aw h.

¹³ Hete lawk a thai navah Pailat bawi ni Jisuh teh alawilah a hrawi teh Hebru lahoi, Gabbatha ati e lawkcengnae tungkhung, lungphen phai tie tungkhung van a tahung.

¹⁴ Hat hnin teh ceitakhai pawî apâthum hnin kanîthun suimilam hlaikahni touh han navah, Pailat bawi ni, nangmae siangpahrang hah kenhaw telah Judahnaw koe atipouh.

¹⁵ Ahnimouh ni a hram aw h teh, ahni teh thet, thet thingpalam dawkvah thet atipouh aw h. Pailat ni nangmae siangpahrang teh thingpalam dawk thei han maw, telah a pacei. Vaihma bawinaw ni kaimae Sizar siangpahrang hloilah api siangpahrang awmhoeh, atipouh aw h.

¹⁶ Hatnavah Pailat bawi ni Bawipa Jisuh teh thingpalam dawk thei hanelah ahnimae kut dawk a poe teh ahnimouh ni Bawipa teh a ceikhai awh.

Jisuh thingpalam dawk a pathout awh

¹⁷ Bawipa teh amae thingpalam a hrawm laihoi a cei teh luhru hmuen tie koe a pha. Hote a hmuen teh Hebruh lahoi, Golgotha ati awh.

¹⁸ Hote hmuen koe Bawipa teh alouke tami kahni touh hoi cungtalah thingpalam dawk a het awh. Ahnimouh roi e a rahak vah Jisuh a pathout awh.

¹⁹ Pailat bawi ni noutnae min a thut teh thingpalam dawk a bet, NAZARETH TAMI JISUH, JUDAH SIANGPAHRANG telah a thut.

²⁰ Jisuh thingpalam dawk pathoutnae hmuen teh khothung hoi a hnai dawkvah, Hebruh, Latin, Rom lawk lahoi a thut e ca hah Judahnaw moikapap ni a touk awh.

²¹ Hatdawkvah Judah vaihma bawinaw ni Pailat koe a cei awh teh, Judah siangpahrang telah thut hanh. Kai teh Judah siangpahrang a kâ tie hah thut loe atipouh awh.

²² Pailat bawi ni hai kai ni kathut tangcoung e teh thut lah o toe, atipouh.

²³ Ransanaw ni Jisuh teh thingpalam dawk a pathout awh teh a khohna hah pali touh lah a phi awh teh buetbuet touh hoi a kârei awh. Athung e angkidung teh pou kamtawm lah kawng e angkidung lah ao dawkvah,

²⁴ Angki phi laipalah apinimaw a coe han ati awh teh cungpam khoe e a rayu awh telah Cakathoung ni ati e hah a kuep na han ransanaw ni a sak awh.

²⁵ Jisuh e thingpalam teng vah a manu hoi a manu e a nawngaha Klopas e a Meri hoi Madalin Meri tinaw a kangdue awh.

²⁶ Jisuh ni a manu hoi a lungpataw e a hnukkâbangnaw ateng a kangdue e a hmu navah, a manu hanlah nange napui na capa hah kenhaw! atipouh.

²⁷ A hnukkâbangnaw koe, hei! na manu teh kahawicalah khenyawn awh atipouh. Hahoi teh a hnukkâbangnaw ni a manu teh im lah a ceikhai awh.

Jisuh a thouknae

Mat 27:48-50; Mrk 15:36-37; Luk 23:36.

²⁸ Hahoi Jisuh ni, bangpuengpa a kuep toe tie a panue dawkvah Cakathoung dawk a dei e a kuep nahanelah, tui kahran telah a ti.

²⁹ Hote hmuen koe misurtui ka thut hoi yikkawi e hlaam buet touh ao. Ahnimouh ni napon hoi hote atui hah a nep awh teh cakui dawk hoiyah Jisuh e a pahni koe a panep pouh awh.

³⁰ Jisuh ni hote tui a nei teh, ka cum toe a titeh a lûsaling teh a hringnae a thouk.

A na tahroe hoi a thut awh

³¹ Judahnaw ni hote hnin teh kâraquengnae hnin lah ao. A tangtho teh sabbath hnin lah ao dawkvah thingpalam dawk ro ao hoeh nahan, Pailat bawi koe a cei awh teh a khok khoe vaiteh ronaw la hanelah a hei awh.

³² Hatnavah ransanaw ni a cei awh teh Jisuh hoi cungtalah thingpalam dawk a vo awh e a khoknaw hah a khoe pouh.

³³ Jisuh koe a pha awh navah yo a due toe tie a hmu teh a khok khoe pouh hoeh toe.

³⁴ Ransa buet touh ni a na dawk tahroe hoi a cawk navah thi hoi tui a tâco.

³⁵ Hote hno kahmawtnaw ni kampangkhainae teh a yuem aw. Ahni ni a dei e teh atang katang doeh ati aw. Nangmouh ni na yuem aw nahanelah ahni e a dei e lawkkatang teh ahni ni a panue.

³⁶ Cakathoung ni, ahni e a hru teh khoe mahoe tie a kuep nahane doeh.

³⁷ Cakathoung ni bout a dei e teh, amamouh ni a caw aw e hah a hmu a han bout a ti.

Jisuh pakawpnae

Mat 27:57-61; Mrk 15:42-47; Luk 23:50-56.

³⁸ Hahoi, Arimathea tami Joseph, Jisuh hnukkâbang van e Judahnaw a taki daw k a ru lah kaawm e ni Pailat bawi koe a cei teh Jisuh e ro la hanelah a hei. Pailat bawi ni kâ a poe teh ahni ni Jisuh e a ro teh a la.

³⁹ Yampa karum Jisuh koe ka tho e Nikodemus ni Joseph hoi a cei roi teh murah hoi ka lawt tangcoung e hmu itui a sin roi.

⁴⁰ Ahnimouh roi ni Jisuh e a ro a kâ kayawt roi teh Judahnaw e ro kuem e patetlah hmu ituinaw hoi, hnica hoi a ro teh a kayo roi.

⁴¹ Thingpalam daw k a theinae teng vah takha ao. Hote hmuen koe apihai pakawp hoeh rae tangkom katha teh ao.

⁴² Atangtho teh Judahnaw Sabbath ya na hnin lah ao dawkvah a hnainae koe kaawm e hote tangkom daw k Jisuh teh a pakawp aw.

20

Bouthawnae

Mat 28:1-8; Mrk 16:1-8; Luk 24:1-10

¹ A yat e apasuek hnin amom khodai hoehnahlan vah, Meri Magdalin teh phuen koe a cei teh phuen tengnae talung a kamawng e hah a hmu.

² Ahni ni Simon Piter hoi Jisuh ni a lungpataw e a hnukkâbang alouknaw koe a yawng teh, tangkom thung e Bawipa teh a la aw toe, na vaimoe a ta vaiyoe, ka panuek hoeh, ati pouh.

³ Hatnavah, Piter hoi alouke a hnukkâbang e teh phuen koe lah a cei roi.

⁴ Ahnimouh roi teh a yawng roi eiteh, alouke a hnukkâbang e ni Piter hah a yawngtahrei teh phuen koe hmaloe a pha.

⁵ Ahni ni a khet navah, kayonae hni dueng a hmu teh athung kâen hoeh.

⁶ Simon Piter hai a pha van toteh tangkom thung a kâen teh ro kayonae a hmu.

⁷ A lû daw k yeng e hnica hai hni hoi rei awm laipalah ao e hah a hmu.

⁸ Hathnukkhu phuen koe hmaloe ka phat e a hnukkâbang e hai a thung a kâen teh a yuem van.

⁹ Cakathoung ni, Bawipa ni duenae koehoi bout a thaw han tie hah thai panuek aw hoeh rah.

¹⁰ Hahoi, a hnukkâbang roi teh im lah a ban roi.

Meri koe Jisuh kamnuenae

¹¹ Meri ni tangkom teng a kangdue teh a kâ. Ahni ni a kâ laihoi a tabut teh tangkom thung a khet navah,

¹² Hni pangaw kâkhu e kalvantami kahni touh teh Jisuh ro payanna e a lû koe lah buet touh, a khok koe lah buet touh a tahung e hah a hmu.

¹³ Ahnimouh roi ni, napui nang, bangkongmaw na ka telah a pacei. Ahni ni ka Bawipa teh yo a la aw toe, na maw a ta aw tie ka panuek hoeh, atipouh.

14 Hottelah a dei hoi, a hnuklah a kamlang teh, Jisuh a kangdue e a hmu ei teh Jisuh lah nout hoeh.

15 Jisuh nihai, napui nang bangkongmaw na ka, apimaw na tawng, atipouh. Nang ni ahni hah na lat pawiteh na maw na hruek tie dei haw, ka la han telah takha ka ring e mue telah a pouk.

16 Jisuh ni, Meri telah a kaw nah Meri ni a kamlang teh, rabboni (rabboni tie teh ka Bawipa ati ngainae) atipouh.

17 Jisuh ni hai na tapam han ei, kai teh Pa koe ka luen hoeh rah. Ka hmaunawngghanaw koe cet nateh, kaie a Pa lah kaawm e nangmae na Pa, kaie Cathut lah kaawm e nangmae Cathut koe ka luen hane hah dei pouh awh, atipouh.

18 Magdalin kho e napui Meri ni a cei teh, Bawipa ka hmu toe telah a hnukkâbangnaw koe a dei pouh teh, ahni koe lawk a thui e naw hah a dei pouh.

A hnukkâbangnaw koe kamnuenae

19 Yat touh thung dawk apasueke hnin tangmin lah a hnukkâbangnaw teh Judahnaw a taki awh dawkvah takhang khik a khan awh. Hawvah Jisuh a tho teh, ahnimouh lungui vah a kangdue teh nangmouh koe roumnae awmseh, atipouh.

20 Hottelah a dei hnukkhu, a kut hoi ana hah ahnimouh a patue. A hnukkâbangnaw ni Bawipa a hmu awh navah a lunghawi awh.

21 Jisuh ni, nangmouh koe roumnae awmseh, Pa ni kai na patoun e patelah nangmouh hai kai ni na patoun awh, bout atipouh.

22 Telah a dei hoi, ahnimouh koe pho a hmu teh, Kathoung Muitha coe awh.

23 Ayâ e yonnae na ngaithoum pawiteh ahni teh yon ngaithoum lah ao han. Ahnimae a yonnae na ngaithoum awh hoehpawiteh ngai thoum lah awm mahoe, atipouh.

Hmu hoeh hoi yuemnae teh yawhawinae

24 Jisuh a tho navah a hnukkâbang hlaikahni thung dawk e buet touh, ca samphei tie Thomas teh awmhoeh.

25 A hnukkâbangnaw ni, kaimouh Bawipa ka hmu awh, atipouh. Hatnavah, Thomas ni a kut dawk e sum hetnae a hmâ ka hmawt hoeh, ka tek hoehpawiteh, a thutnae a na koe e a hmâ ka tek hoehpawiteh nâtuek hai ka yuem mahoe atipouh.

26 Yat touh o hnukkhu hoi apasueke hnin nah a hnukkâbangnaw hoi Thomas hai ao van. Takhang hai khik a ka khan awh, hatnavah Jisuh a tho teh ahnimanaw e alungui a kangdue, nangmouh koe lungmawngnae awmseh, atipouh.

27 Hahoi Thomas hanlah, na kut kâyp nateh tek haw, kaie ka kut hah khien haw, na kut dâw nateh kanâ hah tek haw, yuem laipalah awm hanh, yuem haw atipouh.

28 Thomas nihai, ka Bawipa hoi ka Cathut, atipouh.

29 Jisuh nihai, Thomas, nang ni kai na hmu dawk doeh na yuem, hmawt laipalah kayuemnaw ni yawhawinae a hmu, atipouh.

30 Hete Cakathoung dawk a thut hoeh e, Jisuh ni a hnukkâbangnaw e hmaitung vah kângairunae moi a sak.

31 Hatei, Jisuh teh Messiah, Cathut Capa doeh tie na yuem awh thai nahan, na yuemnae lahoi a min dawk hringnae tawn thai nahan hetnaw heh ka thut.

21

Guncei sari touh koe Jisuh a kamnue

¹ Hahoi vah Jisuh teh Tiberia talí pui teng vah a hnukkâbangnaw koe amahoima bout a kamnue. A kamnuenae teh hettelah doeh.

² Simon Piter casamphei tie Thomas, Kanâ tami Nathanael, Zebedee e capa roi hoi alouke a hnukkâbang kahni touh teh cungtalah ao awh.

³ Simon Piter ni ahnimouh koe tanga heng hanlah ka cei han, atipouh. Ahnimouh nihai, ka kâbang awh van han ati awh teh a cei awh. Long daw koe a cei awh teh karum tuettuet a heng awh ei buet touh boehai man awh hoeh.

⁴ Amom a pha navah Jisuh teh tui teng vah a kangdue. Hatei, a hnukkâbangnaw ni Jisuh hah nout awh hoeh.

⁵ Hahoi Jisuh ni ka canaw cakawi ao maw atipouh. Ahnimouh ni awm hoeh atipouh awh.

⁶ Hahoi Jisuh ni, lawng e aranglah tamlaw koe heng haw, na heng pawiteh na man awh han, atipouh. Hottelah a heng awh navah, tanga moi a kâman daw koe tamlaw sawn thai awh hoeh.

⁷ Hatnavah Jisuh ni a lungpataw e a hnukkâbang e ni Piter koe, Bawipa doeh, atipouh. Bawipa doeh tie Piter ni a thai navah hni kâkhu laipalah angkidung a kho teh tui daw koe a kum.

⁸ Alouke a hnukkâbangnaw teh tanga hoi tamlaw koe hah tuiteng lah a sawn awh teh lawng hoi a tho awh. Tuirai koehoi ek hlat hoeh lam 50 touh bang doeh ahla.

⁹ A kongteng lah a pha awh navah, hmisaan daw koe tanga pâeng tangcoun e hoi vaiyei hai a hmu awh.

¹⁰ Hahoi Jisuh ni, tanga na man awh e youn touh hi sin awh, atipouh.

¹¹ Simon Piter ni lawng daw koe a luen teh tam law koe hah a kongteng lah a sawn navah, tanga kalen 153 touh a kâman. Telah tanga moi apap eiteh tamlaw koe ti ca hai vek hoeh.

¹² Jisuh ni ahnimouh hanlah, tho awh amom bu cat awh, atipouh. A hnukkâbangnaw ni Jisuh tie a panue awh dawkvah, apinihai nang apimaw, telah pacei ngam awh hoeh.

¹³ Jisuh a tho teh, vaiyei hoi tanga a la teh ahnimouh a poe.

¹⁴ Hetteh Jisuh ni duenae koehoi bout a thaw hnukkhu a hnukkâbangnaw koe apâthum nah a kamnuenae doeh.

Piter vai thum touh lawk paceinae

¹⁵ Amom bu a ca awh hoi, Jisuh ni Simon Piter koe, Jawhan capa Simon, ahnimanaw hlak kai lungpataw ou, telah a pacei. Oe, Bawipa, kai ni lung na pataw e, nama ni na panue doeh atipouh. Jisuh ni, ka tucanaw kahawicalah paca atipouh.

¹⁶ Jisuh ni, Jawhan capa Simon, kai na lungpataw ou, telah apâhni bout a pacei teh, Oe, Bawipa, kai ni lung na pataw e na panue atipouh. Jisuh ni ka tunaw kahawicalah khoum atipouh.

¹⁷ Jisuh ni Jawhan capa Simon, kai na lungpataw ou, telah apâthum lah bout a pacei dawkvah Piter teh a lungmathoe teh, Bawipa nang ni bangpueng koug na panue, kai ni na lungpataw e hai na panue, atipouh. Ka tunaw hah paca atipouh.

¹⁸ Atangcalah ka dei, na thoundoun nah namahoima taisawm na kâyeng teh na ngainae koe na cei. Nang ni na matawng torei teh na kut roi na dâw vaiteh, ayâ ni na pakhit vaiteh, na ngaihoeh e hmuen koe na hrawi awh han, atipouh.

¹⁹ Hottelah a deinae teh, Piter ni bangtelae duenae lahoi maw a due vaiteh, Cathut bawilennaeh a kamnue sak han tie hah sut a panue saknae doeh. Hottelah a dei hnukkhu, ka hnuk kâbang, telah Piter hanlah bout atipouh.

²⁰ Tangmin bu a ven awah navah, Jisuh ni a lungpataw e ni a lungtabue dawk a kamngawi teh, Bawipa apini maw nang na pahnawt han telah ka pacei e a hnukkâbang e hai hnuklah a kâbang e hah Piter ni a hmu.

²¹ Piter ni Bawipa ahni teh bangtelamaw ao han telah a pacei.

²² Jisuh ni, kai ka tho hnin totouh ahni o sak hanlah ka ngainae awm pawiteh, nang ni bangmaw na ti thai. Nang teh ka hnukkâbang loe, atipouh.

²³ Hottelah a dei e hah hmaunawngghanaw koe hote a hnukkâbang dout mahoe h telah a kamthang. Jisuh ni ahni teh dout mahoe h ati e na hoe h. Kai ka tho hnin ditouh ahni o sak hane ka ngai pawiteh nang ni bangmaw na ti thai, ati e doeh.

Lawk pâpout nae

²⁴ Hete kongnaw kathutkung teh, a hnukkâbang e tami doeh. Ahni e kampangkhaeh hai a tang doeh.

²⁵ Jisuh ni a sak e hno alouknaw moi ao rah. Hotnaw pueng koug thun pawiteh talaivan ni hai cawng mahoe h, telah ka pouk.

GUNCEI (The Acts of the Apostles)

Lawk karouknae

¹ Theophilus, ka lungpataw e, Jisuh ni a thaw tawknae hoi a cangkhai e naw pueng a kamtawngnae koehoi a rawi e gunceinaw Kathoung Muitha lahoi kâpoelawknaw a poe hnukkhu,

² Lathueng lah tawm lah ao hnin totouh e akong pueng hah ka thut.

³ A due hnukkhu hoi ama teh kahring e lah ka o tie hah hote gunceinaw koe avai moikapap a kamnue pouh teh, hnin 40 touh thung ahnimouh koe a kamnue pouh. Cathut uknaeram kong hah a pâpho.

Kathoung Muitha patounnae

⁴ Hathnukkhu hoi cungtalah a kamkhueng awh navah Jisuh ni, Jerusalem kho dawk hoi tâcawt laipalah apa koe e lawkkam ring awh.

⁵ Lawkkam poe e teh, Jawhan ni tui dawk Baptisma na poe awh, hatei nâsittouh o hoehnahlan Kathoung Muitha dawk Baptisma na hmu awh han telah atipouh.

⁶ Jisuh hoi cungtalah kamkhueng awhnae koe vah gunceinaw ni, Bawipa a tu maw Isarel miphunnaw hah, uknaeram bout na poe han toung telah a pacei awh.

⁷ Jisuh ni Pa e kâtawnnae hninthanaw hoi a tuengnaw hah nangmouh ni panue han ngai hoeh.

⁸ Hateiteh, nangmae lathueng vah Kathoung Muitha a tho toteh nangmouh teh bahu hoi na kawi awh vaiteh Jerusalem hoi na kamtawng awh vaiteh Judah ram, Samaria ram, talai a pout ditouh kai kapanuekkhaikung lah na o a han atipouh.

Kalvan lah tawm lah a o

⁹ Hote lawk a dei hnukkhu hoi ahnimae a mithmu vah Bawipa teh kahlun tawm lah a o, tâmai ni a kayo teh ahnimouh ni hmawt awh hoeh toe.

¹⁰ Hottelah, gunceinaw ni Bawipa kalvan a luen e a khet awh lahun nah ahnimae a teng hnipangaw kâkhu e tami kahni touh a kangdue.

¹¹ Ahnimouh roi ni, Galilee taminaw kalvan lah na khet awh teh bangkongmaw sut na kangdue awh vaw. Nangmouh koehoi kalvan lah tawm e Jisuh hah kalvan lah a luen e na hmu awh e patetlah let bout a kum e na hmu awh han, atipouh.

Cungtalah a ratoum awh

¹² Hathnukkhu hoi ahnimouh teh Olive Mon hoi Jerusalem lah a ban awh. Hote mon teh Jerusalem hoi sabbath hnin hnin touh lamcei ahla.

¹³ Ahnimouh teh khotung a kâen awh teh a luenna imvan a luen awh. Ahnimanaw teh; Piter, Jawhan, Jem, Andru, Filip, Thomas, Bartholomew, Mathai, Alfe capa Jem, miphun kampangkhai Simon hoi Jem capa Judah tinaw doeh.

¹⁴ Ahnimouh ni, Jisuh e a manu Meri, napuinaw hoi a nawngnanaw hoi cungtalah lungkânging lahoi thouk a ratoum awh.

Matthias rawinae

15 Hatnavah tami 120 touh e hmaunawngghanaw teh cungtalah a kamkhueng aw h navah, Piter ni a kangdue teh,

16 Hmaunawngghanaw Jisuh man hanelah lam kapâuekung Judah Isakarot e kong hoi Kathoung Muitha ni Devit koe sut a dei e lawk Cakathoung daw k a thut e patetlah kuep laipalah aw m mahoe h.

17 Judah teh maimouh hoi cungtalah rawi e lah ao teh hete thaw daw k na kambawngkhai van.

18 Ahni teh kathoung hoeshe kutphu hoi lawhmuen buet touh a ran ei hawvah bungling lah a boteh a von a tangpo daw k a ruennaw hai koung a tâco.

19 Hete hah Jerusalem kaawm e naw pueng ni a panue aw h teh hote talai hah Akeldama telah a phung aw h. A deingainae teh thi talai tinae doeh.

20 Sam cauk daw kvah aonae hmuen teh tami kingdi lah aw m naseh, im thung pihai aw m hanh naseh. Ahnie thaw a ya ni lawm naseh telah a kâthut.

21 Jawhan ni Baptisma a poenae koehoi, kamtawng teh,

22 Bawipa Jisuh maimouh hoi kamphei teh kahlun lah tawm e hnin totouh a hnukkâbangnaw hoi rei ceionae pueng daw k, maimouh koe kambawng e tami buet buet touh ni Bawipa thawnae kong a pâpho teh kaimouh hoi cungtalah kapanuekkhaikung lah ao han telah Piter ni a pâpho.

23 Hatnavah Barsabbas telah a kaw aw h teh Justus telah a awitawm aw h e Joseph hoi Matthias a rawi aw h.

24 Hahoi a ratoum aw h teh, Bawipa nang ni tami lungthin koung na panue.

25 Taminaw pueng e lungthin ka panuek e Cathut, Judah teh ama onae hmuen koe cei hanelah kacangkhaikung thaw, guncei thaw daw k hoi a kâta khoe teh ahnie yueng lah bout ka taw k hane tami kahni touh thung daw kvah na rawi tangcoung e tami na patue haw telah a ratoum aw h.

26 Hahoi ahnimouh roi hanlah cungpam a rayu sak aw h teh Matthias ni a hmu daw kvah ahni teh guncei hlaibun touh hoi mek touksin lah ao toe.

2

Pentikos hnin

1 Pentikos hnin a pha toteh ahnimanaw teh hmuen buet touh koe king a kamkhueng aw h.

2 Hatnavah kahlî katangpoung pawlawk patetlah kalvan lahoi yah hmatara a tho teh ahnimouh onae im daw k muen akawi pouh.

3 Hahoi teh, hmai patetlah e lainaw kampek e a kamnue teh ahnimouh rip koe ao.

4 Hahoi teh ahnimouh abuemlah ni Kathoung Muitha hoi akawi aw h teh, Muitha ni dei thinae kâ a poe e patetlah alouklouk e lawk lahoi a dei aw h.

5 Hatnae tueng nah kalvan rahim e ram tangkuem hoi ka tho ni teh Cathut ka bari e Judah mipunnaw teh Jerusalem kho a roe aw h.

6 Hote pawlawk a thai aw h terei teh tami moi a kamkhueng aw h teh gunceinaw ni a dei aw h e lawk a thai aw h navah a kângairu aw h.

7 Ahnimanaw ni a kângairu aw h teh atu hete taminaw pueng heh Galilee taminaw nahoehmaw.

⁸ Hottelah pawiteh maimouh ni mama lawk lahoi lengkaleng thai e heh bangtelane.

⁹ Maimanaw teh Parthian ram, Medes hoi Elam ram, Mesopotamia ram, Judea ram, Kappadosia, Pontus ram, Asia ram,

¹⁰ Frigia ram, Pamfilia ram, Izip ram hoi Lubim ram, Rom kho hoi ka tho e imyinnaw, Sairen hoi e naw nahoehmaw.

¹¹ Maimouh Judah koe kahmawng e Jentel thoseh, hahoi a tangawn teh Krete tuillum hoi Arabia ram hoi ka tho e lah ao awh. Hateiteh Cathut ni kângairu hnonaw a sak e a dei awh e hah amamae lawk lahoi lengkaleng a thai awh telah a kâpankhai awh.

¹² Taminaw pueng ni kângairu lungkâoun awh teh, hete hno bangtelamaw telah buet touh hoi buet touh a kâ pacei awh.

¹³ Tami tangawn ni teh a dudam awh teh, hetnaw heh misurtui a parui awh atipouh awh.

Piter ni kamthang lawk a pâpho

¹⁴ Hatnavah Piter ni guncei hlaibun touh hoi rei a kangdue teh kacaipounglah a dei e teh, Judah miphunnew hoi Jerusalem kho na kaawm e naw hete hnonaw na panue sak hanelah ka ngai. Ka lawk kahawicalah na thai pouh awh.

¹⁵ Atu e tueng heh amom Suimilam tako doeh. Hetnaw teh na pouk awh e patetlah parui awh hoeh.

¹⁶ Het hateh profet Joel ni a dei tangcoung e doeh toe.

¹⁷ A dei e lawk teh, Cathut ni a poe e lawk hah hmalah torei teh tami pueng e a lathueng vah ka Muitha ka awi han. Hat torei teh, nangmae na canu capanaw ni profet lawk lahoi a dei awh han. Nangmouh thung dawkvah thoundoun tanglanaw ni kamnuenae a hmu awh han. Matawngnaw ni mang a sak awh han.

¹⁸ Hote hninnaw dawkvah Ka sannu sanpanaw koe ka Muitha ka awi vaiteh profet lawk lahoi a dei awh han.

¹⁹ Kalvan lah kângairu hnonaw hoi talai van hai thi, hmai hoi hmaikhu tie mitnoutnaw na patue han.

²⁰ Cathut e kalenpoung hnipui a pha hoehnahlan vah kanî a hmo vaiteh thapa thi patetlah kaawm han.

²¹ Hatnavah Cathut min ka kaw pueng ni rungngang lah ao han telah a ti.

²² Isarelnaw ka lawk thai awh haw na panue awh e patetlah Nazareth tami Jisuh ni kângairuhnonaw, kângairunaenaw, hoi mitnoutnaw a sak toe. Hete hno sak e naw lahoi Cathut ni Jisuh teh a kampangkhai toe.

²³ Cathut ni Jisuh teh nangmouh hanlah a hmoun tangcoung e hoi a panue tangcoung e patetlah, kâlawklaipa taminaw kut dawkh hoi thingpalam dawka pathout awh teh a thei awh.

²⁴ Hat nakunghai Cathut ni ahni teh due reithainae thung hoi a thaw sak teh a hlout sak.

²⁵ Devit ni hote Bawipa hoi kâkuen lah a dei e teh, kai teh a yungyoe kahring e Cathut doeh kahma lah pou ka hmu. Bangkongtetpawiteh, Bawipa teh kaie aranglah ao dawkvah kai teh takinae ka tawn hoeh.

²⁶ Hatdawkvah, ka lung a konawm teh ka lai hai a lunghawi. Hothloilah ka takthai ni hai ngaihawinae tawn laihoi a due han.

²⁷ Bangkongtetpawiteh Bawipa ni ka muitha hah phuen dawkh na cettakhai mahoe. Bawipa e a Tami Kathoung teh pawk sak mahoe.

²⁸ Bawipa ni hringnae lam na panue sak teh na hmalah lunghawinae hoi na kawi sak han telah a dei.

²⁹ Hmaunawngghanaw mintoe Devit teh a due hoi pakawp lah ao teh tangkom hai sahnin ditouh ao rah.

³⁰ Ahni teh profet buet touh lah ao dawk a catounnaw thung dawk buet touh teh amae bawitungkhung dawk tahung sak lah ao han telah Cathut ni a kam pouh e hah kancengcalah a panue.

³¹ Devit ni kanceng lah a panue dawkvah Khrih e boutthawnae kong hah hettelah a dei. Bawipa teh phuen dawk cettakhai mahoeh. A tak hai pawknae hoi kâhmo sak mahoeh a ti.

³² Cathut ni hote Jisuh hah a thaw sak toe. Maimanaw hai kapanuekkung lah o awh.

³³ Hottelah Jisuh teh Cathut e aranglah tahungnae poe lah ao hnukkhu, lawkkam lah kaawm e Kathoung Muitha hah Pa koehoi poe lah ao. Nangmouh ni na thai teh na panue awh e patetlah hote Muitha hah na rabawk sin toe.

³⁴ Devit teh kalvannaw koe luen hoeh rah, hatei, ahni ni hettelah a dei, Bawipa ni ka Bawipa koe,

³⁵ Na tarannaw na khok toungnae lah ka hruek hoehroukrak kaie aranglah tahung haw atipouh.

³⁶ Hatdawkvah, thingpalam dawk pathout awh e Jisuh hah Cathut ni Bawipa hoi, Khrih lah a khoe toe tie hah Isarelnaw pueng ni kancengcalah panuek awh naseh telah a ti.

Khrih lahoi coe e yon ngaithoumnae

³⁷ Taminaw ni hote lawk hah a thai awh navah, a lungpuen awh teh Piter hoi alouke gunceinaw hanlah hmaunawngghanaw bangtelamaw ti awh han toung telah a pacei awh.

³⁸ Piter ni nangmae na yonnae ngaithoum lah ao nahanlah pankângai awh nateh Jisuh Khrih min dawk baptisma rip coe awh. Hattoteh Kathoung Muitha poehno na coe awh han.

³⁹ Bangkongtetpawiteh, hete lawkkamnae teh nangmouh hoi, nangmae na catounnaw hane hoi, ahlanae koe kaawm e Cathut ni a kaw e naw pueng hane doeh a ti.

⁴⁰ Piter ni alouklouk e lawk lahoi a pâpho teh hete tamikathoutnaw thung hoi hlout nahanlah kârungngang awh haw telah ahnimanaw hah a hroecoe.

⁴¹ Hattoteh Piter e lawk ka dâw e naw ni baptisma a coe awh teh, hat hnin vah sami thong thum tabang a kâthap awh.

⁴² Ahnimouh teh gunceinaw e cangkhae, vaiyei kâraenna, kâhuikona hoi ratoumnae pou a tawn awh.

Hnopai cungtalah a hmawng awh

⁴³ Tami pueng ni a taki awh teh, gunceinaw teh kângairu hnonaw hoi mitnout hnonaw moi a sak awh.

⁴⁴ Ka yuem e pueng teh cungtalah a kamkhueng awh teh, a tawn awh e pueng hai reirei a hmawng awh.

⁴⁵ A tawn awh e hnopai pueng hai a yo awh teh, a pankinae patetlah a kârei awh.

⁴⁶ Ahnimouh teh hnintangkuem Bawkim vah a kamkhueng awh teh, im touh hnukkhu im touh vaiyei a raen awh teh, lungthoung lunghawi nalaihoi rawca a canei awh.

⁴⁷ Cathut a pholen aw h teh taminaw e hmalah minhmai kahawi a hmu aw h. Hnintangkuem runngang lah kaawm e taminaw hah Bawipa ni kawhmoun thung a thap sin.

3

Khokkem e a dam sak

¹ Vai touh teh, tangmin lah suimilam kathum nah e ratoumnae tue nah Piter hoi Jawhan teh Bawkim lah a cei roi.

² A manu von thung hoi kamkhuen e buet touh a hrawm aw h teh a thokhai aw h. Bawkim kacetnaw ni poe e a coe thai nahan kahawipoung e takhang koe ahni teh ouk ao sak aw h.

³ Piter hoi Jawhan tinaw Bawkim koe lah a tho e a hmu nah na poe haw titeh a hei.

⁴ Hatnavah Piter hoi Jawhan ni ahni hah kheikhei a khet teh kaimouh na kenhaw! atipouh.

⁵ Ahni ni buetbuet touh ka hmu han telah a pouk teh a ngaihawi nalaihoi a khet.

⁶ Piter ni sui ngun ka tawn hoeh, ka tawn e hno na poe han, Nazareth tami Jisuh Khrih min lahoi thaw nateh cet atipouh.

⁷ Aranglae a kut daw k hoi a pathaw tahmaca vah khok roi hoi a khoksaluemnwaw a thao.

⁸ A thaw teh lam a cei. Lamtu laihoi Cathut a pholen teh gunceinaw hoi bawkim thung a kâen.

⁹ Hottelah lamcei laihoi Cathut a pholen e hah taminaw ni a hmu navah,

¹⁰ hote tami teh Bawkim meihawi longkha koe kut ka dâw e tami doeh tie a panue aw h dawkvah, ahni koe ka kamnuek e hnonaw daw k puenghoi a kângairu aw h.

Solomon rim koe a pâphona

¹¹ Hote tami ni Piter hoi Jawhan tinaw pou a kuet lahun nah, tami pueng a kângairu aw h teh, Solomon e vaikhap koe lah a yawng aw h teh a kamkhueng aw h.

¹² Piter ni a hmu nah, Isarel taminaw bangkong hete hno daw k na kângairu a vaw. Hete tami a cei thainae heh kaimouh ni kamamae bahu hoi kamamae hawinae lahoi ka poe thai e patetlah bangkongmaw kaimouh kheikhei na khet a vaw.

¹³ Abraham, Isak, Jakop, ahnimae Cathut, maimae mintoenaw e Cathut ni a Capa e a Bawilenna e kamnue sak toe. Hote Bawipa teh nangmouh ni Pailat siangpahrang e kut daw k na poe aw h teh ahni ni hlout sak han pouknae a tawn eiteh nangmouh ni hote Bawipa hah na pahnawt aw h.

¹⁴ Kathoung kalan e Bawipa hah na pahnawt aw h teh namamouh hanelah tami ka thet e hah hlout sak hanelah na hei aw h.

¹⁵ Hringnae na kapoethaikung Bawipa teh na thei aw h toe. Hatei Cathut ni ahni hah duena e koehoi bout a thaw sak toe. Kaimouh teh hete konglamnwaw kapanuekkhaikung lah ka o aw h.

¹⁶ Hote ahni e min yuemnae lahoi hote ahni e min teh nangmouh ni na hmu aw h e hete tami hah a tha ao sak toe. Hote Bawipa kecu daw k coe e yuemnae ni nangmae mithmu vah hete tami hah kuepcingnae a poe toe.

¹⁷ Hmaunawngghanaw nangmouh koehoi kamtawng teh khobawinaw panuek laipalah hottelah na sak aw h tie hah kai ni ka panue.

¹⁸ Khrih teh a rucat patang a khang han tie hah Cathut e profetnaw ni a dei tangcoung e patetlah a kuep sak toe.

¹⁹ Hatdawkvah na yonnae ngaithoum lah ao nahan pankângai aw h nateh na lungkâhung aw h.

²⁰ Het hateh Cathut koehoi lungpahawinae tueng a pha vaiteh, nangmouh hanlah rawi tangcoung e Khrih tie a patoun nahane doeh.

²¹ Cathut ni talai kamtawng hoi kathoung profetnaw koehoi a la dei aw h e patetlah bangpueng a katha lah sak kathanæ tueng a pha hoehroukrak kalvan vah Bawipa teh ao han.

²² Mosi ni hai nangmae BAWIPA hah nangmae hmaunawng ha thung daw k hoi kai hoi kâvan e profet buet touh hah nangmouh hanelah a tho sak han. Ahni ni a dei e naw pueng nangmouh ni na tarawi aw h han.

²³ Hote profet e lawk hah ka tarawi hoe h e pueng miphun daw k hoi takhoe vaiteh raphoe lah ao han.

²⁴ Samuel koehoi kamtawng teh a hnukkhu lah ka tho e profetnaw pueng ni hai hete hninth a kong hah a pathang aw h.

²⁵ Nangmouh teh profetnaw e catoun lah na o aw h. Cathut ni Abraham koe nange catoun daw k hoi talai van e miphun pueng ni yawhawinae a coe aw h han telah a pâpho. Nangmouh teh lawkkam e catoun lahai na o aw h.

²⁶ Cathut ni nangmouh buet touh rip e hawihoe hnae a raphoe vaiteh nangmouh yawhawi na poe nahanlah ama e Capa Jisuh hah a thaw sak hnukkhu nangmouh koe hmaloe a patoun telah taminaw koe Piter ni a dei.

4

Piter hoi Jawhan a man aw h

¹ Piter hoi Jawhan tinaw ni tami moikapap koe lawk a dei aw h navah, vaihmanaw, bawkim kaukkung hoi sadusinaw teh ahnimouh koe a tho aw h.

² gunceinaw ni duenæ koehoi Jisuh boutthawnae kong hah tami pueng koe a dei aw h dawkvah, ahnimouh teh a lungphuen aw h.

³ Hatdawkvah, Piter hoi Jawhan a man aw h teh, khohmo toung daw kvah, thongim thung rum touh a paung aw h.

⁴ Hateiteh, Cathut lawkkatang ka thai ni teh ka yuem e tami tongpa dueng 5,000 touh a pha aw h.

Kacuenaw hoi a kâhmonæ

⁵ Atangtho vah khobawinaw, kacuenaw, cakathutkungnaw teh Jerusalem vah a kamkhueng aw h.

⁶ Vaihma kacue Annas, Kaiaphas, Jawhan, Alexander hoi vaihma kacuenaw pueng hai a kamkhueng aw h.

⁷ Ahnimouh ni Piter hoi Jawhan teh tamimaya hmalah a kangdue sak aw h teh api kâ lahoi maw, api min lahoi maw hete hno heh na sak aw h waw telah a papei aw h.

⁸ Hatnavah Piter teh Kathoung Muitha hoi akawi teh khobawinaw hoi kacuenaw,

⁹ sahnin vah kaimouh ni a tha kayoun e tami buet touh kabawp aw h e hah lawk na ceng aw h daw kvah,

¹⁰ nangmouh abuemlahoi Isarelnaw abuemlah panue sak hanlah ka ngai e teh, thingpalam daw k na pathout aw h ei, duenæ koehoi Cathut ni a thaw sak e Nazareth tami Jisuh Khrih min lahoi hete tami ni a dam teh nangmae hmalah a kangdue e doeh.

11 Hote Bawipa teh im kasakkungnaw ni na pahnavt aw h e talung, patopatang poung e takinlung lah ao.

12 Hote Bawipa min hloilah kalvan rahim taminaw koevah ka rungngang thai e rungngangnae min alouke awmhoe h telah Piter ni a pâpho.

Jisuh min dei hoe hanelah a cakâ aw h

13 Lawkcengkungnaw ni Piter hoi Jawhan e taran ahawi roinae hah a hmu aw h navah, a kângairu aw h. Hatnavah, ahnimou h roi teh Jisuh hoi reirei kaawm e tie hah a panue aw h.

14 Hahoi, ahnimou h koe damnae kahmawt e tami hai ahnimou h koe a kangdue e a hmu aw h navah banghai oun hane tawn hoe h.

15 Hatnavah, ahnimou h ni gunceinaw sanhedrin lawkcengnae imthung hoi a tâco hanelah kâ a poe aw h teh bangtelamaw ti aw h han telah amamou h dueng a kâpan aw h.

16 Ahnimanaw he h bangtelamaw ti aw h han. Bangkongtetpawite h ahnimou h koehoi kângairuhno kamnuek e teh Jerusalem kho kaawm e tami pueng ni a panue aw h toung dawkvah maimou h ni oun thai aw h hoe h toe.

17 Hete kamthang teh tami pueng koe a kampai hoe h nahanlah Jisuh e min kâuep laihoi hmalah apipatet koehai bout a dei hoe h nahanlah pakhi aw h sei ati aw h.

18 Hathnukkhu gunceinaw hah a kaw aw h teh, Jisuh min lahoi khoeroe pâpho aw h hanh, cangkhai aw h hanh telah a cakâ aw h.

19 Piter hoi Jawhan ni, Cathut e lawk hlak nangmae lawk ka tarawi aw h pawite h, Cathut hmalah a kamcu hoi a kamcu hoe h e hah pouk aw h haw.

20 Kaimou h teh ka thai aw h, ka hmu aw h e hah pâpho laipalah kaawm thai aw h hoe h ' atipou h aw h.

21 Hote kamthang dawkvah tami pueng ni Cathut a pholen aw h teh, gunceinaw hah bangtelah hoi ne runae poe han tie a lamthung a hmu aw h hoe h dawkvah, ahnimou h ni gunceinaw hah bout a pakhi aw h teh bout a tha aw h.

22 Hete kângairuhno lahoi ahmaloe e patetlah ka dam e tami teh a kum 40 hlai a pha toe.

Taran hawi nahanelah ratoumnae

23 Gunceinaw teh bout a tha aw h navah amamae a huinaw koe bout a ban aw h navah vaihma bawinaw hoi kacuenaw ni a dei pou h e hah a dei aw h.

24 Ahnimou h ni be a thai aw h hnukkhu, Cathut koe lungkânging lahoi a ratoum aw h e teh, Bawipa nang teh kalvan hoi talai rahak e hnopueng hoi tuipui thung e hnopueng hai na sak, telah ati aw h.

25 Bawipa ni Kathoung Muitha lahoi kaimae mintoe lah kaawm ni teh na patoun e Devit koehoi bangkongmaw khoramnaw kâpo aw h hoe h, taminaw hai bangkongmaw ayawmyin lae hnonaw sak hanelah a kâcai aw h.

26 Talai e siangpahrangnaw pueng a kamkhueng aw h teh, BAWIPA hoi Bawipa Jisuh hah tuk han telah ati aw h.

27 Herod hoi Pontius Pailat bawi teh Isarelnaw hoi Jentelnaw a hroecoe teh, Bawipa nang ni satui na awi tangcoung e, Capa Jisuh hah a taran aw h teh hete kho daw k a kamkhueng aw h toe.

28 Na pouk tangcoung e lahoi ka tho hane kawinaw hah a kuep sak aw h toe.

²⁹ Bawipa atuvah ahnimouh ni pakhinae dawk hoi taran kahawicalah lawk ka pâpho thai nahanlah lungtangnae na poe awh haw.

³⁰ Patawnae pueng a roum nahanlah Bawipa na kut dâw haw. Kathoung na San Jisuh min lahoi kângairu mitnoutnaw sak thai nahanlah na poe haw telah a ratoum awh.

³¹ Hottelah be a ratoum awh hnukkhu a kamkhuengnae hmuen a kahuet teh ahnimanaw pueng teh, Kathoung Muitha hoi akawi awh dawkvah Cathut e lawk hah lungtang laihoi a pâpho awh.

Hnopai rei hmawngnae

³² Kayuemnaw e kamkhuengnae teh lung suetalah ao dawkvah apipatet ni hai mae hnonaw heh, kama e hno doeh tet awh laipalah, kaawm e hno pueng teh cungtalalah hno hanlah a hmoun awh.

³³ Gunceinaw ni Bawipa e boutthawnae kong hah kalenpoung bahu hoi a kampangkhai awh dawkvah, kalenpoung lungmanae teh ahnimae lathueng vah a pha.

³⁴ Ahnimouh thungvah ka roedeng e tami buet touh hai awm hoeh. Bangkoktetpawitech laikawk, im a tawn awh e pueng hah a yo awh teh, a hmu awh e tangkanaw pueng a sin awh teh,

³⁵ Gunceinaw e khok koevah a tâ awh teh lengkaleng a panki e patetlah a rei awh.

³⁶ Lungpahawinae capa tinae lah kaawm e, gunceinaw ni Barnabas telah a kaw awh e, Saipras tuilum tami, Levih catoun, Joseph teh,

³⁷ a tawn e laikawk a yo e phu, tangka hah a sin teh gunceinaw e khok koe a ta.

5

Kathoung Muitha dumnae

¹ Hatei Ananias tie tami hoi a yu Sapphira ni a tawn roi e hnopai a yo roi.

² A yu hoi lung a kânging roi teh apfu tangawn e a la roi, a tangawn dueng hah gunceinaw e khok koevah a thokhai roi.

³ Hatnavah, Piter ni Ananias bangkongmaw nang ni Setan hah na lungthin dawk uk hanlah hmuen na poe teh Kathoung Muitha hah na dumyen teh talai phu a tangawn na kapek.

⁴ Na talai teh na yo hoeh na hai nama e nahoehmaw, na yo hnukkhu hoi hai apfu teh nama e kê lah awmhoeh na maw. Bangkokmaw hottelah sak hane lungthin thung na kêcai, tami koe laithout laipalah Cathut koe na laithoe atipouh.

⁵ Hote lawk Ananias ni a thai nah a rawp teh a due, hote kong ka thai pueng ni puenghoi a taki awh.

⁶ Hahoi nawsainaw a kêen awh teh a ro hah hni hoi a kayo hnukkhu a kâkayawt awh teh a pakawp awh.

⁷ Suimilam kathum touh ao hnukkhu a yu ni bang hno maw ka tâcawt tie panuek laipalah a kêen.

⁸ Hatnavah Piter ni ahni koe nangmouh roi ni talai nâ yit touh maw na yo ka tang tie a paei nah, ahni ni oe het yit touh doeh ka yo telah a ti.

⁹ Piter ni hai nangmouh roi ni bangkong lungkânging laihoi Cathut e Muitha hah na tanouk roi. Khenhaw! na vâ ro kapakawmnaw teh takhang koe a pha toe. Ahnimanaw ni nang hai na hrawm awh han atipouh.

10 Hatnavah vai touh lahoi Piter e khok koe a rawp teh a due. Nawsainaw a kâen teh a ro a hrawm awh teh a vâ teng a pakawp awh.

11 Kawhmoun abuemlahoi hote lawk kathainaw pueng ni puenghoi a taki awh teh a pâyaw awh.

Gunceinaw ni sak e kângairu hnonaw

12 Gunceinaw ni taminaw e hmalah mitnoutnaw hoi kângairunae a sak awh. Ahnimouh abuemlah Solomon e vaikhap dawk lungkânging lahoi ouk kamkhueng awh.

13 Alouke taminaw ni ahnimouh teh a ouphlawp a eiteh ahnimouh koe bawk hanelah ngam awh hoeh.

14 Cathut ka yuem e napui, tongpanaw teh ahnimouh koe a kâthap awh.

15 Taminaw ni ka dam hoe e taminaw a hrawm awh teh ikhun, phaileinaw khuehoi lam dawk a ta awh. Piter a tho torei teh, ahnie a tâhlip hah tami kapatawnaw e atak dawk a pha hanelah a kâyawm awh.

16 Jerusalem tenggam e khopuinaw koehoi tami moikapap naw ni ka dam hoeh e naw hoi kakhine muithanaw ni a man e naw hah a hrawi awh, ahnimanaw pueng ni damnae a hmu awh.

Thongim bonae hoi bout hloutnae

17 Hatnavah vaihma kacue hoi ahnimouh koe kaawm e Sadusinaw pueng a thaw awh teh puenghoi a lungkhuek awh.

18 Gunceinaw hah a man awh teh thongim a pabo awh.

19 Hateiteh tangmin vah Bawipa e kalvantami ni thongim takhangnaw a paawng pouh teh gunceinaw hah a tâco sak hnukkhu,

20 cet awh nateh bawkim thungvah kangdout nateh hete hringnae lawknaw pueng heh taminaw koe dei awh telah atipouh.

21 Gunceinaw ni hote lawk a thai awh teh, amom vah bawkim thung a kâen awh teh taminaw a cangkhai awh. Hatnavah vaihma kacue hoi ahnimouh koe kaawm e naw teh a tho awh. Sanhedrin lawkcengkungnaw hoi Isarel kacuenaw pueng a kamkhueng sak awh teh gunceinaw hah kaw hanlah thongim karingkungnaw hah thongim a patoun awh.

22 Hahoi thongim a pha awh navah ahnimouh karingkungnaw ni gunceinaw teh hmawt awh hoeh, bout a ban awh teh sanhedrin lawkcengkungnaw koe,

23 thongim takhang hai kahawicalah a kâkhan teh karingkungnaw hai thongim hmalah a kangdue e kaimouh ni ka hmu awh. Hatei ka paawng awh navah, a thungvah tami buet touh hai awmhoeh telah a dei pouh awh.

24 Bawkim kaukung hoi vaihma bawinaw ni hote lawk a thai teh bang hno maw ka tâcawt telah kângairu hoi ao awh.

25 Hatnavah tami buet touh a tho teh nangmouh ni thongim na pabo awh e naw ni bawkim thung a kangdue teh taminaw hah a cangkhai awh telah a dei pouh.

26 Hatnavah im karingkung ransabawi hoi karingkungnaw ni a cei awh teh, gunceinaw hah a hrawi awh. Taminaw ni talung hoi dei awh langvaih tie a taki awh dawkvah thama lah hrawi awh hoeh.

27 Hahoi gunceinaw teh a hrawi awh teh Sanhedrin hmalah a kangdue sak teh vaihma kacue ni, hote Jisuh e min lahoi cangkhai hoeh nahan nangmanaw teh kâ na poe awh nahohmaw.

Gunceinaw lawk a khei awh

²⁸ Hatei nangmouh ni Jerusalem khopui dawk na cangkhaïnae a kâkaheï teh ahnie thi teh kaimae lathueng vah a pha hanelah na noe awh bo ma telah a paei awh.

²⁹ Hahoi Piter hoi guncei alouknaw ni taminaw e lawk ngâi hlak Cathut lawk ngâi hanlah ao atipouh.

³⁰ Nangmouh ni thingpalam dawk na pathout awh teh na thei awh e Jisuh teh maimae mintoenaw e Cathut ni a thaw sak toe.

³¹ Cathut ni Isarel miphunnaw yon pankângainae hoi yonthanae poe hanelah Bawi Jisuh teh Bawi hoi Rungngangkung hanlah amae aranglah a tawm teh a tahung sak toe.

³² Kaimouh teh hote kongnaw kapanuekkhaikung lah ka o awh. Cathut ni amae lawk kangâinaw koe poe lah kaawm e Kathoung Muitha hai kapanuekkhaikung lah ao telah bout a dei pouh awh.

Gamaliel ni pouknae a poe

³³ Ahnimanaw ni hote lawk a thai navah a lungkhuek awh teh gunceinaw thei hanelah a kâcai awh.

³⁴ Hatei sanhedrin dawk kâpa e Farasi tami Gamaliel, teh kâlawk kacangkhaikung ahni teh tami pueng ni bari e lah a o. Sanhedrin koehoi kacangkhaikung buet touh a kangdue teh gunceinaw hah dongdengca alawilah tâco sak hanlah kâ a poe.

³⁵ Isarel miphunnaw ahnimae a lathueng vah bangpatet e hno maw ka sak han tie kâhruetcuet awh.

³⁶ Bangkongtetpawiteh, vai touh teh Theudas tie tami a tâco. Amahoïma tami ka lentoe lah a kâdei teh a hnuk vah tami cumpali touh a kâbang. Hatei ahni teh tami alouknaw ni a thei awh teh ama kayuemnaw pueng a kâkapek teh a kahma awh.

³⁷ Hathnukkhu vah milu parei navah Galilee tami Judah a tâco teh amae hnukkâbang hanelah Judahnaw hah a coun. Ahni ni hai a due takhai teh ahnie a hnukkâbang e naw hai alouklah koug a kampek awh.

³⁸ Hatdawkvah nangmouh teh ahnimanaw kâbet awh hanh. Tami koe lahoi e pawiteh karawk hane doeh.

³⁹ Hatei Cathut koe lahoi e lah awm pawiteh nangmouh ni na raphoe thai mahoeh. Cathut na ka taran e lah doeh na awm ati. Hattoteh ahnie lawk hah ahnimouh ni a lungkuep awh.

⁴⁰ Hote lawk a thai awh hnukkhu vah gunceinaw hah a kaw awh teh, a hem awh hnukkhu a tu hoi teh Jisuh min lahoi cangkhaïnae sak awh hanh lawih telah kâ a poe awh teh a cei sak awh.

⁴¹ Gunceinaw ni Jisuh min lahoi khang hane a kamcu tie a pouk awh dawk sanhedrin lawkcengnae koehoi lunghawicalah hoi a tâco awh.

⁴² Bawkim dawk hai thoseh, im dawk hai thoseh, hnintangkuem a cangkhai awh teh Jisuh teh Khrih doeh telah pout laipalah a pâpho awh.

6

Tami sari touh a rawinae

¹ Hatnae tueng dawkvah a hnukkâbangnaw moi apap awh toe. A hnintangkuem a paca awh navah, Grik lawk kapan e Hellenist lahmaï napuinaw ni kaimouh teh na paca awh hoeh telah Hebru lawk kapannaw phuenangnae a tawn awh.

² Hatnavah gunceinaw hlaikahni touh ni a hnukkâbangnaw pueng a kaw aw h teh maimouh teh Cathut e a lawk paktoung aw h vaiteh canei koelae thaw tawk hane kawi nahoe h.

³ Hatdawkvah hmaunawngnanaw muitha hoi, lungangnae hoi, kaawm e tami sari touh nangmouh thung tawng aw h. Hete thaw tawk sak hanelah ahnimouh hah kaimouh ni ka rawi aw h han.

⁴ Maimouh teh ratoumnae hoi lawk pâphonae thaw maha pou tawk aw h sei telah a dei aw h.

⁵ Hote lawk teh kamkhueng e tami pueng ni a hnâbo aw h teh, yuemnae lahoi thoseh, Kathoung Muitha hoi thoseh, kakawi e Stiven, Filip, Prokhoras, Nikhanaw, Timon, Parmenas, hoi Judah phung lah ka kâen e Antiok tami Nikolas tinaw a rawi aw h.

⁶ Ahnimouh teh gunceinaw hmalah a kangdue sak aw h teh gunceinaw ni ratoum laihoi ahnimae lathueng kut a toung sin aw h.

⁷ Hettelah hoayah Cathut e lawk a kampung teh Jerusalem kho thung a hnukkâbangnaw hoehoe apap. Vaihmanaw pueng ni hai yuemnae lawk a thai aw h.

Stiven mannae

⁸ Stiven teh lungmanae a bahu hoi akawi teh puenghoi kângairunae mitnoutnaw hah taminaw hmalah a sak.

⁹ Hah navah sanhlout tie sinakok daw k kamkhuengnaw koehoi kamtawng teh Sairen, Alexandria, Silisia ram, Asia ram hoi ka tho e taminaw ni Stiven teh a oun aw h.

¹⁰ Hatei muitha lungangnae hoi Stiven ni a dei e hah ahnimanaw ni oun thai aw h hoe h.

¹¹ Hatnavah rangpuinaw hah arulah a uen aw h teh hete tami ni Mosi hoi Cathut e lawk ka tapuet lah a dei aw h e hah ka thai ati aw h.

¹² Rangpui, kacuenaw hoi cakathutkungnaw ni ahni hah a man aw h teh sanhedrin lawkcengnae hmuen koe a hrawi aw h.

¹³ Laithoe e kapanuekkhaikungnaw a kaw aw h teh ahnimouh ni, ahni teh kathoung a hmuen hoi kâlawknaw a tapuet telah kâhat laipalah a dei aw h.

¹⁴ Hote Nazareth tami Jisuh ni hete hmuen a raphoe vaiteh kaimouh koe Mosi ni na poe e kâlawknaw kâthung sak han ati aw h e kaimouh ni ka thai aw h toe telah a dei aw h.

¹⁵ Sanhedrin lawkcengnae koe ka tahungnaw ni Stiven hah kheikhei a khet aw h teh ahnie minhmai teh kalvantami e minhmai patetlah ao e hah a hmu aw h.

7

Stiven ni a pâpho

¹ Vaihma kacue ni Stiven koe, ahnimouh ni a dei aw h e heh atang maw, telah a pacei.

² Stiven ni, hmaunawngnanaw hoi apanaw thai aw h haw. Maimae na pa Abraham teh Haran kho a cei hoehnahlan, Mesopotamia ram ao nah ka lentoe e Cathut ni a kamnue pouh teh,

³ na ram hoi na imthungkhu cettakhai nateh kai ni na patue e ram daw k cet haw, atipouh.

⁴ Hatdawkvah ahni ni Khaldean ram a ceitakhai teh Haran khoyah ao. A na pa a due hnukkhu hoi Cathut ni atu maimouh onae ram daw k a kampuen sak.

⁵ Hatei, hote ram dawk e râw pang hanlah bang tica hai poe hoeh. Abraham ni a ca a cun hoehnahlan Cathut ni ahni hoi catounnaw hanlah hote ram teh râw lah poe hane lawk a kam toe.

⁶ Cathut ni ahnie catounnaw teh ayânaw e ram dawkvah imyin lah ao awh han tie hoi hote ram dawk a kum cumpali touh thung san lah ao a vaiteh rektapnae a khang awh han telah a ti.

⁷ Cathut ni ahnimouh san lah ka hno e naw lawk ka ceng han ati. Hahoi ahnimanaw ni hote ram dawk hoi a tâco awh vaiteh hete a hmuen koehoi kai na bawk awh han, telah a ti.

⁸ Cathut ni vuensomanae hoi kâkuen e lawkkamnae hah Abraham koe a poe teh, a ca Isak a sak hoi hnin taroe navah vuensomanae a sak pouh. Isak ni a capa Jakop a sak teh mintoe hlaikahni touh e na pa lah ao.

Izip ram ka phat e mintoenaw

⁹ Mintoenaw ni Joseph hah a ut awh dawkvah Izip ram lah a yo awh. Hateiteh Cathut ni Joseph teh a okhai.

¹⁰ Ahnie a rucatnae koehoi a hlout sak. Lungangnae hah a poe teh Izip siangpahrang ni Izip ram hoi Faro siangpahrang e a imthungnaw a uk sak.

¹¹ Hahoi, Izip ram hoi Kanaan ram pueng dawk takang a tho teh rucatnae puenghoi a kâhmo awh dawkvah maimae mintoenaw teh a ca hane tawn awh hoeh.

¹² Hatei Jakop ni Izip ram vah rawca ao e a thai navah maimae mintoenaw apasuek lah a patoun.

¹³ Apâhni lah a cei awh navah Joseph ni a hmaunaw koe amahoima a kâpâpho teh Joseph miphunnaw hah Faro siangpahrang ni a panue.

¹⁴ Hahoi, Joseph ni tami a patoun teh a na pa Jakop hoi a miphunnaw tami 75 touh e hah koug a kaw.

¹⁵ Hottelah Jakop ni Izip ram lah a cei teh, ahni hoi maimae mintoenaw teh hote ram dawkvah a due awh toe.

¹⁶ Ahnimae ronaw teh Shekhem kho lah a kâkayawt awh teh hote kho dawk hoi Abraham ni Hamor canaw koe tangka hoi a ran e phuen dawkvah a pakawp awh.

Kahloutkhaikung Mosi a pahnawt awh

¹⁷ Cathut ni Abraham koe lawkkam e atueng akuep e patetlah Izip ram kaawm e taminaw puenghoi a kamphung,

¹⁸ A hnukkhu teh Joseph ka panuek hoeh e Siangpahrang alouke ni Izip ram a uk.

¹⁹ Hote siangpahrang ni maimae miphun a dum teh, camonaw hah tâkhawng vaiteh hring sak hoeh hanelah a ngai dawkvah maimae mintoenaw a rektap awh.

²⁰ Hote tueng navah, Mosi a khe. Ahni teh Cathut hmalah a mei kahawipoung e camo lah ao teh, a na pa e im dawk thapa yung thum touh thung khetyawt e lah ao.

²¹ Im dawk hoi a tâcokhai hnukkhu Faro canu ni a ca lah a kaw.

²² Mosi teh Izipnaw e thoumthainae pueng hah a cang teh, lawk dei koe lahai, tawksak koe lahai a thakaawme lah ao.

²³ Mosi teh kum 40 touh a pha navah a miphun Isarelhaw khetyawt hane lungpouk a tawn.

²⁴ Tami buet touh teh Izip tami tongpa ni a rektap lahun navah a hmu teh amae miphun kampangkhai teh Izip tami hah a thei.

²⁵ Mosi ni a kut hoi amae hmaunawngghanaw hlout nahanlah Cathut ni kâ na poenae kong hah ahnimouh ni a panue han doeh toe telah a pouk ei ahnimouh ni panuek thai aw hoh.

²⁶ A tangtho vah, Mosi ni Isarel miphunaw amamouh hoi mamouh lawkpungnae a sak aw h e hah a hmu navah, bangkongmaw hettelah na o aw h, atipouh hnukkhu a rahak daw kâponae a sak.

²⁷ Hateiteh ka yon e ni Mosi a tanawt teh, apinimaw nang hah kaie lathueng vah lawkcengkung lah na ta vaw.

²⁸ Nang teh paduem e Izip tami na thei e patetlah kai hai thei hanelah na noe maw atipouh.

²⁹ Hote lawk hah Mosi ni a thai toteh Midian ram lah a yawng teh, hawvah imyin lahoi capa kahni touh a sak.

³⁰ A kum 40 touh a kuep hnukkhu Sinai mon daw k e thingyei yon dawkvah, kalvantami teh Mosi koe buruk daw k hmai ka kang e lahoi a kamue.

³¹ Mosi ni a hmu e hah a kângairu dawkvah kahnai lahoi khet hanelah buruk koe lah a cei navah Bawipa e lawk a thai teh,

³² Kai teh na mintoenaw e Cathut, Abraham, Isak, hoi Jakop e Cathut lah ka o ati. Mosi teh a taki lawi vah a pâyaw teh khen pateng khen ngam hoh.

³³ Bawipa ni Mosi hanlah, na khokkhawm hah rading, bangkongtetpawiteh, na kangduenae hmuen teh kathoung e hmuen doeh.

³⁴ Izip ram thung kaie taminaw ni a khang e hah ka hmu. A hramki aw h e ka thai teh ahnimanaw rungngang hanelah ka kum toe. Atu cet leih! Nang teh Izip ram lah na patoun han atipouh.

³⁵ Mosi heh Isarelnaw ni a pahawt e doeh. Maimae lathueng vah apinimaw lawkceng han e, hoi na ka uk hanlah a ta, ati aw h. Hateiteh, ahni teh buruk thung kamnuek e kalvantami ni ukkung hoi kahloutkhaikung lah a patoun.

³⁶ A taminaw hah Izip ram hoi a tâcokhai teh, Izip ram, tuipui paling, hoi thingyei yon dawkvah kum 40 touh thung kângairunae hoi, mitnoutnae hnouaw a sak.

Isarelnaw ni Cathut lawk ngâi aw hoh

³⁷ Hote Mosi teh Isarelnaw koe, Cathut ni nangmae hmaunawngghanaw thung daw k kai hoi kâvan e profet buet touh nangmouh hanlah ka tâco sak han, telah dei e hah doeh.

³⁸ Ahni teh Sinai mon vah, ahni koe lawk ka dei e kalvantami hoi, maimae mintoenaw cungtalah kahrawngum vah kaawm e taminaw koe ao teh maimouh na poe hane kahring e lawk maimouh koe ka phatsakkung lah ao.

³⁹ Hatei, maimae mintoenaw ni a lawk ngâi aw hoh, ahni hah a hnoun aw h teh ahnimae a lungthung vah Izip ram dueng a doun aw h.

⁴⁰ Hatdawkvah Aron koe maimouh Izip ram hoi na katâcawtkhaikung hote Mosi teh bangtelamaw ao tie maimouh ni panue hoh toung dawkvah maimouh hmalah kahrawikung hane cathutnaw hah kaimouh han lah sak aw h leih telah a hei aw h.

⁴¹ Hottelah hoayah ahnimouh ni hatnae atueng daw k maitoca meikaphaw k a sak aw h teh, hote meikaphaw koe thuang hanelah a sin aw h teh, amamae kut hoi sak e daw k a konawm aw h.

⁴² Hatnavah Cathut ni ahnimouh a hnamthun takhai teh ahnimouh han kalvan âsi, thapanaw a baw k sak. Profetnaw e cauk dawkvah,

Isarelnaw nangmouh ni kahrawngum vah kum 40 touh thung thueng hanelah saringnaw hoi thueng e naw teh kai koe ouk na sin a maw.

⁴³ Nangmouh ni Molek e rim hoi namamae âsi cathut Rephan hah na sin awh. Hotnaw teh nangmouh ni bawk han kawi lah na sak awh e meikaphawknaw doeh. Hatdawkvah kai ni nangmouh teh Babilon ram hloilah ditouh na hrek awh han telah a thut.

Cathut e lukkareim katang

⁴⁴ Mosi ni a hmu e hoi kâvan lah lawkpanuesaknae sak hanelah, kâ ka poe e ni a lawk poe e patetlah hote lukkareim teh kahrawngum maimae mintoenaw koe ao.

⁴⁵ Maimae mintoenaw ni hote rim hah a pang awh teh maimae mintoenaw e hmalah Cathut ni pâlei e Jentelnaw e ram a la awh toteh Joshua hoi hote rim hah a sin awh teh Devit se totouh ao.

⁴⁶ Devit ni Cathut e a lungmanae a coe teh Jakop e Cathut ao, nahane hmuen sak hanlah a ratoum,

⁴⁷ Hateiteh, Cathut hanelah im kasakkung teh Solomon doeh.

⁴⁸ Hatei, Lathueng Poug ni tami kut hoi sak e bawkim dawk awm hoeh.

⁴⁹ Hete kong dawkvah Bawipa ni, kalvan teh kaie bawitungkhung doeh, talai teh khok ka tOUNGNAE doeh. Nangmouh ni bangpatet e im maw kai han na sak awh han. Bang patet e hmuen dawk maw kai ni ka o han.

⁵⁰ Hete hno pueng teh kama e kut sak nahoehmaw. , telah Cathut ni ati e profetnaw ni a dei e patetlah khoup ao.

Kathoung Muitha tarannae

⁵¹ Na lung a len teh, hnâ hoi lungthin dawkvah vuensoma lah kaawm hoeh e nangmanaw haiyah na mintoenaw patetlah Kathoung Muitha na taran awh.

⁵² Nangmae na mintoenaw ni a rektap boihoeh e profetnaw ao maw, ahnimouh teh kathoung bawi a tho han tie sut ka dei e naw a thei awh. Atuvah nangmouh teh hote Tami Kalan hah ka pahnavtkungnaw hoi kathetkungnaw lah na o awh.

⁵³ Nangmouh teh kalvantaminaw koehoi poe e Cathut e phung lawk hah na hmu awh ei, sak han na ngai awh hoeh atipouh.

Cathut hanelah hringnae hmaloe ka pasoung e

⁵⁴ Ahnimouh teh hete konglam a thai awh navah a lungthung hoi Stiven koe puenghoi a lungkhuek awh teh hâ a katâ awh.

⁵⁵ Hatnavah Stiven teh Kathoung Muitha hoi akawi teh kalvan lah a moung navah Cathut e bawilennae hoi Jisuh teh Cathut e aranglah a kangdue e hah a hmu.

⁵⁶ Khen haw kalvannaw a kamawng teh tami Capa ni Cathut e aranglah a kangdue e ka hmu telah a dei.

⁵⁷ Hatnavah ahnimouh teh puenghoi hram laihoi a hnâ a tabuem awh teh Stiven koe a yawng awh.

⁵⁸ Ahni hah kho alawilah a sawn awh teh talung hoi a dei awh. Kapanuekkhaikungnaw ni hai amamae angkinaw Sawl tie thoundoun e a khok koe a ta awh.

⁵⁹ Stiven ni, Bawipa Jisuh ka muitha hah dâw leih, telah talung hoi a dei awh lahun nah Cathut koe a ratoum.

⁶⁰ Hahoi Stiven ni a khokuengkhuem teh Bawipa hete yonnae teh ahnimae lathueng bawt sak hanh telah puenghoi a hram teh a due. Sawl ni hai Stiven a thei awh e hah a lungkuep van.

8

Pacekpahlekkung Pawl

¹ Hat hnin roeroe vah Jerusalem e kawhmoun thungvah rektapnae a tâco. Gunceinaw hoeh e pueng teh Judah ram hoi Samaria ram lah kouna a kampek aw h.

² Cathutlae taminaw ni Stiven e a ro teh kahawicalah a kuem aw h teh puenghoi a khuikak h ai aw h.

³ Sawl ni im buet touh hnukkhu buet touh a luen teh, ka yuem e napui tongpanaw hah a man teh thongim a paung teh kawhmoun hah a raphoe.

Samaria ram ka phat e Filip

⁴ Voivang lah kâkapek e naw ni lawkkatang teh yuengyoe a pâpho aw h.

⁵ Filip hai Samaria ram e kho buet touh daw k a cei teh Khrih e kong hah a pâpho van.

⁶ Tami pueng ni Filip ni a sak e kângairuhnonaw hah a hmu aw h navah ahnie a pâpho e naw hah rip a thai aw h.

⁷ Bangkongtetpawiteh tami moikapap koe kaawm e kakhine muithanaw teh hramki laihoi a tâco aw h. Kamkhuen e hoi khokkhemnaw hai moikapap a dam aw h.

⁸ Hatdawkvah, hote kho thungvah lunghawinae kalenpoung a tawn aw h.

Camkathoum e Simon

⁹ Hote kho daw k Simon tie tami buet touh ao. Ahni teh camthoum e laihoi yah. Samaria taminaw koe kângairu ka sak thai e tami doeh telah a mahoima ouk a kâdei.

¹⁰ Camo matawng pueng ni hete tami teh ka lentoe Cathut e bahu doeh ai aw h.

¹¹ Ahnimouh ni bangkongmaw a yuem aw h, tetpawiteh cam thoum e laihoi kumtha moi kasawlah ahnimouh koe kângairu nae a sak daw k doeh.

¹² Hatei, Filip ni Cathut uknaeram hoi Jisuh Khrih e min hah a pâpho navah taminaw ni a yuem aw h teh, tongpanaw dueng laipalah napuinaw hai tui baptisma a coe aw h.

¹³ Simon ama hai a yuem daw kvah tui baptisma a coe teh Filip koe a kâbang. Mitnoutnae hoi kângairuhnonaw hah a hmu aw h teh kângairu laihoi hmawn a ngam aw h.

Simon e yonnae

¹⁴ Samaria taminaw ni Cathut a yuem aw h toe tie hah Jerusalem khopui kaawm e gunceinaw ni a thai aw h navah, Piter hoi Jawhan teh ahnimouh koe a patoun aw h.

¹⁵ Ahnimouh roi a pha toteh, Kathoung Muitha ahnimouh ni a coe thai aw h nahanlah a ratoum pouh roi.

¹⁶ Bangkongtetpawiteh, ahnimouh teh Jisuh min laihoi tui baptisma dueng heh a coe aw h rah daw kvah, ahnimouh thung daw k api koehai Kathoung Muitha a pha hoeh rah daw k doeh.

¹⁷ Hahoi, Piter hoi Jawhan ni ahnimae van kut a toung hnukkhu ahnimouh teh Kathoung Muitha a coe aw h.

¹⁸ Gunceinaw ni kut toung sin e laihoi taminaw ni Kathoung Muitha a coe aw h e heh, Simon ni a hmu navah, gunceinaw koe tangka a sin teh,

¹⁹ kai ni kut ka toung sin e tami pueng ni Kathoung Muitha a coe aw h nahanelah, het patetlah e hnosakhainae hah kai hai na poe haw atipouh.

²⁰ Hatnavah Piter ni nang ni Cathut e lungmanae hah tangka hoi ran thai telah na pouk dawkvah nama hoi na tangka teh mek kamko naseh.

²¹ Na lungthin teh Cathut hmalah a lan hoeh dawkvah hete thaw dawknang teh na tawk thai hoeh, nange na ham hai awm hoeh.

²² Hatdawkvah, na pouknae kahawihoehe hah pankângai nateh Bawipa koe ratoum haw. Hottelah na tetpawiteh na pouknae kahawihoehe naw Bawipa ni doum na ngaithoum yawkaw han doeh.

²³ Bangkongtetpawiteh nang teh utnae hoi na kawi teh yon thongkabawt e lah na o e hah ka hmu telah atipouh.

²⁴ Simon ni, nangmouh ni na dei e buet touh boehai kai koe a pha hoeh nahanlah Bawipa koe na ratoum pouh awh telah bout a dei pouh.

²⁵ Piter hoi Jawhan teh Bawipa e lawkkatang a kampang laihoi a pâpho roi hnukkhu, Samaria ram thung e khonaw koe kamthang kahawi a pâpho roi teh Jerusalem lah bout a ban roi.

Ethiopia kalaw bawi kâthungnae

²⁶ Hahoi Cathut e kalvantami ni Filip koe thaw nateh Jerusalem hoi Gaza kho lah cathuknae lam dawknal ah cet loe atipouh. Hote lamthung teh thingyeiyawn lamthung lah ao.

²⁷ Hatdawkvah, Filip ni a thaw teh a cei. Hatnavah Ethiopia siangpahrangnu Kandeis e bawi lah kaawm ni teh siangpahrangnu e kâtawnnae kalen lah kaawm e Ethiopia tami buet touh teh,

²⁸ Jerusalem vah bawkae a sak hnukkhu a ban navah amae rangleng van hoi profet Isaia e Cakathoung hah a touk.

²⁹ Hatnavah Kathoung Muitha ni Filip koevah hote rangleng koe cet nateh hnai haw atipouh.

³⁰ Filip ni hai rek a yawng sin. Ahni teh profet Isaia ni a thut e heh vawtvawt a la touk. Filip ni, na touk e hah na thai panuek maw atipouh.

³¹ Hote bawi ni na ka dei pouh e awmhoeh pawiteh bangtelamaw ka thaipanuek han ati teh Filip heh ama koe reirei tahung hanelah a coun.

³² Ahni ni a touk e teh, ahni teh thei hanlah sut hmoun e tu patetlah a hrawi awh. Tuca ni muen ngaw navah a hram hoeh e patetlah hram laipalah ao.

³³ A dudam awh navah, ahni kampangkhai api awm hoeh. A hringnae teh talai van hoi takhoe lah ao dawkvah a catoun hah apinimaw bout a dei thai han va tie doeh.

³⁴ Hahoi bawi ni Filip hanelah na pacei haw nei, profet ni api e kong maw hettelah a dei aw. Ama e kong ma aw. Hoeh teh alouke buet buet touh e kong ma aw atipouh.

³⁵ Hatteh Filip ni hote kongnaw hno lahoi Jisuh e kamthang hah a dei pouh.

³⁶ Ahnimouh teh pou a cei awh navah tui koe a pha awh teh bawi ni tui bapisma ka hmu hoeh nahanelah bang ni maw kai na rakhan telah a ti.

³⁷ Filip ni, na lungthin abuemlahoi na yuem pawiteh tui bapisma na hmu han, telah atipouh. Jisuh Khrih teh Cathut capa doeh tie hah ka yuem telah a ti.

³⁸ Hahoi, bawi ni rangleng kâhat hanelah kâ a poe hnukkhu, tui dawknal ah cet loe atipouh.

³⁹ Tui thung hoi bout a tâco roi toteh, Bawipa e Kathoung Muitha ni Filip teh oun a tawm teh, hote bawi ni hmawt hoeh toe. Hateiteh, lunghawi laihoi amae lamthung dawknal ah cet loe atipouh.

⁴⁰ Filip teh Azotus kho a tâco teh, Kaisarea ram totouh kho tangkuem Cathut e kamthang kahawi a pâpho.

9

Sawl kâthungnae

¹ Sawl ni Bawipa a hnukkâbangnaw hah a pakhi teh thei hanlah ngainae a tawn, ahni ni vaihma kacue koe a cei teh,

² Damaskas kho e sinakoknaw koe poe hanelah panue nahane ca a hei. Bangkongtetpawiteh, Bawipa lamthung ka dawn e naw tongpa hoi napui thoseh, a hmu e pueng katek vaiteh Jerusalem lah hrawi thai na hanelah doeh.

³ Hottelah ahni ni a cei teh Damaskas khopui teng a pha navah, kalvan lahoi angnae ni pheng a tue.

⁴ Talai dawk a rawp teh, Sawl, Sawl bangkong kai na rektap telah ahni koe dei e lawk a thai.

⁵ Bawipa nang apimaw, telah a pacei navah Bawipa ni kai teh nang ni na rektap e Jisuh doeh.

⁶ Thaw nateh kho thung kâen lah, na sak hane thaw na dei pouh han, telah atipouh.

⁷ Ahni hoi kahlawng rei kacetnaw ni lawk teh a thai awh ei apihai a hmu awh hoeh dawkvah muen a ka ngai awh teh lawkkamuem lahoi hawvah a kangdue awh.

⁸ Sawl teh hluet a thaw ei banghai a hmu thai hoeh dawkvah, taminaw ni a kut dawk hoi a hrawi teh, Damaskas khopui lah a ceikhai awh.

⁹ Ahni teh hnin thum touh thung a mit a dawn teh rawca cat laipalah ao.

Sawl Baptisma coenae

¹⁰ Damaskas kho dawk Ananias tie a hnukkâbang buet touh ao. Kamnuenae lahoi, Bawipa ni, Ananias telah a kaw. Ahni ni, kai hivah ka o, Bawipa, telah atipouh.

¹¹ Bawipa ni ahni koe, thaw nateh, lam kalan tie koevah cet nateh Judah im vah Tarshish tami, Sawl tie hah tawng haw. Bangkongtetpawiteh, ahni teh a ratoum lahun.

¹² A kamnuenae dawk a mit kho bout a hmu thai nahanlah Ananias tie a kâen vaiteh a van vah kut a toung e a hmu, telah a ti.

¹³ Ananias ni, Bawipa, ahni ni Jerusalem kho e na tami kathoungnaw koe hno kahawihoehe moi a sak tie tami moikapap ni a dei e ka thai.

¹⁴ Vaihma bawinaw koehoi kâtawwnae hoi hivah a tho. Na min kawannaw pueng man thinae kâ a tawn, telah atipouh.

¹⁵ Hateiteh, Bawipa ni cet haw ahni teh Jentelnaw, siangpahrangnaw hoi Isarelhwal hmalah ka min ka sin hanelah ka rawi toe.

¹⁶ Ahni teh ka min kecu dawk rucatae a khang hane naw ka panue sak han, telah a ti.

¹⁷ Hahoi, Ananias ni a cei teh, imthungkhu vah a kâen. Sawl van vah a kut a toung teh, ka nawngha, Sawl na tho nah lam vah nang koe ka kamnuen e Bawipa Jisuh ni na mit bout ang sak teh, Kathoung Muitha hoi na kawi thai nahan kai na patoun, telah atipouh.

¹⁸ Hatnavah, vai touh lahoi a mit dawk hoi tanga lakep patetlah a kâkhawk teh, kho bout a hmu thai. Ahni ni a thaw teh Baptisma a coe.

¹⁹ Hahoi, rawca a ca hnukkhu a tha bout a sai. Sawl teh Damaskas khovah a hnukkâbangnaw koevah dongdengca ao.

Jisuh kong Sawl ni a pâpho

²⁰ Sawl ni Khrih teh Cathut e ca doeh telah sinakoknaw dawk tang a pâpho.

²¹ Hote lawk ka thai e naw abuemlah ni kângairu awh teh, hete tami teh Jerusalem kho e Bawipa min kakawnaw raphoe hanlah ka kâyawm e tami nahoehmaw, Ahnimanaw katek vaiteh vaihma bawinaw koevah hrawi hanelah hivah ka tho e nahoehmaw telah ati awh.

²² Hatei, Sawl teh a tha hoe ao. Jisuh teh Khrih doeh ati teh kampangkhai dawkvah Damaskas kho kaawm e Judahnaw hah a kângairu sak.

²³ A hnin moi ao toteh, Judahnaw ni Sawl hah thei hanlah kho a khang awh.

²⁴ Hatei, Sawl ni a khokhang awh e a panue. Sawl thei hanelah kho a khang awh dawkvah tangmin tangtho longkha hah a ring awh.

Sawl Jerusalem bout a phanae

²⁵ Hatnavah, a hnukkâbangnaw ni Sawl hah a hrawi awh teh, tangmin vah tapawm dawk hoi kho kalupnae rapan hloillah a pabo awh.

²⁶ Sawl ni Jerusalem a pha navah, a hnukkâbangnaw koe huiko hanlah a panki eiteh a yuem awh hoeh dawkvah a taki awh.

²⁷ Hatei Barnabas koevah bangtelamaw, Bawipa a hmu teh, Bawipa ni Sawl koe bangtelamaw lawk a dei tie naw hoi Damaskas kho dawk jisuh min taranhawi lahoi a pâpho e kongnaw kacaicalah a dei pouh.

²⁸ Sawl teh Jerusalem vah gunceinaw hoi rei a ceio navah, Bawipa min lahoi taranhawi laihoi a pâpho awh.

²⁹ Sawl teh Grik lawk ka dei e Judahnaw hoi a kâoun awh teh ahnimouh ni Sawl teh thei hanlah a kâcai awh.

³⁰ Hote kong hah a hmaunawngghanaw ni a thai awh navah, Kaisarea kho lah a ceikhai awh teh, Tarshish kho lah a patoun awh.

³¹ Hatnavah Judah kho, Galilee kho, Samaria kho kaawm e kawhmoun pueng ni teh karoumcalah ao awh. Ahnimanaw ni Bawipa takinae dawk thoseh, Kathoung Muitha e thapoenaе dawk hai thoseh, a hring awh teh tami hoe a pung awh.

Aeneas damnae

³² Piter ni hnintangkuem kahlawng a cei teh Lidda khovah a pha. Hote kho dawk kaawm e tami kathoungnaw koe a pai.

³³ Hote kho dawkvah Aeneas tie tami teh kum taroe touh thung a kamkhuen teh ikhun dawk sut ayan e hah a hmu.

³⁴ Hatnavah Piter ni Aeneas koe Jisuh ni nang teh na dam sak toe, thaw nateh na iphah kalawng leih, atipouh navah ahni teh hluet tang a thaw.

³⁵ Lidda kho hoi Sharon kho e kaawm e naw ni ahni a hmu awh navah Cathut koe lah a lungkâthung awh.

Dawka bout hringnae

³⁶ Joppa kho kaawm e Dawka tie Tabitha teh a hnukkâbang e napui buet touh lah ao. Ahni teh hnokahawi pou ka sak ni teh poenaе lahoi thaw ka tawk e lah ao.

³⁷ Hatnae hnin navah ahni teh a pataw dawk a due. Taminaw ni a ro teh tui a pâhluk awh hnukkhu imvan e irakhan dawk a ta awh.

³⁸ Joppa kho pui teh Lidda khopui hoi a hnai dawkvah Lidda khoung vah Piter ao tie a hnukkâbangnaw ni a thai toteh ahni koe tami kahni touh a patoun awh. Kaimanaw koevah karang tho ei telah ati pouh.

³⁹ Hatdawkvah, Piter ni hluet a thaw teh ahnimouh hoi imvan e rakhan thung cungtalah a kâen. Piter a pha toteh lahmainunaw ni Piter e a teng a kangdue awh teh a kâ awh. Ahnimanaw ni Dawka a hring nah a khui e khohnanaw a pâtue awh.

⁴⁰ Piter ni ahnimanaw alawilah a tâco sak hnukkhu, a khokcuengkhuem teh a ratoum. Hahoi a ro koe lah a kamlang teh Tabitha thaw leih atipouh navah ahni teh a mit a padai teh Piter hah a hmu toteh a thaw teh a tahung.

⁴¹ Hahoi Piter ni Dawka hah a kut dawk hoi a pathaw teh a kangdue sak. Tami kathoungnaw hoi lahmainunaw a kaw teh bout a hring toe telah ahnimouh koe a patue.

⁴² Hote kamthang teh Joppa kho thung pueng dawk a kamthang teh tami moikapap ni Bawipa a yuem awh.

⁴³ Hot hnukkhu hoi Piter teh Joppa kho dawk phaivuen ka sak e Simon im vah hnin ka saw lah ao.

10

Piter hoi Konilias

¹ Kaisarea kho dawk Itali ransahu tie ransa cum touh kaukkung Konilias teh ao.

² Ahni teh bawknae koe lah kâyawm poung e lah ao, a imthung ni Cathut ka bari e lah ao awh teh, Judah tami dawk e karoedengnaw a kabawp teh Cathut koe pou a ratoum,

³ Hnin touh teh tangmin lah suimilam kathum tapat navah vision kacaicalah a hmu. Hote vision a hmu e dawk, Cathut e kalvantami buet touh a kâen teh Konilias telah a pato.

⁴ Kalvantami hah lungpuen lahoi khei a khet teh bangne Bawipa telah ati. Kalvantami ni yah Cathut ni na ratoumnae hoi karoedengnaw na kabawp e poehnonaw teh pâkuem hane kawi lah Cathut hmalah a pha toe.

⁵ Hatdawkvah atu Joppa khovah tami patoun nateh a min Piter tie Simon hah kaw sak loe.

⁶ Ahni teh tuipui teng kaawm e phaivuen ka sak e Simon im a luen telah ati.

⁷ Hottelah ka dei e kalvantami a cei hnukkhu Konilias ni,

⁸ a vaica kahni touh hoi Cathut lawk dawk kaawm e ransa buet touh a kaw teh Joppa kho lah a patoun.

Piter ni vision a hmu

⁹ Atangtho teh Joppa kho a pha tawmlei suimilam kahni kalekkalak nah Piter teh ratoum hanlah lempuh van a luen.

¹⁰ A vonhlam teh ayânaw ni coungekaoe lah rawca a lawng lahun nah, Piter ni kamnuenae a hmu.

¹¹ Kalvan kamawng teh hni hoi ka kâvan e a takin pali touh e talai dawk ama koe ka bawt e hah a hmu.

¹² Hote tangoung thungvah tava phunkuep, kâroe e phunkuep, saring phunkuep ao. Hathnukkhu Piter thaw nateh, thet nateh cat haw tie lawk a thai navah,

¹³ Piter ni coung thai hoeh Bawipa,

¹⁴ kathounghoehe hno, kakhin e hnonaw kai ni vai touh hai ka cat boihoeh atipouh.

¹⁵ Hathnukkhu apâhni lawk bout ka tho e teh Cathut ni a thoung tie hno hah thoung hoeh telah dei hanh atipouh.

16 Hettelah avaithumnae a kamnue hnukkhu, Cathut ma ni hote hno teh kalvan lah bout a tawm.

Konilias im Piter a pha

17 Piter ni a hmu e vision hah bang ngainae vaimoe titeh kângairu lahun nah, Konilias ni a patoun e naw ni Simon im pacei laihoi a tawng aw h teh longkha koehoi,

18 Piter telah kaw e Simon hah hete im daw k a luen maw telah a pacei aw h.

19 Piter ni vision kong a pouk lahun nah Muitha ni tami kathum touh ni nang na tawng aw h. Thaw nateh kum haw ahnimouh teh,

20 kai ni ka patoun e doeh. Lung kâounnae aw m laipalah kâ bang lawih atipouh.

21 Hatdawkvah Piter ni a kum teh na tawng aw h e teh kai doeh. Bang panki laihoi maw na tho aw h, atipouh.

22 Ahnimouh ni hettelah atipouh, ransabawi Kornilias ni na patoun aw h e doeh. Ahni teh Cathut ka taket e hoi tami kahawi lah ao teh Judah taminaw ni a baripoung e doeh. Ahni ni na lawk a thai panuek nahan Cathut e kalvantami buet touh ni nang hah coun loe atipouh.

23 Piter ni taminaw teh imthungkhu kâ en aw h atipouh teh hote tangmin teh hawv ah a roe aw h. A tangtho a kâ rasou p aw h teh ahnimouh koe a cei. Joppa kho e hmaunawng ha a tangaw n hai a cei van.

24 Tawkkahnin Kaisarea a pha aw h teh hawv ah Kornilias hoi avaica a huikonaw a coun e naw ni a ring aw h.

25 Piter a kâ en tahma Konilias ni a dawn teh a hmalah a tabo.

26 Piter ni kangdout atipouh, kai hai tami van doeh atipouh.

27 Piter ni Konilias pato laihoi imthungkhu a kâ en nah, tami moikapap a kamkhueng e hah a hmu.

28 Ahnimouh koe, Judahnaw teh Jentelnaw hoi kamyawng phung nahoe h, ahnimouh koe kahlawng hai cei phung na hoe h tie nangmouh ni kacaicalah na panue aw h. Hateiteh tami bang patet hai kakhin hoi kathoung hoe h lah ka pouk hoe h nahan Cathut ni na patue toe.

29 Hatdawkvah na kaw aw h navah bang hai oun han aw m laipalah ka tho. Hatdawkvah bangkongmaw na kaw aw h, dei a haw telah atipouh.

30 Konilias ni hettelah ati. Atu totouh rawca ka hai, suimilam kathum nah im vah ka ratoum. Atu hnin pali a pha toe. Hnipangaw a kâ khu teh kaie hmalah a kangdue.

31 Kornilias na ratoum pawlawk kai ni ka thai toe. Nange poehnonaw haiyah Cathut hmalah pahnim hoe h hanelah ao.

32 Hatdawkvah Joppa kho kaawm Piter tie Simon hah kaw hanlah patoun leih. Tuipui teng phaivuen thaw ka taw k e Simon im doeh a luen. Ahni a tho torei teh nang koe a dei han doeh na ti pouh.

33 Hatdawkvah kai ni nang koe vah tami tang ka patoun. Tang na tho thai daw k ka lung hroung ahawi. Atu kaimanaw pueng ni nang koe Cathut ni a dei e thai thai hanelah na hmalah ka o aw h telah Kornilias ni a dei pouh.

Jentelnaw hanlah kamthang kahawi

34 Hatnavah Piter ni a kâ ko a paawng teh, lawkkatang lah Cathut teh tami minhmai khen hoe h ati.

35 Alouklouk e taminaw hai Cathut taki laihoi thaw kathoungrouk lah ka taw k e tami teh minhmai kahawi a hmu tie kai ni ka panue.

³⁶ Tami pueng e Cathut ni Jisuh Khrih lahoi roumnae kamthang kahawi a dei e hah, Isarel miphunnaw koe poe e lawk nangmouh ni na panue awh.

³⁷ Jawhan teh baptisma kong hah a dei hnukkhu Galilee ram hoi a kamtawng teh, Judah ram hmuen tangkuem dawk kaawm e hnonaw nangmouh ni na panue awh.

³⁸ Cathut ni Kathoung Muitha e bahu hoi Nazareth tami Jisuh hah satui a awi. Ahni teh Cathut e kâ lahoi hnokahawi a sak teh kahraimathout ni a rektap e naw damnae a poe.

³⁹ Kaimouh haiyah, Jerusalem kho hoi kamtawng teh, Judah ram thung a sak e hnonaw hah kapanuekkhaikung lah ka o awh. Hote tami teh, thingpalam dawk a pathout awh teh a thei awh.

⁴⁰ Apâthum hnin Cathut ni bout a thaw sak teh tak kamnuenae kâ a poe.

⁴¹ Tami pueng koe koug kamnuek pouh hoeh. Cathut ni a rawi tangcoung e kapanuekkhaikung kaimouh koe a kamnue, duenae koehoi bout a thaw hnukkhu, hote Bawipa hoi kaimouh teh rei ka canei awh.

⁴² Hote Bawipa ni kahringnaw hoi kadoutnaw lawkcengkung lah, Cathut ni a rawi e lah ao tie tami pueng koe dei pouh hane hoi kampangkhai hanelah kaimouh koe kâ na poe awh.

⁴³ Hote Bawipa ka yuem e pueng a min lahoi lungmanae lahoi yonthanae a coe awh han telah profetnaw pueng teh hote Bawipa kapanuekkhaikung lah ka o awh telah Piter ni a dei.

Jentelnaw baptisma coenae

⁴⁴ Lawk a dei lahun navah ka thai pueng koe Kathoung Muitha teh a pha.

⁴⁵ Jentel miphunnaw ni Kathoung Muitha e lungmanae a coe awh dawk, vuensom ka a e, Piter hoi a hnukkâbangnaw a kângairu awh.

⁴⁶ Bangkongtetpawiteh, ahnimouh ni alouklouk lae lawk lahoi Cathut a pholen awh.

⁴⁷ Hathnukkhu Piter ni kaimouh patetlah Kathoung Muitha ka coe e hetnaw heh baptisma poe sak hoeh hanlah apipatet maw na ka ngang thai han ati hnukkhu

⁴⁸ Jisuh Khrih e min lahoi baptisma coe sak hanlah kâ a poe. Hathnukkhu teh Piter hah ahnimanaw ni atueng ka saw hnawn lah okhai hane a kâhei awh.

11

Jerusalem e kawhmoun koe Piter ni a dei

¹ Judah ram thung kaawm e gunceinaw hoi hmaunawngghanaw ni Jentelnaw ni Cathut lawk a dâw awh toe tie a thai awh.

² Hahoi teh Piter ni Jerusalem kho a pha toteh vuensom ka a naw ni ahni teh a pathoe awh.

³ Nangmanaw vuensom ka a hoeh e naw koe na kâen awh teh na canei awh telah yon a hnei awh.

⁴ Hahoi teh Piter ni hote a konglamnaw kahawicalah buet touh hnukkhu buet touh a dei pouh.

⁵ Joppa kho ka ratoum navah vision ka hmu. Hni kalenpui buet touh a takin pali touh kaawm e kalvan lahoi kabawt e ka hmu teh ka teng vah a pha.

⁶ Athung vah kahawicalah ka khet teh talai van e a khok pali touh e moithangnaw, sarangnaw, a vawn hoi káva e naw hoi tavanaw hah ka hmu.

⁷ Hahoi lawk buet touh ka thai. Piter thaw nateh, thet haw, hahoi teh cat loe, na ti pouh.

⁸ Hatei, kai ni coung thai mahoe Bawipa, bangkongtetpawiteh, kathounghoehe hno teh ka káko daw kâen boihoe ka ti pouh.

⁹ Hatnavah apâhni lah kalvan hoi e a lawk teh Cathut ni a thoungsak e nang ni thoung hoe tet hanh a ti.

¹⁰ Hettelah vai thum touh thung ati hnukkhu hotnaw pueng teh kalvan lah bout a tawm.

¹¹ Hat navah, Kaisarea kho lahoi kai koe a patoun e tami kathum touh kai ka onae im hmalah a kangdue awh.

¹² Hatnavah Kathoung Muitha ni oupvoudnae awm laipalah ahnimouh hoi rei cet lawih telah na ti pouh. Hete hmaunawnggha taruk touh hai kai hoi rei a cei awh teh kaimouh teh ahni im ka kâen awh.

¹³ Hote tami ni kalvantami ni ahnie imthungkhu a kangdue teh Joppa kho lah tami patoun nateh Piter tie Simon hah kaw loe.

¹⁴ Ahni ni nangmouh imthungkhu abuemlah rungngang lah na o awh nahanlah a hmu e hah na dei pouh han ti teh a hmu e hah kaimouh koe a dei.

¹⁵ Hahoi teh tang ka dei teh, Kathoung Muitha teh ahmaloe maimae lathueng a pha e patetlah ahnimouh lathueng hai a pha van.

¹⁶ Hatnavah Jawhan ni tui baptisma a poe. Nangmouh teh Kathoung Muitha daw baptisma na hmu awh han telah Bawipa ni a dei e lawn ka pouk.

Kabawpnae

¹⁷ Hat torei teh, Cathut ni Bawipa Jisuh Khrih ka yuem e nangmouh na poe e poehno patetlah, ahnimouh haiyah a poe van dawkvah, bangtelah vai khuet ka rakhout thai toung va telah atipouh.

¹⁸ Ahnimouh teh hote lawk a thai navah sairasuepcalah ao awh. Hathnukkhu Cathut a pholen awh teh Cathut ni hringnae daw pha sak lah kaawm e pankângainae phunglawk hah Jentelnaw koe haiyah a poe toe titeh a dei awh.

Antiok kho e Kawhmoun

¹⁹ Stiven rektap kecu daw kâkapek awh e naw teh, Phoenicia ram koehoi saipras tuilum hoi Antiok kho totouh a cei awh. Ahnimouh teh Judah miphun dei laipalah, api koehai kamthang lawk teh dei awh hoe toe.

²⁰ Hatei, Saipras hoi Grik kho e tami a tangawn ahnimouh koe a bawk teh Antiok kho a cei awh. Grik lawk ka dei e Judahnaw koe haiyah a dei pouh teh Bawipa Jisuh e kamthang kahawi teh a dei awh.

²¹ Bawipa e thaonae kut teh ahnimouh hoi rei ao dawkvah, tami moikapap ni a yuem awh teh Bawipa koe a kâhung awh.

²² Ahnimae kamthang teh Jerusalem kaawm e kawhmoun ni a thai navah, Barnabas hah Antiok kho cei hanlah a patoun awh.

²³ Barnabas a pha teh, Cathut e lungmanae a hmu torei teh a lunghawi, ahnimanaw hanlah yuemnae lahoi Bawipa koe pou kâhnai hanelah tha a poe teh a hroecoe.

²⁴ Bangkongtetpawiteh, ahni teh tami kahawilah ao dawkvah, Kathoung Muitha hoi thoseh, yuemnae hoi thoseh, kakawi e lah ao. Hatnavah tami moikapap Bawipa daw k a kâthung awh.

²⁵ Barnabas teh Tarshish kho a cei teh, Sawl hah a tawng.

²⁶ A kâhmo toteh Antiok khovah a thokhai teh kum touh thung kawhmoun hoi a kamkhueng awh teh tami moikapap a cangkhai awh. Antiok khovah ahnukkâbangnaw hah Khristennaw telah hmaloe a kaw awh.

²⁷ Hatnae tueng dawkvah Jerusalem hoi Antiok khovah profetnaw a cei awh.

²⁸ Ahnimouh thung dawkvah Agabus tie ni a kangdue teh, talaivan pueng dawkvah takang kalenpoung a tho han telah muitha lahoi a pâpho. Hote takang teh Kalawdias siangpahrang a taw k nah a tho.

²⁹ Hatnavah a hnukkâbangnaw ni a tithai awh e patetlah kabawp hanelah lengkaleng a tâcokhai awh.

³⁰ Ahnimouh ni hottelah a tâcokhai e hah Barnabas hoi Sawl koehoi patuen kacuenaw koe a patawn awh.

12

Jem theinae

¹ Hatnae tueng nah Herod siangpahrang ni kawhmoun thungvah tami tangawn rektap hanelah a man awh.

² Ahni ni Jawhan e hmau Jem hah tahloi hoi a thei.

³ Hettelah a thei nah Judahnaw a lunghawi awh tie a hmu dawkvah Piter hai man hanlah bout a kâcai. Hatnae tueng teh tonphuenhoehe vaiyei pawl lah ao.

⁴ Herod ni Piter a man hoi thongim thung a pakhum teh ka ring hanelah ransa phu touh daw k pali touh kaawm e, phu pali touh koe a poe. Ahni ni ceitakhai pawl a baw toteh tamimaya hmalah a tâcokhai han a ngainae ao.

Piter thong bonae hoi hloutnae

⁵ Hettelah hoi Piter teh thongim thung a paung awh. Hatnavah kawhmoun ni Piter hanlah Cathut koe puenghoi a ratoum pouh awh.

⁶ Herod ni tamimaya hmalah a tâcokhai nahane hnin a pha hoehnahlan tangmin vah Piter hah sumbawtarui kahni touh hoi a pakhi awh teh ransa roi e rahak a i sak awh. Ka ring e naw ni hai takhang koe king a ring awh.

⁷ Hatnavah Cathut e kalvantami a tho teh thongim thung pheng a ang. Kalvantami ni Piter e a na koe a tek pouh teh, karang thaw leih atipouh. Hat nah tahma vah sumbawtaruinaw ahni kut daw k hoi pak a ca pouh.

⁸ Kalvantami ni, taisawm kâyeng nateh khokkxawm khawm leih atipouh e patetlah Piter ni a kâroe. Hahoi, hni kâkhu nateh ka hnuk kâbang, bout atipouh.

⁹ Piter ni a thaw teh ahnie a hnuk a kâbang. Hatei kalvantami ni ati e hah kantik nahoe h mue, vision mue ka hmu a ti.

¹⁰ Thongim karingkungnaw ni, ringnae apasueke hoi apâhni e hmuen a tapoung teh kho thung kâenna e sum longkha koe a pha roi. Hote longkha hai a mahmawng a kamawng teh hote hmuen koehoi a tâco roi. Hahoi lamthung buet touh daw k a cei navah, kalvantami ni Piter teh a ceitakhai

¹¹ Hatnavah Piter a lungcai teh, Bawipa ni a kalvantami a patoun teh, Herod bawi e kut dawk hoi Judahnaw ni a sak e naw thung hoi, kai hah na hlout sak katang e ka panue telah a dei.

¹² Hote hno kaawm e a lungcai katang hoiyah Mark ati awh e Jawhan e a manu Meri im lah a cei. Hote im dawk taminaw a kamkhueng awh teh a ratoum awh.

¹³ Piter ni takhang tho a takhawng pouh nah Rhoda tie sannu ni tho paawng hanlah a cei.

¹⁴ Piter e a lawk tie a nout navah, tho paawng pouh laipalah lunghawinae lahoi im thung lah a yawng teh, tho koe Piter a kangdue, tie a dei pouh.

¹⁵ Ahnimouh ni, na pathu maw atipouh awh. Hatei napui ca ni a tang doeh telah makkhak a dei. Hatdawkvah ahnimouh ni yah, ahnie a kalvantami vai aw, atipouh awh.

¹⁶ Hatnavah Piter ni tho a takhawng. Ahnimouh ni a paawng teh a hmu navah a kângairu awh.

¹⁷ Sairasuep lah awm awh telah a kut hoi a kamnue sak. Bawipa ni bangtelah hoi maw thongim thung hoi na tâco sak tie a dei pouh. Hete konglamnaw hah, Jem hoi hmaunawngghanaw koehai dei pouh awh atipouh teh alouklah a ceitakhai .

¹⁸ Amom khodai toteh, Piter heh bangne ka tet ati awh teh ransanaw teh ruengrueng ati awh e heh kathoenge nahoeh.

¹⁹ Herod ni tawng awh atipouh. Hatei hmawt awh hoeh. Karingkungnaw pacei nateh thet awh telah kâ a poe. Hathnukkhu vah Herod teh Judah ram hoi Kaisarea kho lah a cei teh hawvah dawngdeng ao.

Herod pâri laihoi a due

²⁰ Herod teh Taire hoi Sidon taminaw koevah, puenghoi a lungphuen dawkvah, ahnimanaw ni Herod koe a tho awh teh, Herod ka ring e Blastus hah kâmahawikhai hanelah a dei pouh awh. Bangkongtetpawiteh ahnimae ram teh siangpahrang e ram thung hoi canei ka hmawt e lah ao awh.

²¹ Ahnimouh kamkhueng hnin vah Herod teh ama Siangpahrang e a puengcang kâmahrawk teh a bawitungkhung dawkvah a tahung teh tamimaya koe lawk a dei pouh.

²² Kamkhueng e taminaw ni, Lawk kadeikung heh tami kahring e lawk nahoeh cathut e lawk doeh titeh a hram awh.

²³ Herod ni Cathut hah a bari hoeh dawkvah Bawipa e kalvantami ni vai touh lahoi a hem. Ahni teh pâri ni a ca teh a due.

²⁴ Cathut lawk teh a kampai teh hoe a kamphung.

²⁵ Barnabas hoi Sawl ni kabawpnae thaw a cum roi hnukkhu Mark tie Jawhan hai a hrawi roi teh Jerusalem hoi bout a ban awh.

13

Thaw kârakuengnae

¹ Antiok kho kaawm e kawhmoun dawkvah Barnabas, Niger telah kaw e Simeon, Sairen tami Lusius, Herod bawi e a hui Manean, Sawl tinaw, profetnaw hoi kacangkhaikungnaw teh ao awh.

² Ahnimouh ni rawca hai lahoi Bawipa a bawk awh navah Kathoung Muitha ni Barnabas hoi Sawl heh kai ni ka hmoun pouh e thaw tawk hanelah na takhoe pouh awh telah a ti.

³ Hatnavah ahnimouh ni rawcahai ratoum hnukkhu ahnimouh roi e lathueng kut a toung aw hawh teh a patoun aw hawh.

Saipras tuilum koe thaw taw knae

⁴ Hahoi, ahnimouh teh Kathoung Muitha ni a patoun aw hawh e patetlah Seleukia kho lavah a cei aw hawh teh Saipras lah long hoi a cei aw hawh.

⁵ Salamis kho a pha aw hawh navah, Judahnaw e sinakoknaw dawkvah Cathut lawk hah a pâpho aw hawh. Ahnimouh ni kabawmkung lah Jawhan hai a hrawi aw hawh.

⁶ Hote tuilum pet a kâhei hnukkhu Paphos kho totouh a pha aw hawh navah camkathoum e profet kaphawk Barjisuh a kâhmo aw hawh.

⁷ Ahni teh, hote tuilum ka uk e bawi Sergius tie teh Pawlus e a hui lah ao. Khobawi ni Cathut lawk thai hanelah puenghoi a ngai dawkvah Barnabas hoi Sawl teh a kaw.

⁸ Hatei camkathoum e Elymas ni khobawi hah yuemnae koehoi phen sak hanelah a panki teh Barnabas hoi Sawl teh a ngang.

⁹ Hatnavah Pawl telah kaw e Sawl teh Kathoung Muitha hoi akawi dawkvah,

¹⁰ hote tami heh kheh a khet teh, dумыennaehoi kakawi e kahraimathout capa, lannaeharan lah kaawm e nang teh Cathut e lannaeh lamthung heh raphoe laipalah na awm thai hoe hawmaw.

¹¹ Khenhaw! Cathut kut teh na tak dawkwatu a pha toung dawkvah, na mit dawn vaiteh kho hmawt laipalah hnintha kasawlah na o han atipouh. Hat nah tahma vah, a mit amom teh kho lah a hmo pouh dawkvah ka hrawi hane tami vaivai a payam laihoi a tawng.

¹² Hote khobawi ni a hmu navah Bawipa hoi kâkuen e cangkhai e naw hah kangairu lahoi a pholen teh a yuem.

Antiok kho Pawl kamthang lawk a dei

¹³ Pawl hoi a huinaw teh Paphos kho hoi long hoi a cei aw hawh teh Pamfilia ram Perga khovah a pha aw hawh. Hatnavah Jawhan teh ahnimouh hoi a kamphei teh Jerusalem kho lah a ban.

¹⁴ Ahnimanaw teh Perga kho hoi bout a cei aw hawh teh, Pisidia ram Antiok kho a pha aw hawh. Sabbath hnin vah sinakok thung a kâen aw hawh teh a tahung aw hawh.

¹⁵ Kâlawk cauknaw hoi profet cauknaw a touk aw hawh navah, sinakok kaukungnaw ni tami a patoun teh, ka hmaunawngnaw tamimaya thapoelawkw dei han awm pawiteh dei aw hawh loe telah atipouh aw hawh.

¹⁶ Hatnavah, Pawl ni a thaw teh, kut a dâw hnukkhu Isarel miphunnaw hoi Cathut ka taket e naw ka lawk thai aw hawh.

¹⁷ Isarel miphunnaw Cathut ni maimae mintoenaw hah a rawi teh Izip ram san lah ao aw hawh navah miphun kalenpoung lah a coung sak teh, a kut thakaawmpoung hoi ahnimouh teh hote ram thung hoi a tâco sak toe.

¹⁸ Kum 40 touh thung thingyei yon dawkw a khetyawt.

¹⁹ Hahoi, Kanaan ram kaawm e miphun phun sari touh e naw hah a raphoe teh ahnimaw ram dawkw a taminaw hah râw a rei aw hawh teh ao sak.

²⁰ Hatteh, kum 450 touh a ro. Hahoi, profet Samuel se totouh lawkcengkungnaw a poe.

²¹ Ahnimouh ni siangpahrang a hei aw hawh navah Cathut ni Benjamin miphun lah kaawm e Kish capa Sawl teh kum 40 touh thung siangpahrang hanelah a poe aw hawh.

²² Hahoi ahni hah a takhoe teh, Isarel siangpahrang lah Devit hah a tawm pouh. Ahni hah a kampakhai teh hettelah a dei, ka lung ka youk

ni teh kaie ngainae ka kuep sak hane tami Jesi capa Devit ka hmu toe, telah a ti.

²³ Cathut lawkkam patetlah Isarelnaw hane rungngangkung Jisuh teh Devit catoun dawk hoi a tâco sak.

²⁴ Hote Bawipa a tho hoehnahlan vah Jawhan ni Isarelnaw pueng koe pankângainae baptisma kong sut a pâpho toe.

²⁵ Jawhan teh a tawk e thaw a cum tawmlei nah, nangmouh ni kai hah api lah maw na pouk awh vaw. Kai teh ka tho hane Bawipa nahoe. Ahni teh ka hnuklah doeh a tho. Ahni khok dawk e khokkhawm rui patenghai rasu pouh hanlah kai kamcu hoe a ti.

²⁶ Abraham catoun lah kaawm e naw hoi nangmouh thung e Cathut ka bari e hmaunawngghanaw, hete rungngangnae kamthang kahawi teh kaimouh koe poe lah ao toe.

²⁷ Jerusalem e taminaw hoi kacue e naw ni, hote Bawipa hoi Sabbath hnintangkuem touk lah kaawm e profet lawknaw hai a thai panuek awh hoe dawkvah, hote Bawipa hah a theinae lahoi profet lawknaw teh a kuep sak awh toe.

²⁸ Ahnimouh ni Bawipa hah thei thai nahane yon a tawng a ei a hmu awh hoe nahlangva vah thei hanelah Pailat Bawi koe a hei awh.

²⁹ Hottelah hoiyah Bawipa noe lahoi thut lah kaawm e pueng a kuep sak awh hnukkhu, a ro hah thing dawk hoi a rasu awh teh, tangkom dawk a pakawp awh.

³⁰ Hatei, Cathut ni Bawipa teh duenae koehoi a thaw sak toe.

³¹ Bawipa teh Galilee hoi Jerusalem totouh kahlawng lah a cei navah, amae a hnukkâbangnaw koe hnin moikapap a kamnue pouh. Ahnimouh teh, Bawipa kapanuekkhaikung lah ao awh.

³² Atuvah, hete lunghawinae kamthang teh nangmouh koe a pha thai nahanlah hi ka tho e doeh.

³³ Cathut ni Jisuh hah a thaw sak teh, mintoenaw e catoun lah kaawm e maimouh han lah, hote lawkkam hah a kuep sak toe. Het hateh apâhni e Sam dawk nang teh kaie Ka Capa lah na o. Sahnin vah nang hah na khe sak toe, telah a thut tangcoung e patetlah ao.

³⁴ Duenae koehoi bout a thaw nahane kong hoi rawknae dawk bout pha hoe nahanelah Cathut ni a dei e teh, kathoung e hoi yuemkamcu e yawhawinae Devit koe lawk ka kam tangcoung e hah nangmouh koe na poe awh han tie hah doeh.

³⁵ Hatdawkvah alouke Sam la dawk hai Bawipa hanlah houk kathoung e naw teh bout pawk sak mahoe toe telah bout a dei.

³⁶ Devit ni amae tueng dawk Cathut thaw a tawk teh a due hnukkhu, mintoenaw e phuen thung pakawp teh pawknae koe a pha.

³⁷ Hateiteh Cathut ni thaw sak lah kaawm e Bawipa teh pawk hoe toe.

³⁸ Hatdawkvah ka hmaunawngghanaw, hote Bawipa lahoi yon ngaithoumnae kamthang nangmouh koe pâpho e hah, ka yuem pueng ni Mosi e kâlawk lahoi lan sak thai hoe e thung hoi na lan sak toe tie panuek awh.

³⁹ Hote Bawipa lahoi na lan toe telah khoe lah onae nakunghai, nangmouh ni panuek awh haw.

⁴⁰ Hatdawkvah, ayâ ka pacekpahlek e naw, khen awh, kângairu awh nateh, rawknae koe phat awh.

⁴¹ Bangkongtetpawiteh kai ni nangmae se dawk hno buet touh ka sak han. Tami buetbuet touh ni hote hno hah nangmouh koe pheng ka pâpho

nakunghai, nangmouh ni khoeroe na yuem a mahoe h telah profetnaw hno lahoi dei tangcoung e teh, nangmouh koe a bo hoe h nahanlah kâhruetcu et aw h atipouh.

Pawl hoi Barnabas Antiok kho a pha

⁴² Pawl hoi Silas a ban roi navah hmalae sabbath hnin haiyah hete kamthang bout dei pouh hanelah Jentelnaw ni a kâhei aw h.

⁴³ Sinakok hoi a tâco aw h hnukkhu vah, Judahnaw hoi Judah phung lah kâen ni teh Cathut ka baw k e naw ni Pawl hoi Barnabas hnuk a kâbang aw h. Cathut lungmanae daw k pou aw m a loe telah ahnimouh roi ni tha a poe roi.

⁴⁴ Hmalae sabbath hnin daw k teh lawk katang thai hanelah khobuem a kamkhueng aw h.

⁴⁵ Hatei, Judahnaw ni hote tamihupui hah a hmu aw h navah, a ut aw h teh Pawl ni a dei e hoi kâtaran lah dudamnae law k a dei aw h.

⁴⁶ Hatnavah Pawl hoi Barnabas ni lungtang laihoi a dei roi e teh, Cathut e lawk katang hah nangmouh koe hmaloe pâpho han ka ngai ei teh nangmouh teh a yungyoe hringnae na hmu aw h nahanlah na kamcu aw h hoe h daw kvah, Jentelnaw koe lah ka kamlang aw h toe.

⁴⁷ Bangkongtetpawiteh, Bawipa ni, nangmouh teh rungngangnae hah talai pout totouh pâpho hanelah, kai ni nangmanaw teh Jentelnaw e angnae lah na ta aw h toe telah kaimouh koe kâ na poe toe atipouh.

⁴⁸ Jentelnaw ni hote law k a thai aw h navah, a lunghawi aw h teh, Bawipa e law k hah a bawilen sak aw h. Yungyoe hringnae coe hanelah hmoun tangcoung e tami pueng nihaiyah a yuem aw h.

⁴⁹ Hettelah hoi Bawipa e a lawk katang teh haw e khoram pueng daw k a kamthang.

⁵⁰ Hatei, Judahnaw niyah Cathut ka baw k ni teh bari kaaw m e napuinaw hoi khobawinaw hah a hroecoe aw h teh Pawl hoi Barnabas hah rektap sak hanelah a tacuek aw h. Ahnimouh roi hah amamae kho daw k hoi a pâlei aw h.

⁵¹ Hattoteh Pawl hoi Barnabas ni a khok daw k e vaiphu a takhawng sin teh Ikonium kho lah a cei roi.

⁵² A hnukkâbangnaw hai lunghawinae hoi thoseh, Kathoung Muitha hoi thoseh, akawi aw h.

14

Pawl hoi Barnabas Ikonium phanae

¹ Pawl hoi Barnabas ni Ikonium kho Judah miphunnaw e sinakok vah a kâen roi teh, a pâpho roi navah, Judah miphunnaw hoi Grik miphunnaw tami moi kapap ni a yuem aw h.

² Hatei ka yuem hoe h e Judah miphunnaw niyah Jentelnaw hah a tacuek aw h teh a hmaunawng ha rahak kâpohoe hnae a tâco sak.

³ Hatdaw kvah ahnimouh roi ni moi kasaw lah ao sin roi teh Cathut e lawk katang hah taranhawi laihoi a kampangkhai roi. Bawipa ni hai ahnimouh roi e kut daw k hoi mitnoutnaw hoi kângairu hnonaw hah sak thainae kâ a poe teh, amae lungmanae lawk katang koe lah a kampangkhai.

⁴ Kho thung e taminaw teh kahni touh lah a kâkapek aw h. Atangawn teh Judahnaw koelah a tangawn teh gunceinaw koe lah a kampang aw h.

⁵ Jentelnaw hoi Judahnaw ni amamae khobawinaw hoi cungtalah gunceinaw hah rektap vaiteh talung hoi ka dout lah dêi han ati awh e hah,

⁶ Gunceinaw ni a panue awh toteh, Likonia ram kaawm e Listra hoi 'Derbi kho tengpam vah koung a yawng awh teh,

⁷ haw e hmuen koe kamthang kahawi a pâpho awh.

Barnabas hoi Pawl hah cathut ati awh

⁸ Listra khovah kaawm e, a manu vawn thung hoi vai touh hai ka cet boihoe e khokkhem tami buet touh teh Pawl ni a dei e lawk a thai.

⁹ Pawl ni a khet teh yuemnae a tawn e, a hmu navah,

¹⁰ thaw nateh kangdout haw telah kacaipounglah a dei pouh teh hluet a thaw teh a cei thai.

¹¹ Pawl ni a sak e hno a hmu awh navah 'Ikonia lawk hoi a dei awh e teh cathutnaw heh tami lah a kâsak teh maimouh koe a kum ati awh.

¹² Ahnimouh ni Barnabas hah Zeus ati awh teh, Pawl heh phung kadeikung hoi kahrawikung lah ao dawkvah, Hermes atipouh awh.

¹³ Vaihna Zeus e bawkim teh kho alawilah ao teh, tamimaya hoi thuengnae sak hanelah a ngai awh dawkvah, maitotannaw hoi a peinaw hah kho thung a kâenkhai awh.

¹⁴ Guncei Barnabas hoi Pawl ni hottelah ati awh e a thai navah amamae khohna a ravei teh taminaw e rahak a kâen.

¹⁵ Barnabas hoi Pawl ni hei nangmanaw bangdawkmaw hettelah na sak awh. Kaimouh hai nangmouh patetlah talai dawk kho ka sak awh van e nahoehmaw. Nangmouh ni het patet e ayawmyin hno na sak awh e hah cettakhai awh. Kalvan, talai, tuipui hoi a cawngca kasakkung kahring Cathut dawk na lungkâthung awh nahanlah kaimouh teh kamthang kahawi ka dei e doeh.

¹⁶ Yo kaloum e senaw dawkvah, Cathut ni taminaw pueng hah amamae lamthung a dawn thai nahan pak a hnoun.

¹⁷ Hatei nangmouh koe hnokahawi a sak e, canei kakhoutcalah a poe teh a lunghawi sak nahanlah, kalvan hoi kho a rak sak teh, atimunaw a paw sak. Ratui ahawi sak teh Bawipa hawinae kampangkhai laipalah kaawm thai awh hoeh telah Pawl hoi Barnabas ni a hramkikhai roi.

¹⁸ Ahnimouh roi ni hottelah a hramkhai roi dawkvah thuengnae sak hoeh nahanlah rangpuinaw hah puenghoi a cakâ thai awh.

¹⁹ Hathnukkuh Antioch kho hoi Ikonium kho lahoi Judah miphunnaw teh a tho awh teh rangpuinaw pueng a pâkhueng awh teh Pawl hah talung hoi a dêi awh. A due toe ati awh teh kho alawilah a sawn awh.

²⁰ Hatei a hnukkâbangnaw ni a khet lahun nah Pawl bout a thaw teh kho thung bout a kâen. A tangtho vah Pawl teh Barnabas hoi Derbi kho lah a cei toe.

Kawhmoun a kangdue sak

²¹ Ahnimanaw ni hote kho dawkvah, kamthang kahawi a dei awh teh tami moikapap ni a hnukkâbang lah a coung awh. Hahoi teh Listra lah a ban awh teh, Ikonium hoi Pisidia ram Antioch kho lah a cei awh.

²² Yuemnae dawk kacaklah kangdout awh telah tha a poe hnukkhu, maimanaw teh Cathut uknaeram dawk kâen nahanlah rucatnae moi khang awh han telah a dei pouh.

²³ Kawhmoun tangkuem dawk hai kacuenaw a rawi pouh teh, rawchahi laihoi a ratoum awh hnukkhu, amamouh ni a yuem awh e Bawipa e kut dawk ahnimanaw hah a hnawng awh.

²⁴ Hahoi teh Pawl hoi Barnabas teh Pisidia ram a tapoung roi teh Pamfilia ram lah a pha roi.

²⁵ Perga kho lawk a pâpho hnukkhu Attalia kho lah a cei roi.

²⁶ Hote kho koehoi atu e a tawk awh e thaw a cum awh nahanelah a patounnae Antiok kho lah long hoi bout a cei roi.

²⁷ Hawvah a pha toteh, kawhmoun hah a kamkhueng sak teh, ahnimouh roi hno lahoi Cathut ni a sak e hno hoi Jentelnaw koe yuemnae takhang a kamawngnae hah a dei pouh awh.

²⁸ Hathnukkhu haw vah hnukkâbangnaw koe hnin moi kasawlah ao awh.

15

Antiok kho hoi kâounnae

¹ Tami bangpatetnaw ni Judah ram lahoi a tho awh teh, Mosi e kâlawk patetlah vuensomanae ka hmawt hoeh e ni rungngang lah na awm thai mahoeh, telah hmaunawngghanaw a cangkhai awh.

² Hatnavah Pawl, Barnabas ti hoi ahnimanaw teh kâounnae puenghoi ao dawkvah, hmaunawngghanaw ni, Pawl, Barnabas hoi alouke a hnukkâbangnaw hoiyah hote laidei hanelah Jerusalem kaawm e gunceinaw hoi kacuenaw koe a cei awh hane lawk a dei awh.

³ Kawhmoun ni ahnimanaw yo a thak awh. Phoenicia hoi Samaria ram lahoi pou a cei awh navah, Jentelnaw koe a lungpatawnae kong ahnimouh ni a dei awh teh hmaunawngghanaw pueng a lunghawi sak awh.

⁴ Jerusalem a pha awh navah, kawhmoun hoi Gunceinaw, kacuenaw ni a dawn awh. Ahnimouh ni Cathut ni ahnimouh hno lahoi hno a sak e naw a dei pouh awh.

⁵ Hatei Farasinaw koe lahoi ka yuem e tami tangawn ni a kangdue awh teh, Jentelnaw hah vuensoma sak hane hoi Mosi e kâlawk tarawi sak hanelah lawkthui hanelah ao ati awh.

Jerusalem kamkhuengnae

⁶ Hatdawkvah gunceinaw hoi kacuenaw ni hote lawk paceinae pouk hanelah a kamkhueng awh.

⁷ Tha hoi a kâoun awh hnukkhu vah Piter ni a kangdue teh hmaunawng-hanaw, Jentelnaw ni kamthang kahawi a thai awh teh, a yuem awh thai nahanlah Cathut ni nangmouh thung hoi kai heh kadeikung lah na rawi e na panue awh.

⁸ Lungthin be ka panuek e Cathut ni Kathoung Muitha heh maimouh na poe e patetlah ahnimouh hai a poe awh teh ahnimouh koelah a kampakhai.

⁹ Cathut ni ahnimouh hoi maimouh khoeroe kapeknae awm laipalah yuemnae lahoi ahnimae lungthin a thoungsak.

¹⁰ Hatdawkvah nangmouh ni mintoenaw hoi maimouh ni hai phu thai hoeh e hno teh ahnimae a loung dawk na patue e lahoi atuvah Cathut tanouk hanlah na ngai awh.

¹¹ Maimouh hai ahnimouh patetlah Bawipa Jisuh Khrih e a lungmanae kecu dawk rungngang lah o teh yuem awh, atipouh.

¹² Hatnavah ka kamkhueng e tami pueng teh sairasuep lah ao awh teh, Barnabas hoi Pawl ti ni ahnimouh koehoi Jentelnaw koe Cathut ni a sak e mitnoutnae hoi kângairunae a dei awh e a thai awh.

¹³ Ahnimanaw ni lawk dei e a pâbaw awh hnukkhu, Jem ni hmaunawng-hanaw, kaie ka lawk thai awh haw.

14 Cathut ni ama hanlah Jentelnaw thung hoi a miphun lah a coe nahan, ahnimouh koe hmaloe a thonae hah Simeon ni apasuek vah a dei toe.

15 Profetnaw e a lawk dei e hai hete a lawk hoi a kâvan.

16 Cakathoung ni, hetnaw e hnuklah kai ni bout ka tho vaiteh ka rawm tangcoung e Devit e lukkareim hah bout ka sak han. Raphoe tangcoung e hote rim hah bout sak lah ao vaiteh ka caksak han.

17 Ka min lahoi ka kaw e Jentelnaw hai a yungyoe ka hring e Cathut a tawng awh nahane doeh telah,

18 ayan hoi hete lawk ka panueksakkung Bawipa ni a dei atipouh.

19 Hatdawkvah Jentelnaw koehoi Cathut koe lah a lungkâthung e naw koe runae poe hanlah awmhoeh.

20 Meikaphawk dawk thounghoehnae, kamsoumhoeh napui tongpa yonnae, lahuen kara e moi hoi a thinaw hah roun hanelah ahnimouh koe ca lahoi thaisak hanlah ka pouk.

21 Bangkongtetpawiteh ayan hoi kho tangkuem vah Mosi e phung lawk ka dei e ao teh, hote lawk hah sabbath hnintangkuem sinakoknaw dawk ouk touk awh atipouh.

Jentelnaw koe poe e ca

22 Hatnavah Gunceinaw, kacuenaw hoi Kawhmoun abuemlah ni amamouh thung dawk e tami a rawi awh teh, Pawl, Barnabas hoi hmaunawngnanaw thung dawk e kahrawikung lah kaawm awh e Barsabbas telah a kaw awh e Judah hoi Silas a rawi awh.

23 Ahnimouh koe a sin sak awh e ca dawkvah, gunceinaw kacuenaw hoi hmaunawngnanaw ni Antiok kho Siria ram hoi Cilicia ram kaawm e Jentel hmaunawngnanaw kut na man awh.

24 Kaimouh koe e tami bangpatet ni kaimouh ni patoun laipalah a cei awh teh lawk aphunphun lah a dei awh teh, nangmouh na lungpuen awh teh, a rucatnae na poe awh tie ka thai awh. Vuensom na a awh vaiteh, kâlawk hai na tarawi awh roeroe han a ti awh. Hotpatetlae lawk dei hanelah ahnimouh koe kâpoelawk banghai ka poe awh hoeh.

25 Hatdawkvah kaimouh ni ka kâhmo awh teh, maimouh ni pahren e Pawl hoi Barnabas hoi cungalal nangmouh koe tami patoun hanelah ka lung a kuep awh. Hatdawkvah maimouh ni Bawipa Jisuh Khrih min kecu dawkvah amamae hringnae kâphumnaw lah kaawm e,

26 maimouh ni lungpataw awh e Barnabas hoi Pawl tinaw hoi reirei patoun hanelah tami kahni touh rawi hane ka lungkuep awh.

27 Hatdawkvah Judas hoi Silas hah ka rawi awh teh nangmouh koe ka patoun awh. Ahnimouh ni lawk hoi hai a dei awh han doeh.

28 Hete phunglamnaw hloilah alouke hnokari titca hai nangmouh van toung sak hoeh nahanlah Kathoung Muitha hoi kaimouh ni ka hnâbo awh.

29 Hote phunglam teh nangmouh ni meikaphawk bawknae hno, thi, lahuen kara e moi, hoi kamsoumhoeh napui tongpa yonnae hah roun awh. Nangmouh teh hete hnonaw hoi kathoung lah na awm awh pawiteh ahawî. Na tak dam awh naseh telah a thut pouh awh.

Jerusalem hoi patawn e ca ahawinae

30 Gunceinaw a patoun navah Antiok kho lah a cei awh teh, haw a pha hoi kayuemnaw a pâkhueng awh hnukkhu ca hah ahnimae kut dawk a poe awh.

31 Ahnimouh ni hote ca a touk awh teh thapoena lawk dawk a konawm awh.

³² Judah hoi Silas amamouh roi hai profet lah ao roi dawkvah ahnimouh koe thapoenae lawk a dei pouh roi.

³³ Ahnimanaw teh hnin dongdeng ao aw h teh, hmaunawngghanaw ni lungmawng lah a thak aw h teh kapatoukungnaw koe let a ban sak aw h.

³⁴ Hatei Silas teh hawvah tongtang ao.

³⁵ Pawl hoi Barnabas teh Antiok kho ao navah alouke taminaw hoi cungtalah Bawipa e lawk hah a cangkhai aw h.

Pawl hoi Barnabas a kamphei roi

³⁶ A hnin moi ao hoi Pawl ni Barnabas koe, Bawipa e lawk pâpho tangcoungae kho daw k kaawm e hmaunawngghanaw, bangtelane ao aw h tie yo hloe hanelah ahnimouh koe bout cet aw h sei atipouh.

³⁷ Barnabas ni Mark tie Jawhan hai hrawi hanelah a ngai.

³⁸ Hateiteh, Pawl ni Pamfilia ram vah ahnimouh hoi a kamphei teh oun a cei dawkvah, a thaw tawknae koe ahnimouh hoi reirei ka cet ngai hoeh e teh kaw hanelah awmhoeh telah a pouk.

³⁹ Hatnavah puenghoi kâounnae ao dawkvah buet touh hoi buet touh a kamphei roi toe. Barnabas ni Mark a hrawi teh Saipras tuilum lah a cei.

⁴⁰ Pawl ni Silas a rawi teh hmaunawngghanaw lahoi Bawipa e lungmanae daw k hnawng lah ao hnukkhu a kamthaw.

⁴¹ Ahni teh Siria ram hoi Cilicia ram lah tawngtang a cei teh, kawhmounnaw hah a cak sak.

16

Pawl ni Timote a kamyawngkhai

¹ Hathnukkhu hoi Pawl teh Derbi kho hoi Lustra kho a pha. Lustra kho daw k Timote telah a min poe e a hnukkâbang buet touh ao. Ahnie a manu teh ka yuem e Judah tami napui buet touh doeh, a na pa teh Grik tami doeh.

² Ahni teh Lustra lahoi, Ikonium kho daw k kaawm e hmaunawngghanaw thung bari kamcu e lah ao.

³ Pawl ni Timote hrawi hanelah a ngai. Ahnie a na pa Jentel tami tie hote hmuen koe kaawm e Judah tami pueng ni a panue aw h daw k vuensom a a pouh aw h.

⁴ Ahnimouh teh khopuinaw koe yuengyoe a cei aw h navah, Jerusalem kho daw k kaawm e gunceinaw hoi pastornaw lawk a poe e naw hah kayuemnaw tarawi hanelah a poe aw h.

⁵ Hottelah kawhmounnaw teh yuemnae daw k kacaklah ao teh, hnin touh hnukkhu hnin touh a pung aw h.

Masidonia tami hram lawk

⁶ Frigia ram, Galati ram lah a cei aw h hnukkhu Asia ram daw k lawkkatang hah dei hoeh hanelah Kathoung Muitha ni a ngang dawkvah,

⁷ Misia ram lah a pha aw h teh, Bitunia ram lah cei han ati aw h navah, Muitha ni kâ a poe hoeh dawkvah,

⁸ Misia ram a tengpam a cei aw h teh, Troas kho a pha aw h.

⁹ Tangmin vah Pawl koe vision a kamnué. Masidonia tami buet touh ni a kangdue teh, Masidonia ram lah raka nateh, kaimouh na kabawm haw telah a kâhei.

¹⁰ Hote vision a hmu nah, Masidonia ram daw k kamthang kahawi dei sak hanelah Bawipa ni kaimouh na kaw aw h toe telah hnâ ka bo aw h teh, hote ram koe lah cei hanelah tang ka kâcai aw h.

Lidia kâthungnae

¹¹ Hatdawkvah, Troas kho hoi long hoi ka cei awh teh Samotaret tuilum koe lah kuekluek ka cei awh teh, a tangtho vah Neapolis khovah ka pha awh.

¹² Hote kho dawk hoi bout ka tâco awh teh Masidonia ram thung kaawm e Filippi khopui ka pha awh teh dongdeng hnin ka saw lah ka o awh.

¹³ Sabbath hnin vah kaimouh kho alawilah ka tâco awh teh ratoumnae hmuen ao han mue telah ka pouk awh teh tuipui rai lah ka cei awh. Hote hmuen koe ka tahung awh teh napuinaw hanlah ka dei pouh awh.

¹⁴ Hatnavah hnipaling kâyawt e Tiatira kho e Lidia telah a kaw awh e napui, Cathut ka bawk e buet touh ao. Pawl ni a dei e phung lawk hah sairasuepcalah a thai nahan Cathut ni a lungthin tho a paawng pouh.

¹⁵ Hote napui teh a imthungkhunaw hoi Baptisma a coe hnukkhu, kai hah Bawipa koe yuemkamcu e tami lah na pouk awh pawiteh, kai im kâen nateh awm awh ei telah a kâhei teh kaimanaw koe na dei pouh awh.

Pawl hoi Silas thongim bonae

¹⁶ Hathnukkhu hoi kaimouh teh ratoumnae im koe ka cei awh navah hmalah han ka dei thai e, a thung kahrai kaawm e napui hoi ka kâhmo awh. Hote napui teh amae a bawipanaw hane ahawinae moi ka sak e lah ao.

¹⁷ Hote napui ca teh Pawl hoi kaimae hnuklah a kâbang teh ahnimouh teh kalenpounge Cathut e kamthang lawk rungngangnae lawk ka dei e doeh telah a hram.

¹⁸ Hottelah, napuica ni a ngelawn dawkvah, Pawl ni a kamlang sin teh Jisuh Khrih min lahoi nang teh tâcawt telah kâ na poe. Hat nah tahma vah a thung hoi kahrai teh tang a tâco toe.

¹⁹ Ahnie bawinaw ni a bawireng thai nahanelah ngaihawinae awmhoeh toe tie a panue torei teh Pawl hoi Silas hah a man awh teh khobawinaw koe a thak awh.

²⁰ Khobawinaw koe a pha roi toteh hetnaw hah Judah taminaw law pawiteh maimae khopui rucut a poe awh.

²¹ Rom tami lah kaawm e maimanaw ni yuem hoeh han e, tawk hoeh hane phunglawknaw a cangkhai awh telah ati awh.

²² Kamkhueng e taminaw ni ahnimouh koe lah tang a kampangkhai awh teh Pawl hoi Silas hah a taran awh. Khobawinaw ni ahnimae angki a rading pouh teh ruitaboung hoi hem sak hanelah kâ a poe.

²³ A hem awh teh, hmâtan a ca awh. Kahawicalah ring awh telah thongim kaukung koe kâ a poe teh thongim thung a paung awh.

²⁴ Hottelah lawkthui e patetlah thongim kaukung ni thongim thung a paen teh a khok hlong a buet pouh awh.

Thongim karingkung lung kâthungnae

²⁵ Karumsaning Pawl hoi Silas teh Cathut koe ratoum laihoi Cathut a pholen roi. Thongim ka bawt e naw ni hai a thai pouh awh.

²⁶ Pouk laipalah Tâli puenghoi a no dawkvah thongim a kâhuet. Takhangnaw koug a kamawng. Thongkabawtnaw pâkhinae sumrui pueng pak a ca pouh.

²⁷ Thongim kaukung a kâhlaw teh thongim takhangnaw a kamawng e a hmu navah thongim kamungnaw koug a yawng awh mue toe telah a pouk dawkvah tahloi hoi amahoima kâthei hanelah a kâcai.

²⁸ Hatei Pawl niyah namahoima runae kâpoe hanh, kaimanaw hete hmuen koe be ka o awh telah kacaipounglah a dei pouh.

²⁹ Hattoteh thongim a kaukkung ni hmaito hoi yawng laihoi a kâen teh Pawl hoi Silas e hmalah pâyaw laihoi a tabo.

³⁰ Hathnukkhu ahnimouh roi alawilah a tâcokhai teh ka bawipa, rungngang lah o thai nahanlah bangmaw ka sak han ti teh a pacei.

³¹ Ahnimouh roi ni Bawipa Jisuh Khrih hah yuem haw. Hottelah na yuem pawiteh nama hoi na imthungnaw rungngang lah na o awh han atipouh roi.

³² Hathnukkhu ama hoi a imthungkhu dawk kaawm e naw pueng koe Bawipa e lawk hah a dei pouh roi.

³³ Thongim kaukkung ni hatnae tangmin vah ahnimanaw hah a hrawi teh, a hmâtannaw tâsi a hluk pouh. Hathnukkhu ama hoi a imthungkhu naw abuemlah baptisma koug a coe awh.

³⁴ Ahni ni Pawl hoi Silas hah ama im a kaw teh, rawca a pacapanei teh, imthung abuemlahoi Cathut a yuem awh dawkvah a konawm awh.

Hmantang kâheinae

³⁵ Khodai toteh khobawinaw ni, ram karingkungnaw a patoun teh, ahnimanaw hah tha awh leih atipouh awh.

³⁶ Hatnavah thongim kaukkung ni hote kamthang hah Pawl koe a dei pouh. Khobawinaw ni tami a patoun awh teh, nangmanaw hah tha hanelah lawk na thui awh. Hatdawkvah, atu tâcawt awh nateh lungmawngcalah cet awh lawih atipouh.

³⁷ Hatei Pawl ni ram ka ring e naw koe Rom tami lah kaawm e kaimanaw hah akungkhei laipalah taminaw hmalah na hem awh teh, thongim thung na paung awh hnukkhu, atu kaimanaw hah arulaho maw na tha awh han yaw. Hottelah ti kawi na maw. Amamouh kuekluek tho awh naseh, kaimouh na rasat awh naseh atipouh

³⁸ Hattoteh ram karingkungnaw ni hote lawknaw hah khobawinaw koe a dei pouh awh. Ahnimouh roi teh Rom tami roi doeh tie a panue awh torei teh, a taki awh dawkvah,

³⁹ amamouh kuekluek a tho awh teh a kâhei awh. Hathnukkhu a tâco sak awh teh, hote kho thung hoi tâco hanelah a kâhei awh.

⁴⁰ Ahnimouh hai thongim thung hoi a tâco awh toteh, Lidia im a cei awh teh, hmaunawngghanaw hoi a kâhmo awh. Ahnimouh thapoelawknaw a dei pouh hnukkhu alouklah a cei awh.

17

Thesalon khovah kamthang lawk a pâpho awh

¹ Hahoi teh Pawl hoi Silas teh Amphipolis kho hoi Apollonia kho a tapuet roi teh Thesalon kho a pha roi. Hote kho dawkvah Judahnaw e sinakok ao.

² Pawl ni ahmoun e patetlah ahnimanaw kamkhuengnae koe a cei teh Sabbath hnin hnin thum touh thung Cakathoung hah a kâdeikhai awh.

³ Khrih teh reithainae a khang vaiteh duenae koehoi bout a thaw han tie kamcengcalah a pâpho teh, nangmouh koe ka pâpho e hete jisuh raw doeh Khrih toe atipouh.

⁴ Ahnimouh thung dawk a tangawn ni yuemnae dawk a pha teh, Pawl hoi Silas tinaw hnuk a kâbang awh. Cathut ka bawk e Griknaw moikapap hoiyah napui kam kamsawng e naw ni hai a yuem awh.

⁵ Hatnavah Judahnaw ni a ut aw h dawkvah tami kaponaw a kaw aw h teh a pâkhueng aw h. Khopui thung ruengruengti khai aw h, Jason im hah khik a kalup aw h teh, Pawl hoi Silas hah taminaw hmalah tâcokhai hanelah a tawng aw h.

⁶ Hatei ahnimouh roi teh a hmu aw h hoeh dawkvah Jason hoi a hmaunawngghanaw hah, ukkungnaw koe a hrawi aw h teh, kho tangkuem talaivan heh ka pakhuppathan e naw hi haiyah a pha aw h toe.

⁷ Jason ni ahnimouh ama im a luen sak. Ahnimanaw teh Sizar bawi hloilah alouke siangpahrang tie Jisuh ao ati aw h teh, Sizar bawi hah a taran aw h telah a hramki aw h.

⁸ Hote lawk ka thai e khobuem hoi ukkungnaw a lungpuen aw h.

⁹ Jason hoi alouke hmaunawngghanaw koe e rawngkhanna e tangka a la teh ahnimouh teh bout a tha aw h.

Berea khonaw

¹⁰ Pawl hoi Silas teh karum vah Berea kho a patoun aw h. Hote kho daw k a pha roi toteh, Judahnaw e Sinakok vah a cei roi.

¹¹ Berea kho e taminaw teh, Thesalon kho e kaawm e naw hlak a talue aw h. Pawl tinaw ni a dei e hah lungthocalah hoi a dâw aw h teh, laithoe maw atang maw tie hah a panue thai aw h nahanelah, Cakathoung hnintangkuem a touk aw h.

¹² Ahnimanaw thung daw k tami moikapap ni a yuem aw h. Bari kaawm e Grik napuinaw hoi tongpanaw ni hai a yuem aw h.

¹³ Hateiteh Thesalon kho kaawm e Judah taminaw ni Pawl teh Berea kho hai Cathut lawk a dei tie hah a thai aw h toteh, taminaw a tacuek aw h teh, ruengrueng ati sak aw h.

¹⁴ Hatdawkvah hmaunawngghanaw ni Pawl hah karanglah tuipei totouh a thak aw h. Silas hoi Timote teh hote khothung ao roi.

¹⁵ Pawl ka thak e naw ni Athen kho totouh a thak aw h. Silas hoi Timote hah a coung thai nathing karanglah kai koe tho roi loe tie kâ a poe e a sin aw h teh a ban aw h.

Athen khovah Pawl phanae

¹⁶ Pawl ni Athen khovah ahnimouh a ring lahun nah hote kho teh meikaphawknaw seng lah ao e hah a hmu dawkvah, a lungthung khang thai hoeh.

¹⁷ Hatdawkvah ahni teh sinakok daw k Judahnaw hoi Cathut ka baw k e taminaw hoi a kêdei aw h teh, anhla yonae koehai a kêdeikhai.

¹⁸ Epikurian hnukkâbangnaw hoi Satoiknaw nihai, Pawl hoi a kêdei aw h. A tangawn ni hete tami ni bangmouh a deingai aw ati aw h. A tangawn ni teh ramlouknaw e cathut kong vai a dei aw ati aw h. Hettelah tinae teh Pawl teh Jisuh hoi boutthawnae kong a pâpho daw k doeh.

¹⁹ Hattoteh Pawl hah Aripakas yungim a kaw aw h teh, hete cangkhae a katha e heh kaimouh hai panue kawi maw ati aw h.

²⁰ Bangkongtetpawiteh, ka thai aw h boihoeh e, ka panue aw h boihoeh e na dei e hah, kaimanaw hai panue hane ka ngai atipouh aw h.

²¹ Athen khocanaw hoi imyinnaw teh kamthang lawk thai ngainae a hloilah alouklah hoi a tueng baw sak aw h hoeh.

Aripakas yungim vah a pâpho

²² Hatdawkvah Pawl ni yungim lungui a kangdue teh, Athen nangmouh heh phunglam koe lah na thahmei poung aw h tie ka hmu.

²³ Na bawk awh e naw ka khet navah, panue hoeh e Cathut hanelah titeh ca na thut awh e thuengnae khoungroe buet touh ka hmu. Nangmouh ni na panue awh hoeh e Cathut lawk kai ni ka dei han.

²⁴ Talaivan hoi talai dawk kaawm e a cawngca kasakkung Cathut teh, kalvan hoi talai ukkung Bawi lah ao teh, tami e kut hoi sak e bawkimnaw thung awmhoeh.

²⁵ Hathloilah, Cathut teh tami hringnae hoi kâhanaw pueng hoi hno cawngca pueng kapoekung lah ao dawkvah, ka panki e boiboe lah tami ni khetyawtnae panki hoeh.

²⁶ Cathut ni tami buet touh dawk hoi miphun abuemlah a sak teh, talai van pueng ao sak teh, a tue hoi ao awh nahane hmuen pueng hai lengkaleng a hmoun pouh.

²⁷ Hettelah a tingainae teh, taminaw ni Cathut hah a tawng awh teh, a hmu hai khom a hmu awh nahane doeh. Atangcalah maimouh buet touh rip hoi Cathut teh kahlat e nahoe.

²⁸ Bangkongtetpawiteh, la ka phuengkungnaw ni, atangcalah maimouh teh amae catoun doeh telah a phueng awh e patetlah maimouh teh Bawipa lahoi hring awh, kâroe awh, o awh.

²⁹ Maimanaw teh Cathut e canu capa lah o awh dawkvah, Cathut hah tami e thounnae hno lahoi sui hoi sak e, talung hoi sak e meikaphawknaw hoi a kâvan telah pouk hanelah awmhoeh.

³⁰ Cathut ni taminaw ni panue thai hoeh e a tue hah banglahai pouk hoeh eiteh, atuteh ram tangkuem kaawm e tami pueng hah pankângai hanelah kâ a poe toe.

³¹ Bangkongtetpawiteh, Cathut ni amamouh ni a khoe e Bawipa lahoi yah, talai van heh lawkceng nahane hnin sut a hmoun toe. Hote Bawipa hah duenae koehoi a thaw sak teh, tami pueng koe mitnoutnae kancengcalah a poe toe.

³² Duenae koehoi boutthawnae kong hah a thai awh toteh, tami tangawn ni a dudam awh. A tangawn ni hmalah bout thai eisei ati awh.

³³ Hattoteh Pawl teh ahnimouh koehoi a tâco.

³⁴ Hatei tami tangawn ni Pawl koe a kambawng awh teh a yuem awh. Ahnimanaw thung dawk Aripakas yung e tami buet touh lah kaawm e Dionisia hoi alouke napui Damaris tinaw hloilah napuinaw hai a bawk awh.

18

Kawrin kho kawhmoun a kangdue

¹ Hathnukkhu, Pawl teh Athen kho hoi a cei teh Kawrin kho a pha.

² Hote hmuen koe Pontus ram e Judah tami buet touh Aguila a kâhmo. Rom siangpahrang Klaudias ni Judah taminaw pueng Rom kho hoi tâco hanlah kâ a poe dawkvah, Aguila teh Itali lahoi a yu Priscilla hoi Kawrin kho lah a yawng roi.

³ Pawl teh ahnimouh roi kâhmo hanlah a cei teh, thaw taw k e a kâvan dawkvah, ahnimouh roi hoi rei ao awh teh thaw a taw k van. A thaw taw k awh e teh rimkasakkung lah ao awh.

⁴ Pawl ni Sabbath hningtangkuem sinakok daw k a cangkhai teh, Judahnaw hoi Griknaw hah a pâkhueng.

⁵ Silas hoi Timote teh Masidonia ram hoi a tho roi nah, Pawl ni Judahnaw koe Jisuh teh Khrih doeh tie kacailah a dei pouh.

⁶ Hatei Judah miphunnaw ni ahni teh a taran awh teh, a dudam awh navah, ahni ni angki a kathuek teh, nangmae thi teh nangmae lû dawkwawt seh. Kai teh ka hlout. Atu hoi teh Jentelnaw koe ka cei han toe atipouh.

⁷ Hote hmuen koehoi a tâco teh Cathut ka bawkw e Justus im vah a cei. Ahnie im teh sinakok teng vah ao.

⁸ Sinakok kaukung Krispas hoi imthungkhunaw ni Bawipa teh a yuem awh dawkwah, Kawrin kho e kaawm e tami moikapap ni a thai awh teh a yuem awh dawkwah Baptisma a coe awh.

⁹ Tangmin buet touh teh Cathut ni vision lahoi Pawl koe, taket hanh, pou pâpho.

¹⁰ Bangkongtetpawiteh, nang hoi cungtalah ka o. Apinihai nang koevah rektapnae thosak mahoe. Hefe kho dawkw kaie tami moikapap ao atipouh.

¹¹ Hatdawkwah Pawl teh hote khopui dawkw kum touh hoi thapa yung taruk touh ao. Ahnimanaw hah Cathut e lawkw a cangkhai.

¹² Hatei, Gallio ni Akhaia ram dawkw khobawi lungkângingcalah hoi a tawkw nah Judahnaw ni Pawl a taran awh teh lawkcengnae tungkhung hmalah a tâcokhai awh.

¹³ Ahnimouh ni kâlawk hoi kâtaran lah Cathut bawkw hane taminaw a pâkhueng telah ati awh.

¹⁴ Pawl ni hai lawkw dei hanlah a pahni a ang navah, Gallio ni Judahnaw koevah nangmouh Judahnaw kalan hoe e lawkw, nahoe pawiteh kâdumkâyenna lawkw buetbuet touh lah awh pawiteh kai ni na lawkw ka ngai han.

¹⁵ Hatei nangmae lawknaw, kâlawknaw, minnaw hoi ka kâkuen e lah awh pawiteh, namamouh roeroe ni na dei awh han. Kai teh hot patet e naw pah ka dei ngai hoe atipouh teh,

¹⁶ ahnimanaw hah lawkcengnae tungkhung koehoi a pâlei awh.

¹⁷ Hattoteh sinakok ukkung Sosthenes hah a man awh teh, lawkcengnae tungkhung hmalah a hem awh. Hatei Gallio ni hotnaw hah banglahai ngai laipalah ao.

Antiok lah bout a banna

¹⁸ Pawl teh Kawrin khovah tueng moikasaw ao hnukkhu a hmaunawng-hanaw koevah ka dam lah atipouh teh, Siria ram lah long hoi a cei. Ahni hoi Priscilla hoi Aguila haiyah a cei van. Lawkw a kam e patetlah Kenkhrea khovah a lû a ngaw.

¹⁹ Hahoi Efisa kho a pha awh navah, hote hmuen koe Priscilla hoi Aguila teh a ceitakhai teh sinakok vah a kâen teh, Judahnaw hoi kamthang lawkw a kâpankhai.

²⁰ Taminaw ni ahni teh hnin kasawlah o hanlah a dei awh ei, ngai pouh hoe.

²¹ Cathut ngainae lah awh pawiteh, nangmouh koe hmalah bout ka tho han, ati pouh teh ahnimanaw kut a man hnukkhu Efisa kho hoi long hoi a tâco.

²² Kaisarea kho a pha hnukkhu Jerusalem lah a takhang teh kawhmoun hah kut a man. Haw hoi Antiok kho a cei cathuk.

²³ Pawl teh hote hmuen koe hnin kasawlah ao hnukkhu Galati hoi Frigia ramnaw pueng dawkw a kâhlai teh a hnukkâbangnaw a cak sak.

²⁴ Hatnavah, Alexandria kho kaawm e Judah tami buet touh Apollos ati awh e Efisa khovah a tho. Ahni teh lawk dei ka thoum e hoi Cakathoung dawk athakaawm e lah ao.

²⁵ Ahni teh Bawipa e lamthungnaw a panue teh muitha koe lah thao laihoi Jisuh e kamthang hah taminaw koe a cangkhai. Hatei Jawhan e baptisma dueng doeh a panue.

²⁶ Ahni teh sinakok vah taranhawi laihoi a pâpho. Priscilla hoi Aquila ni a lawk dei e a thai roi nah alouklah a hrawi teh Cathut e lawk hah kacaicalah a cangkhai roi.

²⁷ Apollos ni Akhaia ram lah a cei hane a ngai navah a hnukkâbangnaw ni, hote hmuen koe kaawm e a hnukkâbangnaw ni a dawn thai awh nahanelah, ca a thut pouh awh. Hawvah a pha toteh Cathut pahren laihoi ka yuem e moikapap a kabawp.

²⁸ Jisuh teh Khrih lah ao tie hah kamcengcalah Cakathoung dawk kahawicalah a patue teh Judahnaw hah reprep a yue.

19

Efisa khovah misin tawknae

¹ Kawrin kho Apollos ao navah Pawl teh mon lam hoi Efisa kho a cei.

² A hnukkâbangnaw hoi a kâhmo toteh, nangmouh ni na yuem awh navah, Kathoung Muitha na coe awh toung maw telah a pacei. Ahnimouh ni Kathoung Muitha coe hoi coe hoeh e ka panuek awh hoeh atipouh awh.

³ Hattoteh Pawl niyah, bangpatet e baptisma maw na coe awh vaw, telah let a pacei navah, ahnimouh ni, Jawhan e baptisma doeh ka coe ati awh.

⁴ Pawl ni Jawhan teh amae a hnuklah ka tho hane Bawipa hah yuem awh haw titeh pankângainae baptisma doeh na poe awh. Hottelah a dei navah Jisuh Khrih doeh a dei ngai nah atipouh.

⁵ Ahnimouh ni a yuem awh toteh Jisuh min dawk baptisma a coe awh.

⁶ Pawl ni ahnimouh lathueng kut a toung pouh toteh ahnimouh koe Kathoung Muitha a pha. Hatdawkvah ahnimanaw teh alouke lawknaw a dei awh teh, profet lawk a pâpho awh.

⁷ Ahnimanaw teh abuemlahoi hrahlaikahni touh a pha.

Sinakok vah kamthang lawk a pâpho

⁸ Hathnukkhu Pawl teh thapa yung thum touh thung sinakok vah Cathut uknaeram kamthang hah taranhawi laihoi a pâpho.

⁹ Hatei tami tangawn teh a lungpata awh dawkvah yuem laipalah tamimaya hmalah lamthung pathoe lawk a dei awh dawkvah, a hnukkâbangnaw hah a kaw teh ahnimouh koehoi a tâco teh, Tirannus sengim dawkvah hnintangkuem a cangkhai.

¹⁰ Kum hni touh thung hottelah a kâroe dawkvah Judahnaw, Griknaw hoi Asia ram kaawmnaw pueng ni Bawipa e lawkkatang teh a thai awh.

Efisa kho camthoumnae a raphoe pouh

¹¹ Cathut ni Pawl kut dawk hoi ka talue e kângairuhnonaw a sak.

¹² A tak daw e hnica, hoehpawiteh a kâyeng e hnica a sin awh teh, ka dam hoeh e tak daw a nep awh navah, ahnimae patawnae a kahma teh muitha kathoutnaw hai a tâco awh.

¹³ Hatnavah yuengyoe kâva e Judah miphun, camkathoumnaw ni, muithakathout ni a man e taminaw koevah, Pawl ni a pâpho e Jisuh min laihoi kâ na poe titeh, Jisuh min hah tanouknae lah a hno awh.

14 Hottelah ka tet e naw teh Judah tami vaihma bawi Skiva e capa sari touh hah doeh.

15 Hatnavah muitha kathoutnaw ni, Jisuh hai ka panue, Pawl hai ka panue, nangmanaw teh apinaw maw telah ati hnukkhu,

16 Hote muitha kathoutnaw ni a man e tami ni, ahnimanaw hah a cu sin teh, a kathuek a kayak dawkvah caici lah hmâtan hoi a yawng aw. h.

17 Efisa kho kaawm e Judahnaw hoi Griknaw ni hote kamthang a thai aw. h. nawah, a taki aw. h. teh Bawipa Jisuh min hah bari kaawm lah a pholen aw. h.

18 Ka yuem e tami moikapap a tho aw. h. teh, amamae a tawksak aw. h. e naw hah a pâpho aw. h.

19 Camkathoumnaw ni hai amamae hnopainaw hoi cauknaw hah tamimaya hmalah a tâcokhai aw. h. teh, hmai a pau aw. h. Hote cauknaw phu to navah ngun tangka thong 50 touh phu a pha.

20 Hettelah hoiyah, Bawipa e lawkkatang teh thaonae hoi a roun. g. teh tânae a hmu.

Efisa kho ruengrueng ati aw. h.

21 Hathnukkhu Pawl teh Masidonia ram hoi Akhaia ram lahoi Jerusalem cei hanelah Muitha patounnae lahoi lawk a tâtueng teh, Jerusalem ka cei hnukkhu Rom khopui hai ka hmu han a ti.

22 Hatdawkvah ahni kabawmkung Timote hoi Erastas hah Masidonia ram lah a patoun. Ama teh Asia ram vah dongdeng ao.

23 Hatnavah kamthang lawk kecu daw. k. ruengrueng ati aw. h.

24 Bangkong nama tetpawiteh nguntui kahlun e Demetrias teh Atemis cathut napui e bawkimca hlun laihoi nguntui kahlunnaw hanlah tawnânae lah a coung sak.

25 Demetrias ni ama patet e taminaw hah a pâkhueng teh, huikonaw, hete thaw hoi maimouh teh tawnta aw. h. tie teh na panue aw. h.

26 Hatei, hete Pawl tie nyah, kut hoi sak e teh Cathut nahoe. h. ati teh Efisa kho e taminaw dueng laipalah Asia ram e tami pueng hai a dumyen teh lam a hmang sak toe.

27 Hete lawk ni maimae min a mathoe sak dueng laipalah ka lentoe e Atemis cathut napui e bawkim hai banglah noutna hanlah aw. h. mhoeh toung vaiteh, Asia ram hoi talaivan pueng ni baw. k. aw. h. e cathut napui e bahu teh a kahma han toe tie ngaihrinae ao telah a dei.

28 Hote lawk hah ahnimouh ni a thai aw. h. nawah, a lung thouk a khuek aw. h. teh, Efisanaw e Atemis teh a lentoe telah a hram aw. h.

29 Hattoteh khobuem ruengrueng ati aw. h. Taminaw nyah Pawl hnukkâbang e Masidonia tami Gaius hoi Aristarkas hah a man aw. h. teh, paw. i. thungvah vai touh lahoi a kâen aw. h.

30 Hote taminaw koe Pawl ni kâen hane a ngai ei a hnukkâbang. n. ni a ngang aw. h.

31 Pawl e a hui, Asia ram e khobawinaw ni hai paw. i. thung kâen hoe. h. hanelah a kahei aw. h.

32 Taminaw teh ruengrueng ati aw. h. dawkvah alouklouk lah a hram aw. h. Bangpatet ni teh bangdawkmaw kamkhueng a aw. h. tie hai kamceng lah panuek aw. h. hoeh.

33 Judahnaw ni Alexander hah hmalah a tâco sak aw. h. teh tami tangawn ni a lungkuep aw. h. dawkvah, Alexander ni a kut a kahek teh kamkhueng. n. koe a dei pouh hanelah a kâcai.

³⁴ Hatei ahni teh Judah tami doeh tie a panue awh navah, tami pueng ni, Efisanaw e Atemis teh a lentoe, telah suimilam kahni touh hane lawk suetalah a hram awh.

³⁵ Hathnukkhu kiothung e cakathutkung ni kamkhueng e taminaw cing ati sak teh, Efisa taminaw voi Efisa kho teh lentoe Atemis cathut napui e bawkim hoi, kalvan hoi kabawt e meikaphawk hah ka pâkuem e kho lah ao tie hah ka panuek hoeh e tami apimaw kaawm.

³⁶ Het hateh oun thai hoeh e lah ao dawkvah bangcahai pouk laipalah, hrumhram sak laipalah duem o hanelah ao.

³⁷ Bangkongtetpawiteh nangmouh ni na man awh e hete taminaw ni nangmae bawkim na lawm awh hoeh, maimae cathut napui hah pacekpahlek awh hoeh.

³⁸ Hatdawkvah Demetrius hoi nguntui kahlun e naw, nangmouh ni buetbuet touh toe hane awm pawiteh toeim paawng lah ao na yoe. Khobawinaw hai ao dawkvah ama maroi kâhmo na nei.

³⁹ Hatei alouke kong dawkvah pawiteh kamceng lah kamkhuengnae koe lawk tâtueng hanlah ao.

⁴⁰ Sahnin e hno ka tâcawt e dawkvah kamceng e banghai awmhoeh. Hettelah ruengruengtinae dawkvah maimouh letlang na toe awh pawiteh, kaimouh ni hete kambawngnae dawkvah ka dei thai a mahoe atipouh teh,

⁴¹ kamkhuengnaw hah koug a kâkayaw sak.

20

Masidonia kho Pawl a pha

¹ Ruengrueng tinae a roum hnukkhu, Pawl ni a hnukkâbangnaw a kaw teh kut a man hnukkhu kadamcalah awm awh titeh Masidonia ram lah a ceitakhai .

² Haw e ram thung kaawm e a hnukkâbangnaw thapoe lawk a dei hnukkhu Grik ram a pha.

³ Haw e ram thung thapa yung thum touh ao hnukkhu, Siria ram lah long hoi cei han a kâcai nah Judahnaw ni arulaho padim han ati awh toreï teh, Masidonia ram koe lahoï bout ban hane a kâcai.

⁴ Pawl hoi cingtalalah Berea tami Pirrhas capa Sopater hoi Thesalon tami Aristarkas Sekandus, Derbi tami Gaius hoi Asia tami Timote, Taisikas hoi Trophimus tinaw teh ahni koevah cingtalalah a cei awh.

⁵ Hmalah a cei teh Troas kho hoi a ring awh.

⁶ Tonphuenhoehe vaiyei pawï abaw hnukkhu Filippi kho hoi long hoi a tâco teh hnin panga touh a ro hnukkhu Troas kho a pha awh, Hawvah yat touh ao awh.

Utikhas bout a hring

⁷ A yat e apasuek hnin vah vaiyei raen hanelah ahnukkâbangnaw a tho awh teh, cingtalalah a kamkhueng awh. A tangtho teh Pawl a cei hanelah coungkacoe lah ao toung dawkvah karumsaning totouh a pâpho.

⁸ Kaimouh ka kamkhuengnae imvan hmaïim moïkapap a paang awh.

⁹ A min Utikhas tie thoundoun teh hlalangaw teng a tahung. Muet a i teh Pawl ni kamthang lawk a dei lahun nah imvan hoi talai pou a bo teh a ro lah a rakhun awh.

¹⁰ Pawl ni a kum teh ahnie a tak dawkvah a tabei teh calumcalum tet awh hanh haw, bangkongtetpawiteh a hringnae kâha pout hoeh rah ati teh,

¹¹ imvan a luen, vaiyei a ca aw hah teh khodai totouh a pâpho pouh hnukkhu hoi a ceitakhai .

¹² Hote bout kahring e thoundoun ca hah a hrawi aw hah teh, a lungmawng aw hah.

Troas kho hoi Miletus kho a pha aw hah

¹³ Long koe hmaloe ka cei aw hah teh, Assos kho koehoi Pawl kâcui sak hanelah ka cei aw hah. Bangkongtetpawiteh, Pawl teh mon lam lahoi cei hanelah a kâcai teh hottelah lawk a thui daw k doeh.

¹⁴ Assos kho daw k kaimouh hoi kâhmo aw hah toteh long daw k a kâcui van teh Mitilen kho lah ka cei aw hah.

¹⁵ Haw hoi ka tâco aw hah teh a tangtho vah Khios tuilum ka pha aw hah. A tangtho patuen vah Samos ka pha aw hah teh a tangtho hnin vah Miletus ka pha aw hah.

¹⁶ Hettelah karang karang cei ngainae teh Asia ram daw k atueng baw sak laipalah Efisa kho ceitakhai hanlah kâcai aw hah daw k doeh. Bangkongtetpawiteh, coung thai pawiteh pentikos hnin hoehnahlan Jerusalem vah pha hanelah ka ngai aw hah daw kvah hettelah karang karang cei ngainae doeh.

Efisa kho kacuenaw lawk a thui

¹⁷ Miletus kho a pha hoi Pawl ni Efisa kho lah tami a patoun teh kacuenaw hah a kaw.

¹⁸ Ahnimouh a pha toteh Pawl ni, Asia ram ka pha hnin hoi, nangmae hmalah bangtelamaw ka hring tie na panue aw hah.

¹⁹ Kai teh kârahnoumnae, mitphi bonae, hoi Judahnaw ni rucac na poenae thungup hoiyah Bawipa e a thaw hah ka taw k.

²⁰ Kai ni nangmouh hanelah hawinae kaawm hane naw hah hnu k kâhnawn laipalah, nangmouh koe ka pâpho teh, taminaw hmalah nakunghai, im touh hnukkhu im touh nakunghai na cangkhai aw hah,

²¹ Cathut hmalah pankângainae hoi maimae Bawipa Jisuh Khrih yuemnae kongnaw hah, Judahnaw hoi Griknaw hah ka cangkhai.

²² Atuteh muitha lamhrawinae lahoi Jerusalem ka cei han, kho thung bangpatet runae maw kâhmo han ka panuek hoeh.

²³ Hat nakunghai runae hoi rektapnae ni sut na ring e hah Kathoung Muitha teh kho tangkuem kai kapanuekkhaikung lah o.

²⁴ Hatei, ka yawng hane kaw i hah a pout totouh ka yawng teh, Cathut lungmanae kamthang kahawi kampangkhai hanelah, Bawipa Jisuh koehoi ka coe e thaw taw knae hah lunghawi laihoi ka cum thai nahanelah aw m pawiteh ka hringnae patenghai ka pasai hoeh.

²⁵ Atuteh Cathut uknaeram kong ka dei nah nangmanaw ni ka mei bout na hmaw t a mahoeh toe tie ka panue.

²⁶ Hatdaw kvah tami pueng e thi hoi kai kamthoung toe tie sahnin vah nangmouh koe ka pâpho.

²⁷ Lung kâounnae aw m laipalah Cathut e pouknae pueng teh nangmouh koe he ka dei toe.

²⁸ Nangmouh teh namahoima nakunghai, tuhunaw pueng nakunghai, kâhruetcuat laihoi khenyawn aw hah. Bawipa amae a thi hoi a ran e kawhmoun hah nangmouh ni khetyaw t sak hanelah, Kathoung Muitha ni nangmouh teh tukhoum kung lah na rawi aw hah.

²⁹ Bangkongtetpawiteh, ka yinhnu k nah, ka huencawn e Asuinaw ni tunaw pahrennae tawn laipalah nangmouh thung a kâen han tie ka panue.

³⁰ Nangmouh thung e a hnukkâbangnaw hai, ama koe lah sawn hanelah, ceipayonnae ka pâpho e tami a tho aw hah.

³¹ Hatdawkvah tuehmue awh. Kai ni kum thum touh thung karum khodai tami pueng mitphi hoi na cangkhai e pahnim awh hanh.

³² Hmaunawngghanaw, atu kai ni nangmouh Cathut koe na hnawng awh. Nangmouh na rounng awh nahan, tami kathoungnaw hoi nangmanaw râw poe hanelah ka tet thai e Cathut e a lungmanae dawkw nangmouh na hnawng awh.

³³ Kai ni api e sui ngun hnopainaw hai ka nôe hoeh.

³⁴ Hete ka kut hoi kama hoi rei kaawmnaw e pankinae pueng ka tawk tie hah na panue awh toe.

³⁵ Hottelah panki laihoi ka tawk teh, a thakayounnaw hah kabawp kawilah ah ao tie hoi, poenae teh dâwnae hlak yawhawinae ao telah Bawipa Jisuh ama ni a dei e lawk hah na pâkuem awh hanelah ao telah a dei.

³⁶ Pawl ni a dei hnukkhu khok a cuengkhuem teh ahnimouh hoi cingtalaha a ratoum awh.

³⁷ Abuemlahoi a khuika awh teh Pawl teh a tapam awh teh a paco awh.

³⁸ Ka mei bout na hmawt a mahoe hoi tie Pawl ni a dei e a thai awh dawkvah lungmathoe laihoi Pawl hah long koe totouh a thak awh.

21

Jerusalem lah ceinae

¹ Ahnimouh koehoi Kos tuilum koelah long hoi pou ka cei awh. A tangtho vah Rhodes ka pha awh teh, haw hoi Patara kho dawkw ka pha awh.

² Hahoi Phoenicia lah ka cet e long buet touh ka kâcui awh.

³ Saipras tuilum ka hmu awh toteh hote hmuem koehoi avoilah hoi ka cei awh teh Siria lah ka raka awh navah Taire kho ka pha awh. Hawvah long dawkw e hnoung ka rasa awh.

⁴ Hawvah a hnukkâbangnaw ka kâhmo awh teh ahnimouh koe hnin sari touh ka o awh. Ahnimouh ni Pawl hah Jerusalem lah a cei hoeh nahan Muitha lahoi a dei pouh awh.

⁵ Ahnimouh koe ka o hnukkhu hoi hot koehoi bout ka kamthaw awh. A yu a canaw abuemlahoi cingtalaha kho teng totouh na thak awh. Tuipui teng khokcuengkhuem laihoi ka ratoum awh.

⁶ Hahoi buet touh hoi buet touh kut ka kâman awh hnukkhu kaimouh teh long dawkw ka luen awh teh ahnimouh hai amamouh im lah a ban awh.

⁷ Hahoi Taire kho hoi Ptolamais kho lah pou ka cei awh teh hawvah hmaunawngghanaw hoi ka kâhmo awh teh hnin touh ka o awh.

⁸ Atangtho bout ka cei awh teh Kaisarea khovah ka pha awh. Hawvah, Jerusalem vah kabawmkung hanlah a rawi awh e tami sari touh dawkw buet touh lah kaawm e Filip im vah ka luen awh.

⁹ Ahni koe profet lah kaawm e a canu pali touh ao.

¹⁰ Hawvah kasawhnawn lah ka o awh teh Akabus tie profet buet touh Judah ram lahoi a tho.

¹¹ Ahni teh kaimouh koe a tho navah Pawl e taisawm a la pouh teh amae a kutkhok a pâkhi teh, Judahnaw ni hete taisawm katawnkung hah Jerusalem kho hettelah a katek awh vaiteh Jentelnaw e kut dawkw poe lah ah han telah Kathoung Muitha ni a dei telah atipouh.

¹² Hote lawk ka thai awh nah kaimouh hoi haw kaawmnaw ni Pawl hah Jerusalem lah a cei hoeh nahan ka haw awh.

¹³ Hatnavah Pawl ni, nangmouh ni na khuika awh teh, kai lungrei na thaisak awh! Kai ni Jisuh e a min kecu dawkw Jerusalem khovah katek hane dueng laipalah ka due han totouh coungkacoe lah ka o toe telah atipouh.

¹⁴ Kaimouh ni ka haw hla awh toteh, Cathut a ngainae patetlah lawwih ka ti awh teh duem ka o awh.

¹⁵ Hawvah dongdeng ka o awh hnukkhu, ka kârasoup awh teh Jerusalem lah ka cei awh.

¹⁶ Kaisarea kho hoi a hnukkâbang tangawn hai kaimouh hoi cungtalah a tho awh teh kaimouh ka luen awh nahanelah ka rasoun e, apasueke a hnukkâbang lah kaawm e Saipras tami Manason koe na ceikhai awh.

Pawl ni Jem a kâhmo

¹⁷ Jerusalem kho ka pha awh navah hmaunawngghanaw ni lunghawicalah hoi na dawn awh.

¹⁸ Atangtho vah Pawl hoi cungtalah Jem koe ka cei awh teh kacuenaw hoi ao awh.

¹⁹ Pawl ni ahnimanaw kut a man awh teh a thaw tawk e lahoi Jentelnaw koe Cathut ni thaw a tawknae kongnaw hah buet touh hnukkhu buet touh a dei pouh.

²⁰ Ahnimouh ni a thai awh navah Cathut a pholen awh. Hahoi ahnimouh ni Pawl koe, ka nawngaha, na panue e patetlah Judahnaw touklek thai hoe e, kâlawk dawk a lungkatangnaw ni a yuem awh.

²¹ Jentelnaw thung kaawm e Judah tami pueng hah Mosi e kâlawk pahnavt awh nateh vuensoma laipalah hoi Judah phung tarawi awh han loe telah na cangkhai ti teh kamthang sut a dei awh toe.

²² Nang na tho e hai be a panue a han doeh. Hatdawkvah bang ne sak awh han.

²³ Hatdawkvah, kaimouh ni na dei pouh e patetlah sak lah a. Hivah lawkkamnae ka sak e tami pali touh ao.

²⁴ Ahnimouh hoi reirei cet nateh thoungnae phung lam sak kawi hah sak awh nateh, lû luengpalueng lah ngawnae aphu hah rawng pouh. Hottelah na sak pawiteh tami pueng ni na kong a dei awh e hah a tang nahoe tet awh vaiteh, nang teh Mosi e kâlawk ka tarawi e doeh tie hah tami pueng ni a panue awh han.

²⁵ Jentelnaw ka yuem e naw kong dawk kaimouh ni ca na patawn awh toe. Meikaphawk bawknae rawcanaw hah cat awh hanh, a thi cat awh hanh, lahuen kara e moi pueng cat awh hanh, kamsoumhoeh napui tongpa yonnae sak a hanh tie lawk tâtuengnae hah na patawn awh toe.

Bawkim dawk ruengrueng ati awh

²⁶ Hattoteh Pawl ni hote tami pali touh hah a ceikhai teh a tangtho vah thoungnae phunglam hah a sak khai hnukkhu, bawkim thung a kâen awh teh thoung nahane atueng apout hoehroukrak atueng na yit touh maw a ro han, hote atueng a baw hnukkhu thuengnae lengkaleng sak hane hah vaihma koe a dei pouh awh.

²⁷ Hnin sari hnin a kuep tawmlei torei teh, Asia ram lahoi ka tho e Judah taminaw ni Pawl hah bawkim thung a hmu awh. Tami pueng a puen awh teh Pawl hah a man awh.

²⁸ Isarel taminaw na kabawm a haw! Hete tami nahoehmaw, Isarel taminaw kâtaran sak hanelah, Mosi e kâlawk pahnavt hane hoi hete hmuen pahnavt hanelah kacangkhaikung lah meng ao. Hete bawkim thungvah Grik taminaw bout a kâenkhai teh a kamnawng sak.

²⁹ Hettelah a dei e heh Efisa tami Trophimus hah Pawl hoi kho thungvah a hmu awh teh Pawl ni hote tami hah bawkim thung a kâenkhai telah a pouk a dawk doeh.

³⁰ Hatnavah khothung ruengrueng ati awh. Pawl hah a man awh teh bawkim thung hoi a tâcokhai awh. Karang poung lah takhangnaw koug a khan awh.

³¹ Taminaw ni Pawl hah thei hane a panki awh navah, Jerusalem kho teh ruengrueng ati awh telah ransa 1,000 touk ka uk e Rom ransabawi ni kamthang a thai navah,

³² vai touh lahoi Rom ransa bawinaw hoi ransanaw teh yawng laihoi a tho awh. Ransabawi hoi ransanaw a tho awh e a hmu awh navah, Pawl ka hem e naw a kâhat awh.

³³ Ransabawi ni Pawl a man teh sumbawtaruinaw kahni touh hoi pâkhit awh atipouh. Hahoi a kamthaw awh teh hete tami heh apimaw, bangmaw a sak, telah a pacei awh.

³⁴ Taminaw ni alouklouk lah a hram awh. Ransabawi ni kamcenglah a panue thai hoeh dawkvah, Pawl hah ransaim imthung lah kâenkhai hanelah kâ a poe.

³⁵ Pawl teh khalailu a pha navah taminaw hoehoe a lungkhuek awh dawkvah, Pawl hah a kâkayawt awh.

³⁶ Bangkongtewpawiteh, Pawl hah thet awh, thet awh telah hoehoe a hram awh dawk doeh.

Rangpui hmalah Pawl ni lawk a dei

³⁷ Ransaim thungvah Pawl a kâenkhai tawmlei Pawl ni bawipa, nang hoi lawk kâpan thai han maw telah atipouh. Ransabawi ni Grik lawk na panue maw atipouh.

³⁸ Hat pawiteh nang teh, hnuk lae tami thong pali touh kahrawngum ka cetkhai e dingca bawi Izip tami nahoehmaw telah a pacei.

³⁹ Pawl ni, Kai teh Judah phun, Cilicia ram thung kamthang e kho Tarshish hoi ka tho e tami doeh. Taminaw koe lawk na dei sak haw atipouh.

⁴⁰ Ransabawi ni hai lawk a dei sak. Pawl teh khalai dawk a kangdue teh a kut a nâ pouh teh, taminaw hah sairasuep lah ao awh. Hatnavah ahni ni Hebru lawk lahoi lawk a dei.

22

¹ Hmaunawnggha hoi a nupanaw, atu kai ni ka dei e lawk kahawicalah thai awh haw telah a dei navah,

² Hebru lawk hoi a dei e a thai awh navah hoe cing ati awh.

³ Pawl ni kai teh Cilicia ram Tarshish kho dawk ka khe e, Judah tami buet touh lah ka o. Hatei hete kho dawk ka roug teh, Gamaliel kut rahim vah mintoenaw e phung lawk hah kacaicalah ka kamtu niteh, sahnin nangmouh pueng Cathut hanelah na lung a tang awh e patetlah kai hai ka lung a tang van.

⁴ Kai ni hete lam ka dawn e napui tongpa tet hoeh, ka pâkhi teh thongim thung ka pakhum teh, a due han ditouh ouk ka rektap toe.

⁵ Hot patetlah vaihma kacue koehoi kamtawng teh, kacuenaw pueng teh, kai koe lah koug na kampangkhai awh. Kai ni hai ahnimanaw koe ca ka la teh, Damaskas kho e kaawm e, hote phung lah kâen e naw hah man vaiteh rektap hanelah Jerusalem hoi Damaskas lah ka cei.

Pawl ni a kampangkhai

⁶ Hatei Damaskas kho teng ka pha nah, kanîthun e tueng navah, kalvan hoi puenghoi ka ang e ni kai pet na kalup lah pheng a tue.

⁷ Hahoi kai teh talai ka rawp teh, Sawl Sawl nang ni bangdawk maw, kai hah na rektap vaw telah na dei pouh e lawk ka thai.

⁸ Kai ni yah, Bawipa, nang teh apimaw telah ka pacei torei teh, kai teh nang ni na rektap e Nazareth kho e Jisuh doeh, telah na ti pouh.

⁹ Kai hoi rei kaawm e naw ni angnae a hmu awh eiteh kai hanlah a dei e lawk teh thai awh hoeh.

¹⁰ Kai ni hai Bawipa, bang mouh ka sak han ka ti pouh navah, Bawipa ni thaw nateh Damaskas kho cet haw. Hawvah na sak hane kai ni na dei pouh han na ti pouh.

¹¹ Kai teh hote angnae bahu ni na tue torei teh ka mit a dawn toung dawkvah, rei kaawm e naw ni Damaskas kho na hrawi awh.

¹² Hatnavah Cathut ka bari e Damaskas kho e min kamthang e Judah tami Ananias ni,

¹³ kai koe a tho teh ka teng a kangdue. Ka nawngha Sawl na mit ang seh ati navah ka mit a ang.

¹⁴ Ahni ni mintoenaw e Cathut ngainae panue sak hanlah thoseh, tamikalan hmu thai nahane thoseh, ahnie lawk dei pouh hane thoseh, nang teh sut na hmoun toe.

¹⁵ Nang teh na hmu e hoi na thai e pueng tami pueng e hmalah kapanuekkhaikung lah na o han a ti.

¹⁶ Bangkongmaw atu rap na o. Thaw nateh Bawipa min kaw haw. Baptisma coe haw, na yonnae pâsu haw na ti pouh.

¹⁷ Hathnukkhu Jerusalem vah bout ka tho teh, bawkim thung ka ratoum lahun nah ka pouknae a mawm teh, Bawipa hah ka hmu.

¹⁸ Bawipa ni kai hoi kâkuen e lawkpanuesaknae hah taminaw ni a dâw awh hoeh han dawkvah, Jerusalem vah rap awm laipalah karang tâcawt leih na ti pouh.

¹⁹ Kai nihaiyah, Bawipa Sinakok buet touh hoi buet touh koe ka cei teh nang na kayuemnaw ka theituk teh thawng ka pabo e a panue awh.

²⁰ Nang kampangkhai lah kaawm e Stiven hah a thei awh navah kai kama roeroe raw hnâbo lahoi ka sak teh, kathetnaw e khohna ka ring pouh kung lah ka o.

²¹ Hateiteh, Bawipa ni, Cet leih, ramhlanae koe kaawm e Jentelnaw koe kai ni na patoun han telah kai koe na ti pouh, telah a dei.

Pawl teh Rom tami doeh

²² Het totouh a dei e a thai pouh teh, hot patet e tami hah talai van hring hanelah kamcu hoeh, thet awh titeh lawk kacaipounglah a hram awh.

²³ Taminaw niyah hottelah a hramki awh teh, a khohnanaw hah a kahek awh teh, vaiphu kahlun lah a kahei awh

²⁴ Rom ransabawi kalen ni taminaw hah a kaw sak teh, ransaim thung kâen sak hanlah kâ a poe. Taminaw pueng ni bangkongmaw ahni hah telah a taran awh teh, telah a hram awh tie panue hane a ngai dawkvah, ruitaboung hoi hem vaiteh akungkhei hanelah kâ a poe.

²⁵ Ahni teh phaivuenrui hoi a katek awh hnukkhu, a teng kangdout e ransabawi hanlah nangmouh ni Rom tami buet touh heh akungkhei laipalah hemnae kâ na tawn a maw telah a pacei.

²⁶ Ransabawi ni hote lawk hah a thai toteh ransabawi kalen koe a cei teh, nang bangtelamaw ti han. Ahni ni kai teh Rom tami doeh na ti pouh.

²⁷ Hahoi ransabawi kalen e teh Pawl koe a tho teh, kai koe na dei pouh haw, nang teh Rom tami na maw telah a pacei toteh ue a atipouh.

²⁸ Ransabawi kalen e ni kai teh, Rom tami lah o nahanelah tangka moikapap poe laihoi doeh ka o thai atipouh navah, Pawl ni, kai teh Rom tami lah ka khe atipouh.

²⁹ Hatdawkvah ahni akungkhei hane naw teh ahni koehoi karanglah a kâkhoe awh. Ransabawi kalen ni hai Pawl heh Rom tami lah ao e hah a panue toteh a pâkhi e hah a taki.

Pawl lawkcengnae hmalah a pha

³⁰ Atangtho vah ransabawi teh Judahnaw ni yon a pen awh e hah kamcengcairalah a panue han a ngai dawkvah, Pawl kateknae rathap hanelah kâ a poe. Vaihma kalennaw hoi lawkcengkungnaw pueng a kamkhueng sak. Pawl hah a kaw awh teh, ahnimae hmalah a kangdue sak awh.

23

¹ Pawl ni sanhedrin lawkcengkungnaw hah takuetluet a khet teh, hmaunawngnanaw, kai teh atu totouh ka tawksak e daww kahawi e thoe hawi panuena lungthin hoi Cathut hmalah a thoung, ati pouh.

² Hatnavah vaihma kacue Ananias ni a teng ka kangdout e taminaw koe, Pawl e a pahni tambei pouh awh telah kâ a poe.

³ Pawl nihai, ka pangaw hluk e tangkom, Cathut ni nama na hem han atipouh. Nang ni kai heh tahung laihoi kâlawk patetlah lawk na ceng nahlangva vah, kâlawk na tapoe teh kai hem hanelah kâ na poe maw, atipouh.

⁴ Ateng ka kangdout e naw nihai, nang ni Cathut e vaihma kacue na dudam, ati pouh awh.

⁵ Pawl nihai, hmaunawngnanaw, ahni hah vaihma kacue tie ka panuek hoe, Cakathoung ni na mipun ka ukkungnaw na pathoe mahoe telah a dei, atipouh.

⁶ Pawl ni haw kaawm e tami atangawn teh Sadusinaw, alouknaw teh Farasinaw tie a panue dawkvah, hmaunawngnanaw kai teh Farasi buet touh lah ka o. Farasi e a capa lahai ka o. Kai teh kadoutnaw boutthawnae ngaihawinae kecu daww hoi akungkhei e lah ka o telah sanhedrin lawkcengnae hmalah hram laihoi a dei.

⁷ Hottelah Pawl ni a dei torei teh, Farasinaw hoi Sadusinaw hai lawk apap awh teh, kahni touh lah a kâkapek awh.

⁸ Bangkongtetpawiteh, Sadusinaw ni boutthawnae awmhoeh, kalvantami awmhoeh, Muitha nahoe telah ati awh. Farasinaw ni teh hotnaw koug ao telah a yuem awh.

⁹ Hahoi, hoe a hram awh teh Farasinaw koe e cakathutkungnaw bangpatet ni a kangdue awh teh, ahni koe a yonnae tica hai ka hmawt awh hoe, Muitha nahoe pawiteh, kalvantami buetbuet touh ni a dei pouh thai, telah a oun awh.

¹⁰ Hoe kâounnae ao dawkvah ransabawi ni, Pawl hah vekrasen lah sawn a langvaih ati dawkvah, ransanaw koe Pawl hah amamae ransaim imthung lah a ceikhai hane kâ a poe.

Pawl thei hanelah arulah a kâcai awh

¹¹ Hatnae tangmin lah Pawl koe Bawipa a kangdue teh, lakueng hanh, Jerusalem vah kaie ka kong na kampangkhai e patetlah, Rom kho hai na kampangkhai han atipouh.

¹² Khodai toteh Judahnaw ni kho a khan awh teh, Pawl thei hoe roukrak banghai canei hoe hanelah thoe a kâbo awh.

¹³ Hottelah arulah ka kâdei e naw, abuemlah tami 40 touh hlai a pha awh.

¹⁴ Ahnimouh ni vaihma bawinaw hoi kacuenaw koe a cei awh teh, kaimouh ni Pawl ka thei awh hoeh roukrak banghai ka cat a mahoe, telah thoe ka kâbo awh toe.

¹⁵ Hatdawkvah nangmouh hoi sanhedrin lawkcengkungnaw ni ahnie a kong kahawicalah pacei han na ngai awh e patetlah ka sak vaiteh nangmouh koe Pawl a hrawi awh thai nahan Rom ransabawi koe thaisak awh. Hi a pha hoehnahlan thei hanlah coungkacoelah ka o awh han, atipouh.

¹⁶ Hote kho a khangnae hah Pawl e tawncanu e a capa ni a thai navah thongim thung a kâen teh Pawl koe a dei pouh.

¹⁷ Hatnavah Pawl ni ransabawi buet touh a kaw teh, ransabawi koevah hote nawsai ni lawk dei hane a tawn dawkvah, ahni hah ransabawi kalen koe cetkhai haw atipouh.

¹⁸ Ransabawi ni a ceikhai teh ransabawi kalen koe a thokhai. Thongkabawt e Pawl ni, kai hah na kaw teh, hete nawsai ni nang koe hrawi hanelah a kâhei. Ahni ni nang koe lawk dei hane ao atipouh.

¹⁹ Ransabawi ni hote nawsai e kut a kuet pouh teh, aloukcalah a kaw teh, kai koe na dei hane lawk teh bangmaw atipouh.

²⁰ Hote nawsai ni, Judahnaw ni Pawl hah, hoe kamceng lah pacei hane boiboe lah a kâsak awh teh, tangtho vah sanhedrin lawkcengnae koe kaw hanelah nang koe kâhei hanelah a kâcai awh.

²¹ Hatei ahnimae lawk tang pouh hanh. Bangkongtetpawiteh ahnimouh thung daw koe tami 40 touh hlai ni arulah hoi Pawl hah a pawp awh. Pawl ka thei awh hoehroukrak ka catnet a mahoe ati awh teh, thoe a kâbo awh. Atu patenghai coungkacoe lah ao awh teh, bawipa, nange lawk doeh a ring awh toe atipouh.

²² Ransabawi ni, hete kongnaw kai koe na dei e heh api koehai dei pouh hanh lah atipouh teh hote nawsai hah bout a ban sak.

Pawl hah karum vah Kaisarea kho a thak awh

²³ Hathnukkhu, ransabawi kalen e ni ransabawi kahni touh a kaw teh, Kaisarea cei hanelah ransa cumhni touh sut kârakueng awh. Hahoi marangransanaw 70 touh, tahroe ka patuem thai e cumhni touh hai kârakuengkhai awh nateh, atu tangmin suimilam tako nah kamthaw hanlah sut kârakueng awh.

²⁴ Pawl kâcui nahanelah marang sut hmoun pouh awh. Khobawi Felik koe kahawicalah phatkhai awh telah lawk a thui.

²⁵ Hathnukkhu ransabawi ni ca a thut teh telah a patawn.

²⁶ Klaudias Lisias ni khobawi Felik koevah ca na patawn. Nang koevah hnâroumnae awmseh.

²⁷ Judahnaw ni hete tami heh a man awh teh thei han toe ati awh navah, ahni teh Rom tami doeh tie ka panue toteh ransanaw hoi ka rungngang awh.

²⁸ Yon a hnei awh e hah bangne tie panue han ka ngai dawkvah, sanhedrin lawkcengnae hmalah ka kaw navah,

²⁹ ahni teh amamae kâlawk hoi kâkuen e kamcan hoi yon a pen awh teh, duekhai kawi hoehpawiteh, thongim kamungkhai kawi yonnae a tawn tie ka hmawt hoeh.

³⁰ Hatei, Judah tami tangawn ni ahni thei hanelah a kâcai awh tie ka thai dawkvah nang koe karanglah ka thak. Yon kapen e naw hai nang na hmalah a dei awh nahanelah kâ ka poe toe.

³¹ Hat toteh, ransabawi ni kâ a poe e patetlah Pawl hah Antipatris kho totouh karum vah a thak awh.

³² Atangtho teh marangransanaw ni pou a ceikhai awh. Alouknaw teh a ban awh.

³³ Kaisarea totouh a ceikhai awh teh, khobawi koe, ca a poe awh teh, Pawl hai ama kut dawk a poe awh.

³⁴ Khobawi ni ca a touk teh Pawl teh nâ ram e maw telah a pacei. Cilicia dawk e doeh tie a panue hoi teh,

³⁵ na katoekungnaw a tho torei vah, nange lai teh na ceng pouh han telah a titeh, Pawl hah Herod siangpahrang im vah khoup ring awh telah ransanaw kâ a poe.

24

Pawl yon a pen awh

¹ Hnin panga touh aloum hnukkhu vaihma kacue Ananias teh kacuenaw hoi laicei Tertullas tihoi Kaisarea kho lah a cathuk awh. Hahoi, laicei ni ram kaukung koevah Pawl teh yon a pen awh toe.

² Pawl a kaw awh teh, Tertullas niyah Felik koevah Pawl e kong teh hettelah dei han a kamtawng. Nangmouh rahim vah tueng moikasaw karoumcalah ka o awh teh, na khokhangnae lahoi hete miphunnaw a rang awh.

³ Hete thaw tawknae heh kho tangkuem lunghawi laihoi ka tawk awh.

⁴ Hatdawkvah, kasawlah kai ni na tarawk hoeh nahanelah, pahren lahoi kaie lawk ka dei e hah na thai pouh haw.

⁵ Kamcan dueng ka sak e hete tami heh talaivan pueng dawk kaawm e Judahnaw koevah lawkpungnae ao nahanlah tha ka poe e lah ao teh, Nazareth bawknae dawk darkhing ka hem e kahrawikung buet touh lah ao.

⁶ Ahni teh bawkim hai khet kamcu hoeh lah sak hane a panki dawkvah, kaimouh ni ahni teh ka man awh. Hathnukkhu, ahni teh kamamae kâlawk patetlah lawkceng han ka ti awh navah,

⁷ ransabawi Lisias a tho teh kaimae kut dawk hoi na lawp awh teh,

⁸ ahni katoenaw hai nang koe tho hanelah kâ a poe. Hete hnonaw abuemlahoi kâkuen lah nama roeroe ni lawk na ceng pawiteh ahnie lathueng kaimanaw ni yon kapen awh e pueng hah na panue han doeh telah atipouh.

⁹ Judahnaw ni hai hate lawknaw teh atang doeh ati awh teh hnâ rip a bo awh.

Felik hmalah Pawl ni lawk a dei

¹⁰ Hahoi ram ukkung ni Pawl hah lawk dei van nahanlah a kut a dâw pouh. Pawl ni hete miphunnaw heh kum moikasaw thung lawkcengkung lah na o tie ka panue dawkvah lunghawi laihoi nang koe lawk ka dei vai.

¹¹ Jerusalem vah Cathut bawk hanelah ka ceinae heh hnin hlaikahni touh hloi phat hoeh rah tie na paceipakaw pawiteh na panue han doeh.

¹² Kai ni bawkim dawk thoseh, sinakok dawk thoseh, kthothing thoseh, lawk kâounnae, tami ruengruengti saknae ka sak hoeh tie hah hetnaw ni a panue awh.

¹³ Atuvah hetnaw ni yon na pen awh e heh ahnimouh ni kapanuekkaikung tawn awh hoeh.

¹⁴ Hatei, bu louk ati awh e lamthung patetlah mintoenaw e Cathut doeh ka bawk tie nange hmalah ka kampangkhai. Kai teh kâlawknaw dawk a thut e hoi, profet cauknaw dawk a thut e pueng hai ka yuem teh,

¹⁵ ahnimouh ni a ngaihawi awh e patetlah tami kalannaw hoi tamikalan hoeh e naw hai a to hmalah bout a thaw awh han tie hah ka ngaihawi.

¹⁶ Hatdawkvah, kai teh Cathut hmalah hoi tami hmalah yon toun han kaawm hoeh e thoehawi panuenae kapek thai hanlah ouk ka panki.

¹⁷ Atu kum moi asaw hnukkhu, ka miphunnaw koe poehnonaw poe hane hoi thuengnae sak hanelah kai teh ka tho.

¹⁸ Bawkim dawk thoungnae ka coe tangcoung e kai hah ahnimouh ni na hmu awh navah tami kamkhueng e awmhoeh, ruengruengtinae banghai awmhoeh.

¹⁹ Hatei Asia ram hoi ka tho e Judahnaw ao awh. Ahnimouh ni kai lathueng yon pen hane tawn awh pawiteh, bawipa, na hmalah amamouh roeroe a tho awh vaiteh na pen awh hanlah ao.

²⁰ Nahoe pawiteh, sanhedrin lawkcengnae hmalah ka kangdue lahun nah bang yonnae maw kai dawk a hmu awh tie hah atu hi kaawm e naw ni roeroe dei awh naseh.

²¹ Kai teh ahnimae hmalah ka kangdue teh, kadout tangcoungnaw boutthaw hringnae hoi kâkuen lah nangmae hmalah akungkhei e lah ka o tie lawk buet touh doeh ka hramkhai telah a dei.

Lawk tâtueng hane a tahruet awh

²² Felik ni hote konglamnaw hah kamcengcalah a panue dawkvah, ransabawi Lisias a tho torei nangmae lai teh akung na khei pouh han a titeh a tahruet pouh.

²³ Pawl hah khik paung laipalah ring awh. A huikonaw ni a khetyawt awh e hah ngang awh hanh telah ransabawi koe kâ a poe.

²⁴ A hnin youn touh ao hnukkhu Felik bawi teh Judah napui a yu Drusilla hoi a tho rawi. Pawl hah a kaw teh Khrih Jisuh thung yuemnae kong a dei e hah a thai roi.

²⁵ Hatei, Pawl ni a dei e lawk teh lannae, mahoima kâcakuelpnae hoi ka tho hane lawkcengnae a dei navah, Felik bawi ni a taki teh la ban ei lawih, a to hmalah atueng ao torei bout na kaw han telah atipouh.

²⁶ Hatnavah, Pawl ni tangka na poe han doeh telah Felik bawi ni a ngaihawi dawkvah, atuhoitu a kaw teh lawk a kâpankhai.

²⁷ Kum hnin touh ao hnukkhu hoi Felik bawi tahungnae hmuen koe Porsia Festus ni a yueng lah a tahung. Felik bawi ni Judahnaw lunghawi sak hane a ngai dawkvah Pawl hah thongim sut a paung.

25

Sizar hmalah Pawl a kamthaw

¹ Festus siangpahrang teh, hote ram dawk a pha teh hnin thum touh ao hnukkhu Kaisarea khopui hoi Jerusalem kho lah a luen takhang.

² Hahoi vaihma kacue hoi Judahnaw thung dawk e a lungkahanaw ni Pawl teh a toe awh.

³ Ahnimouh ni kaimouh na pahrennae lah, Pawl hah Jerusalem lah na thak pouh loe telah a kâhei awh. Bangkongtetpawiteh, Pawl hah lam vah pawp vaiteh thei awh han telah sut a kâcai awh dawk doeh.

4 Hatnavah Festus siangpahrang ni Pawl hateh, Kaisarea khovah thongim thung ao. Hote kho dawk nâsittouh o hoehnahlan, kama roeroe ka cei han.

5 Hatdawkvah nangmouh thung daw, kâtawwnae ka tawn e taminaw hah kai koe kâbang awh nateh, ahni yon pen hane awm pawiteh pen awh atipouh.

6 Hahoi hnin taroe, hnin hra touh ao hnukkhu vah Kaisarea kho a cei teh, lawkcengnae tungkhung daw a tahung teh Pawl hah kaw hanelah kâ a poe.

7 Pawl a tho terei teh Jerusalem lahoi ka tho e Judahnaw ni Pawl hah khik a ven awh. Yon a pen awh e pueng a tang e buet touh hai awmhoeh.

8 Pawl ni vah Judah phung thoseh, bawkim thoseh, Sizar siangpahrang thoseh, ka payon hoeh telah a pathung.

9 Festus siangpahrang ni Judahnaw hah tang sak a ngai dawkvah Pawl hanelah, nang heh Jerusalem cei vaiteh kaie hmalah hete lai heh akungkhei hane na ngai maw telah a paecei.

10 Hatei Pawl ni kai heh Sizar siangpahrang e lawkcengnae tungkhung hmalah ka kangdue dawkvah, hote hmuen koe kai heh akung na khei pawiteh a kamcu doeh. Nang ni kacailah na panue e patetlah Judahnaw koe yonnae khoeroe ka sak hoeh.

11 Koe ka payon boilah duekhai kawi yonnae buetbuet touh koe ka sak pawiteh, due hane kangek hoeh. Hateiteh ahnimouh ni yonpen awh e naw heh buet touh hai tueng hoehpawiteh apinihai ahnimae kut daw na phat sak mahoe. Sizar siangpahrang koe doeh nganga ka cei han atipouh.

12 Hattoteh Festus siangpahrang teh thaw rei ka tawk huinaw hoi a kâpan awh teh, nang teh Sizar siangpahrang koe nganga ka cei han na ti dawkvah Siangpahrang Sizar koe na cei han atipouh awh.

Agrippa hoi a yu Bernike teh Festus koe a pai roi

13 Hathnukkhu hnin youn touh ao hoiyah Agrippa siangpahrang hoi a yu Bernike teh, Festus hoi kâhmo hanelah, Kaisarea kho a tho roi.

14 Hnin hni, hnin thum ao roi hoiyah, Festus ni Pawl e lai hah siangpahrang koe hettelah be a dei pouh. Hivah Felik ni thongim a pabo e tami buet touh ao.

15 Jerusalem ka pha navah, vaihma bawinaw hoi Judah kacuenaw ni ahni hah a toe awh teh rek hanelah a kâhei awh.

16 Hatei, yon pen lah kaawm e tami buet touh heh, yon kapenkung hoi minhmai kâhmo teh yon kâpen e hoi kâkuen lah, bout pathungnae ao hoehnahlan ahni hah alouklah thak pawiteh Romnaw e phung nahoe telah Judahnaw koe ka dei pouh.

17 Hatdawkvah, ahnimouh teh hete khopui daw a pha awh toteh, pouk laipalah atangtho vah lawkcengnae tungkhung daw ka tahung teh, ahni hah kaw hanlah kâ ka poe.

18 Pawl yon ka pen e naw a kangdue awh toteh, ka pouk e patetlah kathoute yonnae hah pen awh hoeh.

19 Ahnimae kamcan teh amamae phung lawk hoi ka kâkuen e hoi, yo kadout tangcoung e Jisuh teh bout a hring telah Pawl ni a dei e patetnaw hah doeh.

20 Kai teh het patetlah e kâounkhai e naw heh ka pouk panuek lounglang hoeh dawkvah, Pawl hah Jerusalem vah cei vaiteh hawvah, hete lai heh akungkhei hanelah na ngai ou telah ka paecei.

²¹ Hatei Pawl ni siangpahrang ni lawkceng e totouh na hrueng awh ei telah a kâhei dawkvah, Sizar Siangpahrang koe thak hoehroukrak paung hanelah kâ ka poe toe telah a dei.

²² Agrippa bawi ni Festus bawi hanlah kama roeroe ni a lawk thai han ka ngai atipouh teh Festus ni tangtho to thai lawih atipouh.

Agrippa hmalah Pawl a pha

²³ A tangtho vah Agrippa siangpahrang hoi a yu Bernike teh puenghoi a kamthoup teh, ransa bawinaw, hote khothung e alawkpui lah kaawm e taminaw hoi rei a tho awh teh, impui thung a kâen awh. Hatnavah Festus siangpahrang ni kâ a poe teh Pawl hah a hrawi pouh awh.

²⁴ Festus siangpahrang ni, Agrippa siangpahrang hoi hie kaawm tongpanaw, nangmouh ni na hmu awh e hete tami hoi kâkuen lah, Judahnaw pueng niyah, hete tami heh hring sak kawî nahoe telah a hramki awh teh, Jerusalem kho thung hai thoseh, hi khothung hai thoseh, kai koe a kâhei awh.

²⁵ Hateiteh, ahni ni duekhai kawî bang buet touh boehai sak hoe tie hah ka panue. Hatei, ama ni Sizar bawi koe nganga ka cei han ati dawkvah, hawvah thak hanelah ka kâcai toe.

²⁶ Ahnie a kong teh thut vaiteh siangpahrang nang koe poe hanelah kamceng e a kong buet touh boehai yah kai dawkvah awmhoeh. Hatdawkvah yon penna buetbuet touh ka thut hane ao nahanelah, nang ni ahni hah akungkhei thai nahan nang na hmalah ka tâcokhai.

²⁷ Bangkongtetpawiteh, thongkabawt e tami buet touh heh a yonnae panuek laipalah patoun pawiteh kamcu mahoe atipouh.

26

Agrippa hmalah Pawl lawk a dei

¹ Hattoteh Agrippa ni Pawl hanelah, nama e kong nama ni na dei thai toe atipouh.

² Hatdawkvah Pawl ni a kut a dâw teh, Agrippa siangpahrang, Judahnaw niyah kai yon na pen awh e naw hah sahnin nang na hmalah dei nahane atueng ka hmu e heh yawhawinae buet touh lah ka pouk.

³ Bangkongtetpawiteh siangpahrang nang teh, Judahnaw e singyoe hoi kamcan pueng na panue dawc doeh. Hatdawkvah pahren lahoi ka dei e lawk heh lungsaw lahoi na thai pouh haw telah ka kâhei.

⁴ Kai teh ka miphunnaw koehai thoseh, Jerusalem kho thung hai thoseh, ka nawca hoiyah bangtelamaw kho ka sak tie hah Judahnaw ni koung a panue awh.

⁵ Ahnimouh ni kanawca hoi na panue awh dawkvah, kai teh kamamae phunglawk dawkvah kacingpounge Farasi buet touh lah ka o tie teh hi kaawm e naw ni dei ngai pawiteh a dei thai awh.

⁶ Atuvah kai teh mintoenaw koe Cathut ni poe lah kaawm e lawkkam ngaihawinae kecu dawc lawk na ceng awh.

⁷ Kaimae miphun hlaikahni touh ni, karum khodai thahmei laihoi Cathut a bawc awh teh, hote lawkkam patetlah coe hane a ngaihawi awh. Siangpahrang, kai teh hete ngaihawinae dawc doeh Judahnaw ni yon na pen awh.

⁸ Ka dout tangcoung e taminaw teh Cathut ni a thaw sak han tie hah yuem hanlah awmhoeh telah nangmouh ni teh khuet na ti a vaw.

⁹ Atangcalah kai roeroe haiyah Nazareth tami Jisuh min hah taran han telah doeh ka pouk van teh Jerusalem vah hottelah doeh ka kâroe van.

¹⁰ Kai teh vaihma bawinaw koehoi kâtawwnae ka hmu teh, tami kathoung moikapap hah thongim thung ka paung teh, ahnimouh thei awh nahai ka lungkuepkhai van.

¹¹ Sinakok tangkuem hai ahnimanaw hah atuhoitu runae ka poe teh, Cathut dudamnae lawk ngangngang ka dei sak. Hothloilah ahnimouh koe ka lungkhuek teh kho louk lah totouh ka pâlei teh ouk ka rektap.

Pawl lung kâthungnae hoi thaw poenae

¹² Hottelah hoiyah, ahnimouh rektap hanelah vaihma bawinaw ni kâtawwnae na poe e lahoi Damaskas kho lah ka cei.

¹³ Kanîthun vah lam dawk kanî angnae hlak ka ang e kalvan hoi e ni kai hoi ka huinaw abuemlae tengpam pueng koe pheng a tue e hah ka hmu.

¹⁴ Kaimouh abuemlahoi talai lah koung ka rawp awh teh, Hebru lawk lahoi Sawl, Sawl bangkong kai na rektap. Sâw na pathui hane teh a pataw kaima, telah a dei e ka thai.

¹⁵ Hatnavah, kai ni Bawipa nang teh apimaw telah ka pacei navah Bawipa ni, kai teh nang ni na rektap e Jisuh doeh telah ati.

¹⁶ Thaw nateh na khok hoi kangdout leih. Nang koe ka kamnue ngainae teh Kai koe na hmu e naw hoi, bout na hmu hane naw hah kampangkhai hanelah nang teh na rawi toe.

¹⁷ Kai ni Judah miphunnaw e kut dawk hoi thoseh, Jentelnaw e kut dawk hoi hai thoseh, nang teh na rungngang han. Ahnimouh koe nang teh na patoun toe.

¹⁸ Hethateh, ahnimae mit na ang sak vaiteh ahnimouh teh hmonae um hoi angnae koe lah na rasa vaiteh, Setan kâtawwnae thung hoi Cathut koe lah kâthungsak vaiteh, ahnimouh ni Kai na yuem e lahoi yon ngaithoumnae a coe awh vaiteh, thoungsaknae ka coe e naw thungvah, a kâthum awh thai nahane doeh atipouh.

¹⁹ Hatdawkvah, Agrippa siangpahrang kai ni kalvanlae vision hah ka ek thai hoeh.

²⁰ Ahmaloe poung lah Damaskas kho kaawm e naw, hathnukku Jerusalem kho kaawm e naw hoi Judah ram dawk kaawm e tami pueng koehoi Jentel miphun pueng koehai pankângai vaiteh Cathut koe kâthung hanelah pankângainae hoi kamcu e naw hah na sak awh nahanelah ka pâpho.

²¹ Hete kongnaw dawkvah Judahnaw ni bawkim vah na man awh teh thei hanelah a kâcai awh.

²² Hatei, kai teh Cathut pahren lungmanae ka coe dawkvah sahnin totouh tami kathoeng kalen hanelah kampangkhai lahun e lah ka o. Hottelah kampangkhai navah, a to hmalah ka tâcawt han telah Mosi hoi profetnaw ni sut a dei tangcoung e hloilah alouke ka dei e awmhoeh.

²³ Ahnimouh ni a dei awh e teh, Khrih teh runae a khang hoi duenae koehoi apasuekpoung lah boutthawnae lahoi Isarelnaw hoi Jentelnaw koe angnae kamthang a pâpho pouh han tie doeh telah a dei.

Agrippa counnae

²⁴ Pawl ni hettelah a pâpho navah, Festus siangpahrang ni, Pawl nang teh na pathu toe. Ka tapuet lah na kamtunae ni na pathu sak toe telah hram laihoi a dei.

²⁵ Hatei, Pawl ni Festus siangpahrang, kai ka pathu e nahoeh. Lawkkatang hoi ka talue e lawk doeh ka dei.

²⁶ Agrippa siangpahrang ni hete kongnaw hah a panue dawkvah lungtang laihoi a dei. Hete kongnaw teh arulae a tho hoeh dawkvah, siangpahrang nang ni na panue hoeh e awm mahoeh telah ka pouk.

²⁷ Agrippa siangpahrang, profet lawknaw hah na yuem maw. Na yuem doeh tie ka panue atipouh.

²⁸ Hattoteh Agrippa siangpahrang ni, nang ni na dei e lahoi kai hai khristen lah meimei ka coung toe ati.

²⁹ Pawl ni, bawipa nang dueng laipalah sahnin ka lawk ka thai e tami pueng ni hete sumrui hoi pâkhi e hloilah kai patetlah koung na o awh nahan Cathut koe ka ratoum atipouh.

³⁰ Hahoi, Siangpahrang hoi Bernike hoi ateng ka tahung e pueng a thaw awh teh,

³¹ a tâco awh hnukkhu, hete tami teh, duekhai kawi, hoehpawiteh, katekkhai kawi yonnae buet touh boehai kahmawt hoeh telah buet touh hoi buet touh a kâpankhai awh.

³² Agrippa siangpahrang ni Festus koe, hete tami ni Sizar koe nganga ka dei han tet hoehpawiteh hlout sak hanlah ao atipouh.

27

Pawl Rom khovah a cei

¹ Itali ram lah long hoi na cei han na ti pouh awh navah, Pawl hoi alouke thongkabawtnaw hai siangpahrang e ransa hu thung e ransabawi Julius koevah a poe awh.

² Asia ram long kâhatnae kho koe lahoi pou ka cet hane long ka kâcui awh teh ka cei awh. Masidonia ram Thesalon tami Aristarkas hai kaimouh hoi a cei van.

³ Atangtho teh Sidon ka pha awh. Julius ni Pawl hah a lungma dawkvah a huinaw koe a ceisak teh ahnmae khetyawtnae hah a coe sak.

⁴ Haw hoi vah ka tâco awh teh kahlî hah kaimouh koe lah a kamlang dawkvah Saipras tuilum e kahlî a uepnae koe lahoi ka cei awh.

⁵ Hahoi Cilicia hoi Pamfilia tueng koe ka raka awh teh Licia khopui Mira vah ka pha awh.

⁶ Haw tueng vah ransabawi ni Alexandria kho hoi Itali kho lah ka cet hane long buet touh a hmu teh hote long dawkvah na kâcui sak awh.

⁷ Hnin kapap hnawn payai lahoi ka cei awh teh rucat laihoi Kanidas kho teng ka pha thai awh. Kaimouh teh kahlî kecu dawkw patuen ka cei thai awh hoeh dawkvah, Krete tuilum kahlî a uepnae koe lahoi ka cei awh teh Salmon talaidawn koehoi pet ka cei awh.

⁸ Tuipui rai lahoi nganga pou ka cei awh teh Lasea kho teng lungmawng tie long kâhatnae hmuen koe ka pha awh.

Pawl ni dei e lawk eknae

⁹ Haw e hmuen koevah hnin moi kasawlah ka roe awh teh rawcahainae hnin hai aloum toung dawkvah, hmalah cei hane hai taki a tho dawkvah Pawl ni na hroecoe awh atipouh.

¹⁰ Hmaunawngghanaw hete tuipui dawkw ceinae heh long hoi hnopainaw dawkw dueng laipalah, maimae hringnae dawkw hai runae na poe hanelah ao tie hah ka hmu telah a dei.

¹¹ Hateiteh ransabawi ni Pawl e lawk hah tang laipalah, long kamawngkung hoi long katawngkung e lawk hah bet atanghnawn.

¹² Hote long kâhatnae koe vah kasik thapa thung pueng o hanelah a coung hoeh dawkvah, tami kapap ni kaniloumaka lah hoi kaniloumatung lah pou cei vaiteh, Krete tuilum e Finik hmuen koe pha han a ngai awh. Hawvah kasik thapa pueng o hanelah a pouk awh.

tûli hoi kâhmonae

¹³ Akalah hoi kahlî a tho toteh khokhang awh e patetlah akuiep han doeh telah a pouk awh. Hatdawkvah sumtaai hah a phawk awh teh, Krete tuilum teng lahoi a cei awh.

¹⁴ Hateiteh, atueng a ro hoehnahlan vah kanîtho koe lahoi yah, Euroquilo kahlî katang e hah a tho.

¹⁵ Long ni kahlî a hmang thai hoeh toung dawkvah longhni pueng ka rasu awh teh, kahlî ni a paleknae koe doeh ka cei awh toe.

¹⁶ Kawda tuilum teng, kahlî a uepnae koe ka pha awh toteh, ka ru poung lahoi hloutnae longca hah ka kuet thai awh.

¹⁷ Hote longca hah Long van vah a pâhung awh teh long hah acak nahanlah rui hoi kacaklah a katek awh. Sadi mon dawkvah hmang payon vai ati awh teh lukkarei longhni a rahnoum sak awh teh long hah kahlî a palek sak awh.

¹⁸ Kaimouh teh kahlî ni puenghoi na hmang awh dawkvah, atangtho teh long daw e hnonaw hah a tâkhawng awh.

¹⁹ Apâthum hnin teh amamae kut hoi long daw e hnonaw hah a tâkhawng awh.

²⁰ A hnin moi kasawlah Kanî, Âsinaw hmawt awh hoeh. Tâlî hai hoehoe a tho dawkvah, a hnukteng teh hlout awh han doeh tie ngaihawinae pueng a kahma toe.

²¹ Hottelah taminaw teh rawca laipalah kasawlah ao awh dawkvah, Pawl teh ahnimouh hmalah a kangdue teh, hmaunawngghanaw kaie lawk hah na ngai a lah, Krete tuilum koehoi tâcawt laipalah awm awh pawiteh, hete runae hoi sungnae pueng heh kâhmo awh mahoei ei.

²² Hatei atuteh na lungpout awh han awh, telah na dei pouh awh. Nangmouh thung daw hoi api buet touh boehai na dout a mahoei, long dueng doeh rawk tih.

²³ Bangkongtetpawiteh, kai na katawnkung ka bawk e Cathut e kalvan-tami ni paduem tangmin vah ka teng a kangdue teh,

²⁴ Pawl, na lungpuen hanh, siangpahrang hmalah na kangdue mingming han doeh. Hahoi Cathut ni nang hoi rei ka tho e pueng hai na kut daw na poe toe a ti.

²⁵ Hatdawkvah ka huinaw na lungpout a hanh awh. Bangkongtetpawiteh, na dei pouh e patetlah ao han tie Cathut kâuep laihoi ka yuem doeh.

²⁶ Maimouh hai tuilum buetbuet touh daw long heh a mang han toe telah Pawl ni a dei.

²⁷ Hnin hlaipali hnin tangmin a pha navah kaimouh teh Adria tuipei daw kâpayo awh lahun navah, karumsaning a pha toteh long teh tui kongteng buetbuet touh hoi a hnai toe telah ka pouk awh teh,

²⁸ tui hah ka bangnue awh bo teh, lam 20 touh a dung tie ka panue awh. Dongdeng o hnukkhu bout ka bangnue awh bo teh, lam hlaipanga touh a dung e ka panue awh

²⁹ Ahnimouh teh lungsongnaw hmang langvaih tie a taki awh dawkvah, sumtaai pali touh a pabo awh teh, khodai lawiseh telah a ratoum awh.

³⁰ Long kamawngnaw teh yawng hanelah a kâcai awh dawkvah, sumtaai ka pabawt e boiboe lah a kâsak awh teh hloutnae longca hah a rui a rasu awh.

³¹ Pawl ni ransabawi hoi ransanaw koevah, long thung na awm awh hoeh pawiteh, na hlout awh mahoe atipouh.

³² Hattoteh ransanaw ni hloutnae longca a ruinaw thoukthouk a tâtueng pouh teh tui thung a pabo awh.

³³ Khodai tawmlei nah Pawl ni abuemlah bu ca hane a dei pouh teh, nangmouh hah bu na cahoeah hah atuvah hnin hlaipali touh a pha toe.

³⁴ Hatdawkvah bu na ca awh nahanlah kai ni hroecoe awh. Hot hateh nangmouh na hlout awh nahane doeh. Nangmae na lû dawkw e sam buet touh boehai kahmat mahoe atipouh.

³⁵ Hettelah a dei hnukkhu vah, Pawl ni vaiyei hah a la teh abuemlae hmalah Cathut koe lunghawi lawk a dei hnukkhu vaiyei a raen teh a ca.

³⁶ Hattoteh ahnimanaw abuemlah ni hai a thahmei awh teh a ca awh.

³⁷ Long dawkvah tami 276 touh ao awh.

³⁸ Rawca kaboumlah a ca awh hnukkhu long dawkw e catunnaw hah tui dawkw a tâkhawng awh.

Long a rawk

³⁹ Khodai torei teh haw e a hmuen teh panuek awh hoeh eiteh, a kawngteng kaawm e a takin koe lah long kâhat sak hanlah a kâpan awh.

⁴⁰ Hahoi sumtaainaw hah a rasu awh teh tui dawkw a pabo awh, mawngnae acung rui kalennaw a rasu awh teh, longhni a thung awh teh a kawngteng lah a cei awh.

⁴¹ Hatei Long teh tuicapa kahni touh kâcunae koe a pha dawkvah, long e a lû teh sadi van a deng teh, kâhuen thai hoeh toe. Ataknaw teh tuicapa ni a hem dawkw koug a rawk.

⁴² Ransanaw ni thongkabawtnaw pueng yawng awh langvaih, hatdawkvah be thei han toe telah a pouk.

⁴³ Hateiteh, ransabawi ni Pawl hlout sak hanelah a ngai dawkvah, ahnima pouknae a ngang pouh teh, tui kale thainaw hmaloe a kawngteng lah kale sak hane,

⁴⁴ alouke taminaw ni thingphek raboung naseh. Long dawkw e hnopai buetbuet touh nakunghai, kuet laihoi kale hanelah kâ a poe. Hettelah hoi abuemlahoi kongteng lah runae awm laipalah koug a hlout awh.

28

Malta tuilum vah

¹ Kaimouh teh lungmawngcalah hoi a kongteng ka pha awh hnukkhu vah hote tuilum teh Malta tuilum doeh tie ka panue awh.

² Tamipathunaw ni kaimouh koe lungpatawnae a kamnue sak awh. Kho a rak teh hroung a pâding dawkvah hmai a patawi awh teh kaimouh abuemlah na kamben sak awh.

³ Pawl ni thingnaw a racum navah a thung hoi tahrin kathout a tâco teh Pawl e a kut dawkw a khue pouh.

⁴ Tamipathunaw ni Pawl e kut dawkw lawng kanghoi e tahrin hah a hmu awh navah, hete tami heh tami ka thet e han doeh, tui dawkw hoi a hlout ei nakunghai, phunglawk ni hring sak han ngai hoeh telah buet touh hoi buet touh a kâpankhai awh.

⁵ Pawl ni hote tahrin hah hmai dawkw a kathek, hatei, ama teh bangtelah hai awmhoe

⁶ Ahni teh a takbuem a phing han, a kamlei vaiteh a due han, titeh a ring aw. Hatei, bangtelah hai ao hoeh toreih teh a lungkâthung aw teh hete tami teh cathut han doeh atipouh aw.

Taminaw a dam aw

⁷ Hote hmuen koehoi a hnainae koe vah Publius telah kaw e tuilum khobawi e talai ao. Hote khobawi ni kaimanaw na o sak hloilah hnin thum touh thung rawca totouh na khetyawt aw.

⁸ Publius khobawi e a na pa teh a pâding e hoi a vontamci lah a pataw teh sut a yan. Hatnavah Pawl ni a kâen sin teh a ratoum pouh hnukkhu a kut a toung pouh teh a dam sak.

⁹ Hettelah a hnosak e a hmu aw navah tuilum kho kaawm e kapatawnaw pueng a thokhai aw teh damnae a coe aw.

¹⁰ Ahnimanaw ni barinae a sin aw teh na bari aw, ka ban aw to hai panki e naw moi a pâseng aw.

Rom kho a pha aw

¹¹ Thapa yung thum touh hnukkhu, tuilum koe kaawm e, kut sak kahrai ca kamphei e mei kâbet e Alexandria long hoi ka cei aw.

¹² Sirakus kho ka pha aw teh hote kho dawkh nin thum touh ka roe aw.

¹³ Haw hoi bout ka cei aw teh Regium kho ka pha aw. Atangtho vah akalae kahlî a tho dawkvah apâhni hnin vah Puteoli kho ka pha aw.

¹⁴ Hote kho dawkh hmaunawngnanaw hoi kâhmo aw teh hnin sari touh o hanelah na coun aw. Hettelah hoi Rom kho ka pha aw.

¹⁵ Kaimae kamthang ka thai e Rom kho e hmaunawngnanaw teh kaimouh hoi kâhmo hanelah, Rom kho hoi Appius hno yonae hoi bangla katham touh tie totouh a tho aw. Pawl ni ahnimouh a hmu nah, Cathut koe lunghawi lawk a dei teh a thahmei aw.

¹⁶ Rom kho a pha aw toteh Pawl teh ama ka ring hane ransa buet touh hoi aloukcalah o hanelah ransabawi ni kâ a poe.

Rom kho e Judah kacuenaw hoi a kâhmo

¹⁷ Hnin thum touh hnukkhu, Pawl ni Judah kahrawikungnaw a kaw teh, a kamkhueng sak teh, hmaunawngnanaw kai ni Judah miphun ahawioehnae ka sak hoeh. Mintoenaw e singyoe hai ka pahnawt hoeh. Jerusalem kho thongim na pabo aw, Romnaw e kut dawkh na hnawng aw.

¹⁸ Romnaw ni lawk bout na pacei aw hnukkhu, due han kamcu e yonnae a hmu aw hoeh dawkvah hlout sak hanelah a ngai aw.

¹⁹ Judahnaw ni a ngai aw hoeh toreih teh, Sizar siangpahrang koe nganga ka cet e doeh. Ka taminaw koe yon pen han bangcahai ka tawn hoeh.

²⁰ Hete kong dawkh nangmouh na kâhmo teh kâpan han ka ngai dawkh na kaw aw e doeh. Isarel miphunnaw ni ngaihawinae kong dawkvah, hete sumbawtarui hoi kai teh na pâkhi aw atipouh.

²¹ Hattoteh ahnimanaw ni, nange kong dawkh Judah ram hoi ca ka hmawt aw hoeh. Haw hoi ka tho e hmaunawngnanaw apinihai nang dawkh na yon telah ka dei e awmhoeh.

²² Hatei, hete bawknae hoi kâkuen lah, kho tangkuem vah na taran aw teh, na pathoe aw tie hah kaimouh ni sut ka panue dawkvah, nang ni bangtelamaw na pouk tie kaimouh ni thai hanelah ka ngai atipouh aw.

Pawl e kamthang lawk dawkh pathungnae

²³ Hathnukkhū Pawl hoi hnin a kâdawḁ awḁ teh, ahni a luennae koe hoe kapap lah a tho awḁ. Pawl ni amom hoi tangmin lah ditouh ahnimouh koe Cathut uknaeram kong a cangkhai, a kampangkhai teh, Mosi e kâlawk hoi Profetnaw ni a thut e naw hno lahoi Jisuh kong hah a dei pouh.

²⁴ Atangawn teh Pawl ni a dei e hah a yuem awḁ. Atangawnnaw teh yuem awḁ hoeh.

²⁵ Hottelah buet touh hoi buet touh lungkânging hoeh hoi a cei awḁ navah, Pawl ni lawkkam touh a dei e teh, Kathoung Muitha ni Profet Isaiiah hno lahoi a dei e hah atang doeh.

²⁶ Cet nateh dei pouh, a thai awḁ han ei thai panuek awḁ mahoeḁ, a hmu awḁ han ei hmawt panuek a mahoeḁ atipouh.

²⁷ Bangkongtetpawiteh, ahnimouh teh a hnâpang, a mitdawn awḁ teh, a lungthin kamlang awḁ hoeh. Hoehpawiteh, a mit hoi hmawt awḁ vaiteh, hnâ hoi thai awḁ vaiteh, a lung hoi a thaipanuek awḁ vaiteh, kâthung awḁ vaiteh, kai ni ka dam sak han a ti.

²⁸ Hatdawḁvāh Cathut e rungngangnae teh Jentelnaw koe poe lah ao toung dawḁvāh, ahnimanaw ni teh a ngai awḁ han tie hah panuek awḁ telah Pawl ni a dei pouh.

²⁹ Hete lawḁ hah Pawl ni a dei navah, Judahnaw teh thouk a kâoun awḁ teh a ban awḁ.

Lungmawng lah Pawl thaw tawḁnae

³⁰ Kum hni touh thung Pawl teh im a hlai e dawḁ a o, ama koe ka tho e naw pueng a luen sak teh,

³¹ banghai tarawḁnae awḁ laipalah, Cathut uknaeram kong hah, taranhawi laihoi a pâpho teh, Bawipa Jisuh Khrih e a kongnaw hah a cangkhai.

ROM (The Epistle of Paul to the Romans)

Cathut e kamthang lawk kahawi

¹ Kai Pawl, Jisuh Khrih e a san, Cathut ni a kamthang kahawi pâpho hanlah, na rawi teh na kaw e, guncei lah kaawm e ni ca na patawn awh.

² Hote kamthang kahawi teh Cathut ni ahmaloe hoi profetnaw koe na kam pouh tangcoung e hoi, Cakathoung dawk a thut tangcoung lah kaawm e,

³ Cathut Capa Jisuh Khrih e kong hah doeh. Tami koe lahoi teh Devit catoun lah ao.

⁴ Thoungnae Muitha bahu lahoi duenae koehoi boutthawnae, Cathut capa lah a onae, heh a kamnue sak.

⁵ Hote Bawipa min lahoi Jentelnaw pueng ni yuemnae hoi Cathut lawkngainae koe pha sak nahanelah, guncei lah coungnae coe awh.

⁶ Nangmouh hai hote Jentel miphun lah na o awh teh, Jisuh Khrih hoi na kâkuet awh nahanelah, kaw e lah na o awh.

⁷ Hottelah Cathut ni a pahren teh tami kathoung lah a kaw e Rom kho kaawm e naw pueng koe, hete ca heh ka thut. Maimae Pa Cathut hoi, Bawipa Jisuh Khrih koehoi lungmanae hoi lungmawngnae teh nangmouh koe awm lawwih.

Rom kho Pawl cei han a ngai

⁸ Nangmae yuemnae teh talaivan pueng a kamthang dawkvah, nangmouh hanelah kaie Cathut koe Jisuh Khrih lahoi hmaloe ka lunghawi.

⁹ Ouk ka ratoum navah nangmouh pou na pouk awh teh, Cathut ngainae awm pawiteh, hnin hnin touh hnin teh bangte lahoi ne nangmouh koe ka pha thai nahane lam a aw nahan ouk ka ratoum.

¹⁰ Capa e kamthang kahawi ka pâpho teh, ka muitha lahoi ka baw k e Cathut hah kai kapanuekkhaikung lah ao.

¹¹ Bangkongmaw nangmouh kâhmo hanlah ka ngai tetpawiteh, nangmouh hah muitha poehno buetbuet touh rei teh, na cak awh nahanelah thapoe hanelah ka ngai poung dawk doeh.

¹² Hottelah ka ti navah kaie yuemnae ni nangmouh tha na poe teh, nangmae yuemnae ni kai tha na poe teh, yuemnae lahoi buet touh hoi buet touh lungkâpatawnae coe awh nahane doeh.

¹³ Hmaunawngghanaw, Jentelnaw koe ka cei navah hawinae ka hmu e patetlah nangmouh koe hai hmu hanlah, tho hane atuhoitu ka kâcai ei, na katarawkkung ao dawk atu sittouh ka tho thai hoeh.

¹⁴ Kai teh Griknaw, tamipathunaw, a lungkaangnaw, hoi miphun pueng koe laiba ka tawn e lah ka o.

¹⁵ Hatdawkvah, Rom kho kaawm e nangmouh koe a coung thai totouh kamthang kahawi pâpho hanlah coungkacoe lah ka o.

Kamthang kahawi e bahu

¹⁶ Kai teh Khrih e kamthang kahawi kecu dawk kayanae ka tawn hoeh. Bangkongtetpawiteh, hote kamthang kahawi teh ahmaloe vah Judahnaw, nahoi Griknaw koe pâpho lah o teh, ka yuem e tami pueng ka rungngangnae Cathut e bahu doeh.

¹⁷ Cakathoung ni vah, tamikalan teh yuemnae lahoi a hring han ati e patetlah, yuemnae dawk hoi e Cathut lannae teh akung hoi a hmo ditouh hete kamthang kahawi dawk a kamnue.

Talai taminaw e yon

¹⁸ Lawkkatang ka ngang e taminaw, Cathut laipalah khosaknae naw hoi kamsoumhoeh khosaknae naw pueng dawk kalvan hoi Cathut lungkhueknae teh a pha.

¹⁹ Bangkongtetpawiteh, panue kawi e Cathut e a kong naw teh ahnimanaw koe a kamnue toe. Cathut ni ahnimouh koe a pâpho toe.

²⁰ Bangtelah hoi maw a pâpho tetpawiteh, talaivan pek a kamtawng hoi Cathut e hmuthaihoeh a yungyoe bawilennae, a Cathutnae teh, a sak e hnonaw dawk hoi kancengcalah panue thai kawi lah ao dawkvah, ahnimouh ni kâtang thai mahoeh.

²¹ Bangkongtetpawiteh, ahnimouh ni Cathut hah a panue awh nahlangva vah, Cathut pholen hane totouh pholen a hoeh. A lungmanae hai noutna a hoeh. Ayawmyinlah pouknae hoi lungthin pathunae koe a pha awh.

²² Ahnimouh teh amamouh hoi amamouh a lungkaang e patetlah a kâsak awh nahlangva vah, ka pathu e lah ao awh.

²³ Kamko thai hoeh e Cathut e a bawilennae hah a pahnawt awh teh, kamko thai e, tami, tava naw, a khok pali touh e moithangnaw, vonpui hoi kâva e moithangnaw hoi kâvan e meikaphawknaw hah Cathut e yueng lah a ta awh.

²⁴ Hatdawkvah, ahnimanaw teh buet touh hoi buet touh a kâbari awh hoeh nahan, amamae lungngai e patetlah khinnae kut dawk Cathut ni a poe awh.

²⁵ Ahnimouh ni lawkkatang Cathut yueng lah a kaphawk e cathut hah a tâ awh teh, kasakkung Cathut a pahnawt awh. A sak e hno hah a bawk awh. Hote Bawipa teh a yungyoe yawhawinae awmseh. Amen.

Taminaw khosak kamkonea

²⁶ Hottelah a sak awh dawkvah, ahnimanaw teh kayanae kut dawk Cathut ni a poe toe. Bangtelamaw tetpawiteh, napuinaw ni, tongpa hoi onae heh a pahnawt awh teh, napui reira ao awh.

²⁷ Hot patetvanlah, tongpanaw ni hai napui hoi onae phung a pahnawt awh teh, buet touh hoi buet touh cuknae hmai patetlah a kak awh teh, kayatho poung e tongpa reira a hmaung awh teh, amamae a yon awh e patetlah lawkcengnae teh a kâhmo awh.

²⁸ Hothloilah ahnimouh ni Cathut panue han a ngai awh hoeh dawkvah, hno kahawihoe a sak awh nahanelah, Cathut ni hounlounnae kut dawk ahnimouh teh a poe toe.

²⁹ Ahnimanaw teh hno kahawihoe saknae a phunphun, kamsoumhoeh napui tongpa yonnae, mawikainae, hounlounnae, hounroena,

³⁰ Utsinnae, tami theinae, kayanae, dumyennae, tami hmungaihoehnae, mathengpaanae, kâoupkâpawinae, thoum kawi hoeh e thoumnae, manu na pa lawkngaihoehnae, kâhruetcuethoehnae,

³¹ thaipanuekhoehnae, lawkkamcakhoehnae, lungkâpatawoehnae, ngaithoum thaihoehnae, pahrenhoehnae lungthin ka tawn e tami lah ao awh.

³² Hottelah kaawm e tami teh a due hane roeroe lah ao telah Cathut ni ati e heh a panue awh nahlangva, amamouh ni a sak dueng laipalah hottelah ka sak e taminaw koehai a lungkuep awh.

2

Cathut lannae

¹ Ayânaw lawk ouk ka ceng e tami nang, na yon na ramuk thai mahoe. Bangkongtetpawiteh ayânaw lawk na ceng e patetlah nama ni roungrong na sak dawkvah, ayânaw lawk na ceng nah ka yon tie kamceng saknae lah ao.

² Cathut ni hottelah kaawm e taminaw hah lawk a ceng tie teh lawkkatang hoi a kânging tie maimouh ni panue awh.

³ Hot patet e yon, ma ni sak nahlangva vah ayâ ni a sak e teh, akung ka khe i e tami, Cathut e lawkcengnae daw k hoi ka hlout han telah na pouk maw.

⁴ Cathut lungmanae ni pankângainae lamthung daw k na hrawi e heh panuek laipalah, a lungmanae, a lungsawnae, panguelpnae naw heh banglahai na noutna awh hoe h bo vaw.

⁵ Hatei na lungpatanae hoi pankângaihoe hnae dawkvah, a lungphuenae hnin lah kaawm e Cathut e a lannae hoi lawkcengnae hnin navah ma ni khang han e, a lungkhueknae teh na pâtung awh toe.

⁶ Cathut ni tami pueng teh amamae a taw k awh e patetlah aphu a poe han.

⁷ Hnokahawi sak hanelah a lung katang niteh, bawilenna e hoi barinae hoi kamko thai hoe h e hnonaw ka tawng e teh a yungyoe hringnae a poe han.

⁸ Ma hane dueng pouk teh, lawkkatang tarawi laipalah, lanhoe hnae daw k kho ka sak e taminaw koe vah, puenghoi a lungkhueknae hoi a lungphuenna e teh a pha sak han.

⁹ Runae hoi pataw khangnae naw teh, ahmaloe vah, Judahnaw koe, hahoi Griknaw, kathoute hno kasaknaw pueng koe, kalenpoung runae teh a pha han.

¹⁰ A bawilenna e hoi barinae hoi lungmawngnae teh ahmaloe vah Judahnaw, hahoi Griknaw, hawinae ka sak e taminaw pueng koe a pha han.

¹¹ Bangkongtetpawiteh Cathut teh apie minhmai hai khen hoe h.

¹² Kâlawk panuek laipalah ka yon e naw teh kâlawk laipalah rawknae koe a pha awh han. Kâlawk panue nahlangva, ka yon e naw teh kâlawk e lawkcengnae hah a khang han.

¹³ Bangkongtetpawiteh, a lawk ka thai e ni Cathut hmalah lannae coe hoe h. A lawk ka tarawi e ni doeh Cathut hmalah lannae teh a coe.

¹⁴ Jentelnaw ni teh kâlawk panuek laipalah amamae a tawksaknae heh a kâuepkhai awh.

¹⁵ Ma hoi ma kâpanuena e ni a kampangkhai teh, buet touh hoi buet touh a kâpan awh teh, yon a kângai thoum awh teh, amamae lungthin thung kaawm e thoe hawi kamcengcalah a kamnue sak awh.

¹⁶ Kai ni ka dei e kamthang kahawi patetlah Cathut ni Jisuh Khrih lahoi yah, taminaw e arulahoi a tawksak e naw hah lawkcengnae hnin toteh hottelah lawk a ceng han.

Judahnaw hoi kâlawk

¹⁷ Nang teh namahoima Judah tami lah na kâpouk teh, kâlawk na kâuep teh, Cathut na kâuepkhai teh,

¹⁸ Cathut ngaina e ka panuek e tami, kâlawknaw na tarawi teh, kapekkaboe thai e tami lah na o teh,

¹⁹ mitdawnnaw lam ka pátue e tami, kahmawt um kaawm naw ka ang sak e tami,

²⁰ tamikaponaw ouk ka yue e tami, camonaw ka cangkhai e tami, kâlawk lahoi lungangnae hoi lawkkatang ka panuek e tami lah ka o titeh mahoima na ka pouk e lah na awm pawiteh,

²¹ ayânaw na yue nahlangva vah, namahoima na ka cangkhai thai hoeh maw. Ayânaw e hno parawt hanh telah na dei nahlangva vah na paru bo vaw.

²² Uicuk hanh na ti nahlangva, nama na uicuk bo vaw. Meikaphawk na panuet nahlangva bawkim na raphoe bo vaw.

²³ Kâlawk na kâoupkhai nahlangva vah, hote kâlawk hah na tapoe teh, Cathut na bari hoeh bo vaw.

²⁴ Bangkongtetpawiteh Cakathoung dawk a thut e patetlah Jentelnaw ni nange na nuencang hah a khet aw hawh teh Cathut min a pathoe aw hawh.

²⁵ Nang teh kâlawk na tarawi pawiteh vuensoma e lahoi ahawinae ao. Hatei kâlawk na ek pawiteh nange vuensoma e teh a hoeh e patetlah bout ao.

²⁶ Hothloilah vuensoma hoeh e tami teh, kâlawk heh tarawi pawiteh, ahnie vuensoma hoeh e heh vuensomanae lah ouk pouk pouh nahoehmaw

²⁷ Hatnavah takthai dawk vuensom ka a hoeh nakunghai kâlawk tarawi pawiteh, kâlawk lahoi vuensomanae ao nahlangva, kâlawk na ek pawiteh, lawkceng lah na o han.

²⁸ Bangkongtetpawiteh, alawilah hoi Judah tami lah kaawm e tami teh, Judah tami katang nahoe hawh. Alawilah hoiyah tak dawk vuensoma e teh vuensoma katang e nahoe hawh.

²⁹ Thung lahoi Judah tami katang lah kaawm e doeh Judah tami katang. Vuensomanae hai Ca Karuem lahoi laipalah Muitha lahoi lungthin koelae vuensomanae doeh vuensoma e katang lah kaawm. Hot patetlah vuensom ka a e teh tami oupnae laipalah, Cathut ni oup e lah ao.

3

Cathut e lawkkam caknae

¹ Hat pawiteh, Judah tami ni bangmaw meknae kaawm. Vuensomanae ni bangmaw hawinae kaawm.

² Ahawinae aphunphun ao. Hmaloe vah, vuensoma lah kaawm e Judahnaw teh Cathut lawk hah a coe aw hawh.

³ Hat pawiteh, ahnimouh thungvah ka yuem hoeh e awm pawiteh bangtelane ahnimae yuemhoehnae ni Cathut yuemkamcunae hah a kâ raphoe sak han na maw.

⁴ Kâ raphoe mahoe hawh. Cathut ni a lawk lahoi lannaeh lah a coe teh, lawkceng toteh tâ nahanelah, Cakathoung dawk thut e patetlah tami pueng teh laithoe kadeikung lah ao aw hawh ei, Cathut teh kalan e lah awm naseh, telah ati.

⁵ Hatnavah, maimae lanhoehnae ni Cathut lannaeh kamnuek sak pawiteh, bangtelamaw dei aw hawh han. Tami koe lahoi dei pawiteh, lungkhueknae ka phat sak e Cathut teh kalan hoeh e Bawipa lah maw ao.

⁶ Hottelah khoeroe awm hoeh. Hottelah awm pawiteh Cathut ni bangtelah hoi maw talaivan lawk a ceng han vaw.

⁷ Hatei, kaie laithoenae lahoi Cathut lawkkatang ni a bawilennaeh hoe pung sak pawiteh, kai heh tamikayon buet touh lah bangkongmaw lawkceng e lah ka o rah vaw.

⁸ Hnokahawi a tâco nahanlah hno kahawihoehe sak aw h han, telah tet thai mahoe h maw. Tami tangawn ni hottelah maimouh ni dei aw h ati aw h teh, maimouh dudam lahoi a dei aw h. Ahnimae yonphukhangnae teh a kamcu doeh.

Tami kalan buet touh boehai awmhoe h

⁹ Hottelah pawite h, bangtelah han maw. Maimouh teh hoe hawi aw h maw. Hoe hawi aw h hoe h. Bangkongtetpawite h, Judahnaw hoi Griknaw hai yon rahim vah ao tie yo kamnue sak toe.

¹⁰ Cakathoung daw k thut e patetlah tamikalan awmhoe h, buet touh boehai awmhoe h.

¹¹ Ka thai panue k e awmhoe h. Cathut ka tawng e awmhoe h.

¹² Tami pueng lam a phen aw h teh, abuemlahoi cungkeihoe h lah ao aw h toe. Hnokahawi ka sak e apihai awmhoe h, buet touh boehai awmhoe h.

¹³ Ahnimae a lawkron teh kamawng e tangkom lah ao. Ahnimouh ni a lai hoi laithoe a dei aw h. A pahni daw k hrunthoe sue ao.

¹⁴ Ahnimae apâhni teh lawkthoeumkha hoi akawi.

¹⁵ Ahnimae khok teh tami thei hane koe lah a hue a rang aw h.

¹⁶ Ahnimae lamthung daw k kamknae hoi roedengnae ao teh,

¹⁷ Ahnimouh ni roumnae lam panue k aw h hoe h .

¹⁸ Ahnimae mit daw k Cathut takinae tawn aw h hoe h.

¹⁹ Kâlawk ni a dei e pueng teh kâlawk thung kaawmnaw hanelah doeh tie panue aw h. Hottelah ao daw kvah, talaivan pueng teh law k kam touh boehai dei thai laipalah, Cathut hmalah ka yon e lah ao aw h.

²⁰ Hatdaw kvah, kâlawk tarawinae lahoi apihai Cathut hmalah tamikalan lah aw m thai hoe h. Bangkongtetpawite h, kâlawk teh yon ka panue k sakkung lah doeh ao.

²¹ Atute h kâlawk hoi profet lawknaw ni a kampangkhai e Cathut lanna e teh, kâlawk laipalah a kamnue toe.

²² Cathut lanna e teh Jisuh Khrih kayuemnaw pueng e lathueng vah a pha. Hatdaw kvah, kapeknae khoeroe awmhoe h.

²³ Bangkongtetpawite h, tami pueng teh a yon aw h daw kvah Cathut bawilenna e hoi kâhla aw h toe.

²⁴ Ahnimouh teh Cathut lungmana e daw k Khrih Jisuh thung ratangnae lahoi apu poe laipalah na lan toe telah khoe e lah o toe.

²⁵ Cathut ni ama lanna e a kamnue sak nahanelah Khrih hah a rawi teh, yuemnae hanlah Khrih thipaling teh thuengnae lah ao sak. Phunlouk lahoi dei pawite h, Cathut ni a lungsawnae lahoi kaloum tangcoung e yonna e naw hah pâkuem laipalah ao.

²⁶ Hatdaw kvah, atute h ama e lanna e hah kamnue sak hane hoi Cathut ama roeroe alan teh, Jisuh ka yuem e taminaw hai alansak.

²⁷ Hat pawite h, kâoupkhai kawi na mouh ao va. Hot teh pahnaw t lah ao toe. Bang phung hoi mouh pahnaw t lah ao va. Tawksaknae hoi maw. Na hoe h. Yuemnae lahoi pahnaw t lah ao.

²⁸ Bangkongtetpawite h, tami teh kâlawk tarawinae lahoi laipalah yuemnae lahoi tamikalan lah na khoe toe tie lah pouk aw h.

²⁹ Nahoe h pawite h, Cathut teh Judahnaw hane Cathut dueng na maw. Jentelnaw e Cathut lahai awmhoe h namaw. A o. Jentelnaw e Cathut lahai ao.

³⁰ Yuemnae lahoi vuensom ka a e tami teh na lan toe telah khoe e lah ao teh, vuensom ka a hoe h naw hai yuemnae lahoi na lan toe telah ka khoe e Cathut teh buet touh duengdoeh.

³¹ Hat pawiteh, maimouh ni yuemnae lahoi kâlawk teh pahnawt awh namaw. Khoeroe pahnawt awh hoeh. Kâlawk hah hoe caksak awh.

4

Abraham e yuemnae

¹ Hottelah pawiteh maimae na pa Abraham teh takthai lahoi bang mouh ahawinae a coe vaw.

² Abraham teh a tawksaknae hoi lannae koe phat pawiteh kâoupkhai kawi lah ao. Cathut hmalah teh hottelah nahoe.

³ Cakathoug daw k a dei navah Abraham teh Cathut a yuem dawkvah ahnie yuemnae teh lannae lah a khoe pouh.

⁴ Thaw tawknae lahoi kutphu hmu e teh lungmanae nahoe, a hmu hanelah a kamcu daw k a hmu e doeh.

⁵ Thaw tawknae awmhoeh eiteh, tamikayonnaw hanlah na lan toe telah katetkung Bawipa hah, ka yuem e tami teh ahnie yuemnae hah lannae lah khoe pouh lah ao.

⁶ Hot patetlah Cathut ni a thaw tawknae khen pouh laipalah a poe e lannae kacoekung e a yawhawinae hah Devit ni a dei navah,

⁷ yon ngaithoum lah kaawm e, yonnae naw ramuk pouh lah kaawm naw teh a yawhawi awh.

⁸ Cathut ni yonpenneae daw k hoi ka hlout e tami teh a yawhawi telah ati.

⁹ Vuensoma lah kaawm naw dueng maw hote yawhawi ka coe han vaw. Ka a hoeh naw hai a coe han maw. Abraham e yuemnae teh ahnie lannae lah a khoe pouh, ati.

¹⁰ Hot hah, bangpatinah maw a khoe pouh. Vuensoma nah maw. Hoehpawiteh, vuensoma hoehnahlan maw. Vuensoma hnukkhu laipalah, vuensoma hoehnahlan vah hottelah khoe e lah ao toe.

¹¹ Hot patetvanlah, Abraham teh vuensoma hoehnahlan yuemnae daw k hoi tamikalan telah khoenae hah vuensomanae lahoi a kamnue sak. Het hateh Abraham hah, vuensoma laipalah ka yuem e tami pueng e na pa lah ao nahane hoi ahnimanaw hai lannae a coe awh nahane doeh.

¹² Hahoi, Abraham teh kayuemnaw pueng e na pa lah ao hane hoi vuensoma daw k dueng laipalah, a hoehnahlan hoi kaawm e yuemnae daw k ka cet naw e na pa lahai ao nahane doeh.

Yuemnae lahoi coe e lawkkam

¹³ Hete talaivan heh râw lah na pang sak han telah Abraham koe poe e lawkkam teh, kâlawk khetsin lahoi poe e tho laipalah, yuemnae lahoi coe e lannae daw k hoi doeh poe e lah ao.

¹⁴ Bangkongtetpawiteh, kâlawk hoi kâkuen e naw ni râw coe awh pawiteh, yuemnae teh ayawmyin lah awm vaiteh, lawkkam hai karawk han doeh.

¹⁵ Kâlawk ni teh lungkhueknae a tâcokhai. Hatei kâlawk awm hoeh pawiteh, payonnae hai awmhoeh.

¹⁶ Hatdawkvah lawkkam teh yuemnae hoi doeh a kâkuet. Hote lawkkam teh lungmanae lahoi a coung sak teh, kâlawk hoi kâkuen e miphunnaw hane dueng laipalah, Abraham e yuemnae hoi kâkuen e catoun lah kaawm e catounnaw pueng hanelah a caksak nahane doeh.

¹⁷ Kai ni nang teh moikapap e miphunnaw e na pa lah na coung sak toe telah Cakathoug daw k thut e patetlah Abraham teh ama ni a yuem e Cathut, kadout e naw hah kahring sak niteh, kaawm hoeh e hnonaw hah

ao thai nahanelah kâ ka poe thai e Cathut hmalah, maimouh pueng e na pa lah ao.

¹⁸ Ahni teh ngaihawi hanlah kaawm hoeh toung e hah a ngaihawi, a yuem teh, na catoun teh hettelah ao han telah lawkkam pouh e patetlah moikapap e miphunnaw e na pa lah ao.

¹⁹ Ahni teh a kum cum touh bang a pha nah, amae a tak teh kadout e patetlah ao e hoi, Sarah e von a due toe tie hai a panue eiteh yuemnae dawk a thayounnae awmhoeh.

Yuemnae lahoi coe e lannae

²⁰ Cathut e lawkkam dawk lunghringnae tawn laipalah yuemnae a len poung teh Cathut a pholen.

²¹ Cathut teh lawkkam a poe e patetlah a sak thai tie hai khoeroe a yuem.

²² Hatdawkvah, yuemnae hah ahnie lannae lah khoe pouh e lah ao.

²³ Hatei, ahni hah khoe e lah ao telah Cakathoung dawk a thut e teh, Abraham buet touh hane dueng nahoe. Maimouh hanelah hai thut e lah ao.

²⁴ Maimae Bawipa Jisuh hah duenae koehoi kathawsakkung hah ka yuem e maimouh hai na lan toe telah na khoe awh han.

²⁵ Bawipa Jisuh teh maimae payonnae dawkvah, thei e lah ao teh maimouh lansaknae coe nahanelah a thaw toe.

5

Roumnae lahoi lunghawinae

¹ Hatdawkvah maimouh teh yuemnae lahoi lannae koe phat pawiteh maimouh Bawipa Jisuh Khrih lahoi Cathut hmalah roumnae coe awh toe.

² Hote lungmanae coe thainae teh, yuemnae tawn awh teh, hote Bawipa dawk hoi dueng doeh coe thainae kâ tawn awh. Hatdawkvah Cathut e Bawilenna ngaihawi laihoi konawmnae tawn awh toe.

³ Hot dueng nahoe, rucatnae khang nahaiyah lunghawinae tawn awh toe. Bangkongtetpawiteh, rucatnae ni teh panguepnae a thokhai.

⁴ Panguepnae ni teh panuecainae a thokhai. Panuecainae ni teh ngaihawinae a thokhai.

⁵ Hote ngaihawinae ni maimouh yeirai na poe mahoe. Bangkongtetpawiteh, Cathut e lungpatawnae ni maimouh na poe e Kathoung Muitha lahoi maimae lungthung vah awi e lah o awh toe.

⁶ Maimouh thayoun lah o awh lahun navah, Khrih teh atueng a pha nah cathutlaipa e taminaw hanlah a due.

⁷ Bangkongtetpawiteh, tamikalan hanelah kadout hane tami a takang. Hawinae ka sak e tami hanelah teh ao thai tet ei sei.

⁸ Maimouh teh tamikayon lah o awh lahun nah, Khrih teh maimae yon kecu dawk a due toe. Cathut ni maimouh banghloine lungpataw awh tie kacaicalah a kamnue sak.

⁹ Hatdawkvah atuteh a thipaling lahoi lannae koe pha hnukkhu, hote Bawipa lahoi a lungkhueknae dawk hoi hlout awh han tie hoe ngaihawinae ao.

¹⁰ Bangkongtetpawiteh, taran lah o awh lahun nah Ama e Capa duenae lahoi, maimanaw teh Cathut hoi bout kâmahawi awh toe. Kâmahawi tangcung lah kaawm e maimouh teh, Capa e hringnae lahoi rungngangnae dawk pha han doeh telah ngaihawinae hoe ao.

¹¹ Hot dueng laipalah, atu maimouh bout kâmahawinae na kapoekung Bawipa Jisuh Khrih lahoi Cathut dawk konawmnae tawn awh.

Adam hoi Khrih

¹² Hatdawkvah, yon teh tami buet touh lahoi talaivan dawk a kâen teh, yon ni duenae a thokhai e patetlah tami pueng a yon awh toung dawkvah, duenae koe a pha awh.

¹³ Kâlawk poe hoehnahlan hoi talaivan dawk yon teh ao toe. Hatei, kâlawk awmhoeh pawiteh yon hah yon telah khoe thai hoeh.

¹⁴ Hateiteh, Adam koehoi kamtawng teh Mosi totouh duenae ni a uk. Adam ni a yon e patetlah kayonhoeh naw pueng hai koung a uk. Hote Adam teh ka tho hane a tâhlip lah ao.

¹⁵ Hatei, aphulaipa poehno hoi yonnae kâvan hoeh. Bangkongtetpawiteh, tami buet touh a yon kecu dawk tami moikapap dout pawiteh, Cãthut lungmanae hoi tami buet touh Jisuh Khrih lungmanae dawk hoi poehno teh, tami moikapap koevah lungmanae hoehoe apap han.

¹⁶ Hothloilah, tami buet touh payonnae ni a thokhai e hoi poehno teh kâvan hoeh. Bangkongtetpawiteh, buet touh koelah lawkcengnae dawk teh, yonphukhangnae lah ao. Hatei, yonnae moikapap dawk hoi aphulaipa poehno ni teh lansaknae a tâcokhai.

¹⁷ Bangkongtetpawiteh, tami buet touh ni a yon toung dawkvah, hote tami buet touh e pawlawk dawk duenae ni na uk pawiteh, ka kuep e lungmanae hoi lanna poehno ka coe e naw ni tami buet touh tie Jisuh Khrih pawlawk dawk hoi hringnae ni hoehoe a uk awh han.

¹⁸ Hatdawkvah tami buet touh e payon kecu dawkvah taminaw pueng yonphukhangnae lawkcengnae koe a pha e patetlah, tami buet touh e lanna pawlawk lahoi tami pueng hringnae hoi lansaknae koe lah phanae kã tawn awh toe.

¹⁹ Bangkongtetpawiteh, tami buet touh e lawk eknae kecu dawk tami moikapap yon dawk pha e patetlah tami buet touh lawkngainae lahoi tami moikapap lannae koe pha awh.

²⁰ Kâlawk teh yonnae pung sak hanelah doeh a kâen. Hatei, yonnae a pungnae koe lungmanae hoe a pung.

²¹ Hottelah pawiteh yon ni duenae lahoi na uk e patetlah lungmanae haiyah lanna lahoi na uk teh maimae Bawipa Jisuh Khrih lahoi a yungyoe hringnae coe thai nahane doeh.

6

Hring katha dawk khoktakanna

¹ Hettelah pawiteh bangtelamaw dei awh han. Lungmanae a pung nahanelah yonnae hoehoe sak awh han na maw.

² Sak a mahoe. Yonnae dawk kadout e naw teh hote yonnae dawk bangtelah vai bout a hring toung vaw.

³ Khrih Jisuh thung baptisma ka coe e maimouh teh a duenae thung baptisma coe awh tie na panuek awh hoeh maw.

⁴ Hottelah maimouh teh a duenae dawk baptisma coe e lahoi, ama hoi cungtalah pakawp e lah o awh. Khrih ni Na pa e bahu lahoi duenae koehoi a thaw e patetlah maimouh hai hring kathanae dawk hring awh hane doeh.

⁵ A duenae koe ama hoi rei dout awh pawiteh, a thawnae koe vah ama hoi rei thaw a van han.

⁶ Maimae tami karuem teh Khrih hoi cungtalah thingpalam dawk thei lah ao toe. Hottelah nangmae tami karuem takthai raphoenaeh teh yonnae san lah bout o awh hoeh na hanlah tie panue awh.

⁷ Ka dout tangcoung naw teh yon dawk hoi a hlout toe.

⁸ Maimouh ni Khrih hoi cungtalah dout pawiteh ama hoi cungtalah hring han telah yuem awh.

⁹ Duenae koehoi ka thaw e Khrih teh bout dout mahoe hoi tie panue awh. Duenae ni Bawipa teh nâtuék hai uk thai mahoe hoi toe.

¹⁰ Khrih teh yonnae dawkvah vai touh lahoi kakhoutlah a due toe. Atu e hringnae teh Cathut dawkw doeh a hring toe.

¹¹ Hot patetlah nangmouh hai yon dawkw teh kadout e lah na o awh teh, Cathut dawkw teh Khrih Jisuh lahoi kahring telah namahoima kâpouk awh.

¹² Hatdawkvah nangmae kadout thai e takthai ngainae tarawi hanelah yon koe kâ uk sak awh hanh.

¹³ Nangmae na tak puengcangnaw teh lanhoe hoi lah yonnae koe poe awh hanh lawih. Hothlak teh duenae koehoi bout kahring e patetlah, nangmae tak puengcangnaw teh lanna e lah coung sak awh nateh Cathut koe namamouh hoi namamouh kâpoe awh.

¹⁴ Bangkongtetpawiteh, nangmouh teh kâlawk rahim na awm awh toung laipalah, lungmanae rahim na o awh toung dawkvah, yon ni nangmouh lathueng kâ bout tawn mahoe hoi toe.

Yon san hoi lanna e san

¹⁵ Hat pawiteh, bangtelamaw. Maimouh teh kâlawk rahim awm toung laipalah, Cathut lungmanae rahim o awh toung dawkvah, yon bout sak awh han rah maw. Khoeroe sak mahoe hoi.

¹⁶ Nangmouh ni yah bawi e lawk ka ngai han telah na dei pawiteh nangmouh teh lawk na ngai pouh e bawi e a san lah na o awh. Hot patetvanlah yonnae a hnuék na kâbang pawiteh yonnae san lah na o vaiteh, lanna e koe na ka phat sak e lawk na ngai pawiteh lanna e san lah na o awh tie na panuek awh hoe hoi maw.

¹⁷ Nangmouh teh yon san lah na o awh ei nakunghai, atuvah na coe awh tangcoung e cangkainae hah na ngai awh dawkvah, Cathut lungmanae a len tanggak.

¹⁸ Yonae dawkw hoi na hlout awh teh, lanna e san lah na o awh toung dawkvah, Cathut lungmanae teh ka pholen.

¹⁹ Hottelah ka ti navah, na tha a youn dawkvah hottelah ka dei e doeh. Ahmaloe teh namamae takthai puengcangnaw hah kahawihoe hoi hnosaknae dawkvah san lah na la hno awh e patetlah, atuteh namamae takthai puengcangnaw hah thoungae hno sak nahanelah, lanna e san lah poe awh nateh, thoungae koe phat awh.

²⁰ Nangmouh teh yon san lah na o awh navah lanna e dawkw hoi na hlout awh.

²¹ Hatnavah atu na tawksaknae kayanae dawkw hoi bangmaw hawinae na hmu awh vaw. Hot naw e a poutnae teh duenae doeh.

²² Hatei, atuteh yonnae dawkw hoi na hlout awh toung dawkvah, Cathut e san lah na o awh teh thoungae apaw hah na coe awh. Apoutnae koehoi a yungyoe hringnae na pang awh han.

²³ Yon phu teh duenae doeh. Cathut ni na poe e poehno teh maimae Bawipa Khrih Jisuh thung yungyoe hringnae doeh.

7

Kâlawk dawkw hoi hloutnae

¹ Hmaunawngnaw, kâlawk kapanueknaw hanelah ka dei e teh, kâlawk ni teh tami a hring nathung dueng doeh a uk thai tie na panuek awh hoe hoi maw.

² Bangnueanae lah, vâ ka sak e napui buet touh teh a vâ a hring nathing dueng doeh vâsaknae ni a katek. A vâ dout pawiteh vâ hoi kâkuen e kâlawk dawk hoi a hlout.

³ Hatdawkvah a vâ a hring nahlangva, alouke tongpa hoi ipawm pawiteh ka uicuk e napui telah ti han. Hatei a vâ a due hnukkhu teh, kâlawk ni kateknae thung hoi a hlout toe. A vâ bout sak pawiteh ka uicuk e napui tet mahoe h toe.

⁴ Hot patetvanlah, hmaunawngghanaw, nangmouh hai, Khrih e a tak dawkvah kâlawk teh na due takhai awh toe. Het hateh alouke tami tie duena koehoi ka thaw e Bawipa hoi kâkuen e lah o awh toung dawkvah, Cathut hanelah a paw paw nahane doeh.

⁵ Tami kahring takthai ngainae hoi hring awh navah, kâlawk ni a tâcokhai e yon sak ngainae ni maimae tak thungvah thaw a tawk teh duena e tâc sak.

⁶ Atuteh maimouh na katek e kâlawk koe lah due awh teh kâlawk dawk hoi hlout awh toung dawkvah, kâlawk lahoi laipalah, Muitha e phung lam katha dawk thaw tawk e lah o awh toe.

Kâlawk hoi yonnae

⁷ Pawiteh bangtelamaw dei han. Kâlawk teh dawk a yon maw. Awm hoeh. Hateiteh kâlawk ni yon na panuek sak hoeh pawiteh yon tie panuek mahoe h. Kâlawk ni hno noe hanh tet hoe pawiteh hno noena lungthin tie panuek mahoe h.

⁸ Hatei, yon ni kâpoelaw hno lahoi hno noena e cawngca a tâc sak. Kâlawk awmhoeh pawiteh yon teh kadout e lah ao.

⁹ Kai hai yampa teh kâlawk laipalah kho ka sak e lah ka o. Hatei kâpoelaw a tho toteh, yon teh bout a hring, kai teh ka due.

¹⁰ Hringnae koe ka phat sak hane kâpoelaw ni teh duena koe na phakhai tie ka hmu.

¹¹ Yon ni kâlawk hno lahoi kai hah na dum teh hote kâpoelaw ni kai teh na thei.

¹² Hatdawkvah kâlawk teh a thoung, kâpoelaw hai a thoung, a lan teh ahawi.

¹³ Hat pawiteh hettelah kahawi e hno heh kai hanlah duena lah maw ao vaw. nahoe h bo. Kai hanlah duena lah kaawm e teh yon hah doeh. Yon teh yon tie kamceng nahanlah hete kahawi e kâpoelaw lahoi kai koe duena lah a coung sak. Hatdawkvah yon teh kâlawk lahoi touklek hoeh e yonnae naw lah a tâc.

¹⁴ Kâlawk teh muitha koelae hno doeh tie teh panue awh. Hatei kai teh takthai lahoi kaawm e lah ka o dawkvah yon san lah ka o.

¹⁵ Bangkongtetpawiteh kama ni ka sak e hno hah kama ni ka thaipanuek hoeh. Bangkongtetpawiteh ka sak ngai e sak laipalah, ka sak ngai hoeh e hah ouk ka sak.

¹⁶ Hottelah ka sak ngai hoeh e hah ka sak navah kâlawk e ahawinae teh ka hnâbo tinae doeh.

¹⁷ Hatdawkvah hete hno kasakkung teh kai nahoe h toe, ka thung kaawm e yon ni doeh a sak toe.

¹⁸ Ka thungvah tami coungnae dawk hawinae buet touh boehai awmhoeh tie teh ka panue. Bangkongtetpawiteh ka thungvah hawinae sak ngainae ao eiteh sak thainae ka tawn hoeh.

¹⁹ Sak han ka ngai e kahawi hno sak laipalah sak han ka ngai hoeh e hno doeh let ka sak.

²⁰ Hottelah kai ni ka sak ngaihoeh e ka sak navah, kasakkung teh kai nahoe, ka thung e kaawm e yon ni doeh a sak.

²¹ Hattoteh kahawi hno sak han ka ngai e kahawihoehe hno ka thung vah ao tie hah ka hmu.

²² Kai teh ka thung e muitha tami ni Cathut e kâlawk dawk a lunghawi ei,

²³ ka takthai puengcang dawk alouke phung ao teh, ka thung e phung hoi a kâtaran dawkvah, ka takthai puengcang dawk kaawm e yon phung lahoi kai hah na man teh na katek fie hah ka hmu.

²⁴ Kai teh lungrei ka thai e lah doeh ka o. Hete duenae koehoi apinimaw na hlout sak han vai.

²⁵ Hatei maimae Bawipa Jisuh Khrih dawk hoi na kahloutsakkung Cathut teh ka pholen. Hettelah hoi kai teh ka lung thung hoi Cathut e phung dawk san lah ka o ei, takthai lahoi teh yon phung dawk san lah ka o.

8

Kathoung Muitha hoi hringnae

¹ Hatdawkvah atuteh Khrih Jisuh thung kaawm e naw pueng, yon-phukhangnae awm mahoe, hoi toe.

² Bangkongtetpawiteh Khrih Jisuh thung kaawm e hringnae Muitha phung ni yon duenae phung thung hoi kai teh hlout sak lah ka o toe.

³ Cathut ni amae Capa hah yon kakawi e takthai lah yon kecu dawk a patoun teh, takthai dawk yon hah lawk a ceng teh, takthai lahoi kâlawk ni a sak thai hoeh e hah na sak pouh toe.

⁴ Het hateh takthai ngainae laipalah, Muitha ngainae patetlah ka hring e maimouh koe kâlawk phung pathang e a kuep nahane doeh.

⁵ Takthai counгнаe hoi hring han ka ngai e taminaw teh takthai counгнаe naw hah a ngailem awh. Muitha ngainae patetlah ka hring e taminaw teh Muitha hoi kâkuen e naw hah a ngailem awh.

⁶ Takthai e pouknae teh duenae doeh. Muitha e pouknae teh hringnae hoi lungmawngnae doeh.

⁷ Bangtelah tetpawiteh takthai counгнаe lungthin teh Cathut hoi kâtaran e lah ao. Bangkongtetpawiteh hote lungthin ni Cathut e kâlawk ngainae awmhoeh. Atangcalah tarawi thai hoeh.

⁸ Hatdawkvah takthai lahoi kahringnaw ni Cathut lungkuep sak thai hoeh.

⁹ Hatei, Cathut Muitha nangmouh thung awm pawiteh nangmouh teh takthai dawk laipalah Muitha dawk na o awh. Khrih Muitha ka tawn hoeh e tami teh Khrih e tami nahoe.

¹⁰ Hatei Khrih teh nangmae thungvah awm pawiteh takthai teh yon kecu kadout nakunghai muitha teh lanna kecu dawk a hring han.

¹¹ Hothloilah Jisuh hah duenae koehoi kathawsakkung Cathut e Muitha teh nangmae thungvah awm pawiteh, Khrih hah duenae koehoi ka thaw sak e Cathut ni nangmouh thung kaawm e amae Muitha lahoi kadout thai e nangmae tak hai a hring sak han.

¹² Hatdawkvah hmaunawngnahanaw, maimouh teh takthai ngainae patetlah hring hanelah, takthai counгнаe dawk san lah awm awh hoeh .

¹³ Bangkongtetpawiteh, nangmouh teh takthai ngainae patetlah na hring awh pawiteh, na due awh han. Hatei Muitha ngainae lahoi takthai ni a tawksak e naw hah na dout sak awh pawiteh na hring awh han.

¹⁴ A lamthung teh Cathut Muitha ni a hrawi e naw pueng teh Cathut e canaw lah o awh.

15 Nangmanaw teh bout ka taket thai e san muitha na coe a hoeh. Cacoungae Muitha doeh na coe awh. Hote muitha daw k hoi Abba Apa telah maimouh ni kaw awh.

16 Maimanaw ni Cathut e canaw lah onae teh Muitha ama roeroe ni maimanaw e muitha hoi cungtalah a kampangkhai.

17 Hottelah a canaw lah awm awh toung pawiteh a rãw ka pang e lahai o awh. Khrih hoi a bawilennae rei hmawng nahanelah, reithainae hai rei khang awh pawiteh, Cathut e a rãw ka pang hanelah hai o awh.

Hmalah A bawilennae hoi ngai hawinae

18 Atu mithmu vah reihathainae naw pueng teh maimouh ni pang lah kaawm hane bawilennae hoi bangnue pawiteh dei han kamcu hoeh telah ka pouk.

19 Hete sak e hno cawngca ni Cathut e canaw a kamnue nahane hah doun laihoi a ngaihawi awh.

20 Bangkongtetpawiteh, sak e hno cawngca pueng teh banglahai cungei-hoeh toe tie teh ama ngai lahoi nahoe, hottelah kahruengkung ngainae lahoi doeh.

21 Sak e hno cawngca pueng teh kamkonae daw k hoi a hlout teh, Cathut e a canaw e bawilennae hoi ka kuep e dawkvah a kãen han tie ngaihawinae ao daw k doeh.

22 A sak e hno cawngca pueng teh atu totouh a cingou teh ca khe reithainae a khang tie hah panue awh.

23 Hothloilah Muitha e a luepaw hmaloe ka coe e maimouh nihaiyah cacoungae tie maimae takthai ratangnae hah ngaihawi laihoi lungthung vah cingou awh.

24 Maimouh teh hete ngaihawinae ni rungngang lah na o sak. Hatei hmu thai e hateh ngaihawinae nahoe. Bangkongtetpawiteh, apinimaw hmuthai e hno hah khuet bout a ngaihawi han vaw.

25 Hmuthaihoehe maimouh ni ngaihawi awh pawiteh hote hno hah panguep lahoi ngaihawi awh.

26 Hot patetvanlah Muitha nihaiyah maimae thayounnae koe na kabawp awh. Maimouh ni ratoum hane patetlah bang patet e hno maw ka ratoum han tie panuek awh hoeh. Hatei, Muitha ama roeroe ni lawk hoi a pãpho thai hoeh e cingounae lahoi maimouh hanlah na hei pouh.

27 Lungthin ka khen e Bawipa ni hai Muitha e lungthin hah a panue. Bangkongtetpawiteh Muitha ni Cathut ngainae patetlah tami kathoungnaw hanelah na hei pouh awh.

28 Cathut ni a lungpataw teh, a pouk tangcoung e patetlah a kaw e naw hanelah, hnocawngca pueng ni hawinae koe lah doeh reirei a kãroe pouh tie teh panue awh.

29 Bangkongtetpawiteh, A panue tangcoung e naw hah amae Capa mei kãlat lah sut a hmoun toe. Hethateh hmaunawngghanaw thung daw k camin lah ao nahane doeh.

30 Hottelah sut a hmoun e naw hah ama ni a kaw teh, a kaw e naw hah a lansak, a lansak e naw hah a bawilen sak.

Kayuemnaw ni tãnae

31 Telah boipawiteh hete hnoung pueng khetsin hoi bangtelamaw dei han. Cathut maimouh koelah kampang pawiteh apinimaw maimouh na tuk thai han.

32 A Capa patenghai pasai laipalah maimouh hanlah na kapoekung ni a Capa hoi cungtalah hnocawngca pueng teh poe laipalah ao han na maw.

³³ Cathut ni a rawi tangcoung e naw teh apinimaw yon a pen han. Na lan toe katetkung teh Cathut a ma doeh toe.

³⁴ Apinimaw yon phu bout na khang sak han. A due dueng laipalah duenae koehoi ka thaw e Khrih Jisuh teh Cathut e aranglah ao teh, maimouh hanelah na ratoum pouh awh.

³⁵ Apini maw maimouh heh Khrih e lungpatawnae dawk hoi na kapek thai han. Roedengnae, patawpanatnae, rektapnae, kahaikahlamnae, caicinae, takithonae hoi tahloi ni na ou.

³⁶ Maimouh teh kaniruirui Bawipa hanlah duenae hoi kâhmo awh. Maimouh teh thei hanlah hmoun e tunaw patetlah na pouk awh telah Cakathoung dawk thut e patetlah doeh ao.

³⁷ Maimouh teh, maimouh lungpatawkung Bawipa lahoi yah, hote hnonaw kâhmo awh lahun nah, khoeroe tâ e lah o awh.

³⁸ Bangkongtetpawiteh, duenae toseh, hringnae toseh, kalvantaminaw toseh, ka ukkungnaw toseh, atu hmu thai e hnonaw toseh, ka tho hane hnonaw toseh, hnotithainae toseh,

³⁹ kahlun lae hno toseh, rahim lae hno toseh, sak e cawngca pueng hai toseh, maimae Bawipa Khrih Jisuh thung kaawm e Cathut e lungpatawnae hoi bang ni hai na kapek thai mahoe.

9

Isarelnaw hoi Cathut e lawkkam

¹ Kai teh Khrih dawk laithout laipalah lawkkatang ka dei han. Kaie thoe-hawi panuenae teh Kathoung Muitha lahoi kai hoi cungtalalah kampangkhai teh,

² Kai dawc puenghoi lungmathoenae hoi ka lungthung vah lungpuennae pou ka tawn.

³ Bangkongtetpawiteh, takthai lahoi ka miphun lah kaawm e ka hmanawngghanaw hanelah kama roeroe Khrih hoi kampek vaiteh thoebonae khang han totouh ngainae ka tawn.

⁴ Ahnimouh teh Isarel miphun lah ao teh cacoungnae, bawilenna, lawkkamnae, kâlawk poenae, bawknae teh ahnimouh hoi ka kâkuen e lah ao.

⁵ Mintoenaw teh ahnimouh hoi a kâkuet teh, Khrih hai tami lahoi teh ahnimouh thung hoi a tâco. Hote Bawipa teh banguengpa e lathueng vah ao teh, a yungyoe yawhawinae Cathut lah ao. Amen.

⁶ Bangtelah nakunghai toseh, Cathut lawkkam teh raphoe e lah awmhoeh. Bangkongtetpawiteh Isarel catoun lah kaawm e pueng Isarel miphun lah awm aw hohoe.

⁷ Abraham e catoun lah kaawm e pueng Abram e ca katang lah koung awmhoeh. Isak koehoi e catoun doeh nange catoun lah kaw han tie lah ao.

⁸ A deingainae teh takthai lahoi khe lah kaawm e taminaw teh Cathut e ca lah awmhoeh, lawkkam dawc hoi khe e tami dueng doeh a miphun lah a khoe.

⁹ Bangkongtetpawiteh lawkkam dawcvah het patet e tueng a pha navah, bout ka tho han. Sarah haiyah capa a khe han telah ati.

¹⁰ Hot dueng nahoe, Rebekah hai maimae mintoe Isak hoi yuvâ lah ao teh camo a vawn navah,

¹¹ A ca khe hoehnahan, a canaw ni a thoe-hawi banghai a panue aw hohoehnahan hoiyah, Cathut ni a rawinae lah kaawm e a pouk tangcoung e hah, thaw tawknae lahoi laipalah, a kawnae lahoi caksak nahanlah,

¹² Ca kacue e teh kanaw koe san lah ao han telah sut a dei pouh toe.

¹³ Jakop teh ka lungpataw, Esaw teh ka hmuhma telah Cakathoung dawkw thut e patetlah doeh ao.

Cathut e rawinae

¹⁴ Telah boipawiteh maimouh ni bangtelamaw dei han toung. Cathut teh lanhoehnae lah maw ao toung. Khoeroe awmhoeh.

¹⁵ Bangkongtetpawiteh Cathut ni Mosi koe, lungma han ka ngai e tami hah ka lungma teh, pahren han ka ngai e tami hah ka pahren han telah ati.

¹⁶ Hatdawkvah het hateh, tami e ngainae hoi kâyawmnae dawkw tho hoeh, lungpatawkwng Cathut kâ lah doeh ao.

¹⁷ Cakathoung dawkw Faro siangpahrang koe nang hah kai ni na tawmnae teh, nang koe kama e bahu ka kamnue sak vaiteh, talai van pueng dawkw ka min kamthang sak nahane doeh telah ati.

¹⁸ Hatdawkvah, Cathut ni a pahren ngai e hah a pahren teh, a lungpata sak hanlah a ngai e hah a lungpata sak.

¹⁹ Hatnavah nang ni, telah pawiteh Cathut ni bangkongmaw taminaw hah yon a pen vaw. Apini maw Cathut ngainae teh a taran thai han vaw telah na pacei han.

²⁰ Hatei, oe nange tami, nang teh banglah maw na o teh Cathut hah bout na pato ngam vaw. Sak e hno ni kasakkung koe bangkongmaw hettelah na sak atipouh thai han maw.

²¹ Hlaam kasakkung ni amhru dawkw kâ tawn hoeh na maw. Hote amhru hah hlaam bari kaawm hoi bari kaawm hoeh e sak thainae kâ tawn hoeh na maw.

²² Hatei, Cathut ni a lungkhueknae a kamnue sak hane hoi amae bahu panue sak hanelah, a ngainae ao nahlangva vah, raphoe hanlah ta e, lungkhueknae hlaamnaw hah, lungsaw poung lahoi panguiep pawiteh, bangtelamaw .

²³ Hathloilah, a lentoe nahanlah sut rakueng e, lungmanae hlaamnaw dawkvah, amae bawilennaeh hah panue sak nahanelah sak pawiteh bangtelane.

²⁴ Cathut ni maimanaw teh hote lungmanae hlaamnaw lah, Judahnaw thung dueng laipalah, Jentelnaw pueng koe haiyah na kaw e lah o toe.

²⁵ Hosi cauk thungvah, Cathut ni ka tami lah kaawm hoeh e hah, ka tami telah ka kaw han, ka pahren hoeh e napui hah ka pahren telah ka kaw han ati.

²⁶ Nangmanaw teh ka tami nahoe telah tinae hmuen koe nangmouh teh ka hring Cathut e a canaw telah na kaw awh han telah ati e patetlah ao.

²⁷ Isaiah nihai, Isarelnaw kong dawkw a dei e teh, Isarel canaw teh tuipui rai e sadi yit touh ka phat nakunghai kacawie dueng rungngang lah ao han.

²⁸ Bangkongtetpawiteh Cathut ni a thaw teh cum hoeh roukrak tawkw vaiteh, lannaeh hoi a tawkw han. Bawipa ni talai van a thaw teh a kuep sak vaiteh kâhat laipalah ka tawkw han telah a hramkhai.

²⁹ Hothloilah Isaiah ni, kalvan ransabawi yungyoe kahring e Cathut ni maimouh hanlah catoun pek hoehpawiteh, Sodom hoi Gomorrhah khopui hoi doeh kâvan awh ti telah sut a dei e patetlah ao.

Isarelnaw payonnae

³⁰ Telah pawiteh, maimouh bangtelamaw dei aw h han toung. Lannae ka pâlei hoeh e Jentelnaw ni lannae teh a coe aw h toe. Hothateh, yuemnae lahoi coe e lannae lah ao.

³¹ Lannae hoi kâkuen e phung coe hanelah ka pâlei e Isarel miphun naw teh hote phung hah phat thai aw h hoeh.

³² Bangkongmaw a pha thai aw h hoeh. Yuemnae hoi laipalah tawksaknae daw k hoi kâyawm e lah ao daw k doeh. Ahnimouh teh talung daw k kamthui teh a tâlaw aw h toe.

³³ Khenhaw! Zion vah tâlawnae lungsong, payonsakkung talung hah kai ni ka hruek. Apihai ama ka yuem e tami pueng teh kayak mahoe h telah Cakathoung daw k thut e patetlah ao.

10

Yuemnae lahoi coe e rungngangnae

¹ Ka hmaunawngghanaw Isarelnaw ni rungngang lah ao thai nahanelah ka ngaikhai poung daw kvah Cathut koe pou ka ratoum.

² Ahnimouh ni Cathut hanelah puenghoi a lungthao aw h e hah kai ni ka kampangkhai. Hatei, ahnimae a lungthaona e teh panuena e katang lah aw mhoeh.

³ Ahnimouh ni Cathut e lannae a lamthung panuek a hoeh. Amamae lannae caksak hanelah a tawng aw h daw kvah, Cathut e lannae daw k kâen thai a hoeh.

⁴ Kayueme tami pueng ni lannae koe pha thai aw h nahanlah Khrih teh kâlawk poutnae doeh.

⁵ Mosi ni kâlawk lahoi kâkuen e lannae kong daw k a thut e teh, apihai hote kâlawk ka tarawi e pueng teh hotnaw lahoi a hring han, a ti.

⁶ Yuemnae lahoi coe e lannae teh, nange na lungthung vah kalvan lah apimaw ka luen han tet hanh. A deingainae teh Khrih hah kum khai han ti ngainae doeh.

⁷ Nahoe h pawiteh, adungpoungnae koe apimaw ka kum han telah hai tet hanh. A dei ngainae teh Khrih hah duena e koehoi tâcokhai han tinae doeh.

⁸ Bout a dei e teh phung lawk teh na teng vah ao. Na pahni daw k hai, na lungthung hai ao ati. Het hateh kaimouh ni ka pâpho aw h e yuemnae lawk hah doeh.

⁹ Jisuh teh Bawipa doeh telah na pahni hoi na dei teh, na lungthung hoi Cathut ni ahni teh duena e koehoi a thaw sak toe telah na yuem pawiteh rungngang lah na o han.

¹⁰ Lannae koe pha hanelah lungthin hoi yuem han, rungngangnae koe pha hanelah pahni hoi pâpho han.

¹¹ Bangkongtetpawiteh, Cakathoung ni, hote talung ka yuem e pueng teh kayak mahoe h a ti.

¹² Het daw kvah Judahnaw hoi Griknaw rahak kapeknae aw mhoeh. Bangkongtetpawiteh tami pueng ka uk e Bawipa buet touh dueng ao teh Ama ka kaw e pueng teh yawhawinae kakhoutlah a poe.

¹³ Bangkongtetpawiteh Bawipa min ka kaw e pueng rungngang lah ao han.

Kamthang kahawi thainae lahoi yuemnae

¹⁴ Hateiteh ma ni yuem hoeh e Bawipa hah bangtelamaw kaw thai han vaw. Na thai boihoe h e Bawipa hah bangtelamaw na yuem thai han vaw. Kapâphokung aw m laipalah bangtelamaw thai thai han vaw.

¹⁵ A tami patoun laipalah bangtelamaw pâpho thai han vaw. Hot patetlah Cakathoung dawk thut e patetlah, roumnae kamthang kahawi ka pâpho e, lunghawinae kamthang kadeikungnaw e khok teh a meihaw-
ipoung.

¹⁶ Hateiteh, tami pueng ni lunghawinae kamthang thai ngai awh hoeh. Profet Isaiiah ni a dei e teh, Oe! Cathut kaimae kamthang kahawi apinimaw a yuem han, a ti.

¹⁷ Hatdawkvah yuemnae teh thainae koehoi a tho teh, thainae teh Khrih e a lawk lahoi doeh a tho.

¹⁸ Hatei, pacei han ka ngai e teh, ahnimouh ni thai awh hoeh maw. A thai toung te., Ahnimae hramnae lawk teh talai van pueng a kamthang teh ahnimae a lawk teh talaivan a pout totouh a pha, telah a dei.

¹⁹ Bout na pacei ngai e teh Isarelnaw ni panuek awh hoeh maw. Ahmaloe vah Mosi ni nâyittouh hoeh e miphun lahoi nangmouh koe utnae lungthin ka tâco sak teh, panuenaek ka tawn hoeh e miphun lahoi yah, na khang thai hoeh hane totouh ka tâco sak han a ti.

²⁰ Profet Isaiiah nihai, kai ka tawng hoeh e naw ni kai hah na hmu awh. Kaie kong ka pacei hoeh e naw koe kamahoima kamphawng pouh han telah taranhawi laihoi a ti.

²¹ Hatei, Isarelnaw hoi kâkuen lah, lawk ka ngâi hoeh e, ka taran lah kaawm e naw koe kai ni kanîrui kut ka na sin toe atipouh.

11

Lungmanae lahoi rawinae

¹ Telah pawiteh, Cathut ni amae miphunnaw a pahnawt toung telah na pacei pawiteh pahnawt hoeh, kai hai Isarel miphun, Abraham koehoi ka tho e, Benjamin catoun lah ka o.

² Cathut ni sut a panue tangcoung e taminaw pahnawt hoeh. Profet Elijah ni, Isarelnaw Cathut koe a thaisak navah Cakathoung dawk bangtelamaw a thut tie na panuek awh hoeh maw.

³ Ahni ni, Oe Cathut, ahnimouh teh Bawipa nange profetnaw hah a thei awh toe. Bawipa nange thuengnae khoungroenaw a raphoe awh toe. Kai buet touh dueng doeh kaawm toe. Kai hai thei hanelah na tawng awh toe telah a dei.

⁴ Hatei, Cathut ni bangtelamaw a dei pouh tetpawiteh, Baal hmalah khok cuengkhuem hoeh e tami thong sari touh kama hanelah ka pek toe telah atipouh.

⁵ Hot patetvanlah atu tueng haiyah, lungmanae lahoi rawi e acawinaw ao rah.

⁶ Hatei, lungmanae lahoi boipawiteh tawksaknae lahoi nahoeh toe. Hoehpawiteh lungmanae teh lungmanae lah awm mahoe.

⁷ Hottelah pawiteh bangtelamaw. Isarel miphunnaw ni panki laihoi a tawng awh e hno hah hmawt a hoeh. Rawi e lah kaawm naw ni dueng doeh a hmu awh. Aloukenaw teh a lungpata awh.

⁸ Cathut ni ahnimouh koevah atu totouh a lungthin pueng a ramuk pouh. Ka hmawt thai hoeh e mit, ka thai thai hoeh e hnânaw hah a poe telah Cakathoung dawk a thut e patetlah atu a kuep toe.

⁹ Dedit ni hai a dei e teh, ahnimae caboi teh tangkam patung e lah, karap patung e lah, payonsakkung lah, moipathung hanelah awm naseh telah a ti.

¹⁰ Ahnimanaw e mit teh hmu thai hoeh totouh dawn naseh. Ahnimae keng hai hnamkhun yungyoe seh telah a ti.

Jentelnaw koe ka phat e rungngangnae

¹¹ Hat pawiteh, Isarelnaw ni a rawp totouh a kamthui awh toung maw telah na pacei. Telah nahoe. Ahnimouh payonnae lahoi Jentelnaw koe rungngangnae a pha teh, Isarelnaw ni utsinnae a tawn awh nahane doeh.

¹² Hatei, ahnimae payonnae ni talaivan taminaw hanelah yawhawinae a tâcokhai. Ahnimae sungnae ni Jentelnaw hanlah yawhawinae tâcawtkhai pawiteh, ahnimae kuepnae ni teh banghloimaw hawinae hoe a tâcokhai han.

¹³ Hottelah ka ti nah, kai teh Jentelnaw koe patoun e guncei lah ka o e patetlah,

¹⁴ hote thaw tawknae dawk kâoup teh, ka miphunnaw e pouknae hah buetbuet touh lahoi utsinnae a tawn awh vaiteh rungngang lah ao awh thai nahanelah ka ngaihawi.

¹⁵ Bangkongtetpawiteh, ahnimouh pahnawt lah a onae teh talaivan taminaw hanlah bout kâamaihawi lah awm pawiteh, ahnimouh bout coenae teh kadout tangcoung naw hanlah duenae koehoi bout hringnae lah kaawm han nahoehmaw.

¹⁶ Aluepaw lah thueng e tavai teh thoung pawiteh abuemlah a thoung han. A khongyang thoung pawiteh, a kang naw pueng hai a thoung han.

¹⁷ A tangawn e a kang naw teh tâtueng vaiteh, kahrawng e Olivekung lah kaawm e nang hah hote a kangnaw dawkvah, pacawng laihoi Olive khongyang dawk e tui na kahmawng e lah na awm pawiteh,

¹⁸ hote cakang naw e lathueng kâoupnae lungthin tawn hanh. Na kâoup han na ngai pawiteh, nang ni a khongyang na doun hoe, khongyang ni doeh nang teh na doun.

¹⁹ Hattoteh nang ni kai hah na pacawng nahanelah a kangnaw teh bouk lah ao na ti han doeh.

²⁰ Bokheiyah. Ahnimouh a yuem hoe dawk tâtueng lah ao teh, nang teh yuemnae lahoi doeh na cak. Kâoupnae tawn hanh, takinae tawn haw.

²¹ Bangkongtetpawiteh, Cathut ni apasuek e a kangnaw pasai hoehpawiteh, nangmouh hai na pasai mahoe.

²² Hatdawkvah Cathut ni lawkcengnae hoi lungmanae hah kenhaw! Lawkcengnae teh ka rawm e taminaw lathueng ao teh, Cathut lungmanae teh nang ni hote lungmanae dawk pou na awm pawiteh, nang koevah ao. Pou na awmhoeh pawiteh nang haiyah tâtueng lah na o han.

²³ Ahnimanaw pueng hai yuemhoehnae tâkhawng awh pawiteh, a kang dawk patawp lah ao awh han. Bangkongtetpawiteh ahnimanaw pueng bout patawp hanelah Cathut ni a sak thai.

²⁴ Bangkongtetpawiteh nang teh kahrawng e Olivekung dawk hoi tâtueng e lah na o teh, kahawi e Olivekung dawk kaawm boihoe e patawp e lah na awm pawiteh, kaawm boi e Olive kangnaw teh a kung karuem dawk banghloimaw bout patawp hanelah a yawi han.

Isarel miphunnaw e rungngangnae

²⁵ Hmaunawngghanaw nangmanaw, kâoupnae lungthin na tawn hoe nahanelah, Jentelnaw pueng a kâen hoehnahlan totouh Isarel tami tangawn teh hmonae ni a ramuk e hrolawh heh panuek laipalah na o sak hanelah na ngaihai awh hoe.

²⁶ Hote Cakathoung dawk e patetlah Isarelnaw pueng rungngang lah ao awh han. Cakathoung ni a dei e teh, ka hloutkhaikung Bawi teh Zion mon dawk hoi a tho vaiteh, Jakop e miphun dawk hoi tami kahawi hoe naw koug a raphoe han.

²⁷ Ahnimouh a yonnae pueng ka tâkhawng pouh toteh ahnimouh koe kai ni ka poe hane lawkkam doeh telah Ca Kathoung daw k thut e patetlah ao.

²⁸ Ahnimanaw teh kamthang lawkkahawi kecu daw k nangmae taran lah kaawm nakunghai rawinae daw k teh mintoenaw pawlawk daw k pahren lah ao awh.

²⁹ Bangkongtetpawiteh, Cathut e poehnonaw hoi kawnae teh bout kâthung hoeh.

³⁰ Nangmouh pueng teh ahmaloe vah Cathut e lawk na ngâi awh hoeh eiteh, atuteh ahnimae lawkngâihoehnae ni pahrennae na coe sak toe.

³¹ Hot patetvanlah nangmouh ni na coe e pahrennae lahoi yah, ahnimanaw hai pahrennae a coe thai nahan, atuvah ahnimanaw teh lawkngai laipalah ao awh.

³² Cathut ni tami pueng pahrennae tawn thai nahanlah taminaw lawk ngaihoehnae daw k a paung.

³³ Cathut e lungangnae hoi poukthainae a dungkawnae teh a dungkaw tanggak doeh. Lawkcengnae naw apinimaw koug a panue thai han. A lamthungnaw tawng nakunghai hmawt thai hoeh.

³⁴ Cathut e a pouknae apimaw ka panuek, BAWIPA hoi apimaw ka kâpan.

³⁵ Kahawi hno saknae pathung thai nahan, a yungyoe Cathut daw k apine hnokahawi ka sak.

³⁶ Hno cawngca pueng teh Bawipa koehoi, Bawipa lahoi, Bawipa hanelah ao awh. Bawipa teh a yungyoe bâwilenna awm lawwih. Amen.

12

Muitha koe lah thaw taw k nae

¹ Hatdawkvah, hmaunawngghanaw nangmouh na hroecoe ngainae teh Cathut pahren lahoi nangmae na tak teh, Cathut ngai e lah kaawm e kathoung ni teh kahring e sathei lah thueng awh. Hethateh, nangmouh ni na taw kawi lah kaawm e muitha koelae thaw doeh.

² Nangmouh teh, talaivan meilam kâmahrawk awh hanh. Cathut ni ngai e lah kaawm e kahawi e hno, ngai kaawm e hno, ka kuep e hnonaw hah kapek teh panue thai nahanlah lungthin katha pathoupnae lahoi meilam kâthungnae tawn awh.

³ Cathut lungmanae lahoi na poe lah kaawm e nangmouh koe dei hanlah ka ngai e teh, mahoima hoe kârasang laipalah Cathut ni thaw buetbuet touh na rei tangcoung e patetlah pouk awh.

⁴ Bangkongtetpawiteh, tak buet touh daw k puengcang moikapap lah ao eiteh, hote puengcangnaw ni thaw buet touh e dueng rip taw k a hoeh.

⁵ Hot patetlah moikapap e maimouh teh Khrih thung tak buet touh lah o awh teh lengkaleng a cakang lah o awh.

⁶ Hottelah na poe e poehnonaw aphunphun coe awh e patetlah, aloukloukcalah coe awh dawkvah, sutdeilaw k ca coe e lah awm pawiteh yuenna e coe e patetlah pâpho naseh.

⁷ Ayâ hanlah thaw ka taw k hanelah na awm pawiteh, hottelah taw k hanelah ao. Kacangkhaikung saya hanelah na awm pawiteh cangkchainae thaw taw k hanelah ao.

⁸ Kahroecoekung hanelah na awm pawiteh hroecoena e thaw taw k hanelah ao. Poe pasoung hanelah na awm pawiteh lungtho thahmei lahoi poe pasoung hanlah ao. Ka ukkung hanelah na awm pawiteh

lungtho tha patung laihoi uk hanlah ao. Kabawp hanelah na awm pawiteh lungthocalah hoi kabawp hanlah ao.

Kayuemnaw e lungpouk

⁹ Lungpatawnae teh kâsaknae awmhoeh. Kathout e hno panuet awh. Kahawi hno dawk lungpen awh.

¹⁰ Hmaunawnggha lungpatawnae dawk buet touh hoi buet touh kâlungma awh. Kâbari awh nateh, ayânaw kai hlak bet ahawi telah pouk awh.

¹¹ Pangak laipalah na thahmei sak awh nateh, lungkânging lahoi Bawipa e thaw tawk awh.

¹² Ngaihawinae dawk lunghawi awh. Rucat na kâhmo awh nah panguep awh. Ratoum yungyoe awh.

¹³ Tami kathoungaw e a pankinae hah poe pasoungnae hoi ka bawm awh nateh, imyinnaw kahawicalah khenyawn awh.

¹⁴ Nangmouh na ka rektap e naw hanelah ratoum pouh awh. Yawhawi poe awh nateh thoebo awh hanh.

¹⁵ A kokanawmnaw hoi cungtalah konawm awh. Kakhuikapnaw hoi cungtalah khuikap awh.

¹⁶ Buet touh hoi buet touh lungthin kânging awh. Kâoupkâpawi laipalah, sue touh lah kâkhen awh. Namahoima kathoum ka thai kâtet awh hanh.

¹⁷ Apihai bout pathung a hanh awh. Taminaw hmalah nangmouh ni bari kaawm e sak hanlah kâcai awh.

¹⁸ A coung thai totouh tami puenghoi kâpolah awm awh.

¹⁹ Ka pahrennaw, nama ni pathung laipalah a lungkhueknae kut dawh hnawng awh. Bangkongtetpawiteh Cathut ni a dei e teh, pathungnae teh Kaie doeh ati. Kai ni ka pathung han ati telah Cakathoung dawh thut e lah ao.

²⁰ Hatdawkvah kut pathung laipalah, na taran vonhnam pawiteh pacapanei awh. Tui kahran pawiteh tui pânei awh. Hottelah na sak e lahoi ahnie lû dawh hmaisaa na pâpawp pouh han.

²¹ Kathout e lahoi ta awh laipalah, kahawi e hno hoi kathoute hah tâ haw.

13

Ukkung bawinaw hoi kâkuetnae

¹ Lathueng lae ukkungnaw e kâ teh tami pueng ni ngai awh naseh. Cathut koehoi laipalah kâtawnae tie awmhoeh. Atu kaukungnaw heh Cathut ma ni a pœ e doeh.

² Kaukungnaw ka taran e teh Cathut ni kâ poe e ka taran e lah ao. Hottelah ka taran e naw teh yon lawkcengnae ama ni a kâhmo awh han.

³ Bangkongtetpawiteh, kaukungnaw heh hawinae ka sak e taminaw hanelah taki hane awmhoeh. Hno kahawihoe ka sak naw hanelah doeh taki hanelah ao. Hottelah na sak pawiteh ahnie oupnae na pang han.

⁴ Hatdawkvah ahnimouh teh nang hane hnokahawi kasakung Cathut e san doeh. Hatei hno kathout na sak pawiteh takinae tawn lawih. Ahnimouh teh thaloi yawmmlah patuem awh hoe. Ahni teh hno kathout ka sak naw hanlah a lungkhueknae yon lawkcengkung Cathut e san doeh.

⁵ Hat pawiteh, a lungkhueknae dawh dueng laipalah thoe hawi panue e lahoi hai ngai awh.

⁶ Het kecu dawk nan ou, tamuk naw hai na poe awh. Nangmouh teh Cathut e thaw katawknaw lah na o awh teh hote thaw doeh pou na tawk awh.

⁷ Hatdawkvah tami tangkuem hai poe kamcu e hah poe awh. Tamuk poe kamcu e naw hah tamuk poe awh. Cawng e poe tueng e naw hah cawng pouh awh. Taki tueng e naw hah taket awh. Bari kamcu e naw hah bari awh.

Buet touh hoi buet touh lungkâpatawnae

⁸ Lungpatawnae hloilah, bang patet e laiba hai tawn awh hanh. Ayâ lung ka pataw e ni kâlawk a kuep sak toe.

⁹ Bangkongtetpawiteh, uicuk hanh, tami thet hanh, parawt hanh, radueknae lung tawn hanh tie kâpoelawk koehoi kamtawng teh, alouke kâlawk bangpatet hai, nama hoi kâkuen e hah nama hoi kâvan lah lungpataw tie kâlawk daw koug a kâkuet.

¹⁰ Lungpatawnae ni teh a tengpam huiko naw koe, hawihoehnae sak hoeh. Hatdawkvah, lungpatawnae teh, kâlawk ka kuepsakkung lah ao.

¹¹ Nangmanaw ni, a tue teh na panue awh. Nangmouh inae koehoi kâhlaw nahane tueng a pha toe. Bangdawk ne tetpawiteh atu maimae rungngangnae teh maimouh yuemnae hnin hlak hoehoe a hnai toe.

¹² Karum meimei aloum teh, kho meimei a dai toe. Hatdawkvah maimanaw teh ka hmawt e nuencangnaw takhoe vaitech angnae nuencang naw khohnat awh sei .

¹³ Caneinawmnae, yamuhrinae, kamsoumhoehoe napui tongpa yon-nae hoi takngainae, kâpokâdanghoehnae hoi kâutnae daw pawngpa laipalah khodai ceio e patetlah mitkhet kamcu lah khosak awh sei.

¹⁴ Bawipa Jisuh Khrih hah khohnat awh. Takthai lungradueknae thap sin hanelah kâcai awh hanh.

14

Kayuem reira kâkuetnae

¹ Yuemnae daw a tha ka youn e taminaw hah dâw awh. Pouknae aphunphun daw oun awh hanh.

² Tami tangawn ni bangpuengpa ca thai tie a yuem awh. Hatei, yuemnae daw a tha kayoun e naw teh anhla dueng doeh a ca awh.

³ Ka cat e ni ka cat hoeh e naw hnepnap hanh naseh. Ka cat hoeh naw ni hai ka cat naw lawkceng hanh naseh. Bangkongtetpawiteh, Cathut ni ahni teh a coe toe.

⁴ Namahoima hah banglah maw na kângai teh, ayânaw e san hah lawk na ceng vaw. Ahni a kangdue hai thoseh, a rawp hai thoseh, a Bawipa hoi doeh a kâkuet. Hatei, ahni teh a kangdue han, bangkongtetpawiteh, Cathut ni a kangdue sak thai.

⁵ Tami tangawn ni ahnin hnin touh heh alouke hnin naw hlak hoe a talue ati awh. Tangawn ni a hninnaw pueng teh suetouh doeh ati awh. Tami pueng ama ni a pouk e hno daw a lungkuep naseh.

⁶ A hnin ka ya e ni Bawipa hanlah ya naseh. Ka cat e ni hai Bawipa hanlah cat naseh. Bangkongtetpawiteh, ahni ni Cathut koe a lunghawi. Ka cat hoeh e ni hai Bawipa hanlah cat laipalah Cathut koe lunghawi naseh.

⁷ Maimouh daw ma hanlah ka hring e buet touh hai awmhoeh. Ma hanlah kadout e buet touh hai awmhoeh.

⁸ Maimouh ni hring pawiteh Bawipa hanlah hring awh teh, dout pawiteh Bawipa hanlah due awh. Hatdawkvah, maimanaw teh hring hai thoseh, due hai thoseh Bawipa e lah o awh.

⁹ Bangkongtetpawiteh, Khrih teh kadout tangcoungnaw hoi kahringnaw han ukkung Bawi lah ao hanlah duenae koehoi bout a thaw toe.

¹⁰ Telah pawiteh, bangkongmaw nang ni na hmaunawngnanaw hah lawk na ceng teh na dudam vaw. Maimouh pueng teh Khrih e lawkcengnae tungkhung hmalah koung kangdue awh han.

¹¹ Bangkongtetpawiteh, BAWIPA ni a dei e teh kai kahring dawki tami pueng ni ka hmalah a khokcuengkhuem awh han. Tami pueng e pahni ni Cathut hah a pholen awh han, telah Cakathoung dawki a thut.

¹² Hettelah dawki vah, maimouh pueng ni Cathut hmalah mae nuencang lengkaleng dei awh han.

Lungpatawnae lahoi thaw tawknae

¹³ Hatdawkvah, maimouh buet touh hoi buet touh lawkkâceng awh hanh sei. Hahoi, hmaunawngna hâlâw nahan hoi lam payon nahanlah hno sak awh hanh sei.

¹⁴ Amahmawki kathounghoehe hno buet touh hai awmhoeh tie Bawi Jisuh dawki kacailah ka panue. Hatei, hno buetbuet touh thoung hoehe telah ka pouk e tami hanlah teh hote hno teh thoung hoehe.

¹⁵ Rawca kecu dawki na hmaunawngna lung mathout sak pawiteh, lungpatawnae dawki na hring hoehe. Khrih ni na due pouh e lungmanae hah nange rawca kecu dawki na hmaunawngnanaw, rawksak awh hanh.

¹⁶ Nangmouh hanlah hno kahawinaw hah yonpen e lah awm sak awh hanh.

¹⁷ Bangkongtetpawiteh, Cathut uknaeram teh caneinae dawki hoi kangdout hoehe. Kathoung Muitha lahoi coe e rounnae, lanna hoi lunghawinae hah doeh.

¹⁸ Hatdawkvah, hettelah hoi Khrih thaw katawkkungnaw teh Cathut hmalah ngai kawi e lah ao teh, taminaw hmalah hai yuemkamcu e tami lah ao.

¹⁹ Hatdawkvah, rounnae ka tâcawt sak e hnonaw hoi buet touh hoi buet touh hoe kamhlawm thai nahan panki awh sei .

²⁰ Rawca kecu dawki Cathut thaw hah raphoe awh hanh. Atangcalah hno puengpa teh a thoung. Hatei, buetbuet touh e caneinae ni ayâ hanlah tâlawnae lah awm pawiteh, hot hatei yonnae lah ao.

²¹ Hmaunawngna, kamthui nahanelah awm pawiteh, moi ca hoehe e, yamu neihoehe hoi bangpueng sakhoehe ahawihnawn.

²² Nang ni na tawn e yuemnae teh Cathut e hmalah hrueng awh. Atang titeh coe e hno dawki amae lungthin panuena kathoung tami teh a lunghawi.

²³ Hatei, lungthounghoehnae hoi na cat pawiteh yuemnae lahoi a tho hoehe dawki vah, yon lawkcengnae hah a khang. Hahoi, bangpueng yuemnae laipalah sak e pueng teh yonnae doeh.

15

Khrih hnuk dawnae

¹ Maimouh a tha kaawmnaw ni ma ngai e patetlah awm laipalah a thakayounnaw e hnokari hah dounrouk awh sei .

² Maimouh ni hmaunawngnanaw, ahawi nahan sak awh sei. Ahnimouh yuemnae hoe a rounng nahane pouk hanelah ao.

³ Khrih ni ama hane dueng kâkaram hoeh. Bawipa kadudamnaw e a lawk teh kai van vah a bo telah Cakathoung dawk a kâthut.

⁴ Cakathoung dawk thut e naw pueng teh, maimouh na cangkhai nahanelah thut e lah ao teh, Cakathoung dawk a thut e panguepnae hoi lung kâpahawinae lahoi maimouh ni ngaihawinae tawn awh sei .

⁵ Khrih Jisuh e lamthung na panue laihoi lungthin buet touh lah coung thai nahan, panguepnae hoi lung kâpahawinae Bawi, Cathut ni nangmouh na kabawm lawiseh.

⁶ Hottelah doeh lungkângingcalah hoi Bawipa Jisuh Khrih e Pa hah pholen thai awh han.

⁷ Khrih ni Cathut lentoenae a kamnue sak teh, nangmouh na dâw e patetlah nangmouh ni buet touh hoi buet touh kâ dâw awh.

⁸ Bout ka dei e teh, Jisuh Khrih teh Cathut e lawkkatang kamnue sak nahanlah vuensom ka a naw e san lah ao. Hottelah a onae teh mintoenaw koe poe e lawkkam caksak nahane hoi,

⁹ Jentelnaw ni hai lungmanae lahoi Cathut lentoenae a pholen awh nahane doeh. Hatdawkvah Cakathoung ni, kai teh Jentelnaw koehoi nang hah na pholen vaiteh na nin teh la hoi ka oup han telah a thut.

¹⁰ Hahoi, Jentelnaw pueng, Cathut e taminaw hoi cungtalah na konawm awh bout a ti.

¹¹ Hathnukkhu, Jentelnaw pueng Cathut teh pholen awh. Miphun pueng ni Bawipa teh pholen awh telah bout a ti.

¹² Hahoi Isaiah nihai, Jesi e a catoun koehoi a dâwn a sai han. Ahni teh Jentelnaw uk hanlah ka tâcawt e lah ao. Jentelnaw ni a ngaihawi a vaiteh a kâuep a han telah a dei.

¹³ Kathoung Muitha bahu hoi ngaihawinae kuep nahanelah, ngaihawinae Bawi, Cathut teh yuemnae koehoi ka tho e lunghawinae hoi roumnae puenghoi nangmouh koe kawi lawiseh.

Kamthang kahawi dawk Pawl thaw tawknae

¹⁴ Hmaunawngghanaw nangmouh teh hawinae hoi na kawi awh teh lungangnae aphunphun na tawn awh. Buet touh hoi buet touh na kâ cangkhai awh tie kâimanaw ni ka panue.

¹⁵ Hateiteh hete cauk dawk bout na panue sak hane ka ngai e a konglam hah taranhawi laihoi ka thut. Ka taranhawinae teh Cathut e thaw tawk pouh hanlah Jisuh Khrih e patoun e lah na o sak.

¹⁶ Jentelnaw teh Cathut ni coe han kamcu lah thuengnae lah o thai nahan, Kathoung Muitha lahoi Cathut koe poe e lah ao thai nahan, Cathut koehoi ka tho e kamthang lawk deinae dawk vaihma patetlah ka o.

¹⁷ Hatdawkvah Khrih Jisuh thung bawilennae dawk hoi Cathut e thaw tawknae ka kâuepkhai.

¹⁸ Bangkongtetpawiteh, Jentelnaw hrawi thai nahane teh, Jisuh ni kai hah na hno teh, phunglawk lahoi tawknae dawk hai thoseh,

¹⁹ Mitnoutnaw hoi kângairunae bahu hoi thoseh, Cathut e Kathoung Muitha hoi sak e hnonaw laipateh taranhawi laihoi alouke banghai ka dei ngai hoeh. Hatdawkvah kai teh Jerusalem kho hoi Illirikum ram totouh ka cei teh Khrih e kamthang kahawi kakueplah ka pâpho.

²⁰ Hottelah ka pâpho navah kai teh ayâ ni a pabo tangcoung e dawk bout ung hoeh nahanlah Khrih kong ka thai bawi hoeh rae ram koevah, kamthang kahawi dei hanlah ka lungtho thahmei laihoi ka panki.

²¹ Cakathoung ni, Bawipa e kong dei pouh boihoe h rae naw ni a hmu aw h teh, ka thai boihoe h e naw ni a thaipanuek aw h han telah a thut e patetlah ao.

Rom kho cei hanelah Pawl kâcainae

²² Nangmouh koe tho hoe h nahanlah katarawkkung moi apap.

²³ Hateiteh, atu hie hmuen koe o nahane hmuen ao hoe h e dueng laipalah, nangmouh koe tho hanlah kum moikasaw kâcai toe.

²⁴ Hatdawkvah Spain ram lah ka cei tore i teh nangmouh koe tawngtang ka tho vaiteh, nangmouh koe dongdeng ka o han. Hahoi nangmouh ni na thak aw h vaiteh hote ram koelah tawngtang ka cei han telah ka ngai hawi.

²⁵ Hatei atuvah dongdeng Jerusalem khopui lah ka cei vaiteh tami kathoung naw e thaw ka taw k pouh han rah.

²⁶ Bangkongtetpawiteh, Masidonia ram hoi Akhaia ram e naw ni, Jerusalem vah kaawm e taminaw thung daw k e ka roedeng e naw hnopai hoi kabawp hanelah a lungtho aw h.

²⁷ Ahnimanaw ni lungthonae a tawn aw h e patetlah, ahnimouh koe lahoi hai a kabawp aw h hanelah atueng van. Bangkongtetpawiteh, Judah naw koe e muitha koelah e hnonaw hah Jentelnaw ni coe aw h van pawiteh, hnopai lahoi hai ahnimae thaw taw k pouh hanelah ao.

²⁸ Hote hno ka cum hoi hete hnopainaw heh ahnimouh koe kahawicalah ka poe vaiteh, nangmouh koe lam lahoi Spain ram lah tawngtang ka cei han.

²⁹ Nangmouh koe ka tho toteh Khrih e kamthang yawhawinae kuep hoi ka tho han tie ka panue.

³⁰ Hmaunawngghanaw, maimae Bawipa Jisuh Khrih hoi Muitha ni na poe e lungpatawnae lahoi nangmouh koe kâhei han ka ngai.

³¹ Kai teh Judah ram e kayuemhoehnaw e kut daw k hoi kahlout teh, Jerusalem hanelah ka taw k e thaw hah, tami kathoungnaw e hmalah, ngai kawi kaawm lah ao nahan,

³² Cathut ni a ngai e patetlah lung hawi laihoi nangmouh koe ka tho vaiteh, nangmouh hoi cungtalah lungpahawinae ka coe nahan, panki laihoi kai hane hai ratoum aw h loe.

³³ Lungmawngnae Bawi lah kaawm e Cathut teh nangmouh pueng koe reirei aw m lawiseh. Amen.

16

Ahnoung Lawk

¹ Kenkhrea kho kaawm kawhmoun thung e thaw katawkkung, ka tawncanu Phoebe heh nangmouh koe panue sak han ka ngai.

² Tami kathoungnaw ni sak kawi kamcu e patetlah Cathut dawkvah ahni hah nangmouh koe aw m sak aw h nateh, a panki e pueng kabawm aw h. Atangcalah ahni hateh kama koehoi kamtawng teh ayânaw pueng hai kabawm e doeh.

³ Khrih Jisuh thung kai hoi thaw rei ka taw k roi e Priscilla hoi Aguila hah kutman pouh aw h.

⁴ Hringnae a kâhmoun hoi kai hai na khetyawt toe. Kai dueng laipalah, Jentelnaw e kawhmounnaw pueng ni hai a lunghawikhai aw h.

⁵ Ahni im e kawhmoun hai kutman pouh aw h. Asia ram vah Khrih hanelah aluepaw lah kaawm e ka pahren e Epenetas hai kutman aw h.

⁶ Nangmouh hanlah thaw ka panki poung e Meri hai kutman aw h.

⁷ Kaie miphun lah kaawm e kai hoi thongim rei ka bawt roi e Adronika hoi Junia hai kutman awh. Ahnimouh teh gunceinaw rahak vah a min kamthang e naw a tho teh, kai hlak hai Khrih thung hmaloe kaawm e taminaw doeh.

⁸ Bawipa dawkvah ka pahren e Ampliatius hah kutman awh.

⁹ Khrih thung cungtalah thaw tawk hui Urbanus hoi ka pahren e Satakhi hai kutman awh.

¹⁰ Khrih thung yuemkamcu e Apelles, hai kutman awh. Aristobulus imthungkhu naw hai kutman awh.

¹¹ Ka miphunnaw Herodion hoi Nasisa imthungnaw hai kutman awh.

¹² Bawipa dawkvah thaw ka panki e Triphaena hoi Triphosa tinaw hai kutman awh. Bawipa dawkvah thaw ka panki e ka pahren e Persis hai kutman awh.

¹³ Bawipa dawkvah rawi lah kaawm ni teh ka manu lahai kaawm e Rufus e manu hai kutman awh.

¹⁴ Asyncritus, Phlegon, Hermes, Patrobas, Hermas, tinaw hoi ahnimouh koe kaawm e hmaunawngnaw hai kutman awh.

¹⁵ Filolokus, Julia, Nereus hoi a tawncanu, Olimpas hoi ahnimouh koe kaawm e Bawipa e tami kathoungnaw pueng hai kutman awh.

¹⁶ Buet touh hoi buet touh kathoung kâpaconae hoi kutman awh. Khrih e kawhmounnaw pueng ni nangmanaw kut na man awh.

Kâhruetcuet nahan hroecoenae

¹⁷ Hmaunawngnaw panue tangcoung e cangkhai e naw hah sak awh nateh, kampek sak e hoi payonnae ka pung sak e taminaw hah kâhruetcuet awh nateh roun awh ti teh na hroecoe awh.

¹⁸ Bangtelah tetpawiteh, Bawipa Jisuh Khrih thaw tawk awh laipalah, amamae vonpui thaw dueng a tawk awh teh, ouphlawpnae lawk hoi na tawmpalue awh teh, kamawngnaw hah a dumyen awh.

¹⁹ Nangmae lawkngainae tami pueng koe a kamthang dawkvah nangmouh koe ka lunghawi. Hattelah dawkvah kahawi hno dawkvah lungang awh nateh, kahawihoehe dawkvah teh yon kanuenhoehe lah awh awh.

²⁰ Roumnae Bawi lah kaawm e, Cathut ni a ro hoehnahlan Setan teh nangmae khok rahim vah reppasei lah ao sak han. Maimae Bawipa Jisuh Khrih e lungmanae teh nangmouh hoi cungtalah awh lawiseh.

²¹ Kai hoi thaw tawk hui lah kaawm e Timote, ka miphun Lusius, Jason hoi Sosipater tinaw ni kut na man awh.

²² Hete ca na ka thut pouh kung kai Teratias ni Bawipa dawkvah nangmanaw kut na man awh.

²³ Kawhmoun abuemlah kamkhuengnae imkung Gaius ni hai kut na man awh. Kho thung e tangka kuen e Erastas hoi hmaunawngnaw Quartus ni hai nangmanaw kut na man awh.

²⁴ Maimae Bawipa Jisuh Khrih e lungmanae teh nangmouh puenghoi rei awh lawiseh. Amen.

²⁵ Kai ni ka dei e kamthang kahawi hoi Jisuh Khrih e a kong ka dei dawkvah thoseh,

²⁶ talaivan a kamtawng hoi hro lah ao eiteh, atuteh ayungyoe Cathut e kâpoelawkvah lahoi yah profetnaw e cauknaw dawkvah a kamnuet toung dawkvah, yuemnae hoi kâkuen e lawkngainae ao nahanelah, miphun pueng koe panue sak e, hrolawkvah pâphonae dawkvah hoi thoseh,

²⁷ lungangnae hoi ka kawi e buet touh dueng e Cathut dawkvah Jisuh Khrih lahoi a yungyoe bawilenna awh lawiseh. Amen.

1 KAWRIN (The First Epistle of Paul to the Corinthians)

Lawk karouknae

¹ Kai Pawl, Cathut ngainae lahoi Jisuh Khrih e guncei lah kaawm e hoi ka nawngha Sosthenes ni,

² maimae Bawipa Jisuh Khrih min ka kaw e kho tangkuem kaawm e taminaw hoi, tami kathoung lah kaw lah kaawm e Kawrin kho e Khrih Jisuh thung thoungsak lah kaawm e, Cathut e kawhmoun ca na patawn awh. Bawipa teh ama ka kaw e naw puenghoi kaimae Bawipa lah ao.

³ Maimae Pa Cathut hoi Bawipa Jisuh Khrih koe e lungmanae hoi lungmawngnae teh nangmouh koe awm lawiseh.

A lungmanae dawk pholennae

⁴ Khrih Jisuh lahoi na poe e Cathut e lungmanae dawkvah, nangmouh hanelah ka Cathut koe lunghawilawk pou ka dei.

⁵ Nangmanaw teh hote Khrih lahoi lawk dei thainae, panue thainae, bangpueng dawk na bawi awh toe.

⁶ Khrih hoi kâkuen e lawkpanuesaknae teh nangmouh dawk a cak toe.

⁷ Hatdawkvah, nangmouh teh Bawipa Jisuh Khrih bout a kamnuenae ngaihawi laihoi ring awh navah, poehno roeroe na toum a mahoe.

⁸ Maimae Bawipa Jisuh Khrih e hnin dawk nangmouh teh apinihai tounhoehe lah o nahan, Bawipa ni nangmouh teh apout totouh na caksak han.

⁹ Ama e Capa, Jisuh Khrih e huikonae thungvah, nangmouh na ka kaw e Cathut teh yuemkamcu lah ao.

kâkapeknae

¹⁰ Hmaunawngghanaw Bawipa Jisuh Khrih min lahoi pahrennae kahei. Lungthin suetalah awm awh. Kâ kapeknae tawn awh hanh. Pouknae buet touh dawk kâracui awh.

¹¹ Hmaunawngghanaw Khaloe imthung ni, pou a kâtaran awh a ti.

¹² Nangmouh ni kai teh Pawl e vaica doeh, kai teh Apollos e vaica doeh, kai teh Piter e vaica doeh, Kai teh Khrih e vaica doeh na ti awh.

¹³ Khrih teh a kâkapek na maw. Pawl na ou nangmouh han thingpalam dawk ka dout. Nahoeh pawiteh Pawl e min dawk na ou baptisma na coe awh.

¹⁴ Crispus hoi Gaius hloilah apihai baptisma ka poe hoeh dawk Cathut koe ka lûnghawi.

¹⁵ Hatdawkvah kai Pawl e min dawk baptisma ka coe e apihai awmhoeh.

¹⁶ Stiven imthung baptisma ka poe, alouknaw baptisma ka poe vaimoe ka panuek hoeh.

¹⁷ Baptisma poe hanlah Khrih ni na patoun hoeh. Kamthang kahawi pâpoh hane doeh na patoun. Tami lungang thoumnae dawk nahoeh, telah pawiteh Khrih thingpalam hnosakthainae ayawmyin han doeh.

Cathut e bahu

¹⁸ Bangkongtetpawiteh, thingpalam kamthang kahawi heh kahmat naw hanelah teh pathunae lah doeh ao, rungngang lah kaawm e maimouh hane teh Cathut e bahu doeh.

¹⁹ Cakathoung ni, a lungkaangnaw e thounnae ka raphoe pouh han. Pouknae ka rasang naw e pouknae hai ka pahnawt pouh han.

²⁰ A lungkaangnaw teh nâne ao. Cakathutkungnaw teh nâne ao. Laidei kathoumnaw te nâne ao. Talaivan lungangnae teh Cathut ni pathunae lah a coung sak toung nahoehmaw.

²¹ Talaivan lungangnae lahoi Cathut a panue thai awh hoeh dawkvah, Cathut ni pâpho e pathunae lawk lahoi ka yuem e naw rungngang hane a ngainae ao.

²² Judahnaw ni mitnoutnae naw a hei awh. Griknaw ni lungangnae lahoi a tawng awh.

²³ Maimouh teh thingpalam dawk pathout lah kaawm e Khrih e kamthang pâpho awh. Hete kamthang kahawi teh Judahnaw kamthuinae lah ao teh, Jentelnaw hanlah pathunae lah ao.

²⁴ Hatei, Judah thoseh, Griknaw thoseh, Cathut ni a kaw e taminaw hanelah, Khrih teh Cathut e bahu hoi lungangnae lah ao.

²⁵ Cathut e pathunae teh taminaw lungangnae hlak a lunganghnawn rah. Cathut thayounnae teh, taminaw thasainae hlak a thasaihawn.

Cathut dawk kâoupnae

²⁶ Nangmouh na kawnae pouk a haw. A kaw e thung dawk ka thoumthai kapap awm hoeh. Athakaawme kapap awm hoeh. Ka talue e kapap awm hoeh.

²⁷ Cathut ni ka thoumthai naw kaya sak nahan talaivan koe lah ka pathu naw a rawi. Athakaawme taminaw kaya sak nahan, talai koe lah tha kayoun naw a rawi.

²⁸ Ka tangreng naw kaya sak nahan, talaivan koe lah ka roedeng e, khet kamcu hoeh e, bang ka cungkeihoehe naw Cathut ni a rawi.

²⁹ Hatdawkvah Cathut hmalah apihai kâoup thai hoeh.

³⁰ Nangmouh teh Cathut pawlawk dawk Khrih Jisuh thung na o awh. Khrih teh maimouh hanlah Cathut koehoi ka tho e maimae lungangnae, thoungnae, lanna e hoi ratangnae lah o.

³¹ Hatdawkvah Cakathoung ni a dei patetlah ka kâoup e tami teh Bawipa dawk ma kâoup naseh.

2

Pawl ni pâpho e lawk

¹ Ka hmaunawngnaw, nangmouh koe Cathut e lawkpanuesaknae kadung kakaw pâpho han ka tho nah kathoumthainaw ni a hno awh e lawk ka hno a hoeh.

² Bangkongtetpawiteh, thingpalam dawk kadout e, Jisuh Khrih hoi thingpalam kong laipalah teh, banghai panue sak hane na ngaikhai awh hoeh.

³ Nangmouh hoi rei ka o nah, ka thayoun teh lungpuen taki hoi doeh ka o.

⁴ Ka lawk dei e hoi lawk ka pâpho e hai tami thoumthainae hoi nahoe, Muitha hnotithainae bahu lahoi doeh.

⁵ Nangmae na yuemnae teh taminaw e lungangnae dawk awm laipalah Cathut e bahu dawk o nahane doeh.

Muitha lungangnae

⁶ Hatei, a lungkahanaw koe lungangnae lawk ka dei. Hottelah ka ti navah talai lungangnae nahoe. Kahmat hane talai ka ukkungnaw e lungangnae nahoe.

⁷ Het talai ao hoehnahlan, maimae bawilennaeh lah ao nahan, Cathut ni a sak tangcoung e lungangnae hrolawk, Cathut e lungangnae doeh kaimouh ni ka pâpho awh.

⁸ Hote lungangnae hah talai ukkungnaw buet touh ni boehai panuek awh hoeh. Panuek awh pawiteh ka Bawilen poung e Bawipa thingpalam dawk thet a mahoe. ei.

⁹ Cakathoung dawk thut e patetlah, mit ni a hmu boihoeh, hnâ hoi thai boihoeh e, lung ni hai a pouk boihoeh e hah Cathut ni a lungpataw e naw hanlah sut a rakueng pouh toe.

¹⁰ Cathut ni maimouh koe hote hno hah Muitha lahoi a pâpho toe. Muitha ni hro e hnonaw koehoi hnocawngca pueng pheng a pâphue.

¹¹ Tami hoi kâkuen e naw hah, tami thungvah kaawm e muitha laipalah apinimouh a panue han. Hot patetvanlah Cathut hoi kâkuen e hnonaw hah, Cathut e Muitha hloilah apinihai panuek thai hoeh.

¹² Maimouh teh talaivan e muitha coe awh hoeh. Cathut ni ayawmlah na poe e hno panue thai nahan Cathut koehoi e Muitha doeh coe awh.

¹³ Cathut ni na poe e naw ka pâpho awh navah, tami lungangnae ni cangkhai e lahoi nahoe. Kathoung Muitha ni na cangkhai e lawk lahoi doeh ka pâpho awh.

¹⁴ Muitha ka tawn hoeh e ni teh Cathut e Muitha koehoi ka tho e hnonaw panuek thai hoeh. Ahni hane lateh hot naw hah pathunae lah ao. Muitha koe lae hno lah ao dawkvah kepekkaboe thai hoeh.

¹⁵ Muitha tami ni teh hote hnonaw pueng a kepek teh panue thai. Hateiteh hote tami teh apinihai panuek thai hoeh.

¹⁶ Apimaw Cathut lung pouknae ka panuek ni teh Cathut hah ka cangkhai han vaw. Maimouh teh Khrih e lungthin tawn awh.

3

Cuehoehnae

¹ Hmaunawngghanaw, muitha taminaw koe ka dei e patetlah nangmouh koe ka dei hoeh. Camonaw koe dei pouh e patetlah doeh ka dei.

² Atu sittouh bu kate na ca thai hoeh rah dawk kai ni na paca awh hoeh. Sanutui doeh na pânei awh rah. Atu sittouh bu kate na cat thai awh hoeh rah.

³ Bangkongtetpawiteh nangmouh teh, takthai tami lah doeh na o awh rah. Nangmouh koe utsinnae hoi kâounnae a onae teh, nangmouh teh takthai hoi na o awh teh, tami rumram patetlah na hring awh dawk doeh.

⁴ Buet touh ni kai Pawl e avai ca, buet touh ni Apollos e avai ca, lengkaleng na tet awh pawiteh nangmouh teh takthai tami lah na o a rah.

Cathut e a sannaw

⁵ Pawl heh apimaw. Apollos teh api na maw. Nangmouh na yuem thai awh nahan, Bawipa ni thaw a poe e san reira doeh.

⁶ Kai ni ka ung, Apollos ni tui a bu. A kung ka paw sak hoi ka roungsakkung teh Cathut doeh.

⁷ Kapatuekung hoi tui kabukung hnotithainae tawn hoeh. Cathut ni doeh a paw sak.

⁸ Kapatuekung hoi tui kabukung teh buet touh doeh. A tawk roi e patetlah tawkpheu reirei a coe roi han.

⁹ Bangkongtetpawiteh, kaimouh teh Cathut e thaw reirei ka tawk e lah ka o awh. Nangmouh teh Cathut e takha, Cathut e im lah na o awh.

¹⁰ Cathut e a lungmanae ka coe e, im kasakkung patetlah kai ni adu ka ung. Alouke tami ni hote adu dawk im patuen a sak. Hatei im kasakkung ni bangtelae im maw ka sak tie hah kâhruetcuet naseh.

¹¹ Bangkongtetpawiteh, Jisuh Khrih tie adu ung hnukkhu teh apinihai alouke adu ung thai mahoe toe.

¹² Apihai hote adu e van, sui, ngun, talung phu kaawm, thing, caphon, padi naw hoi im patuen sak pawiteh,

¹³ hote a sak e teh kamnuek han doeh. A kamnue nahane teh hmai hoi a kamnue han. Tami tangkuem ni a sak e im teh bangtelamaw a sak tie hmai ni a tanouk pouh han.

¹⁴ Hote adu van patuen ka sak e ahnie thaw teh kangning pawiteh tawkphu a hmu han.

¹⁵ Hatei im a sak e kang pawiteh, a sung han. Ama ngoun teh hmaikak thung hoi ka hlout e patetlah rungngang lah ao han.

Cathut e bawkim

¹⁶ Nangmouh teh Cathut e bawkim lah na o awh. Cathut e Muitha nangmouh thung ao tie na panuek aw hoh maw.

¹⁷ Apinihai Cathut e bawkim raphoe pawiteh, Cathut ni ahni hai a raphoe van han. Bangkongtetpawiteh, Cathut e bawkim teh a thoung. Hote bawkim teh nangmanaw doeh.

Talai lungangnae teh pathunae

¹⁸ Api nang hai namahoima kâdum aw hanh. Nangmouh thung dawk kai teh a lungkaang e tami doeh tetpawiteh, tami lungkaang lah ao nahan, tamipathu lah awm na ei seh.

¹⁹ Bangkongtetpawiteh, talaivan lungangnae teh Cathut hmalah teh pathunae la doeh ao. Cathut ni a lungkaangnae hah amamae pathunae lahoi a man telah Cakathoung dawk thut e lah ao.

²⁰ Hahoi, tami lungkaangnae e pouknae teh ahrawnghrang doeh tie Bawipa ni ka panue telah bout a dei.

²¹ Hatdawkvah, tami dawk kâoup han awmhoeh. Hno pueng teh nangmae doeh.

²² Pawl hai, Apollos hai, Cephas hai, talaivan hai, hringnae hai, duenae hai, atu e a tue hai, hmalae a tue hai, hnocawngca pueng teh nangmouh hane doeh.

²³ Nangmouh hai Khrih ni na tawn aw, Khrih hai Cathut ni a tawn.

4

Lawkkam kacakpounge hnokuemkung

¹ Hatdawkvah ayâ ni maimanaw teh Khrih e san hoi Cathut e hrolawk hno ka kuemkung lah na pouk aw hoh naseh.

² Hno kuemkung teh yuemkamcu telah ayâ ni panue e tami han.

³ Nangmouh hoi alouknaw ni hai kai hah lawkkam na cak hoh telah lawk na ceng aw e heh hno kathoenge doeh. Kai teh kamahoima hai lawk ka ceng hoh.

⁴ Ka pouknae a thoung. Hatei, hottelah ka o dawkvah kai teh tamikalan telah khoe e lah kaawm hoh. Kai lawkcengkung teh Bawipa doeh.

⁵ Hatdawkvah, atueng a pha hoehnahan, apihai lawkceng aw hanh. Bawipa a tho totouh ring aw. Ahni ni hmonae koe hro e pueng angnae

dawk a kamnue sak vaiteh, tami e pouknae puenghai a kamnue sak han. Hattoteh tami pueng ni Cathut koehoi oupnae a coe awh han.

Gunceinaw kârahnoumnae

⁶ Hmaunawngghanaw, Cakathoung dawk thut lah kaawm e tapuet laihoi ayânaw bari kawi nahoe hah kaimouh roi koehoi kamtu thai awh nahan, buet touh ni buet touh e lathueng na kâoup awh hoe hah nahan, kai hoi Apollos bangnue lahoi hete hnonaw hah nangmouh hanelah ka pâpho.

⁷ Apini maw nangmouh na talue sak awh. Na kamtu e laipalah ahmaloe hoi na thung kaawm e hno ao maw. Na kamtu e lah awm pawiteh na kamtu hoe hah e patetlah bangkongmaw na kâoup vaw.

⁸ Na kuep awh toe. Na bawi awh toe. Kaimouh laipalah na uk awh toe. Kaimouh hah nangmouh hoi rei uk thai nahanelah na uk awh katang pawiteh ahawi.

⁹ Kai niteh, thei hane naw patetlah Cathut ni kaimouh gunceinaw a hnukteng koe lah na ta awh toe telah ka pouk. Bangkongtetpawiteh, kalvantaminaw hmalah, hoi talai taminaw hmalah, talaiavan abuemlah ni khet han kawi lah ka o awh.

¹⁰ Kaimouh teh Khrih hanelah tamipathu lah ka o awh. Hatei nangmouh teh Khrih dawk na lungang awh. Kaimouh teh ka thayoun awh. Hatei nangmanaw teh na thao awh. Nangmouh teh bari kaawm e lah na o awh. Hatei kaimouh teh hnephnap e lah ka o awh.

¹¹ Kaimouh teh atu raw vonhnamrinci hoi, caici lah o hoi, rektap e lah ka o awh teh, im laipalah,

¹² mae kut hoi thaw ka tawk awh. Na pathoe awh navah yawhawinae lah ka pouk awh. Rektapnae kâhmo navah ka panguiep awh.

¹³ Na dudam awh toreih teh, lungpatawnae kamnue sak pouh awh. Atu sittouh tami pueng ni na takhoe awh, talaiavan e songnawng patetlah na pouk awh.

Na pa buet touh lah kaawm e Pawl

¹⁴ Nangmouh kaya sak nahanlah ka ngai dawk hete ca ka thut e nahoe hah. Ka pahren e ka canaw patetlah na kâhruetcueth awh nahanlah hete ca na thut pouh e doeh.

¹⁵ Bangkongtetpawiteh nangmouh dawk Khrih kong na ka cangkhai e thong hra touh kaawm nakunghai, na pa moipap hoe hah. Khrih Jisuh dawkvah kamthang kahawi lahoi na khe awh.

¹⁶ Hatdawkvah, kaie nuen na out awh nahanlah na hroecoe awh.

¹⁷ Hot kecu dawkvah, Bawipa dawk yuemkamcu e ka pahren e ka capa Timote nangmouh koe ka patoun. Ahni ni kho tangkuem e kawhmoun pueng koe kai ni ka cangkhai e patetlah Khrih Jisuh dawk kai ni ka dawn e lamthung hah nangmouh bout na panue sak awh han doeh.

¹⁸ Kai nangmouh koe tho mahoe hah telah tami tangawn ni a pouk awh teh, a kâoup awh.

¹⁹ Bawipa ni a ngainae awm pawiteh karanglah ka tho han. Hat toteh, ahnimouh kâoupnae dawk laipalah, ahnimae bahu hah ka panue han doeh.

²⁰ Bangkongtetpawiteh, Cathut uknaeram teh lawk dawk kaawm e nahoe hah, bahu dawk doeh ao.

²¹ Bangmaw na ngaihawn awh, bongpai hoi na ou ka tho han, lungpatawnae, lungdolungnemnae hoi na ou ka tho han.

5

Kawhmoun thung pâlei thainae

¹ Nangmouh koe, a na pa e yu a yonkhai ti e, kayuemhoehnew koehai kaawm boihoe e napui tongpa kamsoum hoe e yonnae ao tie ka thai.

² Nangmouh ni lungmathoe lahoi, hottelah kaawm e tami pâlei hane hlak na kâoupkhai awh.

³ Kai teh nangmouh koe takthai lahoi kaawm hoe e ei, muitha lahoi teh nangmouh koe ka o dawkvah, hote hmuen koe kaawm e patetlah hote lai hah ka tâtueng toe.

⁴ Bawipa Jisuh Khrih min lahoi nangmouh cungtalah na kamkhueng awh navah, kaie muitha hai maimae Bawipa Jisuh Khrih e bahu lahoi nangmouh hoi rei ao van.

⁵ Ahnie muitha teh Bawipa e hnin dawk rungngang lah ao nahan, a takbuem teh rawknae koe a pha nahanlah setan kut daw koe poe toe.

⁶ Nangmouh na kâoupnae teh hawihoe. Ton titca ni tahawn abuemlah a po sak tie na panuek awh hoe maw.

⁷ Tonphuenhoehe vaiyei lah na o awh e patetlah ton karuem teh tâkhawng awh, Bangtelah tetpawiteh, ceitakhai paw nah thueng hane tuca tie Khrih hateh, maimouh han thueng e lah ao toe.

⁸ Hatdawkvah karuem e ton lah kaawm e hawihoe hane, hmuhmanae naw hoi tho laipalah, tonphuenhoehe lah kaawm e thoungae lawkkatang lahoi ceitakhai pawito awh sei .

Kawhmoun nuen

⁹ Nangmouh teh kamsoumhoehe napui tongpa yonnae ka sak e naw hoi kâhuiko hoe hanelah ca ka thut teh na patawn awh.

¹⁰ Kamsoumhoehe napui tongpa yonnae hoi hounlounnae, tami ca ngainae, meikaphawk ka baw e talaivan hoi khoeroe na ka huiko mahoe e ka ti ngainae nahoeh. Telah pawiteh hete talai na ceitakhai hane la doeh awm ti.

¹¹ Nangmouh koe ca ka thut ngainae teh, hmaunawngaha lah ka o ati ei, kamsoumhoehe napui tongpa yonnae ka sak e, ka hounloun e, meikaphawk ka baw e, tami ka pathoe e, yamuhri lah kaawm e, tami ka cat ngai e naw hoi kâhuiko awh hanh, bu hai cungtalah cat awh hanh tie hah doeh.

¹² Bangkongtetpawiteh kawhmoun alawilah kaawmnaw lawkceng hanelah kai hoi bangmaw a kâseng. Athung e taminaw hah nangmouh ni lawk na ceng awh mahoe maw.

¹³ Alawilah kaawm e naw teh Cathut ni lawk a ceng han. Hote tamikathout hah alawilah pâlei awh.

6

Kayuem reira e lumlai

¹ Nangmouh daw buet touh ni alouke tami buetbuet touh hoi lumlai awm pawiteh, tami kathoungnaw hmalah na dei laipalah, cathutlaipa e talai bawinaw koe lawk na kâcengsak awh bo vaw.

² Tami kathoungnaw ni talaivan lawkceng han tie na panuek awh hoe maw. Talai lawkceng hanelah na awm awh pawiteh katoengpoung e hno daw koe hai lawkceng awh mahoe na ou.

³ Kalvantaminaw lawkceng a han tie na panuek awh hoe maw. Hatdawkvah talai hno daw lawkceng hanelah kamcu hoe na maw.

⁴ Hatdawkvah nangmouh teh talai e lai dei hane awm pawiteh kawhmoun thungvah bari kaawm hoeh e taminaw hah lawkcengkung lah rawi awi.

⁵ Na kaya awi nahane lah het heh ka dei. Nangmouh thung dawh hmaunawngaha rahak lai ka dei thai kawi buet touh boehai awmhoeh maw.

⁶ Atuteh, hmaunawngaha reira na kâtoe awi dueng laipalah, hote hah, kayuemhoehnaw e hmalah na kâtoe awi.

⁷ Hottelah buet touh hoi buet touh na kâtoe awi e teh na sungnae doeh toe. Bangkong toe laipalah, rektapnae maha na khang awi hoeh. Dumyenna maha bangkong na khang a hoeh.

⁸ Nangmouh ni ayâ na dumyen awi, kamsoumhoeh hno na sak awi. Na hmaunawngahanaw, koehai telah na sak awi.

⁹ Tami kalan hoeh naw ni Cathut uknaeram coe thai mahoe tie na panuek awi hoeh maw. Alouklah pouk awi hanh. Kamsoumhoeh napui tongpa yonnae, meikaphawk ka baw e naw, ayâ yu ka yonkhai e naw, tongpa reira napui reira yonnae ka sak e naw,

¹⁰ kaparawtnaw, ka hounloun e naw, yamuhri lah kaawm e naw, tami ka pathoe e naw, tami ka catnet ngai e naw teh Cathut uknaeram coe thai mahoe.

¹¹ Hottelah doeh nangmouh thung dawh e tami tangawn teh na o awi. Hatei maimouh teh Cathut e Muitha dawh, hahoi Bawipa Jisuh Khrih min dawh pâsu e lah o awi teh na lan toe telah na khoe awi toe.

Takthai lahoi Cathut bawilen kamnué saknae

¹² Hnopuseng sak thainae kâ ka tawn ei, hnopuseng teh hawinae koug awmhoeh. Hno puseng ka ti thai, hatei bang hnopai e san lahai kaawm hoeh.

¹³ Rawca heh vonpui hanlah ao teh, vonpui hai rawca hanelah ao. Hatei ahnimouh roi teh Cathut ni reirei a raphoe han. Tak teh kamsoumhoeh napui tongpa yonnae sak nahane nahoe. Bawipa hane doeh. Bawipa hai tak hane doeh.

¹⁴ Cathut ni amae bahu lahoi Bawipa teh a thaw sak toe. Hot patetlah maimouh hai amae bahu lahoi na thaw sak van han.

¹⁵ Nangmae takthai teh Khrih e a pusengcang lah o awi tie na panuek awi hoeh maw. Hat pawiteh Khrih e a pusengcang hah la vaiteh kâyawt e pusengcang lah o sak awi han na maw. Khoeroe awm sak awi mahoe.

¹⁶ Kâyawt e hoi cungtalah kaawm e teh kâyawt e hoi tak buet touh lah ao tie na panuek awi hoeh maw. Kahni touh roi teh buet touh lah ao han tie patetlah doeh.

¹⁷ Hatdawkvah Khrih hoi kâkuen e teh Muitha dawh tak buet touh lah ao roi.

¹⁸ Kamsoumhoeh napui tongpa yonnae roun awi, tami ni yonnae ouk a sak e naw teh tak e alawilah doeh ao. Kamsoumhoeh napui tongpa yonnae teh amae tak dawh roeroe yon ka sak e lah ao.

¹⁹ Bang telah maw. Nangmae na tak teh Cathut koe hoi na coe awi e, nangmouh thung vah kaawm e Kathoug Muitha e bawkim doeh tie hoi nama ni na tawn e nahoe toe tie hah na panuek awi hoeh maw.

²⁰ Nangmouh teh apu hoi ran e lah na o awi toug dawkvah, nangmae na takthai dawh Cathut bawilen sak awi.

¹ Nangmouh ni kai na poe e ca dawk kaawm e naw teh, tongpa teh napui hoi tak hmawng hoehpawiteh ahawi ei,

² kamsoumhoeh napui tongpa yonnae sak hoeh nahanelah, tongpa pueng a yu tawn naseh. Napui pueng amae vâ tawn naseh.

³ Tongpa ni a yu koe yuvâ lah onae kuep sak naseh. A yu ni hai a vâ dawk kuep sak naseh.

⁴ Yu ni amae tak dawk kâtawwnae tawn hoeh, vâ ni doeh a tawn. Hot patetvanlah, vâ ni amae tak dawk kâtawwnae tawn hoeh, yu ni doeh a tawn.

⁵ Ratoum nahan atueng dawngdeng kahawicalah hno thai nahanelah, buet touh hoi buet touh hnâbonae awm laipalah, alouklouk lah awm awh hanh. Hottelah na awm awh pawiteh, Setan ni na tacuek awh hoeh nahanlah cungtalah reirei bout awm awh.

⁶ Hottelah ka dei navah, nangmouh ni na tarawi hane la doeh ka dei. Kâpoelawk na poe e nahoe.

⁷ Tongpa pueng kai patetlah o sak hane ka ngai. Hatei tami pueng ni Cathut koe e poehno teh rip coe awh. Buet touh ni alouke a tawn, alouke buet touh ni hai alouke a tawn van.

⁸ A yu ka lat hoeh e tongpanaw hoi, a vâ ka sak hoeh e lahmai napuinaw koe, kai ni ka dei e teh, kai patetlah na awm awh pawiteh ahawi.

⁹ Hatei, namahoima na ka cakuep thai hoehpawiteh, yu lat van awh naseh. Kâcakuep thai hoeh e hlak teh yu la vâ sak e ahawihnawn.

Imthungnaw hanelah pouknae a poe

¹⁰ Yuvâ lah kaawm naw koe, kai ni laipalah, Bawipa koehoi e kâ poe, kai ni na poe awh e teh, yu ni a vâ mat hanh naseh.

¹¹ Mat pawiteh vâ sak laipalah awm lawiseh. Nahoe pawiteh apasuek e vâ hoi bout kâmai hawi naseh. Vâ ni hai a yu mat nahanh seh.

¹² Alouke taminaw hanelah Bawipa ni a dei e nahoe, kai ni ka dei e teh, hmaunawng ha buet touh ni ka yuem hoeh e napui a yu navah, hote napui ni a vâ hoi pou o hane ngai pawiteh, a yu a ma hanelah awmhoeh.

¹³ Hot patetvanlah, napui buet touh ni ka yuem hoeh e a vâ navah, hote tongpa ni a yu hoi pou o hane ngai pawiteh, napui ni mat hanh naseh.

¹⁴ Ka yuem hoeh e tongpa teh a yu hanelah a thoung. Ka yuem hoeh e napui hai, yuemnae ka tawn e a vâ hanelah a thoung. Telah nahoe pawiteh, a canaw thoung mahoe. Atuteh a thoung awh.

¹⁵ Hatei ka yuem hoeh e ni, kamphei hanlah ngai pawiteh, cettakhai lawiseh. Hot patet e dawk teh ka yuem e tongpa hai, ka yuem e napui hai kateknae awmhoeh.

¹⁶ Napui nang na vâ na rungngang han, rungngang mahoe tie bangtelamaw na panue thai han. Tongpa nang na yu rungngang hane hoi rungngang hoeh hane bangtelamaw na panue thai han.

Hringnuen a phunphun

¹⁷ Cathut ni a kaw teh Bawipa ni thaw a poe e dawkvah tami pueng ni a hring na thungvah awm awh naseh. Het heh kawhmounnaw pueng koe ka poe e lawk doeh.

¹⁸ Kaw lah kaawm e tongpa, vuensom ka a tangcoung e teh, vuensom ka a hoeh e tami patetlah awm hanh naseh. Kaw lah ao nah vuensom ka a hoeh e tami teh, vuensoma sak awh hanh lawih.

¹⁹ Vuensoma e heh alawkpui nahoe. Cathut e kâpoelawk doeh alawkpuihnawn.

²⁰ Cathut ni a kaw e patetlah tami pueng ama a onae hmuen dawk awm awh naseh.

²¹ Kaw e lah ao nah san lah na awm pawiteh, hot ni lungpuennae tawn sak hanh naseh.

²² Hateiteh, Bawipa ni a kaw navah san lah kaawm e teh Bawipa dawk kahlout e tami lah ao. Hot patetlah a kaw nah kahlout e teh, Khrih e san lah ao.

²³ Nangmouh teh apu hoi ran e lah na o awh dawk taminaw koe san lah awm a hanh lawih.

²⁴ Hmaunawngghanaw, kaw lah kaawm e tami pueng teh, a tawk e thaw hah Cathut hmalah tawk naseh.

Imthung ka tawn hoeh e naw hoi lahmawunaw

²⁵ Tanglakacuem hoi kâkuen e dawk, Bawipa kâpoelawk na poe e ka coe hoeh eiteh, Bawipa e lungmanae ka coe teh, yuemkamcu e lah ka o dawkvah, kai ni hettelah lawk na poe awh.

²⁶ Atu e rektapnae kecu dawkvah, vâ na tawn hoehpawiteh ahawi. Tongpa hai atu ao e patetlah awm pawiteh ahawi.

²⁷ Yuvâ lah na awm awh toung pawiteh, kâkapek awh hanh lawih. Yuvâ lah na awm awh hoeh rah pawiteh, yu tawng awh hanh lawih.

²⁸ Hatei yu na lat toung pawiteh, het heh yonnae nahoe. Tangla ni vâ sak pawiteh, yonnae nahoe. Hatei ahnimanaw teh talai runae a kâhmo awk han. Kai ni teh hote runae dawk hoi hlout sak hanlah na ngaikhai a dawk doeh.

²⁹ Hmaunawngghanaw, dei ka ngai e teh, a tue abaw tawmlei toung dawkvah, atu hoi teh yu ka tawn ni yu ka tawn hoeh patetlah,

³⁰ Ka khuikap e ni khuikap hoeh e patetlah a kokanawm ni a kokanawm hoeh e patetlah, hnopai ka ran e ni bangchahi ka tawn hoeh e patetlah ao awk han.

³¹ Talaivan hnopai ka hnonaw ni hai ka hno hoeh e patetlah awm naseh. Bangkongtetpawiteh, talai hoi a thung e hnopai pueng teh be kahmat han.

³² Kai ni nangmouh lungpuen hane na ngaikhai a hoeh. Yu ka tawn hoeh e tongpanaw ni teh Bawipa lunghawi nahanlah Bawipa dawk doeh a lungpuen awk.

³³ Yu ka tawn e tongpa ni teh yu bangtelane lunghawi sak thai han, titeh talaivan hno dawk a kâhruetcuat.

³⁴ Hot patetlah doeh, vâ ka tawn hoeh e napui hoi tanglakacuem teh, tak hoi muitha thongsak thai nahanlah Cathut e thaw dawk a kâhruetcuat awk. Hatei, vâ ka tawn e napui teh a vâ lunghawi nahanelah talaivan hno hah ouk a pouk.

³⁵ Hettelah ka dei ngainae teh, nangmouh ahawi nahane lah doeh ka dei. Nangmouh khak na cakâ hane ka ngai dawk nahoe. Kahawi e hno sak awk nateh lungthin katang hoi Bawipa koe na kâpoe thai awk nahane lah doeh.

³⁶ Tangla teh vâ sak laipalah, vâ sak tue lawn pawiteh hawihoehtelah tangla katawngkung ni pouk pawiteh, vâ sak hanelah hai kâvoe pawiteh, vâ sak naseh. Yon nahoeht.

³⁷ Hatei, a lungthung lawk tâtuengnae a tawn hnukkhu, a counghoeht dawk vâ sak laipalah, a kâcakuap thai dawk vâ sak laipalah awk thai pawiteh ahawi.

³⁸ Hatdawkvah, hote tangla hah vâ ka sak sak e tami teh hnokahawi a sak. Vâ ka sak sak hoeh e tami hai hnokahawi hoe a sak.

³⁹ Yu teh a vâ a hring nathung vâsaknae phung ni a katek. Hatei, a vâ dout pawiteh a ngai e tongpa koe vâ sak hanelah Bawipa dawk kâ ao.

⁴⁰ Hote napui ama o lah duem awm pawiteh yawhawinae hoe ao telah ka pouk. Kai koehai Cathut e Muitha ao telah ka pouk.

8

Meikaphawk hmalah thuengnae

¹ Meikaphawk hmalah thueng e sathei canei kong dawk, kapek thainae be na tawn awh tie ka panue. Hatei, thoumthainae ni a kâoup sak. Lungpatawnae ni a rounng sak.

² Ka panue toe ka tet e ni panue hane yit touh panuek hoeh rah.

³ Cathut ka lungpataw e tami teh, Cathut ni a panue.

⁴ Meikaphawk hmalah thueng e sathei canei kong hoi kâkuen lah, meikaphawk teh talaiwan dawng banglahai awmhoeh. Cathut buet touh dueng doeh kaawm tie panue awh.

⁵ Bangkongtetpawiteh cathutnaw, bawipanaw telah kaw e patetlah talai hoi kalvan vah cathutnaw telah kaw e moikapap ao ei,

⁶ maimouh hane teh Pa Cathut buet touh dueng doeh kaawm. Ahni koehoi hnocawngca pueng a tho teh, maimanaw hai Cathut dawng hring awh. Maimae Bawipa tie jisuh Khrih buet touh dueng doeh kaawm, ahni koehoi hnocawngca pueng a tho teh, maimouh teh hote Bawipa dawng hring awh.

⁷ Hatei, panuethainae tami pueng ni tawn awh hoeh. Tami tangawn teh, meikaphawk bawknæ nuen a lungthung ao rah dawkvah, thueng e sathei a canei nah thohawi panuena e thayoun dawkvah kakhin e lah ao awh.

⁸ Rawca lahoi Cathut hmalah minhmai kahawi hmu e na hoeh. Ca dawkvah bet ahawinae awmhoeh, ca hoeh dawng hai bet hawihoehnae awmhoeh.

⁹ Hatei, nangmouh na hloutnae teh, a thakayounnaw hanlah, kamthuinae lah ao hoeh nahan kâhruetcuat awh.

¹⁰ Bangkongtetpawiteh, kapek thainae na tawn nahlangva, meikaphawk bawkim dawng e na ca awh e hah, tami alouke ni hmawt pawiteh, thohawi panuena e thakayounnaw niteh, meikaphawk hmalah thueng e sathei moi ca hanelah taranhawi awh mahoe h na maw.

¹¹ Nange lungangnae ni, tha kayoun e hmaunawnggha, Khrih ni ahni-mouh hanlah a due ei, rawknæ koe a phakhai toe.

¹² Hettelah hmaunawnggha lathueng vah na yon awh navah ahnimanaw panuena e kayoun ca e naw hmâ na paca awh toe. Hatdawkvah Khrih koe na yon awh toe.

¹³ Hatdawkvah, canei e ni hmaunawnggha kamthui sak pawiteh ahni-mouh a rawp hlak teh, maito moi ka hai han toe.

9

Gunceinaw e hnotithainae

¹ Tami kahlout lah kai kaawm hoeh namaw. Guncei lah kaawm hoeh na maw. Maimae Bawipa jisuh Khrih teh ka hmawt boihoe h namaw. Nangmouh teh Bawipa dawng kai ni ka tawng e thaw lah na awm awh hoeh namaw.

² Alouknaw koe guncei lah kaawm hoeh nakungghai, nangmouh koe guncei lah ka o. Bangkongtetpawiteh, Bawipa dawng nangmouh teh kai guncei lah ka onae kapanuekkhaikung lah na o awh.

³ Kai akung kakheinaw koe hettelah na dei pouh awh.

⁴ Ca thai, nei thainae kâ ka tawn awh hoeh na maw.

⁵ Piter hoi Bawipa e hmaunawngghanaw koehoi alouke gunceinaw patetlah ka yuem e yu hah hrawi thai hoeh na maw.

⁶ Barnabas hoi kai teh thaw tawh hanlah awmhoeh na ti awh bo ma.

⁷ Apimaw mae lamvon hoi ransa thaw ka tawh. Apimaw misur takha ka sak ni teh cat laipalah kaawm. Apimaw tu ka khoum ni teh sanutui net laipalah kaawm.

⁸ Talai hmunaeh lahoi ka dei e na ou. Kâlawk ni hai telah doeh a dei.

⁹ Mosi e cangkhaenae dawk telah a thut. Cabong katin e maito a pahni moum pouh hanh. Cathut ni a dei ngainae teh maito hane doeh na ti maw.

¹⁰ Hoehpawiteh maimouh hanelah maw a dei. Atangcalah maimouh hane doeh a dei. Bangkongtetpawiteh law ka sak nihai, ngaihawi laihoi a sak dawkvah, katin e ni hai ngaihawi laihoi a katin van.

¹¹ Kaimouh ni nangmouh dawk muitha cati ka patûe a dawk nangmouh koehoi talai hnopai ka coe awh e heh ka tapuet awh e na maw.

¹² Alouknaw ni patenghai nangmouh koe e coe awh pawiteh, kaimouh te hoe kapap coe hanlah kamcu hoeh namaw. Hatei, hnotithainae ka hno awh hoeh. Khrih kamthang kahawi kangangkung lah ao hoeh nahan bangueng dawk ka panguep awh.

¹³ A thaw katawknaw ni bawkim dawk e rawca a ca awh teh, thuengnae kasaknaw ni khoungroe dawk e a canei awh tie na panuek awh hoeh maw.

¹⁴ Hot patetvanlah, kamthang kahawi kadeinaw hai kamthang kahawi pâpho e lahoi kâkawk awh han telah Bawipa e kâ poe doeh.

¹⁵ Hatei, hete heh ka hno awh hoeh. Nangmouh ni kaimouh koe hettelah na sak awh nahanlah ka thut e nahoe. Bangkongtetpawiteh, kâoupnae heh alouknaw ni a raphoe hlak teh kadout pawiteh bet ahawihnawn.

¹⁶ Kai teh kamthang kahawi ka pâpho nakunghai kâoupkhai hane awmhoeh. Pâpho laipalah kaawm thai hoeh. Pâpho laipalah kaawm pawiteh yawthoenae doeh.

¹⁷ Thahmeicalah hoi kamthang kahawi ka pâpho pawiteh apu ao. Thahmeicalah hoi ka pâpho hoehpawiteh kai koe na poe lah kaawm e ka pâpho rumram e la doeh awm ti.

¹⁸ Pawiteh, kaie tawkpheu teh bangmaw, kamthang kahawi ka pâpho e ayawm doeh. Hatdawkvah kâatawnnae ka hno hoeh. Khrih e kamthang kahawi kathainaw ni apu pâbaw laipalah awm pawiteh kai han apu ao.

¹⁹ Kai teh tami pueng e hmalah kahlout e lah ka o ei, tami hoe kapap ka la thai nahanelah, tami pueng e san lah ka o.

²⁰ Judahnaw ka la thai nahan, Judahnaw koe Judah tami patetlah ka o. Kâlawk rahim kaawm hoeh ei, kâlawk rahim kaawm naw ka la thai nahan, kâlawk rahim kaawm naw koe, kâlawk rahim kaawm e patetlah ka o.

²¹ Kai teh kâlawk hoi kahlat e nahoe. Khrih e kâlawk rahim ka o ei, kâlawk hoi kâhlat e taminaw ka la thai nahanelah, kâlawk hoi kâhlatnaw koe kâlawk hoi kâhlat e patetlah ka o.

²² Tha kayounnaw ka la thai nahan, a thakayounnaw koe a tha kayoun e patetlah ka o. Tami tangawn ka rungngang thai nahan, tami pueng koe apunphun lah ka o.

²³ Nangmouh hoi kamthang kahawi rei hmanng thai nahan, kamthang kahawi kecu hottelah ka onae doeh.

²⁴ Yawng kâtânae koe a yawng aw h ei, buet touh ni dueng doeh suh a hmu tie na panuek aw h hoeh maw. Suh rip na hmu thai aw h nahanlah yawng aw h.

²⁵ Kâtânae daw k kâen e ni teh bangpueng radueknae a kâcaku ep thai. Ahnimanaw teh kamyai thai e bawilukhung hmu hane daw k tha a patung aw h. Maimanaw teh, kamyai kamko thai hoeh e bawilukhung hmu hanlah tha patung aw h.

²⁶ Hatdawkvah, noenae aw m laipalah ka yawng hoeh, kahlî daw k ka thaw rumram hoeh.

²⁷ Ayâ ka yue teh kama ka sung e lah ka o hoeh nahanelah, kamahoima hmaloe ka kâthaw.

10

Isarelnaw koehoi tha lanae

¹ Hmaunawngghanaw, mintoenaw ni tâmai rahim, vah talîpui a raka aw h,

² Tâmai hoi talîpui thung Mosi koe bap tisma a coe aw h,

³ Muitha bu rei a ca aw h, Muitha tui rei a nei aw h, tie nangmouh ni panuek laipalah na o aw h hane na ngaikhai a hoeh.

⁴ Ahnimouh hnukkâ bang e muitha talung tui hah rei a nei aw h. Hote talung teh Khrih hah doeh.

⁵ Hatei, hote taminaw thung daw k tami moikapap ni Cathut lunghawi sak aw h hoeh. Hatdawkvah kâhrawngum vah a due aw h teh a rawk aw h.

⁶ Ahnimouh ni kahawihoe h hno a raduek aw h e patetlah maimouh ni raduek aw h hoeh nahanelah ahnimouh teh maimouh ni khetsin hanelah ao.

⁷ Ahnimouh canei hanelah a tahung aw h. Hahoi lamtu hanlah a thaw aw h telah Cakathoung daw k a thut e patetlah, nangmanaw teh meikaphawk kabawke ahnimanaw patetlah aw m aw h hanh.

⁸ A tangawnnaw ni kamsoumhoeh e napui tongpa yonnae a sak aw h e patetlah maimouh teh kamsoumhoeh e napui tongpa yonnae sak a hanh sei. Tami tangawn ni kamsoumhoeh e napui tongpa yonnae a sak aw h kecu daw k, hnin touh daw k 23,000 touh a due aw h.

⁹ Tami tangawn ni Cathut a tanouk aw h e patetlah maimouh teh Khrih hah tanouk aw h hanh sei. Hottelah a tanouk aw h daw kvah, tahrun ni a khue aw h teh a due aw h.

¹⁰ Tami tangawn teh a phuenang aw h e patetlah maimouh teh phuenang aw h hanh sei. Hottelah ka cingou e naw hah kalvantaminaw ni a due sak aw h.

¹¹ Hetnaw hateh, maimouh ni khetsin hanelah ahnimouh koe ka phat e doeh. A tue poutnae koe lah kaawm e maimouh kâhruetcu et nahanelah ao.

¹² Hatdawkvah, kacaklah kangdue thai ka tet nang, na rawp hoeh nahanlah kâhruetcu et.

¹³ Tami ni a khang thai e tacueknae dueng doeh nangmouh ni na kâhmo aw h. Hatei Cathut teh yuemkamcu daw kvah, na khang thai hoeh hane tacueknae hah nangmouh koe phat sak mahoe h. Tacueknae na khang thai aw h nahan, tacueknae hoi cungtalalah hlout nahane lamthung hai na poe han.

meikaphawk baw knae kâhruetcu et

¹⁴ Hatdawkvah ka pahren naw, meikaphawk baw knae roun aw h.

¹⁵ Nangmouh a lungkaang e lah na pouk awh dawk ka dei. Ka lawk hah noumcai a haw.

¹⁶ Maimouh ni lunghawi lawk deinae manang teh Khrih e thi dawk hmawngkhainae lah awm hoeh na maw. Maimouh ni raen e vaiyei teh Khrih tak hmawngkhai e nahoehmaw.

¹⁷ Vaiyei phen buet touh dueng ao dawkvah moikapap e maimouh teh tak buet touh lah o awh. Bangkongtetpawiteh maimouh pueng ni buet touh dueng e vaiyei hah hmawng awh.

¹⁸ Isarel taminaw khenhaw! sathei ka cat e naw teh thuengnae khoungroe hoi kâkuen e lah awm hoeh maw.

¹⁹ Telah ka ti nah bang ne ka dei ngai. Meikaphawk thoseh, sathei thoseh, hetnaw heh alawkpui lah ao telah ka dei ngainae na ou.

²⁰ Ka deingainae nahoeh. Jentelnaw ni thuengnae teh Cathut koe a thueng awh e laipalah, kahraituilinaw koe thueng e lah ao dawkvah, nangmouh teh kahrhai hoi hmawng hane na ngaikhai awh hoeh.

²¹ Nangmouh teh Bawipa e manang na net awh pawiteh, kahraituilinaw e manang na net thai hoeh. Bawipa e caboï na hmawng pawiteh, kahraituilinaw e caboï na hmawng thai hoeh.

²² Bawipa lungkhuek nahan boma na sak a va. Maimouh teh Bawipa hlak bahu tawn awh maw.

Kayuemnaw hloutnae

²³ Hno pueng sak thai, hatei bangpueng sak han kawi nahoeh. Hno pueng sak thai e lah ao, hatei hno pueng rounгнаe lah awm hoeh.

²⁴ Ma hawinae dueng apihai tawng hanh naseh. Tami pueng ayânaw hanelah hawinae tawng awh naseh.

²⁵ Hnoyonaе koe a yo awh e moi pueng heh thoe hawi panuenaе lahoi pacipali pacei laipalah cat awh.

²⁶ Bangkongtetpawiteh, talai hoi talai dawк e hnopai pueng teh Cathut e seng doeh.

²⁷ Ka yuem hoeh naw ni na kaw awh pawiteh, nang hai cei hane na ngai pawiteh, a pátoum e pueng pacipali pacei laipalah cat awh.

²⁸ Hatei hete teh, meikaphawk hmalah thueng e sathei moi doeh telah buetbuet touh ni tetpawiteh, hottelah ka tet e a lung thoung nahanlah cat pouh hanh.

²⁹ Lung thoung ka ti navah nangmae lung ka deingainae na hoeh. Ayâ e lung doeh ka dei. Kaie hloutnae hah bangkongmaw ayânaw e thoe hawi panuenaе hoi akungkhei lah khuet ao han vaw.

³⁰ Lunghawi lawk deinae lahoi kai ni ka hno pawiteh, kai ni lunghawi lawk ka deinae hah bangkong a dudam a vaw.

³¹ Na canei hai, bang patet e hno na sak hai Cathut a Bawilen nahan sak awh.

³² Taminaw rungngang lah ao nahan, kai teh ma hawinae dueng ka tawng hoeh, ayânaw hawi nahane doeh ka tawng.

³³ Tami cawngca e ngainae koe lah ka o e patetlah nangmouh hai Judah tami, Jentel tami, Cathut e kawhmoun thung kaawm naw koe tâlaw nahanelah sak laipalah awm awh.

11

Lû huemnae

¹ Kai ni Khrih e nuen ka out e patetlah nangmouh ni hai kaie nuen out van awh.

² Hmaunawngghanaw, bangpueng dawk kai na pouk awh teh, kai ni na cangkhai e naw na tarawi awh dawkvah na oup awh.

³ Tongpa e lû teh Khrih doeh, napui e lû teh tongpa doeh, Khrih e lû teh Cathut doeh tie na panue hane na ngaikhai awh.

⁴ Tongpa ni lû huem laihoi ratoum boi, profet lawk dei boipawiteh amae lû ka bari hoeh e lah ao.

⁵ Napuinaw ni lû huem laipalah ratoum boi, profet lawk dei boipawiteh amae lû ka bari hoeh e lah ao.

⁶ Hatdawkvah napui ni a lû huem hoehpawiteh a sam ngaw naseh. Sam ngaw e kayak pawiteh, a lû huem naseh.

⁷ Tongpa teh Cathut e mei, Cathut e bawilennae lah ao dawkvah a lû huem nahanh seh. Napui teh tongpa bawilennae doeh.

⁸ Tongpa teh, napui dawk hoi ka tâcawt e nahoe. Napui doeh tongpa dawk hoi ka tâcawt.

⁹ Tongpa teh napui hanlah sak e nahoe, napui teh tongpa hanlah sak e doeh.

¹⁰ Hatdawkvah, kalvantaminaw khet lahoi napui ni kâtawwnae mitnout-nae lah a lû huem naseh.

¹¹ Hateiteh, Bawipa dawk tongpa laipalah napui awmhoeh, Napui laipalah tongpa kaawm e na hoeh.

¹² Napui teh, tongpa dawk hoi a kangcung e patetlah tongpa hai napui dawk hoi a kangcung van. Bangpueng hai Cathut dawk hoi doeh a kangcung awh.

¹³ Napui ni lû huem laipalah Cathut koe a ratoum e a kamcu hoi kamcu hoeh e hah namamouh ni pouk a haw.

¹⁴ Talai khosaknae dawkvah tongpa ni sam pâhlung pawiteh amahoima kâbari hoeh e doeh.

¹⁵ Napui ni sam pâhlung pawiteh, ama a bawilennae lah ao, napui e a sam teh a kâhuemnae lah ao.

¹⁶ Hatei, buetbuet touh ni na oun pawiteh, maimouh dawk hai, Cathut e kawhmounnaw dawk hai hot patetlah e phung awmhoeh.

Bawipa e tangminbu

¹⁷ Na kamkhueng awh navah, hawinae koe hlak, thoenae koe lah a paphnawn dawkvah kai ni na oup awh hoeh.

¹⁸ A pasuek lah, kawhmoun thung na kamkhueng awh navah buet touh hoi buet touh na kâkapek awh tie ka thai.

¹⁹ Ka thai e patetlah atang han doeh. Bangkongtetpawiteh, tami kahawinaw a kamnué nahanlah kâkapeknae ao han.

²⁰ Rei na kamkhueng awh navah Bawipa e pawî hmawng hanlah na kamkhueng a hoeh.

²¹ Na canei awh nah na kâring awh laipalah, na canei awh, tami tangawn a vonhlam, tami tangawn teh khak na ca awh.

²² Na canei nahan im na tawn awh hoeh na maw. Cathut e kawhmoun na dudam awh teh, karoedengnaw na kaya sak awh. Bangtelane bout dei han. Hete dawk kai ni na oup a han namaw. Na oup a mâhoeh.

²³ Bangkongtetpawiteh, Bawipa koehoi ka coe e doeh na dei pouh awh. A pahnawt awh hnin tangmin vah Bawipa Jisuh ni, vaiyei a la teh,

²⁴ lunghawi lawk a dei hnukkhu, vaiyei a raen teh, hete vaiyei teh, nangmouh han ka raen e ka tak doeh, lat a nateh cat awh. Kai na pahnim awh hoeh nahanlah hettelah sak awh atipouh.

²⁵ Hot patetvanlah, tangmin bu a ca awh hnukkhu manang bout a la teh, hete manang teh ka thi hoi ka caksak e lawkkam katha doeh. Hete manang na nei awh nah kai na pahnim hoeh nahan net haw atipouh.

²⁶ Hatdawkvah, vaiyei na ca awh teh manang na nei awh na tangkuem vah, Bawipa e a duenae hah bout a tho hnin totouh na pathangnae doeh.

Mahoima akungkheinae

²⁷ Bawipa e vaiyei hoi manang kamcu hoeh lah ka catnet e teh, Bawipa e a tak, a thi hah kayonkhai e lah ao.

²⁸ Hatdawkvah, mahoima akung kâkhei hnukkhu vaiyei cat naseh, hot patetvanlah manang hai net naseh.

²⁹ Bangkongtetpawiteh, kamcu hoeh lah ka catnet e teh Bawipa e a tak kapekkaboe thai hoeh dawkvah a lathueng lawkcengnae hoi hmai a canei e lah ao.

³⁰ Hat kecu dawk nan ou, a tha kayoun, kapatawnaw moi na o awh. Kadout e naw hai moi na o awh.

³¹ Hmaloe mahoima akung ka khei pawiteh, lawkcengnae dawk hoi hlout awh han.

³² Lawkcengnae kâhmo awh navah, talaivan hoi yonphukhangnae koehoi hlout thai awh nahan Bawipa koe hoi e yuenae kâhmo awh.

³³ Hatdawkvah, hmaunawngghanaw, canei hanelah na kamkhueng awh navah kâring awh.

³⁴ Na kamkhueng awh navah, buetbuet touh teh a von la hlam pawiteh, yon lawkceng e lah na o awh hoeh nahanelah, ahni teh ama im cat naseh. Aloukenaw teh ka tho torei bout ka dei han toe.

12

Muitha poehno alouklouk

¹ Hmaunawngghanaw, Muitha poehnonaw panue sak hane na ngaikhai awh.

² Nangmouh teh Cathut na panue awh hoehnahlan vah, Jentel lah na o awh, bang lawk hai ka dei thai hoeh e meikaphawk koe lah lam na phen awh tie na panue awh.

³ Hatdawkvah, apihai Cathut e Muitha lahoi Jisuh teh thoebo lah awmseh tet mahoeh. Hot patetvanlah apinihai Kathoung Muitha laipateh, Jisuh teh Bawi doeh tet thai mahoeh.

⁴ Poehnonaw alouklouk ao ei, Muitha teh buet touh doeh.

⁵ Thaw tawknae alouklouk ei, Bawipa teh buet touh doeh.

⁶ Hnosaknae alouklouk ei, Cathut ni doeh tami pueng dawk thaw a tawk.

⁷ Hatei, tami kapap hawi nahanelah, Kathoung Muitha hah tami tangkuem koe kancengcalah a poe.

⁸ Tami buet touh koe Kathoung Muitha lahoi lungangnae lawk a poe. Hote Muitha ni alouke tami buet touh koe pheng nout thainae a poe.

⁹ Hote Muitha lahoi alouke tami buet touh koe yuemnae a poe. Hote Muitha lahoi alouke tami buet touh koe patawnae roum sakthainae poehno a poe.

¹⁰ Alouke tami buet touh koe kângairuhno sakthainae a poe. Alouke tami buet touh koe sutdeilawk, alouke tami buet touh koe muithanaw kapek teh panuethainae a poe. Alouke tami buet touh koe alouk lawkpanthainae, alouke tami buet touh koe hote alouk lawk tâhlat thainae a poe.

11 Hetnaw pueng Kathoung Muitha buet touh dueng e a thaw tawknae lah ao. Ama ni a ngai e patetlah hote thaw hah tami buetbuet tangkuem koe a rei teh a poe.

Tak buet touh dawk puengcang kapap ao.

12 Hatdawkvah, tak buet touh dueng ei, puengcang moikapap ao. Puengcang moikapap e ni tak buet touh lah ao sak e patetlah Khrih hai ao.

13 Bangkongtetpawiteh, maimouh pueng heh Muitha buet touh ni doeh tak buet touh thung Baptisma na poe awh. Judah hai Jentel hai san hai ka hlout e hai, maimouh pueng teh Muitha buet touh doeh nei awh.

14 Tak teh puengcang buet touh dueng kaawm e nahoe, moikapap ao.

15 Khok ni kai teh kut lah ka o hoe, daw, tak daw, ka bet hoe, tetpawiteh hottelah ati daw, tak daw, ka bet katang hoe na maw.

16 Hnâ ni kai teh mit lah ka o hoe, daw, tak daw, ka bet hoe, tetpawiteh hottelah ati daw, tak daw, ka bet katang hoe namaw.

17 Tak heh mit lah koug awm pawiteh, bang ni maw lawk a thai han. Tak heh hnâ lah koug awm pawiteh, bang ni ne a hmui a pahnuap han.

18 Hatei, Cathut ni tak daw e a puengcangnaw hah ama ni a ngainae hmuen koe koug a hruek.

19 Tak e a puengcangnaw buet touh lah koug awm pawiteh, tak teh nâne ao han toung.

20 Hatdawkvah, puengcang moiapap ei, tak buet touh doeh.

21 Mit ni kut koe, mit nang na panki hoe tet thai pouh hoe, lû ni khok koe, lû nang na panki hoe tet thai pouh hoe.

22 Hothloilah, tha hoe ka youn e puengcangnaw hah, hoe panki e puengcang lah ao.

23 Hahoi, barinae kaawm hoe e puengcangnaw hah kalenhnawn e barinae a coe awh.

24 Ka talue tangcung e naw ni teh alouke barinae hah ngai awh hoe toe.

25 Tak daw kâkapeknae awm laipalah, puengcang buet touh hoi buet touh sue touh lah a pouk thai awh nahan telah a sak.

26 Tak daw e a puengcang buet touh runae kâhmo pawiteh, alouknaw ni hai runae a khangkhai van, puengcang buet touh bari pawiteh alouknaw pueng ni a konawm khai van awh.

27 Nangmouh teh Khrih e a tak lah na o awh, lengkaleng a puengcang lah na o awh.

28 Kawhmoun thungvah Cathut ni gunceinaw apasuek a kaw. Apâhni lah profetnaw, apâthum lah kacangkhaihaw, hathnukkhu kângairuhno kasakhainaw, hahoi teh patawnae ka roum sakthainaw, kabawmthainaw, ukthainaw, alouk lawk kapekthainaw hah a poe.

29 Abuemlahoi guncei lah koug ao maw, kaawm e pueng ni profet lah be o a maw. Maimouh pueng teh kacangkhaikung lah be o a maw. Maimouh pueng teh kângairuhno koug sak thai a maw.

30 Maimouh pueng ni patawnae roum sakthainae poehno koug tawn a maw. Maimouh pueng ni alouk lawk be pan thai a maw. Maimouh pueng ni alouk lawk be tâhlat thai a maw.

31 Nangmouh ni kahawipoung poehnonaw na ngai awh dawkvah, kahawihloe e lamthung na patûe awh han rah.

13

Ka talue poung e lungpatawnae

¹ Kai teh tami lawk hoi kalvantaminaw e lawk koung kapan thai nakunghai lungpatawnae ka tawn hoehpawiteh ka cai e mongka lawk hoi khawng na dueng kacai e Cecak lawk patetlah doeh ka o.

² Kai ni sutdeilawk poehno ka tawn niteh, hrolawk pueng hoi thouthainae aphunphun ka thoun nakunghai thoseh, monnaw tahrueet thainae totouh e yuemnae ka tawn nakunghai thoseh, lungpatawnae ka tawn hoehpawiteh ayawmyin doeh.

³ Ayâ ka paca ni teh ka tawn hno pueng karoedengnaw ka poe hloilah, ka tak hmaisawi totouh ka poe nakunghai, lungpatawnae ka tawn hoehpawiteh kai dawk aphu awm hoeh

⁴ Lungpatawnae teh a lungsaw, lungpatawnae teh kahawi hno a sak, lungpatawnae teh kâoup hoeh, lungthin poan hoeh.

⁵ A nuen mathout hoeh, kâkaram hoeh, a lungkhuek hoeh, yonnae pâkuem hoeh,

⁶ kamsoumhoeh e hno dawk konawm hoeh, lawkkatang dawk doeh a konawm.

⁷ Hno cawngca a ramuk thai. Hno cawngca a yuem, hnocawngca a ngaihawi, hnocawngca a panguiep.

⁸ Lungpatawnae teh nâtuék hai pout ma hoeh. Profet lawk pan thainae teh a pout han, alouke lawk dei thainae teh a roum han, thouthainae hai ka hmat han.

⁹ Atuvah maimouh teh ka kuep hoeh lah panue awh. Profet lahoi ka kuep hoeh lah pâpho awh. Kuepnae koe pha awh toteh ka kuep hoeh e naw pueng a kahma han.

¹⁰ Kuepnae koe a pha toteh, Ka kuep hoeh e pueng a pout han,

¹¹ Camo lah ka o nah, camo lawk lah ka dei, camo patetlah ka pouk, camo patetlah ka panue. Ka cue toteh camonae naw ka ceitakhai .

¹² Atuteh maimouh ni hlalang dawk ka khen e patetlah doeh o awh rah. Hat toteh, minhmai rek kâhmu han toe. Atuteh ka panuena kuepcing hoeh. Hat toteh, ayânaw ni kai na panue e patetlah ka panue han toe.

¹³ Atuvah, yuemnae, ngaihawinae, lungpatawnae hetnaw ao. Hote kathum touh thung dawk lungpatawnae teh a lenpoung.

14

Ka talue e Muitha thaw tawknae

¹ Lungpatawnae pâlei awh. Muitha poehnonaw hroung na ngai awh dawkvah, profet lawkdeithainae hoe ngainae tawn a haw.

² Bangkongtetpawiteh, alouke lawk kapan e ni tami koe pan hoeh, Cathut koe doeh a pan, apinihai panuek hoeh, hrolawk naw muitha lahoi doeh a pan.

³ Hatei lawk ka pâpho e niteh, rounng saknae, tha poena, lungmawng nahanelah taminaw koe a pâpho.

⁴ Alouke lawk kapan e ni teh ama dueng doeh a rounng sak. Profet lawk ka pâpho e ni teh kawhmoun a rounng sak.

⁵ Nangmouh pueng alouke lawk kounng pan sak hanlah na ngaikhai awh. Profet lawk dei hanelah hoe na ngaikhai awh. Bangkongtetpawiteh, alouke lawk kapan e tami teh kawhmoun a rounng nahan deicainae tawn hoehpawiteh, ahni hlak profet lawk ka pâpho e aphu o hnawn.

⁶ Hmaunawngghanaw, kai nangmouh koe ka tho teh alouke lawk hoi ka dei nakunghai, lawk tâhlatnae, lungang pátunae, profet lawk deicainae, cangkhaïnae buetbuet touh sak laipalah bangmaw aphu kaawm.

⁷ Hot patetlah doeh, ka cairing e ratoung tamawi, vovitnaw teh kamceng lah a lawk tâcawt sak hoehpawiteh ratoung lawk vovit lawknaw bangtelamaw panue thai han vaw.

⁸ Mongka hai a lamthung lah ueng hoehpawiteh, taran tuk hanelah apimaw kârokueng han vaw.

⁹ Hot patetvanlah, thai panuek e lawk na dei hoehpawiteh, na dei e lawk bangtelamaw panue thai han. Kahlî koe kapan e patet la doeh awm tih.

¹⁰ Talaivan lawk a cawngca ao. Lawk pueng deingainae koung ao. Thai panuek hoeh e buet touh hai awm hoeh.

¹¹ Lawk hah tâhlat hoehpawiteh, kadeikung koe kai teh tamipathu lah doeh ka o. Kadeikung hai kai koe tamipathu lah doeh ao van.

¹² Hatdawkvah, nangmouh Muitha koe lae poehnonaw coe han hoe na ngai awh dawkvah, kawhmoun ka rounng sak hane muitha poehnonaw hah hoe ka kuepcing lah hmu hanelah panki awh.

¹³ Hatdawkvah alouke lawk kapan e ni a deicai thai nahan ratoum naseh.

¹⁴ Bangkongtetpawiteh, alouke lawk hoi ka ratoum pawiteh, ka muitha ni a ratoum ei nakunghai ka panuenae koe hawinae poe hoeh.

¹⁵ Bangtelah ne ti han. Lungthin hoi muitha hoi ratoum han. Lungthin hoi muitha hoi pholen han.

¹⁶ Hoehpawiteh nang ni muitha hoi na pholen navah, ka thoum hoeh e niyah nange lawk a thai panuek hoeh dawkvah, lunghawî pholennae dawk bangtelamaw, Amen ati thai han.

¹⁷ Nang teh lunglawk kahawicalah na dei thai ei, alouke tami hanelah ahawinae awm hoeh.

¹⁸ Nangmouh hlak, alouke lawk lahoi moikapap ka dei dawk Cathut e lungmanae ka pholen,

¹⁹ Hatei, kawhmoun thung alouke lawk thong hra ka dei thai e hlak, alouknaw cangkhai hanelah lawklung panga touh panuenae hoi dei thainae ka tawn e hoe ka ngai.

²⁰ Hmaunawngghanaw, kho pouknae camo lah awm a hanh, kahawî-hoehe hno dawk camo lah awm awh, panuenae koe lah kacue e lah awm awh.

²¹ Cakathoung dawk thut e patetlah alouke lai, alouke pahni hoi hete mipun koe ka dei han, hat nakunghai ahnimouh ni thai ngai awh mahoehtelah BAWIPA ni a ti.

²² Hatdawkvah alouke lawknaw teh, kayuemnaw han mitnout lah awm hoeh. Kayuemhoehnaw hane mitnout lah ao. Profet lawk deinae, kayuemhoehnaw hane nahoehtelah. Kayuemnaw hane la doeh.

²³ Kawhmoun thung cungtalah a kamkhueng nah, alouke lawk hoi a dei awh navah, ka yuem hoeh e, lawk ka panuek hoeh e kâen pawiteh, kapathunaw ati a han nahoehtelah.

²⁴ Nangmouh ni lawk na pâpho awh navah, ka yuem hoeh e lawk ka panuek hoeh e tami kâen pawiteh, ahnimouh hah nangmouh ni kahawicalah na dei pouh e lahoi, tamikayon lah ka o tie a kâpanue han.

²⁵ Ahnimae lungthin dawk kamphawng hoeh e naw bout a kamphawng vaiteh, a tabo lahoi Cathut a bawk han. Cathut teh nangmouh koe ao katang telah a kampangkhai han.

²⁶ Hmaunawngghanaw, na kamkhueng awh toteh, Sam la ka sak ngai e, ka cangkhai ngai e, alouke lawk kapan ngai e, pâpho lawk ka dei ngai e, ka deicai thai e lengkaleng na o awh dawk, bangpuengpa kawhmoun a roun nahanlah sak awh.

²⁷ Alouke lawk kapan e tami awm pawiteh, kahni touh nakunghai, kathum touh nakunghai, kapap poung lah kathum touh ni buet touh hnukkhu buet touh ni a dei han, hatnavah buet touh ni dei ngainae kamnuek sak seh.

²⁸ Ka dei cai e tami awm hoehpawiteh, kadeikung teh, kawhmoun thung lawkkamuem lah awm naseh, ama hoi Cathut rahak dueng pan naseh.

²⁹ Profet kahni kathum touh ni a dei e hah alouknaw ni kahawicalah noumcai awh naseh.

³⁰ Ka tahung e tami koe buetbuet touh kâpâpho pawiteh, hmaloe ka dei e teh lawkkamuem lah duem awm naseh.

³¹ Bangkongtetpawiteh, tami pueng kamtu hanelah thoseh, tami pueng teh lungmawng nahanelah thoseh, nangmouh pueng teh patuen patuen lawk na pâpho thai awh.

³² Profetnaw hai, amamae lungthin muitha a kâcakupep thai awh.

³³ Cathut teh kâponae ka sak e doeh. Tami kathoung naw e kawhmoun-naw thungvah kâponae lah kaawm e Cathut doeh.

³⁴ Napuinaw kawhmounnaw thung lawkkamuem lah awmseh. Ahni-mouh dei thainae kâ tawn awh hoeh. Phung lawk ni a dei e patetlah ahnimouh teh tongpa uknae rahim awm naseh.

³⁵ Yunaw buetbuet touh kamtu han ngai awh pawiteh, im vah a vanaw koe pacei naseh. Yu ni kawhmoun dawk lawk dei pawiteh yeirai pui doeh.

³⁶ Cathut e a lawk nangmouh koehoi maw a tâco. Nahoeh pawiteh nangmouh koe ka phat e na ou.

³⁷ Kai ni nangmouh koe na poe e lawknaw heh Bawipa e kâpoelawk doeh tie hah, profet lah kaawm e, muitha poehno ka coe e ni teh oe tet naseh, panuek hoehpawiteh a panue hoeh e patetlah awm naseh.

³⁸ Lawk racuinae lah, hmaunawngghanaw nangmouh profet lawk dei han ngainae kalenpoung tawn a loe.

³⁹ Alouke lawk lahoi pâphona e hai cakâ pouh hanh awh.

⁴⁰ Hno cawngca a lamthung patetlah kamcu lah sak hanelah ao.

15

Kamthang lawk kahawi

¹ Hmaunawngghanaw, nangmouh koe ka pâpho awh e kamthang kahawi, nangmouh ni na coe awh teh na kangduekhai awh e, bout panue sak hanelah na ngaikhai awh.

² Nangmouh koe ka pâpho e lawk heh, kacaklah na kuen awh pawiteh, hote kamthang kahawi lahoi nangmouh rungngang e lah na o awh.

³ Kai kama ni ka coe e patetlah nangmouh koe ahmaloe na poe awh e teh Cakathoung ni a dei e patetlah Khrih teh maimouh yon kecu dawka a due toe.

⁴ Pakawp hnukkhu Cakathoung ni a dei e patetlah apâthum hnin bout a thaw toe.

⁵ Cephas ni Bawipa a hmu hnukkhu, hlaikahni touh e naw ni hai a hmu awh.

⁶ Hathnukkhu, hmaunawngaha cum panga touh hlai koe bout a kamphawng pouh. Ahnimouh thung dawk a tangawn teh atu sittouh a hring aw hah rah. A tangawn naw teh a i aw h toe.

⁷ Hat hoi, Jem koe a kamnue.

⁸ Hathnukkhu gunceinaw pueng koe a kamphawng pouh. A hnuktengpoung thapa kuep laipalah ka khe e patetlah kaawm e kai koehai a kamnue van.

⁹ Kai heh, alouke gunceinaw thung dawk kathoengpoung lah ka o teh, Cathut e kawhmoun ka pacekpahlek dawk, guncei ti hanelah kamcu hoeh.

¹⁰ Hatei Cathut e lungmanae lahoi, kai teh kai lah ka o. Ka coe e a lungmanae hai ayawmyin ka coe hoeh. Hatdawkvah, alouke gunceinaw pueng hlak kai hoe kâyawmnae ka tawn. Hatei kai nahoe. Kai daw kkaawm e Cathut lungmanae hoi doeh.

¹¹ Kai ni hai ahnimouh ni hai het doeh a pâpho aw h. Het doeh ka yuem aw h.

Bouthawnae

¹² Khrih teh duenae koehoi bout a thaw toe tie ka pâpho tounge pawiteh, bangtelamaw a tangawn ni duenae koehoi bouthawnae awmhoeh na ti aw h waw.

¹³ Duenae koehoi bouthawnae awmhoeh pawiteh, Khrih hai duenae koehoi thaw van mahoe.

¹⁴ Khrih teh duenae koehoi bout thaw hoehpawiteh, kaimouh ni ka pâpho e ahrawnghrang lah awm vaiteh, nangmouh ni na yuemnae hai ahrawnghrang han doeh.

¹⁵ Hothloilah kaimouh teh Cathut e thaw daw kamsoumhoeh e kapanuekkhaikung lah doeh kaawm aw h tih. Cathut ni kadout tangcounghawng bout thaw sak hoehpawiteh, Cathut ni a thaw sak hoeh e Khrih hah Cathut ni a thaw sak toe telah laithoe ka dei e lah doeh awm aw h tih.

¹⁶ Bangtelah tetpawiteh, kadoutnaw bouthawnae awmhoeh pawiteh, Cathut ni Khrih hai thaw sak mahoe.

¹⁷ Khrih duenae koehoi bout thaw hoehpawiteh, nangmae yuemnae teh banglahai tho hoeh. Yonnae a rahim doeh na o a rah.

¹⁸ Telah pawiteh Khrih thung kaip tangcounghawng hai kahmakata aw h toe.

¹⁹ Atu hring nahane dueng, Khrih thung ngaihawinae tawn pawiteh, tami pueng hlak pahren ka tho poung la doeh o aw h.

²⁰ Atuteh Khrih duenae koehoi a thaw katang tounge daw kkaipnaw thung daw k aluepaw lah ao.

²¹ Hatdawkvah duenae teh tami buet touh koehoi a tho, bouthawnae hai tami buet touh daw k hoi a tho van,

²² Tami pueng Adam daw k hoi duenae koe pha aw h e patetlah tami pueng Khrih thung hoi bout hringnae koe pha aw h han.

²³ Hatei a taminaw pueng amamae atueng a pha torei a thaw aw h han. Khrih teh aluepaw doeh. Hathnukkhu Khrih a tho toteh a taminaw bout thaw aw h han.

²⁴ Hathnukkhu a poutnae teh a pha han. Hattoteh Khrih ni uknae pueng, kâtaawmnae pueng, hoi bahu pueng apout sak vaiteh, Cathut uknaeram hah Na pa koe a poe han.

²⁵ A tarannaw pueng a khok rahim a hruet hoehroukrak Khrih ni a uk han.

²⁶ A hnuktengpoung e taran tie duenae teh poutnae koe ka phat han.

²⁷ Hno cawngca tami Capa e khok rahim a hruek toe telah Cakathoung dawk thut lah ao. Hno cawngca a khok rahim a hruek ti navah, hnocawngca khok rahim kahruengkung ama teh bawk hoeh tie a kanceng.

²⁸ Hetnaw be a sak hnukkhu Cathut teh a cawngca dawk a cawngca lah ao thai nahan, hnocawngca pueng hah tami Capa e khok rahim ka tat pouh kung e uknae rahim vah Capa ma roeroe hai ao han.

²⁹ Kadout tangcounnaw boutthawnae khoeroe awmhoeh pawiteh, kadoutnaw e yueng lah baptisma ka coe naw bangtelamaw ti han toung. Kadoutnaw e yueng lah bangkongmaw baptisma a coe a vaw.

³⁰ Maimouh hai bangkongmaw hnintangkuem runae kâhmo a vaw.

³¹ Hmaunawngnanaw maimae Bawipa Khrih Jisuh thung nangmouh kecu ka coe e kâoupnae lahoi hnintangkuem ka due telah ka dei.

³² Kadoutnaw boutthawnae awm hoehpawiteh, Efisa kho tami pouknae sarang taki ka tho poung hoi kâtuknae hai kai hanlah bangmaw apu kaawm. Cat awh sei, net awh sei, tangtho due a han toe.

³³ Alouklah pouk awh hanh. Tami kahawihoehnaw hoi kamyawngnae lahoi nuen kahawi a rawk thai.

³⁴ Lanna koe lah yongvak awh haw. Yonnae sak awh hanh. Taminaw tangawn teh Cathut panuek a hoeh. Hottelah ka ti nah nangmouh kaya nahanelah doeh ka dei.

Boutthawnae tak

³⁵ Tami tangawn ni, bangtelamaw tami kadout tangcoun e bout a thaw han. Bangpatetlae tak hoi maw a thaw han telah na pacei thai.

³⁶ Na pathu maw. Na patûe e cati ni dout hoehpawiteh hring mahoeh.

³⁷ Na patûe nah a kung na patûe hoeh. Catun nakunghai, cang nakunghai, a mu roeroe doeh na patûe awh.

³⁸ Cathut ni a ngainae patetlah a kung a paw sak. Cati pueng hai amamouh phun patetlah a kung a paw sak.

³⁹ Moi pueng koug kâvan hoeh. Tami moi alouk, moithangnaw e moi alouk, tanga moi alouk, tava moi alouk, alouklouk lah ao awh.

⁴⁰ Kalvan tak ao teh talai tak hai ao. Hatei, kalvan tak e bawilenna phun louk, talai e bawilenna hai phun louk lah ao.

⁴¹ Kaní e bawilenna alouk, thapa e bawilenna alouk, âsi e bawilenna alouk, alouklouk lah doeh ao awh. Âsi buet touh rip e a bawilenna hai kâvan hoeh.

⁴² Hot patetvanlah kadoutnaw e boutthawnae teh ao. Tak teh patûe navah ka pawk thai e lah ao. Thaw toteh ka pawk thai hoeh e lah bout a thaw han.

⁴³ Patûe navah bari awm hoeh. Bout thaw toteh a bawilen. Patûe navah tha a youn, bout thaw toteh bahu a o.

⁴⁴ Pakawp navah talai tak lah a o, bout thaw toteh muitha tak lah ao. Talai tak alouk, muitha tak alouklah ao.

⁴⁵ Cakathoung ni, apasueke tami Adam teh kahring e lah ao. A hnukteng e Adam teh kahringsakkung Muitha doeh.

⁴⁶ Muitha tak ahmaloe awmhoeh. Talai tak hmaloe ao. Hathnukkhu muitha tak ao.

⁴⁷ Ahmaloe e tami teh vaiphu hoi sak e talai tami doeh. Apâhni e tami teh kalvan kho hoi ka tho e Bawipa doeh.

⁴⁸ Vaiphu hoi sak e tami teh hote vaiphu tami patetlah ao awh. Kalvanlae taminaw teh hote kalvanlae tami patetlah ao awh han.

⁴⁹ Maimouh teh vaiphu tami e meilam sin e patetlah kalvanlae meilam hai sin van awh han.

Boutthawnae dawk tânae

⁵⁰ Hmaunawngghanaw, thi hoi tak ni Cathut uknaeram coe thai mahoe. Ka pawk thai e ni ka pawk thai hoeh e coe thai van mahoe.

⁵¹ Hrolaw na dei pouh han, maimouh pueng koug ip a mahoe.

⁵² Hatei, a hnukteng e mongka ueng torei teh, tawkkadeka dawk maimouh pueng teh mitpalap vah koug kâthung awh han. Mongka ueng lawk thai toteh kadout tangcounghaw ka pawk thai hoeh e lah a thaw awh han. Maimouh pueng hai koug kâthung awh han.

⁵³ Atu ka pawk thai e ni ka pawk thai hoeh e a khohna han. Kadout thai e ni kadout thai hoeh e a kâmahrawk han.

⁵⁴ Ka pawk thai e ni ka pawk thai hoeh e lah, kadout thai e ni kadout thai hoeh e a kâmahrawk toteh, duenae teh tânae ni a payawp toe telah Cakathoung ni a dei e a kuep han.

⁵⁵ Oe duenae nange sue teh nâ ne. Oe phuen, nange tânae teh nâne ao.

⁵⁶ Duenae sue teh yon doeh. Yon thaonae teh kâlawk doeh.

⁵⁷ Maimae Bawipa Jisuh Khrih dawk hoi, maimouh tânae na ka poe kung, Cathut teh pholen awh.

⁵⁸ Hatdawkvah, ka pahren e hmaunawngghanaw, Cathut thaw na tawk awh e aphu a talue poung tie na panue awh dawkvah, na lungcak sak awh. Rawm laipalah Cathut e thaw dawk thapatho nateh panki awh.

16

Jerusalem kawhmoun hanlah poenae

¹ Tami kathoungnaw han pasoumhno na patung e dawkvah Galati ram e kawhmounnaw lawk ka thui e patetlah nangmouh sak van a loe.

² Kai ka tho nah, bout cawng toung laipalah, hnin sari touh dawk apasuek hnintangkuem vah namamouh ni yawhawi na coe awh e patetlah na hnopai sut pâkhueng awh.

³ Kai ka tho torei, na ngai awh e tami koe, ca ka thut vaiteh nangmae poehno Jerusalem kho thak sak hanelah ka patoun han.

⁴ Kai hai cei hanelah awm pawiteh ahnimouh hoi rei ka cei han.

Pawl kahlawng ceinae

⁵ Masidonia ram lahoi nangmouh koe ka tho han, bangkongtetpawiteh, Masidonia ram lahoi doeh ka cei han.

⁶ Nangmouh koe dawngdeng ka o han rah. Kasik thapa thung teh nangmouh koe ka o han mue. Nangmouh ni na thak awh han doeh telah ka pouk.

⁷ Atu dueng nangmouh na hmu hanelah ka ngai e nahoe. Bawipa ni atueng na poe pawiteh nangmouh hoi ka saw lah ka o hane ka ngaihawi.

⁸ Pentikos hnin totouh Efisa kho ka o han.

⁹ Bangkongtetpawiteh, aphu kaawm poung e thaw ka tawk thai nahanlah kai hanlah takhang paawng lah ao. Hatei na ka ngang e taminaw hai ao.

¹⁰ Timote nangmouh koe tho pawiteh, takinae a tawn hoeh nahan, ghenyawn awh. Ahni hai kai patetlah Bawipa e thaw doeh a tawk.

¹¹ Api nang ni hai hnepnaw awh hanh. Kai koe bout a pha thai nahan kahawicalah thak awh. Ahni hoi hmaunawnggha alouknaw kai ni ka ngaihawi han.

¹² Ka nawngnga Apollos teh, hmaunawngghanaw, hoi nangmouh koe cei hanelah, pasawt laihoi ka dei pouh ei, atu cei hanelah khoeroe ngaihoeh. Hmalah kâvoe pawiteh a cei han doeh.

Ahnoungpoung thapoenaë

¹³ Kâhruetcuët lahoi ring aw. Yuemnae dawc kacaklah kangdout aw. Tongpa katang lah awm aw. Na thasai sak aw.

¹⁴ Bang hno na sak e pueng lungpatawnae lahoi sak aw.

¹⁵ Hmaunawngghanaw, Stiven imthung teh Akhaia ram thung dawc aluepaw lah ao teh, tami kathoungnaw e thaw tawknae dawc a kâhmoun e hah na panue aw.

¹⁶ Ahnimanaw e uknae hai thoseh, kaimouh hoi thaw rei ka tawc e tami pueng e uknae hai thoseh na panue aw nahanlah ka kâhei.

¹⁷ Stiven, Fortunatas, Akhaikas tinaw a tho aw dawkvah ka lunghawi.

¹⁸ Bangkongtetpawiteh, nangmouh ni na khetyawt aw teh, kuepcing hoeh rae naw, bout na kuep sak aw dawkvah, kai hoi nangmae lung tha a dam sak aw toe. Hot patetlah e taminaw hah dâw aw.

¹⁹ Asia ram e kawhmounnaw ni nangmouh kut na man aw. Aquila hoi Priscilla ni ama im kaawm e kawhmoun hoi Bawipa dawc nangmouh pueng kut na man aw.

²⁰ Hmaunawngnga pueng ni kut na man aw. Buet touh hoi buet touh kathoung kâpaconae lahoi kut kâman aw.

²¹ Kai Pawl ni kut mannae ca hah ka kut hoi ka thut.

²² Apihai Bawipa Jisuh Khrih lungpataw hoeh pawiteh, ahni teh thoebo lah awmseh. Oe! Bawipa tho leih.

²³ Maimae Bawipa Jisuh Khrih e lungmanae teh nangmouh koe awm lawiseh.

²⁴ Kaie lungpatawnae teh Khrih Jisuh thung kaawm e nangmouh pueng koe awm lawiseh. Amen.

2 KAWRIN (The Second Epistle of Paul to the Corinthians)

Lawk karouknae

¹ Kai Pawl, Cathut ngainae lahoi Jisuh Khrih e guncei lah kaawm e, hoi ka nawngha Timote ni Kawrin kho kaawm e Cathut e kawhmoun hoi Akhaia ram pueng daw kkaawm e tami kathoungnaw koe ca na patawn awh.

² Maimae Pa Cathut koehoi Bawipa Jisuh Khrih koe e lungmanae hoi roumnae teh nangmouh koe awm lawiseh.

Lungpahawikung Cathut

³ Maimae Bawipa Jisuh Khrih e Pa Cathut pahrennae hoi ka kawi e maimae na Pa, kabawmkung Bawi lah kaawm e Cathut teh yawhawinae awm lawiseh.

⁴ Maimouh ni reithainae a phunphun khang awh navah, lung na pahawi awh. Bangkongtetpawiteh maimouh ni coe awh e lungpahawinae hoiyah reithainae aphunphun kakhangnaw hah lungpahawi thai nahane doeh.

⁵ Hote Khrih ni a khang e reithainae teh moipap dawkvah, Khrih kecu daw k maimouh ni coe e lungpahawinae hai moipap van.

⁶ Maimouh ni reithai patang khang awh pawiteh nangmouh lungpahawinae hoi rungngangnae doeh. Kaimouh ni hawinae ka hmu awh e hai nangmouh ni hawinae na hmu awh nahane doeh. Hote hawinae teh kaimouh ni ka hmu e reithainae koe nangmouh ni lungdonae hoi khang thai nahan thaonae lah ao.

⁷ Hatdawkvah nangmouh koe ka ngaihawinae a cak. Bangkongtetpawiteh, nangmouh ni reithai khangnae na phukhai e patetlah ahawinae hai reirei na khangkhai awh, tie ka panue awh.

⁸ Hmaunawngghanaw, Asia ram vah kaimouh koe runae ka phat e hah, nangmouh panuek laipalah o sak han ka ngai hoeh. Kaimouh ni a rucatnae khang thai hoeh totouh ka kâhmo awh daw k hring hane patenghai ngaihawinae awmhoeh.

⁹ Kaimouh due han totouh lawk a tâtueng awh toe telah ka panue. Hatei telah bout onae teh kaimouh ni mahoima kâuepnae tho laipalah kadoutnaw kathâw sakkung, Cathut kângue nahane doeh.

¹⁰ Cathut ni hettelah e taki kaawm e duenae koehoi kaimouh na hlout sak. Hmalah hai bout na hlout sak han telah Bawipa daw k ka ngaihawi.

¹¹ Nangmouh ni hai ratoumnae hoi kaimouh hah na kabawp teh, taminaw e ratoumnae daw k kaimouh ni ka hmu awh e poehnonaw khet navah, taminaw ni kaimae yueng lah lunghawinae lawk a dei awh han.

Kathoung panuenae lungthin

¹² Kaimouh ni kâoup kawi e teh talaivan lungangnae laipalah Cathut e lungmanae daw k Cathut koehoi ka tho e lungthin thoungnae hoi kahring awh e hah lawkpanuesaknae lung ni na panue sak.

¹³ Kaimouh ni nangmouh koe ca ka thut awh navah, nangmouh ni na touk thai hane hoi na thai thai nahane hloilah alouke ka thut hoeh.

¹⁴ Atuvah nangmouh ni kaimouh be na panuek awh hoeh ei, maimae Bawipa Jisuh e hnin nah kaimouh teh nangmouh hanlah kâoupnae lah na o awh e patetlah, nangmouh hai kaimouh hanelah, kâoupnae lah na o awh e hah na panue awh han telah ka ngaihawi.

¹⁵ Hettelah mangkhak katang dawkvah nangmouh teh hawinae bout na coe awh hanlah nangmouh koe ahmaloe ka tho han telah ka kâcai.

¹⁶ Nangmouh koe lah ka cei vaiteh Masidonia ram lah ka cei hnukkhu, haw hoi nangmouh koe ka tho vaiteh, Judah ram totouh nangmouh ni na thak a han telah ka pouknae ao.

¹⁷ Hottelah ka kâcai e heh a vanlong lah ka pouk e maw. Hoe pawiteh talai ngainae dawkvah ka titeh, Oe teh Oe hoi, nahoeh teh nahoeh telah ka tet boi e na maw.

¹⁸ Cathut teh yuemkamcu e patetlah nangmouh koe ka dei awh e lawk teh vai touh daw, bokheiyah hoi, nahoeh telah nahoehmaw.

¹⁹ Kaimouh hoi Silvanas, Timote tinaw ni nangmouh koe ka dei awh e Cathut Capa Jisuh Khrih daw vai touh hoi, Oe hoi Oe nahoeh telah awm laipalah Bawipa daw, Oe telah doeh ao.

²⁰ Hote Bawipa daw Cathut e a lawk kam e naw pueng teh maimouh kecu daw a bawilennae a kamnue nahanlah, Oe telah ati, Amen telah ati.

²¹ Nangmouh hoi kaimouh teh Khrih thung na o sak teh satui kaawikung teh Cathut doeh.

²² Hote Cathut ni maimouh hah tacik na kin teh maimae lungthung vah lawkawm lah Kathoung Muitha na poe toe.

²³ Cathut teh kai kampangkhai e lah ao. Ama ni ka lungthin teh a panue. Kawrin kho lah cei hoeh nahan kho ka pouk teh nangmouh hane malam ka pouk daw doeh.

²⁴ Kaimouh ni nangmae na yuemnae daw kâ ka tawn awh hoeh. Nangmouh ni lunghawi nahanlah nangmouh hoi cungtalah thaw ka tawk awh e doeh. Nangmouh teh yuemnae hoi na kangdue thai awh toe.

2

¹ Hatdawkvah, kai nangmouh koe ka tho navah, nangmouh lungmathoe sak hanelah ka tho hoeh telah lawk ka tâtueng.

² Bangkongtetpawiteh, kai ni nangmouh lung na mathout sak pawiteh, kai kecu daw a lung ka mathout e hloilah, apinimaw kai lung na hawi sak thai han va.

³ Kai ka tho navah, ka lung na kahawi sak e taminaw koe lungmathoena sak hoeh nahanelah ca na patawn e doeh. Kai ka lung hawinae teh, nangmouh na kaawm e naw pueng lunghawinae lah ka tho han telah nangmouh abuemlahoi kâkuen lah kai ka yuem teh ka lung a kuep toe.

⁴ Nangmanaw lungmathoe sak hanlah tho laipalah, nangmouh na tak daw lungpatawnae ka tawn e hah na panue thai nahanelah, lungmathoe, lung reithai, mitphi vailong hoi nangmouh koevah ka thut e doeh.

Ngaithoum lah kaawm e tamikayon

⁵ Lungmathoena katâcawtsakkung ni lungmathoena e tâco sak navah, kai ka tak daw tâco sak e tho laipalah nangmanaw abuemlah daw doeh lung a mathoe sak awh.

⁶ Tami moikapap ni reknae teh, ahni hanelah a khout toe. Ama e a yonnae ngaithoum hane hoiyah,

⁷ lung na pahawi hanelah ao, a lung hloi mathout pawiteh a lungpout langvaih.

⁸ Hat dawkvah nangmanaw ni ahnimouh koe lungpatawnae na kamnue sak nahanelah nangmanaw kai ni na kâ awh.

⁹ Nangmanaw teh bangpueng dawk lawk na ngâi ou, ngai hoeh ou ti panue nahanlah nangmanaw tanouk hanelah hoiyah hote ca teh kai ni na patawn awh e a tho.

¹⁰ Nangmouh na ka ngaithoum e hah kai ni hai ka ngaithoum van. Kai ni buetbuet touh ka ngaithoum pawiteh nangmouh hanelah Jisuh Khrih hmalah ka ngai thoum e doeh.

¹¹ Hoehpawiteh Setan ni na tâ langvaih tie ngaihrinae ao. Maimouh teh ahnie a kâcainae naw hah panue awh.

Masidonia lah a ceinae

¹² Kai teh Khrih kamthang kahawi pâpho hanelah Troas khovah Bawipa ni takhang na paawng pouh eiteh,

¹³ Kahangha Titu ka hmu hoeh dawk ka lung nawm hoeh, ahnimanaw kut kaman hnukkhu, Masidonia ram lah ka ceitakhai.

Due hoi hring rahak thaw tawknae

¹⁴ Maimanaw teh Khrih thung tânae pawu pou to thai nahanelah, hote Bawipa panuena hmuithu hah maimouh lahoi kho tangkuem koe, kâkahei thai nahanelah ka sak pouh e Cathut lungmanaeh teh pholennaeh awm naseh.

¹⁵ A lamthung teh maimouh teh rungngang lahun e naw hoi kahmat e naw koe Cathut hmalah Khrih e hmuithu lah o awh.

¹⁶ Kahmatnaw hanlah duenaeh koe a ka phat sak e duenaeh hmuithu lah ao teh rungngang lah kaawmnaw hanelah teh hringnaeh hmuithu lah ao. Hat boipawiteh hetnaw heh api hoi maw a kamcu.

¹⁷ Cathut e lawk pakhuppathan e taminaw patetlah maimouh ni dei hoeh niteh, Cathut ngainaeh patetlah lungthin kathoung hoi Cathut hmaitung vah Khrih thung pâpho awh.

3

Hringnae na kacoessakkung canaw

¹ Hottelah dei awh navah, mahoima kâphokâlennaeh lah maw o awh han. Hettelah nahoe h pawiteh, maimouh ni alouknaw patetlah ayâ ni lungkuepkhai e, nahoe h pawiteh, nangmouh ni lungkuepkhai e ca hah a panki maw.

² Nangmouh teh kaimaeh lungthung thut lah kaawm e, tamipueng ni a touk awh teh a panue awh e, kaimaeh ca lah na o awh.

³ Nangmouh teh kaimouh ni thut lah kaawm e Khrih e ca lah na o awh tie hah a kamnuh. Hote ca teh cahang hoi thut e nahoe h, kahring e Cathut e Muitha lahoi thut lah ao teh, lungphen dawk laipalah, tami e lungthin dawkvah thut e lah ao.

Pawl e thouthainaeh

⁴ Maimouh ni Cathut hmalah Khrih kecu dawk hoi hot patetlah e yuemnaeh teh tawn awh.

⁵ Hatnavah, maimouh teh mae bahu lahoi ma ngainaeh patetlah hno buetbuet touh pouk teh sak thai e nahoe h. Cathut kâuep laihoi sak thai e doeh.

⁶ Cathut ni maimouh hanlah lawkkam katha e thaw tawk sak thai nahanlah thaonaeh na poe. Hote lawkkam katha teh thut e kâlawk nahoe h, Muitha hah doeh. Thut e kâlawk ni teh duenaeh a tâcokhai. Hatei, Muitha ni teh hringnaeh a thokhai.

Lawkkam katha thaw tawknaeh

⁷ Lungphen dawk thut e duenae hoi kâkuen e kâlawk patenghai yah, bawilennae hoi a tho teh, Mosi e minhmai dawk hoi ka tâcawt e kahmatthaie bawilennae dawkvah Isarelnaw ni ahnie minhmai hah khen thai aw hoh pawiteh,

⁸ Muitha thawtaknae teh banghloine bawilennae hoi hoe a kawi han.

⁹ Hatdawkvah, yonphukhangnae dawk patenghai bawilennae awm pawiteh, lannae thaw daw hane natawng teh banghloimaw hoe bawilennae ao han.

¹⁰ Atanglah, yampa kaawm e bawilennae hah atu e bawilennae ni bang hoh lah a coung sak.

¹¹ Dongdeng hane dawk patenghai bawilennae awm pawiteh, a yungyoe han dawk natawng teh hoe ao han.

¹² Maimouh teh hete ngaihawinae ao dawkvah, taranhawinae hoi tawk aw h.

¹³ Mosi ni angnae a roum hnukkhu, Isarelnaw ni ka minhmai khen langvaih ati teh lukkarei hoi a minhmai a ramuk e patetlah maimouh teh awm aw hoh.

¹⁴ Ahnimae a lungthin teh puenghoi a pata dawkvah sahnin totouh lawkkam karuem touk aw navah, hote lukkarei teh pou a ramuk lah ao aw h. Bangkongtetpawiteh, Khrih lahoi dueng doeh hote lukkarei teh takhoe thai.

¹⁵ Sahnin totouh Mosi e Cakathoung a touk aw navah ahnimae lungthin teh hote minhmai huemnae lukkarei ni a ramuk pouh rah.

¹⁶ Hateiteh, Bawipa koe lah a kamlang aw h toteh, hote minhmai ramuknae lukkarei teh takhoe lah ao han.

¹⁷ Bawipa ti navah Muitha doeh deingai nah. Bawipa e muitha aonae koe hloutnae ao.

¹⁸ Maimouh pueng ni minhmai ramuknae hawng a vaiteh, hlalang kâkhet e patetlah Bawipa e bawilennae heh khet aw h vaiteh, Muitha lawkkam e Bawipa ni raeng a patoun e patetlah a bawilennae daw meilam kâhungnae teh coe aw h.

4

Yuemnae lahoi hringnae

¹ Hatdawkvah, maimouh teh a pahrennae coe e lahoi thaw tawk e lah o aw h dawkvah, ka lungpout a hoh.

² Maimouh ni arulahoi kaya ka tho e hnosakenaw pahnawt aw h. Huenghai awm aw hoh. Cathut lawk hai tami dum nahanlah pâpho a hoh. Lawkkatang doeh kacairocalah pâpho aw h. Hottelah hoi Cathut hmalah, taminaw e thoehawi panuenae lungthin daw mamouh hoi mamouh kannue sak aw h.

³ Maimouh ni pâpho e kamthang kahawi heh, ramuk lah awm pawiteh, rawknae daw kaawm lahun e naw koe doeh ramuk lah awm ti h.

⁴ Ahnimouh hoi ka kâkuen lah dei han tetpawiteh, Cathut e meilam lah kaawm e Khrih e bawilennae hoi kahawi e kamthang kahawi angnae hah, a hmu thai aw hoh nahanlah het talai ka uk e cathut ni kayuemhoehnae a lungmit a dawn sak pouh.

⁵ Bangkongtetpawiteh, maimouh ni mamae kong pâpho a hoh. Khrih teh Bawi lah ao tie pâpho aw h. Kaimouh roeroe heh Khrih hanlah, nangmae san lah ka o aw h.

⁶ Hmonae thungvah, angnae awmseh telah kâ ka poe e Cathut ni Jisuh Khrih minhmai kâ ang e Cathut bawilennae hah, panue thai nahane raeng poe hanelah, maimae lungthin dawk a ang sak toe.

Talai hlaam thung hro e hno

⁷ Hateiteh, a thaonae hno sakthainae teh, maimae nahoeh. Cathut amae lah ao dawkvah, a bahu a kamnué sak. Hote hno teh talai hlaam thung a ta teh maimouh dawk ao.

⁸ Maimanaw teh avoivang lahoi na ka tarawk nakunghai, thayoun aw h hoeh. Kângairunae lah kaawm nakunghai, lungpout aw h hoeh.

⁹ Rektapnae kâhmo nakunghai, hnoun e lah awm aw h hoeh. Rahim lah pabonae kâhmo nakunghai, poutnae koe phat aw h hoeh.

¹⁰ Bawipa Jisuh Khrih teh a hring tie heh, maimae tak dawkvah a kamnué sak hanelah, Khrih e duenae teh pout laipalah maimae tak daw k sin aw h.

¹¹ Bangkongtetpawiteh, Khrih hringnae teh, maimae tak daw k kamnué thai nahanelah, Jisuh kecu daw k maimouh kahring e naw heh duenae kut daw k pout laipalah, poe e lah o aw h.

¹² Hatdawkvah, duenae ni maimouh daw k thaw a taw k teh, hringnae ni nangmouh daw k thaw a taw k.

¹³ Ka yuem daw kvah, ka pâpho telah thut e patetlah yuemnae hoi ka kâkuen e Muitha hah maimouh ni tawn aw h teh, maimouh hai yuem daw kvah pâpho aw h.

¹⁴ Bangkongtetpawiteh, Jisuh ka thaw sak e Cathut ni maimouh hai Jisuh hoi rei na thaw sak teh, nangmouh hoi cungalah a hmalah na thokhai han tie panue aw h.

¹⁵ Hno cawngca pueng teh, nangmouh hane doeh. Hethateh, ahni-manaw koe, lungmanae hoe a pung teh Cathut e bawilennae kamnuésak nahanelah lunghawilawkdeinae teh hoe a kuep.

¹⁶ Hatdawkvah, kaimouh teh lungpout aw h hoeh. Kaimae a lawi lae tami teh, ka kumcathuk nakunghai, thung lae tami teh hnin touh hnukkhu hnin touh sak katha e lah pou ao.

¹⁷ Bangkongtetpawiteh, maimouh ni dongdeng rucatnae khangnae naw ni maimouh hanlah a yungyoe bawilennae lah ao sak.

¹⁸ Hatdawkvah, maimouh teh hmu thai e hno khen aw h hoeh. Hmu thai hoeh e hnonaw doeh khet aw h. Bangkongtetpawiteh hmuthai e hnonaw teh dongdeng ca hanelah ao teh, hmuthaihoeh e hnonaw teh a yungyoe a kangning.

5

Due hnukkhu kâhmo hane

¹ Rim lah kaawm e maimae talai im a ro torei teh, kalvannaw daw k tami kut hoi sak hoeh e, Cathut ni a sak e yungyoe im ao tie hah panue aw h.

² Maimanaw ni talai im daw k o aw h nateh, kalvan im daw k pha hanlah cingou aw h.

³ Hote hmuen koe pha aw h toteh, hmuen tawn laipalah awm a mahoe h.

⁴ Het talai rim daw k o aw h navah, hnokari phu hoi cingou aw h. Hottelah cingounae teh, hote rim hah ceitakhai han ngai daw k nahoeh. Kadout thai e tak heh hringnae koe pha hane hoi kangning e daw k kâen hane ngai daw k doeh.

⁵ Hettelah, na ka rakueng pouh e Bawi teh Kathoung Muitha hah lawkawm lah na ka poe e Cathut doeh.

⁶ Hatdawkvah, maimouh teh pout laipalah yuemnae tawn awh. Hete tak dawk o awh lahun nah Bawipa hoi kâhla awh tie panue awh.

⁷ Bangkongtetpawiteh, maimouh teh mithmu e hno tho laipalah, yuemnae lahoi doeh hring awh.

⁸ Maimouh teh yuem awh toung dawkvah, tak hoi kampek vaiteh Bawipa hoi rei o hanlah hoe ngai awh.

⁹ Hatdawkvah maimouh teh takthai dawk o awh nakunghai, kâhla awh nakunghai, Bawipa ni a ngai e tami lah o awh nahanlah panki awh.

¹⁰ Bangkongtetpawiteh, tak dawk thoe hawi sak e pueng hmu awh nahanelah, maimouh pueng teh Khrih e lawkcengnae tungkhung hma lah toung kamnue awh han.

¹¹ Hatdawkvah, Cathut takinae teh panue awh dawkvah taminaw hah pâhlawp awh. Maimae kong teh Cathut hmalah a kamnue toung dawkvah, nangmae lungthin haiyah a kamnue toe telah ka ngai hawi.

¹² Kaimouh teh kamamouh hoi kamamouh hmalah kâoup awh e nahoe h. Hatei, lungthin khen laipalah, alawilae meilam dueng khet hoi kâoup e taminaw e lawk hah nangmouh ni bout na pathung awh thai nahanlah kaimouh hoi kâkuen lah kâoupnae hmu awh nahanlah doeh nangmouh na poe awh.

¹³ Bangkongtetpawiteh tamipathu lah ka onae teh Cathut hane doeh. Tami lungkaang lah kaawm awh pawiteh nangmouh hane doeh.

¹⁴ Bangkongtetpawiteh, Khrih e a lungpatawnae ni maimouh teh muen na kayo awh. Tami buet touh ni tami pueng hanelah dout pawiteh tami pueng hai a due a van toe.

¹⁵ Hottelah tami pueng hane Bawipa ni a duenae teh, kahring e naw ni ma hanelah hring toung laipalah, ahnimouh hanelah kadout ni teh bout ka thaw e Bawipa hanelah a hring awh nahane doeh.

Bout kâmaihawinae

¹⁶ Hatdawkvah atu hoi teh, apihai takthai koe lahoi panuek awh hoe h toe. Maimouh ni Khrih hah takthai koe lahoi hmaloe panue awh nakunghai atuvah hottelah panuenae awmhoeh toe.

¹⁷ Hatdawkvah apipatet hai Khrih thung awm pawiteh sak katha e lah ao. Hno karuem pueng a kahma teh hnocawngca pueng teh a katha toe.

¹⁸ Hetnaw pueng teh Cathut koehoi e doeh. Cathut ni Jisuh Khrih lahoi maimanaw teh ama hoi bout na kâmaihawinae sak awh toe. Hote bout kâmaihawinae thaw hah maimouh koe na poe awh.

¹⁹ Hote kamthang teh Cathut ni Khrih thung ao teh, talaivan e yon hah pâkuem pouh hoe h toe. Taran a roum sak teh, ama hoi bout na kâmaihawinae sak toe. Hote bout kâmaihawinae hah maimouh koe na poe awh.

²⁰ Hatdawkvah, maimouh teh Khrih e laicei lah o awh. Cathut hoi bout kâmaihawi awh leih titeh Khrih yueng lah kaimouh ni na hroecoe awh.

²¹ Bangkongtetpawiteh, Cathut ni yon ka tawn hoe h e hah maimouh hane kecu dawk yon ka tawn e lah ao sak. Hot hateh, maimouh pueng ni Khrih lahoi Cathut e lanna e koe pha thai nahane doeh.

6

¹ Kaimouh teh Cathut hoi thaw ka tawk e lah ka o a awh dawkvah, Cathut e lungpatawnae aphu kaawm hoe h lah na o sak awh hoe h nahanlah na thaisak awh.

² Bangkongtetpawiteh, kai ka ngainae tueng dawkvah, na lawk na thai pouh toe. Rungngangnae hnin nah na kabawp teh na rungngang toe telah Bawipa ni ati. Khenhaw! atu doeh ngai kaawm e tueng toe. Atu raw doeh rungngangnae hnin toe.

Pawl thaw tawknae koe kâhmo e

³ Kaimouh ni a thaw tawknae koe ayâ ni a toun hoeh nahan, ayânaw koe tarawknae ka sak aw hoes.

⁴ Rektapnae, roedengnae, hlout thai hoeh e runae hoi kâhmonae,

⁵ hemnae, thongim bonae, ruengruengtinae, yonpennae, ihmuhna-pahlanae, kahaionae,

⁶ lungthoungnae, lungangnae, lungsawnae, hawinae, Kathoung Muitha coenae, kâsak laipalah atangalah lungpatawnae,

⁷ Lawkkatang pâphonae, Cathut e bahu kamnue saknae, lannae puengcang avoilah aranglah kâmahrawknae,

⁸ barinae hoi barihoehnae, oupnae hoi pathoenae, dумыen e patetlah kaawm ei nakunghai hmantang e tami,

⁹ Apinihai panue hoeh e patetlah kaawm ei nakunghai min kamthang e tami, thei e patetlah kaawm ei nakunghai kahring e tami, yue e patetlah kaawm ei nakunghai theinae hoi kahlout e tami,

¹⁰ a lung ka mathout e patetlah kaawm nakunghai a lung pou kahawi e tami, ka roedeng e patetlah kaawm ei nakunghai tami moikapap ka bawi sak e tami, bangcahai ka tawn hoeh e patetlah kaawm ei nakunghai a cawngca ka tawn e tami lah ka o dawkvah, Cathut ni na ta e a thaw katawkkung katang lah ka o tie hah bangpueng daw kancengcalah kamnue sak aw h.

¹¹ Kawrin kho kaawm e hmaunawngghanaw kaimae pahni teh nangmouh hanlah a kamawng toe. Kaimae lungthin hai sut a kamawng toe.

¹² Kaimouh daw na khawk aw hoes. Nangmae lung daw doeh na khawk aw h.

¹³ Hatdawkvah na pathungnae lahoi nangmae lungthin ka kaw lah paawng aw h, telah ka canaw koe lawk ka dei pouh e patetlah na dei pouh.

Kânging hoeh e Yawcu

¹⁴ Kayuemhoehnae hoi cungtalah kânging hoeh e yawcu hrawm aw h hanh. Lannae hoi kamsoumhoeh hah bangtelamaw a hmawng thai han vaw. Angnae teh hmonae hoi bangtelamaw reirei ao thai han vaw.

¹⁵ Khrih hoi Belial teh bangtelamaw lungkânging thai han vaw. Kayuem hoi ka yuem hoeh ni bangmaw cungtalah a coe han vaw.

¹⁶ Cathut bawkim hoi meikaphawknaw teh bangtelamaw khuet a kâkuet han vaw. Cathut ni a dei e teh ahnimouh koe ka o han. Ahnimae Cathut lah ka o han. Ahnimouh hai kaie tami lah ao a han ati e patetlah nangmouh teh kahring Cathut e bawkim lah na o aw h.

¹⁷ Hatdawkvah ahnimouh thung hoi tâcawt aw h nateh, aloukcalah aw m aw h, telah Cathut ni ati. Ka khin e hnonaw hah na kut hoi boehai tek aw h hanh. Hottelah na tetpawiteh nangmouh kai ni na dâw aw h han.

¹⁸ Kai teh nangmae Pa lah ka o vaiteh, nangmouh hai Kaie canu capa lah na o aw h han telah Athakasaipoung e Bawipa ni ati.

7

¹ Ka pahren e naw, maimouh koe het patetlah lawkkamnae ao dawkvah, takthai hoi lungthin daw khinnae pueng teh mahoima kâcai sak vaiteh, Cathut taki laihoi thoungnae hoi kawi a sei.

Kayuemnaw koe Pawl a lunghawinae

² Kaimanaw na dâw a loe. Kaimouh ni api koehai ka payon awh hoeh. Apipatethai ka rawk sak awh hoeh. Api koehai huenghai hoi ka cat awh hoeh.

³ Nangmanaw yon na pen ngai dawk hettelah ka dei e nahoe. Bangkongtetpawiteh ka dei tangcoung patetlah nangmouh hoi rei hring hane hoi due hanelah ngainae totouh kaimouh ni nangmouh lung na pataw awh.

⁴ Kai ni nangmanaw hah na yuem awh dawkvah nangmouh kecu dawk ka kâoup. Kai teh lungpahawinae ka coe dawkvah kaimouh ni ka khangnae rucatnae pueng dawk lunghawinae hoi ka kawi.

⁵ Masidonia ram ka pha navah kâhat nahan tueng kahmawt laipalah alawilah kâtuknae, a thung lah takinae ao teh a voivang hoi rektapnae ka khang awh.

⁶ Hatei, a thakayounnaw lung ka pahawikung, Cathut ni Titu a tho e lahoi kaimanaw lung na pahawi awh.

⁷ Titu a tho e dawk hoi dueng lungpahawi e nahoe. Titu ni nangmouh koehoi a coe e lungpahawinae lahoi lung na pahawi awh. Alouke lahoi dei pawiteh, nangmouh ni na rabui awh e, na lungmathoe awh e, hoi kai koe pahrennae na tawn awh e naw hah Titu ni na dei pouh dawkvah ka ko a nawm.

⁸ Ka thut e ca ni nangmouh, lungmathoenae na kapoekung lah kaawm nakunghai toseh ka lung mathout hoeh. Hote ca teh, nangmouh koe dongdeng lung ka mathout sak nakunghai atuteh lunghawinae bout ka tawn toe.

⁹ Kai ni na patawn e ca ni nangmouh lung na mathoe sak eiteh lunghawihoeahnae ka tawn hoeh. Hote ca ni nangmouh dongdeng lung na mathoe sak awh e hah ka hmu navah ka lunghawi hoeh. Hatei nakunghai, atu ka lung ahawi. Hottelah ka ti navah nangmouh na lungmathoe sak dawkvah ka lunghawi e nahoe. Nangmae lungmathoenae ni nangmouh pan na ka ngai sak dawk doeh. Atangcalah nangmouh teh Cathut ngainae patetlah na lungmathoe awh dawkvah, kaimouh kecu dawk bangcahai na sung awh hoeh.

¹⁰ Bangkongtetpawiteh, Cathutlae lahoi khang e lungmathoenae ni teh rawkphaï koe lah awm sak laipalah rungngangnae hmu nahan koe lah pan na kângainae lah doeh ao. Talaivan lungmathoenae teh duenae ka tâcawtkhai e lah ao.

¹¹ Kenhaw! Cathutlae lahoi lungmathoenae ni nangmouh thungvah hoe tawknae, caisaknae, khang thaihoehnae, takinae dounnae, lungthawgnae a tâcokhai. Hahoi, kamsoum lah lawkcengnae kong naw dawk hoi yon thong nahanelah hno puengpa dawk na hringnae kamnue sak awh toe.

¹² Hottelah, kai ni nangmouh koe ka thut e ca teh yonnae ka sak e tami hanelah nahoe, yon ka khang e hai nahoe, maimae lathueng nangmae lung thahmeinae naw hah Cathut hmalah namamouh ni roeroe na hmu hanelah doeh ka thut.

¹³ Hatdawkvah maimouh teh lungpahawinae coe awh. Maimae lungpahawinae coe e Titu e a lungthin teh nangmouh abuemlah kecu dawk lunghawi hmu e lah ao teh ahnie lunghawinae dawk hoi maimouh teh puenghoi konawm awh.

¹⁴ Kai ni nangmae kong hah Titu koevah kâoupkhai e yeirai awmhoeh. Bangkongtetpawiteh nangmouh koe kaimouh ni ka dei awh e naw pueng teh, lawkkatang lah ao dawkvah, Titu kâoupkhai e naw hai atang e lah a onae a kamnue toe.

¹⁵ Titu ni nangmae lawk a ngâi teh nangmouh ni takinae hoi na dawn aw h e heh pouk navah nangmanaw hah lung hoe na pataw aw h.

¹⁶ Kai ni bangpueng daw k nangmanaw na tang aw h dawkvah ka konawm.

8

Pasoumhno kuep sak nahanlah hroecoenae

¹ Hmaunawngghanaw, Masidonia ram e Kawhmounnaw koe Cathut ni a poe e lungmanae hah nangmouh koe dei hanelah ka ngai.

² Ahnimouh teh roedengnae hoi puenghoi tanouknae a khang aw h ei, ahnimae lunghawinae hoi roedengnae pueng teh, ahnimae pasoungngam-nae daw k bawinae lah a coung sak.

³ Kai ni kampangkhai e teh, ahnimouh ni amamae a coung thai aw h e hlak acawilah a poe aw h teh,

⁴ tami kathoung kawkhik e lahoi coe hane yawhawinae hah ka coe aw h van nahan, poehno hah na dâw pouh aw h loe titeh na kâ aw h.

⁵ Ahnimouh teh kaimouh ni ka ngaihawi e hloilah, Cathut ngainae patetlah Bawipa koe amamouh hoi amamouh hmaloe a ka poe, a hnukkhu kaimouh koehai a ka poe aw h.

⁶ Hatdawkvah, Titu ni hote lungmanae hah nangmouh koe a kamtawng e patetlah a pout totouh a sak nahanlah kaimouh ni ahni hah ka hroecoe aw h.

⁷ Nangmouh teh yuemnae daw k hai thoseh, pâphonae daw k hai thoseh, lungangnae daw k hai thoseh, lungtangnae daw k hai thoseh, kaimouh koe na tawn aw h e nangmae lungpatawnae hai thoseh, bangpueng daw k na kuepcing aw h e patetlah hnokahawi saknae daw k haiyah na kawi aw h naseh.

⁸ Hottelah khet navah, kâpoelaw k lah ka dei e nahoe h. Ayânaw e lungthonae hoiyah nangmae lungpatawnae ka tanouknae doeh.

⁹ Bangkongtetpawiteh nangmouh teh, maimae Bawipa Jisuh Khri h e lungmanae heh panue aw h. Bawipa teh a bawi ei ahni roedeng e lahoi nangmouh na bawi aw h nahanelah, nangmouh han roedengnae a khang.

¹⁰ Hete kahawi hno sak e hoi kâkuen lah, pouknae kahawi na poe han. Hete pouknae teh kaloum tangcoung e kum daw k hoi hete hno kamtawng aw h e lahoi taw k hanelah lungthonae ka tawn e nangmouh hanlah aphu ao.

¹¹ Nangmouh ni lungthonae hmaloe na tawn aw h e patetlah atu hoi namamouh na coung thai aw h e patetlah tawksak a nateh hete thaw hah abaw totouh taw k aw h.

¹² Bangkongtetpawiteh, lungthonae aw m pawiteh, kaawm hoeh e hno khen laipalah, kaawm hno daw k hoi ngai hane kawi lah ao.

¹³ Hete a kong daw k hoi alouknaw bet ahawi sak vaiteh nangmouh runae poe hane na hoeh. Reikâvan lah sak hane doeh.

¹⁴ Atu tueng daw k nangmae tawwnae hah ahnimae pankinae koe na poe aw h pawiteh ahnimae tawwnae hoi nangmae pankinae koe thap e lah kaawm van han.

¹⁵ Hatnavah, kapap lah ka hmawt e haiyah cawi hoeh. Kayoun lah ka hmawt e hai vout hoeh telah Cakathoung daw k thut e patetlah sue kâvan lah ao han.

Pasoumhno hnonae

¹⁶ Nangmae lathueng kaie lungthonae teh Titu lungthin daw k kaawm sak e Cathut teh ka pholen.

¹⁷ Titu teh kaimae thapoenaē lawk a ngai hloilah ama lungthonae hoe a tawn dawkvah nangmouh koe ka tho e lah ao.

¹⁸ Titu hoi hmaunawngaha buet touh teh kaimouh ni ka patoun awh. Ahni ni kahawi e kamthang a hramkhai navah kawhmounnaw pueng koehoi pholen e tami lah ao hloi lah,

¹⁹ Cathut amae bawilennaē hoi kaimae lungthonae hah kamnue sak thai nahanlah thoseh, kaimouh hoi thaw ka tawk e hete poehnonaw hah, kaimouh hoi cungtalah cei sak hanelah, Kawhmounnaw ni na rawi awh teh coungkacoe lah ka o awh.

²⁰ Kaimouh ni hote poehno moikapap dawk, tounnaē awm laipalah, ayānaw koehoi pathoenaē ao hoeh nahanlah ka kâhruetcuēt awh.

²¹ Bangkongtetpawiteh, kaimouh teh, Bawipa e hmalah dueng tho laipalah, talai taminaw e hmalah hai bari kaawm e dueng doeh ka tawk awh.

²² Ahnimouh hoi cungtalah, kaimae alouke hmaunawngaha buet touh ka patoun awh. Kaimouh ni ahni teh atuhoitu noumcai hnukkhu hno puengpa dawk a lungthahmei e tami lah a onae hah ka hmu awh. Ahni teh, nangmaē lathueng yuemkamcu lah ao dawkvah, atu hai hoe lungtho e lah ao.

²³ Titu hoi kâkuen lah dei pawiteh ahni heh kaie ka hui lah ao teh nangmouh hanelah kai hoi cungtalah thaw ka tawk e lah ao. Maimae hui, hmaunawngahanaw hoi kâkuen lah dei pawiteh ahnimouh teh kawhmoun e patounenaw, Khrih bawilennaē lah kaawm e lah na o awh.

²⁴ Hatdawkvah nangmaē pahren lungmanaē hoi nangmaē kong dawk kaimouh ni kâoupkhai hane kongnaw hah kawhmounnaw e hmalah hoi ahnimouh koe kamnuek sak awh.

9

Pasoung hanlah hroecoenaē

¹ Tami kathoungnaw kawkhiknaē hoi kâkuen lah, kai ni nangmouh ca na patawn awh hanelah ngai hoeh toe.

² Bangkongtetpawiteh, nangmaē lungthonae teh ka panue. Hote lungthonae dawkvah Masidonia ram kaawm e hoi Akhaia ram e naw koe coungkacoe a ta toe tie nangmaē kong hah kâoupkhai awh. Hatdawkvah nangmaē na lungthin thahmeinaē ni na tahrue awh.

³ Hatdawkvah hete kong hoi kâkuen lah, nangmouh koe kai ni kâoupkhai e teh, yawmlah awm laipalah kai ni ka dei e patetlah nangmanaw coungkacoe na kâhruetcuēt awh nahanlah hmaunawngahanaw hah ka patoun.

⁴ Telah nahoeh pawiteh, Masidonia taminaw nangmouh koe ka thokhai navah, nangmouh ni banghai na hrueng awh hoehpawiteh, kaimouh ni yo ka kâoupkhai awh tangcoung e hah kaya ka tho han doeh.

⁵ Hatdawkvah, nangmouh ni na poe awh e poehno hah ngangngang cawng e patetlah tho laipalah, lungthocalah hoi poe e hno lah coungkacoe ao nahan, hmaunawngahanaw ni nangmouh koe hmaloe a thao awh vaiteh, hote poehno hah hmaloe kuep sak hanelah, kai ni na hroecoe awh laipalah o kawi nahoeh telah ka pouk.

Cati tunae

⁶ Cati younca ka tu e ni younca a a han, moikapap ka tu ni moikapap a a han tie hah panuek awh.

⁷ Tami pueng ni amahmawk pasoung naseh. Paawtnae lungthin hoi pasoung awh hanh. Poe laipalah awm mahoe hoi tie lungthin hoi pasoung awh hanh. Lungthonae lahoi ka pasoung e dueng doeh Cathut ni a ngai.

⁸ Cakathoung ni a dei e patetlah ahni teh a pasoung toe. Karoedengnaw hai a poe toe.

⁹ Ahnie a lannae teh a yungyoe a cak, het hateh, Ahni ni karoedengnaw hanelah poehno a pasoung toe. A lannae teh a yungyoe kangning ati e Cakathoung daw k a thut e patetlah lah doeh ao.

¹⁰ Cati ka patuenaw teh a patue e patetlah rawcarawnei kapoekung ni ahnimouh hane cati a poe vaiteh a pungdaw sak han. Nangmae na lannae haiyah a pungdaw sak vaiteh a paw a paw sak han.

¹¹ Hottelah nangmouh teh lungthocalah hoi, a cawngca na pasoung awh nahanelah a cawngca daw k na tawnta awh dawkvah, maimouh daw k hoi Cathut e lungmanae teh lunghawilaw k dei hanelah ao.

¹² Bangkongtetpawiteh, tami kathoungnaw kabawpnae ni ahnimouh hanlah yawhawinae lah ao hloilah Cathut koe lunghawilaw kdeinae a pungdaw sak.

¹³ Nangmouh teh Khrih kamthang kahawi na hringkhai awh e thoseh, tami kathoungnaw hoi alouke taminaw pueng hai barilawanae na poe awh e thoseh, ahnimouh ni a pouk awh toteh hete khetyawtnae khetsin lahoi Cathut a pholen awh han.

¹⁴ Hothloilah nangmouh lathueng ka phat e Cathut e ka talue e lungmanae kecu daw k ahnimouh ni na rabui awh vaiteh na ratoum pouh awh han.

¹⁵ Deilekhoeh e poehno kecu dawkvah Cathut teh pholen lah awm lawiseh.

10

Guncei Pawl kâawwnae

¹ Nangmouh hoi rei o nateh banghai na dei ngam awh hoe h, ahlanae koehoi taran kahawi na ti awh e kai Pawl ni Khrih e lungdo lungnemnae lahoi na thaisak awh.

² Nangmouh koe ka pha awh navah, talai ngainae patetlah o hoe h nahan na kâ awh. Bangkongtetpawiteh, talai ngainae patetlah ao ati e a kamnue hoe h nahan lah.

³ Kaimouh ni kâtuk nah ka hno e puengcang teh talai tak ngainae daw k hoi ka tuk e lah tho hoe h.

⁴ Kaimouh ni kâtuknae koe ka hno awh e senehmaica teh takthai na hoe h. Cathut e thaonae daw k hoi kho rapanimnaw ka raphoe thai e senehmaica doeh.

⁵ Hote senehmaica hoiyah taminaw e pouknae, Cathut panuena e kangangkung kâoupnae pueng a raphoe teh, a cawngca e lungpouknae pueng hah a man a katek teh, Khrih law k a ngâi sak awh.

⁶ Nangmouh ni law k na ngâi awh toteh, law k ka ngai hoe h e naw pueng teh hmantang vah lawkceng hanelah coungkacoe lah ka o.

⁷ Nangmouh ni hnopai pueng a vanlong doeh na khet awh. Apinihai mahoima Khrih daw k ka o tie na yuem pawiteh ahni ni Khrih daw k ao e patetlah ahnimouh ni Khrih daw k onae hah bout pouk hanlah a ngai.

⁸ Bangkongtetpawiteh, nangmanaw hah raphoe hanelah tho laipalah rong sak hanelah Bawipa ni na poe e kâawwnae a kong daw k, kâoup payon nakunghai kayak mahoe h.

⁹ Kai ni nangmouh ca na patawn e teh pakhinae lah pouk sak hane na ngaikhai hoeh.

¹⁰ Bangkongtetpawiteh, Pawl e canaw teh ari teh bahu a tawn ei, ama kâhmo awm toteh a tha kayoun e hoi a pâpho e hai banghai bari hane kawi awmhoeh ka tet e tami na o awh.

¹¹ Hottelah ka dei e naw ni lamhla hoi ka thut e ca hoi nangmouh koe ka o nah ka tawk ka sak hane heh banghai kâvaihoehnae awmhoeh tie hah panuek naseh.

¹² Bangkongtetpawiteh, kaimouh teh ahnimouh hoi ka bangnue ngam awh hoeh. Ahnimouh teh buet touh hoi buet touh a ka bangnue awh teh, ka pathu e lah ao awh.

¹³ Kaimouh teh kamamae coungnae hloilah ka pholen awh hoeh. Cathut ni na hmoun pouh e a thaw dawk dueng doeh kâoup awh. Hote thaw teh nangmouh koe totouh ka tawk awh.

¹⁴ Nangmouh koe totouh phat hoehpawiteh, kaimouh ni ka tapuet lah ka sak awh hoeh. Bangkongtetpawiteh, Khrih kamthang dei laihoi nangmouh koe totouh ka pha awh toe.

¹⁵ Hatdawkvah Cathut ni na hmoun pouh e thaw hloilah tami alouknaw ni a tawk e thaw hah ka noe awh hoeh. Kaimouh ka ngaihawi e teh na yuemnae a rounng vaiteh Cathut ni na hmoun pouh e khori thungvah hoe ka kaw lah thaw tawk han tie hah doeh.

¹⁶ Nangmae ram hloilah kamthang kahawi ka dei hanelah ka ngaihawi awh. Ayânaw ni a tawk tangcoungae hmuen koe kaimouh ni ka kâoup awh hoeh.

¹⁷ Hatdawkvah kâoup han ka ngai e tami teh Cathut daw kâoup naseh.

¹⁸ Bangkongtetpawiteh, yuemkamcu e tami teh amahoima kâatalue e tami nahoe, Cathut ni a lungkuep e tami hah doeh.

11

Guncei kaphawknaw

¹ Kaie pathunae hah dongdeng na panguep awh nahanlah na ngaikhai awh. Dongdeng na panguep awh haw.

² Cathutlae dipmasin e patetlah nangmouh hanelah ka dipma. Nangmouh teh kathoung tanglakacuem patetlah Khrih koe poe hanlah, hote buet touh dueng e vâ koe na ham sak toe.

³ Tahrun ni amae huengo e lahoi Evi a dumyen e patetlah Khrih lung na patawnae lungthin yout na kâhat awh langvaih tie ka tâsue.

⁴ Nangmanaw koe ka tho e taminaw ni kaimouh ni ka pâpho awh hoeh e alouke Jisuh kong a dei awh nakunghai thoseh, nangmouh ni na coe awh hoeh rae muitha a coe awh nakunghai thoseh, na thai boi awh hoeh rae kamthang na thai awh nakunghai thoseh, ahni hah panguep hanlah ao.

⁵ Kai teh kalenpounge gunceinaw hlak bet ka rahnoum hoeh mue ka ti.

⁶ Lawk deinae koelah kathoumhoeh nakunghai thoumthainae koe lah ka rahnoum hoeh. Nangmouh koe bangpueng daw kacaipinlah kamnue sak toe.

⁷ Nangmouh ni na oup awh nahanlah ka ka rahnoum teh, Cathut e kamthang kahawi hah nangmouh koe ayawmlah pâpho e lahoi ka payonpakai e o maw.

⁸ Nangmae thaw ka tawk hanelah alouke kawhmounnaw koehoi kutphu hei laihoi nangmouh na lawp a maw.

⁹ Nangmouh hoi rei o teh buet buet touh ka panki nah apihai ka tarawk hoeh. Bangkongtetpawiteh, Masidonia ram lahoi ka tho e hmaunawngnanaw ni ka panki e naw na poe awh. Nangmouh tarawk laipalah doeh ka o. Hmalah haiyah poe ka kâhruetcuwet han.

¹⁰ Khrih e a lawkkatang kai thung ao e patetlah Akhaia ram dawkvah, hettelah kai ka kâoupkhai e heh apinihai cakâ thai hoeh.

¹¹ Bangkongtetpawiteh, kai ni nangmouh lung na pataw hoeh dawkmaw. Nangmouh kai ni lungpataw e hah Cathut ni a panue.

¹² Kâoup han kangainaw ni a kâoup awh hoeh nahanelah, kâoupnaw ni hai kai patetlah hmantang a sak awh nahanelah, ka sak tangcoung e patetlah pou ka sak han rah.

¹³ Bangkongtetpawiteh, ahnimanaw teh guncei kaphawknaw doeh. Khrih e guncei patetlah a kâsak awh teh, dumyennae thaw katawknaw lah ao awh.

¹⁴ Hetheh kângairukhai hane na hoeh, Setan patenghai ka ang e kalvantami boiboe lah a kâsak.

¹⁵ Hat pawiteh, ahnimae sayanaw hai lannae kamthang ka pâpho e lah kâsak pawiteh, bangmouh dei han kaawm. Ahnimouh teh amamouh ni a tawk awh e patetlah a hnukteng e hnin navah a tawk e patetlah a khang awh han doeh.

Khrih hanlah Pawl ni a khangnae

¹⁶ Kai ni bout ka dei e teh, apinihai tamipathu tet hanh naseh. Kai kâoupnae younca ao thai nahan, tamipathu patetlah na pouk awh nateh panguep awh.

¹⁷ Hettelah kai ni ka dei e lawk heh Bawipa ni a dei e patetlah ka dei e nahoeh. Ka pathu e patetlah taranhawi laihoi kâoup teh ka dei e doeh.

¹⁸ Tami pueng ni teh talai ngainae daw kâoupkâpawi dawkvah kai haiyah kâoupkâpawi van e doeh.

¹⁹ Nangmouh teh na lungang awh dawkvah, tamipathunaw hah lung-hawicalah na panguep thai awh.

²⁰ Ayânaw ni nangmanaw pueng san lah na ta awh, na yo awh, hnopai na lawp awh, na yue awh, na tambei awh navah, na panguep awh.

²¹ Kai teh hot patetlah ka tawk sak hoeh nahanlah ka tha a youn tanggak. Hatei tami buetbuet touh ni hno buetbuet touh daw kâoupkhai pawiteh, kai hai kâoupkhai van han telah kapathunaw e patetlah ka dei.

²² Ahnimanaw teh Hebru tami namaw. Kai hai doeh. Isarel taminaw maw. Kai hai doeh. Abraham catounnaw maw. Kai hai doeh.

²³ Khrih e a san maw, ahnimanaw hlak vah kai teh ka taluehnawn lah ka o telah ka pathu e patetlah hoi ka dei. Ahnimanaw hlak hoe ka panki teh, avai moikapap thongim na pabo awh, moikapap na hem awh, due han totouh khangnae atuhoitu ka kâhmo.

²⁴ Judahnaw kut daw hoi avai 40 vaitouh vout hemnae vai panga touh ka khang toe.

²⁵ Ruitaboung hoi vai thum touh na hem awh. Talung hoi vai touh na dêi awh. Long vai thum touh a kamko teh tui van hnin touh hoi rum touh ka o.

²⁶ Kahloug voutsout ka ceinae koe tuipei rakanae koehoi runae, dingcanaw koehoi runae, ka mipunnaw koehoi runae, Jentelnaw koehoi runae, kho thung kâhmo e runae, kahrawngum kâhmo e runae, tuipei daw kâhmo e runae, hmaunawngna lah ka kâsaknaw koehoi runae, het patetlah e runae naw ka ka hmo.

²⁷ Thapatungnae hoi patangnae, atuhoitu ihmuhnapahlanae, ka-haikahlam lah onae, pâding ni karuemnae, caicinae hai ka kâhmo.

²⁸ Hote runae hloilah kawhmounnaw hanelah lungpuennae ni hai hnintangkuem na ratet.

²⁹ Ayânaw a thayoun navah ka thayoun laipalah ka o thai han maw. Ayânaw a payonpakai navah ka lungpuen laipalah ka o thai han namaw.

³⁰ Kai ni kâoup pawiteh kama e ka thayounnae dawk ka kâoup han.

³¹ Kai teh laithoe ka dei hoeh tie teh Bawipa Jisuh Khrih e napa, a yungyoe yawhawinae katawnkung, Cathut ni a panue doeh.

³² Damaskas kho kaawm e siangpahrang Aretas kut rahim kaawm e khobawi ni kai na man sak hanlah a kâcai navah, longkha khoup a khan awh.

³³ Khobawi e kut dawk hoi hlout thai nahanlah, a hnukkâbangnaw ni tapawm thung na ta awh teh kho thung hoi rapan alawilah na pâbo awh teh, na yawng sak awh.

12

Lungmanae teh a khout

¹ Kâoup e heh kai hanlah meknae awmhoeh. Hateiteh, Bawipa ni vision na patue e heh bout ka dei ei nei.

² Hnuk lae kum hlaipali touh nah, Khrih thung kaawm e tami buet touh teh, kalvan dot thum e dawk tawm lah ao e hah ka panue. Hatnavah ahni dawk tak hoi maw, tak laipa maw tie teh ka panuek hoeh.

³ Cathut ni a panue. Ahni teh paradis totouh tawm lah ao teh, tami ni a dei kawi hoeh e lawk, a thaithai hoeh e lawk hah a thai e hah ka panue.

⁴ Hatnavah ahni dawk takthai hoi maw, a takthai hoi nahoehmaw tie teh ka panuek hoeh. Cathut ni a panue.

⁵ Hot patet e tami hah ka kâoupkhai han. Hatei, kai dawk teh, ka thayounnae hloilah kâoupkhai hane awmhoeh.

⁶ Kai teh kâoup han ka ngai nakunghai, lawkkatang dueng dei hanlah ao dawkvah, ka pathu e nahoe. Hatei, apipatet ni hai kai na hmu e hlak, kaie kamthang a thai e hlak, kai dawk na pouk payon awh hoeh nahanelah, kâoup laipalah ka o han.

⁷ Kai ni ka hmu e vision teh a lentoe poung dawkvah, ka kâoup hoeh nahanlah ka thung vah Setan e patoune lah kaawm e, ka tak dawk na ka ruk hanelah pâkhing hah na poe.

⁸ Hote reithainae dawk hoi kahlout nahanelah Bawipa koe vai thum touh ka ratoum.

⁹ Hatei, Bawipa ni kaie lungmanae teh nang hanelah a khout. Bangkongtetpawiteh, kaie thaonae teh thayounnae dawkvah ouk a kuep sak telah a dei. Hatdawkvah, Khrih e bahu teh kai dawkvah pou ao thai nahanelah, kai teh ka thayounnae dawkvah lunghawi laihoi hoe ka kâoupkhai han.

¹⁰ Hatdawkvah Khrih kecu dawk ka khang e katha ohoehnae, dudamnae, rucatnae, ka pacekpahlekae, hoi het patet e khangnae hah ka ngai. Bangkongtetpawiteh, kai ka tha ayoun nah bahu hoi na kawi sak.

Guncei noutnae

¹¹ Kai teh tamipathu lah ka o toe. Nangmouh ni kai teh khak katek e lah na o sak awh. Atanglah kai teh nangmouh ni na oup awh hanlah ao. Bangkongtetpawiteh, kai teh banglahai kaawm hoeh nakunghai guncinaw hlak hoe ka rahnoum hoeh.

¹² Atangcalah kaie guncei lah ka onae mitnoutnaw teh, kângairunae hoi thaonae hah doeh.

¹³ Kai teh nangmouh hanelah hnokari lah ka o hoeh e hloilah, nangmouh koe alouke kawhmounnaw hlak hoe rahnoum nahane bangcahai ao maw. Hot patet e dawk teh na ngaithoum awh loe.

Kawrinnaw Pawl ni tuehmuenae

¹⁴ Atu nangmouh koe, avai pâthumnae tho hane coungkacoe ka o. Hatei, nangmouh tarawk hanelah pouknae awmhoeh. Nangmae hnopai ka ngai e nahoe. Namamouh doeh na ngai awh. Canaw ni manu na pa hanlah hnopai pâkhueng e na hoeh. Manu na pa ni doeh canaw hanlah pâkhueng e lah ao.

¹⁵ Kai ni nangmae lungthin muitha hanlah lunghawicalah hoi kama e hno hah ka hno teh kama e tak hai abuemlah ka hno han. Namamouh dawk kai ni lungpatawnae kampung pawiteh, nangmouh ni kai dawk lungpatawnae a kamyawt han maw.

¹⁶ Kai teh nangmouh hanlah hnokari lah kaawm ei nakunghai, arulahoi nangmouh koehoi a dâw toe na tet awh pawiteh,

¹⁷ arulahoi nangmouh koe tami ka patoun e naw koehoi nangmae hno hah ouk ka la boimaw.

¹⁸ Kai ni Titu hah nangmouh koe a tho hanelah ka hroecoe nah, ahni hoi cungalal alouke hmaunawngaha buet touh ka patoun. Titu ni nangmouh koe dumyennaeh lahoi nangmae hno a la maw. Kaimouh teh lungkânging lahoi thaw ka tawk awh hoeh maw. Lam buet touh dawk ka dawn awh hoeh maw.

¹⁹ Kaimanaw ni nangmouh hmalah mahoima yon hlout nahanlah lawk a dei awh telah na pouk awh na maw. Kaimouh teh Khrih thung hoi Cathut hmalah doeh lawk ka dei awh. Pahren e ka huikonaw, ka tawk e hnonaw heh nangmouh rounng nahane doeh.

²⁰ Ka tho torei teh, nangmouh heh kai ni hmungaihoehenaw, kai hai nangmouh ni na hmungaihoehe lah o han tie hoi, nangmouh dawc kâyuenae, kâtânae, lungkhueknae, kâounnae, kaya saknae, tamcuek lawk deinae, kâoup kâpawinae, buet touh hoi buet touh kâtoenae lah o han tie hoi,

²¹ yampa vah yon awh teh kamhnawngnae, kamsoumhoehe napui tongpa yonnae, hounlounnae sakpayon teh, sahnin ditouh pankângai hoeh naw kecu dawc cingou awh teh, nangmouh hmalah Cathut ni kai hah na ka rahnoum sak han tie hah tâsuenae ao.

13

Hnukteng kâhruetcuetha poenae

¹ Atu apâthum lah nangmouh koe ka tho han. Cakathoung ni a dei e patetlah, yon kâhnei navah, kapanuekkhaikung kahni kathum touh e lawk hah caksak lah ao han.

² Yampouh yonnae na ka sak e naw hoi alouke taminaw hai, apâhni ka tho navah ka dei e patetlah bout ka tho pawiteh nangmouh buet touh hai minhmai ka khen mahoe.

³ Bangkongtetpawiteh, Khrih ni kai dawc hoi lawk a dei tie na panue awh nahane doeh. Bawipa teh nangmouh koe a thayoun hoeh. Nangmouh thungvah bahu hoi akawi.

⁴ Telah boipawiteh, Bawipa teh a thayounnae lahoi thingpalam dawc a pathout awh nakunghai Cathut e bahu lahoi bout a hring. Hot patetvanlah

maimanaw haiyah Bawipa dawk thayoun nakunghai, Cathut e bahu lahoi Bawipa hoi hring aw hah.

⁵ Nangmouh teh yuemnae dawk na o aw hah maw, na aw maw aw hah hoeh maw tie hah namamouh hoi namamouh akung kâkhei aw hah. Nangmouh thung vah Jisuh Khrih ao tie hah na panuek aw hah hoeh maw. Telah hoehpawiteh tanouknae dawk ka sung e tami lah namaw, na o aw hah toung hah vah.

⁶ Kaimouh teh tanouknae dawkvah ka sung aw hah hoeh tie hah na panue a han ti teh ka ngaihawi.

⁷ Nangmanaw teh kahawihoehe bangcahai na sak aw hah hoeh nahanelah Cathut koe na ratoum pouh aw hah. Hottelah ka tinae teh tanouknae ka tâ aw hah toe tie kamnue sak nahanelah nahoe. Maimouh teh tanouknae dawk ka sung e patetlah o aw hah lahunnah vah nangmouh teh bari kaawm e na sak thai aw hah nahane doeh.

⁸ Maimouh teh lawkkatang khoeroe ngang thai aw hah hoeh. Lawkkatang koe lah kampang lah doeh kampangkhai thai aw hah.

⁹ Kaimouh katha ayoun teh nangmouh na tha a sai aw hah navah, kaimouh ka lunghawi aw hah. Nangmouh na kuep aw hah nahane doeh na ngaikhai aw hah.

¹⁰ Hatdawkvah raphoe nahane nahoe, sak nahanlah Bawipa ni na poe e kâtawnnae patetlah ka tho toteh rek han ka ngai hoeh dawkvah, atu nangmouh hoi ahlanae koe ka o lahunnah hettelah ca na patawn aw hah.

¹¹ Ahnoungepoung lah dei han ka ngai e teh, hmaunawngghanaw nangmouh koe yawhawinae aw maw lawiseh. Kuepnae hoi lunghawinae aw maw lawiseh. Lung buet touh lah aw maw aw hah nateh, kâponae hoi lungpatawnae lah kaawm e Cathut teh nangmouh koe cungleh na okhai han.

¹² Buet touh hoi buet touh kathoung kâpaconae hoi kut kâman aw hah.

¹³ Tamikathoungnaw poung ni kut na man aw hah.

¹⁴ Bawipa Jisuh Khrih e lungmanaeh, Cathut e lungpatawnae hoi, Kathoung Muitha e kâhuikonae naw teh nangmouh poung koe aw maw lawiseh. Amen.

GALATI (The Epistle of Paul to the Galatians)

Lawk karouknae

¹ Kai Pawl hoi kai koe kaawm e hmaunawngnga abuemlah ni, Galati ram kaawm e kawhmounnaw ca na patawn awh.

² Kai teh guncei lah ka o nahanlah tami ni na patoun e hoi tha e hai nahoe. Jisuh Khrih duenae koehoi kathawsakkung Cathut ni na kaw e lah doeh ka o.

³ Maimae Pa Cathut hoi Bawipa Jisuh Khrih koe e lungmanae hoi roumnae teh nangmouh koe awm lawiseh.

⁴ Atu e se kathout thung hoi maimouh teh hlout sak hanelah maimae Cathut hoi na Pa ni a ngai e patetlah ama teh maimae yon kecu a kâhmoun.

⁵ Cathut teh pout laipalah a yungyoe bawilenna awm lawiseh! Amen.

Kamthang lawk alouke awmhoeh

⁶ Nangmouh teh, Khrih e lungmanae daw koe hoi na kakawkung Bawipa e kamthang kahawi hloilah, alouke kamthang lawk koe tang na kamlang awh dawkvah ka ka ngai lah a ru.

⁷ Hote kamthang lawk teh kamthang kahawi nahoe. Nangmanaw tarawk hane hoi Khrih e kamthang kahawi hah bungling hanelah a ngai a daw doeh.

⁸ Hatei, kaimouh thung daw koe hoi nakunghai, kalvan hoi ka tho e kalvantami nakunghai, kaimouh ni ka dei awh e kamthang kahawi patetlah ka dei hoeh e teh thoebo e lah awmseh.

⁹ Ahmaloe, kaimouh ni ka dei awh tangcoung e patetlah atu hai bout ka dei e teh, apipatet ni hai nangmouh ni na dâw tangcoung e kamthang kahawi hoi kâvan laipalah, ka pâpho e tami teh thoebo lah awmseh.

¹⁰ Bangkongtetpawiteh, atuvah kai heh tami e minhmai kahawi hmu hanelah ka kâyawm e na ou. Cathut koe e minhmai kahawi hmu hanelah kâyawm e na ou. Nahoe pawiteh, tami ngainae daw kâyawm e na ou. Tami ngainae lahoi kâyawm pawiteh Khrih san lah kaawm e nahoe.

Pawl ni pâpho e kamthang kahawi bout thai saknae

¹¹ Hmaunawngghanaw kai ni ka dei e kamthang kahawi heh tami koe lahoi ka coe e nahoe tie teh koung na panue thai nahan na ngaikhai awh.

¹² Bangkongtetpawiteh, hot hateh tami koehoi kai ni ka coe e nahoe. Cangnae daw hai nahoe. Jisuh Khrih e a kâpâphonae daw hoi kai ni ka coe e doeh.

¹³ Judah phunglah kahring navah Cathut e kawhmoun hah ka rektap teh raphoe hanelah ka kâyawm.

¹⁴ Mintoenaw e cangkhae daw ka lung atang teh, ka huikonaw hlak Judah phung hoe ka tarawi e hah na panue awh.

¹⁵ Hatei anu vawn thung ka o na patenghai yah, Capa e kamthang kahawi pâpho hanelah, amae lungmanae lahoi kai hah na ka rawi niteh, na kakaw e Cathut niyah,

¹⁶ hote Capa hah kai koe pâpho hanelah a ngainae ao navah, Capa e kong Jentelnaw koe pâpho hanlah, kai teh ka takthai hoi ka kapan hoeh.

¹⁷ Ahmaloe e gunceinaw aonae koe Jerusalem hai ka cet laipalah, Arabia ram lah hmatara ka cei teh Damaskas kho bout ka ban.

¹⁸ Hahoi kum thum touh a kuep hnukkhu Cephaz (Cephaz teh Piter tinae) hoi kâhmo hanlah ka ngai dawkvah, Jerusalem lah ka cei teh ahni koe hnin hlaipanga touh ka o.

¹⁹ Ahni hoi Bawipa Jisuh e a nawngaha Jem laipalah alouke guncei buet touh hai ka hmawf hoeh.

²⁰ Ka thut e heh laithoe awmhoeh, atangcalah ao e heh Cathut ni a panue.

²¹ Hathnukkhu vah, Siria ram hoi Cilicia ram lah vah ka cei.

²² Khrih thung kaawm ni teh Judah ram e kawhmounnaw ni kai na panuek awh hoeh rah.

²³ Ahmaloe vah, maimouh na ka rektap e tami ni raphoe hanlah ouk a kâyawm e yuemnae hah atu teh a kampangkhai toe tie dueng hah thai lah ao toung dawkvah,

²⁴ ahnimouh ni kai kecu dawk Cathut bawilennaeh teh a pholen awh.

2

Pawl hoi guncei alouknaw

¹ Hahoi, kum hlaipali touh aloum hnukkhu, kai ni Titu hah ka kaw teh Barnabas hoi Jerusalem kho lah bout ka cei.

² Pâpho e patetlah hoi doeh ka cei teh, Jentelnaw koe ka dei e kamthang kahawi hah hatnavah ka dei pouh. Hottelah ka ti nah ka tawk tangcoung e thaw hoi hmalah bout ka tawk hane thaw hah ayawmyin lah o hoeh nahan kacue lah ka kâpouknaw hanelah doeh duem ka dei.

³ Hat navah, kai hoi rei kaawm e Jentel miphun Titu hah kuekluek vuensoma sak awh hoeh.

⁴ Telah ka dei ngainae teh arulahoï ka tho niteh, hmaunawngaha lah kakâsaknaw ao dawk doeh telah ka dei. Ahnimanaw ni kaimanaw san lah na o sak hane a ngai teh, Khrih Jisuh thung hoi hmu e maimae hloutnae hah tuet hane la doeh a tho awh.

⁵ Hatei lawkkatang kamthang kahawi nangmouh dawk ao thai nahanelah kaimouh ni, ahnimanaw ni a dei e lawk dawngdengca boehai ka thai pouh awh hoeh.

⁶ Kacue lah ka kâpouk e taminaw pueng ni bangpatet e tami lah maw ao awh tie kai hoi kâbet hoeh. Cathut ni tami e minhmai khen hoeh. Hote taminaw hoi ka kambawng teh hnokahawi buet touh hai kahmawt hoeh.

⁷ Hatdawkvah, vuensom ka a naw hane kamthang kahawi teh Piter koe poe lah ao teh vuensom ka a hoeh naw hane kamthang kahawi teh kai Pawl koe poe lah ao tie na panue awh.

⁸ Bangkongtetpawitew vuensom ka a e Piter koevah thaw poe e patetlah vuensom ka a hoeh e Jentelnaw koe kai Pawl heh guncei lah Cathut ni na hmoun e lah ao.

⁹ Kâuepkhai e Jem, Piter hoi Jawhan tinaw hai kai ni ka coe e lungmanae a panue navah, ahnimanaw teh vuensom ka a naw koe cei hane hoi kaimouh teh Jentelnaw koe cei hanelah Barnabas hoi kai ni hnâ ka bokhai.

Kâ lawk dawk hoi hloutnae

¹⁰ Karoedengnaw maimouh ni pahnim hoeh nahanelah ahnimouh a ngainae buet touh ao. Hote thaw hah kai ni puenghoï tha ka patho.

¹¹ Hatei, Piter teh Antiok kho a pha navah toun hane kawï ao dawk a ma roeroe hah kai ni ka ngang.

¹² Bangkongtetpawiteh Jem koehoi taminaw a pha hoehnahlan vah, Piter teh Jentelnaw hoi bu cungtalah rei a ca. Ahnimanaw a tho hnukkhu Piter ni vuensom ka a e taminaw a taki dawkvah hnuklah a kâhnawn teh alouklah ao.

¹³ Hat terei teh ka yuem e Judahnaw pueng ahni hoi cungtalah tami kahawipoung patetlah a kâsak teh Barnabas ni hai ahnimaie moi a out teh a hnukkhu a kâbang van toe.

¹⁴ Kamthang kahawi lawkkatang lam kalan dawn awh hoeh toe tie ka hmu navah, ahnimaie a hmalah Piter hanelah, nang teh Judah tami doeh, hateiteh, Jentel tami patetlah na o, Judah tami lah na awmhoeh, hatdawkvah, bangtelamaw Jentelnaw hah Judah tami patetlah na o awh han telah ngangngang na ti pouh vaw telah ka ti pouh.

¹⁵ Maimouh teh coungnae lahoi Judah lah o awh teh, Jentel tamikayon lah awm awh hoeh.

¹⁶ Jisuh Khrih yuem e lahoi lannae dawkvah pha awh e hah yon kamnuek e Jentelnaw laipalah, takthai koe lah Judah tami lah kaawm e maimouh teh rek panue e patetlah, kâlawk dawkvah hoi lannae koe phat awh hoeh. Khrih Jisuh yuemnae lahoi doeh lannae dawkvah pha awh. Bangkongtetpawiteh, a pihai kâlawk tarawinae lahoi lannae dawkvah phat awh thai hoeh, Khrih yuemnae lahoi doeh pha thai awh.

¹⁷ Khrih lahoi lannae koe pha hanelah, maimanaw ni kâyawm nahlangva, yonnae bout kamnuek pawiteh Khrih teh yonnae kathokhaikung maw.

¹⁸ Telah coung thai hoeh kai ni apasuek ka raphoe tangcoung e hah bout ka sak pawiteh, yon ka tawn e hah kaimouh ni ka kamnue sak.

¹⁹ Hothloilah, Cathut koe lah ka hring thai nahanelah, kâlawk koe lah, kâlawk lahoi ka due toe.

²⁰ Kai teh Khrih hoi thingpalam dawkvah rei ka due toe, hatei ka hring rah. Hattelah ka ti navah kai roeroe ka hring hoeh toe, Khrih teh kai dawkvah hring, ka tak dawkvah a tu ka hringnae teh Cathut e Capa yuemnae lahoi doeh, Capa ni kai lung na pataw teh kai hanelah amahoima hringnae a kâpasoung.

²¹ Cathut e lungmanae ka pahnavt hoeh, kâlawk kâuepnae lahoi lannae koe phat thai pawiteh Khrih teh ayawmyin la doeh a due toe.

3

Yuemnae lahoi lannae a cak sak

¹ Galati tamipathunaw, thingpalam sawi pathout lah kaawm e Jisuh Khrih heh nangmae mithmu laplap kamnue sak e hah, lawkkatang na tarawi awh hoeh nahanlah apinimaw nangmouh na ân awh.

² Nangmouh koehoi ka panue han ka ngai e teh nangmouh ni kâlawk hoi kâkuen lah tawknaw dawkvah hoi Muitha na coe awh e na ou. Nahoe pawiteh yuemnae hah thainae lahoi na ou na coe awh.

³ Nangmouh teh hettelah totouh na pathu awh rah maw. Muitha dawkvah hoi na kamtawng awh teh takthai koe lah maw na pâpout a han toung.

⁴ Nangmouh ni rucatnae hettelah totouh na khang awh e hah ayawmyin lah maw na khang awh vaw. Hettelah totouh rucatnae hah ayawmyin lah maw na khang awh toung vaw. Ayawmyin la maw ao han toung vaw.

⁵ Hatdawkvah Muitha heh nangmouh koe na poe e kângairuhno ka kuep lah ka sak e Bawipa teh nangmae kâlawk tarawi e lahoi maw a sak. Nahoe pawiteh nangmouh ni na thai teh na yuem e lahoi maw a sak.

⁶ Abraham teh Cathut a yuem dawkvah hote yuemnae teh ahnie lannae lah khoe pouh lah ao.

⁷ Hatdawkvah, Abraham e catoun katang teh yuemnae ka tawn e naw doeh tie hah na panue aw h hanlah ao.

⁸ Cathut ni Jentelnaw teh yuemnae lahoi a lan toe ti nahanelah, Cakathoung ni sut a dei tangcoung toe. Hatdawkvah, Cakathoung ni kamthang teh Abraham koe a dei tangcoung e patetlah nangmouh kecu dawkw hoi Cathut ni talai tami pueng yawhawinae a coe han telah a ti.

⁹ Hatdawkvah yuemnae ka tawn e naw teh, ka yuem e Abraham hoi cungtalah yawhawinae a coe aw h.

Kâlawk hoi lawkkamnae

¹⁰ Kâlawk ka kâuepnaw teh thoebo e rahim kaawm e lah o aw h. Bangkongtetpawiteh, Cakathoung ni kâlawk dawkw e naw pueng abuemlahoi koug ka tarawi hoe h e naw teh Cathut thoebo e lah ao telah a ti.

¹¹ Tami kalan teh yuemnae lahoi a hring hanelah ao dawkvah, kâlawk tarawi e lahoi apihai Cathut hmalah tamikalan lah awm thai hoe h tie hah kancengcalah a kamnu e.

¹² Hatei kâlawk teh yuemnae hoi kâkuen hoe h. Kâlawk ka tarawi e tami teh kâlawk lahoi a hring han a ti.

¹³ Khrih ni maimouh hanelah thoebonae a khang dawkvah kâlawk e thoebonae thung hoi maimouh teh na ratang aw h toe. Bangkongtetpawiteh thing sawi pathout lah kaawm e pueng teh thoebo e tami lah ao.

¹⁴ Hottelah na ratangnae teh Abraham ni a coe e yawhawinae teh Khrih Jisuh lahoi Jentelnaw koe a pha dawkvah, lawkkam pouh e Muitha hah yuemnae lahoi maimouh ni coe nahanelah doeh.

¹⁵ Hmaunawngghanaw tami e singyoe lahoi ka dei vai, taminaw ni lawkkin e patenghai yah apinihai raphoe hoe h, bout thap sin yaw maw.

¹⁶ Cathut ni Abraham hoi ahnie a catoun koe lawkkam a poe navah kapap e lah catounnaw tet pouh laipalah buet touh dueng dei ngainae lah na catoun atipouh. Ahni teh Khrih hah doeh.

¹⁷ Ka dei ngainae teh hettelah doeh, kum 430 aloum hnukkhu hoi ka tâcawt e kâlawk ni sut dei tangcoung e Cathut lawkkam teh raphoe thai hoe h. Hothloilah hnoun hai hnoun thai mahoe h.

¹⁸ Bangkongtetpawiteh râw pangnae teh kâlawk dawkw kamtue pawiteh, lawkkam e dawkw kamtue hoe h toe. Hateiteh, Cathut ni hote râw hah lawkkamnae lahoi Abraham koe a poe toe.

Kâlawk ni a noenae

¹⁹ Hottelah pawiteh, kâlawk teh bangmaw hawinae kaawm vaw, tetpawiteh, lawkkam ka coe hane catoun a tâco hoehnahlan yonnae kecu dawkw poe e lah doeh ao. Kâlawk teh kalvantaminaw koehoi patuen laicei lahoi hruek e lah ao.

²⁰ Laicei tie teh avoivang lahoi a kâkuet, Cathut teh buet touh duengdoeh.

²¹ Hottelah pawiteh, kâlawk teh Cathut e lawkkam hoi a kâtaran maw. Kâtaran roeroe hoe h. Poe lah kaawm e kâlawk ni na hring sak thai katang pawiteh, lanae teh hote kâlawk lahoi coe e lah doeh awm ti.

²² Hatei Jisuh Khrih yuemnae lahoi ka kâkuen e lawkkamnae teh ka yuem e taminaw koe poe nahanelah Cakathoung ni tami pueng hah yon thongim thung a paung.

²³ Hatnavah yuemnae phung a tho hoehroukrak, kâlawk lahoi na hrawi awh teh, yuemnae phung a tho ditouh, kâlawk kut dawkw maimouh teh na paung awh.

²⁴ Hatdawkvah maimouh teh yuemnae lahoi na lan toe tie coe awh thai nahanelah, kâlawk teh Khrih koe maimouh na kathakkung, hoi na kakhoumkung lah doeh ao.

²⁵ Hatei yuemnae phung a tho toung dawkvah maimouh teh na ka khoumkung kâlawk e kut rahim awm awh hoeh toe.

²⁶ Bangkongtetpawiteh nangmouh pueng teh Khrih Jisuh na yuem awh e lahoi Cathut e ca lah na o awh toe.

Ca hoi râw kacoekungnaw

²⁷ Khrih thung baptisma ka coe e tami pueng teh Khrih a khohna awh toe.

²⁸ Nangmouh pueng teh Khrih Jisuh thung buet touh lah na o awh dawkvah, Judah mipahun, Grik mipahun tie awmhoeh, san hoi tami kahlout awmhoeh, tongpa hoi napui tie hai awmhoeh.

²⁹ Nangmouh teh Khrih e lah na awm awh pawiteh, Abraham catoun lah na o awh hloilah, lawkkam e patetlah râw kacoekung lah na o awh.

4

¹ Atuvah, ka dei ngai e teh râw ka coe hane ni râwnaw pueng teh a coe hanlah ao ei, a camo nah thung teh san patetlah ao.

² A na pa ni atueng khoe e a pha hoehnahlan hno ka kuem kayawtnaw hoi ka khenyawnnaw e kut rahim vah ao.

³ Hot patetvanlah maimouh hai camo lah o awh nateh talaivan cangkhaiae rahim vah san lah o awh.

⁴ Hatei, atueng kuep torei teh Cathut ni a Capa hah a patoun. Ahni teh napui buet touh koehoi kâlawk rahim vah a khe.

⁵ Hote kâlawk rahim kaawm e taminaw hah a ratang dawkvah maimouh teh cacoungnae coe awh nahane doeh.

⁶ Hottelah nangmouh teh ca lah na o awh dawkvah Cathut ni Abba A Pa telah ka kaw thai e Capa e Muitha hah nangmae lungthin thung a patoun.

⁷ Hatdawkvah nangmouh teh san nahoeh toe. A ca lah o awh toe. A ca lah o awh toung dawkvah Khrih lahoi Cathut e râw kacoekung lahai o awh.

Pawl ni Galatinaw malam a pouk

⁸ Cathut na panue awh hoehnahlan teh cathutnaw lah kaawm hoeh e naw koe san lah na o awh.

⁹ Atuteh nangmanaw ni Cathut yo na panue toe. Phunlouk lahoi dei pawiteh Cathut ni nangmouh hah na panue awh toe. Hat pawiteh, hno sakhthinae ka tawn hoeh e ahmaloe e phunglawk dawkw bangkongmaw san lah bout kamlang hane na ngai a vaw.

¹⁰ Nangmanaw ni a hnin, a tha, atueng hoi a kumnaw hah na ya awh.

¹¹ Nangmouh han kâyawm laihoi ka tawkw e ayawmyin lah awm payon vaih tie na tásue khai awh.

¹² Hmaunawngghanaw kai patetlah awm awh ti teh na kê awh. Bangkongtetpawiteh kai hai nangmouh patetlah doeh ka o. Nangmouh ni kai koe kahawihoehe hno banghai na sak awh hoeh.

¹³ Nangmouh koe kamthang kahawi hmaloe ka pâpho pasuek nah ka takthai dam hoeh tie na panue awh.

14 Hottelah kaie ka rucatnae teh nangmouh hanlah tarawk lah kaawm nakunghai nangmanaw ni kai na hmuhma awh hoeh, na pahnawt awh hoeh. Cathut e kalvantami hoi Khrih Jisuh patetlah kai hah na pouk awh.

15 Hottelah na coe awh nahlangva, na coe awh e yawhawinae teh bangtelane. Coung thai pawiteh, na mitnaw patenghai cawngkhawi vaiteh kai na poe han na ngai a han doeh tie ka kampangkhai.

16 Lawkkatang ka dei kecu dawk atuvah nangmae taran lah maw ka o toung.

17 Alouknaw ni nangmouh hanelah hawinae ka sak e patetlah ao awh eiteh, a pouknae hawihoeh. Kai hoi nangmanaw kampek vaiteh nangmanaw teh ahnimouh koe lah kambawng hane a ngai a dawk doeh.

18 Hatdawkvah nangmouh koe kai ka o na dueng tho laipalah nâtuék hai toseh hnokehawi hah kampangkhai e teh ahawi.

19 Ka lungpataw e ka canaw Khrih mei nangmouh koe a kamnue hoehroukrak, camo khe nah khang e patetlah ka khang.

20 Nangmanaw oupvoutnae ka tawn dawkvah, kama ni roeroe na kâhmo vaiteh alouke lawk dei hane ka ngai.

Hagar hoi Sarah bangnuenae

21 Nangmouh kâlawk rahim o hane na ka ngai e naw, dei haw, kâlawk ni a dei ngainae na thai panuek awh hoeh maw.

22 Bangkongtetpawiteh, Abraham ni capa kahni touh a tawn. Buet touh teh a sannu e ca lah ao teh buet touh e teh kahlout e napui e ca lah ao telah Cakathoung ni a ti.

23 Sannu ni takthai coungnae lahoi capa a khe teh kahlout e napui ni lawkkamnae lahoi capa a khe.

24 Hotnaw teh hmusaknae lah ao. Bangkongtetpawiteh, napui kahni touh teh lawkkam phun hni touh e hmusaknae lah ao. Phun touh e teh Sinai mon hoi ka tho ni teh sannaw hah a khe. Ahni teh Hagar doeh.

25 Hagar teh Arabia ram e Sinai mon hmu saknae lah a tho teh, atu Jerusalem hoi a kâvan. Bangkongtetpawiteh ahni teh amae a canaw hoi san lah ao awh.

26 Hatei, lathueng lah kaawm e Jerusalem khopui kahlout e tie teh maimouh pueng e manu lah ao.

27 Bangkongtetpawiteh cakaroe e napui na konawm haw. Camokhe patawnae ka khang boihoeh e napui na lawk na tawn e puenghoi hramki haw. Bangkongtetpawiteh, pahnawt e napui teh a vâ ka tawn e napui hlak a ca kapap na khe toe telah a thut.

28 Hmaunawngghanaw, nangmanaw teh Isak patetlah lawkkam e canaw lah na o awh.

29 Hatei, takthai coungnae lahoi khe e capa ni Muitha hoi khe e ca a rektap e patetlah atu hai ao.

30 Hatdawkvah Cakathoung ni bangtelamaw a dei. Sannu hoi a ca teh pâlei leih. Bangkongtetpawiteh, sannu e a ca ni kahlout e napui e a ca hoi cungtalah râw rei coe thai mahoe telah a ti.

31 Atuteh hmaunawngghanaw, maimouh teh sannu e ca lah awm awh hoeh kahlout e napui e canaw lah o awh.

5

Hloutnae

1 Hloutnae hmu nahanlah Khrih ni maimanaw teh na hlout sak awh toe. San coungnae ni bout na man hoeh nahanlah kacacalah awm awh.

² Thai aw haw, kai Pawl ni nangmouh koe ka dei e teh nangmouh ni vuensomanae na coe aw haw toung pawiteh Khrih teh nangmouh hanlah apu awmhoeh.

³ Vuensom ka a aw haw e naw pueng, kai ni lawkpanuesaknae na poe aw haw. Kâlawk naw pueng koung tarawi hanlah ao.

⁴ Kâlawk lahoi lannae coe hanlah ka pouk e nangmanaw teh, Khrih koehoi takhoe lah na o aw haw teh, lungmanae daw k hoi na cei payon aw haw toe.

⁵ Maimanaw teh yuemnae lahoi lannae daw k pha han tie lungmanae hah Muitha lahoi ngaihawi aw haw teh ring aw haw.

⁶ Khrih Jisuh daw k vuensoma e apu awmhoeh. A hoeh e hai apu awmhoeh. Lungpatawnae daw k hoi kaawm e yuemnae doeh apu kaawm.

⁷ Nangmouh teh kahawicalah na yawng aw haw toe. Lawkkatang na tarawi aw haw hoeh nahanelah apinimaw na ngang aw haw vaw.

⁸ Hete tacueknae teh nangmouh na kakawkung koehoi ka tho e nahoe,

⁹ Yitca e tawn ni tahawnbu koung a paw sak.

¹⁰ Nangmanaw teh kâkapeknae lungthin na tawn aw haw mahoe telah ka pouk. Cathut min lahoi nangmanaw teh kai ni na yuem teh na kâuep aw haw. Nangmanaw lungmawng hoeh nahanlah ka tâcawt sak e teh apipatet hai lawkcengnae a khang han.

¹¹ Hmaunawngghanaw kai teh vuensomanae phunglawk bout ka pâpho rah pawiteh, bangkongmaw rektapnae bout ka kâhmo rah vaw. Hottelah pawiteh, kamthuinae lah kaawm e thingpalamnae teh takhoe lah ao toe.

¹² Nangmouh lam na ka payonsakkung taminaw hah takhoe vaiteh pâlei hanelah doeh kai ni na ngaihawai aw haw.

¹³ Hmaunawngghanaw hlout hanlah na kaw aw haw e doeh toe. Hatei na hloutnae teh takthai ngainae daw k hno laipalah buet touh hoi buet touh lungpatawnae lahoi thaw taw k aw haw.

¹⁴ Bangkongtetpawiteh kâlawk ni yah, namahoima na lungpataw e patetlah na hui lungpataw tie lawk buet touh daw k he a kâracut.

¹⁵ Hatei, nangmanaw ni buet touh hoi buet touh na kâkei, na kâpayawp aw haw pawiteh rawknae koe na pha a han tie hah na ngaihri khai daw kvah kâhruetcuat aw haw.

Muitha hoi takthai coungnae

¹⁶ Kai ni ka dei ngainae teh Muitha lahoi hring aw haw. Telah pawiteh takthai noenae hah khoeroe tarawi laipalah na o aw haw han.

¹⁷ Bangkongtetpawiteh takthai ngainae hoi Muitha ngainae teh a kâtaran. Muitha ni takthai hoi kâtaran e hno a doun. Hattelah daw k doeh ahnimouh teh buet touh hoi buet touh a kâtaran aw haw teh nangmouh ni sak han na ngai e na sak thai aw haw hoeh.

¹⁸ Hattelah pawiteh Muitha e lamhrawinae daw k na cet vaiteh nangmouh teh kâlawk rahim na aw m mahoe.

¹⁹ Takthai coungnae hoi kâkuen e saknae naw teh reng a kamnue. Hotnaw teh uicuknae, khinnae, takthaingaina,

²⁰ meikaphawk bawknae, sueânae, kâsaveknae, kâpohoe hnae, utnae, lungkhueknae, kâkaramnae, lungkânginghoe hnae, kâkapeknae,

²¹ hmu hmanae, yamuhrinae, phuvounnepnae, pawitonae naw haw doeh. Hot patet e hno ka sak e, katarawinaw pueng teh Cathut uknaeram râw pang aw haw mahoe titeh ahmaloe ka dei tangcoung patetlah atu hai nangmanaw koe bout ka dei.

²² Muitha e a paw teh: lungkâpatawnae, lunghawinae, lungmawngnae, lungsawnae, kâpahrennae, hawinae, yuemkamcunae, lungdolungnemaenae,

²³ mahoima kâcakuepnae naw hah doeh. Hotnaw teh bang patet e kâlawk hoi hai kâtaran hoeh.

²⁴ Khrih Jisuh hoi kâkuennaw ni takthaingainae teh radueknae hoi cungtalah thingpalam dawk mek a het awh toe.

²⁵ Maimouh teh Muitha lahoi hring awh toung dawkvah Kathoung Muitha hoi pou kâkuetnae dawk khok takan awh lawi sei.

²⁶ Lunglenna e kâen teh buet touh hoi buet touh kâtaranna lungthin, buet touh hoi buet touh kâ hmuhmana lungthin tawn laipalah awm awh lawi sei.

6

Hno ka ri kâhlainae

¹ Hmaunawngghanaw, tami buet touh ni yonnae buetbuet touh koe sak pawiteh, muitha koe lah na kaawm awh e nangmouh ni, lungdo lungnemnae lahoi yah, ahni hah khenyawn awh. Namamouh hai yon dawk na bo awh hoeh nahanlah kâhruetcuete awh.

² Buet touh hoi buet touh e hnokari kâhlai awh. Hottelah na tawk awh e lahoi Khrih e phung teh na kuep sak awh han.

³ Apihai banglah ao hoeh nahlangva, a mahoima kârasang sak pawiteh, ahni teh a mahoima kâdum e lah ao.

⁴ Tami pueng ni a tawk awh e thaw hah noumcai naseh. Hat pawiteh ayâ dawk dei laipalah ama dawk kâoupkhai hane ao han.

⁵ Bangkongtetpawiteh tami pueng mae thaw tawk awh han.

⁶ A lawk kamtu e tami ni kacangkhaikung hah hnokahawi kaawm e pueng poe naseh.

⁷ Alouklah pouk awh hanh. Cathut teh dudam e lah awm mahoe. Bangkongtetpawiteh, tami ni cati buetbuet touh patûe pawiteh ama ni bout a han.

⁸ Takngainae lahoi ka patûe e tami teh takngainae lahoi rawknae hah a a han. Muitha dawka patûe e tami teh Muitha koehoi a yungyoe hringnae a a han.

⁹ Maimouh ni kahawi e hno sak navah lungpout thayounnae tawn laipalah awm a sei. Bangkongtetpawiteh, lungpout awh laipalah awm awh pawiteh atuenga kuep foteh a awh han.

¹⁰ Hatdawkvah maimouh teh atueng kahawi hmu navah tami pueng e lathueng alawkpui lah yuemnae imthungkhunaw koevah, kahawi e hnonaw hah sak a sei.

Ahnoungpoung tha poenae

¹¹ Kai ni nangmouh koe ka kut hoi ka thut e ca heh banghloimaw a len tie teh na hmu awh.

¹² Talai mithmu dawka khet kamcu ka ngai e taminaw teh, Khrih e thingpalam kecu dawka rektapnae khang hane a ngai awh hoeh dawka doeh, nangmouh vuensoma sak hanlah ngangngang a dei awh.

¹³ Bangkongtetpawiteh vuemsom ka a naw ni hai kâlawk tarawi thai awh hoeh. Nangmouh koe a kâoup awh nahanelah doeh nangmouh hah vuensoma sak hanelah a ngai awh.

¹⁴ Kai teh Maimae Bawipa Jisuh Khrih e thingpalam dawka kâoupnae hloilah alouke kâoupkhai hane awmhoeh. Kai koe lahoi teh talaivan heh

hote thingpalam dawk pathout tangcoung lah ao teh talai koe lahoi hai kai teh thingpalam dawk pathoup lah ka o toe.

¹⁵ Bangkongtetsapawiteh, vuensoma nakunghai, a hoeh nakunghai, alawkpui nahoe. Sak kathanae dawk doeh alawkpui lah ao.

¹⁶ Hete kâhrawinae ka tarawi e pueng lathueng hai, Cathut e tami Isarelnaw lathueng hai, lungmawngnae hoi pahrennae awm lawiseh.

¹⁷ Atu hoi teh api nang ni hai na tarawk aw h hanh lawih. Bangkongtetsapawiteh Jisuh e hmâ teh ka tak dawk pou ka sin toe.

¹⁸ Hmaunawngghanaw maimae Bawipa Jisuh Khrih e lungmanae teh nangmae lungthin muitha thung awm lawiseh. Amen.

EFISA (The Epistle of Paul to the Ephesians)

Lawk karouknae

¹ Kai Pawl, Cathut e ngainae lahoi Khrih Jisuh e guncei lah kaawm e ni, Jisuh Khrih dawk yuemkamcu ni teh Efisa kho kaawm e tami kathoungnaw koe ca na patawn awh.

² Jisuh Khrih hoi maimae Pa Cathut koe e lungmanae hoi lungmawngnae teh nangmouh koe awm lawiseh.

Muitha koelae yawhawinaw

³ Khrih dawk kalvanlae Muitha yawhawinae kaawm e puenghoi Khrih dawk yawhawinae na ka poe e maimae Jisuh Khrih e Pa Cathut teh pholen lah awm lawiseh.

⁴ Maimouh teh amae hmalah thoung awh teh tounnae ao hoeh nahan talaivan a sak hoehnahlan vah Khrih dawk na rawi awh toe.

⁵ Jisuh Khrih lahoi maimouh teh cacoungnae coe awh nahan, a pahrennae dawk a ngainae patetlah hmoun lah o awh toe.

⁶ Hottelaha na hmounnae teh maimouh koe na poe e ka lentoe poung, a pahrennae hah pholen awh nahane doeh.

⁷ Puk ka cawi lae a lungmanae lahoi yah, yon a ngaithoum teh a thipaling hoi na ratang awh.

⁸ Hothateh lungangnae abuemlah, thaipanueknae abuemlah maimouh koe na poenae doeh.

⁹ Cathut ni a ngainae lahoi Khrih dawk a noe e hrolawk hah maimouh koe na panue sak.

¹⁰ Kuepnae tue a pha toteh kalvan kaawm e hoi talai van kaawm e abuemlah Khrih e rahim vah cungtalah o sak nahane doeh.

¹¹ Ama e ngainae patetlah bangpuengpa ka sak e ni pouknae a tawn e patetlah maimouh teh Jisuh Khrih lahoi râw kacoekung lah o awh.

¹² Bangkongtetpawiteh, Khrih dawk hmaloe ka ngaihawi e kaimouh ni a bawilenna hah pholen awh nahane doeh.

¹³ Nangmouh hai rungngangnae kamthang lawk kahawi, lawkkatang lawk hah na thai awh teh, hote Jisuh Khrih hah na yuem awh navah Kathoung Muitha hoi noutnae tacik na kin awh toe.

¹⁴ Hote Kathoung Muitha teh a bawilenna pholen hanelah ama koe na ratang hoehroukrak, pang han kawi râw e lawkawm lah ao.

Lunghawilawkdeinae hoi ratoumnae

¹⁵ Hatdawkvah, nangmouh ni Jisuh Khrih na yuem awh e hoi tami kathoungnaw na lungpataw awh e hah ka thai hnukkhu teh:

¹⁶ Nangmouh hanelah Cathut koe lunghawinae lawk dei e hoi ratoumnae ka pâpout hoeh.

¹⁷ Ouk ka ratoum e teh, maimae Bawipa Jisuh Khrih e Pa Cathut, ka lentoe poung e a ma panue thai nahanelah, lungangnae hoi thaipanueknae na poe awh nahan,

¹⁸ na kaw e dawk ngaihawinae teh bang hah maw tie hoi tami kathoungnaw ni a coe awh e râw teh banghloimaw a len ti e, hoi

¹⁹ maimouh ka yuem e naw koe na patue awh e thao thasainae teh banghloimaw a len tie hah nangmouh ni na panue awh nahanlah panuenaē mit a ang sak nahan ouk ka ratoum.

Khrih dawk kaawm e Cathut e bahu

²⁰ Hote bahu teh Khrih hah duenaē koehoi a thaw sak teh Khrih dawk a sak e a thaonaē patetlah ao.

²¹ Uknaē abuemlah, kâtaawnnaē abuemlah, atu e tue dawk dueng tho laipalah hmalae tue dawk kaw lah kaawm e minnaw pueng e lathueng, kalvanlaē amaē aranglah a rasang poungnaē koe Khrih teh tahungnaē hmuen a poe toe.

²² Cathut ni a khok rahim hnocawngca pueng a ta pouh teh Kawhmoun hanelah hnocawngca e lathueng vah lû lah ao sak.

²³ Hote amaē tak hateh hnocawngca hah hnocawngca hoi ka kuep sak e ni a kuepnaē Khrih e a tak lah ao.

2

Duenaē koehoi hringnaē

¹ Nangmouh teh ahmaloe vah namamaē yon hoi sakpayon e yonnaw dawk na due awh teh,

² kahli dawk kâtaawnnaē kapatuemkung, lawkngainae kataawnhoehnaw koe atu thaw ka tawk e muitha ngainae patetlah het talaivan phung patetlah hote yonnaē dawkvah na hring awh.

³ Maimouh pueng haiyah ahmaloe teh, ahnimanaw patetlah hring awh teh, ma takngainae dawkvah hring awh. Takngainae hoi lungngainae patetlah kâroe awh teh, alouknaw patetlah a lungkhueknaē ka khang e lah o awh.

⁴ Hatei lungmanaē hoi kakawi Cathut ni, maimouh a lungpatawnaē kalenpoung kecu dawkvah,

⁵ sakpayon e yonnaw dawk kadout awh e maimouh hah, Khrih hoi cungtalah na hring sak awh toe. Nangmouh teh a lungmanaē lahoi rungngang lah na o awh.

⁶ Hathnukku, Khrih Jisuh thung maimouh hah Khrih hoi cungtalah na thaw sak awh teh, kalvanlaē tahungnaē hmuen na poe awh toe.

⁷ Hethateh, maimouh lung na patawnaē hah Khrih Jisuh thung a kamnue sak teh lungmanaē hoi kawī e hah hmalae tuengnaw dawk a kamnue sak nahane doeh.

⁸ Lungmanaē dawk doeh yuemnaē lahoi rungngang lah o awh. Hnokahawi sak e dawk hoi rungngang lah o e nahoe. Cathut e poehno doeh ka tho.

⁹ Ma ni kahawi hno sak e dawk nahoe. Hatdawkvah apihai kâoup thai hoeh.

¹⁰ Hno kahawinaw sak awh nahanlah, Khrih Jisuh thung sak katha e lah o awh. Maimouh ni hnokehawi sak awh hanelah Cathut ni sut na rakueng toe.

Khrih dawk buet touh lah onaē

¹¹ Hatdawkvah, nangmouh teh Jentel lah na o awh teh, kut hoi takthai dawk vuensoma lah kaawm e naw ni nangmouh teh vuensom ka a hoeh e naw ati awh e hah panuek awh.

¹² Hatnavah, Isarel miphun lahai na awm awh hoeh. Lawkkamnaē hoi hai na kabet awh hoeh. Ngaihawinaē hai na tawn awh hoeh. Talaivan Cathut laipalah na o awh e hah panuek awh.

¹³ Nangmouh teh ahmaloe vah na kahlat awh nakunghai, atuteh Khrih Jisuh thung Khrih e thipaling lahoi na hnai awh toe.

¹⁴ Bangkongtetspawiteh, na ka taransakkung rapanpui hah a raphoe teh miphun kahni touh hah miphun buet touh lah a coung sak toe. Bawipa teh maimae roumnae lah ao.

¹⁵ Phunglawknaw dawk kaawm e kâpoelawknaw hoi kâkuen e kâlawk hah amae a tak dawk hoi a raphoe toe. Miphun kahni touh e hah miphun buet touh dueng e tami katha lah a sak teh a kâmaihawi sak toe.

¹⁶ Thingpalam dawk taran a raphoe teh, thingpalam lahoi hote miphun kahni touh teh tak buet touh thung Cathut hoi bout kâmaihawi awh toe.

¹⁷ Hote Khrih ni a tho teh, ahlanae koe kaawm e nangmouh hoi a hnainae koe kaawm e kaimouh teh roumnae kamthang kahawi hah na pâpho pouh.

¹⁸ Hottelah Khrih lahoi maimouh roi teh, lungthin muitha buet touh lah o awh teh, Pa koe kâen thainae kâ hmu awh toe.

¹⁹ Hatdawkvah, nangmouh teh miphun alouke nahoe h toe. Imyin lahai na awm awh hoe h toe. Tami kathoungnaw e miphun lah na o awh teh Cathut e imthung lahai na o awh toe.

²⁰ Bangtelamaw tetpawiteh, adu lah kaawm e gunceinaw hoi profetnaw e van vah, patuen pacoung sin teh sak e lah na o awh. Khrih Jisuh ama teh a takinlung lah ao.

²¹ Hote takinlung hoi koung ka kâkuen lah a rounng teh Bawipa hanelah kathoung bawkim lah a coung.

²² Hote hmuen teh Cathut ni a Muitha lahoi ao nahanelah nangmouh teh kaimouh hoi cungalalah sak e lah o awh.

3

Jentelnaw koe Pawl thaw tawknae

¹ Hote kong dawk, kai Pawl teh nangmouh Jentelnaw hane dawkvah Khrih Jisuh e thongkabawt lah ka o.

² Nangmouh ni na thai tangcoung e patetlah kai koe na poe e Cathut lungmanae teh nangmouh hane dawk doeh kai ni ka khang.

³ A lungmanae kai koe panuesaknae lahoi lathueng lah youn touh ka thut tangcoung e patetlah, Cathut ni a pâphonae lahoi yah, hrolawh hah na panue sak.

⁴ Hote ca na touk awh pawiteh Khrih e hrolawh ka panue e hah na panue awh han.

⁵ Hote hrolawh hah tami kathoungnaw, gunceinaw hoi profetnaw koe atu e se nah Muitha lahoi a pâpho e patetlah alouke senaw dawh taminaw koe pâpho hoe h.

⁶ Hote hrolawh teh Jentelnaw ni kamthang kahawi lahoi Isarelnaw hoi cungalalah râw a coe awh teh tak buet touh lah a onae lahoi Khrih Jisuh lahoi lawkkamnae hah cungalalah a hmawng van awh.

⁷ Hnosakthainae lahoi poehno a lungmanae hah kai koe na poe toe. Kai teh hote kamthang kahawi ka pâpho e san lah ka o.

⁸ Pâphue teh ka baw thai hoe h e Khrih e kuepnae kamthang kahawi hah Jentelnaw koe dei pouh hanelah,

⁹ Hnocawngca pueng hah Khrih lahoi yah, ka sak e Cathut dawkvah ayan e se pueng dawh hro lah kaawm e hote hrolawh hah tami pueng koe pâpho pouh hanelah kai teh tami kathoungnaw thung dawh, kathoungpoung naw hlak hai hoe kathoung lah ka o.

¹⁰ Bangkongtetpawiteh, maimae Bawipa Khrih Jisuh dawk a yungyoe pouknae a tawn e patetlah,

¹¹ kalvanlae bahunaw hoi hnosakthainae dawkvah, Cathut e kângairu a lungangnae hah Kawhmoun lahoi atuvah panue awh nahane doeh.

¹² Maimouh ni hote Bawipa yuemnae lahoi lungtang awh teh, Cathut koe kâhnai thainae tawn awh toe.

¹³ Hatdawkvah, nangmae bawilenna hlanlah ka khang e reithainae hah na hmu awh navah na lungpout awh hanh.

Efsanaw hanelah ratoumnae

¹⁴ Hete kongnaw dawkvah, khok ka cuengkhuem laihoi,

¹⁵ kalvan hoi talai kaawm e imthungkhu abuemlae a kungpui lah kaawm e, maimae Bawipa Jisuh Khrih e Pa hmalah ouk ka ratoum.

¹⁶ Ouk ka ratoum e teh, Muitha lahoi yah, nangmae thung lae tami thao thasainae hoi a cak vaiteh,

¹⁷ yuemnae lahoi Khrih ni nangmae lungthin thungvah ao nahan, lungpatawnae dawk patue e, tangpha a payang teh,

¹⁸ tami kathoungnaw patetlah hnosakthainae na tawn awh teh, Khrih e lungpatawnae adung, asaw, arasang, akaw e hah kapek teh na panue thai awh nahan,

¹⁹ maimae panuena lahoi panue thai hoe e Jisuh Khrih e a lungpatawnae hah panue thai awh nahanlah Cathut e kuepnae hoi kaw awh nahan ouk ka ratoum.

²⁰ Maimouh dawk kamnuek e a bawilenna patetlah maimouh ni pouk teh hei e hlak acawilah ka sak thai e Cathut ni,

²¹ Khrih Jisuh lahoi Kawhmoun dawk talai apout hoehroukrak a yungyoe bawilen lawiseh. Amen.

4

Khrih tak daw buet touh lah onae

¹ Nangmouh teh kaw lah na onae hoi ka kamcu lah na hring awh nahan Bawipa hanelah thongkabawt e kai ni tha na poe awh teh na hroecoe awh.

² Bangpueng koehai kârahnoumnae, lungdo lungnemnae, lungsawnae, lungkâpatawnae hoi buet touh hoi buet touh kângaitoum awh.

³ Lungmawngnae hoi na katekkung Muitha daw buet touh lah onae hah a cak nahanelah panki awh.

⁴ Tak buet touh dueng doeh kaawm. Muitha buet touh dueng doeh kaawm. Ngaihawinae buet touh dueng daw doeh nangmouh teh na kaw awh.

⁵ Bawipa buet touh dueng doeh kaawm. Yuemnae buet touh dueng doeh kaawm. Baptisma buet touh dueng doeh kaawm.

⁶ Maimouh pueng e Pa, Cathut buet touh dueng doeh kaawm. Ahni teh maimouh pueng e lathueng vah ao teh, maimouh pueng lahoi ao teh, maimouh pueng e thung vah ao.

⁷ Hatei Khrih ni poehno na poe awh e patetlah mama ham lengkaleng rip coe awh.

⁸ Hatdawkvah, Cakathoung daw thut e teh, a rasangnae koe a luen navah man e san hah a hrawi teh, taminaw koe poehnonaw a poe.

⁹ A luen ti navah ahmaloe talai thungvah a kum e hah a dei ngainae nahoehmaw!

¹⁰ Ka kum e teh alouke nahoe. A cawngca pueng kuep sak hanlah kalvannaw pueng a tapuet teh ka luen takhang e hah doeh.

11 Khrih e a tak hah sak aw hah teh, Cathut e a taminaw ni a thaw taw k aw hah thai nahanelah a pathoup aw hah han.

12 A tangawn teh gunceinaw lah, atangawn teh profetnaw lah, atangawn teh evangelistnaw lah, atangawn teh pastornaw hoi kacangkhaikungnaw lah thaw lengkaleng a poe.

13 Hottelah a poenae teh maimouh kaawm e pueng ni yuemnae dawk hai, Cathut Capa panuenae dawk hai, cungtalah roun g aw hah teh, Khrih e kuepnae hmuen koe totouh pha aw hah nahane doeh.

14 Bangkongtetpawiteh, taminaw e dумыennaе hoi yonnae koe lah tacueknae, cangkhainae kahli aphunphun ni aivoiang lah a palek e camo patetlah bout aw m aw hah laipalah,

15 lungkâpatawnae dawkvah lawkkatang hah dei aw hah nateh bangpuengpa dawk lû lah kaawm e Khrih dawk roun g aw hah nahane doeh.

16 Hote lû koehoi doeh tak abuemlah ni a kâkuet aw hah teh, kâletlout koe kaawm e pueng ni hai tha hoi akawi aw hah. Puengcang kaawm e pueng ni mamae thaw lengkaleng a taw k aw hah teh lungpatawnae dawk lengkaleng a roun g aw hah.

Hring katha nuencang

17 Hatdawkvah paletpalut lah ka pouk aw hah ni teh kahring aw hah e Jentelnaw patetlah bout na hring aw hah hoeh nahan Bawipa e kâ lahoi lawk na thui aw hah.

18 Ahnimouh teh lungthin mit a dawn aw hah. Lungthin patanae lahoi khoeroe a panue aw hah hoeh dawkvah Cathut hringnae hoi a kâkapek aw hah.

19 Ahnimouh teh kayayeirai panuek aw hah hoeh. Noenae dawk a sawtaw aw hah teh kakhin e hno aphunphun hah hoehoe a sak aw hah nahanlah mahoima radueknae kut dawk a kâpoe aw hah toe.

20 Hot patetlah na o aw hah nahan Khrih e cangkhainae hah na kamtu aw hah hoeh.

21 Jisuh dawk lawkkatang ao e patetlah a lawk hah na thai aw hah teh na kamtu aw hah.

22 Ahmaloe na hringnae, dумыen hounlounnae, lungthin hoi rawknae koe ka phat e tami karuem hah na rading aw hah nahan cangkhai lah na o aw hah.

23 Hottelah cangkhai lah na onae teh a katha e lungthin na tawn aw hah nahane doeh.

24 A katang e lannaе hoi thoungnae dawk Cathut hoi kâvan lah sak lah kaawm e tami katha hah khohnat aw hah.

25 Hatdawkvah, laithoe e lawk hah takhoe aw hah nateh, lawkkatang dueng hah buet touh hoi buet touh kâdei aw hah. Bangkongtetpawiteh, maimouh pueng teh tak buet touh e puengcang lah o aw hah.

26 Na lungkhueknae dawk yon baw k sak aw hah hanh. Na lungkhueknae roun laipalah kaniloum sak aw hah hanh.

27 Kahraimathout hanelah hmuen poe aw hah hanh.

28 Ouk ka parawt e ni bout parawt laipalah karoedengnaw a poe thai van nahan a kut hoi thaw kahawi taw k naseh.

29 Kakhin e lawk kam touh boehai nangmae pahni dawk hoi tâcawt sak aw hah hanh. Ka thai e taminaw hanelah ahawinae ao nahan a panki e patetlah roun g nahane lawk dueng mah dei aw hah.

30 Ratangnae hnin totouh hanelah nangmouh tacikkinkung Cathut e Kathoung Muitha hah a lung mathout sak aw hah hanh.

³¹ Lungduemnae, Lungphuenna, Lungkhueknae hramkinae, tami minhmai ka mathout lah lawk deinae, hounroena pueng hah takhoe aw. h.

³² Buet touh hoi buet touh kahawi hno saknae, kâpahrennae, Cathut ni Khrih thung vah nangmae yon a ngaithoum e patetlah buet touh hoi buet touh yon kângaithoum aw. h.

5

Cathut e ca lah o aw

¹ Hottelah nangmouh teh Cathut ni pahren e a ca lah na o aw. h. dawkvah, Cathut koe kamtu aw. h.

² Cathut koe hmuitui lah ao thai nahan Khrih ni amae a tak hah a kâhnawng teh thuengnae a sak e lahoi maimouh lung na pataw e patetlah lungpatawnae dawkvah hring aw. h.

³ Hatei, kamsoumhoeh napui tongpa yonnae, kakhin lah hringnae abuemlah, hounlounnae hah tami kathoungnaw ni a roun kawi e lah ao e patetlah lawk hoi boehai dei aw. h. hanh.

⁴ Ka kamcukamnat hoeh e lawk, panuilai, thangpoutlai, dei e patetlah hah takhoe aw. h. nateh pholenna lawk hah dei aw. h.

⁵ Kamsoumhoeh napui tongpa yonnae ka sak e tami, kakhin lah ka hring e tami, meikaphawk bawknae lah kaawm e hounlounnae hoi kahring e tami apipatet haiyah, Khrih hoi Cathut uknaeram dawk bangpatet e râw boehai coe mahoe tie teh na panue aw. h.

Angnae hoi hmonae

⁶ Apipatet koehai ayawmyin e lawknaw hoi kâdum sak aw. h. hanh. Hotnaw kecu dawk Cathut lungkhueknae teh lawk ka ngai hoeh e naw koeh a pha.

⁷ Hatdawkvah, ahnimouh hoi rei kambawng aw. h. hanh.

⁸ Ahmaloe vah, nangmouh teh hmonae dawk na o aw. h. Atuteh Bawipa dawk angnae lah na o aw. h. dawkvah, angnae canaw patetlah hring aw. h.

⁹ Angnae a pawnaw teh hawinae, lanna hoi lawkkatang dawk hringnae hah doeh.

¹⁰ BAWIPA Cathut ni a ngai e hno teh bangne tie hah kamtu aw. h.

¹¹ Ahawinae banghai kaawm hoeh e hmonae thawnaw hoi kâbet laipalah hotnaw hah letlang pâpho pouh aw. h.

¹² Bangkongtetpawiteh, arulahi sak e hnonaw dei e ca patenghai kaya a tho rah.

¹³ Yon pueng teh angnae lahoi doeh a kamnue. Ka kamnuek sak e hno haiyah angnae doeh.

¹⁴ Hatdawkvah, hettelah a dei aw. h. Ka ip nang kâhlaw leih, duena koehoi thaw leih, hettelah na sak pawiteh Khrih ni angnae na poe han.

Hring katha dawk pou caknae

¹⁵ Hatdawkvah tamipathu patetlah aw. m. laipalah, tami a lungkaang patetlah kheikhei na tarawi aw. h. nahan kâhruetcuet aw. h.

¹⁶ Atu e a hninnaw teh a mathoe toung dawkvah atueng hno panuek aw. h.

¹⁷ Hatdawkvah, pathu a hanh leih. Bawipa ni a ngai e hno hah kapek nateh ka panuek e tami lah aw. m. aw. h. leih.

¹⁸ Sak payonnae kampaisakkung, misurtui hoi paruinae hah roun aw. h. nateh Muitha hoi kawi aw. h.

¹⁹ Sam la, pholennae la, hoi muitha hringnae koe lah tha kâpoenae lanaw hoi buet touh hoi buet touh kâdei awh nateh lunghawî nalaihoi Bawipa pholennae la sak awh.

²⁰ Pa Cathut koevah Bawipa Jisuh Khrih min lahoi hnocawngca dawc pout laipalah lunghawinae lawk dei awh.

²¹ Cathut barinae lahoi buet touh hoi buet touh e rahim kârahnom awh.

Yunaw

²² Yunaw, Bawipa e uknae rahim na o awh e patetlah vanaw e uknae rahim vah awm awh.

²³ Bangkongtetpawiteh, Khrih teh Kawhmoun e lû lah ao e patetlah vâ teh yu e lû lah ao. Ahni teh tak rungngangkung lah ao.

²⁴ Kawhmoun teh Khrih e uknae rahim a kâhnawng e patetlah yunaw teh bangueng dawc vanaw e uknae rahim vah kâhnawng van awh.

Vanaw

²⁵ Vâdaw: Khrih ni Kawhmoun a lungpataw teh amahoima a kâhmoun e patetlah, yunaw hah lungpataw awh.

²⁶ Hottelah yon thoung lah ao teh khinnae awmhoeh. Vuen cipeinae awmhoeh. Ka kamcu e hah Khrih ni ama koe a hnawng nahanelah,

²⁷ lawkkatang tui hoi a pâsu teh thounsak nahan hote Kawhmoun hanelah a hringnae a kâpasoung toe.

²⁸ Hot patetvanlah, vanaw, namamouh hoi namamouh na lungpataw awh e patetlah yunaw hah lungpataw awh. A yu ka lungpataw e tami teh amahoima hai a lungpataw.

²⁹ Ma e takthai ka hmuhma e api buet touh hai awmhoeh. Khrih ni Kawhmoun hah a kawkhik e patetlah tami pueng ni amahoima e tak teh a kawkhik awh.

³⁰ Bangkongtetpawiteh, maimanaw teh amae a takthai, a hruhrawng lah o awh dawkvah a takthai e puengcang lah o awh.

³¹ Hete kong dawkvah, tongpa ni a na pa hoi a manu a ceitakhai vaiteh a yu hoi tak a hmawng dawkvah kahni touh roi teh tak buet touh lah a coung han.

³² Hethateh, hrolawc doeh. Hettelah ka ti navah, Khrih hoi Kawhmoun ka dei ngainae a tho.

³³ Hatdawkvah, nangmouh ni namamae takthai lungpataw awh e patetlah yu hah lungpataw awh. Yu ni hai vâ hah bari van naseh.

6

Canaw hoi manu napanaw

¹ Canaw: Bawipa ngainae patetlah nupanaw e lawk hah ngâi awh. Hot teh kamsoum e doeh.

² Manu hoi na pa hah bari awh. Hotteh apasuek e kâpoelawc hoi lawkkam lah ao.

³ Hottelah na sak pawiteh, nang teh talai van hringsawnae hoi hawinae na coe han tie lawkkam teh apasuek poung e lawkkam e kâlawc lah ao.

⁴ Panaw, canaw hah a lungphueng sak awh hanh. Bawipa e cangkhae patetlah cingthui awh nateh kawkhik awh.

Sannaw

⁵ Sannaw, Khrih e lawk na ngâi awh e patetlah talai bawinaw e lawk hai taki nalaihoi lunghringnae tawn laipalah ngâi awh.

⁶ Mithmu dueng taminaw e lung karoumsak e lah awm laipalah, Khrih e san patetlah Cathut ngainae hah lungtho nalaihoi tarawi awh.

⁷ Tami e san lah kaawm e patetlah dueng pouk laipalah, Bawipa e a san lah kaawm e patetlah bari nalaihoi a san lah awm awh.

⁸ Kahawi e hno ka sak e tami teh san nakunghai, tami kahlout nakunghai, Bawipa koehoi a tawk e patetlah bout hmu han tie hah panuek awh.

Bawinaw

⁹ Bawinaw, namamae sannaw koe hot patetvanlah sak awh. Nangmae Bawipa teh kalvan ao tie hoi ahni teh apie minhmai hai khen hoeh tie hah panuek awh.

Cathut e tarantuknae puengcang

¹⁰ A hnuktengpoung lah ka hmaunawngnanaw, Bawipa lahoi thoseh, thaonae bahu lahoi thoseh, kacaklah awm awh.

¹¹ Kahraimathout e dumpyennea na ngang thai awh nahan, Cathut ni na pathoup pouh e puengcang hoi kamthoup awh.

¹² Bangkongtetpawiteh, takthai hoi kaawm e taran hoi kâthe awh hoeh. Uknaenaw, kâtaawnnaenaw, talai hmonae ka ukkungnaw, kalvanlae muitha kathoutnaw hoi doeh kâthe awh.

¹³ Hatdawkvah, atueng kamathout e hnin dawk kacaklah na kangdue thai nahan, thaw na cum teh na ngang thai awh nahan, Cathut e puengcang kakuep e hah sin awh.

¹⁴ Lawkkatang taisawm kâyeng awh. Lannae saiphei hah kho awh.

¹⁵ Lungmawngnae kamthang kahawi pâpho nahanlah khokkhawm hah khawm awh.

¹⁶ Kahrai ni na ka e hmaisene hah na ngang thai awh nahan yuemnae bahling hah senehmaicanaw e a van vah patuem sin awh.

¹⁷ Rungngangnae sumluhuem hah huem awh nateh, Cathut e lawk Muitha tahloi hai patuem awh.

¹⁸ Pout laipalah ratoumnae a phunphun lahoi ratoum awh. Hottelah na ratoum awh navah nâtuék hai na thathout awh hanh. Na lungpout awh hanh. Kai hane hoi tami kathoungnaw hane hai ratoum awh nateh khenyawn awh.

¹⁹ Hete kamthang kahawi e laicei lah ka o dawk doeh sumbawtarui hoi na katek awh. Hote kamthang kahawi hah lungtang nalaihoi ka dei thai nahan,

²⁰ kamthang kahawi hrolawk hateh pâpho hane roeroe lah ao dawkvah taranhawi nalaihoi ka pâpho thai nahan kai hane hai ratoum awh.

²¹ Kai dawk ka tho e hnonaw hoi ka sak e hnonaw hah na panue thai awh nahan, Bawipa koe yuemkamcu lah thaw ka tawk e ka pahren e ka nawnggha Taisikas ni abuemlahoi nangmouh koe a pâpho han doeh.

Lawkthuinae

²² Nangmouh ni kaimae kamthangnaw hah na panue awh nahan, ahni ni nangmouh lung na pahawi nahanlah ahni hah nangmouh koe ka patoun e doeh.

²³ Hmaunawngnanaw nangmouh koe lungmawngnae awm lawiseh. Pa Cathut hoi Bawipa Jisuh Khrih ni na poe e yuemnae hoi lungpatawnae teh nangmouh koe awm lawiseh.

²⁴ Maimae Bawipa Jisuh Khrih lungpataw katangnaw koe a lungmanae awm lawiseh. Amen.

FILIPPI (The Epistle of Paul to the Philippians)

Lawk karouknae

¹ Kai Pawl hoi Timote, Jisuh Khrih e a san lah kaawm e ni Filippi kho kaawm e bishopnaw hoi hotunaw, Khrih Jisuh thung tami kathoungnaw pueng koe ca na patawn awh.

² Maimae Pa Cathut hoi Bawipa Jisuh Khrih koehoi e lungmanae hoi roumnae teh nangmouh koe awm lawiseh.

Lunghawi lawk deinae hoi ratoumnae

³ Nangmouh na pouk nah tangkuem, Cathut koe lunghawinae lawk ouk ka dei.

⁴ Ka ratoum tangkuem nangmouh hanlah lunghawinae lungthin hoi pou ka ratoum.

⁵ Bangkongtetpawiteh, nangmouh teh apasueke hnin koehoi atu totouh a thaw kahawi dawc cungalalah rei ka tawc e lah na o awh.

⁶ Nangmouh koe hnokahawi ka kamtawng e Cathut ni Jisuh Khrih e hnin totouh thaw na cum sak a han doeh ti yuemnae ka tawn.

⁷ Nangmanaw hoi ka kâkuen lah hettelah pouknae ka tawn e heh kahawi e lah ao. Nangmanaw pueng ni kai thongim ka bo nah thoseh, kamthang kahawi deinae dawc thoseh, kai hoi a lungmanae cungalalah rei ka hmawng awh e lah na o awh dawkvah nangmouh teh ka lungthin dawc pou na o awh.

⁸ Nangmouh teh Jisuh Khrih e lungpatawnae lahoi na rabuipoung awh tie na kapanuekkhaikung teh Cathut doeh.

⁹ Nangmae lungpatawnae teh a tang e lungangnae hoi pouknae aphun-phun dawc hoehoe kuep teh,

¹⁰ Ka lentoe e hno hah kapeknae na tawn thai awh nahan hoi Jisuh Khrih e hnin nah kathoung lahoi toun awm laipalah na o thai awh han.

¹¹ Jisuh Khrih lahoi lanna apaw dawc na kuep thai awh teh Cathut lentoe kamnu e thai nahane hoi a bawilenna na pholen thai awh nahan ka ratoum.

Lawk kamthang a pungnae

¹² Hmaunawngghanaw kai dawc kaphate hnonaw ni kamthang kahawi hoe a kampai sak tie na panue thai awh nahanlah na ngai khai awh.

¹³ Hatdawkvah, Khrih kecu dawc kateknae ka khang e heh, siang-pahrang im koe dueng laipalah, hmuen tangkuem a kamnu e.

¹⁴ Kapap e hmaunawngghanaw ni kai ni kateknae ka khang kecu dawc Bawipa dawc yuemnae a cak awh teh, takinae tawn laipalah taranhawi laihoi kamthang lawk a dei awh.

¹⁵ Tangawn ni teh hmuhmanae lungthin hoi kâtaran hanlah Khrih kamthang a dei awh.

¹⁶ A lungpatawnae lungthin hoi ka dei e taminaw ni kahawi e kamthang heh Bawipa ni na poe e thaw doeh ti a panue dawc pahrennae lungthin katang hoi a pâpho awh.

¹⁷ Alouknaw ni teh kai katek lah ka onae dawkvah, runae hoehoe kâhmo seh tie ngai lahoi yah, kâtanæ lung hoi Khrih e kamthang kahawi teh a dei awh.

18 Telah pawiteh bangtelamaw dei awh han, kâsak laihoi nakunghai, lawkkatang lahoi nakunghai, Khrih kong dei lah ao dawk ka konawm. Hmalah hai ka ko bout a nawm han.

19 Bangkongtetpawiteh, nangmae ratoumnae naw hoi Jisuh Khrih e Muitha koehoi kabawpnae naw hoi hetnaw teh, kai ka hloutnae lah ao han telah ka panue.

20 Kai teh bangpatet hno dawk hai kayayeirai takinae awm hoeh. Yampa e patetlah atu hai taranhawinae hoi ka kawih lahun, ka hring hai thoseh, ka due hai thoseh ka takthai dawk hoi Khrih teh pholen lah ao han tie ngaihawinae kalenpoung ka tawn.

Khrih hanlah hringnae

21 Bangkongtetpawiteh, kai kahringnae teh Khrih doeh, ka due haiyah meknae lah ao.

22 Hahoi ka hring rah pawiteh apu kaawm e thaw bout ka tawk thai nahanlah bangmaw ka rawi han ti ka panuek hoeh.

23 Hatdawkvah kai teh hno kahni touh e rahak vah ka o. Kai teh talai hringnae ceitakhai vaiteh Khrih hoi o hanelah ka ngai toe, hot teh hoe kahawi e doeh.

24 Hateiteh, hete tak hoi kai roup kaawm rah pawiteh nangmouh hanlah hoe pankinae lah ao.

25 Hatdawkvah yuemnae a rounng nahan hoi lunghawi nahanlah kahring rah pawiteh nangmouh hoi cungtalah rei o han tie hah yuemnae lahoi ka panue.

26 Hat nah nangmouh koe bout ka tho toteh kai hoi Jisuh Khrih dawk na lunghawinae hoe apap han.

27 Bangtelah nakunghai nangmouh teh Khrih e kamthang kahawi hoi kamcu lah khosak awh. Hottelah na hring awh pawiteh Muitha buet touh dawk kacaklah na kangdout e lah awm vaiteh, lungkânging lahoi Khrih e kamthang kahawi yuemnae dawk thaw rei ka tawk e lah na o awh han. Na ka taran e naw kong dawk, takinae banghai awmhoeh tie hah, nangmouh hoi ka kâhmo nakunghai, kamphei nakunghai ka panue thai han.

28 Hottelah takihoechnae teh ahnimouh hanlah rawk kahmanae lah ao. Nangmouh hanelah teh runggangnae lah ao teh Cathut koehoi ka tho e lah ao.

29 Bangkongtetpawiteh, Khrih thaw tawk e hateh ama yuem e dueng laipalah, ama hanelah runae khang sin hanelah hai na poe sin e a tho dawkvah,

30 kai ni ka kâhmo e hai na panue awh. Atu hai kai ni ka kâhmo e patet e hah nangmouh ni na kâhmo awh.

2

Kayuemnaw e kârahnoumnae

1 Hatdawkvah Khrih dawk thapoena, lungpatawnae, Muitha hoi kâhuikonae, kâpahrennae tie buetbuet touh awm pawiteh,

2 nangmouh ni buet touh hoi buet touh lungkâpataw awh nateh, lungthin kâkapeknae tawn laipalah lungthin cungtalah pouknae lahoi ka lunghawinae kuep sak awh.

3 Kâtaran ngainae lungthin, kâoupkapawinae lungthin tawn laihoi bangpatet e hno hai sak awh hanh. Ayânaw kai hlah ahawi telah buet touh hoi buet touh kârahnoumnae lungthin hoi khosak awh.

⁴ Ma hane ahawinae dueng pouk laipalah ayâ louk hane hai pouk pouh van awh.

Khrih a kârahnoumnae hoi oupnae

⁵ Khrih Jisuh thung kaawm e lungthin hah nangmouh koehai awm sak van awh.

⁶ Hote Bawipa teh Cathut counгнаe hoi a kuep ei teh Cathut hoi kâvannaе thama lahoi lawp hanelah pouknae tawn hoeh.

⁷ Amae a reng a ceitakhai teh san counгнаe a kâmahrawk teh tami patetlah a khe.

⁸ Hottelah tami counгнаe hoi a kuep teh thingpalam dawк duенаe totouh a khang teh amahoima a kârahnoum.

⁹ Hatdawкvah Pa Cathut ni Bawipa teh a lathueng poung lah a tawm teh min pueng hlak ka talue poung e min a poe.

¹⁰ Bangkongtetpawiteh, Jisuh min barinae lah kalvan kaawm e, talai dawк kaawm e, talai thung kaawm e kâroe tako pueng ni khok a cuengkhuem vaiteh,

¹¹ Jisuh Khrih teh Bawipa doeh telah pahni hoi a kampangkhai teh, Pa Cathut a bawilennaе a kamnue sak nahane doeh.

Talai angnae

¹² Hatdawкvah ka pahren e naw, lawк pou na ngâi awh e patetlah nangmouh teh ka mithmu lawк na ngâi e dueng laipalah, kai hoi na kâhla nahai lawк na ngâi awh teh, takinae lung hoi nangmae rungngangnae hah kamnueк sak awh.

¹³ Bangkongtetpawiteh, nangmouh teh ngainaе tawn sak han e, tawк sak han e, nangmae thung lungthocalah hoi thawtawкkung teh Cathut doeh.

¹⁴ Bang patet e thaw dawк hai phuenangnae tawn laipalah tawк awh.

¹⁵ Hottelah na tetpawiteh tami kadumyennaw hmalah nangmouh teh tounhoehe hoi ayâ runae ka poe hoeh e Cathut e ca lah na o awh han. Hringnae lawкkatang hah kacaklah na patuep awh vaiteh, kalvan lah kaawm e hmaiangnaw patetlah ahnimae thung pheng a tue pouh han.

¹⁶ Hottelah hoiyah kai teh ayawmyin lah ka yawng hoeh tie hoi ayawmyin lah ka kâyawm e nahoehe tie hah Khrih e hnin a pha toteh ka konawm han.

¹⁷ Hot dueng laipalah nangmae yuemnae hoi kâkuen e bawкnae, hoi thuengnae naw dawк kai na thueng awh han ati awh nakunghai, ka lunghawi vaiteh nangmouh pueng hoi cungtalah ka konawm han.

¹⁸ Hot patetvanlah nangmouh hai na lunghawi awh, kai hoi cungtalah konawm awh.

Timote hoi Epaphroditus

¹⁹ Nangmae akongnaw ka thai navah ka tha hoe ao. Nangmouh koe Timote tang ka patoun thai nahanelah, Jisuh Khrih dawк ngaihawinae ka tawn.

²⁰ Bangkongtetpawiteh, Timote patetlah kai hoi lungkânging niteh, nangmae hawi nahanelah, ka pouк katang e tami buet touh hai kai koe awmhoeh.

²¹ Taminaw pueng teh Khrih Jisuh ahawi nahan tawng awh hoeh, ma hawi nahan dueng doeh a tawng awh.

²² Hatei Timote teh kai hoi cungtalah, a capa hoi a na pa patetlah kamthang kahawi hanelah thaw ka tawк roi katang doeh tie ahni ni a kamnue sak e nangmouh ni na panue awh.

²³ Hatdawkvah kai dawk bangtelah ao han tie ka panue nah ahni teh nangmouh na o koe tang ka patoun han telah pouknae ka tawn.

²⁴ Kama roeroe hai palang ka tho thai han doeh telah Bawipa dawk yuemnae ka tawn.

²⁵ Ka nawngna Epaphroditus teh nangmouh koe atu patoune hane a panki telah ka pouk. Ahni teh kai hoi thaw tawk hui, ransa hui lah ao.

²⁶ Bangkongtetpawiteh ahni patounnae a kong nangmouh ni na thai a dawk doeh. Ahni ni nangmanaw pueng na rabui lawi vah a lung nawm hoeh.

²⁷ Ahni teh meimei kadout lah a pataw, hatnavah Cathut ni ahni teh a pahren, ahni dueng a pahren e nahoe, kai ka lung boutbout a mathoe hoeh nahanelah, kai hai na pahren e lah ao.

²⁸ Hatdawkvah nangmouh teh ahni hah bout na hmu awh nah konawm sak nahan, kai hai ka lung tha a dam nahan, ahni teh hoe a kâyawm dawkvah ka patoun.

²⁹ Hatdawkvah Bawipa khet lahoi lunghawinae lahoi ahni teh dâw awh. Hot patetlah e taminaw bari awh.

³⁰ Bangkongtetpawiteh, ahnimouh ni kai na khetyawt awh, ka kuep hoeh rae thaw hah ahni ni a kuep sak hanelah ka hringnae kâhmoun teh Khrih e a thaw kecu dawk duena koe meimei ka pha toe.

3

Khrih panuena

¹ Ahnoungepoung lah ka hmaunawngghanaw, Bawipa dawk na konawm awh. Kai ni boutbout ka thut nakunghai ka patang hoeh. Bangkongtetpawiteh nangmouh teh karoumlah na o awh han.

² Uinaw roun awh. Tami kahawi hoeh e naw hah roun awh. Vuensoma e lah ka kâsaknaw roun awh.

Lunghawi lawk deinae hoi ratoumnae

³ Maimouh ni Cathut heh Muitha lahoi bawk dawkvah maimouh teh vuensoma katang e lah o awh. Bangkongtetpawiteh, maimouh teh talai dawk kamngawi awh laipalah, Khrih Jisuh thung konawm e lah o awh.

⁴ Hatei takthai koe lahoi kâoupkhai hane ka tawn van. Alouknaw ni kâoupkhai hane ao tet awh pawiteh kai dawk hoe ao.

⁵ Bangkongtetpawiteh, kai teh aphung patetlah ataroe hnin vuensoma lah ka o. Hebrunaw thung dawk Hebru, Ísarel miphun Benjamin catoun Farasi lah ka o.

⁶ Lungthonae koe lahoi pawiteh, kawhmoun karektapkung lah ka o. Kâlawk dawk e lanna lahoi teh tounhoehe lah ka o.

⁷ Hatei hete hnouaw pueng teh Khrih dawkvah banglahai ka pouk hoeh toe.

⁸ Maimae Bawipa Khrih Jisuh panuena aphu kaawm e hno dawk bangpueng ka sung sak e lah ka pouk. Hote Bawipa kecu dawk bangpueng hai ka hnoun teh eivoi patetlah doeh ka pouk.

⁹ Ka lanna heh kâlawk dawk hoi laipalah Khrih thung yuemnae lahoi doeh ka coe, hote lanna teh Cathut koehoi e yuemnae lahoi doeh.

¹⁰ Kai ka ngaina teh Khrih panue hane hoi a ma boutthawnae panue vaiteh a ma a khangnae khang van han hoiyah a ma patetlah due van hane doeh.

¹¹ Ka ngaihawinae teh, duena koehoi boutthawnae koe pha hane doeh.

Kawntung koe yawngnae

¹² Kai teh ka kuepcing toe ka ti ngainae tho hoeh. Khrih Jisuh ni hote thaw tawk thai nahanelah, kai hah na man dawkvah, kai ni hai hote thaw ka tawk thai nahanelah ka kâyawm.

¹³ Hmaunawngghanaw, kai ni ka kuet toe ka tie nahoe. Hatei buet touh ka sak e hno teh, hnuk lae naw ka pahnim teh, hmalae hnonaw koe lah ka kâyap.

¹⁴ Khrih Jisuh thung Cathut ni lathueng lahoi na kaw teh na poe hane suh hah ka hmu thai nahanlah kawntung koe kâyawm laihoi ka yawng.

¹⁵ Hatdawkvah kacue e tami pueng ni teh het patetlah e lungthin tawn hanelah ao. Nangmouh dawk pouknae aloukdouk na tawn awh pawiteh, hot patenghai Cathut ni a pâpho han.

¹⁶ Bangtelah nakunghai, maimouh ni atu totouh pha awh e patetlah hmalah hoe cet awh sei .

¹⁷ Hmaunawngghanaw kaie khosaknae hah out awh. Kaimouh koehoi out kawi e patetlah katarawinaw hai nangmouh ni khen sin awh.

¹⁸ Kai ni hete kong dawk ka dei e patetlah atu hai ka mitphi bout a bo. Bangkongtetpawiteh Khrih e thingpalam hah ka taran e tami moi apap.

¹⁹ Ahnimouh teh rawknae koe a hringnae a pâpout awh. Bangkongtetpawiteh ahnimae Cathut teh vonpui doeh. Ahnimouh ni kaya kawi e hnopai dawkvah a kâoup awh teh talai hno dawk a lungpen awh.

²⁰ Hatei maimanaw teh, kalvanlae tami lah o awh. Hote hmuen koehoi ka tho hane Rungngangkung, Bawipa Jisuh Khrih hah maimouh ni ngaihawi awh.

²¹ Hote Bawipa teh bangpueng haiyah, amae lawkngai sak thainae bahu hoi banglah kaawm hoeh e maimae tak hah bawilenna hoi ka kawi e amae tak hoi kâvan sak hanelah, a kâthungsak han.

4

Hroecoenaew

¹ Hatdawkvah, kaie lunghawinae hoi bawilukhung lah kaawm e, ka pahren teh, ka rabui e, ka hmaunawngghanaw, ka dei e patetlah nangmouh teh ka pahren poung e, Bawipa dawk kacaklah awh awh ka pahrennaw.

² Euodias hoi Sintikke, Bawipa dawk lungthin suetalah na o awh nahanlah na hroecoe awh.

³ Kai hoi thaw rei ka tawk huinaw nangmouh hai na dei pouh awh. Kai hoi Klement, hahoi hringnae dawk kâen e alouke thaw ka tawk hui naw hoi kamthang lawk deinae koe na kabawm e, hote napuinaw hah ka bawm awh lah a.

⁴ Bawipa dawk konawm awh haw, bout ka dei ko pou nawm awh haw.

⁵ Nangmouh lungthin na nem awh e teh tami pueng ni panuek naseh.

⁶ Bangpatet e hno dawk hai lungpuenna tawn laipalah lunghawilawkdeinae hoi ratoum awh nateh, na kâhei han na ngai e pueng hah Cathut koe panuek sak awh.

⁷ Hatnavah, taminaw ni panue thai hoeh e Cathut e roumnae teh Khrih Jisuh lahoi nangmae na lungthin hoi na pouknae naw hah a ring han.

⁸ Ahnoungepoung lah hmaunawngghanaw kahman e, bari kawi e, kalan e, kacai e, ngai kaawm e, a kamthang kahawi e naw hoi na lungthin dawk kawi sak awh.

⁹ Nangmouh ni ahmaloe hoi kai koe na kamtu awh teh, na hmu awh teh na thai awh e naw dawk hring awh. Hottelah na hring awh pawiteh, roumnae Cathut teh nangmouh hoi rei a o han.

Kabawpnae dawk lunghawi lawk deinae

¹⁰ Atu haiyah nangmouh ni kai hah khetyawt hanlah na lung bout a kuep awh dawkvah, Bawipa dawk puenghoi ka konawm. Hote lungthonae hah ahmaloe hai na tawn awh ei, na khenyawn thai awh hoeh.

¹¹ Hottelah ka dei navah, ka roedeng dawk nahoe. Bangkongtetpawiteh, ka kâhmo e pueng dawk lungkuep thai nahanelah yo kamtu toe.

¹² Hnephnapnae ka khang thai teh, bawirengnae hai ka panue toe. Von pahanae, vonhlamnae, bawirengnae roedengnae naw pueng khang hanelah kho tangkuem vah ka kamtu toe.

¹³ Kai hah thayung hoi na kakawi sak e Khrih lahoi bangpuengpa ka ti thai.

¹⁴ Hatei roedengnae ka khang navah, nangmouh ni kahawicalah na khetyawt awh toe.

¹⁵ Filippi taminaw, kamthang lawk dei hanelah Masidonia ram hoi nuengnueng ka kamthaw nah poenae hoi dâwnae hah nangmouh hloilah alouke kawhmoun ni na kabawm awh hoeh .

¹⁶ Thesalon khopui dawk ka o nah kai ni ka panki e hno vai hni touh na poe awh toe.

¹⁷ Hottelah ka ti navah, poehno ka tawngnae nahoe. Nangmanaw na bawi awh nahanlah doeh na ngaikhai awh.

¹⁸ Kai teh bangpueng koug ka tawn toe. Nangmouh ni na patawn e poehno hah Epaphroditus koehoi kakueplah ka dâw toe. Hote hnonaw teh a hmuï katui e, Cathut ni a ngai kawi e hno lah ao.

¹⁹ Maimae Cathut ni a bawilenna dawk kaawm e amae bawinae hoiyah nangmae pankinae pueng teh Khrih Jisuh lahoi a kuep sak han.

²⁰ Maimae na pa Cathut teh talai a pout hoehroukrak lentoe lawiseh. Amen.

Ahnoungpoung lawk deinae

²¹ Khrih Jisuh thung kaawm e tami kathoung naw hah kut man a loe. Kai koe kaawm e hmaunawngghanaw ni hai nangmouh kut na man awh.

²² Tami kathoungnaw thung dawk alawkpui lah Sizar Bawi im kaawm e naw ni nangmouh kut na man awh.

²³ Maimae Bawipa Jisuh Khrih e a lungmanae teh nangmouh koe awm lawiseh. Amen.

KOLOSA (The Epistle of Paul to the Colossians)

Lawk karouknae

¹ Kai Pawl, Cathut ngainae lahoi Jisuh Khrih e guncei lah kaawm e hoi, Timote ni Kolosa kho kaawm, Khrih thung kaawm e tami kathoungnaw hoi yuemkamcu e hmaunawngnaw ca na patawn awh.

² Jisuh Khrih hoi maimae Pa Cathut koe e lungmanae hoi lungmawngnae teh nangmouh koe awm lawiseh.

Lunghawi lawk deinae

³ Nangmouh ni Khrih Jisuh hah na yuem awh teh,

⁴ tami kathoungnaw pueng hah na lungpataw awh tie ka thai awh dawkvah,

⁵ Lawkkatang kamthang lawk nangmouh ni na thai awh teh, na yuem awh e patetlah nangmouh hane ngaihawinae kalvan vah hmouk lah ao dawkvah, nangmouh hanelah pout laipalah ka ratoum awh teh, maimae Bawipa Jisuh Khrih e Pa Cathut e lungmanae teh ka pholen.

⁶ Hote kamthang teh talaivan pueng a kamthang toung dawkvah nangmouh koe totouh hai a pha toe. Cathut e lungmanae lawkkatang hah na thai awh teh na panue awh hnin hoi, a paw na paw awh, na rounng awh e patetlah kho tangkuem vah a kampung van.

⁷ Hote hah Epaphras ni na cangkhai awh e patetlah na coe awh. Ahni teh, kaimouh lungpataw e thaw tawk hui, Jisuh Khrih e a san lah kaawm e a tho.

⁸ Muitha dawkw lungpatawnae na tawn awh e ahni ni toungloung a dei.

Muitha rounng nahanelah ratoumnae

⁹ Hatdawkvah, nangmae kong ka thai awh nah hnin hoi nangmouh hanlah ratoumnae ka p apout awh hoeh.

¹⁰ Ka ratoum awh e teh, Bawipa e lungang hringnae hoi na hring awh teh, bangpueng koe ama lung kahawi sak e lah na o awh nahan, kahawi e nuen aphunphun dawkw a paw na paw awh nahan, Cathut panuenaedawkw na rounng awh nahan,

¹¹ thaonae bahu hoi na kawi awh teh, khangnae hoi na lung a saw awh nahan,

¹² angnae dawkw kaawm e tami kathoungnaw e raw hah na coe thai awh nahanelah, na ka kamcu sak e Bawipa hah lunghawi nalaihoi na pholen awh thai nahan, lungangnae aphunphun, poukthainae aphunphun lahoi Cathut e a ngainae hah na panue awh thai nahan ouk ka ratoum.

¹³ Cathut ni hmonae thung hoi na rasa awh teh a lungpataw e Capa e ram dawkw na paen awh.

¹⁴ Hote Capa e a thipaling lahoi, ratangnae tie yon ngaithoumnae teh coe awh.

Akungtuen e Khrih

¹⁵ Capa teh mithmu hoeh e Cathut mei ka kamnuék sak e lah ao teh hnosak puengpa e lathueng vah camin lah ao.

¹⁶ Ahni pawlawkw lahoi hnocawngca pueng teh sak e lah ao. Kalvan kaawm e hnocawngca hoi talai van kaawm e hno cawngca, hmu thai e

hoi hmu thai hoeh e, bawitungkhung, uknae, kâtawnae bahunaw pueng teh ahni lahoi sak e lah ao teh a Capa hanelah sak e lah ao.

¹⁷ Ahni teh hnocawngca ao hoehnahlan ao toe. Ahni thungvah hnocawngca pueng teh a kamtue.

¹⁸ Hahoi, ahni teh kawhmoun e lû lah ao. Kamtawngnae lah kaawm niteh duenae koehoi camin lah ao dawkvah hnocawngca pueng e lathueng poung lah ao.

¹⁹ Bangkongtetpawiteh a cawngca pueng e kuepnae teh ahni dawk a kamtue.

²⁰ Thingpalam dawk a rabawk e a thi lahoi, taran a roum sak teh, kalvanlae hno nakunghai, talailae hno nakunghai, hnocawngca pueng hah Capa lahoi Cathut hoi a kâmaihawi sak.

²¹ Ahmaloe teh kahawihoehe hno sak awh dawkvah, lungthung vah taran lah o awh teh Cathut hoi kâkapek awh.

²² Atu teh, takthai hoi kâkuem e tak dawk duenae lahoi kâmaihawi awh toe.

²³ Bangkongtetpawiteh, na thai awh tangcoung e kamthang kahawi ngaihawinae dawk hoi, phen laipalah, kacaklah na yuem awh pawiteh, amae hmalah ka thoung e, tounhoehe lah na o sak nahane doeh. Het hateh, na thai a tangcoung e kalvan rahim kaawm e hnocawngca koe pathang lah kaawm e, kai Pawl nihai a san lah ka okhai e kamthang kahawi doeh.

Pawl ni thaw tawknae

²⁴ Atuvah amae tak tie kawhmoun hane kecu dawk Khrih e reithainae a panki rae hah ka takthai dawk ka kuep sak. Nangmouh hanelah reithai ka khangnae dawk ka konawm.

²⁵ Ayan e se dawk hro lah ao eiteh, atuteh ngit pâpho sak hanelah tami kathoungnaw koe a pâpho e hro lah kaawm e Cathut e lawkkatang hah teh nangmouh hane kecu dawk kai koe a kuep sak toe.

²⁶ Hottelah ka kuep sak e Cathut e a thaw ka cangkhai e lah kai teh ka o.

²⁷ Jentelnaw ni hote hrolawk lah kaawm e bawinae teh banghloimaw a len tie hah tami kathoungnaw koehoi patuen panue sak hanlah Cathut ni a ngai. Hote hno teh nangmouh thung vah kaawm e ngaihawinae Khrih hah doeh.

²⁸ Khrih Jisuh thung tami pueng kuepnae koe pha thai awh nahanlah tami pueng kâhruetcuetae nae poe awh nateh, lungangnae aphunphun lahoi kamthang kahawi teh pâpho awh.

²⁹ Hottelah kai teh a thaw ka tawk. Kai dawk a bahu ni na pathoup teh a hnosakthainae hoi ka panki teh ka tawk.

2

¹ Nangmouh hoi Laodicea kho kaawm e taminaw hoi ka minhmai ka hmawt hoeh rae naw pueng hanelah banghloimaw ka panki teh ka kâroe tie hah panue sak hanelah ka ngai.

² Hethateh, nangmouh lungpahawinae lah ao teh, lungpatawnae dawk lungthin kâsawmbawmnae hoi Pa Cathut hoi Khrih e hrolawk hah panue thai awh nahane doeh.

³ Hote Khrih dawkvah lungangnae hoi panuenae puengpa teh hro lah ao.

⁴ Apipatet e tami nihai dumyennaenaw lawk hoi, na dumyen awh hoeh nahanlah hete lawk heh ka dei.

⁵ Takthai lahoi teh nangmouh hoi ka kâhlat nakunghai, ka muitha lahoi teh nangmouh hoi reirei ka o. Hatdawkvah, nangmouh ni kahawicalah na tawk aw h e, Khrih Jisuh dawk kacaklah na yuem aw h e naw hah ka hmu nahav ka lunghawî.

Khrih dawk hringnae hoi khoktakannae

⁶ Khrih Jisuh hah na yuem aw h toung dawkvah Khrih dawk hring aw h.

⁷ Ama thung tangpha kacaklah pabawt nateh a ma dawk na hring aw h teh, na kamtu aw h e patetlah yuemnae dawk cak aw h nateh, lunghawilawkdeinae dawk hring aw h.

⁸ Jisuh Khrih e a lawk dawk dawn laipalah tami ni a sak e hoi talaivan phunglam hah a dawn aw h teh, ayawmyin e thouthainae lahoi apipatet nihai na dumyen aw h teh, na lawp aw h hoeh nahan kâhruetcuet aw h.

⁹ Bangkongtetpawiteh, Cathut a coungnae pueng hateh, Khrih tak dawk doeh ao.

¹⁰ Hote Bawipa teh hnosakhainae, uk thainae abuemlae lû lah ao teh maimouh kuepcingnae lah ao.

¹¹ Khrih hoi kâkuen e vuensomanae lahoi, tak hoi kâkuen e takthai hah, rading aw h nateh, tami e kut hoi laipalah e vuensomanae hah, hote Bawipa koehoi coe aw h toe.

¹² Hatdawkvah, Cathut ni a hnosak e yuemnae lahoi Baptisma dawk hmai pakawp lah o aw h teh duenae koehoi a thawnae dawk yuemnae lahoi Khrih dawk hmai thaw sak lah o aw h toe.

¹³ Sak payonnae hoi vuensoma hoehnae yon dawk kadout e nangmouh teh Cathut ni Khrih dawk cungtalah na hring sak teh, sakpayon e yon kaawm e pueng hah a ngaihoum toe.

¹⁴ Maimouh hoi ka kâtaran lah thut lah kaawm e hah, thingpalam dawk hetsinnae lahoi a takhoe teh, maimae rahak hoi a pâmen toe.

¹⁵ Hnosakhainae hoi bahu tawnae hah hmantang vah a kamnue sak teh, thingpalam dawk hoi a tâ toe.

¹⁶ Hatdawkvah, na canei e, pawî hnin, thaparei hnin, sabbath hnin na sakyoe aw h e dawkvah apipatet koehai lawkceng sak aw h hanh.

¹⁷ Hotnaw hateh hmalah ka tâcawt hane a tâhlipnaw lah doeh ao. A tak teh Khrih ama doeh.

¹⁸ Lû hah kâuep laipalah, a kâoup aw h teh amamouh ni a hmu hoeh e naw hah a noumcai aw h. Muitha hringnae laipalah, kalvantami ka bawk e apipatet koehai kâdum sak aw h hanh.

¹⁹ Lû koehoi doeh puengcang takthai pueng ni tha akawi aw h teh, Cathut ngainae patetlah tak ni a rounng thai.

²⁰ Het talaivan phung dawk Jisuh Khrih hoi cungtalah, na dout aw h toung pawiteh,

²¹ het talai tak a hring nathing vah bangkongmaw talai phung lah kaawm e tek hanh, patek hanh, kâbet hanh tie naw hah toungloung na tarawi a vaw.

²² Tami e kâpoelawknaw hoi kâcangkhaenae dawk tarawinae pueng teh rawk kahmanae seng doeh.

²³ Hot patetlah e kâlawnaw teh mahoima kaboumlah kâpacanae tho hoeh. Mahmawk bawknaw, katang hoeh e kârahnoumnae, kârektapnae lah ao dawkvah a lungkaang e boiboe lah a kâsak aw h.

¹ Ka dei tangcoung e patetlah nangmouh teh Khrih hoi cungtalah na thaw awh toung pawiteh Khrih ni Pa e aranglah a tahungnae hmuen koe kaawm e kahlun lae hno tawng awh.

² Talai van kaawm e hno dawk na lung pen awh hanh. Kahlun lae hnonaw dawk na lung pen awh.

³ Bangkongtetpawiteh, nangmouh teh na due awh toung dawkvah, nangmae hringnae teh Khrih hoi cungtalah Cathut thung hro lah ao toe.

⁴ Maimae hringnae lah kaawm e Khrih a kamnue toteh maimouh hai ama hoi cungtalah bawilen laihoi kamnue awh van han.

⁵ Hatdawkvah, ka kamsoumhoehe napui tongpa yonnae, kaisuena, lungradueknae, kathout lah onae, meikaphawk bawknae lah kaawm e hounlounnae, het talai van kaawm e pueng hah dout sak awh.

⁶ Hetnaw kecu dawk Cathut lungkhueknae teh a lawk ka tarawi hoeh e naw koevah a pha.

⁷ Nangmouh hai ahmaloe teh hotnaw dawk ka hring e lah na o awh.

⁸ Hatei atuteh, lungkhueknae, Lungphuenna, hmuhmana, tounkhouknae, kakhin e lawk deinae kaawm e pueng hah nangmae pahni dawk hoi takhoe awh.

⁹ Tami karuem hoi a sakenaw hah na takhoe awh hnukkhu, buet touh hoi buet touh kâdum awh hanh.

¹⁰ A katang e lungangnae hoi sak katha lah kaawm e tami katha, kasakkung e mei ka lat e hah kâmahrawk awh toe.

¹¹ Hote sak katha e dawk teh Grik, Judah, vuensoma e, vuensoma hoeh e, tamipathunaw, tamimathengnaw, san, tami kahlout, tie awmhoeh toe. Khrih teh hnocawngca kuepcingnae lah ao teh hnocawngca thung hai ao.

Khrih tami hringnae

¹² Hatdawkvah, Cathut ni rawi e tami, thoungsak e tami, a lungpataw e tami lah na o awh e patetlah pahrenpavaina, pahrenlungmana, kârahnounnae, lungdolungnemnae, lungsawnae naw hah khohnat awh.

¹³ Buet touh hoi buet touh yon kâtoun kawi awm pawiteh Khrih ni na ngaithoum awh e patetlah buet touh hoi buet touh yon kângaithoum awh.

¹⁴ Kuepcingnae lah kaawm e lungpatawnae hah patuen khohnat sin awh.

¹⁵ Nangmae lungthung vah, Khrih e lungmawngnae ni uk seh. Hottelah hanelah doeh nangmouh teh tak buet touh thung kaw e lah na o awh. A lung kahawi e lah awm awh.

¹⁶ Khrih e a lawkkatang teh nangmouh thungvah yikkawi naseh. Nangmouh teh Sam la, Cathut pholenna la, muitha la aphunphun sak awh nateh, buet touh hoi buet touh kâhroecoena, tha kâpahmeinae, tawn awh.

¹⁷ Lawk na dei nakunghai, a thaw na tawk nakunghai, bangpueng Bawipa Jisuh Khrih e min lahoi yah, tawksak awh. A lungmanaeh teh a len tangngak ti hoi Pa Cathut hmalah lunghawinae lawk dei awh.

¹⁸ Yunaw, Bawipa dawk na o awh e patetlah vâdaw e uknae rahim vah awm awh.

¹⁹ Vanaw, na yunaw hah lungpataw awh. Kuekluekhmailuek tet awh hanh.

²⁰ Camonaw, manu na pa e lawk hah ngâi awh. Manu na pa e lawkngainaeh teh, Bawipa ni a ngai e hno doeh.

²¹ Napanaw, canaw hah a lungphuen sak awh hanh. A lung na phuen sak awh pawiteh, a lung a pout awh han.

²² Sannaw, Bawipa taket awh nateh, tami lunghawi nahane dueng lah mithmu dueng tawk awh hanh. Lunghring laipalah, talai bawinaw e lawk hah ngâi awh.

²³ Tami e thaw dueng ka tawk e lah pouk laipalah, Bawipa e a thaw ka tawk e lah pouk awh nateh, lunghocalah hoi bangpueng tawk awh.

²⁴ Nangmouh teh Bawipa Khrih e thaw tawkkung lah na o awh dawkvah, râw teh tawkpheu lah Bawipa kut dawk hoi na coe a han tie panuek awh.

²⁵ Kamsoumhoeh hno ka sak e tami teh, ama ni a tawk e apheu hah a hmu han. Apihai ngaima tanae awm mahoe.

4

¹ Bawinaw, nangmae Bawi teh kalvan vah ao tie panuek awh nateh, na sannaw koe kahman lah, kahawi e hno sak awh.

Alouke lawkthuinaenaw

² Pou ratoum awh nateh, lunghawilawkdeinae hoi khenyawn awh.

³ Kai teh Khrih e hrolawk kecu dawk sumrui hoi katek lah ka o dawkvah,

⁴ Hote hrolawk hah pâpho nahanelah Cathut ni takhang a paawng nahan, hote hrolawk teh pâpho hane kawî lah ao dawkvah, ka pâpho thai nahan, kaimouh hane lahai ratoum awh.

Ahnoungpoung lawkthuinae

⁵ Alawilae taminaw e minhmai khet laihoi, lungangnae lahoi kêroe awh nateh, atueng hah hno panuek awh.

⁶ Tami pueng bangtelane let ka pato han tie na panue thai awh nahan, nangmae na lawk dei e teh palawi patetlah paan sak awh nateh, pout laipalah lungmanae lah pou awm naseh.

⁷ Bawipa dawk yuemkamcu e, Bawipa e a san lah rei kaawm awh e, ka lungpataw e ka nawngha Taisikas ni kaie a konglam kaawm e pueng teh na dei pouh han doeh.

⁸ Ahni teh nangmae konglam koung a panue dawkvah nangmouh lung na pahawi nahanlah,

⁹ nangmouh thung e yuemkamcu e hoi ka lungpataw e ka nawngha Onesimus hoi ahni teh reirei a tho roi han. Ahnimouh roi ni hie kothung e kamthang pueng hah nangmouh koe a dei roi han.

¹⁰ Kai hoi thongim rei ka bawt e Aristarkas, Barnabas e a pahringca Mark, Justus telañ a kaw awh e Jisuh tinaw ni kut na man awh. Mârk hanelah nangmouh koe lawk na thui awh toe. Nangmouh koe a tho toteh dawn awh.

¹¹ Vuensom a lah kaawm e naw dawkvah, ahnimouh dueng doeh Cathut uknaeram hanelah kai hoi reirei ka tawk e lah kaawm niteh, ka lung ahawi sak awh.

¹² Nangmouh thung e Khrih Jisuh e a san Epaphras ni nangmanaw kut na man awh. Nangmouh na cue awh teh, Cathut ngainae dawk kacaklah na kangdue awh nahan, nangmouh hanelah a kâyawm teh ouk a ratoum.

¹³ Ahni teh nangmouh hane hoi, Laodicea kho kaawmnaw hane hoi, Hierapolis kho kaawmnaw hanelah a lung ka tho roeroe e doeh titeh kai ni ka kampangkhai .

¹⁴ Ka lungpataw e tásibawi Luk hoi Demas ni kut na man awh.

¹⁵ Laodicea kho kaawm e hmaunawngnanaw, Nimpha hoi ahni im kaawm e kawhmoun hah kutman awh.

¹⁶ Hete ca heh, nangmouh ni na touk aw hnukkhu vah, Laodicea kawhmoun hai touk sak aw h. Hote kho koehoi e ca hai nangmouh ni touk van aw h.

¹⁷ Arkhippas koe hai, Bawipa koehoi na coe e thaw hah, kuep sak nahanelah kâhruetcu et loe tet pouh aw h.

¹⁸ Kai Pawl ni nangmouh kutman nae ca hah ka mae kut hoi ka thut. Ka khang e kateknae hah pahnim aw h hanh. A lungman nae nangmouh koe aw m lawiseh. Amen.

1 THESSALON

(The First Epistle of Paul to the Thessalonians)

Lawk karouknae

¹ Pawl, Silvanas hoi Timote tinaw ni Cathut hoi Bawipa Jisuh Khrih dawk kaawm e, Thesalon kho e kawhmoun, nangmouh koe ca na patawn awh. Bawipa Jisuh Khrih hoi maimae Pa Cathut koe e lungmanae hoi roumnae teh nangmouh koe awm lawisewh.

Lunghawi lawk deinae

² Nangmae yuemnae dawk pout laipalah Cathut ka pholen awh teh, nangmouh hanlah pou ka ratoum awh.

³ Nangmouh ni yuemnae lahoi thaw na tawknae, lungpatawnae lahoi na pankinae, maimae Bawipa Jisuh Khrih ngaihawinae lahoi lungcaknae hah maimae Pa lah kaawm e Cathut hmalah pout laipalah pou pouk awh.

⁴ Cathut ni lungpataw e hmaunawngnanaw nangmanaw teh rawi lah na o awh e hah ka panue awh.

⁵ Kaimouh teh nangmouh hoi rei o awh navah, nangmouh koe bangpatet e tami lah maw ka o awh tie hah na panue awh e patetlah kaimouh ni ka pâpho awh e kamthang lawk teh, nangmouh koevah lawkhrangwng tho hoeh. Lentoenae hoi, Kathoung Muitha hoi panuecainae lahoi doeh a tho.

⁶ Nangmanaw teh runae na khang awh nakunghai, Kathoung Muitha koe e lunghawinae hoi lawkkatang hah na dâw awh teh, nangmouh teh kaimouh hoi Bawipa hnukkâbang e lah o awh.

⁷ Hatdawkvah, nangmouh teh Masidonia hoi Akhaia ram kaawm e kayuemnaw pueng hanelah, khetsin hane kawi lah na o awh.

⁸ Bangtelamaw tetpawiteh, Bawipa e lawk teh nangmouh koehoi, Masidonia ram, Akhaia ram pueng dawk a kamthang dueng tho laipalah, Cathut na yuemnae kong teh, khoram tangkuem a kamthang. Kaimouh ni buet touh hai toun hane awmhoeh.

⁹ Kaimouh teh nangmouh koe bangtelamaw ka kâen awh tie hah namamouh ni na dei awh. Hringnae hoi kakawi e Cathung katang e thaw taw hanelah hai thoseh,

¹⁰ ka tho hane Cathut lungkhueknae dawk hoi maimouh na kahlout-sakkung Bawipa Jisuh Khrih, duenae koehoi Cathut ni a thaw sak e Capa teh kalvan hoi bout a tho han tie ngaihawinae, meikaphawk hah pahnawt teh, Cathut koe na kâhungnae kongnaw hai a dei awh.

2

Thesalon khovah Pawl e thawtawknae

¹ Hmaunawngnanaw, nangmouh koe ka tho awh e hah, ayawmyin lah awm hoeh tie namamouh ni na panue awh.

² Nangmouh ni na panue awh e patetlah kaimanaw teh, Filippi khovah rucatnae hoi rektapnae hmaloe ka khang awh hnukkhu, Cathut kângue laihoi kâtuknae kalen kâhmo awh teh, Cathut e kamthang kahawi hah nangmouh hanlah taranhawi laihoi ka pâpho awh.

³ Yonnae, kamhnawngnae, dumyennaeh lahoi kaimouh ni nangmanaw hah tha na poe awh hoeh.

⁴ Kamthang kahawi ka phawt hanelah Cathut ni na ta dawkvah, tami lunghawī sak hane na hoeh, maimae lungthin ka tanouk e Cathut lunghawī sak nahanelah doeh, kaimouh ni ka p̄pho awh.

⁵ Bangtelamaw tetpawiteh, nangmouh ni na panue awh e patetlah nangmouh pasawtpanepnae lawk buet touh boehai ka dei awh hoeh. Hounlounnae lahoi k̄saknae hai awm hoeh tie teh Cathut nihai a kampangkhai.

⁶ Hot hloilah, Khrih e guncei lah ka o teh, nangmouh hnokari na phu sak thai awh ei, tami ni poe e bawilenna hah nangmouh koe ka tawng awh hoeh, alouknaw koehai ka tawng awh hoeh.

⁷ A manū ni a ca a khetyawt e patetlah nangmouh koe lungnemnae lahoi na khetyawt awh.

⁸ Kaimouh ni nangmouh lung na pataw dawkvah, Cathut e kamthang kahawi dueng tho laipalah, kamamae hringnae totouh pasung hanelah nangmouh koe lungthonae ka tawn awh.

⁹ Hmaunawngghanaw, patang laihoi k̄yawm e hah nangmouh ni na panue awh. Cathut e kamthang kahawi nangmouh koe ka dei awh nah, nangmouh han hnokari lah ka o awh hoeh nahanelah, karum khodai thaw ka tawk awh.

¹⁰ Nangmouh kayuemnaw rahak ka o awh navah, thoungnae hoi lanna dawk toun hoeh e lah ka o awh e hah nangmouh hoi Cathut teh kapanuekkhaikung lah a o.

¹¹ Na pa ni canaw a khetyawt e patetlah nangmouh haiyah na khetyawt awh tie na panue awh.

¹² A ram hoi a lentoena thungvah nangmouh na ka kaw e ni, a ngai e patetlah hring awh nahanelah, pout laipalah, k̄hroecoena lahoi lung na pahawī awh teh, tha na poe awh.

A lawk d̄awnae

¹³ Nangmouh ni kaimouh koehoi Cathut e kamthang kahawi na d̄aw awh navah, tami e lawk na d̄aw awh hoeh, Cathut e lawk roeroe doeh na d̄aw awh tie hai thoseh, ka yuem tangcoungnaw hringnae dawk, Cathut lawk ni thaw a tawk tie hai thoseh, na d̄aw awh tie ka thai awh navah, Cathut lungmana hah pout laipalah ka pholen awh.

¹⁴ Bangtelah tetpawiteh, hmaunawngghanaw, Khrih Jisuh thung kaawm niteh, Judah ram kaawm, Cathut e kawhmounnaw hah Judahnaw ni a rektap awh e patetlah nangmouh hai namamae taminaw ni rektapnae na khang awh.

¹⁵ Judahnaw ni Jisuh koehoi a kamtawng awh teh profetnaw a thei awh toe. Maimouh hai na rektap awh toe. Cathut e ngaina hai tarawī awh hoeh. Taminaw puenghoi hai a k̄taran awh toe.

¹⁶ Jentelnaw rungngangnae koe pha sak hanelah kaimouh ni p̄pho e kamthang lawk hai a ngang awh teh, amamae yonnae teh pou a kuep sak awh toe. Hatdawkvah, Cathut lungkhueknae ni ahnimouh lathueng a bosin awh.

Kayuemnaw k̄hmo hanlah a rabui

¹⁷ Hmaunawngghanaw kaimouh teh lungthin hoi tho laipalah, tak hoi dawngdengca kamphei awh navah, nangmae minhmai hmu hanlah, na rabui awh teh, k̄hmo hanelah hoe ka panki awh.

¹⁸ Hatdawkvah, kaimouh teh nangmouh koe tho hanlah ka ngai awh. Kai Pawl teh nangmouh onae koe vai hni touh tho han ka k̄cai ei, Setan ni na ngang.

¹⁹ Maimae Bawipa Jisuh Khrih bout a tho torei teh, amae hmalah kaimae ngaihawinae, lunghawinae hoi, kâoupnae, bawilukhung lah kaawm hane teh, api nahoeh, nangmouh doeh toe.

²⁰ Nangmouh teh kaimae bawilennaeh hoi lunghawinae katang lah na o aw.

3

Timote patounnae

¹ Hatdawkvah, kaimouh teh bout ka khang thai aw hoh dawkvah, Athen kho o hane doeh kahawipoung telah ka ti aw toe.

² Khrih e kamthang kahawi ka pâpho niteh, Cathut thaw reirei ka tawk e ka nawngaha Timote hah nangmouh koe ka patoun aw.

³ Nangmouh koe ka patoun ngainae teh, kaimouh ni ka khang aw hoh rutcatnae kecu daw, api nang hai hnuklah na kâhnawn aw hoh nahanelah, na yuemnae daw na cak aw nahanelah, hroecoe sak hanlah doeh ka patoun.

⁴ Bangkongtetpawiteh, nangmouh hoi cungtalah o aw navah, maimouh teh, rucat rektapnae khang aw han telah nangmouh koe sut ka dei e patetlah doeh, a tho toe tie hah na panue aw.

⁵ Hatdawkvah, kâdumkâyennaeh, taminaw ni nangmouh hah na dumyen aw teh, kaimouh ni patangpalai laihoi thaw ka tawk aw e hah, ayawmyin lah awm payon vaih tie ka puen aw teh, ka khang thai aw hoh dawkvah, nangmae yuemnae panue han ka ngai aw dawkvah, ka patoun e doeh.

Timote koe a lungkuepnae

⁶ Hatei, atuvah Timote teh nangmouh koehoi bout a tho teh, nangmae yuemnae hoi lungpataw aw e, kaimouh ni nangmouh pou na pouk aw teh nangmae mei hmu han ka ngai aw e patetlah, nangmouh nihai kaimouh pou na pouk aw teh, mei hmu han na ngai aw e kamthangnaw hah kaimouh koe bout a dei.

⁷ Hatdawkvah, hmaunawngghanaw, kaimouh teh, rucatnae hoi rektapnae aphunphun ka khang aw ei nakunghai, nangmae yuemnae ni tha na poe aw.

⁸ Nangmouh ni Bawipa dawkvah kacaklah na awm aw pawiteh atu kaimouh teh ka hring aw.

⁹ Maimae Cathut hmalah, nangmouh kecu daw kaimouh lunghawinae ka hmu aw han e khet navah, Cathut e lungmanae bangtelamaw ka patho thai aw han.

¹⁰ Kaimouh teh nangmouh hoi kâhmo thai aw nahan hoi, nangmae yuemnae daw ka panki e naw, pakhout thai nahanlah karum khodai thahmei laihoi ka ratoum aw.

Kawhmoun hanelah ratoumnae

¹¹ Nangmouh na onae koe kaimouh ka tho thai nahanlah Pa Cathut hoi, maimae Bawipa Jisuh Khrih ni lam na rasoun pouh lawiseh.

¹² Kaimouh ni nangmouh lungpataw e patetlah, nangmouh hai buet touh hoi buet touh koe thoseh, tami pueng koe thoseh, na pung aw teh, lungpatawnae daw na rounghai aw nahan Cathut ni na pathouh aw lawiseh.

¹³ Hahoi maimae Bawipa Jisuh Khrih teh, a tami kathounghaw puenghoi a tho aw torei teh, maimae na pa Cathut hmalah tounhoehe lah, na lungthin teh Cathut ni thounghae lahoi caksak lawiseh. Amen.

4

Cathut ngainae lahoi khosaknae

¹ A hnukteng lah, hmaunawngghanaw, Cathut ngainae patetlah na hring thai aw h nahanelah, bangtelamaw hring han tie hah kaimouh koehai na kamtu aw h teh, hoe na rounq thai aw h nahanlah Bawipa Jisuh min lahoi tha na poe aw h.

² Bawipa Jisuh lahoi bangpatete kâpoelawknaw maw na poe aw h tie hah na panue aw h.

³ Cathut e ngainae teh nangmouh ni kamsoumhoeh e napui tongpa yonnae na roun aw h vaiteh thoungsaknae,

⁴ nangmouh pueng ni thoungsaknae hoi barinae hoi, mahoima kâhruetcuethan tie na panue aw h teh,

⁵ Cathut ka panuek hoeh e Jentelnaw patetlah talai ngainae daw k hring aw h hanh.

⁶ Bangpatet daw k hai thoseh, hmaunawnggha hah dumyennaeh lahoi yon aw h hoeh nahanlah a ngainae ao. Nangmanaw hah kaimouh ni kâhruetcuethaen sut ka dei aw h e patetlah, hot patetlah e yonnae ka sak e pueng hah Bawipa ni a rek han.

⁷ Bangkongtetpawiteh, Cathut ni maimouh teh khinsak hanelah na kaw aw h hoeh, thoungnae thung doeh na kaw aw h.

⁸ Hatdawkvah hete cangkhai e naw ka ek e tami teh, tami e lawk dueng ek e tho laipalah, Bawipa e Kathoung Muitha maimouh na kapoekung Cathut ka ek e lah ao.

Pahrennae lahoi thaw tawknae

⁹ Hmaunawngghanaw lungpatawnae hah ca lahoi thut vaiteh nangmouh na patawn hanlah ngaihoeh toe, Bangkongtetpawiteh, nangmouh teh buet touh hoi buet touh lungpataw nahanlah Cathut koe na kamtu e lah na o aw h.

¹⁰ Kayuemhoehnaw e hmalah khet kamcu lah na hring aw h nahan hoi apihai na vout aw h hoeh nahanelah,

¹¹ nangmouh teh Masidonia ram kaawm e hmaunawngghanaw koe hote lungpatawnae na sak aw h toe. Hatdawkvah, hmaunawngghanaw hoe lung na kâpataw thai nahan,

¹² kai ni kâ na poe e patetlah lungmawng ca lahoi na o aw h teh, mae kut hoi thaw na taw k aw h nahan, tha na poe aw h.

Kadoutnaw boutthaw aw h han, kahringnaw a kâthung aw h han.

¹³ Hmaunawngghanaw ngaihawinae katawnhoehnaw patetlah nangmouh teh lungmathoe aw h hoeh nahanelah, nangmouh ni kaipnaw e kong hah panuek laipalah na o aw h hane na ngaikhai aw h hoeh.

¹⁴ Jisuh teh duenaeh koehoi bout a thaw toe tie hah na yuem aw h pawiteh, hot patetvanlah Jisuh daw k ka ip e naw hai Bawipa hoi cungtalah Cathut ni a thaw sak han.

¹⁵ Bawipa e a lawk lahoi nangmouh koe ka dei aw h e teh, Bawipa bout a tho toteh, kahring e maimouh ni ka ip tangcounghaw hmâcu aw h mahoe.

¹⁶ Bawipa ni kacaipoung lah hram vaiteh, kalvantaminaw ukkung bawi e lawk hoi, Cathut e mongka ueng lawk hoi ama reroe kalvan kho hoi a kum han. Khrih thung kadout tangcounghaw teh hmaloe a thaw aw h han.

¹⁷ Hatnavah la kahring e maimouh teh, kahlî daw k Bawipa hoi kâhmo hanelah, ahnimanaw hoi cungtalah, tâmai daw k na tawm aw h vaiteh, Bawipa hoi pout laipalah o aw h han.

18 Hatdawkvah, hete lawknaw hoi buet touh hoi buet touh lung kâpahawi awh.

5

Bawipa e hnin

1 Hmaunawngnanaw hninthanaw hoi tuengnaw hah thut vaiteh na pawan hanelah panki hoeh toe.

2 Bangkongtetpawiteh, tamru teh karum vah a tho e patetlah Bawipa e hnin teh a tho van han tie hah nangmouh ni kancengcalah na panue awh.

3 Lungmawngnae ao, rucatnae ka hlout toe ati awh lahun nah camo ka vawn e napui ni camo a khe nah patawnae a khang e patetlah pouk laipalah rawknae phat vaiteh, khoeroe hlout awh mahoeh.

4 Hatei hmaunawngnanaw hote hnin teh tamru patetlah nangmouh koe a tho nahanelah nangmouh teh khohmo thung na awm awh hoeh.

5 Nangmouh pueng teh angnae hoi khodai e ca lah na o awh. Khohmo ca lah na awm awh hoeh.

6 Hatdawkvah alouknaw ni a i awh e patetlah maimouh teh ip laipalah, kâhruetcueth laihoi ring awh sei .

7 Bangkongtetpawiteh ka ip e naw teh khohmo vah a i awh, kaparuinaw hai tangmin vah a parui awh.

8 Khodai ca lah kaawm e maimouh teh kâhruetcueth awh sei. Yuemnae hoi lungpatawnae lah kaawm e saiphei, rungngangnae ngaihawinae sum luhuem kâmahrak awh sei .

9 A lungkhueknae khang sak hanelah Cathut ni maimouh na rawi e nahoe, Bawipa Jisuh Khrih lahoi rungngangnae coe sak hanelah doeh na rawi awh.

10 Maimouh teh kâhlaw awh nakunghai, i awh nakunghai Bawipa hoi cungtalah hring awh nahanelah, maimouh hanelah a due toe.

11 Hatdawkvah, nangmouh ni atu hai na sak awh e patetlah buet touh hoi buet touh thakâpoe laihoi kâtaawmdawm awh sei .

A hnukteng lawkthuinae

12 Hothloillah, nangmouh thung dawkvah, a thaw ka tawk e, Bawipa kâ lahoi ka uk e, hroecoe ka poe e tami hah panuek awh nateh,

13 ahnimouh ni a tawk awh e dawkvah lungpatawnae hoi na barilawa awh nahan, buet touh hoi buet touh kâpocalah awm awh.

14 Hmaunawngnanaw, kamsoumhoehlah kaawm e naw hah kâhruetcuethnae poe awh. A lung kathoenaw thapoe awh. A thakayounnaw ka bawm awh. Tami pueng koe na lungsaw sak awh.

15 Buet touh hoi buet touh yon kâpathung hoeh nahan kâhruetcueth awh nateh, namamouh koehai thoseh, ayânaw koehai thoseh, panki laihoi hnokahawi pou sak awh.

16 Pout laipalah konawm awh.

17 Pout laipalah ratoum awh.

18 Bangpueng dawkvah lunghawilawkvah dei awh. Bangkongtetpawiteh Khrih Jisuh thung nangmouh ni hottelah na sak awh nahanelah Cathut ni na ngaikhai awh.

19 Kathoug Muitha e a hue roum sak awh hanh.

20 Profet lawk hah noutna laipalah awm hanh.

21 Hno puengpa hah tanouk awh nateh hnokahawi e teh kacaklah kuen awh.

²² Kahawi hoeh e kaawm e pueng hah roun awh.

²³ Roumnae Cathut ama ni nangmouh abuemlah pin na thoungsak lawiseh. Maimae Bawipa Jisuh Khrih a tho toteh, nangmae tak, lungthin, muitha abuemlah tounhoehe lah na o awh nahan na kabawm lawiseh.

²⁴ Nangmouh na kakawkung teh yuemkamcu lah ao dawkvah hottelah a sak han doeh.

²⁵ Hmaunawngghanaw kaimouh han lah na ratoum pouh awh.

²⁶ hmaunawngghanaw pueng hah kathoung e kâpaconae lahoi kâdawn awh.

²⁷ Hete ca heh hmaunawnggha tami kathoungnaw abuemlah koe na touk pouh awh nahanelah Bawipa Min lahoi lawk na thui awh.

²⁸ Maimae Bawipa Jisuh Khrih e a lungmanae teh nangmouh pueng koe awm lawiseh. Amen.

2 THESSALON

(The Second Epistle of Paul to the Thessalonians)

Lawk karouknae

¹ Pawl, Silvanas, hoi Timote tinaw ni, maimae Pa Cathut hoi Bawipa Jisuh Khrih dawkw kaawm e Thesalon kho kaawm Kawhmoun koe ca na patawn aw.

² Bawipa Jisuh Khrih hoi maimae Pa Cathut koehoi e lungmanae hoi lungmawngnae teh nangmouh koe awm lawiseh.

Cathut lawkcengnae

³ Hmaunawngghanaw, nangmae yuemnae teh, puenghoi a roungh teh, buet touh hoi buet touh lengkaleng lungpatawnae hoi na kaww awh dawkwah, kaimouh ni sak hane kaww lah ao e patetlah nangmouh kecu dawkw Cathut lungmanae teh pout laipalah ka pholen awh.

⁴ Hottelah nangmouh ni rektapnae, rucac kâhmonae pueng hah na khang awh laihoi, na yuemnae ka hmu navah, Cathut e kawhmounnaw koe nangmouh na kâoupkhai awh.

⁵ Nangmouh ni, Cathut uknaeram hanelah, reithai na khang awh teh, hote ram thung kâen hanlah na kamcu toe tie hah panue sak nahan, kalan lah Cathut e lawkcengnae teh hottelah hoi a kamnue sak.

⁶ Cathut ni kalanlah a sak han. Nangmouh runae na ka poe koe runae a pha sak vaiteh,

⁷ Runae kâhmo e nangmouh hoi kaimouh koevah kâhatnae na poe awh han.

⁸ Bangtelamaw tetpawiteh, Bawipa Jisuh Khrih teh bahu kaawm e kalvaminaw hoi kalvan kho hoi a kum toteh, Cathut kapanuekhoehnaew hoi Bawipa Jisuh Khrih e kamthang kahawi ka thai ngai hoeh e naw pueng teh, hmai hoi runae a poe han.

⁹ Bawipa Jisuh teh a tami kathoungnaw lahoi amae thao bawilenna e kamnue e hai thoseh, kaimae lawkpanuesaknae na yuem awh dawkwah,

¹⁰ kayuemnaw pueng lahoi kângairu pholenna hai thoseh, coe hanelah a tho na hnin vah, ahnimouh teh Bawipa e hmaitung bawilenna koehoi kapek vaiteh, a yungyoe rawknae hoi reknae hah a khang awh han.

¹¹ Hatdawkwah, maimae Cathut hoi Bawipa Jisuh Khrih e a lungmanae patetlah Bawipa Jisuh Khrih e Min teh nangmouh koehoi bawilenna a kamnue nahanelah thoseh, nangmouh hai Bawipa koehoi bawilen a kamnue nahanelah thoseh, nangmouh teh kaw e lah na kamcu awh tie panuek awh nateh,

¹² hno kahawi sak han lungthonae pueng hoi, na yuemnae koe bawilenna bahu hoi akaww nahanlah kaimouh ni nangmouh hanlah pou ka ratoum awh.

2

Rawknae capa

¹ Hmaunawngghanaw, Bawipa Jisuh Khrih a tho nahane hoi ama koe maimouh cungtalah kamkhueng nahane hoi ka kâkuenlah,

² Muitha lahoi thoseh, a lawk pâphonae lahoi thoseh, ca na patawn awh e lahoi thoseh, Bawipa e hnin teh yo a tho toe telah a dei awh eiteh,

lungpuen tâsuenae tang na tawn aw hoh nahanlah na dei pouh ngai aw h.

³ Apini hai bangpatetlah hoi hai kâdum sak hanh aw h. Hote hnin a pha hoehnahanlân kâkapeknae hmaloe aw m vaiteh, tamikahawihoehe rawknae capa teh a tâco han.

⁴ Ahni teh Cathut hoi bawknae pueng hah a taran vaiteh, amahoima kârasang vaiteh, Cathut e bawkim daw k tahung vaiteh, amahoima Cathut doeh telah a kâpathang han.

⁵ Nangmouh hoi rei ka o aw h navah hote kongnaw yo ka dei aw h e hah na pâkuem aw hoh maw

⁶ Ahni teh amae tue nah a tâco nahanelah, atuvah ka ngang e ao tie hai na panue aw h.

⁷ Bangtelamaw tetpawiteh, kâlawklaipanae arulaw k teh, atuvah a kâroe lahun toe. Hatei kangangkung takhoe lah ao hoehroukrak a ngang han.

⁸ Takhoe lah ao torei teh kâlawklaipa e tami a kamnue han. Hote tami kahawihoehe hah Bawipa Jisuh ni amae muitha law k lahoi raphoe vaiteh, a kumnae raeng hoi a takhoe han.

⁹ Rawknae koe ka phat hane taminaw koevah hote tami kahawihoehe a thonae teh, Setan e thawtawknae lahoi dумыennaе bahu, mitnoutnae, kângairu hno aphunphun hoi, kamsoumhoehe dумыennaе aphunphun hoi a tho han.

¹⁰ Bangkongtetpawiteh, ahnimouh teh, rungngang lah o nahanelah, lawkkatang lungpataw hane ngai aw hoh.

¹¹ Hatdawkvah, lawkkatang hah yuem laipalah, kamsoumhoehe hno daw k kahring e naw pueng teh,

¹² lawkkatang ka yuem hoh niteh lanhoehnae daw k kaawmnaw hah yonphukhangsak nahane doeh.

Kacaklah kangdue hanlah lawkthuinae

¹³ Hateiteh, Bawipa ni lungpataw e hmaunawngghanaw, nangmouh teh thounsaknae, lawkkatang yuemnae lahoi rungngangnae daw k pha hanelah Cathut ni hmaloe hoiyah na rawi aw h toung daw kvah, nangmouh kecu daw k kaimouh ni Cathut lungmanae pout laipalah ka pholen aw h han.

¹⁴ Hot patetlah hanelah kamthang kahawi lahoi nangmouh teh na kaw aw h toe. Bangkongtetpawiteh, nangmouh teh, Bawipa Jisuh Khrih e bawilennaе hmawngkhai nahanelah doeh.

¹⁵ Hatdawkvah hmaunawngghanaw, law k lahoi hai thoseh, ca lahoi hai thoseh, kaimouh ni na cangkhai aw h e lawkkatang daw k cacaklah kangdout aw h nateh na lungpen aw h.

¹⁶ Maimanaw lungpataw niteh, a yungyoe lungpahawinae, lungmanae lahoi kahawi e ngaihawinae na ka poe e, maimae Pa Cathut hoi maimae Bawipa Jisuh Khrih ama roeroe ni,

¹⁷ nangmae lungthin a dam sak teh, law k kahawi, hnokahawi pueng daw k nangmanaw hah na caksak aw h naseh.

3

Ratoum pouh aw h

¹ Ahnoungepoung lah, hmaunawngghanaw, Bawipa e lawkkatang teh, nangmouh koe a kâkahei teh Bawilennaе a kamnue e patetlah hmuen tangkuem koehai a kamnue thai nahanelah,

² ka kaisue niteh tami kahawihoehe naw kut dawk hoi ka hlout aw h thai nahan kaimouh hanelah na ratoum pouh aw h.

³ Hatei, Bawipa teh yuemkamcu e lah ao. Nangmouh na caksak aw h vaiteh kahawihoehe hno pueng daw k hoi hlout nahanelah na kabawp aw h han.

⁴ Kaimouh ni kâ na poe e patetlah nangmouh ni na tarawi aw h. Hmalah haiyah bout na tarawi aw h han doeh titeh Bawipa kâuep laihoi oupvoutnae ka tawn aw h hoeh.

⁵ Cathut lungpataw sak nahanelah thoseh, Khrih patetlah hring sak nahanelah thoseh, Bawipa ni nangmae lung hah hroecoe lawiseh.

Pangak hoeh nahanlah kâhruetcuet poena

⁶ Hmaunawngghanaw kaimouh koe na kamtu aw h e patetlah tarawi laipalah hno kamsoumhoeh lah ka sak e hmaunawngghanaw pueng hah roun aw h tie hah maimae Bawipa Jisuh Khrih min lahoi kâ na poe aw h.

⁷ Bangkongtetpawiteh kaimouh ni ka tawksak e patetlah nangmouh ni bangtelamaw kâ tawksak han tie teh na panue aw h. Kaimouh ni hno kamsoumhoehlah ka sak aw h hoeh.

⁸ Apie rawca hai ka cat rumram aw h hoeh. Nangmouh thung daw k buet touh boehai na taraw k aw h hoeh nahanlah patangpalai laihoi kâyawm aw h teh karum khodai thaw ka taw k aw h.

⁹ Hottelah ka saknae teh hmu han ka ngai aw h daw k nahoe h. Nangmanaw ni kamtu hanelah ka tawksak aw h e doeh.

¹⁰ Bangkongtetpawiteh nangmouh hoi rei ka o navah ka pangak e teh rawca hai cat nahanh seh telah kâ na poe aw h.

¹¹ Hno kamsoumhoeh lah ka sak niteh banghai taw k laipalah, ma hoi kâkuen hoeh e daw k ka kambawng e tami tangawn na o aw h tie ka thai aw h.

¹² Hot patet e taminaw koe mae rawca, ca thai nahanelah lungmawng lahoi thaw na taw k thai nahan, Bawipa Jisuh Khrih ni kâ na poe e patetlah tha na poe aw h,

¹³ Hmaunawngghanaw hnokahawi na sak aw h navah lungpoutnae tawn hanh aw h.

¹⁴ Hete ca lahoi lawk na thui e patetlah tami buetbuet touh ni tarawi hoehpawiteh, yeirai po nahanelah kâhuikokhai aw h hanh.

¹⁵ Hatei hote tami hah taran telah pouk a hanh aw h. Hmaunawnggha patetlah pouk aw h, hroecoe aw h.

Lawkthuinae

¹⁶ Roumnae Bawipa ama roeroe ni bangtelae hmuen koe na pha hai thoseh, nangmouh koe lungmawngnae na poe lawiseh. Bawipa teh nangmouh abuemlah koe aw m lawiseh.

¹⁷ Hete kutmanae ca heh kai Pawl roeroe ni ka kut hoi ka thut e doeh. Hathateh, ca kathut e pueng daw k e mitnout e lah ao. Kai ni hettelah ouk ka thut.

¹⁸ Maimae Bawipa Jisuh Khrih e lungmanae teh nangmouh pueng koe aw m lawiseh. Amen.

1 TIMOTE (The First Epistle of Paul to Timothy)

Lawk karouknae

¹ Kai Pawl, na ka rungngangkung Cathut hoi, maimouh ni ngaihawi e Jisuh Khrih e kâpoelawk lahoi Jisuh Khrih e guncei lah kaawm e ni yuemnae lahoi ka ca katang lah kaawm e Timote koe ca na patawn.

² Na pa Cathut hoi maimae Jisuh Khrih koe hoi lungmana, pahrennae hoi lungmawngnae teh nang koe awm lawiseh.

Kâhruetcuet poenae

³ Masidonia ram lah ka cei navah kai ni na hroecoe e patetlah Efisa kho la na o teh, alouklouk e cangkhae cangkhai hoeh nahanelah,

⁴ lairuipakong hoi ka pout thai hoeh e mipun tâconae hah banglah pouk aw hoi hoeh nahanelah, cingthui haw. Hote hnonaw niteh yuemnae hlak kâounnae doeh a tâco sak.

⁵ Hatei kâpoelawk ni ngainae teh, kathoung lungthin hoi thoseh, kathoung mahoima kâpanuena hoi thoseh, kathoung yuemnae hoi thoseh, kâkuen e lungpatawnae hah doeh.

⁶ Hote hno daw koe hoi tami tangawn ni a roun aw hoi teh, apu kaawm hoeh e lawk deinae koe lah a kamlang aw hoi toe.

⁷ Bangpatetlae phung koe lah maw kacaklah ka o aw hoi tie hai kâpanuek aw hoi laipalah, kacangkhaikung saya lah o han a ngai aw hoi bo aw.

⁸ Kâlawk teh hnokahawi kasaknaw hanelah ta e nahoe.

⁹ Kâlawklaipa hoi lawkkangaihoehnaw, cathutlaipa hoi tamikayonnaw, kathounghoehnaw hoi lawkkatang banglahai ka pouk hoeh e naw, manu kathetnaw hoi na pa kathetnaw,

¹⁰ tami kathetnaw, kamsoumhoeh napui tongpa yonnae kasaknaw, tongpa reira yonnae kasaknaw, tami kaparawtnaw, laithoe kadeinaw, laithoe koe lah thoekâbonaw, kathoung cangkhae katarannaw pueng hanelah doeh kâlawk teh ta pouh e lah ao. Hote kâlawk hah hmantang ka hno e taminaw teh, hote kâlawk ni hawinae a poe.

¹¹ Hottelah ka ti navah, Yawhawi Cathut e bawilen kamthang kahawi teh kai na poe toe.

Pawl ni a kampangkhainae

¹² Kai hah thaonae hoi na kakawisakkung maimae Bawipa Khrih Jisuh e a lungmana teh ka pholen. Bangkongtetpawiteh, ahni ni a thaw tawk hane lah na rawi teh yuemkamcu lah na pouk toe.

¹³ Kai teh ahmaloe vah, kapathoekung, kadudamkung, ayâ karektapkung lah ka o eiteh, yuemhoehnae hoi panuek laipalah hoi ka tawksak e a tho dawkvah, lungmana ka coenae doeh.

¹⁴ Maimae Bawipa e a lungmana haiyah, Khrih Jisuh thung kaawm e yuemnae hoi lungpatawnae hoi cingtalalah pouk e hlak a kuep toe.

¹⁵ Khrih Jisuh ni het talaivan a tho ngainae teh tamikayon rungngang hanlah a tho tie teh, yuemkamcu e hoi dâw hane roeroe lah a kamcu. Hote tamikayonnaw thung dawkvah kai teh kalenpoung lah ka o.

¹⁶ Hateiteh, a yungyoe hringnae coe nahanlah ka yuem hane naw ni a dawn han kawi lah ao nahan, kalenpoung yonnae ka tawn e kai hah Jisuh Khrih ni lungsawnae hoi panguepnae na patue toe.

¹⁷ A yungyoe siangpahrang, kangning e, hmuthaihoehe, Cathut buet touh dueng teh barinae, bawilennae a yungyoe hoi a yungyoe awm lawiseh, Amen.

¹⁸ Ka capa Timote, nang hanelah profet lahoi ka pâpho e naw hoi hete cingthuילawknaw hah nang koe na poe. Hethateh, yuemnae hoi kathounge panuenaе lung na tawn teh kahawi e tarankâtuknae na tuk thai nahane doeh.

¹⁹ Tami tangawn ni yuemnae a takhoe aw h dawkvah, yuemnae long a rawk teh rawknae koe a pha aw h toe.

²⁰ Hotnaw thung dawkvah Himenaias hoi Alexander a baw k roi. Ahnimouh roi ni Cathut dudamnae lawk a dei roi hoeh nahanelah a kamtu roi nahan Setan kut dawk ka poe toe.

2

Cathut bawknae

¹ Tami pueng hanelah hai thoseh, siangpahrangnaw hoi kâ katawnnaw hanelah hai thoseh,

² ratoum pouh hane hoi lunghawilawkdeinae ahmaloe na sak aw h nahan kai ni na hroecoe.

³ Hottelah tinae teh maimae rungngangkung Cathut hmalah ngai kaawm e lah doeh ao.

⁴ Tami pueng rungngang lah o vaiteh, lawkkatang panuenaе koe pha sak hanelah Cathut ni a ngainaе ao.

⁵ Cathut teh buet touh dueng doeh kaawm. Cathut hoi taminaw rahak tami lah kaawm e Khrih Jisuh buet touh dueng doeh laicei lah kaawm.

⁶ Ahni ni tami pueng ratang hanelah a tak a pasoung toe. A tue a pha toteh a kannue sak.

⁷ Kai teh kapâphokung lah thoseh, guncei lah thoseh, yuemnae hoi Khrih thung e lawkkatang hah Jentelnaw koe ka pâpho hane saya lahai thoseh, na ta toe. Hottelah ka dei nah laithoe ka dei hoeh, hmantang doeh ka dei.

Tongpanaw hoi napuinaw hanelah cingthuinae

⁸ Tongpanaw ni hmuen tangkuem koe, lungkhueknae, kâounnae awm laipalah, kathounge kut dâw laihoi na ratoum aw h nahanlah na ngaikhai aw h.

⁹ Hot patetvanlah, napuinaw ni samveinae, sui, pale, apu kaawm e khohnanaw hoi kamthoup laipalah, mitkhet kamcu lah kamthoup aw h nateh, lungdo lungnem lahoi kacuemkamui lah awm aw h.

¹⁰ Cathut ka barilawa e napuinaw ni a kamthoup hanelah ao e patetlah, kamcu e nuen hoi kamthoup aw h na seh.

¹¹ Napuinaw teh lawkngai laihoi lawkkamuem lah kamtu naseh.

¹² Napui teh tongpanaw lathueng cangkhaenaе hoi kâtawannaе ka poe hoeh. Napui teh lawkkamuem ao hanlah ao.

¹³ Bangkongtetpawiteh, Adam hmaloe a sak hnukkhu Evi sak e lah ao.

¹⁴ Hothloilah, Adam teh tacuek lah awm hoeh, Evi doeh tacuek lah kaawm niteh ka payon.

¹⁵ Hateiteh, napuinaw teh, kacuemkamui lah onae, yuemnae, lung-patawnae, thounge dawk awm aw h pawiteh, cakhenae dawk rungngang lah ao aw h han.

3

Bishop lah kuepnae

¹ Tami buet touh ni bishop thaw tawk hanelah ngai pawiteh thaw kahawi ka ngai e lah ao.

² Bishopnaw teh, tounhoehe, napui buet touh e vâ lah kaawm e, kâhruetcuete e, kacuemkamui lah kaawm e, imyin ka ngai e, ka cangkhai thai e han.

³ Yamuhri lah kaawm hoeh e, ka pahngawpahrak hoeh e, kamsoum hoeh lahoi tangka hmu ka ngai hoeh e, a lung kanem e, ayâ hoi kâyue hoeh e, tangka ka hounloun hoeh e han.

⁴ Ama e imthung kahawicalah ka uk thai niteh, a canaw ka yue ka toun thai e tami han.

⁵ Ama e imthungkhu patenghai kahawicalah hrawi thai hoehpawiteh bangtelamaw kawhmoun a khetyawt thai han.

⁶ Kâthungtahma e tami mahoe. Telah nahoe pawiteh, ahni ni kâoup vaiteh, kahraimathout hoi kâvan e yonphukhangnae dawk bawt payon vaih tie ngaihrinae ao.

⁷ Pathoene awm laipalah kahraimathout mannae dawk hoi a hlout nahan, alawilae taminaw koe bari kaawm e tami han.

hotunaw

⁸ Hot patetvanlah, hotunaw hai a lung kacakpoung e han. A lai ka samphei e, yamuhri lah kaawm e tami mahoe. Kathounhoehe tangka hmuna e ka ngai hoeh e tami han.

⁹ Ma hoi ma kâpanuena e lung a thoung vaiteh yuemnae a dungkawnae hah mangkhak kangdoutkhai e tami han.

¹⁰ Ahnimouh hai tanouknae hmaloe a kâhmo awh hnukkhu, tounhoehe lah awm pawiteh, hotunaw thaw tawk awh naseh.

¹¹ Ahnima e yunaw hai a lung kacakpoung lah ao awh han. Tamcuelawk ka dei e lah awm laipalah, kâhruetcuete e, lawkkam kacakpoung lah ao awh han.

¹² Hotunaw teh, napui buet touh e vâ lah ao han. A yu a ca kahawicalah ka uk thai e han.

¹³ Bangkongtetpawiteh, hotunaw thaw kahawicalah katawknaw teh, amamouh hanelah min hawinae a hmu awh hloilah, Khrih Jisuh thung yuemnae dawkvah, taranhawinae a hmu awh.

Cathut lawk dawk hringnae

¹⁴ Nang koe ca ka thut ngainae teh nang koe karanglah ka tho hane ka ngaihawi ei,

¹⁵ ka hnawng pawiteh Cathut e imthung dawkvah bangtelamaw kâroekâkhawi han tie hah, na panue thai nahanlah, hettelah ka thut teh na patawn. Hote im hateh, kahring Cathut e Kawhmoun doeh, lawkkatang e khom hoi adu pui doeh.

¹⁶ Cathut lawk hoi khosaknae teh atangcalah adungkaw tangngak. Cathut teh takthai dawk a kamnue toe. Muitha lahoi a katang doeh titeh a kampangkhai. Kalvantaminaw nihai a hmu awh toe. Jentelnaw nihai kamthang lawk a thai awh toe. Talaivan taminaw nihai a yuem awh toe. Bawilenna e hoi lathueng lah tawm lah ao toe.

4

Kamsoumhoeh kacangkhaikungnaw

¹ Muitha ni kamcengcalah a pâpho e teh, a to hmalah teh dумыenna e muithanaw hoi kahraituulinaw e cangkhae dawkvah dawn awh vaiteh, yuemnae a ceitakhai awh han.

² Hote cangkhai e naw teh, amamae panuena lung hah sumhmaisaan hoi kânep awh niteh, a lai kathout e, tami kahawi lah ka kâsak e naw koehoi doeh a tho.

³ Ahnimouh ni kâpaluenna cakâ awh vaiteh, kayuem niteh lawkkatang ka panuek e taminaw ni lunghawilawkdeinae lahoi canei hane rawca Cathut ni a sak e hah a hai sak awh han.

⁴ Cathut ni a sak e pueng teh ahawi dawkvah lunghawilawkdeinae lahoi hno pawiteh, hnoun hane banghai awm hoeh.

⁵ Bangkongtetpawiteh, Cathut e lawk lahoi thoseh, ratoum e lahoi thoseh, bangpueng teh a thoung.

Jisuh e san kahawi

⁶ Hete lawknaw hah hmaunawngnanaw koe na dei pouh pawiteh, Jisuh Khrih e thaw ka tawk e, yuemnae lawknaw hoi kawkhik e lah na o han.

⁷ Napui matawngnaw ni ouk a dei awh e lairuiapakongnaw hah takhoe nateh, Cathutlae khosaknae lahoi namahoima kâcangkhai haw.

⁸ Takthai dawk kâ cangkhae teh hawinae moikapap awmhoeh. Cathut lawk dawk khosaknae teh atu e hringnae hoi due hnukkhu e hringnae totouh lawkkamnae ao dawkvah, bangpueng hanelah hawinae ao.

⁹ Hethateh yuemkamcu e hoi dâw hane roeroe lah kamcu e doeh.

¹⁰ Hatdawkvah, maimouh teh hot hanelah thapatho teh panki laihoi tawk awh. Bangkongtetpawiteh, tami pueng rungngangkung, alawkpui lah kayuemnaw e rungngangkung lah kaawm e kahring Cathut hah maimouh ni ngaihawi awh.

A thawtawknae dawk lamthung pâtuena

¹¹ Hete hnonaw hah kâ poe nateh cangkhaih.

¹² Na nawnae hah apinihai, dudam hanh naseh. Lawk deinae, kâroekâkhawinae, ayânaw lungpatawnae, muitha hoi hringnae, lawkkamcaknae, thoungnae dawkvah, kayuemnaw han khetsin hanelah awm loe.

¹³ Kai ka tho hoehroukrak Cakathoung touknae, thapoenae hoi cangkhae hah panki laihoi pou sak loe.

¹⁴ Kacuenaw e kut toung e hoi sutdeilawk lahoi, nang koe poe lah kaawm e poehno hah noutna laipalah awm hanh.

¹⁵ Na rounge teh taminaw koe kamnue sak nahanelah, hotnaw hah panki loe.

¹⁶ Nama hoi nama na kâcangkhai nakunghai thoseh, na cangkhai e dawk hai thoseh, kâhruetcuete nateh pou awm loe. Hottelah na tetpawiteh nama hoi na lawk kathainaw hah na rungngang han.

5

Kawhmoun Thung e Thaw

¹ Tongpa matawngnaw hah puenghoi yue laipalah, na pa patetlah thapoe loe. Tongpa kanaw hah hmaunawngna patetlah pouk loe.

² Napui matawngnaw hah na manu patetlah pouk nateh, tanglanaw hah kathoungpoung na tawncei patetlah pouk loe.

³ Lahmai lah kaawm katang e napuinaw hah bari nateh khenyawn loe.

⁴ Hateiteh, hote lahmainu ni a ca catounnaw tawn pawiteh, hote ca catounnaw ni Cathut thaw lah a pouk awh vaiteh, mae im a khetyawt

hoi, manu na pa mintoenaw khetyawtnae kamtu aw h naseh. Hottelah taw knae teh Cathut ni a ngai e doeh.

⁵ Khenyawnkung awm laipalah amadueng kaawm e lahm mainu teh, Cathut kâuep laihoi karum khodai pout laipalah ouk a ratoum.

⁶ Hatei, talai van nawmnae daw k ka cet e lahm mainu teh a hring nahlangva kadout e lah ao.

⁷ Apinihai tounhoehe lah ao nahan kâ poe loe.

⁸ Apipatethai imthung ka khenyaw n hoeh e teh yuemnae ka pah nawt e lah ao teh, kayuemhoeh naw h lak hoe a mathoe.

⁹ Kum 60 kakuep hoeh rae teh lahm mainu lah khoe hanh loe, a vâ buet touh dueng ouk kaawm e,

¹⁰ a canaw kahawicalah ka khen thai e, imyin ka ngai e, tami kathoungnaw e khok ka pâsu e, rucacat ka kâhmo e naw ka khenyaw n e, kahawi hno kaawm e pueng ka taw k e lah awm pawiteh, lahmai lah khoe han.

¹¹ A kum kanaw e lahm mainunaw teh, lahm mainu lah khoe hanh loe. Bangkongtetpawiteh, Khrih e cangkhae nae ngai hoeh, vâ sak hanelah ngai pawiteh,

¹² ahmaloe lawkkam a raphoe daw kvah, yonphukhangnae ao han.

¹³ Im touh hnukkhu im touh a luen aw h teh, a pangak aw h. Hottelah a pangak aw h dueng tho laipalah, tamthoe a dei aw h teh ayânaw e lai daw k a kâphum aw h teh, dei kawi hoeh e hah ouk a dei aw h.

¹⁴ Hatdaw kvah, kanaw e lahm mainu teh a vâ bout a tawn vaiteh, a canaw bout sak naseh. Ayâ ni bout pathoe hoeh nahanlah a imthung kahawicalah bout tawn naseh, pathoenae heh taran ni a tha kâla hoeh nahan lah.

¹⁵ Lahmainu tangawn teh, lam a payon aw h teh setan hnuk a kâbang aw h toe.

¹⁶ Ka yuem e napui hoeh pawiteh, tongpa ni ama hoi kâkuen e lahm mainu tawn pawiteh, khenyaw n naseh. Hat pawiteh doeh, lahm mainu katangnaw hah taraw knae awm laipalah, kawhmoun ni a khetyaw t thai han.

¹⁷ Kahawicalah ka uk e kacuenaw, alawkpui lah law k pâphonae hoi cangkhae nae daw kvah, panki laihoi ka taw k e kahrawikungnaw teh, let hni touh barinae lah awm aw h naseh.

¹⁸ Cakathoung ni cangkatin lahun e maitotan a pahni moum pouh hanh, thawtawkkung ni a taw knae phu hmu hanelah a kamcu, telah bout a ti.

¹⁹ Kacue ni hno a sakpayon nah, kapanuekkhaikung kahni katham touh awmhoeh pawiteh hote yonpenna e teh dâw pouh hanh loe.

²⁰ Alouke taminaw ni a taki nahan yonnae ka sak e tami teh taminaw hmalah yue loe.

²¹ Kapeknae tawn laipalah, bang patet e hno daw k hai, kâkangkhai e tawn laipalah na taw k nahan, Bawipa Jisuh Khrih hoi Cathut hmalah, rawi lah kaawm e kalvantami hmalah ka patawpoung lah na hroecoe.

²² Apipatet e lathueng haiyah, kuttoungnae hmatara sak pouh hanh loe. Ayâ alouknaw e lumlai daw k hai baw k hanh loe. Nama hoi nama kamthoung loe.

²³ Na vonpui patawnae hoi atuhoitu na damhoehnae daw kvah, tui dueng net laipalah misurtui hai youn touh net khai loe.

²⁴ Tami tangawn e yon teh lawkceng hoeh nahlan a kamphawng toe. A tangawn e yon teh a hnukkhu doeh ouk a kamphawng.

²⁵ Hot patetvanlah hnokahawi sak e haiyah, bangpatet teh tang a kamnue, kamnuek hoeh rae hnokahawi sak e hai hrawk thai mahoe.

6

Bawi barilawanae

¹ Cathut min hoi cangkhainae teh dudam e lah ao hoeh nahan, patoun e san niteh a bawipa hah a bari hanelah a kamcu tie panuek naseh.

² A bawipa teh ka yuem e lah awm pawiteh, hmaunawngaha doeh tie lung hoi hnepnap laipalah, hoe kahawicalah tawk pouh awh naseh. Bangkongtetpawiteh, kahawicalah tawk pouh e ka coe e bawi teh, ka yuem e tami, lungpataw kawi e tami lahai ao. Hetnaw heh cangkhai nateh hroecoe loe.

Alouke cangkhainae hoi hounlounnae

³ Tami buetbuet touh ni ka thuem hoeh e cangkhainae hah a cangkhaia teh, maimae Bawipa Jesuh Khrih e kathoung cangkhainae hoi cathutlae cangkhainae ka tarawi hoeh e tami teh, lunglenpansa lah kaawm niteh banghai ka panuek hoeh e doeh.

⁴ Lawklung kâounnae hoi kamcan dawk a lung kapen e lah ao awh. Hot kecu dawkvah, hounroenae, kâyuenae, dudam lawk deinae, lunghringnae ouk a tâco.

⁵ Hottelah panuena lung a kamko dawkvah, lawkkatang ka bawk hoeh e kâounnae lah ao teh, Cathut lawk dawk khosaknae teh aphu ao toungloung katetnaw koe ka pout thai hoeh e kâounnae ouk a tâcokhai.

⁶ Hatei, lungkuepnae lahoi Cathut lawk dawk khosaknae teh aphu ao tanggak doeh.

⁷ Bangkongtetpawiteh, maimouh teh het talaivan dawk banghai sin laipalah tho awh dawkvah, banghai sin laipalah bout tâco awh han tie teh a kamceng.

⁸ Hatdawkvah, canei khohna han tawn e ca dawk lungkuep awh sei .

⁹ Tawnta han ka ngai e taminaw teh dумыenna dawk thoseh, karap dawk thoseh, taminaw kamkonae dawk ka bawt sak e radueknae dawk thoseh, ouk a bo awh.

¹⁰ Bangkongtetpawiteh, tangka lungpatawnae teh kahawihoehe hno pueng e a kung lah ao. Taminaw teh tangka thouk a hounloun awh dawkvah, yuemnae dawk hoi lam a phen awh teh, lungreithainae hoi runae a kâpoe awh.

Yuemnae hoi kâkuen e kâtuknae

¹¹ Hatdawkvah, Oe! Cathut e tami, nang teh hote yonnae hah roun loe. Lanna, Cathut lawk dawk khosaknae, yuemnae, lungpatawnae, panguepnae, lungdo lungnemnae hah pou pâlei haw.

¹² Yuemnae hoi kâkuen e, kahawi e kâtuknae hah tuk nateh, a yungyoe hringnae hah kuen nateh tawn loe. Nang teh hote hringnae hanlah, kaw lah na o dawkvah, kapanuekkhaikungnaw e hmalah kahawicalah na pâpho toe.

¹³ Khrih Jisuh a kamnue ditouh, nang teh tounhoehe lah na o nahanlah, kaie kâpoelawk na tarawi nahan,

¹⁴ a cawngca pueng kahring sak e Cathut hmalah hai thoseh, Pontius Pailat bawi hmalah hai thoseh, kahawicalah pâphona lahoi kampangkhai e Bawipa Jisuh Khrih hmalah hai thoseh, kai ni kâ na poe.

¹⁵ A tue a kuep toteh Cathut ni Khrih a kamnue sak han. Cathut teh yawhawinae ao teh, buet touh dueng e ukkung Bawi lah ao. Siangpahrang pueng e Siangpahrang, bawi pueng e Bawi lah ao.

¹⁶ Bawipa dueng doeh duenae dawk hoi kahlout niteh, rek hnai thai hoeh e angnae dawk kaawm. Taminaw thung dawk api buet touh nihai Cathut teh hmawt awh boihoeh, hmawt hai hmawt thai awh hoeh. Hote Cathut teh bahu hoi barinae a yungyoe awm lawiseh. Amen.

Katawntanaw kâhruetcuet poenae

¹⁷ Atu e hringnae dawk tangka katawntanaw teh, kâoupnae lung tawn laipalah, kangning hoeh e hnopai kâuep laipalah, maimouh ni coe hane ka kuep lah na ka poe e kahring Cathut kâuep nahanlah cingthui loe.

¹⁸ Ayânaw hanlah hnokahawi saknae, nuencang kahawi hoi kamsi laipalah ka poe e naw lah coungkacoe ao awh nahan,

¹⁹ hringnae katang a coe awh nahanelah due hnukkhu hringnae adu a ung thai awh nahanlah cingthui loe.

²⁰ Oe! Timote, nang koe na poe e naw hah tarawi loe, Cathut lawk hoi kâkuen hoeh e ayawmyin lah dei e lawknaw hoi, talai thoumthainae lahoi kâtaran lah deinae hah roun loe.

²¹ Hote talai thoumnae hah, tami tangawn ni kampangkhai e lahoi, yuemnae lamthung a phen awh toe. Nang koe lungmanae awm lawiseh. Amen.

2 TIMOTE (The Second Epistle of Paul to Timothy)

Lawk karouknae

¹ Kai Pawl, Khrih Jisuh thung kaawm e hringnae hoi kâkuen e lawkkamnae patetlah, Cathut ngainae lahoi Jisuh Khrih e guncei lah kaawm e ni, ka lungpataw e ka ca Timote koe ca na patawn.

² Maimae Bawipa Khrih Jisuh hoi Pa Cathut koe e lungmanae, pahrennae hoi lungmawngnae teh nang koe awm lawiseh.

Lunghawi thapoena

³ Mintoenaw ni a bawk aw h e Cathut e lungmanae teh ka pholen. Karum khodai ka ratoum navah nang teh na pahnim hoeh.

⁴ Na mitphi, kai ni ka pouk navah lunghawinae hoi na kawi thai nahanelah nang hoi kâhmo han dikdik ka doun.

⁵ Na minpui Lois hoi na manu Euniki ni yuemnae hmaloe a tawn teh, atu nang nihai yuemnae na tawn tie teh ka panue.

⁶ Hatdawkvah, kai ni kut na toung sin e lahoi Cathut ni poehno na poe e hah bout na kâtahrue nahan na thai sak.

⁷ Cathut ni takinae muitha na poe hoeh, taranhawinae, lungpatawnae hoi mahoima kâcakuiep thainae muitha doeh na poe aw h.

Kahawi hno dawk taket hanh

⁸ Hatdawkvah Bawipa e lawkpanuesaknae dawk kayak hanh, ahni kecu thongim ka bawt e kai hai kayakkhai hanh, Cathut e kamthang kahawi dawk khang thai hringnae ma tawn haw.

⁹ Cathut ni teh amae tami roeroe lah coung nahanelah na rungngang teh na kaw aw h. Hot teh maimae tawksak thainae dawk nahoe h, amae na pahren lungmanae dawk doeh. Atue kamtawng hoehnahlan, lungmanae teh Khrih Jisuh thung na poe tangcoung e lah ao toe.

¹⁰ Hateiteh atu angnae teh maimae rungngangkung Jisuh Khrih a tho e dawk talai tami pueng koe a kamnue sak. Duenae a raphoe teh hringnae kamthang kahawi hoi angnae koe a sin toe.

¹¹ Hete kamthang kahawi hramkhai hanelah thoseh, Jentelnaw kangkaikung lah thoseh Cathut ni na rawi toe.

¹² Hot kecu dawk hete roedengnae khang aw h. Hatei, khoeroe kayakkhai hoeh. Bangkongtetpawiteh, ka yuem e Cathut teh ka panue. Ama koe ka poe e hah hote hnin totouh, Bawipa ni a khetyawt thai tie ka ngaiuep.

¹³ Kai ni na cangkhai e Khrih Jisuh thung kaawm e yuemnae hoi lungpatawnae hah khetsin hanelah kacaklah kuen loe.

Yuem cak nahane tha poena

¹⁴ Maimae thung kaawm e Kathoung Muitha thaonae hoi na kut dawk poe lah kaawm e thaw kahawicalah taw k loe.

¹⁵ Asia ram dawk kaawmnaw ni kai teh na pahnawt aw h toe tie hah na panue toe. Ahnimanaw dawkvah, Phygelus hoi Hermogenes hai ao roi.

¹⁶ Onesiphorus ni lung pou na hawi sak dawkvah Cathut ni a imthung koe yawhawinae poe naseh. Sumbawtarui hoi ka o e heh ka kayak khai hoeh.

¹⁷ Rom kho a pha toteh kai na hmu hoehroukrak na tawng.

¹⁸ Hote hnin dawk Cathut koehoi a lungmanae a hmu thai nahanelah, Bawipa ni poe lawiseh. Hahoi, kai hanlah banghloimaw Efisa kho dawk thaw na kabawp teh na khetyawt tie hah na panue.

2

Lungmanae dawk cak nahanlah hroecoena

¹ Ka ca, nang teh Khrih Jisuh thung kaawm e lungmanae lahoi kacaklah awm loe.

² Kapanuekkhaikung moikapap ao e patetlah kai koe na thai tangcung e naw hah, yuemkamcu niteh alouke tami bout ka cangkhai thai hane naw koe patuen poe loe.

³ Jisuh Khrih e ransa kahawi lah kai hoi reithai khang van loe.

⁴ Ransa thaw ka tawk ni a bawipa e lawk a tarawi e patetlah talai koe lah na lung pen hanh.

⁵ Yawng kâtânae dawk ka yawng e ni a phunglam patetlah yawng hoehpawiteh, bawilukhung hmawt mahoe.

⁶ Law ka sak nihai hmaloe a patang torei doeh a tawk na phu a ca van.

⁷ Ka dei e lawknaw pueng Bawipa ni panuena na poe e hoi kahawicalah pakingpalang loe.

⁸ Devit catoun duena koehoi kathaw e Jisuh Khrih kong heh pahnim awm hanh.

⁹ Kamthang kahawi kecu dawk tamikapo patetlah na hmu awm, na man awm teh na katek awm. Hateiteh Cathut lawk teh katek thai awm hoeh.

¹⁰ Hatdawkvah rawi lah kaawm e naw teh Khrih Jisuh thung kaawm e rungngangnae hah yungyoe bawilenna hoi cungtalah a hmu thai awm nahanelah kai ni ahnimouh hanelah bangpueng ka khang.

¹¹ Hetteh yuemkamcu e lawk doeh, ama hoi dout awm pawiteh ama hoi rei hring awm han.

¹² Ama hoi panguep awm pawiteh ama hoi cungtalah rei uk awm han. Na pahnawt pawiteh na pahnawt awm van han.

¹³ Maimouh ni yuem awm hoeh nakunghai Bawipa teh yuemkamcu dawkvah, amahoima kâpahnawt thai hoeh.

Bawipa hmalah yuemkamcu e

¹⁴ Bawipa hmalah cungeihoehe kâoun rumram e naw hah kâhruetcuetnae poe haw. Kâounnae ni hnokahawi thokhai hoeh, kâraphoena dueng doeh a thokhai.

¹⁵ Nang teh Cathut hmalah yuemkamcu e tami lah na o teh lawkkatang hah kahawicalah kapek thai e, a taran kahawi e thaw katawkkung buet touh lah na kâhmoun thai nahan panki loe.

¹⁶ Cathutlaipa e pathuna lawknaw hah roun loe.

¹⁷ Cangkhai payonnae teh a hmâ hoe kalensakkung lah ao. Himenaias hoi Philetus teh cangkhai payon dawk a kambawng roi.

Lawkkatang lamthung

¹⁸ Ahnimanaw ni lawkkatang lamthung a phen awm teh, kadout tangcungnaw yo a thaw awm toe telah a dei awm dawkvah, tami tangawn e yuemnae a payon sak awm.

¹⁹ Hateiteh, Bawipa ni amae taminaw hah a panue. Bawipa min kampangkhai e taminaw teh hno kahawihoehe roun han tie hoi tacikkin lah kaawm e Cathut e im du teh a cak.

²⁰ Kalen e im dawk sui, ngun, thing, talai hoi sak e aphunphun ao teh bari e hno hoi barihoehe hno hai ao.

²¹ Hatdawkvah, ka dei tangcoung e patetlah kahawihoehe pahnawt vaiteh, barinae, kathoung niteh imkung ni hno hane kawi lah o han a ngai.

²² Nang teh nawsainaw ni raduek e roun nateh, lannae, yuemnae, roumnae, lungpatawnae naw hah kacaklah poe kuen loe.

²³ Pathunae lawk kâpaceinae niteh kâyuekâounnae doeh a tâcokhai tie panuek nateh roun loe.

²⁴ Bawipa e a san teh ayâ hoi lawk pungnae tawn mahoehe, alouknaw koe pahrennae ka tawn e hoi, Lung kasawe tami lah ao han.

²⁵ Ama ka tarannaw koe lawkkanem hoi cangkhai a ngai. Lawkkatang a dâw nahanelah Cathut ni lung kâthungnae a poe hai a poe yawkaw han doeh.

²⁶ Hahoi, kahraimathout ni a ngainae patetlah a man e taminaw ni a kâpanue vaiteh, hote mannae dawk hoi a hlout hai a hlout aw h han doeh.

3

Ka tho hane a tue kamathout

¹ A hnukteng e hnin toteh atueng kathoute a tho han tie hah panuek loe.

² Bangtelamaw tetpawiteh, amahoima lungkapatawe, tangka ka hounloun e, ka kâoup e, ayâ dudamnae lawk ka dei e, ayâ min mathoe ka poe e, man u na pa lawk ka ngâi hoehe e, hawinae ka panuek hoehe e, ka thoung hoehe e,

³ pahrennae ka tawn hoehe e, tami ka hmuhma e, tami ka tacuek e, amahoima kâcakuiep thai hoehe e, ka pahngawpahrak e, tami kahawinaw lungpataw hoehe e,

⁴ lawkkam ka cak hoehe e, lawk ka ngâi hoehe e, lunglenpansa lah kaawm e, Cathut lungpataw hlak hnopai tawnta hoe lungpataw e,

⁵ Cathut thaw ka ngai e patetlah ao eiteh Cathut thaw dawk onae hah ka pahnawt e lah ao aw h han. Hot patet e taminaw hah roun loe.

⁶ Bangkongtetpawiteh ahnimouh thung dawk e tami tangawn teh, imnaw dawk arulaho i a kâen aw h teh, radueknae aphunphun hnuke a kâbang aw h teh, yon toungloung toungloung ka sak e napui kaponaw hah a man aw h.

⁷ Hote napui kaponaw teh pou a kamtu eiteh nâtuék hai lawkkatang panuek thai aw h hoehe.

⁸ Jannes hoi Jambres ni Mosi a taran roi e patetlah ahnimanaw hai lawkkatang hah a taran aw h. Ahnimouh teh a lungthin a kamko toun dawkvah ka yuem e patetlah a kâsak aw h.

⁹ Ahnimanaw teh bout thaw thai aw h mahoehe toe. Bangkongtetpawiteh ahnimae pathunae teh ahnimouh roi e pathunae patetlah tami pueng e hmalah a kamphawng han.

Cakathoung ni na poe e kahawi hno

¹⁰ Hatei, nang teh kaie cangkhae, o angnae, pouknae, yuemnae, lungsawnae, lungpatawnae, panguelpnae dawk hai thoseh,

¹¹ Antiok kho, Ikonium kho hoi Listra khonaw dawkvah ka kâhmo e rektapnae hoi rucatnae dawk hai thoseh, nangmouh hoi pou ka o. Hot patet e rektapnae hah kai ni ka khang ei, hotnaw pueng dawk hoi Bawipa ni na hlout sak.

¹² Atangcalah, Khrih Jisuh thung cathutlae khosaknae ka ngai e tami pueng teh rektapnae a khang han.

¹³ Tamikathoutnaw hoi tami ka dumyen e naw teh ayânaw hai a dum aw haw teh, ama hai a kâdum aw haw teh hoe ka mathout e kamkonae koe hoehoe a bo aw haw han.

¹⁴ Nang teh, nama ni na kamtu teh kacaklah na yuem e daw k aw m loe. Bangkongtetpawiteh, nang teh hote hnonaw hah api koehoi maw na kamtu tie hai thoseh,

¹⁵ Khrih Jisuh thung yuem e lahoi rungngangnae hmu thainae hah lungangnae nang na ka poe thai e Kathounge, Cakathoung hoi nangmanaw ca hoi na kahnae e hai thoseh, na panue toe.

¹⁶ Cakathoung daw k a thut e pueng teh Cathut ni kâha a poe e a tho dawkvah, cangkhai nahanelah thoseh, yon pâpho pouh nahanelah thoseh, payon e palan pouh nahanelah thoseh, lanna e cangkhai hanelah thoseh, kahawipoung e lah ao.

¹⁷ Het hateh, Cathut e tami ni hnokahawi alouklouk a sak thai nahanlah ka kuep e tami lah ao thai nahane doeh.

4

Lawkkatang pâpho hanelah hroecoena

¹ Bawipa ama hoi a uknaeram a kamnuena tueng toteh, kadoutnaw hoi kahringnaw lawk ka ceng hane Cathut hoi Bawipa Jisuh Khrih hmalah kai ni nang hah kâ na poe.

² Lawk hah pâpho hanelah coungkacoe aw m haw. Atueng o hai, ao hoeh hai thoseh, panki nateh pâpho haw. Lungsaw laihoi cangkhai nateh hroecoe, yue, thapoe loe.

³ Bangkongtetpawiteh, ato hmalah teh taminaw ni kathoung cangkhai nae ngai aw haw laipalah, a hnâ pathak aw haw vaiteh, amamouh ni a ngai aw haw e patetlah saya moikapap hnuk a kâbang aw haw han.

⁴ Lawkkatang tarawi aw haw laipalah, lairuiapakong tarawi aw haw vaiteh, lam a payon aw haw han toe,

⁵ Nang teh, bangpueng daw kâhruetcuet loe. Rucatnae hah panguep loe. Evangelist ni a taw k hane kawi hah taw k loe. Na taw k hane thaw hah thouk taw k loe.

⁶ Bangkongtetpawiteh, kai teh thuengnae khoungroe van thueng lah ka o toe. Ka due nahane tueng a pha toe.

⁷ Kâtuknae teh kahawicalah ka tuk toe. Yawng hane lamthung hai apout totouh ka yawng toe. Yuemnae hai ka kuep sak toe.

⁸ Atuvah lanna e bawilukhung ni sut na ring toe. Hatnae hnin dawkvah, hmantang lawkcengkung Bawipa ni kai hah na poe han. Hothloilah, a kamnuena ka lungpataw pueng koehai a poe han.

Ahnoung lawkthuinae

⁹ Kai koe karang tho hanlah panki loe.

¹⁰ Demak teh atu e talaivan hringnae a lungpataw dawkvah, kai na pahawt teh Thesalon kho lah a yawng toe. Kresen hai Galati ram lah a cei. Titu teh Dalmatia ram lah a cei.

¹¹ Luk dueng doeh kai koe kaawm. Mark hah thokhai haw loe. Bangkongtetpawiteh, thaw ka taw k navah na kabawmkung kahawipoung lah ao.

¹² Taisikas hai Efisa kho lah ka patoun.

¹³ Hahoi, Troas kho Kapulet im ka ceitakhai e angki, cakalawng, hoi alawkpui lah phaivuen cauk hah pahnim laipalah uren thokhai lah a.

¹⁴ Sum ka dêi e Alexander niyah kai dawk kahawihoehe hno thouk a sak. Bawipa ni a sak e patetlah pathung lawiseh.

¹⁵ Nang hai ahni hah kâhruetcuet loe. Bangkongtetpawitech ahni ni kaimae lawk hah puenghoi a taran toe.

¹⁶ Kai yon na pen awh e ka deicai pasuek navah, apinihai na kambawngkhai hoeh. Taminaw pueng ni na pahnawt awh.

¹⁷ Ahnimouh dawk Bawipa ni yon pen nahanh seh. Tami pueng ni na ka pahnawt nakunghai, kamthang kahawi Jentelnaw koe ka pâpho thai nahanelah doeh. Cathut teh kai koe lah a kampang dawk thaonae hoi na kawi sak. Sendek e pahni dawk hoi na hlout sak.

¹⁸ Hot dueng nahoeh, Bawipa ni kahawihoehe pueng koehoi na hlout sak toe. Amae kalvanlae uknaeram totouh na hrawi han tie ka panue. Hote Bawipa teh a yungyoe hoi a yungyoe pholennae awm lawiseh. Amen.

Yawhawi poenae

¹⁹ Priscilla hoi Aquila, Onesiphorus e imthungnaw kut man loe.

²⁰ Erastas teh Kawrin kho dawk a o. Trophimus teh a pataw dawkvah Miletus khopui dawk ka ceitakhai .

²¹ Kasik thapa a pha hoehnahlan na tho thai nahane kâyawm. Ubulas, Pudén, Linus, Kalaudia hoi hmaunawngghanaw pueng ni nang teh kut na man awh.

²² Bawipa Jisuh Khrih teh nange muitha hoi rei awm lawiseh. Nang dawk Cathut lungmanae awm lawiseh. Amen.

TITU (The Epistle of Paul to Titus)

Lawk karouknae

¹ Kai Pawl, Cathut e a san lah kaawm niteh, Cathut ni a rawi e taminaw e yuemnae hanlah, Jisuh Khrih e guncei lah kaawm e, Cathut koe lah lawkkatang ka kangdoutkhai kung,

² A lai kathout hoeh e Cathut ni, talai a kamtawng hoehnahlan lawk sut a hruek tangcoung e, a yungyoe hringnae hah ngaihawinae,

³ A tue a pha toteh a lawk a pâpho e lahoi, a kamnue sak teh, hote lawk hah maimouh na ka rungngangkung Cathut e kâpoelawk patetlah kai koe patue lah kaawm e ni,

⁴ Cungtalah hmawng e yuemnae dawkvah, ka capa lah kaawm e Titu nang koe hete ca heh ka thut teh na patawn. Cathut hoi maimouh na ka rungngangkung Bawipa Jisuh Khrih e a lungmanae, a pahrennae hoi lungmawngnae teh nang koevah awm yungyoe lawish.

Kawhmoun thung kacuenaw e kuepnae

⁵ Kai ni lawk sut na thui tangcoung e patetlah Krete tuilum vah cum hoeh rae pueng pacum thai nahan, kho tangkuem vah kacuenaw na rawi pouh nahanelah, na hruek e doeh.

⁶ Kacue lah kaawm hane teh, yon toun e kaawm hoeh e tami, yu buet touh dueng ka tawn e tami, a canaw ka yuem e tami, lawk ka ngai hoeh e tami mahoe.

⁷ Bangkongtetpawiteh, bishop teh Cathut e hno ka kuemkung patetlah tounhoehe, takngainae dawk ka hring hoeh e, a lung kaduem hoeh e, misurtui ka kâso hoeh e, ayâ hoi ka kâhem hoeh e, kaheng lah tangka tawn ka panki hoeh e tami han.

⁸ Imyin ka khenyawn thai e tami, tami kathoungnaw ka lungpataw e, a lungthin ka lan e, tamikalan lah kaawm e, tami kathoung lah kaawm e, ka kâcakupe thai e, tami han.

⁹ Kathoungcangkhainae hoi a cangkhai thai nahan, katang hoeh e cangkhai e naw a pathung thai han, a kamtu tangcoung e yuemkamcue e lawk kacaklah ka kuen e tami han.

Kawhmoun thung lawk kaek e

¹⁰ Bangkongtetpawiteh, lawk ka ngai hoeh e tami, ayawmyin e lawk ka dei e tami hoi a lai kathoute tami moi ao awh. A lawkpui lah vuensoma e taminaw thung ao awh.

¹¹ Ahnimae a pahni hah cacuap pouh awh. Ahnimouh teh kaheng lahoi hno tawn hane a panki awh. Cangkhai kawi hoeh e naw hah a cangkhai awh teh, imthung abuemlah lam a phen sak awh.

¹² Ahnimouh thung e profet buet touh niyah, Kretenaw pueng a laithoe awh, a matheng a paan awh. A kâsokâroum awh teh, a pangakpasa awh ati.

¹³ Hete lawkpanuesaknae teh a tang tanggak. Hatdawkvah, ahnimouh hah raprap yue loe, yuemnae dawk a thoung awh nahanelah .

¹⁴ Judahnaw e lairuiapakong hoi lawkkatang hnamthun takhainaw kâpoelawknaw hah tarawi pouh hanh.

¹⁵ Kathoung e naw koe teh bangpueng a thoung. Kathounghoehe naw, ka yuem hoehe e naw koe teh bangpueng hai thoung hoehe. Amamae lungthin hoi, mahoima kâpanuena e lungthin pateng boehai thoung hoehe.

¹⁶ Cathut ka panue toe ka kâtet awh nakunghai, thaw a tawk awh e lahoi, Cathut a hnoun awh. Panuet ka tho e tami, lawk ka ngai hoehe e tami, kahawi e hno buet touh boehai ka sak panuek hoehe e tami lah ao awh.

2

Kathuem e cangkhaïnae

¹ Nang teh kathoung e cangkhaïnae hoi ka kamcu e pueng hah pâpho haw.

² Tongpa matawngnaw teh, kâhruetcu e, a lung kacake amahoima kâcaku e, yuemnae, lungpatawna e, panguepnae dawka lung thahmei e tami lah o nahanelah pâpho pouh.

³ Hot patetvanlah, napui matawngnaw hai, nuencang kathoung lah kaawm e, a khuekhaw kaawm hoehe lah ayânaw yon ka pen hoehe e, misurtui ka kâso hoehe e, hnokahawi kacangkhaikung lah ao awh nahan pâpho pouh.

⁴ Hot patetvanlah, napui kanawna ni a vânav lungpataw awh nahan, a canaw lungpataw awh nahan,

⁵ kacuemkamui lah kathoung lah imlaw ka picai e lah, tami kahawi lah, vâ lawk ka ngai e lah, ao awh teh Cathut lawk pathoe e lah ao hoehe nahan napui matawngnaw ni a cangkhai awh nahan,

⁶ hot patetvanlah, tongpa kanawna nihai, lawk a ngâi thai nahan cangkhai loe.

⁷ Bangpueng koe kahawi e nuen kamtu kawi e lah kamnuek sak. Cangkhaïnae na sak navah katang e cangkhaïnae, lungcaknae, barilawa kawi lah onae,

⁸ toun kaawm hoehe e, kathoung lawk deinae, kahawihoehe lawk a dei thai awh hoehe nahanelah, a kaya awh nahan kamnuek sak.

⁹ Sannaw ni amamae bawi lawk a ngâi awh teh hno puengpa dawka lung ahawi sak awh nahan,

¹⁰ kutsaveksai laipalah, bangpatet e lawkkam e nakunghai kamcengcalah kamnue sak awh nahan, bangpuengpa dawka na ka rungngangkung Cathut e kathoung e cangkhaïnae hoi a kamthoup awh nahan dei pouh nateh yue lah a.

¹¹ Bangkoktetpawiteh, Cathut e lungmana e teh tami pueng koe a kamnue teh, tami pueng koe rungngangnae hah a tho khai.

¹² Cathutlaipanae, hoi talaivan hno noena e pahnawt teh, mahoima lungthin thoungnae, cathutlae hringnae hoi hring awh thai nahanelah, Cathut lungmana e ni atueng vah na cangkhai awh.

¹³ Ka lentoe poung e Cathut hoi rungngangkung Jisuh Khrih ni bawilen poung lahoi, a kamnue nahane, yawhawi ngaihawinae ring hanelah cangkhai e lah ao.

¹⁴ Yonnae pueng thung hoi na ratang awh nahan, nuen kahawi koe lah cak awh teh, ama hanelah thounsak nahan Bawi Jisuh Khrih ni amahoima a kâhmoun toe.

¹⁵ Hete hnouaw hah kâtawnnae abuemlahoi cangkhaih, tha poe nateh kâtawnnae lahoi yue lah a. Apinihai nang na dudam hanh naseh.

3

Hnokahawi saknae

¹ Taminaw ni kaukkungnaw hoi kâ katawnnaw e lawk a ngâi awh nahan, hnokahawi aphunphun hah a tarawi awh vaiteh coungkacoelah ao nahan,

² apihai pathoe laipalah, apihai taran laipalah, lungdona e hoi lungnema e hah tami pueng koe a sak thai awh nahan dei pouh.

³ Bangkongtetpawiteh maimouh pueng haiyah, ahmaloe teh lungangnae ka tawn hoeh e tami, lawk ka ngâi hoeh e tami, a lai kathoute tami, aphunphun hah ka doun e tami, phunepnae dueng ka sak e tami, utsinnae hoi hounlounnae dawk ka hring e tami, panuetpasa ka tho e tami, buet touh hoi buet touh ka kâmaithoe e tami lah o awh.

⁴ Hatei, maimouh na ka rungngangkung Cathut e a pahrennae hoi a lungpatawna e hah tami koe a kamnu e hnukkhu teh,

⁵ Maimouh ni tawksak e lanna e lahoi tho laipalah, a katha lah khe teh pâsucaina e hoi Kathoung Muitha e khekathana e lahoi, amae a lungmana e patetlah doeh na rungngang awh.

⁶ Maimouh na ka rungngangkung Jisuh Khrih lahoi, maimouh dawkvah hote Muitha puk ka poum lah na awi awh.

⁷ Bangkongtetpawiteh, maimouh teh Cathut e a lungmana e lahoi, lanna e koe pha awh teh, a yungyoe hringnae ngaihaw i awh e patetlah a râw kacoeking lah o awh nahane doeh.

⁸ Hetteh yuemkamcu e lawk doeh. Cathut ka yuem e naw ni, kahawi e hno hah pou a sak awh nahan, kâhruetcu e awh nahan, hete lawknaw hah panki laihoi na cangkhai nahanelah, na ngaikhai. Hote hnonaw teh ahawi dueng laipalah tami pueng hanelah hawina e ka tâcawtkhai e lah ao.

⁹ Pathunae lawk pacei e naw, miphun tâconae lairuinaw, kâlawk dawk kâoun kâyuenae naw hah roun loe. Bangkongtetpawiteh, hot patet e naw teh ahawina e awmhoeh. Ayawmyin doeh.

¹⁰ Kâ kapek sak hanelah ka thokhai e tami hah vai touh, vai hni touh yue nateh pâlei lawih.

¹¹ Hot patet e tami teh a yonna e a panue nahlangva vah, ka yon niteh amahoima ka kâpakhup kâpathan e tami lah doeh ao.

A hnukteng lawkthuinae

¹² Artemas hoehpawiteh Taisikas hah nang koe ka patoun toteh Nikopolis kho totouh kai koe na tho thai nahan panki loe. Hote kho dawkvah kasik thapa totouh o hanelah ka kâcai.

¹³ Kâlawk ka panuek e Zenas hoi Apollos hah banghai a voutnae lah a ceinae lam dawk kahawicalah thak loe.

¹⁴ Kaimae taminaw ni a paw paw laipalah o hoeh nahan, amamouh hno hane kawi a tawn awh thai nahan, hnokahawi hah pou a tawk awh thai nahan kamtu awh naseh.

¹⁵ Kai koe kaawm e pueng ni kut na man awh. Yuemnae lahoi, kaimouh lung na ka pataw e naw hah kut man van loe. Nangmouh pueng koe a lungmana e awm yungyoe lawiseh. Amen.

FILEMON (The Epistle of Paul to Philemon)

Lawk karouknae

¹ Kai Pawl, Khrih Jisuh e thongim ka bawt lah kaawm e, hoi maimae hmaunawnggha Timote ni, lungpataw awh e thaw tawk hui Filemon,

² Lung pataw awh e tawncanu Apphia, ransa hui Archippus, hoi nama im kaawm e kawhmoun nangmouh koe ca na patawn awh.

³ Maimae Pa Cathut hoi Bawipa Jisuh Khrih koe hoi a lungmanae hoi lungmawngnae teh nangmouh koe awm yungyoe seh.

Filemon e lungpatawnae hoi yuemnae

⁴ Nang ni Jisuh Khrih na yuem teh tami kathoungnaw lung na pataw tie ka thai nah,

⁵ Cathut lungpatawnae hah ka pholen teh nang hanelah ouk ka ratoum.

⁶ Khrih Jisuh thung tawn e hno pueng na panue thai nahanlah yuemnae dawk na kâroe nahanlah ouk ka ratoum.

⁷ Ka nawnggha, nang ni tami kathoungnaw e a lungthin na roum sak dawkvah, nange lungpatawnae dawk ka lung ahawi awh.

Onesimus hanlah kâheinae

⁸ Hatdawkvah, na sak kawinaw hah na sak thai nahanlah Khrih thung taranhawinae lahoi nang teh kâ na poe.

⁹ A kum kacue e kai Pawl ni, Jisuh Khrih hanlah thongim ka bo nah patengghai yah, lungpatawnae lahoi doeh ka dei.

¹⁰ Kateknae ka khang lahun nah, ka ca Onesimus hanelah lawk na thui.

¹¹ Yampa teh nang hanelah hno kamcu hoeh e lah ao ei, atu teh nang hoi kai hanelah, hno kamcu e lah ao toe.

¹² Ahni hah nang koe let ka patoun dawkvah, ka ca rayin patetlah pouk lah a.

¹³ Kamthang kahawi kecu dawk, kateknae ka khang navah na ka khenyawn hanelah, nang na yueng ta hanelah ka ngai ei,

¹⁴ Kai dawk hawinae na sak navah, ngangngang saksak e lah awm laipalah, lungtho nalaihoi saksak e lah ao nahan, nang ni na pasoung laipalah bangghai sak hane ka ngai hoeh.

¹⁵ Hothloilah, nang ni ahni hah pou na tawn nahanlah, nang hoi dongdeng kampek e lah ao ti hanelah ao.

¹⁶ Hottelah ti navah, san patetlah nahoe, alawkpui lah ka lungpataw e ka nawnggha lah ao. Nang koe natawng teh takthai koe lahai, Bawipa dawk hai, banghloimaw hoe ao han ka tinae doeh.

¹⁷ Hatdawkvah kai hah na hui lah na pouk pawiteh, ahni hah kai patetlah pouk van lah a.

¹⁸ Ahni ni nang koe a payon e, lai a ba e awm pawiteh kai hanelah ma hrueng lawih a.

¹⁹ Ka patho pouh han ti teh kai Pawl ni ka kut hoi ca lah ka thut. Hatei, nama roeroe hah kai koe na patho hane ao ka ti ngainae na hoeh.

²⁰ Ka nawnggha, Bawipa dawk kai koe hawinae sak haw. Khrih dawkvah ka lung roum sak haw.

²¹ Na tarawi han doeh titeh lunghringnae ka tawn hoeh. Ka dei e hlak acawilah na sak han doeh titeh panue nalaihoi ca ka thut e doeh.

²² Hothloilah, ka luen nahane im hai sut la pathoup lah a. Bangkongtet-pawiteh, nangmouh ni na ratoum awh e lahoi, nangmouh na o awhnae koe pha thainae kâ na poe han doeh ti teh ngaihawinae ka tawn.

Ahnoungpoung lawkthuinae

²³ Khrih Jisuh thung kai hoi thongim rei ka bawt roi e Epaphras,

²⁴ thaw ka tawk hui lah kaawm e Mark, Aristarkas, Demas, Luk tinaw ni kut na man awh.

²⁵ Maimae Bawipa Jisuh Khrih e a lungmanae teh nangmae lungthin muitha hoi cungtalah awm lawiseh. Amen.

HEBRU (The Epistle to the Hebrews)

Capa teh kalvantami hlak hoe a talue

¹ Yampa teh Cathut ni profetnaw hno laihoi mintoenaw koe aphunphun lahoi lawk a dei.

² Hatei, atu hnukteng e atueng nah, a Capa hno laihoi maimouh koe lawk a dei. Cathut ni Capa teh hnocawngca e râw kacoekung lah a rawi. Hote a Capa lahoi talaivan hai a sak.

³ Capa teh, Cathut e bawilennae raeng hoi a counгнаe kamnuek sak e lah ao. Ama e bahu hoi kakawi e a lawk hnosakthainae lahoi a cawngca pueng hah acak sak teh, maimae yonnae pueng hai ama roeroe ni a thounsak hnukkhu, kalvan vah Bawilennae aranglah a tahung.

⁴ Kalvannaw e min hlakvah min a lentoe dawkvah kalvantaminaw hlak hai ka lentoe e lah ao.

⁵ Bangkongtetpawiteh, nang teh ka Capa lah na o, sahnin vah nang teh na khe tie thoseh, kai teh ahnie na pa lah ka o han, ahni hai kaie Capa lah ao han tie thoseh, telah kalvantaminaw koe tet pouh boihoeh.

⁶ Hahoi, Cathut ni a camin hah talaivan a patoun navah Cathut e kalvantami pueng ni ahni teh bawk awh naseh telah a ti.

⁷ Hahoi, kalvantaminaw hoi kâkuen lah, Bawipa ni a kalvantaminaw teh kahlî patetlah thoseh, a thaw katawknaw teh hmaipalai patetlah thoseh a coug sak, telah a ti.

⁸ Hateiteh, a Capa hoi kâkuen lah a dei e teh, Oe Cathut, Na bawitungkhung teh a yungyoe a kangning. Na Ukaeram teh na lannae hoi lawkcengnae ram lah ao.

⁹ Nang teh lannae hah na lungpataw teh, kathounghoehe hnonaw hah na hmuhma. Hatdawkvah, Oe Cathut, na Cathut ni na huikonaw hlak nang teh lunghawinae satu na awi toe telah a ti.

¹⁰ Cakathoung dawkvah bout a dei e patetlah, Oe Bawipa, nang ni apuengcue vah talai hah na sak, hahoi kalvannaw teh na kutsaknaw doeh.

¹¹ Hatei, na kut sak hnonaw pueng teh kamko nakunghai, nang teh ayungyoe na kangning. Hno cawngca pueng teh khohna patetlah koug a pawn awh.

¹² Bawipa ni hote hnonaw teh kâkhu e hni patetlah a kalawng teh, hotnaw teh khohna patetlah a kâthung han. Bawipa teh kâthung mahoe. A hringnae hai abaw tie awm hoe telah a ti.

¹³ Hothloillah, Cathut ni bang patet e kalvantami koe maw na tarannaw hah na khok tounгнаe lah kata hoehroukrak kaie aranglah, tahung loe atipouh boi vaw.

¹⁴ Kalvantaminaw pueng teh rungngangnae râw ka coe hane naw khetyawt hanelah, patoun e thawtawkkung muithanaw nahoehmaw.

2

Kâhruetcuet poenae

¹ Hatdawkvah, maimanaw teh thai awh e kamthang lawk hah pahnim hoe hahanlah lungthin daw hoe panue han ngainae tawn awh sei .

² Kalvantaminaw hno lahoi a dei e lawk teh acak teh, payon kâtapoenae hoi lawkngaihoehnae pueng dawkvah ka kamcu e rektapnae khang a boipawiteh,

³ Hettelah totouh, kalen e rungngangnae heh banglahai noutna aw hoh pawiteh, bangtelamaw yon phu khangnae dawkw hoi hlout thai aw hhan vaw. Hote lawk teh apuengcue vah Bawipa ni a pâpho teh, ka thai e naw ni a kamsoum ati aw hteh maimouh koe patuen a dei aw h.

⁴ Cathut niyah mitnoutnaw, kângairuhnonaw a cawngca a sak e lahoi thoseh, kângairu hnosakthinae hoi thoseh, ama ngainae patetlah Kathoung Muitha ni poehnonaw na poe e lahoi thoseh, ahnimouh hoi cungtalah a kampangkhai .

Duenae koehoi bawilennae koe

⁵ Maimouh ni dei aw h e ka tho hane talaivan uknae kâ teh Cathut ni kalvantaminaw e kut rahim hrueng hoeh.

⁶ Cakathoung hmuen buet touh dawkw, tami heh bangtelah ao dawkw maw Bawipa nang ni khuet na pouk. Tami Capa heh bangtelah ao dawkw maw khuet na khet.

⁷ Ahni teh kalvantaminaw hlakvah dawngdengca bet a rahnoum sak teh, bawilennae hoi barinae lahoi bawilukhung a kâ muk sak, na kutsaknaw hah na uk sak teh,

⁸ hno cawngca pueng hah ahnie khok rahim vah a ta toe ati. Hno cawngca pueng hah ahnie khok rahim vah koung a ta toe ti navah, a pek e buet touh hai awmhoeh. Atu hno cawngca pueng hah rahim vah koung a ta e hah maimouh ni hmawt aw h hoeh rah.

⁹ Hatei, Cathut e lungmanae lahoi, Jisuh teh tami pueng hanlah duenae khang hanelah, kalvantaminaw hlak dawngdengca bet a rahnoum sak teh, a due dawkvah, a lû dawkw bawilennae hoi barinae bawilukhung a kâ muk e hah maimouh ni hmu aw h.

¹⁰ Bangkongtetpawiteh, hnocawngca pueng e akungtuen lah kaawm e Cathut ni, ca moikapap hah bawilennae thung a hrawi navah, ahnimae rungngangnae kasakkung Bawipa teh reithainae hoi akupe sak e hah a kamcu doeh.

¹¹ Kathoungsakkung hoi a thoungsak e taminaw pueng teh buet touh koehoi doeh a coung. Hatdawkvah, kathoungsakkung ni a thoungsak e naw hah hmaunawnggha telah kaw hane kayakkhai hoeh.

¹² Hottelah a kaw ngainae teh, ka hmaunawngghanaw koevah kamthang kahawi teh ka pâpho vaiteh, kakamkuengnaw rahak vah nang pholennae la ka sak han, telah a ti.

¹³ Hahoi, Bawipa nang teh na yuem han. Hahoi, thai aw h haw, kai hoi kai koe Cathut ni na poe e camonaw doeh, telah bout a ti.

¹⁴ Hote camonaw teh takthai hoi thi ka tawn e lah ao dawkvah, Khrih ni a duenae pawlawk dawkw hoi, duenae ka uk e kahraimathout e bahu hah a raphoe thai nahanlah thoseh,

¹⁵ duenae ka taket niteh, a hring nathung sankatounghaw hah hloutsak hanelah thoseh, hote camonaw patetvanlah takthai hoi thi a sin van.

¹⁶ Bangkongtetpawiteh, Khrih ni kalvantaminaw hah kabawm hoeh, Abraham e catounnaw hah a kabawp.

¹⁷ Hatdawkvah Khrih ni taminaw e yonthanae hah a sak vah, Cathut hoi kâkuen e dawkvah, lungmanae hoi thoseh, lawkkamcaknae hoi thoseh, yuemkamcu e Vaihma Kacue lah ao nahan, amae hmaunawngghanaw hoi khoeroe kâvan e lah ao.

¹⁸ Hottelah, ama roeroe tacueknae a khang dawkvah, yon tacueknae kakâhmonaw hah a kabawp thai.

3

Mosi hlak hai jisuh teh bawilen

¹ Hatdawkvah kalvanlae kawnae na ka coe e hmaunawngghanaw, maimouh ni yuem awh e guncei hoi Vaihma Kacue lah kaawm e Khrih Jisuh e kong hah kahawicalah pouk awh.

² Mosi teh Cathut e imthungkhu dawk yuemkamcu patetlah ahni haiyah ama kapatounkung koe yuemkamcu.

³ Im kasakkung teh im hlak bari hoe ao e patetlah, Jisuh teh Mosi hlak hai hoe ka talue e bawilenna coe hanlah a kamcu telah pouk e lah ao.

⁴ Im teh tami buet buet touh ni a sak dawk kaawm e doeh. Bangpuengpa kasakkung teh Cathut lah ao.

⁵ Mosi teh hmalah pâpho lah kaawm hane hnonaw lawkpanuesaknae lah ao nahan, Cathut e imthungkhu koe yuemkamcu lah ao.

⁶ Khrih teh capa patetlah Cathut e im thung yuemkamcu lah ao. Maimanaw teh yuemnae hoi ngaihawinae dawkvah kâoupnae hah apout totouh kuen awh pawiteh, Cathut e imthungkhu lah o awh.

Kayuemhoehnaw kâhruetcu et poenae

⁷ Hatdawkvah, Kathoung Muitha ni a dei e teh, sahnin vah nangmanaw ni pâpho e lawk hah na thai awh dawkvah,

⁸ Na lung patak awh hanh.

⁹ Na mintoenaw ni a kum 40 touh thung kai hah aphunphun lahoi na tanouk awh teh, kaie thaw ka tawknae hah a hmuna kahrawngum vah kai na taranna tueng patetlah awm awh hanh.

¹⁰ Hote miphunnaw teh ka panuet dawkvah, a lungthin thung hoi pou a payon awh. Kaie lamthung hai panuek awh hoeh.

¹¹ Hatdawkvah, ahnimouh teh kaie kâhatnae dawk na kâen awh mahoeh telah lungkhuek laihoi thoe ka bo e patetlah,

¹² hmaunawngghanaw, nangmouh teh kahring Cathut ceitakhai e lahoi yuemhoehnae hoi kahawihoehe lung na tawn awh hoeh nahanlah kâhruetcu et awh.

¹³ Nangmouh thung dawk yon phung ni dumnae lahoi na lungthin a pata hoeh nahanlah, sahnin telah kaw e atueng ao nathung, hnintangkuem buet touh hoi buet touh kâhroecoe awh.

¹⁴ Bangkongtetpawiteh, maimouh teh apuengcue hoi kaawm e lungtanga-nae hah, apout ditouh kacaklah na kuen pawiteh, Khrih hoi kâkuen e lah na o awh.

¹⁵ Cakathoung dawk sahnin vah nangmouh ni lawk hah na thai awh pawiteh, lawk taranna tueng patetlah na lungthin patak sak awh hanh leih a ti.

¹⁶ Hottelah a thai awh nahlangva ka tarannaw teh, apinaw namaw. Mosi e hrawinae lahoi, Izip ram hoi ka tâcawt e taminaw nahoehmaw.

¹⁷ Hahoi, a kum 40 touh thung, Cathut teh apinaw e lathueng maw a lungkhuek. Yonnae ka sak awh ni teh kahrawngum vah kadoutnaw koe nahoehmaw.

¹⁸ Hothloilah, nangmouh teh Bawipa e kâhatnae dawk na kâen awh mahoeh telah apinaw maw thoe a bo vaw. Lawk ka ngai hoeh e taminaw koe nahoehmaw.

¹⁹ Hatdawkvah, ahnimouh teh a yuem aw hoh dawkvah kâen thai aw hoh tie teh maimouh ni panue aw h.

4

Cathut e taminaw kâhatnae hnin

¹ Hatdawkvah, Cathut e kâhatnae daw k kâen thinae a lawkkam ao nahlangva, nangmouh thung daw hoi kâen laipalah tami buet touh hai ao hoeh nahanlah kâhruetcueth aw h sei .

² Bangkongtetpawiteh, maimouh haiyah ahnimanaw patetvanlah kamthang kahawi hah thai aw h toe. Hatei, ahnimouh ni a thai aw h e kamthang lawk teh ahnimaethungvah, yuemnae hoi a kâkalawt hoeh dawkvah aphu awmhoeh.

³ Ka yuem e maimanaw teh Cathut e kâhatnae daw k kâen aw h. Cakathoung daw k, Ahnimouh teh kaie kâhatnae daw k kâen mahoehtelah ka lungkhuek teh thoe ka bo e patetlah ao. Hatei, athawnaw teh talaivan kamtawng nah a cum e lah ao toe.

⁴ Asari hnin hoi kâkuen lah, Cathut ni hno pueng koung a cum hnukkhu, asari hnin vah duem a kâhat telah Cakathoung ni hmuen buet touh koe a dei.

⁵ Hahoi, ahnimouh teh kaie kâhatnae daw k kâen aw h mahoehtelah bout a ti.

⁶ Hatdawkvah, hote kâhatnae thungvah kâen thinae teh, atangawnnaw hanelah ao rah. Lunghawinae kamthang kahawi teh hmaloe ka thai e naw ni a yuem aw h hoeh dawkvah kâen aw h hoeh toe.

⁷ Hatdawkvah, Cathut ni hnin hnin touh hah sahnin telah a dei teh a kum moi asaw hnukkhu, ahmaloe a dei e patetlah sahnin a lawk na thai aw h pawiteh, na lungpata sak aw h hanh telah Devit hno lahoi a dei.

⁸ Joshua ni ahnimouh kâhatnae poe katang pawiteh, hat hnukkhu, aloke hnin hah Cathut ni a dei han namaw.

⁹ Hatdawkvah, Cathut e miphunnaw hanlah kâhatnae phun touh ao rah.

¹⁰ Bangkongtetpawiteh, Cathut ni athawnaw hah a cum teh duem a kâhat e patetlah Bawipa e kâhatnae dawkvah ka kâen e tami hai thawnaw a cum vaiteh duem a kâhat van han.

¹¹ Isarel taminaw ni yuemnae lungthin tawn laipalah a tâlaw aw h e patetlah maimouh ni tâlaw laipalah hote kâhatnae daw k kâen hanlah kâpanki aw h sei .

¹² Cathut e lawk teh a hring, tahloi avoivang kahran e hlah a hran. Hringnae hoi muitha, hru kâletlout hoi rakhing totouh a thut teh a racei thai. Lungthin pouknae pueng hai a panue thai.

¹³ Sak e hnonaw pueng dawkvah Cathut hmalah ka kamnuek hoeh e buet touh boehai aw m hoeh. Bangpuengpa teh, Bawipa e hmalah ka ngue e aw m laipalah pheng a kamnue. Maimouh pueng teh hote Bawipa ni akung na khei aw h han.

Vaihma bawi jisuh

¹⁴ Atu kalvan kho ka kâen e Vaihma Kacue, Cathut Capa Jisuh teh maimouh koe kalenpoung Vaihma Kacue lah ao dawkvah, maimouh ni yuemnae lawk daw k kacaklah aw m aw h sei.

¹⁵ Bangkongtetpawiteh, maimouh thayounnae kapanuekkhaikung Vaihma Kacue tawn aw h. Ahni teh maimouh patetlah tacueknae apunpun a kâhmo. Hatei, yonnae tawn hoeh.

¹⁶ Hatdawkvah, maimouh teh a pahrennae hoi a lungmanae naw hah coe aw hah teh panki nah tueng nah kabawpnae hmu nahanlah lungtang nalaihoi lungmanae bawitungkhung koe rek hnai aw haw sei.

5

Vaihma kacue Messiah

¹ Taminaw thung daw koe hoi rawi lah kaawm e vaihma kacuenaw pueng teh poehno poe hane hoi yon thuengnae hah taminaw han Cathut koe ka thueng hanelah rawi e lah ao.

² Ama roeroe hai thayounnae a tawn dawkvah, panuena ka tawn hoeh e naw hoi lam kapayonnaw koe pahrennae a tawn thai.

³ Hatdawkvah, taminaw e yon hoi amae yon hanlah thuengnae sak hanelah a panki.

⁴ Cathut ni Aron a kaw e patetlah kaw e tami laipalah, apinihai hote thaw bari kaawm e teh taw koe hoi aw haw hoeh.

⁵ Hot patetvanlah, Khrih haiyah, Vaihma Kacue lah amahmaw koe ka kâawm e nahoeh. Nang teh ka Ca lah na o. Sahnin vah nang teh na khe toe, telah ka tet e ni a tawm toe.

⁶ Cakathoung ni a dei e, nang teh Melkhizedek patetlah yungyoe e vaihma lah na o, tie patetlah ao.

⁷ Khrih teh talai van ao navah, duena koehoi rungngang thai kung koe vah mitphi hoi puenghoi a hram laihoi ratoumnae a sak teh, takinae koehoi kâhatnae a hmu dawkvah,

⁸ ahni teh Cathut Capa lah kaawm ei nakunghai patang khangnae lahoi lawkngainae a kamtu.

⁹ Hottelaw kuepnae koe a pha hnukkhu, lawk ka thai niteh ka yuem e naw pueng yungyoe rungngangnae kapoekung lah ao.

Cuena koe ka phat hoeh e yuena

¹⁰ Melkhizedek patetlah Cathut ni Vaihma Kacue telah a kaw e lah ao.

¹¹ Hotteh, Melkhizedek e kong daw koe kaimouh ni dei hane moi ao, hatei, nangmouh teh hnâ na thai panuek aw haw hoeh dawkvah dei hane hrung a ru.

¹² Bangkongtetpawiteh nangmouh teh a kumtha lahoi teh kangkhaikung lah na o aw haw hanelah na o aw haw toe. Hatei, akungtuen e Cathut lawk hah ayâ koehoi bout kamtu hanlah ao dawkvah, bu kate na cat laipalah sanutui na ka net e lah doeh na o aw haw rah.

¹³ Sanu tui dueng ka net e tami teh camo lah ao rah dawkvah, lanna hoi ka kâkuen e lawk panuethainae tawn hoeh.

¹⁴ Bu kate tie teh, thohawi kapek thainae a tawn teh, poukthainae, panuethainae lahoi cuena koe lah kaawmnaw hane doeh.

6

Cuena koe pha hanelah thapoena

¹ Hatdawkvah, maimouh teh Khrih hoi kâkuen e akungtuen hoi kâcangkhaing hah ta aw haw vaiteh, kuepcingnae koe lah khok takan aw haw sei. Duena hoi kâkuen e tawksaknae daw koe hoi pan ka ngainae, Cathut yuemnae,

² baptisma hoi kâkuen e cangkhaing, kut toungnae, duena koehoi boutthawnae, yungyoe lawkcengnae hah a kung koehoi bout kamtu toung laipalah awm aw haw sei .

³ Cathut ni atueng na poe pawiteh hot teh sak aw h han.

⁴ Angnae daw k vai touh pha aw h teh, kalvanlae poehno pateknae, Kathoung Muitha coenae,

⁵ Cathut e kamthang kahawi hoi due hnukkhu hnosakthainae hah patek aw h hnukkhu hoi,

⁶ tâlaw pawiteh, Cathut Capa thingpalam daw k apâhni lah bout a pathout aw h teh yeirai a po sak aw h daw kvah, pankângainae koe bout phat thai aw h hoeh toe.

⁷ Bangkongtetpawiteh, talai ni ama daw k boutbout kabaw t e kho ratui a daw p teh, thaw katawknaw hanlah anhnatusie ouk tâcawtkhai pawiteh, Cathut koehoi e yaw hawi a hmu e lah ao.

⁸ Hatei, pâkhing pâyam aphunphun kapâw sak e talai lah aw m pawiteh, hno han a kamcu hoeh daw kvah, thoebonae a khang vaiteh, hnukteng vah hmai hoi sawi lah ao han.

⁹ Ka lungpataw e naw, kaimouh ni hettelah ka dei aw h ei nakunghai, nangmouh hanelah teh hoe kahawi e rungngangnae hoi kâkuen lah ao tie ngaihawi aw h.

¹⁰ Bangkongtetpawiteh, Cathut teh nangmae thaw na taw k aw h e hai thoseh, tami kathoungnaw yampa vah na khetyaw t aw h e patetlah atu hai Bawipa min lahoi na kamnue sak aw h e lungpatawnae hai thoseh, pahnim totouh hno kahawihoe h ka sak e lah aw mhoe h.

¹¹ Nangmouh pueng teh, pangaknae tawn laipalah, yuemnae hoi panguepnae lahoi lawkkamnae râw lah kacoenaw patetvanlah na tarawi thai aw h nahan,

¹² hottelah apout totouh lunghringnae aw m laipalah na ngaihawi aw h nahan kaimouh ni na ngai khai aw h.

Cathut e lawkkam coenae

¹³ Cathut ni Abraham koe vah lawkkamnae a sak navah, ama hlak kalenhnawn e min ao hoeh daw kvah, amahoima noe lahoi,

¹⁴ kai ni nang teh yawhawinae pou na poe vaiteh na catoun ka pungdaw sak han, telah a ti.

¹⁵ Hettelahoi, Abraham ni lungsaw laihoi a ring hnukkhu lawkkamnae teh a coe.

¹⁶ Taminaw ni amamouh hlak ka lentoe e tami min lahoi thoe ouk a bo aw h. Hote thoebonae ni kâounnae pueng a roum sak teh laidei ouk a cak sak.

¹⁷ Hatdaw kvah, lawkkamnae kacoenaw teh Cathut e a noenae kâthung thai hoeh tie panue sak hanlah Cathut ni thoebonae lahoi acak sak.

¹⁸ A laikathout thai hoeh e Cathut ni kâthung thai hoeh e hno kahni touh hno laihoi hmalah ta e ngaihawinae hno hah kâuep thai nahanlah ka yawng e maimouh hoe thao thai nahanelah doeh.

¹⁹ Hote ngaihawinae teh maimae lungthin hanlah kacakpoung sumtaai patetlah maimouh daw k athung yap e lukkarei a thung lah a kâen.

²⁰ Jisuh teh Melkhizedek patetlah yungyoe Vaihma Kacue la o teh, lukkarei yap e athunglah lam na kapâtuekung lah ao teh maimouh yueng lah a kâen.

¹ Melkhizedek teh Salem siangpahrang, ka lentoe poungh Cathut e vaihma lah ao. Abraham ni taran a tuk teh tânae hoi bout a ban nah Melkhizedek ni a dawn teh yawhawi a poe.

² Abraham ni taran kutnaw koehoi a thokhai e, hnopainaw pueng pung hra pung touh Melkhizedek koe a poe. Apasuekpoung lah Melkhizedek tie teh 'lanna Siangpahrang tinae doeh. Apâhni lah Salem siangpahrang lah ao dawkvah 'lungmawngnae siangpahrang tinae lah ao.

³ Ahni teh a manu a na pa tawn hoeh, a miphun tawn hoeh, a khenae hoi a duenae hai tawn hoeh. Ahni teh Cathut e capa patetlah ao teh, a yungyoe vaihma lah ao.

⁴ Mintoe Abraham ni a hmu e hnopainaw pung hra pung touh a poe teh hete tami teh banghloimaw a lentoe tie hah pouk awh haw.

⁵ Vaihma lah rawi e Levih canaw teh Abraham e miphun lah ao. A hmaunawngghanaw kut dawkh hoi kâpoelawh patetlah pung hra pung touh coe thainae a tawn awh. Ahnimanaw teh Abraham koehoi ka tho e a hmaunawngghanaw lah ao awh.

⁶ Hatei, ahnimae miphun lah kaawm hoeh e hote bawi ni Abraham koehoi pung hra pung touh a coe teh, lawkkamnae ka coe e Abraham hah yawhawinae a poe.

⁷ Kacue niyah kanaw yawhawinae a poe e hah oun hanelah awh hoeh.

⁸ Hothloilah, atuvah kadout thai e taminaw ni pung hra pung touh a coe awh. Hatei, hatnae tueng dawkh teh a hring telah kapanuekkhaikung ni pung hra pung touh a coe e lah ao.

⁹ Hahoi, pung hra pung touh ka coe e Levih haiyah Abraham koehoi pung hra pung touh a poe toe telah ti thai awh.

¹⁰ Bangkongtetpawiteh, Melkhizedek ni Abraham a kâhmo navah Levih teh a na pa e atak thung vah ao rah.

Jisuh teh Melkhizedek patetlah a o

¹¹ Hahoi, Levih miphun koehoi ka tho e vaihma phun hoi kâkuen lah taminaw ni kâlawk hah coe awh dawkvah, hote phun lahoi kuepcingnae koe phat thai pawiteh, Aron patetlah e laipalah, Melkhizedek patetlah e a tho hane bangkongmaw a panki rah.

¹² Vaihma miphun kâthung pawiteh kâlawk hai kâthung laipalah awh thai hoeh.

¹³ Bangkongtetpawiteh, dei tangcung e ni a takhi e Bawipa teh, thuengnae thaw ka tawh boihoeh rae miphun hoi a kâkuet

¹⁴ Bangkongtetpawiteh, maimae Bawipa teh Judah miphun dawkh hoi a tâco tie teh a kamceng. Hote miphun teh vaihma hoi a kâkuet telah Mosi ni kam touh hai dei boihoeh.

¹⁵ Hahoi, Melkhizedek patetlah alouke vaihma teh, yo awh toungh pawiteh, vaihma miphun a kâthung toe tie hoe a kamceng.

¹⁶ Hote vaihma teh kâpoelawh lahoi rawi e tho hoeh, yungyoe hringnae bahu lahoi rawi e doeh.

¹⁷ Bangkongtetpawiteh, nang teh Melkhizedek patetlah yungyoe e vaihma lah na o, telah a kampangkhai.

¹⁸ Kâlawk teh a thayoun teh kuepnae a poe thai hoeh dawkvah, takhoe e lah ao toe.

¹⁹ Bangkongtetpawiteh, kâlawk ni apipatet hai lannae koe phat sak thai hoeh. Hatei atuvah hoe ka talue e ngaihawinae a tho dawkvah, maimouh teh hote ngaihawinae lahoi Cathut koe rek hnai awh.

²⁰ Ahnimouh teh thoebonae lah awh laipalah vaihma lah ao awh.

²¹ Jisuh teh thoebonae awm laipalah vaihma lah awm hoeh. Cathut ni nang teh Melkhizedek patetlah yungyoe vaihma lah na o telah thoe a bo teh, a lung bout a kâthung hoeh e patetlah Jisuh ni thoebonae lahoi vaihma lah ao e patetlah,

²² hoe kahawi e lawkkam kacaksakkung lah ao.

²³ Ahnimouh haiyah a due awh teh, thaw pou a tawk thai awh hoeh dawkvah, tami moikapap vaihma lah ao awh.

²⁴ Jisuh teh yungyoe kahring e lah ao dawkvah kâthung thai hoeh e vaihma lah ao.

²⁵ Hatdawkvah, apipatet hai thoseh, Jisuh lahoi Cathut koe kahnai e hah a rungngang thai katang. Bangkongtetpawiteh, Bawipa teh ahnimouh hane pahrennae hei hanlah a yungyoe poe a hring.

²⁶ Hot patetlah e Vaihma Kacue teh a thoung teh khinnae tawn hoeh, tamikayonnaw hoi kamyawng hoeh. Kalvannaw pueng hlak a rasangnawn dawkvah maimouh han lah a kamcu.

²⁷ Alouke vaihma kacuenaw teh ama hane yon thuengnae thoseh, taminaw hane yon thuengnae thoseh, hnintangkuem a sak e patetlah hote Bawipa teh ama hanlah yon thuengnae sak ngai hoeh. Bangkongtetpawiteh, amahoima vai touh hoi thuengnae a sak teh hote thaw teh a cum toe.

²⁸ Kâlawk niteh yon ka tawn e tami hah vaihma kacue lah a rawi. Hatei, kâlawk hnukkhu vah ka tho e thoebo lawk niteh a yungyoe kakuep e Capa doeh a rawi.

8

Kalvan e Vaihma Kacue

¹ Kaimouh ni ka dei awh e alawkpui teh, kalvannaw dawkvah, ka Lentoenae bawitungkhung aranglah ka tahung e Vaihma Kacue tawn awh tie hah doeh.

² Tami ni a sak e tho laipalah, BAWIPA ni a sak e lukkareiim katang hoi kathoung hmuen dawk Cathut thaw ka tawk e lah ao.

³ Vaihma kacue pueng teh poehnonaw hoi thuengnae hah poe han rawi e lah ao patetlah, thueng han buet touh a tawn.

⁴ Kâlawk patetlah thuengnae poehnonaw ka poe e vaihmanaw ao patetlah, ahnimouh teh talai van vah awm rah pawiteh vaihma lah awm mahoeh.

⁵ Mosi ni lukkareiim a sak han navah, mon vah nang na patue e patetlah bangpuengpa na sak nahan kâhruetcuete loe tie lawk ka thai e patetlah hotnaw teh kalvanlae hnonaw e a tâhlip lah doeh ao awh.

⁶ Hatei, Jisuh teh hoe ka talue e lawkkamnae dawkvah kaawm e, hoe ka talue e lawkkam e laicei lah ao dawkvah hoe ka talue e thaw tawk thainae teh a coe.

Lawkkam katha

⁷ Hmaloe e lawkkamnae teh yonpen hanlah awm hoehpawiteh, apâhni e lawkkamnae teh bout panki mahoeh toe.

⁸ Hatei, Cathut ni hmaloe e lawkkam teh yon a hnei, hahoi a dei e teh, kai ni hete miphunnaw e mintoenaw hah, Izip ram hoi ka hrawi nah, ahnimouh koe ka poe e lawkkamnae hoi kâvan hoeh e lawkkam katha hah Isarel hoi Judahnaw koe ka poenae tueng ka phat han.

⁹ Hmaloe ka poe e lawkkam dawkvah ahnimouh ni awm awh hoeh. Hatdawkvah, kai nihai noutna laipalah ka o telah a ti.

¹⁰ Atototeh, Isarelnaw koe ka poe hane lawkkamnae teh, kai Cathut ni ka kâlawnaw hah ahnimae a lungthin muitha thungvah ka pakhum han. Ahnimae a lungthin dawka thut han. Kai teh ahnimae Cathut lah ka o vaiteh ahnimouh haiyah ka tami lah ao aw h han.

¹¹ Hahoi, ahnimouh ni Bawipa panuek haw telah a imri, a hmaunawngah buet touh hoi buet touh kâcangkhai aw h mahoe h. Bangkongtetpawiteh, kathoung poung koehoi kalenpoung totouh kai na panue aw h han.

¹² Hat toteh, kai ni ahnimae lanhoehnae, a payonnae hoi kâtapoenae teh ka pâkuem pouh mahoe h telah a ti.

¹³ Cathut ni Lawkkam katha telah ati navah, hmaloe e lawkkam teh a karuem sak. Karuem tangcoung e hno teh, coungkacoe kahmat han doeh toe.

9

Lawkkam karuem e phung

¹ Hmaloe e lawkkamnae dawka hai bawknae phungnaw hoi talai van kaawm e kathoung hmuena o.

² Bangkongtetpawiteh, lukkareiim a sak aw h navah, kathoung hmuena tie ahmaloe e rakhan dawkvah, hmaiimkhok, caboi hoi vaiyeinaw a ta aw h.

³ Apâhni e yaphni athunglah teh hmuena kathoung poung telah kaw e rakhan ao.

⁴ Hote lukkareiim dawkvah, sui tongben hoi sui hoi sak e lawkkam thingkong ao. Hote thingkong dawka mana tanae sui hlaam, a pei ka pei e Aron e sonron, hoi kâlawk thutnae lungphennaw ao.

⁵ Hote thingkong van vah, ka lentoe e cherubim ni yonthanae hmuena hah a ramuk. Hote hnonaw teh atu ka kanceng lah dei thai lah aw h hoh.

⁶ Hottelah, hnonaw pueng koung rakueng aw h torei teh, vaihmanaw teh lukkareiim apasuek e rakhan thungvah bawknae thawnaw tawka hanlah atu hoi atu a kâen aw h.

⁷ Apâhni e rakhan dawka teh vaihma kacue ni dueng doeh kum touh dawka vai touh ouk a kâen. Hottelah a kâen navah ama han hoi taminaw ni yon a sak payonnae hanlah thoseh, thueng nahanlah thi hoi ouk a kâen.

⁸ Lukkareiim apasueke rakhan ao roukrak, kathoungpoung rakhan koe kâen thainae lam aw hoh rah tie hah Kathoung Muitha ni hete hno hoi a pâpho.

⁹ Hote teh, atutueng hanelah bangnuena lah a o. Thuengnae poehnonaw hoi thueng e satheinaw ni mahoima kâpanuena lung thungsak thai hoh.

¹⁰ Hote hnonaw teh canei kawi hoi kâpasuena phungnaw hoi a kâkuet teh, a katha lah bout sak hoehnahlan totouh takthai hoi kâkuen e phunglam lah doeh ao.

Lawkkam katha e phung

¹¹ Hatei, Khrih teh hno kahawinaw hoi kâkuen e Vaihma Kacue lahoi a tho toung dawkvah, tami kut hoi sak e nahoe h, het talai van e nahoe h, hoe ka lentoe niteh hoe kacuep e lukkareiim dawkvah,

¹² Hmae hoi Maitoca e thipaling tho laipalah ama e thi roeroe a sin teh kathoungpoung hmuena koe a kâen teh maimouh han lah a yungyoe ratangnae vai tahoi kakhoutlah a sak toe.

¹³ Bangkongtetpawiteh, kathounghoehe taminaw van vah kahei e maito thi, hmae thi hoi Maitola sawi e hraba ni ahnmae takthai dawk thoungsak thai boipawiteh,

¹⁴ a yungyoe Muitha lahoi yah yonnae ka tawn hoeh e amahoima Cathut koe ka kâthueng e Khrih e a thipaling teh kahring Cathut thaw tawk thai nahanelah, nangmae thoehawî panuenaë lungthin duenaë tawksaknae thung hoi hoe thoungsak thai mahoeah namaw.

¹⁵ Hatdawkvah, hmaloe e lawkkam rahim yonnae dawk hoi hlout sak hanlah, Khrih teh a due toung dawkvah, a kaw e naw ni yungyoe râw hah a coe thai aw h nahanlah Bawipa teh lawkkam katha e laiceî lah ao.

¹⁶ Râw coenaë lawk teh râw coenaë lawk kadeikung a due hnukkhu to doeh ouk a coe aw h.

¹⁷ Bangkongtetpawiteh lawk kadeikung a hring nathung teh cungkei hoeh, a due hnukkhu torei doeh to e lah ao.

¹⁸ Hatdawkvah, hmaloe e lawkkamnaë haiyah thipaling laipalah sak hoeh.

¹⁹ Mosi ni kâlawk cauk daw k kaawm e kâlawknaw pueng hah rangpuinaw koe a pathang pouh hnukkhu, tui hoi kalawt e maito hoi hmae thi hah a sin teh tumuen paling hoi dingsala dawn hoi kâlawk cauk hoi rangpuinaw hah a kahei sin.

²⁰ Hete thi teh, Cathut ni nangmouh koe kâ a poe e lawkkamnaë thipaling doeh a ti.

²¹ Hathnukkhu hot patetvanlah, lukkareim hoi bawknae koe hno e hnopainaw lathueng hai thipaling a kahei sin.

²² Kâlawk patetlah bangpuengpa heh thipaling hoi thoungsak thai lah ao. Thi palawng laipalah yon ngaithoumnaë awmhoeh.

²³ Kalvanlae hnônaw e tâhlipnaw hah hottelah thuengnae lahoi thoungsak lah ao teh, kalvan lae hnônaw hateh hoe ka talue e thuengnae lahoi thoungsak lah ao.

²⁴ Bangkongtetpawiteh, Khrih teh a katang e hmuen kathoungpoung e tâhlip lah kaawm e tami ni kut hoi sak e kathoungpoung e hmuen daw k kâen hoeh, maimouh han kecu daw k atu Cathut e a hmalah amahoima kâpâtue hanlah kalvan vah a kâen toe.

²⁵ Vaihma kacue ni sathei thi sin laihoi kum tangkuem kathoungpoung e hmuen koe a kâen e patetlah Khrih teh a mahoima atuhoitu thueng hanelah panki hoeh.

²⁶ Hottelah hoehpawiteh, talaivan a paw pasuek hoi avai moikapap a khang han doeh toe. Atuteh a tue abawnae koe lah a mahoima vai touh thuengnae lahoi yon thoungsak hanlah a tho toe.

²⁷ Tami teh vai touh due hnukkhu lawkcengnae a kâhmo e patetlah,

²⁸ Khrih ni taminaw e yonnaw ceikhai hanelah, amahoima vai touh dueng thuengnae a sak teh, apâhni e daw k teh yon hoi kâkuen laipalah, rungngangnae kangaihawinaw han lah apâhni bout a kum han.

10

Kakuep e sathei

¹ Bangkongtetpawiteh, kâlawk teh ka tho hane hno kahawinaw e a tâhlip lah ao teh, a katang e lah awmhoeh. Hatdawkvah, kum tangkuem sathei thuengnae lahoi Ama koevah thuengnae kasaknaw teh kuepnae koe phat thai aw h hoeh.

² Hottelah hoehpawiteh, kabawkkungnaw hah vai touh hoi a yon thoungsak toung vaiteh, yonpennae awm hoeh toung vaiteh sathei thuengnae laipalah awm awm mahoe h namaw.

³ Hatei, hottelah thuengnae lahoi a kum tangkuem yonnae boutbout a pouk awm.

⁴ Bangkongtetpawiteh Maito hoi hmae e a thi ni yonnae hah thoungsak thai hoeh.

⁵ Hatdawkvah Jisuh ni het talaivan a tho navah, oe Cathut, nang ni sathei hoi thuengnae na ngai hoeh dawkvah, kai hanlah tak hah rakueng pouh toe.

⁶ Bawipa ni hmaisawi thuengnae hoi yon thuengnae hah a ngai e nahoe h.

⁷ Hatnavah, Kai ni cakalawng dawk kai hanelah na thut e patetlah, na ngainae sak hanelah kai teh ka tho toe Cathut telah ka dei pouh.

⁸ Ahmaloe vah, kâlawk patetlah thuengnae sak e naw, sathei hoi hno poe e naw, hmaisawi e sathei hoi yonthanae satheinaw hah ka ngai hoeh, hotnaw dawkvah lungkuepnae haiyah ka tawn hoeh, telah a ti.

⁹ Hathnukkhu, Bawipa e ngainae tawk hanelah ka tho, telah ati. Hettelah hoi Bawipa ni apâhni thuengnae hah acak sak teh, apasueke thuengnae hah a takhoe .

¹⁰ Hote ngainae lahoi, Jisuh Khrih ni a tak hah vai touh hoi kakhoutlah a thueng e lahoi maimouh teh yon thoungsak lah o awm.

¹¹ Vaihmanaw pueng ni hnintangkuem a kangdue awm teh thuengnae hoi yon katha thai hoeh e sathei hah atu hoi atu thuengnae a sak awm.

¹² Hatei, Khrih ni yonnae hanelah vai touh dueng thuengnae lahoi a yungyoe han kakhoutlah a sak hnukkhu, Cathut e aranglah a yungyoe a tahung.

¹³ Ama e a tarannaw khok tounгнаe lah ao hoehroukrak ngaihawi laihoi a ring.

¹⁴ Bangkongtetpawiteh Bawipa ni vai touh dueng thuengnae lahoi thoungsak lah kaawm e naw hah yungyoe akuep sak.

¹⁵ Kathoung Muitha nihaiyah maimouh koe na kampangkhai.

¹⁶ Cathut ni atotovah ahnimouh koe ka poe hane lawkkam teh, Kai Cathut ni kâlawnaw hah ahnimae a lungthin dawk ka pakhum pouh han. A lungthin muitha dawk ka thut pouh han, telah a ti.

¹⁷ Hahoi, Kai ni ahnimae a yonnae hoi kâlawk a tapoenae hah ka pâkuem pouh mahoe h toe telah a ti.

¹⁸ Hottelah yonthanae a onae hmuen koe teh yon hanlah thuengnae bout panki hoeh toe.

Cathut thaw dawk tha poenae

¹⁹ Hatdawkvah, hmaunawngghanaw, maimouh teh Jisuh e thipaling pawlawk dawk hoi hmuen kathoung poung koe kâen hanlah taranhawinae tawn awm.

²⁰ Hote a thi lahoi, Bawipa ni amae tak lah kaawm e lukkarei yap e koehoi hringnae lamthung katha hah na rasoun pouh awm.

²¹ Hot dueng tho laipalah, maimouh koe vah Cathut imthungkhu ka uk e kalenpoung Vaihma tawn awm dawkvah,

²² maimae lungthin dawk e thoe hawi panuena kahawihoehe teh thoungsak lah o toe, maimae tak hai tui kathoung hoi pâsu lah ao toung dawkvah yuemnae kakuep tawn hoi lungthin katang hoi Cathut hnai awm sei .

²³ Lawkkamnae kapoekung teh lawkkam acak dawkvah pâpho awh e ngaihawinae hah kâhuen sak laipalah caksak awh sei .

²⁴ Hahoi, lungpatawnae tawn thai nahan hoi hnokahawi sak thai nahanlah buet touh hoi buet touh tha kâpoe awh nateh kâkhen awh.

²⁵ Tami tangawn ni a sak e patetlah kamkhuengnae pahnavt laipalah, buet touh hoi buet touh kâhructuet awh sei. A tue hoehoe a hnai toung dawkvah, hottelah hoe sak awh sei .

²⁶ Bangkongtetpawiteh, lawkkatang panue awh hnukkhu, ma ngai lahoi yonnae bout sak awh pawiteh, yonnae tha nahanelah thuengnae bout awmhoeh toe.

²⁷ Lawkcengnae thoseh, ama ka taran e taminaw raphoe nahane a lungkhueknae hmai thoseh, kak hane taki laihoi ring hane dueng doeh kaawm toe

²⁸ Mosi e kâlawk ka tapoe e tami teh kapanuekkhaikung kahni touh na ou, kathum touh na ou awm pawiteh, pahren laipalah a due sak awh.

²⁹ Hothloilah, Cathut Capa khok hoi ka coungroe niteh, ama thoungnae lawkkam thipaling hah hno kathoung hoeh lah ka pouk e naw hoi lungmanae hoi ka kâkuen e Muitha ka dudam e naw teh banghloi kalen e reknae maw a khang hanlah a kamcu telah na pouk awh.

³⁰ Bangkongtetpawiteh, kut pathungnae teh kaie doeh, kama roeroe ni ka pathung han, ti hai thoseh, Cathut ni a taminaw lawk a ceng han ti hai thoseh, ka tet e hah maimouh ni panue awh.

³¹ Kahring Cathut e kut dawkh pha e teh taki a tho poung e hno doeh.

³² Nangmouh ni angnae dawkh na pha hnukkhu, rucatnae puenghoi na khang awh e yampa e ahnin thapanaw hah pouk awh.

³³ Avaivai nangmouh ni taminaw hmalah yonpenna hoi rucatnae na khang awh teh, avaiavai, hottelah kasaknaw kakhangkhaikung lah na o awh.

³⁴ Nangmouh ni thongkabawtnaw na pahren awh dueng tho laipalah, hoehoe ka talue niteh kangning e hno kalvan vah na tawn e hah na panue awh dawkvah, na hnopainaw ayâ ni na lawp awh nakunghai, lunghawicalah hoi na panguep awh.

³⁵ Hatdawkvah, tawkpheu kalenpoung lah ka awm e na yuemnae kacakpoung hah tâkhawng awh hanh.

³⁶ Cathut ngainae sak hnukkhu, lawkkam e coe nahanlah nangmouh dawkh a panki e hno teh panguepnae doeh.

³⁷ Bangkongtetpawiteh, ka tho hane Ahni teh nâsittouh awm mahoehtoe, palang a tho han toe.

³⁸ Tami kalan teh yuemnae lahoi a hring han. Hatei, hnuk kâhnawn pawiteh ka lunghin Muitha ni ahni koe ka lunghawi mahoehtoe, telah Cathut ni a ti.

³⁹ Hatei, maimanaw teh kamkonae dawkh pha hanlah hnuk kâhnawn e tami lah awm awh hoeh, rungngang lah o awh nahanlah ka yuem e tami lah o awh.

11

Yuemnae dawkh ringlu kapasoungnaw

¹ Yuemnae tie teh, ngaihawi e hnonaw hah kamcengcalah panuena, hmu hoeh rae hnonaw ao katang telah hmucaina doeh.

² Ayan e mintoenaw ni hete yuemnae lahoi doeh oupnae a coe awh.

³ Het talaivan heh Cathut e lawk lahoi sak e lah ao teh, atu hmu aw h e hnonaw teh kaawm tangcoun e hnonaw daw k hoi sak e nahoe h tie teh yuemnae lahoi maimouh ni panue aw h.

⁴ Abel ni Kain hlak kahawihloe e thuengnae Cathut koevah yuemnae lahoi a sak. Hatdawkvah, Cathut ni ahni teh tamikalan lah a khoe. Bangkongtetpawiteh, ahnie poehno hah Cathut ni a dâw pouh. Hatdawkvah, Ahni teh yo a due toung ei teh hote yuemnae lahoi sahnin ditouh kamthang a dei lahun rah.

⁵ Yuemnae lahoi Enok teh dout laipalah a kâhung. Cathut ni a kâhungsak dawkvah ahni teh bout kamphawng hoe h toe. Ahni teh a kâhung hoehnahlan vah hete kapanuekkhaikung a tawn teh Cathut lung ka youk e tami lah ao.

⁶ Yuemnae tawn hoehpawiteh apinihai Cathut lungyouk e lah aw m thai hoe h. Bangkongtetpawiteh, Cathut koe ka tho e taminaw ni Cathut ao katang tie hoi ama katawngnaw hah taw kphu kapoekung lah ao tie a yuem han.

⁷ Yuemnae lahoi Noah ni a hmu boihoe h rae naw daw k kâhruetcuetnae lawk a thai navah, yuemnae lahoi a imthungkhunaw rungngang nahanlah long a sak. Hote yuemnae lahoi talaivan taminaw a yonnae a kamnue sak teh, yuemnae lahoi lanna e hah râw lah a coe.

⁸ Cathut ni Abraham teh râw lah a coe hane ram daw k cei hanlah a kaw navah, ahni ni nâ lah maw ka cei han tie panuek laipalah yuemnae lahoi lawk a ngâi teh a cei.

⁹ Ahni teh yuemnae lahoi lawkkam e ram dawkvah, ramlouk e tami, imyin patetlah kho a sak teh, lawkkamnae buet touh rei ka coe aw h e Isak hoi Jakop ti hoi cungtalah rimnaw daw k rei ao aw h.

¹⁰ Bangkongtetpawiteh, Cathut ni a sak e a yungyoe kacakpoung e khopui hah a ngaihaw i aw h.

¹¹ Hot patetvanlah a cakaroe e Sarah nihai a matawng hnukkhu vah, yuemnae lahoi camo vawn thinae a tawn. Bangkongtetpawiteh, lawkkamnae kapoekung teh lawkkam a cak tie a yuem daw k doeh.

¹² Hottelah hoi, kalvan e âsinaw hoi palang e sadinaw patetlah kapap e taminaw hah tami kadout patetlah kaawm e tami buet touh koehoi khe lah ao aw h.

¹³ Hote taminaw pueng ni lawkkamnaw coe aw h hoe h ei, ahlanae koehoi a radoung aw h teh a hmu aw h, talai van a hring aw h navah, imyin hoi kahlawng ka cet e tami lah ka o aw h tie a kâpanue aw h teh, yuemnae lahoi a due aw h.

¹⁴ Hottelah kâpanuek e naw niteh amamae khoram katang hah panki laihoi a tawng aw h tie a kamnue sak aw h.

¹⁵ Ahnimouh ni hmaloe, a ceitakhai e ram teh pouk aw h katang pawiteh, hote ram daw k bout ban nahane kâ a tawn aw h.

¹⁶ Hatei, atangcalah ahnimouh ni kalvanlae ram kahawihnawn e doeh, a doun aw h. Hatdawkvah, Cathut ni ahnimae Cathut telah kaw e hah kayak hoe h. Bangkongtetpawiteh, Bawipa ni ahnimouh hane khopui teh yo a rakueng pouh toe.

¹⁷ Abraham teh tanouk lah ao navah yuemnae lahoi Isak hah thuengnae lah a sak. Lawkkamnaw ka coe e tami ni a tawn dueng capa thueng hanlah a rakueng.

¹⁸ Cathut ni Abraham koe, Isak daw k hoi khe lah kaawm e taminaw teh nange catoun telah kaw han, atipouh.

¹⁹ Cathut niteh kadoutnaw patenghai a thaw sak thai tie Abraham ni a pouk dawkvah hottelah thuengnae hah a sak. Hatdawkvah, a capa teh duenae koehoi bout a hmu.

²⁰ Isak ni yuemnae lahoi ka tho hane naw hoi kâkuen lah, Jakop hoi Esaw yawhawi a poe.

²¹ Jakop ni yuemnae lahoi a due tawmlei vah Joseph e a capa roi yawhawinae a poe teh, a sonron hmo van Cathut a bawk.

²² Joseph ni a due tawmlei vah yuemnae lahoi Isarel miphunnaw san hlout nahan lawk a dei teh a hru hoi kâkuen e lawk a thui.

²³ Mosi e manu hoi na pa ni Mosi a khe navah a meilam ahawi e a hmu dawkvah yuemnae lahoi Siangpahrang kâpoe e taket laipalah thapa yung thum touh a hro roi.

²⁴ Mosi ni a lungha toteh yuemnae a tawn dawkvah Faro canu e capa telah kaw hane a kangek.

²⁵ Yonnae hoi kâkuen e nawmnae dawngdengca pang hlak teh, Cathut e taminaw hoi roedeng rektapnae cungtalah khang hane heh yuemnae lahoi a kârawi.

²⁶ Ahni ni kahawi e, hmalah hmu hane a ngaihawi dawkvah, Khrih hanlah pathoena, yonpenna e khang e hah Izip ram e hnopainaw pueng hlak hai aphu kaawm poung e lah a pouk.

²⁷ Yuemnae lahoi siangpahrang lungkhueknae hah taket laipalah, Izip ram a ceitakhai. Bangkongtetpawiteh, hmu thai hoeh e Cathut hah kahmawt e patetlah a kâcai dawk doeh.

²⁸ Ca caminnaw kathetkung ni Isarelnaw e camin a thei hoeh nahanlah yuemnae lahoi ceitakhai paw i sak teh takhang dawk thi a hluk sak.

²⁹ Isarelnaw ni yuemnae lahoi tuipui paling hah talai kaphui dawk ka cet e patetlah a raka aw. Hot patetlah ka raka e Izipnaw teh tui dawk koug a bo aw.

³⁰ Yuemnae lahoi Jeriko khopui hai hnin sari totouh a lawngven hnukkhu, kho kalupnae tapang teh rup a tip.

³¹ Kâyawt e napui Rahab ni Isarel tami katuetnaw a hro dawkvah kayuemhoehnaw hoi cungtalah dout laipalah a hlout.

³² Hahoi, bang e akong maw bout dei han rah. Gideon, Barak, Samson, Jephthah, Devit, Samuel hoi profetnaw e kongnaw dei pawiteh atueng ni na khout mahoeh.

³³ Hotnaw ni yuemnae lahoi uknaeramnaw hai a la aw, lanna e sak aw, lawkkam a coe aw, Sendek pahni hah a kâcakuap sak aw.

³⁴ Hmai bahu hah a roum sak, sarusarai dawk hoi hloutnae, thayounnae koehoi thaona, taran tuknae koe tha hoi akawi aw teh ram alouknaw e ransanaw e rimnaw hah raphoena, hot patetnaw hah a sak aw.

³⁵ Napuinaw nihai duenae koehoi bout ka thaw e a canaw bout a hmu aw. Hahoi, tangawn teh hoe kahawi e boutthawnae hah a hmu thai nahanlah hloutnae rawi laipalah rektapnae ka patawpoung lah a khang aw.

³⁶ Hahoi, tangawn nihai hmuhmanae hoi hemnae a khang dueng tho laipalah thongim dawkvah kateknae totouh a khang aw.

³⁷ Ahnimouh teh, a dêi aw, a a aw, tahloi hoi a thei aw, a rektap aw, kamcu hoeh lah a dudam aw teh, hmae pho, tu pho khohna hoi yuengyoe kampuen laihoi kho a sak aw.

³⁸ Het talaivan teh ahnimouh o nahan kamcu hoeh. Ahnimouh teh thingyeyawn, montam, lungngoum, hoi talai kâko naw dawk a kâva aw teh ao aw.

³⁹ Ahnimanaw pueng ni yuemnae lahoi a kampangkhai awh eiteh, lawkkam e teh coe awh hoeh.

⁴⁰ Cathut ni maimouh han lah kahawihloe e hno hah sut na rakueng pouh dawkvah, ahnimanaw teh maimouh laipalah kuepsak lah awm awh mahoeh.

12

Thathoe hoeh nahan hroecoena

¹ Hatdawkvah, hettelah kapap e kapanuekkhaikungnaw ni maimouh na kalup awh dawkvah, maimouh ni hnokari hoi kayawicalah kâbet thai e yonnae pueng hah takhoe awh vaiteh, maimae hmalah sut ta e kontung koe pha hanelah thathout laipalah yawng awh sei .

² Yuemnae hah akung lah ta vaiteh maimouh na ka kuep sak e Jisuh hah takuetluet khen awh sei. Bawipa ni a hmalah sut ta e lunghawinae kecu dawk kayanae teh banglahai noutna laipalah thingpalam dawk a khang hnukkhu, Cathut e bawitungkhang aranglah a tahung.

Na pa e cingthuinae

³ Hatdawkvah nangmouh ni na lungreithai awh teh lungpout hoeh nahanelah, tamikayonnaw e kut dawk hoi hmuhmana e ka khang e Bawipa hah pouk awh.

⁴ Nangmouh ni yonnae na tuknae dawk thi lawng ditouh na khang awh hoeh rah.

⁵ Hahoi, ka ca Cathut e yuena e hah pahnim hanh. Na yue nah na lungpout hanh.

⁶ Cathut ni a lungpataw e naw teh ouk a yue. A coe e a canaw pueng teh ouk a pheap tie hah camonaw dei pouh e patetlah nangmouh koe ka dei e thapoena e lawk hah na pahnim awh toung maw.

⁷ Cathut ni nangmouh teh a ca patetlah na khetyawt awh dawkvah na yuena e hah na khang awh han. Bangkongtetpawiteh, na pa ni a yue hoeh e ca ao boimaw.

⁸ Canaw pueng ni a khang awh e yuena e hah nangmouh ni na khang awh hoehpawiteh nangmouh teh ca katang nahoeh. Cata ca lah doeh na o awh.

⁹ Talai takthai hoi ka kâkuen e napanaw ni a kut hoi na hemnae maimouh ni khang awh navah, ouk bari awh. Hot hlak vah, muitha koelae na Pa hah lawk hoe ngâi pouh mahoeh namaw. Hatnavah maimouh ni hring hloutnae hmu awh han.

¹⁰ Bangkongtetpawiteh, hote napanaw niteh amamouh ahawi ati awh e patetlah dongdengca dueng doeh na yue awh. Bawipa niteh amae thounge hah maimouh ni hmawngkhai hanlah, maimouh hawi nahanelah na yue awh.

¹¹ Yuena e tie pueng heh khang awh nateh lunghawinae lah awm hoeh, lungmathoena e lah pouk awh. Hatei, yuena e ka khang e taminaw teh a hnukkhu vah roumnae hoi kâkuen e lanna e coe awh.

¹² Hatdawkvah, tha kayoun e kutnaw hoi a tha kaawm hoeh e khokpakhunaw hah tha awm sak awh.

¹³ A khok ka cu hoeh e taminaw ni hru kamhoutnae awm laipalah, a dam awh nahanlah, na cei awh nahane lamkalannaw hah rakueng awh.

Cathut ka pahnawt e teh hoe ka pataw e rektapnae a khang han

¹⁴ Tami puenghoi kâpocalah awm awh. Thounge laipalah apihai Bawipa hmawt mahoeh.

¹⁵ Nangmouh dawk apihai Cathut lungmanae hah coe laipalah na o aw h hoe h nahanlah thoseh, kakhat poung e a tangpha a payang teh nangmouh runae na poe aw h hoe h nahan, hote kecu daw k taminaw ni yon hoi a khin aw h hoe h nahanlah thoseh,

¹⁶ kamsoumhoehe napui tongpa yonnae ka sak e tami ao hoe h nahanelah, bu vai touh ca hane daw k camin counгнаe kâyawt e Esaw patetlah Cathut ka taket hoe h e na o aw h hoe h nahanlah thoseh kahawicalah kâhruetcu et aw h.

¹⁷ Bangkongtetpawiteh, nangmouh ni na panue e patetlah ahni ni a hnukkuh vah yawhawinae râw coe han a ngai eiteh pahnawt lah ao teh mitphi hoi bout a hei ei nakunghai pankângai nahane tueng aw m hoe h toe.

¹⁸ Nangmouh teh tek thai hmu thai e mon, hmai ka kang e, kahmot e, cakho tûiî,

¹⁹ mongka ueng lawk koe thoseh, kamthang kahawi koe thoseh na kahnai aw h e nahoe h. Hote lawk kathainaw ni ahnimouh koe lawk bout dei hoe h nahanlah a kâhei aw h.

²⁰ Bangkongtetpawiteh, saring ni patenghai hote mon kânep pawiteh talung hoi kadout lah dêi han tie kâpoelaw k hah ahnimouh ni khang thai aw h hoe h.

²¹ Hottelah hno a hmu aw h e teh taki a tho poung daw k, Mosi ni ka taki lawi ka pâyaw, telah a ti.

²² Hatei, nangmouh teh Zion mon koe thoseh, kahring Cathut e khopui, kalvanlae Jerusalem koe thoseh, toukdek hoe h e kalvantami kamkhuengnae koe thoseh,

²³ Kalvan min thut lah kaawm e caminnaw e kawhmoun koe thoseh, taminaw pueng lawk ka ceng e Cathut koe thoseh, kuepnae koe ka phat e tami kalannaw e muithanaw koe thoseh,

²⁴ Lawkkam katha e laicei Jisuh koe thoseh, Abel e thipaling hlakvah hoe ka talue e lawk ka dei e, kahei e thipaling koe vah thoseh, pha aw h toe.

²⁵ Nangmouh koe lawk ka dei e na pahnawt aw h hoe h nahanlah kâhruetcu et aw h. Bangkongtetpawiteh, talai van lawk kapâphokung kapahnawtnaw teh lawkcengnae daw k hoi hlout thai aw h hoe hpawiteh, kalvan hoiyah lawk ka pâpho e hah maimouh ni pahnawt aw h pawiteh hlout nahane lamthung hoe aw m hoe h.

²⁶ Hatnavah, Bawipa e a lawk ni talai a kâhuet sak. Hatei atuteh, Bawipa ni talai dueng tho laipalah kalvan haiyah bout kâhuet sak han rah telah lawk a kam.

²⁷ Bout tie lawk ni kâhuen thai hoe h e hnonaw hah kangning sak nahanelah, sak lah kaawm e kâhuen thai e hnonaw teh raphoe han ti a deingainae doeh.

²⁸ Hatdawkvah, maimouh teh kâhuen thai hoe h e uknaeram hah coe aw h dawkvah, a lungmanae hah pholen aw h haw sei. Hottelah lungmanae, pholennae hoi barinae lahoi Cathut ni a ngai e patetlah baw k aw h haw sei.

²⁹ Bangkongtetpawiteh, maimae Cathut teh ka kang e hmai lah ao.

13

Ahnoungpoung tha poenae

¹ Hmaunawng hâ reira lung pou kâpataw aw h. Imyin khetyawt nae pahnim aw h hanh.

² Bangkongtetpawiteh, imyin lungpatawnae pahnim aw hah. Tami tangawn ni imyin a khetyawt nah pouk laipalah kalvantaminaw a khetyawt aw hah toe.

³ Thongkabawtnaw pahnim aw hah aw hah, ahnimouh hoi thongim rei kabawt e patetlah pouk aw hah. Rektapnae kakhangnaw hah nangmouh hai na khang e patetlah pouk aw hah nateh pahnim aw hah.

⁴ Yuvâ kâpaluennaeh eh tami pueng ni bari aw hah naseh. Ikhun hai khin sak aw hah. Kamsoumhoeh napui tongpa yonnae kasaknaw hoi ka uicuknaw teh Cathut ni lawk a ceng aw hah.

⁵ Na khosaknae dawkvah, tangka lungpatawnae aw hah naseh, na tawn e hno dawkvah lungkuepnae tawn aw hah. Bangkongtetpawiteh, nang teh nâtuék hai pak natha mahoe, nâtuék hai na pahnawt aw hah mahoe, telah Cathut ni a ti.

⁶ Hatdawkvah, Bawipa teh na kabawmkung Bawi lah ao dawkvah, kai teh ka taket mahoe, telah taranhawi laihoi dei aw hah.

⁷ Nangmouh koe Cathut lawk hmaloe ka dei e, na kahrawikungnaw hah pahnim aw hah. Ahnimae a hringnae dawkvah hoi ka tâcawt e hnonaw hah pouk aw hah nateh, a yuemnae hah kamtu aw hah.

⁸ Jisuh Khrih teh paduem, sahnin hoi a to hmalah a yungyoe ditouh kâthungnae tawn hoe.

⁹ Alouke cangkhai e naw dawkvah pâlei aw hah. Bangkongtetpawiteh, rawca laihoi laipalah, a lungmanae laihoi lungthin caksak aw hah. Rawca laihoi kho ka sak e naw teh, hawinae hmawt aw hah hoe.

¹⁰ Lukkareim dawkvah thaw katawknaw ni cathainae kâ a tawn aw hah hoe e thuengnae khoungroe teh maimouh koe vah ao.

¹¹ Bangkongtetpawiteh, vaihma kacue ni satheinaw e a thi hah yonthanae sathei lah kathoung hmuén koe a sin eiteh, sathei e a tak teh rapan alawilah doeh hmai hoi sawi lah ao.

¹² Hot patetlah Jisuh nihai amae thi hoi taminaw thoungsak hanlah khopui longkha alawilah duénae a khang.

¹³ Hatdawkvah, maimouh teh hote Bawipa hoi cungtalalah pacekpahlekae khang aw hah teh rapan alawilah ama koe cet aw hah sei.

¹⁴ Bangkongtetpawiteh, het talai van vah maimouh han e kangning e khopui aw hah. Ka tho hane khopui doeh maimouh ni panki laihoi tawng aw hah.

¹⁵ Hatdawkvah, maimouh ni Cathut e lungmanae eh dâw aw hah vaiteh pahni e a paw lah kaawm e pholennaeh sathei hah Jisuh Khrih pawlawk hoi Cathut hmalah pou sak aw hah sei.

¹⁶ Hnokahawi sak e hoi, hnopai hoi kâkabawpnae hah pahnim aw hah. Bangkongtetpawiteh hot patet e thuengnae hah Cathut ni a lungkuep e lah ao.

¹⁷ Nangmouh na kahrawikungnaw teh akungkhei hane patetlah nangmae muitha ahawi nahanelah, thahmei laihoi ao aw hah dawkvah, ahnimouh teh cingounae aw hah laipalah, lunghawicalah hoi hote thaw a tawkwai aw hah nahan, lawk ngâi pouh aw hah. Telah nahoe pahiteh, nangmouh han lah hawinae banghah aw hah mahoe.

¹⁸ Kaimouh hane na ratoum pouh aw hah. Bangkongtetpawiteh, kaimouh ni mahoi kahawilah kâpanuenaeh lungthin kathoung ka tawn aw hah teh, bangpueng dawkvah bari kaawm lah hring han ka ngai aw hah.

¹⁹ Kai teh nangmouh koe karanglah ka tho thai nahanlah kaimouh han e nangmanaw ni na ratoum nahanlah na kâ aw hah.

Yawhawi poenae hoi kutmanae

²⁰ Yungyoe lawkkamnae lahoi kâkuen e a thi lahoi tunaw ka khoum e Tukhoum kalen, maimae Bawipa Jisuh hah duenae koehoi kathâw sak e roumnae Cathut ni,

²¹ Ama e hmalah ngai kaawm e thaw hah Jisuh Khrih lahoi nangmouh koe a sak teh, nangmouh ni a ngainae na tarawi thai aw h nahanelah kahawi e nuencang pueng daw k nangmouh hah na kuep sak naseh. Hote Bawipa dawkvah a yungyoe bawilenna a w m lawiseh. Amen

²² Hmaunawngghanaw, nangmouh koe ca kaduemcalah ka thut e lah ao dawkvah hete thapoenae lawk heh na dâw aw h nahanlah na kâ aw h.

²³ Maimae nawnggha Timote teh a hlout toe ti na thai sak aw h. Ahni teh palang tho pawiteh ahni hoi rei ka tho roi vaiteh, na kâhmo aw h han.

²⁴ Nangmouh na kauknaw hoi tami kathoungnaw pueng hah kut man aw h. Itali ram hoi ka tho e naw ni nangmouh kut na man aw h.

²⁵ Lungmanae teh nangmouh pueng koe aw m lawiseh. Amen

JEM (The General Epistle of James)

Lawk karouknae

¹ Kai Jem, Cathut hoi Bawipa Jisuh Khrih e san lah kaawm e ni talai van kho tangkuem kâkayei e Isarel miphun hlaikahni touh koe ca na patawn awh.

Tanouknae hoi cuenae

² Ka hmaunawngghanaw, nangmouh ni tanouknae a phunkuep na kâhmo awh navah lunghawinae lah doeh ao tie lah pouk awh.

³ Bangkongtetpawiteh, nangmae yuemnae hah tanouknae ni panguep-nae a tâco sak tie panuek awh.

⁴ Nangmouh teh khire laipalah na rounng awh teh, na kuep awh nahan, panguep awh.

⁵ Nangmouh thungvah, lungangnae ka panki e awm pawiteh, phuenang laipalah tami pueng pasai laipalah kapoekung Cathut koe het naseh. Het pawiteh poe lah ao han.

⁶ Hatei, oupvoutnae lungthin tawn laipalah yuemnae hoi na het pawiteh na hmu han. Oupvoutnae lungthin ka tawn e tami teh kahlî ni tuicapa a thaw sak e hoi doeh a kâvan.

⁷ Hot patetnaw teh, Cathut ni na poe han tie roeroe pouk na hanh seh.

⁸ Hot patet e tami teh a lungthin a samphei teh a sak e hnonaw pueng dawk ka cak hoeh e lah ao.

⁹ Ayâ ni a hnephnap e tami teh Cathut ni a tawm nah a lunghawi seh.

¹⁰ Ka tawnta e tami teh Cathut ni a bo sak torei teh a lunghawi seh. Hatdawkvah, ka bawi tangrengnaw teh kahrawng kaawm e a pei ka sarut e patetlah a sarut han.

¹¹ Kanî a tâco teh khumbei ni a pei a kamyai sak teh a sarut, a kamhlawngnae hai a rawk. Hot patetvanlah, amae tawnta hnopai a tawng lahun navah a kamyai teh ouk a kahma.

Tacueknae hoi tanouknae

¹² Tanouknae hah ka panguep e teh, a yawhawi. Bangkongtetpawiteh, tanouknae a tâco toteh, Bawipa kalungpatawnaw koe lawk kam pouh e hringnae bawilukhung a hmu han.

¹³ Tacueknae ka kâhmo e ni, Cathut ni na tacuek telah tet nahanh seh. Bangkongtetpawiteh, hawihoehnae ni Cathut teh tacuek thai hoeh. Cathut nihai apipatet hai tacuek boihoeh.

¹⁴ Tami teh mae hounlounnae dawk doeh tacueknae kâhmo awh teh, tacueknae dawk ouk bo awh.

¹⁵ Hat toteh, hounlounnae ni, a vawn teh yonnae hah a khe. Yonnae a rounng teh, duenae a tâcokhai.

¹⁶ Ka lungpataw e ka hmaunawngghanaw pouk payon awh hanh.

¹⁷ Kahawi hoi kakupe e poehnonaw pueng teh angnae apa koehoi ka tho e doeh. Cathut teh nâtuek hai kâthung hoeh. Kampuen thai e a tâhlip hai awmhoeh.

¹⁸ Bawipa ama ni a sak e pueng dawkvah, maimouh hah aluepaw lah na o sak teh, a ngainae patetlah lawkkatang lawk lahoi maimouh teh na khe sak toe.

A lawk thainae hoi tarawinae

¹⁹ Ka lungpataw e hmaunawngghanaw, hothateh pahnim aw h hanh. Apihai thainae koe lateh, a hue karang e lah awm aw h. Lawk deinae hoi lungkhueknae koe lah teh ka hnawng e lah awm aw h.

²⁰ Tami e lungkhueknae ni Cathut lannaeh heh tâcawt sak hoeh.

²¹ Hatdawkvah kakhin e nuencangnaw puenghoi kahawihoehe kaisue-nae pueng tâkhawng aw h. Nangmae lungthin muitha ka rungngang thai e, nathung patûe lah kaawm e Cathut lawk hah lungdo lungnemnae lahoi dâw aw h.

²² A lawk thai teh a khout toe telah namahoima kâdum aw h hanh. A lawk daw k a taw k e lah awm aw h.

²³ A lawk ka tarawi hoeh e tami teh hlalang daw k a minhmai ka kâkhen e hoi a kâvan.

²⁴ Kahawicalah a kâkhet teh a cei hnukkhu, amae meilam bang hoi maw ka kâvan tie tang a pahnim.

²⁵ Hateiteh, hloutnae kâlawk daw k kahawicalah ka khen niteh ka tarawi e teh, a thai teh pahnim laipalah ka taw k e lah ao. Ahnimouh teh tawksaknae daw k yawhawinae a hmu han.

²⁶ Tami buet touh ni kai teh a lawk ka tarawi e lah ka o telah a pouk han ei, a lai hah uk thai laipalah, amahoima kâdum pawiteh, ahnie baw knae e teh ahrawnghrang lah ao.

²⁷ Pa Cathut e hmalah kathoung e hoi ka khinhoehe baw knae teh, roedengnae ka kâhmo e naranaw hoi lahmainunaw khetyawtnae, talaivan khinnae hoi thoung nahanelah, mahoima kâkhetyawtnae naw hah doeh.

2

Ngaima tawn aw h hanh.

¹ Ka hmaunawngghanaw, Bawipa e bawilennaeh hoi kakawi e maimae Bawipa Jisuh Khrih yuemnae daw kvah ngaima tawn aw h hanh.

² Bangnue nae lah, nangmouh na kamkhuengnae koe sui kuthrawt hoi khohna duidui ka taw k e khohna laihoi tami buet touh kâen boilah, hahoi khohna kahawihoehe ka khohnat e mathoe buet touh hai kâen pawiteh,

³ khohna kahawi hoi ka tho e tami teh barinae na poe aw h teh, tahungnae kahawipoung daw k tahung haw na ti pouh aw h. Ka roedeng e tami teh kangdout lawih, nahoe h pawiteh, ka khok koe carawng daw k tahung na ti pouh aw h.

⁴ Hottelah, na tet pawiteh, namamouh thungvah, tami na kapek aw h teh kahawihoehe khopouknae lahoi lawkcengkungnaw lah na o aw h toe, nahoe hmaw.

⁵ Ka lungpataw e ka hmaunawngghanaw, thai aw h haw, Cathut ni het talaivan e tami karoedengnaw hah yuemnae daw k ka baw i e lah thoseh, ama lungpatawnaw hanlah kam pouh e uknaeram coe hanelah thoseh a rawi nahoe hmaw.

⁶ Nangmouh niteh mathoenaw hah na bari aw h hoeh bo vaw. Ka tawnta e naw niteh nangmouh hah na rektap aw h teh, lawkcengnae hmalah betbet na sawn aw h nahoe hmaw.

⁷ Cathut ni na poe e bari kaawm e min ka dudam e naw teh ahnimouh nahoe hmaw.

⁸ Cakathoung daw k kaawm e kâlawk hah na tarawi aw h pawiteh hnokahawi na sak aw h toe. Hote kâlawk teh, namahoima lungpataw patetlah na imri hai lungpataw van haw, telah a ti.

⁹ Hatei, ngaima na tawn pawiteh, na yon awh dawkvah kâlawk lahoi na yon pâpho lah na o awh han.

¹⁰ Bangkongtetpawiteh, kâlawk abuemlah na tarawi ei, buet touh na ek pawiteh abuemlah ek e lah ao.

¹¹ Bangkongtetpawiteh, uicuk hanh ka tet e niyah tami thet hanh bout ati. Hatei na uicuk hoeh nakunghai tami na thet pawiteh kâlawk na ek e lah ao mingming.

¹² Hatdawkvah, hloutnae hoi kâkuen e kâlawk lahoi lawkceng hane patetlah deipan, kâroe awh.

¹³ Bangkongtetpawiteh, lawkcengnae ni tamikathout teh pahren hoeh, pahrennae teh lawkcengnae lathueng tânae ouk a hmu.

Yuemnae hoi tawknae

¹⁴ Ka hmaunawngghanaw, buetbuet touh ni yuemnae ka tawn ati ei yuemnae hah tawknae hoi kamnuek sak hoehpawiteh bangmaw a cungkeinae kaawm han. Hote yuemnae niyah ama hah a rungngang thai han na maw.

¹⁵ Hmaunawnggha hoehpawiteh, tawncei ni caici lah ao teh khohna han a tawn hoeh navah,

¹⁶ Hotnaw hanlah, Cathut ni yawhawi na poe a lawiseh, kabetalah awm nateh kaboumcalah cat awh, na ti pouh ei, a panki awh e hah na poe hoehpawiteh bangmaw cungkeinae kaawm.

¹⁷ Hot patetvanlah, tawknae kaawm hoeh e yuemnae teh kadout e lah a o.

¹⁸ Hatei, nang teh yuemnae na tawn. Kai teh tawknae ka tawn. Hottelah pawiteh, nang ni tawknae laipalah na yuemnae kamnuek sak haw. Kai niteh tawknae lahoi ka yuemnae hah ka kamnuek sak han.

¹⁹ Cathut buet touh dueng doeh kaawm tie hah na yuem awh, ahawi doeh. Kahraitulinaw nihai hotteh a yuem awh van, a taki awh teh a pâyaw awh.

²⁰ Oe tamipathu, tawknae kaawm hoeh e yuemnae teh a due tie panue han na ngai katang maw.

²¹ Maimae mintoe Abraham ni Isak hah Cathut koe thuengnae a sak navah tawknae lahoi a lan telah khoe pouh nahoehmaw.

²² Yuemnae teh tawksaknae hoi kamrawi e lah ao teh tawksaknae lahoi akuep tie panue awh.

²³ Hat dawk nahoehmaw, Abraham ni Cathut a yuem teh, hote yuemnae hah ahnie lannae lah a khoe pouh tie Cakathoung lawk teh akuep. Abraham hai Cathut e a hui, telah a kaw awh.

²⁴ Hatdawkvah tami teh yuemnae lahoi dueng lannae dawk pha e nahoeh, tawknae lahoi pha e hah nangmouh ni na panue awh.

²⁵ Hot patetvanlah, kâyawt e Rahab hai patounenaw a im a luen sak teh, alouke lâm lahoi a ban sak toteh, hote tawknae lahoi lan toe telah khoe lah ao nahoehmaw.

²⁶ Bangkongtetpawiteh, Muitha laipalah tak teh kadout e lah ao patetlah tawknae laipalah yuemnae hai kadout e lah ao.

3

Lai

¹ Ka hmaunawngghanaw, kaimouh saya lah kaawm e naw hah hoe kacinge lawkcengnae kâhmo awh han tie panuek awh nateh, saya lah kapap awm awh hanh.

² Bangkongtetpawiteh, maimanaw pueng teh kapap lah ouk payon aw. Aphi lai lawk deinae koe ka payon hoeh e teh tami kakuep e lah ao teh tak abuemlah ka uk thai e lah ao.

³ Ka lawk ngai seh titeh marang hah a pahni moum pouh teh a tak buem lah ngainae koe ouk ceisak aw.

⁴ Hahoi, kalenpoung long teh kahlî katang poung nakunghai kathoengcaae tuisamlanae hoi ngainae koe a ceisak thai.

⁵ Hot patetlah doeh lai hai ao. Hno kathoengca ei teh kalenpoung lah a kâoup. Hmaitalica ni ratu pui hai a kak sak thai e panuek aw.

⁶ Lai teh hmai doeh. Hno kahawihoehe talaiwan lahai ao. Tak daw e puengcang buet touh lah ao ei, tak abuemlah kahawihoehe hoi a khin sak. Hringnae hah abuemlah a kak sak teh, ama hai hell hmai hoi a kak.

⁷ Taminaw ni moithangnaw hoi tavanaw, vonpui hoi kâvanaw, tui daw kaawmnaw a mawng sak thai e patetlah a mawng hai a mawng sak aw.

⁸ Hatei, lai teh apipatet nihai mawng sak thai hoeh. Lai teh yue thai hoeh e kapopoung e lah ao teh, duesue hoi ka kawi e lah ao.

⁹ Maimouh ni lai hoi na pa Cathut ouk pholen aw. Cathut e mei hoi kâlat lah sak e tami hah lai hoi thoe hnap na bo aw.

Lathueng lae lungangnae

¹⁰ Kâko buet touh daw hoi pholenna lawk hoi thoebonae lawk hah a tâco bo vaw. Ka hmaunawngnanaw, telah o hanlah awm hoeh.

¹¹ Tuiphuek buet touh daw hoi tui katui hoi kakhat e reirei ouk a tâco maw.

¹² Ka hmaunawngnanaw thaibunglung ni olive lah a paw thai maw. Misurkung nihai thaibunglung paw lah paw boihoeh. Hot patetvanlah, tui katui e ni kakhat e lah tâcawt sak thai hoeh.

¹³ Nangmouh thung dawkvah thouthainae hoi kakuep e lungkaang e tami buet touh awm pawiteh, hote tami niteh a lungangnae hoi panuena a tawn e hah, kahawi hno a sak e hno dawkvah a kamnue sak hanlah ao.

¹⁴ Hatei, nangmae na lungthin thungvah, utnae, hoi ma han dueng kâkaramnae awm pawiteh, lawkkatang hah oun laihoi kâoup aw hanh.

¹⁵ Hot patet e lungangnae teh lathueng lahoi ka tho e lungangnae nahoh, talai lae kahrai koehoi ka tho e lungangnae doeh.

¹⁶ Utnae hoi ma hane dueng kâkaramnae tangkuem koevah, ruengruengtinae hoi kahawihoehe a cawngca doeh ouk kaawm.

¹⁷ Hat nakunghai, lathueng lahoi ka tho e lungangnae teh hmaloe poung lah a thoung. Hahoi teh kâponae ao, lungmawngnae ao, dei a yawi, pahrennae, hawinae hoi akawi. Kapeknae banghai tawn hoeh. Kaisue hoeh.

¹⁸ Hahoi, roumnae kasaknaw ni lanna cati hah kahawicalah a patue aw.

4

Kârahnoumnae

¹ Nangmouh dawkvah, tarankâtuknae hoi kâyuenae naw teh nâhoi maw a tho vaw. Nange takthai daw kâtânae lah kaawm e takngainae lung koehoi vaiyaw a tho vaw.

² Na noe aw ei, na hmu aw hoeh dawkvah tami na thei aw. Puenghoi na ngai ei, na tawn thai hoeh dawkvah, na kâyue na kâhem aw teh taran na kâtuk aw. Na tawnhoehnae teh na hei aw hoeh daw doeh.

³ Hahoi, na hei awh ei, na hmawt thai awh hoeh. Bangkongtetpawiteh namamouh phunepnae koe hno hanelah dai na hei awh dawk doeh.

⁴ Kamsoumhoeh napui tongpa yonnae dawk kaawm e napui tongpanaw, talaivan hoi kâhuikonae teh Cathut hoi kâtarannae doeh tie hah na panuek awh hoeh maw. Talaivan hoi kâhuiko ka ngai e tami teh Cathut e taran doeh.

⁵ Cathut ni maimouh thung vah na hruek pouh e Muitha teh dipmanae a tawn tie hah Cakathoung ni ayawmyin lah doeh a dei telah na pouk awh maw.

⁶ Hatei, Cathut ni na poe e lungmanae teh hot hlak patenghai a tha hoe ao rah. Cakathoung ni a dei patetlah kâphokâlen e tami hah a taran teh, ayâ rahim kârahnom e tami hah yawhawinae a coe sak.

⁷ Hatdawkvah, Cathut ngainae tarawi awh, kahraimathout hah ngang awh. Telah na tetpawiteh, kahraimathout ni na yawng takhai han.

⁸ Cathut teh hnai awh haw, ama ni na hnai awh van han. Tamikayonnaw na kut thoungsak awh. Lung ka sampheinaw na lung thoungsak awh.

⁹ Lungthoungnae, lungmathoenae, kanae hoi awm awh. Na panuiparingnae teh lungmathoenae lah, na lunghawinae hai lungmathoenae lah awm sak awh.

¹⁰ Cathut hmalah kârahnom awh. Hottelah na tet pawiteh, Cathut ni na tawm takhang han.

Buet touh hoi buet touh kâ pathoe awh hanh.

¹¹ Ka hmaunawnganaw buet touh hoi buet touh kâ pathoe awh hanh, apihai a hmaunawngaha ka pathoe e teh kâlawk ka pathoe e lah ao. Hottelah na sak pawiteh, nang teh kâlawk na ka tarawi e lah na awm hoeh. Lawk na ka ceng e lah doeh na o.

¹² Kâlawk na kapoekung, lawkcengkung teh buet touh dueng doeh kaawm. Hote Bawipa ni na rungngang thai teh na raphoe thai. Nang teh bang patet e tami lah mouh na o teh, na tengpam e taminaw hah lawk khuet na ceng va.

Tami e ngainae hoi Cathut e ngainae

¹³ Sahnin na ou, tangtho na ou, kahlawng ka cei vaiteh awi haw vah kum tabang ka o han, hno kayo vaiteh, tangka moikapap ka hmu han telah ka pouk e naw, ka lawk heh thai awh haw.

¹⁴ Tangtho na hringnae hah bangtelamaw ao han tie hai na panuek awh hoeh. Nangmae na hringnae teh bang patetlah maw ao. Nangmouh teh dawngdengca ka kamnuek niteh tang kahmat e a kahû patetlah doeh na o awh.

¹⁵ Hatdawkvah, Bawipa a ngainae awm boilah, maimouh hai hring a boipawiteh, hottelah hoehpawiteh hettelah sak awh sei telah doeh na ti awh hanelah ao.

¹⁶ Hatei, atu nangmanaw teh namahoima na kâtalue awh teh na kâoup awh rah, hot patet e kâoupnae pueng teh kahawihoehe hno doeh.

¹⁷ Hatdawkvah, apipatet hai, hnokahawi sak hane a panue nahlangva, sak laipalah awm pawiteh, yo a yon toe.

5

Ka tangrengnaw kâhruetcuete poenae

¹ Nangmouh tami ka tangrengnaw ka lawk heh thai awh haw, nangmae lathueng rucatnae a tho han kecu dawkvah, hramki khuikap awh.

² Na hnopainaw teh koung a hmawn teh, na khohnanaw hai ahri ni koung a ca toe.

³ Nangmae sui ngunnaw hai a ekko toe. Hote ekko teh, nangmouh kapanuekkhaikung lah ao han. Nangmae na tak hah hmai patetlah a ca han. A hnukteng e hnin dawh hane hnopai bo na pâkhueng awv waw.

⁴ Thai awv haw, na law dawh thaw katawknaw hah kutphu poe laipalah, na dum awv teh hote aphu ni a hram toe. Cang ka a naw e hram lawk haiyah kalvan Cathut e a hnâ dawh a kâen toe.

⁵ Nangmouh teh het talai nawmnae dawh phunep awv toe.

⁶ Tami kalan hah lawk na ceng awv teh, na thei awv toe. Ahni nihai nangmouh na ngang awv hoeh.

Bawipa ngaihawinae

⁷ Hatdawkvah ka hmaunawnganaw, Bawipa a tho hoehroukrak na lungsaw sak awv. Law ka phaw niyah a law dawh e aphu kaawm anhla a pawhik hah hmaloe e ratui hoi a hnukteng e ratui tofouh lungsaw laihoi ouk a ring awv.

⁸ Nangmouh haiyah na lung saw awv haw, nangmae na lungthin caksak awv. Bangkongtepawiteh Bawipa a tho nahane atueng teh a hnaica toe.

⁹ Hmaunawnganaw, lawkcengnae na khang awv hoeh nahanlah, buet touh hoi buet touh yon kâpen awv hanh. Khenhaw! lawkcengkung Bawi teh takhang hmalah sut a kangdue toe.

¹⁰ Ka hmaunawnganaw Cathut e min lahoi ka dei e profetnaw e patangpalai a khangnae hah khetsin hanelah pahnim awv hanh.

¹¹ Ka panguep e taminaw teh a yawhawi awv telah maimouh ni pouk awv. Job e a panguepnae teh nangmouh ni na thai awv toe. Cathut ni a hnukteng poung bout a pahren teh a lungma e hai na panue awv.

Theobonae roun awv

¹² Hmaunawnganaw, theobonae hah hoe roun awv. Kalvan khet hoi theobo awv hanh. Talai khet hoi theobo awv hanh. Hothloilah, bangpatet e theobonae lahoi hai theobo awv hanh. Yon lawkcengnae hoi na hlout awv nahan, nangmae na lawk hah, ue teh ue tet awv, nahoev teh nahoev tet awv.

Lung kadeng lah ratoumnae

¹³ Nangmouh thung dawh runae kâhmo e awm pawiteh, ratoum naseh. A lung kahawi e awm pawiteh pholenna la sak naseh.

¹⁴ Ka pataw e awm pawiteh kawhmoun thung e kacuenaw hah kaw naseh. Ahnimouh ni Bawipa min lahoi satui a hluk vaiteh ratoum pouh naseh.

¹⁵ Yuemnae lahoi ratoum e ni ka pataw e hah a dam sak han. Bawipa ni a thaw sak vaiteh yonnae a sakpayon nakunghai a ngaithoum han.

¹⁶ Hatdawkvah dam sak lah na o awv nahan, buet touh hoi buet touh mae yonnae hah pâpho awv nateh, buet touh hoi buet touh hanelah, ratoum awv. Tami kalannaw e ratoumnae a hue teh bahu ao.

¹⁷ Elijah heh maimouh patet e tami rumram ei, khorak hoeh nahanlah puenghoi a ratoum navah, kum thum touh hoi thapa yung taruk totouh khorak laipalah ao.

¹⁸ Hahoi, bout a ratoum navah kalvan hoi kho a rak teh, talai ni a pawhik bout a pâw sak.

¹⁹ Hmaunawnganaw, nangmouh thung dawh e buetbuet touh ni lawkkatang lamthung a phen navah, buetbuet touh ni bout bankhai pawiteh,

²⁰ tamikayon lam payonnae koehoi bout ka bankhai e tami teh lam ka phen e tami e hringnae hah duenae koehoi a rungangang teh yonnae hah a ramuk pouh toe tie hah panuek naseh.

1 PITER (The First Epistle General of Peter)

Lawk karouknae

¹ Kai Piter, Jisuh Khrih e guncei lah kaawm e ni, Pontus, Galati ram, Kappadosia ram, Asia ram hoi Bithunia ramnaw hoi kho tangkuem ka kampek e, Cathut ni a rawi e imyin lah kaawm e nangmouh koevah ca na patawn awh.

² Jisuh Khrih a thi kaheinae hoi, Muitha lahoi thoungsaknae hmu hanelah, Pa Cathut ni sut a panue tangcoung e patetlah, a rawi e taminaw nangmouh koe a lungmanae hoi roumnae teh pungdaw lawiseh.

Kahring e ngaihawinae

³ Maimae Bawipa Jisuh Khrih e Pa Cathut teh yawhawinae awm lawiseh. Bawipa ni amae ka lentoe poung e a pahrennae hoi Jisuh Khrih duenae koehoi bout thawsaknae lahoi maimouh teh kahring e ngaihawinae dawk thoseh,

⁴ nangmouh hanelah kalvan kho vah a hruek e, kamkonae, khinnae, kamyainae kaawm hoeh e raw dawk thoseh, katha lah bout na khe sak awh toe.

⁵ Nangmouh ni ahnoungpoung e tueng dawk coungkacoe kamnue hane rungngangnae hah Cathut e bahu dawk yuemnae lahoi na kountouk awh.

⁶ Nangmouh ni atu e atueng dawkvah tanouknae hoi lungmathoenae a cawngca dawngdeng na kâhmo awh ei nakunghai, a lathueng lah ka dei tangcoung e patetlah konawmnae kalenpoung tawn awh.

⁷ Hotnaw teh, hmai hoi tanouk e lah o tangcoung eiteh kamko thai kawi e sui hlak apu kaawm poung e nangmae yuemnae hah tanouknae teh Jisuh Khrih a kamnue toteh, pholenna, bawilenna hoi barinae lah na hmu awh han.

⁸ Nangmouh ni hote Bawipa teh na hmawt bawi awh hoeh eiteh lung na pataw awh. Hote Bawipa teh atu na hmawt awh hoeh eiteh na yuem awh toe. Lawk hoi deithailekhoeh e konawmnae lahoi a bawilenna teh pholen awh.

⁹ Lungthin muitha rungngangnae yuemnae apu hah a hmu awh.

¹⁰ Nangmouh ni na coe hane lungmanae hoi kâkuen lah ka dei e profetnaw nihai rungngangnae a kong a la tawng awh toe.

¹¹ Nangmouh thung kaawm e Khrih e Muitha ni Khrih rektapnae hoi, hote rektapnae hnuklah ka tho hane a bawilenna akong hah sut kampangkhai awh navah, apimaw, hoehpawiteh nâtuék e atueng maw a dei ngai nah tie hah ahnimouh ni a la tawng awh toe.

¹² Hatnavah, ahnimouh ni a sak e hnonaw teh amamouh hanelah tho laipalah, nangmouh hanelah ahnimouh koe a pâpho. Atu hote hnonaw teh kalvan lahoi a patoun e Kathoung Muitha lahoi kamthang kahawi kadeinaw koehoi nangmouh koe bout pâpho e lah ao toe. Kalvantaminaw ni patenghai yah hote hnonaw a hmu hanelah puenghoi a ngai awh.

Hringnuen thoung nahanlah hroecoena

¹³ Hatdawkvah, nangmae na lungthin hah kâkakueng nateh kâhruetcuét awh. Jisuh Khrih a kamnue toteh nangmouh koe ka tho hane yawhawinae hah apout ditouh ngaihaw i awh.

¹⁴ Yampa vah nangmouh ni na thai panuek awh hoeh nah lungraduek-nae hno na pâlei e naw atu bout pâlei laipalah lawk ka ngai e camo patetlah o vaiteh,

¹⁵ nangmouh na kakaw e Bawipa a thoung e patetlah nangmouh hai na hring kho na saknae dawk thoungsak awh.

¹⁶ Bangkongtetpawiteh, kai kathoung dawkvah nangmouh haiyah thoungnae tawn awh, telah Cakathoung dawk a dei.

¹⁷ Nangmouh ni tami e minhmai khen laipalah buetbuet touh tangkuem ni a sak e patetlah lawkcengkung hah Apa telah na kaw awh pawiteh het talai imyin lah na o nathung barinae lungthin hoi khosak awh.

¹⁸ Bangkongtetpawiteh, nangmouh ni mintoenaw koehoi na coe e ayawmyin kho na saknae thung hoi na ratangnae teh sui ngun kamko thai e hno hoi nahoeh,

¹⁹ Yonnae banghai ka tawn hoeh e, khinnae ka tawn hoeh e tuca patetlah e aphu kaawm poung e Khrih thipaling hoi na ratang e titeh panue awh.

²⁰ Bawipa teh talaivan a sak hoehnahlan sut a hmoun tangcoung e lah ao eiteh, atu ahnoungepoung e atueng dawkvah nangmouh hanelah a kamnue toe.

²¹ Nangmouh ni Cathut khet laihoi yuemnae, ngaihawinae tawn thai nahanelah hote Bawipa hah Cathut ni duena koehoi a thaw sak teh bawilenna e a poe toe.

²² Nangmouh teh, lawkkatang ngâi e lahoi, nangmae lungthin muitha hah a thoung a cai sak teh, a katang e hmaunawnggha reira lungpatawna na coe awh dawkvah, kathoung lungthin hoi buet touh hoi buet touh kacaklah lungkâpataw awh.

²³ Nangmouh teh kamko thai e cati hoi tho laipalah, kamko thai hoeh e cati, kahring niteh a yungyoe kangning e Cathut e a lawk hoi a katha lah khe e lah na o awh.

²⁴ Bangkongtetpawiteh miphun pueng teh phokung patetlah doeh ao awh. Taminaw e lentoenae pueng haiyah pho pei patetlah lah doeh ao. Phokung teh a kamyai teh a ke thai. A pei haiyah a sarut thai.

²⁵ Hatei, Cathut e a lawk teh a yungyoe a kangning. Hote a lawk teh nangmouh koe dei e kamthang kahawi doeh.

2

Kahring e talung, kathoung miphun

¹ Nangmouh teh Bawipa Cathut e lungmanae na patek toung dawkvah,

² Utsinnae cawngca, dумыenna, tami kahawi lah kâsaknae, kâhmuhmanae, kâpathoena pueng pahnawt awh nateh, rungngang nahanelah muitha sanutui katang hoi rouni hanelah,

³ camosen patetlah hote sanutui hah ngaina hoi kahran awh haw.

⁴ Taminaw ni a pahnawt awh teh Cathut ni a rawi e hringnae talung tie hote Bawipa koe pha teh,

⁵ kahring e talungnaw patetlah patuenpatuen pacoung teh sak e muitha koe lae im lah o awh. Jisuh Khrih lahoi Cathut ni a ngai e thuengnae ka sak hane kathoung vaihma miphun lah o awh.

⁶ Cakathoung dawk a thut e patetlah rawi e im takinlung aphu kaawm e hah Zion mon dawk ka ta. Hote talung ka kâuep e naw pueng teh kayanae tawn mahoehtelah ati.

⁷ Hatdawkvah hote talung teh kayuennaw hanelah a lentoenae lah ao. Kayuemhoennaw hanelah teh im kasaknaw ni a pahnawt a eiteh im tungkhu takin koe ka phat e talung lah ao.

⁸ A lawk kangâihoehnaw hanelah teh hote talung teh tâlawnae talung hoi payonnae lungsong lah ao. Hottelah ao nahanelah ahnimouh teh a rawi e lah ao.

⁹ Nangmouh teh a hmonae koe hoi kângairu angnae dawk na kakawkung Amae pholennae kammue sak hanelah rawi e miphun lah na o aw h. Siangpahrang vaihma miphun, kathounge miphun, Cathut e miphun katang lah na o aw h.

¹⁰ Yampa vah nangmouh teh Cathut e miphun lah na aw m aw h hoeh. Atuteh Cathut e miphun lah na o aw h. Yampa vah a lungmanae na coe aw h hoeh eiteh atuteh na coe aw h toe.

Hnokahawi sak nahan hroecoenae

¹¹ Ka lungpataw e taminaw, nangmouh teh imyin lah na o aw h teh Muitha ka taran e takthai radueknae hah roun hanelah na hroecoe aw h.

¹² Jentelnaw e rahak vah khet kamcu lah khosak aw h. Hottelah kho na sak aw h pawiteh ahnimouh ni nangmouh teh yon ka sak e tami lah na dei nakunghai nangmae hnokahawi na sak e naw a hmu toteh, Cathut hmalah Bawipa e bawilennae teh a pholen aw h han.

¹³ Bawipa e minhmai khet laihoi ka lentoe poung e siangpahrang nakunghai thoseh, tami kahawi oup hanelah thoseh,

¹⁴ Siangpahrang ni a rawi e kâ katawnnaw thoseh, taminaw koe khokhangkung bawinaw e hrawinae lawk ngâi aw h.

¹⁵ Bangkongtetpawiteh nangmouh ni hnokahawi na sak e lahoi tami pathunaw e pathunae lawk rakhip thai nahanelah Cathut ngainae lah ao.

¹⁶ Tami kahloutnaw patetlah hring aw h. Hatei hote hloutnae hah kahawihoe h sak nahanelah hno laipalah Cathut e a san patetlah kâroe aw h.

¹⁷ Tami pueng hah bari aw h. Hmaunawng hah lungpataw aw h. Cathut hah taket aw h. Siangpahrang hah bari aw h.

Bawinaw koe lawkngainae

¹⁸ Sannaw, takinae lahoi na Bawipa e hrawinae ngai aw h. Bawi teh lungthin kahawi hoi lungdonae ka tawn nakunghai thoseh, a lungthin ka muenyang e hai thoseh, a lawk ngâi pouh aw h.

¹⁹ Cathut e minhmai khet laihoi kathuem hoeh e rektapnae na khang nakunghai yawhawinae ao.

²⁰ Ma e yon kecu daw k hemnae khang boipawiteh bangmaw oup hane kawi kaaw m. Hnokahawi na sak nahlangva vah, rucatnae na khang pawiteh Cathut koe yawhawinae ao.

²¹ Bangkongtetpawiteh, hot patetlah hane doeh nangmouh teh kaw lah na o aw h teh, Khrih ni mamouh hanelah a khang teh, a khokhnuk dawn vaiteh khetsin hane kawi mitnoutnae na ta pouh toe.

²² Hote Bawipa teh yonnae sak hoeh, apâhni daw k hai laithoe aw m hoeh.

²³ Pathoenae a khang navah, bout pathung hoeh. Rucatnae a khang na haiyah pakhi laipalah, kalan lah lawkengkung koe amahoima a kâhnawng toe.

²⁴ Maimouh teh yon hoi ka kâkuen e naw koe lah due aw h teh lannae koelah na hring sak hanelah maimae yonnae hah ama roeroe ni a tak thung thing daw k a sin toe. A hemnae hmâtannaw daw k hoi nangmouh teh na dam aw h toe.

²⁵ Nangmouh teh lam ka phen e tu patetlah na o aw h. Atuteh Tukhoum kung lah kaaw m e, nangmae lungthin muitha kakhenyawnkung, Bawi koe bout na pha aw h toe.

3

Yuvâ ni tarawi hane kawî

¹ Hot patetvanlah, napuinaw, na vâ naw e lawk ngâi aw h. Hottelah na tet aw h pawiteh, na vâ naw ni a lawk a ngâi aw h hoeh nakunghai,

² nangmae Cathut takinae hoi kathounge hringnuen hah hmawt aw h vaiteh, nangmae lawk daw k hoi laipalah, na hringnuen lahoi a lungkâthung aw h han.

³ Nangmouh daw k kamthoupnae, samveinae, sui dingyin awinae, khohnanae tie naw alawilae kamthoupnae hoi laipalah,

⁴ Cathut hmalah ap hu kaawm poung e lungdonae tie karaw k thai hoeh e kamthoupnae hoi a thung lae tami lah aw m aw h.

⁵ Cathut kâuep e napuinaw teh ayan vah hot patetlah amahoima a kamthoup aw h.

⁶ Sarah ni Abraham teh bawipa telah a kaw teh ahnie a lawk a ngâi e patetlah, vâ e lawk hah ngâi aw h. Nangmouh ni kahawicalah na sakyoe aw h teh tâsuenae tawn laipalah na aw m pawiteh, Sarah e canu lah na o aw h.

⁷ Hot patetvanlah, vanaw, na yu hah bari aw h. Yu teh a tha ka youn e lah ao tie hah panue nalaihoi hringnae râw rei ka coe e lah pouk aw h, ap hu aw m sak aw h nateh reirei khosak aw h. Het hateh nangmae ratoumnae rakhout hoeh nahane doeh.

Kahawî hoeh e sak aw h hanh.

⁸ A huuktengpoung lah dei han tetpawiteh, nangmouh pueng ni lungkângingcalah aw m aw h. Lungkâpatawnae, hmaunawng ha patetlah kâpahrennae, kârahnoumnae tawn aw h.

⁹ Nangmouh teh yawhawinae râw na coe aw h nahanelah, kaw e tami lah na o aw h daw k vah, kathout hno hah hno kathout hoi, yuenae hah yuenae lahoi pathung aw h hanh. Yawhawinae mah poe aw h.

¹⁰ Bangkoktetpawiteh hring nawmnae lung ka pataw niteh, hnin kahawî hoi kâhmo hanelah ka ngai e tami teh amae a lai hah cakuep vaiteh kahawîhoeh e lawk hoi kâhlat naseh. A pahni hoi laithoe hai dei hanh naseh.

¹¹ Kahawî hoeh e hno roun vaiteh hnokahawî sak naseh. Ayânaw hoi kâpocalah khosak naseh.

¹² Bangkoktetpawiteh Cathut e tami kalannaw hah khetyawt teh ahnima e ratoumnae hai a thai pouh. Hatei kahawîhoeh e ka sak e taminaw teh Cathut ni minhmai athung takhai.

Lanna e kecu daw k khang hane runae

¹³ Nangmouh teh hnokahawî ka sak e tami lah na aw m aw h pawiteh apinimaw runae na poe aw h han.

¹⁴ Lanna e kecu daw k reithainae na khang pawiteh na yawhawî aw h, ahnima e pakhinae taket aw h hanh aw h, kalue aw h hanh aw h,

¹⁵ Na lungthin hoiyah Bawipa hah barinae tawn aw h. Nangmae ngaihawinae hno hah na ka pacei e taminaw pueng koe lungdonae lungthin hoi bout na dei thai nahanelah coungkacoe lah aw m aw h.

¹⁶ Khrih thung nangmouh ni hnokahawî na sak aw h e hah kahawîhoeh lah kadeinaw ni yon na pen aw h nah amamouh yeiraipo nahanelah nangmouh teh namahoima ka panuena e lungthin kathoungcalah aw m aw h.

¹⁷ Cathut e ngainae lah awm pawiteh hnokahawi sak dawk reithai khangnae teh kahawihoehe saknae dawk reithai khang e hlak hoe ahawi.

¹⁸ Bangkongtetpawiteh Khrih hai yon kecu dawk runae vai touh hoi kakhoutlah a khang. Nangmanaw Cathut koe na thak nahanlah tamikalan ni tamikalanhoehnaw hanlah runae a khang toe. Ama teh takthai koe lahoi kadout ei nakunghai, Muitha koe lahoi hring sak lah ao dawkvah,

¹⁹ Muitha lahoi a cei teh thong thung paung e muithanaw koe phung a dei.

²⁰ Hote muithanaw teh ayan Noah senae, tami kayounca tami taroe touh tuikamuem dawk hoi ratang nahane long a sak aw h navah, Cathut ni lungsaw laihoi a ring eiteh lawk ka ngâi hoeh e muithanaw doeh.

²¹ Hote bangnue nae patetlah atu e baptisma teh Jisuh Khrih a thawnae lahoi maimouh na rungngang aw h. Baptisma tie teh takthai khinnae pâsu e dei ngainae lah tho hoeh. Mahoima kâpanuena lungthin a thoung teh Cathut hmalah boutdeinae doeh.

²² Hote Bawipa teh kalvan kho a luen teh kalvantaminaw, kâtawnae hoi bahu onae hah a uk teh, Cathut e aranglah ao.

4

Khrih hnuk kâbangnae

¹ Hottelah Khrih ni maimouh hanelah a tak hoi a khang katang dawkvah nangmouh hai hot patetlah e lungthin pouknae hah sene lah hno aw h. Bangkongtetpawiteh a tak dawk rucacat ka khang e tami teh yonnae dawk hoi a hlout toe.

² Takthai daw hringkhai hane kaawm rae atueng daw h bout hring hanelah taminaw e radueknae lahoi tho laipalah Cathut e ngainae lahoi a hring thai nahane doeh.

³ Bangkongtetpawiteh Jentelnaw patetlah hring aw h teh, takngai pâleinae, radueknae, yamuhrinae, nawm ngainae, carawngcakhanae, meikaphawk bawknae dawkvah kaloum tangcoung e tuengdaw daw k khosak aw h e teh maimouh hanelah a khout toe.

⁴ Talai nawmnae daw k ahnimouh hoi na kâhuikohoehnae hah ahnimouh ni a kângai a ru teh na pathoe aw h.

⁵ Hatdawkvah, kahringdaw hai thoseh, kadoutdaw hai thoseh, lawkceng hanelah coungkacoe na ka ring e hmalah ahnimouh ni a kâpâpho aw h han.

⁶ Taminaw e a hmalah yon lawkcengnae a tak hoi a khang nakunghai thoseh, Cathut hmalah lungthin muitha lahoi hring hanelah kadoutdaw ni kamthang kahawi a thai aw h.

Ahnoungpoung e tue tami oangdaw

⁷ Hno cawngca pueng heh a pout tawmlei toung dawkvah kâhruetcuat aw h. Ratoumnae lahoi ring aw h.

⁸ Lungpatawnae ni yonnae moikapap a ramuk thai dawkvah bangpueng hlakvah buet touh hoi buet touh rahak vah lungpatawnae caksak aw h.

⁹ Phuenangnae tawn laipalah buet touh hoi buet touh im luen hane kâpasoung aw h.

¹⁰ Nangmanaw ni na coe aw h e poehno taw k thainae thaw lengkaleng na coe aw h dawkvah, Cathut e hnopai ka kuem e patetlah buet touh hoi buet touh hote thaw taw k thainae lahoi lengkaleng kâ kabawm aw h.

¹¹ Cathut teh bang pueng daw k Jisuh Khrih lahoi a bawilenna e kamnue thai nahanelah, ka pâpho e ni Cathut ni dei e patetlah dei naseh. A thaw

ka tawk e ni Cathut ni a poe e thaonae patetlah tawk naseh. Hote Bawipa teh bahu hoi bawilennae a yungyoe awm lawiseh. Amen.

Khrih e taminaw ni a khang hane kawi runae

¹² Ka lungpataw e naw, nangmouh noumcai nahanelah nangmouh koe ka tho e runae hmai hoi tanouknae teh kângairu kawi patetlah kângairu awm hanh.

¹³ Nangmouh teh Khrih e reithainae na hmawngkhai awm dawkvah konawm awm. Khrih e bawilennae a kamnue toteh na lunghaw i awm nahane doeh.

¹⁴ Jisuh Khrih min kecu dawk pathoenae na khang pawiteh yawhawinae ao. Bangkongtetpawiteh, Cathut e ka lentoe e Muitha teh nangmouh thungvah ao. Ahnimouh hane teh pathoenae, nangmouh hanelah teh pholennae lah ao.

¹⁵ Nangmouh thung dawkvah tami ka thet e, kaparawte, kahawihoehe hno ka sak e, ayânaw e kamcan dawk kambawng e, nangmouh dawk apihai awm sak awm hanh.

¹⁶ Kristen lah na o awm dawkvah na khang pawiteh, kayak awm hanh, hatei a min lahoi Cathut pholen naseh.

¹⁷ Cathut e imthungkhunaw hmaloe pasuek lawkcengnae tueng a pha toe. Hottelah maimouh koehoi hmaloe pasuek lawkceng hoehpawiteh, Cathut e kamthang kahawi ka thai ngaihoehnae e kamcan teh bangtelamaw abaw thai han vaw.

¹⁸ Tami kalan ni rungngang lah ao hane ru pawiteh cathutlaipa e naw hoi tamikayonnaw teh bangtelamaw ao awm han.

¹⁹ Hatdawkvah, Cathut e nginae patetlah a rucut ka kâhmo e taminaw teh hnokahawi a sak awm navah, mae hringnae hah lawkkam kacakpoung na kasakkung koe poe naseh.

5

Kacuenaw hoi kanawnaw thapoena

¹ Kacue lah kaawm niteh, Khrih e reithainae ka kampangkhai e lah kaawm e, kamnuek hane Bawipa e a bawilennae kahmawng hane kai, Piter ni nangmouh thung dawk e kacuenaw hah na hroecoe awm.

² Nangmouh hoi rei na kaawm e Cathut e tuhu hah na khoum e hno daw, na khoum thai daw nahoe, kathinghoe hnopei ngai daw hai nahoe, lungthonae hoiyah khenyawn awm.

³ Bawinaw ni kâawwnae lahoi uk laipalah tuhu hmalah khetsin kamcu e tami lah awm awm.

⁴ Hottelah na sak pawiteh, Tukhoum kalen a tho toteh nangmouh teh kamyai thai hoe e bawilennae bawilukhung na hmu awm han.

⁵ Hot patetlah kanawnaw, kacuenaw e lawk hah ngâi awm. Hothloilah buet touh hoi buet touh kârahnoum awm nateh lungdonae puengcang kâmahrawk awm. Bangkongtetpawiteh, kâoupkâpawi e taminaw teh Cathut ni a cakâ. Lungthin kârahnoum e taminaw teh yawhawinae a poe.

⁶ Hatdawkvah atueng a kuep toteh Cathut ni nangmouh teh na oup awm nahanelah thaonae kut rahim vah namahoima kârahnoum awm.

⁷ Nangmouh takuetluet na khet dawkvah, nangmae tâsuenae hnonaw pueng Bawipa koe poe awm.

Pâpoutnae

⁸ Kâhruetcuet hoi ip laipalah ring awh. Nangmae taran lah kaawm e kahraimathout teh ka huk e sendek patetlah apimaw ka padoun han telah yuengyoe a tawng.

⁹ Hatdawkvah, talaivan daw kkaawm e hmaunawngghanaw hah hot patet e reithainae a khang awh telah pouk nateh yuemnae dawkvah kacakcalah awm awh nateh ahni hah ngang awh.

¹⁰ Khrih Jisuh lahoi maimouh yungyoe bawilenna koe lah na ka kaw e, bangpueng daw ahawinae ka sak e, Cathut ni dawngdengca reithai ka khang tangcoung e nangmanaw hah na kuep sak awh vaiteh, thaonae hoi na kawi vaiteh pou na caksak awh han.

¹¹ A thaonae teh a yungyoe ama koe awm lawiseh. Amen.

¹² Kai ni nangmanaw teh tha poenae lahoi na coun awh teh nangmouh ni na kâuep awh e hnonaw hah Cathut e yawhawinae katang doeh telah panuek awh. Hete ca teh kaduemcalah ka thut teh, nangmouh koe yuemkamcu e hmaunawnggha Silvanas koehoi patuen na patawn awh.

¹³ Ka ca, Mark hoi Babilon khopui daw kkaawm e nangmouh hoi cungtalah rawi lah kaawm e ni nangmouh kut na man awh.

¹⁴ Buet touh hoi buet touh lungkâpataw lahoi kâpaco awh. Khrih Jisuh thung e roumnae teh nangmouh abuemlah koe awm lawiseh. Amen.

2 PITER (The Second Epistle General of Peter)

Lawk karouknae

¹ Kai Piter, Jisuh Khrih e guncei lah kaawm e ni maimae Cathut hoi rungngangkung Jisuh Khrih lannaeh lahoi kaimouh patetlah apu kaawm yuemnae katawnnaw koe ca na patawn awh.

² Cathut hoi maimae Bawipa Jisuh panuenaeh, lungmanaeh hoi lungmawngnaeh teh nangmouh koevah pungdaw lawisoh.

Yuemnae dawkrongnae

³ Ama e bawilennaeh hoi ahawinaeh thungvah na ka kaw e Bawipa hah, maimouh ni panuenaeh lahoi Bawipa dawkrongnaeh kaawm e bawilennaeh teh hringnaeh hoi cungtalah Cathut lawk dawkrongnaeh pueng teh maimouh koe na poe toe.

⁴ Hottelaho, ka lentoe niteh aphukaawm e lawkkamnaw hah maimouh koe na poe toe. Bangkongtetpawiteh, hote lawkkamnaw hno lahoi nangmanaw ni talaivan takngainae dawkrongnaeh hoi na hlout awh vaiteh, Cathut coungnaeh kahmawng e tami lah na o awh nahane doeh.

⁵ Hettelah kecu dawkrongnaeh nangmaeh yuemnaeh dawkrongnaeh hawinaeh, hawinaeh dawkrongnaeh lungangnaeh, lungangnaeh dawkrongnaeh mahoima kâcakuernaeh,

⁶ mahoima kâcakuernaeh dawkrongnaeh lungsawnaeh, lungsawnaeh dawkrongnaeh Cathut lawk dawkrongnaeh,

⁷ Cathut lawk dawkrongnaeh kâcakuernaeh dawkrongnaeh hmaunawngnaeh lungkâpatawnaeh, hmaunawngnaeh lungkâpatawnaeh dawkrongnaeh lungpatawnaeh hah thahmei lahoi patuen kâthap sin awh.

⁸ Bangkongtetpawiteh, hete talen heh nangmouh dawkrongnaeh ao vaiteh pungdaw pawiteh, Bawipa Jisuh Khrih panuenaeh dawkrongnaeh apu kaawm e tami, a paw kapaw e tami lah o awh han.

⁹ Hote talen ka tawn hoeh e taminaw teh, a mit ka dawn e lah ao. Yon thounsak lah ao tangcoungnaeh hah a pahnim awh.

¹⁰ Hatdawkrongnaeh hmaunawngnaeh, nangmouh kawnaeh hoi rawinaeh hoe acak nahanelah, hoe panki awh. Bangkongtetpawiteh, hottelaho na sak nah thungvah nâtuék hai lam na payon awh mahoeh.

¹¹ Hothloilah, maimae Bawipa hoi rungngangkung Jisuh Khrih e yungyoe uknaeram thungvah, kâen thainaeh kâcakuernaeh na hmu awh han.

¹² Hatdawkrongnaeh, nangmanaw ni hete akongnaw hah na panue awh teh nangmouh koe kaawm e lawkkatang dawkrongnaeh kacaklah na o awh eiteh, hotnaw hoi kâkuen lah nangmanaw pou na hroecoe hanelah pouknaeh ka tawn.

¹³ Hete ka tak rim dawkrongnaeh ka o nah yunglam teh hottelaho kâhroecoenae lahoi nangmanaw na kâhlah sak hanelah ka pouk.

¹⁴ Bangkongtetpawiteh, maimae Bawipa Jisuh Khrih ni kai koe a pâpho e patetlah ka tak rim heh palang ka rading han toe tie ka panue.

¹⁵ Het talaivan hoi ka tâco hnukkhu hoi hai hete akongnaw pou na panue awh nahanelah ka panki han.

Ka kangning e profet lawk

¹⁶ Bangkongtetpawiteh, kaimouh teh maimae Bawipa Jisuh Khrih e bahu hoi a tho nahane nangmouh koe ka pâpho awh e hah dumyennaeh

lairuipakong hoi ka pâpho awh hoeh. Kaimouh teh Bawipa amae lentoenae hah kamamouh roeroe ni ka hmu awh toe.

¹⁷ Bangkongtetpawiteh, Pa Cathut koehoi e barinae hoi bawilennae teh Bawipa ni a pang e lah hmu navah, ka talue poung e bawilennae thung hoiyah, ahni teh kai ni ka lungpataw e ka Capa doeh, ahni dawk ka lung akuep tie lawk hah Bawipa koe hoi a daw.

¹⁸ Kaimanaw teh kathoungpoung mon dawk Bawipa hoi rei ka o awh navah kalvan hoi ka tho e hote lawk teh ka thai awh.

¹⁹ Hothloilah, maimouh koe hoe Kacake profet lawknaw hai ao. Nangmae lungthin thungvah khodai teh, amom tempalo a tâco ditouh hote lawk teh hmonae koe ka ang e hmaiim patetlah na pouk awh hanelah ao.

²⁰ Cakathoung dawk kaawm e sutdeilawknaw pueng teh, tami buet touh ni amae a ngainae lahoi a pâpho e nahoeh tie hmaloe panue hanlah a o.

²¹ Bangkongtetpawiteh, nâtuek hai sutdeilawk teh tami ngainae lahoi ka tâcawt e nahoeh. Kathoung Muitha hroecoenae ka coe pueng niteh, Cathut koehoi ka tho e lawk kapâphokung lah doeh ao awh.

2

Kacangkhaikung kaphawknaw lawkcengnae

¹ Hatei, profetkaphawknaw teh Judahnaw thung hoi a tâco e patetlah nangmouh thung hoi hai saya kaphawknaw a tâco van han. Ahnimouh ni kamkonae koe kaphatkhai e tawm payonnae arulahoï thokhai awh vaiteh, na karatangkung Bawipa patenghai pahnawt awh vaiteh, amamae lathueng karang poung lah rawknae a pha sak han.

² Tami moikapap nihai, ahnimae hnopai lungradueknae hnukkâbang awh vaiteh, lawkkatang lamthung teh ahnimouh kecu dudam e lah kaawm han.

³ Ahnimouh ni hounlounnae, pasawtpanepnae lawk hoi nangmouh na yo awh han. Ahnimouh lawkcengnae teh ayan hoi hnawng hoeh. Ahnimae kamkonae haiyah ngâm boihoeh.

⁴ Bangkongtetpawiteh, Cathut ni ka payon e kalvantami hah pasainae tawn hoeh. Hell hmai adungpoungnae koe hmonae sumbawtarui hoi a katek teh lawkceng hanelah a hruék toe.

⁵ Ayan e talaivan hai pasai laipalah, lannaé phung ka dei e Noah hoi tami sari touh e naw hah a hlout sak teh cathutlaipa e talai taminaw pueng teh tuikamuem hoi koung a raphoe.

⁶ Hothloilah Sawdom hoi Gomorrah khopui hah lawk a ceng teh hralalah mueng a yawng sak teh, cathutlaipa e taminaw ni khetsin hanelah sut ao.

⁷ Hatnavah, kâcakuépnâe kaawm hoeh e taminaw e hounlounnae lahoi khosaknae ni rektap lah kaawm e tamikalan Lot hah a rungngang.

⁸ Hote tamikalan teh, ahnimouh koe kho a sak navah, ahnimae kâlawklaipa hringnae hoi tuwksaknae hnintangkuem a hmu teh a thainae ni a lannaé lungthin hah puenghoi a rektap pouh.

⁹ Hatdawkvah, cathutlae taminaw hah tacueknae dawk hoi rasa hanelah thoseh, tamikalan hoeh e naw lawkcengnae hnin dawk reknae khang sak hanelah hruék hane hai thoseh a panue e lah ao.

¹⁰ Alawkpui lah ka khin e hounlounnae lahoi takngainae hnukkâbang teh, kâtawnnâe kadudamnaw hah hottelâh a hruék han.

¹¹ Ahnimouh hlak thao thasainae hoi bahu kaawm e kalvantami ni patenghai yah, Cathut hmalah lawkcengnae sak awh hoeh.

¹² Hatei, ahnimanaw hah man vaiteh, be thei hane moithangnaw patetlah ao awh teh amamouh ni a thai panuek hoeh e hah a dudam awh. Ahnimouh teh moithangnaw kahmakata e patetlah a kahmakata awh vaiteh, amamae lanhoehnae phu teh a khang awh han.

¹³ Khodai patenghai yah canei hounloun e heh nawmnae lah a pouk awh teh, nangmouh hoi rei canei awh navah amamae dумыennaе dawк a nawm awh teh nangmouh hanlah min mathoenae lah ao awh.

¹⁴ Ahnimae mit teh uicuk ngainae hoi akawi dawkvah yon sak laipalah awm ngai awh hoeh. A lung kacakhoehe taminaw hah yonnae koe lah a tacuek awh teh, hounlounnae dawк a phunep awh toung dawkvah, thoebo e canu capa lah ao awh.

¹⁵ Ahnimouh teh, lam kalan hah a pahnawt awh teh, lam a payon awh toung dawkvah, lanhoehnae kutphu lungpataw e Beor capa Balaam e lamthung a dawn awh.

¹⁶ Hatei, Balaam teh amae a payonnae dawк yue e lah ao. Lawk ka dei thai hoeh e la ni tami lawk lahoi a dei teh hote profet e pathunae hah a ngang.

¹⁷ Ahnimanaw teh tui kahak e tuikhu, kahlî ni a palek e tâmai patetlah doeh ao awh. Ahnimouh hanelah yungyoe hmonae a hruek pouh toe.

¹⁸ Bangkongtetpawiteh, ahnimouh ni lawk pacawt lahoi a kâoup awh teh, tami kahawihoehnaw thung hringnae koehoi nuengnueng kahlout e naw hah takngainae, hounlounnae hoi a dумыen awh.

¹⁹ Ahnimouh ni hote taminaw hah hloutnae na poe awh han atipouh awh nahlangva vah, amamouh rawknae san lah ao awh. Bangkongtetpawiteh, tami katâ e teh tami e bawi lah ao.

²⁰ Maimae Bawipa hoi rungngangkung Jisuh Khrih panuenaе lahoi talaivan khinnae dawк hoi hlout awh hnukkhu, hote hnonaw dawк bout kâaman awh pawiteh, ahmaloe e hlak a hnukkhu e hoe a mathoe.

²¹ Bangkongtetpawiteh, lannaе lamthung panue nahlangva, maimouh koe na poe e kathounge kâpoelawк hah hnamthun takhai hlak teh hote hah panueк laipalah awm pawiteh ahnimouh hanlah bet ahawihnawn.

²² Ui ni a palo bout a ca, tui pâhluk tangcoung e vok ni tangkan bout a kâkaawк tie cingthuילawк hah hot patet e taminaw koe akuep.

3

Bawipa e hnin

¹ Ka lungpataw e naw: nangmouh koe hete apâhni e ca hah bout na patawn awh. Kai ni hete ca kahni touh hoi nangmanaw na kâhruetcuеt nahanelah nangmae kathounge lungthin hah ka pâhlaw teh a thahmei sak.

² Hethateh, kathounge profetnaw ni a dei tangcoung e thoseh, gunceinaw koehoi patuen na pang awh e Bawi hoi rungngangkung lah kaawm e kâpoelawknaw thoseh, nangmanaw ni let bouk na pouk awh nahane doeh.

³ Ahmaloe poung lah na panue awh hane teh, tami ka dudam e teh a hnukteng e hnin nah dudam nalaihoi tâcawt vaiteh, amae takngai e patetlah a cei awh vaiteh,

⁴ Jisuh tho nahane hnin hoi kâkuen e lawkkamnaw teh nâmaw a o, mintoenaw a due hnin hoiyah a cawngca pueng kamtawng koe e patetlah nahoehmaw pou ao awh heh vaw telah a dei awh han.

⁵ Bangkongtetpawiteh, Cathut lawk lahoi kalvannaw teh ayan hoi ka la awm nifeh, talai haiyah tui lahoi tui thung hoi a kamnue toe.

⁶ Hatnavah, talaivan teh tui ni muen a khu teh, tui lahoi a rawk tie teh khoeroe pahnim hanelah a ngai awh.

⁷ Atu kaawm e kalvannaw hoi talai teh hote lawk lahoi yah, hmaisawi hanelah sut hruek lah ao teh, cathutlaipa e taminaw e kamkoniae hoi lawkcengnae hnin totouh la rouk e lah ao toe.

⁸ Hatei, ka lungpataw e naw: Cathut hanelah teh hnin touh heh kum 1,000 touh e patetlah kum 1,000 touh e heh hnin touh e patetlah ao tie hah pahnim awh hanh.

⁹ A hnawng poung telah tami tangawn ni pouk e patetlah Cathut teh a lawkkam dawc hnawng hoeh. Apihai rawk laipalah, tami pueng ni yon pankângai awh nahanlah a ngainae ao dawkvah, maimae lathueng a lungsawnae doeh.

¹⁰ Hateiteh, Bawipa e hnin teh, tamru a tho e patetlah a tho han. Hote hnin toteh kalvannaw teh cairing lahoi a kahma awh han. Talai teh kâan lawi a tui lah dui a lawng han. Talai hoi talai van e hno sak puengpa hai a kak awh han.

¹¹ Hete hnonaw pueng teh be raphoe lah ao han dawkvah, nangmanaw teh bangpatetlae tami lah maw na o kawi vaw. Nangmouh teh kathoung hringnae hoi cathutlae hringnae dawc khosak awh nateh,

¹² Cathut e hnin hah ngaihawi laihoi, hote hnin phanae hah rang sak hanelah ao. Hot hnin a pha toteh kalvannaw teh ngeng kang vaiteh a kamko han. Talai hai kabets poung e kahû hoi atui lah a kamyawt han.

¹³ Hatei, maimouh teh Bawipa amae lawkkam patetlah lannae aonae koe kalvan katha hoi talai katha ngaihawi awh.

Pâpoutnae

¹⁴ Hatdawkvah, ka lungpataw e naw: nangmouh teh hotnaw hah na ngaihawi awh dawkvah, tounhoehe tami, ka khinhoehe tami patetlah Bawipa hmalah roumnae hmu awh nahan kâyawm awh sei.

¹⁵ Maimouh ni lungpataw e Pawl nihai, ahni koevah a poe e lungangnae hoi, nangmouh koe a thut e patetlah maimae Bawipa a lungsawnae hah rungngangnae coe awh nahane doeh telah pouk awh.

¹⁶ Ahni ni alouke canaw dawc hai hete akongnaw hoi kâkuen lah a dei. Hote canaw thung dawkvah, thai panuek han ka ru e youn touh ao. Panuena kayoun niteh a lung kacakhoehe taminaw teh alouke Ca Kathoungnaw dawc a tawm awh e patetlah hote ca hai amamouh ngainae koe a sawn awh teh, amamouh rawknae koe a pha sak awh.

¹⁷ Hatdawkvah ka lungpataw e naw: nangmouh ni hetnaw teh sut na panue awh toung dawkvah, kadumyennaw e lamthung dawc dawn laipalah, mamae lungcaknae hah pahma awh hoeh nahan mahoima kâkhenyawn awh sei.

¹⁸ Maimae Bawi hoi rungngangkung Jisuh Khrih lungmanae dawc hai thoseh, Bawipa panuena dawc hai thoseh, rounng awh. Atu hoi a yungyoe e hnin totouh Bawipa koe bawilenna awm lawiseh. Amen.

1 JAWHAN

(The First Epistle General of John)

Na kahring sak e Cathut Lawk

¹ Apuengcuae hoi kaawm e, kaimouh ni kheh ka thai aw h e, mit hoi kheh ka hmu aw h e, kut hoi kheh katek aw h e, hringnae lawk hah nangmouh koe ka pâpho aw h.

² Hote hringnae teh yo a kamnue toe. Kaimouh ni hai ka hmu aw h toe. Pa hoi rei kaawm niteh maimouh koe ka kamnuek e, hote yungyoe hringnae hah, kaimouh ni nangmouh koe ka kampangkhai aw h teh ka pâpho aw h.

³ Kaimouh teh Pa hoi hai, Capa Jisuh Khrih hoi hai, huikonae ka tawn aw h dawkvah, nangmouh ni kaimouh hoi huikonae na tawn aw h nahanelah, ka thai aw h e naw hah nangmouh koe ka pâpho aw h.

⁴ Nange lunghawinae a kuep nahanelah, hete canaw hah ka thut aw h.

Angnae daw k khoktakannae

⁵ Hote lawk hah ahni koehoi ka thai aw h teh, nangmouh koe ka pâpho aw h e teh, Cathut teh angnae lah ao.

⁶ Cathut daw k hmonae khoeroe awmhoe h. Maimouh ni Cathut hoi huikonae ka tawn toe ti aw h lahun navah, hmonae daw k hring aw h pawiteh, lawkkatang daw k hring aw h hoe h. Laithoe doeh dei aw h.

⁷ Cathut teh angnae daw k ao e patetlah maimouh ni angnae daw k hring aw h pawiteh, buet touh hoi buet touh huiko lah o aw h. Cathut Capa, Jisuh Khrih e thi ni, maimae yon kaawm e naw pueng hah a pâsu teh a thounsak toe.

⁸ Maimouh ni ka yon hoe h tet aw h pawiteh, mahoima kâdum aw h. Maimouh daw k lawkkatang awmhoe h.

⁹ Maimouh ni mamae yonpâpho aw h pawiteh, Cathut teh maimae yonnae pueng hoi sakpayon e naw pueng, ngaithoum hane hoi lanhoe hnae pueng thounsak hanelah, a lawkkam a cak.

¹⁰ Maimouh ni yonnae ka sak hoe h tet aw h pawiteh, ama hah laithoe sak aw h. A lawk hai maimouh daw k awmhoe h.

2

¹ Ka pahren e canaw, yonnae na sak aw h hoe h nahanelah, hete ca hah ka thut teh na patawn aw h. Tami buetbuet touh ni yonnae sakpayon pawiteh, maimouh na kampangkhai hanelah kalan e Bawipa Jisuh Khrih teh Pa koe ao.

² Hote Bawipa teh maimae yon dueng nahoe h, talaiwan pueng e yontha nahanelah, thueng e lah ao.

Khrih e kâlawknaw

³ Hote Bawipa teh maimouh ni bangtelah hoi maw panue aw h tetpawiteh, kâpoelawknaw hah tarawi e lahoi panue aw h.

⁴ Kâpoelawknaw hah tarawi laipalah, Bawipa ka panue toe ka tet e tami teh, a lai kathoute lah doeh o aw h. Ahni daw k lawkkatang awmhoe h.

⁵ Hote Bawipa lawk hah ka tarawi e teh, Cathut e a lungpatawnae hoi akawi katang. Maimouh ni hote Bawipa daw k o aw h e hah het telah hoi panue aw h.

⁶ Hote Bawipa dawk ka hring toe ka tet e tami teh, Jisuh ni a sak e patetlah a dawn van han.

⁷ Ka lungpataw e ka huinaw: nangmouh koe ka thut e kâpoelawk hateh, a katha e na hoeh. Ahmaloe hoi kaawm tangcoung e kâpoelawk hah doeh. Ahmaloe hoi kaawm tangcoung e kâpoelawk hateh na thai awh tangcoung e lawk hah doeh.

⁸ Atuvah kâpoelawk katha hah nangmouh koevah ka thut. Hote kâpoelawk teh, Bawipa dawk nakunghai, nangmouh dawk nakunghai, hmu katang e lah ao. Bangkongtetpawiteh, hmonae teh a kahma teh angnae katang teh councakoelah a ang toe.

⁹ Hmaunawnggha hah na hmuhma lahun nah, kai teh angnae dawk ka o ka tet e tami teh, atu sittouh hmonae thung doeh ao rah.

¹⁰ Hmaunawnggha lungpataw e tami teh angnae dawk kahring e lah ao. Kamthui teh rawp nahane ahni dawk awmhoeh.

¹¹ Hmaunawnggha kahmawt ngai hoeh e tami teh, hmonae dawk kaawm niteh hmonae dawk doeh a hring rah. Hmonae ni a mit a dawn sak teh, na maw ka cei tie hai panuek hoeh.

Canaw, napanaw, thoundounaw

¹² Ka lungpataw e canaw: nangmouh teh hote Bawipa min lahoi yon thungsak lah na o awh tOUNg dawkvah, hete ca ka thut teh na patawn awh.

¹³ Apanaw: nangmouh teh apuengcue hoi kaawm tangcoung e hah, na panue awh dawkvah, hete ca ka thut teh na patawn awh. Thoundounaw: nangmouh teh, kahrai hah na tâ awh dawkvah hete ca ka thut teh na patawn awh. Camonaw: nangmouh teh Pa hah na panue awh dawkvah hete ca ka thut teh na patawn awh.

¹⁴ Napanaw: nangmouh ni apuengcue hoi kaawm tangcoung e hah, na panue awh dawkvah hete ca ka thut teh na patawn awh. Thoundounaw: nangmouh na thasai awh teh, Cathut lawk na thung a hring teh, kahrai hah na tâ awh dawkvah, hete ca ka thut teh na patawn awh.

Talai hoi talai hno lungpataw hanh

¹⁵ Talaivan hoi talaivan dawk kaawm e hnonaw hah lungpataw awh hanh. Talai lungpataw e teh, Pa lungpatawnae tawn hoeh.

¹⁶ Talaivan dawk kaawm e hnonaw teh: takngainae, mitnoenae, talai hno dawk kâoupnae hah doeh. Hotnaw teh, Pa koehoi ka tho e nahoe. Talai lahoi ka tho e doeh.

¹⁷ Talaivan hoi talaivan hno noenae teh kahmat han. Cathut ngainae patetlah ka tarawi e tami teh a yungyoe a kangning.

A hnukteng e tueng

¹⁸ Ka lungpataw e canaw: atu e tueng teh, a hnukteng e atueng lah ao. Khrih e a taran khrihkaphawk a tâco e na thai awh e patetlah atu rawraw khrihkaphawknaw moi ao toe. Hatdawkvah, atu e tueng teh a hnukteng e atueng doeh toe tie panue thai.

¹⁹ Ahnimanaw teh, maimouh koehoi a tâco awh teh, a cei awh toe. Hatei, ahmaloe hoi maimouh hoi kâkuen awh hoeh. Maimouh hoi kâkuen awh pawiteh maimouh hoi doeh rei awm a tih. Maimouh hoi kâkuen awh hoeh tie hah a kamnue nahanelah, maimouh koehoi a tâco awh toe.

²⁰ Nangmouh teh, kathoung Cathut kut dawk hoi, satui awi lah na o awh. Hno cawngca pueng teh na panue awh.

²¹ Lawkkatang na panue awh hoeh dawk ca na patawn awh e na hoeh. Nangmouh ni na panue awh teh, laithoe e pueng teh lawkkatang hoi

kâkuen hoeh tie na panue awh dawkvah ca na patawn awh e doeh ka tho.

²² Laithoe ka dei e teh apimaw. Jisuh teh Khrih nahoeah ka tet e tami hah doeh. Pa hoi Capa ka taran e teh khrihkaphawk doeh.

Cathut dawk kamtue awh

²³ Capa ka taran e tami teh, Pa panuek hoeh. Capa ka dâw e tami teh Pa hah a panue.

²⁴ Hatdawkvah, ahmaloe hoi na thai awh e phung lawk hah nangmouh daw hring sak awh. Hote phung lawk teh, nangmouh daw hring pawiteh, nangmouh teh Capa hoi Pa daw kahring e lah na o awh han.

²⁵ Maimouh koe, na poe e lawkkam teh, a yungyoe hringnae hah doeh.

²⁶ Nangmouh na ka dum e naw e a kong teh, hettelah kathut teh na patawn awh.

²⁷ Cathut koehoi na coe awh e satui awi lungmanae teh nangmouh daw k a hring dawkvah nangmouh teh apinihai bout cangkhai ngai hoeh toe. Hote satui awi lungmanae teh laithoe e nahoeah. A katang e na cangkhai dawkvah, na cangkhai e patetlah nangmouh ni Capa daw k hring awh.

Cathut e canaw

²⁸ Ka lungpataw e canaw : Capa a kamnue toteh, maimouh hai ama koe pha awh toteh, taranhawi laihoi, kayanae ao hoeh nahanelah, Capa daw k pou hring awh.

²⁹ Cathut teh a lan tie na panuek awh pawiteh, lanna e ka sak e tami pueng hah Cathut ni a khe e doeh tie teh panue awh.

3

¹ Cathut e canaw telah kaw e lah o awh nahanelah, Cathut ni maimouh banghloimaw lungpataw awh, tie hah pouk a haw! Talai taminaw ni Cathut hah a panue awh hoeh dawkvah, maimouh hai na panuek awh hoeh.

² Ka lungpataw e naw : atuvah maimouh teh Cathut e ca lah o awh. Ato hmalah teh bangtelamaw o awh han tie hah kamnuek hoeh rah. Hatei Bawipa jisuh ama a kamnue toteh, ama hoi kâvan awh han. Bangkongtetpawiteh, Bawipa ama a coung e patetlah hmu awh han.

³ Hottelah, ka ngaihawi e tami teh Bawipa a thoung e patetlah amahoima a kamthoung.

⁴ Yonnae ka sak e tami teh kâlawk a ek. Sak payonnae teh kâlawk eknae doeh.

⁵ Bawipa ni maimae yonnae pueng ceikhai hanelah a tho toe tie hah na panue awh. Bawipa daw k yonnae awm hoeh.

⁶ Bawipa daw kahring e tami teh, yonnae pou sak hoeh. Yonnae pou ka sak e tami teh, Bawipa hah hmawt hoeh rah.

⁷ Ka canaw: apihai kâdum sak awh hanh. Apihai lanna e nuen ka tarawi e teh Bawipa a lan e patetlah a lan.

⁸ Kahraimathout teh ahmaloe hoi yonnae ka sak e lah ao dawkvah, apipatet hai yonnae ka sak e teh kahraimathout hoi a kâkuet. Cathut Capa a tho ngainae teh kahraimathout thaw taw k raphoe pouh hane doeh.

⁹ Cathut ni a khe e tami teh, yonnae pou sak hoeh. Bangkongtetpawiteh, ahni daw k Cathut e cati a o. Ahni teh, Cathut ni a khe e lah ao dawkvah, yonnae pou sak thai hoeh.

Buet touh hoi buet touh lungkâpataw awh

¹⁰ Hot patetlah e noutnae lahoi yah, Cathut e a canaw hoi kahraimathout e a canaw teh a kamnue awh. Lanna e ka tarawi hoeh e, mae hmaunawngnga lungpataw hoeh e teh, Cathut hoi kâkuen hoeh.

¹¹ Nangmouh ni hmaloe hoi na thai a tangcoung e kamthang kahawi hateh, buet touh hoi buet touh lungkâpataw awh han tie hah doeh.

¹² Kahrai hoi kâkuen niteh a nawngnga ka thet e Kain patetlah awh hanh awh. Kain ni bangkongmaw a nawngnga a thei tetpawiteh, amae tawksak e teh lan hoeh, a nawngnga e tawksak e teh a lan dawk doeh.

¹³ Hmaunawngnga naw: talaivan taminaw ni na ka hmawt ngaihoeh nakunghai, na kângairu awh hanh.

¹⁴ Maimouh teh hmaunawngnga reira lungkâpataw awh dawkvah, duenae koehoi hringnae koe lah, raka awh toe tie kâpanue awh. Ma e hmaunawngnga lungpataw hoeh e tami teh, duenae dawk doeh a hring rah.

¹⁵ Ma e hmaunawngnga lung ka pataw hoeh e tami teh, tami ka thet e lah doeh ao. Tami ka thet e tami buet touh dawk boehai, a yungyoe hringnae awhhoeh tie hah nangmouh ni na panue awh.

Tawksak lahoi lungpatawnae

¹⁶ Khrih ni maimouh hane kecu dawk, a hringnae a pasoung e khet navah, a lungpatawnae hah panue awh. Maimouh ni hai hmaunawngnga reira hanelah, hringnae pasoung hanlah ao.

¹⁷ Apipatethai talaivan hnopai a tawn nahlangva vah, a hmaunawngnga a roedeng e hah a hmu ei, paawt pawiteh, ahni dawk Cathut lungpatawnae bangtelamaw khuet ao han vaw.

¹⁸ Canaw: maimouh teh lawk hrawng hoi dueng laipalah, tawksaknae hoi lawkkatang lahoi lungpataw awh sei.

¹⁹ Hottelah lungpataw awh pawiteh, lawkkatang hoi kâkuet awh toe tie hah na panuek awh vaiteh, mamae lung ni yon na kapen nakunghai, Cathut hmalah lungtangnae ao sak han.

²⁰ Cathut teh maimae lung hlak a len dawkvah, hnocawngca pueng a panue.

²¹ Ka lungpataw e naw : mae lung ni yon na pen awh hoehpawiteh, Cathut hmalah taranhawinae teh tawn awh toe.

²² Maimouh ni kâpoelawknaw ngâi awh teh, a ngai e patetlah tarawi awh pawiteh, ratoum awh e pueng Cathut koehoi hmu awh han.

²³ Cathut e kâpoelawk tie hateh Capa Jisuh Khrih min yuem han tie hoi ahni ni na dei pouh e patetlah buet touh hoi buet touh lungkâpataw awh han tie hah doeh.

²⁴ Kâpoelawknaw ka tarawi e tami teh, Cathut thung ao teh, ahnimouh thung Cathut ao. Maimouh koe na poe e Kathoung Muitha lahoi, Cathut teh maimouh dawk ao tie panue awh.

4

Cathut Muitha hoi khrihkaphawk e muitha

¹ Ka lungpataw e naw, muitha pueng hah yuem awh hanh. Cathut koehoi ka tho e maw, ka tho hoeh e maw tie tanouk awh. Bangkongtetpawiteh, moikapap e profetkaphawknaw teh het talaivan vah a kamthaw awh toe.

² Cathut e Muitha hah bangtelah hoi maw panue awh han tetpawiteh, tami lahoi ka tho e Jisuh Khrih ka dâw e muitha hateh, Cathut koehoi ka tho e doeh.

³ Tami lahoi ka tho e Jisuh Khrih ka dâw hoeh e muitha hateh, Cathut koehoi ka tho e nahoe. Hot patet e muitha hateh, na thai aw h tangcoung e patetlah, het talaivan tho aw h vaiteh, atu patenghai ka tho lahun niteh coungkacoe lah kaawm e khrihkaphawk e muitha doeh.

⁴ Ka canaw : Nangmouh teh, Cathut hoi kâkuen e lah na o aw h. Hotnaw hai na tâ aw h toe. Bangkongtetpawiteh, nangmouh koe lah kaawm e hateh, talaivan koe lah kaawm e hlak hoe a len.

⁵ Ahnimouh teh talaivan lae a tho aw h dawkvah, talai e konglam hah ouk a dei aw h. Talai taminaw nihai ahnimae lawk hah ouk a ngai aw h.

⁶ Maimouh teh, Cathut e lah doeh o aw h. Cathut ka panuek e niteh, maimae lawk hah a ngai aw h. Cathut hoi kâkuen hoeh e niteh, maimae lawk hah ngai aw h hoeh. Hote hnonaw khet lahoi yah, lawkkatang muitha hoi muitha kaphawk tie hah panue aw h.

Lungkâpatawnae lahoi Cathut panuena

⁷ Ka pahren e naw : buet touh hoi buet touh lungpataw aw h sei. Bangkongtetpawiteh, lungpatawnae teh Cathut e doeh. Lungpatawnae ka tawn e tami teh Cathut ni a khe e lah ao teh, Cathut ka panuek e lahai ao.

⁸ Lungpatawnae ka tawn hoeh e tami teh, Cathut panuek hoeh. Bangkongtetpawiteh, Cathut teh lungpatawnae lah ao.

⁹ Cathut ni maimouh lungpatawnae a kamnue sak e teh, Capa lahoi maimouh hring aw h nahanelah, a tawn dueng e Capa het talaivan a patoun e dawkvah a kamnue sak. Hmu thai e hmaunawng ha patenghai lungpataw hoehpawiteh, hmu thai hoeh e Cathut na tawng teh, bangtelamaw a lungpataw thai han.

¹⁰ Maimouh ni Cathut lungpataw aw h toe tie na hoeh. Cathut ni maimouh lung na pataw aw h, maimae yon tha lah ao nahan Capa a patoun e dawkvah a lungpatawnae teh ao.

Lungpatawnae a bawilen

¹¹ Ka pahren e naw: Cathut ni maimouh hettelah totouh lung na pataw pawiteh, maimouh hai buet touh hoi buet touh lungkapataw aw h hanlah ao.

¹² Cathut teh apinihai nâtuek hai hmawt boihoeh. Buet touh hoi buet touh lungpataw aw h pawiteh, Cathut ni maimouh daw k aw m vaiteh, maimouh teh lungpatawnae hoi kawi aw h han.

¹³ Cathut ni a Muitha na poe aw h e lahoi yah, maimouh teh Cathut daw k o aw h e hoi Cathut maimouh daw k ao e hah panue aw h.

¹⁴ Talaivan taminaw ka Rungngangkung lah a coung sak nahan, Pa ni Capa a patoun e hah maimouh ni hmu aw h teh kampangkhai aw h.

¹⁵ Jisuh teh Cathut Capa doeh tie ka kampangkhai e tami daw k Cathut ao teh ahni hai Cathut daw k ao.

¹⁶ Cathut ni maimouh lungpataw e hah panue teh yuem aw h. Cathut teh lungpatawnae lah ao. Lungpatawnae daw k ka hring e tami teh Cathut daw k a hring. Cathut hai ahni daw k a hring.

¹⁷ Maimouh teh lungpatawnae hoi kawi aw h dawkvah, lawkcengnae hmalah taranhawi aw h han. Bangkongtetpawiteh, maimouh teh het talaivan vah Bawipa ama patetlah doeh hring aw h.

¹⁸ Lungpatawnae daw kvah takinae aw m hoeh. Lungpatawnae niteh takinae pueng a takhoe. Bangkongtetpawiteh, takinae teh rek lah ao toe. Ka taket e tami teh lungpatawnae hoi kawi hoeh rah.

¹⁹ Cathut ni hmaloe hoi lung na pataw aw h dawkvah, maimouh nihai lungpataw aw h.

Cathut e kâlawknaw tarawinae

²⁰ Apipatethai Cathut ka lungpataw toe ati nahlangva, a hmaunawnggha hmuha pawiteh a laithoe doeh a dei. Hmu thai e hmaunawnggha patenghai, lungpataw hoehpawiteh, mit ni hmu thai hoeh e Cathut na tawng teh bangtelamaw lungpataw thai han vaw.

²¹ Cathut lungpataw e tami niteh, a hmaunawnggha hai lungpataw van han tie kâlawk teh Khrih koehoi maimouh ni coe aw h toe.

5

Hmaunawnggha lungpatawnae

¹ Jisuh teh Khrih doeh tie kayueme tami pueng teh Cathut ni a khe e lah ao. Apipatethai Pa lungpataw e teh Capa hai a lungpataw van.

² Maimouh ni Cathut hah lungpataw aw h teh, a kâpoelawknaw hah tarawi aw h pawiteh, Cathut e a canaw lungpataw aw h tie panue aw h.

³ Kâpoelawknaw tarawinae teh, Cathut lungpataw e lah ao. Amae kâpoelawknaw teh hñori phu saknae nahoe h.

⁴ Cathut e ca lah kaawm e tami teh talai hah a tâ. Talaivan a tânae hateh, maimae yuemnae hah doeh.

⁵ Jisuh teh Cathut capa doeh tie ka yuem e tami ni dueng doeh talaivan a tâ.

Jisuh yuemkamcu

⁶ Hote Bawipa teh tui hoi thi hoi ka tho e Jisuh Khrih hah doeh. Tui hoi dueng nahoe h, tui hoi thi hoi doeh a tho. Kapanuekkhaikung Muitha hateh lawkkatang Muitha doeh.

⁷ Kalvan vah kapanuekkhaikung kathum touh Pa, Lawk, hoi Kathoung Muitha ao. Hote kathum touh teh buet touh lah ao aw h.

⁸ Talai van hai kapanuekkhaikung kathum touh Muitha, Tui, hoi Thi ao. Hote kathum touh teh a kânging aw h.

⁹ Maimouh ni tami e panuekhainae hah yuem aw h pawiteh Cathut e panuekhainae hateh hoe yuem hanelah ao. Hote panuekhainae teh Cathut ni a Capa na poe aw h e kong hah doeh.

¹⁰ Cathut e Capa hah ka yuem e tami teh a thungvah hote kapanuekkhaikung hah a tawn. Cathut hah ka yuem hoeh e tami teh Cathut hah laithoe, yon a pen. Bangtelamaw tetpawiteh Cathut ni amae Capa kong a kâmpangkhai e hah ahni ni yuem laipalah ao dawkvah.

¹¹ Panuekhainae hateh Cathut ni maimouh hah yungyoe hringnae na poe aw h. Hote hringnae hateh Capa daw k ao.

¹² Capa ka tawn e tami teh hringnae a tawn toe. Capa ka yuem hoeh e tami teh hringnae tawn hoeh.

¹³ Cathut Capa e min ka yuem e pueng ni yungyoe hringnae na tawn aw h toe tie namahoima na kâpanue aw h nahanlah hete canaw hah ka thut teh na patawn aw h.

Hmakacawne ratoumnae

¹⁴ Maimouh ni Cathut ni a ngai e patetlah hno buetbuet touh het aw h pawiteh, Cathut ni na thai pouh tie hah panue aw h.

¹⁵ Hahoi, Cathut koe hei aw h e pueng na thai pouh tie panuek aw h pawiteh, a ma koe hei e pueng teh hmu aw h toe tie hah panue aw h.

¹⁶ Hmaunawnggha ni duenae koe ka phatkhai hoeh e yonnae a sakpayon e hah, tami buetbuet touh ni hmawt pawiteh ratoum naseh. Duenae koe ka phatkhai hoeh e yonnae ka sak e hmaunawnggha hah Cathut ni hringnae a

poe han. Duenae koe ka phatkhai e yonnae ao. Hot patet e yonnae hanlah ratoum na seh ka tie na hoeh.

¹⁷ Lanhoehnae pueng hateh yonnae doeh. Hatei, duenae koe kaphatkhai hoeh e yonnae ao.

Pâpoutnae

¹⁸ Cathut e ca lah kaawm e pueng ni yonnae pou sak aw h hoeh. Cathut ni a khe e tami teh Cathut ma ni a okhai dawkvah, kahrai ni runae poe thai hoeh.

¹⁹ Maimouh teh Cathut ca lah o aw h tie hoi talaivan pueng teh kahrai kut daw k ao aw h tie hah panue aw h.

²⁰ Cathut Capa a tho toe tie hoi, ama teh Cathut katang doeh ti panuethainae hai na poe aw h tie panue aw h. Cathut katang daw k hai thoseh, Capa Jisuh Khrih daw k hai thoseh, maimouh teh o aw h. Ahni teh Cathut katang doeh. A yungyoe hringnae lahai ao.

²¹ Ka canaw, meikaphawknaw hah roun aw h.

2 Jawhan (The Second Epistle of John)

Lawk karouknae

¹ Kacue e kai ni, a rawi e bawinu hoi a canaw hah ca na patawn. Lawkkatang dawk ka lungpataw teh, kai ni dueng laipalah lawkkatang ka panuek e naw pueng nihai lung na pataw awh.

² Bangkongtetpawiteh, lawkkatang teh maimouh thung kaawm niteh maimouh koe pou ao han.

³ Pa Cathut koehoi, Pa e Capa Bawipa Jisuh Khrih koehoi, lungmanae, pahrennae hoi roumnae teh lawkkatang hoi lungpatawnae lahoi nangmouh koe awm lawiseh.

Lawkkatang hoi lungkâpatawnae

⁴ Maimae na pa koehoi kâpoelawk coe awh e patetlah na canaw tami tangawn ni lawkkatang dawk a hring awh tie ka hmu navah ka konawm poung.

⁵ Hatdawkvah bawinu, kâpoelawk katha hah ka thut hoeh, ahmaloe hoi maimouh koe kaawm tangcoung e kâpoelawk, buet touh hoi buet touh lungkâpataw awh sei telah ka kâhei.

⁶ Lungkâpataw tie teh Bawipa e kâpoelawknaw tarawinae hah doeh. Hote kâpoelawknaw teh ahmaloe hoi na thai awh tangcoung e patetlah lungpatawnae dawk hringnae hah doeh.

⁷ Jisuh Khrih teh tami coungnae lahoi a tho yaw ma ka tet e tami het talaivan moi a tâco toe. Hot patet e taminaw teh dумыennaе hoi kakawi e tami a tho dawkvah khrihkaphawk doeh.

⁸ Maimouh teh ma ni tawk e pahmat laipalah tawkphu kakueplah hmu awh han.

⁹ Khrih e cangkchainae dawk kaawm hoeh e tami teh Cathut panuek hoeh. Khrih e cangkchainae dawk kaawm e tami teh Pa hoi Capa hah a panue.

¹⁰ Hete cangkchainae tawn laipalah apipatet hai nangmouh koe tho pawiteh na im dawk luen sak a hanh, dawn awh hanh.

¹¹ Bangkongtetpawiteh, hot patetlah e tami hah na dawn pawiteh, ahnie hawihoehnae dawk na ka bawk e lah na o.

Lawkthuinae

¹² Nangmouh koe dei hane kawi moi ka tawn rah ei, cahna dawk cahang hoi thut hane hlakvah, nangmouh koe ka pai vaiteh buet touh hoi buet touh lunghawinae a kuep nahanlah nangmouh koe ka tho teh, nangmouh hoi lawk kapan awh han tie doeh ka ngaihawn teh ka ngaihawi.

¹³ Rawilah kaawm e na nawngaha e a canaw ni kut na man awh.

3 JAWHAN (The Third Epistle of John)

Lawk karouknae

¹ Kacue e kai ni lungpataw e Gaius koe ca na patawn. Ahni teh kai ni lawkkatang dawk ka lungpataw e doeh.

² Ka lungpataw e ka hui, na lungthin ni hawinae a coe e patetlah bangpueng dawk hawinae na coe teh, tak ka dam lah na o thai nahan ka ratoum.

³ Lawkkatang dawk na hring teh nang dawk kaawm e lawkkatang hah hmaunawngghanaw ni a tho aw haw teh a kampangkhai aw haw navah, ka lung hroung ahawipoung.

⁴ Ka canaw ni lawkkatang dawk a hring aw haw tie ka thai nah, lunghawinae ka tawn e hlak lunghawinae alouke ka tawn hoeh.

Gaius oupnae

⁵ Ka lungpataw e ka hui, nang teh hmaunawngghanaw koe hai, imyin koe hai, sakyoe kawi kaawm e pueng hah lung kacaklah na sak.

⁶ Ahnimouh ni nange lungpatawnae kong hah kawhmoun hmalah a kampangkhai aw haw. Ahnimanaw hah Cathut ngainae dawk bout na hrawi pawiteh hnokahawi hah na sak toe.

⁷ Bangkongtetpawiteh, Bawipa min kecu dawk Jentelnaw koehoi kabawpnae daw laipalah a cei aw haw.

⁸ Maimouh teh lawkkatang kampangkhai e lah o aw haw nahan, hot patet e taminaw hah kabawp aw haw teh khetyawt hanlah a kamcu.

⁹ Kawhmoun koe ca ka thut teh ka patawn toe. Hatei, kacue lah o ka ngai e Diotrefes niteh kaimouh hanelah tho paaw hoeh.

¹⁰ Hatdawkvah, ka tho torei teh ama ni a sak e ama ni a kâpanue thai nahanlah ka toun han. Ahni ni lairoe laihoi na pathoe aw haw dueng laipalah hmaunawngghanaw hai dawn hoeh, dawn hanelah ka ngai e taminaw hai a cakâ teh, kawhmoun thung hoi ouk a pâlei.

¹¹ Ka lungpataw e ka hui, hno kahawihoe hnaw hah out hanh. Kahawinaw ma hah out. Kahawi e nuen hoi ka hring e tami teh Cathut e lah ao. Kahawihoe e nuen hoi ka hring e tami teh Cathut panuek hoeh, hmawt hai hmawt hoeh.

¹² Tami pueng teh Demetrias e kapanuekkhaikung kahawi ao aw haw. Lawkkatang haiyah ahni kapanuekkhaikung lah ao. Kaimouh haiyah ahni kapanuekkhaikung lah ka o aw haw van. Kaimouh ni ka panuekhai aw haw e teh atang doeh titeh nangmouh ni na panue aw haw.

Lawkthuinae

¹³ Nangmouh koe thut hane moi ao rah ei, cacung hoi cahang hoi thut hanelah ka ngainae awm hoeh.

¹⁴ Palang kâhmo roi pawiteh buet touh hoi buet touh lawk kâpan han telah ngaihawi hoi ka o.

¹⁵ Nang koe roumnae awmseh. Huikonaw nihai kut na man aw haw. Nang koe kaawm e huikonaw e min pâpho nateh, ahnimae kut man pouh lah a.

JUDAH (The General Epistle of Jude)

Lawk karouknae

¹ Jisuh Khrih e a san, Jem e a nawnggha kai Judah ni, Cathut ni a lungpataw teh Jisuh Khrih ni a kaw e taminaw ca na patawn awh.

² Lungmanae, lungmawngnae, hoi lungpatawnae teh nangmouh koe pung lawiseh.

Noenae

³ Ka lungpataw e ka huinaw, maimouh ni cungtalah hmawng awh e runngangnae kong hah ka thut teh nangmouh koe na patawn a hanelah thouk ka panki. Tami kathoungnaw koe apuengcue vah a poe tangcoung e yuemnae phung koe lah na kâyawm awh teh na tuk awh nahan, na hroecoe awh teh na uen awh.

⁴ Bangkongtetpawiteh, Cathut e a lungmanae hah, amae ngainae koe lah a pakhuppathan teh, maimae Bawipa Jisuh Khrih hah ka hnoun niteh, apuengcue hoi yonphukhangnae, noutnae a ta tangcoung e tami kaponaw arulaho duem a kâen awh.

Lawkkam kacakhoehe naw

⁵ Hatdawkvah, na panue awh tangcoung e ei, na kâhruetcuete awh nahanelah bout ka dei ngai e teh, a yungyoe ka hring e Cathut ni Isarelnaw hah Izip ram hoi a tâcokhai nah ka yuem hoehe e naw hah bout a raphoe.

⁶ Hothloilah, amamae hmuen dawkw awm laipalah, amamae hmuen ka cettakhai awh e kalvantaminaw hah lawkcengnae hnin kalenpoung dawkw lawkceng hanelah hmonae thungvah a yungyoe kateknae lahoi a paung.

⁷ Hot patetvanlah, Sodom hoi Komorah kho koehoi kamtawng teh, a tengpam e khonaw pueng ni, ahmaloe dei tangcoung e tami kaponaw patetlah kamsoumhoehoe yonnae hah a sak awh teh, mae yu hoehe e naw hoi a yon awh teh, a hring awh dawkvah, a yungyoe e hmai hoi reknae a khang awh teh khetsin hanelah sut a kamnue.

⁸ Hot boiboe lah, hot patet e taminaw niteh, amamae a takthai a khin sak awh teh, kâtawnnae a oun awh. Bawilenna hoi kaawm e taminaw hah a pathoe awh.

⁹ Hatei, kalvantaminaw ukkw bawi Mikel niteh, Mosi e tak hah kahraimathout hoi a kâlawp roi navah, tha hoi oun laipalah, Cathut ni mah na yue lawiseh telah doeh atipouh.

¹⁰ Hote taminaw teh, amamouh ni a panue awh hoehe e hah a pathoe awh. Saringnaw patetlah amamouh ni a panue awh e hoi amahoima a kâparo awh.

¹¹ Ahnimouh teh yawthoe lah ao awh. Bangkongtetpawiteh, Kain hnuk a kâbang awh. Aphu hmu hane ngai lahoi yah, Balaam a yon e patetlah a yon awh. Korah e a yon e lahoi rawknae koe a pha awh.

Lawkkam kacakhoehe naw rawknae

¹² Lungpatawnae pawî koe rei kacatnaw hah barinae tawn laipalah, a kâsokâroum awh teh min mathoena hoi ao awh. Kahlî ni a palek e tui laipalah e tâmai patetlah ao awh. Kawt ka kamyai niteh, a paw paw laipalah, vai hni touh kadout niteh, phawk lah kaawm e thingkung patetlah ao awh.

¹³ Kayanae ka phuen sak e tuicapa patetlah Âsi kamleng e patetlah ao aw. Hote Âsi kamleng e naw hanelah a yungyoe hmonae teh sut ta e lah ao.

¹⁴ Adam e a catoun, a se sarinae, Enok ni Cathut teh touklek thai hoeh e a tami kathounnaw hoi a tho a han ti teh profet lawk lahoi a dei.

¹⁵ A tho toteh cathutlaipa e taminaw ni cathutlaipa lah amamae hnosak e patetlah, cathutlaipa e faminaw ni Cathut banglahai a noutna aw hoeh e lawk kahram a dei aw e patetlah tami pueng lawk a ceng han.

¹⁶ Ahnimanaw teh, cairing laihoi ayâ yon ka pen e tami, mae takngai e patetlah ka hring aw e tami, kâoupaen lawk ka dei e tami, ma hane hawinae daw dueng ayânaw ka oup e tami lah ao aw.

¹⁷ Ka lungpataw e naw, a hnukteng e atueng dawkvah, mae cathutlaipa radueknae daw ka hring aw niteh,

¹⁸ ka pacepahlek e taminaw teh a tho aw han titeh, maimae Bawipa Jisuh Khrih e gunceinaw ni sut a dei aw e lawk hah pâkuem aw.

¹⁹ Ahnimouh teh nangmouh na kapek hane tami, takngainae daw dueng ka hring a niteh, kathounge muitha tawn aw hoeh.

²⁰ Ka lungpataw e ka huinaw, ka thoung poung e yuemnae dawkvah, namahoima roung aw nateh, Kathoung Muitha lahoi ratoum aw.

Muitha lahoi ratoum aw

²¹ Cathut lungpatawnae daw awm aw nateh, a yungyoe hringnae koe na hrawi han ti hoi Bawipa Jisuh Khrih e a lungmanae hah ngaihawi aw.

²² Lunghringnae hoi kaawmnaw hah pahren aw.

²³ Takthai ngainae lahoi kakhine khohna hah panuet aw. Tami tangawn hah hmai thung hoi rasat aw nateh rungngang aw, takinae hoi pahren aw.

²⁴ Rawpnae daw hoi a hlout aw teh nangmouh na khenyawn thai e, yonnae awm laipalah, lunghawinae hoi kakawi e nangmouh hah bawilenna hmalah na ka thak thai e,

²⁵ Maimouh na ka Rungngangkung, Bawi buet touh dueng e Cathut ni, maimae Bawipa Jisuh Khrih lahoi bawilenna, taluena, uknae, hoi bahu teh atu hoi a yungyoe ditouh awm yungyoe lawiseh ! Amen.

PAPHOLAWK (The Revelation to Saint John)

Lawk karouknae

¹ Hethateh, Jisuh Khrih e papholawk lah ao. Het teh nâsittouh ao hoehnahlan kaawm hane hnonaw hah, a sannaw koe pátue hanlah Khrih dawk Cathut ni poe e hno lah ao. Khrih ni kalvantami hah a patoun teh a san kai Jawhan koe a kamnue sak.

² Jawhan nihai Cathut lawk hoi Jisuh Khrih e lawkpanuesaknae pueng hah a hmu e patetlah a kampangkhai.

³ Atueng a hnai tOUN dawkvah, hete sutdeilawk ka touk e, ka thai e, hoi a thung thut e lawknaw katarawinaw teh a yawhawi awh.

⁴ Kai Jawhan ni Asia ram kaawm e kawhmounnaw sari touh koe ka thut. Kaawm lahun e, kaawm tangcoung e hoi ka tho han rae Bawipa koehoi a bawitungkhung hmalah kaawm e muitha sari touh koehoi,

⁵ Yuemkamcu kapanuekhaikung, duenae koehoi camin lah kaawm e, talai siangpahrangnaw ka ukkung Jisuh Khrih koehoi e lungmanae hoi roumnae teh nangmouh koe awm yungyoe seh. Maimouh lungpataw niteh amae thi hoi maimae yonnae pueng na pâsu pouh.

⁶ Pa Cathut hmalah maimanaw hah uknae ram, vaihma lah na hrueng kung koe bawilennae hoi hnotithainae teh a yungyoe awm lawiseh. Amen.

⁷ Khenhaw! Bawipa teh tâmai dawk hoi bout a kum han. Hatdawkvah Bawipa kacawknaw ni amamae mit hoi ama teh a hmu awh han. Talai van kaawm e miphun pueng ni Bawipa kecu dawk a lungtabue ratum awh vaiteh a khui awh han. Bokheiyah. Amen.

Khrih a kâpâphonae

⁸ Kaawm lahun e, kaawm tangcoung e hoi bout kaawm hane Athakasai-poung e, kai teh Alpha hoi Omega, a kamtawngnae hoi a poutnae lah ka o ati.

⁹ Jisuh Khrih dawk reithai rucatnae thoseh, a uknaeram hai thoseh, lungsawnae thoseh, nangmouh hoi cUNgtalah rei coe e lah kaawm e, nangmae hmau kai Jawhan ni Cathut e a lawk hoi Jisuh Khrih hoi kâkuen e lawkpanuesaknae kecu dawkvah Patmos tuilum koe ka pha.

¹⁰ Bawipa e hnin navah, kai teh Muitha dawk ka o lahunnah, mongka lawk patetlah kacaipoung lawk hah hnukkhu lahoi ka thai.

¹¹ Hote lawk ni, na hmu e hno hah cauk dawk thut nateh Efisa kho, Smirna kho, Pergamos kho, Thiatira kho, Sardis kho, Philadelphia kho hoi Laodicea kho kaawm e kawhmounnaw sari touh koe patawn haw, telah a dei.

¹² Hatnavah, kai koe lawk kadeikung hmu hanelah ka kamlang teh ka khet.

¹³ Hottelah ka khet nah sui hmaiimkhok sari touh hoi hote hmaiim pâhung e naw lungui vah a khokcampha totouh ka phat e hni a kho teh, a lû, a lungtabue dawk sui taisawm kâyeng e tami Capa hoi kâvan e tami buet touh ka hmu.

¹⁴ Ahnie a lû hoi a sam teh tumuen ka pangaw e patetlah hoi tadamtui patetlah a pangaw teh, ahnie a mit teh hmaiपाली patetlah ao.

¹⁵ Ahnie a khok teh hmai hoi sôléi tangcoung e rahum hoi a kâvan teh, ahnie a lawk teh tuiptui lawk hoi a kâvan.

¹⁶ Ahnie aranglae kut dawk Âsi sari touh a patuep teh ahnie a kâko dawk hoi a hâ voivang kahran e tahloi a tâco. Ahnie a minhmai teh bahu hoi ka ang e kanî patetlah ao.

¹⁷ Ahni hah ka hmu navah, a khok koe ka rawp teh, tami kadout patetlah ka o. Hahoi ahni ni kai dawkvah, aranglae kut a toung teh taket hanh, kai teh ahmaloe poung e hoi a hnukteng poung e lah ka o.

¹⁸ Kahring e lah ka o. Kai teh yo ka due toe. Hatei khenhaw! kai teh a yungyoe kahring e lah ka o. Duenae hoi duenae kho cabinaw hai kai ni ka kuet.

¹⁹ Hatdawkvah nang ni na hmu tangcoung e naw thoseh, atu na hmu e naw hai thoseh, nâsittouh ao hoehnahlan kaawm hane ka tâcawt han toung e naw hai thoseh thun haw.

²⁰ Aranglae ka kut dawk na hmu e Âsi sari touh hoi sui hmaiim sari touh e hrrolawk ni a dei ngainae teh Âsi sari touh e teh kawhmounnaw sari touh e kalvantami doeh. Sui hmaiimkhok sari touh e teh kawhmounnaw sari touh e doeh.

2

Efisa kho e kawhmoun hanelah kamthang

¹ Efisa kho e kawhmoun e kalvantami koe hettelah thut haw. Aranglae kut dawk Âsi sari touh a sin teh, sui hmaiimkhok sari touh e lungui kâhlai e ni hettelah a dei.

² Na thaw tawk e naw, na kâyawm e naw, hoi na khang e naw hah ka panue. Nang teh tami kahawihoehnaw hah na dâw thai hoeh e hoi amamouh hoi amamouh guncei telah a kâdei eiteh guncei lah kaawm hoeh e taminaw hah na tanouk awh teh ahnimouh teh tami kadumyennaw lah na hmu awh e hai ka panue.

³ Nang teh panguiep nalaihoi ka Min kecu dawk, patang na khang teh thayounnae na tawn awh hoeh.

⁴ Hatei, kai ni nang yon pen hane ao. Bangkongtetpawiteh, nang ni ahmaloe e lungpatawnae hah na pahnawt toe.

⁵ Hatdawkvah, nang teh nâ e hmuen koehoi maw na bo tie bout pouk nateh, pankângai haw. Hmaloe e thawnaw hah tawk haw. Hottelah pankângainae na tawn hoehpawiteh, nang koe kai ka tho vaiteh, nange hmaiimkhok hah hmuen koehoi ka puen han.

⁶ Hatei, buet touh teh nang dawk ao, ka hmuhma e Nikolas hnukkâbangnaw e tawksaknae hah nang nihai na hmuhma van tie dei hane kawî lah ao.

⁷ Muitha ni kawhmounnaw koe a dei e lawknaw hah hnâ ka tawn pueng ni thai naseh. Ka tâ e tami teh Cathut e paradis takha thung kaawm e hringnae thingpaw hah ca thainae kâ ka poe han.

Smirna kho e kawhmoun hanlah kamthang

⁸ Smirna kho e kawhmoun e kalvantami koe hettelah thut haw. Hmaloe poung hoi hnukteng poung lah kaawm e, a due eiteh bout kahring e ni hettelah a dei.

⁹ Nange rucatnae hoi reithainae teh ka panue. Hatei, nang teh na bawi. Namamouh hoi namamouh hah Judah tami na kâti awh eiteh, Judah tami nahoeh, Setan e tami lah kaawm e naw ni na dudam awh e hai ka panue.

¹⁰ Nang ni na khang hane rucatnae hah taket hanh. Khenhaw! Nang ni tanouknae hah na khang awh hanelah kahraimathout ni nangmouh thung

dawk hoi tangawn teh thongim dawkvah a pabo awh han toe. Nangmanaw teh hnin hra touh thung reithai rucac na khang awh han. Due totouh yuemkamcu lah awm awh. Telah na sak pawiteh, hringnae bawilukhung teh na poe han.

¹¹ Muitha ni kawhmounnaw koe a dei e lawk hah thainae hnâ ka tawn ni thai seh, ka tâ e tami teh apâhni duenae ni rektap mahoehe.

Pergamos kho e kawhmoun hanelah kamthang

¹² Pergamos kho e kawhmoun e kalvantami koe hettelah thun haw. A hâ avoivang kahran e tahloi ka tawn e ni hettelah a dei.

¹³ Nang teh na e hmuen dawk maw na o tie ka panue. Hote hmuen dawk Setan e bawitungkhung ao. Kai dawk yuemkamcu lah kaawm e, kai na kapanuekkhaikung, Antipas teh Setan onae hmuen lah kaawm e nangmouh koevah a thei awh nah patenghai yah kaie min hah na kuet awh teh, yuemnae na tâkhawng awh hoehe.

¹⁴ Hatei, nang koe yon pen hane youn touh ao. Bangkongtetpawiteh, nang koevah Balaam e cangkhaiae ka tarawi e ao. Isarelnaw ni meikaphawk bawknae koe a thueng e hnonaw hah a ca awh nahan hoi kamsoumhoeh napui tongpa yonnae ahnimouh hmalah payon sak e hnonaw hah pâtoum pouh hanelah Balaam ni Balak siangpahrang koe a cangkhai.

¹⁵ Hot patet lavah nangmouh dawkvah Nikolas hnukkâbangnaw e cangkhaiae ka tarawi e tami moi ao awh.

¹⁶ Hatdawkvah pankângai awh haw. Hoehpawiteh kai teh nangmouh koe karanglah ka tho vaiteh, ka kâko e tahloi hoi ahnimanaw teh ka tuk han.

¹⁷ Muitha ni kawhmounnaw koe a dei pouh e lawk hnâ ka tawn e pueng ni thai naseh. Ka tâ e tami teh hro e Mana ka poe han. Talung pangaw hai ka poe han, hote talung van e min ka kâthut e kacoekung hloilah apinihai panue hoehe e min katha teh a thut.

Thiatira kho e kawhmoun hanelah kamthang

¹⁸ Thiatira kho e kawhmoun e kalvantami koe hettelah thun haw. Hmaipalai patetlah e mit hoi laklakkaang e rahum hoi kâvan e khok ka tawn e Cathut e Capa ni hettelah a dei.

¹⁹ Nange na tawk e naw puenghoi nange lungpatawnae, yuemnae, thawtawknae, hoi lungsawnae hai kai ni ka panue. Nange hnuk lae thaw na tawk e naw teh hmaloe e thaw na tawk e hlak hoe ahawi e hah ka panue.

²⁰ Hatei, nang teh kai ni yon pen hane ao. Bangdawk tetpawiteh nang teh amahoima profet napui ka kâtet e Jezebel hah sak ngai e pueng sak thainae kâ na poe dawkvah ahni teh kaie ka hnukkâbangnaw koe kamsoumhoeh napui tongpa yonnae hoi meikaphawk bawknae sathei moinaw ca hanelah na cangkhai teh ahnimanaw nâ dumyen awh.

²¹ Kai ni ahni koe pankângai hane tueng ka poe eiteh ahni ni kamsoumhoeh napui tongpa yonnae dawk pankângainae lungthin tawn hoehe.

²² Khenhaw! kai ni ahni teh a ikhun dawk pak ka tha han. Ahni hoi uicuknae dawk pankângai awh hoehpawiteh, takikathopounge runae ka pha sak han.

²³ Ahnie a canaw koehai duenae hoi kai ni lawk ka ceng han. Hahoi kai teh pouknae lungthin hoi ngainae kakhenkung lah ka o tie kawhmounnaw

pueng ni a panue aw hah. Nangmanaw pueng hai namamouh ni na sak e patetlah tawkp hu na poe aw hah.

²⁴ Hatei, hote napui e cangkhae na dawn aw hah. Setan e hro e hno telah ka panuek hoeh e Thiatira kho kaawm e pueng koe, kai ni ka dei e teh nangmouh lathueng vah alouke hno karinaw hah na thueng pouh mahoe.

²⁵ Nangmouh dawkvah kaawm e hno hah kai ka tho totouh kacakcalah kuen aw hah.

²⁶ Ka tâ e tami hoi kaie ka thaw hah a pout totouh ka taw k e tami teh miphunaw pueng uknae kâ ka poe han.

²⁷ Ahni teh talai hlaamnaw reppasei lah hem e patetlah sum sonron hoi ahnimouh teh a uk han. Hethateh, kama roeroe ni a Pa koehoi ka coe e uknae hoi a kâvan.

²⁸ Ahni teh amom tempalo hai ka poe han.

²⁹ Muitha ni kawhmounnaw koe a dei e lawk hah hnâ ka tawn pueng ni thai naseh.

3

Sardis kho e kawhmoun hanelah kamthang

¹ Sardis kho e kawhmoun e kalvantami koe hettelah thut haw. Cathut Muitha sari touh hoi Âsi sari touh ka tawn e tami ni hettelah a dei. Nange na tawksaknae ka panue. Nang teh kahring e patetlah na kâsak ei na kadout e lah na o e hah ka panue.

² Kâhruetcueth hoi ring haw. Due han lah coungkacoe kaawmnaw hah khenyawn haw. Bangkoktetpawiteh, nange na tawknae teh kaie Cathut hmalah a kuep telah ka hmawt hoeh.

³ Hatdawkvah, nang teh bangtelamaw na thai tie hah pouk nateh tarawi haw. Pankângai haw, kâhruetcueth laihoi na ring hoehpawiteh, tamru patetlah ka tho vaiteh, nâtueth maw ka tho han tie khoeroe na panuek mahoe.

⁴ Hateiteh, Sardis kho daw patenghai amamae khohna kakhin sak hoeh e youn touh ao. Ahnimouh teh kamcu e lah ao aw haw dawkvah hni pangaw kâkhu aw hah vaiteh kai hoi cungtalah ka ceio aw hah.

⁵ Katâ e tami teh hot patetvanlah hni pangaw a khohna han. Kai nihai ahnie min teh hringnae cauk daw hoi khoeroe ka raphoe mahoe. Kai teh ahnimae min hah a Pa hmalah hoi Bawipa e kalvantami hmalah ka kampangkhai han.

⁶ Muitha ni kawhmounnaw koe a dei pouh e lawknaw hah hnâ ka tawn e tami pueng niteh thai naseh.

Philadelphia kho e kawhmoun hanelah kamthang

⁷ Philadelphia kho e kawhmoun e kalvantami koe hettelah thun haw. Kathoung e, kalan e, Devit e cabi ka kuen e, apinihai khan thai hoeh hanlah ka paawng e, apinihai paawng thai hoeh hanlah ka khan e niyah hettelah a dei.

⁸ Nange na taw k na sak e pueng teh kai ni ka panue. Khenhaw! apinihai khan thai hoeh e takhang hah kai ni na hmalah ka paawng toe. Bangkoktetpawiteh, nang teh na tha a youn nakunghai kaie ka lawk na tarawi aw hah, ka min haiyah na pahnawt aw hah.

⁹ Khenhaw! mahoima niteh Judah tami lah ka o a kâti ei, Judah tami lah kaawm hoeh e, Setan e sinakok lah kaawm e laithoe ka dei e taminaw hah nange khok rahim ka tabo sak vaiteh, kai ni nangmouh lungpatawnae hah ahnimouh ka panue sak han.

¹⁰ Nang ni lungsawnae hoi kaie kâpoelawk na tarawi dawkvah, talaivan kaawm e taminaw hah tanouk nahanelah, talai van pueng dawk ka tho hane tanouktacaknae tueng nah kai ni nangmanaw teh na hlout sak awh han.

¹¹ Kai teh karanglah ka tho han. Nange bawilukhung apinihai na lawp hoeh nahanlah nama koe kaawm e hno hah kacaklah kuen haw.

¹² Ka tâ e tami teh Cathut bawkim e khom lah ka o sak han. Ahni teh nâtuek hai a alawilah bout tahruek mahoev toe. Ahnie van vah Cathut e min hai thoseh, Cathut koehoi ka tho e Jerusalem khopui katha e min hoi kaie min katha hai thoseh ka thut pouh awh han.

¹³ Muitha ni kawhmounnaw bangtelamaw a dei tie hah hnâ ka tawn e tami pueng ni thai naseh.

Laodicea kho e kawhmoun hanelah kamthang

¹⁴ Laodicea kho e kawhmoun e kalvantami koe hettelah thun haw. Amen lah kaawm e, yuemkamcu hoi katang e kapanuekkhaikung, Cathut e sak e naw thung dawk ahmaloe poung lah kaawm e ni hettelah a dei.

¹⁵ Nange na tawk sak e naw ka panue. Nang teh na bet hoeh, na pânding hoeh. Ka pânding ngala hoehpawiteh kabet ngala e buetbuet touh ka ngai.

¹⁶ Hottelah pânding hai na pânding hoeh, na bet hai na bet hoeh. Upap lah na o dawkvah ka kâko hoi kai ni meimei na patha toe.

¹⁷ Nang ni kai teh ka tawnta dawkvah banghai ka panki e awm hoeh toe na ti. Hatei nang teh lungpout hanelah kaawm e, pâhren han kawi lah kaawm e, ka mathoe e, mit ka dawn e hoi caici lah kaawm e lah na o e hah nama ni na ka panuek hoeh toe.

¹⁸ Nang ni hnopai na tawnta nahanlah hmai hoi sôlêi tangcoung e sui, caici lah na o e kaya ramuk nahanelah khohna ka pangaw e hni, na mit bout a ang thai nahanelah na mit dawk awi hane mittasinaw hah kai koe ran hanelah kai ni pouknae na poe.

¹⁹ Ka lungpataw e taminaw pueng e yon teh ouk ka pâphue teh, ahnimanaw hah ouk ka yue. Hatdawkvah pankângai haw.

²⁰ Khenhaw! kai teh takhang hmalah kangdue teh ka takhawng. Apihai thoseh kaie lawk ka thai niteh takhang ka paawng e tami koe ka kâen vaiteh ahni hoi cungtalah bu kavenkhai han. Ahni haiyah kai hoi cungtalah a ven van han.

²¹ Kai teh ka tâ hnukkhu a Pa hoi cungtalah, a Pa e bawitungkhung dawk ka tahung e patetlah ka tâ e tami teh kaie bawitungkhung dawk kai hoi rei tahungnae kâ ka poe han.

²² Muitha ni kawhmounnaw koe a dei e naw hah, hnâ ka tawn e tami ni thai na seh telah ati.

4

Kalvan e tungkhung

¹ Hathnukkhu ka khet navah, kalvan vah takhang buet touh kamawng e ao. Ahmaloe poung ka thai e lawk teh hete hmuen koe luen haw, hmalah ka tho hane kawi na patue han telah mongka lawk patetlah e lawk lah ka thai.

² Kai teh vai touh lahoi Muitha dawk ka o teh, khenhaw! kalvan vah bawitungkhung buet touh ao. Hote bawitungkhung dawkvah ka tahung e bawi buet touh ao.

³ Ahnie mei teh jasper talung hoi karmelian talung patetlah a ang. Bawitungkhung tengpam kâkalup lah emerald talung patetlah salumpa a paham.

⁴ Hote bawitungkhung a tengpam vah, alouke tungkhung 24 touh ao. Hote bawitungkhung van kacuenaw 24 touh ka pangaw poung e hni a kâkhu awh teh, a lû dawk suilukhungnaw kâmuk hoi a tahung awh.

⁵ Bawitungkhung thung hoi sumpapalik, keitat, khoparit. Tungkhung e hmalah Cathut Muitha sari touh lah kaawm e hmaïim sari touh teh a ang awh.

⁶ Bawitungkhung hmalah vah kristal talung hoi kâvan e hlang patetlae tali ao. Tungkhung thung, a tengpam vah a tak pueng dawk mit hoi kakawi e moithang pali touh ao.

⁷ Apasuke moithang teh Sendek hoi a kâvan. Apâhni e moithang teh maito ca hoi a kâvan. Apâthum e moithang teh tami minhmai hoi a kâvan, apali e moithang teh kamlang e mataw hoi a kâvan.

⁸ Hote moithang pali touh teh rathei taruk touh rip a tawn awh. A tak buem mit hoi akawi awh. Ahnimanaw ni karum khodai kâhat laipalah kaawm tangcoung, kaawm lahun, kaawm hane Bawipa Cathut, Athakasaipoung teh a thoung, a thoung, a thoung telah a târue awh.

⁹ Bawitungkhung van ka tahung niteh padungpathang kahring e Cathut telah moithangnaw ni bawilennae hoi barinae hoi lunghawinae hoi a pholen awh.

¹⁰ Kacue e 24 touh ni bawitungkhung dawk ka tahung e hmalah a tabo laihoi a yungyoe padungpathang kahring e Cathut a bawk awh teh,

¹¹ oe a yungyoe kahring e Cathut hnocawngca pueng na sak toe. Hote hnonaw teh na ngainae lahoi doeh na sak. Hatdawkvah Cathut teh bari hoi bawilennae hoi bahu hoi na kamcu doeh ati awh teh tungkhung hmalah amamae bawilukhungnaw teh a hruk awh.

5

Ca kalawng hoi Tuca

¹ Hathnukkuh, bawitungkhung dawk ka tahung e ni aranglah e kut daw, cakalawng a sin e ka hmu. Hote cakalawng teh athung avan lahai ca thut lah ao, tacik hoi vai sari touh kin e lah ao.

² Hattoteh a thakaawmpoung kalvantami buet touh ni, hote cakalawng paawng vaiteh taciknaw buet touh hnukkuh buet touh rathap hanlah apimouh ka kamcu aw telah kacaipounglah a dei e hah ka hmu.

³ Hatei, kalvan hai thoseh, talai van hai thoseh, talai rahim hai thoseh hote cakalawng rathap vaiteh, khet hanelah kamcu e apihai pâphawng hoeh dawkvah, kai teh thâhoi ka ka.

⁴ Hat toreï teh kacuenaw thung daw e buet touh ni kap hanh. Judah catoun daw hoi ka tâcawt e sendek, Devit khawngyang lah kaawm e ni,

⁵ cakalawng hoi tacik sari touh e hah a paawng thai han telah na dei pouh.

⁶ Hathnukkuh tuca buet touh, bawitungkhung lungui a kangdue teh moithang pali touh hoi kacuenaw ni a ven awh e ka hmu. Tuca teh kadout e patetlah ao. Ki sari, mit sari touh a tawn teh hote mit sari touh e teh Cathut e Kathoung Muitha sari touh talai van a patoun e hah doeh.

⁷ Tuca ni a tho teh bawitungkhung daw e aranglah e kut daw a sin e cakalawng teh a la.

Kamcu e tuca

⁸ Hote cakalawng a la toteh, moithang pali touh hoi kacuenaw 24 touh ni, tami kathoungnaw e ratoumnae lah kaawm e hmuítui hoi ka kawí e sui tongben hoi ratoung hai rip a sin awh teh tuca hmalah a tabo awh.

⁹ Bawipa nang teh cakalawng na la vaiteh tacik hoi kin e naw hah paawng hanlah kamcu e Bawi lah na o. Bangkongtetpawiteh, nang teh thei e lah na o teh nama e thi hoi miphun cawngca hoi lawk cawngca ka dei e pueng, khoram cawngca e tami pueng teh, Cathut hanelah na ratang toe.

¹⁰ Ahnimanaw hah maimae Cathut hanelah uknaeram buet touh hoi vaihmanaw lah na coung sak teh ahnimouh ni talai van a uk awh han.

¹¹ Hathnukkhú ka khet navah, bawitungkhung, moithang pali touh hoi kacuenaw e tengpam hoi touklek thai hoeh e kalvantami e lawk ka thai.

¹² Ahnimouh ni kacaipounglah la a sak awh. A thei awh e tuca teh bahu, tawntanae, lungangnae, thaonae, barinae, bawinae, hoi yawhawinae teh coe hanelah a kamcu ati awh.

¹³ Hathnukkhú, kalvan hoi, talai van e kaawm hoi talai rahim hoi tali thung kaawm e hoi ka hring e naw pueng ni bawitungkhung dawk ka tahung e tuca teh barinae, bawilennaé hoi bahu teh a tak dawk yungyoe hoi yungyoe ditouh awm lawiseh titeh la sak e a pawlawk ka thai.

¹⁴ Hattoteh moithang pali touh ni Amen ati awh. Kacuenaw nihai a tabo awh teh a bawk awh.

6

Apasuek e tacik

¹ Tuca ni tacik sari touh thung dawk e buet touh a paawng navah, moithang pali touh thung dawk e buet touh ni, khoparit lawk patetlah e lawk hoi, tho nateh khenhaw ati e ka thai.

² Ka khet bo teh, marang ka pangaw e buet touh ka hmu. Hote marang kâcuie ni licung buet touh a patuep. Ahni koe bawilukhung a poe teh tânae lahoi tâ hanelah a cei.

Apâhni e tacik

³ Apâhni e tacik a paawng navah, moithang apâhni e ni, tho nateh khenhaw tie ka thai.

⁴ Hatnavah, marang paling buet touh a tâco. Hote marang paling kâcuie ni, talai taminaw buet touh hoi buet touh kâtheikârawng nahanelah, roumnae talai dawk hoi bankhai thainae kâ a tawn. Ahni koe tahloi pui hai a poe.

Apâthum e tacik

⁵ Apâthum e tacik a paawng navah, apâthum e moithang ni tho nateh khenhaw tie ka thai. Hatnavah ka khet bo teh marang ka tamang e buet touh ao. Marang kâcuie ni yawcu a patuep.

⁶ Moithang pali touh e a rahak hoi a dei e lawk teh, phoisa paling buet touh hoi satun hoi satui, misurtui pout sak hanh awh telah tie ka thai.

Apali e tacik

⁷ Apali e tacik a paawng navah, apali e moithang ni tho nateh khenhaw ati e ka thai.

⁸ Hatnavah, ka khet teh marang pâdamrep e buet touh ao. Hote marang kâcuie teh duenae telah a kâphung. A hnukkhú lah phuen ni a kâbang. Ahni ni talai pung pali touh dawk pung touh a uk. Kâ theinae, takang thonae, patawpanat duenae, sarang hoi thei thainae kâ a poe.

Apanga e tacik

⁹ Apanga e tacik a paawng navah, Cathut e a lawk kecu dawk hai thoseh, lawkpanuesaknae dawk hai thoseh, a thei awh e muithanaw, thuengnae khongroe rahim vah ka hmu.

¹⁰ Ahnimanaw ni kathoung kalan lah kaukung Bawipa, talai van kaawm e taminaw hah kaimae thi phu moi pathung laipalah nâtotouh maw na o han telah kacaipounglah a hram awh.

¹¹ Hat toteh, ahnimanaw hah hni pangaw rip a poe. Ahnimanaw patetlah thei hanelah kaawm e, thaw ka tawk hui hmaunawngghanaw ni kuepnae koe a pha hoehnahlan, dongdeng kâhat awh ei telah atipouh.

Ataruk e tacik

¹² Ataruk e tacik a paawng navah, Tâlî puenghoi a no. Kanî teh muenhni patetlah thapa teh thi patetlah ao.

¹³ Kahlî katang poung e ni, thaibunglung paw a sarut sak e patetlah kalvan e Âsinaw talai van vah a bo awh.

¹⁴ Kalvan teh cahna kalawng e patetlah a kahma, monnaw, tuilumaw pueng teh a onae hmuen koehoi koung a kâtahruet awh.

¹⁵ Talai siangpahrangnaw, ukkungnaw, ransabawinaw, ka tangrengnaw, thakaawme taminaw hoi sannaw, kahloutnaw pueng ni lungngoum, mon e talungkhunaw dawk a kâhro awh teh talungnaw hoi monnaw a kaw awh.

¹⁶ Kaimae van tim awh nateh, na ratet awh haw loe bawitungkhung dawk ka tahung e hmalah hoi tuca lungkhueknae dawk hoi kaimanaw hah na ngue a haw loe.

¹⁷ Bangkongtetpawiteh, a lungkhueknae hninpui a tho toe. Apipatet ni maw a khang thai han telah a dei awh.

7

Isarelnaw thung hoi tacikkin e naw

¹ Hathnukkhu kalvantami pali touh ni talai takin pali touh koe a kangdue awh teh, talai koehai thoseh, thingkung pueng koehai thoseh, tuipui koehai thoseh, kahlî a tho hoeh nahanlah talai takin pali touh koe e kahlînae a kuet awh e hah ka hmu.

² Hahoi, alouke kalvantami buet touh teh kahring Cathut e tacik patuep laihoi kanîtho lahoi a luen takhang e hah ka hmu. Hote kalvantami niteh talai hoi tuipui dawk runae tho sak thainae kâ a tawn teh, kalvantami pali touh koe,

³ maimae Cathut e sannaw e tampa dawk tacik be kin hoehroukrak talai, tuipui, hoi thingnaw koe runae phat sak hanh ei telah kacaipounglah a hram.

⁴ Hathnukkhu, tacikkin lah kaawm e tami nâyittouh maw tie lawk ka thai. Isarel miphun dawk e miphun 12 touh dawk e tami 144,000 touh teh tacikkin lah ao.

⁵ Judah catoun dawk hoi 12,000, Gad catoun dawk hoi 12,000, Reuben catoun dawk hoi 12,000,

⁶ Asher catoun dawk hoi 12,000, Naphtali catoun dawk hoi 12,000, Manasseh catoun dawk hoi 12,000,

⁷ Simeon catoun dawk hoi 12,000, Levih catoun dawk hoi 12,000, Issakhar catoun dawk hoi 12,000,

⁸ Zebulun catoun dawk hoi 12,000, Joseph catoun dawk hoi 12,000, Benjamin catoun dawk hoi 12,000 naw teh tacikkin lah ao awh.

Runae kalenpoung thung hoi ka tâcawt e tamihu pui

⁹ Hathnukkhu ka khet navah, lawk alouklouk ka dei e miphun cawngca koehoi apinihai a touk thai hoeh e tamihu pui teh, hni pangaw a kâkhu awt teh samtue e a kang a patuеп teh bawitungkhung e hmalah hoi tuca e hmalah a kangdue awt.

¹⁰ Ahnimouh ni rungngangnae teh bawitungkhung dawc ka tahung e maimae Cathut hoi tuca koe ao telah kacaipounglah a târue awt.

¹¹ Bawitungkhung hoi, a kum kacuenaw hoi moithang pali touh e teng kâkalup lah kangdout e kalvantami pueng ni tungkhung hmalah a tabo awt teh Cathut hah a bawc awt.

¹² Amen. Maimae Cathut teh a yungyoe hoi a yungyoe totouh yawhawinae, bawilennaе, lungangnae hoi lunghawilawcdeinae, barinae, bahu, thaonae teh awm lawiseh, Amen telah a dei awt.

¹³ Hathnukkhu kacuenaw thung dawc e buet touh ni hni pangaw kâkhu e naw pueng teh apinaw maw Na hoi maw a tho awt telah kai hah na pacei.

¹⁴ Kai ni Bawipa nang ni na panue bout ka ti pouh navah, ahni ni hetnaw teh runae kalenpoung thung hoi ka hlout niteh, ka tâcawt e naw doeh. Ahnimouh teh amamae kâkhu e hni hah tuca thi dawc a pâsu awt teh a pangaw sak awt.

¹⁵ Hatdawkvah, ahnimouh teh Cathut e tungkhung hmalah vah ao awt teh, Bawipa bawkim dawc karum khodai Bawipa a pholen awt. Bawitungkhung dawc ka tahung e Cathut teh ahnimouh hoi a yungyoe a okhai han.

¹⁶ Ahnimanaw teh vonhlan tui kahran bout awm mahoehtoe. Ahnimaе van khumbei hoi bang patet e kabet nihai dâw mahoehtoe.

¹⁷ Bangkongtetpawiteh, bawitungkhung lungui kaawm e tuca ni ahnimouh khom vaiteh, hringnae tui a lawngnae koe a ceikhai han. Cathut ni ahnimaе mitphi pueng teh a hui pouh han telah a ti.

8

Asari e tacik

¹ Asari e tacik a paawng navah, kalvan kho vah suimilam atangawn hane cing ati awt.

² Cathut hmalah kangdout e kalvantami sari touh koe mongka sari touh a poe e ka hmu.

³ Kalvantami buet touh a tho teh sui tongben ka patuem niteh thuengnae khoungroe teng a kangdue. Bawitungkhung hmalah kaawm e sui khoungroe van tami kathoungnaw e ratoumnae hoi rei hnawng hanlah hmuituinaw hmaisawi hane a poe.

⁴ Hmuitui sawi e hmaikhu teh tami kathoungnaw e ratoumnae hoi cungtalah kalvantami e kut dawc hoi Cathut hmalah a luen.

⁵ Kalvantami ni thuengnae tawngben dawc hoi hmai a sin teh talai van a rabawc navah keitat, khoparit, sumpapalik teh Tâlî a no.

⁶ Kalvantami sari touh ni mongka sari touh ueng hanlah a kârakueng awt.

Apasuek e mongka

⁷ Apasuek e kalvantami ni mongka a ueng navah, thi hoi kâ kalawt e roun hoi hmai talai van a rabawc teh talai pung thum touh dawc pung touh, thingkung pung thum touh dawc pung touh, ka hring e phovai pueng a kak.

Apâhni e mongka

⁸ Apâhni e kalvantami ni mongka a ueng navah, hmai ka kang e monpui patetlah kaawm e teh tuipui thung tâkhawng lah ao. Hattoteh tuipui pung thum pung touh thi lah ao.

⁹ Tuipui thung kahring e moithang pung thum pung touh a due. Lawng pung thum pung touh a kamko.

Apâthum e mongka

¹⁰ Apâthum e kalvantami ni mongka a ueng navah, hmaito patetlah ka ang e Âsi pui buet touh kalvan hoi a bo teh, palang pui pung thum touh dawkw pung touh, hoi tuiphueknaw dawkvah a bo.

¹¹ Hote Âsi e min teh khanae telah a kaw awh. Palang pui pung thum touh dawkw pung touh, a kha dawkvah tami moi a due.

Apali e mongka

¹² Apali e kalvantami ni mongka a ueng navah, kanî pung thum touh dawkw pung touh, thapa pung thum touh dawkw pung touh, Âsi pung thum pung touh sao ni a payawp dawkvah pung thum pung touh kho lah a hmo. Khodai pung thum touh dawkw pung touh, karum pung thum pung touh angnae awmhoeh.

¹³ Hathnukkhu ka khet navah, kamlang e mataw buet touh ni, kalvantami kathum touh ni a ueng hane kaawm rae, mongka lawk kecu dawkw talai van kaawm e taminaw teh yawthoe yawthoe yawthoe lah ao awh telah kacaipounglah a dei e ka thai.

9*Apanga e mongka*

¹ Apanga e kalvantami ni mongka a ueng navah, kalvan hoi Âsi buet touh talai van a bo e ka hmu. Ahni koe kadung poung e tangkom paawngnae cabi a poe.

² Ahni ni ka dungpoung e tangkom a paawng navah, kalenpoung hmaikhu patetlah tangkom thung hoi hmaikhu a tâco. Hote hmaikhu kecu dawkw kanî hoi kalvan teh kho lah a hmo.

³ Hote hmaikhu thung hoi samtongnaw teh talai van lah a tâco awh. Ahnimouh koe aikam e sue patetlah e sue hah a poe.

⁴ Talai kaawm e thingkungnaw hoi bangpatet e phokungnaw hai raphoe laipalah, a tampa dawkw Cathu e tacikkin lah kaawm hoeh e naw pueng teh rektap nahanelah kâ a poe.

⁵ Hothloilah, ahnimanaw teh taminaw thei sak hanlah pasoung hoeh. Thapa yung panga touh thung rektap sak nahanelah kâtawnnae a poe. Hote rektapnae teh aikamsue patetlah a pataw han a ti.

⁶ Hote hnin toteh tami pueng ni duenae a tawng awh han. Hatei hmawt awh mahoeh. Due hane ngai nakunghai duenae ni a yawng takhai han.

⁷ Hote samtongnaw teh taran tuk nahan rakueng e marangtannaw hoi a kâvan. Ahnimae a lû dawkw suilukhungnaw kâmuk e patetlah ao. Ahnimae minhmai teh tami e minhmai hoi a kâvan.

⁸ Ahnimae a sam teh napui sam hoi a kâvan. A hâ hai sendek e hâ patetlah ao.

⁹ Lungtabue ramuknae saiphei teh sum hoi sak e saiphei hoi a kâvan. A rathei takhawng e pawlawk teh taran tuknae koe hno e marang moikapap poung e yawng pawlawk patetlah doeh ao.

¹⁰ Ahnimouh teh aikam patetlah pâkhing kaawm e a mai hah a tawn awh. Hote a mai hoi taminaw thapa yung panga touh thung rektap thainae kâ a tawn awh.

¹¹ Ahnimae siangpahrang teh ka pout thai hoeh e kadung poung e tangkom e kalvantami lah ao. Ahnie min teh Hebru lawk lahoi Abadon telah a kaw awh teh Grik lawk lahoi Apollyon telah a kaw awh.

¹² Apasueke yawthoenae a lounm toe. Yawthoenae kahni touh a tho han rah.

Ataruk e mongka

¹³ Ataruk e kalvantami ni mongka a ueng navah, Cathut hmalah kaawm e sui khoungroe e ki pali touh daw k hoi ka tâcawt e lawk ka thai.

¹⁴ Hote mongka ka ueng e ataruk e kalvantami koevah, Euphrates palang pui koe katek e, kalvantami pali touh tha leih telah a dei e ka thai.

¹⁵ Hatnavah hote kum, hote thapa, hote hnin, hote suimilam hanelah hmoun tangcoung e kalvantami pali touh teh, tami pung thum pung touh thei hanlah tha e lah ao.

¹⁶ Marangransanaw teh ting thong hni touh a pha tie ka thai.

¹⁷ Vision daw k kai ni ka hmu e marangnaw hoi marang kâcuie naw teh hettelah ao. Marang kâcuie naw teh hmaito, mupamat e hoi gan patetlah ka samen e rong patetlah kaawm e saiphei ao. Marangnaw e lû teh sendek e lû hoi a kâvan. A kâko daw k hoi hmaito, hmaikhu hoi gan a tâco.

¹⁸ Ahnimae kâko hoi ka tâcawt e hmaito, hmaikhu hoi gan tie runae kecu daw k talai tami pung thum pung touh a due awh.

¹⁹ Marangnaw e a thaonae teh ahnimae kâko hoi a mai daw k a o, A mai teh tahrin hoi a kâvan, lû a tawn. A mai ni taminaw runae a poe.

²⁰ Hote runae daw k hoi dout laipalah kaawm e taminaw teh kahraituili-naw, sui hoi sak e, rahum hoi sak e, talung hoi sak e, thing hoi sak e, ka hmawt thai hoeh e, ka thai thai hoeh e, ka cêt thai hoeh e, meikaphawknaw baw k laipalah o nahan, pankângai awh hoeh.

²¹ Amamouh ni a taw k awh e tami theinae, sueânnae, kamsoumhoeh napui tongpa yonnae, hoi parunae daw k hoi hai pankângai laipalah ao awh.

10

Kalvantami buet touh hoi ca kalawng

¹ Hathnukkhu a thakaawmpoung kalvantami buet touh teh, tâmai a kâkhu teh, kalvan hoi a kum e hah ka hmu. Ahnie a lû daw k salumpa a paham. A minhmai teh kanî patetlah ao. A khok teh hmisaan khom patetlah ao.

² A kut daw k kadai tangcoung e cakalawngca buet touh ao. Aranglae a khok hah tuipui daw k a coungroe teh avoilah e khok hah talai daw k a coungroe.

³ Sendek ka huk e patetlah kacaipounglah a hram. Hottelah a hram navah khoparit lawk vai sari touh a cai.

⁴ Khoparit lawk vai sari touh a cai hnukkhu vah thut hanelah ka kâcai navah kalvan hoi ka tho e lawk ni khoparit lawk sari touh e hah kin loe, hot hah thun hanh tie lawk ka thai.

⁵ Hatnavah tuipui hoi talai daw k kangdout e kalvantami ni aranglae a kut hah kalvan lah a dâw teh,

⁶ a yungyoe kahring niteh kalvan hoi kalvan e hno pueng, talai hoi talai kaawm e hno pueng, tuipui hoi tuipui dawk kaawm e hno pueng ka sak e Bawipa hah a kaw teh atueng saw mahoe h toe.

⁷ Asari e kalvantami ni a ueng hane mongka a cai na hnin vah Cathut ni a hro e hno teh amae a san profetnaw koe a dei pouh e patetlah akuep han toe telah a ti.

⁸ Hathnukkhu ka thai e kalvan lahoi e lawk ni, tuipui hoi talai dawk kangdout e kalvantami kut dawk kaawm niteh kadaí tangcoung e cakalawngca hah cet nateh lat loe telah na ti pouh.

⁹ Hatdawkvah hote kalvantami koe ka cei teh cakalawngca hah ka hei navah, ahni ni cakalawngca hah lat nateh cat haw. Na von dawk akha vaiteh na kâko dawk khoitui patetlah a radip han na ti pouh.

¹⁰ Hatnavah kalvantami kut dawk e cakalawngca hah ka la teh, ka ca bo teh ka pahni dawk khoitui patetlah a radip ei ka von thung a kha.

¹¹ Hat toteh, kalvantami ni nang ni miphunnaw moikapap, ram moikapap, lawk moikapap siangpahrangnaw hoi kâkuen e profet lawk bout na dei han telah na ti pouh.

11

Kapanuekkhaikung kahni touh

¹ Hahoi sonron hoi kâvan e lungpungkung buet touh bangnue nahanlah kai hah na poe. Thaw nateh Cathut e bawkim hoi thuengnae khoungroenaw hah bangnue nateh hote hmuen koe ka baw e naw hah touk haw.

² Hateiteh, bawkim e alawilah kaawm e thongma teh Jentelnaw poe e lah o toe. Hote teh bangnue han lawih. Ahnimouh ni kathoung e khopui hah thapa 42 touh thung a coungroe awh han.

³ Hattoteh kai ni kama e kapanuekkhaikung kahni touh hah, kâ ka poe vaiteh, ahnimouh roi ni buri angki khohna laihoi hnin 1260 touh thung profet lawk a dei roi han a ti.

⁴ Ahnimouh roi teh talai Bawi e hmalah kaawm e Olivekung kahni touh hoi hmaiim kahni touh lah ao roi.

⁵ Tami buetbuet touh ni ahnimouh roi runae poe han ngai pawiteh ahnimouh roi e kâko hoi hmai a tâco vaiteh ahnimae tarannaw hah hmai hoi a kak sak han. Tami buetbuet touh ni ahnimouh roi rucap poe han ngai pawiteh, hote tami teh hot boiboe lah thei e lah ao han.

⁶ Ahnimouh sutdeilawk a deinae hnin pueng dawk khorak hoeh nahanelah kalvan tabuem thainae kâ a poe teh, tui hah thi lah kâthungsak thainae, a ngainae tueng dawk a ngai patetlah talai pui heh runae aphinphun hoi rektap thainae kâ a tawn roi.

⁷ Ahnimouh roi ni lawkpanuesaknae a pâbaw hnukkhu kadung poung e hmuen koehoi ka luen e sarang ni ahnimouh roi hah tuk vaiteh a tâ hnukkhu a thei han.

⁸ Ahnimouh roi e ro teh muitha koelah hoi deinae lah Sodom hoi Izip khopui telah a dei awh e khopui lamthung dawkvah a ta awh han. Ahnimouh roi e Bawipa haiyah hote khopui dawk thingpalam sawi pathout lah ao.

⁹ Hatnavah lawk a cawngca ka pan e miphun puenghoi ram pueng ni hote ahnimouh roi e ro hah hnin thum tangawn totouh khen awh vaiteh tangkom thung pakawp laipalah a ta awh han.

¹⁰ Talai kho ka sak e taminaw ni ahnimouh roi e ro a hmu awh navah a konawm awh vaiteh, buet touh hoi buet touh poehnonaw a kâpoe awh

han. Bangkongtetpawiteh, hote profet kahni touh ni talai kho ka sak e naw hah a rektap e lah ao.

¹¹ Hatei hnin thum tangawn a poung toteh Cathut koehoi hringnae Muitha ahnimouh roi e thung a kâen. Ahnimouh roi teh amamouh roi e khok hoi a kangdue roi. Ahnimouh roi ka hmawt e tami pueng ni thouk a taki aw h.

¹² Hatnavah kalvan hoi lawk kacaipoung ni, hie hmuen koe luen roi leih telah a dei pouh e lawk a thai roi navah ahnimouh roi teh tâmai hoi kalvan lah a luen roi. Ahnimouh roi e tarannaw nihai a khet aw h.

¹³ Hote atueng dawkvah puenghoi tâli a no teh khopui pung hra pung touh a tip. Hote tâli daw k hoi tami 7,000 touh a due aw h. Kahlout e taminaw ni a taki aw h teh, kalvan kho e Cathut bawilenna e hah a pholen aw h.

¹⁴ Apâhni e yawthoenae teh aloum toe. Apâthum e yawthoenae teh karanglah bout a tho han.

Asari e mongka

¹⁵ Asari e kalvantami ni mongka a ueng navah kalvan vah puenghoi a cairing teh, talaivan uknaeram teh maimae Bawipa e a ram lah ao toe. Hot teh amae Khrih e lah ao toe. Ahni ni a yungyoe hoi a yuengyoe a uk han toe.

¹⁶ Hatnavah Cathut e hmalah bawitungkhung daw k ka tahung e kacuenaw 24 touh ni Cathut teh a baw k aw h,

¹⁷ Oe Bawipa Cathut, Athakasaipoung e, atu kaawm niteh, kaawm tangcoung e, nama teh nama e bahu hah na patuep teh na uk dawkvah, nang koe ka lunghawi.

¹⁸ Miphunnaw teh a lungkhuek aw h. Hatei nama e lungkhueknae teh a pha toe. Ka dout tangcoungnaw lawkceng hane hoi nama e taminaw, profetnaw, tami kathoungnaw, hoi nama e min ka taket niteh ka bari e, kathoeng hoi kalen, talai karaphoenaw raphoenae tueng ka phat han.

¹⁹ Hathnukkuh kalvan kaawm e Cathut e bawkim a kamawng teh, hote bawkim thungvah, Bawipa e lawkkam thingkong ka hmu. Sumpapalik, khoparit, keitat, tâlino, kalenpoung e roun a bo.

12

Napui, ca tongpa, khorui

¹ Hathnukkuh kalvan vah kalenpoung e mitnout teh ka hmu. Napui buet touh ni kanî a kho teh, thapa hah a coungroe teh, Âsi hlaikahni touh kaawm e bawilukhung a kâmuk e hah ka hmu.

² Hote napui ni camo a vawn teh capa khe hanelah a von a pataw toung dawkvah a hram ki.

³ Hahoi kalvan vah alouke mitnout hah bout ka hmu. Lû sari touh hoi ki hra touh kaawm niteh a lû daw k bawilukhung sari touh kâmuk e ka palingpak e khorui buet touh ka hmu.

⁴ A mai ni kalvan Âsi pung thum pung touh a sawn teh talai lah a tâkhawng. Hote khorui ni capa ka khe han coungkacoe kaawm e napui hmalah a kangdue teh, capa a khe toreï payawp hanelah a ring.

⁵ Hote napui ni miphun pueng sum sonron hoi ka uk hane ca tongpa hah a khe. Hote capa teh Cathut koehoi amae bawitungkhung koevah tawm lah ao.

⁶ Hote napui teh thingyei kahrawngum vah a yawng. Hote hmuen koe hnin 1260 touh khetyawt hanelah Cathut ni a rakueng pouh e hmuen ao.

⁷ Hathnukkhu kalvan vah tarankâtuknae ao. Maikel hoi ama e kalvantami ni khorui hah a tuk awh. Khorui ni amae hnukkâbangnaw hoi bout a tuk awh ei, tâ awh hoeh.

⁸ Kalvan haiyah ahnimouh o nahane hmuen awm hoeh toe. Het talai van pueng ka dum ni teh, kahraimathout tie Setan,

⁹ ayan e tahrûn karuem tie khorui teh talai vah tâkhawng lah ao toe. Ahni hoi ahnie a hnukkâbangnaw pueng hai tâkhawng lah ao.

¹⁰ Hathnukkhu kalvan vah kacaipounge lawk ni, maimae Cathut uknaeram hoi ahnie Khrih e bahu teh a kamnue toe. Bangkongtetpawiteh maimae hmaunawngghanaw hah Cathut hmalah karum khodai yon kapen e taran teh tâkhawng lah ao toe.

¹¹ Hmaunawngghanaw teh tuca e thi lahoi hai, amamouh ni lawkpanuesaknae a lawk lahoi hai a tâ awh teh, due ditouh amamae hringnae lungpataw awh hoeh.

¹² Hatdawkvah kalvannaw hoi kalvan kaawm e naw konawm awh haw. Talai hoi tui puinaw teh yawthoe lah ao awh. Bangkongtetpawiteh kahraimathout teh amae tueng younca doeh kaawm toe tie a panue dawkvah puenghoi a lungkhuek laihoi nangmouh koe a kum toe telah dei e hah ka thai.

Rektap e napui

¹³ Khorui ni talai van tâkhawng lah ka o toe tie a kâpanue dawkvah ca tongpa ka khe e napui hah a rektap.

¹⁴ Hatei hote napui ni kahrawng e thingyei yawn, amae a hmuen koe a kamlang thai nahanlah kalenpounge mataw rathei kahni touh poe lah ao. Hote napui teh tahrûn hmalah hoi a hlout teh hote hmuen koe kum thum touh hoi tangawn khetyawt e lah ao.

¹⁵ Tahrûn ni hote napui hah tui pâyo sak hanelah, hote napui hnuk lahoi tui hah palangpui patetlah a kâko hoi a khu teh a tâco sak.

¹⁶ Hatei talai ni amae a kâko a ang teh khorui kâko hoi patha lah kaawm e tui pui hah a padoun.

¹⁷ Hattoteh khorui ni hote napui koe puenghoi a lungkhuek teh Cathut e kâpoelawknaw ka tarawi e taminaw hoi Jisuh Khrih e lawkpanuesaknae lah kaawm e hote napui e catoun thung hoi kacawiraenaw hoi tarankâtuk hanelah a kamthaw teh,

¹⁸ tui pui teng thingyei dawk a kangdue.

13

Tupui thung hoi ka luen e sarang

¹ Hathnukkhu a ki hra touh hoi lû sari touh ka tawn e sarang buet touh teh tui pui dawk hoi a luen takhang e ka hmu. Hote kinaw dawkvah bawilukhung hra touh ao teh a lûnaw dawkvah Cathut dudamnae minnaw ao.

² Kai ni ka hmu e hote sarang teh kaisi hoi a kâvan. Ahnie a khok teh tavom khok patetlah ao teh a kâko teh sendek kâko patetlah ao. Khorui ni a mae bahu, amae bawitungkhung hoi amae kâtawnnae hah ahni koe a poe.

³ Hote sarang e lû buet touh teh kadout lah thei tangcoung e patetlah ao ei duekhai kawi e hmâ hah yout a kahma. Hat toteh, talaivan pueng ni a kângairu awh teh hote sarang hnuk a kâbang awh.

⁴ Hothloilah khorui ni sarang hah kâtawnnae a poe dawkvah ahnimouh ni khorui hah a bawk aw. Ahnimouh ni, apimouh sarang hoi ka kâvan vah, apinimaw sarang hah ka tuk thai han vai titeh sarang hai a bawk aw.

⁵ Hote sarang teh lawk dei thainae a tawn dawkvah Cathut dudamnae lawk dei thainae a tawn teh thapa yung 42 totouh kâtawnnae a hmu.

⁶ Hat toteh, Cathut dudamnae lawk a dei teh, Bawipa e min hai thoseh, Bawipa e lukkareim hai thoseh, kalvan kaawm e naw hai thoseh dudamnae lawk a dei.

⁷ Ahni ni tami kathoungnaw hah taran a tuk teh tânae a hmu dawkvah miphunnaw, lawk cawngca, kho tangkuem e taminaw lathueng kâtawnnae hai a hmu.

⁸ Thei lah kaawm e tuca e hringnae cauk dawk talaivan kamtawng hoi min thut lah kaawm hoeh e talai taminaw pueng ni hote sarang hah a bawk aw han.

⁹ Hnâ ka tawn e tami ni thai naseh.

¹⁰ Ayânaw kaman niteh ka hrawi e tami teh ama hai man vaiteh hrawi lah o han. Tahloi hoi tami ka thet e hai tahloi hoi thei lah ao han. Hi tueng vah tami kathoungnaw e yuemnae hoi Khangnae ao.

Talai thung hoi ka tâcawt e sarang

¹¹ Hathnukkhu talai thung hoi ka tâcawt e alouke sarang buet touh hah ka hmu. Ahni ni tuca e ki hoi kâvan e ki kahni touh a tawn teh khorui patetlah lawk a dei.

¹² Hote sarang ni hmaloe e sarang e kâtawnnae patetlah a hmalah a hno teh talai hoi talai van kho ka sak e pueng ni duekhai kawi hmâ daw k hoi kahawi e ahmaloe e sarang hah a bawk sak.

¹³ Hothloilah kalenpoung kângairu mitnoutnaw hah a sak teh taminaw e hmaitung vah kalvan hoi hmai patenghai talai van a bo sak aw.

¹⁴ Ahni ni ahmaloe e sarang hmalah sak thainae a tawn e mitnoutnaw lahoi talai van kho ka sak e tami pueng a dum teh tahloi hoi hmâ a ca ei, bout kahring e sarang e meikaphawk sak hanelah, talai van kho ka sak e taminaw hah a patoun.

¹⁵ Hahoi sarang meikaphawk teh lawk dei thai nahane hoi sarang meikaphawk ka baw k hoeh e tami pueng thei sak hanelah hote sarang e meikaphawk hah hring sak thainae kâ a tawn.

¹⁶ Hothloilah kalen nakunghai, kathoeng nakunghai, ka bawi nakunghai, kamathoe nakunghai, kahlout nakunghai, san nakunghai, tami pueng aranglae kut daw k hoehpawiteh tampa daw k mitnoutnae tacik a kin sak teh,

¹⁷ sarang e min na hoehpawiteh, hote min nambat ka tawn hoeh e tami pueng, apihai yawt thai hoeh, ran thai hoeh nahanlah a sak.

¹⁸ Hi tueng vah, lungang hanlah ao. A lungkaang e tami niteh sarang e nambat hah to naseh. Bangkongtetpawiteh, tami buet touh e nambat lah a o, 666 lahai ao.

14

Tuca hoi 144,000

¹ Hahoi ka khet navah, tuca teh Zion mon daw k a kangdue. Tuca e min hoi Cathut e min hah amamae tampa daw k thut e tami 144000 touh hai ahni hoi cungtalah ao aw.

² Hahoi kalenpounge tuicama lawk hoi, kacaipounge keitat lawk hoi, kâvan e kalvan hoi ka tho e lawk ka thai. Kai ni ka thai e a pawlawk teh ratoungkuengnaw ni amamae ratoung a kueng awh e lawk hoi hai a kâvan.

³ Ahnimouh teh lawkcengnae hmalah, moithang pali touh hoi kacuenaw hoi bawitungkhung hmalah hai thoseh la katha a sak awh. Talai van hoi ratang lah kaawm e 144,000 naw laipalah apinihai hote la teh kamtu thai awh hoeh.

⁴ Ahnimouh teh napui koe lah khin awh hoeh. Bangkongtetsawiteh ahnimouh teh thoundoun kacueme lah ao awh. Ahnimouh teh tuca a cei na tangkuem koe a kâbang awh. Cathut hoi tuca hanlah aluepaw, taminaw thung hoi ratang teh ran e lah ao awh.

⁵ Cathut e bawitungkhung hmalah, ahnimae pahni dawk hoi laithoe tâcawt hoeh. Ahnimouh teh yon kathoung lah ao awh.

Kalvantami kathum touh

⁶ Hahoi alouke kalvantami buet touh teh kalvan lungui a kamleng e hah ka hmu. Ahni teh talai van kaawm e tami miphun puenghoi khoram pueng hanelah pâpho hane a yungyoe e kamthang kahawi hah a sin.

⁷ Ahni teh lawk kacailahoi Cathut ni lawkcengnae tueng teh a pha toe telah a dei hnukkhu, Bawipa taket nateh a Bawilenna pholen leih kalvan, talai, tuipui sawkcanaw kasakkung Cathut teh bawk awh leih telah a hram.

⁸ Hahoi apâhni e kalvantami buet touh a tho teh mae kamsoumhoehe napui tongpa yonnae kecu dawk hoi ka tâcawt e lungkhueknae misurtui miphun pueng ka pânei e Babilon khopui a rawp toe, a rawp toe telah a hram.

⁹ Hahoi apâthum e kalvantami teh ahnimae hnuklah a kâbang teh sarang hoi sarang e meikaphawk ka bawk niteh, a tampa dawk, hoeh-pawiteh a kut dawk sarang e mitnout tacik ka kin e pueng teh,

¹⁰ Cathut lungkhueknae manang dawk e misur yamu ahruem a nei awh han. Ahni teh kathoung kalvantami hoi tuca e hmalah vah ganhmai thung puenghoi rektapnae a khang han.

¹¹ Ahnimouh ni a khang awh e rektapnae hmaikhu teh a yungyoe hoi yungyoe a luen. Sarang hoi sarang e meikaphawk ka bawk niteh sarang e mitnout tacik hoi kin e naw teh karum khodai hawinae hmawt awh mahoe telah kacaipounglah a hram.

¹² Hi tueng vah Cathut e kâpoelawknaw hai, Jisuh dawk yuemnae hai ka tarawi e tami kathoungnaw e panguepnae ao.

¹³ Hahoi kalvan hoi lawk ka tho e lawk ni, thun haw, atu hoi Bawipa dawk kadout e taminaw pueng teh a yawhawi awh ati e ka thai. Muitha nihai bokheiyah telah ati. Ahnimouh teh amamae thapathonae dawk hoi a kâhat awh han. Amamae thawtawk e hai amamouh hoi cungtalaha a kâbang telah a ti.

Talaivan canganae

¹⁴ Hahoi bout ka khet navah ka pangaw e tâmai ao teh hote tâmai van vah a lû dawk suilukhung ka kâmuk niteh a kut dawk kahran e tangkoun ka sin e tami Capa hoi ka kâvan e buet touh a tahung.

¹⁵ Hahoi alouke kalvantami buet touh teh bawkim thung hoi a tâco teh tâmai van ka tahung e hanlah, talai van canga hane a hmin toe, canga hanelah a tue a pha toung dawkvah nama e tangkoun hoi a lei khe telah kacaipounglah hram laihoi a dei.

¹⁶ Hatnavah tâmai van ka tahung e ni amae tangkoun teh talai van ayaha navah talai teh a lah ao toe.

Talaivan misur anae

¹⁷ Hahoi alouke kalvantami buet touh teh kalvan e bawkim thung hoi a tâco. Ahni nihai kahran e tangkoun a sin.

¹⁸ Hahoi hmai koe kâ ka tawn e alouke kalvantami buet touh, thuengnae khoungroe dawk hoi a tâco teh, kahran e tangkoun ka sin e kalvantami hanelah misurpaw a hmin toung dawkvah nange kahran e tangkoun hoi talai van e misurpaw abawmnaw hah a leih telah puenghoi hram laihoi a dei.

¹⁹ Hote kalvantami nihai amae tangkoun hah talai van ayaha teh talai van e misur pawnaw hah a a teh, Cathut lungkhueknae misur katinnae tangkom kalenpounge dawk a cui.

²⁰ Hotnaw hah kho alawilae misurpaw katinnae tangkom dawk a katin torei teh misur katinnae thung hoi thi a tâco. Hote thi kalawng e teh marang kam totouh hane a dung teh, meng 200 touh hane a saw.

15

Runae sari touh ka sin e kalvantami sari touh

¹ Hahoi, kalvan vah kângairu kawi, kalenpounge mitnout lah kaawm e a hnukteng e runae sari touh ka sin e kalvantami sari touh ka hmu. Hote runae lahoi Cathut e lungkhueknae teh a kuep han.

² Hahoi, hmai hoi kâkalawt niteh hlalang tali patetlah kaawm e hno hoi, sarang, sarang e meikaphawk hoi sarang e a nambat lathueng tânae kahmawtnaw ni Cathut e ratoungnaw a patuep awh teh hote hlalang tali van vah a kangdue awh e hai ka hmu.

³ Ahnimouh ni Cathut e a san Mosi e la hoi tuca e la a sak awh. Oe Bawipa Cathut, Athakasaipounge, na sak e hno kângai lah a ru. Tami pueng e siangpahrang, nange na lamthung teh a lan.

⁴ Oe, Cathut, apimaw nang taket laipalah, na min oup laipalah kaawm ngam han. Nang teh na thoung nange na sak e pueng teh a lan teh tami pueng ni a hmu dawkvah miphun pueng ni Bawipa, na hmalah tho avai teh na bawk a han telah la a sak awh.

⁵ Hahoi ka khet navah, kalvan vah lawkpanuesaknae lukkareiim onae bawkim a kamawng teh,

⁶ runae sari touh ka sin e kalvantami sari touh teh bawkim thung hoi a tâco awh. Ahnimouh ni kathoung poung niteh loukloukkaang e lukkarei a kâkhu teh a lungtabue dawk sui hah lakhang lah a kâyeng awh.

⁷ Hahoi moithang pali touh thung dawk e buet touh ni a yungyoe kahring e Cathut e lungkhueknae hoi ka kawi e suimanang sari touh e hah, hote kalvantami sari touh koe a poe.

⁸ Bawkim teh Cathut e a bawilenna hoi hnotithainae hmaikhu hoi akawi dawkvah, kalvantami sari touh e runae sari touh, a baw hoeh roukrak bawkim thung apihai kâen thai hoeh.

16

Apasuek e lungkhueknae manang

¹ Hahoi, bawkim thung hoi kacaipounge lawk ni, cet awh. Cathut e lungkhueknae manang sari touh hah, talai van rabawk awh tie lawk kalvantami sari touh koe a dei pouh e ka thai.

² Apasuek e kalvantami ni a cei teh, amae manang hah talai van a rabawk navah, sarang e mitnoutnae ka tawn e hoi sarang e meikaphawk kabawknaw koe ka mathout poung e âhlut patawnae ni a tho sin awh.

Apâhni e lungkhueknae manang

³ Apâhni e kalvantami ni amae manang hah talîpui dawk a rabawk toteh tui teh tami kadoutnaw e thi patetlah ao teh, talîpui dawk kaawm e moithang pueng teh a due awh.

Apâthum e lungkhueknae manang

⁴ Apâthum e kalvantami ni amae manang hah palang hoi sokcanaw dawk a rabawk toteh, tui teh thi lah a kangcoung.

⁵ Tui ka uk e kalvantami ni, atu hai kaawm niteh yampa hai kaawm e kathoung Bawipa, hete hnonaw na sak dawkvah nang teh na lan doeh.

⁶ Bangkongtetpawiteh, ahnimouh teh tami kathoungnaw hoi profetnaw e thi a rabawk awh toe. Bawipa nama nihai hote thinaw hah nei hanelah ahnimanaw na poe toe. Ahnimanaw nihai hettelah a khang awh hanelah a kamcu doeh tie lawk ka thai.

⁷ Hahoi thuengnae khoungroekoe hoi lawk buet touh ka thai e teh, bokheiyah, Oe Bawipa Cathut, Athakasaipoung, nama e lawkcengnae teh a thuem teh a lan doeh telah tie ka thai.

Apali e lungkhueknae manang

⁸ Apali e kalvantami ni amae manang hah kanî dawk a rabawk toteh, kanî teh taminaw hmaikak thainae kâ a tawn.

⁹ Ka bet poung e khumbei kecu dawk taminaw a kak awh. Hatdawkvah hete runae dawk kâ ka tawn e Cathut e min hah a dudam awh. Pankângainae hai tawn a hoeh. Cathut hai pholen awh hoeh.

Apanga e lungkhueknae manang

¹⁰ Apanga e kalvantami ni amae manang hah sarang e bawitungkhung dawk a rabawk navah sarang uknaeram dawk kho lah a hmo. Taminaw teh amanae patawnae kecu dawk a lainaw taptap a kei awh.

¹¹ Taminaw teh a khang awh e patawnae hoi âhlut kecu dawkvah, kalvan kho e Cathut dudamnae lawk a dei awh teh amamouh ni a sak e dawk pankângai hanelah ngai awh hoeh.

Ataruk e lungkhueknae manang

¹² Ataruk e kalvantami ni amae manang hah Euphrates palangpui dawk a rabawk toteh, tui rem a hak teh, kanîtholae siangpahrangnaw hane lamthung a kamawng pouh.

¹³ Hathnukkhu khorui e a kâko hoi, sarang e a kâko hoi, profetkaphawk e kâko hoi ekka hoi kâvan e kakhine muithanaw kathum touh a tâco e hah ka hmu.

¹⁴ Hote kahraitulinaw e muithanaw ni a sak awh e mitnoutnaw doeh. Hote muitha kathum touh e naw teh talaivan ram tangkuem e siangpahrangnaw ni Athakasaipoung, Cathut e hnin kalenpoung hnin tarankâtuknae koe a kamkhueng thai nahanelah hote ukkungnaw koe a kamthaw awh.

¹⁵ Thai haw, tamru patetlah ka tho han, taminaw hmalah tongtai lahoi kâhlai e lah na o hoeh nahan mae khohna ka khenyawn niteh kâhruetcueth laihoi ka ring e teh a yawkahawi e lah ao.

¹⁶ Hote muithanaw niteh siangpahrangnaw hah Hebru lawk lahoi Armageddon tie hmuen koe a kamkhueng sak awh.

Asari e lungkhueknae manang

¹⁷ Asari e kalvantami ni amae manang hah kalvan vah a rabawk toteh kalvan bawkim thung e bawitungkhung dawk hoi kacaipounge lawk ni hot hateh ka cum toe a ti.

¹⁸ Hatnavah sumpapalik, khoparit, keitat teh tâli puenghoi a no. Talai van tami sak pasuek hoi hot patetlah e athakaawme Tâli a no e awm boihoeh.

¹⁹ Khopui teh pung thum touh lah a kâkapek teh ram louk dawk e khopuinaw moi a rawk awh. Cathut ni a lungkhueknae misurtui a pânei hanelah Babilon khopui hah pahnim hoeh.

²⁰ Tuilum abuemlah a kahma teh monnaw hai hmawt hoeh toe.

²¹ Kalvan hoi pong 100 touh hlai ka ri e roun kalenpoungnaw hai taminaw e van a bo awh. Hete runae teh ekvoi a ru dawkvah, taminaw ni hote roun kecu dawk Cathut dudamnae lawk a dei awh.

17

Sarang paling kâcuie napui

¹ Hathnukku manang sari touh ka patuem e kalvantami sari touh thung dawk e buet touh ni a tho teh, kai hoi lawk kâpan roi teh, tho haw, tuipui van ka tahung e kalenpounge kâyawt e napui, ni lawkcengnae a khâng hane hah na patue han.

² Talai siangpahrangnaw teh hote napui hoi kamsoumhoeh napui tongpa yonnae a sak awh toe. Talai van kaawm e naw nihai hote napui e kamsoumhoeh napui tongpa yonnae misur hoi a parui awh toe telah a dei.

³ Kai hah muitha lahoi kahrawngum lah na ceikhai. Hatnavah, lû sari touh hoi ki hra touh ka tawn e Cathut dudamnae min hoi ka kawi e ka paling e sarang dawk ka tahung e napui buet touh ka hmu.

⁴ Hote napui teh hni paling hoi palinghup e a kâkhu teh, sui, talung aphu kaawm poung e hoi palenaw hoi a kamthoup teh a kut dawk panuetthopounge hoi kamsoumhoeh napui tongpa yonnae hoi ka kawi e suimanang a patuep.

⁵ Ahnie tampa dawk thut e ca teh, HROLAWK, BABILON KHOPUI, KÂYAWT E NAPUINAW HOI TALAI E PANUET KATHOUPONGE MANU telah a kâthut.

⁶ Hote napui teh tami kathounnaw e thi, Jisuh kampangkhai naw e thi hoi a parui e ka hmu. Ahni ka hmu nah ka kângai a ru.

Sarang hoi sarang van ka tahung e napui deingainae

⁷ Hatnavah kalvantami ni, Bangkong na kângai a ru. Hote napui hoi ahni ni a kâcuinae lû sari touh hoi ki hra touh ka tawn e sarang e hrolawk hah nang koe na dei pouh vai.

⁸ Na hmu e sarang teh yampa teh ao ei atuteh awm hoeh. Nâsittouh o hoehnahlan ka dungpoung e tangkom thung hoi luen vaiteh ronae koe a pha han. Talaivan kho ka sak e a taminaw thung dawkvah, talai pek a pâw hoi hringnae cauk dawk min thut hoeh e pueng ni yampa kaawm niteh atu kaawm hoeh e, nâsittouh o hoehnahlan kaawm hane sarang hah hmawt aw hoi vaiteh a kângai a ru aw hoi han.

⁹ Hitueng vah lungangnae hoi panuenae a ngai. Lû sari touh e teh hote napui ni a tahungnae mon sari touh e hah doeh.

¹⁰ Siangpahrang sari touh e lahai ao. Panga touh e te a bo toe. Buet touh teh ao rah. Buet touh e teh tâcawt hoeh rah. A tâco torei hai dongdeng ca doeh ao han.

¹¹ Yampa kaawm niteh, atu kaawm hoe e sarang te ataroe e siangpahrang doeh. Ahni teh sari touh thung dawk e buet touh lah ao teh rawknae koe ka phat hane doeh.

¹² Na hmu e ki hra touh e teh uknaeram kahmawt hoeh rae siangpahrang hra touh e doeh. Hatei ahnimouh teh sarang hoi cungtalah dongdeng ca, atueng buet touh dueng kê a tawn awh han.

¹³ Hote siangpahrangnaw teh a lungkânging awh vaiteh, amamae a lennae hoi kâtawwnae hah sarang koe a poe awh han.

¹⁴ Ahnimouh ni tuca hoi a kâtuk awh han. Hatei tuca ni ahnimouh teh a tâ han. Bangkongtetpawiteh, ama teh bawi pueng e Bawi, siangpahrang pueng e Siangpahrang lah ao. Ama hoi rei kaawm naw nihai kaw e lah kaawm e, rawi e lah kaawm e, hoi yuemkamcu e telah ati awh.

¹⁵ Hahoi kalvantami ni, na hmu e kâyawt e ni a tahungnae tuinaw teh khoramnaw, lawk cawngca ka pan e taminaw hah doeh.

¹⁶ Na hmu e ki hra touh e hoi sarangnaw ni hote kâyawt e napui hah a hmuhma vaiteh, a tawnta e naw he raphoe pouh awh vaiteh, caici lah pak a tha awh han. A moi hai cat awh vaiteh hmai a sawi awh han.

¹⁷ Bangkongtetpawiteh, Cathut ni amae a lawk a kuep totouh, ahnimouh ni lung a kânging awh vaiteh, amamae uknaeramnaw hah sarang koe a poe awh e lahoi Cathut pouknae patetlah a sak awh nahane hah ahnimae lungthin dawk a pakhum pouh toe.

¹⁸ Na hmu e napui teh talai siangpahrangnaw ka ukkung khopui doeh telah ati.

18

Babilon a rawknae

¹ Hathnukkuh, kalvantami buet touh, kâtawwnae kalenpoung ka tawn e kalvan hoi a tho e hah ka hmu. A raeng ni talai pueng pheng a tue.

² Athakaawmpoung lawk hoi a hram teh, Babilon khopui a rawp toe, a rawp toe. Kahraituulinaw ni onae, tava kathoutnaw onae kho, kakhin niteh panuetho e moithangnaw pueng ni kamtumnae kho lah ao toe.

³ Bangkongtetpawiteh miphun pueng ni ahnie kamsoumhoeh e napui tongpa yonnae ka sak e hoi kâkuen e lungkhueknae misur yamu teh a nei awh toe. Talai e siangpahrangnaw nihai ahni hoi kamsoumhoeh e napui tongpa yonnae a sak awh teh, talai hnopai kayawtnaw nihai ahnie kamsoumhoeh e napui tongpa yonnae dawk a phunepnae lahoi a tawnta awh a ti.

⁴ Hahoi, kalvan hoi lawk buet touh bout ka thai e teh, ka taminaw tâcawt awh haw! Ahnimouh thung hoi tâcawt awh. Ahnie kamsoumhoeh e napui tongpa yonnae dawk bawk awh hanh. Ahni ni a khang hane runae buet touh boehai na khang van hoeh nahanlah ahni koehoi tâcawt awh.

⁵ Bangkongtetpawiteh ahnie yonnae teh kalvan totouh a pha teh kahawihoehe a sak e naw hai Cathut ni pahnim pouh hoeh.

⁶ Ahnimouh ni na poe e patetlah ahni hai bout poe awh. A sak e hno dawk let hni touh hoi pathung awh. A poe e manang dawk hoi ama hanelah let hni touh poe awh.

⁷ Lentoenae hoi tawntanae patetlah amahoima a kâpoe e yit touh rektapnae hoi lungmathoenae khang sak awh. Bangkongtetpawiteh ahni ni kai teh siangpahrangnu doeh, lahmai nahoeh. Lungmathoenae hai

nâtuek hai ka khang boi mahoech telah amae lung thung vah ati dawc doeh.

⁸ Hatdawkvah a khang hane runae teh duenae, lungmathoenae, hoi takangnae teh hnin touh dawkvah, ahni van tâcawt vaiteh, ahni teh hmai hoi pou a kak han. Bangkongtetpawiteh ahni lawk ka ceng e Cathut teh thaonae hoi a kuep.

Babilon khopui a ro e dawc talai taminaw a khuika awh

⁹ Ahni hoi ka kamsoumhoeh napui tongpa yonnae ka sak awh e talai siangpahrangnaw ni vah, hmaikaknae hmaikhu a hmu awh toteh a lungtabue a ratup laihoi a khuika awh.

¹⁰ Ahni ni a khang e rektapnae hah a taki awh teh, ahlanae koe a kangdue awh teh, Babilon khopui kho kalenpounge hoi a tha kaawm poung e, lungmathoe hanelah, lungmathoe hanelah na o bo vaw, Bangkongtetpawiteh nange lawkcengnae teh dongdengca dawc a pha bo vaw a titeh a khuika awh.

¹¹ Talai e hno kayawtnaw hai amamae hnonaw hah ka ran hane ao hoech toung dawkvah lungmathoe laihoi a khuika awh han.

¹² Ahnimae hnopainaw teh, sui, ngun, talung phu kaawm, pale, paling, loukloukkaang, hnipaling, thing hmuitui, kasaino, thing apfu kaawm hoi sak e hnopai a buem lah, rahum, sum, talung pangaw hoi sak e hno aphunphun,

¹³ Nakzik, musala, hmuitui, murah hmuitui, frankinsen hmuitui, Yamu, satui, catun, cai, maito, pâna, tu, marang, rangleng, san hoi taminaw hah doeh.

¹⁴ Nang ni na nôe poung e a pawhiknaw hai a kahma toe. Na thâwnae hoi na meihawinae hnonaw hai a kahma toe. Hote hnonaw hah nâtuek hai bout hmawt mahoech toe.

¹⁵ Nang koehoi ka tawnta e hno kâyawt e naw ni a khang e rektapnae hah a taki awh teh, ahlanae koe kangdue laihoi a khuika awh teh,

¹⁶ La muen hni paling ka kho ka hnat niteh sui hoi talung apfu kaawm e pale hoi ouk ka kamthoup e khopui nang teh lungmathoe hanlah ao, lungmathoe hanlah ao.

¹⁷ Bangkongtetpawiteh dongdengca dawc hnopai abuemlah be a kahma tanggak toe ati awh han. Long ka ring e bawinaw, kahlong ka cet e naw, long dawc thaw katawknaw, tuipui dawc kaawm e naw pueng nihai ahlanae koe a kangdue awh teh,

¹⁸ Hmaikaknae hmaikhu a hmu awh navah a khuika awh teh, hete khopui patetlah bangpatetlah khopui maw kaawm ati awh.

¹⁹ A lû dawc vaiphu a kâphuen awh vaiteh, lungmathoe laihoi khuikap awh vaiteh, apfu kaawm poung e hnopainaw yo e lahoi tuipui dawc kaawm e longnaw ka tawn e naw pueng ka bawi tangreng sak e khopui, nang teh dongdengca dawc khoeroe raphoe lah na o toe. Lung mathoe hanlah ao lungmathoe hanlah ao telah hramki laihoi a dei awh.

²⁰ Kalvan hoi tamikathounnaw, Gunceinaw, profetnaw, hote khopui ka rawk e kecu dawc na konawm awh. Bangkongtetpawiteh, Cathut ni nangmouh na kampangkhai teh, hote khopui hah lawk a ceng toe tie ka thai.

Babilon khopui a poutnae

²¹ Hathnukkuh a thakaawmpounge kalvantami buet touh ni kalenpounge talungsum patetlah e talung buet touh a tawm teh tuipui thung a tâkhawng teh., het patetlah Babilon khopui hai tâkhawng vaiteh nâtuek hai bout hmawt mahoech toe.

²² A thung kaawm e ratoung ka kueng thai e naw hoi vovit ka ueng thainaw, mongka ka ueng thainaw ni meng a ueng e lawk hah nâtuék hai bout thai awh mahoe h toe. A thung vah thawtawkkung ao hoe h han toung dawkvah cakang kuen e pawlawk hah thai a mahoe h toe.

²³ A thung vah hmaiang awm mahoe h toe. Thoundoun tangla yu paluennae awm mahoe h toe. Talai e kaawm hnopai kayawtnaw a tha kaawm poung lah a la o teh miphun pueng sueânnae hoiyah a dumyen awh toe telah kalvantami ni a ti.

²⁴ Profetnaw, tami kathoungnaw hoi talai van a thei awh e tami pueng e thi hai hote khopui daw hmu e lah ao a ti.

19

Babilon khopui a rawk e daw k kalvannaw lunghawi awh

¹ Hathnukkhu kalvan kaawm e kalenpoung tami hu lawk patetlae lawk ka thai. Ahnimanaw ni, Hallelujah, rungngangnae hoi bawilennae, bahu teh Cathut e doeh.

² Bangkongtetpawiteh, Ama e lawkcengnae teh a lan, atueng. Kam-soumhoeh napui tongpa yonnae lahoi talaipui rawknae koe ka phat sak e, kâyawt e napui hah Bawipa ni lawkceng vaiteh, Ama e a taminaw a thei e daw k Ama ni moipathung toe ati.

³ Hahoi ahnimouh ni, Hallelujah, ahnie hmaikhu teh a yungyoe hoi a yungyoe a luen telah bout ati awh.

⁴ Kacuenaw 24 touh hoi moithang pali touh ni a tabo awh teh, bawitungkhung daw k ka tahung e Cathut hah a baw k awh teh, Amen! Hallelujah ati awh.

⁵ Hahoi bawitungkhung koehoi e lawk ni, Cathut e a sannaw hoi Cathut ka taket e tami kalen kahoeng pueng maimae Cathut teh pholen awh ati.

Tuca yu paluennae paw i

⁶ Hahoi tamihupui e lawk, moikapap e tuicama lawk, athakaawme khoparit lawk patet e lawk ni, Hallelujah. Maimae Bawipa Cathut, Athakasaipoung ni a uk toe.

⁷ Bangkongtetpawiteh, tuca yu paluennae atueng teh a pha toung dawkvah, a paluen hane tangla teh coungkacoe a kamthoup toe. Hatdawkvah, lunghawi awh sei, ahni teh konawmnae hoi bawilennae poe awh sei.

⁸ Hote tangla teh kathoungpoung lukkarei hoi kamthoungnae kâ a tawn. Hote lukkarei hateh tami kathoungnaw e lanna e doeh tie ka thai.

⁹ Hahoi kalvantami ni, tuca yu paluennae paw i tangmin bu vennae koe coun e taminaw teh a yawhawi awh telah thun haw. Hete lawknaw teh Cathut e lawk roeroe doeh bout ati.

¹⁰ Hatnavah hote kalvantami baw k hanlah a khoksampha koe ka tabo. Ahni ni hattelah sak hanh. Kai hai nang hoi Jisuh e lawkpanuesaknae nange hmaunawngnaw patetlah van doeh ka o. Cathut ma baw k. Bangkongtetpawiteh, sutdeilaw k muitha ni a deingainae lawk teh, Jisuh e lawkpanuesaknae lah ao telah kai koe a dei.

Marang pangaw ka kâcuie

¹¹ Hahoi ka khet boteh, kalvan a kamawng teh marang pangaw buet touh ka hmu. Marang van kâcuie teh Yuemkamcu hoi Katang, hahoi lanna e telah kaw e lah ao. Lanna lahoi lawk a ceng teh taran a tuk.

¹² A mit teh hmaipalai patetlah ao teh a lû daw k lukhungnaw a kâ muk. Avan vah a min buet touh a kâthut. Ama ni dueng doeh a panue, apinihai hote min panue k hoe h.

¹³ Thi dawk ranup e hni a kâkhu teh ahnie min teh Cathut e lawk telah kaw e lah ao.

¹⁴ Rasahu ni kathounge lukkarei a kâkhu awh teh marang pangaw a kâcui laihoi a hnuk e kâbang awh.

¹⁵ A kâko hoi miphun pueng runae poe thainae kahran poung e tahloi a tâco. Ahni ni miphun pueng hah sum sonron hoi a uk han. Ahni ni Athakasaipoung, Cathut e lungkhueknae misur katinnae thung a katin han.

¹⁶ Ama e hni hoi a phai dawkvah, SIANGPAHRANG PUENG E SIANG-PAHRANG, BAWI PUENG E BAWI telah a kâthut.

Sarang hoi a ransanaw sungnae

¹⁷ Hahoi, kanî dawk kangdout e kalvantami buet touh ka hmu. Kalvan e kamlang e tavanaw pueng hah, tho awh, Cathut e tangmin bu venna pawi kalenpoung koe tho nateh kamkhueng awh.

¹⁸ Siangpahrangnaw e moi, ransa bawinaw e moi, athakaawme taminaw e moi, marangnaw e moi, marangransanaw naw e moi, tami kahloutnaw e moi, sannaw hoi tami kalen kathoeng puengpa e moinaw hah tho nateh cat awh telah kâcipounglah a hramkikhai.

¹⁹ Hattoteh sarang hoi talai siangpahrangnaw teh amamae ransanaw ni marang daw kâcui hoi amae ransahu hah taran tuk hanelah a kamkhueng awh e hah ka hmu.

²⁰ Hatei sarang teh profetkaphawk hoi mek man lah ao. Hote profetkaphawk teh sarang hmalah mitnoutnaw a sak teh, hote mitnout e lahoi sarang e tacik ka kâkin e taminaw, amae meikaphawk ka bawk e naw hah ka dумыen e tami doeh. Ahnimouh roi teh ganhmaili daw k a hring o lahoi mek tâkhawng e lah ao.

²¹ Aloukenaw teh marang kâcui e kâko hoi ka tâcawt e tahloi hoi thei lah ao awh teh, tavanaw pueng ni ahnimae moi teh kaboumcalah a ca awh.

20

Setan kateknae

¹ Hathnukkhu kalvantami buet touh teh, poutnae kaawm hoeh e kadung poung e tangkom paawngnae cabi hoi kalenpoung sumbawtarui a kut daw k a patuep teh kalvan lahoi a kum e hah ka hmu.

² Ahni ni ayan e tahrûn karuem, Kahraimathout, Setan, khorui hah a man teh a kum 1,000 touh hanelah a pâkhi teh,

³ A kum 1,000 abaw hoehroukrak, taminaw bout a dумыen hoeh nahanlah, apoutnae kaawm hoeh e kadung poung e tangkom daw k a tâkhawng teh, a paung hnukkhu tacik hoi khak a kin. A kum 1000 abaw hoi dongdeng bout tha lah ao han.

Tami kathoungnaw Khrih hoi rei uknae

⁴ Hathnukkhu bawitungkhungnaw hoi hot daw k ka tahung e naw hah ka hmu. Ahnimouh teh lawkcengnae kâ a tawn aw h. Jisuh e lawkpanuesaknae hoi Cathut e lawk kecu daw k lahuen tâtueng lah kaawm e taminaw e muithanaw hoi, sarang hoi meikaphawk ka baw k hoeh e, sarang e tacik hai a tampa daw k hoehpawiteh a kut daw k ka kin hoeh e muithanaw hai ka hmu. Ahnimanaw teh bout a hring aw h teh a kum 1,000 touh thung Khrih hoi cungtalâh rei a uk aw h han.

⁵ Alouke kadout naw pueng teh a kum 1000 abaw hoehroukrak hring awh hoeh rah. Hete thawnae teh ahmaloe thawnae lah ao.

⁶ Ahmaloe thawnae daw k ka thaw e teh a yawkahawi e hoi kathounge tami lah ao. Apâhni duenae ni ahnimouh lathueng bang patet e kâ hai tawn hoeh. Ahnimanaw teh Cathut hoi Khrih e vaihma lah ao awh teh, Khrih hoi cungtalah kum 1,000 touh thung a uk awh han.

A hnuktengpoung kâtuknae

⁷ Hote kum 1000 abaw hnukkhu Setan teh thawng paungnae koehoi bout tha han.

⁸ Talai van a takin pali touh koe kaawm e gog hoi magog tie miphun pueng dum hane hoi tarankâtuk hane kamkhueng sak hanelah a kamthaw han. Ahnimouh teh tuipui teng e sadi yit touh a pha awh.

⁹ Ahnimouh teh talai hmuen kakaw poung koe a kamthaw awh teh tami kathoungnaw e rapan hoi a lungpataw e khopui hah a kalup awh. Hahoi, Kalvan hoi hmai a bo teh ahnimanaw koung a padoun.

¹⁰ Ahnimouh ka dum e kahraimathout haiyah sarang hoi profetkaphawk onae koe ganhmai talî daw k a tâkhawng teh, ahnimouh teh karum khodai hote hmuen daw k pout laipalah rektapnae a khang han.

A hnuktengpoung lawkcengnae hoi hringnae cauk

¹¹ Hathnukkhu kalenpoung bawitungkhung pangaw hoi hot daw k ka tahung e ka hmu. Kalvan hoi talai teh amae hmalah a kahma teh ao nahane hmuen awm hoeh toe.

¹² Kadout tangcoung e, kahoeng kalen pueng teh tungkhung hmalah a kangdue awh e hah ka hmu. Cauknaw a kadai teh hringnae cauk tie alouke cauk hai a kadai. Kadout tangcoungnaw teh cauknaw daw k a thut e patetlah amamae a tawksaknae daw k lawkcengnae a khang awh.

¹³ Talîpui ni ama koe kaawm e tami kadoutnaw a tâcokhai. Duenae hoi duenae kho nihai amamouh koe kaawm e tami kadoutnaw a tâcokhai. Hatnavah tami pueng teh amamae a tawksak e patetlah lawkcengnae lengkaleng a khang awh.

¹⁴ Hathnukkhu duenae hoi duenae kho hah hmaitalî daw k a tâkhawng. Hete hmaitalî teh apâhni duenae doeh.

¹⁵ Hringnae cauk daw k a min thut lah kaawm hoehnaw pueng teh hmaitalî daw k tâkhawng lah ao awh.

21

Kalvan katha hoi talai katha

¹ Hahoi kalvan katha hoi talai katha ka hmu. Bangtelah tetpawiteh apasueke kalvan hoi apasueke talai teh a kahma toe. Talîpui hai awm hoeh toe.

² Hahoi teh khopui kathoung Jerusalem katha teh Cathut koe, kalvan lahoi a kum e ka hmu. Vâ ka sak hane tangla ni a vâ nahane hoi kâhmo han nah a kamthoup e patetlah a kamthoup.

³ Hathnukkhu kalvan hoi ka tho e kacaipoung lawk ni, kenhaw! Cathut onae lukkareiim teh taminaw koe ao toe. Ama teh taminaw hoi reirei ao han. Ahnimanaw hai Ama e miphun lah ao awh vaiteh Cathut ma roeroe ahnimouh hoi rei o vaiteh ahnimae Cathut lah ao han.

⁴ Ama ni ahnimae mit daw k e mitphi pueng a hui pouh han. Duenae awm mahoeh toe. Lungmathoenae awm mahoeh toe. Khuikanae awm mahoeh toe. Patawnae awm mahoeh toe. Bangkongtetpawiteh ahmaloe e hno pueng teh a kahma toe tie lawk ka thai.

⁵ Bawitungkhung dawk ka tahung e ni, khenhaw! Kai ni hnocawngca pueng teh katha sak toe telah ati hnukkhu, thun haw! hete lawknaw teh yuemkamcu hoi katang e doeh telah a ti.

⁶ Ka cum toe. Kai teh Alpha hoi Omega lah ka o. Kamtawngnae hoi poutnae lah ka o. Tui kahrannaw pueng hringnae tuiphuek ayawmlah hoi ka poe han.

⁷ Katâ e tami teh hete râwnaw hah a coe han. Kai teh ahnie Cathut lah ka o han. Ahnimouh teh ka ca lah ao awh han.

⁸ Hatei, ka taket e, kayuem hoeh e, panuettho e, tami ka thet e, kamsoumhoeh napui tongpa yonnae ka sak e, taân ka sin e, meikaphawk ka bawk e, tami ka dумыen e pueng teh ganhmailali dawk amamouh hanelah a coe awh han. Het hateh apâhni duenae doeh toe a ti.

Jerusalem khopui katha

⁹ Hathnukku runae phun sari touh hoi ka kawi e manang sari touh ka patuem e kalvantami sari touh thung dawk e buet touh ni a tho teh, kai hah na pato. Tho haw tuca ni a paluen hane tangla na patue vai a ti.

¹⁰ Hote kalvantami ni mon kalen niteh ka rasang e dawkvah Muitha lahoi kai na hrawi teh Cathut lentoenae hoi ka kawi e Jerusalem kho kathoung kalvan lahoi a kum e hah na patue.

¹¹ Hote kho teh Cathut bawilenna hoi akawi teh khopui e angnae teh apu kaawm poung e talungnaw hoi a kâvan teh, jasper talungnaw patetlah a ang, hlang patetlah a cairoe.

¹² Hote khopui dawkarasang poung e rapan ao teh longkha hlaikahni touh ao. Longkhakoe kalvantami hlaikahni touh ao teh hote longkhanaw dawkvah Isarel mipun hlaikahni touh e min a thut pouh.

¹³ Imhmalah longkha kathum, Imhlei lah longkha kathum, Imtung lah longkha kathum, Imka lah longkha kathum touh ao.

¹⁴ Kho kalupnae adu hlaikahni touh ao teh, hotnaw e a van vah tuca e guncei hlaikahni touh e min thut lah ao.

¹⁵ Kai hoi lawk kapan e kalvantami koe hote khopui, kho longkha hoi a rapan bangnue nahanelah suicaku buet touh a sin.

¹⁶ Hote khopui teh a takin suekâvan teh, ayung hoi adangka suekâvan. Kalvantami ni suicaku hoi khopui hah a bangnue boteh meng 1500 touh a pha. Ayung hoi adangka hoi a rasang e sue touh a kâvan.

¹⁷ Rapan hai a bangnue awh teh kalvantami e bangnue hoi tami e bangnue lahai kaawm e dong 144 touh a pha.

¹⁸ Hote rapan teh Jasper talung hoi a sak teh khopui teh suituici hoi sak e lah ao teh, hlang patetlah a cai roe.

¹⁹ Kho tumdumnae rapan teh talung apu kaawm e aphunphun hoi a pathoup. Apasuek vah jasper talung, apâhni vah safaiar talung, apâthum e teh chalcedony talung, apali e teh emerald talung,

²⁰ apanga e teh Onits talung, ataruk e teh kamelian talung, asari e teh, khrisolaih talung, ataroo e teh beril talung, atako e teh topaz talung, a hra e teh khalsedon talung, a hlaibun e teh Jacinth talung hoi a hlaikahni e teh amethyst talungnaw doeh.

²¹ Kho longkha hlaikahni touh e teh, pale hlaikahni touh e lah ao. Longkha buet touh dawkvah pale buet touh hoi sak e lah ao. Khopui thung e lamthungpui hai suituici lah ao teh hlang patetlah ao.

²² Hote kho thungvah bawkim ka hmawt hoeh toe. Bangkongtetpawiteh, Bawipa Cathut Athakasaipoung hoi tuca teh hote khopui e bawkim lah ao.

²³ Cathut e bawilennae ni khopui hah phengkaang lah a tue teh tuca teh khopui e angnae lah ao dawkvah, kanî, thapa angnae hai panki hoeh toe.

²⁴ Miphun pueng ni khopui e angnae lahoi a ceio awh han. Talai siangpahrangnaw nihai amamae a bawinae hoi barinae teh hote khopui thung a sin awh han.

²⁵ Hote kho teh karum ao hoeh toung dawkvah khopui longkhanaw teh nâtuék hai khan mahoe h toe.

²⁶ Taminaw ni miphun pueng e bawilennae hoi barinae teh hote khopui thung a sin awh han.

²⁷ Kathounghoehe naw, panuet kathopoung niteh cawmpang kawilah kaawm hoeh e naw pueng teh khopui daw kâen mahoe h. Tuca e hringnae cauk daw k min kaawm naw dueng ni doeh kâen awh han.

22

Hringnae tuiphuek

¹ Hahoi kalvantami ni kristal patetlah ka cairoe e hringnae tuiphuek a lawngnae palang hah na patue. Hote palang teh Cathut hoi tuca bawitungkhung koehoi a phuek teh, khopui e lungui vah a lawng.

² Hote palang tengpam vah, hringnae thingkung ao. A paw teh phun hlaikahni touh lah ouk a paw. Thapa tangkuem a paw a paw teh, a hna hai miphun pueng damnae lah ao.

³ Thoebo e buet touh boehai awm mahoe h toe. Cathut hoi tuca e bawitungkhung teh, hote khopui thungvah ao teh amae a thaw katawknaw ni ama teh a baw k awh han.

⁴ Ahnimouh ni Bawipa e minhmai teh a hmu awh han. Bawipa e a min hai ahnimae tampa daw k a kâthut pouh han.

⁵ Karum awm mahoe h toe. A yungyoe ka hring Cathut ni ahnimouh koe ang toung vaiteh hmaim hoi kanî raeng panki mahoe h toe. Ahnimouh ni a yungyoe a uk a han toe.

Atueng a hnai toe

⁶ Hathnukkhu kalvantami ni yah, hete lawknaw teh yuemkamcu hoi katang e doeh. Profetnaw e muithanaw katawnkung, ka hring Cathut ni palang ka tho hane naw hah amae a sannaw koe patue hanelah a kalvantami hah a patoun toe telah a dei.

⁷ Khenhaw! Kai teh karanglah ka tho han. Hete cakalawng daw k e sutdeilawknaw ka tarawi e tami teh a yawhaw i telah a ti.

⁸ Kai Jawhan teh hete konglamnaw ka hmawt ka thai e lah ka o. Kai ni ka hmu ka thai navah kai na kahmawt sak e kalvantami baw k hanelah a khok rahim ka tabo navah,

⁹ ahni ni hottelah tet hanh. Kai teh nang hoi nange hmaunawnggha profetnaw hoi hete cakalawng daw k kaawm e lawknaw ka tarawi e san hui la doeh ka o. Cathut ma hah baw k leih na ti pouh.

¹⁰ Hahoi ahni ni bout a dei e teh hete cakalawng daw k e sutdeilaw k pâpho e naw hah kin hanh loe bangkongtetpawiteh atueng a hnai toe.

¹¹ Hnokathout ka sak e teh la sak ngoun seh, kamhnawng e hai la kamhnawng ngoun seh, kalan e tami hai la lan ngoun seh, kathoung e tami hai la thoung ngoun seh, telah a ti.

¹² Khenhaw! Kai teh karanglah ka tho han. A tawkpouh poe hane ka sin dawkvah tami pueng amamae hnosa k e patetlah ka patho han.

¹³ Kai teh Alpha hoi Omega lah ka o. Ahmaloe poung hoi a hnukteng poung e lah ka o. A kamtawngnae hoi a poutnae lah ka o.

¹⁴ Hringnae thingkung hoi kâkuen e kho longkha thung kâen hanelah, kâpoelawknaw ka tarawi e teh, a yawkahawi e tami lah ao awh.

¹⁵ Alawilah teh, uinaw, taânnaw, kamsoumhoehe napui tongpa yonnae ka sak e naw, tami kathetnaw, meikaphawk kabawknaw hoi laithoe lungpatawnaw pueng teh ao awh.

¹⁶ Kai Jisuh ni kawhmounnaw hanlah hete akongnaw nangmouh koe kampangkhai sak hanlah, kamae kalvantami hah ka patoun. Kai teh Devit e a khawngyang hoi a catoun lah ka o teh, ka ang e tempalo lah ka o.

¹⁷ Muitha hoi vâ ka sak hane tangla ni tho awh haw ati. Ka thai e nihai tho awh haw tet awh naseh. Tui kahran e teh tho naseh. Ka panki e niteh hringnae tui ayawmlah net naseh.

A lawk thap sin hanh, rayu hanh

¹⁸ Hete cauk dawk kaawm e sutdeilawknaw ka thai e tami pueng hanelah kai ni ka dei e teh, apinihai bout thap sin pawiteh Cathut ni a thut e hete cauk dawk e runae hah ahni koe a pha sak han.

¹⁹ Apihai hete cauk dawk e sutdeilawknaw takhoe boipawiteh, hete cauk dawk thut e hringnae thingkung koehoi nakunghai, kathounge khopui koehoi nakunghai a hmu hane ham hah Cathut ni a takhoe pouh han.

²⁰ Hete konglamnaw ka kampangkhai e ni, Bokheiyah, Kai teh karanglah ka tho han ati. Amen. Bawipa Jisuh tho leih.

²¹ Maimae Bawipa Jisuh Khrih e lungmanae teh tamikathoung pueng koe awm lawiseh. Amen.